


UNIVERSITY OF TORONTO
3 1761 01479744 3







CÆSARIS BARONII

ANNALES ECCLESIASTICI

TOMUS SEXTUS

Cet ouvrage, par les corrections et les additions considérables qui ont été opérées, est devenu la propriété de l'Editeur, qui se réserve tous ses droits. Toute contrefaçon ou imitation, quelle que soit la forme sous laquelle elle se présente, sera poursuivie rigoureusement, conformément aux lois.

Hoc in opere tam multa sunt aut correctæ aut additæ, ut id suum editor reddiderit et, quidquid sui juris sit, sibi vindicet. Itaque, si quis idem aut furto ediderit aut quoquo modo erit imitatus, in crimine erit et de injuria postulabitur.

1862
B.
CÆSARIS S. R. E. CARD. BARONII

OD. RAYNALDI ET JAC. LADERCHII

CONGREGATIONIS ORATORII PRESBYTERORUM

ANNALES

ECCLESIASTICI

DENUO EXCUSI ET AD NOSTRA USQUE TEMPORA PERDUCTI

AB AUGUSTINO THEINER

EJUSDEM CONGREGATIONIS PRESBYTERO, SANCTORUM TABULARIORUM
VATICANI PRÆFECTO, ETC., ETC.

TOMUS SEXTUS

388-411



99192
22/11/51

BARRI-DUCIS, LUDOVICUS GUERIN, EQUES ORDINIS S. SILVESTRI, & SOCII,
TYPOGRAPHI EDITORES.

M DCCC LXVI

BR
145
B37
1864
t.6

DILECTO FILIO

LUDOVICO GUERIN

ANNALIIUM ECCLESIASTICORUM CÆSARIS BARONII EDITORI

BARRUM-DUCUM.

PIUS PP. IX.

Dilecte Fili, salutem et Apostolicam Benedictionem.

Divinæ illius Providentiæ cura, quæ omnia disponit in mensura et numero et pondere, factum esse videtur, ut Annales a clarissimo ecclesiasticæ historiæ parente Baronio exarati dum effervescentes Lutheri et Calvinii hæreses a depravata historia mutuabantur subsidia, nunc rursus in lucem prodeant ad ævum usque nostrum perducti, cum eadem hæreses ad supremam advectæ foedissimamque *rationalismi* et *naturalismi* explicationem, soloque calumniarum centies explosarum apparatu circumfusæ, extremos jam edunt, pudoris omnis religionisque larva detracta, conatus. Nobilissimi quidem huius operis subsidio, licet ob raritatem exemplorum et immane pretium non obvio, usi constanter fuerant catholici ad refellenda hæreticorum commenta; nunc tamen difficultatibus istis e medio sublatis, per novam ac pleniorē, quam concinnas, editionem, expeditum propriorum armorum usum veritati factum esse lætari possumus. Quæ sane arma si furentes olim consertosque hæresum impetus refundere valuerunt; eas in præsentiarum senectute confectas et invicem dissociatas profligatura prorsus esse non immerito speramus. Præsertim vero cum passim videamus illos, qui aliter a nobis sentiunt, prisca sensim acerbitate deposita, multisque a se ablegatis, temporis beneficio, præjudicatis opinionibus, studiose confugere ad monumenta, germanamque factorum notitiam e puris fontibus haurire. Quamobrem cum utilissimum Ecclesiæ censeamus coeptum hoc Tuum; non sine peculiari voluptate et grati animi sensu excepinus priora eorundem Annalium volumina: et dum Tibi gratulamur, quod erecto animo tantum opus inieris, Te hortamur, ut impensiore semper alacritate ipsi instes, donec ad felicem perducatur exitum. Nos Deum Tibi illique propitium ominamur; et interim cælestis ejus auxilii auspicem, ac paternæ benevolentiae Nostræ pignus Apostolicam Tibi Benedictionem peramanter impertimus.

Datum Romæ apud S. Petrum die 8 Aprilis 1865; pontificatus nostri anno XIX^o.

PIUS PP. IX.

AD BARONII ANNALES EDENDOS,

ERE COLLATO NOMINA DEDERE.



Nomina subscriptorum.	Exemplaria Annalium quae emerunt.	Nomina subscriptorum.	Exemplaria Annalium quae emerunt.
NAPOLEO III , Francorum imperator. . .	1	LEVASSEUR , parochus in urbe vulgo dicta Tail- lefontaine (Aisne).	1
JALLOT , causidicus in urbe vulgo dicta Pouancé (Maine-et-Loire).	1	B..... , intermedius in Aquitania.	18
SATTLER , professor in seminario Strasburgi. .	1	G..... , — in agro Tolosano	34
MATTHEU , in praedicatorum ordine prior Di- vione.	1	G..... , — in Provincia	29
GUICHARD , parochus in urbe vulgo dicta Bouy- Luxembourg (Aube)	1	G..... , — in Pictaviensi provincia .	40
		SCH..... , — in Algeriana provincia . .	28
		M..... , — in Campania.	45

SUMMARIUM

TOMI VI.

CCCLXXXVIII. 1-23. Miserrimus Antiochiæ status iudicium subeuntis ob dejectas statuas Theodosii et Placillæ; ubi de Chrysostomi studio cives consolantis. 24-43. Flaviani episcopi legatio et oratio pro Antiochenis ad Theodosium, eis proinde veniam largientem. 44-50. Olympiadis viduæ nuptias renuentis genus et sanctitas. 51-55. Theodosius profecturus in Maximum sanctorum hominum opem efflagitat. 56-60. Theodosius in expeditione scribit contra hæreticos. 61-64. Theodosius mira felicitate Maximum bello superat, qui ad Aquileiam occiditur. 65, 66. Theodosius parcat victis, Valentiano regnum restituit. 67, 68. Aquileiæ et Mediolani data Theodosii rescripta. 69, 70. Arianis, qui Constantinopoli tumultus fecerant, parcat Theodosius. 71-79. Augustino baptismum Mediolani confert Ambrosius. 80, 81. Augustinus Romam rediens quæ ibi scripserit. 82-92. Ambrosius liberrime scriptas dat litteras Theodosio pro Christianis qui synagogam Judæorum iusta de causa incenderant. 93. Ambrosius resistit Gentilibus aram Victoriæ petentibus. 94-97. Inscius Theodosius pro schismaticis dat rescriptum. 98. Luciferianum schisma penitus deficit. 99, 100. Gregorii Bæticæ et aliorum Hispaniorum scripta. 101, 102. De Chromatii, Heliodori et Hieronymi epistolis commentitiis. 103-110. De Palladio Galata et Evagrio Pontico.

CCCLXXXIX. 1-6. S. Monicæ obitus. 7-10. S. Augustini in Africam reditus, et quæ Carthagine triennio egerit ac scripserit. 11-48. Gregorii Nazianzeni obitus, virtutes, effigies et testamentum. 49-63. Theodosius Romam venit, ab idolorum reliquiis obscenisque vitis expurgat, Symmachum aram Victoriæ restituere conantem damnat exilio, in Manichæos decernit. 64-74. Causa Flaviani episcopi Antiocheni subterfugientis, iudicium in Synodo Capuana, et Acta ejusdem Synodi. 75. Theodosii Mediolanum reversi rescripta. 76-82. Eversio templi Serapidis Alexandriæ. 83-102. De forma templi et signo Serapidis, ejusque impio et obsceno cultu. 103-113. Ecclesiæ erectæ super loca delubrorum; idololatriæ reliquiæ ubique pessumdatur.

CCXC. 1-33. Ob cladem Thessaloniciæ factam, insignis, Ambrosio objurgante, Theodosii pœnitentia et reconciliationis. 34. Persæ conveniunt S. Ambrosium. 35-47. Jovinianus turpissimus hæreticus a Siricio papa primum in Concilio, deinde Mediolani damnatur. 48, 49. Joviniani servile supplicium et exilium. 50-56. In Jovinianum acerrime scribit Hieronymus. 57-60. Hieronymus suos in Jovinianum libros male acceptos per Apologeticum defendit. 61, 62. Augustinus in eadem causa scribit. 63-65. Ex Joviniani hæresi orta flagitia, adversus quæ Theodosius fert legem. 66-71. Theodosius constitutionem a se latam ecclesiasticæ libertati contrariam per legem posteriorem revocat, suadente Ambrosio. 72-74. Constitutio de consobrinarum conjugio. 75. Obitus Galliæ Augustæ.

CCCXCI. 1. Symmachus reconciliatus Theodosio. 2-6. Theodosii sanctiones adversus idololatrias et apostatas. 7-14. De translatione capitis S. Joannis Baptistæ et de ejusdem inventione. 15, 16. Theodosii constitutio contra hæreticos. 17-21. Novatianorum inter se dissidentium conventus; idemque de Arianis. 22-25. Augustinus presbyter factus, monasticam vitam instituit. 26-33. Augustinus per supplicem libellum apud Valerium se excusat a prædicando ob imperitiam Evangelio. 34-36. In Africa presbyteri docere incipiunt publice Evangelium. 37-45. Augustinus in Manichæos insurgit, et de totius Africanæ Ecclesiæ correctione et præsertim de agapibus tollendis laborat.

- CCCXCII. 4-3. Senatorum gentiliū ab Valentinianum, tamen irrita, legatio, pro restituenda idololatria. 4-14. Valentiniani obitus, ejusque laudes ab Ambrosio recitatae. 15-18. Eugenius, arrepto imperio, gentibus aram Victoriæ et alia reddidit jura. 19-23. Ambrosii Epistola ad Eugenium. 24. Ambrosius Florentiæ. 25-27. Diversa studia Eugenii et Theodosii per leges agitantis gentiles et hæreticos. 28-30. Theodosii leges de monachis et de fugientibus ad ecclesiam debitoribus. 31-34. Fortunatus ab Augustino in disputando victus. 35. Augustinus scribit in Donatistas. 36-39. De universis usque ad hunc annum Hieronymi scriptis. 40-48. Cur et quid S. Epiphanius contra Joannem episcopum Hierosolymitanum scripserit. 49-60. Epiphanius Iconoclasticis favisse perperam asseritur.
- CCCXCIII. 1-23. Hieronymus Epiphanio suffragatus contra dictum Joannem scribit Origenistam. 24-29. Rufini, Melaniæ et Didymi lapsus in Origenis errores. 30. Adversarii S. Hieronymi. 31, 32. Theophili Alexandrii episcopi studia contra Origenistas. 33, 34. Concilium Hipponense. 35-43. Adversus Eugenium tyrannum bellicus Theodosii apparatus, ejusque clementia. 44-46. Peregrinatio Alypii Hierosolymam. 47, 48. Hieronymi lucubratio De vita clericorum.
- CCCXCIV. 1-21. In Eugenium tyrannum Theodosius pugnat, debellatumque occidit, hostibusque clementer parcat. 22, 23. Terræmotus immensi. 24. Hieronymus scribit ad Firmum. 25-31. Constantinopolitana Synodus in encaniis. 32-36. In Numidia Concilium Bagajense Donatarum, eorumque in Maximianistas et Primitianistas divisio et insaniam. 37-60. Alypio Tagastensi creato episcopo inter Augustinum et Hieronymum coeptæ dissensiones. 61-71. Acres binc inde Epistolæ et controversia, salvo tamen charitatis officio. 72-83. Paulini et Therasiæ conversio, eorumque inclytum genus. 86-95. Paulinus baptizatus et presbyter primum Mediolani et Romæ, deinde Nolæ, ubi Fudanam basilicam erigit, optimam vitam instituit. 96-99. Severi Sulpitii, Tetradii clarorumque Galliæ episcoporum facta memoratu digna.
- CCCXCV. 1-20. Anicii Probi et Olybrii consulum clarissimum genus, ubi de pluribus ejusdem familiæ sanctitate conspicuis. 21-27. Theodosius Ethnicos hortatus, multisque statutis Ecclesiæ proficiis, pie obit. 28-36. Theodosii laudes et calumniæ Zozimi in eumdem dilutæ. 37. Epilogus cum admonitione. — Auctoris peroratio. Appendix ; auctoris præfatio.
- CCCXCV. 1. Arcadius et Honorius imperant. 2-7. Rufini defectionis causæ et conatus contra Arcadium. 8-12. Arcadii leges contra hæreticos et gentiles. 13-15. Rufinus dolose Hunnos in Romanum imperium immittit, qui Syriam invadunt. 16-18. Zozimi patens et enorme mendacium de Græciæ invasione. 19-28. Stiliconis expeditio in Barbaros fraude Rufini frustratur, qui tandem dat pœnas capite cum suis. 29. Barbari insolescunt magis. 30. Honorius favet lege rebus ecclesiasticis. 31-33. S. Augustinus creatur Hipponensis episcopus. 36-41. Inter Augustinum et Paulinum opera Alypii consuetudo et mutuae literæ. 42, 43. Historici hujus temporis qui et quales. 44-49. Legatio Africanorum episcoporum ad Paulinum, ubi de Licentio Augustini discipulo. 50, 51. Monachismus in Africa propagatus.
- CCCXCVI. 1, 2. Ecclesiæ immunitatem violantes puniuntur, et servus Stiliconis ab Ambrosio liberatur. 3. Frigil regina Marcomannorum cum viro suo et populo se dant Romanis. 4-7. Terræmotus et incendium Constantinopoli. 8-10. Arcadius hæreticorum et apostatarum petulantiam retundit. 11-15. Hieronymus de obitu Nepotiani agit ad Heliodorum ; ubi de propagatione Ecclesiæ.
- CCCXCVII. 1-9. Rufinus et Melania Urbem redeunt Origenis errores propagaturi. 10-18. Melania apud Paulinum diversatur ; ubi de Vita S. Martini a Severo scripta. 19-26. Melania et Rufinus Romæ, qui ibi Origenis Periarcho malis artibus evulgat. 27-34. S. Marcella Origenistas detegit ac debellat, in quo excusatur Siricii papa. 35-45. S. Ambrosii obitus, et quæ illum præcesserint, quæque subsequenta fuerint. 46-50. De Paulino auctore Vitæ S. Ambrosii, et hujus quæ scripta perierint. 51. De S. Felice Bononiensi, et Gaudenzio Novariensi episcopis. 52, 53. Concilium Taurinense. 54-65. De Concilio Carthaginiensi tertio in basilica Restituta. 66. Honorius confirmat Ecclesiarum privilegia. 67-70. Arcadii rescripta in Apollinaristas, in ambientes magistratus et Judæos. 71-73. Mortuo Nectario, Joannes Chrysostomus eligitur episcopus Constantinopolitanus.
- CCCXCVIII. 1, 2. Siricii papæ obitus, decreta et scripta. 3, 4. Sub Anastasio successore status Romani ecclesiæ per Origenistas. 5-11. Ad Rufini dolum revincendum Hieronymus in latinum vertit Origenis Periarcho. 12, 13. Anastasii papæ officia erga sanctum Paulinum. 14-18. In Paulinæ obitu, de ejus laudibus scribit Hieronymus ad Pammachium, hujusque res gestæ. 19-21. Falso gentiliū oraculo terminus Christianæ religioni prescriptus. 22-27. De lege adversus inferentes injuriam in personas et loca sacra, quam Honorius edidit ob Donatistarum inhumanitates et scelera. 28, 29. Labores Augustini adversus Donatistas. 30-34. Quinta Synodus Carthaginensis. 35-44. Gildoni Romano imperio rebellantis genus et scelera, quæ fovet Optatus episcopus Donatista. 45-48. Expeditio paratur adversus Gildonem. 49-52. De monachis in insulis Capraria et Gorgonia vitam agentibus. 53-57. In Gildonem pugna et victoria. 58-61. De Salvine Gildonis filia et Nebriidi ejus viri virtutibus. 62. Mascezilis interitus ob violatam Ecclesiam. 63-66. Judicandi auctoritatem quam episcopis restituit Honorius exercet assidue Augustinus. 67-76. Concilium Carthaginense quartum et ejus decreta. 77-86. Ad Constantinopolitanam cathedram erectus Chrysostomus hæreticos

agitat, dissidentes episcopos conciliat, cleri mores corrigit, disciplinam collapsam restituit. 87-90. Lege Arcadii unitas Ecclesiae violata, suadente Eutropio, qui proinde dat poenas. 91-94. Ne damnati ad supplicium eriperentur, pietatis intuitu, consulit Arcadius. 95. Gainæ cum Tribigildo duce tyrannis. 96-110. Gazenses Christiani acriter ab Ethnicis vexati legationem ad Arcadium mittunt, qua fungitur Marcus diaconus, auctore sancto Porphyrio episcopo.

CCCXCIX.

1-4. De Manlio Theodoro consule, ejusque doctrina. 5-19. Eutropius ex imo ad summum evectus, potentia abusus in odium incidit; confugientem ad Ecclesiam Chrysostomus a furore populi liberat, et de eo orationem habet. 20-25. Eutropii damnatio et alia ejusdem facta. 26. Gainæ recrudescit sævitia. 27-30. Adversus spectacula Chrysostomus declamat. 31-35. Periarchon Origenis a Hieronymo translatus, unde cum Ruffino dissidia. 36-38. Synodus Alexandrina de erroribus Origenis, et Theophili episcopi Alexandrini contra eosdem studium. 39-42. Postlumiiani circa Origenistas sententia. 43-53. In causa Origenistarum res gestæ a Theophilo et scriptæ Epistolæ, eorumque damnatio. 54-70. Idola et idolorum templa subversa ex imperatorum decretis, ubi maxime de idolo Carthaginiensi cui nomen *Cæleste*. 71-76. Christianorum moderatio erga Ethnicos horumque contra sævitiam et furores in Christianos. 77, 78. Romæ reliquæ idololatriæ sublata; Carmina Sibyllina combusta. 79-82. Honorius edicto Judæos comprimit, deinde Manichæos.

CD.

1. Consulatus Stiliconis. 2-13. Anaunenses martyres passi, deque eorum martyrio Vigilii Epistola ad Simplicianum. 14-18. Qui fuerit Vigilii episcopus et martyr. 19. Quid Vincentius cum S. Martino. 20-22. Rescripta Honorii imperatoris tum pro iudiciis episcoporum, tum contra Donatistas. 23-32. Origenistæ dolose per tres libros a Ruffino defensi impugnantur acerrime a Hieronymo in scriptis. 33-35. Anastasius papa damnat Origenis errores, qui proinde ubique damnatur. 36, 37. Fabiolæ funus et laudes. 38-40. Gainas tyrannus rursum conspirat in imperatorem, et cum eodem congreditur. 41-43. Quid Chrysostomus egerit cum Gaina petente Ecclesiam pro Arianis. 44-48. Gainas furit in aula et Urbem, Chrysostomum legatum recipit, in bello superatur et occiditur. 49. Gentiles plures ad fidem conversi. 50-71. Monachi Origenistæ Theophilo infensi, Alexandria pergunt Constantinopolim; cum Joanne Chrysostomo agunt. 72-83. In Synodo Constantinopolitana, præside Chrysostomo, causa Asianorum episcoporum agi cœpta, qui deinde ob simoniam deponuntur, re explorata et cognita. 84-92. Chrysostomus Constantinopolim ab Asia reversus in Arianos turbas excitantes strenue laborat, quorum plerique, ope Arcadii ab urbe pelluntur, plerique conversi.

CDI.

1-4. Ruffinus ab Anastasio Romanus vocatus, venire renuit, ac eodem damnatur. 5-8. Concilium Carthaginense Provinciale pro restituenda Ecclesiae Africana legatos mittit ad Anastasium. 9-14. Concilium generale Carthaginense de revocandis Donatistis ad Ecclesiae unitatem. 15. Honorius immunitatem concedit Catholicis clericis et monachis. 16-32. Narratio Marci Gazensis de legatione quam Porphyrius episcopus suscepit Constantinopolim ad Eudoxiam de eruduenda idololatria, et Christianis tutandis, ædificandaque Gazæ Ecclesia; quæ omnia feliciter eveniunt. 33-35. Templum Idolorum in Phœnicia diruta. 56-61. Eudoxia ob vinæ alienæ usurpationem et alia avaritiæ facinora, Chrysostomo infensa, ab Ecclesiae ingressu prohibetur. 62-66. Dissidia inter Severianum Gabalensem in Syria episcopum et Joannem, quomodo orta et sublata.

CDII.

1-3. Conflictus Origenistarum Constantinopoli. 4-18. Inter Chrysostomum et Epiphanium, qui Constantinopolim pergit, orta dissidia circa hæreses Origenis, de cuius librorum lectione opiniones afferuntur. 19-25. Quid inter Eudoxiam et Epiphanium intercesserit; bujusque acta reliqua Constantinopoli; tum de tempore ejus mortis et laudibus. 26-30. Epistola Anastasii papæ ad Joannem Hierosolymitanum episcopum contra Ruffinum. 31-33. Tribus Ruffini Invektivarum libris per duas Apologias respondet Hieronymus. 36-40. Ruffini minæ nihil terrent Hieronymum qui hæreticis forti simul et demisso animo obsistit. 41. Ruffinus in deteriora lapsus ubique damnatur. 42-48. Anastasii papæ obitus et res gestæ, ubi de dissidiis inter diaconos et presbyteros, eique succedit Innocentius. 49-53. S. Martini episcopi Thronensis interitus, et qui de eo scripserint. 54-67. Concilium Milevitanum in quo agitur de variis causis episcoporum, aliorumque, et de prima sede Numidiæ.

CDIII.

1-7. Theophili Alexandrini Constantinopolim advenientis studia in Joannem Chrysostomum, quæ augeat Eudoxia cum cæteris fautoribus episcopis. 8-16. Quid Chrysostomus quadraginta stipatus episcopis, ad Synodum iudicii subeundi causa vocatus a Theophilo, egerit et dixerit. 17-22. Capita accusationum adversus Chrysostomum prolata in Synodo ad *Quercum*. 23-29. Lata sententia, in exilium Chrysostomus pellitur, ac deinde ob publicas calamitates restituitur, plaudente populo. 30-32. Theophilus, cuius laude digna referuntur, Alexandriam revertitur. 33, 34. Julia Manichæa cum S. Porphyrio episcopo Gazensi de fide disputat. 35-49. Concilium generale Carthaginense, in quo episcopi ad unitatem Catholicam revocare conantur Donatistas, quorum præcipui Crispinus et Proculianus conveniuntur a Possidio et Augustino. 50-54. Bellum adversus Alaricum, Gothorum regem, Urbi inhiantem, qui a Stilicone vincitur.

CDIV.

1, 2. Ludi sæculares per summum dedecus restituti. 3-6. In dedicatione statuæ Eudoxiæ, cur Joannes in eam offenderit, et quid concionatus. 7-19. In Joannem collectio Concilio, summa in

eum et cum eo communicantes scelera perpetrantur. 20-22. Tum Joannis, tum Theophili ad papam Innocentium legatio. 23-35. Joannis Epistola ad Innocentium. 36, 37. Innocentii in causa Joannis iudicium et Epistola ad Theophilum. 38-42. Joannes ad necem quæsitus tandem intrepido animo recedit Constantinopoli. 43, 44. Conflagratio Ecclesiæ, ejusque causæ. 45, 46. Quando deportatus fuerit Joannes Chrysostomus. 47-53. Ex electione Arsacii luctus honorum, et in eisdem Joannis studiosos quæstiones et martyria. 54-56. Arcadii rescripta ad compescendas quæstiones, et contra communicantes Chrysostomo. 57-62. Porphyrii episcopi Antiocheni probrosa vita. 63-71. Inter eos qui passi sunt renuentes communicare Arsacio excellunt Nicerate, virgo sanctissima, Olympias et Pentadia diaconissæ, ad quas Joannis Epistolæ. 72-75. Secunda legatio ad Innocentium, tum a faventibus Joanni, tum ab ejus adversariis. 76, 77. Tertia legatio a parte Joannis. 78, 79. Quarta legatio pro Joanne, et qui fuerit Cassianus legatus. 80-85. Honorii ad Arcadium Epistola factum exprobrantis. 86-89. Innocentii papæ Epistola ad clerum Constantinopolitanum. 90-92. Innocentius ad Joannem scribit, agique cum Honorio de cogenda œcumenica Synodo. 93-103. Joannis in exilium abeuntis labores, et quæ bonorum acceperit obsequia, quæ ab adversariis pertulerit incommoda. 104-108. Cucusi, loco exilii, Joannis mora, et quæ ibi ei exhibita officia. 109-111. De Isaurorum incursionibus. 112-117. Inter plures a Joanne in exilio conscriptas, Epistola adestur illa ad episcopos detentos in carcere. 118-122. Persecutores Joannis Chrysostomi, inter quos Eudoxia, miserrime pereunt. 123-127. Ex Concilio Carthaginensi legatio ad Honorium imperatorem. 128, 129. Felix Manichæus ab Augustino conversus, inde hæresis ipsa debilitata. 130, 131. Innocentii papæ Epistola decretalis ad Victorium Rotomagensis episcopum circa Ecclesiasticam disciplinam. 132-135. Paulæ obitum narrat Hieronymus qui hoc anno varia elucubrat.

CDV.

1-3. Anthemii consulis pietas egregia et fidelitas. 4-12. Epistolæ a Joanne in exilio conscriptæ, ubi de ejus laboribus in peregrinando; de Pelagio hæretico, de Ecclesia Gothorum ab eo administrata, de ejus lucubrationibus ac pietatis operibus. 13-16. Romanum Concilium, ex quo legatio in Orientem, cum Epistolis Honorii et episcoporum. 17, 18. Joannis Epistolæ ad episcopos Occidentales, præsertim ad Venerium Mediolanensem et Aurelium Carthaginensem. 19. Imminens periculum universalis schismatis. 20. Arsacii obitus. 21-24. Querelæ ad imperatorem delatæ de Donatistarum violentiis in Catholicos. 25-33. Diversæ Honorii leges contra Donatistas, ex quibus maxima facta accessio ad Catholicam unitatem. 34-37. Ex Concilio Carthaginensi decreta legatio ad Honorium pro gratiarum actione. 38. Pamphilii studium pro conversione Donatistarum. 39-42. Vincentio et Cresconio Donatistis eum provocantibus respondet Augustinus. 43-61. Acta Concilii primi Toletani. 62, 63. De Epistola Innocentii ad Exuperium episcopum Tolosanum.

CDVI.

1-9. In Rhadagaisum regem Gothorum Romæ imminens copias parat Honorius, eumque divinitus vincit. 10. Atticus episcopus Constantinopolitanus creatur. 11. Epistola S. Joannis Chrysostomi ad legatos Roma in Orientem missos. 12-23. Quot quantaque pertulerint ab adversariis legati. 24-30. Chrysostomus Arabissi agens ultimam scribit Epistolam ad Innocentium, tum ad Julianam et Probam, ærumnisque pene conficitur. 31-34. Atticus persequitur Joannis participes, et quid propterea Innocentius papa et Honorius decreverint. 35-39. Commentarios scribit Hieronymus in Prophetas quorum alterum dicat Exuperio, itemque Epistolam contra Vigilantium. 40-51. Vigilantii primordia et singule ejus hæreses. 52-54. Barbari invadunt Gallias. 55, 56. Translatio Samuelis Prophete.

CDVII.

1-3. Honorii decretum contra Donatistas. 4-6. Concilium Carthaginense, et legatio inde Romam missa. 7-9. Chrysostomus transfertur Pityntem, unde novi labores et obitus. 10-19. Chrysostomi scripta, devotio erga Paulum Apostolum, doctrina, sanctitas. 20-27. Innocentii anathematizantis Arcadium, et hujus se excusantis ultro citroque datæ Epistolæ. 28, 29. Honorius scribit Arcadio in quem et bellum parat. 30, 31. Constantinus tyrannus in imperium insurgit. 32, 33. Arcadius studet expiare delictum. 34, 35. De Adelphii visione narratio et confutatio. 36-40. Theophilus exules ob initam cum Joanne communionem restituendos curat. 41. Leges Honorii contra hæreticos. 42-46. Irruptio Barbarorum in Gallias, Stilicone adjuvante.

CDVIII.

1-3. Arcadius moritur, cum regi Persarum filium commendasset. 4-6. Fœdus centum annorum ictum cum Persis; unde fides Catholica inter ipsos aucta. 7-12. Stiliconis proditio Alaricum fovens, et interitus. 13-16. Sanctiones Honorii in causa Stiliconis. 17-18. Concilium Carthaginense ad reprimendos tumultuantes hæreticos. 19-23. Augustini Epistola ad Olympium. 24-28. Honorii rescripta et edicta adversus hæreticos. 29, 30. In Judæos decernit Theodosius. 31, 32. Porphyrio in sede Antiochena succedit Alexander vir sanctissimus. 33-39. De pace Ecclesiæ: Antiochenæ Epistolæ Innocentii ad Alexandrum, Bonifacium et Acacium. 40-42. In Attici causa Innocentii Epistola ad Maximianum episcopum. 43, 44. Melania recedit ab Urbe.

CDIX.

1. Eucherius et Serena occiduntur. 2-7. Urbis obsidionem auro solvunt Romani. 8. Honorius exagitat Mathematicos. 9-13. De pace agitur inter Alaricum et Honorium, qui licet in nonnullis improbandus, optimas tamen dat leges. 14, 15. Hieronymus Isaiam interpretatur. 16-26. Pinianus Romanus cum suis in Africam veniens quid Hippone passus fuerit a populo cupiente ut presbyter ordinaretur. 27-29. Melaniæ senioris filii obitus in Africa, et cæterorum ejusdem familiæ

laudes. 30. Romani fideles excidium urbis antevertunt. 31-36. Augustini de contemptu pecuniae et profusa liberalitate plura exempla. 37-39. Hispaniae a Vandalis devastatae.

CDX.

1. Consules anni hujus aboliti. 2-6. Attalus ab Alarico creatus imperator, unde multa Romanis adversa. 7, 8. Letae egregia facta in famis tempore. 9, 10. Attalus privatur imperio, et illius finis. 11, 12. Honorium de perduellibus statuit, retaxat Africanis tributa. 13. Theodosius Orientis oras observari jubet. 14-22. Quando et quomodo Urbs capta fuit ab Alarico, et quid de Honorio sentiendum. 23-28. In direptione urbis Christiana religio triumphat. 29. De capta Urbe Hieronymus. 30-34. Marcellae et Principiae aliarumque feminarum laudes. 35-42. Capta Urbe, plurimi petunt Hierosolimam, ubi de Proba cum suis fugiente in Africam, et de Demetriade capta a Gothis. 43. Augustinus cur de Civitate Dei libros scripsit. 44. Triduum Urbis cladis. 45, 46. Alaricus recedit ab Urbe. 47, 48. Concilium Carthaginense, unde legatio ad imperatorem. 49-52. Honorius contra Donatistas dat legem; pro eorum Collatione cum Catholicis laborat. 53, 54. Donatarum saevitia in Catholicos et scelera. 55-59. In Barbarorum ubique incursione mira christianarum virtutum specimina. 60-66. Ruffinus moritur in Sicilia, ex quo orta haeresis Pelagiana. 67, 68. Theodosius episcopus quid in Macedonianos. 69-86. Synesius ex philosopho creatus episcopus Ptolemaidis, quomodo in episcopatu se gesserit.

CDXI.

1, 2. Alarico mortuo succedit Athaulphus rex Gothorum; ejusque consilium de restituendo imperio. 3-35. Solemnnes Carthagine Collationes Donatarum cum Catholicis, cognitore Marcellino, et singula earumdem acta. 36-42. Honorius defensor Catholicae fidei prosperatur in perduellium et tyrannorum insurgentium interecione. 43-47. Hieronymus ad Ctesiphontem scribit, detegitque latentem Pelagianam haeresim. 48. Millenarii plures hoc tempore. 49-52. Ab Hilario excitatus Augustinus scribere instituit contra Pelagium, qui, cur antea Augustino carus fuerit. 53-62. Synodus Ptolomensis in Lybia adversus Andronicum Provinciae praefectum, qui damnatus resipiscit, et ab officio deponitur. 63-70. De philosophis Christianam religionem amplexis, Evagrio, Gennadio, et Synesio, deque philosophiae utilitate ad religionem. 71. Theodotus episcopus Antiochenus.

ANNALES ECCLESIASTICI.

SIRICII ANNUS 4. — CHRISTI 388.

1. *Miserrimus Antiochiæ status iudicium sub-*
mittis ob dejectas statuas Theodosii et Placillæ;
ubi de Chrysostomi studio cives consolantis. —
Trecentesimo octogesimo octavo Christi anno Theo-
dosius imperator secundum adiit consulatum, ha-
buitque collegam Cynegium; ejus exordio idem
imperator adversus Maximum expeditionem paravit,
atque ejus causa tributum novum indixit: quod
cum inter alios permoleste ferrent cives Antiocheni,
quadam animi perturbatione agitati prosilientes in
forum, vesano impetu irruentes in statnam Placillæ
Augustæ jam biennio ante vita functe, loco emotam
cum ignominia protraxerunt. In quos Theodosius
vehementer commotus, perditurus prope erat civi-
tatem cum civibus, nisi opera monachorum et le-
gatione Flaviani ejus civitatis episcopi vix tandem
placatus esset: hæc quidem summam complexa,
fusio rem rei gestæ tractationem continent: quam
oratione prosecuturi, primum de tempore quo hæc
acciderunt, disserendum est.

2. Scimus Theodoretum¹ atque Sozomenum²
hæc referre ad tempus posterioris adventus Theo-
dosii in Italiam adversus Eugenium tyrannum:
quibus adversatur in primis Zozimus, qui hoc tem-
pore expeditionis in Maximum ea omnia contigisse
refert. Sed et sanctus Ambrosius absque³ aliqua du-
bitatione eadem satis probata reliquit, dum ad
Theodosium scribens epistolam eo tempore, quo
idem Theodosius Maximum in Italia expugnavit, de
indulgentia Antiochenis concessa meminit. At rem
gestam per singula ordine prosequamur.

Quid autem ejusmodi seditionem præcesserit,
Sozomenus sic narrat⁴: « Aiunt præcedente nocte,
postquam succedente die seditio mota fuit, spe-

clum mulieris visum esse, magnitudine inusitatum
et aspectu horrendum: quod quidem in sublime
per civitatis plateas discurrrens, aerem diverberaret
flagello horrissono; ut quemadmodum ad iram
bestias incitant ii, qui ad hujusmodi spectaculum
operam suam navant, ita hanc seditionem dæmonum
insidiis genius aliquis malus commoverit. Ac fuisset
sane credes ingens secuta, nisi iram suam imperator
sacræ supplicationis reverentia motus remisisset ».
Hæc Sozomenus.

3. Quod vero pertinet ad subsecutum civium
piaculum, quod occasione novi impositi tributi ob
bellum hoc anno gerendum adversus Maximum,
Theodoretus¹ admissum affirmat; deturbationem
cenæ Placillæ Augustæ defunctæ statuae, ejusdem-
que per urbem cum ludibrio protractionem fuisse,
idem tradit: licet Sozomenus² et Zozimus³ non
Placillæ tantum simulacrum, sed et Theodosii sta-
tuas ea contumelia affectas narrent; quod et ex ora-
tione Flaviani coram Theodosio habita verius de-
monstratur. Missos autem ab imperatore ad ultionem
Elebechum quemdam ducem exercitus, necnon Cæ-
sarium præfectum palatii, Theodoretus testatur.
Quod vero ad Cæsarium spectat, procul a veritate
recedit Nicephorus⁴, dum hunc illum putavit esse
Cæsarium fratrem Gregorii Nazianzeni, quem longe
ante hæc tempora, nempe sub Valente, extremum
diem clausisse diximus: erroreque lapsus est hic
Theodoretus et alii, qui dixerunt a Theodosio dila-
tam esse vindictam, ex eo quod lege a se lata, ju-
bente S. Ambrosio, prohiberetur statim gladio in
eos agi. Nam nondum Theodosius in Italiam vene-
rat, neque cum Ambrosio quicquam antehac negotii
habuit.

¹ Theod. l. v. c. 40. — ² Sozom. l. vii. c. 25. — ³ Ambr. epist. xxviii. — ⁴ Sozom. l. vii. c. 23.

¹ Theod. l. v. c. 49. — ² Sozom. l. vii. c. 23. — ³ Zozim. l. iv. — ⁴ Niceph. l. xii. c. 44.

4. Quid vero singulis ferme diebus fieri contigerit, ex S. Joanne Chrysostomo hic reddemus ex orationibus, quas graece (ut testatur Snidas ¹) adrianas nominant, nempe de statutis: quarum prima illa censenda est, quam post septem dies a facinore perpetrato in Ecclesia habuit adventum ejus percellere in forum iudicium; est ejus exordium ²: « Quid dicam? aut quid loquar? lacrymarum praesens tempus, non verborum; luctuum, non sermonum; deprecationis, non concionis. Tanta patralorum magnitudo, tam immedicabile vulnus, tam vasta plaga et omni medicamine major, et superni indigens auxilii ». Et paulo post: « Tacuimus diebus septem, sicut et amici Joh. Date mihi hodie os aperire, et hanc communem lugere calamitatem, etc. » prosequitur pluribus novitatem atque immanitatem delicti; novitatem, inquam, quod, ut ait, civitas illa pacifica ac quieta, minime autem factiosa et insolens esse solet: « Quis nobis, inquit, invidit, carissimi? quis nobis zelatus est? unde tanta facta est mutatio? Nihil fuerat nostra civitate venerabilius, nihil factum est miserabilius: populus tam compositus et mansuetus, veluti equus manibus asuefactus, et domesticis semper accersentium manibus adveniens, repente tantum nunc nobis resiliit, ut tot mala gesserit, quae neque dicere fas. Lamentor et lugeo nunc, non propter expectate comminationis magnitudinem, sed propter nimiam patralorum insaniam. Licet enim non irritaretur imperator, neque puniret et castigaret: quomodo, dic mihi, commissorum ignominiam ferremus? Luctu interdicitur mihi doctrina sermo, etc. » Lugel, et ad luctum excitat populum audientem. Addit post multa, talia Deum fieri permisisse, quod eadem civitas blasphemantes Deum minime cohibuerit. Pluribus demum eos hortatus est ad penitentiam peragendam.

5. Advenerat Quadragesimae tempus, quo cum frequens esset ad Ecclesiam Antiochenorum concursus, cum nullam aliam consolationem haberent, quam ad Ecclesiam conveniendi, omni spe destituti, praeter illam quam collocarant in Deum; ipse Chrysostomus verbum Dei eisdem afflatim propinabat: incendebatur enim vehementer eorum commiseratione, quos ad penitentiam hortabatur. Extant ipsae homiliae, in quibus quantum valeat eloquentia necessitali conjuncta, monstratur. Cum vero iudices vindices sceleris Antiochiam pervenissent; iidem primum sane omnium civitatem illam nobilissimam metropolis totius Syriae dignitate spoliare: etenim loca publica publico usui mancipata, nempe balnea, theatra, fora, et alia id genus clausere. Translatam quidem fuisse Syriae metropolim in Laodiceensem civitatem, scriptores affirmant. Iude vero nobilium complures, qui admissi sceleris vel auctores videri poterant, vel socii assectatoresque fuisse in suspicionem adducebantur, captivi ducti sunt, iisdemque repleti carceres: exhibentur tortores atque tormenta; armanantur

milites pro foribus stantes, ne quid a civibus dira timentibus tentaretur. Praeparantur a iudicibus de singulis cognituris atrocissimae quaestiones: eorumque quos magis suspicio exagitabat, bona cuncta continuo proscribuntur, affixis domorum ipsorum jannis tabulis proscriptionis.

6. Civium omnium triperditus status hic erat. Pars magna post admissum atrox majestatis crimen, cum audissent Antiochiam multi ab imperatore exercitum atque iudices, fuga sibi consuluit, utpote timens, tradendam civitatem militibus diripiendam, civesque more captae urbis ab hostibus cedendos. Qui vero in civitate remanserant, horum partem alteram non mediocrem carcer incluserat, alteram vero vehemens metus exagitabat; ad horas singulas spectantes lictores, a quibus conicerentur in vincula, atque subicerentur, ut alii. quaestionibus: quorum unum erat confugium Ecclesia, unaque tantum reliqua spes in Deo: quos Chrysostomus Dei verbo erigebat, ad preces ad Deum fundendas, penitentiamque agendam, assiduus concionibus admonens.

7. Cum sic deploratissimus esset status civitatis Antiochenae, omnique ex parte tetra praesentium rerum facies, et deteriorum expectatione leterrima; ecce in ipsorum auxilium e montibus properant a Deo missi caelestes milites, quorum arma ab Apostolo describuntur non esse carnalia, sed spiritualia, Deo potentia. Erant hi qui carnem suam crucifixerant cum vitiis et concupiscentiis, monachi praclarissimi, quorum cum jugis conversatio in caelis esset, inferorum spiritibus terrori erant, hominibus vero maximae reverentiae. Hi igitur cum audissent, fortasse fugientium ore, res Antiochenae civitatis in summo versari discrimine, tanquam quodam classico excitati, conferto agmine, properant Antiochiam. Quidnam vero egerint, simul ac pervenissent, Joannes Chrysostomus pluribus narrat, cum meliori de omnium salute spe, horum ope, concepta, homilia illam ordine decimam septimam ad populum habuit; ubi inter alia: « Quando, inquit, a rege missi ad commissorum inquisitionem, tremendum illud constituere iudicium, omnesque ad malefactorum penas vocabant, et variae mortis omnibus erat expectatio; tunc vertices montium habitantes monachi propriam exhibere sapientiam. Namque tot annis in cavernis suis conclusi, nemine advocante, suadente nemine, postquam nubem tantam civitatem circumstantem viderunt, tabernacula speluncasque suas derelinquentes, undique confluerunt, velut angeli quidam de caelo profecti. Et erat cernere tunc civitatem uni similem homini. Ubique tunc vidisses sanctos illos, manifestos vel ex aspectu solo, dolore pressos consolantes, et ad omnem calamitatis contemtum inducentes.

8. « Quis enim illos conspicatus, mortem non derisisset, non depexisset vitam? Nec hoc solum erat mirabile, sed quod principibus ipsis accidentes, cum fiducia loquebantur pro reis, et omnes sanguinem effundere parati erant, et capita deponere, ut

¹ Snid., verb. — ² Chrys. hom. II. ad pop.

captos ab expectatis tribulationibus eriperent : et dixerunt se non prius recessuros, quam iudices parcerent civitatis populo, vel se communiter cum reis ad regem legatos mitterent : Religiosus est, inquit, qui nostrae genti dominatur, fidelis cum pietate vivens. Nos igitur ipsum omnino reconciliabimus, non permittemus vobis neque concedemus ensem polluere, nec ullius abscondere caput. Si vero hoc non fertis, et nos cum ipsis omnino moriemur. Gravia quidem patrata, et nos confitemur; sed regis humanitatem non excedit gestorum iniquitas. Dicitur quidam illorum aliud verbum sapientie plenum dixisse, quod statuae quidem dejectae, rursum erectae fuerunt, et propriae receperunt formam, et factum correptionem habuit celerrimam : si vos autem Dei imaginem occideritis, quomodo rursum poteritis commissum revocare? quomodo perditos resuscitare et animas corporibus reddere? » Hunc videtur Macedonium vita insignem monachum, Theodoretus affirmat, qui rem paulo fusius prosecutus, haec ait ¹ :

9. « Ex quorum », nempe monachorum, « numero fuit sanctissimus Macedonius, vir tum rerum quae in communi vita geruntur inscius, tum litterarum sacrarum prorsus ignarus. Iste in montium verticibus vitam agens, noctes diesque omnium Salvatori sincerarum preces offerre solebat; qui neque imperatoris violentiam pertimescere, neque de potestate eorum qui missi fuerant, laborare visus est : sed in media urbe, prehenso alterius iudicum pallio, ambos ex equis descendere iubet. Illi vero cum viderent senem statura exigua, pannis sordidis amictum, primo indignari quidem; sed ut primum a quibusdam illorum qui antecedeabant, viri illius virtutem didicerant, desilire de equis, illius genua amplecti, veniam denique precari coeperunt. Macedonius divina imbutus sapientia, tali eos oratione compellat : Dicite, viri carissimi, imperatori haec verba : Non solum imperatorem eum esse, sed hominem etiam. Itaque ne oculos tantummodo ad imperium adjiciat, sed suam ipsius naturam mente complectatur. Nam cum homo sit, illis imperat qui sunt ejusdem naturae participes : humanam autem naturam ad Dei imaginem et similitudinem esse fabricatam. Quare ne tam crudeliter et inhumane imaginem Dei e medio tolli jubeat : nam bilem movet opifex, cum ejus imaginem contumeliose tractet. Consideret enim, quam iniquo animo tulerit ipse aeneam conjugis imaginem contumelia affectam esse; se tamen in imaginem Dei contumeliosum esse non dubitare. At quantum intersit inter imaginem inanem et animatam vivam ac rationis competentem, omnibus qui sunt mente praediti, perspicuum est. Illud praeterea secum cogitet, nobis perfacile esse, pro una aenea imagine multas fabricare; sed eum non posse omnino facere vel pilum unum illorum qui interfecti sunt. Haec audita oratione, viri illi admirabiles eam ad imperatorem retulerunt, etc. » Porro de eodem Macedonio plura habet idem

Theodoretus ¹ in libro sanctorum Patrum; atque eum hanc ob causam, quod nihil aliud nisi hordeum madefactum soletet comedere, fuisse cognomento dictum *κριθοφάγος*. Subdit autem Chrysostomus ad haec : « Multa et de judicio ipsius disserere. Quis non consterneretur? quis non virorum sapientiam admiraretur?

10. « Quoniam quaedam reorum mater nudato capite, et canis ostensis, judicaturi equum freno apprehendit, et per forum praetercurrens, sic ad iudicium simul ingressa est : omnes obstupescere sumus, omnes admirati pietatem et magnanimitatem. Quomodo non magis ad hos obstupescere oportet? illa enim etiam si mortua esset pro filio, nihil mirandum : magna enim naturae vis, et inexpugnabilis viscerum necessitas. Illi vero non genuerunt, nec educarunt : imo vero quos non noverunt, quorum nomen non audierunt, quibuscum nunquam conversati sunt, quos ex sola noverunt calamitate, in tantum amaverunt, ut etiam si infinitas habuissent animas, omnes pro illorum salute tradere vellent. Neque mihi dicas hoc, quod non jugulati sunt, nec sanguinem effuderunt; sed quod tanta contra iudices usi sunt libertate, quanta solos de salute sua desperatos uti verisimile fuit, et tali cum sententia de montibus ad tribunal ecurrerunt. Nec enim nisi prius se neci praeparassent cuilibet, tam libere potuissent iudices alloqui, et tantam tunc exhibere magnanimitatem. Etenim ante praetorii januas totos dies agebant sedentes, abducendos de carnificum manibus eripere parati ». Haec de studio monachorum Chrysostomus.

11. Quae vero subdit de philosophis tum Antiochiae commorantibus, plane redarguunt grande mendacium Zozimi ², quo tradit, Libanium una cum Hilario pro salute civitatis, legationem suscepisse ad Theodosium imperatorem; ait enim ipse Chrysostomus : « Ubi nunc sunt pallia gestantes, et profundam ostentantes barbam, et bacula dextera ferentes, externorum philosophi, Cynica piacula, submensalibus canibus miserosiores, ventrisque causa cuncta facientes? Omnes tunc civitatem deseruerunt, resierunt omnes, in cavernas conditi sunt : soli vero qui per opera vere philosophiam exhibent, ac si nulum civitatem malum comprehendisset, sic intrepide in foro apparuerunt : et urbem quidem habitantes, ad montes et deserta avolaverunt; eremi vero incolae in urbem ingressi sunt, etc. » Quod autem ad Libanium spectat, quis, quaeso, ipsum redivivum ad hoc munus legationis obendum ab inferis revocavit, quem alii sub Valente tradunt defunctum, alii vix ad ipsum initium imperii Theodosii vitam produxisse confirmant? Cum vero idem Joannes Chrysostomus haec et alia plura in commendationem egregiae per eosdem monachos navatae tunc operae; per eos quidem illud obtentum tradit, ut sententia de nece solum differreretur, donec quid de his decernendum esset, imperatori significaretur.

¹ Theod. lib. v. c. 19.² Theodor. lib. SS. Patr. cap. 13. — 2 Zozim. lib. IV.

12. At quanto id illi temporis spatio perfece-
runt? et quandiu ea de causa Antiochiæ commo-
rati? audi quod mireris: « Ili », inquit Chrysosto-
mus ¹ « die una et descenderunt, et disseruerunt, et
solverunt calamitatem, et ad propria reversi sunt
tabernacula: tanti est philosophia a Christo intro-
ducta ». At non sic quidem hæc intelligenda puto ut
unius dici duntaxat spatio tot tractatus confici po-
tuisent, cum præsertim idem superius tradat,
eosdem ad fores prætorii totos dies excubasse, ut si
qui ducerentur ad supplicia, eriperent e carnificum
manibus; sed illud plane significare voluerit, ea di-
ligentia celerius opus impletum, decretaque lega-
tione, eosdem tanquam aves quam citissime e civi-
tate convolasse in solitudinem, inanes auras omnium
ore jactate glorie evitantes; quod christianorum
philosophorum tantum mos est. Quadriduum in ea
actione insumptum esse, idem Chrysostomus alibi
affirmat, dum de concessis a iudicibus ad principem
adeundum induciis homiliam ipse tunc ad populum
habuit, qua illius quadridui concinnans historiam,
eamdem posterorum memorie voluit commendasse,
quam par est hic eodem texture filo connectere.
Quis non libenter audiat vera certaque a tanto au-
ctore descripta, qui et oculis cuncta spectavit, et his
qui interfuerunt tunc eadem in memoriis revoca-
vit, sic exorsus? 2

13. « Ab eodem principio et iisdem proemiis
quibus heri et nudius tertius capere, et hodie inci-
piam; dicam et nunc: Benedictus Deus. Quale præ-
teritum vidimus quadriduum, et quale nunc vide-
mus præsens? Quanta in illo obscuritas tunc erat?
quanta nunc in præsentī tranquillitas? Tremendum
in civitate tribunal illud et omnium corda conquis-
savit, et nocte fecit diem nihilo esse meliorem, non
radiis obtenebratis, sed tristitia et timore oculis of-
fuscantibus vestros. U' igitur et nos majorem capia-
mus voluptatem, pauca eorum quæ tunc acciderunt,
commemorare volo. Et vobis enim et posteris om-
nibus utilem horum esse video narrationem: quoniam
et de naufragio salvatis jucundum est fluctuum
meminisse et tempestatis et ventorum, postquam in
portum navigaverint; et valetudine defectis deside-
rabile post agritudinem, febres, per quas paulo
minus ad mortem venerunt, alii enarrare. Cum
enim gravia præterierint, voluptatem habet eorum
commemoratio, anima non amplius formidante, sed
majorem capiente delectationem: continua enim
præteritorum malorum memoria præsentem tran-
quillitatem diligentius cognosci facit.

14. « Postquam enim civitatis major pars præ
timore et comminatione illa ad desertam et fauces
montium et occulta locorum transmigravit, metu
ipsis undique cogente: inanes quidem mulieribus
erant domus, vacuum vero viris forum: vix autem
duo vel tres cunctis in medio sese videbant, et ipsi
tanquam animati mortui circumcumbentes. Abibamus
in forum judiciale gestorum finem visuri; et col-

lectas civitatis reliquias videntes, illud omnium
maxime admirati fuimus, quod multitudine circa
fores morante, tanquam præsentem nemine, silentium
erat profundissimum, omnibus inter sese respicien-
tibus, et nemine assistentem interrogare, aut quic-
quam audire ab illo audente. Proximum enim
quemque suspectum habebat, quoniam multi jam
præter omnem spem ex medio rapti foro intus coer-
cebantur. Et omnes communiter in cælum aspicie-
bamus, et manus extendebamus cum silentio, su-
perne subsidium expectantes, et deo supplicantes,
ut judicandis adesset, et judicantium corda mulce-
ret, et mitem faceret sententiam. Et sicut qui nau-
fragantes et terra vident, accedere quidem et manum
porrigere, et ærumnam relevare non possunt, cum
undis arceantur; extrinsecus autem ab ipsis littori-
bus manus extendentes et lacrymantes, Deum
orant, ut assistat fluctuantibus, ita et hic tacite om-
nes Deum mente invocabant, petentes, ut ad tribu-
nal velut in fluctus adductis, manum porrigeret, nec
sineret navigium submergi, nec in extremum, nau-
fragium judicantium solveret iudicium. Et hæc
quidem erant pro foribus.

15. « Postquam vero interioriorem autem introi-
vimus, rursus alia his terribiliora vidimus, milites
armatos ensibus et clavis, et multam interius judi-
cantibus quietem præstantes. Quoniam enim neces-
sarii illorum omnes, et uxores, et matres, et filiae
ante fori januam constiterant, ut si eveniret quem-
piam ad mortem duci, nemo ærumnæ spectaculo
accensus tumultum et turbationem ullam faceret,
omnes procul arcebant milites, ipsorum mentem
pavore præoccupantes. Quod autem omnium ma-
ximè miserabile, mater et soror cujusdam, qui intus
judicabatur, ad ipsa judicantium vestibula jacebant,
se humi sternerens, et commune omnibus factæ
circumstantibus spectaculum, oculos velate, et tan-
tum duntaxat erubescens, quantum calamitatis
necessitas permittebat; neque aderat ipsis ancillula,
non vicina, non amica, non ulla necessariarum alia;
sed sola cum vestibulis aljectis in medio tot militum
assumptæ, per humum se trahentes circa ipsas fo-
res, interius sedentibus graviora patebantur, carni-
ficum luctum, tremendas judicantium minas; et per
flagellatorum singulorum gravioribus quam illi do-
loribus hæc conficiebantur.

16. « Quoniam enim in illorum testimoniis cri-
minum proditio periclitabatur; sicubi quempiam
flagellari, ut reos dicerent, sentiebant, et ululare; in
cælum respicientes, Deum orabant, ut illi fortitudi-
nem et tolerantiam daret, ne suorum necessariorum
salus proderetur, aliorum infirmitatibus acrem ver-
berum dolorem ferre non valentium. Et tale quid
rursus, quale fluctuantibus solet, accidebat: sicut
enim illi si quando undæ impetum videant enimus
insurgendem et paulatim crescentem et navem sub-
mergere minantem, etiam priusquam ipsi propior
fiat, præ timore mortui sunt; sic et illæ si quando
vores et ululatus audiebant emitti, veritate ne tor-

¹ Chrys. dict. hom. XVII. — ² Chrys. ad pop. Antioch. hom. VIII.

menta fugientes qui testimonium dicere cogeantur, contra necessariorum aliquem dicerent, infinitas ante oculos mortes videbant. Et erat cernere intus tormenta, extra tormenta; illos nempe carniſices, has vero nature torquebat imperium et viscerum compassio; et intus luctus, et extra luctus: intus eorum, extra necessarium. Imo vero non ipsi tantum, sed et ipsi iudicantes corde lugebant, et omnibus graviora patiebantur, tam acerbæ calamitati ministrare coacti.

17. « Ego autem assidens, et hæc cernens, quod mulieres et virgines thalamis assuetæ, nunc commune cunctis spectaculum factæ sunt, et molli assuetæ strato, terram pro strato nunc habent; et tantum nocte obsequium ancillarum, cunuchorum, et reliquæ totius vanitatis, nunc omnibus illis privatæ, ad omnium pedes prosternuntur, singulos orantes, aliquid iudicandis in auxilium conferre, et commune aliquem misericordiæ questum omnibus fieri; illud dixi Salomonis ¹: *Vanitas vanitatum, et omnia vanitas*. Videbam enim et hoc ipsum, et aliud verbum ad ipsa perveniens opera, quod dicit ²: *Omnis gloria hominis tanquam flos fœni: siccatus est fœnum, et cecidit flos*. Etenim divitiæ tunc, et generositas, et claritas, et amicorum præsentia, et omnia vitæ adjumenta redargebantur, peccato et iniquitate commissa omnem hanc opem subvertente ». Hæc et alia tunc Chrysostomus philosophatus, cum et illud quoque novissimi omnium tribunalis iudicium ex præsentis imagine mente agitare; qui et post alia hæc subdit:

18. « Atqui civilis primarii, qui tunc iudicabantur, erant, et ipsum nobilitatis caput. Atamen keli fuissent, si quis eis dedisset, ut amittentes omnia, et si oporteret ipsam libertatem, præsentis vitæ potirentur. Die vero jam exacto, profundissimoque facto vespere, cum iudicii finis expectaretur, in majori erant omnes anxietate, et a Deo petebant dilationem aliquam et prorogationem fieri, et iudicantium animo immittere, ut ad imperatoris sententiam referrent exquisitorum cognitionem: fore enim fortasse aliquod bonum ex hac dilatione. Et communes a populo supplicationes ad benignas Dei aures emittebantur, ut salvaret reliquias civilitatis, nec ipsam a fundamentis penitus eversam negligeret. Nec videre licebat quemquam non hæc cum lacrymis clamantem.

19. « Verumtamen nihil propterea iudices interioris causas audientes tunc inflexit; sed unum solum respiciebant, ut diligens commissorum questio fieret: et postremo catenis injectis ipsos in carcerem per medium forum agebant, homines equos domalentes, bravia proponere solitos, aliaque innumera valentes clariora numerare officia: et substantias populabantur, et in omnium foribus proscriptionis tabulas cernere licebat. Et horum uxores paterna domo ejectæ, singulæ illud uxoris Job per opera implebant: domum enim ex domo, et locum ex loco

circumibant, diversorii indigentes; nec enim hoc ipsum erat ipsis facile reperire, unoquoque timente, et tremescente quempiam reorum necessarium suscipere et curæ habere. Verumtamen tot illata passi, omnibus his contenti erant, quoniam vita non exciderant præsentis. Et neque pecuniarum multa, neque ignominia, neque tanta tractatio, neque quodcumque aliud iniqui modi ipsos mordebat. Calamitatis enim magnitudo, et majora his patiendi expectatio eorum animos philosophari tantum efficit ». Hæc Chrysostomus.

20. Accidit tunc etiam, ut cum omnes repentinæ mortis faucibus deglutiri ex principis furore timerent, inter alios glomeratim universi catechumeni, quorum grandia erant examina (quod abusus adhuc ille vigeret differendi baptismum) ad ecclesiam, ut sacris imbuerentur mysteriis, convenirent, adeo ut eos catechizandi tempus non esset. Meminit horum idem Joannes Chrysostomus, cum postea ista recollens tempora sic ait ¹:

21. « Dicam quod uni familiarium meorum accidit. Irato aliquando Deo, cum ille admodum juvenis esset, et in diaconorum ordine ministraret, abessetque per illud tempus episcopus, et nullus presbyterorum curam haberet, sed simpliciter faciebant simul multa millia in una nocte baptizari, et simpliciter baptizabantur omnes nihil scientes. Quod ut ille intellexit, privatim simul centenos et ducentenos docebat; nihil tamen, quam quod ad sacramenta attinebat, ne sic migrarent non initiati. Hoc plerique putabant illum ex ambitione fecisse; verum ille non attendebat sic censentes ». Hæc Chrysostomus. Sed quæ hæc absentia episcopi? De ea modo dicendum.

22. Cum vero eo statu infelicissimo posita esset civitas, et civibus omnibus dira immineret carnificina, singulisque ferine momentis anceps vita cujusque penderet arbitrio iudicium; ecce inter tot tenebras alicujus spei radius insperatus affulsit. Audito nimirum, concessum a Iudicibus, ut relatio ad Theodosium mitteretur, omnibus in mæroris tenebris versantibus mox inopinata est exorta lætitia: omnes exhilarantur, perinde ac si civitas in tuto collocata esset, cum et ipse Chrysostomus pro gratiarum ad Deum actione eam habuit concionem, cuius exordium est ²: « In tempore omnes hodie communiter concinimus: Benedictus ³ Dominus Deus Israel, qui facit mirabilia solus. Etenim miranda et opinionem excedentia facta sunt negotia: urbem totam et populum tantum submergi debentem, et sub undas agi, et perdi funditis semel, uno temporis momento ab omni naufragio liberavit. Gratias igitur agamus, etc. » Ubi et post multa superius recensita, quanta id importunitate cum monachis simul sacerdotes exegerint a iudicibus, et quali gestierint tripudio, ut acceperunt, docet his verbis ⁴: « Non monachi tantum, verum et sacerdotes eandem

¹ Eccle. 1. — ² Isaïæ XL

³ Chrys. in Act. hom. XLVI. — ⁴ Chrys. ad pop. hom. XVII. — ⁵ Psal. LXXI. — ⁶ Chrys. hom. ead.

præstiterunt animi magnitudinem, nostramque dispensaverunt salutem. Et alius quidem in castra se contulit, omnia dilectioni vestræ postponens, et paratus, nisi regi persuaderet, mori. Alii vero hic remanentes, et eadem cum monachis exhibentes, propriis manibus iudices continentes, non permittebant abire, priusquam de iudicii fine promitterent, nisi eum se laud ulterius ad necem solum progressuros; et cum remanentes quidem videbant, fiducia multa, et ipsi vicissim utebantur: ut autem annuentes viderunt, pedes et genua complexi, et manus exosculati, utramque virtutem superabundanter exhibuere, libertatem et mansuetudinem. Quod enim non superbia esset fiducia, exosculando genua, et pedes amplectendo maxime demonstraverunt. Rursum quod humilitas non esset assentatio, neque servilitas quædam, nec ex liberali sententia profecta, præmissa ipsorum fiducia testificata est. Neque hæc sola de tentatione bona lucrati sumus, verum et multam modestiam, mansuetudinem multam. Civitas nobis repente monasterium facta est: non sic illam aliquis ornasset, si aureas in foro statuas crexisset, etc. » Quem vero non nominans, ait, insignem sacerdotem amore populi ad imperatorem in castra se contulisse: fuit hic Flavianus ejusdem civitatis episcopus, qui pro populo magno animo atque impensa cura legationem tantam susceperat.

23. Porro idem Chrysostomus pro gratiis Deo agendis de obtenta dilatione conveniendi imperatorem, quotidie in Ecclesia populum colligebat, ubi diebus singulis ad eum habuit conciones, quarum prior vel illa habita ponitur, quam sic est exorsus¹: « Cum præteritam tempestatem, et præsentem cogito tranquillitatem, non desino dicere: Benedictus Deus, qui facit omnia, et ipsa transmutat, etc. » Vel illa cujus est idem ferme principium², de qua superius. Sequenti vero die eam habuit orationem, quæ ita incipit³: « Et heri dixi: Benedictus Deus; et hodie hoc ipsum rursum dicam, etc. » Tertia autem die fidem ad populum sermonem habuit, cujus est illud initium⁴: « Ab eodem principio et iisdem præmiis, quibus heri et nudius tertius cœpi, et hodie incipiam; dicam et nunc: Benedictus Deus, etc. » Erat hoc Quadragesimale tempus, cujus secunda hebdomada expedita, illam habuit concionem, quæ sic inchoatur⁵: « Principis quidem providentiam laudavi, etc. » In cujus progressu ad finem vergente de absoluta tunc secunda hebdomada Quadragesimæ meminit: qua quidem oratione populum adhuc timentem corroborat; nam expectatio anceps, quid ab imperatore referret episcopus, nonnihil eorundem animum exercebat: qua etiam homilia et in eos idem ipse Chrysostomus vehementius invecus est, quod nescio a quo gentili de consolatione orationem audissent, quasi non sufficiens esset Ecclesia Christi ea docere; unde commotus, eos in primis urget his verbis: « Pro vobis

aulem erubui et confusus sum, quod exterioris post multos prolixosque sermones illos consolationis indiguistis. Optavi mihi terram dehiscere et immergi, quando ipsum vobis loquentem audiebam, et intempestivam hanc et irrationabilem timiditatem consolantem. Non enim vos ab illo doceri oportebat, sed infidelibus vos præceptores omnibus fieri; nec ab infidelibus vos judicari Paulus permisit⁶: et post nonnulla: « Sed neque nunc in me ipsum redire possum; sic animum meum indignatio et tristitia obsidet. Quis enim non ægre ferret, quis non succenseret, quando post tantam doctrinam Gentilibus opus habuistis doctoribus ad exhortandum et persuadendum, ut præsentem generose timorem sufferetis ». Hæc et alia ibi ipse. Media autem Quadragesima in eodem argumento versatus, decimam octavam ordine tunc ad eundem populum habuit homiliam, ut idem ipso ejus exordio docet. At jam de ipsa Flaviani legatione agamus.

24. *Flaviani episcopi legatio et oratio pro Antiochenis ad Theodosium, eis proinde veniam largientem.* — Suscepit libens volensque Flavianus episcopus pro populo Antiocheno ad Theodosium Augustum legationem, adeoque ardenti studio, ut nulla re valuerit præpediri (reliquit enim sororem extremum agentem spiritum), neque ulla suæ senectutis vel corporis habita ratione (ut ait Chrysostomus¹) se accinxit ad iter: quando relicta Ecclesia pastore vacua, idem Chrysostomus eam ad populum habuit homiliam, quæ ita incipit: « Quando ad sedem hanc derelictam et magistro vacuum respicio, gaudeo simul et lacrymo: lacrymo quidem, quod præsentem non video patrem: gaudeo autem, quod pro salute nostra profectus est, et tantum abiit populum a furore regis erepturus, etc. » Pluribus eos hortatur, ut precibus apud Deum agant pro legato episcopo, et ea quam suscepit legatione; atque inter alia: « Supplicemus igitur ipsi, et ad ipsum legationem mittamus: et regis animum penitus corripiet, et ab omni nos instanti angustia liberabit. Pater illic legationem obit; nos hinc ad cælorum Regem mittamus legationem, ipsi precibus adjuvemus. Multum Ecclesiæ communio potest, si anima dolente, si corde contrito preces emittamus ». Hæc ipse.

25. Cortigit autem profectio Flaviani Antiochia, simul ac dirum illud a civibus facinus fuerat perpetratum: nam in via invenit, qui ad iudicandam eam causam vindicandamque contumeliam mittebantur ab imperatore Antiochiam. Declarat id quidem ipse Chrysostomus, cum Flaviani progressum legationis ita describit²: « Postquam enim ex urbe egressus est, omnes in tanta relinquens tristitia, multo graviora patiebatur, quam qui in ipsis erant molestiis. Primum nempe nactus in via media ad gestorum exaudivationem a rege missos, et ab illis doctus quorsum essent missi, et mala civitatem invasura, tumultus, turbationes, fugam, timorem, anxietatem

¹ Chrys. ad pop. Antioch. hom. XI. — ² Chrys. hom. XVII. — ³ Chrys. hom. XII. — ⁴ Chrys. hom. XIII. — ⁵ Chrys. hom. XVI.

⁶ Chrys. hom. III. ad pop. Antiochen. — ⁷ Chrys. ad pop. hom. XX.

tem, pericula cogitans, lacrymarum fontes emittebat, cum viscera ipsi dissecarentur. Patribus enim mos est multo magis dolere, cum filiis suis male habitibus nec adesse possint; quod et pietissimus hic passus est; non mala tantum nos invasura deplorans, sed et quod nobis hæc patientibus procul abesset. Verum et hoc pro nostra salute factum est.

26. « Ut enim ab illis hæc didicit, calidiores lacrymarum fontes emittebat, et cum majori supplicatione ad Deum confugit; et noctes insomnes ducebat, supplicans, ut hæc patienti succurreret civitati, et ut regis mentem redderet mitiorem. Ut vero magnam civitatem illam ascendit, et regias ingressus est aulas, procul a rege constitit mutus, lacrymans, deorsum inclinatus, latitans, tanquam ipse esset qui omnia illa patrasset. Hoc autem faciebat, habitu, aspectu, luctibus prius movere volens ipsum ad misericordiam, et tum defensionem pro nobis incipere: Sola namque peccantibus reliquitur venia, tacere, et nihil pro gestis loqui. Volebat enim passionem hanc quidem ejicere, hæc vero introducere; rejicere quippe iram, tristitiam autem relinquere, ut ita viam præpararet defensionis verbis: et paulo post: « ipsum itaque rex conspicatus lugentem, et deorsum inclinatum, accessit ipse, et quod patiebatur propter sacerdotis lacrymas, hoc verbis ostendit: non enim indignantis, nec irascentis verba fecit, sed dolentis, non succensentis, sed mærentis et dolore magis detenti: et quod hoc sit verum, ipsa audiente verba sciatis.

27. « Non enim dixit: Quid tandem hoc est? pro hominibus scelestis et sceleratissimis, et quos nec oportuit vivere, venis legationem obiens tyrannis, innovatoribus, omni supplicio dignis? Sed hæc omnia dimittens verba, defensionem composuit reverentia plenam et gravitate, et a se collata commemorabat beneficia, quibus per omne regni tempus civitatem nostram persecutus est: et ad singula hæc repetebat: Hæc me pro illis pati oportuit? quarum a me injuriarum pœnas exegerunt? quid parvum, quidve magnum accusandum habentes, non me solum, verum et defunctos contumeliis affecerunt? non valebat animus saturari in vivis? sed nisi sepultos quoque contumeliose iractarent, nil magnum se facere putarunt. Iniqui fuerimus nos, ut ipsi putant: igitur mortuis parere, qui nullam intulerunt injuriam, oportebat: non enim et illis hæc attribuere valebant. Nonne semper hanc omnibus præposui civitatem, et patria desiderabiliorem esse putabam, et votum mihi continuum erat, urbem illam cernere, et hoc apud omnes faciebam juramentum? » Hactenus Theodosii verba; quibus ipse Chrysostomus mox subinfert orationem quam tunc habuit Flavianus jam longo itinere meditatam, cui deesse non poterat efficax pronuntiatio ex intimo cordis dolore prodians. Subdit igitur idem Chrysostomus:

28. « Hic aliquantum ingemens Pontifex, et ferventiores emittens lacrymas, non amplius tacuit: videbat enim regis defensionem culpam majorem nostram facientem; sed graviter et amare de pro-

fundo gemens: Confitemur, inquit, o rex, nec negare possumus amorem istum, quem erga patriam nostram demonstrasti: et propterea maxime lugemus, quoniam sic amate demones inviderunt; et erga benefactorem ingrati sumus visi, et exacerbavimus summo pere nos amantem: sive obruas, sive incendas, sive occidas, sive quodcumque aliud facias, nondum dignam de nobis pœnam exegisti: nos ipsos prævenientes innumeris mortibus difficiliter affecimus. Quid enim amarior esse possit, quam cum benefactorem, et sic diligentem injuste exacerbantes appareamus? et omnis hoc mundus discat, et extremam ingratitudinem nostram condemnet? Si barbari civitatem nostram incursantes, mœnia diruissent, et incendissent domos, et abductis captivis abiissent, minus erat malum. Quare tandem ita? Quoniam te vivente, et tantam in nos benevolentiam exhibente, spes erat illa cuncta gravia solummodo iri, et nos iterum ad priorem formam redituros, et clementer recepturos libertatem. Nunc autem ablata benevolentia tua, et amoris vinculo violato, quod omni muro nobis erat tutius, ad quem jam confugiemus? quo poterimus alio respicere, tam dulcem dominum et facilem patrem exacerbantes?

29. « Itaque videntur quidem intolerabilia fecisse, sed magis passi sunt omnium gravissima, ad nullum hominem audentes respicere, nec ipsum spectare solem liberis valentes oculis, pudore undique palpebras contrahente, et occultari cogente; libertate ipsis ablata, omnibus captivis nunc miserius affecti sunt, et extremam sustinent ignominiam: et malorum magnitudinem cogitantes, et in quantum contumeliæ resiliunt, nec respirare possunt, cum omnes terram habitantes in sui vehementer calumniam attraxerint. Sed si velis, o rex, est vulneri medicina, et tantis malis remedium. Sæpius et in privatis hoc factum est, magnæ et intolerabiles offensiones, magnæ charitatis materia factæ sunt; sic et in natura nostra evenit. Cum enim hominem Deus fecit, et in paradysum induxit, et multo dignum fecit honore; tantum diabolus prosperitatem non ferens invidit, et illum a data expulit dignitate. Sed Deus non tantum ipsum non reliquit, verum et pro paradiso cælum nobis aperuit, hoc ipso et propriam demonstrans benignitatem, et diabolum magis puniens. Hoc et tu facias. Nunc omnia moverunt demones, ut omnium tibi gratissimam civitatem a benevolentia tua separet. Hoc vero tu nunc sciens, pœnam quamvis quidem exigas, priori autem amicitia ne nos extrudas. Sed si et præter opinionem aliquid nunc dicere fas est, etiam nunc inter dilectarum primas ipsam scribe, si modo demones hæc operatos vis ulcisci. Si nempè destruas et subruas et deleas; quæ prius ipsi voluerunt, hæc efficies: si vero iram dimittas, et te rursus ipsam amare, sicut prius amabas, confitearis; lethalem ipsis plagam intuleris, et ultimam ab ipsis ultionem exegeris, demonstrans quod non tantum nihil amplius ipsis expeditum est per insidias, verum et cuncta ipsis contra quam volebant, acciderunt. Justus autem

fuero hæc faciendo, et civitatem miserando, cui propter amicitiam tuam dæmones inviderunt. Nisi enim ipsam tam vehementer amasses, nec ipsam illi tanta insectati fuissent invidia. Itaque et si mirandum est quod dicitur, est tamen verum quod propter te et amicitiam tuam hæc passa est. Quot incendiis, quanta subversione sunt hæc verba acerbiora, quæ respondens dicebas? Nunc te contumelia affectum dicis, et pertulisse quæ nullus unquam superiorum regum.

30. « Sed si velis, o humanissime et sapientissime et multa pietate plene, diadematæ isto clariores et majorem tibi coronam hæc afferet contumelia. Hoc nempe diadema est, et virtutis insigne, et Dei liberalitatis indicium. Sed corona ex hac humanitate contexta tuum solius erit et sapientiæ tuæ meritum. Nec te tantum omnes admirabuntur propter istos lapides pretiosos, quantum propter victoriam de indignatione superata reportatam laudabunt. Destruxerunt statuas tuas? sed illis clariores restituere tibi licet. Si enim injuriæ auctoribus crimina remisit, et nullam ipsis inferas penam; non aereas res in foro erigent, nec aureas, nec lapillis coagmentatas; sed omni materia pretiosiore stolum indueris, humanitatem scilicet et misericordiam: talem in mente quisque sua te ædificabunt, et tot statuas habebis quot orbem habitant homines et habitabunt. Non enim nos tantum, verum et post nos futuri, et post illos omnes hæc audient, et tantquam ipsi bene fuerint habiti, sic te admirabuntur et amabunt. Et quod hæc non assentans dico, sed sic erit omnino: antiquum tibi referam sermonem quemdam, ut discas, quod non tantum exercitus, et arma, et pecuniæ, et subditorum multitudo, et alia hujusmodi splendidos facere reges consueverunt, quantum animi disciplina et mansuetudo.

31. « Fertur beatus Constantinus, effigie sua quandoque lapidata, multis ipsum instigantibus ad supplicium de auctoribus contumeliæ sumendum, et dicentibus quod omnem ipsius faciem saxis convulnerassent, manu faciem palpians et leniter ridens, dixisse: Ego vero nusquam vulnus in fronte factum video, sed sanum quidem caput, sana vero et facies tota. Illi vero reveriti, et confusi, ab hoc iniquo destitit consilio. Et hoc verbum hæcenus canunt omnes, nec tantum temporis habecit, aut hujus sapientiæ memoriam extinxit. Quot non sit hoc tropheis splendidus? Multas urbes ille condidit, et multos barbaros superavit; sed meminimus illorum nihil: hoc autem verbum usque ad præsentem diem canitur, et posteri nostri et posteri illorum omnes id ipsum audient. Nec hoc solum est admirandum quod audient, verum etiam quod laudibus et faustis verbis prosequuntur, dicentesque laudabunt, et audientes grate suscipient: nec ullus est, qui hæc audiens, silere possit, quin pariter exclamet, et talia dicentem laudet, et innumera ipsi vel defuncto bona precetur. Quod si propter illud verbum apud homines tanta potuit esse gloria, quot apud benignum Deum coronas assequatur?

32. « Quid autem opus est Constantinum et aliena exempla commemorare, cum te de propriis, et meritis tuis opus sit exhortari? Recordare priorum, quando solemnitate hæc, nempe Paschali, « superveniente, per totum orbem terrarum epistolam misisti, jubentem carcere detentos dimitti, et ipsis ignosci crimina; et illis humanitatem tuam demonstrare non sufficientibus per litteras dicebas: Utinam mihi liceat, et defunctos revocare et resuscitare et ad priorem vitam reducere! Horum nunc reminiscere verborum. Ecce tempus defunctorum revocandum et resuscilandorum et ad vitam reducendorum pristinam. Et hi namque jam mortui sunt, priusquam judicium proferatur, et ad ipsas tartari fores jam nunc civitas collocata est; ipsam igitur inde resuscita sine pecuniis, sine impendio, sine tempore et omni labore. Tibi namque satis est, tantum loqui, et revocare civitatem in tenebris jacentem. Nunc ipsam jube ab humanitate tua posthac appellari. Nec enim tantam habebit gratiam illi qui ab initio se condidit, quantam sententiæ tuæ, nec immerito. Ille enim principio ipsi dato recessit; in vero auctam et magnam factam et post multam hanc tranquillitatem destructam resuscitabis. Non erat tam mirandum, si hostibus ipsam capientibus, et barbaris populantibus, a periculo liberasses, quam est mirabile nunc pepercisse: illud enim sæpe multi fecere reges, hoc autem tu solus operaberis, et primus præter omnem expectationem. Est illud quidem minime mirandum, nec præter opinionem, sed est quotidianum opus subditi prodesse: quod autem tot et talia passus iram deponas, hoc omnem naturam excedit humanam.

33. « Cogita quod nunc non de civitate tantum illa tibi consultandum est, verum de gloria tua, magis vero de christianitate tota. Nunc et Judæi et Græci, et omnis terrarum orbis, et barbari (etenim et illi hæc audierunt) ad te respiciunt, expectantes ut videant, qualem de gestis sententiam feras; nempe, si humanam protuleris et mitem, omnes decretum laudabunt, et Deum glorificabunt, et inter se dicent: Papæ, quanta christianitatis potentia hominem super terram habentem aequalem neminem, omnia defendi et corrumpendi dominum cohibuit et refrenavit, et docuit philosophiam, quam nec homo privatus exhiberet. Vere magnus Christianorum Deus, qui ex hominibus angelos facit, et omni necessitate naturali superiores constituit.

34. « Ne namque superfluum timorem illum times, nec tolere quosdam dicentes, quod reliquæ civitates peiores erunt, et hæc non punita, imperium tuum magis contemnent. Si enim ad insurgendum fuisses impotens, et hæc operati te vi superassent, et par esset potentia, congrue suspicari hæc oportebat. Si vero pavefacti, præque timore præmortui sint, et ad tuos per me cucurrere pedes, nec aliud quotidie expectant, quam barathrum, et supplicationes faciunt communes, in eam respicientes, et Deum venire supplicant, et simul nobiscum legationem attingere, et sicut in extremis constituti, de

propriis quisque suis consideravit; quomodo non superfluum hic timor? Si jugulari fuissent jussi, tanta passi non fuissent, quanta patiuntur, nunc, tot diebus in timore et tremore viventibus, et superveniente vespere, auroram videre non expectantes, et die orto, ad vesperam pervenire non sperantes: nulli et in feras inciderunt, dum sectantur deserla in invia translata, nec viri tantum, verum et pueruli parvuli, et mulieres libere et decore per multas noctes et dies in speluncis et convallibus et deserti foraminibus latentes. Et novus captivitatis modus civitatem definit; ædificiis et moris stantibus, incensis civitatibus graviora patiuntur; nullo incumbente barbaro, nec hoste apparente, captis miserius dispositi sunt; et solum folium si moveatur, omnes ipsos per singulos terret dies, et hæc omnes sciunt. Et si subversam ipsam vidissent, non sic essent castigati, ut nunc qui has ipsius audire miseras. Ne igitur hoc cogites, quod peiores sint futura civitates reliquæ. Non enim si civitatem evertisses, sic eos castigasses, ut nunc per incertam futurorum expectationem omni supplicio vehementius ipsos puniens.

35. « Ne igitur ipsis ulterius calamitates producas, sed jam respirare concedas. Subditos nempe castigare, et gestorum exigere pœnas, facile penitus et promptum: his vero qui contumelias intulerunt, parcere, et his qui veniam palaverunt indigna, veniam dare, unius vel vix alterius est, et maxime cum rex sit contumeliam passus. Et civitatem quidem metu subdere, facile; omnes autem amatores constituere, et persuadere, ut in regnum tuum se benevole habeant, et non tantum communis, verum et privatas pro tuo preces imperio faciant, difficile: licet infinitas quis expendat pecunias, et innumeros exercitus moveat, et quicquid operetur, non facile tot hominum affectionem ad se ipsum attrahere poterit; quod nunc tibi facile erit, et leve: nam et beneficiis affecti, et qui audierint pariter cum beneficio affectis erga te benevole disponentur. Quot pecuniis emisses, quot emisses laboribus, brevi temporis momento totum orbem acquirere, et omnibus futuris persuadere, ut quanta filiis suis optant, tanta et capiti tuo optarent? Si autem ab hominibus hæc; cogita quantum a Deo capies mercedem non tantum eorum quæ nunc sunt, verum et quæ post hæc ab aliis expedientur. Si unquam enim contingat fieri tale quid, quale nunc factum est (quod Deus avertat) et injuriarum passorum aliqui in contumeliam operatos insurgere velint; benignitas et sapientia tua pro omni ipsis erit disciplina et admonitio; et erubescences confundentur, tale disciplinæ exemplum habentes, inferiores apparere. Itaque omnium posterorum eris præceptor, et palmam ipsis præcipies, licet ad ipsum philosophiæ verticem perveniat: non enim par est, quempiam tantam incipere benignitatem primum, et ad alios respicientem, ab illis elaborata imitari.

36. « Quocirca quicumque post te humanitatem et mansuetudinem quantumcumque exhibuerint, tu

cum illis mercedem accipies. Qui enim radicem præbuit, hic utique et fructuum auctor est. Propterea nunc quidem nemo tecum humanitatis mercedem partiri potest: tuum enim solius meritum est. Tu vero cum omnibus posteris, si qui tales unquam appareant, ex æquo meritum dividere poteris, et tantam reportare partem. quantum in discipulis præceptores. Et si nemo talis fuerit, rursus tibi commendationes et laudes per singulas provenientes generationes. Considera namque, quale sit, posteros omnes audire, quod tam magna civitate facta pœnæ et ultioni obnoxia, pavefactis omnibus, et horrefactis ducibus et præfectis et iudicibus, et ne vocem quidem pro miseris illis rumpere audientibus; minus accedens senex Dei sacerdotium gerens, ex ipso aspectu solo et nudo occurso ad reverentiam imperatorem movit: et quod nemini suorum concessit, uni hoc seni concessit, Dei leges reveritus. Etenim hoc quoque ipso non te parum, o rex, civitas honoravit, quod me ad te legatum misit: sententiam enim de te optimam et pulcherrimam protulerunt, quod omni principatui tibi subiecto Dei sacerdotes præhonoras, etsi viles esse contingat. Non ab illis vero tantum nunc venio, verum et ante illos a communi angelorum Domino missus sum, ut hæc dicam mitissimæ et benignissimæ animæ tuæ: quod si hominibus ipsorum peccata dimittatis, et Pater¹ celestis lapsus vestros vobis dimittet.

37. « Recordare igitur illius dici, quo omnes de actis rationem reddemus. Cogita quod etiam si quid tibi peccatum est, omnes abluere prævaricationes per iudicium et sententiam istam poteris absque laboribus, absque sudoribus. Alii nempe legati aurum et argentum et alia hujusmodi dona ferunt: ego vero cum sacris ad regnum tuum legibus veni, et pro donis omnibus has prætendo, et te Dominum tuum imitari supplico; qui quotidie a nobis contumeliam patiens, non cessat bona sua omnibus ministrare. El ne confundas spem nostram nec promissiones redarguas. Etenim et hoc cum aliis te scire volo, quod si reconciliari velis, et pristinam civitati benevolentiam communicare, et hanc remittere justam indignitatem, cum multa revertar fiducia: si vero mente tua civitatem asperneris, non tantum ipsam non ascendam, nec ipsam solum videbo, verum et in reliquum nego, et in aliam me civitatem conscribam. Ne mihi namque accidat in illam unquam adscribi patriam, erga quam humanissimus tu et hominum cunctorum mitissimus pacari, reconciliarique non eligas». Hactenus ex Flaviani oratione Chrysostomus, qui et subdit:

38. « Hæc et his plura locutus, sic regem confudit, ut idem fieret quod et in Joseph contigit olim fieri. Sicut enim ille tunc fratres conspicatus, lugere quidem volebat, sed dolorem tegebat, ne simulationem interrumpere; sic certe et rex lacrymabat quidem mente, non demonstrabat autem propter

¹ Matth. vi.

omnes praesentes, nec tamen usque in finem aetum eclare potuit, verum et invitus redarguebatur. Post hanc enim concionem secundis non opus habuit verbis, sed unum solum locutus est verbum. quod ipsum diademate multo magis ornavit. Quod autem hoc? Et quid admirabile et magnum est, si his qui nos contumeliis affecerunt, iram remittantur hominibus existentibus, cum et ipsi homines simus? Cum mundi Dominus in terram descendens, et propter nos servus factus, et a beneficio affectis crucifixus, pro crucifixoribus suis Patrem oraverit, dicens: Ignosce illis; non enim sciunt quid faciunt. Quid igitur admirabile, si nos conservis ignoscamus? Et quod haec verba non sunt simulatio, demonstrant quidem et reliqua opera, nec his minus illud quod nunc sum relaturus.

39. « Ipsum enim hunc sacerdotem secum communiter hanc solemnitatem celebrare volentem, invitum properare et festinare coegit, et se civibus exhibere: Novi, inquit, quod nunc ipsorum sunt animi perturbati, et multae supersunt calamitatis reliquiae. Abi, consolare. Si gubernatorem viderint, nec praeterita reminiscuntur tempestatis, verum et ipsam tristitiam memoriam omnem delebunt. Ut autem institit Pontifex petens ut filium suum mitteret; volens ille manifeste demonstrare, quod omnem penitus iram mente deteraserat: Orate, inquit, haec auferri obstacula, haec bella extinguere, et ego veniam omnino. Quid anima illa mitius esse possit? Confundantur Gentiles de reliquo: quinimo non confundantur, sed erudiantur, et proprium omittentes errorem, ad christianitatis virtutem redeant, nostram a rege et pontifice docti philosophiam ». Haec ipse.

40. Cum igitur constet oratione Flaviani Theodosium fuisse placatum; commentum puto quod Sozomenus ait his verbis: « Persuasit Flavianus adolescentibus qui ad mensam imperatoris canere solebant, ut eas promuntiarent cantinelas, quae in Antiochenis supplicationibus erant. Quo facto, ferunt imperatorem humanitatis affectu perfunctum, et misericordia victum, confestim iram posuisse, etc. » Nihil enim prorsus de his Chrysostomus, quae primo loco fuerant collocanda, sed de Theodosii humanitate sic ipse subdit: « Non enim haecenus hunc substituit piissimus rex; sed et postquam ex urbe sacerdos exivit, et pertransiit mare, misit ad eum quosdam, sciscitans et satagens ne forte tempus treretur, et civitali voluptatem dimidiaret, extra urbem solemnitatem peragens. Quis pater matris tantam de persecutis se contumelia curam egit? Dicam et aliam iusti laudem. His enim expeditis, non festinavit, ut alius gloriae cupidus, ipse litteras illam tristitiam solventes deferre; sed quoniam maturus ibat, alium quemdam velociter equitare docum mandavit praevinire, et bona civitatis nuntia afferre; ne ex rebus sui tardatione tristitia prolongaretur. Quod enim ipse querebat, solum erat, non

ut ipse veniret bona haec deferens et voluptatis multa plena, sed ut oculus nobis patria respiraret. Quod quidem fecistis, forum coronantes, et lucernas accendentes, et lectos ante officinas componentes, et tanquam nuper civitate nata, festum agentes ». Haec Chrysostomus; sed quod de lectis ante officinas paratis ait, puto intelligere thoros tricliniarum mensarum parari solitos, in publicis epulis, quas magnae laetitia tempore exhibere maiores consueverunt.

41. Quod rursum ad hanc rem spectat: de elementia Theodosii non in parcendo tantum, sed quam celerrime veniam impertitam nuntiando, Themistius¹ quoque philosophus haec habet: « Se adeo mitem, benignum, mira quadam animi tranquillitate praeditum erga omnes praebet, ut etiam majestatis reos, et convictos, damnatosque ab ipsa legum acribitate exemerit, et ex Acherontis (ut ita dicam) faucibus ereptos, ad lucem et solem revocaverit ». Et post nonnulla de ejus humanitate ista subdit: « Tu autem non solum eos qui malis aliorum audiendi consilii aures tantum suas accommodarunt, omni penitus culpa liberandos censens, verum etiam improbis consultoribus poenam remittis, et condonas. Quo facto cum nullum majus excogitari possit; ego tamen vocem ipso admirabiliorem emitto ». Subdit idem mox de ejusdem principis in indulgendo celeritate haec quae sequuntur:

42. « Nam cum nos omnes malorum tolerantiam ac elementiam admiremur; tu ipsius etiam improbas tarditatem. Atque hoc illius est proprium, qui moleste ferat se venia sceleris animadversionem non praevinisse. Neque ea sententia, quam antea tulisti, celerior est ea, quae postea est consecuta: quia tarditate quid velocius fieri possit? Neque enim paulatim remittis iracundiam; neque reos paulatim timore periculi liberas; neque item iudicio jam peracto, quicquam insidet in animo, cujus stimulus ad sumendum de aliquo supplicium impellaris. Sed calculus a diis datus tristiori et acerbo longe antecedit, atque ita repente, ut juveniior illa tua vox, et salutaris prius audiatur, quam funesta et gravis. Memini ipse, me ingenti gaudio ac voluptate fuisse perfusum, cum audirem vocem ab homine ad hominem delatam, atque ea celeritate, ut eam quae igni fil, significationem longe superaverit; quam illi qui speculantur, accensis facibus, suis ipsorum sociis afferre solent, dum alter alterum vel longe absentem ad sumendum arma excitare, aut de aliqua re alia vult admonere: ex quo illud etiam plenumque accedit, ut salutaris vox tua sublatas jam carnificum manus, suspensosque gladios inhibuerit. Hanc igitur tardam dicamus esse elementiam, cui stricti enses jam capiti imminentes locum dedere? » Et inferius: « An ii forlasse sero et post longiusculum temporis spatium veniam sunt consenti? An non repente, deposito omni timore, festos dies laeti celebrant, tanquam ii qui nullus omnino criminis rei exitissent? An non cum antea a terrore percussi, fronte

¹ In x. xxviii. — ² Sozom. lib. vii. cap. 23.

¹ Themist., orat. v.

tristiore essent, pleni spe et fiducia facti sunt? etc.» Intelligis plane puto, Themistium alluisse absque dubio ad Antiochenos majestatis reos (de quibus est sermo) qui periclitantes sub gladio iudicium, indulgentiam sunt concessenti, eaque tanta celeritate potiti, ut qui sub ictu carnificis ingemiscerent, hiet tamen Paschale festum peregierint.

43. Nam pervenit Antiochiam ab imperatore cum ea indulgentia dimissus Flavianus adeo oportune, ut Pascha cum suis magno gaudio celebrarit: quo tempore Joannes Chrysostomus ad populum eam habuit concionem, in cuius exordio hæc habet¹: «A verbo quo semper in periculorum tempore apud charitatem vestram exordiri consueveram, ab eodem, inquam, et hodie apud vos sermonem incipiam et dicam vobiscum: Benedictus Deus, hanc nos vobiscum sacram sollemnitate cum gaudio et lætitia multa hodie celebrare dignatus, et qui caput corpori reddidit; et pastorem ovibus, præceptorem discipulis, militibus ducem, sacerdotibus pontificem. Benedictus Deus, qui ex superabundanti facit quæ petimus, aut cogitamus. Nobis enim sufficere videbatur, instantibus malis interim absolvi, et pro hoc omnem faciebamus supplicationem: clementissimus autem Deus et datis petitiones nostras semper multo excessu superans, etiam patrem nobis omni spe celerius reddidit. Quis enim expectasset, quod tam paucis diebus et profecturus, et regem allocuturus, et soluturus adversa, et rursus ad nos tam brevi reversurus esset, ut sacrum Pascha posset prævenire et nobiscum celebrare? Sed en inexpectatum hoc factum est; et patrem recepimus, et majorem capimus voluptatem, ipsi nunc præter spem suscipiendi. Pro his, inquam, omnibus clementissimus Deo gratias agamus, etc.» At de rebus Antiochenis hæc tenemus.

44. *Olympiadis viduæ nuptias remuentis genus et sanctitas.* — Hoc quoque tempore, antequam cum exercitu adversus Maximum in Occidentem Theodosius proficisceretur, contigit Constantinopoli conflictus ille ejusdem imperatoris cum Olympiade vidua clarissima femina, quam nuper orbatam viro conatus est idem imperator conjungere in matrimonium Elpidio cognato suo Hispano homini. Describitur res gesta memoria quidem digna a Palladio in dialogo, necnon a Leone Augusto in rebus gestis S. Joannis Chrysostomi. Sed antequam de his agamus; quenam qualisve fuerit Olympias ista, dicendum. Titulo sane sanctitatis eadem in publicis tabulis ecclesiasticis tam apud Latinos, quam Græcos notata reperitur, apud illos XVI kalendas Januarii, apud Græcos autem VIII kalendas Augusti, et in Menologio quidem hoc elogio: «Vixit hæc sub imperatore Theodosio, Arcadio et Honorio filiis, Anysii Secundi comitis filia, neptis Ablavii præfecti, desponsata Nebridio, cum quo paulum temporis vixit antequam cum eo copula jungeretur, sicque virgo simul et vidua permansit, etc.» Porro Palla-

dus in Lausiaci¹ de ipsa agens, Selenci filiam dicit, quam Græci publicarum tabularum testificatione tradunt (ut dictum est) Anysii Secundi filiam extitisse, sed fortasse pro Secundo Seleucus irrepit librariorum incuria in Palladium. Hæc ipsa autem cum Ablavii neptis dicatur, illius, inquam, Ablavii, penes quem summa rerum fuit temporibus Constantini; scimus, Ammiano² auctore, eidem fuisse filiam nomine itidem Olympiadem, desponsatamque Constanti Augusto, eo autem occiso, eandem nuptui fuisse traditam Arsaci regi Armeniæ; quem et ipso exordio Valentis imperii a Persarum rege dolose necatum affirmat; quæ superius diximus: quam obrem existimamus eandem postea nuptam Anyσιο Secundo, ex quo genuerit hanc, de qua est sermo, Olympiadem juniorem, quam Græci tradunt Ablavii fuisse neptem.

45. Hæc ipsa illa Olympias ad cujus nuptias cum ingens invitata accurrerit episcoporum multitudo; quod ipse Gregorius Nazianzenus iidem nuptiis interesse minime valuerit podagra laborans, ad Anysium scripta³ epistola se excusat; sed donum misit omni mundo celebris, ac pretiosius, nempe carmen parenticum loco epithalamii nuptialis: extat ipsum quidem dignum auctore, et cui missum est, Olympiade clarissima femina. Cum autem hanc constet vivente patre Anysio nuptam fuisse, errore labitur Palladius⁴, dum ait pupillam traditam matrimonio. Quod vero Græci habeant in Menologio hanc Nebridio nuptui traditam, Palladius⁵ vero dicat, nurum fuisse Nebridii; conciliari eo modo inter se possunt auctores, ut filio illius Nebridii clarissimi viri sub Constantio imp. præfectura prætorii insigniti, cuius meminit Ammianus⁶, Nebridio item dicto conjuncta fuerit matrimonio Olympias, de qua agimus. Hæc autem postquam cum viro suo (ut Palladius habet) viginti tantum menses impleisset, illo defuncto, locupletissimi hæres patrimonii, cum sic absque aliis nuptiis, Deo vacans, vitam tranquillam ageret, a Theodosio imperatore ad secunda vota sollicitatur. Quid vero tunc ipsa, ita Palladius⁷:

46. «Audi, inquit, majorem ipsius quoque virtutem. Pupilla namque conjuncta viro, permissa non est a præscio omnium Deo, qui hominum prævidet exitus, carnis servire voluptati, viginti integros menses viro ejus mature subtraxit. Fertur autem virgo esse: nam⁸ apostolicæ legi renuit servire dicenti: Volo adolescentiores viduas nubere, matres familias esse; et quidem cum et genere et opibus, et eruditione singulari et ingenio liberali et forma et ætatis flore præcelleret, sed Dorceadis in morem, sæculi connubii laqueos constanti voluntate transiliens. Justo enim lex posita non est, sed non subditis, profanis, et qui corruptelæ inexplēbiter inhiant.

¹ Pallad. in Lausiac. cap. 43. — ² Ammian. lib. xx. — ³ Gregor. epist. LVII. — ⁴ Pallad. dialog. de vit. Chrys. — ⁵ Pallad. in Lausiac. cap. 42. — ⁶ Ammian. lib. xxvii. — ⁷ Pallad. in dialog. Vita Chrys. — ⁸ 1. Tim. v.

¹ Chrys. hom. xx. ad populum Antioch.

47. « Contigit autem diaboli invidia, ut hujus inimatura viduitas ad aures Theodosii principis perveniret. Qui hanc Elpidio cuidam cognato suo Hispano conjungere in matrimonium cupiens, cum post plurimas preces id obtinere nequivisset, tristabatur. Ad quem illa : Si, inquit, me vellet rex meus copulari viro, nunquam priorem mihi abstulisset : quoniam autem me parum idoneam conjugali vite cognovit, viroque placere minime valentem, et illum jugali vinculo absolvit, et me gravissimo jugo virilis servitutis eripuit, suave continentiae jugum cervicibus meae mentis imponens. Ille responso accepto, Theodosius praefecto urbis mandavit, ut omnem ejus substantiam custodiret, quousque trigesimum aetatis impleisset annum. Ille accepta procuratione regia, eam adeo vexabat ab Elpidio submissis, ut nullam haberet facultatem vel cum insignibus episcopis congregandi, vel ecclesiam ipsam ingrediendi ; ut his angustiis coacta, praerangore animi, conjugalem eligeret vitam. Illa e contra his oblectata magis, et Deo gratias referens, imperatori ita rescripsit.

48. « Et imperatori debitam et congruam episcopo virtutem in me humilem ostendisti, mi Domine, mandans grave onus meum custodiri ; cujus me dispensationis cura inacerabat. Erit autem gratius, si jussus id pauperibus et Ecclesiae dividi. Ego enim jamdudum a vanitate, quae solet, ex hac largitione subsequi, metuebam, ne terrenis implicita negligerem divitias naturales ». Ita Olympias ad Theodosium : eadem ferme cuncta Leo Augustus de ipsa in rebus gestis Chrysostomi habet. Porro res Olympiadis ipse Theodosius hoc anno proficiscens cum exercitu contra Maximum hoc statu reliquit. Quid autem reversus egerit, idem Palladius sic enarrat : « Theodosius ita postmodum reversus a bello, quod contra Maximum feliciter gesserat ; cum illius tolerantiam, laboremque comperisset ; in sua eam libertate esse jussit ». Ille ipse.

49. Quod vero eandem Olympiadem ferme omnes virginem praedicent ; audi quid ad ipsam scribens dicat Chrysostomus¹ : « Nec vero, inquit, sermones meos propterea carpe, quod te in virginum chorum et classem adscripserim, quae in sanctarum illarum chorea vivisti : saepe enim me tum privatim, tum publice audisti, cum quae virginitalis definitio esset, explicarem ; illudque confederem, nihil unquam impedimento fore, quo minus ea in virginum numerum et ordinem referretur, imo etiam eos longo intervallo superaret, quae in ceteris rebus ingentis philosophiae specimen edidisset. Eaque de causa Paulus² etiam, cum virginem describeret, non eam duntaxat, quae matrimonii virilisque concubitus experta esset, virginem appellavit, verum etiam ipsam, cui ea quae ad Dei cultum pertinerent, curae essent ». Subdit de decem virginibus Christi parabolam, qua virgines prudentes non tam corporis integritate, quam incorruptione morum et bonorum operum luce definiuntur, distinguunturque a virgi-

nibus fatuis. Quibus plane videas ipsum Joannem Chrysostomum postremum tribuere Olympiadi virginitalis genus potius, quam primum.

50. Ille autem in sua in omnibus potestate relicta, quodnam initum prosecuta fuerit vile genus idem Palladius ita subdit : « Abstinet illa quidem animatis omnibus, balneisque nunquam adit. Quod si infirmitatis necessitas urgeat (crebris enim passionibus et morbis alteritur) induta camisia descendit in aquas : veretur enim (ut aiunt) et se ipsam » : paulo vero post : « Scio, inquit, hanc sanctum Nectarium Episcopum³ Constantinopolitanum plus fuisse admiratum, adeo ut in Ecclesiasticis quoque rebus mulieri obtemperaret. Amphilochem vero Leonii episcopum, et Optimum praesulem in Ponto, et Petrum Sebastiae antistitem Basilii fratrem, et Epiphanium Constantiae Cypri antistitem, sanctos viros quid memorem ? quibus illa et pecunias donavit et villas. Optimo certe, dum Constantinopoli moreretur, ipsa oculos manibus suis clausit, etc. » Subdit his quoque Leo Augustus, hanc ob insignia virtutum merita, licet nondum annis ad munus aptare, creatam tamen fuisse Ecclesiae Constantinopolitanae diaconissam ; quod ministerium explevit magna totius Ecclesiae laude, adeo ut ne levem quidem invidis et obtrectatoribus nedum dicendi, sed nec suspicandi de se aliquid indignum occasionem dederit. At de Olympiade hactenus : longe plura sunt quidem, quae de ipsa inferius suis locis dicturi sumus. Jam Theodosium expeditionem parantem in Maximum prosequamur.

51. *Theodosius profecturus in Maximum sanctorum hominum opem efflagitat.* — Profecturus ipse adversus tyrannum, in primis quibus valuit pietatis armis conatus est, conciliando sibi divinum numen, exercitum communire. Siquidem persentiens, magni momenti opus aggredi, dubiam jacere alcam, remque tentare periculosam, a Deo diversis modis sibi implorare suppetias laboravit, utpote qui optime seiret Dei munus, atque diceret una cum Psalmista⁴ : « In Domino faciemus virtutem, et ipse ad nihilum deducet inimicos nostros ». Ad haec plane respiciebat, quod ait ad Flavianum, ut precibus apud Deum contenderet extingui bella. Sed et in eo maxime ejusdem pietas commendatur, quod tanti ponderis praedium aspiciaturn, legatos in Aegyptum misit ad sanctos ibi agentes anachoretas, quos pro se certantes precibus habere voluit pugnatores. Inter alios autem Joannem sanctissimum monachum, quem S. Hieronymus⁵ magnopere laudet, per eundem consuluit de dubio belli eventu. Testatur id quidem sanctus Augustinus, dum ait⁶ :

52. « Cum Maximum terribilem faceret ille successus », nempe obitus Gratiani cum fuga Valentiniani. « hic (Theodosius scilicet) in angustiis curarum suarum non est lapsus ad curiositates sacrilegas atque illicitas ; sed ad Joannem in Aegypti

¹ Chrys. ep. II. in addit. — ² 1. Cor. VII.

³ L. III. de fid. Cathol. C. Theod. — ⁴ Psal. XLIII. — ⁵ Hieron. A. Ctesiphon. adv. Pelag. — ⁶ Aug. de Civit. Dei. lib. V. cap. 26.

eremo constitutum, quem Dei servum prophetandi spiritu præditum fama crebrescente didicerat, misit, atque ab eo nunquam victoriæ certissimum accepit ». Hæc Augustinus, quæ et probavit eventus : eadem habet quoque Rufinus¹. Multa de eodem Joanne narrat Evagrius², et inter alias hæc quæ ad Theodosium ejusque duces spectant : « Imperatori, inquit, Theodosio, vel quos belli exitus habiturus esset, vel quibus modis victoriam caperet de tyrannis, sed et quot irruptiones passurus esset gentium barbararum, sæpe prædixit. Quodam etiam tempore cum gens Æthiopum Romanum militem circa Cyrenem (quæ prima est ex Æthiopiæ partibus Thebaidis civitas) incursaret, et strages plurimas nostrorum dedisset, prædamque duxisset; venienti ad se Romano duci et metuendi colligere cum eis, eo quod exiguus ipsi erat militum numerus, et hostilis contra se innumera multitudo; Joannes statum designans diem : Perge, inquit, securus; die enim qua dixi, et hostem prosternes, et spolia capies, prædamque revocabis. Quod cum fuisset impletum, etiam apud Augustum quod carus accepturus futurus esset, prædixit ». Hæc ibi : quæ recensuisse volumus, quod existimemus horum fama ipsum innotuisse Theodosio imperatori, qui eo modo eundem sanctum de futuro belli eventu ut diximus, interrogavit.

53. Rursum vero ad bellicam expeditionem plurimum conferre idem imperator existimavit, si secum duceret celeberrimum quemdam monachum, Senuphium nomine, quem per Theophilum Alexandrinum episcopum accersivit; qui prætextu quodam, quasi ipsa civitas in magno discrimine esset, eum ad se vocavit. Quid autem tunc ille, Acta³ Cyri et Joannis docent his verbis : « Cum intellexisset Theodosius, quod in Scete (est autem hæc solitudo in Ægypto quidem sita, sic nominata) philosophabatur vir quidam genere et ipse Ægyptius, maximorum sane effector miraculorum; scribit protinus ad Theophilum Alexandrie episcopum, jubens ut efficiat, quo vir ille admirabilis quamprimum veniat Constantinopolim. Eis autem litteris quoque continebatur, quod ejus adventu opus esset. Ille vero, iis acceptis, statim ad eum venit, et datis litteris, preces imperatoris, et usum, qui urgebat, significat. Deinde etiam ipse quoque ex se facit quod potest, vehementer rogat, orat, supplicat, ne preces despiciat imperatoris, neque suos vilipendat labores, sed veniat ad civitatem, et bellum, quod in eam paratur, suis avertat precibus, et a tanto periculo et metu eam liberet, utpote quod in ejus potestate situm sit, ut civitas vel salva sit vel intereat. Admirabilis autem ille Senuphius (hoc enim nomine vir ille vocabatur), primum quidem, ut consentaneum est, ne rogaret prohibuit, non ad mensuram ejus quam habebat gratiæ, sed ad mensuram potius ejus, qua erat dives, humilitatis aspiciens : Magna est,

inquit, mea in civitatem benevolentia, et ipsam valde salvam esse cupio; sed non voluntatem quoque vires sequuntur ex ea, quæ est ad Deum fiducia. Quin etiam rogavit ipsum Alexandrinum episcopum, ne de eo talia sentiret, neque eum putaret vulgo antecellere.

54. « Cum autem cum ipse omnino non dimitteret, nec sciret magnus quidnam faceret Senuphius; discessum quidem suum pulchre dilert, dat autem sic quoque auxilium, idque facit admirabilius. Nam et statim stetit ad Orientem; et cum superhumerali et baculum in cælum sustulisset : Domine Deus, inquit, Deus exercituum, da huic meo superhumerali, et huic baculo, ut tantum possit quantum ego ipse, si illic adessem. Hæc cum Deo dixisset; quæ habebat in manibus, dat statim Pontifici : Hæc accipe, dicens, et mitte statim ad imperatorem : ille autem superhumerali quidem imponat, baculum vero manu ferat; deinde cum manus opus fuerit conserere cum hostibus, præcedat omnes alios, et audacter procedat adversus inimicos. Nam si ego quidem possim a Deo exaudiri, existimo fore ut ipse sit illis terribilis, et sine sanguine gloriosam referat victoriam.

55. « Hæc cum ad imperatorem libenter essent allata; ille quidem munit caput superhumerali quavis galea tutius, baculo autem munit dexteram lancea longe validius, et hac ratione confidens fore, ut hostibus videretur terribilior, quam olim (ut aiunt) clava Hercules. Jam accedentibus hostibus, ipse primus præcedit ducens totum exercitum. Propter Senuphii autem ad Deum orationem nulla erat dilatio, sed res statim finem accipiebat. Simul ac enim eum viderunt barbari, admirati ipsum tantumquam unum ex celestibus, ad fugam statim spectabant; et pedum virtutem laudabant; ingiebant vero non aliquo certo ordine, ut qui non essent omnino oblitii virium, sed ut qui essent amotæ mentis, et perterriti, alii alio dispersi, terga volventibus facilia, expedita venatio, secura persecutio, et libera ab omni periculo : ipsi potius propter fugam quæ erat sine ullo certo ordine, plagas et vulnera atque adeo mortem sibi invicem concitantes; adeo ut imperator non solum sine sanguine, sed etiam sine ullo labore hanc victoriam refulerit. Festum ille nominavit hunc diem, et nunc quoque post tantum tempus magnifice celebratur ab Alexandrinis; nominatur ab eis *εὐχένιος* ab imagine : ab eis enim imperatori facta est quædam statua eo quo tunc modo armata, et capite quidem superhumerali induta, dextera autem tenens baculum ». Hactenus ibi : recitat breviter hæc eadem Glicias¹ : sed quo potissimum tempore, num cum adversus Maximum hoc anno, an postea cum adversus Eugenium profectus est, vel aliis bellis decortavit, id acciderit, penitus ignoratur.

56. *Theodosius in expeditione scribit contra hæreticos.* — Quod vero ad tempus ejus in Occidentem

¹ Rufin. l. II. c. 32. — ² Evag. Vit. sanct. Patr. c. 1. — ³ Apud Metaph. die 31. Januarii.

¹ Glic. Annal. part. IV.

adventus adversus Maximum spectat, non sequimur Marcellinum, qui sub anni superioris consulibus illum collocat; nam cum multa ejus sententiae adversentur, quibus ut vidimus, cum egimus de rebus Antiochenis ipsum constat tempore Quadragesimae hoc anno egisse Constantinopoli; rescripta etiam hoc eodem anno ab ipso in Oriente data plane declarant, non ante praesentem annum Theodosium ipsum adversus Maximum profectum esse. Hoc enim anno, mense Martii, Thessalonice adversus haereticos ista sancivit, quibus ad futuram victoriam eo modo viam praevia pietate constravit, dum primum expugnat impietatem, ejus sectatores exagitans ipsis legibus:

57. « Apollinarianos ¹, caeterosque diversarum haeresum sectatores ab omnibus locis jubemus inhiberi, a mœnibus urbium, a congressu honestorum, a communione sanctorum; instituendorum clericorum non habeant potestatem; colligendarum congregationum vel in publicis vel in privatis Ecclesiis careant facultate; nulla his faciendorum episcoporum praebeatur auctoritas: ipsi quoque episcopi nomine destituti appellationem hujus dignitatis amittant. Adcant loca, quae hos polissimum quasi vallo quodammodo ab humana communione secludant. His etiam illud necimus, ut supramemoratis omnibus adeundi atque interpellandi serenitatem nostram aditus denegetur. Dat. VI idus Martii Thessalonicae, Theodosio A. II et Cynegio coss. » Adjecit et alias in eodem prociunt Theodosius adversus haereticos sanctiones, ut eam quae sequitur, his verbis ad Triphorium scribens ²:

58. « Omnes diversarum pertiarumque sectarum, quos in Deum misere vesania conspirationis exerceat, nullum usquam sinantur habere conventum, non inire tractatus, non coetus agere secretos, non nefariae praevaricationis altaria manus impie officii impudenter attollere, et mysteriorum simulationem ad injuriam vere religionis aptare. Quod ut congruum sortiatur effectum, in specula sublimitas tua fidelissimos quosque constituat, qui et exhibere possint, et deprehensos offerre judiciis, severissimum secundum praeteritas sanctiones, et Deo supplicium daturus et legibus. Dat. XVIII kalend. Jul. Stobis, Theodosio A. II et Cynegio V. C. coss. » Quo etiam mense haec quoque salubriter sanxit ³: « Nulli egresso ad publicum, vel discipulandi de religione, vel tractandi, vel consili aliquid deferendi pateat occasio. Et si quis posthac ausu gravi atque damnablem contra hujusmodi legem veniendum esse crediderit, vel insistere motu pestiferae perseverationis audebit; competentem poena et digno supplicio coercetur. Dat. XVI kal. Jul. Stob., Theodosio A. II et Cynegio V. C. coss. » Ac rursus ad eundem adversus Arianos specialim haec edidit ⁴:

59. « Nonnullos Arianorum formam nostrarum

talem proferre jussionum comperimus, ut his liceat usurpare, quae suis videantur utilitatibus convenire: Quia sublata sciunt nullam hujusmodi jussionem e nostro sacratio profluxisse. Quicquid itaque fuerit ab his pro eorum commoditate prolatum; ut falsi reus teneatur, qui deinceps ea circumtulit. Dat. V idus Aug. Constantinop., Theodosio A. II et Cynegio coss. » At perperam factum putamus, ut in Codice loco acceptae sanctionis, data ponatur, Constantinopoli: quam edidisse putamus, cum jam in Italiam adventasset; illosque ea lege exagitare Arianos voluisse, qui rescripto Valentiniani, de quo suo loco superius actum est, dato pro Arianis sectantibus professionem Ariminensem, ulteretur tanquam ab ipso Theodosio edito, eo quod ex more amorum imperatorum nominibus haberetur inscriptum.

60. Cum autem ad Arianos Constantinopoli agentes ejusmodi imperatoris rescriptum perlatum esset; aestuantes in eum ira, quodnam immane scelus admiserint, proxime dicturi sumus. Cum vero tot hoc anno adversus haereticos extent a Theodosio promulgatae leges, aliaeque ab eodem editae plures sint superius a nobis recitatae; nescimus quo modo Socrates ¹ illud affirmet, eundem imperatorem omnibus haereticis, exceptis Eunomianis, concessisse privatos in domibus conventus agere, Ecclesias extra civitates construere. Ex his enim et aliis superius recitalis manifesti erroris arguitur: cum in eo totus Theodosius fuisse appareat, atque hoc praesertim anno studiosius incubuerit, ut omnes haereticos omni conventu excluderet, ac locis interdiceret.

61. *Theodosius mira felicitate Maximum bello superat, qui ad Aquileiam occiditur.* — Accidit quidem prospere feliciterque Theodosio, cum manu altera adversus haereticos pugnans, altera Maximum debellavit. Cujus belli progressus a Zozimo ² copiosius quam ab aliis describuntur; nobis hic satis eos summam reddere. Magnus plane metiendusque fuit ad praesens conficiendum bellum, quo de summa totius Romani imperii decerneretur, Maximi apparatus terra marique dispositus. Siquidem Andrastinum classi praefecit, qua mare Ionium asservaret, si forte per illud Theodosius transmittere tentaret exercitum; Marcellinum fratrem terrestribus copiis custodire jussit Italiae aditus: ipse vero cum victore semper exercitu in Pannoniam progressus est; occursurus hosti, si ea via tenderet in Italiam. Theodosius igitur veniens, Maximum Scisciae cum exercitu considentem invenit, eundemque commisso magna virtute certamine profligavit, qui se Aquileiam fuga lapsus recepit. Procegens itaque ulterius Theodosius fugientem hostem prosecutus, apud Pelavionem Marcellinum cum alio exercitu agentem invenit, quem pariter bello superatum atque fugavit.

62. Duabus his adeo ingentibus divino favore victoriis partis, ut quod reliquum belli superesse videretur, eadem celeritate conficeret, Aquileiam contendit, ibique Maximum agentem obsedit; qui a

¹ I. XIV. de haer. c. Theod. — ² I. XV. de haer. c. Theod. — ³ I. II. de his qui super relig. contend. c. Theod. — ⁴ I. XVI. de haeret. c. Theod.

¹ Socr. l. v. c. 20. — ² Zozim. lib. IV.

suis militibus captus, indutusque insignibus imperatoris; ad Theodosium victus perductus est; cuius infelicem statum Theodosius commiseratus, oculis eum ad parcendum compositis aspexit; cum milites indignati, eundem Maximum a conspectu Theodosii abstrahentes, abscisso confestim ejus capite, necaverunt, ne miserendi ipsi Theodosio locus esset; nam et Pacatus: « Rapitur ergo, inquit, ab oculis, et ne quid licere posset clementiae, inter innumeras manus fertur ad mortem ». Quod factum sexto kalend. Septembris affirmant¹. Cum paulo post Andragathius classis praefectus, audita Maximi nece, se praecipitem dedit in fluctus: eo namque modo proditor Gratiani, ut par erat, interit. Secutaque est mors Victoris pueri, Maximi filii, jam a Patre Augusti nominati, quem Arbogastes comes proditione confecit, puerulum apud matrem relictum in Gallis. Haec ex Zozimo², Pacato³, et aliis perbreve enarravimus. Victoria quidem, prae magnitudine sua, tanti temporis brevitate, de tot exercitibus oblata, tam incruenta, tantumque proficua, qua Galliae, Hispaniae, Britannia, Italia, et omne denique Occidentale imperium recuperatum fuit, et Orientale tutum redditum, ore omnium celebrata et decantata vocibus fuit, utpote quae nullo plane divino intelligeretur oblata, inclamante in Maximum desuper voce sanguinis innocentissimi Gratiani, faventibus vero Theodosio precibus sanctorum monachorum, una cum indulgentia Antiochenis concessa, pietateque in extirbandis haereticis pro ipso pugnant, quibus et aliis probe factis caelestes sibi conciliavit exercitus.

63. Reflexit S. Ambrosius tot tantaque haec a Deo impartita Theodosio beneficia, cum ad eum pro Thessalonicensibus paulo post rogaturus epistolam scripsit⁴, qua infer alia ex Dei persona ita hominem interpellat: « Ego tibi inimicum tuum in potestatem tuam captivum deduxi. Frumentum non habebas ad exercitus alimoniam; ipsorum hostium manu palefeci tibi portas, aperui horrea; dederunt tibi hostes tui commeatus suos, quos sibi paraverant. Ego perturbavi hostis tui consilia, ut se ipse nudaret. Ego ipsum usurpatorem imperii ita vixi, ac mentem ejus ligavi, ut cum haberet adhuc fugiendi copiam, tamen cum omnibus suis tanquam metuens ne quis tibi periret, ipse se clauderet ». Itaque idcirco Ambrosius, quod cum liberum fuisset Maximo repetere Gallias, se incluserit Aquileiae; ut merito et haec de eo Pacatus: « In oppidum semet Aquileiense praecipitat, non ut vitam funderet resistendo, sed ne penam frustrando differret, etc. » Sed subdit Ambrosius ex ejusdem persona numinis: « Ego conilem ejus atque exercitum ex altera parte naturae, quos ante disperseram, ne ad belli societatem coerent, ad supplementum tibi victorie congregavi. Ego exercitum tuum ex multis indomitis conveni nationibus, quasi unius gentis fidem,

tranquillitatem et concordiam servare praecipi. Ego, cum periculum summum esset, ne Alpes infida barbarorum penetrarent concilia, intra ipsum Alpium vallum victoriam tibi contuli, ut sine damno vinceret. Ego te triumphare feci de inimico tuo »: et inferius de tribus illis Theodosii victoriis Francorum et Saxonum ope reportatis haec ait: « Ille igitur », nempe Maximus, « statim a Francis et a Saxonum gente in Sicilia » (ibi Andragathius cum classe erat) « Scisciae, Pelavione, ubique denique terrarum victus est ».

64. Hic Maximi tandem finis fuit, quem praestabat auscultasse Martino ipsum admonenti ne transiret Alpes; quod si faceret, interitum sciret sibi in Italia preparatum. De interitu Maximi agens Gilda Sapiens¹: « Apud Aquileiam, inquit, urbem capite nefande caeditur, qui decorata totius orbis capite regno quodammodo dejecerat. Exin Britannia, omni armato milite, militaribus copiis, rectoribusque licet immanibus, ingenti juventute spoliata; quae comitata vestigia supradicti tyranni, domum usquam ultra rediit; et omnis belli usu penitus ignara, duabus primum gentibus transmarinis vehementer sexis, Scotorum a Circio, Pictorum ab Aquilone calcabilis multos stupet gemetque annos ». Sic igitur et tyrannus tyrannique prima sedes, et gens quae illi in tyrannidem favit, ejusmodi dirum supplicium luit.

65. *Theodosius parciit victis, Valentiniano regnum restituit.* — At quod ad Theodosium pertinet; non tam victoriae claritudine, deletis penitus hostibus, illustratus est, quam clementia atque beniguitate eluxit in primis erga hostes, dum (ut ait Pacatus²) « duobus aut tribus furiosi gladiatoris lanistis in belli piaculum caesis, reliquos omnes venia complexa, velut quodam maternum sinu clausit. Nullius bona publicata, nullius molesta libertas, nullius praeterita dignitas immiuta: nemo affectus, nemo nota, nemo convicio, aut denique castigatione perstrictus, culpam capitis aurum sallem molestia luit. Cuncti domibus suis, cuncti conjugibus ac liberis, cuncti denique innocentiae (quod est dulcius) restituti sunt. Vide, imperator, quid hac clementia consecutus sis, fecisti ut nemo sibi victus te victore videatur ». At quid in ipsos propinquos Maximi? haec paucis, sed magna est complexus Ambrosius³, ad ipsum Theodosium cum postea scripsit: « Inimici tui filias revocasti, nutriendas apud affinem dedisti; matri hostis tui misisti de aerario tuo sumptus ». Ita ipse. Sed cui haec adeo pulchra accepta ferenda? equidem S. Ambrosio episcopo, qui (ut dicemus) tunc Aquileiae erat, atque de his omnibus Theodosium interpellavit; quod testatur epistola postea ad ipsum scripta, cum ait⁴: « Debeo beneficiis tuis, quibus me petente liberasti plurimos de exiliis de carceribus, de ultimae necis poenis, etc. » Quam epistolam hoc anno ab Ambrosio ad eum datam esse, dicemus.

¹ Soer. l. v. c. 14. Paul. diacon. et alii. — ² Zozim. l. iv. — ³ Pacat. in Panegyrr. — ⁴ Ambr. epist. xxix.

¹ Gild. de excid. Brit. — ² Pacat. in Panegyrr. — ³ Ambr. ep. ad Theod. xxix. — ⁴ Ambr. epist. xxix.

66. Sed et inde quoque summam consecutus est Theodosius laudem, cum occiso Maximo, absque aliqua controversia summa rerum posita, voluit tamen cum Valentiniano partiri imperium, dum non tantum Italiam, ex qua dejectus a tyranno fuerat, illi restituit, sed adiecit et Gallias, Hispanias, atque Britanniam. De his enim agens S. Augustinus, factum commendans, sic ait¹: « Mox tyranni Maximi extincior, Valentinianum puerum imperii sui partibus, unde fugatus fuerat, cum misericordissima veneratione restituit ». Hæc ipse. Sed majorem inde meruit Theodosius gloriam, quod eundem Valentinianum a matre Justina impietate corruptum, catholice reddidit disciplinæ, ostendens illi ea de causa ipsum committere a Maximo e regno depelli, quod inhærens matri, fidem catholicam depulisset. Recitat verba Theodosii ad Valentinianum tunc dicta Suidas², que sic se habent: « Cum autem venisset Valentinianus ad Theodosium, in recta fide est institutus: dicebat enim ei Theodosius, imperatoriam aciem stare non armis, sed iustis causis. Et novi, inquit, Valentiniane, religiosissimos imperatores, quiescente exercitu, victoriam obtinuisse, et hostes subactos, tributarios factos esse, periculo autegresso. Sed et Constantinus Magnus erectum Licinium tyrannum naufragio trucidavit. Sic etiam Valentinianus pater tuus feliciter imperium et ab hostibus illatum gubernavit, Deo eum defendente, innumrabilibus præliis victor, multis et diversis barbaris sublati. Valens vero pater tuus Deum divellens, inquinavit Ecclesiam, homo profanus cæde sanctorum et sacerdotum relegatione; divinaque providentia a Gothis oppugnatus, combustus est. Recte Christum colitis, qui non immerito te eiecit. Incredulitas tua Maximo facultatem dedit. Si Christum non videremus, quem invocabimus pugnaturi? Hæc et plura etiam his admonitus a Theodosio Valentinianus ad fidem rectam adductus est ». Ille cunctis Suidas. Sed contigerunt hæc, cum in Oriente profugo eidem Valentiniano ipse Theodosius occurrit.

67. *Aquileie et Mediolani data Theodosii rescripta.* — Mansit hoc anno Theodosius Aquileie, nec non Mediolani, sequenti autem (ut dicemus) Romam se contulit. Aquileie vero dum esset, ad Tripholinum præf. præf. adversus res a Maximo gestas ita rescripsit³: « Nullus sibi honorem audeat vendicare, quem tyrannica concessit audacia; sed ad pristinum statum damnata præsumptio revocetur. Dat. X kal. Octob. Aquileie, Theodosio II et Cynegio coss. » Non sunt hæc contraria, ut apparent, his quæ nuper diximus ex Pacato, collatas a Maximo honores a Theodosio sublatis: nam hæc puto intelligenda de his qui a Maximo fuerant iisdem magistratibus spoliati, quos pristinis dominis hæc voluit decreta lege restitui.

68. Mense vero Octobri idem Theodosius Medio-

lanum se contulit; ubi cum esset, itidem adversus Maximam acta ejusmodi edidit sanctionem¹:

« Omne judicium, quod vakra mente conceptum, non jura reddendo Maximus infandissimus tyrannorum credidit promulgandum, damnavimus. Nullus igitur sibi lege ejus, nullus iudicio blanditur. Dat. sexto id. Octobris Mediolani, Theodosio A. II et Cynegio coss. » At non præterea quod hoc ipso anno, antequam Maximus victus esset, misit Theophilus episcopus Alexandrinus legatum Isidorum in Italiam cum litteris atque muneribus, ut alterutri qui vinceret, eadem traderentur. Meminit hujus legationis Socrates, ubi ait²: « Cum imperator Theodosius contra Maximum tyrannum prælio decertaret, Theophilus per Isidorum munera ad imperatorem cum binis litteris misit, præcepitque ut victori et munera et alteras litteras offerret. Isidorus, quo hoc negotium obiret, Romam contendit, victoriamque sedulo observat. Verum illud factum non diu in obscuro fuit: nam lector illius, qui una cum illo aderat, litteras clam subripuit. Unde Isidorus metu percutus, absque mora Alexandriam profugit. Hæc quidem causa fuit, cur tantopere postea a Theophilo fuerit pro Isidoro laboratum ». Hæc Socrates. His sane Isidorum hunc, virum speculatum valde, venisse Romam, Palladius³ tradit; primo cum Athanasio; postea vero, nempe hoc tempore, cum Demetrio episcopo; prædixitque fuisse affirmat, ita tamen, ut (quod ait) omnia Christi amore in pauperes fuerit elargitus. Felix hic namque, nisi Origenis venena potasset, ut dicemus, cum ab eodem Theophilo alia functus est legatione in Palestinam, de qua suo loco. Hunc quidem primo monasticam vitam exercuisse in Nitria, inde vero adscitum in presbyterum Ecclesie Alexandrinæ, idem tradit Palladius, qui cum novit. At ne quis duos putet, quod interdum presbyterum, interdum vero monachum nominet: sciendum est, unum eundemque Isidorum monachum atque presbyterum fuisse.

69. *Arianis, qui Constantinopoli tumultus fecerant, parciit Theodosius.* — Jam vero antequam reliquas res a Theodosio Mediolani gestas prosequemur; quamam acciderint Constantinopoli, tempore quo Theodosius pugnabat adversus Maximum, dicere opus est, que a Socrate narratur his verbis¹: « Eodem temporis momento, quo imperator ad hoc bellum adversus Maximum faciendum omni studio incumbere, Constantinopoli ab Arianis tumultus tali de causa commotus est. Solent homines, de rebus quas non norunt, sermones nonnunquam fingere; et si quando fuerint occasione nacti, rumores de rebus, quarum cupiditate ducuntur, multo maximos excitant, utpote perpetuo rerum novarum appetentes. Quod quidem in ea civitate tum usi venit. Nam de bello, quod longe ab illis gerebatur, alius aliud commentus, rumorem de eo

¹ Ang. de Civit. Dei. lib. v. c. 26. — ² Socr. verb. Valentinian. —

³ l. vi. de infirmis, his que sub tyranno.

¹ l. vi. de infirmis. his que sub tyranno. — ² Socr. lib. vi. c. 2. —

³ Pallad. in Lausiac. c. 1. — ⁴ Socr. l. v. c. 13. Sozom. l. vii. c. 14.

dissipavit; spem scilicet animo concipiens, belli eventum imperatori in dies minus prospere successurum. Etenim quavis in bello adhuc nihil esset confectum, tamen illi res quas non norunt, juxta ac si easdem oculis aspexissent, narrarunt, dixeruntque tyrannum copias imperatoris profligasse, hunc et illum militem numerum in pugna cecidisse, atque adeo ipsum imperatorem a tyranno propemodum caplum fuisse.

70. « Ariani itaque gravi tum animi perturbatione commoti (discruciabantur enim, Ecclesias intra urbem et ab illis, quos ipsi ante persecuti fuerant, occupatas), varios rumores disseminarunt. Et quoniam alia quædam diversa ab illis quæ narrabantur, eos etiam qui rumorum erant auctores, ad credendum illa induxerunt, ut ea quæ ipsi confiterant, non conficta, sed vera esse putarent (nam alii qui ea auditione perceperant, ipsis rumorum auctoribus confirmabant, non aliter habere, atque ab illis audierant) Ariani idcirco animis de integro considerare, facinus aggredi : Nectarii episcopi domum injectis facibus incendio vastare cœperunt ». Cum vero paulo post de ingenti Theodosii victoria nuntium Constantinopolim perlatum esset; multo illi timore concussi, Arcadium Theodosii filium, qui aderat, supplices petentes veniam convenere : cum ille pro ipsis ad patrem scripsit, qui iis noxam precibus Arcadii rogantis remisit; de quibus hæc Ambrosius ¹ : « Constantinopoli dudum domus episcopi incensa est, et filius clementiæ tuæ intercessit apud patrem, ut et suam, hoc est, filii imperatoris injuriam, et domus sacerdotalis incendium non vindicares. Non consideras, imperator, ne et hoc cum vindicari jusseris, ipse iterum interveniat, ne vindicetur? Sed bene illud acquisitum est a patre filio : dignum enim erat, ut suam injuriam prius ipse donaret. Bene illud cum gratiæ distinctione divisum est, ut filius pro sua, et pater pro filii injuria rogaretur ». Hæc Ambrosius.

71. *Augustino baptismum Mediolani confert Ambrosius.* — Hoc ipso anno, Paschali tempore contigit baptismus magni Patris Augustini, de quo nobis agendum est. Ac primum quæ sunt temporis elucidanda erunt; cujus quidem exactius disquisimus rationem in nostris Notis, illis tamen posterius editis, nempe Plantiniani typis, in quibus errorem illum emendavimus prioris editionis, in quem incauti ob textum ejusdem S. Augustini depravatum impingimus. Quod enim dum ipse agit de obitu matris suæ, dicat ² : « Ergo die nono ætutudinis suæ, quinquagesimo et sexto anno ætatis suæ, trigesimo et tertio ætatis meæ, anima illa religiosa et pia corpore soluta est ». Quod contigit (ut dicemus) anno sequenti, mense Maii : si verum est quod ibi dicitur, ipsum fuisse tunc annorum triginta trium; utique dicendum erat, anno trigesimo secundo baptizatum, conversum vero trigesimo. Verum ille corrigendus est textus, ut loco trigesimi

mi tertii, ponendus sit annus trigesimus quintus; idque ex aliis ejusdem Augustini locis; ut in primis cum ita ait libro tertio contra Academicos ³ : « Cum trigesimum et tertium ætatis annum agam, etc. » Cum igitur fateatur se annorum jam fuisse triginta trium, cum scriberet contra Academicos; atque æque constet, eos ab ipso elaboratos libros cum Mediolani adhuc catechumenus esset (id quidem ipso testante ⁴) et ante mensem Novembris; quod ipse etiam demonstrat, dum ait ⁵, illos scriptos esse antequam scriberet *de Vita beata*; quam scriptio-nem habebat præ manibus (ut ex ipsa apparet) eo anno, tempore natalis sui, idibus Novembris; utique affirmandum est, eos anno superiori ab ipso fuisse conscriptos in fine anni trigesimi tertii suæ ætatis; quo pariter anno idibus Novembris inchoaretur trigesimus quartus. Cum vero rursus Possidii ⁶ testificatione liqueat, ipsum baptizatum esse Paschali tempore; utique etiam dicendus erit, non anno superiori, sed præsentī anno dicto tempore, sacro baptismo initiatus fuisse.

72. Nec est quod quis post hunc annum existimare possit Augustini differendum esse baptismum, quem constat, ipsomet teste ⁷, jam baptismum recessisse ex Italia post necem Maximi, quam hoc anno contigisse diximus mense Septembris. Insuper id confirmatur, quod in *Soliloquiis* (quæ testatur se scripsisse ante baptismum, post tamen commentarium *de Vita beata*, ut patet ex ordine) de suæ tunc ætatis annis hæc ait : « Cum triginta quatuor annos agam, quatuordecim fere anni sunt, ex quo ista cupere destiti, etc. » Habet alia lectio, *triginta tres* : sed verior illa superior : nam eo anno ab idibus Novembris (ut diximus) inchoatus erat annus ejus ætatis trigesimus quartus, quo scribebat *de Vita beata*, post quem scripsit *Soliloquia* : qui quidem annus trigesimus quartus ab idibus Novembris anno superiori inchoatus propagatur in eandem diem præsentis anni trecentesimo octogesimi octavi, quo Augustinus Paschali tempore baptizatus est.

73. Quod si adhuc quis pertinacius contendere audeat, atque importunius illud inculcet; cur non potius mendum irrepsisse potuit in loca illa libri tertii contra Academicos, et *Soliloquiorum*, quam in illum libri noni *Confessionum*? Satis ad hæc responsio illa sufficere posset, quam ratio ipsa docet; nimirum, germanum habendum esse textum illum, qui alterius textus ejusdem auctoris contestatione fulcitur; suspectum vero eum, qui a duobus contrariis textibus impugnatur. Verum manifestiori adhuc veritate textus ille in dicto nono libro *Confessionum* depravatus arguitur : nam præter illa, quæ superius de rebus gestis singulis temporibus S. Augustini dicta, aperte hoc ipsum demonstrant; illud modo accipe, quod dictum est, sua ipsius assertionē Augustinum sub consulatu Bau-

¹ Aug. conf. Academ. l. III. c. 20. — ² Aug. Retract. l. I. c. 14. —

³ Aug. Retract. l. I. c. 1. 2. — ⁴ Possid. Vit. Aug. c. 1. — ⁵ Aug. cont. litt. Petil. l. III. c. 11.

⁶ Ambros. epist. XXIX. — ⁷ Aug. Confess. l. IX. c. 41.

tonis, nempe anno Domini trecentesimo octogesimo quinto, egisse ætatis annum trigesimum primum : a quo tempore cum usque ad annum Domini trecentessimum octogesimum nonum, nempe sequentem, quo obiit S. Monica, quatuor intercedant annorum curricula; nullo modo dici potest fuisse tempore ejus obitus annorum tantummodo triginta trium, qui ante annos quatuor erat trigesimum primum annum natus, sed potius triginta quinque.

74. Sic igitur quem demonstratum est anno trigesimo primo sue ipsius ætatis ad Christum conversum esse, trigesimo secundo, et tertio perseverasse catechumenum, atque ea que superius diximus conscripsisse; hoc anno trigesimo quarto suæ ætatis, Paschali tempore ipsum S. Augustinum Mediolani a S. Ambrosio baptizatum esse asserimus; quod idem ipse in libris *Confessionum* non obscure significat¹, dum annum intercurrisse affirmat a persecutione Justinae adversus Ambrosium concitata usque ad baptismum suum : ait enim : « Annus erat, aut non multo amplius, cum Justina Valentini regis pueri mater hominem tuum Ambrosium persequeretur, etc. » Ille ipse, dum agit de tempore sui baptismi. Sed quod ait, annum et amplius intercessisse, utique ad exordium ejus persecutionis visus est habuisse respectum, quam ante annum illum inchoatum fuisse diximus.

75. At quid ipse Augustinus² de suo, carorumque suorum baptismate scribat, recensamus : « Inde, inquit, ubi tempus advenit, quo me nomen dare oporteret, relicto rure, Mediolanum remeavius. Placuit et Alipio renasci in te mecum jam induto humilitate sacramentis tuis congrua, et fortissimo domitore corporis, usque ad Italicum solum glaciale nudo pede obterendum insolito ausu. Adjunximus etiam nobis puerum Adeodatum ex me natum carnaliter de peccato meo. Tu bene feceras eum : amorum erat ferme quindecim, et ingenio præveniebat multos graves et doctos viros. Munera tua tibi confiteor, Domine Deus meus, creator omnium, et multum potens reformare nostra deformia : nam ego in illo puero præter delictum nihil habebam. Quod enim entriebatur a nobis in disciplina tua, tu inspiraveras nobis, nullus alius. Munera tua tibi confiteor. Est liber noster, qui scribitur, *De magistro*. Ipse ibi mecum loquitur. Tu scis illius esse sensa omnia, que inscuntur ibi ex persona collocutoris mei, cum esset in annis sexdecim. Multa ejus alia mirabiliora expertus sum. Horreri mihi erat illud ingenium; et quis præter te talium miraculorum opifex? Cito de terra abstulisti vitam ejus, et securior eum recordor, non timens quicquam pueritiæ, nec adolescentiæ, nec omnino homini illi. Sociavius eum coævum nobis in gratia tua educandum in disciplina tua, et baptizati sumus, et fugit a nobis sollicitudo vite præteritæ. Nec satiabar illis diebus dulcedine mirabili, considerare altitudinem consilii tui super salutem gene-

ris humani. Quantum flevi in hymnis et canticis tuis, suave sonantis Ecclesie tuæ vocibus commotus acriter, etc. » Hæc enim de hymnis superius : ac rursum subdit³ : « Qui habitare facis unanimes in domo, consociasti nobis, et Evodinum juvenem ex nostro municipio; qui cum agens in rebus militaret, prior nobis ad te conversus est et baptizatus, et relicta milita sæculari, accinctus est in tua. Simul eramus, simul habitabamus placito sancto. Quærebamus, quisnam locus nos utilius haberet servientes tibi, pariter remeabamus in Africam ». Sed de reditu in Africam agemus anno sequenti.

76. Quod a tanto viro, S. Ambrosio, Augustinus baptizari mererit, magnopere exultavit; unde agens adversus Julianum Pelagianum⁴ hæc ait : « Adhuc audi alium excellentem Dei dispensatorem, quem veneror ut patrem; in Christo enim Jesu per Evangelium ipse me genuit, et eo Christi ministro lavacrum regenerationis accepi; beatum loquor Ambrosium, cujus pro catholica fide gratiam, constantiam, labores, pericula, sive operibus sive sermonibus, et ipse sum expertus, et mecum non dubital orbis prædicare Romanus ». Hæc Augustinus.

77. Fertur Ambrosii nomine sermo⁵ de baptismo S. Augustini, sed qui ne apicem quidem habeat Ambrosii. Multa sane admisit imperitus fictor : nam ut de dissimilitudine styli dicere prætermittamus; quisquis ille fuerit, imposturae perfacile arguitur, cum ait Augustinum Carthaginensem fuisse, atque ex Gentilium cultu factum christianum : ipsum namque patria Tagastensem fuisse, nec coluisse aliquando idola, licet sectator fuerit Manicheorum, tum ipsis testificatione, tum Possidii, luce clarius sæpius demonstratur. Imposturae quoque ea ex parte auctor arguitur, dum habet ipsum Augustinum cum Ambrosio de pluribus questionibus prolixè sepe disseruisse : cum tamen ipse Augustinus de se testetur, nunquam toto illo tempore quo fuit Mediolani, invenisse Ambrosium negotiis vacuum, et frequentia accedentium solitarium, quocum de animi sui angoribus potuisset miscere sermonem; adeo ut non dicam disputandi, sed nec (ut ait) daretur copia sciscitandi; sunt omnino hæc Augustini verba⁶ : « Certe mihi nulla dabatur copia sciscitandi que cupiebam de tam sancto oraculo tuo, pectore illius, nisi cum aliquid breviter esset audiendum. Æstus autem illi mei odiosum eum valde, cum refundentur, requirebant, nec nunquam inveniebant, etc. » Et inferius⁷ : « Sed ubi quæreretur? quando quæreretur? Non vacat Ambrosio ». Et unde illud ligmentorum concinnatori, cum agit de ejus baptismo : « Novum christianum novis vestimentis, cuculla nigra induimus ». Cum mors esset inviolabilis baptizatum quemlibet albis induere vestimentis? At hæc de his

¹ Aug. cod. l. c. 8. — ² Aug. cont. Jul. Pelag. l. 1. c. 9. — ³ Apud Ambros. serm. XVI. — ⁴ Aug. Confess. l. VI. c. 3. — ⁵ Aug. cod. l. VI. c. 11.

¹ Aug. Confess. l. IX. c. 6. — ² Aug. Confess. l. IX. c. 6.

salis : ferre enim non possumus ipsi veritatis cultores, quovis prætextu ac velamento mendacia per-
vulgari.

78. Cum autem Augustinus Mediolani adhuc moraretur, duo illa memoratu digna inter alia accidisse tradit, alterum de Proscholo homine christiano paupere, qui pecunie sacculum invenit; alterum de revelato deposito filio a patre defuncto; quorum prius ab ipso ita describitur¹ : « Bicani quid fecerit pauperrimus homo, nobis apud Mediolanum constitutis, tam pauper ut Proscholos esset grammatici, sed plane christianus, quamvis ille esset paganus grammaticus, melior ad velum, quam ad cathedram. Invenit sacculum (nisi forte me numerus fallit) cum solidis ferme ducentis. Memor legis, proposuit pitacium publice. Reddendum enim sciebat, sed cui redderet ignorabat. Proposuit pitacium publice : qui solidos perdidit, veniat ad locum illum et quærat hominem illum (erat hæc forma pitacii). Ille qui plangens circumquaque vagabatur, invento et lecto pitacio, venit ad hominem. Et ne forte quæreret alienum, quæsivit signa, interrogavit sacculi qualitatem, sigillum, solidorum etiam numerum; et cum omnia ille fideliter respondisset, reddidit quod invenerat. Ille autem repletus gaudio, et quærens vicem rependere, tantam decimas obtulit solidos viginti; qui noluit accipere : obtulit vel decem; noluit accipere : saltem, rogavit, vel quinque acciperet; noluit ille. Stomachabundus homo projecit sacculum. Nihil perdidit, ait; si non vis aliquid a me accipere, nec ego aliquid perdidit. Quale certamen, fratres mei, quale certamen, qualis pugna, qualis conflictus! theatrum mundus, spectator Deus. Victus tandem ille quod offerebatur accepit, continuo totum pauperibus erogavit; unum solidum in domum suam non dimisit ». Hæc ipse, eadem pro concione proponens imitanda suo populo Hipponensi.

79. Sed illud quo docuit defunctos nostra audire atque curare, alibi ita explicat² : « Pro certo cum Mediolani essemus, audivimus, quod cum debitum repeteretur a quodam, defuncti patris cautione prolata, quod filio nesciente a patre jam fuerat persolutum; contristari homo gravissime cepit, atque mirari, quod ei pater moriens non dixerit quid deberet, cum fecisset etiam testamentum. Tunc ei nimis anxio apparuit idem pater ejus in somnis, et ubi esset repositum quod illa cautio vacuata fuerat, indicavit. Quo invento juvenis atque monstrato, non solum falsi debiti calumniam propulsavit, sed etiam paternum recepit chirographum, quod pater non receperat, quando est persoluta pecunia. Illic itaque putat anima hominis curam gessisse pro filio, et ad eum venisse dormientem, ut docens quod ignorabat, a magna eum molestia liberaret ». Hæc ipse.

80. *Augustinus Romam rediens quæ ibi scripse-*

rit. — Post susceptum vero baptismum Augustinus hanc diu Mediolani passus est detineri, sed una cum sancta matre, filio, necnon Alipio atque Evodio reversurus in Africam, Romam se contulit, ubi usque ad sequentis anni tempus navigationi accommodatum, totum hoc temporis spatium egit, non tamen otiosus, sed complura conscribens, de quibus ipse¹ : « Jam baptizatus autem, cum Romæ essem, nec ferre tacitus possem Manichæorum jactantiam de falsa et fallaci continentia, vel abstinentia, qua se ad imperitos decipiendos, veris Christianis, quibus comparandi non sunt, insuper præferunt, scripsi duos libros, unum de moribus Ecclesiæ Catholicæ, alterum de moribus Manichæorum »; et inferius : « In eadem urbe scripsi dialogum, in quo de anima multa quærantur ac disseruntur; id est, unde sit, qualis sit, quanta sit, cur corpori fuerit data; cum ad corpus venerit, qualis efficiatur; qualis, cum abcesserit ». Ac rursum sequenti capite : « Cum adhuc Romæ demoraremur, volumus disputando quærere unde sit malum. Et eo modo disputavimus, ut si possemus, id quod de hac re divinæ auctoritatis subditi credebamus, etiam ad intelligentiam nostram, quantum disserendo, opulante Deo, agere possemus, ratio considerata et tractata perduceret. Et quoniam constitit inter nos diligenter ratione discussa, malum non exortum nisi ex libero voluntatis arbitrio; tres libri quos eadem disputatio peperit, appellati sunt : *De libero arbitrio*, quorum secundum et tertium in Africa, jam etiam Hippone regio presbyter ordinatus, sicut tunc potui, terminavi ». Hæc Augustinus.

81. In commentario vero illo quem *de Moribus Ecclesiæ Catholicæ* Romæ scripsit, quæ ibi invenit sanctorum et eruditum virorum consilia, ipse describit, cum ait² : « Romæ etiam plura cognovi, in quibus singuli gravitate atque prudentia et divina scientia præpollentes cæteris secum habitantibus præsent, christiana charitate, sanctitate et libertate viventibus; ne ipsi quidem cuiquam onerosi sunt, sed Orientis more, et Pauli apostoli auctoritate manibus suis se transigunt. Jejunia etiam prorsus incredibilia multos exercere didici, non quotidie semel sub noctem reficiendi corpus, quod est usquequaque usitatissimum, sed continuum triduum vel amplius sepiissime sine cibo ac potu ducere. Neque hoc in viris tantum, sed etiam in feminis; quibus item multis viduis et virginibus simul habitantibus, et laici ac tela victum quærantibus præsent singule gravissimæ probatissimæque non tantum in insituendis componendis-que moribus, sed etiam instruendis mentibus peritæ ac paratæ. Atque inter hæc nemo urgetur in aspera, quæ ferre non potest; nulli quod recusat imponitur; nec ideo condemnatur a cæteris quod in eis se imitandis falletur invalidum, etc. » Hæc, cum Romæ esset, vidit et audivit Augustinus con-

¹ Aug. de verb. Apostol. serm. XIX. — ² Aug. de cura agend. pro mortuis, c. 11.

¹ Aug. Retract. l. I. c. 7. 8. 9. — ² Aug. de morib. Eccles. c. 33.

sentientia iis quæ S. Hieronymus de iisdem pluribus locis scripsit. At licet hæc alia occasione oportuerit recitare; hic tamen quod tempus postulet, cum agamus de Augustino Romæ agente repeliisse haud fuit onerosum. Didicit insuper Augustinus¹ Romæ positus, quod scripsit postea ad Casulanum, Romanam plebem solitam jejungere tribus diebus hebdomadæ, nempe feria quarta, sexta, et sabbato. At de Augustino modo hactenus, de cuius in Africam reditu agemus anno sequenti. Jam vero ad Theodosium redeamus, quem hoc anno, postquam victo Maximo, Aquileia discessit, Mediolanum se contulisse vidimus ex rescriptis ibidem datis: quidnam autem inter ipsum et S. Ambrosium transactum sit, oratione prosequamur; atque in primis quæ a Paulino² conscripta habentur, hic red- damus:

82. *Ambrosius liberrime scriptas dat litteras Theodosio pro Christianis qui synagogam Judæorum iusta de causa incenderant.* — « Exincto, inquit, Maximo, posito Theodosio imperatore Mediolani, Ambrosio vero episcopo constituto Aquileiæ, in partibus Orientis, in quodam castello (Callicini illud ab Ambrosio nominatur) a christianis viris synagoga Judæorum et locus Valentinianorum incendio concremata sunt, propterea quod Iudæi vel Valentiniani insultarent monachis christianis; Valentinianorum enim hæreses triginta deos colunt. Sed de huiusmodi facto comes Orientis ad imperatorem relationem direxit; qua acta (lecta), imperator præcepit ut synagoga ab episcopo reedificaretur. Sed hujus præcepti tenor cum ad aures pervenisset venerabilis viri Ambrosii episcopi direxit ad imperatorem epistolam, quia ipse in tempore excurrere non poterat, qua illum convenit, ut id quod ab eodem statutum fuerat revocaretur. » Quænam autem cause præcesserant, ut Christiani in Valentinianos ea admisserint, idem Ambrosius dicta ad Theodosium tunc data epistola his verbis significat³:

83. « Vindicabitur etiam Valentinianorum fanum incensum? Quid est, enim, nisi fanum in quo est conventus Gentilium? licet Gentiles duodecim deos appellent, isti triginta et duos æonas colant, quos appellant deos. Nam et de ipsis comperi relatum et præceptum, ut in monachos vindicaretur; qui prohibentibus iter Valentinianis, quo psalmos canentes ex consuetudine usque veteri pergebant ad celebratum Machabeorum martyrum, moli insolentia incenderent fanum eorum in quodam rurali vico tumultuarie conditum ». Hæc de his Ambrosius: ex quibus illud in primis observa, ea patrata a monachis esse mense Augusti, cujus kalendis tam in Oriente, quam Occidente sanctorum Machabeorum consuevit antiquitus memoria celebrari: paulo enim post ab incensa Nectarii episcopi domo Constantinopoli ab Arianis, hæc accidisse,

idem Ambrosius eadem demonstrat epistola, cum ait: « Constantinopoli dudum domus episcopi incensa est, etc. » Rursum vero (quod veteris Ecclesiæ moris fuit, ut ad solemnitatem martyrum psallentes in via Christiani pergerent, quod et tunc monachos fecisse tradit) antiquam in Ecclesia processionum consuetudinem docet.

84. Ut autem de his ageret Ambrosius apud Theodosium, interpellatum fuisse videtur litteris Orientalium episcoporum, quibuscum et aliæ ad eundem deferendæ querelæ scriptæ erant; quæ ab ipso Ambrosio dicta epistola obiter inferuntur his verbis⁴: « Quomodo excusabo apud episcopos? qui nunc, quia per triginta et innumeros annos presbyteri quidam gradu functi vel ministri Ecclesiæ retrahuntur a munere sacro, et curiæ depulantur, graviter gemunt. Nam cum hi, qui vobis militant, certo militiæ tempore serventur; quanto magis etiam eos considerare debetis, qui Deo militant? Quomodo, inquam, hoc excusabo apud episcopos, qui queruntur de clericis, et impressione gravi vastari scribunt ecclesias? Hoc tamen in notitiam clementiæ tuæ pervenire volumi. De hoc, ut placet, arbitrio tuo consulere et temperare dignaberis ». Hæc ipse: quibus demonstrat, postquam ab Oriente Theodosius ipse recessisset, hæreticos, aliosque impios homines, imo et ex magistratibus aliquos insolentius adversus sacros Dei ministros egisse; de quibus insinuandis imperatori, Orientales episcopi (ut dictum est) scripserunt ad Ambrosium. Polissima vero scribendi causa fuit, ut ipse de revocandis datis ab eo rescriptis pro restituendis incensis synagoga Judæorum atque fano Valentinianorum, cum Theodosio ageret. Impendit sanctus sacerdos ad opus omne studium, omnique curat officio ut contrariis a Theodosio dandis rescriptis priora obliterentur. Scribit igitur Aquileiæ cum esset, Mediolanum, ubi Theodosius morabatur. Quod autem defineretur Ambrosius Aquileiæ, cum nullum hoc tempore memoria sit ibi celebratum fuisse Concilium; equidem existimo, illuc esse profectum, ex more, ad novi creationem antistitis, cum defuncto sancto Valeriano ejus civitatis episcopo, in locum illius est subrogatus S. Chromatius. At quod his vel aliis magni momenti negotiis Aquileiæ impideretur Ambrosius, ne (quod magis optasset) præsens tantam causam acturus, mora illa sua irreparabile causæ præjudicium inferret, reditum suum litteris curavit prævenire, postea ipse secuturus.

85. Quanta autem imperatorem compellaverit libertate, quantoque cum vigore sacerdotali iusta fiducia ageret apud eum; ex his quæ exordio ipso præfatur, accipe: « Peto, ut patienter sermonem meum audias. Nam si indignus sum qui a te audiat; indignus sum qui pro te offeram, cui tua vota, cui tuas committas preces. Ipse ergo non audies eum, quem pro te audiri velis? Non audies pro se agentem, quem pro aliis audisti? Nec vereris ju-

¹ Aug. epist. LXXXVI. — ² Paulin. in vit. S. Ambros. — ³ Ambros. epist. LXXIX.

⁴ Ambros. epist. LXXIX.

dicium tuum, ne cum indignum putaris quem audias, indignum feceris qui pro te audiat? Sed neque imperiale est libertatem dicendi negare; neque sacerdotale, quod sentiat, non dicere. Nihil enim in vobis imperatoribus tam populare et tam amabile est, quam libertatem etiam in iis diligere, qui obsequio militiæ vobis subditi sunt. Siquidem hoc interest inter bonos, et malos principes, quod boni libertatem amant, servitutem improbi. Nihil etiam in sacerdote tam periculosum apud Deum, tam turpe apud homines, quam quod sentiat, non libere denuntiare: et paulo post: « Malo igitur, imperator, bonorum mihi esse tecum, quam malorum consortium; et ideo clementiæ tuæ displicere debet sacerdotis silentium, libertas placere. Nam silentii mei periculo involveris, libertatis bono juvaris. Non ergo importunus indebitis me intersero, alienis ingero, sed debitis obtempero, mandatis Dei nostri obdico. Quod facio primum tui amore, tui gratia, tuæ studio conservandæ salutis. Si id mihi vel non creditur, vel interdicitur, dico sane diviniæ offensiæ metu. Nam si meum periculum te exueret, patienter me pro te offerrem, sed non libenter: malo enim te sine meo acceptum Deo esse et gloriosum periculo. Sin autem silentii mei dissimulationis culpa et me ingravat, nec te liberat; malo importunior me, quam inutiliorem aut turpiorem iudices, etc. »

86. Utinam quæ divino afflatus Spiritu tam vera, tam salubria sanctus sacerdos inculcat, tanquam divinum quoddam oraculum semper præ oculis Christiani Principes haberent et sacerdotes. Ita enim magno animarum lucro eorum salutis optime consultum esset. Sed ista dum negligunt, quadam inconsiderantia cum sacerdotum, tum regum, simulque Ecclesiarum atque regnorum status in discrimen adducitur: gravi quidem damno, imo et dispendio salutis æternæ, frequenter evenit, ut qui a sacerdotibus corripitur reges negligunt atque despicunt, corripiant ipsi ab illo qui corripit in furore, qui aufert spiritum principum, quique terribilis est super omnes¹ reges terræ. Sed et cum etiam sacerdotes nimium verentur atque timeant admonere principes delinquentes, immemores se ad hoc a Deo electos, secundum quod ab eo dictum est Hieremiæ²: « Constitui te super reges et principes »: fiet quidem omnino, æquata lance iudicii, ut ab eis redarguantur, quos ipsi corripere neglexerunt, eosque experiantur asperos, duros, rebelles ac tyrannorum instar, Dei ministros et jura ecclesiastica contemnant. Sed in eodem perstans argumento ista subdit Ambrosius:

87. « Habemus ergo et nos, cui displicere plus periculi sit; præsertim cum etiam imperatoribus non displiceat suo quemque fungi munere, et patienter audiatis nunquamque pro suo suggerentem officio, imo corripatis, si non utatur militiæ suæ ordine. Quod ergo in iis libenter accipitis qui

vobis militanti, num hoc in sacerdotibus potest molestum videri, cum id loquamur non quod volumus, sed quod iubemur? Scis enim lectum¹: *Cum stabitis ante reges et principes, nolite cogitare quid loquamini; dabitur enim vobis in illa hora quid loquamini. Non enim vos estis qui loquamini, sed spiritus Patris vestri qui loquitur in vobis.* Et tamen si in causis Reipublicæ loquar (quamvis etiam illic iustitia servanda sit), non tanto astringar metu, si non audiar. In causa vero Dei quem audies, si sacerdotem non audies, cuius maiore peccatur periculo? Quis tibi verum audebit dicere, si sacerdos non audeat? Novi te pium, clementem, mitem, atque tranquillum, fidem ac timorem Domini cordi habentem; sed plerumque aliqua nos fallunt: habent² aliqui zelum Dei, sed non secundum scientiam. Ne igitur hoc etiam fidelibus animis obrepat, cavendum arbitror. Novi pietatem tuam erga Deum, lenitatem in homines: obligatus sum beneficiis tuarum indulgentiarum; et ideo plus metuo, amplius sollicitor, ne etiam ipse tuo me postea iudicio condemnnes, quod mea aut dissimulatione, aut adulatione prolapsionem non evitaveris »: et paulo post:

88. « Causam ergo Dei tacebo? Quid igitur sit quod metuam, consideremus. Relatum est a comite Orientis militarium partium, incensam esse synagogam, idque auctore factum episcopo. Jussisti vindicari in cæteros, synagogam ab ipso ædificari episcopo. Non astruo expectandum fuisse assertionem episcopi: sacerdotes enim turbarum moderatores sunt, studiosi pacis, nisi cum et ipsi moventur injuria Dei, aut Ecclesiæ contumelia. Sit aliquis iste episcopus ferventior in exustione synagogæ, timidior in iudicio: non vereris, imperator, ne acquiescat sententiæ tuæ, ne prævaricetur non times? Non etiam vereris, quod futurum est, ne verbis resistat comiti tuo? necesse erit igitur, ut aut prævaricatorum, aut martyrem faciat; utrumque alienum temporibus tuis, utrumque persecutionis instar, si aut prævaricari cogatur, aut subire martyrium. Vides quo inclinet causæ exitus. Si fortem episcopum putas, caveto martyrium fortioris; si inconstantem, declina lapsum fragilioris: plus enim astringitur qui labi infirmum coegerit. Hac proposita conditione, puto dicturum episcopum, quod ipse ignes sparserit, turbas compulerit, populos concluderit, ne amittat occasionem martyrii, et pro invalidis subiciat validiorem. O beatum mendacium, quo acquiritur sibi aliorum absolutio sui gratia!

89. « Hoc est, imperator, quod poposci et ego, ut in me magis vindicares, et hoc si crimen putares, mihi adscriberes. Quid mandas in absentes iudicium? habes præsentem, habes confidentem reum. Proclamo quod ego synagogam incendere; certe quod ego illis mandaverim, ne esset locus, in quo Christus negaretur. Si obijciatur mihi, cur hic

¹ 1. sal. LV. — ² Hier. I.¹ Matth. X. — ² Rom. X.

non incenditur? Divino jam cremari cepit iudicio; meum cessavit opus. Et si verum quaeritur, ideo segnior fui, quia non putabam hoc vindicandum. Quid facerem quod nullo ullore sine premio foret? Tangunt hæc verecundiam, sed non revocant gratiam, ne fiat opus quo Dei summi contrahatur offensio. Esto tamen, nemo episcoporum ad hoc minus conveniat. Rogavi enim clementiam tuam; et licet ipse hoc revocatum alius non legerim, revocatum tamen constituamus. Quid si alii timidiore, dum mortem reformidant, offerant, ut de suis facultatibus reparetur synagoga? aut comes ubi hoc comperit primo constituit, ipse de Christianorum censu exaedificari jubeat? Habebis, imperator, comitem prævaricatorem; et huic vexilla committes victricia, huic Labarum, hoc est Christi sacrum nomine, quæ synagogam instauraret, quæ Christum nesciat? Jube Labarum synagogæ inferri; videamus si non resistunt. Erit igitur locus Judæorum perdidit, factus de exuviis Ecclesiæ; et patrimonium, quod favore Christi acquisitum est Christianis, hoc transferretur ad donaria perfidorum? Legimus templa idolis antiquitus condita de manibus Cimbro- rum, de spoliis reliquorum hostium, hunc titulum Judæi in fronte synagoge suæ scribent: Templum impietatis factum de manibus Christianorum ».

90. Quanto autem periculo instaurare quis tentaret incensa ædificia Judæorum, revocat in memoriam, quæ dicta sunt superius de prodigiis, quæ acciderunt sub Juliano cunctante iterum reedificare templum Hebræorum Hierosolymis: addit præterea, longe his graviora commissa sub eodem Juliano a Judæis inflammantibus pluribus in locis Christianorum ecclesias, quæ nos superius alia occasione retulimus. Ad postremum vero injusle agi contestatur, cum quid de Ecclesia vel sacerdotibus decerneretur absque sacerdotum consilio, atque ait: « Certe si mihi parum fidei defertur, jube adesse quos putaveris episcopos; tractetur, imperator, quid salva fide agi debeat. Si de causis pecuniariis comes tuos consulis, quanto magis in causa religionis sacerdotes Domini æquum est consulas? » Et denique hæc facia comminatione, seu contestatione potius, apponit coronidem: « Ergo certe quod honorificentius fieri poluit, feci, ut me magis audires in regia; ne si necesse esset, audires in ecclesia ». At quid in ecclesia, nisi eum publice redarguere? quod et postea fecit.

91. Hic modo illud admonendum existimo; quia etsi non probet Ecclesia periclitari christianam modestiam in diruendis incendiisque Gentilium vel Judæorum templis vel synagogis (ut superius suo loco pluribus monstratum, alque de his in Notis¹ actum est), existisse tamen vidimus complures, qui privato quodam divini Spiritus instinctu id peragentes, cæsi, ab Ecclesia recepti sunt inter martyres; itemque alios, qui cum diruissent templum, et ipsum reedificare jussi, obtemperare noluerint,

occisi sunt, in martyrum consortium aggregatos; de quibus illam Theodoretus² affert rationem, nimirum parem esse impietatem idola gentium adorare, et eisdem templum ædificare. Attamen quod ad Judæos spectat: scimus S. Gregorium sæpius rescripsisse³, nullum Judæis negotium facessendum a Christianis, sed eos benignitate potius ac beneficentia alliciendos ad fidem; adeo ut Panormitano episcopo, qui synagogam Judæorum vi abreptam in ecclesiam consecrasset, jussit ejus persolvere pretium⁴; sed et aliam synagogam, in quam visselet crux cum imagine Dei genitricis illata fuisset, inde ea auferri præcipiens⁵, liberam reddi voluerit. Quid ad hæc dicemus? equidem illud, quod unus atque idem Spiritus est, spirans ubi vult, et quod vult; ejus oratio interdum ex zelo, interdum vero ex mansuetudine in divinis Scripturis novimus commendata, quæ licet diversa, unus tamen idemque Spiritus eadem operatus sit. Cum tamen nihil penitus a S. Gregorio factum esse reperitur, quod ab Ambrosio absque prævaricationis delicto fieri posse negetur: nam ablatam restitui synagogam, Gregorius tantummodo jussisse reperitur: nec si pretium alterius persolvere mandavit, ut alia ab illis ædificaretur, sed ne (quod humanum quoque jus postulat) rerum suarum quisquam dispendium pateretur. Sed ad Ambrosium redeamus.

92. Cum Theodosius, his acceptis ab Ambrosio litteris de revocanda quam emiserat jussione, adhuc cunctabundus id facere detrectaret; idem Ambrosius illud ipsum, quod fuerat comminatus, nempe nisi in regia audiretur, fore ut in Ecclesia spectante populo in eum dicturus esset, sacerdotali libertate perfecit. Reversus siquidem Mediolanum, « posito (inquit Paulinus) imperatore in Ecclesia, de eadem causa tractavit in populo ». Ac de baculo nuceo ex Hieremia secundum Septuaginta, dicendi sibi præparans argumentum, quam salubris esset sacerdotalis oburgatio, pluribus demonstravit; de quibus scribit ipse ad sororem⁶. Atque demum quam litteris egerat, nec auditus fuerat, eandem ferme repetit orationem, et cum audiretur a populo, vehementi invectus est in eum apostrophe, vim eidem addens ex persona quam faceret loquentis in eum Domini hisce verbis⁶: « Ego te ex ultimo imperatore feci: ego tibi exercitum inimici tui tradidi: ego tibi copias, quas ille adversum te exercitum suo præparaverat, dedi: ego inimicum tuum in potestatem tuam redegi: ego de senine tuo supra solium regni constitui: ego te triumphare sine labore feci: et tu de me inimicis meis donas triumphos? Cui descendenti de exedra, imperator ait: Contra nos te posuisti hodie, episcopo. At ille respondens ait, non se contra ipsam, sed pro ipso fuisse locutum. Tunc imperator: Revera, inquit, dura præceperam contra

¹ Theod. l. v. c. 38. — ² Greg. l. i. epist. xxxiv. et l. vii epist. v. l. xi. ep. xv. l. xii. ep. xviii. — ³ Greg. l. vii. ep. lviij. — ⁴ Greg. l. vii. ep. v. — ⁵ Ambros. ep. xviii. edit. Sixt. — ⁶ Paulin. in vii. S. Ambros.

¹ Not. in Rom. Martyrol. die 9. April.

episcopum de synagoga reparanda. In monachos vero vindicandum esse, a comitibus qui in tempore aderant, dicebatur. Quibus episcopus : Ego quidem cum imperatore nunc ago ; vobiscum vero mihi aliter agendum est. Atque ita obtinuit, ut illa quæ statuta fuerant, revocarentur. Nec prius ad altare accedere voluit, nisi fide sua imperator illum agere debere testaretur. Cui episcopus : Ergo ago fide tua. Respondit imperator : Age fide mea. Qua spon-sione iterata, jam securus peregit sacerdos divina mysteria. Hæc autem scripta sunt in epistola, quam ad germanam suam fecit, in qua tractatum inseruit, quem eodem die habuit de baculo nucæ, qui a propheta Hieremia visus esse describitur ». Hæc Paulinus. Extat ipsa ad sororem epistola. Quæ autem idem mox subdit de clade Thessalonicensi, de eadem suo loco agendum erit.

93. *Ambrosius resistit Gentilibus aram Victoriæ petentibus.* — Quid præterea Ambrosius eo tempore cum Theodosio, quem ad sequentis anni mensem Junium illic consedissee dicemus, audi. Quod enim duobus (ut dictum est) rescriptis Theodosius imperator, quæ a Maximo fuissent innovata, destruxit ; inde accidit ut mox legato Romani senatus nomine (licet Gentilibus tantum ea molitio esset) ad Theodosium Mediolani agentem pervenerit, qua peterent ut aram Victoriæ a Maximo redditam siueret permanere, ubi restituta fuerat, in Capitolio. Ista tunc audiens, mox interessit S. Ambrosius, coramque imperatore causam agens, ab ejusmodi concessione ejus animum penitus revocavit ; id quidem ipse monstrat illis verbis in epistola ad Eugenium ¹ postmodum scripta : « Postea, inquit, etiam clementissimo imperatori Theodosio eoram intimavi, atque in os dicere non dubitavi ; cui intimata senatus legatione hujusmodi, licet non totus senatus poposcerit ; insinuationi meæ tandem assensionem detulit, etc. » Quid autem sequenti anno, eum Romam pergens Symmachus consularis publica concione eadem ab imperatore extorquere satageret, in eum Theodosius decreverit, dicemus suo loco inferius. Quod vero ad S. Ambrosii animi constantiam declarandam spectat ; hic atexamus exemplum ab ipso Ambrosio descriptum in libris Officiorum, quos post redemptos captivos ipse conscripsit ; ait enim ² : « Meministis ipsi, quoties adversus regales impetus pro viduam, imo omnium depositis certamen subiecerimus. Commune hoc vobiscum mihi recens exemplum Ecclesiæ Ticinensis proferam, quæ viduæ depositum, quod susceperat, amittere periclitabatur. Interpellante enim eo qui sibi illud imperiali rescripto vindicare cupiebat ; clerici non tenebant auctoritatem ; honorati quoque et interesseores dati, non posse præceptis imperatoris obviari ferebant : legebatur rescripti forma director, magister officiorum stabat, agens in rebus immincebat. Quid plura ? Traditum erat : tamen communicato mecum consilio, obsedit sanctus episcopus ea conclavia, ad quæ translatus

illud depositum viduæ cognoverat. Quod ubi non potuit auferri, receptum sub chirographo est. Postea iterum flagitabatur ex chirographo. Præcepit imperator iteraverat, ut ipse per semetipsum nos conveniret. Negatum est, et exposita divinæ legis auctoritate, et serie lectionis, et Heliodori periculo, vix tandem rationem imperator accepit. Post etiam tentata fuerat obreptio. Sed prævenit sanctus episcopus, ut redderet viduæ quod acceperat. Fides interim salva est ; oppressio non est formidini ; quia jam res, non fides periclitatur ». Hæc Ambrosius, scribens plane ista, eum adhuc pro eadem pecunia novæ quærerentur novo colore artes.

94. *Inscius Theodosius pro schismaticis dat rescriptum.* — Hoc item anno Cynegium, qui una cum consulari præfecturam quoque prætorii administrabat, ex hac vita migrasse, auctor est Zozimus ¹, in ejusque locum Tatianum fuisse subiectum. Porro ad eundem Cynegium in eodem agente magistratu, pro schismaticis, quos putavit esse Catholicos, ejusmodi a Theodosio rescriptum datum esse legitur : extat ipsum in libello Marcellini ac Faustini schismaticorum descriptum his verbis :

95. « Salve, Cynegi carissime nobis. Etsi nulla humanis pectoribus major quam divinæ legis debet esse reverentia, nec adjici quequam ad eandem possit, ejus ambitiosa præstantia mundi terræque moderatrix omne quod sub nobis esse voluit, favore omnipotentis Dei propitiata custodit ; tamen per Faustinum et Marcellinum plenissimos fidei sacerdotes interpellata clementia nostra, veriti sumus, nisi per nos nihil fuisset responsum petentibus, nos videremur annuere iis qui divinæ legis, cui servimus, contra propositum nostrum aliquid addidissent. Atque adeo ita utrumque moderamur, ut petitionem, quæ est oblata, veneremus, fidei autem nihil ex nostro arbitrio optemus, vel jubeamus ad-jungi. Nemo unquam tam profanæ mentis fuit, qui cum sequi catholicos doctores deberet ; quid sequendum sit, doctoribus ipse constituat. Et sane probabilis et justa laudatio precum est, quæ omnem prope seriem hereticæ superstitionis, quæ contraria est fidei catholicæ, ordinemque complexa est. Nam et unde orta, et quæ provocata auctore fuisset, aperuit. Quippe eum persuasu quorundam, totius sæculi antiquitate mutata, acti pro fide in exilium innocentes, vitam cum summa laude posuerunt. Sed circa eos non est dilata ultio, qui insidiali bonis moribus, et caelestibus institutis paulisper ex contentione, non fide, sed factione multorum mentes detestanda insinuatione perverterent.

96. « Nam usque adeo omnipotentis Dei mota patientia est, ut pœna, quæ criminosis post facta debetur, extemplo omnia antefacta sentirent. Sed ne hoc quidem facto converti ad præceptum Dei, flectique potuerunt. Catholicos occultis molitionibus urgent, insequuntur, oppugnant : tanta perseverantia erroris est, ut cum aliis diversæ observantiæ secta-

¹ Ambr. ep. xv. edit. Sixt. — ² Ambr. Offic. l. II. c. 29.

¹ Sozom. l. IV.

loribus quotidie peccare malint, quam cum Catholicis recta sentire. In quo potentium laudanda illatio est, qui communicantes Gregorio Hispanicensi, et Heraclide Orientali, sanctis ac laudabilibus episcopis, optant in fide catholica sine oppugnatione aliquis ac molestia vivere, nullisque appetunt insidiis, circumventionibusque pulsari: quippe quibus placeat suscepam semel fidem omni cum religione servare. Sic itaque inviolatum quicquid esse meruit æternum. Non conventio aliquid, non appetitio, non fraus attentat aliena. Utantur quo in loco voluerint proposito suo, utantur ad catholicam fidem amore divino. Cynegi parens carissime et amantissime, subtilitas tua præceptum nostræ serenitatis, quo fidem catholicam omni favore veneramus, et sine qua salvi esse non possumus, ita iubeat custodiri, ut Gregorium et Heraclidem sacræ legis antistes, ceterosque eorum consimiles sacerdotes, qui se parili observantia dederunt, ab improborum hominum atque hereticorum teneatur, et defendat injuriis. Sciantque cuncti id sedere animis nostris, ut cultores omnipotentis Dei, non aliud nisi Catholicos esse credamus». Hucusque rescriptum, absque die tamen et consule. Quidnam? favitne Theodosius imperator schismaticis? Minime gentium. Attende rerum gestarum ordinem.

97. Hujus namque dandi rescripti ea præcessit occasio, quod iidem presbyteri Faustinus, et Marcellinus ex schismate Ursinici inhaerentes schismaticis Luciferianis adversus Orthodoxos librum conscripserunt, quem Theodosio obtulerunt: quo lecto, idem imperator vel ignorans ipsos fuisse schismaticos, vel quod perperam putasset reperiri fidem in schismate, cum et qui obtulerant, in omnibus profiterentur sese catholicæ fidei defensores, ob eamque causam plurimum vexari a Catholicis vel hæreticis Arianis: Theodosius voluit suo eodem fovere rescripto. Facile namque fuit ea persuadere imperatori, utpote homini puræ sinceræque fidei, ac catholicæ veritatis studioso: quam iidem Luciferiani schismatici tanloperè affectabant. Res sic se habuit, donec hæc ipsa episcopis catholicis innotuere: qui cum quod verum esset, Theodosio significassent, omnes ipsorum conatus prorsus irritos reddiderunt. Meminit horum libelli¹ Gennadius his verbis: « Scripsit », Faustinus scilicet, « librum quem Valentiniano et Theodosio et Arcadio imperatoribus (his tribus enim liber inscriptus erat) pro defensione suorum cum Marcellino quodam presbytero obtulit. Ex quo ostenditur Luciferiano schismati consensisse; quia Hilarius Pictaviensem et Damasum urbis Romæ episcopos in eodem libro culpavit, quasi male consulerint Ecclesiam, quod praviores episcopos in communionem et sacerdotium, pacis recuperanda gratia, receperint: quod Luciferianis ita displicuit recipere episcopos, qui Ariminensi Concilio Arianis communicaverant, quomodo Novatianis apostatas penitentes ». Hæc Gennadius.

98. *Luciferianum schisma penitus deficit.* — Par est credere, iisdem schismaticis adversum esse inter alios sanctum Ambrosium, quos fratrem Saltyrum jam ante vitasse sciret, ut superius suo loco demonstratum est. Cum autem quæ duo isti presbyteri mendaciorum effusa caligine ingesserunt, a luce veritatis redarguta, manifeste cum Theodosio, tunc cæteris omnibus innotuere: mox omne ipsorum consilium dissipatum, et schisma discissum penitus fuit, adeo ut post hæc nulla amplius mentio reliqua fuerit Luciferianorum schismaticorum: qui vero apud eos saniores fuere consilii, compage unitatis ac pacis, Ecclesiæ Catholicæ conjuncti sunt, ut inter alios Gregorius Bæticus, qui copulatus Ecclesiæ, charitatis sanctæ vegetatus irriguo, evasit æque sanctissimus, vixitque post hæc complures annos: nam anno Domini trecentesimo nonagesimo secundo, quo scripsit S. Hieronymus volumen de Scriptoribus Ecclesiasticis, de eodem Gregorio adhuc superstitè agit his verbis: « Gregorius Bæticus Eliberi episcopus usque ad extremam senectutem diversos mediocri sermone tractatus composuit, et de fide elegantem librum, qui hodie quoque superesse dicitur ». Hæc Hieronymus.

99. *Gregorii Bælici et aliorum Hispaniorum scripta.* — Scripsit etiam idem Gregorius librum de Trinitate, qui exlat ad Gallam Placidiam titulo prænotatus. Sed adjungamus huic opportune alios, quos eadem provincia viris clarissimis fertilis hoc eodem tempore habuit ecclesiasticos tractatores, ut in primis qui in eodem quoque argumento versatus est Seobadius, qui et ipse de Trinitate contra Arianos commentarium edidit, et alia opuscula, æqualis plane Gregorii: nam et de ipso tradit S. Hieronymus, in ultima senectute adhuc in humanis agere dicto anno Domini trecentesimo nonagesimo secundo, cum de eo atque aliis ipse scriberet. Pacianus quoque tunc floruit episcopus Barciouensis castitate, et eloquentia commendatus, cujus est inter alia lucubratio illa nobilis adversus Novatianos; qui in ultima et ipse senectute constitutus, sub Theodosio mortuus est ante dictum Domini annum, ut idem Hieronymus proficitur: ad cujus titulum Dexterum præfectura prætorii insignitum idem Hieronymus (ut dicemus) scripsit librum de Scriptoribus Ecclesiasticis. Haud pridem autem, nempe adhuc superstite Valentiniano, desiderat ex hac vita Aquilius Severus nobilis ingenii et generis homo, cujus idem S. Hieronymus in eodem commentario meminit. Hi claruerunt temporibus his in Hispania fide catholica et eruditione speculati.

100. Ut autem ad Gregorium Bæticum, a quo digressa est, oratio revertatur; in commentario de Trinitate ab ipso scripto ad Gallam Placidiam, subdubito ne nomen Placidie ab aliquo rerum ignaro ac pariter nominum, fuerit superadditum. Siquidem Gallia Placidia filia fuit Gallæ sororis Valentiniani, Justine filiae, et uxoris Theodosii, Honorii vero imperatoris ex patre soror: Gallam autem ipsam ejus matrem anno superiori Theodosio nup-

¹ Genn. de Script. Eccl. c. 16.

sisse diximus, ad quam potius existimo scriptum fuisse librum, nempe ad Gallam Augustam, ejusmodi eruditione maxime indigentem; quippe quæ matre ariana genita, in ariana hæresi ab eadem educata fuerit. Ut autem ad ejus filiam tunc lactentem Gallam Placidiam Gregorius scripserit, nulla ratio persuadet, nec auctoritas suffragatur: cum præsertim ipsa (ut habet operis præfatio) dicatur ab eodem Gregorio ex persona hæreticorum illum expetisse commentarium, scriptis ab eisdem ad eam litteris, et propositis questionibus. Clausisse vero diem extremum Gregorium in Ecclesia Catholica magno nomine sanctitatis, indicant publica Ecclesiæ Catholice monumenta, in quibus adscriptum inter sanctos nomen ejus anniversaria celebritate recolitur¹.

101. *De Chromatii, Heliodori et Hieronymi epistolis commentitiis.* — Fertur Chromatii episcopi Aquileiensis et Heliodori episcopi Altinensis nomine epistola ad S. Hieronymum scripta, qua dicitur hoc anno, simul ac Theodosius imperator Mediolanum ingressus est, convocasse ad se omnes Italie episcopos, quorum arbitrio decerneretur causa quorundam Arianorum episcoporum: in quo præsumum conventu laudatus traditur ab eodem imperatore alius Gregorius episcopus Cordubensis, quod diebus singulis etiam jejunii tempore illorum martyrum memoriam recoleret, quorum natalitia configissent; deque his ipsis ad S. Hieronymum dedisse litteras, quibus eum rogarent, ut Martyrologium scriberet: cui quidem epistolæ veluti ad eam reditæ ab eodem Hieronymo ad ipsos litteræ subjunguntur. Quæ omnia ut spuria demonstrata rejecimus, confutavimusque in nostra de Martyrologio Romano tractatione, quam notis ad ipsum additis præfiximus: tu ipsam consule.

102. At sicut illas ut spurias jure respuimus, ita e contra merito affirmamus ipsum S. Hieronymum perbreve sanctorum collectionem elaborasse, camque ad eosdem episcopos missam toto christiano orbe vulgatam esse, de qua Cassiodorus hæc habet²: « Vitas Patrum, confessiones fidelium, passiones martyrum legite constanter, quas inter alia in epistola S. Hieronymi ad Chromatium et Heliodorum destinata, proculdubio reperitis, qui per totum orbem terrarum florere, ut sancta imitatio vos provocans ad cælestia regna perducat ». Hæc ipse: quæ quidem Hieronymi lucubratio nonnisi post annos quatuor dici potest ab eo elaborata: nam cum post annos quatuor (ut dictum est) scripserit librum *de Viris illustribus*, in cujus fine recensens omnia sua usque ad illud tempus scripta, cum ejus operis nullam penitus mentionem habuerit; utique nonnisi postea opus illud elaborasse dicendus est. Sed cum ejus epistola libello præfixa nescio quo casu amissa desiderit, duas illas supposuit imprudens, ne improbus dicam, effector.

103. *De Palladio Galata et Evagrîo Pontico.* — Hoc eodem anno, sub consulatu videlicet Theodosii secundo, Palladius Galata (ut ipse testatur³) Alexandriam petiit: qui tum ex iis, quæ ibi eremum Ægypti peragratus viderat, tum ab aliis audivit, scripsit postea commentarium ad Lausum præfectum; quam ob causam eundem librum interdum *Lausica* appellarunt, cui et titulus ille præfixus alicubi reperitur, ut *Paradisus Hieraculis* nominetur. Mansit hic in eremo cum Evagrîo Pontico aliquot annis (de triennio ibi confecto ipse⁴ meminit.) Porro Evagrîi Pontici consuetudine, Origenis erroribus imbutus est. Fuit Evagrîus (ut dictum est) origine Iberus citra Pontum Euxinum, quem ob id Hyperboritam appellat S. Hieronymus: qui a S. Basilio lector ordinatus, a Gregorio vero Nazianzeno Constantinopoli factus diaconus, Nectario relictus: inde cum divino impulsu coactus esset recedere, Hierosolymam ad Melaniam se contulit; ubi corporis mala valetudine diu affectus, penitentia anteactæ vitæ ductus, ex clerico monachus redditus, in Ægyptum profectus, in Nitric monte monasticam vitam exercevit ad decimum sextum usque annum, prout idem qui illi inhaesit Palladius⁵ tradit. Mirati sumus aliquem dubitare, num hic Palladius idem sit cum illo, quem fuisse natione Galatam et professione Origenistam S. Hieronymus tradit; cum idem ipse Palladius eo commentario id profiteatur his verbis: « Respondi me esse peregrinum, et de Galatiæ partibus venire, et unum ex Evagrîi fratribus esse confessus sum ». Hæc ipse. Porro ambos, Palladium scilicet et Evagrîum, Origenis erroribus fuisse corruptos, non obscure tum Hieronymus, tum etiam Epiphanius affirmarunt.

104. At primum de Evagrîo hæc Hieronymus⁶: « Evagrîus Ponticus Hyperbortia, qui scribit ad virginem, scribit ad monachos, scribit ad eam, cujus nomen nigredinis testatur perfidiæ tenebras (suggillat Melaniam seniore) edidit librum, et sententias περί ἀνομιῶν, quam nos impassibilitatem vel imperturbationem possumus dicere, quando nunquam animus ullo perturbationis vitio commovetur; et, ut, simpliciter dicam, vel saxum, vel Deus est. Hujus libros per Orientem græcos, et interprete discipulo ejus Rufino, latinos plerique in Occidente lectitant: qui librum quoque scripsit, quasi de monachis, multosque in eo enumerat, qui nunquam fuerunt, et quos fuisse scribit Origenistas, et ab episcopis damnatos esse non dubium est, Ammonium videlicet, et Eusebium, et Euthymium, et ipsum Evagrîum, Or quoque, et Isidorum, et multos alios, quos enumerare tedium est; et juxta illud Lucei:

Ac veluti pueris absinthia tetra medentes
Cum dare conantur, prius oras pocula circum
Contingunt dulci mellis flavoque liquore:

¹ Martyrol. Rom. die 24. April. — ² Cassiod. Instit. divin. lect. c. 32.

³ Pallad. Vit. SS. Pat. c. 1. — ⁴ Pallad. Vit. SS. Pat. c. 12. — ⁵ Pallad. eod. l. c. 25. — ⁶ Pallad. c. 22. — ⁷ Hier. ad Ctesiphon.

Ita ille unum Joannem in ipsius libri posuit principio, quem et catholicum et sanctum fuisse non dubium est; ut per illius occasionem, ceteros quos posterat hereticos Ecclesie introduceret. Ille Hieronymus ad Ctesiphontem adversus Pelagianos, quos ab ejusmodi Origenistis fluxisse docet¹. Theophilus² quoque in epistola ad Epiphanium eorundem monachorum Origenistarum, nempe Ammonii, Eusebii, et Euthymii meminit.

105. Ceterum aliis quoque scriptis idem Evagrius inagnam sibi conciliavit aestimationem: quam ob causam ab eis qui Origenistarum errores minime exploratos habuerunt, plurimum commendatur, et inter alios a Sozomeno³. Recenset ejus lucubrationes Gennadius⁴; nam « præter Vitæ Patrum, scripsit, inquit, multa monachis necessaria; ex quibus ista sunt: adversus octo principalium vitiorum suggestiones, quas aut primus advertit, aut inter primos didicit, octo ex sanctorum Scripturarum testimoniis composuit libros, ad similitudinem videlicet Domini qui tentatori suo semper Scripturarum testimoniis obviavit; ita ut unaquæque species vel diaboli vel vitæ naturæ suggestionum contra se haberet testimonium. Quod tamen opus eadem simplicitate, qua in græco inveni, jussus in latinum transulsi. Composuit et anachoreticus simpliciter viventibus, librum centum sententiarum per capitula digestum; et eruditus ac studiosis quinquaginta sententiarum, quem ego latinum primus feci: nam superiorem olim translatum, quia vitiatum per tempus et confusum vidi, partim reinterprefando, partim emendando, auctoris veritati restitui. Composuit et cænobitis et synoditis doctrinam actam vite communis, et ad virgines Deo sacratas libellum competentem religioni et sexui. Edidit et paucas sententias valde obscuras, et ut ipse in his ait, solis monachorum cordibus cognoscibiles, quas similiter ego latinis edidi. Vixit longa ætate signis et prodigiis pollens ». Ille Gennadius, qui erga Pelagianos et ipse Pelagianus propensior tribuit falsus anctor Evagrii signa atque prodigia; sed hæc ex parte fidelior Palladius⁵ ejus in eremo socius, qui res ab eo gestas conscribens, hæc de miraculis penitus ignoravit: non enim tacuisset tantas laudes amici, quem aliunde quesitis laudandi argumentis summo pere celebravit; idemque ipsius lucubrationes numeravit.

106. Citatur a Socrate⁶ Evagrii commentarius, cui titulus præfixus erat, *Gnosticon*: item alius de *Vita ascetica*: sed et aliorum ab ipso editorum meminit. Sed qui indolentiam Stoicam in Ecclesiam introducere conatus est, hominemque statim ad cultum perfectionis exviti a se posse isdem scriptis pollicebatur; eo nomine ab aliis derisus est: nam inter alios hæc Joannes Climax de eo: « Putavit Evagrius sapientissimum se omnium alacritate

sensus fieri; sed fraudem passus, sibi mentitus est miser, insipientiumque insipientissimus ex hoc ipso ostensus est, etc. » Ille Climax. Ceterum in omnibus sic Evagrius sectatus est Origenis errores, de quibus suo loco dicturi sumus, ut sententia Hieronymi, Epiphanii, Theophili, et aliorum eundem perspectum habentium orthodoxorum, idem ipse Pelagianis materiam præparaverit delirandi.

107. Sed et Palladius ei inhærens, ejusdem quoque morbi contagione contabuit; de quo Hieronymus adversus Pelagianos⁷, agens hæc habet: « Palladius, servilis nequitie, eandem hæresim instaurare conatus est, et novam translationis Hebraice mihi calumniam struere: num et illius ingenio nobilitatque invidimus? nunc quoque mysterium iniquitatis operatur, etc. » Ob quam etiam causam S. Epiphanius eundem in Palestina ista docentem deplorans ait⁸: « Palladium vero Galatam, qui quondam nobis carus fuit, et nunc misericordia Dei indiget, cave; quia Origenis hæresim prædicat, et docet; ne forte aliquis de populo tibi credito ad perversitatem sui inducat erroris ». Hæc ipse scribens ad Joannem Hierosolymitanum episcopum, cum idem Palladius jam deseruisset eremum Nitrie, et morbi causa (ut ipse testatur⁹) abiisset in Palestinam; ubi aliquandiu moralis hæreses docebat Origenis: quem cavendum Epiphanius Joannem ejus loci episcopum quamprimum admonuit. Cum vero Origenistarum nullum alium nominet, nisi Palladium; certe, etsi alii essent eadem labe conpersi, tamen non alium quam ipsum id muneris subisse, ut Origenis deliramenta doceret, satis apparet. Quamobrem Origenistam illum, quem S. Paulam tentasse Hieronymus scribit, neminem certe præter Palladium tunc in Palestina morantem fuisse conspicio, de quo ista in ejusdem Paulæ epitaphio habet¹⁰: « Tangam ergo breviter quomodo hereticorum cenosis devitaverit laeas, et eos instar habuerit Ethnicorum. Quidam veterator callidus, atque ut sibi videbatur, doctus et sciols, me nesciente, cepit ei proponere quæstiones, et dicere: Quid peccavit infans, ut a demone corripitur? In qua ætate resurrecturi sumus? si in ipsa qua morimur, ergo nutriticibus post resurrectionem opus erit; si in altera, nequaquam erit resurrectio mortuorum, sed transformatio in alios. Diversitas quoque sexus maris et femine erit, aut non erit? Si erit, sequentur et nuptiæ, et concubitus, sed et generatio: si non erit, sublata diversitate sexus, eadem corpora non resurgent: aggravat enim terrena inhabitatio sensum multa cogitantem; sed tenuia erunt, et spiritualia, dicente Apostolo¹¹: Seminatur corpus animale, surgit corpus spirituale. Ex quibus omnibus probare cupiebat, rationales creaturas ob quendam vitia et antiqua peccata in corpora esse delapsas, et pro diversitate et meritis

¹ Hier. in Proem. l. vii. c. 1. Pelag. — ² Apud S. Hier. ep. l. xvi. — ³ Sozom. l. vii. c. 30. — ⁴ Genn. de vit. ill. c. 11. — ⁵ Pallad. in Lausiac. c. 25. — ⁶ Socrat. l. iv. c. 18.

⁷ Hieron. in proem. advers. Pelag. — ⁸ Apud Hier. ep. l. x. — ⁹ Pallad. in Lausiac. cap. 22. — ¹⁰ Hieron. epistol. xxxvii. — ¹¹ Sap. ix. — ¹² I. Cor. xv.

peccatorum, tali vel tali conditione generari, ut vel corporum sanitate gauderent, et parentum divitiis ac nobilitate, vel in morbidas carnes et domos inopum venientes, pœnas pristinorum lucrent delictorum, et præsentî sæculo atque corporibus quasi carere clauderentur.

108. Quod cum audisset, et ad me retulisset indicans hominem; mihi quæ incedebat necessitas nequissimæ viperæ ac mortiferæ bestię resistendi, de quibus Psalmista commemorat, dicens¹: Ne tradas bestiis animas confitentium tibi: et, Increpa², Domine, bestias calami, quæ scribentes iniquitatem, loquuntur contra Dominum mendacium, et elevant in excelsum os suum: conveni hominem, et orationibus ejus, quam decipere nitetur, brevi interrogatione conclusi, dicens, etc. » Refert disputationem tunc cum eo habitam, atque ad postremum addit: « Ex quo die ita cepit Paula hominem detestari, et omnes qui ejusdem dogmatis erant, ut eos voce publica hostes Domini proclamaret ». Hæc Hieronymus. Sic igitur a S. Hieronymo confutatus Palladius, in ipsum stylium convertit, atque primum hæc de Paula adversus eundem sanctum Hieronymum in suo commentario ad Lausum effudit³: « Multas feminas vidi, plurimasque tam viduas, quam virgines novi, inter quas Paulam Romanam, matrem Toxotii, feminam ad genus vitæ, quod est secundum spiritum dexterrimo ingenio: cui quidem, quominus ei se daret, impedimento fuit Hieronymus quidam genere Dalmata, qui mulierem optima indole ad genus vitæ perfectum, cum in eo multos, ne dicas omnes, longissimum post se intervallo videretur posse relinquere, ipse invidia motus ad suum peculiare vivendi institutum pertraxit. Ejus filia nomine Eustochium in Bethlehem vitam adhuc monachalem exercet; quam quidem ego nunquam allocutus sum: cæterum fertur insigni esse pudicitia, et regere societatem virginum quinquaginta ». Hæc Palladius: mansisse autem ipsam in Palestina saltem usque ad annum trecentessimum nonagesimum secundum inferius dicemus ex epistola Epiphaniî ad Joannem.

109. At quid postea de Palladio? Accidit quidem, ut recedens e Palestina in Bithyniam, catholici hominis personam induerit, et inter Catholicos consuescens, postea in Anicium Chrysostomi episcopi Constantinopolitani se amicitiam insinuat. Et unde hoc, inquires, de consuetudine cum Joanne accepisti; ex eo potissimum, quod favit eidem Joanni Chrysostomo; qui quidem non communione catholica tantummodo conjunctus, sed et eidem fuit tolerantia malorum propinquus: nam quæ ob ejusdem Joannis defensionem passus est, his verbis ipse declarat⁴: « De Palestina autem ad provinciam Bithyniam veni; in qua nescio quo modo, utrum studio hominum, an voluntate divina (hoc Deus novit) episcopus ultra meritum meum factus sum.

In quo tempestatis illius, quæ sub S. Joanne commota est, interfecti malis, et per decem menses in obscurissima cellula occultatus, cepi illius sancti dicta reminisci, etc. » Quo etiam tempore, cum vigeret vehementior in eundem Chrysostomum persecutio, ex Oriente recedens Romanæ se contulit ad Innocentium, a quo una cum aliis exceptus est. Et unde hæc? dices. Testatur id ipse cum de Piniano atque ejus conjugæ Melania juniore, a quibus exceptus in urbe fuit, sermonem habens, hæc ait⁵: « Ne nobis quidem certe, cum plurimi simul essemus, qui Romanæ propter beatum episcopum Joannem perrexeramus, exigua præstiterunt: sed dum in illis partibus degeremus, officiosissimo nos susceperunt hospitio, largissimisque sumptibus, cum inde proficisceremur, honoraverunt ». Hæc ipse.

110. Quando autem id acciderit, expressum habes in dialogo de rebus ejusdem S. Joannis his verbis⁶: « Vix mensis effluerat, cum Palladius quoque episcopus Helenopoleos (est enim Helenopolis civitas in Bithynia, de qua superius) absque litteris venit, qui et ipse fugisse dicebat vesaniam principum; expressius autem atque signantius enarravit omnia, ipsumque exemplar edicti protulit, etc. », licet hunc, de quo agimus, Palladium diversum ab illo esse oporteat, qui in eo dialogo interloquitur: etenim tunc primum Romanæ se venisse dicit, cum sub Zozimo papa pro pace Ecclesiarum ea functus est legatione. Sed quid tandem? ipsum foris pro tempore mutasse personam potius, quam animum impietate refertum, non leve argumentum est, quod eo libro, quem post eas turbas conscriptum ab eo constat (nam in eo meminit de Melaniæ obitu, qui contigit post urbis Romæ excidium) Origenistas complures laudavit, ipsumque Evagrium Origenis erroribus infamatum ad celum evexit. Intelligis ex his, lector, satis periculosas hoc tempore hæreses excitari, quarum studiosos eadem Origenis haurire atque aliis propinare venena eo magis perniciosas, quo iidem viri magnæ doctrinæ, et sanctitatis nomine celeberrimi haberentur. Quis doctrina æqualis Didymo, qui primus Origenem suum nondum expiatum sordibus Alexandriæ tanquam idolum erexit? cui thus incauti adolere Melania senior atque Rufinus, Evagrius atque Palladius, necnon nominati superius anachoretæ: quibus postea inhærens Pelagius et ipse monachus, majore accessione impietatis novæ hæresis auctor factus, non amplius inter gregales militavit Origenistas, sed ipse sibi nomen conciliavit hæresiarchæ, de quo suo loco pluribus atque sæpius agendum erit. Vide, quam periculosum sit extra lineam Catholicæ puritatis efferre pedem, licet quis magnorum virorum tuta se putet sequi vestigia: sed illud tutum, antiquum Ecclesiæ servare depositum, traditionibus inhære, novantiumque omnes voces tanquam serpentum sibilos et terrificos luporum

⁴ Psal. LXXII. — ⁵ Psal. LXXII. — ⁶ Pallad. in Lausiac. c. 29. — ⁷ Pallad. eod. l. c. 22.

¹ Pallad. in Lausiac. c. 49. — ² Extat tom. 1. Jo. Chrys. edit. Paris. col. 10.

ululatus horrescere. « Erant enim (inquit Vincentius ¹) horum omnium verba illa fastu et arrogantia plena. Nobis auctoribus, nobis principibus, nobis expositoribus, damnate quæ tenebatis, tenete

¹ Vincent. Lirin. cont. hæres. c. 14.

quæ damnabatis, rejicite antiquam fidem, paternam instituta, majorum deposita; et recipite », nostra videlicet: « quænam illa tandem? horreo dicere: sunt enim tam superba, ut mihi non modo affirmari, sed ne refelli quidem sine aliquo piaculo posse videantur ». Sed de his suo loco dicendum.

Anno periodi Græco-Romane 5881. — Olymp. 291. an. 4. — Urb. cond. 1141. — Jesu Christi 388. — Siricii papæ 5.

— Valentiniani Junioris 14. Theodosii 10. Arcadii 6.

1. *Consules.* — Ad num. 1 et seqq. Coss. *Theodosius Aug. II et Cynegius*: uterque Orientalis. Theodosii consulatus juxta secundam consulatuum Cesareorum regulam; in hunc enim annum decennalia ejus incidunt; quæ tamen in annum sequentem dilata fuisse, Theodosii triumphus eo anno ductus existimandi locum præbet: triumphus enim cum decennialibus de more conjuncti, aut consulatus ab imperatoribus sumptus iis annis, quibus exhibiti. Præterea natali die imperii, sc. die XIX mensis Januarii, quo de more ea solemnia peragebantur, Theodosius *Constantinopoli* non erat, sed *Thessalonica*, quo anno precedenti se contulit: ubi accepit, Valentinianum et Justinam matrem eo ex Occidente accessisse, ut testatur Zozimus lib. 4. Quare, cum decennalia a mense Januario ad alium mensem Theodosius transtulisset, et postea Maximum tyrannum debellasset, tam decennalia, quam triumphum in annum sequentem distulit.

2. *Seditio Antiochena.* — *Seditio Antiochena*, in qua Theodosii, filiorum ac Placidie uxoris jam demortuæ, statuæ dejectæ sunt, ad annum præcedentem revocanda, ut recte vidit Gothofredus in *Chronologia Codicis Theodosiani*. Argumentum tamen, quod a quinquennialibus Arcadii et Theodosii M. decennialibus deducit, rem non evincit; eoque etiam ad suam opinionem confirmandam nititur Baronius. Libanius in Oratione ad Ellebichum pag. 527 ait, seditionem motam occasione exactio- nis tributarie ad exercendam liberalitatem in milites, in quinquennialibus Arcadii et Theodosii decennialibus. Quare, cum Arcadius anno præcedenti quinquennalia dederit, eo pariter anno illa seditio excitata. Ita Gothofredus. Verum Libanius non de quinquennialibus Arcadii et decennialibus Theodosii, sed de anno quinto Arcadii decimoque Theodosii loquitur. Hæc Libani verba: « Principi ob necessitatem imperii pecunia opus fuit, maxime cum ipsi quidem decimus, filio autem quintus imperii annus

procederent. Quo tempore solent imperatores aurum militibus largiri ». Decimus Theodosii annus die XIX Januarii currentis Christi anni inchoatus, eodemque die et anno sextus Arcadiani imperii annus coëptus est: neque ullo modo quintus imperii Arcadii annus cum decimo Theodosii concurrere potest, ut numeranti patet. Quare error in numeros irrepsit, ideoque nihil ex eo loco concludi potest, nisi circa quinquennalia Arcadii et decennalia Theodosii tumultum illum ortum esse.

3. *Dum Theodosius Constantinopoli erat mota seditio.* — Secundum Gothofredi argumentum a nobis magis corroboratum istud est, motam esse seditionem eo tempore, quo *Theodosius* non Antiochie, sed Constantinopoli consistebat; quod indicat Libanius in Orat. ad Cæsarium 20, pag. 779, in Orat. ad Theodosium 12, in priori Oratione 21 in laudem Ellebichi, pag. 535. Hoc vero anno Theodosius Thessalonica fuit, idque ab anno præterito, quo Valentinianus sibi a Maximo tyranno timens, « navem ingressus, Thessalonicam abiit, socia navigationis Justina matre », inquit Zozimus lib. 4, pag. 767. Addit Zozimus, *Theodosium*, cum hoc accepisset, cum nonnullis e senatu Thessalonicam se contulisse; ibique communi decreto statutum, « ut a Maximo patrata facinora punirentur », et Theodosius Galliam Justinæ Augustæ filiam uxorem duceret. Deinde subjiçit Zozimus, post illas nuptias Theodosium apparando bello totum inebuisse: « Ob eam causam, inquit, mortuo in itinere Cynegio præfecto prætorii, cum ex Ægypto reverteretur, quemnam præfectum prætorii constitueret, dispiciebat. Accersitum itaque Aquileia Tatianum, prætorii præfectum in patria declarat, etc. » Denique ait postea Zozimus, Theodosium cum exercitu per superiorem Pannoniam Aquileiam contendisse. Ex quibus consequens est, seditionem Antiochenam hoc anno contingere non potuisse; quia, ut recte Baronius, ante Quadragesimam et Pascha eam suscitata, et quidem dum Theo-

dosius Constantinopoli erat. Hic autem ultimis præcedentis anni mensibus Thessalonica fuit. Ultima lex Codicis Theodosiani anno præcedenti a Theodosio lata, nempe 118 *De decurionibus*, data est *prid. non. Jul. Constantinop.* Prior autem ejusdem Codicis ab eo imperatore hoc anno data est *VI id. Mart. Thessal.* nempe lex 14 *De hæreticis*. Lex vero 2 ejusdem Codicis *De nuptiis*, et lex 5 *Ad L. Jul. De adult.* dicuntur datæ *pridie id. Mart.* Hinc colligere est, Theodosium (quem anno præterito Italian contra Maximum Ilyrimum pugnatorem accessisse docet Marcellinus in Chronico, quemque Thessalonicae Macedoniæ urbem, quo Valentinianus, Justin et Galla venerant, se confuisse, ibique Gallam uxorem duxisse, mox diximus) hujus anni initio seu mense Januario ac Februario Constantinopoli non fuisse; alioquin dicendum non esset, cum sub præcedentis anni exitum Constantinopolim venisse, et currenti anno, sæviente hieme, Thessalonica, ubi initio mensis Martii currentis anni erat, rediisse. Quod nec Zozimus dicit, nec ullo modo verosimile est, sive Valentinianum, Justinam et Gallam Thessalonicae reliquisse, sive easdem secum Constantinopolim duxisse velis.

4. *Cynegius ad Theodosium Thessalonicae agentem venit.* — Præterea ex Cynegii præfecti prætorio obitu intelligimus, Theodosium prioribus hujus anni mensibus Constantinopoli non fuisse. Nam Idacius in Fastis sub hujus anni consulibus scribit: « Defunctus est Cynegius præfectus Orientis in consulatu suo Constantinopoli. Hic universas provincias longi temporis tabe deceptas in statum pristinum revocavit, et usque ad Ægyptum penetravit, et simulacra gentium evertit. Unde cum magno fletu populi civitatis deductum est corpus ejus ad Apostolos die XIV kal. April., et post annum transtulit eum matrona ejus Achantia ad Hispanias pedestre », quia, ut inde colligere est, natione Hispanus erat. Mortuus est itaque Cynegius die XIX Martii aut aliquot ante diebus, idque « *in itinere, cum ex Ægypto reverteretur* », inquit Zozimus laudatus, et jam Constantinopolim pervenisset, ut tradit Idacius loco citato, ideoque dum Theodosius ab urbe Constantinopolitana aberat. Cynegius enim præfectus prætorio ad Theodosium apparatus bellicis incumbentem ex Ægypto veniebat; sed antequam Thessalonica ubi imperator erat, ejus mortis tempore, pervenisset, *in itinere*, Constantinopoli nempe, supremum diem obiit. In ejus locum Tatianus vir strenuissimus subrogatus est, idque *in patria sua*, ut habet Zozimus, loco laudato, ideoque in Lycia Asiæ minoris provincia natus non erat, ut a Gothofredo perperam creditum; qua de re infra. Porro hæc seditionem ante Quadragesimam et Pascha hiberno tempore contigisse, recte ex D. Chrysostomo notavit Baronius; sed inde discere poterat, rem anno præcedenti, quo prioribus ejus mensibus Theodosium Constantinopoli fuisse certum, peractam esse.

5. *Theodosius in castris erat, quando Antiochie pepercit.* — Contrariæ sententiæ favere videtur

Chrysostomus Homilia 20 ad populum, ubi ait, *Flavianum* episcopum Antiochenum, cum a Theodosio Antiochenus veniam impetrasset, ab eo petiisse, ut filium Antiochiam mitteret; eique Theodosium respondisse: « *Orate hæc auferri obstacula, hæc bella extinguï; et ego veniam omnino* ». Insuper Chrysostomus Homilia 17 ad populum, loquens de litteris a Solitariis in favorem Antiochenorum ad Theodosium scriptis, ait: « *Litteris nunc lectis in castris omnes ipsorum magnanimitatem admirabantur* ». Et infra de Sacerdotibus, qui animi magnitudinem in eadem causa ostenderant, inquit: « *Et alius quidem in castra se contulit, paratus, nisi regi persuaderet, mori* ». Unde inferri posse videtur, seditionem Antiochenam hoc anno contigisse, dum bellum adversus Maximum tyrannum pararetur. Verum, cum varia bella Theodosius gesserit, præfata loca de alio quopiam bello, quam de eo, quod contra Maximum gestum, intelligenda sunt. Cum nullus historicus qui extet, Theodosii Vitam scripserit, quod bellum anni præcedentis initio gestum fuerit, scire non possumus. Certe exercitus, quem Theodosius adversus Maximum duxit, non Constantinopoli sed Thessalonica coactus fuit, ut ex Zozimo laudato liquet. Et tamen Flavianus statim post seditionem Antiochenam ad Theodosium venit, ut ostendit Baronius (n. xxv), eumque Constantinopoli allocutus est, et gratiam Antiochenis impetravit, ut testatur Chrysostomus Homilia 20 ad populum. Sic quæ mox adducta ex litteris Solitiorum, intelligenda de castris, quæ prope Constantinopolim erant, non vero de iis, quæ Thessalonicae extabant.

6. *Maximus a Theodosio debellatus.* — Theodosius Thessalonica adversus Maximum movens, in Macedonia Stobis iter promovit, ubi datæ ab eo leges Cod. Theod. 45 *De hæreticis*, et 2 *de his, qui super religione contendunt*; prior, XVIII kal. Jul., posterior XVI kal. Jul. Inde Scypos venit, quæ urbs alias Mæsie superioris in confinio Macedoniae, nunc Italis Scopia dicta, ibique dedit legem Codicis Theodosiani 149 *De decurionibus*, XI kal. Jul. Post Macedoniam emensa Pannonia, Noricoque (ubi duobus præliis, uno *Sysciæ*, altero *Petavione*, eos, qui Maximi partes tuebantur, devicit, *Hemonumque* ultro se dedentem accepit), in Italian sese contulit adversus Maximum tyrannum, ut narrat Zozimus lib. 4, pag. 769. Ait Baronius Maximum prælio *Sysciensi* adfuisse. Sed in Panegyrico Pacati cap. 34, ubi prælium illud ad Savam fluvium habitum describitur, legitur: « *Ipsum illum vexillarium sacrilegæ factionis avidis gurgitibus absorbit* », nempe Sava fluvius « *et ne morti sepultura contingeret, cadaver abscondit* ». Quare, cum dux illius exercitus in eo conflictu aquis submersus fuerit, dici non potest, Maximum eidem præfuisse. Maximus, relicta Gallia, superatisque Alpibus Cottis, ad Julianas Alpes sese contulerat, ut testatur Pacatus cap. 30, tandemque intra Aquileiam, amissa omni spe imperii, quasi amens resedit, quinto tyrannidis

anno, teste Pacato cap. 24 et Philostorgio lib. 10, cap. 8, inter claustra reductus, ut habet Claudianus in quarto consulatu Honorii v. 80. Tandem tertio milliari apud *Aquileiam* a Theodosio M. debellatus, capiteque truncatus vel *I kal. Aug.*, ut habet Idacius in Fastis, vel *IV kalendas Augustas*, ut Idacius in Chronico, vel *I kal. Septembris*, ut Socrates lib. 5, cap. 14, habet: « Sed et filius ejus Victor additque post paucos dies in Galliis a comite Theodosii », inquit Idacius in Fastis. Post eam victoriam Theodosius usque ad annum cccxi in Occidente remansit.

7. *Flavianus veniam impetrat Antiochensibus.* — Baronius fabulosum credit, quod Sozomenus habet. *Flavianum* nempe Antiochensem episcopum persuasisse adolescentibus ad mensam imperatoris canere solitis, pronuntiare cantilenas, quæ in Antiochenis supplicationibus erant, quia, inquit Baronius (n. xxiv et seqq.), Chrysostomus Homilia 20 ad populum ea de re non loquitur. At Chrysostomus in ea Homilia illa tantum pro concione Antiochenensis narravit, quæ ipse a quodam qui præsens fuerat, cum Flavianus Theodosium Magnum allocutus est, acceperat. Quare, cum jam Antiocheni cantinelas illas ad Theodosium placandum pronuntiatas esse scirent, opus non erat, ut in narrationem suam Chrysostomus peculiare illud factum insere-ret. Ad hæc, redarguit Baronius Zozimum, quod scripserit, Libanium una cum Hilario pro salute civitatis legationem suscepisse ad Theodosium; quod Chrysostomus Homilia 17 ad populum philosophis exprobrat, quod universi civitatem omnino deseruerint. Additque Baronius (n. xi), jam hoc tempore Libanium vita functum esse. Sed non legerat doctissimus cardinalis Oraciones 12 et 13 Libanii ad Theodosium M., quarum prior est de seditione Antiochena, posterior de reconciliatione, quæ tamen ejus tempore typis Germanicis excusæ erant. Vivebat itaque hoc tempore *Libanius*, qui cum in Vita sua asserat, se Joviano imperante natum fuisse *annos quinquaginta*, præsentī anno ad septuagesimum quartum ætatis annum pervenerat. Unde verum est quod Eusebius in Libanio scribit, hunc in summa senectute obiisse.

8. *Libanius et Hilarius ad Theodosium legati.* — Cum itaque Chrysostomus Homiliam illam 17 ad populum intra hebdomadam secundam Quadragesimæ habuerit (neque enim Homilia illæ ad populum Antiochenum in operibus b. Chrysostomi sine confusione digestæ), ex præfata tantum Homilia 17 deducitur, ordinem decurionum nondum legatos misisse, cum Chrysostomus Homiliam illam recitavit. Nihil porro impedit, quin Theodosius, qui *Flaviano* Antiocheno episcopo Antiochenis veniam concesserat, eandem postea Hilario Libanioque ab Antiochensibus missis rursus annuerit. Sed Zozimus Christianæ religionis inimicus, quæ Flavianus egit, dissimulat, totamque gloriam in *Hilario Libanionique* confert, qui tamen aliqua tantum ex parte in ejus societatem venerant. Cæterum epistola 18

Ambrosii ad Theodosium, in qua de Maximo tyranno debellato loquitur, perperam a Baronio adducta, ad probandum, seditionem Antiochenam præsentī anno contigisse, Incertum enim an ea epistola hoc anno, quoque ex sequentibus data fuerit.

9. *D. Augustini baptismus.* — A num. 71 ad 78. *Divum Augustinum* anno trigesimo tertio ætatis baptismum suscepisse, inter omnes convenire debet. Tota difficultas est, num is annus fuerit completus, vel tantum inchoatus. Baronius et Rivius lib. 1 de Vita Augustini, cap. 1, aliique contendunt, sanctum doctorem aquis salutaribus ablutum anno ætatis trigesimo tertio completo. Verum *Augustinum* baptizatum fuisse die vicesima quarta Aprilis Sabbato sancto, anno trecentesimo octogesimo septimo, cum nondum anno ætatis xxxii egressus esset, communis nunc est eruditorum sententia. Hunc sui baptismi annum aperte insinuat Augustinus lib. 9 Confessionum, ubi, cum cap. 6 narrasset, se post baptismum inter sacros hymnorum cantus in Mediolanensi Ecclesia flexisse, initio capitis 7 hæc scribit: « Non longe exceperat Mediolanensis Ecclesia genus hoc consolationis et exhortationis celebrare, magno studio fratrum concinentium vocibus et cordibus. Nimirum annus erat, aut non multo amplius, cum Justina Valentiniani regis pueri mater, hominem tuum Ambrosium persequeretur hæresis suæ causa, qua fuerat seducta ab Ariano. Excubabat pia plebs in Ecclesia mori parata cum episcopo suo, servo tuo etc. Tunc hymni et psalmi, ut canerentur secundum morem Orientalium partium, ne populus mœroris tædio contabesceret, institutum est ». Et statim: « Tunc memorato antistiti tuo per visum aperuisti, quo loco laterent martyrum corpora Profasii et Gervasii ». Et narratis miraculis in sacrarum reliquiarum translatione patratis, ait: « Inde illius inimicæ animus, etsi ad credendi sanitatem non applicitus, a persequendi tamen furore compressus est ». Hæc anno ante suum baptismum contigisse Augustinus testatur. Quare, cum ostenderimus, Justinæ contra Ambrosium persecutionem, hymnorum apud Mediolanensem Ecclesiam institutionem, ac denique inventionem reliquiarum martyrum Profasii et Gervasii contigisse anno trecentesimo octogesimo sexto, appareat, Augustinum anno trecentesimo octogesimo septimo baptizatum fuisse, quando, ut ipsemet ait, « annus erat aut non multo amplius, cum Justina Valentiniani regis pueri mater, hominem tuum Ambrosium persequeretur, etc. », quando « excubabat pia plebs in Ecclesia, mori parata cum episcopo suo etc. » Porro gravior persecutionis fragor contra Ambrosium detonavit, nti suo loco dictum, die xxix ac xxx Martii anni Christi cccxxxvi. Nocte postremam ejus mensis diem præcedente, plebs cum episcopo Ambrosio in Ecclesia excubuit. Cum vero *Augustinus* baptizatus fuerit die xxiv Aprilis Sabbato sancto anno cccxxxvii, recte scripsit Augustinus nuper baptizatus: « Annus erat, aut non multo amplius ». Nam a Dominica Palmarum anni

cclxxxvi ad diem ab se suscepti baptismi numeratur annus, ac dies insuper viginti septem, quos illis vocibus, *aut non multo amplius*, apertissime expressit, ut docte observat Card. Norisius in quodam de hoc baptismo Opusculo; quod confirmat auctoritate Prosperi Tyronis in Chronico imperiali, ubi sub distinctis annorum notis hæc leguntur.

10. *Annus baptismi sancti Augustini valde confirmatus.* — « H. Justina mater Valentiniani Arianis favens in Ambrosium et omnem Mediolanensem Ecclesiam diversa injuriarum genera contigerit.

« Reliquæ Gervasii et Protasii martyrum ab Ambrosio primum Mediolani repertæ.

« Hymni Ambrosii compositi, qui nunquam ante in Ecclesiis Latinis modulis canebantur.

« III. Maximus indignum ducens contra Ecclesiæ statum agi, locum irrumpendi, quod cum Valentiniano junxerat, fœdus, invenit. Valentinianus veritus imminentem jam cervicibus suis tyrannum, ad Theodosium confugit.

« Augustinus Mediolani Rhetoricam apprime docens, omissis scholis ad fidem rectam convertitur, cum ante Manichæus fuisset.

« IV. Theodosius cum exercitu ad Italiam transgrediens. Maximum interfecit, et Valentinianum proprio regno reddidit.

« Justina, quæ Ecclesias vexaverat, ne regnum cum filio reciperet, morte præventa est ».

Ita Chronologus ille Augustino synchronus, qui numero II anno Christi cclxxxvi respondenti tria illa refert, quæ Augustinus ante annum sui baptismi contigisse narrat. Tum numero III anno Christi cclxxxvii respondenti recitat Valentiniani fugam, ac baptismum sancti Augustini; et quamvis *conversionem ad fidem* nominet, quæ incunte æstate anni cclxxxvi acciderat, nomine *conversionis* publicam fidei professionem in baptismo factam intelligit: neque enim notum illi erat, quid privatum antea Augustinus secum deliberaverat. Denique numero IV seu anno Christi cclxxxviii *Maximi* necem refert, et postea sub numero IX mortem Valentiniani, quæ cum contigerit anno cccxcn. *Justine* persecutio juxta laudatum Chronologum cadit in annum cclxxxvi, et in sequentem baptismus, seu publica conversio Augustini. Si Baronius annum natalem Augustini anno uno tardius non consignasset, ejus baptismum in hunc annum non distulisset. Quæ adversus nostram sententiam objici possunt, hujus loci non sunt, nec tanti momenti, ut de ejus veritate nos dubitare sinant.

11. *Auctor Cantici Te Deum laudamus incertus.* — Quoad Canticum *Te Deum laudamus*, quod in Chronico S. Dacio Mediolanensi episcopo attributo, dicitur a divo Ambrosio et Augustino, post hujus baptismum, decantatum esse, Menardus in Notis ad Sacramentarium Gregorii Magni, certum ait, non esse S. Dacii illud Chronicon. ex quo ea narratio desumpta, quod non redolet stylium illorum temporum; atque etiam quædam falsa conti-

neat. Post Menardum idem scripsit Mabillonius tom. I Analectorum veterum Patrum pag. 3, ubi inquit, Chronicon illud, quod in Bibliotheca Ambrosiana asservatur, variorum esse scriptorum; cum producat usque ad annum Christi millesimum sexagesimum septimum, et S. Dacius imperante Justiniano obierit. Gavanlus in Rubric. Breviarii sect. 5, cap. 19, asserit, in antiquissimo Breviario Ms. Collegii Anciani de Urbe isti Cantico præferri hunc titulum: *Hymnus S. Abundii*. In antiquo Breviario chori monasterii Cassinensis descripto paulo post annum 1086 hoc Canticum inscribitur: *Hymnus Sisebuti monachi*. Boua cardinalis cap. 16 de divina Psalmodia scribit, ante sanctum *Benedictum* cap. 11 Regule et *Teridum* discipulum sancti Cæsarii Arelatensis episcopi, qui de hoc in Regula sua locutus est, nullum veterum mentionem illius fecisse: in Psalterio Ms. basilicæ S. Petri in Vaticano inscribi: *Hymnus S. Sisebuti*: in Psalterio latino Gallico, cujus meminit Jacobus Usserius in Tractatu de Symbolo Romanæ Ecclesiæ, epistola ad Vossium, S. *Nicetio* attribui; sed recedendum non esse ab antiqua traditione, quæ hoc Canticum SS. Ambrosio et Augustino tribuit, cum sit adeo communiter recepta. Auctorum tamen diversitas, quibus illud adscribitur, satis ostendit hujus Cantici auctorem adhuc nos latere.

12. *Synagoga Judæorum a Christianis incensa.* — Ad num. 82 et seqq. Gothofredus in Chronologia Codicis Theodosiani contendit, epistolam xix divi Ambrosii ad Theodosium Magnum, quæ est de *Synagoga Judæorum a Christianis incensa*, pertinere ad annum Christi trecentessimum nonagesimum tertium, eamque jungendam cum lege Codicis Theod. 9 *De Judeis* data « Ad Adeum comitem et magistrum militum per Orientem »; qua Theodosius jubet, nimitatem eorum, qui sub Christianæ religionis obtentu *synagogas* destruebant et exoliabant, cohiberi. Sed hallucinatur vir doctissimus: Paulinus enim in Vita S. Ambrosii factum illud narraturus, ait: « Exstincto Maximo, posito Theodosio imperatore Mediolani, a christianis viris Synagoga Judæorum concremata ». Et post hanc historiam, cladem Thessalonicensem, quæ anno cccxc contigit, recitat. Quare cum anno trecentesimo nonagesimo tertio, quo memorata lex emissa, Theodosius in Oriente fuerit, neque ante annum insequentem, ut inter omnes constat, post *Eugenium* nempe devictum, Mediolanum venerit, liquet, Baronium incendium illud recte consignasse, perperamque Gothofredum illud cum lege 9 *De Judeis*, conjunxisse. Ex hac Ambrosii epistola, legeque 9 *De Judeis*, patet, Judæos, qui Theodosii Magni tempore synagogas habere nulla adhuc lege prohibebantur, identidem a Christianis turbatos fuisse.

13. *Gregorius Bæticus floret.* — Ad num. 99. Existimat Baronius, *Gregorium Bæticum* episcopum Eliberitanum in communione Ecclesiæ Catholicæ obiisse. Sed, cum is a solo Isidoro cap. 4 libelli de Viris illustribus laudetur, hique auctor suppositi-

tius sit, teste ipso Baronio anno cccclvii, num. xxxi (ubi etiam ait, Isidori Historiæ primum auctorem exiisse Marcellinum presbyterum Luciferianum), merito ab eo dissensit Hieronimus in Vita S. Athanasii lib. 10, cap. 41. Legitur quidem hujus Gregorii nomen tam in Martyrologio Romano, quam in Martyrologio Usuardi; sed, cum per annos amplius viginti in schismate Luciferiano fuerit, nullibi que legalur, ab illo recessisse, incertum, inquit Hieronimus, an utriusque Martyrologii auctoritas fundamentum sufficiens sit.

14. *Opera Gregorii Bætici*.— Quesnellus tomo 2 Operum S. Leonis Dissert. 14 *De libellis in Codice veteri Romano Ecclesiæ contentis*, existimat, *Tractatum* de fide, qui latine tantum extat ex versione Rufini, quique Gregorio Nazianzeno adscribitur, legitimum factum esse *Gregorii Bætici*; cum appareat, illius operis auctorem latinum fuisse, et græco idiomate donatum Gregorio Nazianzeno adscribi potuisse. Divus quidem Augustinus epistola 3 ex eo Opusculo nonnulla refert sub nomine *Gregorii Orientalis episcopi*. Sed unum pro altero Gregorium a sancto Augustino laudatum probabiliter censet Quesnellus, Orientalem nempe pro Bætico et Illiberitano; cum Augustinus ipse lib. 1 contra Julianum cap. 5 eundem Nazianzenum a Nysseno non discernat. Quare perperam Tractatus ille Orationis 49 locum inter Opera Gregorii Nazianzeni oblinet. Male etiam tomo 4 Operum sancti Ambrosii inscriptus est sub hoc titulo: *De Filii Divinitate et Consubstantialitate contra Arianos*. Male denique Vigilio Tapsensi a Chiffletio in Vigilianis Vindiciis asseritur. Ejusdem Gregorii Bætici est Tractatus *de Fide Nicæna*; qui Orationis 50 locum oblinet inter Opera Gregorii Nazianzeni. Ostendit enim Quesnellus citatus, utrumque in styli similitudine convenire, utrumque Nicænæ fidei Symbolum explicare; sed compendiose unum, alterum fusiori et dogmatica tractatione. Addit unum alterius explicationem et apologeticum esse; priorem posterioris. Unius igitur ejusdemque auctoris est uterque Tractatus: sed brevior *de Fide Nicæna*, priorem locum oblinere debet; prolixior, qui inscribitur simpliciter *de Fide*, posteriori loco reponi; neuter vero S. Gregorio Nazianzeno, sed Gregorio Bætico utrique adscribendus, si conjecturæ viri doctissimi apud ipsum legendæ admittendæ sint.

15. *Palladius auctor Lausiaca list. floret*. — Ad num. 103 et seqq. Usserius in Opere de Britannicarum Ecclesiarum Primordiis cap. 16, quæ de *Palladio* a Baronio scripta, magis explicat. Patria, inquit, Galatiam fuisse Palladium illum Origenistam, Evagrii discipulum, et Epiphanius in epistola ad Joannem Hierosolymitanum, inter Hieronymianas ordine 60, et ipse in Lausiaca sua Historia cap. 48 et Hieracio Paradiso cap. 22, confirmat. Hanc in Proœmio ad *Lausiaca* præfectum, a se etiam scriptam fuisse indicat anno tricesimo tertio, post-

quam vitæ sese addixisset monasticæ, cum viginti quidem in episcopatu, totius vero vitæ quinquaginta et tres exegisset annos. Cum vero « in secundo Theodosii senioris consulatu », qui in præsentem Christi annum incidit, monasticam primum vitam amplexatum illum fuisse constet, ex Lausiaca cap. 4 et 2 anno trecentesimo sexagesimo septimo natum, quadringentesimo ordinatum episcopum, et quadringentesimo vicesimo Historiam suam scripsisse, colligimus. Possevinum enim ratio fugit, qui eum Alexandriam anno cccclxxxviii ex eremo petiisse, Commentariumque memoratum scripsisse asserit. In patria autem sua Bithynia creatum se episcopum testatur ipse libro laudato cap. 22 et 43, in sede nimirum Helenopolitana, a qua ad Asponitanam in eadem Bithynia civitatem translatum ex Socrate lib. 7, cap. 36, ibidemque ante annum quadringentesimum trigesimum primum vitam finisse, ex Ephesini Concilii Actis intelligimus, quæ Actione prima et sexta, *Eusebium Asponorum Galatiæ episcopum* concilio illi interfuisse affirmant. Simul quoque adfuisse Palladium *Hellesponti episcopum* eadem Acta ibidem docent, quem eum fuisse, ad quem scripsit Cyrillus Dialogum « de Adoratione in spiritu, et quod lex evangelicæ vitæ umbra tantum typusque sit, potius quam Scotorum Palladium, quod opinatus est Bækus, prudens quisvis judicaverit. Baronius (an. 400, n. lxi, et anno 417, n. i) hunc Palladium cum Palladio Scolorum episcopo alquando confundit; sed eum ab illo diversum esse anno cccclxxxix ostendemus, ubi et plura de Palladio Helenopolitano episcopo in medium afferemus.

16. *Evagrius Ponticus multa scribit*. — *Evagrius Ponticus* Gregorii Nazianzeni discipulum fuisse testatur Sozomenus. Multa scripsit, quorum aliqua tum fragmenta, tum citationes habentur in Codice Regularum, in Patrum Vitis et Apophthegmatibus, in Catenis, in libris Excerptorum, in Thesauro Ascetico, in Scholiis ad Climachum, necnon apud Palladium, Socratem, Climachum, Dorotheum Maximum, itemque in Damasceno Billii, et Palladio Bigotiano. Scripsit librum unum *de octo Vitiositatibus* editum ab Emerico Bigotio in 4^o post Vitam sancti Chrysostomi a Palladio compositam. Item Sermonem dogmaticum « de Sancta Trinitate, ad eos qui monasticam vitam degunt in patria », quem Josephus Maria Snares episcopus Vasionensis cum Nilaciæ publicavit. Præterea Cotelerius tomo 3 Monumentorum Ecclesiæ Græcæ in lucem emisit epistolam *Evagrii ad Anatolium*, in qua multa de vita, tum *practica*, cum *gnostica*, hoc est, quæ actione vel cognitione constat. Insuper, librum *Practicum* et aliud Opusculum, cui titulus, « Evagrii monachi rerum monachalium rationes, earumque juxta quietem applicatio » : quibus in libris multa egregia ad mores informandos habentur, ex iisque Dissertationi Labbei de Scriptoris Ecclesiast. suppleri posset.

SIRICH ANNUS 5. — CHRISTI 389.

1. *S. Monicae obitus.* — Timasio atque Promoto consulibus aperitur annus Domini trecentessimus octogesimus nonus, quo S. Augustinus cum hiemasset Romæ, expectata opportuna tutelaque navigatione, ad Ostia Tiberina descendens, inde soluturus in Africam, retardatur sanctæ matris ægritudine : qua defuncta, persolutis eidem postremis pietatis officiis, una cum sociis in Africam navigavit. Id quidem in primis hoc anno contigisse, ipsius Augustini testificatione monstratur, dum adversus litteras Petilianæ¹ agens affirmat, se post necem illatam Maximo tyranno in Africam remeasse. Cum vero constet ex his quæ dicta sunt, Maximi interitum contigisse anno superiori, sexto kalendas Septembris, S. Monicae vero obitus certus habeatur ex die natali ipsius in ecclesiasticis tabulis annotatus quarta Maii; utique non ante præsentem annum Augustini reditus in Africam potuit contigisse : hæc de tempore. Quod vero ad sanctissimæ feminae ex hac vita locum migrationis spectat; decessit plane ipsam jam voti compositam factam, de tanta victoria parta, in cælis cum Angelis, quibus est gaudium super uno peccatore penitentiam agente, perenni gloria triumphare, et ad Romanum littus potius, quam in Africa relinquere sacras carnis exuvias, quas Romam delatas Romana Ecclesia dignis prosequeretur honoribus, et cum Urbe orbis religioso veneraretur affectu. At quid Augustinus de matris felicissimo ad Deum transitu?

2. « Cum, inquit², apud Ostia Tiberina essemus, mater defuncta est. Multa prætereo, quia multum festino » : post enarratam vero compendio ejus vitam, hæc subdit³ : « Imminente autem die, quo ex hac vita erat exitura (quem diem tu, Domine, noveras, ignorantibus nobis) provenerat, ut credo, procurante te occultis tuis modis, ut ego et ipsa soli staremus incumbentes ad quamdam fenestram, unde hortus intra domum, quæ nos habebat, prospectabatur : illic apud Ostia Tiberina, ubi remoti a turbis post longi itineris laborem instaurabamus nos navigationi, colloquebamur ergo soli valde dulciter, et præterita obliviscentes, in ea, quæ ante

sunt, extenti⁴; querebamus inter nos apud præsentem veritatem, quod tu es, qualis futura esset vita æterna sanctorum, quam nec oculus vidit, nec auris audivit, nec in cor hominis ascendit⁵, etc. » et post multa de vita illa mutuo colloquio disputata : « Fili, inquit illa, quantum ad me attinet, nulla jam re delector in hac vita. Quid hic faciam adhuc, et cur hic sim, nescio, jam consumpta spe hujus sæculi. Unum erat, propter quod in hac vita aliquantum immorari cupiebam, ut te christianum catholicum viderem, priusquam morerer. Cumulatus hoc mihi Deus meus præstitit, ut te, etiam contempta felicitate terrena, servum ejus videam. Quid hic facio? Ad hæc ei quid responderim, non satis recolo.

3. « Cum interea vix intra quinque dies, aut non multo amplius, decubuit febris; et cum ægrotaret, quodam die defectum animæ passa est, et paululum subtracta a præsentibus. Nos concurrimus; sed cito reddita est sensui, et aspexit astantes me, et fratrem meum, et ait nobis, quasi quærenti similis : Ubi eram? Deinde nos intuens merore attonitos : Ponetis hic, inquit, matrem vestram? Ego silebam, et fletum frenabam : frater autem meus quiddam locutus est, quo eam non peregre, sed in patria defungi tanquam feliciter optaret. Quo audito, illa vultu anxio reverberans eum oculis, quod talia saperet, atque inde me intuens : Vide, ait, quid dicit. Et mox ambobus : Ponite, inquit, hoc corpus ubicumque, nisi vos ejus cura conturbet : tantum illud vos rogo, ut ad Domini altare memineritis mei, ubi fueritis ».

4. Attende, lector, quid optet sanctissima femina; non aliud utique, quam quod sciret in Ecclesia factitari a piis viris; nimirum, ut sacris Missarum sacrificiis sacerdotes, et alii qui iisdem interessent, pro animarum defunctorum salute Deo preces offerrent. Sed post nonnulla : « Illis, inquit, stupentibus virtutem feminae, quam tu dederas ei, quærentibusque utrum non formidaret tam longe a sua civitate corpus relinquere : Nilil, inquit, longe est Deo; neque timendum est, ne ille non agnoscat in fine sæculi, unde me resuscitet. Ergo

¹ Aug. cont. litt. Petil. lib. III. c. 25. — ² Aug. Confess. I. IX. c. 8. — ³ Aug. ib. c. 10.

⁴ Philip. III. — I. Cor. II.

die nono aegritudinis suae, quinquagesimo et sexto anno aetatis suae, trigesimo et tertio (quinto) aetatis meae, anima illa religiosa et pia corpore soluta est : quarto nonas Maii.

5. Peregit Augustinus sanctissimae matris funus, more (ut ait ¹) Christianorum, quo inter alia consuevit, antequam corpus conderetur sepulcro, pro anima offerri sacrificium, quod dicebatur pro delictis defuncti, scilicet ne anima delinere posset a contrariis potestatibus. Nam idem Augustinus memoria repetens extrema illa verba, quibus in altari Deo commendari ipsa voluerat, ait ² : « Namque illa, imminente die resolutionis suae, non cogitavit suum corpus sumptuose contegi, aut condiri aromatibus, aut monumentum electum concupivit, aut curavit sepulcrum patrum; non ista mandavit nobis, sed tantummodo memoriam sui ad altare tuum fieri desideravit, cui nullius diei praetermissione servierat, unde sciret dispensari victimam sanctam, qua delictum ³ est chirographum quod erat contrarium nobis, qua triumphatus est hostis computans delicta nostra, et querens quid objiciat, et nihil inveniens in illo in quo vincimus. Quis ei refundet innocentem sanguinem? quis ei restituit pretium, quo nos emit, ut nos auferat ei? Ad cujus prelii nostri sacramentum ligavit ancilla tua animam suam vinculo fidei. Nemo a protectione tua dirumpat eam. Non se interponat nec vi, nec insidiis leo et draco. Neque enim respondebit illa, nihil se debere, ne convincatur et oblineatur ab accusatore callido; sed respondit, dimissa debita sua ab eo, qui nemo reddet quod pro nobis non debens reddidit ». Haec Augustinus, plane insinuans, quid praetenderet Ecclesia agere, cum pro defuncti anima, corpore nondum tumulato, sacrificium Deo incrementum offerret, nempe, ne anima illa ad adversarii potestates impeditur, quominus ad Deum libera ascenderet : alludens prorsus ad eas, quae praemittabantur, ut hodie, in sacrificio ab Ecclesia preces : « Domine Jesu Christe, rex gloriae, libera animas omnium fidelium defunctorum ab omni vinculo delictorum, de poenis inferni, et de profundo lacu, libera eas de ore leonis, ne absorbeat eas tartarus, ne cadant in obscurum, sed signifer S. Michael representet eas in lucem sanctam, quam olim Abrahae promisisti, et semini ejus ».

6. Porro etsi haec preces generatim omnes complecti videantur fideles defunctos, tamen privatim pro illa anima dicebantur quae tunc decesserat, prout antiquiores Missales libri demonstrant, in quibus sic legitur : « Libera, Domine, N. et famulorum famularumque tuarum, etc. », sicut cum postea inter sacra recolitur defunctorum memoria illis verbis : « Memento, Domine, N. et famulorum famularumque tuarum, etc. » in aliis vero libris leguntur interlineares variae lectiones numero singulari expressae, quibus significaretur, easdem preces, pro occasione singulari, vel plurali numero preferen-

das. Sic igitur S. Monica id exposcebat a suis, quod et S. Augustinus a fratribus tum illi, tum patri suo impertiri rogabat; nam subdit ⁴ : « Inspira, Domine Deus meus, inspira servis tuis fratribus meis, filiis tuis dominis meis, quibus et voce et corde, et litteris servio, ut quodcumque haec legerint, meminerint ad altare tuum Monicae famulae cum Patricio quondam ejus conjuge, per quorum carnem introduxisti me in hanc vitam, etc. » Haec singula ad insinuandos antiquos Ecclesiae mores in hodiernum perseverantes recensuisse volumus; quorum demonstrato exemplo, dubitantium resolvi possint ambages, ut curiositas inquieta quiescat, et delirium curari novantium haereticorum.

7. *S. Augustini in Africam reditus, et quae Carthagine triennio egerit ac scripserit.* — Sed persolutus S. Monicae religiosus pietatis officii, Augustinum redeuntem in Africam comitemur. Solvens e portu Romano, secunda navigatione Carthaginem appulit, ibique susceptus hospitio apud illustrem virum Innocentium exadvocatum vicariae praefecturae valde aegrotantem. Quid autem tunc ibi mirandum acciderit, idem Augustinus rem exacte describens narrat his verbis ⁵ : « Venientes de transmarinis me et fratrem meum Alipium, nondam quidem clericos, sed jam Deo servientes, ut erat cum tota domo sua religiosissimus, ipse suscepit, et apud eum tunc habitabamus. Curabatur a medicis propter fistulas, quas numerosas atque perplexas habuit in posteriore atque ima corporis parte. Jam secuerant eum, et artis suae caetera medicamentis agebant. Passus autem fuerat in sectione illa et diuturnos et acerbos dolores; sed unus inter multos sinus fefellerat medicos, atque ita latuerat, ut cum non tangerent, quem ferro aperire debebant. Denique sanatis omnibus quae aperta curabant, iste remanserat solus, cui frustra impendebatur labor. Quas moras ille suspectas habens, multumque formidans ne iterum secaretur, quod ei praedixerat alius medicus domesticus ejus, quem non admiserant illi, ut saltem videret, cum primum sectus est, quomodo id faceret, iratusque illum domo abjecerat, vixque receperat, erupit, atque ait : Iterum me secturi estis? Ad illius, quem nolistis esse praesentem, verba venturus sum? Irridere illi medicum imperitum, metumque hominis bonis verbis promissionibusque lenire.

8. « Praeterierunt et alii dies plurimi, nihilque proficiebat omne quod fiebat. Medici tamen in sua pollicitatione persistebant, non se illum sinum ferro, sed medicamentis esse clausuros. Adhibuerunt et alium grandævum jam medicum, satisque in illa arte laudatum (adluere enim vivebat) Ammonium dico; qui loco inspecto, idem quod illi, ex eorum diligentia peritiaque promisit; ejus ille factus auctoritate securus, domestico suo medico, qui futuram praedixerat aliam sectionem, faceta hilaritate, velut jam salvus, ilusit. Quid plura? postea tot dies

¹ Aug. ib. c. 12. — ² Aug. ib. c. 13. — ³ Coloss. II.

⁴ Aug. Confess. I. IX. c. ult. — ⁵ Aug. de Civit. Dei, I. XXII. c. 8.

inaniter consumpti transierunt, ut fessi atque confusi faterentur, cum nisi ferro nullo modo posse sanari. Expavit, expalluit nimio timore turbatus; atque ubi se collegit, farique potuit, abire illos jussit, et ad se amplius non accedere; nec aliud occurrit fatigato lacrymis, et illa jam necessitate constricto, nisi ut adhiberet Alexandrinum quemdam, qui tunc chirurgus mirabilis habebatur, ut ipse faceret quod ab illis fieri volebat iratus. Sed postquam venit ille, laboremque illorum in cicatricibus sicut artifex vidit; adjiciens, quod revera nisi sectus esset, salvus esse non posset: sed valde abhorrere a suis moribus, ut hominibus, quorum artificiosissimam operam, industriam, diligentiam admittans in cicatricibus ejus videret, propter exiguum quod remansit, palmam tanti laboris auferret. Redditi sunt animo ejus, et placuit ut eodem Alexandrino assistente, ipsi sinum illum ferro, qui jam consensu omnium aliter insanabilis putabatur, aperirent. Quæ res dilata in consequentem diem.

9. « Sed cum abissent illi, ex mœnore nimio domini tantus est in domo illa exortus dolor, ut tantum funeris plactus vix comprimeretur a nobis. Visitabant eum quotidie sancti viri, episcopus tunc Uzalensis beatæ memoriæ Saturninus, et presbyter Gelosus, ac diaconi Carthaginensis Ecclesiæ, in quibus erat et ex quibus solus est nunc in rebus humanis jam episcopus, cum honore a nobis debito nominandus, Aurelius; cum quo recordantes mirabilia opera Dei, de hac re sæpe collocuti sumus; eumque valde meminisse, quod commemoramus, invenimus. Qui cum eum, sicut solebant, vespere visitarent, rogavit eos miserabilibus lacrymis, ut mane dignarentur esse præsentis suo funeri potius, quam dolori. Tantus enim eum metus ex prioribus invaserat pœnis, ut se inter medicorum manus non dubitaret esse moriturum. Consolati sunt eum illi, et hortati, ut in Deo fideret, ejusque voluntatem viriliter ferret.

« Inde ad orationem ingressi sumus. Ubi nobis ex more genua figentibus, atque incumbentibus terræ, ille se ita projecit, tanquam fuisset aliquo impellente graviter prostratus, et cœpit orare, quibus modis, quo affectu, quo motu animi, quo fluvio lacrymarum, quibus gemitibus atque singultibus succutientibus omnia membra ejus, et pene intercludentibus spiritum, quis ullis explicet verbis? Utrum orarent alii, nec in hæc eorum averteretur intentio, nesciebam. Ego tamen prorsus orare non poteram; hoc tantummodo breviter in corde meo dixi: Domine, quas tuorum preces exaudis, si has non exaudis? nihil enim mihi videbatur addi jam posse, nisi ut expiraret orando. Surreximus itaque, et accepta ab episcopo benedictione discessimus, rogante illo ut mane adessent, illisque ut æquo animo esset hortantibus. Illuxit dies qui metuebatur: aderant servi Dei, sicut se affuturos esse pro-

miserant. Ingressi sunt medici; parantur omnia quæ hora illa poscebat, tremenda ferramenta preferuntur, attonitis suspensisque omnibus. Eis autem quorum erat major auctoritas, defectum animi ejus consolando, erigentibus, ad manus secturi membra in lectulo componentur: solvuntur nodi ligamentorum, nudatur locus, inspicit medicus, et secandum illum sinum armatus atque intentus inquit. Scrutatur oculis, digitisque contrectat; tentat denique modis omnibus, invenit firmissimam cicatricem. Jam illa lætitia et laus atque gratiarum actio misericordii et omnipotentii Deo, quæ fusa est ore omnium lacrymantibus gaudiis, non est committenda meis verbis; cogitetur potius, quam dicatur». Hactenus Augustinus de his quæ domi hospitii sui Carthagine vidit: subdit et de aliis iidem Carthagine editis miraculis; sed nos reliqua ejus acta prosequamur.

10. Rediens una cum sociis Alipio, et Evodio in patriam, quem condixerant¹ vitæ statum, cum adhuc in Italia essent, exercere cœperunt. Secedentes enim rus, ibidem triennio² permansere; et quibus exercitiis? ait Possidius: « A se jam alienatis curis sæcularibus, cum iis qui eidem adhierebant Deo vivebat, jejuniis, orationibus, bonisque operibus in lege Domini meditantis die ac nocte. Et de iis quæ sibi Deus cogitanti atque oranti intellecta revelabat, et præsentis et absentes sermonibus ac libris docebat ». Porro toto illo triennio laicus Deo servivit. Quo tempore, hoc, inquam, ipso anno, librum scripsit *de Magistro*, nempe sequenti anno a suscepto baptismo, cum jam Adeodatus puer sexdecim esset annorum, qui tempore baptismi, quem suscepit anno superiori, agebat (ut ipse ait³) annum decimum quintum; quem eodem ferme tempore ex hac vita discessisse tradit. Scripsit etiam tunc duos libros *contra Manichæos de Genesi*; absolvit et libros *de Musica*; addidit etiam commentarium *de vera Religione* adversus Manichæos: hæc, inquam, omnia edidit, antequam presbyter fieret, ipso triennio commemorationis in cremo: reliqua de ipso inferius suo tempore.

11. *Gregorii Nazianzeni obitus, virtutes, effigies et testamentum.* — Hoc item anno, ipso mense Maii, nona die, sanctus Gregorius Nazianzenus, cognomento Theologus, migraturus in cælum, feliciter diem clausit extremum; quod quidem ex sancto Hieronymo ita deducimus: agens enim ipse in libro de Scriptoribus Ecclesiasticis de eodem Gregorio, hæc de tempore obitus habet: « Decessit, inquit, ante ferme triennium sub Theodosio principe ». Hæc cum ipse dicat, constetque eum commentarium ab eo scriptum anno ejusdem imperatoris decimo quarto (testatur id enim ipse in fine) plane asserendum est, undecimo ejusdem Theodosii anno, hoc ipso nimirum, eum ex hac vita discessisse. Ex his igitur adeo exploratis, erroris redarguitur

¹ Aug. Confess. l. ix. c. 8. — ² Possid. in vit. S. Aug. c. 3. —

³ Aug. Confess. l. ix. c. 6.

Prosperi Chronicon, in quo ejusdem Gregorii obitus recensetur anno tertio ipsius Theodosii Augusti sub consulatu Eucharrii atque Syagrii : ille enim non est obitus annus, sed quo ipse in Synodo Constantinopolitana abdicans se, in patriam rediit : quem plures post annos fuisse superstitem, quæ dicta de eo sunt, manifeste declarant. Sed nec subsistere ex iisdem probatur, quod tradit Suidas, eundem Gregorium diem obiisse anno ejusdem imperatoris decimo tertio, suæ vero ipsius ætatis nonagesimo : secundum enim ejusmodi ætatis ejus annorum numerum, dicendum esset, ipsum eo tempore, quo Athenis erat, cum et Julianus Apostata ibidem versaretur, jam explese annum ætatis quinquagesimum quintum ; cum tamen ipse de se scribat Gregorius (ut dictum est) trigesimum tantum tunc ætatis annum egisse, cum post discessionem Basilii, ipse qui remanserat, publice profiteretur. Quamobrem secundum initam a nobis superius ejusdem natalis temporis rationem, qua diximus natum esse anno ante Nicænum Concilium, Domini vero trecentesimo vicesimo quarto ; utique affirmandum erit, eum defunctum esse anno ætatis suæ sexagesimo quinto. Sed jam quæ ejus obitum præcesserunt ærumnæ ex corporis infirmitate, hic describamus.

12. Fuisse quidem ipsum robusto corpore, verum assiduis ægritudinibus atque molestiis fractum hebetatissime ipse testatur ; et ut omittam præterita, jam a tempore quo recedens Constantinopoli Nazianzum reversus est, et Arianzi ruri paterno deguit, assiduis ferme morbis vexatus est : ea enim de causa vidimus se excusasse quominus ad novum veniret Concilium Constantinopolitanum. Quin etiam scribens ad V. C. Anysium¹, quod Olympiadi nuptiis, ad quas complures vocati essent episcopi, minime convenisset, podagræ morbo se laborasse significat, adeo ut gestari ab aliis opus esset. Quantum autem ejusmodi exercitatus fuerit morbo, ipse carminibus sæpe deplorat potius, quam decantat. Cum igitur ita morbo affectus delineretur in lectulo, ærumnis tum animæ, tum corporis afflictatus, cygneis se carminibus solabatur ; complures enim diversique generis extant versus, quos senex decumbens in strato scribebat : adhuc extant ipsi, quibus indicat se non morbo tantum vexatum corporis, memoriaque præteriorum malorum assidue cruciatum, sed diris a diabolo impugnatum esse tentationibus.

13. At quibusnam ? dices ejusmodi certe, quæ vix credibiles cuiquam fierent, nisi ipse earum haberetur assertor, qui ejus rei causa lugubres sæpe cecinit threnos, quos soluta oratione hic rededimus. Cum enim invehitur in carnem suam, hæc inter alia habet² : « Non improbitati tandem tuæ impudentique finem impones ? non spiritui ac senectuti jam canæ stultia miseraque te submittes ? » Et paulo post : « Quocirca verere me tandem, ac

libidinem istam, petulantiamque compesce : nec in animæ meæ perniciem perpetuo furore debacchari ; alioqui testor, fore ut te acerrime oppugnem, omnique dolorum genere frangam, atque cadavere imbecilliorum te reddam » : at quibus remediis eandem insultantem coercere soleret, mox subdit : « Venite jam, et quidem magna copia scelerum expiatrix lacrymæ ; veni, laboriosum tam mentis quam corporis pervigilium, ut flammæ meæ ardorem minuatis, fœtidamque vitiorum putredinem abstergatis ; venter satietatem ableget ; genua humi flexa obrigescant, cinisque cibi loco sit : asperimus saccus mollia membra undique legat, vexatæque animæ suppetias ferat. Veni, tristic cura carnis domatrix, futura supplicia mihi semper ob oculos ponens. Atque hæc quidem stoliditati meæ vecordique medicamenta ipse adhibeo, etc. » At ne putes ipsum hæc poetice fingere ; audi quid alibi dicat, cum deplorat ærumnas animæ suæ³ : « Ego, inquit, in hac canitie corpus lano, oculos premo, diurnis nocturnisque curis ter miseram animam conficio, ut eam flammata extraham ; nec sic quidem tamen, nisi admodum ægre corpus in potestate teneo ». Et post multa ; demum cum nullum satis idoneum aliquid sufficiens expertum se dicat esse remedium ad carnis tentationes edomandas, ad Deum conversus ista precatur : « Senectutem. quæso, meam, optime Deus, canumque hoc caput serva, vitæque finem optatum concede ». Conqueritur idem alibi⁴, cogi se experiri in senectute, quæ juvenis nullo negotio sibi visus fuerat superasse ; quippe quod pro monstro videbatur magna demonum incendia seussisse, ut qui illibatam a pueritia virginitatem custodierat ; jam senex tentationis carnis facibus incenderetur ardentibus.

14. Quod rursum ad hanc rem pertinet (perlibenter enim in his vagatur oratio), accidit aliquando, ut dum sic ruri degeret, arte dæmonum, in villa sibi propinqua Valentinianus quidam nobilis loci dominus lascivientes secum haberet feminas ob oculos Gregorii positas ; cum ipse sibi timens, loco cessit, recedensque ad ipsum Valentinianum epistolam scripsit, in qua hæc inter alia⁵ : « Multo melius erat, tabula publice proposita (proscriptionis scilicet, nobis secessionem indicare, quam per mulieres, quas e regione nostri collocasti, vitæ gravitatem et sanctitatem interdicere, ac quotidianum dedecus et maledicentiam adjungens ab iis proficiscentem, qui libenter faciunt, ut iis qui ita sibi vivendum proposuerunt, ut nos vivimus, obtrecent. At nisi hoc dictum audeas sit : non quoque per Evam e paradiso expulisti ». Hæc et alia Gregorius inde alio migrans. Transiit enim ut cervus senex infirmis pedibus, quod in fuga tantum in ejusmodi bello secret repositam esse salutem, atque victoriam collocatum.

15. Vix credi potest, quanto ipse studio in se-

¹ Greg. Nazian. epist. LVII. — ² Greg. Nazian. in carm. adv. carnem.

³ Greg. Nazian. in carm. de calamit. animæ suæ. — ⁴ Greg. Nazian. in carm. de rebus suis. — ⁵ Greg. Nazian. epist. CXCVI.

nectute, infirmus corpore, excoluerit monasticam disciplinam, quantave severitate coluberit tum corporis, tum animae sensus extra lineam spiritus vel quid medicum deflectentes: discas enim ex uno haec omnia, quod ipse narrat his verbis ¹: « Nunc vero et morbo affectus et senectute fractus ac debilitatus in aliam calamitatem incidi; indomitam linguam, praecipitum loquendi celeritate volubilem habens, quae me invidi hostis mei manibus semper tradidit, innumerisque incommodis affecit, etc. » Solet enim ejusmodi vitium in senibus virescere. At quamam hoc coercuit disciplina? perpetuo quadraginta dierum silentio; quo absoluto, cecinit illud carmen, sic eo Christum compellans: « Tibi linguam meam devinxi, et cum nunc solvo; quod utrumque ut pie faciam, te suppliciter rogo et obsecro. Loquar quae loqui convenit: quae autem nefas est loqui, ne animo quidem et cogitatione complectar ». Haec ipse.

16. At nec ob id quod reliquerit civitates et conflantes episcopos, carere persecutionibus potuit, illatis illis quidem ab hypocritis vitae monasticae professoribus, qui cum cererent in Gregorium magni nominis virum omnium converti oculos, ipsunque praeter ceteris ab omnibus celebrari laudibus; infenso id animo ferentes, ipsum carpere, et jacere contumelias coeperunt, quod scilicet ruri ageret, non in silvis, incongruamque monacho vitam ducere. Porro scripsit ² in ejusmodi monachos hypocritas ipse Gregorius carmen, quo in unum ex eis petulantiorum ait: « Nuper quidam stultus, delicisque praeditus, dives atque insolens deliciis mihi vitaeque molliorem objectabat, cum alia multa dicens, tum etiam illud, me divitem et copiosum esse, ut qui et hortum, et otium, et mediocrem fontem habeam ». Convertensque in eos orationem, jure ipsos redarguit eorumdem, quorum alios reprehenderent, amplissimorumque praediorum possessionem et delicias carnis objectans, mox subdit: « Nos contra, si fontem, vel hortulum, vel exiguum aurum, vel umbrosam quoddam nemusculum, res utique levissimas possideamus, protinus id delicias interpretamini. Quid? anne respirare quidem Christianis licet? etc. »

17. Quorsumnam vero progressa est pseudomonachorum simulatio? eoque sane, ut (quod horrendum est dictum) ad altare Dei sacrificantem Gregorium lapidibus appetierunt; occidissentque, nisi divina fultus gratia, immane periculum evassisset: meminit ipse de ejusmodi more latronum facta grassatione in epistola ad Theodorum episcopum Tyanensem in eosdem monachos scelus vindicare paratum, cum ab infligendis in eos poenis revocare conatur: ita scribens ³.

18. « Audio te contumelias eas, quas monachi ac pauperes nobis intulerunt, graviter molesteque ferre. Nec vero mirum est, te, qui nullum adhuc

vulnus accepisti, nec calamitatumstrarum periculum fecisti, ad hujusmodi res animo discrucari: nos autem ut qui plura mala persenserimus, et contumeliis impetiti simus, fidem atque auctoritatem merito nancisci queamus, ea pietati tuae praecipientes, quae cum carities docet, tum ratio ipsa demonstrat. Gravia quidem atque adeo gravissima sunt ea quae contigerunt; quis incitias ire queat? minimum et contumeliam altaribus illatam esse, et conturbata mysteria; et nos inter sacra, quibus opera dabatur, et eos qui saxis nos appelebant, interjectos, adversus lapidum ictus medicinam a precibus petiisse, virginum pudorem in oblivionem venisse, monachorum modestiam, pauperum calamitatem, quos animorum austeritas misericordia quoque privaverat. Nihilominus tamen lenitate atque clementia uti, fortasse salus est, multisque per ea quae perpetimur, lenitatis ac patientiae documentum praebere. Plerique enim sunt, quos non tam oratio movet, quam actio, quae facili cujusdam monitoris instar est.

19. « Magnum esse censuimus, de iis a quibus lesi sumus, poenam sumpsisse: magnum, inquam; nam et hoc ad aliorum vitia corrigenda utile est. At multo hoc majus et divinius est, acceptam injuriam tolerare: illud enim improbitatem coercet, hoc autem ad probitatem adducit; quod quidem longe praestantius ac perfectius est, quam a vitio abstinere. Ingentem nobis humanitatis quaestum praepositum esse existimemus, si ea quae in nos admissa sunt, condonemus, ut ipsi quoque veniam consequamur, etc. » Pluribus docet prestare zelo mansuetudinem. Hic vero illud obiter attigisse sat erit, Gregorium haec scribentem ad Theodorum episcopum Tyanensem, et alias plures epistolas ad eundem dantem, calumniam passum a posteris qui asserunt scripsisse litteras ad Theodorum Mopsuestenum haeticum: sed cum nullo modis redargui possit calumniantium vel dolus, vel imperitia; satis illud tibi Justinianum imperatorem in edita a se de fide catholica sanctione ¹ ipsum ab hac calumnia liberasse.

20. His igitur Gregorius tam praecularis auctus in senectute coronis, locupletatus meritis, viatico immortalitatis accepio feliciter migravit in caelum: cujus transitus non mortis sed natalis titulo, quolibet anno in Ecclesia repelendus, publicis monumentis adscriptus, haecenus virenti observantia celebratur. Ejus vero venerandam effigiem in graeco codice Vaticano ² ita descriptam invenimus: « Statura mediocri erat, pallidus aliquantulum, non tamen citra venustatem, depresso naso, superciliis in rectum protensis, aspectu blando et suavi; altero oculo, nempe dextero, subtristis, quem cicatrix quaedam contrahebat; barba non promissa, sed densa, eaque in extremo, quasi fumo infusata; qua parte calvus non erat (nam subcalvus erat), albos crines habebat atque conspicuos ». Haec ibi, et qui-

¹ Greg. carm. in silent. quadr. — ² Greg. Nazian. car. in monach. hypocr. — ³ Greg. Nazian. ep. LXXXI. ed. nova.

¹ Exlat. tom. II. Conc. nova edit. — ² Cod. Graec. n. 519.

dem consentientia iis quæ ab ipso descripta leguntur, nimirum de pallore¹, et macie, oculi cicatrice², atque calvitie³. Tanto autem tum vivens, tum etiam post mortem nominis splendore effulsit et gloria, ut tam Græcorum, quam Latinorum præconiis celebretur: quem et reveriti sint et laudaverint etiam Ecclesiæ hostes, ut inter alios Eustorgius, qui Basilio atque Apollinari Gregorium præfert.

21. Repræsentavit eum, quasi viventem post mortem, veneranda ipsius imago non pictura tantum, sed et sculptura reddita; quæ in ecclesia collocata, magna fidelium veneratione frequentata cultaque pie fuit: ex qua et miracula divinitus edita prodire, ut inter alia illud sub Michael Balbo imperatore, cum Constantinus filius Leonis Armeni Augusti ex violenta abscissione mutus redditus, ejus imaginis opera, sed virtute prototypi regnantis in cælo recepit loquelam: quomodo res se habuerit, Cedrenus⁴ narrat; sed nos de his servato ordine temporum suo loco agemus. At reddamus hic epigramma seu potius vitæ ipsius epitomen continens epitaphium ab ipsomet versibus inter graves vitæ molestias decantatum: est vero ejusmodi⁵:

Cur carnis laqueis tu me, pater, implicuisti?
Cur subsum vitæ huic, quæ mihi bella movet?
Divino patre sum genitus, sanctæque pareule:
Hæc mihi lux vitæ namque precante data est.
Oravit, summoque Deo me vocit; at ortus
Est mihi per somnum virginitalis amor.
Ista quidem Christi: post at subiere procella:
Rapta mihi bona sunt, fracta dolore caro.
Pastores sensi quales vix crederet ullus,
Orbitusque abii prole, malisque gravis:
Gregori hæc vita est; at Christo postera cura,
Qui vitæ dator est. Exprimat ista lapis.

Sed exigua sunt hæc: siquidem res ab eo præclare gestæ una cum nomine ipsius non solum in cælo sunt scriptæ, sed et plurimis in terra leguntur exculptæ columnis, sicque vivit post obitum ubique beatus: nam ejus animam Christus, scripta possidet Ecclesia, et corpus Roma tandem accipiens nobilissimo condidit tumulo in basilica Vaticana. Celebrantur ore omnium sanctorum Patrum ejus præconia, quem et Cassiodorus ejusmodi exornat elogio: «Gregorius splendidissimum scientiæ et doctrinæ jubar; qui et cum jam olim vita funetus sit, etiam nunc tamen auctoritate et fide vivit; et cum jam olim corpore absit ab Ecclesiis, tamen voce ac magisterio non recedit». Ita quidem cum sit frequenter audire e suggestu loquentem Gregorium hæreticos sermonibus insectantem, roborantemque fidem Catholicam, sui prærogativa suffragii controversias dirimentem, definitentem insuper dubia, atque pronuntiantem quæ carcat appellatione sententiam.

22. Cum hucusque in prima editione res Gre-

gorii Nazianzeni produxerimus, prætermisimus, quod plane ignorabamus ab eo conditum testamentum. Quis enim illud extare, vel rationem aliquam ipsius habendam esse putasset, quod tot rerum atque scriptorum ejusdem Gregorii accuratissimos exploratores prætermisset; vel si noverunt, tamen visi sunt penitus tanquam commentitium contempsisse? Cum vero illud prætermissemus omnino; M. Antonius Massa Salernitanus l. C. quo cum ob illius doctrinam, variamque eruditionem cum pietate conjunctam domestica mihi consuetudo intercedit, omnium fere librorum angulos exploratos habens, cum istud ipsum minime eum lateret, liberiori amicitiae usu lepidis salibus suaviter carpens, oscitantiae me redarguit, quod cum de Gregorio Nazianzeno pene nihil omiserim, ejus tamen testamenti nullam prorsus habuerim mentionem: nam etsi illud fortasse nobis minime probaretur, confutare saltem disertis rationibus, muneris nostri esse; quod negare non potui.

23. Latet illud quidem inter Brissonii viri sane valde periti formulas græce editum; sed cum mendosum vehementer inventum esset et mutilum, vehementem urget de impostura suspicio, rem contuli cum Jacobo Sirmundo mei studiosissimo Parisiensi professore Societatis Jesu, omnium plane litterarum genere exculatissimo: qui infatigabili studio penetralia quæque bibliothecæ Vaticanæ perlustrans, invenit tandem in duobus antiquis codicibus¹ ejusmodi testamentum, quod contulit, emendavit, atque latinitati primus omnium tradidit, deditque nobis, sicut hic habes descriptum:

24. «Consulatu Flavii Eucherii et Flavii Syagrii, clarissimorum virorum, pridie kalendas Januariarum... Gregorius episcopus Catholice Constantinopolis Ecclesiæ, vivens ac prudens, sanoque consilio et integris sensibus condidi hoc testamentum: quod quidem jubeo et volo ratum esse, firmitatemque in quolibet foro et quomodo libet obtinere. Jam enim mentem meam manifestam feci, et meam omnem substantiam Catholice Nazianzi Ecclesiæ consecravi ad pauperum, qui sub eadem sunt Ecclesiæ ministerium; ob eamque causam tres præfeci juxta hanc meam voluntatem Ptochotrophos, pauperum eratores, Marcellum diaconum ac monachum, Gregorium item diaconum, qui fuit de familia mea, et Eustathium monachum, qui et ipse fuit e domo mea. Nunc vero eundem animum relinens erga sanctam Ecclesiam Nazianzenam, eodem persto in proposito.

25. «Cum igitur contigerit me ex vita decedere: hæres meus esto Gregorius diaconus et monachus domesticus quondam meus, quem pridem manumisi, ex universa substantia mea mobili et immobili, ubicumque ea mihi sita est; ceteri omnes exheredes mihi sunt: Ita quidem, ut meam omnem substantiam mobilem et immobilem sancte Catholice Nazianzi Ecclesiæ ipse restituat, nihil pe-

¹ Greg. Nazan. orat. in Max. — ² Greg. in carmin. de rebus suis.

³ Greg. orat. ad Arian — ⁴ Cedren. in Mich. Balbo. — ⁵ Greg. Nazian. in Epitaph. Vitæ suæ.

¹ Vatican. Biblioth. n. 311. et 582. Græc. lib.

nitus subducens, præterquam quæ hoc testamento quibusdam privatum reliquero legati aut fidei commissi gratia; sed omnia (ut prædixi) diligenter servet Ecclesiæ Dei, timorem præ oculis habens, sciensque jam a me decretum, ut omnia mea illius Ecclesiæ pauperum ministerio cedant; in eamque rem se institutum heredem, ut per ipsum Ecclesiæ omnia sine fraude conserventur.

« Servos quoscunque vel mea voluntate vel beatissimorum parentum meorum mandato muniti, hos omnes nunc etiam liberos manere volo, et peculia sua sibi habere, absque ullo impedimento.

26. « Volo præterea, heredem meum Gregorium diaconum una cum Eustathio monacho, ambos olim et domo mea possidere prædium Arianzenum, quod ex Regini bonis ad nos pervenit; gregales vero equas et oves, quotquot jam ipsis præsens dari jussi, quarumque proprietatem ipsis ac dominium tradidi, has ipsis quietas manere volo jure domini. Per præceptionem item, Gregorium diaconum et heredem meum, qui mihi fideliter ministravit, privato jure domini habere volo aureos numero quinquaginta.

27. « Rusianæ virginis venerandæ, propinquæ meæ, certa conducti in annos singulos dari jussi, unde vitam libere traducat: quæ quidem, omnia eidem, quemadmodum præscripsi, volo et jubeo sine mora præstari. De habitatione autem tum quidem propterea nihil statui, quod nescirem ubinam ipsa degere mallet: nunc vero et hoc volo, quocumque ipsa loco elegerit, parari ei domum ingenue congruentem ad honestam virginis habitationem; quam utique domum sine interpellatione habebit ipsa in usum fructum, quoad vixerit, postea restituit Ecclesiæ. Addi præterea eidem volo puellas duas, quas ipsa delegerit; hoc nimirum paco, ut cum ea morentur puellæ usque dum vivet; et si quidem illi ita visum fuerit, liceat ipsi libertate eas donare; sin minus, et illæ quoque ad Ecclesiam pertineant.

28. « Theophilum puerum, qui mecum perseveravit, jam manumisi; volo autem ei nunc etiam dari legati nomine nummos quinque. Eupraxinum vero ejus fratrem liberum esse volo, eique legati nomine dari aureos nummos quinque. Volo præterea Theodosium Notarium meum liberum esse, eique legati nomine dari aureos nummos quinque.

« Alypianam, filiam meam dulcissimam (cæterarum enim Eugenæ et Nonnæ exigua ratio ducenda est, ut quarum vita reprehensione non vacat), veniam mihi dare volo, quod nihil possim ipsi relinquere; quippe qui omnia jam pauperibus destinaui; aut potius beatissimis parentibus, qui ita polliciti erant, obsecutus sum; quorum mentem violare, nec sanctum, nec tutum arbitror. Quæcumque igitur ex beati fratris mei Cæsarii rebus in veste serica, aut linea, aut lauea, vel burichaliis supersunt, hæc ad ipsius liberos pertinere volo, et nulla in re ipsam, vel sorores ipsius molestas esse vel heredi meo, vel Ecclesiæ.

29. « Meletius gener (γυνήτης) meus prædium Apenziensem, quod Euphemii erat, sciat se mala fide possidere; de quo quidem etiam antea scripsi sæpius Euphemio, ignaviam ejus reprehendens, nisi sua recuperaret: Et nunc testor omnes magistratus, et qui sub magistratu sunt, injuriam fieri Euphemio: oportet enim prædium Euphemio restitui.

« Emptionem fundi Canotalorum reverendissimo filio episcopo Amphiloquio reintegrari volo: constat enim ex chartis nostris, idque norunt omnes, quod et solutus fuerit contractus, et pretium receperim, proprietatemque ac dominium possessionis jam pridem tradiderim.

30. « Evagrius diacono, qui multorum mecum laborum et curarum particeps, in multis suam mihi benevolentiam commendavit, gratiam habeo coram Deo, et coram hominibus. Ac majora quidem ipsi Deus retribuet; ne vero parva etiam amoris symbola prætermittamus; volo ei dari camasum unum, tunicam unam, pallia duo, aureos nummos triginta. Similiter dulcissimo condiacono nostro Theodulo dari volo camasum unum, tunicas duas ex iis quæ sunt in patria, aureos viginti ex patriæ item rationibus. Elaphio notario, qui et bene moratus est, et quo tempore fuit in obsequio, belle nos refocillavit, dari volo camasum unum, tunicas duas, pallia tria, sigillionem in patria, nummos aureos viginti.

31. « Hoc meum testamentum ratum ac firmum esse volo in omni judicio et quomodocumque: quod si tanquam testamentum vim non habuerit, tanquam voluntatem ipsum ultimam seu codicillum valere volo. Qui vero ipsum evertere tentaverit, rationem reddet in die judicii.

« In nomine Patris, et Filii, et Spiritus sancti, Gregorius episcopus Catholicæ Constantinopolis Ecclesiæ regei testamentum, et omnia probans subscripsi manu mea, et vim obtinere volo ac jubeo.

32. « Amphilochius episcopus Catholicæ Leonii Ecclesiæ interfui testamento reverendissimi episcopi Gregorii, et ab eo rogatus subscripsi manu mea.

« Optimus episcopus Catholicæ Ecclesiæ Antiochenæ interfui, cum reverendissimus episcopus Gregorius testamentum suum, ut supra scriptum est, disponeret; et eo rogante subscripsi manu mea.

« Theodotus episcopus Catholicæ Ecclesiæ.

Ilydæ præsens fui testamento reverendissimi episcopi Gregorii, et ab eo rogatus subscripsi manu mea.

« Theodulus episcopus sanctæ Catholicæ Apmæ Ecclesiæ præsens fui, etc.

« Hilarius episcopus Catholicæ Ecclesiæ Isauriæ præsens fui, etc.

« Themistius episcopus sanctæ Catholicæ Hadrianopolis Ecclesiæ præsens fui, etc.

« Cledonius presbyter Catholicæ teonii Ecclesiæ præsens fui, etc. » Hactenus testes: post quorum subscriptiones, nomen ejus qui ex archivo

Nazianzeno ejusmodi testamentum edidit, habetur in iisdem codicibus scriptum his verbis :

« Joannes sanctissimæ Nazianzi Ecclesiæ lector et notarius exemplum divini testamenti, quod in sanctissima ecclesia mea reconditum est, sancti et illustris ac Theologi Gregorii exscripsi et edidi ». Hactenus ex veterinīs exemplaribus Vaticanis.

33. Jam vero nostrarum partium esse scimus, ut his quam exacte percognitis, num hæc in omnibus inveniantur veritati consentanea disquiramus, elucidemusque obductum veluti rubigine monumentum. Esse quidem ipsum germanum Gregorii Theologi testamentum, sunt multa quæ persuadeant. Verum quoniam ipsa prima ejus inspectione longe refugere possit animus, ut id audire velit, nedum asserere ipsum Gregorium filias habuisse atque generum; de hoc ipso primum jure agendum erit. Etenim nihil est, ut vel in leve discrimen possit adduci Gregorii, quem suis ipse sæpe scriptis profiteatur, cultus virginitatis, quam par est ut ante omnia apertissime demonstratam atque probatam, sartam teclam in omnibus reliquamus.

34. Nihil quidem magis certum atque exploratum ex omnibus Gregorii rebus gestis videri potest, quam ipsum perpetuam coluisse virginitatem, testante id ipso quam sæpissime, cum in senectute confectus ærumnis sese ejus tanquam rei præclare memoria consolans, cygneis modulis sæpe concinit, ut illud in primis prosa redditum¹ : « Corpore virgo sum; au autem etiam animo, haud certum habeo »; proficitur hoc etiam in carmine, ubi conqueritur *de Calamitatibus suis*; itemque in carmine *de Virginitate*, et in præceptis *ad Virgines*: rursus in carmine *de Vita sua*, et eo qui inscribitur : *De rebus suis*, ubi ipse habet versus :

Non me connubium strinxit, non fluxio vitæ.

et inferius :

Nec mea femine maduerunt membra liquore.

Insuper cum rursus animæ suæ calamitates deplorat, visionem sibi divinitus ostensam recenset, qua permotus fuerit a pnero, ut se virginem perpetuo conservaret. Id ipsum etiam affirmat cum invenitur in hypocritas monachos, necnon in epitaphio de se scripto; ut plane nihil in Gregorio firmius atque tutius, quam perpetue virginitatis cultus, absque ulla dubitatione affirmari penitus possit. Servata igitur et in omnibus comprobata Gregorii virginitate, jam nebulam illam quæ de filiabus et genere ex testamento contracta videtur, ex ipsiusmet Gregorii scriptis dimoveamus omnino.

35. Quod igitur ad nominatas in testamento filias spectat, illud ingerimus : si omnes quas ipse Gregorius suis scriptis filias vel filios nominat, ex conjuge esse susceptos, velimus asserere, erit profec-

to ut plusquam quingentos (ut ita dicam) ex Gregorio genitos esse liberos affirmare cogamur : verum ad spirituales generationem, eos omnes esse referendos, ne longe petatur exemplum, habes in eodem testamento ab ipso Gregorio nominatum filium suum Amphilochiū episcopum, utpote ætate juniorem; nam in epistola ad Casarium de eo scripta : « Ipse, inquit, manu mea carissimum filium nostrum Amphilochiū offero, virum probitatis nomine usque adeo nobilem (etiam præterquam ætas ferat), ut ipse, qui et senex et sacerdos et amicus vester sum, præclare mecum agi existimaturus sim, si eam hominum existimationem obtinerem ». Hæc ipse. Sic igitur nihil est ut cogamur asserere, quas nominat filias, eas a Gregorio ex uxore susceptas.

36. Verum dicendum potius eas illius fuisse neptes : etenim quam potissimum laudat, spretis cæteris, Alypianam, eo gradu tum ipsam, tum reliquas duas sorores Gregorio junctas fuisse, ex ipsius Gregorii epistolis certo certius intelligere possumus. Reperitur quidem Alypiana ista ipsi Gregorio fuisse ex sorore Gorgonia neptis, nuptaque insigni viro Nicobulo; ex quibus ortus est Nicobulus Junior, cujus nomine ad ejus patrem extat Gregorii carmen, necnon aliud patris nomine ad ipsum filium redditum, et alia complures epistolæ, ut inter cæteras quæ signatur in Billiana novissima editione numero centesimo quinquagesimo quinto; cujus hæc est inscriptio ex græco reddita exemplari, quæ ipsius epistolæ argumentum ponitur verbis istis :

« Eidem Nicobulo, Alypianæ ipsius uxori, Gorgoniae Gregorii sororis filia, corporis staturam exprobranti ». Hæc in epistolæ inscriptione. Sed quid ista sibi velint, ex ipsa accipere licet epistola, quæ cum perbrevis et lepida valde sit, hic integram describemus; sic enim se habet¹ :

37. « Alypianam apud nos cavillis incessis, ut parvam et tua proceritate indignam, o magne et vaste, ac gigante formæ, tum robore. Nunc demum intelligo, animum mensuræ subjeci et virtutem expendi, ac rupes margaritis præstantiores esse, corvosque lusciniis angustiores. Tu vero magnitudine tua et cubitis fruere, nec Aloydis illis ullo modo inferiorem te præbe. Equum enim ducis, et hastam vibras, et teræ tibi curæ sunt. Ipsa autem nihil operis patrat : nec magni roboris est, radium ferre, colum tenere, ac telæ assidere :

Id enim feminarum decus est.

Quod si hoc quoque adjicias, eam orationis causa humi curvam esse, ac per ingentes mentis agitationes perpetuam cum Deo consuetudinem habere; quid hic de tua sublimitate corporisque mensura te jactabis? Vide festivum silentium; loquentem audi; quam incompta sit, animadvertet; quam, ut femina, fortis ac strenua; quas rei domesticæ mili-

¹ Greg. Nazian. de se ipso.

¹ Greg. Nazian. epistol. CLV.

tates afferat; quam viri amans sit. At tunc illud Laconis dices: Certe animus in mensuram minimè cadit; atque externum hominem oculos coniectos in interitum habere oportet. Si hæc ad hunc modum consideres, joculari desines, canque ut parvam deridere; tuncque conjugium faustum ac felix judicabis». Hactenus Gregorius ad maritum Alypianæ Nicobulum.

38. Consentientia his plane sunt quæ de eadem Alypiana idem Gregorius habet in testamento, cum mulierem frugi, sibi que ob id carissimum prædicat, despectis reliquis duabus ejus sororibus Eugenia atque Nonna, referente nomen aviae, longe tamen disparibus moribus prædita. Aliquod plane nefas ab eis admissum et publice cognitum ac decantatum oportuit, ut ipse Gregorius publicis tabulis eas ita indecoris notis inustas reliquerit. Sic et sanctus Hieronymus sororem suam virginem lapsam, sed ad penitentiam revocatam, epistola scripta ad Cromatium et collegas¹, posteris notum reddidit. Hæc qui considerat, non adeo mirabitur de Gregorio Nazianzeno; et multo minus, si legerit quæ de lapsu Gordianæ virginis amicae suæ S. Gregorius² Papa ad populum pro concione recensuit; ut plane videas sanctos viros despexisse penitus etiam propinquos, quos scissent Deo minime esse caros, sed laudare tantum solitos Deo acceptos, secundum illud de viro justo dictum a David³: «Ad nihilum deductus est in conspectu ejus malignus; timentes autem Dominum glorificat».

Quod vero ex parentum voluntatis præscripto bona omnia jubebantur non in affines, sed in pauperes erogari; cum nihil esset quod caræ Alypianæ nepti Gregorius legare posset; ejus tamen filiis dulces dari præcepit Cæsarii fratris exuvias diutius apud se retentas, velut cara pignora germani amatissimi, qui jampridem ex hac vita decederat.

39. Jam igitur de Gregorii ex conjugio filiabus omni dubitationis amoto penitus scrupulo, de Meletio qui in testamento gener nominatur, solvendus est nodus, quo Gregorius obligatus conjugio videatur. Vox quidem illa, quæ ex græco latine reddita, gener est, in græco codice legitur γαμβρός; ejus quidem nominis etsi frequentior usus est, ut generum exprimat, significare tamen posse interdum affinem quemlibet, qui gæssemata græca elucidant⁴, absque controversia profitentur: imo apud Latinos idem in voce, *generi*, loquendi usus obtinuit; et ut alios prætermittamus, habes apud Justinum⁵ historicum, generum ab eo dici virum sororis. Quamobrem nullo pacto adstringimur, ut Gregorius Meletium generum nominari voce illa; sed affinem potius significare voluisse exploratissimum satis redditur ex ipsius repetitis sæpius testificationibus, quibus perpetua ejus virginitas absque ulla vel levissima saltem dubitatione monstratur.

40. Posset insuper et de Theodulo episcopo

Apameæ, qui subscribitur testis, illud objici, quod reperiatur eo anno non Theodulus, sed Joannes Apameæ episcopus subscriptus œcumenicæ Synodo Constantinopoli eodem anno habitæ. Verum ostenditur ejusmodi objectionem nullius prorsus esse momenti. Etenim præter Apameam quæ in Syria est, ejus dictus Joannes antistes, fuerunt tres alie ejusdem nominis civitates: nimirum prima quæ in Bithynia fuit ad oram maritimam inter Rindaci et Ascanii ostia, ejus meminere Stephanus et Plolomæus, secunda in Phrygia ad Marsyæ fluminis ostia, ubi ipse Meandro conjungitur; ejus meminere Plinius et ex Græcis Strabo, quam post Ephesum clarissimum omnium Asiæ urbium prædicant, in qua celeberrimum esse solet emporium: sed et præter hanc, aliam fuisse Apameam Parthorum civitatem affirmant. Sic igitur non arctatur, ut licet constet tempore Concilii Constantinopolitani Apameæ Syriæ præfuisse Joannem, non potuerit Theodulus alioquin ex reliquis tribus Apameis fuisse episcopus: unde nullius momenti ea esse reperiatur oblectio.

41. Cæterum quod ad mensem et diem ejus anni in eodem testamento descriptos pertinet, posset etiam aliquis objicere neque Gregorium, neque episcopos qui subscripserunt, tamdiu post absolutam autem quinque vel sex menses Synodum esse commemoratos Constantinopoli, neque post abdicationem ejus vocatum amplius fuisse Gregorium Constantinopolitanum episcopum, ut ponitur in testamento. Ad hæc vero primum illud jure dici posse videtur: Quis adeo durus est et severus iudex, qui in re adeo antiqua non concedat testamentum ipsum aliquem pulverem contraxisse mendorum, qui sit excutiendus? Quamobrem si velimus post absolutum Concilium et post abdicationem sedis illud ipsum testamentum fuisse a Gregorio nuncupatum, tunc plane accidisse videtur, ut Joannes ille qui ex archivo Ecclesiæ Nazianzenæ ipsum in lucem prodidit testamentum, cum illud exscriberet, et Gregorium simpliciter nominatum episcopum legeret, honoris causa addiderit, Constantinopolitanum; et quidem bona fide, quod sciret eo anno ipsum præfuisse eidem Constantinopolitanæ Ecclesiæ.

42. Verum illi sententiæ magis inhæreo, ut prope tempus Concilii ejusmodi a Gregorio fuerit conditum testamentum; atque dicendum esse, in mensem potius irrepsisse errorem. Etenim nec in codice quem nactus est Brissonius, nec in altero e duobus Vaticanis nomen mensis expressum erat: in quo et potuit accidisse, ut errore librarium, *Ἰανουαρίον* scriptum fuerit pro *Ἰαννῶν*. Ut autem opiner paulo ante Concilium ejusmodi esse a Gregorio conditum testamentum, illud persuadet, quod ea oratione quam tunc Constantinopoli ante Concilium in Maximum habuit, inter alia, suis se cunctis jam privasse bonis ostendit his verbis: «Paupertatem objiciunt? Quid ego audio? meas opes et copias? Atque ulnam et pannos hosce exnere possem, ut hujus vitæ spinas nudus percurrerem:

¹ Hier. epist. XLIII. — ² Greg. in Evang. hom. XXXVIII. — ³ Psal. XIV. — ⁴ Consule Henr. Thesaur. Græc. — ⁵ Justin. lib. XIII.

utinam et gravem hanc tunicam quam celerrime abjicerem, ut leviorum acciperem » : et inferius : « Sed pecunias eripient ? quas tandem ? si meas : quin eadem opera pennas quoque excident, quibus cinctus non sum ». Ille ipse ; quibus quidem se jam bona cuncta abdicasse significat.

43. Sunt autem adhuc complura alia ex ejusdem Gregorii scriptis adducenda, quibus demonstrari contingat idem ipsum testamentum esse Gregorii. In primis vero, quod quæ in eo mira erga pauperes sollicitudo monstratur, eadem in omnibus ejus scriptis expressa conspicitur. Quod enim in testamento pauperibus posthabuerit affines, cum ita a parentibus fidei commissariam accepisset hæreditatem ; testatur ipse de matre sua in oratione habita in funere patris, adeo erga pauperes fuisse amore propensam, ut dicere soletur, se ipsam, si licuisset, et filios ad alendos pauperes distracturam fuisse. Ipse vero non fundos tantum, et domos in pauperes erogavit, sed et libros in eorum usum convertit. Cum enim Adamantius rhetor amicus Gregorium aliquando rogaret dari sibi libros rhetoricæ facultatis ; misit ipse quidem illos Gregorius, sed pretium illorum petiit, scripta ad eum epistola, ubi ad finem ista facete admodum ¹ : « Quod si hæc quidem recte dici videntur, et minime philosophicum esse, librorum pretium postulare ; tu mihi pecuniam solve, objectionem autem tuam solvent pauperes ». Ille ipse ; ex quibus vides immensam ejus erga pauperes curam.

44. Sed et videre est in ipsius Gregorii scriptis, ejusdem testamenti, quo pauperibus sua cuncta reliquit, haberi saltem tacitam mentionem. Etenim ad hoc ipsum visus est allusisse, cum post discessum Constantinopoli, scribens ad Constantinopolitanos sacerdotes, et populum, ista habet in fine : « Hæc verba Gregorii sunt, quem aluit Cappadocia, quippe se facultatibus omnibus suis orbat, ut eas Christo offerat ». Insuper in carmine de se ipso post redditum ex urbe Constantinopolitana de suarum rerum abdicatione agens, hunc habet versum :

Cessi invita aliis mente, libente abis :

plane duplicem Constantinopoli a se factam rerum abdicationem insinuans, invito animo alteram, nimirum eum sedem reliquit, alteram cum pauperibus cuncta sua testamento donavit.

45. Est et carmen ad Julianum tributorum exequatorem, quo Ecclesiam Nazianzenam commendat, in qua ad pauperum usum se omnia sua erogasse testatur : quæ quidem bona cum ab ipso Juliano describerentur ad vertigalia solvenda ; ut mitius agat rogans, hæc de Nazianzena Ecclesia inter alia habet : « Moneat tua, inquit, domus, quæ miseros homines omni benignitatis genere complecti consuevit : moneant te quoque, o amice, opes meæ,

quas ego crucis ferendæ causa pauperibus erogavi » : et paulo post : « Opes meæ sunt ; sed tua est descriptio. Cura igitur, ut erga pauperes alendos mercedem eandem uterque consequamur ». En vides, lector, ex his omnibus non solum ostendi ipsius Gregorii testamentum, sed idem executioni mandatum perspicue declarari, cum quæ ipse reliquisset Ecclesiæ, illa jam possideret. Meminit et aliis in locis de abdicatione a se facta omnium divitiarum, retento sibi (ut ipse ait) ubi degeret, parvulo tantum horto cum fonte ; testatur id quidem ipse, cum in monachos quosdam hypocritas juste invehitur.

46. Sunt et alia præterea plura, quæ ejusdem testamenti germanitatem insinuant, ut cum in eo Evagrius diaconum adeo commendat, cui et recensita superius legata reliquit : hunc quis non videt fuisse Evagrius Ponticum, qui cum eo vixit Constantinopoli, laudatissimum tunc illum quidem, de quo suo loco pluribus agitur ? Insuper Euphemius, qui in hoc eodem testamento nominatur ; is esse potuit, cujus meminit in epistola ad Alypium ² ; de cujus etiam nuptiis agit in Epistola ad Theodosium ³. Nec præterimus de Regino, cujus meminit in testamento, quod nihil prohibet quin ille esse possit, quem inter familiares adnumerat in carmine ad Hellenium. Sed ex episcoporum quoque subscriptionibus intellige ejusdem testamenti sinceritatem : nam præter Amphilochem, qui sequitur ordine Optimus episcopus Antiochenus, ipse est, cujus mentio fit in lege Theodosii ³ hoc anno post Concilium data. Et quis nesciat, qui ultimo loco subscriptus habetur Cleodionus presbyter, illum esse, quem adeo mirifice laudat in eodem carmine ad Hellenium ? Sed et prudens rerum antiquarum scrutator sinceritatem scripti hujus intelliget ex vocibus vestimentorum ibi nominatorum, quæ ob nimiam antiquitatem inter exoticas abierunt, ut illæ : *camosa*, atque *sigillion* ; sed de sigillione apud Trebellium Pollionem in Claudio facta mentio reperitur.

47. Jam habes, lector, Gregorii testamentum non solum e carie et tinea erutum, sed ab objectionibus vindicatum, illustratumque scholiis, et redditum omni puto ex parte probatum : egregium plane quod plurimi facias monumentum, ab aliis, si qui ante viderunt, fortasse spretum, quod veluti in obducto situ numismate, ipsa in eo Gregorii imago, minime cerneretur expressa, imo reddere videretur effigiem hominis conjugio obligati : sed eo exterso diligenter et purgato, ipsissimam ibi easam Gregorii intueris imaginem. Hæc jam satis ; quæ si hic minus opportuna videntur, caro monitori, sed importuno exactori Maffæ accepta feras :

Cui ut morem geram, hic tibi etiam adjiciamus, veluti corollarium, de propinquis ejusdem Gregorii Nazianzeni perbreve descriptionem.

¹ Greg. epist. cxlix. — ² Greg. epist. cxiv. — ³ L. III. de hæret. C. Theod.

¹ Greg. Nazian. epist. cxlix.

Parentes	$\left\{ \begin{array}{l} \text{Gregorius,} \\ \text{Nonna} \end{array} \right\}$	ex quibus geniti	$\left\{ \begin{array}{l} \text{Gorgonia,} \\ \text{Gregorius Theologus,} \\ \text{Caesarius.} \end{array} \right\}$
Gorgonia nupta Vitaliano : ex quibus	$\left\{ \begin{array}{l} \text{Petrus,} \\ \text{Phocas,} \\ \text{Eugenia,} \\ \text{Nonna,} \\ \text{Alypiana :} \end{array} \right\}$	$\left\{ \begin{array}{l} \text{Alypiana nupta} \\ \text{Nicobulo :} \\ \text{ex quibus} \end{array} \right\}$	Nicobulus junior.

Hæc quidem ex ipsius Gregorii scriptis perspicua satis redduntur cuilibet recte intuenti. Nam de Vitaliano, quod vir fuerit Gorgoniæ sororis, et genitos ex ea nominatos superius liberos, invenies in carmine filiorum ad ipsum Vitalianum inscripto, junctis his quæ de Gorgonia suis locis superius dicta sunt. De conjugio autem Alypianæ cum Nicobulo, satis recitata nuper epistola ad ipsum scripta declarat : ex eis vero Nicobulum juniorem genitum, carmina ejusdem Gregorii, tum patris, tum filii nomine edita, aperte satis docent, et aliæ insuper epistolæ ad Nicobulum scriptæ, vel in quibus de Nicobulo mentio habetur.

48. Fuisse reperitur et alii Gregorii Nazianzeni propinqui ; sed qua linea collocandi, incertum est ; ut qui nominatur in testamento Meletius, de quo mihi facile persuadeo, ut vir fuerit Eugeniæ sive Nonnæ Gorgoniæ filie. Constat insuper, *avunculis*, consobrinos suos, sive aliter quomodocumque propinquos, ab eodem nominatos esse Helladium et Euladium, cum scribit ad Lollianum ¹ et ad Cæsarium ², quos et nominatim celebrat in carmine ad Helleuium, ubi et matris eorum meminit ; ibi etiam propinquos fuisse tradit Cleodonium, Carterium, et Nicomedem : Eupraxium item alibi ³ propinquum suum appellat, itemque Valentinianum ⁴ et Amazonium ⁵. Sed de his satis. At jam ad Theodosium se convertat oratio.

49. *Theodosius Romam venit, ab idolorum reliquiis obscenisque vitis expurgat, Symmachum aram Victoriæ restituere conantem damnat exilio, in Manichæos decernit.* — Auctor est Marcellinus in Chronico, sub hujus anni consulibus Timasio atque Promoto, ipsum Theodosium imperatorem una cum Honorio filio mense Junii urbem ingressum esse, digressum vero inde kalendis Septembris. Certe quidem usque ad tertium nonas Maii hoc anno mansisse Theodosium Mediolani, rescriptum ab eo ibidem eodem die datum adversus Macedonianos significat ⁶. Cum autem Romam venisset, ibi triumphum de liberato imperio Occidentali, victoque tyranno egisse, Sozomenus tradit ⁷, voluisseque socium habere gloriæ Valentinianum, partitumque esse cum illo triumphum : quod majoris gloriæ atque triumphi illi conciliavit honorem, splendoremque contulit. Sed tot tantaque bona una Justina videre non meruit, cujus impietas ad exitium Italiæ tyrannum ar-

marat : jam enim ante hæc omnia ipsam esse defunctam, idem auctor affirmat. Tunc Latinus Paccalus, nobilis orator Gallicanus, cum Romæ præsens esset, Theodosium post triumphum in senatu oratione laudavit, qua post recensitas de hostibus victorias partas, hæc de adventu et commemoratione ejusdem imperatoris in Urbe : « Licuerit mihi, quæ in barbaris gentibus longinquisque provinciis pro summa re fortiter feliciterque fecisti, ammente numine tno et senatu favente dixisse. Ea vero quæ Romæ gesta sunt, qualem te urbi dies primus invexerit, quis in curia fueris, quis in rostris ; ut pompam præcuntium ferculorum, curru modo, modo pedibus subsecutus, alterno clarus incessu, nunc de bellis, nunc de superbia triumpharis ; ut te omnibus principem, singulis exhibueris senatorem ; ut crebro civilem progressu non publica tantum opera lustraveris, sed privatas quoque aedes divinis vestigiis consecraris, remota custodia militari tutior publici amoris excubiis : horum hæc linguis, horum, inquam, voce laudentur, qui de communibus gaudiis et dignius ulique quæ maxima, et justius poterunt prædicare quæ propria sunt. O mea felix peregrinatio, o bene suscepti et exhausti labores ! Quibus ego intersum bonis ? quibus fruer gaudiis ? quæ reversus urbibus Galliarum dispensabo miracula ? quantis stupentium populis, quam multo circumdabor auditore, cum dixerò : Romam vidi, Theodosium vidi, et utrumque simul vidi : vidi illum principis patrem, vidi illum principis vindicem, vidi illum principis restitutorem ». Hæc et alia plura clarus orator.

50. Agit et Prudentius de Theodosii Romam adventu, atque nihil illum antiquius habuisse, quam ut urbem a profano idolorum cultu penitus liberaret. Hæc quidem ipse in carmine contra Symmachum scripto ; quod constat ab eo elaboratum post ipsius Theodosii obitum sub Honorio imperatore, postque debellatum (ut ex eo constat) Alaricum a Stilicone apud Pollentiam. De Theodosio igitur agens, duorum tyrannorum exstinctorem nominat ; licet post hæc Eugenium expugnari et occidi contigerit : adventum autem ejus in urbem his cecinit versibus ¹ insectatus eorum cultum :

Cum princeps gemini bis victor cade tyranni
Pulchra triumphati respexit membra vultu,
Nubibus obsessam uigrantibus aspexit Urbem :
Noctis obumbrata caligine turbidus aer
Arcebat liquidum septena ex æce serenum :

¹ Greg. epist. cxcv. — ² Greg. ep. cv. — ³ Greg. ep. clxxvii. clxxxix. — ⁴ Greg. ep. clxxxix. cxc. l. — ⁵ Greg. ep. lxxxix. — ⁶ L. xvi. de hæret. C. Theod. — ⁷ Sozom. l. vii. c. 14.

¹ Prud. advers. Symmach. lib. l.

Ingenuit miseratus, et sic ait : Exue tristes
Fida parens habulus ; equidem prædivite cultu
Illustrata cluis, spoliisque insigne superbis,
Attollis caput, et multo circumfluis auro :
Sed nebulis propter volitantibus, obsitus alti
Verticis horret apex ; ipsas quoque livida genuas
Lux hebetat, spissusque dies et fumus ob ora
Suffusus rutilum frontis diadema retundit.
Obscuras video tibi circumferri umbras,
Carubeasque animas, atque idola nigra volare.
Censeo sublimem tollas super aera vultum,
Sub pedibusque tuis nimbosa elementa relinques, etc.

Quomodo autem cum Romanis transegerit, inferius subdit : nempe ut sacrificia omnia abolerentur, festique dies, et ipsæ statuæ idolorum frangerentur ; si quæ tamen earum excellentis essent manus artificis, eadem non ad cultum, sed ad urbis ornatum exponerentur ; subdit enim post multa ipse Prudentius :

Deponas jam festa velim puerilia, ritus
Ridiculos, tantoque indigna sacra regno.
Marmora tabenti respersine tincta lavate.
O proceres : liceat statuas consistere puras
Artificum magnorum opera. Hæc pulcherrima nostra
Ornamenta cunctis patriæ, nec decolor usus
In vitium versæ monumenta conuinquet artis.
Ta ibus edictis Urbis informata refugit
Errores veteres, etc.

Hæc ex Prudentio recteasse volumus, quo cesset invidia querelarum quorundam de idolorum demolitione : nam contractio nobilissimorum artificum operum Gothis potius, quam Christianis ista non attendentibus, adscribenda est ; quibus fortasse Deus tradidit urbem, ut eam penitus expurgarent a deorum Gentilium simulacris.

51. At quid tunc actum cum Symmacho clarissimo senatore, propugnatore tamen gentilium deorum cultus : hæc in primis Socrates habet ¹ : « Romæ igitur festa celebrare triumphalia. Quo quidem tempore Theodosius imperator suæ singularis clementiæ in causa Symmachi viri consularis illustrem dedit significationem. Iste namque Symmachus et inter viros ordinis Senatorii Romæ principem locum obtinuit, et propter excellentem ipsius in latinis litteris eruditionem in summa admiratione fuit : nam multos libros latino sermone conscripsit ; inter quos liber de laudibus Maximi tyranni, dum adhuc vivebat, editus et coram eo recitatus, cum postea læsæ majestatis reum fecit : quapropter mortem veritus, ad ecclesiam confugit, Imperator vero qui adeo pio et religioso animo erga fidem christianam affectus erat, ut non sacerdotes modo qui in eadem cum illo fide consentiebant, supra modum coleret, sed Novatianos etiam qui in fide Consubstantialis cum eo conspirabant, amplecteretur humanitus ; quo Leontio Romæ Ecclesiæ Novatiæ episcopo pro Symmacho deprecanti gratificaretur, Symmachum absolvit crimine : qui veniam consecutus, Apologeticum ad imperatorem Theodosium scripsit ». Hæc Socrates.

52. Quod de Novatiano episcopo ait Romæ agente ; licet hactenus a Novatiani schismatici tempore auditum non sit, Novatianos habuisse episcopum Romæ ; tamen quod tolerati iidem fuerint, hand adeo incredibile videri potest, cum et Donatistæ id etiam (ut ex Optato vidimus) fuerint amulati, nempe ut sectæ ipsorum Africanis Romæ de gentibus, ex Africa Romam episcopum mitterent. Auditus quidem his temporibus fuisse in Urbe Novatianorum susurros, necnon Montanistarum in hæresi collegarum, S. Hieronymus ¹ in epistola ad Marcellam satis significat. Quin etiam invaluisse nonnihil his temporibus in Occidente Novatianam hæresim, scripta Paciani de Penitentia, Confessione, et Baptismate satis docent. Cæterum quod ait Socrates Theodosium humanitus complexum esse Novatianos, et in gratiam eorum episcopum fuisse ab eo absque pœna Symmachum absolutum, longe errat : nam rem aliter se habuisse, S. Prosper ² suorum temporum res scribens demonstrat hisce verbis : « Theodosi religiosi principis imperio per Jovinum et Gaudentium comites omnia templa exposita ; quæ vana signimenta quis nostrum permittitur ignorare ? Cui Symmachus ille mirabili eloquio et scientia præditus, tamen paganus, præconio laudum in consistorio recitato, subtili arte, qua valuit, aram Victoriæ in senatu restituit, christiano, ut noverat, principi intimavit. Quem statim a suis aspectibus pulsum in centesimo lapide, rhedæ non strætæ impositum ea die manere præcepit ». Ita Prosper.

53. Sic namque se habuit Symmachus, longe antiquo Calone impar, quippe quod tempori inservierit : nam qui pro concione laudavit Maximum tyrannum, celebravit et Theodosium ejusdem tyranni extinctorem ; sed sicut ad laudandum Maximum adulatio et privatum commodum impulit, ita ad præconia Theodosii veritas persuasit : siquidem litteris ad Flavianum scriptis testatur, se hand rei dignitate tantum munus explesse ; sic enim ait in epistola ad eundem æque etiam ethnicum scripta ³ : « Cum civiles et bellicas laudes domini nostri Theodosii styli honore perenrerem (magis enim contigisse me omnia, quam satisfecisse singulis fa-teor) etiam leges ejus bonis pacis admiseni, quas ut noveram præcis admissem admirationem, ita reservasse (servasse) nobis parem gloriam non putabam, etc. » Laudat recentem legem hoc anno X kalend. Februarii Mediolani datam, qua inconcessum esse voluit imperatori, atque domesticis ejus, quod privatis jure permissum esset ; minum cum lege cavet, ne liceret imperatori, vel magistratibus, quicquam per codicillos vel epistolam relictum accipere : extat ipsa sanctio in Codice Theodosiano descripta ⁴.

54. At quod Symmachus abutens Theodosii mansuetudine inconcessa tentare præsumpsit, justam principis iram expertus, exulare coactus est.

¹ Hieron. ep. cXLIX. et sup. ep. LIV. — ² Prosp. de Promission et predict. l. III. c. 38. — ³ Symmac. l. II. ep. 13. — ⁴ l. II. de testam. C. Theod.

¹ Socrat. l. V. c. 14.

Verum (quod ait Socrates) scribens ad eundem imperatorem Apologeticum, non veniam tantum consecutus, sed majorem apud eam gratiam nactus est, ut ipse Symmachus tradit ad dictum Flavianum postea scribens, ubi et de sua defensione meminit, cum ait¹ : « Erit fortasse copia mihi asserende quodamque apud aeternum principem dominum nostrum Theodosium veritatis, cuius erga me favor fecit, ut aliquid interim moliretur invidia. Non puto eam causae meae bonis temporibus conditionem eruditionem futuram, quae sub tyranno fuit, cuius illeris ad Marcellini suggestionem datis, homines meos scis esse mulctatos : quod in panegyrici defensione non laeti ». Haec ipse. At quid tum Romae actum a populo christiano ?

55. Cum animus Theodosii aperte fidelibus innotuisset infensissimus esse adversus superstitionem gentilitiam, declaratus nimirum non eo signo tantum, quod negasset restitui in Capitolio aram Victoriae, sed quod petentem id Symmachum exilii poena mulctasset, atque etiam per comites suos (ut dictum est) Jovinum et Gaudenium idolorum templa expoliasset; vix credi potest, quanta animositate fideles Romae in idola insilierint : de quorum studio haec est Hieronymus in praefatione ad Enstochium in Pauli epistolam ad Galatas² : « Romana plebis laudatur fides. Ubi alibi tanto studio et frequentia ad ecclesias et ad martyrum sepulcra concurrunt ? Ubi sic ad similitudinem caelestis tonitruum Amen reboat, et vacua idolorum templa quantuntur ? » Videtur enim hoc tempore ipse habuisse prae manibus commentarium illum, quem jam se ante absolvisse, quam Theodosius ageret in imperio annum decimum quartum, testatur in fine de Scripturibus Ecclesiasticis. De eadem demolitione idolorum argumentum illud non leve, cum idem S. Hieronymus ad Laetam scribens³, sic ait : « Auratum squalat Capitolium ; fuligine et arancarum telis omnia Romae templa cooperta sunt : movetur urbs sedibus suis, et in undas populus ante delubra semirutus currit ad martyrum tumulos ». Ita ipse signans haud dubium haec tempora, quibus spoliata a Theodosio idolorum templa fuere ; a populo vero quasata ac semirutas. Laudat magnopere haec ex parte S. Ambrosii Theodosium, dum de ipso ait⁴ : « Immitatus Theodosius Jacob, qui supplantavit perfidiam tyrannorum, qui abscondit simulacra gentium : omnes enim cultus idolorum fides ejus abscondit ; omnes enim caeremonias obliteravit ».

56. Equidem et S. Augustinus⁵ testatur, Theodosii lege jussa esse simulacra, ubi reperirentur, confringi : ait enim post recensitas adeptas ab eo divina ope victorias : « Simulacra gentilium ubique evertenda praecipit ; satis intelligens, nec terrena munera in demoniorum, sed in Dei veri esse posita potestate ». Haec Augustinus. Haec semel a christiano

principio idola frangendi impetrata diu optata licentia, exarsit christiani populi justus zelus in deturbandis confringendisque deorum gentilium simulacris, in quibus demones diutius honorem sibi divinum proditorie usurparant. Commisisse enim idola, non nisi satanae regnum dissipasse enique videbatur. Unde sine diis Capitolium, nempe templa ibi sita squalore obducta fuisse, Hieronymus tradit : qui et haec alibi de Capitolino Jove et aliis templis ejusdem⁶ : « Templa Jovis et caeremoniae conciderunt ». Verum non sic quidem concidisse affirmat Capitolini Jovis templum, quod dirutum hoc anno fuerit, sed quod ornamentis tantummodo expoliatum. Nam Zozimus tradit⁷, cum Theodosius Romam venit, hoc scilicet anno, Stiliconem ducem utrinque militiae e foribus Capitolii laminas aureas abstulisse ; ejusque uxorem, Serenam nomine, detraxisse e collo Rheae deorum matris mundum muliebrem, suoque ipsius illigasse collo. Cremasse insuper libros Sibyllinos eundem Stiliconem, luxit gentilitas ; de quo ista Rutilius versibus cecinit⁸ :

Nou tantum Gelicis grassatus proditor armis
Ante Sibyllinae fata cremavit opis :

licet haec potius sub Honorio imp. contigerint.

57. At est quod de Zozimo admireris, qui tum Stiliconem ob violatas foras Capitolii, tum Serenam conjugem ob spoliata deorum matrem mundo, male periisse ait : sed quam haec praeter scriptorum omnium sententiam, id ejus proditori imperii tribuentium ? Nam aequius fuisset dicere, Stiliconem ob tyrannidem contra christianum piique imperatorem justo Dei judicio ipsum cum suis recentioris sceleris meritis dedisse poenas. Sed est justa in eo querela Zozimi de homine barbaro ejusque conjugis, quod ea sublata sibi sumpsissent ; cum apud antiquae probitatis Christianos nefas duceretur sic in idola grassari, ut in usum privatum ipsorum aliquid ex idolis converteretur. Unde S. Augustinus⁹ ad Publicolam : « Cum, inquit, templa, idola, luci, et si quid hujusmodi, data potestate evertuntur ; quamvis manifestum est, cum id agimus, non ea nos honorare, sed potius detestari ; ideo tamen in usus nostros privatos duntaxat, et proprios non debemus inde aliquid usurpare ; ut appareat nos pietate ista destruere, non avaritia. Cum vero in usus communes, non proprios ac privatos, vel in honorem Dei veri convertuntur, hoc de illis fit, quod de ipsis hominibus, cum ex sacrilegis et impiis in veram religionem mutantur ». Haec Augustinus ; qui et alibi ait, Christianos minime consensisse nisi voluntate principis in idola insurgere, abstinuissetque a privatorum rebus : sunt haec ejus verba¹⁰ : « Ubi nobis non est data potestas, non facimus ; ubi data est, non praetermittimus. Multi Pagani habent istas abominationes in fundis suis : Numquid accedimus

¹ Symmach. l. II, ep. XXXI. — ² Hier. praefat. ad Galat. l. II. — ³ Hier. ep. VII. — ⁴ Ambros. orat. in funer. Theod. — ⁵ Aug. de Civit. Dei. l. V. c. 26.

⁶ Hieron. cont. Jovinian. l. II. — ⁷ Zozim. l. V. — ⁸ Rutil. in funer. l. II. — ⁹ Aug. ep. CLIV. — ¹⁰ Aug. de Verb. Dom. serm. VI.

et confringimus? Prius enim agimus, ut idola in eorum cordibus (corde frangamus) confringamus». Hactenus ipse. Quæ igitur a fidelibus adversus idola Romæ sunt perpetrata, ea omnia voluntate facta esse imperatoris, vel ex eo facile possumus intelligere, quod Gentiles, adversus quos et in quorum oculis hæc agebantur, utique armis etiam defendissent jura templorum; pro quorum defensione majores ipsorum magna sæpe certamina obissent: hand mediocris enim potentia esse potuit, Christianis illæsis talia tantaque patrari: sed id actum patrocini imperatoris, qui et quod jubebat lege, docebat exemplo.

58. Quid præterea Romæ tunc egerit imperator, Socrates ita narrat¹: «Theodosius imp. quanquam ad exiguum tempus in Italia commemoratus est, urbi tamen Romæ plurimum apportavit commodi, partim dando, partim auferendo. Nam sicut multa magnifice et liberaliter in eam contulit, sic duo quæ illi magno dedecori fuerunt, ademit; quorum alterum fuit hujusmodi: erant Romæ ædes peramplæ et vastæ antiquitus extructæ, in quibus panis, qui suppeditabatur civitati, confectus fuit. His præfuerunt, quos Romani patrio sermone mancipes appellant. Qui tempore progrediente, ædes illas furum latibula effecerunt. Nam quia pistrina ad ædes spectantia in profundo sita essent, et ad latera singularum ædium ædificatæ cauponæ, inque illis meretrices habitarent; complures idcirco, cum qui cibi capiendi necessitate adducti, tum qui obscenæ libidinis intemperantia inflammati, eo veniebant, per insidias dispoliati fuerunt: nam machina quadam factum est, ut ex cauponæ in pistrinum precipitarentur. His dolis delusi erant in primis peregrini, qui Romam incolebant; qui cum irretiti tenerentur, coacti fuerunt in pistrinis molere; ac complures non exire permisi, ibi vitam ad summam senectutem traduxerunt, suisque attulerunt opinionem, quod mortem oppetiverant. In hunc laqueum unus ex imperatoris Theodosii militibus forte incurrit; qui cum in pistrinum inclusus exeundi potestatem non haberet, districto quem habebat pugione, eos qui eum egredi prohibebant, trucidavit: reliqui rei geste metum perterriti, militem dimiserunt. Imperator igitur, re intellecta, mancipes gravi supplicio affecit; ædes, quæ latronum erant perfugia, penitus disturbari jubet. Atque hoc uno dedecore Romanæ civitatum omnium facile p. incipit ad istum modum liberavit».

59. «Alterum tale fuit. Si qua mulier in adulterio esset deprehensa, eam cum deliquerat, supplicii genere non ad tollendum peccatum, sed ad augendum coercere solent Romani. Nam illam in angustum lupanar conclusam, turpiter, impudenterque scortari coegerunt: quippe effecerunt, ut eo tempore, quo obscenum illud flagitium admittet, pulsarentur tintinnabula, ut eos qui adessent in proximo, facinus minime lateret. imo vero ex tin-

tinnabulorum sonitu illud turpe et ignominiosum supplicii genus omnibus liquido constaret. De qua flagitiosa consuetudine imperator certior factus, eam omnino non ferendam putavit, sed Sestra (sic enim lupanaria illa nuncupabantur) demoliri jubet; aliasque leges quibus mulieres in adulterio deprehensæ coercerentur, sancit. Quapropter Roma, Theodosii imperatoris opera, his duobus turpissimis impurissimisque flagitiis liberata est». Hæc Socrates. At quidem hanc viguisse Romæ consuetudinem apud neminem legi: etenim ibi lex Julia sæpè vigens ac vigilans extitit vindex adversus adulteros. In aliquibus autem Italiæ locis scimus hactenus in more esse, ut viduarum ad vota secunda transeuntium matrimonia hoc tintinnabulorum sonitu derideantur.

60. Has cum sordium eloacas Theodosius expurgasset, atque alia turpia obscenæque gentilitiæ superstitionis prorsus abolevisset; merito Prudentius ista cecinit¹:

Quantum præcipuus nostro sub tempore princeps
Prosperit, tribuque boni. Multos Catilinas
Ille domo pepulit; non sava incendia rectis,
Aut sicas patribus, sed lartara nigra animabus,
Interneque hominum statuit tormenta parantibus.
Errabant hostes per templa, per atria passim,
Romanumque forum, et Capitolia celsa tenebant:
Qui conjuratas ipsa ad vitalia plebis
Moliti insidias, inluc serpente veneno,
Conseruerant tacitis pestem miscere medullis.
Ergo triumphator laetanti ex hoste logatus
Clara tropæa refert sine sanguine; remque Quirini
Assuescit sup. ero poltere in sæcula regno.

Hæc et alia plura de Theodosio, cum Romam venit; quem licet minime nominet, prudens lector intelliget non de alio, quam de Theodosio Prudentium loqui, vel uno saltem eo certissimo signo, dum inferius ait, contulisse ipsum Symmacho consulatum, de quo sequenti anno dicturi sumus; quem constat non ab alio quam a Theodosio illi fuisse collatum.

61. Sed et quod ad Urbis expurgationem pertinet, adversus maleficos edidit sanctionem ad Albini præfectum Urbis: hunc illum esse putamus patrem Lactæ nurus Paulæ, quem sanctus Hieronymus² Pontificis superstitionis gentilitiæ fuisse tradit: ipsum autem rescriptum sic se habet³:

«Imperatores Valentinianus, Theodosius, et Arcadius AAA. Albino P. V. Quicumque maleficiorum labe pollutum audivit, deprehenderit, occupaverit; illico ad publicum protrahat, et judiciorum oculis communis hostem salutis ostendat. Quod si quisquam ex agitatoribus, seu ex quolibet alio genere hominum contra hoc interdictum venire tentaverit, aut clandestinis suppliciis etiam manifestum reum maleficæ artis suppresserit; ultimum supplicium non exadat gemine suspitioni obnoxius; quod aut publicum reum, ne facinoris socios publicaret, se-

¹ Socr. l. v. c. 13.

² Prud. adv. Symmac. l. i. — ³ Hier. ep. vii. — ⁴ L. xi. de malefic. C. Theod.

veritati legum et debite subtraxerit quæstioni, aut proprium fortassis inimicum sub hujus vindictæ nomine supplicio (conclio) atrociori consecerit. Datum XVII kalend. Septemb. Romæ, Timasio et Promoto consulibus ».

62. Quod ait Sozomenus ¹ Theodosium Romæ multa quoque pro saluberrimo Ecclesiarum statu constituisse : quenam hæc fuerint, jam videamus. Adversus enim Manichæos in Urbe commorantes ad eundem præfectum Urbis Albinum ejusmodi rescriptum dedit ² : « Quicumque sub nomine Manichæorum mundum sollicitant, ex omni quidem orbe terrarum, sed quam maxime de hac Urbe pellantur sub interminatione judicii. Voluntates autem eorumdem, quinimo ipsæ etiam facultates populo publicæ, nec vim testamentorum teneant, nec derelinqui per eos, aut iisdem hæc sit : nihil ad summum his sit commune cum mundo. Dat. XV kalend. Julii Romæ, Timasio et Promoto consulibus ». Ad hujus quidem legis decretum sanctus Ambrosius visus est habuisse respectum, dum scribens ³ ad Siricium papam, Theodosium imperatorem execratum esse Manichæos affirmat. Sed et post hanc VII idus Augusti, de feriis, quibus a judicii strepitu vacaretur, ad eundem Albinum præfectum rescriptum dedit ⁴.

63. Hæc quidem sancivisse Theodosium instante Siricio Romano pontifice, labores ab eo ea de causa suscepti significant : nam in libro de Romanis pontificibus hæc de ipso leguntur ⁵ : « Illic invenit Manichæos, quos in exilium deportavit ; et hoc constituit ut non participarent cum fidelibus communione ; quia polluto ore non liceret sanctum corpus Domini contrectare (convexari). Illo quoque constituit, ut si quis conversus de Manichæis rediret ad Ecclesiam, nullatenus communicaret, nisi tantum relegationi monasterii diebus vitæ suæ teneretur obnoxius, ut jejniis et orationibus maceratus, probatus sub omni examinatione usque ad ultimum diem transitus sui, humanitate Ecclesiæ, viaticum ei largiretur ». Hæc ibi de Siricio : quæ quidem mores Manichæorum ignorantibus subobscura videri possunt. Sciendum est enim ex iis quæ superius dicta sunt, sic Manichæos se solitos esse inter Catholicos insinuare, ut perdifficile cognosci possent, cum nulla habita ab eis ratione perjurii se esse Catholicos mentirentur ; quod si aliquando Manichæi esse delegerentur convincerenturque ; iidem pœnitentiam simulantes, hæresim forinsecus detestantes, Manichæi nihilominus intrinsecus perseverantes, et quominus degerentur quales essent, cum Catholicis in Ecclesia convenirent, atque cum eis sacram participarent Eucharistiam. Jure igitur sic exagitavit latentes Manichæos Siricius, eosdemque communione privatos in exilium mittendos curavit ; sancivitque ne amplius pœnitentes Manichæi ad participationem Eucharistiæ, nisi in fine vitæ ad-

mitterentur. Quamnam autem artem ad Manichæos ab Orthodoxis dignoscendos S. Leo papa excogitavit, suo loco dicturi sumus. Porro hoc tempore Jovinianum aliqua ex parte sensisse cum Manichæis, S. Ambrosius ¹ ac collegæ episcopi scribentes ad Siricium papam ostenderunt. Sed de Joviniano superius.

64. *Causa Flaviani episcopi Antiocheni subterfugientis, judicium in Synodo Capuana, et Acta ejusdem Synodi.* — Qui autem interpellavit imperatorem adversus Manichæos Siricius papa, eundem contra Flavianum episcopum Antiochenum, quod alias litteris fecerat, animavit ; nec modo tantum, sed cum iterum adversus Eugenium venit. At videamus, quid de his in primis Theodoretus, propensior nimis (ut demonstratum est superius) erga Flavianum, conscribat : ait enim ² : « Ne Paulino quidem jam mortuo, simultas compressa est ; sed cum Evagrius ejus sedem post illum obtinisset, non destiterunt inimicitias cum magno Flaviano exercere ; idque cum Evagrius contra legem Ecclesiæ designatus esset : quippe solus Paulinus eum ordinaverat ; in qua re complures simul canones violavit. Siquidem canones neque faciunt potestatem cuiquam jam mortem appetituro, quemquam in locum suum sufficere : atque omnes provincie episcopos jubent in unum ad eandem rem convocari : quin etiam vetant rursus quemquam absque tribus episcopis episcopum constitui ». Hæc quidem quæ dicit de ordinatione Evagrii facta vivente Paulino Theodoretus, repugnant omnino his quæ a Socrate ³ et Sozomene ⁴ dicuntur affirmantibus non nisi post Paulini obitum tentasse auditores ejus subrogare in locum ipsius Evagrium ; aliquid tamen vitii in ordinatione Evagrii intercessisse, S. Ambrosii testificatione paulo post sumus demonstraturi. Contigisse autem Paulini mortem hoc ipso tempore, tum Socrates, tum Sozomenus testari videntur : quando ea re audita Romæ, pro Evagrio Siricius Theodosium interpellavit : subdit autem Theodoretus studens Flaviano, quæ post obitum Paulini et substitutionem Evagrii contigisse narrat, licet confuse admodum, dum hæc ait in Evagrii sectatores : « Attamen horum nihil scire cupientes, Evagrii communionem sunt illi quidem amplexati, imperatorisque animam contra Flavianum incitare obnixè studuerunt. Nam cum imperatori nimis acriter instando, multum sape exhibuissent molestia, accersit eum Constantinopolim, et Romam proficisci jubet. At Flavianus respondet hiemem jam esse. Itaque pollicitus, se, inenue vere, imperata facturum, in patriam revertit. Sed hæc facta sunt, cum Theodosius post annum sequentem Constantinopolim revertit.

65. At subdit Theodoretus : « Sed cum episcopi Romani, non Damasus solum ille admirabilis, verum etiam post illum Siricius et Anastasius Siricii suc-

¹ Sozom. l. vii. c. 14. in fin. — ² L. xviii de hæret. C. Theod.

³ Ambr. ep. lxxxii. in fin. — ⁴ L. ii. de feriis. C. Theod. — ⁵ Rom. Pontifical. in Siricio.

¹ Ambr. epist. lxxxii. — ² Theod. l. v. c. 23. — ³ Socr. l. v. c. 15. — ⁴ Sozom. l. vii. c. 15.

cessor, vehementius in imperatorem invecti essent, dixissentque eum illos qui tyrannidem contra se exercere molirentur, opprimere; sed his qui per tyrannidem leges Christi evertere studerent, impunitatem concedere: eum accessit denuo imperator, Romanque ut confendat, cogere laborat». Ille plane auctor confundit historiam, dum hæc non ab uno tantum Siricio facta affirmat, sed a Damaso, qui eum præcessit, et ab Anastasio, qui successit; cum constet longe ante creationem Evagrii Damasum esse defunctum, et tempore Anastasii nequam superstitem fuisse Theodosium: quamobrem et Socrates quoque errare convincitur, dum hæc de Evagrío æque refert ad tempora Damasi; quæ quidem nonnisi sub Siricio contigisse, ipsorum quoque sententia patet: nam tam ipse, quam Sozomenus subrogationem Evagrii ad tempora referunt, quibus Theodosius Romæ agebat.

66. Quid autem tergiversationis obtenderit Flavianus, quominus Romam ad iudicium proficisceretur; patronus ejus Theodoretus¹ sic narrat: «Tunc sapientissimus Flavianus libere Theodosio, non sine maxima omnium laude, respondit: Si qui me, o imperator, ut fidem minime sinceram ac sanam profitentem insinulent, dicantque vitam me traducere indignam sacerdotio; tum illis ipsis iudicibus utar, tum promittam ab eis habens subibo sententiam: sin autem de sede et præsulatu digladiantur; neque agam cum illis iudicio, neque his quos eam dignitatem adipiscendi studium tenet, adversabor: sed cedam equidem volens, meque ipse præsulatu abdicabo. Quare tu, cui libitum est, sedem Antiochenam tribuito». Ille meminisse oportuit quæ superius dicta sunt exordio sedis Flaviani, optasse in Gregorium Nazianzenum ob pacem Ecclesiæ a Flaviano præstari, sed minime consecutum esse: quamobrem hæc a Theodoro inania existimo composita esse verba, ut colore aliquo excusaret hominem vocatum ad Synodum non obtemperasse: quod vero Theodosius imperator id ab eo fieri recusasset, sic subiit: «At vero imperator hanc ejus animi magnitudinem et sapientiam magnopere admiratus, in patriam reverti, et Ecclesiam sibi commissam sedulo pascere jubet». Hucusque Theodoretus, qui et de his denuo interpellatum fuisse Theodosium ait, cum rursus rediit in Italiam, quando videlicet adversus Eugenium tyrannum expeditionem paravit. Sed de his suo loco agendum.

67. At quod ad hanc causam pertinet, præterierunt multa græcos historicos, quæ in Occidente decreto episcoporum statuta fuisse, certum est. Si quidem post querelas Siricii adversus Flavianum apud Theodosium imperatorem, in eadem causa indicta fuit Synodus Capuæ, ad quam Flavianus vocatus minime venit, sed imperatorem scriptis literis interpellavit, petens ab eo ut ageret cum episcopis Occidentalibus, Synodum agi in Oriente, ad

quam ipse causam dicturus accederet. Qui autem interea vocati Capuæ episcopi convenere, ne aliquo diro schismate ea de causa christianus discinderetur orbis, illud in primis statuere, ut Orientalium nemini communio denegaretur, qui catholicæ esset fidei assertor, licet starent alii ipsorum a parte Flaviani, et a parte Evagrii alii: hoc itaque vinculo mutue communicationis astringi voluere, ne eam ob causam schisma aliquod conflaretur. Rursum vero ut hujusmodi disseensiones omnino sedarentur, causam illam inter Evagrium et Flavianum cognoscendam delegaverunt Theophilo episcopo Alexandrino, tum ob sedis illius principalem in Oriente auctoritatem, tum etiam quod cum a neutro partis staret, satis idoneus existimatus est, qui ad dissidia componenda sequester accederet, atque arbiter judicaret una cum Ægypti sibi subiectis episcopis; ita tamen, ut ipsorum iudicium postea confirmandum esset a Romanæ sedis Antistite. At refugit Flavianus Theophili iudicium: extat enim de his omnibus S. Ambrosii Mediolanensis episcopi ad eundem Theophilum epistola in hæc verba conscripta¹:

68. «Ambrosius Theophilo. Non habet quod urgeat Evagrius; et habet quod metuat Flavianus; ideoque refugit examen. Dent fratres veniam dolori iusto: quia propter ipsos universus orbis concutitur. Et illi tamen nostro non compatiuntur dolori. Perstringi saltem se æquanimiter ferant ab iis, quos vident sua per tantorum curricula temporum vexari intentione. Inter hos etenim duos nihil, quod ad Christi pacem pertineat, eligentes, gravis toto orbe stabat discordia. Cui bonæ pacis naufragio sancta Synodus Capuensis tandem obtulerat portum tranquillitatis, ut omnibus per totum Orientem daretur communio catholicam continentibus fidem, et duobus istis tuæ sanctitatis examen impertiretur, fratribus et cœnsacerdotibus nostris Ægyptiis pariter consistentibus: quia hoc verum iudicium futurum arbitrati sumus: quod neutri parti sociata communiōe, aliquo favore propenderet. Cum ex his igitur æquissime Synodi constitutis speramus jam remedium datum, finemque oblatum discordiæ; scribit sanctitas tua, iterum fratrem nostrum Flavianum ad præcum auxilia et imperialium rescriptorum suffragia remeasse. Frustra ergo tantorum sacerdotum fusus labor: iterum ad hujus sæculi iudicia revertendum, iterum ad rescripta; iterum vexabuntur sacerdotes senes, transfrelabunt maria; iterum invalidi corpore patriam peregrino mutabunt solo; iterum sacrosancta altaria deserentur, ut in longinqua proficiscamur; iterum pauperum turba episcoporum, quibus ante onerosa paupertas non erat, externe opis egentes compellentur inopiam gerere, ad certe victum inopum itineris usurpare.

69. «Interea solus exlex Flavianus (ut illi videtur) non venit quando omnes convenimus. Fornicator et debitor invicem sibi occurrunt; isti sibi

¹ Theod. l. v. c. 22.

¹ Ambr. epist. LVIII.

non possunt occurrere. Solus exors Flavianus (ut ipse vult) sacerdotalis consortii; qui nec imperialibus decretis, nec sacerdotum conventui præsentiali faciat sui. Nec tamen etiam hoc moti dolore, fratri Evagrio donatus speciem bonæ causæ, qui eo defensibilior sibi videtur, quod cum refugit Flavianus, aut quod habere se alterum arbitratur æqualem, uterque alienæ magis ordinationis vitii, quam suis fretus. Quos tamen nos in meliorem vocamus viam, ut malinus eos suis potius bonis, quam alieno vitio defendi.

70. « Qua de re quoniam propriis texuisti litteris posse typum reperiri aliquem, quo possit auferri fratrum discordia; cum sancta Synodus cognitionis jus unanimitati tue cæterisque ex Ægypto consacerdotibus nostris commiserit, iterum oportet fratrem nostrum Flavianum convenias, ut si in eo perseveraverit, quo veniendum non pulet, salvis Concilii Nicæni, sed etiam Synodi Capuensis statutis, illibata pace universorum ita consulas, ut non videamur destruere quod ædificatum est. Si enim ¹ quæ ædificavi destruo, pravaricatorum me ipse constituo; ac si quæ destruxi, iterum ædificem. Servetur ergo imperitæ pacis gratia inter universos, et nihilominus declinatio partis alterius frustrandi effectum habere non possit. Sane referendum arbitratur ad sanctum fratrem nostrum Romanæ sacerdotem Ecclesiæ: quoniam præsumimus ea te iudicaturum, quæ etiam illi displicere nequeant. Ita enim utile erit consultum sententiæ, ita pacis et quietis securitas; si id vestro statuatur consilio, quod communioni nostræ dissensionem non afferat; ut nos quoque accepta nostrorum serie statutorum, cum id gestum esse cognoverimus, quod Ecclesia Romana haud dubie comprobaverit, facti fructum huiusmodi examinis adipiscamur ». Hactenus Ambrosius ad Theophilum. Vides ex his, quantum detulerint majores primæ sedi, nempe Romanæ Ecclesiæ auctoritati; cum ex Synodo delegata causa secundæ sedis Episcopo Alexandrino cognoscenda, una cum illis subiectis episcopis; quicquid tamen illi iudicassent, comprobandum esse duxerint auctoritate Romani Pontificis, absque vero ipsius confirmatione omnia irrita redderentur.

71. Quid autem post hæc usque ad secundum Theodosii in Italiam adventum in eadem causa transactum fuerit, ignoratur: illud tantum ex Socrate², juste commotum esse Romanum Pontificem (quem ipse errore, ut dictum est, Damasum vocat, cum constet fuisse Sricium) adversus Flavianum Antiochenum episcopum; sed per Theophilum episcopum Alexandrinum actum esse, ut ob universalis Ecclesiæ pacem illi reconciliaretur, communicatioque ab eo ut prius eidem impartiretur. Ad breve autem post hæc tempus vixisse Evagrium, cum Socrate Sozomenus³ quoque affirmat, cum tamen nec sic discordia illa finem acciperet: siquidem elsi Evagrio nullus sit datus successor; qui tamen ejus

communione erant, privatos conventus agentes, communicare cum Flaviano penitus recusarunt. Certe quidem Evagrium adhuc fuisse superstitem anno decimo quarto imperii Theodosii, S. Hieronymus qui eodem anno scribebat commentarium de *Scriptoribus ecclesiasticis*, affirmare videtur, cum de ipso ait: « Evagrius Antiochiæ episcopus acris et ferventis ingenii, cum adhuc esset presbyter, diversarum hypotheseon tractatus nihil legit, quos necdum edidit: Vitam quoque B. Antonii de greco Athanasii in sermonem nostrum transtulit ».

72. Sed ad Capuensem (ita ab eis dictam) Synodum redeamus. Non de Antiochena tantum dissensione in ea actum est, sed et de causa Bonosi ejusdam in Macedonia episcopi hæresis accusati, quod impudentissimo ore illibatam Dei genitricis Mariæ virginitatem negare post partum auderet: cujus causæ cognitionem eadem S. Synodus delegavit Anysio episcopo Thessalonicensi, qui cum sibi subiectis episcopis cognosceret. Extat de ejusmodi delegata causæ cognitione epistola apud Ambrosium, non tamen Ambrosii, in hæc verba conscripta⁴:

73. « Accepi litteras vestras, quibus vel pro veritate, vel pro modestia nostram sententiam sciscitari voluistis. Sed cum huiusmodi fuerit Concilii Capuensis iudicium, ut finitimi Bonoso atque ejus accusatoribus iudices tribuerentur, et præcipue Macedones, qui cum episcopo Thessalonicensi de ejus factis cognoscerent; advertimus quod nobis iudicandi forma competere non posset. Nam si integra esset hodie Synodus, recte de his quæ comprehendit vestrorum scriptorum series, decerneremus. Vestrum est igitur, qui hoc recepistis iudicium, sententiam ferre de omnibus; nec refugendi, vel elabendi vel accusatoribus vel accusato copiam dare. Vicem enim Synodi receptis, quos ad examinandum Synodus elegit. Denique cum Bonosus episcopus post iudicium vestrum misisset ad fratrem nostrum Ambrosium, qui ejus sententiam consuleret, interdictam sibi Ecclesiam irrumperere atque ingredi; responsum est ei, quod nihil temerandum foret, sed omnia modeste, patienter, ordine gerenda: neque contra sententiam vestram tentandum aliquid: ut quod videretur vobis justitiæ convenire, statueretis, quibus hanc Synodus dederat auctoritatem. Ideo primum est, ut hi iudicent quibus iudicandi facultas est data. Vos enim totius (ut scripsimus) Synodi vice decernitis; nos quasi ex Synodi auctoritate iudicare non convenit, etc. » damnatum autem ab Anysio episcopo Thessalonicensi Bonosum, vetitumque ab eo ordinaris cum illo, communicare sed receptos fuisse eos in iisdem ordinibus Innocentius papa⁵ testatur. A Bonoso autem Bonosiani sunt hæretici denominati, iidem Photiniane hæresis sectatores, ut Gennadius⁶ tradit; adversus quos Audentium Hispanum episcopum scripsisse,

¹ Galat. II. — ² Socr. I. v. c. 15. — ³ Sozom. I. VII. c. 15.

⁴ Apud Ambros. epist. LXIX. — ⁵ Innocent. ep. XXII c. 5. — ⁶ Genn. de vir. illustr. in Audentio.

idem affirmat. Damnanur a Gelasio ¹ papa Bonosiani una cum Photino, et aliis illi similibus : Photini enim hæresim impie fuisse sectatum Bonosum idem qui supra Innocentius papa ² haud obscure significat : cuius autem civitatis hic episcopus fuerit, non memini me legisse. Porro hoc eodem tempore ejusdem nominis complures vivere ab illo diversi, ut Bonosus ille adeo amicus sancti Hieronymi, qui in scopulo quodam vitam transegit anachoreticam, quem ipse mirifice prædicat in epistola ³ ad Rufinum ; aliusque huic adversus, quem sanctus Hieronymus ⁴ vituperans nominal Bonosum sive Bonastum) rabulam Segestannum. Alium etiam proferunt Bonosum Marcellinus ac Faustinus presbyteri schismatici in libello ad Theodosium ; eumque Treveris in carcere ob defensionem fidei defunctum prædicant, revera tamen unum ex ipsorum consortibus schismatico Luciferianum. Sed ad Synodum Capuensem redeamus.

74. Fuit præterea in eadem Synodo Capuensi statutum ne fierent rebaptizationes, reordinationes, et episcoporum translationes. Citatur ejusmodi canon a Concilio Carthaginensi⁵. Hæc sunt quæ de Synodo Capuæ habita colligere licuit ; cuius etsi certus annus quo celebrata est ignoratur ; hæc tamen circa tempora actam esse, in dubitationem revocari non potest.

Redeamus jam ad Theodosium imperatorem, quem hoc eodem anno kalendis Septembris ab Urbe recessisse, auctor est Marcellinus : cuius quidem mensis octavo idus ad Albinum Urbis præfectum ejusmodi religioso imperatore dignum rescriptum dedit⁶ :

« Sacratis Quadragesimæ diebus nulla supplicia sint corporis, quibus absolutio expectatur animarum. Dat. VIII idus Septemb. Foro Flam., Timasio et Promoto coss. » Venisse Theodosium posthac Mediolanum, ejusmodi rescriptum adversus hæreticos ad Tatanum datum significat⁷ :

75. *Theodosii Mediolanum reversi rescripta.* — « Hi qui scævi dogmatis retinent principatum, hoc est, episcopi, presbyteri, diaconi atque lectores, et qui clericatus velamine religioni maculam conantur intelligere, sub cuiuslibet hæresis sive erroris nomine constituti, ex fœnestic conciliabulis, seu intra Urbem, seu in suburbanis esse videantur, omnimodo propellantur. Dat. VI kal. Decemb. Mediolani, Timasio et Promoto coss. » Jam vero reliquas a Theodosio hoc anno res gestas ordine prosequamur.

76. *Eversio templi Serapidis Alexandriæ.* — Hoc eodem anno (ut Marcellinus in Chronico auctor est) dato ab eodem imperatore rescripto, celeberrimum illud totoque orbe terrarum notissimum templum Serapidis Alexandriæ fuditur excisum est. Rem adeo admirandum edito libro Sophronius

hujus temporis scriptor hand ignobilis, testimonio Hieronymi commendatus, fusissime explicavit : sed quoniam penitus perit commentarius ille, reliquum est, ut more nostro hinc inde cum labore colligendo fragmenta, rem ipsam integram, ut licet, repræsentemus. Hic primum illud dicendum est, ejusmodi demolitionem templi Serapidis et aliorum in Ægypto templorum idolorum prædictam¹ fuisse a Bessarione abbate ; sed et præcongnitam quoque a dæmone, atque revelatam Antonino philosopho ethnico, auctor est Sardonius : ex quo gentiles cum in templi jactura erubescerent imbecillitatem suorum deorum, tamen quod illi ista ante prænuentiassent, prædicabant ipsorum potentiam. Incebruit quidem de re tanta jactantia auctum vulgi rumoribus, tum etiam editis ab Eunapio Sardoniano scriptis : cum enim agit de Antonino tunc apud eos magni nominis philosopho, filio Sosipatræ doctissimæ feminae, ait² : « Ad enim juvenussanior, ac sapientiæ studio dedita frequens conmeabat, fano adolescentibus, qui sacris operabantur, pleno. Ipse neque homine major habitus ; et inter mortales vitam degens, jam tum contubernaliibus discipulisque prædicere solebat, a sua morte non exiturum amplius deorum templum, imo magnifica illa et religiosa Serapidis delubra informi situ obrutum iri, et vasitatem passura, quæque in terris aspectu pulcherrima forent, in ea fabulosum chaos et spissam caliginem dominatura, suamque tyrannidem esse exercitura, quæ omnia tempus dedit : veraque comprobavit, ut oraculi vim prædictio obtinuerit ». Hæc Eunapius, qui de eodem inferius : « Istud itaque Prudentiæ Antonini æstimationem summopere adauxit, quod palam apud omnes prædixerat, templa in sepulera conversum iri ».

77. Cum hæc itaque posteri gentiles deorum illorum cultores per Theodosium impleta viderent, memores prædictionis Antonini, jactantes se de his, divinitatis aliquid diis suis futurorum conscitis impertiebant : atque non hæc Alexandriæ tantum spargebant, sed toto orbe, ubi deorum cultores essent, magno suorum idolorum præconio diffamabant. Hujus quidem rei occasione compulsus est S. Augustinus scribere commentarium illum de *Divinatione demonum*, in cuius exordio causam reserat, quare in eo argumento versari coactus sit : ait enim³ : « Quodam die in diebus sanctis Octavarum, cum mane apud me adessent multi fratres laici christiani, et in loco solito consedissemus, ortus est sermo de religione Christiana adversus presumptionem, et tanquam miram et magnam scientiam Paganorum : quem recordatum atque completum litteris mandandum putavi, non expressis contradicentium personis, quamvis Christiani essent, et magis contradicendo querere viderentur quid Paganis respondere oporteret. Cum ergo de divinatione demonum quæreretur, et affirmaretur

¹ Gelas. in Concil. Roman. c. Sancta Romana. — ² Innoc. ep. xx. xxi. xxi. — ³ Hier. epist. xli. — ⁴ Hier. epist. cc. — ⁵ Concil. Carthag. c. 15 apud Theodor. Balsam. c. 52. — ⁶ L. v. de quest. G. Theod. — ⁷ L. xix. de hæret. G. Theod.

¹ Vit. SS. Patr. par. II. c. 11. — ² Eunap. Vit. Philosoph. in Ædesio. — ³ Aug. de divin. dem. c. 1.

prædixisse nescio quem eversionem templi Serapis, quæ in Alexandria facta est; respondi, non esse mirandum, si istam eversionem templi simulacris suis imminere demones et scire et predicere potuerunt, sicut alia multa, quantum eis nosse et prænuntiare permittitur, etc. » Hujus igitur eventus causa idem S. Augustinus commentarium illum absolvit.

78. At audiamus quid ira percitus adversus Christianos ob demolitionem templorum suorum effusit Sardonius¹, cum de eodem Antonino vate narrare pergit: « Quod autem, inquit, divini quiddam in eo fuerit, brevi post eluxit. Nam vix adeo ex hac vita migraverat, cum et cultus numinis apud Alexandriam et Serapidis delubrum disturbata dissipataque fuere, non religio tantum, sed universa fabrica, et omnia eum habuerunt exitum, quem poetarum fabulæ tribuant gigantum victoriæ: simile enim quid Canobicis templis accidit imperante tunc Theodosio, prætorii præfecto Theophilo, piaculari homine, et Eurymedonte quopiam, qui²:

Late rex tumidos inter sævosque gigantes
Primum tenuit.

Pulo hic Eunapium intelligere voluisse Theophilum tunc Alexandriæ episcopum adversus idolorum templa egregiam operam navantem; sed subdit: « Venero tum Urbis præfecto, et Romano Ægypti legiones cum imperio oblinente; qui omnes iras adversus saxa et lapidas aggerantes, ea oppugnant; et qui bellum nunquam auditione acceperant, Serapidis adem funditus demoliti sunt, templaque donariis manus hostiliter injecerunt, absque hoste et citra prælium victoriam adepti. Eo pacto cum simulacris ac donariis commissa strenue pugna, non devicere modo illa, verum etiam depeculati fuere; militarisque inter ipsos lex erat et tessera, uti quid quisque furto subduxerat, lateret occultum. Mansit tamen area ædis, quam asportare nequiverunt ob saxorum moles, quæ difficulter loco commoveri poterant ». Hæc de templorum demolitione Eunapius.

79. Quod autem demolitis templis atque sublati sacrificiis et idolis, expurgatisque rite locis impietatis, ibidem erectæ pro templis fuerint ecclesiæ; et loco sacerdotum idolorum monachi sunt substituti, ac pro idolis reliquæ martyrum per Theophilum episcopum Alexandrinum illuc delatæ fuerunt; majore æstuans ira philosophus, in eosdem monachos et reliquias sanctorum martyrum acerbioribus invehitur contumeliis, atque blasphemis insectatur, obruendis quidem silentio: sed boni consulas, lector, cum scis loqui hominem ethnicum, Dei hostem, afflatum dæmone, atque indignatione turbatum: ab ejusmodi enim sic composito hominum genere quis putet, aliud quam evoni calumnias et eructari blasphemias? sic isto parato antidoto sibilos

audi serpentis: « At, inquit, egregii illi viri et bellicosi, confusis perturbatisque rebus omnibus, debellasse se deos incernitis quidem, sed ab avaritiæ crimine non impuris manibus gloriabantur, sacrilegium et impietatis crimen laudi sibi assumentes. Iidem postea in sacra loca invexerunt monachos, sic dictos, homines quidem specie, sed vitam turpem porcorum more exigentes, qui in propatulo infinita atque infanda scelera committebant; quibus tamen pietatis pars videbatur, sacri loci reverentiam proculcare. Nam ea tempestate, quivis atram vestem indutus, quique in publico sordido habitu spectari non abnebat, is tyrannicam oblinebat auctoritatem; in eam virtutis opinionem venerat id genus hominum; de quibus etiam dictum est in universæ historiæ commentariis.

80. Hæc in monachos Sardonius, quæ a nostri temporis hæresiarchis magno accepta sunt planctu, et litteris ferme aureis exarata, pro titulo affixa sunt postibus suorum commentariorum, quibus monasticam vitam impugnant: probe quidem (non improbo) cum sua se sponte in classem ethnicorum conjiciant idolorum cultorum, recedentes ab iis quæ his temporibus eodem argumento scripserunt præstantissimi christiani, disertissimique doctores Ecclesiæ, Magnus Athanasius, Magnus Basilus, Gregorius Theologus, Joannes os aureum, et alii innumeri sanctissimi atque doctissimi Patres miraculis coruscantes: quibus hi spretis, aversoque vultu eos spectantes et execrantes, ad unius rabidi canis vomitum resorbendum magna se aviditate convertunt; sic quidem e quorum partibus stent, perspicue cum verbis, tum factis significantes: ut nulla alia de iisdem sit ferenda sententia, nisi quam sibi ipsis stolidè irrogarunt, nempe ut partem cum blasphemis ethnicis sortiantur, qui spretis Patribus orthodoxis, illis perfaciter inhaeserunt, duplo tamen ac quadruplo gravius illis plectendi, quod majori peccavere nequitia.

81. Sed quid in martyrum reliquias in ecclesiis super delubra erectis repositas Eunapius? « Illi ipsi monachos Canobi quoque collocarunt, ut pro diis qui animo cernuntur, servos, et quidem flagitiosos divinis honoribus percolerent, hominum mentibus ad cultum caerimoniasque obligatis. Si namque condita et salita eorum capita, qui ob scelerum multitudinem a Iudicibus extremo supplicio fuerant affecti, pro divinis ostentabant: iis gentia submittabant, eos in deorum numerum receptabant, ad illorum sepulcra pulvere sordibusque conspurcati: in iis nonnulli martyres, diaconi alii, et legati, arbitrique precum petitionumque apud eos nominabantur, cum fuerint servitii infida, et flagris pessime subacta, et quæ cicatrices scelerum ac nequitiae vestigia corporibus circumferrent: ejusmodi tamen deos fert tellus. Istud itaque providentiæ Antonini existimationem summopere adauxit, quod palam apud omnes prædixerat, templa in sepulcra conversum iri ». Hactenus Eunapius. At nihil est quod immeret in refellendis his quæ ab omnibus Gen-

¹ Sardonian. Vit. Philos. in Ædesio. — ² Odys. vii.

tilibus adversus Christianos ab exordio nascentis Christi Ecclesiae objici solita fuere, cum de his sexcenta (ita dixerim) Apologiae adversus eosdem Gentiles a Patribus scriptae fuerint. Sed hic ille diligenter observandus est cultus, a piis exhiberi solitus sacris reliquiis martyrum, qui ex ejusdem Eunnapii blasphemis egregie reseratur; ut loco benedictionum accipiendi sint, quæ ab ipso maledicta inferuntur.

82. Reserat primum illud antiqui moris, ut cum nova esset ecclesia dedicanda, in eam reliquiae sanctorum martyrum inferrentur. Sed et ille veteris observantiae usus attendendus ex verbis Eunnapii, non solum sub altaribus claudi martyrum reliquias, sed et foris relinqui præcipua eorumdem membra certis diebus cunctis perspicua, ac adoranda. Tertio vero illud magna consideratione dignum ex eodem elicitur, tanto honore prosequi solitos antiquos Christianos cultum sanctorum martyrum, ut Gentiles existimaverint eosdem ab illis haberi deos, cum tamen religio Christiana nominis unum Deum consueverit adorare. Vides quæ lateant sub stercore gemmæ, et quas nobis reseret Gentilium blasphemiarum veritates? At de his hactenus, quæ occasione prædictionis habitæ ab Antonino philosopho, imo mago, de Serapidis templi clade ex Eunnapio sunt recensita. Jam vero rei gestæ narrationem accuratam, ex scriptis eorum qui hoc tempore vixerunt auctorum, hic describamus. Ruffinus enim cum causam demolitionis templi Serapidis præmittit, ita aspexit historiam ¹:

83. *De forma templi et signo Serapidis, ejusque impio et obsceno cultu.* — « Interea apud Alexandriam novi motus, et contra temporum fidem adversum Ecclesiam concitantur, ex occasione hujusmodi oborti. Basilica quadam publici operis vetusta admodum neglecta fuit, quam Constantius imperator donasse episcopis perfidiam suam predicantibus ferebatur. Quæ longa incuria nihil validum præter parietes habebat. Visum est episcopo, qui per idem tempus gubernabat Ecclesiam, hanc ab imperatore deponere, ut crescentibus fidelium populis, orationum quoque crescerent loca. Quam cum acceptam vellet excolere, reperta sunt in loco antra quædam latentia et terræ defossa, latrocinii et sceleribus magis quam caerimoniis apta. Igitur Gentiles, qui repleti criminum suorum latebras et flagitiorum cavernas viderent; non ferentes aperta tot sæculis mala et tenebris oblecta reserari, velut draconum calice potato, insanire omnes ac palam furere ceperunt. Nec vocibus jam et seditionibus, ut solebant, sed manu ferroque decertare nituntur; crebros conflictus agere in plateis, belloque aperto uterque populus inter se coire. At nostri numero et potentia multo plures, sed modestia religionis minus feroces erant. Ex quo frequenter nostrorum plurimis vulneratis, aliquantulis etiam interfectis, ad templum, quasi ad arcem quandam refugiebant: quo non-

nullos ex Christianis captos secum abducentes, accensis aris, immolare cogebant; renitentes novis et exquisitis suppliciis exercuciato necabant. alios patibulis affigentes, alios contractis cruribus in speluncas præcipitantes; quas ob sacrificiorum sanguinem cæterasque impuritates delubri recipiendas vetustas cariosa construxerat ». Est memoria horum inter martyres recensita in Romano Martyrologio XVII kalend. Aprilis.

84. Tunc et accidisse refert Sozomenus ¹, ut Olympius ille, cum se clausum contineret in templo, audiret in eo cantari, Alleluia: et cum qui ita caneret, non videret, intellexisse præsigium, nempe occupandum templum fore a Christianis; ideoque eum cito citius, cæteris iussis, nocturno silentio clam recessisse tradit, atque navim conscendisse, demumque in Italiam navigasse. Addit Socrates ², inter ethnicos tunc adversus Christianos pugnasse Heliadum et Ammonium grammaticos; quorum ille sacerdos Jovis erat, hic vero Simiæ, illumque se novem homines trucidasse in illa rixa gloriatur: sed fugisse hos postea Constantiopolim affirmat, sequi ipsorum auditorem fuisse. Pergit autem Ruffinus semel institutam narrationem:

85. « Verum hæc per dies singulos primo cum metu, deinde cum fiducia et desperatione gerere, atque intra templum clausi rapti et præda vivere: ad postremum grassantes in sanguinem civium, ducem sceleris et audaciae suæ deligunt Olympum quemdam nomine et habitu philosophum, quo antesignano arcem defenderent, et tyrannidem tenebant. At hi, quibus Romanarum legum custodia, jurisque dicendi cura permissa est, cognitis quæ gesta fuerant, turbati atque perterriti ad templum convolant, causas audaciae percontantur; et quid sibi vellet ille concursus, in quo cum tanto scelere ante aras sanguis civium funderetur, inquirunt. Sed illi oblitum aditu, confusus et dissonis vocibus rationem facti nullam, sed clamorem reddebant. Missis tamen ad eos nuntiis, de Romani imperii potestate, de vindictis legum, et de his quæ talia solent subsequi, commonebant. Cumque loci munio nihil adversus vesana molientes agi nisi vi majore sineret; res gesta ad imperatorem refertur. Ille qui ingenita mentis clementia errantes mallet emendare quam perdere, rescribit, illorum quidem vindictam, quos ante aras sanguis effusus martyres effecit, non esse poscendam, in quibus dolorem interitus superaverit gloria meritum: de cætero vero malorum causam, radicesque discordiæ, quæ pro simulacrorum defensione veniebant, penitus debere succidi: quibus exterminatis, etiam bellorum causa pariter conquiesceret. Cumque hæc scripta venissent, et velut post inducias parvi temporis ad audiendum uterque populus convenisset ad templum; statim ut prima epistolæ pagina reserata est, in ejus exordio vana Gentilium superstitio culpabatur, immensus clamor a nostris atoll-

¹ Ruffin. l. II. c. 22.

² Sozo. l. VII. c. 20. — ² Socr. l. VI. c. 16.

litur, stupor et pavor Gentilium populos invadit ; latebras uniusquisque quarere, angustos fugae calles rinari, aut nostris se lateenter immergere : ut ab omnibus qui aderant, nosceretur, presentia Dei populo audaciam tribuente, furorem demonis, qui in illis prius debacchatus fuerat, effugatum ».

86. Sed qualem esset templum Serapidis, ita describitur ab ipso Rufino, qui cum (ut diximus) diu una cum Melania Alexandriæ versatus sit, illud plus quam semel vidisse potuit : ait igitur : « Serapis apud Alexandriam templum auditum quidem omnibus puto, plerisque vero etiam notum. Locus est non natura, sed manu et constructione per centum et eo amplius gradus in sublime suspensus, quadratis et ingentibus spatii omni ex parte distentus : cuncta vero, quo ad summum pavementorum evadatur, opere fornice constructa ; quæ immensis desuper liminaribus et occultis altibus invicem in semet distinctis, usum diversis ministeriis et clandestinis officiis exhibebant. Jam vero in superioribus extrema totius ambitus spatia occupant exedrae, et pastophoria, domusque in excelsum porrectæ, in quibus vel æditui, vel ii quos appellant ἀγυόνες, id est, qui se castificant, commanere soliti erant. Porticus quoque post hæc omnem ambitum quadratis ordinibus distincte intrinsecus circumibant. In medio totius spatii aedes erat pretiosis edita columnis, et marmoris saxo extrinsecus ample magnificeque constructa ». Sed et de ædibus Serapidis hæc Ammianus ¹ : « His, inquit, accedunt altis suffulta (sufflata) fastigiis templa ; inter quæ eminet Serapim ; quod licet minatur exilitate verborum, atriis tamen et columnis (columnariis) amplissimis et spirantibus signorum ligmentis et reliqua operum multitudine ita est exornatum, ut post Capitolium, quo se venerabilis Roma in æternum attollit, nihil orbis terrarum ambitiosius cernat ». Subjungit de bibliotheca Ptolomæi ibi posita, de qua nos superius. « In hac vero æde (subdit Rufinus) simulacrum Serapis ita erat vastum, ut dextera unum parietem, alterum læva perstringeret : quod monstrum ex omnibus generibus metallorum lignorumque compositum ferebatur ». Hæc de statua Serapidis Rufinus ; quam factam esse a Sesostre rege per Bryaxem artificem, auctor est Clemens Alexandrinus, qui ait ² : « Ad opus faciendum mixta et varia usus est materia : habebat enim ramentum auri et argenti et æris et ferri et plumbi, nec ei ullus lapis deerat Ægyptius, nec sapphiri et hematistis fragmenta, sed nec suargidi et topatii : hæc ergo omnia levigata, tritaque ac commixta illivæ colore cæruleo, qua de causa nigrior est color inaginis ». Hæc Clemens.

87. Quod vero ad Serapidis imaginem spectat, humana effigie in vertice modium seu calathum gestantem cum simulacra reddidisse, quæ hætenus visuntur statuæ ipsius demonstrant ; interdum vero quibusdam additis hieroglyphicis characteribus, ut

describitur a Macrobio in Saturnalibus ¹, ubi ait : « Soli se sub illius nomine testatur impendere, vel dum calathum capiti ejus intingit, vel dum simulacro signum tricipitis animalis adiungit, quod exprimit medio eodemque maximo capite leonis effigiem : dextera parte caput canis exoritur mansuetæ speciei blandientis, pars vero læva cervicis rapacis lupi capite finitur ; easque formas animalium draco connectit volumine suo, capite redeunte ad dei dexteram, qua conspicitur monstrum ». Ita ipse : sed subdit hæc de templo Rufinus :

88. « Interioris delubri parietes laminis primo aureis vestiti, super has argenteis, ad postremum æreis habebantur, quæ munimentum pretiosioribus metallis forent : erant etiam quedam ad stuporem admirationemque videntium solis et arte composita. Fenestra perexigua ab ortu solis ita erat aptata, ut die qua fuerat institutum, simulacrum solis ad Serapim salutandum introferri, diligenter temporibus observatis, ingrediente simulacro, radius solis per eandem fenestram directus, os et labra Serapis illustraret, ita ut inspectante populo, osculo salutatus Serapis videretur a sole. Erat et aliud fraudis genus huiusmodi : natura lapidis magnetis huius virtutis esse perhibetur, ut ad se rapiat et attrahat ferrum. Signum solis ad hoc ipsum ex ferro subtilissimo manu artificis fuerat fabricatum, ut lapis, cuius natura ferrum ad se trahere diximus, desuper in laquearibus fixus, cum temperate sub ipso radio ad libram fuisset positum simulacrum, et vi naturali ad se raperet ferrum ; surrexisset populo simulacrum, et in aere pendere videretur. Et ne hoc lapsu proprio proderetur ; ministri fallacia », Surrexit, « aiebant », Sol, ut vale dicens Serapi, discedat ad propria. « Sed et nulla alia decipiendi causa a veteribus in loco fuerant constructa, quæ nunc longum est enumerare per singula ».

Verum quonam modo ea impostura detecta fuerit atque sublata, sanctus Prosper, qui his vivebat temporibus, ita describit ² : « Apud Alexandriam in templo Serapis hoc argumentum demonis fuit. Quadriga ferrea nulla base suffulta, nullis uncis infixis parietibus colligata, in aere pendens, cunctis stuporem ac velut divinum subsidium oculis mortalium exhibebat : quam tamen lapis magnes, qui ferrum sibimet attributum suspendit, eo loco camere affixus totam illam machinam sustentabat. Itaque cum quidam Dei servus inspiratus intellexisset ; magnetem statim ut camera subtraxit, omne illud ostentum cadens, contractum comminutumque ostendit, divinum non esse, quod mortalis homo firmaverat ». Hæc Prosper. Subdit vero Rufinus :

89. « Verum ut dicere coperamus, rescripto Theodosii recitato, parati quidem erant nostrorum populi ad subvertendum erroris auctorem : persuasio tamen quædam ab ipsis Gentilibus fuerat dispersa, quod si humana manus simulacrum illud

¹ Ammian. l. xxii. — ² Clem. Alex. hb. ad Gentes.

¹ Macr. Satur. l. i. c. 20. — ² Prosp. de predict. l. iii. c. 38.

contigisset, terra dehiscens illico solveretur in chaos, cælumque repente rueret in præceps. Quæ res paululum stuporem quemdam populis dabat. Cum ecce unus ex militibus fide magis quam armis munitus, correptam bipennem, insurgens omni nisu, maxillæ veteratoris illidit. Clamor atollitur utrorumque populorum; neque tamen aut cælum ruit, aut terra descendit. Inde iterum atque iterum repetens, putris ligni fumosum genu cædit. Quo dejecto, igne adlubito, tam facile quam lignum aridum conflagravit. Post hoc revulsam cervicibus, et depresso modio trahitur caput; tunc pedes aliæque membra cæsa securibus et raptata funibus detrahuntur, ac per singula loca membratim in conspectu cultricis Alexandriæ senex vetermosus exurit. Ad ultimum, truncus qui superfuerat, in amphitheatro concrematur; vanæque superstitionis et erroris antiqui Serapis hic finis fuit.

90. « De ejus origine diversa fertur opinio Paganorum. Alii Jovem putant, ejus capiti modius superimpositus, vel quia cum mensura modoque cuncta indicet moderari, vel vitam mortalibus frugum largitate præberi. Alii virtutem Nili fluminis, ejus Ægyptus opibus et fecunditate pascatur. Quidam in honore nostri Joseph formatum perhibent simulacrum ob divisionem frumenti, qua famis tempore subvenit Ægyptiis. Alii repertum in historiis Græcorum veteribus ferunt, Apin quemdam patrem familias seu regem in Ægypto Memphis positum, cum famis tempore frumenta apud Alexandriam defecissent, ex proprio allatum civibus alimenta præbuisse: quo defuncto, in honorem ejus instituerint apud Memphis templum, in quo bos quasi iudicii optimi agricole nutritur, habens quædam coloris insignia, qui ex nomine ejus, Apis appelletur: *απὲν* vero, id est sepulcrum, in quo corpus ejus merat, Alexandriam deduxerint: et Soron Apis, primo ex compositione Serapin, post vero per corruptionem Serapin nominarint. Quod an verum sit, aut nihil omnino, Deus viderit ». Hæc de Serapide Ruffinus: sunt autem diversæ majorum ea de re sententiæ.

91. Sed quod ad Josephum Jacob filium attinet, aut quidem spernenda ea est sententia: nam ex divinis litteris proditum est, mutasse Pharaonem regem Ægypti nomen Joseph; ait enim divina Scriptura ¹ de ipso rege: « Veritlique nomen ejus, et vocavit eum lingua Ægyptiaca Salvatorem mundi ». Hæc ibi: scimus antiquos scriptores ipsum nomen Serapis ex græcis deducere vocibus, cum dicant ferme omnes, *απὲν* ἄνις, sepulcrum Serapis. Sed Julius Maternus haud ignobilis scriptor, qui claruit temporibus Constantini, et post illius obitum ad ejus filios commentarium illum scripsit: *De errore profanæ religionis*, hæc de Josepho et significatione nominis aliter expressa habet ²: « Discite etiam, sacrosancti Imperatores, venerandum Alexandriæ numen unde sumpsit exordium ». Et

post recitatam de salvata a penuria ejus providentia atque industria Ægypto, isla subdit: « Huic post mortem Ægyptii patrio gentis suæ instituto templa fecerunt; et ut justam dispensationis gratiam posteritas disceret, quo modio esurientibus frumenta dividerat, capiti is superpositus est. Nomen etiam, ut sanctius colebatur, ex primo auctore generis accepit ³. Nam quia Saræ pronepos fuerat, ex qua nonagenaria Abraham, indulgentia Dei, susceperat filium, Serapis dictus est græco sermone, hoc est, *Σεραπ*; sed hoc invito Joseph accidit, imo mortuo ». Ita ipse.

92. Verum haud facile mihi persuadeo, Ægyptium populum deos patrios peregrinis vocibus nuncupasse. et non potius Ægyptio vocabulo, quem tanti facerent deum, appellare voluisse: unde tota vis in eo posita esse videtur ad dignoscendam originem ejus, quidnam apud Ægyptios vox Serapis, significaret: nam si apud eos idem erat Serapis, quod mundi Salvator; non alium certe quam Josephum ipsos significare voluisse, certum redditur. Fertur ab antiquis Serapidis illud oraculum Josepho patriarcha dignissimum, a nostris etiam decantatum, quo veræ theologiæ pronuntiatur elogium, sic latine redditum:

Principio Deus est, tum Verbum, his Spiritus unus est:
Congenita hæc tria sunt, cuncta hæc tendentia in unum.

Quod sane oraculum, ex eo quod eundem cum Plutone esse Serapidem Heraclides Ponticus tradidit (quæ fuit plurimorum antiquorum sententia), idcirco Plutoni illud ipse tribuit. Certe quidem non frumentum tantum, sed veram Dei cognitionem Josephum tradidisse Ægyptiis, testificatione divinæ Scripturæ comprobatur, ubi dicitur ²: « Constituit eum rex Pharao, ut erudiret principes sicut semetipsum, et senes ejus prudentiam doceret »: ut jure dici possit, eam de Deo recitatam sententiam fuisse Josephi. Tradunt insuper a Serapide inventa esse symbola quædam, quibus ab obsessis demones pellerentur, quod Hebræorum sapientiæ convenit. Pergit vero Ruffinus:

93. « Sed ad inceptum, inquit, redeamus. Post hæc capite ipso idololatriæ dejecto, studiis vigilantissimi sacerdotis, quæcumque fuerant per totam Alexandriam portenta potius quam simulacra, pari exitu et simili dedecore publicantur. Horret animus dicere, qui miseris mortalibus laquei a daemonibus preparati sunt, quæ funera, quæ scelera in illis, quæ dicebant *ἄδουρα*, legentur: quot ibi infantium capita desecta inauratis labris inventa sunt, quot miserorum cruciabiles mortes depictæ. Quæ cum proderentur in lucem, ac sub auras prolata ferrentur, licet confusione ipsa Gentiles et pudore diffugerent; tamen si quis adesse potuit, mirabatur tot sæculis se illis tam nefariis et tam pudendis fraudibus irretitum. Unde et plurimi ex his, condemnato errore, et

¹ Genes. xli. — ² Jul. Firmic. c. 14.

³ Genes. xxi. — ³ Psal. civ.

scelere deprehenso, fidem Christi et cultum veræ religionis amplexi sunt. Nam ut omittam cætera flagitia, quæ in aliis locis, vi necatis parvulis, despiciatisque ob fibrarum inspectionem virginibus, gerebantur; unum solummodo, quod in templo Saturni geri, ad omnium venit consuetudinem, memorabo; ex quo etiam cætera quæ omisimus, penduntur.

94. « Sacerdos erat apud eos Saturni, Tyrannus nomine: hic quasi ex responso numinis, adorantibus in templo nobilibus quibusque et primariis viris, quorum sibi matronæ ad libidinem placuissent, dicebat Saturnum præcepisse, ut uxor sua pernoctaret in templo. Tum is qui audierat, gaudens quod uxor sua dignatione numinis vocaretur, exornatam comptius, insuper et donariis onustam, ne vacua scilicet repudiaretur, conjugem mittebat ad templum. In conspectu omnium conclusa intrinsecus matrona. Tyrannus clausis januis et traditis clavibus discedebat.

« Deinde facto silentio, per occultos et subterfaneos aditus intra ipsum Saturni simulacrum patulis irrepat cavemis. Erat autem simulacrum illud a tergo exesum et parieti diligenter annexum. Ardentibusque intra eadem luminibus, intentæ supplicantiæ mulieri vocem subito per simulacrum æris concavi proferebat, ita ut pavore et gaudio infelix mulier trepidaret, quod dignam se tanti numinis putaret alloquio. Posteaquam vero quæ libitum fuerat, vel ad consternationem majorem, vel ad libidinis incitamentum disseruisset numen impurum; arte quadam linteolis obductis, repente lumina exstinguiebantur universa. Tunc descendens, obstupefacte et consternatæ mulierculæ adulterii fucum profanis commentationibus inferebat. Hæc cum per omnes miserorum matronas multo jam tempore gererentur; accidit quamdam pudicæ mentis feminam horruisse facinus, et attentius regnantem, cognovisse vocem Tyranni: ac domum regressam, viro fraudem sceleris indicasse. Ille de injuria conjugis, imo potius sua, ardentius inflammatus inscriptum Tyrannum ad tormenta deducit. Quo convicto atque confesso, cæcisque fraudibus revelatis, pudor omnis et dedecus Paganorum pervaserat domos, adulteris matribus, incestis patribus, liberis spuris deprehenis: quibus divulgatis et proditis, raptum cum simulacris et ædibus excitabantur et crimina.

95. At non recens vel unius ejusmodi fuit sceleris perpetratio: siquidem Ægyptiis sacerdotibus peculiare fuisse hujuscemodi in mulieres, deorum nomine, exercere facinora, ostendunt, quæ Romæ confissee Josephus¹ describit tempore Tiberii imperatoris, crimina haud dissimilia per sacerdotes Anubis in Paulinam clarissimam feminam perpetrata; quam sub specie Anubis dei, adolescenti, nomine Mundo, ipsius amatorii insanciam subjecerunt. Quam ob causam sacrifici illi jussu Tiberii cruci affixi fuerunt. Subdit vero Ruffinus de alio Ægyptio-

rum templo tunc diruto, his verbis rem gestam narrans:

96. « Jam vero Canopi quis enumeret superstitiosa flagitia? ubi prætextu sacerdotium litterarum (ita enim appellant antiquas Ægyptiorum litteras) magicæ artis erat pæne publica schola. Quem locum velut fontem quemdam atque originem demonum in tantum venerabantur Pagani, ut multo ibi major celebritas, quam apud Alexandriam haberetur. Sed de hujus quoque monstri errore, cujusmodi originem tradant, absurdum non erit paucis exponere. Ferunt aliquando Chaldaeos Ignem deum suum circumferentes cum omnium provinciarum diis habuisse conflictum, quo scilicet qui vicisset, hic esse deus ab omnibus crederetur. Reliquarum provinciarum dii æris aut auri, argenteique aut ligni, vel lapidis, vel ex quacunque materia constabant, quæ per ignem proculdubio corrumperetur: ex quo fiebat, ut Ignis locis omnibus obtineret. Hæc cum audisset Canopi sacerdos, callidum quiddam excogilavit. Hydriæ fieri solent in Ægypti partibus fictiles, undique crebris et minutis admodum foraminibus patulæ, quibus turbida aqua desudans, defæciatior ac purior redditur. Harum ille unam cera foraminibus obturatis, desuper etiam variis coloribus pictam, aqua repletam statuit in deum; et excisum veteris simulacri, quod Menelai gubernatoris ferebatur, caput desuper positum diligenter aptavit. Adsunt post hæc Chaldaei: itur in conflictum, circa hydriam ignis accenditur: cera, qua foramina fuerant obturata, resolvitur: sudante hydria, ignis exstinguitur. Sacerdotis fraude Canopus Chaldaeorum victor ostenditur. Unde ipsum Canopi simulacrum pedibus perexiguus, attracto collo, et quasi suggillato, ventre tumido in modum hydriæ cum dorso æqualiter tereti formatum ex hac persuasionem velut deus victor omnium colebatur. Sed profecerint hæc fortasse aliquando contra Chaldaeos: nunc vero adventante sacerdote Dei Theophilo, nullus profuit sudor, nec ceris fraus oblecta subvenit: vastata sunt omnia, atque ad solum deducta». Hæc Ruffinus. Sed quod ad Canopi originem spectat, a duce Menelai sic dicto putant traxisse nomen. Caterum Stephanus tradit Canopum dictum esse Neptunum, eoque signo mare ab Ægyptiis circumscribi.

97. Pergit vero post hæc Ruffinus: « Et nihil non gestum est, quod in squalorem verteret locum: flagitiorum cavernæ ac veterosa busta dejecta sunt, et veri Dei templa et Ecclesiæ celsæ constructæ. Nam et in Serapis sepulcro, profanis ædibus complanatis, ex uno latere Martyrium, ex altero consurgit Ecclesia. Occasio autem statuiti construendi unde dala sil, dignum arbitror memorare». Subdit his Ruffinus de profanatis atque dispersis tempore Juliani Apostatæ reliquiis Joannis Baptistæ, iisdemque collectis, et ad S. Albanasium tunc perlatis, atque hactenus conservatis; cujus rei gestæ historiam suo loco superius recitavimus. In loco igitur ubi Sera-

¹ Joseph. Antiq. l. XVIII, c. 4.

¹ Ruffi. l. II, c. 26.

pis templum erat. erecta basilica fuit, illataque in eandem ipsæ sacratissimæ reliquiæ (ut S. Athanasius ante predixerat) S. Joannis Baptiste per Theophilum episcopum Alexandrinum. Porro ipsa ædificatio Ecclesiæ sub Theodosio facta est, reliquiarum vero collocationem post ipsius obitum fieri contigit sub ejus filio ¹ Arcadio imperatore; quo tempore dedicata est, IV kalend. Septembris: quo quidem die in universa Ecclesiâ ejusdem S. Joannis Baptistæ decollationis solemnitas celebratur ².

98. « Post occasum vero Serapis, qui nunquam vixerat (subdit Rufinus ³ quæ jam allerius demonis stare delubra potuerunt? Parum dixerim, si omnes quæ erant Alexandria per singulas pane columnas ejuscumque demonis ædiculæ infultæ ceciderunt: sed per cunctas Ægypti urbes, per castella, per vicos, per omne rus, per ripas fluminis, per eremum quoque si qua fana, vel potius busta reperiri potuerunt, instantia minuscujusque episcopi subruta et ad solum deducta sunt, ita ut demum rus culturæ redderetur, quod injuste fuerat dæmonibus deputatum.

99. « Sed et illud apud Alexandriam gestum est, quod etiam Thoraces Serapis, qui per singulas quasque domos in parietibus, in ingressibus, in postibus etiam ac fenestris erant, ita abscissi sunt omnes et abradi, ut ne vestigium quidem usquam, vel nominis appellatio, aut ipsius, aut cujuslibet allerius demonis remaneret: sed pro his crucis dominicæ signum ✝ unusquisque in postibus, in ingressibus, in fenestris, in parietibus, columnisque depingeret. Quod cum factum esse, hi qui superfuerant ex Paganis viderent; in recordationem rei magnæ ex traditione sibi et antiquitus commendata venisse perhibentur. Signum hoc nostrum Dominicæ crucis inter illas, quas dicunt ἱεραρχίας, id est, sacerdotales litteras, habere Ægyptii dicuntur velut unum ex cæteris litterarum, quæ apud illos sunt, elementis. Cujus litteræ, seu vocabuli hanc esse asserunt interpretationem, VITA VENTURA. Dicebant ergo hi qui tunc admiratione rerum gestarum convertebantur ad fidem, ita sibi ab antiquis traditum, quod hæc quæ nunc coluntur tandem starent, quandiu viderent signum istud venisse, in quo esset vita. Unde accidit ut magis hi, qui erant ex sacerdotibus vel ministris templorum, ad fidem converterentur, quam illi quos errorum præstigia et deceptionum machinæ decelebant. Addit Socrates ⁴ in imo diruti elubri lapides ejusmodi signo ✝ crucis incisos esse repertos, adeo ut Gentiles dicerent aliquid esse Serapidi commune cum Christo: quod non negandum, si de ejus origine ex Josepho filio Jacob, quod dictum est, omnino constare posset. Pergit vero Rufinus:

100. « Sane quoniam moris erat in Ægypto, ut mensura ascendens Nili fluminis ad templum Se-

rapidis deferretur, velut ad incrementi aquarum et inundationis auctorem: subverso ejus simulacro ignique consumpto, omnes simul negabant, Serapin injuriæ memorem, aquas ultra ac affluentia solita largitulum. Sed ut ostenderet Deus, non Serapin, qui multo erat Nilo posterior, sed se esse qui aquas fluminis temporibus suis juberet exrescere; tanta ex eo et deinceps fuit inundatio, quantum fuisse prius, ætas nulla meminert. Et ideo ultra ipsa, id est, aquæ mensura, quam μέγεθος vocant, ad aquarum dominum in ecclesiâ eptam deferri. Sed ubi hæc gesta religioso principi nuntiata sunt; extensis ad cælum palmis, cum ingenti fertur exultatione dixisse: Gratias tibi, Christe, quod absque urbis illius magna pernicie tam vetustus error extinctus est». Hactenus de rebus hoc anno gestis Rufini narratio. Addit vero hæc his Sozomenus ⁵ de ejusdem Nili exundatione aliquando cessante:

101. « Ferunt autem Ægypti fluvium tunc solitos tardius ad primum exundationis gradum constitisse », eo scilicet tempore, quo Theodosius imperator Gentiles vetuit immolare demonibus hostias; « Ægyptii ergo indignabantur, quod non permitterentur secundum leges patrias fluvio sacrificare. Animadvertens autem gentis illius præfectus eos ad seditionem adornari, imperatori rem indicavit. Imperator, re intellecta: Satius est, inquit, erga Deum permanere fidelem, quam fluente Nili, et ex eis expectatam anni fertilitatem præposuisse pietati. Vel nunquam enim fluxerit iste fluvius, siquidem re vera et excantationibus pellici et sacrificiis delectari et sanguinis fluxu inquinare influentes ex divino paradiso rivos potest. Cæterum Nilus hand multo post largiter effusus, etiam sublimioribus undas immisit: et postquam ad perfectissimam et raro completam mensuram accessisset, ac nihilominus aqua intumesceret; in contrarium timorem conjecti sunt Ægyptii; ac metus erat, ne et Alexandriam urbem, et quæ Libyæ portio erat fluvius inundaret. Fertur itaque Alexandrinorum paganos ob hoc ipsum stonachantes, quod præter opinionem evenerat, subsummasse, et in theatris exclamasse, quod fluvius veluti senex ac delirus eminxisset. Ex eo plurimi Ægyptii, patria superstitione damnata, ad christianismum transierunt. Atque hæc quidem, ut comperi, scripsi ». Hactenus Sozomenus.

102. Ne autem quod Theodosius adversus delubra Gentilium lege lata, fieri imperaverat, avaritiæ potius quam pietati adscribi ab aliquo posset; quid præstiterit, Socrates ita significat ⁶: « Delubra idcirco eversa, simulacra deorum in lebetes et ad res alias ad vitæ usum accommodatas conflata. Nam imperator deorum imagines Ecclesiæ Alexandrinæ, uti ad pauperes sublevandos impenderentur, donaverat. Itaque Theophilus episcopus Alexandrinus, cum omnes deorum statuas confringere aggrediretur, unam cerli alienius deintegrari servari jussit; eamque in loco erexit publice; uti Gentiles, tempore

¹ Cedren. in Compend. — ² Acta inventionis capitis Jo. Bapt. Hæda de sex aetat. in Julian. — ³ Rufin. l. II. c. 28. — ⁴ Socr. l. V. c. 17.

⁵ Sozom. l. VII. c. 20. — ⁶ Socr. l. V. c. 16.

progrediente, non inficias irent, se ejusmodi deos coluisse. Hac de re novi equidem Ammonium grammaticum valde animi dis cruciatum fuisse, dixisseque religioni Græcorum gravem inflictam esse plagam, quod illa una statua confata non esset, sed de industria ad ipsorum religionis irrisiorem reservata. » Hæc Socrates.

103. *Ecclesie erectæ super loca delubrorum; idololatriæ reliquiæ ubique pessumdate.* — Qui igitur Theophilus Alexandria super locum Serapii erexit basilicam, titulo S. Joannis Baptiste, in loco quem Canopum diximus nominatum, ab Alexandria urbe distant (ut Ammianus ¹ ait) duodecim miliaribus, aeris temperie saluberrimum; aliam extruxit ecclesiam sub nomine Apostolorum: « Ab hac civitate Canopo thabent Acta SS. Cyri et Joannis ² distat quidam vicus spatio duorum (miliarium) nomine Menuthæ (Manuthe). Hic autem vicus erat demonum habitatio: versabantur enim in eo maligni spiritus. Theophilus vero cum voluisset locum purum reddere a demonibus. Christianique Evangelistarum et Apostolorum characteribus et figuris, ut ad eum consecrandum idoneis, occupare: id quod statuerat, non perduxit ad effectum. Interim enim mors adveniens eduxit eum de vita præsentis. Deinde autem Cyrillus, qui post ipsum sedi successit, eandem suscepit curam, ut locum illum a demonibus liberaret: quod divina revelatione admonitus fecit inferendo illuc reliquias sancti Marci evangeliste, necnon Cyri, ac socii ipsius Joannis martyrum. Illatis igitur illuc vicesimo octavo mensis Julii dictis reliquiis, continuo cessavit demonum infestatio, consecutaque mox est copiosa ægris sanitatis largitio. » Hæc habent citata superius Acta; quibus pariter declaratur susceptum esse hoc anno a Theophilo minus expurgandi Ægyptum ab idolorum cultu: sed licet in eo naviter toto vitæ tempore laboraverit, minime tamen absolvi consummarique potuit.

104. Porro ad certamen istiusmodi a se initum adversus demones, quod spirituale esset, spirituali quoque nisu est Theophilus auxilio, fultusque divini spiritus armis: siquidem sanctissimos monachos, quos adeo detestatur Sardianus, opitulatores, quasi auxiliares copias accivit e solitudine: nam in vitis sanctorum Patrum ³ hæc leguntur: « Intra-verunt aliquando fratres Alexandriam invitati a Theophilo archiepiscopo, ut præsentibus his facta oratione, destrueret templa Paganorum, etc. »

105. At plane accidit, ut tam ingenti fragore collapsa in Ægypto idololatria, unde tanquam e fonte rivi in totum fere orbem terrarum superstitione dimanarat, Gentiles ubique concussi fuerint, atque pro defensione deorum suorum sic novo casu excitati concurrerint; de quibus Sozomenus ⁴: « Adhuc autem, inquit, in quibusdam civitatibus pro templis suis Pagani alacriter dimicabant, velut in Arabia

Petrea Æropolite, in Palastina Raphiote et Gazei, in Phœnicia hi qui Heliopolim incolunt, in Syria potissimum vindices templi Apameæ, quæ colitur ad Axium fluvium, quos quidem ego intellexi ad protectionem templorum suorum frequenter auxiliis usos hominum Galileorum, et collectorum ex pagis Libano vicinis: ac demum ad tantam prorupisse audaciam; ut etiam Marcellum qui ejus provincie episcopus erat, interdicere. Hic enim cum judicaret, illos non alia ratione facilius a priori superstitione posse converti; templa quæ in urbe et in pagis habebant, everit: et certior factus in Aulone (is est tractus Apameorum provincie) templum esse amplissimum, militibus aliquot ac gladiatoribus assumptis, adversus istud contendebat. Cui cum appropinquasset, extra telorum jactum ipse restitit. Erat enim pedibus debilis, et neque repugnare, neque hostem vel fugare, vel fugere poterat. Militibus deinde ac gladiatoribus in destruendo templo occupatis; ex Paganis quidam, intellecto quod ille ibi relictus esset solus, ea ex parte qua locus pugna vacabat, egrediuntur, et improvise adorti eum corripunt, et rogo injecto, interficiunt. Ac in præsentia quidem clam id habuerunt. Sed postquam temporis progressu proditi sunt; filii Marcelli vindicare patrem studebant; quanquam Synodus ejus gentis id fieri prohibuerit, æquum non esse censens vindictam sumere de ejusmodi morte, pro qua gratias agere deceret tum illum ipsum qui mortuus fuerat, tum cognatos et amicos ejus, utpote, qui ut pro Deo moreretur, dignus habitus esset. » Hæc de Marcelli certamine Sozomenus.

106. Sed multa quidem, magnique momenti ab ipso sunt prætermissa, quæ a Theodoro, qui res tunc gestas, utpote Syrus homo, habuit exploratas, enarrantur, quæ nos suis ipsis verbis hic describemus, ait enim ¹: « Ex episcoporum numero Marcellus, vir in rebus omnibus longe præstantissimus, lege, tanquam machina bellica, omnia delubra urbis, ejus episcopatum ipse administrabat, prorsus expugnavit. Qua in re gerenda, fiducia in Deum potius, quam multorum hominum manu adjutus est. Atque hoc loco facinus in primis memorabile ab eo factum narrabo. Ubi Joannes episcopus Apameæ, cujus ante feci mentionem, mortem obierat, in ejus locum divinus Marcellus, vir spiritu (ut Apostoli ² præcepto vult) effervescens, substitutus est. Venit forte Apameam præfectus Orientis, duobus ducibus cum duobus hominum millibus comitatus. Qui quidem plebe propter metum sibi a militibus injectum quiescente, delubrum Jovis, quod amplissimum fuit, multis ac variis ornamentis illustratum deturbare aggreditur: verum cum structuram ejus valde solidam et firme compactam cerneret, existimavit lapidum coagmentationem nullo modo posse dissolvi: nam lapides erant grandissimi, arce inter se juncti, et ferro præterea ac plumbo colligati. Quare præfectum deterruit cum videret

¹ Ann. lib. xxii. — ² Metaph. die 30 Jan. — ³ Vit. SS. Pat. par. ii. c. 4. de continentia. — ⁴ Sozom. l. vii. c. 15.

¹ Theod. l. v. c. 21. — ² Rom. xii

S. Marcellus, eum ad alias urbes amandavit, ipseque Deum impense precatus est, ut viam sibi ad illius delubri demolitionem aperiret.

107. Itaque primo mane vir quidam, qui neque architectus neque lapidarius fuit, neque ullam aliam artem novit, sed lapides et ligna humeris portare assueverat, sua sponte eo venit. Qui ut accessit, pollicitus est se delubrum facillime demoliturum; solumque mercedem postulavit, qua duos opifices conduceret: quam simul ac sanctus episcopus ei daturum promiserat, ejusmodi quiddam excogitavit homo ille. Delubrum habebat porticum quadratam, erectam in sublime, sibi que adjunctam. Hanc sustentabant columnæ maxime pares proportionē ipsi templo, ambitus autem cujusque sexdecim cubitorum fuit: lapis, ex quo erant fabricatæ, natura durissimus, nec facile lapidiorum instrumentis cedens. Quarum singulas cum undique suffodisset iste, et ædificia illis innixa tignis oleagineis suffulisset, ad aliud eodem modo transit. Nam tribus columnis ad hunc modum suffossis, injicit tignis flammam.

108. Verum dæmon quidam ater apparens, tigna (ut eorum fert natura) igni absumi non patitur, sed impetum flammæ cohibet. Ubi vero istud sæpius egerant, videbantque machinam illam frustra admotam, episcopo sub meridiem forte dormienti rem indicant. Ille confestim ad sanctum Dei templum prope contendit, aquam in vase afferri jubet, quam sub sacrosancto altari ponit: ipse autem humi in faciem prostratus, Dominum benignum et elementem precatur, ne tyrannidem dæmonis longius serpere permittat, sed tum ejus patefaciat imbecillitatem, tum suam ipsius potentiam ostendat ad eum finem, ut infidelibus nulla majoris cecitatis inde detur occasio. Hæc et alia his similia locutus, cum aquam signo crucis signasset; Equitium, unum ex diaconis, fide et pietatis studio egregie munitum, aquam jubet accipere, ocius ad delubrum currere, et cum fide eam spargere, tignisque flammam adhibere. Quare confecta, dæmon aquæ asperse vim non ferens, penitus aufugit. Ignis autem, aqua, suæ naturæ maxime adversaria, velut oleo fatus, tigna occupat, eaque momento temporis prorsus absumit. Itaque columnæ, basi sublata, corruunt, aliasque duodecim secum dejiciunt: ipsum præterea templi latus columnis coherens, violento illarum casu pariter deturbatum est: cujus ingenti fragore tota adeo personabat civitas, ut omnes ad illud ipsum delubrum spectandum concurrerent; atque simul ut intellexere dæmonem infestum fugatum esse, hymnorum concentu uno ore omnes Deum celebravit. Eodem modo sanctus ille episcopus alia quoque simulæcerum fana demolitus est. Hæc de Marcello Theodoretus, quem et martyrium subiisse tradit, allectumque ipsum inter martyres schinis perpetua memoria celebrandum decima quarta die mensis Augusti.

109. At non omnia eorum templa in Oriente sub

Theodosio fuerunt penitus diruta: siquidem Gaze delubrum Marnæ famosissimum usque ad ortum Theodosii junioris, Arcadii imperatoris filii, tutantibus illud civibus ethnicis, integrum permansit, ut suo loco dicturi sumus: ad hæc namque tempora allusit S. Hieronymus¹, cum ad Lætam scribens sic ait: « Jam et Ægyptus Serapis christianus factus est ». Quod scilicet illius cultores ad Christum conversi fuissent; vel etiam, quod ubi Serapidis templum erat, illic jam erecta Christo Ecclesia esset: et subdit: « Marnas Gaze luget inclusus, et eversionem templi jugiter pertremiscit »: prætermissum vero illud a Theodosio puto, quod absque cæde plurimorum Gazensium templum tuentium, id perfici minime posse videret.

110. Cæterum qui zelus pertigit Orientis episcopos sub principe maxime pio idola demoliri, æque Occidentales impulit sacerdotes idipsum præstare fiducia animosa. Periere si quæ de his scripta fuere a majoribus monumenta: de S. Martino tantum hæc habentur eo argumento a Severo² conscripta: « Dum in vico quodam templum antiquissimum diruisset, et arborem pinum, quæ fano erat proxima, esset aggressus excidere; tum vero antistes loci illius cæteraque Gentilium turba cœpit obistere. Et cum iidem illi, dum templum evertitur, imperante Domino quievisset, succidi arborem non patiebantur. Ille eos sedulo commonere, nihil esse religionis in stipite; Deum potius, cui serviret ipse, sequerentur; arborem illam excindi oportere, quia esset dæmoni dedicata. Tum ex illis unus qui erat audacior cæteris: Si habes, inquit, aliquem de Deo tuo, quem dicis te colere, fiduciam, nosmetipsi succidemus hanc arborem; tu ruentem excipe: et si tecum est tuus (ut dicis) Dominus, evades. Tum ille intrepide contusus in Domino, facturum se pollicetur.

111. « Ille vero ad istiusmodi conditionem omnis illa Gentilium turba consentit, facilemque arboris suæ habuere jacturam, si inimicum sacrorum suorum casu illius obruissent. Itaque cum unam in partem pinus illa esset acclivis, ut non esset dubium quam in partem succisa corrueret, eo loco vinculus statuatur pro arbitrio rusticorum, quo arborem esse casuram nemo dubitabat. Succidere igitur ipsi suam pinum cum ingenti gaudio lætitiæque cœperunt: aderat enim turba mirantium, jamque paulatim nutare pinus, et ruinam suam casura minitari. Pallebant enim monachi, et periculo tam propiore confertiti, spem omnem fidemque perdididerant, solam Martini mortem expectantes. At ille contusus in Domino, intrepidus opperens, cum jam fragorem sui pinus concidens edidisset, jam cadenti, jam super se ruenti, elevata obviam manu, signum salutis opponit. Tum vero turbinis modo (retroactam putares) diversam in partem ruit, adeo ut rusticos, qui tuto loco steterant, pene prostraverit. Tum vero in celum clamore sublato, Gentiles stu-

¹ Hier. ep. VII. — ² Sever. Vit. S. Mart. c. x.

pere miraculo, monachi flere præ gaudio, Christi nomen in commune ab omnibus prædicari; satisque constitit, eo die salutem illi venisse regioni. Nam nemo fere ex immensi illa multitudine Gentilium fuit, qui non impositione manus desiderata, in Dominum Jesum, relicto impietatis errore, crediderit. Et vere ante Martinum pauci admodum, imo pæne nulli in illis regionibus Christi nomen receperant: quod adeo virtutibus illius, exemploque convaluit, ut jam ibi nullus locus sit, qui non aut Ecclesiis frequentissimis, aut monasteriis sit repletus. Nam ubi fana destruxerat, statim ibi aut Ecclesias aut monasteria construebat. Subdit Severus hæc etiam eodem argumento.

112. « In vico autem, cui Leprosorum nomen est, cum idem Martinus templum opulentissimum superstitione religionis voluisset evertere; restitit ei multitudo Gentilium, adeo ut non absque injuria sit repulsus. Itaque secessit in proxima loca, ibique per triduum cilicio tectus et cinere, jejunans semper atque orans, precabatur a Domino, ut quia templum illud evertere humana manu non potuisset, virtus illud divina dirueret. Tum subito, ei duo angeli hastati atque scutati, instar militiæ cælestis, se obtulerunt, dicentes, missos se a Domino ut rusticam multitudinem fugarent, præsidiumque Martino ferrent; ne quis dum templum dirueretur, obisteret: rediret ergo, et opus cæptum devotus impletet. Ita regressus ad vicum, inspectantibus Gentilium turbis et quiescentibus, dum profanam adem usque ad fundamentum dirueret, aras omnes atque simulacra redegit in pulverem. Quo viso rustici, cum se intelligerent divino nutu obstupefactos atque perterritos, ne episcopo repugnarent, omnes fere in Jesum Dominum crediderunt, clamantes, et palam confitentes Deum Martini colendum, et idola negligenda, quæ sibi adesse non possent.

113. « Quid etiam in pago Hedunorum gestum sit, referam. Ibi dum templum itidem everteret, fuere gentilium rusticorum in eum irruit multitudo. Cumque unus audacior cæteris stricto cum gladio

peteret; rejecto pallio, nudam cervicem percussori præbuit. Nec cunctatus ferire gentilis: sed cum dexteram altius exulisset, resupinus ruit, constrictusque nimio metu veniam precabatur. Nec dissimile hinc fuit illud. Cum cum idola destruentem, cultro quidam ferire voluisset, in ipso ietu ferrum ei de manibus excussum non comparuit. Plernumque autem contradicentibus sibi rusticis, ne fana eorum destrueret; ita prædicatione sancta Gentilium animos mitigabat, ut luce eis veritatis ostensa, ipsi sua templa subverterent. » Hactenus Severus de Martino templa deorum destruente. En quot miraculis est declaratum Dei nutu templa deorum esse prostrata, cum tamen nonnulli fuerint qui maluissent eadem expurgata in usum converti Christianæ religionis; quod interdum factum esse non dubium est. Ex his igitur, quæ de S. Martino a Severo conscripta legimus, conjecturam capere possumus quid a cæteris Occidentalis orbis episcopis gestum sit: nam paria alios episcopos diversarum civitatum oportuit obisse certamina, quod omnibus in locis iidem adhuc vigerent hostes, et castra diaboli, ad quæ prosternenda disjiciendaque penitus maximos oportuit Dei sacerdotes exantlassse labores. Cæterum non sic quidem hæc sub hujus anni periodo claudimus, ut omnia unius anni termino facta esse contendamus, sed quod hoc anno cæptum sit, quod sequentibus quoque annis agi perseveravit indesinenter: adeo ut sit reperire post decennium per Theodosii comites Gaudenfium atque Jovinum, quos tradit Prosper hoc tempore Theodosii idolorum templa Romæ spoliasse, sub Honorio imperatore (quod sanctus Augustinus testatur¹) sub consulatu Manlii Theodori, deorum templa Carthagine eversa esse. Cum vero ubique terrarum christiani orbis a Christianis idolorum templa prosternerentur; nulli tamen majori studio quam Romæ, Honoryni sententia², id factum fuisse constat.

¹ Aug. de Civit. Dei, lib. XVIII c. ult. — ² Hieron. præm. l. II. comment. in epist. ad Galatas.

post ejus mortem pervenit ad manus illustrissimi card. Sancti Angeli, deinde illum obtinuit illustrissimus dominus meus card. Farnesius, quem mihi Onuphrio ejus chronographo custodiendum dedit Romæ, dum in Siciliam proficiscimur anno Domini MDLXVIII. id. Feb. » Obiit eodem anno Onuphrius vir immortalis memoriæ, XVIII kal. Aprilis Panormi, ut videre est apud Spondanum anno MDLXVI, n. 11. Servatur nunc Codex ille in Bibliotheca illustrissimi domini Ludovici de Mazaugues regii in Parlamento Aquensi consilarii. Uterque consul Orientalis fuit: quorum priorem copiis pedestribus, posteriorem equestribus ante præcedit Theodosius contra Maximum tyrannum pugnaturus, præfecerat, ut testatur Zozimus lib. 4, pag. 769. In præmium itaque rei præclare adversus Maximum gestæ, uterque hoc anno consul creatus, quo *Theodosius* de eodem tyranno triumphavit, et, ut videtur, *dececnalia* etiam edidit, uno anno dilata.

2. *S. Monicæ obitus.* — Thomas Herrera alique quidam Augustiniani tradunt, *Augustinum* baptizatum anno CCLXXXVII, die XXIV Aprilis, *Monicam* vero e vita migrasse anno CCLXXXIII, quarta die Maii, Augustini ætatis anno trigesimo tertio completo. Et hi quidem scribunt, *Augustinum*, cum post baptismum aliquantisper Mediolani substitisset, inde postea cum matre ac sociis via Aurelia per Tusciam, Romam, ac denique Ostiam profectum, ac ibidem matrem IV nonas Maii amisisse. Alii putant, *Augustinum* Ostiæ moratum usque ad necem Maximi tyranni: alii Romam reversum dicunt. Sed hæc in re card. Norisio in quodam de Augustini baptismo Opusculo standum. Sanctus doctor, inquit, cum lib. 9 Confessionum narrasset, se Mediolani baptismum suscepisse, ac ibidem aliquantisper postea commoratum, cap. 8 hæc statim ibidem scribit: « Quærebamus quisnam locus nos utilis haberet, servientes tibi, pariter remeabamus in Africam ». Itaque statuit Augustinus recta in Africam pergere. Idem cap. 10 narraturus quod sibi in colloquio cum matre apud Ostiam contigerat, ait: « Illic apud Ostia Tiberina, ubi remoti a turbis, post longi itineris laborem instaurabamus nos navigationi, etc. » Si Augustinus diutius antea Romæ commoratus fuisset, ac libros, quos ab se post baptismum Romæ scriptos testatur lib. 1 Retraetat., cap. 7, 8 et 9 composuisset, antequam Ostiam descenderet, non dixisset, « post longi itineris laborem »; cum Roma usque Ostiam ex Antonini itinerario flet tantum sit M. P. XVI, vel uti modo numerant, XVII. Et quidem cap. 9 libri citati ait: « Cum autem Romæ demoremur, etc. » Hinc patet, Rivinum in Vita S. Augustini falso scripsisse, Augustinum, scriptis Romæ libris laudatis, cum matre ac sociis Ostiam se contulisse, in Africam transmissurum. Quare ex illis verbis, « post longi itineris laborem », manifeste colligitur, *Augustinum* Mediolani profectum, recta Ostiam via Aurelia perrexisse eodem anno trecentesimo octogesimo septimo, quo fuerat baptizatus. Via Aurelia per Pisas, ac inde distantes M. P. CLX Cen-

tum Cellas et Lorium usque iter habuit; illine vero ad Ostia Tiberina deflexit, ubi cum « post longi itineris laborem » sese navigationi instauraret, Monica mater e vita migravit.

3. *Monica alio die quam quo colitur mortua.* — Hunc obitum contigisse anno trecentesimo octogesimo septimo ante idus Novembris, quamvis mensis ignoretur, insinuat Augustinus, dum ait, se anno ætatis *trigesimo et tertio* matrem amisisse; ille vero annus Augustino exibat die decima tertia Novembris anni trecentesimo octogesimo septimi. Quod si annus trigessimus tertius completus intelligatur, ac dies mortis *Monicæ* ponatur IV Maii anni trecentesimo octogesimo octavi, Augustinus supra annum otiosus a scribendo fuisset. Nam lib. 1 Retraet., cap. 6, narrat quæ Mediolani inter Competentes allectus, ac proxime baptizandus scripsit; tum cap. 7 recitat, quæ « jam baptizatus cum Romæ esset ». elucubravit. Quare, cum ruri degens sese ad baptismum præpararet, ac jamjam sacris mysteriis initiandus, libros scriberet; qui fieri potuit, ut baptizatus pleno anno stylo parceret, nec quiequam in litteras mitteret? Hinc circa autumnum anni trecentesimo octogesimo septimi Romam reversus videtur, ubi sacris Litteris, « in quibus nondum assuetum se fuisse » fateatur lib. 1 Retraet., cap. 7, accuratam operam ponens, libris scribendis majorem anni trecentesimo octogesimo octavi partem exegit; siquidem lib. 3 contra litteram Petitioni cap. 23 testatur, se ex Italica « peregrinatione jam post Maximi tyranni mortem Africam repetisse ». In vetustis Martyrologiis, Adonis, Bedæ, Notkeri, Rabani, Vandalberti et aliorum veterum die IV mensis Maii S. Monicæ nomen non legitur, ac proinde post plura sæcula ab ejusdem obitu, in sacris tabulis recitari cepit, ut inventionis vite translationis potius, quam mortis dies sub initium Maii recolatur: quod sæpius in aliis Sanctis ibidem commemoratis contingere certum est. Quæ omnia diligenter card. Norisio laudato observata. Ex die itaque, qua *Monica* colitur, emortalis ejus annus deduci non potest. Papebrocius tomo I SS. mensis Maii die IV S. Monicam anno trecentesimo octogesimo octavo mortuam arbitratur; nullo tamen argumento, ad id probandum, in medium allato. Baronius locum adductum Augustini, ubi ait, se anno ætatis *trigesimo et tertio* matrem amisisse, corruptum esse existimat, ac legendum, *anno trigesimo quinto*. Sed, cum eundem numerum omnes ad unum Codices exhibeant, ut observant Patres Benedictini in accurata editione Operum S. Augustini, inde certo intelligitur, locum minime depravatum esse, et *Monicam* ad præsentem annum non pervenisse.

4. *Obitus S. Gregorii Nazianzeni.* — Ad num. 11 et seqq. In morte *D. Gregorii Nazianzeni* consignanda huc usque ab omnibus Recentibus peccatum. Ea enim contigit anno trecentesimo nonagesimo primo. Suidas in Voce Γρηγοριος, ait: « Cum ad nonagesimum ætatis annum et ulterius progressus fuisset, decimo tertio Theodosii Magni

imperantis anno ex hac vita decedit ». Incipit is Theodosii annus die XIX Januarii anni trecentesimi nonagesimi primi, quo ideo die IX Maii Ecclesia hunc egregium doctorem amisit. Eodem pariter anno Sigebertus in Chronico eam mortem consignat; nec haecenus aliquid proklam, quod utrumque errasse suspicandi locum praebet. Nec enim D. Hieronymus in lib. de Scriptoribus Ecclesiasticis, in quo haec de Gregorio Nazianzeno habet: « Decessit ante ferme triennium sub Theodosio principe », Suidae et Sigeberto contrarius est, nisi autumnat Baronius; quin potius eorum sententiam confirmat. Nam Hieronymus librum illum anno trecentesimo nonagesimo tertio, quo Theodosius die XIX Januarii annum decimum quintum inivit, et quindecennalia celebravit, in lucem emisit. Solebant quippe auctores (ut toties a me monitum) annis huiusmodi sollemniis dicatis, opera sua publicare. Quare eo in Opere Hieronymus loquitur de scriptoribus, qui usque ad annum Theodosii XIV inclusive, non vero exclusive, ut creditur Baronius, floruerunt; ipsumque in lucem dedit anno decimo quinto Theodosii, licet in eo tantum locutus fuerit de scriptoribus, qui ante eum imperatoris annum aliqua opera ediderant. Triennium itaque illud utrinque incompletum intelligendum. Aetas Nazianzeni adeo accurate a Suida memorata facit, ut ei in anno ejusdem mortuam fides omnino adhibenda sit.

5. *Aetas S. Gregorii Nazianzeni.* — Nam Gregorium aetate provectum fuisse, quando hominem exiit, ex ipso met Gregorio ostendit Papebrocius in Actis Sanctorum die IX Maii in Vita S. Gregorii Nazianzeni; ubi tamen Baronius (n. 13 et seqq.) opinionem, quoad annum mortis huius sancti, perperam amplexatus est. Gregorius in carmine de Vita sua, quod non diu post Caesaris fratris, et Gorgoniae sororis mortem, ac ante patris obitum composuit, ita queritur:

Jam caput albescit canis, rugosaque membra
Tristis ad occasum vitae mihi prona feruntur.

Neque *præmaturam* forte canitiem intelligas, sicut interpres metro serviens *præmaturam* ejus *senectutem* in eodem Carmine paulo post dixit. Non enim hoc habet textus græcus. Sed solum indicat *ἡλικίαν πρῶτον*, molestum scilicet temporalium, quas ante descriperat, curarum conflictum, ipsum quietioris vitae impatienter cupidum, κατὰ ῥῆμας ἐχρυσ, « præcipitaverit in senium », non quaecumque, sed veluti extremum; ideo enim addit, καὶ κατὰ πρὶ ῥῆμα, « et propendens in terram », quod silicetiorum est. Qui vero tunc canus et incurvus erat, quod in septuagenario sene non mirum, in viro quadragenario portentosum fuisset. Decennio post, cum morbo prohiberetur *Olympium* praesidem per se accedere reis civibus veniam oraturus, eundem appellans per epistolam 172, merito his verbis utitur: « Moveat te nostra canities; haec offerenda erit, atque annorum numerus ». Quot hi, aut que

illa, si anno trecentesimo vicesimo sexto, aut etiam serius natus fuerit Gregorius, ut Baronius contendit? *Patris canities et anni*, inquit Billius, sed perperam: suam enim propriam canitiem intelligit, suorumque annorum allegat numerum, talem utique qui præcipue debeat miserationem movere. Denique Gregorius Orat. 27 quomodo cum Constantinopoli verbo doctrinae insisteret, Ariani dictis sibi illuserint, narrans, non obliviscitur objectam sibi *membrorum contractionem ab aetate et morbo*; aetatem utique in nostra sententia annorum circiter octoginta tunc habens, juxta alios vero annorum quinquaginta quinque. Haec eruditè Papebrocius. Quare cum recte Soidas tradiderit, Nazianzenum nonagenario majorem extremos clausisse dies, eum in anno mortis ejus narrando errasse, prorsus improbabile.

6. *Theodosius Romae triumphat.* — Ad num. 49 et seqq. Idacius in Fastis sub hujus anni consulibus scribit: « Introivit Theodosius Aug. urbem Romanam cum Honorio filio suo, die iduum Januariarum, et dedit congiarium Romanis ». Imperatores enim anni, quibus triumphabant, uti Theodosius hoc anno Romae, congiarium distribuere soliti. Addit Marcellinus in Chronico, eum Urbe egressum kal. Septembris postquam triumphasset. Per tres illos menses Theodosius urbi Romae plurimum consuluit, teste Pacato in fine Panegyrici, tum variis constitutionibus, tum aliis modis. Gothofredus in Chronologia Codicis Theodosiani ait, colligi ex Claudiano, *Eucherium* Silicioni Romae natum, Theodosio ibi praesente. *Theodosius* Roma digressus Mediolanum rediit, ubi ante suum Romam adventum agebat. Baronius in iuxta auctoritate Socratis lib. 5, cap. 14, et Sozomeni lib. 7, cap. 14, scribit, utrumque imperatorem Romae triumphasse. Verum tam Socratem, quam Sozomenum hallucinatos non dubito. Certum quidem *Valentinianum* Romam venisse; cum variae leges Theodosio Valentinianae in Codice Theodosiano Romae datae legantur, nempe lex 18 *De haereticis*, data XV kal. Jul., lex 49 *De appellationibus*, data VIII kal. Aug., lex 2 *De feriis*, data VII id. Aug., lex unica *De mancipiis*, et lex 11 *De maleficis*, datae XVI kal. Sept., lex 5 *De Suariis*, data XV kal. Sept., lex 6 *De Suariis*, data VIII kal. Sept., et lex 5 *De aqueductu*, data V kal. Sept., ac denique lex ultima Codicis Justiniani *De servis fugitivis*, data VIII kal. Aug., quae leges omnes Romae ab utroque imperatore emissae et Albino praefecto Urbis inscriptae.

7. *Romae etiam Valentinianus fuit.* — Hujus Romanae protectionis testis est auctor Miscellae lib. 13, qui ait: « Tunc igitur imperatores Valentinianus et Theodosius peracta victoria Romam venerunt ». Et postquam sermonem habuit de variis, quae a Theodosio Romae gesta dicit, concludit: « His actis, relicto Valentiniano Romae, ipse cum Honorio Constantinopoli remeavit, consulatu Tatiani et Symmachi, IV idus Novemb. », anno nempe cccxc. Jam anno praecedenti Valentinianus Augustus Romam venerat. Zozimus enim lib. 4, pag. 769, scribit, Theodosium

dum Thessalonice esset, et postquam *Gallam* ejus sororem uxorem duxisset, utrumque Romam misisse : « Justinam quidem cum filio et filia navibus impositam et tuto deducturis traditam, Romam ablegat : persuasus Romanos libentissimis » animis hos excepturos, quorum a Maximo voluntates essent alienae. Adeo verum est, Valentinianum semel et iterum Romae fuisse.

8. *Solus Theodosius triumphavit.* — Verum unus Theodosius triumphavit, ut certos nos reddit Pacatus in Panegyrico, quem Romae Theodosio post triumphum dixit. In eo enim unicum semper imperatorem alloquitur, et numero ultimo loquens de iis, quae Romae egit, ait : « Ea vero quae Romae gesta sunt et geruntur, ingeniis permittenda Romanis sunt, qualem te Urbi dies primus inxerit : quis in curia fueris, quis in rostris ; ut pompam praeventium ferculorum curru modo, modo pedibus subsecutus, alterno claris incessu, nunc de bellis, nunc de superbia triumpharis ; ut te omnibus principem, singulis exhiberis senatorem ; ut crebro, civilique progressu, non publica tantum opera lustraveris, sed privatas quoque aedes divinis vestigiis consecraris, remota custodia militari, tutior publici amoris exhibui ». Profecto, si Valentinianum Theodosius triumphum consortem fecisset, aliqua hujus rei, aut saltem Valentiniani mentio in eo Panegyrico fieret ; cum tamen ne verbum quidem de Valentiniano Pacatus habeat. Hinc Rullinus, qui hoc tempore vivebat lib. 11, cap. 17, postquam de Maximi tyrannide locutus est, ait : « Adfuit Theodosius propter regni fidem, bonitatisque ac beneficiorum Gratiani memor : et in vindictam totius viribus Orientis insurgens, ultus est sanguinem justum. Valentiniani quoque impia inter haec matre defuncta », anno nempe praecedenti, ut ex Chronico imperiali Prospero anno cccxxxviii, num. 10, diximus, « fidem catholicam, quam ipsa violaverat, et regnum tyrannide depulsa restituit. Atque ipse posteaquam Romanam illustri triumpho invecus est, ad propria rursum regna remeavit », ubi de unico triumphatore loquitur Rufinus.

9. *Evagrius episc. Antiochenus.* — Ad num. 64, Bollandus in Actis Sanctorum die XVII Januarii in Vita S. Antonii abbat. paragrapho nono, ostendit, Baronium in *Evagrio*, qui hoc anno Paulino demerito in episcopatum Antiochenum successit, deceptum esse ab interprete latino operum sancti Basilii. Nam sanctus Basilius in epistola 8, quae est ad Eusebium Samosatorum episcopum, ait : « ο presβυτερος Εβαντριος ε υιου Πομπειανου τοῦ Ἀντιοχειου », id est, « Presbyter Evagrius filius Pompeiani Antiocheni ». Et tamen interpres perperam vertit : « Senior Evagrius filius Pompeiani Antiocheni ». Qua ex prava interpretatione deducit Baronius, alium *Evagrium* illo juniori eodem tempore vixisse, et ex uno Evagrio duos facit. Jam ipsius Juliani imperatoris temporibus doctrinae opinione clarus erat *Evagrius*, qui sanctum Eusebium Vercellensem episcopum in Italiam redeuntem comitatus est, ut testatur sanctus Basi-

lius in laudata epistola. Contra Auxentium episcopum Mediolanensem insurrexit cum sanctis Eusebio et Hilario Pictaviensi episcopo, ut elicitur ex epistola 49 Hieronymi, qui et in ejus comitatu se in Syriam profectum indicat epist. 41 ad Rufinum. Denique Vitam sancti Antonii Magni ab Athanasio graece vulgatam, latine interpretatus est, ut docet Hieronymus lib. de Ecclesiast. Script.

10. *De Evagrio Baronius satis edoctus non fuit.* — Ad num. 64. Baronius modo eum parentem facit junioris Evagrii, qui postea fuerit episcopus Antiochie : ita anno cccclxii, numero 226, modo dicit, haud exploratum satis habere potuisse, quis infracto animo *Evagrius* contra *Auxentium* steterit ; ita anno cccclxix, numero 27. Rursus anno cccclxxii, numero 28, illum eundem asserit, qui olim cum Eusebio Vercellensi in Italiam abierat, et jam socius S. Hieronymi peregrinatus ad sanctum Basilium in Cappadociam, indeque in Syriam redierat. Denique mox eundem presbyterum facit, et 43 episcopum postea consecratum, quod in sancti Malchi Vita eum sanctus Hieronymus *papam* appellet. Et tamen unus idemque Evagrius est, qui cum sancto Eusebio in Italiam profectus, quique Paulini Episcopi Antiochenensis successor designatus est, ut colligitur ex Socrate lib. 5, cap. 12, Sozomeno lib. 7, cap. 15, et Theodoretto lib. 5, cap. 25. Haec docte Bollandus, cui suffragatur Valesius in Notis ad lib. 6 Sozomeni, cap. 3.

11. *Bonosus episcopus Sardicensis fuit.* — Ad num. 72 et seq. Marius Mercator in Appendice ad contradictionem xii Anathematismi Nestoriani ait : « Ebionem philosophum secutus Marcellus Galata est : Photinus quoque, et ultimis temporibus Sardicensis Bonosus, qui a Damaso urbis Romae episcopo praedamnatus est ». Est Sardica civitas metropolis Bacie, ac Macedoniae finitima. Ignoratum huc usque fuerat, cui Ecclesiae Bonosus praefuisset, minusque M. Mercator nos hoc docuit. Quod a Mercatore dictum confirmat Capuensis Synodi decretum, quo Bonosi iudicio postulati causa Anysio Thessalonicensi et Macedonibus episcopis demandata est, ubique secundum Ecclesiae canones, quibus cavetur, ut episcopus quisque reus a finitimis coepiscopis judicaretur, non tamen a suis subditis, si metropolitani sit. Incertum pariter fuerat *Bonosum* a Damaso praedamnatum esse ; quod nihilominus pars secunda epistolae, quam Damasus ex Synodo Romana ad Paulinum Antiochenum scripsit, probat : « Si quis dixerit, Verbum pro humano sensu in Domini carne versatum, hunc Catholica Ecclesia anathematizat : necnon et eos, qui duos in Salvatore Filios confitentur, etc. » Bonosus enim in eo maxime errabat, quod duos in Christo Filios confiteretur, aeternum unum, alterum temporalem. Porro, inquit Garnerius in Dissert. de Haeresi Nestorii cap. 4, paragrapho 6, quia Mercator *praedamnatum* ait a Damaso Bonosum, id est, prius damnatum, quam haeresim proderet, ratio ducitur, qua, ut caetera delicerent, aliquidicaretur Damaso epistola ad

Illyricianos : neque enim vere diceretur Pontifex prædaminasse *Bonosum*; quippe quem auctor epistole sua sententia intactum iudicibus a Synodo electis iudicandum relinquat. Cæterum, epistola illa ad Illyricianos perperam divo Ambrosio adjudicata. Holstenius in Collectione Romana eam tribuit Siricio pape: an ex conjectura, vel ex fide alicujus Codicis MS. incertum; cum is suæ opinionis fundamentum non perdiderit.

12. *Serapii eversio*. — Ad num. 76 et seqq. Marcellinum in Chronico secutus est Baronius, quando scripsit *Serapidis* templum, totius Ægypti pulcherrimum, *Theodosii Magni* jussu hoc anno eversum fuisse. Verum illud anno tantum trecentesimo nonagesimo primo factum. Sozomenus enim lib. 7, cap. 16, de *Serapio*, templo nempe illo nobilissimo loquens, ait: « Erat tunc temporis dux militum in Ægypto Romanus: Evagrius vero præfectus Augustalis erat Alexandriæ ». Socrates lib. 5, cap. 16, de ejusdem templi eversione disserens inquit: « Præfectus Alexandriæ et dux militum Ægypti Theophilo » episcopo Alexandrino « suppelias tulere ». Quare, cum lex 11 Codicis Theod. *De paganis*, data *XV kalend. Jul. Aquileia, Tatiano et Symmacho coss.* anno sc. cccxci, qua *per Ægyptum* sacrificia, aditusque templorum interdiciuntur, inscripta sit, « Evagrio PF. Augustali et Romano comiti Ægypti »; non videtur dubium, quin *Serapii* excidium ad illum annum revocandum sit. Præterea Prosper in Chronico imperiali recitat hanc demolitionem anno VIII Theodosii Magni post Gratiani necem imperantis. Is autem occisus anno cccclxxxiii, mense Augusto: ideoque octavus ille annus, anno Christi cccxc inchoatus, sequentique absolutus.

13. *Hanc anno cccxci alligandam magis confirmatur*. — Denique Ammianus in lib. 22, pag. 324, *De Serapeo*, ut adhuc stante, loquitur, et tamen in lib. 26, pag. 317, *Neotherii* consulis meminit: hunc autem magistratum gessit *Neotherius* anno cccxc. Non dubito itaque, quin Marcellinus in Chronico, ubi toties in chronologia peccat, hallucinatus fuerit. Neque audiendus Valesius in Notis ad lib. 5 Socratis, cap. 16, dicens, *Cynegium* præfectum prætorio, cum anno cccclxxxviii in Ægyptum missus fuisset, in mandatis accepisse, ut templa Gentilium everteret, quemadmodum scribit Zozimus lib. 4, pag. 762, et Idacium in Fastis eo anno tradere, id *Cynegium* executum fuisse. Nam accidere potuit, ut *Cynegius* anno cccclxxxviii demortuus omnia templa evertere non potuerit, vel seditionem timens ab isto disturbando abstinerit. Præterquam quod Idacius tantum habet: *Simulacra gentium evertit*, id est, statuas, vel denique multa templa, sed non omnia. Certe si omnia *Cynegius*

disturbasset, constitutione 2 *De Paganis* opus non fuisset.

14. *Prava loci Eunapii versio emendatur*. — Baronius refert egregium locum *Eunapii* in *Ædesio* de hujus delubri eversione loquentis; sed Junii pravam interpretationem secutus est, quam Gothofredus in Commentario legis laudatæ 2 *De Paganis*, emendavit: « Vix ex hac vita migraverat », inquit *Eunapius*, « eum et cultus numinis apud Alexandriam; et *Serapidis* delubrum disturbata, dissipataque fuere. Non religio tantum, sed universa fabrica, eum habuerant exitum, quem poetarum fabulæ tribuunt gigantum victoriæ: simile enim quid Canobii templis accidit imperante tunc Theodosio, prætorii præfecto Theophilo, piaculari homine, et Enrymedonte quopiam, qui

Late rex tumides inter sax-sque gigantes
Primum tenuit.

Venero tunc Urbis Præfecto Politico et Romano Ægypti legiones cum imperio obtinente, etc. » Verum *Theophilus* non præfectus prætorio, sed episcopus Alexandrinus erat; neque enim hoc dicit *Eunapius*, sed *Θεόφιλος πρεσβύτερος*, id est, *Theophilo se ducent præbente*, vel *presidente*. Episcopi namque Græcis *πρεσβύτερος* quoque καὶ *πρεσβυτέρων*, ut Latinis *presidere*, *presides*, *præsules*, *antistites* dicti, quod omnibus notum. Zozimus sane et ipse gentilis, hanc quoque, *Theophilo* episcopo instante, templorum stragem lib. 4, pag. 779, perstringit. Secundo, loco horum verborum: *Ἐδελίος δὲ τὴν πολιτικὴν ἀρχὴν ἀρχόντες*, legendum, *Ἐπαρχίος*; ac vertendum: *Evagrio res civiles administrante*. *Evagrius* itaque non præfectus Urbis, ut perperam vertit Hadrianus Junius, sed *præfectus Augustalis* erat, ut præter legis laudatæ inscriptionem testantur Socrates, ac Sozomenus pariter laudati.

15. *Templa Gentilium diu steterunt*. — Ex citata lege *De Paganis*, discimus, anno cccxci *Serapidis* templum sacraque excisa fuisse Alexandriæ; cum ea sub *Constantino* adhuc stetissent; quod testatur *vetus orbis Descriptio* sub eo edita: imo et sub *Theodosio Magno* hujus legis auctore anno cccclxxxviii vel insequenti, ut testatur Libanius in Orat. *Ἐπὶ τῶν ἱερῶν*, a Gothofredo edita, quo tempore et *Romæ* quoque hæc sacrificia stetisse docet. Quo ipso docemur, inquit Gothofredus loco citato, etiam Orationem habitam ante hanc legem, ut et 10 Codicis Theod. *De Paganis*, datum anno cccxci. Denique gentilibus reliquis in totum suppressæ anno ccli edicto Valentiniani III et Marciani, ut legere est eo anno in *Analibus* numero ult.

SIRICII ANNUS 6. — CHRISTI 390.

1. *Ob cladem Thessalonice factam, insignis, Ambrosio obijurgante, Theodosii penitentia et reconciliatio.* — Nonagesimo supra trecentessimum Christi anno Valentinianus Augustus quartum aggressus est consulatum, collegam nactus Neoterium. Antequam autem ad hujus anni Theodosii imperatoris res gestas enarrandas stylum admoveamus, vetus monumentum ejusdem anni conscribitur hic reddamus; quo valde admireris reperiri his temporibus Theodosii, cum Romæ adhuc ipse moraretur, dicatam ibidem fuisse aram ad sacrificia, in qua sculpti superne arietes quinque, singuli scilicet in singulis angulis, atque unus in fronte, iidemque omnes mactati jacent, et in dextero latere aries adstat sub pinnâ, a qua tympanum et fistula compactæ et crotala dependent, a sinistro vero latere sub altera pinnâ duæ fistulae et facies transversæ, omnia ad usum sacrificii comparata: inscriptio vero sic se habet¹:

DD. NN. FL. VALENTINIANO. ET. GRATIANO. IMPP. SUI. CEIONII. RIFICI. VOLUSIANUS. V. C. ET. ILLUSTRIS. EX VICARIO. ASLE. ET. CEIONI. RUFL. VOLUSIANI. V. C. ET ILLUSTRIS. EX. PREFECTO. PRETORIO. ET. EX. PREFECTO. URBIS. ET. CECINE. LOLLIANE. CLARISSIME. ET ILLUSTRIS. FEMINE. DEE. ISIDIS. SACERDOTIS. FILIUS ITERATO. VIGINTI. ANNIS. EX. PERCEPTIS. TAUROROLIS VI. ARAM. CONSTITUIT. ET. CONSECRAVIT. X. KAL. JUN. D. N. VALENTINIANO. AUG. ET. NEOTERIO. COSS.

Potuitne fieri, ut post tot leges a Theodosio adversus sacra Gentilium editas, ipso etiam adhuc Romæ agente, et ut ita dicam, ob oculos ejus nova constitueretur ac dedicaretur ara, cum nec unam Victoriæ restitui, Gentilium laborante senatu, et admittente Symmacho, ipse concessisset, imo et eam ob causam anno superiore (ut vidimus) eundem Symmachum mulcasset exilio? Quamobrem in eam sententiam volentes magis inuis, ut ea omnia a Volusiano secreto in propriis adibus facta fuerint ad privatorum sacrorum usum. Porro de Volusiano deorum cultui addictissimo illud modo sciendum,

laborasse plurimum S. Augustinum jam episcopum, ut cum ad fidem capessendam induceret, id exopesciente ejus matre ad Christum jam ante conversa; ipsum tamen resistentem atque obuitentem usque ad ultimam senectutem ethnicum permansisse: eum tandem morbo detentus, agente apud eum Melania juniore ejus nepte, baptizatus bene christianus ultimum clausit diem: sed de his suo loco dicendum quinto Annalium tomo.

2. Hoc ipso anno Theodosius imperator, qui anno superiori recedens ab Urbis mense Septembris (ut vidimus) Mediolanum se contulerat, ibidem degens, ob cladem Thessalonicensium perpetrata a S. Ambrosio repellitur ab Ecclesia, ac nonnisi publice acta penitentia, in eam admittitur. De re tanta narrationem aggressuris, cur hoc potissimum anno a nobis ponatur, ratio in primis reddenda est. Sed ante omnia confutanda illorum sententia, qui dixerunt, ea contigisse post secundum Theodosii in Italiam adventum, postque debellatum Eugenium: ejus sententiæ auctor est Sozomenus¹, quem vix unum vel duos reperiens ex recentioribus sequentes, cum innumeri ferme sint qui ea omnia ad tempus post debellatum Maximum referant, secuti Rufinum², Paulinum³, atque Theodoretum⁴. Inconstans pariter assertio reperitur, cum Thessalonicensium eadem tunc evenisse dicant, cum de differenda executionis sententia triginta diebus Theodosius legem tulit: nam nullo penitus pacto coheret tempus ejusmodi late legis cum temporibus debellati ab eodem Theodosio Maximi. Etenim data illa lex ponitur⁵ Verona sub consulatu Antonii et Syagrii, anno Domini trecentesimo octogesimo secundo, adhuc superstite Gratiano, a quo lata habetur, cum nondum Theodosius in Occidentem rediisset; quod post septimum a tempore late legis evenit, de qua modo dicendum inferius.

3. Cum igitur ad tempora primi in Italiam Theodosii adventus ejusmodi Thessalonicensis clades referenda sit, constetque ipsum Theodosium moram duxisse in Occidente ad sequentem usque

¹ Impressam et descriptam habes apud Smetium Inscr. antiqua, pag. 20. num. 2.

¹ Sozom. lib. vii. c. 24. — ² Rufin. lib. ii. c. 48. — ³ Paulin. in Vit. S. Ambros. — ⁴ Theod. lib. v. c. 17. — ⁵ L. xiii. de penis Cod. Theod. et Cod. Justin. eod. tit. l. si vindicari.

annum; quoto potissimum anno ejus in Italia commorationis id acciderit, perversigandum est. Non quidem primo evenit anno, quo Maximum debellatum mense Augusti diximus: nam cum post necem Maximi confugerit Ambrosio agere apud Theodosium pro episcopo qui incenderat synagogam, et aliis, nullam prorsus ejus rei habuit mentionem; qua necessario inserenda fuisset, id exigente argumenti ratione, si ante accidisset. Sed et cum octo menses intercessisse Theodoretus dicat¹ a tempore excommunicationis usque ad reconciliationem, quae tempore Natalis Domini contigit; non patiuntur angustiae temporis, ut primo anno haec facta esse dicantur; nec item anno sequenti, quo vidimus Theodosium non in luctu (ut ferunt²) et poenitentia egisse Mediolani, sed scimus profectum esse mense Junii Romam, deque extincto tyranno una cum Valentiniano triumphasse. Quamobrem reliquum est, ut affirmare necesse sit, hoc ipso anno, vel sequenti, ea de clade Thessalonicensi ac poenitentia Theodosii contigisse. Sed cum non detur locus vel tempus, ut dici possit ea obvenisse anno sequenti, siquidem mense Novembris ejus anni recedens ex Italia reversus est Constantinopolim, ut demonstrabitur; ex necessaria proposita in luctu, affirmandum est, ea omnia presenti anno contigisse, quo Theodosium consedissee Mediolani, ex datis ibi rescriptis apparet.

4. His igitur de tempore declaratis, de spinetis difficultatum emergens oratio ad rei geste narrationem prosiliens, alia adhuc parumper praepeditur dubitatione, quod dixerint alii, cladem Thessalonicensem, cum Theodosio ibi esset, factam esse: sed perspicui hi redarguuntur erroris, cum antequam fieret, constet Ambrosium Mediolani apud eundem Theodosium intercessisse, ut Thessalonicensibus noxam sceleris perpetrati remitteret: quod quidem tum ejusdem Ambrosii, tum aliorum testificatione, subsequens oratio demonstrabit. Ingrediamur jam pede libero historiam ipsam ex diversis antiquis historicis concinnatam, atque in primis ex Sozomeno³, cum ab exordio auspicatur his verbis facinus a Thessalonicensibus perpetratum: « Erat, inquit, peccati insinulatio hujusmodi: Bothericæ tum temporis apud Illyricos militum praefecti auriga, pincernam domini impudice intuitus, de stupro interpellarat; eaque de causa comprehensus, in vineulis erat. Instante autem solenni equestri certamine, populus Thessalonicensis illum, veluti ad eam concertationem necessarium, dimitti postulabat. Quod quoniam non impetrabat, in gravem seditionem effervuit, ac tandem etiam Bothericam ipsum interfecit. Qua re munita, imperator praeter modum exanduit, et certum eorum numerum qui adfuerant, interfici praecipit: ex quo civitas multis injustis caedibus impleta fuit ». Haec Sozomenus de facinore Thessalonicensium et in eos a Theodosio decreta vindicta.

5. Sed non quidem ab eo tunc ibi praesente, nec statim, verum ut Paulinus et alii testantur cum jam ante sanctus Ambrosius apud Theodosium pro illis egisset, atque etiam indulgentiam impetrasset: nam ait¹: « Promiserat enim Ambrosio imperator, se veniam daturum civibus supradictae civitatis; sed agentibus comitibus occulte cum imperatore, ignorante sacerdote, usque in horam tertiam gladio civitas est donata; atque plurimi interempti innocentes ». At non uno Ambrosio interpellante, sed aliis quoque episcopis id agentibus, veniam Theodosium Thessalonicensibus impertitum esse, S. Augustinus affirmat², sed tumultu quorundam, qui ei colerebant, vindicare compulsum: verum puto Ambrosium per litteras rem gessisse; siquidem ex ejus ad eundem Theodosium litteris postea datis constat, post tantam caedem patratam, redeunti Mediolanum imperatori ipsum Ambrosium communionem ecclesiasticam denegasse.

6. Sed unde, quæso, tanta fiducia comitibus Theodosii, ut a pollicitatione veniae auderent principem revocare? et quibus ab illis valuit Theodosius argumentis intellecti, ut quod promississet episcopis, non praestaret? Audi, quænam a magistratibus tunc videantur justitiae specie potuisse ingeri Theodosio: pro arbitrio nimirum et ratione temporis debere principem adhibere misericordiam et indulgentiam, atque rigorem temperare justitiae; ab his vero tunc abstinendum, cum rerum experientia constaret, ex ea subditos reddi contumeliosos, perturbatos, atque ad delinquendum faciliores; adeo ut nisi mox severitas legum invigilaret, et gladius potestatis occurreret, nulla amplius futura esset securitas magistratibus: periclitandamque mox salutem imperatoris, si impune liceret populo leges pedibus proculcare, et conferto agmine appellere magistratus. Rursum vero his addere, hanc omnem audaciam illis non aliunde suppeditari, quam ex nimia principis indulgentia: nam si lege actum esset (ut par esse videbatur), adversus Antiochenos scelus immanissimum perpetrantes, cum ipsius atque Augustæ defunctæ statuas deiecere, ac tanta ignominia pertraxere; laud Thessalonicensium animi in necem praefecti militum adeo immaniter exarsissent, sed cohibiti fuissent timore vindictæ, et inflexibilis ad veniam severitas principis continuisset eosdem quantumlibet effratos in officio. Quod item in Antiochenos ultum non esset, animatos etiam improbos Arianos, tot legibus exagitatos, summa ex indulgentia principis armatos fiducia, non esse veritos in tanta civitate tam immane scelus, neglectis magistratibus et ipso Arcadio Augusto filio Theodosii, vi publica perpetrare, cum Constantinopoli (quod dictum est) insilientes in domum episcopi, eam incendio concremarunt.

7. Sed quod Arianis etiam immeritis fuerit indulgentia impertita, Catholicis quoque grassandi in synagoga Judæorum et in aedes Valentinianorum

¹ Theod. l. v. c. 17. — ² Theod. ib. — ³ Sozom. l. vii. c. 24.

¹ Paulin. in Vit. S. Ambr. — ² Aug. de Civit. Dei, lib. v. c. 25.

audacia subministrata fuisse videri poterat : et ad postremum, quod sicut illis, ita et istis e ditissimo promptuario clementiae principis fuerit hausta venia, poenae remissio abundantius misericordia erogata ; his exemplis, veluti ad delinquendum illecebris, Thessalonicenses ex levissima causa tam dira animo concepisce, tamque crudelia opere perpetrasse : quibus si ex sententia episcoporum ignoscereetur, jam de salute imperii actum esset, cum jam audacibus quibusque impune quodvis aggredi scelus et attentare flagitium liceret : adeo ut nullum pame remedium foret ad prostratam imperatoriam potestatem ac majestatem erigendam, comprimendamque exerescentem audaciam, quam si in Thessalonicenses acerbis vindicaretur ; ut non tantum compensaret admissum facinus vindictae severitas, sed superfluum et excedens supplicium timore sui revocaret contempta haecenus jora, exulemque custodia legum partem populorum tranquillitatem atque modestiam postliminio restitueret. Docere namque hoc ipsum simul naturam cum arte ; cum ut bene consulatur universo corpori, quod fomentis et olei lenitate curari non potuit, tabidum membrum ferro secetur, sectumque igne adustum consolidetur.

8. Haec plane sunt, quae putamus a comitibus tunc fuisse imperatori suggesta : quibus ille adeo persuasus, oblitus quod pollicitus erat episcopis, de vindicando in populum Thessalonicensem animo effrato rescripsit, cum sic ipse a natura compositus esset moribus (quod ait Ambrosius ¹), ut in aequilibratio posita facile vel impelleretur ad veniam, vel etiam commoveretur in iram, atque adeo ut se ipsum ab ea revocare vix posset. Ista autem a nobis eo sunt inculcata consilio, ut ex his Theodosii pietas magis elucescat : qui cum haec omnia pro sui excusatione haberet quae adversum redarguentem Dei sacerdotem obtenderet, quibus iustam vel apparentem saltem defensionem pararet ; his tamen omnibus spretis atque contemptis, Dei sacerdoti magis, quam sibi ipsi sententiaeque familiarium detulit, atque paruit. Magnum quidem haec sunt ponderis, si aequo recte aestimationis libramento pensentur ; ut non declinaverit os ejus ad verba malitiae (ut David ² ait), imo nec praetense justitiae, ad excusandas excusationes in peccatis : sed absque controversia a se inique admissum existimaret, quod sententia Dei sacerdotis ita esse decretum fuisset.

9. Qualis namque ipse Theodosius natura compositus esset, et quam facilis ad ignoscendum, S. Ambrosius declarat his verbis ³ : « Beneficium se putabat accepisse Augustae memoriae Theodosius, cum rogaretur ignoscere ; et tunc propior erat veniae, cum fuisset commotio major iracundiae. Praerogativa ignoscendi erat, indignatum fuisse ; et optabatur in eo quod in aliis timebatur, ut irascereetur. Hoc erat remedium reorum : quoniam cum haberet super omnes potestatem, quasi parens expostulare

malebat, quam quasi Iudex punire. Saepe trementes vidimus quos objurabat, et convictos sceleris cum desperassent, solutos crimine. Vincere enim volebat, non plectere, aequitatis iudex, non poenae arbiter, qui nunquam veniam confitenti negaret ». Haec de moribus Theodosii S. Ambrosius : quos cum probe nossent qui illi inherentes a consiliis erant, magna diligentia caverunt, neque ab imperatore, ipsis persuadentibus, statuta erant, S. Ambrosio innoscerent : ea enim adversus Thessalonicenses non ipse Theodosius solus animo furore concitato decrevit ; sed res mature est acta in consistorio, ad quod non tantum ne Ambrosius accederet, verum et curatum est ne ipse sciret, quae statuta essent ; quod timeretur, ne pro illis rogando veniam, rem impediturus esset : haec quidem omnia in litteris postea ab Ambrosio ad Theodosium scriptis expressa habentur, quas paulo post recitabimus. At quid post haec, cum decretum ab ipsis in consistorio fuit executioni mandatum ?

10. Accidit quidem, ut sicut incensa flamma nesciat certis limitibus contineri, sed latius progrediatur, cum venti vehementioris flatu percellitur ; ita vindicta in Thessalonicenses delinquentes ab imperatore statuta, aequae insontes cum sentibus, quasi turbo violentus obvolverit : ait enim Rufinus ⁴ : « Ad Circenses invitari populum, eique ex improvviso circumfundi milites, atque obtruncari passim, ut quisque occurrisset, gladio jobet, et vindictam dari non crimini, sed furori ». Haec ipse. Verum nequaquam unius circi limitibus valuit ira furentium militum cohiberi ; sed foras progressi, omnes quos reperissent, veluti hostes gladii confodere : « Nam civitas, inquit Sozomenus ⁵, multis injustis caedibus adimpleta fuit. Siquidem et peregrini, qui modo vel adnavigaverant, vel de via advenerant, ex improvviso apprehendebantur : fiebantque miserae clades, in quibus et haec quoque. Mercator pro filiis suis duobus captis se ipsum offerens, orabat ut filiis servatis, ipse intericeretur ; et in ejus facti mercedem, auri quicquid habebat, militibus pollicebatur. Illi calamitatem hominis miserati, pro uno ex filiis, quocumque vellet, supplicationem admittunt : duos vero dimittere, tutum sibi non esse dicunt, ob id quod nunquam deliceret. Pater itaque utrumque lamentabundus ac plorans intuitus, neutrius electionem facere sustinuit ; sed in continua hesitatione, donec interticeretur ambo, suspensus mansit, aequali utriusque amore victus. Quin etiam frugi quendam servum accepi, pro domino suo, qui ad lanienam raptabatur, alacriter tunc oppetisse mortem ». Haec Sozomenus. Porro septem milia hominum caesa fuisse, Theodoretus affirmat ⁶ ; ad triumphae horarum spatium saevisse gladium, Paulinus ait ⁷.

11. Tam immanis Thessalonicensium caedis perpetratae nuntium mox in Occidentem perlatum

¹ Ambrosii, epistolae, XXVIII. — ² Psalmus, XLVIII. — ³ Ambrosii, oratio, in funere Theodori.

⁴ Rufini, l. II, c. 18. — ⁵ Sozomeni, l. VII, c. 24. — ⁶ Theodori, l. V, c. 17. — ⁷ Paulini, in Vita S. Ambrosii.

est, auditumque Mediolani non ab Ambrosio solum, sed et ab episcopis qui synodi causa convenerant; qui et infandum facinus deplorarunt, auctoremque ipsum imperatorem vehementer detestati sunt. Ambrosius vero ipse, qui inter eos locum principem obtinebat, vindex acerrimus insurrexit, atque armis quibus licuit, nempe spiritualibus, aggredi ipsum imperatorem instituit: ac primum omnium veluti quibusdam missilibus longe adhuc positum, litteris appetiit, quibus significavit, ipsum ob patratas Thessalonicensium cedes indignum se ecclesiastica communione penitus reddidisse, atque ab ipso ingressu Ecclesiae separatum: sed unam illi viam salutis esse relictam, ut poenitentiam agendo promeretur ab Ecclesia indulgentiam. At describamus hic ejus epistolam, eo tempore ad ipsum Theodosium scriptam¹:

« Augustissimo imperatori Theodosio Ambrosius.

« Et veteris amicitiae dulcis mihi recordatio est et beneficiorum, quae crebris meis intercessionibus summa gratia in alios contulisti, gratiae memini. Unde colligi potest, quod non ingrato aliquo affectu adventum tuum semper mihi antehac exoptissimum declinare poterim. Sed qua causa hoc fecerim, breviter expediam. Soli mihi in tuo comitatu jus naturae ereptum videbam, ut audiendi et loquendi privarer munere. Motus enim frequenter es, quod ad me pervenissent aliqua, quae in consistorio tuo statuta forent. Ego ergo expers communis usus sum, cum dicat Dominus Jesus², nihil esse occultum, quod non manifestetur? Verecundia igitur qua potui, satisfacere imperiali arbitrio; et prospexi ne aut ipse causam commotionis habeas, cum id egerim, ne quid ad me de imperialibus deferatur statutus: aut ego cum fuero praesens, aut non audiam per metum omnium, et quasi conviventis famam subibo; aut ita audiam, ut mihi aures pateant, vox intercludatur, ut audita non possim eloqui: nec eos qui in suspicionem prodilionis venerint, laedam in periculo.

13. « Quid igitur facerem? Non audirem? sed aures non possem cera veterum fabularum claudere. Proderem? sed quod in tuis jussis timerem, in meis verbis deberem cavere, ne quid crudele committeretur. Tacerem? sed quod miserrimum foret omnium, alligaretur conscientia, vox eriperetur. Et ubi illud: Sed si sacerdos³ non dixerit erranti; is qui erraverit, in sua culpa morietur, et sacerdos reus erit poenae, quia non admonuit errantem? Accipe illud, imperator Auguste. Quod habes fidei studium, non possum negare: quod Dei timerem, non diffiteor. Sed habes naturae impetum, quem si quis lenire velit, cito vertes ad misericordiam: si quis stimulet, in majus exuscitas, ut eum revocare vix possis. Utinam si nemo mitigat, nullus accendat. Libenter eum committo tibi; ipse te revocet, et pietatis studio vincis impetum naturae. Ilunc

ego impetum malui cogitationibus tuis secreto committere, quam meis factis publice fortassis movere (monere). Itaque malui officio meo aliquid deesse, quam humilitati, et requiri in me ab aliis sacerdotis auctoritatem, quam a te desiderari in me ananissime honorificentiam, ut represso impetu, integra esset consilii eligendi facultas. Pretendi agilitudinem corporis revera gravem, et nisi a viris mitioribus, vix levandam; vel emori tamen (tandem) maluissem, quam adventum tuum biduo aut triduo non expectarem: sed quid facerem non erat.

14. « Factum est in urbe Thessalonicensium quod nulla memoria habet, quod revocare non potui ne fieret, imo quod ante atrocissimum fore dixi, cum totiens rogaem; et quod ipse sero revocando, grave factum putasti, hoc factum extenuare non poteram. Quando primum auditum est, cum propter adventum Gallorum episcoporum Synodus convenerat, nemo non ingemuit, nullus medioeriter accepit, non erat facti tui absolutio in Ambrosii commuione. In me etiam amplius commissi exaggravatur invidia, si nemo diceret Dei nostri reconciliationem fore necessariam. An pudet te, imperator, hoc facere, quod rex propheta auctor Christi secundum carnem prosapie fecit David? Illi dictum est⁴: quia dives qui haberet plurimos greges, unam pauperis ovem propter adventum hospitis eripuit et occidit; et cognito quod in hoc ipse argueretur, quia ipse fecisset, ait: Peccavi Domino. Noli ergo impatienter ferre, imperator, si dicatur tibi: Tu fecisti istud, quod David regi dictum est a propheta. Si enim hoc sedulo audieris et dixeris: Peccavi Domino: si dixeris regale illud propheticum⁵: Venite adoremus, et procidamus ante eum, et ploremus ante Dominum nostrum qui fecit nos: dicitur et tibi: Quoniam poenitet te, dimittit tibi Dominus peccatum tuum, et non morieris. Iterum cum plebem numerari jussisset David, percussus est corde, et dixit ad Dominum⁶: Peccavi vehementer, quod fecerim hoc verbum; et nunc, Domine, aufer iniquitatem servi tui, quod deliqui vehementer. Et missus est iterum ad eum Nathan propheta, qui ei trium optionem conditionum offerret, ut quam vellet, eligeret, famem tribus annis in terra, aut tribus mensibus fugere a facie inimicorum suorum, aut triduo mortem in terra. Et respondit David: Augustiae sunt tria haec vehementer: verumtamen incidam in manus Domini, quoniam multae misericordiae ejus nimis: et in manus hominis non incidam. Culpa autem erat, quoniam voluit scire numerum totius plebis quae secum erat; quod scire, Deo soli debuit reservare. Et eum, inquit, mors fieret in plebe; ipso primo die, ad horam prandii cum vidisset David percutientem angelum in plebem, ait David: Ego peccavi, et ego pastor malignum feci, et hic grex quid fecit? Fiat manus tua in me et in domum patris mei. Itaque poenituit Dominum, et jussit angelo ut parceret plebi, sacrificium autem offerret

¹ Ambrosii epistolae. XXVIII. — ² Luc. VIII. — ³ Ezech. III.

⁴ Reg. XII. — ⁵ Psal. XCIV. — ⁶ 2. Reg. XXIV.

David. Erant autem tunc sacrificia pro delictis : hæc nunc sunt sacrificia poenitentiae. Itaque ea humilitate acceptior Deo factus est.

15. « Non enim mirandum, peccare hominem ; sed illud reprehensibile, si non se cognoscat errasse, non humiliet Deo. Job sanctus et ipse potens in sæculo ¹ ait : Peccatum meum non abscondi, sed coram plebe omni annuntiavi. Ipsi immuni regi Saul dixit ² Jonathas filius suis : Noli peccare in servum tuum David, et, ut quid peccas in sanguinem innocentem, occidere David sine causa ? Quia etsi rex erat, peccabat tamen, si occideret innocentem. Denique etiam David ³ cum jam regno potiretur ; et audisset Abner innocentem occisum a Joab duce militiæ suæ, ait : Innocens sum ego et regnum meum amodo et usque in æternum a sanguine Abner filii Ner ; et jejunavit in dolore.

16. « Hæc ideo scripsi, non ut te confundam, sed ut regum exempla provocent, ut tollas hoc peccatum de regno tuo. Tolle autem, humiliando Deo animam tuam. Homo es, et tibi venit tentatio ; vince eam. Peccatum non tollitur nisi lacrymis et poenitentia. Nec angelus potest, nec archangelus : Dominus ipse, qui solus potest dicere ⁴ : Ego vobiscum sum. Si peccaverimus, nisi poenitentiam deferentibus non relaxat. Suadeo, rogo, hortor, admonéo ; quia dolori est mihi, ut tu, qui pietatis inauditæ exemplum eras, qui apicem clementiæ tenebas, qui singulos nocentes non patiebaris periclitari, tot periisse non doleas innocentes. Etsi in præliis felicissime egeris, etsi in aliis quoque laudabilis ; tamen apex tuorum operum pietas semper fuit. Id tibi invidit diabolus, quod habebas præstantissimum. Vince eum, dum habes adhuc unde possis vincere. Noli peccato tuo aliud peccatum addere, ut usurpes quod usurpasse multis officit.

17. « Ego certe in omnibus aliis licet debitor pietati tuæ, cui ingratus esse non possum, quam pietatem multis imperatoribus præferebam, uni adæquabam : ego, inquam, causam in te contumaciæ nullam habeo, sed habeo timoris ; offerre non audeo sacrificium, si volueris assistere. An quod in unius innocentis sanguine non licet, in multorum licet ? Non puto. Postremo scribo mea manu quod solus legas. Ita me Dominus ab omnibus tribulationibus liberet ; quia non ab homine, neque per hominem, sed aperte mihi interdictum adverti. Cum enim essem sollicitus, ipsa nocte qua proficisci paravi, venisse quidem visus es ad ecclesiam ; sed mihi sacrificium offerre non licuit. Alia prætereo ut potui cavere : sed pertuli amore tuo, ut arbitror. Dominus faciat, ut omnia cum tranquillitate cedant. Multifarie Deus noster admonet, signis celestibus, Prophetarum præceptis, visionibus etiam peccatorum vult nos intelligere, quo rogemus eum, ut perturbationes auferat, pacem vobis imperantibus servet, fides Ecclesiæ et tranquillitas persevere, cui prodest christianos et pios esse imperatores.

Certe vis probari Deo ? Omnis rei tempus, ut scriptum est : Tempus ¹, inquit, facienda, Domine ; et ² tempus beneplaciti Deus. Tunc offeres, cum sacrificandi acceperis facilitatem, quando hostia tua accepta sit Deo.

18. « Nonne me delectaret, habere gratiam imperatoris, ut secundum voluntatem tuam agerem, si causa pateretur. Et simplex oratio sacrificium est : hæc veniam refert, illa offensionem ; quia hæc habet humilitatem, illa contemptum. Dei enim vox est, quod malit ut fiat mandatum ejus, quam deferatur sacrificium. Clamat istud Deus, ad populum Moyses annuntiat, ad populos Paulus prædicat. Id facio quod intelligis in tempore plus placere. Misericordiam ³, inquit, malo quam sacrificium. Quare non illi magis sint Christiani qui peccatum condemnant summum, quam qui defendere putant ? Justus ⁴ enim in exordio sermonis accusator est sui. Qui se accusat cum peccaverit, justus est ; non ille qui se laudaverit.

19. « Ulinam, imperator, etiam ante mihi potius credidisses, quam consuetudini tuæ ! Dum puto quod cito ignoscis, cito revocas (ut sæpe fecisti) et tu præventus es, et ego non declinavi quod cavere non debueram. Sed gratias Domino, qui vult servulos suos castigare, ne perdat. Istud mihi commune est cum Prophetis, et tibi erit commune cum sanctis. An ego Gratiani patrem non oculis meis præferam ? Debent veniam sancta alia pignora tua : dulce mihi nomen antetuli, quibus amorem communiter detuli. Amo, diligo, orationibus prosequor. Si credis, sequere ; si, inquam, credis, agnosce quod dico. Si non credis, ignosce quod facio, in quo Deum præfero. Beatissimus et florentissimus cum sanctis pignoribus fruaris tranquillitate perpetua, imperator Auguste ». Hactenus Ambrosius ad Theodosium.

20. His acceptis litteris Theodosius, magnopere percussus est animo, ut qui jam satis expertus esset sacerdotis Dei infractum robur, solidamque pro sacrarum custodia legum constantiam, jamque admittæ crudelitatis conscientie stimulis saucius, atque scriptis Ambrosii acriter verberatus, placuli sentire cepit enormitatem, quam ante iratus non intellexerat : oculi fuerant enim cum iustorum lamentibus prætextum. Quot igitur insontes animo recolebat esse necatos, tot confodiebatur immensi doloris jaculis, audireque videbatur, voces sanguinis innocentium a Deo magno clamore postulare vindictam. His igitur lanceinatus indesinentibus flagris, redire Mediolanum compellitur, convenireque eum, quem antea male consultus fuerat aversatus Ambrosium, ab eoque remedium salutis exposcere. Sed quid tunc egit Dei sacerdos ? « Copiam, inquit Paulinus ⁵, imperatori ingrediendi ecclesiam denegavit ; nec prius dignum iudicavit certu Ecclesiæ, vel sacramentum communionem, quam publicam

¹ Job. XXXI. — ² Reg. XVIII. — ³ 2 Reg. III. — ⁴ Mat. XXVIII.

⁵ Psal. CXVIII. — ⁶ Psal. LXVIII. — ⁷ Osee. 6. Mat. IX, et XII. — ⁸ Prov. XVIII. — ⁹ Paulin. in VII. S. Ambrosii.

ageret pœnitentiam. Cui imperator contra asserebat, David adulterium simul et homicidium perpetrasset. Sed responsum illico est : Qui secutus es errantem, sequere corrigentem. Quod ubi audiuit clementissimus imperator, ita suscepit animo, ut publicam penitentiam non abhorreret; ejus correctionis profectus secundam illi paravit victoriam : post illam videlicet nuper recensitam de indulgentia concessa illis qui Judeorum incendierant synagogam. Sed Paulinus compendio quidem : nam plura prætermisit a Theodoro narrata, quem audire dignum putamus; ait enim :

21. « Hæc miseranda et lugubri calamitate cognita, Ambrosius ille, de quo supra diximus, imperatori Mediolanum adventanti et in sacrum templum ingredi cupienti, extra sacra vestibula obviam procedit, vetatque in templum intrare, et his fere verbis eum affatur : Est verisimile, o imperator, te ignorare cælis a te perpetratæ magnitudinem, neque post sedatam iracundiam ratione admissum facinus pervidere. Nam imperatoris fortasse principatus peccatum agnoscere non sinit, sed potestas offundit rationi caliginem. Verum quæ sit natura nostra, et quam fragilis ac fluxa, considerandum est; in ævum pulverem, ex quo orti sumus, et in quem recasuri, acies mentis intendenda : neque ipse splendore purpure deceptus, corporis illa operi imbecillitatem ignorare debes. Quin etiam illis imperas, qui et ejusdem sunt naturæ participes atque adeo conservi : Unus enim Dominus omnium et rex, hujus universitatis fabricator Deus. Quibus igitur oculis intubere templum illius, qui est omnium Dominus? quibus pedibus sanctum illud solum calcabis? Qui, quæso, manus injusta cæde et sanguine respersas extendere audes, et eisdem sacrosanctum corpus Domini accipere? Aut quomodo venerandum ejus sanguinem ori admovebis, qui furore iræ jubente, tantum sanguinis, tam inique effudisti? Recede igitur, et ne conare novo scelere scelus aule editum augere; sed capesse vinculum, quo ut ligeris, Dominus omnium cælitus sententiam dat : quod quidem vinculum vim habet et morbum animi depellendi, et te ad sanitatem restituendi.

22. « Huic orationi obsecutus imperator (nam divinis eductus eloquiis, accurate norat tum quæ essent officia sacerdotum, tum quæ regum propria), cum genito et lacrymis ad palatium revertitur. Atque longo temporis spatio dilapso (octo enim menses jam præterierant), Salvatoris Natiuita fuere celebrata : ex his colliges, mense Aprilis hæc Mediolani peracta. Sed pergit : « Imperator autem considet in palatio, lamentis se dedens, et magnam vim profundius lacrymarum. Quod cum animadvertisset Ruffinus, qui tum magister aulæ fuit, maguaque apud imperatorem auctoritate, utpote familiaritate ei conjunctior, ad illum accedit, rogat causam fletus. Tum imperator lugens acerbis, et

majorem in modum flens : Tu, inquit, Ruffine ludis : nam quantis ipse in malis verser, non sentis. Ego vero gemo, et meam ipsius deploro calamitatem, dum mente complector, quam facilis aditus ad sacrum templum servis et mendicis pateat, liberque illis ad Domini suum deprecandum detur introitus; mihi autem non modo ad illum locum, verum etiam ad cælum ipsum accessus præclusus sit. Nam venit mihi in mentem sententiæ a Domino prolata, quæ palam dicit : « Quemcumque ligaveritis super terram, erit ligatus et in cælis.

23. « Cui Ruffinus : Curram, inquit, si placet, ad episcopum; ei supplicabo, persuadeboque ut tua solvat vincula. At non est, inquit imperator, tibi morem gesturus. Novi enim adeo justam atque Ambrosii esse sententiam, ut non metu potestatis imperatoriæ sit legem divinam violaturus ». Hæc ideo Theodosius, quod sciret Ecclesiæ legem esse, ut non nisi prope Paschale tempus publice prænitentes ab episcopo reconciliarentur Deo, et restituerentur Ecclesiæ; nisi velis potius ipsum allusisse ad ecclesiasticam illam legem quæ cavetur ne voluntarius homicida nisi in fine vitæ communicet. « Verum », subdit Theodoretus, « cum instaret Ruffinus, pollicereturque se Ambrosio persuasurum, imperator jubet prope abire; ipseque falsa spe inductus, et Ruffini contusis promissis, paulo post sequitur. Ut primum autem Ruffinum sanctus vidit Ambrosius : Videris mihi, inquit, Ruffine, tantum impudentiam imitari : nam tametsi tuo suasu tam crudelis facta est cædes, tu tamen ita perfrenisti os, ut nec pudeat nec pigeat tanta rabie contra imaginem Dei insanivisse. Ubi vero Ruffinus obnixè eum oraverat, dixeratque imperatorem brevi co venturum, S. Ambrosius divino zelo accensus : Ego, inquit, Ruffine, predico, me illum ab ingressu sacri vestibuli prohibiturum. Quod si imperium mutaverit in tyrannidem, eadem lubens quidem excipiam. Quibus auditis, Ruffinus imperatori per internuntium significat, hortaturque ut maneat in palatio ». Quod autem hic a S. Ambrosio Ruffino exprobatum sit, suasu ipsius tam diram illatam esse Thessalonicensibus cladem, erit ut mireris, cum scies postea, quantam, Deo ulciscente, expertus sit ipse vindictam, et quam infelici exitu vitam elausit.

24. « Hæc cum imperator », subdit Theodoretus, « in medio foro accepisset : Eo, inquit, illic nihilominus, quo justas debitasque contumelias subeam. Ubi vero ad sacros templi parietes advenit, non ingreditur in templum ille quidem, sed ad episcopum, qui in adicula saluatoria sedebat, accedens, obsecrat ut vincula sibi solvat. At Ambrosius ejus adventum dixit esse tyrannicum, eumque ipsum contra Deum insanire, et illius leges proterere. Tum imperator : Non obstinato animo, inquit, leges sancitas impugno, neque sacra vestibula per ufas

¹ Theod. I. v. c. 17.

² Matth. vi. — ³ Conc. Ancyran. c. 21.

introdire cupio; sed oro, ut mihi solvas vincula, et proponas tibi ante oculos clementiam illius qui est Dominus omnium; et ne mihi ocludas januam, quam ille omnibus, quos peccatorum suorum poenitent, patefecit. Cui Ambrosius: Quam tu, inquit, penitentiam post tam grave scelus admissum ostendis? quæ medicamenta ad vulnera tam difficilia curatu sananda adhibuisti? Tuum est, inquit imperator, medicamenta ostendere, eaque temperare, et vulnera quæ ægrius curantur, obligare; meum autem, quæ sunt adlubita, accipere ».

25. « Tum S. Ambrosius: Quoniam, inquit, iracundie permisisti iudicium, et non recte rationi, sed animo irato obsecutus, sententiam promittasti, conscribe legem, qua deinceps sententiæ per iracundiam pronuntiate irritæ sint et nullius momenti; cognitionesque causarum de cæde et publicatione bonorum ad triginta dies scriptis prodite maneant, uti recta ratione de illis iudicium des: atque diebus illis confectis, qui decreta illa scripserint, mandata tua tibi ostendant: ac tum quidem compressa iracundia, ratione sola causam expendens, inquires in decreta; et ita perspicies, iniquane sint, an æqua. Quod si iniqua deprehenderit, certum est ea decreta scriptis mandata te dilaceraturum; sin æqua, confirmaturum; sique manifesto intellecturum, numero dierum interdictorum nihil de auctoritate decretorum recte sanctorum omnino detractum esse. Istud consilium imperator, quoniam prudentissimum esse censebat, libenter accepit, jubet exemplo legem conscribi, suæque subscriptione confirmat ». Meminerunt etiam hujusce tunc scripte legis Rufinus¹ et Sozomenus². Extat quidem lex ipsa eadem continens: sed quod ante annos octo data habetur; et non Mediolani; sed Veronæ, vivente adhuc Gratiano imperatore, nec Natalis Domini tempore, verum mense Septembris, rem perplexam admodum reddidit. Lex igitur cum in Codice Theodosiano, tum etiam Justiniano illa descripta legitur³:

26. « Imppp. Gratianus, Valentin. et Theodosius AAA. Flaviano PP. Illyrici et Italie. Si vindicari in aliquos severius contra nostram consuetudinem pro cause intuitu jusserimus, nolumus statim eos aut subire penam, aut excipere sententiam: sed per dies triginta super statu eorum sors et fortuna suspensa sit. Reos sane accipiat vinciatque custodia, et exebus solertibus vigilantur observet. Dat. XV kal. Septembris Veronæ, Antonio et Syagrio coss. » Quo quidem tempore Theodosius annum agens quartum in imperio morabatur Constantinopoli; nec memoria ulla penitus est, nunquam nisi adversus Maximum pugnatum venisse in Italiam. Quamobrem cum de causa sanciente legis eadem sit sententia antiquorum historicorum, ac Rufini præsertim, qui tunc temporis ea scribebat; illud cogimur opinari, ut non incuria id factum existimemus (tot

enim simul errores in adeo brevem scriptionem irrepisse, haud facile adducimur ut credamus), sed studio perpetratum ab aliquo, qui indigne ferret, ea suo loco et tempore atque titulo posita legi, quibus Theodosii immane facinus decantaretur. Cæterum quod ad locum spectat, cum ea lex data habeatur Veronæ XV kalend. Septembris, constat Theodosium hoc ipso anno et mense constitisse Veronæ: nam aliud ibidem hoc item anno reperitur datum rescriptum⁴ eodem mense post dies quinque, nempe X kalend. Septembris: adeo quod etsi annus non consentit, certe quidem et locus et mensis et causa aptari posse videntur legi superius recitata.

27. At in hoc rursus illud quidem in primis considerari potest, videri diu hanc legem absque promulgationis titulo in chartis publicis editis circumlatam: siquidem Sidonius Apollinaris⁵, quod invenerit eam absque titulo, tribuit ipsam Tiberiano senatusconsultui, quo (ut auctor est Suetonius⁶) decem tantum dierum spatium ante executionem sententiæ concessum est; cum tamen prorogatio triginta dierum non nisi lege Theodosii modo recitata concessa habeatur. Constat igitur ignorasse auctorem legis Sidonium, qui longe diverso eam adscribit principi: quam sic repertam absque titulo atque consulibus, pro arbitrio fortasse Anianus scriptor Codicis Theodosiani sub eodem titulo et consulibus collocavit; cujus fidem secutus Trebonianus eodem modo descripsit in Codice Justiniano: an autem factum id errore fuerit, vel pretextu obtegendi criminis Theodosii, alii pro arbitrio judicent; ac si quam habent ad nodi hujus perplexitatem solvendam veriorem assertionem proferant, et acquiescimus. Hactenus de lege per Theodosium lata, quam abrogatam fuisse per Nicephorum Botoniæ, suo loco dicemus: extitit illa sane proficua et Theodosii nature optime comparata, utpote qui solet interdum dura præcipere, sed (ut ait Aurelius Victor) modica dilatione mollioretur. At prosequamur reliqua a Theodoro descripta.

28. « Qua re, inquit, confecta », nempe lege sancita, « S. Ambrosius ejus vincula solvit. Itaque imperator fidelissimus in sanctum templum ingressus, non stans Dominum precatum est, neque genibus flexis, sed pronus humi abjectus, versum illum David recitavit⁷: Adhesit pavimento anima mea: vivifica me secundum verbum tuum. Atque capillum manibus laceraus, frontem ferire, lacrymarum guttis solum rigare, veniamque supplex petere cepit. Ubi autem tempus postulavit, ut dona sacra mense offerret, surgit, atque non minorem lacrymarum vim quam antea effundens, in sanctuarium ingressus est. Cum vero dona, uti solebat, obtulisset, intus prope cancellos mansit. At rursus magnus ille Ambrosius non contieuit quidem, sed locorum differentiam cum docuit. Ac primum sciscitatur, æqua re egeret? Et cum respondisset

¹ Rufin. lib. II. cap. 18. — ² Sozom. lib. v. c. 21. — ³ L. XIII. de prius G. Theod. et C. Justin. cod. tit. I. XX.

⁴ L. XXVIII. de Episc. C. Theod. — ⁵ Sidon. l. I. ep. 7. — ⁶ Suet. in Tiber. c. 75. — ⁷ Psal. CXVIII.

imperator, se expectare divinorum mysteriorum perceptionem; significavit illi per primum diaconum qui ei ministrabat, ad loca interiora solis sacerdotibus aditum patere, eademque aliis omnibus inaccessa esse, nec debere tangi. Jubeat igitur ut exeat, et cum reliquis laicis consistat: Nam purpurea, inquit, imperatores, non sacerdotes efficit. Quam admonitionem itidem excepit lubens imperator fidelissimus: responditque se non animi confidentia inductum mansisse intra cancellos, sed hanc consuetudinem Constantinopoli didicisse: Quare habeo, inquit, etiam pro hac medicina gratiam.

29. « Tantis et tam eximiis virtutis ornamentis enituit tum episcopus, tum imperator. Utrumque enim admittit: alterum propter ingenuam loquendi libertatem, alterum propter facilem obedientiam: et illum propter divini zeli ardorem, hunc autem propter sinceram fidem. Imperator vero pietatis praecepta, quae ab illustri illo episcopo didicerat, etiam cum revertisset Constantinopolim, observavit. Nam cum divino quodam festo ad templum denuo veniret, statim ut dona sacre mensae obtulerat, exivit. Atque cum Nectarius, qui id temporis illius Ecclesiae antistes fuit, rogaret, cur non maneret intus? gemens inquit: Aegre tandem didici, quid inter imperatorem intersit et episcopum: aegre tandem reperi veritatis magistrum; nam solum Ambrosium novi episcopum, dignum eo nomine. Tantum commodi reprehensio, a viro virtute praestanti adhibita, secum apportare solet. » Hactenus Theodoretus de Theodosii poenitentia; cujus magno praeconio S. Augustinus meminit, cum hac ait¹:

30. « Quid autem fuit ejus religiosa humilitas mirabilis, quando in Thessalonicensium gravissimum scelus, cui jam episcopis intercedentibus promiserat indulgentiam, tumultu quorundam qui ei cohærebant, vindicare compulsus est; et ecclesiastica coercitus disciplina, sic egit poenitentiam, ut imperatoriam celsitudinem pro illo populus orans magis fletu videndo prostratam, quam peccando timeret iratam? » Hæc Augustinus. Sed quid de his ipse² Ambrosius? « Dilexi, inquit, virum, qui magis arguentem quam adulantem probaret. Stravit omne quo utebatur insigne regium: deflevit in Ecclesia publice peccatum suum, quod ei aliorum fraude obrepserat: gemitu et lacrymis oravit veniam. Quod privati erubescunt, non erubuit imperator publice agere poenitentiam: neque ullus postea dies fuit, quo non illum doleret errorem. » Hæc ipse.

31. Viguit, vigebitque semper ejusmodi Theodosii exemplum in Ecclesia Dei; et quod tunc effulsit, effulgebit jugiter tanquam insigne quoddam ac præclarissimum ornamentum, ac veluti nobile trophæum erectum ex illustri victoria consecutum, vincente seipsum imperatore: vigebit, inquam, gloriosius triumphus exsculptus æternis tabulis longe

præstantioribus illis, quibus tum barbarorum, tum tyrannorum declarabatur extinctio, atque felix imperii propagatio; ut tanquam in viva columna amplissimis perpetuisque notis expressa visuri sint posteri imperatores ac principes, nihil elucere venustius, coruscare splendidius, atque micare ardentius inter omnes regie coronæ virtutum gemmas, quam ipsam illibate servatam, et in omnibus integerrime custoditam religionem, ejus causa exhibita humilitas sublimis sit exaltatio, et delata obedientia quovis summo præstet imperio: usque adeo, ut ejus gratia et ipsæ tenebræ peccatorum, quibus offundi obscurarique solet fulgor ille regie majestatis convertantur (ut vidimus de Theodosio) in claritudinem semperque manentem gloriam.

32. At quam juste S. Augustinus acriter invebatur in viros longe inferioris ordinis ab imperatoria dignitate et aliis præfecturis, qui de peccatis publicis publicam negligerent agere in Ecclesia exemplo Theodosii poenitentiam, ipsum audi cum ait¹: « Resisit mihi filius pestilentiae, et erubescit genu figere sub benedictione Dei? Quod non erubuit imperator, erubescit nec senator, sed tantum curialis? superba cervix, mens tortuosa. Fortassis, imo quod non dubitatur, propterea Deus voluit ut Theodosius imperator ageret poenitentiam publicam in conspectu populi, maxime quia peccatum ejus celari non potuit. Et erubescit senator, quod non erubuit imperator? Erubescit nec senator, sed tantum curialis, quod non erubuit imperator? Erubescit plebeius, sive negotiator, quod non erubuit imperator? Quæ ista superbia est? nonne sola sufficeret gehennæ, etiam si adulterium nullum esset? » Hæc Augustinus.

33. Quam autem vigeret hoc tempore in Ecclesia severitas publicæ poenitentiae, a qua non liberaret excusaretque nobilitas, dignitas, neque sexus; plane declaratur alio exemplo clarissimæ feminae Romanæ, Fabiolæ nomine, quæ adhuc supererat Fabiorum antiquæ familiæ nobile germen. Hanc contigit ob secundas nuptias post divortium factum cum priori viro, illicite contractas, hisce ferme diebus, publicam Romæ agere poenitentiam; quam a S. Hieronymo descriptam his adjungere, ob connexionem temporum et similitudinem argumenti, operæ pretium ducimus: ait enim²: « Igitur et Fabiola, quia persuaserat sibi, et putabat a se virum jure dimissum, nec Evangelii vigorem noverat, in quo nubendi universa causatio, viventibus viris, feminis amputatur; dum multa diaboli vitæ vulnera, unum incauta vulnus accepit. Sed quid ego in abolitis et antiquis moror, quærens excusare culpam, cujus poenitentiam ipsa confessa est? Quis hoc crederet, ut post mortem secundi viri in semelipsam reversa, quo tempore solent viduæ negligentes, jugo servitutis excusso, agere se liberius, adire balneas, voltare per plateas, vultus circum-

¹ Aug. de Civit. Dei, l. v. c. 26. — ² Ambr. orat. in funere Theodos.

¹ Aug. hom. XLIX. — ² Hieron. epist. XXX.

ferre meretricis; saccum indueret, ut errorem publice fateretur? et tota urbe spectante Romana, ante diem Paschæ in basilica quondam Laterani, qui Cesariano truncatus est gladio, staret in ordine penitentium, episcopo, presbyteris, et omni populo collacrymantibus, sparsum erinent, ora lurida, squalidas manūs, sordida colia submitteret? Quæ peccata fletus iste non purget? quas inveteratas maculas hæc lamenta non abluant?» Et post multa de utilitate penitentiae, de eadem subdit: «Non est confusa Dominum in terris; et ille eam non confundet in celo¹. Aperuit cunctis vultus suum, et decorem in corpore cicatricem fletus Roma conspexit. Disputa habuit latera, nudum caput, clausum os. Non est ingressa Ecclesiam Domini, sed extra castra cum Maria sorore Moysi separata consepit; ut quam sacerdos eiecerat, ipse revocaret». Ac deinde: «Recepta sub oculis omnis Ecclesiae communione, quid fecit? Scilicet in die bona malorum non oblita est, et post naufragium rursus tentare noluit pericula navigandi». Hactenus Hieronymus: quæ autem subdit de ejusdem Fabiolæ peregrinatione Hierosolymam, et de rebus gestis postquam reversa est, suo loco dicemus: hæc enim modo de antiquissime ac nobilissimæ Romanæ familie sancta propagine, Christiana religione fecunda, occasione publicæ penitentiae, satis sit retulisse. Jam ad S. Ambrosium redeat oratio.

34. *Perse conveniunt S. Ambrosium.* — Paulinus igitur post enarratam Theodosii penitentiam, mox hæc adjungit²: «Per idem tempus duo potentissimi ac sapientissimi viri Persarum ad famam sacerdotis venire Mediolanum», ob pacem enim inter Romanos et Persas, ut dictum est, initam liber securusque erat his temporibus inter gentem utramque congressus, «deferentes secum plurimas questionēs, ut ex illis probarent sapientiam viri: cum quo ab hora diei prima usque ad horam fere tertiam noctis per interpretem disputaverunt; admirantesque discesserunt ab eo. Et ut se probarent, non ob aliam causam venisse, nisi ut certo certius noscerent virum quem fama compererant, alia die vale facientes imperatori profecti sunt ad urbem Romam, illic volentes cognoscere potentiam illustris viri Probi: qua cognita, ad propria revertuntur». Hic ille Anicianus Probus promotor olim Ambrosii ad præfecturam provinciarum longa (ut diximus ex Marcellino) prætoris præfecturæ propagatione lassatus. Augustissimas plane fuisse Romæ aedes Probi, illud a Secundino³ dictum insinuat: «Ego namque, inquit, fateor, non tali diligentia, nec tanta industria Anicianæ domus micare marmora, quanta tua scripta perlucunt eloquentia». Claruere in eadem familia sancta femina Proba avia, Juliana uxor, et Benetras neptis magni nominis virgo; de quibus suo loco dicturi sumus.

35. *Jovinianus turpissimus hæreticus a Siricio*

papa primum in Concilio, deinde Mediolani damnatur. — Quoniam autem ex epistola¹ S. Ambrosii ad Theodosium hoc anno post cladem Thessalonicensem (ut vidimus), data, liquet, hoc ipso anno collectam esse Mediolani Synodum episcoporum: ejusnam rei occasione oportuerit illum cogi conventum, et quid in eo factum sit, est diligenter perquirendum. Haud enim levis momenti hæc fuit Synodus, ad quam et Galliarum episcopi conueverunt, et tres Apostolicæ Sedis legati a Siricio papa missi. Cujusnam rei gratia, inquam, ejusmodi Concilium collectum fuerit, quidve in eo Patres statuerint, ut intelligamus; in primis quid hoc anno a Siricio papa Romæ gestum sit, quidve ab eodem scriptum Ecclesie Mediolanensi, est declarandum.

36. Meminisse debemus quæ superius dicta sunt, ex monasterio Mediolanensi prodixisse, imo ejectum fuisse Sardanapalum illum sub habitu monastico latitantem Jovinianum hæresiarcham, ceterosque ejusdem impietatis collegas, quorum virulentas hæreses superius recensuimus. Toleratus namque fuit iste cum suis aliquandiu, vel quod ipsius expectaretur correctio, vel quod potius contemnendus videretur, qui adeo vana atque insula privatum in aures aliquorum susurrans ingereret. Sed cum eo temeritatis usque progressus esset, ut etiam eodem argumento a se scriptos commentarios ederet: jam zizania, quæ crevisset ad messem, fidee apostolica succidenda fuerunt.

37. At qualia essent ejusmodi Joviniani scripta, accipe ex S. Hieronymo²: «Panci, inquit, admodum dies sunt, quod sancti ex urbe Roma fratres ejusdam noli Joviniani commentariolos transmiserunt, rogantes ut eorum ineptiis responderem, et Epicurum Christianorum evangelico atque apostolico vigore contererem. Quos cum legissem, et omnino non intelligerem, cepi revolvere crebrius, et non verba modo atque sententias, sed singulas pæne syllabas discutere, volens prius scire quid diceret, et sic vel probare vel redarguere quod dixisset. Verum scriptorum tanta barbaries est, et tantis vitiis spurcissimis sermo confusus, ut nec quid loquatur, nec quibus argumentis velit probare quod loquitur, poterim intelligere. Totus enim tunnet, totus jacet: attollit se per singula, et quasi debilitatis coluber in ipso conatu traungitur: non est contentus nostro, id est, humano more loqui; altius quiddam aggreditur.

Parturiunt montes: nascetur ridiculus mus.

Quod ipse

Non snui esse hominis, non sanus juret Orestes.

Præterea sic involvit omnia, et quibusdam inextricabilibus nodis universa perturbat, ut illud Plantianarum litterarum ei possit aptari:

¹ Lucr., ix. — ² Paulin. in Vit. S. Ambros. — ³ Apud August. in epist. Secundum Manichei. tom. vi. pag. 218. edit. Plantin.

⁴ Ambros. epist. xxviii. — ⁵ Hier. advers. Jovinian. l. i.

et illud Virgilianum :

Id est sine mente sonum.

Hieracitum quoque, cognomento *αστερόν*, sudantes philosophos vix intelligunt. Sed quid ad nostrum *ἀνθρωποτόν*, cujus fibros multo difficilior est nosse, quam vivere? Quanquam et in victoria non parva sit difficultas. Quis enim eum superare queat, cujus assertionem penitus ignoret? Et ne lectorem longius traham, ejusmodi eloquentiæ sit, et quibus verborum floribus ornatus incedat, secundi libri ejus monstrabit exordium, quod hesternam crapulam rictans ita evomit : Satisfacto invitatis, non ut claro curram nomine, sed ut rumore purgatus vivam vano : obscuro agrum, novellas plantationum, arbuta teneritudinis crepta de vitiorum gurgitibus, audientiam communitam agminibus. Scimus Ecclesiam spe, fide, charitate inaccessibilem, inexpugnabilem : non est in ea immaturus, omnis docibilis, impetu irrumperere, vel arte illudere potest nullus. Rogo, quæ sunt hæc portenta verborum? quod descriptionis dedecus? nonne vel per febrem somnare eum putes? vel arreptum morbo phrenetico, Hippocratis vinculis alligandum? etc. » Hæc quidem de Joviniani commentarii ex Hieronymo recitasse volumus; quod dignum observatione sit intelligere, non curasse dæmonem in promulgatione illarum hæresum, quibus adblanditur voluptatibus carnis, viros disertos querere et eloquentiæ studiosos; sed effrenis animi et perfrictæ frontis, vita turpissimos vocasse magistros; eo quod absque eloquentia satis ad perditionis filios suadendos essent carnis illecebæ; quod hoc quoque nostro seculo factum vidimus, cum impudentem apostatam, fœdum moribus, eloquio infandissimum constituit hæresiarcham, restitutorum collapsæ penitus scholæ Joviniani, atque novum assertorem doctrinæ Epicuræ. Sed de Joviniani facta Romæ condemnatione prosequamur historiam.

38. Cum igitur (ut dictum est) ejusmodi scripta Jovinianus Romæ vulgasset; primus omnium qui ex adverso surrexit, et contra deformæ monstrum cominus decertavit, egitque ut apostolica damnaretur auctoritate. Pammachius fuit nobilissimus senator, atque doctissimus Romanorum, qui S. Paulæ gener extitit, Christianæ religionis exactissimus cultor, et fidei catholice ardentissimus propugnator, de quo alias pluribus : ad quem Hieronymus ¹ scribens hæc ait : « Denique idcirco, te post Dominum faciente, damnatus est », Jovinianus videlicet, « quod ausus sit perpetuæ virginitati matrimonium comparare ». At non unius Pammachii relatione, sed et aliorum fidelium, Jovinianum delatum fuisse Siricio pape, idem ipse Pontifex litteris illis, quas de ejusdem damnatione ad Ecclesiam Mediolanensem scripsit, affirmat : eas vero hic describendas esse putamus, cum quid ab ipso Siricio adversus impium

hæresiarcham ejusque gregales definitum Romæ sit, certa testificatione contineant; sic enim se habent ² :

39. « Siricius Medioknensi Ecclesie.

« Optarem semper, fratres carissimi, dilectionis et pacis vestre sinceritati gaudia nuntiare; ita ut vicissim discurrentibus litteris, sospitatis vestræ juvaremur indicio. Nunquam patitur nos quietos ab incursione sua vacare hostis antiquus, ab initio mendax, inimicus veritatis, amulus hominis, quem ut deciperet, se ante decepit. Pudicitia adversarius, luxurie magister, crudelitibus (crudelitibus) pascitur, abstinentia punitur, odit jejunia; ministris suis prædicantibus, eadem dicit esse superflua, spem non habens de futuris, Apostoli sententia percussus dicentis ³ : Manducemus et bibamus; cras enim moriemur. O infelix audacia, o desperatæ mentis astutia! Jam incognitus sermo hæreticorum intra Ecclesiam cancri more serpebat, ut occupans pectus, totum hominem præcipitaret in mortem. Et nisi Dominus Sabaoth laqueum, quem paraverant, dirupisset; scena tanti mali et hypocrisis publicata, multorum simplicium corda traxisset in ruinam; quia facile ad deteriorem partem mens humana traducitur, malens per spatiosa ambulare, quam per arctæ viæ iter cum labore transire.

40. « Qua de re necessarium satis fuit, dilectissimi, quæ hic gesta sunt, ad vestram conscientiam cognoscenda mandare, ne ignorantia sacerdotis ejuspiam pessimorum hominum Ecclesiam irrumperium sub religioso nomine contagio violaret : sicut scriptum est, Domino dicente ⁴ : Multi veniunt ad vos in vestimentis ovium, intus autem sunt lupi rapaces; a fructibus eorum cognoscetis eos : ii videlicet, qui subtiliter Christianos sese jactant, ut sub velamento pii nominis gradientes, domum orationis ingressi, sermonem serpentinæ disputationis effundant : ut ⁵ sagittent in obscuro rectos corde, atque veritatem catholicam pervertendo, ad suæ doctrinæ rabiem diabolico more traducant, atque ovium simplicitatem defraudent. Et quidem multarum hæresum malignitatem ab Apostolicis nunc usque temporibus didicimus, et experti probavimus : sed nunquam tales canes Ecclesiæ mysterium latratibus fatigaverunt, quales isti nunc subito irruentes, doctrina perfidiæ polluti, hostes fidei; qui ejus sint discipuli, verborum fructibus prodiderunt.

41. « Nam cum alii hæretici singula sibi genera questionum male intelligendo proposuerint convellere atque concerpere de divinis institutionibus; isti non habentes vestem ⁶ nuptialem, sancientes Catholicos, novi ac veteris Testamenti (ut dixi) continentiam pervertentes, illecebrosos atque ficto sermone aliquot Christianos carperunt jam vastare, atque suæ dementiæ sociare, intra se continentes nequitia suæ virus, præferentes se tanquam electi; blasphemias tamen suas conscriptione temeraria publicaverunt, et

¹ Hieron. ad Pamm. epist. I.

² Siric. ep. II, tom. I. epist. Rom. Pont. — ³ 1. Cor. XV. — ⁴ Matth. VII. — ⁵ Psal. X. — ⁶ Matth. XII.

desperata mentis furore conciti passim in favorem Gentilium se prodiderunt. Verum a fidelibus Christianis viris genere optimis, religione præclaris, ad meam humilitatem subito scriptura horrida videntur esse delati, ut sacerdotali iudicio detecti divinæ legi docere contraria, spiritali sententia deleantur.

42. « Nos sane nupliarum vota non aspernantur accipimus, quibus velamini interfuimus; sed virginum nuptias Deo devotas majore honorificentia honoramus. Facto igitur presbyterio, constitit doctrinæ nostræ, id est, christianæ legi esse contraria: unde Apostoli¹ secuti præceptum, quia aliter quam quod accepimus, annuntiabant; omnium nostrum tam presbyterorum et diaconorum, quam totius etiam cleri una lata fuit sententia, ut Jovinianus, Auxentius, Genialis, Germinator, Felix, Pontinus (Frontinus), Martianus, Januarius, et Eugenios, qui in centores novæ hæresis et blasphemæ inventi sunt, divina sententia et nostro iudicio in perpetuum damnati, extra Ecclesiam remanerent. Quod custoditauram sanctitatem vestram non ambigens, hæc scripta direxi per fratres et presbyteros meos Crescentem, Leopardum, et Alexandrum, qui religiosum officium fidei spiritu possint adimplere ferventes ». Hactenus litteræ Siricii ad Ambrosium per legatos; quorum Leopardus presbyter fuisse videtur tituli pastoris, ex quo et ipse Siricius ad sedem Pontificiam evehctus fuit: siquidem amborum nomina in fragmentis quibusdam in eodem titulo hactenus asservantur in lapidibus sculpta, qui erant monumentorum veterum epitaphia, quæ penitus periire, quæ hic volumus utrumque mutila descripsisse: SALVO SIRICIO EPISCOPO: et alio fragmento: ECCLESIE SANCTE... cætera desunt. Extat et tabula marmorea his litteris exarata: LEOPARDUS PRESBYTER: quem unum esse ex nominatis Siricii papæ legatis, nulla apud me dubitatio est.

43. Quod autem Siricius eosdem Mediolanum tres legatos miserit, ea causa intercessisse videtur, ut horum auctoritate Mediolani Synodus cogeretur episcoporum, ut ab iisdem Jovinianus et alii nominati illic etiam damnarentur hæretici, ubi cæperunt hæresum venena spargere; et eujus infelicis arboris Romæ truncus succisus erat, convellerentur ibi quoque radices: circuitisse enim eos provinciam illam cum hisce mercebibus, testari videtur S. Ambrosius, cum ut hoc caverit, litteris admonuit Vercellensem Ecclesiam². Quid autem Synodus Mediolanensis adversus eosdem hæreticos hoc anno celebrata decreverit, litteræ ab ea ad Siricium papam scripte declarant; quarum sic se habet exordium³:

« Domino dilectissimo fratri Siricio papæ Ambrosius episcopus, Bassianus, et cæteri.

44. « Recognovimus litteris sanctitatis tue boni pastoris exortibus, qui fideliter commissam tibi januam serves, et pia sollicitudine Christi ovile custodias, dignum quem oves Domini audiant et sequan-

tur ». Observa, lector, quod S. Ambrosius et alii ejus Synodi Episcopi apta satis collatione dicunt, commissam Ecclesiæ januam Romano Pontifici, utpote quod eidem in Petro commissæ sint claves regni cælorum; cum de se Christus dicat⁴: « Ego sum ostium; per me si quis introierit, salvabitur »: et rursus: « Qui non intrat per ostium; sed ascendit aliunde, hic fur est et latro ». Sicque cum intelligis Ecclesiæ januam Christum, et nonnisi banc unam palere portam venientibus ad Ecclesiam, hujusque portæ Romanum Pontificem janitorem: cognoscas pariter illos legitime in Ecclesiam ingredi, censerique catholico nomine, quibus tantus janitor aperuerit; illos vero exclusos atque rejectos, quibus idem fores occluserit; eosdemque conscendentes aliunde, non inter Catholicos, sed inter fures atque latrones connumerari debere: quod servatum esse ab initio fundatæ per Petrum Romanæ Ecclesiæ, sæpe superius dictum est; nimirum illos tantum totius Catholicæ Ecclesiæ sententia censitos esse Catholicos, qui gauderent communione Romani Pontificis; illos vero hæreticos vel schismaticos, qui ab ejusdem communionis participatione seclusi essent. Sed pergunt illi.

45. « Et ideo quia nostri oviculas Christi, lupos facile deprehendes, et occures quasi providus pastor, ne isti morsibus perfidiæ suæ, feralique ululatu Dominicum ovile dispergant. Laudamus hoc, domine frater nobis dilectissime, et tuo concelebamus affectu. Nec miramur, si luporum rabiem grex Domini perhorruerit, in quibus Christi vocem non recognovit. Agrestis enim ululatus est, nullam virginitalis gratiam, nullum castitatis ordinem servare, promiscue omnia velle confundere, diversorum gradus abrogare meritum, et paupertatem quamdam celestium remunerationum inducere, etc. » Pluribus enim disserunt atque demonstrant superexcellere sancto conjugio virginitalem, illibatamque omni tempore et illesam custoditam Dei Genitricis virginitalem, cui iidem celestissimi detrahebant. Viduitatisque Christi amore servatæ præconia extolentes, jejuniarum merita prædicant, quæ veritatis proditores somno vinoque sepulti, tanquam suæ ipsorum intemperantiæ adversaria impugnabant. Atque post multa hæc iidem ad Siricium:

46. « Sed quid plura apud magistrum atque doctorem? cum jam dignum præmium refulerint illi perfidiæ suæ, qui ideo usque huc venerunt, ne superesset locus, in quo non damnarentur; qui vere se Manichæos probaverunt, non credentes quia ex virgine utique venisset »: Docent deinde pluribus qua ex parte Jovinianus cum suis participaret cum Manichæis: adduntque ipsos Manichæos tunc temporis cum imperatoris decreto, tum legatorum sententia esse damnatos, atque civitate illa expulsos; siquidem ista ad postremum adiungunt:

47. « Sed (hæc) est impietas Manichæorum, quam et clementissimus execratus est imperator;

¹ Galat. x. — ² Amb. epist. LXXXI. — ³ Epist. Rom. Pont. tom. I. pag. 42

⁴ Joan. x.

et omnes qui illos viderunt, quasi quædam contagia refugerunt; sicut testes sunt fratres, et compresbyteri nostri Crescens, Leopardus, Alexander, sancto ferventes Spiritu, qui eos omnium execratione damnatos. Mediolanensi ex urbe quasi profugos repulerunt. Itaque Jovinianum, Auxentium, Geminatorem, Felicem, Protinum (Pontinum, Frontinum), Genialem, Martianum, Jannarium, et Ingeniosum, quos sanctitas tua damnavit, scias apud nos quoque secundum iudicium tuum esse damnatos. Incolumem te et florentissimum Deus noster tueatur omnipotens, domine dilectissime frater ».

Item suscriptio :

« Ego Ambrosius Mediolanensis Ecclesiæ episcopus subscripsi.

Eventius episcopus Cenetensis saluto sanctitatem tuam in Domino, et huic epistole subscripsi.

Maximus episcopus Emonensis, etc.

Felix episcopus Iadrensis.

Bassianus episcopus Laudensis.

Theodorus episcopus Octodurensis.

Constantius episcopus Arancianus.

Sabinus episcopus Placentinus.

Ex jussu Domini episcopi Geminiani, ipso præsentente, Aper presbyter subscripsi.

Eustathius episcopus, Constantinus episcopus, et omnes ordine subscripserunt ».

Vides plures alios brevitatis causa prætermisissos esse nominari episcopos : porro magnæ virtutis viros, sanctitate conspicuos, miraculisque claros nonnullos ex iis fuisse, docent quæ superius dicta sunt, cum de Concilio Aquileiensi actum est : complures enim episcopi utrique Concilio interfuisse reperiuntur; inter quos præ cæteris enitere S. Ambrosius Mediolanensis episcopus, et S. Sabinus episcopus Placentinus, Ambrosio (ut dictum est superius) sanctitate atque doctrina non impar : ut taceamus de sanctis Bassiano, Geminiano, et aliis. Ut ex his intelligas, magna Dei providentia factum, ut per tales tantosque viros nefanda hæresis damnaretur; ne quid reliqui posteris esset, quod revocari posset in dubium, a quorumnam parte veritas steterit, num apud lutulentum porcum ejusque gregales sues grunnitu potius obstrepentes, quam humana voce loquentes; an apud acceptissimos Deo viros opere ac sermone præstantes; quorum sententiæ et ipse Deus miraculorum operatione sæpius suffragatus esset. Ilæc dixerimus, ut rubore suffunderentur (si tamen erubescere norunt) recentiores hæretici, qui (ut dictum est) obstructam diu ante Joviniani sordium cloacam refoderunt ipso habitu homines corruptentem; sciantque licet nolint, se cum Joviniano jam ante annos mille ac ducentos in Ecclesia esse damnatos tum sententia Romani Pontificis, tum Concilio Mediolanensi, tum denique privatis subscriptionibus sanctorum virorum, Hieronymi, Ambrosii, Augustini, et aliorum, adde et imperatoris sanctionibus. Etenim primum omnium hos sceleratos e monasteriis ejectos, habitu tamen monastico

vagantes, ab urbibus recedere et ad deserta loca proficisci, Theodosius imperator rescripto hujusmodi jussit, hoc anno dato ¹ :

48. *Joviniani servile supplicium et exilium.* — « Quicumque sub professione monachi reperiuntur, deserta loca et vastas solitudines sequi atque habitare jubeantur. Dat. III non. Septembris Veronæ, Valentiniano IV et Neoterio coss. » Ilæc statuta lege, cogitur improbus hæresiarcha ab Urbe recedere : sed etsi solitudinem petiit; negligentia tamen magistratuum, quorum torpore leges insito vigore deficiunt, factum est, ut quamvis non auderet se rursus in Urbem intrudere, extra mœnia tamen suos colligans, conventus suburbanos haberet. Sed reclamantibus rursus episcopis, Honorius imperator legis paternæ vindex eundem Jovinianum servili primo affectum supplicio relegavit in insulam, cæteris illius sectariis in diversa loca dispersis. Extat ejus sententiæ ejusdem imperatoris ad Felicem præfectum prætorio ejusmodi rescriptum ² :

49. « Jovinianum sacrilegos agere conventus extra muros Urbis sacratissimæ, episcoporum querela deplorat. Quare et supramemoratum corripimus, et contusum plumbo cum cæteris suis participibus, et ministris exilio coerceri, ipsum autem machinatorem in insulam Boam festina celeritate deduci : cæteris, prout libuerit (dummodo superstitiosa conjuratio exilii ipsius discretionem solvatur) solitariis et longo spatio inter se positus insulis in perpetuum deportatis. Si qui autem pertinaci improbitate vetita et damnata repetiverit; sciat se austeriorem sententiam subiturum. Dat. prid. nonas Martii, Mediolani, Honorio nonum et Theodosio quintum AA. consulibus ». Est is annus Domini duodecimus supra quadringentesimum : ut ex his videas, ipsum Jovinianum cum suis post damnationem hoc anno tum Romæ, tum Mediolani acceptam, viginti et duos annos Ecclesiam perturbasse. Porro insula, in quam deportatus est Jovinianus, Boas dicta, posita habetur in Dalmatiæ littore, cujus meminit Ammianus ³; in quam Florentium Magistrum officiorum sub Juliano relegatum fuisse tradit.

50. *In Jovinianum acerrime scribit Hieronymus.* — Quoniam autem libri, quos Jovinianus conscripserat, ubique vulgati magno detrimento a pluribus legebantur; Romæ existentes viri pii atque prudentes, de antidoto adversus propinata venena parando solliciti, ad S. Hieronymum Bethlehem agentem editos commentarios ab eodem Joviniano jam ante miserunt, qui eos adversaria scriptione refelleret : affirmat hoc ipse ⁴; qui dum novissimo loco suarum lucubrationum, quas usque ad annum decimum quartum imperii Theodosii se conscripsisse testatur, duos libros adversus Jovinianum a se editos recenseat, et post eos ad Pammachium Apologeticum cum Epitaphio; plane intelligi posse vi-

¹ L. I. de monach. C. Theod. — ² L. LIII. de hæret. C. Theod. — ³ Amm. lib. XXII. — ⁴ Hieron. advers. Jovinian. l. II.

delur, hoc ipso anno, antequam sibi Joviniani damnatio innotuisset, eosdem ab ipso commentarios esse conscriptos, sequenti vero Apologeticum eadem ex causa (ut dicimus) elucubratum. Haud id fuit leve certamen, sed plane arduum, non quidem quod superaretur rei difficultate et argumenti sublimitate, adversus quæ innumera divinæ Scripturæ loca, Conciliorum canones, sanctorum Patrum elogia, ac denique (quæ sola satis sufficere potuisset) ipsa a temporibus Apostolorum illibate haecenus in Ecclesia conservata traditio suppeteret; sed quod homo levis blandis illecebris quamplurimos Christianos Romæ agentes usque adeo dementasset, ut ipsum veluti novum Apostolum, impium colerent Jovinianum. Demonstrat hæc ipse S. Hieronymus apostrophæ illa adversus eum ad calcem operis posita, quæ sic se habet ¹:

51. « Nunc restat, ut Epicurum nostrum subantem in hortulis suis inter adolescentulos et mulierculas alloquamur. Favent tibi crassi, nitidi, dealbati: adde, si vis, juxta Socraticam irrisiorem, omnes sues et canes, et quia carnem amas, vultures quoque, aquilæ, accipitres, et lubones. Nunquam nos Aristippi multitudo terrebit. Quoscumque formosos, quoscumque calamistratos, quos crine composito, quos rubentibus buccis videro, de tuo armento sunt, imo inter tuos sues grunniunt. De nostro grege tristes, pallidi, sordidati, et quasi peregrini hujus sæculi, licet sermone taceant, habitu loquuntur et gestu ». Hæc ipse, alludens ad veros monachos: atque paulo post subdit de frequentia sectatorum ejus: « Ne gloriaris quod multos discipulos habes. Filius Dei docuit in Judea et duodecim tantum illum Apostoli sequebantur: Torcular, inquit, ² calcavi solus, et de gentibus vir non est mecum. Ille in passione solus remansit, et Petri quoque erga eum trepidavit constantia. Phariseorum autem doctrinæ omnis populus applaudebat, dicens ³: Crucifige, crucifige talem: Non habemus Regem, nisi Cesarem: id est, vitia sequimur, non virtutes; Epicurum, non Christum; Jovinianum, non apostolum Paulum. Quod multi acquirunt sententiæ tuæ, indicium voluptatis est: non enim tam te loquentem probant, quam suis favent vitis. In circulis platearum quotidie fictus hariohus stultorum nares verberat, et oborto fuste dentes mordentium quatit, nec tamen deest qui semper possit induci: et pro magna sapientia deputas, si plures porci post te currant, quos gehennæ succidiæ nutrias? »

52. « Post præconium tuum et balneas, quæ viros pariter et feminas lavant, omnis impatientia, quæ ardentem prius libidinem quasi verecundia vestibus tegebat, nudata est et exposita: quæ ante in occulto erant, nunc in prostulo sunt. Ostendisti tales discipulos, non fecisti. Hoc profecit doctrina tua, ut peccatum ne penitentiam quidem habeat. Virgines tuæ quas prudentissimo consilio, quod

nemo unquam legerat, nec audierat, de Apostolo ⁴ docuisti: *Melinus est nubere, quam uri*: occultos adulteros in apertos verterunt maritos: non suavit hoc Apostolus, non electionis vas: Virgilianum consilium est.

Conjugium vocal; hoc prætexit nomine culpam.

53. « Quadringenti ferme anni sunt; quod Christi prædicatio fulget in mundo, ex quo innumerales hæreses tunicam illius consciderunt: universus pæne error de chaldeo, et syro, et græco sermone processerat. Basilides magister luxuriæ, et turpissimorum complexum pest tot annos ita in Jovinianum, quasi in Euphorbum, transformatus est, ut latina quoque lingua haberet hæresim suam. Nullane fuit alia in toto orbe provincia quæ reciperet præconium voluptatis, in quam cohler tortuosus irreperet, nisi quam Petri doctrina super petram fundaverat Christum? Vexillum crucis, et prædicationis austeritas, idolorum templa destruxerat: e regione luxuria ventris et gutturis subvertere nititur fortitudinem crucis. Unde per Isaiam loquitur Deus ⁵: Populus meus, qui vos beatificat, seducunt vos, et semitas pedum vestrorum conturbant. Necnon per Hieremiam ⁶: Fugite de medio Babylonis, etc. » Subdit vero: « Hieremias captivitatem nuntians lapidatur a populo. Ananias ⁷ filius Asur frangebatur ad præsens ligneas torques, et in futurum ferreas preparabat. Semper pseudopropheta dulcia pollicentur, et ad modicum placent. Amara est veritas; et qui eam prædicant replentur amaritudine, in azymis enim sinceritatis et veritatis Domini Pascha celebratur, et cum amaritudinibus comeditur ». At quibus pudendis vocibus Jovinianus alliceret feminas ad sui sequela, idem addit, hæc dicens:

54. « Egregia sane vox, et quam audiat sponsa Christi inter virgines et viduas et cælibes (unde et ipsum nomen inditum est, quod cælo digni sint, quia coitu careant). Raro jejunate, crebrius nubite: non enim potestis implere opera nuptiarum, nisi mulsum et carnes et nucleum sumpseritis. Viribus opus est ad libidinem: cito caro consumpta marcescit. Nolite timere fornicationem. Qui semel in Christo baptizatus est, cadere non potest: habet enim ad despumandas libidinis solatia nuptiarum. Quod et si cecideritis, redintegrabit vos penitentia: et qui in baptismo fuistis hypocrita, eritis in penitentia solidæ fidei. Neque turbemini, putantes inter justum et penitentem aliquid interesse, et humiliorem gradum dare quidem veniam, sed coronam tollere. Una est enim retributio: qui ad dexteram stetit, introibit ad regna cælorum.

55. « Illis consiliis subulci tui pastoribus nostris difiores sunt, et hirci plurimas secum capras trahunt: equi insanientes ⁸ in feminas facti sunt: statim ut mulieres vident, adhiunt: et impatientiam

¹ Hieron. advers. Jovinian. l. II. — ² Isai. LXIII. — ³ Lucæ, XVIII.

⁴ 1. Cor. VII. — ⁵ Isai. III. — ⁶ Hier. L. — ⁷ Hier. XVIII. — ⁸ Hier. V.

suam prohi, nefas! Scripturarum solantur exemplis. Sed et ipse mulierculæ misere, et non miserabiles, præceptoris sui verba cantantes: Quid enim, nisi semen requirit Deus? non solum pudicitiam, sed etiam verecundiam perdiderunt, majorique procacitate defendunt libidinem, quam exerceant. Habes præterea in exercitū tuo plures succenturiatos; habes senrās, et velites in præsidis, crassos, complos, nifidos, clamatores, qui te pugnis calcibusque defendant. Tibi cedunt de via nobiles, tibi osculantur divites caput. Nisi enim tu venisses, ebrii atque ructantes paradisum intrare non poterant.

56. « Macte virtute, imo vitiis, habes in castris tuis et Amazonas exerta mamma, et nudo brachio et genu venientes, contra se viros ad pugnam libidinum provocantes. Et quia opulentus pater familias es, in aviariis tuis non furtures, sed upupæ nutriuntur, quæ tota foetide voluptatis lastra circumvolent. Me carpe, me disjice, obijce crimina quæ volueris, argue luxuriæ et deliciarum: magis me amabis, si talis fuero: ero enim de armento tuo ». Hæc ad Jovinianum Hieronymus; perorando autem ad Romam conversus ista habet: « Sed et ad te loquar, quæ scriptam in fronte blasphemiam Christi confessione delesti, Urbs potens, Urbs orbis domina, Urbs Apostoli voce laudata; interpretare vocabulum tuum. Roma aut fortitudinis nomen est apud Græcos, aut sublimitatis, juxta Hebræos: serva quod diceris. Virtus te excelsam faciat, non voluptas humilem. Maledictionem, quam tibi Saluator in Apocalypsi¹ comminatus est, potes effugere per penitentiam, habens exemplum Ninivitarum. Cave Joviniani nomen, quod de idolo derivatum est. Squelet Capitolium: templa Jovis et cærimonie accenduntur: cur vocabulum ejus et vitia apud te vigeant? Adhuc sub Regibus, et sub Numa Pompilio facilius majores tui Pythagoræ continentiam, quam sub consulibus Epicuri luxuriam susceperunt ». Illeque Hieronymus, et quidem (ut apparet) post illatam templis eorum cladem, quam anno superiori contigisse vidimus, id operante Graccho præfecto Urbis.

57. *Hieronymus suos in Jovinianum libros male acceptos per Apologeticum defendit.* — Sed quid post hæc accidit? Cum duo libri illi a S. Hieronymo adversus Jovinianum elaborati, Romam perlati, lectique fuissent; impugnati sunt non leviter nec ab humilibus conditionis hominibus, eo quidem prætextu, quod idem S. Hieronymus ea scriptione cum totus esset in commendatione virginitalis, visus esset nuptias despexisse. Primus autem ac potentior in Hieronymi scripta illa declamator insurrexit monachus quidam junior, æmulus illius gloriæ, idemque Joviniani hæresis valde suspectus: hic quidem ex eo quoque Hieronymum suggillabat, quod cum nec satis percepisset Joviniani sententiam, adversus tamen illum scribere ausus esset. De quibus omnibus per Domnionem idem S. Hieronymus certior factus, ad eum apologeticam scripsit epistolam¹, qua hominem, qualis esset, suis coloribus reddidit. Sed et ad finem eundem Domnionem admonet; ut agat cum petulante juvene, suadeatque ut quæ blaterat in trivio, vel inter mulierculas, scriptis mandet, si se justam causam fovere putet. Videas in iis litteris Hieronymum ita natura comparatum, ut vehementioribus quibusdam animi motibus impelleretur in hæreticos adversarios, sed quos mox freno christianæ professionis adhibito coerceret, et disciplina evangelica temperaret, ut cum ad eum iisdem litteris ait: « De nobis quoque dici potest: Fœnum habet in cornu, longe fuge. Sed magis volumus esse discipuli ejus qui ait²: Dorsum meum posui ad flagella, et faciem meam non averti a confusione sputorum ». Et adversus Ruffinum³: « Hoc munus denuntio, et repetens iterum iterumque moneo, cornutum bestiam petis: et nisi caverem illud Apostoli⁴: Maledicti gnum Dei non possidebunt: et, Mordentes⁵ invicem, consumpti estis ab invicem: jam nunc sentires, etc. »

58. Verum non monachum unum illum, contemnendum potius quam revincendum, scriptis a se commentariis adversarium expertus est, sed plurimos et quidem pios, catholiceque fidei asseredores, nonnihil offensos, quod ab eodem S. Hieronymo visum esset matrimonium parvipensum atque despectum; iidemque in Pammachium concitati sunt, quem scirent omnes acerrimum semper fuisse ejusdem Hieronymi defensorem: quin et ipsum Ecclesiæ Romanæ Pontificem eadem ex causa fuisse commotum, ipse Hieronymus ita ad Pammachium scribit⁶: « Audio totius in te Urbis studia concitata: audio Pontificis et populi voluntatem parimente congruere. Minus est tenere sacerdotium, quam micari ». Hæc cum dicit ipse, nemo in illam suspicionem ducatur, ut ea ex causa putet Siricium favisse Joviniano, quem constat ex hujus anni rebus gestis ab eodem tum Romæ damnatum, tum procuratum ut ab aliis quoque episcopis damnaretur. At nonnihil sane adversus Siricium commotum fuisse Hieronymum, cum ex his, quæ dicta sunt, atque aliis quæ inferius dicturi sumus, aperte constabit. Sed quo tandem progressa res est? eo usque, ut sedandi concitati rumoris causa Pammachius editos a S. Hieronymo duos libros illos revocare studuerit; sed frustra, cum jam ubique exscripti atque vulgati illi fuissent; testatur id quidem iisdem litteris S. Hieronymus, ubi ait: « De opusculis meis contra Jovinianum, quod et prudenter et amanter feceris exemplaria subtrahendo, optime novi. Sed nihil profuit ista diligentia, cum aliquanti ex Urbe venientes mihi eadem lectitarent, quæ se Romæ excepisse referebant. In hac quoque provincia jam libri fuerant divulgati: et, ut ipse legisti, Nescit vox missa reverti. Non sum tantæ felicitatis,

¹ Hieron. epist. LI. — ² Isai. L. — ³ Hieron. Apolog. adver. Ruffin. — ⁴ 1. Cor. vi. — ⁵ Galat. v. — ⁶ Hieron. epist. LII.

¹ Apoc. XVII. XVIII.

quantæ plerique hujus temporis tractatores, ut nugas meas, quando voluerim, emendare possim : statim ut aliquid scripsero, aut amatores mei, aut invidi, diverso quidem studio, sed pari certamine in vulgus nostra disseminant ».

59. Cum igitur editi semel libri revocari non possent, idem Hieronymus consilio Pammachii proliis apologeticam scripsit epistolam : testatur hoc ipse, cum ait¹ : « Apologeticum ipsius operis tibi misi, quem προσφώνησα, et te poscente, edidi : quem cum legeris, aut ipse pro nobis cæteris satisfacies; aut si tu quoque narem contraxeris, illam Apostoli περυσιν, in qua de virginitate et nuptiis disputat, aliter disserere compelleris ». Hæc ipse, plane significans omnia eo argumento a se conscripta, consentientia esse iis quæ a S. Paulo scripta sunt ad Corinthios², quibus virginitatem nuptiis præfert. Tempus autem ejusdem Apologetici si requiras; invenies plane, quod diximus, post præsentem annum fuisse conscriptum, ea nimirum ratione, quod cum hoc anno constet damnatum Jovinianum, in ipsoque Apologetico ejusdem damnationis mentio habeatur, plane convincitur post præsentem annum esse elaboratum, nempe decimo tertio Theodosii imperatoris : tunc enim illum a se conscriptum fuisse testatur³, et postea ad eundem Epithaphium elucubratum, de quo suo loco dicturi sumus.

60. Certe quidem nullo indigere videbantur Apologetico scripta priora, in quorum exordio ejusmodi contestationem præmisit⁴ : « Neque vero, inquit, nos Marcionis, et Manichæi dogma sectantes, nuptiis detrahimus; nec Taciani principis Encratarum errore decepti, omnem coitum spurcum putamus, qui non solum nuptias, sed cibos quoque, quos Deus creavit ad utendum, damnat et reprobat. Scimus in domo magna non solum vasa esse aurea et argentea et lignea et fictilia, etc. » Pluribus insinuat, venerabiles esse nuptias et torum immaculatum, sed virginitatem longe præstare. Quamobrem et in Apologetico illis verbis jure conqueritur, quibus ait⁵ : « Dum contra Jovinianum presso gradu pugno, a Manichæo terga mea confossa sunt. Nonne, quæso, statim in principio operis mei ista præfatus sum? Neque enim nos Marcionis, etc. » jure quidem atque prudenter, satisque ad erroris lineam declinandam, ut a nemine jure redargui potuisset.

61. *Augustinus in eadem causa scribit.* — Cæterum quod his ipsis temporibus, æque ac hæresis Joviniani, vigebat, urgebatque magnopere Dei Ecclesiam Manichæorum hæresis, qui adeo invaluerant, ut parum profuerit crebris eis exagitari imperatoris edictis; displicuit Siricio et aliis piis viris, depressione nuptiarum a S. Hieronymo virginitatem extolli. Verum quod totus ipse esset in pugna illa pro virginitate suscepta, ferreturque concitatus

adversus Jovinianum æquantem conjugium virginitati; in præconiis virginitatis, non autem conjugii (ut ipse excusatur) versari necesse fuit : unde calumniæ locus patuit, quasi faveret Hieronymus Manichæis. Manichæorum autem causam eos agere, qui virginitatem nuptiis præferebant, jactare solebat Jovinianus, de quo S. Augustinus¹ : « Jovinianus qui paucos ante annos novellam conatus est hæresim condere, Manichæis patrocinari dicebat Catholicos, quod adversus eum sanctam virginitatem nuptiis præferebant. Sed responsurus est isle, non se, quod Jovinianus, de indifferentia nuptiarum virginumque sentire : nec ego id dico, quod isti hoc sentiant. Verumtamen per Jovinianum Catholicis Manichæos objicentem, non esse hoc novum, novi hæretici recognoscant. Nos itaque nuptias bonum dicimus esse, non malum. Sed sicuti Ariani Sabellianos nos esse criminantur, quamvis non dicamus unum eundemque esse Patrem et Filium et Spiritum sanctum, quod Sabelliani dicunt; sed dicamus unam eandemque esse naturam Patris et Filii et Spiritus Sancti, quod Catholicis dicunt : ita Pelagiani nobis Manichæos objiciunt, quamvis non dicamus malum esse nuptias ». Hæc Augustinus : sed quid post ipse? dicam.

62. Cum igitur sciret idem S. Augustinus Hieronymum eam passum esse calumniam, quantumlibet pie sancteque scripserit, quod visus esset in virginitatis laudibus nuptiis detraxisse, atque eam ob causam de eo falsa illa jactassent æmuli cum hæreticis, nimirum fovisse illum causam Manichæorum : ipse cautior adversus Jovinianum alia via agendum sibi proposuit : nempe ut quantum liceret nuptias laudibus celebraret, ac simul præconia virginitatis extolleret. Sicque elaboravit commentarium, illo titulo prænotatum : *De bono conjugali contra Jovinianum* : cuius a se post Hieronymum susceptæ provincie rationem affert, cum hæc ait² post damnatum Jovinianum : « Remanserunt, inquit, istæ disputationes ejus in quorundam sermunculis ac susurris; quas palam suadere nullus audebat. Sed etiam occulte venenis repentibus, facultate quam donabat Dominus, occurrendum fuit : maxime quoniam jactabatur, Joviniano responderi non posse cum laude, sed cum vituperatione nuptiarum. Propter hoc librum edidi, cuius inscriptio est : *De bono conjugali* ». Hæc ipse.

63. *Ex Joviniani hæresi oborta flagitia, adversus que Theodosius fert legem.* — Tot igitur jaculis confossa bestia est, quæ matrimonium æquabat virginitati : at quibus judicas conficiendum esse ictibus monstrum illud, nostro obortum sæculo, per quod nedium virginitas subjicitur matrimonio, sed omnino lumi deprimitur, imo prorsus exstinguitur? cui merito illud conveniat, quod de Behemoth dictum reperitur³ : « Sternit sibi aurum quasi lutum » : dum aurea vasa pudoris, quasi testacea

¹ Hieron. ep. LII. — ² 1. Cor. VII. — ³ Hier. de Script. Eccl. — ⁴ Hier. cont. Jovin. l. I. — ⁵ Hier. epist. L.

¹ Aug. de nupt. et concup. ad Valer. l. II. c. 23. — ² Aug. Retract. l. II. c. 22. — ³ Job. XLII.

reputat, confringit, ac tanquam lutum prosternit. Sed qui prædixit ligandum illum in ancillis suis¹: de hoc quoque monstro constat alias sæpe obtentam in sanctis virginibus prænuntiassæ victoriam.

64. Rursum vero quod ad sordidas hujusmodi Joviniani hæreses spectat; quantas ipsæ invexerint in Urbem deformes libidines, relaxatis semel habentis concupiscentiæ, Theodosii sanctio manifestat. Quod enim exrescentia et alluvione omnium turpitudinum Joviniani et sectatorum ipsius, Urbs (quod tantopere deplorassee vidimus S. Hieronymum) ita repleta esset luxuria, ut putorem exhalaret infandorum scelorum, eorum videlicet turpissimorum hominum, qui post alteram abeuntes carnem, omnes naturæ terminos prætergressi, in imum se barathrum demersissent: hos ipsos Sodomilico dignos incendio, ultricibus merito flammis absumi, Theodosius imperator hoc anno lata lege sancivit, quæ Romæ publicata est in foro Trajani; est vero hujusmodi²:

« Valentinianus, Theodosius, et Arcadius AAA. Orientio vicario Urbis Romæ.

« Omnes quibus flagiti usus est, virile corpus muliebriter constitutum alieni sexus damnare patientia (nihil enim discretum videntur habere cum feminis), hujusmodi scelus, spectante populo, flammis vindicibus expiabit. Publicata in foro Trajani VIII id. Aug., Valentiniano A. IV et Neoterio coss. » Ex alio vero Codice paulo fusiorem et in aliis quibus diversam, sed admodum depravatam Pithæus sic edidit eodem ipso titulo.

65. « Non patimur Urbis Romæ virtutem omnium matrem diutius effeminari, in viros pudoris contaminatione fedari: et post aliqua valde corrupta: « Laudanda igitur experientia tua, quibus flagitiosus luxus est viri corpus muliebriter constitutum alieni sexus damnare patientia, nihilque discretum habere cum feminis occupatos, ut flagitii poscit immanitas, atque omnibus seductos, pudet dicere, virorum lupanaribus, spectante populo, flammis vindicibus expiabit; ut universi intelligant, sacrosanctum cunctis esse debere hospitium virilis animæ, nec sine summo supplicio alienum expectisse sexum, qui suum turpiter prodidisset. Prop. prid. id. Maii Romæ in atrio Minervæ ». Quam igitur evanuerat Constantinus (ut dictum est, Hieronymo auctore) lacunam sordium, mox licentia hæresis Joviniani replevit. Ex his intelligas, lector, quas secum sordes ferant hæreses: quibus soluta christiana disciplina, petulantia carnis carceres aperiantur ad cursum.

66. *Theodosius constitutionem a se latam ecclesiasticæ libertati contrariam per legem posteriorem revocat, suadente Ambrosio.* — Quod ad res pertinet Orientis: hoc ipso anno (non autem sequenti sub consulatu Tatiani (Titiani) et Symmachi, ut a Socrate³ ponitur) accidit Constantinopoli scelus

illud immane, quod tum ab ipso Socrate, tum etiam a Sozomeno⁴ recensetur, de diacono Constantinopolitane Ecclesiæ, qui cum nobili se matrona commiscuit: cum propalato facinore per penitentiarium presbyterum, factum est ut a Nectario ejus Ecclesiæ episcopo mueri illi mancipatus presbyter dimoveretur. Porro quod ad veritatem rei gestæ spectat, consule quæ dicta sunt superius primo Annalium tomo, cum de secreta peccatorum confessione pluribus actum est: ibi enim complures obortæ inde difficultates solvuntur, et Novatianorum historicorum mendacia confutantur. Quod vero ad nobilem illam feminam attinet, fuisse eam ordine diaconissam, Sozomenus significare utique videtur, cum ait: « Hæc porro de causa Theodosium imperatorem equidem conjicio, providentem Ecclesiæ honori et dignitati, edicto cavissee, ne mulieres, nisi liberos haberent et annum sexagesimum excessissent, divinum ministerium », diaconissæ munus scilicet, « ullum susciperent, secundum apostoli Pauli expressum mandatum: illæ vero quæ caput ornarent (attenderent), ecclesiis exturbarentur, et episcopi qui has ipsas admitterent, episcopatibus suis privarentur ». Hæc Sozomenus, plane demonstrans, juniorem fuisse feminam illam diaconissam, quæcum diaconus scelus patrasset. Extat ipsa lex Theodosii imperatoris, quam hic curavimus contexendam, hoc ipso anno ab eodem Theodosio promulgata sub hujus anni consulibus: quibus liquet, præsentī potius quam sequenti anno, quæ dicta sunt, accidisse. Sed et quod exhausisset vidua illa bona sua ditando diaconum; inde factum est, ut idem imperator eadem lege eaverit, ne viduæ quovis titulo vel Ecclesiæ vel ejus ministris bona relinquerent. Sed reddamus hic ipsam eā de causa (ut creditur) hoc anno editam sanctionem⁵:

« Imppp. Valentinianus, Theodosius, et Arcadius AAA. Tatiano PP.

67. « Nulla nisi emensis sexaginta annis, cui voliva domi proles sit, secundum præceptum Apostoli ad diaconissarum consortium transferatur. Tum filiis suis curatore (si id ætas poscit) petito, bona sua idoneis sedula religione gereunda committat: ipsa tantum prædiorum suorum redditus consequatur, de quibus servandi, abalienandi, donandi, distrahendi, relinquendi, vel quoad superest, vel cum in fata concedit, et libera ei voluntas est, integra sit potestas. Nihil de monilibus et suppellectili, nihil de auro, argento, cæterisque claræ domus insignibus sub religionis defensione consumat; sed universa integra in liberos proximos, vel in quoscunque alios arbitrii sui existimatione transcribat. Ac si quando diem obierit, nullam ecclesiam, nullum clericum, nullum pauperem scribat hæredes. Carcat namque necesse est viribus, si quid contra velitum circa personas specialiter comprehensas fuerit a moriente confectum. Imo si quid ab his morienti fuerit extortum, nec tacilo fideicommisso

¹ Job. XL. — ² L. VI. ad legem Jul. de adult. — ³ Socrat. l. v. c. 19.

⁴ Sozom. l. VII. c. 16. — ⁵ L. XXVII. de Episc. C. Theod.

aliquid clericis in fraudem venerabilis sanctionis callida arte aut probrosa cuiuspiam cohibentia degerat; extorres sint ab omnibus, quibus inhierant bonis.

68. « Et si quid forte per epistolam, codicillum, donationem, testamentum, quolibet denique detegitur genere scriptum erga eos, quos hac sanctione submovimus; id nec in iudicium devocetur; sed vel ex intestato is qui sibi competere intelligit, statuti huius definitione succedat: si quis se agnoscit filium, si quis probat propinquum, si quis denique vel casu vel iudicio, pro solido, pro portione hæres, legatarius, fideicommissarius, apertis deprehenditur codicillis, fruatur fortunæ munere, conscientie suæ fructu, et submolis his atque dejectis in hereditariis corporibus potestate utatur hæres.

69. « Feminae quæ crinem suum contra divinas humanasque leges instinctu persuase professionis absciderint, ab ecclesie foribus arceantur. Non illis fas sit, sacra adire mysteria, neque ullis supplicationibus mereantur veneranda omnibus altaria frequentare. Adeo quidem, ut episcopus tonso capite feminam si introire permiserit, dejectus loco, etiam ipse cum huiusmodi contuberniis areceat: ac non modo si fieri suaserit, verum etiam si hoc ab aliquibus exigi, factum denique esse quacumque ratione comperit, nihil sibi intelligat opitulari. Hoc absque dubio emendandis pro lege erit, emendatis pro consuetudine, ut illi habeant testimonium, isti incipiant timere iudicium. Dat. XI kalend. Jul. Mediolani, Valentiniانو A. IV et Neoterio coss. » Hactenus constitutio Theodosii.

70. Cum autem Mediolani hæc sancierit imperator, ex causis (ut sibi videbatur) legitimis persuasus: quoniam dum ultor sceleris exsurrexit, compressit etiam innocentes; occurrit quamprimum vindex ecclesiasticæ libertatis severus regum censor sanctus Ambrosius: qui editam sanctionem ex ea parte compulsi abrogari, qua periclitabatur fidelium erga Deum religio, et erga pauperes misericordia: alia vero ex parte, qua apostolica institutio conservabatur immunis (nam Pauli ¹ præceptum est ne vidua eligatur minor sexaginta annorum) sicut in suo robore perdurare. Theodosius igitur, Dei obtemperans sacerdoti, adversantem pietati a se editam sanctionem, contraria lege promulgata, abolevit, cum post duos ferme menses ad eundem Titianum ita rescripsit ²:

71. « Legem, quæ diaconissis vel viduis nuper est promulgata, ne quis videlicet clericus, neve sub Ecclesie nomine, mancipia, suppellectilem, prædam velut infirmi sexus despoliator invaderet, et remotis affinis ac propinquis, ipse sub prætextu catholice discipline se ageret viventis heredem; eatenus animadvertat esse revocatum, ut de omnium claris, si jam nota est, auferatur: neque quisquam aut litigator ea sibi utendum, aut Iudex noverit

exequendum. Dat. X kal. Septemb. Veronæ, Valentiniانو Aug. IV et Neoterio coss. » Sic itaque abrogata parte illa legis, in qua libertas Ecclesiastica dispendium passi erat; pars ea in suo vigore permansit, qua iuniores viduæ capillorum abscissione magno scandalo vel saltem periculo intrudebant se in numerum diaconissarum Ecclesie: quod quidem perperam agi, paulo ante adeo enorme perpetratum scelus edocuit. Vides quam conferat, lector, ad germanum legum sensum, rem gestam, causamque ipsam prænoscere, qua ab imperatore edita sanctio animatur: cujus ignari eam in longe diversam, falsamque sententiam distraherent necesse sit. Theodosium suggillantes, quasi adversatus fuerit feminarum monasticæ discipline. Meminit autem huius latæ legis Marcianus ³ imperator, quam ratam firmanque esse voluit; atque alia edita sanctione munivit: sed de his nos alias pluribus.

72. *Constitutio de consobrinarum conjugio.* — Quod insuper ad leges Theodosii spectat, laudatur ab Aurelio Victore ⁴ lex illa a Theodosio data, qua consobrinarum conjugium vetaretur: meminit huius quoque legis S. Ambrosius ad Paternum scribens, cum ait ⁵: « Sed si divina te prætereunt, saltem imperatorum præcepta, a quibus amplissimum accepisti honorem, haudquaquam prætere te debuerunt. Nam Theodosius imperator etiam patruelles fratres et consobrinos veluit inter se conjugii convenire nomine; et severissimam pœnam statuit, si quis temerare ausus esset fratrum pia pignora: et tamen illi invicem sibi æquales sunt tantummodo, quia propinquitatis necessitudine et fraternæ societatis ligantur vinculo: pietati eos voluit debere, quod nati sunt. Sed dicis alicui relaxatum. Verum hoc legi non præjudicat, etc. »

73. Porro lex ista Theodosii perit; sed illa tantum extat quæ Constantino tribuitur, sancita Romæ, Arhetione et Lolliano consulibus ⁶. Quod autem ait Ambrosius severissimam pœnam a Theodosio adversus hos fuisse statutam; quam illa fuerit, reperies in constitutione Arcadii et Honorii imperatorum, severitatem ejus legis mitigantium, qua (ut ibi dicitur) statuta erat pœna ignis atque bonorum proscriptio ⁷. Existimavit namque Theodosius opus esse severissima lege sancire disciplinam, quam Constantii constitutione decretam effrenis libido violasset. Sane quidem ut Romani dicerent consobrinas, nequaquam antiquo jure factum apparet, sed recentiori, ut Plutarchus auctor est, qui ait ⁸: « Antiquitus enim sanguine junctas Romani non copulabant sibi matrimonio, et ne nunc quidem materas, aut sorores; sero concessum fuit, ut ducere consobrinas liceret: idque gratia populari potius, quam libere decernente senatu, factum affirmat, cum subdit: « Vir quidam pecunia indigens, alias honestus et gratia populari nemine infe-

¹ Marcian. Nov. fil. v. de test. cler. — ² Aurel. Victor. in Theod. —

³ Ambros. epist. LXXI. — ⁴ L. II. de incest. nupt. C. Theod. — ⁵ L. I. de incest. nupt. C. Theod. — ⁶ Plutarch. Quæst. Roman. q. vi.

¹ 1. Timoth. v. — ² L. XXVIII. de Episc. C. Theod.

rior, consobrinam habere putabatur uxoris loco, ad quam hæreditate dos magna pervenerat, eaque ratione dives ipse esse : cui cum esset eo nomine dies dicta, populus omnia causæ cognitione cum absolvit; decretoque facto, nuptias consobrinarum permisit publice, conjugio autem superiorum graduum interdixit ». Itæc Plutarchus. Intelligis quanta levitate tanta res fuerit pertractata? Passus tamen est ex hac lege a Gentilibus invidiam Theodosius, ægre ferentibus ad jus antiquum pœnis gravissimis revocari : pro cuius sanctionis defensione, et aliarum, in quas illi obloqui non cessabant, Paulinus (ut suo loco dicitur) defensionem scripsit egregiam.

74. Purgavit igitur tanquam scopam Theodosius hac lege non excrecentes solum Gentilium Romæ libidines, sed et aliorum Paganorum ubique degentium : siquidem Græci ethnici antiquarum legum Solonis et Lycurgi auctoritate, necnon Egyptii ex antiquo more jureque patrio non a consobrinis tantum, sed nec ab uterinis conjugio abstinebant : audi enim Philonem, qui dum agit ¹ de legibus Judæorum, quibus hujusmodi conjugia vetita erant, hæc ait : « Quamvis Atheniensis Solon hoc observat in uterinis tantum germanis, eodem patre prognatis relinquit liberum. Contra Lacedæmoniorum legislator uterinis non interdicit connubio, sed solis eodem patre genitis. At Egyptius ridens utriusque simplicitatem et semiperfecta placita, laxavit libidinem, et auxit in corporibus animisque insanabile malum intemperantiæ, permissa licentia ducendi sorores,

sive per alterum parentem sive per utrumque cognatas, majores pariter et minores, æqualesve, ne gemellis quidem exceptis ». Itæc Philo. Tot igitur tantaque in orbe Romano aucta turpitudinum mala lex una Theodosii in Ethnicis sancte curavit, quæ in Christianis ipsa religionis professio procul amoverat : nam (ut pluribus docet Theodoretus libro de legibus) una cum nomine christiano, abdicatis omnibus pravis moribus antiquisque turpibus iniquisque legibus, divinæ, puræ, justæ, sanctæque leges servandæ ab omnibus susceptæ sunt.

Sed illud quidem perperam factum, ut quot christiani principes vetuerint sanctionibus ne inter consobrinos matrimonium iniretur, iidem principes id faciendi aliquando licentiam impertirent : quem usum usque ad Gothos reges in Italia regnantes perseverasse, formula dispensationis ¹ a Cassiodoro conscripta declarat.

75. *Obitus Gallæ Augustæ.* — Hoc quoque anno Galla Augusta posterior Theodosii conjux, Constantinopoli cum esset ex hac vita migravit, quam Arcadius sepelivit : eodemque tempore in foro haud longe ab ecclesia erecta est columna, desuperque fuit Theodosii argentea statua collocata ; sed et obeliscum etiam hoc anno in circo Constantinopoli positum affirmat Marcellinus sub hujus anni consulibus. Reliquit autem Galla unicam prolem, nempe filiolam, nomine Gallam Placidiam ; de qua suo loco dicendum pluribus erit.

¹ Cassiod. l. vii. form. 46.

¹ Philo. de special. leg.

Anno periodi Græco-Romanæ 5883. — Olymp. 292. an. 2. — Urb. cond. 1143. — Jesu Christi 390. — Siricii papæ 7.

— Valentiniani Junioris 16. Theodosii 12. Arcadii 8.

1. *Coss. et vicennalia Valentiniani Junioris.* — Ad num. 1. Coss. *Valentinianus Aug. IV*, et *Neoterius* ; ille in Occidente, hic in Oriente, ut liquet ex iis quæ de hoc ultimo habet Gothofredus in Prosopographia Codicis Theodosiani. Valentiniani consulatus juxta secundam consulatum Cæsareorum regulam, propter nempe ejus *vicennalia*, quæ vel anticipavit, aut, quod quandoque contigit, consulatum anno antequam ea ederet, suscepit.

2. *Cædes Thessalonicensis.* — Ad num. 2 et seq. *Cædes Thessalonicensis*, in qua jussu Theodosii septem hominum millia interfecta, recte hoc anno a Baronio recitata. *Ruffinus* enim magister officiorum tunc erat, ut testatur Theodoretus lib. 5, cap.

48, cui D. Ambrosius exprobravit, quod tantæ cædis auctor extitisset. Ruffinus autem præsentī anno hanc dignitatem gessit, ut demonstrat lex 3 Codicis Theodosiani *De Fabricensibus*, mense Martio Mediolano scripta.

3. *Illyricum Orientale subditum erat Theodosio.* — Theodoretus lib. 5, cap. 17, de ea cæde locuturus, ait : « Thessalonica civitas est ampla et incolarum multitudine abundans, sita quidem in Macedonia provincia : sed quæ caput est Thessaliæ et Achaïæ et aliarum plurium provinciarum, quasunt sub administratione præfecti prætorio Illyrici ». Ait postea, eam cædem patratam, occasione *Buthe-rici*, eo tempore magistri militum *per Illyricum*.

Marca in Dissertatione de Primatu Lugdunensi num. 37 scribit, hunc Theodoretum locum fraudi fuisse viris eruditissimis, qui istius historici verba de prefectura sede ad Theodosium Magni tempora trahunt; cum tamen, inquit, is auctor de sui temporis statu aperte loquatur, id est, anni ccl, quo *Thessalonica* praefectoriana dignitate potiebatur. Verum ipsummet virum doctissimum hallucinari, manifeste liquet ex iis, quae anno cclxxx diximus, jam sc. ab anno trecentesimo septuagesimo nono *Illyricum* divisum fuisse in Occidentale et Orientale, et ab eo tempore *Illyricum Orientale*, in quo Macedonia et Thessalonica, subditum fuisse imperatori Orientis. Quare sub Theodosio duo praefecti praetorio fuere, praefectus sc. praetorio Orientis, et praefectus praetorio Illyrici, videlicet Orientalis, et *Buthericus* erat hoc tempore magister militum per *Illyricum Orientale*. Quomodo enim Theodosius eadem illam precipere potuisset, si Thessalonica ab ejus imperio non pendisset? Illic anno cclxxx data ab eo *VI kalend. April.* dum Thessalonicae esset, lex 4 Codicis Theod. *De questionibus, Albuciano vicario Macedoniae*, inscripta. Theodosio itaque parebat Macedonia. Mirum, ut id obiter observem, eodem anno, iisdemque saepe mensibus, leges a Theodosio directas ad quatuor praefectos praetorio, ad Neotherium nempe, Eutropium, Florum et Tatianum, ut videre est in Chronologia Codicis Theod. anno cclxxx, quod a Gothofredo non animadversum, et cuius rei causa mihi incomperata.

4. *Lex a Theodosio data perit.* — Antequam D. Ambrosius Theodosium in Dei templum intrare permitteret, jussit, ut legem scriberet, «quae furoris sententias irritas reddat atque inanes: et triginta dierum spatio maneat scriptae sententiae de caede ac bonorum proscriptione, rationis iudicium expectantes», ut inquit Theodoretus citatus cap. 18. Quod et factum fuisse scribit. Id certe statuitur lege 3 Codicis Theod. *De poenis*, quam Cassiodorus in Historia tripartita integram refert, dempta subscriptione, existimans, eam legem ipsissimam esse, quae a Theodosio hujus caedis occasione emissae est. In eandem sententiam abiit Baronius, et post eum Gothofredus in illius legis Commentario. Sed utrumque deceptum fuisse, apud me paene certum: ejus enim inscriptio haec est: IMPP. GRATIANUS, VALENTINIANUS ET THEODOSIUS AAA. FLAVIANO P. P. ILLYRICI ET ITALIE: dicitur vero «data XV kal. Septemb. Veronae, Antonio et Syagrio coss., anno nempe Christi cclxxxii. Quare haec lex diversa ab ea, quam Theodosius hujus caedis occasione emisisse dicitur. Respondet Baronius, characteres illos temporum depravatos fuisse, et quidem ab aliquo, qui indigne ferret, ea suo loco et tempore atque titulo posita legi, quibus Theodosii immane facinus decantaretur. Sed, cum id sine teste asserat, ac de nulla alia Codicis Theodosiani lege dici possit, ejus conjectura rejicienda. Addit Baronius, *Theodosium* hoc anno Veronae fuisse, ut liquet ex Chronologia Codicis Theodosiani. At ex eadem Chronologia constat, *Valentinianum Juniorem* anno

cclxxxii Patavii et Veronae fuisse, ut Gothofredus fatetur.

5. *Sententia Baronii et Gothofredi confutatur.* — Ipse Gothofredus, ad probandum illorum characterum errorem, utitur argumento ex *Flaviani* nomine, ad quem lex 13 *De poenis*, directa, deducto. «Fuit, inquit, Flavianus, hic praefectus praetorio Illyrici et Italiae per haec omnino tempora anno Domini cccxc et cccxci, ut docet lex 11 Codicis Theodosiani *De fide testium*, lex 4 et 5 *De apostatis*, lex 2 *De constitutionibus principum*, lex 6 *De contrahenda emptione*. Post *Polemium*, sc. qui primis adhuc hujus anni cccxc mensibus P. P. Illyrici et Italiae erat, lege 28 Codicis Theod. *De operibus publicis*, et ante Apodemium, qui anni cccxci initio P. P. Illyrici et Italiae reperitur lege 21 Codicis Theodosiani *De naviculariis*. Fuit proinde *Flavianus* P. P. Illyrici et Italiae posterioribus anni cccxc mensibus, et anno cccxci. Quanquam Flavianum praefectum praetorio quoque reperio Merobaude et Saturnino coss., anno cclxxxiii, lege 8 Codicis Theod. *De desertoribus*, et lege 2 ejusdem Codicis *De his qui latrones*. Ita Gothofredus, qui inde infert, ex hujus legis *De poenis* titulo expungendum esse nomen Gratiani jam a septennio occisi. At si Gratiani, Flaviani etiam nomen delendum esset; is enim sub Valentiniano Juniore, non vero sub Theodosio, praefecturam praetorii gessit. Laudata itaque leges anni cccxc et cccxci datae, non ad Theodosium, sed ad Valentinianum Juniorem referendae, ipso Gothofredo in illarum Commentariis teste. Quare Flavianus praefectus praetorio Italiae et Illyrici, sc. Occidentalis, fuit annis cclxxxii et cclxxxiii, rursusque anno cccxci, imo et aliquot mensibus anni cccxci. Lex enim 20 Codicis Theodosiani *De petitionibus*, inscripta est *Flaviano P. F. P.*, diciturque *PP. VI idus April. Arcadio Aug. II et Rufino coss.*, anno sc. cccxci, ideoque emissae ea, non a Theodosio, ut perperam Gothofredus, sed a Valentiniano Juniore, qui in vivis fuit usque ad diem xv mensis Maii. Docent enim Rufinus lib. 2, cap. 33, Sozomenus lib. 7, cap. 22, et Paulinus in Vita S. Ambrosii, *Flavianum* praefectum praetorio fuisse, quando Valentinianus Junior trucidatus est, ac auctorem exitisse omnium, quae adversus hunc gesta sunt: qui scriptores de praefectura Italiae loquuntur, ut ex eorum lectione apud Baronium (an. cccxci, n. 16 et seqq., et an. cccxci, n. 37) constat. Verum anno cccxc non Flavianus, sed *Polemius* praefectus praetorio Illyrici et Italiae fuit, et quidem ab initio anni usque ad ejus finem. Lex enim Codicis Theodosiani 26 *De operibus publicis*, data est *Mediolani XVIII kal. Feb. Polemio PP. P. Illyrici et Italiae*. Tum prid. non. April. data *Mediolani* lex 28 ejusdem Codicis *De operibus publicis*, inscripta *Polemio P. P. Illyrici et Italiae*. Denique X kal. Jan. data *Mediolani* lex 9 Codicis Justiniani *De officio rectoris provinciae*, inscripta *Polemio P. P. Illyrici*.

6. *Eadem sententia rursus refellitur.* — Alium

hoc anno Illyrici et Italiae praetorio praefectum obtrudit Gothofredus in Chronologia Codicis Theod. sc. *Neotherium*, quod lex 3 Codicis Theod. *De thesauris*, quae dicitur data VI non. Mart. Constantinop., inscribitur *Neotherio PF. P.*, et lex 7 ejusdem Codicis *De curiosis*, data loco non expresso V kal. Jun. inscribitur *Neotherio PF. P.* Sed cum lex illa *De thesauris* data sit Constantinopoli, non dubium quin ad Theodosium M. referenda sit, ideoque et lex laudata *De cursu publico*. Haeret Gothofredus in Commentario hujus ultimae legis, sub quo imperatore praefectus praetorio *Neotherius* fuerit, et ejus praefecturae praetorianae, quod Symmachus lib. 5, epist. 38, hunc *Neotherium*, hoc anno consulem in Occidentis partibus, et quidem in Italia fuisse ostendere videatur, concluditque, se hanc rem in medio relinquere. Sed, cum Theodosius legem citatam *De thesauris*, ad *Neotherium* miserit, et aliquas alias leges ad *Tatianum PF. P.*, non dubito, quin hic praefectus praetorio Orientis fuerit, *Neotherius* vero praefectus praetorio Illyrici Orientalis. El ratio est, quia lex ultima Codicis Theod. *De tutoribus et curatorem*, dicitur XII kal. Feb. dat. Mediol. *Tatiano PF. P.*, et post VI nonas Martias (quo die lex citata *De thesauris* directa est ad *Neotherium PF. P.*), sequentibus mensibus Theodosius Magnus varias leges inscribit *Tatiano* praefecto praetorio. Quare uno eodemque tempore *Tatianus* et *Neotherius* praefecturam gessere in diversis imperii Orientalis partibus, in Oriente sc. et in Illyrico Orientali. Quoad Symmachum, is quidem indicat, *Neotherium* consulatus possessionem Mediolani inisse; sed factum id quia Theodosius, qui eum consulem Orientalem designavit, toto hoc anno et majori parte sequentis in Italia fuit.

7. *Divisio Illyrici ante Valentiniani Jun. necem facta.* — *Apodemius* vero fuit praefectus praetorio Orientalis, non vero praefectus Illyrici et Italiae, ut sibi persuasit Gothofredus, qui existimavit, Illyricum hoc tempore nondum divisum fuisse. Lex enim 20 Codicis Theod. *De naviulariis*, inscripta est, *Apodemio PF. P. Illyrici et Afric.*, diciturque data XV kal. Mart. Constantinopoli Arcadio A. II et *Ruffino* coss., anno videlicet Christi cccxcii. Ubi haec voces et *Afric.* abdicandae, non vero earum loco vox *Italiae* substituenda, ut perperam Gothofredus. Cum enim ea lex data sit Constantinopoli, et quidem paulo ante mortem Valentiniani Jun. die xv Maii illius anni occisi, non dubium, quin ad Theodosium Magnum pertineat, ut ipsemet Gothofredus fatetur. Post Valentiniani Junioris caedem duae aliae leges ad *Apodemium PF. P. per Illyricum* a Theodosio missae: lex nempe 12 et 13 Codicis Theod. *De legatis*. Prior data I Aug., posterior IV idus Septemb. Cum autem eodem anno cccxcii *Flavianus*, ut jam ostendi, praefecturam praetorii Italiae et Illyrici, sc. Occidentalis, gesserit, et *Apodemius* ante diem xv Maii Valentiniani Junioris emortualem, Illyrico, nempe Orientali, praefuerit, ut ex tribus legibus mox citatis planum sit, ac post diem xv Maii praefectus praetorio

Italiae et Illyrici fuerit, intelligimus, *Flavianum* auctorem caedis Valentiniani, praefectura indignum a Theodosio judicatum, Italianamque et sordidum Illyricum Apodemio commissam fuisse: quo vel solo argumento constat, divisionem *Illyrici in Orientale et Occidentale* factam esse ante necem Valentiniani Junioris, secus ac credit Gothofredus. Neque enim post peremptum Valentinianum Theodosius imperium partitus est, sed *Eugenius tyrannus* Occidentem praefuit, nominatimque Galliis; Theodosius vero ceteris orbis Romani regionibus. Ex quibus tandem omnibus concludendum, *Flavianum* currenti anno non fuisse praefectum Italiae et Illyrici, ideoque nec legem 13 Cod. Theod. *De poenis*, eam esse, quam post caedem Thessalonicensem Theodosius M. emisit. Cum enim *Neotherius* currenti anno praefectus praetorio Illyrici Orientalis fuerit, lex illa Theodosii, quae perit, ad eum dirigi debuit.

8. *Jam ab anno ccclxiv praefectura Italiae et Illyrici memorata.* — Gothofredus, ut ostendat, legem illam Theodosianam aliam non fuisse quam praefatam *De poenis*, alterum argumentum adducit, deductum ex praefectura praetoriana Illyrici et Italiae, quam dicit, non memorari ante annum Christi ccclxxxvii, ex quo infert, legem illam *De poenis*, inscriptam Flaviano praefecto praetorio Italiae et Illyrici, datam esse post illum Christi annum, non vero anno ccclxxxii. Verum ea regula, quam vir doctissimus statuit, etiam in Commentario legis 2 Cod. Theod. *De constitutionibus principum*, vera non est; cum ex iis, quae ipsemet in eodem Commentario refert, constet annis Christi ccclxiv, ccclxv, ccclxvi et duobus subsequentibus unum eundemque praefectum praetorio praefuisse Italiae, Illyrico et Africæ, exindeque annis ccclxxxvii et tribus insequentibus. Falsum etiam illud quod ibidem ponit: « Cum Illyricum Italiae sociari per haec tempora », anno sc. cccxcii, quo ea lex *De constitutionibus principum* data, « videmus ante Arcadium et Honorium ferme, de utroque Illyrico, sen universo, id accipiendum est, quod utique sub eodem Occidentis imperatore, et sub eadem administratione conjunctum erat: sub Constante primum, dein sub Valentiniano Seniore, tandem et sub Valentiniano Juniore et Gratiano ». Nam *Illyricum* in Occidentale et Orientale anno trecentesimo septuagesimo nono divisum fuisse, certis argumentis me demonstrasse existimo, tam anno trecentesimo octogesimo, quam currenti. Praeterea ex mox dictis liquet, *Apodemium* praefectum praetorio Illyrici Orientalis, simpliciter et absolute vocari praefectum praetorio *per Illyricum*. Sicut itaque post *Theodosium M.* Illyricum absolute positum plerumque de Orientali intelligitur, ut ex multis Codicis Theod. legibus patet; ita et non raro post ejus imperii initium de Illyrico Orientali vox illa explicanda. Alia argumenta, quae Gothofredus in medium profert, aliud non probant, quam caedem Thessalonicensem praesenti anno perpetrata esse: qua in re neque a Baronio, neque ab eo dissentimur.

9. *Ut per xxx dies sententiæ suspenderentur, et a Valentiniano et a Theodosio statutum.*— Sed hanc legem *De pœnis*, aliam esse a Theodosiana post eam eadem lata, ejus subscriptio manifeste ostendit : data est enim *in mense Augusto*, non vero, ut Baronius memoria lapsus scribit, *in mense Septembri*. Theodoretus quippe lib. 5, cap. 48, ubi eadem Thessalonicensem narravit, ait : « Longo post tempore elapso : octo enim menses excesserant : Servatoris nostri natalis dies advenit ». Addit Theodoretus, cum tunc Theodosius ad Ecclesiam venisset, petiisse ab eo D. Ambrosium, ut scriberet legem, « quæ furoris sententias irritas reddat atque inanes ; et triginta dierum spatium maneat scriptæ sententiæ de eadē ac bonorum proscriptio, rationis iudicium expectantes ; » et statim imperatorem legem scribi præcepisse, eamque *manus suæ subscriptione* firmasse. Quare eadē Thessalonicensis accidit circa mensem Maium præsentis anni, et lex Theodosiana, quæ ad nos non pervenit, data est circa finem mensis Decembris, idque *Mediolani*, ubi Theodosius constitit ad mensem ferme Augustum, ut patet ex legibus Codicis Theod. hoc anno datis. Valesius in Notis ad Theodoretum lib. 5, cap. 48, existimat, hanc leg. 13 *De pœnis*, primum quidem latam fuisse a Gratiano annis octo ante stragem Thessalonicensium, postea vero hujus occasione renovatam a Theodosio : priorem tamen titulum legis semper remansisse, qui *Gratiani* nomen præferebat. Verum hæc conjectura non admittenda, quia Italia, ubi ea lex *De pœnis*, data, non Gratiano, sed Valentiniano Juniori parebat, ideoque et ab eodem Valentiniano ea lex lata. Præterea inscripta est, ad *Flavianum* præfectum prætorio Italiæ et Illyrici, nempe Occidentalis, atque ita ad Theodosium nullo pacto referri potest. Gothofredus in Commentario laudatæ legis *De pœnis* : scribit : « Putabam ipse aliquando hanc legem Valentiniano Juniori tribuendam esse, ut ita et Theodosius suo tempore, et Valentinianus suo, de differenda in trigesimum diem pœna extra ordinem a principe imperata aliquid constituerit. Sed alia mihi nunc stat sententiæ, etc. » Conjectura tamen quæ viro doctissimo in mentem venit, omnino retinenda, cum ea sola hæc difficultas explicari posse videatur.

10. *Concilium Mediolanense.* — A num. 35 ad 48. Hoc quidem anno *Mediolanense* celebratum, ut liquet ex epistola S. Ambrosii 28. Sed an *Jovinianus* in eo, vel in alio Concilio damnatus fuerit, incertum. Prosper tamen in Chronico imperiali, anno septimo Theodosii Magni post Gratiani mortem regnantis, præsentem nempe, insinuat aliam hujus Concilii causam ; ait enim : « Ingens inter nostros contentio oborta : quod scilicet episcopi, qui ab hæreticis depulsi fuerant, nolent his ab imperatore dejectis, alios quam se substitui sacerdotes ». Videtur loqui Prosper de episcopis, de quibus alter Prosper in Chronico consulari sub præcedentis anni consulibus scribit : « Ithacius et Ursacius episcopi ob necem Priscilliani, ejus accusatores fuerant, Ecclesiæ communionem privantur ». Hermantius lib. 7

Vitæ sancti Ambrosii, cap. 4, hunc Prosperi locum ad Concilium Mediolanense explicandum affert, ex quo cum priori Chronico imperiali, quod Hermantius non recitat, aliquid in re obscurissima statui potest. Legendus Baronius anno cœv, num. 55 et seq., ubi de Concilio Taurinensi, et Acta primi Concilii Toletani anno cœ celebrati, in quibus de *Priscillianistis* in Concilio Mediolanensi, præsentem nempe, damnatis agitur. Ex illis omnibus aliqua hujus Concilii historia concinnari potest. Certe Sulpicius Severus, qui anno Christi cœ Historiam suam absolvit, ait, turbas illas inter episcopos jam a quindecim annis etiam tum perdurasse.

11. *Theodosii lex de monachis.* — Ad num. 67. Cæterum lex 4 Codicis Theod. *De monachis*, lata non est occasione *Jovinianistarum*, qui e monasteriis ejeti, in urbibus tamen cum habitu monastico vagabantur. Nam præterquam quod, ut inquit Gothofredus in hujus legis Commentario, hæc lex ad Orientem pertinet (ubi Tatianus, cui ea inscribitur præfectus prætorio erat), non agitur in ea de monasterio ejectis, verum de quibuscumque « qui sub Professione monachi reperiuntur », id est, de omnibus qui monasticam vitam profitebantur, interim tamen civitates frequentabant, ut ostendit lex 2 ejusdem Codicis *De monachis*, qua post biennium memorata lex abrogatur. Quare hac lege *monachi* quicumque, non pœna loco ad deserta loca et solitudines conferre sese jubentur, ut credidit Baronius ; verum pro Vitæ suæ instituto eo redire. Denique pertinet hæc lex ad monachos sive eremitas, ejusmodi in Ægypti potissimum, Syriæque solitudinibus, aliisve agebant, deserta loca et vastas solitudines sequentes. Qua de re plura Gothofredus in hujus legis Commentario.

12. *Gallam inter et Arcadium dissidium.* — Ad num. 75. Marcellinus in Chronico sub hujus anni consulibus scribit : « Galla Theodosii uxor ab Arcadio privigno suo ejecta est. Obeliscus in circo positus est : columna laud longe ab Ecclesia constituta est, quæ argenteam Theodosii Magni statuam ferens hæcenus contemplatur ». Baronius, qui in Annalibus hæc verba recitat, ait, Gallam hoc anno demortuam et ab Arcadio sepultam ; quæ profecto Marcellinus non dicit. Imo Zozimus pag. 776 Valentiniani Junioris morte, quæ anno cœccxcii accidit, narrata, ait : « Universis hæc Theodosio principi eodem tempore renuntiatis, uxor ejus Galla, fratrem deplorans, regiam universam contribat. Mortua est autem Galla anno cœccxciv, quo Theodosius ad vindicandam Valentiniani Junioris mortem Constantinopoli digressus est, teste Zozimo pag. 777 : « Conjugem ipsius Gallam parturientem mori contigit, infantis onere cum vita deposito ». *Obeliscus* ille qui hæcenus Constantinopoli visitur, vicennialium Valentiniani occasione Theodosio positus : nam imperatoribus hujusmodi sollemnia in Occidente exhibentibus, in Oriente obelisci erecti, Ecclesiæ dedicate, similique peracta et vice versa.

SIRICII ANNUS 7. — CHRISTI 391.

1. *Symmachus reconciliatus Theodosio.* — Christi annus trecentessimus nonagesimus primus adscribitur Fastis consulatu Tatiani et Symmachi : hic enim ob patrocinium patriorum cultus deorum (ut vidimus) extra trecentessimum lapidem a Theodosio relegatus, sed restitutus, scripto jam (ut Socrates ait¹) ad Theodosium Apologetico, ab eodem est evectus ad consulatum. Quod enim Symmachus inter senatores primarius emereret, et in rebus gerendis solertissimus ac sagacissimus haberetur, cuius tantum nutu reliqui moverentur; Theodosius rediturus in Orientem, cum amplissimo magistratu voluit demerere, ne quid turbarum ab eo adversus Valentinianum, quem solum relinqueret in Occidente, concitaretur. Agit de huiusmodi Symmachi consulatu a Theodosio imperatore ei collato Prudentius, cum ostendit Theodosium nequaquam egisse tyrannice, cum Romæ cultum idololatriæ abolendum lege sancivit : nam amplissimorum magistratum participes quocunque Ethnicos esse voluisse affirmat, cum ait² :

Nec pago implicitos per debita culmina mundi
tre viros prohibet. Quoniam cælestia nunquam
Terrenis solum per iter gradientibus obstant,
Ipse magistratum tibi Consul, ipse tribunal
Contulit, oratumque (auratumque) togæ donavit amictum,
Cujus religio tibi displicet : o pereuntum
Assertor divum, solus qui restituendus
Vulcani Martisque dolos Venerisque peroras,

et quæ sequuntur.

2. *Theodosii sanctiones adversus idololatrias et apostatas.* — Cæterum ne Symmachi honoris præstantia quicquam sibi arrogaret gentilitia superstitione, idem Theodosius tunc novis eam rursus, antequam recederet ab Italia, exagitat sanctionibus; quarum prima data mense Februarii sic se habet³ :

« Imppp. Valentinianus, Theodosius, et Arcadius AAA. Albino PP.

« Nemo se hostiis polluat : nemo insontem victimam cædat : nemo delubra adeat, templa per-

lustret, et mortali (metalli) opere formata simulacra suscipiat; ne divinis atque humanis sanctionibus reus fiat. Iudices quoque hanc formam contineant; ut si quis profano ritui deditus templum uspiam, vel in itinere, vel in Urbe adoraturus intraverit, quindecim pondo auri ipse prolinus inferre cogatur : necnon officium ejus parem summam similitudine maturitate dissolvat, si non et obstiterit iudici, et confestim publica attestazione retulerit : consulares senas, officia eorum simili modo, correctores et præsidēs qualernas, apparitiones illorum similem normam æquali sorte dissolvant. Dat. III kal. Mart. Mediolan., Tatiano et Symmacho coss. »

3. Porro hæc sanciri voluit Theodosius ex senatusconsulto, cum, latis comitiis, singulorum senatorum est rogata sententia : de quibus ita Prudentius :

Aspice quam pleno subsellia nostra senatu
Decernant infane Jovis pulvinar, et omne
Idolium longe purgata ex Urbe fugandum.
Qua vocat egregii sententia principis, illac
Liberâ cum pedibus, tum corde frequentia transit :
Nec locus invidiæ est, nullum vis aspera terret :
Ante oculos sic velie patet : cunctique probatum,
Non jussum, sola capti ratione sequuntur.

Rursum vero idem Theodosius ad Ægypti magistratus aliam ejusdem argumenti dedit sanctionem, his verbis conscriptam⁴ :

4. « fidei AAA. Evagrio præfecto Augustali et Romano comiti Ægypti.

« Nulli sacrificandi tribuatur potestas : nemo templa circumeat : nemo delubra suscipiat : interclusos sibi nostræ legis obstaculo profanos aditus recognoscant : adeo ut si qui vel de diis aliquid contra vetitum sacrisque molietur, nullis exuendum se indulgentiis recognoscat. Iudex quoque, si quis tempore administrationis suæ, fretus privilegio potestatis, polluta loca sacrilegus temerator intraverit; quindecim auri pondo : Officium vero ejus nisi collatis viribus obviari, parem summam ærario nostro inferre cogatur. Dat. XV kalend. Julii Aquilicæ, Ta-

¹ Socr. l. v. c. 14. — ² Prudent. adv. Symm. l. i. — ³ L. x. de Pagan. C. Theod.

⁴ L. xi. eod. tit.

tiano et Symmacho consulib. » Hæc adversus Gentiles.

5. Quod vero sciret idem Theodosius imperator, esse inter Christianos nonnullos, qui conciliandi sibi imperatoris gratia, ex deorum Gentilium cultu ad Christianam se religionem contulissent, eosdemque pro conditione rerum ac temporum parvo momento huc et illuc impelli; ut eos in susceptæ religionis contineret officio, hisce voluit legibus coercere¹:

« Imppp. Valentin. Theod. et Arcad. AAA. Flavianus PP.

« Hi qui sanctam fidem prodiderint, et sanctum baptismum profanaverint, a consortio omnium, segregati sint, a testimoniis alieni, testamenti (ut ante jam sanximus) non habeant factionem, nulli in hæreditate succedant, a nemine scribantur hæredes. Quos etiam præcepissemus procul abjici ac longius amandari, nisi pœnæ visum fuisset esse majoris, versari inter homines et hominum carere suffragiis. Sed nec nunquam in statum pristinum revertentur: non flagitium morum obliterabitur pœnitentia; neque umbra aliqua exquisitæ defensionis aut muniminis obducetur. Quoniam quidem eos qui fidem, quam Deo dicaverant, polluerunt, et prudentes divinum mysterium in profana migrarunt, tueri ea que sunt committit et concinnata non possunt. Lapsis etenim et errantibus subvenitur; perditis vero, hoc est, sanctum baptismum profanantibus, nullo remedio pœnitentiæ, quæ solet aliis criminibus prodesse, succurritur. Dat. V kal. Maii Concordiæ, Tatiano et Symmacho coss. »

6. At ne videretur ipse imperator ejusmodi sanctione voluisse tantum errantem infrenare plebeculam, paucos post dies appendicem adjecit ad coercendos eos qui in sublimiori gradu collocati essent, ita ad eundem Flavianum rescribens²:

« Si quis splendor collatus est in eos vel ingenuitas dignitatis, qui fide devii et mente secati, a sacrosanctæ religionis cultu et reverentia descivissent, ac se sacrificiis mancipassent; perdant: ut de loco suo, statuque dejecti, perpetua nrantur infamia; ac ne in extrema quidem vulgi ignobilis parte numerentur. Quid enim his cum hominibus potest esse commune, qui infandis et feralibus mentibus gratiam communionis exosi, ab hominibus recesserunt? Dat. V id. Maii Concordiæ, Tatiano et Symmacho coss. »

7. *De translatione capitis S. Joannis Baptistæ et de ejusdem inventione.* — His ergo cohibili legibus Gentiles nobiles, et qui honoris ac quaestus causa in gratiam Theodosii Christianæ fidei cultum fuerant amplexati, ægro ferentes animo hisce vinciri vinculis, de novo in Occidente imperatore creando meditari ceperunt, postquam Theodosius Constantinopolim rediisset: quod scirent absque ejus patrocinio Valentinianum adolescentulum imbellem perfacile e medio tolli posse. Res igitur in annum sequentem dilata est, quod ipse Theodosius

ad hujus anni prope finem moram traxerit in Occidente: nam auctor est Socrates¹, eundem imperatorem recedentem ex Italia, Constantinopolim pervenisse quarto idus Novembris. Quo cum adventasset, nihil antiquius habuit quam ut absoluta basilica, quam in honorem S. Joannis Baptistæ in Septimo sumptuose erigendam curarat, inventum sub Valentis imperatoris tempore caput ejusdem S. Joannis Baptistæ in eam ex Coslai vico prope Chalcedonem posito transferret: constat quidem auctoritate Sozomeni atque Prosperi sui ipsorum sæculi res scribentium id post reditum Theodosii ex Italia esse factum, antequam Valentinianus imperator occumberet. Cæterum anni unius errore lapsus videtur Prosper, nisi id vitio librariorum accidit, dum ejusmodi translationem capitis factam tradit per Theodosium anno superiori sub consulatu Valentiniani quarto atque Neoterii; cum omnium assertione liqueat, ipsum non ante præsentem annum Constantinopolim rediisse, reversum autem istud ipsum curasse. Quamobrem nec audiendum Cedrenum putamus, qui ejusmodi translationem ad annum sextum Theodosii refert, vel qui ad posteriora reponunt tempora. At quid de his in primis Sozomenus tradat, audiamus²:

8. « Circa hoc tempus Constantinopolim translationem fuit Joannis Baptistæ caput, quod Herodias ab Herode tetrarcha petierat. Fertur autem fuisse repertum apud monachos quosdam sectæ Macedonianæ: qui cum primum Hierosolymis habitassent, postea migrarunt in Ciliciam. Sub eo autem imperio, quod ante præsens hoc fuit, nempe Valentis Augusti, « indicante Mardonio, qui domus imperatoris major eunuchus erat, jussu Valens illud Constantinopolim transferri. Itaque illi qui in hoc missi erant, publico vehiculo impositum agebant. Sed ubi ad Panticlium pervenissent (qui locus est Chalcedonis), non ulterius procedere valuerunt muli, qui vehiculum trahebant, et quidem comminantibus equisonibus, et auriga flagris acriter urgente. Cum autem nihil proficerent, videreturque cunctis et ipsi quoque imperatori res ea non sine miraculo et numine divino geri; sacrum hoc caput in Coslai pago deposuerunt: erat enim is forte in proximo, et ad Mardonii hujus ditionem pertinebat. Circa hoc autem tempus, sive Deo, sive Ipso Propheta exsuscitante, venit in hunc pagum Theodosius imperator. Cui quidem, cum Baptistæ reliquias tollere vellet, solam adiut restitisse matronam: ea erat virgo sacra, sed quam sectarentur minister et custos.

9. « Cum autem illa cunctis viribus resisteret; ratus eam non esse cogendam, precibus contendebat imperator, ut concederet. Et postquam gravate cessisset; irritum fore imperatori quod conabatur, ex eo rata, quod tempore Valentiniani (Valentis) acciderat; purpura sua thecam in qua jacebat caput involvens, accipiebat, ac reversus ante urbem Constantinopolitanam condidit in loco quem Hebdomon

¹ L. IV. de Apost. C. Theod. — ² L. V. de Apost. C. Theod.

¹ Socrat. l. v. c. 19. — ² Sozom. l. vii. c. 21.

vocant, aedificato ibi in honorem Dei amplissimo pulcherrimoque templo. Matronam porro, quamvis frequenter ac multum precatu et blandis pollicitationibus adortus esset, inducere imperator non potuit, ut ab opinione sua desisteret; erat enim sectæ Macedonianæ. Quanquam tamen Vincentius presbyter ejusdem sectæ fantor, qui et ipsam et Prophetæ loculos ex æquo venerabatur, et sacerdotio in hunc ipsum usum fungebatur, e vestigio secutus est, et cum his qui de Catholica Ecclesia erant, communicavit: cum quidem (uti Macedoniani dicunt) cum jurejurando protestatus esset, se ab eorum opinione nunquam esse recessurum. Sed ille ad extremum id hac adjecta conditione manifeste terminavit. Ut si Baptista sequi vellet imperatorem, et ipse quoque cum eodem absque omni hæsitatione conscientia communicaret. Fuit autem hic natio Persa; et cum sub imperio Constantii persecutio Christianos affligeret, fugiens una cum Adda consobrinæ suo, ad Romanos venit, atque ipse quidem in clerum allectus est, et ad presbyterii dignitatem processit: Addas autem uxore ducta plurimum profuit Ecclesiæ, et filium reliquit Auxentium, virum erga Deum fide, erga amicos promptitudine insignem, vita integrum, litterarum amatorem, et omnigena tum Gentilium, tum ecclesiasticorum eruditione præditum, moribus commodis, licet imperatori et aulicis familiaris esset et in bellicis expeditionibus splendide se gessisset. Verum illius quidem crebra mentio est tum apud probatissimos quosque monachos, tum apud homines studiosos, qui ipsum familiariter cognoverunt. Matrona vero usque ad obitum in Coslari pago versata est, vixitque generose admodum et caste, et sacris virginibus præfuit; quarum etiam nunc multas superesse intellexi, quæ mores disciplina per Matronam accepta dignos representant. Hucusque Sozomenus.

10. Sed quoniam a Macedoniano homine noscitur ejusmodi historiam mutuatus, auctorem minime citandum putavit: at quisquis ille fuerit, sectæ favit, dum suis adscripsit ejusdem sancti Præcursoris Domini inventionem capitis, illius vero custodiam tribuit Matronæ virgini. Quamobrem hæc omnia ad lapidem Lydium admoveunda sunt; ut quæ veritate subsistant, quæve nutent, perspicue possit intelligi. Atque illud in primis certum est translationem sacrarum reliquiarum nequaquam fieri hoc tempore solitam curru, equisonibus, et aurigis, sed episcoporum humeris pompa solemnî. Accipe quid sub Arcadio Theodosii filio dicat factum S. Hieronymus de reliquiis Samuelis Prophetæ, cum ex Palæstina in Thraciam delatæ sunt¹: « Sacrilegusne, inquit, dicendus est et nunc Augustus Arcadius, qui ossa beati Samuelis longo post tempore de Judæa transtulit in Thraciam? Omnes episcopi non solum sacrilegi, sed et fatui judicandi, qui rem vilissimam et cineres dissolutos in serico et vase aureo portaverunt? Stulti omnium Ecclesiarum

populi, qui occurrerunt sanctis reliquiis, et tanta lætitia, quasi præsentem viventemque Prophetam cernerent, susceperunt, ut de Palæstina usque Chalcedonem jungerentur populorum examina, et in Christi laudem una voce resonarent? etc. » Portaverunt quidem et episcopi ipsi humeris sacratissima Joannis pignora, et non currus, quem multe traherent. Accipe de his exemplum aliud, quod idem S. Hieronymus scripsit de sanctæ Pankæ defunctæ corpore, quod quidem episcoporum humeris ad sepulturam elatum fuisse affirmat: « Translata, inquit¹, episcoporum manibus, et cervicem feretro subjicientibus ». En vides, quibus ritibus et qua pompa efferri, transferri solerent sacræ reliquæ; quæ quidem religionis officia adhibita esse, imo et cumulatius exhibitâ digno triumpho in evectioe venerandi capitis magni Baptiste, recentioris Eliæ, terrestris angelî, præcursoris Domini, prophetæ et plus quam prophetæ, Veritatis præconis, amici sponsi, et magni martyris, negare quis poterit?

11. Rursum vero ad confutandam eandem ex Macedoniano auctore petitam historiam hæc adjiciamus. Quam insolue fingitur alteratio illa Theodosii imperatoris cum Macedoniana femina, et abjecta nimis illa cum precibus et blanditiis postulatio tanti principis pro assequendo tanto ab hæretica virgine munere? quasi capere et vindicare non licuisset, nisi illa præbuisset assensum; cum nemo non sciat, ex his quæ superius dicta sunt, eundem imperatorem Macedonianos et alios hæreticos exagitasse legibus severissimis. Facessant igitur commenta isthæc; illudque unum ratum firmumque ex Sozomeno habeatur, post reditum Theodosii ex Occidente, factam esse ab ipso ejusdem sacri capitis in Hebdomon, in basilicam ea de causa illic erectam, translationem: id affirmantibus etiam (ut dictum est) ex Latinis ejusdem temporis Prospero, et qui post ipsum secuti sunt², ex Græcis post Sozomenum Cedreno³, atque⁴ Nicephoro. Cujus pii studii Theodosii, etiam adversantium demonum testificatione, magnum constat esse præmium consecutum, cum pugnante pro ipso Joanne Baptista in difficillimo bello pollentem viribus Eugenium expugnavit tyrannum, ut suo loco patebit.

12. Cæterum quod spectat ad ejusdem venerandi Baptiste capitis inventionem, nulla est fere historia quæ tot obvolvatur ambagibus, et variarum dubitationum complicata sit nodis. Etenim apud Acta⁵ Matronæ Pergensis ea contigisse fertur tempore Leonis imperatoris atque Verinæ Augustæ, non cum primum apud Herodis regiam inventum est, sed cum in agro Emesæ civitatis repertum. Apud Marcellinum comitem aliter facta esse inventio capitis legitur, Opilione et Vincomalo consulibus, sub imperatoribus Valentiniano, et Marciano, anno Domini quadringentesimo quinquagesimo tertio;

¹ Hier. epist. XXVII. — ² Siegebe. in Chron. et alii. — ³ Cedren. in compend. — ⁴ Niceph. l. XII. c. 49. — ⁵ Metaph. die 8. Novemb. Sur. tom. VI.

¹ Hier. adv. Vigilant.

apud quem ipsa prior atque posterior ejusdem capituli inventio pluribus enarratur: apud Marcellinum dixerim potius, quam a Marcellino, utpote ab aliquo illius addita Chronico, quod perbrevis quidem rerum monumentis ab ipso elaboratum esse constat, non autem longioris alienius narratione historia: ut plane appareat, consarcinatoris futura panum novum veteri consutum vestimento. Sed gravioribus sceler erroribus quod apud incertum habetur auctorem in tractatu illo qui apud Cyprianum extat de revelatione capituli Joannis Baptistæ; dum post illam quam recitat ex Marcellino auctore primam in palatio Herodis inventionem factam tempore Marciani Augusti, posteriorem addit per Marcellinum presbyterum, atque ab eodem allatum ipsum caput Alexandriam, datumque Jurando ejus civitatis post Theophilum episcopo. Quis hic, rogo, Jurandus successor Theophili? An Cyrillum post Theophilum sedisse, potuit aliquis ignorasse? Sed illud monstruosius: quoniam pacto valuit successori Theophili Joannis caput afferri, ejus prior inventio ab ipso facta dicitur sub Marciano, posterior vero, cum Alexandriam translatum fuit longe postea? Sed nunc sunt istæ ac plane somnia, cum ex his dicendum esset, ante illud acceptum a successore Theophili, quam primo inventum fuerit: cum tamen nonnisi post secundam inventionem, Alexandriam translatum esse dicatur: certa enim temporum ratio, etsi aliæ decessent probationes, ista omnino redarguit atque confutat.

13. Præmittimus hic de tertia ibi posita ejusdem Joannis (ut ibi dicitur) inventione capituli et in Gallias facta translatione pluribus agere: nam cum mendacii in primis ea innitatur historia; nova ut subsistat, jacienda essent eidem fundamenta; atque si posset, docendum in primis, quomodo illud ipsum quod constat Constantinopolim esse translatum, postea delatum fuerit Alexandriam. At est quod conjicere valeas, lector, ex iis quæ idem incertus auctor ibi habet, ejusnam Joannis caput illud fuerit, quod in Gallias translatum est, Baptistæ, vel alterius Joannis. Sed audi, quæso. Dicitur ibi revelatum fuisse cuidam Felici monacho, dictumque illi: « Felix, surge concitus et pergens ad civitatem Alexandriæ, invenies ibi Ecclesiam in honorem S. Joannis Baptistæ consecratam, ubi caput ejus cum tribus pueris innocentibus conditum est, etc. » Porro invenies in Actis Cyri et Joannis martyrum¹, a Cyro Memoriam erectam fuisse Alexandriæ trium puerorum: Joannemque martyrem collegam, Edessa oriundum, capite truncatum: ut plane conjectura non levis sit, hujus Joannis capituli factam esse Alexandria in Gallias translationem. At diximus de his in Notis². Verum ut ad inventionem Baptistæ capituli, de qua agitur, revertamur: ferebatur Gelasi tempore ea de re historia quædam, de qua sic ipse³:

« Item scripta de inventione capituli S. Joannis Baptistæ, novellæ quidem relationes sunt et nonnulli eas Catholici legunt. Sed cum hæc ad Catholicorum manus adveniunt (pervenerint), beati Pauli Apostoli præcedat sententia¹: Omnia probate: quod bonum est, tenete ». Hæc ipse. At non existimes Gelasium intelligere potuisse eam de revelatione capituli scriptionem, quæ apud Cyprianum extat: nam longe post Gelasii tempora scriptam esse, ex Pipini memoria ibidem recensita, nemo non videt. Quamobrem cum novam eam dicat esse relationem, equidem puto de illa intelligere, quæ novissime traditur facta temporibus Marciani: recentior enim illa nullam invenies.

14. Insuper ex iis quæ superius dicta sunt, et ea confutantur, quæ apud Metaphrastem² leguntur in oratione de translatione manus ejusdem Joannis Baptistæ: nimirum a Justiniano imperatore translatum esse ex Emesa ejusdem Præcursoris caput, quod obsignatum dicitur fuisse signaculo Constantini: id enim idcirco ab auctore creditum, quod idem Justinianus imperator ejusdem Joannis Baptistæ templum erectum in Hebdomo restituisset: quod a Theodosio ædificatum, Sozomenus, qui illud videre potuit, Constantinopoli cum esset, affirmat. Porro tam apud Græcos, quam Latinos publicis monumentis duplex memoria anniversaria die peragitur duplicis ejusdem præcursoris capituli inventionis; quarum prior illa dicitur facta ex rudibus antiquæ Herodis regie; posterior vero ex agro Emesæ, unde translatum est Constantinopolim, in cuius solemnitate Joannes Damascenus³ ista habet: « Sicut divinum depositum occultum terræ Christus detexit caput tuum nobis, o propheta et præcursor: omnes igitur simul profecti, in hujus inventione cantibus deoquis Salvatorem laudamus, salvantem animas nostras supplicationibus tuis. — At de his hactenus: consulat qui plura velit, quæ eodem argumento in Romano Martyrologio adnotavimus.

15. *Theodosii constitutio contra hæreticos.* — Jam vero quod reliquum est rerum gestarum Theodosii anni hujus, absolvamus. Quod enim cuperet Orientalem Ecclesiam ab omni hæreticorum labe purgatum prorsus reddi, ejusmodi edidit ultimo mense anni hujus sanctionem⁴:

« Hæreticorum polluta contagia pelli urbibus vicinis, protrahari, ac nullis penitus jubemus patere conventibus; ne quoquam sacrilega cohors latium hominum colligatur. Nulla eorum perversitati, vel publica conventicula, vel latiora erroribus secreta tribuantur. Dat. XIV kalend. Januarii, Rom. (Nova Rom.), Tatiano et Symmacho VV. CC. coss. » Ex hac quidem constitutione Socratis erroris arguitur, dum ait, nonnisi Emonianis hæreticos a Theodosio exagitatos; reliquos autem, ut Arianis, et Novatianis, conventus agere permissum: sic enim habet, dum statum præsentis temporis hæreticorum in Oriente

¹ Apud Metaphr. die 31. Jan. Lipom. tom. v. et Sur. tom. I. ea die.

² Notat. in Rom. Mart. die 29. Aug. — ³ Gelasi in Conc. Rom. decret. de libris authent.

¹ 1. Thess. v. — ² Extat apud Sur. tom. IV. — ³ Damasc. in Cant. Eccles. — ⁴ L. xx. de hæret. C. Theod.

describit¹: « Eas porro res, quæ etiam apud alios, Arianos dico, Novatianos, Macedonianos, Eunomianosque gestæ sunt, commemorare, operæ pretium arbitror. Nam Ecclesia cum semel esset divisa », imo ipsi ab Ecclesia divisi, « non una divisione acquievit: sed homines ab se mutuo aversi, alter ab altero demum secesserunt: atque adeo exiguum leviculum occasione nacti, mutue communio- nis consociationisque vincula diruperunt. Proinde qua ratione, quando, et quibus de causis inter se dissenserint, consequenti sermone ostendemus.

16. « Illud interea intelligamus oportet, Theodosium neminem istorum exagitasse, præter Eunomium: quem, quoniam Constantinopoli domi suæ conventus egerat, libros ab se editos palam ostenderat, multos denique suæ doctrinæ labe infecerat, in exilium mitti iussit. Reliquis vero neque molestia quicquam exhibuit, neque secum communicare coegit: sed singulis copiam fecit in locis separatis conventus agendi, et ita de religione Christiana sentiendi, ut quisque de ea opinionem conceperat. Atque ut aliis omnibus sectis potestatem permitit Ecclesiæ sibi extra civitates construendi; sic Novatiani, utpote in fide Consubstantialis cum eo consentientibus, dedit mandatum, ut Ecclesias suas (sicut a me supra commemoratum est) intra urbes audacter et libere refinerent ». Hæc Socrates: sed quam vera sint de aliis præsertim hæreticis, tum nuper recitate, tum reliquæ superius descriptæ latè adversus hæreticos leges, apertam fidem faciunt, nosque alias de his eundem auctorem erroris arguimus.

17. *Novatianorum inter se dissidentium conventus; idemque de Arianis.* — Porro de schismate Novatianorum hoc tempore inter ipsos conflato; hæc idem Socrates subdit²: « Cum post Agelium Marcianus Episcopus Novatianorum esset creatus: Ecclesia illorum tali de causa divisa est. Sabbatius quidam ex Judæo factus Christianus, et a Marciano ad presbyterii dignitatem evectus, nihilominus Judæicæ religioni, qua animus erat ante occupatus, servire laboravit: quin etiam simul Episcopatus adipiscendi cupiditate incensus fuit. Itaque nactus duos presbyteros Theoctistum et Macarium suæ cupiditatis adiutores, tempus et morem festi Paschatis celebrandi, qui in Pazo (Pepuzo) vico Phrygiæ regnante Valente (sicut ante dixi) a Novatianiis decerni tentatus erat, renovare cogitavit. Ac quamquam primum simulatione monasticæ vitæ excolendæ, ab Ecclesia recessit, sibi nonnullos, quos mysteriorum communione indignos censebat, permagnæ offensioni fuisse docuit: tamen haud ita multo post, dum conventus separatim agere institueret, se manifeste aperuit. De quibus rebus certior factus Marcianus, suum ipsius in presbyteris ordinandis errorem et inscientiam propterea magnopere accusavit, quod homines tam inanês gloriæ appetentes ad munus presbyterii extulerat; atque

graviter sibi succensens, dixit: multo fuisse satius, manus suas super spinas imposuisse, quam earum impositione Sabbatum ad gradum designasse presbyterii.

18. « Ideirco Angari (est hoc emporium Bithyniæ prope Helenopolim situm) Concilium episcoporum Novatianorum convocat. Qui cum essent in unum coacti, accersunt Sabbatum, cumque causas animi sui offensi coram Concilio proponere jubent. Ac simul atque ille dissensionem de festo Paschatis celebrando causam attulerat, cur animo esset offenso (illud enim tum ad consuetudinem a Judæis in eo servatam, ad præscriptum normamque eorum qui in Pazo conveniant, celebrandum esse dicebat); episcopi in Concilio congregati, suspicientes illum sedis episcopalis desiderio eam rem causatum esse, iurejurando hominem obstringunt, ut episcopatum nunquam capesseret. Iste ea de re iurandum dat. Illi tum canonem edunt de festo Paschatis; quem canonem *ἀδιάφορον*, id est, *indifferentem* vocabant; docebantque dissensionem de festo Paschatis non satis justam causam esse, cur Ecclesia dirimeretur: neque eos qui in Pazo coacti fuissent, præiudicium generali canoni fecisse. Nam veteres, qui proxime a temporibus Apostolorum aberant, quamquam de hoc festo inter se dissidebant, tamen inter ipsos mutuo communicasse, nec aliquando vincula rupisse concordiæ. Quin etiam Novatianos, qui Romæ, quæ est civitas primaria, vitam degabant, tametsi nunquam in eo festo morem Judæorum sequerentur, sed semper post æquinoctium Pascha celebrarent; tamen cum illis qui ejusdem erant fidei, quique alium morem in festo illo agendo servabant, minime discordiam exercuisse ». Hæc de novo canone, quem adversus communem usum Ecclesiæ Catholicæ Novatiani statuere: cui non adhærere, nihil aliud fuisse, quam schismate a Catholicorum communione divisi, jam satis superius demonstratum est. Porro subdit de Sabbatio, iterum privatos conventus egisse, et contra iurandum episcopum se creari passum esse.

19. Cum autem idem auctor falsa quadam assumptione affirmet, licuisse cuilibet absque dispendio catholicæ veritatis celebrare qua die Pascha vellet: hæc sane ille, ut ex eo ipse Novatianos suos Novatianos excuset episcopos, unus occasione Sabbatii in transversum acti. Dumque subdit quod ad ritus spectat, peculiare licere suos cuique vindicare, dumque diversarum Ecclesiarum ritus recenset, magnopere quidem errore labitur (ut de reliquis agere prætermittamus), dum ait¹: « Qui sunt Romæ tres septimanas ante Pascha, Sabbato et Dominico exceptis, simul jejunant ». Sed hæc certa demonstratione refellimus superius, dum egimus de Quadragesima tomo primo Annalium. Sicut et quod Sozomenus ait², semel tantum in anno Romæ Alleluia cantari solitum: cum superius sit demonstratum, etiam in ipsis defunctorum exequiis con-

¹ Socrat. lib. v. c. 20. — ² Ibid.¹ Socrat. lib. v. c. 21. — ² Sozom. l. vii. c. 19.

suevisse Romæ occini Alleluia. Vel quod de his agens longe mentitur Nicephorus, dum ait ¹ : « Neque episcopus, neque alius quisquam in Ecclesia Romæ ad populum docens verba facit ». Sed quid ineptius dici potest? Nonne S. Ambrosius recitat sermonem Liberii papæ ad populum habitum, cum soror ipsius sacrum velum virginitatem professæ accepit? Nonne S. Leonis, et S. Gregorii adhuc extant homiliæ ad populum dictæ? Sed puto quidem, eosdem Novatianos auctores Novatianorum Ecclesiarum, quæ in diversis locis toto ferme orbe christiano dispersæ erant, mores insinuare voluisse; vel nullo delecto habito Catholicorum et Orthodoxorum, eorumdem ritus simul communicasse, confudisseque. Nam quid est, rogo, quod ait Socrates ² : « In Thessalia aliam consuetudinem invaluisse novi, ut illi qui clericus sit, si cum uxore, quam cum esset laicus ducebat, postquam clericus factus sit, dormierit, clericatu abdicatus sit : id adeo cum omnes illostres presbyteri in Oriente, et episcopi etiam, modo ipsi voluerint, nulla lege coacti ab uxoribus abstineant : nam non pauci illorum, dum episcopatum gerunt, etiam liberos ex uxore legitima procreant? » An non his contraria prorsus scribebat hoc tempore (ut dictum est) S. Hieronymus adversus Jovinianum? diaconos scilicet, et universum chorum sacerdotalem, nec ministrare, nec offerre hostias Deo potuisse, qui servirent operi conjugali : nam et assertione quoque Joviniani (ut ait) confirmat, esse non potuisse episcopum qui in episcopatu filios faciat : alioqui si deprehensus fuerit, non quasi vir tenebitur, sed quasi adulter damnabitur. Quem quidem morem tam in Occidentali, quam in Orientali Ecclesia viguisse, satis superius est demonstratum : ut non sit opus hic iterum eadem legentis fastidio iterare.

20. Subdit vero Socrates ³ de Arianis : « Quin etiam Ariani inter se ipsos divisi sunt ob hanc causam. Quæstiones controversæ captiosæque inter eos quotidie agitate, illorum disputationes ad absurdas quasdam sententias et opiniones provexerunt. Nam quoniam in Ecclesia creditur Deum esse Patrem Filii Verbi : quæstio inter eos orta est, utrum Deus, antequam Filius existeret, Pater dici posset. Et quia Verbum Dei non ex Patre generatum, sed ex non essentiis existisse opinabantur ; in primo et summo quæstionis capite lapsi, non sine causa in absurdam contentionem inciderunt. Dorotheus igitur ab illis Antiochia accessitus, dixit, non posse Patrem aut esse, aut vocari, si non existat Filius. Marinus, quem et Thracia ante Dorotheum evocaverant, tempus opportunum nactus (agere enim ferebat Dorotheum sibi prælatum) contrariæ sententiæ patrociniū suscepit. Qua de causa ipsi inter se divisi fuere. Ac cum propter inanem illam voculam, quæ erat ante prolata, essent sejuncti, separatim alter ab altero conventus fecerunt, et qui pare-

bant Dorotheo, in propriis ac suis locis manserunt : qui autem Marini sententiam sequebantur, exstruxerunt sibi Ecclesias, conventusque seorsum egerunt : denique docuerunt, Patrem semper Patrem fuisse, etiam cum Filius non existeret. Appellabantur hi Psalhyriani ; propterea quod Theoclistus quidam psalhyropola, id est, placentiarum venditor, genere Syrus, ardenti studio huic opinioni patrociniatus est : cujus sententiam secutus est Selenas Gothorum episcopus, vir genere permixto ortus : nam pater ejus Gothus fuit, mater autem Phryx ». Addit iterum subdivisam fuisse ejusmodi sectam in alias duas partes. Sed quid in his recensendis immoror, cum et exemplis recentibus spectemus oculis, quolibet ferme die hæreses parere hæreses, nec mense ferme integro hæresum patronos inter se sibi ipsi constare? qui utinam illos, de quibus agimus, Arianos imitentur, de quibus idem auctor hæc subdit : « Quamobrem multi clerici, qui erant de istorum episcoporum Ecclesiis, odio contra eos ob concertationem illam ex inanis gloriæ cupiditate ortam concepto, ab illis desciverunt, seque totos addixerunt fidei substantialis ».

21. Post hæc autem idem Socrates ⁴ de Eunomianis agit in alias sectas inter se divisas, inter quas novissimas illas ponit, quarum alteram a Theophrasio Eunomiotheophronianam, alteram vero ab Eutychio Eunomicutychianam tradit appellatam. Sed et Macedonianos inter se ait fuisse dissidentes sententia. Verum hoc peculiare hæresibus omnibus, ut quoniam abhorrent a veritate, quæ una eademque semper est, in diversas sententias sectasque distrahantur. Sit igitur prudenti homini signum potissimum, illis Catholicam Ecclesiam esse, ubi ab exordio una eademque semper fides viguit ; hæreticorum vero esse, non dicam Ecclesiam, sed prostibulum, in quibus non una semperque manens cognoscitur sponsa, sed expositæ pro cujuscumque concupiscentiæ concubinæ. At his dimissis, jam reliquis hujus anni res gestas ordine prosequamur.

22. *Augustinus presbyter factus, monasticam vitam instituit.* — Annus hic tertius numeratur, ex quo sanctus Augustinus in Africam reversus una cum sociis laicis vixit (ut Possidius ait ⁵) longe a curis sæcularibus, orationi, lectioni, ac scriptionibus vacans : quo ipse a Valerio episcopo Hipponensi creatus est presbyter, cum ageret ætatis annum trigesimum septimum ; de cujus ordinatione hæc idem auctor ⁶ : « Eodem itaque tempore in Ecclesia Hipponensi Catholica Valerius sanctus episcopatum gerebat. Qui cum flagitante ecclesiastica necessitate, de providendo et ordinando presbytero civitati plebem Dei alloqueretur et exhortaretur : jam scientes Catholici S. Augustini propositum et doctrinam, manu injecta (quoniam et idem in populo securus, et ignarus quid futurum esset, adstabat) tenuerunt. Solebat autem laicus, ut nobis dicebat, ab eis tan-

¹ Niceph. l. xii. c. 34. — ² Socrat. l. v. c. 24. — ³ Socrat. l. v. c. 22.

⁴ Socrat. l. v. c. 23. — ⁵ Possid. Vit. S. Aug. c. 2. — ⁶ Possid. i. bid. cap. 4.

tum Ecclesiis, quæ non haberent episcopos, suam abstinere præsentiam ». Vigebat namque mos ille, ut quem eruditione, et moribus insignem populus nosset, eundem vi raptum, reclamantem licet, offerrent episcopis ordinandum : quod plane contigit Augustino, de quo Possidius : « Eum ergo tenuerunt, et ut in talibus consuetum est, episcopo ordinandum intulerunt, omnibus id uno consensu et desiderio fieri perficique potentibus, magnoque studio et clamore flagitantibus, ubertim eo dente : nonnullis quidem lacrymas ejus (ut nobis ipse retulit) tunc superbe interpretantibus, et tanquam cum consolantibus, ac dicentibus; quia locus presbyterii, licet ipse majore dignus esset, appropinquaret tamen episcopatu. Cum ille homo Dei (ut nobis retulit) majori consideratione intelligeret et gerneret, quam multa et quam magna suæ vitæ pericula de regimine et gubernatione Ecclesiæ impendere jam ac provenire spectaret, atque ideo fleret. Et eorum tunc, ut voluerunt, completum est desiderium ». Porro de eadem vi sibi ab Hipponensibus adhibita testatur ipse Augustinus in epistola ¹ ad Albinam. Cæterum sic creatus est presbyter, ut regimen Ecclesiæ Valerius illi concederet. Unde Possidius subdit :

23. « Factus ergo presbyter, monasterium intra Ecclesiam mox instituit, et cum Dei servis vivere cepit secundum modum et regulam sub sanctis Apostolis constitutam : maxime ut nemo quicquam proprium in illa societate haberet, sed eis essent omnia communia, et distribuaretur unicuique, sicut opus erat : quod jam ipse prior fecerat, dum de transmarinis ad sua remeasset ». Quod igitur S. Augustinus primus fuit qui monasticæ vitæ instituta invehit in Africam, eademque primus servare cepit, aliisque servanda tradidit : inde accidit, ut Donatistæ putarint ejusmodi vitæ genus ab ipso fuisse excogitatum; nam sic ipse adversus Petilianum ² : Deinceps perrexit ore maledico in vituperationem monasteriorum et monachorum; arguens etiam me, quod hoc genus vitæ a me fuerit institutum : quod genus vitæ omnino quale sit, nescit, vel potius toto orbe notissimum, nescire se fingit ». Evexerat ipse ex Italia ejusmodi vivendi formam : viderat enim (quod ipse testatur) apud Mediolanensem Civitatem nobile monasterium; conspexerat et Romæ plura, eademque peregreigia, quæ tanquam beatorum civium choros laudavit : quam quidem disciplinam æmulatus, in Africana Ecclesia quam primum instituere conatus est : sensit vero his in primis hæreticos adversarios, nempe Donatistas; de quibus etiam superius dictum est.

24. Cæterum jam ante presbyteratum, adhuc laicus, una cum suis sociis, de quibus diximus, idem vitæ genus in Africa excoluerat apud Tagastem; sed nondum aliquod ab eo instructum fuerat monasterium, cuius erigendi gratia se Hipponem contulerat, Hipponensem civem agentem in rebus,

cujus Possidius ¹ meminit, conventurus, a quo fuerat accersitus. At erit jucundius, hæc ipsa omnia ab ipsomet Augustino ad populum pro concione narrantem percipere; ait enim ² : « Quærebam ubi constituerem monasterium, et viverem cum fratribus meis. Spem quippe omnem sæculi reliqueram : et quod esse potui, esse nolui : nec tamen quæsiui esse quod sum. Elegi ³ in domo Dei mei abjectus esse magis, quam habitare in tabernaculis peccatorum. Ab eis qui diligunt sæculum, segregavi me; sed eis qui præsumt populis non me coæquavi : nec in convivio Domini mei superioriorem locum elegi, sed inferioriorem, et abjectum; et placuit illi dicere : Ascende sursum. Usque adeo autem timebam episcopatum, ut quoniam cøperat esse alicujus jam momenti inter Dei servos fama mea; in quo loco sciebam non esse episcopum, ne illo accederem cavebam. Et hoc agebam quantum poteram, ut in loco humili salvarer, ne in alto periclitarer. Sed ut dixi, Domino servus contradicere non debet. Veni ad istam civitatem propter videndum amicum, quem putabam me lucrari posse Deo, ut nobiscum esset in monasterio. Quasi securus perveni, quia locus habebat episcopum. Apprehensus, presbyter factus sum, et per hunc gradum perveni ad episcopatum. Non attuli aliquid, nec veni ad hanc Ecclesiam, nisi cum iis indumentis, quibus illo tempore vestiebar. Et quia hic disponebam esse in monasterio cum fratribus; cognito instituto et voluntate mea, beate memoriæ senex Valerius dedit mihi hortum illum, in quo nunc est monasterium. Cæpi boni propositi fratres colligere, compares meos, nihil habentes, sicut nihil habebam, et imitantes me : ut quo modo ego tenuem paupertatulam meam vendidi, et pauperibus erogavi, sic facerent et illi qui mecum esse voluissent, ut de communi viveremus, commune autem nobis esset magnum, et uberrimum prædium ipse Deus ». Hæc ipse.

25. Verum quod dicit Possidius, Augustinum factum presbyterum, monasterium intra Ecclesiam mox instituisse; aliter se rem habuisse, cum præcedens S. Augustini sermo declarat, tum quæ subdit his verbis : « Perveni ad episcopatum : vidi necesse habere episcopum, exhibere humanitatem assiduam quibuscumque venientibus, sive transeuntibus; quod si non fecissem, episcopus inhumanus diceret : si autem consuetudo ista in monasterio permissa esset, indecens esset. Et ideo volui habere in ista domo episcopi mecum monasterium clericorum ». Hæc ipse; quibus declarat, nonnisi facto ipso episcopo accidisse quod ait Possidius, construxisse ipsum Augustinum monasterium intra Ecclesiam : ut ex his videas duo ab eo erecta fuisse Hippone monasteria, alterum cum adhuc presbyter esset, in horto; alterum vero cum factus est episcopus, in ipsa episcopali domo; quæ inhærens esse solet Ecclesiæ. Instituit postea et monialium mona-

¹ Possid. Vil. S. August. c. 2. — ² Aug. de diver. serm. XLIX. —

³ Psalm. LXXXIV.

¹ Augustin. epist. CCXXV. — ² Aug. contra lit. Petil. l. III. c. 46.

sterium, eidemque regulas vivendi præscepit¹, sicut et clericis fecerat. Et hac quidem Augustini plantatione accepti palmites longe lateque diffusi, tum in Africa, tum etiam in aliis plerisque Ecclesiis Occidentis fructu uberrimo locupletarunt Ecclesiam. Mansit Augustinus presbyter annos quatuor: nam (ut auctor est S. Prosper in Chronico) quarto post hunc anno, sub consulatu Olybrii et Proбини, fuit creatus episcopus.

26. *Augustinus per supplicem libellum apud Valerium se excusat a prædicando ob imperitiam Evangelio.* — Cum autem ordinatus Ecclesiæ Hipponensis presbyter S. Augustinus a S. Valerio episcopo cogeretur Dei verbum populo ministrare; ipse cum non tantæ esse doctrinæ sibi videretur, ut tam grande munus obiret, inducias saltem petiit in sequens Pascha, quo in divinis Scripturis fieret eruditior. Extat adhuc ipsius libellus precum ea de causa tunc oblatas Valerio, dignus quidem qui hic integer describatur; sic enim se habet²:

27. « Domine beatissimo et venerabili, in conspectu Domini sincera charitate carissimum patri, Valerio Augustinus presbyter in Domino S.

« Ante omnia peto, ut cogitet religiosa prudentia tua, nihil esse in hac vita, et maxime hoc tempore facilius et lætius, et hominibus acceptabilius, episcopi, aut presbyteri, aut diaconi officio, si perfunctorie atque adulatorie res agatur: sed nihil apud Deum miserius et tristius et damnabilius. Item nihil esse in hac vita, et maxime hoc tempore difficilius, laboriosius, periculosius, episcopi, aut presbyteri, aut diaconi officio: sed apud Deum nihil beatius, si eo modo militetur, quo noster imperator jubet. Quis autem iste sit modus, nec a pueritia, nec ab adolescentia mea didici: et eo tempore quo discere cœperam, vis mihi facta est, merito peccatorum meorum (nam quid aliud existimem nescio), ut secundus locus gubernaculorum mihi traderetur, qui remum tenere non noveram. Sed arbitrator Dominum meum propterea me sic emendare voluisse, quod multorum peccata nautarum, antequam expertus essem quid illis agatur, quasi doctior et melior reprehendere audebam. Itaque postquam missus sum in medium, tunc sentire cœpi temeritatis reprehensionum mearum, quantum et antea periculosissimum iudicarem hoc ministerium. Et hinc erant lacrymæ illæ, quas me fundere in civitate ordinationis meæ tempore, nonnulli fratres animadvertunt; et nescientes causas doloris mei, quibus potuerunt sermonibus, qui omnino ad vulnus meum non pertinerent, tamen bono animo consolati sunt.

28. « Sed multo valde, multo amplius expertus sum, quam putabam: non quia novos aliquos fluctus aut tempestates vidi, quas ante non noveram, vel non audieram, vel non legeram, vel non cogitaveram; sed ad eas evitandas aut perferendas solertiam et vires meas omnino non noveram, et alicuius

jus momenti arbitrabar. Dominus autem irrisit me, et rebus ipsis ostendere voluit me ipsum mihi. Quod si non dammando, sed miserando fecit (hoc enim spero) certe vel nunc cognita agritudine mea, debeo Scripturarum ejus medicamenta omnia perscrutari; et orando ac legendo agere, ut idonea valetudo animæ meæ ad tam periculosa negotia tribuatur: quod ante non feci, quia et tempus non habui. Tunc enim ordinatus sum, cum de ipso actionis tempore ad cognoscendas divinas Scripturas cogitarem, et sic nos disponere vellemus, ut nobis otium ad hoc negotium posset esse. Et quod verum est, nondum sciebam quid mihi deesset ad tale opus, quale me nunc torquet et conterit. Quod si propterea in re ipsa didici quid sit homini necessarium, qui populo ministrat sacramentum et verbum Dei, ut jam non mihi liceat assequi quod me non habere cognovi; jubes ergo ut peream, pater Valeri? ubi est charitas tua? Certe diligis me, certe diligis ipsam Ecclesiam, cui me sic ministrare voluisti: et tamen certus sum, quod et me et ipsam diligis. Sed putas me idoneum, cum ego melius me noverim; qui tamen nec ipse me nossem, nisi experiendo didicissem.

29. « Sed dicit fortasse sanctitas tua: Vellem scire quid desit instructioni tuæ. Tam multa autem sunt, ut facilius possim enumerare quæ habeo, quam quæ habere desidero. Audeo enim dicere, scire me et plena fide retinere quid pertineat ad salutem nostram. Sed hoc ipsum quomodo ministrare ad salutem aliorum, non quærens quod mihi utile est, sed quod multis, ut salvi fiant? Et sunt fortasse aliqua, imo non est dubitandum esse in sanctis libris conscripta consilia, quibus cognititis et apprehensis, possit homo Dei rebus ecclesiasticis ordinatoribus ministrare, aut certe inter manus iniquorum vel vivere conscientia saniore, vel mori, ut illa vita non amittatur, cui uni christiana corda humilia et mansueta suspirant. Quomodo autem hoc fieri potest, nisi quemadmodum ipse Dominus³ dicit, petendo, quærendo, pulsando, id est, orando, legendo (agendo), plangendo? Ad quod negotium mihi parvum tempus vel usque ad Pascha impetrari volui per fratres a tua sincerissima et venerabili charitate, et nunc per has preces volo.

30. « Quid enim responsurus sum Domino iudici: Non poteram ista jam quærere, cum ecclesiasticis negotiis impedire? Si ergo mihi deat: Serve nequam, si villa Ecclesiæ calumniosum aliquem pateretur, cujus fructibus colligendis magna opera impenditur, neglecto agro quem rigavi sanguine meo; si quid agere pro ea posses apud Iudicem terræ, nonne omnibus consentientibus, nonnullis etiam iubentibus et cogentibus pergeres; et si contra te iudicaretur, etiam trans mare proficisceris; atque hoc modo vel annum vel amplius absentiam tuam nulla querela revocaret, ne alius possideret terram, non animam, sed corpori pauperum necessariam: quorum tamen famem vivam

¹ Aug. ep. CIX. — ² Apud Augustin. ep. cxlviii.

³ Matth. vii.

arbores meæ multo facilius, mihiq[ue] gratius, si diligenter colerentur, exlerent? Cur ergo ad discedendam agriculturam meam, vacationem temporis tibi defuisse causeris?

31. « Dic mihi, quid respondeam, rogo te. An forte vix dicam: Senex Valerius, dum me omnibus rebus instructum esse credidisset, quanto amplius me dilexit, tanto minus ista discere permisit? Attende omnia ista, senex Valeri, obsecro te per bonitatem et severitatem Christi; per misericordiam et iudicium ejus, per eum qui tantam tibi inspiravit erga nos charitatem, ut te nec pro lucro animæ nostræ andeamus offendere. Sic autem mihi Deum et Christum testem facis innocentiae et charitatis et sinceri affectus, quem circa nos habes, quasi ego non de his jurare omnibus possim. Ipsam ergo charitatem et affectum imploro, ut misericordis mei, et concedas mihi ad hoc quod rogavi tempus quantum rogavi, atque adjuves me orationibus tuis, ut non sit inane desiderium meum, nec infructuosa Ecclesiae Christi atque utilitati fratrum, et conservorum meorum absentia mea. Scio quod illam charitatem pro me orantem, maxime in tali causa non despiciet Dominus; et eam sicut sacrificium suavitatis accipiens, forlassis breviori tempore quam postulavi, me saluberrimis consiliis de Scripturis suis reddet instructum ». Ilucusque libellus simplex Augustini ad Valerium episcopum Hipponensem.

32. Quis hæc audiens, non existimet aliquem loqui hominem rudem, et sacram litterarum ignarum, quique Christianorum theologie vix atrium penetrarit? An non hic ille Augustinus, qui ante hoc tempus pro defensione et illustratione Christianæ religionis tot tamque disertos eviderat commentarios adversus philosophos et hæreticos, nempe contra Academicos et Manichæos, elucubratque libros *De beata vita*, *De ordine*, et aurea illa *Soliloquia*, *De immortalitate animæ*, *De disciplina*, *De moribus Ecclesiæ*, *De animæ quantitate*, *De libero arbitrio*, *De Genesi adversus Manichæos*, *De musica*, *De magistro*, et *De vera religione*? Qui igitur talia tantaque præstiterat in hanc diem universæ Catholicæ Ecclesiæ, an non sufficiens erat ut publice doceret populum Hipponensem? Sane quidem: sed id præstitit, quod sciret nihil in Ecclesia Dei majoris esse negotii, quam Evangelium prædicare: susceperant enim hoc ministerium Christus, et Apostoli ab eo missi, et Prophetæ; cum tamen iidem ante id ipsum muneris obituri a Deo vocati, resiliens interdum, et nonnisi magna Dei gratia roborati susceptum prosecuti sint opus: tales namque esse consueverunt præcones catholicæ veritatis; hæretici vero contra, illis similes, de quibus Dominus¹: « Non mittebam Prophetas, et ipsi currebant ».

33. Sed quid præterea? Qui divinarum Scripturarum mare magnum, ac spatiosum manibus sæpium navigio firmæ fidei, et remigio præclari inge-

nii, atque secunda divini Spiritus flante aura, tentarat; ejus immensa vastitate superatus, vix extremas undas littora verberantes sibi visus est attingisse. At ne hæc me putes fingere vel coloribus pingere: audi ipsum ad Volusianum scribentem²: « Tanta, inquit, est christianarum profunditas litterarum, ut in eis quotidie proficerem, si eas solas ab incunte pueritia usque ad decrepitam senectutem maximo otio, summo studio, meliore ingenio conarer addiscere: non quo ad ea quæ necessaria sunt salutem, tanta in eis perveniatur difficultate; sed cum quisque ibi fidem tenuerit, sine qua pie recteque non vivitur, tam multa, tanque multiplicibus mysteriorum umbraculis opaca intelligenda proficientibus restant; tantaque non solum in verbis quibus ista dicta sunt, verum etiam in rebus quæ intelligenda sunt, laet altitudo sapientiæ, ut annosissimis, acutissimis, flagrantissimis cupiditate discendi hoc contingat, quod eadem Scriptura quodam loco habet³: Cum consummaverit homo, tunc incipit ». Ille ipse. Ex his probe, puto, intelliges, etiam si non ingeram; quanta levitate, temeritate, et audacia hoc nostro sæculo apud hæreticos credatur divina Scriptura cordonibus.

34. *In Africa presbyteri docere incipiunt publice Evangelium.* — Tentavit S. Valerius, quod ante nullus Africanorum episcoporum attigerat, nempe ut presbyter Evangelium prædicaret, cum nonnisi episcopi id obirent muneris: ait enim Possidius⁴: « Sanctus vero Valerius ordinator ejus, ut erat vir pius et Deum timens exultabat, et Deo gratias agebat, suas exauditas a Domino fuisse preces, quas se frequentissime fudisse narrabat, ut sibi divinitus homo concederetur talis, qui posset verbo Dei et doctrina salubri Ecclesiæ Dei ædificare: cui se rei homo natura græcus, minus latina lingua et litteris instructus, minus utilem pervidebat. Et eidem presbytero potestatem dedit, coram se in Ecclesia Evangelium prædicandi, ac frequentissime tractandi, contra usum quidem et consuetudinem Africanarum Ecclesiarum. Unde etiam ei nonnulli episcopi detrahebant. Sed vir ille venerabilis et providus, in Orientalibus Ecclesiis id ex more fieri sciens, utilitati Ecclesiæ consulens, obtractantium non curabat linguas, dummodo faciliaretur a presbytero, quod a se episcopo impleri minime posse cernebat. Unde accensa, et ardens elevata super candelabrum⁵ lucerna, omnibus qui in domo erant, lucebat. Et postea currente, et volante hujusmodi fama, non præcedente exemplo, accepta ab episcopis potestate, presbyteri nonnulli coram episcopis populis tractare ceperunt verbum Dei ». Ille Possidius.

35. Et quidem non Ecclesiæ tantum tenens, sed ipsa primatum totius Africanæ provinciæ gerens Carthaginensis Ecclesia, et ejus præses Aurelius nuper creatus episcopus ejusmodi Valerii est ini-

¹ Aug. epist. III. — ² Eccl. XVIII. — ³ Possid. Vid. S. Aug. c. 5. —

⁴ Matth. v.

⁵ Hier. XXIII.

tatus exemplum : quod ut acceperunt Augustinus et Alipius, magno gaudio exultarunt, et litteris congratulati sunt ei ista scribentes ¹ : « Impletum est gaudium ² os nostrum, et lingua nostra exultatione, nuntiavit litteris tuis sanctam cogitationem tuam, adjuvante Domino qui eam inspiravit, ad effectum esse perductam, de omnibus ordinatis fratribus nostris, et precipue de sermone presbyterorum, qui te praesente, populo infunditur, per quorum linguas clamat charitas tua majore voce in cordibus hominum, quam illi in auribus. Deo gratias. Nam quid melius et animo geramus, et ore promamus, et calamo exprimamus, quam Deo gratias? Hoc nec dici brevis nec audiri laetius, nec intelligi gratius, nec agi fructuosius potest. Deo gratias, qui te et tam fideli pectore ditavit erga filios tuos; et id quod in intimo animae habebas, quo humanus oculus non penetrat, eduxit in lucem, donando tibi non solum ut bene velles, verum etiam in quibus posset apparere, quod velles ». Haec ipsi laetitia affluentes, quod cepissent in Ecclesia Carthaginiensi docere presbyteri. Tanto namque deo cuncti praecentore novum oecumenicum canticum Domini.

36. Improbata igitur fuit et irrita reddita ea Africanae Ecclesiae consuetudo, qua juberentur tacere presbyteri : nam eam his verbis suggillat S. Hieronymus, dum ait in epistola ad Nepotianum ³ : « Pessimae consuetudinis est in quibusdam Ecclesiis, tacere presbyteros, et praesentibus episcopis non loqui; quasi aut invidant, aut non dignentur audire. Etsi alii (inquit apostolus Paulus ⁴) fuerit revelatum sedenti, prior faceat : potestis enim per singulos prophetare, ut omnes discant, et omnes aedificentur (consolentur); et spiritus Prophetarum Prophetae subjectus est : non enim dissensionis Deus, sed pacis. Gloria patris est filius sapiens. Gaudeat episcopus iudicio suo, cum tales Christo elegerit sacerdotes ». Haec Hieronymus, ostendens ex apostolica institutione manare, ut doceant presbyteri in ecclesia; idemque Nepotiano normam praescribit quomodo presbyteri populum docere debeant.

37. Augustinus in Manichaeo insurgit, et de totius Africanae Ecclesiae correctione et praesertim de agapibus tollendis laborat. — Sed ad Augustinum redeamus; cui facto presbytero, adversus Manichaeos certamen ineundum fuit : « Sane tunc », inquit Possidius ⁵, « in illa Hipponeusi urbe Manichaeorum pestilentia quamplurimos cives et peregrinos interfecit, et penetraverat, seducente et decipiente ejusdem haerese quodam presbytero, nomine Fortunato, ibidem conversante atque manente ». Inter alios autem seductus fuerat quidam ejusdem Augustini amicus nomine Honoratus; ad quem restituendum ad pietatem, scripsit *De utilitate credendi* commentarium, eo quod irriderentur fideles, qui credere juberentur; ubi plura habet de praes-

stantia fidei christianae, et certitudine in credendo. Addidit et adversus eodem haereticos de duabus animabus commentarium, quo refellit eos dicentes alteram a patre, alteram vero creatam a principe tenebrarum. Sed et sequenti anno idem Hippone disservit cum eodem Fortunato Manichaeo; de qua disputatione suo loco dicturi sumus.

38. Inter haec Aurelius episcopus Carthagenensis, cum laud pridem ex diacono ejusdem Carthagenensis Ecclesiae factus esset episcopus, litteris salutavit Augustinum presbyterum hoc ipso presbyteratus ejus exordio, cum coalescere inciperet fratrum coetus, et Alipius cum eis vitam ageret : quod suis ad Aurelium redditus litteris ipse Augustinus significat ⁶, quibus et cum hortatus est, ut pravae mores, qui in Ecclesia Africana crevissent, auferret : tantam enim spem se concepsisse de eo testatur, cum ait : « Scias itaque, domine beatissime et plenissima charitate venerabilis, non desperare nos, imo sperare vehementer, quod Dominus et Deus noster per auctoritatem personae quam geris, quam non carni sed spiritui tuo impositam esse confidimus, multas carnales foeditates et aegritudines, quas Africana Ecclesia in multis patitur, in paucis gemit, Conciliorum (consiliorum) gravitate et tua possit sanare » : sed quae in universa Africana Ecclesia corrigenda essent his verbis inculcat : « Cum enim Apostolus tria breviter genera vitiorum delectanda et vitanda uno in loco posuerit, de quibus immemorabilius vitiorum exurgit seges : unum horum, quod secundo loco posuit, acerrime in Ecclesia vindicatur : duo autem reliqua, id est, primum et ultimum, tolerabilia videntur hominibus, atque ita paulatim fieri potest, ut nec vitia jam putentur. Ait enim Vas electionis ⁷ : Non in comensationibus et ebrietatibus, non in cubilibus et impudiciis, non in contentione et dolo; sed induite vos Dominum Jesum Christum, et carnis curam ne feceritis in concupiscentiis. Horum ergo trium, cubilia et impudicitiae tam magnum crimen putantur, ut nemo dignus non modo ecclesiastico ministerio, sed ipsa etiam sacramentorum communione videatur, qui se isto peccato maculavit : et recte omnino.

39. « Sed quare solum? comensationes enim et ebrietates ita concessae et licite putantur, ut in honorem etiam beatissimorum martyrum non solum per dies solemnes (quod ipsum quis non legendum videat, qui haec non carnis oculis inspicit?), sed etiam quotidie celebrentur » : et paulo post : « Sed feramus haec in luxu et labe domestica, et eorum conviviorum quae privatis parietibus continentur; accipiamusque cum eis corpus Christi, cum quibus panem edere prohibemur : saltem de sanctorum corporum sepulcris, saltem de locis sacramentorum, de domibus orationum tantum dedecus arceatur ». Haec cum S. Augustinus inculcat, dicatque in iisdem conviviis praegustari solitum corpus Christi; plane puto intelligis, lector, de Agapibus ipsum lo-

¹ Aug. epist. LXXVII. — ² Psal. CXXV. — ³ Hier. epist. II. — ⁴ 1. Cor. XIV. — ⁵ Possid. Vit. S. Aug. c. 6.

⁶ Aug. epist. LXIV. — ⁷ Rom. XIII.

qui, ex institutione Apostolica in Ecclesia olim, Paulo docente ¹, fieri consuetis : laudabilis quidem institutio, quam tamen pravus usus corruperat : nam symbola charitatis in luxum transierat et ebrietatem : quæ quidem cum in Ecclesiis transmarinis Augustinus viderit fuisse correctæ, in Africanis optat per Aurelium emendari, atque ideo subdit :

40. « Hæc si prima Africa tentaret auferre a cæteris terris, imitatione digna esse deberet. Cum vero et per Italiæ maximam partem, et in aliis omnibus, aut prope omnibus transmarinis Ecclesiis, partim quia nunquam facta sunt, partim quia vel orta vel inveterata, sanctorum et vere de vita futura cogitantium episcoporum diligentia et animadversione, extincta atque deleta sint ; dubitamus quo modo possumus tantam morum labem vel proposito tam lato exemplo, emendare? Et nos quidem illarum partium hominem habemus episcopum, unde magnas agimus gratias Deo : quanquam ejus modestiæ atque lenitatis est, ejus denique prudentiæ et sollicitudinis in Domino, ut etiam si Afer esset, cito illi de Scripturis persuaderetur curandum, quod licentiosa et male libera consuetudo vulnus infixit. Sed tanta pestilentia est hujus mali, ut sanari prorsus (quantum mihi videtur) nisi Concilii auctoritate non possit. Aut si ab una Ecclesia inchoanda est medicina : sicut videtur audacia, mutare conari quod Carthaginensis Ecclesia tenet ; sic magnæ impudentiæ est, velle servare quæ Carthaginensis Ecclesia corripuit. Ad hanc autem rem quis alius episcopus esset optandus, nisi qui ea diaconus execrabatur? » Hæc ipse.

41. Quod vero res longa firmata consuetudine ita videretur fixisse radices, ut perfidilicè statim penitus convelli posset : inde est quod idem S. Augustinus Aurelio persuadet, lenitate, non autem severitate agere, et exemplo potius quam præcepto ; nam subdit : « Sed quod erat tunc dolendum, nunc auferendum est, non asperere, sed (sicut scriptum est ²) in spiritu lenitatis et mansuetudinis. Dant enim mihi fiduciam litteræ tuæ indices germanissimæ charitatis, ut tecum tanquam mecum audeam colloqui. Non ergo asperere (quantum existimo), non duriter, non modo imperioso ista tolluntur : magis docendo, quam jubendo : magis monendo, quam minando : sic enim agendum est cum multitudine : severitas autem exercenda est in peccata paucorum. Et si quid minamur, cum dolore fiat, de Scripturis comminando vindictam futuram, etc. » Præstitit hæc quidem cuncta quæ auferenda Augustinus suavit, et modum quo abolenda forent, Aurelius, nimirum cum id fecit auctoritate generalis Concilii ex omnibus Africanis provinciis Carthagine congregati ; sed id quidem lenitate, et temporis spatio. Si quidem post annos sex, in Concilio Carthaginensi isthæc omnia fuere sublata : ubi Patres, et inter eos Augustinus jam episcopus hæc ³ sanciverunt, incipientes iudicium a domo Dei, videlicet :

42. « Ut nulli episcopi vel clerici in Ecclesia convivuntur ; nisi forte transeuntes, hospitiorum necessitate illic reficiantur » : hæc de episcopis et clericis ; laicos vero hoc edito canone monuerunt ¹ :

« Populi etiam ab hujusmodi conviviis, quantum fieri potest, prohibeantur ». Hæc in Concilio Carthagine habito, Cæsario et Attico cons. anno Domini trecentesimo nonagesimo septimo.

43. Sed quid præterea Augustinus Aurelio putavit necessario inculcandum? Quod enim eadem quoque convivia et agapes ex antiquo usu bene introducta, sed pravis moribus corrupta, non solum exhiberi solita erant in sepulcris sanctorum martyrum, sed etiam in memoriis defunctorum ; idem S. Augustinus ita hæc tolli suadet, ut tamen consultum vellet piis oblationibus pro animabus defunctorum ; nempe ut quæ ad eorum sepulcra ferrentur, erogarentur in pauperes ; sic enim ait ² : « Sed quoniam istæ in cæmeteriis ebrietates, et luxuriosa convivia, non solum honores martyrum a carnali et imperita plebe credi solent, sed etiam solatia mortuorum : mihi videtur facilius illis dissuaderi posse istam fœditatem ac turpitudinem, si et de Scripturis prohibeatur : et oblationes pro spiritibus dormientium, quas vere aliquid adjuvare credendum est, super ipsas memorias non sint sumptuosæ, atque omnibus petentibus sine typo et cum alicratia præbeantur, neque vendantur : sed si quis pro religione aliquid pecuniæ offerre voluerit, in præsentii pauperibus erogat : ita nec deserere videbuntur memorias suorum ; quod potest gignere non levem cordis dolorem ; et id celebrabitur in Ecclesia, quod pie et honeste celebratur ». Hactenus de his S. Augustinus. Intueris, lector, quam injuste atque impie calumniantur recentiores hæretici, qui hujusmodi oblationes præstandas a populo pro animabus defunctorum, excoGITatas tradunt a majoribus ob hunc Ecclesiis ministrantium clericorum ; cum illæ omnes non clericis sed pauperibus elargiri, Augustinus suaserit. Cum autem istas comensationes ex Augustini consilio Aurelius Carthaginensis episcopus sustulisset, ex eoque accidisset, ut populus ab omni pro defunctis piorum officiorum frequentatione cessaret ; opus fuit Christianos ad eas prestandas pro defunctis oblationes, ecclesiastica lege sancita, compellere : tanti enim existimavere Patres populum in antiquo pietatis officio retinere. Quamobrem in eodem Carthaginiensi Concilio Aurelius cum aliis Africanis episcopis hæc decrevere ³ :

44. « Qui oblationes defunctorum aut negant Ecclesiis, aut cum difficultate reddunt, tanquam egentium necatores, excommunicantur ». Cur id, nisi quod (ut ex Augustino dictum est) eadem omnes ac statim erogabantur in pauperes? quas quidem non exiguas fuisse intelligere potes, cum adeo pauperes iis alerentur, ut earum subtractione necari iidem egeni dicerentur. At de his modo hactenus.

¹ 1. Cor. XI. — ² Galat. VI. — ³ Concil. Carthag. III. c. 30.

¹ Eod. Conc. c. 30. — ² Aug. epist. LXIV. — ³ Concil. Carthag. IV. c. 95.

45. Hoc eodem anno cœptæ sunt dissensiones illæ inter S. Epiphanium Constantiæ Cypri et Joannem Hierosolymorum episcopum, occasione hæresum Origenis, quas ille una cum Ruffino, Palladio, Isidoro et aliis compluribus defendendas ac propagandas infelicitè suscepit. Quod cum S. Hieronymus in epistola ad Pammachium tres numeret

annos a susceptæ contentionis exordio usque ad tempus illius epistolæ, quam scriptam fuisse post sequentem annum suo loco dicemus; satis apparet hanc ipsam altercationem hoc anno cœpisse, de qua nos sequenti anno opportuniori occasione agere aggrederemur.

Anno periodi Græco-Romanæ 5881. — Anno Urbis 1114. — Olymp. 292. an. 3. — secundum Baronium. — Olymp. 292. — A. C. 391.

— Jesu Christi 391. — Siricii papæ 8. — Valentini Junioris 17. Theodosii 13. Arcadii 9.

1. *Consules.* — Ad num. 1 et seqq. Coss. *Tatianus et Q. Aurel. Symmachus*; prior Orientalis, ut ex legibus Codicis Theodosiani patet; posterior Occidentalis, ejus variæ epistolæ ad nos pervenire.

2. *Duæ Valentiniani leges adversus Hæreticos.* — Lex Codicis Theodosiani 5 *De apostatis*, non a Theodosio, ut existimavit Baronius (num. 6), sed a Valentiniano Juniore emissa: inscripta est enim Flaviano præfecto prætorii Illyrici et Italiæ, non vero Orientalis, ubi Tatianus præfectus prætorio fuit, dataque est *Concordiæ*, quæ Italiæ urbs. De ejus explanatione legendus Gothofredus in Commentario. Neque etiam lex 20 ejusdem Codicis *De hæreticis*, ad Orientalem Ecclesiam referenda, ut putavit Baronius (num. 15). Data est enim *Romæ*, eaque urbibus Romanæ urbi vicinis hæretici, eorumque conventus arcentur. Præterea hoc edictum peculiariter ad *Manichæos* pertinet, quos ante biennium ferme Theodosius et Valentinianus lege 18 *De hæreticis*,

urbe Roma expulerunt; at nunc etiam urbibus Romæ vicinis pelli jubentur, id est, ultra centesimum lapidem. Legendus Gothofredus in ejus Commentario.

3. *S. Augustinus fit presbyter.* — *Sanctus Augustinus* circa Pascha presbyter ordinatus videtur. Cum enim *Valerius* episcopus, qui ei sacerdotium detulit, vellet, Augustinum imposito munere statim fungi, is ad se præparandum « parvum tempus vel usque ad Pascha » sibi concedi rogavit, ut liquet ex epistola Augustini 148 ad Valerium. An vero parvum illud tempus a Valerio obtinuerit, incertum.

4. *Theodosius relinquit Occidentem.* — *Theodosius M.* ex Italia, ubi triennio ferme constiterat, Constantinopolim rediit his coss. cum Honorio filio suo, ut testatur Socrates lib. 5, cap. 18, qui addit, cum in eam urbem ingressum esse, *die IV idus Novembris*. Marcellinus in Chronico eum etiam hoc anno Constantinopolim reversum tradit.

SIRICII ANNUS 8. — CHRISTI 392.

1. *Senatorum gentiliū ad Valentinianum, tamē irrita, legatio, pro restituenda idololatria.* — Sequitur Christi Redemptoris annus trecentessimus

nonagesimus secundus auspicio consulatus Arcadii Augusti secundum eum collega Ruffino, qui una cum consulatu auctus est quoque præfectura præ-

torii; de quo S. Ambrosius ¹ ad Tatianum superiori anno consulens: « Ruffinus enim ex magistro officiorum factus est in consulatu præfectus prætorio; ac per hoc plus posse cepit, sed tibi jam nihil obesse: est enim aliarum præfectus partium. Quam gaudeo vel illi ut amico, quia honore auctus, invidia levatus est; vel tibi ut filio, quia liberatus es ab eo quem tibi graviores iudicem arbitrare ». Hæc ipse: has enim discordias inter Ruffinum et Tatianum narrat Zozimus ²: ut de his ipsum Ambrosium loqui non dubites. Cum igitur rediisset Theodosius in Orientem, quo præsentem (ut vidimus) Gentiles de restituendis deorum sacris nec mulire ausi sunt sine magno ipsorum periculo; senatores qui erant Romæ deorum cultores, inter quos omnes Symmachus consularis eminere, cum meliorem spem concepissent, publica legatione Valentinianum conveniunt, ut ab ipso impetrent vetera sacra, quæ pluribus legibus editis abstulerat Theodosius. De hac quidem legatione quid in primis Paulinus dicat, et in quo sit corrigendus, videamus.

2. « Egresso, inquit ³, Theodosio de Italia et Constantinopoli constituto, Valentiniano Augusto intra Gallias posito directæ relatio est sub nomine senatus a Symmacho tunc præfecto Urbis de repetenda ara Victoriæ et sumptibus cærimoniarum. Sed ubi comperit sacerdos Ambrosius, misso libello ad imperatorem, postulavit ut ad se relationis exemplaria dirigerentur, quibus ipse pro partibus suis responsurus esset. Quæ relatione accepta, præclarissimum libellum conscripsit, ut contra nihil unquam anderet Symmachus vir eloquentissimus respondere ». Hæc Paulinus, qui mox subdit de nece Valentiniani, quæ paulo post accidit. At confundere ipsum hanc posteriorem gentilium senatorum legationem cum priore, satis superius demonstratum est, cum docuimus de tempore Urbane Symmachi præfecturæ. Quod si velimus eum confudisse præfecturam Urbanam cum consulatu, quem Symmachus gessit anno superiore; dicenda esset ejusmodi legatio contigisse ultimo anni superioris tempore: nam Theodosium recedentem ab Italia pervenisse Constantinopolim vidimus IV id. Novembris.

3. Verum testificatione ipsius Ambrosii demonstratur, novissimam hanc legationem missam esse ad Valentinianum hoc anno paulo ante ejus obitum; de qua hæc ipse in funebri laudatione ⁴, Deum pro ejus anima interpellans: « Solve ergo servo tuo munus tuæ gratiæ, quam ille nunquam negavit: qui ante diem mortis, templorum privilegia negavit, insurgentibus quos revereri posset. Adstabat virorum caterva Gentilium; supplicabat senatus. Non metuebat hominibus displicere in Christo ». Ita ibi Ambrosius; qui et superius egit de alia ante missa legatione sub Symmachi præfectura, de qua nos suo loco pluribus diximus.

4. *Valentiniani obitus, ejusque laudes ab Am-*

brosio recitatae. — Quod vero ad annum, mensem, et diem interitus Valentiniani imperatoris pertinet: manifestus error deprehenditur apud Marcellini Chronicon, dum recensetur sub anni superioris consulibus. Nam præter id quod dictum est superius, et omnium asseritione constat, Theodosium ab Italia recedentem, reliquisse Valentinianum incolumentem; Epiphanius etiam in libello de mensuris et ponderibus ita ait: « Sub his consulibus Arcadio secundum atque Ruffino mortuus est Valentinianus Junior, filius Valentiniani Magni, inventus in palatio subito strangulatus (ut fama fert) idibus Maii, pridie Pentecostes, in die Sabbati. In ipsa die Pentecostes elatus est: erat autem tunc secundum Ægyptios mensis Pachon dies vicesima prima, juxta Græcos Artemisii mensis tertia et vicesima, secundum Romanos decimo septimo kalendas Junias ». Hæc ipse: ut nulla exactior nota temporis describi potuisse videatur. Sub hoc quoque anno ejus interitum recenset Prosper in Chronico, idemque Zozimum sensisse apparet.

5. Erat adhuc Valentinianus catechuменуs: qui paulo ante obitum prefecturam cum exercitu adversus Barbaros in Italiam irruentes, cupidus ante eam expeditionem initiari sacro baptismo, Viennæ cum esset in Gallia, sanctum Ambrosium Mediolano, ut ab illo, quem patris loco habebat, baptizaretur, accersit: sed ipso adhuc in itinere constituto, proditorum appetitus insidiis, occisus est. Narrat hæc ipse sanctus Ambrosius non sine luctu his verbis ¹: « Audivit in Transalpinis partibus positus, ad Italiæ fines barbaros appropinquasse: sollicitus ne alieno hoste suum regnum attentaretur, venire properabat, cupiens dimittere Gallicana otia, et pericula nostra suscipere. Hæc mihi cum aliis communia; illa privata, quod sæpe me appellabat absentem, et a me initiandum se sacris mysteriis præ se ferebat. Quin etiam cum rumor quidam ad Viennensem pertulisset urbem, quod invitandi ejus ad Italiam gratia, eo pergerem; quam gaudebat, quam gratulabatur me sibi optato affore? Mora ei adventus mei prolixior videbatur: atque utinam adventum ipsius nullus prævenisset nuntius. Jam promiseram me profecturum, respondens vel honoratis petentibus, vel præfecto, ut tranquillitati Italiæ consulere, me sicut superfluo ingerere non possem propter verecundiam, ita necessitatibus non defuturum. Confirmatum hoc erat. Ecce postridie litteræ de instruendis mansionibus, invectio ornamentorum regalium, aliaque hujusmodi, quæ ingressurum iter imperatorem significarent. Quibus rebus ab ipsis quibus fuerat postulata, intermissa legatio est. Reus mihi videbar speratæ meæ præsentiae, nec impletæ. Sed utinam viventi tibi hunc deberem reatum. Excusarem quod nulla tua audissem pericula, nullas tuas accepissem litteras, quod non potuissem propriis literis animalibus occurrere, etiam si iter ingressus essem. Itaque securus veniæ, dum

¹ Ambrosii epistolæ. LIII. — ² Zozimus. l. IV. — ³ Paulinus in Vit. S. Ambrosii.

⁴ Ambrosii oratio in funere Valentiniani.

¹ Ambrosii oratio in funere Valentiniani.

dies subduco, adventum tuum intelligo. Ecce rescriptum accipio, ut sine mora pergendum putarem, eo quod vadem fidei tuæ habere me apud comitem tuum velles. Num restiti? num moratus sum? Additur, eo ut properarem oculus, nec arbitrarer causam itineris mei Synodum Gallorum esse episcoporum, propter quorum frequentes dissensiones crebro me excusaveram. sed ut ipse baptizaretur in ipso egressu. Gestarum jam rerum indicia potui cognoscere, sed properandi studio nihil advertere poteram. Jam superabam Alpium iuga, et ecce nuntius amarus mihi et omnibus de tanti morte imperatoris. Reflexi, iter fletibus meis lavi. Quibus ego votis omnium proficiscebam? Quo gemitu omnium revertebar? non enim imperatorem sibi, sed salutem ereptam putabant. Quanto ipse angebat dolore? primum quod tantus princeps, quod dulce pignus meum, quod ita mei cupidissimum occidisset. Quos ego ætus ejus illo biduo fuisse comperi, quo litteris, quas ad me miserat, supervixit? Vespero profectus est silentiarius: tertio die mane quærebat, jamne remeasset? jam venirem? Ita sibi salutem quamdam venturam arbitrabatur. O juvenis optime: utinam te viventem invenire potuissem! utinam te dilatio aliqua meo reservasset adventui! Nihil de aliqua mei virtute polliceor, nihil de ingenio atque prudentia. Sed quanta ego cura inter te et comitem tuum (Arbogastem intelligit), quanta sedulitate concordiam et gratiam refudissem? Quam me ipsum pro tua obtulissem fide? Quam in me ipsum eos recepissem, quibus ille se timere dicebat? Certe si comes non esset inflexus, tecum remansissem. Præsumebam de te, quod ipse me audires, si pro te non esse auditum videres. Multa habueram quæ tenerem: nunc nihil habeo præter lacrymas et fletus». Hæc Ambrosius.

6. Sed quæ causa ejus interitus præcesserit, Zozimus illam ita describit¹: « Visus Arbogastes subditis sibi militibus idoneus, ob fortitudinem rei-que bellicæ scientiam et pecuniæ contemptum, magnam ad potentiam pervenit, adeoque tantus erat, ut etiam adversus principem liberior esset, et quæcumque non recte nec uli par erat fieri putabat, prohiberet. Ea Valentinianus permoleste ferens, re-
luctabatur quidem sapius, sed nihil proficiebat: nam Arbogastes omnium militum benevolentia munitus erat. Tandem Valentinianus haud ferens amplius ut huic subjectus esset, cum Augusto in solio sedens accedente videret Arbogastem, acerbius hominem timis aspiciens, litteras porrigit, quibus imperium ipsi abrogabat. his ille perfectis: Nec imperium mihi dedisti, ait, nec auferre poteris. Quibus prolatis, discerptoque libello, et in terram abjecto, discendebat. Ex eo tempore non clanculum suspiciones alebantur, sed omnibus eorum inimicitia patebant»; donec ab eodem Valentinianus ferro confossus (ut subdit) eum ageret militibus ludos: verum non ferro, ut ait, sed laqueo strangulatus:

quod ipsum testatur Socrates²; Sozomenus³ vero male, dum spontaneo laqueo periisse eum affirmat, quod scilicet hæc de ejus obitu cubicularii ipsius levi fama sparsisset: hoc namque est quod ait sanctus Hieronymus⁴: « Adolescens Valentinianus, et bene puer, post fugam, post exilia, post recuperatum multo sanguine imperium, haud procul ab urbe fraternæ mortis conscia, necatus est, et cada-ver exanime suspensio infamatum». Rufinus⁵ vero tradit causas, cur laqueo vitam finierit, ignoratas, et num ipse sibi vel alii iniecerint ipsi illum. Sed Ambrosius rerum etiam secreto gestarum probe conscius longe ab hac abhorret sententia, ut sibi ipsi adolescens manus consciverit; probe sciens id dolo Arbogastis comitis factum, quem præsentia sua placare se potuisse affirmat, si illic adeus contigisset: etenim Paulino constat auctore, Ambrosium ab Arbogaste omni observantia cultum, quem sæpe ab eodem Ambrosio tradit exceptum fuisse convivio, eaque de re inter suæ gentis reges plurimum gloriari solitum; de ipso enim ista Paulinus⁶: « Per idem tempus Arbogastes comes adversus gentem suam, hoc est Francorum, bellum paravit; atque pugnando, non parvam multitudinem manu fudit, cum residuis vero pacem firmavit. Sed cum in convivio a regibus gentis suæ interrogaretur, utrum sciret Ambrosium; et respondisset, nosse se virum, et diligere ab eo, atque frequenter cum illo convivari solitum; audit: Ideo vincis omnes, quia ab illo viro diligeris, qui dicit soli, Sta, et stat». Hæc Paulinus a nobis recensita, quod jure doluerit Ambrosius se præsentem minime fuisse, quo sibi devinctum comitem ipsum Arbogastem placasset. Quod vero dicit idem Paulinus, eum fuisse natione Francum, id ipsum affirmat Zozimus; sed Sozomenus Galatam, hoc est Gallum, appellat; idem esse Francum quod Gallum existimans. Francum quoque eum dixerunt alii. Quibus autem moribus compositus esset, ut ab Ambrosio amaretur, Suidas⁶ declarat his verbis: « Arbogastes Francus, robore corporis et asperitate animi flammæ similis, proximus a Bautoe (hic consulatum gessit cum Arcadio). In hoc fuit constans et exquisita modestia, et odium irreconciliabile avaritiæ; unde divitis gregario militi nihil præstabat. Quapropter Cæsari Theodosio utilis videbatur: ut qui ad Valentiniani mores viriles et justos, suam quoque gravitatem adjungere, et regiam instar rectæ et immotæ columnæ sustentare posset, ne quid in aula damni aut peccati admitteretur». Hæc Suidas de Arbogaste; cui, ex sententia etiam regum barbarorum, constat, ante tam inhumane facinus perpetratum omnia dextera contigisse, immunerisque eum ferre auctum fuisse victoriis; post necem vero imperatoris, justo sanguine in eum clamante vindictam, semper in deteriora esse prolapsam.

¹ Socr. l. v. c. 24. — ² Sozom. l. vii. c. 22. — ³ Hier. ep. iii. —

⁴ Rufin. l. ii. c. 34. — ⁵ Paulin. in Vita S. Ambr. — ⁶ Suid. verb. Arbogastes.

¹ Zozim. l. iv.

7. Quod vero ad Valentiniani ipsius mores pertinet : S. Ambrosius mira refert ; delictaque illa pristina, quæ ante, ut faveret Ariano, iniquissime perpetrarat, relinquit obvoluta silentio, quod sciret non puero ea fuisse adscribenda peccata, sed Justinæ Augustæ arianæ feminæ, cuius nutu omniaolvebantur. Sed quod ad mores spectat : quam in primis studeret ea corrigere, quæ de se aliis displicere cognosceret, his verbis ostendit ¹ : « Fereratur primo ludis circensibus delectari : sic istud absterisit, ut ne sollemnibus quidem principum natalibus, vel imperialis honoris gratia circenses putaret esse celebrandos. Aiebant aliqui ferarum cum venationibus occupari, atque ab actibus publicis intentionem ejus abduci : omnes feras uno momento jussit interfici ». Hæc de his S. Ambrosius : quod enim nefas sit opinari sanctissimum virum vel leve mendacii folium attexuisse ejus coronæ laudum, dicta ab eo fide dignissima habenda sunt, qui et hæc subdit : « Audire in consistorio negotia, et Danielis spiritum, in quibus dubitarent senes, vel personæ alicujus contritu ducerentur, congruam vero adolescentem videres senilem ferre sententiam. Jactabant invidi, quia præmature prandium peteret : cepit ita frequentare jejuniū, ut plerumque ipse impransus convivium solemne suis comitibus exhiberet, quo et religioni sacræ satisfaceret, et principis humanitati ». Sed de ejus castitate hæc addit.

8. « Scenicæ, inquit, cujusdam forma ac decore deprerire Romæ adolescentes nobiles nutiabantur : jussit eam ad comitatum venire. Missus pretio depravatus, sine mandati effectu rediit. Alterum misit, ne voluisset emendare vitia adolescentum et non potuisse videre ... Datus est obtrectandi aliquibus locus. Deductam tamen nunquam aut spectavit, aut vidit. Postea redire præcepit, ut omnes agnoscerent, irritum ejus non esse mandatum, et adolescentes doceret ab amore mulieris temperare, quam ipse qui potuit habere in potestate, despexerat. Et hæc fecit, cum adhuc non haberet uxorem, et tamen exhiberet sui tanquam vinctus conjugio castitatem. Quis tam dominus servi, quam ille sui corporis fuit ? Quis tam aliorum arbiter, quam ille suæ censor ætatis ? Quid de pietate ejus loquar ? Qui cum homines nobili ortos genere et locupleti prosapia, quæ cito movere invidiam solet regie cupiditatis, accusator urgeret, præfectus insisteret ; respondit, ut nihil cruentum sanctis præsertim diebus statueretur. Et cum post aliquot dies accusatoris legere libellus, calumniam pronuntiaturus ; accusatum libere, donec præfectus cognosceret, observare jussit : neque ante aut postea quisquam tanti criminis sub adolescente imperatore formidavit invidiam ». Hæc et alia plura S. Ambrosius, qui tota illa oratione in eo argumento versatur. Inferius vero de annis quibus imperavit, hæc habet mendosa lectio :

9. « Metuo ne et tu nobis aliqua offensione sis

raptus, ut octavo decimo regni tui anno imminentes mali acerbiterem quasi justus evaderes ». Hæc de tempore quo imperavit. Cæterum si ratio subducatur ab anno, mense, et die, quibus imperare cepit, et quibus desit ; nonnisi annos sexdecim, menses sex, minus diebus octo continget numerari : tot enim desunt dies a decima quinta Maii, qua obiit, usque ad vicesimam tertiam Novembris, qua fuerat adseitus in imperium, ut impleatur mensis. Siquidem Valentinianum Seniore ex hac vita migrasse constat post consulatum Gratiani et Equitii, decimo quinto kalend. Decembris : ac post dies sex (ut ex Ammiano dictum est) ipse Valentinianus Junior regnare cepit, anno Domini trecentesimo septuagesimo quinto, mensis Novembris vicesima tertia die : a quo tempore si numeres usque in præsentem annum, et mensis Maii diem decimam quintam, quibus cum decessisse perspicue satis vidimus ; non amplius quam dicto tempore reperies imperasse : unde mendum in notam numeri apud S. Ambrosium irrepisse, facile inducitur ut credamus : ipsum enim ultra præsentem annum vitam produxisse, ea quæ sequenti anno dicuntur, impossibile esse significant. Erat Valentinianus, cum obiit, annum agens ætatis vicesimum septimum inchoatum : siquidem sub Gratiani et Dagalaiphi consulatu natum vidimus : sententiam autem Ammiani, qua eum fuisse quadrimum testatur anno trecentesimo septuagesimo quinto, secundum quam dicendus esset obiisse annum ætatis agentem vicesimum primum, superius confutavimus.

10. Sic igitur vita functo Valentiniano, corpus ejus delatum est Mediolanum, nullo obice : nam proditores, ne se arguerent tanti sceleris reos, et ex hoc subjacerent invidiæ, liberam evectorem regii cadaveris permisere. « Universis hisce (inquit Zozimus) Theodosio principi eodem tempore renuntiatis, uxor ejus Galla fratrem deplorans, regiam universam conturbabat, simul et ipse princeps magno mœrore curaquæ conficiebatur ». Itæc et alia Zozimus : sed quod ait de Galla Augusta, biennio jam ante obitum Valentiniani ipsam vitam functam, superius ex Marcellino dictum est. Theodosius vero, quod unicum sibi pietatis officium reliquum esse videbatur, de honorifica sepultura curanda ad S. Ambrosium litteras dedit, qui ad eum ista rescripsit ¹ :

11. « Silentium meum rupit sermo clementiæ tuæ. Nil enim in tam tristibus rebus melius facere, in animum induxeram, quam, si fieri posset, me ipsum abdere : sed quia in secessu aliquo delitescere et sacerdotio exire non poteram, vel silentio intra me latebam. Doleo enim, fateor, dolore acerbo, non solum quod immatura ætate Valentinianus Augustus decesserit, sed etiam quod informatum fide ac tuis institutis tantam devotionem erga Deum nostrum induerat, atque tanto in me inebuerat affectu, ut quem ante persequeretur, nunc dilige-

¹ Ambrosii orat. in funer. Valent.

¹ Ambrosii epistol. XXXIV.

ret : quem ante ut adversarium repellebat, nunc ut parentem putaret. Quod ego non pro recordatione injuriæ veteris exprompsi, sed pro testimonio conversionis. Illud enim alienum, hoc suum ; quod a te infusum sibi ita tenuit, ut matris persuasionem excluderet. Ille se a me nutritum præ se ferebat : ille ut sedulum patrem desiderabat : ille simulato a quibusdam adventus mei nuntio, impatienter præstolabatur. Quin etiam illis ipsis publici doloris diebus, cum sanctos et summos sacerdotes Domini intra Gallias haberet ; ut a me tamen sacramentis baptismatis initiaretur, scribendum arbitratus est. Quod etiam si non rationabiliter, amabiliter tamen erga me suum studium testificatus est.

12. « Hunc ergo non intimo anhelem spiritu, secretisque mentis atque animi visceribus amplectar ? Hunc mihi mortuum putem ? imo mihi magis vivum. Quas ego Domino deferebam gratias, quod ita in me conversus esset, quod ita emendatus, quasi senioris cujusdam ætatis mores induisset ? quas clementiæ tuæ, quod eum non solum regno reddidisses, sed etiam (quod est amplius) instituisse fidei et pietatis tuæ disciplinis ? Ilunc ergo non doleam, ævi integrum, antequam sacramentorum, quæ desideravit, adipisceretur gratiam, repentina obisse morte ? Refrigerasti animum, quod etiam ipse dignatus es ferre testimonium dolori. Te, imperator, arbitrum teneo affectus mei, te meæ mentis interpretem. Sed flendi tempora alias non deerunt : nunc de sepultura ejus, quoniam scripsit clementia tua ita hinc procurandum. Sed exors recessit baptismatis : quid cognoverim, non repressi. Est hic porphyreticum labrum pulcherrimum, et in usus hujusmodi aptissimum : nam et Maximianus Diocletiani socius ita humatus est. Sunt tabulæ porphyreticæ pretiosissimæ, quibus vestiatur operculum, quo regale exuvie claudantur. Hoc fuerat præparatum, sed expectabatur rescriptum clementiæ tuæ ; cujus perceptione recreata sunt sanctæ filiæ tuæ, filii tui Valentiniani sorores, quod se gravibus afficiunt modis, et amplius exagitantur, quod diu nihil scriberetur sibi. Unde iis non parum accessit solatii : sed dum inhumatæ sunt reliquiæ, nequaquam sibi parcent : videntur enim sibi germani sui quotidianum funus tenere. Et revera cum sine fletu magno ac sine dolore gravi nunquam sint ; tamen quotiescumque eo accedunt, exangues revertuntur. Et ipsis igitur consulatur, et carissimis exuviis, si acceleretur sepultura, ne æstivo penitus solvantur calore : vix enim superiorem ætatem transeginimus. Mandatum tuum servo, et commendo Domino. Diligat te Dominus, quia tu Domini servos diligis ». Illicusque epistola Ambrosii ad Theodosium imperatorem.

13. Curavit igitur ex Theodosii voluntate sepulturam S. Ambrosius ; et qua die corpus sarcophago condendum erat, panegyricam habuit orationem : nam in ipsa inter alia ¹ : « Sed jam, inquit,

cara mihi complectar viscera, et debita quondam sepulcro, prius tamen singula membra perspiciam ». Post multa autem, de eodem licet catechumeno adhuc, vitam tamen æternam consecuto (nam quod expetitum baptismum non acceperit, scelus anteverit proditorum), hæc habet : « Nec nos quidem dubitemus de meritis Valentiniani, sed jam credamus vel testimoniis angelorum, quod deterasa labe peccati, ablatus ascendit, quem sua fides lavit, et petitio consecravit. Credamus quia ascendit a deserto, hoc est, ex hoc arido et inculto loco ad illas florulentas delectationes, ubi cum fratre conjunctus æternæ vitæ fruitur voluptate. Beati ambo, si quid meæ orationes valebunt, nulla dies vos silentio præteribit : nulla inhonoratos vos mea transibit oratio : nulla nox non donatos aliqua precum mearum confectione transcurrat : omnibus vos oblationibus frequentabo ». Hæc Ambrosius. Habes, lector, ex ipsius munifica sponione, pro defunctis suffragia tum precibus, tum omni genere (ut ait) oblationum, pro concione oratione publica decantata, idque ex antiquo (ut vidimus) Ecclesiæ usus præscripto, non recens ab Ambrosio inductum et usurpatum.

14. Quod enim ad salutem animæ Valentiniani spectare videtur ; ea quidem Ambrosii certa securaque testificatione firmatur : etenim non solum ad id significandum baptismi votum atque petitio intercessit, sed præcessit fidei christianæ fortis, constans, et animosa confessio, cum (ut ex Ambrosio dictum est) urgeret caterva gentilium, et senatus instaret pro restitutione gentilium rituum : sed et cum id (ut diximus) factum ante diem obitus ejus sit, vehementes suspicio tui mortem ipsi illatam arte Gentilium, sicque confessor ac pæne martyr ob necem illatam ex hac vita decesserit. Quæ enim sunt postea subsecuta, arguunt ea quæ præcesserunt. Siquidem qui post ejus obitum arripuit imperium, gentilibus idolorum cultoribus favit, restituit jura templorum, sacrificia intermissa sedulo revocavit, ethnicisque hominibus quæcumque petiere concessit : ut plane proditiōne Gentilium id factum esse, conjectura non levis intercedat. Sed jam singula disquiramus, quæ hæc secuta sunt.

15. *Eugenius, arrepto imperio, gentibus aram Victoriae et alia reddidit jura.* — Qui post Valentinianum regnare cepit, fuit Eugenius, nomen sibi tyrannus sumens Augusti, elatus in imperium a Valentiniani interfectoribus. Quisnam autem hic fuerit, cum plures ejus nominis reperiantur viri, qui hoc sæculo clauere ; ne quod minus est, alii tribuantur ; de singulis dicendum puto. Primus omnium ille occurrit, qui claruit temporibus Constantii ac Juliani ; cujus statua dicata in Foro Trajani, ejusmodi erat inscriptione notata ¹ :

FL. EUGENIO. V. C. EX. PRÆFECTO. PRÆTORIO
CONSULI. ORDINARIO. DESIGNATO. MAGISTRO
OFFICIORUM. OMNIUM. COMITI. DOMESTICO

¹ Ambrosii orat. in obitu Valentiniani.

¹ Apud. Smet. antiq. inscr. p. 68. n. 6.

ORDINIS. PRIM. OMNIBUSQ. PALATINIS
DIGNITATIBUS. FUNCTO. OB. EGREGIA. EJUS
IN. REMPUBLICAM. MERITA. HUIUS
D. D. N. X. CONSTANTII. VICTOR. AC
TRIUMPHATOR. SEMPER. AUGUSTUS. ET
JULIANUS. NOBILISSIMUS. CÆSAR
STATUAM. SUB. AULO. IN. FORO. DIVI
TRAIANI. QUAM. ANTE. SUB. DIVO
CONSTANTE. VITAE. ET. FIDELISSIMAE
DEVOTIONIS. GRATIA. MERUIT
ADPROBANTE. AMPLISSIMO. SENATU
SUMPTU. PUBLICO. LOCO. SUO
RESTITUENDAM. CURAVERUNT

Deturbata illa quidem Eugenii statua fuisse videtur a Magnentio tyranno, qui occiso Constante, tyrannidem arripuit imperii Occidentalis.

16. Vixit his quoque temporibus Fl. Eugenius Agellus praefectus Urbis; cujus memoria reperitur in basi unius columnarum ambientium sanctuarium in basilica S. Pauli, per Valentinianum ipsum, de quo egimus, restitui cepta: qui ex loco et opere fuisse arguitur christianus, et sicut familia, ita fortasse sanguine conjunctus Asellae nobili Romanae ac sanctissimae virgini, quae a S. Hieronymo summis laudibus celebratur. Porro ejusdem Eugenii brevis haec legitur ibi inscriptio:

FL. EUGENIUS. ASELLUS
C. C. PRAEF. VRB.
V. S. I. REPARAVIT.

Ceterum neminem horum fuisse Eugenium tyrannum, de quo agimus certum est: siquidem prior ille consul ordinarius designatus, antequam consulatum adiret, diem obit: posterior vero iste, quod Urbanam gesserit praefecturam, longe diversus ab Eugenio tyranno fuisse convincitur, qui nunquam hujusmodi muneris dignitate functus aliquando reperitur: etenim nulla prorsus natalium claritudine nobilis iste fuit, quem clientem, et famulum Arbogastis nominat Claudianus, cum ait, his verbis¹:

Proh crimen superum, longi proh dedecus aevi!
Barbarus Hesperias exul possederat oras,
Sceptraque dejecto dederat Romana clienti.

et alibi²:

Hunc sibi Germanus famulum delegerat exul.

Ignobilis plane hic, quem Arbogastes exivit in imperium, Eugenius fuit. Insuper extitit et alius quoque Eugenius eunuchus, qui Procopio adversus Valentem tyrannidem exercenti ipso imperii exordio praesto fuit; cujus meminit Zozimus³: sed cum de

Eugenio agit, qui occiso Valentiniano imperavit, plane diversum ab hoc fuisse significat: quem obscurum genere rhetoricis facultatibus, quas publice professus erat, tantummodo clarum, in aula versatum, Rhicomeri Duci familiaritate conjunctum, et ejus commendatione ab Arbogaste in familiaritatem acceptum tradunt.

17. Sic igitur sublimatus in imperium Eugenius, legationem ad Theodosium pro pace misit; functusque est eo munere inter alios Rufinus Atheniensis, « qui (inquit Zozimus⁴) nec litteras Arbogastis secum ferebat, nec ullam aliam mentionem illius faciebat. Cum princeps Theodosius in deliberando legatisque convenienter respondendo cunctando detinuit ». Addit Rufinus, missos tunc fuisse etiam legatos sacerdotes, qui Arbogastem culpa purgarent, insontemque eum penitus monstrarent. Ceterum inter haec Theodosius de expeditione adversus Eugenium paranda cogitare cepit: cum interim Eugenius gentilium vatum deciperetur promissis, de quo haec Sozomenus⁵: « Porro Eugenius quidam erga Christianorum religionem non sincere affectus, principatum invasit, et imperii insignia assumpsit. Putabat enim, se id quod conabatur, absque impedimento consecuturum, inductus quorundam verbis, qui se futura praedicturos pollicebantur ex victimarum immolatione, et viscerum inspectione, et observatione siderum. Harum rerum studiosi tunc erant cum alii multi apud Romanos in dignitate constituti viri, tum etiam Flavianus tunc temporis praefectus, vir eximius, et in rebus politicis prudens habitus, quique insuper ex omnis generis divinationis scientia exacte praescire futura credebatur ». Fuit hic pernecessarius Symmachi consularis, cujus ad eum scriptae extant complures epistolae; quibus plane intelligitur, ipsum idololatriae addictissimum fuisse. Sed pergit auctor: « Ille enim existinatione Eugenium potissimum perpulit, ut ad bellum sese pararet, cum imperium illi fato destinatum esse Flavianus asseveraret, et victoriam ex pugna illi cessuram, et mutationem religionis Christianae ». Ille Sozomenus. At quinam fuerint utriusque principis apparatus, suo loco dicturi sumus inferius.

18. Quid autem gentilium deorum defensor, imperatorem nactus quamvis christianum, tamen ad gentilitatem propensiozem, Flavianus ab Eugenio, simul ac Augustus acclamatus est, petierit et obtinuerit, Paulinus ita declarat⁶: « Non multo post, petentibus tunc Flaviano praefecto et Arbogaste comite aram Victoriae, et sumptus caeremoniarum (quod Valentinianus augustae memoriae adhuc in junioribus annis constitutus denegaverat) oblitus fidei suae concessit. Hoc ubi audivit sacerdos Ambrosius, relicta civitate Mediolanensi, ad quam ille festinato veniebat, in Bononiensem civitatem emigravit ». Invitatus namque fuerat a Bononiensi

¹ Claud. in Panegy. de tertio Honorii Consulatu. — ² Idem in Panegy. de 4. Consul. — ³ Zozim. l. IV.

⁴ Zozim. l. IV. — ⁵ Sozom. l. VII. c. 22. — ⁶ Paulin. in Vit. S. Amb.

episcopo ad translationem S. Agricolæ martyris; de qua ipse meminit¹; atque martyris reliquias acceptas secum vexisse testatur. « Bononia vero recedens, subdit Paulinus, Faventiam usque perrexit: ubi cum aliquantis degeret diebus, invitatus a Florentinis, ad Tusciam usque descendit, declinans magis aspectum sacrilegi viri, non formidans imperantis injuriam ». Tunc et epistolam ad eundem dedidit, qua causam significavit, cur ipso non expectato, Mediolano recesserit: reddemus hic ipsam; licet eandem e nostra bibliotheca acceptam, in Sixtina editione edendam proposuerimus cum aliis S. Ambrosii epistolis: est autem hujusmodi²:

« Clementissimo imperatori Eugenio Ambrosius episcopus.

19. *Ambrosii epistola ad Eugenium.* — « Seccessionis meæ causa timor Domini fuit, ad quem omnes actus meos, quantum queo, dirigere, neque unquam ab eo mentem deflectere, nec pluris facere cujusvis hominis, quam Christi gratiam consuevi. Nemini enim facio injuriam, si omnibus Deum præfero; et confidens in ipsum, non vereor vobis imperialibus dicere quæ pro meo captu sentio. Itaque quod apud alios imperatores non tacui, nec apud te, clementissime imperator, tacebo. Atque ut ordinem rerum custodiam, strictim recensebo quæ ad hoc spectant negotium. Retulerat vir amplissimus Symmachus, cum esset præfectus Urbis, ad Valentinianum augustæ memoriæ imperatorem juniorem, ut templis quæ sublata fuerant, reddi juberet. Functus est ille partibus suis pro studio et cultu suo. Utique etiam ego episcopus partes meas debui recognoscere. Dedi libellos imperatori duos, quibus significarem sumptus sacrificiorum christianum virum non posse reddere; et non fuisse quidem me antorem cum tollerent, antorem tamen fieri quominus decernerentur, debere: quia dare pretia sacrificiorum simulacris videretur, non reddere. Quod enim ipse non abstulerat, non quasi ipse reddebat, sed arbitrato proprio largiebatur ad superstitionis impensas. Postremo si fecisset, aut non veniret ad Ecclesiam: aut si veniret, futurum ut aut sacerdotem non inveniret, aut inveniret sibi in Ecclesia resistentem. Nec ad excusationem obtendi posse, quod esset catechumenus; cum non liceat etiam catechumenis sumptus idolis subministrare. Lecti sunt libelli mei in consistorio: aderat amplissimus honore magisterii militaris Bauto comes, et Rumoridus (Rumorodius), et ipse ejusdem dignitatis gentiliū nationum cultui inserviens a primis pueriliæ suæ annis, Valentinianus tunc temporis audivit suggestionem meam, nec fecit aliud, nisi quod fidei nostræ ratio poscebat. Acquieverunt etiam comiles sui.

20. « Postea etiam clementissimo imperatori Theodosio coram intimavi, atque in os dicere non dubitavi: cui infirmata senatus legatione hujusmodi, licet non totus senatus poposcerit, insinuationi meæ

tandem assensionem detulit: et sic aliquibus ad ipsum non accessi diebus, nec moleste tulit: quia non pro meis commodis faciebam; sed quod et ipsi et animæ meæ proderat, in conspectu regis loqui non confundebar¹. Iterum Valentiniano augustæ memoriæ principi legatio a senatu missa intra Gallias, nihil extorquere potuit: et certe aberam, nec aliquid tunc ad eum scripseram. Sed ubi clementia tua Imperii suscepit gubernacula, compertum est postea donata illa esse præcellentibus in Republica, sed gentilis observantiæ viris: et fortasse dicatur, imperator Auguste, quia ipse non templis reddideris, sed bene meritis de te donaveris. Verum nostri pro Dei timore agendum esse constanter: quod etiam pro libertate frequenter sit, non solum a sacerdotibus, sed etiam ab his qui vobis militant, aut in numero habent provincialium. Te imperante, petierunt legati ut templis redderes; non fecisti: iterum alteri postulaverunt; renisus es: et postea ipsi qui petierunt, donandum putasti.

21. « Etsi imperatoria potestas magna sit, tamen considera, imperator, quantus sit Deus, qui corda² omnium videt, conscientiam interiorem interrogat, novit omnia antequam fiant, novit intima pectoris tui. Ipsi falli vos non patimini, et Deum vultis celare quicquam? Hoc non cecidit in animum tuum? Quamvis enim illi agebant tam perseveranter: nonne tamen fuit, imperator, pro Dei summi et veri et vivi veneratione perseverantius obsistere, et negare quod erat injuriæ sacræ legis? Quis invidet, quoniam quæ voluisti, aliis donavisti? Non sumus scrutatores vestræ liberalitatis, nec aliorum commodorum invidi, sed sumus interpretes fidei. Quomodo offers dona tua Christo? Pauci æstimabunt quid feceris, omnes quid volueris; quicquid illi fecerint, tuum erit: quicquid non fecerint, suum: et si es imperator, Deo subditus magis esse debes. Quomodo sacerdotes Christi tua munera dispensabunt? fuit hujusmodi questio temporibus superioribus, et tamen fidei Patrum ipsa cessit persecutio, et gentilitas detulit.

22. « Nam cum ageretur agon quinquennalis in civitate Tyro³, et ad spectandum venisset Antiochiæ rex, sceleratissimus Jason ordinavit sacrorum procuratores, ut ab Hierosolymis Antiochienses ferrent didrachmas argenti 300, et illas darent ad sacrificium Hærculis: verum Patres non Gentilibus dederunt pecunias; sed viris fidelibus suis missis, protestantur non erogari ad deorum sacrificium, quia non congruebat, sed in alios sumptus dari: et pronuntiatum est (quia ille ad sacrificium Hærculis missum dixerat argentum), suscipi quidem debere in id ad quod erat missum; sed quia illi qui detulerant, resistebant pro studio et cultu suo, ut non sacrificio proficerent, sed aliis necessitatibus; tradite sunt pecuniæ ad constructionem navium: etsi coacti miserunt, non tamen ad sacrificium, sed ad alios sumptus Reipublicæ. Denique qui attulerant,

¹ Ambrosii in exhort. ad virgin. — ² Ambrosii, ep. xv. edit. Sixti.

³ Ps. cxviii. — ² Act. i. Dan. xiii. — ³ 2. Mach. iv.

utique potuissent tacere; sed ladebant fidem, quia sciebant quo deferrent; et ideo missi sunt viri timentes Deum, qui agerent, ut non templo, sed ad impensas navium, quæ missa fuerant, deputarentur. Illis enim crediderunt pecunias, qui causas agerent sanctæ legis. Iudex rerum effectus fuit, qui absolvit conscientiam. Si positi in aliena potestate sic præcavebant: quid te oportuerit facere, o imperator, dubitari non potest. Te utique nemo cogebat, nemo habebat in potestate: debuisti sacerdotem consulere.

23. « Ego certe quando tunc restiti, etsi solus restiti, tamen non solus volui, nec solus id suasi. Quoniam igitur meis vocibus et apud Deum et apud omnes homines teneo, aliud mihi non licere intellexi, aliud non oportere, nisi ut consulere mihi, quia non potui tibi cedere modeste. Certe diu pressi, diu texti dolorem, nulli quicquam intimandum putavi: dissimulare mihi nunc non licet, tacere liberum non fuit. Ideo etiam in primordiis Imperii tui scribenti non rescripti, quia istud prævidebam futurum. Denique reposcenti literas, cum ipse non rescriberem, dixi: Hæc causa est, quod extorquendum ei arbitror. Tamen ubi causa emerisit officii mei, pro his qui sollicitudinem sui gerebant, et scripsi et rogavi: ut ostenderem in causis Dei, timorem mihi justum inesse, nec plures me facere adulationem, quam animam meam: in his vero, in quibus vos rogari decet, etiam me exhibere sedulitatem potestati debitam; sicut et scriptum est: Cui honorem, honorem: cui tributum, tributum: nam cum privato detulerim corde intimo, quomodo non deferrem imperatori? Sed qui vobis deferri vultis, patimini ut deferamus ei, quem imperii vestri vultis auctorem probari ». Hactenus Ambrosii epistola ad Eugenium.

24. *Ambrosius Florentiæ.* — Recitat ex eadem epistola fragmentum Paulinus. Sed sequamur Ambrosium; qui cum pervenisset Florentiam, opportune accidit, ut rogatus dedicaret Ecclesiam a Juliana clarissima femina erectam, sub cuius altare condidit idem sanctus reliquias martyris Agricolæ, quas Bononiæ acceperat. Habuit ibidem luculentam orationem Ambrosius, qua cum religiose feminæ in erectione basilicæ factum laudibus celebravit, majori tamen præconio extulit, quod de vivis lapidibus nobilius templum Deo dicaret, nempe tres filias una cum filio. Fuit Ecclesia illa nomine S. Laurentii nuncupata, eademque Ambrosiana dicta a civibus, in memoriam tanti viri, qui eam dedicasset, Ambrosii. Ibi cum ageret S. antistes, cum S. Zenobio ejus civitatis episcopo familiaritatis usus ipsi interessit, pluribus inter se officiis declaratus; quæ Paulinus recenset, sicut et præclara miracula ibidem Apostolis digna edita. Permansit ibi Ambrosius, ut putatur, usque ad reditum Mediolanum, nempe ad biennium: constat enim eodem auctore Paulino, Mediolanum non ante

reversum, quam sub consulatu Arcadii tertio atque Honorii secundo, quo anno Theodosius in Italiam descendit adversus Eugenium.

25. *Diversa studia Eugenii et Theodosii per leges agitantis gentiles et hæreticos.* — Cæterum etsi Florentia recessit Ambrosius corpore, tamen virtute jugiter mansit: cujus quidem rei certum exhibuit experimentum, tum quod S. Zenobius testatus est, se mirando quodam modo, absente illo licet, vidisse tamen Ambrosii speciem ipsum in omnibus reddentem quasi orantem in basilica Ambrosiana; tum etiam cum post obitum præsto illi civitati fuit adversus ducenta millia barbarorum, dum obsidione cingeretur a rege Radagaio. At de his pluribus inferius tomo quinto acturi sumus. Sed ad Eugenium revertamur. Falsa ipse spe illectus oraculorum ac divinationum gentilium, nihil non indulsit, quod iidem pro restituendo collapsu cultu deorum postulassent: iisque parare se cepit prædiis ad resistendum Theodosio, si armis decernere haberet in animo: hisque munimentis stabilendum sibi curavit imperium, homo aliqui christianitatis ferens imaginem.

Cum e contra Theodosius, semel atque iterum expertus nihil adeo ac pietatem erga Deum ad barbaros ac tyrannos debellandos conducere, nihil antiquius habuit, quam divinum auxilium quibus valeret officiis demerere, conciliarique piis legibus divinum numen, quod sacrilegis rescriptis ab Eugenio sciret offensum. Quod igitur magno animi dolore cognovisset, Eugenii concessione restitui in Romano Capitolio aram Victoriæ, ocellusa diu reserari Gentilium templa, fumare Urbem nidore detestabilium sacrificiorum, oracula consuli, exactaque inspicere animalium: quod tamen sibi non adhuc integrum esset, his malis occurrere; quibus valuit modis, contrariis legibus repugnare nisus, hanc adversus idolorum cultores edidit sanctionem:

26. « Nullus omnino ex quolibet genere, ordine hominum, dignitatum, vel in potestate positus, vel honore perfunctus, sive potens sorte nascendi, seu humilis genere, conditione, fortuna, in nullo penitus loco, in nulla urbe, sensu carentibus simulacris, vel insontem victimam cedat, vel secretiore piaculo larem, ignem, erogenium, penates nidore veneratus, accendat lumina, imponat thura, sarta suspendat. Quod si quispiam immolare hostiam sacrificaturus audebit, aut spirantia exta consulere; ad exemplum majestatis reus, licita cunctis accusatione delatus, excipiat sententiam competentem, etiam si nihil contra salutem principum aut de salute quæsierit. Sufficit enim ad criminis molem, nature ipsius leges velle rescindere, illicita perscrutari, occulta recludere, interdicta tentare, finem quærere salutis alienæ, spem alieni interitus polliceri. Si quis vero mortali opere facta et ævum pasura simulacra, impositio thure, venerabitur, ac ridiculo exemplo metuens, subitoque ipse vel redi-

¹ Rom. xv.

¹ L. xii. de Pagan. C. Theod.

mita vltis arbore, vel erecta effossis ara cespitibus, vanas imagines humiliore licet muneris pramio, tamen plena religionis injuria honorare tentaverit; is utpote violatæ religionis reus, ea domo, seu possessione mulctabitur, in qua cum gentilitia constiterit superstitione famulatum. Namque omnia loca, quæ fluris constiterit vapore fumasse (si tamen ea in jure fuisse flurificantium probabuntur), fisco nostro associanda censemus. Sin vero in templis, fanisve publicis, aut in ædibus, agriave alienis tale quispiam sacrificandi genus exercere tentaverit; si ignorante domino usurpata constiterit, viginti quinque libras auri mulctæ nomine cogetur inferre: conniventem vero huic sceleri par ac sacrificantem pena retinebit. Quod quidem ita per iudices, ac defensores, ac curiales singularum urbium volumus custodiri, ut illico per hos comperta in iudicium deferantur, per illos delata plectantur. Si quid autem ii legendum gratia, aut incuria prætermittendum esse crediderint; commotioni judiciaræ subjacebunt. Illi vero moniti, si vindictam dissimulatione distulerint, triginta librarum auri dispendio mulctabuntur, officiis quoque eorum damno parili subiungendis. Dat. VI idus Novembris Constantinopoli, Arcadio Aug. II et Rufino coss. » Illi sunt primi Theodosii ad futurum bellum apparatus ex religione comparati.

27. At nec id satis, sibi subjectum imperium ab idololatrizæ sordibus expurgare: sed et Christianam religionem conatus est ab hæresum inquinamenti liberam reddere; quamobrem hoc ipso anno adversus hæreticos ita rescripsit ¹:

« In hæreticis erroribus quoscunque constiterit vel ordinasse clericos, vel suscepisse officium clericorum, denis libris auri viritum mulctandos esse censemus: locum sane in quo vetita tentantur, si cohibentia (conniventia) domini patuerit, fisci nostri iuribus aggregari. Quod si id possessorem (quippe clanculum gestum) ignorasse constiterit, conductorem ejus fundi, si ingenuus est, decem auri libras fisco nostro inferre præcipimus: si servili facie descendens, paupertate sui pœnam damni ac vilitate contemnit, cæsus fustibus, deportatione damnabitur. Tum illud specialiter præcavimus, ut si villa dominica fuerit, seu cujuslibet publici juris, et conductor et procurator licentiam dederit colligendi; denis libris auri, proposita condemnatione mulctentur. Verum si quos talibus repertos obsecundare mysteriis, ac sibi usurpare nomina clericorum, jam nunc proditum fuerit; denas libras auri exigi singulos et inferre præcipimus. Dat. XVII kalend. Idilii Constantinopoli, Arcadio Aug. II et Rufino coss. » Meminit hujus legis sanctus Augustinus in epistola ad Bonifacium ²: « Qua, inquit, Theodosius piissimæ memoriæ promulgavit, ut quisquis hæreticorum episcopus vel clericus ubilibet esset inventus, decem libris auri mulctetur, etc. » De eadem quoque mentionem habet scribens ad Janua-

rium ³, nec non cum disputat adversus Cresconium ⁴. Sunt hæc Theodosii arma adversus tyrannum hoc anno in sequens bellum disposita, quibus et hæc post mensem elapsum adversus eodem addidit ⁵:

« Deportatione dignus est, qui nec generali lege admonitus, nec competenti sententia emendatus, et fidem catholicam turbat et populum. Dat. XV kalend. Aug. Constantinopoli, Arcadio Aug. II et Rufino coss. »

28. *Theodosii leges de monachis et de fugientibus ad ecclesiam debitoribus.* — Quod vero generali lege sancierat, occasione (ut diximus) Joviniani et sociorum ejus monachorum vagantium, ne in civitatibus monachi apparerent, sed deserta loca peterent; quoniam hæc in injuriam et damnum converterebantur etiam illorum qui pii frugique essent; emendans que promulgaverat Theodosius, hoc anno ista rescripsit ⁶:

« Monachos, quibus interdictæ fuerant civitates, dum judicariis aguntur injuriis, in pristinum statum submotæ hac lege esse præcipimus. Antiquata siquidem nostræ clementiæ jussione, liberos in oppidis largimur eis ingressus. Dat. XV kal. Maii Constantinopoli, Arcadio A. II et Rufino coss. » Sed et de Paschalibus feriis ita ad Tatianum:

« Actus omnes sive publici, sive privati diebus quindecim Paschalibus conquiescant. In his tamen et emancipandi et manumittendi cuncti licentiam habeant, et super his ante non prohibeantur. Dat. kal. Januar. iisdem coss. »

29. Sed et idem imp. Theodosius cum illibate conservatum voluerit jus ecclesiarum, ne id fieret damno alterius cavil: quamobrem de his qui confugiunt ad eas, ista sancivit ⁷:

« Publicos debitores, si confugiendum ad ecclesias crediderint, aut illico extrahi de latibris oportebit, aut pro his ipsos, qui eos occultare probantur, episcopos exigi. Sciat igitur præcellens auctoritas tua, neminem debitorum posthac a clericis defendendum; aut per eos, ejus quem defendendum esse crediderint, debitum esse solvendum. Dat. XV kal. Novembr. Constantinopoli, Arcadio Aug. II et Rufino coss. » Hæc plane ipsa lex est, ejus vigore compulsus aliquando S. Augustinus persolvere quod debebat, qui confugerat ad ecclesiam; pro ejus debiti dissolutione de collecta facienda in populo litteras dedit, ex quibus ista describimus ⁸:

30. « Cum frater noster Fastius debito decem et septem solidorum ab oppigneratoribus urgere-
tur, ut redderet: quod ad præsens unde explicaret se, non inveniebat; ne corporalem pateretur injuriam, ad auxilium sancte Ecclesie convolvit: illi etiam exactores cum prolicisci cogerentur, et ideo dilationem dare non possent, gravissimis me que-

¹ Aug. epist. LXVIII. — ² Aug. cont. Crescon. l. III. c. 47. — ³ L. III. de his qui pro relig. contend. — ⁴ L. II. de monac. C. Theod. — ⁵ L. I. de his qui confug. ad eccles. C. Theod. — ⁶ Aug. epist. CCXV.

¹ L. XXI. de hæret. C. Theod. — ² Aug. ep. L.

relis oneraverunt, ita ut eis illum fraderem; aut quod sibi deberi ostendebant, unde acciperint, providerem. Cumque obtulissem Fastio, ut vestram sanctitatem de necessitatibus ejus alloquerer; pudore deterritus, ne facerem, deprecatus est. Ita ego majore necessitate coarctatus, a fratre nostro Macedonio decem et septem solidos accepi, quos in causam ejus continuo dedi, promittente illo quod ad certum diem cum eis reddendis posset occurrere, et consentiente, ut si non posset occurrere, sermo de illo fieret ad vestram misericordiam, quam fraternam fratribus exhibere consuevistis. Nunc ergo, quoniam absens est, restat ut subvenias, non illi quem nemo compellat absentem, sed pollicitationi meae, cujus existimatio vobis semper est praesens. Jam enim dies, ad quem se promiserat occurrurum, transactus est: et ego ei qui solidos suos fidei meae commisit, quid respondeam, non invenio, nisi ut faciam quod me facturum esse promisi. Sed quoniam non sum de hac re commonitus, ut die Pentecostes, quando aderat major vestra frequentia, sermonem inde facerem; peto ut has litteras pro lingua mea praesente habere dignemini, admonente vos, et exhortante in cordibus vestris Deo et Domino nostro, cui credidistis». Et paulo post: «Quoniam ergo domesticus fidei est, christianus fidelis, catholicus frater noster, pro cuius supplenda necessitate vos peto ut faciatis quod Dominus imperat; sine tristitia, sine mormuratione, et cum laetitia et hilaritate facite». Et in fine: «Scripsi eis etiam presbyteris, ut si quid minus fuerit post collationem sanctitatis vestrae, compleant ex eo quod habet Ecclesia, dum tamen vos secundum quod placet hilariter offeratis: quia sive de vestro, sive de Ecclesia detur, omnia Dei sunt, et devotio vestra dulcor erit thesauris Ecclesiae, etc.» Haec Augustinus, quae occasione legis editae, et ad insinuandum usum collectarum (de quo multa suo loco superius) recensuisse non piguit.

31. *Fortunatus ab Augustino in disputando victus.* — Quod rursum ad S. Augustinum pertinet; hoc ipso anno, publica disputatione contulit cum Fortunato velernoso haeretico Manichaeo Hippone regio, spectante et audiente populo, excipientibus eam notariis. Extant ipsa Acta ejusmodi exordio scripta¹: «Quinto kal. Septemb., Arcad. Aug. bis et Rufino viris clarissimis consulibus, habita disputatio adversus Fortunatum Manichaeorum presbyterum in urbe Hipponensium regionum in balneis Sosii sub praesentia populi. Augustinus dixit, etc.» Hujus autem congressus occasionem Possidius ita describit²: «Sane tunc in illa Hipponensi urbe Manichaeorum pestilentia quamplurimos cives et peregrinos infecerat et penetraverat, seducente et decipiente ejusdem haeresis quodam presbytero, nomine Fortunato, ibidem conversante atque manente. Interea Hipponenses cives, et peregrini christiani, tam catholici, quam etiam Donatistae, adeunt Augusti-

nium presbyterum, atque deposcunt, ut illum hominem Manichaeorum presbyterum, quem doctum credebant, videret, et cum eodem de lege tractaret. Quod idem (ut scriptum est³) paratus ad responsionem omni poscenti se rationem de fide et spe quae in Deum est, polensque exhortari in doctrina⁴ sana, et contradicentes redarguere, minime renuit: sed utrum etiam hoc Fortunatus fieri vellet, sciscitatus est. At illi confestim ad ipsum Fortunatum id detulerunt, petentes et exhortantes et flagitantes quod id minime recusaret.

32. «Sane quoniam idem Fortunatus jam apud Carthaginem sanctum noverat Augustinum adhuc in eodem secum errore constitutum, cum eodem congregari pavitabat. Verumtamen suorum maxime instantia coactus ac verecundatus, promisit cominus se esse venturum, certamenque disputandi subituum. Unde condicto die et loco, convenerunt in unum, concurrentibus quamplurimis viris studiosis, turbisque curiosis: et apertis notariorum tabulis disputatio est coepta primo, et secundo finita est die. In qua ille Manichaeus praeceptor (ut Gestorum continet fides) nec catholicam assertionem potuit evacuare, nec Manichaeorum sectam, subnixam veritate, valuit comprobare: sed deficiens responsione, ultimo collaturum se cum suis majoribus ea quae refellere non potuit, prosecutus est: et si sibi forte de his satis minime fecissent, suae animae consulturum. Atque ita ab omnibus, apud quos magnus et doctus videbatur, nihil valuisse in suae sectae assertionem judicatus est. Qua ille confusione affectus, et sequenti tempore de Hipponensi civitate profectus, ad eandem amplius non remeavit. Ac sic per memoratum Dei hominem omnium cordibus, vel qui aderant, vel qui absentes illa quae gesta sunt cognoverant, error ille ablatas, Catholica est intimata ac retenta sincera religio». Hactenus Possidius.

33. Fuisse autem haec novissima verba Fortunati, cum ab Augustino adeo aretatus esset, ut effugium prorsus nullum illi pateret, Acta docent: «Fortunatus dixit: Sine praesudicio professionis meae dixerim. Illa quae a te opponuntur, cum retractavero meis cum majoribus: sin minus responderint interrogationi huic meae, quae similiter a te nunc mihi offertur, erit in mea contemplatione: quia et ego animam meam cupio certa fide liberari, et venire ad hujus rei inquisitionem, quae a te mihi offertur, et ostensurum te polliceris. Augustinus dixit: Deo gratias». Haec finis illius disputationis habita de origine mali, super quam totus cardo Manichaeae haeresis verbebatur. Scripsit autem post haec idem Augustinus duos libros de Genesi ad litteram contra eosdem Manichaeos⁵, necnon adversus disputationes Adimantii Manetis discipuli⁶: haec vero omnia cum adhuc presbyter esset (ut ipse testatur) contra Manichaeos, quibus Africa abundabat, Augustinus conscripsit.

¹ 4. Petr. III. — ² Tit. I. — ³ Aug. retract. l. I. c. 48. — ⁴ Aug. eod. l. c. 22.

⁵ Aug. contra Fortunat. — ⁶ Possid. Vit. S. Aug. c. 6.

34. Quod autem ad Fortunatum ab Augustino victum spectat, cum inde recessisset, nunquam rediit, sed a Manichæis missus est ejus successor Hipponem, quem idem S. Augustinus insectatus est, epistola ad eum scripta (non enim hæreticum hominem alloqui dignatus est), ubi inter alia hæc ad finem habet ¹: « Itaque deumtuo tibi in nomine Christi, ut si paratus es, solve quæstionem in qua deficit præcessor tuus Fortunatus, et ita hinc ierat, ut non rediret, nisi cum suis disputatione collata, inveniret quid contra respondere posset disputans cum fratribus. Si autem ad hoc non es paratus, discede hinc, et noli pervertere vias Domini, et illaqueare et venenis inficere animas infirmas: ne adjuvante dextera Domini nostri, quomodo non putaveras, erubescas ». Ilæc Augustinus ad successorem Fortunati.

35. *Augustinus scribit in Donatistas.* — Quod vero Ecclesia Africana magnopere infestaretur a Donatistis antiquis schismaticis, Catholicæ Ecclesiæ perduellibus; Augustinus miseratus in primis imperitam incautamque plebeculam ubique deceptam, eidem ignorantie errore seductæ in primis opem ferendam putavit: sed quoniam consilio, ipsum audi ²: « Volens, inquit, etiam causam Donatistarum ad ipsius humillimi vulgi et omnino imperitorum, atque idiotarum notitiam pervenire, et eorum quantum fieri posset per nos inhærere memoriæ; psallum qui eis cantaretur, per latinæ litteras feci, sed usque ad V litteram; tales enim Abecedarios appellant, etc. » Extat ipse psalmus cui illud præfixum exordium ³:

Omnes qui gaudetis de pace, modo verum judicate:

idemque versus sæpius ponitur repetendus in psalmo, quo schismatis in primis origo cantatur, sed et diluuntur calumniæ a Donatistis catholicis illatæ: verum et demonstrantur ipsi extra Ecclesiam vagari, extra quam nullam penitus fas sit salutem sperare: aperteque docetur, eos qui non junguntur cathedræ Petri, in Ecclesia esse non posse; quod his verbis occini voluit:

Scitis, catholica quid sit, et quid præcisum a vite.

Et post aliqua adversus Donatistas præ se ferentes formam sanctitatis ista subdit:

Sed quid illi prodest forma, si non vivit de radice?
Venite fratres, si vultis, ut inseramini in vite.
Dolor est, cum vos videmus præcisos ita jacere.
Numerate sacerdotes vel ab ipsa Petri sede:
Et in ordine illo patrum quis cum successit, videte.
Ipsa est petra, quam non vincunt superbi inferorum porte, etc.

Edidit quoque egregium commentarium adversus Donati epistolam: illa enim cum præ manibus

ferme omnium haberetur, magnum inferebat ipsam legentibus detrimentum: paravit igitur ipse veneno antidotum, cum eam contrariis scriptis exagilavit ⁴: sed hæc elucubratio hactenus desideratur. At si scire cupis reliquos commentarios ab eo editos usque ad sequentem post annum quo creatus est episcopus; ipse docet; nimirum duo volumina *De sermone Domini in monte* ⁵; disseruit et *Super Pauli Epistolam ad Romanos* ⁶, necnon postea elaboravit *Expositionem ejusdem Pauli Epistolæ ad Galatas, et de diversis questionibus* prolixum opus, commentarium *De mendacio ac Tractationem de Fide et Symbolo*, de qua dicemus anno sequenti.

36. *De universis usque ad hunc annum Hieronymi scriptis.* — Sed est, ut et S. Hieronymi lucubrationes singulas in hunc usque annum decimum quartum Theodosii imperatoris editas perfacile enumeres, si quæ ad finem habet in commentario *De scriptoribus ecclesiasticis*, legas. Scripsit illum ad Dexterum v. c. quem prefectura prætorii decoratum fuisse, ipse tradit in Apologia contra Rufinum, dum ait ⁷: « Ante annos ferme decem, cum Dexter amicus meus qui præfecturam administravit prætorii me rogasset, ut auctorum nostræ religionis ei indicem texerem, inter cæteros tractatores, etc. » Scripserat ante idem Dexter ad ipsum Hieronymum historiam: quod ipse testatur his verbis ⁸: « Dexter Paciani, de quo supra dixi, filius, clarus apud sæculum, et Christi fidei deditus fertur ad me omnino-dam historiam texuisse, quam necdum legi: sed ea dispendio quoque nostro periit. Meminit ejusdem commentarii Marcellinus in Chronico, traditque ab eo recensitos viros illustres centum triginta quinque, eorundemque descripta volumina: quæ sic accipias, ut Christianæ religionis scriptorum editos commentarios enumerarit adversus Celsum, Porphyrium, et Julianum, qui Christianos omnes imperitiæ arguebat.

37. Nam cum præfatur ad Dexterum, hæc inter alia: « Discant, inquit, Celsus, Porphyrius, Julianus, rabidi adversus Christum canes; discant eorum sectatores, qui putant Ecclesiam nullos philosophos, et eloquentes, nullos habuisse doctores, quanti et quales viri eam fundaverint, exstruxerint, et ornaverint, et desinant fidem nostram rusticæ tantum simplicitatis arguere, suamque potius imperitiæ agnoscant ». Ita ibi. Accidit plane miraculum illud prophætico ore cantatum: « Tu dirupisti fontes et torrentes, tu siccasti fluvios Etham ». Nam idem Hieronymus alibi ⁹: « Quotusquisque nunc Aristotelem legit? Quanti Platonis vel libros novere, vel nomen? Vix in angulis otiosi eos senes recolunt. Rusticanos vero et pisatores nostros totus orbis loquitur, universus mundus sonat ». Sed quod ad ipsum catalogum spectat, ipse excusat quod ultimo loco sua quoque in eo scripta posuerit, ad Deside-

¹ Aug. epist. cccxlv. — ² Aug. retract. l. i. c. 20. — ³ Aug. Psal. cont. Donatist.

⁴ Aug. retract. l. i. c. 2. — ⁵ Aug. cod. l. i. c. 9. — ⁶ Eod. l. i. c. 23. 24. 26. 27. — ⁷ Hier. Apolog. adv. Rufin. — ⁸ Hier. de Script. Eccl. — ⁹ Psal. lxxxiii. — ¹⁰ Hier. præf. in l. iii. comment. ad Galat.

rium ita scribens¹ : « Post catalogum plurimorum, me quoque in calce voluminis, quasi abortivum, et minimum omnium Christianorum posui ». Pervenisse eundem librum in African sine titulo, S. Augustinus ad S. Hieronymum scripsit², eumque prodi rogavit : sed et aliquid amplius desideratum ab ipso, nempe ut cum adnumerat hæreticos inter scriptores ecclesiasticos, in quibus cavendi essent, ipse admonisset, significavit ; quod ut alio libello præstaret, vehementer rogavit : insuper quod optime senserit Augustinus aliquot ab eo prætermisissos scriptores ecclesiasticos, quo id consilio sit factum exquirivit. Hæc recessuisse volumus, ne suspecta sit fides auctoris alicujus, qui non reperiatur in eodem catalogo scriptus ; nam multos prætermisissos esse, Augustinus probe cognovit.

38. Sed et miramur, cur ipse cum lucubrationes omnes a se editas usque ad præsentem annum imperii Theodosii decimum quartum recensere se dicat, ex eis tamen aliquas numerare prætermiserit, nempe *Commentarios in Pauli Epistolam ad Ephesios*, quos se testatur³ scripsisse paulo post quam Alexandria recessisset, quo profectum vidimus statim ut Roma rediit Hierosolymam : nisi quis velit, illud quod ibi nuper ait, ultra septennium complecti temporis spatium. Insuper ad Pammachium scribens⁴ paulo post missum ad eum Apologeticum (quem ante hoc tempus se scripsisse testatur in eodem commentario *De viris illustribus*), « Libros, inquit, sexdecim Prophetarum, quos in latinum de hebræo sermone verti, si legeris, et delectari te hoc opere comperero, provocabis nos, etiam cætera clausa armario non tenere. Transtuli nuper Job in linguam nostram : cujus exemplar a S. Marcella consobrina tua poteris mutuare » : et paulo post : « Miseram quædam τῶν ὑπερνεύρων in Prophetas duodecim sancto patri Domnioni, Samuelem quoque et Malachim, id est, quatuor Regum libros ; quæ si legere volueris, probabis quantæ difficultatis sit divinam Scripturam et maxime Prophetas intelligere, et interpretum vitio, quæ apud suos purissimo cursu orationis labuntur, apud nos scaterere vitii ». Hæc ipse, quæ ibi omissa sunt numerari : nec est ut quis putet ista claudi illa sententia, qua in fine dicit⁵ : « Multaque alia de opere prophetali, quæ nunc habeo in manibus, et necdum expleta sunt ». Nam constat hæc ab illis fuisse diversa, quæ ab ipso jam, ut ait, edita erant atque missa Roman. Quamobrem dici plane de eo posse videtur, quod jactari solet de valde abundante divitiis homine : adeo prædives fuit ut numerum nescierit divitiarum suarum.

39. Quod vero ait Hieronymus, se hoc anno, cum illa scriberet, multa habuisse in manibus de opere prophetali ; plane aliusvisus visus est ad ea quæ ipse habet in epistola ad Chromatium episcopum Aquileiensem his verbis⁶ : « Triennium, inquit,

circiter fluxit, postquam quinque Prophetas interpretatus sum, Michæam, Nahum, Habacuc, Sophoniam, Aggæum, et alio opere detentus non potui implere quod cæperam. Scripsi enim librum de illustribus viris, et adversus Jovinianum duo volumina : Apologeticum quoque, et de optimo genere interpretandi ad Pammachium, et ad Nepotianum vel de Nepotiano libros duos ». Hæc ipse ; et quod subdit : « Et alia quæ enumerare longum est ». Hæc quidem ultima periodo visus est clausisse Hieronymus ea quæ dicit se habuisse præ manibus, sed nondum fuisse expleta, cum librum illum edidit.

40. *Cur et quid S. Epiphanius contra Joannem episcopum Hierosolymitanum scripserit.* — Quod vero in dicta epistola *De optimo genere interpretandi* dicat¹, ante ferme biennium scriptam epistolam a S. Epiphania ad Joannem episcopum Hierosolymitanum, arguente cum quorundam pravorum dogmatum : plane ad hunc ipsum annum ea Epiphania epistola esse referenda docetur. Insuper cum idem Hieronymus ad Pammachium scribens² adversus ejusdem Joannis errores, in fine ejus epistolæ testetur, jam ante ad ipsum Joannem ab Epiphania epistolam fuisse scriptam ; cumque constet eam dedisse Hieronymum ad Pammachium anno sequenti ; plane necesse est affirmare ante sequentem annum dictam Epiphania epistolam ad Joannem datam, præsentem scilicet. Sed unde, inquires, constat anno sequenti eam ad Pammachium a Hieronymo esse scriptam epistolam ? ex eo nempe, quod in ea ipse meminit ingentis illius solis deliqui, accidisseque ait ante paucos menses ; quod quidem sequenti anno factum apparet, consulibus Theodosio tertium et Abundantio.

41. Ex his igitur sic ordine temporum recte disponuntur tum S. Epiphania, tum S. Hieronymi scripta illa, quibus magni momenti historia textitur ; ut hoc anno data dicatur Epiphania epistola ad Joannem, sequenti vero dictis coss. eam adversus eundem Joannem a Hieronymo scriptam fuisse dicamus : post sequentem vero annum, qui est Domini trecentessimus nonagesimus quartus, coss. Arcadio et Honorio, eam ab ipso Hieronymo ad Pammachium de optimo genere interpretandi epistolam conscriptam fuisse intelligamus. Sunt omnes ejusdem argumenti, nempe spectantes ad causam ejusdem Joannis Hierosolymorum episcopi. At quænam fuerint ista, et quæ hoc anno sanctus Epiphanius in eum objecerit, quæve antea ipse Joannes adversus Epiphanium egerit, accurate pervestigamus. Magni quidem ponderis historiam aggredimur, et perplexam difficultatibus multis, nisi recto temporis tramite dirigatur.

42. Jam superius de Joanne aliqua contigit enarrari : ipsum nimirum ex monacho, sed secta Macedoniano, abdicata heresi³, spe illectum episcopatus, illo tandem potitum esse ; postea vero Origenis errorum se patronum exhibuisse, atque

¹ Hier. ep. CLIV. — ² Aug. ep. IX. — ³ Hier. præf. in ep. ad Ephes. — ⁴ Hier. ep. LII. — ⁵ Hier. de Scrip. Eccl. — ⁶ Hier. præf. in comment. super Jonam.

¹ Hier. ep. CL. — ² Hier. ep. LXI. — ³ Hier. ep. LXXI. LXII.

Origenistarum fautorem : eamque ob causam adeo infensum fuisse illi adversantibus SS. Epiphano, Hieronymo, atque Theophilo episcopo Alexandrino, ut nullam prætermiserit occasionem iisdem molestiam negotiumque facessendi. At quamnam diu quasitam arripuit ille occasionem contra Epiphanium agendi, cuius rei causa provocatus est ad ipsum eam dare epistolam, primo loco dicendum est. Refert ipsam idem Epiphanius in dicta epistola; sed primum ista præfatur¹ : « Oportebat nos, dilectissime, clericatus honore non abuti in superbiam, sed custodia mandatorum Dei, et observatione diligentissima hoc esse quod dicimur » : et paulo post : « Nihil tibi nocuimus, nihil injuriæ fecimus, nec quicquam violenter extorsimus. In monasterio fratrum, et fratrum peregrinorum, qui provincie nihil tuæ deberent, et propter nostram parvitatem, et litteras, quas ad eos crebro direximus, communionis quoque tuæ cæperunt habere discordiam; ne viderentur quadam duritia, et conscientia nostra antiquæ fidei ab Ecclesia separari, ordinavimus diaconum, et postquam ministravit, rursus presbyterum : super quo debueras gratulari, intelligens quod ob Dei timorem hoc sumus facere compulsi; maxime cum nulla sit diversitas in sacerdotio Dei, et ubi utilitati Ecclesiæ providetur. Nam etsi singuli Ecclesiarum episcopi habent sub se Ecclesias, quibus curam videntur impendere, et nemo super alienam mensuram extenditur; tamen præponitur omnibus charitas Christi, in qua nulla simulatio est : nec considerandum quid factum sit, sed quo tempore, et quo modo, et in quibus, et quare factum sit ». Fuit enim tunc ab Epiphano ordinatus frater Sancti Hieronymi, Paulinianus nomine; de quo idem Hieronymus isthæc ipsa refricans ad Pammachium scripsit² :

43. Sed pergit cæptam semel narrationem Epiphanius : « Cum enim vidissem, quia multitudo sanctorum fratrum in monasterio consisteret; et sancti presbyteri Hieronymus, et Vincentius propter verecundiam et humilitatem nollent debita nomini suo exercere sacrificia, et laborare in hac parte ministerii, quæ Christianorum præcipua salus est; invenire autem et comprehendere servum Dei non possem, qui te, eo quod grave onus sacerdotii nollet suscipere, sæpe fugiebat; sed nec alius quis episcoporum facile eum reperiret : unde et satis miratus sum, quomodo dispensatione Dei ad nos venerit cum diaconis monasterii et cæteris fratribus, ut mihi satisfaceret, quia nescio quid adversus eos habebam tristitiæ. Cum igitur celebraretur collecta in Ecclesia villæ, quæ est juxta monasterium nostrum : ignorantem eum, et nullam penitus habentem suspensionem, per multos diaconos apprehendi jussimus, et teneri os ejus, ne forte liberari se cupiens, adjuraret nos per nomen Christi : et primum diaconum ordinavimus, proponentes ei timorem Dei et compellentes, ut ministraret : valde

quippe obnitebatur, indignum se esse contestans. Vix ergo compulimus eum, et persuadere potuimus testimoniis Scripturarum, et propositione mandatorum Dei. Et cum ministraret in sanctis sacrificiis; rursus eum, ingenti difficultate tanto ore ejus, ordinavimus presbyterum; et iisdem verbis quibus antea susseramus, impulimus ut sederet in ordine presbyterii. Post hæc scripsimus ad sanctos presbyteros monasterii et cæteros fratres, et increpavimus eos, quare non scripsissent super eo, cum ante annum multos eorum queri audissem, cur non haberent qui sibi Domini sacramenta conficerent, et illum omnes suo poscerent testimonio, et grandem utilitatem in commune monasterii testarentur; quare tunc reperta opportunitate non scripsissent nobis, neque super ordinatione ejus aliquid poposcissent.

44. « Hæc ita acta sunt, ut locutus sum in charitate Christi, quam te erga parvitatem nostram habere credebam : quanquam in monasterio ordinaverim, et non in parochia quæ tibi subjecta sit. O vere benedicta episcoporum Cypri mansuetudo et bonitas, et nostra rusticitas sensu tuo et arbitrato digna misericordia Dei! Nam multi episcopi communionis nostræ, et presbyteros in nostra ordinaverunt provincia, quos nos comprehendere non potueramus; et miserunt ad nos diaconos et hypodiaconos, quos suscepimus cum gratia. Et ipse cohortatus sum beate memoriæ Philonem episcopum, et sanctum Theoprobum, ut in Ecclesiis Cypri, quæ juxta se erant, ad meæ autem parochiæ videbantur Ecclesias pertinere, eo quod grandis esset et late patens provincia, ordinarent presbyteros, et Christi Ecclesiæ providerent ». Hæc de prætena causa rixarum Epiphanius, cum revera ob hæcsum Origenis patrocinium Joannes iracundia accenderetur.

45. Quod ergo etsi non sub Joannis parochia, in Palestina tamen Epiphanius ordinasset in monasterio sanctum virum primo diaconum, deinde presbyterum, maxime Joannes adversus eum turbas concitavit, cum tamen si quid perperam gestum esset, episcopus Cesareæ maritima, quæ metropolis totius Palestine erat (ut Hieronymus postea scripsit¹) expostulare debuisset. Sed excusandus fuit Epiphanius ex causa nuper relata, et ex consuetudine Ecclesiarum Cypri : verum etsi deliquisset; tanto tamen viro condonandum utique fuisset, quem etiam (ut idem testatur S. Hieronymus) Valens acerbissimus persecutor, cum alios exagitaret catholicos episcopos, ob insignem meritum excellentiam non tetigerat.

46. Sed quam excanduit Joannes ea de causa in Epiphanium : audi quid Epiphanius ipse dicat : « Audi, inquit², quod timeas contra nos, et irascaris, et miniteris scribere in extremos fines terre, ut loca provinciarum non nominem » : Sed aliam quoque prætexebat Joannes episcopus causam ira-

¹ Apud Hier. Epiph. ep. LX. — ² Hier. ep. LXI.

¹ Hier. epist. XLII. — ² Hier. ep. LX.

rum in Epiphanium, quam subdit, sic dicens: « Qui ut tristitias et rixas inter fratres concitent, te quoque turbaverunt, et dixerunt, quod in oratione, quando offerimus sacrificia Deo, soleamus pro te dicere: Domine, præsta Joanni, ut recte credat. Noli nos in tantum putare rusticos, ut hoc tam aperte dicere poterimus. Quanquam cuim hoc in corde meo semper orem, tamen, ut simpliciter fatear, nunquam in alienas aures protuli, ne te viderer parvipendere, dilectissime. Quando autem complemus orationem, secundum ritum mysteriorum, et pro omnibus et pro te quoque dicimus: Custodi illum, qui prædicat veritatem. Vel certe ita: Tu præsta, Domine, et custodi, ut ille verbum prædicet veritatis; sicut occasio sermonis se tulerit, et habuerit oratio consequentiam ». Hæc ipse, sed prætextus inane erant hi. Verum indignationis Joannis in Epiphanium illa potissimum causa præcesserat, quod cum coram redarguerat hæresum Origenis, monueratque ab illis recederet: nam idem in eadem epistola ista subdit:

47. « Quapropter obsecro te, dilectissime, et ad-volutus pedibus tuis precor, præsta mihi et tibi ut salveris (sicut scriptum est) a generatione perversa; et recede ab hæresi Origenis, et a cunctis hæresibus, dilectissime. Video enim, quod propter hanc causam omnis vestra indignatio concitata sit, quod dixerim vobis: Arii patrem, Origenem scilicet, et aliarum hæreseon radicem, et parentem laudare non debetis. Et cum vos rogarem, ne ita erraretis, et monerem; et contradixistis: et me ad tristitiam atque lacrymas adduxistis: non solum autem me, sed et alios plurimos Catholicos qui intererant. Inde, ut intelligo, hæc est omnis indignatio, et iste furor; et idcirco comminamini, quod mittatis adversus me epistolas, ut huc illucque sermo vester discurrat: et propter defensionem hærescos, adversum me odia suscitantes, rumpitis charitatem, quam in vos habuimus; in tantum, ut feceritis nos etiam pœnitentiam agere, quare vobis communicaverimus ita Origenis errores, et dogmata defendentibus ». Subjicit his admonitionem de erroribus Origenis: ac demum de Palladio illa ingerit, quæ superius recensuimus, ipsum videlicet prædicare Origenis errores. Quæ vero insuper ab aliis adversus ipsum Epiphanium querelæ ferrentur, iisdem litteris ita conscribit⁶:

48. « Præterea audi vi quosdam murmurare contra me, quia quando simul pergebamus ad sanctum locum, qui vocatur Bethel, ut ibi collectam tecum ex more ecclesiastico facerem; et venissem ad villam, quæ dicitur Anablatha, vidissemque ibi præteriens lucernam ardentem, et interrogassem qui locus esset, didicissemque esse Ecclesiam, et intrassem ut orarem; inveni ibi velum pendens in foribus ejusdem Ecclesiæ tinctum atque depictum, et habens imaginem quasi Christi, vel sancti cujusdam: non enim satis memini, cujus imago fuerit.

Cum ergo hoc vidissem in Ecclesia Christi contra auctoritatem Scripturarum, hominis pendere imaginem; scidi illud, et magis dedi consilium custodibus ejusdem loci, ut pauperem mortuum eo obvolverent, et efferrent; illique contra murmurantes dixerunt: Si scindere voluerat, justum erat ut aliud daret velum atque mutaret. Quod cum audissem, me datum esse pollicitus sum, et illico esse missurum. Paululum autem morarum fuit in medio; dum quero optimum velum pro eo mittere: arbitrabar enim de Cypro mihi esse mittendum. Nunc autem nisi quod potui reperire, et precor ut jubeas presbyteros ejusdem loci suscipere velum a latore, quod a nobis missum est; et deinceps præcipere, in ecclesia Christi istiusmodi vela, quæ contra religionem nostram veniunt, non appendi. Decet enim honestatem tuam hanc magis habere sollicitudinem, ut scrupulositatem tollat, quæ indigna est ecclesia Christi, et populis qui tibi crediti sunt ». Hæc de velo picto auctor, qui dicitur Epiphanius ad Joannem.

49. *Epiphanius Iconoclasticis fuisse perperam asseritur.* — Videre videor, pie lector, te inter legendum contrahere supercilia, signumque dispendiæ præ te ferre: moxque e controversiis Epiphani cum Joanne, ad Iconoclastarum transisse certamen: sed non relinquam solum, sequar te; et pro animi tui sententia in loci hujus discussione, in quem velut in syrtes quasdam incurrit oratio, aliquantulum immorabor. Atque primum quæ alias de aliis Epiphani scriptis ab Iconoclastis adversus cultum sacrarum imaginum allata fuerint; et ejus ea fidei habita sint, est hic declarandum; inde vero de recitalo hujus epistolæ textu fiet exacta discussio, ac fidelis in omnibus disquisitio. Vindicandus nobis omnino est sanctissimus Pater ab Iconoclastarum erroribus, quibus illi scripta ipsius calumniosissime conspersere.

50. In Nicæno enim posteriori Concilio e libello Gregorii Iconoclastæ hæc ex Epiphanio adversus sacrarum venerationem imaginum sunt allata¹: « Epiphanius Cyprius inter antesignanos præclarus sic inquit: Attendite vobis, ut servetis traditiones, quas accepistis; ne declinetis neque ad dexteram, neque ad sinistram, quibus infert hæc: Estote memores, dilecti filii, ne in ecclesiis imagines inferatis, neque in sanctorum cœmeteriis eas statuatis, sed perpetuo circumferte Deum in cordibus vestris. Quin etiam neque in domo communi tolerentur, etc. » Sed adulterina spuriaque ejusmodi fuisse scripta, tanti Patris nomine ab adversariis decorata, responsum est ab Epiphani defensore, hinc potissimum signis; quod cum idem Epiphanius omnes scriptis suis exagilet hæreses; si hæresim putasset imagines venerari, utique eandem (ut par erat) sicut alias, styli acumine ferisset: cum certum sit ex iis quæ superius dicta sunt, viguisse Constantin tempore, sicut antea et postea, in Oriente, et Occidente in Ec-

¹ Iher. epist. LX.¹ Concil. Nic. II. Act. 6. edit. vet.

clesia Catholica cultum sacrarum imaginum. Rursum vero a maioribus eadem scripta ut Epiphanii germana minime fuisse cognita, idem defensor docet his verbis : « Beatus pater Epiphanius temporibus Arcadii et Theodosii floruit; ab eo igitur tempore ad hanc heresim usque, anni sunt quadringenti; et tamen libros illos contra imagines nemo Christianorum præter istos novitatis magistros recepit. Quod si tanto tempore in Ecclesia non sunt recepti, quamobrem nunc a nobis recipi debent? »

51. Quoniam insuper ab Iconoclastis ejusdem Patris citabatur epistola ad Theodosium imperatorem : quid ea contineretur de cultu sacrarum imaginum idem defensor sic recitat : Allerunt quidam istorum epistolam, veluti scriptam a beato Epiphanio Cypriorum præsule ad Theodosium imperatorem : nos eam in manibus sumentes, et diligenter et minime defunctorie legentes, invenimus circa finem epistolæ ejusmodi emphasim : « Sæpe cum ministris meis de imaginum ablatione egi, sed ab iis non receptus sum, neque vel in paucis vocem meam audire sustinuerunt ». Subdit idem defensor, ad hæc confutanda, sanctorum Patrum usum et auctoritatem, qui eodem cum Epiphanio sæculo vivere, omnesque assertores ejusdem imaginum cultus, quos recensere brevitatis causa præterimus. Sed ad imposturam istam manifestius aperiendam considera, quam repugnet inter se invicem, Epiphanium in aliena diœcesi (ut vidimus ex ejus epistola ad Joannem) evertisse cultum sacrarum imaginum, unam ex eis manibus conscindendo; et ipsum eadem præstandi in sua diœcesi minime tantum virum habuisse, præsertim cum in ea insula primariam sedem teneret, et sub se positis episcopis adeo sibi conjunctos et obsequentes haberet : quorum et tanta erga eum reverentia esset, ut quicquid ipse decerneret, veluti cælitus demissum oraculum ab omnibus haberetur.

52. At demum ipsum in hoc suos sibi renitentes experlum esse : quomodo ejus pertinax contradictor et oppugnator Joannes Hierosolymorum episcopus una cum illis ejus, in qua ea erat imago, ecclesie ministris in ipsum talia in aliena diœcesi præsumendum non continuo cum aliis simul obicit? Cur quod displiceret sibi, et corrigeret in aliena ecclesia, hoc ipsum non præstaret in sua? Certe quidem magno id Epiphanio cessisset dedecori, conscindere in aliena diœcesi sacras imagines, qui easdem in omnibus Cyprî Ecclesiis esse pateretur; eum et illud Evangelicum ¹ in eum jure obiectari licuisset : *Medice, cura te ipsum*. Num, rogo te, modestia Joannis episcopi undique occasionem captantis in eum dicendi vel faciendi, ea in ipsum obijcere prætermisisset potuit? Sentis pulo, lector, quam hæc sibi invicem adversentur, ut de impostura jam judicium facias. Sane quidem testificatione S. Joannis Damasceni ² constat ipsam S. Epiphanii in Cypro Ecclesiam sacris exornatam imaginibus

usque ad sua tempora perseverasse : qui et de aliis scriptis Epiphanii nomine suppositis hæc habet ¹ : « Scito, inquit, sermonem illum alterius ejuspiam fictitium; qui, ut sæpe fit, sancti Epiphanii abusus est nomine ». Ita ipse; eademque apud adversarium Gregorii Iconoclaste, Epiphanii vero defensionem, item Epiphanium nominatum, invenies, atque hæc ad postremum ² : « Sic igitur ista falsa scripta contra venerandas imagines, dicuntur quidem a quibusdam Epiphanii, non tamen sunt, ut demonstratum est. Nam et illius discipuli templum in Cypro, quod ejusdem Patris nomine appellaverunt, ædificaverunt; et cum multis aliis picturis, illius quoque imaginem ibidem collocaverunt. Quod si autem is tantopere venerandarum imaginum inspectionem fuisset execratus; quomodo in tantam audaciam illius discipuli erupissent, ut illi imaginem collocarent? Judicate omnes qui auditis, et verum a falso discernite, quia editiones istæ non sunt beati istius Patris, sed potius Manichæi : quas veluti amara bile plenas fugiimus, etc. » Equidem Manichæos magnorum virorum nomine supposita edere scripta consuevisse, superius pluribus demonstratum est.

53. Quod igitur ita de illis judicare Patres, idemque de iisdem scriptis sensit Joannes Damascenus, quæ jam ante innotuerant et plurimorum manibus circumferrebantur : quid dicendum de additamento hoc ad finem Epiphanii epistolæ ad Joannem consarninato, sicut et de illo ad finem epistolæ ejusdem Epiphanii scriptæ ad Theodosium colloca-to? Attentius age, lector, quod de impostura arbi-ter factus sis. Quid est, amabo te, quod ab adversariis Iconoclastis tempore Nicæni Concilii silentio præmissa est hæc ad Joannem epistola, qua non quid tantum Epiphanium scriperit, sed quid ipse fecerit adversus usum imaginum conscindendo eas adeo perspicue poterat demonstrari, epistola præsertim ad tantum virum scripta, et a S. Hieronymo translata, ut de ejus falsitate nulla videretur oriri potuisse suspicio? Certe quidem nihil est quod in hoc excuses, adversariorum modestia id factum; cum pugnacissimi essent et audacissimi : neque eorumdem pretextas in his perscrutandis negligentiam; cum appareat, sagacissimos extitisse. Nec est quod ingeras, latuisse tunc eam in angulo epistolam, neque reperit; cum constet asserlione Hieronymi ³, quamplurima ejus fuisse exemplaria descripta, et eadem ubique sparsa, dum ait : « Harum exemplaria certatim Palestina rapiebantur, vel ob auctoris meritum, vel ob elegantiam scriptioris ». Quid igitur de his iudices, jam satis habes : nempe eo quidem omnino tunc temporis caruisse additamento epistolam illam, cujus nulla prorsus fuerit ab adversariis facta vel levis mentio.

54. Quod autem nihil inijusmodi objectum fuerit a Joanne manifestius confirmatur. Nam cum sanctus Hieronymus pro Epiphanio defensionem

¹ Luc. iv. — ² Joan. Damasc. de imag. orat. 1.

¹ Joan. Damasc. de imag. orat. III. — ² Concil. Nicæn. II. Act. 6. — ³ Hier. epist. CI.

egregiam adversus eundem Joannem scripserit in epistola ad Pammachium ¹, atque in ipsa omnia ab illo in Epiphanium dicta vel facta commemoret, quæ in dictis Epiphanii ad ipsum Joannem litteris expressa habentur : cum omnia solvat, redarguat, et oppugnet : cur ea duntaxat, quæ præcipue confutanda erant reliquit intacta, pro quibus tuendis longiori quoque opus erat oratione ? certe quidem haud ejusmodi esse videbantur quæ dissimulari potuissent, si in ea epistola talia scripta essent. Vel si vere ea facta fuissent : quomodo non (ut eadem inculcem) majori energia Joannes in Epiphanium illa exaggerasset, qui tantopere in eundem invecus est, quod in aliena diocesi, licet non ipsius Joannis, necessitate poscente, sanctum virum diaconum atque presbyterum ordinasset ? Certe majoris audacie, et ipsi Joanni gravioris contumeliæ esse facinus videri potuisset, in ecclesiam Joanni subditam Epiphanium violentas injecisse manus, quam in monasterio alienæ parocciæ sacros ordines ministrasse. Silentium ergo tum Joannis accusantis, tum Hieronymi Epiphanium defendentis, quomodo non aperte demonstrat, eo additamento tunc illam epistolam caruisse ? Sed consarcinatoris suturam inspicere, male pannum novum veteri adsuentis.

53. Post confutatos ab Epiphanio ea epistola errores Origenis finem imponens, addit ² : « Cum hæc ita se habeant, dilectissime, custodi animam tuam, et desine circa nos murmurare. Dicit enim Scriptura divina ³ : Nolite murmurare ad invicem, sicut quidam murmuraverunt, et a serpentibus perierunt. Magis acquiesce veritati, et dilige diligentes te, et veritatem. Deus autem pacis præstet nobis juxta suam clementiam, ut conteratur satanas sub pedibus Christianorum, et abjiciatur omnis occasio perversa, ne scindatur in nobis vinculum charitatis et pacis, et rectæ fidei prædicatio ». Quis non intelligit his periodis totam illam epistolam terminari ? et quis non videat, quod mox sequitur, esse peregrinam appendicem, et adventitiam imposturam, qua subditur : « Præterea audiui quosdam murmurare contra me, etc. » usque ad novissima illa verba : « Palladium vero Galatam », et quæ sequuntur, superioribus optime congruentia, quod ejusdem sint argumenti, sed quibus inhærent, minime coherrentia ?

56. Sed jam ex rebus ipsis arguamus effectum dolosa arte commentum. Expostulasse dicitur ibi Epiphanium, quod pro foribus ecclesiæ appensum viderit pictum velum, monuisseque presbyteros, ne a quolibet ejusmodi veli genus susciperent. At quomodo ipse valuit prohibere, quod in Ecclesia Catholica sciretur ubique receptum ? Accipe quæ his ipsis ferme temporibus scribebat Paulinus de ecclesia S. Felicis, ad quam ex Asia, Africa, et Europa fideles confluere consueverant ⁴ :

et rursum ¹ :

Vela ferant foribus, seu puro splendida lino,
Sive coloratum textum fucata figuris.

Sed et de picturis imaginum sanctorum martyrum ante ostia poni consuetis (ne quis opinari possit vela depicta nequaquam imagines sanctorum expressisse) hæc idem his versibus ² :

Trinaque cancellis currentibus ostia pandunt,
Martyribus mediam pictis pia nomina signant,
Quos par in vario redimivit gloria sexu.

Consuevisse quidem oblata a fidelibus vela illis effigiari figuris, quæ ferrent imagines eorum sanctorum, quibus darentur, docet et Venantius Fortunatus, dum de velis cruci oblati agit, eaque crucibus intexta fuisse significat ³. Nec est autem quod quis causari possit, ejusmodi consuetudinem uno in loco tantummodo viguisse. Nam de transmarinis ecclesiis in Africana provincia, de velo sacris imaginibus picto, divinitusque exhibito, et appenso in Ecclesia S. Stephani protomartyris in Uzalensi civitate, ejus loci episcopus Evodius, cujus meminit et fidem probat S. Augustinus ⁴, æternæ memoriæ scriptis prodidit ⁵, et quidem rem gestam ipso vivente Augustino, paucos post annos, nempe sub Honorio imperatore, eandemque divino miraculo consignatam : ut non habeat de quo ambigat humanum ingenium, quod sciat esse divinitus comprobatum. In Uzalensi igitur civitate, post liberatam ipsam ab imminente clade, precibus fuis in ecclesia protomartyris Stephani, hæc contigisse idem Evodius narrat his verbis :

57. « Ecce namque altero die, procurante divina dispensatione, quidam negotiator nunquam nostræ cognitis regioni, subdiaconum nostrum, nomine Sennodum, in loco Memblotutano ultro convenit, et ad se vocavit, et quisnam, vel unde esset, ab eodem flagitavit. Qui ubi se subdiaconum Uzalensis ecclesiæ memoratus est ; respondit continuo idem ille ignotus homo, si tamen solum homo : credendum est enim quia angelus et homo (nempe facie homo, revera angelus) ; neque enim hoc vel inauditum atque inexpertum est sive religioni Christianæ, sive notitiæ humanæ, sanctos angelos terreno habitu et visibili specie plerumque hominibus apparuisse. Dedit ergo subdiacono memorato velum variis pictum coloribus, in quo inerat pictura hæc : In dextera veli parte ipse sanctus Stephanus videbatur adstare, et gloriosam crucem propriis repositam humeris bajulare, qua (cujus) crucis cuspidem portam civitatis videbatur pulsare, ex qua profugiens draco teterrimus carnebatur exire, amico Dei videlicet adventante. Verum ille serpens noxius nec in ipsa fugatutissimus, sed triumphali pede martyris Christi con-

Aurea nunc niveis ornantur limina velis ;

¹ Hier. ep. LXI. — ² Apud Hier. ep. LX. — ³ 1. Cor. x. — ⁴ Paulin. Nat. III.

¹ Paulin. Natal. vi. — ² Paulin. Natal. x. — ³ Venan. Fort. l. II. car. in hom. S. Crucis. — ⁴ Aug. de divers. ser. xxxii. xxxiii. et de Civ. Dei, l. xxii. c. 8. — ⁵ Evod. de mirac. S. Steph. l. II. c. 4. apud Aug. tom. x.

tritibus adspiciebatur et pressus. Talis itaque pictura veli non omnino absque mysterio Dei, ubi a memorato subdiacono allata pariter atque suspensa est ante ipsam Memoriam lauti patroni, omnis ætas omnisque sexus intueri et mirari cepit, tanquam spectaculum grande, quo scilicet auctore, quoque liberatore draco ille exstinctus est, hostisque devictus.

58. « Geste quippe rei fidem præcedentis diei commendabat in animis omnium attestatio sequentis diei. Namque illud quod studiosius cernebatur in velo, hoc jam credibilis tenebatur in vero. Concorrebat enim pictura cum gratia, et tam divinitus pridie gestum salutis beneficium recolebatur, quam postea in veli imagine advertebatur. Denique ex ipsa congruentia diei præcedentis atque sequentis veritatis, et imagine rerum et quorundam exemplarium, tantus in multis stupor pariterque amor, admiratio et gratulatio accendebatur, ut a cunctis nihil aliud omnino vel diceretur, vel affirmaretur, nisi hoc unum: Vere quia per amicum suum Deus istam liberavit civitatem, et grandem a nobis depulit pestem. Et revera Dei fuit ad homines quædam allocutio in velocitate facite significantis admodum et dicentis: O miseri mortales, quale hesternæ die draconis evaseritis incendium, vel cuius pro vobis advocati fuerit acceptum suffragium, isto sequenti die istius velifiguratione intelligite, atque gaudete. Hinc vestram et præcedentem tentationem et subsequentem liberationem apud vosmetipsos conferte: exinde non dubii, sed certi Deo vestro per amicum meum gratias agite. Ecce draconem de vestra civitate cernitis fugatum et expulsum: ecce conterentem caput ejus primum martyrem meum: ecce crucis trophæum, per quod vicistis inimicum. Hoc ergo modo civitate nostra a tanto periculo primitus liberata, ac postea tali per congruentem picturam veli admonitione instructa et illuminata, gemino miraculo est omnis pia anima in Dei gloria exultata ». Hucusque Evodius integerrimus testis, qui et ea quæ viderat scripsit, et ad eos qui eadem quoque perspexerant.

59. Habes lector, digito Dei (quod nec negaverit ipse Pharao ¹), nempe divinæ virtutis potentia pictum sacris imaginibus velum, et appensum ante ecclesiam protomartyris, ut de facto certus sis, et auctoritate factoris de religioso sacramentorum imaginum cultu securus. Habes et cum his de Occidentalis orbis Ecclesiis probatum velorum pictorum usum. An non erit id ipsum demonstrare in Oriente? vel si in Oriente, an non et in Palestina, et Hierosolymis ipsis? Acta quidem Mariæ Ægyptiacæ, eademque recitata ac probata in dicto Nicæno secundo Concilio ² habent, ipsam in atrio Hierosolymitani

templi stetisse, quod ob nimia peccata sua in Ecclesiam ingredi vetaretur: atque tunc oculos sublevasse, vidisseque Dei genitricis imaginem, quam venerata, meruit templum antea inconcessum libere ingredi. Jam vides, lector, quot quantisque manifestis probationibus adhibitum illud ad Epiphaniū epistolam ad Joannem imposturæ redarguatur; ut alicujus leonoclastarum potius esse figmentum, quam Epiphaniū germanum scriptum, perspicue intelligatur.

60. Quamvis etsi concederemus revera Epiphaniū illud esse, ne sic quidem afferre potest veritati aliquod præjudicium. Nam ex quo demonstratum est certis exemplis, tum in Occidente, tum etiam in Oriente, et ipsis Hierosolymis, sive in velis, sive in pariete effigiari consuevisse venerandas imagines: haud potuit vel debuit unus Epiphanius adversus usum Catholicæ Ecclesiæ reclamare, atque easdem sacras imagines absque sacrilegii culpa discindere. Quamobrem si id revera accidisse dicere velimus; tunc ad saniores illorum verborum sensum expende, quod dicitur: « Velum depictum habens imaginem quasi Christi vel sancti ejusdem; sic accipiendum esse ut ipse justè exanderit in pravum facinus, quo alicujus profani hominis imago in sacro velo depicta, quasi Christi esset, vel alicujus sancti, ad limen religiose fuisset appensa. Quo sensu verba illa accepta leonoclastas potius impugnent, quam faveant: Catholicos vero redarguant, si quando ornatus causa in ecclesia suspendunt aurea; quæ profanas, et sæpe Gentilium, utinam interdum non inhonestas imagines habeant: quem detestabilem pravumque usum incuria ministrorum compluribus in locis involuisse dolemus. Quam autem moleste tulerint majores, et hujus sæculi homines in ecclesias inferri profanas imagines, declarant quæ dicta sunt superius ¹ de Donatistis in Paulum atque Macarium obloquentibus, quod posituri essent in ecclesia imaginem Constantis imperatoris: consuevisse vero ejusmodi profanas imagines poni pro titulo, alibi diximus. Quod igitur hominis alicujus profani (si finxerimus evenisse factum) quasi Christi vel sancti alicujus in velo ecclesiæ Epiphanius imaginem vidisset effigiatam; tanquam nefas id detestatus, illud ipse velum, divino percitus zelo, discidit: hæc, inquam, dixerimus, si constare posset vere Epiphaniū esse verba illa, quæ ad epistolam ostendimus addita; et sic ex sententia auctoritateque ipsius probari potius in Ecclesia usum sacramentorum imaginum viguisse. Quæ autem post hæc de alteratione Joannis cum Epiphaniō secuta sint, ut singula singulis ex instituto reddamus annis, dicenda sunt anno sequenti.

¹ Tom. III. Annal. an. Dom. 318.

² Exod. VIII. — ² Conc. Nic. II. Act. 4.

Anno periodi Græco-Romanæ 5885. — Olymp. 292. an. 4. — Urb. cond. 1445. — Jesu Christi 392. — Siricii papæ 9.

— Theodosii 14. Arcadii 10.

1. *Coss. et Arcadii decennalia.* — Ad num. 1. Coss. *Arcadius Aug. II.*, et *Ruffinus*; uterque Orientalis. Ruffinus enim post Talianum in exilium missum, factus est præfectus prætorio Orientis in consularu suo, ex Ambrosio epistola 53. Sumptus hic ab Arcadio consularatus juxta secundam consularum Cæsareorum regulam, ob ejus nempe *decennalia*, quæ in hunc annum incident.

2. *Legatio ad Valentinianum.* — Ad num. 2. Legatio Gentilium ad *Valentinianum*, ut ab eo impetrarent vetera sacra, decennalium Arcadii manifestum indicium : annis enim hujusmodi solemnibus destinatis legationes ad imperatores ad aliquam gratiam obtinendam de more missas, ac religioni consultum esse, frequenter in memoriam revocare juvat.

3. *Valentiniani Junioris obitus.* — Ad num. 4 et seqq. Obitus *Valentiniani Junioris* nobilibus characteribus consignatus ab Epiphano lib. de Mensuris et Ponderibus, num. 20, ubi ait : « Quibus coss. », nempe Arcadio II et Ruffino, « mortuus est Valentinianus Junior, Valentiniani Magni filius : qui subinde, uti ferunt, præfocatus in palatio repertus est, idibus Maii, pridie Pentecostes, die Sabbati, ipso vero die Pentecostes elatus est. Erat tum apud Ægyptios mensis Pachon dies vicesima prima : juxta Græcos Artemisii mensis tertia et vicesima : secundum Romanos decimo septimo kalend. Junias ». Occisus est itaque Valentinianus Junior die decima quinta mensis Maii, quæ in Sabbatum ac in pervigilium Pentecostes cadebat. Die insequenti qui decimus sextus ejusdem mensis fuit, ac XXI mensis Pachon, sepulturæ mandatus est. Erat is dies XXIII *Artemisii* secundum Græcos, si Smyrnæorum calculum consulamus : illi enim eum mensem die xxv Aprilis nostri aspiciantur, inquit Usserius in libello de Macedonum et Asianorum anno solari cap. 4. Verum, ut observat Petavius in Notis Epiphaniæ pag. 421, si Artemisii XXIII dies est Maii Juliani XVI, cæpit Artemisii Aprilis XXIV, quod dici non potest; ea enim mensium dispositio inaudita. Censet itaque Petavius *Ἐδωνίης*, de quibus loquitur Epiphanius, *Syro Macedones* et Antiochenos esse, quorum menses mere Juliani sunt, Græcis nominibus appellati. Horum vero *Artemisius* idem est cum Maio. Quare

XVI Maii est Artemisii Græcorum, sive Syrorum XVI, et in præfato loco pro *tertio et vicesimo*, legendum, XVI. Verum ibi *Artemisius* mensis est quidem Syro-Macedonicus, et non Julianus; sed incipit die xxv Aprilis : ideoque loco *Artemisii XXIII* legendum, *Artemisii XXII*. Marcellinus in Chronico anno antecedenti Valentiniani mortem consignat; sed is per hæc tempora parum in Chronologia accuratus.

4. *Ætas ejus et imperii duratio.* — Cum vero quadrimus fuerit *Valentinianus*, quando imperium suscepit, ut Ammianus, Victor in Epitome, Zozimus lib. 4, Zonaras et Philostorgius lib. 2, cap. 16 habent, recte scripsit Nicephorus lib. 12, cap. 38, Valentinianum II annos vixisse natum sublatum esse. His suffragatur Hieronymus in epistola de exilu Nepotiani, ubi ait, eum « adolescentem adhuc et pene puerum » occisum. Sed Baronius, qui hunc Valentinianum Justinæ ac Valentiniani Senioris filium ac Gratiani fratrem confundit cum Valentiniano Valentis et Dominicæ filio, anno cccclxxi nato, anno ætatis vicesimo septimo Valentinianum II interfectum perperam scribit, putatque, lectionem Ambrosii in Oratione funebri Valentiniani II, in qua dicitur, eum obiisse anno XVI regni sui, mendosam esse; cum tamen Ambrosius, more antiquis usitato, utrumque annum extremum incompletum pro integro numerarit : quo pacto ab anno Christi trecentesimo septuagesimo quinto ad currentem anni decem et octo fluxere.

5. *Harduini opinio de Valentiniani Jun. imperio.* — Harduinus vir eruditissimus in Notis ad Orat. 15 Themistii, quæ est de Regia virtute ad Theodosium, singularem de Valentiniano Juniore opinionem habet; ait enim : « Etsi nomen ille quidem Augusti interdum gessit, tum tamen Gratianus superstes fuit, Occidente toto hujus unius dominatu omnia tenebantur. Confirmat egregie hanc nostram animadversionem vetus inscriptio quæ Romæ extat, afferturque a Grutero pag. MLXXX, 10, ex apographo Sirinondi nostri.

VALENS. ET. GRATIANUS
PHI. FELICES. AC. TRIUMPHATORES
SEMPER. AUGG.
PORTICUS. AREASQ. MACELLO.

LIVIAE. AD. ORNATUM. URRIS
SVAE. ADDI. DEDICARIQ.
JUSSERUNT.

Item et alterum inscriptionis fragmentum. Romæ apud S. Anastasiam eidem pariter Patri Sirmondo visum, ab eodem Grutero relatum pag. MLXXXVI, 40 :

.....
LIBERTATIS. D. N. FL. GRATIANO
FORTISSIMO. INVICTISSIMO-
QUE. PRINCIPI. SEMPER AUGES-
TO
FLAVIUS MAXIMUS. V. P.
PRAEF. VIG. D. N. M. Q. EJUS.

Et vero Valentiniano Juniori non plus esse delatum honoris ac potestatis minime mirum videri debet. Primus omnium ille extitit, quem a militibus Cæsarem appellatum, Cæsar alter vivere passus sit. Ante hæc tempora simile factum odiis tam exitialibus prosequi soliti erant, ut illa Gratiani pietas erga fratrem illius ævi scriptoribus, ethnicis saltem, ut Ammiano lib. 30 nimia visa sit, in recenti præsertim memoria Constantii, qui nec Gallum, nec Julianum, nedum alios ferre potuerit. Hæc Har- duinus.

6. *Confutatur.* — At Gratianum Valentiniani fratris electionem, paucis postquam facta est diebus, ratam habuisse, et Valentinianum, sub Justinæ matris tutela et Gratiani patrocinio, Italiam et Illyricum supremo jure administrasse, semperque Augusti nomen tulisse, certum. Nam ipso imperii initio, ac postea in quinquennialibus consulatum ordinarium gessit, et Valentis patrui in sexto ejus consulatu collega fuit, omnibusque honoribus et prærogativis, quibus alii Augusti, potitus est. Nec refert quod in præfatis, similibusque inscriptionibus, in quibus Gratiani, Valentis et Theodosii mentio fit, nomen ejus prætermittatur; cum multæ supersint, in Severi Imp. honorem exaratæ, in quibus patris nomen omittitur. Sic imperante Valeriano variæ inscriptiones *Gallieno* filio dedicatæ, quæ adhuc supersunt, in quibus *Valeriani* nomen tacetur. Imo non desunt, in quibus tam *Gratiani*, quam *Valentiniani* et *Theodosii* nomen legitur. Sponius pag. 276 Miscellaneorum Erudit. Antiquit. unam exhibet, quæ Romæ in horto Barberino extat, cujus hoc initium :

SALVIS DDD. NNN.
GRATIANO VALENTINIANO ET THEODOSIO
VICTORIBUS SEMPER AUGUSTIS.

Idem Sponius jam pag. 137 aliam epigraphem produxerat, quæ trium horum imperatorum nomina etiam præfert. Nulla quidem ante Theodosii M. inaugurationem annumque cccclxxix Codicis Theodosiani leges *Valentiniani* nomine inscribuntur;

sed hinc inferri ad summum potest, *Gratianum* solum imperium Occidentale, usque ad Theodosii ad imperium evocationem administrasse, ob summam videlicet Valentiniani pueritiam, qui quadrimus imperium acceperat; vel id Collectoris errori adscribendum. Certe ab anno cccclxxix ad cccclxxxiii, quo Gratianus occisus, trium imperatorum nomina in legum fronte leguntur.

7. *Tatiani calamitas.* — *Tatianus* (qui anno clapso Symmacho collega consulatum gesserat, currenti vero præfecturam prætorianam Orientis, et cujus filius Proculus hoc anno præfectus urbi Constantinopolcos fuit, ut liquet ex lege 10 Codicis Theod. *De anonis civis*) capitali primum sententia damnatus est, verum clementia *Theodosii* servatus, in exilium missus fuit in patriam suam: filius vero ejus *Proculus* capite plexus est VII idus Decemb., ut habet auctor Chronici Alexandrini sub anni sequentis consulibus, loco non suo. Legendus Zozimus lib. 4, pag. 774, qui, quæ tunc gesta sunt, narrat; quique antea pag. 769 loquens de iis, quæ anno cccclxxxvii contingere, ait: « Arcessitum igitur Aquileia Tatianum, qui et alios sub Valente magistratus gesserat, et erat in omnibus virtute singulari præditus, prætorii præfectum in patria declarat », nempe Theodosius Magnus; « et msis ad eum magistratus insignibus, filio ipsius Proculo præturam urbanam tradit. Enimvero præclare se hic gessit, amplissimis magistralibus ejusmodi viris commissis, qui etiam post obitum principis optime res subditorum administrare possent », dum scilicet Theodosius M. in Occidente contra Maximum tyrannum pugnaret. Eum ideo impense Zozimus laudat, quia ethnicum et a nostra religione alienum.

8. *Fuit Orthodoxorum persecutor.* — Ut enim anno cccclxx vidimus, dum præfectus Ægypti esset, *dicum Athanasium* persecutus est, et Christianos valde afflixit: de quo etiam Rufinus lib. 10, cap. 2, de Valente imperatore loquens scribit: « Episcopos egit in exilium, et presbyteros, ac diaconos et monachos, Tatiano Alexandriae præsidente, usque ad tormenta deduxit, et ignibus tradidit ». Beatus Asterius Homilia in festum Kalendarum loquens de consulibus, qui in summas calamitates incidere, de Tatiano et Proculo filio ejus hæc habet: « Præsidentem illum rectoremque provincie fortissimum et invictum, ut existimabat, qualis vitæ catastrophe excipit? Primum quidem filium suum vidit capite truncatum, et ipse postea capitali sententia damnatus est, laqueoque gule jam admoto, clementia principis manibus carnificis exemptus est, ut quantum adatis supererat senex in dolore et calamitate, sensuque malorum exigens, ac plenus decoreis et ignominia tali magni consulatus exitu vita decederet ».

9. *Tatianus non e Lycia, sed e Macedonia ortus.* — Gothofredus in Commentario legis Cod. Theod. 9 *De indulgentiis criminum*, existimat, *Tatianum* in *Lyciam*, Asiæ Minoris regionem, relega-

tum fuisse, eumque in ea natum, quod ea lex ab Arcadio anno CCCXCVI, post mortem scilicet Ruffini, data, his verbis concepta sit : « Devotissimæ nobis provinciæ Lyciæ priorem famam, meritumque inter cæteras renovari censemus. Idque excellens Eminentia tua, edictis propositis, cunctis faciat innotescere, ne quis posthac civem Lycium contumelioso nomine injuriæ audeat vulnerare. Teneant honores suos, quos meritis ac laboribus perceperunt, et a nostra Serenitate sumpturi sunt. Habeant præteritis dignitates, sperentque sui devotione venturas. Nec unius viri illustris Tatiani tantum valuerit temporalis offensio teterrimi judicis inimici, ut adhuc macula in Lycios perseveret, quæ in ipso jam temporis absolute consumpta est ». — « Tatianus, inquit Gothofredus, cum *Ruffini*, qui apud Theodosium maxima gratia pollebat, offensionem incurrisset, reus Majestatis factus est: eundemque Ruffinum judicem nactus est, ut tradit Zozimus loco laudato. Idque etiam hæc lex his verbis testatur: Nec unius viri illustris Tatiani tantum valuerit temporalis offensio teterrimi Judicis inimici. His enim verbis Ruffinus indicatur, ejus offensionem Tatianus incurrerat, quemque judicem habuerat. Ruffino itaque id agente, *teterrimo judice*, in totam provinciam Lyciam offensione itum est: ita quidem, ut tota provincia eo nomine infamata fuerit, propter unius videlicet Tatiani, ex ea provincia oriundi leve crimen, sive *offensionem temporalem*, ut hac lege dicitur. At Ruffino, *teterrimo judice et inimico* Tatiani, interfecto, itum est ad ipsius Tatiani simul et Lyciæ patriæ in integrum restitutionem; quod hujus legis argumentum est ». Ita Gothofredus. Verum vir doctus, cujus ipse Gothofredus in Commentario legis Cod. Theod. *De bonis proscriptorum*, nomen reticet, et opinionem confutat, recte arbitratus est, proscriptos a Ruffino *Lycios* fuisse, ex nulla vel levi causa, idque ultione acerbissima, indeque maculam *Lyciam* incurrisse, et privilegiis suis privatam esse. Quæ quidem explicatio certa. Nam, cum teste Zozimo, cujus verba numero precedenti recitavimus, *Tatianus* præfectus prætorio in patria sua declaratus fuerit a Theodosio Magno anno trecentesimo octogesimo octavo, dum hic vel Thessalonice, vel saltem in Macedonia esset, ut eo anno num. 3 demonstravimus, liquet *Tatianum* e Macedonia oriundum esse, et verosimiliter *Thessalonicensem* ejus patriam fuisse, ideoque et cum in eam urbem relegatum. Theodosium enim initio anni trecentesimi octogesimi octavi, quo *Tatianum*, post Cyneii mortem, præfectum prætorio in ejusdem Tatiani patria declaravit, in *Lycia* fuisse omnino a veritate alienum, ut ex ipsomet etiam Gothofredo in Chronologia Codicis Theodosiani liquet.

10. *Tatianus teterrimi judex*. — Verum itaque est, Tatianum, Ruffinum inimicum dudum infensum, judicem nactum esse; sed falsum, in laudata l. 9 *De indulgentiis criminum*, Ruffini aliquam mentionem fieri, eumque *teterrimi judicis* nomine

in ea expresso designari, ut ipsa etiam grammaticalis constructio manifestum facit. Si Gothofredus ad laudatum Zozimi locum animum advertisset, in eam opinionem delapsus non esset; contra vero qui in hujus legis sensum penetravit, lætitia exultasset, quod conjecturam suam certo firmatam vidisset. Miror, Baronium in Annalibus, et recentes scriptores Vitæ sancti Athanasii, mentionem non fecisse hujus *teterrimi judicis* et Orthodoxorum persecutoris, cujus innocentia testimonium Arcadius non perhibuit, ut perperam putavit Gothofredus laudatus, sed eum *teterrimum judicem* appellavit.

11. *Omnis cultus gentilitius prohibetur*. — Ad num. 26. *Theodosius Magnus* hoc anno, Arcadii filii sui decennialibus celebri, emisit legem 12 Cod. Theod. *De Paganis*, qua sacrificia omnia omnisque alius deorum cultus personis omnibus et locis per Orientem universum interdicuntur: uno verbo omnis idolorum cultus, omnes cæremoniæ gentilitiæ. Et hæc quidem Theodosius hac lege, sicuti et lege 2 *De Paganis*, anno superiori data; cum antea neque templorum aditu, neque alio deorum cultu interdixisset, ac nominatim non igne, non nidore seu thure. Anno trecentesimo octogesimo primo templis quidem bellum indictum, ut testatur Zozimus lib. 4, pag. 758; sed lege 8 *De Paganis*, anno CCCLXXII, et lege 9 anno CCCLXXV emissis, sacrificia per Orientem inhibentur; at non etiam templorum aditus et thurificatio. Hic itaque gradus ad abolendam gentilitiam superstitionem sub *Theodosio Magno* notandus est: primum enim sacrificia prohibita, insignioraque templa vel diruta, vel donata confiscata. At cæteri deorum cultus, thurificatio, templorumque aditus non ideo inhibiti, neque ornamenta his detracta: quod secundo tertiove pedato factum. Postremum tandem templa quoque in pagis seu agris passim diruta, ubi cultus diutius hesit.

12. *Ritus quinque prohibiti*. — Præter publicam victimarum et hostiarum immolationem et simulacrorum cultum hac in lege ritus decem memorantur; et quidem plerique *secretiore piaculo*, seu intra familiam, domumque domestico cultu et familiari. Prohibet igitur larem igne, mero genium, penates nidore venerari: accendere lumina, imponere thura, sarta suspendere, spirantia exta consulere, redimita vittis arbore, vel erecta effossis ara cespiti- bus vanas imagines honorare, et loca quæ thuris constiterit vapore fumasse, fisco addicuntur. Larem igne venerari solitos Gentiles omnibus notum. *Lares* enim domuum genii habebantur, ut eos quoque Ausonius vocat. Eis cura foci et familie, id est, servorum, qui etiam in foco tanquam præsentia Dei sui cibum sumebant, commissa credebatur. Capitolinus in Pertinæ: « Et cum apud lares sacrificaret, carbonēs vivacissimi extincti sunt ». Secundo, mero genius cultus, ut vel illud Persii proutitum ostendit, *funde merum genio*. Tertio, quod nidorem attinet, Arnobius lib. 6: « Nidorem consecantur et fumos ». Quarto, lumina diis accendebantur;

quod irridet Seneca epist. 96. Quinto, thuris impositio; hinc Lactantius lib. 5, cap. 21 : « El animas suas cum thure ipso cremandas aris detestabilibus imponunt ».

13. *Alii quinque ritus prohibiti.* — Sexto, sarta suspendi solita : sertis enim deos ornatos passim obvium. Arnobius lib. 7 : « Etiam Dii sertis coronis afficiuntur et floribus ». Atque hoc nomine damnatae olim a Christianis coronae, ut videre est apud Tertullianum. Nominatim vero templorum postes sertis ornati, ut ex lege 7 Cod. Justinian. *De Paganis* patet : « Absit ut saeculo nostro redimiri sertis templorum impios postes ». Septimo. Extispiscina prohibetur, de qua Virgilius 4 *Aeneidos*, *spirantia consulit exta*, id est, palpitantia. Octavo, ait *Theodosius* : « Redimita vitiis arbore imagines honoratas ». Hinc Arnobius lib. 4 adversus Gentes : « Venerabar nuper velernos in arboribus tenias », et lib. 10 : « Quid lanarum vellera, quibus arbores colligatis et circumvolvitis stipilem ». Et mox :

« Quid compli violaceis coronis et redimiti arboris ramuli ». Hic tamen mos postea diu mansit, et quidem in Italia, ut Gregorius papa lib. 7, epist. 20, in Africa, ut canon 84 Codicis Africani, et divus Augustinus sermone de Tempore 241 testantur. Et denique per Galliam, ut Concilium Arelatense VII, Alisiodorense, Nannetense, Agathense, et Capitularium lib. 1, tit. 64, et lib. 7, tit. 236, memorant. Nono, prohibentur arae cespitiæ et sbitaneæ ex cespitibus erectæ; hinc Apuleius lib. 7 *Metamorph.* : « Aram cespite virenti Marti Deo faciunt ». Decimo, fisco addicit Theodosius loca, quæ constiterit thuris vapore fumasse. Hinc Prudentius lib. 1 contra Symmachum, versu 363 :

Aut ornad redimita rosis, aut thure vaporat.

Quæ omnia ex Gothofredo in illius legis Commentario excerpta.

SIRICII ANNUS 9. — CHRISTI 393.

1. *Hieronymus Epiphанию suffragatus contra dictum Joannem scribit Origenistam.* — Trecen-tesimus nonagesimus tertius Christi annus a consula-tu Theodosii tertio et Abundantii nomen accepit : quo idem Theodosius imperator Honorium filium imperatorem creat quarto idus Januarii¹ : id quidem Socrates, Prosper, et Marcellinus tradunt. Cæ-terum nonnulla data reperuntur rescripta anno superiori sub titulo Honorii imperatoris. Quo item anno, celato mirifice sole, tenebras factas esse quarta hora diei, iidem qui supra auctores testantur, necnon sanctus Hieronymus in epistola ad Pamma-chium adversus Joannem Hierosolymitanum episco-pum, cum ejus ita meminit² : « Nos, inquit, scin-dimus Ecclesiam, qui ante paucos menses, circa dies Pentecostes, cum, obscurato sole, omnis mun-dus jam jamque venturum Judicem formidaret, quadraginta diversa ætatis et sexus presbyteris tuis obtulimus baptizandos? El certe quinque presbyteri erant in monasterio, qui suo jure poterant bapti-zare, sed noluerunt quicquam contra stomachum tuum facere : ne et hæc tibi de fide reticendi dare-

tur occasio. Annon tu potius scindis Ecclesiam, qui præcepisti Bethlehem presbyteris tuis, ne compe-tentibus nostris in Pascha baptismum traderent, quos nos Diospolim ad confessorem et episcopum misimus Dionysium baptizandos? » Hæc ipse, qui ob Paulinianum fratrem suum ab Epiphанию ordi-natum (ut dictum est anno superiori) eundem Joannem sibi patiebatur infensum : sed et quod sei-ret idem Joannes ob errores Origenis ab eodem san-cto Hieronymo perstringi nomihil, vehementiori eum odio insectabatur. Ut igitur hæc omnia mani-festiora fiant, ceptam anno superiori narrari histo-riam de Joannis Hierosolymorum episcopi indigna-tione in sanctum Epiphanium Constantie in Cypro episcopum prosequamur.

2. Cum ex litteris ad ipsum ab eodem Epipa-nio scriptis idem Joannes magis magisque commo-tus esset ; ut in sanctissimum virum injuste exacer-batum hominem vel coerceret, vel saltem ut injusti ejus animi motus omnibus innolescerent, atque ipsius Joannis culpa controversiam illam abortam esse sciretur ; S. Hieronymus adversus eundem Joannem ad Pammachium epistolam scripsit : qua-tum ex dicto solis defectu certa nota temporis hoc

¹ Socrat. l. v. c. 24. — ² Hier. epist. LXI.

anno scripta esse monstratur, tum etiam quod in eadem epistola ait, jam interlapsos esse annos tredecim, ex quo ipse recessisset Antiochia, et ivisset Constantiopolim; quod contigit anno Domini (ut demonstratum est) trecentesimo septuagesimo nono : a quo tempore numerando tredecim annos clapsos, hic ille annus esse demonstratur, quo decimus tertius absolutus dicitur, et inchoatus decimus quartus : his enim verbis Hieronymus Joannem ipsum compellat ¹ : « Satis multo dormisti tempore, qui post annos tredecim, nunc excitatus hæc loqueris : ob id enim et ego Antiochiam et ille Constantinopolim urbes celeberrimas deseruimus, non ut te in populis prædicantem laudaremus, sed ut in agris et in solitudine adolescentie peccata deflentes, Christi in nos misericordiam delecteremus ». Illec de tempore.

3. Porro earum scribendarum litterarum necessitatem sibi incumbere sanctus Hieronymus intellexit ; cum jam quod ille comminatus in Epiphanium erat, scripturum se in eum litteras, quæ universo Christiano orbi notæ forent, opere perfecisset, cum eas accusationes in dicta Epiphanii epistola recensitas et confutatas in sanctissimum virum exaggerasset et amplificasset : præ se ferebant Joannis litteræ titulum ad Theophilum episcopum Alexandrinum ², sed tamen encyclicæ erant, publicæ et communes omnibus. Quod igitur ille eas ad Occidentales omnes dedisset : sanctus Hieronymus, cuius causa cum Epiphanio videbatur esse communis, quod ambo simul adversus Origenis errorum defensores et disseminatores vindices pietatis insurrexissent, quorum causa prætextus iuxta omnes a Joanne fuerant excogitati ; scribendi Romam ea de re ad Pammachium, et Alexandriam ad Theophilum ejus sedis episcopum consilium iniit : sicque adversariis litteris et calumniis confutatur, et occulte serpentes hæreses cum hæreticis populare decrevit.

4. De scriptis autem iisdem a Joanne litteris ad Occidentales adversus Epiphanium, ipse S. Hieronymus fidem facit illis verbis, quibus ad Theophilum scribens ait ³ de Joanne : « Cumque nos usque ad præsentem diem ficta pacis ostensione lactaverit, Occidentalium sacerdotum commovit aures, etc. » Meminit ejusdem epistolæ ad Occidentales scriptæ idem Hieronymus ad Pammachium scribens ⁴. At non ad Theophilum tantum et Occidentales adversus Epiphanium Joannes legatos misit, sed in alias plures diversasque provincias : nam ipse Hieronymus hæc habet in eadem epistola ad Pammachium : « Ille per totum exinde triennium suas injurias devorat, privataque simulatæ contemplata, fidei tantum correctionem postulat. Tu, qui sumpibus abundas, et totius orbis religio lucrum tuum est, gravissimos illos legatos tuos huc illucque transmittis, et dormientem senem ad illuminandum suscitatis ».

5. Cum igitur ea Romæ ex litteris Epiphanii in

Joannem, quarum (ut diximus) exemplaria vulgata erant, et Joannis in Epiphanium adversariis scriptis ad Occidentales missis innotuissent ; et diversorum in diversa studia, ut fieri solet, animi ardentes commoverentur, cum alii Epiphanio, Joanni alii faverent : Pammachius vir clarissimus, de quo sæpe inferius, ad S. Hieronymum litteras dedit, quibus rogavit ut de mutuis altercationibus cum Joanne apologeticam epistolam scriberet, qua cunctæ inter eos versantes controversiæ enucleatim expressæ, perspicuæ omnibus fierent. Cujus impulsu ipse Hieronymus eas ad Pammachium litteras dedit, quibus ista præfatur ¹ : « Nosti, Pammachii, nosti, me ad hoc opus non inimicitis, non gloriæ cupiditate descendere, sed provocatum litteris tuis ex ardore fidei ; ac velle, si fieri posset, omnes id ipsum sapere ; nec impatientiæ ac temeritatis posse reprehendi, si post triennium loquor ». Tertius namque hic numeratur annus dissidiorum : prius enim ille, quo de hæresibus Origenis Epiphanius Joannem Hierosolymis coram redarguit : secundus, quo idem Epiphanius pro sua defensione ad eundem Joannem dictam epistolam dedit : tertius vero præsens, quo Joannes ad Occidentales scripsit adversus Epiphanium atque Hieronymum, cum et ipse Hieronymus rogatus ad Pammachium scripsit, qui his hæc subdit : « Denique nisi ad Apologiam, de qua nunc scribere institui, multorum animos diceret perturbatos, et in utramque partem fluctuare sententiam, decreveram in incepto silentio permanere ». Illec de Hieronymi in scribendo adversus Joannem ad Pammachium ratione.

6. Quod autem ipse Joannes redargutus ab Epiphanio dedisset litteras pro sui defensione (ut dictum est) ad Theophilum episcopum Alexandrinum ; cur non ad eum qui ipsum hæresis redarguerat, rescripsisset, et apud eum se purgasset, Hieronymus objicit illis verbis ² : « Ac primum, antequam epistolam tuam, quam scripsisti ad episcopum Theophilum, interpretatam huic volumini inseram, et ostendam tibi me intelligere nimis cautam prudentiam tuam, expostulare tecum libet. Quæ hæc est tanta arrogantia, non respondere de fide interrogantibus ? tantam fratrum multitudinem et monachorum choros, qui tibi in Palestina non communicant, quasi hostes publicos existimare ? Dei filius propter unam morbidam ovem ³, non agnita novem in montibus derelictis, alapas, crucem, flagella sustinuit ». Et de Epiphanio, quem redarguerent contempserat, quod ad alios potius, quam ad eum rescripsisset, ista subdit : « Habes papam Epiphanium, qui te aperte missis litteris hæreticum vocat : certe nec ætate, nec scientia, nec viâ merito, nec totius orbis testimonio major illo es : si ætatem quæris, juvenis ad senem scribes : si scientiam, non sic eruditus ad doctum : licet te fautores tui disertorem Demosthene, acutior Chrysippo, sapientior Platone contendant, et tibi ipsi forte persuaserint. De vita autem et fide

¹ Hier. ead. ep. LXI. — ² Hier. epist. LXI. — ³ Hier. epist. LXXII. — ⁴ Hier. epist. LXI.

¹ Hier. epist. LXI. — ² Hier. epist. LXI. — ³ Matth. XVIII.

nihil amplius dicam, ne te lædere videar ». Subdit enim, ipsum Joannem Macedonianorum et Ariano-
rum olim, cum Orthodoxi fidei causa persecutione vexarentur, communicatione fœdatus esse, declinasseque communicare cum confessoribus. Ac rursum : « Scribe igitur ad hunc ; responde epistolæ ejus : sentiant ceteri fidem, eloquentiam, prudentiam tuam ; ne tibi solus disertus esse videaris. Cur ab alio provocatus aliorum arma convertis ? Palæstinæ interrogaris et respondes Ægypto.

7. « Sed dicis : Epistolam meam probavit Alexandrinus episcopus. Quid probavit ? contra Arium, contra Photinum, contra Manichæum bene locutum. Quis enim te hoc tempore arguit Ari-
num ? Quis tibi nunc Photini, Manichæique crimen impingit ? Olim ista emendata sunt, atque concussa. Non eras tam stultus, ut aperte defenderes hæresim, quam sciebas Ecclesiæ displicere. Noveras te, si hoc fecisses, statim loco movendum ; et solii tui delicias suspirabas : sic sententiam temperasti, ut nec simplicibus displiceres, nec tuos offenderes. Bene scripsisti, sed nihil ad causam pertinens. Unde noverat Alexandrinæ Ecclesiæ pontifex, in quibus arguereris ? quorum a te confessio postularetur ? Debueras tibi objecta proponere, et sic ad singula respondere ». Sed quod Joannes ad aliqua ab Epiphania objecta responderat, et non ad omnia, ista subdit : « Octo tibi, ut statim probabo, de spe fidei christianæ, quæstionum capita objecta sunt : tria tantum tangis et præteris ; in cæteris grande silentium est ». At quam frigide illa tria diluerit ipse, sic pergit : « Ipsa quoque tria quasi negligens atque securus, quasque aliud agens, et in quibus aut nulla aut parva sit quæstio, prætervolas. atque perstringis : et ita operus ac lectus incedis, ut plus confitearis tacendo, quam rennas disputando ».

8. Sed de frigida ista defensione, seu potius astuta tergiversatione, imo et hæresum velamento, ad Pammachium hæc supra ipse Hieronymus ¹ : « Persuadere mihi vult quod pure credat : pure ergo et loquatur. Etsi quidem unum verbum, vel unus sensus esset ambiguus, si duo, si tres ; ignorantie veniam tribuerem, nec ea que aut obscura, vel dubia sunt, de certis et perspicuis æstimarem. Nunc vero quæ ista simplicitas est, quasi super ova et aristas inter theatrales præstigas pendenti gradu incedere, ubique dubium, ubique suspectum ? putes eum non expositionem fidei, sed figuratam controversiam scribere ». Et paulo post auream hanc apponit sententiam : « Nolo in suspitione hærescos quinquam esse patientem, ne apud eos qui ignorant innocentiam ejus, dissimulatio conscientia judicetur, si taceat ». Et inferius : « Nunquam de amicorum judicio gloriaris. Hinc verum est testimonium, quod ab inimica voce profertur ; alioqui si amicus pro te dixerit, non testis, aut iudex, sed fautor putabitur ». Hæc et alia plura Hieronymus, tum ipsi Joanni, tum aliis significans, veram fidei con-

fessionem nullis esse circumducendam verborum involucris ; sed eum qui quæritur, patenter, constanter, sincereque profiteri debere ; suspectumque reddi omnem qui amphibologiarum obscuritatibus atque perplexitatibus in re tam seria ludit.

9. At quænam essent octo illæ in eum objectiones de fide catholica violata, idem ipse Hieronymus ibi recenset his verbis ² : « Primum quod de libro πη̄ι ἀγίων. Origenis videlicet, ubi loquitur : Sicut enim incongruum est dicere, quod possit Filius videre Patrem, ita inconveniens est opinari, quod Spiritus sanctus possit videre Filium. Secundum, quod in hoc corpore quasi in carcere sunt animæ religatæ ; et antequam homo fieret, in paradiso inter rationabiles creaturas in cælestibus commemoratæ sunt : unde postea in consolationem suam anima loquitur in Psalmis ³ : Priusquam humiliarer, ego deliqui : et cætera his similia. Tertium, quod dicat et diabolum et demones acturos pœnitentiam aliquando, et cum sanctis ultimo tempore regnatos. Quartum, quod tunicas ⁴ pelliceas humana corpora interpretetur, quibus post offensam et ejectionem de paradiso Adam et Eva induti sunt ; haud dubium, quin ante in paradiso sine carne, nervis, et ossibus fuerint. Quintum, quod carnis resurrectionem, membrorumque compagem, et sexum, quo viri dividimur a feminis, apertissime neget, tam in explanatione primi psalmi, quam in aliis multis tractatibus. Sextum, quod sic paradysum allegorizet, ut historiæ auferat veritatem : pro arboribus ⁵ angelos, pro fluminibus virtutes cælestes intelligens : totamque paradisi continentiam tropologica interpretatione subvertat. Septimum, quod aquas ⁶, quæ super cælos in Scripturis esse dicuntur, sanctas supernasque virtutes, quæ super terram et infra terram, contrarias et dæmoniacas esse arbitretur. Octavum, quod extremum objicit », Epiphanius scilicet, « imaginem et similitudinem Dei, ad quam homo conditus fuerat, dicit ab eo perditam, et in homine post paradysum non fuisse. Hæc sunt sagittæ quibus confoderis ; hæc tela, quibus in tota epistola vulneraris : excepto eo, quod tuis genibus advolutus, sanctamque cantitem, seposito parumper sacerdotis honore, substernens, deprecatur salutem tuam ».

10. Hos Origenis errores cum Joannes ac tota illa Origenistarum schola, nempe Rufinus, Palladius, et alii complures in Ægypto monachi inferius nominandi summæ sapientiæ titulo exponerent : si quos scirent secus sentire, eosdem rudes et simplices ac plane animales homines nominabant, necnon Pilosiotas, nova voce pro ludibrio nuncupabant, non autem Pelusiotas, ut depravate legitur, sed Pilosiotas, hac voce suggillantes atque subsannantes Catholicos, quasi crederent mortuos resurrecturos etiam cum pilis, dum recte dicerent eos resurrecturos cum singulis corporis membris : cum illi ex Origene corpora cum suis membris resurrectura negarent ;

¹ Hier. epist. LXI.

² Hier. epist. LXI. — ³ Ps. CXVIII. — ⁴ Gen. III. — ⁵ Gen. II. — ⁶ Ps. CXVIII.

unde Hieronymus¹ : « Dicentibusque nobis, utrum capillos et dentes, pectus et ventrem, manus et pedes, ceterosque artus ex integro resurrectione exhibeat : tunc vero risu se tenere non possunt, cachiunoque ora solventes, tonsores nobis necessarios, et placentas, et medicos, ac sutores ingerunt ». Et alibi : « Pilosiotas nos appellant et luteos, animalesque et carnos, quod non percipiamus ea quæ sunt spiritus » : eadem quoque ita rursum² : « Hæc, inquit, sunt strophæ vestræ atque præstigiæ, quibus nos Pilosiotas et iumenta, et animales homines dicitis ». Hæc quidem communiter in omnes Orthodoxos ab Origenistis jactari solita erant : sed quæ privatim Joannes in Epiphanium effluisse, Hieronymus eadem³ ad Pammachium epistola prodit.

11. At illud primum de Joanne dicendum, ipsum inverecunde nimis asserere ausum esse litteris illis ad Theophilum scriptis, se nunquam ab Epiphanio reprehensum Origenis erroris ante querelas illas de ordinato Pauliniano : quasi sanctissimus vir ille non zelo catholicæ fidei, sed privati odii causa in ipsum Joannem exacerbatus fuisset : subdolan hanc excusationem, et prætextum coarguens ipse Hieronymus, ista subdit⁴ : « Fefellisti absentem, et litteræ tuæ peregrinis auribus blandiuntur. Nos hic eramus, cuncta novimus, quando contra Origenem in Ecclesia tua papa Epiphanius loquebatur ; quando sub illius nomine in vosacula torquebantur. Tu et chorus tuus canino rictu naribusque contractis, scalpentes capita, delirum senem nutibus loquebamini. Nonne ante sepulcrum Domini, misso archidiacono, præcepisti, ut talia disputans, conticesceret ? Quis hoc usquam presbytero suo coram plebe imperavit Episcopus ? Nonne cum de ἀνταρξίας pergeretis ad crucem, et ad eum omnis ætatis et sexus turba conflueret, offerens parvulos, pedes deosculans, fimbrias vellens, etc. » Ne præter eas, rogo, sed considera, quæ hic tibi obiter lectio suggerit, lector, nempe antiquum morem osculandi pedes episcoporum : ut non adeo mireris, cum vides fideles osculari pedes summi Pontificis. Pergit vero Hieronymus :

12. « Cumque non posset promovere gradum, sed in uno loco vix fluctans invidantis populi sustineret ; tu tortus invidia adversus gloriosum senem clamitabas : nec erubuisti in os ei dicere, quod volens et de industria moraretur. Recordare, quæso, illius diei, quando ad horam septimam invitatus populus spe sola, quasi postea auditurus Epiphanium esset, detinebatur, quid tunc concionatus sis, nempe contra Anthropomorphitas, qui simplicitate rustica Deum habere membra, quæ in divinis libris scripta sunt, arbitrantur, furens et indignans loquebaris ; oculis et manus et totius corporis truncum in senem dirigebas, volens illum suspectum facere stultissimæ hæreseos. Postquam lassus ore arido, resupinaque cervice ac tremantibus

labiis conticisti, et tandem totius populi vota completa sunt ; quid tibi fecit delirus et fatuus senex ? Surrexit, ut se indicaret pauca dicturum esse ; salutataque et voce et manu Ecclesia : Cuncta, inquit, quæ locutus est collegio frater, ætate filius meus contra Anthropomorphitarum hæresim, bene et fideliter locutus est ; quæ mea quoque damnatur voce : sed æquum est, ut quomodo hanc hæresim condemnamus, etiam Origenis perversa dogmata condemnemus. Qui risus omnium, quæ acclamatio consecuta sit, puto quod retineas. Hoc est illud, quod in epistola tua dicis, loquentem illum ad populum quæ vellet, et qualia vellet. Scilicet delirabat, qui in regno tuo contra tuam sententiam loquebatur. Quæ vellet, inquis, et qualia vellet. Vel lauda, vel reproba. Quid et hic dubius incedis ? Si bona erant quæ loquebatur, cur non aperte prædicas ? si mala, cur non constanter reprehendis ? » Hæc et alia in eum Hieronymus : atque vehementer commotus, ac stomachatus in hominem insultantem in sanctissimum senem, ista jure subdit : « Nisi me honor sacerdotii et veneratio nominis refrenaret, et scirem illud Apostoli¹ : Nesciebam, fratres, quod Pontifex est : scriptum est enim : Principi populi tui non maledices : qua vociferatione et indignatione verborum de tua narratione conquerer ? licet ipse nominis tui extenuis dignitatem, cum patrem pæne omnium episcoporum, et antiquæ reliquias sanctitatis et opere et sermone despicias ». Isti Hieronymus modo in Joannem, quem eadem epistola satis ignominia suggillatum ante reliquerat, in memoriam revocans et scriptis signans ejus consuetudinem pristinam cum hæreticis, et conversionem ejusdem ad fidem catholicam spe adipiscendi episcopatus forinsecus demonstratam.

13. Quod vero idem Joannes litteris illis suis ad Theophilum de Epiphanio addiderat, ipsum eadem concione Joannem laudasse, et catholicæ fidei esse, omni populo declarasse ; quam id mendaciter dixerit, et quanta affectus nausea fuerit Joannis prædicatione Epiphanius ; præter illa quæ nuper sunt relata, hæc addit de his quæ eadem die postea facta sunt² : « Hæc quam vere dixerit, et nos testes sumus, qui audivimus : ad quos tuis vocibus perturbatus venit exanimis ; temere se communicasse dicens. Rogatusque ab omni monasterio, ut ad te de Bethlehem reverteretur, tantorum preces non ferens, sic reversus est vespere, ut medio noctis aufugeret. Et litteræ ad Siricium papam probant ; quas si legeris, pervidebis, quomodo tua dicta miratus sit, et catholica declaraverit ». Hæc Hieronymus : qui dum citat ejusdem Epiphanii epistolam ad Siricium papam, ipsam hoc anno ab eo scriptam esse, quo ad Pammachium idem Hieronymus scripsit, indicat eadem epistola ad Pammachium in fine, ubi omnes de ejus rei controversia ab ipso Epiphanio scriptas epistolas recenset, cum ait : « Præsto sunt plures epistolæ Epiphanii, una ad

¹ Hier. epist. LXXV. — ² Hier. epist. LXI. — ³ Hier. ad Pamm. epist. LXI. — ⁴ Hier. epist. LXI.

¹ Act. XXII. — ² Hier. epist. LXI.

ipsum Joannem (de qua supra) alia ad episcopos Palestinos, et nuper ad Romanum Pontificem; in quibus dicit, se cum coram multis de dogmatibus argumentum non meruisse responsum ».

14. At quod rursus ad Joannis datam ad Theophilum epistolam spectat, turpis quoque adulationis Hieronymus illum redarguit, cum ei tribuat quod non deceat; simulque vafrum hominis consilium aperit, ista subdixens post longam disputationem Origenis errorum, quibus ipsum consensisse demonstrat¹: « Scribit, inquit, ad Theophilum episcopum Apologiam, ejus istud exordium est: Tu quidem, ut homo Dei et apostolica ornatus gratia, curam omnium Ecclesiarum, maxime ejus quæ in Hierosolymis est, sustines; cum ipse plurimis sollicitudinibus Ecclesie Dei, quæ sub te est, distringaris. Laudat faciem, ad personam principum trahit. Tu, qui regulas quæris ecclesiasticas, et Nicæni Concilii canonibus uteris, et alienos clericos, et cum suis episcopis commorantes tibi niteris usurpare, responde mihi: Ad Alexandrinum episcopum Palestina quid pertinet? Ni fallor, hoc ibi decernitur, ut Palæstina metropolis Casarea sit, et totius Orientis Antiochia. Aut igitur ad Casariensem episcopum referre debueras, cui, spreta communione tua, communicare non noveras: aut si procul expetendum judicium erat, Antiochiam potius litteræ dirigendæ. Sed novi, cur Casaream, cur Antiochiam nolueris mittere; sciebas quid fugeres, quid vitares; maluisti occupatis auribus molestiam facere, quam debitum Metropolitanum tuo honorem reddere ». Hæc cum tam constanter S. Hieronymus ingerat, episcopumque Hierosolymitanum sub Casariensi constitutum affirmet; jam satis perspicue intelligere potes, nihil innovatum in Concilio Constantiopolitano de sedium prærogativis in Nicæno Concilio constitutis: nam S. Hieronymum, qui eo tempore apud Gregorium Nazianzenum versatus est, præterisse non potuit, si quid ibi aliter decretum fuisset.

15. Post hæc autem de legatione Isidori presbyteri ac monachi Alexandrini a Theophilo ejus Ecclesie episcopo Hierosolymam missi, deque litteris per ipsum a Joanne Hierosolymorum episcopo ad Theophilum datis idem Hieronymus agit ex verbis in primis eorumdem Joannis litterarum ad Theophilum redditarum; dum cum suggillat, quod ad cælum ferat præconis Isidorum consolandem in hæresi, hominem Origenistam. Erant ista verba Joannis ad Theophilum de Isidoro scribentis: « Missisti religiosissimum hominem Dei, Isidorum presbyterum, virum potentem, tam ex ipsa incessus et habitus dignitate, quam divinæ intelligentiæ, curare etiam eos qui animo vehementer ægrotant, si tamen sensus sui languoris habeant. Homo Dei mittit hominem Dei: nihil interest inter presbyterum et episcopum; eadem dignitas mittentis et missi ». Ad hæc Hieronymus: « Hoc satis imperite: in porto (ut dicitur) naufragium. Iste Isidorus, qui in cælum

tuis laudibus tollitur, id ipsum infamatur Alexandrie, quod tu Hierosolymæ: ex quo non legatus advenisse videtur, sed socius. Alioquin et litteræ manu ejus scriptæ, quæ ante tres menses legationis ad nos directæ erant portantes errorem, Vincentio presbytero redditæ sunt, quæ usque hodie ab eo teneantur: quibus cohortatur ducem exercitus tui (puto Ruffinum) ut super petram fidei stabili persisterat gradu, nec nostris nemis terreatur. Pollicetur se, antequam legationis esset ulla suspicio, venturum Hierosolymam, et ad adventum suum illico adversariorum cuneos proterendos ». Hæc et alia plura Hieronymus de Isidoro, quibus demonstrat eum fuisse potentissimum Origenistarum antesignanum: atque ad postremum illam in Joannem eum adeo laudantem querelam subjungit: « Videte, quid faciat concordia dogmatum: Isidorus, qui ut hæc significaret, ejus socius erat; homo Dei, et presbyter *hæresiarum*, et vir potens, et sacro ac venerabili incessu, et divinæ intelligentiæ, et Hippocrates Christianorum vocatur: ego misellus dum in solitudine delitescio, a tanto Pontifice repente truncatus, presbyteri nomen amisi ». Quibus significare videtur se excommunicatum a Joanne fuisse. Sed de his infra.

16. Quid autem hac legatione, cum a Theophilo Hierosolymam missus est, egerit Isidorus cum ipso, Hieronymus ipse declarat. Sed primo intelligas opus est, legationis ejus causam; nempe Theophilum egisse sequestrem, ut dissidia inter Joannem et alios episcopos necnon ipsum Hieronymum pace componeret: nesciebat autem adhuc qui cum misit Theophilus, Isidorum ipsum legatum erga Joannem esse propensiorum, et studere Origenistis. Ille igitur Hierosolymam cum venisset, quod ante pollicitus erat (ut diximus) litteris, egregie præstitit, nimirum, ut adversus Orthodoxos pro Origenis hæresis sectatoribus infatigabili studio laboraret; contestumque ex legato se detexit Origenistam. Nam quod sciret S. Hieronymum acerrimum Origenistarum adversarium (fuerat enim id expertus, cum tertio eum invisit), litteras a Theophilo ad ipsum scriptas illi reddere noluit. Testatur id quidem Hieronymus, cum hæc ait²: « Cum ergo huc venisset, et accessisset ad nos tribus vicibus, et admonisset tam divinæ sapientiæ tuæ, quam propriæ intelligentiæ habentia medicamina verba: nec profuit alicui, nec profuit ei quisquam. Ille, qui ad tres vices dicitur ad nos accessisse, ut et inveniendū mysticum numerum conservaret, qui Theophili episcopi mandatum nobis loquebatur, litteras ad nos ab eo missas noluit reddere. Cumque diceremus: Si legatus es, redde legationis epistolam: si epistolam non habes, quemodo legatum te probabis? Respondit, se habere quidem litteras ad nos, adjuratum tamen ab Hierosolymorum episcopo ne nobis eas redderet. En legati constantia: qui ut pacem faceret, et suspicionem in alteram partem favoris excluderet: æquum

¹ Hier. epist. LXI.² Hier. epist. LXI.

se nrisque praeiuit, etc. » Perstitit in eodem officio Isidorus mirum, ut qui ad causam pacis tractandam venerat, usque ad protectionem causam Origenistarum indetesso studio procuravit : nam inquit S. Hieronymus : « Hæc ipsa Apologia », Joannis scilicet ad Theophilum scripta, « de qua nunc sermo est, Isidoro præsente, et multum collaborante, dictata est; ut idem esset et dictator et bajulus litterarum ».

17. Sed sicut privatis Isidori studiis omnis spes pacis intercepta est, cum tantum abtulerit quod procuraverit abdicationem hæresis Origenis, quarum causa dissidium factum esset et conflata discordia, ut easdem stabilire curavit; ita Joannis opera irritum cassumque redditum fuit opus paulo ante ea de causa ab Archelao comite impensum : hunc illum putamus Archelauum, ad quem præfectum Augustalem extat¹ imperatorum rescriptum post annos tres datum, Cæsario et Attico consulibus. Quid autem pro pace ipse conatus sit, et quem finem res sortita fuerit, idem S. Hieronymus ita narrat, cum primum ait² : « Alicubine dictum, aut tibi alicubi mandatum est, quod sine satisfactione fidei communionem tuam subiremus? Quando per virum disertissimum et christianissimum Archelauum comitem, qui sequester pacis erat, conductus locus fœderis fuit : nonne hoc in primis postulatum est, ut futuræ concordie fides jaceret fundamentum? Pollicitus est Joannes esse se venturum. Instabat dies Paschæ : frequens monachorum turba convenerat; expectabaris in loco; quid faceres, nesciebas. Repente mandasti; egrotare nescio quam; illo die te non posse venire. Ludione an episcopus hæc loquitur? Pone verum esse quod dicis; propter unius mulierculæ delicias, ne te absente doleat caput, fastidium sustineat, stomacho perfrigescat, Ecclesiæ causam negligis? tot virorum et christianorum, et monachorum contemnis præsentiam? Nolumus occasionem dare : videbamus enim stropham : dilationis tuæ injuriæ patientia vicimus. Rescribit Archelaus : monet altero et tertio die manere. At ille occupatus (muliercula enim vomere non cessavit), dum nauseam evasisset, nostri penitus oblitus est ». Hæc ipse : quæ quidem, ut dixi, paulo ante Isidori legationem contigerant; nam subdit : « Post duos ergo menses tandem expectatus venit Isidorus, etc. »

18. Porro cum Joannes sensisset Hieronymum sibi præ cæteris adversari, pugnareque adversus Origenistas; quibus valuit cum molestiis afficere conatus est. Etenim ab eo se excommunicatione mulctatum, vetitum esse ingredi sepulcrum, inferius his verbis significat, cum simul docet cætera quæ ab eodem Joanne in Orthodoxos fuerant perpetrata : « An non tu scindis Ecclesiam, qui mandas clericis tuis, ut si quis Paulinianum ab Epiphania episcopo consecratum presbyterum dixerit, Ecclesiam prohibeatur intrare? Ex quo tempore usque

in præsentem diem videmus tantum specum Domini; et hæreticis intrantibus, procul positi suspiramus. Nosne sumus, qui Ecclesiam scindimus; an ille qui vivis habitaculum, mortuis sepulchrum negat, qui fratrum exilia postulat? Quis potentissimam illam feram totius orbis cervicibus imminuentem, contra nostras cervices spiritualiter incitavit? Quis ossa sanctorum et innoxios cineres lucensque verberari ab imbris sinit? Ilis nos blandimentis bonus pastor invitavit ad pacem, et proprium arguit facere principatum, qui omnibus episcopis rectam duntaxat fidem tenentibus et communione et societate sociamur ». Hæc Hieronymus : qui tamen nequaquam ex Bethlechem pulsus est : nam cum ipse superius iisdem compellationibus hominem urget, ait : « Quis scindit Ecclesiam? nos, quorum omnis domus Bethlechem in Ecclesia communicat : an tu qui aut bene credis, et superbe de fide taces; aut male et vere scindis Ecclesiam? » Cur autem e monasterio Bethlechem ejectus non fuerit, nec a Bethlehemiticæ Ecclesiæ ingressu penitus interdictus; non aliam puto causam, quam reverentiam sanctæ Paulæ clarissimæ femine, quam ob insignem generis nobilitatem ipsi etiam provinciarum præsides (ut superius vidimus de Melania) prosequerentur honore, atque frequentarent obsequiis. Quo modo autem post hæc conatus sit idem Joannes auxilio presidium Hieronymum exilio damnatum ablegare, dicemus paulo post. Sed prosequamur reliqua.

19. Ad postremum autem eadem refricans ipse Hieronymus, quæ ab ipso Joanne ad Theophilum fuerant scripta de ordinatione Pauliniani ab Epiphania facta; quæ in eis coacervata fuere mendacia aperit, atque redarguit, sic dicens¹ : « Si causa discordiæ non ex dissensione fidei est, sed ex Pauliniani, ut dicit, ordinatione descendit : quæ tanta stultitia est, volentibus occasionem dare, nolle respondere? Confitere fidem; sed tamen responde quod quaereris : ut omnibus luceat, non de fide, sed de ordinatione esse certamen. Quandiu enim interrogatus de fide tacueris, potest tibi adversarius dicere : Non est ordinationis causa sed fidei ». Ita ipse, qui et in epistola ad Theophilum hæc et alia ab eodem conficta redarguit his verbis² : « Fratrem meum causam dicit esse discordiæ, hominem, qui quiescit in monasterii cellula, et clericatum non honorem interpretatur, sed onus. Cumque nos usque ad præsentem diem ficta pacis ostensione lactaverit, Occidentalium sacerdotum commovit aures, dicens cum adolescentulum et pæne puerum in Parochia sua Bethlechem presbyterum constitutum. Si hoc verum est, cuncti Palæstini episcopi non ignorant : monasterium enim S. Epiphania nomine vetus dictum, in quo frater meus ordinatus est presbyter, in Eleutheropolitano territorio, et non in Heliensi situm est. Porro ætas ejus et beatitudinis tuæ nota est; et cum ad triginta annorum spatia jam pervenerit,

¹ L. IX. de jurid. C. Theod. — ² Hier. epist. LXI.

¹ Hier. epist. LXI. — ² Hier. epist. LXII.

pulo eam non in hoc esse reprehendendam, quæ juxta mysterium assumpti hominis in Christo perfecta est ». Et paulo post : « Certe ipse, quando episcopus ordinatus est, non multum ab ea, in qua nunc frater meus est, distabat ætate. Vel si hoc in episcopis licet, in presbyteris non licet, ne per antiphrasim a suo nomine discrepare videantur : cur ipse aut ejus aut minoris ætatis, et quod his amplius est, ministrum alterius Ecclesiæ ordinavit presbyterum ? » Et ad Pammachium ¹ : « Ubi Paulinianum mentitus est puerum, illuc puerum mittis presbyterum : itemque Theosebam Tyriæ Ecclesiæ diaconum facis presbyterum, et contra nos armas, illisque in nos abuteris eloquentia. Tibi soli licet Ecclesiæ jura calcare. Tu quicquid feceris, norma doctrinæ est : et non erubescis ante tribunal Christi judicandum tecum Epiphanium provocare ». Hæc ipse et multa alia id genus ad Pammachium habet.

20. Quod vero sciret Theophilum episcopum Alexandrinum Joannis litteris anteversum, qui (ut ille scripserat) existimans ob rem frivolum, nempe ordinationis Pauliniani causa, non autem tuendæ catholicæ fidei, eos sic inter se ipsos fuisse altercatos, pro pace inter eos concilianda legatum miserat Isidorum in Palestinam, et pacis conciliatrices ad utramque partem litteras dederat : sanctus Hieronymus ad eundem Theophilum, quem nosset fuisse Joannis mendacis male persuasum, litteras dedit, quibus eidem rerum gestarum veritatem puro sincereque sermone significaret ; seque pacem quam offerebat, optare, modo veram pacem, quæ compendio, non autem dispendio fidei Catholicæ comparatur. Ac post multa, quo tandem progressus, et quid demum contra ipsum Joannes molitus sit, declarat his verbis ² : « Nuper nobis postulavit et impetravit exilium : atque utinam implere potuisset, ut sicut illi voluntas imputatur pro opere, ita et nos non solum voluntate, sed et effectu coronam haberemus exilii. Evadendo sanguinem, et patiendæ magis quam faciendo contumelias, Christi fundata est Ecclesia, persecutionibus crevit, martyrio coronata est. Aut si isti soli, juxta quod legimus, amant rigorem, et non noverunt persecutionem sustinere, sed facere : sunt et hic Judæi, sunt variorum dogmatum hæretici, et maxime impurissimi Manichæi : cur eorumne verbo quidem quenuquam audent ledere, nos solos expellere cupiunt ? Nos soli, qui Ecclesiæ communicamus, Ecclesiam scindere dicimur ? Oro te, nonne aqua est postulatio, ut aut illos nobiscum expellant, aut nos cum illis teneant ? Nisi quod in eo magis honorant, quos saltem exilio ab hæreticis separant ». Hæc ipse : sed quam dedecens esset, hæc irrogari ab ipso Joanne, qui professione monachus erat, ista mox subdit :

21. « Monachus, prohi dolor, monachis minatur et impetrat exilium, et hoc monachus apostolicam cathedram habere se jactans. Non novit terrori natio ista succumbere, et impendenti gladio magis

cervices quam manus subijcit. Quis enim monachorum exul patriæ, non exul est mundi ? Quid opus est auctoritate publica, et rescripti impendiis, et toto orbe discursibus ? tangat saltem digitulo ; et ultro exhibimus. Domini ³ est terra et plenitudo ejus. Christus loco non tenetur inclusus. Præterea quod scribit nos pergere tecum Romam, et Ecclesiæ communicare ei, a qua videmur communione separati ; non est necesse ire tam longe, et hic in Palestina eodem modo ci jungimur ». His plane docet sanctus Hieronymus, non ob id quod exciderit a communione Joannis, exclusum se esse a communione Catholicæ Ecclesiæ, qui communicet cum Romano Pontifice : ex quibus videas, communione Romanæ Ecclesiæ (quod alias sæpe dictum est) quemlibet declarari catholicæ communionis esse participem : hæc et alia plura Hieronymus ad Theophilum : quibus ille persuasus, post hæc (ut dicemus) favit causæ Epiphani, Hieronymi, et aliorum in Palestina orthodoxorum, imo fidei catholicæ adversus Joannem, Rufinum et alios Origenistas.

22. Inter hæc autem, dum controversiæ hujusmodi Hierosolymis agitentur, quid passus idem ipse Hieronymus fuerit a pseudomonacho adversariorum arte submisso ad subripiendam epistolam Epiphani ab ipso in latinum translata, idem ipse ea epistola, quam post hæc sequenti anno scripsit ad Pammachium, declarat his verbis ⁴ : « Ante hoc ferme biennium miserat Joanni episcopo supradictus papa Epiphanius litteras, arguens eum in quibusdam dogmatibus, et postea clementer ad pœnitentiam provocans : harum exemplaria certatim Palestinæ rapiebantur, vel ob auctoris meritum, vel ob elegantiam scriptioris. Erat in monasterio nostro vir apud suos haud ignobilis, Eusebius Cremonensis : qui, cum hæc epistola per multorum ora volitaret, et mirarentur eam pro doctrina, et puritate sermonis docti pariter et indocti ; cepit a me obnixè petere, ut sibi eam in latinum verterem, et propter intelligendi facilitatem apertius explicarem : græci enim eloquii penitus ignarus erat. Feci quod voluit, accitoque notario, raptim celeriterque dictavi, ex latere in pagina breviter annotans, quem intrinsicus sensum singula capitula continerent ; siquidem et hoc ut sibi soli facerem, oppido flagitaret : postulatave ab eo mutuo, ut domi haberet exemplar, nec facile in vulgus proderet. Res isti anno et sex mensibus transit, donec supradicta interpretatio de scriniis ejus novo præstigio Hierosolymam commigravit. Nam quidam pseudomonachus, vel accepta pecunia (nam perspicue intelligi datur), vel gratuita malitia, ut incassum corruptor nititur persuadere, compilatis chartis ejus, et sumptibus, Judas factus est proditor : deditque adversariis latundem contra me occasionem, ut inler imperitos concionarentur, me falsarium, me verbum non expressisse de verbo : pro honorabili dixisse, carissimum, et maligna interpretatione (quod nefas dictu sit) ἀδίστατον ὡς αὐτῷ

¹ Hier. epist. LXI. — ² Hier. epist. LXII.

³ Psal. XXV. — ⁴ Hier. epist. CI.

των, id est, reverendum auribus omnium, noluisse transferre. Haec et istiusmodi nugæ crimina mea sunt». Ita ipse, qui ea occasione egregiam illam tractationem de optimo genere interpretandi scripsit ad Pammachium anno sequenti : qua cum in primis se purget ab illata calumnia, denique aperte docet quoniam fuerint objectorum criminum architecti, cum ait : « Haec non est illius culpa, cujus sub persona alius agit tragœdiam, sed Ruffini et Melaniae magistorum ejus, qui illum magna mercede nihil scire docuerunt » : et in fine : « Excessi mensuram epistolæ, sed non excessi doloris modum : nam qui falsarius vocor, et inter mulierum radios et textrina dilanior, contentus sum crimem abnuere, non referre. Unde arbitrio tuo cuncta permitto, ut legas ipsam epistolam tam græcam, quam latineam, et illico intelliges accusatorum meorum nœnias, et probrosas querelas ». Haec Hieronymus.

23. Sed quam impudens id scelus extiterit, fraudulentè chartas subripere, et quam acres quamque severas leges sæculi vindices haberet, recentè demonstrat exemplo, cum ait ¹ : « Ac primum, antequam de translatione respondeam, volo interrogare eos, qui malitiam, prudentiam vocant. Unde apud vos exemplar epistolæ? Quis dedit? Qua fronte proferitis, quo scelere redemistis? Quid apud homines tutum erit, si ne parietibus quidem, et scriniis nostra possumus secreta celare? Si ante tribunalia iudicium hoc vobis crimen impingerem; reos legibus subjugarem, quæ etiam pro utilitatibus fisci noxiis delatoribus pœnas statuunt, et cum suscipiant proditorem, damnant proditorem. Lucrum videlicet placet, voluntas displicet. Dudum Erychium, virum consularem, contra quem patriarcha Gamaliel gravissimas exercuit inimicitias, Theodosius capite damnavit, quod sollicitato notario, chartas illius invasisset ». Fuit iste Gamaliel Judæorum patriarcha temporibus Theodosii et filiorum; adversus quem Theodosii Junioris rescriptum ² extat. Subdit et de aliis proditoribus exempla a Romanis supplicio affectis, atque addit : « Quod leges publicæ, quod hostes tumentur, quod inter bella et gladios sanctum est, hoc nobis inter monachos et sacerdotes Christi intutum fuit. Et audet quidam ex eis, adducto supercilio, et concrepantibus digitis, eruclare, et dicere : Quid enim si redemisti, si sollicitavit? fecit quod sibi proffit. Mira sceleris defensio, quasi non et latrones, et fures, et piratæ faciant, quod sibi prodest ». Haec et alia plura in sui defensionem et adversariorum accusationem forti vehementer ingerit oratione. Quod vero de Erychio viro consulari, ultimo damnato supplicio, ingerit, et de scriptis Judæorum ab eo subreptis, ad id plane pertinere existimo, quod Theodosius hoc anno adversum injuriam irrogantes Judæis, conventus illorum prohibentes, vel synagogas diripere vel destruere tentantes, ad comitem Orientis Illi kalendas Octobris rescriptum dedit ³.

24. *Ruffini, Melaniae et Didymi lapsus in Origenis errores.* — Jam vides, lector (quod non sine immenso animi dolore recolimus), quoniam fuerint præcipui Hieronymi adversarii et Origenistarum palroni, Ruffinus scilicet, atque Melania. Proh dolor! tanto totius Catholice Ecclesie scandalo, ita mutatus est in inimicum Hieronymo amicis carissimus ille Ruffinus, cui quam ætatis amicitie vinculis et insolubilibus necessitudinis nexibus ipse Hieronymus adstrictus esset, vel uno saltem illo declarat elogio, cum eundem una cum Melania visitantem Egypti monasteria e solitudine Syriæ litteris invisens, atque salutans, inter alia plurima amoris signa, sic ait ¹ : « Credas mihi, frater, non sic tempestate jactatus portum nauta prospectat : non sic sitientia imbres arva desiderant : non sic curvo assidens littori anxia filium mater expectat; postquam me a tuo latere subito turbo convulsit, postquam glutino charitatis hærentem impia distraxit avulsio, etc. » Quanta enim animi sollicitudine salvum sibi cuperet quod haberet, neve propter absentiam aliquod vel leve saltem pateretur dispendium amicitia, pertimesceret; ad finem illud, quod memoria tenacius retineret, apposuit : « Obsecro te, ne amicum, qui diu quæritur, vix invenitur, difficile servatur, pariter cum oculis mens amittat. Fulgeat, cui libet, aurum et pompaticis ferculis corusca ex sarcinis metalla radient : charitas non potest comparari, dilectio pretium non habet; amicitia quæ desinere potest, vera nunquam fuit ». En quibus ipse circumdat vallis amicum, ne eos, volens licet, transilire absque ignominia nota valeret. Sed secutus alienos Ruffinus infelix, lega vertit amico; merensque transfuga in castris hostium, inde in amicum ac fratrem furens, prodit dux impiorum armatus, nulla prorsus alia causa compulsus, quam, ut adversantes catholice veritati Origenis errores salvos servet atque propugnet : ipsum quidem haud segniter, vel loco novissimo, sed inter primos militasse, Epiphanius dicta epistola ad Joannem indicare videtur, dum inter tot defensores Origenis ipsum tantum nominat, ac bene precatur his verbis ² : « Te autem, frater, liberet Deus, et sanctum populum Christi, qui tibi creditus est, et omnes fratres qui tecum sunt, et maxime Ruffinum presbyterum, ab hæresi Origenis et ab aliis hæresibus et perditione eorum ». Haec Epiphanius.

25. Sed majori me dolore sauciat, angore cruciat, atque mœrore consternit Melaniae acerbissimus casus. Hæcine vidua illa clarissima, ornamentum Romanarum feminarum, decus summum Christianorum, vivumque exemplar christianæ philosophiæ, quæ insigne illud Romæ specimen edidit, cum eodem tempore maritum ac duos carissimos liberos siccis penitus oculis sepelivit? cujus incredibilem sanctitatem admiratus prædicans quondam ipse Hieronymus, aliisque imitandam proponens, illa tantæ fiduciæ effatus est verba ³ : « Sancta Me-

¹ Hier. ep. CI. — ² L. XXII. de Judæis. C. Theod. — ³ L. IX. ibid.

¹ Hier. epist. XLI. — ² Hier. epist. LX. — ³ Hier. epist. XXV.

lania nostri temporis inter Christianos vera nobilitas, cum qua tibi Dominus », Paulam alloquitur, « mihi quæ concedat in die sua habere partem, cærente adhuc mariti corpuseulo, et necdum humato, duos simul perdidit filios, etc. » Sed plane, quod subditur in femina gloriosius, cum de victrice omnium Urbe triumphans, superatorem insito a natura unicæ prolis amore, Roma spreta, unico ibi relicto filio, exul mundi, cæli civis, victrix etiam ventorum et fluctuum, ingruente jam hieme (ut ait) Hierosolymam navigavit.

26. Quam ob causam, jure meritoque idem sanctus Hieronymus tantarum rerum admiratione stupens, eam dignam existimavit, ut Theclæ¹ nomine nuncuparet: nobiliorem titulum non inveniens, quo Melaniam decoraret, quam nomen sanctissimæ virginis primogenite Pauli, et primæ martyris inter feminas: utpote quæ Romæ prima omnium clarissimarum mulierum Romanarum, spernendæ pro Christo Urbis, contemnendæ divitias, deserendi filios, petendiquæ Hierosolymam exemplum dedit, ceterisque ad ipsum præstandum, forte aggressa facinus, viam aperuit, cum ipsa prima reliqua Romanas nobiles feminas atgressa, relicta Ægypto, transmissoque mari, in littore Palæstino, terra promissionis, possessione sanctorum, felicior quam Maria in terra deserta, tympanum pulsans pœnitentiæ, præcinnuerit Domino canticum novum, quam aliæ illustres Romanæ femine, veræ redditæ Israelitæ, virgines atque viduæ secutæ, choros ducentes, easdem cum ea concinere Christo vincenti laudes. Sed probata ad aquas contradictionis (o fallaciam incredibilem hostis humani generis!) decepta, superata deficit: tantaque onusta adeo pretiosis mercibus navis (ita namque navi institoris comparatur divino eloquio mulier fortis) in ipso tranquillitatis portu (quis credat?) est passa naufragium, cum incauta in syrtes Origenis impedit; Origenisque sic conspersa falgine, conversa est ex Neomi in Mara, et ex Thecla rediit in Melaniam; a fuscædine ductum nomen infaustum. Ista patitur humana conditio: ut nihil quilibet, dum vivit, vindictæ sibi tutum.

27. Sed quod luctus luctum provocat, et excutit lacrymæ lacrymas: jungatur his funeribus horum malorum omnium auctor infelix Didymus; cujus cum sublimitatem præcedam intueor, profundam voraginem, in quam se præcipitem mersit, vix datur posse deorsum inspicere acutioribus mentis obtutibus. Ille ille ipse (ut dicta superius obiter repetamus) quem Magnus Antonius² Alexandriæ invisens, beatum predicavit, quod licet cæcus esset carnis oculis, mentis tamen illos oculos nactus esset, quos (ut ait) sancti soli et Apostoli memnerunt. Cujus si scientiam spesces, id unum inter alia multa satis in memoriam revocasse, quod ut tunc posset habere magistrum, S. Hieronymus post auditum Gregorium Nazianzenum, et postquam exhi-

buisse se Romæ orbis doctorem, cano jam capite ipsum adiit, peregrinatus Alexandriam. Sed plane accidit, secundum profundum Dei judiciorum abyssum, ut qui ex cæco divino munere intrinsecus videns erat, ob eamque causam ab eodem S. Hieronymo *Videntis* nomine (qui Prophetarum est titulus) fuit appellatus: idem his cæcus evaserit, dum plus homini infelix, quam antiquæ ecclesiasticæ traditioni detulit: dum, inquam, vehementiori quam par erat amore suum prosecutus Origenem, ejus minime vitavit errores, sed privato studio aspidis ova fovit: quibus ab ejus discipulis Evagrio, Isidoro, Rufino atque Palladio ruptis, egressi ex eis sunt reguli, moribus ipsos primum dilacerantes, postea vero diu multumque longe lateque serpentes Dei Ecclesiam infestarunt fœtibus multiplicatis, prognatis nimirum ex iisdem postea Pelagianis. Apertissimum namque Origenis propugnaculum fuisse Didymum, S. Hieronymus in Rufinum sæpe postea declamavit: sed ita comparatum illum fuisse, ut pro ratione audientis sciret propinare doctrinam, idem affirmat, cum hæc ait³: « Extat liber Didymi ad te; quo seiscitanti tibi respondit », de infantibus scilicet cito ex hac vita sublati, « non eos multa peccasse », antequam videlicet animæ eorum immergerentur in corpora: « et ideo corporum carceres tantum ejus tetigisse sufficere. Magister meus et tuus eo tempore, quo tu ab eo ista quærebas, tres explanationum in Osee prophetam libros ad me, me rogante, dictavit, ex quo apparet, quid me, quid te docuerit. » Hæc ipse, quibus videas ex duplicis oris magistro errorum tenebras nonnisi filiis tenebrarum clandestine et furtive esse communicatas: cum e contra pura gaudens luce veritas, ut lucerna super candelabrum posita, pari fulgore acque omnes illustrare consueverit.

28. Propagasse autem ætatem Didymum ad hæc saltem tempora, ex eo possumus intelligere, quod S. Hieronymus, qui anno superiori (ut dictum est) librum scripsit *De scriptoribus ecclesiasticis*, eum tum fuisse superstitem tradit, annum excedentem ætatis octogesimum tertium; qui et editos ab eo commentarios ita recenset⁴: « Didymus Alexandrinus, captus a parva ætate oculis, et ob id elementorum quoque ignarus, tantum miraculum sui omnibus præbuit, ut dialecticam quoque et geometriam, quæ vel maxime visu indigent, usque ad perfectum didicerit. Is plura opera et nobilia conscripsit, commentarios in Psalmos omnes, commentarios in Evangelium Matthæi et Joannis, et de Dogmatibus, et contra Arianos libros duos, et de Spiritu sancto librum unum, quem ego in latinum verbi; in Isaiam tomos decem et octo; in Osee, ad me scribens Commentariorum libros tres, et in Zachariam meo rogatu libros quinque, Commentarios in Job, et infinita alia, quæ digerere, proprii indicis est. Vivit usque hodie, et octogesimum tertium ætatis excessit annum ». Illicusque de Didymo S.

¹ Hier. in Chronic. — ² Hier. epist. XXXIII.

³ Hier. adv. Iulii. Apolog. — ⁴ Hier. de Scrip. Eccl. in Didym.

Hieronymus: sed meritam omnium pæne mercedum jacturam fecit, qui naufragium est passus in fide: etenim constat, vix commentarium de Spiritu sancto et in epistolas canonicas expositiones reliqua esse ex tot tantisque ab eo commentariis elaboratis.

29. Alius vero ejusdem nominis claruit inter anachoretas Ægypti Didymus sanctitate clarus; de quo ista Evagrius¹: « Vidimus inter eos quendam ex senioribus virum bonum, nomine Didymum, in quo multa erat Domini gratia, quam in eo etiam vultus ipse indicabat: hic scorpiones, et cerastas, id est, bestias quas cornutas vocant, et angues, qui in illis locis præ fervore solis acerrimi habentur, tanquam terre quosdam vermiculos pedibus conculcabat, et ita exstinguebat, ut nihil ab eis omnino pateretur ». Hæc ipse meminit etiam Socrates² de Didymo monacho annorum nonaginta quinque, solitariam vitam agente: extitit hic plane felicitur illo, de quo agit Didymo Alexandrino; qui sui jactura omnes pios certo quidem exemplo docuit, traditionibus Ecclesie potissimum imitandum, nec illis quamvis doctrina insignem hominem preferendum; ut illud Pauli semper in omnium mente oreque versetur³: « O Timothee, depositum custodi; profanas vocum novitates devita ».

30. *Adversarii S. Hieronymi.* — Sed deploratis infelicitum lapsibus, ad S. Hieronymum redeamus; qui cum adversariorum jaculis esset undique impetit, plane accidit ut ejus hostes experirentur eundem adversarium acerbissimum: indeque factum est, ut cum lucubrationibus ipsius aperte appeterebant, fidem in eum acris insurgentes impetum facerent, limisque inspicere oculis ejus scripta et canino dente corroderent; conqueritur enim ipse de his sæpius. Quinam autem hi fuerint, ex multis vix paucos licet enumerare: et ut omittamus dicere de Joanne atque Rufino, qui perpetuo illi indixerunt bellum, fuit ex his monachus quidam juvenis Romæ versatus, idemque nonnihil Joviniani hæresis suspectus, prout idem ipse Hieronymus testatur in Apologetico ad Domnionem⁴, de quo superius. Sed et Bonosus Segestanus Romæ iidem factus est vehemens Hieronymi obtrektor, quod se existimaret litteris Hieronymi, quibus in vitia invecus est Urbis clericorum, ab eo ipsum sibi male conscium suggillatum⁵: qua pariter ratione pars reliqua illa deterior Romani cleri, quæ videretur ejusdem Hieronymi scriptis infamata, crebris eum solita fuit⁶ impetere maledictis: adeo autem frequens tum horum tum aliorum fuit turba in Hieronymum obloquuntur et obtrektantium, ut vix ediderit scriptum aliquod, in quo non opus fuerit pro se texere Apologiam, et in alios invectivam: quod ipse cum pluribus locis, tum præcipue in Præfatione in Michæam prophetam testatur, cum ait⁷: « Semper invidis respondemus (quia non cessat invidia), et librorum

nostrorum exordia amulorum maledicta confutant, qui vulgo jactant me sterilis jejuniique sermonis quasdam ineptias scribere, et cum loqui nesciam, tacere non posse »: et post pauca: « Monco tauros pingues, qui circumdederunt me, ut quiescant, et desinant maledicere, malefacta ne noscant sua ». Hæc et alia id genus frequenter habet: ut instar ædificantium templum Dei eidem necesse fuerit, altera manu gladium adversus hostium impetum habere districtum, manu altera stylo uti ad officium ministerii. Sed de his hæcenus.

31. *Theophili Alexandrini episcopi studia contra Origenistas.* — Inter hæc autem, cum Dei Ecclesia (ut vidimus) in Oriente ex Origenis erroribus ita esset exagitata dissidiis; his occurrere studuit Theophilus Alexandrinus episcopus, laboravitque quibus valuit remediis Ecclesie mereri vulneribus; sed demulcendo potius quam pungendo, conatus est dissidentium animos ad pacem allicere: quod tamen Hieronymo atque aliis nonnihil displicuit, ut qui considerarent vulnus illud haud indigere fomentis, sed aperiendum esse ferro, atque ecclesiasticæ severitatis censura curandum. Verum ipse Theophilus sic sibi prudenter visus est agere, si Catholicos ad pacem egeret vigore canonice disciplinæ, ac devotæ lenitate verborum redderet Ecclesie obsequentes. Tradit id quidem tunc fuisse Theophili consilium S. Hieronymus, scripta ad eum epistola, ubi ait¹: « Quod de canonibus ecclesiasticis mones, gratias agimus. Quem enim diligit Dominus, corripit, et flagellat omnem filium quem recipit. Sed tu scito nobis nihil esse antiquius, quam Christi jura servare, nec Patrum transferre terminos, semperque meminisse Romanam fidem apostolico ore laudatum, cujus se esse participem Alexandrina Ecclesia gloriatur. Super nefaria hæresi quod multam patientiam geris, et putas Ecclesie visceribus incubantes, tua posse corrigi lenitate; multis sanctis displices; ne dum paucorum penitentiam præstolaris, nutrias audaciam perditorum, et factio robustior fiat ». Hæc Hieronymus. Porro quod profecturus esset Romam Theophilus, atque abiturum cum eo esse Hieronymum, Joannes episcopus divulgasset²; se non indigere Romam abire, ut cum Ecclesia Romana communicaret, cum absens ei communione sociaretur, ostendit. Verum abieritne Romam Theophilus, incertum est.

32. Sed quid tandem? Opera, puto, ejusdem Theophili episcopi Alexandrini, inita est concordia inter Hieronymum atque Rufinum: et existimare fas est, alios quoque pari federe eidem copulatos, Origenis erroribus silentio condemnatis. At male obducta cicatrix serpente intrinsecus tabo, iterum in ulcus erupit; quod accidit, cum Rufinus Romam rediens, Periarchon Origenis a se translatus edidit una cum erroribus ejus, quibus a se purgatum turpiter mentitus fuit: quando autem id con-

¹ Evagr. Vit. SS. Patr. par. 1. c. 24. — ² Socr. l. iv. c. 48. —

³ 1. Tim. vi. — ⁴ Hier. epist. L4. — ⁵ Hier. epist. c. — ⁶ Hier. præfat. in Didym. de Spir. San. — ⁷ Hier. præfat. in Michæ. l. ii.

¹ Hier. epist. LXVIII. — ² Hier. epist. LXII.

tigerit, suo loco dicturi sumus. Testatur id quidem ipse Hieronymus epistola ad Rufinum scripta¹, de qua suo loco dicendum; quo tempore et Origenistas damnatos fuisse atque ejectos, pariter demonstrabimus.

33. *Concilium Hipponense.* — Hoc eodem anno, Hippone regio in Africa celebratum est Concilium generale ex totius Africae provinciae collectis episcopis: ejus Synodi plerisque in locis sparsa mentio reperitur. Nam quod in primis ad tempus spectat, in collectione canonum Africanorum Conciliorum hanc primo loco posita leguntur²: « Gloriosissimo imperatore (seniore) Theodosio semper Augusto tertio et Abundantio viro clarissimo consulibus, octavo idus Octobris, Hippone regio, in secretario basilicæ Pacis, etc. » Quod vero ad sanctos ibi canones attinet, constat ex eis confectum esse brevium: nam ipsorum quadraginta unius capitulorum brevis summa descripta est, quo iidem facilius innotescerent, idque decreto Concilii Carthaginensis postea celebrati, Caesario et Attico consulibus. Habentur iidem canones intexti in Concilio tertio Carthaginensi, sæpeque citantur. Cæterum hujus Hipponensis Concilii celebrandi nullam aliam præcessisse causam professi sunt Patres, quam ut collapsam disciplinam ecclesiasticam in integrum restituerent: quod quidem adeo efficaciter præstiterunt, ut cætera quæ postea in Africa Concilia sunt celebrata, ex Hipponensi, tanquam archetypo quodam, complura fuerint mutata.

34. Mentiuit hujus Concilii Hipponensis Possidius³, et quæ in eo fuerint partes Augustini ita describit: « Per idem tempus coram episcopis hoc illi jubentibus, qui plenarium totius Africae Concilium Hippone agebant, de fide et symbolo presbyter adhuc Augustinus disputavit ». Hæc ipse: « Mentiuit ejusdem tractationis idem Augustinus⁴, cum in ipsa correxisset quod dixerat de resurrectione: « Non jam caro erit et sanguis, sed tantum corpus »: elucidasse voluit quæ dixisset ambigue, ne ea in deteriore sensum ad adstruendam suam ipsorum hæresim ab Origenistis usurpari potuissent, de quorum errore paulo superius actum est. Porro eam disputationem ipse Augustinus in librum convertit, id ipsum postulantis compluribus, qui aderant, et a quibus diligebatur, episcopis. Cum vero adeo præclarum specimen de se eo conventu coram Patribus Augustinus ediderit, ob idque eum enperent omnes: Valerius invidiam patiebatur, quod sibi adscivisset eum in presbyterum Hipponensis Ecclesie; qui timens pariter ne tam nobilis Christi ministri dispendium faceret, et adsciscendus ab aliis esset in alicujus vacantis sedis episcopum, cogitare cepit de subrogando eum sibi adhuc viventi antistitem coadjutorem, futurum postea successorem: testatur id quidem Possidius⁵. Contulit ipse tunc totum id cum

Aurelio episcopo Carthaginensi; atque tandem postea, cum sibi opportunum visum est, perfecit quod mente conceperat, idque post annum: agemus ea de re pluribus suo loco: hæc autem modo occasione Concilii Hipponensis, in quo Augustinus omnibus totius Africae episcopis manifestus, quantusque esset, innotuit.

35. *Adversus Eugenium tyrannum bellicus Theodosii apparatus, ejusque clementia.* — Hoc item anno renuntiato (ut dictum est) Honorio imperatore, relictoque cum eo Arcadio Augusto Constantinopoli, ipse Theodosius adversus Eugenium tyrannum Occidentale imperium occupantem, expeditionem parat: « Quem », inquit Socrates¹, « plurimi barbari trans Istrum incolentes sua sponte ad auxilium ei contra tyrannum ferendum secuti sunt ». Cæterum Theodosius doctus exemplo, pietate magis quam armis hostes debellari solere, in eo præcipue innitendum esse putavit, ut Deum sibi sanctis operibus sanctorumque precibus conciliaret, illud Davidicum occinens²: « In Deo faciemus virtutem, et ipse ad nihilum deducet tribulantes nos »: probe sciens, Deo duce, Cyrus³ dorsa regum retrorsum convertisse, superbos terræ humiliasse, portas æreas contrivisse, confregisseque vectes portarum ferreos. Sic igitur compositus animo, primum omnium futuri belli eventum non magicis explorat præstigiis, nec oraculorum responsis quærit ambiguis (hæc enim omnia sanctis legibus, ne quis faceret, omnino proscripta), sed Deum optimum maximum per servos suos, quid de futuro belli eventu prædiceret, consulendum putavit. Quamobrem legatos mittit ad celeberrimum vatem illum in eremo latitantem Joannem anachoretam, cujus in futuris eventis explorandis virtutem satis perspectam habuit ex superiori bello huic non impari adversus tyrannum Maximum gesto. Quæ autem ille divino afflatus spiritu responderit, Rufinus tradit, qui hæc ait⁴: « Theodosius nihilo segnius inflammatus ad ultionem, arma contra Eugenium, qui in locum defuncti substitutus est, corripit, primo Dei voluntatem per Joannem monachum, de quo supra memoravimus, seiscitatus. Tum ille, qui primam de Maximo ei victoriam prædixerat incruentam, etiam hanc licet non absque plurima utriusque sanguinis inundatione promittit ». Hæc ipse. Porro hæc ad Joannem legatione functum esse Eutropium, qui sub Arcadio post Rufinum rexit imperium, Sozomenus⁵ auctor est. At vero non de futuro exitu belli tantum vaticinatum esse Joannem, sed et post obtentam victoriam, proximum fore propalasse obitum ipsius Theodosii imperatoris, Evagrius tradit⁶, Theodoretusque id ipsum affirmat⁷. At post hæc Rufinus subdit ista etiam de bellico apparatu:

36. « Igitur preparatur ad bellum non tam armorum telorumque, quam jejuniorum orationum-

¹ Hier. epist. LXVI. — ² Tom. I, Concil. in exord. Concil. Afric. edit. vet. — ³ Possid. Vita S. Aug. c. 7. — ⁴ Aug. Retract. l. I. c. 17. — ⁵ Possid. Vita S. August. c. 8.

¹ Socrat. l. v. c. 24. — ² Psal. LIX. — ³ Isa. XLV. — ⁴ Rufin. l. II. c. 32. — ⁵ Sozo. l. VII. c. 22. — ⁶ Evag. Vit. SS. Patr. c. I. — ⁷ Theod. l. v. c. 24.

que subsidiis : nec tam excubiarum vigiliis, quam obsecrationum pernoctatione munitus circumibat cum sacerdotibus ac populo omnia orationum loca, aule martyrum, et Apostolorum thecas jacebat cilicio prostratus, et auxilium sibi fida sanctorum intercessione poscebat ». Hæc de Theodosio pio apparatus Ruffinus tradit, qui hoc ferme tempore ista scribebat. Addit Cedrenus, sed quo auctore, nescimus, Theodosium incognitum alieno habitu ea ex causa esse peregrinatum Hierosolymam ad sancta inviscenda loca, quo facilius Dei auxilium promereret; eundemque divino monitu cognitum a Joanne ejus sedis episcopo. At hæc Cedreni ignoravere majores : quæ si explorata habuissent, minime reliquissent obvoluta silentio.

37. Qualisnam autem Eugenii tyranni ad idem bellum fuerit apparatus, ex eodem Ruffino possumus intelligere, cum ista subdit¹ : « At Pagani, qui errores suos novis semper erroribus animant, innovare sacrificia, et Romam funestis victimis cruentare, inspicere exta pecudum, et ex fibrarum præscientia securam Eugenio victoriam nuntiare, superstitiosius hæc agente et cum omni animositate Flaviano tunc præfecto; cujus assertionibus (magna enim erat ejus in sapientia prærogativa) Eugenium victorem fore pro certo præsumperant ». Hæc ipse. Erat quidem christianus Eugenius, ut ex sancti Ambrosii ad eum scripta epistola potest intelligi : cæterum ut qui in gratiam christianorum principum eandem religionem sectatus esset, haud eam ex animo coluit, utpote qui foris præ se ferret christianum, intus paganum gereret; et cum posset absque arbitris, quæ deorum gentilium essent, sacra ageret : unde factum est, ut Gentilium omnium senatorum animos sibi conciliavit, eosdemque fautores ad ambiendum imperium nactus sit. Quem vero exitum res habuerint, dicturi sumus anno sequenti, quo ambo exercitus manus conseruere. Prosequamur jam reliqua a Theodosio hoc anno sancte pieque gesta, quibus ad id quod parabatur hoc anno bellum, divinum sibi numen propitium reddidit. Inter alia autem digna memoria illud plane fuit, quo magnam excitavit admirationem, et summam concitavit sibi laudem, dum quo tempore ad immensas bellorum expensas conseruaverat reges indicere nova tributa populis sibi subditis (quod et ipse ante in belli apparatu adversus Maximum fecerat, cum ea de causa populus Antiochenus impatiens oneris, in rem fœdam, quam recensuimus, prolapsus est), ipse Theodosius modo non ab his tantum abstinuit, ut novas exactiones inferret; sed recens indictum a præfecto prætorio Tatiano ante biennium consule, novo dato rescripto, omnino remisit. Extat de ejusmodi Theodosii temperantia et digna christiano principe munificentia ipsum rescriptum hoc ipso anno datum ad Ruffinum agentem præfectum prætorio his scilicet verbis² :

38. « *Ærariæ præstationis adjectio, quam citra*

priscam consuetudinem provincialium humeris Tatianus imposuit, a cunctis penitus salubri moderatione removenda est. Dat. pridie id. Junii Constantinopoli, Theodosio Aug. III et Abundantio coss. » Ex his plane intelligis esse corrigendum Sozomenum dicentem, Theodosium in hac expeditione paranda adversus Eugenium, novum indixisse tributum, cujus causa tumultuatus fuerit populus Antiochenus : sed id contigisse in expeditione belli adversus Maximum, satis perspicue superius est demonstratum, ut nullo modo revocari possit in dubium.

39. Quod rursus ad hanc rem spectat, illud etiam augustæ munificentiae hoc anno Theodosius specimen edidit, cum illata in fiscum bona reorum tempore præfecturæ prætorii dicti superius Tatiani, vel ipsis reis, vel ipsorum conjunctis restituenda mandavit, gemino ea de re dato rescripto, cum primum ad eundem qui supra Ruffinum præfectum prætorii ita rescripsit¹ :

« Omnia proscriptorum bona quæ fisco jusserat Tatianus adnecti, vel ipsis qui propriam nuditatem, vel illis qui suorum mortem in extrema positi egestate lugent, sine dubitationis obstaculo reddi præcipimus. Dat. prid. id. Junii Constantinopoli, Theodosio Aug. III et Abundantio V. C. coss. » Rescripsit idem imperator eadem ad Drepanium comitem rerum privatarum, illud quoque addens, ut eadem bona, licet aliis donata fuissent, nihilominus redderentur; sic enim rescriptum se habet² :

40. « Omnia proscriptorum bona, quæ fisci nomine singulis quibusque Tatianus eripuit, vel ipsis, qui gladio acerbiorum styli passi, ærumnas suas nuditate fleverunt, vel eorum filiis ac propinquis, qui cruentas exceperunt sententias, restitui mox jubemus : ita ut omnes, qui aliquid ex hujusmodi bonis nostra liberalitate meruerunt, restituere adepta cogantur. Dat. prid. id. Jun. Constantinopoli, Theodosio A. III et Abundantio coss. » Hæc rogo, attendant, qui in bellico apparatu non largitionibus et elemosynis preces pauperum sibi conciliant, sed eorum luctu ex acerbioribus exactionibus et clamoribus Deum contra se provocant, et infensum penitus reddunt, secundum illud David dicentis³ : « Propter miseriam inopum et gemitum pauperum, nunc exurgam, dicit Dominus » : cum interdum contingat ea ipsos subditos pati a suis principibus, quæ nec ab hostibus forent aliquando expurturi. Unde accidit, ut quantumlibet belli justa causa præcesserit, illud tamen triste Dominus effari cogatur indignans⁴ : « Neque consolabor super hostibus meis » : cum scilicet cogitur (ut ita dicam) Deus invitus in suos arma convertere; quæ in hostes exaceruat justus zelus. Sed ad Theodosium redeamus.

41. Hæc cum ipse (ut vidimus) mense Junii statuisset; paulo post, nempe sequenti mense, quæque optima mente agitans, ne quid indignum, quo di-

¹ Ruffin. l. II. c. 33. — ² L. XIII. de annon. et tribut. C. Theod.

³ L. XII. de bonis proscript. C. Theod. — ⁴ L. XIII. eod. tit. C. Theod. — ⁵ Ps. XI. — ⁶ Isa. I.

vina provocaretur vindicta, milites perpetrarent licentia militari; quo eos intra fines modestiae contineret, haec primum rescripsit ad comites utriusque militiae ¹:

« Nemo militans a suo hospite salgami aliquod nomine postulet, id est, ne lignum, aut oleum, culcitraeve poscantur. Dat. IV kal. Aug. Constantinopol., Theodosio A. III et Abundantio V. C. coss. » Vetuit etiam pro annonariis speciebus exigere ² pretium, et in eos qui ditiorum sibi procurarent hospitia, ista sancivit ³:

« Si quis mensorum nostrorum manu, qua deputatis singulis quibusque domus enotant, et postibus hospitaturi nomen adscribunt, delere non dubitaverit; ad instar falsi reus ex hac auctoritate teneatur. Dat. VI kalend. Novembris Constantinop., Aug. III et Abundantio V. C. coss. »

42. Quæ vero idem hoc eodem anno, mense Augusti, christiano maxime pio digna sanciverit, ex his accipe quæ ad Ruffinum præfectum prætorio in hæc verba rescripsit ⁴, quibus admireris Magnum Theodosium in sago militari summe philosophantem:

« Si quis modestiæ nescins et pudoris ignarus, improbo petulantique maledicto nomina nostra crediderit lacescenda, ac temulentia turbulentus obtrektor temporum fuerit: cum pæne nolumus subjugari, neque durum aliquid nec asperum sustinere. Quoniam si id ex levitate processerit, contemnendum est: si ex insaniam, miseratione dignissimum: si ab injuria, remittendum. Unde integris omnibus, ad nostram scientiam referatur; ut ex personis hominum dicta pensemus, et utrum prætermitti, an exquiri debeat, censeamus. Dat. V. id. Aug. Constantinop., Theodosio A. III et Abundantio V. C. coss. » Admirare, lector, imperatoris cum pietate prudentiam, dum cum ipse videtur severitatis solvere disciplinam, tunc magis eam fibula edite legis adstringit. Etenim quem putas ista percipientem voce præconis, vel in alia prætoris aut in foro legentem, non continuo summa erga suum principem charitate propensorem redditum? vel si alias pravo in eum esset commotus animo, nonne qualibet graviore pœna supplicium illud fuisset sibi existimandum, quod quicquid in principem oblocutus ipse fuisset, ad ejus perverturnum anres certo sciret? Sic igitur ea edita sanctione christiano principe digna, ita conciliavit sibi animos omnium, ut tamen eorum, qui odium imbibissent, acriori freno audaciam coercuerit, cum scirent, quod si in maledicta prorumperent, fore ea principi manifesta; in hunc plane modum optime consulens et christianæ mansuetudini et imperatoriae majestati. His itaque præviis sanctissimis legibus, aliisque piis operibus, idem Theodosius imperator ad sequentis anni aspiciendum bellum certam sibi stravit ad victoriam

viam: quam (ut suo loco dicemus) feliciter consecutus est, ante clementia certans, quam armis decerneret.

34. Prædicata quidem fuit in christiano principe inter alias egregias virtutes clementia ab exteris etiam hominibus, et admirationem haud modicam attulit, atque inter alios Themistio gentili philosopho, qui cum virtutem in Theodosio plurimum celebravit: quem exæquandum prædicat hac ex parte ipsi Deo optimo maximo, ceteros principes quantumlibet nomine celebres superantem: ipse enim ubi pro concione damnavit Alexandri Magni trucem animum, et ex vino truculentiores solitum reddi, quo etiam probos e medio sustulit, ad Theodosium conversus: « Tu, inquit, optime rex, nequaquam; quin improbis largiris veniam: atque id ut probis gratificareris, eos dimittis incolumes et indemnatos, qui stulta ac vana locuti sunt, tantum eos quibus tristia somnia obtigerint: atque ita ad præclaram virtutum omnium clementiam quam facillime impelleris; quia Dei quam simillimus, et divine ejusdem naturæ participes esse videris ». Haec Themistius magni nominis a temporibus Constantii imperatoris in orbe philosophi, qui et sub Theodosio provecta admodum senectute vixit; et a Theodosio, licet ethnicus esset, magna aestimatione habitus: etenim (ut ipse testatur) profecturus Constantinopoli Theodosius in Occidentem Arcadium filium eidem commendavit.

44. *Peregrinatio Alipii Hierosolymam.* — Hoc eodem anno Alipius Tagastensis, Augustini in vitæ instituto collega, Hierosolymam profectus inivit S. Hieronymum: cui cum multa de ejusdem Augustini vitæ sanctitate atque doctrina fecisset, sequester exiit, ut inter utrumque amicitiae vinculum strictius neceretur. Docent hæc litteræ ejusdem Augustini postea scripte per Profuturum. Puto tunc per eundem Alipium innotuisse Augustino commentarium ab ipso Hieronymo elucubratum *De scriptoribus ecclesiasticis*, cujus in dicta epistola per Profuturum missa ipse meminit Augustinus. Ubi vero in Africam Alipius reversus est, hand multo post creatur episcopus Tagastensis, ante scilicet, quam Augustinus per ipsum Profuturum ad Hieronymum scriberet: nam in ipso litterarum exordio ita habet ¹: Nunquam æque quisquam tam facile cuilibet facie innotuit, quam mihi tuorum in Domino studiorum quieti lætitia, et vere exercitatio liberalis. Quanquam ego percipiam omnino te nosse, tamen exiguum quiddam tui minus habeo, præsentiam videlicet corporis: quam ipsam etiam posteaquam te beatissimus nunc episcopus, tunc vero jam episcopatu dignus frater Alipius vidit, remeansque a me visus est, negare non possum magna ex parte mihi esse relatu ejus impressam; et ante redditum, cum te ille ibi videbat, et ego videbam, sed oculis ejus: non enim animo me atque illum, sed corpore duos, qui noverit, dixerit, concordia dun-

¹ L. III. de salgam. C. Theod. — ² L. XVIII. XIX. XX. de erog. milit. annon. C. Theod. — ³ L. IV. de metat. C. Theod. — ⁴ L. I. siquis maled. sup. C. Theod.

¹ Aug. ep. VIII. et apud Hier. ep. LXXXVI.

taxat et familiaritate fidissima, non meritis, quibus ille antecellit ».

45. Cæterum ubi hæc sequenti anno post creatum Alipium episcopum scriberet Augustinus, Hieronymus cum prævenit epistola, qua inter alia eundem Augustinum admonuit de cavendis in Origenis lectione ejus erroribus: significat hæc idem ipse Augustinus in secunda epistola ad illum scripta¹. Quod autem S. Hieronymus ipsum ista monuerit, non alia de causa factum puto, nisi quod cum Alipii Hierosolymam advenit tunc contigerit, cum excitatè nuper controversiæ Hierosolymis inter Hieronymum et Euphrasium altera ex parte, ex altera vero Joannem Hierosolymitanum episcopum, Rufinum, Isidorum, Palladium, Melaniam et alios versarentur; ne Augustinus relatione Alipii de omnibus certior redditus, adversariæ partis fortasse defensor insurgeret.

46. Certe quidem subodorari mihi videor, tantos viros, penes quos summa rerum Hierosolymis esset, nempe Joannem ejus civitatis episcopum, et una cum Melania Rufinum (ut moris est rectis dogmatibus adversantium, in eorum propugnatores acerrime invehi, calumniis lacerare, ac proscindere contumeliis) adversus Hieronymum aliqua Alipii auribus iususurasse, eademque ipsum in Africam redeuntem Augustino narrasse: quibus ipse nonnihil permotus, paulo licentior primis litteris ad Hieronymum scriptis, licet retenta pace et concordia atque amicitiae vinculo, quo se profitebatur adstrictum, a reprehensione scriptorum illius aggressus sit, dum illa Profuturo data epistola, Hieronymi scripta carpit²: sed in quibusnam; hæc suo tempore, quo epistola scripta probatur, aperiemus: hic satis modo egisse de peregrinatione Alipii Hierosolymam, ex qua sicut amicitiae inter utrumque prima jacta sunt semina, ita altercationis sparsa, fomitem suppeditantibus Origenistis.

47. *Hieronymi lucubratio De vita clericorum.* — At tandem hujus anni periodum claudamus tractatione lucubrationis ejusdem S. Hieronymi ad Nepotianum sancti Heliodori nepotem, *De vita clericorum* inscriptæ; hoc enim anno ipsam elaboratam fuisse, inde colliges, quod idem sanctus Hieronymus in ejus libelli fine dicat³: « Coegisti me, Nepotiane carissime, lapidato jam virginitatis libello, quem sanctæ Eustochiæ Romæ scripseram, post annos decem rursus Bethlehæm ora reserare, et confodiendum me linguis omnium prodere, etc. » Quod scilicet sicut in illo pravos clericorum mores suggillavit, ita in isto vitæ clericalis omnes recensendo numeros, qui ab eis essent extorres, reprehensionis nota viderentur iusti. Quod vero ait, post decennium a tempore illo, quo ad Eustochium *De*

virginitatis custodia libellum scripsit, eum ad Nepotianum scripsisse tractatum; si tempus enumeres, ad hunc ipsum annum lucubrationem illam ad Nepotianum editam referre necesse erit. Exquisierat eam crebris epistolis a Hieronymo Nepotianus, qui relicta sacri militiæ, in qua clarus apud imperatorem vigeat, vitæ se clericali addixerat: de his enim in ejus epitaphio ita Hieronymus¹: « Quoties ille transmarinis epistolis deprecatus est, ut aliqui ad se scriberem? quoties nocturnum de Evangelio² petitorum et interpellatricem duri iudicis mihi viduam exhibuit? Cumque ego silentio magis quam litteris denegarem, et pudore reticentis pudorem suffunderem postulantis; avunculum mihi opposuit precatorem, qui et liberius pro alio peteret, et pro reverentia sacerdotii facilius impetraret ». Quanti autem libellum illum fecerit, et ex eo profecerit Nepotianus, idem Hieronymus hæc subdus indicat: « Feci ergo quod volui, et brevi libello amicitias nostras æternæ memoriæ consecravi. Quo suscepto, Cræsi opes et Darii divitias se vicisse jactabat: illum oculis, illum manibus, illum sinu, illum ore tenebat: cumque in strato frequenter evolveret; super pectus soporati dulcis pagina decidebat, etc. »

48. Quod vero inter alias admonitiones (quod ad antiquum usum pertinet) de clericorum vestitu illa addidit: « Vestes pullas æque devita ut candidas »: æque nos admonemur clericorum dignum habitum nequaquam olim pulli fuisse coloris, qui vestium monachorum peculiaris erat: nam in epitaphio S. Marcellæ, et alia ad Marcellam³ epistola, necnon contra Jovinianum idem non obscure significat, pulli coloris fuisse habitum monachorum. Cum igitur neque pullus neque candidus color clericis congruere videretur, possumus intelligere castaneum colorem, necnon violaceum in Ecclesia Catholica antiquo usu receptum, retentumque usque hodie ab eis qui familiæ sunt summi pontificis, necnon ab alumnis Romanæ Ecclesiæ seminarii, et aliis: ut omittamus episcopos, illis exceptis, qui ex claustralium ordinibus ad eam promoti sunt dignitatem. Irrepisse autem color niger in clerum videtur, cum et monachismus (ut dictum est superius) in nonnullis ecclesiis a clericis receptus est, et ex monachis episcopi creati sunt; reliquos autem clericos alio usos esse colorem, ut distinguerentur etiam a laicis, qui incedebant atrati, superius diximus. Si de coloribus gentilitium consulas antiquitatem, scimus ex Suetonio ab Augusto reprehensos Romanos pullatos, ab eodemque iussos nonnisi albatos in theatro sedere. Cæterum alba ferre vestimenta, his temporibus, peculiare Novatorum fuit, qui se Catharos, nempe mundos, esse jactabant et dici volebant: sed de his alias.

¹ Aug. epist. ix. — ² Aug. ep. viii. et apud Hier. ep. lxxxvii. — ³ Hier. epist. iiii.

¹ Hier. epist. iiii. — ² Luc. xi. — ³ Hier. epist. xxiii.

Anno periodi Græco-Romanæ 5886. — Olymp. 293. an. 4. — Urb. cond. 1446. — æsu Christi 393. — Siricii papæ 10.

— Theodosii 15. Arcadii 11. Honorii 1.

1. *Coss. et quindeccennialia Theodosii.* — Ad num. 1. Coss. *Theodosius Aug. III.* et *Abundantius Orient.*, ut ex iis, quæ anno cccxcv dicam, manifestum fiet. Consulatus Theodosii juxta secundam consulatum Caesarum regulam : *quindeccennialia* enim exhibuit.

2. *Honorius Aug. creatur.* — *Honorius IV* idus Januar. a Theodosio patre Augustus nuncupatus, ut Socrates et Miscella docent. Sed quoad diem, Petavius lib. 43 de Doct. Temp. et Hermantius in Vita S. Ambrosii lib. 8, cap. 5, Socratem deceptum putant, remque *mensē Novembri* gestam scribunt, quod Prosper in Chronico tradat, *Honorium* imperatorem factum, cum *hora tertia tenebræ factæ sunt*, quæ verba etiam Marcellinus in Chronico habet. Et quidem, inquit Petavius, sol defecit Novembris xx feria prima : quo die Honorium Augustum esse salutatum, ambos illos Chronologos indicare arbitrator. Sed sine dubio fallitur; eodem enim quarto iduum Januariarum die *Theodosius Junior* postea Augustus dictus, argumento Honorium patrum eo die eandem dignitatem obtinuisse. Nihil itaque aliud Prosper et Marcellinus voluit, quam eo anno, quo Honorius Augustus appellatus, deliquit solis accidisse. Nec refert quod Philostorgius lib. 2, cap. 2, scribat : « Theodosius alteri quidem filiorum Honorio imperatoriam coronam imposuit, tota vero hieme, quæ ad bellum facerent, ipse præparavit. Vere autem illucescente expeditionem paravit adversus tyrannum, et ad Alpes promotus, potitus iis est proditiōe ». Nam Philostorgius de hieme et vere anni insequentis intelligendus; cum leges hoc anno a Theodosio datæ, eæque magno numero et diversis mensibus, Constantinopoli subscriptæ sint. Imo leges anno sequenti a Theodosio Magno emissæ, usque ad finem Maii, eandem subscriptionem habent. Quare recte Marcellinus in Chronico anno sequenti scribit, *Theodosium* adversus *Eugenium tyrannum* properasse. Cæterum Hieronymus quidem in epistola contra Joannem Hierosolymitanum meminit tenebrarum in festo Pentecostes; sed in Pentecosten nunquam incidit, nec plenilunium, nec novilunium; et latitudo lunæ circa hoc tempus in vere plane refragatur, ut observat Calvisius hoc anno in Opere Chronologico. Hæc inauguratio *quindeccennialium* Theodosii indicium.

3. *Origenistæ Catholicos lacescunt.* — Ad num. 9 et seqq. Inter *Origenistas*, alii fuere miti ingenio, alii vero contentiosi, refractarii et cervicosi, veluti qui Theophilo Alexandrino violentas prope manus attulerunt : alii denique dicaces, qui sæpe dieteris et contumeliis Catholicos lacescebant, eosdem appellantes *Pelusiotos*, id est, inquit clarissimus Huetius episcopus Abrincatensis, lib. 2 Origenianorum, cap. 4, tanquam luto immersi, et *curvi in terras ac celestium inanes*; ad vocem *πυλῖος* et nomen Pelusii in Origenistarum Nitriensium, et eorum, qui in Palestina degebant, viciniâ sili, frigidol et scurrili joco alludentes. Hieronymus epistola 64 ad Pammachium, cap. 5 : « Hæ sunt strophæ atque præstigiæ, quibus nos Pelusiotas, et jumenta, et animales homines dicitis, quia non recipimus ea, quæ Spiritus sunt ». Idem habet Hieronymus epist. 65 ad Pammachium, cap. 3. Quare rejicienda hujus vocis explicatio, quæ apud Baronium legitur.

4. *Concilium Hipponense.* — Ad num. 33 et seqq. Breviarium *Synodi Hipponensis* insertum Synodice Carthaginiensis Concilii, sine ulla suppositionis suspicione admittere Baronius et omnes Conciliorum collectores. Verum Schelstratius Bibliothecæ Vaticanæ prefectus in Dissert. 3 de Ecclesia Africana, cap. 6, ubi hanc difficultatem examinavit, existimat, Synodicam, si non supposititiam, saltem interpolatam esse. Primo, quia ea inscribitur episcopis « Numidiæ, Mauritaniæque utriusque, Tripolis, et provinciæ proconsularis », omisa provincia Byzacena; cujus alia ratio afferri non potest, quam quia hæc Synodica ab episcopis *Byzacensis* scripta est ad aliarum provinciarum episcopos, etiam proconsularis, cujus metropolitanus tunc temporis erat *Aurelius*, qui, ut fidem faciunt Acta Africana, per auctorem Concilii vulgo Africani, Dionysium Exiguum, Zonaram, et Balsamonem relata, testatus est in Concilio Carthaginiensi in litteras fratrum Byzacenorum et *Muzonii* a se transmissas, ut ibidem legerentur. Unde sequuntur duo : *Aurelium* imprimis inscriptioni Synodice contra Actorum fidem haberi insertum : *Synodicam* insuper falso præ se ferre titulum Carthaginiensis Concilii; cum sit Byzaceni, ut recte animadvertit in Notis ad Codicem Africanæ Ecclesiæ Justellus. Secundo, quod ipsa Synodica habeat : « Dum in Carthaginiensi urbe conveniremus », cum constet

ex Actis Africanis a memoratis Græcis posteritati consecratis, Synodum hanc habitam fuisse in *Byzacio* metropoli civili provinciae Byzacene, unde Synodica illa ad Carthaginem missa est : « Litteræ fratrum nostrorum ex Byzacio ». Quæ quamvis non de civitate *Byzacii*, sed de provincia Byzacena intelligerentur, adhuc erroneum esset, ipsos in epistola scripsisse, se in Carthaginiensi urbe convenisse, ubi ipsimet attestantur in eadem sua Synodica, Concilium illud provinciae Byzacene fuisse : « Hæc communi Concilio, inquit, per universam provinciam Byzacenam in notitiam cunctis deducendæ censuimus ».

5. *Synodica Concilio Hipponensi falso attributa.* — Tertio, quod ante Breviarium canonum hæc verba legantur : « Concilii Hipponensis abbreviationes factæ in Concilio Carthaginiensi in », cum non solum Acta Africana referant, *Aurelium* in Concilio Carthaginiensi in dixisse, sese Breviarium Hipponensium canonum recepisse a fratribus Byzacenis, sed id ipsum testetur *Muzonius* Byzacii primas in Synodica, de qua agitur, ubi scribit : « Breve vero statutorum huic epistolæ subdi fecimus ». Quarto, quia *Aurelius* iterum subscriptus habetur, qui Synodo Byzacenæ non adfuit, ejusque Synodicae proinde subscribere non potuit, multo minus tanquam Synodicae Concilii Carthaginiensis tertii, in quo de emancipatione statutum fuit canone xiv, quem titulum impostor salvum voluit, et ad pleniorum tractatum reservatum fuisse adjunxit. Omitto

alias Schelstratii conjecturas apud ipsum legendas ; ex quibus concludit, vel *Synodicam Byzacenam* cum subscriptionibus esse interpolatam, vel cum Breviario eidem inserto aliam fuisse, quam quæ post Synodum Carthaginiensem in ex Codice sancti Bavonis exhibetur. Synodus enim ipsa habita fuit : « Imperatore Theodosio Aug. III et Abundantio viris Cl. coss. VIII idus Octobris Hippone regio in Secretario basilicæ Pacis », ut testantur auctor Concilii vulgo Africani, Dionysius Exiguus in Codice canonum, et Acta Africana in græcum translata. Canones Hipponenses docte ibidem Schelstratius explicat.

6. *Theodosius in Constantinopolitanos benefic.* — *Theodosius* suorum quindecennialium occasione, prolixa Constitutione ad Aurelium P. V. emissa, *senatoriarum ordinem*, ut et curialium, variis modis erexit ; simul et civitatum decori consuluit, abrogatis nonnullis, quæ Tatianus hæc parte perperam invexerat. Cujus constitutionis septem vel octo fragmenta in Codice Theodosiano reperiri, observat Gothofredus in ejus Chronologia. Præterea *annonis civicis*, quæ ex Constantini Magni et Constantii instituto gratuite civibus Constantinopolitanis præbebantur, ita consuluit hoc anno, seu indicatione sexta, Theodosius, lege 11 et 12 Cod. Theod. *De annonis civicis*, ut insuper novum canonem seu incrementum in id adjecerit, cxxv diurnorum modiorum frumenti lege 2 Codicis Justiniani *De annonis civilibus*.

SIRICII ANNUS 10. — CHRISTI 394.

1. *In Eugenium tyrannum Theodosius pugnat, debellatumque occidit, hostibusque clementer parcat.* — Nonagesimus quartus supra trecentessimus Christi annus aperitur novis consulibus, iisdemque Augustis, Arcadio tertium et Honorio secundum ; quo Theodosius imperator, sublato Eugenio tyranno, totius Romani imperii monarchia una cum filiis potitus est. Hæc autem quo modo gesta sint, accurate dicenda sunt. Res quidem magna observatione digna, utpote quod non de eo tantum agatur bello, quod de summa totius decernatur imperii ; sed de potentia et veritate alterutrius divini cultus, nempe Christianæ religionis ac genti-

litæ superstitionis, disceptatio peragi videatur ; adnitente nimirum Theodosio undique petitis ex Christiana religione presidii ; adversariis vero (ut dictum est) ex diis gentium indesinentibus sacrificiis, aliisque superstitionis ritibus sibi auxilium comparantibus, qui deorum oraculis de promissa sibi victoria gestiebant. Isti igitur omnem fiduciam collocantes in opulatione deorum, de excipiendo intra Alpium septa adveniente Theodosio cum exercitu consilium inierunt. Ductabant copias impietatis post Eugenium Arbogastes et Flavianus præfectus in Christianam religionem infensus, et cultu deorum nulli secundus. Recedentes hi Medio-

lano cum exercitu, ut Alpium claustra munirent, inquit Paulinus¹, « minati sunt, cum victores revertissent, stabulum se esse facturos in basilica Ecclesiae Mediolanensis, atque clericos sub armis probaturos. Sed miserandi homines cum demonibus suis male creduli sunt, dum aperiant os suum in blasphemiam ad Deum, spem sibi victoriae ademerunt. Causa autem commotionis hæc fuit : quia munera imperatoris Eugenii, qui se sacrilegio commiscuerat, ab Ecclesia respuebantur, nec orandi illi cum Ecclesia societas tribuebatur ». Hæc Paulinus ; cuius testificatione illud etiam certum habetur, revertisse e Tuscia Mediolanum, digresso jam inde Eugenio, S. Ambrosium, ut Theodosium venturum exciperet de tyranno victorem ; cum nihil dubitaret de propitio belli eventu fidelibus, impiis vero funesto. Occupant isti Alpium juga : sed quibus aggeribus muniunt aditus ? deorum simulacris, idolis gentium, nempe (ut Augustinus² ait) simulacris Jovis Fulminis. At quoniam prævio signo ductatur eorundem exercitus ? statua Herculis : hæcque omnia peracta sunt concilio Flaviani, qui de certa victoria jam vulgarat responsa deorum : quibus confisi, Italiae claustra, Julias Alpes tuto præsidio occupantes, Theodosium adventientem expectant.

2. « Illic autem (inquit Sozomenus³) postquam omnia illi instructa essent, quæ ad bellum necessaria erant, Honorium juniorem filium Cæsarem declaravit, quod factum anno superiori alii affirmant ; Arcadium enim jam ante inauguraverat ; utroque autem filio Constantinopoli relicto, propere cum exercitibus ex Oriente ad Occidentales imperii regiones festinabat, sequebaturque ipsum ingens auxilium manus ex barbaris Istris accolis. Fertur autem, quod cum egressus Constantinopoli ad septimum milliare pervenisset, Deo preces nuncupavit in Ecclesia illa, quam in honorem Joannis Baptistæ construxerat : ac petierit, ut expeditionis illius alea tum sibi, tum exercitui suo, tum Romanis omnibus feliciter cederet : et auxiliatorem sibi invocaverit ipsum Baptistam. Hæc igitur precatus, in Italiam contendit ». Prævio⁴ crucis signo, quod micabat in Labaro, præcipui duces hi ducebant exercitum : Timasius⁵, post hunc Stilico maritus Serenæ filie fratris ipsius Theodosii imperatoris : foederatosque barbaros regebant Gainas atque Saulus : sed et Bacurius ex Armenia oriundus parti exercitus enidam præfectus erat : ista ex Zozimo. Sed quod ad Bacurium spectat, erroris arguitur a Ruffino⁶ qui ait eum non Armenum, sed gente Iberum fuisse, Iberorumque regem, apud Theodosium autem domesticorum comitem : cui, inquit, summæ curæ erat religio atque veritas : qui Hierosolymis familiariter cum ipso Ruffino versatus est, eum ageret ibi ducem exercitus limitanei : a quo se accepisse ipse Ruffinus tradit, quam scripsit gentis

Iberorum ad Christum sub Constantino imperatore conversionis historiam, suo loco superius recensitam. Sed et ejusdem Zozimi illi sunt corrigendi errores quibus ait, Theodosium duxisse secum Honorium, et Callam Augustam hoc item tempore esse defunctam, adversantibus ei hujus temporis scriptoribus omnibus.

3. Erat totius virtus exercitus Theodosii signum crucis, quam expavescerent adversariae potestates : erat crux illi munimen et ornamentum effulgens in armis atque militibus signis : qua et suam ipsius munire frontem magis, quam corona ac diademate ornare caput, eidem curæ erat : cum depositis illis, hanc ut christianorum principum regale sertum, summum capitis ornamentum ac tegumentum, superindueret : de quo Chrysostomus¹ : « Ante hæc, inquit, impii et persecutores erant reges : nunc vero ad cælum præferunt pietatem ; et ingredientibus limen ecclesiae deponunt coronam, et crucem Christi depingunt in suis frontibus Theodosius pater et filius Theodosii religione ac pietate insignes ». Hæc ipse. Prudentius agens adversus Symmachum, ipsum Theodosium Romanis his versibus jure compellentem inducit² :

Agnoscas, regina, libens mea signa necesse est,
In quibus effigies crucis aut gemmata refelget,
Aut longis solido ex auro præferat in hastis.

4. In ipso autem procinctu Theodosius, memor pietatis, qua sola sperat parari sibi posse victoriam, novis edictis Christi hostes insectatur hæreticos ; mense enim Aprilis rescripsisse hæc reperitur³ :

« Hæretici neque episcopi faciendi potestatem, neque episcoporum confirmationes licitas habeant. Dat. XVII kalend. Maii Constantinopoli, Arcadio III et Honorio II. A. A. coss. » Sed ista plenius novo rescripto mense Julii ad Ruffinum præfectum prætorio ab Arcadio et Honorio hoc eodem anno postea promulgato repetuntur his verbis⁴ :

« Hæreticorum dementia nec ulterius conetur perpetrare quæ repererit, nec illicita habere concilia ; nusquam profana præcepta vel docere, vel discere : nec Antistites eorundem audeant fidem insinuare, quam non habent, et ministros creare, quod non sunt ; nec per conniventiam judicantium, omniumque quibus per constitutiones paternas super hoc cura mandata est, ejusmodi audacia negligatur et crescat. Dat. VII id. Julii Constantinopoli, Arcadio III et Honorio II. A. A. coss. » Hæc quidem filii imperatores, jussu procul dubio parentis, quem expeditio militaris coegerat rem paucioribus agere.

5. At jam ipsas res bellicas prosequamur. Quomodo autem ipso primo congressu compulerit Theodosius adversarios loco cedere, et juga conscendere montium, Ruffinus⁵ his paucis absolvit : « Ubi veræ

¹ Paulin. in vit. S. Ambros. — ² Aug. de Civit. Dei, l. v. c. 26. — ³ Sozom. l. vii. c. 24. — ⁴ Theod. l. v. c. 24. — ⁵ Zozim. l. iv. — ⁶ Ruffin. l. i. c. 10. et l. ii. c. 33.

¹ Chrysos. hom. iii. in Pentecost. — ² Prud. adv. Symmach. l. i. — ³ L. xxii. de hæret. C. Theod. — ⁴ L. xxiii. C. Theod. eod. — ⁵ Ruffin. l. ii. c. 33.

religionis fœtus auxilio Theodosius Alpium fauces cœpit urgere; primi illi, quibus nequicquam litatæ sunt tot victimæ, de fallaciæ conscientia trepidi dæmones in fugam versi; post etiam magistri horum et doctores errorum, præcipue Flavianus plus pudoris quam sceleris reus, cum potuisset evadere, eruditus admodum vir irereri se mortem pro errore justius, quam pro crimine iudicavit: cæteri vero instruunt aciem, et colloctis in superiori iugo insidiis, ipsi pugnam in descensu montis expectant». Hæc isto modo Rufinus, cui consentiunt scripta a Zozimo, dum ait¹: «Alpium præter omnem spem potitus, ad hostes accessit, inopinato adventu Eugenio terrore». Theodoretus² reliqua fusius prosecutus, tradit primo congressu Theodosium posteriores tulisse; quod et Zozimus³ narrat his verbis.

6. «Cæterum præstare ratus Theodosius, ut legiones barbaras in adversos immitteret, iisque primum periclitaretur, Gaiem cum nationibus sibi subditis hostem aggredi jussit, sequentibus hunc aliis ducibus, quicumque barbaricis omnibus, equitibus, inquam, et sagittariis equestribus et pediatui præerant. Adversus hos cum suos produxisset Eugenius, omnibusque copiis congressi jam essent exercitus; ipso prælii tempore talis defectus solis accidit, ut majori spatio nox esse potius quam dies existimaretur. Cumque nocturnam quodammodo pugnam exercitus pugnarent, tanta strages hominum edita fuit, ut eo die major pars fœderatorum Theodosii principis interficeretur, una cum Bacurio duce, qui ante suos fortissime se periculis objecit: cæteri præter opinionem fuga cum residuis evadebant. Igitur ubi noctis interventus se recollectissent exercitus; ob victoriam elatus Eugenius, munera distribuebat in eos qui supra cæteros fortiter sese gesserant; et cœnandi potestatem faciebat, quasi nullum amplius post tantam cladem acceptam prælium futurum esset. His ad epulas conversis, Theodosius auroram appetentem conspiciatus, universis cum copiis in hostes adhuc humi jacentes irrui, et nihil eorum quæ perpeterentur animadvertentes, occidit, etc.» Ista de bello Zozimus; quæ non ut probemus; sed ut confutemus, recensuisse volumus. Callido quippe consilio ethnicus scriptor, quod sciret victoriam Theodosii in deorum ignominiam et gloriam Christi cedere, quam negare non potuit, sic obscuravit ut non Christi virtuti atque pietati Theodosii adscribenda esset, sed potius Eugenii oscitantia parta esse dici deberet.

7. Sed quem trium errorum hæc ipsa narratione nuper arguimus, restat ut in his quoque magnopere errasse monstremus: ac primum quod ait de solis eclipsi eo ipso tempore hoc anno facta, quam constat testificatione Prosperi⁴ ac Marcellini contigisse sub consulatu Theodosii et Abundantii, anno nimirum superiori, ut superior dictum est.

Verum assertione sancti Hieronymi¹ illud solis deliquium factum esse constat tempore Pentecostes; pugnam autem hanc, omnium consensione, accidisse liquet mense Septembris. Consentiant et tabulæ astronomicæ, quæ nec alium hujus temporis monstrant solis defectum. At vero quod ad obtentam victoriam pertinet; eam quidem non desidia hostium acriter et obstinate pugnantium, sed divinitus fuisse a superis impertitam, manifesto experimento non nostri tantum scriptores affirmant, verum et Zozimo superstitione non impar, sed fide longe superior Claudianus (ut dicemus) aperte testatur, quod et carmine quoque cecinit. Vides, lector, qui semel detrahendi Christianis studio, historiam scribendi munus suscepit, per quam devios feratur anfractus. Porro ipsa pugna a Rufino² ita describitur:

8. «Ubi ad primos ventum est, et illico se legitimo principi tradiderunt, cum cæteris imis vallibus deprehensis conflictus acerrimus geritur: stetit aliquandiu anceps victoria; fundebantur», ex parte Theodosii scilicet, «auxilia Barbarorum: terga jam hostibus dabant: sed fiebat hoc, non ut Theodosius vinceretur: sed ne per barbaros vincere videretur». Adde et ariana hæresi imbutos homines. «Tum vero», subdit Rufinus, «ille», nempe Theodosius, «ut conversas suorum acies vidit, stans in edita rupe, unde et conspiciere et conspici ab utroque posset exercitu, projectis armis, ad solita se vertit auxilia: et prostratus in conspectu Dei: Tu, inquit, omnipotens Deus, nosti, quia in nomine Christi filii tui, ultionis justæ (ut puto) prælia ista suscepisti: si secus, in me vindica: si vero cum causa probabili et in te confisus huc veni, porrigere dexteram tuis, ne forte dicant Gentiles: Ubi³ est Deus eorum? Quam supplicationem pii principis certi a Deo esse susceptam, hi qui aderant duces, animantur ad eadem, et præcipue Bacurius, vir fide, pietate, virtute et animi et corporis insignis, et qui comes esse et socius Theodosii mereretur, proximos quosque conto, telis, gladio passim sternit, agmina hostium conferta et constipata perumpit: iter per millia ruentium ad ipsum tyrannum, ruptis agminibus, et acervatim fuis stragibus agit. Vix fortasse ab impiis credantur, quæ gesta sunt. Etenim compertum est, quod post illam imperatoris præcem, quam Deo fuderat, ventus ita vehemens exortus est, ut tela hostium in eos qui jecerant retorqueret. Cumque magna vi persistente vento, omne jaculum missum ab hostibus frustaretur, fracto adversariorum animo, seu potius divinitus repulso, Arbogaste duce nequicquam fortiter faciente, Eugenius ante Theodosii pedes victis post terga manibus adducitur; ibique vitæ ejus et certaminis finis fuit. Tum vero religioso principi gloriosior victoria de frustratis opinionibus Paganorum, quam de tyranni interitu fuit, quibus spes vana et falsa divinito minus in interitu contulit pœnæ, quam pudoris servavit in

¹ Zozim. l. iv. — ² Theod. l. v. c. 24. — ³ Zozim. l. iv. —

⁴ Prosp. in Chronic. Marcell. in Chron.

¹ Hier. epist. Lxi. — ² Rufin. l. ii. c. 33. — ³ Ps. cxliii.

vita». Hactenus Ruffinus; eadem quoque Socrates¹ de spectata virtute Bacurii, et de victoriæ miraculo retorquente spicula vento, testatur, hæcque gesta esse octavo idus Septembris affirmat, iisdem qui supra consulis: eadem quoque Sozomenus², qui de quarundam cohortium militum Eugenii super montem agentium, ex quibus clades non modica imminerebat, defectione mox secuta post Theodosii ad Deum preces hæc addit: «Deus enim confestim exaudivit, sicut comprobavit eventus. Siquidem ducēs illorum, qui montis verticem tenebant, missis quibusdam, nuntiarunt, se illi auxilio venturos esse, si quidem apud eum in dignitate futuri sint. Cum igitur nec chartam, nec atramentum petitam reperiret: accepta tabula, quam ex adstantibus quidam forte habebat, assignavit illis præclari ac digni exercitus præfecturam, quam apud ipsum sint consecuturi, si quidem promissa adimpleverint. Quocirca et illi accepta hac conditione, imperatori iunguntur». Qui autem ex adversariis Theodosio præsto fuit, Arbëtio comes extitit, de quo paulo post ex Orosio dicturi sumus.

9. Theodoretus autem his omnibus plura habet, duobusque diebus pugnatum affirmat, sicut Zozi-mus; priorisq; diei certamine fractas fuisse Theodosii exercitus vires tradit, atque ista mox subdit³: «Ibi cum duces dicerent, nimis paucos ad prælium de integro ineundum superesse; hortarenturque ut bellum aliquandiu intermitteret, quo inenunte vere, exercitu collecto hostes multitudine superaret; imperator fidelissimus eorum consilium repudiavit: Nam non committendum est, inquit, ut salutaris crux tantæ arguatur imbecillitatis, Herentisque statuæ tantum virtutis nostro testimonio tribuatur. Quippe ut crux nostrum exercitum, ita illa hostium antecedit. Qua oratione cum tanta in Deo fiducia habita, cum copiæ relictæ et paucæ admodum essent et animis fractæ; sacra æde in vertice montis, ubi castra fecerat, reperia, totam noctem huius universitatis gubernatorem precibus sollicitavit. Sub tempus autem noctis, quo galli cantare solent, somnus eum oppressit. Qui humi stratus, videre sibi visus est duos viros candido vestitu amictos equis albis vehi: qui ipsum bono animo esse, timorem abicere, prima luce arma capere, et exercitum in aciem educere iubent: Nam se auxiliares et velut antesignanos ad eum missos esse, et alterum esse Joannem evangelistam, Philippum apostolum alterum.

10. «Hæc oblata visione, imperator preces fundere non desistit, sed attentiore cogitatione eas Deo adhibet. Eadem quoque visio militi secundum quietem apparuit, qui præfecto suo eam narravit: ille eum deducit ad tribunal militum, tribunus autem ad ducem: dux novi aliquid inde portendit ratus imperatori significat. Tum imperator: Non mea, inquit, causa hæc oblata est visio (ipse namque illis, qui victoriam promiserant, fidem habui), sed ne

quisquam existimaret, me, utpote prælii faciendi cupidum, eam confinissee. Illic igitur militi Deus mei imperii propugnator hanc obtulit visionem, ut mihi eandem narranti certum testimonium daret: nam mihi primum communis omnium Dominus illam ostenderat. Quare omni metu prorsus amoto autesignanos nostros et principes belli gerendi sequamur, atque nemo bellantium multitudine metiatur victoriam: sed eorum potentiam, qui se duces nobis præbent, quisque consideret». Hæc Theodoretus: sed antequam reliqua ab eo tradita prosequamur, hic reddendum est nobile antiquitatis monumentum, quo hæc a Theodoro descripta, antiquo reddita numismate contempleris: extat ipsum quidem aureum prægrande apud virum insignem præclara eruditione, et sincera fide omnibus notum, Fulvium Ursinum.

Vides ibi Theodosii Senioris veram certamque vultus effigiem, ejusque manum dexteram volumine nempe (ut puto) sacro Evangelio munitam, sinistram vero cruce armatam; quibus significetur his armis superasse confidentem diis gentium exercitum: ex adversa vero numismatis facie intueris expresse sacerdotali decoros habitu geminos illos quos in visu vidit Apostolos, Joannem atque Philippum expressos reddi, æque dextra volumen sacrum, sinistra vero crucem gestantes. Habes etiam ex his, lector, inter alia, unde antiquum sacerdotalem habitum discas, simulque tonsuram intelligas, atque palliola humeros ac pectus decore ambientia, vota-que nuncupata atque multiplicata. Sed jam coeptam narrari a Theodoro historiam prosequamur.

11. «Hæc oratione militum animis valde confirmatis, omnes de monte deducit. Tyrannus autem cum videret milites procul a se ad prælium ineundum paratos, ornat exercitum et aciem struit. Ipse vero colle quodam occupato, ait militibus suis, imperatorem jam quasi mori cupientem, et desiderio ex hac vita abundi flagrantem, prælio decertare. Dat igitur mandatum ducibus, ut eum vivum ad se et vinculis constrictum adducerent. Postea vero quam phalanges ordine locatæ erant, satis animadverti poterat, tum quam ingentes hostium copiæ essent, tum quam paucæ eum imperatore in acie jungerentur». Quodiam autem a Theodosio ingressu pugnae signum sit datum, Orosius docet his verbis⁴: «Sciens se esse non solum signo crucis tuendum, sed et victoriam adepturum, signo crucis se munice, signum prælio dedit, ac se in bellum, etiam si nemo sequeretur, victor futurus immisit. Prima autem salus extitit Arbëtio hostilium partium comes; qui cum ignarum imperatorem circumpositis excepisset insidiis, conversus ad reverentiam præsentis Augusti, non solum periculo liberavit, verum etiam instruxit auxilio, etc.» Habet eadem quoque Theodoretus, qui subdit his verbis: «Cum autem tela utrinque conjici cepta sunt, tum antesignani imperatoris», duo nimirum apostoli

¹ Socr. l. v. c. 24. — ² Sozom. l. vii. c. 24. — ³ Theod. l. v. c. 24.

⁴ Oros. l. vii. c. 35.

illi, « vere promissa praeſtitere. Nam ventus violentus e regione hostibus irruens illorum sagittas, jacula, spiculaque in ipsos retorquet, adeo ut nullum teli genus eis adjumento fuerit : neque miles gravis armaturae, neque sagittarius, neque jaculator imperatoris exercitum laedere potuerit. Quin etiam tanta pulveris copia in eorum facies impetu ferebatur, uti palpebras ocludere, et pupillas oculorum ut graviter oppugnatas tegere ac tueri eos coegerit. Imperatoris autem exercitus nullo damno incommodove ex illo turbine accepto ſidentibus animis hostes trucidant. Qui quidem his rebus perspectis, et divino auxilio, quod imperatoris copiis allatum erat, cognito, abjectis armis, veniam ab imperatore supplices petunt. Ille autem flexit animum, et illorum misericordiam capit.

12. « Jubeat denique tyrannum celeriter ad se adduci. Illi igitur propere collem ascendunt, in quo tyrannus ignarus jam rerum gestarum conſidebat. Qui cum eos anhelantes videret, ipsaque anhelitus crebritate adveniendi indicantes celeritatem, victoriae nuntios esse suspicatus est : rogatque num Theodosium, ut illis erat imperatum, vincum adducerent. Cui illi : Non eum, inquit, adducimus ad te, sed te hinc ad eum abducimus : hoc namque dedit in mandatis summus hujus universitatis moderator Deus. Quae cum dixissent, ei e solio erepto vincula injiciunt, adducunt vincum : et qui paulo ante insolenter gloriatus fuerat, captivum ad Theodosium deducunt. Imperator autem primum injuriarum in Valentinianum, et impie occupate tyrannidis eum in memoriam revocat : deinde bellorum contra imperium legitimum ſuſceptorum causa cum irratione reprehendit. Reprehendit etiam statuum Herculis, qua fretus tam audax temerariumque facinus admiserat. Postremo justam æquamque de supplicio illi irrogando ſententiam pronuntiat. Talem sese Theodosius tum in pace, tum in bello praeſtitit : quippe ſemper divinum imploravit auxilium, ſemperque illud conſecutus est ». Ilucusque Theodoretus.

13. En aspicias, lector, quot quantaque non dicam ſtylus, sed falx Zozimi reſecavit : at ne videamur teſtibus illum domesticis confutare, quæ gentilis poeta Claudianus ¹ metro cecinerit, his addamus :

Victoria velox

Aspiciis effecta tuis : pugnaſtis uterque,
Tu faſtis, genitorque manu. Te propter et Alpes
Invadi faciles : caulo nec proſuit hoſti
Munitis haſiſſe locis : ſpes irrita valli
Concidit, et ſcopulis paluerunt clauſtra revulſis.
Te propter gelidis Aquilo de monte procellis
Obruit adverſas acies, revolutaque lela
Vertit in auctores, et turbine reppulit baſtas.
O nimium dilecte Deo, cui fundit ab antris
Æolus armatas hiemes, cui militat æther,
Et conjurati veniunt ad classica venti.
Alpinae rubuere nives, et Frigidus annis
Mutatis firmavit aquis : turbaque cadentum
Staret, ni rapidus juviſſet flumina ſanguis.

Monſtrat hiſce verſibus locum ipſum certaminis fuiſſe ad ripam annis, nomine Frigidi ; quod etiam Socrates tradit ¹ : Tacet vero hanc, et aliam inauditam alſert Zozimus victoriae cauſam. De Claudiano autem Oroſius ² : « Unus, inquit, ex iſſis poeta quidem eximius, ſed paganus pervicaciſſimus, hujusmodi verſibus et Deo et homini teſtimonium tulit, etc. », qui tamen ex Claudiano paulo diſſe binos hos recitat verſus :

O nimium dilecte Deo, tibi militat æther,
Et conjurati veniunt ad classica venti.

Sic etiam ex eodem Oroſio puto, recitat Auguſtinus ³ ; verum exiſtimo memoria lapſum ipſum Oroſium, et cum illos redderet verſus, non conſuluiſſe codicem, cum aliter habeat Claudianus.

14. Sed quod hinc inde petita fragmenta in unum orationis contextum compingendi munus ſuſcepimus ; non prætercat ingens præſtitum hoc in bello ſpecimen fortitudinis atque fidei Theodoſii imperatoris ab aliis prætermiſſum, ſed a S. Ambroſio his verſibus pro concione laudatum ⁴ : « Recognoviſcitis, inquit, quos vobis Theodoſii fides triumphos acquiſiverit. Cum locorum anguſtiis et impedimentiſ calonum agmen paulo ſerius in aciem deſcenderet, et inequitare hoſtis mora belli videretur ; deſilivit equo princeps, et ante aciem ſolus progrediens ait : Ubi eſt Theodoſii Deus ? Jam hoc Chriſto proximus loquebatur. Quis enim poſſet hoc dicere, niſi qui Chriſto ſe adhærere cognoviſſet ? Quo dicto, excitavit omnes, et exemplo omnes armavit, et jam certe ſenior ætate, ſed validus fide. Theodoſii ergo fides fuit victoria veſtra ». Hæc Ambroſius : et magna quidem divina diſpenſatione factum eſt, ut humane vires hebetatæ languereſcent, aciesque primo ſuccumberent ; ne ſi ſic vincere datum deſuper eſſet, illud ſuperbæ mentis, et ingrati animi elogium jactitaretur : « Manus noſtra excelsa, et non Dominus fecit hæc omnia ». Sic in ultimum ſivit Deus res diſcrimen adduci, ut cognoviſſetur quod « Domini » eſt ſalus et ſuper populum ſuum benediſtio ejus ⁵ : verumque Deum eſſe Chriſtianorum, qui imperans vento, hoſtium ⁶ « confregit potentiam, arcum, ſcutum, gladium et bellum » ; ut illud juſte exprobaretur in gentes : « Ubi ſunt ⁷ dii eorum, in quibus habebant fiduciam ? ſurgant, et opitulentur vobis, et in neceſſitate vos protegant. Videant, ſero ſaltem, quod ego ſim ſolus, et non ſit alius Deus præter me ».

15. Expertuſque eſt et Arbogaſtes infelix (quod diximus) quid ante præſtiſſet Chriſti virtute ſultus, ſemper invictus precibus ſanctiſſimi ſacerdotis Ambroſii : quibus exutus animo conſternatus, fractus viribus, ut alter Cain, pavens ac tremens profugus, non amplius manibus fidens, ſed pedibus, ſe ſub-

¹ Socr. l. v. c. 24. — ² Oroſ. l. vii. c. 35. — ³ Aug. de Civit. Dei, l. v. c. 26. — ⁴ Ambroſ. orat. in funer. Theod. — ⁵ Pſal. lxxv. — ⁶ Pſal. lxxv. — ⁷ Deut. xxxii.

¹ Claud. in Paegyry. ad Hon. Imp. in 3. ejus Conſulatu.

ducens e pugna, turpi se fugæ commiserit, culpa insequente reum necis innoxii imperatoris, quæ ipsum suimet ultorem esse coegit. impulitque sibi violenta manu inferre supplicium : et quoniam modo? Socratem audi¹ : « Arbogastes tantæ cladis auctor, biduo post prælium fugiens, ubi nullam vitæ spem sibi reliquam intellexerat, proprio ense se ipse obruncavit ». Sed et de eodem Claudianus his verbis² :

At ferus inventor scelerum trajecerat altum
Non uno mucrone latus, duplexque tepebat
Ensis, et ultrices in se converterat iras.

Eadem quoque Sozomenus³ atque Zozimus⁴; sed et in eandem sententiam ita Orosius⁵ : « Historiam notam oculis plurimorum, quam melius qui spectare noverunt, dilatari verbis non opus est. Potentia Dei, non fiducia hominis victorem semper extitisse Theodosium, Arbogastes iste præcipuum in utroque documentum est. Qui et tunc cum Theodosio paruit, tantis instructum præsidii Maximum ipse minimus cepit : et nunc cum adversus eundem Theodosium collectis Gallorum Francorumque viribus exundavit, dixus etiam præcipuo cultu idolorum, magna tamen facilitate succubuit ». Hæc Orosius de Arbogaste.

16. Sed ad Flavianum pugnacissimum deorum patronum orationem convertamus : ejus quidem arbitratu atque consilio cuncta nefaria adversus Valentinianum gesta esse, superius est demonstratum. Si liceret luctari cum larvis, atque veluti præsentem, defunctum hominem compellare ; non insultando, sed potius miserando illud dicerem : Ecce quomodo numen quod colis, ipsa tua te ingrata victoria prodidit atque perdidit, pro ejus ara restituenda tanto insudasti labore, publica functus legatione ; tantique cum æstimans, ut pro ejus cultu vilis tibi visa fuerit salus imperatoris ; in quem de-negantem illam reddi, tuum cum impiis consilium conspiravit. Sed ingrata tibi ipsa, in qua omnem spem roboris collocaveras, facta jam transfuga, exhorrens impietatem, perfidiam atque tyrannidem in tuis castris militantes, sese crucis vexillo jam amica religionis velox addixit, adhæsitque penitus christianis ; nihil sane se aliud esse professus, quam quod versibus illis describitur a Prudentio⁶ :

Vineendi quaris dominam ? sua dextera cuique est
Et Deus omnipotens : non pexo crine virago,
Nec nudo suspensa pede strophique recincta,
Nec tumidas, fluitante sinu, vestita papillas :

Ut plane tuo, Flaviane, damno expertus fueris, licet invitus, quod Christus ipse sit « Deus⁷ fortis et potens, Dominusque potens in prælio ». Sed tu ille adeo studiosus (quod profitebaris) recti, honestique

cultor, quo tuorum deorum impulsu adactus es, ut adversus Theodosium de te optime meritum excita- res adeo vilem tyrannum, et una cum ipso atque pro ipso pugnares? extant Symmachi tui litteræ, quibus citantur et tuæ de Theodosii erga te beneficiis affluentibus : hæc enim ibi leguntur :¹ « Tuis litteris proficere sanitatem meam sentio, quibus beneficia domini nostri Theodosii frequenter enumeras, et urgeri merita tua asseveras : tua hæc est libero animo digna professio, urgeri merita tua Theodosii beneficiis : sed quam his contraria rependisti, quæ vix in hostem cogitasses esse reddenda? Tantus in Ethniciis justitiæ cultus et fidei?

17. Extat Flaviani vetus inscriptio (ne quid de antiquis memoriis relinquamus) de creto ab ipso apud Capitolium senatus secretario, quod sub imperio Honorii igne conflagratum, fuit postea restitutum, his verbis² :

SALVIS. DOMINIS. NOSTRIS. HONORIO. ET. THEODOSIO
VICTORIOSISSIMIS. PRINCIPIBUS. SECRETARIUM. AMPLIS
SIMI. SENATUS. QUOD. VIR. INLUSTRIS. FLAVIANUS. IN
STITUTUR. ET. FATALIS. IGNIS. ABSUMPSIT. FLAVIUS
ANNUS. EUCCHARIUS. EPIPHANIUS. CC. PRAEF. URB. VICE
SACRA. IUD. REPARAVIT. ET. AD. PRISTINAM. FACIEM
REDUXIT.

At de Flaviano hactenus : cui etiam, immerenti licet, subvenit tamen Theodosii imperatoris clementia : nam Orosius ait, duorum tantum sanguine, Eugenii videlicet et Arbogastis, totum civile bellum extinctum fuisse ; reliquis perduellibus venia imperita, qui bello confecto fuere superstitis : in quo idem tradit, ex parte Theodosii (quod attigimus) desiderata decem millia Gothorum : quos, inquit, utique perdidisse, lucrum, et vinci, vincere fuit.

18. Cæterum de Theodosii in parcendo adversariis, imo et illis bene merendo, clementia incomparabili, S. Augustinus agit : sed primum de simulacris Jovis Fulminei ad munitionem Alpium collocatis, a Theodosio autem post victoriam sublati, hæc ait³ : « Victor Theodosius, sicut erediderat et prædixerat, Jovis simulacra, quæ adversus eum fuerant, nescio quibus ritibus, velut consecrata et in Alpibus constituta, deposuit : eorumque fulmina, quod aurea fuissent, jocantibus (quod illa laetitia permillebat) cursoribus, et se ab eis fulminari velle dicentibus, hilariter benigneque donavit. Inimicorum suorum filios, quos non ipsius jussus, sed belli abstulerat impetus, etiam nondum Christianos ad ecclesiam confugientes, Christianos hac occasione fieri voluit, et christiana charitate dilexit, nec privavit rebus, sed auxit honoribus. In neminem post victoriam privatas inimicitias valere permisit. Bella civilia, non sicut Cinna et Marius et Sylla et alii tales, qui nec finita finire voluerunt, sed magis do-

¹ Socr. l. v. c. 24. — ² Claud. in 3. Consulat. Honorii. — ³ Sozom. l. vii. c. 24. — ⁴ Zozim. l. iv. — ⁵ Oros. l. vii. c. 35. — ⁶ Prud. adv. Symmach. l. ii. — ⁷ Psal. xxiii.

¹ Sym. l. ii. ep. xii. — ² Smet. antiq. inser. p. 12. n. 2. — ³ Aug. de Civit. Dei, l. v. c. 26.

luit exorta, quam cuiquam nocere voluit terminata ». Hæc de clementia Theodosii post victoriam Augustinus.

19. Quod vero ait ab eodem Theodosio imperatore hostibus qui pugnassent in castris, filiisque eorum confugientibus ad ecclesiam, indulgentiam impertitam esse; eam quidem procuratam fuisse per intercessionem S. Ambrosii, Paulinus docet his verbis ¹: « Extincto itaque tyranno Eugenio a satellitibus ejus, cum S. Ambrosius scripta acciperet imperatoris, non illi alia cura major fuit, quam ut pro iis interveniret, quos reatus involverat. Obsecravit primo scriptis imperatorem, misso diacono: postea vero quam directus est Joannes tunc tribunus et notarius, qui nunc præfectus est, ad tuitionem eorum qui ad ecclesiam confugerant, etiam ipse Aquileiam perrexit, precaturus pro eis: quibus facile venia impetrata est: quia Christianissimus imperator provolutus pedibus sacerdotis, testabatur meritis et orationibus ejus servatum se esse ». Hæc Paulinus: arguitur ex his et aliis errare Zozimus, dum ait, post victoriam Theodosium venisse Romam, et Honorium filium imperatorem nominasse; cum constet, non Romam accessisse, sed Mediolanum, ibique usque ad obitum perstitisse, et Honorium jam ante (ut dictum est) imperatorem nominatum fuisse. Quod autem ad indulgentiam hostibus impertitam pertinet: Synesius ea oratione, qua agit cum Arcadio de servanda clementia erga supplices, ingerit paternum exemplum, illudque magnifice de Theodosio prædicat, quod victor hostium ipse a misericordia vinceretur, generositatemque nature ad indulgentiam fleckeret.

Accipe et de his testimonium gentilis poetæ, Claudiani inquam ²:

Non insultare jacenti

Mallebat: mitis precibus, pietatis abundans,
Poenæ parvus erat: paci non intulit iram.
Post acies odios idem qui terminus armis.
Profuit hoc vincente capi: multosque subactos
Aspera laturæ commendavere calenæ.
Magnarum largitor opum, largitor honorum
Prouus, et in melius gaudens convertere fata.

20. Quæ autem acciderint apud Constantinopolim et in Ægypto eodem belli tempore, et victoriæ momento, admiratione quidem digna narremus. Sozomenus enim in primis hæc ait ³: « Fertur autem, quod eo tempore quo pugna hæc committeretur, ex eo templo Dei, quod erat in Hebdomo, in quo preces fuderat imperator, egressus dæmon quidam, subreptus in sublime, Joanni Baptistæ sit conviciatus, et capitis obtruncationem exprobravit, magna voce clamavit: Tunc me vincis, et exercitui meo insidiaris? Huic rei qui forte præsentibus aderant, cum magnum esset apud hæc omnes studium de bello vel audire aliquid, vel dicere novi, obstupefacti annotarunt, eundem hunc fuisse diem, quo

hunc eventum belli exstitisse, non multo post ab iis cognoverunt, qui pugne interfuerant ». Hæc Sozomenus. Quid autem contigerit in Ægypto in Thebaidis solitudine de S. illo Joanne monacho, qui bis Theodosio de auspicandis præliis ventura prædixerat, Evagrius narrat his verbis ⁴: « Ut autem cepimus ab eo velle proficisci; datis nobis benedictionibus: Pergite, inquit, in pace, o filii! hoc tamen scire vos volo, quod hodierna die victoriæ religiosi principis Theodosii Alexandria nuntiata sunt de Eugenio tyranno. Necesse est autem et ipsum Theodosium non multo post propria morte vitam finire. Cumque profecti ab eo fuissemus, hæc ita gesta esse ad fidem comperimus, ut ipse prædixerat. Post dies autem paucos, insecuti sunt nos quidam fratres, annuntiantes nobis, quod ipse S. Joannes in pace quieverit. Obitus autem ipsius talis quidem fuerat: Per triduum, inquit, nullum ad se introire permisit, et positis genibus in oratione reddidit spiritum, atque ita perrexit ad Dominum ». Hæc Evagrius. Celeberrimum vero fama omnium hujus temporis monachorum Joannem fuisse, quæ dicta sunt superius, satis significare possunt.

21. Sed redeamus ad Theodosium, de quo hæc S. Ambrosius ²: « Præclaram adeptus victoriam, tamen quia hostes in acie strati sunt, abstinit a consortio sacramentorum, donec Domini circa se gratia filiorum exprimeretur adventu ». Hæc S. Ambrosius, et quidem ritu christiano: quamvis sciamus fuisse apud Gentiles lustrationes a cæde hostium, nempe suffitu lauri, ut tradit Plinius ⁵; aqua item, ut apud Virgilium illis versibus ⁶:

Me bello tanto digressum et cæde recenti
Attrectare nefas, donec me flumine vivo
Abluero.

De ritu autem Christianorum est canon sancti Basilii in epistola ad Amphilochem in hæc verba ⁷: « Cædes in bellis factas Patres pro cædibus non reputavere, ut mihi videtur, ignoscentes his qui pro pudicitia et pietate decertant. Recte autem forte habet, consulere, ut qui sunt manibus non puris, sola trium annorum communione abstineant ». Ista canon: quem quidem non fuisse usu receptum, ea ratione Theodorus ait, quod nunquam daretur militibus sacra participare, utpote quod ante absolutum triennium iidem pugnare iterum atque iterum adversus hostes compellerentur: hujus tamen canonis auctoritate repressum Phocam Augustum tradit, cum vellet cæsos in bello Romanos milites haberi martyres; episcopis contra refragantibus, ac dicentibus: « Quomodo eos qui in bellis ceciderunt, inter martyres adnumerabimus, quos Magnus Basilius, ut qui non essent puris manibus, triennio a sacramentis prohibuit? » Apud Latinos extat canon pœnitentialis in antiquis Ritualibus libris un-

¹ Paulin. in Vita S. Ambr. — ² Claud. in 3. Consulatu Honorii Imp. — ³ Sozom. l. vii. c. 24.

⁴ Evag. Vit. SS. Pat. par. I. c. 1. — ⁵ Ambr. in funer. Theod. — ⁶ Plin. l. xv. c. ult. — ⁷ Virg. Æneid. II. — ⁸ Basil. ad Amphiloc. c. 13.

decimus ordine, ut qui in bello cædem fecissent, abstinerent quadraginta diebus. Certe quidem divina¹ lex noluit esse huiusmodi viros absque aliqua purgatione: qua traditum est, ut qui licet mandato Dei homines occidissent, iidem tamen septem diebus extra castra manentes lustrarentur tertio et septimo die. Theodosius autem haud paucis diebus abstinuisse oportuit, cum non communicaret, nisi postea, cum filii ipsius Constantinopoli relict, ab ipso litteris accersiti Mediolanum, ad ipsum Theodosium pervenerunt; nam tradit hæc Paulinus²: « Revertens itaque S. Ambrosius de urbe Aquileiensi, mox die præcessit imperatorem: nec diu clementissimæ memoriæ Theodosius imp. susceptis filiis in Ecclesia, et traditis sacerdoti, in hac luce fuit ». Haud enim superstes diu fuit Theodosius, qui post filiorum adventum ex hac vita decessit sequenti anno, XVI kal. Februarii.

22. *Terræmotus immens.* — Præcesserunt autem ejus obitum signa quadam, clementis varie perturbatis: nam a mense Septembris, quo victorian obtentam fuisse diximus (ut testatur Marcellinus in Chronico), nonnullæ regiones terræmotu quassatæ sunt; sed et S. Ambrosius ipso orationis exordio, quam habuit in funere Theodosii: « Hoc nobis, inquit, motus terrarum graves, hoc juges pluviae minabantur, et ultra solitum caligo tenebrosior denuntiabat, quod clementissimus imperator Theodosius recessurus esset e terris. Ipsa igitur excessum ejus elementa mœrebant; cælum tenebris obductum, aer perpeti horrens caligine; terra quatiebatur motibus, replebatur aquarum alluvionibus. Quidni mundus ipse delectet eum principem continuo esse rapidum, per quem dura mundi istius temperari solerent, cum criminum pœnas indulgentia præveniret? » Hæc Ambrosius.

23. Inter alias orbis regiones Palestinam quoque diro tunc vexatam esse terræmotu, occasione impurissimi Vigilantiæ meminuit S. Hieronymus. Venerat ipse ex Hispania, ibique nondum detectus hæreticus, cum Catholicis communicabat: sed qualis intus jam tunc esset omni virtute vacuus, occasio foris manifestavit: de eo enim idem Hieronymus hæc habet³: « In hac provincia, cum subito terræmotus noctis medio omnes de somno excitasset, tu prudentissimus et sapientissimus mortalium nudus orabas, et referebas nobis Adam et Evam de paradiso. Et illi quidem apertis oculis erubuerunt, nudos se esse cernentes, et verenda texerunt arborum foliis. Tu et tunica et tæle nudus, subitoque timore perterritus, et aliquid habens nocturnæ crapulæ, sanctorum oculis obscenam partem corporis ingerebas, ut tuam indicares prudentiam. Tales habet adversarios Ecclesia: hi duces contra martyrum sanguinem dimittant ». Hæc de Vigilantiæ S. Hieronymus; de cujus adventu Hierosolimam idem meminuit⁴ in epistola ad Paulinum de institutione

monachi. Sed de Vigilantiæ plura inferius. Scribebat autem hoc anno ipse Hieronymus (ut dictum est superius) epistolam seu tractationem de optimo genere interpretandi ad Pammachium.

24. *Hieronymus scribit ad Furiam.* — Iusuper dedit epistolam hoc pariter anno ad Furiam de viduitate servanda; nam ait¹ in fine: « Scio me ante hoc ferme biennium edidisse libros contra Jovinianum ». Illos autem anno decimo quarto Theodosii esse editos, ejus testificatione superius dictum est: ipsa enim Furia, matre Titiana (Tatiana) clarissima femina, et patre Consulari, Christianis ambobus, e slemmate Camillorum sata, orbatâ viro, a Hieronymo litteris expelierat, ut de modo vivendi, viduitateque servanda epistolam scriberet. Præstitit hoc ipse haud invitus, eandemque Paulæ haud dissimilem Marcellæque æqualem reddere studens, quas et imitandas proponit: quodam enim necessitudinis vinculo Furia Paulæ conjuncta videri poterat, quod germanus Furiæ fuerat maritus Blesillæ filiæ S. Paulæ, ut idem Hieronymus ibi tradit; qui et vult eam habere monitorem Exuperium: « Habes, inquit, S. Exuperium probatæ ætatis et fidei, qui te monitis suis frequenter insituit ». Ille ipsum tunc Romæ agentem, postea Tolosæ jam episcopum, alibi laudat²; sed de eo inferius pluribus agendum est.

25. *Constantinopolitana Synodus in encænus.* — Hoc eodem anno iisdemque coss. Arcadio tertium et Honorio secundum, apud Theodorum³ celebrata ponitur tertio kalend. Octobris Synodus Constantinopolitana in causa vertente inter Agapium et Gebadium utrumque sibi vindicare satagentem episcopatum Bostrensem: in qua Synodo hi episcopi tunc concessisse nominantur, videlicet, Nectarius Constantinopolitanus, Theophilus Alexandrinus, Flavianus Antiochenus, Palladius (Helladius) Cæsareæ Cappadociæ, Gelasius Cæsareæ Palestinæ, Gregorius Nyssenus, Amphiloehius Iconii, Paulus Hieracæ, Arabianus Ancyrae, Ammon Hadrianopolis, Phalaris Tarsi, Lucius Hierapolis, Elpidius Laodiceæ, Paulus Alexandrorum, Dioscorus Hermopolis, Probatius Beronices, Theodorus Mopsuestie, Dizus Seleuciæ, Epagathus Marcianopolis, Gerontius Claudiopolis, et alii diversi episcopi; et reliqui ex omni ordine sacerdotali. Mirabitur fortasse aliquis, quo modo accidere poluit, ut duo patriarchæ, Alexandrinus et Antiochenus, ac cæteri primarum sedium episcopi convenirent unius controversiæ inter duos episcopos componendæ causa: sed majore etiam admiratione afficietur, si consideret, quod ejusmodi adeo magni in Oriente generalis Concilii nulla penitus apud antiquos sit mentio.

26. Quamobrem illud existimo, huiusmodi episcoporum conventum non convocatum esse vel ecclesiasticorum dogmatum causa, vel disciplinæ ecclesiasticæ corrigendæ, ut in cæteris Conciliis fieri

¹ Num. xxxi. — ² Paulin. in Vit. S. Ambr. — ³ Hier. adv. Vigilant. — ⁴ Hier. epist. xxi.

¹ Hier. epist. x. — ² Hier. epist. iv. — ³ Apud Theod. Bals. pag. 390, 391.

consequitur, vel litis unius Ecclesie terminande studio : sed ad hoc ut novam basilicam apostolorum Petri et Pauli nomine erectam a Ruffino prefecto praetorio, peaes quem summa erat in toto Orientali imperio auctoritas, iidem dedicarent : huncque ipsum esse conventum episcoporum, cujus Palladius¹ res suorum temporum scribens meminit, cum de Evagrio Pontico agit, qui una cum Ammonio et aliis ex Aegypto vocatus a Ruffino ea de causa Constantinopolim venit : « Ille idem, inquit, sanctissimus cum a Ruffino temporis illius praefecto praetorio multiplice supplicatione rogatus fuisset, et cum magno illo Ammonio Constantinopolim ob necessarias eremi actiones adveniente, ipse quoque dignaretur venire, vehementer id precantibus sanctis diversarum provinciarum episcopis, aliisque quamplurimis eremitis (qui ad dedicationem basilicae, quam ipse condiderat, conveniant) memoratum Ruffinum propriis manibus suscepit sacro fonte mundatum ». Haec ipse, subdeus de Ammonio ibidem defuncto, et in eadem basilica Ruffiniana dicta sepulto. Certe quidem ad dedicationem basilicarum vocari solitos et remotissimis quoque regionibus episcopos, quae dicta sunt superius de Antiochena ac Hierosolymitana Ecclesiarum conciliis docent.

27. Memnit ejusdem a Ruffino erectæ basilicæ Sozomenus², ædificatamque fuisse ait trans mare prope Chalcedonem, in loco dicto, *Ad quercus* : ubi ab eodem Ruffino sumptuosa villa exstructa erat, erectæque regię ædes, ipsaq; basilica in honorem præcipuorum apostolorum Petri et Pauli dedicata, dicta quoque nomine communiori, *Apostolœum* ; in qua postea a Theophilo episcopo Alexandrino collecta Synodus fuit adversus Joannem Chrysostomum, ut suo loco dicitur. Placuit igitur Ruffino omnia pro arbitrio in Oriente moderanti, Theodosio præsertim absente, tot tantosq; episcopos Constantinopolim ad duplicia encyciia convocare, nimirum ad nobilissimæ dedicationem basilicæ, et ad suam sacro baptismate initiationem explicandam.

28. Illec igitur causa præcessit, ut præcipuarum sedium episcopi invitati a Ruffino Constantinopolim se conferrent. Ubi cum essent, post sacra ex more expleta solemnia (quod etiam in encensis Antiochie et Hierosolymis factum scimus), iidem convocati episcopi dicta die Constantinopoli considentes, controversiam inter duos illos episcopos obortam iudicio definire eo modo, quo Acta declarant ibidem a Theodoro narrata: nimirum, ex sententia Theophilii episcopi Alexandrini definitum, non licere deponi episcopum a duobus vel tribus aliis episcopis, sed majoris tantum Synodi arbitrio, nempe ejusdem provinciæ episcoporum sententia.

29. Quod autem ad nomina episcoporum haud otiose ex iisdem Actis recitata pertinet : habes duo illa lumina Orientalis Ecclesiae post Gregorium Nazianzenum atque Basilium, ejus germanum Gregorium Nyssenum, et Amphilochem Iconii episcopum

adhuc his temporibus fuisse superstites. Certe quidem quod ad Gregorium Nyssenum spectat, de ipso adhuc vivente alique multa scribente meminit S. Hieronymus anno ante superiorem, quo edidit (ut ait) commentarium illum *De scriptoribus ecclesiasticis*, ubi de ipso¹ : « Multa alia scripsisse et scribere dicitur » : et de Amphiloquio post Gregorium agens, nimirum adhuc vivente, hæc habet : « Amphiloquius Iconii episcopus nuper mihi librum legit de Spiritu Sancto, quod Deus est. et quod adorandus, quodque omnipotens sit ». Vides igitur, tum auctoritate S. Hieronymi, tum etiam ex Actis Synodi hoc anno habite, quam procul a veritate abhorreant, qui dicere eundem Amphiloquium ipso exordio Theodosii imperii, ex hac vita desiisse, cum adhuc reperitur, hoc anno decimo sexto ejusdem imperatoris in humanis fuisse.

Ex quibus pariter intelligas, alium sensum verbis Gregorii Nazianzeni de Amphilochio agentis aptandum esse, quam dicere intellexisse de Amphiloerii obitu; dum in carmine parenetico ad Olympiadem scripto, in fine hæc habet, loquens de sorore ejusdem Amphiloerii sanctissima femina eidem inbærente ²: « Est, inquit, in promptu admonitio una multis partibus nostra præstantior. Theodosiam, o elegantissima mulier, habes: hæc tibi et sermonis omnis et actionis veluti quædam imago ad imitandum proposita sit: feminea quidem illa Chironis sub matrimonii radicibus; quæ te a patre acceptam optimis moribus imbuit. Amphiloerii episcopi soror, quem una cum sancta Thecla ad Deum misit, veræ atque orthodoxæ doctrinæ præconem, decusque meum et ornamentum ». Ista Gregorius, quem constat hand his verbis voluisse significare Amphiloebium ex hac vita migrasse, quem liquet multos annos post Gregorium Nazianzenum fuisse superstitem. Porro quod ad ipsius Amphiloerii egregiam doctrinam spectat, exæquare hoc nomine ipsum videtur S. Hieronymus Basilio Magno atque Gregorio Theologo, dum de iisdem hæc tradit ³, scribens ad Magnum: « Cappadocumque Basili, Gregorii, et Amphiloerii, qui omnes in tantum philosophorum doctrinis atque sententiis suos referciunt libros ut nescias quid in illis primum admirari debeas, eruditionem sæculi, an scientiam Scripturarum ». Cæterum quod ad ejusdem Amphiloerii lucubrationes pertinet: licet S. Hieronymus nonnisi commentarii illius de Spiritu sancto meminerit; tamen complura alia ipsum scripta edidisse, fidem facit Theodoretus, qui plura ac diversa in suis dialogis ab eodem Amphilochio mutuatus, eadem citat: adhuc extat ejusdem ad Seleucum carmen de libris sacris.

30. Inter alios vero superius nominatos Antistes habetur Gelasius episcopus Casareæ Palæstina; qui quidem catholicus fuit et magnæ eruditionis: de quo S. Hieronymus (quod ille nondum sua edi-

¹ Pallad. in Lausiac, c. 4. — ² Sozom. l. viii. c. 47.

¹ Hier. de Script. Eccl. in Greg. Nyss. et in Amphil. — ² Greg. Nazian. in carm. ad Olymp. — ³ Hier. epist. LXXXIV.

disset scripta) hæc pauca tantum : « Gelasius Cæsareæ Palæstinæ post Euzoium episcopus accurati limatique sermonis fertur quædam scribere. sed celare ». Ita ipse. Cujus vero æstimationis ea habita fuerint ab eruditissimis ecclesiasticis viris, ex Theodoro intelligere potes, qui in dialogis cum eum citat, ejusmodi præconio virum exornat¹ : « Si autem, inquit, etiam veteres Palæstinos vis audire; præbe aures in primis admirabili Gelasio, qui Cæsariensem agrum diligenter excoluit, etc. » At longe alius hic Gelasius ab illo ejusdem nominis viro fuit, quem S. Basilus ad Theodotum scribens² Arianorum communioni conjungit. Nominatur insuper inter cæteros ejus Synodi episcopos Dioscorus quoque Hermopolis in Ægypto episcopus; quem illum ipsum putamus Dioscorum, ejus Palladius meminit³, ex presbytero, et monacho Nitriæ eveclum ad episcopatum. Sed cum et ex eorum episcoporum catalogo perspicue intueris Theodorum Mopsuesten episcopum cum aliis consedis, intellige ipsum catholicum perseverasse adhuc cum Catholicis communicantem, necdum hæresim, qua Orientem exussit, profitemem. At hæc de his satis.

31. Quod vero ad Ruffinum spectat (ex quo ad hæc de Concilio tunc Constantinopoli celebrato divertimus), laudandus quidem, quod basilicæ ædificatione, atque initiatione sacri baptismi, inter alia peccata, culpam illam immanem expandam curavit, qua auctor fuit (ut dictum est) Theodosio imperatori cladis Thessalonicensis; felix, si sic perseverasset; sed dum deteriora molitur, nempe diram tyrannidem, affectans imperium, ejusque rei causa barbaros ex diversis provinciis in Romanum solum studens immittere, tum Romano imperio, tum sibi ipsi gravissimorum malorum cœncinator extitit. Sed de his fusiore suo loco agendum erit, atque hæc modo satis. Jam vero reliqua prosequamur.

32. In *Numidia Bagajense Donatistarum, eorumque in Maximianistas et Primiianistas divisio et insania*. — Hoc eodem anno, iisdem nominatis consulibus, Adrumeti in Africa celebrata esse Synodus reperitur, missaque ad eam legatio ab Aurelio episcopo Carthaginiensi : quæ autem ibi decreta fuerint, haud apparet, quod diversorum Conciliorum canones in unum collecti, simul sub uno titulo Concilii Africani habeantur admixti.

33. Sed et Donatistæ in Numidia hoc item anno generale Concilium celebrarunt, Bagajense dictum, quod Bagaj ejusdem provincie civitate fuerit collectum, convenientibus in unum duabus ipsorum factionibus, quibus inter se divisi erant. Maximianistarum videlicet, et Primiianistarum, sic dictis a duobus episcopis Carthaginensibus ab iis inter se dissidentibus creatis in schismate. Primiiano scilicet, et Maximiano. Hoc quidem anno ejusmodi celebratum esse Concilium, sanctus Augustinus ex Actis ejus affirmat, cum ait⁴ : « In memorato Concilio

Bagajensi dies et consul adscriptus est, non solum quo decretum Concilii conditum est, verum etiam ipsius dilationis. Ergo a die octavo kalendarum Maiarum post consulatum Theodosii Augusti III, consulatu Augustorum Arcadii tertium et Honorii iterum, qui dies est Concilii Bagajensis, usque ad octavum kalendarum Januariarum, qui dies est dilationis, octo menses ferme numerantur ». Hæc ipse, qui et inferius eadem ferme repetit verba. Illis de tempore stabilitis, de causa ejusmodi ipsorum adeo celebris conventus convocandi agendum est. Mira quadam Dei providentia accidit, ut tanquam ludentes in scena, nolentes licet, et inviti, actionem illam repræsentarent in se ipsis, quam egerunt majores eorum tempore ordinationis Cæciliani; ut ex his saltem quæ ipsi modo egerant, errasse convincerentur illi, et justificaretur Cæciliani causa : adeo ut si suspenderent æqua lance judicium; nec quomodo se ipsos absolverent, et Cæcilianum damnare possent, haberent. Unde S. Augustinus⁵ : « Vide quomodo illis Deus reddidit, quod de Cæciliano dixerunt. Mira similitudo : voluit Deus post tot annos revolvare illis in faciem quod gestum est; ut omnino unde dissimulent, et qua effugiant, non inveniant ». Sed quæ hæc et quomodo acciderint videamus.

34. Mortuo Parmeniano, quem post Donatum diximus factum fuisse Carthagine Episcopum partis Donatistarum; in ejus locum suffectus est ab ipsis Primiianus : adversus quem postea ab aliis Donatistis creatus est Maximianus diaconus; sicque maximum inter eos conflatum est schisma. Quoniam modo autem illud acciderit, S. Augustinus⁶ ita describit, ut ait, ex litteris tractatoris, ex epistolari nimirum historia (erant enim apud eos hujusmodi epistolæ, quas nos dicimus Synodales, sive Synodicas, quæ a Synodo scribebantur Encyclicæ perspicuæ omnibus, atque publicæ) : his igitur litteris tractatoris schismatis inter eos principium reseratur : scriptæ sunt ipsæ ab illis qui adversus Primiianum Carthagine primo celebrarunt Concilium, episcopis quinquaginta tribus : quoto autem Christi anno istud collectum fuerit, ignoratur. Postea vero ab ejusdem partis episcopis centum et amplius adversus eundem Primiianum episcopum Carthaginensem habitum est Concilium in oppido⁷ Cebarsensi, in quo pariter idem Primiianus damnatus est. Duo itaque hæc Concilia præcesserunt generale hoc omnium Donatistarum episcoporum Concilium Bagajense, de quo agimus.

35. Sed quod rerum gestarum ordo postulat, quæ primo gesta sunt in Concilio Cavernensi apud Carthaginem, hic recitemus, nec aliunde fidelius, quam ex ipsorum epistola Synodali : qua dum sententia ipsa describitur lata ab ipsis adversus Primiianum, dumque releantur pariter causæ damnationis ejus, totius rei gestæ narratur historia : habet

¹ Theod. dialog. 1. — ² Basil. ep. xv. in addit. — ³ Pallad. in Lausac. c. 2. — ⁴ Aug. contra Crescon. l. II. c. 56.

⁵ Aug. in Psal. xxxvi. — ⁶ Aug. in Psal. xxxvi. — ⁷ Aug. contra Crescon. l. IV. c. 6.

haec omnia S. Augustinus ¹ in enarratione in psal-
mulari trigesimo sextum inserta. Reddamus igitur
hic eandem ipsorum epistolam, ut scripla est, abs-
que interlocutionibus illic adiectis :

36. « Sanctissimis fratribus atque collegis per
universam Africam, hoc est, per provincias procon-
sularem, Numidiam, Mauritaniam, Byzaceam, et
Tripolim constitutis, sed et presbyteris et diaconis,
universis plebibus in veritate Evangelii nobiscum
militantibus, Victorinus, Fortunatus, et caeteri quin-
quaginta tres episcopi, qui in Concilio apud Caver-
nas Susis fuimus, in Domino aeternam salutem ». Quorum autem Ecclesiarum singuli essent episcopi,
ex titulo cuiusque sedis in subscriptione ponuntur.

« Nemo (est) qui nesciat, fratres dilectissimi, de
sacerdotibus Domini, non propriae voluntatis, sed
divinae legis impulsu tam in reos sententiam dicere,
quam innocentibus indictam jure ab eis ac merito
submovere. Non levi enim periculo subjacebit, quis-
quis aut reo pepercerit, aut innocentem confutare
pertentarit; maxime cum scriptum sit ² : Innocen-
tem et justum non occides, et purificatione non pur-
gabis reum. Hoc igitur edicto legis admoniti, ne-
cesse nos fuerat Primiani causam, quem plebs
sancta Carthaginensis Ecclesiae episcopum fuerat in
ovile Dei sortita, seniorum litteris ejusdem Ecclesiae
postulantibus, audire atque discutere sub eo : ut ex-
planatis omnibus, aut innocentem (quod optabile
fuerat) purgaremus, aut nocentem certe ostendere-
mus suis meritis esse damnatum. Optatissimum
nobis fuit, ut plebs sancta Carthaginensis Ecclesiae
eo se laetetur episcopo sublimatam, qui in omnia
sanctus, et in nullo reprehensibilis haberetur. Prop-
terea utique talem esse oportet Domini sacerdotem,
ut quod populus pro se apud Deum non valuerit,
ipse pro populo mereatur quod poposcerit impe-
trare; quia scriptum est ³ : Si peccaverit populus,
orabit pro eo sacerdos : si autem sacerdos peccaverit,
quis orabit pro eo? » Et inferius :

37. « Scandala igitur Primiani, et ipsius nequitia
singulari sic in se caeleste iudicium provocavit, ut
horum criminum auctorem necesse esset penitus
amputari, qui recens ordinatus est. Presbyteros su-
pradictae plebis ad conjunctionem impiae conspira-
tionis impellens, hoc ab eis velut precario jure pos-
tulavit, ut ad damnandos quatuor diaconos, viros
egregios, ac singularibus meritis approbatos, Maxi-
mianum scilicet, Rogatianum, Donatum, itemque
Salgamum, conspirarent, ut incunctanter ei pro-
mitterent accommodare consensum. Cujus illi mala
praesumptione stupefacti, cum rem silentio refellis-
sent, perse cogitatum scelus non dubitavit implere;
usque adeo, ut in Maximianum diaconum, virum
(sicut omnibus notum est) innocentem, sine causa,
sine accusatore, sine teste, absentem, ac lecto cu-
bantem, sententiam putaret esse promendam : quia
jampridem clericos non dissimili furore damnavet.
Nam cum incestos, contra legem decretaque om-

nium sacerdotum, communioni sanctae adjungeret;
cumque, obsistente maxima parte plebis, etiam se-
niorum nobilissimorum litteris conveniretur, ut per
se corrigeret quod admiserat; sua temeritate pos-
sessus, emendare contempsit.

38. « His itaque permoti seniores Ecclesiae supra-
dictae, ad universum chorum litteras legatosque mi-
serunt, quibus non sine lacrymis deprecari sunt, ut ad
se ferventius veniremus; quo perpense libramine,
intentionibus exploratis, existimatio Ecclesiae pur-
garetur. Ad hanc proinde cum secundum memora-
torum litteras veniremus; nota sua ille ratione fer-
vescent, adventum nostrum penitus declinavit. Qui
usquequaque rebeli animo recalcitans in malo per-
mansit, ut conducta multitudine perditorum, atque
impetratis officialibus, basilicarum januas obsedis-
set : qui ingrediendi nobis, atque agendi solemnita,
interdicerent facultatem. Haec si episcopum convenit
facere, si Christianis licet admittere, si hoc Evan-
gelia protestantur, probet aut judicet quisquis ama-
tor aut assertor est veritatis; hoc enim nobis infligit
frater aliquando proprius, quod nunquam faceret
alienus, etc. » Omissis ibi recensitis nonnullis ex
eadem epistola Synodali, jam reddamus eam, quae
ibidem legitur ab illis in eum lata sententia :

39. « Decevimus omnes sacerdotes Dei, praesente
Spiritu sancto, hunc eundem Primianum; primo
quia super vivos episcopos alios subrogavit; quod
incestos cum sanctorum communione miscuerit;
quod presbyteros ad conjunctionem in eadem con-
stringere pertentarit : quod Fortunatum presbyte-
rum in cloacam fecerit mitti, cum aegrotantibus
baptismo succurrisset : quod communionem Demet-
rio episcopo denegavit, ut cogeret filium abdicare :
quod idem presbyter objurgatus sit, quod episcopos
hospitio suscepisset : quod supradictus Primianus
multitudinem miserit, quae Christianorum domos
everteret : quod obsessi sunt episcopi simul et cle-
rici, et postea ab ejus satellitibus lapidati sunt :
quod in basilica caesi sunt seniores, quod indigne
ferrent Claudianistas ad communionem admitti :
quod innocentes clericos putaverit esse condemnan-
dos : quod se nobis audiendum noluerit exhibere,
cum basilicarum fores, ne ingrederemur, multitu-
dine et officialibus intercluserit : quod legatos a
nobis ad se missos injuriose rejecerit : quod loca
multa, vi primo, dehinc auctoritate judiciaria usur-
pavit : praeter alia illicita ejus admissa, quae pro
honestate styli nostri siluimus : a sacerdotali choro
perpetuo esse damnatum : ne eo palpato, Dei Ec-
clesia aut contagione, aut aliquo crimine maculetur.
Quod in ipsum Paulus apostolus ¹ exhortatur et ad-
monet : Praecipimus autem vobis, fratres, in nomine
Domini nostri Jesu Christi, ut discedatis ab omni
fratre inordinate ambulante. Atque ideo non imme-
mores puritatis Ecclesiae, conducibile existimavi-
mus, omnes sanctos consacerdotes, et omnes cle-
ricos, et omnes populos, qui se Christianos memi-

¹ Aug. in Psal. xxxvi. — ² Exod. xxiii. Dan. xiii. — ³ 1. Reg. ii.

¹ 2. Thess. iii.

nerunt, hac nostra tractatoria commonere, ut omnes ejus communionem, utpote damnati, diligenti cura horreant. Ipse enim de suo interitu rationem redderet, qui hoc nostrum decretum non audiendo tentaverit violare. Placuit sane nobis et Spiritui sancto, quod tempus tardis ad convertendum reservetur sub eo; ut quicumque consacerdotum vel clericorum suae salutis immemores, a die damnationis supradicti Primiani, id est, a die kalendarum Juliarum usque ad diem octavum kalendarum Januariarum, minus a Primiani damnati communionem recesserint, tali sententia constringantur. Laici quoque nisi se a supradicto die damnationis illius, intra diem Paschae future, ab ejus consortio separaverint, non posse quemquam nisi per penitentiam, si quidem meminerit Ecclesiae, reformari». Illeceus litterae Synodales, quibus subscripti leguntur episcopi quinquaginta tres, et primo loco Victorinus episcopus Munacianensis, et ceteri post eum. Haec acta sunt in Concilio Cavernensi.

40. Quod vero ibidem apud S. Augustinum legantur nomina episcoporum quinquaginta trium; ex his corrige quod apud eundem quadraginta trium episcoporum, ejusmodi Concilium collectum fuisse dicitur. Sed et quod ab eodem ponatur habitum apud Carthaginem, hic vero ex eorundem epistola Synodali factum habeatur apud Cavernas Susis; locum illum propinquum Carthagini fuisse dicendum est: ait enim S. Augustinus contra Cresconium tum de hoc, tum de alio ab iisdem, sed copiosiori numero adversus eundem Primianum congregato Concilio¹: «Recital decreta Conciliorum. Primum, quod apud Carthaginem a quadraginta (quinquaginta tribus) et tribus factum est, quo praedamnatus est Primianus. Alterum, quod Cebarsussi centum vel amplius vestri tunc episcopi condiderunt, quo perfecte pleniusque damnatus est». Sic autem depositus est a duobus Conciliis Primianus episcopus Carthaginensis, ut in locum ejus subrogatus sit ab iisdem Maximianus ejusdem Ecclesiae diaconus, qui erat unus ex illis quatuor a Primiano damnatis, cum adit ipse in Numidiam, et ejus provinciae episcopos ad sui defensionem provocavit, quos et judices interpellavit: unde ad eum Augustinus²: «Judices Numidas, apud quos te purgares, tu ipse adisti, tu constituisti: Maximianistae illos non petierunt». Haec ipse.

41. Vides ex his, schismaticos ab Ecclesia Catholica primitus separatos, inter se ipsos pluribus esse partibus scissos, et ab auctoribus scissionum nomine nuncupatos: ut qui primi a Donato dicti sunt Donatistae, eorundem alii a Primiano nuncupati fuerint Primianistae, et a Maximiano Maximianistae; sed et (ut in recitata sententia vidimus) alios a Claudio appellatos Claudianistas, et rursus alios a Rogato olim Rogatistas, de quibus S. Augustinus ait³, multa hos passos esse ab aliis Donatistis, quod

eum aliis convenire noluissent: de quibus idem pluribus in epistola ad Vincentium⁴. Sed et Ticonium scissuram fecisse in schismate Donati, jam superius dictum est. Ceterum cum sic scissi ipsi omnes inter se essent, adeo tamen pertinaci dissensione ab invicem diserepabant, ut suae quisque sectae esset pugnacissimus defensor, et aliarum adversarius obstinatus: nam Augustinus: «Pars, inquit⁵, Donati in multa minutissima frusta conscissa est: quae omnes minutae particulae hanc unam multo grandiore, in qua Primianus est, de recepto Maximianistarum baptismo reprehendunt; et singulae conantur asserere apud se tantummodo verum baptismum remansisse, nec omnino esse alibi, neque in toto orbe terrarum, qua Ecclesia Catholica expanditur, nec in ipsa grandiore parte Donati, nec in ceteris, praeter se unam ex minutissimis partibus»: Haec ipse.

42. At admiratione quidem dignum est, quod inter tot sectas divisi Donatistae cum essent, tamen quae potior inter eos habebatur, adeo erat abundans et referta numero episcoporum, ut nullam paene sensisse jacturam ex multiplici scissione, attonitus obstepescas. Audi, quaeso, quid de his S. Augustinus⁶: «Multa praeterea, inquit, inter ipsos facta sunt schismata, et ab iis se diversis cotibus alii atque alii separarunt; quorum separationem cetera grandis multitudo non sensit. Sed apud Carthaginem Maximianus contra Primianum ab ejusdem erroris centum ferme episcopis ordinatus, et a reliquis trecentis decem cum eis duodecim qui ordinationi ejus etiam praesentia corporali interfuerunt, atrocissima criminatione damnatus, compulit eos nosse etiam extra ecclesiam dari posse baptismum Christi: nam quosdam ex eis, cum eis quos extra eorum ecclesiam baptizaverant, in suis honoribus sine ulla in quocumque repetitione baptismatis receperunt, etc.» Objicit enim eis quod eadem ab ipsis objecta adversus Catholicos, ut sancta ac legitima recepissent. Sed jam de Synodo Bagajensi hoc anno in Numidia habita pertractemus.

43. Qui igitur excitati atque vocati sunt a Primiano episcopo Carthaginensi episcopi Donatistae adversarie factionis, omnes trecenti atque decem, Bagai civitate Numidiae convenerunt: ubi considerantes, examinata causa ipsius Primiani, qui aderat, et Maximiani itidem episcopi Carthaginensis absentes, et aliorum eidem communionem copulorum, haec in hos prolata est in Synodo damnationis sententia, quam recital Augustinus his verbis⁷:

«Cum omnipotentis Dei et Christi ejus voluntate in Ecclesia sancta Bagajensi Concilium gereremus, Gamalius, Primianus Pontius, Secundianus, Jannarius, Saturninus, Felix, Pegasius, Ruffinus, Fortunius, Crispinus, Florentinus, Optatus, Donatus, Donatianus, et ceteri numero trecenti et decem; placuit Spiritui sancto, qui in nobis est, pacem tir-

¹ Aug. cont. Crescon. l. iv. c. 6. — ² Aug. in Psal. xxxvi. — Aug. contr. lit. Petil. l. ii. c. 83.

³ Aug. epist. xlviii. — ⁴ Aug. de baptis. cont. Donatist. l. i. c. 6. — ⁵ Aug. de haeres. c. 69. — ⁶ Aug. cont. Crescon. l. iii. c. 53.

mare perpetuum, et schismata rescicare sacrilega » : subdit Augustinus : « Deinde cum nulla in eos horrenda vomuissent, etc. » Quenam ea essent, alibi idem Augustinus narrat, cum ait ¹ : « Ut verbis illius plenarii Concilii magis utar, ibi », nempe in factione Maximianistarum, « viperæ seminis noxios partus tardo calore vaporant, publici facinoris et parricidii sui facta scelorum vota gignunt. Parluriunt injustitiam, concipiunt laborem, et pariunt iniquitatem. Jam non confusa criminum silva nomina eorum designantur ad poenam. Dum eis indulgentiæ funis, dum clementiæ dimitteretur linea, jam causa quos puniret invenit : quos tanquam in asperos scopulos veridica unda naufraga membra projecit ; quorum pereuntium litora Ægyptiorum exemplo funeribus plena, nec ipsam invenientia sepulturam ». Et in Maximianum ipsum hæc sunt verba sententiæ.

44. « Maximianum fidei æmulum, veritatis adullerum, Ecclesiæ matris inimicum, Dathan, Chore, et Abiron ministrum de pacis gremio sententiæ fulmen excutiat, quem non solum mors justa sui sceleris condemnat, sed etiam trahit in consortium criminis plurimos calena sacrilegi : venenum aspidum sub labiis eorum, quorum os maledictione plenum est et amaritudine, et eorum pedes veloces ad effundendum sanguinem : contritio et infelicitas in viis eorum, et viam pacis non cognoverunt : non est timor Dei ante oculos eorum : jacent membra abscessa, quæ pestifera putredo ita corrupta, ut plus habeat in abscissione solamini, quam in remissione medicaminis. Famosos criminis reos, etc. » Illicusque ibi Augustinus, narrans ea quæ dicta sunt in præsentibus verbis præteriti temporis, quod sic oratio postularet. Sed et superius iisdem modis ac tempore, quæ reliqua ejusdem sunt sententiæ, ita refert ² : « Famosi ergo criminis reos, Victorianum Carcabianensem, Martianum Sullectinum, Bejanum Bajanensem, Salvium Ausphensem, Theodorum Usulensem, Donatum Sabratensem, Miggenem Elephantarensem, Prætextatum Assuritanum, Salvium Membresitanum, Valerium Melzitatum, Felicianum Mustitanum, et Martialem Pertusensem : qui funesto opere perditionis vas sordidum, collecta feculentia, glutinarunt : sed et clericos aliquando Ecclesiæ Carthaginis, qui dum facinori intersunt, illicito incestui lenocinium præbuerunt, Dei presidentis arbitrio, universalis Concilii ore veridico damnatos esse cognoscite ». Sunt hi illi duodecim Episcopi ordinatores Maximiani : sed de aliis ita subditur in illorum sententiæ.

45. « Eos autem, quos sacrilegi surculi non polluerent plantaria, id est, qui a Maximiani capite proprias manus verecundo pudore fidei retraxerunt, ad matrem Ecclesiam redire permisimus. Ac ne angustum redeuntibus tempus spem salutis arctatæ diei pressura subducat, agnoscantibus quibus licet

manentibus præcedentibus statutis universis usque in diem octavam kalendarum Januariarum proxime futurarum agnitionis (ignotionis) pandimus januam, ut integri honoris et fidei regressi habeant fundamenta : quam si quisquam ingredi nequiverit pigra segnitia, sciat sibi ad omnes veniales aditus sua voluntate viam esse subductam. Manebit enim circa eos dicta sententiæ, et post præstitutum diem redeuntibus fixa penitentia ». Hactenus verba sententiæ. At sicut magno animi ardore tot numero adversus Maximianistas convenerunt Primiianistæ ; ita etiam haud impari sollicitudine adversus eodem sectantes Maximianum, ut ab ipsis ejicerentur ecclesiis curare. Extat enim Titiani advocati libellus adversus Felicianum et Prætextatum episcopos partis Maximiani, ambos ex duodenario illo numero episcoporum, qui ordinaverunt eundem Maximianum (quorum Prætextatus erat episcopus Assuritanus, Felicianus autem Mustitanus), quo rogatur proconsul, ut ab ipsis sedibus pellerentur : nam Augustinus ¹ : « Invenitur autem, inquit, postulatio apud Herodem proconsulem, vide quanto post dicta adversus Felicianum et Prætextatum de Mustitanis et Assuritanis locis excludendos : cujus pauca subjunxi.

46. « Post consulatum dominorum Arcadii III et Honorii iterum, Augustorum, sexto nonas Martias, Carthagine in secretario prætorii Titianus dixit : Peregrinus presbyter et seniores Ecclesiæ Mustitanæ regionis tale desiderium prosequuntur. Cum Ecclesiæ Catholicæ sanctitatem vir memoriæ venerabilis ab errore perfidiæ Donatus assereret, in ejus nomen et cultum mundi pæne totius observantia nutrita coaluit. Sed cum ejus religionis laudandum mirandumque propositum Maximiani ejusdam venena polluerent ; multorum cætus antistitem in unum, Deo conspirante, collectus hominem, vel potius pestem, quæ supernæ displicuit majestati, etiam puræ mentis propria coercitione damnavit. Eos quoque, quos alienæ præsumptionis error attraxerat, portu primo proposito penitendi, si reverti cuperent intra tempus ad religionis tramitem præstitutum, pari vigoris admonitione compescuit. Sed suis institutis iniquitas delectatur, et semetipsam non deserit, cum semel precipitata corruerit. Idem namque Maximianus ceptam nutrit audaciam, et alios sibimet consociat ad furem. Inter quos etiam Felicianus quidam, qui primo recta sectatus, depravationis hujus atflaminatione fuscatus, in Mustitana positus civitate, Deo omnipotenti parietes consecratos et ecclesiam venerandam quasi quadam obsidione credidit retinendam. Hunc etiam Prætextatus in Assuritanis partibus imitatur. Sed cum æquitatis tuæ innotesceret potestati consortium sacerdotum, jussisti (ut Gesta testantur) exploso omni contradictionis effectu, sacratissimis sacerdotibus a profanis mentibus ecclesias vindicatas oportere restitui ». Illicusque recitat Augustinus ex libello Titiani : et subdit post hæc :

¹ Aug. contr. Crescon. I, IV. c. 31. — ² Aug. contr. Crescon. I. III. c. 53.

¹ Aug. contr. Crescon. I. III. c. 56.

47. « Producitur autem iste conflictus (quantum ex gestis proconsularibus et municipalibus indagare potuimus) usque ad Theodorum proconsulem, hoc est, usque ad anni alterius diem XI kalend. Januarii : quo die clerici et seniores agentes sub Rogato episcopo, qui in locum damnati Prætextati Assuritani fuerat subrogatus, allegaverunt memorati proconsulis jussionem ». Cæterum post multum temporis eosdem penitentes suis ipsorum fuisse ecclesiis restitutos; idem Augustinus agens contra Gaudentium declarat his verbis ¹ : « Inveni si poles, quid dicas, quomodo suscepitis honorem Feliciani Mustitani, et Prætextati Assuritani, quos cum Maximiano et aliis decem sine ulla dilatione damnastis : contra quos, ut eos de basilicis pelleretis, apud duos, vel nisi fallor, apud tres proconsules litigastis : et cum jam in locum Prætextati alium ordinassetis; post tam longum tempus eos in suis honoribus recepistis. Qua justitia, qua ratione, qua fronte in honore suo suscipitur Maximianista damnatus, et damnatur orbis terrarum catholicus inauditus? Qua justitia, qua ratione, qua fronte cavendum esse dicitis, ne vos inquinaret Felicianus olim defunctus, vobisque prorsus incognitus, vestris majoribus judicantibus semel damnatus, vestris majoribus accusantibus ter absolutus : et cavendum non putastis, ne vos inquinaret Felicianus universalis Concilii vestri ore damnatus, et ab universis vobis, præcipue tui prædecessoris favore susceptus? Qua justitia, qua ratione, qua fronte rescinditis baptismum, quem dat Ecclesiæ, quas laboribus suis Apostoli plantaverunt; cum suscepitis baptismum, quem Felicianus et Prætextatus per tam longum tempus, quando contra eos damnatos litigabatis, foris a vestra Ecclesia tradiderunt? » Hæc Augustinus : qui ad confutandos eos suis ipsorum factis ac scriptis, eadem Acta Conciliorum, libellumque exscripsit, et sæpe citat, atque frequenter reficit, ut sic eos ex gestis ipsorum inevitabili argumentatione redarguat. Commiseri enim peccatoribus, nefas cum dicerent; totius Ecclesiæ Catholice, quæ communicaverat Cæciliano ab ipsis accusato, communionem vitabant. Rursum de iisdem agens idem Augustinus ² ad Cæcilius, ait eosdem Felicianum et Prætextatum episcopos, et omnes ab eis baptizatos susceptos a Primiianis, cogente Optato Gildoniano, de quo plura inferius : persecutus est enim idem Optatus Maximianum cum suis, quamvis Donatistas, ut tradidit ipse S. Augustinus agens adversus Cresconium ³.

Sed quomodo lege agerent Donatiste ex parte Primiiani adversus Donatistas partis Maximiani, cum æque ac isti, illi rei essent lætæ adversus hæreticos ab imperatoribus legis, dicamus. Factum est id quidem incertum magistratuum, cum ipsi hæretici minime adjuvandi fuissent auxilio legis, qua ipsi pariter damnarentur. Istud ipsum est, quod S. Augustinus

exclamat ⁴ adversus eosdem cum illud Psalmistæ explicat : « Contrivit Dominus dentes eorum in ore ipsorum » : atque ait : « Quæro et ego : Quid vobis ad proconsules, quos miserunt imperatores? Quid vobis ad leges, quas contra vos dederunt imperatores? Imperatores communionis nostræ leges adversus omnes hæreticos dederunt : eos utique appellant hæreticos, qui non sunt communionis eorum; inter quos utique et vos estis. Si veræ sunt leges, valeant et in vos hæreticos : si falsæ sunt leges, quare valent contra vestros hæreticos? Fratres, paululum advertite, et intelligite quod diximus.

49. « Quando egerunt causas suas adversus Maximianistas, ut eos a se damnatos et schismaticos suis ejicerent de locis, quæ illi tenebant antiquitus, et successerant episcopis decessoribus suis : volentes illos inde excludere, egerunt legibus publicis, ad iudices venerunt, dixerunt se catholicos, ut possent excludere hæreticos. Quare te dicis catholicum, ut excludatur hæreticus, et non potius es catholicus, ne sis exclusus hæreticus? Modo catholicus es, ut valeas ad excludendum hæreticum : iudex enim non posset nisi legibus suis judicare. Dixerunt se catholicos : admissi sunt agere. Dixerunt illos hæreticos. Quæsit unde probaretur. Lectum est Concilium Bagaitanum, ubi damnati sunt Maximianistæ : insertum est Actis Proconsularibus. Probatum est quod illi damnati non deberent tenere basilicas, et pronuntiavit Proconsul ex lege. Ex qua lege? quæ lata est contra hæreticos : si contra hæreticos et contra te. Quare, inquit, contra me? non enim ego hæreticus sum. Si tu hæreticus non es, falsæ sunt illæ leges : ab his enim imperatoribus lætæ sunt, qui non sunt communionis tuæ : omnes qui non sunt communionis eorum legibus suis hæreticos vocant ». Hæc Augustinus, eodem dilemmate iterum atque iterum Donatistas exagitans. Quanquam vero fuerint hæc leges, recensuimus suo loco superius. Porro res Africanæ Ecclesiæ eo statu collocatæ erant, ut ob immensum numerum Donatarum, Catholici quamvis merito lege agere imperatorum possent, ipsique proconsules deberent præ se ferre vindices legis; lamen quod tot tantaque remedia tum a Constantino Magno, tum a Constante ejus filio ad eos curandos cassa esse reddita visa essent, imo illis remediis eadem monstra iidem acerbius provocassent; quodque etiam pollerent manu factiosorum et sceleratorum hominum, nempe Circumcellionibus; Catholici quidem quiescere tutius rati sunt, et magistratus ob pacem provincie ea toleranda esse putarunt. Sic igitur veluti soluti vinculis ipsi legum, leges tamen ad alios perturbandos adhibuerunt; imo etiam furentes adversus adversarios leges penales sanciverunt : nam de ipsis sanctus Augustinus ⁵ : « Quid amplius dicamus? Modo præconem misistis qui clamaret Sinit : Quisquis Maximiano communicaverit, incendetur domus ejus ».

¹ Aug. cont. Gaudent. l. i. c. 39. — ² Aug. epist. CLXV. — ³ Aug. contr. Crescon. l. IV. c. 47.

⁵ Aug. in Psal. LVII. — ² Aug. epist. CLXVI.

50. Sed vide, quæso, quid in Salvium episcopum Membresitanum, unum ex ordinatoribus Maximiani, iudicio cum adversariis Primiianis contententem, et de lege illa excipientem, qua illi sibi agendi contra Maximianistas esse facultatem apud proconsules affirmabant, idem egerint Primiianiste : Augustinus enim contra Cresconium ¹ agens hæc narrat, cum ait : « Quære quæ statuta sint Salvio Membresitano : quia ei non potuit illius persecutionis exagitationibus extorquere, ut rediret ad consortium criminis ; maluitque se committere examini, et persecutoribus suis in proconsulari iudicio respondere ; ea credo fiducia, quod sciret adversarios suos legibus contra hæreticos promulgatis uti non posse apud iudicem, nisi etiam se ipsos pariter eis irretirent. Sed fefellerit eum ista cogitatio. Apud Seranum enim tunc proconsulem vel gratia plus valuit, vel magis forte Bagajense Concilium, quod illic etiam contra eundem Salvium recitatum est. Quadam sane interloctione, quid per se ageretur, ostendit : id est, ut Salvium aut choro episcoporum communionis Primiiani redderet, aut fugaret a sedibus ; ut Restitutus quem contra eum Primiianus ordinaverat, loca omnia que a Salvio tenebantur, sine adversario possideret : et tamen in eadem interloctione, quod persecutionem Salvius pateretur, expressit : sic enim in iisdem Gestis legitur : Seranus proconsul dixit : Lis episcoporum secundum legem ab episcopis audienda est. Episcopi judicaverunt. Quare non aut sub satisfactione ad chorum reverteris vetustatis ; aut, ut habes scriptum, terga persecutoribus prodis ? » Et paulo inferius :

51. « Jam vero posteaquam sententia proconsulis Abitinensibus allegata est, per quam civitatem vicinam iudicatum implere vestri metuerat, eo quod pæne omnes Membresitani Salvium diligebant : quæ fecerunt iidem Abitinenses homini etate gravissimo, piget dicere ; quia ea non apud Acta fecerunt : sed tam recenti memoria cum omnibus documentis sit clarius ipsa testificatio civitatum, breviter attingam, quod illic, cum iter agerem, comperi. Nam quia eis pro defendendis ex quantacumque parte sedibus suis etiam post proconsulis iudicatum turbæ sibi faventis fiducia Salvius repugnare tentaverat ; victus aliquando comprehensus est, non jam duendus ad iudicium, ubi in partes fuerat prolata sententia, sed pompa miserabili triumphandus. Capto enim seni mortuos canes alligaverunt in collo, et sic cum illo, quantum libuit, saltaverunt. Hoc si vellem exaggerare dicendo, nonne fortasse hanc penam vix tormentis regum Etruscorum, quibus mortua vivis corpora iungebant, comparandam esse monstrarem ? etc. » Eadem idem Augustinus, dum agit contra Parmenianum ² ; et cum pluribus rem prosequitur, ait a suis Salvio uti martyri fabricatam fuisse novam ecclesiam.

52. Quod vero eadem prosecutione causæ suæ Primiianiste adversus Maximianistas ea omnino præ-

stiterint, quæ iidem atque cæteri Donatiste a tempore Constantini Magni atque Constantis in Catholicos effuso ore jactabant ; siquæ ipsorum se armis confodi, negare non possent (quod creberrime idem S. Augustinus inculcat), inde factum est, ut in Concilio Carthaginensi postea a Catholicis celebrato, nimirum sub consulatu Vincentii et Fravite, decreverint Patres ad perpetuam rei memoriam e publicis Actis excipienda esse cuncta, quæ inter Primiianistas et Maximianistas penes proconsules versata essent : sunt enim hæc ³ verba decreti : « Placuit ut ex Concilio nostro litteræ darentur ad iudices Africanos, a quibus hoc peti congruum videtur, ut in hoc adjuvent communem matrem Ecclesiam Catholicam, in quo episcopalis auctoritas communiri in civitatibus potest ; id est, ut iudiciaria potestate ad diligentia ex fide christiana, quid gestum sit in omnibus locis, in quibus Maximianistæ basilicas obtinuerunt, qui ab eis schisma fecerunt, inquirant, et gestis publicis propter firmam notitiam omnibus necessariam faciant inhærere ». Hæc Patres ; et quam prudenter id egerint, ex usu frequenti ipsorum proconsularium Gestorum, quibus Augustinus frequentissime Donatistas exagitat, satis perspicue demonstratur.

53. Cæterum sicut olim Constantinus Magnus et Constans, ita et Valentinianus major, Gratianus, et Theodosius coercere legibus Donatistas, prout ipse S. Augustinus affirmat ; easque ipsi legendas proponit, dum ait ⁴ : « Deinde Valentinianus, legite, quæ contra vos iusserit. Inde Gratianus et Theodosius, legite quando vultis, quæ de vobis constituerint, etc. » Quæ vero post Theodosium Honorius adversus eosdem statuerit, dicemus inferius suo tempore. Sed quam pœna contemptores legum, potestatum, ac denique numinis a Deo puniri solent ? (hand enim divinitas patitur fontes omnino hic grassari sine supplicio), ac nimirum, ut quos carcer coercere minime valet, nec compedes et catenæ constringunt, nec securis ferit vel ignis incendit, iidem sibi ipsi carnifices fiant : Ob idque accidit, ut e cælo in eorum præcordia immissa vindicta, iidem Donatistæ mente turbati, furore perciti, a pravo dæmone agitati, quovis prætextu, vel desperatione adacti, vel falsa spe meliorum illecti, ipsi sibi spontanei carnifices fierent, injicerent collo laqueos, gladios in sua converterent pectora, venena sitirent, præcipitia vel flumina, vel ignes ad necem quærerent, et ad quoscumque oblatos sibi interitus modos obviis accurrerent manibus, siquæ infelicissimi homines appeterent mortem, et oppeterent avidius, quam alii vitam. Tali quidem, ulciscente numine, quos iudex legum vindex non plexit, mulctati sunt supplicio Donatistæ ; ut amentię quadam offusi caligine, prætextu martyrii, ipsi sibi violentas manus inferrent, vel ad infligendum ultimum sibi supplicium alios cogèrent, ut superius demonstratum est. Sit in horum exemplum quod Constantii imperatoris temporibus dictum est ex Optato de

¹ Aug. contr. Cresc. l. iv. c. 48. — ² Aug. contr. ep. Parm. l. iii. c. 6.

³ Conc. Afr. c. 34. tom. i. Conc. — ⁴ Aug. epist. CLXVI.

Marculo et Donato sua sponte necatis, quos illi dicebant a nostris occisos : sed verius Augustinus ¹ : « Ecce, inquit, Marculus de petra præcipitatus est; ecce Donatus Bagajensis in puteum missus est. Quando potestates Romana talia supplicia decreverunt, ut præcipitarentur homines? » Exoleverat diu ante supplicium illud, quo de rupe Tarpeia rei immanium criminum projiciebantur. « Quid autem respondent nostri? Quid sit gestum, nescio. Tamen quid tradunt nostri? Quia ipsi se præcipitaverunt, et potestates infamaverunt, etc. » At de aliis imitatione majorum suorum eadem sibi supplicia voluntaria inferentibus agit ipse S. Augustinus contra Gaudentium his verbis ² :

54. « Sed nunc plane cum parcente vobis mansuetudine Christiana, ita in vos sævit vestra dementia, ut quemadmodum dicis, caminorum reperto compendio, vestras animas rapiatis. Omni modo vos a vobis ipsis pati persecutionem, nimia est impudentia, si negatis; quando vos utrumque completis, et unde juste pereatis, et quod peritis. Sic autem dicis, tot hominum millia esse qui hoc faciant, quasi non etiam ista sit non parva causa, cur ab hujusmodi magisterio vestro Africa liberetur. Eorum est enim hominum genus, cui hoc malum persuadere potuistis, qui solent hæc et antea facere, maxime cum idololatriæ licentia usquequaque ferretur, quando isti Paganorum armis festa sua frequentantibus irruerant. Vovebant autem Pagani juvenes idolis suis quis quot occideret. At isti gregatim hinc atque inde continentes, tanquam in amphitheatro a venatoribus more immanium bestiarum venabulis se oppositis ingerebant, furentes moriebantur, putrescentes sepeliebantur, decipientes colebantur. Præter hæc sunt saxa immania, et montium horrida prærupta voluntariorum creberimis mortibus nobilitata vestrorum : aquis et ignibus rarius id agebant, præcipitiis greges consumebantur in gentes. Ætatis nostræ hominibus res notissimas loquor. Quis nescit hoc genus hominum in horrendis facinoribus inquietum, ab utilibus operibus otiosum, crudelissimum in mortibus alienis, vilissimum cum suis, maxime in agris territans, ab agris vacans, et victus sui causa cellas circumiens rusticanas, unde et Circumcellionum nomen accepit, universo mundo panem famosissimum. Africani erroris opprobrium? Ex hoc igitur genere quis ignorat quam multi antea per diversas regiones ibant et peribant, et nunc in illorum comparatione quam pauci suis ignibus ardeant? » Cum scilicet compressi sunt iterum legibus imperatorum, de quibus uberius suo loco dicendum erit.

55. Quod autem hi nefandum scelus exemplo Rasie ³ ex Machabeorum libris defendere soliti essent, et deterrimum delictum titulo martyrii honestarent, idem Augustinus eosdem pluribus sepeque confutat ⁴; periculosque glorie stimulis ista

delirasse, sæpe etiam demonstrat ⁵. Nam sic occisos sepeliebant, et colebant ut martyres, ad eorum sepulcra comedentes atque gaudentes, orantesque jactabant se ad eorum memorias exauditos : sed refellit has omnes fallacias, et ad animas decipiendas diaboli technas relegit ipse fusius Augustinus ⁶.

56. Cæpta hæc ipsorum insania sub Constante imperatore, cum ab eis missi sunt Paulus, et Marcarius legati pacis, nec postea quoad vignet impium schisma desit, pervulgata jam etiam transmarinis : nam de his Philastrius ita meminit ⁷ : « In Africa sunt qui Circitores dicuntur : hi circumueunt terras; et quos inveniunt in via, cogunt eos, ut interficiantur ab illis, dicentes se desiderare pati martyrium : et sub causa hæc multi latrocinantur interdum. Quidam autem ex his velut Biothanati moriuntur, sese dantes in præcipitum, diversumque subeunt calamitatum interitum ». Innotuerunt iidem Orientalibus etiam : nam de ipsis Theodoretus hæc habet ⁸ : « Novum insanie genus excogitarunt : violentam enim mortem, martyrium nominant; et qui hanc quidem appellationem assequi volunt, id longo ante tempore, iis qui idem secum sentiunt, significant. Illi autem eos omni genere officii observant, eisque inserviunt, et omne ciborum genus afferunt, veluti quædam sacrificio destinata animalia præpascentes, et pingue facientes. Cum diuturno autem tempore in his deliciis laute et opipare vixerint, cogunt eos quos in viis invenerint, lethalia eis vulnera ense afferre; et nonnulli quidem institutum assequuntur, alii vero ab eo excidunt. Quis enim sanæ mentis in se cædis manifeste crimen suscepit? Instar Corybantum itaque furentes, et debacchantes, se ex alto præcipitio deorsum præcipitant. Ego autem interim, dum de Arianis loquor, volo aliquid lepidum, quod in his evenit, enarrare. Cum enim permulti ex iis, instar phasiarum adipati, in generosum quemdam juvenem incidissent, deinde nudum enssem ei porrexissent, jusserunt ut eis afferret vulnera; et se cum interfectorum minati sunt, nisi imperatum faceret. Is autem dixit, se vereri, ne aliquibus occisis, qui superessent penitentia ducti, penam cædis ab eo exigerent : oportere itaque prius unicuique eorum vinculum imponere, deinde sic enssem adigere. Cum illi autem acquievisset, et vincula accepissent, cum virgis omnes cecidisset, eos victos relinquens abiit. Eis vero hanc phrenesim immisit malus daemon ». Hactenus Theodoretus; deque his modo satis : reliqua enim de ipsis suis locis antea dicta et inferius dicenda sunt. Tantum enim abest, ut ab hæc insania aliquando resipierint, ut majori in dies correpti furore, grassati sint in se ipsos, et in Catholicos; tunc præsertim, cum Gildonis in Africa tyranni sectator Optatus Gildonianus, homo Dona-

¹ Aug. in Jo. tract. xi. — ² Aug. cont. Gaudent. l. 1, c. 28. — ³ 2. Mach. iv. — ⁴ Aug. cont. Gaudent. l. 1, c. 28. 29. 30.

⁵ Aug. de Unitat. Eccl. c. 49, et cont. Gaud. l. 1, c. 20. et aliis in locis. — ⁶ Aug. de Unit. Eccl. c. 19. — ⁷ Philast. de hæres. c. 86. — ⁸ Theod. hæret. fabul. l. iv.

fista armatus prodiit, quod suo loco dicturi sumus. Vidisti igitur et considerasti, nullum unquam non dico christianum imperatorem, sed nec Scytham, et immanissimum quemvis tyrannum de Donatistarum sceleribus valuisse adeo crudeles penas sumere, quas ipsi sibi sponte ferali animo intulere. Sed jam quæ sunt reliqua rerum gestarum præsentis anni, oratione prosequamur.

57. *Alipio Tagastensi creato episcopo inter Augustinum et Hieronymum capta dissensionis.* — Ille ipso anno Alipius Tagastensis, qui (ut ad caleem anni superioris diximus) Hierosolymam profectus est, in Africam rediens, creatus fuit suæ patriæ episcopus Tagastensis : quod ex litteris S. Augustini ad S. Hieronymum hoc anno datis facile possumus intelligere¹. In ipso enim limine perfuncti presbyteratus et episcopatus ejus initiationis, Augustinus illas, de quibus agimus, ad S. Hieronymum litteras dedit; quarum exordium est: « Nunquam æque quisquam, etc. » Hæc quidem haud otiose disquirimus, sed ut perspicue innotescat, quo tempore cæpta sit controversia illa famosa, ore omnium agitata, inter Augustinum atque Hieronymum ad multorum annorum spatia propagata; simulque causam et fontem, unde illam fluxisse contigit, percipere accurate possumus. Ac primum quæ de Alipii episcopatu habeat Augustinus, his tunc ad Hieronymum litteris datis, hic verbis ipsis manifestemus: « Nunquam, inquit, æque quisquam tam facile cuilibet facile innotuit, quam mihi tuorum in Domino studiorum quæta lætitia, et vere exercitatio liberalis. Quanquam ergo percipiam omnino te nosse, tamen exiguum quiddam minus habeo, præsentiam videlicet corporis. Quam ipsam etiam, posteaquam te beatissimus nunc episcopus, tunc vero jam episcopatu dignus, frater Alipius vidit, remeansque a me visus est, negare non possum magna ex parte mihi esse relatu ejus impressam: et ante reditum, cum te ille ibi videbat, et ego videbam, sed oculis ejus, etc ».

58. Auspicaturi jam exordium et originem controversiarum, quæ inter tales tantosque viros doctrina et sanctitate egregia præditos, Catholicæque Ecclesiæ magistros exorte sunt: hic repelere memoria debemus, quæ anno superiori ad finem ipsius diximus, cum de ejusdem Alipii peregrinatione Hierosolymam sermonem habuimus; nimirum tunc ex nobilium Origenistarum Hierosolymis agentium latebris ventum illum spirasse, quo ejusmodi est excitata tempestas, ex qua filiorum pacis navigia nonnihil jactata, et inter se collisa diu, vix tandem ad tranquillitatis portum, quo uterque rectitudinis et veritatis clavum direxerat, integra absque naufragio pervenire: cum postea datis inter se mutuo dexteris junctis animis, adversus primogenita Origenistarum germina, Pelagianos hæreticos, sub eodem catholico fidei vexillo commithones acerrime decertarunt.

59. Sed quomodo ab Origenistis suppeditalus est discordiæ fomes; ex verisimilibus, ex veris tamen deductis conjecturis datur posse opinari: procul vero abhorremus ab opinione eorum, de quibus ista Hieronymus¹: « De amicitia omnis tollenda suspicio est; et sic cum amico, quasi cum altero se loquendum. Nonnulli familiares mei et vasa Christi, quorum Hierosolymis et in sanctis locis permagna copia est, suggererant, non simplici animo a te factum, sed laudem atque rumusculos, et gloriam populi requirente; ut de nobis cresceres, et multi cognoscerent te provocare, me timere; te scribere ut doctum, me tacere ut imperitum; et tandem reperisse qui garritati meæ silentium modumque imponeret ». Hæc ipse: sed plane illi male Augustini animum perscrutati; licet id conati fuerint, qui ad hæc adversus Hieronymum scribenda Augustinum quibusdam impulsibus adegunt. At quinam adversarii isti Hieronymi, qui ex Augustini ad ipsum scriptis insultant in eum captaturi forent occasionem? illi nempe, quorum superius mentio facta est, Joannes, Hierosolymitanus episcopus, Ruffinus, Melania, et si qui alii ob Origenis errores quos impugnabat, ipsi Hieronymo infensissimi, ejusmodi quidem, qui extrinsecus sanctitate cum nobilitate pollentes, fidem apud omnes invenirent, qui eos minus proxime perspectos haberent.

60. Quænam autem, quantave putas hos omnes adversus Hieronymum in aures Alipii infudisse? etsi non alia, illud quidem quod dicitare et obiectare sæpe solebat; nimirum, hominem esse fastu plenum, tumidum, nemini parentem, omnes carpentem, sibi nimium arrogantem, agentem doctorem totius orbis, omnes spernentem, nulliusque rationem habentem; fore namque Deo gratum Christianisque jucundum, petulantiam hominis coercere, contrariis scriptis ejus scripta corripere et suggillare; idque esse de ipso in primis bene mereri, si e cathedra docentes demissus, in loco humili collocatus disceret tandem, et quod non crederet, experimento sentiret; præstantiorem ipso in Ecclesia inveniri doctorem. At quorsum hæc Origenistarum strophæ tendebat? eo nimirum, ut Hieronymi quam dicebant audaciam coercendo, Augustinum, si possent, ea arte sibi conjungerent; vel saltem eosdem inter se altercantes, sibi invicem adversarios constituerent, jugiter inter se pugnantes, mutuoque carpentes, eveniretque tandem secundum illud Hieremiæ²: « Quia fortis iniegit in fortem, ambo pariter ceciderunt ». Non sensit dolos Alipius, nec in animum inducere potuit fraudulenter hæc agi, ab hominibus præsertim, quorum sanctitas videbatur toto jam ore spectata: quamobrem quæ de Hieronymo ab illis accepit, eadem reversus in patriam retulit Augustino: qui bona fide, rectoque animo, et nonnisi boni consulens, sic scribere aggressus est, et carpere quæ a Hieronymo scripta

¹ Aug. epist. viii.² Hier. epist. xcii. — ² Hier. xl.

essent, ut tamen in omnibus fraternae charitati in primis voluerit esse consultum : sique se reprehensorem exhibuit, ut tamen charitate se fratrem esse, pluribus significasse voluerit. Sed age jam ad ipsas litteras inter se mutuo datas, quo scriptae sunt ordine, veniamus.

61. *Arces hinc inde epistolae et controversia, salvo tamen charitatis officio.* — Dedit igitur ipse prior Augustinus ad Hieronymum, quas diximus, litteras hoc anno cuidam Profuturo, familiares illas quidem, salibus tamen acrioris correctionis aspersas : nam unde sibi suppetere poterat haud mediocriter argumentum Hieronymi commendandi, quod solus ac primus inter Latinos reserare potuerit fontes Hebraicos, inde eum suggillandi, se invenisse putavit occasionem, quasi otiose haec ipse tentasset : a quo studio etiam divellere eum conatus, fructuosius ipsum laborare rogat, nimirum, ut verteret in latinum graecos scriptores ecclesiasticos; quod postulare se dicit nomine totius Ecclesiae Africanae, cum ait¹ : « Petimus ergo, et nobiscum petit omnis Africanarum Ecclesiarum studiosa societas, ut in interpretandis eorum libris qui graece Scripturas nostras quam optime tractaverunt, curam atque operam impendere non graveris : potes enim efficere, ut nos quoque habeamus illos tales viros, et unum potissimum, quem tu libentius in tuis litteris sonas ». Origenem sane Augustinus intelligit; cuius laudes, antequam ex eo haereses preferrentur in lucem, suis scriptis saepe configerat Hieronymum praedicasse : ut vel ex hoc uno intelligas tacitam inuri Hieronymo notam, quod hoc tempore detestari profiteretur Origenem, quem ante saepe alias commendasset : sicque plane per transennam inspicias suppediata ab Origenistis Augustino, eo modo quo diximus, in Hieronymum argumenta; qui et ista mox subdit : « De vertendis autem in linguam latinam sanctis litteris canonicis laborare te nollem, nisi eo modo quo Job es interpretatus; ut signis adhibitis, quid inter hanc tuam et Septuaginta, quorum est gravissima auctoritas, interpretationem distet, appareat. Satis autem nequeo mirari si aliquid adhuc in hebraicis litteris et exemplaribus invenitur, quod tot interpretes illius linguae peritissimos fegerit, etc. » Ad postremum ejusmodi indigno plane Augustino dilennemata agit : « Si enim, inquit, obscura sunt, te quoque in illis falli potuisse creditur; si autem manifesta, illos in eis falli potuisse non creditur ». Haec ipse : sed quantarum sint virium, si quae ad ista responderit Hieronymus legeris, plane invenies.

62. Post haec autem Augustinus cum reprehensionem inculcavit de perperam facta a Hieronymo interpretatione loci illius in epistola ad Galatas², quae Paulus ait objurgatum a se esse Petrum; cum Hieronymus diceret ex complurium doctorum sententia, ea omnia inter ipsos Apostolos per simulationem esse transacta : redarguit enim Augustinus Hieronymum tanquam pravi dogmatis assertorem;

quasi illis mentiri licuisse, affirmavit. At quam haec a sententia Hieronymi abhorruerint, superius a nobis est demonstratum tomo primo Annalium, cum de eadem controversia et dissensione inter Paulum et Petrum pluribus disputavimus; ad quem locum lectorem rejicimus. Haec quidem in primis ad Hieronymum litteris praestitit Augustinus, quas Profuturo perferendas Hierosolymam dedit. Sed accidit, ut ipsae retentae in Africa, vix (ut dicemus) pervenerint post annos duodecim Hierosolymam. Verum quo casu id factum sit, sic explicat Augustinus¹ : « Primas, quas ad te adhuc presbyter litteras praeparaveram mittendas per quemdam fratrem nostrum Profuturum; qui postea nobis collega factus, jam ex hac vita migravit; nec eas tum ipse perferre potuit; quia continuo, dum proficisci disponit, episcopatus sarcina detentus, ac deinde in brevi defunctus est; etiam nunc mittere volui, etc. »

63. Cum igitur harum Augustini litterarum S. Hieronymus penitus ignarus esset, ipse ad Augustinum alia occasione litteras officiosas satis misit : quae licet non extent, earum tamen meminit Augustinus²; qui et testatur inter alia admonitum se fuisse a Hieronymo, ut caveret in legendo Origene ejus errores; utpote quod ipse Hieronymus aliquid visus esset odoratus esse, et in suspicionem adductus de consuetudine Alipii Hierosolymis cum Joanne episcopo, Ruffino, atque Melana; et veritus ne per Alipium tanquam canalem e cœnosis fontibus in Augustini animum illaberentur toxica Origenis. His acceptis a Hieronymo litteris Augustinus, cum ad eum redderet litteras, eadem persuasionem qua cum primas litteras dederat animo affectus, rursus a redargutione scriptorum illius sumit exordium, ex causa quidem levissima sibi comparans argumentum; nimirum quod accepisset a quodam homine, inditum ab eo titulum, *Epitaphium*, commentario illi, quem ante biennium conscripserat *De scriptoribus ecclesiasticis* : quod tamen minime verum fuit, ut litteris suis se postea Hieronymus excusavit. Rursus vero iisdem Augustinus litteris eandem inculcat reprehensionem de pravo dogmate ex interpretatione perperam facta loci illius epistolae Pauli ad Galatas : atque tandem, perinde ac si gravi lapsus esset errore, adhuc admonuit, ut juxta illud Homeri, instar Stesichori, recantaret palinodiam : haec cuncta pluribus pertractata apud ipsos Hieronymum et Augustinum, si vis, inspicias lector : nimis enim in longum distuleret oratio, si cuncta verbis ipsorum hic reddere conaremur.

64. Sed accidit, dolo quidem adversariorum, non autem culpa vel oscitantia Augustini, ut haec litterae nequaquam Hierosolymam perlatae fuerint, sed excerpta ex eis exemplaria in Italiam missa sparsaque per singulas ferme civitates non sine Hieronymi gravi ignominiae nota : quorum unum nactus Symmianus diaconus, Hierosolymam ad Hieronymum

¹ Hier. epist. LXXX. apud Aug. epist. VIII. — ² Galat. II.

¹ Aug. epist. X. apud Hieron. LXXXVIII. — ² Aug. epist. IX. apud Hieron. LXXXVII.

attulit : testatur id ipse Hieronymus in litteris ad Augustinum scriptis, cum ista narrat, sic jure quidem expositulans ¹ : « Satis mirari nequeo, quomodo ipsa epistola et Romæ et in Italia haberi a plerisque dicatur, et ad me solum non pervenerit, cui soli missa est : præsertim cum idem frater Sysinnius inter cæteros tractatus tuos dixerit eam se non in Africa, non apud te, sed in insula Hadriæ ante hoc ferme quinquennium reperisse ». Hæc Hieronymus. Quis non sentiat id subdola adversariorum arte compositum, ne ejusmodi litteræ ad Hieronymum pervenirent, ne ejus stylo potenti ex more, omnia quæ essent objecta refellerentur : sed quasi ex illis victus atque prostratus, cum robore siluisse videretur ; litteræ illæ Augustini ubique locorum ab adversariis ostentarentur describerenturque ; ut sic Hieronymi nomen sanis pariter atque cæcinnis expositum pro adversariorum arbitrio ubique traduceretur.

65. Quod autem hæc acciderint Augustino nesciente, inde satis aperte percipi potest, dum post illam epistolam ad Hieronymum alias litteras dedit, quibus efflagitabat, ut ad datas a se litteras responderet. Sed rem hanc totam gestam dolo adversariorum cum dicimus ; ne falsum me conjectorem existimes, accipe quid præterea per Africanos itidem episcopos itidem adversarii Origenistæ eodem tempore moliti sint : narrat id S. Hieronymus ² in Apologia adversus Rufinum : « Scribit, inquit, frater Eusebius, se apud Afros episcopos, qui propter ecclesiasticas causas ad comitatum venerant, epistolam quasi meo scriptam nomine reperisse, in qua agere penitentiam ; et me ab Hebræis in adolescentia inductum esse testatur, ut hæbreæ volumina in latinum verterem, in quibus nulla sit veritas. Quod audiens, obstupui, et quia in ore duorum vel trium stat omne verbum, unique testi nec Catoni creditum est ; id ipsum multorum me ex Urbe fratrum scripta docuerunt, sciscitantium, an ita se haberet, et a quo ipsa epistola disseminata esset in vulgus lacrymabiliter indicantium. Qui hoc ausus est facere, quid aliud non audeat ? » Hæc S. Hieronymus : quibus significatur, ex una pariter officina isthæc omnia esse deprompta. Porro totius hujus facinoris architectum fuisse Rufinum, ipsumque ejus auctorem epistolæ nomine Hieronymi scriptæ, idem Hieronymus in Apologia in ipsum scripta non obscure significat ³.

66. At quid post hæc ipse Hieronymus ? licet Augustini litterarum exemplar per Sysinnium diaconum accepisset, cunctatus est tamen ad eas dare responsum, quod laud certus omnino reddi posset cas ab Augustino esse conscriptas, licet (ut ait) stylo satis intellexerit ejus esse : sed stomachatus nonnihil, duabus ⁴ ad Augustinum missis litteris, de injuria accepta conqnestus est, contestatusque pariter se ad priores ab ipso datas litteras minime respondere velle, quousque certioribus scriptis litteris suas illas

esse significaret : dedit harum litterarum priores Asterio, posteriores vero Firmo, ut ex Augustini redditis litteris ¹ apparet. Quas omnes licet stylo pungenti, utpote commotus injuria, visus sit exarasse ; haud tamen inter se ipsos connexum vinculum charitatis dissolvi voluit : nam ad finem priorum, quas Sysinnio dedit, animi sui candorem his verbis reliquisse voluit declaratum ² : « Vide, inquit, quantum te diligam, ut ne provocatus quidem voluerim respondere ; nec credam furtum esse, quod in altero forte reprehenderem. Ad finem vero posterioris epistolæ ³ : « Vale, inquit, mihi amice carissime, ætate fili, dignitate parens ». Sic quidem, quod jam Augustinus esset creatus episcopus : et mox addit : « Et hoc a me rogatus observa ; ut quidquid mihi scripseris, ad me primum facias pervenire ». Augustinus vero acceptis Hieronymi litteris ab Asterio, illas suas ad eum reddidit ; quarum esset exordium ⁴ : « Quamvis existimen, etc. » in quibus inter alia veniam petens, hæc ait : « Obsecro ergo te per mansuetudinem Christi, ut si te læsi, dimittas mihi, ne me vicissim lædendo, malum pro malo reddas » : Et post alia : « Utinam mereremur amplexus tuos, etc. » Ex quibus plane intelligis, Deo dilectos, filios pacis, Ecclesie magistros eo animo in altercando fuisse, ut inter ipsos verborum graviore verberibus ictus, se tamen mutuo complecterentur, et furtivis charitatis oculis peterent.

67. Porro ut his proficiter litteris Augustinus ; haud pridem dederal ad Hieronymum per Cyprianum diaconum litteras, quæ extant ; estque illarum exordium ⁵ : « Ex quo cepti ad te scribere, etc. » quibus et significavit suas esse duas illas priores, quibus superius dictæ correctiones conscriptæ habebantur ; de quibus, et Hieronymus petierat certior reddi, num ejus essent : adjunxit vero et postremis his suis ad Hieronymum alias reprehensiones : videlicet, quod novam ex Hebræo translationem libri Job edidisset prorsus inutilem ; quodque aliter quam Septuaginta habent, vertens ex Hebraica veritate librum Jonæ, pro cucurbita, magno omnium scandalum, hederam posuisset : et quid in una Africanarum Ecclesiarum tunc contigisset, recenset his verbis : « Quidam frater noster episcopus, cum lectitare instituisset in Ecclesia, cui præest, interpretationem tuam, movit quiddam longe aliter abs te positum apud Jonam Prophetam, quam erat omnium sensibus memorieque inveteratum, et tot ætatum successionibus decantatum : factusque est tantus tumultus in plebe, maxime Græcis arguentibus et inclamantibus calumniam falsitatis, ut cogeretur episcopus (ea quippe civitas erat) Judæorum testimonium flagitare. Utrum autem illi imperitia, an malitia, hoc esse in Hebræis codicibus responderunt, quod et Græci et Latini habebant. Quid plura ? coactus est homo velut mendositatem

¹ Hier. epist. XCII. apud Aug. epist. XIV. — ² Hier. Apolog. advers. Rufin. l. II. — ³ Hier. ibid. — ⁴ Hier. ep. XCI. et XCII.

¹ Apud Hier. epist. XCVII. — ² Hier. epist. XCI. — ³ Hier. epist. XCII. — ⁴ Aug. epist. XV. apud Hier. epist. XCIII. — ⁵ Aug. epist. X. apud Hier. epist. LXXXVIII.

corrigeret, volens post magnum periculum non remanere sine plebe». Itaque de his Augustinus: reciprocansque rursus per eandem lineam styli, affirmat eum utilius impensurum operam reddendo græca latinis, quam hebraica; eoque nomine gratias agit de Evangelio ab ipso ex græco in latinum translato.

68. At quantum temporis interlapsum sit, ex quo illas ab Augustino olim scriptas, et per Cyprianum diaconum iterum ad ipsum datas S. Hieronymus accepit¹; plane ex ipsis Hieronymi ad Augustinum per eundem Cyprianum tunc redditis litteris satis superque intelligi potest; nempe (quod admiratione quidem dignum est) duodecim annorum spatium intercurrisse: quod sane ex manifesta illa ratione deducimus, cum iisdem litteris ipse testetur S. Hieronymus², ejus exemplaria ad se perlata esse non antequam Sysinnius advenerit ex Galliis Hierosolimam, cum illuc missus est ab Exuperio episcopo Tolosano: qui quidem ejus adventus contigisse monstratur sub sexto Arcadii consulatu cum collega Probo: est is annus Domini quadringentesimus sextus. Nam cum ipse S. Hieronymus in prefatione libri tertii in Amos affirmet se dictis consulibus elaborasse commentarios in Zachariam ad Exuperium Tolosanum episcopum; et in prefationibus trium librorum in Zachariam idem S. Hieronymus testetur de eodem Sysinnio tunc misso ab Exuperio Hierosolimam; plane necesse est affirmare, non ante dictos Consules Sysinnii adventum contigisse. Porro non alium hunc fuisse Sysinnium, qui exemplaria epistolæ Augustini ad Hieronymum attulit Hierosolimam, ab illo qui ab eodem Exuperio Tolosano episcopo missus accepit a S. Hieronymo commentarios in Zachariam prophetam sub dictis consulibus elaboratos, ex eo quoque certo cognosci potest, quod ipse Hieronymus in litteris quas tunc pro defensione sua ad Augustinum scripsit, cum citat S. Joannem Chrysostomum, non eum dicit esse episcopum, sed olim fuisse, atque esse jam desiisse: adeo ut necesse sit eam ab ipso pro sua defensione esse scriptam ad Augustinum epistolam, cum jam Joannes sede submotus esset, et in locum ejus alius successus: sunt enim in dicta epistola hæc Hieronymi verba³: « Quid, inquit, dicam de Joanne, qui dudum in pontificali gradu Constantinopolitanam rexit Ecclesiam, et proprie super hoc capitulo latissimum exaravit librum? » Quæ quidem ipsamet verba (ne arbitris esse mendum in codice) repetit ipse Augustinus in sua ad Hieronymum responsione, ea epistola, cujus est principium⁴: « Jampridem charitati tue, etc. » Sic igitur jam vides sedere desiisse Joannem Chrysostomum, cum illa a Hieronymo scripta sunt litteræ ad Augustinum per Cyprianum, quibus de acceptis priorum litterarum exemplaribus a Sysinnio significabatur. Porro et illud liquet, eundem Joannem

Chrysostomum quadringentesimo quarto Domini anno sede depositum et in exilium missum esse: unde perspicias, optime convenire, eundem hunc esse Sysinnium, quem constat Hierosolimam venisse sub dicto sexto Arcadii consulatu, anno Domini quadringentesimo sexto; indeque perspicue intelligas, non ante annos duodecim Hieronymum accepisse, non dico litteras, sed exemplaria litterarum, quas Augustinus scripserat: quibus et videas, quam proditorie cum eo tunc ab adversariis actum sit.

69. Sed non hic finis, imo potius exordium controversiarum fuit: siquidem acceptis tribus simul missis ab Augustino Hieronymus litteris, ipse iis quas per dictum diaconum Cyprianum reddidit, Apologiam validam quidem contexit: qua cum ab omnibus objectis causam suam defendisset, redarguit insuper Augustinum, quod ejus sententiæ visus esset assertor, quæ diceretur, Judæos ad Christum conversos uti licite legalibus potuisse: quod affirmare, nihil aliud esset, quam Cerinthi, Ebionis, et Nazareorum hæresi adstipulari. Vice versa Augustinus his a Hieronymo pro sua ipsius defensione acceptis per Cyprianum diaconum litteris, necnon superioribus Firmo datis, quarum meminimus, prolixiorum illam rescripsit epistolam, quæ incipit: « Jampridem charitati tue »: qua inter alia purgat se ab eo errore, in cujus suspicionem apud Hieronymum venerat, quasi eadem sentiret cum hæreticis illis, qui Judaica pariter cum fide christiana esse servanda antea docuissent: fatetur tamen, se minus perfecte esse locutum; intelligere autem voluisse, ea primis illis temporibus tolerata fuisse; quam suam ea de re sententiam jam ante contra Faustum scribens, plenius se declarasse testatur. Sed jam recepti post bellum canendum; imo et composito inter eos fœdere, et veritate in utroque vincente firmiori pace atque concordia stabilita, pro munere Deo laudes cum gloria concinenda.

70. Porro ut ab omni suspitione malæ mentis pravique animi S. Augustinum penitus liberemus, intelligamusque quam verissimum esse hæc omnia adversariorum arte fuisse composita, ipso aliter sentiente: præter illa quæ superius ingesta sunt ad hæc declaranda, accipe quæ ipse Augustinus ad eadem suarum primitus datarum epistolarum habet; ut intelligas quo animo in ejusmodi contentio-nis palastra in arenam descenderit. Sunt hæc verba¹ ipsius, cum Profuturo simul cum litteris alia quædam scripta Hieronymo dederat perferenda: « Sane idem frater aliqua scripta nostra fert secum; quibus legendis si dignationem adhibueris, etiam sinceram atque fraternam severitatem adhibeas quæso. Non enim aliter intelligo quod scriptum est²: « Emendabit me justus in misericordia, et arguet me: oleum autem peccatoris non impinguet caput meum: nisi quia magis amat objurgator sanas, quam adulator ungens caput. Ego autem difficillime bonus iudex

¹ Hier. epist. LXXXIX. apud Aug. XI. — ² Hier. epist. XCI. XCII. —
³ Hier. epist. LXXXIX. — ⁴ Aug. epist. XIX. apud Hier. XCIII.

¹ Aug. epist. VIII. — ² Psal. CXL.

lego quod scripserim; sed aut timidior recto, aut cupidior. Video etiam interdum vitia mea, sed hæc malo audire a melioribus: ne cum me recte fortasse reprehendero, rursus mihi blandiar, et mehilosam polius mihi videar in me, quam justam tulisse sententiam ». Hæc ipse, volens sua scripta censuræ Hieronymi subiacere: quo animo pervererasse Augustinum immobilem usque ad finem, omnique observantia Hieronymum coluisse, innumera in iisdem epistolis sparsa sunt loca.

71. In novissima eodem argumento conscripta, quantum ipse licet episcopus detulerit Hieronymo presbytero, hæc plane sententia declaravit¹: «Quantum secundum honorum vocabula, quæ jam Ecclesiæ usus obtinuit, episcopus presbyterio major sit; tamen in multis rebus Augustinus Hieronymo minor est ». Major quidem Augustino Hieronymus non ætate solum, cuius ratione eum superioribus litteris filium nominat, sed et linguarum hebraicæ et græcæ peritia: verum et in sanctitate etiam puto Augustinum jure primas Hieronymo detulisse; quippe quem sciret ab exordio juventutis jugum Christi portare cepisse, fidemque immaculatam servasse; se vero a fide naufragum diu per Manichæorum hæreses deviasse. Cum tot igitur prærogativas præstaret Hieronymus Augustino; videtur insulsa nimis illa quorundam interpretatio; significare nimirum voluisse Augustinum, Hieronymum majorem fuisse, quod major esset dignitas cardinalatus episcopatu: quasi nihil præterea esset, quo excelleret Hieronymus Augustino, ut necessario ad cardinalatum illa referenda sint verba: sed de cardinalatu Hieronymi satis superius. Ad postremum ad significandam puram suam erga Hieronymum charitatem, timens Augustinus ne quid reliquum respersi ex livore pulveris in Hieronymi animo resideret, quæstretem adhibuit Præsidium sacerdotem, qui penitus ejus animum exploraret; ad quem ea de re epistolam scribens, hæc habet in fine²: « Si ego, quod non debui, aut quomodo non debui, aliquid scripsi; non ad illum de me, sed ad me ipsum potius fraterna dilectione mitte sermonem; quo correctus petam, ut ignescat, si meam culpam ipse cognovero ». Hæc ipse. At quanti e contrario fecerit ipse Hieronymus Augustinum, et quibus laudibus prædicaverit, inferius suis locis dicturi sumus Annalium lomo quinto, cum mutuo inter se datas litteras tempore ingruentis hæresis Pelagianæ recensebimus. Ille autem satis in unum congestisse cœptam hoc anno controversiam, deductam vero ad annum ferme decimum quartum; simulque certo narrationis ordine in unum modo nos perdifficilem historiam ad rerum gestarum faciliorem intelligentiam, quam brevissime licuit, complexos esse. Jam cætera quæ hujus sunt anni acta reddamus.

72. *Paulini et Therasiæ conversio, eorumque inclytum genus.* — Hoc eodem anno Paulinus Romanus, V. C. antiquæ nobilitatis decus, una cum

Therasia conjuge, amplissimo patrimonio in pauperes erogato, monasticæ vitæ institutum arripiens, Urbem admirante in Nolauum agrum secessit. In cuius rei geste narratione, a temporis certa ratione sumentes exordium, hæc ipsa præsentī anno gesta esse, inde certam deducimus manifestaque adducimus auctoritatem, quod idem ipse Paulinus in epistola quam dedit ad Augustinum adhuc presbyterum, mox vero eodem anno postea creatum episcopum Hipponensem, nempe anno sequenti, quo contigit ad episcopatum provehi, cum testetur se nonnisi annum habere, ex quo, abdicatedo seculo, christianæ philosophiæ nomen dederit, licet ætatis annum quadagesimum primum impleasset; plane significat, hoc anno, suæ ætatis quadagesimo impleto, monasticum induisse habitum, et vitæ monasticæ instituta sectari cœpisse. Sed jam ipsum ista profitemem audiamus: ea enim epistola hæc habet³: « Rege ergo parvulum in terra reptantem, et tuis gressibus ingredi doce. Nolo enim in me corporalis ortus magis quam spiritalis exortus ætatem consideres. Quippe ætas mihi secundum carnem ea jam est, qua fuit ille ab Apostolis⁴ in porta Speciosa Verbi potestate sanatus », nimirum annorum amplius quadraginta. « In natalibus autem animæ illius adhuc mihi tempus infantie est, quæ intentatis Christo vulneribus immolata digno sanguine agni victimam præcurrit, et Dominicam auspicata est passionem »: nempe anni unius temporis terminus; anniculum enim agnum ad Paschalem victimam debere eligi, divina lege præceptum erat⁵. His igitur figuris Paulinus aperte significare voluit, se eo tempore, quo ista scribebat, nempe anno sequenti (ut dicitur) fuisse ætatis annorum quadraginta unius, quorum annum unum spiritalis natalis egisset in monastica disciplina.

73. Sed unde colligimus, dices, sequenti anno eam a Paulino ad Augustinum epistolam scriptam esse? ex eo nimirum ejus rei certum deducitur argumentum, dum ad Augustinum tunc presbyterum ipso scribente, Augustinus jam tunc factus episcopus ad ipsum Paulinum mox litteras reddidit: id enim ipse sanctus Augustinus affirmat⁶. Porro Augustini ad episcopatum promotionem sequenti anno contigisse, Prosper nota consulum signat: cui enim cum Augustino magna fuit vitæ consuetudo, ea de tempore sedis ejus ipsum præterisse minime potuerunt. Quod autem has litteras Paulinus ad Augustinum adhuc presbyterum dederit, ex verbis ejus fidem certam invenies, dum ibi hæc ait⁷: « Si officium commune consideras, frater es; si maturitatem ingenii tui et sensuum, pater mihi es, etsi forte sis ævi junior, quia te ad maturitatem meriti honor seniore prorexit, et juvenem cana prudentia ». Ita ipse: et inferius cum se eidem Augustino ministerio sociatum dicat æqualem, compresbyterum illum fuisse demonstrat, sicut etiam cum eundem

¹ Apud Aug. epist. XIX. — ² Aug. epist. XVI. apud Hier. XCV.

³ Apud Aug. epist. XXXI. — ⁴ Act. IV. — ⁵ Exod. XII. — ⁶ Aug. epist. XXXIV. — ⁷ Apud Aug. epist. XXXI.

fratrem nominet Augustinum; nam presbyterum a presbytero fratrem appellari consuevisse, episcopum vero patrem, idem Paulinus eadem epistola ad Augustinum dat¹ declarat, appellans Alipium episcopum Tagastensem communem patrem; cum tamen quod ad etatem spectat, ambo essent aequales. Quod autem tunc ad ea rescripserit Augustinus jam creatus episcopus, in eadem ipse testatur epistola¹. Sed et ex his illud observa: cum enim hoc anno ipse ad Augustinum epistola Paulinus tradat se jam implese quadragesimum annum, ac proinde inchoasse quadragesimum primum; plane invenies ejusdem prorsus etatis ipsum cum S. Augustino fuisse, quem tempore quo fuit creatus episcopus, liquet fuisse etatis annorum quadraginta unius: id quidem ex deducta exacta superioris annorum etatis ejus ratione perspicue demonstratur: hæc vero ad tempus insinuandum satis sufficient.

74. At quanti momenti res fuerit, tale de se spectaculum Urbi et orbi exhibuisse in sæculi abdicatione Paulinum, ex iis facile poteris intelligere, quæ S. Ambrosius eodem tempore ad Sabinum Placentinum episcopum data ad istud ipsum significandum epistola, his verbis exordiens narrat²: « Paulinum splendore generis in partibus Aquitanie nulli secundum, venditis facultatibus tam suis, quam etiam conjugalibus, in hos se induisse cultus ad fidem comperi, ut ea in pauperes conferat, quæ redegit in pecuniam: et ipse pauper ex divite factus, tanquam deoneratus gravi sarcina, domui, patriæ, cognitioni quoque vale dicat, quo impensius Deo serviat. Elegisse autem secretum affirmatur Nolanæ urbis, ubi tumultum fugitans, ævum exigit. Matrona quoque virtuti ac studio ejus proxime accedit, neque a proposito viri discrepat. Denique transcriptis in aliorum jura suis prædiis, virum sequitur, et exiguo illic conjugis contenta cæspite, solabitur se religionis et charitatis divitiis. Soboles eis nulla, et ideo meritum posteritas desiderata. Hæc ubi audierint procures viri, quæ loquentur? Ex illa familia, illa prosapia, illa indole, tanta præditum eloquentia migrasse a senatu, interceptam familiæ nobilis successionem? ferri hoc non posse. Et cum ipsi capita et supercilia sua radant, si quando Isis suscipiunt sacra: si forte christianus vir attentior sacrosanctæ religioni vestem mutaverit, indignum facinus appellant. Equidem doleo tantam esse in mendacio observantiam, in veritate negligentiam, ut confundantur plerique attentiores ad sacrosanc- tam religionem videri, non considerantes vocem dicentis³: Qui me confusus fuerit coram hominibus, confundam et ego eum coram Patre meo, qui est in cælis, etc. » Hæc ipse: quibus plane vides Paulinum atque Therasiam habitum mutasse, cum vitam monasticam una pariter auspicati sunt: quam quidem innovationem merito idem Paulinus novum natale suum appellat, dum se hoc anno genitum se-

cundum interioris hominis renovationem, scriptis ad Augustinum litteris proficitur.

75. Sed antequam de Paulino quæ sunt reliqua prosequamur, elucidandus est locus Ambrosii, quo ait, Paulinum in partibus Aquitanie nulli fuisse secundum: ne quis ex his pulet illum origine Aquitanum fuisse potius, quam Romanum, quem inter senatores Romanos claruisse, et inter omnes nobilitate fuisse conspicuum, idem affirmat, quod et Ausonius (ut dicetur) sæpe confirmat. Quamobrem quod ipse S. Ambrosius de Paulino dicat, in partibus Aquitanie nulli fuisse secundum; ad amplissimum patrimonium quod ille in Aquitania possideret, ubi et habitare sæpe solet, visus est alludere voluisse, secundum ea quæ itidem Ausonius de ipso Paulino scribit. Contingebat hoc tempore, sicut olim, nobiles Romanorum in provinciis longe ab Urbe positis latifundia possidere; ut S. Hieronymus¹ tradit de S. Paula, et Symmachus² suis testatur epistolis in Mauritania Caesariensi plurima jugera possedisse; itidemque de Pammachio ex S. Augustini³ epistola constat; quod et de aliis horum æqualibus affirmari potest, ut de antiquioribus Romanorum dicere prætermittamus. Quod igitur in eadem provincia Aquitania alii quoque Romani cives latissima rura possiderent, sed ab horum nemine superaretur Paulinus; ea de causa Ambrosius de ipso ait, in partibus Aquitanie in possessione agrorum nulli secundum fuisse.

76. Hæc autem cum optimo jure dici possint; puto tamen vitio librariorum inversam esse periculum: nimirum, ut cum ibi apud Ambrosium sic legitur; « Paulinum splendore generis in partibus Aquitanie nulli secundum, venditis facultatibus, etc. » ita sit restituendum: « Paulinum splendore generis nulli secundum in partibus Aquitanie venditis facultatibus, etc. » cui quidem lectioni favet in primis, quod cum ipse Ambrosius amplissimum Senatorem significet fuisse Paulinum, familia nobilissima, ac Romana prosapia eademque clarissima natum prædicet; plane res tanta minuitur, imo penitus extenuatur, si secundum priorem lectionem legerimus eum splendore generis in partibus Aquitanie nulli fuisse secundum; cum etsi primus inter nobiles illius regionis excellisset, haud tamen comparandus fuisset cum aliquo Romanorum antiquæ familiæ; nec sane dignus satis, ut de eo gentiles Romæ senatores talia tantaque, quod ad generis nobilitatem spectat, ista emphasi prædicarent: « Ex illa familia, illa prosapia, illa indole, tanta eloquentia præditum, migrasse a Senatu, interceptam familiæ nobilis successionem ». Haud enim par est, ista jactari de nobili Aquitano; qui et inter ejus provincie nobiles non primus censeatur, sed reliquis coarquetur. Arridet insuper posteriori lectioni, quod idem Ambrosius inferius dicat, agrum Nolanum minime ab eo fuisse distractum;

¹ Aug. epist. XXXIV. — ² Ambros. epist. XXXVI. — ³ Luc. IX.

¹ Hier. epist. XXVII. — ² Sym. I. VII. ep. LXVI. — ³ Aug. epist. CXXXIV.

sicque non omnes ab eo agros venditos fuisse, sed duntaxat eos quos amplissimos possidebat in partibus Aquitania, voluerit demonstrasse : vel etsi ceteros omnes, excepto Nolano, vendiderit ; Aquitanos tamen satis fuerit nominasse, qui omnium falsissimi haberentur.

77. Est insuper, ut ex ejusmodi S. Ambrôsii de Paulino elogio illud pariter assequaris, non alium esse hunc Paulinum qui in agro Aquitano prædia vendidit, et Nolanum secessum una cum conjuge petiit, ab illo ad quem extant complures Ansonii Galli viri consularis epistolæ versibus conscriptæ : illum ipsum namque Paulinum Ansonii pernecessarium sæculo nuntium remisisse, et cum conjuge idem vitæ institutum suscepisse, petiisseque perfectioris vite gratia Nolanum agrum, ex versibus ipsorum ultro citroque datis satis intelligi posse perspicitur.

78. Patere, lector, amabo te, orationi de tanto viro oblectanti, se liberiores ad cursum habenas laxari, ejusque exordium vitæ repetere usque ad ejusdem anno præsentem res gestas ; erit, ut tu quoque magnam ex iis capias voluptatem. Scimus Paulinos inter alios senatores christianos in Urbe celebres a Prudentio adversus Symmachum agente recenseri his versibus ¹ :

Non Paulinorum, non Bassorum dubitavit
P.rompta fides dare se Christo, stirpemque superbam
Gentis patricia venturo attollere sæclo.

Præter hunc autem de quo agimus, claruere Constantini temporibus Paulini duo senior atque junior ; quorum prior consulatum gessit cum Juliano, eo ipso anno, quo Nicænum Concilium celebratum est, qui est Domini trecentessimus vicesimus quintus ; posterior vero post annos octo una cum Optato itidem consulatum ordinarium est consecutus. De majori adhuc ethnico ejusmodi vetus reperitur inscriptio ² :

HERCULI. INVICTO
M. JUNIUS. CÆSONIUS. NICOMACHUS
ANICIUS. FAUSTUS. PAULINUS

De minori autem, cum aurata statua donatus est, ejusmodi extat egregium monumentum ³ :

ANICI. JUN.
ANICIO. PAULINO. JUN. C. V.
PRO. COS. ASLE. ET. BELLESPONTI
CONSULI. ORDINARIO. PREF. URBI
VICE. SACRA. JUDICANTI. OB
MERITUM. NOBILITATIS. ELOQUII
JUSTITIE. ATQUE. CENSURE. QUI
BUS. PRIVATIM. AC. PUBLICE
CLARUS. EST. PETITU. POP. R

TESTIMONIO. SENATUS. JUDICIO
D. D. N. N. TRIUMPHATORIS. AUG.
CÆSARUMQ. FLORENTIUM
STATUAM. SECUNDAM. AURO
SUPERFUSAM. LOCARI. SUMPTU
PUBLICO. PLACUIT

Quod inter alios magistratus una cum præfectura Urbana junctum legis : VICE. SACRA. JUDICANTI : intelligere debes, quod ex quo christiani principes titulum abiecerint Pontificis Maximi, jus pontificium sacra judicandi ad Urbis præfectos translulare : quod et ex Symmachi litteris de judicio exercendo ab ipso Urbis præfecto adversus Vestalem Primigeniam virginem lapsam, superius dictum est.

79. Habes ex his pariter inscriptionibus Paulinos itidem fuisse Anicianæ familie germen : a qua haud putamus nostrum excludendum esse Paulinum, licet Pontius prænominis dictus sit : sicut nec excluditur senior Paulinus, quod Faustus ea inscriptione nominalus inveniatur. Cæterum Prudentium, qui sub Honorio adversus Symmachum (ut diximus) duos illos libros scripsisse cognoscitur, cum Paulinos celebrat, ad Paulinum de quo agimus, ejus fama vigeat illustris, respectum potissimum habuisse, nulla penitus dubitatio esse debet. Fuisse pariter nostrum Paulinum Melaniæ clarissimæ femine Consularis affinem, ipse ad Severum ⁴ de illa scribens affirmat : hæc de Paulini genere.

80. Sed et celeberrimi viri cunabula quoque petamus. Burdigala fuit illi natale solum : pluribus namque Romanis contigisse in provinciis diversis occasionebus nasci, nulla exempla suppetunt, ut recens de Ambrosio, qui est natus in Galliis, cum parens ejus in eis gereret præfecturam. Burdigalæ igitur natus, ibi ab Ausonio Gallo illic publice proficiente rhetoricis atque poeticis institutus est facultatibus, ab eodemque paternis frequentatus officiis, prout ex ejusdem Ansonii ad ipsum datis litteris declaratur, ac primo cum versibus illis eum voluit salutari ⁵ :

Dic et, Valere ; dic, Avere te jubet
Amicus et vicinus et fautor tuus,
Honoris auctor, altor ingenii tui :
Dic et magister, dic parens, dic omnia
Blanda atque sancta charitatis nomina :

et alibi ⁶ :

Nec designare parentem
Adfari verbis. Ego sum tuus altor, et ille
Præceptor primus, veterum laetior honorum,
Primus in Anonidum qui te collegia duxi :

et Paulinus ad eum ⁷ :

Tibi disciplinas, dignitatem, litteras,
Lingue, et loq̃e, et fame decus,

¹ Prudent. advers. Symmach. l. i. — ² Recitat Pauvin. in Fast. —
³ Describit Suet. pag. 70. n. 4. nonnulli Pauv. in Fast.

⁴ Paulin. ad Sever. epist. x. — ⁵ Auson. ep. xx. — ⁶ Auson. ep. xxxii. — ⁷ Paulin. ep. xxxix. apud Auson. ep. i.

Profectus, altus (auctus), institutus debeo,
Patrone, præceptor, pater.

81. At quod ait, a se Paulinum auctum honore, profectumque altius; ad illud spectare puto, quod Paulinus ab Ausonio bene institutus, dignus evaserit, cui magistratus amplissimi crederentur. Etenim fuisse ante Ausonium Paulinum insignitum ordinario consulatu, his versibus in epistola ¹ ad eum conscripta declarasse visus est :

Quamquam et Fastorum titulo prior, et tua Romæ
Præcessit nostrum sella curulis ebur.
Et quæ jamdudum tibi palma poetica pollet,
Lemnicæ ornata est, quo nœa palma caret.
Longævæ tantum superamus honore senectæ, etc.

Quod de titulo Fastorum ait, et subdit de sella curuli Romæ consecuta; plane excluditur quod de Fastis municipalibus quis fortasse dicere potuisset, in illis Burdigalæ Paulinum scriptum, ibique primarios consecutum fuisse honores. Quamobrem hinc plane constat consulatum ordinarium significare voluisse; nam suffecti consulatus nequaquam Fastis annotabantur, secundum illud Prudentii ² :

Fastorumque arce potiti
Annales proprio signarunt nomine chartas,
Atque inter veteres cera numerantur et ære;

et alibi ³ :

Consulibus dat condere Fastos.

Consulum enim ordinario tantum id honoris erat: nam quod spectat ad externos consules allectos, vel suffectos; nequaquam eorum nominibus consignabantur anni, verum sub quibus consulibus consulatum gessissent (ut idem ait Ausonius in gratiarum actione pro suo consulatu) querendum erat. Sed et quod alibi idem his versibus scribit ⁴ :

Paulinum Ausoniumque viros, quos sacra Quirini
Purpura, et auratis trabæ velavit amictus :

plane significat eodem consulatu ordinario functum esse Paulinum, quo Ausonius, ambos nimirum aurata trabæ indutos esse: fuisse namque auro textam trabeam consularem, idem ipse Ausonius docet ⁵.

82. Sed quonam anno ante Ausonii consulatum Paulinus illum ipsum magistratum obierit, ignoratur; nisi dixerimus, quod cum omnes Fastorum laterculi certis reperiantur signati consulibus, minus vero ex eis careat consulum nota, adscribatumque post consulatum Gratiani Augusti et Equitii, par est existimare Paulini consulis nomine atque col-

legæ illum fuisse signatum. Hæc de Paulini consulatione ex Ausonio ipso dicta sunt, cui puto refragaturum neminem.

83. Reperitur insuper Paulinus gessisse præfecturam Urbanam sub consulatu Gratiani quinto et Theodosii; ad eum enim duo ¹ sub iisdem consulibus data habentur rescripta: quem hunc ipsum, de quo agimus, fuisse Paulinum, facile inducimur ut credamus. At qualia quantaque hæc? omnia tamen propter Christum Paulinus missa fecit, sicut et multo studio antea quæsitæ musas: et licet pluribus provocaretur ab Ausonio versibus scriptis epistolis, tacere nihilominus animo statuit. Quamobrem succensuit in ipsum Ausonius: qui eum duabus inter scribendum suggillasse visus est notis; priori nempe illa, quod obsequeretur coniugi, quam eam ob causam, quod imperare videretur marito, appellat Tanaquilem, ut cum ait ² :

Tanaquil tua nesciat istud :

ex quibus conicere licet quam eximie sanctitatis femina fuerit uxor Paulini Therasia: cum ab Ausonio creditum sit, ab ipsa Paulinum ad sanctiorem vitam excolendam fuisse perductum. Posteriori vero illa nota Ausonius subinfensus suggillavit ³ Paulinum, quod atræ bilis morbo, quam Greci vocant melancholiam, velut alter Bellerophontes laboraret, atque propterea recessisset, musasque penitus abdicasset. Ita iste, ut carnalis adhuc homo, nesciens quæ sunt spiritus, a melancholia inductæ insaniam tribuit sublimem illam Christianæ religionis philosophiam, quam Paulinus una cum conjugē, divino afflatus ambo simul numine, arripuerant.

84. Sic quidem Ausonius in Paulinum, ut assolent hodie sæculi sectatores; qui cum vident aliquem adolescentem spretis cum nobilitate divitiis, caris suis, et domo paterna cum flore juventutis, selectum vitæ genus sectari, mox illud olim in Christum a suis dictum inelamant ⁴: « Ille versus est in furorem ». Quæ item in Paulino suggillat Ausonius, cum nimirum Bellerophontis laborasse morbo, cum abdico sæculo arripuisset vitæ monasticæ institutum; eadem plane in omnes christianos monachos solita fuisse objectari a Gentilibus, Rutilius et ipse ethnicus fidem facit, ubi hæc de insule Caprariæ monachis:

Sic nimia bilis morbum assignavit Homerus
Bellerophontis sollicitudinibus.

At sanctus Paulinus, cum ad Ausonium rescripsit, rogat ut ab his abstineat contumeliis; atque post multa de iuste vitæ ratione hos habet versus ⁵ :

Næ me igitur, venerande parens, his ut male versum

¹ Auson. epist. II. — ² Prudent. lib. I. contra Symmach. — ³ Idem I. II. — ⁴ Auson. ep. XXIV. — ⁵ Auson. in gratiar. action. pro suo Consul.

¹ L. IV. et V. de scenie. Cod. Theod. — ² Auson. epist. XXIII. — ³ Auson. epist. XXV. — ⁴ Marc. III. — ⁵ Paulin. ad Auson. ep. XLII. apud Auson. ep. IIII.

Incepites studiis ; neque me vel conjuge carpas,
Vel mentis vitio. Non anxia Bellerophontis
Mens est : nec Tanaquil mihi, sed Lucretia conjux.

Sed et alia epistola eleganti metro sic Paulinus,
quod objurgabat Ansonius, excusat ¹ :

Quid abdicatas, in meam curam, pater,
Re h're Musas præcipis ?
Negant Camenis, nec patent Apollini
Dicala Christo pectora :

et paulo post :

Nunc alia mentem vis agit, major Deus ;
Aliosque mores postulat :

et quæ sequuntur.

Certe quidem musis se abdicasse visus est Paulinus ;
quas olim adeo luculenter excoluerat, ut in poeticis
facultatibus ipsum egregium poetam superaret Au-
sonium : quod liberaliter absque invidia idem ipse
Ausonius proficitur his versibus ² :

Cedimus ingenio quantum præcellimus ævo :
Assurgit Musa: nostra Camæna tuæ.

Cæterum ablegavit (quod mirandum est) a se Pau-
linus tersas illas comptasque musas : retinuit vero
rusticam et incomptam atque raucisonam, quæ satis
visa ad laudes Deo canendas, qui cordis potius,
quam chordarum numeris delectatur, et magis fide,
quam filibus collaudatur.

85. Quod vero ad ipsum Ausonium spectat, il-
lud non prætereatur, fuisse ipsum quidem Christi cul-
torem : quod pluribus declaratur carminibus, qui-
bus vel divinum nomen deprecatur, vel Paschalia
festa celebrat. Imo qui et a tenellis unguiculis a
Christianis sacris virginibus suis materiter educa-
tus est, par est credere imbutum fuisse ab eis etiam
pietate : fuerant enim hæc, Emilia, Hilaria, et Julia
Cataphronia; quas dum celebrat ³ epigrammatibus,
testatur eas virgines Deo devotas in sancta conse-
cuisse virginitate. Cæterum negari non potest eum-
dem Ausonium tum de diis, tum de amatoris rebus
quæ plurima cecinisse, ob eamque causam visum
esse nonnullis potius gentilem, quam christianum
hominem. At de Ausonio satis : redeamus ad Pau-
linum.

86. *Paulinus baptizatus et presbyter primum
Mediolani et Romæ, deinde Nolæ, ubi Fundanam
basilicam erigit, optimam vitam instituit.* — Ubi-
nam autem, quoque tempore, et a quo Paulinus bap-
tizatus, atque insuper quando presbyteratu initiatus
fuerit, satis ipse docet epistola sequenti anno ad Ali-
pium data, in qua hæc habentur ⁴ : « Quod enim,
inquit, iudicasti jam de humilitatis nostræ nomine
apud Mediolanum te didicisse, cum illic initiareris :

fateor curiosius me velle condiscere, ut ex omni
parte te noverim, quo magis gratuler ; si a susci-
piendo mihi patre nostro Ambrosio, vel ad fidem
invitatus es, vel ad sacerdotium consecratus, ut
eundem ambo videamur habere auctorem. Nam
ego etsi a Delphino Burgigalæ baptizatus ; a Lampio
apud Barcinonam in Hispania, per vim inflammatione
subito plebis sacratus sum ; tamen Ambrosii semper
et dilectione ad fidem nutritus sum, et nunc in sa-
cerdotii ordine confoveor. Denique suo me clero
vindicare voluit, ut etsi diversis locis degam, ipsius
presbyter censear » : hæc de se ipse ; qui et ad Se-
verum scribens ¹ : « Nos modo, ait, in Barcinoniensi
(ut antea scripseram) civilem consistimus. Post illas
litteras, quibus rescriptis, die Domini quo nasci
carne dignatus est, repentina (ut ipse testis est) vi
multitudinis, sed credo ipsius ordinatione correptus,
et presbyteratu initiatus sum (fateor) invitus, non
fastidio loci : nam testor ipsum, quia et ab æd.tui
nomine et officio optavi sacram incipere servitu-
tem ; sed ut alio destinatus, alibi (ut scis) mente
compositus et fixus, novum insperatumque placi-
tum divinæ voluntatis expavi ». Ita Paulinus.

87. Quanti autem ponderis æstimavit munus
presbyteratus quem acceperat, ipsum audi, cum ad-
dit : « Data igitur cervicæ in jugum Christi, video
majora me meritis et sensibus opera tractare, jam-
que arcanis et penetralibus Dei summi receptum et
insertum communicare cælestia, et Deo propius ad-
molum in spiritu ipso Christi et corpore et splen-
dore versari. Vix adhuc intellectum sacræ molis ca-
pio mentis angustius, et onus muneris mei consensui
infirmitatis horresco. Sed is qui sapientiam parvulis
dedit, et ex ore infantium atque lactentium perfecit
laudem sibi, potens est in me etiam opus suum per-
ficere, et munus ornare, ut se dignum faciat, quem
ab indigno vocavit. Scito tamen, voti communis,
eodem Domino præstante, salvam esse rationem.
Nam ea conditione in Barcinonensi ecclesia conse-
crari adductus sum, ut ipsi ecclesie non alligerer :
in sacerdotium tantum Domini, non etiam in lo-
cum ecclesie dedicatus ». Hæc ad Severum idem
Paulinus, cum discessionem pararet jam cum ipso
Severo condictam, anhelans ad Nolanum secessum :
quod jam consistens in Hispania mente conceperat,
memor admirandi Felicis, qui ibi colitur, martyris ;
quem longe positus precibus frequentabat, apud
quem residere, eidemque jugiter deservire statue-
rat. Tradit hæc quidem ipse in primo ejusdem sancti
Felicis Natali, quod dum anno superiori in Hispania
ageret, jam propediem discessurus, his versibus
cecinit ² :

Pande vias faciles, da currere mollioribus undis,
Et famulis famulos a puppi surgere ventos,
Inque tuo placidis nobis sit limine portus :
Illic dulce jugum, leve onus, blandumque feremus
Servitium sub te Domino. Etsi justus iniquis
Non egeas servis, tamen et patere et amari

¹ Paulin. ep. xxxix. apud Auson. ep. i — ² Auson. epist. xxv. —

³ Auson. in Parent. epigram. vi. et xxvi. — ⁴ Apud Aug. ep. xxxv.

¹ Paulin. ep. vi. — ² Paulin. in Natali s. Felicis.

Qualescumque tibi, Christo donante, dicatos :
 E foribus servare tuis, tua linina mane
 Munditie curare sines, et nocte vicissim
 Excubis servare pius, et munere in isto
 Claudere promeritam defesso corpore vitam.

Hæc ipse cum adhuc in Hispania versaretur, animo tamen Nolam, aedesque S. Felicis tenens, quem ante recedens ab Italia inviserat, snaque ei vota dicarat : et licet per multa annorum spatia abesse contigerit ; nunquam tamen ejus oblivio ipsum tenuit, prout idem ipse in secundo Natali refert, dum ait :

tua tempore longo
 Lustra ecurrerunt, ex quo solemnibus istis
 Coram vota tibi, coram mea corda dicavi :

sed displicuit Ansonio longa ista in Hispaniis mora Paulini, prout epistola ad eum scripta testatus est.

88. Recedenti vero ex Hispaniis jam creato presbytero, contigit in itinere conficere se Mediolanum, invisereque S. Ambrosium, a quo cooptatus est in clerum Mediolanensis Ecclesie (ut superius diximus), eo fortasse animo, quod post se eum cuperet habere in cathedra successorem : cum more majorum de gremio eligi episcopi consuescerent. Mediolano autem recedens Paulinus, patrium solum repetens, Romam se contulit : ubi antequam Nolam secessum, quem diu concupierat, festinus adiret, sarcinam rerum temporalium, qua sentiret se gravatum, deponeret ; sique omni solutus vinculo, ad optatam requiem, animique tranquillitatem columbæ alis protinus convolaret. Sed quid Romæ passus sit, ex ipso audiamus, qui in epistola quam sequenti anno (ut ex ipsius testificatione apparet) scripsit ad Severum Sulpitium, cum jam annum Nolæ egisset, dum eum hortabatur ut veniret ad S. Felicis, hæc habet ¹ : « Multa sunt quæ ad nos invitare te, et de patria debeant sevocare : præ cæteris amor pacis et fuga zeli, qui maxime conspectu aut vicinia æmule conversationis accenditur. Denique a nobis Romæ zelotyporum incendia clericorum longinquitas Urbis exstinguit ; et omnis illic iniquitas obstruit os suum : quia per absentiam inde nostram, quasi subducto fomite, segnis odiorum flamma frigescit ; nec in vocem audet erumpere, licet dentibus frendat invidia, dum iniquitatis suæ conscia ipsa se erubescit, nec in promptu habet ubi faces livide mentis accendat. Pax tamen Dei, quæ præcellit omnem sensum, abundat in cordibus plurimorum, et opus Dei Salvatoris in nobis Campania tota veneratur. Romæ quoque pauci, etiam in clero ipso, a quo solo videmur scandalizari, morsu invidiæ commoventur. Sed Domino gratias, qui et nili miserum peccatori suo dedit dicere : Quoniam oderunt me gratis ².

89. « Quod tamen ad me pertinet : cum ³ ipsis quoque qui oderunt pacem meam, mente pacificus sum : si quis enim vult contentiosus esse, hoc nostra

consuetudo non recipit. Horum tamen ipsorum, qui nos odisse et a consortio sanctitatis suæ segregare dicuntur, vix ad nos tenuis fama perlabitur ; et ab auribus nostris spinarum sæpe munitis, ut aura frigida, vel importunum vacui culicis murmur excluditur. Sed plenius indicare poterant conservi nostri, pueri tui, quantum nobis gratiæ Dominiæ delictum faciat Urbici papæ superba discretio : qui paucis ipsis diebus, quibus interfuerit, viderunt quam assidua nos, quam sedula sollicitorum fratrum monachorum, antistitum, clericorum, atque etiam ipsorum sæpe secularium officia toto illo nostro ægritudinis tempore celebraverint : quod apud umanitatem tuam, de Dominiæ tamen gratia, ejus hoc quoque opus et munus est, gloriari licet. Nemo propemodum tota Campania episcoporum non visitare nos fas existimavit sibi : et quos infirmitas vel necessitas aliqua devinxerat, missis vice sua clericis et litteris affuerunt. Afri quoque ad nos episcopi revisendos, prima ætate miserunt ». Hæc hæc ipse : ex quibus primo videas post legationem Africanorum episcoporum, quam sequenti anno contigisse dicemus, has datas esse ad Severum a Paulino (ut nuper diximus) litteras.

90. Jam puto, sentis, lector, quem Paulinus per Urbicium papam intelligat ; non alium quidem, quam qui tunc Romæ præerat Ecclesiæ pontificem, ipsum Siricium, quem infensum absque causa aliqua, ut ait, pati coactus fuerit. Accidit plane, sanctum Paulinum juxta conqueri de Siricio papa, atque aliis nonnullis Romæ Ecclesiæ clericis, de quibus etiam conquestum vidimus sanctum Hieronymum ; quod sæpe superius diximus. Et plane acciderit hæc ex parte male audire Siricium ; quod adversus adeo insignes sanctitatem et doctrinam viros ubique spectatos fuerit commotus : sed quamnam causa ? Num quod non receperit ipsum inter clericos in Ecclesia, quem ab alio ordinatum esse sciebat ; idque sit quod idem Paulinus ait : « Urbici papæ superba discretio ? » Vel fortasse ideo Siricius illi succensuit, quod ordinatus statim fuerit ex laico presbyter : quod ne fieret a quovis episcopo, idem Siricius data epistola ad Orthodoxos, adlubita contestatione admonuisset ? At si hoc crimen fuit, in episcopum Barcinonensem Lampium culpa rejicienda fuit : Paulinus enim (ut ipse sæpe testatur) vin passus est. Sed et in tanto viro veniale hoc, si est in Ambrosio et aliis, qui non ad presbyteratum tantum, verum etiam ad episcopatum ex laicis catechumenis inviti proveci sunt. Verum cum hæc omnia quæ passus est Romæ Paulinus, idem ipse livori tantum adscribat et invidiæ ; illud opinandi haud levem affert occasionem : nimirum quod adveniente ipso Paulino Romam post tam longum spatium temporis, omnium oculi in ipsum converti fuerint, obstupescunt præ miraculo, cum viderent consularem virum presbyterum factum, mox in monachum transformandum, celebri concursu tum civium, tum etiam exterorum frequentatum officiis : etenim ejus fama illis veluti quodam clas-

¹ Paulin. ep. 1. — ² Ps. XXXIV. — ³ Ps. LXXVII.

sico excitatis, factus est ad eum invisendum frequens undique concursus non Romanorum dunlaxat civium, sed et peregrinorum antistitum, ex paribus etiam transmarinis properantium, nec privato tantum munere, sed etiam publicarum functione legationum. Hæc, inquam, tot tantaque nonnullorum moverunt invidiam (ut ait) livorem induxerunt, excitaverunt et iram. Cum ille pacis filius, sic male affectis animis nullo opportuniori remedio (ut ipse addit) occurrendum putavit, quam maturata ab Urbe discessione : quod et faciendum Severo proposuit, qui tunc in patria fidei invidia icibus vexabatur.

91. Cæterum qui de aliquibus ipse Paulinus jute conquesus est, nonnullorum quoque Urbis clericorum commendat exhibitu erga se charitatis officia; inter quos fuisse Anastasium Romanæ Ecclesiæ tunc presbyterum, postea vero Pontificem, non dubium est : coluisse hunc Paulinum ejus testificatione dicemus : istud ipsum quoque fecisse Domnionem insignem virum illum, cujus est frequens memoria in litteris ad eum scriptis a S. Hieronymo : Paulinum enim eo usum fuisse familiarissime, ipse testatur epistola ad Alipium; appellatque ipsum, virum sanctissimum, atque parentem¹. Alios itidem ejusdem studii christianæ charitate complexos esse Paulinum, Pammachiumque, et illi similes fuisse Paulino, quis dubitat? Consulunt autem sibi et illis ipse prudens, instat Jacob, absentia, quantocius potuit in agrum Nolanum se conferens, ubi in obsequio martyris, magnæ turris ædificandæ solida supra firmam petram jaceret fundamenta : quod fecit, perfectique felicitæ opus, hoc anno inchoatum in abdicatione amplissimarum divitiarum.

92. Cum has erogaret in pauperes, ex eis illam subduxit partem, qua erigeret Fundanæ basilicam; de qua construenda, scribens ad Severum, sic animi sui consilium aperit² : « Fundis nomen oppido est; quod æque familiare mihi fuit, dum maneret possessio, quam illic usitatioem habui. Itaque vel ad pignus quasi civicæ charitatis, vel ad memoriam præteriti patrimonii, basilicam dare in ipso oppido, quoniam et indigebat, ruinosam et parvam habens, volui fuit. Propterea et hos versiculos adjiciendos putavi, quos illi in hoc oppido dedicandæ basilicæ paravimus. Nam adhuc in opere est, sed propitio Deo dedicationi propinqua : quod tamen ea mihi maxime ratio persuasit, quia et in hujus apside designatam picturam meus Victor adamavit, et portare tibi voluit, si forte et unam de duabus elegeris in hac recentiore tua pingere, in qua æque apsidem factam indicavit, etc. » Subdit carmina, quibus qualis esset pictura illa describitur, nosque aibi ad ostendendum antiquum usum pingendi sacras in ecclesia imagines recensuimus.

93. Sed et de sacris sanctorum martyrum collocatis ibi reliquiis hæc in eadem epistola : « Verum hanc quoque basilicam de benedictis Apostolorum

et martyrum reliquiis sacri cineris, in nomine Christi sanctorum sancti, et martyrum martyris, et dominorum Domini consecrabunt : ipse enim testatus est se vicissim confessorum suorum confessorem futurum ». Vides, lector, præsitum usum; erectam nempe basilicam, ornatam sacris imaginibus dedicari solemmiter solitam, sed non sine reliquiis sanctorum martyrum. Putasne tu (dic libere) esse sanctiores Paulino recentiores apostatas, qui ista contemnunt; ut hos potius sequaris, quam ipsum, quem cum Urbe pariter admiratus est orbis ac sancti Patres qui tunc clarnere, summis laudum præconiis celebrant, Hieronymus, Ambrosius, Augustinus, ac deinde Gregorius, ut de aliis inferioris ordinis dicere prætermittamus? Inherebo ego volens libensque Paulino : utinam et merear vitæ moribus sublimi ipsius christianæ philosophiæ proximus cultor accedere. Tu si aliter sentis, tibi sapias; quale cujusque opus fuerit, ignis probabit. Sed quenam ibidem ab ipso fuerint sacræ reliquiæ collocatæ, his ipse versibus explicat :

Ecce sub æcensis altaribus ossa piorum
Regia pu pureo marmore crusta tegit,
Hic et apostolicas præsentat eratia vices
Magnis in parvo pulvere pignioribus.
Hic pater Andreas, et magno nomine Lucas,
Martyr et ille stris sanguine Nazarius,
Quosque suo Deus Ambrosio post longa revelat
Sæcula Protasium cum pare Gervasio.
Hic simul una pium complectitur arcula cætum,
Et capit exiguo nomina tanta sunu.

Reliquias autem istas haud pridem inventas ab Ambrosio, ab eodem accepit omnes, præter Andreæ atque Lucæ; quorum corpora inventa et translata vidimus ab Achaia Constantinopolim sub Constantio in basilicam Apostolorum.

94. Quam vero arduum arripuerit in agro Nolano vivendi genus (ne quis putet eum ruri agentem vitam duxisse lautam et otiosam) epistola ipsius ad Severum conscriptæ significant¹. Fuisse quidem professos tum Paulinum tum Therasiam conjugem vitam monasticam, S. Hieronymus epistola ad eundem Paulinum postea scripta expresse testatur : quod enim quæ inhærebat ei conjux seorsum vitam monasticam agens, usu conjugii jam desiderat esse uxor, idem S. Hieronymus eam sororem, non autem conjugem ipsius appellat². Ut autem ambo renuntiantes sæculo et mutato habitu, abdicatis divitiis, professi vitam monasticam, agrum Nolanum elegerint; id ex sententia videtur S. Hieronymi factum esse : etenim cum idem Paulinus litteris eundem consulisset de loco, num expediret, ut id genus vitæ Hierosolymis excolerent; tunc idem S. Hieronymus eam de institutione monastica ad Paulinum ipsum dedit epistolam, qua revocans a proposito Hierosolymam veniendi, hortatus est potius ut ad urbibus remotum locum deligerent ad habitandum. Ipsam quidem

¹ Paulin. epist. i. prope finem, et epist. vii. et xxiv — ² Hier. epist. xiii.

¹ Paulin. ep. xxv. apud Aug. tom. ii — ² Paulin. epist. xxii.

epistolam scriptam esse antequam Paulinus agrum Nolanum peteret, multa sunt quae indicant : imò datam praesenti anno fuisse, ex eo quoque possumus intelligere, dum de Vigilantio hæc habet in fine : « Sanctum Vigilantium presbyterum qua aviditate susceperim, melius est ut ipsius verbis, quam meis discas litteris : qui cur tam cito a nobis profectus sit, et nos reliquerit, non possum dicere, ne lædare quempiam videar, etc. » Porro ipsum Vigilantium, qui adhuc sub habitu sancto latebat inter Catholicos, Hierosolymis fuisse hoc anno mense Septembris, tempore immensi illius terræ motus, ejusdem Hieronymi auctoritate suo loco nuper dictum est. Putamus quidem nebulonem istum bishopocritam secutum esse Paulinum ex Hispaniis Romam redeuntem, eundemque ab ipso acceptis litteris ad S. Hieronymum profectum esse Hierosolymam : qui ex parte aliqua delexisse visus est non ream pravi hominis mentem ; quam ob causam eum non ferens Vigilantius, cito recessit, inimicus illi redditus, quem et scriptis (ut suo loco dicemus) exagitavit ; cum postea opportuno tempore, quod coquebat in stomacho, in necem aliorum virus evomuit. At de Vigilantio modo haec tenus.

95. Quod ad Paulinum spectat : longe alius ille est Paulinus ad quem scribit S. Hieronymus epistolam cum *Pe libris divinae Scripturae*, ab hoc de quo agitur, ad quem extare diximus epistolam ejusdem Hieronymi decimam tertiam de institutione monachi : siquidem illum hortatur ipse Hieronymus Hierosolymam proficisci, hunc autem a proposito procul revocat. Nec est quod quis dicere possit, evenire potuisse, ut quem aliquando ad professionem hortatus est, postea nova adveniente causa eundem revocet : nam si ad unum eundemque eas quis velit datas fuisse epistolas, in earum posteriori necessario habenda mentio prioris erat, imò et ratio reddenda, cur contraria superioribus scriberet. Sed sunt et alia, quae eosdem inter se Paulinos discriminant. At de his haec tenus : continget enim inferius quinto tomo de eodem Paulino Nolano episcopo saepe mentionem haberi.

96. *Petradii clarorumque Galliae episcoporum facta memoratu digna.* — Accidit eodem ferme tempore aliud Paulino persimile exemplum edi a Severo Sulpitio Romano cive, viro illustri in Galliis agente, et monasticum vite genus arripiente : dignum plane memoria laudeque summa consilium ; de quo ad ipsum scribens, ita Paulinus ¹, cum sua jam extenuasset submisso animo : « Tu, inquit, frater dilectissime, ad Dominum miraculo majore conversus es ; quia ætate florentior, laudibus abundantior, oneribus patrimonii gravior, substantia facultatum non egentior, et in ipso adhuc mundi theatro, id est, fori celebritate diversans, et facundi nominis palmam tenens, repentino impetu discussisti servile peccati iugum, et lethalia carnis et sanguinis vincula rupisti. Neque te divitiæ de matrimonio familiæ

consularis aggestæ, neque post conjugium peccandi licentia, et cœlestis juvenia ab angusto salutis introitu, et arduo itinere virtutis in molem illam, et spatiosam multorum viam revocare potuerunt, etc. » Inhæsit Severus S. Martino, cujus monitis et exemplis, nutriebatur in fide : sic vero se abdicavit a sæculo, ut filios in sanctitate educaret, prout idem Paulinus alia ad eum epistola scripta testatur ¹.

97. Sed et Tetradii viri clarissimi admiratione digna fuit conversio : hic primum ethnicus, quanto fastu tumidus esset ex Ausonii ad eum versibus accipe, quibus ait ² :

Cur me supino pectoris fastu tumens
Spernis poetam consulem ?
Tuique amantem, teque mirantem, etc.

Quomodo autem hic opera S. Martini ad christianam fidem sectandam conversus sit, Severus, de quo nunc egimus, in rebus gestis S. Martini ita describit ³ : « Eodem tempore, Tetradii cujusdam proconsularis viri servus dæmonio correptus, dolendo exitu cruciabatur. Rogatus ergo Martinus ut ei manum imponeret, deduci eum ad se jubet. Sed nequam spiritus nullo proferri modo ex cella in qua erat potuit ; ita in advenientes rabidis dentibus sæviebat. Tum Tetradius ad genua beati viri advolvitur, orans ut ad domum, in qua dæmoniacus habebatur, ipse descenderet. Tum vero Martinus negare se profani et Gentilis domum adire posse : nam Tetradius eodem tempore adhuc gentilitatis errore implicitus tenebatur. Spondet se igitur, si de puero dæmon fuisset exactus, christianum fore. Ita Martinus, imposita manu puero, immundum ab eo spiritum eiecit. Quo viso, Tetradius in Dominum Jesum credidit, statimque catechumenus factus, nec multo post baptizatus est, semperque Martinum salutis suæ auctorem miro coluit affectu ». Hæc de Tetradio Severus.

98. Clarnisse autem in Gallia his ipsis temporibus præter S. Martinum alios complures insignes sanctitate episcopos, idem qui supra Paulinus testatus est : ejus epistolæ, quæ desideratur, fragmentum a Gregorio suæ intextum habetur historia his verbis ⁴ : « Si enim hos videas dignos Domino sacerdotes, vel Exuperium Tolosæ, vel Simplicium Viennæ, vel Amandum Burdigalæ, vel Diogenianum Albicæ, vel Dynamium Engolismæ, vel Venerandum Arvernens, vel Alithium Cadurcis, vel nunc Pagalium Petrogoriis (ntemque se habent hujus sæculi mala), vides profecto dignissimos totius fidei religionisque custodes ». Hæc ipse de his, quos invisisse, novisse, consuetudinemque cum iisdem habuisse in longa illa ac diutina sua peregrinatione putamus. His addendus est S. Maurilius episcopus Andegavensis a S. Ambrosio lector ordinatus, et a S. Martino monastica institutione excultus, et pres-

¹ Paulin. ad Sever. ep. 1.

² Paulin. epist. v. — ³ Auson. epist. xv. — ⁴ Sever. in Vit. S. Martini, c. 16. — ⁵ Greg. Turon. hist. Franc. l. II, c. 13.

byter consecratus, ac deinde invitus ordinatus episcopus; cujus mirifica Acta¹ adhuc extant. At de his modo haecenus.

99. Corollarium vero rebus gestis anni huius addamus ex Sozomeno, qui ad finem imperii Theodosii, in quo versamur, de sanctissimo viro Donato episcopo in Epiro haec habet²: « Hac memoria multis in locis per orbem terrarum inter episcopos praefari exstiterunt; ut Donatus Evocae Epiri, quem et alia multa mirabilia fecisse testantur indigenae, et illud maxime, quod in draconis interfectione praestitit, qui in Chamaegephiris, quas vocant, ad viam regiam lustrum habebat, et oves, et capras, et boves, et equos, necnon et homines, et alia rapiebat. Neque enim ille vel gladium vel hastam ferens, vel aliud aliquod telum habens, hanc bellum adortus est: sed cum illa cum adventantem sensisset, et caput velut impetum factura excurrisset, signum cru-

cis adversus ipsam aeri digito inscripsit, et illi in faciem expulit. Illa sputo in os accepto, statim concidit; ac mortua jacens amplitudine non minor apparuit iis serpentibus qui visuntur apud Indos. Si quidem (ut ego quidem accepi) octo jugis in proximum campum extractam indigenae combusserunt, ne putrefacta aereni inquinaret, et morbos pestilentes gigneret. Donato huic sepulcrum est insigne templum ab ipso denominatum; prope quod etiam fons est aquis uberrimis scaturiens, quem, cum antea non esset, Deus illius precibus exoratus edidit: erat enim is locus prorsus aridus. Nam cum ille aliquando ex itinere huc advenisset, fertur sodalibus ejus aquae defectu laborantibus, effossa manibus terra orasse, et simul ad votum aquam uberem scaturivisse, et ab eo tempore defecisse nunquam ». Haec Sozomenus; qui et subdit de Theotimo, Epiphania et aliis, de quibus nos alibi opportunius dicaturi sumus quinto Annalium tomo.

¹ Apud Sur. tom. v. die 13. Sep. — ² Sozom. l. vii. c. 25.

Anno periodi Graeco-Romanae 5887. — Olymp. 293. an. 2. — Urb. cond. 1147. — Jesu Christi 394. — Siricii papae 11.

— Theodosii 16. Arcadii 12. Honorii 2.

1. *Consules*. — A num. 1 ad 11 Coss. *Arcadius Aug. III.*, et *Honorius Aug. II.* prior juxta tertiam regulam, posterior juxta primam, ac uterque in Oriente.


2. *Joannes evangelista et Philippus apostolus Theodosio apparent*. — *Theodosius Magnus* Constantinopoli verno tempore adversus *Eugenium* movit, ut anno praecedenti dictum, relicto Constantinopoli utroque filio. ut Claudianus in III consulatu Honorii testatur. Claudiano Ruffinus lib. 2, cap. ultimo, Socrates et Sozomenus suffragantur. Quare non videntur audiendi Marcellinus in Chronico, et Zoimus lib. 4, qui aiunt, *Theodosium* secum *Honorium* duxisse. Theodoretus lib. 5, cap. 24, ait, *Joannem evangelistam et Philippum apostolum* Theodosio apparuisse, et redintegrandi praelium animum dedisse: cujus rei, inquit Baronius, extat numisma effigiem Theodosii representans, in postica vero parte effigiem horum Sanctorum, tonsura clericali et sacerdotali habitu ornatorum. Sed in Dissert. Hypat. parte 3, cap. 14, num. 7, jam observavi, eo in nummo designari Theodosii Junioris tricennalia vota imperii, vivente Arcadio patre, suscepti, et quinquennalia Valentiniani III, ejus in duodecimo consulatu collegae. In postica enim

parte, in qua duae figurae, scilicet duo imperatores capite radiato visuntur, legitur haec inscriptio: *VOT. XXX. MULT. XL.* Praeterea uterque imperator non *sacerdotali*, sed *consulari* habitu indutus. Nummi porro, in quibus similia verba leguntur, in id genus solemnibus tantum cusi. Denique imperatores radiato capite representari solitos, varia eorum numismata demonstrant. Albertus Rubenus lib. 1 de Re Vestiarum, cap. 13, praefatam Baronii explicationem confutavit; sed perperam scripsit, duos illos imperatores eo habitu expressos, alios non esse, quam *Theodosium Seniore* et *Arcadium*: Theodosius enim Senior nunquam tricennalia vota nuncupavit, nec Arcadio filio collega consulatum gessit. Recte tamen observat Rubenus, imperatores hodiernos, quando coronantur, eo modo ornari.

3. *Nummi consulares imperatorum explicationur*. — Hujus numismatis a Baronio adducti occasione observandum, hunc doctissimum Annalistam nummos tres consulares imperatorum producere, in quibus cernere est imperatores omophorio, sceptro et mappa insignes; quos omnes in eorum consulatibus percussos ostendit Wiltthemius in Diptycho Leodiensi cap. 5. Primus est *Theodosii Junioris*,

non Senioris, ut censelat Baronius; de quo nummo numero superiori actum. Secundus *Valentiniani III* et *Leonis I* apud Chiffletium in Anastasii Childe-riciana. Tertius ejusdem *Valentiniani*, quem exhibet Baronius anno cxxxv. Contendit is sacrum esse Evangelium volumen illud, quod est in manu Theodosii et Valentiniani. Est tamen mappa circensis convoluta, qualis spectatur in manu Anastasii consulis in Diptycho Leodiensi, et vel maxime in dextra Philoxeni item consulis in Diptycho Compendiensi. Neque quis dicat, sceptrum consulum fuisse aquiliferum, et in his nummis imperatores praeferre cruces. Nam tametsi olim religiose custodiebatur mos ille, praefigendi consularibus sceptris aquilas, postea in arbitrio cuiusque consulis positum fuisse videtur, aquilam sumendi vel omittendi. Ita in Diptycho Leodiensi Anastasii consulis sceptrum insidet aquila, quae in sceptro *Philoxeni* non compar- et. Crucem fuisse imperatorum jam inde a Constantino et Theodosio Magnis proprium insigne, patet in eorum nummis, quorum aliquos Lipsius, plures Grelserus, uterque in libris de Cruce, plurimisque Cangius in *Familiiis Bizantinis Augustis* collegere. Quare post *Constantinum*, praesertimque post *Theodosium*, quo adversus *Eugenium* tyrannum hoc anno pugnante labarum crucigerum stupendo illo prodigio inclaruit, crux deinceps, gestamen, et velut sceptrum proprium imperatoribus fuerit, minime mirum est, eos in consularibus suis crucem pro aquila sceptro imposuisse, prout a signis bellicis, eadem remota aquila, crucem substituerunt.

4. *Alii nummi imperatorum explicati.* — Baronius, cum crederet, nummum, quem hoc anno refert, esse *Theodosii Magni*, huicque adversus *Eugenium* tyrannum pugnaturum *Joannem* et *Philippum* apostolos opem tulisse sciret, videretque duorum in Theodosii nummo sedentium capita circulo (ut divis nunc solent) circumdari, censuit, hos divum Joannem et divum Philippum esse oportere. Verum circuli illi neutiquam divos aut sanctos ostendunt; alioquin nummus ille, quem Baronius anno dxxvi proposuit, in quo duo quoque similiter consident, circulo ambiente utriusque caput, etiam sanctos exprimeret; cum tamen diserte circum ita sedentes scriptum sit: D. N. IUSTINUS. ET JUSTINIANUS. P. F. A. Et vero, quod magnopere observandum, constat, Christianos veteres ferme primis quatuor saeculis, nec Christo, nec Apostolis, nec ulli superum ejusmodi circulo adhibuisse. Quod vel ex tumulis Romanis apud Aringum in Roma subterranea manifestum est; in quibus tumulis Christi et Apostolorum, aliorumque ante Christum divorum longe plurimae imagines, nudis sine circulo capitibus, sculptae cernuntur. Sunt haec tumbae pleraque Constantino Magno aut aequales aut supiores. Omnes enim eam formam habent, quam tumba *Jovii Bassi Praefecti Urbis*, mortui sub consulatu Eusebii et Ilypatii, hoc est, anno cccclix, et tumba *Probi U. C.* qui consul fuit anno cccclxxi; praeter-

quam quod Constantiano Christi monogrammate fere scripta  sunt. Quare necesse est, aliis de causis circulos fuisse capitibus imperatoris in nummis illis appositos, quam ut divos denotarent. Nummus alter *Valentiniani* apud Baronium (an. cxxxv, n. 4) titulum hunc in postica parte habet: VOT. XXX. MULT... 45. XL, et in antica facie ejusdem nummi visitor ejus imago consularis cum omophorio, mappa circensi, et cruce, paene ad similitudinem nummi Theodosii Junioris, de quo supra locuti sumus. Nummus vero Leonis in parte postica exhibet ipsum *Leonem* imperatorem more consulari insidentem sella curuli, et dextera mappam, sinistra crucem praefertentem. adscriptumque, VICTORIA ARGGA, quae victoria illa verosimiliter est, qua exercitus ejus *Asparem* et *Ardaburium* affectato imperio fugientes comprehendit interemitque. Quod factum anno cmlxxi, quo ipse *Leo* erat consul IV. Probianus collega. Haec ex Wilthemio loco laudato exscripta, ex quibus is recte deducit, praefatos nummos consulares esse, et ex quibus etiam liquet, imperatores annis decennalibus et id genus festis destinatis consulum inisse.

5. *Leges Theodosii.* — Emissae hoc anno a Theodosio Magno leges Codicis Theodosiani a Baronio in Annalibus omissae, quarum prior 13 est *De haereticis* data XV kal. Julii *Adrianopoli*, qua adversus *Eugenium* movens, testamenti factionem seu testabilitatem *Eunomianis* reslituit; quam postea *Arcadius* anno imperii sui primo revocavit. Posterior est lex 12 *De senicis*, data *Heracleae III kal. Jul.*, qua mimarum vestem a *sanctimonialium* habitu distinguit. Nempe peculiari habitu virgines Deo dicatae hoc aeo jam usae. Legendus Gothofredus in utriusque legis Commentario.

6. *Mortuus S. Gregorius Nyssenus.* — Ad num. 29. Pervenit ad hunc usque annum sanctus Gregorius Nyssenus qui Concilio Constantinop. hoc anno celebrato interfuit, ut videre est apud Baronium, mortuus postea anno incerto et cultus in Ecclesia Latina die ix mensis Martii. Zacagnius in praefat. tom. I Monumentorum Ecclesiae Graecae ac Latinae percurrit Epistolas ejus xiv a se e Bibliotheca Vaticana editas, ex quibus Epist. xiii Nicomediensi Ecclesiae pastore orbata, et ideo in plures factiones discessit inscripta est, quas ut componeret, fortissimis rationibus ostendit, in episcopi electione, non tam mundanae nobilitatis atque potentiae, quam animi virtutum rationem habendam esse: « Multum expedire arbitror », inquit Nyssenus, « ut in episcopi electione quod justum rectumque est, praeculis habeatur; ut nempe idoneus ad eam dignitatem promoveatur; genus autem clarum, divitias et mundanae nobilitatis splendorem, episcopi dotibus annumeranda esse, nunquam apostolica sanctione statutum fuit; verumtamen si haec omnia ultro, et non quesita in episcopo reperiantur, ea utique velut umbram casu, et fortuito comitantem non rejicimus, sed nihilo secius, quae praestantiora his sunt,

animi scilicet dotes majori in pretio habebimus, tametsi illis omnibus caruerint». Et paulo post: «Quidam urbi Romæ antiquis temporibus magis conducebat, nobilemne aliquem, atque fastu tumens senatorii ordinis virum in Ecclesiæ præpositum accipere, an potius Petrum piscatorem, cui nihil ad gloriam ex mundanis rebus supplebat? Quæ domus, qui famuli, quæ possessiones providentibus suis rerum omnium affluentiam suppeditantes; sed peregrinus homo, domo et victu carens, ditior illis erat, qui omnia possidebant, quia nil possidendo, Deum totum obtinuit». Afferit inter alia Cappadocum, et Mesopotamiæ incolarum exemplum, qui non nobilem quæpiam, aut potentem virum in primum suarum regionum episcopum elegerunt; sed Thomam apostolum et Longinum centurionem, qui lancea Christi latus in cruce perfodit; ait enim: «Ita et Mesopotamiæ incolæ qui inter ipsos ditissimi satrapiarum rectores essent, attamen Thomam cunctis digniore esse censuerunt, quem sibi ipsis præficerent. Ita et Titum Creteneses, et Hierosolymæ cives Jacobum in episcopum elegerunt; nosque Cappadoces centurionem illum, qui Passionis tempore divinitatem Domini fassus est, tametsi multi tunc temporis apud nos essent illustres genere, et nutritores equorum, quique primas in senatu partes obtinerent». Sancti Longini militis mentio fit in Martyrologio Rom. ad diem xv mensis Martii, ad quem diem Bollandus ejus Vitam representat, recteque asserit primum memoratum fuisse a Martyrologiis; ejus enim tempore illa Gregorii Nysseni epistola nondum lucem viderat.

7. *Moritur S. Amphiloehius episc. Iconii.* — Ad hunc pariter annum pervenit S. Amphiloehius Iconii Licaoniæ metropolis episcopus unus ex ejusdem Concilii Constantinopolitani Patribus, qui mortuo patre monasticam vitam amplexus est, et Basilium ac Gregorium Nazianzenum socios habuit. Inter alia scripsit sancti Basilii Vitam, de qua suo loco egimus. Cotelierius tom. 2 Monument. Eccles. Græcæ exhibet sancti Amphiloehii epistolam synodicam ad episcopum ejus nomen perit, et Synodi nomen taceatur, in eaque narrat sese in ea excipere peroptasse sanctum Basilium; et verum quia gravis eum morbus detinuit, ne adveniret, vestræ et perfectæ dilectionis, nostræ mediocritatis epistolam nequaquam despiciere». In ea dicit fusius expositam fuisse a Patribus Concilii Niceni fidem de Unigeniti dogmate, sed in ea cui ipsemet interfuit dogma de Spiritu sancto assertum fuisse. Quare Concilium illud videtur unum ex illis esse quæ initio Valentis imp. adversus Macedonianos celebrata sunt. De quibus suo loco. Quo postea anno Amphiloehius obiit incertum. Nomen ejus inscriptum est Martyrologio Romano ad diem xxiii mensis Novembris.

8. *In schismate Donatistarum duo Concilia adversus Primum habita.* — Ad num. 32 et seqq. Postquam Donatistæ inter se divisi sunt, alique *Primum* Carthaginensem episcopum, alii vero post aliquot annos *Maximianum* ejusdem civitatis

episcopum constituerunt, Maximianenses duo Concilia adversus Primum celebraverunt, primum *Carthagine*, alterum *Cabarsussi*, quorum Augustinus meminit. Prius habitum esse Carthagine, docet Augustinus lib. 4 contra Cresconium capp. 6 et 7. Ab episcopis tantummodo «quadragenta tribus factum est, qui nondum ausi sunt ultimum præcipitare judicium, sed quodam præjudicio consuluerunt, ut *Primum* si causæ suæ fideret sequenti celebriori Concilio respondendi, seseque purgandi relinqueretur locus: quo cum venire nolisset, jam necessario putaverunt esse damnandum sine ulla suspensione sententiæ», sc. in Concilio Cabarsussitano, «ubi a centum vel amplius episcopis perfecte pleniusque damnatus est *Primum*». Synodicam epistolam Maximianistarum in Concilio Cabarsussitano congregatorum refert divus Augustinus Enarratione in Psal. xxxvi, et ex eo Baronius in Annalibus. Existimavit is prius Maximianistarum Concilium habitum esse apud *Cavernam Susis*, quem locum dicit Carthagini vicinum; posterior vero Cabarsussi coactum; et ad primum pertinere Synodicam, quam integram recitat Augustinus citatus. Baronium sequuntur Schelstraßius Dissert. 3 de Ecclesia Africana, cap. 5, Labbeus in sua Conciliorum Collectione, alique plures. Verum Synodicam illam ad Concilium Cabarsussitanum, seu ad secundum contra Primum pertinere, nunc certum esse debet. Baluzius enim in nova collectione Conciliorum pag. 94, et Patres Benedictini in Notula ad Psal. xxxvi Augustin., pag. 277, tom. iv ejus Operum Synodicam illam cum variis antiquis Mss. Codicibus contulerunt, et in omnibus scriptum docent, «et cæteri qui Concilio apud Cabarsussi fuimus», nisi quod in quibusdam per librariorum errorem legitur, vel *Cabarsiusi*, vel *Carbassus*, vel *Cebarsussi*.

9. *Concilium Cavernense fictitium.* — Prius Concilium Carthagine congregatum fuisse disertè testatur Augustinus lib. 4 contra Cresconium, cap. 6, ubi agens de Conciliis adversus Primum habitis, ait: «Primum, quod apud Carthaginem a quadraginta et tribus factum est, quo prædamnatus est Primum. Alterum, quod Cabarsussi centum vel amplius vestri tunc episcopi condiderunt, quo perfecte pleniusque damnatus est». Sed cum in quadam editione Operum divi Augustini in præfata Synodica loco *Cabarsussi*, legeretur, *Cavernam Susis*, in editione Lovaniensi *Cavernas Susis*, et in quatuor Mss. ut observant Patres Benedicti *Cavernasusis*, hinc factum ut Baronius crediderit, prius Concilium adversus Primum habitum esse, non Carthagine, sed in *Caverna Susis*, qui ideo locus Carthagini vicinus esse debuerit, cum tamen inde potius inferendum fuisset, *Cabarsussum* vel diversis nominibus appellatum fuisse, vel potius vocem illam ab amanuensibus, ut sæpe fit, depravatam esse. Ex hoc errore alius enatus. Nam cum Augustinus in lib. 4 contra Cresconium, cap. 6, scribat, Concilium Carthaginense factum esse a quadraginta et

tribus episcopis, et in memorata Synodica quinquaginta tres subscripserint, Baronius ex hac subscriptione deduxit, corrigendum esse locum Augustini, ubi ait, Concilium illud fuisse quadraginta trium episcoporum. Verum locus purus est, et Concilio Carthaginensi episcopi XLII interfuerunt; Concilio vero Cabarsussitano episcopi LII subscribere, ut videre est in eadem Synodica, quæ his verbis clauditur: « Omnes numero quinquaginta tres ». In ea Synodica non tantum a quinquaginta tribus in ejus fine subscriptis; sed etiam a pluribus aliis edita. Nam non omnium, qui Synodice condendæ interfuerunt, subscriptiones recitatas esse, probant Anastasius, Constantius, Candorinus et alii quidam episcopi in ejus principio, non in fine nominati. Præterea Augustinus tam in Enarratione in Psal. xxxvi, num. 23, quam in libro ad Donatistas post collationem, capp. 4 et 22, ait, centum aut circiter episcopos interfuisse Concilio Cabarsussitano.

10. *Epocha duorum Conciliorum contra Primum celebratorum.* — Hujus porro Concilii,

ideoque et Carthaginensis, utriusque adversus Primum habiti epocha deducitur ex Concilio Bagajensi « VIII kalend. Maias post consulatum Theodosii Aug. III », currenti nempe anno celebrato. Nam si mense Aprili Bagaie in Numidia ordinatio Maximiani damnata est, certum est, anno præcedenti Concilium Cabarsussitanum celebratum. Scribit Augustinus lib. de Hæresibus cap. 69: « Apud Carthaginem Maximianus contra Primum ab ejusdem erroris centum fere episcopis ordinatus ». Quod clarius explicat lib. 4 contra Cresconium, cap. 6, ubi ait: « Proferebat sententiam » Primum in Concilio Bagajensi « contra Maximianum et XII socios ejus, quibus præsentibus, ordinatus est ». A duodecim Maximianum ordinatum habent etiam Acta Concilii Bagajensis. Quare, cum postquam a centum episcopis Maximianus electus est, a duodecim ordinatus sit, eaque ordinatio hoc anno damnata, apparet tam Concilium Cabarsussitanum, quam eam ordinationem ad præcedentem annum spectare.

SIRICII ANNUS 11. — CHRISTI 395.

1. *Anicii Probi et Olybrii consulum clarissimum genus, ubi de pluribus ejusdem familie sanctitate conspicuis.* — Christi annus trecentessimus nonagesimus quintus duorum germanorum fratrum consulatu, Olybrii atque Probini, Fastis adscribitur: in quorum Consulatus auspiciis Claudianus carmen panegyricum cecinit, ubi hæc inter alia ¹:

Jam nova germanis vestigia torqueat annus
Consulibus, lætique petant exordia menses:

et ad finem:

Omni nobilior lustro tibi gloria soli
Contigit; exactum nunquam memorata per ævum,
Germanos habuisse duces:

idque meritis patris Probi de imperio Romano optime meriti consecutos esse fratres adolescentes, idem pluribus tradit, natosque esse illos ex Probo et Proba parentibus confirmat. Coluit ambos hos

adolescentes Symmachus, quos et frequentare officiis conatum esse, epistolæ ipsius ad utrosque simul scriptæ testantur ¹.

2. At præstat hic, antequam anni hujus res gestas attingamus, Aniciorum Proborum et Olybriorum vetera monumenta hinc inde non sine magno labore collecta proferre: nam quod christiani fuerint, et magni quidem nominis, celebratique pariter magna laude a majoribus nostris sanctis Patribus; plurimum plane conferet ad eorum quæ iidem de his scripsere elucidationem, vetera de iisdem monumenta describere. Libenter patere, lector, in his aliquantulum definiri. Si enim consideres e Perside sapientes venisse viros (quod superius dictum est ex Paulino in rebus gestis S. Ambrosii), ut Romæ Probi spectarent amplitudinem, avidiori sane animo nostrum hunc laborem accipies. Quod enim jam ad calcem totum perduximus, liceat in his aliquantulum spatium, non tamen inaniter et otiose, sed operose ac pariter fructuose. Quod igitur ad hæc in primis spectat; accipe quæ Prudentius his

¹ Claud. carm. de Consul. Olyb. et Probini.

¹ Symmach. l. v. ep. LXV. LXVI. LXVII. LXVIII. LXIX.

versibus cecinit ¹ de Anicio, ex quo Probi atque Olybrii :

Fertur enim ante alios generosus Anicius Urbis
Illustrasse caput : sic se Roma inclyta jactat.
Quia et Olybriaci generis et nominis haeres,
Adjectis Fastis, palmata insignis ab aula,
Martyris ante fores Bruti submittere fasces
Ambit, et Ausoniam Christo inclinare securim.

Ad hos item ipsos pertinet quod S. Hieronymus ² ait : « Nunc mihi Proborum et Olybriorum clara repetenda sunt nomina, et illustris Anicii sanguinis genus, in quo aut nullus, aut rarus est, qui non meruerit consulatum : aut proferendus Olybrius virginis nostrae pater, quem innatura morte subtractum Roma congemuit ». Eadem de frequentibus in ea familia consulatibus Claudianus habet consentientia Hieronymo, his versibus ³ :

quæcumque requiris
Hac de stirpe virum, certum est de Consule nasci.
Per fasces numerantur avi, semperque renata
Nobilitate virent, et prolem fata sequuntur,
Continuum simili servantia lege tenorem.
Nec quisquam procerum tentat, licet aere vetusto
Floreat, et claro ciogatur Roma senatu,
se jactare parem.

3. His generatim dictis, jam reliqua prosequamur. At primum quod spectat ad horum germanorum consulum parentes, inde vero quæ ad filios pertinent, dicenda sunt. Meminit de Probo frequenter Ammianus, ejusque nobilissimi magistratus præfecturæ prætorii sæpius iteratæ, necnon Ausonius, Symmachus, et alii. Hujus in Urbe summum splendorem Paulinus in Ambrosii Vita describit, nosque superius meminimus. Gessit hic consulatum una cum Gratiano anno Domini trecentesimo septuagesimo primo : delegasseque eundem hunc Probum diximus Ambrosio provincias Æmiliam atque Liguriam, cum ipse prætorii præfecturam administraret.

4. Porro (quod majus existimari debet) una cum nobilitate, opum affluentia, atque amplissimo-rum magistratuum splendore, egregias conjunctas habuit eum Christiana religione virtutes; quod tum alii testantur, tum Claudianus docet his versibus ⁴ :

virtutibus ille
Fortunam domuit, nunquamque levantibus alte
Iatunuit rebus : sed inens circumflua luxu
Noverat intactum vilio servare vigorem.
Hic non divitias nigrantibus addidit antris,
Nec tenebris damnavit opes : sed largior imbre
Sueverat innumeras hominum ditare catervas.
Quippe velut deo currentia muera oimbo
Cernere semper erat, populis undare penates,
Assiduus intrare inopes, remeare beatos.
Præcepit illa manus fluvius superabat Iberos,
Aurea dona vomens, etc.

5. De eodem Probo hæc leguntur inscriptiones in basibus statuarum, quæ hoc ipso anno ab iisdem filiis consulibus sunt eidem dedicatæ ¹ :

SEXTO. PETRONIO. PROBO. V. C
PROCONSULI. AFRICÆ
PRÆFECTO. PRÆTORIO
QUATER. ITALIÆ. ILLYRICI
AFRICÆ. GALLIARUM
CONSULI. ORDINARIO
PATRI. CONSULUM
ANICIUS. PROBINUS. V. C
CONSUL. ORDINARIUS
ET. ANICIUS. PROBUS. V. C
QUESTOR. CANDIDATUS
FILII. MUNUS. SINGULARI. RELIGIONI
DEBITUM. DEDICARUNT

Sed et duo alii filii, nempe Olybrius consul et Juliana, aliam illi statuum dedicarunt; in cujus basi hæc inscriptio legitur :

SEXTO. PETRONIO. PROBO
ANICIANÆ. DOMUS
CELEMINI. PROCONSULI
AFRICÆ. PRÆFECTO
PRÆTORIO. QUATER
ITALIÆ. ILLYRICI. AFRICÆ.
GALLIARUM. CONSULI. ORDINARIO. CONSULUM. PATRI. ANICIUS. HERMOGENIANUS
OLYBRIUS. V. C. CONSUL. ORDINARIUS. ET. ANICIA. JULIANA. C. F. EIUS
DEVOTISSIMI. FILII
DEDICARUNT

6. Hæc supersunt monumenta Probi ex statuis in ejus memoriam erectis. Quæ autem in ipsius sepulcro inscriptiones repertæ sunt, his subjiciemus. Quoto vero Domini anno ipsum mori contigerit, haud satis exploratum habetur. Illud autem sepulcrales ejus tituli nos docent, baptizatum esse proxime moriturum, sepultumque in Vaticano post apsidem basilicæ S. Petri, constructo ibi instar templi nobili ædificio, egregiis hinc inde suffulto columnis; in quarum epistyllis legebantur scripta epitaphia, versibus ab ipsa conjuge Proba Fallonia poetria clarissima femina elaborata. Perseveravit Memoria illa integra, licet neglecta, usque ad Nicolai papæ V tempora; quando idem Pontifex amplioribus spatiis exadificare novam basilicam principis Apostolorum primus aggrediens, templum illud Probi, quod illius apside jungebatur, demolitus est : prægrandes vero lapides, sicut et columnæ in alium usum conversi sunt; sicque male consultum

¹ Prudent. adv. Symmach. l. 1. — ² Hier. epist. viii. — ³ Claud. carm. de Consul. Olybri. et Probi. — ⁴ Claud. ibid.

¹ In archibus Cassis ad Vaticanum.

antiquitati, ut sicut ipsa aedes, ita inscriptiones penitus perissent : nisi opportune quidem, nec sine Dei nutu accidisset, ut ante sex menses quam structura nobilis demoliretur, Maffaeus Vegius ejusdem basilicae canonicus templum illud, ut ipse testatur, adierit, opusque egregium admiratus, sed contemptum dolens, versus in epistyllis positos jam muscocalo desuper obducos exacte descriperit, cum aliis etiam ibi repertis epitaphiis : quae simul collecta haecenus asservantur in ejusdem basilicae bibliotheca, ex qua hic tibi ipsa describimus, collatis exemplaribus, mendisque vitio scriptoris illapsis penitus expurgatis ; sic enim se habent :

EXIMII RESOLUTUS IN ÆTHERIS ÆQUORE TANTUM
CURRIS ITER CUNCTIS INTEGER A VITIIS
NOMINE QUOD RESONAS IMITATUS MORIBUS ÆQUE
JORDANE ABLUTUS NUNC PROBUS ES MELIOR
DIVES OPUM CLARISQUE GENUS PRÆCLARUS HONORE
FASCIS INLUSTRIS CONSULE DIGNUS AVO
BIS GEMINA POPULOS PRÆFECTUS SEDE GUBERNANS
HAS MUNDI PHALERAS HOS PROCIUM TITULOS
TRANSCENDIS SENIOR DONATIS MUNERE CHRISTI
HIC EST VERUS HONOS HÆC TUA NOBILITAS
LETABARE PRIUS MENSÆ REGALIS HONORE
PRINCIPIS ALLOQUITO REGIS AMICITIA
NUNC PROPRIOR CHRISTO SANCTORUM SEDE POTITUS
LUCE NOVA FRUERIS LUX TIBI CHRISTUS ADEST
O NUNQUAM DELENDE TUIS CUM VITA MANERET
CORPORIS ATQUE ARTUS SPIRITUS HOS REGERET
PRIMUS ERAS NULLIQUE PATRUM VIRTUTE SECUNDUS
NUNC RENOVATUS DIABES PERPETUAM REQUIEM
CANDIDA FUSCATUS NULLA VELAMINA CULPA
ET NOVUS INSUETIS INCOLA LUMINIBUS
HIS SOLARE TUOS QUANQUAM SOLATIA MOESTA
GRATIA NOS QUERAT GRATIA CHRISTE TUA
VIVIT IN ÆTERNA PARADISI SEDE BEATUS
QUI NOVA DECEDENS MUNERIS ÆTHERII
VESTIMENTA TULIT QUO DEMIGRANTE BEUIAL
CESSIT ET INGEMUIT HIC NIHIL ESSE SCUM
HUNC TU CHRISTE CHORIS JUNGAS CÆLESTIBUS ORO
TE CANAT ET PLACIDUM JUGITER ASPICIAT
QUIQUE TUO SEMPER DILECTUS PENDET AB ORE
AUXILIUM SOBOLI CONIUGIOQUE FERAT

7. Haecenus epitaphium Probi, quod mox sequatur aliud ejusdem Probi simulque Probæ conjugi exaratum his versibus in epistyllis adverse partis ordinis columnarum :

SUBLIMIS QUIQUIS TUMULI MIRABERIS ARCES
DICES QUANTUS ERAT QUI PROBI HIC SITUS EST
CONSULIBUS PROAVIS SOCIISQUE ET CONSULE MAJOR
QUOD GEMINAS CONSUL REDDIDIT IPSE DOMOS
PRÆFECTUS QUARTUM TOTO DILECTUS IN ORBE
SED FAMA EMENSIS QUIDQUID IN ORBE HOMINUM EST
ÆTERNOS HEU ROMA TIBI QUI POSCERET ANNOS
CUR NON VOTA TUI VIXIT ADUSQUE BOMI
NAM CUM SEXDENOS MENSIS SUSPENDERET ANNOS
DILECTE GREMIO RAPIS IN ÆTHRA PROBE

SED PERISSE PRORUM MERITIS PRO TALIBUS ABSIT
CREDA ROMA TUUM VIVIT ET ASTRA TENET
VIRTUTIS FIDEI PIETATIS HONORIS AMICUS
PARCUS OPUM NULLI LARGUS AT IPSE FUIT
SOLAMEN TANTI CONIUG TAMEN OPTIMA LUCTUS
HOC PROBA SORTITA EST JUNGAT UT URNA PARES
FOELIX HEU NIMIUM FOELIX DUM VITA MANERET
DIGNA JUNCTA VIRO DIGNA SIMUL TUMULO.

Porro tumulum ipsum Probi ibidem inventum esse, cum sub eodem Nicolao Pontifice novæ construendæ basilicae fundamenta effoderentur ; idem Vegius, qui vidit, affirmat ; traditque una cum ossibus auri copiam ex aureis vestibus aliisque sepuleralibus ornamentis simul inventam : denique addit, ipsum sarcophagum sacris imaginibus sculptum tunc fuisse translatum in sacellum S. Thomæ Apostoli ; quod extat in ipsa Vaticana basilica, ad fontis baptismatis usum aptatum : quod opus usque hodie perseverat ; ossa autem, quæ intus inventa sunt, in cimiterio Vaticano recondita fuisse.

8. Tulit ista antiquitatum naufragia ætas illa : cujus temporis hominibus Romæ agentibus si innotuisset, qualis existerit Probus Probæque conjux, et qualis ejus filia Juliana, et neptis sancta Demetrias ; quantumque Ecclesia Catholica horum fuerit opibus sublevata, ac præclaris virtutibus illustrata ; quotque etiam quantisque insuper eadem sanctissimæ feminae sanctorum Patrum præconiis fuerint celebratae ; certe quidem semper viventes ejusmodi memorias reliquissent, coluissentque debito venerationis officio : et licet construendæ novæ inolis causa inde eorum monumenta dimoveri necessitas compulisset ; eadem tamen alio translata, sarta tecta integre custodita servassent, neque in alium quantumlibet sacrum usum quoquo modo transferri aliquando passi fuissent.

9. Atqui Probi et Probæ cum aliis in inscriptionibus etiam sepuleralia extant epitaphia ; sepulcrorum quoque et sarcophagi formas, quas hic ut nimis amplas representare omisimus, in antiquioribus videre licet editionibus. In quibus medium locum occupat ipsa veneranda Salvatoris effigies atque sanctorum Petri et Pauli, cæterorumque Apostolorum. Talibus namque piis ornamentis sua ipsorum ornare monumenta Christiani studebant.

Quam vero cernis in Christi imaginis dextera gemmatam crucem, ejusdem Prudentius meminit his versibus, cum Romanam alloquitur ¹ :

Agnosce regina libens mea signa necesse est,
In quibus effigies crucis aut gemmata refulget,
Aut longis solido ex auro præfertur in hastis.

Sed et Joannes Chrysostomus ² ait solitum fuisse effigari crucem ex auro, margaritis, ac gemmis ; ut scirent omnes, crucem solum olim supplicii in-

¹ Prudent., cont. Symmach. l. 1. — ² Jo. Chrys. in hom. de ador. Cruc.

fatamam, ipso visu horrendam, ore nefandam, et horrore cavendam; ex quo eam pro salute hominum Christus Redemptor noster sponte subiit, jam fuisse redditam fulgentem, decoram, pretiosam, atque gloriosam.

10. Item in conspectum lectorum producere omisimus alterius sarcophagi imaginem: quod creditur esse sepulcrum Probæ ac Julianæ: peramplum enim est: extat ipsum translatum ad opus figlinum post ecclesiam S. Marthæ apud apsidem S. Petri positam in Vaticano: In quo quascernere licet ad pedes Christi feminas inclinatas, alteram earum Probæ, Julianæ vero alteram imaginem esse, perfacile conjectura possumus intelligere.

11. Ne tibi otiose hæc spectanda proposita, lector, existimes; attende quanta existant, quibus proficias. Nam quod ad ipsa epitaphia pertinet; habes in primis ad calcem prioris inscriptionis, cum rogatur anima Probi esse adjumento conjugi atque protipiam Catholicæ Ecclesiæ traditionem, adjuvari viuentes precibus defunctorum, usu receptam, exemplo probatam, sancte religioseque antiquitus custoditam. Habes insuper et sacrarum imaginum usum Christi potissimum, et Apostolorum, etiam in sepulcris exhibitum: cujus rei Romæ in primis exempla innumera suppetunt. Et ne putes eas exculptas tantum fuisse sepulcris, sed illis ecclesiarum parietes caruisse; adhuc licet inspicere in titulo pastoris Siricii papæ, qui his diebus Romanam Ecclesiam gubernabat, partem saltem musivi operis egregie compacti, quo Christi Redemptoris, pariterque duodecim Apostolorum venerandæ imagines exprimuntur in apside; sicut in aliis antiquis ecclesiis ubique locorum eadem vetustatis monumenta est facile reperire.

12. Sed ne alio longius digrediar oratio, quæ ab Olybrio et Probino fratribus anni hujus Consulibus ad Probum parentem se convertit; probe consulitur, si a Probo ad Probam, piam ipsorum matrem, eadem revertatur. In primis vero, ut sanctorum Patrum elogiis, qualis quantaque fuerit ista mulier, innoscat; de ea hæc accipe a S. Hieronymo, qui ait ¹: « Proba illa, omnium dignitatum, et cunctæ nobilitatis in orbe Romano nomen illustris; cujus sanctitas, et in universos effusa bonitas, etiam apud barbaros venerabilis fuit: quam trium liberorum, Probini, Olybrii, et Probi, non fatigarunt ordinarii Consulatus ». Hæc Hieronymus. Hanc ipsam religionem venerandam etiam S. Augustinus commendat, cum ipsa petente, ad eam scripsit epistolam, seu potius tractationem, *De videndo Deum*. Laudat hanc eandem Joannes Chrysostomus, quod suæ communionis homines Constantinopoli Romam profugos domo exceperit ac benigne habuerit, ut suo loco dicturi sumus. Sed quæ in commendationem ipsius ethnicius poeta Claudianus habeat, accipe ², ne putes nostros tantum christianæ feminæ laudes prosecutos esse:

Sic Proba præcipuo natas exornat amictu,
Quæ decorat mundum, cujus Romana potestas
Fretibus augeatur: credas et ab æthere lapsam
Stare pudicitiam, vel sacro thure vocatam
Jun. non hactenus oculis advertere templis.
Talem nulla refert antiquis pagina libris,
Nec Latæ cecinere tubæ, nec græca vetustas.
Conjuge digna Probo: nam tantum cœlibus extat
Femineis, quantum supereminet ille maritos.

Hæc ipse de Proba, quæ, vivente adhuc viro, centonem illum de Testamento Novo et Veteri scripsit; in cujus fine hæc habet:

celebrate faventes
Hunc, socii, morem sacrarum: hunc ipse teneto,
O dulcis conjux: et si pietate merentur,
Hæc casti maneant in religione nepotes.

13. Ex his videas, nihil antiquius fuisse sanctissimæ feminæ, quam Christianam religionem ad posteros suos transmittere. Sed cum ex antiquis memoriis appareat Faltoniam Probam poetriam uxorem fuisse Probi; undenam recentiori Isidoro ¹ accidit, ut eandem Adelphii proconsulis conjugem fuisse dicat? et unde insuper illis qui sentiant cum Isidoro, est quod dicant, Probo fuisse cognomentum Adelphium? certe in antiquis monumentis nullatenus reperiri datur, Probum Adelphium dictum esse, sed tantum Anicium Sextum Petronium Probum. At quæ de eadem Proba Faltonia in antiquis veterum inscriptionum monumentis reperiantur his subdamus.

14. In duabus basibus statuarum ejusdem pæne formæ atque mensuræ una eademque reperitur inscriptio in ædibus Cæsiis apud Vaticanam basilicam in quarum primæ frontispicio hi versus brevioribus characteribus scripti leguntur ²:

CONSIMILES. FRATRUM. TRABEIS. GESTAMINA. HONORUM.
TERTIA. QUÆ. DEDERAT. ADDIDIMUS. TITULIS
DILECTÆ. PROBUS. HÆC. PERSOLVIT. MUNERA. MATRI
RESTITUENS. STATUIS. PRÆMIA. QUÆ. DEDERAT.

et infra:

ANICLÆ. FALTONIÆ
PROBÆ. AMNIS. PINCIOS
ANICIOSQUE. DECORANTI
CONSULIS. UXORI
CONSULIS. FILLE
CONSULUM. MATRI.
ANICIUS. PROBINUS. V. C
CONSUL. ORDINARIUS
ET. ANICIUS. PROBUS. V. C
QUESTOR. CANDIDATUS
FILII. DEVINCTI
MATERNIS. MERITIS
DEDICAVÉRUNT.

¹ Hier. ep. viii. — ² Claud. carm. de Consul. Olybr. et Probini.

¹ Isidor. lib. de Vir. illustr. cap. v. — ² Exciderunt formæ Plantin. pag. 71. num. 1.

Quod hoc epitaphio tribuitur Probæ decoranti Anicijos, id ipse Ausonius¹ Gallus tribuit ejus viro Probo versu illo :

Stirpis novalor Amnia,
Paribusque comit infulis
Anciorum stemmata.

Sed de Faltonia Proba alia rursus in iisdem ædibus sic se habet inscriptio in basi statuæ collocatæ :

ANICLÆ. FALTONIÆ
PROBÆ. FIDEL. NORLITA
TIS. ANTIQVÆ. ORNA
MENTO. ANICIANÆ
FAMILIÆ. SERVANDÆ. ET
DOCENDÆ. CASTITATIS
EXEMPLO. CONSULUM
PROLI. CONSULUM. MATRI
ANICIUS. HERMOGENIANUS
OLIBRIUS. V. C.
CONSUL. ORDINARIUS
ET. ANICIA. JULIANA. C. F.
EJUS. DEVOTISSIMI. FILII
DEDICARUNT.

Insuper hæc in alia basi ibidem posita :

ANICLÆ. FALTONIÆ
INLUSTRISSIMÆ. ET
SANCTISSIMÆ
CASTISSIMÆ. FEMINÆ
HERMOGENIANUS. OLYBRIUS
V. C. CONSUL. ORDINARIUS
ET. ANICIA. JULIANA. C. F.
D. D.

Porro Olybrius hic Hermogenianus prænomine Claudius, non Probæ et Probi filius, sed gener fuit, nimirum Julianæ ipsorum filiae conjux, ut sequens docet inscriptio, quæ habetur in ædibus Cævolis via Julia.

TYRRANIAE. ANICLÆ
JULIANÆ. C. F. CONIUGI
Q. CLODII. HERMOGENIANI
OLYBRII. V. C.
CONSULARIS. CAMPANIAE
PROCONSULIS. AFRICAÆ
PRAEFECTI. VRBIS
PRAEF. PRAET. ILLYRICI
PRAEFECTI. PRAET. ORIENTIS
CONSULIS. ORDINARIII
FL. CLODIUS. RUFES. V. P.
PATRONAE. PERPETUAE.

Gessit hic consulatum anno Domini trecentesimo septuagesimo nono una cum Ausonio Gallo : citoque ex

hac luce subtractus (ut ex Hieronymo vidimus) Julianam reliquit viduam cum prole Demetriade filia.

15. At qualis quantaque esset Juliana hæc filia Probæ, relicta Claudio Hermogeniani, complura sanctorum Patrum de ea digna elogia manifestant. Fama quidem ejus nequaquam Urbis seu Italiae angustis valuit contineri; sed rebus ante gestis præclarisque animi ejus virtutibus maria præervolans, et longe lateque remotas provincias percurrrens, Africam et Orientem pervasit. Ad hanc ipsam Innocentii Romani Pontificis extant litteræ²; ad eandemque scripsere episcopi Alypius, et Augustinus³, nec non Chrysostomus⁴; laudatque eam S. Hieronymus⁵, et alii. Sed de eadem inferius quinto tomo pluribus agendum erit.

16. Quod rursus ad filios Probi pertinet: uni ex illis nupsit Furia illa ex Camillorum prosapia clarissima femina, ad quam viduam relictam S. Hieronymus scripsit epistolam decimam, *De viduitate servanda*: testatur id quidem ipse in epistola⁶ ad Salvinam eodem argumento conscripta, ubi in fine ait Furiam nurum fuisse Probi quondam consulis. Sed de Furia illud non prætereatur, germanum ejus fuisse maritum Blesillæ filiae S. Paulæ: idem enim tradit idem S. Hieronymus in epistola ad eandem Furiam scripta, cum ejus exordio hæc habet: « Blesillam prætereo, quæ maritum suum, tuum secuta germanum, in brevi vitæ spatio tempora virtutum multa complexit ». Mater vero ejus, Titiana dicta, seu potius Tatiana (ut puto) Tatiani consulis, qui collegam habuit Symmachum, soror fuit. Verum de his modo hactenus.

17. Jam habes, lector, occasione Consulum fratrum, textam Proborum genealogiam: nempe (ut paucis dicta repetam) ex Probo et Proba genitos tres filios, Olybrium, Probinum et Probum, ex Olybrio et Juliana progeneratam unicam filiam Demetriadem, sanctam virginem, christianæ pudicitiae decus: sed de ipsa simul cum matre ejus Juliana et avia Proba, plura suis locis inferius: « Omnes hæc clarissima ex Anciorum familia feminae toto orbe », inquit Cassiodorus, « prædicare: quæ quidem familia vere nobilis dicitur, quando ab ea actionis probitas non recedit ». Ita ipse.

18. Porro Demetriadis patri Claudio Hermogeniano Olybrio frater fuit Alypius dictus Faltonius Probus Alypius, ut ejusmodi docet inscriptio⁶ in statuæ basi his litteris notata:

Q. CLODIO. HERMOGENIANO
OLYBRIO. V. C. FRATRI
ADMIRANDAE. PIETATIS
FALTONIUS. PROBUS. ALIPIUS. V. C.

alia præterea ejusdem Alypii inscriptione comper-

¹ Auson. ep. XXI.

² Innoc. epist. XIII. — ³ Aug. epist. CXXIII. — ⁴ Chrys. ep. CLXIX. — ⁵ Hier. epist. VIII. — ⁶ Hier. epist. XI. — ⁶ Romæ apud Colleg. Græcorum.

tum habetur eundem sub Theodosio Urbanam praefecturam gessisse : sic enim se habet ¹ :

DOMINO. NOSTRO
FL. THEODOSIO
AUGUSTO
FALTONIUS. PROBUS
ALYPIUS. V. C. P. REF. URB.

Ad eundem quoque Alypium complures extant epistolae Symmachi; deque eo meminit in epistola ad Flavianum ².

19. Quoto autem anno Theodosii ejus praefectura Urbana contigerit, ignoratur : nec scitur, num sub Honorio alias functus sit eodem magistratu. Sub ipso autem Urbis praefecto contigisse martyrium Almachii, his verbis tabulae ecclesiasticae ³ produnt kalendis Januarii : « Romae S. Almachii martyris : qui jubente Alypio Urbis praefecto, cum diceret : Hodie octavae Domini dici sunt : cessate a superstitionibus idolorum et a sacrificiis pollutis, a gladiatoribus occisus est ». Ita ibi. De eodem putatur Theodoretus ⁴ agere, cum rem gestam paulo fusius narrat his verbis : « Telemachus quidam », sic nominat quem Latini habent Almachium, « excolens vitam monasticam, profectus ex Oriente, hac de causa Romam se contulit », nempe ut ludos gladiatorios abolendos curaret. « Ac dum sceleratum istud edebatur spectaculum, in stadium ipse ingreditur, atque ad gladiatores descendens, mutuam inter eos dimicationem sedare nititur. Itaque crudelis cadis spectatores accensi iracundia, et a demone qui ex illa sanguinis effusione voluptatem capiebat, ad furorem impulsus, pacis auctorem lapidibus obruerunt ». Ita ipse. At licet discrepet a Martyrolo, ubi dicitur a gladiatoribus necatus, potius in Theodoretis errorem inesse putamus, quam ut hic ab illo diversus habeatur. Sed idem auctor ista subdit : « Qua re cognita imperator admirabilis, Telemachum in numerum martyrum invictorum adscripsit, crudele autem illud spectaculi genus penitus sustulit ». Haec ille.

20. Caeterum sic relatum accipias Almachium, sive Telemachum inter martyres ab imperatore, ut ipsi tribuatur, quod ipso curante, ecclesiastica auctoritate a Romano Pontifice esse factum oportuit. Tempore Honorii imperatoris haec accidisse, Theodoretus narrat : sed verius putamus sub Theodosio, cujus tempore ejusdem praefectura Urbana ponitur : sub quo imperatore siluisse videntur spectacula illa cruenta, sub Honorio iterum restituta, ut suo loco ex Prudentio dicturi sumus. Ut id etiam affirmemus, illud pariter suffragatur, quod tempore Theodosii reperitur Alypium per sanctum Joannem eremitam ad meliorem frugem redditus : etenim de Alypio Aegypti praefecturam administrante haec ha-

bet Palladius in Lausiaca ⁵ : « Interea vero dum loquimur », cum Joanne videlicet sanctissimo illo anachoreta, « ingressus est subito provincie ipsius praeses Alypius. Ad quem, relicto quem mecum habebat sermone, se contulit. Secessi igitur ab eisdem paulum, et loco cedens, eminens steti : prolixas autem eorum confabulationes graviter ac moleste ferens, intra me ipsum bonum illum senem reprehendebam, eo quod meo sermone contempto, illum potius honorasset. Ideoque cum id mihi ingratum fuisset ; spreto eodem, recedere cogitabam. Vocavit itaque ad se tunc ille Theodorum nomine interpretem suum, dicens : Vade ad fratrem istum, et dic ei : Noli esse pusillanimis ; quia nunc jam dimittam praesidem et tecum loquar. Cognovi igitur ex hoc, ipsum Joannem hominem esse spirituales, et omnia praevidere ; et ideo eo magis capere remorari. Egresso mox inde praeside, me vocavit, his me alloquens verbis : Ut quid, inquit, animam tuam me reprehendendo laesisti ? Quam in me inveneras culpam, ut ea in tuis sensibus cogitares, quae nec in me cognosco, nec tuos scio mores decere ? An ignoras illud, quod non incolumes ac fortes, sed male habentes medico semper indigeant ? Nam tu me, cum velis, et rursus ego invenire te possum : et si ex me forsitan nullum, ex aliis tamen fratribus patribusque aliquid poteris habere solatium : iste vero totus ex saecularibus rebus diabolicè deditus potestati, vix brevis horae spatio potuit respirare : et nunc tentans, sicut quidam servus austerum dominum suum fugiens, venit ut salutare hic inveniret auxilium. Inconsulta igitur atque importuna res fieret, si illum relinquerem, et tecum morarer, qui jugiter salutis tuae commodis vacare consuevisti ». Haec Palladius de Alypii praefecti cum S. Joanne congressu ; cujus monitis redditum esse meliorem, par est credere. Atque de Alypio satis.

21. *Theodosius Ethnicos hortatus, multisque statutis Ecclesiae proficuis, pie obit.* — Jam vero ad praesentis anni res gestas, suo quo factae sunt ordine, recensendas, orationem convertamus. Existit namque anni hujus exordium universo christiano orbi maxime luctuosum, acerbissimo novo casu obitus Theodosii, cujus virtute paulo ante a tyrannide fuerat universum Occidentale imperium liberatum. Etenim cum adhuc triumphus laetitia gestiret populus, mox improvisa morte Theodosii, immenso mœrore consternatus est : de quo antequam agamus, hic errorem corrige Prosperi in Cassiodori Chronicon illapsum, dum sub hujus anni consuli-bus ponitur Eugenius a Theodosio superatus : quod quidem anno superiori contigisse, tum quae dicta sunt certa fide demonstrant, tum etiam Claudianus de eorundem consulatu dum versibus agit, aperte testatur ; ut omittamus alia de his innumera testimonia.

22. Hoc igitur anno, iisdem consulibus, Theodosius imperator, secundum quod antea a Deo prae-

¹ Apud Smet. pag. 156. n. 47. — ² Symmach. l. II. ep. LXXXII. —

³ Martyrol. Rom. die 1. Januar. — ⁴ Theod. lib. v. c. 26.

⁵ Pallad. in Lausiac. cap. 22. apud Lipom. tom. III.

dictum fuerat sanctissimo anachoretae Joanni, ex hac vita migravit XVII kal. Februarii, cum imperrasset annos sexdecim, et duobus diebus decimum septimum altigisset, annum agens ætatis quinquagesimum. De anno obitus ejus et consulibus testantur Prosper¹, Marcellinus², et Socrates³, qui et de dicta obitus die fidem faciunt. Quod vero attigerit annum decimum septimum, Rufinus⁴ et Marcellinus tradunt. De anno ætatis quinquagesimo Victor est auctor; cui magis assentimur, quam Socrati dicenti annos vixisse sexaginta. De loco autem, eum Mediolani extremum clausisse diem, Orosius⁵ et Victor⁶ una consentiunt. Errat vero Zozimus⁷, dum ait Theodosium Constantinopolim revertem, in itinere vita functum. Sed quæ ejus præcesserint obitum, quæve fuerint subsequenta, dicamus.

23. Cum filios Arcadium et Honorium Constantinopoli venientes excepisset, et omni hostilis cætus labe purgatus, ecclesiasticæ communionis particeps (ut dictum est) factus esset, complura Reipublicæ fructuosa disposuit. Inter alia convocato senatu, habita oratione, hortatus fuit Gentiles deorum cultum procul abjicere, quorum falsitatem jam in bello Eugeniano experti fuissent, cum quam polliciti illi fuerant certam victoriam, ut impotentes, imbecilles, atque mendaces minime præstissent; ab Herculis manu jam clavam extortam, atque fulmina e manu Jovi excussa esse viderent (hos namque deos suis ipsi castris præfecerant), contra vero certo scient, si saperent, Christum regem regum crucis virtute cælestibus, terrenis, et inferis dominari; quem sequi deberent.

24. Sed hæc nihil penes eos profecisse, Zozimus tradit, cujus hac de re ista sunt verba⁸: « Cum senatum convenire jussisset, qui patris avitisque sacrorum ritibus inhaerebat, nec adhuc permoveri poterat, ut iis assentiretur, qui ad contemptum deorum deflexerant, orationem habuit, qua eos hortabatur, ut missum facerent errorem (sic enim appellabat) quem hactenus secuti fuissent, et Christianorum fidem amplecterentur, quæ liberationem ab omni delicto et impietate pollicetur. Sed cum huic exhortationi nemo pareret, nec a patris ritibus, quos inde usque ab origine Urbis acceperant, discedere vellent, et his expertem rationis assensum præferre; cum dicerent, illis observatis, se jam mille ducentis propemodum annis Urbem invictam incoluisse; cum quibus si commutarent alia, quid eventurum esset, ignorarent. Tum vero Theodosius fiscum suum sumptu gravari, qui in sacra victimas fieret, sequæ ista velle abolere dixit: qui neque probaret id quod ageretur; et alioqui sciret, penuriam militarem majores pecunias poscere. Cum senatus respondisset, non rite fieri quæ perpetrarentur, quando sumptus ille qui sacris impendebatur, ad fiscum non pertineret; nihilque minus lex

sacrorum abolita cessaret, aliaque neglecta jacerent, quæcumque a majoribus tradita fuerant; imperium Romanum paulatim diminutum, barbarorum domicilium factum est, aut potius incolis prorsus amissis, ad eam redactum est formam, ut ne loca quidem, in quibus urbes sitæ fuerunt, agnoscantur ». Hæc Zozinus secundum antiquam Ethnicorum querelam ipse ethnicus ingerit, quasi cuncta adversantia ob Christianam religionem in Romanum illata fuissent imperium. Sed de his alias sepe suis locis.

25. Sane quidem potest devictum Eugenium, qui aperiri permiserat rubiginem obsitas seras portarum dedicatarum idolis templorum, et illis intermissa diu sacrificia immolari; Theodosius nihil antiquius habuit, quam, lege lata, templâ claudere, et sacrificia prohibere: unde S. Ambrosius comparans eum Jacob: « Imitatus, inquit¹, Jacob, supplantavit perfidiam tyrannorum, qui abscondit simulacra gentium: omnes enim cultus idolorum fides ejus abscondit: omnes enim cærimonias obliteravit ». Relaxata quoque ab eo tunc temporis annonaria tributa ex testamento fuisse, idem S. Ambrosius tradit: ejusque pariter testamento legem indulgentiæ scriptam esse relictam, testatur, dum ait: « Præcepit dare legem indulgentiæ, quam scriptam reliquit. Quid dignius, quam ut testamentum Imperatoris lex sit? » Quod vero ad filios spectat, ideo paulo superius: « De filiis enim nihil habebat novum quod conderet, quibus totum dederat, nisi ut eos presenti commendaret parenti ». Tradidisse quidem ipsos filios S. Ambrosio, Paulinus² affirmat: sed id factum est, cum eos Constantinopoli venientes suscepit Theodosius in ecclesia: ex quo erroris arguuntur Socrates³ et Sozomenus⁴, dum aiunt filios advenientes reperisse ipsum Theodosium morbo laborantem in lecto.

26. Cæterum quod ait ipse Ambrosius, tunc obitus tempore commendatos ab eo fuisse parenti, Stiliconem intelligere certum est: loco enim parentis ipsum ab eis haberi voluit, cui ipse Theodosius Serenam fratris filiam in matrimonium collocaverat: testantur id Claudianus⁵ et Zozimus⁶. Erat Arcadius natu major adolescentis annos natus decem et octo, Honorius vero decimum dumtaxat agebat annum; de quibus S. Ambrosius⁷: « Domino favente, Arcadius imperator jam validus inventus est; Honorius continuo pulsas adolescentiæ fores, provecior ætate quam Josias ». Qui natus annos octo regni suscepit moderandas habenas. Fuisse ambos jam ante baptizatos, et a S. Arsenio in baptismo susceptos, in Vitis Patrum habetur expressum⁸. Qui igitur moriens populi curam gessit relaxando tributa, atque hostium quoque voluit bene mereri, tributens eis indulgentiam testamento, filiisque divisit imperium, et tradidit fidei Stiliconis. Ecclesiarum non potuit oblivisci, nam de eo S. Ambrosius⁹:

¹ Prosp. in Chron. — ² Marcellin. in Chron. — ³ Socrat. l. v. c. 25. — ⁴ Sozom. l. vii. c. 25. — ⁵ Claud. adv. Rufin. l. ii. — ⁶ Oros. l. vii. c. 36. — ⁷ Aurel. Vict. in Theodos. — ⁸ Zozim. l. iv. — ⁹ Zozim. ibid.

¹ Amb. orat. in funere Theod. — ² Paulin. in Vit. S. Ambr. — ³ Socrat. l. v. c. 25. — ⁴ Sozom. l. vii. cap. ultum. — ⁵ Claud. adv. Rufin. l. ii. — ⁶ Zozim. l. iv. — ⁷ Amb. orat. de obitu Theod. — ⁸ Vit. SS. Patr. p. 2. c. 36. — ⁹ Amb. orat. de obitu Theod.

« Dilexi virum, qui cum jam corpore solveretur, magis de statu Ecclesiarum, quam de suis periculis agebatur ». Hæc Ambrosius satis memor quod legibus conatus frustra ille fuerit feras bestias coercere, expertusque satis ipsorum hostium procaciam, animumque duritia obstinationis obductum nullis coerceri pœnis vel refrenari posse supplicii.

27. Eo igitur ex hac vita egresso, corpus polifunctum temporarie amandatum est sepulturæ; postea vero translatum fuit Constantinopolim hoc eodem anno VI idus Novembris, ut Socrates tradit: non tamen secum vexit illud Arcadius, qui mox post patris obitum, ne quid inopinato obitu imperatoris (ut assolet) turbarum oriretur in Oriente, quam citissime reverti laboravit Constantinopolim: nam Honorium tantummodo interfuisse quadragennæ funeris functioni. S. Ambrosius indicat in ea, quam coram ipso tunc in laudem Theodosii habuit, oratione: nam inter alia ¹: « Ejus ergo principis et proxime conclamavimus obitum, et nunc quadragesimum celebramus, assistente sacris altaribus Honorio principe; quia sicut S. Joseph ² patri suo Jacob quadraginta diebus humationis officia detulit, ita et hic Theodosio patri justa persolvit ». Hæc Ambrosius, qui et in peroratione significat, eo perfuncto ab Honorio christianæ pietatis officio, mox ipsum corpus sublevandum, et evehendum Constantinopolim, ait enim ³: « Fles etiam, imperator Auguste, quod non usque Constantinopolim reverendas reliquias ipse prosequaris; eadem tibi causa nobiscum est: omnes sunt dolore prosequimur: omnes (si fieri posset) deductores tecum esse cuperemus, etc.

28. *Theodosii laudes et calamitæ Zozimi in eundem dilutæ.*— Sic namque decuit tantum imperatorem, post liberatum Occidentale imperium a tyranno, triumpho magis suo quam funere sepeliri, imo ad cælum triumphali quadriga ferri, cum cælesti militia, qua vicerat, triumphatorum. Cujus quidem laudes cum ex prudentia in imperio gubernando, tum ex fortitudine in tyrannis potentissimis extirpandis, tum etiam ex pietate in fide catholica integerrime conservanda, sanctis piisque moribus custodiendis, omnium veritatem amantium ore, omnibus sunt sæculis conclamata. Nullus enim unquam Romanorum imperatorum, qui non hæreditario jure parenti augusto successerit, ita legitime, ita opportune, ita fructuose atque fideliter ad regimen Romani est cooptatus imperii. Qua dexteritate, quanta facilitate atque felicitate tunc invasum a Gothis Orientale-recuperavit imperium, ut victores fecerit sibi militare subjectos? Qua prudentia Persas jugi clade Romanum imperium pessumdantes, finitimas provincias prædantes, non solum cessare suasit, sed et munera pro tributo conferre? Qua pietate Orientalem Ecclesiam Arianorum et aliorum hæreticorum pedibus proculcatam in auctiorem gradum quam fuerat sub Constantino, restituit?

Qua bellica fortitudine tyrannorum monstra perdomuit? Quanta fide recuperatum imperium Occidentale Valentiniano restituit? Quo religionis affectu idololatriam sapius, ut percussum multis ictibus anguem, caput rursus extollentem penitus extinguendam curavit? Quod vero tot egregii exultum virtutibus Christianum imperatorem in peccatum aliquando labi providentia divina permisit; totum id fuit, ut delinquentibus regibus posteris sanciret divinum consilium disciplinam: nimirum, ut tum exemplo discerent Theodosii, quanto dispendio audiant principes magis aulicos, quam sacerdotes; tum vero ut ejus et penitentiam erudirentur, quantumvis potentissimos ac invictissimos principes, cum delinquant, ferule subjacere ecclesiasticæ potestatis, et solutos licet legibus sæculi, vinculis tamen alligatos esse Evangelicæ disciplinæ.

29. At quod ad incomparabiles mores tanti principis spectat: unus infelix atque perditus Zozimus reperitur inter scriptores, qui more suo, odio Christianæ religionis, Theodosium magnopere carperit: sed quod sciret facta ejus celeberrima cunctis esse perspicua, ut a nemine possent penitus obscurari, illud vafri ingenii consilium inivit, ut pacis tempore ejus facta condemnet, laudet vero labores in bello, cum eundem principem hisce verbis in sua historia mendaciorum tetrina, suggillatum reliquit ¹: « Cumque Promoto curam horum omnium commississet, ipse prioris vivendi rationis recordatus, cœnas magnificas cœnabat, et in exquirendis voluptatibus curiosus erat, et theatris atque circensibus se oblectabat. Adeoque mihi principis hujus vitam in utrumque proclivem mirari subit. Nam cum natura mollis esset, omnique socordiæ et indicatis antea vitis deditus; si nihil ei triste, nihil formidabile molestiam exhiberet, nature frena laxabat; sin urgeret aliqua necessitas, quæ statum rerum quassatura timeretur, ignaviam deponebat, et deliciis valere jussit, ad fortitudinem ac laborum molestiarumque tolerantiam redibat. Cum ipso rerum usu docente talis esset, jam omni sollicitudine liberatus, inestis a natura dissolutionibus serviebat »: hæc Zozimus, sed eadem et his deteriora superius, cum ait ²: « A voluptate mollietique exorsus imperium, magistratus qui rebus erant præfecti, conturbabat; et rei militaris duces numero plures, quam ante erant, instituebat ».

30. Et de eodem paulo post: « Hæc quidem socordia principis, absurdaque pecuniarum cupiditate, tandem huc evaserunt. Idem princeps auctor extitit, tantus ut sumptus in mensum imperatoris fieret, ut propter ciborum multitudinem, et in his apparandis magnificentiam, populosæ coquorum et pocillatorum et aliorum cohortes instituerentur; quas si quis enumerare vellet, ei prolixo fuerit opus commentario. Nam de multitudine inservientium principi spadonum; quodque complures horum, præsertim qui cæteris forma præstabant, præsides in medium profferrent eos quos ipsi vellent; quod-

¹ Ambr. oral. de obitu Theod. — ² Genes. L. — ³ Ambr. ead. oral. in fine.

⁴ Zozim. l. iv. — ² Zozim. l. iv.

que totum imperium in sua potestate haberent, quocumque lubitum esset, animum principis flectentes : hæc ergo commemorando, quid opus est orationem instituere prolixiorē? cum rerum interitus exinde seculi causæ nobis vindicandæ veniant. Nam cum temere, atque etiam in indignis fisci bona profunderet, ideoque non abs re pluribus pecuniis egeret, provinciarum præfecturas quibusvis accedentibus venales exponebat, nulla prorsus existimationis, aut honestæ vitæ ratione habita, sed cum iudicans idoneum qui auri vel argenti maiorem summam deferebat : adeoque videre erat, argentarios et nummularios, et alios in foro professiones fœdissimas exercentes, magistratuum insignia ferre, maioremque pecuniæ vim habentibus provincias tradere ». Hæc Zozimus in eversorem deorum suorum, iure (ut sibi videbatur) indignatione commolus.

31. Sed ad confutandum oblatrantem invecivis acerrimis hominem (ne canem dicam) nihil est ut de laudatissimo principe hic nostrorum congeramus elogia : sed ne videamur domesticis testibus velle vincere, gentili aq̃ue objicimus gentilem historicum, veri tamen amantiorē, ipsum, inquam, insignis nominis scriptorem rerum sui temporis Aurelium Victorem; qui ut summo laudum præconio Theodosium extollat, sic comparat illum Trajano, ut tamen constanter affirmet, ipsum Trajani caruisse vitiiis : ac proinde juxta veteres illas acclamationes, TRAJANO MELIOR, consecutus Theodosius unus fuerit, ipsius sententia, ut non amplius jam a populo in novi imperatoris auspiciis illud foret acclamandum ac deprecandum, MELIOR TRAJANO, sed illud MELIOR THEODOSIO, publicis vocibus et votis optandum. Ipse igitur Victor omnis privati affectus animo liber, veritatis tantum studiosus, hæc de Theodosio posteris tradidit : « Fuit, inquit, Theodosius moribus et corpore Trajano similis, quantum scripta veterum et pictura edocent. Sic eminens status, membra eadem, par cæsaries, os absque eo quod illi aliquantulum vellendo steriles genæ, neque tam ingentes oculi erant, nescio an et tanta gratia, tantusque illos in facie, seu tanta dignitas in incessu. Mens vero prorsus similis, adeo ut nihil dici queat, quod non ex libris in istum videatur transferri. Clemens animus, misericors, communis, solo habitu differre se cæteris putans : in omnes homines honorificus, verum effusus in bonos : simplicia iugentia aq̃ue diligere, erudita mirari, sed innoxia : largiri magno animo magna : amare cives vel privato contubernio cognitos, eosque honoribus, pecunia, beneficiis cæteris numerari, præsertim quorum erga se velut patrem aspero casu officia probaverat.

32. « Illa tamen, quibus Trajanus aspersus est, violentiam scilicet et cupidinem triumphandi, usque eo detestatus est, ut bella non moverit, sed invenerit; prohibueritque lege, ministeria lasciva, psaltriasque commensationibus adhiberi : tantum pudori tribuens et continentia, ut consobrinarum

nuptias vetuerit tanquam sororum. Litteris, si nimium perfectos contemplerur, mediocriter doctus, sagax plane, multumque diligens ad noscenda morum gesta : quibus non desinebat excrari veterum facta superba, crudelia, libertati infesta quæ legerat, ac Cinnam, Marium, Syllamque atque universos dominantium, præcipue tamen perfidos et ingratos. Irasci sane rebus indignis, sed flecti cito : unde modica dilatione emolliabantur aliquando severa præcepta; habuitque a naturæ munere quod Augustus a philosophiæ doctore didicerat; qui cum audisset eum facile commoveri, ne asperum aliquid statueret, monuit ut ubi irasci cœpisset, quatuor atque viginti græcas litteras memoria recenseret; ut illa concitatio, quæ momenti est, mente alio traducta, parvi temporis interjectu languesceret. Melior haud dubie (quod est raræ virtutis) post auctam annis potentiam regalem, multoque maxime post civilem victoriam. Nam et annonæ curam sollicitus attendere, et auri argentiq̃ue grave pondus sublato atque expensi a tyranno, multis e suo restituere, cum benigni principes et quidem vix fundos solerent nudos ac deformata prædia concedere. Jam illa minutiora, et ut dicitur, intra aulam; quæ quidem quia occultata sunt, magis naturæ hominum curiosæ oculos auresque ad se trahunt : patrum colere tanquam genitorem; fratris mortui, sororisque liberos habere pro suis; cognatos affinesque parentis animo complecti; elegans lætumque convivium dare, non tamen sumptuosum; miscere colloquia pro personis, studio, dignitatibus, sermone cum gravitate jucundo, blandus pater, concors maritus. Exercebatur neque ad illecebras, neque ad lassitudinem; ambulationibus magnis, cum esset otium, reficiebat animum; vescendi continentia valetudinem regebat. » Hæc de moribus Theodosii Victor, quibus plane calumnianlem Zozimum potenter confutes et excreris.

33. Sed etsi ex græcis quæras de Theodosio testimonia, et ab homine aq̃ue gentili (ne putes in gratiam ipsius Christianorum aliquem esse locutum) eodemque probate fidei et probitatis viro, professione philosopho, et hanc ob causam christianis antecessoribus imperatoribus acceptissimo, quem impossibile existimes esse mentium; accipe Themistium¹, qui non habens ex recentioribus principibus quem Theodosio æquare posset, ad priscos illos laudatissimos reges se conferens, non dubitat ipsum præferre illis omnibus; utpote qui affirmet, eum probitate, prudentia, atque consilio superasse Lycurgum fortitudinē et peritia militari Alexandro Magno extitisse majorem. Quod quidem haud amplificatione quadam rhetoriæ artis ostentat, sed certis firmisque rationibus docet. Essent hic describendæ duæ orationes, quibus ipse Themistius in eo argumento versatur, ut Theodosii egregias virtutes prædicet; sed parcius ob prolixitatem.

34. At etsi hæc satis superque sint ad Theodosii defensionem; addimus tamen latinorum oratorum

¹ Aurel. Victor. in Theodos.

¹ Themist. orat. v.

clarissimum Symmachum et ipsum ethnicum, et Christianorum hostem; qui publica concione (ut suo loco dictum est) cum civiles ejus, tum bellicas laudes prosecutus, testatur scribens ¹ ad Flavianum aequè gentilem hominem, eas adeo sua oratione superiores fuisse, ut sibi visus sit illas potius attigisse, quam pro rerum gestarum dignitate singulis (ut ait) satisfecerit: hæcque familiaribus ipse litteris apud amicum aliqui principi ob sublatum deorum cultum in Theodosium infensum, non autem in gratiam principis pro concione jactata, sed ad aures dicta odio habentis imperatorem christianum idololatriæ destructorem, ab ipso præsertim Symmacho in eundem Theodosium eandem ob causam valde permoto. Ut ex his magnam inesse vim intelligas veritati, virtutemque etiã linguas hostium coercere, easque habentis velut in contrarium cursum reflectere, et ex invectivis ad encomia dicenda convertere. Sic igitur pro Theodosii defensione adversus ejus vituperatores ethnicos, ipsos etiã ethnicos scriptores obijcere satis sit.

35. Cæterum adversus eorundem ethnicorum calumnias longe potentior nactus est Theodosius post mortem patronum: etenim ipsum decus Romanæ nobilitatis, Christianæ religionis dignum exemplum, Pontius Paulinus litteris clarus, fama-que celebris, ejusmodi suscepit provinciam, ut adversus rabulas subsannantes, Theodosii famam carpenles, lucubrationem luculentam ediderit, rogatus a quodam pio viro, quo familiariter utebatur, nomine Benedicto, prout ipse Paulinus testatur ad Severum hæc scribens ²: « Alius libellus ex his est, quos ad Benedictum, id est, christianum virum amicum meum Endelechium scripsisse videor, non tamen edidisse convincar. Is enim mihi auctor hujus in Domino opusculi fuit; sicut ipsius epistola, quæ libello pro themate præscribitur, docet. Fateor autem idcirco me libenter hunc ab amico laborem recepisse, ut in Theodosio non tam imperatorem, quam Christi servum, non dominandi superbia, sed humilitate famulandi potentem, nec regno, sed fide principem prædicarem ». Hæc Paulinus: et S. Hieronymus ipso exordio epistolæ ad eum scriptæ de eodem sic habet: « Quid enim in nobis, aut quantum est, ut doctæ vocis mereamur præconium? ut illo ore, quo religiosissimus princeps defenditur, humiles nos modicique laudemur? » nominat eam Paulini scriptorem Gennadius Panegyricum super victoriam tyrannorum, ejus argumenti conscriptum, ut demonstraret ipsum christianum imperatorem fide et oratione potius, quam armis immanes tyrannos sæpius superasse.

36. Si vis autem intelligere quale ejusmodi a Paulino elucubratum opus fuerit, percontare sanc-

tum Hieronymum hæc ³ ad ipsum Paulinum scribentem: « Librum tuum quem pro Theodosio principe prudenter ornatèque compositum transmisisti, libenter legi, et præcipue mihi subdivisio in eo placuit: cumque in primis partibus vincas alios, in penultimis te ipsum superas. Sed et ipsum genus eloquii pressum est et nitidum; et cum Tulliana luceat puritate, crebrius est in sententiis: jacet enim (ut ait quidam) oratio, in qua tantum verba laudantur. Præterea magna est rerum consequentia, et alterum pendet ex altero. Quicquid assumpseris, vel finis superiorum, vel initium sequentium est. Felix Theodosius; qui a tali Christi oratore defenditur. Illustrasti purpuras ejus, et utilitatem legum futuris sæculis consecrasti. Macte virtute; qui talia habes rudimenta, qualis exercitatus miles eris? O si mihi liceret istiusmodi ingenium non per Aonios montes et Heliconis vertices (ut poete canunt), sed per Sion, et Itabirum, et Sina excelsa ducere; si contingeret docere quæ didici, et quasi per manus mysteria tradere Scripturarum; nasceretur nobis aliquid, quod docta Græcia non haberet ». Hæc Hieronymus. At de Theodosio hactenus, ejus exitu optatus quoque finis huic quarto tomo Annalium imponatur. Quæ vero reliqua sunt anni hujus rerum gestarum, sequenti tomo dicemus, cum Arcadii, et Honorii filiorum ejus in imperio successorum acta aspicaturi sumus.

37. *Epilogus cum admonitione.* — Quem igitur ab exordio Juliani imperii inchoavimus tomum hunc quartum Annalium, claudimus eundem felicissimo ad Deum transitu Theodosii. In quo quidem tanquam in viva tabula, semper loquentibus imaginibus, imò clamantibus, expressum habes, quæ impietatis, quæ vero pietatis sint vires, quive exitus alterutram sectantium imperatorum; cum velut in scena representata videris diversa atque contraria diversorum principum studia; contemplatusque fueris, quemnam finem habuerit Apostata Julianus idolorum cultor, quove pervenerit Valens hæresis propugnator; et quem tandem exitum consecutus sit Valentinianus major, catholice licet princeps, siueus tamen pro arbitrio quemque agere, idola colere, hæresesque sectari; quomodo divinam vindictam in se concitaverit, atque in filios miserabilius propagarit: contra vero qui fuerit religionem pure colentis, et propensius excolentis, impietatemque una cum impiis insectantis felix ingressus, felicior progressus, ac tandem egressus felicissimus Theodosii imperatoris. Ut una ferme inspectione intelligant christiani principes, quos vitare quosque sectari debeant; et quonam pacto illorum facta cavendo, Dei indignationem effugiant; ac divinam benedictionem, imitando Theodosium consequantur.

¹ Sym. l. II. ep. XIII. — ² Paulin. epist. IX.

³ Hier. epist. XIII.

Auctoris peroratio. Appendix; auctoris præfatio. — Jam quartum tuo beneficio, Dei Genitrix Maria Virgo, pensum reddimus: persolvimusque

illud tibi, a qua profitemur acceptum. Tu enim ⁴

⁴ Prov. XXXI.

quesisti lanam et linum, et operata es consilio manuum tuarum. Quod igitur reliquum est operis, tu ipsa perfice; eademque fila qualiacumque sint (sient certe aurea in manu tua) in sacerdotalia illa indumenta contexe; de quibus David ¹: « Sacerdotes tui induantur iustitiam »; et Dominus ² ait: « Sacerdotes ejus induam salutari ». Duo ista, rogo, nobis confice vestimenta: domestici enim tui dicuntur vestiri duplicibus. Hæc petimus, non invidiosam tunicam polymitam ³, quæ a patre filio tradita, fraternalium odium concitavit, et infelici exitu, hædi conspersa sanguine, eidem patri immensum dolorem iniecit, exiecitque lacrymas, ex eo merito iudicanti, filium a fera pessima devoratum. Felicius agni quam hædi sanguine inebuantur fidelium vestes: satiusque ad ornatum, quod proficit ad salutem: siquidem divino est depromptum oraculo ⁴: « Beati qui laverunt stolas in sanguine Agni ». Tali purpura gloriantur Dei filii, cohæredes Christi, consortes regni, iidem reges, cum Deo in perpetuum regnaturi: in quorum nos cooptari consortium, tuis, Virgo sanctissima, concedat precibus dilectus filius tuus; cui gloria et honor in sæcula. Amen.

1. Quod spectat ad Laodicensem Concilium: est quod mireris, lector, a nobis hoc tomo esse omnino prætermisum, adeo ut ne levis quidem ejus nominis mentio habita sit. Juxta enim aliorum fidem, qui illud ad Damasi papæ tempora retulerunt, sub eodem a nobis fuerat antea collocatum. Sed eo tempore cum de ipso nos acturi essemus; accuratius re perspecta, dum nec certum tempus vel locum inveniremus, quibus, ut aliæ res gestæ, firmiter consignari poterit; in appendicem esse referendum, consultius existimavimus, quod præteritis penitus nefas erat. Concilium quippe est antiqua nobilitate percelebre, Græcorum ac Latinorum scriptis memoria commendatum.

2. De hoc nos tractaturi, antequam de tempore disseramus, corrigemus errorem illum, qui de ejusdem Synodi loco hactenus omnium ferme consensu acceptus asseritur, qui nec posteriori editione cernitur emendatus; cum celebratum idem Concilium dicitur Laodicæ quæ est in Syria. Quod sane vehementer admirati sumus, cum ipsius Synodi titulus disertis quidem verbis ita legatur: « Sancta Synodus quæ apud Laodicæam Phrygiæ Pacatianæ ex diversis regionibus Asiæ, etc. » Sed et gravior error ille, cum duæ Laodicæ in unam reperiuntur esse conflata, dum asseritur eadem esse in Syria quæ est ad Lycum flumen. Porro ex Strabone ⁵, Plinio, Ptolemæo, et aliis Cosmographis, duas constat fuisse Laodicæas, alteram Syriæ quæ dicta est Seleucia Tetrapolis, alteram vero in Phrygiâ, dictam a Strabone Laodicæam Hierapoliu: sed et ponit ⁶ idem auctor aliam Laodicæam in Media a Macedoniis conditam. Quæ autem in Syria est Laodicæa, haud procul distat a ponte Oronis fluvii, Chalcedis

confermina, condita a Seleucio. Sed quæ in Phrygiâ est ad Lycum sita (unde, inquit idem Strabo, ab eo cognomen accepit, ut Laodicæa ad Lycum sita dicatur) nobilis quidem civitas; sed nobilior elogio divini Scripturæ: ipsa quidem est, de qua Joannes in Apocalypsi ¹, et Paulus meminit in epistola ad Colossenses, nosque de ipsa alia occasione suo loco primo Annalium tomo diximus. Hæc cum ita se habeant; quid in Syria Laodicæam illam ponunt, quæ ad Lycum flumen est sita? et quid commune cum Syria istis annis habet?

3. Ex his pariter redarguitur, qui apud Gratianum ² idem sensisse reperitur, Anselmus nimirum, qui putavit Laodicææ Syriæ hanc Synodum congregatam, dum vult eam habitam auctore Theodosio, sive Theodoro, vel Theodoto episcopo Laodicensi: fuit enim iste episcopus Laodicææ Syriæ, successitque (ut testatur Eusebius ³) Stephano, qui sederat post Anatolium successorem Eusebii. Ceterum Theodotus, sive Theodorus vel Theodosius iste interfuisse reperitur magno Nicæno Concilio, habeturque subscriptus in eo tertio loco inter episcopos Cæsaryiæ. Quo tempore Laodicææ, quæ est in Phrygiâ, totius provinciæ illius (ut ait Theodoretus ⁴) metropoli præerat Nunechius, qui itidem Nicæno Concilio reperitur primo loco subscriptus inter episcopos Phrygiæ. Quod igitur Theodoti episcopi Laodicææ, quæ est in Syria celebris nomen esset, quam Nunechii, incante posuerunt eandem Synodum Laodicensem a Theodoto, alias Theodosio, congregatam Laodicæ in Syria, cujus ipse erat episcopus, celebris quidem nominis: post quem sedem illam accepit Pelagius, ejus meminit Theodoretus ⁵, idemque cum aliis episcopis orthodoxis imperatoris constitutione ⁶ laudatur: post ipsum vero Gregorius arianus, cujus Sozomenus meminit ⁷. Hæc de loco Synodi satis; de tempore jam agamus.

4. Quoniam autem potissimum tempore ejusmodi Synodus fuerit celebrata; quod nullus hac de re certa probataque assertio extet, locus est tantummodo conjecturæ. Quamobrem illud in primis dicimus liquido constare, eandem non ante tempora tantum Theodreti habitam esse, dum invenitur eadem ab ipso citata ⁸, sed etiam ante S. Basilium: quippe quem in epistola canonica ad Amphilo-chium ⁹ ejusdem meminisse certum est, dum ait: « Sed quoniam nonnullis Asiaticis omnino visum est propter multorum æconomiam, et dispensationem eorum, baptisma Catharorum », Novatianorum scilicet, « suscipi: suscipiatur ». Id enim statutum habetur in Laodicæno Concilio ab Asianis episcopis canone septimo. Ex quo etiam Concilio cum rejiciatur Cataphrygarum baptismus; ex sententia eorundem Basilium itidem in eadem epistola definisse apparet.

¹ Psal. cxxx. — ² Psal. cxxx. — ³ Genes. xxvii. — ⁴ Apoc. xxii. — ⁵ Strab. l. xii. Plin. l. v. c. 20. — ⁶ Strab. l. xi. Plin. l. v. c. 26.

¹ Apoc. c. 3. Coloss. ult. — ² C. 11. dist. 16. — ³ Euseb. l. vii. c. ult. — ⁴ Theod. in ep. Paul. ad Coloss. c. 2. — ⁵ Theod. l. iv. c. 11. et 12. — ⁶ L. iii. de fide Cathol. C. Theod. — ⁷ Sozom. l. vi. c. 25. — ⁸ Theod. in epist. ad Coloss. c. 2. — ⁹ Basil. ep. ad Amphilo-ch. c. 1.

5. Sed quam ante Basilii tempora habitam esse diximus Synodum Laodicenam; num post tempus Nicæni Concilii, vel ante id acciderit; hoc exquirendum est. Quod enim de Photinianis hæreticis in eodem septimo canone mentio habeatur, diffinita causa esset, si omnium exemplarium et editionum esset una eademque lectio. Nam cum plerique scripti codices, necnon editio posita in cæsis libris posteriori loco ejusdem Concilii careant illis verbis, *Aut Photinianis*, eo redacta res videtur, ut ex diversis lectionibus, quæ germana sit, diligentius exquiratur: quæ ex eo pendet, ut disquiratur, num collatum a Photinianis baptismum ab Ecclesia omnino receptum fuerit, cum septimus canon ille habeat, illorum baptismum esse suscipiendum.

6. At licet S. Hieronymi¹ et aliorum auctoritate constet Ecclesiam Catholicam recipere consuevisse Arianorum baptismum; tamen nequaquam ab eadem susceptum est baptismum Photinianorum, quorum tanta erat impietas in negando divinitatem Filii Dei, asserentium eum fuisse tantummodo hominem, ut (quod dictum est superius) Ariani ipsi adversus eos ut maxime impios arma sumpserint, et ab Ecclesia ejecerint: quomobrem constat ex auctoritate Concilii Arelatensis², Photinianorum baptismum, sicut et Paulianistarum, nullum esse, decretum fuisse. Sed et quod Theodoretus³ affirmet Photinum eadem sensisse cum Paulo Samosateno: certe quidem sicut ex decreto Concilii Nicæni⁴ statutum est, ut Paulianiste venientes ad Ecclesiam baptizarentur; ita et de Photinianis servatum oportuit. Quomobrem penitus ab eodem canone septimo explodenda est illa lectio de approbatione eorum baptismi, quæ omnino ecclesiastica traditioni, et Conciliorum canonibus adversari conspicitur. Sic igitur nihil est quod ex ea lectione convinci possit, istud ipsum Laodicenum Concilium post Nicænum celebratum fuisse.

7. Sunt plura tamen quæ ante Nicænum Concilium persuadeant idem Laodicenum celebratum esse: sed unum illud in primis, quod cum constet auctoritate S. Hieronymi⁵, receptum in Nicæno Concilio librum Judith; cum in serie canonicorum librorum a Patribus Laodicæ congregatis idem liber ab authenticis sit explosus una cum nonnullis aliis; evidens plane atque perspicuum redditur, dictam Laodicensem Synodum celebratam fuisse ante Nicænam. Nam quomodo ausi fuissent Catholicæ Ecclesiæ episcopi convellere quæ in Magno illo œcumenico Concilio de canonicis libris fuissent magna consideratione decreta? Præterea cum repariantur quinque⁶ canones Laodicensis Concilii eadem omnino continere quæ in Concilio Nicæno statuta sunt, nec in eis ulla prorsus mentio habeatur canonum Nicænorum eadem statuentium; argumentum est, ante Nicænum Concilium ea a Patribus Synodi

Laodicenæ decreta fuisse: siquidem vel non oportuerat ea paulo post iterum sanciri a provinciali Concilio, quæ decreta nuper fuerant in œcumenico: vel saltem ad majorem ecclesiasticis legibus auctoritatem conciliandam, eorumdem Nicænæ fidei canonum Patres debuerant meminisse, ut in aliis Conciliis factum esse reperitur, et in hoc ipso Laodiceno servatum, ut proxime dicturi sumus. Quod cum fuerit prætermissum, equidem existimari potest, ante Nicænum Concilium ea Laodicæ fuisse statuta.

8. Cæterum sicut æquum est ista sentire, ita pariter affirmare par est, idem Laodicenum Concilium in Asia fuisse post Neocæsariensem Synodum celebratum: nam ejusdem Concilii visus est citatus canon a Patribus Synodi Laodicenæ, dum primo illius decreto dicitur¹, bigamos ad breve tempus penitere debere, et sic admitti ad communionem, idque (ut habent verba ejus) secundum ecclesiasticum canonem, nempe Neocæsariensis Concilii tertio loco positum²: recepta sic quidem fuit bigamia in Ecclesia Orientali, in qua diu magnoque cum detrimento versati fuerant Cataphrygæ, rejicientes prorsus (ut dictum est) secundas nuptias: recepta, inquam, ut tamen non absque penitentia iidem ad communionem admitterentur. Sed et S. Basilus³, quæ ab hoc canone prætermissa sunt, addidit: nimirum quia in eo de bigamis tantum actum esset, ipse supplevit de penitentia trigamorum atque polygamorum: haud enim sic vulnus curare valuerunt, ut cicatrix nulla prorsus reliqua esset.

9. Cum igitur ex his quæ dicta sunt, satis possit intelligi, Concilium Laodicenum non ante Neocæsariense celebratum esse, neque post Nicænum; dicere quoque opus est, illud nequaquam sub Theodoro Laodicæ Syriæ episcopo, sed habitum esse sub Nunechio Laodicæ Phrygiæ Pacatianæ antistite: nam nullus alius præter ipsum eidem civitati præfuisse eo tempore reperitur episcopus: siquidem quem diximus subscriptum haberi Nicæno Concilio Nunechium ejus sedis metropolitanum episcopum, eundem quoque interfuisse Concilio Ancyrano paulo ante Neocæsariense Concilium celebratum, suo loco dictum est. Ex his igitur vides, quam præpostero ordine, quæ tertio loco ponenda erat Synodus Laodicensis apud Gratianum⁴ reperiatu sexta ordine collocata post Sardicensem, et Antiochenam, atque perperam⁵ in Syria sub Theodoro vel Theodosio episcopo celebrata, relataque ad Liberii vel Damasi papæ tempora. Nihil tamen dicimus de canone Sextæ⁶ Synodi, eo quod in ea Patres nequaquam servare temporis ordinem professi sunt.

10. Quod autem ejusdem Synodi canone trigesimo quinto vetitus ac improbatu videatur Angelorum cultus; consule quæ ad exactam ejusdem elucidationem dicta sunt primo Annalium tomo, cum

¹ Hier. cont. Lucif. — ² Concil. Arelat. II. c. 46. — ³ Theod. hæret. fabul. I. II. — ⁴ Concil. Nicæn. c. 19. — ⁵ Hier. epist. cxi. — ⁶ Concil. Laodi. c. 3. 5. 8. 12. 20. Nicæn. II. 18. 19. 4. 14.

¹ Concil. Laod. c. 1. — ² Concil. Neoc. c. 3. — ³ Basil. ep. canonic. ad Amphiloc. c. 14. — ⁴ C. II. dist. 16. — ⁵ Ead. dist. c. eod. — ⁶ C. 7. dist. 16.

egimus¹ de Pauli ad Colossenses epistola. Sunt autem complures ejusdem Concilii canones ad disciplinam atque œconomiam ecclesiasticam pertinentes, quibus et Ecclesiastica antiqua traditio reseratur: ut, quæ in primis notanda sunt, de confessione peccatorum², cultu sanctorum martyrum³, sacri chrismatis⁴ usu, jejuniis Quadragesimæ⁵, et aliis.

¹ Annal. tom. I. an. D. 60. — ² Concil. Laod. c. 2. — ³ Eod. Conc. c. 34, 51. — ⁴ Eod. Conc. c. 48. — ⁵ Eod. Conc. c. 49, 50.

Qui autem postremus statutus est canon de non canendis in Ecclesia Psalmis vulgaribus, sed iis tantum, qui in sacris libris ab Ecclesia probatis scripti inveniuntur: equidem adversus pravum illum usum a Paulo Samosateno Antiocheno episcopo primitus (ut dictum est) introductum, a Patribus consulto sancitus esse videtur. At de his hactenus.

Anno periodi Græco-Romanæ 5888. — Anno Urbis 1448. — Olymp. 293. an. 3. — secundum Baronium. — Olymp. 293. — A. C. 395.

— Jesu Christi 395. — Siricii papæ 12. — Arcadii 43. et I. Honorii 3. et 1.

1. *Consules.* — A num. 1 ad 21. Coss. *Olybrius* et *Probinus*: uterque Occidentalis, ut ex mox dicendis liquet.

2. *Familia consulum hujus anni.* — Baronius in Annalibus occasione *Olybrii* et *Probinii* fratrum, hujus anni consulum ordinariorum, quorum majores a sanctis Patribus celebrati, multa habet de *Aniciis*, *Probis*, et *Olybriis*, quæ ex Reinesio epistola 69, ubi Aniciorum genealogiam exhibet, illustranda et corrigenda. Sex. *Anicius Petronius Probus*, qui, ut ostendit Baronius, proconsul Africæ fuit, ac præfectus prætorio Italiae, Illyrici, Africæ et Galliarum, consulatum gessit anno cccclxxi, ejus uxor fuit *Anicia Faltonia Proba*, quam Baronius cum *Faltonia Proba Poetria* perperam confundit, ut liquet ex inscriptionibus apud Gruterum 5 et 6, pag. 352, et 4, pag. 353. Eam laudat Hieronymus epistola ad Demetriadem: quemadmodum et Clandianus de consulatu Probinii et Olybrii, a versu 177. Procopius lib. 1, Hist. Vandalicæ, cap. 2, scribit, eam *Alarico* Romam dedisse, ut legere est apud Baronium anno cxx, numero 18. Avia fuit, scilicet paterna, *Demetriadis*, ex Hieronymo in epistola laudata, ac mater *Anicii Probi* anno cxxi consulis ordinarii, *Anicii Probinii*, et *Anicii Hermogeniani Olybrii*, hoc anno consulum ordinariorum. *Probinus* vivente etiamnum matre, sed capta urbe profuga, obiit, ut recte Baronius ostendit. At *Olybrius* ante matrem et captam ab Alarico Romam, ut Hieronymus in epistola citata (1).

3. *Olybrius consul, Probæ filius, pater Demetriadis, conjux Julianæ.* — *Anicia Juliana* Turania *Anicia Juliana* dicta apud Gruterum 2, pag. 353, nupsit *Quinto Clodio Hermogeniano Olybrio*, ut ibidem videre est, eratque filia *Anicii Juliani*. Quare decipitur Baronius, dum Q. Clodium *Hermogenianum Olybrium* Turaniæ maritum cum *Anicio Hermogeniano Olybrio*, et conjugem illius cum hujus uxore *Anicia Juliana* confundit, ac alibi *Julianam* Demetriadis matrem, filiam *Probæ* facit, memoria lapsus imputans Hieronymo, qui *Demetriadem* e filio *Probæ* *Anicio Hermogeniano* natam scripserat. Error ipsi natus e Lapidibus Gruterianis 6, p. 352, 4, p. 353, 3, p. 450, in quibus *Anicius Hermogenianus Olybrius*, et *Anicia Juliana* Sex. Petronii Probi, et *Faltoniæ Probæ* « filii devotissimi » nominantur: cum vocabulo filiorum ibi maritus, quippe natura filius, et uxor seu nurus significantur, non frater et soror genitura; et præter tres filios, *Olybrium*, *Probinum*, et *Probum*, filia *Probo*, *Probæque* nulla fuerit, ut ex Hieronymo epist. 8 apparet. Baronium ipsa *Julianæ* et *Demetriadis* tempora, quæ ex Innocentii Pontificis Romani, Chrysostomi, Hieronymi, Augustini, et Alipii episcoporum ad eas epistolis colligere licet, movere poterant, ne *Olybrio* anno trecentesimo septuagesimo nono consuli eas conjugem et filiam poneret. Cum Hieronymus *Demetriadem* de immaturo obitu patris ejus, qui consul fuisset in pueritia, nimirum anno currenti, et non vidisset patriam corruentem, quod contigit anno cxx,

(1) Pagii lapsus quidam in hoc de Aniciis argumento notandi et expungendi sunt. Probam illam poetriam appellat Faltoniam, cum Falconiam nuncupent veteres quique Scriptores apud Fontaninum de Antiquitatibus Hæticæ lib. 11, cap. 4. Sed vicissim et Fontanius ipse errat, asserens Probam Falconiam a Pagio filiam dici Probi filii Alipii Cons. anno cclxxvii non enim Alipii hujus nepcem, sed filiam constituit. Insuper errat Pagius reputans ab Isidoro assignatum fuisse Probæ in patrem Probum Adelphium, nam illum non patrem sed maritum Faltoniæ appellat idem MANST.

verba facit : « Ne, inquit, sanctæ matris vulnus exasperem », sc. *Probæ*, quæ cum nuru et nepte, direpta a Gothis Urbe, in Africam profugerat, et mox de eodem ait : *Pius filius*. Filius igitur *Probe Olybrii*, pater *Demetriadis*, conjux *Julianæ*; et *Juliana* non filia *Probæ*, sed nurus, conjux *Anicii Hermogeniani Olybrii*, non *Clodii Hermogeniani Olybrii*. Et quomodo in eum, qui ab anno Christi cccxlx usque ad consulatum anno cccxxxix in suprema dignitate et potentia, domi forisq. fuisset, et ætate provecta, scilicet *Hermogenianum Olybrium* convenire poterit, immatura morte subtrahatum esse, et quidem paulo ante Urbis memoratum casum; quod expresse de patre *Demetriadis* refert Hieronymus? Hæc *Reinesius* laudatus, apud quem integra *Aniciorum Familia* legenda.

4. *Faltonia Proba Poetria*. — *Faltonia Proba Poetria* perperam cum *Faltonia Proba* trium consulum ordinariorum matre a *Baronio* (n. 43) confusa. *Reinesius* in *Familia Aniciorum* observat, *Faltonium Probum Alipium* præfectum Urbis fuisse sub *Theodosio Magno* anno cccxci, existimatque, hunc *Alipium* patrem fuisse *Alipii* prætoris sub *Joanne Tyranno* anno cdxiv, de quo loquitur *Olympiodorus*. In *Fastis* legitur *Alypius consul* anno cdxvii, qui potuit pater esse *Probæ Poetriæ*; cum *Isidorus* lib. de *Viris Illustribus* cap. 5 tradat, hanc *Poetria* filiam fuisse *Probi Adelphii*. Quicquid sit, hæc *Faltonia* a superiori diversa, et quæ *Baronius* in medium adducit, ut probet unam et eandem esse, contrarium insinuant.

5. *Theodosius Honorium Constantinopoli evocat*. — Ad num. 21 et seqq. *Philostorgius* lib. 11, cap. 2, *Eugenii* Tyranni morte narrata, ait : « Post hæc imperator *Mediolani* constitutus filium suum *Honorium* accersivit, eique totum Occidentem commisit ». Idem tradunt *Socrates* in fine libri 5. *Sozomenus* in fine libri 7, et *Zozimus* lib. 4, pag. 779. *Baronius* tamen existimat, tam *Arcadium* quam *Honorium* a *Theodosio* patre evocatos esse; quia *divus Ambrosius* de *Diversis* 3 pag. 122, scribit, *Theodosii* filios ad eum venisse; quod etiam insinuare videtur *Paulinus* in *Vita sancti Ambrosii*. Præterea auctor *Chronici Alexandrini* asserit, *Arcadium* Roma profectum, ibi *Honorium* fratrem reliquisse. At certum videtur, *Honorium* solum in Occidentem venisse, non tantum quia auctores supra citati id discrete affirmant; sed etiam quia *Claudianus* in tertio consulatu *Honorii*, hujus iter describens, nullam *Arcadii* mentionem facit, licet statim post eam descriptionem, *Theodosium* utrumque filium *Stiliconi* commendasse tradat. Quare quando *Paulinus* in *Vita sancti Ambrosii* ait : « De filiis nihil habebat novum quod conderet, quibus totum dederat, nisi ut eos præsentem commendaret parenti »; loquitur de *Stilicone*, cui *Theodosius* filios etiam absentes commendare potuit. Quo pacto *D. Ambrosius* de uno *Honorio* et *Placidia* ejus sorore locutus videtur. *Chronici Alexandrini* auctoritas per *Theodosii M.* tempora parvi facienda. Denique *Ruffinus*

lib. 2, cap. 34, scribit, *Theodosium Honorium* ad se evocantem *Arcadio* mandasse, ut imperii Orientalis, cui jamdiu præfectus esset, curam ageret, et *D. Ambrosius* oratione in funere *Theodosii* habita, discrete dicit, *Arcadium* funerali non interfuisse.

6. *Theodosius semel tantum Romæ fuit*. — Sunt qui existimant, *Theodosium*, post debellatum *Eugenium* Romam venisse, quod *Zozimus* lib. 4, pag. 779, tradat, eum post devictum *Eugenium* Romam ingressum, *Honorium* filium imperatorem declarasse, et *Prudentius* lib. 1 in *Symmachum* prodit, *Theodosium*, quando Romam venit et idolatriam prohibuit, jam duos tyrannos, Maximum et *Eugenium*, debellasse. Præterea auctor *Miscellæ*, etiam *Eugenii* narrata, ait, *Theodosium* *Honorium* imperatorem Romæ declarasse. Verum *Theodosium* semel tantum, idque post devictum Maximum, Romæ fuisse, ceteri historici scribunt, quibus omnino standum. *Zozimus* autem profectorem Romanam *Theodosii*, quam post Maximi interitum narrare debuit, post *Eugenii* cadem distulit, et alio errore tunc *Honorium* a patre imperatorem Romæ dictum scripsit. *Prudentius* explicat *Baronius* (an. cccxxxix, n. 1), et auctor *Miscellæ* sæpe hallucinatur, quemadmodum et auctor *Chronici Alexandrini*, qui sub *Timasii* et *Promoti* consulatu, anno nempe cccxxxix, scribit : « His consulibus *Theodosius* imperator Romam ingressus inauguravit *Honorium* filium imperatorem, qui Romæ regnavit annos xiv », cum tamen certum sit, *Honorium* anno tantum cccxcm appellatum esse imperatorem, annosque triginta imperasse. Denique *Claudianus* in sexto consulatu *Honorii* litem dirimit, et quoties hoc Christi sæculo imperatores Romæ fuerint, nos edocet :

His annis qui lustra mihi his dena recensent,
Nostra, ter Augustos, intra pomeria vidi.

Quibus versibus Roma, quam *Claudianus* loquentem inducit, queritur, quod a centum annis ter tantum imperatores suos viderit, ante solemnem *Honorii* Augusti in urbem Romam introitum, qui anno cdiv contigit. Qui versus faciles explicatos non habent. Certum est enim ab anno Christi ccxiv ad annum cdiv plures imperatores, quosdamque pluries Romæ fuisse. Romam ingressus *Constantinus Magnus* post cladem *Maxentianam*, annoque cccxvi, quo ibidem vicennalia celebravit, ejusque imperii initio *Maximianus Herculius* post resumptum imperium Romæ etiam fuit. Tum *Constantius* anno cccxvii Romæ triumphavit, sicuti et *Theodosius Magnus* anno cccxxxix, quo etiam *Valentianus Junior* Romam venit, ad quam anno cccxxxvii a *Theodosio Magno* ex urbe *Thessalonicensis* ablegatus fuerat, ut suo loco dictum. Ex *Claudiani* interpretibus alii eum tres Augustos duntaxat eo sæculo Romæ visos indicare : alii vero adverbio illo *ter* rarius Romæ Augustos fuisse *Claudianum* intelligere, scripsere. Verum, locus ille male ab illis ex-

plicatus : nihil enim aliud poeta designat, quam toto illo saeculo *ter* tantum, id est, sub trium tantum Augustorum imperio, Romam suorum principum praesentia potitam ; sub *Constantino* nempe, *Constantio*, et *Valentiniano Juniori*. Quo pacto dici non potest, Theodosium Magnum post devictum Eugenium, Romam profectum esse. Cum enim tunc tam Orientis, quam Occidentis imperator esset, Roma non *ter*, sed *quater*, id est, sub quatuor Augustorum imperio principum suorum praesentia colonestata fuisset. Ex quibus manifestum est, non bene conjecisse Petavium, Gratianum anno cccclxxvii Romam adventasse, ut tunc ostendimus.

7. *Theodosii M. obitus.* — Tandem Theodosius

« filio spectaculis praesidere jusso, sequenti nocte animam exhalavit, Olybrio et Probrino coss., ante diem XVI kalendas Februarias », inquit Socrates lib. 5, cap. 26, qui addit : « Vixit porro imperator Theodosius annos sexaginta : imperavit autem annos sexdecim ». Sexaginta eum annos vixisse tradunt etiam Sozomenus, Theophanes, Cedrenus et alii, licet auctor Chronici Alexandrini annos ei lxx attribuat, et Aurelius Victor scribat, *Theodosium* annum agentem quinquagesimum *apud Mediolanum* excessisse, qui subdit eum utramque Rempublicam Arcadio et Honorio filiis quietam reliquisse.

HIC DESINIT QUARTUS ANNALIUM BARONII TOMUS.

SIRICII ANNUS 44. — CHRISTI 395.

Antiqua illa ac veneranda ¹ mater, sobole patriarcharum fecunda, cum tandem quartum post partum se jam sterilem sensit (Liam dico magni conjugem patriarchae Jacob), viribus destituta natura, ardentiori tamen desiderio prolis incensa, consilium illud inivit, ut prole fecundaretur ancillae ; proprium fore filium rata, quem illa ex viro sibi conjuncto concipiens genuisset. Probe quidem, atque ex sententia accidit, ut masculum illa pariens, quinto se auctam filio putans, in illud mox erumperet exultationis elogium, *Feliciter* : ex eaque voce edita, eum *Gad* nomine nuncuparet. Quoniam vero et mihi contingit, post quartum jam editum Annalium tomum quamdam experiri sterilitatem, lassescere nempe corporis vires, enervalamque languescere mentem efflat, hebetari ingenium, atque styllum obtundi, sed novos edendi partus adhuc virescere desiderium : illud ipsum mihi Lix consilium inendum putavi, atque imitandum exemplum : nimirum querere ex aliena fecunditate progeniem. Sed ubi ancilla, quae ejusmodi benedictionis adjiciat mihi partus, cum nulla existat ex filiabus Eve, cujus fetus maledictionis sit expers ?

Ecce ancilla Domini, domina eadem, cui angeli serviunt, famulatura ipsa omnibus, et allatura fecunditatem : quippe quae omnes vocet et provocet illis Sapientiae verbis ² : « Transite ad me omnes qui diligitis me, et a generationibus meis adimplemini ». Sit igitur nobis ancilla ista fecunda, cujus partus benedictionem concilians, sterilitatem solvit humanam : ut sic et nobis illud, *Feliciter*, acclamare contingat, imo praee excellentia parientis ac prolis alacriter ingeminare : « Quam felicissime, Parvulus ³ natus est nobis, et filius datus est nobis ». Ut autem tantam de te fiduciam, ancilla sublimis et humilis domina, capiamus, effusa illa tua erga nos semper immensa largitas persuadet, imo impellit, ac cogit. Age tu ergo nobiscum virtute Spiritus sancti, cujus adventu concipere didicisti, ut nos feliciter hae augeas nova prole : ipseque Annalium tomus quintus abs te conceptus, et ad omnes veritatis numeros bene compositus, veluti membris cunctis integre formatum corpus atque perfectum, in lucem edatur : ut sic omnibus atque in omnibus innotescat datus a te benedictus fructus ventris tui.

¹ Genes. xxix. xxx.

² Eccl. xxiv. — ³ Isai. ix.

1. *Arcadius et Honorius imperant.* — Trecentesimo nonagesimo quinto Christi anno, notato consulis Olybrio atque Probio : qui a Theodosio patre vivente , diversis temporibus , imperatores creati fuerant, Arcadius et Honorius, eo defuncto, decimo sexto kalend. Februarii soli imperare ceperunt, cum Arcadius annum ætatis ageret vicesimum, Honorius vero natus esset annos decem : imperassetque ille una cum patre annos duodecim, iste vero duos, ut ex Marcellino ¹ colligitur. Illos itaque ultimo vitæ suæ tempore (ut superiori tomo dictum est), Theodosius imperator sanctissimo sacerdoti Ambrosio commendaverat, et moriens sub protectione reliquerat Stiliconis magistri militiæ, sub cuius cura tunc uterque agebat exercitus, Orientalis scilicet et Occidentalis imperii : hujus enim in multis fidem probatam invenerat, quem et aetius vinculo nuptiarum obstrinxerat, juncta illi conjugio Honorii fratris filia, Serena nomine, clarissima femina. Ad hæc plane ineunda ac capessenda consilia, ut barbarum hominem, potentissimum ducem devineret sibi federe nuptiarum, et relinqueret utriusque patronum imperii, peridia Gentilium senatorum impulerat, quos sciverat primo conspirasse cum Maximo, ac postea novum tyrannum Eugenium in imperium evxisse, duobus imperatoribus Gratiano et Valentiniano maxime piis extinctis. Sciebat præterea Theodosius Stiliconem pium atque idolorum cultus implacabilem adversarium. Consultum igitur satis esse putavit tum imperio, tum etiam religioni, si adversantem Gentilibus, christiane pietatis et christianorum imperatorum defensorem proveheret Stiliconem.

2. *Ruffini defectionis cause et conatus contra Arcadium.* — Hujus autem cum summa gloria summa conjuncta potentia, quasi geminis accensis facibus Ruffinus incensus est æmulus : cui recedens Theodosius Constantinopoli, pugnaturus adversus Eugenium, tum Arcadium, tum etiam ipsum Orientale imperium commendarat. Quamobrem cum Theodosii ultima voluntate Stiliconem sibi prælatum audisset, evestigio adversus imperium, inito clanculum cum Gothis federe, moliri cepit insidias. Hæc autem postea patefacta et nota cunctis, cecinit quocumque Claudianus his versibus ² :

Jam post edomitas Alpes, defensaque regna
Hesperia, merita complexus sede parentem,
Auctor adjecto fulgebat sidere mundus,
Jamque Ivis Stilico Romana potentia curis
Et rerum commissus apex. Tibi credita fratrum
Utraque majestas, geminaque exercitus aula.
Ruffinus (neque enim palantur sæva quietem
Crimina, polluteque negant arecere fauces)
Infandis iterum terras accendere bellis
Inchoat, et solito pacem turbare tumultu.
Hæc etiam secum, etc.

Vides ex Claudiano corrigi Suidam, et alios, dum aiunt, pari potestate Ruffinum atque Stiliconem relictos esse tutores imperii, Orientalis illum, istum

vero Occidentalis. Etenim nec Arcadio ea ætas erat, quæ tutore opus haberet.

3. Porro quod rursus ad Ruffini animum commotum spectat, nova illa accessit causa, qua ipse vehementiori impulsus impetu ad facinus perpetrandum præceps ruit. Quenam autem ista fuerit, Zozimus ita narrat ¹ : « Ruffinus Constantinopolim reversus, impetrandæ principis affinitati studebat, tantum non properans ad collocandum Arcadio in matrimonio filiam. Sed cum fortuna quiddam aliud ei præter expectationem moliretur, ex hujusmodi causa spe Ruffinus excidit. Erant duo Promoti filii (gesserat hic consulatum una cum collega Timasio), qui adhuc superstite Theodosio cum liberis ejus versabantur. Horum alter apud se virginem filiam habebat eximia pulchritudine spectabilem. Ilanc Eutropius, unus ex eunuchis imperatoris, ut uxorem princeps duceret, venustate puellæ prædicata, cohortabatur : cumque videret principem verba sua non illubenter admittere, monstrata imagine puellæ, perque hanc Arcadio ad majus desiderium concitato, hujus uti nuptias amplecteretur persuasit, nihil sciente Ruffino eorum quæ tractarentur, et existimante tantum non confestim filiam suam principi nupturam, seque non multo post illius in summo imperio consortem futurum. Eunuchus autem conspicatus jam confectum ab se nuptiarum negotium, tripudiare populum, et coronis uti, veluti in nuptiis principis fieri consuesset, jussit. Cumque vestem quæ principem deceret, et mundum e regia sumpsisset, eaque gestanda ministris et apparitoribus principis dedisset, populo præeunte, per urbem mediam incedebat. Ratis autem omnibus hæc Ruffini filia datum iri, bajulosque comitantibus ; ubi progrediendo propius ad Promoti domum accessissent, cum donis hanc sponsalitiis intrant ; et illis ipsis puellæ virgini traditis, quæ apud filium Promoti educabatur ; quænam futura principis conjux esset, ostendunt. Hoc modo Ruffinus spe sua dejectus, qui aliam cum Principe nuptam cerneret : quod reliquum erat dispiciebat, qua via scilicet Eutropium quoque de medio tolleret ». Hæc Zozimus : ex quibus hallucinatos videas, qui dixerunt (ut est apud Nicephorum ²) aliquos opinatos Eudoxiam fuisse Gratiani filiam, aliquos vero Bantonis consularis.

4. Quod autem de mundo muliebri ab Arcadio ad Eudoxiam conjugem misso mentio facta est : oportune exemplum ejus ornatus capitis in antiquo aureo prægrandi numismate videre licet, quod a Fulvio Ursino, a quo et alia nonnulla præclara antiquarum rerum monumenta mutuati sumus, posteritati traditum est.

Quo uno exemplo illud intelligere potes, quod S. Hieronymus ³ ad Latam scribens ait : « Regum purpuras et ardetes diadematum gemmas patibuli salutaris pictura condecorat » : item et illud quod in eandem sententiam S. Augustinus ait ⁴ : « Jam

¹ Marcell. in Chron. — ² Claud. adv. Ruffin. l. II. in princip.

¹ Zozim. l. V. — ² Niceph. l. XIII. c. 4. — ³ Hier. epist. VII. — ⁴ Aug. in Ps. LIV.

in fronte regum crux illa fixa est, cui inimici insultarunt ». Hæc ipsi : quos melius ex præscripta numismatis forma valeas intelligere. Quidni super omne diadema et coronam regiam crucis signum a regibus poneretur, quod longe clarius quibusvis gemmis coruscante corona fulgeret? Nam audi Chrysostomum ¹ : « Hoc maledictum, hoc abominabile, hoc extremi supplicii symbolum, crux, diadematis et coronis clarius factum est. Neque enim sic regia corona ornatur caput, ut cruce, quæ omni cultu dignior : et quam omnes prius abhærebant, ejus figuram tantopere quarunt : atque adeo ubique ea invenitur apud principes, apud subditos, apud mulieres, apud viros, apud virgines, apud nuptas, apud servos, apud liberos : subinde omnes ea se signant ; inscribendo in nobilissimum membrum nostrum. In fronte enim nostra, quasi in columna, quotidie figuratur » : et post plura alia id genus, subdit : « Omnes ipsa magis ornantur, quam diadematum coronis, vel multis gemmatis monilibus et torquibus ». Idemque alibi ² item de cruce : « Ecce nunc ipsa vita exasit honorabilior, et omnes eam in fronte circumferimus, non solum non erubescences, sed ea etiam gloriantes : non solum privati, sed et qui sunt ipsi diademate redimiti, eam potius gestant, quam diadema : et merito quidem : est enim innumerabilibus diadematis melior. Diadema enim ornat caput, crux autem munit mentem ». Hæc Chrysostomus. Habes pariter quod ex nummo discas, Endoxiæ fuisse cognomentum, Licia, et non Julia, ut alii tradiderunt. Sed jam ad Rufinum invidia exercitatum redeamus.

5. Accidit quidem sæpe secundum illud Davidicum ³ : « Homo cum in honore esset non intellexit ; comparatus est jumentis insipientibus, et similis factus est illis » ; ut astuans semper majoris gloriæ cupidine animus, quanta Dei largitate consecutus fuerit, obliviscens ac parvipendens, immemor, ingratus, ut juges rependat Deo gratias ; cum infelix altiora suspiret, spiret atque anhelet ad summa, ipse sibi neclat laqueos, gladiosque in suam necem exacuât, atque patratorem scelerum, a se incipiens, pœnas exigit. Ecce tibi iste ipse Rufinus hujus rei dignum exemplum præbuit. Hic enim Elusæ in Aquitania humili loco natus est (licet perperam eum Zozimus ⁴ Celtam appellet), in Aquitana enim provincia, et non in Celtica Elusam esse, cum Plinius ⁵, tum etiam Sulpitius Severus ⁶, affirmant, quam patriam fuisse Rufini et Claudianus ⁷ est auctor ; eam autem recte colentem Christianam religionem, a Priscilliano depravatam, idem qui supra Severus tradit ⁸ : ex cujus fortasse schola Rufinus magias hausit, quantum insigniter peritum fuisse, idem Claudianus ⁹ significare videtur. Hic, inquam, Rufinus Constantinopolim profectus, in aula versatus, adeo se in amicitiam insinuavit Theodosii im-

peratoris, ut summus consecutus fuerit magistratus : etenim (ut dictum est superius) una cum Arcadio secundum consule ipse collega gessit ordinarium consulatum, magistrumque ante egit officiorum, atque postea nobilissimam omnium prætorii præfecturam : cum nec iis contentus, eo provenit arrogantiae, ut generum habere conaretur imperatorem, imo ea (ut tradunt) via imperium sibi sumere perentaret.

6. Tales tantosque consensos sublimiores honoris gradus Rufinum insontium plurimorum cædibus infecisse, et rapinis dehonestasse, iidem qui supra auctores affirmant : hujus nempe dolo inter alios Promotum consulare occidi a barbaris justum, et Lucianum comitem Orientis plumbatis tum ac male mulctatum esse, Zozimus ¹ tradit : ut prætereamus quæ in alios inferioris ordinis immaniter perpetravit : nam ipsum fuisse auctorem et impulsorem, ut Theodosius imperator præter consuetudinem moremque suum adversus Thessalonicenses crudelissime, nullo habito delectu sontium et innocentium, descivret, superiori tomo Annalium dictum est : unde non immerito hæc de eodem Rufino Claudianus his versibus ² :

Quis prodere lauta relatu
Funera ? quis cades possit deltere nefandas ?
Quid tale immanes nunquam gessisse feruntur
Vel Scims Isthmace pium ? vel rupe profunda
Sciron ? vel Phalaris tauro ? vel carcere Sulla ?
O miles Diomedes equi ! Busiris aræ
Clementes, Jam China pius, jam spartache lenis
Ruffino collatus eris, etc.

Sed hand minor inerat homini rapacitas atque crudelitas : biga namque ista depravatus animus in sui perniciem trahabatur in præceps, cum imperium sibi rapere, Arcadio necem meditatur inferre, barbaros occulte sollicitare in utriusque imperii cladem capiti.

7. At quoniam pacto his occurrat Arcadius ista nesciens, et periclitanti imperio bene consulat hæc ignorans ? Sed prospexit ille quidem, seque cum imperio collocavit in tutum, dum ipso ingressu in imperium, parentis maxime piis insilens vestigiis, nihil antiquius haberet, quam Christianam religionem, ipsamque fidem catholicam sæctam lectam servare, atque legibus communire. Acciditque divino plane miraculo, ut dum ipse adversus impietatem solerti studio leges armat, eodem tempore, hoc, inquam, ipso anno, Deus dissipavit consilia gentium : ipse vero Rufinus execrandi sceleris architectus miserime trucidatus, atque ludibrio totius populi expositus fuerit, qui immenso terrori omnibus nuper fuerat. Hæc autem quomodo se habuerint, per singula dicturi sumus : verum quibus primum Arcadius imperium munierit legibus, videamus. Ad ipsum namque Rufinum præfectum prætorio mense Martii in primis ista rescipit ³ :

¹ Chrys. adv. Gentiles quod Christus sit Deus. — ² Chrys. hom. in Psal. CIX. — ³ Ps. XLVIII. — ⁴ Zozim. l. IV. — ⁵ Plin. l. IV. c. 19. — ⁶ Sever. hist. l. II. — ⁷ Claud. in Rufin. l. I. — ⁸ Sever. ib. — ⁹ Claud. ibid.

¹ Zozim. ib. l. IV. — ² Claud. in Rufin. l. I. — ³ L. XXVI. de hæret. Cod. Theod.

8. *Arcadii leges contra hæreticos et gentiles.* —

« Omnes pœnas, cuncta supplicia, quæ sanctionibus divæ recordationis genitoris nostri adversum hæreticorum sunt pertinaces spiritus constituta, nostro etiam decreto reparantes, decernimus : quicquid etiam his est contra meritum delinquentum, spe correctionis, speciali quadam sanctione concessum, id irritum esse. Eunomianorum vero perfidam mentem, et nequissimam sectam speciali commemoratione damnamus : statuimusque omnia quæ contra illorum vesaniam decreta sunt, illibata custodiri. Illud addentes : Ne quis memoratæ sectæ militandi, aut testandi, vel ex testamento sumendi habeat facultatem : ut sit omnibus commune damnum, quibus etiam communis est religionis furor ; cessante videlicet, si quid a patre nostro quibusdam fuerat super testandi jure beneficio speciali concessum. Dat. III id. Martii Constantinopoli, Olybrio et Probino cons. » Rursum vero eodem mense sic iterum de iisdem ad eundem Rufinum ¹ :

9. « Ne quis hæreticorum, quos jam leges innúmera divi genitoris nostri continent, audeat cœtus illicitos congregare, profanaque mente omnipotentis Dei contaminare mysterium, nec publice, nec privatim, nec in secreto, nec palam. Nemo audeat episcopi sibi nomen adsciscere, vel ecclesiasticum ordinem, eorumque sanctissima nomina pollutis mentibus usurpare. Dat. III kal. Aprilis Constantinopoli, Olybrio et Probino cons. » Hæc cum Arcadius ad Rufinum pro pietate rescripsit, jacula in eum, licet nesciens, divinæ indignationis intorquet.

10. Sed ad Aurelium proconsulem Asiæ ista quoque rescripta dedit, cum quæstio verteretur, quinam hæreticorum nomine dicendi essent ² :

« Hæreticorum vocabulo continentur, et latis adversus eos sanctionibus debent succumbere, qui vel levi argumento a judicio Catholicæ religionis et tramite detecti fuerint deviare. Ideoque experientia tua Euresium * hæreticum, nec in numero sanctissimorum antistitum habendum esse cognoscat. Dat. III non. Sept. Constantinopoli, Olybrio et Probino cons. »

11. Sed et cum Rufini furor tyrannicus vehementius grassaretur, Arcadius amplius de religione sollicitus, inquisitionem ejusmodi adversus callide et occultantes hæreticos habendam esse præcepit ³, ista rescribens ad Marcellum magistrum Officiorum in mense Novembri :

« Sublimitatem tuam investigare præcipimus, an aliqui hæreticorum vel in seriniis, vel inter agentes in rebus, vel inter palatinos cum legum nostrarum injuria audeant militare; quibus exemplo divi patris nostri omnibus et a nobis negata est militandi facultas. Quoscunque autem deprehenderit culpæ ejus affines, cum ipsis, quibus et in legum nostrarum et in religionum excidium conniventiam præstiterunt, non solum militia eximi, verum etiam

extra mœnia Urbis jubeas arceri. Dat. IV kal. Decemb. Constantinopoli, Olybrio et Probino cons. »

12. At non hæreticos tantum, sed et gentiles hoc eodem anno Arcadius severissimo exagitavit edicto, in hunc modum ad eundem Rufinum præfectum prætorio rescribens ⁴ :

« Statuimus, nullum ad fanum, vel quodlibet templum habere quempiam licentiam accedendi, vel abominanda sacrificia celebrandi quolibet loco vel tempore. Igitur universi, qui a Catholica religionis dogmate deviare contendunt, ea quæ nuper decrevi properent custodire, et quæ olim constituta sunt vel de hæreticis, vel de Paganis non audeant præterire : scituri, quicquid divi genitoris nostri legibus est in ipsos, vel supplicii, vel dispendii constitutum, nunc acrius exsequendum. Sciant autem moderatores provinciarum, et his apparitu obsecundans, primates etiam civitatum, defensores, necnon et curiales procuratores possessionum nostrarum, in quibus sine timore dispendii cætus illicitos hæreticos inire comperimus; eo quod disci sociari non possunt, quippe ad ejus dominium pertinentes : si quid adversus scita nostra tentatum, non fuerit vindicatum, atque in vestigio ipso punitum : omnibus se delrimentis et suppliciis suljugandos, quæ scitis sunt veteribus constituta. Speciatim vero hæc lege in moderatores austeriora sancimus et decernimus : namque his non custoditis omni industria atque cautela, non solum hæc multam quæ in ipsos constituta est exerceri, verum etiam quæ in eos prætinuita est, qui commixti videantur auctores : nec his tamen remissa, quibus ob contumaciam suam juste est irrogata : insuper capitali supplicio judicamus officia coercenda, quæ statuta neglexerint. Dat. VII idus Augusti Constantinopoli, Olybrio et Probino cons. » Hujus plane legis S. Augustinus visus est meminisse, dum ait ⁵ : « Quis enim nostrum, quis vestrum non laudat leges ab imperatoribus datas adversus sacrificia Paganorum ? et certe longe ibi pœna severior constituta est; illius quippe impietatis capitale supplicium est ».

13. *Rufinus dolose Hunnos in Romanum imperium immittit, qui Syriam invadunt.* — Vides autem inter hæc Rufinum profundi consilii hominem pacifice tranquilleque agere Constantinopoli, accipere data ab imperatore rescripta, et quæ erant muneris prætoriar præfecturæ graviter exercere; cum tamen interea totum Romanum misceret imperium, atque ad ejus invasionem barbaris quibuscumque ostia patefaceret inno et invitaret, vocaret, atque etiam promissione compelleret, inens cum eorum ducibus secreta fœdera. Quænam vero essent hæ gentes, quibuscum Rufinus inhians imperio conspirasset, recenset Claudianus his versibus ⁶ :

Jam gentes, Istrumque movet, Scythiamque receptat
Auxilio : tradique suas hostilibus armis

¹ L. XXVI. de hæret. C. Theod. — ² L. XXVIII. de hæret. C. Theod. — ³ L. XXIX. de hæret. C. Theod.

⁴ L. XIII. de Pagan. C. Theod. — ⁵ Aug. ad Vincent. ep. XLVIII. — ⁶ Claud. adv. Rufin. l. 1.

Reliquias : mixtis descendit Sarmata Dacis,
Et qui cornipedes in pocula vulnerat audax
Massagetes, patriumque hibens Maotium Alanus.
Membraque qui ferro gaudet pinxisse Gelonus,
Ruffino collecta manus, etc.

Addit his Zozimus ¹, Ruffinum hac quoque arte Romanum imperium prodidisse. Cum enim (ut dictum est) præfecturam prætorii summum magistratum administraret, cujus esset, quos vellet provinciis præsidere dare, conjuratos sibi creavit provincialium rectores, et inler alios Græciæ proconsulem designavit Antiochum, et Termopylarum angustias custodiendas Geruntio tradidit, ut eas ambo cederent advenientibus Gothis sub duce Alarico militantibus : quod sane isti egregie præstitere. Ad Asiæ vero cladem Hunnos vocatos esse, Claudianus affirmat. Sane quidem et Sozomenus ² quoque testatur, hoc ipso tempore Hunnos in Armeniam irruisse, ac nonnullas alias orientalis imperii regiones devastasse. Qui itidem pervenerunt in Syriam, obsederunt Antiochiam : quin et Hierosolymæ timebatur, quando S. Fabiola clarissima femina (de qua multa superiori tomo), quæ concesserat Hierosolymam, ut ibi reliquum vite ageret, horum grassatione perterrita, una cum aliis navem conscendere, et in Italiam remeare compulsæ est. Tradit hæc S. Hieronymus, qui et ejusmodi eruptionem palationemque timendam recenset his verbis ³ :

14. « Quærentibus nobis dignum tantæ femine habitaculum, cum illa ita solitudinem cuperet, et diversorio Mariæ carere nollet ; ecce subito, discurrentibus nuntiis, Oriens totus intremuit, ab ultima Maotide inter glaciale Tanain et Massagetarum immanes populos, ubi Caucasi rupibus feras gentes Alexandri claustra cohibenti, erupisse Hunnorum examina, quæ pernicipibus equis huc illucque volitantia, cædis pariter ac terroris cuncta complerent. Aberat tunc Romanus exercitus, et bellis civilibus in Italia tenebatur » : quem enim secum Theodosius in Occidentem adversus Eugenium tyrannum Orientis exercitum duxerat, Stilico Theodosii defuncti voluntate in Italia detinebat. Sed de iisdem Hunnis idem S. Hieronymus subdit : « Hanc gentem Herodotus refert sub Dario rege Medorum viginti annos Orientem tenuisse captivum, et ab Ægyptiis atque Æthiopibus annum exegisse vectigal. Abigat Jesus ab orbe Romano tales ultra bestias. Insuperati ubique aderant ; et famam celeritate vincentes, non religioni, non dignitatibus, non ætali parcebant, non vagientis miserabantur infantia : cogebantur mori qui nondum vivere cœperant ; et necientes malum suum, inter hostium manus ac tela ridebant. Consonus inter omnes rumor, petere eos Hierosolymam, et ob nimiam auri cupiditatem ad hanc urbem percurrere » : cupidissimum sane omnium mortalium hoc genus hominum esse, Ammianus ⁴ cum eorundem mores pluribus scribit,

affirmat. Sed de Hierosolymis Hieronymus : « Muri, inquit, neglecti paci incuria, sarciebantur : Antiochia obsidebatur : Tyrus se volens a terra abrumperet, insulam quærebat aliquam. Tunc et nos compulsi sumus parare naves, esse in littore, adventum hostium præcavere, et sævientibus ventis, magis barbaros metiere, quam naufragium, non tam propriæ salutis, quam virginum castimonie providentes. Erat in illo tempore quædam apud nos dissensio, et barbarorum pugnam domestica bella superabant. Nos in Oriente tenuerunt jam fixa sedes et inveteratum locorum sanctorum desiderium. Illa, quia tota in sarcinis erat, et in omni urbe peregrina, reversa est ad patriam ; ut ibi pauper viveret, ubi dives fuerat ; manens in alieno, quæ multos prius hospites habuit ». Ille Hieronymus de Hunnis. At quænam essent dissensiones illæ, quibus in Palæstina inter se invicem fideles altercabantur studio indefesso, superiori dicta sunt tomo : fuisse nimirum Origenistarum improbitate conflatas, quibus Joannes episcopus Hierosolymorum, Evagrius Ponticus, Palladius Galata, Isidorus Alexandrinus, et Ruffinus Aquileiensis in primis studebant, de quibus et paulo post acturi sumus.

15. Rursum vero de eadem Hunnica grassatione, hæc idem Hieronymus ¹ ad Heliodorum : « Ecce tibi, inquit, anno præterito ex ultimis Caucasii rupibus immissi in nos non jam Arabiæ, sed Septentrionis lupi tantas brevi provincias percurserunt : quot monasteria capta ? quantæ fluviorum aquæ humano cruore mutatæ sunt ? Obsessa Antiochia, et urbes reliquæ, quas Halys, Cydnus, Orontes, Euphratesque præterfluunt : tracti greges captivorum ; Arabia, Phœnice, Palæstina, Ægyptus timore captivæ ». His quidem consentientia de iisdem Hunnis Claudianus ² istis cecinit versibus, dum in Ruffinum horum omnium malorum inventorem invectivum carmen conscripsit :

Alii per Caspia claustra
Armeniasque nives inopino tramite dueti
Invadunt Orientis opes, jam pascua fumant
Cappadocum, volucrumque parens Argæus equorum.
Jam rubet altus Alys : nec se defendit iniquum
Monto Cilix : Syria tractus vastantur ameni :
Assuetumque choris, et læta plebe canorum
Proterit imbellem sonipes hostilis Orontem.
Illic plangit Asia, etc.

Subdit et de clade Europæ a Gothis illata, qua iidem palabundi discurrentes ad Adriaticum usque mare venerunt, conserueruntque in Græciæ : de qua hæc sunt querelæ Hieronymi ³ in eadem ad Heliodorum epistola : « Quid putas nunc animi habere Corinthios, Athenienses, Lacedæmonios, Arcadas, cunctaque Græciam, quibus imperant barbari ? et certe paucas urbes nominavi, in quibus olim fuere regna non modica » : Atque ipse : Sed de iisdem Claudianus :

¹ Zozim. l. v. — ² Sozom. l. viii. c. 1. — ³ Hier. epist. xxx. — ⁴ Ammian. l. xxxi.

¹ Hier. epist. iii. — ² Claud. in Ruffin. l. ii. — ³ Hier. ep. iiii.

Geticis Europa catervis

Ludibrio prædaque datur : frondentis ad usque
Dalmatiae fines, omnis quæ mobile ponti
Æquor et Adriacas tellus interjacet undas,
Squallet inops pecudum, nullis habitata colonis,
tustar anhelantis Libyæ, quæ torrida semper
Solibus, humano nescit mansuescere cultu.
Thessalus ardet ager ; relicto pastore fugato
Pelion : Æmæthias ignis populatur aristas.
Jam plaga Pannoniæ, miserandæque mœnia Thracum,
Arvaque Mysorum, jam nulli flebile damnum,
Sed cursus sollemnis erat, campusque furori
Expositus, etc.

Ut merito illud idem dolens Claudianus exclamet :

Heu quam brevis pereo ingentia causis !
Imperium tanto quesitum sanguine, tanto
Servatum : quod mille ducum pepere labores :
Quod tantis Romana manus contexit annis :
Proditor unus iners angusto tempore verit.

Subditque eo progressum esse Gothorum furorem, ut devastans Thracias, ausus quoque fuerit Constantinopolim obsidere : cum interea et celsa velut turri Ruffinus cuncta lætus inspiceret, non hostes sibi eos esse sciens, sed conductos stipendio milites, qui ipsam provererent in imperium. Cum vero ipse interea sub specie ineundi cum Barbaris publici federis, revera tamen privati commodi gratia, se ad hostium castra conferret, summo ab illis afficiebatur honore : quam ob causam justam apud populum invidiam ac suspicionem de proditione et cum barbaris conniventia concitavit.

16. *Zozimi patens et enorme mendacium de Græciæ invasione.* — Quod autem rursum ad Græciæ cladem attinet : cum de eadem Zozimus¹ agat, in eo mendacissimus comprobatur, dum Athenas tunc permansisse tradit intactas tum beneficio armate Minervæ, tum Achillis ad prælium parati ibidem apparentis. Hæc plane fabulis ethnicus auctor quos coluit deos, christianorum imperatorum legibus ubique proscriptos, in invidiam Christianæ religionis reliquisse voluit honoratos. Sed audi ipsum hæc delirantem : « Cum ad Urbem », Atheniensem scilicet, « Alaricus universis cum copiis accederet : in muro quidem obambulante videbat propugnatricem Minervam ea specie, qua inter simulacra conspicitur, armatam scilicet, quasque jam adeuntes invasuram : ante mœnia vero stantem Achillem heroea, talem omnino, qualem Trojanis Homerus exhibuit, cum, ira concitante, Patroeli mortem ulturus, ad pugnam se conferret. Hoc spectrum non ferens Alaricus, omnino adversus urbem conatum omittebat, et pacem per legatos civibus offerebat : quorum illi cum orationem probassent, sacramentis ultro citroque præstitis, cum paucis Athenas Alaricus ingressus est, exceptus omni cum benevolentia posteaquam et lavisset, et cum selectissimis in urbe viris fuisset epulatus, et præterea muneribus affectus, urbe pariter et Attica tota citra detrimentum omne relicta discessit ». Hactenus Zozimus :

sed quam mendaciter ! Hieronymi enim in primis testificatione, citata nuper sententia, vidimus aque Athenas cum aliis Græciæ civitatibus tunc afflictas fuisse, paremque cum Corintho, Lacedæmoniis, atque Arcadibus sententiam subiisse. Rursum vero ne domesticis inimiti testibus videamur, Claudianus poeta ethnicus, dum eandem Græciæ illatam cladem describit, hos de his habet versus², cum agit de Silicione duce ; cui, ne cum Gothis in Græcia decerneret armis, Ruffinus impedimento fuit :

Si tunc his animis acies collata fuisset,
Proditæ non tantas vidisset Græcia clades ;
Oppida semote Pelopæia Marte vigerent :
Starent Arcadiæ, starent Lacedæmonis arces,
Non mare fumasset geminum ilagante Corintho,
Nec fera Cecropias traxissent vincula matres.

Per Cecropias debere intelligi Athenienses, nec pueri quidem poeticis assueti cantionibus ignorant : nimirum Cecropem fuisse primum regem Atheniensium, et Cecropia³ ab eo conditum est oppidum, quod conversum est in arcem Atheniensem.

17. Sed et adversus Zozimum, alium item Ethnicum adhibeamus testem : quo tantum abfuisse monstrabimus, ut Alaricus Minervæ vel cuiusvis efficti Gentilium numinis intuitu Athenis pepercerit, ut etiam ipse ultor impietatis, quæ hactenus in ea provincia spretis imperatorum christianorum legibus, vigeat, divinitus missus esse probari possit : nam præstitit ipse gladiis, quod tot christiani principes datis sæpe prescriptis frustra tentassent. Audiamus igitur Eunapium³ Sardonianum gentilem auctorem, isthæc de iis, quæ de hac ventura Græciæ clade ab Eleusiniarum antistite sub Juliano prænuntiata fuissent, scribentem : « Ad id vero, inquit, perspicientiæ venerat ille, quod templa et sacrorum ritus sua ætate eversum profligatumque iri prædixerat, eumque vivum hujusce cladis inspectorem fore, sed contemptum, ignominiaque affectum propter nimiam obstinationem : eorumque religionem ante ipsum desitutam ; ac sacerdoti munere privatum, antistitis nomen non habiturum, uti neque longam senectutem. Atque ea ita se habuerunt. Simul atque enim hæc fatidico ore ille Mithracorum sacrorum parens et institutor prædixerat, infinite et inexplicabiles clades non ita multo post exudarunt (quas in historia spatiosis campis diffusius narravimus, nonnullæ etiam hic volente Deo dicuntur), quando Alaricus cum barbaris per Thermopylarum fauces pervasit, non secus, quam per apertum stadium, aut campum liberum et equorum decursui patentem, eas Græciæ angustias illi prodidit impia natio fuscis utens vestibus ; qui, nullo prohibente, simul cum eo irruerunt, rescissa jam pontificalium lege atque vinculo ». Hæc Eunapius de Eleusiniarum antistite, tunc in ordinem redacto, et tunc cessare penitus jussu :

¹ Claud. in Ruffin. l. II. — ² Plin. l. VII. c. 56. — ³ Eunap. in Maxim.

¹ Zozim. l. v.

unde ergo Zozimo Athenarum et totius Atticæ immunitas ab Alarico Gothorum rege concessa?

48. Sed quod idem Eunapius queritur barbaros per fauces Thermopylas introductos a viris pullis indutis vestibus, Christianos suggillare, non dubium est: at quinam hi fuerint proditores a Rufino præfecti Thermopylis, ex ipso Zozimo superius diximus. Vides, lector, Dei consilium tradentis Græcias Golhis; nimirum ut sacrorum cultores et cultum, tot legibus frustra coercitos, iidem penitus abolerent. Intueris et patentem Zozimi stropham, eam in historia afflexentis visionem, quam ipse solus vidit, sed imaginatione vana mendaciorum concinnatrice confictam. Ex quibus etiam intelligere satis vales, cuius sint fidei quæ idem auctor¹ sub Valentiniano Majore refert: nimirum ex terræmotu collabente tota Græcia, ipsas Athenas tantum cum Attica regione absque jactura aliqua, deorum beneficio, incolumes fuisse relictas: cum alioqui aliis etiam illa possint certis rationibus confutari; sed in his modo non immorandum: ceptam jam historiam prosequamur.

49. *Stiliconis expeditio in Barbaros fraude Ruffini frustrata, quæ tandem dat pœnas capite cum suis.* — Cum iis tam diris atque foenestis Orientale exagitaretur imperium, Stilico gemino pollens exercitu, quam citissime (ut Claudianus docet) subvenire satagit: sed Ruffinum alia decernentem apud Arcadium, et pro barbaris negotium agentem, semper expertus est adversantem, et cunctatione saltem salutem imperii prodigentem: nam in primis hæc de his ipse²:

Vetat ille domari,
Inaeetique moras, et congrua tempora differt.
Nam tua cum Gelicas stravisset dextera turnas,
Ultra ducis socii lictum, parque una maneret
Dehinc, facilisque capi: tunc proditor ille
Impius imperii, conjuratusque Getarum,
Distulit instautes eluso principe pugnas,
Hunnotum latus opem: quos afflore bello
Norat, et invisis mox se conjungere castris.

Describit idem auctor Romani exercitus mirificum apparatus: sed cum de signis militaribus agit, nulla prorsus de Labaro consignato Christi nomine mentio: de Draconibus tantum his³ versibus:

Lateque videres
Surgere purpureis undantes anguibus hastas,
Serpentumque vago caelum seivere volatu.

20. At ubi Labarum Christi nomine insignitum, quod christianorum imperatorum exercitus præcedere consuevit? Numquid eo præcipuo signo carebat in hac expeditione Romanus exercitus? minime gentium. Sed exhorruit ethnicus poeta nomen Christi. Nemo enim potest dicere, Dominus Jesus, nisi in Spiritu sancto: quo cum iste omnino careret, afflatus Apolline, penitus prætermisit. Præcedere

namque consuevisse Stiliconis ducis exercitus christiani, cum et ipse esset christianus, et sub christiano imperatore, Labarum, christianus poeta Prudentius⁴ fidem facit, qui et ipse agens de alia expeditione ejusdem Stiliconis, quæ postea contigit sub eodem Honorio imperatore, ista versibus cecinit:

Dux agminis, imperique
Christi potens nobis juvenis fuit, et Comes ejus
Atque parens Stilico: Deus unus Christus utrique.
Hujus adoratis altaribus, et cruce fronti
Inscripta, cecidere labe. Prima hasta Dracones

Præcurrit, quæ Christi apicem  sublimior effert.

Vides igitur ante signa Draconum præcessisse Labarum Christi nomine consuetis characteribus insignitum. Sic itaque Stilico magnis animis sumptis, utrumque ducens exercitum, in Græcia apud Thesaliam agentes Gothos invenit: cunctisque scite fortiterque paratis, ut cum eis bello decerneret, incensisque ad hoc ipsum militibus, arte iterum Ruffini præripuit certa victoria: cum ille timens sibi ne, Golhis devictis, Stilico in ipsum arma converteret, egit apud Arcadium mille suadendi modis, quibus persuasit adolescenti, ut Orientalem exercitum Constantinopolim revocaret; quod ab imperatore tandem extortum, celeri nuntio idem Ruffinus exercitui in proximo auspicandi belli posito nuntiandum curavit. Id cum agro indignoque animo ab ipso Stilicone atque utroque simul exercitu acceptum esset, quod quasi e manibus erepta vincendi gloria, uniusque hominis invidia, fugax elaboretur de exercitu Gothorum victoria, sinerenturque sub jugo capte provinciae, et barbaricæ insolentia daretur audaciora presumere atque majora tentare: qui in hostes incensi militum animi erant, omnes in Ruffinum ex æquo ut auctorem Arcadio exercitus dissolvendi, concitati moventur, in ipsorum unum exerta incassum adversus barbaros arma convertant. Cum igitur pariter omnes Ruffini sitirent sanguinem, et vindictæ ardore flagrarent; quoniam modo agendum id esset, res inter paucos ductores exercitus consilio versatur. Re vero composita, coguntur inter se dividi duo illi victores exercitus, qui junctis in unum armis et animis, Eugenium tyrannum vicerant, et Occidentale imperium liberaverant: sicque tristibus inter se divulsis non sine mutuo luctu copiarum victicrium ducibus, Stilico cum Occidentali exercitu in Italian mœrens rediit: Gaius vero præfectus militibus Orientis, una cum illis Constantinopolim versus, quo vocabatur, ira æstuans, carpit iter.

21. Cum autem eidem jam urbi appropinquasset, data suis tessera de his quæ in Ruffinum acturi essent; de adventu exercitus certiores reddit imperatorem; exigens ab eo, quod moris esset, obviam procedere exercitui, atque cum pariter salutare.

¹ Zozim. l. IV. — ² Claud. in Ruffin. l. 1. — ³ Claud. in Ruffin. l. 1.

⁴ Prud. adv. Symmach. l. II.

Cum Ruffinus hæc audiens, lætitia summa gestiens, quod eo modo Stiliconem æmulum examasset, sibi vero cui imperaret talem tantumque comparasset exercitum; conjunctionis consortibus ad consilium sollicitè convocatis, de parando militibus donativo, eoque devinciendo muneribus simul statuunt; utque totius exercitus voce die sequenti, eo occursu, imperator acclamaretur ipse Ruffinus, decernunt. Sic igitur compositis rebus, parata est in crastinum sumenda purpura et diadema, aulaque regio apparatu disposita, quæ novum exceptura esset imperatorem: epulisque adhiberi jussis splendidioribus, insuper et quibus donarentur numismatibus post mensam aureis ex more convivæ, vultus Ruffini imagine cusis; in campum una cum Arcadio conventurus opperientem exercitum, stipatus Ruffinus turma suorum procedit.

22. Cum igitur ad exercitum perventum esset, salutatur primus ex more signa cruce decora Arcadius imp. ac subinde Ruffinus, faustisque vocibus duces pariter salutant ac laudant. Cum mox ab iisdem ducebus data conductæ tessera, qui densa agmine coagmentatus in unum erat exercitus, in longum quam cito dislentus, atque reflexus in orbem, Ruffinum cingit, includitque medium. Cum ille rei ignarus, tempus adesse ratus, quo acclamaretur a militibus imperator, urget Arcadium, ut ipse prius eum consortem declaret imperii. Cum ex insperato appetitur infelix gladio militis, Stiliconis nomine ietum vibrantis, vulnusque lethale infertur: moxque aliis atque aliis confoditur mille vindicibus gladiis, mille cruentatur ictibus, discerpitur, ac secatur in frusta. Unius totius exercitus efflerata rabies in unum conversa hominem, conceptum ante, diuque retentum in stomacho evomens repente odium, quæ tunc fecerit, quæquam meditari posse, quis pulet, nedum pro dignitate describere? Claudianus autem ¹ casum illum ita his cecinit versibus:

Mox omnes fodiunt hastis, artusque trementes
Dilaniant: Uno tot corpore pila tepefunt,
Et non infecto puduit mucrone reverti.
Hi vultus avidos, et adhuc spirantia vellunt
Lumina: truncatos alii rapuere lacertos.
Amputat ille pedes: bumeron quatit ille solutus
Nexibus: hic fracti reserat curvamina dorsi:
Hic jecur, hic corvis fibras, hic pandit aubeli
Pulmonis latebras. Spatium non invenit ira,
Nec locus est odii. Consumpto funere, vix tum
Deseritur, sparsumque cadit per tela cadaver.

Hæc Claudianus, eademque Zozimus.

23. At nec caruit digno triumpho tanta de expugnata proditione victoria. Membra siquidem Ruffini inter milites partita, singula singulis distributa, pro trophæis cum pompa ab exercitu referebantur in urbem: eminebat vero inter ea caput impositum pilo: sed et juvenundum afflictio populo spectaculum Ruffini dextera præbuit: quæ a milite secta, cum ex ipsa sectione nervi qui movent articulos prominerent, iisdem vel attractis, vel remissis, manus

ipsa claudi poterat et aperiri, ludusque militi facta est, conversaque in ludibrium Ruffini rapacitatis: cum miles eandem pausam tendendo, mendicare Ruffinum obolus diceret; oblatoque palmæ obolo, tractis mox nervis, attractis strictisque digitis, cum a Ruffino avide acceptum significaret. Describit istum ludum idem Claudianus ² his versibus, ac primum de capite:

Prodigiale caput, quod jam de cuspidē summa
Nutabat, digna rediens ad mœnia pompa.
Dextera quin etiam ludo concessa vagatur
Æra petens: pennisque animi persolvit avari
Terribili lucro: vivosque imitata reventus
Cogitur adductis digitos inflectere nervis.

Hæc ipse.

Eadem ferme Zozimus ³ et ex nostris S. Hieronymus ⁴ ad Heliodorum: « Ruffini, inquit, caput pilo Constantinopolim gestatum est: et abscissa manus dextera ad dedecus insatiabilis avaritiæ ostiatim stipem mendicavit. Eadem Marcellinus in Chronico, atque alii plures.

24. Vere « terribilis ⁵ Deus in consiliis super filios hominum ». Qui innocentium (ut dictum est) sanguinem sparserat, et in Thessalonicensium necem exercitum in circum immiserat: ipse ab exercitu circumdatus, militum omnium confossus est armis: quique insatiabili cupidine auri provinciarum exhausserat facultates, obolos mendicat mortuus; ambiensque injustam homo purpuram, proprio statim sanguine apparuit purpuratus: ac denique super omnes exaltatum caput diademate exornandum, cæteris omnibus eminentius in urbem evehitur super pilum. Unde et Gentilis ille auctor ⁶ ex hujusmodi Ruffini supplicio didicit esse superis providentiam, quam interdum negabat, cum malos impune aliquando cerneret deliquisse. Quamobrem merito ista versibus clamat:

Abstulit hunc tandem Ruffini pœna tumultum,
Absolvitque deos. Jam non ad culmina rerum
Injustos crevisse queror. Tolluntur in altum,
Ut lapsu graviore ruant, etc.

Porro facta sunt hæc omnia (ut docent Marcellinus ⁷ et Socrates ⁸) hoc ipso anno, iisdem cons. Olybrio atque Probino, V kalend. Decembris. Cum vero haud pridem, nempe sexto idus Novembris, Magni Theodosii corpus ex Italia delatum fuisset Constantinopolim: rediisse quidem visus est rediivus ipse in Orientem, ut de iniquissimo proditore pœnas sumeret, filiumque obsessum factione secleratorum eriperet, atque in imperio stabiliret. Hoc fortasse numismata illa Arcadii declarant, cum eidem imperatori ætate juniori cælitus corona hominis manu demissa porrigitur; quo quidem summo Deo curæ fuisse Arcadii imperium, diademate de-

¹ Claud. in Ruffin. l. II.

² Zozim. l. v. — ³ Hier. ep. III. — ⁴ Ps. LXV. — ⁵ Claud. in Ruffin. l. I. — ⁶ Marcell. in Chron. — ⁷ Socr. l. VI. c. 1.

super oblato, monstratur. Videre licet illud Romæ apud Lælium Pasqualin. Canonic. Sanctæ Mariæ Majoris. Reperimus et aliud huic simile numisma, sed cum additamento crucis egregie sculptæ, quod dono accepimus a Hier. Manilio Canonic. S. Mariæ Majoris.

23. Sed cur crux addita? historiam accipe. Perse enim, qui Theodosio vivente nequiequam moliri adversus Romanum imperium ausi sunt, eo mortuo, et Christianis apud eos agentibus facessere negotium, et bellum agere adversus Romanos aggressi sunt: sed quam celerrime Dei beneficio compressi fuerunt. Quo tempore, ob rei bene gestæ crucis virtute memoriam, crucem (ut vides) suis voluit Arcadius addi nummis. Porro de nummis historiam a S. Prospero descriptam¹ habes his verbis: « Sane nostris temporibus apud Persas persecutionem factam novimus, imperante Arcadio religioso et christiano principe. Qui, ne traderet ad se confugientes Armenos, bellum cum Persis confecit. Eo signo, antequam potitus victoria, jam coeuntibus prælium militibus, aeræ eruces in vestibus paruere. Unde etiam victor auream monetam cum eodem signo crucis fieri præcepit, quæ in usu totius orbis, et maxime Asiæ, hodieque persistit ». Hæc Prosper. Quod vero in utriusque nummi Labaro, X, elementum expressum vides, Christi nomen significare, testificatione Juliani imp. satis perspicue superiori tomo demonstratum est. Cæterum quod ad victoriam spectat, partam virtute crucis: illud quoque bonum Romano conciliavit imperio, quod Isdergerdes rex Persarum, semel crucis potentia victus, non solum pro annos viginti bellum non movit adversus Arcadium, sed etiam factus est post ejus obitum imperii Romani defensor, cum Theodosius infans imbellis successit ejusdem hæres imperii. Sed ad res Ruffini unde occasione numismatum digressa est, oratio revertatur.

26. Eo autem adeo miserando interitu sublato de medio: quid in ejus propinquos actum sit, Marcellinus² ita describit: « Ruffini uxor et filia exulant. Eutropius sacri Palatii cubicularius omnes opes abripuit, etc. De his autem, hæc et Zozimus³: Eutropius autem in omnibus opera Stiliconis navata, quæ contra Ruffinum ab illo deliberata fuerant, eorum jam quæ agerentur in aula penes se potestatem omnem habebat, ac Ruffini quidem facultates sibi majori ex parte vindicabat, cum aliis quoque permisisset, ut ex iis ea sumerent quæ possideri ab illis posse quoquo modo viderentur. Exore vero filiaque Ruffini ad Ecclesiam Christianorum metu confugientibus, ne cum illo perirent: Eutropius eis fide data concessit, ut ad Hierosolymorum urbem navigarent ». Hæc de his ipse. Porro sororem quoque Ruffini magni nominis virginem vixisse Hierosolymis, et peregrinatam esse in Ægyptum, paulo post dicturi sumus.

27. Mox autem subdit idem Zozimus de Timasio consulari, qui cum Promoto gesserat consulatum. Eutropii arte deportato a militum satellitio in Oasim terriberrimum omnium exilii locum; de quo post cladem Ruffini hæc quoque Hieronymus⁴: « Timasius præcipitatus repente de altissimo dignitatis gradu, exavisso se putat, quod Oasi », sic legendum est pro Asse, « vivit inglorius ». Erat autem hic quidem Timasius unus ex Ruffini comitibus ad omne scelus patissimus administer, de quo ista Suidas: « Is homo insolens, et in re militari versatus summum rerum humanarum, honorem, opes abundantes, et suo arbitratu vivendi licentiam existimans, cum propter ebrietatem et diem et noctem ignoraret, neque orientem neque occidentem solem inspicere, revocationem (recreationem) illam immortalitati parem ratus, ab exercitationibus voluptariis, et dissoluta vivendi ratione avulsus, animo ad gloriæ cupiditatem intento, ex Pamphylia gravis surrexit; in Lydiam reversus est regis instar, aut ejus qui imperatorem et eunuchum obiter pro delectamento habiturus esset, si vellet ». Hæc Suidas de Timasio, qui (ut diximus) miserrima omnium deportatione in Oasim amandatus est. Qui quidem locus a Zozimo⁵ ita describitur: « Terra in medio arenosa, vasta prorsus et inhabitata, notitiam tendentibus huc omnem adimit; partim quod venti arena vestigia compleant et aboleant; partim quod nec arbor ulla nec domicilium sit, quæ indicium aliquod iter facientibus ad conjecturam relinquere possint ». Hæc ipse. At de Oasi in Notis actum pluribus. Subdit his idem auctor de Abundantio item consule ordinario nobilissimo tunc temporis legato Sydone Phœnicie oppido. Verum S. Hieronymus⁶ de ejusdem relegatione agens, apud Pithyuntem exulare jussum tradit.

28. Quod vero ad Ruffini sororem spectat, fuit hæc virgo Christo dicata, egregia sanctitate atque eruditione conspicua; de qua hæc pauca Palladius⁷: « Evenit autem ut postea simul ad Ægyptum ex Ælia proficiscerentur », Melanie scilicet alumna Romanæ femine, « sanctam Silviam deducentes virginem Dei, Ruffini autem ex præfecti sororem. Erat etiam nobiscum Jovinius tunc diaconus, nunc vero civitatis Acalonensis episcopus, vir admodum sanctus, et amator et lector studiosissimus litterarum. Cum ergo in itinere nos aestus vehementissimis occupasset, et Pelusum oppidum fuissemus ingressi, S. Jovinius aestu nimio fatigatus, coepit manus ac pedes proprios frigidissimæ aquæ refovere infusione. Quo ita ut desideraverat facto, super pellitam se atque in solo stratum projecerat pluviam. Ad quem sancta illa Silvيا veluti filium verum sapiens mater accessit, et molliorem ipsius deliciasque reprehendens, ista dicebat: Quemadmodum ausus es, hanc ætatem agens, in qua adhuc sanguis tuus vivit, sic lavare ac fovere corpus

¹ Prosp. de Prædict. l. III. c. 34. — ² Marcellin. in Chron. — ³ Zozim. l. v.

⁴ Hier. epist. III. — ⁵ Zozim. l. v. — ⁶ Hier. epist. III. — ⁷ Pallad. in Laus. c. 33.

tuum? Non intelligis quæ ex hoc nasci soleant animæ læsiones? Crede igitur mihi confidenter loquenti, quod sexagesimum ipsa ævi annuum agens excepta summitate digitorum meorum, non ora, non pedes, non partem aliquam membrorum aqua lavi; et hoc, cum variis semper ægritudinibus laborarem, et ab ipsis quoque cogere medicis uti lavacro; nunquam tamen volui antiquum corporis mei morem palpare; non in lecto quievi, non in lectica recumbens iter feci. Hæc ipsa eloquentissima fuit, magnamque amorem habuit litterarum, ita ut legendo noctes in dies verteret, omnes antiquorum interpretum libros notissimos habens, inter quos trices centena nulla versuum legendi transierat: Gregorii, Pierii quoque, et Stephani, Basilique et aliorum studiosissimorum virorum vices centena millia: quæ tamen non quasi perfunctorie transcurrerat, sed unumquemque septies auctorem revolvens: unde mendacii scientia nominum atque sectarum penitus liberata, cælestibus penus per gratiam litterarum, sic loquitur Origenista, « ad æternam spem Salvatoris gallina spiritualis effecta, potuit evolare, immortales a Deo vicissitudines receptura ». Ilucsusque Palladius de sorore Ruffini præfecti, ter plane felix, si sororis exemplo, cælestibus potius quam terrenis inhære divitiis didicisset.

29. *Barbari insolescunt magis.* — At licet nece Ruffini tyrannidem affectantis res hac ex parte in tutum repositæ fuerint; haud tamen submoti sunt barbari, jam ab ipso in diversas provincias imperii Orientalis inmissi: qui enim ut hostes populabundi eas ingressi fuerunt, jam ut indigenæ coluerunt; adeo ut Romanas vires contemptui habere cæperint, imo et illis insolentius exprobrarent. Nam audi, rogo, quæ de iis temporibus S. Joannes Chrysostomus¹ tradat: dum enim suæ ætatis mala illata deplorat, hæc post multa alia id genus habet: « Cæterum ad ipsorum etiam qui nunc regnant, uxores animam advertite. Alteram videbis ex pristinis calamitatibus respirantem, magnæ voluptati magnam habere dolorem admixtum; eo quod qui potitur, nimis juvenis ac nullius usus est, multosque habet undique insidiantes »: de Honorio ista. Alteram vero subdit timore exanimatam, et iis qui capite damnati sunt miseriorem vitam ducentem, eo quod vir ipsius, ab eo tempore quo diadema suscepit, usque ad hodiernum diem in bello præfissi que versatur; verecundiaque, pudore, et probri quibus undique afficitur, magis quam ex calamitatibus tabescit. « Quod enim antea nunquam, nunc evenit, ut barbari propriam relinquentes regionem, multa cladiorum millia regionis nostræ percurrerint; et agris incensis, captisque urbibus, domum redeundi omnem cogitationem alijecerunt. Ac perinde quasi choreas ducerent, non bellum gererent, ita nostros omnes irrident. Et quemdam ex illorum regibus dixisse ferunt, mirari se impudentiam nostrorum

militum, qui cum facilius quam oves soleant jugulari, adhuc victoriam sperent, neque ex ipsorum regione velint excedere. Nam ipse quidem dixit, sese illis credendis satietate captum esse. Quo igitur animo et imperatorem et ipsius uxorem ista verba audientem existimas esse? » Hæc Chrysostomus.

Et S. Hieronymus hæc ipsa deplorans¹: « Nostris, inquit, peccatis barbari fortes sunt, nostris vitis Romanus superatur exercitus: et quasi non hæc sufficerent cladibus, plus pane bella civilia, quam hostilis mureo consumpsit. Miseri Israelitæ, ad quorum comparationem Nabuchodonosor servus Dei dicitur. Infelices nos, qui tantum displicemus Deo, ut per rabiem barbarorum illius in nos ira deserviat: et paulo post: « Proh pudor, et stolidi usque ad incredulitatem mens! Romanus exercitus, victor orbis et dominus, ab his vincitur, hos pavet, horum terretur aspectu, qui ingredi non valent; qui si terram tetigerint, se mortuos arbitrantur. Et non intelligimus Prophetarum² voces: Fugient mille, uno persequente? et non amputamus causas morbi, ut morbus pariter auferatur, statimque cernamus sagittas pilis, tiaras galeis, caballos equis cedere ». At de his modo hactenus. Jam ad reliqua pergamus.

« Hoc eodem anno, eodemque die », inquit Socrates³, « quo Ruffinus interfectus est, Marcianus Novatianorum episcopus excessit e vita: in cujus episcopatum Sisinnius, de quo supra fecimus mentionem, successit ». Hæc ipse.

30. *Honorius favet lege rebus ecclesiasticis.* — Quod autem ad res spectat Occidentales, Honorius imp.⁴ lege sancita confirmat privilegia omnia a prædecessoribus inpp. Catholicæ Ecclesiæ collata, ad Hierium ita rescribens:

« Quæcumque a parentibus nostris diversis sunt statuta temporibus, manere inviolata atque incorrupta circa sacrosanctas Ecclesias præcipimus. Nihil igitur a privilegiis immutetur, omnibusque qui Ecclesiis serviunt tutio deferatur: quia temporibus nostris ad potius reverentiæ cupimus, quam ex his quæ olim præstita sunt, immutari. Dal. X kalend. Aprilis Mediolani, Olybrio et Probrino coss. » Ilis quidem pietatis officiis Honorius Augustus primordia sui imperii consecrans, ejusmodi jecit futuri regiminis fundamenta; nec quidem frustra: nam ipse licet imbellis, haud tamen a tyrannis barbarisque comprimi valuit. Quod si cladem immensam sub eo Romanum est passum imperium, adscribenda est illa potius Gentilibus superstitionum cultum instaurare conantibus, ut suo loco hæc dicenda pluribus declarabunt.

31. *S. Augustinus creatur Hipponensis episcopus.* — Hoc item anno, iisdem nempe consulibus Olybrio atque Probrino, « Augustinus », inquit Prosper in Chronico, « beati Ambrosii discipulus, multa facundia doctrinaque excellens, Hippone Regio

¹ Chrys. ad viduam junior.

¹ Hier. ep. III. — ² Isa. XXX. — ³ Socr. l. VI. c. 1. — ⁴ L. LXXIX. de Episc. et Cleric. C. Theod.

Africa episcopus ordinatur » ; cum ageret annum suae aetatis quadagesimum primum, ut ex supputatione superius inita annorum ejus certa ratione colligitur. Quod autem adhuc vivente Valerio ejusdem civitatis episcopo, ipse Augustinus idem munus episcopale susceperit, Possidius ejusmodi causam affert, dum rem gestam ita describit ¹ : « Ille vero beatus senex Valerius ceteris ex hoc amplius exultans » videlicet de eminenti Augustini doctrina, « et Deo gratias agens de concessio sibi speciali beneficio : metueret cepit, ut est humanus animus, ne ab aliqua Ecclesia sacerdos probatus ad episcopatum quaereretur, et sibi auferretur. Nam et id provenisset, nisi hoc idem episcopus cognito, ad locum secretum cum transire curasset, occultatumque a quaerentibus minime inveniri fecisset ». Haec Possidius. Sed de sollicita cura populi Hipponensis, ne sibi Augustinus raperetur, habes ab ipsomet Augustino scribente ad Aurelium episcopum Carthaginensem declaratum his verbis, cum se excusat quod non liceat venire Carthaginem ² : « Absentiam enim meam, inquit, tantum longe Hipponenses vehementer nimisque formidant, neque ullo modo mihi sic volunt credere, ut ego vobis ». Haec ipse. Si enim ad primatem totius Africae Carthaginensem episcopum diu cupitis proficisci non sineretur ; quanto custodiretur studio, intelligere satis potes. Nam subdit Possidius : « Unde amplius formidans idem venerabilis senex, et sciens se corpore et aetate infirmissimum, egit secretis litteris apud primatem episcopum sedis Carthaginensis, allegans inbecillitatem corporis sui, aetatisque gravitatem, et obseverans, ut Hipponensi Ecclesiae ordinaretur episcopus, qui suae cathedrae non jam succederet, sed consacerdos accederet Augustinus. Quae igitur beatus Valerius optavit et rogavit, salagens rescripto impetravit. Post quam petitionem, ad visitandum adveniente ad Ecclesiam Hipponensem tunc primate Numidia Megalio Calamensi episcopo, Valerius antistes episcopis qui forte tunc aderant et universae plebi inopinatum cunctis suam insinuat tunc voluntatem : omnibusque audientibus, et gratulantibus, atque id fieri perficique ingenti desiderio clamantibus, episcopatum suscipere contra morem Ecclesiae, suo vivente episcopo, presbyter Augustinus recusabat. Dumque illi fieri solere, ab omnibus suaderetur, atque id ignaro transmarinis et Africanis Ecclesiae exemplis probaretur, compulsus atque coactus succubuit, et episcopatus curam et majoris loci ordinationem suscepit ».

32. Requisitus autem aliquando a Donatistis Augustinus, a quoniam fuisset ordinatus ; gloriatu est, se a Catholica Ecclesiae episcopo primato Numidia ordinatum fuisse : id enim ipse testatur ³ in Breviculo collationis decimae tertiae. Subdit autem Possidius : « Quod in se ipso postea fieri non debuisse, ut vivo episcopo suo ordinaretur, et dixit et scripsit,

propter Concilii universalis », nempe Nicaeni, « vetitum, quod jam ordinatus didicit : nec quod sibi factum esse doluit, aliis fieri voluit ». Haec Possidius. Quae autem ipse de his citat ejusdem Augustini factum detestantia dicta, extant ipsa in Actis publicis designati Heraclii presbyteri sui futuri successoris, his nempe verbis : « Adhuc, inquit, in corpore posito beate memoriae patre et episcopo meo sene Valerio, episcopus ordinatus sum, et sedi cum illo : quod Concilio Nicaeno prohibitum esse nesciebam, nec ipse sciebat. Quod ergo reprehensum est in me, nolo reprehendi in filio meo ». At vero quem citat Nicaenum canonem, ille fuisse creditur, in cujus fine, cum actum est in eo de Novatianis ad Ecclesiam redeuntibus, haec verba leguntur : « Ne in una civitate duo episcopi esse probentur » : sic ibi octavo canone : quamvis alii velint specialem ea de re constitutionem esse editam, quae non exlet.

33. Quod vero de S. Augustino Possidius ⁴ agens, de ejus ordinatione haec ad finem apponit : « Unde etiam satagit, ut Concilii constitueretur episcoporum, ab ordinatoribus debere ordinandis vel ordinatis omnium statuta sacerdotum in notitiam esse deferenda ». Constat plane de his actum post sequentem annum in Concilio Carthaginensi celebrato Caesario et Attico consulibus ; in quo haec tertio canone ex suggestione S. Augustini (ut Possidius monet) decreta esse leguntur ⁵ : « Item placuit, ut ordinandis episcopis vel clericis prius ab ordinatoribus suis decreta Conciliorum aurius eorum inculcentur : ne se quid contra statuta Concilii fecisse poneant ». Haec ibi : sicque sollicite cavendum putavit ab aliis, quod ipse nescius deliquisset. Solemnis autem remansit Hipponensibus more majorum dies illa, qua talem tantumque ordinatum meruerunt episcopum obtinere ; anniversariaque celebritate eandem colere curaverunt ; qua ipse Augustinus de eadem sua ordinatione homilias habere solebat ad populum : extant adhuc ex ipsis duo eodem argumento conscriptae ⁶.

34. Idem insuper Augustinus litteris scriptis ad Paulinum ⁷ et Therasiam, qui in agro Nolano vitam monasticam excolentes, jam (ut dictum est) annum exegerant, de sua ordinatione obiter tunc facta haec ait : « Qua Ecclesiae cura teneat, ex hoc vestra charitas oportet attendat, quod beatissimus pater Valerius (qui vos nobiscum quantum salutet, quantum sitat, audietis ex fratribus), nec presbyterum me esse suum passus est, nisi majorem mihi coepiscopatus sarcinam imponeret. Quod quidem, quia tanta ejus charitate, tantoque populi studio Dominum id velle credidi, nonnullis jam exemplis praecedentibus, quibus mihi omnis excusatio clandeabatur, vehementer tui excusare ». Ita ipse, et quidem hoc anno mox post suam ordinationem : nam aliam ad eosdem epistolam haud pridem ab ipso datam,

¹ Possid. in Vit. S. Aug. c. 8. — ² Aug. ad Aurel. epist. LXIV. —

³ Aug. in Breviculi. collat. diei tertiae c. 7.

⁴ Possid. in Vit. S. Aug. c. 8. — ⁵ Concil. Carthag. III. c. 3. —

⁶ Aug. hom. XXIV. et XXV. — ⁷ Aug. ep. XXXIV.

cum adhuc presbyter esset, scriptam fuisse liquet.

35. Porro ipse Paulinus, his acceptis de Augustini ordinatione litteris, miro exultans gaudio (quantus enim ille esset, ex ejus scriptis adversus Manichæos ab Alypio missis satis noverat), die sequenti post acceptas dictas Augustini litteras, ad Romanianum scribens ¹, hæc habet : « Non autem tantum hoc scribinus gratulandum quod episcopatum Augustinus acceperit; sed quod hanc Dei curam meruerint Africanæ Ecclesiæ, ut verba celestia Augustini ore perciperent, qui ad majorem Dominici muneris gratiam novo more proventus ita consecratus est, non ut succederet in cathedra episcopo, sed accederet : nam incolumi Valerio Hipponensis Ecclesiæ episcopo, coepiscopus Augustinus est. Et ille beatus senex, cui purissimam mentem nulla unquam liventis invidiæ macula sulfudit, dignos sui cordis pace nunc ab Altissimo fructus capit, ut quem successorem sacerdotii sui suppliciter optabat, hunc mereretur tenere collegam. Credine hoc potuit, antequam fieret? Sed in hoc quoque Omnipotentis opere dici evangelicum illud potest ² : Homini bus hæc ardua, apud Deum autem omnia possibilia. Exullemus itaque et lætemur in eo, qui facit mirabilia solus, et qui facit unanimes habitare in domo : quoniam ipse respexit humilitatem nostram, et visitavit in bono plebem suam. Qui erexit cornu in domo David pueri sui, et nunc exaltavit cornu Ecclesiæ suæ in electis suis, ut cornua peccatorum (sicut per prophetam spondet), hoc est, Donatistarum, Manichæorumque confringat. Utinam hæc nunc Domini tuba, quæ per Augustinum intonat, filii nostri Licentii pulset auditus, etc. »

36. *Inter Augustinum et Paulinum opera Alypii consuetudo et mutua litteræ.* — Verum ejusmodi litterarum consuetudo, quæ inter sanctos Dei viros Paulinum et Augustinum intercessit, hoc ipso anno cæpta est, cum prioribus ³ Paulinus litteris Augustinum salutat adhuc presbyterum, ejus accederal quinque libros contra Manichæos scriptos dono Alypii episcopi Tagastensis : ex quibus quidem quantus Augustinus esset, leonem (ut ait) ex unguibus intellexit; unde in ea litteris illis præconia mox erupit : « O vere sal terræ, quo præcordia nostra, ne possint sæculi vanescere errore, conduntur! O lucerna digne super candelabrum Ecclesiæ posita, quæ late catholicis uribus de septiformi lychno pastum oleo lætitia lumen effundens, densas licet hæreticorum caliginis discutis, et lucem veritatis e confusione tenebrarum splendore clarifici sermonis enubilas ». Scripsit hæc Paulinus ad Augustini litteras (ut proficitur) annum jam habens in conversione monastica, abdicatione jam sæculo. Adjecit prioribus his eodem hoc anno Paulinus ⁴ ad eundem Augustinum posteriores litteras, cum nondum sciret an priores acceperisset, quas dedit pernecessarii ipsius Romano et Agili in Africam navigantibus : cum in-

lerca nondum his acceptis, prioribus autem redditis, Augustinus ad Paulinum jam litteras officiosissimas rescripisset adhuc presbyter ⁵. Sed inter hæc priorum litterarum commercia creatus (ut dictum est) episcopus Hipponensis, de sua ipsius tunc facta ordinatione, posterioribus litteris posteriores reddens, ea quæ diximus significavit; misitque ad eum tres a se editos libros *De libero arbitrio*; exposcens vicissim ab eo libros a S. Ambrosio adversus Academicos scriptos; exigens pariter, ut quem scriberet adversus Paganos, commentarium ad se mitteret.

37. Ut autem adeo arcto amicitia vinculo Paulinus et Augustinus mutuo necenter, sequester in primis Alypii Tagastensis episcopus intercessit, ut litteræ amborum significant. Sed et laudavit mirifice quidem ob egregiæ vitæ sanctitatem Paulinus Alypium; usque adeo, ut vitæ ipsius historiam ab eo ad se scribi rogarit ⁶. Cum ille christianæ modestiæ consulens, totum illud refudit negotium Augustino : qui id se præstiturum prioribus suis ad Paulinum ⁷ redditus litteris pollicitus est : quod et a Paulino exactum, et ab Augustino (ut erat pollicitus) persolutum non dubitamus. Sed exiderunt hæ litteræ, sicut et aliæ plurimæ ultro citroque datæ quoad superstites existerunt : ejus adeo longioris temporis spatii nomini duæ ab alterutris datæ hoc anno litteræ extant, et commentarii ille ad eundem Paulinum ab ipso Augustino *De cura agenda pro mortuis* scripto. Verum hoc exemplo, et de Paulino in eam adducor sententiam, ut opiner, ipso rogante et sollicitus exposcente scriptos ab ipso Augustino jam facto episcopo libros *Confessionum* : licet id ipse reticuerit Augustinus, ne non tam divinum donorum a se perceptorum predicator, quam sui ipsius videri potuisset esse laudator : cum magna animi submissione illud, confitendo peccata sua, Dei vero munera accepta recensendo, arripuerit dicendi genus. Ut autem id Paulinum ab Augustino exegisse opiner, illud magnopere persuadet, quod qui Alypii res gestas adeo exoptavit et expetiit scripta historia memoriæ commendari; idem ipse Augustino semel atque iterum degustato, eidemque penitus addictus exquisisse videtur avidius, et exegisse importunius, vitæ ipsius Augustini ab ipso commentarium scribi : quod ea modestia atque cautela prudenter ipse quidem exhibuit, dum sua recensendo et defendo peccata, vitam suam a tenera ætate contextuit.

38. Sed ad Alypium redeamus. Magna quidem illud me admiratione afficit, desideratum fuisse in Africa hacenus, quod ipse Alypius expetiit a Paulino, Eusebii Chronicon; quo uno in Ecclesia Dei usque ad tempora Constantini res gestæ ab origine mundi dispositæ haberentur. Sed et magis miror, quod Paulino haud adeo exploratus liber ille fuisset, ejus nec nomen auctoris perspectum haberet, dum nominat illum Eusebium Constantinopolitane Ecclesiæ episcopum, loco Cæsariensis : nam illius, qui

¹ Apud Aug. epist. xxxvi. — ² Luc. xviii. — ³ Apud Aug. ep. xxxi. — ⁴ Paul. apud Aug. ep. xxxiii.

⁵ Aug. epist. xxxii. — ⁶ Apud Aug. ep. xxxi. — ⁷ Aug. ep. xxxvii.

eius nominis primo praefuit Nicomediae, inde vero Constantinopoli, impietate notissimi, nulla unquam fuit ejus argumenti aliqua post obitum lucubratio, sed tantum (quod omnes norunt) Eusebii Caesariensis. Quamobrem ipsi quidem de his obiter inter scribendum agendi, lapsum memoriae potius, quam rei adeo aperte inscitiam adscribendam, aequius esse dicimus: cum alioquin in ecclesiasticis historiis se minime versatum esse, ad Severum scribens¹ ipse Paulinus ingenue profiteatur his verbis:

39. « Præterea autem jussisti, nimium opulenter tibi de paupere tuo blandiens, ut quæ te de Animalibus non unius gentis, sed generis humani fugerent, ego videlicet quasi peritior edocerem. Sed sibi impuler famem, qui pauperis amici fores pulsas, et promptuarium inane scrutatur. Nunquam enim in hæc investiganda et colligenda mihi commodum studium fuit. Nam etiam in tempore veteri, quo videbar legere nec legenda, ab historicis scriptoribus peregrinatus sum ». Significat his sane verbis Paulinus, se haud ad peregrinas res gestas pervestigandas aliquam adhibuisse diligentiam, Romanarum rerum historiae tantum intentum. Etenim tradit Ausonius ab ipso Paulino Suetonium in compendium redactum, atque deserto carmine decantatum; quod opus mirifice quidem laudat, cum ait²: « His longe jucundissimum poema subdideras, quod de tribus Suetonii libris, quos ille de regibus dedit, in epitomen coegisti tanta elegantia, solus ut mihi videre assecutus, quod contra rerum naturam est, brevisitas ut obscura non esset ». Hæc ipse.

40. Cæterum ut Severo satisfaccret, quodnam consilium iniecit, ipse mox subdit³: « Attamen nunc operis tui curam gereas, quo te pro utilitate fidei nostræ inspicendis, et conferendis præteritorum temporum rationibus occupatum indicasti; quod de meo non habui, de fratris unanimi opulentiore thesauro petivi; et ipsam adnotationem, quam communitorii vice miseris, litteris meis inditam direxi ad Rufinum presbyterum S. Melaniae spiritali via comitem, vere sanctum, et pie doctum, et ob hoc mihi intima affectione conjunctum ». Agebat autem adhuc Hierosolymis cum Melania Rufinus, Paulino quidem tantummodo fama notus, haud tamen in omnibus satis perspectus: nondum enim ipse Rufinus, nisi postquam inde remicans, Romam Periarcho intulit Origenis, quos foveret errores detectus est; sed de his agendum suo tempore. Subdit autem de eo quod requirebatur, ista Paulinus: « Si ille has, quæ merito te permovent de annorum sive regnorum non congruente calculo hiantis historiae, causas non ediderit, qui et scholasticis et salutaribus litteris Græce juxta ac latine dives est: vereor ne apud alium in his regionibus frustra requiramus. Quod si presumptioni de se meae satisfecerit; prima occasione, si Dominus fuerit, transmittam unanimi tui, utcumque mihi super hac ratione rescripserit ». Hæc Paulinus.

41. At num præstitit diligens opus, quod Paulinus petiit, et Severus expetiit a Paulino, Rufinus? minime gentium, mea quidem sententia: nam in Eusebii historia, cum eam latinitate donavit (ut recentior bene oculus interpretis inspexit), nulla quidem prætermisit, deque suo nonnulla miscuit, atque complura quasi non recte collocata mutavit: ut eandem reddiderit propemodum alteram; duobus vero libris quos addidit, quibus res gestas a tempore Nicæni Concilii usque ad obitum Theodosii prosecutus est, quam jejune et haud in omnibus tota fide cuncta percurrerit, quæ recensita sunt superius facile monstrant. Sed S. Hieronymus perutile opus exhibuit, cum per singulos annos res diversorum regum pro temporis ratione collectas ab Eusebio in latinum vertit, atque a tempore Constantinensi usque ad sextum consulatum⁴ (ut ipse testatur) Valensis et Valentiniani Juniori secundum eodem ordine reliqua prosecutus est; res gestas vero Gratiani atque Theodosii latiori se historiae stylo reservasse testatur: « Non, inquit, quod de viventibus timuerim libere ac vere scribere: timor enim Dei timorem hominum expellit. Sed quoniam debacchantibus adhuc in terra nostra barbaris, incerta sunt omnia ». Verum haud ea prosecutus videtur.

42. *Historici hujus temporis qui et quales.* — Perfecit tamen nihilominus ipse Severus duos sacræ historiae libros, ab origine mundi exordiens, ad sua usque tempora eos producens. Scripsit ille quidem eo anno quo gesserunt consulatum Stilico et Aurelianus, nimirum Domini quadringentesimo, ut ex ejus scriptis colligitur, dum a consulatu Arbetionis et Lolliani numeravit annos quadraginta quinque: cum constet hos creatos consules esse anno Domini trecentesimo quinquagesimo quinto. Sed et diximus Dexterum prefectum prætorii, tempore Theodosii, ejusdem quoque argumenti lucubrationem elaborasse. Externorum autem, nempe gentilium, Aurelius Victor de vita et moribus Romanorum historiam edidit, incipiens ab Octaviano Augusto usque ad Theodosii imp. obitum, ad quem viventem opus inscripsit, a quo et decoratus est Urbana prefectura, necnon comitato sacrarum largitionum. Paulo autem ante ipsum Entropius ad Valentinum imperatorem scripserat breve compendium Romanorum historiae. Scentus est hos Hozimus sub Honorio, sed minori fide, majori vero impietate. Rursum ex nostris Paulus Orosius id ipsum præstitit sub eodem imperatore: verum de eo inferius.

43. At licet tot historicis hæc ætas abundasse videatur; tamen adhuc inops harum facultatum remansit et in nonnullis obscura; quod ex his alii res multas brevitate nimia contraxerunt; alii intactas penitus reliquerunt; desideretur autem in aliis ordo, in aliis vero temporum exactior indagatio; periclitenturque alii veritate, ac pariter pietate; affectuque privato ducti, pro arbitrio mendacia veris atlexue-

¹ Paulin. epist. IX. — ² Auson. epist. XIX. — ³ Paulin. ead. ep. IX.

⁴ Hier. in Pref. ad Eusebii Chron.

rint. Porro hos omnes audire, et in medio sedere arbitrum, et æqua lance cuncta probare, disquirere singula et judicare, præmissaque indagare, abstrusa ablitique refodere, itemque cuncta in veritatis collatorio examinare atque purgare, aurumque et terra seligere, hand leve negotium, tenuisque laboris est opus. Hinc videas vertices oratorum hoc genus scribendi attingere hæsitasse : Tullium ¹ interea se excusare, quod istac digno stylo prosequi, hominis in primis sit soluti omni negotio; et cum tandem istud scribendi genus attigit, citra omnium expectationem opus edidit, publica contentione derisum, nec dignum habitum quod posteris traderetur, sed perpetuo silentio obruendum ². Et Plinius, cui (ut ipse ³ testatur) fuit cum Cicerone æmulation, negavit Capioni suo id exposcenti, se scripturum historias, dum ageret oratorem; quod opus præ sui magnitudine totum requireret hominem, et plane diversa esset utriusque ratio scriptiois. Sed quorsum nos occasio Eusebii Chronici ab Alypio expediti et a Paulino perquisiti pertraxit? Attamen aliquantisper licet vagata, haud tamen ad extranea dellexit oratio, cum hujus ætatis historicos numeravit, et scabra, per quæ assidue ipsa duceretur, semel ostendit. Sed jam ad ipsum, a quo deflexit, Paulinum, quæ de eo anni hujus sunt reliqua, breviter prosecutura dictio revocetur.

44. *Legatio Africanorum episcoporum ad Paulinum, ubi de Licentio Augustini discipulo.* — Quod autem Paulini nomen claritudine generis et amplissimorum magistratum functione ubique notum atque conspicuum, abdicatione rerum temporalium longe clarius atque celebrius esset ubique redditum; non Alypii tantum et Augustini, sed et aliorum in Africa Catholice Ecclesie episcoporum permovit animos, et excitavit affectus: adeo ut idem ipsum litteris legatione ad eum missa, salutaverint; quarum ipse meminit scribens ad Romanianum his verbis ⁴: « Optatissime, inquit, sanctorum et carissimorum virorum inde epistolas receperamus, id est, Aurelii, Alypii, Augustini, Profuturi, Severi, jam omnium pariter episcoporum ». Erat Severus iste Ecclesie Milevitane in Numidia præsul, ut ipse Augustinus ⁵ affirmat; Profuturus autem Calamensis Ecclesie episcopus, ad quem extat Augustini epistola centesima nonagesima. Porro de ejusmodi legatione Afrorum idem Paulinus meminit ad Severum scribens, cum ait ⁶: « Afri quoque ad nos episcopi revisendis prima ætate miserunt ».

45. Quantomam autem tenerentur illi videndi eundem desiderio ipse S. Augustinus ⁷ ad eum scribens, et invitans in Africam, declarat his verbis: « Quare non impudenter ego rogo vos, et postulo, et flagito, ut in Africam, majore talium hominum siti quam siccitatis mobilitate laborantem,

venire dignemini. Scit Deus, quia non solum propter desiderium meum, neque solum propter eos, qui vel per nos vestrum propositum, vel undecumque fama prædicante didicerunt: sed etiam propter ceteros, qui partim non audiunt, partim audita non credunt, tamen possunt comperita diligere: vos istis terris etiam corporaliter adesse cupimus. Quamvis enim sedulo atque misericorditer id agitis, tamen etiam coram hominibus regionum nostrarum luceant opera vestra, ut videant bona facta vestra, et glorificent Patrem vestrum, qui in celis est ». Hæc et alia plura id genus Augustinus ad Paulinum, percupidus ut tali tantaque accensa in Ecclesia Catholica face illuminaretur Ecclesia Africana; quod adeo magna esse viderentur quæ de ipsius supereminenti christiana philosophia divulgata essent, ut quod auditus humanus vix caperet, ipse ejus aspectus oculis certiori fide repræsentaret.

46. Hæc eadem Afrorum episcoporum legatione S. Augustinus ¹ dedit litteras ad Licentium Alypii episcopi fratrem Romæ agentem, juvenem ab ipso olim Mediolani philosophicis disciplinis aliisque scientiis apprime imbutum: quem delentum Urbis illecebris, Paulini exemplo admonet, ut nuntium remittat sæculo, atque ad excultioris vite se conferat institutum; et inter alia: « Vade, inquit, in Campaniam, disce Paulinum egregium et sanctum Dei servum, quam grandem fastum hujus sæculi tanto generosiore, quanto humiliori cervice inconcunctanter excusserit, ut eam subderet Christi jugo, sicut subdidit, et nunc illo moderatore itineris sui quietus et modestus exultat. Vade, disce, etc. » Vides ex his Paulinum (quod diximus) jam relictâ Urbe incolere cepisse agrum Campanum prope Nola. Sed et ipse Paulinus ², quem sciret Licentium poeticis facultatibus egregie excultum; versibus ad eum prosaque mixtam scripsit epistolam, qua ad mundi contemptum vehementer eum cohortatus est: escam illam nimirum apponens hamo, qua sciebat juvenem illum magnopere delectari, poeticis nimirum numeris consummatam, atque potentem ad persuadendum metricam texens orationem.

47. Exhibuerat Licentius iste, Mediolani cum esset, tale tantumque vite bene compositæ specimen, ut eum patri ipsius Romaniano Augustinus in libro contra Academicos elaborato proposuerit imitandum. Nam ipse ibi ³: « In hac, inquit, mecum studiosissime vivit noster Licentius, ad eam totus a juvenilibus illecebris voluptatibusque conversus est: ita ut eum non temere patri audeam imitandum proponere ». Hæc ipse, cum Romanianum parentem ejus, scribens contra Academicos librum, ad veram capessendam philosophiam hortatur: ex quo quidem commentario, qualis quantusque fuerit Licentius ipse, poteris facile intelligere, nec non ex libris ab eodem Augustino de Ordine scriptis, et de Vita beata. Accidit autem

¹ Cicer. de legibus l. i. — ² Dio hist. Rom. l. XLVI. — ³ Plin. l. i. ep. v. — ⁴ Apud Aug. ep. XXXVI. — ⁵ Aug. ep. XXXIV. — ⁶ Paulin. ep. i. — ⁷ Aug. ep. XXXIV.

¹ Aug. XXXIX. — ² Paulin. ep. XXXVI. apud Aug. — ³ Aug. contra Academic. l. i. c. 1.

poslea vice versa, ut qui Romanianum parentem, quem multa negotia Mediolanum ¹ adduxerant, filii exemplo studuit ad veram philosophiam perducere; modo ipse Augustinus Licentium ipsum Romæ cum patre agentem, mundique honoribus inhiantem, per Paulinum ²; et Paulinus ³ per eundem Romanianum, ad cum scribens, ad meliorem frugem restituere conantur.

48. Laboravit in hoc magnopere Augustinus: tum quod eundem Licentium liberalibus scientiis olim excolens, æque eruditum atque probum adolescentem reddiderat: tum etiam quod Romaniano ejus parenti plurimum se debere sentiret. Quantum vero idem nobilissimus Tagastensis concivis, homo prædixes, cum hæc ait, adversus Academicos disputans: « Ergone tibi gratiam non repensabo? An forlasse paululum debeo? Tu me adolescentulum pauperem ad peregrina studia pergentem, et domo, et sumptu, et (quod plus est) animo excepisti. Tu patre orbatum, amicitia consolatus es, hortatione animasti, ope adjuvisti. Tu in nostro ipso municipio favore, familiaritate, communicatione domus tuæ pene tecum clarum primatque me fecisti. Tu Carthaginem illustrioris professionis gratia remeantem, cum tibi soli et meorum nulli consilium meum spemque aperuissem, quamvis aliquantum illo tibi insito, quia ibi jam docebam, patriæ amore cunctatus es: tamen ubi evincere adolescentem cupiditatem ad ea quæ videbantur meliora tendentis nequisti, ex dehortatore in adiutorem mira benevolentie moderatione conversus es. Tu necessariis omnibus iter adminiculasti meum. Tu ibidem rursus, qui cunabula et quasi nidum studiorum meorum foveras, jam volare audentis sustentasti rudimenta. Tu etiam, cum te absente atque ignorante navigassem, nihil succensens, quod non tecum communicassem ut solem, atque aliud quidvis quam contumaciam suspiciens, mansisti inconcussus in amicitia: nec plus ante oculos tuos liberi deserti a magistro, quam nostræ mentis penetrabilia peritasque versata est. Postremo quicquid de otio meo modo gaudeo, quod a superfluarum cupiditatum vinculis evolavi, quod depositis oneribus mortuorum curarum respiro, respicito, redeo ad me, quod quero intensissimam veritatem, quam invenire jam ingredior, quam me ad ipsum summum bonum provecturam esse confido, tu animasti, tu impulisti, tu fecisti ». Hæc ad Romanianum Augustinus, rependens vicem in salute Licentii ejus filii; nam inferius ⁴ de eodem: « Reddam tibi gratiam: filius tuus cepit jam philosophari, etc. » Sed et uberiorem rependisse constat gratiam Augustinum Romaniano, cum rogatus ⁵ olim ab eo, quid de vera

religione sentiret, veram plane esse docuit christianam, eodemque argumento librum ad ipsum conscripsit, ex quo ipse veræ pietatis didicit stabilis esse cultor, qui hæcenus in diversa ambiguus fluctuasset. Volumus hic ejusmodi utriusque in se invicem collata officia et beneficia in Annalibus relinquere consignata, quod Dei Ecclesia ex iisdem utriusque plurimum debeat: Romaniano, qui talentum tantumque doctorem sua ope præstitit Augustinum: ipsi vero quantum Catholici omnes debeant Augustino, una est omnium uno ore confessio.

49. Quod rursus ad Licentium spectat, quem diximus fuisse ejusdem filium Romaniani: eundem quoque Alypium Tagastensem habuisse fratrem, Paulinus verbis illis ad cum scriptis testari videtur, quibus ait ⁶:

Frater Alypins est, Augustinusque magister:
Sanguinis hic consors, hic sator ingenii.
Tanto fratre vales, et præceptore, Licenti:
Et dubitas penitus talibus astra sequi? etc.

At non sic inter se fratres fuisse intelligas, ut germani eodem patre geniti fuerint; sed patruelis: siquidem (ut ipse auctor est Augustinus ⁷) simultas quædam inter patrem Alypii et ipsum Augustinum diutius intercessit; inter patrem vero Licentii, ipsum nimirum Romanianum, et Augustinum, magna semper, (ut nuper vidimus) viguit necessitudo atque concordia. At de legatione Africanorum episcoporum ad S. Paulinum hæcenus.

50. *Monachismus in Africa propagatus.*—Porro ex ejusdem Paulini redditis ad Alypium litteris, illud quoque memoria dignum compertum habetur: monachismum in Africa, quem ex Italia Augustinus patrium solum repelens ante sex annos illuc primus invexerat; jam longe lateque fecunda fuisse propagatione diffusum. Nam in fine ejus epistolæ hæc verba leguntur ⁸: « Benedictos sanctitatis tuæ comites et æmulatores, in Domino fratres (si dignatur) nostros tam in ecclesiis, quam in monasteriis Carthagini, Tagaste, Hipponæ Regio, et totis parochiis tuis, atque omnibus cognitis tibi per Africanam locis Domino catholice servientes, multo affectu et obsequio salutarum rogamus ». Hæc ipse. Sed et Possidius, quam per totam Africanam propagati fuerint clerici, episcopi, et monasteria ex primo illo ab Augustino erecto monasterio, docet his verbis ⁹: « Proficientes vero doctrina divina sub sancto, et cum S. Augustino in monasterio Deo servientes, Ecclesiæ Hipponensis clerici ordinari cœperunt: ac deinde imolescente ac clarescente de die in diem Ecclesiæ Catholice prædicationis veritate, sanctorumque servorum Dei proposito, continentia, et paupertate profunda, ex monasterio, quod per illum memorabilem virum et esse et crescere coepit, magno desiderio poscere atque accipere episcopos et clericos pax Ecclesiæ atque unitas et cœpit primo, et postea consecuta est.

¹ Aug. Confess. l. vii. c. 15. — ² Aug. ep. xxxii. — ³ Apud Aug. ep. xxxvi. — ⁴ Aug. contra Academicos. l. ii. c. 2. — ⁵ Aug. cont. Academicos. l. ii. c. 3. — ⁶ Aug. de vera relig. c. 7.

⁷ Apud Aug. ep. xxxvi. — ⁸ Aug. Confess. l. vi. c. 7. — ⁹ Apud Aug. ep. xxxv. — ¹⁰ Possid. in Vita Aug. c. 21.

Nam ferme decem, quos ipse novi, sanctos ac venerabiles viros continentes et doctissimos B. Augustinus diversis Ecclesiis, nonnullis quoque eminentioribus rogatus dedit. Simitiliterque et ipsi ex illorum sanctorum proposito venientes, Domini Ecclesiis propagatis, et monasteria instituerunt, et studio crescente ædificationis verbi Dei, cæteris Ecclesiis promotos fratres ad suscipiendum sacerdotium præstiterunt ». Hæc Possidius : ut plane videas ex uno Augustini monasterio universam Catholicam Ecclesiam Africanam sanctis sacerdotibus et monasteriis (ex aliis aliis derivantibus) brevi tempore fuisse repletam; Donatistis propterea invidentibus, et nomen monachi¹ execrantibus. Sed de his alibi.

51. At denique ut ad eundem Paulinum, ad quem legationem ab Africanis episcopis missam hoc anno diximus, redeamus, et anni hujus claudamus periodum : Quem his consulis annum absolvisse in agro Nolano diximus, constat eodem quoque anno ad Severum primam scripsisse epistolam, qua de his quæ transacta fuissent cum Romano Ponti-

fice, deque secessione sua et legatione Africanorum episcoporum nuper suscepta, mentionem habet. Li-quet insuper eodem hoc primo anno suæ commorationis in agro Nolano apud S. Felicem secundum ejus Natalitium carmine cecinisse : statuisset quippe ipsum qualibet anniversaria die natalis ipsius carmen in laudem ejus scribere, idem ipse¹ ad eundem Severum scribens testatur his verbis : « Habes ergo libellos a me duos, unum versibus, Natalitium, de mea solenni ad Dominædium cantilena, cui corpore et spiritu quotidie, lingua autem quotannis pensito dulcissimum servitutis voluntariæ tributum in die festo consecrationis ejus, immolans Christo hostiam laudis, et reddens Altissimo vota mea. Hæc ipse. Porro secundum ordine positum est primum carmen de Natalitio Nokæ scriptum : nam primum constat absentem agentemque in Hispania descripsisse. Cæterum scias Paulinum appellare consuevisse S. Felicem Dominædium, quasi Dominum ædium, quas ipse Paulinus in honorem illius erexerat.

¹ Aug. in Joan. tract. xcvi.

¹ Aug. ep. ix.

Anno periodi Græco-Romanæ 5888. — Jesu Christi 395. — Siricii papa: 12. — Arcadii 13. et 1. Honorii 3. et 1.

1. *Consules.* — Coss. *Anicius Hermogenianus Olybrius*, et *Anicius Probinus*, filii Sexti Anicii Pertronii Probi anno cccxxi consulis, de quibus hoc anno tomo superiori actum. Uterque Occidentalis fuit, ideoque nullus in Oriente consul processit.

2. *Honorius succedit patri in imperium Occidentale, Arcadius in Orientale.* — A num. 1 ad 7. Socrates lib. 6, cap. 1, scribit : « Mortuo imperatore Theodosio, consulatu Olybrii et Probini, ante diem XVI kalendas Februarias, filii ejus Romani imperii administrationem susceperunt. Et Arcadius quidem Orientis, Honorius vero Occidentis principatum obtinuit, etc. Cæterum corpus Theodosii allatum Constantinopolim iisdem consulibus, die sexto idus Novembris, Arcadius ejus filius solenni exequiarum honore prosecutus est ». In imperio Occidentis Illyricum quoque, Occidentale sc., continebatur, teste Olympodoro, Italia item, Gallie, Hispaniæ, Britannia et Africa. Quod de Italia, Hispaniis, Galliis, et universa Africa prodit Zozimus in fine libri 4. Arcadius Ruffini, Honorius vero Stiliconis arbitrio regeretur, et inter duos administratos magna dissensio

erat. De iis Suidas in voce *Περσίνος* ait : « Ruffinus et Stilico erant tutores filiorum Theodosii. Ambo omnia rapiebant, in divitiis imperium ponentes. Nec quisquam quidquam habebat proprium, nisi his placuisset. Omnesque causæ apud hos judicabantur, magnaque multitudo circumversantium erat, si forte alicui prædium aliquod fuisset locuples et fertile. Nam ejus Dominus confestim corripiebatur, accusatione speciosa et probabili adversus ipsum conficta per quorundam emissariorum subornatorum insidias ». Baronius n. 2 Suidam arguit, quod *Ruffinum* et *Stiliconem* imperii Orientalis et Occidentalis tutores relictos esse asseruerit. Verum hac voce *Παισιγενῶν*, id est, *tutores*, utuntur Zozimus et alii scriptores græci, et idem aliis verbis affirmat Olympiodorus. Ad hæc Suidæ testimonium magni hac in re est ponderis, cum ipse affirmet, se hæc in Chronographia *Eunapii*, qui Ruffino et Stiliconi æqualis fuit, legisse. Secundo, ait ibidem Baronius Claudianum, cujus versus recitat, *Suidam* corrigere scribentem *Ruffinum* atque *Stiliconem* pari potestate relictos esse tutores imperii. At quia *Stilico* utriusque

imperii administrationem sibi a Theodosio M. relictam, ut omnia absorberet, assererat, Claudianus ejus adulator idem versibus suis inculcat; sed irrito conatu, cum Orientales rationum a Stilicone allatarum nullam rationem habuerint, solumque imperium Occidentale eidem paruerit; *Ruffino* ad bellum parato, ut administrationem sibi a *Theodosio* M. relictam, armis, si opus esset, lueretur. Tertio, Baronius num. 3 Zozimum lib. 4 reprehendit, quod *Ruffinum* *Celtum* fuisse dixerit; cum Claudianus scriptor cœvus lib. 1 in *Ruffinum* a vers. 122 cum *Eluse*, in Aquitania sc., natum fuisse tradiderit. At Zozimus *Celtarum* nomine Gallos designat, indeque loco laudato ait: « Theodosius imperator Italiae populus, et Hispanis, et Celtis, et universa præter hæc Africa, Honorio filio suo traditis, dum Constantinopolim revertitur, morbo vilam finit ». Ad hæc *Strabo* lib. 4, pag. 205, ait: « Hæc diximus de Gallis, qui Narbonensem provinciam incolunt, qui quondam *Celte* appellabantur: et arbitror ab his esse a Græcis nomen *Celtarum* universis Galatis seu Gallis inditum, ob gentis claritatem ».

3. *Arcadius Æliam Eudoxiam conjugem ducit.* — Auctor Chronici Alexandrini sub Olybrii et Probinii consulatu habet: « Arcadius Augustus nuptias celebravit mense Xantico, V kal. Maii ». De Arcadio vero uxore *Philostorgius* lib. 11, c. 6, prodit: « Arcadius imp. post patris obitum filiam *Bautonis* duxit uxorem. Erat autem *Bauto* natione barbarus, et magisterio militum in Occidentis partibus perfunctus fuerat ». Nec *Zozimus* lib. 5, pag. 781, contrarium scribit, ut arbitrat *Baronius*, num. 3. Nam tantum dicit, puellam, quam *Arcadius* conjugem duxit, educatam in domo unius ex filiis *Promoti*, non vero, ut interpretatur *Baronius*, *Promoti* filiam fuisse. Erat *Bauto* natione Francus, qui consulatum gessit anno cccclxxxv, vir ab avaritia doneque captandis prorsus immunis, bellicis in rebus prudentia pariter ac robore præstans, inquit *Zozimus* lib. 4, pag. 758, ubi quem *Philostorgius* natione barbarum, ipse natione *Francum* appellat. Arcadii uxor *Ælia Eudoxia* nuncupata in inscriptione *Gruteri* pag. xlviii, 1, nummus vero *Licinie Eudodie* Augustæ, quem *Baronius* num. 4 representat,ensus est in honorem *Licinie Eudoxiæ* filicæ *Theodosii* Junioris, et uxoris *Valentiniani* III, ut ex infra dicendis certo constabit. Auctor conciliatorque nuptiarum *Entropius* fuit; cum *Ruffinus* filiam suam imperatori tradere vellet, et imperium affectaret, ut narrat *Zozimus* lib. 5, cujus verba *Baronius* recitat.

4. *Status religionis sub Arcadio et Honorio imp.* — A num. 7 ad 13. *Sozomenus* lib. 8, cap. 1, qualis fuerit status religionis orthodoxæ sub *Theodosio* M. filiis, his verbis explicat: « Sic imperatores persuasum habebant pietati adscribendum esse, quod et pater ipsorum victoriam de tyrannis reportasset; et quod *Ruffinus*, qui ipsorum imperio insidiabatur, tam facile extinctus fuisset. Atque ideo ea, quæ ab superioribus principibus pro Ecclesiarum utilitate decreta fuerant, propensione animo

confirmarunt, et propria ipsi dona ac beneficia adjecerunt. Subditi vero ad principis exemplum sese formantes, Pagani quidem ad Christianam religionem facile transibant: hæretici vero ad Ecclesiam Catholicam sese adjugebant. Ariani autem et Eunomiani, quoniam inter se ipsos dissidebant ob causas, quas supra commemoravi, in dies magis magisque imminuebantur. Ex mutua enim inter ipsos discordia, multi eos non recte de Deo sentire judicabant, et ad illos, qui ejusdem cum imperatoribus fidei sectatores erant, transgrediebantur. Macedonianis autem, qui erant Constantinopoli, id plurimum nocuit, quod eo tempore nullum habebant episcopum. Nam ex quo *Eudoxius* cum suis, regnante Constantio, Ecclesiæ illis ademerat, sequentium deinceps imperatorum temporibus, sub solis presbyteris permanserunt. At *Novatiani*, licet quidam ipsorum turbati essent ob questionem de Pascha, quam *Sabbatius* paulo ante excitaverat, majori tamen ex parte in Ecclesiâ sua quieverunt. Nam neque iisdem penis ac legibus, quibus reliquæ hæreses, ab uxii erant, utpote, qui Trinitatem constanter assererent. Et tunc temporis ob præstantiam episcoporum suorum firmiori inter se concordia devincti erant. Nam post *Agellii* præsulatum, *Marcianum* antistitem nacti fuerant, virum egregium. Quo per id tempus recens mortuo », die nempe V kalendas Decemb., ut notat *Socrates* lib. 6, cap. 1, eo scilicet die, quo *Ruffinus* necatus, « episcopatum ejus suscepit *Sisinius*, vir apprime eruditus, et philosophicorum dogmatum, ac sacrarum Scripturarum scientia instructus ». Hæc hæreses, quæ hoc tempore in Ecclesiâ grassabantur.

5. *Euresius episcopus hæresi notatus.* — Ad eas extirpandas uterque imperator, statim a morte patris, varias constitutiones in Codicem Theodosianum relatas emisere, quarum aliquas recitat *Baronius*. Arcadius dedit hoc anno legem 28 *De hæreticis*, in qua *Euresium* quemdam tum temporis episcopum hæreticorum numero censendum statuit; quam quidem legem *Baronius* *Annalibus* inseruit, sed nulla, quod historiæ ratio requirebat, interpretatione addita, asterisco tantum *Euresii* nomine notato, quasi in eo error subesset. *Gothofredus* in laudatæ legis Commentario quis iste *Euresius* fuerit, nos docet ex libello *Faustini* presbyteri *Luciferiani*, qui oblati sunt *Valentiniano*. *Theodosio* et *Arcadio* pro *Luciferianis*, ideoque non ante annum cccclxxxii, quo *Arcadius* Augustus a Patre nuncupatus est: « Sed et nuper tentavit » *Damasus* scilicet qui obiit anno cccclxxxiv « graviter persequi beatissimum *Euresium* episcopum, sanctitate et fidei emulatione ferventem, ordinatum intimante plebe Romana, a constantissimo episcopo *Toargia*, et ipso illibata fidei, verum sub invidia falsi impositi cognomen, per suos defensores interpellans iudicem *Bassum*, quasi adversus *Luciferianos*. Sed *Bassus* olim catholicam fidem venerans, sciebat, in *Lucifero* nullam hærescos fuisse pravitatem: quippe qui et bene noverat, pro fide catholica decem annos exilia fuisse

perpersum. Et pro constantiæ suæ integritate reptulit accusatores « Damasi, negans se facturum, ut homines Catholicos, et integræ fidei viros insequeretur : maxime quod ipsi Constitutiones imperatorum contra hæreticos solummodo promulgatæ viderentur, non contra hos qui sanctissimam fidem sine sæculi ambitione conservant ».

6. *Luciferianus fuit.* — Hactenus Faustinus Luciferianus in suo libello, cuius meminit Gennadius de illustribus Ecclesiæ Scriptoribus cap. 16, qui et testatur, cum Damasum Urbis Romæ episcopum in eo opusculo culpæ autum esse; quod ex verbis mox recitatis clare apparet. Ex quo et discimus, *Euresium* Luciferianum fuisse, et ideo appetitum quoque a Damaso apud *Bassum*, procul dubio præfectum Urbi; sed tum nihil in eum statutum, quod Catholicam fidem sequi tum visus fuisset. Certe Luciferiani non tam hæretici, quam schismatici habili ferre fuerunt; quod Augustinus testatur ad *Quod vult Deum*. At tamen Augustinus, se inter hæreticos Luciferianos positos invenisse; et alicubi legisse, *Luciferianos* dixisse, animas ex traduce generari, easque ex carne et carnis esse substantia: haud satis tamen sibi compertam, verumne id esset. Theodoretus etiam lib. 3, cap. 5, ait: « Lucifer in Sardiniam reversus, Ecclesiasticæ doctrinæ nova quedam dogmata adjecit ». Quidquid sit, *Euresius* inter Luciferianos peculiarem aliquam sententiam a fide catholica deviam fovit: quod ex hac lege liquet, cum in ea ad Aurelium proconsulem Asiæ directa dicat Arcadius: « Experientia tua *Euresium* hæreticum, nec in numero sanctissimorum antistitum habendum esse cognoscat ». Ex qua inscriptione collata cum superiori Faustini loco colligimus, *Euresium* ex Italia, ubi fuerat ordinatus, in Asiam migrasse.

7. *Arcadius varias leges adversus hæreticos emittit.* — Præter leges a Baronio relatas, uterque imperator alias emisere ab eo omittas quas hic adijciemus, et ex Commentariis Jacobi Gothofredi illustrabimus. Arcadius III *idus Mart.* dedit legem 25 Cod. Theod. *De hæreticis*, quæ pœnas omnes in hæreticos a Theodosio patre suo sancitas confirmat, et specialia beneficia, quæ nonnullis idem Theodosius adversus commune jus concesserat, revocat. Quare Theodosium hac parte variasse constat; prout scilicet hæretici (quod hæc lex a Baronio num. 8 recitata nominatim ostendit), *spem correctionis* facerent, vel pertinacem animum gererent. Speciali autem commemoratione Eunomianos Arcadius damnat his verbis: « Eunomianorum vero perfidiam mentem et nequissimam sectam speciali commemoratione damnamus ». Sane Eunomiani Arianis passim junguntur in legibus adversus eos latis; et lege 65 *De hæreticis*, severior pœna eis, quam Arianis a Theodosio Jun. Arcadii filio imponitur, docetque sanctus Epiphanius *Anomæos*, qui iidem cum Eunomianis erant, Arianam hæresim uberiore quadam ac magis execranda dogmatum impietate superasse. Hinc Arcadius « memoratæ sectæ militandi, aut testandi,

vel ex testamento sumendi adiunt facultatem ». Tum die IV *kalend. April.* Arcadius emisit legem 26 *De hæreticis*, a Baronio etiam relata, quæ certus hæreticorum omnium, variarum Theodosii patris legum exemplo prohibet, et ne episcoporum, vel aliterus ecclesiastici ordinis nomen sibi usurpent, vetat. Ad hæc VIII *kalend. Julii* dedit legem 27 *De hæreticis*, a Baronio omissam. Sed loco VIII *kalend. Jul.*, legendum VIII *kal. Jan.*, ut notat Gothofredus citatus, quia ea lex inscripta est *Cæsario præfecto prætorio Orientis*, qui die xxvii mensis Novembris in eam dignitatem successit Rufino eo die trucidato. Arcadius hac constitutione adeptam Eunomianis a se hoc ipso anno testandi facultatem restituit, confirmata in hoc patris sui constitutione anno superiori emissa, lege sc. 23 *De hæreticis*. Nempe prout præfecti prætorio, quibus Arcadius obnoxius erat, ita et in Eunomianos severior vel mitior fuit. Item prout Eunomiani *spem correctionis* facerent, modo severius, modo lenius habiti, ut etiam a Theodosio factum fuerat. Legem 28 *De hæreticis* III non. Septemb. datam superiori volumine explicavimus.

8. *Alie Arcadii leges in religionis favorem.* — Dein VIII *kalend. Decemb.* Arcadius dedit legem 29 *De hæreticis*, a Baronio num. 41 recitata, quæ hæretici militare, ac nominatim in officiis palatinis et quidem omnes promiscue ab Arcadio prohibentur, exemplo Theodosii patris, qui in palatio suo hæreticos tolerandos non censuit. Ea inscripta, *Marcello magistro officiorum*, quem *Empiræum* vocant, quique librum *De medicamentis* ad filios suos scripsit; ex cuius inscriptione cum Gallum et Christianum fuisse colligit Gothofredus, quemadmodum et ex hac lege adversus hæreticos data, quæ ipsi inscripta non fuisset, si religionem Christianam non esset professus. Jam die VII *id. Aug.* Arcadius legem 13 Cod. Theod. *De Paganis* ediderat, quam integram Baronius num. 12 refert. Ea sacrificia templorumque aditum per Orientem prohibet; et tam Theodosii patris, quam suas adversus Paganos simul et hæreticos leges confirmat. Die V *idus Oct.* Arcadius lege 8 Cod. Theod. *De pactis et transactionibus*, jus novum invexit, pactorum sc. juratorum fidem religionemque multiplici pœna sanciens. Huius constitutionis Baronius non meminit. Hactenus steterat jurisjurandi de aliquo observando, præstando, vel faciendo religio; sed nulla adhuc pœna legibus statuta erat, si quis hac parte pejeraret. Verum Arcadius famosa et singulari constitutione decernit, ut si quis post xxv ætatis suæ annum adversus pactiorem suam, aut interpellare iudices contra hoc quod fecit, precibus adire præsumpserit, aut implere neglexerit ea, quæ sub sacramenti interpositione scripto promissit, pronuntiatur infamis, et pœnam, quam in pacto constituit, exolvat. Porro Arcadius huic suæ constitutioni locum esse vult, sive invocato nomine Dei omnipotentis, eoque auctore solidatum sit pactum, sive per principis salutem juratum fuerit.

9. *Christiani per salutem principum jurabunt.*

— Hæc duæ iusjurandi species hoc quoque ævo fuere; cujus posterioris vis hæc erat, ut indicaretur futuras eas adeo ratas, uti salutis principis eis curæ atque inter vota esset. Christiani nempe jam olim per salutem principum, ut Pagani frequentius per genium, jurare non verebantur; *sed per genium principis* jurare volebant; atque hoc inter cætera obnationis Christianæ crimen erat, ut præter alios docet Tertullianus lib. ad Nationes cap. 17. Ita Marcellinus tribunus in edicto suo, quo ad Collationem Carthaginiensem Catholicos et Donatistas anno cdxī invitavit, hoc sese sacramento devinxit: « Per admirabile mysterium Trinitatis, per Incarnationis Dominicæ sacramentum, et per salutem principum ». Hoc vero iusjurandi genus ita Patres accipiebant, ut non tam iusjurandum esset, quam obtestationis genus quoddam, quo hominum et auditorum animi conciliarentur et confirmarentur. Hujus legis sancientiæ occasionem ex divo Chrysostomo eruit Gothofredus. Testatur enim Chrysostomus, ac nominatim *Sermone* 9, in cap. 3 *Act. Apost.*, in quem abusum venerint tunc juramenta, puta ut pacta passim conventionesque juramento sancirentur (quod ipse etiam damnat), eo prolapsa hominum perfidia, ut injurata nullo loco censerentur. Quare cum fides pactaque hominum hactenus ferme starent, id est, ex sola ferme iusjurandi religione penderent, visum *Arcadio* hac lege, non sine episcoporum consilio, fidem religionemque iusjurandi inter homines pactaque convenita tot propositis penis sancire.

10. *Alaricus Gothorum rex Græciæ vastitatem infert.* — A num. 43 ad 19. « Postquam Theodosius amator pacis generisq. Gothorum rebus excessit humanis, cœperunt ejus filii utramque Rempublicam luxuriose viventes annihilare, auxiliariisque suis, id est, Gothis, consuetâ dona subtrahere. Mox Gothis fastidium eorum increvit, verentesque ne longa pace eorum resolveretur fortitudo, ordinaunt super se regem Alaricum, cui erat post Amalos secunda nobilitas. Baltharumque ex genere origo mirifica, qui dudum ob audaciam virtutis Baltha, id est, audax nomen inter suos acceperat. Mox ergo ut adefatus Alaricus creatus est rex, cum suis deliberans suasit, suo labore quærere regna, quam alienis per otium subiacere », inquit Jornandes de Red. Geth. cap. 29. Quare Rufinus Barbaros in imperium Romanum accersere volens, Græciæ proconsulem sibi fidum designavit, et Thermopylarum angustias custodiendas viro sibi addito tradidit, ut eas ambo Barbaris advenientibus cederent, ut scribit Zozimus lib. 5, pag. 783: « Ilis a Rufino per summam nequitiam designatis, posteaquam seditiosum esse, legibusque semet eximere vidit Alaricum (qui moleste ferret militum se copiis haud præfici, sed eos duntaxat habere Barbaros, quos ei tradiderat Theodosius, quo tempore cum illo tyrannidem Eugenianam evertat), secreto ei significat, ut quos secum habere Barbaros aliosve collectitios diversarum gentium milites, ulterius duceret, om-

nibus absque labore potiturus. His fretus Alaricus e Thracia discedit, et in Macedoniam Thessaliamque progreditur, interjectis omnibus excidio datis ». Narra postea Zozimus quæ mala egerit Alaricus in Bæotia, Attica, Megaride, in Peloponneso, et in reliqua Græcia, postquam Thraciam reliquit, ubi Gothos moratos ante hæc tempora fuisse, vel ex hoc Zozimi loco liquet.

11. *Hunni in imperium Orientale irrumpunt.* — Zozimus quidem de irruptione Hunnorum in imperium Orientale mentionem non facit; at non tantum Socrates lib. 6, cap. 1, Sozomenus lib. 8, cap. 1, et Claudianus lib. 2 adversus Rufinum; sed etiam divus Hieronymus in Epistola xxx de Epitaphio Fabiolæ *Hunnos* in imperium irrupsisse memorant. Verba sancti Hieronymi refert Baronius num. 14. Tum num. 15 recitat ejusdem Hieronymi verba ex Epistola iii ad Heliodorum: « Ecce, tibi », inquit Hieronymus, « anno præterito ex ultimis Caucasii rupibus immissi in nos, non jam Arabiæ, sed Septentrionis lupi tantas brevi provincias percurrerunt: quot monasteria capta? etc. » Antea dixerat Hieronymus: « Quid putas nunc animi habere Corinthios, Athenienses, Lacedæmonios, Arcadas, cunctamque Græciam, quibus imperant Barbari? » Quare non tantum Alaricus cum Gothis suis Græciam; sed etiam *Hunni* Orientem vastarunt, licet de hac ultima clade Zozimus non loquatur. Utramque hoc anno contigisse, non vero superiori, ut perperam putavit Valesius in Notis ad lib. 8 Sozomeni citati, testantur idem Sozomenus, Socrates, et Zozimus: de illis enim depopulationibus verba faciunt post Theodosii M. mortem narratam, et antequam de Rufini nece die xxvii mensis Novembris hujus anni peracta agant. Deceperit Valesium hæc verba Hieronymi in Epistola xxx landata: « Aberat tunc Romanus exercitus, et bellis civilibus in Italia tenebatur ». At, ut prodit Zozimus pag. 782, post Theodosii mortem « Stilico, qui dux totius exercitus erat, robustissimos et bellicosissimos quosque milites sibi retinuerat, viribus exhaustos et rejeulos in Orientem ablegans ». Tum pag. 784 subdit Zozimus, post nuntiata Græciæ calamitatem, « Stilico militibus in naves impositis, ad opem adversis Achaïæ rebus ferendam proficiscitur ». Quare copię Romanæ post Theodosii mortem, et post profligatam Eugenianam tyrannidem in Italia remanserunt, ideoque Hieronymus, qui post quinquennium Fabiolæ epitaphium scripsit, benigne interpretandus, et Epistola illa xxx ex Epistola iii ad Heliodorum explicanda; cum in utraque de eadem Hunnorum invasione sermonem habeat, certumque sit, in Epistola iii cum his verbis citatis, *anno præterito*, præsentem annum designare, ut anno sequenti adhuc evidentiùs ostendemus. Hic adde Marcellinum in Chronico ad consulatum Olybrii et Probi, qui Theodosii Magni morte recitata, ait: « Rufinus Patricius Arcadio principi insidias tendens Alaricum Gothorum regem, missis ei clam pecuniis infestum Reip. fecit, et in Græciam misit ». Manifestum est

itaque Valesium hallucinatum, perperamque credidisse, Epistolam in Hieronymi ad Heliodorum currenti anno datam esse, Hunnosque et Gothos anno superiori, vivente adhuc Theodosio M., ad devastationem imperii Romani a *Ruffino* adscitos.

12. *Ruffinus Stiliconis insidiis sublitus*. — A num. 19 ad 30. Zozimus lib. 5, pag. 785, refert, Stiliconem hoc modo necem Ruffino struxisse: «Ad Honorium principem refert, quasdam militum cohortes ad Arcadium fratrem mittendas esse, quæ afflictas misere sub ejus Imperio nationes tuerentur. Quinque jussus esset id exsequi, quod decrevisset, milites ad hanc rem perficiendam mittendos ordinat. Quibus ubi Gaium ducem præfecisset, quæ suæ de Ruffino cogitationes essent, exponit. Ubi prope jam a Constantinopoli milites aberant, antegressus Gaius, Arcadio principi militum adventum nuntiat: eos adesse studio rebus laborantibus succurrendi, commemorans. Imperatore propter eorum adventum lætitia perfuso, Gaius hortatur, ut ingressurus Urbem militibus ipse princeps obviam prodiret. Aiebat enim, ex more militibus honorem hunc haberi. Quum obsecutus imperator, ante urbem eis occurrisset, ac milites eum venerati vicissim a principe perbenigne fuissent excepti: data ab Gaius tessera, simul universi Ruffinum in medio interceptum gladii feriunt: et hic quidem adimebat ei dexteram, ille manum alteram præcedebat; alius capite discedebat a cervice revulsus, consuetas victoriis ovationes accinebat. Usque adeo vero ludibriis interemptum afficiebant, ut et manum ejus ubique per Urbem circumgestarent, et ab occurrentibus peterent, insatiabili stipem darent. Ac Ruffinus quidem, qui compluribus intolerabili malorum auctor privatim extiterat, et universæ Reipublicæ detrimentum attulerat, dignas admissis facinoribus diris penas luit, etc. Negatus Ruffinus ante diem quintum kalend. Decemb. » inquit Socrates lib. 6, cap. 1, eo ipso die, «quo ii, qui delectum militum agebant, purpuram ipsi circumdaturi erant», ait Philostorgius lib. 11, cap. 3. Symmachus lib. 6, Epist. xiv, Ruffinum vocat *prædonem annosum*, et *insatiabilem auri proluem* ei objicit Claudianus lib. 1. Zozimus citatus asserit *Eutropium*, apud quem post Ruffini cædem summa rerum fuit, bonorum ejus potissimam partem sibi vindicasse, aliisque permisisse, uti sibi ex iis tantum caperent, quantum sibi convenire putarent. Verum Arcadius lege Cod. Theod. 14 *De bonis proscriptorum*, dat. *id. Feb.* sub anni seq. cons. id fieri prohibuit, et si qui ante eam legem manus Ruffini bonis immisissent, abstinere commonuit, proposita jactura totius rei familiaris.

13. *Bellum Persicum ad annum cxxx revocandum*. — Baronius num. 24 exhibet duo numismata Arcadii, in quibus ei cælitus corona hominis manu demissa porrigitur, in quorum uno crux addita; quæ hoc tempore cusa existimat. Nummi porro cruce signati historiam descriptam arbitratur a Prospero lib. 3 de Predict., cap. 34: «Sane nostris

temporibus apud Persas persecutionem factam novimus, imperante Arcadio religioso et Christiano principe, qui ne traderet ad se confugientes Armenos, bellum cum Persis confect. Eo signo, antequam potitus victoria, jam coemittibus prælium militibus, aeræ cruces in vestibus parvere. Unde etiam Victor auream monetam cum eodem signo crucis fieri præcepit, quæ in usu totius orbis, et maxime Asiæ, hodieque persistit». Sed Prosper Aquitanus hujus libri auctor non est, ut suo loco videbitur, isque liber post annos cxxxiv in lucem emissus. Baronius ibidem ait, regem illum Persarum crucis potentia victum, fuisse Isdegerdem. Verum hanc de Persis victoriam ad annum cxxx pertinere, et hoc tempore Persas inter et Romanos pacem viguisse ibidem demonstrabimus, et locum illum, qui hactenus omnes in errorem induxit, certa ratione emendabimus.

14. *Timasius in exilium ab Eutropio missus*. — Eutropius eunuchus «procurator Theodosii imperatoris», ut ait Eunapius, «potestatem Ruffini adeptus adeo omnia concussit, et tonitruis terruit, ut non solum esset ipse Ruffinus: sed etiam ille fabulis celebris Salomoneus cum ipso collatus, parva quædam res esset, inquit Suidas in Historia. Zozimus vero lib. 5, pag. 786 refert Eutropium Timasio, «qui a Valentis usque temporibus dignitatem magistri militum habuerat, et plurimis interfuerat bellis», nulla justa de causa insidias struxisse: et ad inhabitandam Oasim, damnatum expulsi, ut ex eodem narrat Baronius num. 26. Erat autem *Oasis* in mediis Libyæ arenis. At Timasius post hunc annum in teterrimum exilium illud missus. Suidas enim in voce *Τυμᾶσιος*, prodit, Timasium ex Asia ad regiam Eutropium revocasse, ut cum rebus præficeret; Timasius vero, «cum a dissolutis et ignavis vitæ studiis se avulsisset, et animum ad gloriæ cupiditatem intendisset, ex Pamphylia gravis surrexit, et Lydiam rediit, tanquam quidam rex, aut ut ille, qui vel ipsum imperatorem, et eunuchum obiter, ut quemdam ludum facturus esset, si vellet». Quare cum *Eutropius* post Ruffinum die xxv mensis Novembris trucidatum, Timasium ex Asia Constantinopolim evocarit, et postea accusatorem quæsierit, qui eidem affectati crimen Imperii impingeret, ut scribit Zozimus citatus, casus *Timasii* anno cccxxxix consulis ordinarii, ante sequentem annum non configit. Narra postea Zozimus exilium Abundantii qui «sub Theodosio maximos honores adeptus, etiam prætor atque consul designatus fuerat; mox aula pellitur, oppidum Phœniciæ Sidonem habitare jussus, ubi reliquum vitæ transegit». Sed non in Phœniciam, verum in Colchidem Abundantium anno cccxciii consulatu ordinario colonestatum, reliquum vitæ transegit indicat Asterius Homilia in festum Kalendarum anno Christi quadringentesimo recitata, in qua de Ruffino, Timasio, et Abundantio ita loquitur: «Ubinam consules et fasces? propone tibi ob oculos et enumera, qui hæri, qui nudius tertius fuerunt: nunc hic quidem» nempe Ruffinus «ut laci-

norosus aliquis per repentinam armatæ multitudinis seditionem capite truncatus est, ostentatusque majore post necem pompa; quam cum in curru sublimis, et exultabundus transveleretur? Ille» videlicet Timasius « præter exercitus præfecturam eundem adeptus honorem, in extremis Egypti Libyæque finibus, in locis arenosis, et humoris omnis humanique cultus expertibus, damnationis supplicium fugiens, miserrime exstinctus est. Quid de eo dicamus », nempe Abundantio, « qui et ipse de numero consulum atque ducum exercitus, in terra Colchide nunc degens Barbarorum humilitati vitam et spiritum debet?

15. *Abundantii exilium.* — E Phœnicia itaque in Colchidem *Abundantius* translatus, ejusque exilii locus mutatus; *Asterio* enim suffragatur Hieronymus in Epist. in ubi tradit, *Abundantium* apud *Pityntem* exulare jussum. Pityus oppidum est in extremis Colchidis et imperii Romani, « quod accolunt crudelissimi Barbari », inquit Theodoretus lib. 3, cap. 34, ubi et in insula situm fuisse testatur, ad dens sanctum *Chrysostomum* ad illam *Cuciso*, quod Armeniæ oppidum, transportatum, in via demortuum esse.

16. *Ecclesiæ Africanæ privilegia Honorius confirmat.* — Ad num. 30. Honorius leg. 29 Cod. Theod. *De episcopis*, data *X kalend. April.* privilegia Ecclesiarum et ecclesiasticorum ab anterioribus principibus indulta, omnia simul et semel confirmat, atque inviolata manere præcipit, et quidem per Africam; cum ea lex inscripta sit *Hierio vicario Africæ*. Quod et sæpius postea ab eodem Honorio factum. Unde Gothofredus in Commentario illius legis deducit, per Africam privilegia hæc subinde fuisse sollicitata, temeritate scil. et obreptione hæreticorum et conviventia Judicum, quod docet nominatim lex 34 de hæreticis. Neque alio fine leges de privilegiis Ecclesiarum et ecclesiasticorum ad magistratus directæ, quam ut hi tuitionem præberent adversus horum privilegiorum violatores. Hujus patrocinii in rebus ecclesiasticis non semel mentio in Conciliis Africanis; memorat enim Optatus lib. 3, *armati militis auxilium* a Catholicis adversus Donatistas postulatam.

17. *D. Augustinus episc. Hipponensis ordinatur.* — A num. 31 ad 34. Prosper in Chronico sub hujus anni cons. tradit, *sanctum Augustinum* episcopum Hipponensem ordinatum esse, cujus verba exscripsit Cassiodorus in Chronico: quam sententiam Baronius, aliique omnes, qui Augustini gesta describere, secuti sunt. Patres tamen Benedictini, qui nuper hujus sancti doctoris Opera recuderunt, suspicantur eam ordinationem anno sequenti factam. Augustinus enim lib. 2 *Retract.*, cap. 1, ait: « Librorum, quos episcopus elaboravi, primi duo sunt ad *Simplicianum* », quem in epistola nuncupatoria, et initio libri 1 *Patris* titulo exornat. *Simplicianus* autem, mense Aprilis anni trecentissimi nonagesimi septimi, divo Ambrosio in episcopatum Mediolanensem successit. Parte afa Augustinus in lib. de Præ-

destin. Sanctorum cap. 4 laudatos ad *Simplicianum* libros a se *in ipso exordio episcopatus sui* scriptos fuisse affirmat; et ubicumque de iis loquitur, constanter asserit, se eos ad *Simplicianum Mediolanensis Ecclesiæ antistitem* scripsisse. Quare si *Augustinus* ante annum sequentem renuntiavit fuisse episcopum, annos propinquare duos a scribendo abstinuit. A communi tamen epocha recedere idem editores sese religioni duxisse aiunt; a qua etiam non discedendum esse judicavimus, licet nos non lateat, Prosperum et Cassiodorum ejus exscriptorem hoc sæculo sæpe in Chronologiam peccare. Porro sancti *Augustini* ordinatio mense Decembri peracta; cum ipsemet Homilia xxv inter quingenta cap. 3 dicat: « Natalis Domini imminet »; et ea Homilia, in anniversaria ordinationis sue die, ab eo ad populum habita fuerit.

18. *S. Paulinus Eusebii Chronicon ad Alypium mittit.* — A num. 34 ad 50. SS. Paulini et Augustini Epistole hoc anno a Baronio recitate, a Patribus Benedictinis recte suis temporibus assignate. Ille earum ordinem exhibeo. *Paulinus* anno superiori ex urbe Nola ad Alypium episcopum in Africam transmisit Epistolam ordine xxiv, alias xxxv, et ad Augustinum Epistolam xxv, quæ alias erat xxxi. Prioris meminit Baronius num. 50, posterioris num. 36. Prior data est a Paulino ad Alypium episcopum, qui eam dignitatem ipsi competere haud dubie dixerat ex litteris, quas se ab ipso recepisse profitebatur. Ex principio Epistolæ Paulini ad Augustinum, ordine xxx, alias xxxii, de qua infra, quam ad Augustinum sub initium currentis anni indubitanter scripsit, *ante hiemem superiorem*, id est, autumno anni cccxciv, directam fuisse certo cognoscimus. In Epistola xxiv Paulinus excusat, quod serius miserit ad Alypium Eusebii Chronica, atque, « quia ipse non haberem hunc Codicem, Romæ reperi apud parentem nostrum vere sanctissimum Dominionem ».

19. *Chronicon Eusebii a S. Hieronymo continuatum.* — Baronius a num. 38 ad 44 de Eusebii Chronico, Ruffini et Severi Historia Ecclesiastica agit, atque *Paulinum* memoria lapsum esse, quando ibidem Eusebium Constantinopolitanum episcopum appellat, quem certum est episcopum Casariensem fuisse. Sed hunc errorem correxit Le-Brunus in editione Operum S. Paulini, ubi illa, quæ alias inter Paulinianas xlv, nunc vii, est. Notat enim in plerisque Codicibus Mss. et quibusdam editis Eusebium, non *Constantinopolitanum*, sed *Casariensem* episcopum appellari. Quare is error non in Paulinum, sed in librorum refundendus. Eusebii Chronicon summ. ann. cccxxv publicavit, ut eo anno et anno cccxxvi demonstravi: illud vero Hieronymus in linguam latinam vertit anno cccxxiii, ut liquet ex ejus Epistola ordine c ad Pammachium *De optimo genere interpretandi*. In ea enim Hieronymus ait, se ante annos circiter viginti illud interpretatum esse; Epistolamque illam scripsit anno trecentesimo nonagesimo secundo, aut saltem eo

circiter anno. Huic Chronico Hieronymus Additamentum suum adiunxit usque ad annum Christi cccclxxvii continuatum. Praefationem. quam Chronico Eusebiano praefixit, his verbis claudit : « Quo fine contentus, reliquum tempus Gratiani et Theodosii latioris historiae stylo reservavi. Non quod de viventibus timerim libere et vere scribere (timor enim Dei hominum timorem expellit), sed quoniam debacchantibus adhuc in terra nostra Barbaris, incerta sunt omnia ». Quare post mortem Theodosii Magni Hieronymus Supplementum suum Chronico Eusebii anno incerto subiecit.

20. *Severus Historiam suam anno cō publicavit.* — Quod ad Sulpitium Severum, is anno quadringentesimo Stiliconis consulatu notato duos Sacrae Historiae libros, a creatione mundi usque ad eum Christi annum perductos publicavit. Postquam enim scripsit, Christum *duobus geminis coss.*, id est, anno aera christiane vicesimo nono, passum esse, subdit : « A quo tempore usque in Stiliconem consulens sunt anni cccclxxi », et quidem integri : et cccclxxii, si uterque extremus annus, quod sepe fit, incompleti numeretur. Ex quo Severi Sulpitii loco liquet, Chronologiam Baronii usque ad Diocletiani fere imperium depravatam esse. Si enim, ut existimavit Cardinalis doctissimus, duorum geminorum consulatus in annum Christi trigesimum primum competeret, a duobus geminis ad consulatum Stiliconis, quem recte ipsemet connectit cum anno Christi cō, anni integri duntaxat cccclxix et cccclxx, si extremi intelligerentur incompleti, numerarentur. Quare cum Sulpitius hac in re errare non potuerit, manifestum est consulatum duorum geminorum cum anno Christi xxix, non vero xxxi copulandum fuisse, Baroniumque aera christianam biennio praevertendo, duorum annorum metachronismo usque ad Diocletianum imperium peccasse.

21. *Ruffini Historia post annum cō scripta.* — Ruffinus Aquileiensis presbyter Eusebii Historiam Ecclesiast., quam is anno cccxxvi, ut eo anno ostendi, in lucem emisit, post annum Christi quadringentesimum e graeco in latinum vertit, eique decimum et undecimum librum subiunxit. In Praefatione enim ad Chromatium metropolitani Aquileiensem, cuius jussu huic versioni incubuit, scribit : « Tempore quo diruptis Italiae claustris ab Alarico duce Gothorum se pestifer morbus infudit, et agros, armenta, viros longe lateque vastavit, populus tibi a Deo commissis feralis exitii aliquod remedium querens, per quod aegre mentes ab ingruentis mali contagione subtractae, melioribus occupatae studiis tenerentur, iungis mihi, ut Historiam Ecclesiasticam quam vir eruditissimus Eusebius Caesariensis graeco sermone conscripsit, in latinum vertam ». Quapropter cum Alaricus Gothorum rex anno Christi quadringentesimo Italiani intravit, Ruffinus post eum annum Historiam Eusebii latinam fecit, cui ait se duos libellos addidisse, « a temporibus Constantini post persecutionem usque ad obitum Theodosii Augusti ». Illi duo li-

belli, decimus nempe et undecimus, ejus versionis subiecti, seorsim typis dari debent. aut cum aliquo alio Opere copulari, ut Ecclesiasticae Historiae studiosis usui esse possent. Baronius anno cōx, num. 60, de hac versione Ruffini loquitur. Porro idem Baronius num. 44 perperam tradit, *Profuturum*, ad quem exlat Augustini Epistola xxxviii, alias cclix, anno cccxcvii scripta, fuisse episcopum Calamensis Ecclesiae. Ut enim demonstrat emin. Cardinalis Norisius lib. 2 Hist. Pelag., cap. 8, praeerat hoc anno *Profuturus* Circae, quae et Constantina dicta, civitas in Numidia posita. *Megalus* vero episcopus erat Calamensis et totius Numidiae primas, a quo sanctus Augustinus consecratus est episcopus, ut testatur Possidius in ejus Vita cap. 8, cuius verba ipsemet Baronius num. 31 recitat : « Adveniente, inquit, ad Ecclesiam Hipponensem tunc primatē Numidiae Megalio Calamensi episcopo, Valerius antistes, etc. » Mortuus est Megalio anno cccxcvii, ut liquet ex Epistola laudata Augustini ad Profuturum. *Megalio* in episcopatum Calamensem successit *Possidius* scriptor Vite sancti Augustini, cuius infra non semel mentio occurrit.

22. *Epistolae SS. Augustini et Paulini ordine chronologico digestae.* — Venio nunc ad Epistolam Paulini xxv, alias xxxi, Augustino datam. Ex Epistola xxiv, alias xxxv, num. 2, liquet eam simul cum ista scriptam fuisse. Ex principio vero Epistolae xxx, quam ad Augustinum sub initium hujus anni misit, hanc eandem ad Augustinum *ante hiemem superiorem*, id est, autumno superioris Christi anni scriptam esse intelligimus. In ea Paulinus pluribus laudat Augustinum pro quinque ejus adversus Manichaeos libris. In Epistola xxvi, alias xxxix, Augustinus *Licentium* juvenem nobilem et doctum, quondam suum discipulum hortatur ad mundi contemptum, ut videre est apud Baronium num. 46. Videtur ea post acceptas superiores Paulini litteras data. Epistola xxvii, alias viii, Augustini ad Paulinum, qua nonnulla de *Romaniano* supradicti Licentii patre, nec non de *Alypio* ac de *Licentio*, cuius aetati metuebat, ne vergeret ad ea quae sunt mundi, significat, data ab Augustino nondum episcopo, ut patet ex Epist. xxxi et xxxii, alias xxxiv et xxxvi, Epistola xxviii, alias viii, in qua Augustinus loquitur de nova Veteris Testamenti versione, et laudatur *Alypius* episcopalem dignitatem post suum ab Hieronymo regressum jam consecutus, anno superiori, quo Baronius *Alypium* episcopum Tagastensem creatum existimat, scripta. Epistola xxx, alias xxxiii, cuius meminit Baronius num. 36, Paulinus Augustino, non recepto ab eo responso, per Romanum et Agilem denuo scribit. Epistola xxxi, alias xxxiv, Paulino pro secundis litteris ab eo receptis, qua *Valerio* coepiscopo Hipponensem ordinatum esse renuntiavit, anni sequentis initio scripta. Paulinus tunc Nolae ab ecclesiasticis curis liber agebat. Quippe in Barcinonensi Ecclesia presbyterum se consecrari vix consensit, ea conditione, sicuti ad Severum ex Epist. i, alias vi, scribit ut

eidem Ecclesiae non alligaretur. Quapropter Barcinone presbyter ordinatus, inde se Nolam recepit post Pascha anni cccxciv. Quo anno Paulinus Nolae episcopus dictus fuerit, anno cdm ostendam. Hujus Epistolae, quae alias erat xxxiv, meminit Baronius num. 43. Epistola xxxii, alias xxxvi, a Baronio num. 49 memorata, scripta est a Paulino ad Romanianum ex Africa reversum gratulans Ecclesiae Hipponensi, quod Augustinum meruit episcopi collegam : quae ideo anno sequenti paulo post superiorem, missa. Ejus etiam mentionem facit Baronius num. 44. Longior hic essem, si praedictarum litterarum summarium exhibere vellem; sufficit itaque earum chronotaxim notare.

23. *S. Paulinus secundum natalitium in laudem S. Felicis canit.* — Ad num. 57. Testatur Paulinus in Epistola ix ad Severum, se natalitia carmina sancto *Felici* episcopo Nolano quotannis tributi instar

pensitare. Primum natale scripsit in Hispania, unde *Nolam* sub Pascha imminens profectus est, quod ex eodem primo natali manifeste liquet. Quare cum anno superiori Nolam incolere coeperit, ad eum annum primum natale, secundum ad currentem, et sic caetera deinceps usque ad quintum decimum, quod ultimum fuit, revocanda. Baronius anno cccxcvii, num. 44, arbitratur, primum natalitium carmen *Sancto Felici Nolano episcopo*, cujus festum incidit in diem xxiv mensis Januarii, a Paulino dictum esse in Hispania anno trecentesimo nonagesimo tertio; secundum vero anno insequenti in urbe Nolana, et sic deinceps. Verum haec opinio anno cccxcvii a nobis refelletur : plurimum enim refert, ut natalitia haec carmina, ad Chronologiam hujus temporis non parum conducentia, suis annis reddantur.

SIRICII ANNUS 12. — CHRISTI 396.

1. *Ecclesiae immunitatem violentes peruntur, et servus Stiliconis ab Ambrosio liberatur.* — Trecentessimus nonagesimus sextus Christi annus, ambrosii Augustorum consulatu, Arcadii quartum, tertium vero Honorii, Fastis adscribitur. Hujus Honorii tertii consulatu, sed primi post obitum parentis Theodosii, meminit Paulinus¹ in Ambrosio; ubi et quid acciderit in editione munerum in ipso consulatus ingressu exhiberi solita, narrat his verbis : « Per idem tempus, cum consulatus sui tempore imperator Honorius in urbe Mediolanensi Libycarum ferarum exliberet munus, populo illuc concurrente, data copia est missis militibus ab Stilicone comite hortatu Eusebii praefecti, ut Cresconius de Ecclesia raperetur. Quem confugientem ad altare Domini, sanctus episcopus cum clericis, qui in tempore aderant, defendendum circumdedit. Sed multitudo militum, quae duces suos habebat de peridia Arianorum, prevaluit adversus paucos; atque ablato Cresconio, exultantes ad amphitheatrum reverterunt, Ecclesiae factum non modicum relinquentes. Nam sacerdos prostratus ante altare Domini, factum dum flevit. Sed in tempore cum

revertissent et renuntiassent iis a quibus fuerant destinati milites; dimissi leopardi, saltu celeri ad eundem locum in quo sederant, qui de Ecclesia triumphabant, ascendentes, graviter laniatos reliquerunt. Quod ubi vidit tunc Stilico comes, penitentia motus est, ita ut per multos dies satisfaceret sacerdoti. Et illasum quidem illum qui ablatus fuerat dimiserat : sed et quia gravissimorum criminum erat reus, et aliter emendari non poterat, ad exilium destinatur, non multo post indulgentia prosequente ». Haec de his Paulinus, qui et de ejusdem Stiliconis servo haec inferius subdit :

2. « Superioribus autem diebus, cum Stiliconis tunc comitis servus, qui daemone laboraverat, in Ambrosiana basilica jam sanatus maneret, commendatus a domino suo (ferebatur enim quod libenter ab eodem haberetur) facere falsas epistolas Tribunatus, compertum est : in tantum ut teneretur homines, qui ad ministrandum pergebant. Sed ubi ad personam servi sui pervenit comes Stilico, qui in servo suo noluit vindicare, homines etiam qui decepti fuerant, interventu sacerdotis, dimisit; de ipso vero servo sacerdoti questus est. Quem vir sanctus, cum de basilica Ambrosiana egrederetur, requiri fecit, atque ad se perducere. Quem cum inter-

¹ Paulin. in Vit. S. Ambros.

rogasset, et deprehendisset auctorem tanti flagitii, ait: Oportet illum tradi satanae¹ in interitum carnis, ne talia aliquis in posterum audeat admittere. Quem eodem momento (cum adhuc sermo esset in ore sacerdotis sancti) spiritus immundus arreptum discerpere corripit. Quo viso, non minimo timore repleti sumus et admiratione ». Hæc Paulinus, qui et ista superioribus addidit de legatione Reginae Marcomannorum; quam hoc anno contigisse, ea quæ dicuntur, facile declarabunt.

3. *Fritigil regina Marcomannorum cum viro suo et populo se dant Romanis.* — « Per idem tempus Fritigil quædam regina Marcomannorum, cum a quodam christiano viro, qui ad illam forte de Italiæ partibus advenerat, referente sibi audiret famam viri, Christo credidit, cuius illum servulum recognoverat; missisque muneribus placatos ab Ecclesia postulavit, ut scriptis ipsius, qualiter credere deberet, informaretur. Ad quam ille epistolam præclaram fecit in modum catechismi, in qua etiam admonet ut suaderet viro suo Romanis pacem servare. Qua accepta epistola, mulier suasit viro et cum populo suo se Romanis tradidit. Quæ cum advenisset Mediolanum, plurimum doluit, quod sanctum sacerdotem, ad quem festinaverat minime reperisset: jam enim de hac luce migraverat ». Hæc Paulinus. Contigit autem (ut dicemus anno sequenti) mense Aprilis eundem sanctum sacerdotem ex hac vita migrasse: ut plane intelligantur hæc inter eos hoc ipso anno transigi cæpta esse. At periisse dolemus adeo nobile scriptorum Ambrosii monumentum, quo unico spiritus lute indomitos hactenus Barbaros subjugavit, eo præsertim tempore, quo aliæ barbaricæ nationes ipsum Orientale depasebantur imperium. Perstitis et in suscepta fide Christi Marcomannos, semelque initam cum imperatore Romano pacem firmiter custodisse, certo argumento est, quod inter alios a S. Hieronymo² diversarum nationum nominatos Barbaros, qui eruperunt in Gallias sub eodem Augusto, Marcomanni minime recensiti inveniuntur, cum cæteri nominentur, nempe Quadi, Wandali, Sarmate, Alani, Gipedes, Heruli, Saxones, Burgundiones, et Alemanni, de quibus acturi sumus inferius suo loco.

4. *Terræmotus et incendium Constantinopoli.* — Iisdem consulibus, tum Marcellinus³, tum Prospere⁴ prodigium memorabile illud signant, quo ardente desuper cælo, atque terra tremente deorsum, Constantinopolitanæ urbis conflagratio, ejusque extremis interitus timebatur. Rei quidem memorabilis fama suos egressa fines, toto pene orbe diffusa, cunctis innotuit: quæ allata in Africam, certisque testibus confirmata, a S. Aug.⁵ his verbis describitur: « Nonne ante paucos annos Arcadio imperatore Constantinopoli (quod dico audierunt nonnulli, et forsitan noverunt, et sunt in hoc populo, qui illic præsentibus fuerunt), volens Deus

terrere civitatem, et terrendo emendare, terrendo convertere, terrendo mundare, terrendo mutare: servo eundem suo fideli viro (ut dicitur) militari venit in revelatione, et dixit ei, civitatem venturo de cælo igne perituram. Eunque admonuit, ut episcopo diceret. Dictum est. Non contempsit episcopus, et allocutus est populum. Conversa est civitas in luctum pœnitentiæ, quemadmodum quondam illa antiqua Ninive. Tamen ne putarent homines illum qui dixerat, vel falsitate deceptum, vel fallaciter decepisse: venit dies, quem Deus fuerat comminatus. Intentis omnibus et exitum cum timore magno expectantibus, noctis initio, tenebræ jam mundo, visa est ignea nubes ab Oriente, primo parva, deinde paulatim, ut accedebat supra civitatem, ita crescebat, donec toti urbi ingens terribiliter immineret.

5. « Videbatur horrenda flamma pendere, nec odor sulphuris deerat. Omnes ad ecclesias confugiebant: non capiebat multitudinem locus. Baptisimum extorquebat quisque a quo poterat: non solum in ecclesia, sed etiam per domos, per vicos ac plateas salus sacramenti exigebatur, ut fugeretur ira non præsens utique, sed futura. Attamen post magnam illam tribulationem, ubi exhibuit Deus fidem verbis suis, et revelationi servi sui: cœpit ut creverat, minui nubes, paulatimque consumpta est. Populus securum paululum factus iterum audivit omnino esse migrandum, quod civitas esset proximo sabbato peritura. Migravit cum imperatore tota civitas: nemo in domo remansit: nemo domum clausit, longe recedens a mœnibus; et dulcia tecta respiciens, relictis carissimis sedibus, voce miserabili valfecit. Et aliquot millibus tanta illa multitudo progressa, uno tamen loco fundendis ad Deum orationibus congregata, magnum fumum subito vidit: et vocem magnam emisit ad Deum. Tandemque tranquillitate conspecta, missis qui renuntiarent, sollicita, quæ prædicta fuerat hora transacta; et renuntiantibus, quod salva universa mœnia et tecta consisterent: omnes cum ingenti gratulatione redierunt. Nemo de domo sua quicquam perdidit patente: omnis homo sicut dimisit, invenit.

6. « Quid dicemus? utrum ista ira Dei, an potius misericordia fuit? Quis dubitat, misericordiosissimum Patrem corrigere voluisse terrendo, non perdendo punire; quando nihil hominum, nihil domorum, nihil mœnium tanta impendens præsentia calamitatis læsit? Prorsus sicut solet manus erigi ad feriendum, et consternato illo, qui feriendus erat miseratione revocari: ita factum est illi civitati. Verumtamen si eo tempore, quo illa derelicta, universus populus abscessit, irrueret vastitas loco, totamque urbem sicut Sodomam nullis saltem ruinis remanentibus perdidisset: quis etiam sic dubitaret quod Deus pepercisset illi civitati; quæ præmonita et territa, et discedente atque migrante, locus ille consumeretur? » Sed hactenus de his Augustinus. Cum autem meminit ejusdem prodigii Paulus dia-

¹ 1. Cor. v. — ² Hier. ep. xi. — ³ Marcel. in Chron. — ⁴ Prosp. in Chron. — ⁵ Aug. de excidio urbis c. 6.

conus, precibus Arcadii ac populi tribuit civitatis ab imminente clade salutem; ait enim ¹: « Interea ingens terræmotus Constantinopoli factus est, ita ut sublimis terra tremere, et desuper fusa cælitus flamma penderet; tandiuque mansit donec orationibus Arcadii principis, et populi christiani præsentem perditionem Deus exoratus averteret: probans se solum esse et conservatorem humilium et puni-
torem malorum. Arcadius itaque imperator erat vir mitis et quietus, et circa finem vitæ pro huiusmodi causa venerabilis æstimatus ». Itæ ipse de præsentis clade: quibus hæc addit ad ejusdem Arcadii commendandam præstantem fidem ac pietatem:

7. « In urbe, inquit, Constantinopoli domus est maxima habens cognomen Caryæ, id est, nucis: est enim in ejus domus vestibulo arbor nucis, in qua (ut sermo est) fuerat appensus martyr Acacius, et defunctus: ob quam rem etiam oratorium illic est edificatum. Hanc Arcadius videre volens, ad orationem venit: votoque completo, revertebatur: proinde cuncti circa oratorium habitantes, volentes Imperatorem videre, currebant: et alii quidem foris domum præcesserant, ut melius aspectum principis et ordinem viderent obsequii; alii vero sequebantur. Dumque omnes cum mulieribus atque filiis, simulque mancipiis extra domum fuissent egressi: repente maxima domus oratorio coherens, subito tota corruit: clamor cum admiratione secutus est, quomodo oratio principis tantos ruinæ imminenti periculo liberavit ». Hæc Paulus diaconus, cuncta adscribens Arcadii pietati; ac merito sane: iis enim imperii ipsius primordiis, optimi quidem atque christianissimi principis specimen edidit. Utinam non Herodias, Joannis hostis, ejus lateri inhæsisset, quæ postea ipsum a recto tramite aequitatis abduxit! Sed de his inferius.

8. *Arcadius hæreticorum et apostatarum petulantiam retulit.* — Effulsit quidem et in his potissimum Arcadii Augusti pietas, cum nihil penes se haberet antiquius, quam fidem catholicam ab omnibus hæreticorum impietatibus munire, hæresesque cum hæreticis longe longius pellere, ac penitus profligare. Hujus rei causa, simul ac (ut vidimus anno superiori) liberares est nactus habenas imperii, pluribus eodem hæreticos exagilavit edictis. Sed et hoc anno eorundem petulantiam, cum iidem procaciter accepta a præfecto licentia, se inferrent in urbem cohibuit, dato ad Clæreum urbis præfectum adversus eosdem ejusmodi rescripto ², quo et ipse præfectus puniendus esset:

9. « Cuncti hæretici proculdubio noverint omnia sibi loca hujus urbis adimenda esse, sive sub Ecclesiarum nomine teneantur, sive quæ Diaconica appellantur, vel etiam Decanica, sive in privatis domibus vel locis privatis fisco nostro adcorporandis. Præterea omnes clerici hæreticorum ex sacratissima urbe pellantur, neque his finibus liceat convenire. Ad hoc interdiciatur iis omnibus ad litaniam facien-

dam intra civitatem noctu vel interdiu profanis coire conventibus. Statuta videlicet condemnatione centum librarum anni contra officium sublimitatis tuæ, si quid huiusmodi fieri vel in publico vel in privatis ædibus concedatur. Dat. V non. Martii Constantinop., Arcadio quartum et Honorio tertium AA. cons. » Hæc quidem adversus omnes hæreticos. Cæterum Eunomianos privalo edicto ad præfectum prætorio Cæsarium dato inquiri jussit, sic enim se habet ³:

10. « Ne Eunomianorum tanta dementia perseveret, sublimis magnificentia tua omni studio auctores doctoresque Eunomianorum investigare festinet: clericique eorum maxime, quorum furor tantum suavit errorum, de civitatibus pellantur extorres, et humanis cæcibus segregentur. Dat. X kalend. Maii Constantinop., Arcad. IV et Honorio III cons. » Sed et adversus apostatas ad eundem Cæsarium hoc eodem anno ejusdem Arcadii datum rescriptum extat ⁴, ac rursus aliud adversus idololatrias ⁵, quos exiit omnibus privilegiis iisdem antiquo jure concessis, quæ brevitatis causa referre desinimus.

11. *Hieronymus de obitu Nepotiani agit ad Heliodorum; ubi de propagatione Ecclesiæ.* — Hoc eodem anno, qui sequens est ab Hunnorum atque aliorum barbarorum egressu, S. Hieronymus (ut ipse ⁶ testatur) de Nepotiano presbytero, ad quem de Vita clericorum libellum scripserat, jam vita functo, Epitaphium scripsit ad Heliodorum Altinensem episcopum ejus avunculum, qui ingenti dolore ejus decessu affectus erat; quod quem a tenera ætate Chironis instar ad omnes perfectæ clericalis vitæ numeros composuerat, cum magna gloria tum sanctitatis, tum doctrinæ nitesceret, quo tempore ipse jam senior in eum ecclesiastica onera refundere cogitabat, sic repente e manibus (ut dici solet) abreptus esset. Porro ipse Nepotianus proxime moriturus, patris sui S. Hieronymi ⁷ memor, sacerdotalem, qua utebatur in sacris, ipsi vestem legavit: ejus charitatis officii idem Hieronymus eadem voluit epistola meminisse, cum ait: « Quis crederet in tali illum tempore nostræ necessitudinis recordari, et luctante anima studiorum scire dulcedinem? Apprehensa avunculi manu: Hanc, inquit, tunicam, qua utebar in ministerio Christi, mitte dilectissimo mihi ætate patri, fratri collegio; et quicquid a te nepoti debebatur affectus, in illum transfer, quem mecum pariter diligebas. Atque in talia verba defecit, avunculi manum, mei recordatione contrectans ». Hæc ipse Hieronymus, qui eadem epistola ejus virtutes perpetuæ memoria consecravit: quem merito, ob virtutum præstantiam, tota (ut ait) luxit Italia. Probe enim cognitus omnibus, non in clericali tantum Christi miles effulsit, sed et cum antea apud imperatorem inter primos

¹ L. XXXII. de hæret. C. Theod. — ² L. VI. de Apost. C. Theod. —

³ L. XIV. de Pagan. C. Theod. — ⁴ Iher. ep. III. — ⁵ Iher. ead. ep. III.

⁶ Paul. Diacon. l. XIII. — ⁷ L. XXX. de hæret. C. Theod.

militans juxtit cum militia monasticam disciplinam.

12. Verum genus illud vitæ quantumlibet summa lande dignum extiterit; tamen quod potiora præpedire videretur atque differre, haud sibi laudandum putavit ipse Hieronymus, dum hæc ait¹: « Referret », inquam, « alius, quod in Palatii militia sub chlamyde et candenti lino corpus ejus officio tritum sit; quod stans ante sæculi potestates, lurida jejuniis ora portaverit; quod adhuc sub alterius indumentis alteri militaverit, et ad hoc habuerit cingulum, ut viduis, pupillis, orphanis, oppressis, miserisque subveniret. Mihi non placent dilationes istæ imperfectæ servitutis Dei, etc. » Quæ autem qualivæ præstiterit factus clericus, qui sanctitate ita eluxit in aula; quisque mente ex his quæ de eo S. Hieronymus scribit, ex multis pauca rimari poterit, secretioraque penetrare. At de Nepotiano hætenus Annalium quidem digno memoria; qui sic ex hac vita recessit, ut tamen clericalis disciplinæ semper viventem in ecclesiâ perfectam reliquerit formam expressam.

13. Illud vero Hieronymi ex eadem epistola de propagato longe lateque apud Barbaros Christi nomine his attexendum putavi: ut videas potentia crucis victos, qui diversis in locis atque temporibus Romano bella intulerunt imperio: « Ab India, inquit², usque ad Britanniam, a rigida Septentrionis plaga usque ad fervores Atlantici Oceani, jam innumerales populi, et tantarum gentium multitudines, quam variæ longius habitu, tam vestibus et armis, piscium ritu ac locustarum; et velut muscæ et culices conterebantur (absque notitia enim sui creatoris omnis homo pecus est), nunc vero passionem Christi et resurrectionem ejus cunctarum gentium et voces et litteræ sonant. Taceo de Hebræis, Græcis, et Latinis, quas nationes fidei suæ in crucis titulo Dominus dedicavit. Immortalem animam, et post dissolutionem corporis subsistentem, quod Pythagoras somniavit, Democritus non credidit, in consolationem damnationis suæ Socrates disputavit in carcere, Indus, Persa, Gothus, Ægyptius philosophantur. Bessorum feritas, et pellitorum turba populorum, qui mortuorum quondam inferiis homines immolabant, stridorem suum in dulce crucis fregerunt melos; et totius mundi una vox, CHRISTUS est ». Hæc ibi; et in epistola ad Lætam eodem ferme tempore scripta ita in eandem sententiam³: « De India, Perside, Æthiopia monachorum quotidie turmas suscipimus: deposuit pharetras Armenius: Hunni discunt psalterium: Seythiæ frigora fervent calore fidei: Cætarum rutilus et flavus exercitus Ecclesiarum circumfert tentoria, et ideo forsitan contra nos æqua pugnant acie, quia pari religione confidunt ». Hæc de Ecclesiâ ubique dilatata S. Hieronymus: ut admiratione plane dignum sit, inter alios recensitos barbaros, cæteris omnibus ferociores Hunnos in totum Orientem agmine infesto grassantes, et quietis nescios, nullamque certam

sedem habentes, subjecisse tandem indomita colla jugo Christi, simulque loco sislere, atque pacem colere, et Dei laudes canere didicisse. Quonam autem prædicante plane nescitur.

14. Fortasse autem idem illis accessit Apostolus magnus ille Nicetas, quem Bessas, Dacos, Gelas Seythasque hoc tempore ad fidem Christi convertisse, S. Paulinus¹ tradit; qui de Bessis, quorum supra citato loco S. Hieronymus meminit, per S. Nicetam Dacorum episcopum ad fidem conversis hæc cecinit sapphicus:

Nam simul terris animisque duri,
Et sua Bessi nive duriores,
Nunc oves facti, duce te, gregantur
Pacis in aulam.
Quasque cervices dare servituti
Semper a bello indomiti negarunt,
Nunc jugo veri Domini subactas
Sternere gaudent.
Nunc magis dives pretio laboris
Bessus exultat: quod huius manumque
Ante querebat, modo mente caelo
Colligit aurum.

Subdit idem de iisdem Bessis jam vitam monasticam excolentibus, quæ nos superius alia occasione tertio tomo posuimus, cum egimus de propagatis ubique monasticis institutis. Porro fideles factos, et Seythas Nicetæ quoque prædicatione, idem Paulinus his versibus docet:

Te Patrem dicit tota plaga Dorne,
Ad tuos fatus Scythia mitigatur,
Et sui discors fera, te magistro,
Pectora ponit.

Addit et de Getis et Dacibus ab eodem ad Christi fidem conversis, quorum sub Valentino superius mentio facta est. En vides tempora ista visa Romano imperio infestissima, quam cesserint Ecclesiæ Catholice felicissima: dum qui Romanis imperitare barbarico furore studebant, mancipia Christi facta sunt, crucis potentia subjugati: quos quidem et catholica fide imbutos esse, ex eorum cultore Nicetæ sanctissimo catholico episcopo Catholicis communicante, nullus est qui revocare possit in dubium. De eodem vero Nicetæ ad sancta loca lustranda iterum in Italiam peregrinante idem Paulinus² duplici carmine cecinit: cujus quidem priorem adventum sequenti anno contigisse, suo loco ejusdem testificatione liquido apparebit.

15. Quod rursum spectat ad propagatam hoc tempore Christianam religionem, his attexamus quæ de conversis ad Oceanum Boreale positus populus per sanctum Victricium confessorem episcopum Rhodomagensem idem S. Paulinus ad eum scripta Epistola tradit his verbis³: « Notum enim nobis fecit Titius tuus carissimus frater et fidelis minister in Domino, non quidem te magis, quam in te Deum prædicans, quanta Dominus per te lumina in obscuris ante re-

¹ Paulin. de reditu Nicetæ Episc. in Dac. — ² Paulin. natal. ix. S. Fel. et hym. in reditu Nicetæ. — ³ Paulin. ep. xxvi.

¹ Hier. ead. ep. iii. — ² Hier. ep. iii. — ³ Hier. ep. vii.

gionibus accendisset : Qui educens nubes ¹ ab extremo terræ, te quoque in lucem populi sui de extimo orbis eduxit, et clarum fulgur in pluviam uberem fecit. Sicut terra Zabulon quondam ², et Neptalim via maris trans Jordanem Galilææ, et qui sedebant in regione umbræ mortis, lucem viderunt inagnam : ita et nunc in terra Morinorum, situ orbis extrema, quam barbaris fluctibus fremens tundit Oceanus, gentium populi remotarum, qui sedebant in latebris, via maris arenosa extra Jordanem, antequam pinguescerent fines deserti in ea, orta sibi per tuam sanctitatem a Domino luce gaudentes, corda aspera, Christo intrante, posuerunt. Ubi quondam deserta silvarum ac litlorum pariter in tota advenæ Barbaria, aut latrones incolæ frequentabant : nunc venerabiles et angelici sanctorum chori urbes, oppida, insulas, silvas, Ecclesiis et monasteriis plebe numerosis pace consona celebrant.

¹ Ps. CXXXIV. — ² Isai. IX.

Quod quanquam totius Galliæ populis, et ubique gentium Christus operetur, qui totum orbem circumcivit, quærens dignos se, et per nationes in animas sanctas se transfert, et in viis directionis ostendit se hilariter, et omni providentia occurrit amatoribus suis : tamen in remotissimo Nervici littoris tractu, quem tenui antehac spiritu fides veritatis afflaverat, te potissimum in vas electionis excerptis, in te prima refulsit, clarius invaluit, ardentius et propitius apparuit, in quo et sanctificaret illic nomen suum, et per ejus nomen etiam solis ab occasu in omnem terram sonus ejus exiret, assumpsit. Denique nunc Rotomagum et vicinis ante regionibus tenui nomine pervulgatum, in longinquis etiam provinciis nominari venerabiliter audivimus, et inter urbes sacratis locis nobiles cum divina laude numerari ; aut immerito, etc. » Plura enim habet de nobilitate Ecclesiæ Rotomagensis e studioso cultu christianæ observantiæ comparata. At de propagatione fidelium hujus temporis hactenus.

Anno periodi Græco-Romanæ 5889. — Jesu Christi 396. — Siricii papæ 13. — Arcadii 14. et 2. Honorii 4. et 2.

1. *Consules.* — Coss. *Arcadius* Aug. IV, et *Honorius* Aug. III, alter in Oriente, alter in Occidente, et uterque juxta primam consulatum Cæsareorum regulam.

2. *Leges Arcadii adversus hæreticos.* — Ad num. 8 et seq. Lex 30 Cod. Theod. *De hæreticis* dat. *V non. Mart.* sub hujus anni coss. ab Arcadio, et a Baronio recitata, jubet loca quæcumque tandem et quocumque nomine designentur, mysteriis hæreticorum peragendis intra urbem destinata confiscari. Clerici eorum eadem lege urbe Constantinopolitana expelluntur. Tertio prohibet hereticos convenire intra eandem civitatem, vel ad solam *Litaniam* faciendam, sive noctu sive interdiu. *Litaniarum* autem voce primo dictæ sunt preces et supplicationes in cæditibus publicis seu in Ecclesia factæ, ut ex hac lege apparet. Deinde ea vox ad eas, quæ vulgo *processiones* appellantur, translata, ut liquet ex Novella cxiii. Postremo ad solemnes et statas *rogationes* traducta. Lex 32 *De hæreticis* data *X kalend. Maii*, et a Baronio relata, *Eunomianorum* doctores, ac maxime clericos civitatibus pelli decrevit. Ad hanc spectare putat Gothofredus ea, quæ Socrates lib. 5, cap. 23, et Sozomenus lib. 7, cap. 17, memorant de Eunomianorum inter se dissensionibus, de *Theophronio* scilicet qui Deum sibi semper similem negabat : et *Eutychio*, qui Filium Dei, hominem sci-

licet asserebat novissimam horam nescire. Atque inter cætera narrat Sozomenus, *Eutychium* ab Eunomianæ sectæ antistite, qui tum Constantinopoli erat, *Eunomio* defuncto, rejectum, offenso ex invidia, quod illius, qui nec clericus quidem erat, argumenta solvere non potuisset : atque hinc *Eutychium* in peculiarem sectam concessisse.

3. *Imperium Romanum jam ab annis xx a Barbaris afflictum.* — A num. 14 ad 14. Scripsit hoc anno sanctus Hieronymus Epistolam ordine III ad *Heliodorum*, Epitaphium Nepotiani continentem. Quare recte eam Baronius cum præsentis anno alligavit, perperamque Valesius, uti ante superiori vidimus, eo anno illam datam esse voluit. Nam, præter ea, quæ ibidem in medium adduximus, quæque certo rem dirimunt, Hieronymus in ea Epistola hæc scribit : « Horret animus temporum nostrorum ruinas persequi. Viginti et eo amplius anni sunt, quod inter Constantinopolim et Alpes *Julias* quotidie Romanus sanguis effunditur. Scythiam, Thraciam, Macedoniam, Dardaniam, Daciam, Thessalonicam, Achaïam, Epiros, Dalmatiam, cunctasque Pannonias Gothus, Sarmata, Quadas, Alani, Hunni, Vandali, Marcomanni vastant, trahunt, rapiunt. Quot matronæ, quot virgines Dei, et ingenua nobilibus corpora his belluis facere ludibrio? Capti episcopi, interfecti presbyteri, et diversorum officia

clericorum : subversæ Ecclesie, ad altaria Christi stabulati equi, Martyrum effossa reliquiæ : ubique luctus, ubique gemitus, et plurima morlis imago. Romanus orbis ruil, et tamen cervix nostra erecta non flectitur ». Quare eum Gotthi Istrum superarint anno trecentesimo septuagesimo sexto, ut eo anno demonstravimus, anni illi viginli ab Hieronymo in sua Epistola memorati, currenti terminantur, annusque xxi inchoatur.

4. *Picti Australes a S. Niniano ad fidem convertuntur.* — Ea in Epistola Hieronymus *Pictorum* conversionem, quæ hoc tempore contigit, his verbis designare videtur. « Ab India, inquit, usque ad Britanniam, a Septentrionis plaga, usque ad fervores Atlantici Oceani, jam innumerabiles populi, et tantarum gentium multitudines, quam variae linguis, habitu tam vestis et armis piscium ritu ac locustarum; et velut muscæ et culices contrebantur (absque notitia enim sui creatoris, omnis homo pecus est), nunc vero Passionem Christi, et Resurrectionem ejus, cunctarum gentium et voces et litteræ sonant. Bessorum feritas, et pellitorum turba populorum; qui mortuorum quondam inferis homines immolabant, stridorem suum in dulces crucis fregerunt melos, et totius mundi una vox *Christus est* ». Pictorum Apostolus sanctus *Ninianus* fuit, de quo Beda lib. 3, c. 4, ubi cum agit de Septentrionalibus Pictis, et eorundem doctore S. Columba, de Australibus scribit : « Namque ipsi Australes Picti, qui infra eosdem montes habent sedes, nullo ante tempore », scilicet ante annum Christi dli, « ut perhibent, relicto errore idololatriæ, fidem veritatis acceperant, prædicante eis verbum Niniano episcopo reverendissimo, et sanctissimo viro de natione Britonum, qui erat Romæ regulariter fidem et veritatem edoctus », a Damaso scilicet Romanam Ecclesiam administrante, cujus tempore Ninianus Romanus profectus est, ut legitur apud Capgraviu in hujus sancti Vita, qui addit, *Sirichium* Damasi successorem, cum videret quosdam in occidentis Britanniae partibus, necdum Christi fidem suscepisse, ad episcopatus gradum *Ninianam* consecrasset, et Australibus Pictis apostolum destinasse; hi enim, ut ostendit Usserius in lib. de Primordiis Eccl. Britan. Britanorum juris erant. Plures annos *Ninianum* in evangelica messe laborasse, colligitur ex morte ejus, quam in annum quadringentesimum trigesimum secundum Alfordus in Annal. Eccles. Britan. confert. Usserius laudatus Epistolam Alcuini diaconi « fratribus Deo deservientibus in loco, qui dicitur Candida Casa », e tenebris eruit, in qua de ejus miraculis et eruditione verba facit. Erat autem Candida Casa (in extremis Angliæ juxta Scotiam finibus posita, ut docet Malmesburiensis lib. 3 de Pontif.) sedes ejus episcopalis. Colitur *Ninianus* in Martyrologio Romano die XVI Septemb.

5. *S. Nicetas in nova Dacia episcopus fuit.* — Ad num. 14. Quia tam Baronius, quam Bollandus ad diem vii mensis Januarii, de sancto *Niceta* celeberrimo Dacorum episcopo, ejus vitæ nulla Acta

extant, satis edocti non fuere, quæ de illo in nostram notitiam venire potuere, hoc et sequenti anno referemus. Utique existimavit, cum in veteri Dacia ultra Danubium posita episcopum fuisse : Bollandus loco citato, et Baronius anno cccclxx, num. 116. Certum tamen ac indubitatum esse debet, *Niceta* episcopatum fuisse in nova Dacia, quam quia quidam alii cum veteri etiam confundunt, ut tollatur is error, referam hic verba Ruffi Festi in Breviario : « Trajanns Dacos sub rege Decibalo vicit, et Daciam trans Danubium in solo Barbarie provinciam fecit, quæ in circuitu habuit decies centum millia passuum, sed sub Gallieno imperatore amissa est, et per Aurelianus translatis exinde Romanis, duæ Daciæ in regionibus Mæsiæ ac Dardaniæ factæ sunt ». Subdit postea, Mæsiam et duas Dacias numeratas fuisse inter provincias xvi Illyrici. Metropolis Daciæ mediterraneæ *Sardica*, Daciæ vero Ripensis *Rætia* seu *Razaria*, tam in ordine civili, quam in ordine ecclesiastico, ut ex Hieroele in Notitia provinciarum imperii Romani et variis antiquitatis monumentis manifestum fit.

6. *Et quidem Romanianæ civitatis.* — Cujus civitatis *Nicetas* episcopus fuerit, nec Baronius, nec Bollandus indicarunt : locum tamen ejus episcopatus nos edocent varia Martyrologia, uti Adonis, Usuardi, et Romanum ad diem xxii mensis Junii, ubi mentio sancti *Nicææ* Romanianæ civitatis episcopi; in antiquis enim Codicibus *Nicetas* sepe *Nicæas* appellatur, errore sine dubio librariorum. Quare *Nicæas* ille diversus non est a *Niceta* Dacorum episcopo inscripto ad diem vii mensis Januarii Martyrologio Romano, in quo legitur : « In Dacia S. *Nicetæ* episcopi, qui feras et barbaras gentes Evangelii prædicatione mites reddidit ac mansuetas ». Cum enim *Nicetas* diversus crederetur a *Nicæa* Romanianæ urbis episcopo, qui a veteribus Martyrologis die xxii Junii memoratur, a posterioribus ad diem vii Januarii adscriptus est. Certe Bollandus qui Martyrologia memorare solet, in quibus mentio aliqua de Sanctis, de quibus agit, nullius meminit in Elogio S. *Nicetæ*, præterquam Romani. Ideo autem dies xxii Junii in antiquis Martyrologiis destinatus est memorie S. *Nicetæ*, quia cum ejus obitus dies ignoraretur, electus ille, quo S. Paulinus ejus amicus et encomiaste mortuus est et colitur, indeque etiamnum ad eundem diem in Martyrologio Rom. legitur. Hunc errorem primus defexit Holstenius in Annotatis marginalibus ad Rom. Martyrologium, ad diem xxii Junii ubi asserit, in *admirandæ antiquitatis* codice Gennadii in lib. de Script. Ecclesiast. loco *Nicææ*, legi *Nicetam* Romanianæ civitatis episcopum; quam lectionem etiam conservavit vetus Ms. San-Germanense Gennadii, licet in Codicibus editis hujus auctoris legatur, *Nicæas Romanæ civitatis episcopus*. Hierocles laudatus, ejus tantum pars, eaque sine versione, lucem vidit, hæc in rem nostram habet : « Præfectura Daciæ mediterraneæ sub consulari, urbes quinque *Sardica* metropolis : *Pautalia*, *Germai*, *Nainson* », legendum

Naissum, « Remesiana », sed legendum, Romatiana. Ita pag. 25 apud Carolum a sancto Paulo. In Itinerario Hierosolymitano apud Bertium pag. 41 inter urbes Daciæ, mediterraneæ scilicet ac novæ hujus urbis situs recte collocatur : « Civitas Naissus M. P. XII Mansio Romansiana M. IX », ideoque inter Romanianam, uti legendum est, et Naissum, mille passus interjacent. In itinerario Antonini apud Bertium pag. 8 habetur : « Naissum M. P. XXIV Remisiana M. P. XXV », quod inter utrumque auctorem discrimen parvi est momenti. Ab anonymo Ravennatensi *Romessiana* appellatur, et in Tabulis Peutingerianis seg. 5 legitur, *Romesiana* XXV, et ubique in nova Dacia collocatur. Certa itaque sedes episcopalis Nicetæ, sicuti et patria ejus, quæ ut anno sequenti videbimus, *Romatiana* etiam fuit.

7. *Romatiana civitas diversa est ab Aquileiensi.*

— Baronius in notis ad diem xxii mensis Junii per *Romatianam* civitatem, *Aquileiam* interpretatur, deceptus a Leandro geographo parum diligenti, qui *Aquileiam* Romatianam appellatam fuisse credidit. Addit Baronius, Nicetam seu Nicetam diversum non esse a Nicetæ Aquileiensi episcopo, ad quem anno cxxviii Leo Magnus scripsit, et Nicetam sancto Chromatio successisse, quod hic in titulo commentarii, quem scripsit *de octo beatitudinibus*, nuncupetur *Chromatius episcopus Romanus*, quod inquit, *Aquileia* urbs Romana seu *Romatiana* appellata fuerit. Verum hanc interpretationem minime admittendam esse ex iis, quæ jam de Nicetæ, et infra de Chromatio, Januario ejus successore, et Nicetæ, qui utrumque in episcopatu Aquileiensi exceperit, dicemus, manifestum sit. Nonnisi itaque per librarium oscitantiam, ut recte observavit Quesnellus in Notis ad Epistolam cxxix, alias lxxix, sancti Leonis ad Nicetam Aquileiensem episcopum, *Chromatius* Romanus episcopus vocatus, idque post inchoatum sæculum septimum, et post geminatos Aquileienses episcopos, quorum alter schismaticis, alter Romanis, seu iis qui Sedem Apostolicam agnoscebant, præerat. Licet enim *Chromatius* duobus fere sæculis ante patriarchatus illius divisionem floruerit, librarius tamen, morem sui sæculi seculus cum *Romanum* appellavit; sicque posteris locum dedit Aquileiam cum Romatiana confundendi. Ita librarii *Prosperum* Aquilam episcopum Regiensium, *Salvianum* et *Gennadium* episcopos Massilienses fecere, et in librorum titulis diversos errores inducere, qui modo nonnisi cum magno labore ex animis evelluntur.

8. *Nicetas Evangelium annuntiavit Bessis.*

— Venio nunc ad apostolatam sancti *Nicetæ*. Bolandus cum Dacorum apostolum appellat, Baronius vero apostolum Bessorum, Dacorum, Getarum, seu Gothorum, ac Scytharum. Verum cum apostolatus *Nicetæ* nobis laudum immoletur ex poemate xvi, alias xxx, sancti Paulini episcopi Nolani, ejus hic verba referenda, ut lector videat, quid in hanc rem ex eis colligi possit; Paulinus igitur, ubi de Nicetæ in Daciam reditu locutus est, vers. 196 ait :

O quibus jam tunc resonabit illa
Gaudiis tellus, ubi tu rigentes
Edoces Christo fera colla miti
Subdere gentes!

Quaque Rhiphæis boreas in oris
Alligat densis fluvios pruinis,
Hic gelu mentes rigidas superno
Igne resolvit.
Nam simul terris animisque duri,
Et sua Bessi nive duriores,
Nunc oves facti, ducet te, gregaturo
Pacis in aulam.

Quasque cervices dare servituti,
Semper a bello indomiti negarunt,
Nunc jugo veri Domini subactas
Sternere gaudent.
Nunc magis dives pretio laboris
Bessus exultat : quod humi manumque
Ante quærebat, modo mente caelo
Colligit aurum.

O vices rerum! bene versæ forma!
Invici montes prius, et eruenti
Nunc tegunt versos Monachis latrones
Pacis alumnos.
Sanguinis quondam, modo terra vitæ est,
Veritur caelo pia vis latronum,
Et favet Christus supera occupanti
Regna rapina.

Mos ubi quondam fuerat ferarum,
Nunc ibi ritus viget Angelorum :
Et latet justus, quibus ipse latro
Vixit in antris.
Præda lit Sanctis velus ille prædo,
Et gemit versis homicida damnis :
Jure nudatus, spoliante Christo,
Criminis armis.

9. *Gothis etiam, Scythis, et populis utriusque Daciæ.*

Interit ensu Satane vicissim
Invidus Cain, redivivus Abel
Pascit effusi pretio redemptos

Sanguinis agnos
Euge, Nicetæ, bone serve Christi,
Qui tibi donat lapides in astra
Vertere, et vivis sacra templa saxis
Edificare.

Avios saltus, jugæ vastæ lustras,
Dum viam quaris, sterilemque sylvam
Mentis incultæ superans, in agros
Vertis opimos.

Te patrem dicit plaga tota Horræ
Ad tuos fatus Scythia mitigatur,
Et sui discors fera, te inapistro,
Pectora ponit.
Et Getæ currunt, et uterque Dacus :
Qui colit terræ medio, vel ille
Divitis multo bove pileatus

Accola ripæ.
De Lapis hoc est vitalis creare,
Et bovi junctum palea Leonem
Pascere, et luti cava viperarum
Pandere parvis.

Namque mansueto pecori coire
Bestias, pulsa feritate, suades,
Qui feras mentes hominum polito
Imbuas ore.

Orbis in muta regione per te
Barbari discunt resonare Christum
Corde Romano, placidamque casti
Vivere pacem.

Sic tuo mutus Lapis est ovili,
Pascitur concors vitulus Leni,
Parvus extracto truchinus cavernis
Aspide ludit.

Callidos auri legulos in aurum
Vertis, et Bessos mutatis ipse,
E quibus vivum, fodiente verbo,
Erit aurum.

10. *Nicetas populis Riphæos montes habitantibus Evangelium prædicavit.* — Inter varios populos in Septentrionali imperii Romani parte positos, quos *Nicetas* Evangelii lumine illustravit, præcipui fuere *Bessi* et *Gethæ*, seu *Gothi* : Paulinus priores appellat *Riphæorum* montium incolas. Hæc enim particula causali, *nam*, ostendit verba, quæ eam præcedunt, de *Bessis* intelligenda esse.

Nam simul terris, animisque duri
Et sua Bessi nive duriores, etc.

De *Riphæis* montibus multa absurda apud antiquos leguntur. Strabo Posidonium et Apollodorum citat, et de hoc ultimo lib. 7, pag. 299, scribit : « Ab his se convertit adversus scriptores, qui *Riphæos* montes tradiderunt ». Jam pag. 295 dixerat Strabo : « Ignorantia horum locorum factum est, ut audirentur, qui *Riphæos* montes et *Hyperboreos* commentum sunt », et ibidem indicat, veteres fabulosos hos montes non longe a Danubio et sylva *Herecynia* locasse. Alii, præsertimque poetæ, hoc nomen variis locis variisque veris montibus, sicuti et *Borealiū*, et *Hyperboreorum* montium nomina tribuerunt, et *Riphæos* et *Hyperboreos* montes pro una eademque re habuerunt. Denique Posidonius ab Athenæo lib. 6, cap. 4, pag. 133, citatus putat, Alpes montes *Riphæos* fuisse. Indeque Casaubonus in notis pag. 406 de Posidonio ait : « Manifesto hic scriptor *Riphæos* montes confundit cum *Alpibus*, qui error multis velerum communis. Quare etiam sanctissimus pater *Basilius Riphæos* montes appellat, unde manat fluviorum rex *Eridanus* ». *Basilius* enim *Hemilia* 3 in *Hexameron*, non solum *Eridanum*, quem vulgo *Padum* vocamus; sed etiam magna omnia flumina, quæ Gallias rigant, ex montibus *Riphæis*, originem ducere scripsit.

11. *Hi populi a Bessis non diversi.* — Paulinus igitur *Riphæorum* montium nomine montes in *Thracia* positos intelligit, qui *Riphæi* dicebantur, quia pars credebantur *Alpium*, quas *Riphæos* montes appellabant. Hinc *Pomponius Mela* lib. 2, cap. 4 : « Alpes ipsæ ab iis littoribus longe lateque diffusæ primo ad Septentrionem magno gradu excurrunt; deinde ubi Germaniam attingerunt, verso impetu in Orientem abeunt : diremptisque populis immanibus usque in *Thraciam* penetrant ». *Valerius* vero *Flaccus* montes *Riphæos* ponit versus *Hebrum* *Thraciæ* fluvium lib. 3 *Argonaut.* « Qualis ubi a gelidi *Boreas* convallibus *Hebri* tollitur; et volucres *Reiphræa* per ardua nubes præcipitat ». *Bessi* fere omnem montem *Hebrum* incolebant a *Dardaniæ* confinibus usque ad *Rhodopen* montem, et usque ad *Pangæum* montem in *Macedoniæ* confinibus. *Solinus* cap. 10 : « *Bessorum* multa nomina ad usque *Nestum* amnem, qui radices *Pangæi* circumfluit ». *Strabo* lib. 7, pag. 318 : « *Bessi* majorem *Hebrum* » scilicet montis « partem tenent, et a *labcroniis* prædonibus appellantur, *tuguria* incolentes, vitamque degentes duram, attingentes *Rhodopen*, etc. » His itaque populis

Evangelium vir apostolicus prædicavit; quos hoc tempore christianos fuisse, docent verba sancti *Hieronymi* num. 4 recitata, quibus indicare videtur eosdem ad fidem recens conversos esse. *Bessos* autem *Daciæ* tractum circa *Romesianam* et *Serdicam* metropolim incoluisse, si alia veterum testimonia deessent, docet nos vetus lapis *Neapolitanus* apud *Capaccium* pag. 331, in quo *Aurelius Abilius* miles legitur natione *Bessus*, natus regione *Serdica*, vico *Magan*, etc. ut ex eodem *Capaccio Holstenius* in *Epistola* ad *Florentinum* data, et *Marlyrologio* *Hieronymiano* præfixa scite observavit. Non hinc discedam quin monero, ad vitandos plures errores in quos historici et geographi recentiores incidere, observandum esse inferioribus sæculis *Alpium* nomine quosvis montes altos a scriptoribus latinis appellatos fuisse, ipsos etiam *Pyrenæos* montes; cujus rei tot exempla in medium affert *Ducangius* in notis ad *Historiam Cinnami* pag. 448, ut id in dubium revocari non possit. Sed redeo ad *Paulinum*.

12. *Populi alii a Niceta evangelizati.* — Post *Bessos* Paulinus memorat *Scythas*, *Gethas*, id est, *Gothos*, et tam *Dacos* *Mediterraneos*, quam *Ripenses*. Siti erant *Gothi* in imperio Romano ad *Danubii* meridiem, *Scythæ* vero in *Scythia* Romana, cujus caput *Tomî*, et hæc provincia ad diocesium *Thraciæ* pertinebat. Sanctus *Epiphanius* in hæresi *LXX*, num. 14, de *Audianorum* hæresi loquens, ait : « *Audius* in *Scythiam* » *Comanum* scilicet « ab imperatore relegatus est; quod populos passim ab Ecclesiæ obsequio retraheret, etc. Cumque in ea regione versaretur, in interiora *Gothiæ* penetrans », in regionem nempe ultra *Dannubium* sitam, et ab *Aureliano* imp. loco *Daciæ* *Gothiæ* appellatam, « *Barbaros* multos *Christianæ* religionis rudimentis instituit. Ex quo monasteria in *Gothiæ* nonnulla propagata sunt; in quibus religiosa vivendi ratio, et virginitas arctissimeque disciplina floruit ». Legendus hæc de re *Baronius* anno *ccclxx*, num. 413 et seq. Hæc itaque *Gothorum* Ecclesia egregie exulta est a sancto *Niceta*, qui, ut religio firmiores radices ageret, monachorum cœtus ibi instituit, ut testatur *Paulinus*. Quoad *Dacos*, *Aurelianus* imp. unicam quidem *Daciam* instituit, « appellavitque suam *Daciam*, quæ nunc duas *Mœsias* dividit, inquit *Vopiscus* cap. 39; sed qui ei succedere imperatores ex una duas fecere, ut ex citatis *Rufi* in *Breviario* verbis liquet. Facta autem divisio illa *Diocletano* aut potius a *Constantino M.* qui provincias multiplicarunt, cum enim in lib. de moribus *Persecut.* cap. 9 unius *Daciæ* mentio sit, « cum mater ejus *Transdanubiana* », ex vetere nempe *Dacia*, « infestantibus *Carpis* in *Daciam* novam transfugerat », hæc duarum *Daciarum* divisio a *Constantino* facta videtur. Utrisque *Dacis* verbum *Dei* annuntiavit *Nicetas*. Cum vero in nova *Dacia*, tam *Mediterranea* quam *Ripensi*, ac *Scythia*, jamdiu plures episcopatus erecti fuissent, si rigoro loquendum sit, horum apostolus *Nicetas* non fuit. Sed juxta receptum loquendi modum is et titu-

lus debitus, uti ex dicendis de S. Bonifacio Germaniae apostolo liquebit.

13. *Gildo tyrannidem in Africa arripit.*— Gildo comes et magister utriusque militiae per Africam anno cccxciii, ut liquet ex leg. 9 Cod. Theod. *De adulteriis*, creatus, currenti Africam turbare cepit, et sub finem autumnii, *veniente hieme*, teste Claudiano de bello Gildonico, tyrannidem arripuit, ex qua inter alia mala, gravissima Romae fames exorta, ob occupatam videlicet Africam, ut liquet ex leg. 2 Cod. Theod. *De conditis in publicis horreis*, quam Honorius 17 kal. Januarii Mediolani emisit, ut imminenti fami occurreret. Sed de annonae defectu seu fame illa ob occupatam a Gildone Africam, legendus Claudianus citatus, a versu 17 et lib. 4 in Stiliconem, lib 4 in Eutropium, ac Symmachus lib. 4, epist. 54, ad Florentinum currenti anno urbis praefectum.

14. *Arcadius Judaeos vexari vetat.*— Arcadius, qui in Oriente regnabat enixo studio *Judaeos*, eorumque privilegia, ut et Patriarcharum procerumque eorum tuitus est. Quare hoc anno leges duas, a Baronio omissas, dedit. Prima est lex Cod. Theod. 10 *De Judaeis*, qua iis rerum suarum venalium pretia aestimanda et discutienda reliquit, exteris a religione Judaeorum facultate ea adempta. Altera lex est 2 ejusdem Cod. *De Judaeis*, qua Arcadius Judaeorum patriarchas ab injuriis et contumeliis vindicavit *per comitum Orientis*. Judaei enim Christianis valde exosi hac tempestate eorum contumelias expositi fuere, ut ostendit Gothofredus in utriusque legis Comment.

Causa *Timasii*, de quo anno superiori num. 12, hic revocandus.

SIRICII ANNUS 13. — CHRISTI 397.

1. *Ruffinus et Melania Urbem redeunt Origenis errores propagaturi.*— Qui sequitur Christi annus trecentessimus nonagesimus septimus, consulatu Caesarii et Allici, Fastis adscribitur: quo haereses Origenis sub pietatis involucrio per Ruffinum presbyterum Aquileiensem e Palestina cum Melania Romanam redemptem inferuntur in Urbem; propinataeque aureo calice Babylonis atqueam inebriarentur illis fideles, detectae atque explosae fuerunt. Haec autem quomodo se habuerint, dicendum per singula: sed ante omnia, quae sunt temporis, elucidanda. Ruffinum quidem individuum Melanae comitem cum ea in Aegyptum profectum et in Palestinam, ibique apud eam, usque dum illic mansit, Hierosolymis vitam transgisse, quae dicta sunt superius ex S. Hieronymo satis significant: at eademum remeante Romani, ejusdem affectatum esse vestigia, Palladii atque Paulini testificatione exploratum habetur: ait enim Palladius¹: «Erat etiam cum ea Ruffinus quidam nomine, civis Italus ex Aquileiensi oppido, vir nobilissimus et in proposito singulari satis fortium morum; qui et ad presbyteratum postea meruit pervenire: quo nullus mansuetior, fortior, et placi-

dior tanquam omnia sciens, in sexu virili potuit inveniri. Isti igitur in viginti et septem annis, omnes apud Hierosolymam sanctos atque peregrinos episcopos, monachos, virginesque (hoc enim voverant Deo) suscepere suis propriis sumptibus, etc.» Agitque paulo post de eorumdem reditu Romam, de quo et nos itidem. Haec Palladius de Ruffino, eidem in Origenis erroribus concors, ut superius pluribus demonstratum est. Sed et Paulinus comitem Melanae Ruffinum appellat², quem et haud haecenus satis sibi compertum laudat. S. Hieronymus etiam post haec ad eundem Ruffinum Romae agentem litteras³ dedit: ut plane nullum sit dubium contigisse adventum Ruffini Romam quando illuc etiam ipsa Melania remeavit. Sed quoto potissimum anno Domini Melaniam in Urbem redire contigit, id quidem est accuratius exquirendum.

2. Jam suo loco satis liquido superius demonstratum est, ipsam una cum Ruffino in Aegyptum primo, indeque Hierosolymam migrasse anno Domini trecentesimo septuagesimo secundo, inimp. Valentiniani atque Valentis nono. Sed quot annos in hac peregrinatione et commoratione insumpse-

¹ Pallad. in Lausiac. c. 33, apud Lupo. tom. III.

² Paulin. ad Sever. ep. IX. — ³ Hier. ep. LXVI.

rint, diversæ sententiæ sunt ejusdem Palladii atque Paulini : siquidem ille (ut nuper vidimus) viginti septem numerat annos, Paulinus vero viginti quinque. Sed hujus exploratio atque solidior fides est : nam accepit hæc ipse ab eadem Melania, quam redeuntem Romam (ut proxime dicturi sumus) Nolam divertentem excepit hospitem. Verum ex eo quoque certior Paulini testificatio redditur, et Palladii assertio de annis viginti septem exploditur : quod cum constet hos adhuc in vita agente Siricio papa repetisse Romam : si dixerimus, ad numerum annorum a Palladio præscriptum, ipsorum esse prorogatum adventum : utique affirmandum esset, non sub Siricio, sed sub ejus successore Anastasio eorundem reditum contigisse. Ex Paulini ergo sententia, qui numerat Melaniæ ab Urbis absentia quinque lustra, dicendum est, eandem hoc ipso anno Romam quasi post liminio rediisse.

3. Recessisse autem Ruffinum e Palæstina cum pace S. Hieronymi, utriusque testificatione asseritur : recitat enim ipse S. Hieronymus ejusdem Ruffini verba in posteriori Apologia, quæ sunt hujusmodi : « Vos nobis pacem prolificentibus dedistis. Respondit ipse : Pacem dedimus, non hæresim suscipimus : junximus dextras, abeuntes prosequenti sumus, ut vos essetis catholici, etc. » Melaniæ autem ad Urbem reditus Palladius¹ ejusmodi foris prætensum affert causam : « Post multum vero temporis, inquit, cum audisset, cuidam nupsisse neptem suam Melaniam » Juniorem dictam « viro : renuntiare autem post nuptias sæculo huic velle, cognovisset : metuens ne qui male vitæ homines ac male sectæ perverseque doctrinæ eidem jungerentur : ob hoc ipsum, cum jam admodum senex, hoc est, sexaginta esset annorum, de Cæsariensium civitate ad urbem Romam intra dierum viginti spatium navigavit ». Hæc Palladius de asserta et vulgata forinsecus reditus causa. Cæterum ejusdem cum Ruffino in Origenis erroribus (ut pluribus dictum est superius) conniventiam causam extitisse eidem ad Urbem veniendi, oratio præmissa declarat. Erat his quidem in optatis, ut quibus faverant et quas foverent toto illo tempore, Origenis sententiæ (quarum complures essent defensores in Ægypto consistentes monachi, et inter eos celebriores Evagrius et Isidorus, atque inter episcopos nobilis sedis Joannes Hierosolymorum Antistes), eadem Romanæ Sedis episcopi, ut sic ab universa reciperentur Ecclesia, probarentur assensu. Sed quanta id sit elaboratum industria, et quibus velamentis una cum his palliata decore hæresis in urbem intulerit, videamus.

4. Atque primum quæ S. Paulinus de Melaniæ reditu, qui eam suscepit Nolæ describat in Epistola² ad Severum, hic reddamus : « Addidit, inquit, Dominus hanc gratiam de muneribus et litteris tuis : ut ad eos potissimum dies nobis frater Victor accurreret, quibus sanctam ipsam », Melaniam scilicet, « ex Hierusalem post quinque lustra re-

meantem excepimus. At quam tandem feminam (si feminam dici licet tam viriliter Christianam) ? Quid hoc loco faciam ? vetat fastidii intolerabilis metus, voluminibus adhuc addere : sed persone dignitas, imo Dei gratia, postulare videtur, ut commemorationem tantæ animæ progressus non raptim omit- tam, paulisper ad eam tibi narrandam, etc. » Prosequitur nobile genus ejus referre, utpote quæ habnerat Marcellinum consulem ordinarium avum, qui una cum Probino consulatum gesserat anno Domini trecentesimo quadagesimo primo ; et ejus in vita Christiana sectanda ardens studium, et alia plura de ipsa, quæ nos suo loco superius ordine temporis collocavimus : ac demum de ejusdem, cum rediit, appulsu Neapolim, ista subdit¹ : « Neapolim urbem brevi spatio a Nolana, qua degimus, civitate distinctam, advecta est. Ubi filiorum nepotumque occursu excepta, mox Nolam ad humilitatis nostræ hospitium festinavit : quo nobis adventu ambitioso ditissimorum pignorum vallata comitatu.

5. « Vidimus gloriam Domini in illo matris et filiorum itinere. In eo quidem, sed longe dispari cultu, macro illo et viliori asellis burrico sedentem, tota hujus sæculi pompa, qua honorari et opulenti poterant, circumflui senatores prosequabantur carucis nutantibus, phaleratis equis, auratis pilentis, et carpentis pluribus, gemente Appia atque fulgente : sed splendoribus vanitatis prelucebat christianæ humilitatis gratia. Admirabantur divites pauperem, profani sanctam, et illos nostra pauperies ridebat. Vidimus dignam Deo hujusmodi confusionem, purpuream, sericam, auralamque suppellectilem pannis veteribus et nigris servientem : Benediximus Dominum, qui humiles et excelsos facit sapientes, esurientes implet bonis, et divites dimittit inanes. In istis tamen divitiis eadem die de matris bonis pauperem spiritum stupebamus, qui magis sancta matris inopia, quam sua visibili abundantia gloriabantur. Id ipsum autem gloria Domini videbatur operari, quod egeniæ nostræ divitiis in ejus filiis intuebantur, ut jam hinc fructum fidei suæ caperet, cum victoriam suam de hujus sæculi vanitate ipsa despectaret, cominus videns omnia quæ propter Christum reliquerat, et contemnere perseveraverat. Illi sericati et pro suo quoque sexu toga aut stola soliti splendere filii, crassam illam veluti spartei staminis tunicam et vile palliolum gaudebant manu tangere, et vestimenta sua velleribus auro et arte pretiosa pedibus ejus subternere, pannisque contingere gestiebant ; expiare se a divitiarum suarum contagio judicantes, si quam de vilissimo ejus habitu aut vestigio sordem colligere mererentur.

6. « Tugurium vero nostrum, quod a terræ suspensum cœnaculo una porticu cellulis hospitalibus interposita longius tenditur, quasi dilatatum gratia Domini non solum sanctis qui illam plurimi comitabantur, sed etiam divitum illorum catervis non capaces angustias præbuit : in quo personis

¹ Pallad. ubi supra c. 33. — ² Paulin. ad Sever. ep. xx.

¹ Hier. in Chron.

puerorum ac virginum choris vicinia Dominedii nostri Felicis culmina refulgebant; neque e diverso habitationis ejusdem, dissoni licet proposito, hospites obstrepebant, sed et in illis religiosa modestia inibatatur nostrae silentium disciplinæ, ut si dissimularer concinere vigilantibus pigro ventre sopiti, tamen non auderent pili vocibus dissonare, fidei timore compositi, quo placitis psallentium vocibus compresso sæcularium turbarum tumultu etiam taciti concinebant. Verum ut ad perfectam Domini columbam recurram: scito nunc istam tantum in sexu infirmitatis virtutem Dei, cui refectio in jejuniis, requies in oratione, panis in verbo, habitus in panno, lectus in sagulo et contone, durus in terra, fit mollis in littera, qua rigidi cubilis injuriam mitigat lectionis voluptas; et sanctæ animæ in Domino vigilare, requiescere est.

7. «Hanc ergo filia Sion hactenus habuit, et desiderat: nunc filia Babylonis habet, et admiratur: quia jam et ipsa Urbs in pluribus filia Sion est, quam filia Babylonis; et ideo miratur in humilitatis obscuro, et veritatis luce viventem, et fidei incitamenta divitibus, angustiarum solatia pauperibus ministrantem: quamquam illa quietis, et latebræ suæ apud Hierusalem in Romanis modo turbis æstuans clamat: Heu ¹ me! quia incolatus meus prolongatus est: ideone dilata sum, ut nunc habitem cum habitantibus Cedar? Hoc enim nomine apud Hebræos (ut comperi) significatur obscuritas. Quare ita illi gratulandum de memoratis virtutibus puto, ut de præsentī sede timeatur, ut tam insignis anima plus Romæ conferat, quam de Roma trahat, et sic sedeat super flumina Babylonis, ut recorderetur Sion², et organo corporis sui suspensio ab inimicæ omnibus Babylonis insidiis et illecebris, in sui proposito tenore, velut in salicibus gemino semper humore viventibus, constituta vivere non desinat, et permanente fidei constantia, virtutisque gratia, folium ejus non defluat: ut sicut vita ejus in itinere adspectatur, ita et laus in exitu canatur». Hincque Paulinus de adventu Melaniæ Romam: quam quidem Urbem cum sic nominet filiam Babylonis, ut tamen in pluribus dicat eam præ se ferre filiam Sion: facile, puto, intelligis, ea nominis unius Urbis varietate discriminatos esse Gentiles a Christianis; nimirum ut ea ex parte Roma Babylon dicatur, ubi adhuc in ea gentilitas vigeret impietas: Sion autem in pluribus, utpote quæ Christianis abundaret, in quibus cultus religionis veræ micaret: ut plane ex tanti viri sententia valeas intelligere, quo sensu a Joanne in Apocalypsi Roma sit Babylon nominata. At de his satis tomo primo Annalium actum est.

8. Sed ad Melaniam redeamus. Quam cum sic a Paulino laudatam vides, ne mireris: his quidem ipsa atque majoribus digna præconiis videbatur nescientibus quæ paucis arbitris in Palestina non tam ab ipsa, quam per ipsam a suis consociis de inducendis in Ecclesiam erroribus Origenis, refragante

S. Hieronymo, ac penitus obnitente S. Epiphanio, gesta essent. Quomodonam, quæso, Paulinus sciret, quæ nec qui Hierosolymis essent, nosse potuerint? ut superius est demonstratum in controversia illa habita inter S. Epiphanium, et Joannem Hierosolymitanum episcopum, Origenistarum patronum, negantem tamen se Origenis errores defendere; quæ litteris S. Hieronymi uno innotare Pammachio. Vides igitur Paulinum horum omnium penitus ignarum adeo mirifice Melaniam jure laudasse; sed et ejus in via comitem immensis præconiis, aliis ad eundem Severum ¹ datis litteris, celebrasse Ruffinum: in quorum celebrationem omnium conversa fuisse studia Christianorum, quis poterit dubitare? En vides, quibus, qualibusve antambulonibus inferatur in Urbem hæresis Origenis: ut plane pro miraculo dicendum fuerit, si auditio sonitu tubæ, fistulæ, et citharæ, sambucæ, et psalterii, symphonice, et omnis generis musicorum, non adoraverint omnes statuam auream ²: si, inquam, quos sanctissimorum virorum etiam audirent encomiis panem divinis efferri, atque plausibus non exceperint, et obviis quoque manibus, quod ab illis sanctitatis titulo foris inscriptum offerretur, omnes non acceptarint.

9. At quonam modo ista se habuerint, et in quanto tunc periculo Romana Ecclesia versata sit, et Deus illi ex more opportuno tempore præsto fuerit, ordine rerum gestarum, et temporum, singula prosequemur. Sed antequam his vela pandat oratio, vastum pelagus ingressura, in S. Paulini hospitio, quo Melaniam cum suis excepit, paululum quiescat.

10. *Melania apud Paulinum diversatur; ubi de Vita S. Martini a Severo scripta.* — Accepit tunc idem Paulinus a Melania perbreve segmentum ligni sanctissimæ crucis, missum sibi a Joanne Hierosolymorum episcopo. Testatur id quidem ipse Paulinus, cum ex eo quid modicum sumptum, nomine Therasiæ suæ, mittit ad soerum ipsius Severi Bassulam, dum hæc ³ ait: «Partem particulæ de ligno divinæ Crucis, quod nobis donum benedicta Melania ab Hierusalem munere sancti inde episcopi Joannis attulit: hoc specialiter sorori nostræ venerabili Bassule misit conservare communis. Sed quod alteri vestrum datur, utriusque vestrum est: quia in utroque vestrum una ratio manet, et sexum evacuat fides, qua in virum perfectum ambo concurritis. Accipite ergo ab unanimis fratris, in omni bono vestrum sibi consortium cupientibus. Accipite magnum in modico munus; et in segmento pæne atomi hastulæ brevis, sumite monumentum præsentis et pignus æternæ salutis. Non angustetur fides vestra carnalibus oculis parva cernentibus; sed intenta acie totam in hoc minimo vim crucis videat. Dum videre vos cogitatis lignum illud, quo salus nostra, quo Dominus majestatis affixus, trememente mundo pependerit; exultetis cum tremore: recordemur et petras fissas ad hujus aspectum cru-

¹ Ps. CXIX. — ² Ps. CXXXVII.

³ Paulin. ep. IX. — ² Daniel. III. — ³ Paulin. ad Sever. ep. XIII.

cis, et saltem saxonum æmulatione præcordia nostra findamus timore divino ».

11. Plura autem post hæc Paulinus in eadem subnectit Epistola de crucis inventione, ac deinde meminit de ejusdem ligni sanctissimæ crucis erogatione Hierosolymis fieri solita ab ejus civitatis episcopo, qui illud Paschali tantum tempore (ut ait) exhibet populo adorandum. Cujus plane exemplo, illa in reliquis Occidentalis orbis Ecclesias consuetudo et ritus manasse putantur, ut eodem Paschali tempore lignum crucis cum imagine crucifixi populo adorandum aperitur, quod ante erat velo obductum; illud episcopo tertium præcinnente præconium, ECCE LIGNUM CRUCIS, etc. respondente, et invitante choro, VENITE ADOREMUS. In illis quidem Ecclesiis, in quibus inesse contingeret ipsum lignum sanctissimæ crucis, illud ipsum (ut Hierosolymis agebatur) proponeretur populo adorandum: quæ autem Ecclesiæ illo carerent, loco illius exhibebant (ut fit) alterius ligni crucem, cum imagine Christi Domini crucifixi: hæc quod ad antiquos Ecclesiæ ritus pertinet.

12. Quod rursus ad idem lignum sanctissimæ crucis a Melania Paulino datum spectat; ingens plane ex ipso contigit edi miraculum, cum incendio flagrante fœno referta casa, in Paulini ipsius hospitium conversa flamma cuncta impetu violento depascente, oblato ab ipso globis igneis eodem ligno crucis, incendium protinus resilerit, atque penitus extinctum fuerit. Quod ipsum perpetua memoria consecrandum miraculum, his ipse Paulinus¹ versibus cecinit, hic in lectoris gratiam describendis; cum post descriptum ipsum cuncta vorans incendium, quomodo restinctum fuerit, ista subdit:

Ipse domum remeans, modicum, sed grande saluti,
De crucis æternæ sumptum mihi fragmine lignum,
Promo, tenensque manu adversus prociat ingero flammis,
Ut clypeum relinens pro pectore quo tegere me,
Arceamque hostem collato umbone relinam.
Credite: nec donate mihi, sed reddite Christo
Grates, et justas date laudes Omnipotenti.
Nostra salus etenim cruce Christi et nomine constat:
Inde fides nobis, et in hac cruce nixa periclo
Profuit, et nostram cognovit flamma salutem.
Nec mea vox ant dextra illum, sed vis crucis ignem
Terruit, inque loco de quo surrexerat, ipso
Ut circumseptam præscripto limite flammam
Sidere et extingui, fremitu moriente, coegit,
Et cinere exoriam: cineri remare procellam.
Quanta crucis virtus! ut se natura relinquat,
Omnia ligna vorans ligno crucis uritur ignis.
Multa manus, crebris tunc illa incendia vasis
Aspergens, largis cupiebat vincere lymphis.
Sed licet exhaustis pensarent fontibus imbres;
Vi majore tamen, lassis spargentibus, omneni
Vicerat ignis aquam: nos ligno extinctimus ignem:
Quamque aqua non poterat, vicit brevis astula flammam.

Hæc et alia plura ibi Paulinus de insigni ibidem edito virtute crucis ligni miraculo.

13. Donatus est præterea idem Paulinus ab eodem Melania tunica innocuorum agnorum contexta vellere: quam idem ipse, cum accepisset a Severo

pallium ex pilis camelorum hirsutum, eidem dono misit: de qua post alia sic ad ipsum scripsit¹: « Nos, inquit, neque verbis, neque rebus digna pensantes, unica tamen facultate nobis charitatis, qua vobis sola pares sumus, misimus tunicam, quam ab usu meo, ut de stercoris vilitate collectum pannum dignare suscipere. Nam vel hoc innocentie tuæ congruit, quod de tenero agnorum vellere contexta blanditur attractibus. Adde autem adhuc pretio ejus et gratiæ, quod quo dignior probetur usu tuo, de sanctæ et illustris in sanctis Dei feminae Melaniæ benedictione mihi pignus est. Unde te dignior visa est, cujus fides illi magis, quam noster sanguis propinquat ». Hæc Paulinus: quibus quidem postremis verbis, se Melaniæ sanguine fuisse conjunctum significat.

14. Configerat autem haud pridem ante adventum Melaniæ, Nola mihi ab eodem Severo ad ipsum Paulinum libellum scriptum de rebus gestis S. Martini; quem Melaniæ illum avidè cupienti se legisse testatur, necnon ostendisse S. Nicetæ Dacorum episcopo, qui hoc eodem tempore pietatis ergo in Italiam peregrinatus fuit: ait enim ea Epistola ad Severum² reddita: « Martinum enim nostrum illi » nempe Melaniæ « studiosissimæ talium historiarum ipse recitavi. Quo genere te, et venerabili episcopo atque doctissimo Nicetæ, qui ex Dacia Romanis merito admirandus advenerat, et plurimis Deo sanctis, in veritate non magis tui prædicator quam mei jactans, revelavi, etc. » Hoc ipso quidem anno contigisse magni illius Nicetæ adventum ex numero Natalium S. Felicis a Paulino editorum rectam exploratamque possumus deducere rationem. Nam cum ipse, scribens ad Severum³, testetur quolibet anno se statuisse conscribere versibus ejusdem Felicis Natalium: plane ex numero eorundem annos quoque licebit suo ordine adnumerare. Sed cum in nono a Paulino edito Natalitio mentio habeatur de posteriori ejusdem Nicetæ adventu Nola, eumque contigisse dicat anno quarto a priori ipsius adventu; affirmare opus est, ipsum ejus priorem adventum, tempore quo Natalitium quintum elaboravit, accidisse. De ejus enim posteriori adventu quo meminit de priore, isti sunt versus⁴:

Venisti tandem quarto mihi redditus anno:
Sed grates Christo, quia te vel sero revexit.

Cum igitur hæc ratione priorem ejus adventum contigisse oportuerit tempore quinti editi Natalitii; in quem Domini annum illud potissimum inciderit, hoc exquirendum est. Numeranda quidem esse Natalitia illa Paulini ab ultimo anno, quo adhuc detentus in Hispania Romam parabat adventum, ex ipso satis intelligi potest: fuit ille annus Domini (ut videntur) trecentessimus nonagesimus tertius. Sequenti autem, cum jam ad Natalem diem S. Felicis Nola

¹ Paulin. in Natal. x. S. Felice.

² Paulin. ad Sever. ep. x. — ³ Paulin. ep. xix. — ⁴ Paulin. in Natal. ix.

se contulisset, secundum ordine edidit Natalitium. Cum vero (ut ejus testificatione liquet) jam annum apud eundem S. Felicem egisset in ipso agro Nolano, quando et legationem ab episcopis Africanis suscepit, qui fuit annus Domini trecentessimus nonagesimus quintus, tertium ab eo scriptum est Natalitium: sequenti vero anno, nempe superiori, quartum: unde hoc ipso anno Domini trecentesimo nonagesimo septimo, ipsum quintum elucubratum fuisse Natalitium, necessario dicendum est: quo tempore et Nicetæ adventum contigisse, æque opus est affirmare, cum a quinto Natalitio usque ad nonum numerus ille periciatur annorum quatuor, quo Nicetas reditum in Italiam prorogavit.

15. Qui igitur ex Dacia veniens Romanis (ut ait Paulinus¹) apparuit admirandus, æque innotuisse Romano Pontifici, atque Apostolorum limina visitasse, quis poterit dubitare? Si enim nulla alia causa, quam invisendorum locorum sanctorum tam longam difficilemque peregrinationem obisse Paulini assertione dicitur; potuitne præterisse venerandas Apostolorum memorias universo antiquitus celeberrimas orbe, et ad eas non accessisse, insalutatasque reliquisse, qui Nolam se contulit ob S. Felicis sepulchrum? Certe quidem (si conjectura interdum verisimili ex similibus comparata exemplis agere concessum est) hand par est credere, qui tantam ad barbaras gentes agebat molem apostolatus, sub tantæ rei pondere, veluti operibus omnibus feriatum, tot interjacentes, ut iterum in Italiam se conferret, peragrasse provincias, nisi consulendi primarium Apostolicam sedem summa necessitas incubuisset. Hunc itaque Nolam advenientem (ut dictum est) cum digne S. Paulinus excepisset: quæ a Severo scripta atque missa fuerat Vita S. Martini, voluit eidem fieri manifestam.

16. Scripserat enim eam Severus adhuc ipso Martino superstiti: sed quando, et qua motus occasione, ipse docet his verbis²: « Cum olim audita fide ejus, vita, atque virtutibus, desiderio illius æstuareremus: gratam nobis ad eum videndum peregrinationem suscepimus: simul quia jam ardebat animus Vitam illius scribere; partim ab ipso, in quantum ille interrogari potuit, sciscitati sumus; partim ab iis qui interfuerant, vel sciebant, cognovimus. Quo quidem tempore, credi non potest, qua me humilitate, qua benignitate suscepit: congratulatus plurimum, et gavisus in Domino, quod tanti esset habitus, quem peregrinatione suscepta expetissemus. Misericordiam me (pane non andeo contiteri) cum me sancto convivio suo dignatus est adhibere, aquam manibus nostris ipse obtulit, ad vesperum autem ipse nobis pedes abluit: nec reniti ad hoc, aut contraire constantia fuit: ita auctoritate illius oppressus sum, ut nefas putarem, si non acquievissem. Sermo autem illius non alius apud nos fuit quam mundi hujus illecebras, et sæculi onera relinquendi, ut Dominum Jesum liberi

expeditique sequeremur: præstantissimumque nobis præsentium temporum illustri viri Paulini, cuius supra mentionem fecimus, exemplum ingerebat; qui summis opibus abjectis, Christum secutus, solus pæne his temporibus Evangelica præcepta compleret; illum nobis sequendum, illum clamabat imitandum: beatumque esse præsens sæculum, tantæ fidei virtutisque documento, cum secundum sententiam Domini, dives et possidens multa, vendendo omnia et dando pauperibus, quod erat factum impossibile, possibile fecisset exemplo ». Hæc Severus de suo ipsius accessu et congressu cum S. Martino, ut ejus Vitam describeret, quod et tunc præstitit: adeo ut appareat, post conversionem Paulini, ante tamen præsentem annum fuisse elucubratam.

17. Porro sic (ut ipse testatur³) libellum ipsum de Vita S. Martini conscripsit, ut intra parietes domesticos contineret: uni tantum valde familiari immenso desiderio eundem cupienti et valde exposcenti, pollicitatione præmissa ne cui concederet, tandem tribuit. Sed id plane accidit, quod idem Severus litteris ad Desiderium scriptis, se timere significarat illis verbis: « Sed vereor ne tu ei janua sis futurus, et emissus semel, non queat revocari ». Sed quomodo editus atque vulgatus? creditus est libellus eidem ipsi qui supra Paulino, qui hæc ad Severum⁴: « Benedictus tu homo Domini, qui tanti sacerdotis et manifestissimi confessoris historiam, tam digno sermone, quam justo affectu percensuisti. Beatus et ille pro meritis, qui dignum tunc et vita sua meruit historicum; qui et ad divinam gloriam suis meritis, et ad humanam memoriam tuis litteris consecratur ». Hæc ipse Paulinus: qui acceptum libellum illum (ut nuper vidimus) legit Nicetæ episcopo, sicque S. Martinus innotuit Borealibus barbarorum gentibus. Legit tunc et Melania, et sic idem S. Martinus in Urbem inductus est, ex qua celerime est vulgatus in orbem. Sed quomodo? Audi Posthumianum⁵:

18. « Referam tibi plane, inquit, quo liber iste penetraverit, et quam nullus fere orbis terrarum locus sit, ubi non materia tam felicitis historię pervulgata teneatur. Primus eum Romane urbi viri studiosissimus tui Paulinus inexit. Deinde cum tota certatim Urbe raperetur, exultantes librariorum vidi, quod nihil ab iis questuosius haberetur; siquidem nihil illi promptius, nihil carius venderetur. Hic navigationis meae cursus longe ante progressus, cum ad Africam venissem, jam per totam Carthaginem legebatur: solus eum Cyrenensis ille presbyter non habebat; sed me largiente descripsit. Nam quid ego de Alexandria loquar, ubi pane omnibus magis, quam tibi notus est? Hic Egyptum, Nitriam, Thebaidam, ac tota Memphis regna transiit: hunc ego in eremo a quodam sene legi vidi: cui cum me familiarem tuum esse dixissem, et ab illo et a multis fratribus hæc mihi juncta legatio est,

¹ Paulin. ep. x. — ² Sever. in Vit. S. Martin. c. nlt.

³ Sever. ep. ad Desider. ante libellum præfixa. — ⁴ Paulin. ad Sever. ep. v. — ⁵ Sever. Dialog. l. c. 16.

ut si unquam terras istas, te incolume, contigissem; ea te supplere compellerem, quæ in illo tuo libro de virtutibus beati viri professus es præterisse. Age ergo, etc.» Suppletus est liber a Severo, auctarioque locupletatus per epistolas de ejusdem viri sancti obitu postea ab eo scriptas, adjecto insuper additamento Dialogorum.

19. *Melania et Rufinus Romæ, qui ibi Origenis Periarcho malis artibus evulgat.* — Jam vero, ubi satis apud Paulinum Notæ consedimus, Melaniam cum Rufino redeuntem in Urbem prosequamur. Qui enim diu ab Urbe absentes, Hierosolymis tanquam in spiritali quadam Academia, ut veram excolerent sapientiam quinque (ut vidimus) lustris conconsiderant, cum primum Romam venerunt, omnium plane oculos præ admiratione in se converterunt. Læti jam illi videre præsentem, quæ de iisdem absentibus summo sepe præconio fama detulerat; sed non videre tantum, verum et audire solliciti; sicque ab ore ipsorum tanquam a cælesti quodam illato Romam oraculo penderunt. Cum ipsi, quam ex Origenis libris didicerant, Stoica indolentia perfectissimæ, et ad omnes numeros absolutæ vitæ christianæ specimen edentes, maxima apud Christianos omnes, qui Romæ erant, perpaucis exceptis, quos antea S. Hieronymus litteris monuisset, existinatione fuerunt. Cum sic igitur animos civium erga se suosque esse propensiores et optime affectos Rufinus intellexisset: evestigio impietate referta allata secum ex Ægypto primum, inde Hierosolymis scrinia reserat, indeque depromit pestiferas merces, sed ita fallacis obvolutas, et auro cælatas, ut bene prudentes et sapientes quoque eadem decipere potuissent.

20. De appulsu autem horum in Romanum Portum agens S. Hieronymus, hæc per antiphrasim ¹: « O tritemem locupletissimam, quæ Orientalibus et Ægyptiis mercibus Romanæ urbis ditare venerat paupertatem! Tu maximus ille es: unus qui nobis scribendo restituis rem. Ergo nisi de Oriente venisses, eruditissimus vir hæreret adhuc inter mathematicos ». Et paulo post: « Te multo tempore Pharus docuit, quod Roma nescivit: instruxit Ægyptus, quod Italia hucusque non habuit, etc. » At ne sibi esset impedimento quod apud nonnullos Origenis nomen male audiret, idem Rufinus Apologiam pro Origene ab Eusebio Cæsariensi scriptam, nomine tamen martyris Pamphili, a se vero latinitate donatam mox edidit, addiditque pro eodem recens a se item volumen elaboratum, cuius erat titulus: *De adulteratione librorum Origenis*. Sed et quod magis mireris, nec quidem ipse Rufinus erubuit Romæ jactare tum S. Hieronymum, tum etiam Theophilum Alexandriae episcopum iisdem Origenis erroribus assentiri. Testatur id quidem ipse S. Hieronymus in Epistola quam postea ad Pammachium scripsit ², ubi ait: « Me et papam Theophilum sui jactabat erroris: latratuque impu-

dentissimorum canum, ad inducendos simplices, nostrum mentiebatur assensum ». Hæc ipse.

21. Sed quod spectat ad Periarcho et Apologiam nomine Pamphitii martyris pro Origene a Rufino editam; audi Hieronymum ³ ab Oriente, ita ut Romæ audiretur, veluti tonitruum, vehementius obstreptem: « Rufinus non uni urbi, sed orbi blasphemias Origenis, et πρὸ ἀγῶν librorum, quantum in se fuit, intulit: ita ut Eusebii quoque primum librum defensionis Origenis sub nomine Pamphitii martyris ederet; et quasi ille parum dixisset, novum pro eo volumen exomeret ». Et rursus in eum ⁴: « Cur, inquit, translaturus hæreticam defensionem eorum, præmittis quasi martyris librum; et id Romanis auribus ingeris, quod translatum, nempe πρὸ ἀγῶν, totus orbis expavit? etc. » His igitur præcursoribus curavit Rufinus purulentum Origenis πρὸ ἀγῶν, Romam invhere, quo ab omnibus pacificis salutaretur occursibus, et nescientes imaginem bestię adorarent. Neque vero hæc sibi visa sunt satis: sed et adhuc addidit ad decipiendum summa quidem arte exegitatum portentum: ut de eo merito illud Psalmistæ appareat decantatum ⁵: « Sicut novacula acuta fecisti dolum »: et illud ⁶: « Lingua tua concinnabat dolos. Sedens adversus fratrem tuum loquebaris, et adversus filium matris tuæ ponebas scandalum »: cum videlicet id effecerit, ut quamvis ipse fur esset et latro, istæ ipsa fuerint tamen adversus sanctum Hieronymum protinus conclamata.

22. Quonam modo ista contigerint, audi. Cum ille pro Origene ejusmodi præmisisset defensores, sic πρὸ ἀγῶν ipsius voluit edi, ut eidem præfationi altissimæ, nomen suum silentio prætermiserit, quo et nomen interpretis haberetur incognitum: absque titulo enim auctoris præfationem illam editam esse, ex eo intelliges, quod de eadem S. Hieronymus postea ad Rufinum ⁷ scribens ait: « Præfatiuncula librorum πρὸ ἀγῶν ad me missa est, quam ex stylo intellexi tuam esse, etc. » Instar enim sepiam quæque hæresis nigredinem primum ad obscurandam veritatis claritudinem vomit: quod commune sit omnibus male agentibus, lucem odisse. Quid igitur veneni lateret in præfatione illa, quidve vitiosum esset in ea interpretatione, ut merito Rufinus nomen suum silentio obvolvendum putaverit, in apertam jam lucem cunctis aspiendum prodam. Erit plane quod mireris, lector, cum intueberis filiorum tenebrarum incredibilem in male agendo veritatem.

23. Qui igitur tacito suo nomine, a se translatum hæresibus refertum Origenis πρὸ ἀγῶν Romæ editurus erat, frontem operis, ipsa, inquam, meretricis prostibuli limina auro tecta ornata reddidit atque compta, ut ad ingressum homines ea dolosa arte pelliceret: quod præstitit, cum suspectum Origenis nomen faceret testificatione S. Hieronymi ve-

¹ Hier. Apol. I. II. — ² Hier. ad Pammach. ep. LXXVII.

³ Hier. in dial. advers. Pelag. — ⁴ Hier. Apol. adv. Rufin. — ⁵ Psal. LI. — ⁶ Psal. XLIX. — ⁷ Hier. ep. LXVI.

nerandum, dum quæ ab eodem adeo celebri auctore ejusdem Origenis lucubrationes essent hac tenus latinitate donatæ recenset, et ejus de ipso elogio recitat. Ex quibus alterum de duobus eventurum præsentiret; vel ut ita Origenis *πρὸς ἄλλους* avidius acceptum, ab omnibus probaretur; vel si contingeret ob blasphemias respuì, in Hieronymum ipsum antiquiorem Origenis interpretem ac laudatorem infamia verteretur. Ita quidem se habuit mali operis pejor interpres, pessimusque præfator. Unde si quis præfationem illam *πρὸς ἄλλους* Origenis appositam, putentis cadaveris dixerit polliceturam, qua grave olens corrupta caro suavissimos spiraret odores; sane quidem scopum ipsum veritatis attigerit. Vide quorsum progressæ sint veripellis hominis artes.

24. Sed præstat ipsum audire Ruffinum, cum ista præfatur¹: « Scio quamplurimos fratrum scientiæ Scripturarum desiderio provocatos, poposcisse ab aliquantis eruditis viris et græcarum litterarum peritis, ut Origenem Romanum facerent, et latinis auribus condonarent: inter quos etiam frater et collega noster Hieronymus ab episcopo Damaso deprecatus, cum homilias duas de Cantico Canticorum in latinum transtulisset ex græco, ita in illo opere ornatè magnificeque præfatus est, ut cuiusvis legendi Origenem et avidissime perquirendi desiderium commoveret ». Et paulo post: « Nos ergo rem ab illo quidem ceptam sequemur et probatam: sed non æquis eloquentiæ viribus tanti viri ornare possumus dicta. Unde vereor, ne vitio meo illud accidat, ut is vir, quem ille » nempe Hieronymus « alterum post Apostolos Ecclesiæ doctorem scientiæ et sapientiæ merito comprobavit, inopia sermonis nostri longe esse inferior videatur ». Itac quidem ipse et alia in commendationem Origenis ex testificatione S. Hieronymi, magni tunc in Ecclesia nominis: cujus quoque auctoritate adhibitam in idem opus interpretando fraudem voluit contextuisse, cum addit: « Quantum fieri potest interpretando, sequar regulam prædecessorum, et ejus præcipue viri », nempe Hieronymi, « cujus superius fecimus mentionem; qui cum ultra septuaginta libellos Origenis, quos Homilias appellavit, aliquantos etiam de tomis in Apostolorum scriptis transtulisset in latinum, in quibus cum aliquanta offendicula inveniantur in græco, ita eliminavit omnia interpretando atque purgavit, ut nihil in illis, quod in fide nostra discrepavit, latinus lector inveniat. Hunc ergo nos etiam, licet non eloquentiæ viribus, disciplinæ tamen regulis, in quantum possumus, sequimur, etc. »

25. Cum igitur istæ omnia S. Hieronymi exemplum sequi, et in genere interpretandi, Origenem expurgando, se illius profiteatur affectari vestigia; quis reprehendere vel hostis auderet, quod tanto ipse tentasset exemplo? Vel quis cunctando reciperet, quæ ipse (ut profiteatur) Origenis ederet erroribus expurgata in latinum conversa? Sed quid insuper?

dolos dolis consarciens, ne ipse mendax argueretur et proditor; cum se erroribus, exemplo S. Hieronymi expurgatum librum editurum pollicetur, quid adjecerit, accipe: « Sicubi ergo nos in libris ejus aliquid contra id invenimus, quod ab ipso in cæteris locis pie de Trinitate fuerat definitum; velut adulteratum hoc et alienum, aut prætermisimus, aut secundum ejus regulam protulimus, quam ab ipso frequenter invenimus affirmatam ». Hæc et alia ipse pollicitus, ad Origenis *πρὸς ἄλλους* legendum securum sic aditum voluit præparasse, ut tamen domi exceptos hospites lethali bus incautos venenis latentis hæresis compotaret: nimirum cum lectionem securum redderet, dum pollicetur Origenem erroribus purgatum exhibere, præstitumque id ab eo putaret in reliquis, sicut in maculis hæresis Arianae: sicque tutum redditum eundem incautum in foveam Origenis errorum præcipitem ageret.

26. Sed ubi ista? Audi Hieronymum¹ ad Pammachium ita scribentem: « Tuæ me, frater Pam-machi, et tuorum litteræ compulerunt, dicentes illos » libros scilicet *πρὸς ἄλλους* « ab alio fraudulentè esse translatos, et interpolata nonnulla, et vel addita, vel mutata. Ac ne parum epistolis haberem fidem, misisti exemplaria ejusdem translationis cum præfationcula landatrice mea. Quæ cum legissem contulisse mecum Græco: illico animadverti, quæ Origenes de Patre cum Filio et Spiritu sancto impie dixerat, et quæ Romanae aures ferre non poterant, in meliorem partem ab interprete commutata: cætera autem dogmata, de angelorum ruina, de animarum lapsu, de resurrectionis præstigiis, de mundo vel mundis Epicuri, de restitutione omnium in æqualem statum, et multo his deteriora, quæ longum esset relevere, vel ita veritasse, ut in græco invenerat, vel de commentarioli Didymi, qui Origenis apertissimus propugnator est, exaggerata et firmiora posuisse: ut qui in Trinitate catholicum legeret, in aliis hæreticum non caveret ». Ita Hieronymus: quibus versutias intelligas hæreticorum, instar Judæ sic petentis Dominum osculo, ut laqueum ejus collo injiciendum procreet, et vinculis strictum captivum hostilibus dedat.

27. *Sanctella Origenistas detegit ac debellat, in quo excusatur Siricius papa.* — Immenso tunc quidem periculo Romana fluctavit Ecclesia, cum hæresum ille thesaurus manibus clericorum circumferretur, ab imprudentibusque laudaretur, exscriberetur, vipereoque fætu multiplicaretur ubique: adeo ut, nisi Christi promissionibus firmissimo fundamento super firmam petram Ecclesia Romana in Petro consolidata fuisset, ejus casus jure timeri poluisset; ipsaque tunc naufragium expavisset navicula Petri, nisi Christus navigaret in ea. Plane accidit, ut, sicut cum Christus Phariseorum² exagittaretur opprobriis, extollens vocem quædam mulier magnificare eum intrepide cepit; ita Romana femine confessione fides Catholica ab Origenistarum

¹ Apud S. Hier. tom. IX.

² Hieron. Apolog. adv. Rufin. — ² Luc. XI.

blasphemiis vindicaretur illæsa : dum confundens sapientiam sapientum, silentibus iis, quorum muneris erat exsurgere et stare pro muro domus Israel, excitavit Deus spiritum feminae. Etenim exsurgens tunc mulier, nova Debora, phalanges evertit Chanaanæorum. At quomodo adeo ingens facinus ediderit femina una, audi S. Hieronymum ¹ rem iis verbis accurate scribentem :

28. « In hac tranquillitate et Domini servitute, hæretica in his provinciis exorta tempestas cuncta turbavit, et in tantam rabiem concitata est, ut nec sibi, nec ulli honorum parceret : et quasi parum esset, hic (in Palæstina scilicet) universa moysæ ; navem plenam blasphemiarum Romano intulit portui : invenitque protinus patella operculum, et Romanæ fidei purissimum fontem cæno lutosâ permiscuere vestigia. Nec mirum, si in plateis et in foro rerum venalium fictus ariolos stultorum verberet nares, et obtorto fuste dentes mordentium quatit : cum veneata spurcaque doctrina Romæ invenerit quos induceret. Tunc librorum *ἡερί ἀρχών* infamis interpretatio : tunc discipulus *ὁβύας*, et vere nominis sui, si in talem magistrum non inieisset : tunc nostrorum *Διδασκάλων* contradictio, et Phariseorum turbata est schola. Tunc sancta Marcella, quæ diu se cohibuerat, ne per ænnulationem quippiam facere videretur, postquam sensit fidem apostolico ore laudatam in plerisque violari ; ita ut sacerdotes quoque et nonnullos monachorum maximeque sæculi homines in ascensum sui traheret, ac simplicitati illuderet episcopi, qui de suo ingenio cæteros æstimabat : publice restitit, malens Deo placere, quam hominibus ». Hæc de S. Marcella Hieronymus, de qua nos plura superius, sed et inferius dicturi sumus. At quenam hæc sancti Hieronymi veluti enigmatibus obumbrata locutio? Quid per discipulum *ὁβύας*, et veronominis sui, si in talem magistrum non inieisset? » Alludit plane auctor ad descriptionem illam Rufini ad Macarium scriptam de adulteratione librorum Origenis, Romæ editam ad sternendam viam ejusdem Origenis erroribus : ad quem etiam præfationem in *ἡερί ἀρχών* inscripsit. Qui cum Macarius diceretur, vere (inquit Hieronymus) *ὁβύας* iste dicendus, hoc est *Beatus*, nempe Macarius ex nomine, nisi in talem incidisset doctorem. At quisnam iste Macarius fuerit, consule a nobis notata ad Romanum Martyrologium ², ut ab aliis ejusdem nominis sanctis viris ipsum scias discriminare.

29. Sed ut ad Marcellam redeamus, quo tandem perduxit ipsa negotium, ex paucis quæ idem auctor subdit, possumus intelligere : nimirum valide egisse, atque restituisse certamen, insuper et hostes in fugam convertisse. Etenim ipsi ab ea palam defecti, negaverunt Periarchoon hæresis promptuarium sua ipsorum opera in latinum esse conversum, et inticiati sunt pariter se ea cum Origene sentire, atque præ se ferentes catholicam disci-

plinam, ut Catholicæ Ecclesiæ communicantes, quaesierint a Romano Pontifice litteras communicatorias, quo earum testificatione se probarent ubique esse Catholicos; ac ita his muniti litteris, ab Urbe probati Catholici discessisse viderentur. Nam de his subdit ista Hieronymus ¹ : « Cernentes hæretici de parva scintilla maxima incendia concitari, et suppositam dudum flammam jam ad culmina pervenisse, nec posse latere quod multos deceperat, petunt et impetrant Ecclesiasticas epistolas, ut communicantes Ecclesiæ, discessisse viderentur ». Hæcque cuncta acta ait vivente Siricio, quem anno sequenti ex hac vita migrasse dicemus. Cætera autem quæ subdit de eorumdem hæreticorum damnatione facta a successore Siricii Anastasio papa, suo loco dicturi sumus.

30. Cæterum idem S. Hieronymus de S. Marcellæ certamine atque victoria ista subdit : « Dicās : Quid hæc ad laudem Marcellæ? Damnationis hæreticorum hæc fuit principium : dum adducit testes, qui prius ab eis eruditi, et postea ab hæretico fuerant errore correpti : dum ostendit multitudinem deceptorum : dum impia *ἡερί ἀρχών* ingerit volumina, quæ emendata manu scorpion monstrabantur, etc. » Addit enim, eo a sancta Marcella proventum esse negotium, quod cum intellexissent hæretici sese jam manifeste Romæ detectos esse, vocati licet ab Anastasio successore Siricii, cum venire penitus recusassent, absentes damnari meruerint : ut plane cunctis perspicue apparuerit, non dormire, neque dormitare, qui custodit Israel ; licet interdum illi dormitent, quibus vigilandi munus incumbit.

31. Suggillat tamen S. Hieronymus Siricii papæ simplicitatem, non dolum : dum enim non adduci posset, ut crederet, in Christianis adeo fama conspicuis, hæresis occultari venenum, ex probitate animi sui nesciens (ut ait) mala existimare de aliis, haud confestim spiritualis gladio potestatis (ut par erat) deforme monstrum exstinxit, neque citissime damnavit igni versionem illam veneno refertam *ἡερί ἀρχών* Origenis. Licet et aliqua saltem ex parte excusationem illam prætexere jure potuisset, quod exemplo evangelici patris familias usque ad messem siverit zizania crescere, ne cum eis exelleret triticum ; expectans nimirum, ut qui vere essent hæretici, perspicue matura segete, certioribus signis fierent manifesti : etenim cum ejusmodi hominum genere negotium erat, qui venerant in vestimentis ovium, cum intrinsicis essent lupi rapaces, affectataque sanctitate, nec ea quidem vulgari, sed quæ esset toto orbe spectata, aspidum ova foverent.

32. Cæterum, quod haud velociter Siricius periclitanti occasione Origenis errorum occurrit Ecclesiæ ; quam citius, nempe anni sequentis exordio, ex hac vita sublatus est : erectusque super cathedram Petri acerrimus oppugnator Originistarum

¹ Hier. ep. xvi. — ² Die II. Januar.

¹ Hier. ep. xvi.

hæreticorum Anastasius papa. Sæpe quidem atque pavendis est demonstratum exemplis, ut Pontifices illi qui causam fidei paulo segnius tractaverunt, ac remissius curaverunt, a Christo primario omnium pastore fuerint quam celeriter ex hac vita subducti: adeo ut manifeste fuerit declaratum, summo iugique studio, specialique diligentia semper invigilasse super Romanam Ecclesiam divinam providentiam, ne qua vel levi saltem suspitione hæreticæ contagionis aspergeretur.

33. Sed ut ad S. Marcellam iterum redeamus: quam egregie divini iudicii pondere certamen fuit æqua lance pensatum, dum per feminam dissipari delegit, quod duce femina per suos diabolus fuerat machinatus: Melania (quod et superius est demonstratum) vexillum impietatis, pietatis tamen characterē notatum, crexit, prægrandi dispendio Catholicæ veritatis: nam sub eo etiam paulo post Pelagius hæresiarcha ordines duxit. Hinc illa justa querela S. Hieronymi ¹, dum totius hujusce militiæ recenset antesignanos: « Quid, inquit, voluit miseræ mulierculæ onerata peccatis, quæ ² circumferuntur omni vento doctrinæ, semper discentes, et nunquam ad scientiam pervenientes, et cæteri muliercularum socii prurientes auribus, et ignorantes quid audiant, quid loquantur, etc. » Subdit enim pereruditæ catalogum præcipuarum hæresum, quæ prævia semper aliqua cum hæresiarcha muliere, infeliciter prodierunt. Sed feminam feminæ, et Melaniæ Christus Marcellam opposuit, quæ et victicia erexit de damnata impietate trophæa.

34. Sed quod ad Ruffinum spectat: etsi profecturus Aquileiam solum patrium petierit, et acceperit ab ipso Siricio Romano Pontifice communicatorias litteras Catholicis tantum (ut sæpius diximus) impertiri solitas, minime cessit culpæ Siricio. Nam cum ipsa hæretica interpretatio Periarcho Origēnis nomine careret auctoritas, nec a quo præfatio illa esset scripta liqueret: nihil est, quod Ruffinum nondum defectum, imo catholicum se clamantem, et ab omni hæresi se alienum extrinsecus profitentem a catholica communione extorem facere deberet. Nec Romanæ Sedis moris est non convictum quempiam condemnare. Cæterum ostentare solitum fuisse Ruffinum acceptam Siricii epistolam, quo se Catholicum esse omnibus demonstraret, testatur S. Hieronymus in Apologia adversus eum conscripta, cum ait: « Siricii jam in Domino dormientis proferens epistolam, et viventis Anastasii dicta contemnitis? » Hæc ipse: re enim postea ab Anastasio bene compta, accepit quam meruit Ruffinus ipse sententiam.

35. *S. Ambrosii obitus, et quæ illum præcesserint, quæque subsequuta fuerint.* — Hoc eodem anno, pridie nonas Aprilis, S. Ambrosius ætatis suæ clausa periodo, ex hac vita migravit: ea quippe die natalis ejus et ad cælum transitus, Catholicæ Ecclesiæ monumentis, annis singulis publice repetendus, ad-

scriptus habetur. Quod vero ad initam rationem temporis spectat; his ipsis anni hujus consulibus Cæsario et Attico ejus obitum contigisse, Marcellinus ¹ affirmat, cum sanctissimum sacerdotem in Chronico, tanquam epitaphio sepulchrali, ejusmodi commendatum reliquit elogio: « Ambrosius Mediolanensis virtutum episcopus sanctus, arx fidei, orator catholicus, ad Christum Dominum commigravit ». Hæc ipse, paucis quidem summa complexus. Cæterum de anno ejus obitus non ex Marcellino solum ista firmamus, sed et confirmamus auctoritate Paulini Vitam ejus scribentis, dum ait, ad obitum Theodosii usque ad Ambrosii mortem non intercessisse triennium. Sed et cum ex Concilio Carthaginiensi tertio ² missa fuerit legatio hoc anno sub dictis consulibus mense Septembri ad Siricium papam et Simplicianum episcopum Mediolanensem: plane significatur, jam ante illud tempus Ambrosium ex hac vita discessisse. Nec est quod quis canonem illum alterius Concilii postea Carthagine celebrati esse, illi vero annexum Concilio, tergiversari possit. Nam Siricius papa, cujus mentio illic fit, haud ad illud tempus vitam propagasse dici potest, quem constat anno sequenti, mense Februario ex hac vita migrasse. Ex quibus et colligere vales, ipsum S. Ambrosium sedisse annos viginti duos, menses quatuor minus tribus diebus: creatum enim episcopum diximus anno Domini trecentesimo septuagesimo quarto, septimo id. Decemb. Gratiano III et Equitio consulibus. Hæc cum adeo perspicuis argumentis appareant, habes unde redarguas Gregorium Turoensem, dum tradit ante S. Ambrosium defunctum esse S. Martinum, quem decessisse ait hoc anno iisdem Cæsario et Attico coss. Sed in utroque ipsum errore lapsum, satis in Notis ³ ostendimus; et de anno obitus S. Martini, exacto habito ejus vitæ annorum calculo, superius tertio Annalium tomo demonstratum ⁴ est, dum de ejus die natali et a militia discessione pluribus disseruimus.

36. His igitur de obitus tempore elucidatis, quæ mortem præcesserint et in obitu contigerint, ipsinque fuerint subsequuta, hic ex Paulino reddamus: « Ipse autem (inquit ⁵) de sua morte ante prædixit, quod usque ad Pascha nobiscum futurus esset: quod quidem meruit, Dominum obsecrans, quo maturius hinc liberaretur. Ingemiscebat enim vehementer, cum videret radicem omnium malorum avaritiam pululare. Sed eo magis cruciabatur, quod personas quoque ecclesiasticas vehementer eadem pestis invaserat. Subdit autem post hæc: « Ante paucos vero dies quam lectulo defineretur, cum XLII Psalmum dictaret, me excipiente et vidente, subito in modum scuti brevis ignis caput ejus cooperuit, atque paulatim per os ipsius, tanquam in domum habitator ingressus est: post quod facta est facies ejus sicut nix: postea vero reversus est vultus ejus

¹ Marcell. in Chron. — ² Conc. Carth. III, can. 48. — ³ Rom. Martirol. die 4. Apr. et die 11. Novembr. — ⁴ Annal. tom. III. anno Dom. 351. — ⁵ Paulin. in Vit. S. Ambros.

¹ Hier. ad Ctesiphonem adverb. Pelag. — ² 2. Tim. III.

ad speciem suam. Quod cum fieret, stupore percussus, obrigui, nec potui scribere quæ ab illo dicebantur, nisi postquam visio ipsa transibat. Dicebat enim eo tempore testimonium Scripturæ divinæ, quod ego optime retinebam. Nam scribendi vel dictandi ipso die finem fecit : sed quidem ipsum Psalmum explere non potuit. Ego vero, id quod visum a me fuerat, honorabili viro Casto diacono sub ejus cura debebam, statim retuli. At ille repletus gratia Dei, Spiritus sancti adventum me in illo vidisse docuit lectione Actuum Apostolorum ». Hæc de his ipse Paulinus exceptor : cujus ministerio perarare, vel nonnisi necessitate cogente, ut consuevit : nam de eo idem Paulinus hæc supra : « Nec, inquit, operam declinabat scribendi propria manu libros, nisi cum aliqua infirmitate corpus ejus attenuaretur ». Quod et ipse Ambrosius, ad Sabinum ¹ Placentinum episcopum scribens, confirmat : « Non enim, inquit, dictamus omnia, et maxime noctibus, quibus aliis volumus graves esse ac molesti : tum quia ea quæ dictantur, impetu quodam prouunt, et profluo cursu feruntur; nobis autem quibus cura est senilem sermonem familiari usu ad unguem distinguere, et lento quodam figure gradus aptius videtur propriam manum nostro affigere stylo, ut non tam deflare aliquid videamur, quam abscondere; neque alterum scribentem erubescamus, sed ipsi nobis conscii sine ullo arbitro, non solum auribus sed etiam oculis ea ponderemus, quæ scribimus ». Hæc ipse; qui hoc tempore passus divina, suum exceptorem fallere minime potuit, quin videret quæ alias sæpe fortasse absque arbitro perperussu esset.

37. Extat adhuc ipsa postrema S. Ambrosii lubricatio in Psalmum quadragesimum tertium, relicta (ut Paulinus ait) inabsoluta, duobus ultimis versibus prorsus intactis. Cum enim in eo explicando versu totus esset ² : « Quare faciem tuam avertis, oblivisceris inopiæ nostræ, et tribulationis nostræ? » testimoniumque illud divinæ Scripturæ ultimo recenseret loco ex Proverbiis, de divina Sapientia dictum ³ : « In latitudine cordis tui describe eam » : ad hæc ipse : « Ideo, inquit, qui habet sapientiam, non in occulto teneat eam, sed canat eam in exitu : ubique quod sentit, cum auctoritate prædicet ». Tuncque (ut Paulinus ait) fieri cæpta est visio illa sphaere igneæ super caput ipsius dictantis : cum tamen dictare ipse non destitit, puto quidem, ut in officio contineret exceptorem; ut deorsum super chartam ad stylum conversis intensus oculis, ipsum lateret, quod divinitus fieret. Quam ob causam dictare prosequens, verborum illorum aliam Symmachi interpretationem addidit, sed quidem non necessariam, sicut non diversam : ut plane appareat ipsum, quæcumque obiter memoria suggessisset, illa dictasse, ut sic occupatum jugiter redderet exceptorem, ne sursum tollendi oculos tribueret facultatem, et videndi ea, quorum neminem vellet ha-

bere conscium : quamobrem (ut dictum est) dictare pergens, illa subintulit : « Symmachus autem, pro tribulatione, afflictationem posuit. Sive autem afflictatio sit, sive tribulatio; opus est ut nos maneamus in Domino, nec ab eodem recedamus. Quoniam præsele Dominus et assistente nobis, omne certamen fortiter possumus sustinere. Si autem Dominum negligamus, et longe nos faciamus a Domino, facinus nobis adversarium fortorem ». In quibus postremis verbis dicendis Ambrosius Deo plenus subsistere numine victus cogitur : cum et frustra novissima illa dictasset, quod exceptor ipsa apparente visione totus obriguisset : non enim potuit non vidisse et sursum levasse oculos, quos emissi ex luce radii invitarunt, rei novitas provocavit, atque ingens miraculum in se convertit : cum tamen postea (ut ipse ait) retinens memoria quæ dictasset, postquam visio ostensa recessit, calamo reddidit cuncta quæ dixerat. Veruntamen quæ reliqua erant, dictandi nulla amplius Ambrosio cura fuit.

38. Sed cur ista Deus Ambrosio prælitit interpretanti divinas Scripturas jam proxime morituro, arbitro exceptore, teste quidem fide dignissimo? numquid frustra? absit : Deus quidem (quod concedunt philosophi) et natura nihil frustra. Non enim ad ostentationem (ut homines) Deus edit ostenta, sed ut quid magnum ostendat : et quidem (quod ad hanc rem spectat) voluit ejusmodi visione, veluti sigillo apposito, consignasse, ostendisseque tantum in Ecclesia doctorem, non pro humani sensus arbitrio, sed ex ore Domini, divino afflatum Spiritu docuisse, dissexuisse, scripsisse, atque dictasse ea, quibus vel populum erudit, vel hæreticos confutavit, cum viva voce vel scriptis episcopale munus explevit, et numeros doctoris absolvit.

39. Quæ autem fieri contigerunt, postquam sanctus Dei sacerdos æger in lecto decubuit, idem Paulinus sic narrat : « Post hos dies, ordinato sacerdote Ecclesiæ Ticinensi, incidit in infirmitatem : qua cum pluribus diebus detineretur in lectulo, comes Stilico dixisse fertur, quod tanto viro decedente de corpore, interitus immineret Italiæ. Unde convocatis ad se nobilibus viris illius civitatis, quos diligenter a sancto sacerdote cognoverat : partim interminatus est illis, partim blando sermone persuasit, ut pergerent ad sanctum sacerdotem; suaderent illi, ut sibi vivendi peteret a Domino commeatum. Quod ille ubi ab illis audivit, respondit : Non ita inter vos vixi, ut pudeat me vivere : nec timeo mori quoniam Dominum bonum habemus ». Sententia digna quidem Ambrosio, quam a S. Augustino laudatam, qui eam declarat, Possidius ⁴ tradit. Cæterum haud falsum vatem Stiliconem fuisse miserandus probavit eventus; ut plane quod de vinea Domini dictum est ⁵ : « Auferam sepe, et erit in direptionem », Italiæ acciderit posthac barbarorum furore ubique prostratæ. Sane quidem quovis tempore, longæva licet senecta, ejus obitus importunus semper videri potuiss-

¹ Ambr. l. vii. ep. xlv. — ² Ambr. in Psal. xliiii. — ³ Prov. iiii.

⁴ Possid. in Vit. S. Aug. c. 27. — ⁵ Isai. v.

set : hoc tamen migrans tempore visus est præmature, et importune nimis ex hac vita migrasse.

40. Quod autem ad ejus ætatem spectat; cum ex litteris ipsius ad Severum scriptis tempore quo Maximus tyrannus ex improvise invasit Italiam, testetur se tunc fuisse ætatis annorum quinquaginta trium, cum jam consulibus Honorio et Evodio annus Domini voveretur trecentisimus octogesimus sextus; numerando ab eo tempore usque ad præsentem annum ejus vite cursum, sexagesimum quartum vix inchoatum numerari contigit : adeo ut cum ejus senectus provecere expectaretur, omnino molestissime acciderit, ipsum decessisse in ipso pæne limine senectutis. Subdit his vero Paulinus : « Per idem tempus, cum in extrema parte porticus, in qua jacebat, in uno positi Castus, Polemius, Venerius, et Felix tunc diaconi secum tractarent, voce ita repressa, ut vix invicem se audirent, qui post obitum illius episcopus ordinandus esset : atque cum de nomine sancti loquerentur Simpliciani : tanquam interesset tractatui, cum longe positus ab ipsis jaceret; approbans exclamavit tertio : senex, sed bonus. Erat enim Simplicianus avi maturior. Qua voce audita, expavescentes fugerunt ». Et paulo post :

41. « In eodem tamen loco in quo jacebat (sicut referente Bassiano episcopo Laudensis Ecclesiæ, qui ab eodem audierat, didicimus), cum oraret una cum supradicto sacerdote, viderat Dominum Jesum advenisse ad se et ardentem sibi. Nec multos post dies ablati est. Sed eodem tempore quo a nobis migravit ad Dominum, ab hora circiter undecima diei usque ad illam horam qua emisit spiritum, expansis manibus in modum crucis oravit. Nos autem labia illius moveri videbamus, vocem autem non audiebamus. Honoratus autem sacerdos Ecclesiæ Vercellensis, cum in superiora domus se ad quiescendum composuisset, tertio vocem vocantis se audivit, dicentisque sibi : Surge, festina, quia modo est recessurus. Qui descendens, obtulit sancto Domini corpus : quo accepto ubi glutivit, emisit spiritum, bonum viaticum secum ferens, ut in virtute esset anima refectior angelorum nunc consortio, quorum vitam vixit in terris, et Eliæ societate lætetur : quia ut Elias nunquam regibus vel ullis potestatibus, ita nec iste pro Dei timore loqui veritus est. Atque inde ad Ecclesiam majorem, antelucana hora qua defunctus est, corpus ipsius portatum est, ibique eadem fuit nocte, quam vigilavimus in Palscha. Quem plurimi infantes baptizati, cum a fonte venirent, viderunt : ita ut aliqui sedentem in cathedra et tribunali dicerent; alii vero ascendentem suis parentibus digito ostenderent. Sed illi videntes videre non poterant : quia mundatos oculos non habebant. Plurimi autem stellam supra corpus ejus se videre narrabant.

42. « Tot tantisque signis voluit Deus sacerdotem suum post obitum immolescere, ut sciretur in cælis vivere, quem in terris defunctum plorabant. Sed lucescente die Dominico, cum corpus illius, per-

actis sacramentis divinis, de Ecclesia levaretur, portandum ad basilicam Ambrosianam in qua positus est : ita ibi dæmonum turba clamabat se ab illo torqueri, ut ejulatione eorum ferri non posset. Quæ gratia sacerdotis non solum in illo loco, verum etiam in plurimis provinciis usque ad hodiernum manet. Jactabat etiam turba virorum ac mulierum oraria vel semicinctia sua, ut corpus sancti aliquatenus ab ipsis contingeretur. Erat enim exequiarum turba innumerabilis totius dignitatis, totiusque sexus, omniumque pæne ætatum non solum Christianorum, sed etiam Judæorum et Paganorum : majore tamen gratia ordo præcedebat eorum qui fuerant baptizati.

43. « Eadem vero qua obiit die (sicut textus Epistolæ loquitur, quæ a successore ejus venerabili viro Simpliciano suscepta est de partibus Orientis, ad ipsum tanquam adhuc nobiscum viventem directa, quæ nunc usque Mediolani habetur in monasterio ejusdam viri sancti) apparuit orans cum illis, et imponens illis manus. Habet enim diem epistola, quo directa est; qua lecta, invenimus diem esse, quo ille defunctus est. Intra Tuscaniam vero, civitate Florentia, ubi nunc vir S. Zenobius nomine Episcopus est : quia promiserat se petentibus illis, illos sæpius visitaturum, frequenter ad altare, quod est in basilica Ambrosiana, quæ ibidem ab ipso constituta est, visus est orare; sicut ipso sancto viro sacerdote Zenobio referente didicimus ». Subdit post hæc Paulinus de auxilio obsessæ a Radagaiso Florentinæ civitati ab Ambrosio post aliquod annos impertito, deque Gildone tyranno, in Africa ejusdem Ambrosii ope extincto; quæ omnia nos suo tempore dicturi sumus, sicut et de aliis postea ejusdem apparitione obtentis adversus impios tyrannos victoriis : ut plane eidem sancto a Deo concessum singulari prærogativa videatur, ut qui vivens principes atque tyrannos corripere nunquam destitit, post mortem quoque perseveraverit vindex sceleratorum regum, et ultor persecutorum Ecclesiæ.

44. Sed et quæ Deus ostenderit signa adversus eos qui in sanctissimum sacerdotem post obitum obloqui non sunt veriti, idem Paulinus narrat his verbis : « Donatus quidam, natione Afer, presbyter tamen Ecclesiæ Mediolanensis, cum in convivio positus, in quo erant nonnulli militares religiosi, detraheret memoriæ sacerdotis, aspernantibus illis et deserentibus linguam nequam, subito vulnere percussus gravi, de eodem loco in quo jacebat, alienis manibus sublevatus, in lectulum positus est, atque inde ad sepulcrum usque perductus. In urbe etiam Carthaginensi, cum apud Fortunatum diaconum, fratrem venerabilis viri Aurelii episcopi, ad convivium convenissem una cum Vincentio Cassolitano episcopo, Maurano etiam episcopo Bolitano, sed et aliis episcopis, et diaconibus : tunc Maurano episcopo detrahenti sancto viro, retuli exitum presbyteri superius memorati : quod ille de alio dictum, de se oraculum maturo sui exitu comprobavit. Nam de eodem loco, in quo jacebat, cum subito vulnere ingenti esset percussus, alienis manibus ad lectum

portatus est, atque deinde ad domum in qua hospitabatur reductus, diem elapsit. Is finis virorum detrahentium fuit; quem videntes qui tum aderant, admirati sunt ». Hæc Paulinus.

45. En quod quantisque Deus cum viventem, tunc mortuum persecutus est præconem veritatis numeribus, sicut et alios omnes qui in Ecclesia Catholica euituere veræ fidei defensores : ut tot tantisque apertissimis signis eorumdem memoria divinitus consecrata ac posteris commendata, omnes certo scirent, atque perspicue intelligerent, veritatem ab illorum partibus stare qui his ipsis qui Dei amicissimi claruere, eandem quam ipsi prædicarunt, atque adversus hæreticos tutati sunt, intrepide confidentes, adhærent : cum e contra nec vel umbram quidem unius saltem veri miraculi sit invenire apud eos qui diversam ab his doctrinam quovis tempore annuntiarint. Quod autem ad ejusdem Ambrosii lucubrationes pertinet : desiderari quamplura, certum est ; nonnulla vero ejus supposita quisque prudens intelligit. Sed de his alias.

46. *De Paulino auctore Vitæ S. Ambrosii, et hujus quæ scripta perierint.* — Qui vero res ab eo gestas conscripsit Paulinus, longe alius a Paulino Nolano episcopo fuisse, manifestissime declaratur sua ipsius assertione. Quod enim hoc tempore testatur se clericum minoris ordinis militasse in Ecclesia Mediolanensi sub cura (ut ait) Casti diaconi, Ambrosio autem fuisse a manu : quis non videat hunc esse diversum a Paulino Nolano, jam ante quadriennium (ut vidimus) initiato presbyteratu, et hoc tempore in agro Nolano agente jam triennium, ibique firmiter subsistente? Decepit complures nomen : sed et quod ambo viri isti Augustino familiaritate conjuncti fuisse noscantur, existimaverunt iidem, hunc ipsum qui res gestas Ambrosii memoria commendavit, fuisse Paulinum Nolanum ; a quo etsi alia deessent firmissima argumenta, certe quidem ipsa longe dissimilis dicendi phrasis discriminat. Cæterum præter S. Paulinum Nolæ agentem, complures alii Paulini inveniuntur eidem Augustino pernecessarii, quorum primum locum obtinet is de quo est sermo, qui rogatus ab illo, sanctissimi viri Vitam conscripsit, ut ipse ejus exordio testatur, cum hæc ait : « Hortaris, venerabilis pater Augustine, ut sicut beati viri Athanasius episcopus, et Hieronymus presbyter stylo persecuti sunt vitas sanctorum Pauli et Antonii in eremo positorum, sicut etiam Martini venerabilis episcopi Turonensis Ecclesiæ Severus servus Dei sermone contexit : sic etiam ego beatissimi Ambrosii episcopi Mediolanensis Ecclesiæ meo persequar stylo, etc. » Idemque ad ejus vitæ finem, se in Africa Carthagine esse versatum affirmat, cum agit de irrogato divinitus supplicio in Mauranum episcopum Ambrosio detrahentem : ut non mirum sit quod innotuerit Augustino, qui et eum antea novisse potuit cum Mediolani vitam ageret.

47. Quamobrem hunc ipsum interdum existimavi esse Paulinum illum, qui auctus postea diaconatu, acerrimus insurrexit impugnator hæresis

Pelagianæ, dum Carthagine primum adversus Cælestium in episcoporum Concilio strenue egit : existant enim Acta illa a S. Augustino recitata¹ quibus significatur, ejus opera factum, ut Cælestius primum² Carthagine damnaetur, ac postea Romæ, oblato adversus eum Zozimo pape libello, ut inferius hæc omnia pro tempore pluribus patet. Sed præter hunc, alios adhuc habes vixisse Paulinos Augustino notissimos : extat enim ejusdem Augustini epistola quinquagesima nona ad Paulinum episcopum, in cujus fine duos alios rogat apud ipsum manentes salutari Paulinos, quorum alterum nominat filium, alterum vero compressbyterum. Isidorus in libello quem tenuit de Viris illustribus, hunc ipsum scriptorem Vitæ Ambrosii presbyterum nominat : sed et alias ab eodem editas lucubrationes ita recenset³ : « Paulinus presbyter explicuit in benedictionibus patriarcharum triplici intelligentiæ genere libellum satis succincta brevitate compositum. Idem etiam, petente Augustino, conscripsit Ambrosii vitam signis florentem atque doctrinis, et meritis Apostolorum non imparē : siquidem (sicuti) et Constantius episcopus Germani Vitam contexit, obitumque Paulini Uranius edidit ». Hæc ipse : quibus perspicuum est, ejus quoque sententia ; Paulinum Nolanum, cujus obitum scriptum ab Uranio tradit, nequaquam auctorem fuisse Vitæ S. Ambrosii : quam quidem sententiam omnino retinemus : Uranium vero memorie tradidisse obitum Paulini Nolani episcopi, omnes intelligunt, quos libellum illum legisse contigit : cum alio qui illum de quo agit Isidorus, presbyterum fuisse tradat.

48. Cæterum quod spectat ad libellum de sancti Ambrosii Vita conscriptum : summa fide illum consignatum esse, quisque intelligere potest ; dum vel quæ ipse vidit, vel a S. Marcellina de Ambrosio didicit, vel ex epistolis diversorum post obitum datis de iis qui in diversis provinciis ipsum vidisse narraunt, se scripsisse testatur. Attamen brevius quam par erat, et non levi jactura posterorum, quamplurima ab eo prætermissa noscuntur ; quibus quidem auctam ejusdem sanctissimi Patris Vitam a nobis conscriptam, Sixtus Pontifex Maximus, ejus jussu eam suscepi provinciam, suæ editioni ejusdem S. Ambrosii Operum præfixam edendam curavit : quam ad scripta de eodem in Annalibus, cum quid diversum in ea invenies (quod posteriores cogitationes meliores esse soleant) conformandam intelliges. Sed ab eodem Paulino illud desideratum est, quod Possidius præstitit in Augustino ; nimirum, ut rebus ab eo gestis memoriæ proditis atlexnis scriptorum ejus catalogum : etenim consolatio aliqua saltem ista fuisset, post illorum deploratam jacturam inestimabilem, in indicis serie ea legere, ac in his veluti duteibus exuviis delectari. Ignoratum plane esset, scriptum ab eo catechismum ad Frigildem reginam Mar-

¹ Aug. cont. Pelag. et Cælest. l. II. c. 3. 4. 7. — ² Epist. Conc. Carth. ad Innoc. Pap. apud Aug. ep. IX. et August. cont. Pelag. l. II. c. 1. — ³ Isidor. de Vir. illust. l. IV.

comannorum, nisi ipse Paulinus vel obiter meminisset : nec sciretur ab eodem S. Ambrosio editum de puerilis ætatis institutione libellum ad Pansophilum puerulum Florentiæ ab eo revocatum a mortuis, nisi alia occasione idem recoluisse : præterissent quoque omnes ab eodem S. Ambrosio editi commentarii adversus imperitissimos, et superbissimos quosdam, qui de Platonis libris Dominum profecisse jactarunt ; nisi apud S. Augustinum ¹ de iisdem nobilis memoria esset. Nec quis etiam scisset ab eo clucubratis elucidationes in Prophetas, et homilias in Sapientiam Salomonis, nisi unus hæc docuisset Cassiodorus ² ; cuius quoque testificatione tantum noscitur, ab eodem Ambrosio relictum codicem, in quo ejusdem suavissima (ut ait) inerat expositio super omnes Pauli epistolas : quod quidem volumen jam ejusdem Cassiodori tempore desiderari ceptum est : sed plane deperdido, in locum ejus, alterius Auctoris, ejusdem facultatis opus, Ambrosii nomine apparet fuisse suppositum.

49. Sed et quam plurimos sermones ejusdem sancti constat esse deperditos. Quotnam, rogo, ab eo ad populum dictas homilias oportuit ; quem constat singulis diebus Dominicis et celebritatibus martyrum conciones ad populum habuisse ? Porro ejusdem Cassiodori ³ auctoritate sermonis illius tantum titulus innotescit de Judicio Salomonis ; et alios plurimos certum est desiderari : cum alioqui complures S. Maximi episcopi Taurinensis, Ambrosii nomine habebant inscripti, sicut et alia aliorum nonnulla ut S. Prosperi, et aliorum, utinam, et non Pelagii etiam, cuius epistolam ad Demetriadem scriptam, Ambrosii nomine hactenus lectam fuisse constat : ut præmittam alia nonnulla alienissima ab eo, quæ ejus tamen titulo eusa leguntur. Sed in his non immeremur : a quibus omnibus Paulinus nos liberasset, si (ut par erat) singula ab Ambrosio scripta opera, posteris, edito eorum indice, credidisset.

50. Sed nec quemquam alium antiquorum reperimus, qui ejusdem Ambrosii scripta recensuerit : verum hæc tantum a S. Hieronymo ante annos quinque in catalogo Ecclesiasticorum Scriptorum prodita leguntur : « Ambrosius Mediolanensis episcopus usque ad præsentem diem scribit : de quo, quia superest, meum iudicium subtraham, ne in alteritram partem aut adulatione in me reprehendatur, aut veritas ». Hæc tantum ipse. Sed unde (dicit aliquis) reprehendenda veritas ? Numquid fuit aliquis, quo in his quæ spectant ad catholica dogmata Ambrosius a Hieronymo suggillandus esset ? minime gentium : sed quod e Græcis scisset ⁴ mutatum esse quam plurima. Qui enim e secretario iudicum ad sacrarium evestigio translatus esset, haud mirum si alterius interdum indigeret ad volatum pennæ : quod obiectum tacito nomine in eundem Ambrosium a S. Hieronymo, Rufinus ⁵ exaggerat, ex

secretis (ut ait) inter se litteris de Ambrosio illum suppresso nomine locutum esse, se probare posse testificans. Sed Rufini ipsius malam mentem, malumque animum ex pluribus superius reddidimus sæpe testatum. Cæterum hic non prætermittendum, vixisse his temporibus alium item Ambrosium nomine scriptorem ecclesiasticum, de quo sic ipse Hieronymus ¹ : « Ambrosius Alexandrinus, auditor Didymi, scripsit adversus Apollinarium volumen multorum versuum de dogmatibus, et (ut ad me nuper, quodam narrante, perlatum est) commentarios in Job : qui usque hodie superest ». Hæc ipse. Sed jam quæ sunt reliqua anni huius, ordine prosequamur.

51. De S. Felice Bononiensi, et Gaudenzio Novariensi episcopis. — Relato ad superos sanctissimo sacerdote, communi totius Mediolanensis Ecclesiæ consensu successor S. Simplicianus eligitur, antiqua morum probitate, probataque diu doctrina toti orbi Occidentali conspicuus, sed longæva nimis ætate gravatus : de quo sæpe superius quarto Annalium tomo, pluribusque mentionem haberi contigit. « Ex eadem quoque Mediolanensi Ecclesia, quæ cultura magni illius agricole egregiis erat clericorum fecundata palmis, assumptus paulo post fuit Felix diaconus in episcopum Bononiensis Ecclesiæ, dignus S. Eusebii successor ». Hæc ex Paulino ². Sed haud diu post ab eodem S. Simpliciano ordinatus est Novariensis Ecclesiæ S. Gaudentius episcopus, egregia pollens vitæ sanctitate, utpote qui sub disciplina institutus fuerat S. Laurentii ejusdem Ecclesiæ presbyteri et martyris (improvisa enim Gentilium grassatione una cum pueris quos erudiebat, est interfectus), quique postea S. Martino inbasit, inde vero adjunxit se comitem S. Eusebio Verecellensi episcopo in Orientem exulanti : sed et S. Ambrosio bene notus, de futuro episcopatu prædictionem accepit, ut vitæ ejus Acta declarant.

52. Concilium Taurinense. — Hoc illidem anno paulo post S. Ambrosii obitum, celebratum apparet Concilium Taurinense, in quo lectæ sunt tum Romani Pontificis, tum etiam ipsius Ambrosii litteræ haud pridem ad Synodum date in causa communicationis Felicis in Gallia episcopi, prout ejusdem Synodi quintus canon his verbis significat ³ : « Illud decrevit præterea S. Synodus : ut quoniam legatos episcopi Galliarum, qui Felici non communicant, destinarunt ; si quis ab ejus communione se voluerit separare, in nostræ sanctæ pacis consortium suscipiatur, juxta litteras venerabilis memoriæ Ambrosii episcopi, vel Romane Ecclesiæ sacerdotis dudum latus, quæ in Concilio legatis per scribas recitate sunt ». Quisnam fuerit iste Felix, cui Galliarum episcopi non communicarent, et causa cur vitaretur, consule quæ superius dicta sunt tertio Annalium tomo, dum de Maximo neci dante Priscillianistas actum est.

¹ Aug. ep. xxxiv. in fin. — ² Cassiod. Inst. divin. lect. l. i. c. 3. 5. — ³ Cassiod. l. i. c. 2. — ⁴ Hier. præfat. in Didym. de Spir. san. — ⁵ Rufin. in vect. advers. Hier.

¹ Hier. de Script. Eccl. prope fin. — ² Paulin. in Vit. S. Ambr. — ³ Concil. Taurin. c. 5.

53. Sedatæ sunt in eadem Synodo altercationes inter Arelatensem, et Viennensem episcopos de Primatu certantes : illique civitati dignitas illa decreta, quæ se ejus provincie metropolim ostenderet. Sed et Narbonensis provincie primam esse sedem Massiliensem Ecclesiam pariter declaratum est, ejusque tunc sedis episcopum Proculum metropolitani esse habendum antistitem : hic ille Proculus insignis nomine, quem interfuisse vidimus Concilio Aquileiensi una cum Sancto Ambrosio, ut ejusdem Synodi Acta testantur ; quem et S. Hieronymus ¹, ad Rusticum scribens, magnopere commendavit.

54. *De Concilio Carthaginiensi tertio in basilica Restituta.* — Isdem hujus anni consulibus, kalendis Septembris, celebrata habetur Synodus ² Carthaginensis, tertia dicta, in Secretario basilicæ Restitutæ, loco solito, in quo alia quoque nonnulla Carthaginensia Concilia acta esse leguntur. Sed unde nomen loco ut basilica Restituta dicatur ? Num (ut hæc obiter attingamus) sic dicta a Restituta³ martyre Carthagine passa ? Vel a S. Restituto episcopo Carthaginiensi, in cujus die natali S. Augustinus homiliam ad populum habuit ? Aut fortasse (ut de alia Basilica in Africa exemplum⁴ est) sic nominata fuerit Restituta, quod possessa din a Donatistis, fuerit restituta Catholicis ? quod et magis arridet ; cum in alio Carthaginiensi Concilio celebrato Valentiniano Augusto quartum, et Theodosio cons. eadem Basilica nominata habeatur Perpetua Restituta. Fuisse quidem Carthagine majorem basilicam, ubi corpora sanctorum martyrum Perpetuæ, et Felicitatis sepulta erant, auctor est Victor⁵ episcopus Uticensis. Sic igitur primaria basilica, quæ a primaria martyre nomen acceperat ut Perpetua diceretur, occupata olim et possessa diutius a Donatistis, quod tempore Constantini, vel Constantii ejus filii reddita sit Catholicis, Restitutæ aucta est nomine.

55. Quod autem tertium hoc dicatur Carthaginense Concilium : non inde quidem accidit, quod in ea civitate tria tantum in hanc diem fuerint celebrata Concilia, cum longe plura ibidem habita numerari contingat : sed quod Conciliorum collector ab illis numerare exorsus, quæ post tempora Constantini potuit reperire, hoc ordine tertium numeravit. Secundum vero nominavit quod ante istud collocavit celebratum (ut ponitur) Valentiniano IV et Theodosio consulibus. Sed manifestus est ibi error in consulum nota, siquidem nusquam reperitur Valentinianus Augustus gessisse consulatum cum Theodosio, sed cum Neoterio anno Christi trecentesimo nonagesimo. Nec est, quod dici possit, pro Neoterio, vitio librorum Theodosium scriptum : siquidem Alypius qui in ea Synodo nominatur Tagastensis episcopus, adhuc presbyter tunc tantum erat, quem creatum fuisse episcopum Tagastensem anno Redemptoris trecentesimo nonagesimo quarto,

superius est demonstratum. Quod autem pluribus notis qui huic secundo nuncupato Concilio præfuit Genedius, absque controversia cognoscitur fuisse Carthaginensis episcopus, utpote qui non solum primo loco sedit, primusque omnium sententiam dixit, sed et suis ipse litteris Synodum convocavit, quod nonnisi Primati licuisse ¹ S. Augustinus docet in epistola ad Victorinum : existimatum fuit a docto viro, hunc in sede Carthaginiensi successisse Grato, præcessisse vero Aurelium, qui in eadem Synodo, secundo loco nominatus reperitur episcopus ; ita ut sicut Augustinus Valerio, ita Genedio Aurelius Carthaginensis episcopus hæserit : sic ipse in perdifficili quæstione a nemine lucusque tentata, nedum soluta, quam nos diligentiori examine pertractare aggredimur. Atque in primis quod ad ejusdem Concilii tempus spectat reperimus, longe abesse ut diculum Concilium sub Genedio celebratum dici secundum possit, sicut est positum a Collectore : quin potius postremum omnium eorum quæ ab eo sunt numerata septem, esse ponendum, contendimus. Ad hoc probandum hac in primis evidenti utimur ratione : interfuisse huic Synodo sententiamque dixisse reperitur Valentinus Numidie Primas, qui non ante sextam ac septimam Synodos Carthaginenses potuit eam esse consecutus dignitatem, siquidem ante ipsum in Concilio Milevitano, quod celebratum est anno quadringentesimo secundo sub consulatu quinto Arcadii, et Honorii Augg. cum aliis sedisse Numidie Primate Xantippum, ejusdem Concilii Acta significant : adeo ut nullo pacto ante illud tempus celebratum dici possit illud sub Genedio Concilium Carthaginense, ut sit necesse illud referre ad tempora Zozimi, Bonifacii et Cælestini Romanorum pontificum, sub quibus idem Valentinus reperitur fuisse Numidie Primas ; utpote qui interfuisse habetur sexto Concilio Carthaginiensi, primumque locum tenuisse post Aurelium episcopum Carthaginensem : quod Concilium celebratum reperitur anno Christi quadringentesimo decimo octavo, sub consulatu Honorii duodecimo et Theodosii octavo : sed et in synodalibus litteris ad Bonifacium papam datis, cum æque post Aurelium ponitur Valentinus, sicut in litteris redditus ab Orientalibus ad Africanos, nempe ab Attico Constantinopolitano, et Cyrillo Alexandrino ; in quibus dum æque post Aurelium Carthaginensem episcopum legatur Valentinus, plane possit intelligi, ipsum illum fuisse Primate Numidie. Reperies idipsum factum pariter in litteris Concilii Africani ad Cælestinum Romanum pontificem, in quibus statim post eundem Aurelium nominatum habes Valentinum, sed in edito codice perperam pro Valentino legitur Palentinus, quod ex antiquis scriptis codicibus corrigas. Porro ipsum Concilium Africanum (ita dictum, ut in ejus exordio declaratur, quod quæcumque Concilia sub Aurelio Carthaginiensi sunt celebrata, illic per epitomen sint collecta) celebratum reperitur tempore Cælestini Ro-

¹ Hier. ep. IV. — ² Extat. tom. I. Conc. — ³ Rom. Marty. die 17. Maii ibi not. — ⁴ Evod. Valen. epis. I. I. c. 7. in fin. apud Aug. tom. X. — ⁵ Vict. de Persecut. Vandal.

¹ Aug. ep. CXCVII.

menis inferioris ordinis impertiri solitum accipiant : Nam et ipsi fideles, baptizali scilicet, per dies illos Paschales sacramenta non mutant, nempe signa in baptismate suscepta, ut plane deceat, non esse tunc tempus mutationis. S. Augustinus enim vocat saepe ipsum symbolum, sacramentum¹ : quod eo fidei sacramentum², hoc est fides ipsa continetur. Porro catechumeni, ipso exordio catechismi, sale ad salutem condiebantur, ut qui ritus tractant Ecclesiasticos satis docent; et ipse de se S. Augustinus, cum puer esset, ait³ : « Signabar jam signo Crucis ejus, et condiebar ejus sale ». At de his satis.

58. Sed quid illud, quod in eodem Concilio his verbis a Patribus definitum esse legitur ? « Ut⁴ primæ Sedis episcopus non appelletur princeps sacerdotum, aut summus sacerdos, aut aliquid hujusmodi, sed tantum primæ Sedis episcopus ». Ita in omnibus antiquis scriptis exemplaribus legitur : verum, et in græce redditus ejusdem Concilii Carthaginensis canonibus eadem tantummodo esse verba canonis, Theodorus fidem facit : ut non dubites, quæ mox sequuntur in Decretorum libro his verbis : « Universalis autem nec etiam Romanus Pontifex appellatur », esse Gratiani. Quod schola imperitorum⁵ ignorans, magno canonem præconio extulit, quo sancitum dixerunt, ne Romanus Pontifex Universalis appellaretur : quasi Africanæ Ecclesiæ juris fuerit, de Romana Ecclesia sancire leges ; et non magis Romanæ Ecclesiæ facultatis et usus, leges præscribere Ecclesiæ Africanæ. Quod ne longius petito demonstretur exemplo ; habes a Siricio papa Epistolam ad Africanos conscriptam consulari Areadii et Bantonis, qua custodiri præcipit quæ tunc in Romano Concilio fuerant constituta, apposito ad finem Epistolæ anathemate, his scilicet verbis : « Si quis sane inflatus mente carnis suæ, ab hac canonis ratione voluerit evagari, sciat se a nostra communione seclusum, etc. »

59. Sic igitur, sicut liquet ea non esse verba canonis, sed Gratiani ; ita etiam patens est non esse eadem a Gratiano inditam ad canonem illum veluti declarationem appendicem, sed apposita ad sequentium rerum tractandarum epigraphum. At vero cur Romani Pontifices, Universales interdum dici renuerint, opportunius suo loco dicendum : nunc autem in reddendo canonis hujus germano sensu versemur. At primum quod pertinet ad voces ipsas : hand enim ipsæ ab Ecclesiâ abjiciendæ fuerunt ut exoticæ atque profanæ, quæ ex innumeris divinæ Scripturæ locis sibi vindicant auctoritatem : passim enim in utroque reperis Testamento, Princeps sacerdotum, et Summus Sacerdos, idemque Maximus Pontifex. Nec quidem eædem, ut mendaces tituli, explodendæ, vel ut quæ in Ecclesiâ Catholica non essent usu receptæ : siquidem ut episcopi qui aliis præsent episcopis, dicentur principes sacerdotum, Theodo-

rus¹ in testimonium adducit œcumenica Concilia Sardicense et Chalcedonense ; « quæ, inquit, exarchos provinciarum appellant Metropoleon episcopos ». Quod vero ad Summi Sacerdotis vel etiam Summi Pontificis vocem pertinet, communes fuisse ejusmodi titulos etiam episcopis illis, quos nullo sub se episcopos confingeret habere subjectos, sanctorum Patrum et sacrorum Conciliorum exemplis in Notis² ad Romanum Martyrologium pluribus demonstravimus ; quæ hic repetere, (quod rei argumentum exposcat) haud fastidio erit.

60. Fuit (ut diximus) olim vetus ille usus in Ecclesiâ, ut episcopi omnes non pontifices tantum dicerentur, sed Summi Pontifices vel Summi Sacerdotes, eo quod episcopatus summum sacerdotium diceretur. Unde S. Ambrosius ad Felicem Commensem episcopum : « Suscepi, inquit, gubernacula summi sacerdotii ». Et Zozimus papa in epistola ad Hesychium episcopum Salonitanum de clerico per gradus singulos ad summum usque promovendo, ait : « Jure inde summi pontificatus locum sperare debet ». Et Gelasius in Epistola ad episcopos Lucaniæ, absque Summo Pontifice, nempe suo episcopo, vetat acolythum vel diaconum quicquam facere. Firmant hæc ipsa sua scriptis Gaudentius episcopus Brixinianus in sermone habito de sua ordinatione, Sidonius³ Apollinaris, et alii, sed et sacra Concilia : Nam in Concilio Aurelianensi primo⁴ hæc verba : « Cum auctore Deo in Aurelianensi urbe fuerit Concilium summorum antistitem congregationum, etc. » Et in Agathiensi ita⁵ : « De episcopis omnibus in summo sacerdotio constitutis ». Et Synodi Toletanæ exordio⁶ : « Convenientibus nobis Hispaniarum Galliciaeque summis pontificibus ». Sunt et alia complura de his exempla : sed hæc plus satis. Verum quod et desiderare potuisses, et ipsum sufficere solum poterat ad declarandum etiam, cur jure episcopi summi sacerdotes dicendi essent : accipe de his ipsis S. Augustini, qui huic de qua agimus Synodo reperit interfuisse, ac pariter subscripsisse, auctoritatem summa fide testatam⁷ : « Quid, inquit, est episcopus, nisi primus presbyter, hoc est summus sacerdos ? denique non aliter quam compresbyteros hic vocat, et consacerdotes suos ». Hæc ipse : quibus perspicue satis intelligas, non sic prohibuisse Synodum Carthaginensem dici episcopos, summos sacerdotes, quasi tales non essent. Sed cur hoc ? dices. Audi quæ Theodorus eodem in loco notat : « Prohibita autem, inquit, sunt hæc nomina ad tollendam arrogantiam : et propterea plures Patriarchæ et Antistites seipsos viles, et humiles appellant in suis inscriptionibus ». Hæc ipse, ac jure quidem : quæ cum quis non considerat, in plurimos errores præcipitem ferri necesse sit.

61. Sic igitur Africanos episcopos in hoc Concilio vitare voluisse tantummodo nominum arro-

¹ Aug. de Symb. ad Catechum. l. II. III. IV. et de tempor. serm. II. — ² Aug. ep. XXIII. in fin. — ³ Aug. Confess. l. I. c. 11. — ⁴ Concil. Carthag. III. c. 26. — ⁵ Centuriat. cent. v. c. 9. col. 868.

¹ Theod. in Conc. Carthag. c. 43. — ² Notat. in Rom. Mart. die 19. April. — ³ Sidon. l. V. ep. XIV. l. VI. ep. X. l. IX. ep. XV. — ⁴ Concil. 1. Aurel. c. 3. — ⁵ Concil. Agat. c. 6. — ⁶ Concil. Tolet. VI. exord. — ⁷ Aug. li. qu. cx utroque mix. q. 10.

gantiam, non autem potestatis, et decentis tituli pati eodem voluisse iacturam : ex eo facile poteris intelligere, dum qui primæ Sedis essent episcopi, iidem noluerunt dici principes episcoporum, vel summi sacerdotes ; cum vox illa prior communis esset omnibus metropolitans cuiusvis sedis episcopis, posterior vero communis esset illis etiam episcopis, qui metropolitano subditi essent Antistiti. Cæterum quod his omnibus majus est, summum illum voluerunt titulum retineri, quo suprema omniumque maxima potestas significaretur, nempe ut primarum sedium episcopi, iidem Primates appellarentur : hoc quidem nomine sive episcopum Carthaginensem Primatem Africae, sive episcopum Primatem Mauritanie, itemque Primatem Numidiæ ab eis appellari consuevisse, innumera exempla suppetunt : quem quidem titulum longe præstare illi, quo dicerentur principes episcoporum, quove nominarentur summi sacerdotes, quis non intelligit ? Majorem quidem hoc titulo non inveniri, quam ut quis Primas diceretur ; accipe exemplum ex verbis Siricii pape in eadem Epistola ad ipsos Africae episcopos scripta, quibus ait : « Ut extra conscientiam Sedis Apostolicæ, hoc est primatis, nemo audeat ordinare, etc. » Si igitur Apostolicarum Sedium episcoporum titulus est, ut Primates dicantur ; quis major hoc titulo dari potest episcopis, præsertim illis, qui Apostolicis Ecclesiis minime præsent, ut Carthaginensi, et aliis diversarum provinciarum primæ sedis episcopis ?

62. Sed cur nomen (iniquis) principis episcoporum exhorruerunt, qui illo majus retinuerunt ? Puto quidem ea ex causa, quod cum inter discipulos de Primatu contentio facta esset, Dominus eos redarguens hæc inculcavit : « Principes ¹ gentium dominantur eorum : non sic erit inter vos » : visum est in Christiana præfectura nimis arrogans nomen principis. Sed et quod addiderit : « Qui vult inter vos major fieri, sit vester minister » : vocem illam veluti fastuosam respuendam esse censuerunt : cum alioqui certum sit, Dominum noluisse his sententiis confundi Ecclesiasticam hierarchiam, sed potius mentis curare tumorem, et præsidium amputare superbiam. Quam enim studiose curaverint Apostoli, et apostolici viri ex Christi instituto sartum tectumque custodiri in Ecclesia hierarchicum ordinem, primo tomo Annalium, et alias sæpius pluribus demonstravimus. Ad de his modo hæcenus : haud tamen præter institutum in his immorari aliquando contingit : his enim elucidandis, exordio Annalium tibi nostrum studium obligasse, puto, memineris.

63. Quod rursum ad id Concilium spectat : memoria quidem dignum illud tunc a Patribus sancitum ² est ; ut quæ episcopus vel quis clericus ex paupere ditior factus emisset ex bonis Ecclesiæ, eadem Ecclesiæ cederent, nec illa in quantumlibet quavis titulo transferendi eidem facultas esset. Cum

enim reddita pace, Ecclesia ubique bonis afflueret, complures ex iis qui eidem ministrabant, pietatem convertentes in quæstum, tepescente in eis sanctitatis vitæ studio, vel cura pauperum frigescente, colligendi divitiis tantummodo ardore flagrabant, agrum agrojungentes, et domum domui copulantes : hos plaus suggillat S. Hieronymus, hos ut caveal admonet Nepotianum, cum ait ³ : « Obsecro itaque te, et repelens iterumque iterumque monebo, ne officium clericatus genus antiquæ militiæ putes, id est, ne lucra sæculi in Christi quæras militia, nec plus habeas quam quando clericus esse cœpisti : et dicatur tibi : Clerici ⁴ eorum non proderunt eis. Nonnulli enim sunt ditiores monachi, quam fuerant sæculares : et clerici qui possident opes sub Christo paupere, quas sub locuplete et fallaci diabolo non habuerant : ut suspiret eos Ecclesia divites, quos mundus tenuit ante mendicos ». Et paulo post : « Negotiatorem clericum, et ex inope divitem, ex ignobili gloriosum, quasi quamdam pestem fuge, etc. » Hæc igitur (ut ait) ingemiscente Ecclesiæ, optime a sanctis Patribus ejusmodi sanctione canonis statutum est, ut Ecclesiæ ipsa sibi vindicet, quæ clericus ex rebus Ecclesiæ bona quæsierit.

64. Sed et ad ejusmodi negotiatorum potius dicendorum quam clericorum avaritiam compescendam, cum seniores essent episcopi legis vindices, et ipsi interdum eodem morbo languerent : jure meritoque Catholicæ Ecclesiæ episcopus Romanus Antistes, ad vindicandas ejusmodi ex bonis Ecclesiæ partas ac male congestas opes, per provincias consuevit mittere exactores, quos nominant Collectores. De quorum importuna exactione cum multi querantur ; hos facile vitabant, et prudenter arte deludent, qui bona Ecclesiæ, quæ supersunt, non congregarint, sed in pauperes erogarint : habitantes enim in terra ⁵ saluginis, pauperes scilicet, clamorem non audient exactoris. At de ejusdem Carthaginensis Concilii decretis hic satis ; cum tamen complura alia ad disciplinam ecclesiasticam rite componendam ibidem a Patribus reperiantur esse decreta ; de quorum nonnullis aliis in locis, aliis oblati occasionebus, mentionem haberi continget.

65. Missa est ab hac etiam Synodo ad Siricium Romanum pontificem, neonam ad S. Simplicianum de baptizatis in infantia, de his quæ ambigua videbantur, consultatio ⁶ : ad illum quidem, quod scirent Catholicæ Ecclesiæ præsidere episcopum atque doctorem : ad hunc autem ob egregiam totoque christiano orbe spectatam scientiam, cujus nos autem meminisse sufficiat. Cæterum Simplicianus bene conscius quantus doctor esset in Africa Augustinus, datis ad eum litteris de quibusdam perditiculis divini Scripturæ questionibus hominem pulsat : cum ille duos his de rebus conscriptos libros, sic ad eum militi, ut tamen eosdem ejus censuræ voluerit

¹ Matth. xx. Marc. x. Luc. xxii. — ² Concil. Carthag. iii. c. 49.

³ Hier. ep. ii. — ⁴ Hier. xli. — ⁵ Job. xxxix. — ⁶ Conc. Carthag. iii. c. 48.

subjicere, dum ad calcem hæc habet¹: « Sententiam de hoc opere tuam brevissimam, sed gravissimam flagito, et dum sit verissima, severissimam non recuso ». Sed de his satis.

66. *Honorius confirmat Ecclesiarum privilegia.* — Quod rursum ad res gestas Occidentalis Ecclesiæ pertinet: Honorius imperator, hoc anno, mense Januarii, ad Theodorum PP. rescriptum dedit, quo cunctis Ecclesiæ privilegiis a majoribus datis voluit bene esse consultum, illa iterum sua auctoritate confirmans his verbis²: « Non novum aliquid præsentis sanctione præcipimus, quam illa quæ olim videntur indulta firmamus. Privilegia igitur, quæ olim reverentia religionis obtinuit, nullari sub penæ etiam interminatione prohibemus: ita ut ii quoque, qui Ecclesiæ obtemperant, his, quibus Ecclesia, beneficiis perfruantur. Datum prid. kalend. Februarii Mediolani, Cæsario et Attico consulibus ». Ex his videas, datis omnibus Ecclesiæ privilegiis, voluisse imperatorem excludi schismaticos, Donatistas, et alios omnes extra Ecclesie septa vagantes.

67. *Arcadii rescripta in Apollinaristas, in ambientes magistratus et Judeos.* — Quod vero pertinet ad res ecclesiasticas Orientalis Ecclesiæ anni hujus: Arcadius imperator adversus Apollinaris hæresis doctores Constantinopoli agentes, quo pellerentur ab urbe, ad Eutychianum præfectum præl. rescriptum dedit. Mira quadam procacia jam a tempore quo creatus est Nectarius Constantinopolitanus episcopus, cum jam discessisset inde S. Gregorius Nazianzenus, intruserant se in eam urbem ejusmodi hæretici, reclamante licet a longe adversus eos eodem Gregorio Nazianzeno. Et quamvis Theodosij edicto abire jussi fuerint, et aliis denuo rescriptis exagitati: in eadem tamen urbe agere sunt inventi: adversus quos hoc ipso anno Arcadius ista sanxit³:

68. « Doctores Apollinariorum tota maturitate præcipimus ex ædibus caræ nobis abscedere civitatis: ita ut si obumbrati latebris abire neglexerint, occultos cœtus (ut æstimant) habituri; ea loca vel domus quæ prædictos congregaverint, fisci ratione nectantur. Dat. kal. April. Constantinop., Cæsario et Attico consulibus ».

Dederat haud pridem, iisdem consulibus, adversus magistratus ambientes idem Arcadius imp. ejusmodi summa laude diguum rescriptum⁴:

« Si quis ad illustrem palatii nostri ambierit dignitatem, atque ad eos honores ascendere ambitione tentaverit, qui nonnisi probatis nobis viris nostro judicio deferuntur: cujuslibet ille sit loci, ordinis, dignitatis, amissis bonis, et fisco nostro protinus vindicatis, deportationis mulctetur exilio: neque aliud inter cœptum ambitum, atque perfectum esse arbitretur: cum pari sorte leges scelus quam scelus puniant voluntatem. Dat. XIV kalend. Martii Constant., Cæsario et Attico consulibus ».

69. Sed unde adeo severæ sanciendæ legis adversus magistratus ambientes occasio? Cum occiso Rufino, summa rerum esse videretur apud Eutropium eunuchum, qui in ejus locum successerat, ejus opera et complures e magistratu dejecti essent: alii sese in eorum loca malis quoque artibus ingesserunt: inter quos Larcas quidam fuit Laodiceus, qui ex venditore farcininum, proditionis arte eo progressus est, ut inter primos in Palatio militaret: sed proditionem et ipse passus a conjuge, meritis pœnas dedit: hæc apud Zozimum¹. Ne igitur id genus hominum ex hoc inde in imperatoris aulam irreperet, Arcadius ejusmodi edictum adversus ambitus crimen sanxisse videtur.

70. Sed et adversus Judeos, qui ut Christianorum gauderent immunitate, se fore Christianos simulabant, ad Archelaum præfectum prætorio ita idem Arcadius imp. rescripsit²:

« Judei, qui reatu aliquo vel debitis fatigati simulant se Christianæ legi velle conjungi, ut ad Ecclesias confluentes vitare possent crimina, vel pondera debitorum; arceantur, nec ante suscipiantur, quam debita universa reddiderint, vel fuerint innocentia demonstrata purgati. Dat. XV kal. Jul. Constantinop., Cæsario et Attico consulibus ». Qualis namque esset horum temporum Judæorum status a prioribus haud felicior, accipe a S. Joanne Chrysostomo³: « Hoc, inquit, tempore Deus omnino vos repulit: paterque vester, idemque Propheta, et Patriarcha verum prædixit. Jura vestra omnia conciderunt: ex Judæa patria vestra excessistis, et in diversa loca dispersi estis, atque in orbe terrarum ab Oriente ad extremum terræ vos omnes et contemnunt, et ridet. At res nostræ Christianorum in dies magis florent, crescent, et corroborantur, atque per omnes mundi angulos religiosæ fidei nostræ prædicatione pervasit: nos Christus regit, et in nobis regnat, ejusque pretiosam atque vitalem Crucem adoramus, et pro thesauro magni prelii teneamus ». Hæc ipse.

71. *Mortuo Nectario, Joannes Chrysostomus eligitur episcopus Constantinopolitanus.* — « Iisdem consulibus (inquit Socrates⁴) quinto kal. Octobris Nectarius episcopus Constantinopolitanus diem obiit. Itaque statim de episcopo eligendo vehementer laboratum est ». (Ejus namque rei causa celebratum esse Concilium, et ex more convenisse episcopos Constantinopolim, tradit Sozomenus⁵) « Itaque cum alii alium ad id muneris quærerent, de eaque re sepe consilium iniretur: tandem visum est, Joannem Antiochie presbyterum Antiochia accersere. Nam de eo fama percerebuit, quod et ad docendum aptus, et in dicendi facultate valde peritus erat. Quamobrem haud diu post Arcadius imperator communibus omnium suffragiis, id est, cleri et populi, illum accersit. Et quo ejus ordinatione plus haberet auctoritatis, aderant de imperatoris mandato cum alii

¹ Aug. ad Simplic. l. II. — ² L. XXX. de Episc. et cleric. C. Theod. — ³ L. XXXII. de hæret. C. Theod. — ⁴ L. I. ad L. Julianam de amb. C. Theod.

¹ Zozim. l. v. — ² L. II. de his qui ad Eccl. confugiunt. — ³ Chrys. hom. de Cruce. — ⁴ Socr. l. VI. c. 2. — ⁵ Sozom. l. I. c. 2.

complures episcopi, tum Theophilus episcopus Alexandrinus, qui omni studio eo incubuit, ut Joannis famam laderet, et Isidorum suae ipsius ecclesiae presbyterum ad illum episcopatum evercheret. Hunc Isidorum Theophilus propterea carum habuit, quod ipsius causa provinciam valde periculosam aliquando suscepisset. Sed quidnam id fuerit, superius relatum est. Subdit his Socrates :

72. « Verum qui erant ex aula imperatoris, Joannem praetulerunt, et posteaquam multi crimina Theophilo intendebant, et libellos contra illum alius ob aliam causam episcopis, qui tum aderant, offerebant : Eutropius, qui cubiculo imperatoris praefuit, criminationes adversus Theophilum illatas, scriptisque proditas nactus, Theophilo ostendit; docuitque liberam optionem illi esse datam, vel Joannem episcopum ordinandi, vel iudicium de criminibus ei objectis subeundi; quibus perterritus Theophilus Joannem designat episcopum ». Haecenus Socrates. Porro haec in sequentis anni mensem Februarii variis altercationibus producta sunt, ejus mensis vi-

cesima sexta die Joannes Chrysostomus episcopus Constantinopolitanus creatus est.

73. Verum quod ad Theophilum spectat : Isidorum quem proposuit ordinandum, haud penitus exploratum habuit, fuisse Origenis errorum labe conspersum : quod cum postea comperisset, aequè ipsum ac ejus sectarios maxime aversatus est. Quod autem idem episcopus Alexandrinus jus sibi vindicaret in electione episcopi Constantinopolitani (quod et superius vidimus a Petro ejusdem Ecclesiae episcopo usurpatum, cum conaretur Maximum ejus sedis creare episcopum) probe si attendas, intelliges primam sedem post Romanam, Alexandrinam ecclesiam tenuisse in Oriente; spretosque fuisse canones, si qui Constantinopoli in synodo facti sunt, quibus derogaretur Alexandrinae ecclesiae privilegiis. Nam alias quid Alexandrino episcopo de electione Constantinopolitani antistitis? Porro idem jus saepe tentatum ab eodem Theophilo penitus vindicatum in controversiis ejusdem Joannis Chrysostomi, postquam sedit episcopus, suo loco dicturi sumus.

Anno periodi Graeco-Romanæ 5890. — Olymp. 294. — An. Urb. cond. 1150. — Jesu Christi 397.

— Siricii papæ 14. — Arcadii 15. et 3. Honorii 5. et 3.

4. *Quindecennalia Arcadii.* — Coss. *Cæsarius* et *Atticus* : prior Orientalis, ut liquet ex Gothofredo in Prosopographia Cod. Theodosiani, et ex Chronico Alexandrino, ubi ad consulatum Marciani et Adelpheii anno curia gestum legitur, *Cæsarium consulem* et praefectum (Urbi scilicet), struxisse Constantinopoli templum in honorem sancti *Tyrsi*, unius ex XI martyribus Sebastiae passis. Posterior Occidentalis fuit, ut ex eadem prosopographia constat. *Quindecennalia* Arcadii cum Theodosio M. patre imperantis.

2. *Melania et Rufinus decedente hieme ex Oriente Romam redeunt.* — A num. 1 ad 14. *Melania*, quæ cum *Ruffino* Aquileiensi anno cccxxi hieme ingruente Roma in Orientem profecta fuerat, ut homo i hujus critica monstravi, currenti, et quidem incedente Romam, eodem *Ruffino* comite rediit. *Le-Bruns* in nova editione operum sancti Paulini autumnavit, *Siricio* papa sedente *Ruffinum*, *Melanium* vero anno cum Romam adventasse, ut ibidem videre est in vita sancti Paulini cap. 41 et alibi; sed *Ruffini* reditum hoc anno contigisse, enimque *Melanium* comitatum esse, nos dubitare non patitur Epistola Paulini xxviii, alias ix, ad Severum data,

in qua num. 5 ait : « Ipsam adnotationem, quam commonitorii vice miseris litteris meis inditam, direxi ad *Ruffinum* presbyterum, sanctæ Melani spiritali in via comitem, vere sanctum et pie doctum, et ob hoc intima mihi affectione conjunctum ». ubi, sicuti et in variis aliis Paulini Epistolis, *Melania* dicitur *Melanus*, propter rationem infra assignandam. Eam vero, ideoque et *Ruffinum*, hieme in Occidentem adventasse, docet Paulinus in eadem Epistola collata cum Epistola xxix, alias x, ad eundem Severum data. In priori num. 3 scribit, se Severi Epistolam a Victore accepisse, additque : « Jam hieme decedente susceptum » sc. Victorem « necesse habui vernis mensibus definire » : in altera vero Epistola num. 6 ait Paulinus : « Addidit Dominus hanc gratiam de muneribus et litteris suis, ut ad eos potissimum dies nobis frater Victor occurreret, quibus sanctam ipsam » nempe *Melaniam* « ex Jerusalem post quinque lustra remeantem excepimus ». Nam, ut postea num. 12 subdit : « Neapolim urbem brevi spatio a Nolana, qua degimus, civitate distinctam », id est, distantem, « advecta est, etc. » apud Baronium num. 4 et seqq. Nola autem sexaginta tantum quatuor leucas ab Urbe Romana di-

stat, et, ut habet Palladius in Lausiaca cap. 18: « Melania annus sexaginta annos nata navem ascendit, et Caesarea navigans viginti dierum spatio Romanam venit », ideoque initio circiter mensis Martii, seu, ut loquitur Paulinus, *decedente hieme*.

3. *Postquam annos xxv ibidem commorati essent*. — Annus adventus *Melaniae* et *Ruffini* in Occidentem hactenus obscurus fuit: E. Cardinalis Norisius in lib. 1 Hist. Pelag., cap. 2, illum cum anno precedenti, Chiffletius in parte 2 Paulini Illustrati, cap. 41, cum an. cccxcviii Baronius cum presenti copulavit, et hic quidem recte, ut in posterum extra controversiam esse debet. Paulinus enim citatus, qui hoc ignorare non potuit, asserit Melaniam « ex Jerusalem post quinque lustra » remeasse, idque hieme decedente. Hieronymus autem in Epistola xxv ad Paulam, de ejus in Orientem profectioe haec prodit: « Ingruente jam hieme Hierosolymam navigavit ». Quare cum *Melania* et *Ruffinus* exeunte anno cccclxxi peregrinationem illam suscepserint, eandem decedente hieme hujus anni absolverunt, post annos viginti quinque, et aliquot menses a sancto Paulino neglectos. Ad haec *Ruffinus* post suum Romanum adventum per biennium fere ibidem commoratus est, ex eaque in patriam discessit paulo ante mortem *Siricii* Pontificis Romani, quæ die xxvi mensis Novembris sequentis Christi anni contigit, quod utrumque infra demonstrabimus; ideoque nec citius, nec tardius quam currenti anno, *Melania* et *Ruffinus* ex Oriente reversi sunt. Non dubium itaque, quin error irrepserit in Historiam Lausiacam Palladii cap. 418, ubi de *Melania* legitur: « Hæc monasterio ædificato Hierosolymis viginti septem annos versata est in Hierusalem, cum qua vixit etiam nobilissimus, et moribus simillimus et fortissimus *Ruffinus* ex Aquileia, civitate Italiae, etc. Viginti autem et septem annis excipiebant eos, qui veniebant Hierosolyma voti causa ». Cum enim *Ruffinus* et *Melania* anno tantum cccclxxii ex urbe Alexandrina Hierosolymam venerint, ut in laudato tomo ostendi, neque per annos xxvii neque per annos xxxvii ibidem morati sunt. Ille tamen numerorum error non Palladio, qui tunc in Oriente vivebat, sed librariis attribuendus.

4. *Roma Babylon a S. Paulino appellata*. — Baronius num. 2 recte vidit, Paulini supputationi standum esse, sed non bene eos annos xxv ab anno Christi cccclxxii deduxit; cum nonnisi insequenti *Melania* et *Ruffinus* Ægyptum reliquerint. Præterea Baronius num. 7 explicans hæc verba Paulini in Epistola xxix, alias x, ad Severum, ubi de *Melania* hæc Paulinus scribit: « Sanctæ animæ in Domino vigilare, requiescere est. Hanc ergo filia Sion hactenus habuit et desiderat, nunc filia Babylonis habet et admiratur: quia jam et ipsa Urbs in pluribus filia Sion est, quam filia Babylonis », Baronius, inquam, existimat Paulinum, Romanam Babylonem appellare ea ex parte, qua in illa adhuc vivebant Gentiles, Sion autem ex ea qua Christianis abundabat. Sed Rosweidus in Notis ad Paulinum in

sensum illorum verborum melius penetrasse videtur cum dixit, Romanam hoc tempore appellatam Paulino *Babylonem* ratione turbarum et illecebrarum, quarum Romæ magna erat copia, cum Hierosolymis quies esset, ut satis postea Paulinus ibidem mentem suam explicat.

5. *Chronotaxis Epistolarum xxviii et xxix S. Paulini*. — *Melaniae* et *Ruffini* Romanæ ex Oriente adventu anno suo reddito, magna variis difficultatibus lux infra affulgebit, liquetque Epistolas xxviii et xxix juxta novum ordinem, a Paulino ad Severum missas, male a Chiffletio in parte 2 Paulini Illustrati, cap. 49, in unum eundemque annum collatas fuisse, Christi scilicet sequentem, in eumque etiam *Melaniae* et *Ruffini* reditum perperam remissum; cum Paulinus in Epistola xxviii, num. 3, Severum certiores faciat, Victorem ad eum ante autumnum vix perventurum, et in Epistola xxix, num. 14, eidem Severo significet, *Nicetam* episcopum ex Dacia Nola venisse: cum enim *Nicetas*, ut postea demonstrabo, nonnisi anno sequenti Nola pervenerit, Epistola xxviii ante autumnum currentis anni data, et Epistola xxix, in qua sola *Nicetas* Paulinus meminit, anno sequenti exarata, postquam jam hoc anno *Melania* et *Ruffinus* Paulinum Notæ invisissent. Liquec secundo, opinionem, quæ tuetur *Melaniam* nonnisi anno cccv ex Palestina reversam esse, defendi non posse; quia Palladius in Heraclidis Pradiso cap. 20 testatur, sanctum *Athanasium* peltæ ovinae, quam a monacho *Macario* testamento acceperat, *Melaniae* dono dedisse; *Athanasium* vero die secunda mensis Maii ad Denum migrasse, anno cccclxxiii suo loco demonstravi. Quomodo igitur *Melania* annos xxv in Oriente morari potuit, si inde anno cccv redux fuit? Loca enim Palladii in quibus legitur eam annos xxv aut annos xxxvii Hierosolymis mansisse corrupta esse, post ea quæ jam dixi, indubitatum esse debet. Præterea Palladius in Lausiaca cap. 417 asserit *Melaniam* in Oriente versatam esse, quando *Valens* sanctos monachos persequabatur, eamque *Isidoro* et quibusdam monachis ac duodecim episcopis et presbyteris in exilium missis, necessaria ex propriis denariis subministrasse, ac eos in *Palestinam circa Diocesaream* secutam esse; de qua persecutione loquitur etiam *Ruffinus* in lib. 11 Hist. Ecclesiast., cap. 4, additque, *quæ præsens vidi loquor*, etc. Insuper Paulinus in Epistola citata xxix, num. 41, ait *Melaniam* in ea Valentis persecutione principem vel participem fuisse cunctis pro fide certantibus, et gravi tunc seditione exorta, quasi contra legem publicam, contumacem protrahi ac pati jussam esse. Valentem autem anno cccclxxvii persecutioni finem imposuisse, suo loco ostendi. Et denique Palladius citatus, qui *Melaniam* et *Ruffinum* in Oriente vidit, narrat *Melaniam* annum cum dimidio Alexandriae fuisse, antequam Hierosolymam veniret, quæ vera esse non possunt, si ea ante annum cccv Romanam ex Palestina non redierit. Certum itaque maneat, *Melaniam* et *Ruffinum*, decedente hieme hujus

Christi anni, in Occidentem remeasse, post peregrinationem annorum xxv.

6. *Nicetas episc. Romanianae civitatis anno sequenti Nolum venit.* — A num. 14 ad 19. *Sanctus Nicetas* Romanianae civitatis in Dacia mediterranea episcopus, de quo anno superiori egimus, anno tantum sequenti *Nola* venit, quod non solum probatur ex eo quod Paulinus in Epistola citata xxviii ad Severum, ubi de Melania et Rufino loquitur, ne verbum quidem de Niceta habeat; sed etiam quia in Epistola xxix ad eundem Severum anno sequenti data, num. 14, tradit: « Non tui, frater, ut te ista nesciret », sc. Melania. « ut gratiam in te Dei plenius nosceret, tuo te illi magis quam meo sermone patefecit. Martinum enim nostrum illi studiosissime talium historiarum ipse recitavi. Quo genere te et venerabili episcopo atque doctissimo Nicetae, qui ex Dacia Romanis merito admirandus advenerat, et plurimis Dei sanctis, in veritate non magis tui praedicator, quam mei iactans, revelavi ». Ubi Paulinus Vitam sancti Martini episcopi Turonensis eo adhuc vivente ab eodem Severo scriptam, se Melaniae primo, et postea Nicetae legisse affirmat. Quare fallitur Chiffletius in part. 2 Paulini Illustr., cap. 2, ubi ait, *Paulinum* Nicetae primum, deinde etiam Melaniae sancti Martini vitam recitasse, ideoque videri sibi *Nicetam* natali diei sancti Felicis mense Januario anni cccxcviii interfuisse, ac Melaniam sequenti vere Nolum adiisse. Praeterquam enim quod laudata Paulini verba contrarium manifeste indicant, *Melaniam* currenti anno, et *Nicetam* insequenti Nolum adventasse, non videtur in dubium revocari posse.

7. *Quod ex S. Paulino demonstratur.* — Ceterum *Niceta* Nolum accessum ad annum sequentem pertinere, docet Paulinus in carmine Natali ix sancti Felicis, quod in anno cmi incidit. Cum enim Nicetas tunc iterum Nolum venisset, in eodem carmine his verbis cum Paulinus compellat:

Venisti tandem, quarto mihi redditus anno.

Non potest autem annus Christi cmi quartus esse a primo Nicetae Nolum adventu, nisi is anno cccxcviii primum in eandem civitatem venerit; cum ab eo anno ad cmi sint anni quatuor completi. Verum est, Baronium primum natalem Felicis in anno cccxcviii constituere; sed Chiffletius laudatus cap. 9 ex interitu *Radagaisi* Gothorum ducis, qui configit anno cmi, recte ostendit natalem Felicis xiii, in quo ejusdem *Radagaisi* cladis deserta mentio, editum esse mense Januario anni cmi, ideoque et primum eum anno cccxcv omnino copulandum esse. Insuper anno cmi, num. 8, demonstrabimus, octavum natalem scriptum esse die XIV Januarii anni quadringentesimi primi; quod certo etiam evincit priorem competere in annum cccxcv. Paulinus quidem primum natalitium carmen, dum adhuc esset in Hispania, composuit; sed nonnisi anno cccxcv Nolum post festa paschalia se recepit,

ubi reliquo vitae tempore cum quibusdam servis Dei habitavit.

8. *Niceta in Daciam redeuntis itinerarium.* — Bollandus ad diem vii mensis Januarii, quo sanctus Nicetas colitur, Baronii opinionem secutus, primum *Nicetae* Nolum adventum in annum currentem, et primum natalitium carmen S. Felicis in annum cccxcviii confert; indeque ejusdem Paulini poema xvii, alias xxx, ad *Nicetam redeuntem in Daciam* cum anno Christi cmi illigat et exponit; sed illud ad annum cccxcviii, et cum carmine natalitio v copulandum esse, demonstrat carmen natalitium ix sancti Felicis eo anno editum, in quo vers. 335 Paulinus canit:

Quam metui ne te mediis regionibus hostis
Disculus opposita bellorum nube teneret?
Sed desideris superantibus, obvia nobis
Vincula rupisti; nec te mare, nec labor ullus,
Nec Gothici tenere metus, etc.

Ubi sine dubio Paulinus respicit ad bellum Gothicum anno cmi Romanos inter et Gothos in Italia gestum, de quo anno cmi, num. 6, agimus. Quare hallucinati sunt viri doctissimi, qui autumnarunt poema illud copulandum esse cum anno cmi aut cmi, cum in eo nullius belli mentio sit, prosperam tantum navigationem Paulinus Nicetae discedenti optet, annoque cccxcviii omnia in Italia tranquilla fuerint. Poema illud, in quo sunt aliqua quae viros eruditos irrefectos tenuere, occasione carminis natalitii sancti Felicis V nobis hic explicandum.

9. *Ex Italia Thessalonicam navi advectus est.* — Versu itaque 16 ait Paulinus:

Ihs Arctoos procul usque Dacos,
Ihs Epiro gemina videndus,
Et per Aegeos penetrabis aestus
Thessalonicen.

Jam anno superiori monui, *Paulinum* Daciae nomine intelligere novam et Cisdanubianam, non vero antiquam et Transdanubianam, ac *Romanianam* patriam Nicetae ejusque sedem episcopalem, positam fuisse in Dacia Mediterranea. Utraque vero Dacia tam Mediterranea, quam Ripensis subdita erat metropoli Thessalonicensi tanquam vicario Sedis Apostolicae per totum Illyrium Orientale. Thessalonicam *Nicetas* a Camisio ad Aufidum thum, cui haud procul adiacebat emporium, teste Strabone lib. 6, navi advectus est, pertransitis utraque Epiro et oppidis a Paulino in suo poemate memoratis. Tum versu 188:

Sed freto emenso superest viarum
Rursus in terra labor, ut veharis
Usque felices, quibus es sacerdos
Praestans oras.
Tu Philippaeos Macedum per agros,
Per Tomitanam gradieris urbem,
Ihs et Scupos patris propinquos
Dardanus hospes.

Bollandus loco laudato existimat, *Nicetam* Thes-

salonica *Philippus* ad extremos Macedoniae fines in Edonide provincia, celebrem tunc urbem petiisse, nisi subdit idem scriptor, per *Philippæos* Macedonum agros intelligere ipsam generaliter Macedoniam et non uni regnata Philippo arva, quis velit. At urbs *Philippi* dicta, cum non *Scopus* Dardaniae metropolim, sed Perinthum aut Constantinopolim duxisset; ut ex quinto et sexto segmento Itinerarii Peutingeriani, ubi iter Thessalonica ad *Scupos* accurrate describitur, evidenter patet. Neque etiam *Paulinus Philippæorum* agrorum nomine provinciam Macedoniae intelligere potuit; cum jam Thessaloniciam Macedoniae metropolim sigillatim expresserit. Designat itaque peculiare quosdam agros Macedoniae olim a regibus *Philippis* possessos, in quibus cum nulla alieius nominis urbs fuerit, ii a Geographis non memorati.

10. *Per Macedoniam et Dardanium in patriam rediit.* — Dicit postea *Bollandus, Nicetam* Thraciae partem emensum, *Tomos* Mysiae inferioris ad Pontum Euxinum sitam urbem perigisse. At hoc pacto viam deviam *Nicetas* iniisset. Vidit difficultatem *Le-Bruns* in Vita sancti Paulini cap. 2 atque, *Paulinum* geographiam ignorasse, inde manifeste liquere. Verum cum *Paulinus* urbes, per quas *Nicetas* transiturus erat, nonnisi ab ipsomet discere potnerit quia Propempticon illud, quo eum obeuntem per urbes, quas invisurus erat, prosequitur, ante *Nicete* Nola discessum scriptum fuit, ea interpretatio stare non potest. Neque etiam quis dicat, fuisse aliam urbem *Tomî* vel *Tomorum* nomine appellatam; ejus enim aliquis antiquorum meminisset. Cum itaque inter Thessaloniciam et *Scupos* *Stobos* celebris urbs Macedoniae a *Plinio, Ptolemæo*, et in Conciliis memorata, posita fuerit, nullum mihi dubium est, quin legendum sit, *Per Stobitanam gradieris urbem*. Assertit *Paulinus* *Scupos* fuisse *Nicete Patriæ propinquos*, quia Dardania et Dacia mediterranea, in qua sita Romatiana civitas, finitimæ erant. *Nicetam* vero natum fuisse Romatianæ, docet *Paulinus* vers. 320 :

Esto nobiscum, licet ad paternam
Veneris urbem.

Non enim unius populi Magistrum,
Sed nec unius dedit esse civem
Te Deus terræ, patria ecce nostra
Te sibi sumit.

Neque dici potest, *Nicetam Dardanum* fuisse; cum *Paulinus* citatus cum *Dardanum hospitem* appellet: qui enim in Dardania seu in civitate *Scuporum*, Dardaniae metropoli hospes erat, Dardanium patriam sortitus non est. Hinc *Isidorus* lib. 3 Etymolog., cap. 35: « Hospitium, ubi quis ad tempus hospitali jure inhabitat, et iterum inde transiens migrat ». Hospitis quidem nomen tam pro eo qui excipit, quam pro eo qui excipitur, sumi solet; sed quia *Paulinus* ait, *Ibis Dardanus hospes Scupos*; quis non videt, ibi ab eo usurpari pro eo qui ex-

ceptus est. Sic *Cicero* lib. 1 *Acade*: « Nam nos in nostra urbe peregrinantes, errantesque tanquam hospites »; et pro *Rabirio*: « Adeone hospes hujusce urbis? »

11. *Divina variis linguis persolvi curat.* — *Theodorus Petræ* episcopus in Vita sancti *Theodosii* cenobiarchæ hæcenus inedita, quæ aliquando lucem videbit inter Opera posthuma *Combeficii*, rem notabilem refert de sancto *Niceta*: « Quatuor ecclesias, inquit, intra septa monasterii construxit. Unam quidem in qua Patrum numerosus cœtus seorsim lingua græca Deo immolat, uti scriptum est, sacrificium laudis. Alteram, in qua *Bessi* propria ipsorum lingua vota et preces reddunt Deo altissimo. Tertiam, in qua Armeni lingua patria Domino litant. Quartam, in qua fratres ab immundo Spiritu vexati, una cum Ministris illorum obsequiis deditis Salvatore Christo gratiarum actiones referunt. Sic igitur ex illis sacer divinæ Psalmodiæ canon, septies in die explebatur: cum vero sacra communionis Collecta peragenda erat, Missæ officium ab initio ad divinorum Evangeliorum lectionem singuli in propria ipsorum Ecclesia facientes. Sic omnes, exceptis duntaxat fratribus energumenis, in magna utentium lingua græca Ecclesia congregantur, ibique divinis mysteriis impertiuntur ». Quod a Monachis factum, non quod reliquum Missæ lingua vulgari celebrari non posse crederent, sed ut omnes ejusdem Sacrificii Communioni participarent, quod magnæ virtutis et efficaciæ esse arbitrabantur, idque cum omnes in una eademque Ecclesia mysteriis interesse non possent, quemadmodum Romæ per titulos Eucharistiam in utraque specie consecratam mitti mos erat, ut anno cccxii ostendimus.

12. *Petitum a Sinensibus, ut missa nativa lingua apud se celebraretur.* — Hoc egregium exemplum adjici potest iis, quæ *Papebrocius* in Conatu Chronico Hist. dissert. xvm, et in Paralipomenis ad eandem in medium affert, ut probet optandum esse, ut sacra Congregatio de propaganda fide indulgeat Sinis et Japoniis, aliisque cultissimis nationibus linguam latinam penitus ignorantibus, nec eam nisi difficillime docendis, ut sua quique lingua Missam celebrare possint. Sic enim facilius vulgus ad fidem Christianam adduci, vel in ea retineri potest. Ea indulgentia erga Ruthenos Ecclesia græca usa est, postquam eis per prædicatores a se missos Christi fidem tradidit cum græcis ritibus exercendam. Sua enim ut littera, sic et lingua propria (quæ ipsa quoque Slavonica est) agere permissi sunt, atque etiam nunc sic agunt omnia, non tantum schismatici sub Moscorum dominatu; sed etiam Catholici sub rege Poloniæ. Alia exempla apud *Papebrocium* laudatum legenda. Porro sanctus *Theodosius Cenobiarcha*, cujus Vitam *Theodorus* ejus discipulus scripsit, sæculo sexto floruit, ut ibidem videlicet.

13. *Ruffini opera Origenismus Romæ innovescit.* — A num. 19 ad 25. Cum *Ruffinus* et *Melania*, Nola relicta, Romam pervenere, hæreses Ori-

genianas, ibidem disseminarunt. Verum sancta « Marcella postquam sensit fidem Apostolico ore laudatam in plerisque violari, ita ut sacerdotes quoque et nonnullos monachorum, maximeque seculi homines in assensum sui traheret », nempe Rufinus « ac simplicitati illuderet episcopi », nempe Siricii pontificis Romani, « qui de suo ingenio cætera æstinabat: publice restitit, malens Deo placere, quam hominibus », inquit Hieronymus in Epist. xvi ad Principiam virginem, quæ vitam sanctæ Marcellæ complectitur. Nobilissima hæc matrona « viro post nuptias septimo mense privata est », recusavitque denno nubere Neratio Cereali, qui consulatum ordinarium anno cccxviii gessit. Monachatum prima Romæ amplexa est, licet nulla Romæ aunderet « propter rei novitatem, ignominiosum, ut tunc putabatur, et vile in populis nomen assumere », inquit Hieronymus citatus. Eandem Hieronymus Epist. cxi magistratam proponit Principiæ virgini: « Habes ibi, inquit, in studio Scripturarum, et in sanctimonia mentis et corporis, Marcellam et Asellam ». Marcella filia Albinae, discendi cupidissima erat, ut docet Hieronymus in Præfat. in Epistolam ad Galatas, ejus verba Baronius anno cccclxxxii, num. 38, de Albina matre perperam interpretatur: « Litteræ, inquit Hieronymus, mihi de Urbe allatæ sunt, nuntiantes et Albinam venerabilem animum præsentiae Domini redditam, et S. Marcellam matris contubernio destitutam, magis nunc vestrum, o Paula et Eustochium, flagitare solatium: et quia hoc interim fieri non potest propter grandia maris in medio spatia atque terrarum, repente vultus impressum saltem Scripturarum vellem curare medicamine. Scio equidem ardorem ejus, scio fidem, etc. Certe cum Romæ essem, nunquam tam festina me vidit, ut non de Scripturis aliquid interrogaret, etc. » Ubi Hieronymus manifeste agit de sancta Marcella; cum Albina jam esset mortua, ut animadvertit Rosweyds in fine lib. i de Vitis Patrum. Feminam itaque femine, et Melaniam Marcellam Christus opposuit, quæ de Origenis erroribus trophæa erexit.

44. *Rufinus versionem suam librorum Periarcho Romæ publicat.* — Melania et Rufinus Romæ anno sequenti existentibus, « tunc librorum *ἡερί ἀρχόν* infamis interpretatio: tunc discipulus *Ἰουλιαν*, et vere nominis sui: si in talem magistrum » id est, Rufinum « non impegisset: tunc nostrorum *Διδασκαλίων* contradictio, et Phariseorum turbata est schola, inquit Hieronymus in Epistola xvi, ubi loquitur de Macario, cui Rufinus præfationem in Periarcho inscriptis. Nam *Ἰουλιαν* et *Μακάριον* Græcis synonyma sunt, ac *beatum* significant. *Macarius* iste, quem Rufinus deceperat, dein puritati catholice doctrinæ redditus, vite etiam sanctimonia clarus fuit, ut videre est apud Bollandum ad diem ii mensis Januarii, quo colitur; ubi est observat Macarium Romanum apud Lavinum in Italia cultum, alium esse ab eo *Macario*, ejus in Vitis Patrum Vita exat a Theoplyto et duobus sociis Monachis scripta, licet Baro-

nus in Notis ad diem ii Januarii utrumque in unum perperam conflavit. Tomo ix Operum sancti Hieronymi, sect. 2, extant memorata loco laudato scripta, et fragmenta libri Periarcho. At ante annum cccxcviii *Rufinus* versionem illam Romanæ pronulgavit; cum sanctus Hieronymus anno tantum cccxcix in Oriente præfationem, quam eidem præfixerat Rufinus acceperit, ut constat ex illius Epistola ordine lxvi ad Rufinum, eo anno data, ut infra videbimus, in qua Hieronymus ait: « Præfatiuncula librorum *ἡερί ἀρχόν* ad me missa est, quam ex stylo intellexi tuam esse; in qua oblique, imo aperte ego petor ». Quod si ea injuria ei hoc anno illata fuisset, hæc de re cum Rufino exostulare in annos duos non distulisset S. doctor qui ea Epistola testatur, se « amicitias reconciliatas pure colere ». Rufini vero nomen in ea præfatione non extabat, quia Pammachius et Oceanus in sua ad Hieronymum Epistola, quæ inter Hieronymianas ordine est lxix, scribunt aliquem *ex fratribus schedulas* ad se *cujusdam* detulisse, quæ *Origenis* volumen continerent, non vero quod *Rufinus*, nomen suum laqueisset, ut suspicatur Baronius num. 22. cum enim Rufinus præfationem illam Macario laudato, qui præfectus Urbis fuerat, ut prodit Palladius in Lausiaca cap. 123 dedicavit, ejusque in corpore Præfationis meminisset, nomen suum silentio non prætermiserat.

45. *Rufinus cum litteris formatis Siricii papæ Roma discedit.* — « Cernentes Heretici de parva scintilla maxima incendia concitari, et suppositam dudum flammam jam ad culmina pervenisse, nec posse latere quod multis deceperat; petunt et impetrant ecclesiasticas Epistolas, ut communicantes Ecclesie discessisse viderentur », inquit Hieronymus Epist. xvi, loquens de Rufini Roma discessu, litterisque ab eodem a Siricio papa obtentis. Hæc litteræ *formate* seu *communicatorie* vulgo dicebantur, erantque publicæ velut tesserae, quibus in longinqua peregrinantes orthodoxæ fidei professores ostendebantur: eas opposuit postea Rufinus Anastasii papæ litteris, quibus ob tentatam Periarcho interpretationem increpabatur: hoc enim ei exprobrat Hieronymus in Apologia ii, « Siricii jam in Domino dormientis profers Epistolam, et viventis Anastasii dicta contemnis ». Testantur autem idem Anastasius in Epistola ad Joannem Hierosolymorum episcopum, alique veteres, Origenem Latinis, ante Rufini interpretationem incognitum fuisse; non quidem omnino; cum aliquot Homilias, petente Damaso, Hieronymus latino sermone legendas Romanis prius dedisset, ut scribit Rufinus in præfatione librorum Periarcho; sed quoad errores in libris hujusmodi contentos.

46. *Siricius papa a Rufino deceptus fuit.* — Doluit certe Hieronymus, quod communicatorium *Siricii* jam defuncti Epistolam Rufinus jactabundus proferret, et quod illam mala fide a caudato Pontifice extorquens ante ipsius obitum, eidem illuserit; sed non scripsit Siricium celeri morte

sublatum esse, ut loquitur Baronius, sed somno Sanctorum in Domino obdormiisse, « Siricii jam in Domino dormientis proferens Epistolam ». Et tamen Baronius num. 21 et seq. arbitrat *Siricium*, quod periclitanti Ecclesie occasione errorum Origenis non statim occurrerit, citius ex hac vita sublatum esse : hancque Siricii conviventiam in pavendum illorum Pontificum exemplum adducit, qui causam fidei paulo segnius tractantes, quam celes-riter ex hac vita subducti sunt. Verum, ut inquit Florentinus in notis ad Martyrologium Hieronymia-num ad diem xxvi mensis Novemb., cui sancti Siricii nomen inscribitur, Siricius, qui annos fere quindecim sedit, plures in diuturnitate Cathedrae Pontificis Romanos æquavit, plures superavit. Cum-que *Liberto* extra Urbem ab Arianis creato diaconus ministraverit, septuagenario major e vivis excessit. Præterquam quod mortem *Siricii* ultionis divinæ argumentum non esse, convincunt verba, quæ de Anastasii ejus successoris breviori vita subnectit Hieronymus, « quem diu Roma habere non meruit » ; male enim eadem vitæ festinata abscissio, in uno ad insimulandam negligentiam eodem contextu induceretur, in alio ad sanctitatis indicium. Quid facilius erat, quam *Ruffinum* Romam Hierosolymis cum illustri *Melania* redeuntem, fama morum et doctrina clarum tolerare, et *Origenem* nondum apud Latinos male audientem, quin etiam ipsius Hieronymi licet falsa auctoritate illustratum, non statim explodere ; præsertim cum Romani presbyteri et nonnulli monachi assensum *Ruffino* præberent, et apud *Siricium* laudarent ? A dolo quidem Baronius *Siricium* num. 24 excusat, sed non a negligentia, cum tradat eundem, ne errores Origenis magis diffunderentur, divina indignatione sublatum esse. Verum cum *Origenis* errores ex mala *Ruffini* interpretatione ante *Anastasium* laterint, quid culpabile *Siricius* omiserit, non apparet, et communicatorias litteras Ruffino de more concedens, dum hic optime apud omnes ante vulgatum Romæ Periar-chon audiret, non videtur in crimen vocandus.

17. *Excusatione dignus.* — Liquebat enim ex Hieronymo in Epistola vii ad Demetriadem de servanda Virginitate, sub Siricio adhuc in paucis serpsisse Origenis errores, per Ruffinum et Melaniam Romani sub Siricio invectos : « dum esses parvula », inquit Hieronymus, « et sanctæ ac beatæ memoriæ Anastasius episcopus Romanam regeret Ecclesiam, de Orientis partibus hæreticorum seve tempestas, simplicitatem fidei, quæ Apostoli voce laudata est, pollueret et labefactare conata est : sed vir ditissimæ paupertatis, et Apostolicæ sollicitudinis statim noxium percussit caput, et sibilantia hydræ ora compescuit ». Cum ergo communicatorias litteras Ruffinus impetravit a Siricio, cujus simplicitati ob id illisuisse significare videtur Hieronymus, cujus verba num. 45 in medium adduxi, nondum hæresis satis patefacta erat ; idque tantum accidit sub Anastasio, licet penes *Ruffini* et *Melanie* familiares jam male sanæ doctrinæ suspicio

invaleretur. Nec quia *Siricius* dum viveret, bene de Ruffino sensit, nondum cognita ejus venenata doctrina, a sanctitate decidit, sicuti neque divus Augustinus dum Epistolam xv, quæ novo ordine est inter Augustinianas lxxii, Ruffinum conciliare Hieronymo laborans, illum magni fecit : quanquam jam Apologetica et amarulenta opuscula inter utrumque vulgata fuissent sub Anastasio. Pugnavit *Siricius* contra Manichæos, et Priscillianistas in pluribus cum eis sentientes ; cumque omnes radicibus Romæ præsertim evellere non posset, legem a Theodosio M. impetravit, ut secularibus penis tollerentur, quod etiam conjectatur Baronius anno cccclxxxix, num. 63. Pugnavit etiam contra *Flavianum* sedis Antiochenæ nimis legitimum occupatorem, et Synodo inobedientem, iterato datis ad imperatorem litteris, et Capuana ob id Synodo indicta. Denique *Jovianum* Epicurum Christianorum damnavit, et pro eradicandis gentilitatis reliquiis desudavit, tum impetratis adversus eos secularibus penis a Theodosio M. tum in Idolorum fanis Romæ destruendis, quemadmodum eo sedente factum esse Prosper in Chronico et divus Augustinus testantur. Plura suppediabit Florentinus adversus omnia quæ in Annalibus Siricio objecta.

18. *Ruffinus fere per biennium Romæ moratus est.* — Cæterum *Ruffinus* per biennium aut circiter Romæ mansit, ut ex Hieronymo non obscure colligitur ; hic enim cum ab eo accusaretur, quod discipulos Romanos contra ipsum submisisset, respondet in secunda Apologia adversus Ruffinum : « Paulinianus et Eusebius post annum vestræ navigationis », id est, post præsentem, quo a Palestina Ruffinus discessisse diximus, « profecti sunt » nempe Romam, ubi anno sequenti Ruffinus erat, « Ruffinus in causa Claudii », est is diversus a Ruffino Aquileiensi, « post biennium missus », anno sc. cccxcviii. Hoc ipsemet Aquileiensis confirmat : libro enim primo Invektivarum pag. 374 tradit : « Quod si hoc in meis litteris invenisset » nempe idem Eusebius Ruffini accusator « et vere scrupulum aliquem ex ipsa lectione cepisset, cum me, sicut ipse nosti, Romæ positum haberet præsentem, continuo utique perquisisset, et ipsa ad me scripta detulisset, quippe qui usque ad ipsum tempus etiam videre me, et salutare, et in oratione communicare solitus erat etc., sine dubio nunquam elegisset absentem lacerare, quem potuisset gravius confutare præsentem ». Librum autem illum Ruffinus anno cccxcix elucubravit. Quare ultra annum Romæ Ruffinus substitit, ac fere biennio ibidem degit, ut ex eodem Hieronymo colligitur. Etenim cum *post biennium* a Ruffini ex Oriente discessione, aller ille Ruffinus in causa Claudii, Romam, deum Mediolanum ad Honorium imper. veniret, Hieronymus eundem, ut suo nomine *Ruffinum* Aquileiensem Romæ adhuc agentem, saluaret, rogavit, ut liquet ex Epistola Hieronymi lxxvi ad Ruffinum : « Sanctum quoque, inquit, presbyterum Ruffinum ob quamdam causam per Romam Mediolanum misimus, et oravimus, ut

nostro animo, et obsequio vos videret », Romæ sc. Quare exacto biennio nondum Hieronymus intellexerat *Ruffinum* Aquileiensem Roma discessisse, quia sc. is anno sequenti in finem vergente, et paulo ante diem xxvi Novembris, quo Siricius obiit, in patriam migrarat. Baronius, qui anno sequenti num. 6 Pauliniani et Eusebii Cremonensis legationem in Occidentem recte copulavit, ejusque causam exposuit, perperam hoc anno num. 24 Ruffini profectionem in urbem Aquileiensem narrat. Emin. vero card. Norisius lib. 1. Hist. Pelagi, cap. 2, licet ejus adventum ex Oriente anno cccxvi contigisse perperam autumaverit, ejus tamen in patriam discessionem cum sequenti Christi anno accurate illigavit, et Ruffinum Romæ circiter per biennium degisse observavit.

49. *Moritur S. Ambrosius Mediolanensis episcopus.* — A num. 35 ad 36. Hoc anno die IV Aprilis, in quam Sabbatum sanctum incidebat, sanctus *Ambrosius* episcopus Mediolanensis ad Deum migravit. Diem nos edocet Paulinus Diaconus in ejus Vita, ubi sancti præsulis morte narrata, ait: « Atque inde ad Ecclesiam antelucana hora, qua defunctus est, corpus ipsius portatum est, ibique eadem fuit nocte, quam vigilavimus in Pascha ». Tum addit Paulinus, « lucente die Dominico corpus ejus » sepultum esse in basilica, que hodie Ambrosiana appellatur, ubi ideo fuit ab antelucana hora Sabbati sancti usque ad initium diei Resurrectionis. Quare ipsa nocte Sabbati sancti *Ambrosium* demortuum, Paulinum scribere perperam credidit Baronius. Beda in suo genuino Martyrologio, Florus, Ado, Usuardus, et passim alii, quibus addendum Martyrologium Romanum, diem depositionis sancti Ambrosii ad diem IV Aprilis memorant, ideoque indicant, mortem ejus hoc anno, quo Pascha in diem V ejusdem mensis incidit, contigisse. Henschenius tamen in Exercitatione *De anno et die mortis sancti Ambrosii episcopi Mediolanensis* præfixa tomo I SS. mensis Aprilis, ab istis Martyrologis discedit, existimatque Ambrosium anno sequenti e vivis abisse, ideoque die XVII mensis Aprilis, quia Pascha die XVIII ejusdem mensis eo anno peractum est. Præcipuum ejus fundamentum ex Marcellino in Chronico deducitur, in quo ad consulatum IV Honorii et Eutychiani, ejus mors recitatur, non vero ad consulatum Cæsarii et Allici, ut habet Baronius, qui mendosum Marcellini codicem nactus erat. Verum Marcellinus, præsertim per hæc tempora, sæpe in Chronologiam peccat, ut legitur patet. Ait secundo Henschenius, Gregorium Turonensem tradere sanctum Ambrosium in extasi celebrasse exequias sancti *Martini* episcopi Turonensis, quem lib. 1, cap. 46, asserit ad eum migrasse *Attico Cæsarioque* *cos.*, mense Novembri die Dominica, seu anno Christi currenti. Quare, inquit Henschenius, sanctus Ambrosius vixit adhuc anno sequenti, cum mense Aprilis mortuus fuerit. Verum cum ex dictis in disert. *De anno et die mortis sancti Martini episcopi Turonensis* constet S. Martinum die XI Novembris

anni quadringentesimi spiritum Deo reddidisse, apparitio illa sancti Martini plane commentitia, ut hic et in Notis ad Martyrologium Rom. jam Baronius observavit. Porro parum curandum, quod aliqui Mediolanenses episcopi eam visionem in Ecclesia Mediolanensi jam a pluribus sæculis depingendam voluerint, et in Breviariis memorari; cum ea traditio alteri ejusdem Ecclesiæ opponatur, quod scilicet sanctus Ambrosius die quinta Aprilis depositus fuerit; et particularium Ecclesiarum traditiones errori obnoxie sint, ut innumeris exemplis liquet. *Ambrosium* vero die V mensis Aprilis sepultum fuisse, docet antiquus Catalogus episcoporum Mediolanensium ex Ms. Bibliothecæ Ambrosianæ erutus a Mabillonio tomo I Musæi Italici part. II, et postea a Papebrocio initio tomi VII SS. mensis Maii, cujus Catalogi pars prior sæculo sexto videtur exarata, ut ipsimet arbitrantur.

20. *Mors sancti Ambrosii a præsentī anno removeri non potest.* — Valido argumento ex Concilio Carthaginensi hoc anno celebrato desumpto sententiam suam Baronius probat. In ejus enim canone XLVII legitur: « De Donatistis placuit, ut consulamus fratres et sacerdotes Siricium et Simplicianum ». Ille enim Simplicianus alius esse non potest, quam qui divo Ambrosio in præsulatu Mediolanensi successit. Neque satisfaci quod respondet Henschenius, vel Simplicianum adhuc tantum presbyterum fuisse, vel alium esse a sancti Ambrosii successore: cum parum verosimile sit, episcopos Afros, neglecto Ambrosio, cujus fama per omnium ora volitabat, *Simplicianum* adhuc presbyterum, ipso Ambrosio vivente, consuluisse. Præterquam quod in eo concilio sermo est de Simpliciano, non presbytero, sed *consacerdote* seu episcopo; et in hujus temporis historia non occurrit aliquis alius Simplicianus episcopus, quem Concilium illud consulere potuerit. Probari etiam potest ex Concilio Carthaginensi quinto divum *Ambrosium* hoc anno vivere desiisse. Eo enim in Concilio « post consulatum Fl. Stiliconis XIV kalend. Julias », id est, anno cmi habito, cum ob Donatistarum sævitiam apud Ecclesias Catholicas maxima clericorum penuria esset, statuerunt Africani, conveniendos Anastasium Sedis Apostolicæ episcopum, et *Venerium* sacerdotem Mediolanensem Ecclesiæ, ut communi periculo provideant, et *consentiant*, quemadmodum loquitur canon primus apud Labbeum tom. II Concil., pag. 1084 et 1085, ac pag. 1618 et 1689: « Uti saltem qui parvuli baptizati sunt a Donatistis, et majores facti cognitum errorem deseruerunt, possint clericatus officio admoveri ». Cum enim in Concilio III Carthaginensi hoc anno coacto de eadem re Siricium et Simplicianum canone XLVIII consulendos constituent, de qua tunc *Anastasium* papam et *Venerium* Mediolanensem episcopum, dubium esse non potest, quin in Concilio III Carthaginensi hoc anno congregato, de Simpliciano episcopo Mediolanensi et Siricio papa verba faciant Patres illius Concilii. Anno sequenti num. 17, et anno cmi num. 2, duo alia argumenta

in medium adducam, quæ hanc controversiam plane diremptura sunt.

21. *Paulinus diaconus Ecclesiæ Mediolanensis scripsit Vitam sancti Ambrosii.* — A num. 36 ad 41. *Paulinum* scriptorem Vitæ sancti Ambrosii, Mediolanensis Ecclesiæ diaconum fuisse, docet Marius Mercator ipso sui Commonitorii initio, ubi postquam dixit Cælestium Pelagii sectatorem Ronia Carthaginensem venisse, subdit : « Ibi de infra scriptis capitulis apud Aurelium episcopum memorate urbis per libellum a quodam Paulino diacono sanctæ memoriæ Ambrosii Mediolanensis episcopi est accusatus ». Auctor vero Prædestinati scribit : « Restitit ei » Cælestio « quidam Paulinus diaconus defensor et procurator Ecclesiæ Mediolanensis ». Perit accusatorius ille libellus Paulini, et remansit tantum memoria ejus, tum in libello, quem idem Paulinus misit ad Zozimum papam, tum apud Augustinum, qui nonnulla illius fragmenta refert. Istum secundum libellum recitat Baronius anno cxxvii, num. 7, ejus ex stylo intelligitur, unum eundemque esse, qui et Vitam sancti Ambrosii scripserit et *Cælestium* ad iudicium Aurelii vocaverit. Unde emendandus Isidorus Hispalensis lib. de Script. Ecclesiast. cap. 4, a quo Paulinus dicitur *Presbyter*; cum longe etiam post vitam Ambrosii scriptam appelletur adhuc a Zozimo et ab Augustino *diaconus*. Baronio igitur videtur, nec sine gravissima ratione, inquit Garnerius in Notis ad Marium Mercatorem pag. 8, idem esse *Paulinus*, qui Cælestium accusavit, et qui petente Augustino Vitam sancti Ambrosii scripsit, in eo qui anno cxi Carthaginem missus est a *Venerio* Mediolanensi episcopo ad *Aurelium*, qui ex Concilio Carthaginensi II petierat ab Anastasio Romano et Venerio Mediolanensi ex Italia submitti clericos ad supplendam Africanorum inopiam.

22. *Opera S. Ambrosii.* — De Operibus sancti Ambrosii genuinis, amissis, dubiis, et supposititiis legenda editio a Patribus Benedictinis Congregationis sancti Mauri curata, cæteris, quæ huc usque lucem viderant, longe accuratior.

23. *Concilium Taurinense.* — Ad num. 52 et seq. Concilium *Taurinense* post mortem sancti Martini, quæ anno cii contigit, celebratum, de quo commodius anno cii, ad quem pertinet, agemus.

24. *Concilia Carthaginensia diligentius pertractata.* — A num. 54 ad 57 discussionem *Conciliorum Carthaginensium* diligentiori examine pertractare aggressus est Baronius; sed cum in aeta depravata incidisset, isque eorum Conciliorum ordinem invertisset, rem obscuram aliquanto obscuriorem reddidit. Qui tamen excusatione dignus, quia cum corrupta essent exemplaria, OEdipus non erat, qui divinare posset. Meliorum itaque codicum et variorum hac de re tractatum post ejus mortem publicatorum subsidio, hanc Annalium ecclesiasticorum partem conabor illustrare. *Primum* Concilium Carthaginense, ut vulgo appellatur, habitum fuit sub *Grato* Carthaginensi episcopo anno cccxlviii vel

insequenti, ut inter omnes convenit. *Secundum* congregatum sub *Genetlio* episcopo anno trecentesimo nonagesimo; sed cum in editione vulgata celebratum dicatur *Valentiniano A. IV et Theodosio T. C. coss.* Baronius num. 55 Theodosii nomen retinendum esse existimans, illud Concilium Carthaginense in annum quadringentesimum vicesimum quintum, quo Valentinianus Cæsar cum Theodosio IX consulatum gessit, rejiciendum putavit, et e secundo loco inter Carthaginensia Concilia, in ultimum transtulit. Verum *Theodosii* nomen librarium errore positum, ut patet ex Codice Vaticano ab Holstenio publicato, in quo Theodosii loco legitur *Neotricius*, qui cum Valentiniano Aug. anno cccxc consulatum gessit, quo ideo anno hæc Synodus congregata, non ordine inter Carthaginenses *ultima*, sed, ut nomen profert, *secunda*.

25. *Genetlius Aurelii decessor fuit.* — Carthaginensium episcoporum chronotaxis Concilium sub Genetlio, quem ex Actis corruptis *Genedium* Baronius appellat, *secundum* ordine esse inter Carthaginensia demonstrat. *Gratus* enim, qui priori Concilio præfuit, et de quo in antiquissimo Ecclesiæ Carthaginensis kalendario a Mabillonio publicato ad nonas Maii, legitur : *Depositio Grati Episcopi*, incerto anno ad Deum migravit. Huic successit, non *Aurelius*, ut credidit Baronius, sed *Genetlius*, quem ex Italia anno cccclxxxviii rediens Augustinus post mortem Maximi Tyranni, vidit apud Carthaginem diaconi Carthaginensis munus obeuntem, ut ipsemet Augustinus scribit lib. 22 de Civit. Dei, cap. 8. Quare anno circiter cccxcxi *Aurelius* ad episcopatum Carthaginensem evectus est, ideoque *Genetlius*, qui Concilio Carthaginensi II præfuit anno cccxc, eodem vel insequenti anno vita decessit; cum anno cccxciii, die viii Octobris, Concilio Hipponensi *Aurelius* præfuerit, sequentia Concilia Africana sub eo habita prænotentur. Ipsemet Baronius anno cxxii, num. 9, existimat, Epistolam D. Augustini cxxiii, quæ novo ordine est xliiv, scriptam esse ad *Eleusium* ipsomet anno, et tamen in ea legitur : « Inde nescio quomodo ventum est ad commemorationem beatæ memoriæ Genetlii episcopi, etc. » qui ideo anno cxxii jam obierat. Verum eam Epistolam hoc vel sequenti anno datam esse, eo Christi anno demonstrabimus. *Aurelius* usque ad annum circiter cxxxv Ecclesiam Carthaginensem rexit, ut ex dicendis liquet. *Genetlius* in Calendario laudato his verbis ad nonas Maii inseribitur : « Depositio Genecli episcopi », ubi legendum, *Genetlii*.

26. *Epocha II Concilii Carthaginensis stabilitur.* — De istius Concilii veritate nullus superest dubitandi locus, cum et in Collectione veteri exhibeatur, et ex eo plures canones citet Ferrandus. Justellus tamen ait, falsum et fictum omnino esse, quod probare tentat ex erronea consulum subscriptione mox memorata, quæ tamen corrigenda erat. Addit Justellus, *Alypium* Tagastensem episcopum, qui hac in Synodo interloquitur, nonnisi quatuor annis post prædictorum consulatum, ordinatum

fuisse Episcopum, ut observat Baronius ex Augus-
tino et Hieronymo. Quo argumento cum ipse quo-
que Baronius utatur, illique satisfecerit Marca in
dissert. de Veteribus Collectionibus canonum cap. 5,
quæ præsul doctissimus de hoc Concilio scripsit,
tunc transferenda. Baronius itaque melius agit cum
hoc Concilio, quam Justellus. Ille enim Concilium
hoc gradu solum movendum putat, et posterius esse
Conciliis omnibus, quæ ab *Aurelio* Carthaginensi
habita sunt : qui quidem velut emeritus, successo-
rem sibi designavit *Genetlium*. Unde factum, ut in
Actis ejus Concilii, *Genetlii* et *Aurelii* mentio inji-
ciatur, ac si uterque Synodo præseset; ille ut actu
episcopos, alter ob dignitatem retentam; cum tamen
certum sit, vice versa *Aurelium* successisse *Genet-
lio*. Probat autem sententiam suam Baronius, ex eo
quod *Valentinus* Numidiæ Primas huic Synodo in-
terfuerit, qui fuit *Xantippi* successor. Porro *Xan-
tippus* Milevitano Concilio præses aderat anno cmi
ante quod tempus Carthaginense tertium, quod vo-
cant, et insuper *quantum ac quantum* habita fue-
rant. Quare secundum dici non potest, in quo *Val-
entinus* *Xantippi* successor interfuit. Huic argu-
mento aliud addit Baronius, nempe canonem secundo
hujus Concilii citari canonem xxxvii Collectionis
Dionisianæ, *De continentia clericorum*, qui pelitus
est ex Concilio habito anno cmi, et canone tertio
laudari canonem, « De Chrismate, reconciliatione
pœnitentium, et puellarum consecratione », qui ex-
tat in Concilio sexti canone decimo. Ita Cardinalis
doctissimus.

27. *Canones Concilii Carthaginensis VI ex aliis
deprompti.* — His difficultatibus, ut satisfiat, ob-
servandum, canones Concilii Carthaginensis sexti
pelitos esse ex variis Conciliis prioribus, nempe ex
Concilio sub *Grato* canonem quintum, ex Cartha-
ginensi tertio plerosque, et ex Synodo sub *Genetlio*
canones ii, iii, iv, vi, vii, viii, ix, x, xi, xii et xiii,
iisdem quandoque verbis, aliquando vero paulisper
mutatis. Unde accidit, ut interlocutiones episcopo-
rum quæ tribuntur recte *Aurelio*, *Alypio*, *Numi-
dio*, et aliis in Concilio sexto, in quo Canonum sub
Genetlio verba transcribuntur, fuerint deinde
inter describendum, librorum vitio, retentæ in
Actis Concilii sub *Genetlio* sub nominibus eorum-
dem episcoporum; qui alii erant in vero exemplari
illius Concilii sub *Genetlio*, ut statim patebit. Inle-
rim, ut res tota sit adhuc apertior, canones edidi a
Concilio sub *Genetlio*, quos habet Ferrandus, hic
proponendi sunt, et reliqui expendendi : unde con-
stabit vetustas hujus Concilii præ cæteris habitis sub
Aurelio, tantum abest, ut si ultimum, quemadmo-
dum sibi persuaserat Baronius. Tum etiam manife-
stum fiet discrimen istius Concilii a sexto; quod
tamen a priore pleraque mutatum est, ut dixi.
Denique quid significetur per *præteritum Concilium*
in canone ii et iii sub *Genetlio*. Sicque Baronii ar-
gumentis respondebitur.

28. *Verba aliqua et episcoporum nomina ex
Concilio Carthag. II in VI translata.* — Quatuor

sexti Concilii canones citat Ferrandus in Breviario
iv, viii, ix et x. Quartus canonis compendium hoc est
apud illum auctorem num. 194, « ut qui aliquibus
sceleribus irretitus est, vocem accusandi non ha-
beat. Concilium Carthaginense sub sancto *Genetlio*
tit. iv; Concil. Carthag. tit. vi. Hoc et in Concilio
Thenitano statutum est ». Ex collatione istorum ca-
nonum patet, duo fuisse Concilia Carthaginensia,
quæ criminosos ab accusatione submoverunt, alter-
um sub *Genetlio*, idque prius, ut docet ordo scri-
pturæ, et alterum Carthaginense. Quod congruit
cum antiqua Collectione, ubi res eadem sancitur in
Concilio sub *Genetlio* tit. vi, et præterea apud Dio-
nysium in Carthaginensi sub *Aurelio*, quod vocant
sextum, tit. viii, ubi diligenter observandum est
hunc canonem editum in Concilio sub *Genetlio* teste
Ferrando, et in Carthaginensi sexto, eodem teste; in
utroque fieri ad suggestionem *Numidii*, *Aurelio* in-
terloquente et Præsidis munus exercente; quod, ut
conveniat Concilio sexto, non potest convenire Con-
cilio sub *Genetlio*. Quare dicendum, canonis verba
deprompta quidem a Patribus Concilii sexti ex Con-
cilio sub *Genetlio*, sed a librariis transcribentibus
vices mutatas, et episcoporum nomina ex Concilio
sexto in hoc translata. Idem error pervasit canones
vii, x et xi Concilii sexti, qui respondent canonibus
iv et viii Concilii sub *Genetlio*, ubi fit mentio *Alypii*
et *Valentini*.

29. *Canon Concilii II Carthag. in Concilium VI
translatum.* — Tituli octavi lemma hoc est num. 55
apud Ferrandum : « Ut episcopus si causam habue-
rit, a duodecim episcopis audiatur. Concilium Car-
thaginense sub sancto *Genetlio* tit. viii », et de Pres-
byteris num. 96 apud eundem : « Ut presbyter
qui reatum incurrerit, a sex vel a septem episcopis
audiatur. Concil. Carthagin. sub antistite *Genetlio*
tit. ix ». In Collectione veteri can. x ad suggestio-
nem *Felicii* episcopi Selemselitani, quæ repetita
sunt iisdem verbis in Carthaginensi VI sub *Aurelio*;
dempta tamen isthac clausula, quæ est in isto se-
cundo : « *Genetlius* episcopus dixit : Quid ad hoc
dicit sanctitas vestra ? Ab universis episcopis dictum
est a nobis veterum statuta debere servari ». Unde
manifeste patet, hunc canonem e Concilio sub *Ge-
netlio* translatum fuisse in Concilium VI.

30. *Concilium sub Genetlio prius habitum quam
Carthaginense sub Aurelio.* — In Concilio sub *Ge-
netlio* constitutum docet Ferrandus num. 24, « ut
nullus episcopus plebem alienam usurpet. Concil.
Carthagin. sub sancto *Grato* tit. ix; Concilium Car-
thagin. sub antistite *Genetlio* tit. ix; Concilium Car-
thagin. tit. v ». Canon iste novus, est undecimus
numero in Collectione veteri, editus ad suggestio-
nem *Victoris* episcopi. In Concilio VI sub *Aurelio*
canone v, quem laudat Ferrandus, ad relationem
Aurelii de avaritie variis capitulis cavetur inter
cætera generaliter, « ne quis alienos fines usurpet ».
Unde patet discrimen utriusque Concilii, et prius
esse Concilium sub *Genetlio*, quam Carthaginense
sub *Aurelio*.

31. *Ideoq̃ in annum cxxxv nullo modo rejici potest.* — Denique canon III et IV ejusdem Concilii VI *De continentia sacerdotum*, quorum primus Aurelio suggerente constituitur, et alter Faustino subque interloquente, desumpti sunt ex canone II sub Genetlio : ubi Aurelius interloquens introducit, sed de Faustino taceat : quæque in Concilio VI Faustino legato Romane Sedis tribuuntur, in Concilio habito sub Genetlio universis episcopis adscribuntur. Unde fit manifestum, Concilium sub Genetlio vetustate præcedere aliud quod ex priore locupletatur. Quod autem constituitur de sacerdotum continentia, juxta *præteriti Concilii* definitionem, ut aiunt, intelligendum est de Concilio habito sub Siricio statim post epistolam Synodicam Concilii Romani ad Africanos directam post consulatum Arcadii Aug. et Baulonis, id est, anno cccclxxvi, ubi cavetur specialiter de sacerdotum abstinentia ab uxoriis, ut docet Marca lib. I de Concordia, cap. 8, paragra-pho 4. Quare fallitur Baronius, qui canone illo secundo laudari putat canones Concilii Carthaginiensis VI. Idem Marca in dissert. laudata pluribus probat, canones aliquot alios ex Concilio sub *Genetlio* transcriptos esse in Concilium Carthaginense VI sub Aurelio, iisdem quandoque verbis ; quandoque vero illorum sententia sola ; quod apertissime ostendit Concilium sub *Genetlio*, Carthaginensi VI sub Aurelio vetustius esse.

32. *Synodus Hipponensis.* — Post Synodum sub Genetlio habitam, Concilium universale omnium Provinciarum Africæ coactum est Hipponensi civitate sub Aurelio, *Theodosio Aug. III et Abundantio coss.*, id est, anno cccxciii. ut adnotavit Dionysius in sua Collectione. Hæc Synodus canones unum supra quadraginta constituit, qui deinde recensiti sunt in Concilio Carthaginensi III, hoc anno celebrato. De hac Synodo Hipponensi anno cccxciii, quo recte eam Baronius recitat, egimus.

33. *Celebratur Concil. Carthag. III.* — Sequitur Concilium Carthaginense *tertium* vulgo appellatum, quod revera tertium ordine fuit, *Cæsario et Attico coss.*, currenti nempe anno V *kalend. Septemb.* ab Aurelio habitum, ut legitur in ejus Præfatione a Dionysio Exiguo recitata. Eo autem die congregatum est juxta statutum Concilii Hipponensis de celebrando Concilio plenario X *kal. Septemb.* Cum enim ad illum diem convocatum fuisset Concilium, et nondum omnes provinciarum legati adessent, Zifitensis provincie legatis paulo post adventantibus, quinto kalendas *Septemb.* inchoatum est, ut in sua Præfatione indicat Aurelius. Quare Concilium vulgo Africanum dictum corrigendum venit, dum canonem *De non navigando sine formata Præmissis*, attribuit VI kalendas *Julii*, quidquid Baronius et Perronius existiment, retinendum potius esse illum diem quam V kalend. *Septemb.*, cum enim de die alienius Synodi controversia est, illud sequi debemus, quod plures et melioris notæ codices habent : sed in Actis imprimis ipsius Synodi tertiæ Carthaginensis legitur : V *kalend. Septembris*, et collectio canonum

Africanorum idem confirmat apud Dionysium Col-lectorem latinum, et Zonaram ac Balsamonem col-lectores græcos : imo auctor Concilii vulgo Africani, dum convenisse asserit V *kalend. Septemb.* erro-rem esse demonstrat, quod postea refert de epi-scopis sine formata navigare prohibitis VI *kalend. Julii*. Illud enim ipsum statutum, est canon xxviii Concilii Carthaginensis III, qui ab auctore Concilii vulgo Africani, loco suo non refertur, ut Perronius cardinalis recte animadvertit cap. 49 Responsionis ad Magnæ Britanniae regem. Cum enim initio Con-cilii Aurelius proponeret, legendum Breviarium Hipponensis Concilii, cunctaque ejus statuta recitata essent, statim sequitur in Actis Carthaginensium Synodorum a Dionysio, Zonara, et Balsamone rela-tis, « Quod nihil eorum quæ in Hipponensi Synodo acta sunt, sit corrigendum : Epigonius episcopus dixit, etc. » Inter quem canonem et Aurelii interlo-cutionem nihil medium interjici potest, ut Perronio observatum. Denique idem Dionysius hanc Syno-dum Cæsario et Attico coss. habitam, perperam in duos conventus partitur, quorum alter VI *kalend. Julii*, alter iisdem coss. V *kalend. Septemb.*, ex quo plura capitula proponit, habitus fuerit. Nam, ut jam dixi, cum legati ex omnibus provinciis Africæ ad diem præstitutam Concilii non advenissent, cum illis qui diem prævenierant, quædam tractavit *Au-relius*, quæ deinde in plenario Concilio relecta sunt, ut fusius explicat Marca citatus cap. 6.

34. *Concilium II Carthaginense magis expli-catur.* — Cæterum quia auctor Concilii vulgo Afri-cani appellati, non illum tantum canonem, qui agit de navigando sine formata, sed alias Conciliorum Præfationes interposuit, uti Concilii Carthaginensis Honorio IV et Eutychiano coss., et alterius Cartha-ginensis *post consulatum Fl. Stiliconis* celebrato-rum, post quæ sequitur definitio Epigonii de non mutando aliquid in Breviario Hipponensi, ex eo Perronius cap. 48 notat occasionem sumpsisse Ba-ronium minus recte statuendi, tam canonem ab Epigonio statutum, quam xxii sequentes attribuen-dos Concilio Carthaginensi post consulatum Stilico-nis celebrato, ubi viginti duo priores consistat esse Concilii Carthaginensis tertii *Attico et Cæsario coss.* habiti. Quod autem tantum xxii canones Concilii Carthaginensis referantur in Concilio vulgo Afri-cano, aut in codice canonum Ecclesie Africane, hanc rationem reddit Perronius, quia auctor codi-cis non inseruit canones Carthaginensis III, nisi illos, « qui aut amplificaverant, aut restrinxerant Concilii Hipponensis canones ». Ex quo sequeretur, xxiii canones Hipponenses renovatos fuisse, et novis additamentis relatos inter canones Carthaginensis tertii ; quod tamen dici non potest. Innotuit enim illud Breviario tantum Hipponensis Synodi, quod Synodice Byzacene adjunctum fuisse putatur, et post hanc Carthaginensem tertiam refertur ex co-dice Ms. S. Bavonis, ubi referuntur unus et qua-draginta tituli tanquam Hipponensis Concilii, cum tamen sint Carthaginiensis III, in quo ubi relatum

fuisse Hipponensis Breviarium, a toto Concilio statutum est : « Quod nihil eorum, quæ in Hipponensi Synodo acta sunt, sit corrigendum », addente Epigonio Bullensis regionis episcopo, ex omnibus Breviarii titulis nihil emendandum, vel in aliquo assuendum, « nisi ut dies sanctæ Paschæ tempore Concilii innotescat ». Quod ad canonem Hippouensem additum fuisse in canone primo Carthaginiensis III, fidem facit canon ejus xli, ubi Aurelius testatur, a Concilio id supra statutum fuisse. Unde evincitur canonem primum Concilii Carthaginiensis non esse illum, qui in ejus Actis vulgatis extat, sed qui in collectione, tam græcorum, quam latinorum codicum reperitur, ut notavit Schelskratius in Dissert. 3 de Eccles. Africana, cap. 7, qui quinquaginta canonum titulos huic Concilio tribuit scholiis illustrat; de quibus etiam legendus Marca citatus.

35. *Honorius Ecclesiarum privilegia confirmat.* — A num. 66 ad 71. Occasione *quindecennalium* Arcadii varia privilegia hoc anno, tam ab eo, quam ab Honorio fratre indulta, ex quibus Baronius aliqua memoravit, uti legem 30 Cod. Theod. de *Episcopis*, prid. kal. Febr. Mediolani datam, qua privilegia et beneficia ecclesiarum et ecclesiasticorum ab Honorio confirmantur, quæ erant proprie immunitates ab extraordinariis et sordidis numeribus; quod horum temporum ratione et necessitate suadente ea munera sen munia, a divitibus præsertim Episcopis et Ecclesiis, ex æquo deprecanda, Gentiles maxime Iudices putarent, ut notavit Gothofredus in illius legis commentario. Præterea eadem die Honorius emisit legem 21 Cod. Theod. de *extraordinariis sive sord. mun.* et legem 22 prid. id. Jun. Quibus nominalim Episcopi Romani et Clericorum immunitatem ab omnibus extraordinariis et sordidis numeribus, ab anterioribus jam Principibus concessam roborat.

36. *Arcadius Judeorum privilegia confirmat.* — Arcadius vero dedit leges Cod. Theod. 12 et 13 de *Judeis*, a Baronio omissas, quarum priori data XV kal. Jul. Judæi eorumque Synagoga per præfecturam et prætorianam Illyrici, a contumeliis et turbatione vindicantur, eo quod passim in eos impetus fieret, cæsusque eorum turbarentur. Altera lege data kalend. Jul. privilegia Archi-Synagogis Judeorum, Patriarchis, Presbyteris, et cæteris in ea religione versantibus, veterum exemplo Principum Christianorum confirmantur; nomina-

tim vero immunitas a muneribus curialibus, eodem exemplo, quo eadem privilegia « primis clericis Christianæ legis » deferuntur.

37. *Apparatus Belli Gildoniaci.* — In apparatu belli Gildonici pars currentis anni absumpta; quod ostendunt leges Codicis Theod. 12, 13 et 14 de *titulorum*, quarum priori definitur, cum publica utilitas suaserit, juniores in arma conscribendos, ne rem privatam quidem principis ab hoc immunem esse. De hoc apparatu accipiendus Honorius apud Claudianum :

Quæcumque meo gens barbara nutu
Stringitur, adveniat, Germania tota feralur
Navibus, et socia comitentur classe Sicambri,
Pallida translatus jam sentiat Africa Rhenum.

Et quæ deinceps de legibus Romanis subjicit, de Herculeæ et Jovia cohorte, de Nervii, de Felici et Augusta Legione, de Invictis, de Leonibus. Eodemque pertinent quæ idem scribit lib. i. in laudem Stiliconis agens de hoc apparatu :

Veteres firmare cohortes,
Explorare novas.

Et mox :

Unde rudis tanto tirone juvenus
Enituit, senioque iterum vernante resumpsit
Gallia bis fractas Alpino vulnere vires?
Non ego delectus, Tyrii, sed vomere Cadmi,
Tam subtilis acies concepso dente draconis,
Exhibuisse reor.

Exercitus vero Honorianus adversus Gildonem movit in Africam, vel hujus anni fine, vel initio sequentis; certe hieme, quod liquet ex Claudiano de bello Gildonico, ibi *Solvite jam socii*, etc., et lib. in laudem Stiliconis : ibi, *Tales utrinque procelle cian fremerent*, etc. quæ a Gothofredo in Chronologia Cod. Theod. observata.

Epistolæ Augustini novo ordine xliii et xlii in quibus *Cælicolarum* mentio, ad hunc annum pertinent, ut anno cxxviii, num. 12, ostendimus. *Sistimus* et duo ejus socii in agro Tridentino martyrio affecti, ut an. cp. num. 2, videre est. Colloquium *Triburcense* in causa Donatistarum hoc vel sequenti anno habitum juxta dicta anno cxxii, num. 6.

ANASTASII ANNUS 1. — CHRISTI 398.

1. *Siricii papæ obitus, decreta et scripta.* — Aperitur novus annus consulatu quarto Honorii imperatoris et Eutychiani, idemque numeratus Domini trecentessimus nonagesimus octavus : quo octavo kalendas Martii, Siricius papa cum sedisset annos tredecim, mensem unum, et dies quatuordecim, ex hac vita migrans, sepultus est in cimiterio Priscillæ Via Salaria : ita apud indices omnes, licet apud Bedam¹ sexto kalend. Decembris Siricii ponatur obitus. Sed quod ad tempus sedis, etsi ut signatum reperimus mille testibus, nos posuimus : tamen recens repertum inditum antiquitas ejus sepulturæ Epitaphium aliud nos docet, et latiori metiri funiculo sedem ejus : est hujusmodi².

LIBERIUM LECTOR MOX ET LEVITA SECUTUS
POST DAMASCUM CLARUS TOTOS QUOS VIXIT IN ANNOS
FONTE SACRO MAGNUS MERUIT SEDERE SACERDOS
CUNCTIS UT POPULIS PACEM TUNC SOLIDAM DARET
HIC PIUS HIC JUSTUS FELICIA TEMPORA FECIT
DEFENSOR MAGNUS MULTOS ET NOBILES AUSUS
REGI SUBTRAHERET ECCLESIE AULA DEFENDENS
MISERICORS LARGUS MERUIT PER SÆCULA NOMEN
TER QUINOS POPULUM QUI REXIT IN ANNOS AMORE
NUNC REQUIEM SENTIT CÆLESTIA REGNA POTITUS.

De eodem Siricio restituente memorias martyrum ita posita ibidem vetus inscriptio³:

SIRICIUS PIA NUNC PERSOLVIT MUNERA SANCTI
GRATIA QUO MAJOR SIT BONA MARTYRIBUS
OMNIPOTENS DEUS HNC CONSERVET TEMPORE MULTO
MOENIA SANCTORUM QUI NOVA RESTITUIT.

Extat Siricii decretum de fermento; de ejus elucidatione, alia occasione tertio tomo pluribus actum. Alia quoque adversus Manichæos, severa (ut par erat) censura statuta habentur, nempe exilio deportandos, penitentes vero in monasteria detrudendos, et nonnisi in fine vite sacris mysteriis participandos.

Secreta collegia sua Manichæos habuisse in Urbe, sed cum Siricii papæ studio, tum principum legibus exagitatos, atque undique pulsos esse, superiori tomo, sapius contigit demonstrari. Quod autem spectat ad cleri propagationem; in libro de Romanis pontificibus habetur, quinques suæ sedis tempore ordinationes fecisse mense Decembri, creasseque presbyteros triginta et unum, diaconos sexdecim, et episcopos per diversa loca triginta duos.

2. De scriptis ab eo epistolis decretalibus mentio est apud Isidorum¹ nempe dedisse epistolam ad Himerium episcopum Tarraconensem, de recipiendo baptismo hæreticorum, et de aliis adversus Jovinianum et collegas hæreticos : sed errare plane videtur auctor, dum cum sub Theodosio et Valentiano imp. vita functum affirmat. Vacasse sedem post Siricii obitum dies viginti, habent indices Vaticanæ, necnon liber de Romanis pontificibus : qua ratione dicendum est, in locum ejus subrogatum successorem pridie idus Martias. Hic fuit Anastasius Maximi filius, Romanus : de ejus sedis tempore, quot scilicet annis Ecclesiæ præfuit, in ejus obitu ex more dicendum.

3. *Sub Anastasiæ successore status Romano Ecclesiæ per Origenistas.* — Invenit hic Apostolicam Sedem, ipsam Petri naventiam, ejus sumpsit regendum clavum, turbinibus agitatam hæreticorum : cum (ut dictum est pluribus anno superiori) Ruffinus cum Melania inferens se in Urbem, in eam invexit hæreses Origenis, edito a se latine reddito ejusdem auctoris Periarchon, novo equo Trojano, hostibus intus referto, sed religione velato, hæresumque dicendo theca, ex qua expositæ sunt in Romana Ecclesia dolosæ merces : quarum mercatores, etiam eo dementia prolapsi sunt, ut in apostolicum usque thronum eas inferre tentaverint, una reclamante Marcella, extollenteque vocem cum muliere evangelica². Tali quidem statu fluctuantem Romanam Ecclesiam Anastasium reperisse sanctus Hieronymus in epistola ad Principium³ indicat, ubi post enarratum egregium fortis et sapientis mulieris tunc exhi-

¹ Bed. Martyr. ea die. — ² Antiq. Inscr. in Appe. pag. 1171. n. 16.
— ³ Antiq. Inscr. in Appe. pag. 1172. n. 7.

¹ Isidor. de Vir. Illustr. c. 3. — ² Luc. xi. — ³ Hier. ep. xvi.

bitum de fide catholica Marcellae specimen, subdit : « Non multum tempus in medio succedit in Pontificatum vir insignis Anastasius ». Hujus autem quæ partes fuerint, idem sanctus Hieronymus ad Demetriadem ita scribit¹ : « Dum esses parvula, et sancte ac beate memorie Anastasius episcopus Romanam regeret Ecclesiam; de Orientis partibus hæreticorum sæva tempestas simplicitatem fidei, quæ Apostoli² voce laudata est, polluere et labefactare conata est. Sed vir ditissimæ paupertatis, et apostolicæ sollicitudinis, statim noxium percussit caput, et sibilantia hydræ ora compescuit ». Hæc Hieronymus.

1. Quid autem actum sit cum Anastasius papa sedere cepit, rem brevi summa ita ad Principiam scribens³ sanctus Hieronymus amplexus est, cum ostendit S. Marcellam in causa fuisse, ut Origenis hæresis Romæ damnaretur : atque postquam de ingressu Anastasii meminit : « Dicas, quid hæc ad laudem Marcellæ ? Damnationis hæreticorum hæc fuit principium : dum adducit testes, qui prius ab eis (nempe Origenistis) eruditi et postea ab hæretico fuerant errore correpti : dum ostendit multitudinem deceptorum : dum impia Periarcon ingerit volumina, quæ emendata manu scorpionum destrabantur : dum acitii frequentibus litteris hæretici, ut se defenderent, venire non sunt ausi : tantaque vis conscientie fuit, ut absentes damnari, quam præsentis coargui maluerint. Hujus tam gloriose victoria origo Marcella est. Tuque caput horum et causa bonorum scis me vera narrare, quem nosti vix de multis pauca dicere, ne legenti fastidium faciat otiosa replicatio, et videar apud malevolos sub occasione laudis alterius stomachum meum digerere ». Hæc Hieronymus brevi compendio haud brevem complexus historiam ; quam lentiori gradu, quo cuncta exacte disquirere lector valeas, nos pro rerum gestarum temporis ordine prosequemur.

5. *Ad Ruffini dolum revincendum Hieronymus in latinam vertit Origenis Periarcon.* — Quod igitur in primis ad S. Marcellam, decus Romanæ Ecclesiæ pertinet : Ruffinus cum se ab ea proditum sensit, in eam vehementer commotus est, accusans simul ipsam, et se excusans : quod illa scilicet inemendatas chartas a se per alium subripuisset, edidissetque : in hanc enim ipsam quidem, et non in aliam, Ruffinus agens adversus S. Hieronymum⁴, jacula intorquet, ubi de eodem Eusebio agit, quem mentiebatur inemendatas chartas subripuisse, atque edidisse : dum sic ait : « Hoc si in foro positus, vel negotiis secularibus commisisset iste, qui de monasterio Romani, quasi calumniandi peritissimus, missus est : norunt omnes quid consequeretur ex legibus publicis ejusmodi criminis reus. Nunc vero quia secularem vitam reliquit, et a tergiversatione illa actuum publicorum ad monasterium conversus est, et adhasit magistro nobili : ab ipso edocetur iterum pro modestia, furere, insanire ; pro quiete,

seditiones movere ; pro pace, movere bellum ; pro concordia, movere dissidia ; perditus esse pro fide ; pro veritate, falsarius. Crede mihi, quod hujus sceleris nequitia etiam verum fuisset exemplar, nisi Jezabel tibi illa occurrisset⁵. Illa est enim, quæ hoc crimen adversus Nabuthæum Jezrahelitem vineæ causa composuit, et mandavit presbyteris iniquitatis falsis eum conscriptionibus perurgere, quasi qui benedixisset, id est, blasphemasset Deum et regem. Sed quis in hoc intellicior ? Illa quæ mandat, aut hi qui mandato iniquitatis obtinebant ? Gravia hæc, et (ut opinor) in Ecclesia pæne ejusmodi facinus inauditum est ». Hæc Ruffinus, dum se excusare conatur, quod per Marcellam, quam impie nominat Jezabelam, ab Eusebio acceptæ fuerint chartæ translationis Periarcon Origenis hæresibus scalentes ; excusans quod inemendatæ ille fuisset. Sed redarguit ista delatamenta Hieronymus, ubi rescivit, convictique ad excusationem sceleris mendacia ista impudenter obtulit.

6. Ceterum quod ad Eusebii Romam adventum pertinet : hoc ipso anno contigisse Pauliniani protectionem in Urlem una cum eodem Eusebio patria Cremonensi ipse S. Hieronymus in Apologia adversus Ruffinum declarat his verbis⁶ : « Vincentius, Paulinianus, Eusebius, Ruffinus presbyteri, quorum Vincentius multo tempore ante vos Romam venit, Paulinianus et Eusebius post annum vestræ navigationis profecti sunt : Ruffinus in causa Claudii post biennium missus, omnes vel pro re familiari, vel pro periculo capitis alieni ». Hæc ipse : quibus intelligas, hoc anno contigisse Pauliniani protectionem in Italiam una cum collega Eusebio : nam anno superiori (ut vidimus) adventus Ruffini cum Melania accidit. Quem autem hic Ruffinum presbyterum nominat, longe diversum a Ruffino Aquileiensi, in quem scribit⁷, esse non dubites.

7. Quodnam vero fuerit rei familiaris negotium, ejus causa missum Paulinianum affirmat, in epistola ad Pammachium his verbis aperit : « Nos in ista provincia ædificato monasterio, et diversorio prope constructo, ne forte et modo Joseph cum Maria in Bethlehem veniens, non inveniat hospitium, tantis de toto orbe confluentibus turbis obruimur monachorum, ut nec ceptum opus deserere, nec supra vires terre valeamus. Unde quia pæne nobis illud de Evangelio⁸ contigit, ut futura turris non ante computaremus expensas : compulsi sumus fratrem Paulinianum ad patriam mittere, ut semirutas villulas, quæ barbarorum effugerunt manus, et parentum communium census venderet : ne ceptum sanctorum ministerium deserentes, risum maledicis et annulis præbeamus ». Hæc de germani in Occidentem legatione Hieronymus.

8. Fuit autem suspicio vel pretextus Ruffini, ex quo etiam querelam invectivamque conscripsit,

¹ Hier. ep. viii. — ² Rom. xii. — ³ Hier. ep. xvi. — ⁴ Ruffin. invec. l. i. apud Hier. tom. ix.

⁵ 3. Reg. xxi. — ⁶ Hier. Apol. adv. Ruffin. — ⁷ Hier. ep. xxvi. — ⁸ Luc. xiv.

hos post se tanquam exploratores missos esse, sed præcipue Eusebium, ut suas chartas subriperet ¹. Etenim quod Rufinus nullam inveniret excusationem, cur versionem virulentam Origenis Periar- chon Romæ in plurimorum exitium edidisset, aperuissetque thecam serpentibus plenam; eo miser quævisit effugium, ut mendaciter affirmaret, Euse- bium pecunia redemisse notarium, a quo lucubra- tionem illam inemendatam acceperit, atque vulga- verit: fuerunt enim hæc ob eam causam verba Rufini, epistola postea ad Hieronymum scripta: « Noli multo auro redimere notarium meum; sicut amici tui de meis ἐπεὶ ἀρχῶν schedulis, nondum emendatis, nondum ad purum digestis fecerant; ut facilius falsare possent, quod aut nullus haberet, aut admodum pauci ». Et inferius: « Vociferare et clamita per compita, per plateas. Non est, non est meus liber: et si meus est, schedulas inemendatas Eusebius furto abstulit: aliter ego edidi, imo nec edidi: nulli eas dedi, aut certe paucis: et tam sceleratus inimicus, et tam negligentes amici fue- runt, ut omnium codices ab eo pariter falsarentur. Hæc, frater carissime, facere debueras, et non illi tergum obvertens, in me transmarinas maledictorum tuorum sagittas dirigere ». Hactenus de his ipse. Sed quam facillime in Apologia sua idem S. Hieronymus omnia ista refellit, quæ ad impietatis excusationem Rufinus detrectans jactitabat in vulgus.

9. Sic igitur Romæ edito Origenis Periar- chon, quod emendatum in sua præfatione Rufinus pro- fessus erat: ut convinceretur ipsa perperam atque dolose facta esse translatio, opus erat ut germana ejusdem operis versio curaretur: quo tum Orige- nis, tum etiam ejus hæresum sectatorum pravitatis manifeste probari posset; ut sic his recte dispositis ad futurum ea de re habendum Romæ iudicium, ex certis manifestisque probationibus sententia ferri posset. Susceptum est ergo ejusmodi negotium a clarissimis viris atque doctissimis Pammachio et Oceano, qui totum id operis S. Hieronymo creden- dum esse putarunt, ea præsertim ex causa, quod ex præfatione Rufini ipse facite in crimen socius vide- retur adduci. Scripserunt ergo eo argumento iidem ad ipsum Hieronymum ejusmodi perbreves lit- teras ²:

10. « Sanctus aliquis ex fratribus schedulas ad nos ejusdam detulit, quæ Origenis volumen quod ἐπεὶ ἀρχῶν inscribitur, in latinum sermonem versum teneant. Et quoniam in his multa sunt, quæ te- nuitatem nostri ingenii permovent, quæque minus catholice dicta existimamus: suspicamur etiam ad excusationem auctoris multa de libris ejus esse sub- tracta, quæ apertam impietatem ejusdem monstrare potuissent. Quæsumus præstantiam tuam, ut hoc specialiter non tam nobis, quam universis qui in Urbe habitant, profuturum opus digneris impen- dere, ut supradictum librum Origenis, quemadmo-

dum a supradicto auctore editum est, ad fidem tuo sermone manifestes; et quæ a defensore ejus inter- polata sunt, prodas; et quæ etiam in his schedulis, quas ad sanctitatem tuam direximus, vel contra ca- tholicam regulam, vel imperite edita sunt, redar- guas atque convincas. Sane subtiliter in præfatione operis sui, tacito nomine tuæ sanctitatis expressit, quod a te promissum opus ipse complexit: illud oblique agens, etiam te simili ratione sentire. Purga ergo suspensiones hominum, et convince eriminan- tem; ne, si dissimulaveris, consentire videaris ». Hactenus ipsi ad S. Hieronymum.

11. His acceptis litteris, ipse naviter laboravit, ut quam exacte, quæ Origenes dixerat in Periar- chon, in latinum quam purissime verteret. Incumbit in opus, quod absolutum anno sequenti Romam ad eosdem misit, apposita præfatione, qua omnes qui in eo libro sparsi sunt Origenis errores, redderet omnibus manifestos; ac dolum pariter ejus, qui male versum ediderat, aperiret. Quæ autem accide- rint, cum hæc Romæ cognita sunt, suo loco sequenti nempe anno dicturi sumus.

12. *Anastasii papæ officia erga sanctum Paulinum.* — Inter hæc autem Anastasius papa, hoc ipso snæ sedis exordio, quæ tempore prædecessoris perperam facta scisset, magna sollicitudine emen- dare quamprimum curavit. Quod enim (ut suo loco dictum est) non ignoraret paulo illiberaliter cum S. Paulino viro clarissimo, qui una cum Therasia conjuge monasticam amplexus vitam in Nolanum agrum secessit, Siricium, cui successit, egisse: ipse simul ac in thronum Pontificium evectus est, officio- sissimas litteras ad Episcopos pro ipso Paulino fre- dit; quem et omni officiorum genere postea fre- quentandi nullam penitus occasionem præternisit. Meminit harum litterarum ipse Paulinus, cum ad Delphinum scribens, hæc ait ¹: « Sciat veneratio tua, sanctum fratrem tuum papam Urbis Anasta- sium amantissimum esse humilitatis nostræ. Nam tibi primum potestatem charitatis suæ nobis offe- rendæ habere cœpit; non solum suscipere eam a nobis, sed ingerere nobis, piissima affectione prope- ravit. Nam brevi post ordinationem suam epistolas de nomine nostro plenas et religionis et pietatis et pacis ad episcopos Campaniæ misit, quibus et sum- declararet affectum, et aliis benignitatis suæ præbe- ret exemplum. Deinde nos ipsos Romæ, cum so- lemni consuetudine ad beatorum Apostolorum nata- lem venissemus, tam blande, tam honorifice acce- pit ». Hæc ipse.

13. Ex his quidem demonstrat S. Paulinus, so- lemni fuisse consuetudinem, ad natalem diem Apostolorum Romanis, nulla habita æstivorum calo- rum ratione, religiosissimam celebritatem concu- rendi. Sunt et de his aliæ antiquæ testimoniationes, ut inter alias illa nobilis Gallæ Placidie Augustæ ad Pulcheriam æque Augustam ² scribentis his verbis,

¹ Apud Hier. Apol. II. — ² Apud S. Hier. ep. LXIV.

¹ Paulin. ep. XVI. — ² Extat. tom. I. Concil. ante Conc. Chalce- don. vet. edit.

cum sui Romam adventus rationem reddidit : « Ut Romam frequentibus concursibus adque desideremus inspicere, causa nobis est amplectendæ religionis, ut terminis sanctorum nostram exhiberemus præsentiam; quos certum est pro sua virtute in cælestibus constitutos, neque inferiora despicere. Nos itaque sacrilegum esse credimus, si solemniū ordinem denegemus ». Hæc illa. Sed et Valentinianus ¹ Aug. ad Theodosium Juniorem imp. « Cum advenissem, inquit, in urbem Romam ad divinitatem placandam, sequenti die ad basilicam Apostoli Petri processi ». Et ad Severum ² idem qui supra Paulinus : « Romam, inquit, ad venerabilem sollemnitatis apostolicæ diem profecti sumus ». Et inferius : « Rescribendi tamen ex Urbe facultas non fuit, ipsum tempus ante meridiem in votis nostris, quorum cura veneramus, per Apostolorum et Martyrum sacras memorias consumentes ». Hæc Paulinus.

14. In Paulinæ obitu de ejus laudibus scribit Hieronymus ad Pammachium, *Injussus res gestæ.* — At ne digrediamur ab Urbe, unde rerum gestarum anni hujus exordium auspicati sumus. Hoc ipso anno, cum Paulina, S. Paulæ filia, Pammachii uxor, ex hac vita jam ante migrasset, S. Hieronymus ad ejus virum consolatoriam epistolam dedit ³. Sed quod, ex more, in primis rationem temporis quæris : inde licet ejusdem auctoritate Hieronymi certum deducere argumentum, ex his, inquam, quæ nuper de Pauliniano ejusdem Hieronymi germano dicta sunt, ipsum nimirum hoc anno, nempe sequenti a protectione Ruffini, in Italiam advenisse. Sed et cum in fine ejus epistolæ ad Pammachium de consolatione Paulinæ obitus a Hieronymo datæ mentio habeatur de eodem Pauliniano tunc a se in Italiam misso; plane assentiri necesse est, hoc eodem anno, quo Paulinianus venit, de consolatione Paulinæ obitus a S. Hieronymo eam esse scriptam epistolam. Et ut hæc clariora reddantur; his accedit, quod idem S. Hieronymus ad Oceanum scribens Fabiolæ epitaphium, hoc tradat ⁴ : « Quartæ ætatis cirentus volvitur, ex quo ad Heliodorum episcopum Nepotiani scribens epitaphium, quicquid habere potui virum, in illo tunc dolore consumpsi. Ante hoc ferme biennium Pammachio meo pro subita peregrinatione Paulinæ brevem epistolam dedi, etc. » Sic videas S. Hieronymum quadriennii spatium numerare inter epitaphium Nepotiani et illud scriptum ad Oceanum de obitu Fabiolæ, biennium vero ex quo ad Pammachium de migratione Paulinæ consolationem scripsit : « Sed cum expresse demonstratum sit, anno Domini trecentesimo nonagesimo sexto elaboratum a S. Hieronymo epitaphium Nepotiani : æque affirmare necesse est, elucubrata hoc anno, nempe duos post annos ab eo tempore, epistolam consolatoriam de Paulinæ obitu ad Pammachium, post quatuor vero de obitu Fabiolæ ad Oceanum scriptiōnem. Cæterum illud monendum :

nequaquam hoc anno, quo eam lucubrationem S. Hieronymus ad Pammachium scripsit, Paulinam mortuam esse, sed ante biennium : testatur id quidem ipse in ejusdem epistolæ exordio, cum ait : Qui importune per biennium lacui, vereor ne nunc importunitus loquar, et attractas vulnus pectoris tui, quod tempore et ratione curatum est, commemoratione exulcerem ».

15. His de tempore satis perspicue elucidatis, de Pammachio dicendum modo est, quod ab eo jam soluto vinculo conjugali, egregium Christianæ virtutis specimen de contemptu sæculi editum fuit : quod quidem nonnisi S. Hieronymi verbis recensendum erit. Sed primum illud de Pammachii genere hic præmittendum; prognatum nimirum ex Camillorum antiquo stemmate Furiano, ipsum inter primos Senatores emicuisse (ut idem Hieronymus ait) Consulum pronepotem. Cujus et si eruditionem spectes, a cunabulis bonis litteris una cum ipso S. Hieronymo assuevit, eminebatque inter cæteros Senatorii ordinis Christianos facile princeps. Hic uxore privatus sanctissima femina filia S. Paulæ, bona sua erogavit in pauperes, atque monasticum amplexus institutum, una cum vestibis vitæ quoque genus mutans, summum Christianæ philosophiæ verticem attigit. Sed audi S. Hieronymum ⁵ : « Nobis post dormitionem, somnumque Paulinæ, Pammachium monachum Ecclesia peperit posthumum, et patris et conjugis nobilitate patricium, eleemosynis divitem, humilitate sublimem ». Et paulo post : « Nostris temporibus Roma possidet quod mundus ante nescivit. Tunc rari sapientes, potentes, nobiles Christiani : nunc multi monachi sapientes, potentes, nobiles, quibus cunctis Pammachius meus sapientior, potentior, nobilior, magnus in magnis, primus in primis ἀρχιεπιστολικὸν monachorum.

16. Sed et de erogatis ab eo in pauperes conjugis ornamentis ista subjungit : « Ardentes gemmæ, quibus antea collum et facies ornabantur, egentium ventres saturant. Vestes sericeæ, et aurum in fila lentescens, in mollia lanarum vestimenta mutata sunt, quibus repellatur frigus, non quibus nudetur ambitio; deliciarium quondam suppellectilem virtus insumit. Ille cæcus extendens manum, et sæpe ubi nemo est clamitans, hæres Paulinæ, coheres Pammachii est. Illum truncum pedibus, et toto corpore se trahentem, lenere puella sustentat manus. Fores, quæ prius saluantium luthas vomebant, nunc a miseris obsidentur : alius tumentis aqualiculis mortem parturit : alius elinguis et mutus, et ne hoc quidem habens unde roget, magis rogandum rogare non potest : hic debilitatus a parvo, non sibi mendicæ stipem : ille putrefactus morbo regio, supervivit cadaveri suo.

Non ² mihi si linguæ centum sint, oraque centum,
Omnia pœnarum perecurrere nomina possum.

¹ Extat, in præambulo Conc. Chalcedon. — ² Paulin. ad Sever. ep. XIII. — ³ Hier. ep. XXVI. — ⁴ Hier. ep. XXX.

⁵ Hier. ep. XXVI. — ⁶ Virgil. Æneid. VI.

Hoc exercitu comitatus incedit, in his Christum confoveat, horum sordibus dealbatur : Munerarius pauperum, et egenium Candidatus sic festinat ad cælum » : et post multa id genus et alia, hæc de erecta ab eo domo hospitali in Portu Romano subiungit :

17. « Audio te xenodochium in portu fecisse Romano, et virgam de arbore ¹ Abraham in Ausonio plantasse littore. Quasi Eneas nova castra metaris, et super undam Tiberis : ubi ille, cogente quondam penuria, crustis fatalibus et quadris patulis non pepercit, tu viculum nostrum, id est, domum panis ædificas, et diuturnam famem repentina saturitate compensas. Euge, nostra initia transgredieris, statum summum tenes : de radice pervenis ad cacumen : primus inter monachos, in prima urbe, primum sequeris patriarcham ² » : et inferius post nonnulla de suscepto hospitalitatis ministerio, hæc salubri consilio monita iungit : « Quod patricii generis primus inter primos monachus esse cœpisti ; non tibi sit tumoris, sed humilitatis occasio, scienti filium Dei factum filium hominis. Quantumque te deieceris, humilior Christo non eris. Esto incedas nudis pedibus, fusca tunica vestiarius, æqueris pauperibus. inopum cellulas dignanter introcas, cæcorum oculus sis, manus debiliū, pes claudorum, ipse aquam portes, ligna concidas, focum exstruas : ubi vincula ? ubi alape ? ubi sputa ? ubi flagella ? ubi patibulum ? ubi mors ? et cum omnia quæ dixi feceris, ab Eustochio tua Paulaque vinceris, et si non opere, certe sexu ? »

18. Hæc cum S. Hieronymus scribat, tantum abest ut veris majora descripserit, quin potius etiam grandia prætermiserit. Etenim inter alia Pammachius sanctis martyribus Paulo atque Joanni, qui hoc sæculo, tempore Juliani Apostatæ, Romæ (ut meminimus) passi sunt, prope Clivum Scauri contra Palatinum nobilem Memoriam excitavit, in titulumque erexit, qui usque hodie nomine dictorum martyrum dictus Pammachii titulus perseverat ; de quo ejusmodi vetus Inscriptio in lucem prodiiit ³ :

ANTISTES DOMINI CELSA SACRARIA CHRISTI

VESTIBULUM DECORAT GRATIA PULCHRA LOCI.

QUE QUIA COMPTA NITET PRIMAQUE IN FRONTE RENIDET
OSTENDIT QUANTUM NUMINIS INTUS INEST.

QUIS TANTAS CHRISTO VENERANDAS CONDIDIT ÆDES

SI QUÆRIS CULTOR PAMMACHIUS FIDEI.

Ipse vero in dies magis magisque arreptum vite institutum clarioribus illustrans meritis, sancto exitu vite hujus periodum claudens, promissa suis a Christo præmia consecutus, cum in cælis inter sanctos, tum in terris in Ecclesia adscripto nomine ejus in tabulis publicis anniversaria commemoratione jugiter superstes vivit. Quando autem id contigerit suo loco dicturi sumus, et variis occasionibus inferius sepe de illo.

19. *Falso gentilium oraculo terminus Chri-*

stianæ religioni præscriptus. — Sed jam ad res Africanas anni hujus se convertat oratio, atque in primis ad ea quæ S. Augustinus scripta reliquit de falsis Gentilium in vulgus frustra jactatis oraculis, quibus illi hujus anni termino finem accepturam Christianam religionem, quo idololorum cultores in officio continerent, quasi ex divinis affirmabant responsis ; sunt hæc ejus verba ¹ : « Sed hæc quia Evangelica sententia est : mirum non est, non ea repressos fuisse deorum multorum falsorumque cultores, quo minus fingerent daemonum responsis, quos tanquam deos colunt, definitum esse quanto tempore mansura esset religio Christiana. Cum enim viderent, nec tot tantisque persecutionibus eam potuisse consumi : sed his potius mira incrementa sumpsisse : excogitaverunt nescio quos verus Græcos tanquam consulenti cuidam divino oraculo effusos, ubi Christum quidem ab hujus tanquam sacrilegii crimine faciunt innocentem, Petrum autem maleficia fecisse subjungunt, ut coheretur Christi nomen per trecentos sexaginta quinque annos : deinde completo memorato numero annorum, sine mora sumeret finem. O hominum corda doctorum, o ingenia litteratorum digna credere ista de Christo, quæ credere non vullis in Christum » : atque post nonnulla de Petro, hæc de his subdit ² :

20. « Per hoc colligitur etiam dies ex quo annus ipse sumpsit initium, scilicet quando missus est Spiritus sanctus, id est, per idus Maias : numeratis proinde Consulibus, trecenti sexaginta quinque anni reperiuntur impleri per eandem idus Maias Consulatus Honorii, et Eutychiani » ; præsentī scilicet anno, Quam quidem Augustini supputationem nostræ chronographiæ optime convenire cognoscis : siquidem quem nos numeravimus Domini annum trigesimum quartum, ipse a die Pentecostes numerat primum. Porro numero trecentorum sexaginta quinque annorum si addas triginta tres, utique reperies a nascente Domino usque ad dictos anni hujus Consules Honorium, et Eutychianum recte numerari annos trecentos nonaginta octo. Hæc ad exacte a nobis initam in Annalibus chronographiam, aliisque superius stabilitam testificationibus satis.

21. Cæterum stulte prædictionis contraria prorsus obvenisse contigit : et tantum abuit religionem Christianam defecisse, et deorum cultum in pristinum restitutum fuisse, ut (quod plane Dei nutu factum apparet) quæ reliqua essent templa Gentilium, sequenti anno diruta fuerint : quod ipse Augustinus demonstrat : sed de his suo loco nobis agendum. Porro de iisdem falsis oraculis ad consolationem suorum ab Ethnicis in Africa excogitari et jactari solitis, idem S. Augustinus hæc alibi ³ : « Sedent Pagani et computant sibi annos ; audiunt fanaticos suos dicentes : Aliquando Christiani non erunt : et idola illa coli habent, quemadmodum

¹ Genes. XVIII. — ² Genes. XIII. — ³ Antiq. Inscr. App. pag. 1164. s.

¹ Aug. de Civit. Dei, l. XVIII. c. 53. — ² Aug. de Civit. Dei, l. XVIII. c. ult. — ³ Aug. in Psal. XL.

antea colebantur. Adhuc dicunt : Quando ¹ morietur, et peribit nomen ejus ? » et alibi ² iidem eadem replicantes verba : « Quando, inquit, morietur, et peribit nomen ejus ? Id est, ecce venit tempus, et finiantur, et non sint Christiani. Sicut coeperunt ex aliquo tempore, ita usque ad certum tempus erunt. Sed cum ita dicunt, et sine fine moriuntur, et permanet Ecclesia prædicans brachium Domini omni generationi superventuræ ». Ille de his Augustinus : cætera autem rejicimus in sequentem annum.

22. *De lege adversus inferentes injuriam in personas et loca sacra quam Honorius edidit ob Donatistarum immanitates et scelera.* — Rursum vero quod ad res Africanæ Ecclesiæ pertinet; Honorius imperator, ad comprimendam sceleratorum audaciam, rescriptum illud dedit, quod a S. Gregorio papa citatur et recitatur his verbis in epistola ad Joannem ³ : « Imp. Arcadius et Honorius Augusti Theodoro præfecto præst. Si quis in hoc genus sacrilegii proruperit, ut in Ecclesias Catholicas irruens, sacerdotibus, et ministris, vel cultoribus ipsis, vel cultui ipsi, locoque aliquid importet injuriæ : quod geritur, a provinciæ rectoribus animadvertatur : atque ita provinciæ moderator, sacerdotum et clericorum, et Catholicæ Ecclesiæ ministrorum, loci quoque ipsius, et divini cultus injuriæ capitali in convictos seu confessos reos sententia noverit vindicandam ». Et post pauca : « Sitque cunctis laudabile, factas atroces sacerdotibus aut ministris injurias, veluti publicum crimen insequi, atque de talibus reis ultionem mereri, etc. Dat. VI kal. Maii Mediolani, Honorio Aug. quater et Eutychiano ter consulib. » Ita apud Gregorium. In Codice vero Theodosiano ⁴ hæc amplius, quibus et declaratur pro Ecclesia Africana hæc ab eo fuisse rescripta :

23. « Quod si multitudo violenta civilis apparitionis executione, et adminiculo ordinum, possessorumve potuerit presentari, quod se armis, aut locorum difficultate tueatur : Judices Africani, armate apparitionis presidium, datis ad virum spectabilem Comitem Africæ litteris, prælato legis istius tenore, deposcant, ut rei talium criminum non evadant. Dat. VII kalend. Maii Mediolani, Honorio IV et Eutychiano consulibus ». Quod autem capitali supplicio imperator præcipiat injuriam vindicandam, nondum lata hæc erat lex, quando S. Augustinus scripsit commentarios contra litteras Petilianæ, in quibus sunt hæc verba ejus in Donatistas ⁵ : « Querimus a vobis, quos vestrum a nostris probetis occisos. Nullam quidem legem ab imperatoribus datam, ut occideremini, recolo, etc. » Quamobrem fateri necesse est, eos ab Augustino commentarios esse elaboratos ante ejus legis promulgationem, hoc tamen ipso anno, sed post Ana-

stasii papæ electionem : nam de eo Pontifice tunc sedente illa sententia ipse meminit hand pridem recitata, qua ait ⁶ : « Veruntamen si omnes per totum orbem tales essent, quales vanissime criminari : cathedra quid tibi fecit Ecclesiæ Romanæ, in qua Petrus sedit, et in qua hodie Anastasius sedet? etc. »

24. Sed quamam præcessit hujus legis sciendæ causa, cum hæcenus nonnisi decem librarum auri pœna (ut idem Augustinus ⁷ testatur) facinorosissimi Donatistarum mulctandi imperatorum lege fuissent? ab eodem S. Augustino illam accipiamus, qui nomine clericorum Hipponensium scribens ad Iannarium Donatistarum episcopum, his sane verbis inculcat ⁸ : « De nobis ergo quod queramini, non habets : etenim (et tamen) Ecclesiæ Catholicæ mansuetudo etiam ab his Imperatorum jussionibus omnino conquieverat, nisi vestri clerici et Circumcelliones per suas immanissimas improbitates, furiosasque violentias quietem nostram perturbantes, atque vastantes, hæc in vos recoi, et moveri coegissent. Nam priusquam recentiores leges istæ, de quibus modo querimini, venissent in Africam, insidias in itineribus nostris episcopis tenderunt, conclericos nostros plagis immanissimis quassaverunt, laicis quoque et plagas gravissimas inflixerunt, et intulerunt eorum ædificiis incendia : presbyterum etiam quemdam, quia propria et libera voluntate unitatem nostræ communionis elegit, de domo sua raptum, et pro arbitrio immaniter cæsum, in gurgite etiam cænosæ volutatum, burda vestitum, cum quibusdam dolendum, quibusdam ridendum in pompa sui facinoris ostentassent, abductum inde quo voluerunt, vix post dies duodecim dimiserunt. Unde conventus municipalibus gestis a nostro episcopo Proculiano (Hipponensis hic erat Donatistarum episcopus) cum ab inquirenda causa dissimulasset, et iterum continuo conventus esset, nihil se dicturum amplius, gestis expressit. Et hodie illi qui hoc fecerunt, presbyteri vestri sunt adhuc, nos insuper territantes, et sicut potuerunt persequentes ». Hæc ipse : quæ autem his subdit, dicentur inferius suo loco.

25. Eadem ipsa S. Augustinus ⁹ ingerit adversus Cresconium grammaticum agens, presbyterumque illum Hipponensem ad dies duodecim verberibus ludibrioque affectum, Restitutum nominatum fuisse tradit : quem postea una cum Innocentio item presbytero ab iisdem Donatistis occisum fuisse constat. Est de his S. Augustini Epistola ad Marcellinum in Africa magistratum agentem, qua illis qui eos occiderant, ignosci rogat his verbis ¹⁰ : « Circumcelliones illos et clericos partis Donati, quos de Hipponensi Ecclesia ad iudicium pro factis eorum publicæ disciplinæ cura deduxerat, a tua nobilitate comperi auditos, et plurimos eorum de

¹ Ps. XL. — ² Aug. ser. II. in Ps. LXX. — ³ Gregor. I. XI. ep. LIII. — ⁴ L. XXXI. de Episc. et Cler. C. Theod. — ⁵ Aug. cont. litt. Petil. I. II. c. 20.

⁶ Aug. cont. litt. Petil. I. II. c. 51. — ⁷ Aug. eod. I. c. 83. — ⁸ Aug. ep. LXVIII. — ⁹ Aug. cont. Crescon. I. III. c. 48. — ¹⁰ Aug. ep. CLIX.

homicidio, quod in Restitutum Catholicum presbyterum commiserunt, et de cæde Innocentii alterius Catholici presbyteri, atque de oculo ejus effosso, et digito præciso fuisse confessos : unde mihi sollicitudo maxima ineussa est, ne forte sublimitas tua censeat eos tanta legum severitate plectendos, ut qualia fecerunt, talia patiantur. Ideoque his litteris obtestor fidem tuam, quam habes in Christo, per ipsius Domini Christi misericordiam, ut hoc nec facias, nec fieri omnino permittas. Quamvis enim ab eorum interitu dissimulare possemus, qui non accusantibus nostris, sed illorum notoria ad quos tuendæ publicæ pacis vigilantia pertinebat, præsentati videantur examini : nolunt tamen passionem servorum Dei, quasi vice talionis, paribus suppliciis vindicari ». Et post multa id genus, quanta hæc inculerit, et expetierit energia, ex his accipe : « Quoniam Christiano loquor, maxime in tali causa, non arroganter dixerim : audire te Episcopum convenit jubentem, domine eximie, et merito insignis atque carissime fili ». Hæc ipse quidem, quo Christiana mansuetudo omnibus innotesceret ; sperans ita faciens, atque carbonem charitatis incensos super adversariorum capita congerens, ad meliorem eos frugem perducere : sed frustra omnia, in deterius iisdem prolabantibus.

26. At non ad Marcellinum tantum, sed (ut in eadem tradit Epistola) ad Proconsulem ea de causa se litteras dedisse testatur : extat quidem eodem argumento conscriptæ Epistola ad Donatum proconsulem Africae¹ ; ad quem inter alia : « Quæsumus igitur, ut cum Ecclesiæ causas audis, quamlibet nefariis injuriis appetitam, vel afflictam esse cognoveris ; potestatem occidendi te habere obliviscaris, et petitionem nostram non obliviscaris ». Hæc et alia ad Proconsulem, sed post decennium, ut suo loco dicemus : hic autem recitata ad insinuandum Augustini, et aliorum Episcoporum Catholicorum mansuetudinem, qui talia tantaque passi, silere tamen datam hoc anno legem de capitali supplicio in Donatistas maluerunt. Cum aliqui postmodum exemplis rerum, sero licet, edoctus ipse Augustinus, scelestissimos omnium hominum abuti Catholicorum modestia, atque deteriores evadere, et seque nihil profecisse, cum toties apud Africanæ provinciæ magistratus pro illis detentis in vinculis ultimo supplicio condemnandis intercessisset : quasi facti pœnitens, recantans palinodiam, præclaram eodem argumento ad Vincentium² epistolam dedit, qua disseruit per magistratus cogi debere hæreticos, et illorum pertinaciam sæculari potentia retundendam, coercendamque esse ipsorum audaciam legibus Imperatorum. Ejusdem quoque argumenti duos se scripsisse libros, quorum est titulus, « Contra partem Donati³ », ipse testatur.

27. At quæ iidem addiderint præteritis malis, postquam ea lex promulgata est ; præter illa supe-

rius recensita, prosecutus est idem Sanctus Augustinus eorundem scelera cum pluribus scriptis, tum præsertim Epistola illa, quam dedit ad Bonifacium Comitem, in qua et ea reficit quæ sunt recensita, addens hæc ipsa¹ : « Episcopi maxime et clerici horrenda et dura professi sunt, quæ commemorare longum est ; quando quorundam, et oculi extincti sunt, et cujusdam Episcopi, et manus et lingua præcisa est : nonnulli etiam trucidati sunt. Taceo crudelissimas cædes, et domorum depredationes per nocturnas aggressiones, et incendia non solum privatorum habitaculorum, verum etiam ecclesiarum ; in quas flammam non defuerunt qui et codices Dominicos mitterent ». Hæc et alia ad Bonifacium, de quibus suo loco pluribus.

28. *Labores Augustini adversus Donatistas.* — Quandiu autem spes aliqua fuit, ejusmodi genus hominum rationibus posse convinci, indefessam Augustinus navavit operam cum verbis, tum scriptis, ut eos ad Ecclesiæ Catholice unitatem perduceret : cuius sane labores ea in re impensi, nec quemquam puto fore qui sermone satis digne persequi valeat. Possidius ipse quidem immensa rerum copia victus, cuncta paucis hisce perstrinxit² : « Ita factum est, ut Augustinus episcopus multo instantius et ferventius majori auctoritate, non adhuc in una tantum regione, sed ubicumque rogatus venisset, verbum salutis æternæ alacriter ac suaviter, pullulante atque crescente Domini Ecclesia, prædicaret, paratus semper poscentibus reddere rationem de fide et spe quæ in Deum est. Et ejus dicta exempla maxime Donatistæ in eadem Hipponensi vel vicina manentes civitate, ad suos episcopos deferabant. Quæ cum audissent, et contra forte aliquid dicerent, aut a suis refellebantur, aut eadem responsa ad S. Augustinum deferabantur, eisque compertis patienter ac leniter (ut scriptum est) cum timore³ et tremore salutem omnium operabatur, ostendens quam nihil illi refellere voluerint ac valuerint, quamque verum manifestumque sit quod Ecclesiæ Dei fides tenet, et docet. Et hæc diebus ac noctibus ab eodem jugiter agebantur : nam et epistolas privatas ad quosque ejusdem erroris Episcopos, et eminentes scilicet laicos dedit, ratione redita admonens atque exhortans, ut vel ab illa se pravitate corrigerent, vel certe ad disputationes venirent. Illi autem causa diffidentia ne quidem unquam rescribere voluerunt, sed irati furiosa loquebantur, atque seductorem, deceptoremque animarum Augustinum esse, et privatim et publice condemnabant : et ut lupum, occidendum esse, in defensionem gregis sui dicebant, et tractabant ; omniaque peccata a Deo indubitanter esse credendum posse dimitti iis, qui hoc facere ac perficere potuissent, nec Deum timentes, nec homines erubescerent ». Hæc Possidius.

29. Idemque inferius ita de iis quæ Donatistæ

¹ Aug. ep. CXXVII. — ² Aug. ep. XLVIII. — ³ Aug. retract. l. II. c. 5.

¹ Aug. epist. L. — ² Possid. in Vit. Aug. cap. 9. — ³ Philip. II.

in Augustinum machinati sunt ¹: « Aliquoties vero etiam vias armati iidem Circumcelliones contra famulum Dei Augustinum obsederunt, dum forte iret rogatus ad visitandas, instruendas, et cohortandas Catholicas plebes, quod ipse frequentissime faciebat. Et aliquando contigit ut illi succenturiati hactenus perderent captionem. Evenit quidem Dei providentia, ut ductoris hominis errore, per aliam viam cum suis comitibus sacerdos quo tendebat venisset; atque per hunc quem postea cognovit errorem, manus impias evasisset: et cum in omnibus liberatori Deo gratias egisset, illi omnino suo more nec laicis, nec clericis pepercerunt, sicut publica contestantur gesta ». Hactenus de his ipse.

30. *Quinta Synodus Carthaginensis.* — Sed cum innumeri ferme labores Augustini adversus Donatistas, quousque sedit Episcopus, fuerint, et lucubrationes quamplurimæ diversis sedis suæ temporibus elaboratæ: hoc potissimum anno, postquam Anastasius creatus est Romanus Pontifex, ante tamen quam recitata superius lex promulgata esset, adversus Petilianum litteras ipsum commentarios elaborasse, jam satis est demonstratum: sed causa nunc aperienda ejusmodi ab eo hoc potissimum tempore suscepti laboris. Erat Petilianus partis Donatistarum in Numidia Episcopus, suæ sectæ hominum hujus temporis eloquentia facile princeps, quod Augustinus ² affirmat: porro ille ad suos presbyteros scripsit adversus Catholicos epistolam; quam simul ac ipse Augustinus accepit, revocans manum (ut ait ³) a scriptione illa, quam elucubrat de Trinitate, et ab eis, quos præ manibus habebat, commentariis de Genesi ad litteram, ad contradictorios scribendos libros illos styli ⁴ admovit. Cur autem tres oportuerit ea de re edere diverso tempore libros, affert ipse in Retractationibus rationem.

31. Sed admonemus lectorem, quod si titulum sedis spectet, duos opus esset asserere Petilianos: quorum alter apud ipsum Augustinum in inscriptione commentariorum in ejus litteras editorum, dictus invenitur Cirtensis episcopus; qui et libri primi exordio contra Cresconium, idem Cirtensis quoque nominatur episcopus: alter vero ab eodem Augustino Constantinianensis episcopus nominatus habetur, idemque scriptor, qui de unico baptismo librum ediderit, adversus quem eodem nomine et argumento ipse Augustinus commentarium scripsit. Sed putatur irrepsisse error in titulum commentariorum contra litteras Petilianum, ut loco Constantinianensis Cirtensis sit positus. Nam primi libri exordio, Constantinianensis Ecclesiæ mentio ibi habetur; et in titulo libri tertii, idem Petilianus non Cirtensis, sed Constantinianensis episcopus inscriptus reperitur: erat Constantina civitas in Numidia, de qua idem Augustinus ⁵: « Inter Constantinam,

inquit, ubi tu es, et Hipponem, ubi ego sum, Calama, ubi ille est, vicinior quidem nobis, sed tamen interposita est ». Ita ipse.

32. Porro in eadem quoque Constantinianensi Ecclesia, et ab ejus episcopo Petiliano æque factum apparet, ut agente ibidem hominem nomine Generosum, catholicum, decipere sit conatus presbyter quidam Donatista; quasi angeli (ut aiebat) monitu suaderet ei, ad Donatistas, relictis Catholicis se conferre. At ille prudens, Augustinum admonuit: qui quamprimum occurrit fraudi, ad eum scribens epistolam: in qua cum ¹ series descripta sit Romanorum Pontificum, et extremo loco Anastasius papa collocetur, plane Anastasii papæ tempore scriptam esse oportuit: Docet autem, ex Sedis Petri communicatione dignosci Catholicam Ecclesiam, in eaque legitimam Apostolicam successionem perseverare; utque omnis prorsus explodenda sit novitas, firmis iisdemque perspicuis significat argumentis, ostendens Constantinianensis civitatis episcopum non habere quam numeret seriem successorum Orthodoxorum. At de scriptis Augustini hactenus: pro ordine et tempore rerum gestarum reliqua inferius recensebimus. Scripsisse vero post hæc Augustinum libros contra epistolam Parmeniani episcopi Carthaginensis partium Donatistarum, argumento est quod in ea mentio habetur ² de persecutione decennali Optati Gildoniani, de quo proxime dicturi sumus. Illud modo lectorem monendum putamus, non eodem ordine, quo enumerat Augustinus suorum seriem scriptorum, ea elaborata fuisse: nam complura proponit, quæ, si tempus spectes, aliis compluribus postponenda fuissent; quod non paucis declarari potest exemplis, si quis ea curiosius perscrutetur.

33. Quod insuper ad rerum statum Ecclesiæ Africanæ attinet; hoc anno, nimirum post Consulatum Cæsarii et Attici (ut ex scripto addimus codice) VI kalend. Junii habita est Carthagine Synodus septuaginta Episcoporum, quæ quinta diæta reperitur, dicenda autem ordine temporum quarta: nam quæ quarta numeratur, celebrata est hoc eodem anno, mense Novemb., dicemus autem de ea inferius: mendosus enim numerus ibi inhæsit notæ. Eræ trigesimæ octavæ, sicut et in aliis plerisque locis: nam et noscitur habita anno ante edictum imperatoris de reliquiis idololatriæ tollendis, quod constat datum anno sequenti. Inculcatum est ³ autem in hæc ipsa priori anni hujus Synodo inter alia ad Ecclesiasticam spectantia disciplinam, de diaconorum, presbyterorum, et Episcoporum continentia, iteratum sæpe præceptum. Insuper de baptizandis infantibus canon ⁴ sancitus est. Sed et decreta hæc Synodo reperitur legatio ad Imperatores pro petendis afflictis pauperibus defensoribus: decretum enim hæc de re sancitum sic se habet ⁵: « Ab Imperatoribus

¹ Possid. in Vit. Aug. c. 12. — ² Aug. cont. litt. Petil. c. 1. — ³ Aug. retract. l. II. c. 25. — ⁴ Aug. retract. l. II. c. 34. — ⁵ Aug. l. II. cont. litt. Petil. c. 99.

¹ Aug. ep. CLXV. — ² Aug. cont. ep. Parm. l. II. c. 2. — ³ Conc. Carthag. v. can. III. — ⁴ Concil. Carthag. v. can. VI. — ⁵ Eod. Conc. can. IX.

universis visum est postulandum, propter afflictionem pauperum, quorum molestiis sine intermissione fatigatur Ecclesia, ut defensores eis adversus potentias divitum cum provisione episcoporum delegentur. Ilac quidem Patres, quæ et oblinuisse videntur : nam de magistratu in Africa qui dicebatur defensor Ecclesiæ, Possidius¹ in Augustino meminit. Perseverasse in posterum ejusmodi in Ecclesia defensores, S. Gregorius pluribus epistolis fidei facit.

34. Quid præterea iisdem ad Imperatores legatis ab eodem Patrum conventu injunctum fuerit, postremum omnium canon appositus his verbis aperit² : « Item placuit ab Imperatoribus gloriosissimis peti, ut reliquiæ (idololatriæ scilicet) non solum in simulacris, sed in quibuscunque locis, vel lucis, vel arboribus omnimodo deleantur ». Ita Patres : quæ ab Honorio imperatore ipsos obtinuisse, rescriptum ipsius ea de re datum anno sequenti declarat : agemus vero de his suo loco.

35. *Gildonis Romano imperio rebellantis genus et scelera quæ fovet Optatus episcopus Donatista.* — Sed age jam res hoc anno ab Honorio imperatore adversus Gildonem tyrannum feliciter gestas, ordine prosequamur. Hoc quidem anno bellum Gildonianum confectum esse auctor est Marcellinus in Chronico ; et non antea, satis ex Claudiano intelligi potest, dum tradit statim post nuptias Honorii cum Maria, de Gildone in Africa superato fuisse gaudia geminata : ita enim cecinit³ ipso exordio libri de laudibus Stiliconis :

Continuant superi pleno Romana favore
Gaudia, successusque novis successibus augment.
Conjugii necdum festivos regia cantus
Sopierat : cecinit fuso Gildone triumphos,
Et calidis thalami successit laurea sertis,
Sumeret ut pariter Princeps nomenque mariti,
Victorisque decus :

Hæc ipse.

36. Hoc namque anno, et non ante, Maria filia Stiliconis conjuncta est Honorio fœdere nuptiarum. Nam anni hujus exordium, cum adiit quartum Consulatam, Honorium conjugii expertem fuisse, idem Claudianus in fine Panegyrici in eodem quarto ejus Consulatam dicto satis illis versibus significasse videtur, quibus ait⁴ :

Cum tibi protulerit festas mox pronuba tædas :
Quæ tali devota thoro ? quæ murice fulgens
Ibit in amplexus tanti Regina mariti ?

et paulo post.

O mihi si liceat thalamis intendere carmen
Conubiale tuis ? etc.

Hoc igitur anno ante bellum Gildonianum Hono-

rius Augustus inchoaturus annum ætatis decimum quartum, mense Septembris, Mariam conjugem duxit, genitam ex Serena fratris Theodosii filia : hasque contractas nuptias mandato Theodosii, idem Claudianus affirmat, cum Honorium ita loquentem reddidit :

Non rapio præceps aliena fœdera tædæ,
Sed quæ sponsa mihi pridem, patrisque relicta
Mandatis.

37. Sed quod ad bellum spectat Gildonianum, præstat hic ipsius Gildonis originem ex Ammiano⁵ præfari, qui ait : Nubelem potentissimum fuisse inter nationes Mauricas regulum, natosque ex eo filios, inter quos enitueri Firmus, Gildo, atque Mascezil (Mascizel), de quibus erit sermo. Horum Firmus, occiso fratre suo nomine Zamnac, Romanis in Africa magistratibus acceptus, tyrannus in Africa in Romanum imperium insurrexit : adversus quem Theodosius senior, Theodosii imperatoris pater, magister equitum bello egit, cui et Gildo adversus germanum inbasit. Sed extincto Firmo tyranno, in imperatorem evectus Theodosius, de homine barbaro bene meritis est : quem enim hactenus fidum expertus erat, creavit comitem, et in Africa consistentis magistrum utriusque militiæ : tali enim titulo decoratum Gildonis nomen reperitur in dato ad eum ab eodem imperatore rescripto⁶ sub ejusdem Theodosii tercio Consulatam et ejus collegæ ; quo tempore adhuc Gildonem Theodosio paruisse, eadem lex certum exploratumque reddit : est ille annus Domini trecentessimus nonagesimus tertius, quinquennio ante presentem annum. Hæc autem cum liquido consent ; quonam pacto verum erit quod Claudianus tradit, Gildonem per annos duodecim Africam tyrannide infestasse ? nam ait⁷ :

jam Solis habena
Bis senas torquent themes, cervicibus ex quo
Hæret triste jugum : nostris jam luctibus ille
Conseunt, regnumque sibi tot vindicat annis.

Hæc cum dicat ipse, oportuit eo annorum numero, etiam Firmi fratris conjunxisse tyrannidem : nam a dicto Consulatam Theodosii tertio usque ad præsentem annum, anni tantum quinque mediis numerantur : nisi magis æquum sit dicere, duodecim annorum numerum tyrannidis Gildonis interpolatum fuisse aliquo medio fœdere, cujus tempore ille a cæpta tyrannide temperavit : siquidem auctor est S. Hieronymus⁸, Salvinam hujus Gildonis filiam Nebridio ex sorore Augustæ genito, ob pacis vincula arctius constringenda, esse nuptam : ait enim ipse ad Salvinam jam viro viduatam hæc verba⁹ : « Alius fortasse laudet Nebridium, qui de sorore generatus

¹ Possid. in Vit. S. Aug. c. 12. — ² Concil. Carthag. c. ult. — ³ Claud. de laud. Stilic. l. 1. — ⁴ Claud. de IV. Honorii Consul.

⁵ Claud. in Nupt. Hono. — ⁶ Amm. l. XXIX. — ⁷ L. IX. ad leg. Jul. de adul. C. Theod. — ⁸ Claud. de bello Gild. — ⁹ Hier. ep. IX. et XI. — ¹⁰ Hier. ep. IX.

Augustae, et in matertera nutritus sinu, invictissimo principi ita carus fuit, ut ei conjugem nobilissimam quæreretur; et bellis civilibus Africam dissidentem, hac velut obside, sibi fidam redderet». Haec ipse: quibus intelligas, aliquando nuptiarum vinculis obstrictam inter Theodosium et Gildonem fuisse concordiam, pacemque firmatam.

38. Porro eum sequenti anno a dato rescripto, nimirum tempore belli Eugeniani, descivisse ab imperio Romano, cum vocatus ab eodem Theodosio ad bellum venire renuit, aibi idem Claudianus affirmat his versibus ¹ de Gildone loquens:

Alter praecepta vocantis
Respuit; auxiliisque ad proxima bella negatis,
Abjurata palam Libyæ possederat arva.

Scimus tamen Zozimum ² dicere sollicitum ab Eutropio Gildonem, ut Africam in ditionem transferret Arcadii, idque ab eo prestitum; sed non probatur: nam inter Arcadium et Honorium nulla his temporibus simultas Africae provinciae ablatæ occasione reperitur intercessisse, sed bellum videtur ceptum esse adversus Gildonem, jam (ut ait Claudianus) a Theodosio tunc temporis resilientem, cum vocatus venire cum auxiliarii copiis prætermisit, conscientiae verberibus vulneratus: utpote quod homo Ethnicus sibi subdilis militibus ad omnes exerendas libidines abuteretur. Nam præter illa quæ de his a Claudiano scribuntur, ad id ipsum respexisse Theodosii ad eum datum rescriptum videtur, his verbis ³: « Si quis adulterii reus factus, accusatoris mariti forum declinare tentaverit: in hoc non possit eludere, nec prærogativa militari defensetur: ibi confestim audiendus, ubi fuerit accusatus. Dat. II kal. Januar. Constantinopoli, Theodosio Aug. II et Abundantio coss. » Haud quidem absque magna causa imperator noluit militibus crimine adulterii iudicio postulatis fori esse exceptionem.

39. Quod si haud temere ex duce mores ipsorum militum æstimare licet; audi quæ de impurissimo Gildone habeat Claudianus ⁴:

Instat terribilis vivis, morientibus hæres,
Virginibus raptor, thalamis obscenus adulter:
Nulla quies, ortus, praeda cessante, libido,
Divitiisque dies, et nox metuenda maritis.
Quisquis vel Iocuples, pulchra vel conjuge notus,
Crimine pulsatur falso: si crimina desunt,
Accitus conviva perit: mors nulla refugit
Artificem, etc.

Pluribus enim probrosos mores Gildonis tyranni recenset, eo magis detestandos, quod exemplis sanctæ sororis perpetuam virginitatem Deo dicantis, et uxoris æque sanctissimæ feminae ille nihilo melior sit effectus: harum enim meminit S. Hieronymus in epistola ad Salvinam ejusdem Gildonis filiam

cum ait ¹: « Cerle cum tecum sancta sit mater, et lateri tuo amita hæreat virgo perpetua, non debes periculose externorum consortia quærere, de tuorum societate secura ». At quid dico, vitam impuram Gildonem non correxisse harum exemplis, cum perfidus moribus, et Gentilitate impius, cultor deorum semper animo obstinato permanserit? Ethnicum quidem fuisse, Marcellinus ² est auctor.

40. Sed quantum afflictata sit Catholica Ecclesia Africana ejusmodi Gildoniana tyrannide, S. Augustinus pluribus in locis meminit, lugetque: etenim Optatus quidam schismaticorum Donatistarum Episcopus (cujus autem Civitatis fuerit, nos hæcenus latet) eidem Gildoni tyranno sævissimus adversus Catholicos satellites accessit, atque ad decennii temporis spatium perduravit: nam S. Augustinus ³ hæc de eo: « Vestros autem fructus si consideremus: omitto tyrannicas in civitatibus, et maxime in fundis alienis dominationes; omitto furorem Circumcellionum, et precipitatorum ultro cadaverum cultus sacrilegos et profanos, bacchationes ebrietatum; et sub uno Optato Gildoniano decennalem totius Africae gemitum ». Hæc adversus litteras Petiliani: contra vero epistolam Armeniani ⁴: « Hoc ergo, inquit, modo, quod justum est, injustum judicaverunt: cum Optatum Gildonianum decennale totius Africae gemitum, tanquam sacerdotem atque collegam (Donatiste scilicet, honorantes in communione tenuerunt). Quod enim episcopus esset, in ipso prociectu expeditionis tyrannicæ baptizare, pariterque conferre chrisma consuevit: nam inferius ⁵: « Non habent, inquit, Spiritum sanctum videlicet, quos baptizavit manifestus satellites Gildonis Optatus »: ac contra Petilianum ⁶: « Numquid forte Joannes et Optatus æquales sunt? Ridiculum videtur. Et tamen puto, quod non eos æquales, sed majorem credatis Optatum. Post Joannem quippe Apostolus baptizavit, vos baptizare post Optatum neminem audetis, etc. » Hæc ipse pluribus convincens Optatum fuisse in eorum communione: quod quidam illorum præ rubore dicere non audebant: adeo fuerant abominanda facinora hominis scelestissimi; de quo idem inferius ⁷: « Possem et ego dicere: Vos vestro contagio Optatum induitis proditorem, oppressorem, separatorem »; nempe per baptismum.

41. Sed et de sceleribus perditissimi hominis, hæc idem Augustinus in eundem Petilianum ⁸: « Ad te non pertinet, qui recentioribus temporibus, cum intolerabili potentatu, etiam militibus ibi comitantibus, non quia timebat aliquem, sed ut ab omnibus timeretur, viduas oppressit, pupillos exertit, aliena patrimonia prodidit, aliena matrimonia separavit, res vendendas innocentium procuravit, venditarum pretia cum dominis plangentibus divisit ». Hæc de Optato Gildoniano, tacito nomine, atque subdit: « Illum commemoro, qui vobiscum

¹ Claud. in sexto Consul. Honorii. — ² Zozim. l. v. — ³ l. ix. ad leg. Jul. de adul. C. Theod. — ⁴ Claud. de bello Gild.

¹ Hier. ep. ix. — ² Marcel. in Chron. — ³ Aug. cont. litt. Petil. l. i. c. 24. — ⁴ Aug. adver. ep. Parm. l. ii. c. 2. — ⁵ Eod. l. c. 13. — ⁶ Aug. cont. litt. Petil. l. ii. c. 37. — ⁷ Eod. l. ii. c. 44. — ⁸ Aug. eod. l. ii. c. 23.

vixit, ejus natalitia tanta celebratione frequentabatis, cui pacis osculum inter sacramenta copulabatis, in ejus manibus Eucharistiam ponebatis, cui vicissim danti manus porrigebatis (erant hæc symbola Catholice communicationis), ejus aures inter tantos Africæ gemitus surdas libera voce offendere timebatis : quem nescio quis vestrum, quia vel ex obliquo, urbanissime tetigit, ut ei diceret, quod comitem haberet Deum, ingenti laude ferebatur ». Alludens nimirum ad Comitem Gildonem, quem sequebatur, in quo Deum comitem, pro Gildone Comite, mira adulatione ludendo mutavit.

42. Caterum quod Optatus tempore Gildonis præstitit, hoc ipsum alii Donatistæ exhibuerunt temporibus prædecessoris Firmi tyranni adversus Catholicos. At nec quidem Catholicis tantum, verum etiam et illi Donatistæ, qui cum istis non communicabant, Maximianistæ a Maximiano nominati (ut suo loco superius dictum est) graviter afflictati sunt : verum præcipuum ipsorum odium adversus Catholicos incendebatur. Tunc enim accidit, ut populi Donatistæ, favore tyrannorum, penes quos sui militabant episcopi, omnia ausi sint adversus Catholicos, etiam si adhuc sub imperii Romani magistratibus tenerentur. Cum horum insolentis Catholici fatigati, magistratus adversus eos adire coacti sunt. De his enim omnibus idem Augustinus agit his verbis¹ : « Quis commemorare sufficiat, bello Firmiano quæ a nobis Rogatus Maurus pertulerit? Ipsa Mauritania Cæsariensis interrogetur, et tempora Gildoniana, quia unus collega vester (nempe Optatus) familiarissimus ejus amicus fuit. Viderint Maximianistæ quæ senserint. Nam Felicianum ipsum, qui modo vobiscum est, si ad iurjurandum liceret provocare, utrum ad communionem vestram non invitum Optatus reddere compulerit; movere labia non auderet, præsertim si ejus faciem populus Mustitanus intueretur, quo teste illa tunc facta sunt. Sed isti (ut dixi) viderint quæ passi fuerint ab eis, cum quibus Rogato talia fecerunt. Ipsa Catholica Ecclesia solidata principibus Catholicis imperantibus, terra marique armatis turbis ab Optato atrociter et hostiliter oppugnata est. Quæ res coegit tunc primo adversus vos allegari apud Vicarium Seranum legem illam de decem libris auri, quas vestrum adhuc nullus pendit : et nos crudelitatis arguitis? Quid autem mansuetius sit, quam ut coercitione damnorum tanta vestra scelera mulcarentur? Quis autem possit enarrare omnia, quæ nulla amicitia judicium, aut aliquarum potestatum, quisque ubi poluerit, in locis vestris propria dominatione committatis? Quis vestrum in plebibus vestris non aliquid tale vel a prioribus comperit, vel ipse expertus est? Nonne apud Hipponem, ubi ego sum, non desunt qui præcepisse, quoniam Catholicorum ibi paucitas erat, ut nullus eis panem coqueret? ita ut ejusdem diaconi nostri furnarius inquilinus domini sui panem

incoctum abjecerit, eique nulla exilii lege damnato, communicationem non solum in civitate Romana, sed etiam in patria sua, nec solum in patria sua, sed etiam in domo sua negaverit?

43. « Quid nuper (quod ipse adhuc tugeo) nonne Crispinus vester Catamensis cum emisset possessionem, et hanc emphyteuticam, non dubitavit in fundo Catholicorum imperatorum, quorum legibus nec in civitatibus esse jussi estis, uno terroris impetu octoginta ferme animas miserabili gemitu mussitantes, rebaptizandum submergere? Quibus autem, nisi talibus factis, etiam ipsas, de quibus conquerimini, leges, longe quidem infra meritum sceleris vestri (sed tamen qualescumque ferri coegistis) an vero violentis incurbis Circumcellionum vestrorum, qui sub vestro principatu furiosis agminibus militant, non ex agris undique petteremur, nisi vos obsides in civitatibus teneremus? etc. » Hæc idcirco, quod (ut nuper ait) legibus Imperatorum civitatibus abire jussi essent Donatistæ, si Circumcelliones Catholicis molestiam inferrent. Hæc plane temporibus Firmianæ atque Gildonianæ tyrannidis.

44. Porro ipse Optatus Gildonianus, de quo sunt hujusmodi Augustini, et omnium Catholicorum querelæ, meritis pœnas dedit : siquidem ante biennium, nempe anno decimo Gildonianæ tyrannidis extinctus est. Nam ipse Augustinus cum de Optato agit, ejus persecutionem cum Gildoniana tyrannide junctam decennalem appellat : cum tamen auctore Claudiano (ut dictum est) constet eam annis duodecim perdurasse. Sub imperatoris autem Honorii magistratibus eum pœnas luisse, hæc apud Augustinum¹ leguntur : « Optatus namque de satellitis Gildonis accusatus, tali genere mortis extinctus est ». At de rebus gestis ab Optato Gildoniano satis. Jam vero expeditionem in ipsum Gildonem paratam recensere aggrediamur.

45. *Expediit paratur adversus Gildonem.* — Qui hætenus toleratus fuerat Gildo tyrannus in Africa, haud ulterius perferendus visus, cum impedire aggressus est frumentum ne ex Africa perferretur in Urbem. Nam Claudianus² :

Exitum jam Roma timens, et fessa negalis
Frugibus, ad rapidi limen tendebat Olympi.

Frumenta vero e Libya Roman exportari solita præter innumera de iis antiquorum testimonia, accipe quid de his Prudentius³ hoc sæculo dicat :

Respice num Libycis desistat ruris arator
Frumentis oerare rates, et ad ostia Tivris
Mittere triticeos in pastum plebis acervos.

Et Rutilius⁴ :

Quin et frondans tibi conferat Africa messes.

¹ Aug. cont. litt. Petil. l. II. c. 82.

¹ Aug. cont. litt. Petil. l. II. c. 29. — ² Claud. de bello Gild. in princ. — ³ Prud. adversus Symmach. — ⁴ Rutil. l. I. Itinerar.

Tam erat ea abundans frumenti copia, ut si eo care-
ret Urbs, magna laboraret inopia : quod docet his
versibus Claudianus¹, cum sic loquentem Romam
inducit :

Heu prospera fata !
Quid mihi septenos montes turbamque dedistis,
Quæ parvo non possit ali ? felicior essem
Augusti opibus.

Extat Symmachi ad Stiliconem epistola de Senatus-
consulto in causa Gildonianâ, deque metu famis Urbi
imminentis, his verbis² :

46. « Quid de Afrorum dolore, et militarium
virorum querelis consultus præcepto sacro ampli-
simus ordo censuerit, plene atque apte gestorum
curialium inspectione cognosces. Sed quia me quo-
que familiariter iudicem geste rei esse iussisti :
summam quæ decreta sunt non tacebo. Lectis
Domini nostri Honorii Augusti litteris atque senten-
tiis, dekursisque omnibus paginis, quæ Gildonis
crimina continebant, par bonorum motus erupit.
Consulti igitur in Senatu, more majorum (neque
enim sine legitimo ordine iudicii auctoritas stare
potuisset ingenti causæ devotis sententiis satisfaci-
mus. Adjecta est post rei damnationem pro alimentis
populi Romani supplicatio. In metu enim sumus,
ne obsit commeatibus annonariis mediæ temporis
mora, et perturbatio plebis oriatur. Veniet in manus
tuas quid pronuntiaverim; reperies et facti hujus
me asseruisse justitiam, et apud Dominum nostrum
Arcadium causam publice egisse concordie ». Hac-
tenus Symmachus.

47. Decreto itaque bello adversus Gildonem
tyrannum, placuit præfici legionibus Masezilem
ipsius Gildonis germanum, sed hostem eidem in-
fensissimum ob necatos ab eo crudeliter filios.
Porro rem gestam ab Orosio ejusdem temporis scri-
ptore accipimus, qui sic exorditur³ : « Interea Gildo
Comes, qui in initio regni eorum (imperatorum
scilicet Arcadii, et Honorii) Africæ præerat, simul
ut defunctum Theodosium comperit, sive (ut quidam
ferunt) quadam permotus invidia, Africam Orientalis
imperii partibus jungere molitus est, sive (ut alia
tradit opinio) minimam in parvulis spem fore arbi-
tratus, præsertim cum absque his non facile antea
quisquam pusillus in imperio relictus, ad maturita-
tem virilis ætatis evaserit ; istique propemodum
soli inveniantur, quos ob egregiam patris ac suam
fidem, et divisos et destitutos, Christi tutela pro-
vexerit. Africam excerptam a societate reipublicæ
usurpare ausus est, Gentili magis licentia contentus,
quam ambitu regie affectationis inflatus. Huic Ma-
sezil frater fuit, qui novarum rerum molitiones in
fratre perhorrescens, relictis apud Africanam mili-
tiam duobus filiis adolescentibus, in Italiam rediit.
Gildo et absentiam fratris, et presentiam filiorum
ejus suspectam habens, adolescentes dolo circum-
ventos interfecit.

48. « Ad hunc jam ut hostem bello insequen-
dum Masezil frater missus est, quem idoneum
procurandæ reipublicæ fore propriæ orbitatis recens
dolor pollicebatur. Igitur Masezil jam inde a Theo-
dosio sciens quantum in rebus desperatissimis oratio
hominis per fidem Christi a clementia Dei im-
petraret, Caprariam insulam adiit, unde secum
sanctos servos Dei aliquot permotos precibus suis
sumpsit. Cum his orationibus, jejuniis, psalmis,
dies et noctes continuans, sine bello victoriam cre-
ruit, ac sine cæde vindictam ». At quomodo id
factum sit, dicemus postea. Inter hæc autem cum
sanctorum monachorum choris in Capraria insula
agentibus paululum quiescamus.

49. *De monachis in insulis Capraria et Gorgo-
nia vitam agentibus.* — Mirabile dictu, cum haud
 pridem (ut quoto tomo declaratum est) monachalis
institutio ex Ægypto in Urbem invecta esset, quam
longe lateque fuerit propagata, adeo ut insulas quo-
que repleverint sancta monachorum examina. Et-
enim Rutilius Numatianus, Ethnicus homo, cum sui
itineris relegit stationes, meminuit Caprariæ insulæ
monachorum : licet ipse impius Christianæ religio-
nis detractor, haud (ut par erat) sublimem sectantes
philosophiam homines laudet, sed carpat. At redda-
mus hic versus¹ quos de his malo afflatus dæmone,
suo nimirum Apolline, cecinit :

Processu pelagi jam se Capraria tollit,
Squallet lucifugis insula plena viris :
Ipsi se monachos Graio cognomine dicunt,
Quod soli, nullo vivere feste volunt.
Munera Fortunæ meliunt, dum damna verentur :
Quisquam sponte miser, ne miser esse queat.
Quantum perversi rabies tam stulta cerebri,
Dum mala formides, nec bona posse pati ?
Sive suas repetunt ex falo ergastula pœnas,
Tristia seu nigro viscera felle tument.
Sic nimix bilis morbum assignavit Homerus
Hellephronteis sollicitudinibus.

Sed de Gorgonia etiam insula illi proxima, iisdem
referata sanctis, ista deorum cultor addit carmina² :

Assurgit ponti medio circumflua Gorgon
Inter Pisanum, Cynicumque latus.
Adversus scopulos damni monumenta recentis
Perdit hic vivo funere, civis erat.
Noster enim nuper juvenis marmoribus amplis,
Nec censu inferior, conjugiove minor,
Impulsus furis, homines divosque reliquit,
Et turpem latebram credulus exul agit.
Infelix putat illuvie caelestia pasci,
Seque premit læsis savior ipse deis,
Nam, rogo, deterior Circeis secta venenis ?
Tunc mutabantur corpora, nunc animi.

Hactenus Paganus poeta : Ita plane carnalis
homo, qui non percipit ea quæ sunt Spiritus Dei.
Quisnam autem fuerit iste nobilissimus adolescens,
exul mundi, et cæli civis, incolæ Gorgoniæ insulæ,
haud exploratum haberi potest, cum plures hoc
tempore ejusmodi sublimioris philosophiæ studia
consecrati fuerint : ut inter alios Bonosus ille cla-

¹ Claud. de bel. Gild.— ² Sym. l. iv. ep. iv.— ³ Oros. l. vii. c. 36.

¹ Rutil. in. Itener. l. i. — ² Eod. l. i.

rus, qui eodem tempore quo S. Hieronymus Syriæ eremum incolere cepit, illius aequalis, et studio liberalium artium condiscipulis, imo et collactaneus, idem præstitit; de quo ista tunc ad Rufinum ipse¹:

50. « Cedant huic veritati tam græco quam romano stylo mendacis ficta miracula. Ecce puer honestis sæculi nobiscum artibus institutus, cui opes afflatim, dignitas apprimè inter æquales erat; contempta matre, sororibus, et carissimo sibi germano, insulam pelago circumsonante naufragam, cui asperæ cautes, et nuda saxa, et solitudo terrori est, quasi quidam novus Paradisi colonus insedit: nullus ibi agricolarum, nullus monachorum, ne parvulus quidem, quem nosti, Onesimus, quo velut fratre in osculo fruebatur, in tanta vastitate adheret lateri comes. Solus ibi, imo Christo jam comitante, non solus, videt gloriam Dei, quam etiam Apostoli² nisi in deserto non viderant. Non quidem conspicit turritas urbes, sed in novæ civitatis censu dedit nomen suum. Horrent sacco membra deformia: sed sic melius³ obviam Christo rapietur in nubibus. Nulla Enriporum amenitate perfruitur, sed de latere Domini aquam vite bibit. Propone tibi ante oculos, amice dulcissime, et in præsentiam rei totus animo ac mente convertere: tunc poteris laudare victoriam, cum laborem præliantis agnoveris. Totam circum insulam fremit insanum mare, et sinuosis montium illius scopulis æquor reclamation: nullo terra gramine viret, nullis vernans campus densatur umbraculis; abruptæ rupes quasi quemdam horrore carcerem claudunt. Ille securus, intrepidus, et totus de Apostolo armatus⁴, nunc Deum audit, dum divina relegit: nunc cum Deo loquitur, cum Dominum rogat; et fortasse ad exemplum Joannis aliquid videt, dum in insula commoratur, etc. » Hæc de Bonoso: ut per hunc, cujus nomen scimus, discamus pariter a Rutilio descriptum, ignotum nomen, quod minime sit scriptum in terra, sed exaratum habeatur in caelis.

51. Præerat his temporibus Caprariæ insulæ monachis Eudoxius abbas, ad quem extat epistola a S. Augustino conscripta⁵, digna tanto viro, in cujus fine meminit de duobus monachis inde in Africam missis, Eustathio et Andrea, fortasse illis ipsis, quos secum in eam expeditionem dux Romani exercitus Mascezil in eam provinciam vexit; quorum Eustathius ibi defunctus est. De his enim hæc Augustinus: « Nam et ante jam fama, et nunc fratres, qui venerunt a vobis, Eustathius et Andreas bonum Christi odorem de vestra sancta conversatione ad nos attulerunt. Quorum Eustathius in eam requiem præcessit, quæ nullis fluctibus sicut insula tunditur; nec Caprariam desiderat, quia nec cilicio jam quærit indui ». Hæc et alia plura superius de monachorum Caprariæ insulæ sanctitate Augustinus, quos cultor idolorum Rutilius nominat Luci-

fugas: cujus dicteria cum nostri temporis usurpant hæretici Novatores; plane intelligis, a quorum hi partibus silent, num a demonum cultoribus Paganis hominibus, an a sanctis Patribus, et doctrina et sanctitate præclaris.

52. Sed et S. Hieronymus¹ ad Oceanum Fabioke epitaphium scribens, tradit insulas Etrusci maris, et reconditos (ut ait) curvorum littorum sinus choris monachorum fuisse repletos; quos Fabiola sua præsentia, vel suorum ministerio famulorum invisens, suis elemosynis recreabat. Ex quibus plane intelligis, quam brevī tempore ex Ægypti vinea plantatæ in Romano solo propagines extenderint usque ad mare, et intra mare in insulis palmites suos. Propagatos autem ad posteros etiam, qui erant in Tyrreni maris oris et insulis, monachos, et ipsam Gorgoniam insulam, ubi unum tantum fuisse Rutilius tradit, pluribus esse monachorum germiibus auctam, ex litteris S. Gregorii papæ² possumus perspicue intelligere, dum de Palmarie et aliarum insularum monachis meminit, necnon de pluribus monasteriis in insula Gorgonia congregatis, et postea ad meliorem formam per ipsum Gregorium restitutis.

53. *In Gildonem pugna et victoria.* — Sed jam e Capraria insula solvens in Africam vela pandat oratio, et licet hiemis importuno tempore solventem classem sequatur Romani ducem exercitus, et quæ ibi divina operante virtute a Mascezile adversus Gildonem facta sint, Orosio auctore quæramus, qui et locum, ubi tyrannus est superatus, ita describit³: « Ardalis fluminis nomen est, quod fluit inter Thebastem et Metrideram (Ammederam) civitates: ubi Mascezil cum parva manu, hoc est, cum quinque millibus (ut aiunt) militum contra septuaginta millia hostium castrametatus, cum interjecta mora excedere e loco, oppositasque præcæcis valis angustias transgredi vellet, incurrente nocte, beatum Ambrosium episcopum Mediolani paulo ante defunctum personnum sibi videre visus est, significantem manu, et impacto ad humum ter baculo, dicentem: Illic, hic, hic. Quod ille prudenti conjectura intellexit, merito annuntiantis fidem victoriæ, verbo locum, numero diem significari. Substitit, ac tertio demum die, post noctem orationibus hymnisque pervigilem ab ipsis celestium sacramentorum mysteriis in hostem circumfusum processit: et cum ad eos, qui primi occurrerunt, pia pacis verba jactaret, signiferum quemdam insolentem obsistentem, et jam jamque pugnam excitantem, gladio percussit in brachio, eumque manu debilem ipso vulnere coegit primum inclinare vexillum.

54. « Quo viso, reliquæ cohortes deditionem jam fieri priorum existimantes, certatim sese ad Mascezilem signis tradidere conversi. Barbari, quorum magnam multitudinem Gildo ad bellum deduxerat, defectu militum destituti, in diversa fuge-

¹ Hier. ep. xli. — ² Matth. xvii. — ³ 1. Thess. iv. — ⁴ Ephes. vi. — ⁵ Aug. ep. lxxxii.

¹ Hier. ep. xxx. — ² Greg. I. l. ep. xlviii. — ³ Oros. I. vii. c. 36.

runt: Gildo et ipse fugam molitus, arrepta navi, ut in altum proventus, ac deinde revocatus in Africam est, post aliquot dies strangulatus interit. Periclitaremur sub tantorum miraculorum relatu, quasi praesumpta mentendi impudentia, nisi adhuc vocem nostram conscientia eorum qui interfuere praecurreret. Nullae aguntur insidiae, nulla corruptio: septuaginta millia hostium vincuntur pene sine pugna. Fugit victus ad tempus ne plus audeat victor iratus. Transportatur in diversum locum, ut nesciat frater occidi, quo vindicatur occiso». Haec nescit Orosius, ex quo eadem ferme descripsit auctor qui falso dicitur Paulus¹ diaconus.

55. Ecce quantum valeant Lucifugae tui, o Rutili, et apud Deum intercessio opportuna sanctorum. Eadem namque de S. Ambrosio in rebus ab eo gestis Paulinus recitat, atque ita addit²: « Nos tamen ea Mediolani positi ipso Mascezile referente, cognovimus. Nam et in hac provincia, in qua nunc positi describimus, plurimis hoc ipsum refulit sacerdotibus; quibus etiam referentibus severius ante nobis cognita huic libro adjungere arbitrati sumus». Haec Paulinus. At quid de tanta victoria Claudianus, sentiens et proflens tantum ipse miraculum? audi ex carminis ejus exordium³.

Horret adhuc animus, manifestaque gaudia differi,
Dum stupet, et tanto cunctatur credere voto.
Necdum Cyniphias exercitus attingit oras;
Jam domitos Gildo. Nullis victoria nodis
Hæsit; non spatio terræ, non obice ponti,
Congressum, profugum, captum, vox nuntiata una,
Rumoremque suum prævenit laurea belli.
Quo, precor, hæc effecta Deo? Robusta vetusque
Tempore iam parvo potuit dementia vinci?
Quem veniens induxit hiems, ver perculit hostem.

Hæc Claudianus, qui et optime scire potuit, quo tanta hæc sint facta Deo: et quia scivit, ob id fortasse Deo, et non diis hæc dicitur tribuenda.

56. Idemque in poematis præfatione⁴ Gildonem in Sicilia obtruncatum tradit his versibus:

Agnovitque novos absens Arethusa triumphos,
Gildonis sensit teste cruore necem.

Retentam fuisse Gildonis navigationem a ventis, idem alibi significat, dicens:

Aut idem cupiant pelago te mergere venti,
Gildonis nuper qui tenuere fugam.

Tradit vero Zozimus, Gildonem, ne veniret in manus hostium, sibi injecto laqueo, fracta gula, spontaneo exitu finem vivendi fecisse.

Exstat hujus victoriae illustris memoria in basi equestris statuae his verbis insculpta⁵:

IMPERATORIBUS. INVICTISSIMIS. FELICISSIMISQUE
D. D. N. N. ARCADIO. ET. HONORIO. FRATRIBUS
SENATUS. POPULUSQUE. ROMANUS
VINDICATA. REBELLIONE
ET. AFRICÆ. RESTITUTIONE. LÆTUS.

Merito quidem hæc Imperatoribus, quorum exercitus erant, adscribenda; fuerunt et jure Mascezili toleranda; verum quod ipsius gloria Stiliconi fuerit attributa, sicut adulatione non caruit, ita et invidiæ fontem ministravit. Accipe titulum tunc in basi statuae Stiliconi dicatæ conscriptum:

FL.¹ STILICONI. V. C
F. L. STILICONI. ILLUSTRISSIMO. VIRO
MAGISTRO. EQUITUM. PEDITUMQUE
COMITI. DOMESTICORUM. TRIVIRNO. PRÆTORIANO
ET. AB. INEUNTE. ÆTATE. PER. GRADUS. CLARIS
SIMÆ. MILITIE. AD. COLUMEN. GLORIÆ
SEMPITERNÆ. ET. REGIÆ. ADFINITATIS. ERECTO
PROGENERI. DIVI. THEODOSII. COMITI. DIVI
THEODOSII. AUGUSTI. IN. OMNIBUS. BELLIS
ATQUE. VICTORIIS. ET. AB. EO. IN. ADFINITATEM
REGIAM. COOPTATO. ITEMQUE. SOCERO. D. N.
HONORII. AUGUSTI. AFRICÆ. CONSILIIS. EJUS
ET. PROVISIONE. LIBERATA. EX. S. C.

Hæc quidem enatus nomine: ut non mireris, si Claudianus poeta æque omnes victorias acceptas fert Stiliconi.

57. Sic igitur extincto Gildone, bona ipsius, quæ quidem erant amplissima, fisco sunt adjudicata; superque eis novus institutus est magistratus, dictus Comes Gildoniaci patrimonii, cujus est mentio in Notitia provinciarum; de quibus bonis exstat rescriptum² ad Pompeianum proconsulem Africæ, necnon aliud ad Sapidianum³, et alia aliis temporibus ad Africæ magistratus⁴. Sed quod mirum est, vixit ad decem saltem annos postmodum vindictæ adversus eos qui Gildonem consecrati fuerant: nam sub consularatu Philippi et Bassi, anno nimirum Domini quadringentesimo octavo, ejusmodi ab Honorio et Theodosio imperatoribus reperitur datum esse rescriptum ad Bonatum regentem Africam⁵:

«Satellites Gildonis custodiis mancipentur, et proscriptioe damentur. Dat. III idus Novemb. Basso et Philippo coss.»

58. De Salvina Gildonis filiae et Nebridii ejus viri virtutes. — Sed age jam ad Gildonis filiam Salvinae se convertat oratio, de impuro ad puram sanctamque feminam, et de Ethnico ad summum Christianæ religionis decus et ornamentum. Quod autem Salvina illa clarissima femina, ad quam S. Hieronymus libellum scripsit⁶ de viduitate servanda, Gildonis hujus Africam occupantis filia fue-

¹ Paul. Diac. l. XIII. — ² Paul. in Vit. S. Amb. ad fin. — ³ Claud. de bello Gild. — ⁴ Claud. l. I. præfat. — ⁵ Apud Smet. pag. 59. n. 3.

¹ Apud Smet. pag. 68. n. 3. — ² L. VII. de metat. C. Theod. — ³ L. IX. cod. tit. — ⁴ L. XVI. et XIX. C. Theod. de bon. proscript. — ⁵ L. XIX. de penis C. Theod. — ⁶ Hier. ep. IX.

rit, idem ipse testatur in epistola eodem argumento conscripta ad Ageruchianum¹ in fine. Porro hanc nuptiam fuisse Nebridio ex sorore Augustæ nato, eidemque Arcadii et Honorii consobрино, idem affirmat.

59. Verum præter generis summam claritudinem, fuisse Nebridium adolescentem vita religiosissimum, idem S. Hieronymus illis verbis ostendit²: « Sic religiosus fuit, et amator pudicitiae, ut virgo sortiretur uxorem; sic timens Deum cum omni domo sua, ut oblitus dignitatis, omne consortium cum monachis haberet et clericis; tantasque elemosynas faceret populis, ut fores ejus pauperum ac debiliū obsiderent examina. Certe sic semper orans Deum, ut illi quod optimum esset, eveniret: Raptus³ est, ne malitia mutaret mentem ejus ». Et rursus post nonnulla :

60. « Mirum dictu est, nutritus in Palatio, contubernalis et condiscipulus Augustorum, quorum mensæ ministrat orbis, et terræ ac maria serviunt, inter rerum omnium abundantiam, in primo ætatis flore, tantæ verecundiae fuit, ut virginalem pudorem vinceret, et ne levem quidem obsceni rumoris in se fabulam daret. Deinde purpuratorum propinquus, socius, consobrinus, iisdem cum ambobus studiis eruditus (quæ res etiam externorum mentes sibi conciliat) non est inflatus superbia, nec cæteros homines obducta fronte contempsit : sed cunctis amabilis, ipsos principes amabat ut fratres, venerabatur ut dominos, et in illorum salute suam salutem positam fatebatur : ministros autem eorum, et universum ordinem Palatii, quo regalis frequentatur ambitio, sic sibi charitate sociarat, ut qui merito inferiores erant, officiis se pares arbitrantur. Difficile factu est, gloriam virtute superare, et ab iis diligere quos præcedas. Quæ vidua non hujus auxilio sustentata est? Quis pupillus in eo non reperit patrem? Totius Orientis episcopi ad hunc miserorum preces et laborantium desideria conferebant. Quicquid ab imperatore posebat, elemosyna in pauperes, pretium captivorum, misericordia in afflictos erat : unde et ipsi principes libentes præstabant, quod sciebant non uni sed pluribus indulgere ». Hæc et alia Hieronymus in laudem adolescentis; qui ex dicta Gildonis filia Salvina duos reliquit liberos, masculum sui nominis, et infantulum : uxorem vero, licet adolescentulam nimis, tamen ad viduitatem servandam, idem S. Hieronymus hortatus est, sic sententiæ Pauli apostoli satisfaciens, qui dixerat⁴ : « Volo adolescentulas nubere, etc. » quod de illis nimirum intellexisset, qui abierant retro post salvanum : sic germane verba Pauli ex ejusdem verbis Apostoli interpretatus.

61. Cum autem apud S. Hieronymum lego Salvina viduam adolescentiorem, memoriaque teneo eam vixisse Constantinopoli, et studiosissimam fuisse S. Joannis Chrysostomi; cujus Palladius meminit

verbis illis, de eodem Joanne sermonem habens¹ : « Ingressus autem baptisterium, Olympiadem vocat, quæ ab ecclesia non discedebat, una et Pentadiam, et Proculam diaconissas. Salvinaque beati Nebridii conjugem, quæ viduitatem suam præcipua virtute et honestate decorabat : dicitque eis, etc. » Ista, inquam, cum memoria repeto, Salvina scilicet clarissimam feminam adolescentulam viduam, degentem Constantinopoli, S. Joannem Chrysostomum colentem et officiis frequentantem, mente versor num eadem ipsa sit, ad quam idem Chrysostomus de viduitate servanda epistolam dedit, quam titulo, *Ad viduam juniorem*, inscripsit, eodem argumento, quo S. Hieronymus scripsit libellum sive epistolam illam : dicerem sane, cum ex ejusdem Joannis assertionem constet, virum illius fuisse clarissimum, qui eo pervenerat apud Arcadium imp. gratiæ et dignitatis, ut brevi Consul futurus expectaretur; nisi æque ejusdem testificatione certum esset, virum illius alio nomine fuisse nuncupatum, nempe Tharasiū. Porro hoc eodem ferme tempore ad viduam juniorem ea a Chrysostomo scripta esse, quæ de conjugio recenti Honorii cum Maria idem ibi in exemplum adducit, satis significare videntur, ubi ait : « Cæterum ad ipsorum etiam, qui nunc regnant, uxores animū adverte. Alteram videbis ex pristinis calamitatibus respirantem, magnæ voluptati magnum habere dolorem admixtum : eo quod qui potuit, nimis juvenis ac nullius usus est, multosque habet undique insidiantes ». Hæc nempe de Maria nupta Honorio puero sunt intelligenda. Moxque de Arcadii conjugē ista addit : « Alteram vero timore exanimatam, et iis qui capite damnati sunt miseriorem vitam ducentem, eo quod vir ipsius ab eo tempore quo diadema suscepit, usque ad hodiernum diem, in bello et præliis versatur; verecundique et probri, quibus undique afficitur, magis quam ex calamitatibus tabescit ». Hæc ipse. His autem occasione Salvina Gildonis filia recensitis, jam de fratre atque ejus expugnatore Masezelis quæ sunt reliqua prosequamur.

62. *Masezelis interitus ob violatam Ecclesiam.* — Felix plane, si quæ Christianæ religionis opera consecutus est bona, eadem pietate servasset, ausissetque : sed cum ingratus resiliit, et sibi nimum temere quæ Dei erant dona cælitus impertita arrogavit, omnium dispendium passus, vitæ quoque jacturam misere fecit. Sed quomodo hæc? Orosium² audi : « Sane, inquit, idem Masezel elatus rerum secundarum insolentia, posthabito sanctorum consortio, cum quibus antea Deo militans vicerat, etiam Ecclesiam temerare ausus est, atque ex ea quosdam non dubitavit extrahere. Secula est pœna sacrilegium. Nam iisdem superstitiis, atque insultantibus, quos ab Ecclesia ad penam protraxerat, post aliquantum tempus solus et ipse punitus est. Probavit in se uno, ad utrumque semper divinum vigilare numen; quando et cum speravit, adjutus;

¹ Hier. epist. XI. — ² Hier. epist. IX. — ³ Sapient. IV. — ⁴ 1. Tim. III.

¹ Pallad. dialog. de Vita Joan. Chrysost. — ² Oros. I. VII. c. 36.

et cum contempsit, occisus est ». Haecenus Orosius : recitat haec ipsa Paulus Diaconus ¹. Zozimus ² autem ait, Stiliconis invidia iussum Mascezeilem a militibus per pontem in flumen precipitari. Dedit et violatæ Ecclesiasticæ immunitatis penas Eutropius Constantinopoli : cujus tragœdiæ actus sequenti anno reddetur in scena.

63. *Judicandi auctoritatem quam Episcopis restituit Honorius exercet assidue Augustinus.* — Quid insuper hoc anno? Collatam ab Apostolo judicandi inter laicos Episcopis auctoritatem, ex Constantini legibus confirmatam, nescio qua occasione interceptam Honorius imperator restituit, cum iisdem anni hujus Consulibus ita ad Eutychianum P. P. rescripsit ³ :

« Si qui ex consensu apud sacræ legis Antistitem litigare voluerint, non vetabuntur; sed experientur illius in civili duntaxat negotio more arbitri sponte residentis iudicium. Quod his obesse non poterit, nec debebit, quos ad prædicti cognitoris examen conventos potius abfuisse; quam sponte venisse constiterit. Dat. VI kalend. Aug. Mediolani, Honorio August. quartum et Eutychiano coss. » Haec ipse, nihil omnino tribuens juris episcopis; sed Apostolica auctoritate collatum, voluit esse liberum. Non quidem Honorii legibus, sed Apostoli, id sibi vindicat Augustinus ⁴ dum nimirum se Christianorum litibus queritur fatigatum, hæc dicens : « Dominum Jesum, in cujus nomine securus hæc ago, testem invoco super animam meam, quoniam quantum attinet ad meum commodum, multo mallem per singulos dies certis horis, quantum in bene moderatis monasteriis constitutum est, aliquid manibus operari, et certas horas habere ad legendum et orandum, aut aliquid de divinis litteris agendum liberas, quam tumultuosissimas perplexitates causarum alienarum pati de negotiis secularibus vel judicando dirimendis, vel interveniendo præcipientibus : quibus nos molestiis, idem afflxit Apostolus, non utique suo, sed ejus qui in eo loquebatur arbitrio, etc. » Sic itaque vides, non Honorii legibus, sed Apostoli Pauli sancitis decretis ejusmodi iudicio prefectos fuisse Episcopos. Sed quæ ad hanc rem spectant, consule quæ dicta sunt primo Anna-
lium loco.

64. Rursum vero quod ad S. Augustinum pertinet, de litium ingruentia, et litigantium pertinacia alibi ⁵ ita queritur : « Suis vitiosis et negotiosis cupiditatibus adiuvandis ut occupemur, et eis nostra tempora impendamus, effragant; aut certe infirmos premunt, ut causas suas ad nos deferre compellant. Quibus dicere non audeamus : Dic, homo, quis me constituit iudicem, aut divisorem inter vos? Constituit enim talibus causis Ecclesiasticos Apostolus ⁶ cognitores, in foro prohibens iurare Christianos. Ne illis quidem qui non athena rapiunt,

sed sua cupide repetunt, dicimus : Cavete ab omni cupiditate : constituentes eis ante oculos hominem, cui dictum est ¹ : Stulte, hæc nocte auferetur a te anima tua : quæ preparasti cujus erunt? Quia et quando dicimus, non recedunt, nec declinant a nobis, sed instant, urgent, preecantur, tumultuantur, extorquent, ut ipsis potius ad ista quæ diligunt, quam scrutandis Dei mandatis, quæ diligimus, occupemur. O quanto lædio turbarum turbulentarum, et quanto desiderio divinarum eloquiorum dictum est : Declinate a me, maligni, et scrutabor mandata Dei mei! Ignoscent obedientes fideles, qui pro suis secularibus causis raro nos quaerunt, et iudicii nostris facillime acquiescunt, nec nos conterunt litigando, sed obtemperando potius consolantur. Certe propter eos, qui et inter se pertinaciter agunt, et quando bonos premunt, nostra iudicata contemnunt, faciuntque nobis perire tempora rebus eroganda divinis : certe, inquam, propter istos et nobis liceat exclamare in hac voce corporis Christi : Declinate a me, maligni, et scrutabor mandata Dei mei.

65. Sed quid de his Possidius? accipe ² : « Interpellatus ergo beatus Augustinus a Christianis, vel a cujuscumque sectæ hominibus, causas audiebat diligenter ac pie, cujusdam sententiam ante oculos habens, dicentis, se malle inter incognitos, quam inter amicos causas audire : eo quod de incognitis, pro quo arbitrata æquitate judicaretur, amicum posset acquirere : de amicis vero unum esset, contra quem sententia proferretur, perditurus. Et eas » lites scilicet « aliquando usque ad horam refectionis, aliquando autem tota die jejunans, semper tamen noscebat et dirimebat, intendens in eis Christianorum momenta animorum, quantum quisque vel in fide bonisque operibus proficeret, vel ab iis deficeret : atque compertis rerum opportunitatibus, divinæ legis veritatem partes docebat, eamque illis inculcabat; et eos, quo adipiscerentur vitam æternam, edocebat et admonebat; nihil aliud querens ab iis quibus ob hoc vacabat, nisi tantum obedientiam, et devotionem Christianam, quæ et Deo ³ debetur et hominibus » et inferius : « Rogatus quoque a nonnullis in eorum temporalibus causis, epistolas ad diversos dabat : sed hanc suam a melioribus rebus occupationem, tanquam angariam deputabat, etc. »

66. At licet episcopi (ut vidimus) causas inter laicos judicarent : Proconsules tamen Præfectique provinciarum nullatenus prorsus immiscebant se causis clericorum; licet aliquando pro eisdem ad Episcopos litteras scriberent commendatitias : ut de Macedonio Proconsule in Africa S. Augustinus ad ipsum scribens testatur his verbis ⁴ : « Scio ego te ipsum cum aliis amicis tuis in Ecclesia Carthaginiensi intercessisse pro clerico, cui merito succensebat Episcopus; et utique nullum ibi discrimen

¹ Paulus Diac. l. xiii. — ² Zozim. l. v. — ³ L. vii. de Episcop. audient. C. Justin. — ⁴ Aug. de opere monach. c. 29. — ⁵ Aug. in Psal. cxviii. — ⁶ I. Cor. vi.

¹ Luc. xii. — ² Possid. in Vit. S. Aug. c. 19. — ³ I. Tim. v. — ⁴ Aug. ep. lvi.

sanguinis sub incruenta disciplina timebatur; nec, cum id, quod etiam vobis displicebat, inultum esse velletis, tanquam delicti approbatores vos iudicabamus, sed tanquam humanissimos intercessores audiebamus». At de his haecenus.

67. *Concilium Carthaginense quartum et ejus decreta.* — Antequam autem ad res Orientalis Ecclesiae oratione penitus convelamus, quæ reliqua sunt anni hujus rerum gestarum in Africa, ordine persequamur. Hoc siquidem anno celebrata est quinta Synodus Carthaginensis, posita ordine quarta, coss. Honorio quartum et Eutychiano, sexto idus Novembris: sublato enim Gildone tyranno, qui Africam perturbabat, pacatisque cunctis, data est facultas copiosiori numero Episcoporum, nempe ducentorum et quatuordecim, Carthaginem ad sacra conveniendi comitia, in quibus summa diligentia de restituenda in integrum Ecclesiastica disciplina laboratum est: cum a Patribus primo quæ essent episcopis, ac deinde quæ aliis inferioris ordinis clericis observanda, fuerunt summo consilio saluberrime instituta, seu potius restituta, centum et quatuor sanctitis regulis, quarum exempla tum reliquæ Occidentales Ecclesiae, tum Orientis episcopi mutuati esse noscuntur.

68. Exilit enim hujusmodi Carthaginense Concilium veluti Ecclesiasticæ promptuarium disciplinæ, non quidem recens inventæ, sed ab antiquioribus usu receptæ atque ad pristinam consuetudinem revocatæ, nisi in quibus nova emergente causa, novæ sancientiæ legis necessitas illis incubuit: ut quod in primo canone, ubi de episcoporum ordinatione agitur, ob emergentes novas hæreses Origenistarum, in fidei professione, quam publice emitte solerent Episcopi ordinandi, hæc a Synodo addita: « Quærendum etiam ab eo si credat Injus quam gestamus, et non alterius carnis resurrectionem »; et paulo post: « Si secunda matrimonia non damnet: Si carniū perceptionem non culpet: Si penitentibus reconciliatis communicet: Si in baptismo omnia peccata, id est, tam illud originale contractum, quam illa quæ voluntarie admissa sunt, dimittantur: Si extra Ecclesiam Catholicam nullus salvetur, etc. » De his igitur peculiari professione atque scientia exigebatur, quod ejusmodi errores aurius Catholicorum recentes insusurrarent hæretici; de quibus, præter illa quæ dicta sunt, agemus inferius, cum de Celestio sermo erit, qui in Africa primo pestiferas merces venales exhibuit. Hoc igitur examine probandi erant, qui ordinandi forent Episcopi; quod qui ad alios docendos deligerentur, probatæ spectatæque deberent esse scientiæ.

69. Quem quidem pristinum morem a Sanctissimo D. N. CLEMENTE VIII esse in Ecclesia restitutum, gavisi sumus; dum quos est creaturus episcopos, una cum aliquot delectis ad hoc Cardinalibus, adhibitis simul qui in Urbe sunt doctissimis Theo-

logis et Canonici Juris consultissimis, diligenti primum atque improvviso, cujus peritiæ sint, probat examine; quos et ipsemel interdum soleat interrogare: ut plane nisi bene diserto nullus ad episcopatum aditus patere sciatur: unde ambitiosus lugeat imperitus. Sed ad reliquas res gestas in eodem Concilio redeamus.

70. Placuit iisdem Patribus Apostolicam institutionem in observationem revocare, præscribereque clericis opus manuum, quæ sibi victum et vestitum acquirerent, his ea de re sancitis regulis:

« Clericus quantumlibet verbo Dei eruditus, artificio victum querat »: Ac rursus: « Clericus victum et vestimentum sibi artificio, vel agricultura, absque officii sui duntaxat detrimento præparet ». Ac deinde: « Omnes clerici, qui ad operandum validi sunt, et artificiola et litteras discant ». Sed unde ista sancienti et enixius inculcandi manavit recens occasio: attende quæ ab Augustino dicuntur¹. « Ut de Opere monachorum librum conscriberem, illa me necessitas compulit: quod cum apud Carthaginem monasteria esse cepissent: alii se suis manibus transigebant, obtemperantes Apostolo; alii vero ita ex oblationibus religiosorum vivere volebant, ut nihil operantes, unde necessaria vel haberent, vel supplerent, se potius implere præceptum Evangelicum existimarent, atque imitarentur, ubi Dominus ait²: Respicite volatilia cæli, et lilia agri. Unde etiam inter laicos inferioris propositi, sed tamen studio ferventes, existere ceperant tumultuosa certamina, quibus Ecclesia turbaretur, aliis hoc, aliis aliud defendentibus. Iluc accedebat, quod criniti erant quidam eorum, qui operandum non esse dicebant. Unde contentiones hinc reprehendentium, inde quasi pugnantium pro partium studiis augebantur. Propter hoc venerabilis senex Aurelius, Ecclesiæ ipsius civitatis episcopus, ut hinc aliquid describerem jussit, et feci ». Ille ipse.

71. Sed quis non videat ex habitu atque doctrina, hos talia Carthagine jurgia disseminantes, germina fuisse Euchaitarum, et Massalianorum hæreticorum, qui depravate apud Augustinum³ nominantur Psalliani? Hi intonsi, proluxa incedentes coma, negabant esse manibus operandum; de quibus ad calcem tertii Annalium toni uberius actum est. In Oriente hi erant hæretici, et Occidentalibus regionibus vix quidem nomine cogniti, sed doctrina suspecti: in quos cum multa commentario de Opere monachorum Augustinus diseruisset, ad finem hæc⁴ habet ad Aurelium ipsum Carthaginensem episcopum: « Hæc, mihi carissime, et in Christi visceribus venerande frater Aureli, quantum donavit ut possem, qui per te jussit ut facerem, de Opere monachorum non distuli scribere; id maxime curans, ne boni fratres Apostolicis præceptis obediētes a pigris et inobedientibus etiam prævarica-

¹ Eod. Conc. can. LI. LII. LIII. — ² Aug. retract. l. II. c. 21, et l. de oper. monachor. — ³ Matth. VI. — ⁴ Aug. de hæres. c. 57. —

⁵ Aug. de opere monach. c. 30.

⁶ Concil. Carth. c. 2.

tores Evangelii dicerentur; ut qui non operantur, saltem illos qui operantur, sibi anteponebimus esse non dubitent. Cæterum quis ferat, homines contumaces saluberrimis Apostoli monitis resistentes, non sicut infirmiores tolerari, sed sicut etiam sanctiores prædicari; ut monasteria doctrina saniore fundata, gemina illecebra corrumpantur, et dissoluta licentia vacationis, et falso nomine sanctitatis? Sciant ergo etiam cæteri fratres et filii nostri, qui favere talibus, et hujusmodi præsumptionem per ignorantiam defendere consueverunt, se potissime corrigendos, ut illi corrigi possint. etc. »

72. Sed et ad eosdem illa cum agit apostrophe, quales ejusmodi esse solerent, denudat velatam illorum hypocrisis verbis istis¹: « O servi Dei, milites Christi, itane dissimulatis callidissimis hostis insidias? qui bonam famam vestram, tam bonum Christi odorem, ne dicant animæ bonæ²: Post odorem unguentorum tuorum curremus: et sic laqueos ejus evadant: omni modo cupiens obscurare putioribus suis, tam multos hypocrisis sub habitu monachorum usquequaque dispersit, circumeuntes provincias, nusquam missos, nusquam fixos, nusquam stantes, nusquam sedentes. Alii membra martyrum (si tamen martyrum) venditant: alii fimbrias et phylacteria sua magnificant: alii parentes, vel consanguineos suos in illa, vel in illa regione se audisse vivere, et ad eos pergere mentuntur, et omnes petunt, omnes exigunt aut sumptus lucrosæ egestatis, aut simulate pretium sanctitatis: cum interea ubicunque in factis suis malis deprehensi fuerint, vel quomodo immotuerint, sub generali nomine monachorum vestrum propositum blasphematur, tam bonum, tam sanctum, quod in Christi nomine cupimus, sicut per alias terras, sic per totam Africam pullulare ». Hæc de ipsis Augustinus, alibi alia occasione a nobis in medium allata.

73. Horum quoque causa canon³ ille a sancta Synodo editus esse videtur, quo prohibentur clerici nutrire comam ac barbam: crinitos namque hos Augustinus appellat, quod intonsi procederent: nam S. Epiphanius⁴ tradit muliebrem comam circumferentes vagare consuevisse. In quos egit idem pluribus Augustinus⁵, ac inter alia: « Et hoc quo pertinet, quaeso, tam aperte contra Apostoli præcepta conari? An ita vacandum est, ut nec tonsores operentur? An quia Evangelicas volucres imitari se dicunt » nempe quatuor animalia Ezechielis « quasi depilari timent, ne volare non possint? etc. » Verum etsi nomen de coma Augustinus agat: Patres tamen in dicto Concilio Carthaginiensi, inter quos et ipse Augustinus nominatus atque subscriptus habetur, addiderunt quoque de barba minime nutrienda: licet quædam exemplaria habeant additamentum illud. « Sed radant, vel tondent »; tamen non nutriendam esse, communi codicibus omnibus lec-

tioni concordat: ut ex his satis convinci possit, ipsum Augustinum et alios episcopos, nec non Africanæ Ecclesiæ clericos minime gestare consuevisse promissam barbam, sed si non rasam, saltem præcisam, et ex parte aliqua decurtatam, quo omnis suspicio impensis in ea nutrienda laboris omnino cessaret. Nam cum æqua lex barbæ statuatur et comæ; sicut illa ne nimium effluat, ex præscripta lege tonderi deberet, ita ista ne prolixitate luxuriaret, amputari necesse esset.

74. Sed dicit aliquis: Cur in Synodo de clericis, et non de monachis mentio habetur? quod scilicet in Ecclesia Africana monachis jam adscitus in clerum, simulque conjunctus esset, et in eadem Ecclesia Africana clericorum nomine etiam monachi continerentur, utpote Dei servitio arctioribus vinculis mancipati; cum aliqui vel clerici monachorum amplexi fuerint institutum, vel ex eis solum plurimi cooptarentur in clerum. Est de his rescriptum Honorii imperatoris, hoc anno datum his verbis¹:

« Si quos forte episcopi deesse sibi clericis arbitrantur, ex monachorum numero rectius ordinabunt, non obnoxios publicis privatisque rationibus, cum invidia teneant, si habeant jam probatos. Dat. VII. kal. Aug. Honorio IV et Eutychiano cons. » Illic et S. Augustinus suos clericos interdum monachos appellat.

75. Rursum vero jugis illa, quam vidimus, persecutio a Donatistis adversus Catholicos in Africa vigens, qua accideret ut complures Catholici ab iisdem gravissima paterentur, occasione præbuit hujusmodi pro iisdem canonis sancienti²: « Clericum inter tentationes officio suo incubantem, gradibus sublimandum »: Item qui sequitur: « Christianum Catholicum, qui pro Catholica fide et pro Ecclesiastica re, et Christiana religione tribulationes patitur, honore omni a sacerdotibus honorandum, etiam et per diaconum ei victus administretur ».

76. Rursum quod ad ejusdem decreta Concilii pertinet; minime prætereundum est, illud quoque statutum fuisse³: « Ut episcopus nullum prohibeat ingredi Ecclesiam, et audire verbum Dei, sive Gentilem, sive hæreticum, sive Judæum usque ad Missam catechumenorum ». Ex quibus plane intelligas, S. Augustinum inter concionandum ad populum, pro audientium diversa conditione aptare consuevisse sermonem: nimirum interdum hæreticos Arianos, Manichæos, vel Donatistas urgere, interdum vero exagitare Gentiles, et sæpe etiam adversus Judæos inire certamen. At de Patrum decretis rebus tunc gestis inservientibus hæcenus.

77. Ad Constantinopolitanam cathedram eventus Chrysostomus hæreticos agitavit, dissidentes episcopos conciliavit, cleri mores corripit, disciplinam collapsam restituit. — Jam vero ad res Ecclesiasticas Orientis, quæ hujus anni exordio gestæ

¹ Aug. end. l. c. 28. — ² Concil. I. — ³ Concil. Carthag. IV. c. 44. — ⁴ Epiphanius. hæres. LXXX. — ⁵ Aug. de opere monach. c. 31.

¹ L. XXXII. de episc. et cleric. C. Theod. — ² Concil. Carthag. IV. c. 42. 43. — ³ Concil. Carthag. IV. c. 81.

sunt, stylum advocat dignitas argumenti. Post Nectarii episcopi Constantinopolitani obitum, de quo dictum est superiori anno : cum post de successore deligendo controversias, in unum tandem suffragia conspirassent; Joannem Antiochenum presbyterum, cognomento Chrysostomum, elegerunt : quem cum scirent inde invito populo haud facile abducendum fore, fraude quadam excogitata, Antiochenos cives eludere per ejus civitatis Praefectum conati sunt. Ut autem res gesta sit, a Palladio in dialogo his ferme verbis exacle describitur¹ :

« Agebat in rebus Eutropius spado Praefectus cubiculi regii. Cupiens igitur Joannem praesulum fieri, cujus illi virtus erat notissima, cujusque tunc periculum fecerat, cum in causa regia interiora penetrasset Orientis, suadet imperatori, ut scribat ad Antiochiæ Comitem, mandans ut absque strepitu ullo, et perturbatione Antiochenæ civitatis mitteret Joannem. Acceptis litteris Comes, mandatum ita exsequitur. Rogat Joannem, ut secum extra urbem pergat usque ad Martyria prope portam, quæ Romana appellatur; impositumque rhedæ publicæ, misso eunucho una, et magistro militum tradit. Adductus hoc modo, Constantinopolitanæ urbis ordinatur Episcopus ». Hæc ita quidem Palladius. Addunt alii², innotuisse tunc etiam ex litteris imperatoris ad Flavianum Antiochenum episcopum datis, electionem factam Chrysostomi populo Antiocheno, restituisse eum ne Joannes abduceretur; sed a Comite, ea qua diximus, fraude delusum.

78. Simul ac igitur Joannes Constantinopolim perductus est, ordinatur ejus civilis episcopus; quod hoc anno fieri contigit, die vicesima sexta mensis Februarii, ut Socrates³, Sozomenus⁴ et Marcellinus⁵ affirmant. In sublimem jam thronum Joannes evectus, primum omnium curavit, ut Catholice fidei in omnibus prospectum esset; auctorque existisse putatur, ut severissima lex adversus Ennomianos detestabiliores cæteris, et Montanistas, post dies sex tantum a sua ordinatione sanciretur, quæ sic se habet⁶ :

« Ennomianæ superstitionis clerici seu Montanistæ, consortio vel conversatione civitatum universarum atque urbium expellantur. Qui si forte in rure degentes, aut populum congregare, aut aliquos probabuntur inire conventus; perpetuo deportentur, procuratore possessionis ultima animadversione punito, domino possessione privando; in qua his conscis et tacentibus, infausti damnatique conventus probabuntur agitati. Si vero in qualibet post publicam solemniter jussione urbe deprehensi, aut aliquam celebrandæ superstitionis gratia ingressi domum probabuntur : et ipsi adeptis bonis ultima animadversione plectantur : et domus, in qua ea forte qua dictum est ingressi, nec statim a domino, dominave domus expulsi ac prodiit fuerint,

fisco sine dilatione societur. Codices sane eorum scelerum omnium doctrinam et materiam continentes, summa sagacitate, mox quæri, ac prodi exerta auctoritate mandamus sub adpectu judicantium incendio mox cremandos. Ex quibus si qui forte aliquid qualibet occasione vel fraude occultasse nec prodidisse convincitur : sciat se velut noxiorum codicum, et malefactorum crimine conscriptorum retentorum, capite esse plectendum. Dat. IV nonas Martii Constantinop., Honorio IV et Eutychiano cons. » Severior quidem hæc cæteris omnibus editis in hæreticos legibus fuit; utpote ipsa prima, quæ adversus hæreticos domi recipientes capitale supplicium irrogavit.

79. Hæretici igitur in hunc modum imperatoris lege compressis ac procul expulsi, ad pacem in Ecclesia inter dissidentes Episcopos conciliandam Chrysostomum animum adjecisse, Sozomenus¹ tradit his verbis : « Quamprimum enim ad episcopatum pervenisset, cum Ægyptii sacerdotes et Occidentales adhuc cum Orientalibus dissiderent propter Paulinum, et communis quædam distractio ob id ipsum Ecclesias pro universum imperium detineeret; Theophilum orabat, ut in hoc sibi auxilium ferret, quo Flavianus episcopus Antiochenus in gratiam Romani Pontificis reduci posset. Consensu igitur utrinque facto, ad hoc negotium eliguntur Acacius Beræensis episcopus, et Isidorus ille, cujus nomine Theophilus ordinationi Joannis obstitit. Ili profecti Romam, ac legatione pro votis functi, in Ægyptum adnavigabant. Et hinc porro in Syriam pervenit Acacius, Flaviano litteras pacificas ab Ægyptiis, et Occidentalibus sacerdotibus afferens. Cæterum Ecclesiæ quanquam hæc dissensione in hunc modum liberatæ essent, pristinam tamen concordiam inter sese nunquam recuperarunt : Antiochiæ vero eorum multitudo, qui Eustathiani dicebantur, ad tempus aliquod inter sese, etiam sine episcopo conveniebant. Etenim cum exiguum tempus supervixisset, defunctus est (ut cognovimus) Evagrius Paulini successor. Hinc enim (ut opinor) extiterunt episcopis delectus facites, cum nemo sese his opponeret. Populus igitur, prout vulgus consuevit, paulatim et identidem his accessit qui sub Flaviano conveniebant, atque ita maxima ejus pars unita fuit ». Hæc Sozomenus.

80. Cæterum perfectam concordiam pacemque redditam Ecclesiæ Antiochenæ post annos decem, cum ibi creatus esset post Porphyrium Alexander Episcopus, Theodoretus² auctor est : et quidem tunc temporis Innocentium Romanum Pontificem fuisse ejusmodi inuendæ concordie sequestrem, suo loco dicemus. Verum ante contigisse tradit³ legationem Acacii episcopi Beræensis ad Romanum Pontificem, tumque etiam junctos pacis federe ait Flavianum, et Romanum Pontificem. Sed cum id accidisse dicat post annos decem et septem a con-

¹ Pallad. in Vit. Chrys. — ² Leo, et Metaph. in Vit. Jo. Chrysost. —

³ Socrat. l. vi. c. 2. — ⁴ Sozom. l. viii. c. 2. — ⁵ Marcell. in Chron. — ⁶ L. xxxiv. de heret. C. Theod.

¹ Sozom. l. viii. c. 3. — ² Theod. l. v. c. 35. — ³ Theod. l. v. c. 23.

flata inter eos seditione, longe quidem ante hæc tempora id oportuit contigisse; cum tempore Juliani Apostate ob Paulini electionem ea dissidia inchoata fuisset, superius sit demonstratum: a quo tempore, si decem, et septem numeres annos, in annum Domini trecentessimum septuagesimum nonum, quo Theodosius imperare cepit, rem rediges: sed quæ transacta in ea causa fuerint inter Occidentales episcopos, consule dicta quarto Annalium tomo. Palladius¹ autem post viginti annos initam concordiam inter Flavianum, et Theophilum per eodem Acacium episcopum Bercensem et Isidorum affirmat, cum ait de Isidoro: « Nosti et ipse virum, quando cum Acacio profectus Flaviani ad Theophilum communionem delulit, quæ viginti annis segregata fuerat beati Evagrii gratia, qui multa certamina in laboribus Ecclesiasticis pertulit ». Quidquid sit, quoque tempore Acacii et Isidori ea legatio acciderit, illud exploratum est, usque ad Innocentii tempora agitatam esse Ecclesiam Antiochenam dissensionum procellis. Sed ad Chrysostomum redeamus.

81. Ipso primo in Constantinopolitanum thronum ingressu, ad circumstantes clericos convertens oculos, quales essent cuiuscunque eorum vitæ mores exquirens, probe cognitos habuit: atque confestim ad prava quæ essent amputanda, falcem correctionis inmisit. Quenam autem ista fuerint, ex Palladio² in primis accipe, qui hæc ait: « Ordinati itaque Ioannes, pastoris officium diligenter exsequitur, rationali fistula experimentum ovium facere aggressus. Raro autem, sed tamen necessario, virga correctionis utens, sermonem exacuit adversus fictam et non fraternali, (ut eam appellant) sed plane fœdam atque inhonestam vitam eorum sacerdotum, qui mulieres, quas subintroducias vocant, secum habere vellent: asserens, comparatione mali, tolerabiliores esse lenones: Illi enim longe a medicinæ taberna separati, seorsum habent qui sua sponte infirmi esse delegerunt; hi autem intra salutis officinam habitantes, sanos ad morbum evocant. Hinc jam pars impia cleri eo pressa morbo, eaque febre correpta, ægre ferebat ». At quisnam pravus in nonnullos Ecclesiastici ordinis viros usus irrepserat? Lugendus plane, et omnibus lamentis dignus; quippe qui et meliorem Ecclesie partem non in Oriente solum, sed etiam in Occidente corrumperit.

82. Et ut ab his inchoetur oratio, accipe quid S. Hieronymus³ de virginibus, quæ a charitate, ἀγαπῆ, nomen trahentes, quasi spirituali amore conjunctæ dicebantur Agapetæ ab illis penes quos habitabant: « Habent, inquit, iste huiusmodi laudatores suos, et sub virginali nomine lucrosos perant: libenter talibus non placeamus. Pudet dicere: proli nefas! triste, sed verum est. Unde in Ecclesiasticis Agapetarum pestis introiit? Unde sine nuptiis aliud nomen uxorum? Imo unde novum concubinarum

genus? plus inferam: Unde meretrices univiræ? eadem domo, uno cubiculo, saepe uno tenentur et lectulo: et suspiciosos nos vocant, si aliquid extimeamus. Frater sororem virginem deserit, cælibem spernit virgo germanum, fratrem quaerit extraneum, et cum in eodem proposito esse se simulent, quaerunt alienorum spirituale solatium, ut domi habeant carnale commercium. Huiusmodi homines Salomon in Proverbiis spernit, dicens⁴: Alligabit quis in sinu ignem, et vestimenta ejus non comburentur? aut ambulabit super carbonem ignis, et pedes illius non ardebunt? » Hæc ad Eustochium: sed et ad Oceanum sive ipse, sive alius, dum de vita disserit clericorum⁵: « Cum ergo, inquit, hoc genus a te non amputatur: das reprehendentibus te locum: ipse te detrahentium morsibus tradidisti, si Agapetarum consortium non dimiseris. Benignus es, gaudeo: pudicus, falsum est. Si aliquis senserit clericos habitare cum feminis, non credit eum esse castum ». Hæc et alia id genus ibi.

83. Sed ad Chrysostomum redeamus: qui creatus episcopus Constantinopolitanus, cum sacras virgines invenisset, quodam pietatis intuitu, habitare cum clericis aliisque viris; quam multus fuerit in his corrigendis, consule duos libellos eodem argumento conscriptos⁶, quorum prioris hic est titulus: « Quod regulares femine cum viris cohabitent »: posterioris vero: « Adversus eos, qui apud se fovent sorores adoptivas »: sic enim eas illi nominabant, quas pietatis intuitu se domi custodire jactabant; de quibus ipse prioris exordio: « Sunt enim nonnulli, qui puellas nuptiarum inexpertes domum ducant, et usque ad extremam senectutem inclusas tenent ac fovent, non procreandorum puerorum gratia; negant enim se cum illis rem habere: neque libidinis causa; aiunt enim quod illas et integras et incorruptas servant. Sed si quis ab eis causam rogaverit; dicunt sibi multas esse, sed fingunt. Ego enim nullam eos habere crediderim, quæ vel honesta, vel idonea sit, etc. » Hæc, inquam, cum vehementer Chrysostomus invectionibus et acerrimis objurgationibus exagitaret, infensus sibi prorsus reddidit atque molestos clericos, sese jam ab adversariorum partibus statuentes.

84. At quid insuper hoc primo ejus in sedem ingressu Chrysostomus? subdit Palladius⁷: « Post hæc, » inquit, « victum quoque castigat cleri diligenter, orans et exhortans, ut contenti stipendiis suis, nidores divitum non sequerentur; ne fumum hujuscæ insequentes libidinis, flammæ traderentur; assentatorum et parasitorum instituto viventes. Hinc luroncs plurimi pulsati, atque irritati, auctoribus calumniæ se conjungunt ». Erant namque hi, qui prefectos atque magistratus officiis frequentabant, a quibus lautis quoque mensis solerent ex-cipi: quem pravum indecorumque clericis usum Chrysostomus abolendum curavit. De his quoque

¹ Pallad. in dial. Vit. Chrys. — ² Pallad. ibid. — ³ Hier. ep. xxii.

⁴ Prov. vi. — ⁵ Apud Hier. tom. ix. edit. Vict. — ⁶ Extant tom. v. — ⁷ Pallad. dial. de Vit. Chrys.

agens Socrates ¹ ait : « Itaque statim in initio episcopatus, cum adversus clerum paulo videretur acerbior, ab illo propterea odio habitus est, ac complures erga eum animo offensio esse, et tanquam nimis iracundum vitare ceperunt. Serapion illius Ecclesiae diaconus, cur in omnium offensionem incurreret, auctor profecto fuit; qui praesente universo clero, contenta voce sic illum affatus est : Nunquam, o episcopo, istos pro arbitrio gerere poteris, nisi una eademque virga omnes coerceas. Quod ejus dictum gravem odii flammam contra episcopum incendit. Episcopus non multo post complures ab Ecclesia, alium ob aliam causam, eiecit. Illi autem, uti in tam violento dominantium impetu usu solet venire, contra eum conspirare, et ad populum falso criminari ceperunt ». Haec Socrates. Sed rursus Palladius de rebus ab eo hoc episcopatus exordio gestis :

85. « Post haec, inquit, dispensatoris ecclesiastici scripta relegens, inutilesque Ecclesiae sumptus deprehendens, amputari hos protinus jubet. Accessit et ad solennes episcopi sumptus inspiciendos, inveniendisque immediam profusionem, transferri hanc magnificentiam ad infirmorum solatia praecipit. Et cum superessent pecuniae, nova quoque infirmorum receptacula construit, praeficiens his duos ex sacerdotum numero religionis summae viros; et medicos, et coquos et ministros, qui sine uxoris essent, eis ad obsequium statuens, ut adventantes hospites, morbo deprehensi, et eo maxime qui sacer appellatur, curarentur, et ob ipsum bonum, et pro gloria Redemptoris ». Haec agens Chrysostomus, maluit ex praedecessoribus suis Gregorii Nazianzeni potius quam Nectarii sectari vestigia, illius in victu revocans simplicitatem, hujus vero, qui ex praefecto fuerat creatus episcopus, luxum ablegans.

86. « Deinde », subdit auctor, « viduarum advocat agmen, solenter explorans, quae non recte conversarentur inter illas : inveniendae nonnullas carni deditas, admonebat, aut jejunii studerent, balneisque et exquisitis abstinerent vestimentis, aut repetere maturato connubia : ne divina lex et nomen Domini per illarum intemperantiam blasphemaretur. Ad haec fideles quoque laicos hortabatur, vigiliis nocturnis in Ecclesia insistere : uxores autem eorum domi manere interdum orantes, ideo quod viris diu otium non esset. Haec omnia quosque negligentes de clero contristabant totis noctibus dormire consuetos. Post haec autem adversus divites lingua exacuens gladium, animi pustulas scindere aggreditur, fastum eos turgidum ponere admonens, etc. » Hoc enim bellum quod adversus magistratus nimis solute viventes et sublime sapientes aggressus est, ex quo magnum sibi ipsorum odium concitavit.

87. *Lege Arcadii immunitas Ecclesiae violata, suadente Eutropio, qui proinde dat poenas.* — Inter

alios autem, qui eum Constantinopolim Antiochia accersendum curavit, principemque inter aulicos vindicarat sibi locum, Eutropium perinfensum sibi penitus reddidit, dum publicis concionibus (ut dictum est) fastum potentium insectari cepit, et privatis quoque sermonibus redarguere eorumdem in munerum editione profusas expensas; prout ex oratione in eum anno sequenti habita, dum confugientem ad Ecclesiam excepit, satis apparet verbis illis¹ : « Ecclesia a te hostiliter habita, expando sinu te suscepit : theatra autem magnis obsequiis a te culta, quorum causa saepius nobis infensus fuisti, et prodiderunt te, et perdiderunt. Attamen nunquam desistimus his te verbis alloqui : Cur ita facis? in Ecclesiam debaccharis, et te ipsum in exitium praecipitem agis. Et tu haec omnia monita neglectim praetereurrebas. Et Circensis quidem multitudo, exhaustis in se tuis facultatibus, gladium in te acuit : Ecclesia vero tuo furore exagitata, ultro citroque cursilat, si quo pacto te ex his casibus implicitum extricare queat ».

88. Sed quænam ista, de quibus queritur Chrysostomus ab Eutropio in Ecclesiam fuisse commissa? violatum nempe fuit ab eo intemperatum hactenus sacrum Ecclesiae asylum, dum non solum ad eum confugientes violenter abstraxit, sed et malus auctor extitit Arcadio sanctionis sacrilegae conscribendae, qua juberentur confugientes ad Ecclesiam extrahi : haecque hoc anno Constantinopoli contigisse, dies et Consules duræ legis significant, quæ sic se habet :

« Si quis² in posterum servus, ancilla, curialis, debitor, publicus procurator, murilegulus, quilibet postremo publicis privatisve rationibus involutus ad Ecclesiam confugiens, vel clericus ordinatus, vel quocumque modo a clericis fuerit defensatus, nec statim, conventionem praemissa, pristinae conditioni reddatur : Decuriones quidem, et omnes quos sola ad debitum munus functio vocat, vigore et solertia judicantium, ad pristinam sortem, velut manu mox injecta, revocentur. Quibus ullerius legem prodesse non patimur, quæ cessione patrimonii subsecuta, Decuriones esse clericos non vetabat. Sed etiam ii quos æconomos vocant, hoc est, eos qui ecclesiasticas consueverunt tractare rationes, ad eam debiti vel publici, vel privati redhibitionem, remota dilatione cogantur, in qua eos obnoxios esse constiterit, quos clerici defensandos receperint, nec mox crediderint exhibendos, etc. Dat. VI. kal. August. Muiso, Honorio Augusto quartum et Eutychiano consulibus ».

89. Porro qui hujus sancientiæ legis auctor fuit Eutropius, magna divinae providentiæ lance pensata justitia factum est, ut idem anno sequenti ad Ecclesiam confugere necessitate coactus, in se primum sævientem experiri legem divina indignatione compulsus sit : de eo enim ita Chrysostomus³ : « Præ-

¹ Socrat. l. vi. c. 4.

² Chrys. in Eutrop. — ³ L. III. de his qui confug. ad Eccl. C. Th.

— ³ Chrys. homil. in Eutrop.

eludit hujus loci refugium, legibus scriptis, quibus hoc irritum facere conatus est. At nunc re ipsa didicit, quale sit quod fecit, et suomet facto legem suam primus abrogavit, factus orbis totius spectaculum : et sileat licet, omnes tamen admonet : Nolite haec facere, ne qualia ego, patiamini : sua calamitate alios docet : et altare hoc ipso illustrem ex se splendorem emittit, ac venerationem sibi comparat, quod leonem vincium continet ». Haec et alia de miserando Eutropii casu Chrysostomus, cujus diligentia opera, eodem ferre tempore quo promulgata lex, abrogata pariter fuit. Nam in dicta homilia adversus Eutropium, quam sequenti anno ipse Chrysostomus habuit, salvum custoditumque jus Ecclesiasticæ immunitatis omnibus ad Ecclesiam confugientibus tradidit, ut nullus inde quempiam anderet violenter extrahere.

90. Quod rursum ad hujus ferendæ legis occasionem pertinet : ea quidem, Eutropio principem interpellante, sancita reperitur, occasione Pentadiæ femine Consularis : de qua ista Sozomenus ¹ : « Sed quia neque presenti potentiae impudentia, neque contingentes humanarum rerum vicissitudines considerabat », Eutropius scilicet, « eos extrahere templis aggrediebatur, qui propter ipsum in his ad Deum confuge supplices hærebant; in primis vero Pentadiam Timasii conjugem, quem quidem potentem ac strenuum ducem ille tyrannidis affectatæ condemnatum perpetuo apud Oasim Ægypti exilio mulctarat. Sed ille quidem, sive quod sibi defecerit, sicut a quodam accepi : sive quod veritus sit, ne quid sibi gravius accideret, arcus illic involutus repertus est mortuus. Eutropii vero cura sancitur lex præcipiens ne quis omnino ad Ecclesiam confugeret, et ut expellerentur etiam illi, qui ad eam jam confugerant. Non multo post autem ipse, quasi imperatoris conjugem contumeliose tractasset, ex insidiis impetitus, primus ipse legem suam prævaricatus est, et ex palatio profugus ad Ecclesiam supplex accurrit, etc. » Quæ enim reliqua sunt de Eutropii tragedia dicuntur anno sequenti, quo ea contigisse probantur : hic satis egisse de lege et ejus auctore, et occasione ipsius hoc anno ferendæ; agemus ibidem de ejusdem legis abrogatione. Porro Pentadia ista Timasii Exconsulis uxor affecta fuit inter Ecclesie Constantinopolitanæ diaconissas ², vixitque digno Christianæ virtutis exemplo : ad quam extant ejusdem Joannis Chrysostomi epistolæ ³, de quibus inferius.

94. *Ne damnati ad supplicium eriperentur, pietatis intuitu, consulit Arcadius.* — Rursum vero eodem ipso die et loco, quo adversus Ecclesiæ immunitatem datum est ab Arcadio imperatore ad Eutychianum rescriptum; ad eundem quoque, ad coercedam insolentiam clericorum et monachorum, qui quasi vi publica ab apparitoribus raperent reos cum ad supplicium ducerentur, ista rescripti ⁴ :

« Addictos supplicio, et pro criminum immanitate damnatos, nulli clericorum, vel monachorum, eorum etiam, quos cenobitas vocant, per vim atque usurpationem vindicare liceat, aut tenere. Quibus in causa criminali, humanitatis consideratione, si tempora suffragantur, interponendæ provocationis copiam non negamus; ut ibi diligentius examinebatur, ubi contra hominis salutem vel errore vel gratia cognitoris oppressa putatur esse justitia : ea conditione, ut si proconsul Comes Orientis, Præfectus Augustalis, vicarii fuerint cognitores; non tam ad clementiam nostram, quam ad amplissimas potestates sciatur esse referendum. Eorum enim de his plenum volumus esse iudicium : qui si ita res est, et crimen exegerit, rectius possint punire damnatos. Reos etiam, tempore provocationis emenso, ad locum poenæ sub prosecutione pergentes, nullus aut teneat, aut defendat. Sed sciatur se cognitor triginta librarum auri mulcta, primates officii capitali esse sententia feriendos, nisi usurpatio ista aut protinus vindicetur, aut si tanta clericorum, et monachorum audacia est, ut bellum potius quam iudicium futurum esse existimetur, ad clementiam nostram commissa referantur, ut nostro mox severior nullo procedat arbitrio. Ad episcoporum sane culpam, ut cætera, redundabit, si quid forte in ea parte regionis, in qua ipsi populo Christianæ religionis doctrinæ insinuatione moderantur, ex his quæ fieri hac lege prohibemus, a monachis perpetratum esse cognoverint, nec vindicaverint. Ex quorum numero rectius, si quos forte sibi deesse arbitrantur, clericos ordinabunt, etc. Dat. VI kalend. Aug. Mnizo, Honorio A. IV et Eutychiano coss. »

92. Tantam vero licentiam abripiendi ab officio damnatos capite, ex episcopis in clericos atque monachos, quorum ad hoc illi opera uterentur, fluxisse diximus ¹ occasione Constantini Magni edicti, quo juberetur, iniquas sententias presidum ab episcopis posse rescindi. Cæterum sanctos episcopos haud novimus abusus esse huiusmodi impertita sibi Constantini legibus auctoritate. Nam scimus S. Ambrosium ² Mediolanensem episcopum, et Flavianum Antiocheum, non violentia clericorum, et monachorum, sed supplicibus precibus pro huiusmodi reis sub presidum gladio periclitantibus egisse apud imperatores; sicut et monachos Syriæ eadem ex causa Antiochiei concessisse; eodemque modo pro docendis ad supplicium apud præsidem intercessisse; sic et Gregorium Nazianzenum pro Nazianzenis suis apud præfectum Cappadociæ; S. Martinum quoque pro damnatis apud Avitianum Galliarum præfectum; S. Hieronymum ³ etiam pro periculo capitis Claudii, ut eum eximeret, legatione Rufini, apud Honorium Mediolani agentem fecisse; et S. Augustinum apud Macedonium, Marcellinum, Donatum, et alios in Africa magistratus egisse.

93. Unde autem hujus sancientiæ legis Arcadio

¹ Soz. l. viii. c. 7. et Soer. l. vi. c. 5. et alii in Vit. Jo. Chrys.—

² Pallad. in dial. de vit. Jo. Chrys. — ³ Jo. Chrys. ep. xiv. et xcxiv.

— ⁴ L. xvi. de penis C. Theod. et l. xvi. de Episcopali audien. C. Just.

¹ Annal. tom. iii. anno Dom. 324. — ² Vide de his tom. iv. Annal. — ³ Iher. in Apol. adv. Rufin.

imperatorii manarit occasio: ignoratur ipsa quidem; verum conjectura assequi possumus, id etiam ex magna Eutropii una cum iniquitate atque crudelitate potentia factum, ut cum aliquis manifeste innocens duceretur, idem a clericis atque monachis tanquam vindicibus lesae veritatis eriperetur: ejusmodi enim casibus, cum quid a praesidibus tyrannice ageretur, sacerdotes infracto vigore eisdem restituisse, res gestae S. Nicolai Myrensis episcopi in Eustathium proconsulem Asiae, S. Ambrosii adversus Theodosium, S. Basilii adversus Modestum praesidem, Chrysostomi in Eudoxiam Synesii episcopi in Libyae praesides, et aliorum plurimorum sanctorum Acta testantur.

94. Quam autem efficaces esse solerent apud praesides preces episcoporum, ex Augustino discere, qui ad Marcellinum magistratum in Africa gerentem scribens¹, illud inculcat, magna fides sacerdotii auctoritate: « Quoniam, inquit, Christiano loquor, maxime in tali causa, non arroganter dixerim: Audire te episcopum convenit jubentem, domine eximie et merito insignis, atque carissime fili ». Quod si haec pro reis damnatisque Circumcellionibus Augustinus praestitit, quae putas eum etiam egisse pro insonitibus apud praesides? Agit de iisdem in litteris ad Macedonium proconsulem² datis: quibus et significat, non ita posci ab episcopis delinquentium veniam, ut impuniti permaneant, sed ut ad delictorum poenitentiam reserventur: « Nam quosdam, inquit, quorum crimina manifesta sunt, a vestra severitate liberatos, a societate tamen removemus altaris; ut poenitendo placare possint, quem peccando contempserant, seque ipsos puniendo. Nam nihil aliud agit, quem veraciter poenitet, nisi ut id quod mali fecerit, impunitum esse non sinat ». Haec ipse. Sed ad Eutropium, cujus occasione in haec defleximus, redeamus.

95. *Gainae cum Tribigildo duce tyrannis.* — Quo magis res ejus undequaque florentissimae, nemine adversante, majoribus progressibus surgerent, adeo ut ipse videretur in omnibus imperare imperatori: eo amplius cum aulicorum omnium indigne ferentium eunuchum caeteris anteferri, tum praecipue Gainae ducis exercitus invidiae id stimulos acuit: secum versantis, opera sua Ruffinum imperium invadentem exstinctum, et Arcadium jam sub gladio periclitantem ereptum, et in imperio stabilitum; sed tamen totius rei gestae gloriam atque commodum in Eutropium, ea ipso sibi vindicante, translata. Quamobrem in eum invidia atque odio excruciat, quibus de medio ipsum tolleret, machinari aggressus est dolos. Egit vero in primis cum Tribigildo barbarorum duce, sanguine sibi conjuncto, ut Asiae regiones molestiis infestaret: dum ipse in eum protectus, turpi collusione pugnare detrectat, cum eum obtinere facile potuisset, praetextum illum obtexens, nimirum, haud unico praelio totius Romani imperii aleam committendam. Sieque

colludens, neque dissimulans, egit ut barbarus magna ceperit esse formidini. Sed post tandem, cum sibi visum est opportunum, delegi et ipse voluit perducillis imperii: cum eo desperationis res Arcadii imperatoris redactae sunt, ut quibus Gainas vellet conditionibus pacem redimere cogeretur. Sed quomodo pacta conventa primum in Eutropii interitum conversa sint, dicemus anno sequenti, quo ea omnia contigerunt. Porro Gainae et Tribigildi clades hoc anno illatas in Asiam, cum Sozomenus³ et Socrates⁴, tum etiam Zozimus⁵ pluribus prosecuti sunt. Ex quibus intelliges, quam opportune, collabenti et periclitanti Constantinopolitane Civitati, una cum universo Orientali imperio consuluit Deus⁶, praeficiendo illi Ecclesiae hoc anno S. Joannem Chrysostomum, qui melius quam Simon Oniae filius deorsum jam labentem suffulsit domum, et ruinam minans corroboravit templum.

96. *Gazenses Christiani acriter ab Ethnicis vexati legationem ad Arcadium mittunt, qua fungitur Marcus diaconus, auctore sancto Porphyrio episcopo.* — Hoc item anno contigit legatio Marci diaconi a S. Porphyrio Gazae episcopo ad Arcadium imperatorem adversus Gentiles Gazenses negotium facessentes in ea civitate fidelibus. Quod enim ad tempus spectat: cum per Eutropium imperatoris cubiculo praefectum negotium curatum sit, penes quem erat summa rerum, quem anno sequenti creatum consulem constat cito nece sublatum: et certum sit, a Joanne Chrysostomo Constantinopolitano episcopo idem negotium esse susceptum, qui hoc anno creatus est ejus sedis antistes: dicere opus est, nec ante praesentem annum, nec postea ejusmodi legationem contigisse, sed hoc ipso anno: nam nec ante praesentem annum fuit Chrysostomus episcopus, nec post fuit superstes Eutropius cubicularius. Qui vero hac ipsa functus est legatione, ipse scripsit historiam quam fidelissime Marcus⁷ diaconus Gazensis Ecclesiae, quam intexuit Actis rerum gestarum ejusdem sancti Porphyrii Gazae episcopi.

97. Sed antequam rem aggrediamur, hic meminisse oportet, quae superius sub Constantino, tertio Annalium tomo, et sub Juliano, quarto eorumdem volumine dicta sunt, Gazenses addictissimos Gentilitiae superstitioni fuisse, eosdemque semper dire insectatos esse Christianos, qui apud illos versabantur, temporeque Juliani tum episcopum Asclepam, tum etiam S. Hilarionem praestantissimum monachorum implacabili odio persecutos. Qui vero in ea civitate fideles erant perpauci, extincto Juliano, sub Christianis principibus, petierunt sibi episcopum a Caesariensi metropolitano, sub cujus metropoli Gaza erat. Aceperunt autem post Asclepam Irenionem, et post eum Aeneam, viros plane sanctissimos; ac denum sub Arcadio Porphyrium, de quo agimus, ordinatum a Joanne epi-

¹ Aug. ep. CLIX. — ² Aug. ep. LIII.

³ Sozom. l. VIII. c. 4. — ⁴ Socr. l. VI. c. 6. — ⁵ Zozim. l. v. — ⁶ Eccle. L. — ⁷ Apud Metaph. die 16 Februar. et Sur. lom. I.

scopo Caesariensi. Qui rogatus a fidelibus Gazensibus dari sibi episcopum; probe sciens apostolico homine potenti opere atque sermone illam Ecclesiam indigere, qui iuges Gentilium persecutiones tolerare, et vincere eos ad Christi fidem convertendo valeret, eisdem præfexit eundem S. Porphyrium patria Thessalonicensem, qui in Ægypto apud Scethim in adolescentia vitam monasticam exercuerat annis quinque, totidem vero annos in Palestina, quo visendorum locorum sanctorem amore profectus erat: ubi tandem post multa edita vite sanctissimæ exempla, a Cyrillo (licet errore Prælius scribatur) ejus Ecclesiæ episcopo invitatus creatus presbyter, custosque ligni sanctissimæ Crucis factus erat. Hunc igitur divino monitu accersitum, reluctantem diu, idem Joannes Caesariensis antistes creavit Gazensem episcopum, annum ætatis agentem quadragesimum tertium.

98. Quid autem hic a Gentilibus passus sit, ejus (ut dixi) diaconus Marcus, qui ipsi, jam cum monachus esset, discipulus atque minister inhaeserat, memoriæ commendavit, simplici quidem stylo, sed veritatis candore præclaro, quo et cunctas res ab eodem Porphyrio gestas ad obitum usque prosecutus est. Nos vero omisiss reliquis, ea tantum quæ a tempore episcopatus a Gentilibus Gazensibus passus est, quorum occasione opus fuit legationem ad Arcadium mittere, persequemur. Atque in primis quæ in eum impii idololatæ pagorum Gazensium, cum primo Gazam advenit ordiatus episcopus, perpetrarunt: « Prope Gazam, inquit, pagi sunt in via, qui dediti sunt cultui simulacrorum. Eorum vero incolæ consullo totam viam straverant spinis, et vallis impediunt, ut non possent aliqui transire: effuderunt autem cœnum, et aliis male olentibus fumis vaporarunt, ut nos fœtore suffocaremur, et veniremus in periculum ne vitam amitteremus. Vix tandem autem conservati, circa horam nocturnam ingressi sumus civitatem » : Et postea :

99. « Accidit autem ut illo anno esset scitilas, et defectus pluvie. Cives vero omnes id adscribebant ingressui beati Porphyrii, dicentes: Nobis responsum dedit Marna, fore ut Porphyrius esset auctor malorum civitati ». Vetus hoc erat Gazensium idolum, cui augustissimum templum antiquitus edificatum, sub Theodosio imperatore (ut suo loco diximus) clausum tantum, nunquam autem ob præstantiam molis dirutum fuerat: illud vero rursum præfactorum indulgentia apertum Gazenses ingrediebantur. « Cum autem », inquit Marcus, « pergeret Deus non pluere primo mense, qui ab eis vocatur Dios, deinde etiam secundo, qui dicitur Epilleos; omnes affligebantur. Congregati autem idololatæ in Marnæo, multa sacrificia, et multas preces faciebant ea de causa. Dicebant enim Marnam esse dominum imbrum (Marnam vero dicunt esse Jovem). Cum autem perseverassent septem dies, hymnos dicentes, et egredientes extra civitatem in locum qui vocatur Orationis, animum despondentes, reversi sunt ad sua opera, nulla re effecta.

100. « His sic factis, congregati Christiani cum viris, et feminis, et pueris numero ducentis et octoginta, rogarunt S. Porphyrium, ut cum eis egrederetur, et precaretur, ut demitteretur pluvia: jam enim erat fames: eoque magis, quod beati ingressui adscriberent scitilatem. Persuasus autem sanctus, cum indixisset jejunium, jussit omnes vespere congregari in S. Ecclesia, ut illic vigiliis perageremus. Fecimus autem tota nocte triginta preces, et totidem genuflexiones, præter choros, et lectiones. Cum autem esset mane accepto signo venerandæ Crucis, quod nos præcedebat, egressi sumus cum hymnis ad antiquam Ecclesiam, quæ est a parte occidentali civitatis, quam aiunt ædificasse sanctissimum ac beatissimum Asclepam episcopum, qui multas sustinuit afflictiones pro fide Orthodoxa, cujus vita et facta scripta sunt in paradiso deliciarum. Cum ergo fuisset in dicta Ecclesia, illic quoque fudimus totidem preces; et illinc egressi, ivimus in S. Martyrium gloriosi martyris Timothei, in quo repositæ sunt etiam aliæ reliquie Mæuris martyris, et Thees, quæ relata est in numerum confessorum. Cumque illic fecissemus totidem preces et genuflexiones, reversi sumus in civitatem, factis tribus precibus et tribus genuflexionibus ». Sed antequam reliqua prosequamur, observa tu in his omnibus veteris Ecclesiæ ritus, nempe usum processionis prævio signo crucis, vigiliis, et genuflexionibus. Subdit vero ipse :

101. « Cum autem fuisset circa civitatem, invenimus eam clausam (erat vero hora nona) idololatæ enim hoc fecerunt, volentes dissipare populum, ne perficeremus supplicationes. Cum autem mansissemus duas horas ante portam, et nemo esset qui aperiret: videns Deus populi patientiam, fleusque, et ineffabiles lacrymas, maxime sancti viri: motus misericordia, quomodo tempore magni Eliæ propheta, movet ventum Austrum, et nubibus tegit cælum, et incipiunt fieri fulgura, et tonitrua, simul atque sol occidisset, et decidit multus imber, ut existimarentur non guttæ, sed grando de cælo dejici. Nos autem præ magno gaudio propemodum non sensimus: nos enim eramus invicem complexi. Quidam vero Gentiles cum adspexissent miracula, quæ Deus nobis fecerat, et credidissent, nobis portam aperuerunt: commixti sunt nobiscum, clamantes, CHRISTES SOLUS DEUS, IPSE SOLUS VINCIT. Convenerunt autem nobiscum in sanctam Ecclesiam; et illine beatus eos dimisit in pace, Christi signatos signaculo. Erant autem numero viri centum viginti septem, et feminae triginta quinque, et infantes quatuordecim, ex quibus erant puellæ quinque. Nos autem cum fecissemus perfectam gratiarum actionem, recessimus unusquisque domum cum gaudio et pace.

102. « Tanla quippe pluvia descendit illa nocte et altera die, ut omnes timerent ne domus corruerent, ex quibus plurimæ erant constructæ ex lateribus. Pluit ergo Dominus noster Jesus Christus assidue ab octavo Lydenæi usque ad decimum: est

autem apud eos Lydenæus, qui apud Romanos Januarius: præcedunt autem quinque diebus eorum menses, Romanos. Undecimo vero die peregrinus Theophaniorum diem Domini Jesu Christi cum gaudio, landantes et gratias agentes propter omnia quæ nobis fecit ejus benignitas. Accesserunt autem gregi Christi eodem anno, præter illos centum viginti septem, alii quoque centum quinque». Hæc de his Marcus diaconus. Quod vero ad siccitatem pertinet: non sicut nostræ regiones, hieme lætatur serena Palestina solum, illud præsertim quod Ægypto proximum est, ut Gaza confinis ejusdem: penes quos hibernalis siccitas certam parit frugum sterilitatem; unde et divina benedictio existitur, cum abundantes imbres terram proluunt: hinc illud Isaiæ¹: «Beati qui seminatis super omnes aquas, immittentes pedem bovis et asini».

103. Quæ autem post hæc secuta fuerint, ut opus esset adversus Gazenses Gentiles per legatos expostulare apud imperatorem, idem auctor narrare pergit his verbis: «Alii vero idololatæ non cessabant insidiari beato, et aliis Christianis. Quando enim eis Præses obtingebat gentilis, eum vel pecuniis corruptum, vel etiam per impiam eorum religionem persuasum, inducebant, ut vexaret Christianos: et ab eo tempore beato Porphyrio non levis veniebat afflictio. Assidue ergo noctu et diu rogabat benignum et clementem Deum, ut eos ab errore converteret ad suam veritatem». Quid vero post hæc admiserint in famulum ejus Barocham nomine, virum maxime epium, idem tradit, cum subdit: «Cum autem ivisset Barochas ipse aliquando in vicum propter canonem Ecclesiasticum, non procul a civitate; erat autem is qui canonem debebat, Idololatra: cum vero ab eo canon exigeretur, iisque vellet rem protrahere et differre, et ex eo nata esset inter eos contentio: accersit impius agricolas quosdam ejus pagi ei similes, et incipiunt verberare clavis beatum Barocham; et exportantes eum seminortuum projecerunt extra pagum in solitudinem: illic vero jacebat nufus et nullo sensu præditus. Alio autem die, Dei benignitate, transit per illum locum Cornelius diaconus cum aliis duobus Christianis; et cum invenissent ipsum Barocham, et eum cognovissent, importarunt in civitatem. Cum vero idololatæ eum vidissent portari, arbitrati esse mortuum conversi sunt in furem, propterea quod existimabant esse abominandum, mortuum ferre in civitatem: et cum eum vi eripuissent ab humeris eorum qui ipsum portabant, incipiunt verberare pium Cornelium diaconum et duos Christianos; et ligato pede beati Barochæ, trahebant eum.

104. «Interim autem renuntiunt quidam fratres beato episcopo. Is vero conturbatus me accersit, et alios tres fratres qui inventi sunt apud ipsum, et dicit nobis: Confidentes concurrite, o fratres: est enim tempus martyrii. Postquam autem pervenimus ad locum ubi ligarant beatum, concurrunt po-

pulus: et alii quidem sanctissimum episcopum affliciebant contumeliis; alii vero videntes ejus tolerantiam, et quod, cum contumeliis afficeretur, non irascebatur, sed rogabat unumquemque, dicens, ne sic probris, et contumeliis afficerent corpus quod est obnoxium iisdem affectionibus; fiunt nostrarum partium, et in se invicem convertuntur ad plagas usque. Nos autem eum multum vidissemus confusionem, portantes pium Barocham, discessimus in S. Ecclesiam. Postquam vero vidimus eum adhuc spirantem, ejus curam egimus. Pro eo autem fundebantur per totam vespem, et noctem intense preces: omnes enim fratres convenerant. Sanctus vero episcopus non cessabat lacrymari, et Deum pro ipso rogare: sciebat enim qualis esset ejus divinus zelus. Cum autem vidisset Deus lacrymas sancti pontificis et preces populi (eum enim existimabant ut alium Phineas adversus idololatrias acceleravit ei suam misericordiam, et illa nocte aperit oculos ejus, et incipit loqui, et petere dari sibi potum.

105. «Ego autem qui ei assidebam, statim cucurri, ut renuntiarem beato episcopo. Præ magno enim gaudio oblitus sum dare ei potum: et mihi id accidit quod ancillæ¹ tempore beati Petri, quando audita voce ejus, præ gaudio non aperuit ostium sed eum dimittens, primum annuntiavit his qui erant domi: tale quid ego quoque passus sum. Cum id autem beatus audisset episcopus, non fuit victus ab animi affectione, sed perseverabat in precibus. Nos autem cum intellexissemus ejus firmitatem atque constantiam, eum mittentes, recessimus ego et pius Cornelius diaconus; assidebat enim mecum beato Barochæ. Postquam autem implevit preces, et omnem consequentiam sanctissimus episcopus, ipse quoque nobiscum sedens interrogavit pium Barocham, quemadmodum id esset passus ab initio: ipse vero narravit nobis omnia. Dum nos autem consultarem quid esset faciendum, fit mane. Et ecce defensor populi cum Irenarchis, et duobus primoribus Timotheo et Epiphanio, et aliis multis venientes, incipiunt clamare, et tumultuari dicentes: Cur intulistis mortuum in civitatem, cum patriæ leges hoc prohibeant? Putarant enim Barocham illatum fuisse mortuum. Interim autem contumelia quoque affliciebant beatum episcopum. Nos vero cum tumultum audivissemus, egressi sumus: et cum nos vidissent, ceperunt me verberare, et pium Cornelium diaconum. Cum autem eos qui erant ex populo vocassemus in testimonium, sanctissimus episcopus os nobis obstruebat, unumquemque rogans et admonens ne irascerentur tam inconsiderate. Illi vero impij, quo magis rogabantur, eo magis furebant, et virum sanctum affliciebant contumelia».

106. At plane mirandum post hæc accidit, cum pro defensione suorum Deus armavit infirmiores, nempe Barocham, quem paucas ante horas præeextinctum deplorant: etenim ex his quæ præcesserunt, et subsequuta sunt, ea omnia divino adscribenda

¹ Isai. XXXII.¹ Act. XII.

miraculo, nemo negarit. Quid autem id fuerit, accipe :

« Cum igitur impij pergerent tumultuari, confirmatur et roboratur pius Barochas, et impletur divino zelo; surgitque, et arripit fustem, et incipit verberare eos qui in eum incidebant. Tantis vero illos invasit metus, ut inciperent cadere unus super alium, fugientesque eosque est persecutus usque ad id quod tunc erat Marnæum : reveriturque cum magna victoria novus nosler Samson, stratis mille alienigenis. Ab illo ergo tempore ipsum timebant idololatras, et nec ejus quidem nomen audire poterant ». At hic majus illud consideratur miraculum, quomodo non in eum magistratus etiam in fugam convertentem universa civitas insurrexerit : ut plane nihil sit quod dici possit, nisi illud occidere¹ : « Tunc obriguerunt omnes habitatores Chanaan, robustos Moab obtinuit tremor » : visum est enim illis, mortuum adversus ipsos pugnare, atque plusquam humanis viribus armasse dexteram : sibi vero consultius esse putarunt fugere, quam luctari cum larvis. Porphyrius igitur contemplatus rem tantam divini spiritus robore perpetratam, memor Phineem² una cum ejus posteris a Deo ob zelum mercedem perpetui sacerdotii consecutum, ipsum Barocham ad ordinem diaconatus provexit, ordinato cum eo simul et Marco hujus scriptionis auctore, qui hæc de his subdit : « Brevi autem post tempore dignati sumus ordine diaconatus ego et pius Barochas : ego quidem plane indignus qui cum assequer, ille vero meritissimo jure id assecutus ».

107. Hæc quidem omnia præcesserunt legationem, cum S. Porphyrius venturis quoque malis, ne evenirent, sollicite prospecturus, eundem Marcum diaconum ad imperatorem Constantinopolim legat. Sed præstat audire ipsum hæc omnia exactissime describentem : « Videns, inquit, sanctus pater noster Porphyrius nefaria quæ quotidie fiebant ab idololatriis, statuit me mittere Byzantium ut peterem ab imperatoribus, ut diruerentur templa simulacrorum : Gazæ enim adhuc maxime celebrabatur quod vocatur Marnæum. Et scriptis litteris ad episcopum Constantinopolitanum (cujus laus et gloria memoratur ab omnibus) navigavimus, et spatio viginti dierum eo pervenimus : et redditis litteris beato Joanni, ore cum omnia docui. Cum primum autem audivisset, id significavit Eutropio cubiculario, qui tunc erat assiduus apud imperatorem Arcadium. Cumque ei legisset epistolas beati episcopi, et petiisset ab eo ut concurreret cum litteris; acceptis ab eo promissis, exiit, et dixit mihi : Quietulo animo esto, o fili : spero enim in Dominum Christum, quod suam, sicuti solet, sit facturus misericordiam. Ego vero non cessabam quotidie eundem admonere Joannem. Ille autem mittebat, et instabat Eutropio.

108. « Septem vero post diebus pronuntiatur edictum imperatoris, ut clauderentur simulacra Gazæorum civitatis, et ne consulerentur amplius. Traditur autem hoc jussum in manus cujusdam Hilarii

hominis coadjutoris Magistri Officiorum. Ego vero tribus post diebus egressus sum Byzantio, et spatio decem dierum pervenio in civitatem Gazæorum, septem diebus præveniens Hilarium. Inveni autem sanctissimum Porphyrium ægrotantem.

109. « Postquam vero ei tradidi responsum beatissimi Joannis episcopi Constantinopolitani, et id legit : letitia affectus convuluit a febre. Dicebat autem se in morbum incidisse ex multa afflictione Idololatrarum. Septem vero post diebus venit dictus Hilarius habens duos commentarienses consulatus, et multos adjuutores ex Azoto et Ascalone, et omnes ministros publicos. Statim autem comprehendit tres primores, et accepta ab eis satisfactione, ostendit eis divinis edictum, quod jubebat ut clauderentur idolorum templa Gazæ civitatis; et eversis omnibus quæ erant in eis simulacris, ea clausit : Marnæ vero simulacrum sivit latenter consuli, pro eo plurimis acceptis pecuniis. Rursum autem faciebant ut solebant idololatræ nefaria ». Hic finis Marci legationis, pia Imperatoris mente effectum, qui quærebatur, optimum consecuta, sed ministri avaritia omnino frustrata. Quomodo autem, Christianos iterum lacerantibus ethnicis, ipse Porphyrius post annos tres contulit se ad Imperatorem pro demolitione Marnæi delubri, suo loco dicturi sumus. Quod vero spectat ad S. Joannis Chrysostomi officium adversus idololatriam Gazæorum impensum; plurimum ipsum laborasse, ut et in Phœnicia eam extirparet, suo loco dicemus.

110. Cæterum quantumlibet cupiditate Hilarii cassa prorsus reddita fuerit Marci legatio : haud tamen Dei virtus evacuari potuit, quin de conversione Gentilium trophæa sæpe referret. Nam subdit ibidem Marcus diaconus de Ælia nobilissima femina pariente, quæ cum factum non posset emittere, nec ulla medicorum arte vel deorum Gentilium ope juvaretur, per nutricem fidem, a Porphyrio accepta potestate eam curandi, liberata est : « Cum ei, inquit, nutrix voce magna coram omnibus ait : Dicit magnus sacerdos Porphyrius : Jesus Christus filius Dei vivi te sanat. Crede in eum, et vives. Statim mulier, cum valde ejulasset, edidit factum vivum. Omnes autem qui illi sunt inventi, obstupefacti, exclamaverunt : Magnus est Deus Christianorum : magnus est sacerdos Porphyrius. Die autem sequenti parentes mulieris, et maritus, et cognati, et omnes necessarii euntes ad beatum Porphyrium, prociderunt ad ejus pedes, petentes Christi signaculum. Beatus vero cum eos signasset, et fecisset catechumenos, dimisit illos in pace, et præcipiens eis, ut vacarent sanctæ Ecclesiæ : et paulo post cum omnes catechesi instituisset, baptizavit eos, necnon etiam infantem cum muliere; vocavit autem nomen ejus Porphyrium. Qui vero fuerunt illuminati propter occasionem mulieris, erant numero sexaginta quatuor ». Sicque hoc modo Inni Christus de ethnicis triumphavit hoc ipso anno; post triennium vero demolitione Marnæi perfectam fuit viciniam consecutus : quomodo autem id acciderit, suo loco dicemus.

¹ Exod. xv. — ² Num. xxy.

Anno periodi Græco-Romane 5891. — Jesu Christi 398. — Anastasii papæ 1. — Arcadii 16. et 4. Honorii 6. et 4.

1. *Quinquennalia Honorii*. — Coss. *Honorius* Aug. IV, et *Eutychianus* in Oriente creatus, qui et præfectus prætorio erat. Hi « Consulatam editionibus ludisque celebrarunt : Romæ quidem Honorius Imp. Constantinopoli vero Eutychianus », inquit Socrates lib. VI, cap. 2. Honorius Imperii vivente patre inito *Quinquennalia* celebravit, et ob ea solemnia consulatum capessit.

2. *Obitus S. Siricii PP.* — A num. 1 ad 3. Mortem sancti *Siricii* papæ consignatam reperimus ad *VI kalend. Decemb.* seu ad diem XXVI mensis Novembris in Martyrologiis excuso Bedæ, attributo divo Hieronymo, Rabani, aliisque a Bollandio ad diem XXII mensis Februarii inter prætermisissos citatis. Quare cum die vicesima secunda mensis Decembris anni trecentesimo octogesimi quarti Pontifex Romanus consecratus fuerit, sedit « annos tredecim, menses undecim, dies quinque », non vero, ut Anastasius et passim catalogi habent, annos quindecim, menses undecim, et dies viginti quinque. Anni illi quindecim infarti in librum Pontificalem, quod in epitaphio ejus antiquitus exarato, et a Baronio recitato legatur :

Ter quinos populum qui rexit in annos amore.

Verum epitaphii conditor annos illos utrinque incompletos numeravit. In chronico Prosperi a Labbeo edito, et in quibusdam manuscriptis ejusdem Prosperi, nulla mensium aut dierum mentione facta, *Siricius* dicitur, sedisse annos XIV; nec dubito, quin ita Prosper scripserit, licet in editione Scaligeriana loco, annos XIV positum sit, annos XVI. Baronius *Siricio* annos tredecim, mensem unum, et dies quatuordecim assignat, additque ita omnes Catalogos habere, quod tamen in nullo reperi. In libro Pontificali dicitur *Sepultus V kalend. Martii*. In quibusdam vero Martyrologis, a Florentinio in Notis ad Martyrologium sancti Hieronymi ad diem XXVI Novemb. memoratis, ejus depositio inscribitur ad *VIII kalend. Martii*. Verum uterque dies ad aliquam sancti *Siricii* translationem referendus, ut ejus Pontificatus duratio, et successoris ejus initium manifeste ostendunt.

3. *Siricius papa Hieronymum in Orientem abire permittit*. — De *Siricii* sanctitate Baronius

dubius, eum in Romano Martyrologio non reposuit, et in Annalibus negligentia accusavit. Sed Florentinius laudatus ex pluribus vetustis Martyrologiis ejus sanctitatem adstruit, et ad ea, quæ Baronium movere, ut de illo in Martyrologio Romano sileret, respondet. Primum non probat Baronius, quod *Siricius* exemplo Damasi in conscribendis epistolis Hieronymi opera usus non sit, neque eum, ut par erat, foverit. Certe negari non potest Hieronymum a Siricio initio ejus pontificatus non magni factum; quod plures Romani clerici, invidia et odio in sanctum doctorem flagrantem, persecutionem in eum moverint, ac grave aliquod crimen sancto viro imposuerint; id enim ex illius epistolis colligitur, et monet Baronius anno CCCXXXV, num. 8. Nec difficile erat, magis magisque in eum illos irasci, si palam eos ipse redarguebat, dum Romæ esset, et in epistolis ad amicos post discessum datis, vehementer exagitabat, dum *Pharisæorum Senatam* vocabat, et apertis verbis inicitia, atque pravorum niorum arguebat. Quare *Siricius* criminosis relationibus adversus Hieronymum forsitan circumventus, ad sedandos tumultus illum Romæ non retinuit, sed sanctorum Locorum et studiorum ardore inflammatum, permisit Hierosolymam regredi. Accessit quod sanctus Doctor in *Jovinianum* vehementer calumum stringens, ita virginitatem extulisse visus est, ut matrimonium quodammodo damnare crederetur. Quod licet ab ejus mente prorsus abhorreret, illa tamen communis tunc Romæ fama fuit. Unde *Pammachius* Romæ pariter coactus est exemplaria opusculorum adversus *Jovinianum* subtrahere, quod sanctus Hieronymus Epist. LII ad ipsum Pammachium prudenter et amanter factum laudavit.

4. *Clerici Romani S. Paulinum apud Siricium criminantur*. — Quod autem minus æqui animi in sanctum Paulinum Nolanum Siricium fuisse Baronius reputaverit, id hausit ex prima, nunc ordine quinta, ejusdem Paulini Epistola ad Sulpicium Severum, in qua dolens, dum Romæ fuit, Zelotyporum incendia clericorum addit : « Sed plenius indicare potuerunt conservi nostri pueri tui, quantum nobis gratiæ Dominicæ detrimentum faciat Urbici papæ superba discretio ». Infensum ex hoc Siricius Paulino deducit Baronius anno CCCXIV, num. 90, et causas minoris existimationis venatur : vel quod Pon-

lifex Urbicus seu Romanus inter suos clericos compulare illum noluerit, vel aversatus fuerit, quia repente ex laico Paulinus vir consularis et senatorius in Hispania presbyter, quamvis coactus, evaserit. Sed facile potuit ex eodem penu Clericorum et curiæ Romanæ Paulinus criminari apud *Siricium*, et invidiam in eum conflare, ut in Hieronymum, quod iam monachus contra laxioris vitæ clericos declamaret. Sed vere etiam fatendum est, *Paulinum* ex humana ratione optimum semper non fuisse hominum et eorumdem morum æstimatorem, dum *Siricium* superbæ discretionis insinulat, quem Hieronymus nimie simplicitatis et innate bonitatis quodammodo coarguit; et quamvis sanctitate morum *Paulinus* polleteret, minus acris iudicii reputari potest, dum de unoquoque bonum præsumens, quemadmodum et *Siricius*, etiam Ruffinum ex Palæstina, cum pace et amplexibus Hieronymi discedentem, magni fecerit, *Vigilantium* in longo Hispaniarum itinere non agnoscens laudaverit, et *Melaniam* Origenistarum errorum antesignanam sanctam dixerit, et pluribus laudibus cumulaverit, ut animadvertit Baronius ad annum cccxcvii, num. 3. Cum ergo hæc sanctitati Paulini non obfuerint, ex eodem capite quæ Baronius notavit, *Siricii* sanctitati non detraxit. Sed de *Siricii* sanctitate plura Florentinus laudat.

5. *Anastasius fit papa.* — In libro Pontificali legitur, post *Siricii* mortem cessasse episcopatum *dies xx*; verum interpontificia per hæc tempora in eo libro male consignata, ut jam non semel monuimus. Quare cum *Anastasius* natione Romanus ordinatus fuerit die quinta mensis Decembris, in quam Dominica incidebat, ut ex dicendis in morte ejus manifestum fiet, liquet non tantum Sedem vacasse per *dies octo*; sed etiam initium Damasi et *Siricii*, quod hæcenus male collocatum fuerat, suis diebus et annis a nobis redditum esse. Porro *Anastasium* hoc anno pontificatum suscepisse, testantur Prosper et Marcellinus in Chronicis. Papebrocius, qui in Conatu Chronico-Historico ordinationem *Siricii* cum die quinta Januarii anni cccclxxxv male affixit, ejus mortem, et Anastasii ordinationem optime collocavit. Sed Baronius, qui initium *Anastasii* cum die xiv mensis Martii perperam copulavit, vel ex gestis Romæ a *Ruffino* ante mortem *Siricii* refellitur; ex iis enim patet, *Siricium* usque ad mensem Novembrem vitam produxisse, cum Ruffinus ante finem anni superioris Romam non adventarit.

6. *Solatur Hieronymus Pammachium de morte Paulinæ uxoris.* — A num. 14 ad 49. Epistola Hieronymi ad *Pammachium*, quæ ordine est xxvi, quæve cum de morte Paulinæ uxoris ejus sanctæ Paulæ filii solatur, hoc vel superiori anno scripta. Hieronymus enim in Epist. xxx ad Oceanum, ait: «Quartæ ætatis circulus volvitur, ex quo ad Heliodorum episcopum Nepotiani scribens epitaphium, quidquid habere potui virum, in illorum dolore consumpsi. Ante hoc ferme biennium Pammachio meo pro subita peregrinatione Paulinæ brevem epi-

istolam dedi». Quare cum Epistola ad Heliodorum anno cccxcvi data sit, Epistola xxx ad Oceanum, anno cccxcix vel anno c scripta; Epistola vero xxvi ad Pammachium, hoc vel superiori anno. Cumque in fine Epistolæ xxvi mentio sit de *Pauliniano* sancti Hieronymi germano tunc a se in Italiam misso, colligitur, *Melaniam* et *Ruffinum* exeunte anno trecentesimo nonagesimo septimo ex Oriente discessisse. Hieronymus in secunda Apologia adversus Ruffinum, scribit, *Paulinianum* post annum navigationis Ruffini Romam profectum esse, ideoque anno currenti, ut Baronius num. 6 recte observavit. Quare non video, sententiam Emin. cardinalis Norisii, lib. 2 Hist. Pelag., cap. 2, quæ docet Ruffinum anno cccxcvi ex Oriente digressum esse, sustineri posse. Sic enim hic annus secundus esset commorationis Ruffini in Urbe, aut etiam tertius inchoatus, qui tamen primus tantum fuit. *Paulinam* in flore adhuc juventutæ defunctam *Pammachius* vir proconsularis, ut ait Palladius in Lausiaca, cap. 122, iuxta secundum Hieronymum Epist. xxvi consulum pronepos, multis prosecutus est lacrymis, et largissimis etiam in pauperes elemosynis refovit. Quo utroque cum nomine et consolator et commendat Paulinus Epistola xiii, quæ alias erat xxxvii, et pars Epistolæ xxxiii. Hæc vero Paulinæ laudibus subinde inspersa est.

7. *Terminus Christianæ religioni ab Ethnicis præfixus.* — A num. 19 ad 22. Baronius Chronologiam suam auctoritate divi Augustini, lib. 18 de Civit. Dei, cap. 53, confirmatam existimavit. Ait enim Augustinus, Ethnicos excogitasse nescio quos versus, quos in vulgus tanquam oracula jactabant, quibus assererant, Christum cultum iri «per trecentos sexaginta quinque annos», quo annorum numero completo, Religio Christiana «sine mora sumeret finem». Quibus verbis cap. sequenti hæc subjicit Augustinus: «Ex ipso anno querendum est, quando trecenti sexaginta quinque completi sint. Mortuus est ergo Christus duobus Geminis coss. octavo kalendas Aprilis, etc. ac deinde aliis atque aliis accessibus credentium crevit Ecclesia. Ac per hoc colligitur etiam dies, ex quo annus ipse sumpsit initium, scilicet quando missus est Spiritus Sanctus, id est, per idus Maias. Numeratis proinde consulibus, trecenti sexaginta quinque anni reperiuntur impleti, per eandem idus Maias, Consulatu Honorii et Eutychiani». — «Quam quidem Augustini supputationem», inquit Baronius, «nostræ Chronographiæ optime convenire cognoscis: siquidem quem nos numeravimus Domini annum trigessimum quartum, ipse a Die Pentecostes numerat primum. Porro numero trecentorum sexaginta quinque annorum si addas triginta tres, utique reperies a nascente Domino, usque ad dictos anni hujus Consules Honorium et Eutychianum recte numerari annos trecentos nonaginta octo». Ita Baronius. Verum fallitur Cardinalis doctissimus: Augustinus enim Christi mortem illigat consulatui duorum Geminorum, qui incidit in annum æræ Christianæ vicecesimum nonum, ut nunc tandem inter eruditos

omnes convenit, non verò in annum ejusdem aëre xxxiv, ut perperam Baronius explicat divum Augustinum, quem supponit illi anno Christi mortem illigare, cum tamen ibidem Augustinus diserte asserat mortuum Christum « duobus Geniis coss. » qui consulatus secundum Baronium concurret cum anno Christi xxxi, a quo ideo cccclxv illorum annorum initium repetere debebat, sique non annos cccclxv, sed cccclxvii reperisset, ex quo necessario intulisset numerum illum cccclxv annorum depravatam esse.

8. *Corrigitur locus D. Augustini corruptus.* — Hujus loci corruptionem neque Patres Benedictini in postrema Operum S. Augustini editione animadverterunt, nec ullus alius quem viderim, cum tamen illud in dubium revocari non possit. Loco itaque *trecenti sexaginta quinque anni reperiuntur impleti*, legendum *trecenti sexaginta novem anni reperiuntur impleti*. Similem depravationem in omnibus Augustini codicibus reperiri, anno cxxxii, num. 6, visuri sumus; neutraque corruptio mira videri debet, cum in numeris vel in vocibus eos experimentibus, in quibus lapsus facilis, sita sit.

9. *Lex xxxi de Episcopis data non fuit adversus hæreticos.* — A num. 22 ad 33. Honorius legem Cod. Theod. 31 *de Episcopis*, sub hujus anni coss. emisit *VII kalend. Maii Mediolani*, camque inscripsit *Theodoro*, qui præfectus prætorio Italiæ erat. Ea Honorius capitali pœna puniri jubet, irruentes in « ecclesiam, et sacerdotibus aut ministris sen clericis, vel ipsi cultui vel loco injuriarum » inferentes. Quam legem cum ad Africam pertinere ex iis, quæ in ejus fine leguntur, animadvertisset Baronius, existimavit occasionem ei præbuisse Donatistarum *Circumcellionum* vesaniarum, eorumque in Catholicos impetum: de quibus multa loca ex Augustino in medium adducit. Inde infert Baronius, Augustini libros tres *contra litteras Petiliani* Donatistæ Cirtensis episcopi elaboratos fuisse ante hanc Honorii legem, qua capitale supplicium adversus inferentes injurias in personas et loca sacra decernitur; quod Augustinus lib. 2, cap. 20, scribat: « Nullam quidem legem ab imperatoribus datam, ut occideremini, recolo ». Verum hæc Augustini verba nihil commune habent cum hac lege Honoriana; cum ea adversus hæreticos emissa non fuerit, ideoque inde minime innoscere possit, quo tempore tres illi libri ab Augustino editi sint. Gothofredus in illius legis commentario recte observat, perperam eam accipere de *Effractoribus* Ecclesiarum aut de *sacrilegio* in commune, quod ferme faciunt interpretes, additque conjecturam Baronii non esse improbabilem. Verum cum in ea lege nihil occurrat quod de hæreticis specialiter intelligi possit, præferenda ejusdem Gothofredi conjectura, quam lectoribus ita proponit. « Erunt, inquit, forte, qui horum temporum statum spectantes ita existimaturi sunt, Gildoniaci in Africa belli profligati occasione hanc legem ab Honorio promulgatam. Nempe *Honorius* paulo ante profligato Gildone, partim Urbis annonæ,

quam *Gildo* vexaverat, prospectum ivit, ut ex variis legibus hoc anno ab eodem imperatore eodem mense Aprili datis, et eidem Theodoro præfecto prætorio inscriptis patet, partim provincialium Afrorum securitati prospexit. Calumniatoribus inter cætera repressis, qui tyrannis profligatis, de more emergere soliti, quo pertinet mense superiore Martio lex ult. Cod. Theod. *de Calumniatoribus*, item violentis in Ecclesiam irruptoribus repressis. Ad quam securitatem pertinere videatur hæc lex; cum jam forte *Gildonis* fautores, satellites, in Ecclesiis pervestigarentur, etiam inter ipsa sacra ». Ita Gothofredus, qui in veram hujus legis causam penetrasse videtur, licet eam cum hesitatione proponat.

10. *Quo anno libri adversus litteras Petiliani scripti.* — Patres Benedictini, tom. ix Oper. divi Augustini, in Admonitione prævia ad libros tres contra litteras Petiliani, aiunt, Augustinum loco laudato hanc legem 31 de Episcopis non recoluisse, « forte an quia eam in Africa contra Donatistas executioni demandatam nunquam viderat. Præterquam quod an ea lex ad Donatistas spectaverit, fueritque anno cccxcviii promulgata, non satis liquet ». Verum hæc lex neque contra hæreticos, neque contra Donatistas in speciali data fuit, et legem tam Ecclesiis, quam earum ministris adeo salutarem, hoc anno in Africa, ad quam pertinebat, promulgatam non fuisse, omnino improbabile. Recte tamen observarunt, libros istos circiter annum quadringentesimum compositos esse; cum Augustinus et lib. 1, cap. 9, non obscure significet scribere se post mortem *Optati Gildoniani*, quæ non sub hujus anni finem, ut ipsi scribunt, sed mense Aprili, ut mox videbimus, contigit, et lib. 2, cap. 92, num. 210, aliam de auferendis idolis, quæ anni sequentis est, Honorii legem aperte indicet, ac denique his libris locum in Retractionibus assignet post opuscula quadam sua, quæ anno cxi aut cxi elucubrauit.

11. *Petilianus partis Donati defensor acerrimus.* — *Petilianus* in Donati parte Episcopus, advocatus forensis antea fuerat, quem *Cirtæ*, quæ civitas est Numidia, cum Catholicis Catechumenis esset, raptum fuisse a Donatistis, et per vim ab iis baptizatum, nolentemque ordinatum, refert Augustinus tam in Sermone de gestis cum Emerito, quam in lib. 2 contra litteras Petiliani, cap. 104. Evasit postmodum *Petilianus* partis Donati defensor acerrimus, fuitque unus ex septem episcopis delectis, qui in Carthaginiensi collatione anno cxi habita, adversus Catholicos totidem episcopos disputarunt. *Petilianus* tres illas, quas refellit Augustinus Epistolas, Donatianis presbyteris et diaconis contra Catholicos scripsit. In libro secundo ait Augustinus cap. 51, *in qua* (nempe Cathedra Ecclesiæ Romanæ) *hodie Anastasius sedet*. Quare cum hic mense Decembris anni quadringentesimi primi supremum diem obierit, libri illi post cum Christi annum exarati non fuerint. Baronius num. 31 suspicatur, aut duos fuisse Petilianos, quorum alter *Cirtæ*, alter *Constantinæ* Epi-

scopus fuerit, vel irrepsisse errorem in titulum Commentariorum contra litteras Petilian, ut loco *Constantinianensis*, *Cirtensis* sit positus. At *Cirta Constantina* etiam appellata, indeque Augustinus Petilianum modo *Cirtensem*, modo *Constantinensem* Episcopum appellat, quod in dubium revocari non potest.

12. *Augustinus scribit libros adversus Petilianum et Parmenianum*. — Post tres libros contra litteras *Petilian*, Augustinum libros contra Epistolam *Parmeniani* episcopi Carthagenensis partium Donatistarum, scripsisse, tradit Baronius num. 32. Quare hos libros circiter annum quadringentesimum in lucem datos scire putant Patres Benedictini in Admonitione prævia ad illos, tom ix Oper. D. Augustini. In Retractationibus enim sub opere de Consensu Evangelistarum, quod ad annum circiter eo revocant, collocantur. Præterea quoties in illis de *Optato Gildoniano* loquitur Augustinus, ejus tyrannidi finem impositum significat, tandemque in lib. 1, cap. 9, dicit Deorum « simulacra everti atque confringi jussa esse recentibus legibus ». Hujus vero anni initio Optatus Gildonianus interijt, et eæ leges anno sequenti ab Honorio datæ. *Parmenianus* Donatistarum apud Carthaginem episcopus *Tichonio* Donatistæ Epistolam scripsit, ut suæ communionis hominem præclara quædam ex Scripturis testimonia et argumenta pro Ecclesia Catholica scriptis suis inserentem coliberet. Eam *Parmeniani* Epistolam tribus libris aggressus est *Augustinus*, in quorum priori injustis querelis, quas ille effudit in Catholicos, occurrit, et in duobus ultimis Scripturæ testimonia, quibus imperitos decipere *Parmenianus* conabatur, ad legitimum sensum reducit.

13. *Concilium Carthaginense quintum vulgo appellatum*. — Ad num. 33 et seqq. Baronius existimavit, Concilium Carthaginense, *quintum* vulgo appellatum, *post Consulatum Cæsarii et Attici*, hoc sc. anno, *die VI kalend. Junii* celebratum esse, quia id in quodam codice Ms. se legisse dicit. Præterea hanc synodum inter Carthaginenses, quæ canones edidit, non *quintam*, sed *tertiam* dici debere contendit. Verum Justellus in præfatione ad *codicem* canonum Africanæ Ecclesiæ observat, hanc synodum *post consulatum Fl. Stiliconis*, anno sc. cni coactam esse, indicare collectionem Ms. Isidori Mercatoris, in qua legitur : *Post consulatum Fl. Stiliconis, XVI kalend. Julias*. Deinde præterquam quod Baronii sententia mutat ordinem Conciliorum Carthaginensium, quomodo anno cni celebrari potuit Concilium Carthaginense *quintum VI kal. Junii*, aut *XVI kal. Julii*, cum Codex canonum Africanorum *XVI kal. Jul. post consulatum Stiliconis*, referat aliud concilium inferius memorandum? Quare ex eodiemni varietate colligendum, inquit Schelstratus in dissert. in de Ecclesia Africana, cap. 9, consulatum addititium esse; cumque anno eo nullum aliud Africanum Concilium celebratum reperitur, huic anno Concilium Carthaginense *quintum* assignat, et hoc pacto omnes diffi-

cultates superat, quæ moveri possunt tam circa ordinem Conciliorum Africanæ, quam circa rescripta imperatorum de abolendis idololatriæ reliquiis. Legenda quæ de hoc Concilio habent, Marca in dissert. de veter. collect. can., cap. 8, et Gothofredus in commentario leg. 17 Cod. Theod. *De paganis*, nobis enim nihil hactenus occurrit, quo Concilii Carthagenensis *quinti* epocha certo definiri possit.

14. *Gildo tyrannus Africae debellatus*. — A num. 35 ad 63. Adversus *Gildonem*, Africae tyrannum exercitus Romanus movit præcedentis anni exitu, certe hyeme, ut anno superiori num. 37 ostendimus. Fuit *Gildo* comes et magister utriusque militiæ per Africam, ut ostendit inscriptio leg. 9 Cod. Theod. *De adulteriis*, et testatur Zozimus lib. 3, pag. 788. Sive autem tyrannidem in Africa moliretur, sive quod Africam Occidentali imperio delatam, Orientali adjuncam vellet, sub finem anni trecentissimi nonagesimi sexti Africam sibi vindicare cepit. Apud Claudianum his verbis Roma conquiritur.

Spes unica nobis
Restabat Libyæ.

Et mox :

Hanc quoque nunc Gildo rapit sub fine cadentis
Autumni.

Et paulo post :

Quem veniens induxit hyems, mox perculit hostem.

Statim Senatusconsulto, prisco more, Romæ facto, publicus hostis declaratus, bellumque in ipsum decretum, ut videre est apud Claudianum in laudes Stiliconis lib. 1, et apud Symmachum in Epist. 4 ad Stiliconem, lib. 4. Tandem præsentis anno, teste Marcellino in Chronico *Gildo* debellatus, mox et strangulatus sua manu interijt. Superatus est ante diem xii mensis Aprilis, ut ex tribus Constitutionibus hoc anno datis deducit Gothofredus in Chronologia Cod. Theod.

15. *Et quidem ante diem xii Aprilis*. — Prior est lex 4 *De canone frumentario Urbis Romæ*, qua Honorius annonæ Urbis Romæ consuluit, fraudibusque annonæ Urbicæ damnosis occurrit. Altera est lex unica *De pretio panis Ostiensis*, qua idem Imperator annonæ Urbis Romæ plene consuluit, pretio videlicet panis statuto, panis nempe Ostiensis, seu Ficalis. Tertia lex 20 *De Pistoribus*, in eundem finem data *VII kalend. Maii*, die nempe xxv April., cum jam due priores die duodecima Aprilis emissee fuissent. Posteriolem legem ad Africam pertinere, manifeste apparet ex leg. 31 *De Episcopis* publicata *VII kalend. Maii* currentis anni, qua irruentium in Ecclesias per Africam impetum variis rationibus persequitur *Honorius*, et in ejus legis fine de Judicibus Africanis et Comite Africæ, qui militibus præerat, loquitur. Datæ hæ leges, quia gravissima fames

Romæ exorta fual, propter retardatum ex Africa comneatum; de qua fame Claudianus de bello Gildonico, lib. 4 in Eutropium, lib. 1 in laudes Stilliconis, Symmachus lib. 4, Epist. iv, et Prosper in Chronico imperiali mentionem faciunt. Sed non tantum laudatæ leges ad Africam, et ad annonam inde asportari solitam pertinent; sed et ad victoriam de *Gildone* relatam, ut ex lib. 7, Epist. lxxv Symmachii clare deducitur. Is enim narrato metu, in quo propter bellum fuerant Romani, subjungit jam meliorem spem affulgere, Urbenique de alimonia provideri.

16. *Imo ante ejusdem mensis initium.* — Imo ante mensem Aprilem devictum fuisse *Gildonem*, ostendit lex 3 Cod. Theod. *De calumniatoribus*, data hoc anno Mediolani *III id. Mart.* Nam, ut in ejus comment. observat Gothofredus, tyrannis aut debellatis aut cæsis, exoriri passim solebant *delatores* eorum, qui tyrannorum partes sectati fuissent, aut eisdem favissent: adeo ut promiscue innocentes etiam ab hujusmodi delatoribus accusarentur, inimicos suos forte hoc tyrannidis prætextu perditos volentibus. Quare laudata lex *De calumniatoribus*, ab Honorio, post Gildonem tyrannum in Africa superatum, emissa; quod et inscriptio demonstrat: data est enim *ad Victorium Proconsulem Africæ*: et ipsa quoque temporum ratio suffragatur, cum in verum tempus, quo Gildonem devictum docet Claudianus citatus, ea lex incidat (t).

17. *Annus emortalis D. Ambrosii ex interitu Gildonis deductus.* — Quæ accuratius a nobis explicata, ut pateat, divum *Ambrosium* præsentī anno die decima septima mensis Aprilis, supremum diem obire non potuisse, sed ante illum diem ac annum jam demortuum, licet Henschenius in Exercitatione *De die et anno mortis sancti Ambrosii*, præfixa tomo 1. SS. mensis Aprilis, id sibi persuaserit, Orosius enim, qui hoc tempore vivebat, lib. 7, cap. 24, de Gildone prostrato loquens, ait: « Ardalis (luminis nomen est) quod floit inter Thebastem et Metrideram civitates: ubi cum parva manu, hoc est, cum quinque millibus, ut aiunt, militum contra septuaginta millia hostium, castrametatus, (nempe Mascezil adversus Gildonem ab Honorio imp. missus) cum interjecta mora excedere e loco, oppositasque præjacentis vallis angustias transgredi vellet, intercurrente nocte, beatum Ambrosium episcopum Mediolani paulo ante defunctum per somnium sibi videre visus est; significante manu, et impacto ad humum ter baculo, dicentem: Illic, hic, hic, addens, his verbis annuntiatam fuisse victo-

riam post tres dies de Gildone reportatam ». Quod miraculum non solum Marcellinus in Chronico hoc anno; sed etiam Paulinus in Vita sancti Ambrosii narrat, atque Paulinus: « Nos tamen ea Mediolani positi, ipso Masceziel referente cognovimus. Nam et in hac Provincia, in qua nunc positi describimus, plurimis hoc ipsum retulit Sacerdotibus; quibus etiam referentibus, securius ante nobis cognita, huic libro adungere arbitrati sumus ». Quomodo ilaque divus Ambrosius, qui sabbato sancto vita functus est, usque ad hunc annum vitam producere potuit; cum Pascha die decimo octavo Aprilis celebratum fuerit, et *Gildo* ante mensem Aprilem, saltem ante duodecimum hujus mensis diem, *Ambrosii* jam demortui ope prolignatus fuerit? Profecto si laudatæ leges post victoriam de hoc tyranno reportatam promulgatæ sunt, de quo non videtur dubitandi locus, sancti Presulis mors anno præcedenti certissime contigit, ut anno cbalio argumento ineluctabili rursus demonstro.

18. *Concilium Carthaginense vulgo quartum appellatum.* — A num. 67 ad 77. Concilium Carthaginense, vulgo *quartum* appellatum, habitum *Honorio Aug. IV et Eutychiano* cons. sexto idus *Novembris*, ideoque hoc anno, ut inter omnes convenit, nisi quod Baronius illud *quintum* appellat, et Justellus, ac plerique cum eo Protestantes supposititium censent; quod nullibi apud antiquiores Latinos, nec ab auctore Concilii vulgo Africani, nec a Ferrando, nec a Dionysio, nec ab iis qui Codicem canonum Ecclesiæ Africanæ in græcum transtulere, ulla sit mentio de canonibus centum et quatuor, qui eidem adscribuntur. Verum illud esse genuinum, ostendunt Marca in Dissert. de Veter. Collect. canonum, Perronius in Responsione ad regem Angliæ, cap. 48, et Schelstratus in Dissert. in de Ecclesia Africana, cap. 8, ubi perosque ex ejus canonibus explicat. Existimo autem cum Perronio istos omnes canones in hoc Concilio statutos non esse, sed aliquos in aliis Conciliis Carthaginensibus conditos huic attributos; canone enim primo habetur, in examine episcopi ab eo exigendam professionem contrariam hæresibus tunc vigentibus, et ab eo inter alia petendum, « Si in Baptismo omnia peccata, id est, tam illud originale contractum, quam illa, quæ voluntarie admissa sunt, dimittantur »: quod contra hæresim Pelagianam constitutum esse, nemo dubitare potest. Et tamen Pelagius non nisi anno cxxi damnatus reperitur, nec in Africam venit ante annum cxxi. Schelstratus quidem laudatos arbitrat, librum a Cœlestio Pelagii discipulo conscri-

(1) Quanquam valida sint argumenta Pagii, nonquam tamen in animum mihi induco, ut credam victoriam de Gildone relatam ad alium, quam ad præsentem annum pertinere, cui aligant uno consensu et Fasti Idaciani, et Chronicon Marcellini, ac denique Fasti a Bollandistis Tom. 1 *Supplém. ad acta SS. Junii* vulgati. Ad argumenta autem Pagii responderi potest, 1. Gildoni non universam parvisse Africam, cum ibi tunc pariter sui essent ab imperatore constituti præsides, ut constat de Probuo procons. Africæ, ad quem lata est l. lxx. *Quænam. n. n. Civit.* data Mediolani *XVI kal. Apr.* in Codice Theodosiano. Secundo ab eisdem imperatoris præfectis curari potuit, ne annona (que interdum a Gildone prohibita fuit) semper impelleretur. Quin et canon frumentario supplendi fuisse ex Trausalpina Gallia et Hispania constat ex Claudiano in Eutrop. lib. 1. legitur forente adhuc Gildone, dari commodè poterant ab Honorio leges, in quibus et præfecti Africæ commemorantur, et frumentum procurato disponeretur. Ad illud quod addit A. 400. 2 de SS. MM. Sisinnio et Sociis, damus quidem illos obuisse *IV kal. Junius* anni cccxcvii, sed negamus id contigisse paulo post obitum S. Ambrosii, quanquam id asserit Paulinus in vita ejusdem: fieri enim potuit, ut Paulinus resciret quidem annum S. Ambrosii emortalæ, et in assignando anno martyri SS. illorum errasse. Gildonis obitus non annum tantummodo, sed et diem designat fragmentum Pastorum Bollandianorum; habet enim *Gildo occisus est prid. kal. Augusti*, quod non improbabile judico. MANST.

plum contra peccatum originale mitti potuisse hoc tempore in Africam; sed re maturius discussa, non video Cælestii librum, de quo infra, ita hoc tempore innotescere potuisse, ut hujus decreti occasio fuerit, eo magis quo hujus postea statuti sequentia Carthaginensia Concilia non meminerint.

19. *Lex de Clericis ex numero Monachorum ordinandis data ab Honorio non est.* — Lex 32 Cod. Theod. de *Episcopis*, qua Arcadius clericos et monachorum numero ordinari voluit, quod ante et post hanc legem Patribus visum, indeque multi e Monastica vita in clerum translati, perperam a Baronio, num. 74, Honorio attribuitur, est enim Arcadii, ut probat Gothofredus in ejus Comment. Huius hic titulus est: *Iidem A.A. Casario PP. P.*, id est, *idem Augusti*, sc. Arcadii et Honorii *Proprefecto*. Hæ quippe note PP. vel PP. non interpretandæ sunt *Prefecto Prætorio*, sed *Proprefecto*, ut observat Gothofredus in hujus leg. comment. Hinc Ammianus, lib. 23, ubi de Alypio, et lib. 27, ubi de Civili agit, ait eos Proprefectos dioceses regere, et curare; et in veteri inscriptione habetur: *Symmachus Proprefectus Prætorio in Urbe Roma finitimisque Provinciis*, ut videre est apud Gothofredum in comment leg. 15 Cod. Theod. De *paganis*. Certe *Casarius* hoc anno præfectus prætorio esse non potuit, neque Italia, neque Galliarum, neque Orientis, neque Hlyrici, ut ex Chronologia Cod. Theod. liquet. Cumque ex Prosopographia ejusdem Codicis constet, eum varias dignitates Theodosio Magno imperante gessisse, non dubium quin Proprefectus in Oriente hoc tempore fuerit.

20. *S. Chrysostomus fit Episc. Constantinopolæos.* — A num. 77 ad 79. Marcellinus in Chronico refert sub hujus anni cons. S. *Joannem Chrysostomum* Constantinopoli in locum *Nectarii* Pontificem suffectum esse, sed nec diem, nec mensem ejus ordinationis memorat. Socrates vero lib. 6, cap. 2, ait: « Ordinatus Joannes in episcopali sede constituitur quarto kalendas Martii consulti proxime insequenti » Honorii sc. IV et Eutychiani. Quibus ex verbis quidam viri docti deduxere ordinationis episcoporum per hæc tempora diebus Dominicis Constantinopoli fieri solitas non fuisse; cum dies vicesima sexta Februarii hoc anno in feriam sextam inciderit. Verum Socrates diem illum, non ad *Chrysostomi* ordinationem, sed ad ejus enthronismum manifeste refert; et ex dicendis patebit, episcopos Constantinopolitanos Joannis successores diebus Dominicis aut festis solemnioribus semper consecratos fuisse. Georgius quidem Alexandrinus episcopus in Vita S. Chrysostomi num. 20 scribit, eum die xxvi mensis Februarii ordinatum fuisse, sed non dubito, quin futilis hic auctor diem enthronismi pro die ordinationis nobis obtrudat.

21. *Arcadius legem emittit adversus Eunomianos et Montanistas.* — Postquam *Chrysostomus* ad sedem Constantinopolitanam evectus fuit, varias leges ab Arcadio, ut res Ecclesiasticæ melius constituerent emittendas curavit. Harum prima fuit lex

34 Cod. Theod. De *hæreticis*, data IV non. Mart., qua Eunomianorum clerici, et Montanistæ omnibus urbibus expelli jubentur, quin et ruris cælus agitare vetantur, et libros eorum sub eorum adspectibus comburi. Pænæ tam severe Eunomianis et Montanistis impostite ostendunt eos admodum pertinaces fuisse. Quod de Eunomianis ex Chrysostomo liquet, et ex Synesio quoque Epist. v ubi eos in comitatu quosdam habuisse fautores scribit, deque eorum in Ptolemaide perugijs ad quorundam domos et agros agit. Præterea sacerdotes ad eos eruendos cohortatur citra lucri cupiditatem, cum tamen tum nonnulli pretio corrupti mollius cum illis agerent, eosque elabi sinerent; alii vero eis eruentibus res eorum caperent.

22. *Finis discordiæ inter Paulinum et Flavianum ob Episcopatum Antiochenum exortæ.* — A num. 79 ad 81. Ipso etiam sui episcopatus exordio *Chrysostomus Theophilum* episcopum Alexandrinum rogavit, ut Romanum episcopum Flaviano reconciliaret, inquit Sozomenus lib. 8, cap. 3, qui addit ob illud negotium *Acacium* episcopum Beroeæ et *Isidorum* Roman missos esse, et eorum opera Antiochenæ Ecclesiæ concordiam redditam. De hac legatione mentionem facit Palladius in Dialogo de Vita Chrysostomi, atque *Acacium a Flaviano* Antiocheno episcopo, cujus erat suffraganeus, *Isidorum* vero missum esse a *Theophilo* Alexandrino. Theodoretus lib. 5, cap. 23, de hac legatione loquens ait: « Illic », nempe Acacius, « una cum reliquis Roman veniens diuturnam simultatem, quæ septendecim annos duravit, sedavit, pacemque inter Ecclesias composuit ». Baronius illius discordiæ initium repetit a principatu Juliani Apostate ob electionem Paulini episcopi Antiocheni: a quo tempore usque ad præsentem annum cum plures quam septendecim annos fluxisse videret, existimavit eam *Acacii* legationem longe ante hæc tempora factam fuisse. Verum, ut Valesius in Notis ad Theodoretum observat, accurata est hæc enumeratio: cæperat enim ea discordia a *Flavianii* ordinatione, anno trecentesimo octogesimo primo; antea quippe per pactionem illam, quæ in Concilio Antiocheno Paulinum inter ac Meletium inita fuerat, sedata esse videbatur. Sed eo anno, ut videre est apud Baronium, cum *Meletio* demortuo *Flavianus* in Antiochenam sedem successisset, ea rursus suscitata, rursumque hoc anno, quo *Acacius* legationem obiit, sopita.

23. *Tribigildus incipit turbare Imperium Orientale.* — Ad num. 95. *Tribigildus*, qui militibus in Phrygia præerat, *Gaïna* duce exercitus instigante, verno tempore, magnos motus in Phrygia excitare cepit. Nam Claudianus in Eutropium lib. 2, num. 110 ait:

Militor alternum zephyri jam bruma teporem
Senerat, et primi laxabant germina flores:
Jamque iter, in gremio pacis, solenne parabant
Ad muros, Ancyra, tuos, auctore reperiunt
Eutropio, Pelagi ne fœdia longa subirent.

Tum inducit Martem, urbes et provincias contra Eutropium incitantem, praesertimque Phrygiam. Sub numero 145, hæc habet Claudianus.

Ostrogothis collitur, mixtisque Gruthingis.
Phryx ager. Hos parvæ poterunt impellere cause
In scelus : ad mores facilis natura reverti
Sic ea ; in nostro quando jam milite robur
Torpuisset, et molli didicisti parere Magistro.

Ac denique numero 235, ostendit Claudianus, ut Tribigildo duce pars Phrygiæ deficere coeperit ; tum Lydia, Pisidiaque. Zozimus lib. 5, ubi hanc historiam accurate narrat, de Gaina scribit : « Non enim tantopere contemptus urebat hominem, quantum Eutropius ad summum jam potentie fastigium elatus : adeo quidem, ut etiam inter Consules designaretur », anno scilicet præsentis, cum sequenti consulatum gesserit.

24. *Legatio a S. Porphyrio episcopo Gazensi ad Arcadium missa.* — Ad num. 96 et seqq. Sanctus Porphyrius Gazæ episcopus ad Arcadium imp. adversus Gentiles Gazenses misit Marcum diaconum suum, Eutropio cubiculario nondum ex aula expulso, ut liquet ex ejus vita ab eodem Marco diacono ejus ac discipulo scripta, et ab Henschenio ad diem xxvi mensis Februarii latine recitata, quia autographum græcum ad nos non pervenit. Quare recte Baronius hanc legationem cum præsentis anno illigavit. Utitur auctor ille *Æra Gazensi*, cujus initium desumitur a die vicesima octava mensis Dius, seu Octobris anni periodi Græco-Romanæ 5433, ut in Apparatu Chronologico ad Annales Baronii, eo anno ostendi, et nuper Emin. cardinalis Norisius in dissert. 5 de Epochis Syro-Macedonum, cap. 2 et seqq., nummis et aliis antiquitatis documentis demonstravit. Ex eo vero quod Marcus scribit, sanctum Porphyrium obiisse *die secundo Dystri* (seu die xxvi mensis Februarii) *anno Gazensium cmlxxx, episcopatus ab eo gesti vicesimo quarto, mense undecimo*, recte colligit card. Norisius ejus consecrationem contigisse anno Gazensium cmlv vere circiter ineunte. Narrat Marcus, mortuo *Andrea* episcopo Gazæ, ob exorta de novi episcopi designatione dissidia, *Joannem* Cæsareæ archiepiscopum, re intellecta, *Porphyrium* Hierosolymis, ubi degebat, ad se evocasse, statimque *Porphyrii* ordinationem recitat. Quare ea peracta post annum Christi cccxciv, cum in Synodo Constantinopoli celebrata Arcadio Aug. III et Honorio II coss. *tertio kalend. Octob.*, anno sc. cccxciv. *Gelasius* archiepiscopus Cæsareæ in Palestina interfuerit, ideoque eo die Joannes nondum eam dignitatem adeptus sit, et Gelasius ejus decessor adhuc vixerit. Is enim post *Euzoium* Cæsareæ episcopus fuit, ut testatur Hieronymus in Catalogo Script. Ecclesiast., et Euzoius « sub Theodosio principe Ecclesia pulsus est », ut docet idem Hieronymus. Quare nonnisi post Gelasium *Joannes* Ecclesiam Cæsareensem rexit, ordinatusque fuit

anno cccxciv, aut insequenti, ante finem Martii, ut ex dictis colligitur, non vero anno cccxcvi, ut vult Henschenius citatus, aut currenti, ut Baronius num. 97 arbitratur.

25. *S. Porphyrius ante episcopatum presbyter per triennium fuit.* — Ante episcopatum Porphyrius *tribus annis* presbyter fuerat. Ait enim Marcus cap. 2 : « Cum hæc ita se haberent, audiisset autem S. Porphyrii nomen et vitam, qui erat Sanctorum Locorum sacerdos, Praylius, cum accersit, et invitum ordinavit presbyterum ». Paulo post : « Tribus autem annis, postquam fuerat ordinatus, accidit, ut episcopus prædictæ civitatis Gazæ e vita excederet ». Quare circa annum Christi cccxcii, Porphyrius consecratus a Praylio, qui cum circa annum cxcvi Hierosolymitanæ Ecclesiæ episcopus dictus fuerit, liquet, quando ordinavit *Porphyrium*, Hierosolymorum chorepiscopum fuisse. Anastasius enim patriarcha Hierosolymitanus fuerat antea custos sacrorum vasorum sanctæ Resurrectionis et chorepiscopus, ut tradit Cyrillus monachus in Vita sancti Euthimii abbatis tomo 1 *Analectorum* Græcorum nuper publicata : indeque manifestum fit, *Praylium*, quemadmodum postea *Anastasium*, ante episcopatum Hierosolymitanum sanctæ Resurrectionis chorepiscopum fuisse. Hinc Baronius num. 97 perperam putavit, *Praylium* ibidem loco *Cyrylli* positum esse, eo magis quo ipse fateatur, sanctum *Cyryllum* Hierosolymitanum episcopum ante annum cccxc ad Deum migrasse.

26. *Arcadius ne Marnas consulatur, prohibet.* — Porphyrius videns nefaria, quæ quotidie Gazæ fierent ab idololatris, Marcum Byzantium mittere statuit, ut ipsemet Marcus cap. 4 testatur, ut peteret ab imperatore dirui templa simulacrorum : « Gazæ enim adhuc maxime celebrabatur, quod vocatur Marneum ». Marcus, ubi Constantinopolim pervenit, litteras Porphyrii sancto Chrysostomo dedit qui eas legit Eutropio cubiculario, et « septem post diebus pronuntiatum edictum imperatoris, ut clauderentur simulacra Gazæorum civitatis, et ne consulerentur amplius ». Verum Hilarii ejusdem, qui edictum consignatum fuerat, avaritia illud irritum fuit, quia Marnæ simulacrum *sivit latenter consuli*. Hieronymus tamen in Epistola ad Letam scribit : « Marnas Gazæ luget inclusus ». Nomine *Marnæ* Gazenses ipsummet *Jovensem* esse adorare profitebantur : ait enim Marcus : « Congregati idololatæ in Marnæo, multa sacrificia et preces faciebant ea de causa ; dicebant enim Marnam esse dominum imbrium », et Jovem in Creta natum colebant, quem Syria voce, Græce tamen inflexa, per antonomasiam *Marnam*, id est, *Dominum hominum* nuncupabant, ejusque nomine Nummos obsignabant, ut videre est apud Em. card. Norisium loco laudato.

Ad hunc annum transferenda quæ superiori anno de *Ruffini* discessu in patriam dixi, sicuti et de ejus interpretatione librorum Periarchon, ac de sancti Nicetæ Nolani adventu.

ANASTASII ANNUS 2. — CHRISTI 399.

1. *De Manlio Theodoro consule, ejusque doctrina.* — Anno qui sequitur Christi trecentesimo nonagesimo nono, consulatus Manli Theodori et Flavii Eutropii eunuchi nomen dedit. Verum alterum consulum tantum nempe Theodorum, expuncto Eutropio, vetera retinent monumenta.

Sed ad limen anni hujus paululum considens remoretur oratio, antequam ulteriora scrutetur. Quod enim ad Theodorum, cognomento Manlium, spectat : Christianus hic erat, et adco eruditus, ut eloquentia inter omnes ejus ætatis celebres oratores emitteret facile princeps. Quantum autem huic S. Augustinus tribuerit, et sibi eum prætulit, ipsum audi¹ : « *His, inquit, temporibus (ut omittam cæteros) vir et ingenio, et eloquentia, et ipsis insignibus muneribus fortunæ, et, quod ante omnia est, mente præstantissimus Theodorus, quem bene ipse nosti (matrem enim suam alloquitur) id agit, ut et nunc, et apud posteros nullum genus hominum de litteris nostrorum temporum jure conqueratur. Mei autem libri, si quorum forte manus tetigerunt, lectoque meo nomine, non dixerint, iste quis est? codicemque projecerint : sed vel curiosi, vel nimium studiosi, contempta vilitate liminis, intrare perrexerint, me tecum philosophantem non moleste ferent.* » Hæc Augustinus, qui ad hunc ipsum Theodorum, apud Mediolanum ruri dum ageret, librum scripsit de Beata vita, de quo in Retractionum commentario², dum ejusdem Theodori meminisset : « *Displacet autem illi, inquit, quod Manlio Theodoro, ad quem librum ipsum scripsi, quamvis docto et Christiano viro, plus tribui quam deberem.* » Qui et alibi³ ejusdem meminisset consulatus.

2. Sed et Claudianus⁴, quamvis Ethnicus, cum tamen Paucyrum de ejusdem Theodori consulatu cecinit, dum hominem ex diversorum magistratum functione commendat, celebratque virum omnibus scientiis eruditum et eloquentissimum omnium ; virtutem ejus animi præ cæteris extulit ; a cujus præconio auspiciatus carmen, ita præcinit :

*Ipsa quidem virtus pretium sibi, solaque late
Fortunæ securo nitet, nec fascibus ullis
Erigitur, plausuve petit clarescere vulgi.*

Et post multa de eodem virtutis merito ab Honorio in ordinarium consulatum evecto, deque Honorio imperatore, qui eum creavit consulem, hæc addit :

*Quem quater ipse gerit, perfectio detulit anno,
Deposuitque suas, te succedente, curules.
Crescite, virtutes, fecundaque floreat ætas.
Ingeniis pateat campus : certusque merenti
Stet favor : ornatur propriis industria donis.
Surgite sopite, quas obruit ambitus, artes.
Nil hæc invidia, etc.*

3. Fuisse autem Theodori lucubrationes excellentissimas, idem Claudianus affirmat, et inter alia de Gensi et partibus animæ ; de quibus ipsius lucubrationibus idem ipse paulo superius :

*Vel quis non sitiens sermonis mella poluit,
Deserat Orpheus blanda testudine cantus?
Qualem te legimus teneri primordia mundi
Scribentem, aut partes animæ, per singula talem
Gerimus, et similes agnoscit pagina mores.*

Hæc et alia plurima de ipso Claudianus, ad quem lectorem rejicimus. Tali tantoque Manlia prisca gens, Christo conjuncta, illustrata crevit honore, cum eum tum nostri, tum exteri in Theodoro plurimum commendarent. Sed dolemus clarissimi viri scriptorum memmenta esse deperdita. Hactenus vero de altero consulum Romæ creato.

4. Porro qui in Oriente ab Arcadio consul collega creator Eutropius, quod eunuchus, servilisque generis, et perditis moribus esset, minime dignus habitus est ut Latinis consularibus fastis adscriberetur. Ad ipsum enim alludens hæc Claudianus⁵ :

*Non hic violata curulis,
Turpia non Latios incestant nomina Fastos.
Fortibus hæc concessa viris, solisque gerenda
Patribus, et Romæ nunquam latura pudorem.*

¹ Aug. de ordin. l. 1. c. 24. — ² Aug. retract. l. 1. c. 2. — ³ Aug. de Civit. Dei, l. XVIII. c. ult. — ⁴ Claud. de C. Theod.

⁵ Claud. de C. Theod.

Videas enim in antiquis marmoribus incisus inscriptionibus hunc annum nomini Theodori consulatu signari, sicut etiam et Honorii imperatoris rescripta, atque alia vetera monumenta. Sed nec penes Orientales consulatus ejus memoria reliqua fuit: nam eo damnato, ipsius quoque et Fastis expunctum est nomen, ut idem Claudianus¹, necnon Socrates atque Sozomenus affirmant, relictum tradentes nomen tantum Manlii Theodori. Cæterum claudicans altero pede annus, felicior tamen ope divina cucurrit.

5. *Eutropius ex imo ad summum evectus, potentia abusus in odium incidit; confugientem ad Ecclesiam Chrysostomus a furore populi liberat, et de eo orationem habet.* — Certe quidem pro monstro habitum est, ut eunuclus assuetus gynæcæis, summum attigerit apicem dignitatum, ac tanto præsertim junctus collegæ consul eligeretur: unde et merito idem vates²:

Omnia cesserunt eunucho consule monstra.
Hæc! terræ culique pudar: trahata per ubera
Ostentatur anus, litulumque effeminat anni.

Ante consulatum autem, cum et pro arbitrio habenas moderaretur imperii, adeo eminebat Eutropius summæ potentiæ splendore consensu, ut in ipsum potius, quam in Arcadium conversi essent omnium simul cum oculis animi honorum cupidi. De his enim Suidas³, post recitatos improbos eunuchorum mores ex Cyrillo, hæc subdit: « Sub Eutropio eunucho tutore Arcadii (Theodosii) imperatoris, genus eunuchorum propter illius auctoritatem et potentiam adeo crevit atque auctum est, ut nonnulli jam barbati cum eunuchi fieri vellent, et se Eutropios fore sperarent, vita privati sint una cum testibus, etiam Eutropio amisso. Auræ statuæ ipsi passim collocabantur, et ædificia extruebantur, et ab eo illustrabantur splendidiora tota urbe ». Ilac ipse.

6. Quod enim in sacris Proverbiis est⁴: Contremiscere terram per servum cum regnaverit: ita plane accidit Eutropio eunucho ad turpem usum sæpius vendito, ac tandem dominium assecuto: sed et divinæ quoque Scripturæ consentientia de eo Claudianus his versibus⁵:

Asperius nihil est humili, cum surgit in altum.
Concisa ferit, dum cuncta tuncet; desavit in omnes,
Ut se posse potent. Nec bellua tetrior ulla est,
Quam servi rabies in libera colla furentis, etc.

Addita vero potentia cum sævitia, incensa semper ardens in eo fax, totum plane Orientale pessumdedit imperium. Toleravit tamen omnia ista deus, quousque profanus sacra non tetigit: cum vero et ad altare miseros confugientes crudelitas et impietas ejus invasit, protinus divinam in se vindictam sensit

armatam. At quomodo id acciderit, jam aggredimur enarrare.

7. Cum Eutropius multa arte quæsitum et industria aucupatum tandem consulatum adeptus esset; mox infelix nesciens in summo honore summam sibi ignominiam comparavit. Etenim (quod Zozimus et alii testantur) etsi antehac Gainas in Arcadium parum æquo esset animo, quam ob causam tot tumultus per Tribigildum excitarat in Asia: audito autem Eutropium sibi infensissimum hoc anno ad consulatum usque provectum, majori æstuans ira, furore barbarico debacchatus in Asiam potentia Tribigildi fœdere sibi conjuncti, eo tandem desperationis res imperii Orientalis adiecit, ut coegerit Arcadium imperatorem, quas ipse vellet pacis conditiones subire. Cum barbarus ferox animo fretus viribus Tribigildi, quem suo moderabatur arbitrio, inter alias pacis condiciones illam licet indignam imperatore, justam tamen Eutropio, præscripsit Arcadio, nempe ut sibi ille dederetur Eutropius Consul. Zozimus enim rem gestam sic narrat¹:

8. « Postulata vero a Gainæ », ab imperatore scilicet, « hæc continebant, ut malorum omnium auctor Eutropius sibi dederetur, in quem ipse statueret quicquid vellet. Illis auditis Arcadius, et accersit Eutropium, et abrogata dignitate dimittit. Eutropius cursu ad Christianorum Ecclesiam pergit, quæ ab illo tempore jus asyli consecuta refinet ». Opus habuit confugere ad Ecclesiam, qui haud pridem (ut vidimus anno superiori) jus Ecclesiæ superba licentia violaverat. Aderat tunc temporis ibi Joannes Chrysostomus, qui miserrimum altaris presantem basin protexit: nec sivit inde a satellitibus abstrahi hominem, nisi apposito ab imperatore jurejurando, non dandum fore ad necem Gainæ ipsum Eutropium. Acta sunt hæc paulo post Paschatis dies, cum imperator milites, atque populus communibus votis ac vocibus necem Eutropii conclamassent. Sed cum imperator audisset ipsum ad Ecclesiam confugisse, religione repressus, veluti divinitatis quibusdam fulgoribus repercussus, continuit se; imo et furentes adhuc milites, habita oratione, compescuit, ne in Ecclesiam ad necem hominis auderent irrumperere.

9. Populus tantum, cui patebat Ecclesia, et timebatur, ne odio quo in Eutropium flagrabat, in eum inflesio agmine insiliret, ut compesceretur, esse reliquum videbatur. Sed quomodo quis exundantem torrentem aquarum imbris momento temporis exsiccare, vel retrorsum flectere humanis viribus valuisset? Præstitit id tamen divina virtute Chrysostomus, pollens viribus eloquentiæ: suggestumque consedens, silentium manu indicens, concionaturus ad populum mira dicendi arte, in eo primum versatus est, ut in Eutropium invectus, cum omnium miserrimum populo ostentaret; ut sic illud, quod conabatur, efficeret, nempe ut eum ad ejus commiserationem inflecteret, agereturque pro

¹ Claud. in Eutrop. l. II. — ² Claud. in Eutrop. l. I. in prin. —

³ Suid. verbo σκῆλον. — ⁴ Prov. XXX. — ⁵ Claud. in Eutrop. l. I.

¹ Zozim. l. v.

ejus vita rogaret, qui in ipsius caput inclamans, nuper in Ecclesiam ingressus erat. Porro Socrates, sive alii qui animi Chrysostomi consilium minime perpenderunt, sane impudenter arrogantiae sancto episcopo notam inuenerunt, quasi superbe nimis in miserum humi prostratum Eutropium insultarit. Ut igitur ab hac calumnia tantum vindicemus antistitem: hic recitanda est ipsa tunc obiter dicta concio; ex qua prudens lector intelliget, quam miro usus est eloquentiae artificio, ut in Eutropium concitatum populum mitigaret. Quod et egregie praestitit: usque adeo ut, furore deposito, pro miserando Eutropio populus lacrymas etiam funderet, et ne daretur neci, precibus apud Deum atque regem pariter expetierit. Sed hic ipsam admiratione maxime dignam reddamus orationem, ab exceptoribus tunc, ut se habet, ex more conscriptam: est autem hujusmodi:

10. « Si unquam antea, nunc maxime licet dicere: Vanitas vanitatum, omnia vanitas. Ubi nunc inclytus ille consulatus splendor? Ubi illustres illi fasces? Ubi applausus illi ac choreae, epulaeque et festi conventus? Ubi coronae et aulae? Ubi strepitus urbis, et illae Circensium spectatorum faustae acclamationes et adulationes? Omnia illa praeterierunt: procella vehemens folia dejecit, arborem spoliatum reddidit, jam radicibus vacillantem: tantaque vis venti impacta est, ut cum nervos ejus universos concusserit, tum ipsam funditus prosternere minetur. Ubi nunc fucati illi amici? Ubi computationes et cenae? Ubi parasitorum examen, et merum per totam diem exhaustum, variaeque coquorum artes, et potentatus cultores illi ad gratiam omnia dicere ac facere assueti? Omnia illa nihil nisi nocturnum somnium fuerunt, appetente die, evanescens: flores fuerunt verni: vere exacto, maruerunt omnia: umbra erant, et praeterierunt: fumus erant, et soluta sunt: bulla erant, et dirupta sunt: araneae erant, et lacerata sunt. Quapropter spirituale hoc dictum occinamus, indesinenter dicentes: Vanitas vanitatum, omnia vanitas. Hoc enim dictum in parietibus, in vestibus, in foro, in aedibus, in viis, in fenestris, in jannis, sed potissimum in uniuscujusque conscientia continenter inscriptum esse oportet, omnique tempore cogitationi olversari: quandoquidem negotia fraudulenta, et personata ac inimica veritatis opinionem apud plerosque sibi paraverunt. Hoc dicto in praedio, in cena, in caetu hominum, quemque proximum suum compellere oportebat, idemque ab illo vicissim audire, nempe, quod Vanitas vanitatum, et omnia vanitas.

11. « Annon assidue tibi dicebam, fugitivas esse divitias? tu vero nos non ferebas. Annon dicebam, fugitivi servi eas naturam habere? tu vero credere volebas. Ecce experientia docuit, quod non solum fugitive et ingrate, sed homicidae etiam sunt, ut quae in metum te nunc conjiciunt. Nonne dicebam tibi, cum me indesinenter objurgares vera monentem, quod ego tibi potius amicus essem,

quam adulescentes, ego redargutor majorem tui curam gererem, quam qui tibi omnia obsequerentur? Nonne et hoc addebam, fide digniora esse vulnera ab amicis, quam ultro se ingerentia oscula inimicorum? Si mea vulnera tulisses, handquaquam tibi illorum oscula hoc exitium attulissent: mea enim vulnera sanitatem afferunt; illorum oscula morbum immedicabilem tibi conciliaverunt. Ubi nunc poecillantes tui? Ubi qui in foro populum de via decedere cogebant, tuasque laudes passim apud omnes deprædicabant, transfugerunt, deseruerunt tuam amicitiam, suam securitatem tuis periculis quaerunt. At non tales nos: sed et tunc, quamvis ægre ferentem, non destitimus, et nunc collapsum protegimus, et curamus. Ecclesia a te hostiliter habita, expanso sinu te suscepit: theatra autem magnis obsequiis a te culta, quorum causa sæpius nobis infensus fuisti, et prodiderunt te et perdididerunt. Attamen nunquam destitimus hisce verbis alloqui: Cur ista facis? in Ecclesiam debaccharis, et te ipsum in exitium præcipitem agis? Et tu hæc omnia monita neglectum prætercurrebas: et Circensis quidem multitudo, exhaustis in se tuis facultatibus, gladium in te acuit: Ecclesia vero tuo furore exagitata, ultro citroque cursitat, si quo pacto te ex his casibus implicitum extricare queat.

12. « Et hæc nunc dico, non quo prostrato insultem, sed quod eos qui adhuc stant, tutiores reddere cupiam: nec ut plagam vulnerati refricem, sed ut nondum vulneratos in sanitate conservem: non ut jactatum fluctibus demergam, sed ut eos qui secundis auris navigant, erudiam, ne forte cum ipso navigio in profundum deferantur. Quo autem modo caveri possit? nimirum si rerum humanarum mutabiles consideremus. Si enim iste mutationem timuisset, nunc eam non pateretur. Sed quoniam iste nec domesticis nec alienis consiliis corrigi potuit: vos saltem, qui divitiis extollimini, hujus calamitatem in vestrum profectum convertite. Nihil enim est humanis rebus infirmius: quapropter quocumque nomine earum vilitatem significaveris, minus quam pro rei veritate dixeris; vel si fumum eas, vel fœnum, vel somnium, vel flores vernos, vel quodlibet aliud nominaveris: usque adeo sunt fragiles, et magis nihili quam nihil ipsum. Quod autem non solum nihil sint, sed et in præcipiti stent, vel hinc apparet.

13. « Quis hoc homine fuit excelsior? Nonne in toto orbe divitiis præcellebat? Nonne ad ista fastigia honorum conscendit? Nonne omnes eum formidabant ac verebantur? Sed ecce factus est et victis miserior, et servis miserabilior, et mendicis fame tabescentibus indigentior, per singulos dies præ oculis habens gladios in se exacutos, et præcipitia, et carnifices, et viam quæ ad supplicium ducit. Ac neque memoria præteritarum voluptatum fruatur, imo ne luce quidem communi; sed meride quoque tanquam in densissima nocte, angustis parietum inclusos, oculorum usu privatur. Et quorsum hæc commemorare attinet; cum quantumvis admirar,

nullis verbis exprimere valeam, quis illi animus sit per singulas horas capitis supplicium expectanti? Aut quid nostris verbis opus est, cum ipsis calamitatis imago ob oculos nostros versetur? Nuper namque missis ad eum a rege qui vel per vim hominem pertraherent, eum ad sacraria confugisset, buxo pallidior factus, nunc quoque nihilo meliorem quam mortui colorem obtinet. Accedit huc dentium arietatio, tremor lotius corporis, vox singultiens, et lingua titubans, in summa talis habitus, qualem oportebat habere animam, quæ jam metu obri-guisset.

11. « Hæc dico, non exprobrandi causa, neque insultans ejus infortunio, sed ut animum vestrum molliam, et ad commiserationem pertraham, eoque inducam, ut præsentii hominis pena sit contentus. Quoniam enim multi sunt e nostris adeo inhumani, ut nos etiam incusent, qui eum suscepimus: illorum duritiam nostris sermonibus mollire volens, miseria istius traduco. Quid enim est, quæso, dilecte, quod indigne fers? Dices: Quia in Ecclesiam confugit, qui eam indesinenter oppugniabat. Atqui hoc polissimum nomine glorificandus erat Deus, quod permisit eum in tanta consilii necessitate, ut et potentiam Ecclesiæ, et clementiam disceret: potentiam eo quod in tantam incidit mutationem ob similitudinem, quam cum illa habebat: clementiam vero, quod infestatorem suum obiecto nunc scuto protegat, et alarum obtentu tucatur, præteritarumque injuriarum oblita. sinus ei amantissima pandat. Hoc enim quovis trophæo splendidius, quavis victoria illustrius: hoc Ethnicos, hoc Judeos pudefacit: hoc placiditatem vultus ejus ostendat, quod hosti captivo pareat, et ab omnibus desertum ac contemptum, ut amantissima mater suis velamentis occultet, regis simul iræ et intolerabili populi furori ac odio se opponens: hoc ipsum est eximium altaris ornamentum.

15. « Dices: Illoccine ornamentum, hominem scelestum, avarum, rapacem altaria contingere? Cave talia dixeris: quandoquidem et meretrix pedes ipsius Christi contigit, incesta illa et impurata: nec tamen hoc in crimen Domino Jesu cessit, sed in laudem magnam et admirationem. Neque enim purum impura offendit; sed scelestam meretricem purus et inculpabilis suo contactu purificavit. Cave injuriarum memineris, o homo! Crucifixi illius servi sumus, dicentis: Dimitte illis: non enim sciunt quid faciunt. Dices: At præcluserit hujus loci refugium legibus scriptis, quibus hoc irritum facere conatus est. At nunc re ipsa dilicet, quale sit quod fecit, et suomet facto legem suam primus abrogavit, factus orbis totius spectaculum; et sileat licet, omnes tamen admonet: Nolite hæc facere; ne qualia ego, patiamini: sua calamitate alios docet: et altare hoc ipso illustrem ex se splendorem emittit, ac venerationem sibi comparat, quod leonem vinctum contineat. Quandoquidem et regiæ effigiei non tantum ornatus ex eo contingat, si solio rex sublimis sedeat purpuratus et diademate redimitus, quantum

si sub pedibus quoque regis barbari manibus post terga revinctis proni jaceant.

16. « Et quod non verba modo sint ad persuadendum parata, vosmet festinatione vestra hæc concursu attestamini. Etenim præclarum hoc vobis spectaculum, et hilaris conventus contigit: nec minorem nunc video populi frequentiam, quam in proxima sacra Paschæ celebritate. Adeo exciti estis istius silentio, quod in præsentiarum quavis tuba clariorem sonum emittit. Et virgines penetralibus, et mulieres gynæceis, et viri foro vacuo relicto, universi huc concurristis, ut humanam naturam traduci videre-tis, et sæcularium negotiorum momentaneam mutabilitatem detegi, illamque in republica versantium speciem, heri ac nudius tertius præclarissime splendentem. Talis enim est ex alienis injuriis felicitas quavis anicula rugosa deformior demonstrata, mutatione reipublicæ, ac si spongia, ejus tectoria fun-cosque abolente. Tanta nempe est hujus infortunii vis, quæ virum felicem conspiciumque nunc om-nium abjectissimum reddidit.

17. « Introeat dives aliquis, et magnam utilita-tem percipiet: videns enim a tam excelso fastigio delapsus eum qui totum orbem nutu contuebatur, ac formidine contractum, quavis rana aut lepore timidiorem, et absque vinculis columnæ huic hæ-rentem, et vice catenæ timore affixum trementem-que; deprimet fastum suum; et consideratis quæ in humanis casibus considerata sunt, discedet re ipsa doctus, quæ verba Scripturæ nos docent: quale est illud¹: Omnis caro fenum, et omnis gloria ho-minis ut flos fœni: aruit fenum, et flos ejus deci-dit. Item illud²: Sicut fœnum cito aresecit, et sicut olera virentia cito decident: quoniam sicut fumus dies eorum sunt: et reliqua similia. Contra pauper introgressus, et spectaculum hoc animadvertens non displicet sibi ipse, neque sortem suam deplorat; sed gratias insuper paupertati habet, quæ sibi et asyli vice sit tutissimæ, et portus tranquillissimi, et arcis munitissimæ: et his visis, si detur optio, mal-let præsentii conditione contentus esse, quam om-nium facultatibus paulisper occupatis, mox in pro-prii sanguinis periculum venire. Vides quod non parva utilitas divitibus, et pauperibus, celsis et hu-milibus, servis, et ingenuis ex hoc istius refugio enata est? Vides ut cum remedio quisque hinc abit, hujus rei spectaculo affectus suos curaturus?

18. « Num igitur mollivi vestros animos aut indignationem expuli? Num inhumanitatem ex-stinxi? Num ad commiserationem adduxi? Equidem adduxisse me opinor: idque ex vultibus vestris et lacrymis colligo. Quandoquidem igitur terra cordis vestri in pinguem et fertilem agrum versa est: age jam fructum quoque misericordiæ proferentes, flau-ventesque commiserationis spicas præferentes, pro-cumbamus regi ad genua, vel potius deprecemur benignissimum Deum ut emolliat iram regis, et cor illi tenerum dare dignetur, quo hanc gratiam inte-

¹ Isa. XL. — ² Psal. XCI.

gram ab ipso auferre possumus. Jam enim ex illo die, quo huc confugit iste, non parva est facta mutatio. Postquam enim cognovit rex eum ad asylum hoc se recepisse, affluente milite, et concitato ob ejus crimina deponenteque hominem ad supplicium, longam habuit orationem, qua militarem indignationem compesceret, postulans ut non culpam modo, sed etiam recte factorum rationem haberent : ut qui pro illis gratiam deberet ; et si quid humanum secus accidisset, ignoscendum duceret. Cum autem illi de integro urgerent ad vindictam læsi regis, clamantes, exilientes, ad mortem deprecantes, haslas vibrantes ; tum vero ne a lacrymis quidem clementissimis suis oculis temperans, et sacrosancte mense, ad quam perflugerat, religionem illis incutiens, ægre tandem iram eorum sedavit.

19. « Admoveamus igitur nos quoque, quæ a nobis adhiberi par est. Qua enim ipsi venia digni essetis, si rege propriam injuriam condonante et oblito, vos nihil tale passi in ira obstinate pergatis ? Aut quomodo hoc cœtu soluto, sacramenta contrectabitis, et præcationem illam dicetis, qua rogare jubemur : Dimitte nobis debita nostra, sicut et nos dimittimus debitoribus nostris : si a debitore vestro penas exigatis ? Injuris vos forte magnis affecit ac contumeliis ? ne nos quidem istud indicia ibimus. Sed non tribunalis est præsens tempus, sed misericordiæ potius ; non repetundarum, sed clementiæ ; non examinationis, sed condonationis ; non suffragiorum ac calculorum, sed miserationis et gratiæ. Ne igitur quis vestrum accendatur, neve ægre ferat ; sed potius mitissimum Deum deprecemur, ut reo vitam proroget, eumque ex impendente cæde eripiat, ut ipse errata sua corrigat : et communi opera interpellemus clementissimum regem pro Ecclesia, et allari, unum hominem sacrosanctæ mense donari obsecrantes. Quod si fecerimus ; et regi gratum faciemus ; et Deus, vel magis quam rex factum nostrum approbabit, magnanque nobis hujus humanitatis mercedem retribuet : sicut enim crudelium et inhumanum aversatur et odit ; ita misericordem, et humanum amplectitur et amat ; eique sive justus sit, splendidiore plectit coronas ; sive peccator, peccata ejus dissimulat, commiserationis erga conservum talionem illi retribuens. Misericordiam volo, inquit ¹, et non sacrificium ; et per universam Scripturam vides eum semper hoc requirere, atque hanc peccatorum medelam adhibere. Proinde nos quoque ad hunc modum illum propitiemus. Sic enim peccata nostra redimemus : sic Ecclesiam ornabimus, sic et regem clementissimum (ut dixi) demerebimur : ita fiet ut universus populus nobis applaudat, et usque ad fines orbis terræ humanitatis et clementiæ nostræ rumor celebretur, mercedemque sinus ubique terrarum laudem nostri facti recepturi. Ut igitur talibus bonis frui contingat, accedamus ad genua, obtestemur,

deprecemur, eripiamus a periculis captivum, profugum, supplicem : ut et ipsi futura bona consequamur, gratia et benignitate Domini nostri Jesu Christi, cum quo Patri gloria simul et Spiritui sancto in secula seculorum. Amen ».

20. *Eutropii damnatio et alia ejusdem facta.* — Cum hæc autem in hunc modum S. episcopus magna dicendi efficacia perorasset, populumque in Eutropium exasperatum non mitigasset tantum, sed pro eo supplicem apud Deum et imperatorem reddidisset : illud plane admiratione dignum effectum est, ut Ecclesiæ immunitate integra illibataque conservata, Joannes Chrysostomus obtinuerit tandem, ut Eutropii capiti parceretur, in quod jam post Gainam, et rebellem exercitum imperator primum, mox milites, inde populus ardentissimis studiis conclamassent. Qui igitur omnium studiis atque vocibus petebatur ad necem ; permissus vivere, exilii pœna mulcatur, relegandus in insulam Cypri. Sed nec a S. antistite sic deditur Eutropius imperatori, nisi juramento magistratus exhibitio illi secunda reddita esset ; quod tamen postea barbari ducis fuit voluntate delusum. Nam Zozimus ¹ : « Urgente, inquit, Gaina, et ad eandem ejus Arcadium impellente ; qui principis negotia tractabant, jusjurandum Eutropio præstitum cum extraheretur ex Ecclesia, per cavillationem eludentes, eum e Cypro revocant. quasi qui jurasset, non se morte mulceturum ipsum quandiu Constantinopoli foret, Chalcedonem missum interdicunt ». Ista Zozimus. Deportatum illum quidem fuisse in Cyprum, etiam Claudianus ² affirmat : securi vero percussum, So crates ³, atque Sozomenus ⁴.

21. Simulque tradunt, tunc abrasum Eutropii consulis nomen e Fastis ; quod evenit, cum damnatus est exilio, ut cecinit Claudianus his versibus :

Scindere nunc alia medilatur ligna securi,
Fascibus et tandem vapulat ipse suis.
Illicite consul pœnas, se consule, solvit :
Annus qui trabas, hic dedit exilium.
Infansum populus in se quoque vertitur omen :
Saxit in auctorem prodigiosus honor.
Albato penitus respirant nomine Fasti,
Maturamque luem sanior aula vomit.

22. Quod vero Joannes Chrysostomus ea oratione testetur, milites in Eutropium concitatos esse ob offensam imperatoris, nihilque de Gainæ petitione, pactisque conventis cum Arcadio meminerit : hic reddenda est causa, quam quidem infensum reddidisse Eutropium ipsi imperatori, Nicephorus ⁵ affert his verbis, incipiens ab injuria in Eudoxiam Augustam ab eo illata : « Super alia enim convitia, et illud minabundus adiecit, brevi fore, ut ex imperiali aula abductam, ipse domum remittat. Iffa autem vehementi fervens ira, filiolam utramque (nempe Pulcheriam, et Arcadium) in utrisque ulnis

¹ Matth. ix.

¹ Zozim. l. v. — ² Claud. in Pref. l. ii. in Eutrop. — ³ Soer. l. vi. c. 5. — ⁴ Sozom. l. viii. c. 7. — ⁵ Niceph. l. xiii. c. 4.

ferens, ad virum accessit, queritans atque lamentans : liberos etiam commiserationis gratia protendens, prolixè collaerymavit : alia insuper fecit, quæ mulierem indignatione flagrantem, et virum ad condolentiam pertrahere volentem, facere par est. Atque Arcadius conjugem et liberos miseratus, ad iram ipse quoque accensus est, ardentique iracundia et verborum potissimum gravitate imperatorem verum se præstitit. Proinde Eutropium dignitate omni et opibus cunctis spoliatum in Cyprum insulam exulatum misit. Brevi vero post, quod eo tempore, cum consulatum iniiit, ornamentis præter dignitatem usus esset, quæ soli imperatori gestare liceret, accusatus, atque inde abductus, et apud Pantychium, ubi iudicium concilium consererat, Aureliano præfecto, aliisque illustribus viris causam ejus cognoscentibus, gravium criminum reus pertractus, capitis supplicium subiit. Res Eutropii ita se habuere ». Hactenus Nicephorus.

23. Sed nec tacendum de Eutropio, quod magni momenti est scisse (ne quid excidat) fuisse ipsum Ethnicum, a religione Christiana penitus abhorrentem : unde ex his amplius habes, quo efferas Christi præconia, dum Christianorum et Ecclesiæ hostem, ut necem effugeret, ad Christi altare profugum compulsi, invitum licet, confiteri vel facto saltem Christi potentiam. Quod enim Gentilis fuerit Eutropius (licet id alii dicere prætermiserint) auctor est S. Prosper, qui res gestas sui temporis scripsit : de ipso enim post Symmachum æque Ethnicum hæc ait ¹ : « Eutropius quoque præpotens plurimum, anima et mente Paganus, cum in contumeliam Ecclesiæ edictum obreptit ab Arcadio Christiano imp. subriperet, ut si quis ad eam confugeret, etiam ab altari sublatus, pœnas lucret ampliores; divino iudicio suæ sententiæ prior propinatus est : offensam quippe prædicti regis incurrens, ad ejus refugium, quam oderat, convolvit. Quem sancta mater pietatis gremio suo suscepit inimicum; cui per venerabilem sacerdotem Joannem impetrans veniam, osori et superbo vitam contulit et salutem : ejus exemplo cunctos admonens inimicos, vanum esse eis contra ² stimulum calcitrare ». Hæc Prosper.

24. Ad postremum autem recitanda hic nobis est sententia exilii in Eutropium ab Arcadio lata, publicisque locis affixa : retinent adhuc eam indelebili memoria tabulæ Theodosianæ ³ ita descriptam :

« Arcadius, et Honorius AA. Aureliano præfecto prætorio. Omnes res Eutropii, qui quondam præpositus sacri cubiculi fuit, ærarii nostri calculis adjunximus, erepto splendore ejus, et consulatu a tetra illuvie, et commemoratione nominis ejus et cœnosis sordibus vindicato : ut ejusdem universis actibus antiquatis, omnia mutescant tempora, nec ejus enumeratione sæculi nostri labes appareat, nec ingemiscat, aut qui sua virtute ac vulneribus Romanos

fines propagant, vel qui eosdem servandi juris aequitate custodiunt : quod divinum præmium consulatus lutulentum prodigium contagione fœdavit. Patriciatu etiam dignitate atque omnibus inferioribus spoliatum se esse cognoscat, quos morum polluit scavitare. Omnes statuas, omnia simulacra, tam ex ære quam ex marmore, sen ex fucis (fusus), quam ex quacumque materia quæ apta est effingendis ab omnibus civitatibus, oppidis, locisque privatis ac publicis præcipimus aboleri, ne tanquam nota nostri sæculi oblitus polluat intuentium. Adhibitis itaque fidis custodibus, ad Cyprum insulam perducatur, in qua tua sublimitas relegatum esse cognoscat, ut ibidem pervigili cura vallatus, nequeat suarum cogitationum rabie cuncta miscere. Dat. XVI kal. Febr. Constantinop., Theodoro V. C. consule ». Sed quod ad diem dati rescripti pertinet, plane error irrepsit, cum ex S. Joannis Chrysostomi homilia in Eutropium superius recitata appareat prope Paschale tempus confugium Eutropii in Ecclesiam configisse.

25. Sed animadversione dignum existimo, extare aliam ejusdem Joannis Chrysostomi homiliam ¹ in verba illa Psalmi quadragesimi quarti : « Astilit regina a dextris tuis, etc. » cui præfixa est inscriptio, qua significatur eam habitam, cum Eutropius extra Ecclesiam deprehensus est. Verum alium ab Eutropii casum ibi existimo esse descriptum : nulla enim ibi sunt, quæ ei aptari minime posse videntur : ut quod in primis ibi dicitur, cum deserentem Ecclesiam captum esse, qui intus tutus agebat; quod quidem de Eutropio nequaquam dici posse videbatur : sunt enim hæc ibi verba Chrysostomi : « Ne mihi dicas, quia qui proditus est, prodicione Ecclesiæ est abreptus. Nisi deseruisset Ecclesiam, non esset proditus. Ne dixeris : Quia eo confugit, proditus est. Non deseruit enim Ecclesia, sed ipse Ecclesiam : non in intimis Ecclesiæ est proditus, sed extra Ecclesiam ; quoniam se subduxit ab Ecclesia ». Sed, et quæ subduntur inferius, his temporibus minime convenire posse videntur, cum ait : « Cum milites cogerentur, ac distringerentur enses ; cum civitas flamma furoris esset accensa ; cum imperiale diadema nullis jam viribus polleret, simul et vulgi conviciis pateret purpura ; cum plena insaniam essent omnia : quo in loco condite erant divitiæ ? etc. » Vides ex his in ipsum imperatorem commotas turbas, et populi concitatum esse furorem : quæ quidem in causa Eutropii facta minime reperiuntur. Rursum vero, quod post nonnulla ista adjiciat : « Quot et quante mutationes contigerunt ex quo civitati huic præfui ? » Ex his plane intelligas haud hoc tempore eam esse habitam concionem, quo vix annum sedis ipsius Chrysostomi numerari contingat ; cum interea nihil prorsus mutationis, quam quod de Eutropio est enarratum, Constantinopoli evenisse, quisquam valeat ex scriptis historiis demonstrare. Quod si hæc

¹ Prosper, de prædict. par. III. c. 38. — ² Act. XIV. — ³ L. XVII. de pœnis C. Theod.

¹ Chrys. in Psal. XLIV.

tamen omnia rebus Eutropii (ut se habet inscriptio) aliquis omnino existimaverit assuenda : tunc, quæ a nullo alio anclore ea in causa scripta esse reperiuntur, nulla componat compingatque simul necesse est. fingatque pariter, ut eadem quoquo modo sibi cohæreant. Sed de rebus Eutropii hæcenus.

26. *Gainæ recrudescit sævitia.* — At quid post hæc Gainas perfidus barbarus? haud quod pollicitus videbatur, Arcadio se subicit imperatori, hostiliæque arma deponit : sed insolentior factus, fretus copiis Tribigildi, Chalcedonem veniens, juratæ pacis nullam ducens penitus rationem, contumelioso animo imperare aggreditur imperatori : « Postulabat enim », inquit Zozimus ¹, « ut princeps ipse cum conveniret : nec enim se cum alio quoquam, præter hunc, allocuturum dicebat ». Ita quidem novas meditatur cædes. Neque enim exsaturatus barbaricus animus miserando consulis casu, qui cæteris Eutropii hostibus lacrymas quoque eliciisset invitis : aliorum insuper, qui primarios gererent magistratus, nempe Aureliani præfecti prætorio, et Saturnini viri clarissimi, fera Gethica sanguinem sitiebat. Jamque et conceperat animo, gentilibus suis, quibus ecclesia (ut ait sanctus Hieronymus ²) esse soleret in tentoriis, templum aperire Constantinopoli. Sed ignorabat infelix, negotium sibi futurum cum robustissimo omnium duce, concertaturumque se cum ejus urbis antistite, infracti pectoris sacerdotem, a Deo ³ dato populo illi in civitatem munitam atque columnam ferream, ac murum æreum, Deique promissionibus solidius confirmato. Sed quod nobis suo quæque, ex instituto, reddenda sunt anno, hæcque testificatione Zozimi sub consulari Aureliani facta esse noscuntur : in sequentem annum tante rei gestæ spectaculum, cupido licet hæc scire, differre cogimur : cum tamen sciamus aliquos cuncta simul admixta, et absque temporum ratione, sub hoc anno confusa miscere ; ut inter alios Marcellinum in Chronico, qui et Arcadium auctum filia nomine Pulcheria præsentis anno, sub eodemque consulari, testatur. Sed res gestas a sancto Joanne Chrysostomo hoc anno Constantinopoli prosequamur.

27. *Adversus spectacula Chrysostomus declamat.* — Ex miserando itaque Eutropii casu (ut vidimus) satis opportunum ei suppeditatum est argumentum concionibus insectandi mundi hujus illecebras cunctas, tum potissimum turpia illa populo solita exhiberi spectacula ; vinque addidere dicendi facundia anni hujus mûnæ cælestes, nimirum cum lingua ignea, mala portendere cælum visum est, juxta illud Lucani ⁴ :

Terris nuntiantem regna cometen.

De quo Socrates ⁵ : « Tam grave, inquit, etiam imminet periculum civitati, ut cometa maximus a

cælo ad terram usque pervadens (similem vero ante nemo unquam adspexerat) illud ipsum portenderet ». Quod dicemus anno sequenti : eademque de admirando prodigio Sozomenus ⁶ habet. His accessit ingens aeris siccitas, ut cælum æreum esse redditum videretur. His (inquam) omnibus rerum accidentibus Chrysostomus bene usus, validius adversus spectacula declamavit, terrorem inculcens, ut inter alia illis verbis ⁷ : « Quotidie contremiscite, ne irascatur Deus, et percat de via justa. Vel ipsa signa agnoscite : quia æreum factum est cælum, et terra ferrea. Iracundiam Dei ipsa elementa loquuntur : Filii hominum ⁸ quousque graves corde? Ut quid diligitis vanitatem in spectaculis, et quæritis mendacium in histrionibus? Scitote quoniam mirificavit Deus omnem animam non recedentem de Ecclesia, etc. »

28. At quid tandem effecit prædicans verbum opportune et importune? Illud plane magni momenti opus, ut spectaculum illud obscenum, Majum dictum, penitus aboleretur ; quod ante sublatum, deinde ante triennium, sic fuerat restitutum, ut quæ turpia essent et inhonesta in eo cessarent, dato tunc his verbis imperatoris rescripto ⁹ :

« Clementia nostræ placuit, ut Majumæ provincialibus letitia redderetur : ita tamen, ut servetur honestas, et verecundia castis moribus perseveret. Dat. VII kalend. Maii Constantinopoli. Arcadio quartum et Honorio tertium AA. cons. » Sed ut proclive est ad deteriora humanum genus, ut facilius sit a voluptate penitus abstinere, quam, ea concessa, intra honesti limites contineri : adversus ejusmodi obscenitates iterum erumpentes fuit Joanni Chrysostomo iterum atque iterum declamandum : quamobrem effecit tandem, ut eadem penitus vetarentur, dato adversus eas ejusmodi ab Arcadio imperatore rescripto ¹⁰ :

« Ludicras artes concedimus agitari, ne ex nimia harum restrictione tristitia generetur. Illud vero quod sibi noimen proeas licentia vindicavit, Majumam fœdum atque indecorum spectaculum denegamus. Datum VI non. Octobris Constantinopoli, Theodoro V. C. consule ». Ista quidem sanxit Arcadius, haud dubium impulsore Chrysostomo.

29. Quam autem fœda hæc spectacula fuerint, inde licet capere argumentum, quod Julianus Apostata in Misopogone Antiochenis probro objicit, quod in Majumæ ferias pecuniam effunderent, et a sacrificiorum impensis se penitus continerent. Sed qualia hæc ipsa essent, ex parte saltem assequi licet, nimirum ex his, quæ idem Joannes Chrysostomus, eadem acerrimis invectivis insectando, sic inter alia habet ¹¹ : « Non metuis, non expavescis, dum oculis, quibus illic lectum, qui est in orchestra, spectas, ubi detestanda adulterii fabule peraguntur, iisdem hæc sacram mensam intueris, ubi tremenda per-

¹ Zozim. l. v. — ² Hier. ep. vii. — ³ Hier. l. — ⁴ Lucan. l. — ⁵ Socr. l. vi. c. 6.

⁶ Sozom. l. viii. c. 4. — ⁷ Chrys. hom. in Ps. cxviii. — ⁸ Psal. iv. — ⁹ L. ii. de Majuma C. Theod. — ¹⁰ L. ii. de Majuma C. Theod. — ¹¹ Chrys. hom. de David et Saule.

aguntur mysteria? dum iisdem auribus audis et scortum obscene loquens, et Prophetam, Apostolumque ad arcana scripturæ introductentem? dum eodem corde et lethalia sumis venena, et hanc hostiam sanctam ac tremendam? Annon sunt hæc vitæ subversio, conjugiorum corruptelæ, bella, pugnaeque et rixæ in domibus? Cum enim spectaculis illis dissolutior, ac mollior, lasciviorque, omnisque pudicitiae hostis factus, domum redieris, uxoris adspectus minus erit iucundus, qualiscunque etiam illa fuerit. Siquidem inflammatus illa concupiscentia, quam in spectaculis hausisti, et ab illa nova speulatione, quæ te dementavit, captus, sobriam et modestam uxorem, victuque plebeo contentam despicias, contumelia afficis, innumerisque probris operis; non quod quicquam habeas quod in illa culpes; sed quod erubescas confiteri morbum; quod pudet vulnus ostendere, quo in spectaculis sanciatu redisti domum, etc.» Hæc et alia ad eos, qui impudicarum obscenitatum spectaculo suos antea commaculassent obtutus, ac postea illotis (ut aiunt) manibus ad sancta pergerent, cum divini sermonis audiendi causa ad Ecclesiam se conferrent: in quos hæc paulo superius: «Quapropter equidem horror, rogoque ut prius confessione ac penitentia, aliisque remediis omnibus sese a peccato ex theatricis spectaculis contracto perpurget, atque illa divinos audiant sermones». Hæc ipse, plane insinuans Ecclesiasticam in expiandis peccatorum sordibus disciplinam.

30. Cæterum quod attinet ad ejusmodi spectaculorum fœditatem, habes eandem expressam ab ipso Chrysostomo paulo apertius (quantum tamen pure concionantis Ecclesiastici lingue licuit, et castis audientium auribus inferre fas erat) in homilia sexta in Matthæi Evangelium prope finem, quam habuissis cum adhuc esset Antiochie, ubi Majumæ impudens vigeat spectaculum, ex sequenti homilia septima ordine posita, ubi de cognominatis ibidem primo discipulis Christianis, discere quidem potes. Sed unde (dices) Majumæ nomen? Retellimus in notis tum Suidæ, tum aliorum sententiam illam, qua dicunt fuisse Majumæ, festum agitari solitum Romæ ad Ostia Tiberina mense Maii, ut inde et Majumæ nomen fuerit consecutum. Nulla quippe ejus nominis festa antiqua Gentilium continent Kalendaria, neque festorum ejus mensis solemnium Romanis ullum erat, in quo aliquid (quod prohibet imperatore) acriter fœdum, et indecorum. Inde in eam sententiam pedibus ivimus, ut opinaremur Majumæ spectaculum esse dictum a civitate maritima Majuma nomine, in littore Palestino, ubi erat navale Gazæ: constat enim eo in loco coli consecuisse Venerem, cujus simulacrum impudicum adhuc integrum extabat hoc tempore, ut ancior est Marcus diaconus in rebus gestis S. Porphyri Gazzenzæ episcopi. Quoniam autem modo illud haud post multos annos, dejectum fuerit, suo loco dicturi sumus. Quod igitur adversus ejusmodi obscena spectacula sæpius videas Chrysostomum inclamasse,

inde jure docimus argumentum, ipsum Arcadio auctorem fuisse dicte sancientiæ hoc anno legis, qua impurum Majumæ spectaculum penitus tolleretur. At de rebus hoc anno gestis in Oriente, hæc tenus.

31. *Periarchon Origenis a Hieronymo translationem, unde cum Ruffino dissidia.* — Sed inuisanus jam res Occidentalis Ecclesiæ. Quæ ex Origenis Periarchon translatione a Ruffino perperam facta, haud mediocriter passa fuerat Romana Ecclesia detrimentum; ad postea missam in Urbem ad Pammachium et Oceanum, eorum precibus elucubratam a S. Hieronymo germanam ejusdem commentarii versionem una cum præfatione ad eosdem, qua Origenis manifestate sunt hæreses, respiravit. Sed ut et in his exacta temporis ratio habeatur: hæc omnia ab ipso S. Hieronymo elaborata esse hoc ipso anno Domini trecentesimo nonagesimo nono, inde ex iisdem scriptis ipsius evidens deducimus argumentum; dum in eadem ad ipsos scripta Epistola¹, se translationem illam de Seraphim atque Trisagio in Isaie sextum caput ad Damasum scriptam, ante annos viginti confecisse, testatur: quam constat ex his, quæ suo loco superius sunt enarrata, ab eo editam Constantinopoli, cum esset apud Gregorium Nazianzenum, anno Domini trecentesimo septuagesimo nono. Quæ firmata ab eo exacta temporis ratione, haud curandum, si idem inferius obiter dicat jam post quadringentos Domini annos non esse admittenda in Ecclesiam nova dogmata: «Cur, inquires, post quadringentos annos docere nos niteris, quod ante nescivimus?» Vel cum idem dicat, ab obitu Origenis ad illud usque tempus centum et quinquaginta annos elapsos, cum contingat sex amplius numerari: nam haud in eo tunc fuit ipse Hieronymus, ut tempora ad minutos reduceret calculos: alioqui inconstantia, et artis ejus imperitiæ redarguendus esset, qui unius temporis diversas subduxerit numeri rationes: quarum tamen illa est certior retinenda, quæ magis consentiens reperitur cæteris rebus in eadem Origenistarum causa annis sequentibus gestis. Adjecisse quoque eidem a se translati Origenis Periarchon Hieronymum Epistolam ad Ruffinum novissime scriptam, ipsemet testatur² in Apologia.

32. Porro hæc omnia eo consilio S. Hieronymus se fecisse profitetur, ut qui in suspicionem criminis ex Origenis erroribus a Ruffino in præfatione in Periarchon ab ipso translati vocatus erat, ex quo quamplures Romæ scandalum passos audierat: ea se labe purgaret, fidelesque ne Origenis latentibus deciperentur erroribus, admoneret, id ipsum ab eo exigentibus (ut dictum est) Pammachio et Oceano: quod ipse in Apologia priori his sane verbis significat³: «Tuæ me, frater Pammachii, et tuorum litteræ compulerunt, dicentes illos» Origenis scilicet libros «ab alio fraudulenter esse translatos,

¹ Hier. ep. LXV. — ² Apud Hier. ep. LXVI. — ³ Hier. Apolog. l. adv. Ruffin.

et interpolata nonnulla, et vel addita, vel mutata. Ac ne parum epistolis habere fidem, misistis exemplaria ejusdem translationis cum præfationula laudatrice mea. Quæ cum legissem, contulisseque cum Græco: illico animadverti, quæ Origenes de Patre, Filio, et Spiritu sancto impie dixerat, et quæ Romanæ aures ferre non poterant, in meliorem partem ab interprete commutata: cætera autem dogmata, de Angelorum ruina, de animarum lapsu, de resurrectionis præstigiis, de mundo vel mundis Epicuri, de restitutione omnium in æqualem statum, et multo his deteriora, quæ longum esset retexere; vel ita vertisse, ut in græco invenerat; vel de commentarioli Didymi, qui Origenis apertissimus propugnator est, exaggerata et firmiora posuisse: ut qui in Trinitate Catholicum legerat, in aliis hæreticum non caveret. Et paulo inferius: « Duplex in opere meo utilis fuit: dum et hæreticus auctor proditur, et non verus interpret arguitur. Ac ne quis me putaret iis consentire quæ verteram: interpretationis necessitate præfatione munivi, et docui quibus lector non deberet credere ». Sed et ad Rufinium expostulantem hæc ait¹: « Tantis spatiis terrarum separatus, quid peccavi in te? quid commievi? An quia Origenem me non esse respondi? Numquid defensio mea, accusatio tua est? Et tu si non es Origenistes, vel non fuisti, credo juranti: si fuisti, suspicio penitentem. Quia doles, si id sum, quod esse te dicis? An quia *ἡμεῖς ὀργάνων* Origenis libros post te transferre ausus sum, et interpretatio mea suggillatio putatur operis tui? Quid poteram lacere? Missa mihi est laudatio tua, id est, accusatio mea. Tam fortiter me prolixæ laudaveras, ut si tuis laudibus acquievissem, omnes hæreticum me putarent. Vide quid Romanæ ad me epistolæ clausula teneat: Purga suspiciones hominum, et convince criminantem; ne, si dissimula-veris, consentire videaris. Tali constrictus articulo, interpretatus sum eosdem libros, etc. »

33. Hæc idcirco S. Hieronymus, quod cum ejus translatio atque epistola illi præfixa Romæ editæ essent, mox a Rufini atque Melanie sectatoribus in ipsum Hieronymum conclamatum est: adeo ut rumores ac turbas iidem hand mediocres excitant; de quibus rursum idem S. Hieronymus² ad Pam-machium et Marcellinum: « Et veslris, inquit, et multorum litteris didici, objici mihi in schola tyrannica: Lingua canum³ meorum ex inimicis ab ipso: cur *ἡμεῖς ὀργάνων* libros in latinum verterim. O impudentiam singularem! accusant medicum qui venena proderit, ut scilicet *φάρμακον θανάσιμον* suum non innocentie merito, sed criminis communiione luceantur: quasi culpam numerus peccantium minuat, et in personis, non in rebus sit accusatio ». Hæc ipse. Quomodo autem tunc Rufinus, quæ diu meditatus in S. Hieronymum fuerat, quem adversantem Origenis erroribus adversus Joannem Hierosolymita-

num, Palladium, et alios expertus fuerat, tribus accusationum libris in eum editis ex stomachi nausea evomuerit, dicemus anno sequenti.

34. Porro hoc eodem anno scripsisse reperitur S. Hieronymus brevem illam Epistolam ad Rufinum: nam in Apologia sua, quam elaborasse dicitur anno Domini quadringentesimo secundo, triennio ante exacto eam esse Romam allatam, testatur, dum ait¹: « Multi Romæ ejus exemplaria habent ante hoc circiter triennium, qui tibi eum mittere voluerunt, scientes quæ de meo nomine jactitares, et quam indigna proposito Christiano ac nefanda contingeres: ego scripsi nesciens quasi ad amicum, illi non reddiderunt ei, quem inimicum noverant, parcentes et meo errori, et tuæ conscientie ». Hæc ipse. Epistola autem sic se habet²:

35. « Din te Romæ moratum, sermo proprius indicavit. Nec dubito spiritualium parentum ad patriam revocatum desiderio, quem matris luctus ire prohibebat, ne magis coram doleres, quod absens vix ferre poteras. Quod quereris stomacho suo nunquamque servire, et nostro non acquiescere iudicio: conscientie nostræ testis est Dominus, post reconciliatas amicitias, nullum intercessisse rancorem, quo quæpiam lederemus: quin potius cum omni cautione providimus, ne saltem casus in malevolentiam verteretur. Sed quid possum facere, si unusquisque jure putat se facere quod facit, et videtur sibi remorderi potius, quam mordere? Vera amicitia quod sentit, dissimulare non debet. Præfationcula librorum *ἡμεῖς ὀργάνων* ad me missa est, quam ex stylo intellexi tuam esse; in qua oblique, imo aperte ego petor. Quam mente sit scripta, tu videris: qua intelligatur, et stultis patet. Poteram et ego, qui sapissime figuratas controversias declamavi, aliquid de veteri artificio repetere, et tuo te more laudare. Sed absit a me, ut quod reprehendo in te, imiter: quin potius ita sententiam temperavi, ut et obiectum crimen effugerem, et amicum quantum in me est, nec læsus lederem. Sed obscuro te, ut si deinceps aliquem sequi volueris, tuo tantum iudicio sis contentus. Aut enim bona sunt, quæ appetimus, aut mala: si bona, non indigent alterius auxilio: si mala, peccantium multitudo non parit errori patrocinium. Hæc apud te, amice, potius expostulare volui, quam læcessitus publice deservire; ut animadvertas, me reconciliatas amicitias pure colere, et non juxta Plautinam sententiam, altera manu lapidem tenere, panem offerre altera. Frater meus Paulinianus nondum de patria reversus est: et puto quod cum Aquilæ apud sanctum papam Chromatium videris. Sanctum quoque presbyterum Rufinum ob quamdam causam per Romam Mediolanum misimus, et oravimus ut nostro animo et obsequio vos videret: ceterisque amicis eadem significavimus, ne mordentes³ invicem, consumamur ab invicem. Jam tuæ moderationis est et tuorum, nullam occasionem impatientibus dare; ne non omnes

¹ Hier. Apolog. 1. adv. Rufin. — ² Hier. Apolog. adv. Rufin. ad Pammach. — ³ Psal. LXXII.

¹ Hier. Apol. II. — ² Hier. ep. LXVI. — ³ Galat. V.

similes mei invenias, qui possint figuratis laudibus delectari ». Hucusque Hieronymus ad Rufinum; ad quem, cum discessisset ab urbe Aquileiam, qui hanc acceperunt Epistolam, mittere noluerunt, quod scirent eum in ipsum Hieronymum (ut dictum est) vehementer fuisse commotum ob auditam novam ab eo elaboratam translationem Periarchoi. Hoc enim anno, antequam pervenisset littere Hieronymi Romam, fuisse scriptam ab ipso Rufino Apologiam ad Anastasium papam, ea quæ dicuntur inferius declarabunt.

36. *Synodus Alexandrina de erroribus Origenis, et Theophili episcopi Alexandrini contra eodem studium.* — Dum hæc inter S. Hieronymum, et Rufinum aguntur, Theophilus Alexandrinæ sedis episcopus, collecta Synodo, de erroribus Origenis in medium disserendum proponit. Itum est ab omnibus in eam sententiam ut hæresibus cognitis, notatis, atque explosis, ejusdem Origenis et sectatorum ejus condemnatio omnium ore conclamaretur. Quibus sic firmiter stabilitis, de omnibus in ea assensu omnium definitis scripta Synodica eadem ad Anastasium Romanum Pontificem missa est. Itæ quidem hoc anno facta esse, inde colligimus, quod ante annum, quam prima Paschalis epistola a Theophilo scriberetur, generalem hanc ex Synodo fuisse scriptam epistolam, S. Hieronymus¹ tradit scribens ad Pammachium, et Marcellam.

37. Cum interea qui in Ægypto erant Origenis errorum studiosi, diligenter perquisiti, expulsi fuerunt. Cum et Theophilus ad sanctum Hieronymum de his perbreves litteras dedit his verbis²: « S. episcopus Agatho cum dilectissimo diacono Athanasio in Ecclesiastica directus est causa: quam cum didiceris, non ambigo quin nostrum studium probes, et in Ecclesiæ victoria glorieris. Namque Origenis hæresim in monasteriis Nitriæ quidam nequam et furiosi homines serere et fundere cupientes, prophetica falce succisi sunt. Quia recordati sumus commonentis Apostoli³: Argue eos severe. Festina igitur et tu partem hujus præmii recepturus, deceptos quoque emendare sermonibus. Optamus, si fieri potest, in diebus nostris Catholicam fidem, et Ecclesiæ regulas cum subjectis nobis populis custodire, et omnes novas sopire doctrinas ». Itæ Theophilus ad S. Hieronymum. Misisse insuper eundem Theophilum legatos in Palestinam, qui et inde Origenistas expellerent, litteræ S. Hieronymi redditæ ad ipsum declarant his verbis⁴:

38. « Nuper tuæ beatitudinis percepi scripta emendantia vetus silentium, et me ad solitum officium provocantia. Unde licet per sanctos fratres Priscum et Eubulum tuus ad nos sermo cessaverit: tamen quia vidimus, illos zelo fidei concitatos, raptim Palestinæ lustrasse regiones, et dispersos regulos usque ad suas latebras persecutos: breviter scribimus, quod totus mundus exultet, et in tuis

victoriis glorietur; erectumque Alexandria vexillum Crucis, et adversus hæresim trophæa fulgentia gaudens populorum turba prospectet. Macte virtute, macte zelo fidei, ostendisti quod hucusque facilitas dispensatio fuit, non consensus. Libere enim reverentiæ tuæ loquor. Dolebamus te nimium esse patientem; et ignorantes magistri gubernacula, gestiebamus in interitum perditorum. Sed (ut video) exallasti manum diu, et suspendisti plagam, ut ferires fortius. Super susceptione cujusdam non debes contra urbis hujus dolere pontificem: quia nihil tuis litteris præcepisti; et temerarium fuit, de eo quod nesciebat, ferre sententiam: tamen reor illum nec audere, nec velle te aliquando lædere ». Itæ ad Theophilum sanctus Hieronymus, excusans Joannem Hierosolymorum episcopum de communicatione ante cum Origenistis inita, deque ejus animi consilio inhærendi ipsi Theophilo. Quod enim ita de viro Hieronymus sentiat, quem antea eadem ex causa acriter impugnaverat, atque scriptis exagimarat; ad meliorem illum frugem resiliendum fuisse, par est existimare, imo et necessario credere et affirmare. Nam de ipsius sede, ut de Catholica fidei egregii professoris, hæc habet S. Augustinus⁵ scribens adversus litteras Petiliani: « Cathedra tibi quid fecit Romanæ Ecclesiæ, in qua Petrus sedit, et in qua hodie Anastasius sedet; vel Ecclesiæ Hierosolymitanæ, in qua Jacobus sedit, et in qua hodie Joannes sedet; quibus nos in Catholica unitate connectimur, et a quibus vos nefario furore separatis? » Hæc ipse, plane declarans ejus antistitem Joannem Catholicis consensisse: sed in sententia minime perstitisse usque ad finem, quæ dicuntur inferius declarabunt.

39. *Posthumiani circa Origenistas sententiæ.* — Accidit autem, cum librorum Origenis causa tot tantæque turbæ concitate essent Alexandriae atque in universa Ægypto per Theophilum ejus civilis antistitem aliosque episcopos adversus monachos scriptorum Origenis fautores, Posthumianum illum, qui apud Severum cum Gallo dialogum agit, Alexandriam appulisse, compluræque eorum, quæ inter ambas adversas partes transacta fuerunt, præsentem conspexisse. Solvens enim Narbona in Africam, ad tumulum S. Cypriani martyris invisendum perrexit: inde vero Cyprensiensium legens ora, in Ægyptum pervenit, Hierosolymam profecturus visendorum causa locorum sanctorum. Ipse ergo apud Severum de rebus Alexandrinis, quarum hic est sermo, ista loquitur⁶: « Prospero cursu, septimo die Alexandriam pervenimus; ubi fœda inter episcopos et monachos certamina gerebantur, ex ea occasione, quia congregati in unum sæpius sacerdotes frequentibus devenisse Synodis videbantur, ne quis Origenis libros legeret, aut haberet, qui tractator sacrarum Scripturarum peritissimus habebatur. Sed episcopi quædam in libris ipsius insanis scripta memorabant: quæ assertores ejus defendere

¹ Hier. ep. LXXVIII. — ² Hier. ep. LXIX. — ³ Tit. II. — ⁴ Hier. ep. LXX.

⁵ Aug. cont. litt. Petil. l. II. c. 51. — ⁶ Sever. dial. I. I.

non ausi, ab hæreticis potius fraudulentè inserta dicebant; et ideo non propter illa quæ in reprehensionem merito vocarentur etiam reliqua esse damanda; cum legentium fides facile possit habere discrimen ne falsata sequeretur, et tamen catholice disputata retineret. Non esse autem mirum, si in libris neotericis et recens scriptis frans hæretica fuisset operata, quæ in quibusdam locis non timuisset incidere Evangelicam veritatem.

40. « Adversum hæc episcopi obstinatius venientes, pro potestate cogebant recta etiam universa cum pravis, et cum ipso auctore damnare: quia satis superque sufficerent libri, quos Ecclesia recepisset; respuendam esse penitus lectionem, quæ plus esset nocitura insipientibus, quam profutura sapientibus. Mihi autem ex his illius libris quædam curiosius indaganti, admodum multa placuerunt: sed nonnulla reprehendi. In quibusdam illum prava sensitisse, non dubium est, quæ defensores ejus falsata contendunt. Ego miror unum eundemque hominem tam diversum a se esse potuisse, ut in ea parte qua probatur, neminem post Apostolos habeat æqualem: in ea vero qua jure reprehenditur, nemo deformius doceatur errasse. Nam cum ab Episcopis excerpta in libris illius multa legerentur, quæ contra Catholicam fidem scripta constaret: locus ille vel maximam parabat invidiam, in quo editum legebatur, quia Dominus Jesus, sicut pro redemptione hominum in carne venisset, et Crucem pro hominis salute perpassus, mortem pro hominis æternitate gustasset, ita esset eodem ordine passionis etiam diabolum redempturus: quia hoc bonitati illius, pietatique congrueret, ut qui perditum hominem reformasset: prolapsum quoque angelum liberaret. Cum hæc atque alia istiusmodi ab Episcopis proderentur, ex studiis partium orta est seditio. Quæ cum reprimi sacerdotum auctoritate non posset, sexto exemplo ad regendam Ecclesiæ disciplinam Præfectus assumitur. Cujus terrore dispersi fratres, ac per diversas oras monachi sunt fugati: ita ut propositis edictis, in nulla consistere sede sinerentur.

41. « Illud me admodum permovebat, quod Hieronymus vir maxime Catholicus, et sacre legis peritissimus, Origenem secutus primo tempore putabatur; quem nunc idem præcipue vel omnia illius scripta damnaret. Nec vero ausus sum de quoquam temere judicare: præstantissimi tamen viri et doctissimi ferebantur in hoc certamine dissidere. Sed tamen sive illud error est, ut ego sentio, sive hæresis, ut putatur: non solum reprimi non potuit multis animadversionibus sacerdotum, sed nequaquam tam late se potuisset effundere, nisi contentione crevisset. Istiusmodi ergo turbatione, cum veni, Alexandria fluctabat. Me quidem episcopus illius civitatis benigne admodum, et melius quam opinabar, excepit, et secum tenere lentavit. Sed non potuimus ibi consistere, ubi recens fraternæ cladis fervebat invidia. Nam etsi fortasse videantur parere episcopis debuisse; non ob hanc tamen causam multitudinem tantam sub Christi confessione viventem, præsertim

ab episcopis, oportuisset affligi. Igitur inde digressus, Bethlehem oppidum veni ». Et post nonnulla:

42. « Ego (ut dicere institueram) apud Hieronymum sex mensibus fui; cui jugis adversus malos pugna, perpetuumque certamen concitavit odia perditorum. Oderunt eum hæretici, quia vitam eorum insectatur et crimina. Sed plane cum boni omnes admirantur et diligunt. Nam qui eum hæreticum esse arbitrantur, insanunt. Vere dixerim: Catholica hominis scientia, sana doctrina est: totus semper in lectione, totus in libris est: non die, non nocte requiescit: aut legit aliquid semper, aut scribit. Quod nisi mihi fuisset fixum animo, et promissum, Deo teste, propositam eremum adire; vel exigui temporis punctum a tanto viro discedere noluissem. Huic ergo traditis et commissis omnibus meis, omnique familia, quæ me contra voluntatem animi mei secuta tenebat implicitum, exoneratus quodammodo gravi fasce penitus ac liber regressus Alexandriam, visitatis ibi fratribus, ad superiorem, inde Thebaida, id est, Ægypti extrema, contendi: ibi enim vaste patetis eremi solitudines plurimum ferebantur habere monachorum ». Hactenus Posthumianus: cuius in Ægyptum, Hierosolymamque peregrinatio, etsi non hoc anno, haud tamen multo post contigisse potuit. Quod autem ait auctor, Ægypti monachos a Theophilo episcopo Alexandrino, aliisque Ægypti episcopis passos esse pressuram; coerenda est freno veritatis hyperbole. Nam quod ad monachos spectat; nonnisi Origenistas, ut barbarum auctores, expulsos esse, litteræ ejusdem Theophili hoc tempore ad S. Hieronymum datæ significant, quæ sic se habent¹:

43. *In causa Origenistarum res gestæ a Theophilo et scriptæ epistolæ, eorumque damnatio.* — « Didici quod et sanctitas tua noverit Theodorum monachum, ejusque studium comprobavi: quia cum a nobis Romam navigaturus exiret, noluit ante proficisci, nisi te et sanctos fratres qui tecum sunt in monasterio, quasi sua viscera amplexaretur et inviseret. Quem cum suscepis, pro Ecclesiæ tranquillitate lætare. Vidit enim cuncta Niliæ monasteria, et referre potest continentiam et mansuetudinem monachorum: quomodo extinctis, et fugatis Origenis sectatoribus, pax Ecclesiæ reddita sit, et disciplina Domini conservetur. Atque utinam apud vos quæque deponerent hypocrisis, qui occulte dicuntur subruere veritatem: de quibus non bene sentientes in his regionibus fratres hæc me scribere provocarunt. Quamobrem cave et fugite hujusmodi homines juxta quod scriptum est²: Si quis non avertat ad vos Ecclesiasticam fidem, huic ne Ave dixeritis. Quanquam ex superfluo faciam hæc tibi scribere, qui errantes potes ab errore revocare: tamen nihil nocet, et prudentes et eruditios viros pro sollicitudine fidei commoveri. Omnes fratres, qui tecum sunt, nomine me salutari volo ». Hactenus Theophilus.

¹ Apud Hier. epist. LXXII. — ² Joan. II.

Ad hos plane monachos a Theophilo pulsos alludit Posthumianus, ubi ait : « Recens fraternæ cladis fervebat invidia » : quam auxit, dum ab eodem expulsus est Paulus episcopus, idemque confessor; cui apud imperatorem S. Hieronymum fuisse, Rufinus loco criminis dat Hieronymo; et ducit in argumentum, non communicasse cum Theophilo ipsum Hieronymum, quia Paulum ab eo expulsum recepisset.

44. Refert autem hæc ipse S. Hieronymus, sic dicens ¹ : « Porro quod interrogas, quando papæ Theophili sententiam sequi ceperim, eique fidei communionem sociatus sim : et ipse tibi respondens : tunc credo, quando Paulum, quem ille damnaverat, summo nisu et omnibus studiis defendebas : quando cum per imperiale scriptum recipere sacerdotium, quod episcopali iudicio amiserat, instigabas » : subdit autem hæc pro sua defensione Hieronymus : « Non prius, inquit, pro me respondebo, quam de aliorum injuriis loquar : Cujus est humanitatis, ejus clementiæ insultare aliorum miseriis? » Et inferius, cur ipsum Paulum a Theophilo condemnatum receperit hospitem, ista subdit : « Recordare, frater, confessionis ejus et pectoris, quod flagella secuerunt : memento carceris, tenebrarum, exilii, metallorum; et non indignaberis hospitio transeuntem esse susceptum. An ideo tibi rebelles videmur, quia calicem aquæ frigidiæ in nomine Christi ² sitientibus porrigimus? Vis scire unde illum et nos plus amare, et tu odisse plus debeas? Hæreticorum factio nuper fugata de Ægypto et Alexandria se Hierosolimam contulit, et huic voluit copulari, ut quorum unus esset dolor, una fieret et accusatio : quos ille repulit, sprexit, abiecit, dicens, se non esse inimicum fidei nec contra Ecclesiam bella suscipere : quod prius tentavit, doloris fuisse, non perfidiæ; nec alterius appetiisse innocentiam, sed suam probare voluisse. Impium putas, post sententias sacerdotum, imperiale rescriptum : quod quale sit, noverit ille qui meruit ». Hæc de eo S. Hieronymus, subdens haud ea de causa sibi destitisse communicare Theophilum, qui crebris postea eundem Hieronymum litteris frequentavit.

45. Quisnam autem fuerit ille Paulus, haud salis liquet : scimus tamen, hoc tempore vixisse in Ægypto fama celebrem Paulum discipulum S. Petri martyris, cujus meminit Rufinus ³ in posteriori parte invectivæ adversus S. Hieronymum : sunt hæc ejus verba : « Ubi », nempe in Ægypto, « inter clarissimos viros Paulus senex Petri martyris discipulus ». Cæterum quod ad rescripta imperatorum pertinet de restituendis in sedem damnatis : sane quidem id fieri non debere, sanctio imperatorum lata anno sequenti, et suo loco inferius recitanda decrevit. Porro ejusmodi imperatorum rescripta nonnisi commendatitia fuisse, inde certum ducimus argumentum, quod jam Conciliorum canonibus, nempe

Antiocheni et aliorum (ut superius sæpe dictum est) fuerit definitum, depositum a Concilio episcopum, nonnisi a majori episcoporum numero esse restituendum : quam legem etiam Ariani sartam, teclam, conservatamque contra Athanasium voluerunt. Sed ad res gestas hoc anno a Theophilo in causa Origenistarum oratio revocetur.

46. Ex Epistola ejusdem Theophili ad Hieronymum nuper recitata intelligi potest, qui a Theophilo ad Anastasium papam missus est Romam, fuisse Theodorum monachum, eundemque ante S. Hieronymum invisisse. Huic enim Theophilum ad eundem Romanum Pontificem legatione fungenti Synodicas dedisse litteras de Origenistis Alexandriae condemnatis, par est credere, quibus res in Synodo gestas adversus eosdem ipsum Anastasium fecerit certiozem. At qui Theodorum monachum Romam sibi legavit Theophilus, Constantinopolim etiam, et ad alias quoque provincias alios sanctissimos Nitriæ monachos legales ad diversos episcopos misit, eisdemque dedit easdem synodicas litteras, alio nomine generales nominatas, utpole quæ ad omnes Catholicæ Ecclesiæ episcopos scriptæ essent. Testatur id quidem idem ipse Theophilus in Epistola ad S. Epiphanium Constantiæ in Cypro episcopum, cui præter generalem illam privatim aliam addidit, reddiditque certiozem de rebus gestis adversus Origenistas, deque monachis qui ex Ægypto pulsati navigassent Constantinopolim : porro ipsam, quod haud prolixa sit et rerum gestarum seriem referat, hic integram describemus : sic enim se habet ¹.

47. « Dominus ² qui locutus est ad Prophetam : Ecce constitui te hodie super sedes et regna eradicare, et suffodere, et disperdere et rursum edificare, ac plantare : singulis temporibus eandem Ecclesiæ suæ largiatur gratiam, ut integrum corpus conservetur, et in nullo hæreticorum dogmata prævaleant. Quod quidem nunc videmus expletum. Nam Ecclesia Christi, quæ non habet ³ maculam neque rugam aut aliquid istiusmodi, egredientes de cavernis suis Origenis colubros Evangelico euse truncavit, et fecundum Nitriæ monachorum agmen contagione pestifera liberavit. Pauca ergo ex iis quæ gesta sunt, in generali epistola, quam ad omnes in commune direxi, prout patiebatur angustia temporis, comprehendere. Dignationis tuæ est, quæ in hujuscemodi certaminibus sæpe ante nos pugnavit, et positos in prælio consolari, et congregare totius insulæ episcopos, ac synodicas litteras tam ad nos, quam ad Constantinopolitanæ urbis episcopum, et si quos alios putaveris, mittere : ut consensu omnium et ipse Origenes nominalim et hæresis nefaria condemnatur. Didici enim, quod calumniatores veræ fidei Ammonius, Eusebius, et Enthymius novo pro hæresi favore bacechantes, Constantinopolim navigarint; ut et novos, si quos valuerint, decipiant, et veteribus suæ impietatis sociis conjungantur. Curæ igitur tuæ sit, ut cunctis episcopis per Isau-

¹ Hier. Apolog. 11. adv. Rufin. — ² Marc. 1X. — ³ Rufin. invect. in Hier.

¹ Apud Hier. ep. LXVII. — ² Hier. VI. — ³ Ephes. V.

riam atque Pamphylia et cæterarum provinciarum, quæ in vicino sunt, rei ordinem pandas; et nostram, si dignum putas, epistolam subicias: ut omnes uno spiritu congregati, cum virtute Domini nostri Jesu Christi tradamus eos satanæ in interitum impietatis, quæ possidet eos. Et ut celerius nostra Constantinopolim scripta perveniant, mitte industrium virum, et aliquem de clericis, sicut et nos de ipsis Nitriæ monasteriis patres monachorum cum aliis sanctis et continentissimis viris misimus, qui possint cunctos in præsentem docere quæ gesta sunt. Et super omnia quæsumus, ut impensas ad Dominum fundas preces, quo possimus etiam in isto certamine victoriam consequi. Non enim parva lætitia et in Alexandria et per totam Ægyptum populorum corda pervasit, ex quo pauci homines ejeti sunt, ut purum corpus Ecclesiæ permaneret. Saluto fratres, qui tecum sunt. Te plebs, quæ nobiscum est, in Domino salutatur. Hactenus Theophili litteræ ad Epiphanium.

48. Ipse autem Epiphanius, accepta generali a Theophilo Epistola, mittens eam ad S. Hieronymum, illi et conjunxit suas ad eum has perbreves litteras ¹:

« Generalis Epistola, quæ ad omnes Catholicos scripta est, ad te proprie pertinet, qui zelum fidei adversus cunctas hæreses habes, et Origenis proprie et Apollinarii discipulis adversaris: quorum venenatas radices et in altum defixam impietatem omnipotens Deus prostravit in medium, ut in Alexandria prodite, in toto orbe arcescerent. Scito enim, qui carissime, Amalech usque ad stirpem esse deletum ², et in monte Raphidim erectum trophæum Crucis. Etenim quomodo, porrectis in altum Moysi manibus, vincebat Israel; sic Dominus confortavit famulum suum Theophilum, ut super altare Ecclesiæ Alexandrinæ contra Origenem vexillum poneret, et impleteretur in eo quod dicitur: Scribe signum hoc, quia delebo funditus Origenis hæresim a facie terræ cum ipso Amalech. Et ne videar eadem rursum iterare, et profixiorem epistolam texere: ipsam ad vos scriptam direxi, ut scire possitis, quæ nobis scripserit, et quantum boni ultimæ ætati meæ concesserit Dominus, ut quod semper clamabam, tanti pontificis testimonio probaretur. Jam autem puto et te aliquid operis edidisse, et juxta priorem epistolam, qua te super hac re fueram cohortatus, eliminasse librum, quem tuæ linguæ homines legant. Audio enim et ad Occidentem quorundam hominum naufragia pervenisse, qui non contenti prodicione sua, volunt plures mortis habere participes; quasi multitudo peccantium scelus minuat, et non numerositate lignorum major gebeinnæ flamma succrescat. Sanctos fratres, qui tecum sunt in monasterio Domino servientes, et tecum et per te plurimum salutamus. Hæc ad Hieronymum Epiphanius: quibus intelligas, nondum vulgatam fuisse in Oriente damnationem Origenis et Origenistarum Romæ ab

Anaslasio factam, cum jam Theophili ibidem legeretur generalis Epistola.

49. Porro non Synodicam tantum Epistolam, sed etiam Paschalem datas esse a Theophilo, certum est, alteram in Synodo scriptam, alteram vero privatim ad indicandum Paschale tempus (ex more) ad Ecclesiam datam, sed eam anno sequenti (ut ostenditur) qua pariter Origenis damnatio proclamaretur, S. Hieronymus latinitate donavit: sicque una cum græco textu a Romana Ecclesia eas a se missas Hieronymus accipi voluit; idemque præstitit de alia Paschali ejusdem Theophili post annum sequentem data. Testatur id ipse quidem in Ruffinum ¹ agens, cum ait: « Duas, Synodicam et Paschalem ejus Epistolas contra Origenem illiusque discipulos, et alias adversus Apollinarium et Origenem per hoc ferme biennium interpretatus sum, et in ædificationem Ecclesiæ legendas nostræ linguæ hominibus dedi ». Idem scribens ad Pammachium atque Marcellam post annum sequentem, cum posteriores Paschales Theophili litteras mittit, has a se translata, Romanique esse a se missas, his verbis ostendit ²: « Rursus Orientalibus vos locupletio mercibus, et Alexandrinæ opes primo Romam vere transmittit ». Sed cur in his tantum Hieronymus exhibuit diligentiam? Ut tum Theophili epistolis, tum earum a se facta translatione, orbi universo innotesceret damnatio Origenis. Audi enim quæ ibi ipse ad Pammachium atque Marcellam ait: « Ubi hæresis, quæ sibilabat in mundo, et me, et papam Theophilum sui jactabat erroris; latratuque impudentissimorum eorum ad inducendos supplices nostrum mentiebatur assensus? Oppressa est ejus auctoritate et eloquentia, etc. »

50. Sed pro harum differentia litterarum, quæ prius, quæve posterius datæ sint, ex earum argumento, quas idem Hieronymus eadem ipsa Epistola ad Pammachium atque Marcellam dedit, poterimus intelligere, ubi ait: « Vos Christiani senatus lumina, accipite et græcam et latinam etiam hoc anno epistolam, ne rursum hæretici mentiantur a nobis pleraque vel addita, vel mutata: in qua laborasse me fateor, ut verborum elegantiam pari interpretationis venustate servarem, et intra definitas lineas enrens, nec in quoquam excedens loco, eloquentiæ ejus fluente non perderem, easdemque res eodem sermone transferrem: quod utrum consecutus sum, necne, vestro judicio relinquo. Quam sciatis in quatuor partes esse divisam. In primo credentes hortatur ad Dominicum Pascha celebrandum. In secundo et tertio loco Apollinarium et Origenem jugulat. In quarto, id est extremo, hæreticos ad penitentiam cohortatur. Si quid autem hic minus adversus Origenem dictum est, in præteriti anni epistola continetur: et hæc quam modo vertimus, brevitati studens, dicere plura non debuit. Porro contra Apollinarium succincta fides et pura professio non caret subtilitate dialectica, quæ adversarium suum,

¹ Apud Hier. epist. LXXIII. — ² Exod. XVII.

¹ Hier. Apol. adv. Ruffin. — ² Hier. ep. LXXVIII.

extorlo de manibus ejus pugione, confodit. Orate Dominum, ut quod in græco placet, in latino non displiceat; et quod totus Oriens miratur et prædicat, læto sinu Roma suscipiat; prædicationem quoque cathedræ Marci Evangelistæ cathedræ Petri Apostoli sua prædicatione confirmet: quamquam celebri sermone vulgatum sit, beatum quoque papam Anastasium eodem fervore, quia eodem spiritu est, latitantes in foveis suis hæreticos persecutum: ejusque litteræ doceant, damnatum in Occidente, quod in Oriente damnatum est: cui multos imprecamur annos; ut hæreseos reditiva plantaria, per illius studium longo tempore arefacta, moriantur». Hæc de litteris a Theophilo scriptis sanctus Hieronymus, nempe una synodica, ac duabus Paschalibus duorum annorum spatio intercurrende statuit.

51. Quod vero ad Synodicam spectat; eadem (ut ipse testatus est) ab ipso Hieronymo latinitate tradita, desideratur: nam licet tres extiterint Theophili epistolæ, nulla earum Synodalis est; sed eadem omnes Paschales esse intelliguntur, utpote quibus indicatur venturus Paschalis ex ipsiusmet Theophili calendis dies; Synodica vero nulla, quæ ex Synodo aliqua data possit intelligi. Porro quinque a Theophilo datas esse generales epistolas, quarum est memoria apud sanctum Hieronymum, ejusdem auctoris testificatione exploratum habetur: quarum omnium si tempus, quibus singule date sunt, inspicitur, ipsa quoque rerum gestarum series concinno ordine disponitur. Earum igitur omnium prima est illa hoc anno ex Synodo data, eaque ex causa appellata Synodica: secunda Paschalis dicta adversus Origenem et ejus discipulos peculiariter scripta, quæ etiam desideratur: hæcque illa est, de qua ipse Hieronymus in Epistola ad Pammachium et Marcellam scribit¹, cum ait: « Si quid autem hic minus adversus Origenem dictum est, in præteriti anni epistola continetur ». De ambabus his idem Hieronymus ubi supra adversus Rufinum agens² meminit, atque de tertia adversus Apollinarium et Origenem scripta, cum ait: « Duas, Synodicam, et Paschalem ejus epistolas contra Origenem illiusque discipulos, et aliam adversus Apollinarium et eundem Origenem per hoc ferme biennium interpretatus sum ». Porro tertiam hanc epistolam illam esse certum est, ejus argumentum in quatuor partes divisum ab eodem Hieronymo in dicta epistola ad Pammachium atque Marcellam data describitur³. Habes jam tres a Theophilo datas epistolas, unam Synodicam, duas Paschales: quarum posterior extat, et quæ ejus exordium: « Primum⁴ solemnitatis auguste sermo, etc. » Rursus vero post hanc alia sequitur ordine secunda in codice, dicenda tamen Theophili quarta, Paschalis vero tertia, quæ sic incipit⁵: « Christum Jesum Dominum gloriæ, etc. » Post hanc additur alia, dicenda Paschalis quarta, sed quinta ordine collocanda (ut patet ex ordine

præcedentium) quæ ita exorditur¹: « Nunc quoque Dei viva Sapientia, etc. » ejus argumentum describitur a sancto Hieronymo in epistola ad Theophilum², quam ipse in latinum se vertisse ait, cum haud pridem S. Paula ex hac vita migrasset, cujus transitum ad Deum contigisse certum est Honorio Aug. VI et Aristenolo coss. anno Domini quadringentesimo quarto: ejus temporis certa habita ratione, dicendum est, ultimam Paschalem, earum scilicet quarum mentio est apud S. Hieronymum, ordine quartam datam a Theophilo esse anno Domini quadringentesimo tertio.

52. Cum enim Paschalis epistola primo consueverit mitti Romam ad Romanum Pontificem, a quo reliquæ accepturæ essent Ecclesiæ, in die Epiphaniæ Domini diaconorum præconio inter sacra pervulganda (prout dictum est suo loco pluribus tertio Annalium tomo, ubi de Concilio Nicæno sermonem habuimus) utique non eodem anno, cujus Pascha indicabatur, sed superiori ab eo Paschalem scribi epistolam oportuit atque mitti. Qua quidem habita ratione, certo temporis ordine ita omnes a Theophilo datæ illæ quinque epistolæ disponuntur, ut hoc anno (prout demonstratum est) ex Synodo Alexandrina scripta a Theophilo Synodica fuerit de condemnatione Origenis et ejus doctrinæ inhaerentium Origenistarum: sequenti autem anno data fuerit prima Paschalis pro eo qui sequitur anno, nempe quadringentesimo primo: quo item anno quadringentesimo primo edita fuerit secunda Paschalis pro anno quadringentesimo secundo: tertia vero promulgata fuerit ipso anno Domini quadringentesimo secundo pro sequenti anno quadringentesimo tertio: quarta vero Paschalis (ut memoravimus) scripta sit ipso anno quadringentesimo tertio pro quadringentesimo quarto, quo eam in latinum vertit S. Hieronymus, defuncta jam paulo ante S. Paula eodem anno, mense Januarii. Hæc convenire cum editis ab ipso Theophilo Paschalibus Cyclis, curiosus explorator inveniet. Porro successivo ordine, annis singulis singulas eodem argumento adversus Origenis hæresim et ejus sectatores esse datas dictas epistolas liquet: cum alioqui aliis quoque annis (ut ante diximus) singulis singulas dare solet Paschales. At scrupulosam hanc Theophili epistolarum disquisitionem ad exactam temporum rationem minime prætermisise oportuit.

53. Quamnam autem post scriptas hoc anno ab Anastasio papa Origenis et Origenistarum damnationis litteras fuerint subsecuta: quidve Rufinus a communione Catholica alienus post hæc in S. Hieronymum molitus sit: rursus vero quid egerint adversus Theophilum Alexandrinum episcopum monachi Origenistæ ab eodem in Ægypto damnati atque expulsi, cum pervenerunt profugi Constantinopolim, sequenti anno dicturi sumus, quo res ab eis gestæ contigisse noscuntur. Quo quidem anno et non antea id confectum est, vel potius sequenti, secundum

¹ Hier. ep. LXXVIII. — ² Hier. adv. Rufin. — ³ Hier. ep. LXXVIII.

— ⁴ Extat. tom. I. Bibl. sanctæ. — ⁵ Ibid.

¹ Extat. tom. I. Bibl. sanctæ. — ² Hier. ep. XXXI.

alios, ut uno eodemque tempore et Alexandriae in Synodo a Theophilo Origenes cum Origenistis penitus damnarentur, et Romae ab Anastasio papa id ipsum publica sententia praestaretur. Quam bene accidit, ut in Occidente quam citissime pullulans haeresis convulsa penitus exaruerit : in Oriente vero sic compressa licet ad tempus siluerit, in nonnullorum tamen monachorum cordibus altioribus fixa racidibus, ad posteriora tempora infauistis propagata germinibus pullulaverit. De extincta autem statim in Occidente Origenis haeresis testatur S. Hieronymus in Epistola ad Theophilum data, qua in primis haec ait ¹ : « Nequaquam amplius antiquus serpens sibilat ; sed contortus, et evisceratus, in cavernarum tenebris delitescens, solem clarum ferre non sustinet. Qui quidem super hac re, antequam scriberes, ad Occidentem epistolam miseram, ex parte haeticorum strophas meae linguae hominibus indicans. Ex dispensatione Dei factum puto, ut eo in tempore tu quoque ad Anastasium papam scriberes, et nostram, dum ignoras, sententiam roborares. Verum a te nunc admoniti, magis studium accommodabimus, ut hic et procul simplices ab errore revocemus ». Et post alia, haec subdit : « Vincentius presbyter ante biduum, quam hanc epistolam darem ; de Urbe venit, et suppliciter te salutat, crebroque sermone concelebrat, Romam et totam Italiam tuis post Christum epistolis liberatam ». Haec Hieronymus. Atque de anni huius causa Origenistarum hactenus : jam vero ad reliquias huius temporis res gestas Ecclesiae Africanae orationem flectamus haud invitam.

54. *Idola et idolorum templa subversa ex imperatorum decretis, ubi maxime de idolo Carthaginiensi cui nomen Coeleste.* — Hoc eodem anno, sequenti scilicet ab eo, qui Gentilium deorum responsis fatalis praedictus erat, ut Christiana religio penitus excisa deficeret : Dei providentia factum est, ut deorum templorum et in eis consistentium idolorum facta fuerit ubique prostratio ac demolitio, contra vero Christianae religionis res magna creverint accessione. Id quidem disertis verbis sanctus Augustinus affirmat, dum ait ² : « Sequenti anno, consule Manlio Theodoro, quando jam secundum illud oraculum demonum, aut figmentum hominum, nulla esse debuit Christiana religio ; quid per alias terrarum partes forsitan factum sit, non fuit necesse perquirere. Interim, quod scimus, in civitate notissima et eminentissima Carthagine Africae, Gaudentius et Jovius comites imperatoris Honorii quarto decimo kalendas Aprilis, falsorum deorum templa everterunt, et simulacra frugerunt. Ex quo usque ad hoc tempus per triginta ferme annos, quis non videat quantum creverit cultus nominis Christi, praesertim posteaquam multi eorum Christiani facti sunt, qui tanquam vera illa divinatione revocabantur a fide, eamque completo eodem annorum numero inanem irridendamque viderunt ? » Haec Au-

gustinus post consulatum Honorii quartum cum Eutychiano, consule Manlio. Ex quibus aliisque superius dictis corrigendum est inversum Chronicon Prosperi, post consulatum Manlii ponitur consulatus Honorii cum Eutychiano ordine quidem praepostero. De quo ne aliqua remaneat ullatenus dubitatio, ecce tibi Claudianus in Panegyrico ejusdem Theodori consulatus, quem praecessit quartus Honorii, ista cecinit ³ :

Quem quater ipse gerit, perfecto delulit anno :
Deposuitque suas, te succedente, curules.

55. Ceterum cum de templis diruendis manarint anni huius exordio ab Honorio imperatore rescripta : cum populus Christianus conferto agmine impetum faceret in celsa et angusta quaque templorum aedificia, non sine urbium (ut videbatur) immensa deformitate : placuit eidem Honorio imp. posterioribus rescriptis iubere, ut ubique populus a diruendis publicis aedificiis abstineret : itemque alio edicto promulgato, ut spectacula minime haberi prohiberentur, quae tamen essent ab omni sacrificio et Gentilitia superstitione pura. Sed age jam, quo haec ipsa notiora fiant, eadem hic describamus edicta, atque illud in primis mense Januarii datum his verbis ⁴ :

« Sicut sacrificia prohibemus, ita volumus publicorum operum ornamenta servari : ac ne sibi aliqua auctoritate blandiantur, qui ea conantur evertere ; si quod scriptum, si qua lex forte praetenditur ; erute hujusmodi chartae ex eorum manibus ad nostram scientiam deferantur, etc. Dat. IV kal. Febr. Rav.. Theodoro V. C. consule ». Haec ad Marcobium P.P. Hispaniarum, et ad Proclianum vicarium quinque provinciarum Honorii. Idemque hoc eodem anno ad Apollodorum proconsulem Africae his verbis rescripsit ⁵ :

« Aedes illicitis rebus vacuas nostrarum beneficiorum sanctionum ne quis conetur evertere. Decernimus enim, ut aedificiorum quidem sit integer status. Si quis vero cum sacrificio fuerit deprehensus : in eum legibus vindicetur, depositis sub Officio idolis, disceptatione habita, quibus etiam nunc patuerit cultum vanae superstitionis impendi. Dat. IV kal. Septembris Patavio, Theodoro V. C. cons. »

56. Quod autem spectat ad ludos, ad eundem proconsulem Africae idem Honorius imperator ista rescripsit ⁶ :

« Ut profanos ritus jam salubri lege submovimus ; ita festos conventus civium, et communem omnium laetitiam (licentiam) non patimur submo-
veri. Unde absque ullo sacrificio, atque ulla superstitione damnabili, exhibere populo voluptates, secundum veterem consuetudinem, inire etiam festa convivia, si quando exigunt publica vota, decerni-

¹ Hier. ep. LXXI. — ² S. Aug. de Civit. Dei, l. XVIII. c. ult.

³ Claud. in Cons. Theod. — ⁴ L. XV. de Pagan. C. Theod. et Cod. Justin. eod. tit. l. I. II. — ⁵ L. XVIII. eod. tit. C. Theod. — ⁶ L. XVII. eod. tit. et C. Just. eod. tit. l. IV.

mus. Dat. XIII kal. Sep. Patavio, Theodoro V. C. cons. ».

57. In Oriente etiam Arcadius imperator ad Eutychianum P. P. rescripsit, ut illa templa idolorum diruerentur, quæ essent in agris. Sunt autem hæc verba rescripti ¹:

« Si qua in agris templa sunt, sine turba ac tumultu diruantur. His enim dejectis atque sublatiis, omnis superstitionis materia consumetur. Dat. III idus Julii Damasco, Theodoro V. C. cons. » Verum quæ reliqua erant templa in civitatibus, ut Gazæ Marnæum, ad biennium integra perseverarunt.

58. Sed quod ad templa in urbibus posita pertinet; etsi ab eorum demolitione vetiti sunt Christiani, iisdem tamen potiri concessum est. Magna quidem gloria Christianæ religionis effulsit, cum arbitrio ipsius antistitum clausis diu deorum templis, nunc reseratis, vexilloque illuc Crucis illato, comitantibus clero atque fidei populo, idola frangerentur, et simul cuncta, quæ superstitionis signa referrent, penitus tollerentur. Quid autem acciderit tunc Carthagine de templo Cælestis omnium famosissimo, S. Prosper² narrat his verbis ³:

« Apud Africam Carthagine Cælestis inesse ferebant templum, nimis amplum, omniū deorum suorum ædibus vallatum, ejus platea lithostrata pavimento ac pretiosis columnis et mœnibus decorata, prope in duobus fere millibus passuum protendebatur. Cum diutius clausum, incuria, spinosa virgulta circumseptum obruerint, velletque populus Christianus usui veræ religionis vindicare: dracones, aspidæque illic esse ob custodiam templi, Gentilis populus clamitabat. Quo magis Christiani fervore succensi, ea facilitate omnia amoverunt illæsi, quo templum suo vero cælesti regi et Domino consecrarent. Nam cum sancta Paschæ sollemnis ageretur festivas, collecta illic et undique omni curiositate etiam adveniens multitudo, sacerdotum multorum pater et dignæ memoriæ nominandus antistes Aurelius, cælestis jam patriæ civis, cathedram illic, loco Cælestis et habuit, et sedit. Ipse tunc aderam cum sociis et amicis, atque (ut se adolescentium ætas impatiens circumquaque vertebat) dum curiosi singula quæque pro magnitudine inspicimus, mirum quoddam et incredibile nostro se ingressit adspectui, titulus æneis grandioribusque litteris in frontispicio templi conscriptus, ACRELIUS PONTIFEX DEDICAVIT: hunc legentes populi, mirabantur, præsgo tunc spiritu acta, quæ præscius Dei ordo certo isto fine concluderat.

59. « Cumque a quodam pagano falsum vaticinium, velut ejusdem Cælestis proferretur, quo rursum et via, et templa prisco sacrorum ritui redderentur; ille, ille (inquam) verus Deus, cujus prophetica vaticinia nesciunt omnino mentiri, nec fallere, sub Constantio et Augusta Placidia, quorum

nunc filius Valentinianus pius et Christianus imperat, Urso insistente tribuno, omnia illa templa ad solum usque perducta, agrum reliquit, in sepulturam scilicet inortuorum: ipsamque viam sine memoria sui nunc Vandatica manus evertit ». Hæc ipse: ex his quoque et vides, quibus ex causis creverit fidelium æmulatione in templis deorum demolendis; quæ clausa penitus, esse despectui, illi patiebantur inviti. Cum enim Gentilium pertinacia impatiens dedecoris et contumeliæ, deorum templa penitus inaccessa manere, falsis oraculis in vulgus sparsis, fore jactabat, ut abolita Christiana religione, idololatria jam compressa majori resurgeret gloria, templaque rursus aperienda, et numerosiori multitudine frequentanda: quo hæc inanis prædictio cassa penitus redderetur, ante eorum oculos ipsorum templa fideles e fundamentis solo prosternere conabantur: ut sic tandem Gentilitas desperata fatiscens, victa daret victoribus manus, nomenque Christianæ militiæ. Quod quidem ex sententia evenisse, ea quæ nuper sunt ex sancto Augustino ⁴ recitata, testantur.

60. Hic tandem finis fuit famosissimi idoli Cælestis Carthaginensis, ejusque templi omnium in Africa celeberrimi. Adhuc vero ut Christi gloria ex ejus demolitionis idoli victoria parla magis magisque omnibus innotescat, hic paululum immorandum, deque eodem idolo et ejus origine et nomine est pluribus disserendum: omnia enim hæc conducunt ad Christi de perversissimo demone expugnato triumphum. Primum enim sciendum est, ejusmodi Cælestis Carthaginensis idolum etiam Romanis maxime venerandum fuisse: quod ex eo quisque poterit intelligere, dum ex Senatusconsulto atque principum placitis istud ipsum paucis concessum assecutum fuerit privilegium, ut posset hæres institui. Nam Ulpianus ⁵ J. C. hæc de his habet:

« Deos hæredes instituire non possumus, præter eos quos Senatusconsulto, constitutionibus principum instituere concessum est, sicut Jovem Tarpeium, Apollinem Didymæum, sicuti Martem in Gallia, Minervam Meliensem (Iliensem), Herculem Gaditanum, Dianam Ephesiam, Matrem Deorum Cybelem, quæ Smyrnæ colitur, et Cælestem (Cælestium) Salinensem Carthaginis ». Hæc Ulpianus.

61. Sed quodnam numen Cælestis nomine declaratur? Prima quidem fronte dixeris, esse Saturnum: nam cum Lactantii ⁶, tum aliorum plurium testificatione expressum habetur, peculiarem Deum Afris fuisse Saturnum, cui humanas hostias immolarent ⁷. Cum igitur constet Cælestem fuisse summo apud eos honore habitum; eundem fuisse Saturnum cum Cæleste, certum videri potest. His accedit Tertulliani Carthaginensis hominis summa auctoritas, dum primum hæc ait in Apologetico ⁸: « Unicuique provincia et civitati suus Deus est, ut Africæ

¹ Aug. in Lucifer. ser. xx. — ² Ulpian. tit. de his qui hæred. inst. possunt post C. Theod. — ³ Lact. de fals. relig. c. 21. — ⁴ Sd. Ital. et alii. — ⁵ Tertul. Apol. c. 21.

⁶ L. xvi. de Pagan. C. Theod. — ⁷ Prosp. de prædict. l. tit. c. 38.

Cœlestis ». Idemque postea in Scorpiaco ¹ isla subdit : « Afrorum Deum Saturnum placari victimis hominum ». Quibus accedit, quod a Græcis Saturnus Οὐρανός (quod, et Phœnotus ait) Cœlus est appellatus, seu Cœlestis. Illis adjungitur, quod Salvianus ² Cœlestem, non Deam, sed Deum appellat.

62. Verum Cœlestem, non Dei, sed Deæ fuisse nomen, ex eodem Tertulliano ³ in primis accipimus, ubi ait : « Ista ipsa virgo Cœlestis pluviarum pollicitatrix, etc. » Ista ipsa, nempe, quæ Carthagine colitur. Sed S. Augustinus ⁴, ejus gentilitis, utpote Afer, virginem Cœlestem nominat. Deam quidem et non Deum fuisse apud Ethnicos existimatum, declarat etiam præsens inscriptio incisa basi, super quam Cœlestis simulacrum collocatum erat ⁵ :

INVICTÆ
CÆLESTI
AUR. ONESI
MUS. D. D.

Et Apuleius, idemque ipse Africanus, eandem virginem appellat, Junonemque fuisse ait ⁶ cum ila eam compellat : « Magna Jovis germana et conjuga, sive tu Sami querulo partu, vagituque et alimonia tua gloriaris ; sive celsæ Carthaginis, quæ te virginem vectura leonis calo commeantem percolit, beatas sedes frequentas, etc. » Cujus quidem imaginem in antiquis nummis expressam feliciter invenimus. Consiste hic parum, quæso, lector : haud enim otiose tibi hoc exhibitum fuisse spectaculum senties. Habes duorum formas numismatum editas, alterius Severi imperatoris, alterius vero ejus filii Antonini ; atque in ambobus, a tergo ipsorum, Carthaginensium Deæ Cœlestis inesse signa. Meminisse autem debes, dictum esse secundo Annalium tomo effigiata ejusmodi fuisse numismata cum inscriptione, INDULGENTIA ACGG. quod Severus imp. una cum filio plurima Carthaginiensibus contulerit beneficia.

63. Cum autem utraque numismata hæc Carthaginensium Deæ typum expriment et imaginem, altera tamen ipsarum in eo tantum differt ab altera parva differentia, cum in posteriori Cœlestis Deæ dextera armata sit fulgure, in priori vero tympanum dextera Cœlestis teneat ; cujus effigiem ⁷ a Luciano habes magna ex parte descriptam. Dum enim agit de Dea Syria, hæc inter alia : « Leones ipsam ferunt, et tympanum habet, et coronam in capite turritam gestat ». Et Cybeleam haud dubium intelligas significari, quæ ad luctus ex Attidis morte suscepti consolationem, tympanum sumpsisse fertur. Porro ejusdem Deæ signa diversis gestaminibus tingi, illud declarat, quod idem Lucianus inferius habet de ejusdem imagine in templo Hierapolitano ad totius

Syriæ cultum posita, dum ait ejusdem simulacrum altera quidem manu colum, altera vero sceptrum gestasse ; quod et in nummis exprimitur : licet interdum alios pro colo reddidisse invenerimus fulgur.

64. Cæterum ejusdem Apuleii constat auctoritate, idem simulacrum non unius tantum, sed diversorum numinum nomina continuisse : sunt hæc ejus verba ¹ : « In universum quidem (quod vere dixeris) Juno est. Cæterum habet quippiam et Minervæ, et Veneris, et Lunæ, et Rhææ, et Nemesis, et Parearum : et altera quidem manu sceptrum tenet, altera autem colum, et in capite radios gerit, et turrim, et cæstum habet, quo solam Venerem cognomento Cœlestem exornant ». Hæc ipse. Similiter autem ex Cœlesti Carthaginensi exprimi plura numina, sive unum diversis nominibus nuncupatum, non tantum quæ nuper ex Apuleio sunt recitata declarant, sed et quæ idem enucleatius habet inferius hisce verbis, cum precatur : « Regina cæli, sive tu Ceres alma frugum parens originalis, quæ repertu lætata filię, vetustæ glandis ferino remoto pabulo, nili commonstrato cibo, nunc Eleusinam glebam percolis : Seu tu cælestis Venus, quæ primis rerum exordiis sexuum diversitatem, generato amore, sociasti, et æterna sobole humano genere propagato, nunc circumthuo Paphi sacrario coleris : Seu Phœbi soror, quæ partu ferarum medelis lenientibus recreato, populos tantos educasti, præclarisque nunc veneraris delubris Ephesi : Seu nocturnis ulalibus horrenda Proserpina, triformi facie larvales impetus comprimens » : ac paulo post, sic respondens ipsa ad Lucium : « En adsum tuis commota, Luci, precibus rerum Natura parens, elementorum omnium domina, seculorum progenies initialis, summa numinum, Regina manium, prima cælitum, deorum deorumque facies uniformis, quæ cæli luminosa culmina, maris salubria flamina, inferorum deplorata silentia nutibus meis dispenso. Cujus numen unicum, multiforme specie, ritu vario, nomine multijugo (multivoco) totus veneratur orbis. Inde primigenii Phryges Pessinunticam nominant Deam matrem : hinc autochthones Attici Ceropceiam Minervam : illinc fluctuantes Cyprii Paphyam Venerem ; Cretes sagittiferi Dictynam Dianam ; Siculi trilingues Stygiam Proserpinam ; Eleusini ut vestitam deam Cererem : Junonem alii, alii Bellonam, alii Hecatem, Rhamnusiæ alii : et qui nascentis diei solis inchoantibus illustrantur radiis, Æthiopes, Ariæque prisæque doctrina pollentes, Ægyptii caeremoniis me propriis percolentes, appellant vero nomine Reginam Isidem, etc. »

65. Attingit hæc etiam ex parte noster S. Ambrosius, dum de ea hæc ait expresse ² : « Quam Cœlestem Afri, Mitræ Persæ, plerique Venerem colunt pro diversitate nominis, non pro nominis varietate ». At quod idem Apuleius citatis in locis, eandem Cœlestem, Dianam nominatam fuisse tra-

¹ Tertul. in Scorpiæ. c. 7. — ² Salvia. de provid. Dei l. viii. — ³ Tertul. Apol. c. 23. — ⁴ Aug. de Civit. Dei, l. vi. c. 4. — ⁵ Roma apud Alexand. Borgianum. — ⁶ Apul. de asin. l. vi. — ⁷ Lucian. de Dea Syria.

¹ Apul. l. xi. in princ. — ² Ambros. adv. Sym.

dit : hic cum S. Hieronymo ¹ dicimus, non intelligi Dianam illam venatricem, quæ arcum tenet, et succincta est : « sed illam (ut ait) Multimammiam, quam Greci *πολύμασθον* vocant ; ut scilicet ex ipsa quoque effigie mentirentur, omnium eam bestiarum et ventium esse nutricem ». Quale fuisse simulacrum Dianæ Ephesiæ, antiqua monumenta docent. Certe quidem et Dianam Cœlestis nomine nuncupatam, antiqua inscripta lapidibus monumenta produunt, ut quæ subijcimus ² :

DIANÆ. CÆLESTI
SACRUM
Q. CORNELIUS
THEOPHILUS
CUM. QUINTIA. M. F
LUPERCA.

66. Sed unde id Carthaginensibus numen ? Audi Herodianum ³, dum describit Heliogabali portentosa deliria, cum quæreret deo suo Heliogabalo uxorem sociare : spretoque Palladis simulacro, quod cerneret galeatum : « Negans, inquit, belligeram uxorem atque armatam cordi esse deo suo, simulacrum Uranie (Cœlestis scilicet Deæ) jussit afferri : quod scilicet Carthaginensibus, omnique Africæ venerabile positum fuisse a Phœnissa Didone creditur, quo tempore antiquam Carthaginem dissecto corio edificavit. Hanc Afri Uraniam, Cœlestem videlicet, vocant ; Phœnices Astroarchem, Lunam esse affirmantes. Congruere igitur aiebat Antoninus matrimonium Solis et Lunæ ». Hæc Herodianus. Verumtamen quod est apud Herodianum, Astroarchem, astrorum principem, Reginam celi Judæi, Phœnices vero nominabant Astarthen, notissimum apud eos idolum, cujus genealogiam ab Eusebio ⁴ ex antiquissimis Phœnicum monumentis descriptam invenies.

67. Sic et Lucianus de Dea Syria agens, Sidoniorum idolum maximo apud eos honore habitum, Astarthen pariter nominat : quam deam Lunam esse, sic dictam, ipse se existimare testatur. Estque ejus mentio in divinis Scripturis ⁵ : nam de Salomone traditur, quod inter alias idolorum abominaciones colebat Astarthen deam Sidoniorum ; quam cum Apuleius (ut vidimus) nomet Reginam celi, intelligere potes eam ipsam fuisse, quam temporibus Hieremiæ apostatas Hebræos coluisse, conqueritur ipse Hieremias cum ait ⁶ : « Filii colligunt ligna, et patres incendunt ignem, et mulieres conspergunt adipem, ut faciant placentas Reginæ celi » : et alibi ex eorum verbis : « Ex eo autem tempore, quo cessavimus sacrificare Reginæ celi, et libare libamina, omnibus indigemus, et gladio et furore consumpti sumus ». Quam Reginam celi S. Hieronymus Lunam interpretatur : Paraphrasis

vero Chaldaica habet pro Regina celi, Sidera celi. Sentit et Philastrius ⁷, idem esse idolum, quod Sidonii et illis propinqui seducti Judæi coluerunt Reginam celi, quam Carthaginenses appellarunt cœlestem Virginem : nam ait : « Alia est hæresis in Judæis, qui Reginam, quam et Fortunam celi nuncupant, et Cœlestem vocant in Africa, colunt, eique sacrificia offerre non dubitant ».

68. Cæterum illud contigit, quod etsi unum idemque commune iisdem erat idolum : tamen cum pro diversitate regionum (quod Theodoretus ait ⁸) mutari consueverint deorum imagines : inde accidit, ut aliis signis eadem Dea expressa esset apud Sidonios, aliis apud Carthaginenses. Apud Sidonios enim eadem obequilans taurum (ut Lucianus ait) exprimebatur in nummis : nam et caput tauri Astarthen insigne fuisse, Eusebius docet ⁹ : cumque et Celi filiam extitisse dicit, inde quoque accidit dictam esse Cœlestem, quo nomine eandem colerent Africani, non tamen tauro, sed leonis dorso virginem insidentem.

69. At quorsum, dices, tota hæc de Cœlesti Carthaginensi proluxa tractatio ? ea nimirum ex causa, quod singula hæc sint præclarissima trophæa victoriæ Crucis Christi. Non enim (ut videbatur) in demolitione Cœlestis Carthaginensis unum tantum fuit prostratum idolum, sed omnia illa Gentilitiæ superstitionis sunt numina debellata, quæ ex Luciano, et Apuleio superius sunt recensita. Et quod majoris fuit gloriæ Christi, de illo tunc potentissimo triumphatum est dæmone, qui Salomonem sapientissimum Regum omnium vicisset, Hebræumque Dei populum sub iugo duxisset impietatis, ipsa Astarthe, nuncupata Regina celi, dea Sidoniorum, a Carthaginensibus dicta Virgo Cœlestis. Quod tunc exhibitum putas spectaculum cœlitibus dignum, cum quæ vecta leone Cœlestis caestaria scandens, uni ex illis sternitur pedibus, qui instar ovis ¹⁰ a Christo missus est inter lupos ? Quænam unquam de victoria hostium tam gloriosa est erecta columna, vel ingens elevatus est obeliscus, aut victoriis exsculptus militum fornix fuit triumphalis exstructus, sicut cum sedes Christianæ legis antistitis (ut ait Prosper) in loco Cœlestis est collocata, in qua et ipse Christi sacerdos stante populo sedet ? « Aurelius, inquit ille, cœlestis patriæ civis, cathedram illic loco Cœlestis habuit et sedet ». Etenim cathedræ episcopali leo ille Cœlestis succubuit ; quod in Ecclesia moris esset, thronos pontificis sculptorum leonum tergis imponi, mysticum illud reserans, superbiam sæculi adversariam Christi, dæmonisque potentiam Crucis virtute subactas. Equidem innumera de his cernuntur exempla, ut de ea quæ proxime ob oculos fuit, sede Pontificia in apside veteris Basilicæ Vaticanæ. Magna plane Christi victoria factum est, ut ubi Cœlestis idolum (quod ait Capitolinus in Pertinace) reddebat oracula, illic audiretur ab epi-

¹ S. Hier. in præf. in epist. Paul. ad Ephes. l. i. — ² Romæ apud S. Mariam Major. descripsit Smet. pag. 22. n. 11. — ³ Herod. l. v. — ⁴ Euseb. de præpar. Evang. l. i. c. 7. — ⁵ 3. Reg. xi. — ⁶ Hier. vii. et xlv.

⁷ Philast. c. 16. — ⁸ Theod. in Ezech. sect. ix. — ⁹ Euseb. de præpar. Evang. l. i. c. 7. — ¹⁰ Matth. xi. Luc. x.

scopo prædicari Evangelium veritatis. Sed de his hactenus.

70. Nunc autem reliqua prosequamur, quæ his item temporibus in Africa contigisse idem Prosper narrat his verbis¹ : « Novi quoque ipse, in quadam parte Mauritanie provincie de spelæis et cavernis illa antiqua producta simulacra, quæ fuerant absconsa, ut omnis illa cum clericis in sacrilegio perjurii civitas teneretur. Quid vero per cæteras provincias in re hac actum sit, et omnibus notum est, et exitus ipsi demonstrant. Doluit hæc futura Hermes Trismegistus; et mœrens inter cædentes scripsit, dicens : Tunc terra ista sanctissima sedes delubrorum atque templorum, mortuorum erit cadaverumque plenissima futura ». Hactenus Prosper.

71. *Christianorum moderatio erga Ethnicos horumque contra severitæ et furores in Christianos.*

— Rursum vero quod ad res Africanas pertinet; S. Augustinus cum de his agit, antequam scilicet imperatoris rescriptis licentia data esset Christianis adversus idola aliasque omnes ad ea spectantes superstitiones agendi, commendat Christianorum modestiam, dum nonnisi magna charitate cum ipsis agere consueverint. Ipse enim concionatus ad populum, ubi explicat illa Deuteronomii verba² : « Cum data vobis fuerit terra in potestatem, aras eorum destruetis, lucos eorum comminuetis, et omnes titulos eorum confringetis : cum acceperitis potestatem, hæc facite. Ubi nobis, inquit,³ non est data potestas; non facimus; ubi data est, non prætermittimus. Multi Pagani habent istas abominationes in fundis suis : numquid accedimus, et confringimus? Prius enim agimus, ut idola in eorum cordibus confringamus. Quando Christiani et ipsi facti fuerint, aut invitant nos ad tam bonum opus, aut præveniunt nos. Modo orandum est pro illis, non irascendum illis ». At hæc Augustinus ante rescripta illa adversus idola edita : quid autem post ipsa promulgata a suis voluit ipse præstari Christianis, hæc ab eodem commovente accipie⁴ Augustino : « Cum, inquit, templa, idola, luci, et si quid huiusmodi, data potestate, evertuntur : quamvis manifestum est, cum id agimus, non ea nos honorare, sed potius detestari : ideo tamen in usus nostros privatos duntaxat, et proprios non debemus inde aliquid usurpare, ut appareat nos pietate ista destruere, non avaritia. Cum vero in usus communes, non proprios ac privatos, vel in honorem Dei veri convertuntur; hoc de illis fit quod de illis hominibus, cum ex sacrilegis, et impiis in veram religionem mutantur ». Hæc ipse : ex quibus intelligis quam a suis exegerit Augustinus in Gentilibus superstitione abolenda hoc tempore moderationem : hand tamen ab omnibus id præstitum est, ut ipsa materia, ex qua idola confecta essent, Gentilibus ipsis fuerit restituta : quis enim illam a militum manibus rapacissimis extorsisset?

72. Accidit autem tunc temporis illud lugubre in Colonia Suffectana, ut Gentiles simulacri sui Herculis iacturam passi adversus Christianos arma corripientes, ex eis trucidaverint sexaginta; ad quos tunc S. Augustinus exprobrans ista breviter scripsit⁵.

« Immanitatis vestræ famosissimum scelus et inopinata crudelitas terram concutit, et percutit cælum, ut in plateis ac delubris vestris eluceat sanguis, et resonet homicidium. Apud vos Romanæ sepulcræ sunt leges, iudiciorum rectorum calculus est tenor, imperatorum certe nulla veneratio nec timor. Apud vos sexaginta numero fratrum innocens effusus est et sanguis : et si quis plures occidit, functus est laudibus, et in vestram curiam tenuit principatum. Age nunc principalem veniamus ad causam. Si Herculem vestrum dixeritis : porro redemus. Adsunt metalla, saxa nec desunt : accedunt marmorum genera, suppeditat artificum copia. Cæterum Deus vester cum diligentia sculpsit, tornatur et ornatur : addimus et rubricam, quæ pingit ruborem, quo possint vota vestra sacra sonare. Nam si vestrum Herculem dixeritis, collatis singulis nummis, ab artifice vestro vobis emimus Deum. Reddite igitur animas, quas manus vestra contorsit; et sicuti a nobis vester Hercules redhibetur, sic etiam a vobis sanctorum animæ reddantur ». Hactenus ad eos Augustinus, ironia ista exprobrans immane facinus, deorumque Gentilium inanem cultum ob oculos representans; ostendens facilius esse, mille denuo Hercules, et omnes deos Gentilium efformare, quam unum necatum hominem vitalibus restituere : declarans pariter quanto inferioris conditionis existeret Hercules, quem fractum reficere artifex posset, quam homo, qui semel extinctus, ab Hercule excitari non valeat.

73. At quid hoc item tempore Gentiles Colonie Calamensis in opprobrium promulgatorum in deos Gentilium legum egerint, ab ipso etiam accipe Augustino hæc de his ad Nectarium conscribente⁶ : « Contra rectissimas leges, kalendis Junii, festo Paganorum, sacrilega solemnitas agitata est, nemine prohibente tam insolentia usui, ut quod nec Iuliani temporibus factum est, petulantissima turba saltantium in eodem prorsus vico ante fores transiret Ecclesia. Quam rem illicitissimam atque indignissimam clericis prohibere tentantibus, Ecclesia lapidata est. Deinde post dies ferme octo, cum leges notissimas episcopus Ordini replicasset, et dum ea quæ iussa sunt velut implere disponunt, iterum Ecclesia lapidata est. Postridie nostris ad imponendum perditis metum, quod videbatur, apud Acta dicere volentibus, publica iura negata sunt. Eodemque ipso die, ut vel divinitus terrentur, grando lapidationibus reddita est : qua transacta, continuo tertiam lapidationem, et postremo ignem Ecclesiasticis tectis atque hominibus intulerunt; unum servorum Dei, qui oberrans occurrere potuit, occi-

¹ Prosp. de predict. l. III. c. 38. — ² Deut. VII. XII. — ³ Aug. in Matth. ser. VI. — ⁴ Aug. ep. CLIV.

⁵ Aug. ep. CCLXVII. — ⁶ Aug. ep. CCH.

derunt, cæteris partim ubi potuerunt latitantibus, partim quo potuerant fugientibus : cum interea contritus atque coarctatus quodam loco se occultaret episcopus ; ubi se ad mortem quærentium voces audiebat, sibi que increpantium, quod eo non invento, gratis tantum perpetrassent scelus. Gesta sunt hæc ab hora ferme decima usque ad noctis partem non minimam. Nemo compescere, nemo subvenire tentavit illorum, quorum esse gravis posset auctoritas, præter unum peregrinum, per quem et plurimi servi Dei de manibus interficere conantium liberati sunt, et multa extorta prædantibus : per quem clarum factum est, quam facile illa vel omnino non fierent, vel cæpta desisterent, si cives maximeque primates ea fieri perficere veluissent ». Hæc Augustinus de his quæ diebus istis Calamæ facta sunt, cujus Ecclesia sub Diocesi Hipponensi constituta erat, adeo ut ejus visitatio ipsi incumberet Augustino, ut Possidius ejusdem Ecclesiæ episcopus docet ¹.

74. Veniens igitur, his auditis, Calamam Augustinus, ut morientem sublevaret Ecclesiam, quid tunc egerit, idem ipse eadem epistola ita narrat : « Modo cum apud Calamam essemus, ut nostri in tam gravi dolore vel consolarentur afflicti, vel sedarentur accensi : quantum potuimus, quod in tempore oportuisse existimamus, cum Christianis egimus : deinde etiam ipsos Paganos mali tanti caput et causam, petentes ut ab eis videremur, admisimus ; ut hac occasione admoneremus eos, quid facere deberent, si saperent ; non tantum pro removenda præsentis sollicitudine, verum etiam pro inquirenda salute perpetua, multa a nobis audierunt, multum etiam ipsi rogaverunt. Sed absit ut tales servi simus, quos ab eis rogari delectet, a quibus noster Dominus non rogatur ». Discessit tandem ab eis Augustinus haud placatus, quod oblatam veniæ spem etiam lucro æternæ salutis minime suscepisset.

75. Quamobrem qui inter Ethnicos ibi consistentes grandior natu ac sapientior videbatur, Nectarius suis Gentilibus consulturus idololatriæ, ad eundem Augustinum reversum Hipponem litteras dedit, quæ hactenus exstant ², in quibus inter alia munus ab eo Christiani episcopi exigens, ista subdit : « Sed episcopum fas non est, nisi salutem hominibus impertire, et pro statu meliore causis adesse, et apud omnipotentem Deum veniam aliorum mereri delictis, etc. » Augustinus vero ad ipsum rescribens, ista pollicetur, nimirum acturum ut resipiscantibus parcat, cum nocentibus vero mitius agatur ; ita tamen, ne veniæ facilitate rursus alia his similia impiorum præsumat audacia, attendendam fore clementiam severitate : « Ad hoc (inquiens) nitendum, servata mansuetudine et moderatione Christiana, ut aut cæteros deterreamus eorum imitari perversitatem, aut cæteros optemus eorum imitari correctionem. Dama quæ illata

sunt, vel tolerantur a Christianis, vel resarciuntur per Christianos : animarum vero lucra, quibus acquirendis cum periculo etiam sanguinis inhiamus, et in illo loco quæstuosius provenire, et aliis locis illo exemplo non impediri desideramus ». Hæc ipse, plane docens qua ratione debeat episcopus attemperare cum indulgentiæ remissione severitatis rigorem.

76. Quænam autem ista fuerint consecuta, nihil præterea invenimus, nisi quod Possidius Calamæ episcopus, expostulaturus adversus Gentiles incendiarios et homicidas, navigavit ad Honorium imperatorem : cujus cum severum ad proconsulem rescriptum timeretur elicium, rursus idem qui supra Nectarius Calamensis, homo Gentilis, ad eundem S. Augustinum pro salute suorum litteras dedit : exstant ³ ipsæ, et quas ad ipsum redditit idem Augustinus ⁴, ubi et de Possidio apud imperatorem causam prosequente meminit.

77. *Romæ reliquæ idololatriæ sublatae ; Carmina Sibyllina combusta.* — Cum igitur tam in Oriente, quam etiam in Occidente (ut vidimus) adversus idola hoc anno fuissent promulgata rescripta : sicubi vehemens reliquorum facta est prostratio idolorum, Romæ certe ardentioribus studiis eorundem conclamata est demolitio, cum (sententia S. Hieronymi ⁵ alias repetita) nullibi vehementius quam Romæ, frequentiorique populo, vacua idolorum templa quaterentur. Sed ex quo ea quæ in aperto erant, jam fuerant disjecta atque contrita, secretos aditus, ipsa penetralia, specusque subterraneos fideles sunt curiosius perscrutati ; adeo ut inveniri latibula minime usquam potuerint, quæ solerti, pietate duce, sagacitati fuerint inaccessa. Tunc plane accidit, quod S. Prosper ⁶ una cum aliis suorum temporum rebus memoriæ prodidit de effecti draconis in specu latentis per monachum Christianum impostura detecta : cujus rei gestæ historiam tertio tomo, alia exposcente occasione, retulimus. Testatur etiam idem Prosper, templa deorum omnia cum suis adjacentibus spatiis fuisse tunc Ecclesiis ab Honorio imperatore collata.

78. Reserata tunc pariter sunt Apollinis Palatini absconsa, repertaque carmina Sibyllina, quæ a Stilicone in opus incumbente succensa fuere : in quem Rutilius Numatianus hæc proclamavit ⁷ :

Nec tantum Geticis grassatus proditor armis,
Ante Sibyllinæ fata cremavit opis.
Odium Athæam consumpti funere torris,
Nisæum crineam flere putantur aves.
At Stilico æterni fatalia pignora regni,
Et plenas voluit præcipitare colos.

Ita ipse, quod in Sibyllinis libris crederentur fatalia Urbis inesse præscripta. Quænam autem adversus ea quæ reliqua essent signa idololatriæ, ubique lo-

¹ Possid. in Vit. S. Aug. c. 12. — ² Apud Aug. ep. ccli.

³ Apud Aug. ep. ccliii. — ⁴ Aug. ep. ccliv. — ⁵ Hier. præf. in epist. ad Galatas. — ⁶ Prosp. de prædict. l. iiii. c. 28. — ⁷ Rutil. Itiner. l. ii.

eorum sub Romano imperio a Christianis hoc anno gesta fuerint, scriptorum inopia silent.

79. *Honorius edicto Judæos comprimit, deinde Manichæos.* — Qui igitur hoc anno ex recitatis edictis Gentilium superstitionem exagitant Honorius imperator, Judæos quoque sibi nimium arrogantes novo edicto compressit, dum collectas ab eis ex more faciendas inhibuit, ita rescribens ¹ ad Messalam præfectum prætorio :

« Superstitionis indignæ est, ut archisynagogi, sive presbyteri Judæorum, vel quos ipsi Apostolos vocant, qui ad exigendum aurum atque argentum a Patriarcha certo tempore diriguntur, a singulis synagogis exactam summam atque susceptam ad eundem reportent. Qua de re, omne quicquid considerata temporis ratione confidimus esse collectam, fideliter ad nostrum dirigatur ærarium. De cætero autem nihil prædicto decernimus esse mittendum. Noverint igitur populi Judæorum removere nos prædationis hujusmodi functionem. Quod si qui ab illo depopulatore Judæorum ad hoc officium exactionis fuerint directi : iudicibus offerantur ; ita ut tanquam in legum nostrarum violatorum sententia proferatur. Dat. III id. April. Mediolan., Theodoro V. C. cons. ».

80. Vetus hæc querela in Judæos etiam ante Christi adventum. Quod enim ubique terrarum dispersi per omnes provincias ipsi essent ; exigendo a suis vectigales pecunias Judæorum Primates, videbantur quodammodo ab universo imperio Romano tributum colligere : nam sicut ipsi a suis, ita illi ab hominibus ejus provincie in qua agerent, mille inventis modis, pecunias corradabant : fiebatque ut universi propemodum imperio subditi in Judæorum ærarium æs conferrent. Hæc enim in Judæos Cicerò exaggerat in oratione pro L. Flacco, qui jussus esse causam dicere, quod vetuisset Judæos collectam in Asia pecuniam Hierosolymam deferre. Sed et ad hæc spectare videtur recens hujus temporis querela Rutilii, cum ista lugeat his versibus ² alias ante alia occasione citatis :

Atque utinam nunquam Judæa subacta fuisset
Pompeii bellis, Imperioque Tili.
Latius excisæ pestis contagia serpunt,
Victoresque suos natio vieta premit.

De ejusmodi collectione pecuniarum per provincias ab ipsorum Patriarcha fieri solita, et de quæstionibus ab eodem legari consuetis, quos illi Apostolos nuncupabant, ex Epiphanio tertio Annalium tomoxidimus. Sed et S. Hieronymus de ejusmodi præscripta ab eis consuetudine in Vigilantiis ista ait ³ : « Hæc in Judæa perseverante consuetudine, non solum apud nos, sed et apud Hebræos, ut qui in lege Domini meditantur die ac nocte, et partem non habent in terra, nisi solum Deum, synagogarum et

totius orbis foveantur ministeriis ». Hæc ipse. Verum quod hoc anno Honorius imperator Judæis ademptum voluit, hand post diu, nempe sub ejus sexto consulatu cum Aristeneto, pro iisdem datis rescriptis ¹ restituendum putavit, anno videlicet Domini quadragesimo quarto. Extat tamen de eadem re Theodosii Junioris rescriptum, quo sibi vindicat quæ ab Occidentalibus Patriarchis a Judæis exigi consueverant ². At de Judæis hactenus.

81. Qui vero Gentiles atque Judæos censura legum coercuit, hæreticis quoque bellum rescriptis suis Honorius imperator indixit. Nam adversus Manichæos Africanam Ecclesiam perturbantes, ad Dominatorem vicarium ista rescripsit ³ :

« Noxios Manichæos, execrabilesque eorum conventus, dudum justa animadversione damnatos, etiam speciali præceptione cohiberi decernimus. Quapropter quæsit adducantur in publicum, ac detestiti (detestati) criminosi congrua et severissima emendatione resceant. In eos etiam auctoritatis aculei dirigantur, qui eos domibus suis damnanda provisione detentant (defensam, vel defendunt). Dat. XVI kalend. Junii Mediolani, Theodoro V. C. consule ». Sed unde id acciderit, ex S. Augustino facile intelligere potes, dum de Natura boni agens adversus Manichæos, de iisdem nefaria operantibus hæc ait ⁴ : « Hoc se facere, quidam confessi esse in publico judicio perhibentur, non tantum in Paphlagonia, sed etiam in Gallia, sicut a quodam Romæ Christiano Catholico audiui ». Hæc ipse. Cum ergo in Actis publicis ejusmodi illorum sordes fuerint propalatae ; eorumdem testificatione redditas manifestas, imperator legibus insecutus est : sed de iisdem Manichæis in Africa Proconsulari judicio detectis, et condemnatis, agemus suo loco inferius. Quid vero hoc ipso anno Honorius imperator ad Sapidianum vicarium Africæ pro Africana Ecclesia rescripserit ⁵, videamus :

82. « Si Ecclesiæ venerabilis privilegia cujusquam fuerint vel temeritate violata, vel dissimulatione neglecta ; commissum quinque librarum auri (sicut etiam prius constitutum est) condemnatione plectatur. Si quid igitur contra Ecclesias vel clericos per obreptionem, vel ab hæreticis, vel ab hujusmodi hominibus fuerit contra leges impetratum, hujus sanctionis auctoritate vacuumus. Dat. VII kal. Jul. Brixia, Theodoro V. C. consule ». Ut hæc autem sancirentur ab Honorio imperatore, præcessit legatio Africanorum episcoporum, mense Aprilis, ex Concilio Carthaginiensi hoc anno celebrato ; de quo hæc tantum reperuntur posterius commendata ⁶ : « Post consulatum gloriosissimi imperatoris Honorii Aug. IV et Eutychiani V. C., quinto kal. Maias, Carthagine, in secretario Basilicæ Restituta. In hoc Concilio legationem susceperunt Epigonius et Vincentius episcopi, ut pro confugientibus ad Ec-

¹ L. XV. et XVII. de Jud. C. Theod. — ² L. ult. de Jud. C. Theod. et l. XVI. C. Jud. eod. tit. — ³ L. XXXV. de hæret. C. Theod. — ⁴ Aug. de nat. bon. c. 47. — ⁵ L. XXXIV. de Episc. et Cler. Cod. Theod. — ⁶ Tom. I. Concil.

¹ L. XIV. de Judæis C. Theod. — ² Rutil. Hiner. l. I. — ³ Hier. in Vigil. in fin.

clesiam quocumque reatu involutis legem de gloriosissimis principibus mereantur, ne quis eos audeat abstrahere ». Ille ibi : meminisse namque debemus quæ anno superiori dicta sunt de Masce- zile Africano duce fratre Gildonis, ipsum nimirum

violasse immunitatem Ecclesiarum abstrahendo alios quos violententer ex eis; quorum sacrilegiorum causa diram Dei vindictam in se provocans infelix expertus est.

Anno periodi Græco-Romanæ 5892. — Jesu Christi 399. — Anastasii papæ 2. — Arcadii 17. et 5. Honorii 7. et 5.

1. *Coss. et quinquennalia utriusque imp.* — Coss. *Fl. Mallius Theodorus*, Occident., et *Eutropius*, Orient. Prior tam a Baronio quam a Patribus Benedictiois in editione Operum sancti Augustini Mallii amici, ubi non semel memoratur, ut videre est in locis a Baronio laudatis; perperam vocatur *Mantius*, in Fastis Idatiensis *Mantilius*, et ab aliquibus antiquis Fastorum conditoribus nomen ejus etiam corruptum. Sed eum *Fl. Mallum Theodorum* nuncupatum fuisse demonstrant tam Onuphrius, quam Rubenius in dissert. de Vita Fl. Mallii Theodori quæstoris S. Palatii, comitis sacrarum largitionum, ac præfecti prætorio Galliarum, Italiae et Africae, quam Grævius vir in antiquitate versatissimus nuper Ultrajecti publicavit. Contentus ero hic referre verba celeberris inscriptionis a Grulero pag. 399 recitatae :

DEDICATA. V. EIDUS NOVEMBRIS COS.
FL. MALLIO THEODORO. V. C.

Quia vero *Eutropius* e Fastis erasus fuit, et solius collegæ nomen eisdem adscriptum, in quibusdam Fastorum auctoribus legitur *Mallius* et *Theodorus*, et idem consul nomine atque cognomine quasi in duos divisus, nominatur. *Quinquennalia* Arcadii et Honorii post mortem patris imperantium in hunc annum incidunt. Arcadianorum Quinquennalium indicium est novitas a Sozomeno lib. 8, cap. 7, de Eutropio loquente observata : « Hic cum præpositus esset imperatoris cubiculariis, primus ac solus ex omnibus, quos aut vidimus, aut auditione accepimus, consulis ac patricii nomen adeptus est ». Supersunt et varia in legibus Cod. Theod. utrorumque solemnium vestigia, ut statim clare patebit.

2. *Eutropius primum in exilium actus, et dein occisus.* — A num. 7 ad 26. Eutropius *die xvi kalendar. Febr.* omnibus dignitatibus exutus fuit, et in Cyprum insulam relegatus, ut ex lege Cod. Theod. 17 *De pœnis*, ea die data, constat. Non multo post inde abductus, capite mulctatus, ut testes sunt Phi-

lostorgius lib. 2, cap. 6, Zozimus lib. 5, alique. At, inquit aliqui, Socrates lib. 6, cap. 6, Sozomenus lib. 8, cap. 7, et vetus scriptor apud Suidam, aiunt eum capite plecti jussu ab imperatore, et his Zozimus lib. 2, pag. 793, et Philostorgius lib. 2, cap. 6 suffragantur, qui aiunt, *Eutropium* in exilium primo in insulam Cyprum missum, et non multo post capite mulctatum. Utrumque enim verum est, et *Eutropius* in Cyprum primo relegatus, vitæque munere donatus; sed postea obruncatus fuit, sive *Gaius* hoc agente, ut Zozimus scribit, sive aliis multis id petentibus : nam et Claudianus lib. 2 initio in Eutropium, Cyprio exilio tot crimina expiari non posse inculcat.

3. *Eutropius mense Januario in exilium relegatus.* — Baronius num. 24 existimat, prope Paschale tempus *Eutropii* confugium ad Ecclesiam contigisse, et errorem irrepisse in subscriptionem præfatæ legis *De pœnis*; qua in re consentientem habet Gothofredum in ejus Commentario, quod divus Chrysostomus in fine Orat. de Eutropio, agat de indulgentiæ et veniæ tempore, procul dubio, inquit Gothofredus, antepaschalem Quadragesimæ indulgentiam indicans. Verum neque in Paschate, quod credidit Baronius, habita ea oratio, neque memoratæ legis subscriptio mendosa. Chrysostomus enim ait : « Numquid non clarior nobis et celebrior hodie conventus est? Nihil minus esse video in multitudine, quam si sanctus Paschæ dies ageretur. Quis istas huc hodie innumeras multitudines congregavit? » Non itaque in Paschate ea oratio dicta, sed quando Eutropius in exilium missus est; qua occasione Chrysostomus coram magno populi conventu peroravit. Cum vero Chrysostomus dicit apud Baronium num. 19 : « Non tribunalis est præsens tempus, sed misericordiæ potius, non repetundarum, sed clementiæ, etc. », non respicit ad indulgentiam antepaschalem, ut cum interpretatur Gothofredus, sed ad statum præsentis vitæ in quo inimicis injuriæ condonandæ, non vero vindicandæ, ut verbis immediate præcedentibus manifeste osten-

dit Chrysostomus : « Injuriis vos forte magnis affecit ac contumeliis ? (sc. Eutropius) ne nos quidem istud inficias ibimus. Sed non tribunalis est præsens tempus ». Nec urget quod habet Gothofredus ex Claudiano lib. 2 in Eutropium :

Nitior alternum Zephiri jam bruma teporem
Senserat.

Hi enim versus non respiciunt casum *Eutropii*, qui verno tempore configerit, sed motus in Phrygia a *Tribigildo* excitatos, ut ibidem videre est. Idque ex eo manifeste liquet, quod proxime Claudianus tumultus illos fuisse describat, nec de *Eutropii* exilio aut morte ejus sermonem habeat.

4. *Gaia imperium Orientale turbat, et Pulcheria nascitur.* — A num. 26 ad 31. *Gaia*, cui cum *Tribigildo*, qui adversus imperatorem rebellarat, clam conveniebat : « Pacem cum principe facit, ac præstitis ullro citroque sacramentis, per Phrygiam Lydiamque revertitur », inquit *Zozimus*, lib. 5, pag. 174. Verum anno sequenti « Constantinopoli civile bellum commovens, totam urbem igni ferroque turbavit », inquit *Jornandes de Reg. success.* cap. 94, et eo anno dicitur. Presenti vero *Pulcheria* nata est *Arcadio*, ut habent *Marcellinus* in *Chronico*, et auctor *Chronici Alexandrini*, qui addit, eam natam mense *Anthynæo* XIV kalend. Februar. Jam *Cæsario* et *Atico* cons. anno scilicet cccxcvii, susceperat ex *Eudoxia Flaccillam*, ut habent fidem *Chronographi*, idque mense *Desio*. XV kalend. Julias, inquit auctor *Chronici Alexandrini*. Hæc tamen, superstitie patre, obisse videtur; cum *Sozomenus* lib. 9, cap. 1, *Arcadii* liberos post ejus excessum recensens, *Flaccillæ* non meminerit. Hinc notat *Philostorgii* fides, qui lib. 2, cap. 6, ait, *Eudoxiam* « cum duorum tantum liberorum parens esset », ab *Eutropio* contumelia affectam : « minatus enim fuerat ei *Eutropius*, inquit, se *Palatio* eam prope diem ejectionum esse, liberos suos ambabus ulnis complexa, sicut erat, ad maritum accessit : et lamentans simul ac liberos prætendens, lacrymarum imbrem profudit. Alia item adjecit, quæ mulieres iratæ muliebri arte facere solent, quibus mariti animi ad miserationem vehementius concitent. Tum vero *Arcadius* et miseratione infantium commotus est, qui naturali quodam impulsu una cum matre ejulabant, et ira exarsit, etc. » si tamen vera narrat *Philostorgius*, *Marcellinus* et auctor *Chronici Alexandrini* anno uno tardius *Pulcheriæ* natale consignarunt, isque error *Marcellino* attribuendus erit, ex quo pleraque descripsit auctor *Chronici Alexandrini*.

5. *Majumæ spectaculum sublatum.* — Divus *Chrysostomus* spectaculum *Majumæ* dictum abolendum curavit. *Gothofredus* in comment. leg. 2 *Cod. Theod.*, ubi varia habet de *Majumæ*, observat ejus mentionem non occurrere, nisi ab eo tempore, quo Christiani imperatores exsistere, tantumque ejus retinenda populis studium fuisse, contra vero tam

justas ejus coercendæ, mox et prohibendæ, iisdem imperatoribus causas visas esse; ut a *Constantino Magno*, quo imperante *Majumam* celebratam verosimile ad *Arcadium*, octies hæc parte variatum fuerit, ea modo legibus permissa, modo iisdem vetita. In *Syria* agitata hæc festivitas, ac nominatim in locis, quæ aquis luxuriabant; ejusmodi sane fuit *Daphne* prope *Antiochiam*, quæ *Syriæ* caput erat. Hoc *Indicium Libani* *Antiochiæ* natus tribus *Oratoribus* describit, et proscibit, licet *Majumæ* nomine nullibi id designet. Penetravit et ad alias quoque urbes *Majumæ*, quamvis majore licentia in *Syria*. Nam *Theophanes*, et ex eo *Miscella* lib. 23 de *Leone II* *Constantini* filio loquens, ait : « Imperator facta *Majuma* in *Sophianis*, sedit in solio cum filio suo ». Tandem huc pertinere videtur quod divus *Chrysostomus* *Antiochiæ* tum degens (ut ipsemet diserte proficitur) *Homilia VII* in *Matthæum*, memorat, et tanquam diabolicum damnat de *Euripo* et *ἡδονῶν ἑστία*, in *Theatro*, ubi de loco superiori metretices spectabantur natantes, et in mediis aquis nudæ natatu ludentes. Festum illud conviviis et spectaculis, iisque indecoris ac prociis licentiæ de more celebrabatur. Censet *Baronius*, *Majumam* dictam esse a civitate maritima *Majuma* in *littore Syriæ* *Palæstinæ* primæ, ubi erat navale urbis *Gazæ*. De *Majumæ* plura *Gothofredus* citatur.

6. *Ruffinus adversus Hieronymum duos libros Invektivarum scribit.* — A num. 31 ad 36. Hoc anno divus *Hieronimus* *Epistolam ad Pammachium* et *Oceanum*, ordine LXV. scripsit, in qua factam a *Ruffino* interpretationem librorum *Periarchon* uti perniciosissimam detestatus est. Brevem etiam *Epistolam* ordine LXVI eadem de re ad ipsum *Ruffinum* misit, quam *Baronius* recitat. Statim ac *Hieronymi* litteræ *Pammachio* redditæ sunt, earum exemplar *Aproniano*, qui in *Ruffini* rem vigilantissime incumberebat, tradidit *Pammachius* *Hieronymi* et *Ruffini* communis amicus, et *Apronianus* eas *Aquileiam* transmisit, quo sub finem superioris anni adventavit *Ruffinus*. Is totus in furorem actus, duos et vestigio *Invektivarum* libros, qui inter Opera divi *Hieronymi* leguntur, scripsit, eisque non modo datam ad *Pammachium* *Epistolam* confutavit; sed etiam commentaria *Hieronymi* in *scriptas* litteras aculeatis censuris perstrinxit. Hos libros *Ruffinus* *Aproniano* nuncupavit, quos iste postea, ac collegæ amicis per universam *Italiam* legendos exhibuere. Porro *Hieronymi* *Epistolam* LXVI ad *Ruffinum*, itemque duos *Invektivarum* libros hoc anno exaratos, *Hieronimi* testimonio comprobatur, qui in *Apologia* 2 anno cum scripta, de laudata *Epistola* fatetur, « ante hoc circiter triennium » a se missam fuisse; de tibus vero *Invektivarum* ibidem ait : « Libri enim tui, quos limasti per triennium, disertiores sunt ». Quare eisdem componendis hoc anno *Ruffinus* manum admovit, quos denum veluti postrema lima expolitos exeunte anno cmi, ipsemet veluti de victoria securus, ad *Hieronimum* transmisit. *Baronius* anno cii, num. 32, cum illo triennio computandum

esse contendit annum cccxcvii, quo *Ruffinus* Romanum pervenit. At ut notat Em. cardinalis Norisius lib. I Hist. Pelag., cap. 2, hæc scribit initio statim libri primi *Rufinus*: « Perlegi scripta tua, Aproniane charissime, quæ ab amico et fratre bono, (*Hieronymum* intelligit) de Oriente ad vitum nobilissimum *Pammachium* missa transmisisti ad me ». Quare *Aquileiæ* erat, cum hoc anno *Hieronymi* Epistolam Roma ab *Aproniano* accepit, quam ideo ante hunc annum duobus libris consulare aggressus non est; cum hoc tantum Romam reliquerit, ut jam ostendi.

7. *Res Origenianæ chronologicæ digerendæ suis locis*. — A num. 36 ad 54. Rerum in causa *Origenis* gestarum Chronologia in Annalibus, hoc et duobus sequentibus annis, adeo perturbata, ut ad majorem ejus declarationem *Baronii* ordinem præter morem deserere cogar. Quæ hic itaque *Baronius* habet, anno cxi, majori ex parte exponam, quod ad illum pertineant.

8. *Honorius ornamenta publica per Hispanias et Gallias everti velat*. — A num. 54 ad 58. *Honorius* sub hujus anni coss. VI kalend. Feb. *Ravennæ* emisit legem 15 Cod. Theod. de *Paganis*, qua publica ornamenta detrahi et alio transferri prohibet, ubi non tantum templorum, sed etiam publicorum operum ornamenta intelligit: erant enim simulacra lavacris et balneis affixa. In plateis et compitis quoque simulacra fuisse docet *Lucianus* in *Prometheo*. *Ambrosius* adversus *Symmachum* lib. 2 ait: « Non illis satis sunt lavacra, non porticus, non plateæ occupatæ simulacris ». *Honorius* itaque sacrificia quidem prohibet, sed ornamenta publicorum operum per Hispanias et quinque Provincias vulgo dictas servari voluit, quod scilicet in his ornatus publicus consisteret. Christiani enim ferme ad idololatriam pessundandam, sicuti ad templa diruenda proni erant, ita et ad alia ornamenta, quibus superstilitio aliqua olim tributa fuerat. Hæc autem lex ad Hispaniam et ad Galliam pertinet, cum inscripta sit *Macrobio PP. Hispaniarum*, et *Procliano vicario quinque Provinciarum*. Nam, ut docet *Gothofredus* in hujus legis commentario hæc notæ *PP. Hispaniarum*, non interpretandæ sunt præfecto prætorio Hispaniarum, sed præfecto Hispaniarum, i. e. vicario Hispaniarum; Hispania enim una cum tribus diocesisbus dispositioni præfecti prætorio Galliarum agens, inquit: « Hispana tibi Germanaque Thetis paruit, et nostro deducta Britannia mundo, diversoque tuas coluerunt gurgite voces, lentus Arar Rhodanusque celer et dives Iberus ». De quinque Provinciis Galliarum ita vulgo appellatis suo loco egimus, et ex lege laudata constat, nondum hoc anno septem Provincias vulgo dictas institutas fuisse, ac præterea Galliarum et Hispaniarum episcopos ad eradicandam Gentilitiam superstitionem hoc tempore studium suum et operam contulisse.

9. *In Africa vetita sacrificia, sed publicæ festi-*

vitates permissæ. — Tum XIII kalend. Septemb. *Patavio, Theodoro cos.* *Honorius* festos conventus ludosque et convivia per vota publica, id est, in festivitibus publicis, agitari, per Africam nominatim permisit, citra tamen ullum sacrificium, et citra aliam superstitionem damnabilem. Ea convivia quandoque in ipsis templis, quandoque in publico et vicitim iuta, ut nullis ostendit *Gothofredus* in hujus legis Comment. Ex his liquet quibusdam gradibus Gentilitiæ superstilitio pessundata fuerit. Primo quidem sacrificia tantum prohibita: mox et alii ritus gentilitii: tandem etiam et convivia solemnitatesque aliæ vetitæ. Et prohibita, tamen nihilominus mansere, ita ut etiam in Christianos quoque ritus hi Gentilitii transierint, et quidem in Africa, ut liquet ex *Augustino* Epist. LXIV, quæ novo ordine est xxii, et multo post ex *Gregorio Magno* lib. 9, Epist. LXXI. Tum III kalend. Septemb. *Patavii* *Honorius* dedit legem 18 Cod. Theod. de *Paganis* inscriptam *Apollodoro proconsul. Africæ*, qua templa per Africam destrui velat, sacrificia rursum inlibet, et idola seu simulacra deponi jubet. Velat tamen adificia hoc prætextu dirui. Nihilominus divus *Augustinus* lib. 18 de Civit. Dei, cap. ult., paucis ante hanc legem latam mensibus, templa Carthagine eversa fuisse testatur: « Consule *Manlio Theodoro*, in civitate notissima et eminentissima Carthagine Africa. *Gaudentius* et *Jovinus* comites imp. *Honorii* XIV kalend. April. falsorum Deorum templa evertunt, et simulacra fregerunt », ubi tamen loco, *Manlio*, quod nomen in omnibus editionibus corruptum, legendum, *Mallio*, uti recte præter auctores laudatos habet *Claudianus* in fine *Panegyris De consulatu Mallii Theodori*.

10. *Arcadius templa in agris per Phœnicen dirui jubet*. — In Oriente *Arcadius* dedit legem 16 Cod. Theod. de *Paganis*, III idus Jul. *Damasco*, qua templa quæ in agris residua erant, sine turba ac tumultu dirui mandat. Inscripta est lex hæc ad *Euthychianum* præfectum prætorio, Orientis scilicet, indeque apparet eam pertinere ad Orientem, et nominatim ad Phœnicen Libani seu Phœnicen secundam cujus Metropolis erat *Damascus*, proindeque male *Baronium* existimasse hanc legem datam fuisse ad *Patrum* Africanorum legationem; cum Africa non *Arcadio*, cujus hæc lex est, sed *Honorio* pareret. Jussit *Arcadius* templa in agris Phœnices sine tumultu everti. Verum eventus huic rei minus respondit; utpote tumultu maximo per Phœnicen ob id exorto, plurimis monachorum vulneratis, nonnullis etiam cæsis, ut ipsemet *Chrysostomus*, qui hujus legis auctor fuit, Epist. cxxii et cxxvi testatur; agricolæ enim sua sibi templa servari enixius contendebant, iis rationibus, quas *Libanius* in Oratione de Sacris refert. Plura hæc de re *Gothofredus* in Comment. hujus legis.

11. *Templum Deæ Cælestis vero Deo dicatur*. — A num. 58 ad 72. Sola simulacra evertenda statuerat *Honorius* imper., indeque *Aurelius* Carthaginensis episcopus aliter egit cum famoso *Cælestis*

Deæ templo, quam ejus comites Gaudentius et Jovius, qui ipsa templa, ut mox diximus, diruenda voluere. Auctor enim anonymus libri *De promissionibus*, qui perperam creditur Prosper Aquitanus, lib. 8, cap. 38, ait : « Cum Sanctæ Paschæ solemniter ageretur festivitas, collecta illic et undique omni curiositate etiam adveniens multitudo sacerdotum multorum, pater et dignæ memoriæ nominandus antistes Aurelius, cælestis jam patriæ civis, cathedralis illic loco Cælestis et habuit, et sedit. Ipse tunc aderam cum sociis et amicis, atque (ut se adolescentium ætas impatiens circumquaque vertebat) dum curiosi singula quæque pro magnitudine inspicimus, mirum quoddam et incredibile nostro se infecit adpectui, titulus aeneis grandioribusque litteris in frontispicio templi conscriptus : Aurelius pontifex dedicavit ».

12. *Ejus inscriptio explicatur.* — Hæc inscriptio incisa basi, super quam Cælestis Deæ simulacrum collocatum erat :

INVICTE
CÆLESTI
AUR. OXESI
MUS. D. D.

Explicat eam Schelstratus in dissert. 1 de Ecclesia Africana, cap. 4, atque, ultima verba intelligenda non esse de Aurelio Carthaginiensi episcopo, qui *Cælestis Deæ* templum eo ipso tempore vero Deo dedicavit : sed de Aurelio Gentili, Carthagenensium pontifice. Nam cum templum hoc sub Aurelio Gentili pontifice, simulacro Cælestis Deæ dedicatum fuerit, et postea sub altero Aurelio Catholico episcopo, Numini Divino illud consecrari contigerit, hoc non immerito, tanquam Divinæ Providentiæ opus scriptor ille anonymus miratur : « Hunc titulum, subiungit, legentes populi mirabantur, præsertim tunc spiritu acta, quæ præscius Dei ordo certo isto fine concluderet ». Quæ germana hujus loci videtur explicatio. Rem similem narrat Sozomenus lib. 7, cap. 2, accidisse dum *Serapidis* templum, Theodosio M. imperante, Alexandria exverteretur, litteras scilicet quasdam hieroglyphicas signo crucis similes incisas apparuisse; quas cum viri eorum rerum periti interpretarentur, vitam æternam significare dixerunt : « Quas litteras », inquit Socrates lib. 5, cap. 17, « cum cernerent Gentiles et Christiani, suæ quisque religioni eas adaptabat, siquidem crucis effigies aliud apud Christianos, aliud apud Gentiles significat ». Christiani signum esse dicebant salutaris Christi Passionis, propriam religionis suæ notam, Crucem scilicet : Gentiles vero commune quiddam Christo et Serapidi esse affirmabant. Quod itaque tunc Alexandria, nunc Carthagine evenit, quod a præscius Dei ordo certo isto fine concluderet », inquit laudatus anonymus.

13. *Gentiles in Christianos sua templa demolientes serviunt.* — A num. 72 ad 79. Recitat hoc anno Baronius ex divo Augustino res duas, quæ di-

versis temporibus contingere. Hoc enim circiter anno in Colonia Suffectana, cum *Herculis* templum demolitum fuisset, Gentiles armis Christianos aggressi, ex iis trucidarunt sexaginta, quorum mentio in Martyrologio Romano ad diem xxx Augusti. Hac de re Augustinus ad Seniores Colonie Suffectanæ scripsit Epistolam I, quæ alias erat cclxviii.

14. *Uti postea anno cdxviii.* — Tum anno quadringentesimo octavo *Calamæ*, quæ urbs Numidiæ erat, Gentiles in opprobrium legis adversus Deos suos promulgatæ, in Christianos pariter insurrexere, multos occidere, et adificiis Ecclesiasticis ignem injecere, ut narrat divus Augustinus in Epistola ad Nectarium, novo ordine xci, alias ccli. Verum facinus istud patratum, non post leges hoc anno ab Honorio adversus Gentiles latas, sed post legem Cod. Theod. 19 de Paganis datam VIII kalend. Decemb. Romæ, Basso et Philippo coss. anno sc. cdxviii. In ea enim Epistola Augustinus num. 8 ait : « Contra recentissimas leges kalendis Junii festo paganorum sacrilega solemnitas agitata est », quæ sunt ipsissima legis 19 de Paganis verba. Præterquam quod legibus hoc anno promulgatis sacrificia idolis fieri prohibentur, non solemnitas festa celebrari. Ad hæc Baronius num. 73 perperam scribit, Ecclesiam Calamensem sub diocesi Hipponensi constitutam fuisse, « adeo ut ejus visitatio ipsi incomberet Augustino ». Nam cum visitatio ad solum primatem pertineret, hoc plane fuisset contra jus primitiale Numidiæ, ut recte observat Emin. cardinalis Norisius lib. 2 Hist. Pelag., cap. 8. Erat quidem *Calama* Hippo regi proxima ex lib. 2 contra Petilianum, cap. 99. sed peculiarem diocesim habebat, in qua nullum Hippoensi episcopo jus competebat, licet Augustinus ob tumultus ea in urbe exortos, eo statim de proximo sese contulerit, ut ipsemet refert in illa ad Nectarium Epistola. Baronius ad suam sententiam probandam, num. 74, laudat Possidium in Vila Augustini cap. 12, ubi ait : « Cum forte unus ex iis, quos de suo monasterio et clero episcopos Ecclesiæ propagaverat, ad suam curam pertinentes Calamensis Ecclesiæ diocesim visitaret, ut quæ didicerat pro pace Ecclesiæ contra illam hæresim prædicaret, etc. » At ex iis verbis liquet, inquit Card. Norisius, Possidium laudare lustrationem Calamensis diocesim, quam ipse, non vero Augustinus instituerat, quod tamen Baronius existimavit.

15. *Explicatur lex, ex qua tumultuandi occasione sumpere Gentiles.* — Sed redeo ad legem, ex qua tumultuandi occasionem sumpere Gentiles anno cdxviii. Ea quidem dicitur data Romæ, sed, ut notat Gothofredus in Comment. ibi, data, pro reddita, et proposita accipi debet, cum eo Christi anno Honorius, Ravennæ constiterit, ut ex Chronologia Codicis Theodosiani manifeste liquet. Sirmondus in Appendice ad Codicem Theodosianum ait : in Ms. Anticiensis in fine ejusdem legis haberi : *Proposita Carthagine non Junii*, sed hoc vitiosum videtur, nisi dicamus cum Patribus Benedictinis in præfat. ad Epistolas divi Augustini, hujus legis promulgatio-

nem factam fuisse prius in Numidia, et posterius Carthagine die quinta mensis Junii propositam esse; quæ conjectura certior existimanda. Vide quæ de ea lege in medium afferro anno cxx, num. 23.

16. *Patriarchæ Judæorum privilegia revocata.* — Ad num. 79 et seq. Data sub his coss. *tertio idus Aprilis* Mediolani, ab Honorio imp. lex 14 Cod. Theod. *de Judæis*, qua *Apostolatium*, ut vocabant, ad Judæorum patriarcham ex Occidente miti vertit. Quod, ut intelligatur, observandum cum Gothofredo in hujus leg. Comment. stante olim Hierosolyma a Judæis quotannis, stalo tempore, ex omnibus Provinciis per quas sparsi erant, ad eam urbem templumque aurum *διδραχμας* juxta legem, cujus etiam in Evangelio mentio extat, missum et deportatum, quo templo seu arario publico inferretur. Hinc Josephus lib. 16 Antiquil., cap. 10, recitat litteras Augusti, Agrippæ, Norbani, item Flacci, Julii Antonii ad Cyrenenses, Ephesios, Sardos, atque ad alios missas, in quibus scriptum erat, ut *Judæi*, qui ibi habitabant, dona pecuniasque in usum templi et sacrorum mittere Hierosolymam prohiberentur. Sed post excidium templi Hierosolymitani in vicem superioris collationis annuæ, patriarchæ Judæorum ex omnibus orbis Romani Provinciis tributum quoddam a superiore diversum, annuum, seu pensionem coronarii auri nomine a singulis Synagogis accepit, mox et exegit; et quidem etiam sub Christianis imperatoribus, diviso quamlibet etiam imperio in Orientale et Occidentale, quod docent Epiphanius in hæresi Ebionitarum xxx, et Julianus imp. Epist. xxv. Quare cum patriarcha, qui in Oriente residebat, hoc *apostolatium*, seu auri coronarii tributum ab Occidentalibus quoque Judæis exigeret, indignum Honorio visum, cum Occidentis imperium nulla in re Orientali subesset, patriarchæ Orientali licere jus quoddam supremæ potestatis in Occidente exercere, et aurum illud coronarium, seu tributum a partibus Occidentalibus exigere. *Honorius* tamen post quinquennium in Decennalibus suis hanc legem revocavit, ut ibidem videbimus.

17. *Manichæi in Africa coercentur.* — Ad num. 81 et seq. Honorius emisit etiam sub Theodoro coss. legem 35 Cod. Theod. *de Hæreticis*, qua Manichæos per Africam nominatim cohiberi, eosque simul et qui eos domibus suis defenderint, severe puniri jubet. Eam recitat Baronius, et ad eandem refert locum Augustini lib. de Natura boni, cap. 74, de Manichæis nefaria operantibus : « Hoc se fac re quidam confessi esse in publico judicio perhibent, non tantum in Paphlagonia, sed etiam in Gallia, sicut a quodam Romæ Christiano audivi ». Sed cum ista lex inscripta sit *Dominatori vicario Africæ*, manifestum est hunc locum, qui est de Paphlagonia et Gallia, cum hac lege connexionem non habere. Ex eo præterea liquet, Galliam hac hæresi infectam fuisse; de Hispanis enim nulla dubitatio esse potest.

18. *Honorius privilegia Ecclesiarum confir-*

mat. — Denique Honorius dedit legem 34 Cod. Theod. *de Episcopis*, a Baronio recitatam, et quidem *VII kalend. Jul. Brixia*, in qua privilegia, id est, immunitates Ecclesiarum et clericorum confirmat, et quidem sub pœna quinque librarum auri jam antea constituta. Baronius existimat, emanasse hanc constitutionem ad legationem Concilii Carthaginensis hoc anno *V kalend. Maii* habiti, ad Honorium imp. « ut pro confugientibus ad Ecclesiam, quocumque reatu involutis, legem promulgaret, ne quis eos auderet abstrahere », sicuti refertur in Codice canonum Ecclesiæ Africanæ can. 56, quia nempe *Maseeili* Gildonis frater anno superiori Ecclesiæ sacrilegus temeraverat, extractis, seu protractis ex ea ad penam quibusdam, teste Orosio lib. 7, cap. 37. Verum, ut recte vidit Gothofredus in Comment. hujus leg., postulat illa Patrum Carthaginensium nihil cum hac lege commune habet. Nam privilegium hic appellatum, pariter ut in quibusdam aliis legibus *de Hæreticis*, pertinet ad immunitatem Ecclesiarum et clericorum a muneribus extraordinariis et sordidis, non autem ad asylum Ecclesiasticæ rationem. Neque enim asylum Ecclesiarum *Privilegia* appellantur; cum nullum Ecclesiarum vel clericorum commodum contineant, sed ad miserorum securitatem inducta sint. Liqueat autem ex leg. 1 et 2 *de Hæreticis*, quo istud pertineat, nempe ad Donatistas et Hæreticos; quibus cum eadem quæ Ecclesiis Catholicis, privilegia, seu immunitates non competere, Catholicorum privilegia impetere et violare visum. Denique ratio temporum satis constare non posse videtur : postulat enim illa Patrum Africanorum, seu decretum de legatis in id mitterendis ad Honorium imp. datum est *V kalend. Maius*; lex vero illa *VII kalend. Jul.* duobus non integris mensibus post : quibus certe legati illi Carthaginem missi *Brixiam* ad Honorium vix pervenire potuere. Quare lege illa 34 *de Hæreticis* occurrunt Donatistarum et similium obreptioni, pariter, ut lege 1 et 2 *de Hæreticis*. Cæterum de isto Concilio Carthaginensi nihil aliud ad nos pervenit, quam memoratum decretum.

19. *Synesiî oratio de Regno.* — Ille anno *Synesiûs* egregiam *de Regno* orationem recitavit; nam pag. 22 et 24 ad *Tribigildi* motus anno præcedenti inchoatos respicit, cum pericula ex barbaro milite memoraus, scribit : « Hujus rei aliquot jam præludia ac velitationes fieri, nonnullasque imperii partes hand aliter atque corpus inflammari; cum quo aliena in ejusdem sani temperamenti concordiam coalescere nequeant ». Et rursus : « Amplissimos et validos exercitus cum Scythiis servis necessitudine conjunctis tum tuis-e, qui in republicam Romanam infelici sorte induxerunt; seditionis auctores, ducesque eos habere, qui summa et apud ipsos, et apud Romanos sint auctoritate ». Quare cum *Synesiûs* in Epist. xli scribat, Constantinopoli se discessisse *Aureliano consule*, anno sc. cd, et libro de *Insomniis ac Hygno III* testetur, legationem suam triennalem fuisse, liquet eum anno præcedenti, quo

Tribigildus tumultuari cœpit, viæ se dedisse, currenti orationem illam habuisse, ac sequenti Constantinopoli discessisse. In ea oratione *Cyrenes* patriæ suæ semirutæ aliquid opis ab imperatore petit, occasione sc. ejus *Quinquennialium* hoc anno exhi-

bitorum. Annis enim hujus solemnibus dicatis urbes constructas aut reedificatas, et ex urbibus ac provinciis legationes ad Principem de more missas, mille exemplis liquet, ut sæpius inculcavimus.

ANASTASII ANNUS 3. — CHRISTI 400.

1. *Consulatus Stiliconis*. — Quadringentesimus Christi annus ingreditur, adnotatus Fastis consulatu Stiliconis et Aureliani. Mirabuntur fortasse aliqui, socerum imperatoris Stiliconem, plurimum (ut videbatur) atque optime de imperio Romano meritum, tandiu vixisse ordinarii consulatus expertem. Sed quod ipse renuerit, id accidisse Claudianus exaggerat, cum his primum versibus merita ejus inculcat¹:

Qui mihi Germanos solus, Francosque subegit,
Cur nondum legitur Fastis? cur pagina tantum
Nescit adhuc nomen, quod jam numerare decebat?

et paulo post:

Sperabam nullas trabeis, Gildone perempto,
Nasci posse moras: etiam nunc ille repugnat?

At ille pacandum antea in omnibus esse Occidentale imperium, quam supremæ dignitatis honorem attingeret, prætexebat morarum causam. Bellis itaque consopitis, compressisque Barbaris, summa pace imperio parata, hoc tandem anno creari se consulem passus est. Unde idem Claudianus:

Nullus Boreæ metus: omnis et Austri
Ora sedet; cecidit Maurus, Germania cessit:
Et Janum pax alta ligat, te consule, etc.

Felicissimus plane Stilico in hanc diem, cum ob fortitudinem animi in rebus bellicis, tum ob ejusdem moderationem in tanta rerum prosperitate servatum: sed infelicissimus omnium redditus, cum querit adhuc altiora fastigia.

2. *Annonenses martyres passi, deque eorum martyrio Vigili Epistola ad Simplicianum*. — Ejusdem Stiliconis consulatu consignata inveni-

mus¹ Acta SS. martyrum Annonensium, Sisinnii, Martyrii, et Alexandri: extat de his Epistola Vigili præsulis Tridentini ad S. Simplicianum Mediolanensem episcopum, cujus Gennadius meminit, ubi ait²: « Vigilius episcopus Tridentinus conscripsit ad quemdam Simplicianum in laudem libellum, et epistolam continentem gesta sui temporis apud Barbaros martyrum ». Ita Gennadius. Sed cum mentionem habens Simpliciani, non dicat eum Mediolanensis Ecclesiæ fuisse episcopum, sed quemdam, quasi incertum ejus nominis virum; revocari posse videtur in dubium, num hic ille sit Simplicianus antistes successor S. Ambrosii: cum præsertim præcedenti capitulo idem³ de eodem Mediolanensi episcopo auctor agat, recensens edita ab eo scripta. Certe quidem id ipsi inexploratum fuisse videtur, aliis tamen omnibus compertissimum, cum Vigili Epistola in codicibus omnibus inscriptionem habeat ad Simplicianum episcopum: et licet cujus Ecclesiæ antistes fuerit, minime exprimat; tamen quod eum patrem appellet, cum episcopi collegas fratres consueverint nominare; non alium quam Simplicianum longo senio venerandum, esse potuisse, facile suademur. Nam et S. Augustinus jam episcopum scribens ad eundem libros Questionum, cum licet tunc tantum presbyterum, æque patrem appellat. Porro non alium quidem hunc ab eo Simpliciano fuisse, inde quoque elicimus conjecturam, quod constat auctoritate Paulini⁴, horum martyrum reliquias mox Mediolanum esse translatas; de quibus paulo post dicturi sumus.

3. Caterum tempus sedis Simpliciani haud anni hujus excessisse terminum, inde certum ducimus argumentum, dum constat legationem Afrorum episcoporum anno sequenti, nimirum post Stiliconis

¹ Claud. de laudib. Stilic. l. 11.

¹ Apud Mombril. — ² Genu. de vir. illust. c. 37. — ³ Genu. ib. c. 36. — ⁴ Paul. in Vit. San. Ambros. in fin.

consulatum, in Italiam missam esse ad Venerium Simpliciani successorem, ut suo loco dicemus. Imo quod et Anastasius papa (ut dictum est) ad eundem Venerium in causa Origenis Periarchon, et Origenistarum litteras dedisse liquet, et ut conjici potest, hoc anno : inde adducimur, ut opinemur, hoc eodem anno potius quam sequenti, Simplicianum diem obiisse, et subrogatum esse Venerium.

4. Sed unde (dicit aliquis) sub Christiano imperatore, in summa agente pace imperio Occidentali, compressis et oppressis indique barbaris, potuit locus esse martyris? Memoria repete quæ de Honorii imperatoris edicto adversus idola, et quæ in Africa a Gentilibus Suffectanis et Calamensibus in Christianos diximus perpetrata : cum scilicet jussis imperatoris edicto simulacris deorum, aliisque superstitionis Gentilitiæ signis ubique prosterni ; ubi contingeret copiam numerosiorem esse Gentilium, Christianorum vero numerum minorem, longeque abessent præfectorum apparitura ; compluribus in locis idolorum cultores, quasi proprietate patriæque diis certantes, vehementi furore animorum incensos, in Christianos eorumque Ecclesias esse crudeliter debauchatos : id quidem dictos populos Suffectaneos, et Calamenses Ethnicos in Africa præsumpsisse, quæ ad calcem fere anni superioris sunt dicta, declarant. Quod igitur vel in Africa, vel alibi furens gens idololatra patravit : istud ipsum, nondum anni unius elapso termino, Gentiles rustici vallis Anauniae, a Tridentina civitate spatio viginti quinque milliarum (ut produnt Acta martyrum) dissiti accolæ, in Dei ministros Sisinnium, Martyrium et Alexandrum crudeliter commiserunt. Commiserati enim isti rusticos illos, post tantam Christiani nominis lucem toto orbe diffusam, adhuc obstinatis animis tenebris superstitionis offundi ; ut eos e faucibus dæmonis vindictas aggregaret Ecclesiæ, e patriis sedibus facti volentes extorres, ad eos peregrinati, in medio nationis prave fixere tentoria, et Crucis erexere vexillum.

5. Inter hos primarius Sisinnius eminebat, genere Cappadox, diaconatus officio sacer, in Christianæ militiæ stipendiis veneranda senectute decorus. Martyrius vero lectoris ordine initiatus, ostiarii autem auctus erat munere Alexander. Primus Sisinnius suo sumptu in vico Gentilium erexit Ecclesiam, cui duo posteriores comministri voluntarii milites inhaeserunt. Instabat ille verbo, ex quo semine uberem referret pietatis proventus : isti mensis socii accedere. Sed irriganda erat terra sterilis sanguine martyrum, ut ad Evangelicam mensuram reddere posset fructum centuplum cum vitæ æternæ completiori additamento. Sed quomodo id acciderit, videamus. Ad finem jam vergebat hoc anno mensis Maii, cujus vicesimo tertio die Gentiles ex antiquis ipsorum ritibus auspicari consueverant Lustrationes segetum, ut ex kalendario ab antiquis monumentis formis Plantinianis a Smetio ¹ edito, cuique perspi-

cuum sit. Quod autem huiusmodi idololatriæ, collecta ingenti rusticorum manu, cum hostia lustrare solerent agros ejusmodi lustrationes, Ambarvalia ¹ quasi ab ambiendo rura, majores dicere consueverunt : de quibus ritibus Virgilius in Georgicis ² :

Et cum lustrabimus agros,
Terque novas circum felix eat hostia fruges, etc.

6. Porro eorundem martyrum Acta habent, rusticos illos Ethnicos vallis Anauniae id temporis ad hoc in unum collectos esse turbarum signis, ut agros circumeundo lustrarent. Cum vero egerent contribuere quendam suum, nuper per Dei ministros redditum Christianum, ut ad sacrificium victimam daret : et pro ejus patrocinio assurrexissent viri Dei, redarguentes ipsorum impietatem : omnis mox illorum furor in ipsos conversus est. Cum qui primum inter eos locum tenebat, Sisinnius tuba percussus, securibusque confossus, in lecto exanimis pæne decubuit. Verum sequentis diei mane diluculo rursum rustici in Ecclesiam irruerunt, ut eam penitus demolirentur ; aggressique sunt Martyrium intentum curæ Sisinnii jam proxime Deo spiritum reddituri ; quem fugam arripientem, tentum, pluribus affectum vulneribus ducendum ad idolum quod colebant Saturni, vinculis ligant, una cum Alexandro ab iisdem comprehenso latebras frustra captante. Trahunt et Sisinnium, et ejus collo appendunt ludibrii causa velut jumento rusticum tintinnabulum : cum ille eos admonens, inter salutaria verba frustra jactata, in via deficiens, martyrio coronatus, caelum conscendit : cui et Martyrius, ex vulneribus factus exsanguis, eadem corona auctus accessit collega martyrii. Alexander vero victus pedibus, raptusque per vepres saxaque, vivus pervenit ad templum : ubi accensa pira, injecti in eam sanctorum martyrum cadaveribus, optio data est, si vellet ignem evadere, una cum ipsis sacra faceret. Qui penitus abnuens, in ignem injectus, summa constantia in Christi confessione gloriose martyrium consummavit, parique cum sociis corona decorus de impietate Ethnica, et rusticana protervia triumphavit. Sed divinum mox impij sensere vindictam, cum evestigio atra nube ad terram usque caelo connecto, vibrantibus hinc inde fulminibus, conterriti, se primum in sanguinem innoxium peccasse sentire. Effectique tandem sanctorum martyrum sanguis, quem dæmones exhorrescebant, ut aliquo intercedente temporis spatio, idololatria ex ea regione penitus extincta fuerit, eorundemque Memoriam ibidem erectam frequenti cœtu fidelium frequentarentur. Hæc ex eorundem martyrum Actis collecta sunt.

7. At lectorem venerandæ antiquitatis cupidum, Epistola illa Vigilii ad S. Simplicianum, minime fraudandum putamus ; cum præsertim ipsa haud prolixa admodum sit, sed mendis nonnihil aspersa, non minime tamen labore ex diversis diversorum

¹ Smet. inscrip. pag. 36. n. 4. et 37. n. 1.

² Ex Festo apud Macrobi. l. III. c. 5. — ³ Virg. Georgic. II.

codicum lectionibus, quantum fas fuit, emaculata. Reddendam hic, inquam, eam putavimus, quod hoc unum certum sit reperiiri velus monumentum Actorum eorumdem sanctorum martyrum, cum ejusdem auctoris libellus eo argumento fusius scriptus omnino perierit, et istud ipsum sit vetustate corrosus. Epistola autem sic se habet ¹:

« Domino sancto ac venerabili patri, bonis omnibus præferendo, Simpliciano, Vigilius Tridentinæ Ecclesiæ episcopus S.

8. « Quamvis facta martyrum mentione, non verbis merita, sed verba meritis commendentur; potiusque sit constantiæ silentio præterire, quibus est probata virtus: tamen quia me suggerere causas, loca, pugnasque martyrii, pietas impulit, admonuit debitum, coegit officium: trepidantem merore linguam paginæ non negavi; quia nec abscondi poterat lucerna sub modio, nec vox pii sanguinis retineri. Post multos namque patientiæ gradus et sedulas pugnas, recens perfidiæ accessit iniquitas, quibus ministri in Ecclesiis, quæ nuper fundate fuerant, laccessiti sunt, ac martyrii titulos comparaverunt, parati ad omnia, libenter omnia sustinentes, nulli dantes occasionem, occasione gloriæ, gloriam meruerunt. Quorum vita (ut summa rerum fastigia referam) propter scientiæ notitiam fuit tam sollicitudinis quam propositi singularis. Nam omnes liberi nexu conjugii, Deo immaculatas animas ut sanctas hostias præstiterunt. Denique primus, vocabulo Sisinii, novam Christiani nominis pacem intulit barbaræ nationi; quam per annorum seriem, quod in se fuit, jugiter custodivit, nullum consortium pollute hospitalitatis agnosceus, velut Loth² Sodomit, stupendo timore reverentiam (religionem) servavit. Sed ovis, tota quamvis in luporum medio constituta, ovile quæsit, quod, impensis pusille fidei votis, munificus primus in illa regione fundavit; cujus minister (si me cum recensere dignaris) per hoc velut ex debito esse promeruit, senex ut ævo, illa merito præcesserit.

9. « Lector quoque Martyrius ejus adminiculo sociatus, jam nominis pignore commendante, eum religiosæ professionis exordia post militiam temporalem catechumenus induit. Nam projecto a se cingulo, rejectoque parentum vel fratrum carnalium cœtu, intelligens sese veræ lucis auctore Deo, gratiam consecutum, inter lectoris officia socialis, diviniæ laudis canticum auribus primus surde regionis intonuit, attentus operibus jugiter spiritalibus, lassatus jejuniis continuis, lectioni suæ pedagogus, in lucrandis animabus anxius, quam brevis temporis impendio tantum foras ante præmisit, ut illi corona merito crederetur. Quid liberatis animas referam, in sinum Abraham plena luce profectas, quas superstitio perfida dierum observantia, alienato jure nature, crudeli morte damnabat? Verum ille, subductis maternis uberibus lacte turgentibus,

peregrinus nutritu decentem semper matri querebat affectum, resurrectionem exemplis prædicatam viditibus oculis dicaturus. Hæc sunt pauca de multis.

10. « Alexander quoque Martyrii consanguinitate germanus, tertius Trinitatis hostiam complens, parem confessionis januam reservavit. Nam patriam, inquam, deinde peregrinus, parentesque deseruit, comes in probationibus fidus, fide magnanimus, miseratione propensus. Et, si testimonio meo utcumque creditur, non sunt nisi ipsi sibi alitriusque præferendi; quos commendari non opus fuit, nisi forte, quod decuit. At vero hactenus sunt allevata fastidia, si adhuc auribus libenter admittitis. Nam fumosa gentilitas contra vaporem fidei zelo diaboli flamma furoris incaluit, et inde jam lento fomite serpens, quod opibus (ut dixi) fidei, pauperiæ devota, primus id loci diaconus Ecclesiæ tabernaculum posuisset.

11. « Accessit quoque justæ ad titulos causæ, quod quondam hostias diabolo Christiana domus diaconi fideli ministerio prohiberet, ut lustralis vexillo præferri vexillum meruerit passionis. Nam invitata (incitata) sub uno prælio manus, ad sanguinem convolvit, ac malutinis horis nimium antecedentis diei vulneribus fatigatum, nec aliter lectulo deprehensum emerita quiete sepelivit. Lector quoque haud unquam impigre Deo ad ministerium antelucanum serviebat, qui diacono in sacrificio famulabatur; tunc medicinam vulneribus memoratis Martyrius exhibebat, antequam opera, qua deprehensi sunt, completeretur. Siquidem secedens ad hortum lector, qui Ecclesiæ cohærebat, captus, vitæ suæ arborem a radice plantavit. Ostiarius etiam passioni adjunctus est in hospitio deprehensus, animam suam ut non obtulit, ita non negavit. Verum omnes in unum collecti, per aliquot spatia tracti, Deo animas expirant. Et duorum quidem ductum est corpus exanime. Tertio vero ut tenacior vita, ita fuit pena magis sensibilis: nam vivus suas spectavit exequias, cum preparatus est de sacris Ecclesiæ culminibus seu trabibus rogos: hæc flamma martyres velavit. Reverenti autem voto cogitamus nobiscum, ut id loci Basilicæ construat, ubi primum fidei gloriæ testimonium meruerunt. Nunc me immeritum in utroque consortem paterno amore consolare, et cum iisdem sanctus apud ipsos exorator accede, quatenus possim die illa fimbriam aut sacerdotum aut martyrum, jam omnibus scopolis, peccator attingere. Sculamus speciali servitio sanctitatem tuam. Quæso ut memorem (maiores meum) me tui Domino commendare digneris». Item alia manu de reliquiis martyrum missis: « Denegare non potui, ut quod tum in nobis erat, gloriosius fieret suscipientis merito, non gratia largientis. Dies autem passionis sanctorum, quarto kalendas Junias sexta feria, luce nascente». Hucusque Vigili epistola, a mendis (ut licuit) vindicata: desideratur autem libellus ab eo fusius scriptus de eorumdem martyrio.

¹ Apud Lipom. tom. II. et Sur. tom. III. sub 20 Maii, et manuscript.
— ² Genes. XIX.

12. Quid vero mirandum acciderit, cum ejusmodi sanctorum martyrum venerandæ reliquiae per Vigilium ad Simplicianum missæ, Mediolanum allatæ sunt; audi Paulinum rem gestam probe testatam ita scribentem ¹: « Sisinnii etiam, Martyrii, et Alexandri martyrum, qui nostris temporibus, hæc est, post obitum S. Ambrosii, in Ananæa partibus, persequitur bus Gentilibus viris, martyrii coronam adepti sunt, cum reliquiis Mediolanenses summa cum devotione susceperunt, adveniente quodam caeco, et referente, cognovimus, qui eodem tacto lectulo, in quo sanctorum reliquiae portabantur, lumen recepit: eo quod per visum noctis vidisset navem appropinquare littori, in qua erat multitudo albarum. Quibus descenditibus ad lerram, cum unum de turba precaretur, ut sciret qui essent ii viri: audierit, Ambrosium, ejusque consortes. Quo audito nomine, cum precaretur ut lumen reciperet; auditiv ab eo: Perge Mediolanum, et occurre fratribus meis, qui illo venturi sunt (designans diem) et recipies lumen. Erat enim vir (ut ipse disserebat) de littore Dalmateno: nec se ante venisse in civitatem asserbat, priusquam recto itinere reliquiis sanctorum occurrisset, nondum videns; sed tacto loculo, videre cepisse ». Hæc Paulinus. Porro eadem ipsæ sacræ reliquie sub episcopatu sanctæ memoriæ Caroli Borromæi cardinalis, ejusdem Ecclesiæ Mediolanensis episcopi, repertæ, ab eodem celebri pompa translatae sunt, una cum sacris pignoris sanctissimi patris Simpliciani Mediolanensis episcopi, quem hoc etiam anno ex hac vita in cælum migrasse, nuper diximus, necnon Geruntii, atque Benigii. In quorum quidem translationem, imo repetitum nobis post tot secula sacrum sanctorum triumphum, P. Franciscus Bencius e Societate Jesu, vir maxime pius et insigniter eruditus, qui et Musas reddidit Christianas, et suaviore concentu canoras, cecinit sacrum hymnum ², cujus est exordium:

Sancti piorum spiritus,
Non parva pars caelestium,
Quorum beatis ossibus
Triumphat alma lusbria, etc.

habet eum in libro secundo ipsius Carminum.

13. At quid tunc actum est de Gentilibus, qui necem sanctis martyribus intulerunt? Missis a provincie præside militibus, tenti sunt omnes: jamque severo supplicio dammandi, pro iisdem intercedentibus apud Honorium imperatorem episcopis, liberati tandem sacerdotum precibus sunt, ne admissi immanissimi sceleris pœnas darent; quod non decere dicent martyrum sanguinem clamantem veniam non audiri. De horum tunc ab imp. concessa liberatione S. Augustinus ad Marcellinum scribens his verbis ³ meminit: « Scio enim in causa clericorum Ananensium, qui occisi a Gentilibus

nunc martyres honorantur, imperatorem rogatum facile concessisse, ne illi qui eos occiderant, et capti jam tenebantur, pœna simili punirentur ». Hæc ipse. Quod autem ipse S. Augustinus ait, eosdem sic necatos honores martyrum consecutus: hæc ea quidem de causa dicit, quod non Mediolani tantum, sed et in aliis Ecclesiis translatae ipsorum reliquiae colerentur: nam de iisdem hæc S. Gaudentius Brixianus episcopus ¹: « Recepinus etiam sanctos cineres Sisinnii, Martyrii, et Alexandri, quos nuper in ara Anani una venerandæ religionis cultui attentius inhærentes gens interfecit sacrilega, flammisque adhibitis concremavit, ut holocaustum Deo ipsi fierent, qui Christianos suos victimas demonis ministrare increpatione justissima vetuissent ». Hæc Gaudentius.

14. *Qui fuerit Vigilii episcopus et martyr.* — At de Vigilio Tridentino episcopo, eodemque martyre, ut dicamus, et ratio temporis et necessitas postulat argumenti. Nam Usuardus, cujus ex veteribus monumentis et antiquioribus Martyrologiis facta in dies singulos sanctorum collectio hand mediocris auctoritas est, hæc de eodem S. Vigilio habet VI kal. Jul. « Apud Tridentinam urbem S. Vigilii episcopi qui sub Stilicone consule pro Christi nomine magno imbre lapidum percussus martyrium implevit ». Itaque: quæ si referas ad primum Stiliconis consulatum, utique nondum mense exacto a nece dictorum trium sanctorum martyrum dicendum esset ipsius Vigilii martyrium contigisse: si vero ad secundum ejusdem consulatum rejicias; post annos quinque id factum oportuit. Quicquid sit; redargui quidem hujusmodi auctoritate certum est illorum sententiam, qui dixerunt martyrium Vigilii Tridentini episcopi contigisse post annum ferme centesimum ab hoc tempore, nempe sub Anastasio imperatore; ea quidem persuasione adducti, quod eundem Vigilium Tridentinum episcopum existimaverunt unum eundemque esse cum illo, qui adversus hæreticos scriptorum monumenta reliquit. Sed cum Vigilii Acta habeant ², ejus tempore passos dictos martyres Sisinnium, Martyrium, et Alexandrum; constetque testificatione SS. Augustini atque Gaudentii horum temporum scriptorum (ut alios prætermittamus) his Honorii temporibus eosdem consecutos esse martyrium; jam illa de tempore Anastasii ex incerto auctore allata testificatio penitus evanescit. Sed et firmissima illa accedit ratio: Quoniam modo, quæso, Vigilii simulacri Saturni causa a rusticis lapidibus obrutus esse dicitur post tot annorum decadas a nece dictorum martyrum, cum et Honorii imperatoris lato nuper edicto id præcipiente, et nece martyrum exigente, haud potuerit idolum illud post hæc tempora esse reliquum; cum præsertim militaris manus, qua et capti sunt rustici delinquentes, ad comminandum Saturni simulacrum minime defuisset?

¹ Paulin. in Vit. S. Amb. in fin. — ² Franc. Benc. Car. l. tr. hym. VII. — ³ Aug. ep. CLVII.

¹ Gaud. tract. de Concil. sanct. dedic. — ² Vit. S. Vigilii extat, ac ejus Opera edita contra Eutych. a Courter.

15. Sed quomodo describatur Vigilii martyrium, ex antiquioribus tabulis Clurterius reddidit, consentientia his referens quæ ex Usuardo nuper sunt recitata: nempe post triumi nominatorum martyrum trophæa, ipsum ad comminuendum idolum impulsus, eo contracto, lapidum inbribus a gentilibus rusticis appellum, martyrium consummasse. Consentit et idem auctor, hunc ipsum esse Vigilium, ad quem, cum creatus episcopus fuit, S. Ambrosius ¹ *De institutione episcopi* expetitam ab eo Epistolam scripsit, qua in eo potissimum argumento versatur, ut doceat scias Christianos non jungere cum Gentilibus matrimonia. Cum vero ex multis, quibus admonendus ille erat, hoc unum ab Ambrosio proluxa ea Epistola inculcetur: plane significatur, Gentilibus hominibus ejus confertam fuisse diœcesim: ad quorum conversionem Vigilii nervos omnes extensos esse, ipse tum suorum scripto martyrio, tum etiam suo sanguine declaravit.

16. Sed magna scias passa esse Acta Vigilii detrimenta, scriptorum incuria. Dum enim hunc ipsum esse, ad quem S. Ambrosius Epistolam illam scripsit, et eundem qui de martyrio Sisinnii et sociorum ad Simplicianum Mediolanensem episcopum litteras dedit, quem et sub consule Stilicone antiquæ tabule in Usuardo testantur martyrium subisse: dum (inquam) hunc ipsum martyrem volunt auctorem fuisse Incubrationum in Eutychem hæresiarcham, delirantia quidem de eo scribere, in primis vero idem qui supra Clurterius, dum vult hunc, ad quem ait scripsisse S. Ambrosium, natum esse sub Theodosio (ut ait) et Honorio imperatoribus: dum insuper, cujus ponit annos viginti episcopatus, putat potuisse scribere contra Eutychem. Utinam, sicuti invenit, Acta nobis Vigilii reliquisset! nam quem martyrem esse reperit, et ejus martyrii res gestas exscripsit, cum eundem quoque vult esse scriptorem, deformes simul conjunxit errores, magno dispendio veritatis. Quos alii ut caveant, ut nihilominus eundem exhiberent Vigilium Tridentinum martyrem atque scriptorem adversus Eutychem, cum post editas Incubrationes adversus hæreticos, sub Anastasio imper. a Gentilibus ob fractum Saturni simulacrum lapidibus obrutum tradunt ².

17. Sed quid præstitit auctor ille, qui Acta Vigilii in compendium redegit? Illud quidem (ipse parcat, ut inofficiose nimis, quæcumque essent in prioribus Actis, quibus declararetur passus Vigilius his temporibus Honorii imperatoris, omnino submoverit, atque prorsus abolenda censuerit, ne quid esse posset impedimento, quominus unus idemque Vigilius dici possit, qui contra hæreticos scripsit, cum eo qui a martyrium passus est. Sed delere minime potuit, quod fuit relatam in tabulis Ecclesiasticis, passum Vigilium consule Stilicone: nec etiam cavil, obliteranda esse, quæ ex prioribus

Actis in Vita Vigilii ipse intulit, nimirum eundem Vigilium liberales artes Athenis didicisse. Etenim ex his perspicue demonstratur, quo tempore Vigilii vixerit: nam a temporibus Arcadii imperatoris, cujus regni exordio Gotthi Græcias sub Alarico invaserunt (ut constat ex his quæ superius dicta sunt) Athenarum gymnasia prorsus oclusa, penitusque deserta mansere. Sed optime congruit, ut Vigilius Athenis adolescens litteris operam dederit, qui temporibus S. Ambrosii sedit episcopus: atque qui ad S. Simplicianum de passis eo tempore martyribus (quod testatur Gennadius) in laudem eorundem et narrationem rerum gestarum, Epistolam unam cum libello conscripserit, idem hoc tempore martyrio vita functus decesserit.

18. Cum igitur ex his quæ diximus, duo inter se diversi sint statuendi Vigilii, quorum alter his ferme diebus martyr obierit, alter vero qui post centum ferme annos inter scriptores Ecclesiasticos celebris existit: licet uterque dici possit Tridentinus episcopus, titulus tamen martyrii ex asserta superius causa, nonnisi priori (ut diximus) convenit. Posteriori quoque Vigilium dicere Tridentinum episcopum fuisse, non refragatur; quod minime impossibile videatur, centum ferme annorum spatio, duos ejusdem nominis fuisse civitatis nuntios episcopos: cum alioqui sciamus hujus centenarii spatio plures memoria celebres vixisse Vigilios; nempe Vigilium Africanum, cujus commentarii in Apocalypsim Cassiodorus ¹ meminit; Vigilium alium diaconum, quem tradit Gennadius ² scripsisse regulas monachorum: rursus vero sanctitate insignem Vigilium habes episcopum Brixianum, qui a S. Philastrio ejusdem civitatis episcopo septimum ordine sedit: Concilio præterea Agathensi inter alios episcopos Vigilius nomine antistes subscriptus habetur: ut non desit Vigilius, qui scriptorum illorum auctor asseri possit. Sed de his hæcenus.

19. *Quid Vincentius cum S. Martino.* — Gerebat hoc anno sub eodem Stilicone consule Vincentius prætorii præfecturam in Galliis, ut rescriptum Honorii imperatoris ³ ad eundem datum significat: hujus summa cum laude Severus meminit, de ejus cum S. Martino adhuc superstite necessitudine ita scribens ⁴: « Memini Vincentium præfectum, virum egregium, et quo nullus sit inter Gallias omni virtutum genere præstantior, dum Turonos præteriret, a Martino apertius poposcisse, ut ei convivium in suo monasterio daret. In quo quidem exemplum B. Ambrosii episcopi præferebat, qui eo tempore consules et præfectos subinde pascere ferebatur. Sed virum altioris ingenii, ne qua ex hoc vanitas atque inflatio obreperet, noluisse ». Ita Severus. Sicque videas in Ecclesia Dei sanctorum virorum alios sic, alios sic ambulasse, diversisque itineribus ad unum eundemque tendisse termi-

¹ Ambros. ep. LXX. vrl. edit. — ² Vid. Vigilii ante ejus Opera tom. v. Bib. sanct. et Apud Sur. tom. VII. et Galesin. in Not.

³ Cassiod. Instit. divin. Serip. c. 9. — ⁴ Genn. de Script. Eccl. c. 51. — ⁵ L. 1. ultimum vi. C. Theod. — ⁶ Sever. dialog. l. 1.

num, Dei voluntatem. Factus¹ ille, instar Pauli, omnia omnibus, ut omnes lucrificeret. Isle vero etsi hæc omnia sibi licere, non tamen æque omnia expedire, cognoscens, intra monasticæ observantiæ septa se maluit continere.

20. *Rescripta Honorii imperatoris tum pro iudiciis episcoporum, tum contra Donatistas.* — Eodem Stiliconis consulatu, mense Februarii, Honorius imperator sanctionem edidit, qua iudicio episcoporum voluit bene esse prospectum, potius exagitans eos, qui in Concilio sacerdotum depositi episcopi turbas cierint, et sæculare presidium putaverint exquirendum. Adversus quos ad Hadrianum præfectum prætorio ita dictavit²:

« Quicumque residentibus sacerdotibus fuerit episcopali loco detrusus et nomine: si aliquid vel contra custodiam, vel contra quietem publicam moliri fuerit deprehensus, rursumque sacerdotium petere, a quo videtur expulsus: procut ab ea urbe quam infecit (secundum legem diæ memoriæ Gratiani) centum millibus vitam agat. Sit ab eorum cœtibus separatus, a quorum est societate discretus. Sitque huiusmodi personis tenere hujus legis illicitum, sacra nostra adire secreta, et impetrare rescripta. Omnibus abjectis per culpam sacerdotio personis, quæ impetrata sunt, infecta permaneant. Scituris his quorum defensione nituntur, absque sui reprehensione non futurum, si hoc eis pollicentur suffragium, qui divinum non videntur metuisse iudicium. Dat. prid. non. Febr. Ravennæ, Stilicone et Aureliano cons. » Eodem quoque mense Februarii adversus Donatistas, ad eorum perfidiam retundendam, idem imperator Honorius ad eundem Hadrianum præfectum prætorio ista edixit³:

21. « Rescriptum quod Donatiste a Juliano tunc principe impetrasse dicuntur, proposito programme, celeberrimis in locis volumus anteferri, et Gestis quibus est huiusmodi allegatio inserta, subnecti. Quo omnibus innotescat et Catholicae confidentiæ stabilita constantia, et Donatarum desperatio fucata (fugata) perfidia. Dat. V kalend. Mart. Raven., Stilicone et Aureliano cons. » Qualem autem ejusmodi rescriptum fuerit, quive libellus Donatarum ad Julianum præcesserit, repete quæ quarto tomo Annalium dicta sunt. Sed quænam occasio exorta fuerit, ut Honorius imperator post tot annos elapsos ea ex Actis proconsularibus voverit in lucem edi, atque omnibus innotescere, modo dicendum. Pervenisse putatur ad Honorii imperatoris aures per legatos episcopos Africanos, vel ipsum Possidium Calamensem episcopum, cuius legationis anno superiori meminimus, inter alia Donatarum sive factis sive scriptis adversus Catholicos edita scelera, in vectiva illa, et quidem acerrima, Petilianus episcopi Constantiæ in Numidia civitatis, qua in illa sua publica Epistola adversus Catholicos commotus, eosdem vehementer exa-

gitavit, quod a principibus Christianis iisdemque Catholicis adversus improbos ipsorum conatus (ut vidimus) sæpe expetiissent auxilium: rem quidem hanc ut sacrilegam ille, qui ex foro, ubi causas orabat, in ecclesiam venerat Donatarum, Petilianus his verbis aggressus est exaggerare¹:

22. « Quid autem vobis est cum regibus sæculi, quos nunquam Christianitas nisi invidos sensit? etc. » Prolioxorem enim de his in sua Epistola orationem intexit. Quibus commotus Honorius in eorundem Donatarum opprobrium, qui absque eo quod Constantium sæpe sæpius adversus Catholicos (ut vidimus) interpellasset, eo quoque prociacæ pervenerunt, ut adversus eosdem indignissimum hominibus Christianis libellum Juliano imperatori Apostatæ obtulerint: illum ipsum in publicis quibusque locis perspicuum omnibus una eum rescripto ab ipso imperatore Juliano oblento affigi voluit, simul cum proconsularibus Gestis ea tunc in causa conscriptis; quo (ut ait imperator) omnibus innotesceret et Catholicorum una cum pietate constantia, et Donatarum desperatio fucata perfidia. Quibusnam verbis conceptus fuerit ille ad Julianum Donatarum libellus, quive illorum episcopi apud eum ea legatione perfuncti sint, et alia quæ ad eam causam spectare videbantur, dicta sunt a nobis superius ejusdem Juliani tempore, quo eadem perfici contigerunt. Sed quid tunc synagoga peccantium, ipsi nimirum cæcorum duces, cæci et ipsi Donatarum episcopi? Plane accidit quod de eorum similibus Hieremias occinuit²: « Confusi sunt, quia abominationem fecerunt: quin potius confusione non sunt confusi, et erubescere nescierunt: quamobrem cadent inter ruentes: in tempore visitationis suæ corruent, dicit Dominus ». Siquidem cum ad eorum curandam amentiam frustra omne adhibitum fuerit medicamentum, tandem tradi Barbaris meruerunt. Quæ autem a Catholica Ecclesiæ episcopis pro eorum salute fuerint sedulo studio procurata, inferius annis ferme singulis dicturi sumus.

23. *Origenistæ dolose per tres libros a Rufino defensi impugnantur acerrime a Hieronymo in Scriptis.* — Hoc quidem anno de cognoscendis Origenis erroribus paratur Romæ ab Anastasio papa iudicium, hactenus dilatum, quod legitima ejusdem Origenis Periarchon versio a S. Hieronymo³ elaborata Hierosolymis mittenda, fuerit expectata, dum interea alia ad causam pertinentia pararentur. Quod enim res magni momenti esset, ac minime contemnenda, cum non de vivente aliquo per se causam dicente, sed de homine jam ante centum et quinquaginta ferme annos vita functo, eodemque celeberrimi nominis tractaretur: quamvis adversarii instantius agerent, utpote exhorrescentes Romam ex Oriente ejus errores invectos: Anastasius tamen summa usus maturitate consilii, jam tandem tenu-

¹ 1. Cor. IX. — ² L. XXXV. de Episcop. et Cleric. C. Theod. — ³ L. XXXVII. de hæret. C. Theod.

¹ Apud Aug. contr. litt. Petil. 1. II. c. 92. — ² Hierem. VI. — ³ Hier. Apol. I. II.

pup adesse videt, quo ad succedendos adulteros palmitem securim Apostolicam paret. Quid autem inter hæc Rufinus? Astute quidem se gessit: dissimulans enim hæc omnia, quasi cum Anastasio papa in fide consentiret, affirmansque Theophilum Alexandrinum sibi communicatione conjunctum, atque Epiphaniæ magni nominis episcopi pacis communicatione munitum, in unum tantum Hieronymum styllum exeruit. Sed qua calliditate, quibusve fallaciis, audi.

24. Quod enim S. Hieronymus anno superiori, Pammachii atque Oceani, qui doctrina pollentes erant, et italium claritudine Romanorum nobilissimi, rogata (ut constat ex eorum litteris ¹) Origenis Periarcho germana sinceraque translatione latinitate donatum Romam misisset, addita ad opus præfatione, nempe Epistola ² ad eodem, qua omnes Origenis palam fecisset errores: iisdemque addidisset Epistolam haud pridem ad Rufinum ³ scriptam (ut ipse in Apologia ⁴ testatur) quibus significaret, nihil sibi esse pignarum adversus quempiam, sed duntaxat hæreses cum hæreticis insectari: Cum hæc, inquam, omnia, quibus Origeniste telis appelerentur, in se unum conversa Rufinus, ex præcordiis male affectus cuncta diducians, existimaret, trium annorum spatio tres adversus eundem S. Hieronymum libros elucubravit. Sed et quod sciret cum potentissimo adversario sibi esse certamen, eosdem tres libros a se conscriptos sic e fudit, ut tamen magna cautela curavit, ne in manus ejusdem S. Hieronymi pervenirent; sed tantummodo amicis illi crediti, sic per amicorum manus per Italiam vulgarentur, ut non quidem scripto, sed sermone multorum ferrentur.

25. Quod autem ii ab eo scripti tres libri fuerint, accipe id tertium ab ipso Hieronymo repetitum, ut cum primum ⁵ ait: « Nunc quoque quia renui laudatorem, et verso stylo docui me non esse quod meus necessarius prædicavit; dicitur furere, et tres contra me libros venustate altica texuisse »; et inferius: « Nec hesisse contentus, quasi adversus elinguem, semperque taciturnum, tres elaboravit libros ». Ac rursus in fine de iisdem tribus contra se scriptis voluminibus meminit: quæ Rufinus (ut idem ait S. Hieronymus ⁶) Apologiam uno nomine voluit nuncupari, cum tamen (ut ait) accusationes contineret et invecivas. Triennii vero spatium temporis in iisdem tribus elaborandis scriptis voluminibus, imo telis exacuendis, insumptum idem S. Hieronymus tradit ⁷. Ex quo enim illi innoverunt quæ S. Hieronymus ad Pammachium et Oceanum scripserat, et de germana Origenis Periarcho versione ipse Rufinus acceperat, ad defensionem paratis armis, in offensionem primum illa convertit, ut non tam Apologiam quam invecivam conscriperit.

26. Sed magna adhibita cautela tres accusatio-

num libros in Hieronymum elaboratos Rufinus edendos esse curavit, nimirum ut (quod dictum est) sic omnibus innotescerent, ut tamen eorum exemplaria scriniis amicorum clausa detinerentur, nec eos legendi facultas Hieronymo impertiretur. Unde quam iuste de his illæ sunt S. Hieronymi laceratæ querelæ: « Scribuntur, inquit ¹, contra me libri, ingeruntur omnibus audiendi, et tamen non eduntur, ut simplicium corda percutiant, et mihi facultatem pro me auferant respondendi. Novum malitiæ genus, accusare quod prodi timeas, scribere quod occultes ». Et in posteriori Apologia ² hæc idem de simulato Rufini prætextu: « Dicis te accusationem meam ad eos tantum misisse, qui meis verbis læsi fuerant, et non ad plures; quia non ad ostentationem, sed ad ædificationem Christianis loquendum est. Et unde, oro te, librorum tuorum ad me fama pervenit? Quis eos Romæ, quis in Italia, quis in Dalmatia disseminavit? Si in scriniis tuis et amicorum tuorum latebant, ad me quomodo mea crimina pervenerunt? Et audes dicere, te non ad ostentationem, sed ad ædificationem, quasi Christianum loqui, qui de sene senex tanta confingis, quanta non diceret de latrone homicida, de scorto meretrix, scurra de mimo? qui parturis mihi montes criminum, et gladios, quos deligas in jugulum meum, tanto ante tempore exacuis? Idcirco Cereales et Anabasi tui per diversas provincias euennerunt, ut laudes meas legerent? ut panegyricum tuum per angulos et plateas ac muliercularum textrinas recitarent. Hæc est tua illa sancta verecundia, etc. »

27. Equa lance, queso, lector, jura utriusque perpende, cum adhuc in vestibulo ejusmodi altercationis subsistis: revocaque ad stateram, quæ superius dicta sunt: nimirum rogatum, provocatum, impulsuque S. Hieronymum precibus amicorum, cum in crimen conniventis Origenis errorum inductus esset, tum ad suam innocentiam insinuandam, tum ad hæreses delegandas, necessario quidem editione germana Origenis Periarcho facta, in ejus tantum errores (ut par erat) invecivum fuisse. Et licet ejus sectatores Origenistas pariter fuerit insectatus, Rufini tamen nomen nunquam ab eo fuit expressum, quem potius perbrevis eademque familiaris epistola secreto admonendum putavit. Quid hoc æquus et sanctus? quid Christiano homine dignus, et Catholicæ Ecclesiæ opportunus, utilisve, hoc potissimum tempore præstari valuit? Quid hoc sibi magis necessario faciendum fuit? cum id quidem prætermisisset, vel dissimulasse tantum, id ipsum fuisset Origenis erroribus turpiter convivere. Præstitit igitur quod Catholicis doctoris erat, numerosque explevit hominis Christiani, sed et jura amicitie (quantum in se fuit) illibata servavit.

28. Sed quid? Sicut bonus homo de bono thesauro suo profert bona; ita malus (ex sententia Domini ³) de malo thesauro suo profert mala. Præstitit enim Rufinus, quod pecuniare est omnium

¹ Apud Hier. ep. LXIV. — ² Hier. ep. LXV. — ³ Apud Hier. ep. LXVI. — ⁴ Hier. Apol. l. 1. — ⁵ Hier. Apol. l. 1. — ⁶ Hier. Apol. II. — ⁷ Hier. Apol. II.

¹ Hier. Apol. l. 1. — ² Hier. Apol. II. — ³ Luc. VI.

hæreticorum, cum animi furore conjunctum mentis habere torporem; dum quem amice amplecti debuerat, refractarius conviciis insectatur et jurgiis, atque ad salutem capessendam socors, stupidus, atque penitus redditur obstinatus. Ita plane de hæreticis omnibus David ¹ occinuit, duas istas ipsorum præcipuas proprietates accommodata similitudine exprimens, ubi de priori sic ait: « Furor illis in similitudinem serpentis: de posteriori vero quod sequitur: « Et sicut aspidis surdæ obturantis aures suas, ne exaudiat vocem incantantium ». Sic igitur Rufinus admonitionem contemnens, in monitorem conversus, furore percitus, tribus cum libris illis conscriptis aggressus est, secundum poeticum illud ²:

Linguis uicat ore trisulis.

29. Quonam autem animo ad hæc S. Hieronymus compositus esset, quamque ægre nolens, reluctans, et (quod dicitur) obtorlo collo pertraheretur invitus: audi ipsius cum attestatione etiam numinis scriptam ad eundem Rufinum (ut jurato saltem crederet) contestationem ³: « Testor, inquit, medietorem Jesum, invilum me et repugnantem in hæc verba descendere: et nisi tu provocares, semper taciturnum fuisse. Denique noli accusare, et ego cessabo defendere. Quæ enim est audientium edificatio, duo senes inter se propter hæreticos digladiari, præsertim cum ambo Catholicos se videri velint? Omittamus hæreticorum patrocinium; et nulla erit inter nos contentio. Eodem fervore, quo Origenem ante laudavimus, nunc damnatum toto orbe damnemus: jungamus dexteram, animos copulemus; et duos Orientis et Occidentis *πρωτοεπίσκοπος* », nempe Theophilum Alexandrinum, et Anastasium Romanum Pontificem, « alacres sequamur incessu: erravimus juvenes, emendemur senes, etc. » Rursum vero illa ⁴: « Depone gladium, et ego scutum abjiciam. In uno tibi consentire non possum, ut parcam hæreticis: ut me Catholicum non probem. Si ista est causa discordiæ, mori possum, facere non possum »: Et in fine: « Sit inter nos una fides, et illico pax sequetur ». Hæc ipse ad suum ipsius animum insinuandum.

30. Contra vero, videas Rufinum, qui uno verbo ista omnia consopisset, damnando nempe cum Origene omnes ejus errores, episcopis acquiescens, eisdemque communionem se jungens, cum eisdem adversus eos pariter dimicans; his omissis, falsas excusationes obtexere, quo tempore Apologiam ad Anastasium papam dedit, atque in S. Hieronymum virulentos tres illos omnium discordiarum seminarum libros scripsit. Sed quod juxta divinum oraculum ⁵: « Judicia Domini pondus et statera »: secundum illud Davidicum ⁶: « Mentita est iniquitas sibi »: hæc omnia in majorem Rufini ignominiam cessare, atque fidei Catholice proficere.

31. Sed illud plane dolendum, fuisse Romæ tunc temporis in duas partes scissa Christiani populi studia, aliorum scilicet Rufino faventium, sanioris vero partis S. Hieronymo inhaerentium. Rufino quidem studebant Melania, et qui cum ea necessitudine jungebantur: Apronianus quoque nobilis genere, Rufini partes tuebatur, itemque Macarius, ad quem præfationem in versionem Periarcon inscripserat; quem maritum fuisse nobilissimæ Romane femine, idem ipse Rufinus tradit ¹: nominatus habetur et Chrysogonus quidam ² ejus studiosus, quem puto illum esse monachum Aquileiensem, ad quem ejusdem Hieronymi extat epistola ³; necnon alii, qui se Rufini esse discipulos profitebantur: quorum omnium (ut ipse Hieronymus tradit) erat in concervando quæcumque quavis occasione quæsita, in ipsum S. Hieronymum crimina, cura propensior: sed omnes hi vel Origenis erroribus maculati, vel Origenistarum consortio in hæresis suspicionem adducti. S. Hieronymo vero longe major atque potior pars in Urbe favebat, ut inter alios nobilissimos Romanorum Pammachius, Oceanus, Marcellinus, S. Marcella, atque alii denique non pauci ordinis Senatorii, fidei Catholice tenacissimi: qui cum aliis omnibus Orthodoxis, arbitrio Anastasii Romani Pontificis damnantis Origenistas, non privata affectione animi ferebantur. Sed omittimus recensere diversarum provinciarum antistites S. Hieronymo faventes, et inter alios ipsum Chromatium episcopum Aquileiæ, execrantes omnes detestabiles Origenistas.

32. Qui igitur triennii temporis spatium (ut dictum est) in tribus libris scribendis insumpsit, eos jam absolutos hoc anno Rufinus amicis suis communicavit: jam enim biennio Aquileiæ conederat (ut S. Hieronymus ⁴ tradit) qui annum antea Romæ manserat. Porro hæc, quod haud publice omnibus edidisset, sed per amicorum manus ferrentur, nequaquam nisi incerto rumore in Palæstinam ad S. Hieronymum pervenerunt: qui continuo styli ad tempus, expectans nimirum libros ab eo conscriptos ad se perferri: quod minime consequi licuit. Accidit tamen, ut post ferme biennium, cum germanus ejus Paulinians in Occidentem ad distrahendum patrimonium missus, Hierosolymam reverteretur, et capita quadam auditione percepta de accusationibus Rufini adversus ipsum S. Hieronymum eidem palam fecisset, ipse tunc invitatus licet ad scribendam suam defensionem, manum admoverit: Eam quidem scriptam fuisse post biennium, anno scilicet Domini quadringentesimo secundo, ex certo illo elicitur argumento, dum in sua tunc scripta a se Apologia testatur decennium intervenisse, ex quo ad Dexterum præfectum prætorio librum scripsisset *de Scripturibus Ecclesiasticis*, quem ex consulibus et annis imperatoris, duplici chronologia, editum fuisse anno Domini trecente-

¹ Psal. xvii. — ² Virgil. iii. Georg. — ³ Hier. Apol. ii. — ⁴ Hier. Apol. ii. — ⁵ Prov. xvi. — ⁶ Psal. xx.

¹ Rufin. invec. l. i. — ² Hier. Apol. i. in fin. — ³ Hier. ep. xlvii. — ⁴ Hier. Apol. i. ii.

simo nonagesimo secundo, monstravimus. Agemus igitur de eadem Hieronymi defensione suo loco. Sed quenam in libris Ruffini coacervata fuerint in S. Hieronymum crimina : quoniam ex ejus responsione manifesta redduntur, agemus de his inferius.

33. *Anastasius papa damnat Origenis errores, qui proinde ubique damnatur.* — Hoc itidem anno Domini quadringentesimo, quo a Theophilo episcopo Alexandrino primam Paschalem Epistolam scriptam fuisse monstravimus, sequenti scilicet anno post Synodum Alexandrinam, in qua hæreses Origenis damnatæ sunt : cum jam pluribus ac manifestis probationibus, atque potissimum S. Hieronymi scriptis Romam missis, germana Origenis Periarcho translatione facta, ejusdem errores singuli aperta luce cunctis inspicendi fuissent expasiti; Anastasius papa apostolica auctoritate easdem Origenis hæreses damnat. Id enim significat S. Hieronymus Epistola hoc anno ad Pammachium atque Marcellam data ¹, cujus est exordium : « Rursum Orientalibus vos locupletis mercibus, et Alexandrinæ opes primo Romam vere transmittite ». Et post nonnulla, quenam hæ sint lucres, subdit his verbis : « Vos Christiani senatus lumina, accipite et græcam et latinam etiam hoc anno epistolam », Theophili scilicet, « ne rursum hæretici mentiantur a nobis pleraque vel addita, vel mutata : in qua laborasse me fateor, ut verborum elegantiam pari interpretationis venustate servarem, etc. » Hæc de prima Paschali Theophili Epistola S. Hieronymus, qui anno superiori datam ex Synodo Alexandrina Synodicam miserat eodem ferme argumento conscriptam. Sed et quod ad finem ejusdem habet epistolæ, plane declarat Anastasium papam hoc eodem ferme tempore decretum de damnatione hæresum Origenis Romæ promulgasse : nam ait : « Prædicationem quoque cathedræ Marci Evangelistæ cathedræ Petri Apostoli sua prædicatione confirmet. Quanquam celebri sermone vulgatum sit, beatum quoque papam Anastasium eodem fervore, quia eodem spiritu est, latitantes in foveis suis hæreticos persecutum : ejusque litteræ doceant, damnatum in Occidente, quod in Oriente damnatum est ». Hæc S. Hieronymus; qui licet rumore tantum quod Romæ ab Anastasio papa factum esset de damnatione Origenis errorum accepisset, cum eo modo ad Pammachium atque Marcellam scripsit; revera tamen ab eodem Romano Pontifice id factum fuisse, certum est.

34. *Damnatis igitur ab Anastasio Romæ erroribus Origenis, scribuntur per orbem Catholicum ab ipso litteræ; in quæ cavenda forent, omnes sciunt : de quibus sanctus Hieronymus* ² : « Quid, inquit, facient epistolæ Theophili episcopi? quid pape Anastasii in toto orbe hæreticorum persequentes? » Quibus sane factum est, ut accipientes præcipuarum Ecclesiarum episcopi litteras Romani Pontificis, ii-

dem collectis suis sibi subjectis episcopis, æque damnarent, quæ Romæ ab Anastasio papa sciunt esse rejecta : præstitisseque inter alios id ipsum Chromatium episcopum Aquileiæ, nec non Venerium sedis Mediolanensis antistitem, fidem facit idem S. Hieronymus illis verbis ³ in Ruffinum invectus : « Ergo beati episcopi Anastasius et Theophilus et Venerius et Chromatius, et omnis tam Orientis quam Occidentis Catholicorum Synodus, qui pari sententia, quia (et pari spiritu, illum nempe Origenem) hæreticum denuntiant populis, fures librorum illius judicant? etc. »

35. *Quin etiam sanctionem imperatorum secutam esse exinde episcoporum judicium, idem S. Hieronymus illis verbis significat, quibus Ruffini querelis ita respondit* ⁴ : « Si quid contra Origenem et sectatores ejus dicitur, in te dictum putas. Ergo et Epistolæ pape Theophili, et Epiphani, et aliorum episcoporum, quas nuper ipsis jubentibus transtuli, te petunt, te læcerant : imperatorum quoque scripta, quæ de Alexandria et de Ægypto Origenistas pelli jubent, me suggerente, dictata sunt : ut Romanæ urbis pontifex miro eos odio detestetur, meum consilium fuit : ut totus orbis post translationem tuam in Origenis odium exarserit, quem antea simpliciter lectitabat, meus operatus est stylus. Si tantum possum, miror cur me non metuas ». Hæc in Ruffinum S. Hieronymus; quod ille, quæcumque contra Origenem in Ecclesia acta essent, ipsi Hieronymo accepta ferret; cum revera in hoc sacro bello ipsum magno animi vigore classicum cecinisse, non dubium sit. At hæc quidem Romæ hoc anno de condemnatione Origenis errorum. Quid autem peculiariter actum sit in Ruffinum, qui has Romam merces invexerat, dicendum anno sequenti, quo constat ad eum litteras dedisse Anastasium, ut se Romam ad dicendam causam conferret.

36. *Fabiolæ funus et laudes.* — Antequam autem recedamus ab Urbe, clarissimæ femine persolvamus extrema. Hoc enim anno defunctæ S. Fabiolæ, spectatæ egregiæque sanctitudinis, et generis claritudine celebris viduæ, S. Hieronymus rogatus ab Oceano epitaphium scripsit; cujus exordium cum illa diversa tempora numeret, quo potissimum anno id acciderit, circumscribit, dum ait ⁵ : « Plures anni sunt, quod super dormitionem Blesillæ Paulam venerabilem feminam recenti adhuc vulnere consolatus sum : quartæ ætatis circulus volvitur, ex quo ad Heliodorum episcopum Nepotiani scribens epitaphium, qui liquid habere potui virum, in illo tunc dolore consumpsi : et ante ferme biennium Pammachio meo pro subita peregrinatione Paulinæ brevem epistolam dedi; erubescens ad disertissimum virum plura loqui, etc. » Paulo vero post : « In præsentiarum tradis mihi Fabiotam, laudem Christianorum, miraculum Gentium, luctum pauperum, solatium monachorum, etc. » Cum igitur ipse S. Hieronymus quatuor annos numeret ab

¹ Hier. ep. LXXVIII. — ² Hier. Apol. 1. 1.

³ Hier. Apol. 1. II. — ⁴ Hier. Apol. 1. 1. — ⁵ Hier. ep. xxx.

obitu Nepotiani, duos vero a dormitione Paulinae : presentem annum Fabiolæ funeri ipsum adscribere, ex iis quæ superius dicta sunt, satis manifestum apparet; ut de his nec vel levis quidem dubitandi relinquî possit occasio. Nisi quod, cum reperias in litteris S. Hieronymi post decem annos, nempe post urbis excidium, scriptis ¹ ad Marcellinum et Anapselchiam, de Fabiola tanquam vivente mentionem haberi (ad quam idem S. Hieronymus duos in Ezechielem libros a se conscriptos misisse testatur, quos nonnisi post excidium Urbis ipsum elucubrasset liquet ²) affirmare necesse est, aliam illam ab hac fuisse Fabiolam, minoremque dicendam : nec quidem mirum, cum et duas Paulas, totidemque Melanias, seniores ac juniores, eodem tempore liceat numerare. Sed quæ istius majoris Fabiolæ fuerint ornamenta virtutum, ab eodem Hieronymo paucis complexa, scriptaque ad Oceanum, relegamus. Post enim alia, quæ nos superius pro temporis ratione narravimus, ista subdit ³ :

37. « Prima omnium *νενοσφεύειν* instituit, in quo ægrotantes colligeret de plateis, et consumpta languoribus atque inedia miserorum membra foveret. Describam ego nunc diversas hominum calamitates, truncas nares, effossos oculos, semiustos pedes, luridas manus, tumentes alvos, exile femur, crura turgentia, et de exesis ac putridis carnibus vermiculos bullientes? Quoties morbo regio et pædore confectos humeris suis ipsa portavit? Quoties lavit purulentum vulnere saniem, quam alius adspicere non valebat? Præbebat cibos propria manu, et spirans cadaver sorbitioneulis irrigabat. Scio multos divites et religiosos ob stomachi angustiam exercere huiusmodi misericordiam per aliena ministeria, et clementes esse pecunia, non manu : quos equidem non reprobis, et teneritudinem animi nequaquam interpretor infidelitatem : sed sicut imbecillitati stomachi veniam tribuo, sic perfectæ mentis ardorem in cælum laudibus fero : magna fides ista contemnit ». Et paulo post, poeticum illud usurpans :

Non ⁴ mihi si linguæ centum sint, oraque centum,
Ferreæ vox :
Omnia morborum percurrere nomina possim.

Quæ Fabiola in tanta miserorum refrigeria commulavit, ut multi pauperum sani languentibus inviderint. Quanquam illa simili liberalitate erga clericos et monachos et virgines fuerit. Quod monasterium non illius opibus sustentatum est? Quem nudum et clinicum non Fabiolæ vestimenta texerunt? In quorum se indigentiam non effudit præceps et festina largitio? Angusta misericordiæ ejus Roma fuit. Peragrabat ergo insulas, et totum Etruscum mare, Volscorumque provinciam, et reconditos curvorum littorum sinus, in quibus monachorum consistunt chori, vel proprio corpore, vel

transmissa per viros sanctos ac fideles munificentia circuibat, etc. » Subdit de ejusdem Hierosolymam peregrinatione; sed de ea suo loco a nobis mentio facta est. Atque post multa hæc tandem in fine de funere : « Quantum, inquit, haberet viventis Fabiolæ Romæ miraculum, in mortua demonstravit. Necdum spiritum exhalaverat, necdum debitam Christo reddiderat animam : et jam fama volans tanti prænuntia luctus, totius Urbis populum ad exequias congregabat : sonabant Psalmi, et aurata tecta templorum reboans in sublime quatiebat Alleluia : hic juvenum chorus, ille senum, qui carmine laudes feminas et facta ferant, etc. » Atque de S. Fabiola hæc tenus. Jam vero ad res Orientalis Ecclesiæ se oratio conferat.

38. *Gainas tyrannus rursus conspirat in imperatorem, et cum eodem congreditur.* — Immanis barbarus, truculentusque tyrannus, omnium scelestissimus proditorum, Gainas haud exsatiatus adhuc sanguine totius ferme Minoris Asiæ populorum, neque placatus Entropii consulis nece, potens Gothorum exercitu, in angustum iterum redigens Arcadium imperatorem, novas illi arroganter easdemque duras pacis condiciones præscribit, petens nimirum Aureliani consulis ac Saturnini viri consularis, necnon Joannis qui erat Arcadio Augusto a secretis, capita sibi dari : Audet et majora, nempe templum sibi suisque Arianae sectæ militibus Constantinopoli aperiri. Sed hæc præmissa præludia potius erant ad futuram quam totius imperii tyrannidem affecbat. Ac plane res ex sententia accidisset, nisi divinum presidium tum periclitantibus imperatori ac civibus opportuno tempore cælitus effulsisset. Sed quomodo hæc se habuerint, per singula oratio distincte narrabit. Ac primum quod ad tempus spectat : cum sub consulatu Aureliani hæc gesta esse, ipsa rerum series indicet, erroris arguitur Marcellini Chronicon, quo id anno superiori factum describitur sub Entropii consulatu. Sed quid de his in primis scribat Zozimus ¹, audiamus :

39. « Gainas cum pervenisset Chalcedonem, postulabat ut se Arcadius princeps ipse conveniret : nec enim se cum alio quoquam præter hunc allocuturum dicebat. Cum princeps in hoc quoque fuisset assensus, coitum est in quodam ante Chalcedonem loco, ubi Euphemie religiose martyris ædes exstructa stabat, quæ propter cultum Christo præstitum honore afficitur. Placuit Gainam et Tribigildum ex Asia in Europam transvehi, eisque ad mortem viros in republica eminentissimos dedi. Ille erat Aurelianus, qui ejus anni consulatum gerebat, et Saturninus consularis, et præter hoc Joannes, cui præstare omnia sua arcana crediderat, et quem plerique perhibebant ejus filii, quem Arcadius habebat, patrem esse ». Sed calumnia hæc Zozimi manifesta, nam nondum adhuc natus erat unicus Arcadii filius Theodosius : « Huic quoque postulato » subdit ipse Zozimus « princeps, licet tyrannico, satisfacie-

¹ Hier. ep. VIII. — ² Hier. præf. in l. in Ezechielem. — ³ Hier. ep. xxx. — ⁴ Virgil. Æneid. vi.

¹ Zozim. l. v.

lat. Cumque viros illos Gainas accepisset, eisque gladium admovisset, ea tenus tamen, ut eulem tantummodo stringeret : satis habuit eos duntaxat exilio pœnas luere ». Hæc Zozimus.

40. Commendata admodum fuit amplissimum virorum virtus, cum pro redimenda salute imperii sese ferocissimo barbaro dedi magna animi constantia passi sunt : nam de eis hæc Socrates¹ rem gestam narrans : « Cum postulare Gainas, ut imperator Saturninum et Aurelianium, duos consulares viros, ordinis senatorii facile principes, quos ipsis conatus retardaturos suspicabatur, ad eum mitteret : imperator, etsi animo invito, necessitati tamen parens temporis, concessit. Illi, utpote pro republica mortem oppetere admodum cupientes, excoelo et erecto animo imperatoris mandato obtinuerunt. Proinde in planitie, in qua equos ad cursum exercere solent, longe a Chalcedone Barbaro obviam facti sunt, ad quemcumque cruciatum subvenndum parati. Verum isti ab illo nihil perpassi sunt mali : atque ille rem cupitum dissimulans, Chalcedonem contendit : ibi Arcadius ei fit obviam. At cum imperator et Barbarus simul in templo essent, in quo corpus Euphenie martyris conditum, et sepultum est; iurjurandum mutuo dant, se revera alterum alteri non facturos aliquando insidias : Sicque (subdit Sozomenus²) Gainas arma deposuit, et Constantinopolim trajecit, impetrata ab imperatore tum equitum tum peditum prefectura ». At cum hi hos nihil mali passos affirmant, non solum Zozimi, sed et Joannis Chrysostomi refelluntur auctoritate, quorum sententia constat irrogatam illis fuisse exilii pœnam. Sed de his inferius.

41. *Quid Chrysostomus egerit cum Gaina petente Ecclesiam pro Arianis.* — Ingressus autem Barbarus Constantinopolim, pacis larva collectus, quæ sunt pietatis atque quietis sibi præcipuæ curæ esse simulans, Ecclesiam Arianis, quibus cum ipse posset sacros celebrare conventus, ab Arcadio postulavit. Quid tum ipse imperator, quidve Chrysostomus ejus civitatis antistes Ariano duci resistens egerit, a Theodoro rem gestam exacte describente audiamus³ : « Iste, inquit, labe perspersus Ariana, postulat ab imperatore, unum ex sacris sibi templis dari. Imperator autem respondet, se de ea re capturum consilium, et unum ei curatum promittit. Itaque divino illo Joanne accersito⁴, episcopo scilicet Constantinopolitano, « ei postulatam Gainæ exponit; commemorat ejus potentiam, moliri tyrannidem indicat; orat, ut templo donato, furentem ejus animum placet. Cui nobilis ille vir : Ne, inquit, istud ei pollicere, neque sanctum Dei caubus mandes. Nam nunquam equidem patiar, ut qui Deum Verbum sancte et auguste laudibus et hymnis celebrant, expellantur a sacro templo; idemque tribuatur iis, qui contra eum loquuntur blasphemias. Atque ne Barbarum illum omnino metuas, imperator : sed

me et illum in unum locum convoca, tuque silentio utriusque nostrum sermonem ausculta. Ego certe me hominis linguam refrenaturum spero, persuasurumque ne postulet quod ei concedi non debeat.

42. « Quibus auditis, imperator vehementer lætatur, et postridie ejus diei utrumque accersit. Gainas quidem promissum exposcit. Magnus autem Joannes respondet illi ex adverso : Non licere imperatori, qui pietatem colere insitnat, aliquid contra res sacras temere moliri. Cui quidem dicenti templum sibi dari oportere : respondet Joannes, templum sacrum apertum esse, neminemque enim prohibere, quominus in eo, si libeat, preces Deo fundat. Tum Gainas : At ego, inquit, alterius sectæ sum, et cum hominibus ejus sectæ unum sanctum templum habere postulo : atque istud quidem non immerito peto, quippe qui multa bellica certamina pro Romanis confecerim. At præmia (inquit Joannes) tibi propterea tributa labores tuos longe superant : nam dux es, et honore consulari dignatus. Quin etiam tecum debes considerare quis fueris olim, et quis jam sis; quæ etiam præterita tua inopia, et in qua jam abundantia vitam degas; quibus quoque vestimentis indutus esses cum Istrum trajeceris, et quibus jam optutus. Complectere igitur animo quam pauci sunt labores, et quam ampla præmia : atque noli erga eos, qui tibi honorem hunc detulerint, ingratus esse.

43. « Hæc oratione habita Joannes celebris totius orbis terrarum doctor, os obturavit Gainæ, atque adeo obmutescere coegit ». Hactenus de congressu Joannis Chrysostomi cum Gaina Theodoreto. Quibus videas oculis manibusque contingas illud Apostoli¹ : « Arma militiæ nostræ non carnalia sunt, sed potentia Deo ad destructionem munitio-num ». Eleum qui iniquas atque indignas, imo et turpes coegerat Arcadium imperatorem pacis conditiones accipere, ut tamen velamento pacis tyrannidem violentum arriperet; idem ipse ab inermi vincitur sacerdote, cogiturque a cæptis desistere, quæ instigatione Arianorum magnis spiritibus petere aggressus erat : usque adeo, ut in ea civitate, ubi ipse presidio militari summam rerum sibi vindicabat, cogatur, ut hæreticus a sacris extorris, carere basilica. Unde tibi, Chrysostome, tanta fiducia, ut quem paveant præsidēs atque reges, tu nullo pæne negotio, ut puerum, virga compeesas ? Hinc utique modo dictum Apostolicum nobis occines : « Arma militiæ nostræ non sunt carnalia, sed potentia Deo » : quibus non jura tantum Ecclesiæ servantur illæsa, sed ipsum imperium et leges publicæ defensæ custoditeque subsistant a barbarorum ac tyrannorum insultibus. Nam audi, quæ a Theodoro omissa, Sozomenus addat² : « Exprobravit tunc Joannes Gainæ, et quod imperatoris patri » nempe Theodosio « tum servatus iurejurando promiserit, se benevolentiam erga Romanos perpetuo ratam, erga ipsum denique, erga ipsius filios, erga leges esse

¹ Socr. l. vi. c. 6. — ² Sozom. l. viii. c. 4. — ³ Theod. l. v. c. 32.

⁴ 2. Cor. x. — ⁵ Sozom. l. vii. c. 4.

conservatorum, quas tamen jam irritas facere conaretur. Simulque cum hæc diceret, legem ostendebat, quam Theodosius sanciverat, cum sectarios omnes arceret, ne intra mœnia conventus agerent. Deinde conversa ad imperatorem oratione cum hortabatur, ut latam adversus cæteras hereses legem conservaret; simulque consulebat satius esse imperio cedere, quam prodere domui Dei, et a religione deficere. Atque his quidem ad hunc modum utiliter usus loquendi libertate, nihil innovari passus est in Ecclesiis sibi concessitis. » Hæc ipse: quibus videas, lector, quam male consulant impii illi, qui regnandi studio, religionis omnem rationem posthabendam esse, scriptis æque impis prodidere.

44. *Gainas furit in aulam et Urbem, Chrysostomum legatum recipit, in bello superatur et occiditur.* — Quæ autem hæc fuerint consecuta, idem Sozomenus ita narrat: « Gainas igitur jam infringere iusjurandum, et civitatem evertere cogitabat. Quo tempore et cometa has insidias portendebat, qui supra civitatem maximus apparuit, ad ipsam usque terram ferme pertingens, et qualis antea nunquam fuisse dicitur. Tentarat autem primum argentariorum tabernas invadere, quod se hinc pecuniarum acervos convasaturum esse speraret. Rumore sparso quod ista decrevisset, et argentariis proinde præsentis maxime opes abscondentibus, neque pecuniam in mensis (ut solebant) publice amplius proponentibus: noctu turba Barbarorum immissa, præceperat succendi palatium. Illi autem percussi, re infecta, reversi sunt. Nam cum prope accessissent, videre sibi visi sunt multitudinem armatorum vastis corporibus formidabilem. Suspicati ergo novitum esse exercitum, nuntiaverunt Gainæ. Ille vero (sciebat enim nihilo plures solitis milites in urbe degere) dictis fidem adhibere volebat. Cæterum cum et in sequenti quoque nocte missi alii idem annuntiassent, quod priores illi: ipse progressus, oculatus testis fuit admirandi spectaculi. Ratus igitur sua gratia convenisse ex aliis urbibus milites, ac noctu custodire urbem atque palatium, interdiu vero latitare. » Hos quidem angelos custodes urbis fuisse, cum præter milites prætorianos, nullos alios civitas contineret, cunctis redditum exploratum fuit; quod Socrates quoque testatur. « Inter hæc », subdit Sozomenus, « Gainas simulat se demonio vexari; et quasi oraturus, Ecclesiam occupat eam, quam in honorem Joannis Baptistæ imperatoris pater in Hebdomo construxerat », ad septimum videlicet ab urbe distantem lapidem. « Ex Barbaris autem alii in civitate manserunt, alii una cum Gaina egressi sunt. Clanculum vero arma et telorum pharetras fimeis vehiculis impositas secum eduxerunt. At cum deprehensi essent, portarum vigiles interfecerunt, quod hi armorum exportationem prohibere conarentur. Quæ ex re civitas mota ac tumultu repleta fuit, haud secus ac si jam capienda esset ». At decedendi ab urbe Gainæ aliud consilium fuisse, Zozimus tradit, nempe ut Romanos milites, quibus ipse recens

præfectus creatus erat, inde abduceret, atque per diversa loca dispergeret, ne urbi invadendæ a Barbaris præsidio essent: relictis ibi tantum Gothicis militibus, qui opportuno tempore, data tessera, urbem invaderent. Sed rem sic compositam intervertit divinum auxilium. Nam (ut idem ait Zozimus) Gainas, anticipato tempore datæ tesserae, impedimento fuit, quominus Barbari urbem in suam potestatem redigerent. Excitato enim tumultu a custodibus murorum, ob Gainæ invasionem; cum qui intus erant Gothi, imparati essent offensi, a civibus occisi sunt.

45. Sed inchoatam semel rem gestam, a Sozomeno paulo diverse narratam, jam prosequamur, cum subdit post eadem portarum custodum, et egressum Gainæ: « Præsentibus, inquit, malis remedio fuit consilium sanum. Imperator enim nihil cunctatus, Gainam declarat hostem, et relictos in urbe Barbaros interfici præcipit. Illos itaque milites adorti, plerosque occidunt: appellatam vero Gothorum Ecclesiam incendunt: hic enim veluti in templo consueti congregati erant; quibus jam effugere non dabatur, oclusis foribus ». Porro Ecclesiæ incendium a Zozimo ¹ aliter ita describitur: « In hunc modum urbe periculo liberata, intercepti ab urbanis Barbari, numero plures quam septies mille, Christianorum Ecclesiam aulae proximam ingressi sunt, asylum hoc saluti suæ tuende quærentes. Illos imperator hoc ipso in loco interfici jubebat, quem eis ad evitandam facinororum admissorum justissimam poenam non satis idoneum esse volebat. Hæc præcipiente principe, nemo tamen eis inferre manum audebat, et ex asylos ipsos extrahere, quod vererentur ne Barbari defensionem pararent. Quapropter visum est demoliri tectum, quod mensæ sacrarii (sic enim vocant) impositum est; ut eo per dispositos ad id homines occupato, tignis illis succensis, Barbaros peterent; idque continuo facitantes ad interneccionem omnes exurerent. Hoc ubi factum fuisset, Barbari quidem interempti sunt; sed visum est iis qui valde Christiani stabant, magnum in urbe media piaculum esse commissum ». Hactenus de his Zozimus.

46. Post hæc autem Gainas majori æstuans ira, quod se hostem reipublicæ declaratum, scissæque proditionis stamina quæ texuerat, atque suos in urbe occisos esse cognoverit; infesto exercitu oppida pervadit Thraciæ, omnia eade atque incendio miscens. Cum ad hujusmodi avertendam populorum eladem legatum missum fuisse S. Joannem Chrysostomum, Theodoretus affirmat, ac narrat his verbis ²: « Id temporis, aliis omnibus velut metu percussis relictis, itum est ad Joannem invictissimum illum Christi bellatorem: suadetur ei, ut legatus ad Gainam proficiscatur. Ille vero nulla habita ratione vel disceptionis contra Gainam ante susceptæ, vel simultatis inde ortæ, prompto animo in Thraciam contendit. Quare Gainas, cognito legati

¹ Zozim. eod. l. v. — ² Theod. l. v. c. 33.

adventu, et animi ejus alacritate pro pietatis defensione considerata, longo intervallo ei lubeus procedit obvian; atque prensans illius dexteram oculis suis apposuit, liberosque sacra ejus genua completi cogit. Sic quidem virtus, vel infestissimos afflicere pudore, et obstupescere solet». Hæc Theodoretus. Sed quid hæc legatione actum fuerit, silentio prætermisit: nec quemquam alium hæc attigisse scimus, nisi unum Metaphrastem; qui ex antiquioribus monumentis ait, tunc suasionem Chrysostomi, pacem Gainam eum Arcadio contraxisse. Certe quidem ad liberandos oppressos, et malis exagitatos eum profectum esse, et inter alia, ut Aurelianum consulem et Saturninum exilio solveret, ejusdem Chrysostomi homilia fidem facere videtur, cujus est hujusmodi titulus: « Beati Joannis Chrysostomi homilia, cum Saturninus, et Aurelianus acti essent in exilium, et Gainas egressus esset a civitate ».

47. Regressus namque Constantinopolim ipse Chrysostomus, negotio, cujus causa legatione functus erat, bene confecto, eam ad populum habuit concionem; cujus hic exordium intexere, pro rerum gestarum assequenda veritate, dignum existimamus: sic enim se habet¹: « Multo tempore silui, et post longum temporis spatium ad charitatem vestram reversus sum. Quanquam id non accidit ulla vel animi socordia, vel corporis desidia. Sed abfui tumultus componens, fluctus sedans, tempestatem corrigens; eosque qui jam demergi cœperant, ad portum, et in tranquillum, porrecta manu deducere studens. Sum enim communis omnium pater: eo-que necesse est curam agere non tantum eorum qui stant, sed eorum quoque qui collapsi sunt: non illorum modo qui secundis navigant ventis, sed et illorum qui tempestate jactantur: non eorum modo qui in tuto sunt, sed illorum qui periclitantur. Harum sane rerum gratia reliqui vos ad temporis spatium, obambulans, exhortans, obtestans, supplicans, ut a Domino ea calamitas dissolveretur. Posteaquam autem inamensis illis ac tristibus finis est impositus: denique me ad vos recepi; ad vos qui in tuto estis, qui multa cum tranquillitate navigatis. Ad illos profectus eram, ut tempestatem sedarem: ad vos reversus sum, ne qua tempestas exoriamur. Ad illos discesseram, ut eos a molestiis liberarem: ad vos redii, ne in similes molestias incidatis etc. » Post hæc enim adversus incertum statum divitiarum (ut fecerat cum invecus est in Eutropium) vehementi disserit oratione: quod recens exemplum opportunum argumentum suppeditaret; dum qui precipuas in republica dignitates fuerant consecuti, fidem in miserimum mox statum prolapsi fuissent, ut arbitrio furentis Barbari eorum vita penderet.

48. Sed quæ reliqua sunt rerum gestarum Gainæ, Socrates ita describit²: « Cum Chersonesum adventaret, inde trajicere, et Lampsacum proficisci maturat, ut partes versus Orientem usque ex eo

loco suæ ditioni subjiceret. Ubi vero imperator copias per terram, perque mare ante ejus adventum illo miserat, miraculum plane insigne divina Providentia illic demum editum fuit. Nam cum Barbari navigiis carerent, rates fabricari, inque illis transillere cœperunt: Romanorum classis eodem ferme momento adnavigare, Zephirus graviter spirare: et ut Romani navibus facile trajicerent; sic Barbarorum maxima pars pariter cum equis in ratibus tempestatis violentia huc illucque agitata, ab se mutuo disjecta fuit, marisque fluctibus obruta periiit: nonnulli autem a Romanis demersi interierunt. Ad hunc modum itaque ingens Barbarorum multitudo illo tempore e medio sublata est. Gainas vero inde digressus, et per Thracias fugam faciens, in alias Romanorum copias forte incidit, a quibus ipse simul cum Barbaris, qui cum eo erant, peremptus est. Atque ista quidem obiter de Gainæ sint a nobis commemorata. Quod si cuiquam placet res in eo bello gestas accurate cognoscere, legat Gainam Eusebii scholastici, qui eodem tempore Troili sophistæ discipulus fuit. Isle illius belli spectator factus, res in eo gestas quatuor libris heroico carmine conscriptis narravit. Et quoniam recens erat rerum gestarum memoria, ideo ob illud poema magno in honore habitus fuit. Nuper etiam Ammonius poeta idem argumentum carmine contexit, et ad undecimum consulatum Theodosii Junioris, quem cum Fausto gessit, coram illo ipso imperatore recitavit, indeque summam laudem est consecutus. Bellum hoc finem habuit Stilicone et Aureliano consulibus. Proximo anno consulatum gessi Fravitus, Gothus quidem genere, sed cum populo Romano magna benevolentia conjunctus; qui in hoc eodem bello adeo strenue et fortiter dimicaverat, ut propterea consulatus dignitatem sit assecutus». Hucusque Socrates de rebus Gainæ. Scribit his consentientia Sozomenus³; qui et ad stipulatorum habet, quos Socrates citavit, Eusebium, et Ammonium. Ex his igitur redarguas quæ a Zozimo ejusdem hand congruentia narrantur; qui, utpote Ethnicus, tanta a Deo præstita beneficia, diis Gentium, quos coluisse Fravitum dicit, fuit accepta. Scimus Marcellinum in sequentem annum Gainæ necem referre, cum caput ejus Constantinopolim missum est.

49. *Gentiles plures ad fidem conversi.* — At non prætermittimus dicere, hæc omnia adeo dira, quæ Constantinopoli hoc anno contigerunt, ad profectum Evangelii provenisse. Etenim viso in aere tam ingenti atque prodigioso comete, imminenteque super cervicem civium barbarico gladio, confluebant ad baptismum Gentiles, et alii conversi sunt, suæ ipsorum salutis lactenus obliti. Meminit quidem horum Joannes Chrysostomus in homilia in Acta Apostolorum, quam sequenti anno habuisse, suo loco dicturi sumus; ait enim⁴: « Nonne superiori anno concussit Deus civitatem totam? Quid

¹ Chrys. hom. col. ldl. et de Avaritia. — ² Socr. l. vi. c. 6.

³ Sozom. l. vii. c. 4. — ⁴ Chrys. hom. xli. in Act. Apost.

igitur? Nonne omnes ad illuminationem correbant? Nonne scortatores et molles et effeminati, dimissis possessionibus et locis, in quibus conversabantur, conversi sunt et facti religiosi? » et inferius: « Quid oportet referre vetera? Superiore anno (dixi vobis) quanta res accidit, et nullus attendit, sed iterum paulatim defluerunt, et collapsi sunt? Aut semper celum clamans, quod Dominum habeat, etc. » Redarguit enim pluribus eos, qui post clapsum periculum ad eadem sint reversi peccata.

50. *Monachi Origenistae Theophilo infensi, Alexandria pergit Constantinopolim; cum Joanne Chrysostomo agunt.* — Contigit hoc ipso quoque anno, monachos Origenistas pulsos a Theophilo ex Nitric monasteriis, necnon de Palestina, quo abierant, ejectiones, pervenisse Constantinopolim, et apud S. Joannem Chrysostomum exclamasse contra ipsum Theophilum episcopum Alexandrinum, adversus eum omnia commoventes: quorum occasione, magno turbine Orientalis Ecclesia exagitata est. Qualisiam autem ea tempestas atque procella fuerit, brevi compendio a S. Hieronymo paucis istis perstringitur¹ post enarratas praeclaras res gestas in hac causa a S. Marcella, cujus opera factum fuit, ut Origenistae Romae detecti, sententia Sedis Apostolicae damnarentur: « De Occidentis, inquit, partibus ad Orientem turbo transgressus minitabatur plurimis magna naufragia. Tunc impletum est²: Putas veniens filius hominis fidem inveniet super terram? Refrigerata charitate multorum, pauci qui anabant fidei veritate, nostro lateri jungebantur, quorum publice pelebatur caput, contra quoque opes omnes parabantur: ita ut Barnabas³ quoque duceretur in illam simulationem, imo apertum paricidium, quod non viribus, sed voluntate commisit ». Hæc Hieronymus: quoniam autem per Barnabam intellexerit, ex his quæ dicuntur inferius poteris forsasse conjicere. Hæcque summa rerum, sed singula ordine temporum sunt inferius disponenda.

51. Magnam sane ac luctuosam narrationem aggredimur, qua non Gentilium adversus Christianos, vel hæreticorum adversus Catholicos, iniquorumve adversus probos ac justos, sed sanctorum adversus sanctos (quod pro monstro habitum est atque portentum) conflictatio et dira persecutio describatur. Ac primum quod ad exquisitam temporis rationem spectat. Quos constat ex litteris superius recitatis Theophili ad⁴ Epiphanium, Ægypti monachos post Concilium Alexandrinum anno superiori habitum, vulgatamque ex eo Synodicam, ex Ægypto primo, et Palæstina deinde fugatos, Constantinopolim navigasse: illuc jam hoc anno pervenisse, S. Hieronymus Epistola ad Pamphacium et Marcelianum data hoc itidem anno, cum prima Theophili Paschalis Epistola scripta est, anno nimirum sequenti a Synodica missa, aperte significat; ubi hæc in ipsos⁵: « Quid opus est obsidere Propontidem,

mutare loca, diversas lustrare regiones, et clarissimum pontificem Christi, ejusque discipulos rabido ore discernere? Si vera loquimini, pristinum erroris ardorem ardore fidei commutate, etc. » Hæc S. Hieronymus in eos qui accusationum plaustra in Theophilum Constantinopolim intulerunt, uti inferius dicemus: cum vero de prima Paschali ejusdem Theophili meminit hoc anno (ut demonstratum est) data, de Synodica ante vulgata ita ait: « Si quid autem hic minus adversus Origenem dictum est, in præteriti anni Epistola continetur ». Plane significans ex Synodo scriptam, de qua mentio facta est.

52. Quinam autem hi fuerint, qui ex Ægypto primum, inde vero e Palæstina fugati, Constantinopolim se contulerunt, Theophilus¹ ad S. Epiphanium scribens, antesignanorum nomina reserat, nempe Ammonium, Eusebium, et Euthymium: sed et Dioscorum addit Socrates². Hi ergo in Theophilum exacerbati, accusationibus navem onustam Constantinopolim ad imperatorem Arcadium intulerunt. Ut ex his intelligas mores hæreticorum, atque schismaticorum; nimirum cum damnati sunt, iudicio episcoporum non tantum non acquiescere, vel provocare ad sublimius Catholicæ Ecclesiæ tribunal, sed ad sæculare mox iudicium, ad imperatorum rescripta, si quæ possint quavis occasione subripere favore potentium, advolare. Isti igitur quod scirent Theophilum per se suosque familiares episcopos, et inter alios Epiphanium, ad diversas provincias misisse legatos una cum epistolis, quibus ipsorum damnatio iudicio episcoporum significabatur esse decreta, antevertere conati eos, Constantinopolim ad Arcadium navigarunt. Quoniam autem fuerint quæ isti in Theophilum objectarunt, tum Socrates, tum etiam Sozomenus enarrant. Sed quod iidem auctores erga Origenistas in hoc procliviores sese esse declarant; equidem ab aliquo Origenistarum, vel alio qui faveret causæ Chrysostomi adversus Theophilum, ab eis accepta esse, facile possumus intelligere. Sed mendacia ipsa aperti arguemus erroris. Sozomenus³ igitur rem gestam sic exorditur:

53. « Interea temporis, haud multo antea, exorta quæstio per Ægyptum movebatur, oporteatne Deum ἀνθρωπογενῆ, hoc est, humana forma præditum, credere? Hujus autem sententiæ plurimi erant ex monachis illic commemorantibus, qui præ simplicitate sine examine Scripturam sacram accipiebant, et in ea Dei oculos, et faciem, et manus, et quæcumque alia hujusmodi audire consueverant. Illi vero qui reconditum in verbis sensum considerabant, diversum sentiebant; eosque qui talia dicerent, adversus Deum simpliciter blasphemos asseriebant. Ac Theophilus etiam in Ecclesia hanc sententiam amplectendam esse docebat; et in epistola, quam ex consuetudine de festo Paschali scripsit, et incorporeum cogitari oportere Deum admonuit, et

¹ Hier. ep. xvi. — ² Luc. xviii. — ³ Galat. ii. — ⁴ Apud Hier. ep. lxvii. — ⁵ Hier. ep. lxxviii.

¹ Apud Hier. ep. lxvii. — ² Socr. l. vi. c. 7. — ³ Sozom. l. viii. c. 11.

humanae foris exortem. Quod quidem ubi Ægyptiorum monachis innotuisset, Alexandriam sese conferunt, et in unum congregati seditionem movent, et Theophilum ceu impium de medio tollere cogitant. Cæterum ille e vestigio etiamnum tumultuantibus apparens : Perinde (inquit) vos adspexi, ac faciem Dei. Hoc dicto, homines abunde compe-scunt, adeo ut etiam iram ponerent. Itaque (in-quiunt) si sic revera sentis, etiam libros Origenis damna, cum illi suos lectores in istam sententiam inducant. Atqui mihi (inquit ille) jampridem illa sententia stetit, ac faciam ut videatur vobis. Nam et ipse non minus quam vos illis succenseo, qui Origenis opinionem sectantur. Atque ille quidem fraterculus istos ita mitigatos dimisit, ac seditionem solvit. Hæc ipse.

54. Sed antequam ulterius scripta a Sozomeno prosequamur, hic sis eundem; ut assertum a Sozomeno atque Socrate commentum, et ab aliis eorum fidem secutis acceptum, manifesti mendacii convincamus. Scito igitur, illud in primis peculiare fuisse omnibus Origenistis, impingere cunctis Catholicis hæresim Anthropomorphitarum. Ille quidem satis intelliges, si in memoriam revoces, quæ a S. Hieronymo adversus Joannem Hierosolymitanum faventem tunc Origenistis in Epistola ¹ ad Pammachium scripta sunt, et quæ idem S. Hieronymus ad eundem scribit adversus Origenis errores : meminerisque S. Epiphanium, quod Origenistas insectaretur, a Joanne Hierosolymitano ejusdem Anthropomorphitarum hæresis in crimen adductum, cum contra eum publico pro concione invecus est, ut ipse S. Hieronymus in eum scribens tradit his verbis ² : « Recordare, quæso, illius diei, quando ad horam septimam invitatus populus, spe sola quasi postea auditurus Epiphanium esset, detinebatur; quid tum concionatus sis nempe contra Anthropomorphitas, qui simplicitate rustica Deum habere membra, quæ in divinis libris scripta sunt, arbitrantur : furens, et indignans loquebaris, oculos et manus, et totius corporis truncum in senem dirigebas, volens illum suspectum facere stultissimæ hæreseos ». Ille ibi superius suo loco alia occasione jam dicta, hic vero necessario repetita; ut intelligas quæ peculiaria erant Origenistarum; atque mirari desinas, si Theophilum illi ejus hæresis adstruerent defensorem, Ægypti vero monachos auctores; qui in tantum virum, quem, etiam præ egregia sanctitate, atque doctrina (ut vidimus) venerarentur hæretici Ariani, tanta objicere non sunt veriti.

55. Sed quod Joannes tunc in Epiphanium, Rufinus nunc in Hieronymum objiciens, ait ³ : « Cum in quodam supradicti operis loco, quem interpretati sumus, questio haberetur adversum eos, qui Deum corporeum dicunt, et humanis eum membris habituque describunt; quod asserer præ ipse Valentinianorum et Anthropomorphitarum hæresis

solet, qui isti accensatores nostri nimis (ut video) dexteras dederunt etc. » Proculdubio S. Hieronymus, adversus quem scripsit, ista dicens, ejus hæresis infamavit : a qua blasphemia quam procul abhorruerit, omnes sciunt.

56. Sed unde (inquis) hæc Origenistis, ut ejusmodi notam hæresis incurreret Catholicis omnibus recte sentientibus? Ex eo utique, quod cum ipsi Origenis sectantes errores, eo dementia pervenissent, ut nec corporibus nostris post resurrectionem membra tribuerent, sed transformanda illa in lucidos aereos globos, ex Platonicis sententia ab Origene accepta assererent : si nostri divinæ Scripturæ auctoritate, i.istar Christi resurgentis, in resurrectione singulis corporibus membra singula fore dicerent; illi mox astuta tergiversatione dicebant, esse ea intelligenda, secuti cætera ejusdem divinæ Scripturæ loca, et quidem innumera, quibus Deo per allusionem membra tribuuntur. Qui vero diversa sentirent, eosdem crassioris minervæ homines ac rudes ridebant, ac diceris illis insectabantur, cum eos (ut suo loco dictum est) Philosophotas, a pilis, quasi ipsi non membra tantum, sed et pilos tribuerent corporibus resuscitatis, appellabant. At hæc ipse pluribus S. Hieronymus in Epistolis ad Pammachium scriptis tum adversus Joannem Hierosolymitanum, tum etiam adversus Origenem ⁴ errores confutat. Cæterum ejusmodi hæresim Anthropomorphitarum fuisse hoc tempore apud nonnullos Ægypti monachos, si credimus Cassiano Origenistarum olim affini (nam et Pelagianis favit) satis apparet : inter alios enim Serapionem abbatem ejus fuisse sententiæ, idem affirmat ⁵ : cum alioqui ipsum Theophilum epistolis suis insectatum esse Anthropomorphitas monachos, tradat, sicut et Gennadius ⁶, et ipse Pelagianorum affinis. Cæterum in ipsis Theophili Paschalibus, quæ extant, Epistolis his temporibus datis, nulla mentio penitus habetur de Anthropomorphitis hæreticis, adversus quos longa disputatione disseruisse, citati nuper auctores tradunt : neque S. Hieronymus, qui de eisdem sæpe meminit, quicquam adversus eos ipsum posuisse in illis, commemorat. Sed ceptam Sozomeni narrationem prosequamur, qui ait ⁷ :

57. « Fortasse tunc temporis sublatam omnino fuisset ista questio, nisi consopitam jam ob inimicitiam privatam suscitasset ipse Theophilus, insidiatus Ammonio, et Dioscuro, et Eusebio, et Enthy-mio, qui cognominabantur Longi : quos quidem, cum fratres essent, celebres evasisse inter eos qui apud Scetini philosophabantur, ex præcedentibus cognovimus. Atque hi quidem inter omnes Ægypti monachos illi carissimi erant, quos et congerones plerumque sibi et familiares adungebant, ac Dioscorum etiam Hermecopoles episcopum constituit. In odium autem horum venit ex inimicitia adversus Isidorum suscepta; quem, defuncto Nectario, episcopo Constantinopolis, in episcopatum sufficere

¹ Hier. ep. LXI. — ² Hier. ep. LXV. — ³ Rufin. invec. l. 1. tom. IX. ed. Victor.

⁴ Hier. ep. LXI. et LXV. — ⁵ Cassian. col. X. c. 2. 3. 4. — ⁶ Gennad. de vir. illustr. c. 33. — ⁷ Sozom. l. VII. c. 12.

studuerat. Sunt enim qui dicant mulierem quampiam ex Manichæorum secta ad Ecclesiam Catholicam fuisse conversam : Theophilus autem, quasi hanc inconsi-derate mysteriis communicare passus esset, antequam priorem sectam abnegasset, presbyterum accusabat. At Petrus (hoc illi nomen erat) et ex Ecclesiæ præscripto, et ex mandato Theophili se mulierculam in communionem admisisse, asseverabat; ejusque rei testem aiebat esse Isidorum. Atque is quidem uti tunc temporis Romam forte missus erat, ita demum reversus, Petrum vera dixisse testatus est. Theophilus igitur indignatus, quasi calumniis circumactus esset, utrumque Ecclesia expulit. Atque hæc quidem nonnulli sic referunt.

58. « Cæterum ego ex viro fide digno, qui cum hisce monachis conversatus fuerat, duplicem cognovi causam extitisse Theophilo inimicitie adversus Isidorum susceptæ : alteram communem illi cum presbytero Petro, quod hi ipsum a sorore sua hæredem fuisse scriptum, testari detrectassent. privatim alteram, quod Theophilo tanquam in Ecclesiarum structuram capere volenti insumendas non concessisset pecunias eas, quæ sibi, ut pauperum dispensatori, multe afferebantur : sed præstabilius esse diceret, ægrotorum corpora, quæ verius templa Dei cogitare possumus, et ob quæ pecuniæ ipsæ quærebantur, convenienti cura reficiendo recreare, quam parietes ædificare ». Probe intelligis, puto, lector, ex Origenistarum officina esse depromptam historiam, quia causæ hujuscemodi indignationis Theophili in dictos monachos oblexerunt : cum auctoritate S. Hieronymi et aliorum liqueat, hos studentes erroribus Origenis, justè pieque indignationem Theophili meruisse. Quomodo autem Isidorus iste fuerit Origenistarum antesignanus, quæ de eo superius dicta sunt, conside. Sed subdit Sozomenus :

59. « Verum sive ob hanc, sive ob aliam causam a Theophilo excommunicatus Isidorus. Scetini venit ad monachos ibi commorantes, velut ad sodales. Assumptis igitur quibusdam secum, Ammonius ad Theophilum profectus, orabat ut Isidorum in communionem reciperet. Atque ille tum quidem, se id facturum, promptè pollicitus esse dicitur. Sed elapso aliquo tempore, cum nihil plus ipsis succederet, ac manifestum jam esset, quod Theophilus ipsos falleret; majori quodam cum apparatu reversi, postularunt ut promissa præstaret. Ibi ille ex monachis unum publicæ custodiæ tradidit, ut reliquis metum inculceret. Sed ea spe frustratus est. Siquidem Ammonius ejusque socii, quia custodiæ præfecto ad suppedianda captivis necessaria advenire videbantur, facile intromissi sunt : ingressi autem rursus exire noluerunt. Qua re intellecta, Theophilus indicat, se istos homines ad se vocare. Verum illi primum, ut ipse eos educturus veniret, postularunt : Neque enim æquum esse, eos qui contumelia publicè affecti essent, clanculum e custodia emitti. Sed concedentes tandem ad illum venerunt : quos ille tum deprecatos, quasi non ul-

terius offensurus, dimittebat; secum interim fren-dens ac stomachans, rationem meditabatur, quæ illos poss. eladere. Cumque sollicitus esset quidnam his facere posset mali, qui possessiones nullas haberent, qui omnia præter sapientiam contemnerent; decrevit eorum tranquillitatem perturbare.

60. « Itaque cum ex iis quæ præsentis cum ipso disputarunt, eos his infensus esse sciret, qui Deum humana forma præditum esse docent, quoniam Origenis erant sectatores; ipse quanquam aliter sentiret, cum vulgo monachorum conspiravit. Ex hinc igitur mira quædam contentio inter monachos invaluit : neque enim disputationibus ad formam compositis sese in mutuum sententiam inducere dignati sunt : sed ad convicia sese met converterunt : atque illi eos qui Deum incorporeum esse statuiebant, Origenistas appellabant; hi vero Anthropomorphitas, eos qui contrarium sentiebant ». Hæc ipse. Sed vides quam futilis afferatur prætextus pro Origenistarum excusatione, cum : endaciter ea minus digna asseratur causa, quasi Origenistæ sint nominati, cum alioqui ea in re iidem sentirent eadem cum Ecclesia Catholica : cum tamen fœcantur omnino multiplices Origenis errores, videmque turpissimi, quorum causa illi vere Origenistæ fuerint nuncupati. Vides, inquam, historiam ab ipsis Origenistis confictam, dum commentis sunt remotissimas causas indignationis Theophili; a quo non vocatos illos Alexandriam ad pacem, sed quæstos in eremo fugatos ab eo fuisse, nec ab Ægypto tantum, sed e Palæstina, epistolaris historia omnium fidelissima superius recitata declarat. Sed subdit idem auctor ¹ :

61. « Ammonius autem ac Dioscorus, intellectis insidiis, Hierosolymam secesserunt, et inde Scythopolim venerunt, quod eam habitationem sibi accommodatam esse ducerent ob frequentiam palmarum, quarum foliis utebantur ad consueta monachorum opera. Sectabantur enim ipsos viri plus minus octoginta. Iudæa temporis Theophitus quosdam Constantinopolim emisit, tum ut jam antea in tempore calumnias quasdam ferrent adversus illos, tum ut obsisterent, si qua in re illi imperatoris opem implorarent. Ea re cognita, Ammonius Constantinopolim trajecit, et cum eo Isidorus, qui communi studio id agebant, ut coram imperatore iudice et Joanne episcopo detegerentur insidiæ, quæ ipsis erant intentatæ. Arbitrabantur enim, illum legitimæ libertatis in loquendo studiosum, sibi opem legitime posse ferre ». Hæc dicta a Sozomeno pluribus vides conferta esse mendaciis : aut enim monachos hos expulsos a Palæstina, Constantinopolim profectos esse, sed nec cum eis Isidorum fuisse, litteræ ² ipsius Theophili ad Epiphanium date declarant : quibus et significatur, ab Epiphanio ipso, non autem a Theophilo Constantinopolim tunc missum esse legatum, qui hos jam esse in Synodo condemnatos, Ecclesiam illam redderet certiore. Ipse au-

¹ Sozom. l. VIII. c. 13. — ² Apud Hier. ep. LXVII.

tem Theophilus in alias regiones misit legatos ex monachis Nitriæ cum litteris, quibus alias Ecclesias de iisdem cavendis commonefaceret, ut suo loco superius dictum est. Sed a quo Sozomenus ejusmodi est mutuatus historiam? Invenies plane eadem ferme et alia a Palladio, et ipso jamdudum Origenista, esse conscripta : quantum autem ipse ejusdem sectæ hominibus faverit, consule ipsius Lausiaca, ubi totus versatur in laude Isidori ac consolalium monachorum : sed de ipso revoca in memoriam dicta superius tomo quarto. Vidisti igitur ipsum obvolvere diversis pretextibus veritatem, aliasque adducere causas, cur hi a Theophilo ex Ægypto et Palestina expulsi trajecerint Constantinopolim : cum tamen non recitate tantum superius ea de re epistolæ ultro citroque date id assererent ; sed et Posthumiani testificatione, quem tunc contigit adesse Alexandriæ, atque cuncta spectare oculis, nonnisi occasione librorum Origenis hos omnes fugatos esse, certum appareat.

62. Quod igitur a suspectis auctoribus tota historia de expulsiis ab Ægypto monachis Origenistis esse accepta noscatur ; quodque insuper ex utraque parte stare videas sanctissimos viros : necesse est ut magna cautela attendat oratio, ne privato quodam affectu incedens, declinet in dexteram, vel sinistram : quod hactenus a nobis factum esse, puto, lector, intelligis : sed præstandum id ipsum majori studio in futurum, sollicitiusque curandum, ne vel in minimo veritas læsa jacturam sentiat, instituti ratio non suadet tantum, sed imperat. Res quidem hactenus gesta est inter Catholicos et Origenistas : nunc vero cum pro ipsis, licet non cum ipsis, stare videas sanctissimum atque doctissimum virum Joannem Chrysostomum Constantinopolitanum episcopum, mutata jam rerum facie, oratio ipsa in aliud argumentum se transferat, opus est. De quo quidem illud in primis admonendum putamus esse lectorem ; cum sæpe contingat sapientissimos quosque falli, eosdem tamen a sapientia et insita probitate non excidere, cum nimirum ad ea, quæ agunt, recto sinceroque mentis feruntur intuitu. Quis enim adeo ingenio perspicax, industria solers, atque rerum usus experimento probatus, ut falsis subreptionibus, illorum maxime, qui omnem extrinsecus sanctilitatis speciem præ se ferunt, non decipi interdum contingat ? cum et ipsos etiam Prophetas ad futura noscenda Spiritu Dei imbutos, quod non semper eodem numine affari detur, acciderit sæpe aliqua ignorasse presentia, eosque præterisse ob oculos posita. Quamobrem Evangelica illa norma sunt actiones hominum metiendæ : « Si ¹ oculus tuus simplex fuerit, totum corpus tuum lucidum erit, et sicut lucerna fulgoris illuminabit te » : ut dum videris aliquem recta mente, puroque animo aliquid operari, etsi quid perperam inde oboriri contigerit, ad summum revocans principium opus, invenias unde auctorem excuses. Cum igitur de san-

ctissimorum virorum Epiphani, Hieronymi (ut de Theophilo dicere prætermittamus) atque Joannis Chrysostomi optima mente dubitare, religio sit ; quæcumque ab eis acta sunt, in meliorem partem accipias necesse est. At jam de rebus Constantinopoli gestis narrationem inchoemus, et quæ a diversis eo argumento sunt scripta, in medium adducamus.

63. Porro ejusmodi historia ab Origenistis primum descripta, eorumdem stylo (ut vidimus) lancinata potius quam exarata cognoscitur : ut de illis illud Ezechielis ¹ jure dici possit : « Delinierunt parietem absque temperatura » : dum causam obortam occasione Origenis errorum, in criminationes Theophili converterunt ; cum nulla ferme apud eos sit mentio de damnatis in Concilio Alexandrino iisdem hæresibus Origenis, neque de judicio episcoporum in eandem sententiam conspirantium, duce S. Epiphanio in Cypro insula ; aut (quod dissimulandum non erat) de sententia Anastasii Romani Pontificis, ejusdemque litteris datis ad diversarum provinciarum episcopos, vel Synodis ea de causa diversis in locis in Occidente habitis, ut a Venerio episcopo Mediolanensi, a Chromatio episcopo Aquileiensi, et aliis. Sed rebus tantis silentio sepultis, de objectis ab excommunicatis illis in Theophilum criminibus, hi quos diximus, historiam texuere, atque in primis Palladius, cum hæc ait ² : « Ingenti illi necessitate, loca in dies mutare compulsi, tandem regiam ad urbem pervenerunt, in qua erat divina manu ad eam indigentium Joannes ordinatus episcopus : procumbentesque ad ejus genua, orabant ut opem ferret animabus calumniis passis, atque vastatis horum studio, qui hoc potius quam benefacere consueverant ». Hæc ipse : adeo namque fuit horum monachorum, ad commiserationem inducendam, cum verbis ipse quoque corporis habitus accommodatus, ut quantalibet Joannes sciret hos ab Epiphanio Synodiceis Theophili litteris prædamnatos, audire tamen eos minime denegarit. Unde item subdit Palladius :

64. « Stetit Joannes, et vidit quinquaginta electorum hominum canitiem venerandam, sacris sudoribus infectam : compunctusque juxta Joseph, pro fraternitatis studio in lacrymas solvitur ; perunctatus ab eis, quisnam aper de silva, aut singularis fera huic forendissime et lætissimæ viti invidisset. Ad hæc illi : Sede, inquit, pater, nosque utcumque vulneratos Theophili papæ vesania, curare stude, si tamen noluieris nostrorum tumoribus vulnere obducere cicatrices. Nam si ipse quoque nos despicias, aut reverentia, aut metu Theophili, juxta episcopos reliquos ; nihil jam superest nobis, nisi ut profecti ad imperatorem, ipsius opera pessima ad injuriam Ecclesiæ publicemus. Itaque si opinio Ecclesiasticæ tibi cura est, persuade illi, ut nobis permittat in Ægypto remorari. Nil enim peccavimus, neque in Dei leges, neque in il-

¹ i. q. xi.

² Ezech. xiii. — ² Pallad. in dial. de Vit. Chrys.

lum ipsum». Vides hæreticos non solum Catholicorum, sed sanctissimorum quoque virorum ad decipiendum compositam formam, mentita larva, sibi superinducere? At quid tunc Joannes Chrysostomus ad hæc verba? Subdit Palladius:

65. «His Joannes auditis, ratus facile Theophili adversus illos iram in gratiam transferri posse, libenter hoc negotium sumit: admonensque viros, ut adventus sui causam silentio tegerent, donec ipse ad Theophilum scriberet: et mansiones illis in ecclesia, quæ Anastasia dicitur, ad requiem tribuens; ipse quidem necessaria victui non suppeditabat; sed eis religiose mulieres ministrabant, ipsis quoque ex opere manuum necessitates suas ex parte suppletibus». Hæc cum de piis mulieribus dicat Palladius; inferius ¹ eodem dialogo ipse habet eodem monachos fuisse susceptos ab Olympiade vidua, olim Nebridii sponsa, nunc vero diaconissa Ecclesiæ Constantinopolitane, de qua nos plura superius: cujus rei causa tradit Theophilum eam maledictis incessisse. Sed quam frigide eandem ipse excuset, quam ea de causa reprehendendam existimaverit Theodorus; accipe quæ tum ab ipso Palladio per dialogismum in medium afferuntur: nam PALLADIUS: «Constat, inquit, Theophilum iracundiæ nimis obsecutum, illos abjecisse. Quicumque illi fuerint, sive hæretici, sive Catholici, non tamen eos Olympias recipere debuit. THEODORUS. Bene illa, an male fecisse videtur? THEOD. Male, ut dixi. PALLAD. Unquamne beneficentia culpatur? THEOD. Et sæpe, cum scilicet in malos et non merentes emanarit. PALLAD. Quinam igitur erant illi quinque millia, quos ex quinque ordeacis panibus Salvator ² pavit, boni, an mali? THEOD. Boni scilicet: quippe qui a Salvatore pasci meruerunt. PALLAD. Cur ergo ordeacis pasci sunt, si boni fuerint? THEOD. Forte quia tritice non aderant, fame dominante». Vides rem ineptam: sed illud bene paulo post, cum Palladius subdit Olympiadem eos suscepisse, existimans bonos, ubi ait: «Rite tu quidem sentis: hoc itaque modo monachi etiam boni et mali erant: at fidelissima mulier suscepit eos ut bonos?» et inferius: «Quid ergo mali fecit Olympias imitata Dominum suum, qui pluit super bonos et malos, et super justos et injustos solem suum oriri facit?»

66. O sententia præpostera nimis, omnem prorsus Ecclesiasticam dissolvens œconomiam! Nam si excommunicati ab Ecclesia, a privatis quibuscumque, exemplo Domini, qui solem suum oriri facit super bonos et malos, recipiuntur: jam resolvitur omnis vigor Ecclesiasticæ disciplinæ, omnisque mox canonica censura languescens exstinguitur. Quod si Olympias excusanda suscipitur: quanto æquius illud fuerat pro ejus defensione dicendum: domum ejus potuisse Constantinopoli omnibus monachis, clericis, et episcopis: adeo ut etiam qui Joanni ipsi infensi erant episcopi ab ea hospitio excepti fuerint, nempe (ut inferius Palladius docet) Severianus, An-

tiochus, et Aentius, qui præ cæteris operali sunt ut Joannes in exilium deportaretur: hos, inquam, Olympias exceptit hospitio Christi loco: ut appareat non humane gratiæ causa, sed Christi tantum amore, ipsam ejusmodi ministerium opulentam feminam peregrinus omnibus exhibere solitam. Et quod ad istiusmodi Ægypti monachos spectat: cur non ipsa susceperet, quos sciret ab ejus civitatis episcopo non esse rejectos? haud enim ejus facultatis erat, scire an excommunicati a Theophilo isti fuissent, et justene, an injuste essent expulsi. Quos enim sciret a tanto episcopo, quantus Joannes erat, peregrina communione susceptos, cur non eos ut peregrinos excipere in domum debuit?

67. Peregrina quidem tantum communione eos a Joanne Chrysostomo dignatos esse, qua sacramrum precum communicatio impartitur, non autem usus sacramentorum. Sozomenus ¹ tradit his verbis: «Ille vero» nempe Chrysostomus «ipso viros postquam venissent, comiter excepit, et in honore habuit, et in ecclesia preces fundere non prohibuit: ad mysteriorum vero communionem admittendos non censuit; quod id ante causam cognitam fieri, non fas esset». Hæc ipse. Vigeat nanque illa vetus in Ecclesia consuetudo, de qua superius actum est; ut peregrini advenientes, seque Christianos esse profitentes, ad communes tantum Ecclesiæ preces admitterentur; tunc vero et sacramenta illis impertirentur, cum se esse Catholicos, fide certa docuissent. Porro præstitit his ipsis monachis Joannes Chrysostomus, ut communicatione illa peregrina dignos elliceret, plena nequaquam; quod formatas litteras ab episcopo, unde discesserant, minime attulissent. Cæterum nec peregrina quidem hi communione dignandi fuissent, si litteræ scriptæ in Concilio Alexandrino de eorumdem damnatione Constantinopolim pervenissent: quas illic perferendas et ad alias Orientis Ecclesias, sollicitè Theophilus per S. Epiphanium, datis ad eum litteris sæpius ante citatis, curaverat. At quomodo persuasionem ministrorum Theophili, Joannes abstulit cum illis communicare, Palladius ² narrat his verbis:

68. «Contigit etiam per idem tempus», quo dicti monachi Constantinopolim ad Joannem venire, «Theophili clericos in ea urbe esse; magistratum, qui ad Ægypti provinciam mittendi erant, benevolentiam Theophilo comparantes, in eorum perniciem, qui illic versati essent». Hæc cum dicat ipse Palladius, vide quam calumniose id affirmet: nam missos a se Constantinopolim sanctissimos ad hoc viros, qui Origenistarum monachorum conatum anteverterent, ipse Theophilus litteris ad Epiphanium scriptis declarat his verbis ³: «Et tu, inquit, ut celerius nostra Constantinopolim scripta perveniant, mitte industrium virum et aliquem de clericis; sicut et nos de ipsa Nitriæ monasteriis patres monachorum cum aliis sanctis et conti-

¹ Pallad. dial. — ² Joan. vii.

¹ Sozom. l. viii. c. 13. — ² Pallad. in dialo. Vita Chrys. — ³ Apud Hier. ep. lxxvii.

neutissimis viris misimus, qui possint cunctos in presentem docere quæ gesta sunt ». Hæc Theophilus. Sed pergit item calumniose Palladius : « His itaque Joannes evocatis, interrogat, an presentes monachos nossent. Illi verum testimonium perhibere viris, dicentes, se et viros nosse, et magnam illos injuriarum perpassos esse. Si placet (inquiunt), domine, spiritualis communionis nondum illis consortium trade, ne papam » Theophilum scilicet « contristes : cæterum in aliis omnia in eos officia humanitatis exerce : id enim tibi episcopo convenit. Ita illos Joannes ad communionem minime admisit ». Hæc Palladius : quæ si vera sunt, dicendum erit legatos hujusmodi a Theophilo ad hoc missos, ut excommunicati Origenistæ undique percellerentur, prævaricatores exitisse mandati.

69. Quid vero post hæc egerit ipse Chrysostomus, idem tradit sic dicens : « Scripsit autem Theophilo supplicans, et hanc sibi ut filio ac fratri postulans gratiam, ut viros illos pacifice ad se revocaret. Ad hæc Theophilus, gratiam quidem Joanni dene-gavit, misitque quosdam ad hujusmodi certamina exercitatos, de quibus superius diximus, libellos ut porrigerent, admonens, quos more solito ipse dictaverat, aptum quidem et expressum mendacium continentes, variis calumniis opertum et obumbratum : et cum non posset illorum vitæ derogare, facit ut intra palatium quasi magi digito notarentur. Monachi vero ubi advertunt se nihil profecisse, verum et in majoris iræ præcipitum illum declinasse : plerosque in dignitatibus constitutos adducunt secum ; omnesque anathematizantes hæresim, libellos Joanni tradunt, in quibus viri jam tyrannidem notant ; quibusdam capitulis adjectis, quæ referre coram infirmioribus pæget et pudet, ne ab ipsius fidei eos limitibus arceam : mihi certe ea recitant perfectior quidem fides fortassis haberetur.

70 « Rursum et per seipsum et per episcopos alios Joannes hortatur viros, ut ab hujusmodi accusatione desisterent, Theophilo iterum ita scribens : In tantum mororis impulsus sunt viri isti, ut te datis etiam libellis accusent. Jam quid tibi videtur, rescribere : non enim me audire, ut hæc intentione discedant. Ad hæc Theophilus majore inflammatus ira, monachorum fratrem Dioscorum episcopum, qui in Ecclesiasticis rebus consenserat, ab ipsa Ecclesia prohibet ». Hæc ipse : sed id quidem factum antequam discederent Alexandria, quæ dicta sunt superius docent. Quid autem ad hæc responderit Theophilus, idem Palladius recitans ejus Epistolam, palam facit : ipsa autem ita se habet :

71. « Arbitror te non ignorare, quid præcipiant Nicæni Concilii canones, scientes¹ episcopum non judicare causam extra terminos suos. Si autem ignoras, discite, et libellos contra me suscipere desine. Nam et si iudicari me opus sit : ab Aegyptiis magis, quam abs te id fieri oportet, qui septuaginta quinque dierum itinere a nobis separatus es ». Hactenus

Theophili ad Joannem Epistola. Quæ autem post hæc secula sunt, habita temporis ratione, in sequentes rejicimus annos. Videas igitur ex his quæ hactenus gesta commemoravimus, justam causam Theophilum fuisse, cui in expellendis Origenistis totus ferme Oriens et Occidens consentiret. Cæterum quod negarent monachi illi se hæreticos esse, objectarentque non fidei causa, sed privata inimicitie gratia Theophilum in ipsos esse commodum, S. Joannes Chrysostomus ea ita se habere ratus, opere pretium facturum existimavit, si inter eos ita dissidentes sequester accederet, ipsosque monachos redderet Theophilo obsequentes, ejusque gratiam adeo abalienatam eisdem conciliaret : probe sciens in totius Ecclesiæ vertere detrimentum, si qui magni nominis erant monachi, ab omnibus exclusi per orbem vagarentur extorres : nude et fieret, ut si iidem revera essent hæretici, graviore fidei rectæ jactura, nundique ad sectam mentita sanctitate adsciscerent sibi sodales. Sin autem (quod profitebantur) pii essent atque moribus integri, inde accederet, ut quæ ipsi in Theophilum crimina jactare solerent, magno fidelium scandalo diffamarentur in omnes, eademque aspergerent infamie labe universi Orientales et Occidentales episcopi, qui Theophili adversus eos klam sententiam confirmassent. Quisnam igitur ejusmodi adeo sanctum inter dissidentes conciliande pacis officium in Chrysostomo reprehendere valeat, cum testificatione divini illud constet oraculi¹ : « Quam speciosi pedes evangelizantium pacem et annuntiantium bonam ? » Sed plane præter intentionem accidit, juxta vaticinium Isaie² : « Et angeli pacis amare debeunt » : ut magnus iste pacis conciliator Ecclesiasticum bellum in se converterit. Quonam autem modo id acciderit, suo loco dicemus.

72. In Synodo Constantinopolitana, præside Chrysostomo, causa Asianorum episcoporum agi cepta, qui deinde ob simoniam deponuntur, re explorata et cognita. — Pergamus autem reliqua recensere, quæ hoc anno ab eodem Joanne Chrysostomo gesta sunt in causa Asianorum episcoporum. Atque primum quod ad tempus pertinet : hoc quidem anno sex ab eo damnatos esse in Asia episcopos, ex his quæ de eis Palladius³ narrat intelligere possumus. Dum enim ait, depositos a Joanne Asiæ episcopos, moxque post ipsius Joannis exilium in pristinas esse restitutos Ecclesias, a quibus ante quadriennium ob ipsorum crimina ejecti erant : cumque Joannis exilium postremum, quando hi receperunt Ecclesias, contigisse constet (ut suo loco patet) anno Domini quadringentesimo quarto : de positionem eorum in hunc ipsum annum quadringentesimum conjicere cogimur. Sed et quod idem Palladius dicat, ad biennii temporis spatium ejusmodi causam Asianorum episcoporum ventilatam esse ; constatque adhuc ingruente Gainæ tyrannide ceptam fuisse : atque ab anno superiori deducen-

¹ Nicæn. Conc. c. 6.

² Rom. x. — ³ Isaï. xxxiii. — ⁴ Pallad. in dial.

dum est ejus causæ principium, quo et decima tertia currit Indictio, sub qua Palladius tradit venisse Constantinopolim Asianos episcopos ad Synodum convocatos, presenti autem anno eos esse damnatos. Nos vero describemus hæc omnia ex ipso Palladio, qui omnibus præsens fuit. Rogatus enim sic a Theodoro¹: « Ipse interfuisti, an ab aliis ea didicisti? Ad hæc Palladius: Atqui ne punctum quidem temporis in omni hac causæ prosecutione illum deserui ». Ipse igitur sic rem exorditur²:

73. « Tertia decima distributione » hoc quoque nomine Indictio dicta reperitur « venerunt Constantinopolim Asiæ episcopi necessitatum Ecclesiasticarum gratia: noliscum remorati sunt, præsentibus et aliis episcopis, ex Scythia quidem Theotimo (celebris est hic inter sanctos) ex Thracia vero Ammone Ægyptio, et ex Galatia Arabiano, Metropolitani omnibus ac senibus, qui viginti duorum implebant numerum. Convenientibus autem omnibus et communicantibus: observato Eusebius quidam Valentinopolitanus episcopus congregato Concilio, una sabbati adstitit, libellosque tradidit Synodo præposito (ut decessit) Joannis nomine, contra Antoninum episcopum Ephesi septem capitula continentes: Unum quidem, quod fuis sacris vasis, argentum in nomine illius deposuerat: Secundum, quod sumptum de ingressu Baptistarii marmor in suo balneo posuit: Tercium, quod columnas ecclesiæ plures amos jacentes infra summum erexit trichinium: Quartum, quod puer ejus homicidium perpetravit, quem habet in ministerio irreprehensum: Quintum, quod prædia relictæ Ecclesiæ a Basilisæ imperatoris Juliani matre vendidit, sitique detinuit pretium: Sextum, quod cum uxori propriæ abrenuntiasset, rursus illi congressus est, filiosque ex ea procreavit ». Vides, lector, dari crimini episcopo, qui uxore dimissa eadem iterum assumpta suscepisset ex ea filios: ut certior fias eorum quæ superius inculcata sunt, etiam in Orientali Ecclesia conjugatos electos episcopos, non nisi uxore dimissa, ordinari solitos, nec amplius ea uti. Sed addit idem Palladius: « Septimum vero accusationis caput quod pro lege atque decreto habet, ordinationes episcoporum vendere pro modo redditum: adsuntque et qui dederunt, et ordinati sunt, et ipse qui accepit. Eorumque omnium probationes se habere asserbat ». Quidam ad hæc Joannes Chrysostomus tunc præfectus Synodo dixerit, ita subdit:

74. « Joannes interim zelo mitigato, dixit Eusebio: Frater Eusebi, quoniam sæpe lit, ut accusationes quæ fiunt perturbato animo, probationibus idoneis careant: desine, quæso, Antoninum fratrem accusare. Nobis curæ erit, tristitiæ causas amovere. Ad hæc ille exasperatus, durioribus utebatur verbis adversus Antoninum lotus effervens, atque in accusatione persistens. Hortatur itaque Joannes Paulum Herculæ episcopum, qui Antonino studere videbatur, ut eos in amicitiam copulare contenderet. Surgensque ecclesiam ingressus est una cum episcopis:

erat enim sacrificii tempus. Pacem vero populo ex more imprecatus, sedit cum episcopis reliquis. Clam autem introgressus accusator Eusebius coram populo omni et episcopis, libellum alium porrigit eadem continentem, adjurans Joannem sacramentis horrendis, quibus salutem quoque principum addidit, tanto cum tumultu, ut putarent populi, ejus impudentia territi, cum a Joanne petere ut vitam sibi a rege impetraret. Joannes ubi viri advenit instantiam, ne in populo perturbatio ulla oriretur, libellum sumpsit: Ictisque divinis eloquiis, Pansophium orat Pisidiæ episcopum, divina offerret ut munera: ipse cum episcopis reliquis exiit: cavebat enim, animo turbido, juxta Evangelium³, sacrificia offerre: Si obtuleris, inquit, munus tuum ad altare: et reliqua.

75. « Ubi vero admissus est populus, sedens in Baptisterio cum episcopis reliquis accusatorem coram omnibus advocat, dicens ei: Rursus tibi eadem dico: plurimi tristitia vel ira compulsi, nulla et dicunt et scribunt, quæ probare non possunt. Si igitur aperte nosti de quibus illum accusare vis (neque enim valentem repellimus, neque trahimus non valentem) antequam legatur libellus, elige quod expedit tibi. Postquam enim fuerit lectus et in aures omnium venerit, confectis commentariis, non jam licebit tibi, cum sis episcopus, absolutionem flagitare. Ad hæc ille in proposito durat. Jubens itaque libellum recitari, lectæque sunt memorata capitula. Postea dicunt Joanni seniores episcopi: Etsi unumquodque capitulum per se impium est, et undique sacris legibus interdictum: ne tamen videamur in his quæ suggesta sunt nobis omne studium ponere; ab eo quod est horribilius, fiet inquisitionis initium. Si enim illud inventum fuerit verum, nulla de capitulis reliquis erit controversia: cum capitalis illius radix omnem præ se ferat speciem iniquitatis, juxta illud⁴: Radix omnium malorum est cupiditas. Qui enim super innocentem accipit munera, et sancti Spiritus largitione pecunia se vendere putat; quo pacto jam parcat ornamentis, aut lapidibus aut fundis Ecclesiæ?

76. « Tunc Joannes inchoans, Antonino ait: Quid ad hæc dicis, Antonine frater? Negavit ille necessario: quando enim ab his ipsis initiis confusionem confiteretur suam? Interrogati qui dederant, negarunt et ipsi. Cum hoc examen ad horam usque octavam diligentius agitur, ex argumentis quibus judicium formabatur. Postremo venit ad testes, quibus adstantibus et illi dederant, et iste suscepit. Non aderant testes, qui necessario citandi erant. Difficultatem rei intuens Joannes, pro Ecclesiæ purificatione, et ut testes facilius adhiberentur, per se in Asiam ire consentit peritendi examinis gratia. Antoninus ubi vidit Joannem impigre exsequi paratum quod instituerat, neque corrumpi posse judicium; mali sibi conscius, adiit quemdam ex principibus, cujus prædia, quæ habebat in Asia,

¹ Pallad. in dial. — ² Pallad. ib.³ Matth. v. — ⁴ 1. Tim. vi.

sibi curæ erant; orans ut Joanni impedimento esset ne abiret in Asiam, promittens se adhibiturum testes. Protinus ex palatio mandatur Joanni in hæc verba: Indignum est, te, cum sis episcopus et nostrarum animarum pater, in tanta tumultus expectatione, dimissa civitate, peregrinationem in Asiam subire velle, cum facile testes adhiberi possint. Erat autem tumultus causa Gaius barbarus. Quid multis immorer? Manere illi persuasum est: ita tamen, ut iudicii non committeret curam, testesque mature adesse mandaret.

77. « Oplata fuit accusato ipsa dilatio vel modica testium, quos aut pecunia, aut potentia fugare posse confideret. Prævidit ista Joannes, consilioque Synodi præsentis habito, quosdam ex præsentibus episcopis in Asiam mittit ad testes interrogandos. Tres enim ex omnibus electi sunt, Syncretius metropolitani, Hesychnus Opariensis, et Palladius Hellenopolitanus. Illis dederat Synodus in mandatis, ut qui intra duos menses non occurrisset Hypæpis Asiæ civitati ad sua tuenda jura, quod vicini essent et qui arguebantur, et episcopi reliqui a Syncretio sociisque judicandi, excommunicatus esset. Descenderunt igitur Smyrnam prænominati episcopi Syncretius et Palladius: Hesychnus enim, quod faveret Antonino, linxit se valetudinarium. Significaveruntque continuo per litteras utriusque partibus adventum suum, ut concurrentes in memoratam civitatem, implerent quæ polliciti fuerant.

78. « Illi ante iudicium adventum amicitias inierant, partim persuasi auro, partim iurejurando constricti. Congregati igitur in ipsa civitate, iudices ludere se posse putabant dilatione testium, quasi peregre profecti essent ob varias causas. Ad hæc iudices accusatorem rogant, intra quos dies adducturus esset testes; se expectaturos pollicentes. Ratus ille eos aeris inclementiam ferre graviter, ac per id velle discedere (erat enim fervor æstivi solis) intra quadraginta dies producturum promittit testes; alias poenæ canonum sua se sponte subiicit. Expectavere iudices quadraginta dies: cum ille ad inquirendum dimissus testes, omisit hoc interim, et Constantinopolim venit, illicque delituit. Ubi vero nusquam comparuit: scripsere iudices omnibus Asiæ episcopis, denuntiantes excommunicatum, sive ut desertorem, sive ut detractorem. Post hæc alios quadraginta dies persistentes, cum ille minime appareret, Constantinopolim redire. Illic invento Eusebio, ei, quæ gesserat, exprobrant. Rursus ille infirmitatem corporis allegans, pollicetur testes exhibiturum.

79. « Per hanc temporis moram Antoninus moritur, cum quo erat Eusebio controversia. Continuo ex Asia partim a clero civitatis Ephesinæ, partim ab episcopis decretum ad Joannem venit, omnibus pavendo cum juramento orantibus, ut periclitanti Ecclesiæ opem ferret. Erat autem hic textus:

« Quoniam priori tempore confuse et contra jura et statuta Patrum gubernati sumus: oramus venerationem tuam, ut descendas, et formam ali-

quam Ephesinæ imponas Ecclesiæ diutissime afflictæ: hinc Arianis instantibus, inde nostris cupiditati avaritiæque studentibus. Permulti enim insidiantur ut lupi graves, sacerdotalem sedem rapere pecunias festinantes ». Hæc illi; sed pergit Palladius:

80. « Itaque Joannes, licet corporis mala valetudine teneretur, et inclementia obstaret aeris, erat enim hiems; nihil hujuscemodi incommodis territus, ut negotia Ecclesiæ Asiæ componeret, rebusque nutantibus vel absentia, vel imperitia pastoris opem ferret; instituit pergere spirituque roboratus ingressus navim, urbe decessit. Irruentibus autem sævis Aquilonibus, metuentes nautæ ne in Proconessum ejicerentur, positis velis, Triconis montem prætervehuntur, ibique jactis anchoris, manserunt, Austrum expectantes, ut Apamiæ applicarent. Cum igitur biduum jejuni in navi persilissent, lacescili fluctibus, tertia demum die memoratæ urbi appulerunt. Illic enim expectabant adventum ejus Palladius, Cyrinus et Paulus episcopi Joannis socii. Pedibus itaque iter agentes, Ephesum veniunt.

81. « Congregatis Lydiæ et Asiæ et Cariæ episcopis, ad septuaginta viros pertingentibus, ordinationem faciunt. Compures sua sponte concurrunt, maxime ex Phrygia, ut oris illius facundia et sapientiæ suavitate fruerentur: et paulo post: « Dum hæc aguntur, accessit ille, qui nobis proluxit hujus narrationis auctor est Eusebius, ad omnes episcopos, reliquorum sex episcoporum accusator », qui scilicet per pecuniam ob Antonino Ephesino episcopo fuerant ordinati; « orans ut ad communionem admitteretur. Obstant ex ipsis quidam: non oportere admitti, quippe calumniæ reum asserentes. Adjecit ille preces, et ait: Quoniam causa beneiuncta jam magna ex parte ventilata est, solaque dilatio testium obstat: obsecro pietatem vestram, ut testes, (nam modo presto sunt) examinare dignemini. Elsi enim Antoninus diem obiit, qui accepto auro ordinavit; vivunt tamen, qui dato prelio sunt ordinati. Placuit Synodo, rem diligentius discuti. Recitantur omnia quæ prius gesta fuerant, ex commentariis.

82. « Ingressi sunt testes: ingressi et qui dato auro fuerant ordinati. Negare primum. Persistentibus tamen testibus partim laicis, partim presbyteris, quibus antea contidere videbantur, mulieribusque quibusdam, et numerum species et loca et tempora qualitatemque recensentibus; cum eos conscientia quoque criminis urgeret, sua sponte, non usque adeo coacti confitentur. Dedimus (aiebant) hanc esse consuetudinem existimantes, ut videremur a curia liberari. At nunc, si quidem honestum est, oramus ut in ministerio Ecclesiæ simus: sin autem, vel aurum quod dedimus, recipiamus. Quidam enim ex nobis uxorum nostrarum aurum et variam suppellectilem dedimus. Ad hæc Joannes Synodo pollicitus est: Ego, inquam, instabo apud regem, ut absolvamini: vos autem mandate, illos ab Antonini hæredibus recipere quod dederunt.

Præcepit itaque Synodus ab Antonini hæredibus eis aurum restitui, eos vero intra altare communicantes a sacerdotibus fieri; ne si ista passim permitterentur, consuetudo Judaica vel Ægypti fieret, vendendi sacerdotum, et emendi »; et inferius: « In eorum autem locum substituti sunt alii virtute clari, et vita simul et gratia divini sermonis armati ». Addit autem post hæc, hos ipsos, damnato jam S. Joanne Chrysostomo in exilium, post quadriennium fuisse ab ejus adversariis ejectos, et depositos illos in priorem statum restitutos: sed de his suo tempore inferius. In locum autem Antonini defuncti episcopi, ex consulta Synodo, communi consensu subrogatus fuit ejusdem episcopi diaconus Heraclides nomine: testantur id, Socrates¹ et Sozomenus².

83. Quod autem Palladius indigne fert scriptum postea a Theophilo in libro adversus Joannem conscripto, sexdecim episcopos hoc tempore ab eo fuisse depositos, cum nonnisi sex fuerint; tamen Sozomenus tredecim numerat ab eodem tunc temporis exauctoratos. Sed et ipsum Joannem in ordinem redegissem Nicomediensem episcopum Gerontium nomine, idem affirmat; quem antea clericum Mediolanensis Ecclesiæ a S. Ambrosio magis convictum, et ejectum, suo loco dictum est. Hoc igitur e gradu deposito, in ejus locum Chrysostomus Pansophium quemdam subrogavit episcopum, qui pedagogus fuerat Endoxie Augustæ. Sed hunc a Nicomediensibus indigno susceptum fuisse animo, idem Sozomenus tradit, ubi ait: « Hic quidem tametsi pius et moribus compositis ac placidis esset, acceptus tamen Nicomediensibus non fuit. Ac proinde mota sæpenumero seditione, non modo beneficia tum publice tum privatim per Gerontium in ipsos collata, verum etiam ex arte medica inexhaustam utilitatem, et erga omnes tam pauperes, quam divites ex æquo declaratam sinceritatem ac sedulitatem ejus recensebant: his et alias virtutes accumulabant, quas eos æquum erat qui illum diligebant: et haud secus atque terræ motum, aut siccitatem, aut aliud aliquod divinitus exhibitum ostentum deprecantur, per plateas tum patriæ suæ, tum urbis Constantinopolitanæ circumeuntes cantillabant, ac Deo supplicabant, ut illum retinerent episcopum. Ad extremum autem vi compulsi, illum dimiserunt cum luctu ac lamentatione, et hunc cum metu et odio receperunt. Exhinc ergo tum illi qui exauctorati erant, tum illorum amici Joannem accusabant, quod is rerum novandarum primus auctor exstisset in Ecclesiis, et ordinationum consuetudinem præter leges patrias invertisset ». Ille Sozomenus de Gerontii depositione, recensita ab eo post exauctorationem Asianorum episcoporum.

84. *Chrysostomus Constantinopolim ab Asia reversus in Arianos turbas excitantes strenue laborat, quorum plerique, ope Arcadii ab urbe pelluntur, plerique cœversi.* — Quid autem adversus Joan-

nem Chrysostomum hisce negotiis Ecclesiasticis detentum in Asia proditorie moliti sint qui ejus studiosissimi esse videbantur, Sozomenus¹ narrat his verbis: « Suborta autem illi quadam odii causa fuit etiam apud conjugem imperatoris ob Severianum Gabalorum Syriæ episcopum. Etenim et hic ipse, et Antiochus episcopus Ptolemaidis (ea civitas est Phœnicie) eadem memoria clari, et ad docendum Ecclesiam idonei extiterunt. Sed hic expedite et perquam clare dicebat, sicut a nonnullis Chrysostomus, hoc est, aurei oris homo, nominaretur. Severianus vero tametsi sententiis et Scripturarum testimoniis præstantior habitus, asperitatem tamen Syrorum lingua repræsentabat. Antiochus igitur cum prior Constantinopolim venisset, dicendo, laudem consecutus est: ac pecuniis collectis, ad civitatem suam rediit. Ad hujus imitationem et Severianus postea veniens, et benevolum forte Joannem nactus, cum frequenter in Ecclesia concionaretur, in admiratione et honore erat, et auctoritate pollebat, ipsique imperatori atque imperatrici innotuit. Itaque cum Joannes in Asiam proficisceretur, Ecclesiam illi commendavit: illum enim qui palpum sibi obtinisset, amicum sincerum esse arbitrabatur. Ille igitur impensius auditoribus gratificari, et populum verbis demulcere studebat. Quo cognito, Joannes suspectum habuit, Serapione (ut aiunt) eum huc instigante ». Erat hic diaconus² Ecclesiæ Constantinopolitanæ, qui Joanni suggererat, significabatque Ecclesiam a Severiano admodum perturbari. Quo factum est, ut Joannes hactenus detentus in Asia tum ob episcoporum depositionem, tum ob Novatianos et Quartadecimanos hæreticos, quibus et multas ademisset Ecclesias, Constantinopolim quantocius reverti curarit.

85. Cæterum sive quod dissimulandum putarit, sive quod revera qualem optasset sui studiosissimum populum nactus esset: ubi Constantinopolim rediit, hominiam habuit,³ qua populum ipsum laudavit haud mutatum, sed erga pastorem suum propensorem inventum: nam quibus ab eo acceptus sit faustis acclamationibus, eadem oratione verbis illis significavit: « Quid, inquit, dicam desiderio vestro et favori, quem hesterno ostendistis die? quomodo voces vestræ cum gaudio cælum penetrant? Ipsum sanctificantes aerem, civitatem fecistis Ecclesiam: honorabar ego, et Deus glorificabatur: hæretici confundebantur, Ecclesia vero coronabatur, etc. » Sequenti enim a reditu die illam ad populum habuit orationem, laudans eos, quod ipsos invenisset, quales reliquerat, pietati deditos; indeque argumenti sumens exordium, eleganti de Hebræorum populo habita collatione, qui absente Moysæ diebus tantum quadraginta, graviter deliquisset: cum contra ipse suos post diuturniorum pastoris sui moram in fide persistentes reperisset: ubi inter alia hæc de suæ absentiae tempore:

¹ Sozom. l. VIII. c. 10. — ² Sozom. l. VI. c. 10. — ³ Chrys. hom. de regress. suo Constant.

¹ Socr. l. VI. c. 10. — ² Sozom. l. VIII. c. 7.

« Ego autem, inquit, non quadraginta dies tantum, sed et quinquaginta et centum et amplius, absens fui, et inveni vos letantes, et philosophantes, et in Dei timore perseverantes, etc. » Contigisse autem ejus ex Asia reditum post Pascha idem ea oratione significat : qua et ex eo etiam populum laudat quod adversus hæreticos strenue decertasset; ubi ait : « Veni ad gaudia virtutum vestrarum : audivi quia cum hæreticis collocauti estis, et quia inique egerunt in baptismo, redarguistis. Numquid incassum dicebam, quoniam casta uxor absente viro repellit adulteros, absente pastore exagitat lupos; sine gubernatore nauta salvaverunt navem, sine duce milites victoriam reportarunt, etc. »

86. Cum enim referata admodum esset hæreticis atque potissimum Arianis civitas illa, jugis vixit adversus eos contentio, cum procaces illi nihil prætermitterent negotii facessendi fidelibus : quod enim conventus in urbe cogere fuisset imperatorum legibus interdicti; ira astuantes in Orthodoxos, etsi non alias (quod cohiberentur potentia principis) a verbis tamen minime abstinerebant; sed audientius illud, quod a Socrate ita describitur¹ : « Ariani extra urbem (uti diximus) conventus fecerunt. Hæc cum festa cujusque septimana occurrerent, videbatur sabbatum et dies Dominicus, in quibus conventus in Ecclesiis fieri solent; illi, intra portas civitatis circiter porticus in unum congregati, cantus apte ad opinionem Arianam respondentes, quos ipsi composuerant, alternatim canunt, hocque per majorem noctis partem faciunt. Primo diluculo, tales cantilenas alternis per mediam urbem recitantes, e portis egrediuntur; et ad loca, ubi agitur conventus, contendunt. Verum quia adversus fidei Consubstantialis fautores verba contumeliosa, quibus eorum animos irritarent dicere non desinebant, (nam sæpe hanc quasi cantilenam in eos cecinere : Ubi sunt hi, qui tria unam dicant esse potentiam?) Joannes veritus ne aliquis ex simplicioribus ejusmodi cantibus ab Ecclesia addeceretur, quosdam ex suo populo illis contra comparavit, qui nocturnis hymnis decantandis similiter operam darent, Arianorumque in ea re studium eo pacto reprimerent, denique suos in ipsorum fide admodum confirmarent.

87. « At quamvis hoc Joannis institutum valde commodum videretur : tamen illius eventus tumultu atque etiam periculo non caruit. Nam ubi hymni in Consubstantialis laudem decantati propter concertum illum nocturnum multo plus dignitatis sunt consecuti (erant enim cruces argenteæ exogitæ, quibus lucernæ ceræ imponebantur, sumptu Eudoxie imperatricis suppeditatæ) turba Arianorum coacta, et emulationis ardore succensa, se ulcisci, et cum adversariis configere instituit. Etenim principatu illo, quem pridem obtinuerant, elati, erant ad pugnam multo ardentiores, defensoresque fidei Consubstantialis prorsus contemnebant. Quare,

nulla interposita mora, nocte quadam tumultum faciunt. Briso imperatoris eunuchus, qui partes cantantium hymnos ad commendationem fidei Consubstantialis tuebatur, lapide in fronte percutitur. Interierunt etiam utriusque partis nonnulli de populo. Quibus rebus imperator admodum commotus, Arianis interdixit, ne hymnos in publico canerent. Atque hæc quidem hoc modo gesta sunt ». Addit ad hæc Sozomenus¹ perseverasse in posterum ejusmodi hymnorum cantionem tunc a S. Chrysostomo institutam in Ecclesia Constantinopolitana feliciter.

88. Quod vero ad legem, quam ab Arcadio adversus Arianos tunc sanctam Socrates tradit : quod ipsa data reperitur², sub consulatione tertio ejusdem Arcadii, et Honorii, anno videlicet Domini trecentesimo nonagesimo sexto, biennio aulequam ejus Ecclesie ipse Joannes eligeretur episcopus : revocatur in dubium, num sub Nectario potius ejus predecessore ea acciderint, vel sub ipso Joanne : nam hæc in ea leguntur in fine : « Ad hoc interdicatur his omnibus ad Litaniam faciendam intra civitatem noctu vel interdiu profanis coire conventibus : statuta videlicet condemnatione centum librarum auri contra officium sublimitatis tuæ, si quid hujusmodi fieri vel in publico, vel in privatis ædibus concedatur ». Hæc ibi. Caterum, quod sæpe fidem, licet repressi legibus; iterum (ut superius vidimus) eadem impie actarent, ut crebro necesse fuit iterum sanctis edictis reprimere : nihil prohibet, quominus dicatur, eosdem ante sub Nectario dicta sanctione cohibitos, et sub Chrysostomo ipsos invidia percutos acriori, rursus illa tentasse.

89. Porro haud potuit quiescere Chrysostomus, quoadusque fidem hæretici imperatoris mandato ab urbe penitus pellerentur. Quod hæc ratione consecutus est³. Opportunum enim ipse tempus nactus quando imperator venit ad sacrum, festo cum ad id vocante, (erat enim dies Epiphaniorum) cum sic ipsum compellavit his verbis : « Dic mihi, o imperator, si quis huic pulchre, et pretiosæ (ostendens coronam quam habebat in capite) quosdam abjectos et obscuros lapides inseruisset; videretur hoc tibi esse tolerandum; et non tanquam universa per illos afficeretur contumelia, agre tulisses? Cum is autem veritatis sermoni annuisset : Quid vero, inquit, non existimas universorum regem irasci, si in pia civitate quæ omnino recte se habet, pars quæ male sensit, sinatur habitare : cum oporteat vel ab illis exigere ut convertantur, vel si perseverant, protinus expellere? Hæc cum audisset imperator, non distulit, nec est cunctatus : sed primos eorum statim accersit; et ex eis scire voluit, num in animum inducerent a fugienda desistere opinione; minatus exilium, et bonorum suorum privationem iis qui non parerent. Cum autem vidisset eos esse inmedicabiles, minas deduxit ad effectum, et jussit eos expelli a civitate. Illos effecit, ut nonnulli errorem

¹ Socr. l. vi. c. 8.

² Sozom. l. viii. c. 8. — ³ De hæret. l. xxx. C. Theod. — ⁴ Metap. in Vit. Chrys. lom. 1.

dediscentes, se rectæ adjungerent opinioni ». Illic ita se habuerunt; licet ante rixas obortas perperam (mea sententia) collocet Metaphrastes. Addit autem ad hæc Marcus diaconus ¹: Arcadium imperatorem, cum intellexisset complures suorum vel in aula militantium, vel magistratibus fungentium esse hæreticos, sed extrinsecus speciem præ se tulisse Catholicorum, eosdem e magistratibus pulsos, pecuniaque multatos penitus rejecisse.

90. Cum autem haud absque piaculo supplicioque quispiam non Catholicus Constantinopoli morari posset: accidit ut nonnulli inter Orthodoxos se miscuerint, et ut fideles cuncta agerent, quæ a Catholicis essent solita facitari. At quodnam prodigium tunc acciderit, Sozomenus ² enarrat his verbis: « Vir quidam sectator hæresis Macedonianæ ejusdem sectæ uxorem habebat. Hic cum Joannem de sincera Dei religione disserentem forte audisset, doctrinam amplexus, et uxorem quoque ut sibi consentiret, hortatus est. At quoniam illa notarum mulierum solita consuetudine captiva teneretur, ut maritus quamvis admonisset sepe, nihil tamen proficeret: Nisi (inquit ille) in religione mihi consors fueris, nec in vitæ quidem communione posthac eris. Ibi mulier, data fide se id facturam, cum ancilla quadam, quam fidam arbitrabatur, de hac re communicat: eamque sibi ad fraudem faciendam marito sociam adjungit. Haque tempore communicationis (intelligunt autem qui Christo sunt initiati, quid dicam) illa quod acceperat, continens, velut oratura procubuit. Famula autem interim adstans furtim porrigit id quod manibus adveniens ferebat: quod quidem simul atque dentibus admotum fuit, in lapidem induruit. Tum mulier timore consternata, ne quid sibi gravius eveniret ob tantum miraculum in se divinitus editum, cum festinatione ad episcopum: accurrit, se ipsam indicat, ac lapidem ostendit, qui manifesta vestigia morsus, sed materiam ignotam, et inusitatum quemdam colorem referebat. Cumque profusus lacrymis veniam impetrasset, cum marito deinceps concors vixit. Si

cui autem hæc verisimilia esse non videntur; testis est ipse lapis qui etiam nunc hodie inter Constantinopolitanæ urbis Cimelia conservatur ». Hæc Sozomenus, et alii post eum id ipsum affirmant.

91. Quod autem in castris inter alios Scythæ militarent, iidemque labe Arianae hæresis inquinati, ut hos ad meliorem frugem Joannes Chrysostomus restitueret, quid operatus sit, Theodoretus ³ docet his verbis: « Cum videret præterea gentem Scythicam doctrinæ Arianae laqueis irretitam teneri: molitus est sedulo inde eam eripere. Ad quam prædam capiendam, hanc viam excogitavit. Complures qui eadem lingua loquebantur, presbyteros, diaconos, et lectores ordinavit, illisque unam tribuit ecclesiam: quorum opera multos errore lapsos Ecclesiæ reconciliavit. Nam ille ipse plerumque ad eam Ecclesiam profectus, cum illis locutus est, interprete utriusque linguae perito usus; aliosque dicendi facultate instructos ad idem ipsum faciendum induxit. Ista quidem in illa urbe præstitit; compluresque errore imbutos, veritate doctrinæ Apostolicæ explanata reduxit.

92. « Itemque cum accepisset Scythas, qui Nomadæ vocantur, quique propter Istrum incolebant, sitienter quidem salutem appetere, sed habere neminem, qui solum suam salutaris doctrinæ fluentis restingeret: viros laborum Apostolicorum imitatores conquisivit, eosque illis erudiendis præfecit. Litteras autem ejus ad Leontium Ancyrae episcopum perscriptas, quibus cum Scythas ad fidem conversos esse significabat, tum orabat ut viros idoneos ad rectam salutis viam illis monstrandam mitteret, ipse quidem legi. Porro autem ubi intellexit pestiferam Marcionis hæresim nonnullos in nostra regione pagos occupasse, scripsit ad eum qui id temporis episcopus ilius Ecclesiæ fuit, hortatus ut hæresim illam inde expelleret; atque quo ipse in eo negotio exsequendo adjumento esset, edicta imperatoris ad illum mittenda curavit ». Hactenus Theodoretus. Reliquos autem pro fide Catholica labores ab eo susceptos inferius suo loco dicturi sumus. Jam vero ad res gestas anni sequentis transeamus.

¹ Marc. diaco. in Act. S. Porphyrii episc. Gazen.—² Sozom. l. viii. c. 3.

³ Theod. l. v. c. 30.

Anno periodi Græco-Romanæ 5893. — Jesu Christi 400. — Anastasii papæ 3. — Arcadii 18. et G. Honorii S. et 6.

1. *Consules.* — Coss. *Fl. Stilico et Aurelianus*; ille Occidentalis, ubi summa gratia apud Honorium pollebat: hic Orientalis, qui anno præcedenti præfectus prætorio Orientis fuit, et interfuit iudicio de *Eutropio* habito, ut testatur Philostorgius lib. 2, cap. 6.

2. *Sisinnius et duo ejus socii martyrio affecti.* — A num. 2 ad 19. Martyrium sanctorum *Sisinnii, Martyrii, et Alexandri* in agro Tridentino passorum contigit die vicesima nona mensis Maii, quæ in feriam sextam incidebat, ideoque anno Christi trecentesimo nonagesimo septimo. Sanctus enim *Vigilius* episcopus Tridentinus, qui eos in vallem *Annoniam*, in qua a Gentilibus occisi sunt, miserat, post eorum mortem scripsit Epistolam *ad sanctum Simplicianum episcopum Mediolanensem* ut titulus præfert, quæ his verbis clauditur: «Dies passionis sanctorum, quarto kalendas Junias, sexta feria, luce nascute». Idem *Vigilius* aliam de eodem martyrio ad Joannem urbis Constantinopolitanæ episcopum dedit, quam Baronius num. 7 dolebat periisse; quamque Papebrocius ad diem xxix Maii publicavit. In ea *Vigilius* etiam scribit, hos sanctos martyrium fecisse *sexta feria*, quod et in eorum Actis ibidem recitatis etiam legitur. Quare hos sanctos *Annonenses*, ut vulgo appellantur, anno cccxcvii martyrio coronatos, nunc certum et indubitatum. Hoc etiam indicat Paulinus diaconus in Vita sancti Ambrosii, sub cuius finem ait: «Sisinnii etiam et Alexandri martyrum, qui nostris temporibus, hoc est, post obitum sancti Ambrosii, in Annoniæ partibus,sequentibus Gentilibus, martyrii coronam adepti sunt», sc. post duos fere menses a sancti Ambrosii obitu, quo tempore cum sanctus Simplicianus jam Ecclesiæ Mediolanensi præesset, ut ex laudata sancti Vigili ad eum Epistola liquet, certum pariter esse debet, Ambrosium in vigilia Paschalis anni trecentesimi nonagesimi septimi ad Deum migrasse.

3. *Eorum reliquie Mediolanum translate.* — Quia vero in Actis horum sanctorum martyrum apud Mombritium et alios quosdam, dicitur eos morti traditos *consule Stilicone*, Baronius hoc anno id contigisse putavit; at consulatus ille additus est, ut extra omne dubium ponunt duæ laudate Vigili littere. Hoc assumptum forte factum, quia horum martyrum Mediolanum translatio, de qua loquitur Paulinus diaconus Mediolanensis cita-

tus, hoc anno peracta, aut, quia sanctus *Vigilius* episcopus Tridentinus hoc anno interfectus est.

4. *S. Vigilius Tridentinus episc. a Vigilio Tapsensi episc. distinguendus.* — Distinguendus porro sanctus *Vigilius* Tridentinus episcopus per hæc tempora martyrium passus, a *Vigilio* Africano Tapsensi in provincia Byzacena episcopo, cujus Opera Chiffletius post Opera Victoris Vitensis vindicavit et restituit. Monuit is, in codice Jurensi optimæ notæ et pervetusto, libris Vigili aduersus Eutychen hunc titulum præfigi: «Incipit liber Vigili episcopi Tapsensis Ecclesiæ contra Eutychetem». Quare licet Vigili Tridentini episcopi et martyris nomine inscripti libri quinque aduersus Eutychen aliquoties prodierint, Vigilio tamen Tapsensi restituendi sunt; eo magis quo, longe ante sancti Leonis papæ et Concilii Chalcedonensis tempora (quorum in his libris frequens mentio), *Vigilius* Tridentinus martyrio coronatus fuerit, ideoque contra Eutychetem, qui nondum hæresin suam sparserat, et qui forsitan nondum natus erat, scribere non potuerit. Floruit vero *Vigilius* Africanus circa annum Christi 401, ut videre est apud Labbeum in dissert. de Script. Ecclesiast., ubi et ejus Opera enumerat. *Vigilius* Tridentinus episcopus cohitur die xxvi mensis Junii, ut videre est apud Usuardum, qui asserit eum *Stilicone consule*, ideoque hoc anno, vel anno cdx martyrio coronatum fuisse.

5. *S. Simpliciano episc. Mediolanensi succedit S. Venerius.* — Quoad sanctum *Simplicianum* episcopum Mediolanensem, ad quem *Vigilius* Tridentinus de sanctorum Anaunensium martyrio scripsit, eum ad præsentem annum vitam produxisse elicio ex Concilio Toletano I hoc anno celebrato, in cuius sententia definitiva *sub diem tertium iduum Septembrium* data, dicitur: «Expectantes quid papa, qui nunc est, quid sanctus Simplicianus Mediolanensis episcopus, reliquique Ecclesiarum reseribant sacerdotes, etc.» eo tamen die jam demortuus erat Simplicianus, ut legitur in veteri catalogo episcoporum Mediolanensium ex Ms. Bibliothecæ Ambrosianæ a Mabillonio tomo I Musar. Italicæ, et a Papebrocio in Exegesi præfixa tomo vii SS. mensis Maii descripto. In eo enim legitur: «S. Simplicianus sedit annos x, depositus XVIII kalend. Septemb. » ubi loco *annos x*, legendum *annos iii*, quo casu mors ejus Toleti adhuc ignorabatur. Simplicianum vero hoc anno

fuisse demortuum demonstrat Epistola xx Paulini ad Delphinum, alias xvi ubi de Anastasio papa scribit : « Brevi post ordinationem suam (quæ die v Decembris anni cccxcviii peracta est) Epistolas de nomine nostro, plenas et religionis et pietatis et pacis, ad episcopos Campaniæ misit, etc. Deinde nos ipsos Romæ, cum solemnī consuetudine ad beatorum Apostolorum Natalem venissemus (anno scilicet cccxcix) tam blande quam honorifice excepit : postea quoque interposito tempore (hoc nempe anno) etiam ad natalem suum, quod consacerdotibus suis tantum deferre solet, invitare dignatus est, etc. Mediolanensis quoque episcopus novus, filius vester huc usque ; nunc frater Venerius, jam scripserat nobis post ordinationem suam ». Quæ Epistola tardius quam hoc anno non scripta. Cum vero Concilium Carthaginense, vulgo *Quintum* appellatum, habitum sit *post consulatum Fl. Stiliconis, XIV kal. Jul.* anno scilicet sequenti, Simplicianus ultra hunc annum non vixit, cum in eo dicatur conveniendus esse « Anastasium Sedis Apostolicæ episcopum, et Venerium sacerdotem Mediolanensis Ecclesiæ », et Simplicianus die xvi mensis Augusti, quo etiam colitur in Martyrologio Romano, depositus fuisse dicatur in laudato catalogo (1).

6. *Damnatio Origenistarum.* — A num. 23 ad 36. Refert Baronius *Anastasium* papam hoc anno Romæ *Origenistas* damnasse ; sed de horum damnatione anno sequenti, quo certum est eam factam, agemus.

7. *Gothi a Gaina in urbem Constantinop. immissi ex ea pelluntur.* — A num. 38 ad 50. Marcellinus in Chronico ad Theodori et Entropii consulatum anno superiori gestum, ait : « Gaina comes apud Constantinopolim ad præparandum civile bellum barbaros suos occulte admonet ; ipse valetudinem simulans urbe digreditur : cæpto adversus Byzantios prælio plurimi hostium cadunt, cæteri fugientes Ecclesiæ nostræ succedunt, ibique relecto Ecclesiæ culmine, jactisque desuper lapidibus obruntur ». Verum recte observavit Baronius, contigisse hæc non anno superiori, sed currenti. Zozimus enim lib. 3, pag. 795, narrat *Gainam* in Bithyniam, Tribigildum vero versus Hellespontum copias duxisse, et *Gainam* postulare, « ut se princeps ipse conveniret ». Quod cum factum fuisset in quodam ante Chalcedonem loco, petiit *Gainas* sibi dedi ad mortem, Aurelianus, *quæ ejus anni consulatum gerebat*, et Saturninum consularem, quos tamen *Gainas* solum in exilium egit, et cum in urbem irrumpere non potuisset, Christianorum Ecclesias palatio proximam occupavit, ut ex Zozimo narrat Baronius. Hæc itaque currenti anno *Aurelianus* consulatum in Oriente gessit, acta sunt. Ad hæc auctor

Chronici Alexandrini sub hujus anni coss. scribit : « Eodem anno cæsi sunt Gothi multi in Leomnacellio (seu Leomacellio, qui locus erat, ubi jugulabantur, vel inactabantur pecora, ut notat Ducangius in Constant. Christ. lib. 1, paragrapho 24). Conflagravit quoque Gothorum Ecclesia cum magno numero Christianorum mense Panæmo, IV idus Julias : hausti item fluctibus in mari angusto, quod Stenon in Chersoneso appellatur, Gothi mense Apelleo X kalendas Januarias ». Sed numerus ultimus corruptus est, et ex dicendis liquebit.

8. *Gaina in Thracia a Romanis occisus.* — Marcellinus sub hujus anni coss. narrat bellum, quod ad Chersonesum, quæ pars Thraciæ ad Hellespontum, postea factum est : « Bellum navale contra *Gainam* tyrannum inter Chersonesum et Hellespontum gestum est : multa millia Gothorum cæsa, vel demersa sunt. *Gaina* comes de hoc bello fugiens evasit : ipso tamen anno occisus est mense Februario ». Sub consulibus vero anni insequentis addit : « Caput *Gainæ* hastili præfixum Constantinopolim allatum est », quod illo anno habet etiam auctor Chronici Alexandrini : « Ilis coss., inquit, transmissa est cervix *Gainæ* Gothi, mense Audynæo, III nonas Januarias ». Sed Marcellinum errare in mense, et loco *mense Februario*, legendum esse *mense Decembri*, mihi persuasissimum. Vivebat enim adhuc *Gainas* die Julii xi, quo Ecclesia Gothis a sancto Chrysostomo assignata, quod docet Theodoretus lib. 5, cap. 30, incensa est. Ad hæc in vivis adhuc erat die vicesima tertia mensis Decembris, quo Gothi fluctibus hausti, ut mox ex Chronico Alexandrino vidimus. Socrates enim lib. 6, cap. 6, tradit, *Gainam*, cum ad Chersonesum venisset, et Hellespontum trajicere conatus esset, ingentem Barbarorum multitudinem in trajectu interfuisse : « *Gainas* vero inde regressus, cum per Thraciam fugeret, in alias Romanorum incidit copias, a quibus una cum barbaris, qui cum ipso erant, interemptus est », inquit Socrates. Quare *Gainæ* interitus contigit inter diem xxiii Decemb. hujus anni, et diem iii mensis Januarii anni insequentis, quo caput ejus Constantinopolim allatum.

9. *Origenistæ monachi e suis monasteriis expulsi.* — A num. 50 ad 72. Cum *Origenistæ* anno tantum sequenti damnati fuerint, *Theophilus* Alexandrinus episcopus monachos Origenistas ex Nitriæ Aegypti monasteriis aule eum annum non expulit ; cum id post eorum damnationem contigerit. Quomodo hæc gesta sint, narrat Baronius ex Socrate lib. 6, cap. 7, et ex Sozomeno lib. 8, cap. 12. Uterque tamen deceptus fuisse videtur a quodam Origenista, qui rem ipsi non, ut revera se habebat, narravit ; Socrates enim et Sozomenus inter alia tacent id quod præcipue narrandum fuit ; *Theophilum* sc.

(1) Simplicianus Mediolanensis citius, quam XVIII kal. Septembris decessit, ut ex Epistola hic a Pacio laudata S. Paulini eruitur. Ait enim in illa Paulinus, se post ordinationem Anastasii Romam pro consueto more die festo SS. Apostolorum Petri et Pauli venisse, anno scilicet dcccxcix, die 29 Junii (quæ prima fuit Apostolorum festivitas post ordinationem Anastasii) ; deinde eo pariter se contulisse die natali ejusdem Anastasii quo scilicet anniversaria memoria ejus ordinationis recurrebat ; atque iturum se iterum recurrente pro more festo SS. Apostolorum, nempe anni eo significat. Interim vero Veneri Mediolanensis recentem ordinationem suam in episcopum annuntiantes litteras se recepisse affirmat, antequam scilicet Romam de more rediret ad Festum die 29 Junii. Igitur Venerius aule eam diem Simpliciano jam defuncto substitutus fuerat. MANSI.

collecta episcoporum Synodo in urbe Alexandria, damnasse *Ammonium*, duosque ejus fratres, tanquam hæreticos et Origenistas. Cumque eos apud præfectum Augustalem accusavisset, perfecisse, ut exilio damnarentur, et impetrasse ab illo militare præsidium. Quo succinctus, cum ad solitudinem venisset, plusquam trecentos monachos et clericos ex Ægypto fugavit. Hi autem fugati, in Palestinam se receperunt, ut scribit Palladius in Vita Chrysostomi. In Historia Lausiana cap. 117 eum paulo aliter id narrare scribit Valesius in Notis ad lib. 8 Sozomeni, cap. 12. Sed manifeste memoria lapsus; cum ibi Palladius referat rem aliam imperante Valente gestam. Huc revocanda quæ habet Baronius anno cccxcix, num. 37 et seq. ex Epistolis Hieronymi lxx et lxxi, anno quo monachi Origenistæ ex monasteriis Nitriæ expulsi sunt, datis.

10. *Constantinopolim proficiscuntur, et a S. Chrysostomo benigne excipiuntur.* — Tum anno cum Hierosolymis monachi illi Constantinopolim venire: « Joannes vero » nempe Chrysostomus « illos ad se venientes benigne excepit, et in pretio habuit, et in Ecclesia orare nequaquam prohibuit. Cum illis tamen haudquaquam communicandum sibi esse existimavit, propterea quod ante causam cognitam id fieri non liceret. Ceterum scripsit Theophilo, ut communionem illis restitueret, quippe qui de Deo recte sentirent: vel si causam eorum in judicio examinandam putaret, mitteret aliquem, qui accusatoris partes sustineret », inquit ibid. Sozomenus cap. 13. Chrysostomus enim eorum monachorum errores perspectos non habebat, indeque gravissima inter eum et Theophilum exorta sunt dissidia. Epiphanius episcopo Cyprio et Hieronymo Theophili partes defendentibus. Monachos Constantinopolim profectos esse, postquam eodem legatos a Theophilo missos acceperunt, tradunt Sozomenus et Palladius laudati. Falso id ab eis confictum contendit Baronius, nec quemquam illuc ante legasse Theophilum asserit, quam eodem abisse Origenistas intellexit. Falsum quoque esse vult inter Origenistas fuisse *Isidorum* presbyterum Alexandriæ; id licet præter Sozomenum Socrates asseveret. Nititur Baronius Theophili ad Epiphanium Epistola, quæ est inter Hieronymianas lxxvii. « Didici enim », inquit Theophilus, « quod calumniatores veræ fidei, Ammonius, Eusebius, et Enthyimius, novo pro hæresi furore bacchantes Constantinopolim navigarint: ut et novos, si quos voluerint, decipiant, et veteribus suæ impietatis sociis conjungantur », ubi nulla Isidori mentio.

11. *Eorum causa magis examinatur.* — Verum neque Dioscori, neque alicui quinquaginta, quos illuc perrexisse tradit Palladius, meminit Theophilus, quia nomina singulorum per censere non instituerat. At denuo Theophilus: « Et ut celerius nostra Constantinopolim scripta perveniant, mitte industria virum, et aliquem de clericis, sicut et nos de ipsis Nitriæ monasteriis patres monachorum, cum aliis sanctis et continentissimis viris misimus,

qui possint cunctos in præsentia docere quæ gesta sunt ». Ex quibus effici putat Baronius, ab Epiphanio, non autem a Theophilo, tunc legatum fuisse missum Constantinopolim; Theophilum autem quosdam e monachis Nitriensibus alio ablegasse. Sed id ex Epistolæ verbis non colligitur; imo vero rogat Epiphanium Theophilus, ut aliquem mittat Constantinopolim, sicut a se Nitrienses monachi missi sunt. Quo missi? nempe quo aliquem mitti vult ab Epiphanio, Constantinopolim scilicet. Nam quid aliud verba sonant? quod autem *peregrina communione* eos exceperit Chrysostomus, inde concludit Baronius, Synodi Alexandrinæ litteras contra Origenistas illuc nondum fuisse perlatas, alioquin damnatos et proscriptos monachos minime fuisse excepturum. At non inde sequitur, Constantinopolitanum iter prius suscepisse Nitrienses Origenistas, quam legatos suos eodem Theophilus misisset. Probabile quippe est, Theophili legatos, disseminandarum præsulis illius Synodicarum litterarum gratia, nullas provincias adisse, proindeque serius Constantinopolim easdem importasse; cum interea illorum discessionem audita, nullam interponentes moram magnis itineribus illuc contendissent *Origenistæ*, et qui serius susceperant iter, maturius illud confecissent. Quæ omnia eruditissimo episcopo Abrincatensi Huetio lib. 2 Origenianorum, num. 8, observata.

12. *S. Chrysostomus aliquot episcopos Asianos deponit.* — A num. 72 ad 88. Ideo Baronius Asianorum episcoporum depositionem in quadam Synodo Ephesina a Chrysostomo factam, præsentī anno consignat, quod Palladius scribat, eosdem post Chrysostomi exilium, quod anno civi contigisse constat, restitutos fuisse *post quadriennium* ab eorum exactoratione. At quadriennium illud non hoc, sed a sequenti Christi anno incipiendum; ideoque depositio illa anno quadringentesimo primo collocanda, ut monet Valesius in Notis ad Sozomenum lib. 8, cap. 6. Causa enim eorum episcoporum primum examinata in Concilio Constantinopolitano *xiii Indictione*, hoc est, præsentī anno ante kalendas Septembris, quo die Indictio xiv cœpit, celebrato; cum Eusebius episcopus libellum Concilio obtulisset adversus Antoninum Ephesi episcopum, ut scribit Palladius in Vita Chrysostomi, et « adventus Gainæ Constantinopolim immineret », inquit Georgius in Vita Chrysostomi, ideoque ante mensem Septembrem, ut ex dictis de Gaina constat. Missi sunt deinde in Asiam episcopi tres, qui testes audirent; hi quæ tota æstate in Asia commorati sunt. Postea Chrysostomus ipse sub finem hyemis in Asiam profectus Synodum septuaginta episcoporum Ephesi congregavit, in qua depositi sunt sex episcopi, non autem tredecim, ut perperam scribit Sozomenus lib. 8. Profectus est itaque Chrysostomus in Asiam anno sequenti, profligato jam Gaina. Quare quando Theodosius episcopus Valentimopoleos in Synodo Ephesina dicit: « Causa ista biennio examinata est »; biennium illud a currenti anno inchoandum, quo

Indict. xii usque ad kalend. Septemb. in cursu fuil, annoque cui quo episcopi iudicati sunt, absolvendum; ideoque biennium illud utrinque incompletum fuit; quod magis liquebit ex iis quæ anno cdxix de Palladio, qui hanc historiam narrat, loquentes dicemus. Contigisse autem Chrysostomum ex Asia reditum post Pascha, ostendit Baronius ex Chrysostomi Hom. *De regressu suo Constantinopolim*.

13. *Asiana diæcesis et Asia præconsularis episcopo Constantinop. subditæ erant.* — Verum quidem est, episcopos a Chrysostomo institutos, fuisse post quadriennium sede pulsos; at factum id non secundum præscripta canonum, sed violentia, ut Palladius in Dial. his verbis ostendit: « Verum fortissimi isti, et nimium contentiosi, post Joannis exilium, accepto eo quod acceperunt (non enim habet malitia nomen, sicuti ne substantia quidem) hujusmodi abjectos ante quadriennium, in Ecclesias revocant: pulsus illis, qui legitime fuerant subrogati, etc. » post Concilium enim Constantinopolitanum primum regie orbis episcopi ordinariam jurisdictionem in Asiana diæcesi exercuere. Quod si auctoritatem deponendi et ordinandi episcopos in ea diæcesi *Chrysostomus* usurpasset, eum iudicem non agnovisset *Antoninus* qui accusatus crimen negabat, et alii episcopi simoniaci depositi ab ejus sententia appellassent. Hinc Theodoretus lib. 5. cap. 28: « Neque vero urbem duntaxat regiam hujusmodi cura ac sollicitudine gubernabat; sed et universam Thraciam, et Asiam totam, eisdem legibus exornavit », scilicet Chrysostomus. Quare hoc exemplum egregie confirmat quod anno cccxxxii asseruimus, primam Synodum Constantinopolitanam episcopo urbis regie concessisse patriarchicam dignitatem et jurisdictionem in diæceses Thracicam, Ponticam, et Asiaticam. Porro *Asiana diæcesis* decem quidem provinciis constabat in Notitia imperii, sed in politia Ecclesiastica ratione undecim provincias complectebatur, teste Theodoro lib. 5. cap. 28, quia, ut recte explicat Marca lib. 1 de Concordia, cap. 3. Asia præconsularis adjecta ad decem provincias Asiæ diæceses constituit numerum 11 provinciarum Eccl. siasticarum a Theodoro designatum. Solidæ præconsularis Asiæ metropolis erat *Ephesus*, quæ in politia Ecclesiastica in Asiam diæcesim eandem dignitatem retinuit teste Chrysostomo in Epistola ad Ephesios; adeo ut ei jus patriarchicum tribuat Evagrius lib. 3. cap. 16, cum scribit, *Timotheum Aclurum* Ecclesiæ Ephesinæ jus patriarchicum restituisse, quod ei Synodus Chalcedonensis ademerat.

14. *Origo Psalmorum alternatim decantatorum.* — Scribit Socrates lib. 6, cap. 8, ut videre est apud Baronium num. 86 et seq., *dixit Chrysostomum*, ut Arianos reprimeret qui hymnos in publico canebant, quosdam Orthodoxos comparasse, qui nocturnis hymnis decantandis similiter operam darent. Primi omnium *Flavianus* ac *Diodorus* Antiocheni monachi, regnante *Constantio*, psallentium choros Antiochiæ bifariam dividerunt, et Psalmos

Davidicos alternis canendos eis tradiderunt; quæ res tum primum instituta, postea ad reliquas totius orbis Ecclesias dimanavit. Testatur id Theodoretus in lib. 2, cap. 24, et ante illum *Theodorus Mopsuestenus*, qui fisdem temporibus, quibus *Flavianus* atque *Diodorus*, vixit, ejus verba refert Nicetas in Thesauro orthodoxæ fidei lib. 5, cap. 30. Ea tamen Psalmodiæ species jam ante Flavianum atque *Diodorum* a Syris videtur usurpata. Scribit enim *Theodorus*, Flavianum ac *Diodorum* primos omnium eam Psalmodiæ speciem, quas *Antiphonas* vocant, ex Syrorum lingua in Græcam transtulisse, et omnium prope solos hujus rei auctores cunctis orbis partibus apparnisse. Quod igitur Syri diu ante Flavianum præstiterant, Psalmos Davidicos lingua Syriaca antiphonam canentes, id *Flavianus* ac *Diodorus* a Græcis Antiochenis Psalmos græce canentibus fieri instituerunt. Valesius in Notis ad Socratem lib. 6, cap. 8, ubi hæc observat, verum non esse credit quod eo loco Socrates scribit, eam nempe hymnos in Ecclesia alternis canendi consuetudinem initium sumpsisse a sancto *Ignatio* Antiochiæ, quæ caput erat Syriæ, episcopo; quem dicit Socrates vidisse aliquando angelos hymnis alternatim decantatis sanctam Trinitatem celebrantes, et canendi rationem, quam in illa visione animadverterat, Ecclesiæ Antiochiensi tradidisse; cujus rei nullum testem, inquit Valesius, Socrates citat.

15. *Alterni cantus antiquitas.* — At Bona Cardinalis lib. de Divina Psalmodia cap. 16 observavit, Theodoretum, non de quocunque alterno cantu, sed de solis Davidicis Psalmis intelligendum, et *Flavianum* ac *Diodorum*, psallentium choro duas in partes diviso, Psalmos Davidicos alternis canendos, primos instituisse; eam psalmodiæ speciem ex Syrorum lingua in Græcam transtulisse; ac ideo *Socrati* fidem non esse denegandam. Ea autem alternatio non statim in omnes terre partes propagata; cum Cassianus lib. 2 de Instit. Cœnob., cap. 5 et seq., referat, suo tempore hunc morem vixisse, ut sedentibus cæteris, et omni cordis intentione ad vocem psallentis intentis, unus in medio integrum psalmum solus caneret. Imo quantalibet multitudo convenisset, nunquam amplius, quam quatuor monachi psallebant in synaxi; quod etiam hodie in quibusdam Galliarum monasteriis servari accepi. Vignit etiam apud Ethnicos cantus alternatio, cum Homerus Iliade I, versu 604. Musas alternatim canentes describat; Christiani autem profanos Gentilium mores in veri Dei cultum transferre soliti erant. Quare perperam Valesius in dubium revocat quod a Socrate scriptum, *Ignatium* nempe Martyrem primum in Ecclesia Orientali huic ritui initium dedisse; quod enim ipse scribit, discere potuit a scriptoribus, quorum Opera ad nos non pervenere.

16. *Arcadiæ Nativitas.* — Auctor Chronici Alexandrini hoc anno habet: « Ilis coss. nobilissima Eudoxia mense Januario, V idus Januarii renuntiata est Augusta, nataque est nobilissima Ar-

eadia mense Xanthico, III nonas Aprilis ». Quintus idus Januarii, seu dies nonus ejusdem mensis, incidit in diem Lunoæ; quare nondum mos ferebat, ut diebus Dominicis aut solemnioribus festis hujusmodi occupationes fierent; sed tantum vel annis quinquennialibus addictis, aut postquam liberos pepererant; *Eudoxiæ* autem jam erant duæ filiæ, *Flaccilla* et *Pulcheria*. Porro *Arcadia* virginitatem suasu Pulcheriæ sororis toto vitæ tempore servavit, ut testatur Theophanes ad annum primum Theodosii Junioris.

17. *Moritur S. Maro abbas.* — Hoc circiter anno floruit beatus *Maro* abbas, a quo Maronitæ Syriam inhabitantes nomen acceperunt, ut testatur Faustus Naironus Maronita, clarissimus Chaldaicæ seu Syriacæ linguæ professor in Dissert. de origine, nomine, ac religione Maronitarum, Romæ anno MDCLXXXI publicata. Ex ea sequentia delibavi. Antequam Catholicum Syriæ regnum in varias sectas scinderetur, omnes illius incolæ Syrorum nomine appellabantur: et qui ex Syris secuti sunt Macedonium, Macedoniani, qui Apollinarem Apollinaristæ, qui Nestorium Nestoriani, qui Eutychem Eutychemiani, qui Jacobum Jacobite dicti sunt. Cum vero lotus ferme Oriens a fide Catholica quodammodo deticere videretur, tum ob Ethnicam pravitatem, tum ob pestiferos insultus Macedonii, Apollinaris, aliorumque Hæresiarcharum, qui Nestorium ac Eutychem præcesserant, *divus Maro* abbas divino afflatus Spiritu, ut ait Theodoretus, eollem quemdam qui ab Ethnicis superstitione colebatur, occupavit, et quod ibi erat sanum consecravit Deo, variosque Syriæ incolæ non modo in avita Catholica fidei religione, quam ab Apostolis susceperant, retinuit; verum etiam innumeros ad monasticam vitam adduxit, quod innuit idem Theodoretus in Historia religiosa cap. 16, 21, 24 et 30, ubi beati Maronis vitam describens ait: « Nec solum a gritudinibus corporis medebatur, sed congruentem etiam animis adhibebat curationem ». Paulo infra in eodem cap. 16: « In hunc modum divinæ operam dans agriculturæ, animasque simul sanans et corpora, brevi morbo defunctos, qui et nature imbecillitatem, et constantiam illius declararet, excessit e vita ».

18. *Ejus discipuli varia per Syriam struxere monasteria.* — Eo ejus fama pervenerat, ut S. Joannes Chrysostomus illum laudaverit Epistola ab exilio scripta ad *Maronem monachum et presbyterum*. Ex quibus colligit Naironus floruisse sanctum virum sub annum Christi cpi, et a Deo singulari gratia Orienti concessum, ut inter medias hæreses illibatam Catholicam fidem assereret ac servaret. Discipulos virtutis sue imitatores Maronem multos

habuisse, ait idem Theodoretus, inter quos *Jacobum*, et *Thalassium* miraculis ac sanctitate illustres, quorum vitas seorsim describit, et inter feminas *Domina* in maternæ domus hortulo Maronis disciplinam æmulari studuit. Ejus discipuli, cum per totam Syriam varia erexissent monasteria, illud præcipue Apamæam inter et Emessam, prope Orontem fluvium, sub præceptoris sui nomine exstruxerunt celeberrimum, et Maronis vestigia sectati sunt; indeque factum, ut qui ex Syris non erant adhuc hæreseos veneno infecti, et ad præfatos Monachos confluerent, ab aliis nationibus hæreticis Maronitæ nuncuparentur, quia sc. Catholicam illam fidem, a qua nunquam desciverant, *S. Maronis*, ejusque monachorum opera, incorrupte conservarint. Observat illud inter alios Baronius in Notis ad Martyrolog. die xxi Octob. in festo S. Malchi ejusdem monasterii monachi ubi ait, sicut a Studio Studitas, et a Saba Sabaitas, pari eademque ratione Maronitas a sancto Marone appellationem sortitos esse.

19. *Fuere defensores Catholicæ Religionis.* — Fidem monachorum monasterii Maronis, semper Catholicæ veritati consonam fuisse, deducitur ex eo quod cum per Orientem eorum fama diffusa esset, adversus insurgentes hæreses firma dicerentur propugnacula, eorumque monasterium, tanquam princeps monasteriorum Syriæ secundæ ab omnibus haberetur, sicut quinte generalis Synodi Acta declarant, ubi Paulus diaconus, qui eidem Synodo interfuit, et Joannes presbyter, in Epistolis monachorum ejusdem provinciæ ad Justinianum imperatorem et ad Menam patriarcham, quæ ibidem recitantur, « monachi et ambasiatores dicuntur monasterii beati Maronis primatis monasteriorum Syriæ secundæ », et pro omnibus monasteriis ejusdem Syriæ subscribunt. Et in Epistola Archimandritarum Syriæ secundæ ad Hormisdam papam, anno dxxvii data, primo loco subscribit, *Alexander Archimandrita, seu abbas sancti Maronis*. Sic etiam in libello monachorum tractus Apamensis ad secundæ Syriæ episcopos, qui insertus est eidem Concilio Act. i idem legitur. Quocirca hæreticorum furor adversus præfatos monachos adeo incaluit, ut multa illis temporibus passos esse ab Acephalis, Severianis, Eutychemanis, et a Petri Fullonis aëscelis, qui in Trisagio Trinitatis crucifixionem admittabant, visuri sumus ex laudata dissertatione eruditissimi Naironi, qui adhuc Romæ vivit.

20. *Alia quæ ad hunc annum pertinent.* — Celebratum hoc anno Concilium *Tolætanum I*, ut anno cpi videbimus. Mortuus est sanctus *Martinus* episcopus Turonensis, ut suo loco ostendi.

ANASTASII ANNUS 4. — CHRISTI 401.

1. *Ruffinus ab Anastasio Romam vocatus, venire renuit, ab eodem damnatur.* — Quadringentesimus primus Domini annus, Vincentio atque Fravitta (Fravito Flabito) consulibus, describitur Fastis: quo Anastasius papa, qui anno superiori Origenis haereses condemnarat, audieus graviter scriptis suis adversus S. Hieronymum ea ex crusa obstrepere Ruffinum, eundem scriptis publicis litteris Romam vocat. Cum ille dissimulans, prætensensque quasi non Anastasii essent litteræ, sed ab alio aliquo nomine ejus confictæ, venire neglexit: excusans se tamen, ad ipsum Anastasium scripsit Apologiam. At ipse Romanus Pontifex in absentem, sepe vocatum, atque adesse contemnentem, damnationis sententiam jure tulit. Hæc autem summam complexa, quomodo se habuerint, diligentiori sunt tractatione, fidelique testificatione narranda. Atque primum quod ad rationem temporis spectat: hoc quidem anno vocatum esse litteris Anastasii papæ Ruffinum, ex S. Hieronymi Apologia adversus eum conscripta deducitur. Cum enim ea scriptione (quam confectam esse sequenti anno, suo loco aperiemus) dum meminit Anastasii litterarum, anno superiori datas dicat: ad præsentem utique annum eas referre necesse est. Sunt enim hæc ejus verba, dum redarguit ipsum, quod Anastasii papæ judicium subterfugerit¹:

2. « Siricii jam in Domino dormientis profers Epistolam, et viventis Anastasii dicta contemnis? Quid enim tibi (ut ait) officere potest, quod te ignorante aut scripsit, aut forte non scripsit? Et si scripsit, sufficit tibi totius orbis testimonium: Quod nulli verum videtur, ut tantæ Urbis sacerdos vel innocentem injuriam facere potuerit, vel absenti. Innocentem te vocas, ad cujus interpretationem Roma contremuit? Absentem, qui accusatus respondere non audes: et tantum Romanæ urbis judicium fugis, ut magis obsidionem Barbaricam, quam pacatæ Urbis velis sententiam sustinere? Esto præteriti anni ego Epistolam fluxerim », nempe Anastasii papæ: « recentia ad Orientem scripta quis misit?

in quibus Anastasius tantis te ornat floribus, etc. » Intelligit enim de ejusdem pontificis Epistola scripta de Ruffino ad Joannem Hierosolymitanum episcopum anno sequenti. Quam igitur anno præterito datam dicit ab eodem pontifice Epistolam ad Ruffinum, qua ipsum Romam vocavit, ad hunc ipsum annum eam referre necesse est: hæc de tempore.

3. Cum autem dictas Anastasii papæ litteras, quibus accerselatur in Urbem, causam dicturus, Ruffinus accepisset: propriæ conscientie percussus examine, sciens se ibi fore damnandum, tergiversatus venire destitit, in dubium (ut dictum est) revocans, num ab ipso Romano Pontifice eadem litteræ scriptæ fuissent necne: necessitatem quoque obtendens Aquileiæ commorandi, parentum, vel affinium gratia, a quibus triginta annorum spatio abfuisset. Ut tamen pro se ipse Anastasio satisfacere, ad eundem scripsit Apologiam, cui fidei suæ Catholicæ professionem adjunxit, quo se Catholicum esse monstraret. Extat ipsa, cujus est exordium¹: « Audivi quosdam, etc. » de qua S. Hieronymus, ferro jam ulcus aperiens: « In Epistola, inquit, sancti papæ Anastasii lubricus extitisti et turbatus: in quo ligas gradum, non reperis. Modo enim dicis a me esse compositam: nunc ab eo ad te debuisse transmitti, cui missa est. Rursus injuriam scribentis arguis: etiam si scripta sit ab illo, sive non scripta, ad te nihil pertinere testaris, qui prædecessoris ejus habes testimonium, et rogantem Roman, ut illam illustrares præsentia tua, oppiduli tui amore contemperis. Si a me fictam Epistolam suspicaris, cur eam in Romanæ Ecclesiæ chartario non requiris? ut eum deprehenderis ab episcopo non datum, manifestissime criminis reum teneas, et nequaquam araneum mihi opponas cassiculas, sed fortissimo me et solidissimo constringas rete. Si autem Romani episcopi est: stulte facis ab eo exemplar Epistolæ petere, cui missa non est; et non ab illo qui misert, de Oriente expectare testimonium, cujus auctorem et testem habes in vicino. Vade potius Romani, et præsens apud eum

¹ Hier. Apolog. in Ruffin.¹ Extat. apud. S. Hier. tom. ix.

exposula, cur tibi et absenti, et innocenti fecerit contumeliam: primum ut non reciperet expositionem fidei tuæ, quam omnis (ut scribis) Italia comprobavit, et baculo tuarum uti noluerit litterarum contra canes tuos: deinde, ut Epistolas contra te ad Orientem mitteret, etc. » Sed id anno sequenti, quo ad Joannem Hierosolymorum episcopum scripsit Epistolam.

4. Ex his probe intelligis, lector, Apologiam Ruffini cum professione fidei ab Anastasio papa minime fuisse receptam; utpote quod in ea nulla mentio fieret de Origenis hæresibus, quarum vehementer accensabatur, prout S. Hieronymus¹ docet. Habito igitur hoc anno de Ruffino Romæ judicio, quod venire vocatus neglexerit, quodque de objectis criminibus minime satisfecerit, jure meritoque sententiam damnationis accepit, prout jam dicte datæ ab eodem pontifice anno sequenti litteræ ad Joannem Hierosolymorum episcopum docent. Quæ autem adversus invectivas ejus in S. Hieronymum ipse rescripserit, anno sequenti, suo loco pluribus dicturi sumus. Scripta quoque est hoc anno a Theophilo episcopo Alexandrino secunda Paschalis Epistola (ut superius exacte vidimus) qua idem antistes Origenis errores cum eorum auctore majori exagitavit efficacia, dicendique potentia; quam postea S. Hieronymus latine redditam misit in Occidentem.

5. *Concilium Carthaginense provinciale pro restituenda Ecclesia Africana legatos mittit ad Anastasium.* — Quod rursum ad res Occidentalis Ecclesiæ pertinet: hoc anno mense Junii habita est Synodus provincialis Carthagine, qua decretum est de legatione mittenda Romam ad Anastasium Romanum Pontificem, atque Mediolanum ad Venerium ejus sedis episcopum, ut Africanæ Ecclesiæ sacris ministris maxime indigenti consulere. Quod enim ad temporis rationem pertinet; cum hæc Synodus (ut ejus Acta significant) celebrata dicatur post consulatum Flavii Stiliconis, nique ad præsentem annum referenda est, qui primus sequitur post ejusdem Stiliconis consulatum priorem: nec est quod ad posteriorem ejus consulatum referri possit, qui post annos sex contigit, quando jam Anastasius papa, cujus est in Synodo mentio, ex hac vita migravit. Quanta autem Africana Ecclesia laboraret penuria clericorum, ex verbis Aurelii episcopi Carthaginensis accipe, quibus sic allocutus est Patres²:

6. « Ecclesiarum Dei per Africam constitutarum necessitates mecum optime novit charitas vestra, sanctissimi fratres. Et quoniam præstitit Dominus, ut ex aliqua parte sancti cælus vestri et ei congregata præsentia: videtur mihi ut has easdem necessitates, quas pro sollicitudine nostra indagare potuimus, in medium proferamus. Quas cum approbaverit vestra sinceritas; sit consequens, eligendum esse unum ex nostro numero consecrandum,

qui, auxiliante Domino et orationibus vestris, et has ipsas necessitates suscipere possit, et graviter peragenda implere, pertracturus ad transmarinas Italiæ partes, ut tam sanctis fratribus et consecratis nostris venerabili sancto fratri Anastasio Sedis Apostolicæ episcopo, quam etiam sancto fratri Venerio sacerdoti Mediolanensis Ecclesiæ necessitatem ipsam atque dolorem atque inopiam nostram valeat intimare. Ex his enim sedibus hoc fuerat prohibitum: quo noverint communi periculo providendum; maxime quia tanta indigentia est clericorum, nullaque Ecclesiæ ita deservit, ut ne unum quidem diaconum vel illitteratum (lectorem) habere reperiantur. Nam de cæteris superioribus gradibus et officiis tacendum arbitror: quia (ut dixi) si ministerium diaconi facile non invenitur, multo magis superiorum honorum inveniri non posse, certissimum est. Et quotidianos planctus diversarum pene emortuarum plebium jam non sustinemus: quibus nisi fuerit aliquando subventum, gravis nobis et inexcusabilis innumerabilium animarum pereuntium causa apud Dominum mansura est ». Hactenus Aurelius.

7. Cui autem episcoporum ejusmodi fuerit decreta legatio, haud exploratum satis haberi potest. Annuisse Synodi petitioni Anastasium papam, minus Ecclesiæ in Africam mittendo, augmento est, quod et his majora curavit. Scribens enim ad Africanos episcopos, de reducendis in Ecclesiam Donatistis, provinciam perdifficilem aggrediendam, admonuit; quod opus sollicitius impleri mandavit: dicemus de hac re, cum paulo post sermo erit de universali Synodo Carthaginensi hoc eodem anno eadem ex causa mense Septembris magna celeritate atque celebritate congregata, jussu (ut ex ea colligitur) ejusdem Pontificis Anastasii. Sed et Venerium Mediolanensem episcopum fuisse votis Africanorum episcoporum, ex eo existimamus, quod peculiaris ille auctor Vite S. Ambrosii Paulinus, ejusdem Ecclesiæ quondam lector, in Africam amandatus apparet; consedissequæ Carthagine apud Fortunatum diaconum, ipse testatur; et quidem S. Augustini petitione se scripsisse ejusdem S. Ambrosii res gestas, in eadem ipse scriptione confirmat. Quem quidem et eundem illum putamus esse Paulinum, qui in eadem Ecclesia Africana adversus hæresim Pelagianam primus omnium strenue Celestium exagitans decertavit, de quo suo loco pluribus agendum erit.

8. In hac ipsa igitur priori Synodo Carthaginensi triginta duo canones editi leguntur ex recitato breviario canonum Hipponensis Concilii, de quo superius mentio facta est; inter quos et canon ille reperitur insertus, quo in Ecclesia etiam passiones martyrum in eorum anniversaria die legi conceduntur³. Porro Aurelius episcopus Carthaginensis sollicitus fuit, ut hoc eodem anno ex omnibus Africanæ Ecclesiæ provinciis ad Synodum colligerentur

¹ Hier. Apolog. lib. II. in princ. — ² Extat. tom. I. Concil.

³ Concil. Carth. c. 13.

episcopi; indixitque Synodum generalem ad mensem Septembris, ut omnium sententia summi ponderis res tractaretur, nimirum pax universalis cum omnibus Donatistis; sciens in hanc rem ineundam sua admonitione incumbere Romanum Pontificem, et vota simul concurrere imperatorum.

9. *Concilium generale Carthaginiense de revocandis Donatistis ad Ecclesiae unitatem.* — Quod igitur hoc anno Anastasius papa de Ecclesia universalis curam gerens, sciens ipsam Ecclesiam Africanam ex Donatarum schismate magnopere laceratam, de unitate ardentiori studio procuranda litteras dedisset ad Aurelium episcopum Carthaginensem aliosque aliarum in Africa provinciarum episcopos: iidem plurimi facientes admonitionem Romani Pontificis, indixerunt generale Concilium Carthagine; quo ex omnibus provinciis Africanis hoc anno ad idus Septembris de his acturi convenerunt episcopi. Hæc quidem omnia ex iis quæ idem Aurelius Carthaginensis episcopus in eadem Synodo præfatus est, satis explorata redduntur. Primum vero ejusmodi Concilio præficiuntur iste titulus et præfatio¹: « Vincentio et Flabito viris clarissimis consulibus, idibus. Septembris, Carthagine in secretario basilicæ restitute, cum in Concilio congregati in Ecclesia Carthaginensi consedissemus ex Africanis omnibus provinciis episcopi, id est, Aurelius ejusdem sedis episcopus cum collegis suis, quos eorum subscriptio manifestat: ait idem Aurelius episcopus: Recitatis Epistolis beatissimi fratris et consecratoris nostri Anastasii Ecclesie Romanæ episcopi, quibus nos paternæ, et fraternæ charitatis sollicitudine ac sinceritate adhortatis est, ut de hæreticorum, et schismaticorum Donatarum insidiis et improbitatibus, quibus Africanam Catholicam Ecclesiam graviter vexant, nullo modo dissimulamus. Gratias agimus Domino nostro, quod illi optimo et sancto antistiti suo tam piam curam pro membris Christi, quamvis in diversitate terrarum, sed in una compage corporis constitutis, inspirare dignatus est ». Ista ipse coram Patribus Aurelius prælocutus est: quibus intelligas Romani Pontificis universale in Ecclesia regnare: sciasque pariter, sic Aurelium appellare Anastasium collegam, fratrem, et consecratorem, ut tamen eundem recognoscat et patrem, cum commendat ejus paternam, et fraternam erga omnes charitatis sollicitudinem.

10. Quod autem spectaret ad conciliandos Ecclesie Catholice Donatistas; in negotio plane difficillimo et ac sæpe frustra tentato, visum omnibus lenitate potius, quam severitate agendum fore. Sed et quod turpe censeretur Orthodoxæ fidei professoribus, aliter quam ratione adversarios superare; illud in primis Patres exogitarunt, ut in universas Africanas provincias, ad ipsarum præfectos ac iudices, penes quos Acta publica servarentur, litteras darent; quibus significarent, ut ab iisdem curarentur exquiri omnibus in locis, in quibus Maximia-

niste a primoribus Donatistis avulsi, haberent Ecclesias, res gestæ in publica monumenta relatæ; hæc ideo, ut ex actis ipsis Donatarum cum Maximianistis, manifesti iidem (ut dictum est superius) convinci possent erroris: frustra ipsos objicere in Catholicos, quæ ipsi sæpius perpetrassent contra Maximianistas: ut S. Augustinus frequenter inculcans exprobrat, suismet ipsorum factis illos omnino convincens.

11. Sed et illud decretum, quod ad pacem, et unitatem ineundam conducere visum est, ut ad ipsum in primis Apostolicæ Sedis antistitem Anastasium aliosque transmarinos episcopos scriberetur, ut Donatistis redire volentibus ad Ecclesiam Catholicam indulgeretur, in iisdem ordinibus apud suos ante susceptis (si hoc recipiens episcopus conducere existimaret) posse perseverare: quod quidem olim Melchiadis papæ tempore in Romano Concilio cum eisdem Donatistis fuisse transactum, diximus: licet postea in transmarina Synodo illud de Donatistis sancitum fuerit, ne redeuntes ad Ecclesiam cum honoribus ante obtentis reciperentur. Sed in præsens Africani episcopi id illis concedi postulant, ut eo modo recipere ipsos possent, quod universali paci Ecclesie id maxime profuturum intelligerent.

12. Quid vero acturi essent post accepta a provinciarum iudicibus Acta publica Donatarum cum Maximianistis, postque indultam ab Anastasio papa facultatem recipiendi eos ad Catholicam Ecclesiam redeuntes, si expediret, etiam cum honoribus, Patres ita in eadem sessione decernunt¹: « Deinde placuit, ut his peractis, legati etiam prædicandæ pacis et unitatis gratia, sine qua salus Christiana non potest obtineri, e numero nostro ad ipsorum Donatarum, sive quos habent episcopos, sive ad plebes mittantur: per quos omnibus in notitiam perferatur, quam nihil habeant, quod adversus Ecclesiam Catholicam juste possint dicere: maxime ut manifestum fiat omnibus per gesta etiam municipalia, propter documentorum firmitatem, quid ipsi de Maximianistis schismaticis suis egerint: ubi eis divinitus demonstratur, si attendere velint, tam inique tunc illos ab Ecclesie unitate præcisos, quam inique nunc clamant a se Maximianistas schisma fecisse: ex quorum tamen numero quos jam plenarii Concilii sui auctoritate damnaverant, in suis honoribus denno receperunt; et baptismum, quem damnati et exclusi dederant, acceptaverunt. Ut videant quam stulto corde resistant paci Ecclesie toto orbe diffusæ, cum ista faciant pro parte Donati; neque se istorum quos ita receperunt, communionem propter intuitum pacis contaminari dicant; et nos condemnent, id est, Ecclesiam Catholicam etiam in extremis terrarum partibus constitutam, per eorum communionem inquinatam, quos tunc accusantes convincere nequiverunt ». Hæc summa fuit legationis pro conciliatione Dona-

¹ Extat insertum Concil. Africa. c. 33, tom. I. Concil.

¹ Conc. Afric. c. 36

tistarum mittendæ, et quidem (ut arbitror), sancti Augustini suggestione; qui agens contra Petilianum, Cresconium, atque alios Donatistarum episcopos, eo irrefragabili ad convincendos ipsos utitur argumento; nimirum nihil esse quod eos retardare possit ab incunda cum Catholicis concordia, etiamsi lapsorum communicatione olim inquinati fuissent: nec respuendum ab eis horum baptismata. Nam si ob bonum pacis illi id præstare Maximianistis decreto universalis Concilii decrevisset; quomodo non magis ob totius Christiani orbis cum eis conjunctionem et pacem id ipsum præstare sollicitus debuissent?

13. His in Concilio, Patribus consultis, firmiter stabilitis, quatuordecim reperiuntur statuti canones ad disciplinam Ecclesiasticam recte instituendam, restituendamque ex antiquioribus regulis, ut de cælibatu diaconorum, presbyterorum, et episcoporum, deque non transferendis episcopis de sede in sedem, de baptizandis infantibus, et aliis, quorum nonnulla in aliis Conciliis ante habitis reperiuntur fuisse decreta. quæ relinquimus disquirenda lectori. Ad postremum vero illud additum est decretum, ut litteræ legatorum, qui mittendi essent ad Donatistas, scriberentur omnium nomine ab episcopo Carthaginensi; quod et postea factum est, cum eadem legationes mittendæ fuerunt.

14. Quid autem post actum sit, accurate pervestigemus. Missis a Concilio litteris ad Anastasium Romanum Pontificem et alios Italiae episcopos pro indulgentia redeuntium Donatistarum ad Ecclesiam, nimirum, ut si episcopo eos recipienti expediens visum sit, iidem cum honoribus ordinibusque recipiantur: indulsisse id ipsum Anastasium papam, et qui cum eo congregati erant episcopi, certum illud est argumentum; quod constat Africanos episcopos ea usus esse concessa auctoritate. Nam S. Augustinus hæc adversus Cresconium¹ habet: « De episcopis quidem vel clericis recipiendis alia questio est. Quamvis enim cum apud vos ordinantur, non super eos invocetur nomen Donati, sed Dei: tamen ita suscipiuntur, ut videtur paci et utilitati Ecclesiæ convenire: » et paulo inferius: « Proinde vestri episcopi, seu quilibet clerici, quantum ad illa Ecclesiastica officia pertinet, sic in Catholicam suscepti sunt unitatem, quemadmodum expedire videbatur iis, quorum saluti per eorum consulebat officium vel exercendum, vel omittendum, etc. » Hæc ex decreto Anastasii Romani Pontificis et eorum qui cum eo conveniunt episcoporum: desiderantur tamen Epistolæ, quas Pontifex de his reddidit ad episcopos Africanos. Quomodo autem, cum hæc omnia Africani episcopi ab Anastasio Romano Pontifice accepissent, iterum Carthagine convocato Concilio, de his omnibus per legatos Roma redeuntes reddituri ceteros, de conveniendis Donatistis edidit decretum, suo loco dicemus. Jam vero quæ Africanæ Ecclesiæ reliqua sunt anni hujus ordine prosequamur.

15. *Honorius immunitatem concedit Catholicis clericis et monachis.* — Hoc item anno Honorius imperator pro clericis ista rescripsit ad Pompeianum proconsulem Africae¹:

« Quicumque Catholicae religionis clerici intra eum modum, unde victus emendi vendendique usum lege præfinitum exercent: ab auraria pensionem habeantur immunes. Ab his quoque, quos a publici laboris actu et gradus clericatus, et (quod non minus est) sanctior vita defendit, præcipimus temperari. Nec enim ullum eorum, qui excepti legibus probantur, subjacere palimur injuriæ, etc. Dat. prid. id. Jul. Mediol. post consulatum Stiliconis et Aureliani VV. CC. » Hæc rescribens pro Catholicis tantum Africanæ Ecclesiæ imperator, tacite admonitos voluit, Donatistas, ut alienos ab Ecclesia, ab imperatore rejectitos haberi; ut ita ea vexatione tributorum ad mentem integram redire deberent. Quod vero iisdem, quibus clericos, privilegiis frui voluit eos, « quos, inquit, sanctior vita defendit: » per hos esse monachos intelligendos, omnes puto consentient.

16. *Narratio Marci Gazensis de legatione quam Porphyrius episcopus suscepit Constantinopolim ad Eudoriam de crudeli idololatria, et Christianis tutandis, ædificandaque Gazæ Ecclesiæ; quæ omnia feliciter eveniunt.* — His autem de rebus hoc anno gestis in Occidente narratis, jam in Orientem, in ipsam regiam civitatem Constantinopolim commigret oratio, ibi diutius rerum gestarum copia detinenda. Hoc igitur anno, quinto id. Apr. (ut auctores sunt Socrates², Sozomenus³, Marcellinus⁴, et alii) Arcadius imperator auctus est filio, quem patris nomine Theodosium nominavit. At quæ præcesserunt natali ipsius, quæve mox fuerint subsequuta, nempe baptismus et alia ex fidelissimo auctore, qui interfuit, nempe Marco Gazensi diacono, verbis ipsius hic describamus. Ad hæc enim ipse narranda incidit, cum protectionem Joannis Cæsareæ Palestinæ atque S. Porphyrii Gazensis episcoporum Constantinopolim ob rem gravissimam, nempe ob demolitionem famosissimi Mariæ idoli templi, ad imperatorem Arcadium, pluribus narrat. Quam quidem historiam, ut rem dignissimam ad institutumque spectantem reddemus. Sed antequam eam aggrediamur; debet lector meminisse, quæ ante biennium recitata sunt ex eodem auctore de sua ipsius eadem ex causa suscepta legatione ad eundem imperatorem; quam ministri illius, cui negotium mandatum fuit, avaritia, irritam prorsus redditam esse diximus. Cum vero Ecclesia ibi posita gravioribus in dies a Gentilibus illic agentibus vexationibus ageretur; ipse ejus Ecclesiæ sanctissimus præsul protectionem ad imperatorem instituit. Sed quomodo hæc singula se habuerint, auctorem ipsum Marcum diaconum audiamus: nulla enim scitu digna, omnique fide testata posteris commendavit;

¹ L. xxxvi. de Episc., et cleric. C. Theod. — ² Socr. l. vi. c. 6. —

³ Sozom. l. viii. c. 4. — ⁴ Marc. in Chron.

¹ Aug. cont. Crescon. l. ii. c. 11. 12.

licet rudiori stylo et versione scrupulosa ad verbum reddita, appareant minus compta : sed ad ornatum satis ipsa sibi veritas est, cuius fulgore obscura quæque nitescunt. Sic igitur rem auctor aggreditur :

17. « Quo magis autem videbant Idololatræ Gazenses multiplicari Christianos, eo magis efferebantur, et non sinebant eos obire officia civilia, sed eis utebantur tanquam malis famulis. Videns autem rursus beatus Porphyrius magnam injuriam, quæ fiebat Christianis, et non ferens ; adspiciens vero probris et contumeliis appetitis, proficiscitur Cæsaream ad beatum Joannem archiepiscopum ; et rogat eum cum lacrymis, ut præbeat ei quietem. Dicebat enim se non posse pati amplius gravia et absurda, quæ fiebant a Gazeis. Beatus autem Joannes cum audivisset, rogabat eum ut æquo, et forti animo pateretur, et relineret episcopatum. Respondens vero sanctissimus Porphyrius, dixit ei : Te attestor coram Deo, qui non est visibilis, et spem nostram Jesum Christum Dominum omnis creature, et adorandum et vivificum sanctum Spiritum, ne despicias petitionem meam, ne requiratur a nobis interitus animarum innumerabilium. Sed rogo te, pater, ut mecum naviges ad urbem regiam, ut rogemus imperatores, Rege cælesti annuente, ut everlant templa idolorum. Respondens autem beatus Joannes dixit ei : Fili, justa quidem est petitio, sed non est aptum tempus : jam enim imminet conversio hiemalis. Respondit beatus Porphyrius : Si vult nos Deus esse, et Gaze populum convertere, potest etiam servare in hieme. Tu vero, pater, ejus fidens clementie, et misericordie, id velis, et iter nobis succedet feliciter. Dicit ei beatus Joannes : Fiat voluntas Christi.

18. « Postquam autem beatus Joannes est ei pollicitus, scribit ad me, ut quamprimum venirem Cæsaream, et afferrem mecum tres libros, et quadraginta tres nummos, qui ei restabant ex reddito sanctæ Ecclesiæ. Ego vero acceptis litteris, cum sumpsissem libros et nummos, protinus sum egressus : et cum venissem Cæsaream, inveni sanctissimos episcopos paratos ad navigandum. Et cum post duos dies solvissemus, navigavimus vicesimo tertio mensis (Februarii). Et cum Dei benigneitate fuisset nobis secunda navigatio, spatio decem dierum appulimus ad Rhodum insulam. Erat autem tunc in insula in adversa ejus parte quidam monachus nomine Procopius, qui nunc est reclusus in numerum angelorum : dormivit enim quinque abhinc annis, cum vixisset vitam nulli culpe affinem, in jeuniis et vigiliis et summa paupertate. Habebat vero donum quoque prophetiæ, et virtutem expellendi demones. Cum nos autem (ut dictum est) Rhodum appulissimus, et audivissemus de vita sancti viri, necessarium duximus eum non præterire, sed ejus angelica frui consuetudine. Et cum rogavissemus ubinam haberet monasterium, ad eum profecti sumus navigantes in cymba. Et cum pervenissemus, pulsavimus ostium : statim autem

egressus, per se aperuit nobis, etiam si haberet apud se alium discipulum. Cum autem adspexisset sanctissimos episcopos, procidens in terram eos adoravit. Deinde surgens, me quoque et deosculatus, et piæ Eusebii diaconum, quem secum ducebat S. Joannes archiepiscopus ». Vidisti, lector, quali honore a sanctis monachis accipi solerent episcopi ? Sed pergit ipse :

19. « Cum nos introduxisset in oratorium, retrocessit, dans priorem locum beatissimis episcopis, dicens : Decet vos sacerdotes habere priorem locum ; me autem humilem et abjectum, et qui ordinationem non sum assecutus, posteriorem. Tunc cognovimus sanctissimum Procopium esse perspicendi occulta prædixum potestate. Cum enim nos nunquam adspexisset, neque de nobis audivisset, cognovit per Spiritum eos esse episcopos, beatissimos, inquam, Joannem et Porphyrium ; et ideo eos honore affecti dicendi preces priori loco. Et inde post preces sedimus ; et cum esset nobis locutus multa animæ utilia, rogavit causam suscepti itineris molestiæ. Beatus vero Porphyrius omnia ei narravit de Gazeis, quantus sit eorum furor in colendis simulacris, et quam multa mala ab eis paterentur Christiani ; et quod ea de causa ascendunt, ut rogent imperatores ut evertantur templa idolorum. Cum autem audisset S. Procopius anachoreta, dixit : Domine Jesu Christe, converte famulos tuos a fraude diabolica, ad fidem illumina. Deinde dicit sanctissimis episcopis : Ne sitis animo anxii, o patres : Deus enim, qui novit zelum vestræ fidei, iter vobis diriget, et dabit omnia quæ sunt vobis cordi. Agile ergo, et ea vobis dicto monita, quæ Deus revelavit humilitati meæ. Primum enim convenite sanctissimum episcopum Joannem, et cum eo preces ad Deum fundite, et ei rem exponite. Et ipse est vobis consulturus ea, quæ ipsi revelavit Dominus. Non enim potest loqui in palatio, quoniam irascitur ei imperatrix Eudoxia. Ipse vero vos commendabit Amantio cubiculario dominæ, viro pio, qui et habet in honore sacerdotes. Ipse vos introducet ad imperatricem : et quando ad eam ingressi fueritis, vos est benigne exceptura : exponite ergo ei rem universam, et jubete eam valere, et exite. In secundo autem ad eam ingressu, postquam vos eam hujus rei admonueritis, dicite ei : Speramus in Christum Filium Dei, quod si rei præsentī studueris, est tibi daturus filium masculum. Cum hoc autem audieris, est lætatura : est enim pragnans, et hic est mensis nonus ex quo concepit. Et est factura omnia, ut rem vobis reddat effectam, Deo annuente.

20. « Nos autem cum audissemus quæ dixerat vir sanctus, et credidissemus ei quæ fuerat locutus, et ipse nos Deo commendasset ; egressi sumus et solventes illo die navigavimus, et post alios decem dies pervenimus Byzantium : et accepto hospitio, sequenti die ivimus ad sanctissimum archiepiscopum Joannem. Cum vero cognovisset quinam essemus, nos accepit magno honore et observantia. Nos autem rogavit, quamam de causa hunc viæ laborem

sustinimus: et ei narravimus. Et cum cognovisset, recordatus est nos longo ante tempore hoc rogasse litteris: et cum me agnovisset, benigne est complexus. Rogat vero nos, ne angamur animo, sed spem habeamus in Dei misericordia. Dixit autem nobis: Ego quidem non possum loqui cum imperatore; eum enim in me irritavit imperatrix, quoniam eam reprehendi propter possessionem, quam cum concupissem, eripuit. Et mihi quidem non est hoc curæ. quod irascantur: seipsos enim læserunt, non me: nam etsi lædant meum corpus, animæ multo magis proderunt: hoc tamen relinquamus Dei misericordie. De nostro autem edicto, si videatur Domino, cras accersam eunuchum Amantium, qui est eunuchus imperatricis, et multum potest apud eam, et est vere Dei servus: eique rem exponam; et magnum adhibiturus est, Deo annuente, studium. Nos vero, cum sic ille nobis promississet, et nos Deo commendasset, ivimus in nostrum hospitium.

21. « Die autem sequenti ivimus ad sanctum, et invenimus apud eum cubiculum Amantium: rei enim nostræ curam gesserat, et eo accessito, de re nostra eum docuerat. Postquam autem ingressi sumus, et cognovit Amantius nos esse eos, de quibus cum ipso fuerat locutus; surgens adoravit sanctissimos episcopos, facie inclinata in terram. Illi vero cum cognovissent quisnam esset, eum sunt amplius et osculati. Porro autem eis quoque iussit sanctissimus episcopus Ioannes ore proprio cubiculum edocere de re sua. Sanctissimus autem Porphyrius ei omnia narravit de idololatriis, quemadmodum libere et confidenter faciunt res nefarias, et quemadmodum affligunt et vexant Christianos. Ille vero audiens, levit, et impletur zelo divino, atque dicit eis: Ne sitis auxilii, patres: Dominus enim Christus defensurus est suam religionem: orate ergo vos, et ego loquar cum Augusta: et spero in Deum universorum, fore ut consuetam suam faciat misericordiam. Die autem crastinam vos ad eam introducam; et ipsa ore vestro a vobis docebitur quæ vultis: invenietis vero eam a me prius instructam. Cum hæc autem dixisset, nobis valere iussit recessit. Nos quoque cum nulla spiritalia locuti essemus cum sanctissimo archiepiscopo Joanne, ipseque nos Deo commendasset, recessimus.

22. « Die vero sequenti nos accersit cubicularius Amantius per duos decanos, ut iremus in palatium. Et surgentes propere ivimus: invenimus autem ipsum nos expectantem. Qui accepit duos episcopos, et eos introduxit ad Augustam Eudoxiam. Postquam vero eos adspexit, prior eos salutavit, dicens: Benedicite, patres. Illi autem eam venerati sunt. Sedebat autem super aureum lectum, et dicit eis: Ignoscite mihi, sacerdotes Christi: propter ventris, quæ me premit, necessitatem, non occurri: debebam enim in vestibulo occurrere vestræ sanctitati. Sed propter Dominum orate pro me, ut quod est in utero, in lucem edam cum Dei benignitate. Sanctissimi autem episcopi admirati tantam ejus demissionem, dixerunt: Qui benedixit uterum Saræ,

Rebecce, et Elizabeth, benedicat et vivificet id quod est in tuo ventre. Postquam vero locuti sunt alia quoque verba spiritalia, dicit: Scio cur hunc viæ laborem susceperitis: me enim prius docuit Amantius eunuchus. Quod si vos quoque me vultis docere, jubete, patres. Iussi autem docuerunt omnia quæ pertinebant ad idololatrias, quemadmodum secure agerent res impias, et sua potestate opprimebant Christianos, non sinentes eos obire ullum officium publicum, neque sua prædia colere, ex quibus vectigalia publica pendunt imperatorie potentie. Cum hæc audisset imperatrix dixit: Ne sitis anxii, patres: spero enim in Dominum Jesum Christum Filium Dei, fore ut persuadeam imperatori ea facere quæ decent vestram sanctam fidem, et vos hinc dimittat compotes desiderii. Abite ergo, et vos reficite: estis enim defatigati: et orate ut Deus opem ferat mee petitioni. Ille cum dixisset, iussit afferri pecunias: et cum accepisset circa tres pugillos, dedit sanctissimis episcopis, dicens: Ille interim accipite ad expensas. Episcopi vero his acceptis, cum multum ei benedixissent, exierunt. Euntes autem magnæ pecuniæ partem distribuerunt decanis, qui præerant portis; adeo ut paucæ apud eos remanerent.

23. « Imperatrix vero, cum imperator esset ad eam ingressus, docuit eum negotium episcoporum. Petiit autem ut everterentur templa Gaze. Imperator autem cum audisset, ægre tulit, dicens: Scio illam civitatem esse deditam cultui simulacrorum, sed est erga nos grato animo in pensandis vectigalibus publicis, quæ quidem confert plurimum. Si ergo eorum templa repente diruamus, metu se in fugam conjicient, et perdemus tantum canonem. Sed si videtur, eos paulatim affligamus, idololatrias adimuentes dignitates, et alia civilia officia; et jubeamus templa eorum claudi, et non amplius celebrari. Cum enim afflicti fuerint, ad omnes redacti angustias, agnoscent veritatem. Nam quod exsuperat, si id sit repentinum, grave est iis qui sunt subiecti. Imperatrix autem cum id audisset, fuit magno dolore affecta: erat enim acris et fervens in fide. Imperatori vero hoc solum respondit: Dominus est opem laturus servis suis Christianis, sive nos velimus, sive nolumus. Ille nobis narravit pius Amantius cubicularius.

24. « Die autem sequenti accersit nos Augusta: et cum de more prior salutasset sanctos episcopos, iussit eos sedere. Postquam vero locuti essent multa verba spiritalia, dicit eis: Locuta sum cum imperatore, et aliquantum ægre tulit. Sed ne animo angamini: Deo enim volente, non sum cessatura, donec vobis satisfaciatur, et egrediamini assecuti vestrum, qui est ex Deo, scopum. Episcopi autem his auditis, adoraverunt. Stimulatus vero sanctus noster Porphyrius, recordatus ejus quod dixerat beatissimus Procopius anachoreta, dixit imperatrici: Labora propter Christum: et ipse pro tuo labore est tibi daturus filium, qui vivet, et imperabit, te vidente, et cum eo fruente multos annos. Cum hoc audisset imperatrix, repleta est lætitia, et ruber eva-

sit ejus vultus, et ei accedit major ea quam habebat pulchritudo : ea enim quæ apparent, ostendunt ea quæ latent. Dicit itaque sanctissimis episcopis : Orate, patres, ut quomodo dixistis, Deo volente, pariamus masculum : et si hoc factum fuerit, polliceor vobis me facturam omnia quæ petitis. Quin etiam aliud quoque quod non petistis, sum factura, Christo annuente. Sanctam enim Ecclesiam ædificabo Gazæ in medio civitatis. Abite ergo in pace, et quiescite, assidue pro me rogantes, ut cum Dei benignitate pariam; et paulo post id implebo. Cum autem valedixissent episcopi, et eam Deo commendassent, egressi sunt ex palatio. Precabamur autem ut pareret masculum : credebamus enim ei quod dixerat sanctus Procopius anachoreta; et ibamus quotidie ad sanctissimum Joannem archiepiscopum, et fruebamur sanctissimis ejus alloquiis dulcioribus super mel et favum. Veniebat vero ad nos Aman-tius cubicularius, aliquando quidem ferens responsa imperatricis, aliquando etiam ut nos conveniret.

25. « Paucis autem post diebus parit imperatrix masculum, et imponunt ei nomen Theodosium, quod erat nomen ejus avi Theodosii Hispani, qui imperavit simul cum Gratiano. Natus vero Junior Theodosius, fuit in lucem editus in purpura. Unde etiam cum primum fuisset natus, fuit renuntiatus imperator ». Ita quidem acclamatus tunc et purpura tectus : ceterum solemnem institutionem, qua colatum ei nomen imperatoris, facta habetur anno sequenti, iuxta Marcellino et aliis testantibus. Sed pergit reliqua narrare Marcus : « Facta est, inquit, magna letitia in civitate, et fuerunt quidam missi per civitates qui hæc renuntiarent, donaque et munera erogarent. Domina autem cum primum peperisset, et surrexisset e sella puerperii, misit ad nos Aman-tium, dicens nobis per ipsum : Ago Christo gratias, quod per vestras sanctas preces Deus donavit mihi filium. Precemini ergo, patres, illi vitam, et mihi humili et abjectæ, ut impleam ea quæ vobis sum pollicita rursus, ipso volente Christo, per sanctas preces vestras. Cum autem impleti essent septem dies a puerperio, nos accersit, et nobis occurrit in porta cubiculi, portans infantem in purpura. Inclina-vit vero caput, dicens : Benedicite, patres, mihi, et filio quem donavit Dominus per sanctas vestras preces. Infantem quoque tradidit, ut ipsum signarent. Sancti autem episcopi et ipsam et infantem signarunt signo Crucis : et cum precati essent, sederunt.

26. « Postquam autem ipsi locuti essent multa verba plena compunctione, dicit eis domina : Scitis, patres, quid de re vestra statui facere? Dominus vero meus Porphyrius respondens, dixit : Quæcumque statuisti, ex Deo statuisti. Etenim in hac nocte revelatum fuit meæ humilitati per visionem, me esse Gazæ, et stare in delubro quod illic vocatur Marnium, et tuam pietatem mihi tradere Evangelium, et dicere : Accipe, lege. Ego autem cum aperuissem, inveni locum illum, in quo dicit Dominus Christus Pe-

tro¹ : « Tu es Petrus, et super hanc petram ædificabo Ecclesiam meam; et portæ inferi non prævalerunt adversus eam. Tu vero, domina, respondens dixisti : Pax tibi : esto fortis et strenuus. Post hæc autem sum excitatus. Et ex hoc persuasum habeo, fore ut Dei Filius tui animi instituto opem ferat. Dic vero nobis, domina, quid statueris.

27. « Imperatrix respondens, dixit : Si Christo placuerit, paucis post diebus, dignabitur infans sancto baptismo. Itæ ergo, facite supplicationem, et petite in ea quæcumque volueritis : et quando egressus fuerit infans ex venerando baptismo, tradite supplicationem ei qui ipsum portabit. Ego autem docebo eum, quid facere oporteat : et spero in Dei Filium, eum rem totam esse dispensaturum et volutate suæ clementiæ. Nos autem his promissis ab ea acceptis, cum ei et infanti multum benedixissemus, egressi sumus; et euntes fecimus supplicationem, in charta multa ponentes, non solum eversionem templorum simulacrorum, sed etiam privilegia dari sanctæ Ecclesiæ et Christianis, et præberi redditum : erat enim pauper sancta Ecclesia.

28. « Cum autem dies præterissent, venit dies in quo erat illuminandus novus imperator Theodosius. Erat vero coronata et ornata universa civitas oloscrico et auro et omni alio ornamento : adeo ut non posset quispiam explicare ornatum civitatis : quin etiam inundantem habitatorum multitudinem licebat intueri variatam multiplici et diverso genere vestium. Non est autem mearum virium dicere splendorem illius ornatus, sed illorum qui sunt in dicendo exercitati. Ego autem transibo ad præsentem veram conscriptionem. Baptizato Juniori Theodosio, et ab Ecclesia egresso in palatium, licebat rursus intueri decorem eorum qui præerant multitudini, et vestem eorum refulgentem : erant enim omnes candidati, ut existimaretur multitudo esse nive repleta. Præcedebant autem patricii illustres, et omnis dignitas cum ordinibus militaribus, omnes portantes cereos, ut putarentur astra cerni in terra. Erat vero prope infantem, qui portabatur, ipse quoque imp. Arcadius, vultum habens hilarem et nitidum magis, quam ea quam gestabat, purpura. Unus autem ex proceribus portabat puerum in splendida veste. Nos vero admirati sumus, videntes tantam gloriam. Dicit autem nobis S. Porphyrius : Si ea quæ paulo post evanescent, tantam habent gloriam : quanto magis cælestia, quæ sunt parata sanctis, quæ nec² oculus vidit, nec auris audivit, nec in cor hominis ascenderunt? Stetimus autem nos in vestibulo sanctæ Ecclesiæ, habentes etiam chartam supplicationis.

29. « Postquam vero fuit egressus e baptismo, exclamavimus, dicentes : Rogamus tuam pietatem, chartam quoque porrigentes. Cum autem adspexisset is qui portabat puerum et cognoscebat rem nostram (eam enim prius dixerat ea domina) jussit chartam ei dari : et cum accepisset, constitit. Jussit

¹ Matth. XVI. — ² Isai. LXXIV.

autem fieri silentium : et cum solvisset, legit partem : et cum involvisset, subiecit manum capiti infantis ; et cum illud inclinasset, clamavit coram omnibus : Jussit ejus potentia ea fieri quæ sunt in liello supplicii. Omnes autem cum adspexissent, sunt admirati, et adorabant imperatorem, eum beatum pronuntiantes, quod dignus esset habitus, qui videret in vita filium imperantem. Exultabat autem ipse audiens. Imperatrici quoque Eudoxiæ fuit annuntiatum quod factum fuerat propter suum filium : lætata est autem, et genibus flexis, Deo egit gratias. Ingresso vero infante in palatium, ei occurrit domina, et eum accepit et osculata est. Et eum portans, ipsum quoque salutavit imperatorem, dicens : Beatus es, domine, propter ea quæ viderunt oculi tui in vita tua. Et imperator lætatur audiens. Cum autem imperatrix eum vidisset hilarem, dixit : Si videtur, sciamus quidnam continet supplicatio, ut omnino fiant quæ in ea continentur. Imperator vero jussit legi chartam : et postquam lecta fuit, dixit : Gravis quidem est petitiō, sed gravior est recusatio ; quoniam hæc est prima jussio filii nostri. Dicit autem ei domina : non solum prima jussio, sed etiam in hoc sancto habitu et pietatis gratia supplicatio, et petita a viris sanctis. Vix tandem annuit imperator, cum domina valde ei instaret. Hæc autem omnia renuntiavit pius Amantius.

30. « Die autem sequenti nos accersit imperatrix : et cum de more prior salutasset sanctos episcopos, jussit sedere, et dixit eis : Vestris precibus concessit mihi Deus rem vestram : idque factum fuit ejus auxilio. Vidistis autem quam via et ratione sum usa. Sed si videtur, crastina die accersam quæstorem, et coram vobis jubebo, ut convenienter ei quod continet supplicatio, fiat rescriptum divinum ex nomine duorum imperatorum ; et ut semel dicam, faciat omnia quæ consequuntur. Episcopi autem, his auditis, ei multum benedixerunt et ejus filio et imperatori. Cumque nulla alia disseruissent animæ utilia, postquam valedixissent, exierunt. Die vero sequenti accersit quæstorem et nos : dicit autem ei : Accipe hanc chartam, et convenienter ei quod in ea continetur, divinum rescriptum mandati litteris. Quæstor autem, accepta charta, divinum rescriptum dictavit celeriter, nobis presentibus. Ei autem suggestimus, ut duces et consulares, et res eorum deputaret ad ferendam nobis opem. Postquam vero perfectum fuit divinum rescriptum, et subscriptum ; rogavimus dominam, ut hoc negotium mandaretur alicui viro illustri. Jussit autem Amantio quærere virum bono zelo præditum Christianum, cui hoc negotium deberet committi. Multi enim ex iis qui tunc erat in dignitatibus, simulate habebant fidem : de quibus sumpsit penas divina iustitia. Cum enim rescivissent imperatores eos non recte se habere circa fidem intemeratam, privarunt suis dignitatibus, eosque in corpore punierunt, et mulctarunt pecuniis : hæc autem facta fuerunt antea. Quocirca jussit Augusta negotium nostrum committi viro orthodoxo.

31. « Commissum vero fuit negotium cuidam nomine Cynegio ex consistorio, qui fuit vir admirabilis et fide fervens. Eo autem accersito, jussit Augusta, ut omnia idola usque ad solum everteret et igni traderet. Porro ei quoque manu sua dedit pecunias dicens : Accipe ad sumptus, et nihil capias a sanctissimis episcopis. Cum talia autem mandata accepisset a domina, egressus est promptior et alacrior. Erat plane Cynegius vir clarissimus, ad quem postea creatum præfectum prætorio extant data rescripta¹. Subdit porro Marcus : « Cum vero transegissemus reliquum hiemis, et fecissemus sanctos Festos Paschales et diem Resurrectionis, parabamus nos ad navigandum. Rogavimus autem admirabilem Amantium, ut id significaret dominæ, ut eam juberemus valere. Ille autem cum hoc audisset, fuit magno dolore affectus, quod essemus navigaturi. Nos enim dilexit, ut ipse rogarit dominam, ut eum dimitteret ad orandum ad sancta et veneranda loca », nempe Hierosolymam. « Timebat autem domina eum dimittere, ne, si illuc iret, fieret monachus, et ibi maneret. Sciebat enim viri vitam. Erat autem revera nulli culpæ affinis, multas præbens elemosynas et perpetuo jejunans, et multos hospitio accipiens, et concurrentes ad pios usus. Hactenus quidem de pio Amantio.

32. « Dominæ vero de nobis significavit, et ingressi sumus ad eam : et dicit sanctissimis episcopis : Quando Deo volente navigabitis ? Illi autem dixerunt : Propterea sumus ingressi, ut juberemus tuam valere potentiam. Illa autem dixit : Recordamini semper mei, et mei filii. Jussit vero profluvius afferri pecunias. Quæ cum fuissent allatæ, dixit domino meo episcopo Porphyrio : Accipe, pater, hæc ducenta (auri librarum pondera)... et ædifica quam sum pollicitus ecclesiam in medio Gaze : et significa mihi, si opus habueris pluribus pecuniis, et eas statim mittam. Construe etiam Xenodochium, ut excipias fratres qui veniunt in tuam civitatem, et tribus diebus eis sumptum præbeas. Dedit autem sanctissimo quoque Joanni aureos mille, et vasa pretiosa utrisque. Ad sumptus vero dedit utrique ad centum aureos. Obtinuit autem prædictus sanctissimus Joannes episcopus Cæsareæ quæcumque voluit privilegia ratione suæ Ecclesiæ. Cumque precati fuissent, et multum benedixissent dominæ et ejus filio et imperatori, exierunt. Rogaverunt etiam, ut ingrederentur ad imperatorem. Imperator autem eos interrogavit, an essent omnino expediti, et an Augusta eis aliqua donasset. Ipsi vero dixerunt : Sumus omnino expediti a sospite vestra pietate, et pia vestra conjuge, et a filio vestro, quem Deus custodiat : fueruntque nobis multa et magna donata. Statim autem jussit etiam imperator præfectis, eis dari ex publicis vectigalibus Palestine circa viginti libras auri. Dedit autem ipse quoque pro sumptibus circiter unum pugillum, qui inventus est continere circiter nummos aureos quinquaginta.

¹ L. II. de Ursis C. Theod. et aliis.

Cum vero ei quoque nulla benedivissent, sunt egressi.

33. « Egimus autem in civitate alios tres dies, donec accepimus legationem quadraginta librarum : et post dies tres navem ascendentes, navigavimus Gazam versus, vicesimo tertio Xanfici, qui est apud Romanos octavus decimus (xxiii) Aprilis dies. Præclarissimus vero post nos egressus est Cynegius, usus publico navigio. Pervenimus autem Rhodum spatium quinque dierum. Valde vero studebamus ire ad S. Procopium anachoretam. Cumque nos valde rogassemus naulerum, ut nobis concederet tres horas, non concessit, dicens : Non possum ventum invenire tam secundum. Nos autem ei dicebamus : Possunt preces sancti viri nos servare, et dare nobis ventum secundum. Naulerus autem indignatus, non admisit nostram petitionem : sed cum aquali fuisset, solvimus. Valde vero cruciabamur, quod non licuisset nobis eum convenire. Precibus ergo ab eo petimus, ut nobis ignosceret, et pro nobis oraret, ut salvi essemus, et absolutum redderemur opus quod fuerat nobis commissum.

34. « Cum ergo Rhodo navigassemus, et duos dies in maris tranquillitate et serenitate felix fuisset nobis navigatio : repente oritur tempestas, ventique et fulgura et tonitrua : et in altum tollebantur fluctus, instar montium ; et attollebatur navis, ut nos existimaremus eam nubes tangere. Erant autem clamores, et lacrymæ, et oratio ad Deum : implorabamus quoque preces sancti Procopii anachoretæ. Cumque fuisset vespera, et tempestas non cessaret, permansimus vigilantes totam illam noctem. Circa matutinum autem, ex multa afflictione, parum dormitarunt sanctissimi episcopi : et videt in somnis dominus meus Porphyrius S. Procopium anachoretam, dicentem eis : Naulerum catechismo instituite, et obsignate (est enim ex Arii hæretici execranda secta) et efficit ut ipse anathemate notet Arium et malam ejus fidem, et statim cessabit tanta tempestas : propterea enim quod sit ipse ex dicta hæresi, non concessit vobis ut ad me veniretis : eum tamen catechesi instituite : est enim rectam doctrinam a vobis accepturus. Ille cum audisset sanctus noster Porphyrius, fuit excitatus : et nobis accersitis, narravit quæ viderat in somnis.

35. « Statim vero, vocato naulero, ei diximus : Vis navem tuam esse salvam, et nos omnes, et ante omnia tuam animam ? Ille autem dixit : Non est hoc rogandum. Ei vero dixerunt episcopi : Abnega malam tuam fidem, et crede in rectam fidem, et salvus eris, et tu, et navis, et nos omnes. Dicit ei naulerus : Quoniam video vos habere præscientiam comprehendistis enim quæ erant in corde meo, cum nemo id vobis nuntiaverit, ecce dico vobis : Credo, ut creditis : Abnego hæresim Arii. Rogo autem vos, ut per otium me ex sanctis Scripturis illuminetis in recta fide. Sancti vero episcopi eum acceperunt, et obsignarunt, super eum fuis precibus, et eum quoque impertierunt divinis sacramentis », nempe Eucharistia : etenim navigantes fideles

secum ferre solitos ipsam sacratissimam Eucharistiam, ex his quæ habet sanctus Ambrosius in oratione in funere Satyri fratris, et sanctus Gregorius, cum de Maximiano agit, atque alii, absque aliqua dubitatione docemur. Sed subdit Marcus : « Interim autem cessarunt fluctus, et vespere mutatus fuit ventus, et feliciter navigavimus : et cum fuisset in pelago alios quatuor dies, quinto mane adnavigavimus in maritimam partem Gazæorum, quam vocant Majumam.

36. « Postquam autem descendimus, nos cognoscentes, qui illic erant Christiani, exceperunt cum psalmodia. Similiter vero ex civitate quoque cum audivissent, occurrerunt nobis habentes signum venerandæ Crucis, et ipsi psallentes. Commixti sunt autem qui erant ex duobus locis, et facti sunt non parvus populus : erant enim plures, qui erant ex maritima, propterea quod haberent multos Ægyptios vini mercatores. Idolorum vero cultores videntes ea quæ fiebant, dissecabantur : sed nihil audebant facere, quoniam audierant quanto honore fuissent habiti sanctissimi episcopi apud imperatores, et quod essent evertenda simulacra ; et magna angebantur cura et animi agilitudine. Postquam autem fuimus ingressi civitatem, in loco qui vocatur Tetramphodos, id est, quadrivium, stabat statua marmorea, et dicebant eam esse Veneris, erat autem supra aram marmoream : statuæ vero effigies erat nudæ mulieris, quæ habebat aperta tota sua pudenda : statuam autem in honore habebant omnes cives, maxime vero mulieres, lucernas accendentes, et thure sufflantes. Dicebant enim eam in somnis respondere iis quæ volunt inire matrimonium. Decipiebant autem se invicem mentientes. Sæpe vero jussi a dæmone contrahere matrimonium, tantum abfuit ut id recte eis procederet, ut inter eos fierent divortia, aut male cohabitarent. Ille cognovimus ab his qui fuerant aversi ab errore, et veritatem agnoverant. Quin etiam nonnulli idololatræ, non ferentes calamitates gravium conjugiorum quæ jussi fuerant contrahere a dæmone Venere, succensentes, confessi sunt deceptionem. Tales enim sunt dæmones, ut qui decipiant, et nihil unquam veri dicant : neque enim possunt aliquid certo præscire, sed ex verisimilibus præ se ferunt se præscire apud eos qui eis serviunt. Quomodo enim possunt verum dicere, qui exiderunt a veritate ? Quod si in aliquibus contingit eos divinare, hoc fit ex eo quod evenit : quomodo etiam accidit in hominibus, ut sæpe quædam prædicant futura de re quæ est eventura. Ea ergo quæ ex iis quæ accidunt successerunt (quod quidem, raro fit) admiramur : quæ autem conjectura non assequimur (quod quidem fit assidue) sitemus. At de dæmonibus et de eorum deceptione hæcenus.

37. « Cum nos ergo (ut dictum est) navigassemus in civitatem, et venissemus ad locum, in quo erat simulacrum Veneris ; portarent autem Christiani venerandum signum Christi, hoc est, figuram Crucis : videns demon qui habitabat in statua, nec

videre sustinens signum quod ferebatur; turpiter egressus ex marmore, deiecit ipsam statuum, et confregit eam in multa fragmenta. Accidit vero, ut duo idololatræ starent prope aram, in qua stabat statua; et cornuus, unius quidem caput fregit in duas partes, alterius autem humerum et brachiale: stabant enim ambo sanctum populum subsamantes. Multi autem ex Gentibus, cum vidissent signum quod factum fuerat, crediderunt: et commixti cum laicis, una cum eis sunt ingressi in sanctam Ecclesiam nomine Irenem. Fuit autem illo die magnum gaudium inter Christianos tribus de causis: primum quidem, quod sacrum receperunt sacerdotem; quodque ea fecisset quæ desiderabant: secundo, quod contriti essent dii Gentium, et facti essent tanquam pulvis, qui dispergitur ab aura æstiva: quin etiam similiter alque ipsi, contracti sunt qui confidebant in eis. Tertio autem et maxime, quod conservate sunt anime quæ errabant, et accesserunt gregi Christi. Cum eos vero obsignasset episcopus, dimisit in pace, iubens ut vacarent sanctis Scripturis. Erant vero viri triginta duo, et septem mulieres. Cum duos autem alios dies fuisset Gaze Joannes archiepiscopus, profectus est Cæsaream: quem Christiani omnes et sanctus episcopus deduxerunt usque ad duo milliaria.

38. « Post decimum autem diem venit admirandus Cynegius, habens secum consularem, et ducem et magnam manum militarem et civilem. Præciverunt vero multi ex idololatræ: et exierunt e civitate, alii quidem in vicos, alii autem in alias civitates: erant vero hi complures ex divitibus civitatibus. Eorum autem ædes qui fugerant, annotavit, quem diximus, Cynegius. Die autem sequenti, accesseritis civibus, præsentibus duce et consulari, aperuit eis litteras imperatoris, quæ jubebant ut everterentur simulacra et delubra, et igni traderentur. Cum primum vero id audivissent idololatræ, ejularunt magna voce: adeo ut id ægre tulerint magistratos: et in eos cum minis emisserunt milites, qui eos virgis et clavis verberabant. Christiani autem cum magno gaudio laudibus imperatores et magistratos prosequabantur.

39. « Statim vero iidem cum magistratibus et cohortibus militariis impetum fecerunt, et everterunt delubra. Erant autem in civitate simulacrorum publica templa octo, nempe Solis, et Veneris, et Apollinis, et Proserpine, et Hecales, et quod dicebatur Hierion, seu Sacerdotum, et Fortune civitatis, quod vocabatur Tycheon, et Marnion, quod dicebant Crise generis Jovis, quod existimabant esse gloriosius omnibus templis quæ sunt ubique. Erant autem alia quoque plurima simulacra in adibus et pagis, quæ nemo posset numero subjicere. Demones enim cum Gazæorum animi ut ductilem apprehendissent, errore impleverunt universam civitatem, et quæ circum circa sita erat regionem: hoc autem eis accidit ex nimia simplicitate: quannobrem traducti ad sanctam fidem, sunt magno zelo incitati Christiani. Hactenus quidem de Gazæis.

40. « Jussi ergo milites cum Christianis civitatis et maritima ejus parte impetum fecerunt in simulacra. El primum cum voluissent evertere simulacra et Marnium, repulsi sunt. Illius enim idoli sacerdotes, cum prius de eo audivissent, portas interioris templi intrinsecus magnis lapidibus obstruxerunt: et cum exportassent in ea quæ dicuntur adyta, quæcumque erant vasa in templo pretiosa, quin etiam ipsa deorum ipsorum animalia illic occultaverunt, et per ipsa adyta fugerunt per alias vias: dicebantur enim ipsa adyta multas habere vias in diversa loca. Repulsi ergo (sicut prius dixi) conversi sunt ad alia simulacra; et alia quidem everterunt, alia vero igni tradiderunt. Cum ergo rapuissent omnia quæ in eis erant vasa pretiosa; sanctus vero Porphyrius anathemati subiecisset in Ecclesia quemlibet civem Christianum, qui ex delubris aliquid acceperit in proprium lucrum: nullus ex fidelibus civibus aliquid acceperit, nisi milites, et qui illic inventi sunt advenæ. Illis quidem similia ex sancto Augustino superius diximus, eandem prohibitionem factam in Africa, cum rescripto Honorii imperatoris illic etiam simulacra demolirentur: idque ea de causa ab episcopis decretum, ne scilicet ardore avaritiæ potius quam zelo pietatis viderentur Christiani in idola insurgere. Sed pergit Marcus: « Abibant ergo cum laicis et clero viri pii, et ipse S. Porphyrius episcopus, reprimentes eos, ne aliquid acciperent. Fuerunt autem decem dies evertentem templa simulacrorum.

41. « Post dictos autem dies consilium ceperunt, quoniam modo uterentur Marnio, et quid ei facerent. Alii enim dicebant, id debere effodi, alii autem comburi, alii locum purificari, et sanctificari ad Dei Ecclesiam: et erant de ea re magna deliberatio. Tandem sanctus episcopus edicit populo jejunium et orationem, ut eis revelaret Dominus, quidnam eos facere oporteat. Cumque illo die jejunassent, et Deum de hac re precati essent; vespere pergunt ad sanctam Synaxim. Cum pergeret autem, puer circiter septem annos natus, stans cum matre propria, repente exclamavit dicens: Comburi intus templum usque ad solum: facta sunt enim in eo multa gravia scelera, et maxime hominum sacrificia. Id vero hoc modo comburite: afferte picem humidam, sulphur, et sebum porcinum, et hæc tria commiscele, et nugite portas areas, et ignem in eas injicite, et sic totum templum comburetur: non potest enim aliter fieri. Id autem quod est exterius, sinite cum ambitu: et postquam fuerit combustum, purgantes locum, edificate illic sanctam Ecclesiam. Dicebat autem hoc quoque: Testificor vobis coram Deo, ne fiat aliter: neque enim ego sum qui loquor, sed Christus, qui in me loquitur. Hæc autem dixit lingua syriaca. Postquam vero audierunt, omnes admirabantur, et Deum glorificabant ».

42. Vide quomodo ex sententia Iheremiæ, nova bella elegit Dominus. Templum illud, cui perpercis- sent tot qui præcesserunt Christiani imperatores, et

non ausi attingere tot provinciarum præsidēs et magistratus, vixque aliquando (ut dictum est) clausum : adversus quod tot sanctissimi episcopi atque martyres, et usque adeo ipse S. Bilarion apud Gazam agens prævalere minime valuissent : ecce ad maiorem Christi gloriam, infanti annuenti, atque demum puerulo edocenti, de superbo damone reservata est victoria atque triumphus. Etenim infans Theodosio, antequam sciret vocare patrem, datum est annuere de templorum, et idolorum demolitione oblato sibi libello supplicii ; puerulus vero septennis de conflagratione Marnii divino afflatus Spiritu sententiam profert : ut plane acciderit impleri divinum illud oraculum¹ : « Ex ore infantium et lactentium, Deus, perfectum laudem tuam ». Sed post hæc Marcus :

43. « Venit autem hoc miraculum etiam ad aures sancti episcopi : et cum manus suas ad cælum extendisset, Deum glorificavit et dixit : Gloria tibi, pater sancte, quoniam² abscondisti hæc a doctis et sapientibus, et revelasti ea parvulis. Jussit autem puer suam quoque matrem, postquam dimissa esset Ecclesia, inveniri in episcopi aedibus. Separato itaque puer, dixit episcopus mulieri : Adjuro te per Filium Dei vivi, ut dicas, an suggestione tua, aut alicujus alterius, te sciente, filius tuus illa est locutus, quæ dixit de Marnio. Mulier autem cum hæc audivisset, dixit : Trado me ipsam terribili et tremendo Christi tribunali, si unquam præscivi aliquid ex his quæ filius meus hodie est locutus. Sed si videtur tibi : ecce, accipe puerum, et cum minis de eo habe quæstionem. Quod si dixit alicujus suggestione, metu confitebitur. Sin vero nihil aliud dicet ; est evidens, quod a Spiritu sancto fuit inspiratus. Cum hoc audisset episcopus, quod dixerat mulier, et laudavisset ; jussit eam paululum secedere, et introduci puerum. Cumque adductus esset puer, dixit ei : Quis tibi suggessit, ut loquereris in ecclesia illa, quæ es locutus de Marnio ? Puer autem tacebat. Jussit vero sanctissimus episcopus afferri flagellum, et extendi puerum ad hoc, ut ab eo terreretur. Ille autem tencus flagellum, alta voce clamabat, dicens : Quis tibi dixit ut loquereris ? dic, ne flagello cada- ris. Puer autem stabat mutus nihil loquens. Tunc nos qui eramus circa ipsum hæc ei cum minis diximus : ille autem erat immobilis.

44. « Tandem postquam omnes cessassent ; os suum aperiens, dixit puer lingua græca : Urite templum, quod est intus, usque ad solum : multa enim gravia in eo facta sunt et maxime hominum sacrificia. Hoc autem modo id adurite : Afferte picem humidam et sulphur, et sebum suillum, et misce- te hæc tria, et ungite portas aereas, et ignem eis immit- tite, et sic templum comburetur : alias enim non potest fieri. Quod est exterius autem, simile cum ambitu : et postquam fuerit combustum, expurgato loco, statuite illic sanctam Ecclesiam. Testificor enim vobis coram Deo, non posse aliter fieri. Non

enim sum ego qui loquor, sed qui est in me Chri- stus. Admiratus est autem sanctissimus episcopus Porphyrius, et omnes qui cum eo erant, audito puero libera loquentem fiducia, et quod partite et distincte esset locutus. Accersita vero matre, eam interrogavit an ipsa, aut filius ejus sciret græcam linguam. Illa autem iurjurando affirmabat, neque se neque filium ejus scire græce. Cum hoc rursus audisset sanctissimus episcopus, rursus laudavit Dominum : et afferens tria numismata, ea dedit mulieri. Puer autem cum vidisset numismata in manu matris suæ, exclamavit dicens lingua syriaca : Ne accipias mater, ne tu quoque auro vendas do- num Christi. Rursus autem cum id audivissemus, summe mirati sumus. Mulier autem reddidit tria numismata, dicens episcopo : Ora pro me et filio, et commenda nos Deo. Sanctus vero episcopus eos dimisit in pace.

45. « Mane vero congregatis religiosis clericis, et Christi amante populo, et præterea admirabili quoque Cynegio, et magistratibus, dixit eis, quo- modo locutus est puer de Marnio. Cum autem audi- vissent, mirati sunt, et communi consensu dixerunt, ut sicut dixerat puer, sic combureretur. Allata ergo pice humida, et sulphure, et sevo suillo, et his tri- bus mixtis, unxerunt portas interiores, et fasis præ- cibus ignem admoverunt, et statim universum tem- plum illud arripuit, et fuit exustum. Quotquot autem milites et hospites poterant, rapiebant ex igne quæ inveniebant, sen aurum, sen argentum, aut ferrum, aut plumbum. Erat vero illic quidam ex præfectis militaribus, quos vocant tribunos, qui aderant combustioni templi : erat autem ut foris apparebat, Christianus ; in oculo vero erat idolo- latra. Ille ergo cum interesset, et videret conflagra- tionem, et direptionem, quæ fiebat a militibus, dissecabatur : et sub prætextu quod curaret, ut ser- varent ordines, flagellis crudeliter cadebat quem inveniebat ferentem aliquid spoliū. Cum hæc fierent, et ab igne corrupti essent parietes, repente lignum ardens cecidit in tribunal, et ei duplicem affert mortem : perfracto enim capite ejus, ussit reli- quum corpus ; et statim fideles milites, et Chri- stianus populus, scientes enim esse propensum ad simulacra, Deum glorificarunt, et dixerunt illum Psalmum, qui incipit³ : « Quid gloriaris in malitia, potens iniquitate ? Tota die injustitiam cogitavit lin- gua tua : tanquam novacula acuta fecisti dolū : et quæ deinceps sequuntur in Psalmo. Dies vero plu- rimos perpetuo arsit templum.

46. « Postea autem facta est domorum persecu- tio : erant enim multa simulacra in plurimis atris : et quæ inveniebantur, partim quidem igni trade- bantur, partim autem in cœnum jaciebantur. In- veniebantur quoque libri pleni præstigiis et incan- tationibus, quos quidem dicebant sacros, ex quibus sua faciebant mysteria et alia nefaria idololatra. Ipsi quoque eadem passi sunt quæ dii sui. Accurrebant

¹ Psal. viii. — ² Matth. xi.³ Psal. li.

autem multi ad sanctam fidem, alii quidem metu, alii vero condemnantes priorem suam videndi rationem. Omnibus vero portas aperiebant sancta Ecclesia : meminerat enim sacrae Scripturae, quae dicit ¹ : Pulsanti aperietur; et qui quaerit, invenit : et rursum ² : Sive praetextu, sive veritate Christus annuntietur. Dicebant autem quidam ex fidelibus sancto episcopo : Non oportere eos accipere, qui accedunt propter metum; sed eos, qui hono proposito. Sanctus vero episcopus dicebat eis qui haec dicebant : Sunt etiam virtutes, quae casu, et calamitate accidunt hominibus, etc. » Docuit enim pluribus accidere saepe ut homines ex illicitis a Deo flagellis respiciant. At post haec Marcus : « Accesserunt ergo illo anno gregi Christi circiter trecenta nomina, et ab illo tempore augmentum accipiebant singulis annis res Christianorum.

47. « Marnio autem omnino exusto, et ordinata civitate statuit beatus episcopus cum religioso clero et Christi amante populo sanctam Ecclesiam condere in loco exusto, quomodo ei revelatum fuerat, quando erat Constantinopoli; propter quod etiam acceperat pecunias a religiosissima imperatrice Eudoxia. Dimissis ergo magistratibus, et Christi amante populo, retinuit partem auxilii, ne fieret aliqua novitas post eorum exitum : non propter hoc autem solum, sed etiam ut opem ferrent ad congregandam materiam aedificii sanctae Ecclesiae.

48. « Quidam autem consulebant, ut edificaretur, sicut positum fuerat idoli templum. Erat enim formae rotundae, circumdatum duabus porticibus, se invicem interioribus subeuntibus; ejus vero medium erat ad emittendos vapores constitutum, Septentrionaleque et extensum in altum : habebat autem quandam etiam alia, quae decebant simulacra apta ad execrandam illa et nefaria, quae fiebant ab idololatriis. In hac ergo forma et positura dicebant quidam aedificandam esse sanctam Ecclesiam : alii vero contradicebant, dicentes ipsam quoque posituram memoriam esse delendam. Qui autem hoc dicebant, persuadebant omnibus, ut qui recte divissent. Dixit vero sanctissimus episcopus : Hoc quoque relinqueamus consilio.

49. « Interim autem dum purgaretur locus, venit Magistriani epistolae afferens imperatorias semper memoranda Eudoxiae. Continebant vero litterae salutationem, et precum petitionem pro suo marito et filio. Erat autem in alia charta infra litteras descripta forma sanctae Ecclesiae in figuram Crucis, quomodo nunc quoque, Deo volente, cernitur : et continebant litterae, ut convenienter dicte figurae sanctae conderetur Ecclesia. Latus est autem sanctus Porphyrius, cum legisset et vidisset formam descriptam : sciebat enim hoc quoque factum fuisse ex divina revelatione, et meminuit Scripturae quae dicit ³ : Cor regis in manu Dei. Continebant autem litterae, pretiosas quoque columnas esse mittendas, et marmora. Ejecit autem cinere, et

ablatis omnibus abominationibus, relicta rudera marmorum Marnii, quae dicebant esse sacra, et in loco inaccessio maxime mulieribus, ea censuit sanctus episcopus incrustari in platea ante templum, ut conculearentur non solum a viris, sed etiam a feminis, canibus, et porcis, et bestiis. Hoc vero idololatriis fuit magis molestum, quam templi conflagratio. Quamobrem quamplures ex iis, maxime autem mulieres, usque ad hodiernum diem marmora non ascendunt.

50. « Brevi autem post tempore, indicit jejunium uno die : et cum dimissae fuissent preces matutinae, jussit prius episcopus quemlibet virum Christi amante afferre ligones, et rastra et alia hujusmodi instrumenta. Hoc vero vespere prius edixerat, ut omnes mane invenirentur parati : quod etiam factum est. Congregato autem populo cum dictis instrumentis in sancta Ecclesia, quae appellabatur Irene, jussit omnes psallentes simul proficisci in Marnium, quod olim fuerat. Ipse vero sequebatur portans sanctum Evangelium, et circa se habens plerumque clerum, revera imitans Christum cum discipulis. Praecedebat autem populum semper memorandus Barochas, veneranda Crucis portans effigiem : ab utrisque vero partibus populi erant milites, qui relictis fuerant ad continendam in officio civilem. Euntes autem psallebant, et in versiculorum Psalmi intercessionem dicebant : Alleluia. Erat autem Psalmus, quem dicebant ⁴ : Venite, exultemus Domino, jubilemus Deo salutari nostro, etc. usque ad finem. Dicebant alios quoque Psalmos, donec ingressi sunt in Marnium. Hortatus est autem S. Porphyrius episcopus Ruffinum quemdam architectum Antiochenum, virum fidelem et scientem, per quem etiam fuit perfectum totum aedificium. Is accepto gypso designavit posituram sanctae Ecclesiae convenientem formae quae missa fuerat in primis a pia Augusta Eudoxia. Cumque precatus esset sanctissimus episcopus, et genua flexisset, jussit populum fodere. Statim autem omnes uno animo et eadem alacritate fodiebant, clamantes : cinis viri, Non licebat vero videre differentiam inter virum, et mulierem, aut senem aut puerum : sed promptus et alacer animus vires praebat omnibus. Et alii quidem fodiebant, alii autem terram exportabant ; adeo ut paucis diebus fuerint et omnia loca effossa, et terra egesta. Prius itaque preparata materia, et ingentibus lapidibus ex humulo, qui dicitur Aldioma, a parte Orientali civitatis, et alia materia :

51. « Sanctus rursus congregato Christi amante populo, multisque precibus, et psalmodiis dictis in loco, ipse primus se succingens, cepit portare lapides, et jacere fundamenta : deinde pii quoque clerici, et omnes laici ielantes, et magna voce psallentes, adeo ut audirentur a tribus miliaribus a civitate. Factum est autem illo die magnum miraculum ». Neque de tribus pueris in

¹ Matth. vii. — ² Philip. i. — ³ Prov. xxi.

⁴ Psal. xciv.

puteum delapsis, sed Dei ope servatis, signoque Crucis divinitus impressis. Subdit vero hæc ancor de Eudoxia: « Anno autem sequenti mittit Eudoxia imperatricis columnas, quas erat pollicita, quæ quidem erant magnæ et admirabiles, numero triginta. Duæ vero vocabantur Carostie: quæ quidem sunt in sancta ecclesia lucentes tanquam smaragdi, etc. » Subdit de adificatione ipsius ecclesiæ ad quinquennium propagata. Reliqua vero quæ contigerunt anno sequenti, suo loco reddituri sumus, observatione quidem dignissima.

52. Ecce tandem contractus est¹ Bel, contritus est Nabo: contractum, inquam, est idolum Marna, Marniumque prostratum; quod fieri per Hilarionem oplavit clarissima illa Aristeneta Heliidii præfecti prætorio uxor, cum eum sic invocabat, dicens²: « Ingrediatur servus Dei Gazam, et Marnas cornuat ». Qui ergo quondam (ut S. Hieronymus³ ait) sub Theodosio lugebat inclusus, eversionem templi jugiter pertimescens, jam extinctus penitus jacet: imo ob Christi Domini majorem gloriam factum est, quod idem sanctus Hieronymus ait in commentariis in Isaiam⁴: « Hoc nostris temporibus videmus esse completum: Serapium Alexandria, et Marnæ templum Gazæ in Ecclesias Domini surrexerunt ». Hæc ipse.

53. *Templa Idolorum in Phœnicia diruta.* — Qui fuit horum omnium fidelis coadjutor S. Joannes Chrysostomus, idem sedulo curavit apud imperatorem, ut quæ in Phœnicia essent residua idolorum culturæ, penitus tollerentur. Testatur id quidem Theodoretus his verbis⁵: « Porro cum certior factus Joannes esset, Phœniciam etiamnum ad nefaria demonum mysteria celebranda cæco furore ferri: monachos divino pietatis studio inflammatos in unum cogit, eosque cum edictis imperatoris ad simulacrorum fana demolienda mittit. Opificibus autem eorum ministris, qui ista deturbarent, mercedem non ex imperatoris deprompsit ariario; sed feminas tum divitiis circumfluentes, tum fide præclare instructas induxit, uti sumptus in eam rem (doeuit namque quanta laus ex tali largitione colligi soleat) affatim et liberaliter suppeditarent. Itaque reliqua demonum delubra hoc pacto solo æquanda curavit ». Hactenus Theodoretus. Verum ipse, quæ postea secuta sunt, reticuit, aut fortasse ignoravit, nempe Gentiles Phœnices morum suorum tenacissimos cultores (quippe qui ipsorum cultum in diversarum orbis provincias propagasse gloriarentur) molestissime ferentes templorum suorum se passos esse jacturam, in ipsos monachos impetum fecisse: quod quidem testificatione ejusdem S. Joannis Chrysostomi liquet; qui et ait, ex eis quamplures occisos esse, alios vero nonnullos vulneribus confectos. Acciderunt autem hæc post biennium, cum ipse Joannes Chrysostomus in Armenia exularet, unde scribens ad Rufinum presbyterum in primis hæc habet⁶:

54. « Phœnicie mata rursum exarsisse, ac Gentilium furorem auctum esse, accipi: compluresque monachos partim vulneribus affectos esse, partim etiam mortem obisse. Ac propterea majorem in modum te urgeo, ut quam celerrime te ad iter accingas atque in acie stes. Certum enim habeo, fore, ut si preces, lenitatem, et mansuetudinem, et tolerantiam, et patientiam, eamque quam soles animi fortitudinem adhibueris; vel ad aspectu solo adversarios in fugam conjicias, ipsorumque furorem extinguas; atque eorum qui nostras partes tulerunt, animos recrees, ac denique multa bona efficias, etc. » Pluribus enim ad id eum hortatur: polliceturque ad finem Epistolæ, se ad ipsum missurum reliquias martyrum, ubi ait: « Quin de reliquiis sanctorum sine cura esto. Confestim enim ad religiosissimum meum presbyterum Terentium, itemque ad dominum meum religionis laude præstantem Trejum Arabissi episcopum scripsi. Nam ipse, et multas et minime dubias habet, quas paucis diebus in Phœniciam ad te mittemus. Quare da operam, ne officio tuo ulla ex parte desis: nam quæ nostri muneris sunt, quanta cum promptitudine animi præstemus, vides ». Hæc ipse. At non deccant in Phœnicia martyres: sed dictum est superius, Gentiles tempore Juliani, omnia quæ in Phœnicia erant Christianæ religionis monumenta, demolitos esse. Magnam in reliquiis sanctorum martyrum Rufinus iste fiduciam collocavit: etenim illos in suis reliquiis quasi redivivos Christianæ militiæ duces sibi adseivit ad destrueda quæ reliqua erant in Phœnicia idololatriæ vestigia. Quod et assecutum esse una cum aliis, qui superfuerunt a cæde, monachis, certum illud est argumentum, quod de Phœnicum idololatria nulla penitus posthac mentio reliqua habeatur. Extat ejusdem S. Joannis Chrysostomi ad ipsos monachos antea ab eo missos, sed ita postea persecutione exagitatos, insignis Epistola¹, quam brevitalis causa prætermittimus recensere: misit et ad eos roborandos, non solum quem diximus, Rufinum presbyterum; sed ex Armenia, ubi agebat, Joannem item presbyterum. Quam autem sollicite, quantoque zelo pietatis istud ipsum negotium ipse Chrysostomus curavit, dicte ab ipso ad eos tunc scriptæ Epistolæ declarant.

55. Equidem, quod semel ipse, de quo egimus, S. Porphyrius Gazensis episcopus viam aperuisset ad egregia idolorum delubra sternenda; pari æmulatione incitato fuisse Phœnicie episcopos, ut id ipsum ab Arcadio postularint, obtinuerintque eodem patrocinante Chrysostomo, par est credere. Sane quidem etsi constat a Constantino imper. demolitum fuisse, quod erat ibi delubrum in monte Libano situm, promptuarium turpitudinum; cætera tamen integra remanserunt. At quænam hæc et qualia? Erat apud Sidonios in Phœnicia magnum templum Astartæ; aliud insuper ingens templum, quod Ægyptium nominat Lucianus; sed et illud

¹ Isai. XLVII. — Hier. in Vit. S. Hilarion. — ² Hier. ep. VII. —

³ Hier. in Isai. I. VII. — ⁴ Theod. l. v. c. 29. — ⁵ Chrys. ep. CXXVI.

¹ Chrys. ep. CXXIII.

insuper augustum Bybli dicatum Veneri. Exlabant hæc omnia in Phœnicia temporibus Luciani ¹ magna frequentia celebrata : quod autem antehac fuerint diruta, nemo, quod viderim, prodidit. Sed ad Eudoxiam exadificantem Gazæ nobilem Ecclesiam redeamus.

56. *Eudoxia ob vitæ alienæ usurpationem et alia avaritiæ facinora. Chrysostomo infensa, ab Ecclesiæ ingressu prohibetur.* — Felix plane, quaterque felix ipsa, nisi ædificans manu altera, altera destrueret. Jam memoria repete, quæ ex Marco diacono nuper sunt enarrata ; nimirum abalienatam ipsam fuisse ab amicitia S. Joannis Chrysostomi, quod eam arguisset ob agrum viduæ adeptum. Quonam autem modo res hæc se habuerit, jam enarremus : atque in primis ex Marco diacono erroris arguamus eos, qui rem gestam ad tempus illud referunt, cum adversus eundem Chrysostomum Synodus Constantinopoli cogeretur : longe enim ante ea contigisse, dicta superius ex eodem auctore declarant. Qui vero res Joannis Chrysostomi oratione prosecutus est Leo Augustus ², ejusmodi narrationem aggreditur : « Theognostus pius ille et fidelis, erat quoque ipse unus ex iis qui erant familiaribus imperatori Arcadio. Invidia autem diaboli, et Gaii, qui morbo laborabat Arii, apud imperatorem accusatur Theognostus, et injusta bonorum publicatione cum relegatione damnatur, simul cum uxore et liberis : et ut paucis absolvam, priusquam pervenisset ad locum, in quem erat relegatus, in itinere via vitæ peracta migravit ad Deum. Hujus uxor reversa accedit ad divinum virum, et de se omnia docuit. Hic autem misericors, et Christi imitator, corde dolorem concepit ob ea quæ acciderant, et ob feminæ viduitatem : et pulchre quidem consolatur : et quæ par erat, ei suadet. Rursum vero considerat, quemadmodum viduæ suæ restituantur.

57. « Cum is autem de eo esset sollicitus, aliud malum excitavit malignus adversus mulierem viduam. Erat enim tempus vindemiæ, propter quam imperatrix egressa erat ex urbe : et nescio quomodo prius ingressa fuit in vineam viduæ, et sua manu exactum botrum comedit. Deinde docetur, vineam esse alterius. Inducunt legis quod est in rebus hujusmodi auxilium, quæ vineam imperatrici adjudicat, si quid tale contigerit, et domino aliquod pretium vel aliquid aliud jubet reddi : et jussu imperatricis refertur vinea in numerum suburbano-rum suorum. Hoc autem non temere et simpliciter jubebat : sed duo hæc meditata : unum quidem, propterea quod irascere viduæ, ut eam magis affligeret : alterum vero, et cujus majori studio movebatur, ut acciperet occasionem vexandi pontificis, cogitante illa, fore, ut resisteret, et in legem incideret, et offenderet imperium. Sed illa quidem ita se habebat. Pontifex autem quomodo ? suadebat, supplicabat, ut deceret ejus philosophiam. Quid illa contra ? ea dabat responsa, quæ erant plena

impudentia, Romanæ legis auxilium, et quævis alia, quæ ex adverso objiciebat vana phantasia suæ arrogantiae.

58. « Rursus ergo temperat medicus medicamenta salutis : quod enim laborabat, curari non poterat. Alia est præterea species curationis ; solvens causas per quas videbatur id quod male erat affectum, laborare gravius : solvens injustos prætextus, nempe quod hæc lex quidem lata esset ab imperatoribus, sed qui forte erant a fide alieni : Tu autem es (aiebat) lex, et tibi obtigit ut imperes, et tibi est conscientia quæ cogit, et quæ rem optime novit et intelligit. Ne permittas, ut multi coacti te novam vocent Jezabel, et quæ de Nabuthæ scripta sunt in veteri Testamento. Hæc sapientis medici, quæ perpetuo adhibebat, medicamenta, male affectam feminam magis inflammabant ; adeo ut nec medicum quidem admitteret, imo vero repelleret, et quam nefarie conceptam celabat bilem, aperte in lucem proderet. Sic quidem repellitur medicus. Quid vero quæ deinceps sequuntur ? Aderat dies festus, et celebris Crucis in altum elationis, et jussu erat pontifex, ut portæ Ecclesiæ clauderentur soli imperatrici. Ecce ergo primus imperator ingreditur, et fidelissimi populi universa multitudo cum eo et circa ipsum. Cum autem cœpisset sanctus de more concionari, vis sanctissimi quæ eum illuminaret Spiritus reddidit elegantiores verborum pulchritudinem, cum eoque loquebatur. Et quid opus est dicere, ad quantam admirationem veniens multitudo applausit exultationibus sacræ dilectionis ?

59. « Cum hæc autem fierint intra templum : ecce etiam imperatrix cum reliquo, qui eam stipabat comitatu. Et aliis quidem omnibus ingressum servabant ostiarii liberum : ipsam vero prohibebant. Iam adhuc inconsideratam possidebat imperatricem. Mitto dicere, quantum in divinum pontificem (idem autem est dicere in Deum) contumeliis invecta est et infremuit. Deinde cogitabat quidam ex iis qui cum ipsa erant, et tentat portam gladio percutere : ejus autem manus statim arescit. Timet ergo imperatrix, et statim revertitur. Ille autem, cujus manus exaruerat, accedit ad sanctum, penitentia ductus, et supplicans statim curatur, et Deus per servum suum magnificatur, et glorificatur ». Hæc de his Leo imperator, ipsique tradunt consentientia ceteri : quæ quidem ante adventum Palestinarum episcoporum Joannis atque Porphyrii accidisse monstravimus. Verum antehac quid huic simile præcesserit, idem auctor docet his verbis ¹ :

60. « Deinde Paulicii in Ægypto præsidis sequitur a quadam vidua apud imperatorem accusatio. Largiamur vero nonnihil narrationi. Continebat autem accusatio, quod debitor esset circiter quingentorum aureorum. Eum cogit imperatrix, nec prius eum remisit quam ab eo exegisset quantitatem centum librarum auri : reddidit autem accusatrici solum triginta sex aureos nummos. Quid ergo

¹ Lucian. de Dea Syria. — ² Leo Aug. orat. de Vit. Jo. Chrys.

¹ Leo. Aug. in Vita Chrys.

facit, quæ accusabat mulier? Confugit ad communem defensorem. Ille vero producendum curavit eum qui accusabatur, et ab eo exigebat id quod reliquum erat debiti. Hoc quoque rescivit imperatrix: quæ significavit pontifici, ut eum dimitteret, cum ipsa ab illo exegisset pecuniam. De hac re inter utrumque vehemens exoritur contentio; et postremo res eo deducitur, ut per impudentiam procedatur adversus sanctum. Mittit enim duos centuriones cum suis cohortibus, ut eum qui accusabatur, a sancti manibus abstraherent. Hæc avara mens imperatricis ». Illic velim, lector, consideres episcopum omnium miserabilium personarum esse iudicem competentem, suique juris esse male ab alio iudicata rescindere, etiamsi princeps esset, qui injustam sententiam protulisset. Vides insuper episcopos carcerem penes se habere, in quem detruunt, qui injuste miserabilium bona detinent. Vides (inquam) Joannem jure agere adversus viduæ debitorem, eundemque carcerem mancipare, nec velle dimittere. Sed licet adhibita vi turpiter per centuriones abstractum, vindex Deus laudavit inultum, neque passus est in hoc conflictu episcopum posteriores referre. Nam quid post hæc accidit? Audirem quidem admirandam, tum ab eodem auctore, tum ab aliis enarratam, cunctisque certa fide patentem: accidisse nimirum, ut centuriones, qui conati erant vi abstrahere creditorem, absterri fuerint horribilis aspectu angeli, romphæa dire immanis. Sicque perterritos rediisse ad imperatricem: illam vero reliquum persolvere pecunie. Addunt¹ alii viduam hanc Alexandrinam fuisse, nominatam Callitropen: Paulacium vero ducem fuisse angustalem in Ægypto, quem vidua, jam absoluta illius magistratus functione, Constantinopoli apud præfectum prætorio convenerat: sed illo contemnente jus dicere, Eudoxiam, penes quam vidua quæstia fuerat, cum ratione pœnæ multam irrogasse librarum centum; viduam vero, datis illi tantum triginta sex nummis, abire jussisse. Addit auctor excusasse se Chrysostomum cum Frumentio ab Eudoxia ad eum tunc misso; se id minime agere, ut imperatricis majestatem contemneret, sed tum ut viduæ omni destituta præsidio, ex divinarum legum præscripto præsto esset, tum etiam ut animæ ipsius augustæ lenè consulere; quod præcipuum esset episcopalis dignitatis officium, curæ prospicere animarum. Certe quidem non nostri duntaxat, sed et externi Eudoxiam avaritiæ infamant: Zozimus enim hæc de ipsa ait²: « Coniux Arcadii Eudoxia super sexum arrogans, et insatiabili avaritiæ tum enuchorum, tum familiarium sibi muliercularum, quæ maxime huic imperabant, undique ad dicta, vitam omnibus acerbam reddebat; adeo quidem, ut modestis hominibus morte nihil esset optabilius ». Hæc ipse. Cujus quidem rei cum recensiti superius casus fidem faciant; demonstrant id ipsum expressius, quæ modo dicturi sumus.

61. «Theodoricus ille (Theodoritus) », inquit Leo¹ Augustus, « qui tunc erat patricius, cum esset dissimulus, ab imperatrice appetitur insidiis. Quid ergo facit vir ille? Confugit ad communem portum, et servatur quidem ab iis quæ ei parabantur, insidiis: servatur autem meliori quoque, et permanente salute, modo alio: dispersit, dedit omnia pauperibus. Quomodo? magistri nempe Joannis consiliis et suasionibus. Quæ ex re quid lucratur? Thesaurum cælestem; cum esset ei persuasum, Cornelii² elemosynæ, ejus quoque esse exequendam elemosynam. Hæc cum rescivisset imperatrix, non potuit amplius contineri. Impudentiam autem illam et temeritatem suam absque ullo rubore sancto indicat: eum namque bona patricii lucratum esse, negabatur et objiciebat: ejus enim qui erat mundus, propter benignitatem admonitio, erat Eudoxiæ inquinatæ sordida existimatio ». Hæc ipse: sed alii eadem³ pluribus. Ex his quoque additamentum laud exiguum ad odium ante conceptum Eudoxiæ accessisse adversus Joannem, omnes affirmant.

62. *Dissidia inter Severianum Gabalensem in Syria episcopum et Joannem, quomodo orta et sublata.* — Quæ autem subsequuta est dissensio Joannis Chrysostomi cum Severiano Gabalensi in Syria episcopo concitata per Serapionem diaconum, hoc anno post natum Theodosium, Eudoxiæ animum laud mediocriter exacerbavit. Hæc autem quomodo se habuerint, licet Socrates⁴ narret, laud tamen ipsa in omnibus inventa sunt consentientia veritati: ait igitur ipse: « Cum insolens Serapionis fastidium et arrogantiam nemo ferre posset (erat hic diaconus Ecclesiæ Constantinopolitane) Joannis namque episcopi fretus gratia, adeo magnos animos sumpsit, ut extra modum omnes contumeliose insectaretur: ob eam causam odium contra episcopum inflammatum magis magisque exarsit. Quin etiam cum Severianus quodam tempore ad locum, ubi Serapion erat, accederet: Serapion honorem episcopo debitum illi non tribuit, neque ei assurrexit: unde Severianus presentiam se parvi facere declaravit. Hunc Serapionis contemptum Severianus non tulit: imo vero etiam in eum vehementer vociferatus est, his ferme verbis: Si Serapion moriatur Christianus, Christus certe nunquam homo factus est. Serapion hæc arrepta occasione, Severianum Joanni aperte fecit inimicum, dum prius sententiæ membrum supprimeret, nimirum: Si Serapion moriatur Christianus: posterius, nempe, Christus certe nunquam homo factus est, Severianum dixisse affirmaret. Itaque sui loci atque ordinis homines testes adducit, illud a Severiano dictum esse. Quapropter Joannes, abjecta omni cunctatione, Severianum a civitate exigit. De quibus rebus Eudoxia Augusta certior facta, et Joannem incusat, et Severianum Chalcedone Bithyniæ propere accersendum curat.

¹ Apud Metaph. in Vit. Chrys. — ² Zozim. l. v.

³ Leo. Imp. de Vita Chrys. — ⁴ Socr. l. vi. c. 10.

63. « Ille quamprimum redit; Joannes se ab ejus amicitia removel; nec cuiquam illum, ut cum Severiano rediret in gratiam, cohortanti, morem gerere voluit. Tandem ubi imperatrix Eudoxia in Ecclesia, quæ Apostolorum nomine nuncupata est, filium suum Theodosium jam tum imperii statum, quamquam admodum adolescens erat, prospere, et feliciter gubernantem, ad genua Joannis abiecit, et sancte illum obtestata est: vix adduci poterat, ut Severiani amicitiam amplexaretur ». Ista quidem sic Socrates: nisi male ita ea vertit interpres. Nicephorus¹ vero ex emendatorii forsasse codice feliciter veritatem assecutus, ita habet: « Eudoxia Theodosium infantem, quem Joannes per baptismum sibi filium arrogaverat, ad genua ejus admovens, multumque deprecans, et adjurans, vix tandem persuasit, etc. » Subdit his vero Socrates: « Verumtamen etsi hoc pacto amicitia inter eos specie quadam externa videbatur reconciliata: nihilominus tamen animum alter adversus alterum exulceratum retinuerunt. Causa vera itaque cur Joannes Severiano succederet, ejus generis fuit ». Illeusque Socrates: eadem quoque Sozomenus² atque alii.

64. Sed unde Socrati, ut Joannis animum nunquam prorsus erga Severianum reconciliatum affirmet; cum ex homiliis ob concordiam inter utrumque initam tunc publice in Ecclesia dictis, constet inter eos pacem firmiter consolidatam? Extant enim duæ ejus argumenti orationes apud ipsum Joannem Chrysostomum: prior, qua Joannes studuit in Ecclesiam ipsum recipere Severianum, eidemque pace firma conjungi: tantum enim aberat ut ipse in eum indigno animo esset, ut populum nonnihil in ipsum infensum, emolliendo, definire, glutinoque pacis unire, omni adhibito studio laboravit: in qua hæc post alia plura inculcata de pace³: « Nulla, inquit, dudum tristia gesta sunt in Ecclesia. Deum conficor, sed non laudo perturbationes, seditiones non amplector. Sed omittamus hæc. Desinite, conquiescite, cohibete animos, refrenate iracundiam. Sufficit jam quod laboravit Ecclesia, finis sit; desinat turbatio: hoc enim et Deo placitum, et piissimo principi acceptum est. Oportet enim et regibus obedire, maxime cum et ipsi obtemperant Ecclesiasticis legibus. Dicit Apostolus⁴: Principibus, et potestatibus subditi estote: Quanto magis principi religioso, et pro Ecclesia laboranti? Si ergo preparavi animos vestros ad suscipiendam legationem meam, recipite fratrem nostrum Severianum episcopum ». Hæc ipse, quibus videas populum potius quam Joannem ipsum adversus Severianum commotum fuisse; quem sequester pacis accedens placare sluduit. Adeo enim populus ille pastoris sui tenebatur vinculis amoris adstrictus, ut vel leviter tangi, haud æquo animo pati posset, sed quam maxime commoveretur, et implacabilis omnino persisteret, nisi ab eo, ut parceret, admoneretur. Porro ita suadente Chry-

sostomo, populum persuasum, acclamasse tunc pacifica atque fausta, quibus se assensum præbere significaret, quæ mox Chrysostomus subdit, ostendunt: « Habeo, inquit, gratiam, quod sermonem meum laudibus prosecuti estis; dedistis mihi fructus obedientiæ: nunc me semen bonum gratulor seminasse: ecce enim statim frumenti manipulos colligam. Retribuat vobis Dominus præmium benignitatis, et obedientiæ mercedem. Nunc enim veram hostiam pacis obtulistis Deo: quia nemo turbatus est, audit hoc nomine, sed cum charitate suscepistis; simul ut sermone locuti sumus, omnem ex animo fugastis iracundiam, etc. »

65. Sic igitur conciliato populo cum Severiano, die sequenti ipse Severianus ad eundem populum de bono pacis pariter habuit eadem occasione concionem; ubi inter alia illud præclare cum laude Joannis ejusdem pacis auctore¹: « Sicut frequenter fieri vidimus, ubi regum vel fratrum tabulæ pinguntur, ut in utrisque unanimitatis declarentur insignia, artifex picto femineo habitu post tergum utriusque concordiam statuit brachiis suis utrumque complectentem, indicans quod hi qui videntur corporibus separati, sententis et voluntate conveniant: ita nunc pax Domini media assistens, et utrumque nostrum gremio palante connectens, discreta corpora in unum convenire animum, ubi jungentibus docet: in qua sine dubio compleitur sermo propheticus, qui ait: Et erit consilium pacificum inter utrosque. Et hesternio quidem die pater noster Evangelice pacem sermone præfatus est: hodie vero nos pacis verba exponamus. Ipse nos hesternio die resupinis manibus in verbo pacis cepit; et nos hodie dilatato pectore, ubiisque patentibus, ad Dominum pacis cum muneribus occurramus, etc. » Quod autem Socrates dicat, etiam reconciliata inter eos amicitia, rubiginem tamen odii minime fuisse prorsus extersam; id quidem ex parte tantum Severiani configisse liquet: nam in his quæ post hæc adversus Joannem conciliatæ sunt turbæ, et convocatæ sunt Synodi, eum adversus Joannem stetisse, Palladius tradit².

66. Equidem magna admiratione capior, dum considero ipsum Joannem Chrysostomum nonnisi triennium in sede agentem (hoc enim anno ejus episcopatus expleto triennio, quartus inchoatur) adeo brevi temporis spatio, tot tantisque vallatum ærumnis, atque molestis circumseptum, cui adversus hæreticos, adversusque Catholicos episcopos, tyrannos, Barbaros, ipsamque demum imperatricem Eudoxiam fuerint adeo crebra atque aspera incunda certamina: cum tamen interea totus in officio functionis episcopalis esset, atque perinde ac si summo otio pacem coleret, creberrime conciones haberet ad populum, quem quotidie ferre docebat. Testatur quidem hæc ipse cum hoc eodem anno Actus Apostolorum in Ecclesia explicaret; ubi inter alia³:

¹ Niceph. l. XIII c. 2. — ² Sozom. l. VII, c. 10. — ³ Chrys. hom. de recip. Sever. — ⁴ Tit. iii.

¹ Apud Jo. Chrys. tom. v. — ² Pallad. in Dial. apud Chrys. tom. I. — ³ Chrys. in Act. Apost. hom. XLIV.

« Ecce enim, inquit, per gratiam Dei, et nos triennium jam habemus, noctesque et dies. Nonne per tres dies, sæpe etiam per septem exhortamur? Quid amplius assequimur, quam quod reprehendimus, increpamus, lacrymas fundimus, dolemus, etsi non foris, sed in corde? » Et paulo post: « Nisi quis iudicaret me supra modum honoris cupidum, vidissetis quotidie me fontes lacrymarum emittere, quarum conscie sunt domicilium et solitudo. Cre-

dite enim mihi; de salute quidem mea desperavi, hoc est, curam prætermisi, et res vestras deploravi. Non vacat mea mala deplorare, adeo totus delictis sub vobis. Etsi sentio vos obtemperantes, præ gaudio non sentio mala mea. Et si video vos minus obtemperantes, præ dolore iterum intermitto mea ». Hæc et alia plura id genus Chrysostomus hoc ipso (ut vidimus) anno, reddens in omnibus veri patris ac pastoris imaginem.

Anno periodi Græco-Romanæ 5894. — Olymp. 295. — Jesu Christi 401. — Innocentii papæ 1. — Arcadii 19. et 7. Honorii 9. et 7.

1. *Consules.* — Coss. *Vincentius et Fravita*, non vero *Flavius*, ut auctor Chronici Alexandrini, aut *Flacitus*, vel *Flabitus*, ut Baronius legit: *Fravitam* enim edunt Cassiodorus, Prosper, Fasti Heracliani, alique passim, qui ad consulatum evectus est. quod terra marique *Gaiam* debellasset, ut habet Sozomenus lib. 8, cap. 4. Fuit Gothus natione, sed religione Paganus, inquit Philostorgius lib. 2, cap. 8, de quo legendus Suidas in voce *γοτθίζων*, qui etiam testatur, eum Gentilem fuisse. *Vincentius* vero in Occidente creatus; fuit enim præfectus prætorio Galliarum, et vir egregius, ut videre est apud Baronium anno cō. num. 19.

2. *Ordo Epistolarum Paschalium Theophili.* — A num. 1 ad 5. Hoc anno *Origenistæ*, primum in Oriente, ac postea in Occidente damnati, quod duobus diversis annis factum perperam Baronius existimavit, annis scilicet cccxcix et cō, ubi pluribus de utraque damnatione egit. Decepit Baronium ordo inversus Epistolarum Paschalium a *Theophilo* episcopo Alexandrino scriptarum, et ab Hieronymo in linguam latinam versarum, ut jam notavit Eminent. card. Norisius lib. 1 Hist. Pelag., cap. 2. Cum enim existimaret Baronius, ut videre est anno cccxcix, num. 51 et seq., eas eo ordine, quo apud Hieronymum leguntur, datas esse, nec animadverteret, quæ ibi *prima* dicitur, *secunda* fuisse, ex Epistolis illis duas desiderari, Synodicam nempe et primam Paschalem, et denique Paschales litteras anno anteriori a *Theophilo* de more publicatas fuisse, sibi persuasisset, ejus Chronologia in Origeniana historia digerenda, non potuit non esse depravata. Tres itaque Paschales Theophili Epistolæ leguntur tomo ix Operum divi Hieronymi, et in Bibliotheca Patrum; neque plurium quam trium Paschalium meminit Hieronymus, quibus Pascha intimatur currentis Christi anni, sequentis, et anni cōiv. Prioris initium

est: *Christum Jesum*, etc., et in ejus fine indicitur futurum Pascha *xix mensis Pharmuthi*, id est, die decima quarta Aprilis, in quam hoc anno Pascha incidit. Secunda ab his verbis incipit: *Solemnitatis augustæ*, eaque Pascha intimatur celebrandum *die xi mensis Pharmuthi*, id est, die sexta mensis Aprilis, quo, anno sequenti, Pascha celebratum est. Tertia his verbis inchoatur: *Nunc quoque*, etc. eaque Pascha indicitur *die xxii Pharmuthi*, seu die xvii Aprilis, qui character est anni Christi quadringentesimi quarti: et tamen in vulgatis editionibus prima Theophili Epistola his verbis incipit: *Solemnitatis augustæ*, etc., secunda vero istis: *Christum Jesum*, etc. sicque ordo temporum prævertitur, et Pascha quod anno uni assignatur, pertinet ad alium; quod cyclorum Paschalium methodus, ad quam Baronius non respexit, certum et indubitatum reddit.

3. *Concilium Alexandrinum adversus Origenistas a Theophilo coaction.* — Cum itaque *Theophilus* Origenis errores in priori sua Epistola Paschali currenti anno scripta, recenseat, non dubium, quin is Synodum Alexandrinam adversus Origenistas hoc anno celebrarit, Hinc Prosper in Chronico imperiali anno vii Honorii imper. post Theodosium M. imperantis, ait: « Contentio ex doctrina Origenis. Synodus apud Alexandriam movit, cujus exiti sententia, ut extra Ecclesiam fieret quicumque supradicti viri Opera probavisset ». Præterea Hieronymus Epistolam lxxvii ad Pammachium et Marcellam initio anni quadringentesimi secundi scripsit, ut eo anno demonstrabitur, et in ea asserit, *anno præterito* damnatos fuisse Origenistas, ideoque ea damnatio a præsentis anno removeri non potest. Theophilus, *Origene* damnato, generalem *ad omnes Catholicos* Epistolam dedit, ut testatur Epiphanius in Epistola ad Hieronymum tunc scripta, quæ lxxiii

est inter Hieronymianas: ea vero *Epistola generalis* alia esse non potest, quam Synodica, quam Hieronymus in Apologia secunda adversus Rufinum pag. 358 affirmat, se in linguam latinam vertisse: « Duae, Synodicam et Paschalem, ejus (nempe Theophili) Epistolas contra Origenem, illiusque discipulos, et alias adversus Apollinarium et Origenem per hoc ferme biennium interpretatus sum ». Quibus verbis epocha Concilii Alexandrini a Baronio anno cccxcix, num. 36 et seq. statuta plane evellitur. Cum enim inter omnes conveniat, Hieronymum secundam adversus Rufinum Apologiam anno sequenti composuisse, manifestum est, tam illam Synodicam, quam priorem Paschalem Theophili currenti anno ab eodem Theophilo promulgatas fuisse; quod et prima ejusdem Epistola Paschalis, qua Pascha intimatur celebrandum *nono decimo mensis Pharmuthi*, id est, die xiv Aprilis, in qua hoc anno Pascha peractum, extra omne dubium ponit; utraque siquidem Epistola eodem tempore a Theophilo data, et ad alios Episcopos transmissa; ideoque *biennium*, de quo loquitur Hieronymus, incompletum intelligendum.

4. *Annus Synodi Alexandrinæ erendus ex Epistola n Paschali Theophili.* — (1) Neque audiendus Baronius ibidem, quando dicit, Synodum Alexandrinam anno cccxcix collectam, se inde colligere, « quod ante annum quam prima Paschalis Epistola a Theophilo scriberetur, generalem hanc ex Synodo fuisse scriptam Epistolam, sanctus Hieronymus Epist. lxxviii tradit, scribens ad Pammachium et Marcellam ». Hieronymus enim Epistolam illam, ipso etiam Baronio fatente, scripsit anno sequenti, cum qua ad Pammachium et Marcellam misit Epistolam Paschalem Theophili, non primam, ut putat Cardinalis doctissimus, sed secundam, quæ est de Paschate anni quadringentesimi secundi, et in qua sermo sit, non de priori Origenis damnatione a Theophilo facta, sed de eadem anno cum iterata: quo pacto verum est, generalem Theophili Epistolam scriptam fuisse ex Synodo Alexandrina ante annum quam secunda Paschalis Epistola ab eodem Theophilo scriberetur. Secunda enim Theophili Epistola intimatur Pascha celebrandum die sexta Aprilis, et de hac Hieronymus citatus ad Pammachium et Marcellam scribens, ait: « Si quid autem hic minus adversus Origenem dictum est, in præteriti anni Epistola continetur ». Quare cum hæc secunda Epistola Paschalis exarata sit anno sequenti, quo Pascha in diem vi Aprilis incidit, tam Theophilus quam Hieronymus nomine Epistolæ *præteriti anni*, non

illam Epistolam generalem, sed priorem Epistolam Paschalem præsentī anno datam, intelligunt. Labet hic referre integrum locum Epistolæ ad Pammachium et Marcellam scriptæ ab Hieronymo, de secunda Epistola Paschali Theophili loquente: « Quam scias in quatuor partes esse divisam. In primo credentes hortatur ad Dominicum Pascha celebrandum: in secundo et tertio loco Apollinarium et Origenem jugulat: in quarto, id est, extremo, hæreticos ad penitentiam cohortatur. Si quid autem hic minus adversus Origenem dictum est, in præteriti anni Epistola continetur; et hæc quam modo vertimus, brevitati studens, dicere plura non debuit ». Quibus ultimis verbis constat, secundam Epistolam Paschalem Theophili, anno sequenti, quo ab eo data, ab Hieronymo latinitate donatam, et ante illam, Hieronymum priorem Epistolam Paschalem in latinum vertisse, et ad Pammachium et Marcellam transmississe, alioquin utrumque ad eandem non remitteret, nisi illam jam recepissent.

5. *Opinio Baronii de ordine et numero Epistolarum Paschalium Theophili.* — Porro recte observavit Baronius anno cccxcix, num. 51 Synodicam Epistolam Theophili desiderari: cum tres ejus, quæ extant Epistolæ Paschales omnes sint, nulla vero Synodica. Sed valde fallitur, quando inquit: « Earum igitur omnium prima est illa hoc anno ex Synodo data, eaque ex causa appellata Synodica: secunda Paschalis dicta adversus Origenem et ejus discipulos peculiariter scripta, quæ etiam desideratur: hæcque illa est, de qua ipse Hieronymus in Epistola ad Pammachium et Marcellam scribit, cum ait: Si quid autem hic minus adversus Origenem dictum est, in præteriti anni Epistola continetur. De ambabus his idem Hieronymus Apologia n adversus Rufinum agens meminit, atque de tertia adversus Apollinarium et Origenem scripta, cum ait: Duae, Synodicam et Paschalem contra Origenem, illiusque discipulos, et aliam adversus Apollinarium et eundem Origenem per hoc ferme biennium interpretatus sum. Porro tertiam hanc Epistolam illam esse certum est, cujus argumentum in quatuor partes divisum ab eodem Hieronymo in dicta Epistola ad Pammachium atque Marcellam data describitur. Habes jam tres a Theophilo datas Epistolas, unam Synodicam, duas Paschales: quarum posterior extat, estque ejus exordium: primum sollemnitatis augustæ sermo, etc. Rursus vero post hanc alia sequitur ordine secunda in codice, dicenda tamen Theophili quarta, Paschalis vero tertia quæ sic incipit: Christum Jesum Dominum gloriæ etc., post

(1) Sententiam Baronii de celebrata hac Alexandrina Synodo anno cccxcix maxime veram judico, et hoc potissimum argumento assero. Epistolam Theophili Synodicam, latine a S. Hieronymo versam, quam post Baronium Papius interdidisse hic dolet, nuper vulgavit Cl. Vallarsus in novissima Operum S. Hieronymi editione Veronensi tom. 1, ep. xcii, col. 557, etc. Eiusdemque etiam Vallarsus benedice accepimus Epistolam Anasti papæ ad Simplicianum (Mediolanensem nempe episcopum, qui per hæc tempora in vivis agetur, ut ipse pariter Cl. editor agnoscit). In hac autem Epistola Anastasius certiorum factum esse se a Theophilo asserti de damnatione Origenis ab ipso Theophilo facta, ejusque exemplo se pariter alium damnassee auctoritatis; dammandumque Simpliciano edico. Porro Simplicianus iste ante diem xxviii Junii anni cii obierat, cum successor ejus Venericus ante eundem diem cepit, ut probat Epistola S. Juliani a Papiro ad annum cii, 3 relata, et nos in Nota ad eundem annum. Hinc si Anastasius in sua ad Simplicianum Epistola Synodicam Theophili a se receptam fuisse significat, nri hæc dubitamus quidem, hec illam diserte non nominat; constat utique Conclium ad quod Synodica illa pertinet vel in exordio anni cii, vel exente anno cii celebratam fuisse.

hanc additur alia, dicenda Paschalis quarta, seu quinta ordine collocanda (ut patet ex ordine præcedentium) quæ ita exorditur: Nunc quoque Dei viva sapientia, etc. » Ita Baronius.

6. *Refellitur.* — Verum male supponit annalista doctissimus, quinque a *Theophilo* datas esse generales Epistolas, quarum memoria sit apud sanctum Hieronymum, et ex iis duas desiderari, Synodicam nempe et primam Paschalem. Nam Synodica ad nos non pervenit, neque plurimum quam trium Paschalium meminit Hieronymus, quibus scilicet Pascha intimatur annorum Christi cmi, cmi et cmi. Neque verum est Epistolam *Theophili*, de qua loquitur Hieronymus scribens ad Pammachium et Marcelianum, deperditam esse. Ea enim extat, esque prima *Theophili* Paschalis hoc anno data, ut ex dictis patet.

7. *Opinio Baronii de tempore, quo illæ Epistolæ scriptæ.* — Pergit Baronius ibidem num. 52 exponere quo ordine temporis scriptæ sint Epistolæ Paschales *Theophili*, atque: « Cum Paschalis Epistola primo consueverit mitti Romam ad Romanum Pontificem, a quo reliquæ accepturæ essent Ecclesiæ, in die Epiphaniæ Domini diaconorum præconio inter sacra pervulganda (prout dictum est suo loco pluribus in Annal. tomo, ubi de Concilio Nicæno sermonem habuimus) utique non eodem anno, cuius Pascha indicebatur, sed superiori ab eo Paschalem scribi Epistolam oportuit atque mitti. Quæ quidem habita ratione, certo temporis ordine ita omnes a *Theophilo* datæ illæ quinque Epistolæ disponuntur, ut hoc anno (prout demonstratum est) ex Synodo Alexandrina scripta a *Theophilo* Synodica fuerit de condemnatione Origenis et ejus doctrine in hærentium Origenistarum: sequenti autem anno data fuerit prima Paschalis pro eo qui sequitur anno, nempe quadringentesimo primo: quo item anno, quadringentesimo primo edita fuerit secunda Paschalis pro anno quadringentesimo secundo: tertia vero promulgata fuerit ipso anno Domini quadringentesimo secundo pro sequenti anno quadringentesimo tertio: quarta vero Paschalis (ut memoravimus) scripta sit ipso anno quadringentesimo tertio pro quadringentesimo quarto, quo cam in latinum vertit S. Hieronymus, defuncta jam paulo ante sancta Paula eodem anno mense Januarii. Hæc convenire cum editis ab ipso *Theophilo* Paschalibus cyclis, curiosos explorator inveniet ». Hæc Baronius.

8. *Refellitur.* — Sed ex dictis manifestum est, hæc non convenire cum editis a *Theophilo* Paschalibus cyclis, et Epistolam Paschalem, cuius exordium, *Christum Jesum, etc.* in qua intimatur Pascha futurum xix mensis *Pharmuthi*, seu die xiv Aprilis, quo die Pascha hoc anno peractum, non potuisse promulgari anno cmi pro sequenti anno quadringentesimo tertio, ut inquit Baronius, cum eo anno Pascha inciderit in diem xxix mensis Martii. Neque verum est, ut observat Eum. card. Norisius lib. 1 Hist. Pelag., cap. 2, ubi eas Paschales *Theophili* Epistolas accurate examinât, Paschales litteras anno

anteriori solitas fuisse publicari: nam promulgabantur a *Theophilo* juxta veterem morem notatum a Cassiano Collat. 10. cap. 2, peracta *Epiphaniæ die*; et post earum promulgationem mittebantur a divo Hieronymo, non ad Pontificem Romanum, ut in Ecclesia Occidentali publicarentur, sed ad amicos; ut quid in eis adversus *Origenistas*, aliosque hæreticos *Theophilus* dixisset, intelligerent. Quod in *Ægypto*, fiebat etiam in *Galliis*, ut docet canon primus Synodi Aurelianensis IV anno dxi habite, in quo de Paschate dicitur: « Quæ festivitas annis singulis ab episcopo, Epiphaniæ die in Ecclesiis populis denuntiatur ». Certum itaque tam Baronium, quam Conciliorum collectores Synodum Alexandrinam, in qua damnatus est Origenes, perperam illigasse cum anno Christi cccxcix, ideoque quæ de ea et ad eam spectantibus eo anno Baronius habet a num. 36 ad 54 ad præsentem revocanda esse.

9. *Origenes in Oriente et Occidente damnatur.* — Origenes non tantum hoc anno in Oriente; sed etiam in Occidente damnatus, agente *Marcella* cum Anastasio papa, ut tam ille quam ejus interpres *Rufinus* Apostolica auctoritate proscriberetur. Testatur id Hieronymus in Epistola xvi ad Principiam virginem, quæ est de *Marcellæ* epitaphio: « Damnationis, inquit, hæreticorum hæc fuit principium; dum adducit testes, qui prius ab eis eruditi, et postea ab hæretico fuerant errore correpti; dum impia *νεπί ἀγγέλων* ingerit volumina, quæ emendata manu scorpion (Rufini scilicet) monstrabantur, dum acciti frequentibus litteris hæretici, ut se defenderent, venire non sunt ausi; tantaque vis conscientiæ fuit, ut absentes damnari, quam præsentem coargui maluerint. Hujus tam gloriøsæ victoriæ origo *Marcella* est ». Anastasius postquam illa Origenis volumina recenter interpretata damnavit, ea de re ad *Chromatium* episcopum Aquileiensem ac Venerium episcopum Mediolanensem, qui duo tantum hoc tempore Metropolitæ in Italia censebantur, et ad *Joannem* episcopum Hierosolymitanum scripsit, quos etiam Origenem damnasse affirmat Hieronymus in Apologia prima lib. 2: « Ergo beati episcopi Anastasius, Theophilus, et Venerius, et Chromatius, et omnis tam Orientis quam Occidentis catholicorum Synodus, qui pari sententia, quia pari et spiritu illud (nempe Origenem) hæreticum denuntiant ». Epistolæ quidem ad Venerium et Chromatium ab Anastasio papa hæc de re datæ, ad nos non pervenire, sed earum mentio in Epistola ejusdem Anastasii ad Joannem Hierosolymorum episcopum, quam Baronius anno cmi num. 16 et seq. loco scilicet non suo, recitat. In ea Anastasius ait: « Origenis quidem scripta et errores damnavimus: interpretem vero, cum non satis, neque sua præfatione ad libros Origenis, neque Apologia ad nos missa se purgaverit: imo forte iisdem erroribus reipsa consentiat, Romam ad judicium Sedis Apostolicæ vocavimus: et remittentem venire eadem sententia involvimus. Damnationis autem Epistolam fratribus

nostris Venerio et Chromatio scripsimus ». Refertur hæc Anastasii ad Joannem Hierosolymitanum Epistola variis in locis emendata a Garnerio tom. I Operum Marii Mercatoris, pag. 409, et pluribus explicatur.

40. *Epistolæ Anastasii PP. ad Joannem Hierosolymitanum, quæ extat, hoc anno data.* — Cum vero Anastasius duas in Orientem adversus Origenistas Epistolas miserit, ut ex mox dicendis liquet, et unica tantum supersit ad Joannem episcopum Hierosolymitanum mox memorata, controversia esse potest, an hæc prior sit quam Anastasius adversus Origenem scripsit, et an hoc anno data; an vero Epistola quæ perit, eandem præcesserit. Baronius anno cdu num. 16 et seqq., eruditissimus Huetius lib. 2, Origen. cap. 4, sect. 4, n. 20, et Cardinalis Norisius citatus eam ad Joannem Epistolam anno sequenti exaratam esse arbitrantur, et ante eam alias litteras, quæ ad nos non pervenerint. Verum eam hoc anno post damnatum Origenem ab Anastasio scriptam, et postea alias ab eodem in Orientem missas, quæ non extant, apud me certum; cum anno currenti Anastasius die xiv mensis Decembris e vivis excesserit. Sed cum hactenus creditum sit, Anastasii mortem non configisse ante diem xxvii mensis Aprilis insequentis Christi anni, pronum fuit existimare eum hoc anno priores litteras, sequenti vero posteriores in Orientem misisse; cum tamen si Anastasii mors anno sequenti contigerit, ut ipsi volunt, presenti nihilominus citatam ad Joannem Hierosolymitanum Epistolam dedisse, in dubium revocandum non videatur. Hoc ex solutione argumentorum, quæ contra nostram sententiam in medium afferuntur, manifestum fiet.

41. *Contraria opinio refellitur.* — Fundatur primo Baronius loco citato num. 30 in Apologia prima divi Hieronymi adversus Rufinum, cui eandem ad Joannem Epistolam sese adnasse testatur, eum Rufinum ipsum ita redarguit lib. 2 ejusdem Apologie primæ. « Cur translaturus hæretica, in defensionem eorum præmittis quasi martyris librum, et id Romanis auribus ingeris, quod translatum totus orbis expavit? aut certe si ideo interpretaris, ut eum hæreticum arguas, nihil de græco mutes, et hoc ipsum Præfatione testare, quod prudentissime papa Anastasius in Epistola, quam contra te scribit ad episcopum Joannem, suo sermone complexus est, me liberans, qui id feci, et te arguens quid facere voluisti. Ac ne forsitan hoc quoque neges, subjekci exemplum ejus, ut si non vis audire fratrem monentem, audias episcopum condemnantem ». Verum hinc nostra valide confirmatur sententia: prima enim Hieronymi adversus Rufinum Apologia, non anno sequenti, ut arbitratus est Baronius, sed currenti enucleata, ut paulo post demonstrabo. Quare cum primæ suæ Apologie exemplum Epistola Anastasii pape ad Joannem Hierosolymitanum subjecerit Hieronymus, ea hoc anno proculdubio data.

42. *Refellitur secundo.* — Aliam rationem de-

ducit Baronius ex Hieronymo in Apologia 2 adversus Rufinum, in qua ait: « Esto præteriti anni ego Epistolam finxerim, recentia ad Orientem scripta quis misit, in quibus papa Anastasius tantis te ornat floribus, ut cum ea legeris, magis te velle defendere incipias, quam nos accusare ». Quibus ex verbis Baronius infert Hieronymum insinuare eam ab Anastasio papa Epistolam datam esse anno cdu, anno nempe sequenti ab eo quo idem Rufinus ab Anastasio Romano vocatus est ad judicium. Quare duas ab Anastasio Epistolas in causa Rufini scriptas autumat Baronius, unam ad ipsummet Rufinum, quæ citatoria esset, alteram ad Joannem Hierosolymitanum, quæ Rufini condemnatoria: primam hoc anno, quæ visa est Rufino supposititia; secundam anno cdu, quæ significetur nomine scriptorum recentium ad Orientem. At cum ambe Anastasii contra Rufinum litteræ in Orientem missæ sint, et neutra ad Rufinum directa, sed utraque ad Joannem Hierosolymitanum, Hieronymus loco a Baronio laudato explicari non potest de aliqua Epistola citatoria hoc anno ad Rufinum directa. Imo ex Hieronymi verbis constat, Epistolam Anastasii ad Joannem, de qua nunc agitur, datam esse præsentis anno. Posterior enim, quæ ad nos non pervenit, quæque missorum in Orientem scriptorum nomine intelligitur, pervenerat Hierosolymam anno cdu, jam tunc cum Hieronymus scriberet secundam Apologiam adversus Rufinum. Hieronymus quippe quando ait: « Esto præteriti anni ego Epistolam finxerim », de alia Epistola loqui non potest, quam de ea, cujus exemplar Apologie suæ primæ hoc anno scriptæ subjecerat, de qua supra actum est; neque Rufinus aliam Epistolam falsitalis et suppositionis arguere potuit, quam adversus se scriptam, et ab Hieronymo primæ suæ Apologie assutam.

43. *Refellitur tertio ex Hieronymo.* — Porro eam Anastasii ad Joannem Hierosolymitanum Epistolam, quæ adhuc superest, his Hieronymi verbis exprimi: « Esto præteriti anni ego Epistolam finxerim », ideoque et currenti anno datam, evidenter demonstrat Hieronymus in Apologia secunda, omnium consensu anno sequenti scripta. Ibi enim pag. 362, tom. II Operum suorum, inquit: « In Epistola sancti pape Anastasii (cujus exemplar ad Rufinum Hieronymus hoc anno transmiserat) lubricis extitisti, et turbatus, in quo figas gradum non reperis. Modo enim dicis a me esse compositam, nunc ab eo ad te debuisse transmitti, cui missa est », a Joanne scilicet Hierosolymitano, ad quem ea scripta. Et paulo post: « Si a me fictam Epistolam suspicaris, cur eam in Romanæ Ecclesiæ chartario non requiris; ut cum deprehenderis ab episcopo non datam, manifestissime criminis remi teneas; et nequaquam mihi armarum opponas cassiculos, sed fortissimo me et solidissimo constringas reti. Si autem Romani episcopi est, stulte facis ab eo exemplar Epistolæ petere, cui missa non est (sed particula, non, delenda, quæ revera non legitur in Codicibus Mss. Colbertina num. 3704, Saugermanensi num. 447, et

Navarreo; antea enim dixerat Hieronymus questum esse Rufinum, quod is cui missa erat Epistola, nempe Ioannes, eam ad se non transmisisset, et ipsemet Hieronymus Apologie primæ ejusdem Epistolæ exemplar subjecisset et non ab illo qui miserit; de Oriente expectare testimonium, cuius auctorem et testem habes in vicino. Vade potius Romam, et præsens apud eum postula, cur tibi et absenti, et innocenti fecerit contumeliam. Primum, ut non reciperet expositionem fidei tuæ, quam omnis, ut scribis, Italia comprobavit; et baculo tuarum uti noluerit litterarum contra canes tuos: deinde ut Epistolas contra te ad Orientem mitteret, et cæterum tibi hærescos, dum nescis, inureret: diceretque libros Origenis *ὡς ἀγρίων* a te esse translatos: et simplici Romanæ Ecclesiæ plebi traditos, ut fidei veritatem, quam ab Apostolis didicerant, per te perderent, et te quo tibi majorem faceret invidiam, ausus sit criminari hos ipsos, Præfationis ture testimonio roboratos: et paulo post: «Esto præteriti anni ego Epistolam fluxerim, recentia ad Orientem scripta quis misit? In quibus papa Anastasius tantis te ornat floribus?».

14. *Verba Hieronymi magis explicantur.* — Ex his divi Hieronymi verbis tria discimus. Primum non unam in Orientem adversus Rufinum, sed plures ab *Anastasio* missas esse Epistolas, ideoque nomine Epistolæ *præteriti anni* Hieronymum non intelligere Epistolam citatiorum missam ad *Rufinum*; cum is non in Oriente, sed *Aquileie* versaretur. Secundum, hæc Hieronymi verba: «Si autem Romani episcopi est, stulte facis ab eo, etc.» non intelligi, ut putavit eruditissimus card. Norisius laudatus, de aliqua Epistola Anastasii data ad Theophilum; cum hic de damnato ab se Origene ad Anastasium scripsisset: manifeste enim apparet, ibi Hieronymum de alia Anastasii Epistola non loqui, quam de ea, quam *Anastasius* ad Joannem Hierosolymitanum miserat; cum eam solam ab Hieronymo compositam *Rufinus* quereretur. Certe in secunda Apologia anno cui scripta, de alia Epistola a se ficta, ut ei imponebat *Rufinus*, loqui Hieronymus non potest, quam de ea quam anno cui priori suæ Apologie subjecerat. Ex laudatis enim Hieronymi verbis tertio discimus, Epistolam illam *Anastasio* priori Apologie adversus Rufinum assutam, aliam non esse quam Epistolam ejusdem pontificis ad Joannem Hierosolymitanum, quæ extat; cum in ea, quæ mox ex Hieronymo retulimus, iisdem fere verbis legantur: «Hoc igitur mente concepi», inquit Anastasius in ea ad Joannem Epistola, «illum qui Urbis nostræ populis opera translata Origenis lectione patefecit, quandam puris mentibus veluti nebulam cæcitatibus injicere, fidemque Apostolorum et majorum traditione firmatam, velut devis anfractibus, voluisse dissolvere». Et non multo post: «Origenis quidem scripta et errores damnavimus: interpretem vero, cum non satis neque sua præfatione ad libros Origenis, neque Apologia ad nos missa se purgaverit, imo forte iisdem erroribus

reipsa consentiat, Romam ad iudicium Sedis Apostolicæ vocavimus, et remuentem venire, eadem sententia involvimus». Quare non minus certum est, Epistolam Anastasii ad Joannem, quæ extat, hoc anno scriptam, quam priorem Apologiam Hieronymi adversus Rufinum, in qua ejus diserta mentio, compositam.

15. *Novum argumentum contra nostram sententiam.* — Em. card. Norisius loco citato hæc Hieronymi in secunda Apologia verba, «recentia ad Orientem scripta quis misit, in quibus papa Anastasius tantis te ornat floribus?» de Epistola Anastasii ad Joannem Hierosolymitanum, quemadmodum Baronius intelligit, atque, anno sequenti cum Hieronymus scripsit Epistolam *lxxviii* ad Pammachium et Marcellam, et secundam Paschalem Theophili ad eosdem misit, nondum Anastasii papæ litteras anno cui datas ad Joannem Hierosolymitanum accepisse; cum in ea scribat: «Predicationem quoque Marci Evangelistæ Cathedra Petri Apostoli sua predicatione confirmet; quanquam celebri sermone vulgatum sit, beatum quoque papam Anastasium eodem fervore, quia eodem spiritu est, latitantes in foveis suis hæreticos persecutum: ejusque litteræ doceant, damnatum in Occidente, quod in Oriente damnatum est». At in Epistola ad Joannem Hierosolymitanum, inquit card. Norisius, non modo Origenis libros damnat, sed eosdem quoque ab imperatoribus proscriptos fuisse significat, et Rufinum nominatim acriter increpat, inter cætera eundem damnatum ab se tradens.

16. *Refellitur.* — Verum quando Hieronymus anno sequenti Epistolam *lxxviii* ad Pammachium et Marcellam scripsit, ignorare non potuit quin hoc anno Origenis libri ab Anastasio damnati fuerint, et Rufinus nominatim acriter increpat; cum in sua prima Apologia hoc anno elucubrata dicat: «Cur translaturus hæretica, in defensionem eorum præmittis, quasi martyris librum; et id Romanis auribus ingeris, quod translatum totus orbis exavit; aut certe si ideo interpretaris, ut eum (Origenem) hæreticum arguas; nihil de Greco mutes; et hoc ipsum Præfatione testare, quod prudentissime papa Anastasius in Epistola, quam contra te scribit ad episcopum Joannem, suo sermone complexus est», et cætera supra recitata. Si igitur Hieronymum hoc anno non latuit Epistola contra Rufinum ad Joannem Hierosolymitanum scripta, quam Em. card. Norisius deperditam credit, quomodo anno sequenti hoc ipsum ignorare potuit, quando ad Pammachium et Marcellam scripsit? Præterea si *Anastasius* in ea ad Joannem Epistola *Rufinum* nominavit, atque redarguit, quis credit eundem pontificem in Epistola, quam cardinalis Norisius arbitratur eum hoc anno ad Theophilum dedisse, Rufini nomini pepercisse? Nullus itaque dubito, quin *Anastasius* in litteris ad Joannem, sive quæ deperditæ sunt, sive quæ extant, in Rufinum semper invecus sit; cumque ex dictis appareat, ejus Epistolam ad Joannem, quæ ad

nos pervenit, hoc anno datam, eaque his verbis claudatur: « Illud tamen tenere te cupio, ita haberi a partibus nostris alienum », nempe Ruffinum, « ut quid agat, ubi sit, nescire cupimus. Ipse denique viderit, ubi possit absolvi », anno sequenti Hieronymum eam ad Pammachium et Marcellam Epistolam scribentem minime fugere potuit, quin hoc anno Ruffinus ab Anastasio damnatus fuerit, quod Summus Pontifex his verbis. « ipse denique viderit, ubi possit absolvi », evidenter demonstrat. Quoad verba Hieronymi numero precedenti recitata, is dicit: « Prædicationem quoque Marci Evangeliste Cathedra Petri Apostoli sua prædicatione confirmet », quia scilicet posteriores Anastasii papæ litteras adversus Origenem datas nondum viderat Hieronymus; sub hujus enim anni finem datæ erant paulo ante Anastasii mortem; hasque ad nos non pervenisse, jam supra diximus. Subdit Hieronymus: « Quanquam celebri sermone vulgatum sit, beatum quoque papam Anastasium eodem fervore, quia eodem spiritu est, latitantes in foveis suis hæreticos persecutum », ubi significat, se jam fama vulgante accepisse prædicationem Marci Cathedra Petri fuisse confirmatam, id est, Origenistas ab Anastasio posterioribus suis litteris iterum iugulatos, « ejusque litteræ doceant », priores scilicet, (quas Anastasius hoc anno ad Joannem Hierosolymitanum scripsit), « damnatum in Occidente quod in Oriente damnatum est ». Nec mirum videri debet, Anastasium diversis litteris eos hæreticos persecutum; cum Theophilus, qui eos hoc anno damnavit, sequenti iterum in secunda sua Epistola Paschali eos persecutus sit. In eo itaque peccat E. cardinalis Norisius, quod quæ Hieronymus de prioribus Anastasii litteris intelligit, ipse de posterioribus interpretetur, et quæ priores sunt, posteriores esse dicat.

17. *Hieronymus scribit Apologiam primam contra Ruffinum.* — Ruffinus duos *Invectivarum libros*, adversus Hieronymum, quos anno cccxcix ut supra ostendi, inchoavit, hoc anno absolvit, et ad eundem in Orientem transmisit. Antequam tamen eos libros Hieronymus accepisset, manum admovit *Apologiæ primæ* adversus Ruffinum in duos libros divisæ, cum jam earundem *Invectivarum* excerpta a pluribus, qui ex Italia in Palestinam veniebant, memoriter recitata intellexisset: « Sic prudens », inquit Hieronymus de Ruffino in secunda Apologia, de qua infra, « ut catervatim de Occidente venientes mihi tua maledicta narraverint, ita memoriter, et consentaneo, ut ego cogerer, non scriptis tuis, quæ necdum legeram, sed scriptorum respondere opinionibus ». Baronius quidem anno ccc, num. 32 et seqq., tam duos illos *Invectivarum libros*, quam primam Hieronymi adversus Ruffinum Apologiam anno sequenti in lucem prodire ausum est. Sed cum Anastasius die decima quarta mensis Decembris currentis anni ad Deum migravit, eoque vivente Apologia illa edita sit, ut ex ejus lectione patet, et Baronius fateatur, non dubium quin hæc ad præsentem annum pertineat, accurate-

que Sigebertus in Chronico hoc anno scripserit: « Hieronymus et Ruffinus presbyter Aquileiensis orla inter se simulate pro quæstionibus Scripturarum, libros *Invectivarum*, satis quidem inculento, sed nimis mordaci sermone, in alterutrum scribunt ». Hieronymus in libro primo prioris suæ Apologiæ Ruffini Apologeticum pro Origene sancto Pamphilo adsumtum vellicat, ac translati a se Periarcho rationem reddit: in altero vero scriptam ad Anastasium papam ab eodem Ruffino Epistolam examinat, alia insuper refellens, quæ contra abs se edita in sacras litteras Commentaria a Ruffino scripta fuisse ex Pauliniano fratre intellexerat.

18. *Prior Apologia Hieronymi adversus Ruffinum hoc anno edita.* — Hanc priorem Hieronymi Apologiam, cardinalis Norisius et Garnerius locis laudatis, ubi cum Baronio sentiunt *Anastasium* die xxvii mensis Aprilis anni insequentis demortuum, præsentis anno scriptam esse, hac fere ratione probant; Hieronymus duos priores Apologeticos libros in Oriente conscripsit, eosque ad Pammachium et Marcellam quibus eosdem nuncupaverat, misit, quorum exemplaria cum in manus amicorum Ruffini venissent, ii ad eundem *Aquileiam* transmiserunt, quæ postea cum Ruffinus proluxa satis Epistola confutasset, una cum duabus *Invectivis* ad Hieronymum direxit. Verum si *Anastasius* die xxvii Aprilis sequentis Christi anni decessit, nulla ratione fieri potuit, ut tam brevi spatio, id est, intra quatuor priores menses anni ccc, Hieronymus duos illos libros, quibus prima Apologia constat, exaraverit, hique Romam, dein Aquileiam missi sint, et Ruffinus eosdem impugnavit, ac per Orientalium mercium negotiatorem, qui eorundem delator fuit, libros *Invectivarum*, novamque Apologeticam Epistolam ad Hieronymum deferendam curaverit, quibus *Hieronymus* eodem anno alteram Apologiam statim reposuerit, antequam *Anastasius* e vivis excederet. Nam secundam Hieronymi Apologiam ante Anastasii obitum scriptam ex his verbis, quæ in ea leguntur, « viventis Anastasii dicta contemnis », colligit Baronius. Ita E. card. Norisius et Garnerius. Sed hæc verba tantum indicant, Anastasii mortem nondum in Oriente nuntiata fuisse anno sequenti, quando Hieronymus secundam suam adversus Ruffinum Apologiam eluebravit.

19. *Refellitur fundamentum contrariæ sententiæ.* — At, inquit ibidem Baronius num. 30 et seq., Hieronymus in posteriori Apologia *triennium* numerat ab eo tempore, quo ipse ad Ruffinum Epistolam dederat: ea autem Epistola ab Hieronymo ad Ruffinum data anno cccxcix, ut ibidem Baronius num. 34 habet, nosque suo loco monstravimus. Verum ex illis verbis Hieronymi deduci tantum potest, eam Apologiam anno sequenti editam, quod nullus in dubium revocat, tota difficultate versante de anno, quo prior Apologia conscripta. Dicit secundo Baronius in lib. 2 prioris Apologiæ Hieronymum, dum numeral annos ex quo scripsit librum de Scriptoribus Ecclesiast., asserere illum a se edi-

tum *ante annos ferme decem*, quem, ut in eo libro legitur, anno xiv Theodosii emissum constat; sed si liber ille de Script. Ecclesiast. exaratus est ab Hieronymo anno cccxci, ejus mense Januario Theodosius annum xiv imperii sui exorsus est, ab eo Christi anno ad currentem, anni decem intrinque incompleti, ut plerumque ab historicis numerantur, intercurrent. Ita Baronius. Verum cum librum illum Hieronymus anno xiv imperii Theodosiani absoluto, annoque cccxci publicaverit, ut suo loco ostendi, Hieronymus non loquitur de pleno decennio, ut his verbis manifeste indicat, *ferme decem*, sed numerum plenum pro incompleto ponit, ut Socrates lib. 6, cap. 10, quando de Theophilo episcopo Alexandrino ait: « Libros Origenis, qui ante ducentos ferme annos, mortem oppetierat, eadem qua Epiphanius condemnationis sententia percussit ». Et tamen Origenes vita functus est anno cclxi, ut ibidem num. 16 ostendi, ideoque ab eo anno ad currentem lapsi sunt tantum anni centum quadraginta novem. Similia passim exempla occurrunt.

20. *Varie Synodi in Oriente adversus Origenistas coguntur*. — Hoc anno, quo hæc in Oriente agebantur, Posthumianus ille, qui apud Severum Sulpicium dialogum agit, e Gallia Alexandriam appulit, et quæ inter Origenistas et eorum adversarios transacta sunt, præsens contempsit. Narrat illa Baronius anno cccxcix, num. 39 et seqq., quæ huc revocanda. Ibi iter alia dicit Posthumianus: « Congregati in unum sæpius sacerdotes frequentibus venissem Synodis videbantur, ne quis Origenis libros legeret, aut haberet, qui tractator sacrarum Scripturarum peritissimus habebatur, sed episcopi quædam in libris ipsius insanus scripta memorabant, etc. » Cum autem Hieronymus in Apologia prima hoc anno scripta affirmet, tam in Oriente, quam in Occidente adversus Origenistas Synodos habitas, manifestum est, Posthumianum loqui de rebus hoc anno gestis, et quæ loco citato de eo Baronius refert, hoc anno contigisse. Liquet secundo, Posthumianum hoc anno, non vero sequenti, ut putavit Le-Bruns in editione Operum sancti Paulini, in ejus Vita cap. 40, e Gallia in Orientem iter fecisse, cum Synodi, de quibus Posthumianus loquitur ab hoc anno removeri non possint. Liquet tertio, Synodum *Cyprian* a sancto Epiphanio Salaminæ episcopo non solum indictam fuisse hoc anno; sed etiam postquam Theophilus Alexandrinum celebravit. Is enim in Epistola ad eum data, quæ inter Hieronymianas ordine est lxxvii, et in qua de Origenistarum damnatione loquitur, ait: « Pauca ex his, quæ gesta sunt, in generali Epistola, quam ad omnes in commune direxi (e Synodo sc. Alexandrina) comprehendendi. Dignationis tuæ est quæ in hujusmodi certaminibus sæpe ante nos pugnavit, et positos in prælio consolari, et congregare totius insule episcopos, etc. », quare eos nondum Epiphanius congregarat, ideoque falluntur Socrates lib. 6, cap. 10, et Sozomenus lib. 8,

cap. 14, qui asserunt Theophilum, Epiphanii exemplo, Synodum adversus Origenistas convocasse, cum e contra Epiphanio præverit hæc in re Theophilus. Liquet denique omnia fere, quæ Baronius de Origenistis habet anno cccxcix et superiori ad præsentem pertinere, quo ea uno tenore examinanda esse duximus.

21. *Concilium V Carthaginense*. — A num. 5 ad 16. *Concilium quintum* Carthaginense in Collectione veteri est illud, quod habitum fuit *post consulatum Fl. Stiliconis, XIV kalend. Julias*, id est, currentis Christi anni: cui adjuncti sunt quoque canones Synodi habite *Vincentio et Flavito coss. idib. Septembris* ejusdem anni, quæ Synodus Carthaginense celebrata ex omnibus provinciis Africae alia est a priori. Attamen cum eodem anno celebrata fuerit, sub unius Concilii *quinti* nomine exhibetur in Collectione veteri. Quod accuratius et rectius distinguitur apud Dionysium et apud Ferrandum. De utraque Synodo legendus Marca in Dissert. de Veter. Collect. Can., cap. 8 et 9, et Schelstratus in Dissert. iii de Ecclesia Africana, cap. 10, qui plura notant de canonibus in iisdem Synodis editis.

22. *Plures in Africa ad clericatum ab imperatore invitantur*. — Honorius imperator *prid. id. Jul. post consulatum Stiliconis et Aureliani*, hoc sc. anno, emisit legem 36 Cod. Theod. *De episcopis*, qua immunitas clericorum Catholicorum, et monachorum seu continentium confirmatur, qua lege per Africam præconsularem ad clericatum quamplures invitare voluit: quia, ut apparet ex Concilio Carthaginensi hoc anno habito, magna in Africa clericorum penuria fuit.

23. — *Nascitur Theodosius Junior*. — A num. 16 ad 56. Imperatori Arcadio natus hoc anno *Theodosius, Junior* vulgo dictus, *tertio idus Aprilis*, ut scribit Marcellinus in Chronico sub hujus anni coss. vel *quarto idus Aprilis*, ut habent Socrates lib. 6, cap. 6, et auctor Chronici Alexandrini. Baronius num. 25 dicit, Sozomenum lib. 8, cap. 4, ejusdem esse cum Socrate sententiæ; quod verum est quoad annum, sed diem, de quo controversia est, Sozomenus prætermittit. *Theodosius* vero hoc anno imperator designatus, sed sequenti tantum renuntiatus, ut ibidem num. 27 ostendam, et locum Marci diaconi in Vita sancti Porphyrii episcopi Gazensis cap. 6, qui contrarium innuere videtur, explicabo.

24. *S. Porphyrius episcopus Gazensis templi idolorum everti postulat*. — Cum insolentia Ethnicorum adversus Christianos in urbe Gazensi, quæ civitas est *Palestinae in confinio Aegypti*, eo magis cresceret, quo Christiani multiplicabantur, sanctus *Porphyrius*, assumpto Joanne archiepiscopo Casarensi itineris sui comite, Constantinopolim mense Februario hoc anno navigavit, ubi consuluit sanctum Joannem Chrysostomum, qui ut idola in Phœnicia deicerentur omni studio incumbabat. Chrysostomus sanctos præsules *Amaritio* eunucho imperatricis commendavit, quia, inquit: « Ego non possum loqui cum imperatore: eum enim in

me irritavit imperatrix, quoniam eam reprehendi propter possessionem, quam cum concupisset, eripuit ». Porphyrius et Joannes ejus archiepiscopus ad Endoxiam Augustam introducti benigne ab ea excepti sunt, cumque ex Porphyrio accepisset sese filium parituram, vovit se templum Gazæ exstructuram. Paucos post dies peperit imperatrix *Theodosiam*, qui magna pompa baptizatus fuit, ut pluribus refert Marcus diaconus, et ex eo Baronius. Hæc verba ejusdem Marci cap. 6, quæ Porphyrius imperatrici dixit, cum primum ad eam accessit : « Labora propter Christum, et ipse pro tuo labore est tibi datorus filium, qui vivet et imperabit, te vidente et eo fruente », hæc, inquam, verba locum præbuerunt aliquibus existimandi Porphyrii vitam suspectæ esse fidei; cum Eudoxia anno civitatem cum morte commutavit. Verum hæc duæ voces *nultos annos* ad istam referendæ, *imperabit*, non vero ad has, *te vidente et eo fruente*, interpretis enim Marci subobscurius locutus est in sua versione.

25. *Origo dissensionis Eudoxianæ inter et Chrysostomum.* — Ex verbis, quæ *Chrysostomus* sanctis præsulibus dixit, mox a nobis in medium allatis liquet, falsum non esse quod Georgius Alexandrinus, et post eum Glycas, Leo Augustus et Nicephorus scripsere, *Eudoxiæ* scilicet adversus *Chrysostomum* iram impotentem ex eo oritam esse, quod ipsam sanctus antistes severius increpavisset ob usurpatam viduæ ejusdem vineam, ex qua vinum forte decerpserat; licet enim Palladius, Socrates, Sozomenus et Theodoretus eam circumstantiam in historia persecutionis sancti Chrysostomi omiserint, Marcus tamen testis oculatus ejus disertè meminit, et solo argumento negativo ejus auctoritas in dubium non revocanda. Non dubito tamen, quin præfati scriptores huic narrationi aliquas circumstantias admiscerant a vero alienas, ut in similibus accidere solet.

26. *S. Chrysostomus non suscepit e sacro fonte Theodosium Jun.* — Theophanes in Chronico tradit, *Chrysostomum* in baptismo *Theodosium* suscepisse, sen, ut loquitur Nicephorus lib. 13, cap. 9, cum per baptismum *Theodosium* sibi filium arrogasse : quam sententiam Valesius in notis ad Socratem lib. 6, cap. 11, et in notis ad Sozomenum lib. 8, cap. 18, amplectitur, nisi quod in dubio est, an *Chrysostomus* *Theodosium* sacro lavacro tinxerit, aut eum e sacro fonte suscepit. Verum cum Marcus Gazensis diaconus testetur se Theodosii baptismum interfuisse, et non solum *Chrysostomum* mentionem non faciat, sed antequam de eo baptismo loquatur, affirmet *Chrysostomum* Joanni metropolitæ Cæsareæ, et Porphyrio Gazensi episcopo dixisse verba, quæ numero superiori recitavimus, apparet Theophancem et Nicephorum hæc in re audiendos non esse. Nec urget quod refert Sozomenus citatus, *Eudoxiam* scilicet post depositionem Chrysostomi ad hunc scripsisse se nullatenus participem esse insidiarum, quæ adversus illum structæ fuissent, *sepere illum*

honore prosequi, ut sacerdotem et initiatorum liberorum suorum ὡς ἱερεὺς καὶ μυσταγωγὸν τῶν αὐτοῦ παίδων. Nam Mustagogus, ut Musculus vertit, sumitur quidem pro eo qui baptizat, uti apud Palladium in Vita Chrysostomi, ubi illum a Meletio Antiochensi episcopo baptizatum esse innuens, ea voce utitur, sed ab Endoxia refertur ad Flacillam et Pulcheriam suas filias, quas Chrysostomus vel sacro baptismo abluerat, vel de fonte baptismali suscepserat.

27. *S. Porphyrius obtinet rescriptum pro evertendis templis Gazensibus.* — Post *Theodosii* baptismum Joannes et Porphyrius obtinuerunt ab imperatore quæ petierant, et post paucos dies dictatum est rescriptum, quo jussit imperator templa *Gazæ* idolis destinata everli : cujus executio commissa est *Cynegio* viro admirabili et fide serventi, ut narrat Marcus apud Baronium, qui num. 31 perperam arbitratur hunc *Cynegium* esse illum, ad quem creatum præfectum prætorio extant rescripta in Cod. Theod. lib. 2 *De usuris*. *Cynegius* enim ille mortuus est anno cccclxxxviii, ut et tomo præcedenti ostendi. Addit Marcus sanctos episcopos transexisse dies festos Paschales et diem Resurrectionis Byzantii, et post paucos dies navigasse « Gazam, vicesimo tertio Xanthici, qui est apud Romanos octavus decimus Aprilis ». Baronius num. 33, in margine ad hæc Marci verba notat Aprilis diem xxiii, quasi Xanthicus Gazensium una cum Aprilis Romanorum initium sumpsisset; cum tamen *Xanthicus* die vicesima septima Martii nostri inchoaretur, ut E. card. Norisius in disert. 3 de Epochis Syro-Macedonum, cap. 2, egregie demonstrat ex testimoniis ejusdem Marci diaconi Gazensis, ostenditque *Gazam*, quod esset Ægypto finitima, ac diutius Ptolemæis Ægypti regibus subdita fuisset, typum anni Ægyptiorum etiam sub Romanis servasse, quamvis nominibus mensium Syro-Macedonum uteretur.

28. *Templa octo everti.* — Postquam sanctus *Porphyrius* Gazam reversus est, octo idolorum templa evertit, *Marnium* combussit, et novæ Ecclesiæ, juxta formam, quæ missa fuerat ab Eudoxia Augusta, magno populi concursu ac solemnitate fundamenta jecit : « Post tempus quinque annorum perfectum fuit opus sanctæ magnæ Ecclesiæ. Peregit autem dedicationem sanctissimus episcopus Porphyrius die resurrectionis sancti Paschatis splendide et magnifice », inquit Marcus cap. 11. Quare hæc dedicatio legitimo tempore peracta, anno sc. quadragesimo sexto, in quem inciderunt quinta Quinquagesimalia Arcadii cum Theodosio patre imperantis. Ejus vero constructio extra ordinem inchoata, quia ad idololatriam citius extirpandam differenda non videbatur.

29. *Sopitur controversia orta inter S. Chrysostomum et Severianum episcopum.* — Ad num. 62 et seq. Dissensio, quæ contigit inter sanctum Joannem *Chrysostomum* et *Severianum*, episcopum Gabalæ civitatis prope Laodicæam maritimam in Syria, quam recitat Socrates lib. 6, cap. 11, sopita anno tantum sequenti. Ait enim Socrates Chrysostomum,

Severianum a sua familiaritate removit, « donec tandem Endoxia Augusta in Ecclesia Apostolorum, filium suum Theodosium, qui nunc feliciter regnat, tunc temporis admodum puerum ad genua Joannis abiciens, et per illius caput crebro cum obtestans, aegre ab illo obtinuit, ut Severianum in amicitiam suam admitteret », ut habet versio Valesii; ea enim qua usus est Baronius prorsus depravata, ista sc. « ubi Endoxia filium suum Theodosium jam tunc imperii statum, quamquam admodum adolescens erat, prospere et feliciter gubernantem ad genua Joannis abiecit ». Porro cum Theodosium mense Aprilis currentis anni in lucem prodierit, non videtur verosimile, eum a matre deductum ad Ecclesiam, et ad genua Chrysostomi locatum, priusquam annum unum aut decem menses expresset, ut inquit Valesius, qui tamen perperam ait, *Theodosium* a Chrysostomo e sacro fonte susceptum fuisse, quod et Baronius habet ex Nicephoro supra a nobis refutato.

30. In Concilio Taurinensi agitata controversia de primatu inter episcopos Viennensem et Arelatensem. — Hoc anno celebratum Concilium Taurinense, de quo Baronius agit anno cccxcvii, num. 42 et seq. Cum enim ex Zozimi papae Epistola II et altera ejusdem ad Africanos consulet, quo tempore ea Synodus coacta, *Brizium* apud Turonos jam episcopum fuisse, et sanctus *Martinus* diei X kalendas Octobris, fratribus dilectissimis per Gallias et quinque Provincias constitutis. Synodus non a Gallianis episcopis, tametsi adfuisse aliquos certum sit, sed horum postulatione, ut praefatio ipsa docet, ad componendas eorum de variis negotiis controversias, ab Italiae episcopis potissimum celebrata. Praecipua versabatur inter episcopos Arelatensem et Viennensem de jure metropolitico, quae canone secundo his verbis memoratur: « Illud deinde inter episcopos urbium Arelatensis et Viennensis, qui de primatu apud nos honore certabant, a sancta Synodo definitum est, ut qui ex eis approbaverit suam civitatem esse Metropolim, is totius provinciae honorem primatus obtineat; et ipse juxta canonum praecipuum ordinationum habeat potestatem. Certe ad pacis vinctulum conservandum, hoc consilio utiliore decretum est, ut si placet memoratarum urbium episcopis, unaquaque de his viciniore sibi intra provinciam vindicet civitates, atque eas Ecclesias visitet, quas oppidis suis vicinas magis esse constiterit: ita ut memores unanimitalis, atque concordiae, non alter alterum longius sibi usurpando, quod est alii proprium, inquietet ».

31. *Controversia de jure metropolitico civili Tyrum inter et Sydonem.* — In Occidente, non minus quam in Oriente inter civitates aliquando controversia fuit, quamquam earum Metropolis esset.

Emin. card. Norisius in Dissert. iv de *Anno et Epochis Syro-Macedonum* cap. 3, nummum Graecum Tyri refert ex Museo Mediceo, in quo ea dicitur *sacra metropolis*. quem titulum egregie ibidem explicat: Suidas voce *Paulus* scribit: « Paulus Tyrius orator fuit temporibus Philonis Byblii, qui sub Hadriano imp. cum legatum egisset, Metropolim fecit ». Hadrianus imperium accepit A. r. ccccxxx, ante quem lamen Tyrus in Mediceo nummo Metropolis appellatur. Strabo, qui libros Geographicos initio principatus Tiberii descripsit, lib. 16, vocat Tyrum ac Sidones urbes antiquas et illustres, addens: « Controversumque manet, utra earum Phoenicum Metropolis dici debeat ». Quare Tyrus ante Hadriani imperium Metropoleos titulum ferebat, secus ac Suidas existimavit. Verum nomine *metropoleos* intelligi potest urbs, quae aliarum veluti mater existerit, quæve colonos in alia oppida miscerit; atque illa *Tyros* nomen Metropoleos usurpavit, cum *Carthago* in Africa, aliaque in Hispania maritimæ urbes Tyriorum colonie fuerint. At in Phoenicia *Sidon* se omnium Metropolim jactabat, quod ipsamet Tyrus Sidoniorum colonia erat, uti testatur sanctus Hieronymus in cap. 23 Isaiae: « Tradunt, inquit, Historiae quod Tyrus colonia Sidonis sit ». Hoc tamen Tyri inficiabatur, seque Sidoniis antiquiores esse contendebant; unde de jure Metropoleos inter utrosque, ut ait Strabo, controversia erat. Rursus ea urbs Metropolis dicebatur, ubi provinciae praeses sedem tenebat: qua ratione Metropoleos provinciarum passim dignoscebantur; atque ita ad Ecclesias idem nomen translatum est, ut illa Metropolitana appellaretur, in qua episcopus totius provinciae Primas resideret. Spartianus cap. 14 de Vita Hadriani scribit: « Antiochenses inter hæc illa odio habuit, ut Syriam a Phœnicie separare voverit, ne tot civitatum Metropolis Antiochia diceretur ». Itaque cum Hadrianus Syriam superiorem a Phœnicie distinxerit, ac novum legatum praefectorem in Phœnicem miserit, hic apud Tyrum jussu principis sedem posuit, ac proinde Tyrus nova Phœnicum Metropolis esse cepit, quem honorem Paulus orator suae patriæ ab Honorio auctore Suida impetravit. Ita doctissimus Cardinalis.

32. *Controversia de jure Metropolitico Ecclesiastico inter Viennam et Arelatem.* — Sic in Galliis magna per hæc tempora inter urbes Viennensem et Arelatensem de primatu, seu de jure Metropoleos controversia fuit. Rufus in suo Breviario anno cccclxix aut insequenti edito dicit, Gallias cum Aquitania provincias quatuordecim continere, inter quas numerat provinciam Viennensem. In Notitia imperii Occidentalis, ubi procuratores equestrium enumerationum ponitur: *Procurator coryneti Arelatensis provincie Viennensis*, et inter quinque Provincias Galliarum vulgo dictas numerabatur provincia Viennensis. Hoc quinque Provinciarum corpus adhuc perseverabat hoc anno, quando Concilium Taurinense celebratum, ut ex titulo Synodice laudate

constat. Quare non videtur dubium, quin Metropolis tum fuerit civitas *Vienna*, quæ sola omnium ejus provincie civitatum Metropolis nomen gerit in Notitia, inquit Sirmondus in notis posthumis ad Concilium Taurinense. *Arelate* tamen provincie Viennensis civitas variis, principum beneficio, jam inde a Constantini temporibus, a quo *Constantina* nominata est, aucta incrementis, et ornata privilegiis, (unde et *Gallula* illi *Romæ* nomen inditum ab Ausonio, ab eodemque Arelate in clararum urbium Catalogo in secundo intra Gallicanas post Treviros loco posita) de Metropolis nomine ausa est cum Vienna contendere, et Arelatensis episcopus honorem primatus intra Provinciam affectare. Re igitur ad Concilii Taurinensis judicium ab utriusque episcopis delata, definitum est a Synodo, ut qui suam civitatem probaret esse Metropolim, primatus honorem obtineret.

33. *Occasione institutionis septem Provinciarum renovata.* — Hæc controversia postea renovata occasione institutionis septem Provinciarum Gallie vulgo dictarum, quod earum Metropolis *Arelate* dicta sit. Cujus institutionis annus cum ignoretur, ea hic nobis eo magis explicanda, quo ad eam recurrunt, qui decretum Concilii Taurinensis elucidare volunt. Quinque itaque Provinciis vulgo appellatis, nempe Narbonensi primæ, Viennensi, Alpibus Maritimis, Narbonensi secundæ et Aquitanie primæ duæ adjectæ, Novempopulana sc., ac secunda Aquitania, et septem Provincie a Galliis distinctæ sunt a *Petronio* prefecto prætorio Galliarum, ab eoque decretum, ut conventus septem Provinciarum singulis annis *in metropolitana, id est, in Arelatensi urbe* congregaretur, quemadmodum discimus ex constitutione Honorii et Theodosii Jun. data anno quadragesimo decimo octavo, et ab Agricola prefectum Galliarum directa. In ea Honorius et Theodosius etiam dicunt, se decernere, ut conventus ille, qui interpolatus fuerat *vel incuria templorum, vel desidia tyrannorum*, reparetur ab Agricola. Legitur primum hæc nova divisio in Epistola Zozimi papæ anno cxxvii data, in ejus fronte habetur: « Zozimus universis episcopis per Gallias et septem Provincias constitutis ». Quæ distinctio septem Provinciarum diserle explicata est in Notitia Gallie a Sirmondo publicata, et a nobis recitata anno cccxxiv. Edictum itaque primarium hujus institutionis a *Petronio* factæ nobis tantum innoscit ex constitutione Honorii laudata, in qua septem quidem Provincie in universum memorantur, sed duæ tantum in speciali exprimuntur, Aquitania, nempe secunda, et Novempopulana his verbis: « Ita ut de Novempopulana et secunda Aquitania, quæ provincie longius constitutæ sunt, si earum iudices certa occupatio tenuerit, sciant legatos juxta consuetudinem esse mittendos », ad conventum nempe septem Provinciarum Arelatis celebrandum.

34. *Alpes Graiæ inter septem Provincias nunquam numerata.* — Porro non tantum ex laudata Notitia Galliarum, sed etiam ex Hincmaro ac Cal-

ixto papa hujus nominis II *Alpes Graias* in numerum septem Provinciarum adscriptas non fuisse, ideoque et Blondellum in lib. contra primum Ecclesie pag. 709, easdem eo numero comprehendentem hallucinatum esse, discimus. Hincmarus enim Epist. xiv ad episcopos de jure Metropolitano, num. 17, de Delegatione vicini Apostolicæ Sedis loquens, ait: « Quæ temporibus Theodosii et Honorii imperatorum, Pontificatu papæ Zozimi, per septem Provincias, scilicet Viennensem, Lugdunensem, Narbonensem primam, et secundam, et Alpinam, et Novempopulanam, et secundam Aquitanicam emanavit; ut de his Provinciis honorati, vel possessores, iudices et episcopi præfatorum provinciarum ab idibus Augustis, quibuscumque modis diebus, in idus Septembris, in urbe Arelatensi, quæ Constantina vocatur, ad Concilium Forense vel Ecclesiasticum convenirent, ita ut de Novempopulana et secunda Aquitania, quæ provincie longius constitutæ sunt, si earum iudices et Metropolitano occupatio certa retineret, legatos suos juxta consuetudinem mitterent: sicut in edicto præfatorum imperatorum, et in Epistolis Apostolicæ Sedis Pontificum invenitur ». Ubi provincie Alpium Graiarum Hincmarus non meminit, ostenditque edictum illud perperam *Constantino Tyranno* attribui in exemplari, quo usus est Scaliger in notis ad Ausonium *in claris urbibus*. Dupliciter tamen Hincmarus peccat; primo enim *Aquitaniam primam* prætermittit, et in ejus locum *primam Lugdunensem* substituit; quæ tamen omnium consensu fuit provincia Galliarum, prout a *Quinque* vel *Septem* Provinciis distinguuntur.

35. *Septem Provinciarum conventus pro rebus civilibus tantum institui.* — Secundo, falsum est, in Honorii constitutione statui, ut tam episcopi quam iudices, ad Concilium Forense vel Ecclesiasticum apud Arelatem convenirent, et ut Novempopulana ac secundæ Aquitanie Metropolitani legatos mittere possent. Ea enim constitutio solum loquitur de honoratis et iudicibus sub præsentia præfecti prætorio conventuris; licet postea ad exemplum conventus civilis septem illarum Provinciarum, *Illarius* Arelatensis episcopus Concilium in civitate Regiensi celebravit eorum episcoporum, qui per eas Provincias censebantur, quibus ipse præsideret, ut observat Baluzius in Supplemento lib. 5 de Concordia, cap. 31. Callixtus etiam in rescripto *Valentia* 1 kal. Martii anni mxx dato, Viennensis Ecclesie privilegia confirmans, nullam Alpium Graiarum mentionem facit, sed tantum concedit, « ut videlicet super septem Provincias primatum obtineat: super ipsam Viennensem, super Bituricam, Burdigalam, Auxidam, quæ Novempopulana dicitur, super Narbonam, Aquensem et Ebredunensem ». Quæ urbes septem Provinciarum ab Honorio institutarum Metropoles civiles extiterunt. Quod si in ea Honorii constitutione, Novempopulana et secunda Aquitania dicantur *Provincie longius constitutæ*, ideoque et legatos Arelatem mittere posse, ut patet ex loco

eiusdem constitutionis mox citato, (cum tamen prima Aquitania magis ab Arelate, quam secunda distet) id provenit, quia ex prima Aquitania fluvii Ligeris et Rhodani merces facile Arelatem deportari poterant; cum e contra ex secunda Aquitania non nisi terrestri illicere et cum minori commodo: ac præterea iudices et honorati terrestri via magis diligebantur; ideoque et secunda Aquitania ac Novempopulana remotiores censebantur. Neque aliam ob causam civitas Arelatensis ad conventum septem Provinciarum electa, nisi et propter *loci* opportunitatem, et copiam *commerciorum*, et frequentiam *coementium*, ut Honorius in sua constitutione diserte asserit.

36. *Corpus Septem Provinciarum post hunc annum institutum.* — Hæc divisio a *Petrônio* facta ante annum cxxvii, cum eo anno *Zozimus* in laudata Epistola de septem Provinciis mentionem faciat, et *Honorius* in sua constitutione ad Agricola, tradat illum conventum interpolatum fuisse, *vel incuria temporum*, ideoque annos aliquot ante emissam constitutionem Honorianam, *vel desidia tyrannorum*, ideoque antequam *Constantinus* tyrannidem invaderet, alique tyranni provinciam solidam Narbonensem affligerent. Verum hæc immutatio accedere non potuit ante Concilium Taurinense, cum Synodica ejus inscribatur: « Fratribus dilectissimis per Gallias et quinque Provincias constitutis ». Cæterum tribunal præfecti prætorio Galliarum, aut eo absente et in comitatu principis versante, a cujus latere vix recedebat, vicarii Galliarum constituisse constat in civitate Treverorum, indeque eam a sancto Athanasio in Epist. ad solitarios *Metropolim Galliarum* appellatam esse. Post institutionem vero septem Provinciarum, quæ proxime post hunc annum facta videtur, sedes præfecti prætorio Galliarum atque adeo vicarii translata est in civitatem Arelatensem, ubi *sub illustri presentia præfecturæ*, ut inquit constitutio Honoriana, præfecti scilicet, si is forte adesset, aut vicarii, de re pecuniaria, ceterisque earum negotiis atque functionibus publicis agebant. *Honorius* autem *Arelatem Metropolim* appellat in eadem constitutione, in ordine tantum civili, ob præfecturæ sedem, quam in eam urbem ipse translulerat, idque ut anno sequenti videbimus, hujus institutionis occasione.

37. *In Concilio Taurinensi actum non est de jure Metropolitico civili.* — *Blondellus* in libro contra primatum Ecclesiæ pag. 724, *Quesnellus* in disert. 3 Apologetica pro sancto Hilario Arelatensi part. 1, cap. 5, alique multi contendunt, *Arelatem* ante Concilium Taurinense jam Metropolim civilem fuisse. « Frustra enim delirarent Patres Concilii Taurinensis, inquit *Marca*, hunc totius Provincie honorem privatus habiturum, qui approbaret suam civitatem esse Metropolim; si nulla ex hoc capite controversia fuisset inter Viennensem episcopum et Arelatensem; quæ nulla esse poterat, si Arelas non fuisset tum Metropolis. Comperit habebant, Viennam esse veterem Provincie Metropolim, adeoque

ad illam secundum Ecclesiasticas regulas pertinere ordinationes episcoporum provincie Viennensis. Sed quia tum *Arelas* erat Metropolis Galliarum in ordine civili, contendebatque haud dubie ob eam causam episcopus Arelatensis transisse ad suam Ecclesiam a Viennensi jura ordinationum, quod Vienna tum contributa esset Arelatensi urbi, Patres in Synodo Taurinensi congregati, in his angustiis constituti, obscuro et ambiguo dicendi genere interlocuti sunt, eam civitatem frui debere honore primatus, quæ doceret se esse Provincie Metropolim ». Hæc *Marca*.

38. *Quod magis probatur.* — A *Marca* non dissentit *Quesnellus* citatus, qui postquam observavit, ex laudatis Synodi Taurinensis verbis perspicuum esse jamdiu molestissimas inter Galliarum episcopos dissensiones exarsisse, de Viennensis provincie, imo et de aliarum provinciarum primatu: quoniam et illorum jura, et harum limites ex perturbationibus per tyrannidem *Maximi* soboris intra Gallicanas provincias, obscura et difficultatibus impedita evaserant, subdit: « Ex Synodi verbis alterum elucet, ad hoc nimirum totam controversiam devolvi, ut quænam illarum civitatum esset Metropolis, inquireretur. Hoc videlicet apud iudices certum erat, illi deferendum esse in Ecclesiasticis primatus honorem, qui eundem in civili politia obtineret. In quam partem propenderent Taurinenses Patres, satis hæc definitio ipsi innunt. Elsi enim neutri civitatum primatum dare sua viderentur sententia, revera tamen illum Arelatensi adjudicabant, quam tunc temporis Metropolim esse constabat. Unde non sine arte conscripta mihi videtur esse illa definitio, quæ non decernit, ipsi attribuendam esse Metropoliticam dignitatem, qui comprobaret suam civitatem, olim et ex antiquo fuisse Metropolim, quod rem in ancipiti reliquisset, et operose inquisitioni dedisset locum, sed quæ approbaret esse, per eam scilicet tempestatem: quod aliud non erat, quam in gratiam Arelatensis pronuntiare ». Hæc *Quesnellus*, qui, quemadmodum et *Marca*, supponit, ante Concilium Taurinense *Arelatem* Metropolitani civitatem, et sedem præfecturæ factam esse.

39. *Evertitur fundamentum contraria sententie.* — Sed falso uterque innititur fundamento, in Concilio scilicet Taurinensi totam controversiam devolutam esse, ut quænam earum civitatum esset Metropolis in statu civili, inquireretur. Quæ enim de eo capite controversia esse potuisset, si jam *Arelatum* Galliarum Metropolis et sedes præfecti prætorio extitisset; cum tunc illud innotesceret omnibus; eoque casu inter Viennensem et Arelatensem episcopos dissidium duntaxat esse potuisset, an ex eo quod Arelatum Metropolis Galliarum factum esset, Viennensis episcopus jus Metropoliticum et sacerdotum ordinandorum potestatem amisisset, et utrumque ad Arelatensem antistitem translatum fuisset? Imo nec hoc in Concilio Taurinensi in controversiam vocari potuit; cum septem Provincie Galliarum vulgo dictæ nondum institutæ essent. Respon-

del Marca, in Concilio Taurinensi reipsa agitata fuisse, an jus Metropoliticum et sacerdotum ordinandorum ad Arelatensem antistitem translatum fuisset, ex eo quod *Arelatum* Metropolis Galliarum factum esset, et Patres interlocutos eam civitatem frui debere honore Primatus, quæ doceret provinciam esse Metropolitam. At absurdum illud iudicium fuisset, et Concilio indignum; cum Patribus, imo et quibuscumque constaret, *Viennam* esse Metropolitam civilem, ac caput unius ex *Quinque* provinciis Galliarum vulgo dictis.

40. *Exertitur secundo.* — In eo itaque Concilio tantum inquisitum esse, an *Arelatum* Metropolis Ecclesiastica esset, demonstrat canon 1 in gratiam Proculi Massiliensis episcopi conditus, quo decernitur, « ut in Ecclesiis provincie secundæ Narbonensis, quas vel suas parochias, vel suos discipulos fuisse ordinatos constiterit, primatus habeat dignitatem », licet civitas Aquensis, quæ caput provincie secundæ Narbonensis, jure civili Metropolis esset. Quare si in Concilio Taurinensi apud episcopos certum fuisset, illi defendendum esse in Ecclesiasticis primatus honorem, qui eundem in civili politia obtineret, statuere non potuissent, ut Proculus Massiliensis episcopus Metropolitico jure præesset provincie secundæ Narbonensi, cujus Ecclesias vel parochias suas fuisse asserbat, vel episcopos a se in eisdem Ecclesiis ordinatos; cum Patres certo scirent, civitatem Aquensem Metropolitam civilem esse secundæ Narbonensis, quæ erat una ex quinque Provinciis vulgo dictis, ad quarum episcopos Synodici suam militebant. Parum enim illi curassent hujusmodi rationes a *Proculo* in medium adductas, quæ cum res Ecclesiasticas respicerent, et de civili politia, ut supponitur, de Metropolitibus nempe politicis ageretur, ad rem minime fecissent.

41. *Exertitur tertio.* — Præterea si de jure Metropolitico civili controversia fuisset, Taurinensis Concilii Patres uno eodemque tempore de re eadem contrarium iudicium tulissent; cum *Arelatum* vel *Viennam* Metropolitum Ecclesiasticam ex eo, quod alterutra Metropolis civilis esset, declarassent; et nihilominus episcopum Aquensem, qui civitati Metropolitane præerat episcopo Massiliensi, cujus civitas Metropolis civilis non erat, subjecissent. Adde quod si in Concilio Taurinensi de jure Metropolis civilis actum fuisset, episcopus Aquensis, aut secundæ Narbonensis episcopi contenti non fuissent defendere, « sibi alterius provincie sacerdotem præesse non debere », quia nempe, *Proculus* episcopus erat civilis Massiliensis provincie Viennensis subiectus; sed contendissent, episcopum Aquensem cujus civitas Metropolis civilis erat, constitui debere Metropolitam Ecclesiasticum, ne in primo Concilii canone, illo nempe, qui est de *Proculo* Massiliensi, everteretur, quod statuabatur in secundo, qui est de dissidio inter Arelatensem et Viennensem episcopos, quoad jus metropoliticum.

42. *Ob missionem S. Trophimi in Gallias episc.* *Arelatensis primatum sibi asserbat.* — Denique in

Concilio Taurinensi aliæ rationes ad jus Metropoliticum sibi asserendum in medium non adductæ, quam quæ post aliquot annos coram Zozimo papa, et postea coram sancto Leone. Zozimus autem in litteris anno cxxvii datis *ad episcopos per Gallias et septem Provincias constitutos*, hac ratione Viennensem, Narbonensem primam, et Narbonensem secundam provincias episcopo Arelatensi subijcit: « Quoniam, inquit, Metropolitane Arelatensium urbi vetus privilegium minime derogandum est, ad quam primum ex hac sede Trophimus summus antistes, ex cujus fonte totæ Gallie fidei rivulos acceperunt, directus est ». Quam rationem postea etiam coram sancto Leone exaggerarunt, ut liquet ex libello precum ab episcopis Gallicanis illi oblato, et recitato a Baronio anno cdl, num. 52 et seqq. Quare in Concilio Taurinensi episcopus Arelatensis non jus metropoliticum civile, quo *Arelatum* nunquam politum fuerat, sed sancti *Trophimi* missionem, ejusque contemplatione, jus metropoliticum Ecclesiasticum sibi fuisse concessum in medium proferbat. Cum enim de una eademque re lis esset, eadem etiam rationes allegandæ erant. Verum quidem est, in libello præfato precum, postquam, tanquam fundamentum causæ sui episcopi Gallicani allegarunt sancti Trophimi Apostolicam missionem, eamque fuscæ amplificaverunt, eos subijcere: « Ceterum nulla sunt, quibus secundum instituta principum, cunctis intra regiones nostras civitatibus præferatur, etc. » Postea de specialibus privilegiis quibus Arelate decorata fuit, verba facere. Sed hæc ex abundantia; quia nempe Metropoles Ecclesiasticæ in præcipuis urbibus de more institutæ fuerant. Præterquam quod inter urbis Arelatensis decora sedem quidem præfecturæ, aliæque hujusmodi memorent, sed antiquæ Metropoleos civilis nullam mentionem faciunt, quia videlicet ante institutionem septem Provinciarum nulla fuerat, licet *Arelatum* nulli tunc alii intra Gallias civitati præfer Treviros tunc Metropolitum Galliarum splendore cederet.

43. *Quod magis probatur.* — Sed quid hæremus, cum sanctus Leo papa anno cxi, ut videre est apud Baronium num. 58, provinciam Viennensem in duas distribuens, et quæcumque hætenus, tam coram Concilio Taurinensi; quam coram suis prædecessoribus agitata fuerant, dissensient, dissidium inter Arelatensem et Viennensem episcopos, fuisse de jure Metropoleos Ecclesiasticæ innuit. Hæc sancti Pontificis verba: « Consideratis allegationibus utriusque partis vestrum clericorum, ita semper intra provinciam vestram et Viennensem et Arelatensem civitates claras fuisse reperimus, ut quarundam causarum alterna ratione, nunc illa in Ecclesiasticis privilegiis, nunc ista præcelleret: cum tamen eisdem commune jus quondam fuisse a Gentibus proderetur ». Sanctus Leo, ut ex iustitia præscripto litem, quæ tot annos duraret, dirimeret, de utriusque civitatis prærogativis clericis, de privilegiis vero civilibus laicos audire voluit; cumque

accepisset, alternis vicibus, nunc istam civitatem, nunc illam, in Ecclesiasticis privilegiis præcelluisse, et utrique civitati commune quondam jus fuisse, provinciam Viennensem in duas dividendam censuit, et divisionem parochiarum, quam Patres Concilii Taurinensis utrique episcopo suaserant, executioni mandavit. Quid porro fuerit illud commune jus utriusque civitatis, de quo in laudatis verbis, fateor me non intelligere; sed certum existimo, illud explicari non posse de jure Metropoleos civilis, quo utraque civitas ante Concilium Taurinense polita fuerit.

44. *Erant in Galliis metropoles civiles quæ non erant metropoles Ecclesiasticæ.* — Ex dictis apparet primo, stare non posse hanc regulam a Marca in Dissert. de primatu Lugdunensi num. 69 statutam: « Audacter asserere licet, nulli Metropoli provincie civilis defuisse Metropolitanum episcopum in Galliis. Quod juxta mores jam receptos sancitum fuit canonibus IV et VI Synodi Nicenæ: eosque canones in Galliis servari debere constituerunt Innocentius, Bonifacius, Celestinus et Leo, ita ut unaquæque provincia suo Metropolitanò pareret ». Licet enim id laudati Pontifices statuerint, certum tamen hoc ubique observatum non esse; cum ex Taurinensis Concilii canone primo luce meridiana clarius constet, civitatem Aquensem Metropolim civilem tunc fuisse, et tamen ejus episcopum Metropolitanum jura inter alios episcopos non obtinuisse. Quid de Metropolitibus Concilium Nicænum statuerit, mox videbimus. Ipsemet Marca lib. I de Marca Hispanica, cap. 16, num. 3, loquens de constitutione Honoriana citata, ait, in ea imperatorem Arelatem Metropolim in ordine civili appellare ob præfecturæ sedem: « In ordine enim Ecclesiastico », inquit Marca, « Arelas dignitate Metropoleos potiebatur ex longissima consuetudine », ideoque licet Metropolis civilis non esset. Quare senior retractavit præsul eruditissimus, quod junior scripserat.

45. *Arelatum a Valentiniano sede præfecturæ non decoratum.* — Apparet secundo, audiendum non esse Quesnellum citatum, quando scribit, ante Concilium Taurinense *Arelatem* Metropolitanam civitatem et sedem præfecturæ factam esse, idque a *Valentiniano* imperatore seu primo seu secundo, quod episcopi Gallicani in libello laudato, quem pro Arelatensi episcopo obtulerunt Leoni papæ, de urbe Arelatensi dicant: « Ilanc clementissimæ recordationis Valentinianus et Honorius fidelissimi principes specialibus privilegiis, et ut verbis ipsorum utamur, matrem omnium Galliarum decorant ». Nam ea Gallicanorum episcoporum verba de quibusdam privilegiis a Valentiniano II, ut videtur, urbi Arelatensi concessis, non vero de sede præfecturæ illi attributa intelligenda sunt; cum ex legibus Cod. Theod. a Gothofredo in Topographia annis cccxxxix et cccxc citatis constet, præfectum prætorio Galliarum tunc Treviris sedem habuisse, quæ ibi substituit, donec ea Arelatem ob institutio-

nem vi provinciarum translata fuit ab Honorio. Laudata itaque verba *divisee*, ut ita dicam, interpretanda, ita ut aliqua de Valentiniano, aliqua de Honorio dicta sint.

46. *S. Trophimus primo Ecclesiæ sæculo in Gallias missum ostendit Concilium Taurinense.* — Apparet tertio admittendam non esse quorundam doctissimorum virorum opinionem, qui origines omnium Ecclesiarum Gallicanarum præter Lugdunensem et alias paucas, ad medium tertiæ sæculi delrudent, affixa ex Gregorio Turonensi Decii et Grati consularii anno ducentesimo quinquagesimo gesto, missione sancti *Trophimi* in Gallias. Quo enim alio fundamento inixtus episcopus Arelatensis a Concilio Taurinensi juris Metropolici honorem sibi conservari postulavit, nisi quia ad urbem Arelatensem primo Ecclesiæ sæculo *Trophimus* summus antistes missus fuerat, et ex ejus fonte universæ Galliæ fidei rivulos acceperant. Neque enim, ut jam demonstratum, in Concilio Taurinensi actum de probando jure Metropolis civilis, neque aliæ rationes coram eo Concilio, quam postea coram Zoizimo ac ejus successoribus deductæ ab episcopo Arelatensi ad causæ suæ tuitionem. Certe si ea traditio, de sancti *Trophimi* primo Ecclesiæ sæculo in Gallias delegatione, certa tunc apud omnes non fuisset, præsertimque apud Patres Concilii Taurinensis hujus controversiæ judices; non solum episcopus Arelatensis repulsam tulisset, sed etiam sese Patribus, et aliquot post annis, Pontificibus Romanis, ridendum propinasset; quod ad jus alterius usurpandum missionem Apostolicam, quæ a sæculo et sesquimedio facta fuisset, quæque ideo a nemine fere ignorari posset, jam a Christianæ religionis initio contigisse affirmasset coram episcopis, et postea coram Pontificibus Romanis, antiquitatis ecclesiasticæ non ignaris; eoque præsertim titulo *Viennam* Metropolim in laterculo imperii sibi subjiciendam postulare ausus esset. Profecto res recentioris memoriæ fuisset, quam ut omnes Concilio præsentibus aut saltem episcopis Viennensis, eandem ignorare potuissent. Ex controversia itaque inter episcopos Viennenses et Arelatenses de jure Metropolico Ecclesiastico, sub quarti sæculi finem, summa animorum contentione, agitata, sanctum *Trophimum* longe ante Decianæ tempora, annumque Christi ccl. Ecclesiam Arelatensem fundasse, et in vicinioribus provinciis fidem annuntiasse, manifeste colligitur.

47. *Septimania a septem Provinciis vulgo dictis ita appellata.* — Apparet denique *Occitaniam* hodiernam, in qua Narbonensis prima posita, a septem Provinciis *Septimaniam* appellatam fuisse, ut recte vidit Scaliger in Notis ad claras urbes Ausonii, non vero a *Septimanis Biterrensibus*, ut Sirmondo placuit, vel a numero civitatum *Narboni* Metropoli attributarum atque subjectarum, ut putavit Valesius in Notitia Galliarum; cum in Notitia Galliarum a Sirmondo publicata, in quo diserta mentio septem Provinciarum; quinque duntaxat civitates Metro-

poli Narbonensi primæ subiciantur, ut videre est anno cccxxiv. Ad hæc anonymus Ravennatensis, qui circa seculum septimum vixit nuper a Porcherono editus pag. 33, Massiliam inter urbes Septimanie, et pag. 196 Nicæam, Antipolim, Forum Julium, Telonium, Aquas Sextias, Arelatensem, aliaque oppida Gallo-Provinciæ hodiernæ numerat, quod rursus pag. 227 de Nicæa iterat. Oclavo tamen sæculo, *Septimanie* nomen Occitanie hodiernæ tantum attributum. Ludovicus Pius anno mcccv præceptum, quo Hispanis ad se confugientibus agros et libertatem concessit, dirigit ad fideles in partibus Aquitanie, *Septimanie*, Provinciæ et Hispanie consistentes, ostenditque hinc Aquitaniam eam clausisse, illinc Provinciam ultra Rhodanum, et Hispaniam in montibus Pyrenæis.

48. *Postea ad Linguadocum coarctata.* — Carolus Magnus in Charta de divisione imperii sui idem indicat; nam inter cætera eidem Ludovico filio suo tribuit Provinciam, Septimaniam, vel Gothiam, adeo ut *Septimania* Rhodano et Pyrenæis montibus includatur, ut recte explicat Marca in Marca Hispanica lib. 1, cap. 46, num. 5 et seq., ubi tamen perperam scribit, *Septimaniam* secutam esse fortunam Gothorum, ejusque vocis significationem coercitam primum fuisse intra terminos oppidorum, quæ Gothi in Galliis obtinebant. Hæc enim restrictio circa seculum vii, quo anonymus Ravennatensis scribebat, nondum facta fuerat. Denique ideo Petrus Cluniacensis abbas, qui sæculo duodecimo vixit, scribens Guillelmo Ebreduensi, Ulderico Deensi, et Guillelmo Vapincensi episcopis, ait: « Quoniam inter omnes totius provinciæ Septimanie seu Alpium maritimarum episcopos, religione, scientia, eruditione, ac pastoralis sollicitudine divina dispositio specialiter per vos pontificale culmen exornat, etc. » quia sciebat Alpes maritimas unam olim fuisse ex provinciis Septimanie, et partem pro toto sumens eam provinciam *Septimaniam* appellat. Ante Petrum Cluniacensem *Sidonius Apollinaris* lib. 3, Epist. 1, eundem loquendi modum usurpavit: verba enim faciens de parte septem Provinciarum, quam Gothi, *Eurico* regnante, tenebant, ait: « Vel Gothis credite, qui sæpenumero etiam Septimaniam suam fastidiunt, ac refundunt, modo invidiosi etiam hujus anguli (nempe civitatis Arvernensis) desolata proprietate poliantur ». Verum postquam anno mclxx Pippinus Francorum rex Narbonem expugnavit, Septimanie nomen coarctatum est ad eam provinciam, quam hodie *Linguadocum* ac *Occitaniam* appellamus.

49. *Antiquarum Metropoleon status.* — Occasione Metropoleon Viennensis et Arelatensis, nobis hic de institutione Metropoleon in Gallia agendum; cum ex ea notitia in Annales Ecclesiasticos magna lux affundatur. *Concilium Nicæum* anno cccxxv celebratum non solum nihil quoad Metropoleon innovavit; sed etiam, ut antiquæ consuetudines servarentur, canone vi edixit. Prima innovatio in *Concilio Antiocheno* anno cccxli coacto facta videtur;

eo enim episcopis jus in præcipuas urbes aut Metropoleon civiles canone ix attribuitur, quia « ad Metropolim undique, qui negotia videntur habere, concurrunt. Unde placuit eum et honore præcellere ». Jurisdictio tamen Metropolitanorum in eo extensa non fuit ultra limites ab antiquis Patribus præscriptos; hique vel primatibus Metropoleon fixarum et secularium, aut antiquiori episcopo eam attribuerant, et diverse, quæ tunc vigeant, consuetudines in hoc solo capite abolitæ, quod decernitur, ubique Metropoleon sæculares fore etiam in posterum Metropoleon Ecclesiasticas. Verum *Concilium Chalcedonense* anno ccli habitum decretum illud non confirmavit, sed canone xii hoc tantum statuit, ut novarum Metropoleon episcopi nullam in posterum jurisdictionem habeant. Indeque *Justinianus*, cum in Novellis suis quatuor Armeniarum provincias instituit, ne regulas Ecclesiasticas læderet, voluit, ut regimen earum Ecclesiarum in eo, quo erat, statu remaneret. Hæc de Metropolitibus in generali.

50. *Nulle in Galliis Metropoleon Ecclesiasticæ ante imperium Constantini M.* — Quoad Galliarum Metropoleon ante Concilium Nicæum omnis quæ de iis superest, notitia valde obscura. In Epistola Martyrum Lugdunensium in Historia Eusebii relata, Ecclesia Viennensis ante Lugdunensem nominatur, et tamen Ecclesia Arelatensis cum Viennensi de primatu contendebat, et sub finem sæculi quarti lis, quæ de possessione inter utramque hanc Ecclesiam versabatur, nondum decidi potuerat. Scriptores antiquos a quibus aliqua lux affulgere potest, diligenter inter se contuli, nihilque ex illis eruere potui, quod ostendat ante Constantini Magni imperium Metropoliticos in Galliis aliquo jure potitos esse. Quare sicut in Hispaniis ante *Concilium Eliberitanum* et Constantiniana tempora nullæ fuere Metropoleon Ecclesiasticæ, licet in iis essent Metropoleon civiles, et sicut ibidem post introductos Metropoliticos nulli primates extiterent, ut ostendit Joannes de Segovia Marchio Agropolitani, vir in antiquitate versatissimus, in suis Dissertationibus Ecclesiasticis lingua Hispanica nuper editis; ita et in Gallia ante *Constantini* imperium nullas Metropoleon Ecclesiasticas fuisse autumo.

51. *Hoc indicat Epistola S. Cypriani de causa Martiani episc. Arelat.* — Hinc quando *Marcianus* episcopus Arelatensis post medium seculum tertium in Novatianorum errores lapsus est, non piscopis Viennensis, sed *Faustinus* episcopus Lugdunensis cum cæteris Galliarum episcopis ejus conatus repressit, et sanctus Cyprianus ejus hortatu ad Stephanum papam adversus eum scripsit, uti anno cclv videre est. Præterea Cyprianus in suis ad Stephanum papam litteris apud Baronium anno cclviii, num. 8, ait Faustinum Lugdunensem episcopum sibi significasse, quæ scit eidem Stephano nuntiata, « tam ab eo quam a cæteris coepiscopis nostris in eadem provincia constitutis », quod Marcianus Marciano se conjunxerit. Quibus ex verbis perspicuum

fit, Lugdunum, Arelatum, aliasque civitates fuisse in eadem provincia, idque nulla ratione habita divisionis quatuor Galliarum, quæ tamen adhuc obtinebat. Porro hæc verba canonis sexti Concilii Nicæni: « Illud est omnino manifestum, quod si quis absque Metropolitani sententia factus sit episcopus, eum magna Synodus definivit non esse episcopum », quæ videntur Metropolitaram jus firmare, non derogant his prioribus ejusdem canonis verbis, *Antiqui mores sercentur*; neque eo canone aliquid dirimitur, aut pro Metropolitibus fixis, aut pro Me-

tropolitibus secularibus. Sed cum conitia, quæ hoc Concilium celebrare jubet, commodius in metropoli seculari, quam in aliis urbibus haberentur, ortum inde puto jus fixum et perpetuum earundem Metropoleon. Difficultates, quæ de quibusdam Galliarum Metropolitibus moveri possunt, suis locis enucleabimus.

Mortuo *Anastasio* papa *Immoctentius* ordinatus die xxi mensis Decembris, ut anno sequenti ostendimus.

ANASTASII ANNUS 5. — CHRISTI 402.

1. *Conflictus Origenistarum Constantinopoli.*

— Evoluta jam anno, novus aperitur novis consulibus, ambobus Augustis Arcadio, et Honorio quintum, inchoante pariter Domini anno quadringentesimo secundo, quo recrudescunt odia Constantinopoli Origenistarum causa suscepta. Meminisse debes, lector, ante annum adversus monachos Origenistas, qui confugerant Constantinopolim, missos fuisse a Theophilo episcopo Alexandrino et S. Epiphanio episcopo Constantiæ in Cypro legatos ad eos exturbandos: sanctum vero Joannem Chrysostomum medium intercessisse sequestrem, ut eos in concordiam revocaret: eaque de causa litteris ultro citroque datis, unius ferme anni spatio in his pertractandis insumpto, quam frustra omnia tentata fuissent; qui hactenus ab eodem Chrysostomo exhibiti erant monachi offerre adversus Theophilum libellum imperatori, desperata concordia, id vehementiori studio aggressi sunt.

2. Libellum igitur monachi illi adversus Theophilum dederunt Arcadio imperatori, et quidem gravibus refertum criminibus, adeo ut Theophili caput in discrimen videretur adduci. Creditum quidem fuit eos ista haud absque sententia Joannis tentasse: quamobrem, ea dissipata longe lateque fama, tacito proprio ob tanti viri reverentiam Joannis nomine, Hieronymus sub Barnabæ voce, ex Pauli ¹ sententia, ipsum suggillavit in Epistola ² ad Principiam illis verbis superius redditis, hic vero

necessario repetendis: « De Occidentis partibus ad Orientem turbo transgressus, minitabatur plurimis magna naufragia. Tunc impletum est ¹: Putas, veniens Filius hominis fidem inveniet super terram? Refrigerata claritate multorum, pauci qui amabant fidei veritatem, nostro lateri iungebantur, quorum publice petebatur caput », accusationibus scilicet Origenistarum: « contra quos opes omnes parabantur: ita ut Barnabas ² quoque duceretur in illam simulationem, imo apertum parricidium, quod non viribus, sed voluntate commisit ». Hæc ipse; nimirum, quod (ut dictum est) fama vulgatum esset, licet magna calumnia, libellum accusationum adversus Theophilum capitalibus criminibus plenum, oblatum Arcadio fuisse, impellente Chrysostomo: sed cum longe aliter res se haberet; quod tamen illis patrocinatus Chrysostomus visus esset, hæc suspicandi ansam captantibus præbuere. Ad hæc plane spectat, quod idem S. Hieronymus in Epistola ad Pammachium et Marcellam ait ³: « Quid necesse est obsidere Propontidem, mutare loca, et diversas lustrare regiones, et clarissimum Pontificem Christi ejusque discipulos rabido ore discernere? Si vera loquimini, pristinum erroris ardorem ardore fidei commutate. Quid maledictorum pannos hinc inde consultis, et eorum capitis vitam, quorum fidei resistere non vultis? Num idcirco non estis vos hæretici, si nos quidam assertionem vestra crediderint peccatores? etc. »

¹ Galat. II. — ² Hier. ep. xvi.

¹ Luc. xviii. — ² Galat. II. — ³ Hier. ep. lxxviii.

3. Inter hæc autem et monachos olim legatos a Theophilo missos dedisse adversus illos monachos Origenistas imperatori libellos ipsorum criminibus plenos, auctor est Palladius, qui favens (ut dictum) Origenistis, eos calumniarum repletos fuisse tradit : de eorum enim partium libellis hæc habet ¹ : « Profecti delinæ monachi partis violatæ libellos multorum versuum scribunt, monachos quidem accusantes calumniæ, Theophilo vero impingentes, ne aliter dicam, quæ Theophili erant, talia et tanta, qualia et quanta quisque novit. Augustumque primum congressi, reginam deinde adeunt in ecclesia S. Joannis, orantes, ut adversantium monachorum libelli contra se apud præfectos urbis examinarentur; tum ut Theophilus vel invitus adductus, Joannis judicio subjiceretur; tum demum ut Theophili monachi aut probarent crimina, quæ sanctis senioribus objecerant, aut pœnæ talionis subderentur. Sic itaque Alaphius, qui modo est, a principibus Alexandriam mittitur, ut Theophilum ducat. Sententiam reliquam præfecti exsequuntur. Cum vero ventilaretur causa, reis deprehensis instabant leges, gladium ad vindictam exerentes. Infelices autem illi metuentes omnia in Theophilum referunt, qui illos subornasset, libellosque calumniæ dictasset. Ita rationis ordo illis carceri mancipat usque ad Theophili adventum reservandos. Ex his alii moriuntur in custodia, diutius remorante Theophilo : alii post ipsius adventum (pecuniis enim judicium severitatem emollierat) Proconessum ire in exilium jussi ». Hactenus Palladius, qui subdit de adventu Theophili Constantinopolim, de quo nos anno sequenti.

4. *Inter Chrysostomum et Epiphanium, qui Constantinopolim pergit, orta dissidia circa hæreses Origenis, de cuius librorum lectione opiniones afferuntur.* — Hoc insuper anno concertationes hand leves inter S. Joannem Chrysostomum atque S. Epiphanium episcopum Constantiæ Cypri Constantinopoli intercesserunt. Qui enim (ut suo loco superius dictum est) mittendo Synodale decretum Concilii Alexandrini de anathemate Origenis et ejus hæresum, simulque sectatorum eorum Origenistarum, in Synodo habita in Cypro firmatum : ubi se nihil profecisse, sed eos Constantinopoli foveri cognovit; ipse Epiphanius, qui primus omnium adversus Origenistas vexillum Catholicæ pietatis erexerat, consensu navigio Constantinopolim se contulit, affertens simul secum et decretum Concilii, quod collegerat in insula Cypri. Hæc enim tum ex superius recitata Theophili ad eum scripta Epistola, tum ex Sozomeno ² colliguntur. Cæterum quod inter Syrtis oratio navigare cogatur, cum passim vera falsis admixta inveniantur (nam alii vel faventes Chrysostomo, vel studentes Origenistis, ut dictum est, in odium Theophili, complura in Epiphanium falsa coarceverunt) ne in has impingat oratio, magna adhibenda est diligentia. Nos igitur quæ scripta sunt a Sozomeno recensentes, in quibus veritas pe-

riclitetur, commonefaciemus lectorem. Ipse enim remi sic aggreditur enarrare :

5. « Considerans Theophilus plurimum sibi profuturum, si studii sui socium nactus esset Epiphanium Salaminæ in Cypro episcopum, virum ea ætate ob integritatem vitæ clarissimum : ipsum sibi amicum reddidit. Hunc enim cum antea reprehendisset, quod Deum humana forma præditum censeret : jam velut ex penitentia reclam sententiam doctus, se cum illo consentire scripsit; et adversus libros Origenis, qui hujusmodi dogmatum auctor extitisset, calumniam instituit ». Hæc cum audis, lector, provoce te ad ea quæ superius dicta sunt de calumnia, qua Joannes Hierosolymitanus episcopus et alii Origenistæ exagitarunt veteratorie nimis tum Epiphanium, tum Theophilum, et alios omnes qui Origenis impugnarent errores. Cæterum et illud etiam in Sozomeno corrigendum, quod ait per Theophilum excitatum esse adversus Origenem Epiphanium. Contrarium plane accidit : nam primo (quod dictum est) ipse S. Epiphanius atque S. Hieronymus adversus Origenistas concertare ceperunt, ultimo vero loco Theophilus : est enim de his querela Hieronymi ³, quod vix tandem ipse Theophilus adversus eosdem hæreticos fuerit excitatus. Sed verum illud est, Theophilum tandem adversus eos commotum, litteris sollicitasse tum Epiphanium, tum Hieronymum; quod ejusdem ad eos datæ litteræ ⁴ produnt.

6. His igitur emendatis in Sozomeno, jam reliqua ab eo scripta audiamus : « Epiphanius, inquit, jam olim aversatus Origenis scripta, libenter assentitur Epistolæ Theophili : et convocato episcoporum Cypriorum Concilio, lectionem librorum Origenis damnat : et perscripto eorum ipsorum decreto, tum aliis, tum Constantinopolitano episcopo suadet, ut Synodum convoent, et eadem decernant ». Quod vero post hæc subdit Sozomenus, a Theophilo coactum ea de causa Concilium Alexandriæ : id antea factum esse litteræ ejusdem Theophili ad Epiphanium scriptæ declarant; sed posthæc laborasse procogenda Synodo Constantinopoli, cujus causa scripserit Epiphanius, reliquisque per Orientem episcopis : « Cum primus omnium non multo post », inquit Sozomenus, « Epiphanius ex Cypro trajiciens, in locum Constantinopoli vicinum appulit, quem Hebdomon appellant : et precibus in Ecclesia ibi fuis, postea in civitatem venit ».

7. Addunt alii, illic ab Epiphanio ordinatum fuisse quemdam diaconum; quod non licebat in diocesi non sua facere. At cum de re tanta ne verbum quidem Sozomenus habeat, id commentum fuisse non dubites : sed unde error acceptus, audi. Loco Joannis episcopi Hierosolymorum, scias accepit Joannem Constantinopolitanum antistitem; ab illo enim, non ab isto de ordinatione diaconi controversia mola est. Etenim ab ipso Epiphanio,

¹ Pallad. in Dialog. — ² Sozom. l. VIII, c. 14.

³ Hier. ep. LXX. — ² Apud Hier. ep. LXVII. LXIX. LXXII. —

⁴ Apud Hier. ep. LXVII.

nesciente Joanne episcopo Hierosolymitano, in suo monasterio Eleutheropoli in Palaestina sub ejusdem Joannis diocesi diaconus ordinatus est; ejus rei causa idem Joannes hand leve ei negotium facessivit, cum idem Epiphanius S. Hieronymum (ut suo loco dictum est quarto Annalium tomo) habuit defensorem. Quod ergo sub diocesi Joannis illius factum fuit, id rerum ignari sub Joannis Chrysostomi diocesi accidisse scribere. Sed minime vir sanctissimus his in id ipsum: nec quidem verisimilibus ulla accedit causa, ut qui nuper e Cypro solverat, necessitas impulerit in suburbio Constantinopolis ordinare diaconum. Facessat igitur de ordinalo in Hebdomo diacono inanis assertio, quam Sozomenus Socrate longe accuratior (ut Photius multis ostendit) non agnovit; licet ipse, ut ille et alii, faverit Origenistis, et suggillaverit cum aliis Epiphanium, ut cum mox ista subdit:

8. « Joannes ingredientem Epiphanium totius cleri processione veneratus est: ceterum Epiphanius manifeste præ se tulit, quod calumniis adversus illum structis consensisset. Nam invitatus, ut in domibus Ecclesiasticis diversaretur, non acquievit ». Hæc ipse. Ceterum vitandi communionem Chrysostomi causa illa intercesserat, quod ante litteris (ut dictum est) monitus de damnando Origene atque Origenistis Joannes ab Epiphanio, minime ex causis superius dictis acquievisset; nimirum quod Origenistæ illi se passos esse calumniam conclamassent; et de damnatione Operum Origenis, quæ Patres sanctissimi hacenus suscepissent, consultius agendum esset. Quæ autem ab Epiphanio Constantinopoli gesta fuerint, Sozomenus ¹ ita subdit: « Et quia consortium habere cum Joanne Epiphanius fugeret, convocatis privatis episcopis iis qui Constantinopoli morabantur, ostendebat ea quæ adversus libros Origenis decreta erant: ac nonnullos induxit, ut cum his ipsis suum suffragium quoque adjicerent: quod tamen plurimi facere detrectabant. Quin Theotimus Scythiæ episcopus Epiphanium in os perstrinxit. Aiebat enim, nequaquam esse fas, eum qui jampridem esset mortuus, afficere contumelia: neque extra blasphemiam esse, majorum censuram calumniari, et quæ ab illis decreta sunt, reprobare. Hæc ubi dixisset, librum quemdam Origenis in medium proferat ac recitat: et recitata Ecclesiis utilia esse demonstrans: Ineptum quiddam (inquit) his accedit, qui ista vituperant: periculum enim est, ne ea ipsa damnent, de quibus hi libri conscripti sunt.

9. « Porro Joannes etiamnum venerabatur Epiphanium; eumque rogabat, ut et una Ecclesia, et una domo secum uteretur. Sed ille neque eadem domo usurum esse, neque una precaturum cura illo, renuntiabat, nisi damnares libros Origenis, et Dioscorum una cum sociis expelleret. Verum cum ille id ante causam in judicio cognitam facere, justum non esse diceret, ac proinde differret: quo-

niam in templo Apostolorum communio celebranda instabat, Epiphanium subornant inimici Joannis, ut is prodiret, ac publice coram populo libros Origenis damnares, et una Dioscorum ejusque socios, ut qui eandem cum Origene opinionem foverent; et interim episcopum quoque civitatis taxaret, qui hisce faveret. Atque hi quidem id studabant; putabant enim, se eum hac ratione in odium populi conjecturos. Itaque postridie in hoc egressus Epiphanius, jam prope ad Ecclesiam pervenerat: cum obviam illi veniens Serapion diaconus ab Joanne missus (perceperat enim ea quæ pridie fuerant constituta) protestabatur eum neque æquum facere, neque quod ipsi expediret; cum quidem et ipse in periculum venturus sit, si forte tumultus aliquis in populo aut seditio moveatur, ejus auctor ipse extiterit. Atque ea quidem oratione ille ab impetu isto aversus fuit ». Hucusque Sozomenus.

10. Sed antequam ulterius progrediatur oratio, qualis quantusve fuerit Theotimus iste, de quo mentio facta est, fuisse Chrysostomo, ex eodem auctore Sozomeno ¹ accipe: « Eadem, inquit, memoria Tomiensium et reliquæ Scythiæ Ecclesias gubernabat Theotimus Scythia, vir in philosophia enutritus; quem ob virtutem admirati Hunni, Istri acellæ barbari, Deum Romanorum appellabant: nam sane divinas in eo virtutes experti fuerant. Fertur enim, quod aliquando iter per hanc Barbarorum terram facienti, eadem via obvii facti sunt, qui ad depredationem adequabant. Lamentantibus igitur ejus sociis, perinde ac jamjam essent perituri: ille descendens ab equo, orabat. Quo facto, Barbari neque eo, neque comitibus ejus, neque equis, quibus insidebant, conspectis, præterierunt.

11. « Cum autem crebris incursionibus Scythas infestarent Hunni; quamvis natura essent feri, tamen ad mansuetudinem convertit, tum conviviiis, tum muneribus eos libenter excipiens. Qua quidem ex re vir quidam Barbarus suspicatus eum esse opulentum dolo capere statuerat. Parato igitur ad hoc laqueo ad scutum alligato, sicut in hostes consueverat, illi dum colloquitur, sublata dextera, funem immissurus erat, tanquam eum ad se et ad contribules attracturus. At vero manus in ipso conatu elevata, in aere remansit: nec antea Barbarus ex invisibilibus istis vinculis liberatus est, quam aliis pro ipso intercedentibus, Theotimus Deum exorasset. Ajunt porro, quod hic in coma nutrienda (philosophico nempe habitu) et philosophiæ studium, uti ceperat, prosecutus, ac temi victu usus sit, sumendique nutrimenti, non semper idem, sed in fame atque siti tempus determinaverit. Philosophi enim erat, opinor, his quoque pro necessitate, non pro otio locum dare ». Hæc ipse. Putamus equidem eodem sanctissimo viro auctore factum, ut Hunni illi, quos sanctus Hieronymus Christo jam credidisse tradit, ad fidem conversi fuerint: etenim ut eos lucraretur Theotimus, omni officiorum ge-

¹ Sozom. l. viii. c. 14.

¹ Sozom. l. vii. c. 27.

nere eos demereri curasse ex Sozomeno vidimus. Porro ejus memoriam, ex tabulis Ecclesiasticis XII kal. Maii anniversaria die Catholica Ecclesia celebrat. Hæc ingerimus, ut cum tantum virum pro Joanne Chrysostomo stetisse audis; intelligas, etsi non justam causam, justos saltem causas prætextus fovisse Chrysostomum.

12. Cæterum ab ejus defensoribus falsa complura adversus ejus adversarios allerri, tum quæ superius adducta sunt manifeste declarant, tum etiam quæ proxime dicturi sumus. Prædicant enim defensores S. Joannis Chrysostomi, et qui causam pro Origenistis agunt, uno ferme ore, contendisse Epiphanium, ut damnarentur libri Origenis: id namque ipsum conatum esse in Synodo Cypria, idque litteris olim Joanni significasse, atque etiam Constantinopoli elaborasse tradunt: quod quidem quam procul a veritate abhorreat, ostendimus ex ejusdem Epiphanii assertione, ex litteris, inquam, ipsis a S. Hieronymo recitalis. Si quidem haud aliud contendisse sanctissimum senem constat, quam ut Origenis damnarentur errores; quos curiosi novatores complures (ut vidimus) in Palæstina disseminare cœperunt; adeo ut et Joannem episcopum Hierosolymitanum, in easdem hæreses pellicissent: quem ut curaret, atque ad saniorum mentem restitueret, ipse Epiphanius ad eum Epistolam scripsit quam magna ex parte S. Hieronymus¹ in Epistola ad Pammachium adversus errores ejusdem Joannis Hierosolymitani contextit; ubi declarat, magno studio S. Epiphanius curasse, ut Joannem ipsum advocaret ab erroribus Origenis, non autem a lectione librorum ejusdem. Quin et hæreses singulas Origenis octo distinctas capitibus ab Epiphanio in Joannem objectas, idem Hieronymus in dicta recenset Epistola: neque præterea quicquam ultra ab eo expetisse, nisi ut illos damnaret errores: ut cum ita cum sua Epistola compellavit²: « Præsta mihi et tibi, ut salveris (sicut scriptum est³) a generatione perversa: et recede ab hæresi Origenis, et a cunctis hæresibus, dilectissime, etc. »

Sed et Hierosolymis cum in ecclesia post Joannem idem Epiphanius loqueretur; hoc ipsum contendisse, idem tradit S. Hieronymus, nimirum ut Origenis perversa dogmata damnarentur; ejus hæc recitat verba: « Equum est, ut quomodo hæc hæresim condemnamus, etiam Origenis perversa dogmata condemnemus ». Sed et in Epistolis ultro citroque datis inter ipsum atque Theophilum simulque Hieronymum nihil præterea actum, nisi ut Origenis hæreses damnarentur ac simul cum eis, qui ejusdem Origenis eodem consecrarentur errores. Nec aliud quidem accepit a Theophilo Epiphanius, nisi ut errores Origenis cum auctore ac sectatoribus condemnaret: de libris autem ne verbum quidem. Nam ad ipsum⁴ scribens de celebrando in Cyprio Concilio, et litteris Constantinopolim mitten-

dis, ut hoc agat, admonet, nimirum ut consensu omnium ipse Origenes nominalim atque hæreses ipsius pariter damnarentur: nec quicquam præterea in suis Paschalibus Theophilus professus est, qui non octo tantum, sed multo plures Origenis collegit errores: nam de eo hæc Cassiodorus habet⁵: « Theophilus Alexandrinæ Ecclesiæ pontifex triginta quinque sensus Origenis hæretica pravitate distortos Catholica veritate convicit ». Hæc ipse. Sed nec etiam S. Hieronymus, de iisdem frequentius agens, de damnatione librorum omnium Origenis sermonem aliquando miscuit: imo ad Tranquillum scribens, eos absque crimine legi posse, his verbis significat⁶:

14. « Quod dicit Origenis multos errore deceptos, et sanctum filium meum Oceanum illorum insanie repugnare: et doleo simul et gaudeo, dum aut supplantati sunt simplices, aut ab erudito viro errantibus subvenitur. Et quia meæ parvitatibus quaeris sententiam, utrum secundum fratrem Faustinum penitus respondendus sit, an secundum quosdam legendus ex parte: Ego Origenem propter eruditionem sic interdum legendum arbitror, quomodo Tertullianum, Novatum, Arnobium, Apollinarium, et nonnullos Ecclesiasticos scriptores graecos pariter et Latinos, ut bona eorum diligamus, vitemusque contraria, juxta Apostolum dicentem⁷: Omnia probate, quod bonum est, tenete. Cæterum qui vel in amore ejus nimium, vel in odium stomachi sui pravitate ducuntur, videntur mihi illi maledicto prophetico subjacere⁸: Væ his qui dicunt bonum malum, et malum bonum: qui faciunt amarum dulce, et dulce amarum. Nec enim propter doctrinam ejus prava suscipienda sunt dogmata; nec propter dogmatum pravitatem, si quos commentarios in Scripturas sanctas utiles edidit, penitus respondendi sunt ». Hæc est igitur Hieronymi sententia, qui et subdit ista ad finem: « Quod si contentiosum inter se amatores ejus et oblectatores finem duxerint, ut nihil medium appetant, nec servent modum, sed totum aut probent, aut improbent: libentius piam rusticitatem, quam doctam blasphemiam eligam ». Idque jure; ne probantes in omnibus Origenem, ejus quisque simplex nesciens, dum cibum se putat sumere, venena deglutiat. Cæterum ut quis libros Origenis omnino damnandos esse senserit, neminem præter Faustinum invenimus, ejus ipse Hieronymus meminit. Verum non hæreses tantum Origenis, sed ipsarum auctorem Origenem habendum hæreticum, et ab Ecclesia explendum, S. Hieronymus absque ulla dubitatione consentit: nam in Rufinum post alia multa hæc habet⁹, ex sententia Epiphanii: « Si enim propter unum verbum aut duo, quæ contraria fidei sunt multe hæreses abjectæ sunt ab Ecclesia: quanto magis hic inter hæreticos habeatur, qui tantas perversitates et tam mala dogmata contra fidem adiuvant, et Dei Ecclesiæ

¹ Hier. ep. LXL. — ² Apud Hier. dict. ep. LXL. — ³ Act. XII. — ⁴ Apud Hier. ep. LXXII.

⁵ Cassiod. de Divin. lect. c. I. — ⁶ Hier. ep. LXXVI. — ⁷ 2. Thess. V. — ⁸ Isai. V. — ⁹ Hier. adv. Rufin. Apol. II.

hostis extitit? » Sed Anastasium Romanum Pontificem aliosque episcopos Occidentis damnasse haerese Origenis cum seclatoribus ejus, S. Hieronymus haud obscure significat¹.

15. Jam intelligis, puto, lector, quam calumniose historici illi Origenistarum fautores, vel Joannis causae acerrimi defensores, ad invidiam commovendam in eorumdem adversarios Epiphanium, Theophilum, atque alios dixerint ab his libros Origenis esse damnatos; introducuntque veleratorie pro libris Origenis legendis sanctissimum episcopum Theophilum disputantem et Epiphanium redarguentem: nam nulla inter eos ea de causa contentio intercessit: cum S. Epiphanius (ut dictum est) in errores Origenis eorumque auctorem et sectatores, non autem in omnia ejus scripta quam aequissime conclamaret; neque tunc primum, sed plurimos ante annos ea de causa adversus eam impietatem antesignanus in Palaestina conflixerit. Ex his pariter errore lapsum videas Severum, ubi in dialogo ait² (quæ superius recensimus) in Synodo Alexandrina vetitum, ne quis legeret Origenis libros, vel eos penes se haberet.

16. Quod vero apud Anastasii papæ Epistolam ad Joannem Hierosolymitanum habetur, damnatam imperatorum rescripto Origenis lectionem: ea utique intelligenda est libri Periarchon, de quo totus est ille sermo Anastasii cum Joanne; cujus Operis editionem latine reddidit a Rufino, Romæ vulgatam magno fidelium detrimento, Anastasius ipse quoque proscripsit una cum ejus auctore Rufino. De eodem quoque Origenis Periarchon, errorum fonte, puto intelligendum, quod reperitur in rebus gestis S. Pachomii; ipsum execratum esse monachos legentes libros Origenis. Circumferebantur enim libri illi Periarchon per Ægypti monasteria, qui auctoritate Didymi eos notationibus illustrantis apud nonnullos magno erant in pretio. Unde et factum est, ut idem Pachomius ex hac vita migraturus, quasi testamento Origenis errores damnatos reliquerit. His vero consentiens ad postremum accessit de scriptis Origenis Gelasii³ papæ censura, quæ ita se habet: « Origenis nonnulla opuscula, quæ vir beatissimus Hieronymus non repudiat, legenda suscipimus: reliqua autem omnia cum auctore suo dicimus esse renuenda ».

17. His quoque consentaneam fuisse græcorum Patrum sententiam, eorum, inquam, qui Origenem impugnaverunt, ut præter errores cætera ejusdem auctoris scripta retinerentur, testatur Socrates⁴, cum agit de reprehensoribus Origenis Methodio, Eustathio, Apollinari, atque Theophilo, quorum alii alia de re Origeni crimen intenderunt: « Unde, inquit, singuli separatim omnibus perspicue declaraverunt, se illa omnia omnino in eo approbare, quæ ipsi non nominatim coarguissent. Nam quoniam aliud aliud dogma sigillatim reprehendebat: perspi-

cuum est, singulos illud tacitos secum omnino habuisse pro vero, quod minime insectati sunt; et id ipsum reipsa approbasse, quod non verbis exagitasent ». Ille ipse. Sed illud perperam, dum suggillat sanctissimos viros Methodium et Eustathium (ut prætereamus modo Apollinarem atque Theophilum) quasi ambitiose captare conatos laudem ex Origenis vituperatione. Verum et illud omnino falsum, quod de Methodio his verbis subdit: « Methodius elsi sæpe multumque initio in Origenem invehctus erat: postea tamen quasi ad palinodiam se revocans, illum in dialogo, quem Zenonem inscripsit, summis laudibus extulit ». Ille Socrates: quæ quidem conficti mendacii facile arguuntur ex his quæ de Methodio apud S. Hieronymum ex Eusebio leguntur; quibus plane convincitur, contrarium penitus accidisse, nempe quod Methodius ante bene exploratum Origenem, ipsum laudavit, postea vero diuturniori usu probe cognitum criminis hæreseos incusavit: idque probatur (quod fortius est) ex Eusebii defensoris Origenis testificatione, dum ait⁵: « Eusebius Caesariensis episcopus, cujus supra meminui, in sexto libro *vis. analogias* Origenis, hoc idem objicit Methodio episcopo et martyri, quod tu in meis laudibus criminaris, et dicit: Quomodo ausus est Methodius contra Origenem scribere, qui hæc et hæc de Origenis loentus est dogmatibus? » Quasi ille turpiter postea accusarit, quem ante laudasset.

18. Ex his videas, quam patens mendacii Socrates convincatur, dum ait Methodium ante vituperasse Origenem, postea vero commentario edito prædicasse: cum, auctore Eusebio ejusdem Origenis patrono, contrarium prorsus acciderit, nempe, ut cum eum ante laudasset, postea contra ipsum librum elaboravit; cujus lucubrationis Methodii S. Hieronymus⁶ meminit, dum ab eo edita recenset scripta: ex quo libro quamplurima citat S. Epiphanius⁷, dum errores confutat Origenis: sed id quidem facere erubuisse, si scisset ab eodem auctore adversarium illis scriptum fuisse postea commentarium. Et inde Socrati novum hoc et inauditum, recantasse palinodiam Methodium, atque eam in dialogo Zenone dicto penitentem exarasse; quam omnes Origenis defensores, Eusebius, Rufinus, et alii penitus ignorarunt? quod si novissent, certe quidem exscripsissent aureis litteris, et citassent, si vel nomine tenus inscriptum Methodii eo argumento commentarium, quamvis commentitium, invenire potuissent hi, qui et falsam Apologiam Pamphili martyris nomine ediderunt. Ex his plane intelligis, lector, Socratem Novatianum æque fuisse etiam Origenistam, et haud quidem remissum, vel segnem, sed audacissimum, utpote novæ inventorem Apologie Methodii nomine exornate. Hæc ingerimus, quod plurimi interest in veritate historica disquirenda, affectus auctoris expendere. His igitur elucidatis, et sancto Epiphanio a calumnia vindi-

¹ Hier. ep. LXXVIII. — ² Sever. dial. l. 1. — ³ Gelas. in Rom. conc. c. 4. de l. apocr. tom. 1. Conc. — ⁴ Socr. l. vi. c. 12.

⁵ Hier. Apol. l. 1. r. in Rufin. — ⁶ Hier. de Script. Eccl. in Method. — ⁷ Epiph. hæres. LXIV.

cato, atque ab ea invidia liberato, jam quæ sunt reliqua rerum gestarum ejus Constantinopoli prosecquamur.

19. *Quid inter Eudoxiam et Epiphanium intercesserit; hujusque acta reliqua Constantinopoli; tum de tempore ejus mortis et laudibus.* — Intercessisse quoque inter Epiphanium et Eudoxiam Angustam alterationem quamdam, Sozomenus tradit, qui eam ita describit¹: « Interea temporis accidit, ut morbo corripereetur filiolus imperatoris. Mater ergo sollicita ne quid illi gravius accideret, misso nuntio, Epiphanium rogabat, ut pro eo oraret. Ille pollicetur, agrotum esse victurum, si quidem illa Dioscorum, ejusque socios hæreticos (fugatos ante Alexandria monachos Origenistas) aversaretur. Imperatrix vero: Atqui, inquit, meum filium, si Deo repetere placuerit, ita fiat. Dominus idem est: qui dedit, rursum auferet. Tu vero si mortuos excitare posses, mortuus utique non esset archidiaconus tuus. Erat enim non multo antea mortuus Crispion, quem fratrem existentem Phiscenis et Salamini monachorum, quorum sub Valente mentionem fecimus, cum familiarem haberet, archidiaconum constituerat. Jam vero Ammonius ejusque socii ad Epiphanium veniunt: ita ipsi imperatrici visum fuit. Et sciscitanti ei quinam essent: respondens Ammonius: Longi, inquit, sumus, o pater (ita enim cognomento dicti erant Origenistæ illi): Ac num quando vel in discipulos, vel in libros nostros incideris, libens equidem cognoscerem. Illo negante, iterum rogavit: Unde ergo eos hæreticos esse censuisti, qui illorum scientiæ probationem nullam habes? Et cum se id ex auditu habere, ille respondisset: Atqui nos, inquit, plane diversum fecimus. Nam et in discipulos tuos frequenter invidimus, et in libros, ex quibus ille est qui ex anchora titulum præfert: et cum multi te conviciis proscindere, atque velut hæreticum calumniari vellent; nos, ut patrem æquum erat, defendimus, et responso tuti sumus. Quocirca nec tu, indicta causa, ex solo auditu damnare debebas, quæ certo ipse non cognoveras; neque ejusmodi vicem rependere illi, qui de te loquitur bene. Epiphanius itaque deinceps moderatius locutus, viros istos a se dimisit. Ac non multo post abnavigavit in Cyprum; sive quod cum Constantinopolitanæ protectionis penitentia copisset; sive quod cum oraculo admonisset Deus, ac mortem ipsi (ut consentaneum est) præmihiasset: siquidem inter navigandum, priusquam in Cyprum pervenisset, est mortuus ». Hucusque Sozomenus.

20. Jam inter legendum, puto te, lector, ex plurimis, quæ superius dicta sunt, absque aliqua recenti admonitione sensisse ab Origenistarum fautore eam esse ad eorum defensionem institutam narrationem, qua isti innocentissimi demonstrantur, et S. Epiphanius levissimus suggilletur, qui vano auditu percitus, tantum in ejus prosecutione causæ laborem insumpisset. Sed quam hæc ca-

pitiosa sint atque penitus falsa, veritatis expensalance, citius apparebit. Ac primum illud quam procul aberrat a vero, ut Eudoxia perinfensa Chrysostomo, faverit monachis illis Origenistis, et Epiphanium fuerit aversata? Quam autem ab his diversa sit, quæ ab aliis de rebus gestis Epiphanii cum Eudoxia narratur historia, ex Leone Augusto accipe: « Ipsa autem, inquit², Eudoxia Epiphanium celerime trahit ad suas partes, ea docens et suggerens, quæ ejus iniquam explebant libidinem, et quæ sanctum deponebant, adjiciens etiam arcanum (o hominum audaciam! o divinam lenitatem!) hæreticum esse Dei servum et famulum. Quid autem contra sapiens dixerit Epiphanius, audiamus. Si est tibi quidem, inquit, ratio, o imperatrix, cur hæresim et impingas? adsit et causam suam agat Joannes in penitentia. Sin autem hæc verba profers causa contumeliæ: tibi minime assentitur Epiphanius. Tunc commota illa hostis, erupit in hanc execrandam vocem: Si, o Epiphani, sis impedimento quominus Joannes militetur in exilium: ecce aperiam templa idolorum, et contendam ut ea adorentur. Non amplius ergo ferens Epiphanius aures suas polli creno inimicæ femine, totus perfusus fuit lacrymis; et se eorum innocentem esse pronuntians, fugam omnino arripuit ». Ista Leo, quæ et fusius apud Metaphrastem narrata habentur: quibus videas, quam disparia hæc sint ab historia nuper ex Sozomene recitata.

21. Sed quid ad illud, quod Ammonium Origenistam idem Sozomenus ponit coram Epiphanio expostulantem, quod levit tantum auditu adversus ipsum ac socios monachos certamen iniisset? Levene argumentum existimandum erat, quod Theophilus non privatis tantum litteris, sed Synodalibus ex Concilio Alexandrino scriptis, hos hæresis convictos atque damnatos esse conscripserat? Et cuiam rei major in Ecclesia fides adhiberi solet, quam Synodalibus sanctionibus, quæ præsertim divulgate scirentur in orbem, atque receptæ ab Anastasio Romano Pontifice, quibus tum Origenis et errorum ejus, necnon ipsorum Origenistarum nominatim damnatio contineretur? Vides ergo, quam procul abhorret, ut ista in Epiphanium Ammonius jactare potuerit, et his convictum Epiphanium permitterit susceptæ provinciæ, et sic discesserit Constantinopoli. Sed et quæ ad postremum de exitu Epiphanii idem Sozomenus habeat, hic reddamus, ut una cum aliis apertis mendaciis fortius confutemus.

22. « Cum autem, inquit³, navim jam consensurus Epiphanius esset, episcopis illum ad mare comitantibus, divisæ fertur: Ego vobis relinquo urbem et palatium, et actionem: ipse autem decedo: festino enim, et quidem admodum festino ». Hæc tunc ipse; moxque ista subdit Sozomenus: « Atque equidem ex multis cognovi, adhuc durare rumorem, quod Joannes Epiphanio mortem in mari futuram prædixit, et ille vicissim huic episcopatus

¹ Sozom. l. viii. c. 15.

² Leo imp. in orat. de rebus Chrys. — ³ Sozom. l. viii. c. 15. 16.

amissionem. Nam quo tempore inter se litigarent, ille Joanni protestatus est: Spero te non morituum episcopum. Et Joannes illi vicissim protestatus est: Et ego spero nec te quidem ingressurum esse civitatem tuam». Hactenus Sozomenus. Sed et hæc exacta veritatis sunt examinanda censura. Scimus eadem a Socrate¹ narrari, incerto tamen auctore. Jactata autem hæc externorum sermonibus, Leo² Augustus tradit. Apud Metaphrastem vero hæc de discessione Epiphaniï habentur³ post conflictum ipsius cum Eudoxia urgente Chrysostomi damnationem: «Divinus autem Epiphanius percussus absurditate eorum quæ dicebantur ab ea, cum dixisset: Ego iudicii, quod sic habet, sum insons: proflinus est egressus. Quædam autem falsa fama, quæ ex hoc ad omnium aures pervasit, quod ipse quoque Epiphanius huic depositioni patriarchæ sit assensus, ad magnum usque Joannem pervadit. Ille vero aut veritatem ignoravit, fortasse quod Deus eum celasset divina quadam providentia, ut aliquo modo efficeret ambos, quæ utrisque evenerunt, prædicere: aut scivit Joannes quidem non esse verum, quod fama ferebatur: lubens autem assensus est multorum existimationi, ut sic Epiphanius futurum prædiceret. Fertur ergo patriarcha sic post hæc scripsisse ad Epiphanius (scripsit autem simpliciter et familiariter): Frater Epiphani, audivi te consensisse meæ relegationi: Scias autem nec te ipsum tuam sedem visurum amplius. Ad hæc sacrosanctus Epiphanius simpliciter rursus verbis rescripsit, quibus quoque ipse utar: Athleta Joannes, feri, et vince: sed nec ipse pervenies ad videndum locum exilii. Vera autem fuerunt quæ dicta sunt ab utrisque. Nam et Epiphanius cum statuisset navigare in Cyprum, decedit in navigatione: et admirabilis Joannes priusquam perveniret ad locum exilii, migravit ad Dominum». Hactenus ipse.

23. Sed unde hæc querela Chrysostomi, ut vel opinione saltem concipere potuerit, et existimare Epiphanius suæ relegationi consensisse? Cum nullum penitus fuerit in causa ipsius Joannis agitatum iudicium, nisi postquam jam Epiphanius recessisset, quando contigit (ut dicturi sumus anno sequenti) adventasse Theophilum Constantinopolim. Cum igitur nulla præcesserit ejusmodi de Joannis exilio lata sententia, cui Epiphanius assensum præbuerit, quod nondum causa agi cæpta fuerit: jure ea de prophetiis invicem pronuntiatis, commentum esse putamus. Rursus vero quomodo dici potest Epiphanius hoc anno navigans in Cyprum insulam esse defunctus, qui adhuc anno sequenti probatur vixisse? Etenim S. Hieronymus in posteriori Apologia, quam adversus Ruffinum post hæc presenti anno scripsisse perspicue demonstrabitur, de Epiphanius cum meminit, ita ait: «Papa Epiphanius πνεύματι, quia quinque linguis contra te et ama-

sim tuum (nempe Origenem) loquitur»: ita ipse; quod si paulo ante ut (voluit isti) Epiphanius defunctum esse contigisset, alio atque plane diverso titulo nominasset, ut alias in commentariis in Isaiam post annos quatuor scriptis, ubi ita de ipso⁴: «Viri sanctæ et venerabilis memorie episcopum Epiphanius, qui insigne nobilis ingenii et eruditionis suæ reliquit opus. etc.» Meminit de libro ab ipso de Lapidibus scripto, quem præsens (ut ait) eidem Hieronymo tradidit. Quo pariter titulo nominatus ab eo proculdubio fuisset in nuper citata Apologia, cum ejusdem meminit, si proxime defunctus jam esset: vel cum in superiori Apologia anno item sequenti scripta in eodem argumento versatus, cum tamen adversus oblatrantem Ruffinum defendit, post alia plura ista habet⁵: «Crimini ei dandum est, quare Græcam, Syriam, et Hebræam, et Ægyptiacam linguam, ex parte et Latinam noverit? Ergo et Apostolus et Apostolici viri qui linguis loquebantur, in crimine sunt, et me trilinguem bilinguis ipse ridebis?»

24. Cur autem ante adventum Theophili Epiphanius recesserit Constantinopoli, illam quidem existimo causam, quod quæstio illa de Origene, et Origenis erroribus jam translata videbatur in mutuas criminum accusationes, quorum causa Theophilus ab imperatore jussus esset Constantinopolim se conferre; cujus agitando iudicio minime interesse voluerit. Vel potius dixerimus, quod sciret ex adverso Theophilum ad deponendum e sede Chrysostomum jam parare iudicium; ne et ipse in eum cogeretur calculeum ferre, antea mature discessisse. Quoto autem Domini anno obierit, equidem ignoratur: quadriennium vero eum non excessisse constat. Cæterum jam decrepitum ætate ipsum obisse, certum est: nam ante ferme decennium de eo Hieronymus⁶: «In extrema, inquit, senectute varia erudit opera». Eum autem Palladius tradit⁷ sedisse episcopum annos triginta sex, sub Damaso atque Siricio: qua ratione si etiam numeres primum annum sedis ejus ab ipso Damasi sedis exordio, nempe ab anno Domini trecentesimo sexagesimo septimo, nique ex sententia ejusdem Palladii affirmare necesse esset, pervenisse saltem ad annum Domini quadringentesimum tertium: quibus videas totum illud commentum evanescere de reciprocis illis jactatis in se invicem prophetiis. Prudentior quidem cæteris in hoc ipso visus est esse Palladius, qui licet faverit (ut dictum est) Origenistis, ipse tamen sciens volensque res gestas Epiphaniï Constantinopoli prætermisit: qui et licet non ignoraret adversatum fuisse Joanni Epiphanius, ipsum tamen ob excellentiam meritorum non potuit non laudasse, cum alioqui in reliquis omnibus eidem Joanni adversantes stylium maledicentæ exaceruit.

25. At qui celebris in Ecclesia vixit virtutibus clarus, atque spectatus ubique scientia, zeloque po-

¹ Socr. l. vi. c. 13. — ² Leo Aug. orat. de Jo. Chrys. — ³ Metaph. in Vir. Chrys.

⁴ Hier. in Isa. l. xv. c. 54. — ⁵ Hier. Apol. l. I. II. — ⁶ Hier. de Script. Eccl. in Epiph. — ⁷ Pallad. dialog.

tissimum fidei Catholice commendatus, post obitum quoque clarissimum Epiphaniū nomen exilit, relatum illud tam a Græcis, tum etiam a Latinis inter sanctos, anniversaria memoria celebrandum. Ejus vultus imago a Cypriis suis expressa cum aliis sacris imaginibus in Ecclesia in ejus perpetuum honoris monumentum erecta, custodita, et veneratione digna habita fuit. Est de his egregia testificatio recentioris Epiphaniī in posteriori Nicæno Concilio his verbis ¹: « Illius discipuli templum in Cypro, quod ejusdem patris nomine appellarunt, ædificarunt, et cum multis aliis picturis illius quoque imaginem collocarunt ». Hæc ipse. Ad postremum vero, quod ex instituto susceperimus, dum veritatem excolimus, cunctas pro viribus verrere quisquillas, admonendum putamus lectorem, vitam illam Epiphaniī, quam recitat Metaphrastes, scilicet erroribus: inter quos ille, qui ad hæc tempora spectat, adnumerandus, cum dicitur Epiphanius accersitus Romam ab Arcadio et Honorio imp. ut sorori egrotanti suppetias ferret, atque eam curasse, filiumque ipsius extinctum ad vitam revocasse. Etenim nec Arcadius imp. Romæ cum Honorio unquam degit, neque quis probare poterit Epiphaniū unquam Romam venisse, nisi ipso Theodosii Senioris imp. exordio, ut quarto loco superius dictum est. Sunt et alia ibi plane delira, quæ prudens lector versatus in his quæ de eo superius sunt enarrata, facile dignoscere poterit. Quod vero ad ejus scripta pertinet; præter Panarium et ejusdem Epitomen, et Anchoratum, et de Gemmis libros, et Res gestas S. Hilariōnis, quorum est certa mentio apud sanctum Hieronymum et alios, ejusdem quoque nomine ac titulo notantur libri de Mensuris atque Ponderibus, necnon de vita, et obitu sanctorum Prophetarum. Meminit Cassiodorus ² editum a S. Epiphaniō commentarium in Cantica Canticorum. Scimus ejusdem nominis clarissimos viros aliis diversis temporibus claruisse in Oriente et Occidente, de quibus agetur inferius pro ratione temporis opportunius. At de rebus inter ambas partes Theophilī atque Joannis hoc anno transactis hic finis esto. Præcesserunt hæc omnia Synodum sequenti anno ad Quercum collectam, in qua idem S. Joannes a sede, factionum odiis, adveniente Endoxia Augusta, depositus est.

26. *Epistola Anastasii pape ad Joannem Hierosolymitanum episcopum contra Rufinum.* — Hoc eodem anno Anastasius papa interpellatus litteris Joannis Hierosolymorum episcopi de causa Rufinī Aquileiensis presbyteri ita rescripsit ³:

« Probate quidem affectionis est hoc, ut laudabiliter de sacerdote sacerdos loquaris. Pro tanto igitur præconio, quod in merita mea effusissime contulisti, ut amor tuo gratias ago, ita splendorem tuæ sanctitatis, et eas quas in Domino habes virtutes, subinde quodammodo parvitas

nostræ favorabilis sermo prosequitur: tam eminenter, vir omnium præstantissime, laudum tuarum fulges nitore conspicuus, ut par esse meritis sermo non possit. Porro autem tanto titulorum tuorum rapior incitamento, ut etiam, quod impetrare nequeo, audere non desinam. Jam hoc de laudibus est tuis, quod me tantum de celestis animi istius serenitate laudasti. Tui enim episcopatus ordo perspicuus, per diversum orbem velut radians, etiam ad nos splendoris sui detulit claritatem. In me quippe totum amicitiae tribuis, examini nihil relinquis. Aut si jure me laudas: tu quoque similiter relaudandus non es? Obsecro igitur ob utrumque ut memelipsū laudare jam desinas. Duplex enim causa me hoc poscere constringit, ne consacerdotis tui sensibus aut dolorem falsa laus ingerat, aut pudorem vera succendat ». Ista quidem præfatus est Anastasius: quæ hand otiose putes nos referre voluisse; sed ut declaretur ex his etiam, sicut ex aliis superius enarratis, Joannem Hierosolymorum episcopum abeuntem post Origenis errores, jam meliori frugī redditum, fide ubique Catholica his temporibus saltem exterius nituisse. At prosequamur reliqua ejus Epistolæ, quæ spectant ad Rufinī causam. Subdit enim ipse mox ista:

27. « Sed ad causam revertor. Rufinus de quo me consulere dignatus es, conscientie suæ habet arbitrum divinam majestatem: apud quam se integro devotionis officio ipse viderit qualiter debeat approbare. Origenes autem, cujus in nostram linguam composita derivavit, ante quis fuerit, in quæ processerit verba, nostrum propositum nescivit. Quod vero sit animi mei studium, cum tua paulisper hoc conferam sanctitate. Hoc igitur mente concepi, quod qui Urbis nostræ populis de translata Origenis lectione palefecit, quandam puris mentibus velut nebulam excitans injectam, fidem Apostolorum, majorum traditione firmatam velut devīs anfractibus illum voluisse dissolvere. Discere hoc loco libet quid agat in Romanam linguam ista translatio. Approbo, si accusat auctorem, et execrandum factum populis prodit: ut justis tandem odiis teneatur, quem jamdudum fama constrinxerat. Si vero interpres sanctorum malorum erroribus consensum præstat, et legenda impia dogmata prodit in populos: nihil aliud sui opera laboris extruxit, nisi ut propriæ veluti mentis arbitrio, hæc quæ sola, et quæ prima apud Catholicos Christianos vera fides jam ab Apostolis exinde usque ad tempus præsens teneatur, inopinatè titulo assertionis everteret.

28. « Absit hæc ab Ecclesia Romana, nequam Catholica disciplina. Nunquam profecto eveniet, ut aliqua hoc admittamus ratione, quod jure meritoque damnamus. Quapropter in toto orbe Christi Dei nostri diffusa providentia probare dignabitur, accipere nos omnino non posse, quæ Ecclesiam maculent, probatos mores evertant, aures circumstantium vulnerent, jurgia, iras dissensionisque disponant. Quare nosce qualem Epistolam ad fratrem et coepiscopum nostrum Venerium dili-

¹ Concil. Nicæn. II. act. VI. tom. II. Concil. — ² Cassiod. de divin. lect. c. 5. — ³ Extat. tom. I. epist. Rom. Pont. et apud Hier. tom. IX.

gentiori cura perscriptam parvitas nostra transmissit: servetque sibi hanc conscientiam, quod non superflua laborum formidine neque vano timore sollicitus. Mihi certe cura non deerit Evangelii fidem circa meos custodire populos; partesque populi mei per quæque spatia diversa terrarum diffusas, quantum possim, litteris convenire: ne qua profanæ interpretationis origo subrepat, quæ devotas mentes inmissa sui caligine labefactare concut.

29. « Illud quoque quod evenisse gaudeo, tacere non potui, beatissimorum principum manasse responsa, quibus unusquisque Deo serviens ab Origenis lectione revocetur; damnandumque sententia principum, quem lectio reum profana prodiderit. Hactenus sententiæ meæ forma processerit. Quod te vero vulgi de Rufino querela sollicitat, ut quosdam malis suspicionibus persequaris: hanc etiam opinionem constringam divinæ lectionis exemplo, sicut scriptum est ¹: Non sicut videt homo, ita et Deus. Nam Deus videt in corde, homo autem in facie. Itaque, frater carissime, omni suspitione seposita, Rufinum scito, quod propria mente Origenis dicta in latinum transtulit ac probavit: nec dissimilis ab eo est, qui alienis vitis præstat assensum. Illud tamen scire cupio, ita haberi a nostris partibus alienum, ut quid agat, ubi sit, nescire cupimus. Ipse denique viderit ubi possit absolvi ». Hactenus Epistola Anastasii papæ ad Joannem hoc anno (ut diximus) data; quod et testificatione S. Hieronymi exploratum reddemus.

30. Meminit enim frequenter huius Anastasii Epistolæ idem S. Hieronymus in Apologia in Rufinum scripta, cui eandem ipsam Epistolam adsuit, ut ipse testatur, cum Rufinum ipsum ita redarguit ²: « Cur translaturus hæretica, in defensionem eorum præmittis quasi martyris librum, et id Romanis auribus ingeris, quod translatum totus orbis expavit? Aut certe si ideo interpretaris, ut eum hæreticum arguas: nihil de Græco mutes, et hoc ipsum Præfatione testare: quod prudentissime papa Anastasius in Epistola, quam contra te scribit ad episcopum Joannem, suo sermone complexus est, me liberans, qui id feci, et te arguens, qui facere noluisti. Ac ne forsitan hoc quoque neges, subjeci exemplum ejus; ut si non vis audire fratrem monentem; audias episcopum condemnantem ». Hæc ibi, ac rursum in posteriori Apologia, cujus est exordium: « Lectis litteris prudentiæ tuæ, etc. » hæc habet ³: « Vade potius Romam, et præsens apud eum expostula, cur tibi et absenti et innocenti fecerit contumeliam: primum ut non reciperet expositionem fidei tuæ, quam omnis (ut scribis) Italia comprobavit, et baculo tuarum uti noluerit litterarum contra canes tuos: deinde ut Epistolas contra te ad Orientem mitteret, et cauterium tibi hæreseos, dum nescis, inureret, etc. » Paulo vero post: « Esto, inquit, præteriti anni ego Epistolam fluxerim recentia ad Orientem scripta quis misit? in quibus papa Anastasius tantis te ornat flo-

ribus, ut cum ea legeris, magis te velle defendere incipias, quam nos accusare ». Ita ipse, quibus, et insinuat hoc anno eam ab Anastasio papa Epistolam esse datam, nempe sequenti anno ab eo quo idem Rufinus ab Anastasio Romam vocatus est ad iudicium. Sed et inferius, eodem anno, quo ipse eam scribebat Apologiam, datam esse ab Anastasio in Rufinum Epistolam, declarat his verbis ¹: « Ut nosram Epistolam non probes, papæ quoque Anastasii simili dicis fraude subnixam, de qua tibi ante respondi: quam si suspicaris ipsius non esse, habes ubi apud eum nos arguas falsitatis. Sin autem ejus est, ut huius quoque anni contra te Epistolæ probant; frustra et falso falsam arguere niteris, cum ex illius vera Epistola nostram veram esse doceamus ».

31. *Tribus Rufini Invectivarum libris per duas Apologias respondet Hieronymus.* — Cum igitur S. Hieronymus, quo anno scribebat Apologiam illam posteriorem, ab Anastasio scriptam Epistolam in Rufinum affirmet; constetque simul eandem Apologiam ab eodem hoc anno elaboratam: exploratum quoque redditur (quod dictum est) datam esse hoc eodem anno ab Anastasio papa eandem in Rufinum Epistolam. Quod vero hoc ipso anno ea Apologia a S. Hieronymo scripta sit, præter alias adductas superius rationes, inde quoque certum licet sumere argumentum; dum scilicet triennium ibidem numerat ab eo tempore, quo ipse ad Rufinum Epistolam dederat. Sed et posteriori libro prioris Apologiæ ², dum numerat annos (ut ait) ferme decem, ex quo ad Dexterum præfectum prætorii librum scripserat de Scriptoribus Ecclesiasticis (quod accidit, ut vidimus testificatione ipsius, anno decimo quarto Theodosii imperatoris, anno autem Domini trecentesimo nonagesimo secundo) plane declarat hoc eodem quoque anno priorem etiam in Rufinum eam scriptam esse Apologiam, in qua (ut vidimus) ejusdem meminit Epistolæ Anastasii papæ in Rufinum ad Joannem Hierosolymorum episcopum datæ. Cum igitur satis sit demonstratum, hoc ipso anno quo Anastasius ad Joannem, eodem quoque Hieronymum tum priorem, tum posteriorem Apologiam adversus Rufinum elucubrasset; age jam modo de ambabus hoc itidem agamus anno.

32. Meminisse iterea debes, lector, dictum esse superius, Rufinum ante biennium, nempe anno Domini quadringentesimo, tres libros adversus S. Hieronymum conscripsisse, quos Apologiæ titulo honestavit, cum tamen acerrimæ fuerint invectivæ: quos haud omnibus voluit esse vulgatos, sed sic editos ubique locorum, ut ipsos tantum suis carissimis crederet, magna cautela agens, ne in manus S. Hieronymi deferrentur; probe sciens, omnes illas in eum jactatas accusationes atque calumnias, in se ipsum graviore impetu ab illo repulsas, fore validius convertendas: quod plane accidit. Etenim etsi nunquam, quamvis diligenter pervestigatos, in se a Rufino conscriptos libros

¹ 1. Reg. xvi. — ² Hier. Apol. t. i. n. — ³ Hier. Apol. ii.

¹ Hier. Apol. ii. — ² Hier. Apol. i. l. ii.

Hieronymo videre licuit : tamen ex iis quae a Rufini familiaribus, quibus libri crediti erant, in odium S. Hieronymi et invidiam in eum concitandam passim iactabantur, frater ejus Paulinianus (quem ad distrahendum patrimonium miserat, ut vidimus, in Occidentem) capita quaedam Rufini acensationum in ipsum S. Hieronymum collegit, rediensque Hierosolymam (ut dictum est) eidem patefecit : sed et alii ejusdem Hieronymi familiares, praecipue vero Pammachius, et Marcellinus ex eis nonnulla suis litteris significarunt. Quibus ipse acceptis, duas scripsit Apologias, quarum prior duobus est partita libris, esque prioris eorum exordium : « Et vestris et multorum litteris didici, etc. » posterior vero Apologia ita incipit : « Lectis litteris prudentiae tuae, etc. » quibus omnibus omnia in se iacula iactata relorque in adversarium. Testatur id quidem in posteriori quam scripsit Apologia, ubi ait ¹ : « Postquam repuli crimina, id est, laudes tuas, et absque invidia tui nominis respondi criminibus, non criminatori ; atque ut me Catholicum a te infamatus probarem, invectus sum in hereticos : irasceris, furis, et luculentissimos libros contra me eudis, quos cum legendos et cantandos omnibus tradidisses, certatim ad me de Italia et urbe Roma atque Dalmatia scripta venerunt, quibus me laudator pristinus ornasse praconiis. Fateor, illico ad objecta respondi, etc. »

33. Sed ut haec exploratiora reddantur, in primis de Rufini invectivis in S. Hieronymum scriptis agendum, atque in memoriam revocandum, ipsum acceptis ab Aproniano litteris S. Hieronymi ad Pammachium datis (est enim Epistola sexagesima quinta) duos ² illos, qui habentur praë manibus, adversus Hieronymum invectivarum libros Rufinum conscripsisse ; quorum prior, ea quae ab eodem S. Hieronymo dicta Epistola ad Pammachium scripta erant, refellere conatus est ; posteriore vero, tanquam scopam, verrens cuncta, quae in omnibus ipsius Hieronymi scriptis corrigenda putavit, levissima licet, spectanda et exprobranda cunctis adduxit in medium. Sed et adiecit his Rufinus tertium librum eodem argumento conscriptum, qui penitus excidisse videtur : tres namque simul a Rufino tunc in S. Hieronymum libros elaboratos fuisse, ipse sanctus Hieronymus auctor est, ubi in sua defensione haec ait ³ : « Nunc quoque quia renuit laudatorem, et verso stylo docui me non esse quod mens necessarius praedicavit ; dicitur furere, et tres contra me libros venustate Attica texuisse, eadem accusans, quae ante laudaverat, etc. » Porro hos tres commentarios Rufinus non invectivas (sicut diximus) ut modo praë se fert eorum inscriptio, sed honestiori titulo Apologiam nominavit : unde in eum S. Hieronymus ⁴ : « Non te pudet accusationem tuam Apologiam tuam vocare ? »

34. Verum cum non integros ipsos libros, sed

auditu tantum percepta Paulinianus ad Hieronymum agentem Bethlechem detulisset ; eadem ipse. Apologia scripta duobus partita libris acerrime confutavit, potiora pollicitus ac uberiora, cum in manus suas tres illi a Rufino conscripti invectivarum libri integri redderentur : nam in fine posterioris libri haec habet ¹ : « Excessi Epistolae modum (ad Pammachium enim, et Marcellinum, velut Epistola una, iidem inscripti libri habentur) et qui contra nefariam haeresim jam stylium fixeram, pro me respondere compulsus sum, expectans tria amici volumina, et ad congeriem criminum ejus tota mente suspensus : nisi quod levius est, professum inimicum cavere, quam hostem latentem sub amici nomine sustinere ». Haec ibi ; sed et superius ² : « Sed adversus illos libros, qui per angulos garrunt, et furtiva accusatione me mordent, cum editi fuerint, et de tenebris ad lucem processerint, atque ad nos vel studio fratrum, vel temeritate æmulorum potuerint pervenire, respondere conator : neque enim magnopere formidandi sunt, quos metuit auctor suus prodere, et tantum confederatis legendos esse decrevit ». Haec ipse : ut non mireris, lector, si complura legis in Rufini invectivis, quae hand invenis in adversariis Hieronymi responsionibus confutata.

35. Sed et illud diligenter attende, quomodo mo ictu polens ac solers veritatis propugnator S. Hieronymus adversarium folia sibi fens pro armatura consulentem prosernat, dum ostendit frustra blandiri sibi de fide Catholica, si vel in minimo a Romana Ecclesia discrepet ; ait enim in eum ³ : « Fidem suam quam vocat ? Eamne qua Romana pollet Ecclesia ? An illam, quae in Origenis voluminibus continetur ? Si Romanam responderit : ergo Catholici sumus ? Vides majorum omnium ore versatum illud firmissimum axioma et necessarium enthymema ; nempe, dicere tantum, aliquem sequi Romanam fidem, mox ex necessitate deduci esse Catholicum. Ob idque nullum in eum S. Hieronymus validius telum intorquet, cum provocat ipsum ad sententiam de eo ab Anastasio Romano Pontifice latam ; plane significans a nullo quemquam aliquo modo probari posse Catholicum, quem Romanus Pontifex haereseos condemnarit. In his enim multis est idem S. Hieronymus, cum posteriori libro suae prioris Apologiae in eo versatur, ut scriptam antea ab eo ad Anastasium Romanum Pontificem Apologiam validissime confutet : cui et intexuit (ut nuper dictum est) ejusdem Pontificis Epistolam de reprobatione, et damnatione ipsius Rufini ad Joannem Hierosolymitanum episcopum datam, tanquam fortissimum arietem, quo omnes erectae ab adversario defensionum turres solo tenui sternerentur. Scriptos igitur a se Hieronymus duos hos prioris Apologiae libros, ad eos misit, ad quos sciebat invectivas suas dedisse Rufinum. Testatur id ipse in posteriori

¹ Hier. Apol. II. — ² Extant apud S. Hier. tom. IX. — ³ Hier. Apol. I. l. I. — ⁴ Hier. Apol. II.

¹ Hier. Apol. I. l. II. — ² Idem Apol. I. l. I. — ³ Hier. Apol. I. lib. I.

Apologia, ubi ait¹ : « Misi hos ipsos Apologiae meae libros ad eos quos tu vulneraveras, ut venena tua, nostra sequeretur antidotos ». Haec ipse. Quam autem invitum ad haec Hieronymus traheretur, jam superius, ejusmodi ferre exordio controversiae, ipsius testificatione optime testatum redditum est. Sed quae post haec his audaciora Rufinus stylo armatus aggreffus sit, audi.

36. *Ruffini minae nihil terrent Hieronymum qui haereticis forti simul et demisso animo obsistit.*

— Cum accepisset in se editos duos a S. Hieronymo Apologiae libros, immenso furore percitus, tunc ad eum scriptos a se libros misit, et Epistolam acerbissimam addidit, quia eo usque insanie prolapsus est, ut eadem ipsi Hieronymo, nisi faceret, mortem fuerit comminatus, simulque tribunal secularium iudicum, acturus saltem in eum actione injuriarum. Testatur haec quidem ipse S. Hieronymus in posteriori Apologia, ubi ait² : « Ob hanc culpam mittis mihi et priores libros et recentem Epistolam plenam injuriarum, et criminum. Quid me vis facere, bone amice? Taceam? Videbor crimen agnoscere? Loquar? terres me gladiis tuis et accusationem non jam Ecclesiasticam, sed tribunalium comminaris ». Haec tibi. Quod enim Rufinus male sibi conscius sciret gravissime a se Hieronymum exagitatum, nosceretque ipsum in redarguendo valentissimum esse : ad imminentem tantam grandinem avertendam obstruere Hieronymi os sublimis tonans, minis illatis existimavit. Scribens igitur ad Hieronymum ipsum Epistolam (ut dictum est) comminatus est mortem, si quid ultra in se asperum durumve proferret. Tradit id quidem iterum ipse Hieronymus in eadem quam in ipsius Epistolam edidit Apologiam, ubi ait³ : « Quid enim necesse fuit, accusationis volumina mittere, et maledicta proferre in medium, si tu in ultima parte Epistolae denunciata morte, me deterres, ne audeam respondere criminibus, imo laudibus tuis? » Et inferius : « Mortem minaris : quam et serpentes inferre possunt. Mors omnium est : homicidium pessimorum. Quid enim, nisi tu me occideris, ego immortalis ero? Quin potius ago gratias, quod facis de necessitate virtutem ». Et ad postremum haec eadem reficans, ait⁴ : « Talibus institutus es disciplinis, ut cui respondere non poteris, caput auferas; et linguam quae tacere non potest, seces? Nec magnopere glorieris, si facias quod scorpiones possunt facere et cantharides. Fecerunt hoc et Fulvia in Ciceronem, et Herodias⁵ in Joannem : quia veritatem non poterant audire, et linguam veriloquam discriminati ac confoderunt, etc. »

37. At tantum abiit ut minis Rufini S. Hieronymus coercitus fuerit, ne criminationibus responderet, ut qui ante monitus a Chromatio Aquilei episcopo (puto ejusdem Rufini opera) jam tacere penitus decrevisset, ea Rufini Epistola expergefactus,

in eum iterum clamare compulsus fuerit : affirmat id quidem ipse suae ipsius Apologiae exordio, ubi ait¹ : « Testem invoco Jesum conscientiae meae, qui et has litteras et tuam Epistolam judicaturus est, me ad communionem S. papae Chromatii voluisse recedere, et finem facere simulatum, et vincere in bono malum. Sed quia minaris interitum, nisi tacuero : respondere compellor, ne videar faciendo crimen agnoscere, et lenitatem meam male conscientiae signum interpreteris. Hoc est verum dilemma tuum, non ex dialectica arte, quam nescis, sed ex carnificum officina et meditatione prolatum : Si tacuero, criminosis ero : Si respondero, maledictus. Tu ergo me cohibes, et cogis ad respondendum, etc. »

38. Quantum enim S. Hieronymi ex ipsius scriptis tanquam ex facie animum intueri datur; sic plane comparatum novimus sanctissimum virum, ut cum adversus haereticos agendum esset, magnis semper atque vehementibus spiritibus insurrexerit. Ad hoc namque spectat, quod ad finem ejusmodi posterioris Apologiae habet verbis istis : « Canes latrant pro dominis suis : tu non vis me latrare pro Christo? » Ad hoc insuper illud pertinet, quod in priori Apologia sic de se ait² : « Hoc unum demuntio, et repetens iterum iterumque monebo. Cornutam bestiam petis; et nisi caveam illud Apostoli³ : Maledici regnum Dei non possidebunt; et, Mordentes⁴ invicem consumpti estis ab invicem : jam nunc sentires de parvula subdolaque concordia magnam tibi in mundo ortam esse discordiam ». Sed et cum disserit adversus Jovinianum, ejusque garrulum defensorem, haec item⁵ : « De nobis quoque dici potest : Fœnum habet in cornu, longe fuge. Sed magis volumus esse discipuli ejus, qui ait⁶ : Dorsum meum posui ad flagella, etc. » Sic quidem compositus ille fuit adversus haereticos, vel cum calumniose haeresis insinlaretur : unde et ad eundem Rufinum⁷ : « In uno tibi consentire non potero, ut parcam haereticis, vel ut me Catholicum non probem. Si ista est causa discordiae, mori possum, tacere non possum ». Atque ad postremum haec ultima ab eo apponitur contestatio : « Sit inter nos una fides, et illico pax sequetur ».

39. Haec autem ex scriptis ipsius depronpsimus, ne quis miretur, si eum ita erecta ac plane inflexibili vides stare cervice, cum disserit adversus Rufinum, cum cum summa eloquentiae vi exagitat, deprimit, deridet interdum, subsannat, scommatibus urget, diceritis deludit, accommodatisque ad mores hominis nominibus appellat, nominans eum saepe Grunium, alludens nimirum⁸ ad illum Grunium Caracollam, ejus testamentum Porcelli solerent cachinnantes pueri in scholis ludibrio risuque prosequi : ideoque id ipse, quod Rufinus scriberet res nullius pretii : sicut et cum Aleto⁹ no-

¹ Hier. Apol. II. — ² Hier. Apol. II. — ³ Hier. Apol. I. — ⁴ Hier. Apol. II. — ⁵ Luc. III.

¹ Hier. Apol. II. — ² Hier. Apol. I. I. 1. — ³ I. Cor. VI. — ⁴ Galat. III. — ⁵ Hier. ep. LI. — ⁶ Isai. L. — ⁷ Hier. Apol. II. — ⁸ Hier. proem. I. XI. in Isai. — ⁹ Hier. in Apol. c. III.

minat ob furorem, Luciumque Lavinium aliquando, et Asinium Pollionem, ob æmulationem, quod alter ipsorum Terentium, Ciceronem alter fuerit æmulatus: itidemque cum aliquando ¹ Calphurnium Ianarium ob dolos et fraudes. Sed cur hæc? cur, inquam, Ruffinum ipsum ² interdum, facito proprio, alienis nominibus nuncupavit? idem ipse S. Hieronymus propositi sui ejusmodi rationem affert, cum de Pelagianis agit erroribus, ex Origenistarum palmitibus propagatis, deque eodem Ruffino Grunnii nomine nuncupato: « Cui, inquit ³, respondere diu faciens, et dolorem silentio devorans, crebra fratrum expositulatione compulsus sum: nec tamen lucusque prorupi, ut auctorum nomina ponerem, malens eos corrigi, quam infamari: nec enim hominum, sed errorum inimicus sum, etc. » Sic vides animi ejus consilium fuisse, non delegendi, sed potius contegendi causa ejus crimina, alieno nomine sæpe sive Ruffinum, sive alios nominasse.

40. Caterum etsi in hunc modum S. Hieronymus sæpe videatur celso animo erectus adversus hæreticos: tamen quantum præ cæteris virtutibus præditus fuerit animi demissione, quam usitatiore vocabulo dicimus humilitatem, tum res ab eo gestæ, tum etiam scripta manifeste declarant. Accipe in primis, quæ ipse scribat in Epistola ⁴ ad Abigaum: « Quamvis, inquit, mihi multorum sum conscius peccatorum, et quotidie in oratione flexis genibus loquar ⁵: Delicta juventutis meæ, et ignorantias meas ne memineris; tamen sciens scriptum esse ab Apostolo ⁶: Ne inflatus superbia incidat in judicium diaboli ⁷, et in alio loco scriptum ⁸: Superbis Deus resistit, humilibus autem dat gratiam, nihil ita a pueritia conatus sum vitare, quam tu mentem animum, et cervicem erectam, Dei contra se odium provocantem. Novi enim magistrum et Dominum et Deum meum in carnis humilitate dixisse ⁹: Discite a me, quia mitis sum et humilis corde, etc. » Habes ejus animi institutum, et quidem haud inanibus verbis factanter proditum, sed opere peregre impletum. Etenim, cum magnos quoque viros soleat inflare scientia; indeque mentis tumor obortus cæteros spernere, se solum vero adspicere debeat, perque aliena gradi vestigia dignari faciat, et novitates excogitare suadeat: quantum ab his ipse S. Hieronymus abhorrerit, vel una illa sententia accipe, qua animum suum testatum ita reliquit ⁹: « Fateor enim, inquit, mi Dominum et Rogatiane carissimam, nunquam me in divinis voluminibus propriis viribus credidisse, nec habuisse opinionem meam, sed ea etiam de quibus scire me arbitrabar, interrogare me solitum; quanto magis de ipsis in quibus anceps eram? etc. » Videntur hæc tibi, lector, celsæ mentis claque animi vel erectæ cervicis indicia, et non potius veri Ecclesiæ doctoris summam animi submissionem

præ se ferentis? quem utinam imitati essent, qui ipsum fastus atque superbix, inflato animo, summa arrogancia, atque incomparabili temeritate redarguunt!

41. *Ruffinus in deterius lapsus ubique damnatur.* — Quod vero ad Ruffinum pertinet: tantum absuit ut parato a S. Hieronymo antidoto curaretur, quin potius post Origenis errores, quos fovit, Pelagianæ hæresis aspidem ex eis obortus, perearam sibi sobolem enutriverit: quod proprium est hæreticorum, semper in deterius ferri, quousque in imum impietatis prolabantur, justo Dei judicio condemnati, ut ipsi sibi malum inferant, quod nec ab hostibus passuri essent. Quomodo autem hæc acciderint, suo loco patebit. Stabilis igitur de Ruffini damnatione sententia Anastasii papæ permansit, quam nemo successorum Romanorum Pontificum abolevit: cujus quoque scripta jure quidem censure S. Hieronymi Gelasius papa subjecit: appositæque divino arbitrio factum, ut qui vivens canino dente ejusdem S. Hieronymi scripta corrosit, eundem post obitum quoque mereretur experiri censorem. Ista enim in Romano Concilio de Ruffini commentariis ipse Gelasius definita reliquit: « Ruffinus vir religiosus plurimos Ecclesiastici operis edidit libros; nonnullas etiam Scripturas interpretatus est. Sed quoniam beatus Hieronymus cum in aliquibus de arbitrii libertate notavit: illa scilicet, quæ prædictum beatum Hieronymum sentire cognovimus: et non solum de Ruffino, sed etiam de diversis, quos vir sæpius memoratus zelo Dei et fidei religione reprehendit ». Hæc Gelasius: cujus ne movearis nomenclatura, dum Ruffinum ipsum judicio Ecclesiastico prædamnatum, virum religiosum appellat: eo enim titulo ipsum monachum voluit demonstrasse. Quomodo autem post hæc factum sit, ut recisa ulcera Origenis errorum, eadem recrudescant, in graviora apostemata Pelagianæ hæresis intumuerint, dicturi sumus inferius.

42. *Anastasii papæ obitus et res gestæ, ubi de dissidiis inter diaconos et presbyteros, eique succedit Innocentius.* — Hoc anno Anastasius Romanus Pontifex ex hac vita migravit, ut et Marcellinus comes in Chronico docet, dum sub hujus anni consulibus Innocentium eidem suffectum ponit. Sed et Prosper cum sub eodem consulatu Arcadii, et Honorii quinto ingressum Innocentii referat, eadem quæ ex Marcellino sunt dicta, confirmat. Quæ etiam nuper ex S. Hieronymo de Anastasio papa sunt recitata, ad hunc saltem ipsum vixisse annum perspicue demonstrant, necnon Concilium Carthaginense anno superiori idibus Septembris celebratum, ubi de vivente adhuc Anastasio mentio habetur, a quo litteras acceperunt. Et cum omnium sententia constet, defunctum ipsum esse in fine mensis Aprilis, certe quidem non ante præsentem annum ejus obitus referri potest. Ex quibus arguendi erroris sunt, qui anno superiori Anastasium decessisse tradunt, quive cum annos tantum tres sedisse dicunt. Habita enim ratione temporis quo sedere cepit, mirum

¹ Hier. Apol. i. et ii. — ² Hier. ep. li. — ³ Hier. prefat. in Hierem. l. iv. — ⁴ Hier. ep. xxxii. — ⁵ Psal. xxiv. — ⁶ 1. Tim. iii. — ⁷ 1. Petr. v. — ⁸ Math. xi. — ⁹ Hier. ep. cviii.

anno Domini trecentesimo nonagesimo octavo, pridie idus Martii; et obitus ejus, quem hoc anno contigisse ponimus V kal. Maii; dicendum est eum sedisse annos quatuor, mensem unum, et dies tredecim.

43. De eodem Anastasio hæc in libro de Romanis Pontificibus scripta leguntur ¹: « Hic constituit, ut quotiescumque sancta Evangelia recitarentur, sacerdotes non sederent, sed curvi starent. Hic fecit constitutum de Ecclesia. Hic fecit basilicam quæ dicitur Crescentiana in regione secunda via Mamurina in urbe Roma (fortasse via Manurrina, sic dicta ab ædibus Mamurri in secunda regione locatis ²). Et hoc constituit nulla ratione transmarinum hominem in clericatus honorem suscipi, nisi quinque episcoporum designaret chirographum: quia et eodem tempore Manichæi inventi sunt in urbe Roma. Hic fecit ordinationes duas in urbe Roma per mensem Decembrem, ordinavit presbyteros octo, diaconos quinque, episcopos per diversa loca decem. Qui sepultus est in cœmeterio suo ad Ursinum Pileatum, quinto kalendas Maii ». Hæc ibi. Decessit plane titulo sanctitatis insignis relatusque in sanctorum catalogum, anniversaria memoria celebrandus, quem hujusmodi elogio commendat S. Hieronymus ³: « Non post multum tempus in medio, succedit in Pontificatum vir insignis Anastasius, quem diu Roma habere non meruit, ne orbis caput sub tali episcopo truncaretur: imo idcirco raptus atque translatus est, ne semel latam sententiam precibus suis flectere conaretur, dicente Domino ad Hieremiam ⁴: Ne oraveris pro populo isto, neque deprecaris in bonum: quia si jejunaverint, non exaudiam preces eorum; et si holocausta, et victimas obtulerint, non suscipiam eas: in gladio enim et fame, et pestilentia consumam eos ». Sed hæc de Urbis exilio post annos octo contigerunt. Porro ipsius epitaphium Dei beneficio hacenus conservatum hic addendum curavimus: sic se habet ⁵:

LIMINA NUNC SERVO TENUI QUI CULMINE SEDIS
 HIC MERUI TUMULUM PRESUL ANASTASIS
 PRESBITERO GENITUS DELEGI DOGMATA VITÆ
 MILITIQUE DEI NATUS IN OFFICIIS
 PONTIFICUM CASTO FAMULATUS PECTORE JUSSIS
 OBTINUI MAGNUM NOMEN APOSTOLICUM.

44. Quod autem dicitur, ab Anastasio statutum fuisse, ut dum per diaconum, ejus id muneris est, Evangelium in Ecclesia caneretur, sacerdotes non sederent, sed starent curvi: unde ejusmodi sancienti decreti occasio fluxerit, historiam per texendam esse putamus. Gravis Romæ his temporibus inter presbyteros et diaconos est orta contentio: hi enim administrantes res Ecclesiæ, supercilio elati spernebant presbyteros; presbyteri autem in eosdem insurrexere, atque ex consuetu-

dinis Romanæ Ecclesiæ præscripto, ipsis sedentibus, eos stare debere, contendebant. Sed eo usque contentio pertinax progressa est, ut etiam cum stantes diaconi coram populo legerent Evangelium, presbyteri tamen minime a sessione consergerent: quod ut enorme factum Anastasius papa emendandum sancito ejusmodi decreto putavit. Quisnam autem hujus contentionis primus auctor extiterit, proditur ex veteri quæstionis tractatione apud S. Augustinum posita hisce verbis ¹: « Quomodo contra levitas Romanos disceptandum sit, qui contendunt levitas sacerdotibus, et diaconos presbyteris cœquare ». Hic est titulus quæstionis: ac paulo post: « Quidam igitur qui nomen habet Falcidii, duce stultitia, et civitatis Romanæ jactantia, levitas sacerdotibus, et diaconos presbyteris æquare contendit, non dicam præferre; quia stultus est, et forte incredibile videtur, et nos non emendatores, sed calumniatores habeamur ». Hæc auctor. Sed et S. Hieronymus ² de eodem in Epistola ad Evagrium ita habet ipso ejus exordio: « Legimus, inquit, in Isaia ³: Fatuus fatua loquetur. Audio quemdam in tantam erupisse vecordiam, ut diaconos presbyteris, id est, episcopis anteferet ». Docet majorum sententia presbyteros episcopos nominatos esse. Quantum autem præter omne jus fasque hæc de diaconis dicerentur, ambo auctores pluribus disserunt, et de Romanæ Ecclesiæ diaconis apud Augustinum hæc leguntur: « Quamquam Romanæ Ecclesiæ diaconi modice inverecundiores videantur, sedendi tamen dignitatem in Ecclesia non præsumunt ». Quid insuper sibi indebiti diaconi usurpaverint, idem auctor ita post multa: « Nunc enim videmus diaconos temere quod sacerdotum est, agere per convivia; et in oratione id velle, quod respondeatur illis, cum istud solis liceat sacerdotibus ». S. Hieronymus eadem de his in hunc modum: « Cæterum etiam in Ecclesia Romæ presbyteri sedent, et stant diaconi: licet paulatim increbrescentibus vitiiis, inter presbyteros, absente episcopo, sedere diaconum viderim, et in domesticis conviviis benedictiones presbyteris dare. Discant qui hoc faciunt, non se recte facere, etc. » Hæc ipse.

45. Unde autem acciderit, ut diaconi Romanæ Ecclesiæ majori fastu immescerent; eam in primis idem qui supra auctor ⁴ attert causam, cum ait: « Ut autem non omnia ministeria obsequiorum per ordinem agant, multitudo facit clericorum. Nam utique et altare portarent et vasa ejus, et aquam utique in manus infunderent sacerdoti, sicut videmus per omnes Ecclesias ». Et paulo post, ob Romanæ Ecclesiæ excellentiam inflatos esse Romæ diaconos, idem ita demonstrat: « Sed quia Romæ Ecclesiæ ministri sunt, idcirco honorabiliores putantur, quam apud cæteras Ecclesias, propter magnificentiam Urbis Romanæ, quæ caput esse videtur omnium civitatum. Si itaque sic est, hoc debent et

¹ Tom. I. Conc. — ² Panv. in Urb. Rom. region. II. — ³ Hier. ep. XVI. — ⁴ Hierem. XIV. — ⁵ Antiq. Inscript. in appen. pag. 1163. n. 7.

¹ Apud Aug. Quæst. ex utroque mixt. q. CI. — ² Hier. ep. LXXXV. ³ Isai. XXXII. — ⁴ Apud Aug. quæst. ex utroque mixt. q. CI.

sacerdotibus suis vindicare: quia si ii qui inferiores sunt, crescant propter magnificentiam civitatis; quanto magis qui potiores, sublimandi sunt? » At nequaquam pro civitatum amplitudine crescere Ecclesiasticorum ordinum dignitatem, ut ob id diaconus diacono, presbyter presbytero, et episcopus episcopo, dignior habendus sit, licet jurisdictionis potestate ille minor, iste maior appareat. S. Hieronymus de his ipsis eadem Epistola disserens, probe confirmat, cum in exemplum ista ila deducit: «Nec altera, inquit, Romanae Urbis Ecclesia, altera totius orbis existimanda est. Et Galliae, et Britanniae, et Africa, et Persis, et Oriens, et India, et omnes barbarae nationes unum Christum adorant; nam observant regulam veritatis. Si auctoritas quaeritur, orbis maior est Urbe. Ubicumque fuerit episcopus, sive Romae, sive Eugubii, sive Constantinopoli, sive Rhegii, sive Alexandriae, sive Tanis; ejusdem meriti, ejusdem est et sacerdotii. Potentia divitiarum, et paupertatis humilitas, vel sublimiorem, vel inferiore episcopum non facit: ceterum omnes Apostolorum successores sunt ». Haec S. Hieronymus. Sed vides unde deducta sit ea sententia; neminem sacrorum antistitem alterum prestare alteri, nempe quo ad sacros ordines. Sic igitur erubescant impii inscitiae suae, qui ejusmodi verba S. Hieronymi distorquent, dum ad omnem auctoritatem atque jurisdictionem tollendam inprobe referunt. Scopus namque propositae quaestionis ipsius in primis attendendus erat, ut germanum sensum ejus verborum assequerentur. Sed de his superius tomo primo Annalium pluribus actum est.

46. Cur insuper Romanae Ecclesiae diaconi super alios ceterarum Ecclesiarum diaconos et presbyteros eleverantur, idem S. Hieronymus eadem ad Evagrium Epistola ita subdit: « Sed dicis; quomodo Romae ad testimonium diaconi presbyter ordinatur? Quid mihi proferis unius Urbis consuetudinem? Quid paucitatem, de qua ortum est supercilium in leges Ecclesiae, vindicas? Omne quod rarum est, plus appetitur. Pulegium apud Indos pipere pretiosius est. Diaconos paucitas honorabiles, presbyteros turba contemptibiles facit ». Sed et id alia ratione idem qui supra apud Augustinum auctor refellit, dum ostendit, haud hac ex parte praeferebimus vel aequandos presbyteris esse diaconos, quod illi horum testimonio ordinentur, cum ipsi diaconi plebis testimonio consueverint promoveri: quod factum primo a Petro ¹ probat in ordinatione septem diaconorum. Sed insuper et alias idem auctor causas inculcat, cur tanti essent pretii Romae diaconi, cum ait ²: « Diaconi ergo ordo est, accipere a sacerdote, et sic dare plebi. Vides quid pariat vana praesumptio? Inmemores enim, clatione mentis, eo quod videant Romanae Ecclesiae esse ministros, non considerant quid illis a Deo decretum sit, et quid debeant custodire. Sed tollunt haec de memoria assidue stationes domesticae, et officialitas, quae per

suggestiones malas, seu bonas, nunc plurimum potest. Aut timeatur enim ne male suggerant, aut emuntur, ut praesent. Hi sunt qui faciunt eos ordinis sui non considerare rationem: dum enim per adulationem obsequuntur illis illicite, praecipites illos faciunt, ut plus sibi putent licere. Quippe cum videant non sic deferri sacerdotibus, ac per hoc anteferri se putant ». Haec ipse: quibus sane significatur, Romanae Ecclesiae diaconorum illud etiam fuisse munus, referre diversorum causas ad Summum Pontificem, et ab ipso accepta responsa petentibus reddere.

47. Haec quidem privatim inhærebant Ecclesiae Romanae diaconis: ceterum illud in omnibus Ecclesiis commune omnibus erat, ut bona Ecclesiae administrarent: cujus rei causa pariter contingebat, ut non Romae tantum, sed ubique diaconi a populo majori frequentarentur quam sacerdotes obsequio. Hinc obortas videas querelas illas Honorati archidiaconi Salonitani apud S. Gregorium ³ Romanum Pontificem, cum questus est degradari se potius, quam proveli, cum ab eo in presbyterum ordinari tentaretur. Horum igitur causa non Romae duntaxat, sed et in aliis quoque Ecclesiis contingebat, diaconum adversus presbyteros erigere saepe cervicem. Quamobrem ad hujusmodi procaciam retundendam magnum Nicænum Concilium diaconos, ne quid præter jus fasque præsumerent, edito canone vetuit, nbi inter alia ⁴: « In sua diaconi mensura permaneant, scientes quod episcoporum quidem ministri sint, inferiores autem presbyteris habeantur: per ordinem ergo post presbyteros gratiam sacrae communionis accipiant, aut episcopo aut presbytero porrigente. Sed nec sedere in medio presbyterorum diaconis liceat, etc. » Sed et cum in Africanam Ecclesiam ejusmodi diaconorum arrogans insolentia irrepsisset, eundem canonem episcopi Africani inseruerunt sexto Concilio Carthaginensi ⁵. Insuper quod et Galliarum Ecclesias idem morbus invasisset, in Conciliis Arelatenisibus ⁶ primum eorumdem diaconorum fastus depressus est: et in Concilio Andegavensi hoc sacculo celebrato, consule Opilione, quod manuscriptum accepimus a pio disertoque viro Frontone Ducæ Societatis Jesu digno presbytero, canone tertio id cautum habetur: « Ut diaconi presbyteris omni humilitate noverint deferendum esse ». Sed excisis ramis, malo saepe repullulante, sæpius opus fuit Ecclesiasticae censurae illud securi succidi, ut inter alios Romæ in Concilio a Gelasio papa factum apparet ⁷. At de his modo satis: in hac enim occasione Anastasii pape decreti progressi sumus.

48. Quod autem ad ejusdem Pontificis scripta pertinet: duæ ejus nomine habentur scripta Epistolae decretales: sed quarum prior cum data reperitur consulis Arcadio atque Baulone, ante annos

¹ Greg. I. l. c. p. XIV, XV, XVI. — ² Concil. Nic. c. 18. — ³ Concil. Carthag. vi, c. 18. — ⁴ Concil. Arelat. I, c. 18. Concil. Arelat. II, c. 15. — ⁵ Concil. Rom. sub Gelasio, c. 9, 10.

⁶ Act. vi. — ⁷ Apud S. Aug. quest. ex utroque mixt. q. c1.

ab ejusdem Anastasii ingressu quatuordecim; plane apparet (si legitimam, et non suppositam eam esse velimus) aliis pontificibus quam Anastasio adscribenda. Illud etiam non ignoramus, maximam partem ejusdem prioris Epistolæ, ubi agitur de Manichæis, reperiri apud S. Leonem Magnum Romanum Pontificem in Epistola secunda data ad universos Italianæ episcopos; quod quidem de impostura suspicionem auget. Scimus tamen Anastasium complures Epistolas conscripsisse, in causa præsentium Origenistarum, et in causa Donatistarum ad Africanos, et inter alias ad Ursinum de Incarnatione Filii Dei, cujus tria habes fragmenta recitata in appendice ad Breviarium Liberati diaconi. At de scriptis Anastasii hactenus. Post cujus obitum, cum vacasset sedes dies viginti et unum, decimo quinto kal. Junii, Innocentius Albanus Innocentii filius creatus est Romanus Pontifex: cujus res gestas, ordine servato temporum, recensuimus, atque in fine annos ipsius sedis exacte dinumerabimus.

49. *S. Martini episcopi Turonensis interitus, et qui de eo scriperint.* — Sed de funere transeamus ad funus, nimirum ab obitu S. Anastasii pape ad migrationem S. Martini Turonensis episcopi, quem hoc anno diem extremum clausisse, ex testificatione Severi aliisque certis notis, tum tertio tum etiam quarto, imo et hoc quinto Annalium tomo pluribus demonstravimus. Qui enim, ex Severi sententia, sub consulatu Evodii S. Martinus septuagenarius erat, anno nimirum Domini trecentesimo octogesimo sexto, idemque ejusdem assertionem supervivisse ponitur annos sexdecim, necesse est affirmare hoc anno vitam perfunctum, agentem ætatis annos octoginta sex, cum sedisset annos triginta et unum: tot enim numerandi sunt anni episcopatus S. Martini, si Gregorii sententiæ consenserimus, dicentis ¹ creatum fuisse episcopum anno octavo Valentiniiani et Valentis imperatorum. Ejus autem felicissimus exitus eodem die quo contigit, in tabulis notatus Ecclesiasticis, anniversaria commemoratione solemniter celebritate recurrit. Ex quibus omnibus erroris arguuntur, qui Cæsario et Attico consulibus, suæ ætatis anno octogesimo primo S. Martinum mortuum esse tradunt.

50. Præter illa autem quæ superius in medium allata sunt de propagata S. Martini vita usque in præsentem annum, Franci veteres scriptores qui numerare consueverunt annos ab obitu S. Martini, hujus sententiæ adstipulatores esse videntur, dum ab hoc anno quadingentesimo secundo annorum numerum deduxisse noscuntur: atque (ut prætermittamus alios) Gregorius Turonensis episcopus, licet sub consulatu Cæsarii, et Atticii, Martini obitum referat, tamen dum Clodovei Francorum regis mortem contigisse dicit ab obitu S. Martini anno centesimo duodecimo, plane ab hoc tempore numeri exordium ducit; cum constet ipsum Clodoveum pervenisse ad pontificatum Hormisdæ papæ,

ad quem ipse coronam dono misit: nam et ipse quoque Hormisdas papa in litteris ad Remigium Rhemensem episcopum de Clodoveo adhuc supersiste mentionem habet. Putatur quidem irrepsisse mendum apud ipsum Gregorium Turonensem, dum perperam apud eum legitur decessisse S. Martinus anno quadingentesimo duodecimo a passione Domini, cum numerandi fuisset (ut dictum est) a natali Domini anni quatuorcentum et duo. Rursum vero hoc Domini anno quadingentesimo secundo contigisse S. Martini ad Deum transitum, ex S. Prospero etiam sibi vindicat Sigebertus in Chronico: verum errore labitur, dum pro quinto Arcadii consulatu, quo obiit, quantum ejusdem imperatoris ponit imperii annum; sicut et cum ætatis Martini numerat annos octoginta et unum, sedis vero viginti sex. Sed et cum ante obitum sancti Ambrosii decessisse refert sanctum Martinum, prorsus hallucinatus convincitur; cum luce clarius superius sit demonstratum, ante annos quinque, Cæsario et Attico coss., Domini anno trecentesimo nonagesimo septimo sanctum Ambrosium ex humanis discessisse. Ex quibus omnibus, quæ ipse Gregorius tradidit, interfuisse per visum S. Ambrosium S. Martini funeri, evanescere prorsus intelligis. Sed de his in Notis pluribus actum est.

51. Sulpitius Severus, qui S. Martini viventis res gestas conscripsit, de ejus ad cælum conscensu per visum certior redditus, ad Aurelium diaconum Epistolam scripsit: itidemque de obitu atque funere extant ipsius ad Bassulam socrum litteræ. Porro haud pridem ante Martini obitum, Clarus ejus discipulum præcessisse sanctitate clarissimum, idem Severus in dicta Epistola ad Aurelium tradit: de ipso Severo exposcente, S. Paulinus ² Nolanus episcopus duo epitaphia versibus scripsit. Edidit postea idem Severus de rebus gestis S. Martini simulque de Egypti monachis nonnullis tres dialogorum libros; sed haud eo accepti sunt plausu, quo Vita ipsius ab eo scripta: plura enim habent emendatione digna. A S. Hieronymo idem Severus in eodem commentario arguitur erroris Millenariorum, cum in Ezechielem ³ post enumeratos ejus erroris sectatores, addit: « Et nuper Severus noster in dialogo, cui Gallo nomen imposuit, etc. » Quoto insuper Domini anno Severus dialogum illum scripserit, ex his pariter intelligi potest. Nam cum idem dicat S. Hieronymus eos nuper a Severo scriptos; constetque commentarios in Ezechielem, ubi de his agit, anno quo a Gothis capta est Urbs esse conscriptos (ut ex ejus in libris illis affixis Præfationibus apparet) nempe post octo ab hoc tempore annos: utique fatendum est, longe post obitum S. Martini eam a Severo scriptionem elucubratam esse; licet profectio illa Posthumiani in Orientem, a qua sumit dialogorum exordium, contigerit vivente S. Martino, anno videlicet quo ob Origenistas (ut dictum est) contigit

¹ Greg. Tur. hist. l. x. c. 312.

² Greg. hist. l. II. c. 48. — ³ Paulin. ep. XII. — ³ Hier. in Ezech. c. 36. l. XI.

Alexandrinam Ecclesiam turbis exagitari. Porro Gelasius¹ eodem Severi dialogos sub nomine Posthumiani et Galli recensuit ob errores in eis inventos interapocrypha.

52. Quod insuper pertinet ad lucubrations ab aliis editas de vita S. Martini : testatur quidem Gregorius² Turonensis, res ab eo gestas scriptas esse versibus a S. Paulino Nolano episcopo quinque partibus libris; adjecisseque eundem ait sextum librum de miraculis ab eo post obitum editis. Id sane ab eodem Paulino visus est expetiisse Severus, his verbis ad calcem dialogorum appositis de Paulino post alia³ : « Ille, inquit, Martini non invidus gloriarum, sanclarumque in Christo virtutum piissimus aestimator, non abnuet præsulem nostrum cum suo Felice componere ». Hæc ipse. Sed et Venantius Fortunatus de Paulino id ipsum affirmasse videtur illis versibus⁴ :

Stemmate, corde, fide pollens Paulinus, et arte
Versibus explicuit Martini dogma magistri :

et inferius⁵ :

Cujus prosaicus cecinit prius acta Severus,
Versibus intonuit Paulinus deinde beatus :

hæc ipse, intelligens de S. Paulino Nolano episcopo : sed plane decipitur, ut paulo inferius apparebit. Ipse vero Venantius quatuor libris heroico carmine Acta ejusdem S. Martini cecinit : devinctus plane miraculo, cum ejus beneficio extinctum pæne lumen oculorum recepit, ungens eos oleo, quod in lychno ad imaginem ejus ardebat; quod ipse haud ingratus ad finem operis versibus proficitur.

53. Si verum est quod ait Gregorius⁶, Paulinum mutatum esse a Perpetuo Turonensi episcopo quæ libro sexto de miraculis S. Martini conscripsit; plane asserendum erit, alium istum esse Paulinum ab illo Nolano episcopo : nam ab obitu S. Martini usque ad sedem Perpetui anni numerantur sexaginta quatuor, nimirum ex sententia ejusdem Gregorii quadraginta septem sedis Briccii successoris S. Martini, et decem et septem illius qui post sedit, Eustochii : ad quod tempus minime pervenisse Paulinum constat, quem anno Domini quadringentesimo trigesimo primo sub consulatu Bassi et Antiochi obiisse liquet, testificatione Uranii, qui interfuit. Sed et Paulini ipsius auctoris evidenti assertionem satis superque exploratum habetur, ipsum, etsi idem sit nomine, alium tamen diversumque esse a S. Paulino illo mirifico Nolano episcopo; dum his versibus libro 2 scripte vite S. Martini, se etiam exemplo illius majoris Paulini curatum a S. Martino lumine oculorum, tradit :

Quin et Paulino similis medicina salutem
Reddidit, insignis fidei quem gloria late
Extulit, etc.

Subdit præterea :

Atque utinam nostri tenebras contingere cordis
Tali luce velit sancti medicina patroni,
Reddat ut antiqui rursus mysteria facti!
Nomen idem, medicus idem, par causa medendi.

De seniori enim Paulino Nolano episcopo a S. Martino oculo infirmo curato testatur Severus paucis his : « Paulinus vero, vir magni postmodum futurus exempli, cum oculum graviter dolere cepisset, et jam pupillam ejus crassior nubes superinducta texisset, oculum ejus Martinus penicillo contigit, pristinamque sanitatem sublato omni dolore restituit ». Hæc Severus, ad quæ minor Paulinus allusit. Sed et sicut Paulinus iste junior, instar illius senioris, æger oculis curatus miraculo S. Martini pro gratiarum actione rependit de ejus Vita et miraculis carmen heroicum sex libris distinctum; ila et Venantius Fortunatus pariter sanatus oculis jam caligine penitus obductis, scribendi itidem S. Martini Vitam quatuor libris carminum consilium inivit : de accepto enim virtute S. Martini munere hæc habet ad finem operis⁷ :

Ille paries retinet sancti sub imagine formam,
Amplectenda ipso dulci pictura colore :
Sub pedibus justi paries habet arte fenestram;
Lychnus adest, cujus vitrea natat ignis in urna.
Iluc ego dum propero, valido torquente dolore,
Diffugiente gemens oculorum luce fenestris :
Quo præcui ut tetigi benedicto lumen olivo,
Igneus ille vapor marcenti fronte recessit, etc.

Vides morem pristinum, sanctorum nimirum imagines pingi in Ecclesiis, insuper et easdem solitas colli incensarum lampadum lumine : quod plium fidelium obsequium esse Deo gratissimum, ipsa miracula edi solita unctione olei dictarum lampadum, plusquam millicies perspicue demonstrarunt. Sed quod de his fusius actum est primo Annalium tomo, modo satis.

54. *Concilium Milevitanum in quo agitur de variis causis episcoporum, aliorumque, et de prima sede Numidie.* — Quod rursum ad res pertinet Occidentales, hoc eodem anno, VI kal. Septemb. Milevi in Numidia celebratum est ab episcopis totius Africae generale Concilium Milevitanum dictum : quod Milevitanum primum dicendum est, cum aliud inveniat celebratum post annos xiv, ut ex litteris Innocentii papæ ad eandem Synodum missis intelligi potest in notatis ibi consulibus. Sciendum tamen hoc cum illo liberiorum vitio esse confusum : quod enim unum idemque putarunt Milevitanum Concilium, factum est, ut quod alterius esset, alteri adscribendo conjungerent. Sed hæc omnia discernimando, singula singulis reddere curabimus, labora-

¹ Gelas. Conc. Rom. can. de delib. anth., et apoc. — ² Greg. Turon. de mirac. S. Martini c. 2. — ³ Sever. dialog. l. III. in fin. — ⁴ Venant. in Vit. S. Martini l. 1. — ⁵ Idem l. II. prope fin. — ⁶ Greg. Turon. de mirac. S. Martini c. 3.

⁷ Fortun. l. IV. Vit. S. Martini. in fine.

binusque simul, ut Acta nobilissimæ Synodi hinc inde ex diversis S. Augustini scriptis multo sudore collecta, magna ex parte reddamus.

55. Verum ante hæc, quæ inter se communia ambæ hæc Synodi habeant, ex quibus una eademque credita fuerit, dicenda sunt. Ex communi nomine in primis a loco ubi celebrata comparato, factum est ut utrumque unum Milevitani Concilium diceretur: Rursum id ipsum ex eo quod utrumque generale Concilium fuerit, quibus et unus idemque Aurelius Carthaginensis episcopus præfuit: tertio vero loco, quod sub uno eodemque Romano Pontifice Innocentio ambæ Synodi noscantur esse collectæ. Quæ autem hæc adeo similes inter se discriminant multa sunt. In primis tempus: hæc enim sub quinto Arcadii, et Honorii consulatione anno habitam esse constat, illam vero Theodosio septimum consule cum Palladio. Rursum etiam hæc sub Xantippo Numidiæ Primate, illa vero sub Silvano celebrata cognoscitur. Insuper quod alia in ea, alia vero in ista tractata esse reperiuntur, ob id jure ab invicem distinguendæ videntur. Sed et quod illa habita intelligitur post damnatam in Synodo Carthaginensi Pelagianam hæresim, cum hoc tempore nondum ea hæresis cognita esset; plane nulla remanet dubitatio, duo esse Milevitana Concilia inter se diversa: oborta tamen est inter se utriusque confusio ex eo nimirum, quod Præfatio prioris Synodi Milevitane¹ præfixa invenitur in posteriori Milevitano Concilio². Sed reddamus hic ipsam, ut ratio temporis manifestior habeatur. Ista enim præfixa habentur priori Milevitano Concilio, cujus et propria sunt:

56. «Gloriosissimis imperatoribus Arcadio, et Honorio Augustis quinto consulibus sexto kalendas Septembris, in civitate Milevitana in Secretario basilicæ, cum Aurelius episcopus Carthaginensis in Concilio universali consedisset, adstantibus diaconibus, Aurelius episcopus dixit: Quoniam Ecclesiæ sanctæ unum est corpus, omniumque membrorum caput est unum: factum est, volente Deo, et nostram infirmitatem juvante, ut ad hanc Ecclesiam veniremus, dilectionis et fraternitatis gratia invitati. Unde quæso charitatem vestram, quia ita credendum est, quia noster accessus ad vos nec superfluum nec insuavis est cunctis, etc.» Quæ ipsa inveni descripta esse etiam in posteriori Milevitano Concilio, in ordine Conciliorum primo loco posito; cujus rei causa confusio utriusque Synodi facta est: mentio habetur ibi de alia Synodo Milevitana, quæ primo fuerat congregata, ubi idem Aurelius ait: «Quæso charitatem vestram, quia ita credendum est, quod noster accessus ad vos nec superfluum nec insuavis est cunctis, ut consensus omnium vestrum manifestetur concordare complacitis decretorum, quæ jamdudum vel in Hipponensi Synodo firmata sunt, vel postmodum meliore Concilio apud Carthaginem definita; nunc quoque a nobis ex ordine recitentur».

57. Admonendum tamen hic putamus esse lectorem, apud Concilium Africanum sic haberi in-texta Acta quædam hujus Milevitani Concilii, ut tamen cum amborum¹ imperatorum ponitur consulationis, quotus ille fuerit minime exprimitur, sed sic tantum positi legantur: «Gloriosissimis imperatoribus Arcadio et Honorio Augustis viris clarissimis consulibus». Sed scito factum errore imperitorum librariorum, ut loco v. c. numeri notæ, quæ exprimitur quintus eorumdem consulationis, reddiderint illi, «Viris clarissimis». Ceterum abhorret ejusmodi nomenclatura ab imperatoribus, solita tantum poni, ubi alii sub imperatoribus constituti nobilissimi viri eadem consulationis dignitate donantur. Sed et in dicto Concilio Africano, ex ordine posito exploratissime demonstratur, quantum eorundem Augustorum illum debere esse consulationem: nam cum, quod ipsum præcedit superius Concilium, habitum reperiatur sub consulibus anni superioris Vincentio, et Flavito; et quod post Concilium Milevitani, de quo est sermo, ponatur Carthaginense Concilium sub anni sequentis consulibus habitum; plane perspicue significatur, quod medium est Concilium, hoc anno sub quinto ipsorum consulatione celebratum esse. Sed quod superius id constet plana expressione quinti ipsorum consulationis, non est in his amplius immorandum.

58. Quod autem ad ejusdem Synodi Acta pertinet: post confirmata Synodalia decreta, diversorum episcoporum cause in medium sunt allatæ, ut Cresconii episcopi Villaregiensis; cujus causa delata ad Concilium Carthaginense anno superiori celebratum, ad hujus anni generale Concilium coram suo primate Xantippo tractanda fuerat reservata. Quænam autem hæc causa fuerit, quidve decretum, nihil apparet. Tractata post hæc fuit causa Quodvultdei episcopi Centuriensis: de qua illud a Patribus definitum, quod canon editus, et sub titulo de Judiciis in Decretalium libro secundo descriptus habet his verbis: «De Quodvultdeo Centuriensi episcopo, quem cum adversarius ipsius compulisset ad Concilium introduci: interrogatus, an cum eo vellet experiri; primo id promiserat; et altera die respondit hoc sibi non placere, atque discessit: placuit ut nullus eidem communicet, donec satisfactione præmissa fuerit absolutus. Nam adimi sibi episcopatum ante causæ ejus exitum, nulli Christiano videri jure potuisset». Hæc de eo. Post hæc autem libellus lectus est Maximiani Vagiensis episcopi, quo se suæ renuntiare sedi significabat, ut paci Ecclesiasticæ bene consultum esset, alium subrogari in locum suum petens. Causa igitur diligenter a patribus examinata, eidem annuere visum est; deque ea re ejusmodi edidit decretum:

59. «De Maximiano autem Vaginensi (Bagaiensi, Vagiensi), et ad eum, et ipsam plebem placuit de Concilio litteras dari, ut et ipse ab episcopatu discedat, et illi sibi alium requirant». Hæc Synodus.

¹ Tom. 1. Conc. et in Concil. Afric. c. 52.—² Conc. Milevit. præf.

¹ Conc. Afr. c. 52.

Porro sciendum hanc depositionem Maximiani honorificam fuisse, non autem probrosam. Etenim ob pacem Ecclesiae ipse loco cedendum existimavit, deque ea re litteras ad Synodum miserat: quibus S. Synodus voluit annuissse. Ille enim, qui ex Donatistarum schismate ad Ecclesiam Catholicam conversus, haud pacifice reciperetur a populo; bono pacis consulens, sedi renuntiavit. Sed quid per S. Synodum actum sit, discas ex S. Augustini litteris: nimirum ita Patres spontaneam admisisse illius abdicationem, ut tamen in ejus locum ab eis fuerit subrogatus Castorius frater ipsius, ad quem hoc eodem anno extant datæ litteræ S. Augustini atque Alypii; quæ quod nonnihil ad Acta Synodi spectare noscantur, quæ laudes contineant abdicantis se Maximiani, eas hic describendas esse putamus. Sic enim se habent¹:

60. « Molitus est quidem adversarius Christianorum per carissimum atque dulcissimum filium nostrum, fratrem tuum, Catholicæ matri, quæ vos in hereditatem Christi ab exheredata præcisione fugientes pio sinu suscepit, periculosissimum scandalum commovere: cupiens videlicet serenitatem gaudii nostri, quæ nobis de bono vestræ conversationis oborta est, fœda innubillare tristitia ». Ostenditur his germanos hos ex Donatistarum schismate transiisse ad Catholicam Ecclesiam. Subdit vero: « Sed Dominus Deus noster misericors et miserator, consolans afflicto, nutrens parvulos, curans infirmos, ad hoc eum aliquid posse permisit, ut rem correctam multo amplius lætaremur, quam dolebamus afflictam. Longe est quippe gloriosius, episcopatus sarcinam propter Ecclesie vitanda pericula deposuisse, quam propter regenda gubernacula suscepisse. Ille quippe se honorem, si pacis ratio pareretur, digne accipere potuisset demonstrat, qui acceptum non defendit indigne. Voluit ergo Deus etiam per fratrem tuum filium nostrum Maximianum ostendere inimicis Ecclesie, esse in visceribus Christi ejus, qui non sua² quarant, sed quæ Jesu Christi. Neque enim illud ministerium dispensationis mysteriorum Dei victus aliqua seculari cupiditate deseruit, sed pacifica permoluit pietate deposuit, ne propter ejus honorem fœda et periculosa, aut fortasse etiam pernicioosa in membris Christi dissensio nasceretur. Quid enim esset cæcis et omni excecatione dignius, quam propter Ecclesie Catholice pacem schisma deserere, et ipsam pacem Catholicam honoris sui questione turbare? Quid enim laudabilius, et Christianæ charitati commodatus, quam derelicta Donatistarum vesana superbia ita hereditati Christi coherere, ut testimonium unitatis amore probaretur? Itaque quantum ad ipsam attinet, sicut eum gaudemus talem inventum, ut quod in ejus corde divinus sermo edificavit, nequaquam tempestas hujus tentationis everteret: sic optamus et deprecamur a Domino, ut consequenti

vita et moribus suis magis magisque declaret quam bene gesturus fuisset, quod profecto gereret, si hoc opportuisset. Retribuatur ei pax æterna, quæ promissa est Ecclesie, qui intellexit sibi non expedire, quod paci non expediat Ecclesie.

61. « Tu vero, fili carissime, non mediocre gaudium nostrum, qui nulla tali necessitate a suscipiendo episcopatu impeditis: decet indolem tuam Christo in te dicare quod dedit. Ingenium quippe tuum, prudentia, eloquentia, gravitas, sobrietas, et cætera, quibus ornantur mores tui, dona sunt Dei. Cui melius serviant, quam ei a quo tributa sunt, ut et custodiantur, et augeantur et perficiantur, et remunerentur? Non serviant huic sæculo, ne vaneant cum illo, atque dispercant. Nam diu tecum in hoc agendum novimus, quanta facilitate consideres spes inanium hominum, et inhabiles cupiditates, et incertam vitam. Abjice igitur ex animo, quicquid terrenæ et falsæ felicitatis expectatione conceperat: operare in agro Dei, ubi certus est fructus, ubi tam multa tanto ante completa sunt promissa, ut ea quæ restant, inanissime desperentur. Obsecramus te per Christi divinitatem et humanitatem, per pacem ecclesiæ illius civitatis, unde peregrinantis labore temporali æternam requiem comparamus, ut in episcopatu Vaginensis (Vagiensis, Bagaïensis) Ecclesie fratri tuo non ignominiose cadenti vel gloriose cedenti succedas. Plebs illa, cui per tuam mentem et linguam donis Dei fecundatam et ornatam uberina incrementa speramus, in te intelligat fratrem tuum non pro sua desidia, sed pro ejus pace fecisse quod fecit. Hæc Epistola mandavimus ut tibi non legeretur, nisi cum te jam tenerent quibus es necessarius: nos enim te spiritualis amoris vinculo tenemus; quia et nostro collegio multum es necessarius. Cur autem etiam corporalem præsentiam non exhibuerimus, postea scies ». Hactenus Augustinus atque Alypius ad Castorium.

62. Similitudine nominum decepti aliquando, putavimus Maximianum Bagaïensem episcopum eundem esse cum hoc de quo agitur, qui in Synodi canonè Bagaïensis itidem nominatur, sed Vagiensis dicendus potius ex Epistola Augustini. Nam de Maximiano Bagaïensi episcopo diversa ratio est. Ille enim diu Ecclesie illi præfuit, nec se abdicasse dicitur ab Augustino, qui de eodem sæpe agit: hic autem post electionem sedi munitum remisit, ex ejusdem litteris Augustini probe intelligi potest: licet Bagaïensis Maximiani non eadem sit apud S. Augustinum lectio: nam in Epistola ad Bonificium³ Vagiensis Ecclesie antistes nominatur, apud Cresconium vero episcopus Bagaïensis⁴.

63. Quod rursum ad Synodum Milevitana pertinet; meminisse ejus visis est Augustinus⁵ in Epistola ad Eusebium, dum negat sui muneris esse, alferre ad Synodum res gestas in aliena diocesi, quæ ob imminens periculum detulisset ad magistra-

¹ Aug. ep. CCXXXVIII. — ² Philip. 6.

³ Aug. ep. L. — ⁴ Aug. cont. Cres. l. III. c. 42. — ⁵ Aug. epist. CLXVIII.

tus : habet enim hæc verba : « Nam illud quod rursus eum dixisse nonnulli ad me pertulerunt, cur non ierim Constantinam, quando ibi plures ipsi erant : vel me debere ire Milevum, quod illic (sicut perhibent) Concilium proxime habituri sunt. Ridiculum est dicere, quasi ad me pertineat cura propria, nisi Hipponensis Ecclesiæ ». Hæc ipse contra Proentianum apud Eusebium, quem interpellat. Sed qua de re : expedit ut totum id prodatur in medium ; quo innotescat exemplo, quales esse soleant homines, qui deficiunt a Catholica unitate. Describit enim rem gestam idem Augustinus his verbis : « Corripitur ab episcopo suo juvenis, crebris cædibus matris insanus, et impius manus nec illis diebus, cum etiam severitas legum sceleratissimis parcit, a visceribus unde natus est revocans. Minatur eidem matri, se in partem Donati transiurum, et eam, quam incredibili furore solet cadere, perempturum. Minatur ei : transit ad partem Donati, rebaptizatur furens, et in maternum sanguinem frenens albis vestibus candidatur. Constituitur intra cancellos eminens atque conspicuus, et omnium gementium oculis matricidii meditator, tanquam renovatus opponitur. Hæcine tandem tibi placeant, vir gravissimus ? Nequaquam hoc de te crediderim » : Et paulo post : « Quid aliud expectamus, vir honorabilis Eusebi, nisi ut in miseram mulierem senectute decrepitam, viduitate destitutam, a cuius cædibus in Catholica prohibebatur, jam Donatista securus armetur ? etc. » Voluit autem isthæc apud publica Acta deferri Augustinus, ut a magistratu imminenti obviaretur malo : quæ ad Synodum episcoporum a se minime deferenda fuisse ait, quod in alterius hæc acta essent Ecclesia. Vides, lector, quales esse soleant castrorum Ecclesiæ Catholicæ desertores. O si liceret omnium apostatarum nostri sæculi scelera in unum cogere, qui ab Ecclesia Catholica ad hæreticos defecerunt : eis profecto replendæ latrinæ decies centies superarent Augiæ stabuli sordes : ut plane nec unus sit reperiri, qui antequam ab Ecclesia Catholica migret, non ea sepius perpetrarit, quæ si ad Ecclesiastica tribunalia perlata fuissent, recta sententia ab Ecclesia ejiciendi fuissent.

64. Ad hanc quoque Synodum Milevitanam sub Xantippo Primæ Numidiæ celebratam spectare videtur, quod cum privatus officio quidam presbyter delinquens ab Augustino appellasset Synodum, ab ea sex episcopi iudices dati fuerunt. At quenam esset presbyteri hujus causa, ipse S. Augustinus ad Xantippum ipsum scribens ita narrat¹ : « Primo comperi eum pecuniam ejusdem rusticani divino apud se commendato intervertisse, ita ut nullam inde posset probabilem reddere rationem. Deinde convictus atque confessus est, idæ jejuniis Natalis Domini, quo etiam Gippitana Ecclesia, sicut ceteræ, jejunabat, cum tanquam pertracturus ad Ecclesiam suam, valefecisset collegæ suo presbytero Gippitano, hora ferme quinta, et cum secum nullum clericum

haberet, in eodem fundo restitisse, et apud quandam matrem famæ mulierem et prandisse, et cœnasse, et in una domo mansisse ». Subdit de confessione ipsius, et quomodo eum removerit ab officio presbyteratus, atque demum hæc ad eundem Xantippum de Concilii decretis : « Hæc autem præcipue prudentiæ tuæ intimare oportebat, ne aliqua tibi fallacia subreperet : audiavi enim causam ejus cum centum dies essent ante Dominicum Paschæ, qui futurus est VIII id. Aprilis. Hoc propter Concilium insinuare curavi venerabilitati tuæ : quod etiam ipsi non celavi, sed ei fideliter quid institutum esset, aperui ». Et in fine : « Ego certe presbyterum, et qui die jejunii, quo ejusdem loci etiam Ecclesia jejunabat, valefaciens collegæ suo ejusdem loci presbytero, apud famosam mulierem nullum secum clericum habens, remanere et prandere et cœnare ausus est, et in una domo dormire, removeundum ab officio presbyterii arbitratus sum, timens ei deinceps Ecclesiam Dei committere. Quod si forte iudicibus Ecclesiasticis aliud videtur, quia sex episcopis causam presbyteri terminare, a Concilio statutum est : Committat illi qui vult Ecclesiam suæ curæ commissam : ego talibus, fateor, quolibet plebem committere timeo, præsertim quos nulla bona fama defendit, ut hoc eis possit ignosci : ne, si quid perniciosius eruperit, languens impitem mihi ». Hæc S. Augustinus de his quæ ad Synodum Milevitanam sub Xantippo spectare visa sunt : quæ hic volumus inseruisse ; tum ut, deperditis Synodi Actis, resarciam, restituamque ea, quantum fas est, pristinae antiquitati ; tum etiam ad insinuandam censuram sanctorum Patrum adhibitam in conservanda sarta tecta Ecclesiastica disciplina ; intelligasque jejunia non fuisse apud majores in Ecclesia ejus æstimationis, ut pro arbitrio quis ea servanda duceret ; sed ut quæ ex præcepto indicta, vel ex consuetudine introducta essent, visa fuisse legitima, ut eorum transgressores, rei maximi criminis haberentur. Sed quæ reliqua sunt hujus Synodi absolvamus : ibi enim ejusmodi decretum sancitum fuit¹ :

65. « Deinde placuit omnibus episcopis, qui in hoc Concilio subscripserunt, ut matricula et archiepus Numidiæ et apud primam sedem sit, et in Metropoli, id est, Constantina ». Hæc quidem constitutione Patres definiisse voluerunt alterationem duarum sedium in Numidia positarum, quenam potior habenda esset. In duas provincias dividebatur Numidia, eademque duæ dictæ Numidiæ, ut Acta² sextæ Synodi Carthaginensis demonstrant : ob idque alteratio oborta inter Xantippum episcopum Constantinae Numidiæque Primatem, et Victorinum episcopum alterius civilis, primatum ejusdem universæ provincie sibi vindicantem. De ejusmodi alteratione mentio habetur in Epistola ad eundem Victorinum a S. Augustino scripta, cum ab ipso ad Synodum per tractorias vocaretur. Erant tractoriæ (ut suo loco diximus) litteræ ab episcopo

¹ Aug. ep. CCXXXVI.² Apud Conc. Afr. c. 53. — 2 Conc. Carth. vi. in præf.

privatim scriptæ ad instar litterarum imperatorum, quibus imperabatur commeatus in quibuscumque locis a fidelibus in itinere præstandus: in quarum similitudinem, cum Primates sibi subjectos episcopos vocarent ad Synodum, tractorias dare solebant, quibus in singulis Ecclesiis juberebantur excipi, et Christiana charitate foveri. Sed reddamus hic brevem Augustini Epistolam, ex qua antiqui moris Ecclesiastici monumenta reserantur, sic enim ad Victorinum agentem Numidiæ Primalem scripsit¹:

66. « Tractoria ad me quinto idus Novembris venit, jam finito die, et me valde indispositum invenit, ut occurrere omnino non possem. Veruntamen sive imperitiam meam moverit, sive juste motus sim, tuæ sanctitatis et gravitatis est arbitrari. Legi in eadem tractoria etiam ad Mauritanias esse scriptum, quas provincias scimus suos habere Primates. Quod si et ex eis ad Numidianam convocandum esset Concilium: oportuit utique, ut aliquorum Maurorum episcoporum, qui illie priores sunt, nomina in tractoria ponerentur. Quod in ista tractoria non reperiens, multum miralus sum. Deinde ad ipsos Numidas ita perturbato, et neglecto ordine scriptum, ut nomen meum tertio loco invenerim, qui novi quam post multos episcopos factus sim. Quæ res et aliis injuriosa est satis, et mihi invidiosa. Præterea venerabilis frater et collega noster Xantippus Tagastensis (Constantiniensis) dicit, quod eum primatus ipse contingat, et erga plurimos sic habetur, et tales misit Epistolas. Qui etiam error si facile inter vestram sanctitatem cognosci, et corrigi potest; non debuit tamen in tractoria, quam misit venerabilitas tua, nomen ejus prætermitti. Quod si

in mediis locis conscriberetur, et non in primo poneretur, multum mirarer: quanto magis mirandum est, quod nulla tibi ejus admemoratio facta est, qui maxime ad Concilium venire debuit, ut de ipso primatus ordine causa omnium Numidarum episcopis Ecclesiarum primitus ageretur?

67. « His de causis etiam venire dubitarem, ne forte falsa esset tractoria, qua tanta perversitas appareret: quanquam et angustia temporis, et alia graves necessitates meæ multipliciter impedirent. Unde peto beatitudinem tuam, ut mihi ignoscas, et primo instare digneris, ut inter tuam sanctimoniam, et senem Xantippum concorditer constet, quis vestrum debeat convocare Concilium: aut certe (quod salubrius arbitror) sine cujusquam præjudicio ambo convocare collegas vestros, eos maxime qui vobis episcopatus ætate vicini sunt, qui facile quis vestrum verum dicat agnoscant: ut inter vos paucos eadem præ cæteris questio dirimatur; et errore sublato, minores a cæteris convocentur, qui nec possunt, nec debent nisi vobis in hac re tanquam prioribus credere; et nunc ignorant, cui vestrum potissimum credant. Hanc Epistolam signatam misi annulo qui exprimit faciem hominis attendentis in latus». Hæcenus Epistola Augustini. Porro hanc controversiam de primatu Numidiæ in hoc Concilio Milevitano adjudicatam Xantippo, sedique Constantinae, quæ dicta sunt, aperte declarant. Novit et Justinianus imperator², primam sedem Numidiæ esse Constantinam civitatem, in provincia vero Mauritanie Cesaream, in Bizacæna Capsam, in Tripolitana Leptim. At de Milevitana Synodo hoc anno habita hæc satis sunto.

¹ Aog. ep. CCXVII.

² L. II. C. de offic. Præf. præf. Afric.

1. *Arcadii Vicennalia, et Honorii Decennalia.* — Coss. Arcadius Aug. V, et Honorius Aug. V quem consulatum Arcadius ob *Vicennalia* imperii vivente patre inivit, et Honorius ob *Decennalia* ejusdem imperii susceperunt.

2. *S. Epiphanius et S. Chrysostomus inter se dissident.* — A num. 1 ad 19. Monachi *Origenistæ*, quos Constantinopolim adversus *Theophilum* episcopum Alexandrinum venisse diximus, hoc anno libellum supplicem imperatori obtulere, qui jussit *Theophilum* vel invitum Constantinopolim adduci, ut narrat Baronius num. 3 ex Palladio in *Dialog.*

Interim graves concertationes exorta: Constantino- poli inter sanctum *Chrysostomum* et sanctum *Epiphanium*, quorum alter pro Origenistis stabat, alter eisdem adversabatur. Baronius num. 7 Socratem lib. 6, cap. 12, erroris arguit qui dixerit, *Epiphanium* Constantinopoli diaconum ordinasse absque consensu episcopi illius civitatis, Joannis scilicet *Chrysostomi*. Cumque id fecerit antea *Epiphanius* in diocesi Joannis episcopi Hierosolymitani, existimat similitudine nominis deceptum Socratem et qui cum sancti sunt, dum id ab *Epiphanio* factum esse crediderunt in Ecclesia Joannis Constantinopo-

litani. Verum, ut inquit Valesius in Notis ad eum Socratis locum, quis non videt causam non esse, cur Socratem mendacii arguamus in iis rebus quas ipse videre potuit? quod enim iam semel factum fuerat ab *Epiphano* in Palaestina, cur Constantino- poli ab eodem postea fieri non potuit? Neque enim tantum scelus fuit in ordinatione diaconi, quem *Epiphanius* nonnisi rogatus a multitudine adstantium ordinavit. His adde idem narrare Leonem imperatorem, Simconem Metaphrasen, Nicephorum, et Polybium in Vita sancti Epiphanii.

3. *Alii ferebant Origenistis, alii adversabantur.* — Constantinopoli Chrysostomo pro Origenistis agente favit sanctus *Theotimus*, qui « Tomitanorum et Iotius Scythiae Ecclesiam gubernabat », ut narrat Sozomenus lib. 7, cap. 26. Est *Tomi* civitas Scythiae, unius ex vi Thraciae, in ea Ponti Euxini ora, quae Scythia Pontica fuit appellata. Post susceptam Christi fidem sedes Metropolitana Scythiae, eaque sola, ut docet Sozomenus lib. 7, cap. 19, constituta fuit, et sanctis aliquot episcopis refutis. Colitur sanctus *Theotimus* in Martyrologio Romano ad diem xx mensis Aprilis, de quo eo die legenda Acta SS. Bolandiana. Origene extincto *Methodius Tyrius* episcopus, qui Diocletiani temporibus floruit, primus reperitur, qui illius doctrinam impugnavit. Narrat enim Hieronymus lib. de Script. Ecclesiast., cap. 94, scriptos fuisse a Methodio libros de *Resurrectione contra Origenem*; cuius operis fragmentum insigne Panario suo intexuit *Epiphanius* heresi LXIV, et cuius Excerpta representavit Photius in Biblioth. Cod. CCXXXIV. Idem Cod. CCXXXV Excerpta affert ex ejusdem Ecloga περί των γενεών, et Cod. CCXXXVI περί των αὐτοπροσώπων, quibus Origenis dogmata casigantur. At eum sui demum iudicii poenituisse, et velut palinodiam canentem admiratorem se *Origenis* professum esse in Dialogo, quem *Xenonem* inscripsit, auctor est Socrates lib. 6, cap. 13. Verum quidem est Socrati contradicere Baronium num. 17 et seq., mendacique reum peragere hoc argumento, quod laudatum primo a se *Origenem* postea damnarit *Methodius*, ut Eusebius tradit apud Hieronymum lib. 1. Apologiae in Rufinum cap. 2 tantum abest, ut damnatum a se primo, deinde landarit. Verum, ut ait eruditissimus Huetius Abricatus episcopus lib. 2 Origen., cap. 4, Sect. 1, potuit *Methodius* primum Origenem laudare, et deprehensis postmodum erroribus viluperare, et iisdem demum excusatis ad priorem sententiam redire. Praeterea, ut notat Valesius ad eum Socratis locum, Eusebius aperle non dicit Methodium fuisse antea pro Origene locutum. Ille Eusebii verba apud Hieronymum: « Quomodo ausus est Methodius nunc contra Origenem scribere, qui haec et haec de Origenis locutus est dogmatibus ». Ubi non dicit Eusebius, qui haec et haec de Origenis locutus fuerat dogmatibus; sed tantum locutus est quod in utramque partem accipi potest. Addit Baronius, ex Methodii contra Origenem lucubrationibus plurima deprompsisse Epiphanium; quod facere erubuisse, si scivisset pri-

oriam sententiam *Methodium* revocasse. At valeret id, inquit Huetius, si in Dialogo illo scripsisset *Methodius*, quaecumque a se adversus Origenem dicta sunt, falsa esse; sin vero id sibi voluit dimittat, errasse quidem *Origenem*, sed errore condonando, nimisque severe eum ac duriter a se exceptum, cui favere potius propter pietatem et praeclara in Ecclesiam merita debuisset, corruit Baronii ratiocinatio. Postremum ejus adversus Socratem argumentum hoc est, Methodiani Dialogi mentionem extare nullam apud Eusebium, nec apud Rufinum, ac proinde supposititium esse. At respondet Huetius non vidisse Baronium sex Apologiae libros a Pamphilo et Eusebio in gratiam Origenis scriptos, in quibus quaecumque pro illo facere poterant, diligenter collecta fuere, nec *Xenonis* proinde Dialogi mentione praetermissa.

4. *Acta S. Epiphanii vitiosa.* — A num. 19 ad 26. Recte scripsit Baronium num. 25 *Acta sancti Epiphanii* quae extant apud Surium sub nomine Metaphrasas, mendacis sceleris, quod ex pluribus ostendit Papebrocius ad diem xii mensis Maii in Vita sancti Epiphanii Constantiae in Cypro episcopi. Quare male Baronius ex iisdem Actis, narrationem de congressu, et contentione sancti Epiphanii atque *Eudoxiae* Augustae, veritati prorsus contrariam proterit. Nec refert, quod eadem eodem fere modo in S. Joannis Chrysostomi encomio scripsit Leo imperator a Baronio num. 20 citatus. Is enim quinque post rem gestam saeculis, deceptus fuit spuriis illis Actis, aliaque transcripsit, quatenus ad summum argumentum facere videbantur. Quare standum est Sozomeno, qui Historiam suam non mollo post Epiphanii obitum scripsit.

5. *Sozomenus in rebus ab Epiphano gestis narrandis accuratus.* — Multa quidem alia in Sozomeni de Epiphano narratione suggillant Baronius num. 21 et seq., sed ea non videntur in dubium revocari debere. « Ac primum », inquit Baronius, « illud quam procul aberrat a vero, ut Eudoxia perinfensa Chrysostomo faverit monachis illis Origenistis, et Epiphanium fuerit adversata ». Ejus fundamentum est, quod haec Historia aliter referatur a Leone Augusto, qui tamen mutatus est, quae narrat ex portentosa Vita sancti Epiphanii. Denique culpatur Sozomenus a Baronio, quod *Ammonium* Origenistam ponat coram Epiphano exposulantem, quod levi tantum auditu adversus ipsum ac socios monachos Origenismi accusatos clamorem iniecit. At non temere credidit Theophili litteris Epiphanium, utpote « quae scirentur in orbem divulgata atque receptae ab Anastasio Romano Pontifice ». Sed haec de re plura Papebrocius loco laudato, Sozomeni itaque narrationi de Epiphano standum.

6. *Annus enortialis S. Epiphanii certus.* — Prædictiones tamen Epiphanii et Chrysostomi, ut fabulosas, et commentitias Baronius num. 24 jure merito irridet. Nam non solum sanctis hominibus indignae videntur; sed etiam Socrates easdem non refert pro veris ac certis. At quod Baronius addit,

ignorari annum, quo *Epiphanius* obierit, admitti non debet. Cum enim, ut observat Valesius in *Notis* ad Socratem lib. 6, cap. 14, in precedenti narratione conflictus illius, qui fuit inter Epiphanium et Chrysostomum, Socratem sequatur et Sozomenum, quid causæ est, cur in obitu *Epiphani* ab illis dissentiat? Atque enim *Epiphanius*, postquam Constantinopoli discessisset, ut Cyprum navigaret, mortuum esse in navigio, ideoque currenti Christi anno. Certe falli potuere Socrates ac Sozomenus in prædictionibus mutuis Epiphani et Chrysostomi referendis, neque enim satis constat, utrum hæc, quæ uterque historicus narrat, sibi mutuo prædixerint: verum ea quæ Epiphanio et Chrysostomo contigere, certissima sunt; nec ignorari potuere a Socrate et Sozomeno, Epiphani temporibus prope aequalibus.

7. *Dies ejus mortis incertus.* — Socratis itaque et Sozomeni testimonio constare debet, *Epiphanium* præsertim anno ad Deum migrasse; non quidem die duodecima mensis Maii, quo in variis Martyrologiis colitur, quoque Baronius et Papebrocius citatus eum demortuum volunt. Nam Hieronymus in secunda sua Apologia adversus Rufinum hujus anni initio scripta, de *Epiphanio* tanquam adhuc vivente loquitur, ut Baronius ostendit, ideoque prioribus hujus anni mensibus adhuc in vivis erat; et parte alia nulle exemplis liquet. Sanctos aliis diebus, quam quibus obierint, Martyrologiis adscriptos fuisse, cujus rei duo insignia exempla hoc ipso anno referam. Valesius laudatus ait, *Epiphanium* mortuum esse exeunte currenti Christi anno, vel certe sequentis initio ante Synodum ad Quercum, docere *Theophilum* in Epistola ad Hieronymum, quam idem Hieronymus præfixit Paschalibus Epistolis Theophili a se in latinum sermonem conversis. In ea enim Epistola dicit Valesius, Theophilum de Joanne Chrysostomo jam damnato ita scribere: « Sed illo, ut cætera ejus flagitia taceam, Origenistas in suam recipiens familiaritatem, et ex his plurimos in sacerdotium provehens, atque ob hoc scelus beate memoria hominem Epiphanium, qui inter episcopos clarum in orbe sidus effulsit, non parvo mœrore contristans, meruit audire: Cecidit, cecidit Babylon ». Ubi vides, inquit Valesius, Theophilum de Epiphanio loqui jam mortuo, quippe quem *beate memorie* hominem appellat; et ante damnationem Chrysostomi mortuum esse significat. Idem habet Papebrocius citatus, nisi quod asserit eam Epistolam a Theophilo datam, priusquam Constantinopolim proficisceretur ad Synodum, qua sancti Chrysostomi damnatio decreta est, et mortem Epiphani anno sequenti contigisse.

8. *Annus ejus emortualis ex Epistola Hieronymi ad Theophilum perperam deductus.* — Verum Epistola, unde locus citatus desumptus, scripta est, non a Theophilo, sed ab Hieronymo ad Theophilum, cui dedicat versionem trium Epistolarum Paschalium a se curatam, idque post annum quadringentesimum quartum, ut ex ejus lectione appa-

ret: « Nequaquam », inquit Hieronymus in ea Epistola, quæ extat tomo ix ejus Operum, « tardius beatitudini tuæ latino sermone translatum librum tuum remitterem, multa in medio impedimenta fuerunt: Isaurorum repentina irruptio: Phœniciæ Galilæaque vastitas; terror Palæstinæ, præcipue urbis Hierosolymæ, etc. » Isaurorum autem irruptio anno civ facta, et in sequente continuata. Quare jamdiu damnatus erat Chrysostomus, jamdiuque Epiphanius obierat, quando ea Epistola ab Hieronymo scripta, ex qua proinde annus emortualis Epiphani deduci non potest. Ejus Vita, quam græcæ et latine Petavius tomo ii Operum ejus edidit, quamque mox diximus mendacis plenam esse, auctores præfert duos ejus discipulos, *Joannem* peregrinationum variarum comitem individuum, et *Polybium*, qui dicitur postea factus fuisse episcopus *Rynocurii*.

9. *Hieronymus scribit ad Pammachium et Marcellam de iterata damnatione Origenis.* — A num. 26 ad 42. Hoc anno Theophilus episcopus Alexandria secundam Epistolam Paschalem, cujus exordium est: *Solenaitatis augustæ sermo divinus*, etc. promulgavit Alexandriæ in festo Epiphaniæ, ut moris erat, in eaque Origenem pluribus iterum impugnavit. Hanc Hieronymus latinitate donavit, et primo vere ad Pammachium et Marcellam Origenistarum in Urbe adversarios misit cum Epistola ad eosdem scripta, quæ inter Hieronymianas ordine est lxxxviii. In ea ait Hieronymus: « Rursum Orientalibus vos locupletate mercibus; et Alexandrinæ opes primo Romanis vere transmittite, etc. Quem Demetrius Alexandri urbe pepulit, toto orbe fugat Theophilus, etc. En papa Theophilus tota Origenem arguit libertate hæreticum esse, etc. Vos, Christiani Senatus lumina, accipite et græcam et latinam, etiam hoc anno Epistolam, etc. predicationem quoque cathedræ Marci Evangelistæ, cathedræ Petri Apostoli sua predicatione confirmet. Quanquam celebri sermone vulgatum sit: beatum quoque papam Anastasium eodem fervore, quia eodem spiritu est, latitantes in foveis suis hæreticos persecutum; ejusque litteræ doceant, damnatum in Occidente, quod in Oriente damnatum est ».

10. *Ex ea Epistola Historia Origeniana magnam lucem accipit.* — Ex quibus Hieronymi verbis multa imolescent, quorum pleraque jam sparsim tetigimus. Primo Epistolam Paschalem Theophili cujus initium: *Solenaitatis augustæ*, inter Paschales Theophili secundam ordine esse, licet in codicibus exensis prima appelletur, et Hieronymi anno superiori primam Paschalem Theophili, cujus exordium: *Christum Jesum dominum gloriæ*, in qua Origenes damnatur, ad Pammachium et Marcellam Romanis misisse; ideoque deceptum Baronium, qui autumnavit Epistolas Theophili Paschales non eodem anno, cujus Pascha indicabatur, sed superiori missas fuisse. Secunda enim Epistola Paschal Theophili Pascha indicitur celebrandum xi die mensis *Pharmuthi*, seu die xi Aprilis, quo die hoc anno Pascha

peractum. Neque dubitari potest, quin Epistola Paschalis, quæ incipit, *Solemnitatis augusta*, secunda ordine sit, et hoc anno Romam transmissa; cum in ea legantur, quæ Hieronymus in Epistola hoc anno ad Pammachium et Marcellam data memorat. Secundum Hieronymum quando hanc ad Pammachium et Marcellam scripsit Epistolam, ignorasse mortem Anastasii papæ, quæ die xiv mensis Decembris anni proximi acciderat. Tertio, *Theophilum* tam præcedenti anno, quam currenti in suis Paschalibus *Originem* jugulasse, ut verbis Hieronymi utar. Hanc secundum tamen Origenis damnationem a Theophilo die Theophilanorum promulgatam *Anastasius* papa scire non potuit; cum mense Decembri superioris anni ad Denum migrarit. Quarto, verno tempore, quo Hieronymus ad Pammachium et Marcellam scripsit, nondum eum vidisse secundam Anastasii adversus Origenem Epistolam; cum dicat: « Prædicationem quoque Marci Evangelistæ, Cathedra Petri Apostoli sua prædicatione confirmet ». Quam tamen certum est, eum præ manibus habuisse, quando postea secundam adversus Ruffinum Apologiam, de qua mox, conscripsit. Hæc enim Hieronymi verba, quæ in eadem secunda Apologia leguntur: « Esto præteriti anni ego Epistolam finxerim (eam scilicet, quam Anastasius anno elapso ad Joannem Hierosolymitanum dedit) recentia ad Orientem scripta quis misit, in quibus papa Anastasius tantis te ornat floribus? » ultima, inquam, hæc verba, seu, *recentia scripta*, intelligi non possunt, nisi de secunda Epistola ab Anastasio adversus Origenem in Orientem missa, quæ quidem ad nos non pervenit. Quare cum Hieronymus hanc postremam Anastasii Epistolam nondum vidisset, cum hoc anno ad Pammachium et Marcellam litteras dedit, inquit: « Prædicationem quoque Marci Evangelistæ, Cathedra Petri Apostoli sua prædicatione confirmet ». Quod tamen revera jam factum erat. Litteræ vero, quibus Hieronymus doceri dicit, *damnatum in Occidente, quod in Oriente damnatum est*, aliæ esse non possunt, quam litteræ ad Joannem Hierosolymitanum anno superiori scriptæ, quæ extant. Baronius num. 26 et seqq. eas memorat, quia hoc anno datas perperam existimabat.

11. *Epocha hujus Epistolæ secundum Baronium*. — Baronius anno quadragesimo eam Hieronymi ad Pammachium et Marcellam Epistolam datam arbitratur, ut ibidem num. 33 et seqq. videre est, ex eaque collegit, *Anastasium* eo anno Origenis errores damnasse, postquam anno cccxcix Theophilus in Synodo Alexandrina idem præstitisset; et Epistolam Paschalem, ejus in his litteris Hieronymus meminit, primam esse Paschalem Theophili, ac scriptam anno cxi pro Paschate anni cxi, ac denique Hieronymum his verbis: « Si quid autem hic minus adversus Origenem dictum, in præteriti anni Epistola continetur », indicare Epistolam Theophili Synodicam, præterito anno, id est, anno cccxcix scriptam in Synodo Alexandrina; quam utramque Epistolam periisse Cardinalis eru-

ditissimus existimavit. Verum hæc omnia ex dictis evanescent, liquetque Synodicam quidem *Theophili* deperditam esse, sed ad illam non respexisse Hieronymum, quando in Epistola ad Pammachium et Marcellam, eosdem renisit ad Epistolam *præteriti anni*, verum ad primam Theophili Paschalem anno cxi pro ejusdem anni Paschate promulgatam, quæ inter tres Paschales Theophili, quæ omnes extant, secunda in vulgatis codicibus dicitur; cum tamen prima dicenda sit. Sed anno cxi de præpostero earundem Paschalium litterarum ordine, qui Baronium, aliosque in errorem impulit, satis superque disseruimus.

12. *Hieronymus scribit Apologiam n. adversus Ruffinum*. — Hoc pariter anno Hieronymus, non multo postquam Epistolam lxxviii ad Pammachium et Marcellam dedit, secundam Apologiam adversus Ruffinum composuit, non quidem vivente adhuc Anastasio papa, ut omnibus hæcenus persuasum, sed post mortem ejus, ejus nuntium Hierosolymam nondum perlatum fuerat. Ipsemet Hieronymus in ea ejus edendæ causam hanc fuisse docet: « Postquam repulsi crimina, id est, laudes tuas (anno scilicet cccxcix, ut supra vidimus) et absque invidia tui nominis respondi criminibus non criminatori, atque, ut me catholicum a te infamatum probarem, invectus sum in hæreticos, irasceris, furis et inculentissimos libros contra me eudis (libros scilicet Invectivarum anno præcedenti a Ruffino publicatos) quos cum legendos, et cantandos omnibus tradidisses, certatim ad me de Italia et urbe Roma atque Dalmatia scripta venerunt, etc. fateor, illico ad objecta respondi, et me non esse hæreticum totis viribus probare conatus sum. Misique hos ipsos Apologiæ meæ (primæ scilicet) libros, et recentem Epistolam, plenam injuriarum et criminum (ea Epistola ad nos pervenit). Quid me vis facere, bone amice? Taceam? Videbor crimen agnoscere, etc. » Hæc causa Hieronymo condendæ secundæ adversus Ruffinum Apologiæ, et quidem hoc anno, ut inter omnes convenit.

13. *Ea Apologia post mortem Anastasii PP. edita*. — Sedulo autem animadvertendum, licet Hieronymus affirmare videatur duas Anastasii papæ litteras in Orientem diversis annis missas esse, revera tamen nihil aliud indicare, quam se eas duobus diversis annis accepisse; cum ambæ anno superiori Anastasii emortuali scriptæ sint, et postrema *primo vere* hujus anni, quando ad Pammachium et Marcellam scripsit, ei nondum reddita fuisset, ut supra ostendi. Hinc quando in Apologia secunda ait: « Esto præteriti anni ego Epistolam finxerim (Epistolam nempe ad Joannem Hierosolymitanum, quæ extat) recentia ad Orientem scripta quis misit », non intelligit secundam ad eundem Joannem, quæ perit, hoc anno scriptam esse, sed tantum hoc anno a se acceptam. Præterea in eadem Apologia secunda Hieronymus inquit: « Et, ut Epistolam nostram non probes, papæ quoque Anastasii (priorem scilicet ad Joannem Hierosolymitanum)

simili dieis fraude subnixam, de qua tibi antea respondi : quam si suspicaris ipsius non esse, habes, ubi apud eum (quem scilicet mortuum nesciebat) ros arguas falsitatis : sin autem ejus est, ut hujus quoque anni contra te Epistola probant; frustra et falsam arguere niteris; cum ex illius vera Epistola nostram veram esse doceamus», ubi nomine *Iuq̃us anni Epistolæ* Hieronymus denotat tantum Epistolam hoc anno a se acceptam : cum enim Anastasii Epistolæ in Orientem scriptæ sine die et consule fuerint, et scire non posset Hieronymus, an sub finem superioris anni, vel currentis initio secunda Anastasii ad Joannem Hierosolymitanum scripta fuisset, laudata ejus verba aliud non sonant, quam quod mox declaravimus. Hanc explicationem certam reddit mors Anastasii, quæ mense Decembri superioris anni contigit.

14. *Rufinus ab Origene interpretando non destitit.* — Emin. card. Norisius lib. 4 Hist. Pelag., cap. 2, notavit rebus in Oriente turbatis Rufinum Romam se contulisse, idque testari Paulinum in Epistola ad Rufinum inter Paulinianas XLVI, alias XLVII. « Etiamnum », inquit Paulinus, « nunc vos in æstu sollicitudinis et incerto morarum Romam peti indicastis ». Cum vero Paulinus accepisset, Rufinum iterum in Orientem navigaturum, missa per Cerealem Epistola ordine XLVII, alias XLVIII, eundem rogavit, ut Nola invisendi sui gratia transiret : « Remaneat ad Orientem non feres invisitatis nobis abire ». Ad Rufinum non longe ab urbe degisse ex hujus ultimæ Paulini Epistolæ exordio colligitur : « Elsi incertum, inquit, mihi ferit filius Cerealis, quod ad te pertracturus foret in tempore, quo ad Sanctum Petrum revertitur : tamen per eum, qui aque fons ac noster est, non scribere tibi, tam culpabile nobis, quam tibi triste futurum judicavimus ». Rufinus vero Paulino rescripsit : « Communem quidem filium Cerealem nondum videram, sed is conscius, quid mihi doloris indigeret, si redere moraretur litteras tuas, præmisit eas ad me » : additque : « quia autem Quadagesimæ diebus in monasterio Pinneti positus hæc rescripsi ad te, etc. » Est Pinnetum locus suburbanus extra portam Angelicam primo ab Urbe lapide, qui vulgo *Pigneto* Romanis nuncupatur. Interim Rufinus egregium opus *De benedictionibus Patriarcharum*, quod etiamnum extat ad Paulinum perscripsit, in cujus nuncupatoria Epistola ait : « Quantum ergo vel mediocritas intelligentiæ nostræ valet, vel tempus indulget, vel hi sunt, qui rescripta ad Origenem perurgent, etc. » Ex quibus patet primo, Rufinum continuatam Origeni interpretando operam posuisse, neque sancti Anastasii pape sententia ab eo unquam studio deterritum. Hinc *Origenis* in libros Numerorum Commentariorum interpretationem morti proximus exsecutus est, ut infra videbimus. Patet secundo, Garnerium in Notis ad Iohannem Mercatoris pag. 3, perperam scripsisse Rufinum, postquam scriptis Invektivarum libris Aquileiam secessit, tandiu ibi substitisse, donec populantibus

agros urbemque Golliis coactus est fugere in Siciliam, ubi mortuus est. Patet tertio, Rufinum hoc tempore de redeundo in Orientem consilium inisse, cum citata Paulini Epistola XLVI ad Rufinum hoc vel sequenti anno data sit, ut anno eum, num. 13 ostendi. Patet denique utrumque librum *De benedictionibus Patriarcharum* hoc etiam circiter anno a Rufino elucubratum esse; cum primus jam editus esset, quando ea Epistola ad eum scripta, eademque ut secundum componat, Paulinus ab eo postulet.

15. *Origenismus non omnino extinctus.* — Cæterum hæresis *Origeniana* non ita extincta fuit, quin sequenti sæculo revixerit, ac majores tumultus excitaret quam currenti, quia post ejus damnationem adhuc elanculum nutrita fuit. Divus enim Hieronymus in Epistola viii ad Demetriadem anno circiter cxxiii, ut infra videbimus, scripta, hanc sanciam virginem adversus illam præmunire volens, ait : « Et quia vereor, imo rumore cognovi, in quibusdam adhuc vivere et pullulare venenata plantaria, illud te pio charitatis affectu præmonendam puto, ut sancti Innocentii, qui Apostolicæ Cathedræ, et supra dicti viri (nempe Anastasii) successor et filius est, teneas fidem; nec peregrinam, quamvis tibi prudens callidique videaris, doctrinam recipias. Solent enim hujusmodi per angulos mussitare, et quasi justitiam Dei querere : Cur illa anima in illa nata est provincia, etc. Si autem judicia sunt, inquit, Domini vera, justificata in semetipsis, et nihil apud Deum iniquum est : ipsa ratione compellitur, ut credamus animas fuisse in celestibus, et propter quædam antiqua peccata, damnatas in corporibus humanis, etc. Hæc impia et scelerata doctrina olim in Ægypto, in Orientis partibus versabatur, et nunc abscondita, quasi in foveis viperarum, apud pererosos versatur; illarumque partium polluit veritatem, et quasi hereditario malo, serpit in paucis, ut perveiat ad plurimos ». Quantum adhuc vigeret Origenismus, ostendent, quæ dicam anno cxx, num. 41.

16. *Obitus Anastasii PP.* — A num. 42 ad 49. *S. Anastasius* Rom. Pontifex die decima quarta mensis Decembris anni superioris vivere desiit. Diem ejus emortualis notat Martyrologium Hieronymianum, ubi ad illum diem post mentionem aliquot Antiochenorum martyrum, legitur : *Et sancti Anastasii* : Advertit enim Papebrocius in *Conatu Chron.* scriptum fuisse : *Et Romæ S. Anastasii episcopi*, sed incuriosis librariorum duo verba excidisse, quod in eo Martyrologio describendo contigit etiam ad diem viii decembris, ubi habetur : *Romæ Eutychiani*, prætermisso scilicet episcopi titulo, alias in eo Martyrologio addi solito. Præterea Anastasium eo die, annoque præcedenti, e vivis abiisse, ejus Pontificatus duratio demonstrat : licet enim in libro Pontificali vulgato dicatur Anastasius sedisse annos duos, dies viginti quatuor, certum tamen eum sedisse annos tres, dies decem, ut habetur in Orderico lib. 2, pag. 443, in Auctiori Chronico

veterum Pontificum, in Catalogis Palatino, utroque Corbeiensi, Regionis, secundo et tertio Colbertino, et in variis exemplaribus Mss. Anastasii in fine editionis Regie memoratis. Denique in Chronico Ms. Prosperi in Bibliotheca Colbertina asservato, num. 1286 notato, et a quingentes circiter annis exarato, ubi Anastasii initium recte illigatur cum consulatione Honorii Aug. IV et Eulyciani anno cccxcviii gesto, dicitur Anastasius sedisse annos iii, dies xxii, ubi tamen loco *dies xxii*, legendum, *dies x*, ut ex laudatis Catalogis liquet. Quare cum die quinta mensis Decembris anni cccxcviii Pontificatum inierit, die decima quarta Decembris superioris Christi anni mortalitatem explevit, postquam sedisset annos tres, dies decem, die emortui in summam collato.

17. *Refellitur opinio communis de anno et die mortis ejus.* — Baronius, qui hujus Pontificis initium die xiv mensis Martii anni cccxcviii perperam consignavit, eum die xxvii Aprilis currentis anni decessisse arbitratus est, eique annos quatuor, mensem unum, et dies tredecim assignavit, errorisque arguit eos, qui anno superiori eum decessisse tradunt, quive eum annos tantum tres sedisse dicunt, quibus verbis intelligit Omphrium, qui in Chronico Ecclesiastico accurate refert Anastasii mortem ad annum cxi. Sed tamen male ad diem xxvii Aprilis. Verum sine nullo teste Pontificatum ejus ad annum quintum inchoatum prorogat Cardinalis doctissimus, quod Marcellinus et Prosper in Chronicis *Innocentii*, qui Anastasio successit, exordium cum presenti anno illigent: nam certum esse debet, utrumque Chronographum hac in re errasse. Præterea non animadvertit, in libro Pontificali, ubi Anastasius dicitur mortuus *v kalend. Maii*, quo etiam in Tabulis Ecclesiasticis colitur, notari diem translationis, non vero diem emortualem ejusdem Anastasii. Porro S. Anastasius præfatis die et anno mortuum duorum proximorum ejus successorum chronotaxis magis confirmabit.

18. *Dux decretales Anastasii suppositiæ.* — In Epistola Justiniani ad Menam episcopum Constantinopolitanum, ubi sermo est de damnatione Origenistarum ab Anastasio, refertur egregium Theophili Alexandrini de hoc sancto Pontifice elogium: « Audiamus », inquit Justinianus, « et sanctum Theophilum episcopum Alexandriæ, ex sermone ad quosdam monachos scripto, qui Origeni assentirentur; sic enim dicit: Quare anathematizantes Origenem, ceterosque hæreticos, exemplo nostro, et Anastasii sanctæ Romanæ Ecclesiæ episcopi, qui ex veteribus certaminibus clarus, nobilissimus populi dux creatus est, quem et universa beatorum Occidentis episcoporum sequitur Synodus, quæ accepit ac probavit Alexandrinæ Ecclesiæ sententiam in impium latam ». Hæc Theophilus. Dux Epistolæ decretales Anastasio papæ attribuitur; sed utraq; supposititiæ. Prior enim, quæ dicitur scripta *cunctis Germaniæ et Burgundiæ regionis episcopis*, non solum mendosa consulum nota subscripta, contextaque ex variis Innocentii, Leonis, et

Flaviani Constantinopolitani sententiis; sed etiam supponit Burgundiones Christianos fuisse, quos tamen constat adhuc Gentiles extitisse. Baronius num. 48 de prioris sinceritate merito dubitavit; sed de secunda mentionem non fecit, quæ tamen eadem suspitione, qua præcedens, laborat, non solum ob falsam consulationem notam; sed etiam ob stylum, qui procul abest ab Anastasiano, et ob materiam, quæ e fontibus Innocentii, Leonis, et Gregorii hausta. Porro ea secunda Epistola *Neriano nobilissimo viro* directæ dicitur.

19. *Innocentius fit Papa.* — Post Anastasii mortem sedem vacasse *dies xxi* habetur in libro Pontificali, et in Auctiori Chronico veterum Pontificum, quod et de aliis per hæc tempora interpontificiis passim ibidem legitur. Verum sedem vacasse tantum *dies septem*, et die vicesima prima mensis Decembris superioris Christi anni, festo sancti Thomæ Apostoli sacra *Innocentium natione Albanensem* ordinatum fuisse, ex iis, quæ in morte ejus dicuntur, certo constabit, ideoque Damasi, Siricii, et Anastasii chronotaxis accurate a nobis fuisse digestam. Papebrocius laudatus ordinationem *Innocentii* cum die primo Januarii ac festo Circumcisionis currentis anni copulat, sed eo pacto ejus Pontificatum, ut in ejus morte videbitur, mutilare cogitur.

20. *Moritur S. Martinus episc. Turonensis.* — A num. 49 ad 54. Quæ habet hic Baronius de morte sancti *Martini* episcopi Turonensis in dissertatione peculiari jam a me examinata, et demonstratum hujus sancti antistitis mortem contigisse, die xi mensis Novembris anni quadringentesimi. Quare videnda, quæ ibi dixi.

21. *Concilium Milevitanum primum.* — Ad num. 54 et seqq. In Collectione Dionysii exhibetur Synodus *Milevitana* prima, ejusque Prefatio his verbis incipit: *Gloriosissimis imperatoribus Arcadio et Honorio Augg. V cos. sexto kalend. Septemb. in civitate Milevitana.* Quare hæc Synodus currenti anno habita, differtque ab altera ejusdem nominis anno cxxvi celebrata. Existimabat Baronius duo ista Milevitana Concilia in unum compacta a collectoribus, et canones de gratia in secundo editos, transcriptos esse in primum, et cæteris canonibus editis in primo adjunctos. Verum nullos canones *De gratia* edidit secunda Synodus Milevitana, licet *Pelagii* hæresim proscripterit, et episcopi qui ei interfuerunt litteras ad Innocentium papam dederint, quibus ei sententiam suam significant.

22. *Aliqui canones Concilii Milevitani aliis Conciliis attributi.* — Fatendum quidem est, inquit Marca in dissert. de veter. Collect. can., cap. 40, in Collectione veteri canones quosdam desumptos ex Synodo Milevitana prima, compactos fuisse in unum corpus cum aliis canonibus depromptis ex duobus Conciliis Carthaginensibus celebratis anno quadringentesimo septimo, et anno quadringentesimo decimo octavo. Quare huic compilationi sequens titulus præfigitur in veteri: *Concilium sextum Carthaginis*

Africæ, et in Milevitana civitate habitum. Quibus verbis satis significatur hoc corpus e variis Conciliis esse consensatum. Enimvero licet Milevitanum tempore sit potius, quoniam tamen Carthaginis nomen dignitate præcellit, et plures canones petiti sunt et duobus Conciliis Carthaginensibus, hinc Carthaginensis nomen inditum est a veteri collectore, tum etiam, ne perturbaretur ordo numerandi hæc Concilia sub nomine Carthaginensium, quamvis non taceatur in titulo nomen Milevitanum. Legendi idem Marca et Schelstratus in dissert. in de Ecclesia Africana cap. 10, ubi de huius Concilii canonibus agunt.

23. *Numidia in duas provincias divisa erat.* — Baronius num. 65 docet, *Numidiam* in duas provincias fuisse divisam juxta fidem Præfationis Synodi sextæ Carthaginensis, quæ *duorum Numidiarum* meminit: e contra Schelstratus in dissert. i Ecclesiæ Africane cap. 3 et 4, et in dissert. in, cap. 40, et Lupus in Quæstione quodlibetica de Origine Augustinensium cap. 8, contendunt, Mauritaniam Sitifensem eandem esse cum una Numidiarum, Numidiam quandoque vocatam, quod Mauritaniam Sitifensis a Numidia fuerit avulsa. Verum Em. card. Norisius lib. 2 Hist. Pelag., cap. 8, ostendit, reapse Mauritaniam Sitifensem non minus quam Numidiam suam habuisse ab aliis diversum primatum, recteque Baronium duas Numidias dixisse, quod his argumentis probat. In Concilio plenario Milevitano primo hoc anno celebrato hæc habentur: *Xantippus episcopus primæ sedis Numidiæ sua manu confirmavit*, etc. *Nicetus episcopus primæ sedis Mauritanie Sitifensis dixit*, etc. ubi vides Sitifensem Mauritanos, ac Numidas episcopos habuisse distinctos primates. Canone ii Concilii III Carthaginensis dicitur: *Omnes provincie, quæ primas sedes habent, legatos mittant.* At Mauritaniam Sitifensem legatos ad Synodos Africanas misere. In Synodo enim *Cæsario et Attico* cons. anno scilicet cccxcvii habita, Honoratus et Urbanus nominantur legati Mauritanie Sitifensis, uti et in variis aliis Conciliis. Quare Mauritaniam Sitifensem sedem Primatiam habebat. Recte etiam Baronius duas Numidias dixit. In prologo enim plenarii Concilii Africani sub Bonifacio papa anno cxiix Carthagine celebrati dicitur: *Præsentibus legatis diversarum provinciarum Africanarum, Numidiarum duarum, Byzæcor, Mauritanie Sitifensis, et Mauritanie Cæsariensis; sed et Tripolis, etc.* ubi Mauritaniam Sitifensis nominatur tanquam provincia a duabus Numidiis distincta. Quamobrem sicut primas Aquileiensis utriusque Norici Mediterranei et Ripensis Ecclesiæ præest, ita utranque Numidiam unus idemque Primas administrabat.

24. *Quibus nominibus duæ Numidiæ distinguuntur.* — Quamvis autem duarum Numidiarum limites, quibus invicem discernentur, quove vocabulo distingui solerent, apud Scriptores Ecclesiasticos non invenitur. Sed cum Augustinus in Epistola cxi, quæ alias erat cxxx, Numidiam consulare appellavit, apparet eam a viro consulari

administratam fuisse. Ptolemæus lib. 4, cap. 3, *Numidiæ novæ* urbes recensens inter illas neque *Cirtan*, neque *Vagam* nominat, unde istæ videntur pertinere ad Numidiam veterem. Cur autem Numidia *novæ Provincie* nomen sortita sit, tradit Appianus lib. 4 de bello civili, non longe ab initio, et Numidiæ novæ Geographicam tabulam exhibet Ortelius.

25. *Explicatur controversia inter Xantippum et Victorinum.* — Baronius num. 65 illam inter *Xantippum* et *Victorinum* mortuo *Crescentiano* de primatu Numidiæ controversiam exortam putat ex eo, quod cum duæ Numidiæ essent, et in una *Xantippus*, in altera vero *Victorinus* degeret, uterque suæ Metropoli primatum asserere satagebat; at causam Xantippo adjudicatam scribit, quod esset episcopus Constantinæ, quæ totius Numidiæ Metropolis erat. Verum, ut observat Card. Norisius citatus, duorum illorum præsulum litigia, non de jure sedium, sed personæ erant, quinam scilicet esset senior episcopus Numidiæ. Neque enim apud Afros sedes Primatialis erat in Metropoli provincie, sed quandoque in vilissimo oppido, in quo ætate major reliquis episcopos debebat. Testis est Leo IX, Epist. ix ad Petrum et Joannem episcopos Afros, in qua ait: « Sed de Africæ primatibus aliter intelligendum est, quia in singulis ejus provinciis antiquitus primates instituebantur non secundum potentiam alienius civitatis, sed secundum tempus suæ ordinationis, quibus tamen omnibus præerat unus, scilicet Carthaginensis archiepiscopus, etc. » Non ergo quæstio erat inter Xantippum et Victorinum de Metropoli Numidiæ, sed de antiquitate in episcopatu, quod ex Epistola Augustini Lix citata intelligitur: « Ambo, inquit, convocate collegas vestros, eos maxime, qui vobis episcopatus ætate vicini sunt, qui facile quis vestrum verum dicat, agnoscat; ut inter vos paucos eadem præ cæteris quæstio dirimatur, et errore sublato minores a cæteris convequantur, qui nec debent, nisi vobis in hac re tanquam prioribus credere, et nunc ignorant, cui vestrum potissimum credant ». Ecce juniores Numidiæ episcopi nesciebant, uter esset antiquior episcopus, seniores, atque ætate vicini consulendi erant, quibus longe melius, quam junioribus tempus ordinationis ipsorum notum esse poterat.

26. *Xantippus erat episcopus Tagosensis.* — Cæterum uti certum est tempus primatus *Xantippi*, cui Milevitana Synodus prima hoc anno congregata causam adjudicavit, ita incerta est sedes ejus. In citata Epistola Augustini hæc leguntur in vulgatis editionibus: « Venerabilis frater et collega noster Xantippus Tagastensis dicit, quod cum primatus ipse contingat ». At hoc tempore Alypius erat episcopus Tagastensis ante Augustinum episcopus ordinatus, quique interfuit Collationi Carthaginensi anno cxi alisque Synodis. *Alypius* ergo erat sub Xantippo primatus episcopus Tagastensis, et immérito Lupus invehitur in Baronium, quod in margine Annalium num. 66 pro Tagastensi Constantinensem

Xantippum dixerit; addens Tagastensem asserendum esse, quia in re ipsemet Lupus hallucinatur. Sed nec correctio Baronii admittenda: nam hoc tempore, ut observat Card. Norisius, sedebat Constantinæ *Fortunatus*, quod colligitur ex Augustino lib. 1 contra litteram Petiliani cap. 1, ubi ejus meminit: hi vero libri scripti sunt ante mortem Anastasii papæ, ut supra ostendimus. Idem *Fortunatus* Constantinensis fuit unus ex Septem ad disputandum contra Donatistas selectis in Collatione Carthaginiensi, anno cxxi habita. Em. card. Norisius testatur, in tribus codicibus Vaticanæ Bibliothecæ legi *Xantippum Tagosensem*, quorum ex fide corrigendis esse editiones Operum divi Augustini monet, quod et præstitum est a Benedictinis, qui post eum scripsere. «Nec mirum», subdit Card. Norisius, «Tagosam urbem in Geographicis tabulis non reperiri. Nam Africani primates, ut ait Gregorius lib. 1, Epist. LXXII ad Gennadium *passim per villas*, non in civitatibus primariis residebant; et tempore Collationis Carthaginensis erant in universa Africa episcopi DLXVII, cum tamen tot oppida nec Ptolemæi nec Ortelii tabulæ expriment». Denique notat idem Cardinalis errare Lupum, dum reprehendit Baronium, quod *Xantippum* primatem ante *Sylvanum* posuit, cum certum sit, *Xantippum* hoc anno, quo coactum Concilium primum Milevitanum, fuisse episcopum primæ sedis Numidiæ, ut ibidem dicitur, et *Sylvanus* Primas anno cxxvi coegerit Milevitanum Synodum II contra Pelagianos.

27. *Theodosius Jun. Augustus nuncupatur.* — Auctor Chronici Alexandrini hoc anno scribit: «His coss., Theodosius Junior Constantinopoli ad Hebdomam in tribunali ab Arcadio patre, mense Audynæo, IV idus Januarias creatus est Augustus», die nempe quo Honorius Arcadii germanus frater a Theodosio Magno patre imperator nuncupatus fuerat, annoque quo Arcadius *Vicennalia* celebravit, ut morem invaluisse sæpius insinuavimus. Eundem consulatum, Arcadii nempe et Honorii V, eundemque diem exhibet Socrates lib. 6, cap. 6. Idem habet Marcellinus in Chronico, nisi quod mensem et diem non memorat. Quare quando Marcus diaconus in Vita sancti Porphyrii episcopi Gazensis cap. 6 ait: «Natus vero Junior Theodosius, fuit in Incem editus in purpura. Unde etiam cum primum fuisset natus, fuit reuntiatus imperator», non loquitur de solemnibus Theodosii inauguratione, sed de designatione ejus ad imperium, ad quod anno post suam nativitatem evectus est. Si extaret Græcum originale hujus Vitæ, interpretem locum illum non accurate vertisse constaret: anno enim sequenti Theodosius consulatum de more novorum principum iniit, annoque cxxvii quinquennalia edidit, ut infra videbimus. His adde Theopbanem in Chronico testari *Arcadium* reliquisse Theodosium filium octennem, *ad imperii consortium ante sex annos adscitum*, quod verum non esset si Theodosius anno superiori imperator dictus esset, cum Arcadius anno cxxviii vitam cum morte commutavit.

28. *S. Nicetas Romaciænæ episcopus Nolam iterum venit.* — Jam ante quatuor annos Nolam venerat sanctus *Nicetas Romaciænæ* civitatis in nova Dacia episcopus, eoque currenti anno reversus est; ideo plus solito *Paulinus* animatus et incitatus in sancti *Felicii* presbyteri Nolani laudem Natalitium carmen 9 prolixius et sublimius quam superioribus annis cecinit, ubi Nicetam summis laudibus exornat. Et quia timuerat, ne adventus ejus bello Gothico præcluderetur, ait:

Venisti tandem quarto mihi redditus anno.
Sed grates Christo, quia vel te sero revertis.
Quam metui ne te mediis regionibus hostis
Disclusum opposita bellorum nube teneret!
Sed desideria superantibus, obvia nobis
Vincula rupisti: nec te mare, nec labor ullus,
Nec Gothici tenere metus, etc.

Male Baronius anno cccxcvii, num. 14, carmen illud Natalitium sancti *Felicii* IX cum superiori Christi anno illigat, ut ex ibidem dictis liquet. Porro *Gothos* in Italiam hoc anno irrupisse, sequenti, quo de ea irruptione Baronius agit, videbimus.

29. *Ravenna fit sedes imperii Occidentalis.* — Ab hoc tempore *Honorius* Occidentis imperator, *Mediolano*, ubi post Theodosii Magni mortem constitit, ferme derelicto, *Ravennæ* sedem constituit. Indeque hac urbs Regia imperatorum regumque sedes extitit. De hac Honorii Ravennæ mora legendus Claudian. *De sexto consulatu Honorii* anno cxxv gesto.

30. *Duo Francorum reguli a Stilicone debellati.* — Hoc etiam circiter anno sedes præfecti prætorio Galliarum *Treviris Arelatem* translata, Trevirorum urbe a Francis in Gallias irruentibus prima vice eversa. Neque enim citius Arelate Galliarum Metropolis effecta; cum lex 50 Cod. Theod. *De cursu publico*, dicatur PP. XV kal. Jul. *Triveris, Valentinianno A. IV et Neoterio cons.*, id est, *Treveris proposita*, ubi ideo præfectus prætorio Galliarum adhuc residebat anno cccxc. Præterea anno superiori, quo Concilium Taurinense celebratum, Septem provinciæ Galliarum vulgo dictæ nondum in unum corpus coaluerant, ut ibidem indicavimus, neque etiam episcopus Arelatensis, qui de primatu Metropolitico cum episcopo Viennensi certabat jus suum a sede præfecturæ Gallicanæ, sed a missione sancti Trophimi deducebat, seque Metropolitam Ecclesiasticum tantum asseribat; cum contra postea ex utroque capite urbem suam esse Metropolim, edictaque sibi imperialia favere contenderit. Sulpitius Alexander apud Gregorium Turonensem lib. 2, cap. 9, refert, *Marcomerem et Sunnoem* Francorum regulos, *Valentiniano II* imperante et Maximo, ac Eugeniano tyrannum regnantibus, sæpius in Gallias irruisse, sed Treviros adhuc stetisse manifeste indicat. Stilicone rem Romanam in Occidente regente, uterque regulus Gallias iterum turbare cepit, et limites pacisque leges prætergredi. Quare Stilico Gallis Romanisque pæne totam Cisrhenanam infe-

gram restituit, utroque regulo capto ac in exilium misso, quam in rem Claudianus in lib. 1 de primo consulatu Stiliconis, versu 235.

Acie nec jam pulsare rebelles.
Sed vinculis punire licet : sub iudice nostro
Regia Romanus disquirat crimina carcer.
Marcomeres nunoque docent : quorum alter Etruscum
Perdidit exilium : cum se pignatret alter
Exulis ultorem, jacuit mucrone snorum :
Res avidi conscribere novas, odioque furentes
Pacis, et ingenio scelerumque cupidine fratres.

31. *Alii reges ab eodem Francis præfecti.* — Ex duobus itaque Francorum regibus alter in exilium a *Stilicone* missus, sed cum alter evasisset, seque ad bellum et vindictam fratris accingeret, ipsimet Franci proprios reges aspernari, quam Romanos lacerare maluerunt. Post hæc *Stilico* Francis alios reges præfecit, ut testatur idem Claudianus lib. 1 in Eutropium, versu 375.

Tum forte decorus
Cum Stilicone gener pacem implorantibus ultro
Germanis responsa daret, legesque Caycis
Ardens et flavis signabat jura Suevis.
Ihs tribuit reges, his obside fœdera sancit
Inducto.

Quibus consonat quod Claudianus lib. 1 de Laudibus Stiliconis, versu 235, canit :

Provincia missos
Expellet citius fasces, quam Francia reges,
Quos dederis.

Principes a *Stilicone* Francis præfecti anno cōvii adhuc regnabant, quando Gothi, Vandali, aliique Barbari Gallias ingressi sunt, et pro Romanis militantes cæsi, ut colligitur ex Orosio lib. 7 Historia, cap. 27, qui de his Barbaris loquens, ait : « Francos proterunt ; Rhenum transeunt ; Gallias invadunt ».

Quem locum non intellexit Gregorius Thronensis laudatus, qui ait : « Orosius, et ipse Historiographus in vii operis sui libro, ita commemorat : Stilico congregatis gentibus Francos proterit. Rhenum transit, Gallias pervagatur » ; cum tamen id Orosius non de Stilicone, sed de Vandalis, aliisque Barbaris scribat. Non videtur dubitandum, quin *Marcomeres* et *Sunno* urbem Trevirensis tunc diripuerint everterintque, et duobus aut tribus post annis sedes præfecturæ Gallicanæ *Arelatem* translata fuerit.

32. *Treviris primam excisis sedes præfecturæ Gallicanæ Arelatem translata.* — Verum quidem est, plures recentiores Historicos hanc primam Trevirorum cladem a Francis illatam, alios in annum cōvi, alios in annum cōvii couferre. At non video id sustineri posse ; cum ipsimet Franci contriti sint anno cōvii, dum pro Romanis adversus Barbaros militarent ; et parte alia Honorius imp. in Constitutione ad Agricola præfectum Galliarum datam *XI kalend. Maii, acceptam Arel. X kalend. Junius domino Honorio XII et Theodosio* (subaudi VIII coss.) ut in ejus fine legitur, anno scilicet cōxvii jubeat, ut posthac annis singulis *id Metropolitana, id est, in Arelatensi urbe* Septem Galliarum provinciarum conventum habeant : « Siquidem », subdit imperator, « hoc rationabili plane probatoque consilio, jam et vir illustris præfectus Petronius observari debere præceperit, quod interpolatum vel incuria temporum, vel desidia tyrannorum, reparari solita prudentiæ nostræ auctoritate decernimus ». Constantinus autem, qui tyrannidem in Britannia arripuerat, anno cōvii in Gallias venit, et sedem apud Arelatem fixit, ideoque jam antea hæc urbs sedes præfecti prætorio Galliarum fuerat, jamque conventus illi *Septem provinciarum*, aut neglecti, aut interrupti fuerant. Quare hoc circiter anno conventus ille institutus, et præfectura prætorii Galliarum urbi Arelatensi attributa, postquam duobus aut tribus annis rebus Gallia afflictis, certo loco non constitisset.

4. *Theophili Alexandrini Constantinopolim adveniens studia in Joannem Chrysostomum, quæ auget Eudoxia cum cæteris sanctoribus episcopis.* — Christi annus quadringentesimus tertius novis

consulibus Theodosio Augusto atque Honorio Fastis adscribitur : quod funestum illud accidit, ut a conciliabulo Joannes Chrysostomus deponeretur. Ante autem quam hæc aggrediamur, meminisse,

lector, debes, res Joannis Chrysostomi anno superioris eo nos statu reliquisse, ut qui ipsi faverent Egyptii monachi, adversus Theophilum accusationes proposuerint; quarum causa Theophilus Alexandria jussus esset Constantinopolim proficisci: cum interea S. Epiphanius Constantinopolim sponte veniens pugnaturus adversus Origenistas, cum alias innumeras turbas inter episcopos concitatas reperisset, re infecta, ad suam est reversus Ecclesiam. His vero in memoriam revocatis jam reliquum est, ut quæ hæc secuta sunt, ordine rerum gestarum pro temporis ratione narremus. Ac primum de adventu agamus Theophili Constantinopolim, ubi diutius immoratus est; qui in itinere positus complures collegit episcopos, secumque duxit Constantinopolim; habens in animo, quod postea explevit, adversus Joannem apud Constantinopolim Synodum celebrare. Erat inter alios episcopos Theophilo faventes, qui tamen ante Theophilum Constantinopolim venerat, Acacius Berœensis fama notissimus tum ob monasticam antea vitam in Syriæ solitudine, tum etiam sacrarum peritia litterarum; de quo ista Palladius ¹ in dialogo:

2. « Per idem tempus contigit, ut Acacius episcopus Berœæ adveniens, honesto (ut dicebat) careret diversorio. Quæ ex re indignatus ira exandescibat, quasi fuisset a Joanne contemptus. Victus autem cogitationibus improbis, ex abundantia cordis verbum plenum stultitiæ protulit, dignum ipsius animo, presentibus quibusdam Joannis clericis dicens: Ego ipsi ollam condico. Et ex eo Severiano conjunctus episcopo Gabalensi, et Antiocho episcopo Ptolemaidis (erant hi æmuli in dicendo Joannis Chrysostomi eloquentiæ) et Isaac Syrolo, circumforaneo falsorum monachorum duci, qui omne tempus contriverat in maledictis, linguam semper adversus episcopos instruens, quo pacto adversus Joannem, imo adversus Salvatorem armare se queant. Mittunt primum Antiochiam, adolescentiæ illius (nempe Joannis) crimina studiose inquirentes. Ubi autem defecerunt scrutantes scrutationes, nihilque invenirent, quo illius fuerent gloriam, Alexandriam ad Theophilum mittunt, ejus novarum versatile ingenium ad hujusmodi sapienter vicissim machinanda. Ille postquam litteras juxta eor suum legit, oblatam sibi malignandi materiam amplexus perlibenter, horrido silentio scrutabatur, inquirens occasionem aliquam non levem contra Joannem ». Hæc Palladius.

3. Sed inter hæc oborta est occasio, ut Eudoxia Augusta in Joannem aliqui ante perfensam, in ipsum acerbins exandesceret: quamobrem Theophili acceleravit adventum, quo eo ad deponendum ipsum Joannem artifice uteretur. Quidnam id fuerit, explicabimus paucis. Accidit ut Joannes pro concione, opportuna data occasione, ab illo Regni ² exordium sumeret: « Congregate ad me sacerdotes dedecoris, qui comedunt mensam Jezabel, ut dicam

eis, sicut dixit Elias: Quousque claudicatis utrisque poplitibus? Si Baal est Deus, ambulate post ipsum. Si autem Jezabel quoque mensa ipsa est Deus, comedentes evomite ». Ist hæc autem ipsa, ut dicta adversus Eudoxiam Augustam interpretati adversarii, eadem ipsi retulerunt: quibus illa acceptis, in Joannem acrius commota est, et de ejus depositione per Theophilum machinanda indefesso consilio animo vertere sedulo, et opere implere non destitit. Etenim quæ Joannes dixerat de sacerdotibus comedentibus de mensa Jezabel, ad Severianum, Antiochum, et Acacium æmuli referebant, quod hi ab ipsa Augusta Constantinopoli alerentur, aptantes ob id Jezabel nomen Eudoxiæ. Hæc quidem Socrates ¹ atque Sozomenus ² ante Theophili adventum acta voluit; cæterum Leo ³ et Metaphrastes post adventum Theophili ista referunt: quod si verum est, certe quidem inter sacerdotes Jezabel Theophilum adnumeratum oportuit. Sed et accidebat, ut quoties invectiva aliqua Joannes malas feminas insectaretur, ea mox delatores in Eudoxiam esse dicta referrent. Sed jam de ipso Theophili adventu agamus.

4. Visum est quasi plane prodigium, ut Theophilus ad dicendam causam vocatus reus et iudicandus, idem quasi triumphum agens adveniret Constantinopolim, plures habens se comitantes episcopos; et ingressus urbem quodam miraculo ex reo conversus sit in actorem, adversus Joannem Chrysostomum judicium paraus. Sed unde id portentum acciderit, in medium afferamus. Jam enim audisti eloquentissimos illius temporis episcoporum Severianum, Antiochum, et Acacium, et Joannis adversarios Constantinopoli diutius commoratos, ac dicendi facundia haud paucos in ipsum concitasse, et in partes Theophili perduxisse. His accessit, quod majoris efficacie videri poterat, Eudoxiæ (ut vidimus) in Joannem animus concitatus. Porro quantum virium sit femina iracunda, cui sit conjuncta potentia, puto neminem ignorare: rursus vero quam proum sit genus mulierum sectari studia, et in quam partem semel inhæserint obstinato animo immobile inhærescere, æque exploratum omnibus esse. Quam ob causam accidit, ut Eudoxia Augusta, et aliæ clarissimæ feminæ in Joannem Chrysostomum furore succensæ, partes Theophili tuendas ardentissimo animo susceperint: quænam autem istæ fuerint, Palladius ³ recenset his verbis: « Mulieres præterea quæ celebres sunt, tres viduæ quidem, sed opulentæ, in perniciem salutis suæ pecuniam ex rapina possidentes, quæ virorum quoque constantiam perturbare possint atque concutere, Marsa (Martia) Promoti uxor, Castritia Saturnini, et Eutraphia quædam nimia insaniam fervens: cætera eloqui verecundia prohibet. Istæ, atque isti (nempe tres duces manu militari parati subsidium ferre

¹ Socr. l. vi. c. 14. — ² Sozom. l. viii. c. 16. — ³ Leo. imp. in Encom. et Mel. in Vi. Chrys. — ⁴ Pallad. Dialog. de reb. gest. Joan. Chrys.

¹ Pallad. dialog. rerum gest. Joan. Chrys. — ² 3. Reg. xviii.

Theophilo, necnon tres recensiti episcopi pro eodem stantes) cum haud infideli corde sint segnes, velut phalanx furore ebria in unam sententiam odiosam concurrentes, adversus Ecclesiasticam pacem torrentem prodicionis per summam insaniam concitarunt ». Hæc Palladius. Adjunge his episcopos naufragos, quos a Joanne depositos superius diximus, qui in eum nihil prætermiserunt consilio opeque moliri. Adde insuper clericos Constantinopolitanos majori ex parte ob duras reprehensiones in suum ipsorum antistitem concitatos. Appone ad hos etiam studia episcoporum Orientalium et Occidentalium, ob susceptos Constantinopoli Origenistas, a Joanne ipso nonnihil aversa, erga vero Theophilum propensiora. His, inquam, omnibus simul in unum concurrentibus, Theophiloque faventibus, factum est, ut reus veniens, causam dicturus, mox in actorem conversus fuerit, imo et in judicem transformatus.

3. Sed quid de Theophili adventu Constantinopolim idem Palladius¹ scribit, hic reddamus; quem hoc anno contigisse, quæ superiori anno et præsentī haud pridem sunt dicta significant: « Appulit vel secundo Theophilus (primo enim illic advenerat, quo tempore Joannes natus erat episcopus) adstans veluti Thebanus timo oneratus, eis quos ex Ægypto et India ipsa conduxerat, et pro foetida invidia flagrantiam spirans, Constantinopolim ingreditur sexta hora, quinta sabbati, a nautico comitatus agmine, turpem referens gloriam, de qua dicit Apostolus²: Quorum gloria in confusione eorum, subinferens, qui terrena sapiunt. Hospitaturque non in tabernaculis iustorum, Ecclesie mansionem fugitans, oblitusque Davidici illius³: Elegi abjectus esse in domo Dei mei, magis quam habitare in tabernaculis peccatorum. Sed profecto arebat hunc ab Ecclesia consuetudina crudelis ». In palatio enim apud imperatorem paratum fuisse Theophilo diversorium, tradit Sozomenus⁴. Cæterum ipse S. Joannes Chrysostomus in Epistola ad Innocentium papam in suburbio Theophilum mansisse tradit, nec civitatem ingredi voluisse. Subdit vero Palladius: « Remoratus illic tres hebdomadas dierum, neque cum episcopo Joanne congressus est (ut solent episcopi) neque omnino propinquavit Ecclesie: sed perstitit certans nocte ac die, novumque odium veteri copulans, ut episcopum Joannem omnimodo pelleret, sed vita quoque ipsa privaret, partim profusione aurī contra veritatem superstitionem potentium redimens, partim lautioribus epulis gule deditos quosque sub jugum mittens, partim assentatione et spe majoris dignitatis fallaces ex clericis quolibet inducens. Hos igitur omnes absque funiculo voluptatibus vinciens, veluti blandum quispian demonem, animarum exantato judicio, ad scenæ ministerium personam dæmoniācam inquirebat, quam etiam est assecutus.

6. « Pulsi a Joanne fuerant duo et pro sceleribus suis separati ab Ecclesia: horum ille abusus levitate hortatur ut adversus Joannem libellos darent, pollicitus eos restituere in ministerii sui locum (erant autem hæc illorum scelera, alterius quidem homicidium, alterius vero adulterium) quod et fecit: eos enim post Joannis exilium locis restituit suis, datis scilicet libellis, quos ipse ille dictaverat, nihil veri continentes, præter id solum, quod monere ille consueverat, ut post communionem, aut aquam, aut pastillum degustarent, ne contra voluntatem una cum saliva sive pituita quicquam sacramenti excrarent, ipse prius id faciens, religionemque pie sentientibus augens ». Hæc ipse: certe quidem in Occidentali Ecclesia antiquo usu in more receptum est, ut post sumptam sacram Eucharistiam ea de causa vinum aqua mixtum fideles accipiant, vel aquam puram arbitratu ejusque; ut ex hoc minime reprehendendus Joannes esset. Cæterum haud unam hanc rem tantum oblatis continebant libelli, sed plane viginti novem formata sunt adversus eum accusationum capita, quæ singula Photius in Bibliotheca sua recenset, nosque de his inferius suo loco.

7. Quod ad hanc causam spectat; accidit plane Theophilo, ut bene currenti pedibus in via lapsus, cum in declivum præceps adactus ruina alterius, casu graviore corruerit. Etenim laudandus ejus impetus ille fuit, qui adversus Origenistas commotus est; commendandusque zelus ejus in eorumdem propulsionem latebras captantium ubique serpentium: id quidem pleno ore S. Hieronymus, S. Epiphanius, sanctus itidem Anastasius papa, ac denique Occidentales omnes summis laudibus prædicarunt. Verum cum in Joannem Chrysostomum, causa publica prætermissa, inimicitias privatas exercuit: aperuit calumniantibus januas obtrectandi, et optimos quosque animo a se abalienavit, unde et perpetuam suo nomini ignominiam irrogavit, redditus posteris eo nomine odiosus; cum tantum virum, Joannem dico, quem innocens imbuta litteris adolescentia illustrarat, monasticisque institutis exculta juvenus nobilitarat, necnon disciplina atque exercitatio clericalis Antiochie mirifice sublimarat, ac denique ipsa pontificalis functio, nullo præpedita terrenarum rerum affectu, Deo, angelis, et hominibus commendarat: talem (inquam) tantumque virum, columnam Ecclesie conatus sit Theophilus comparatis undique machinis deorsum in terram prosternere, penitusque conterere. Sed longe aliter ac concepit animo, accidit, ac plane contrarius est consecutus eventus: siquidem ille persecutione clarior, calumniis illustrior, ac denique morte toti orbi radiis immortalitatis effulsit.

8. *Quid Chrysostomus quadraginta stipatus episcopis, ad Synodum judicii subeundi causa vocatus a Theophilo, egerit et dixerit.* — Sed prosequamur res tunc gestas a Palladio¹ episcopo, qui

¹ Pallad. ibid. — ² Philip. iii. — ³ Psal. xxiii. — ⁴ Sozom. l. viii. c. 17.

¹ Pallad. dialog. de reb. gest. Chrys.

interfuit, ita descriplas : « Cum vero, inquit, Theophilus libellos suscepisset, conversatur apud Engraphiam una cum Severiano et Antiocho, et Acacio, ac reliquis Joanni propter ejus castissima monita infensis. Mos enim erat illi, juxta Paulum, publice et per domos honestatem edocere, et eas hujusmodi maxime verborum castigatione conspescere, quæ cum jam anus per ætatem essent, juvenes tamen apparere vellent : Quid, inquires, cogitis corpus rursum juvenescere, cincinnos in fronte ferentes instar meretricum, ad decessionem influentium, et congregredientium vobis, idque cum silis viduæ ? » Extant quidem ejusmodi objurgationes sæpius repetite in ejusdem Joannis Chrysostomi homiliis. Sed pergit Palladius :

9. « Congregati autem requirebant quo pacto judicium inchoarent. Unus vero ex assistentibus monuit, porrectis ut libellis imperatori, ipsum etiam invitum ad Concilium traherent. Factum est igitur hoc, sicuti sub Judeis quondam, auro illis per omnia suffragante. Eramus cum Joanne quadraginta episcopi tunc in episcopatus triclinio sedentes, admirantesque quomodo qui solus venire jussus erat, ac pro nefariis respondere criminibus, tot sociatus episcopis venerat : quo item modo sententias principum immutaret, et complures de clero perverlerat. Sic autem sermocinantibus nobis, afflatus Spiritu sancto Joannes repente omnibus ait : Orate, fratres : ac si quidem diligitis Christum, mei gratia suam nullus Ecclesiam deserat. Ego enim jam delibor, et tempus resolutionis meæ instat, juxta sententiam Pauli¹. Multas (ut video) pressuras proximum patiar, atque ita demum excedam e vita. Scio enim versutiam satanæ, quod non ferat se meis quotidie sermonibus lacessiri. Atque ita demum mihi præstare miserationis affectum, ut in orationibus vestris memineritis mei.

10. « Mœrore igitur ineffabili detenti, alii quidem effundebamus maximam vim lacrymarum : alii vero e Concilio egrediebantur, oculos ejus sacrumque caput, una et os illud pretiosum et beatissimum exosculantes, neque se a fletu et singullibus continere valentes. Hortatus redire ad consessum huc atque illic in morem apum circum alveare crebro murmure perstreptentium : Sedete, inquit, fratres, et flere desinite : ne me amplius affligatis : mihi enim vivere Christus est, et mori lucrum. (Jam enim fama vulgaverat, ob fiduciam illius magnitudinem capite truncandum esse). Et si tenetis (ait) memoria, reminiscimini quomodo semper dixerim vobis : Via est via præsens, ejus et tristitia et læta pertranseunt. Nundina sunt, quæ cernimus omnia : vendimus, enim, modo divertimus. Num Patriarchis meliores sumus, Prophetisquæ et Apostolis antecellimus, ut immortalis hic nobis permaneat vita ? Ad hæc ingemiscens quidam ex præsentibus, dixit : At vices lugemus nostras, nostramquæ desolationem, qui pupilli relinquimur, Ecclesiæ

viduitatem, confusionem legum, ambitionem non timentium Dominum, et gubernaculis Ecclesiæ sese importune ingerentium, destitutos pauperes, desertamque doctrinam. His ille auditis, indice dexteræ manus leve nodum sæpius pulsans (consueverat enim vir Dei inter animi curas atque æstus hoc facere) ita se alloquente ait : Sufficit, fratres, non plura prosequi. Verum (ut dixi) vestras Ecclesias non dimittatis. Neque enim a me doctrina Christi cæpit initium, neque item in me desitura est. Nonne Moyses mortuus est ? numquid Jesus inventus post illum non est ? Nonne Samuel obiit ? nonne David unctus est ? Excessit vita Hieremias : nonne reliquit Baruch ? Assumptus est Elias : nonne prophetavit Elisæus ? Capite cæsus est Paulus : nonne post se reliquit Timotheum, Titum, Apollo, et innumeros alios ? His dictis, Eulisiis Apamæ Bithyniæ episcopus ait : Necessario, si Ecclesia tenerimus, communicare cogemur atque subscribere. Ad hæc sanctus Joannes : Communicate quidem, ait, ne scindatis Ecclesias : verum nolite subscribere : nihil enim mihi conscius sum, propter quod deponi aut deici merear.

11. « Cum inter eos ista referuntur, nuntiati sunt ad stare pro foribus hi quos Theophilus miserat. Jubet eos profutius ingredi. Ingressos, ejusnam essent gradus, interrogat. Episcopos esse ubi didicit, orat, ut sedentes, quam ob causam advenierint, dicant. Illi autem : Breve tantum habemus, inquit. Jubete illud legi. Quod ille ubi annuit ; mandant Theophili puero, ut legeret : legit. Erat autem hic textus : Sancta Synodus ad Quercum congregata (erat autem locus trans mare sic vocatus, Ruffini suburbium, in quo illi convenerant Joanni, neque addentes id quod profecto erat, episcopo (solet enim ferme obæcatus animus non rite aspicere, sed ea volvere et conspici, quæ passio dicat) libellos contra te accepimus, mala continentes innumera. Occurre igitur, Serapionem et Tigrin presbyteros assumens tecum : est enim illis opus ». Hactenus breve missum. Erant vero qui missi sunt, Dioscorus et Paulus et Lybia juvenes admodum.

12. Quod autem ad locum Synodi ad Quercum dictum : « Fuit », inquit Sozomenus¹, « id suburbium Chalcedonis, quod a Ruffino consulari jam cognomen habet, in quo et regia est et ampla ecclesia, quam ipse Ruffinus in honorem Apostolorum Petri et Pauli extruxit, et Apostoleum ex his appellavit, monachos etiam in vicino collocavit qui clerum Ecclesiæ supplerent ». Hæc Sozomenus. Post hæc Palladius addit : « Postquam lecta est pagina, contradicunt hi qui cum Joanne erant episcopi : et Theophilo per episcopos tres, Lupicinum, Demetrium, et Eulisiū, et presbyteros duos Germanum, et Severum hæc rescribentes : Noli Ecclesiæ negotia solve : noli confundere ordinem, et ne scindas Ecclesiam, propter quam Christus descendit ad terras. Quod si impatiens solvis Nicæni

¹ 2. Tim. IV. — ² Philip. II.

¹ Sozom. l. VIII. c. 17.

Concilii canones, causasque citra terminos tuos cognoscere vis; ipse ad nos transi in bene institutam civitatem: neque instar Cain Abel in campum provocas: ut nos te primum audiamus. Habemus enim contra te libellos capitum septuaginta, apertas et nefarias actiones continentes. Pluresque per Dei gratiam sumus, quam Synodus tua, congregati non ad eversionem Ecclesiæ, sed pacem. Nam tua quidem Synodus triginta et sex habet episcopos ex una provincia: nos autem quadraginta sumus ex provinciis variis, in quibus et septem sunt Metropolitæ: et necessario convenit pauciores a pluribus ac præstantioribus secundum canones iudicari. Habemus enim et Epistolam tuam, per quam admones coepiscopum nostrum Joannem, non oportere citra terminos suos episcopos iudicare. Quocirca Ecclesiasticis obtemperans legibus, accusatores tuos ora, ut a tua accusatione desistant. Ad hæc motus Joannes, episcopis suis ait: Vos quidem, quod vobis videtur, scribite: me autem convenit, ad ea quæ mihi sunt scripta rescribere.

13. « Sic itaque Theophilo mandavit, dicens: Ego, an aliquis dicere contra me quippiam possit, hactenus nescio. Porro si quis proposuit contra me, vultisque veniam; manifestos inimicos meos, quos mihi negligentia sua facit infestos, conventu vestro primum abjicite: neque jam de loco contendam, ubi me oporteat iudicari, etsi id maxime in civitate fieri oportuit. Sunt autem, quos ut suspectos renno, Theophilus, quem et in Alexandria et Lyca dixisse certum est: in comitatum proficiscor, ut Joannem deponam. Id ex eo verum probatur, quod adveniens neque congressus est mihi, neque communicavit. Qui ergo ante audientiam inimicus comprobatus est, quid post in iudicio facturus putatur? Acacium itidem abjici postulo, qui dixit: Ego ipsi ollam condidio. Quid autem de Severiano et Antiocho dicam, quorum facinora sæculi quoque theatra canunt? Itaque si me revera venire vultis; hos quatuor, si quidem iudices sunt, Concilio pellite: sin autem accusatores, eos ad iudicium sistite, ut sciam quo mihi ordine certandum sit, utrum quasi contra adversarios, an adversus iudices standum: omninoque non solum ad charitatem vestram, verum et ad omnem quoque universalem Synodum venire paratus sum. Scitote igitur, quod si milles miseritis ad me, nullum aliud responsum a me reportabitis.

14. « Illis exeuntibus, notarius edictum habens regium, per quod juxta illorum postulata invito traheretur ad iudicium, vestigio ingressus urgebat. Ubi notario responsum fuerat, nuntiantur duo Joannis presbyteri, Eugenius quidam, qui factionis contra episcopum Joannem mercedem acceperat Heracleæ episcopatum, et Isaac monachus (ne aliter dicam) ita nuntiantes: Mandat tibi Synodus: ut transeas ad nos, responsurus ad crimina. Contra vero Joannes per episcopos alios ita respondit: Quanam, oro, consequentia, quo ordine iudicatis, qui neque inimicos meos vultis abjicere, et me per clericos meos accersitis? » Ista Palladius. Socra-

tes¹ vero atque Sozomenus² addunt jam quarto a Synodo Quercus ad iudicium episcoporum vocatum ipsum fuisse Joannem Chrysostomum, eundemque demum post alia provocasse ad Synodum œcumenicam. Clerum quoque Constantinopolitanum ad eandem Synodum esse vocatum comminatione depositionis, si venire detrectaret, idem Sozomenus tradit.

15. Cum autem tum ab episcopis qui cum Joanne erant, tum ab ipso Joanne plures causæ fuerint allatæ, cur minime teneretur se Synodali illi sistere iudicio: certe quidem minime prætermissum fuisset, cum et tempus peropportunitum et urgens necessitas imperasset, Constantinopolitanæ œcumenicæ Synodi illum citare canonem (si revera id ibi decretum fuisset, et non per imposturam annexum) quo decernebatur; sedem Constantinopolitanam primum post Romanam tenere debere locum; ac proinde nihil juris sibi Theophilum vindicare potuisse, ut in Joannem ipsum Synodum congregaret, si inferior Theophilus Joanne fuisset. Sed quod alia jura nova deficerent, ipse Joannes ad antiquum canonem Nicæni Concilii provocat, quo limites Ecclesiarum fuerant definiti: ut plane intelligas, nullam penitus penes Joannem Chrysostomum fuisse canonis illius cognitionem, sed per imposturam additum.

16. Antequam autem reliquis in ea Synodo res gestas in medium adducamus, dicendum cur locum illum trans pontum ad Synodum celebrandum delegerint episcopi adversarii. In promptu quidem ratio illa est, ob evitandas scilicet Constantinopolitani populi turbas. Probe enim sciebant, illum suo episcopo additissimum, nec nullo pacto laturum Joannem e sede deponi: qui nec tandem tardaret tumultuari, nisi ab exercitu imperatoris in officio contineretur. Sed hand his valuit omnino cohiberi, cum quæ in Joannem in Synodo decreta essent, certo postea nuntio accepissent. At de his suo loco dicendum. Dum autem Synodus in Quercu ab episcopis ageretur, populus pro suo episcopo die noctuque vigilans sollicitè agit exubias: plures enim illud insumpsit dies iudicium Synodale. Cum inter hæc ipse sanctus Joannes Chrysostomus ex more hand desisteret ad populum concionari, quem cernebat frequentissimum confluisse. Tunc enim egregiam illam habuit orationem, qua summam in rebus adversis constantiam præ se fereus, ita est exorditus³: « Multi quidem fluctas, et undæ immanes: sed submergi non vercor; quia super petram sto. Iusanti licet inare, petram non potest commovere: insurgant quantumlibet fluctas, navis Jesu obrui non potest, etc ». Par esset illam integram hic describere, ac ne apicem quidem unum prætermittere, imo et eandem sæpius lectitare, atque memoria commendare; ntpote quæ non solum invicti roboris animi, infractique sacerdotalis vigoris

¹ Socr. l. vi. c. 14. — ² Sozom. l. viii. c. 17. — ³ Chrys. homil. do expulsiōis sui ipsius, tom. v.

constantiani representet, sed quæ omnibus persecutionem patientibus habeat paratum antidotum : ut nemo sit inveniri adeo oppressus animo ac dolore penitus consternatus, quin una ejus inspectione non erigatur : sed quod præ manibus inter alia ejus scripta habeatur, nimis proluxatis causa vitandæ desistimus. Reddemus hic tantum quæ de populi totius erga eum affectione et studiis ad finem sic habet : « Ecce quot dies sunt quod vigilatis, et nullum vestrum somnus inclinauit, nec temporis spatium frangit : nullum timor, nullum minæ deterrent ; sed terror eorum fortiores vos reddit. Video enim vos, quod semper optavi : ideo quod contempsistis mundi negotia, renuntiastis omnibus : nihil jam de terra, neque de terrenis actionibus cogitatis. Ad cælestia vos migrasse jam cerno : absoluti estis vinculis corporis, ad beatam illam et cælestem contenditis philosophiam. Hoc mihi sufficit vidisse de vobis ; hæc mea consolatio ; ista me in agonibus meis velut unguenta quædam corroborant, et fortiorem me agonibus reddunt ». Hæc ipse Chrysostomus, quod videret populum pastori suo posthabere bona omnia, relinquere opifices officinas, rusticos deserere agros, navigia nautas, lucrum existimantes temporalium rerum jacturam, et mori vivere, si daretur pro sacro antistite caroque parente vitam quocunque profunderet.

17. *Capita accusationum adversus Chrysostomum prolata in Synodo ad Quercum.*—Sed jam Acta Synodi, quæ licuit reperire, reddamus : ac primum calumniarum in Joannem Chrysostomum congestarum acervum hic revolvamus, quas ejus adversarii mentitis coloribus verisimiles reddiderunt. Extant apud Photium in Bibliotheca, a meo autem Federico Metio intimo amico translata : a quo integrum ipsum Photium latinitati jam redditum, magno desiderio expectamus edendum : sunt autem hæc verba Photii : « Legimus conciliabulum . in quo adversus sanctum Joannem Chrysostomum conveniunt Theophilus Alexandrinus, Acacius Berœensis, Antiochus Ptolemaidis, Severianus Gabalorum, Cyrinus Chalcædonensis episcopi, et alii. In quo accusatores iidem testes et judices erant. Hæc autem commentariis tredecim gesta sunt, duodecim adversus S. Joannem, tertius decimus vero est contra Heraclidem ab ipso in Ephesiorum episcopum ordinatum, cujus condemnationem et privationem neque perficere potuerunt : nam alii quidam obstiterunt. Accusator quidem Heraclidis fuit Macarius episcopus Magnesiorum : Joannis vero Chrysostomi fuit apertus inimicus et primus ejus accusator Joannes ejus diaconus. Accusabat autem primo Chrysostomum, quod ipsum injuria affecit, eum excommunicando, quia filium suum Eulalium verberavit.

« Secundo, quod Joannes quidam monachus mandato Chrysostomi fuit verberatus, et protractus, et instar obsessi a dæmone ferrea catena victus.

« Tertio, quod margaritas multas vendidit.

« Quarto, quod marmora S. Anastasiæ, quæ

Nectarius ad exornandam Ecclesiam reliquerat, ipse vendiderit.

« Quinto, quod clericos dicebat nullo honore dignos, corruptos, inutiles, vel qui abusibus delectabantur, et aliis præterea contumeliis afflictebat.

« Sexto, quod S. Epiphanius nugacem et dæmoniacum dicebat.

« Septimo, quod adversus Severianum commenta et insidias struxit, irritans adversus eum decanos.

« Octavo, quod adversus clerum sycophantiis et calumniis plenum librum condidit.

« Nono, quod cum congregasset Concilium totius cleri, tres diaconos sistit Acacium, Edaphium, Joannem, accusans eos, quod suum pallium furati essent, dicens : Quis novit an ad alium usum aliquo pacto illud acceperint.

« Decimo, quod Antonium, qui convictus esset sepulcrorum effossor, episcopum ordinaverat.

« Undecimo, quod Joannem comitem in seditione militum ipse denunciavit.

« Duodecimo, quod neque procedens in Ecclesiam, neque exiens orabat.

« Decimo tertio, quod non in Ecclesia, ut par est, ordinavit diaconos et presbyteros.

« Decimo quarto, quod in una ordinatione quatuor episcopos ordinavit.

« Decimo quinto, quod recepit mulieres, solus cum solis agendo, omnes alios rejiciendo foras.

« Decimo sexto, quod hæreditatem a Thecla relictam erit per Theodolum.

« Decimo septimo, quod de redditibus Ecclesiæ quid agatur, sciat nemo.

« Decimo octavo, quod Serapionem accusatum, presbyterum ordinavit.

« Decimo nono, quod communionem amantes totius universi, ut illi libet clausos et in carcere mortuos neglexit, et neque deducere, et prosequi eos ad eorum tentoria, et tabernacula dignatus est.

« Vicesimo, quod sanctissimum Acacium injuria affecit, neque illum loqui sivit, vel reddere rationem.

« Vicesimo primo, quod Venerium presbyterum tractavit cum multa contumelia.

« Vicesimo secundo, quod Porphyrium presbyterum tradidit Eutropio, ut ejiceretur in exilium.

« Vicesimo tertio, quod illi soli præsto esset balneum ; et postquam lotus fuerit, Serapion prohiberet introitum, ut nullus alius lavaretur.

« Vicesimo quarto, quod multos absque testibus ordinavit.

« Vicesimo quinto, quod solus comedit, agens vitam Cyclopis turpiter et voluptuose.

« Vicesimo sexto, quod ipse accusat, ipseque testimonium perhibet, et ipse judicat : idque patere dicunt ex iis quæ adversus Martyrium protodiakonum, et Proceresium Lyciæ episcopum patravit.

« Vicesimo septimo, quod pugno percussit Memnonem in Ecclesia Apostolorum ; et profluente

sanguine ex ore ejus, nihilominus obtulit sacra mysteria, et Eucharistiam.

« Vicesimo octavo, quod in throno exiit et induit, et pastillum comedit.

« Vicesimo nono, quod pecuniam etiam largitur episcopis ab ipso ordinatis, ut clero suppeditet. Capita quidem hæc sunt. Ipse vero quatuor vicibus vocatus non accessit, respondens illis qui convocabant: Si apertos hostes ab ordine iudicum segregatis, præsto sum accedere, et causam tueri meam: sin minus id vultis facere, quoties mittetis, nihil minus fiet.

18. « Examinarunt et perpenderunt primum et secundum caput istorum. Deinde ceperunt de Heraclide et Palladio Helenopolis episcopis agere. Et iterum dedit libellum Joannes monachus, cujus diaconus Joannes in accusationibus adversus Chrysostomum mentionem facit, accusans Heraclidem, quod sit Origenista, et quod fur sit deprehensus in Cæsarea Palestina, vestes diaconi Aquilini furatus; et quod quamvis talem, Joannes tamen episcopum in episcopatu Ephesi ordinavit. Accusabat etiam Chrysostomum, quod multa mala passus a Serapione propter Origenistas, illum nihilominus ludenti animo dimisit.

19. « Deinde his examinatis novum caput fuit perpensum et discussum accusationum viginti novem. Deinde iterum accusavit Acacius episcopum Heraclidem, ut Origenistam, et qui abstinent a sanctissimo Epipliano episcopo, neque in oratione communicavit illi, neque in convivio. Dedit etiam idem Acacius libellum adversus Chrysostomum talia continentem:

« Primo de sæpe dicto Joanne monacho quod vapulavit propter Origenistas, et quod ferreis catenis fuit obstrictus.

« Secundo, quod B. Epiphanius propter Origenistas Ammonium, Eutychium, Eusebium, et Heraclidem, et Palladium, noluit cum Chrysostomo communicare.

« Tertio, quod hospitalitatem deseruit, solus studens comedere.

« Quarto, quod adversus Ecclesiam loquitur, illius altare furiarum plenum appellans.

« Quinto, quod gloriatur adversus Ecclesiam, dicens: Amore pereo, et insanio. Et quod debet declarare, quanam sint furie, et quid significet, amore pereo, et insanio: Ecclesia enim haud novit talia.

« Sexto, quod aditum aperit peccatoribus, dicens: Si iterum pecces, iterum penitentiam facito: et quoties peccaveris, accede ad me, et ego te curabo.

« Septimo, quod blasphemias conversus ad Ecclesiam profert, dicens, quod Christus orans non fuit exauditus, quod non bene oravit.

« Octavo, quod populum seducit, ut seditio fiat adversus Synodum.

« Nono, quod Ethnicos, qui Christianos male tractaverint, suscipit, et habet in Ecclesia, et illis præstat.

« Decimo, quod invadit alienas parochias et episcopos ordinat.

« Undecimo, quod clericos inauditos injuriis affecit et contumeliis.

« Duodecimo, quod depositum alienum vi rapuit.

« Decimo tertio, quod absque consensu, et Synodo, et inconsulto clero, præter mentem cleri ordinationem facit.

« Decimo quarto, quod Origenistas suscipit; et eos qui cum Ecclesia communicant, et venerunt cum litteris commendatitiis, in carcerem detrusos non curavit, sed in ipso mortuos, neque omnino respexit.

« Decimo quinto, quod alienos servos nondum libertate donatos, sed delictis obnoxios et accusatos, episcopos ordinavit.

« Decimo sexto, quod Isacium contigit multa mala pati ab hujusmodi facinorosis hominibus.

« Arsacius archipresbyter, qui ipsi successit, et Atticus presbyter testimonium dixerunt contra Chrysostomum. Sententiam primo dixit Gymnasius episcopus, postremo Theophilus Alexandrinus, omnes numero quadraginta quinque. Scriptæ sunt Synodice ad clerum Constantinopolitanum de facta depositione Chrysostomi. Missa quoque est relatio ad reges. Traditi illis etiam libelli tres a Gerontio, Faustino, et Eunomio, quibus querebantur, se injuste a Joanne depositos. Facta etiam fuit responsio imperatoris ad Synodum. Sunt ibidem actiones de Heraclide episcopo». Hucusque Photius de Synodo habita apud Quercum.

20. Sed subit interdum animum meum haud levis suspicio de Actis istis, quod spuria sint, et ab adversariis S. Joannis Chrysostomi post ejus obitum conficta. Quandoquidem in eis desiderari videntur (licet tam multa habeant), quæ in se ab illis objecta fuisse, ipsemet Chrysostomus tradit. Nam ad Cyriacum episcopum scribens, cum a sede dejectus est, hæc habet: « Multa quidem adversus me confixerunt, et dixerunt quod ad communionem non jejunos receperim. Et si quidem hoc feci, expungatur nomen meum ex albo episcoporum, et non scribatur in libro Orthodoxæ fidei. Quoniam ecce si tale quid admisi, abiciat me etiam Christus a regno suo. Sin autem pergunt hoc mihi objicere, et contendere; deponant et Paulum, qui postquam cenavit, totam domum baptizavit: deponant et Christum ipsum, qui postquam cenatum est, Apostolis communionem dedit. Dicunt, quod cum muliere dormierim. Exhite me, et invenietis membrorum meorum mortificationem. Sed hæc omnia per invidiam excogitarunt». Hactenus de his Chrysostomus. Quod igitur quæ hic recenset maxima omnium esse videbantur accusationum capita: cum inter quadraginta illa sex enumerata minime reperiantur; ut de fide Actorum illorum dubitem, justa ratio persuadet; cum et ab aliis alia ejusdem Synodi Actorum addantur capita, quæ in eisdem Photii Actis minime sit reperire.

21. Sed quænam hæc sint, adjiciamus. Ait enim Sozomenus ¹ : « Hoc loco Theophilus una cum cæteris episcopis conveniens, de libris Origenis nullam quidem mentionem fecit : sed Scelenses istos monachos ad penitentiam invitavit, polliculus se neque injuriæ acceptæ fore memorem, neque mali quæquam esse facturum. Cum igitur suis clamoribus illos urgerent fautores Theophili, ut veniam peterent, et interim simularent Synodum pro ipsis supplicare : monachi perturbati, atque hoc plane fieri oportere rati, multis episcopis presidentibus, illud scilicet quod illis dicere solemne est : Etiam si injuriam fecerimus, ignosce, inquit. Theophilo igitur illos prompte in gratiam simul et in communionem recipiente, soluta est cognitio, quæ adversus Scelenses istos instituta fuerat. Quod opinor non ita successisset, si una cum reliquis monachis Dioscorus et Ammonius adfuissent. Nam Dioscorus jam ante mortuus, in templo Mocii martyris est sepultus : Ammonius autem modo, cum Synodus convocaretur, corpore languere cepit ; et postquam ad Quercum trajecisset, morbo gravior correptus fuit, et non multo post finivit vitam, et apud vicinos monachos, ubi etiam jacet, splendidam sepulturam sortitus fuit ». Hæc Sozomenus.

22. At cum de his agit Palladius, tantum tribuit suis Origenistis, ut sanctitatis culmen eos attingisse, atque etiam miracula edidisse falso testetur. Testis domesticus, satis est. Sed pergit Sozomenus : « Theophilus tandem, ubi id intellexisset, illacrymasse fertur, ac dixisse, quod inter universos monachos suos talis non esset, qualis fuisset Ammonius, etiam si ipse barbarum exstisset auctor. Processerat interim illi et hoc ex sententia ». Hactenus ipse. Sed in his nihil prorsus apud Acta a Photio summatum collecta, quorum tamen primo loco fuerat mentio habenda : nulla præerea memoria de his quæ sunt ab eadem Synodo acta adversus episcopos a Joanne missos suæ defensionis causa, de quibus ista Palladius ² : « Ad hæc illis episcopis captis, alium ceciderunt, alium considerunt, alii ferrum collo imposuerunt, quod sancto viro præparaverant ; ut ita injectus in navim, in loca mitteretur ignota ; demone illos, leonum instar in ferociam excitante ». Hæc de his quæ spectant ad Synodum.

23. *Lata sententia, in exilium Chrysostomus pellitur, ac deinde ob publicas calamitates restituitur, plaudente populo.* — Subdit vero Palladius : « Comperta illorum immani impudentia, sanctus seipsum cohibuit. Fortissimi autem illi viri, contextis commentariolis, quæ aranearum telis infirmiora ad probationem erant, contra sanctum sententiam proferunt, cujus neque faciem viderant, neque audierant vocem, die una conficientes nequitiam, quam longe ante texuerant. Neque enim cohiberi potest diabolicus impetus, consilii semper et morarum impatiens. Missaque relatio est ad imperatorem ita exordiens :

24. « Quoniam accusatus Joannes quorundam criminum, consciusque ad ea diluenda occurrere noluit : hujusmodi vero deponunt leges ; id quod et passus est. Continent autem libelli et læse majestatis crimen. Jubeat hunc pietas vestra expelli, vel invitum daturum tanti criminis pœnas : nobis enim ista non licet inquirere ». Hactenus relatio : sed exclamat Palladius : « O infelicissimi, quæ sentitis et facitis, ea erubescitis facere : non Deum plane, sed homines reveremini, sive metuitis. Erat autem id crimen maledictum in reginam, quam (ut illi detulerunt) Jezabel appellaverat. At boni viri illi, ferro cædi sanctum videre cupientes, ita detulere. Deus autem et eorum penitus iniquitatem nequitiam patefecit, et principum corda molliovit, sicut Danieli ⁴ dudum in Babylone contigerat. Illic enim leones in mansuetudinem conversi, homines vero efflerati sunt, non parentes Prophete ; corripuitque Deus eos qui præter naturam efflerati erant, his contra naturam in mansuetudinem versis. In hunc modum Joannes Ecclesia pellitur, misso ad id comite cum auxilio militum, non secus quam ad barbaricum prælium. Pulsus autem, agellos ad Bithyniæ Prenetum occupat ». Ista de Joannis expulsionem Palladius.

25. Porro exturbationem Joannis Chrysostomi profundo jam vespere factam, per militesque perductum ad navim, secutumque immensum totius populi lamentum, idem ipse Joannes docet Epistola, quam sequenti anno ad Innocentium papam scripsit ; eam suo loco reddemus. Arguendus ex his, qui id meridie esse factum, Socrates ² narrat, dum ait : « Joannes triduo post ejus abdicationem, circiter meridiem, adversariorum manibus clam multitudine seipsum ultro obtulit : cavebat enim ne propter ipsum tumultus concitaretur. Sic igitur abducitur. In populo autem immensa seditionis flamma incenditur : atque ut in hujusmodi tumultibus usu evenire solet, complures qui erga illum ante infenso et inimico animo fuerant, tum quasi mutata sententia, eum commiserari ceperunt : et qui paulo ante eum abdicatum videre cupiebant, tum falsis criminibus circumventum prædicarunt. Itaque complures tum contra imperatorem, tum contra Concilium episcoporum vociferati sunt, contraque Theophilum potissimum, quem criminationis in Joannem conficere auctorem existimarent : nam insidiæ, quas Joanni paraverant, amplius in obscure latere non poterant. Et quanquam multis aliis argumentis perspicue deprehendebantur, tamen vel maxime ex eo, quod cum Dioscuro et ejus fratribus, qui Longi dicebantur, statim post Joannis abdicationem communicavit ». Sed id antea factum diximus ex Sozomeno. Subdit vero Socrates quæ sequuntur :

26. « Tum Severianus in Ecclesia docens, tempus sibi oblatum putavit, quo in Joannem opportune inveheretur ; et ob eam causam palam dixit,

¹ Sozom. l. VIII, c. 18. — ² Pallad. dialog.

⁴ Dan. VI. — ² Socr. l. VI, c. 14.

illum, licet nullius alterius criminis esset convictus, jure tamen propter insolentes et superbos mores abdicatum esse: omnia enim peccata hominibus condonari, sed Deum (ut sacra Scriptura docent) superbis resistere. Quæ cum dixisset, multitudo fuit ad graviorem seditionem concitata. Qua de causa sine mora imperator Joannem Chrysostomum revocandum curavit. Idcirco Briso imperatricis eunuchus, eam ob causam missus, in Preneto (est hoc quidem emporium e regione Nicomediæ situm) eum offendit, reducitque Constantinopolim». Hæc Socrates. Porro quod ipse ait, commotione illa populi adductum esse imperatorem, ut cum Constantinopolim postliminio revocaret; terræmotum quoque factum esse, quo cubilis imperatoris pars collapsa est, Leo imperator in encomio de Chrysostomo asseverat. Sed de eo hæc tantum Palladius¹:

« Media vero transierat dies, cum motum quemdam fieri in suburbio contigit. Perterriti ex hoc, Joannem, misso notario, revocant: ut plane acciderit propter justum suum² Dominum commovisse terram». At Theodoretus³ ejus veritatis firmior atque certior adstipulator hæc ait: « Cum vero noctu terræmotus factus esset, et terror inde imperatrici incussus, Constantinopoli urbi Mariæ (sic dicta, quod dicata illi fuisset) præmittuntur prima luce legati ad Joannem exulem, oratum, ut quamprimum ad urbem redeat, periculumque ei impendens depellat. Post quos alii mittuntur legati: post illos etiam alii: adeo ut Bosphorus refertus esset legatorum turba. Ubi vero fidelissimus populus illud intellexit, ostium Propontidis navigiis operuere: omnes namque cum cereis accensis ei obviam fiunt. Atque pro eo quidem tempore hostium illius conjurata manus dissipata est». Hæc de his Theodoretus. Addit autem hæc Socrates⁴:

27. « Verum quamvis hoc modo esset revocatus; non tamen prius in urbem ingredi, quam coram majoribus judicibus innocens probatus esset; sed in suburbio, quod Mariane dicitur, ad tempus permanere constituit. Cum autem moram faceret, nec ad civitatem vellet redire: multitudo indigne et graviter ferens, protinus eos, penes quos imperium erat, maledictis vexavit. Quapropter necessitate adductus, ad urbem reverit. Multitudo prodit illi obviam, eumque summa reverentia ad Ecclesiam recta deducit: orat ut sedem episcopalem capessat, moreque consueti populo pacem preceat. Cum ille recusasset, diceretque hoc non ante faciendum esse, quam cum causa ejus esset judicio disceptata, tum hi qui ipsum condemnarant, mutata sententia, absolvent, magis incendi copit: tanta enim cupiditas cum eum in sede collocatum videndi, tum de integro concionantem audiendi illam incesserat. Itaque populi impulsu res sic connecta est. Cum Joannes esset in sede episcopali locutus, et de more pacem populo precatus fuisset,

coactus etiam necessitate concionatus est. Quæ res adversariis alterius criminationis materiam suppeditavit; verum ad tempus illam consensitam jacere passi sunt». Hæc deus Socrates: sed adjungit ista Sozomenus⁵: « Coactus itaque extemporalem quamdam orationem habuit: et ex venustissima similitudine argumento sumpto subindicavit, Theophilum ocepisse contumeliam facere Ecclesiæ sibi commissæ, ut et regem Ægyptium uxori Abrahami⁶ Patriarchæ, quemadmodum referunt libri Hebræorum. Cumque populum (uti par erat) ob propensum animum, imperatores ob benevolentiam erga se collaudasset: in multos applausus ac benedictiones imperatoris ejusque conjugis vulgus excitavit, adeo ut semiplenam orationem abrumpere cogeretur». Hucusque Sozomenus.

28. At non extat ipsa quidem oratio, neglecta fortasse quod imperfecta relicta fuerit; vel perit una cum aliis multis. Sed adhuc alia reliqua est, habita eodem quoque tempore, cum ab hoc priori exilio reversus est, cujus est exordium⁷: « Quid dicam? quid loquar? Benedictus Deus. Hunc egrediens dixi sermonem: hunc iteravi revertens: et illic constitutus hunc in ore volebam, etc. » Sed et de frequentia populi ejusque incomparabili lætitia hæc post multa subjecit: « Ante hoc quidem Ecclesia replebatur: sed et nunc in plateis Ecclesiæ factæ sunt. Et unanimes et conjuncti psallentes Dei in vos provocatis adspectum: voces vestræ cæli secreta penetrarunt, ut omnis ætas vestras psalmodias miraretur attentæ. Cursus equorum hodie, et pauci illuc, imo cuncti in Ecclesia, quasi torrens quidam, ac fluvius vestra facta est multitudo. Voces vestræ elevantur ad cælum, amorem qui ad patrem est ostendentes: orationes vestræ meum coronaverunt caput, etc. » Deinde vero de immenso, quo erga pastorem suum flagrabat studio, ista subdit: « O rem inauditam! Pastor quiescit, et oves hiporum rabiem abegerunt, insidias vitulorum oppræsserunt. O ovium sapientia! o filiorum affectus! o discipulorum charitas! o pulchritudo sponsæ! absente viro abegit adulteros: ostense sunt ejus divitiæ, apparuit pulchritudo: latrones confusi abierunt, et auferunt. Dicite mihi, quomodo persecuti estis lupos? quomodo populistis latrones? Frequenti (inquit) oratione ad Deum. Quomodo despexistis adulteros? Continuis (inquit) lacrymis, et desiderio viri. Non accepi arma, non sumpsi lanceas, non arripui sentum: solummodo ostendi eis pulchritudinem meam; qua perspecta, vulnerati fugerunt. Ubi nunc illi? proculdubio in confusione. Ubi nos? in lætitia. Ubi nunc illi? conscientia sua malo tabescunt. Ubi vero nos? in magna exultatione glorificamus Deum, etc. » Hæc et alia plura Chrysostomus in commendationem populi erga suum episcopum charitatis.

29. Restituto in episcopatum summo Joanne Chrysostomo, imperator, qui ab adversariis in Ec-

¹ Pallad. in dial. — ² Agg. 1 — ³ Theod. l. v. c. 33. — ⁴ Socr. l. vi c. 14.

⁵ Sozom. l. viii. c. 18. — ⁶ Genes. xii. — ⁷ Extat, tom. v.

clesiis fuerant subrogati, clericos abire iussit, et pristinos ante pulsos sua loca recipere voluit; idemque fecit de episcopis, qui ejusdem Joannis causa a persequentibus facti erant exlores, quos ad proprias sedes voluit remeasse. Ipse vero Joannes adiens imperatorem, petiit ab eo suam causam tractari in legitima Synodo; cujus rei agenda causa ab ipso imploravit auxilium: hæc omnia habet ipse Chrysostomus in Epistola ad Innocentium Romanum Pontificem suo loco reddenda. Ad hæc autem Sozomenus¹ ista addit: « Porro Joannes Constantinopolim reversus, magis etiamnum gratus populo apparuit. Et cum eo tempore convenissent Constantinopolim circiter sexaginta episcopi, decretum per eos est, ut et irrita haberentur ea quæ ad Quereum acta fuerant, et ut Joannes episcopatum retineret ». Ista ipse. At vero hæc ex his quæ Palladius scribit, improbantur, dum ait, Theophilum canone Antiochenæ Synodi egisse adversus Joannem, quo jubebatur, ut a Synodo depositus episcopus non alio modo nisi ab alia Synodo majori episcoporum numero posset restitui. Quod si verum esset, restitutum fuisse Joannem a Synodo sexaginta episcoporum; nullus poterat esse locus objectioni a Theophilo factæ. Cæterum ipse Joannes in dicta Epistola ad Innocentium, de his agens, tradit expetitam a se Synodum, quesitamque magno studio ab imperatore: quam futuram timens Theophilus, fugam cum suis arripuit, rediens Alexandriam: qui licet vocatus litteris imperatoris, venire contempsit, plebis furorem, quam timeret, pretextens excusationis loco. Et quamvis ipse Joannes laboraverit de parando legitimo Synodali iudicio; nunquam tamen voti compos effici valuit, ut ipse testatur iisdem ad Innocentium litteris, quibus pariter declaratur, ipsum restitutum in Ecclesiam sedisse usque ad anni sequentis magni sabbatum, qua die iterum expelli contigit; quamam vero occasione, suo loco dicendum. Hæc quidem gesta sunt hoc anno; ipsam autem Synodum ad Quereum habitam circa mensem Julii, Palladii² testificatione, qui tunc cum Joanne aderat Constantinopoli, affirmari posse videtur. Etenim cum dicat, novem vel decem mensium spatium interfluxisse a dicta Synodo celebrata hoc anno ad Quereum, usque ad sequentis anni Quadragesimæ tempus, in cujus fine tunc (ut idem etiam tradit Joannes) ipso magno sabbato iterum expelli contigit: plane opus est dicere, hoc anno circa Julii mensem Synodum illam a Theophilo esse habitam, Joannemque a sede expulsum.

30. *Theophilus, cujus laude digna referuntur, Alexandriam revertitur.* — Ad postremum vero ad res hoc anno per Theophilum Constantinopoli gestas Socrates³ ejusmodi addidit appendix: « Ilis, inquit, rebus gestis, Theophilus in omnem offensionem incurrit. Odium contra illum inde etiam crevit, quod libros Origenis studiose legere non veretur. Rogatus igitur a quodam, cur libros, quos

condemnaverat, de integro amplexaretur, respondit, libros Origenis similes esse prato omnibus florum generibus referto: Idcirco (inquit) si quid reperio in illis boni, illud decerpo; sin spinosi quicquam, hoc utpote aculeis pungens, missum facio. Hoc respondit Theophilus, non complexus animo illud Salomonis⁴: quod verba sapientum sint tanquam stimuli; et qui præceptis in illis comprehensis punguntur, non debent ex adverso calcitrare ». Hæc Socrates, sed qui plane haud assecutus sit sensa verborum Theophili; vel quod qui semel in eum dicere cœperat, omnia ab ipso dicta vel facta æque redarguere prosequentis est.

31. Cæterum Theophili dicto nihil sapientius, utpote qui ostenderit errores tantum Origenis sibi displicuisse, atque damnasce, nec rejecisse ob aliquot in eis aspersas hæreses omnia ejus scripta, quæ legere consuevit, atque laudare. Id quidem Theophilus plane ex totius Ecclesiæ Catholice sententia, quæ (ut pluribus dictum est) ita legit Origenis commentarios, ut ab ejus erroribus esse cavendum admoneat: eandemque fuisse S. Hieronymi quoque sententiam, demonstravimus superius ex ejus Epistola ad Tranquillum. Porro et difflamata ea tunc fuit calumnia in Theophilum, quod Origenis quos damnasce antea libros, recepisset; quodque cum jam damnatos a se antea monachos in amicitiam revocasset, quasi ipse Origenis sectator effectus esset. Cæterum et hos recepit pœnitentes (ut vidimus) et libros sic legendos accepit Origenis, ut tamen abstinendum diceret ab aspersis in eis hæresibus. Quod autem eodem quo a principio fuit animo, in dammandis Origenis erroribus ipse Theophilus perseverarit, duæ reliquæ Paschales Epistolæ, quarum alteram hoc anno, alteram vero sequenti datam diximus, apertissimam fidem faciunt. Felix ipse (iterum dicam) Theophilus, si in prosequendo causam adversus Origenistas, dignum plane opus tanto episcopo, non admiscuisset illis privatas affectiones, in Joannem Chrysostomum ab exordio ejus sedis jam male conceptas.

32. Quid autem acciderit eidem Theophilo hoc anno Alexandriam redeunti, Sozomenus⁵ ita narrat: « Theophilus etiam statim nihil cunctatus (quantum jam hiems ingrueret) fugiens una cum Isacio monacho, Alexandriam adnavigavit. Sed cum tempestas maris urgeret, appulit Geras, quæ est civitas pusilla, plus minus quinquaginta stadiis a Pelusio distans. Illius urbis episcopo tum vita defuncto cives (ut accepi) elegerunt Ecclesiæ suæ antistitem Nilammonem, virum bonum, et qui ad monasticæ vitæ fastigium conscendisset. Is habitabat ante civitatem in domuncula, in quam se ipse concluderat, janua lapidibus obturata, eo proposito, ut sacerdotium aversaretur. Theophilus itaque veniens, hortabatur, ut ordinationem a se oblatam acciperet. Apud quem ille quamvis frequenter se excusans, nihil obtinuit. Tandem instanti: Cras (inquit) ita facias,

¹ Sozom. l. viii. c. 19. — ² Pallad. in dial. — ³ Socr. l. i. c. 15.

⁴ Eccl. xii. — ⁵ Sozom. l. viii. c. 19.

si placet, o pater, ut ego hodie res meas ante disponam. At cum Theophilus postridie ex conducto venisset atque eum fores aperire jussisset: Age vero (inquit Nilammon) oremus primum. Quo laudato, Theophilus quidem oravit, sed Nilammon inter orandum hanc vitam reliquit. Hoc autem et Theophilus primum, etiam etiam qui cum illo foris stabant, ignotum erat. Verum cum paulatim tereretur dies, quia saepenumero intentius evocantes non audiret, dejectis, qui ad januam erant, lapidibus, repperunt hominem mortuum. Involutum igitur quibus oportebat, publica sepultura dignati sunt; ac templum etiam supra illius sepulcrum indigenae construxerunt, et summa cum solemnitate adhuc diem mortis ejus celebrant. At Nilammon quidem ad hunc modum mortuus est: si tamen mortem dicere oportet, quam ille subire maluit, quam episcopatum suscipere, quo se indignum esse ob ingenii modestiam censuit. Illicque Sozomenus. Porro non apud Geras tantum, sed in universa Catholica Ecclesia natalis Nilammonis publicis consignatus monumentis viridi memoria perseverat. Voluit Deus ejusmodi exemplo tum omnibus significare, quam periculosa esset episcopalis praefectura, ut praelet interdum mori, quam in maximum discrimen adduci: tum etiam Theophilum magis sobrium reddi, ut animo voveret quod viderat; consideraretque si parvae civitulae praeficiendus episcopus a Deo expectaret ante mori quam munus suscipere; quanti esset periculi, praesse Alexandrinae Ecclesiae Orientalium omnium maximae, omnibusque simul Aegypti provinciae, atque aliis adjacentibus regionibus. Sed nihil penitus eo exemplo profecisse ipsum quidem, quae anno sequenti de ipso dicenda erunt, ostendunt.

33. *Julia Manichaea cum S. Porphyrio episcopo Gazensi de fide disputat.* — Hoc eodem tempore post annum videlicet a demolitione famosissimi templi Gazensis, in cuius locum Ecclesiam Eudoxia Augusta aedificandam curavit, contigit Gazae publica disputatio inter S. Porphyrium Gazensis civitatis episcopum, et Juliam Antiochenam clarissimam feminam, quae illuc advenerat, ut Gentiles, quos audierat ad Christi fidem conversos, ad sectam Manichaeorum pelliceret. At quoniam in ea prodigium memoria dignum accidit, dignum putamus, ut rei gestae narratio a Marco Gazensi diacono litteris quam fidelissime commendata hic describatur. Sic enim se habet¹: « Illo autem tempore (nempe anno sequenti a ruina Marnei templi) venit in civitatem mulier quaedam Antiochena, quae vocabatur Julia: erat vero ex execranda heresi eorum qui dicuntur Manichaei. Cumque cognovisset aliquos esse recens illuminatos, et in sancta fide nondum stabilitos, in eorum irrumpens animos, eos corrumpere per doctrinam suam, oculos perstringentem et incantantem, sed multo magis per pecuniae erogationem ». Et post nonnulla de impiis Manichaeorum erroribus, rursus inchoatam proseguitur oratio-

nem: « Cum, inquit, illic versaretur pestifera mulier, quidam fallaci illius doctrina sunt seducti. Post aliquot vero dies cum id cognovisset a quibusdam fidelibus S. Porphyrius Gazensis episcopus, eam accersitam interrogavit, quoniam, et unde esset, et quoniam haberet opinionem. Illa autem et patriam, et se Manichaeam esse, confessa est. Iis autem qui erant apud ipsum, ira motis (erant enim quidam pii) eos rogabat beatus, ne irascerentur, sed patienter eam admoneant et semel et bis, servans id quod dictum est a S. Apostolo². Deinde dicit mulieri: Abstine, o soror, ab hac mala opinione: est enim sataunica. Illa autem respondit: Dic, et audi: et aut persuadebis, aut persuadeberis. Sanctus vero dixit: Para te in crastinum diem et veni huc. Illa autem eum valere cum jussisset, est egressa.

34. « Beatus vero cum jejunasset, et Christum multum rogasset ut diabolum pudore afficeret, paratus fuit in diem sequentem. Advocavit autem quosdam ex piis clericis et laicis ad disputationem suam et mulieris. Die autem sequenti accedit mulier, habens secum duos viros, et totidem mulieres, quae erant juniores et formosae, omnes vero pallidae: Julia autem erat provecta aetate. Ducebatur autem tota eorum disputatio a scriptis et orationibus munda disciplinae, multo vero magis Juliae. Erat autem humilis eorum habitus, et modesti mores, et (quod dicitur³) extrinsecus oves, intrinsecus vero lupi rapaces, et venenata animalia: omnia enim dicunt et faciunt cum simulatione. Deinde jussi sedere, disputabant, et inquirebant. Sanctus autem Porphyrius ferens sancta Evangelia, cum fecisset signum Crucis in ore suo, cepit eam rogare, ut diceret suam opinionem. Illa vero cepit. Frater autem Cornelius diaconus, qui fuit paulo ante nominatus, sciens notis scribere, quibus utuntur in jure, jussus a beatissimo episcopo, notabat omnia quae dicebantur et opponebantur, me et fratre Barocha admonentibus. Disputationem autem non scripsi in hoc libro, propterea quod sit magna, ut qui velim compendio hoc scriptum mandare litteris: eam vero in alio libro exposui iis qui volunt scire sapientiam a Deo datum sanctissimo Porphyrio, et aniles fabulas quas effluit prodigiosa loquens et venefica Julia. Quam quidem cito est persecuta divina justitia. Postquam enim multa pluribus horis esset fabulata, et consuetas dixisset blasphemias in Dominum et Deum universorum: motus divino zelo sanctus Porphyrius, videns eum qui omnes fines continet, tam qui cadunt sub adspicuum, quam qui non cadunt, blasphemias et maledictis incessi a muliere, in qua operabatur diabolus, et quae se submittat illius voluntati; in eam tulit sententiam, dicens: Deus qui fecit omnia, qui est solus aeternus, nec habens principium, neque finem, qui glorificatur in Trinitate, tuam percutiat linguam, et obstruat os tuum, ne loquatur blasphemum. Sententiae autem prolationem consecutum statim fuit supplicium.

¹ Apud Melaph. die 26. Feb. recitat Lipo. et Sur. ea die.

² Tit. iii. — ³ Matth. iii.

Cœpit enim tremere Julia, et mutari vultu, et manens in extasi longum tempus non loquebatur, sed erat muta et immobilis, habens apertos oculos, et intuentes sanctissimum episcopum. Qui vero cum ea erant, cum adspexissent ea quæ suslinebat, magno timore affecti sunt. Eam autem consolabantur, et carmina cantabant ad ejus aures; sed non erat vox, neque auditus. Cum longo autem tempore mansisset muta, emisit animam, profecta ad tenebras, quas in honore habuerat (secundum Manichæorum disciplinam) eam lucem esse arbitrans, convenienter Scripturæ, quæ dicit¹: Vae iis qui faciunt id quod est dulce amarum, et quod amarum dulce, et ponunt tenebras lucem, et lucem tenebras. Jussit autem sanctus componi ejus corpus, et tradi sepulture, miseris humane nature; erat enim summe clemens et misericors. Quicumque vero audierunt id quod factum fuerat, valde sunt admirati, non solum qui erant nostræ fidei, sed etiam alienigenæ. Qui autem cum ea erant duo viri ac mulieres, et quicumque ab ea corrupti fuerant, currentes procliderunt ad pedes beatissimi episcopi, dicentes: Erravimus: et petebant pœnitentiam. Beatus vero fecit omnes anathematizare Manelem auctorem eorum hæresis, ex quo etiam appellati sunt Manichæi: et cum plurimos dies eos instituisset catechesi, adduxit ad sanctam Catholicam Ecclesiam. Occasione autem illorum, et alii quoque ex aliis gentibus pœnitentia ducti, fuerunt illuminati». Hactenus de his Marcus diaconus. At jam res Occidentales invisamus.

35. *Concilium generale Carthaginense, in quo episcopi ad unitatem Catholicam vocare conantur Donatistas, quorum præcipui Crispinus et Proculianus conveniuntur a Possidio et Augustino.* — Ille eodem anno, iisdemque consulibus, octavo kalendas Septembris, celebratum est in Africa Concilium Cathaginense, generale dictum, quod ex omnibus Africæ provinciis legationes in eo affuerint, nimirum ex provincia Bizacena, Mauritania Sitifensi, et Mauritania Cæsariensi: ex Numidia vero legati mitti minime potuerunt ob tumultuantes tyrones, ut excusavit Alypius episcopus Tagastensis, qui interfuit cum Augustino Hipponensi episcopo, atque Possidio Calamensi: sed ex provincia Tripolitana missa est legatio, prout ejusdem Concilii, quæ extant Acta² declarant.

36. Quid est autem quod Atypius sic excusat, legationem ex Numidia ob tyrones mitti minime potuisse? ait enim³: « Nos quidem de Numidia venimus, ego et sancti fratres Augustinus, et Possidius; sed de Numidia legati mitti non potuerunt, quod adhuc tumultu tyronum episcopi propriis necessitatibus in civitatibus suis aut impediti, aut occupati sunt, etc. » Et rursum inferius iterum de impedimento tyronum meminit. Quantum enim ex quatuor rescriptis datis hoc anno sub iisdem consulibus

Theodosio et Rumorodio colligi posse videtur: tyrones in Africa desertores militiæ facti, longe lateque per provincias grassati sunt more predonum: quos imperator, quatuor illis hoc anno datis rescriptis ad Hadrianum præfectum prætorio, compescendos curavit. Nam sexto nonas Octobris hæc post alia antea edita ita statuit¹: « Opprimendorum desertorum facultatem provincialibus jure permittimus: qui si resistere ausi fuerint, velox ubicumque jubemus esse supplicium. Cuncti etenim adversus latrones publicos desertoresque militiæ jus sibi sciant pro quiete communi exercere publicæ ultionis indultum. Hac tamen conditione servata, ut ab his junioribus, qui proxima indictione præsentem tempore conferuntur, supplicio temperetur, quo per provinciales intra præscriptum legibus tempus ad ea signa, quibus destinati fuerant, redhibendi sunt, ne possessores redhibitionis damna percellant, propter eos qui necdum pæne auspicati militiam fugerunt. Sed ut in his patientiam tenemus, ita omnes, qui ultra memoratam indictionem et nostra beneficia sanctionis castra et militiam deseruere, condemnationibus obnoxios esse præcipimus, etc. » Plane hos sollicita cura compressos fuisse, quod de his nulla amplius mentio habeatur, possumus existimare. Sed ad res Concilii revertamur.

37. Hujus autem totius Africæ Generalis celebrandi conventus digna illa causa intercessit, ut in eo ageretur de invitando ad unitatem Catholicæ Ecclesiæ Donatistas in Africa consistentes. Meminisse debemus, jam elapso anno, cum Anastasius Romanus Pontifex Romanæ Ecclesiæ præesset, hæc actiari cæpta, dum idem Pontifex (ut suo loco dictum est superius) ad hoc suis litteris excitavit episcopos Africanos: quibus (ut vidimus) in unum coeuntibus, quid facto opus esset, ut quem optarent omnes, res consecutura esset effectum; decreta inter alia in eo Concilio fuit legatio ad ipsum Romanum Pontificem pro indulgentia assequenda, quæ liceret Donatistis ad Catholicam Ecclesiam revertentibus, eandem quam apud suos accepissent, dignitatem retinere.

38. Concessit hoc ipse Romanus Pontifex: sed paulo post ex hac vita sublato, et novo subrogato episcopo Innocentio, in præsentem annum difatum est ipsum hæc de re congregandum Carthagiæ Generale Concilium, in quo legati Roma reversi, quæ ab ipso Romano Pontifice obtinuisent, coram omnibus significarunt: id enim ex verbis Aurelii Carthaginensis episcopi satis accipi potest, ubi inter alia quæ in Synodo præfatus est, hæc habet²: « Jamdudum enim (sicut vestra sanctitas recordatur) habito Concilio, destinavimus fratres nostros ad transmarina legatos, quos oportuit in cœtu sanctitatis vestræ perfunctæ legationis cursum narrare ». Ita ipse.

39. Pro unitate vero Ecclesiæ componenda, Do-

¹ Isai. v. — ² Tom. I. Conc. et in Conc. Afr. c. 57, 58. — ³ Aug. cont. Crescon. l. III. c. 46.

¹ L. XI. XII. XIII. XIV. de desertoribus. C. Theod. — ² Concil. Carth. sub Innocent. præf. et Conc. Afr. c. 57.

natistisque pacis fœdere conciliandis, quid in hoc ipso Concilio decretum fuerit, idem Aurelius docet his verbis ¹: « Professio vestrum omnium hoc deprompsit, debere unumquemque nostrum in civitate sua per se convenire Donatarum prapositos, aut adjungere sibi vicinum unum collegam; ut pariter eos in singulis quibusque civitatibus vel locis per magistratus, vel seniores locorum conveniant ». Decretum post hæc, ut de his ex Synodo ad iudices litteræ scriberentur: necnon tunc exarata est forma conventionis, qua iidem Donatistæ cum Catholicis convenirent, ab omnibus servanda, ibi in Synodo recitata. Quod et factum est, lectis in primis litteris missis ab amplissima (ut ibi dicitur) sede, nempe Apostolica urbis Romæ, quibus quæ ab ea fuerant impetrata, nota fierent. Recitata pariter et jussione, qua quid singuli acturi essent innotesceret, ipsa demum conventionis forma præscripta ibidem publicata est, qua ipsi convenire deberent Donatistas: quæ in hunc modum se habet ²:

40. « Convenimus vos ex Concilii nostri Catholica auctoritate missi, de vestra correctione gaudere cupientes, considerantes Domini claritatem, qui dixit ³: Beati pacifici, quoniam filii Dei vocabuntur: et admonuit per Prophetam ⁴ etiam his qui dicunt se fratres nostros non esse, dicere nos debere: Fratres nostri estis. Hanc ergo pacificam ex charitate venientem communionem nostram contemnere non debetis; ut si quid veritatis habere vos arbitramini, non dubitetis asserere. Id est, ut congregato vestro Concilio deligatis ex vobis quibus causam assertionis vestræ committatis, ut nos possimus hoc facere: ut etiam de nostro Concilio deligantur, qui cum eis quos delegeritis constituto loco et tempore, quicquid questionis est, quod vestram a nobis separat communionem, cum pace discutiant: ut tandem aliquando, adjuvante Deo nostro, finem veteris error accipiat, ne propter animositatem hominum infirmi nostri et ignari populi sacrilega dissensione discreant. Si enim hoc fraterne acceperitis, veritas facile diluascet. Si autem hoc facere nolueritis, diffidentia vestra facile innotescet ». Hactenus forma, quam dicunt, conventionis.

41. Hujus plane Concilii, et decreti in eo de conventionis statuti, visus est meminisse sanctus Augustinus qui interfuit, ubi agens contra Cresconium hæc ait ⁵: « Et quia multi erroris eorum laqueis implicati, cum quibus, ut inde liberarentur, agebamus, respondebant nobis, hoc nos cum episcopis suis agere debere, collationemque nostram se vehementer optare, ubi possent videre, quibus asserentibus superaret veritas falsitatem: in Carthaginensi totius Africæ Concilio nobis placuit, ut adhibita etiam publicorum testificatione gestorum, quo possemus eis qui hoc flagitabant, probare desiderio eorum nos minime defuisse; vestri pacifice convenirentur episcopi, quisquis ab eo nostrum, qui eodem

loco, in quo ille, consisteret: ut per collationem nostram errore sublato, Christiana et fraterna societate, unitate, charitate, pace frucremur: id intuentes, quia si hoc fieri vellent, adjuvante misericordia Dei, facillime poterat, quicquid in causa nostra esset, agnosci: si autem recusarent, saltem diffidentia eorum non frustra illis, qui hoc a nobis poposcerant, appareret ». Hæc ipse. Sed quæ consecuta hæc fuerint, mox subdit his verbis:

42. « Factum est; conventi sunt; recusarunt: quibus verbis, quo dolo, maledictione, amaritudine plenis, nunc longum est demonstrare ». Verum quid acciderit Possidio convenienti Crispinum ejusdem civitatis, cuius ipse erat, partis tamen Donatarum episcopum, ex quo pariter quid reliquis Catholicis responsum a Donatistis episcopis fuerit, possumus intelligere, a S. Augustino accipe. Ait igitur ⁶: « Inter ea Crispinus Calamensis vester episcopus a Possidio collega meo in eadem civitate apud Acta conventus, ad Concilium vestrum primo distulerat, pollicens cum collegis suis ibi se visurum, quid respondere deberet. Deinde post non parvum tempus, repetita conventionem, rursum apud Acta respondit ⁷, ista scilicet: « Verba viri ⁸ peccatoris ne timueris. Et iterum: In aures imprudentis cave ne quicquam dixeris: ne, cum audierit, irrideat sensatos sermones tuos. Postremo hanc responsionem meam Patriarchali sermone definitio ⁹: Recedant a me impii: vias eorum nosse nolo ». Hactenus recitata ab Augustino verba Crispini, apud Acta proconsularia scripta; quam vero turgida, et quam inflato corde, animoque tumenti prolata! Unde idem S. Augustinus: « Hanc, inquit, ejus responsionem eum docti indoctique riderent, quippe hominis dicentis verba viri peccatoris se non timere, cui respondere minime auderet, etc. » expendit ejus responsionis sententias singulas, quas in omnibus ostendit prorsus fatuo esse homine dignas.

43. Sed qui verbis causam agere diffideret Crispinus episcopus Donatista, armis eam prosequi satius judicavit. Sed quoniam modo per alios id perfecerit, ita subdit Augustinus ¹⁰: « Cum ergo ista responsio a multis intelligeretur, multis etiam demonstraretur quantum inanis esset, quantum attinebat ad causam; quam vero amara et maledica, quod non pertinebat ad causam: atque ita ejus, sicut apud vos habetur, doctissima annositas, hesternum contra stante tyrone, nihil adversum veritatem posse videretur: subito post paucos dies iter agenti Possidio, alius Crispinus ejus presbyter, et (ut perhibetur) propinquus, tetendit insidias armorum: in quos pæne jam noster inciderat, nisi eis prospectis atque nuntiatis, ad quemdam fundum fugiens, divertisset: ubi ille nihil auderet, vel non prevaletet; vel si quid etiam fecisset, negare non posset. Quo comperto, continuo consecutus est tanta cæcus insania, ut jam latere, turpe arbitraretur.

¹ Apud Conc. Afr. c. 58. — ² Ibid. c. 59. — ³ Math. v. — ⁴ Isai. lxvi. secundum lxx. — ⁵ Aug. cont. Crescon. l. iii. c. 45.

⁶ Aug. cont. Crescon. l. iii. c. 46. — ⁷ Math. ii. — ⁸ Prov. xiii — ⁹ Aug. cont. Crescon. l. iii. c. 46.

Tunc domum, in qua cum suis se Possidius incluserat, seipre armatis, lapidibus circumtundere, ambire flammis, aditum ex omni parte moliri. Quæ vero aderat incolentium multitudo, memor periculi sui, si in eo loco aggressum tantum facinus impleteretur : partim illum deprecabatur, ut parceret, quem resistendo non audebat offendere ; partim vero ignes suppositos exstinguebat : cum ille nihilo segnius septis fervidus atque inexoratus instaret. Cessit aliquando ictibus janna : ingressi sunt, sauciisque eade juvenis quæ in inferiore domus parte compererant, de superioribus episcopum deposuerunt, afficientes plagis et contumeliis. Ubi ne gravius savirent, intercessit ipse Crispinus velut alii rogantibus flexus, quorum non tam videbatur in ira sua curare deprecationem, quam in facinore testimonium formidare.

44. « Hæc postquam nota facta sunt in oppido Calamensi, expectabatur Crispinus episcopus vester, quemadmodum in suum presbyterum vindicaret. Accessit etiam protestatio municipalibus Gestis expressa, cujus vel timore vel pudore cogerebatur exercere Ecclesiasticam vindictam. Quod cum omnino contemneret, tantusque fieret vestrorum tumultus, ut quia veritati prædicandæ respondere non poterant, itinera clausuri putarentur, imo vero etiam cernerentur : leges, quæ non deerant, sed quasi deessent, in nostris manibus quiescebant, adversus Crispinum episcopum vestrum commotæ sunt, magis ut nostra mansuetudo demonstraretur, quam ut illorum puniretur audacia. Neque enim aliter innotesceret, quid adjutorio Christi Ecclesia in suos inimicos posset, et nollet ; non secundum hæreticam præsumptionem privato favore Circumcellionibus savientibus, sed secundum propheticam veritatem iugo Domini Dei subditis regibus. Exhibitus igitur Crispinus, et quod se esse proconsuli quaerenti negaverat, facillime convictus hæreticus, decem tamen libras auri, quam mulctam in omnes hæreticos imp. Major Theodosius constituerat, intercedente Possidio, non est compulsus exsolvere. Qua mitissima sententia non contentus, nescio quo consilio, quod displicuisse vestris omnibus dicebatur, ad ejusdem Theodosii filios provocandum putavit. Acceptatum est : rescriptum est : quid aliud, nisi quod pars bonati jam sciret se ad illam penam aurariam cum cæteris hæreticis pertinere ? cum quibus propter communionem talis persecutionis aut communionem se deputet habere justitiam ; aut si non deputat, non se ideo jaetet justam, quæ ea poena coeretur, qua coerceri et eas hæreses videt, quas concedit injustas ». Hæc Augustinus, qui subdit de aliis ab imperatoribus datis in eosdem legibus, de quibus suo loco agemus.

45. Vides ex his omnibus quam præter expectationem acciderit, ut Donatiste, qui publicis Actis ad ineundam pacem atque concordiam per Catholicos episcopos vocarentur, non tantum non consenserint, sed acerbius exasperati longius resilierint. Verum neque propterea pro ipsorum salute agere

pretermisere Catholici : sed ad multam coactionem legibus imperatoris compelli eos, apud eosdem principes procurarunt, impetraruntque : quando autem id factum sit, suo tempore dicturi sumus. Agit de iisdem jussionibus S. Augustinus ¹ in Epistola ad eundem Crispinum data, cum ille jactaret, se velle de summa quæstionis cum ipso Augustino disserere : idemque hæc eadem de Possidio recenset ² in Epistola ad Donatistas. Narrat eadem et ipse Possidius ³ in Vita sancti Augustini, ubi et subdit de habita cum Crispino publica disputatione ad convincendum eum esse hæreticum : ait enim :

46. « Memorabili Augustino antistite omnimodis instante, ad controversiam ambo ipsi Calamenses episcopi venerunt, et de ipsa diversa communione tertio conflictu secum egerunt, magna populorum Christianorum multitudine causæ exitum apud Carthaginem et per totam Africam expectante. Atque ille Crispinus proconsulari et libellari sententia est pronuntiatus hæreticus. Proque illo apud cognitorum Catholicorum episcopos intercessit, ne auraria multa exigerebatur : ei est beneficium impetratum. Unde cum ingratus ad piissimum principem provocasset : ab imperatore relationi debitum est responsum solutum, et consecutum præceptum, nullo prorsus loco Donatistas hæreticos esse debere, et eos ad jura legum omnium contra hæreticos latarum ubique teneri debere. Ex quo et iudex propter officium, et idem Crispinus, quod minime fuerat exactus, præcepti sunt denas auri libras fisci iuribus inferre. Sed profinus opera data est per Catholicos episcopos, præcipue per sancte memoriæ Augustinum, ut illa omnium condemnatio, principis dimitteretur indulgentia : et, Domino adjuvante, perfectum est : qua diligentia et sancto studio multum crevit sancta Ecclesia ». Ilucque Possidius : in quibus quidem enarrandis, summe animi moderationis, et Christianæ modestiæ specimen edidit ; tum quidem primo eum de molitionibus Donatarum in Augustinum, deque ipso Crispino Calamensi episcopo sermonem texens ; de his quæ ipse ab eo passus sit, cum rem gestam recensent, non tamen suum silentio penitus (ne sua facta prædicare videretur) obvolutum reliquit : tum etiam quod agens de publica disputatione tridua, qua Crispinus est convictus hæreticus, nomen suum pariter prorsus reticet ; adeo quod nisi S. Augustinus suis scriptis aperuisset, id præstitum a Possidio, penitus remansisset obscurum.

47. De Crispino rursum illa est Augustini querela, quod in fundo ad imperatores pertinente rebaptizasset invitas octoginta ad fundum ipsum spectantes personas Catholicæ communionis. Porro causam istam Crispini ad annum post sequentem perductam esse, certo argumento est rescriptum adversos ipsum Crispinum et alios Donatistas ut hæreticos auraria multa obstrictos : quod datum

¹ Aug. ep. CLXXII. — ² Aug. ep. LXXIII. CLXXVI. — ³ Possid. in Vita Aug. c. 12. — ⁴ Aug. cont. lit. Petri. l. II. c. 88. et ep. CLXXIII.

habetur sub consulatu secundo Stiliconis cum Anthemio, sicque se habet ¹:

« Donatistæ superstitionis hæreticos quocumque loci vel fatentes vel convictos legis tenore servato, pœnam debitam absque dilatione persolvere decernimus. Dat. VI id. Decembris Raven., Stilic. II et Anthemio coss. » Quid præterea humanitatis a Catholicis episcopis per publicam legationem tunc declaratum fuerit. S. Augustinus in Epistola ad Januarium post recensita hæc de Crispino et mulctam in Donatistas tanquam hæreticos ab imperatore decretam, ad postremum addit ²: « Ex Concilio autem nostri episcopi legatos ad comitatum miserunt; qui impetrarent, ut non omnes episcopi et clerici partis vestræ ad eandem condemnationem decem librarum auri, quæ in omnes hæreticos constituta est, tenerentur; sed hi soli, in quorum locis aliquas a vestris violentias Ecclesia Catholica pateretur. Sed cum legati Romam venerunt, jam cicatrices episcopi Catholici Vagitani (Pagitani) horrendæ, et recentissimæ imperatorem commoverant, ut leges tales mitterentur, quales miserunt, etc. » Sed quoniam post sequentem annum hæc contigisse probantur; quomodo se habuerint, suo loco dicturi sumus; hæc modo satis de his quæ spectant ad Crispini causam, qui a Possidio hujus auctoritate Concilii conventus est.

48. Sed et tunc qui Hippone regio erat Proculianus Donatistarum episcopus, eadem item ex causa a S. Augustino conventus est, ut ipse testatur Epistola clericorum Hipponensium ad Januarium, cum de eodem hoc ipso Concilio his verbis ³ agit: « Nec tamen de his injuriis, et persecutionibus, quas Ecclesia Catholica in regione nostra tunc pertulit (quas superius recensimus) imperatoribus conquestus est episcopus noster. Sed facto Concilio, placuit ut pacifice conveniremini; quo, si fieri posset, haberetis inter nos collationem, et errore sublato, fraterna charitas pacis in vinculo lætaretur. Et in ipsa conventionem quid Proculianus primo responderit, quod Concilium facturi essetis, et alias, et illic visuri quid respondere deberetis: deinde quid postea, cum propter suam promissionem de novo conventus esset, Actis expresserit, refutans pacificam collationem, ipsa Gesta instruant gravitatem tuam ». Hæc clerici Hipponenses. Extat Epistola ⁴ ipsius Augustini ad eundem Proculianum ad eandem pacificam collationem pluribus invitantis: quam vero blandis ad durissimum quoque cor emolliendum compositis verbis usus fuerit, ipsa Epistola indicat, cui hujusmodi titulum affixit: « Domino honorabili et dilectissimo Proculiano ».

49. At quid de cæteris? Sane quidem sicut Crispinus Possidium, et Augustinum Proculianus, ita reliqui Donatistarum episcopi invitantes ad mutnam collationem pacificamque conventionem Catholicos episcopos contempserunt. Nam ad eos scribens ipse, hæc in eosdem exprobrat ¹: « Vestri episcopi conventi a nobis, nunquam nobiscum pacifice conferre voluerunt, quasi fugientes cum peccatoribus loqui. Quis ferat istam superbiam? quasi Paulus Apostolus non contulerit cum peccatoribus et cum valde sacrilegis ». Sed et eosdem addidisse minas, idem ibi superius tradit, ubi ait: « Mandaverunt nobis quidam presbyteri partis vestræ, dicentes: Recedite a plebibus nostris, si non vultis ut interficiamus vos ». Cavebant enim ne Catholici episcopi miscerent cum plebe sermones, quam sciebant ejusmodi collationem vehementer exoptare. De his enim illa sunt ejusdem Augustini verba: « Quam multi vestrum, et forte omnes aut pæne omnes dicere soletis: O si in unum locum convenirent, ut illis disputationibus veritas appareret, etc. » Sed quod ad eos convertendos ad Ecclesiæ veritatem via hæc interclusa esset, litteris tum privatis, tum publicis ad eos alliciendos Augustinus egit, quæ hactenus extant ². At de his modo satis.

50. *Bellum aduersus Alaricum, Gothorum regem, Urbem inhiantem, qui a Stilicone vincitur.* — Jam postremum ad res Romanas oculos convertamus. Hoc ipso anno, qui præcessit sextum Honorii consulatum, Alaricus rex Gothorum magno comparato exercitu descendens in Italiam, apud Pollentiam vincitur a Stilicone: id quidem hoc anno accidisse colligitur ex Claudiano et aliis, ut inferius patebit. Ex quibus corrigendum sit Cassiodori Chronicon, ubi anno superiori ponitur, et inversa sententia, Stilico habetur a Gothis fuisse superatus. Æstuebat Alaricus desiderio potius Urbis, semper id animo et ore versans. Quamobrem justo timore percussus Honorius, et qui in Urbe erant senatores, ad avertemdam imminentem cladem, novis mœniis Romam circumdant: de quibus Claudianus his versibus ³:

Addebant pulchrum nova mœnia vultum,
Audito perfecta recens rumor Getarum.
Perfectique opifex decori tumor; et vice mira
Quam pax intulerat, bello discussa senectus.
Erexit subitas turres, cinctosque coepit
Septem continuo montes juvenescere muros.

Extat de ejusmodi erectione murorum vetus inscriptio super Portuensem portam Transtiberim, quæ sic se habet ⁴:

S. P. Q. R.
IMPP. CÆSS. DD. NN. INVICTISSIMIS. PRINCIPIBUS. ARCADIO ET.
HONORIO. VICTORIBUS. ET. TRIUMPHATORIBUS. SEMPER. AUGG.
OII. INSTAURATOS. URBIS. ÆTERNÆ. MUROS. PONTAS. AC. TURRES.

¹ L. XXXIX. de hæret. C. Theod. — ² Aug. ep. LXVIII. — ³ Aug. ep. I, LVIII. — ⁴ Aug. ep. CVLXVII.

¹ Aug. ep. CLXVI. — ² Aug. ep. CLXVI. et CLXVI. — ³ Claud. sexto Honor. Consul. — ⁴ Apud Smet. pag. 8. n. 1.

EGESTIS. IMMENSIS. RUDERIBUS. EX. SUGGESTIONE. V. C. ET.
INLUSTRIS.

MILITIS. ET. MAGISTRI. UTRUSQ. MILITIE. STILICHONIS. AD. PER-
PETUITATEM. NOMINIS. EORUM. SIMULACRA. CONSTITUIT
CURANTE. FL. MACROBIO. LONGINIANO. V. C. PRÆF. URRIS
D. N. M. Q. EORUM.

Nomina vero Stiliconis et Fl. Macrobiani abrasa extant : ita tamen ut legi possint : cor autem id acciderit, dicemus suo loco.

51. Ad huiusmodi quidem murorum Urbis constructionem alluisse videtur S. Paulinus Nolanus in Natali octavo S. Felicis, quod hoc anno ex more cecinit : ubi imminens universæ Italiæ ex Barbaris periculum invocatione ejusdem sancti antevertere conatus, ita de muris :

Fidant legionibus illi,
Perfugioque parent reparatis mœnia muris,
Nulla saluferi quibus est fiducia Christi.
Nos Crucis invictæ signum et confessio mnit.

Et paulo post :

Nunc opus adiutore Deo ; solusque timendus,
Quo sine et arma cadunt, per quem firmantur et arma.
Ipse intra muros turris tibi, qui si de muris
Murus erit, etc.

Subditque exemplum de Hierico civitate, quæ licet fortissimis undique cincta muris esset, sonitu tantum tubarum absque aliis armis ipsi solo tenuis prostrati sunt. Quod igitur reliquæ civitates Italiæ, ac potissimum quæ vicinæ Urbi essent in Campania, et inter alias Nola, viderent ipsam Urbem timore concussam, cum nova mœnia fabricaret, vehementiori formidine tenebantur. Quamobrem idem S. Paulinus illud occinens in Natali S. Felicis carmen, in Deo habendam esse fiduciam (sic erigens civium animos) hortatus est, dum illi mœsto vultu festum agerent diem : cum alioqui deceat, nec quidem si captivi a Barbaris tenerentur, cessandum esse a sanctorum martyrum celebratione festorum ; nam ait :

Hunc ego, si Geticis agerem male subditus armis,
Inter et inmites celebrarem lætus Alanos.
El si multijugæ premerent mea colla catenæ,
Captivis animum membris non jungeret hostis.

Paulo vero post :

Nunc igitur quamvis varias vaga fama per oras
Terrificis pavidas feriat rumoribus aures :
Nos tamen in Domino stabili fiducia Christo
Roboret, et recto fixis pede umentibus armet :
Nec pavor ater in hanc obducit nubila lucem,
Quam Deus ætherio Felicis honore serenat,

Sed hæc ipse pluribus : tu cum consule, ut discas quanta sancti essent alacritate ad celebrandos festos dies sanctorum martyrum ex antiquo Catholicæ Ecclesiæ instituto, quamque iidem fiduciam in im-

minentibus periculis concipere solerent de sanctorum auxilio. Sed jam ceptam prosequamur historiam.

52. Qui autem tanti hujus belli historiam fuerit prosecutus, præter Claudianum, invenimus neminem : ipse enim quarto libro de Bello Getico victoriam Stiliconis contra Alaricum hoc anno partam egregie prosecutus est. Obtinuit eam Stilico in agro Pollentino, cum ille formidoloso exercitu aggressurus Urbem, se immitteret in Italiam. Nondum trigesimus agebatur annus, ex quo idem Alaricus cum Gothis suis transierat Istrum, ac post diversarum provinciarum clades invaserat Græcias, et ad Illyricum usque descenderat : sed audens majora, inhiabat in Urbem ipsam. De tempore idem Claudianus ex ipsius verbis his versibus ¹ :

Si numero non fallor, ait, trigesima currit
Bruma fere, rapidum postquam transavimus Istrum,
Romanamque manum tantis eludimus annis.

Dixit Claudianus : « Trigesima currit bruma fere » : satis indicans, nondum fuisse annos triginta ab egressu Gothorum : quem cum contigisse dixerimus sub consulatu Valentis quinti, et Valentiniani Junioris, anno Christi trecentesimo septuagesimo sexto ; hic annus numerandus erit vicesimus septimus ab eorum ingressu.

53. At quod ad Alaricum spectat, diu multumque Barbarus Romam invadere conceperat animo : nam et apud eundem idem Alaricus ² :

Quid mihi nescio quam proprio cum Thibræ Romam
Semper in ore geris ?

Et inferius idem :

Rumpe omnes, Alarice, moras : hoc impiger anno
Alpibus Italiæ ruptis penetrabis ad Urbem.


Occurrente autem illi cum Romano exercitu Stilicone, certatum apud Pollentiam in Liguria civitatem, ubi Gothorum exercitus a Romanis victus est, fuga lapsus cum suis comitibus Alarico : de qua victoria idem Claudianus his versibus :

unoque die Romana rependit,
Quicquid terdenis acies amisimus annis.
O celebranda mihi cunctis Pollentia sæclis :
O ineritum nomen felicibus apta triumphis !

Cæterum præviis Crucium signis tantam partam

¹ Claud. de bell. Getic. l. iv. — ² Ibid.

fuisse Christi ope victoriam, Prudentius adversus Symmachum agens, ita cecinit¹ :

Dux agminis, imperique
Christipolens nobis juvenis fuit, et comes ejus
Atque parens Stilico : Deus unus Christus utriusque.
Hujus adoratis altaribus, et Cruce fronti
Inscripta, cecidere tubæ : prima hasta draconis
Præcurrit, quæ Christi apicem  sublimior effert (subli-
uiter offert).
Illic terdenis gens exitibilis annis
Pannoniæ pœnas tandem delata rependit (pependit).
Corpora famosis olim dilata rapinis
In cumulosis congesta jacent : mirabere seris
Posteritas sæclis inhumata calavera late,
Quæ Pollentinus texerunt ossibus agros

Hæc Prudentius, quem post hæc libros illos adversus Symmachum elaborasse, exploratum omnino redidit.

54. Sed plane justa post detectos dolos et insidias Stiliconis fuit omnium illius temporis scriptorum querela ; nimirum proditioe ipsius, Alaricum Romano vallatum exercitu, permissum tunc abire

liberum, resumere vires, et iterum adversus Romanos pugnare, et vincere. At qui Christi nomine invictus erat exercitus, præposito postea illi duce Ethnico, turpiter est paulo post superatus, ut Orosius his verbis insinuavit¹ : « Taceo, inquit, de Alarico rege cum Gothis suis sæpe victo, sæpeque concluso, semperque dimisso : taceo de infelicibus illis apud Pollentiam gestis. Cum barbaro et pagano duci, hoc est, Sauli summa belli commissa est, cujus improbitate reverendissimi dies et sanctum Pascha violatum est, cedentique hosti propter religionem, ut pugnaret extortum est. Cum quidem ostendente in brevi judicio Dei, et quid favor ejus posset, et quid ultio exigeret, pugnantes vicimus, victores victi sumus ». Et inferius² de Stilicone proditore iterum : « Alaricum, cunctamque Gothorum gentem pro pace optima, et quibuscumque sedibus suppliciter et simpliciter orantem, oculo foedere fovens, publice autem et belli et pacis copia negata, ad terendam terendamque Rempublicam reservavit ». Hæc Orosius. Sed jam sequentis anni res gestas prosequamur.

¹ Prud. l. II. adv. Symmach.

¹ Oros. l. VII. c. 37. — ² Item Oros. l. VII. c. 38.

Anno periodi Græco-Romane 5896. — Jesu Christi 403. — Innocentii pape 3. — Arcadii 21. et 9. Honorii 11. et 9. Theodosii Jun. 2.

1. *Consules.* — Coss. *Theodosius Jun. Aug. et Fl. Rumoridus.* Theodosii consulatus juxta primam consulatum Cesareorum regulam : *Rumoridus* vero, qui in inscriptione Reinesiana in Syntagmate *Fl.* dicitur, in Occidente creatus. Divus enim Ambrosius in Epist. ad Eugenium tyrannum docet, eum magisterium militum sub Valentiniano II gessisse, et Paganum religione fuisse.

2. *Divus Chrysostomus in Synodo ad Quercum deponitur.* — A num. 1 ad 30. Occasione divi *Chrysostomi* magnus hoc anno Constantinopoli tumultus excitatus, schismaque in Ecclesiâ invectum ob *Endoxie* olim in sanctum anastitum, quod Orationem habuisset ad populum, quæ omnium generaliter mulierum vituperationem continebat. Augusta enim illam sibi contumeliam putans, curavit ut Synodus adversus eum convocaretur, ad quam præcipue ii confluerent, qui Joanni variis de causis erant infensi », inquit Socrates lib. 6, cap. 45, et pluribus persequitur Baronius, qui perperam tamen num. 17 et seqq. dubitat de fide Actorum conventiculi *ad Quercum* adversus divum Chryso-

stomum celebrati, quæ representat Photius in Biblioth. Cod. LIX. quod pleraque, inquit, ab aliis scriptoribus commemorata, in iis ommissa sint. Verum, ut ait Huëtius lib. 2 Origenianorum cap. 4, Sect. 2, num. 47, non attendit illustrissimus Cardinalis, eximia quædam tantummodo selegisse Photium et in Myriobiblum retulisse ; plurima vero consilio prætermisisse. Sua ergo Actis illis servetur auctoritas, quoad validiori ratione Baronii conjectura firmetur. Ea Acta a Binio in Collectione Conciliorum ommissa Labbeus jure merito restituenda censuit, et Baluzius in sua Conciliorum Editione hujus Synodi historiam texuit, ab auctore conscriptam, qui tam assiduus erat divo Chrysostomo, a *Palladio* nimirum episcopo Helenopolitano, cujus Dialogum de Vita Chrysostomi nunc habemus sanum et integrum beneficio Emerici Bigotii. Baronius num. 49 hæc verba ex illis Actis refert : « Deinde iterum accusavit Acacius Heraclidem, ut Origenis, et qui abstinent a sanctissimo Epiphano episcopo, neque in oratione communicavit illi, neque in convivio. Dedit etiam idem Acacius libel-

lum adversus Chrysostomum talia continentem ». Sed inciderat Cardinalis doctissimus in codicem Photii manum et imperfectum : unde etiam aliqua omisit quæ supplenda sunt ex Actis hujus Synodi, quæ extant ex Photii Bibliotheca tom. II Concil. Præterea loco laudato, *Acacius* corrupte legitur pro *Isacio* : in Græco enim utrobique habetur *ισακιος*. Ad hæc ipsemet Photius errat, quando *Isacium* episcopum vocat, cum ex Palladio citato constet, hunc fuisse tantum monachum et presbyterum.

3. *Ducitur in exilium.* — Divus Chrysostomus in Epistola anno sequenti ad Innocentium papam scripta ait : « El profundo jam vespere, cum plebs omnis nos lamentatione miserabili prosequeretur, tractus in medio civitatis, et violenter abductus, injectusque in navim, noctu navigabam, quia Synodum ad istud judicium vocare volueram ». Quibus verbis innixus Baronius num. 23, Socratem lib. 6, cap. 15, mendacii arguit, quod scripserit : « Joannes tertio post damnationem die ultro se ipse tradidit, inscia populi multitudine. Cavebat enim ne ipsius causa tumultus excitaretur ». Verum, ut animadvertit Valesius in Notis ad locum illum, si verba Socratis attentius expendantur, ea nequaquam a Chrysostomi narratione dissentiunt. Nam Socrates tantum ait, *Chrysostomum* circa meridiem sese ministris imperatoris tradidisse, qui, ut ex ejusdem Chrysostomi verbis intelligimus, eum usque ad vesperam detinere sub custodia, quo sub noctem abduceretur in exilium. Qui itaque ultro se circa meridiem traderat, noctu violenter in navim abductus est.

4. *Ex exilio revocatur.* — Chrysostomus paulo post imperatoris jussu ex exilio revocatus est, cumque rogaret populus, ut in episcopali cathedra sederet, ac pro more solito pacem apprecaretur, reposuit : « Id judicium decreto fieri debere, et oportere ut ii, a quibus condemnatus esset, mutata sententia ipsum absolverent », ut refert Socrates citatus cap. 16. Sciebat Chrysostomus in Concilio Antiocheno anno cccxli habito hoc decretum factum esse : « Episcopus de Synodo depositus, si sacra celebrare ausus fuerit, redeundi potestatem non habet ». Quare nolebat sedem suam recuperare sine majoris Synodi judicio, ut canonem Antiochenum, quocumque sensu exponeretur, observasse videretur. Tandem ad preces populi acquievit. Porro Synodus ad *Quercum* circa mensem Julium habita, ut ostendit Baronius ex Palladio num. 29. Idem Palladius scribit, duos tantum menses Joannem pacifice egisse : « Post duos iterum (scilicet menses) a plaga infecta modice respirantes, secundo adversus Joannem fremunt », post duos scilicet menses a terre motu, qui post ejus depositionem configit ; quid postea adversus *Chrysostomum* præstitum, anno sequenti exponemus.

5. *Synodus Carthaginensis adversus Donatistas celebrata.* — A num. 35 ad 50. Theodosio et Rumorido coss. VIII kal. Septemb. habitum Carthagi-

nense Concilium, et octo capitula in eo condita, inter quæ illud fuit, ut solenni instrumento provocarentur Donatistæ ad reddendam in publica collatione suæ defectionis rationem : sed hanc conditionem communi consilio indignis modis Donatistæ recusarunt. Quare Augustinus Epistolam lxxvi, quæ alias erat cxxxi, laicis ejusdem sectæ scripsit, ut ex hac suorum episcoporum declinatione suspectam causæ suæ justitiam tandem habere discerent. Sed hic non stetero Donatistæ ; *Crispinus* enim Calamensis episcopus *Possidium* ejusdem civitatis catholicum episcopum sic insectatus est, ut is vix fuga salutis suæ consulere potuerit. Ob hæc et alia facinora *Crispinus* in judicium vocatus multatus est a proconsule, qui rogatu Possidii multa remissa, imperatorem appellavit, qui eandem multam ipsi cæterisque Donatistis clericis inflixit, ut pluribus narrat Baronius ex Augustino lib. 3 contra Cresconium cap. 46, et ex Possidio in Vita Augustini cap. 12.

6. *Alaricus anno cō in Italiam intravit.* — Ad n. 50 et seq. Jornandes lib. de Rebus Gothicis, postquam narravit, Gothos Alaricum regem sibi constituisse, ait : « Mox ut ergo antefatus Alaricus creatus est rex, cum suis deliberans, suasit eos suo labore quærere regna, quam alienis per otium subjacere : et sumpto exercitu, per Pannonias, Stolicone et Aureliano coss., et per Sirmium dextro latere, quasi viris vacuum, intravit Italiam : nullo penitus obistente ad pontem applicuit Condiniani, qui tertio milliario ab urbe erat regia Ravennate ». Ubi Jornandes uno tenore refert, quæ ab anno cccxxxii, quo *Alaricus* dictus est rex, usque ad annum cō inter Gothos gesta sunt. Hæc brevius narrant Prosper et Cassiodorus in Chronicis ad consulatum Stiliconis et Aureliani anno cō gestum. Tum ad consulatum Arcadii V et Honorii V, seu ad annum cmi Prosper scribit : « Adversus Gothos vehementer utriusque potentiae partis clade pugnatum est ». Idem ad eum annum referunt Cassiodorus et Jornandes citatus, qui aiunt, pugnam habitam esse ad *Pollentiam*, quod oppidum erat Liguriæ apud Tanarum fluvium, nunc excisum. Sed genti suæ uterque nimium favens Gothos victores extitisse scribunt. Pugnatum fuisse die Paschatis, qui anno elapso in diem vi Aprilis incidit, Orosius lib. 7, cap. 25 insinuat, dum ait : « Taceo de infelicibus illis apud Pollentiam gestis cum Barbaro et Pagano duce, hoc est, Saule, cui summa belli commissa est, cujus improbate reverendissimi dies, et sanctum Pascha violatum est : cedentique hosti propter religionem, ut pugnaret, exortum est, etc. » Alia postea proflia habita tam *Hastæ*, quæ urbs est Liguriæ, quam *Veronæ*, ut prodit Claudianus in sexto consulatu Honorii, imo et in aliis oppidis, ut tradit Jornandes citatus. Ad hoc bellum refert Gothofredus legem 15 Cod. Theod. *De tyronibus*, qua honorarii tyrones indicti fuere. Quæ lex anno sup'iori emissa. Refert etiam ad hanc Gothorum irruptionem leges ejusdem Codicis 11, 12, 13 et 14 *De desertoribus* datas,

partim ut latrocinii Honorius imp. occurreret, partim adversus Gothorum irruptionem, quemadmodum et legem 13 ejusdem Cod. *De agentibus in rebus*, latam ad tyrannum indictionem. Quæ omnes leges hoc anno emissæ indicant currenti anno bellum adhuc durasse.

7. *Pugna habita ad Pollentiam anno cmi.* — Baronius num. 50, ut hanc irruptionem ad hunc annum referret, motus est his versibus Claudiani de bello Getico num. 485, ubi unum ex Alarici ducebus ita loquentem inducit :

Si numero non fallor, ait, trigesima currit
Bruma fere, rapidum postquam transivimus Istrum.
Romanamque manum tantis eludimus annis.

quibus indicari arbitratur Baronius, nondum fuisse annos triginta ab egressu Gothorum, quem contigisse putat anno Christi cccclxxvi. Addit, Ammianum lib. 30, scribere Gothos transmissio Istro invasisse Thracias anno cccclxxii, et si addantur triginta, plenum hunc ipsum annorum numerum a Claudiano signatum inveniri. Verum Claudianus annos illos triginta, ab anno cccclxxii deducit, cosque utriusque incompletos intelligit, quod ut magis exprimat, ait : « Trigesima currit bruma fere ». Infra vero num. 630 adverbium illud omittit.

unouque die Romana rependit,
Quidquid terdenis acies amissionis annis.
O celebranda mihi cunctis Pollentia sæctis !

Idem habet Prudentius adversus Symmachum agens,

Illic terdenis gens exitiabilis annis
Pannoniæ pœnas tandem delata rependit.

Gothi itaque Danubium primum trajecere anno Christi cccclxxii, ut eo anno ostendimus, et ex laudatis Claudiani, ac Prudentii versibus confirmatur. Ab eo autem Christi anno ad cmi anni triginta nondum completi fluxere, ideoque uterque poeta confirmat quod Cassiodorus et Prosper citati tradidere, anno scilicet superiori Gothos inter et Romanos ad Pollentiam pugnatum.

8. *Romani anno cmi nova mœnia ædificant.* — Alterum argumentum deducit Baronius ex erectione murorum urbis Romæ ad averlendam imminentem cladem Alarici, de quibus novis mœniis loquitur Claudianus *De sexto consulatu Honorii*, extatque Romæ vetus inscriptio recitata a Baronio, in qua dicitur eam murorum instauracionem factam esse *Curante Fl. Macrobio Lo iuniano V. C. pref. Urbis*. Ait denique Baronius, sanctum Paulinum in Natali vii sancti Felicis alludere ad hanc murorum urbis constructionem ; quod quidem verum est : cum Paulinus inter alia de Deo scribat :

Ipse intra muros turris tibi, qui sine muris
Murus erit.

Et certe illud Natalitium in medio belli tumultu, et incursionum Barbarorum, et nominatim *Gothorum* metu conscriptum esse, ejus lectio manifeste ostendit. Sed cum primum carmen Natalitium Paulini ad annum trecentessimum nonagesimum quartum pertineat, ut jam suo loco diximus ; Natalitium carmen vii scriptum est die xiv Januarii festo sancti Felicis sacra anni quadringentesimi primi ; ideoque Gothorum irruptio et murorum urbis Romæ instauratio pertinent ad annum quadringentesimum. Imo ex hoc Natalitio carmine, quod a præfato anno removeri non potest, liquet primum cum anno trecentesimo nonagesimo quarto alligandum esse. Si enim conveniret in annum cccxcvii, ut contendit Baronius anno cccxcvii, nom. 14 et alibi, octavum cecinisset Paulinus mense Januario anni quadringentesimi, sique Romani anno cccxcix sibi ab Alarico limissent, et ad eum reprimendum nova mœnia construxissent ; cum tamen eo anno nondum Romani sibi non metuerent ab eo. Ex octavo itaque sancti Felicis Natalitio aliorum chronolaxis pendet, patetque Baronium contra principium a se statutum hoc carmen in præsentem annum distulisse.

9. *Gothicæ irruptionis meminit Paulinus in Natalitio vii sancti Felicis.* — In eo terrore alii in legionibus confidebant, inquit Paulinus in illo carmine vii, alii vero in civitatum arcibus, quarum expedite reædificati erant muri, cum ipse ad defensionem signum Crucis et sancti Felicis tutelam solum adsciscerebat. Itaque bellum quod omnes formidabant, nihil Paulino obfuit, quin solito more hujus sancti confessoris festum, sicut pacis ac lætitiæ diem celebraret ; tantummodo orationi ferventius quam tranquillo tempore vacavit.

Credite, non armis, neque viribus esse tinendos
Allophylum populos ; quos propter crimina nostra
Offensi movet ira Dei, ut fornicine mortis
Excitet ad curam vitæ torpentia corda.

10. *Paulinus fit episcopus Nolanus.* — Hoc vel sequenti anno idem Paulinus episcopus Nolanus renuntiatus est ; Epistolam enim xxxvii, alias xxvii anno sequenti dedit ad *Victricium* episcopum Rotomagensis, cujus epigraphe est : *Victricio unanimino fratri Paulinus*, ut in codicibus tam editis quam Ms. legi assensit Le-Brunus in Vita sancti Paulini cap. 50. Quod si Paulinus episcopus tunc non fuisset, *Victricium* fratrem non appellasset. Præterea Pelagius Hæresiarca apud Augustinum lib. de Gratia Christi cap. 35, ubi recitatur fragmentum ejus Epistolæ ad Innocentium papam initio anni cxxxvii date, ait : « Legant illam Epistolam, quam ad sanctum virum Paulinum episcopum ante duodecim fere annos scripsimus ». Ubi si Pelagius annos illos completos numeret, Epistola illa ad Paulinum anno cmi scripta. Ante præsentem annum Paulinus episcopus esse non potuit ; cum certum sit, Paulum ejus decessorem annis cmi et cmi. Ecclesiam Nolanam rexisse. Paulinus enim in Epistola xxxii,

alias XII ad Severum data Basilicam recens conditionem sancti Felicis confessoris Nolani describit, et epigrammata eidem a se inscripta mittit. In uno vero illorum num. 15 recitato, canit :

Plebs gemina Christum Felicis adorat in aula,
Paulus Apostolico quam temperat ore sacerdos.

Quare *Paulus*, quem Paulinus *Sacerdotem*, ut episcopi tunc nominabantur, et quem mox vocat *Antistitem*,

Paulus in æternos antistes dedicat usus,

Nolanam Ecclesiam administrabat, quando Basilica illa ædificata, et a Paulo dedicata. Eam vero dedicationem, vel anno cdi vel currenti peractam, eodemque eam Epistolam ad Severum datam, demonstrat Carmen Natalitium x de sancto Felice, die xiv hujus anni a Paulino scriptum, cum versu 185 hæc habeat :

Namque hodie his eam geminata novatio comit,
Dum gemina antistes gerit illic muera Christi :
In geminos aditum venerabile dedicat usus (1).

11. *Rejicitur Sententia Chiffletii.* — Chiffletius in Paulino Illustrato part. 2, cap. 12 et seqq. contendit, *Paulinum* vergente anno cccxcvi, aut ineunte cccxcvii Nolanis episcopum datum fuisse, et hujus dignitatis vestigium extare in Natali iv sancti Felicis anno cccxcvii a Paulino edito.

Annua vota mihi remeant, simul annua lingue
Debita, natalis tuus, o hari-sime Christo
Felix, natalis proprio mihi canor, in quo
Quamlibet innumeris sint gaudia publica turbis,
Est aliquid speciale tuis ; quod nos tibi Christus
Esse dedit, viles caro largitus amico.

Quos versus Chiffletius de Paulini in episcopum

Nolanum assumptione interpretatur. At versibus immediate sequentibus Paulinus ita evidenter exponit, se loqui de Natali suo gemino a Romanis celebrari solito, ut inde liqueat tunc illum nondum episcopum fuisse.

Nam quia tu dignus fanulis tam vilibus esses,
Æternis dignate Deo comes ire triumphis ;
Sed quia nos iuvenes justis, indignosque salutis
Sic voluit ditare Pater bonus, ut male diles
Criminibus versa in melius vice divitiarum,
Pro cunctis opibus, cunctisque affectibus, et pro
Nobilibus titulis et honoribus omnia vanis,
Felicem caperemus opes, patriamque, domumque.
Tu pater, et patria, et domus, et substantia nobis,
In gremium translata tuum cunabula nostra,
Et tuus est nobis nilo similis, etc.

Ubi Paulinus dicit, se a sua nativitate non nisi male divitem factum esse, et accepisse tantum nobiles titulos, vanosque honores, quod de natali die sui episcopatus scribere non potuit. Secundo, Chiffletius affert Epistolam Paulini xii, alias xxxvii ad Pammachium, ubi ait : « Scriptis sancti viri fratris nostri episcopi Olympii, communis unanimi, nuper accepi, etc. » Verum licet præcedentes editiones Operum Paulini habeant illam vocem *Episcopi*, ultima tamen, omnium accuratior, ex Ms. Regio habet tantum, « sancti viri fratris nostri Olympii », rejecta scilicet *Episcopi* voce, ab aliquo sciolo intrusa.

12. *Eadem sententia magis refellitur.* — Conatur Chiffletius sese ab hoc nodo, quem non parum intricatum fateretur, expedire. Paulinus in Epistola xx, alias xvi ad Delphinum data, de Anastasio papa scribit : « Postea quoque, interposito tempore etiam ad natalem suum (quod consacerdotibus suis tantum deferre solet) invitare dignatus est ; nec offensus est excusatione nostra ; sed officium sermonis nostri, quod in vicem præsentiae reddideramus, acceptans, animo nos paterno et absentes recepit ». Scribebat hæc Paulinus anno cccxcix jam exacta

(1) Sententiam PP. Benedictinorum et Cl. Le-Brun, Muratorius tum in Anecdotis t. 1, cum in novissima Operum S. Paulini editione Veronensi anno MDCCXXXVI propugnavit, et ex illo PP. Bollandiani in supplemento ad Acta SS. Junii, qui omnes invictis argumentis demonstrant, ante annum cdxix ad episcopatum cathedram S. Paulinum promotum non fuisse. Primo enim, in Natali xiii scripto pro anno cdxvi (quem integrum idem Muratorius vulgavit) miraculum narratur S. Felicis, recens proculdubio et anno superiori editum (cum recentia semper in carminibus quotannis a S. Vate soluta in honorem S. Felicis referantur) hos versus in rem nostram legas :

..... Cunctos transmittit episcopum
Ad nos presbyteros, His.....
..... fabra manus spectantibus instat
Jussa sacerdotis facere.

Ex his patet S. Paulinum in presbyterorum tantummodo ordine anno cdxv fuisse. Insuper in eodem Natali dignitates suas percensens S. Paulinus nihil de episcopali commemorat. Nec anno igitur cdxvi ineunte sacrum munus obibat. Deinceps vero sequentibus annis usque ad cdxix nihil occurrit, quod ante illum annum sacram ejus ordinationem anticipari suadeat.

Nec satis convincit argumentum Pacii, ex eo deductum, quod in Epistola scripta anno cdxv Victricium Rothomagensis fratris nomine compellat. Nam ea plane ratione fratris nomine salutare episcopum presbyter potuit, ac S. Augustinus jam episcopus Paulinum presbyterum fratris titulo decoravit. Vide Epistolam ejusdem S. Augustini ad Paulinum et Therasium inter Opera S. Paulini *novæ editionis* col. 32. Insuper anno cdxvii S. Paulinus Epistolam scribens ad S. Augustinum, ubi in laudes Melanæ Senioris et Publicolæ ejus filii excurrit, hoc titulo illum salutatur : *Venerabili patri, fratri, magistro* ; ex quo conficitur vel tunc pariter episcopalem dignitatem non obtinisse Paulinum, eo quod episcopum patrem appellari ; vel quod fratris nomen dare presbyter episcopo non renebat, quæ nostra est opinio. Denique Epistolam illam ad Victricium, quæ in nova Operum S. Paulini editione est xxxvii, anno cdxv scriptam fuisse, quamvis id opere a nupero Editore adstruitur, non satis perspicuum est. Licet enim constet ex Epistola Innocentii I ad illum (Victricium nempe) datam, anno circiter cdxv Romam venisse, et de hac ejus protectione ad Urbem loquitur in eadem Epistola sua Paulinus, modeste Amicum coarctans, quod ad se ea occasione non divertit : non tamen perinde constat, statim a reditu suo in patriam a Victrio missum fuisse Candidianum diaconum, quantum arbitror, suum ad eundem Paulinum cum Epistola, cui idem Paulinus alia Epistola respondit. Forte enim id post nonnullos a reditu Victrii annos contigit. Quod si admittatur, deducitur e titulo Epistolæ illius argumentum ad oppugnandam ordinationem S. Paulini anno cdxix nihil urget.

die anniversaria ordinationis Anastasii papæ; eo igitur anno jam Paulinus episcopus erat. Ita Chiffletius. Verum verba immediate præcedentia, quæ vir doctissimus tacet, consequentiam, quam ex illis deducit, plane evertunt. Erat Delphinus episcopus Burdigalensis, cui hæc significat Paulinus: « Sciat veneratio tua, sanctum fratrem tuum papam Urbis Anastasium amantissimum esse humilitatis nostræ », ubi Paulinus non dicit *fratrem meum*, vel *fratrem nostrum*, argumento manifesto, cum tunc non fuisset episcopus, sicut Delphinus. Addit Paulinus: « Nam brevi post ordinationem suam Epistolæ de nomine nostro, plenæ et religionis, et pietatis, et pacis, ad episcopos Campaniæ misit; quibus et suum declararet affectum, et aliis benignitatis suæ præberet exemplum ». Quod si Paulinus tunc episcopus fuisset, non scripsisset, *ad episcopos Campaniæ misit*; sed *ad coepiscopos Campaniæ misit*. Pergit sanctus antistes: « Postea quoque interposito tempore etiam ad natalem suum, quod consacerdotibus suis tantum deferre solet, invitare dignatus est ». Quæ verba suam sententiam confirmare Chiffletius arbitratur. At Paulinus consacerdotum papæ nomine non intelligit solos episcopos, qui Pontifici Romano immediate suberant, ut provinciæ Romanæ Metropolitano, sicuti eum interpretatur Chiffletius. Secundo, verum etiam non est, quod tamen ipse existimavit, Campaniam, ubi Paulini episcopi sedes Nola posita erat, fuisse extra provinciam Romanam; cum pleræque S. Paulini litteræ indicent, Campaniam inspectioni speciali Pontificis Romani subjectam fuisse. Denique si *Paulinus*, quando eam ad *Delphinum* Epistolam dedit, episcopus fuisset, *Anastasius* papa, cum illum ad Natalem suum invitavit, insignes amoris sui notas et indicia eidem non præbuisset, quod tamen ex ejus litteris colligit Paulinus, qui hunc honorem recusavit, « nec offensus est excusatione nostra », inquit sanctus presul, qui ideo hunc honorem recusavit, quia « non erat de consacerdotibus ejus ». Quare tantum abest, ut hæc ejus Epistola sententiæ Chiffletii suffragetur, ut ei plane adversetur.

13. *Alia sententia de anno episcopatus Paulini rejecta.* — Patres Benedictini in digerendis sancti Augustini Epistolis, et Le-Brunus in Vita sancti Paulini cap. 50, et alibi aliam viam inire; existimant enim *Paulinum* ad episcopatum Nolanum promotum esse exeunte anno cxi, quod Augustinus lib. 1 de Civit. Dei, cap. 10, loquens de accessu Alarici Gothorum regis, ad Nolam civitatem, Paulinum episcopum Nolanum appellet, et in Epistolis suis ad Paulinum circa annum cxi datis, ac in posterioribus aliis Operibus, eum semper vocet *Episcopum*, nulla de *Therasia* ejus uxore, mentione facta; unde eam jam vita functam omnino probabile censent. Verum *Therasiam* piissimam matronam, quæ cum Paulino episcopo tanquam cum fratre vixit, et cui non minus, quam eidem Epistolæ suas Augustinus

inscripsit, mortuam tunc fuisse certo inde deducitur; quod Augustinus ejus nomen in suarum ad Paulinum litterarum post annum cxi ad eum datarum inscriptione, non prætermisisset. Inde etiam manifestum fit, Paulini episcopatum nullam cum hujusmodi inscriptionibus connexionem habere; Epistola enim xcvi, alias ccl Augustini inscripta: « Dominis carissimis et sincerissimis, sanctis et desiderabilibus et venerabilibus fratribus, sub magistro Domino Jesu condiscipulis Paulino et Therasiæ Augustinus in Domino salutem », ea, inquam, Epistola data est hyeme incunte anni cxi, vel insequentis anni initio, ut anno cxi, u. 9, et cxi, num. 24 demonstravi. Ex quo proinde sequetur, *Paulinum* tunc tantum presbyterum fuisse; quamvis Augustinus in lib. 1 de Civit. citato, eum ante finem anni cxi episcopum fuisse insinuet. Ex hujusmodi itaque litterarum *Augustini* inscriptionibus solum confici potest, *Therasiam*, cum illæ datæ sunt, adhuc in vivis fuisse, ideoque et eam ad Deum migrasse ante finem anni cxi, quo Augustinus Paulinum nulla uxoris ejus mentione facta in Epistola ad eum data memorat. Cum autem *Ruffinus* in Epistola nuncupatoria secundi libri *De benedictionibus patriarcharum*, Paulinum, non episcopum, sed *fratrem* appellet, liquet, hoc opus a Ruffino elucubratum ante annum cxi, et Epistolam Paulini xlii, alias xxxv, qua explicationem benedictionum patriarcharum, quam ab ipso petierat, ad illum rejicit; Epistolam xlii, alias xlii Paulini ad Ruffinum, qua postulat, ut sibi exponat caput xlii Genesis, *quo Judas u Jacob benedicitur*; et denique Epistolam xlii, alias xlii Paulini ad Ruffinum, qua post expositam circa personam Judæ prophetiam, exposcit, ut *Benedictiones duodecim patriarcharum* interpretetur, ante eundem etiam Christi annum datas esse, non vero annis cxi, cxi et cxi, quibus eas affixit *Le-Brunus*.

14. *Floret S. Asterius Amasææ Metropolitæ.* — Florebat hoc tempore sanctus *Asterius* Amasææ in Ponto Metropolitæ, ut colligitur ex Oratione de *Kolendis* ab eo recitata anno quadringentesimo, proximo scilicet post consulatum Eutropii eunuchi, cujus casum memorat, qui anno cccxc acciderat: extant varia ejus Opuscula diversis temporibus a viris doctis publicata, de quibus legendus Oudinus in supplemento de script. Ecclesiast.

15. *Marina filia Arcadii nascitur.* — Auctor Chronicæ Alexandrini ad consulatum Theodosii Jun. et Rumoridi scribit: « His quod nata est nobilissima Marina mense Peritio IV idus Februarii ». Idem habet Marcellinus, nisi quod loco *IV idus Februarii* in eo legitur *III idus Februarii*. Pulcheria duas sorores suas « Arcadium et Marinam in virginitalis proposito permanere docuit », inquit Theophanes, eum de morte Arcadii harum virginum patris sermonem habet.

INNOCENTII ANNUS 3. — CHRISTI 404.

1. *Ludi sæculares per summum dedecus restituti.* — Quadringentesimus quartus sequitur Christi annus, titulo consulatus Sexti Honorii imperatoris, et Aristeneti publicis Fastis adscriptus : quo pariter sæculares ludi a superstitione introducti Gentilium, Constantini vero religione neglecti atque penitus prætermissi, non sine dedecore Christiani nominis editi sunt : de quibus Claudianus in carmine de eodem sexto Honorii consulatu hos habet versus ¹ :

Jam flavescentia centum
Messibus æstivæ detondeat Gargara falces,
Spectatosque iterum nulli celebrantia ludos
Circumflexa, rapit centenos sæcula consul, etc.

Male persuasus Honorius, quod hos fatales esse perpetuitatis Urbis, et felices ejus status conciliatores Gentiles dicerent, eorundem consilio, et suasionem inductus, et seductus est, ut quos despexerat Constantinus ille Magnus, ipse imprudens reslitteret. Accidisse enim videtur, ut recentis adversus Alaricum apud Pollentiam obtentæ victoriæ, et decreti sibi a senatu triumphii elatus gloria, quid peteretur, quidve concesserit, minime cogitavit. Gentiles itaque quod in his putarent Urbis æternitatem fœulis auspiciis consecrari; qui nuper timore descendens in Italiam Alarici perterriti, novis cinxerant Urbem mœnibus, eam patria quoque putarunt religione fore muniendam : cum perinde ac Z-zionus², licentius effundat, ob neglectos superioris sæculi ludos in hæc mala incidisse, ut a Barbaris devastaretur Romanum imperium, et ipsa Roma in discrimine posita esset : quibus inductus Honorius, eisdem summa imperii jactura assensum præbuit : nam eo scelere ad excidium Urbis Deum sollicitavit. Cum aliquo salis experimento esse debuisset, omnia hæc inaniter fieri : quod sub Constantino, qui eos prætermisit ludos, Romanum imperium, extinctis tyrannis, et debellatis Barbaris, omni ex parte florentissimum visum est. Sed damno suo atque jactura ipsius Urbis, cujus æternitati male superstitione consulebatur, expertus est, quantum ex per-

peram facto justam Dei vindictam commoverit; qui paucos post annos, eam quam prævio Christi nomine liberaverat, eisdem Gothis, eodem Alarico duce, dedit capendam atque prædandam.

2. Scimus Honorium excusari, quod etsi Romanis Gentilibus concessit sæculares celebrari ludos, voluisse tamen haud ritibus illis Gentilitiis ipsos agi : sed indulsisse tantum, ut theatrales atque circenses ludi exhiberentur. At quæ sine superstitione spectacula? aut quis putat occini prætermisos a pueris et puellis Sibyllina illa carmina in his edendis ludis solemnitas? Certe quidem revocata tot Christianorum imperatorum legibus velita gladiatorum munera his temporibus sub Honorio rursum exhibita, locuples testis est Prudentius¹, qui post decantatam Pollentiam victoriam hand pridem Christi virtute partam, ad finem hæc habet, cum hortatur ut gladiatorios ludos penitus vetet :

Arripe dilata tua, dux, in tempora famam :
Quoque patris superest, successor laudis habeto.
Ille Urbem veluit Laurorum sanguine tingo :
Tu mortis miserorum hominum prohibeto litari :
Nullus in Urbe cadat, cuius sit pœna voluptas, etc.

Grande sane piaculum, ut quæ tot legibus Christianorum principum prohibita erant cruenta gladiatorum spectacula, et quæ (ut vidimus) ne fierent, redempta fuerant sanguine martyris, essent iterum restituta ab ipsis Gentilibus, et quidem solemniori ritu, ad quæ spectanda prodirent (ut Prudentius ait) cum pompa virgines Vestales. Quæ facinorosa digna Dei vindicta. Romano sanguine per Gothorum gladium Deus vultu expiari : sed de his suo loco. Jam vero Ecclesiam Orientis perturbatam invisimus.

3. *In dedicatione statuæ Eudoxiæ, cur Joannes in eam offenderit, et quid concionatus.* — Ille eodem anno, iisdem consulibus Honorio sexto et Aristeneto, S. Joannes Chrysostomus factione seditiosorum episcoporum, urgente Eudoxia Augusta, sede pellitur, atque exul relegatur in Cæsium. Quænam

¹ Claud. de sex. Consul. Honor. — ² Zozan. l. 11.

¹ Prud. a l. v. Symmach. l. 1.

autem causæ turbarum præcesserint, ut qui iubente Arcadio imperatore, annuentibus quoque episcopis, tanta gloria fuerat restitutus, fugamque arripientibus adversariis, summa tranquillitate sederit, tandem post spatium decem ferme mensium iterum in eum principum animi adeo commoti fuerint, ut a quibus deponendus esset, magna celeritate episcopos Constantinopolim accersiverint, dicendum per singula quam exactissime. Accidit namque (ut auctor est Marcellinus ¹) ut his consulibus Eudoxiæ Augustæ statua argentea erigeretur super columnam porphyreticam apud Ecclesiam; de qua Socrates ²: « Hæc in edita basi, neque valde prope Ecclesiam, quæ Sapientia dicitur, neque longe admodum collocata: sed inter Ecclesiam et statuum platea solum media interjecta fuit. Ibi ludi populares (ut moris est) celebrari cœpi sunt ». De quibus Sozomenus ³: « Applausus ob id ac publica saltatorum et histriorum spectacula ibi edebantur, sicut moris fuit in regiarum imaginum dedicatione »: Hæc ipse.

4. At qui legitimus esset cultus adhibendus in imperatorum simulacrorum erectione, Theodosius imperator ejusmodi edita sanctione antea definierat, ad Ælium præfectum prætorio ita rescribens ⁴:

« Si quando nostræ statuæ vel imagines eriguntur, seu diebus (ut assolet) festis, sive communibus: adsit iudex sine adorationis ambitioso fastigio: ut ornamentum diei, vel loco, et nostræ recordationi sui probet accessisse præsentiam. Ludis quoque simulacra proposita, tantum in animis concurrentium, mentisque secretis nostrum nomen, et laudes vigere demonstrent. Excedens cultura hominum dignitatem supremo numini reservetur. Dat., etc. » Hæc Theodosius. Cum vero S. Joannes Chrysostomus dicatur factam dedicationem statuæ Eudoxiæ, habita ad populum concione, reprehendisse (tradunt enim id Socrates ⁵, Sozomenus ⁶, et alii) aliquid in ea admissum putatur, quod et modeste pii principis legi, et religioni Christianæ adversaretur: perfacile enim est in hujusmodi rebus in idololatriæ scelus incurrere, cum effrenis populi adulationi nesciat acqui limitibus coerceri; ejus causa opus fuerit pietatis acerrimo vindici ad populum declamare. Sive quod prætexunt alii, quod ludi præ Ecclesiæ foribus agerentur non sine magna Ecclesiæ contumelia, quæ clamoribus theatricis confusa resonans, haud concinnum psallentium cantum, vocemque concionantis episcopi facile admittibat: jure commotus S. Joannes, vehementi invectiva jure ejusmodi fuit spectacula insectatus: cum alioqui sciamus ipsum, absque alia recens accedente occasione, adversus spectacula ac spectatores acerrime invehi ac vehementer declamare consuevisse. Sed illa verior atque justior causa intercessit,

ut Joannes Chrysostomus in Eudoxiam commoveretur, qua etiam scimus perturbatum nonnihil fuisse Honorium imp. cum audivit: quo nomine etiam reprehendit fratrem Arcadium, qui adeo nelanda æquo animo pertulisset, dum scilicet non modo Constantinopoli venerationi simulacrum Eudoxiæ expositum esset, sed idem per provincias quoque deferretur, non secus ac olim Cybeles circumferre solerent Ethnici simulacrum, ut apparet ex Luciano, Apuleio, et aliis. At litteras de his Honorii expostulantis secundo datas suo loco inferius recitabimus. Quam justissima igitur impulsit causa Chrysostomum adversus hujusmodi impium idololatriæ scelus vehementius declamandi.

5. Hæc autem in deteriore partem accepta ab iis qui sagaci studio quamlibet venabantur occasionem, qua sancto iterum negotium facesseret, et in crimen adducerent, deferunt Eudoxiæ, eam nimium verborum jaculis a Joanne iterum acris appeti, atque pro concione proscindi. Cum illa, quæ pristinum in eum conflatum odium perterrefacta viminibus remisisset potius quam dimisisset omnino; veluti cæstro percita, atque furis agitata, minatur non depositionem tantum, sed necem, appelens caput viri, ejus lingua gravius quam lancea feriretur. At nec ista quidem verbis tantum more debæchan-tium feminarum jactabat inani studio, sed opere ut implerentur, totis contendit nervis, litteras ad episcopos scribens per veredarios, ut quam citissime perferrentur; sollicite curans, ut quamprimum omnes Constantinopolim veniant, ante omnes autem Theophilus Alexandrinus episcopus, quem experta erat in hujusmodi rebus curandis solertissimum.

6. Cum autem hæc laud secretis nuntiis agerentur, sed horum causa snæque omnia miscerentur, jactanturque ore nullorum dissipata semel in vulgus; S. Joannes eadem qua semper in adversis infracta constantia intrepidus steterat, populo ex ore in Ecclesiam convocato, gravissimam illam orationem habuit, qua ita exorsus est: « Rursus Herodias furit, rursus turbatur, rursus ab Herode caput Joannis injuria pelit abscindi, rursus Jezabel Nabuthæ vineam eripere pertentat, ac sanctum Eliam ad montes persequendo compellere, etc. » extat ipsa quidem integra oratio, quam ex vetustissimo codice erutam nostrum Antonium Agellium clericum regularem, his diebus digne creatum episcopum edithorum speramus. Porro eadem ipsa est ex illis, quæ ex variis Matthari locis ejusdem Chrysostomi edite sunt, excusæ Parisiis, homilia decima quinta: quæ tamen (nescimus quomodo) veluti capite truncata, ejusmodi dicto caret exordio, ejus loco illa habentur præposita verba: « Heu me, quid agam? unde sermonis exordium faciam? quid dicam? et quid taceam? » reliqua vero eadem prorsus, nisi quod illa translata ab Agellio ad finem

¹ Marcell. in Chron. hoc anno. — ² Socr. l. vi. c. 16. — ³ Sozom. l. viii. c. 20. — ⁴ L. i. de imag. Imp. C. Theod. — ⁵ Socr. l. vi. c. 16. — ⁶ Sozom. l. viii. c. 20.

amplius habet viginti circiter versus in commendationem sanctorum feminarum novi Testamenti.

7. *In Joannem collecto Concilio, sanna in eum et cum eo communicantes scelera perpetrantur.*

— His autem, veluti flagranti igneis globis incendio vehementiori addito vento, Eudoxie magis magisque animus concitatur: adeo ut de convocandis adversens Joannem episcopis quolibet sollicita festinatio, et omni arte procurata celeritas, longiores illi visæ sint moræ atque sera cunctatio. Pertraxit illa ad sua vota imp. Arcadium, quem reddidit suis votis in omnibus annuentem: qui magna cautela primum omnium cavendum duxit, ne cum populo Joanni studente magistratus jungerentur una cum his qui ipsis magistratibus apparebant: ne viribus populus pollens, episcoporum dissensiones in bellum civile converteret: quamobrem Arcadius anni hujus exordio, nempe mense Januarii, ad Anthemium magistrum officiorum ista rescripti¹:

8. « Cuncta officia moneantur a tumultuosis se conventiculis abstinere: et qui sacrilego animo auctoritatem nostri numinis ausi fuerint expugnare, privati cingulo, bonorum proscriptione mulcentur. Dat. IV kal. Febr. Constantinop., Honorio VI et Aristacelo cons. » Quæ autem mox fuerint consecuta atqueam dicamus, de tempore rerum gestarum ratio incunda est. Veritati quidem est consonum, quod Metaphrastes ait², integrum fluxisse annum ab expulsiōe Joannis usque ad posteriorem ipsius condemnationem: nec aliter videtur sensisse Palladius, dum novem vel decem menses interlapsos esse testatur a priori restitutione usque ad Quadragesimæ tempus, ut sic annus ferme integer conficiatur usque ad Pascha, quo tempore secundo ipsum expelli contigit: cum tamen totius hujus temporis duos tantum menses Joannem pacifice egisse tradat, qui rem gestam, cui præsens fuit, ita describit³: « Post duos iterum a plaga inflictæ modice respirantes, secundo adversus Joannem fremunt: initiumque probabile minime invenientes, Alexandriam ad hujusmodi rerum peritissimum sophistam mittunt, ita suggerentes », Theophilo scilicet: « Aut iterum veni dux noster adversus Joannem futurus; aut si hoc populi causa vereris, modum aliquem suggere, ex quo sumamus initium.

9. « Acceptis Theophili litteris, ipse quidem venire noluit, sciens quo pacto effugisset. Misit autem tres illos episcopos Paulum, et Pemenem, et alium nuper ordinatum; mittens una et canones quosdam ab Arianis contra beatissimum Athanasium factos, quibus utiles Joanni calumniam struerent: quod scilicet post depositionem suam sine episcopali decreto redire ausus esset ». Actum est superius de ejusmodi canone revera ab Arianis in Concilio Antiocheno in Encarnis celebrato. Subdit vero Palladius: « Faciunt illi quod admoniti fuerant, illius consuetudinem non ignorantes: accersitisque ex

Syria, et Cappadocia, et Ponto, et Phrygia Metropolitis et episcopis omnibus, Constantinopolim convenire: advenientes autem, juxta canonis seriem Joanni communicarunt, ne eadem quæ prius incurrerent ». Ad hoc scilicet, quod ea ex causa ipse Joannes excusarat, nolle adesse iudicio, in quo præsideret Theophilus inimicus ex eo declaratus, quod veniens Constantinopolim, secum noluerat communicare. Sed pergit Palladius: « Ea re vero comperta, principes ægre tulerunt: et Theodorus quidem Tyanæus vir summæ gravitatis, ubi ex his quæ venerant ad aures ejus, quid ageretur, advertit, ne Theophili temeritatem sequeretur, relictis omnibus, ad suam remeavit Ecclesiam, valesciens comitatu, suamque provinciam vallans pietatis muro. et ad finem usque in communionem persistens fidelium Romanorum, de quibus Paulus¹ testatur et dicit: Fides vestra annuntiatur in universo mundo. Faretrius vero Cæsareæ, quæ Argeo adjacet, præsul, nimium formidans, non secus atque infantes larvas, neque urbe egressus sua, per litteras consensit adversariis, et quidem non vocatus in medium, imperite omnino, quippe qui esset omnino rusticus ac stultus.

10. Addit his Socrates²: « Paulo post episcopi adventarunt, Leontius (Leontinus) episcopus Ancyrae, quæ est in parva Galatia, Ammonius Laodiceæ, quæ est in Pisidia, Briso Philipporum, quæ civitas est in Thracia, et Acacius Berææ, quæ est in Syria, et alii nonnulli. Coram istis accusatores, qui dudum Joannem in iudicio vocaverant, de integro producuntur. Joannes istorum episcoporum æquitate fretus, postulat ut de criminibus queratur. Cum jam Natalis dies Salvatoris celebraretur, imperator (ut assolet) ad Ecclesiam non accessit; sed Joanni significavit, se non prius cum eo communicaturum, quam crimina ei illata diluisset. Cuique accusatores propter Joannis animi confidentiam animis cadere viderentur: episcopi qui aderant, non de alio crimine queri, sed hoc solum in iudicium adduci oportere, dixerunt, nimirum quod post abdicationem, absque Concilii sententia, se ipse in sede episcopali collocaverat. Ubi Joannes respondit, quinquaginta (quadraginta) episcopos qui cum ipso communicaverant, ei in ea re suffragatos fuisse. Leontius contra: At plures (inquit) tibi in Concilio refragati sunt ». Sed mendaciter id quidem, cum narrent in Synodo ad Quercum habita S. Joannem non amplius quam a triginta sex condemnatum, quod habet Theodorus in Actis Innocentii papæ, ut inferius dicemus. Porro Leontium ac collegas, de quibus ante aliquid boni ob initam communicationem sperare posse videbatur, et ipsos quoque pronissioibus adversariorum in transversum actos testatur Palladius, qui aliorum episcoporum naufragia recensens, hos illis adnumerans subdit: « Leontius autem Ancyrae Galatiæ, Ammonio Laodiceæ Adustæ adjunctus, adustam fecerunt Ecclesiam, non modo vici principum minis, sed contra spe munerum

¹ L. IV. de his qui pro religione contendunt. — ² Metaph. in Vita S. Joan. Chrys. — ³ Pallad. in dial.

¹ Rom. I. — ² Socr. I. VI. c. 16.

seducti regalium, in sancta Synodo sententiam nequissimam una cum Acacio, et Antiocho ferunt, oblinere scientes Theophili indiscretum iudicium, ut locus purgandi se Joanni nullus omnino daretur, vigore scilicet canonum eorum, quos Theophilus miserat a quadraginta complicitibus Arian editos, atque ista continentes :

11. « Si quis episcopus, aut presbyter, injuste sive juste depositus, ex seipso absque Synodo in Ecclesiam redierit : hic jam excusationis non habet locum, sed omnino expellatur ». Est hæc quidem sententia canonis Antiocheni¹ Concilii, quem ab Arianis in Athanasii odium sanctum esse, suo loco diximus : « Et ista quidem regula (subdit Palladius) ut nequam et a nequissimis edita, in Sardicensi Concilio a Romanis et Italis, Illyriisque et Macedonibus et Græcis (ut ipse melius nosti, optime Theodoric), eliminata est, quando Liberius aut Julius sub Constantis imperio Athanasium, et Marcellum Galatam admisit ad communionem, quorum causa canon ille fuerat editus ». Hæc ipse. At quomodo a Synodo Sardicensi derogatum est canonii illi? Cum videlicet in ea decretum² fuit, ut si damnatus appellaverit ad Romanum Pontificem, id observandum esset, quod ipsi libuisset. Pergit vero Palladius :

12. « Invo illi quidem Ammonius, et Leontius conjuncti Acacio, et Antiocho, et Cyrino Chalcedonensis, ac Severiano, ingressi ad regem, dicebant, decem episcopos ex parte Joannis evocandos (erant enim plures quadraginta) pro canonum auctoritate statuenda; aliis asserentibus eos a Catholicis editos, aliis contra dicentibus ab Arianis fuisse compositos. Ingressus autem Elpidius Laodiceæ Syriæ episcopus, vir vite merito, et causæ ipsa venerandus, una cum Tranquillo suadebant regi, non oportere Joannem irrationabiliter ejici : neque enim prius depositus, sed pulsus a comite fuerat; neque a se ipso remearet, sed ex præcepto pietatis suæ, notario ad hoc misso. Præterea quos proferrent canones, hæreticorum esse; quod apertis iudiciis ostendi posset. Cum vero persisterent Joannis adversarii indisciplinate contendere, et alii quidem clamorosa voce perstreperent, alii vero improbis gestibus, presente imperatore, tumido pectore et spiritu turgido insanire viderentur : Elpidius canonum scientissimus, modeste modico impetrato silentio, sic regem alloquitur : Non diutius mansuetudinem tuam vexemus, imperator : sed istud fiat : Subscribant fratres nostri Acacius et Antiochus et ceteri, se illorum esse fidei, qui illos exposuerunt canones, quos ipsi obtinent; et soluta controversia est.

13. « Imperator ubi simplicitatem propositionis adiecit, subridens dixit Antiocho : Nihil afferri nitilum potest. Erat autem in omnibus quæ fiebant, imperator innocens, aliis quæ bene fuerant insinuta mutantibus. Auxit igitur atque ancipites Severianus et socii, et in seipsum instar aquæ inconstans, et remeantes ad id quod fuerat prudenter objectum, et

ad regis iudicium nihil respondere poterant, facie tota in livorem transeunte; loci tamen angustibus deprehensi, inviti licet, se subscribere pollicentur. Ita egressi, promissionem quidem utpote inconsulte factam implere detrectant, convinci metuentes. Consultabant autem, quomodo Joannes expelleretur. Dum hæc aguntur, et alii sic et alii aliter sentiunt, novem aut decem fluxere menses, cum episcopus Joannes adjunctis sibi quadraginta duobus episcopis, ageret in dies quæ Dei sunt, et populi magna cum iucunditate ipsius doctrina fruerebantur. Solet enim animus a vanitate gloriæ remotus, inter casus varios gratius atque potentius Dei verba profunderet.

14. « Interea advenit Quadragesimalæ jejuniū, quod annis singulis instar veris effloret. Ingressi rursus Antiochus et socii secum ad regem, persuadebant, ut Joannem quasi convictum, imminente Pascha, iuberet expelli. Imperator eorum improbitate fatigatus, veluti episcopis credidit : qui enim veraciter aut presbyter, aut episcopus est, mendacium nescit : hæc quippe nomina de supernis derivantur ». Sed ista quidem ad excusationem imperatoris Palladius modeste affert, qui et subdit : « Mandat itaque Joanni, ut Ecclesia exeat. Et Joannes ita respondit : Ego a Deo Salvatore nostro hanc suscepī Ecclesiam, ut salutem populi curam diligenter : neque illam deserere possum. Quod si fieri id omnino vis, quia civitas dissentit a me ; vi mecum age, ut excusationem habeam, quod auctoritate tua pulsus reliquerim ordinem meum. Ita cum quadam verecundia mittentes ex palatio depulerunt illum, mandantes, ut interim in episcopatus habitatione moraretur; expectantes simul aliquod divinæ indignationis iudicium; ut si quid illius adversariis, aut sibi triste contingeret; maturato illum in Ecclesiam reducentes, Deum reconciliarent sibi; alioquin illi rursus insidiarentur ut Pharaō Moysi.

15. « Inter hæc advenit magni sabbati dies, in qua crucifixus Salvator spoliavit infernum. Rursus illi mandant, ut Ecclesia exeat. Quibus ille justa respondit. Veritus itaque rex diei sanctitatem et commotionem civilitatis, acriter Acacium et Antiochum alloquitur, dicens : Quid facimus? Videle ne forte non recte consultaveritis. Tunc fortissimi illi et nimium magnanimiti dixerunt regi : Super caput nostrum sit, imperator, Joannis depositio. Quod reliquum erat auxilii, hi qui cum Joanne aderant episcopi, sacri jejunii numero æquales (nempe quadraginta) regem et reginam adeunt in Martyriis, orantes cum lacrymis, ut Christi Ecclesie parcerent, maxime propter imminens Pascha, et eos qui regenerandi erant jam plene eruditos, eique redderent sacerdotem. Sed audit illi non sunt : ita ut sanctus Paulus episcopos impeterritus, plenusque fiducia Eudoxie diceret : Deum time, filiisque tuis miserere, neque sanguinis effusione sanctam Christi violas sollemnitate.

16. « Reversi autem episcopi, vigiliis intra sua diversoria celebrarunt, alii fundentes perpetuas

¹ Concil. Antioch. c. 12. — ² Concil. Sardie. c. 3.

lacrymas, alii dolore delenti, alque alii mente ferme in stuporem versi, prout singulis passio dictabat. Joannis autem presbyteri, quibus Dei aderat timor, in publico baptisterio, quod Constantinianum appellatur, coactis populis, vigilas inchoarunt, partim divina eloquia legentes, partim eos, qui instructi erant in fide, baptizantes, ut est moris in Pascha. Hæc ipsa Auliochus, Severianus, et Acacius perdite mentis homines, et antiqui seductores suis præceptoribus referunt, orantes ut populi impedirentur, nec in eo loco fierent collectæ. Repulsi eos qui tunc erat magister militum, et ait: Nox est, et turbæ multæ convenerunt: ne quid impeditum oriatur, caute providendum est. Illi ad hæc respondent: Nemo in Ecclesiis remansit, veremurque ne ingressus Ecclesiam imperator, et neminem inveniens consideret populi erga Joannem benevolentiam, nosque jam invidia denotet, et fraudis accenset; maxime cum illi dix-erimus, neminem omnino superesse, qui illum dibat, utpote seductorem.

17. « Ita magister militum contestatus eis quæ ventura erant, tradit illis Lucium quemdam tribunum militum Gentilem (ut dicebant) mandans ut honeste pergens, populum in Ecclesiam revocaret. Profectus ille, cum minime auditus esset, ad Acacium redit, vires ac frequentiam populi nuntians. Post hæc illum suppliciter orant, aureis verbis deprecantes, et spe ac promissione majoris gradus provocantes, ut impediret Domini gloriam, mandantes ei, ut vel oratione persuasos abduceret in Ecclesiam populos, aut ira et vi militum perturbaret, et collectæ tantæ celebritatis imponeret finem. Qui exvestigio sumptis secum partis Acacii clericis, secunda vigilia noctis pergit exsequi quod ei fuerat injunctum (exultat enim populus in partibus nostris ad primum usque galli cantum) secum habens nuper ad militum electos districtis gladiis Thraces, instar Esau, quadringentos omnino impudentes. Insistitque noctu, subitoque una cum Acacii clericis, et militibus in Dominicum gregem, velut lupus, fulgente ferro sibi iter faciens, ac populos dirimens. Concessit autem intra beatas aquas (nempe baptismales) ut eos qui initiabantur, prohiberet: ac diacono quidem procaciter imminens, veneranda mysteria, quæ ille tenebat, manibus fudit: presbyteros vero jam et ætate et ordine, æqualesque suos fastibus in capite feriens, lavacrum cruore perfudit.

18. « Videre erat tunc illam angelicam noctem, in qua etiam dæmones corruerunt supplices, in labyrinthum fuisse conversam », nempe maximam confusionem. « Nude enim mulieres una cum viris fugæ sese committebant, metu cordis, aut inhoneste foeditatis, foedum hunc cursum captantes. Alius manu vulneratus abibat plorans, alius virginem concessam vulnere vultu trahebat. Omnes ad prædandum conversi, ornamenta et recendita omnia sibi applicabant. Ita presbyteri quidam ac diaconi, qui fuissent comprehensi, in carcerem conjiciebantur: qui autem ex populo alicujus erant dignitatis, urbe pellebantur. Edicta repetitis vicibus per loca pone-

bantur varias minas continentia, nisi quis Joannis communionem abnegasset. Cum tamen ista fierent, et plura etiam hi qui dicebantur episcopi molirentur, collecta tamen doctrinæ cælestis imo divinæ gratiæ studiosis non evacuabatur; sed juxta illud Exodi¹: Quanto illos occidebant, tanto plures fiebant.

19. « In crastinum autem ingressus imperator in adjacentem campum, exercitii gratia, videt humum non salam ad quietum ferme lapidem candore vestitam (illorum nempe hominum repletam, qui ea nocte baptizati candida acceperant indumenta). Stupefactus ad speciem et gratiam floris nuperrime baptizatorum (erant enim ad tria millia) satellites interrogat, quenam esset acies illud concurrentium. Ille gratis mentiri, ut furorem regis excitaret, dicunt esse alterius sectæ homines. Ea re cognita auctores negotii et invidiæ præceptores, atrociores quosque ex sequentibus mittunt, ut auditores dissiparent, doctores comprehenderent. Profecti illi, paucos ex clericis, plures ex laicis tenent». Et paulo post subdit: « Cum his igitur clericis, et laicis qui detenti fuere, comprehensæ sunt et virorum nobilium conjuges. Quibusdam ex his naphoria (est genus veli) quoque abstulerunt, aliis manures cum aurium extremitate detraxere. Ea re conspecta Eleutheri cujusdam uxor opulentissima, pallio relicto, ancillæque habitu assumpto, cursu civitatem ingressa est, ut pudorem servare inviolatum posset: erat enim in flore ætatis formosa nimium, et incredibili decore vestita. Hunc igitur in modum impleti magistratum ferme omnium carceres, in Ecclesiæ faciem transiere. Et hymni quidem et oblationes mysteriorum in custodiis agebantur; flagra vero et tormenta et jura menta terribilia in Ecclesiis resonabant, cum ad execrationem Joannis singuli impellerentur, qui usque ad mortem nequitie diaboli adversatus obstiterat ». Hæc Palladius.

20. *Tum Joannis, tum Theophili ad papam Innocentium legatio.* — Cum autem hæc accepisset S. Joannes Chrysostomus, ut meliori statu res collocarentur, sed certo jam intelligeret omnia in deterius prolapsura: haud diutius dissimulandum ratus, ad unicum sibi relictum confugium convolat, nimirum ad Romanam Ecclesiam, Apostolicam Sedem, quam sciret omnibus esse prælatam, et perperam facta pontificum posse corrigere. Sic igitur datis ad ejus episcopum Innocentium litteris, ipsum adversus tot nefaria Orientalium et Ægyptiorum episcoporum appellat. Id quidem hoc ipso anno, imo et statim post Pascha factum esse, Joannis ipsius ad eundem Innocentium datæ litteræ, perspicuè indicies sunt. Dum enim cunctas res gestas ordine temporis dispositas narrat, orationemque ad ea quæ in magno sabbato acta sunt perducit; sed de aliis quæ postea gravissima contigerunt, nequiquam scri-

¹ Exod. II.

bat; plane declarat, eo tempore illam se dedisse Epistolam, quo contigerunt ea quæ novissime in ipsa litteris commendavit.

21. Veritus autem Theophilus, ne in caput suum contra Joannem talia tantaque præsumpisset, ad idem supremum Ecclesiæ Catholicæ tribunal, ipsam Apostolicam Sedem, Romanam Ecclesiam, legationem militit, scribens litteras ad eundem Innocentium Romanum Pontificem, de his quæ a Synodo in Joannem facta essent. Sed et ipse Joannes tanta calumniose injusteque passus, ad eundem Romanum Pontificem legatos misit, ipsum (ut dictum est) appellans adversus judicium Theophili et aliorum episcoporum contra se latum. Haud hæc quidem absque Dei providentia gesta sunt. Sivil enim Deus hæc inter tantos episcopos agitari, ut certo exploratoque judicio significaretur, reddereturque exploratum posteris, quinam in Ecclesia Catholica principem locum teneant, quemque tam iudices judicantes, quam rei damnati pariter inspicere debeant; illi quod scirent majus et eminentius supra se stare tribunal, quod omnia præjudicata iterum judicaret; isti magno solatio intelligerent, aliquid reliquum esse confugium, quod iniquam sententiam passi securi peterent, nempe judicium prætere et implorare auctoritatem Romani Pontificis. De hujusmodi autem legationibus tum a Theophilo, tum a S. Joanne Chrysostomo Romam ad Innocentium missis, locuples testis est Theodotus tunc temporis Romanæ Ecclesiæ diaconus, qui eadem præsens euncta cognovit, atque plus satis perspecta habuit; ejus hæc sunt verba¹:

22. « Primus omnium, inquit, profectus est ad nos Alexandrinæ Ecclesiæ lector cum papæ Theophili litteris, quibus indicabat, Joannem a se fuisse depositum. Eas litteras cum legisset beatissimus Innocentius Romanæ sedis antistes, inhorruit temeritatem fastumque Theophili; agre ferens, et quod solus scripserat, et quod rei totius seriem referre omiserat; ejus scilicet rei gratia, quibusve adjunctis sibi sociis, illum deponere ausus fuisset. Inter hæc mansit admirans, nihilque rescribere voluit, rei indignitate commotus. Dum Eusebius quidam diaconus Constantinopolitane Ecclesiæ, qui tunc Romæ erat Ecclesiasticæ utilitatis gratia, Innocentium adiit, libellisque traditis adjuravit, sustineret ut modicum temporis: fore enim brevi, ut sibi totius scenæ facies palarescet. Post triduum advenerunt episcopi quatuor a Joanne missi reverendissimi profecto viri, Pansophius Pisiæ, Pappus Syria, Demetrius Galatiæ Secundæ, Eugenius Phrygiæ, tres Epistolas Innocentio deferentes, unam quidem Joannis episcopi, secundam vero episcoporum quadraginta de communione Joannis, reliquam scripserat Joannis clerus, omnes indisciplina tum tumultum et seditionem pariter significantes. Erat autem Epistola Joannis hujusmodi series:

23. *Joannis Epistola ad Innocentium.* — « Do-

mino venerabili ac beatissimo episcopo Innocentio Joannes in Domino salutem ». Vides ipsius Chrysostomi verecundiam, animique demissionem laude dignam, cum etsi sciret se injuste depositum, tamen abstinet a titulo sedis suæ, quousque causa legitime cognita, sedem cum titulo recipere suam: sed quæ sequitur Epistola, sic se habet, ut enunciarum rerum gestarum, quæ superius sunt enarratae, breve compendium reddat his verbis:

24. « Et ante litteras nostras ad aures pietatis vestræ pervenisse putamus præsumptum hic facimus. Quippe magnitudo sceleris fecit, ut nulla orbis pars reliqua sit, quam non hujus horrendæ cladis rumor impleverit (impulerit): imo ad ipsa quoque extrema terræ gestorum fama pertingens, ingentem ubique gemitum luctumque excitavit. Verum quia ista non modo ingere et planctibus prosequi, sed emendare pro viribus convenit, et cante prospicere quomodo hæc sevissima Ecclesiæ procella sopiatur: necessarium existimavimus, dominos meos honoratissimos ac reverendissimos præsules, Demetrium, Pansophium, Pappum, et Eugenium hortari, dimissis ut Ecclesiis suis, sese pelago traderent, et emensa peregrinatione longinqua, ad vestram currerent charitatem; omnibus lucide expositis, mature tantæ cladi remedium dari salubre postularent. Quibus etiam carissimos diaconos Paulum et Cyriacum itineris comites dedimus, qui et ipsi vice Epistolæ charitatem vestram, quæ hic gesta fuere, docebant.

25. Theophilus enim Alexandrinæ Ecclesiæ præsul, cum a quibusdam apud piissimum imperatorem insimularetur, solus ad crimina diluenda venire jussus, magna Ægyptiorum multitudine sociatus advenit, id ferme initio docere volens, ad bellum se ac prælium instructum advenisse. Inde regiam ingressus urbem, non ad Ecclesiam ex more et antiqua consuetudine venit, non congressus est nobis, non verbum nobiscum fecit, non simul oravit, non communicavit: sed ubi navi descenderat, valvis Ecclesiæ prætermisiss, extra urbem morabatur: et cum multis precibus ageremus ut apud nos tam ipse, quam hi qui cum eo advenerant, hospitarentur (omnia enim preparata erant et diversoria, et quæcumque necessaria) neque ipse, neque illi acquieverunt. Nos ubi ista comperimus, magna admiratione tenebamur, nullam hujusce simultatis causam probabilem invenientes. Nostrum tamen partium munus implere curabamus, id facere instituentes, quod esset conveniens nobis; ipsumque jugiter orantes, ut nobiscum colloqui vellet; et ejus rei causa ab ipsis exordiis tam apertas inimicitias præferret, tantumque urbem scandalizaret, exponere.

26. « Cum vero ne sic quidem causam eloqui vellet, accusatoresque illius vehementer instarent; accersitis nobis piissimus imperator jussit, ubi ille morabatur, ire, atque illic quæ contra illum dicebantur, audire: nam et seditiones, et cædes, et alia illi objiciebantur innumera. Verum nos et

¹ Apud Pallad. dial.

Patrum decreta reveriti, et virum honorare cupientes, cum ipsius quoque litteras teneremus, quibus cavetur non oportere iudicia extra terminos fieri, sed in suis quæque provinciis iudicari; nequaquam acquievimus, sed vehementer obtinimus. At vero ille, quasi aliqua priora nostra crimina precessissent, advocato archidiacono meo, nimia cum auctoritate, veluti jam profecto Ecclesia vidua esset, neque haberet episcopum, per illum ad se omnem clerum transtulit. Desertæ in dies fiebant Ecclesiæ, dum unuscujusque clerici abducerentur, et libellos adversus nos dare, et in accusationem nostri nominis conspirare inducerentur.

27. « His itaque gestis, mittit, et nos ad iudicium advocat, qui necdum proposita contra se crimina diluisset: quod contra canones et præter omnes leges fieri, nullus ignorat. Enimvero nos rebus ceteris admoniti quod non ad iudicem evocaremur (alioquin milles ivissemus) sed ad inimicum atque hostem, sicut priora et posteriora testantur: misimus ad illum Demetrium Pisiuntis, Eleusium Apamæ, Lupicianum Apiariæ episcopos, presbyteros vero Germanum et Severum; respondimusque modeste ex nostro instituto, dicentes, nos non declinare iudicium, sed apertum hostem et inimicum manifestum. Qui enim libellis nondum susceptis initio statim talia gessisset, et seipsum ab Ecclesia et communione segregasset, accusatores parans, et clerum ad se transferens, Ecclesiæque desertas constituens, hic qua ratione iudicis sedem nihil ad se pertinentem ascendere dignus censeatur? Neque enim consentaneum rationi esse, ut Ægypto præfectus Thraciæ causas cognosceret, ipse criminibus obnoxius, et inimicus et hostis. His ille nihil mitior factus, nihilque veritus, et quod insituerat perficere cupiens; nobis asserentibus, paratos esse præsentibus et centum et mille episcopis crimina objecta refellere, munditiamque nostram asserere, sicuti sumus profecto mundi; passus non est. Sed absentibus nobis, et Synodum convocare volentibus, iudiciumque flagitantibus, neque cognitionem causæ fugientibus, sed inimicitias manifestas: accusatores tamen admittebat; et quos ipse ligaveram, solvebat; quique crimina sibi objecta necdum diluisset, eorum libellos accipiens, commentaria scribebat. Quæ præter jus fasque omne in injuriam sanctorum canonum fiebant.

28. « Et quid me multis immorari necesse est? Non destitit omnia et facere et moliri, quoad nos per summam vim, nimia auctoritate et urbe, et Ecclesia deturbavit. Et profundo jam vespere, cum plebs omnis nos lamentatione miserabili prosequeretur; tractus in medio civitatis, et violenter abductus, injectusque in navim, noctu navigabam, quia Synodum ad istud iudicium vocare volueram. Quis ista sine lacrymis audire possit, quantumlibet sit lapidei cordis? Sed enim quia (ut diximus) ista non modo delere, verum et corrigere oportet: charitatem vestram precor, ut excitetur, atque condeat, et omnia faciat, ut hujusmodi calamitatibus

tandem sit finis. Non hactenus perit iniquitas, sed prioribus quoque nova succedunt. Nam ubi piissimus imperator injuste et imprudenter ingressos Ecclesia expulit; plurimique episcoporum iniquitate illorum cognita, ad Ecclesias suas redierunt, furorē illorum atque impetum veluti flammam cuncta vastantem fugientes: nos in urbem rursus evocati sumus, Ecclesiæque restituti, de qua injuste fueramus ejecti. Cum vero triginta nos episcopi, et clementissimus imperatoris notarius ad hoc missus reduxissent: ingressi ad regem, oravimus, ut ad ulciscenda facinora Synodum cogeret. Quod ille (nempe Theophilus) ubi comperit, fugæ præsidium sumpsit: veritasque iudicium, cum jam regiæ littere ubique disseminate, omnes omnibus ex partibus evocarent, noctis medio fragili se cymbæ commisit; atque ita fugiens, suos omnes secum duxit.

29. « Nos conscientie nostræ fiducia nihilo segnus institimus apud piissimum imperatorem, ut Concilium congregaret. Qui suæ pietati consona faciens, rursum ad illum misit, mandans uti ad se tam ipse, quam omnes qui cum illo fuerant, ex Ægypto ascendere maturarent, rationem facti sui reddituri: neque arbitrarentur, quæ adeo nequiter ex una tantum parte et absentibus nobis præter Patrum canones gesta fuissent, sibi ad excusationem quicquam suffragari posse. At vero ille sic quoque regiis conventus litteris, obtinere non ausus, se continuit domi, seditionem plebis allegans. Agebat id de quorundam sibi faventium consilio, et certe cum hic ipse populus ante has imperatoris litteras innumeris eum maledictis aspergeret. Sed non ista modo discutimus. Hæc tantum idcirco diximus, ut ostendamus quæ esset viri modestia.

30. « Verum nos ne postea quidem quievimus, sed instabamus jugiter orantes iudicium fieri, in quo audiri iudicarique possemus. Parati enim eramus nos ipsos docere insontes, illos e contra nocentissimos, et magni in nos sceleris reos. Erant autem et ex Syria quidam, qui illi tunc semper adstiterant, et cum illo communiter omnia gesserant. Adversus istos quoque parati eramus subire iudicium: sæpiusque importune rogavimus, aut commentaria, aut accusatorum libellos nobis tradi, aut criminum naturas aperiri nobis, aut certe accusatores ipsos in conspectu dari. Nihilque ex his consequi meruimus, sed rursum pulsus Ecclesia sumus.

31. « Quomodo jam quæ sequuntur exponam omnem excedentia tragædiam? quis sermo ad ea explicanda sufficiet? quænam auris absque horrore percipiet? Nobis enim hæc ipsa, quæ antea dixi, prætentibus, repente multitudo militum ipso magno sabbato, cum jam in vespem vergeret dies, Ecclesias ingressi, clerum omnem qui nobiscum erat per vim eiecerunt, armisque veneranda obsidebantur altaria. Mulieres, quæ intra Ecclesias, ut baptizarentur, sese veste nudaverant, per id temporis nudæ fugiebant, metu hujus acerbissimæ commotionis impulsæ, neque sexus verecundiæ, neque honestati permittebantur præ pavore consu-

lere : plurimæ tunc acceptis vulneribus ejectæ. Ita erore baptislerium replebatur, atque ex hujusmodi vulneribus sacri latices colore immutato in ruborem transibant. Neque haecenus steterè clades : sed ubi sancta condita servabantur, ingressi milites, ex quibus (ut postea didicimus) quidam necdum initiati erant, omnia spectabant intus recondita ; sanctissimusque Christi sanguis in tanto tumultu in militum vestimenta fusus est ; omniaque non secus quam in captivitate, barbarica facinorâ passim admissa ».

32. Sed hic, lector, considera, quam procul abhorreant a Patrum traditione, usque Catholica Ecclesiæ, qui nostro tempore hæretici negant asserendam esse sacratissimam Eucharistiam, quam videmus non sub specie panis tantum, sed etiam sub specie vini olim consuevisse recondi. Habes id quoque probatum auctoritate S. Gregorii Romani Pontificis, dum ait ¹ in navi portasse navigantes Christi corpus et sanguinem. Cæterum eadem ratione qua Ecclesia Catholica laicis usum ademit calicis, eadem quoque ex causa Eucharistiam non nisi sub una tantum specie, nempe panis, asservere consuevit. Sed quæ reliqua sunt Epistolæ Chrysostomi, recitemus : « Populus in solitudinem migrare, plebsque omnis extra urbem excubare cogebatur : vacuæ fidelibus Ecclesiæ in tanta solemnitate relicte : plures quam quadraginta episcopi communionis nostræ cum populo frustra et sine causa pulsî. Ululatus et gemitus, ejulatus item et lamenta, et lacrymarum fontes plateas, et domos, et deserta ipsa compleverant, et planctu cuncta resonabant ; nullaque urbis pars hujusce calamitatis vacua relinquebatur.

33. « Fecerat enim calamitatis magnitudo, ut non modo qui patiebantur, verum ipsi quoque qui nihil hujusmodi perpassi erant, una nobiscum lamentarentur : neque Catholici modo, sed ipsi quoque hæretici et Judæi ac Gentiles vices dolerent nostras. Et uti civitas per vim in dedicationem hostium venisset, ita tumultu ac perturbatione, et ejulatu plena erant omnia. Porro ista, ignorante piissimo imperatore, noctis initio, episcoporum factione gerebantur, qui exercitus duces, diaconorum vice, secum habere prævios non erubescabant. Ubi vero illuxerat dies, civitas omnis extra urbis mœnia migrarat, sub arboribus et frondibus, veluti dispersæ oves, festivitatem (nempe Paschatis) celebrantes. Hinc jam potestis cætera æstimare. Neque enim fas est omnia prosequi (ut ante jam dixi) neque per singula confingere. Nempe id acerbissimum est, quod tanta incommoda, tot clades finem necdum acceperint, nullaque spes quietis superest. Verum in dies augetur pestis ; factique sumus in decursum nullis : imo ridet quidem nullus, quantumlibet perditus sit moribus, sed ploratu prosequuntur (ut dixi) malorum omnium culmen, novam hanc iniquitatem et facinus execrandum.

34. « Quis vero reliquarum Ecclesiarum perturbationes ac pressuras eloqui possit ? Neque enim hic modo invaluit lues, verum ad Orientalem quoque pervenit Ecclesiam. Quemadmodum enim a capite dum noxius humor effunditur, reliqua membra læduntur : ita nunc quoque postquam ex hac urbe magnifica, velut ex fonte quodam, incommoda fluxere, cæperunt turbæ, ac tumultus occupant omnia, et ubique domuantur ; omnibusque ferme in locis clerici contra episcopos insurgunt ; populi passim abscissi sunt ab Ecclesiæ corpore, partim præcidendi expectantur. Ubique pestis hæc pullulat, et orbis universus evertitur. Hæc igitur omnia cogitantes, domini beatissimi ac reverendissimi, dignum vestræ constantiæ et congruum robur ac studium sumite ; et hanc perniciem, quæ invasit Ecclesias, oramus, avertite. Nam si hæc invaluerit consuetudo, et licitum fuerit cuique ex adeo remotis partibus alienas provincias, prout voluerit, ingredi, et ejicere quoscumque libuerit, et pro voluntate omnia gerere : non ignoratis mature cuncta peritura, bellumque sevisimum occupaturum orbem universum, omnibus lacerantibus invicem.

35. « Ne igitur immanis ista confusio cuncta percurrat, et ubique dominetur : scribite, precor, et auctoritate vestra decernite hujusmodi iniqua gesta, nobis absentibus et judicium non declinantibus, nullius esse roboris, sicut per suam naturam sunt profecto et irrita, et nulla. Porro qui talia gesserit, eos Ecclesiæ censuræ subjicite : nos autem insontes, neque convictos, neque deprehensos, neque ullius criminis reos comprobatos, Ecclesiis nostris jubete restitui, ut charitate frui et pace cum fratribus nostris consueta possimus. Quod si modo quoque voluerint auctores sceleris aperire crimina, quorum gratia nos injuste ejecerint : dentur nobis commentaria, libelli proferantur in medium, veniant accusatores mei, sedeat incorruptum intemeratumque judicium : non recuso, non renuo, imo et constanter hoc expeto. Judicemur : crimina profecto ditenuimus, nosque ostendimus innocentes, neque criminibus ullis objectis obnoxios. Nam quæ ab eis modo gesta sunt, omni prorsus ratione carent ; extra omnem ordinem, omnemque legem et regulam Ecclesiasticam sunt : nunquam id facinus, ne extremis quidem judiciis, imo neque apud Barbaros ipsos admissum est. Non Seythæ, non Sarmatæ unquam una ex parte judicantur ; absente reo, neque judicium, sed odium et apertam simultatem declinante, ac mille appellante iudice, et se ipsum innocentem asseverante, et paratum, præsentem orbe universo, quæque objecta diluere, ac se omnibus insontem declarare. Hæc ergo cuncta cogitantes, et a dominis meis reverendis episcopis manifestantes planiusque cuncta discentes : quod est partium vestrarum munus, studium vestrum et operam et diligentiam, quaeso, inferre dignemini. Ita enim non nobis tantum, sed Ecclesiis quoque universis gratificabimini, et a Deo mercedem accipitis, qui ob Ecclesiarum pacem semper omnia facit.

¹ Greg. dial. I. 111. c. 36.

Scriptimus ista et ad Venerium Mediolanensem, et ad Chromatium Aquileiensem episcopum. Vale in Domino». Hactenus Chrysostomi ad Innocentium papam litteræ.

36. *Innocentii in causa Joannis judicium et Epistola ad Theophilum.* — Subdit autem his hæc Theodorus Romanus diaconus¹: «Ad hæc rescriptis beatus Innocentius papa; communioque utriusque partis admissa, Theophili judicium casum atque irritum esse decrevit, dicens oportere condari aliam irreprehensibilem Synodum Occidentalium et Orientalium sacerdotum, cedentibus Concilio amicis primum, deinde inimicis: neutrum quippe partium ut plurimum rectum esse judicium. Paucis post diebus advenit Petrus quidam Theophili presbyter una cum Martyrio Ecclesie Constantinopolitane diacono, ipsius Epistolæ deferens, et quædam simul commentariola, in quibus apparebat Joannem a triginta sex damnatum episcopis, ex quibus viginti novem Ægyptii, septem reliqui ex aliis regionibus erant. Ea commentaria cum legisset papa Innocentius, comperissetque neque culpas esse graves, neque præsentem Joannem fuisse, neque in faciem reprehensum; insaniam Theophili magis ac magis exhorruit, quod contra absentem adeo sevam inimitique sententiam evomisset. His igitur a se dimissis cum litteris gravibus temeritatem illius lacessentibus, sese ad orationis studium contulit; indictoque Ecclesie jejuniis, cum lacrymis divinam precabatur clementiam, ut hujusmodi seditiones et scandala seissuræque tollerentur, et pacis ac fraternitatis amor integra membrorum compage redderetur. Fuit autem Epistolæ ista sententia:

37. «Frater Theophile, nos et te et fratrem nostrum Joannem communionis nostræ esse decrevimus, sicuti et in prioribus litteris aperte satis expressimus: et nunc in nostra sententia et voluntate perdurantes, rursum eadem scribimus. Et quotiescumque scripseris, nisi debitum separatur conveniensque judicium, propter ea quæ magno cum dedecore sunt gesta, possibile non est nos a Joannis communione discedere. Haque si conscientie confidis, in quoque judicio accurre ad Synodum proxime in Christo celebrandam, et illic juxta Niceni Concilii canones et decreta contende: alios (ab his scilicet diversos) Romana non admittit Ecclesia. Quod si obtinueris, evidens et irrefragabilis erit ratio tua». Hucusque ad Theophilum Innocentius: quas autem ad Joannem Chrysostomum dedit litteras, non extant. Ipse quidem affirmat Palladius², Demetrium episcopum, unum ex legatis a Chrysostomo missis, litteras ab Innocentio scriptas vulgasse magno præconio per Orientales Ecclesias: sunt hæc verba Palladii, cum agit de ejusdem Demetrii secundo adventu Romam: «Post istos venit secundo Demetrius episcopus Pisinnus, qui peragrato Oriente prædicaverat communionem Ecclesie Ro-

mane cum episcopo Joanne, testibus papæ Innocentii litteris, etc.» Vides quanti momenti habita fuerit communicatio cum Romana Ecclesia, et quante auctoritatis litteræ essent ipsius Romani Pontificis: adeo ut plane significaretur omnibus, illis esse communicandum, quibuscum Romana communicaret Ecclesia, ac proinde Joanni Chrysostomo inhaerendum: id jure quidem; sed vis tyrannica in omne jus fasque insurrexit armata.

38. *Joannes ad necem quasitus tandem in trepido animo recedit Constantinopoli.* — Quid vero interea acciderit ipsi Joanni Chrysostomo Constantinopoli commoranti, in diesque ad expulsionem suam satellites expectanti, jam videamus. Qui canones hæreticorum in ipsum primum omnium adduxere, quique imperatorem in eundem concitare, impulerunt Augustam, atque milites immiserunt; nefas aggrediuntur horrendum, dum et in necem ipsius sanctissimi viri Joannis sicarios mercede conducunt. Quomodo autem id factum sit, Sozomenus ita describit¹: «Eadem tempestate, vir quidam dæmoniis agilitus, seu agitur creditus, gladiolum habens, et vultu ad cadem Joannis instructus, sed facinus nondum aggressus, deprehenditur, et a multitudine, tanquam pretio ad faciendas insidias conductus esset, caplus ad Hyparchum adducitur: quem tamen Joannes, missis aliquot episcopis secum versantibus, liberavit, antequam supplicio afficeretur.

39. «Postea vero et Elpidii presbyteri (qui quidem diaconi manifestus hostis erat) servus in episcopales aedes effuso cursu irrupit. Eum agnitus quidam ex iis qui forte aderant, e cursu remoratus est, et causam cursus inquisivit. Ille vero nihil respondens, confestim cultello hominem pungit, et post eum etiam alterum, qui ad hujus cædem exclamaverat; quin etiam præter hos tertium vulnerat. Tumultuantibus igitur cum clamore his qui aderant, conversus aufugit: et cum hi qui eum persequerantur, eos qui procul erant, adhortantur ut fugientem comprehenderent: ex balneo quidam accurrens, ex quo recens lotus progrediebatur, illum apprehendit, ac lethali ter ab illo percussus mortuus extenditur. Tandem vero cum a multitudine undique eictus, ac vix demum comprehensus esset, adducunt eum ad palatium; et ibi tum hostium Joannis insidias, tum hunc ipsum homicidam, tum et hujus facinoris instinctores contestati, supplicio afficiendos esse, vociferantur. Haque Hyparchus, ut iram populi mitigaret, illum tantum supplicio affecturus accepit». Cæterum ab adversariis Joannis fuisse liberatum, testatur Palladius, dum ita ait²: «Elpidii presbyteri famulus, quin-quaginta (ut aiunt) numismatibus, ut Joannem dolo interficeret, mercede conductus, deprehensusque qui tres haberet gladios, eos qui se deprehenderent, septem singulatim percussit: ex his quatuor continuo sepulti sunt; tres diutissime curati, sanati sunt,

¹ Apud Pallad. in dial. — ² Pallad. in dial.

¹ Sozom. l. VIII. c. 21. — ² Pallad. in dial.

homicida illo absoluto ». Hæc Palladius; subdit vero Sozomenus ¹: « Ex eo tempore Joannem custodierunt qui in populo ferventiores erant, noctu juxta et interdin vicissim domum episcopalem circumcidentes ». Hæc ipse. At quæ ista paulo post secuta sint, Palladius ita narrat ²:

40. « Completa vero Quinquagesima, post divinum diem ingressi Acacius et Severianus Antiochusque atque Cyrinus ad imperatorem Arcadium, dicunt ei: Rex tu a Deo nobis datus es, nemini subditus, omnibus dominans: hæc tibi quodcumque vis facere. Noli esse presbyteris mihiior, et episcopis sanctior. Diximus tibi, presentibus omnibus: Super caput nostrum sit Joannis depositio. Noli igitur uni hominum parere in perniciem omnium nostrum. Judaicis sane et verbis et rebus persuadentes regi. Misso itaque rex Patricio notario suo, ista Joanni mandat: Acacius et Antiochus et Severianus atque Cyrinus damnationem tuam super caput suum posuerunt. Te ipsum ergo commendans Deo, Ecclesia egredere. Ita episcopus Joannes post apertam nihilque umbratam jussionem episcopo discendens una cum episcopis, dixit omnibus: Venite oremus, et in angulo Ecclesiæ congregiamur: lætus quidem de se, sed de populi mœrore et afflictione subtristis. Protinus quidam ex primariis civitatis vir fidelis Joannis significat: Quoniam Lucius vir audax, et facie impudens, paratus est in lavacro publico cum militibus suis, si forte contradicas aut differas, etiam invitum trahere et expellere. Fit autem magna in plebe commotio: Festina clam egredi, ne in tuum auxilium confluens populus bellum cum militibus conserat.

41. « Tum vero Joannes osculatus cum lacrymis ex episcopis quosdam (ceteros enim osculari non sinebat ingens miserationis affectus) oravit: reliquis qui erant intus in sacrario, dicens: Manete hic interim, ut profectus medicum requiescam. Ingressus autem baptisterium, Olympiadem vocat, quæ ab Ecclesia non discedebat una cum Pentadia et Procula diaconissis, Salvinam quoque beati Nereidii conjugem, quæ viduitatem suam præcipua virtute et honestate decorabat (clarissimæ erant hæc femine nobilitate et virtute præstantissimæ, de quibus superius pluribus dictum est) dixitque eis: Venite huc, illiæ, audite me. Quæ de me sunt (ut video) finem habent: cursum meum consummavi, neque ultra forte videbitis faciem meam: hoc unum rogo, hoc deprecor, ne qua ex vobis solitam benevolentiam deserat: et quicumque non sponte fuerit ordinatus, neque id ullo quesierit ambitu, de consensu omnium, ei caput vestrum inclinate, ut Joanni, per omnia: non enim esse Ecclesia sine episcopo potest. Atque ita mihi miseremini mei, et in orationibus vestris semper memineritis mei. Ad hæc ille profusus cum gemitu, et ejulatu ante sacra ejus vestigia volubantur. Tunc ille eundem ex honestioribus presbyteris ammuens: Tollite (inquit) eas hinc, ne

multitudinem perturbent. Sic ergo impeditæ modicum, locum illi dedere abeundi.

42. « Ita demum egressus est ad Orientalem partem (nihil enim apud illum occidentale erat) jumentum, cui sedere consueverat, stare ante Occidentalem portam jubens, ubi atrium erat; ut ita ab se amoveret populos, ea ex parte eum profectorum præstolantes. Egressus est cum illo angelus quoque Ecclesiæ, ipsius solitudinem non ferens, quam principatus mali atque potestates effecerant, theatri facie profecto rebus imposita. Erat enim theatri in morem clamor et impiorum lascivientium sibilus, dum eos culparent omnes, et Judæi ipsi atque Gentiles exhorrescerent. Nam velut in carcere, plagæ illiæ ac viscerum cruciatus a militibus inferebantur, deficientibus omnibus animæ viribus, tum ob magistri amissionem, tum ob blasphemiam in Deum. Ubi enim peccatorum solet esse remissio, ibi sanguinis erat effusio ». Quam autem celso animo fuerit ista perferens Joannes, testis quidem est Epistola ab ipso paulo post ad Cyriacum ³ data, qua etiam quæ hoc tempore suæ fuerint cogitationes, his verbis significat: « Elenim ego cum e civitate fugar, nihil horum curabam, sed dicebam intra memetipsum: Si quidem vult me regina exulem; agat in exilium: Domini est terra, et plenitudo ejus. Et si vult secare; secet: idem passus est Isaias, subscibat illi. Si vult in pelagus mittere; Jonæ recordabor. Si vult in caminum injicere: idem passi sunt tres illi pueri. Si me feris vult obijcere; obijciat: Danielis in lacum leonibus objecti recordabor. Si me lapidare vult; lapidet me: Stephanum habeo primum martyrem socium. Si et caput tollere vult; tollat: habeo socium Joannem Baptistam. Et si substantiam auferre; auferat: Nudus ⁴ exivi de utero matris meæ, et nudus revertar illuc, etc. » Ita plane contigit ei juxta illud divinum oraculum ⁵: « Justus confidit ut leo ». Quid autem post Joannis egressum acciderit Constantinopoli de basilicæ incendio, Palladius ita subdit:

43. *Conflagratio Ecclesiæ, ejusque cause.* — « Post inextinguibiles illas tenebras, immensamque caliginem, flamma de medio throno, in quo Joannes sedere consueverat, et velut medio in corpore positum cor, eloquium Domini cæteris membris exponere; repente prosiliens verbi Dei doctorem requirebat: quem ubi non invenit, sedem totam depasebatur, ac speciem arboris præferens, et per calenas in sublime se porrigen; ad tectum usque serpebat, atque viperæ in morem, ventre exeso, in dorsa tectorum Ecclesiæ ferebatur, Deo mercedem injustitiæ jam hinc veluti destinatam hujus auctoribus sceleris penam reddente; ad eorum correptionem esse emendationem, qui ex hujusmodi prodigiorum facie corripri nesciunt: neque ob id solum, verum ut esset feralis illius Synodi perpetuum monumentum. Nec mirum de Ecclesia, cum senatus quoque ipsius sedem e regione licet Ecclesiæ

¹ Sozom. l. VIII. c. 22. — ² Pallad. in dial.

³ Chrys. ep. III. ad Cyriac. Iom. v. — ⁴ Job. I. — ⁵ Prov. XXVIII.

sitam, multis tamen disjunctam passibus, die media, ignis ille interjectam populi multitudinem, pontis instar, per medium innoxie transiens, attigerit, atque violaverit, non prius partem Ecclesie propinquam, ne huiusmodi casum propinquitati ascribamus, sed partem aulae regiae proximam, ut miraculum divinitus illatum per id ambigeret nemo. Vidisses inter duos ignium montes vulgus innocuum ad sua ministeria pertransire. In hunc modum ignis ille circumvolans, et tanquam mare inundans Austrinis flatibus concitatum, veluti condicto quodam pergebat, adjacentia tecta demolitus; solique pepercit aedicule, in qua sacrorum vasorum multitudo fuerat condita, non auri et argenti materiam reveritus, sed ne obrectatoribus praeberet mendacii locum, ut sanctum insimulare virum posset, quod pretiosae suppellectilis aliquid asportasset. Ita ignis impetu in anteriora cohibito, retro redire incepit, eorum ferme invidiam inquirens, qui id scelus adminiserant, ad insaniam Theophili perpetuo dedecore notandam, qui illum, ob asportata praetiosa quaecumque, Ecclesia eiectione autumat. Nulla ignis illo impetu animae amissio contigit, non hominum, non brutorum: ceterum sordes illic seclerate conversantium vis illa incendii diluebat, ab hora sexta usque ad nonam igne dominante, ita tribus horis tanti operis moles absumpta est». Hactenus de incendio ex Palladio, cunctarum rerum praesente inspectore.

44. Contigit autem huiusmodi incendium eodem plane tempore, quo egressus est Ioannes ab Ecclesia in exilium deportandus: prodigiosum quidem fuisse et haud humana opera excitatum, post Palladium Marcellinum, et complures¹ alii affirmarunt. Porro ea de re conflictatum est inter utramque partem, altera alteri illud contentiose impingente. De quibus controversiis ita Sozomenus²: «Huius, inquit, rei causam sibi vicissim ac mutuo impingebant. Atque hostes quidem Joannis, ejus fautores insimulabant, ille hoc fecisse, quod ob Synodi suffragium indignarentur. Illi vero, se calumniis illorum circumveniri, aiebant, et ab illis ipsorum facta sibi imputari, qui se una cum Ecclesia ipsa exurere voluerint». Quippe quod (ut idem ait) qui intus erant, clausis januis, diu obnisi fuerant, ne adversarii ingrederentur. Tribuit id ipsum Socrates³ Joannis fautoribus: creditit hoc itidem Zozimus publica quadam fama sparsum ex habitis de Joannis sectatoribus publicis questionibus, cum de incendiarii exactissima questio haberetur. Sed quod nemo inventus sit, qui de perpetrato scelere, vel levissimam suspicionem fecerit: plane ad alios prorsus, si non ad miraculum ob numen offensum, pertinere perpetratum facinus docuere. At cum in eodem incendio plura sit consideranda miracula; de primo dubitandum non esse videtur. Quomodo enim incendium in thronum in medio Ecclesia:

situm, ubi concionari Ioannes solebat, ubi frequentissimus populus aderat, secreto absque multis arbitris immitti potuit? Vel quoniam pacto, uno deorsum in terra sito ambone, in quo Ioannes concionari consueverat, conflagrante, tam cito in sublime, ut nemo prohibere valuerit, elati sunt flammarum globi, ut altissimae basilicae tectum pervaserint? Vel rursus (quod omnes admirati sunt) quoniam tanta potentia, ut interstitio plateae sepositas senatus aedes, idem pertingendi et assumendi habuerit incendium facultatem? Haec quidem quisque considerans privatis affectibus liber, non puto hominis studio, sed divino illud adscripturum esse prodigio. At Zozimus⁴ Ethnicius sicut deplorat tunc in senatoria domo incensa simulacra Musarum, quae Heliconem illuc translata sub Constantino fuerant; ita mirifice exultavit de simulacris Jovis atque Minervae pro foribus positae absque laesione repertae, multa delirans. De questionibus autem a praefectis ejusdem incendii causa dire habitis, paulo inferius dicturi sumus.

45. Quando deportatus fuerit Ioannes Chrysostomus. — Sic igitur abducto S. Joanne, plane illud accidit, quod Dominus dixerat⁵: «Percutiam pastorem, et dispergentur oves»: ad mare aliis (ut ait Sozomenus⁶) properantibus, prosecuturis Joannis vestigia, tanquam eum intercepturis; aliis fugam ex timore ingruentis militiae arripientibus. De episcopis vero eidem Joanni faventibus ista Palladius⁷: «Episcopi partim quidem inclusi tenebantur, partim trahantur ad custodiam, partim etiam delitescabant. Ioannes autem una cum Cyriaco et Eulysio a praefecto militibus vineti in Bithyniam ducebantur, non sine comminatione supplicii, quod Ecclesia fuisset incensa. Postea vero Cyriacus et Eulysius cum reliquis clericis vineti adducti, atque innocentes comprobati dimissi sunt. Ioannes vero beatissimus ad reliquam fiduciam postremum hoc addidit constantiae documentum, scribens illis in hunc modum: Etsi in aliis locus respondendi mihi datus non est: vel saltem in facto Ecclesiae audiam, si quid (ut dicitis) auctor incendii fui. Ne in hoc quidem auditus, a militibus in Armeniae oppidum remotissimum ducitur, ut ab lauris, qui noctu, et interdum illud obsidebant, necaretur: Cucusus id appellatur». Sed de migratione Cucusus postea.

46. Haec quidem gesta esse hoc anno sub consulatu sexto Honorii Augusti et Aristeneti, Socrates⁸ auctor est. Sed quoniam haec omnia a Marcellino sub anni superioris consulibus referri videntur: ad omnem tollendam de hoc dubitationem, ex eo etiam id exploratissimum redditur, quod de Arsacio Joannis successore jam creato habetur mentio in rescripto imperatoris Arcadii dato⁹ hoc anno sub huius anni consulibus, decimo quarto kal. Decembris; adeo ut non potuerit subrogatus esse anno

¹ Leo in encomio de reb. Joann. Chrys. Metaph. in Vit. Jo. et alii.
— ² Sozom. l. viii. c. 22. — ³ Socr. l. vi. c. 26.

⁴ Zozim. l. v. — ⁵ Marc. xiv. — ⁶ Sozom. l. viii. c. 22. — ⁷ Pallad. dial. — ⁸ Socr. l. vi. c. 15. — ⁹ L. xvi. de his qui pro relig. cont. C. Theod.

superiori : nam cum Palladius¹ eum sedisse dicat annum unum et menses tantum duos, ad dictum tempus anni luxur minime potuit pervenisse : unde et dicimus, affirmare necesse esse, hoc anno depositum S. Joannem Chrysostomum, in locumque ejus subrogatum esse Arsacium. Magno quidem et occulto Dei judicio, et incomprehensibili plane accidit, ut in locum eloquentissimi viri succederet homo penitus infantissimus, decrepitus senex, et spiritualis exercitationis ignarus : talem plane fuisse ferunt Arsacium. Accidit nunc idem, quod ante sub Theodosio Majore itidem Constantinopoli evenisse vidimus ; nempe in sedem Magni Gregorii cognomento Theologi succellum fuisse hominem catechumenum, sacrorum dogmatum penitus imperitum, eundemque ejusdem Arsacii germanum. Sicque duos amplissimos viros, quorum nunquam pares visa est Catholica Ecclesia habuisse, tales post se et ab se longe dissimiles consecutos esse episcopos successores.

47. *Ex electione Arsacii luctus bonorum, et in eosdem Joannis studiosos questiones et martyria.* — At quod ad Arsacii electionem pertinet ; mature quidem Joannis adversarii eam perlicere conati sunt, quo omnem spem auferrent eidem Joanni, atque ejus sectatoribus, denuo fore amplius in sedem restituendum, longeque aliter eventurum sciret, atque antea contigisset. Sicque cum de substituendo alioquem in locum ejus ab adversariis solerti studio agitur ; itur in eam sententiam, ut Arsacius ejus Ecclesie presbyter eligeretur Constantinopolitane sedis antistes ; de quo ista Palladius² : « Arsacius autem beati Nectarii frater, Joannis viri per omnia probati disertique substituitur loco : homo, quem pisces facundia, et cantu (actu) rance superarent (interdum enim et actio loquitur, maxime cum bona et honesta fuerit) qui cum anno uno et duobus mensibus vixisset, mortuus est : ipsa Dei Evangelia in fine vite contestatus, se fratri Nectario sub jurejurando fuisse pollicitum, nunquam ordinationem episcopatus admissurum, cum illi exprobraret, quod voluisset Tarsensi Ecclesie pretici. Fuit illi perjurii causa primum quidem vanitas sua, per quam respondebat sibi, ut sic dicam, uxorem fratris sui : deinde confusio quoque, cum frater suus hac de re quodammodo propheticè illum arguisset ». Hæc de Arsacio Palladius.

48. Vix credi potest, quanto mœrore affecti sint pii omnes veritatis amantes, Joannis Chrysostomi studiosi, cum viderent adeo disparē in sede ejus sedere antistitem : quod quidem intolerabile plane visum est cum cæteris omnibus, tum magnæ illi Olympiadi, ejus consolandi causa binas illas profixiores Joannes ad eam Epistolas dedit, in quarum priori inter alia (quod ad hæc spectat) sic ait³ : « Quid autem eo nomine perturbatione afficeris, animique dejicis, quod ille cæcus sit, ille contra introductus ? Christus in Cnecem agebatur⁴ ac

Barabbas latro posebatur ; atque corruptum vulgus sicarium potius, quam salutis vindicem, ac tot beneficiorum auctorem, conservandum esse clamabat, etc. » Agit de his quidem pluribus : et posteriori Epistola¹ eadem refricans, addit : « Cum ad te, inquit, allatum fuerit, Ecclesiarum aliam pessumisse, aliam tempestate jactari, aliam sævis fluctibus obrui, alias etiam gravissimis cladibus affici, quippe quæ vel partim luptum pro pastore, vel prædonem pro gubernatore, vel carnificem pro medico acceperint ; doleas quidem licet (neque enim hæc sine doloris sensu ferre oportet) verum ita doleas, ut dolori modum imponas ». Hæc ipse.

49. Porro ordinato Arsacio, videre erat pastorem, seu dicam mercenarium, imo æquius furem ascendentem aliunde in ovile ovium, ab omnibus deseri, agere solitariū, ac sine populo non audiente vocem alienorum. El licet interdum Augusti et Augustæ satellites, alique pauci ex clero vel populo Joannis adversarii in Ecclesia cum illo coirent ; scenæ potius ac fictæ fabulæ reddebat ea res spectem, quam fideliū cœtus divino afflante Spiritu congregati. Quod si interdum magno fastu, cum sæculari apparitura ancambulonibus præcuntibus, Arsacius per urbis vias perambularet : averso vultu alii eum inspicere, terga vertere alii, ne conspicerent, voce vero omnes eum execrari, atque penitus abominari, Joannis vero nomen commemorare, gemitibusque invocare non cessabant. Joannes unus in ore, in volis et expectatione cunctis erat : hunc suspiriis ac fluctibus compellabant. Jugis et dulcis memoria ejus charitatis, qua oves sibi creditas divino jugiter pascere loquor. Et qui peritiores et divinarum Scripturarum scientia aliqua imbuti essent, ex Hieremiæ Threnis opportune aliquid lugubre occinere non desinebant, atque illud frequentius ingeminare gementes¹ : « Cecidit corona capitis nostri : propterea mœstum factum est cor nostrum : ideo contenebrati sunt oculi nostri ».

50. Sed hæc laud diu permessa sunt publice ferri, et ore libero jactitari. Fecit enim sevitia magistratuum, ut grassantibus per urbem ubique militibus, hos cadentibus, illos in carcerem trahentibus, omnibus vero minas acerbissimas inferentibus ; jam vel nomine tenus recoluisse Joannem, loco magni criminis esset. Videre erat miserabile ubique spectaculum, duci ad tribunal episcopos atque clericos, trahi perinde ac ab hostibus captas clarissimas feminas, opificesque, quos sciebant Joannis esse studiosos, et communionem Arsacii execrari : facies urbis mœrens, omnique ex parte lugubris, non secus ac si dedita esset in manus hostium. Nam cum non communicantes cum Arsacio, perduelles haberentur imperiis : hi omnes veluti majestatis criminis rei deferrebantur. Haud enim exsiliari potuit Eudoxie animus Joannis expulsionem et exilio. astuabat furore, fremebat spiritu : eum quem Cnecsum relegari mandarat, audiret in

¹ Pallad. dial. — ² Pallad. in dial. — ³ Chrys. ep. i. — ⁴ Matth. xxvii.

¹ Chrys. ep. ii. — ² Thren. v.

animis civium jugiter vivere, ac majori gloria ferri per urbem, eui coronatum athletam, ac jam martyrii candidatum, qui post se triumphantem exercitum duceret, illorum nimirum qui gloriarentur objustitiam persecutionem pati, sponteque ac magna alacritate ad carceres pergerent, trahentes a quibus vincitipræducebantur, summam in his singulis præseferentes animi constantiam; rediisse dicentes, magnâ invidia persecutorum, fertile tempus captandi martyrii, comparandi coronas, ad quas lucrandas tam opportuna bene utendum esse dicebant occasione, quam majores magno pretio redemissent. Quidam faceret debilis, languens, et enervata malitia, jam non habet: aretatur atque comprimitur inter angustias. Si feriat, perpetua feritur infamia, indelebilique macula persecutionis aspergitur: quod sævire in Christianos, idem sit atque Neronem representare. Si parcat, victam se ab adversariis erubescat, quos jam vicisse putabat. Sed quod animus, quem semel prava infectis affectio, in id quod deterius est, propensior esse solet: solutis omnibus imo repletis rationis habentibus, furore percitus fertur in præceptis: nihil non agit, nec quicquam prætermittit intactum, quo omnes ad communicandum Arsacio vi metuque perducant, abstrahatque omnes a communicatione Joannis, quos opprobrii causa, non Christianos, sed Joannitas nuncupat; quos veluti sacrilegos, notatos infamia, perinde ac monstrum exhorrescit.

51. At nequaquam angustiae unius urbis, licet amplissime, finibus tanta crudelitas aretatur, sed longe lateque per totum Orientem furentius grassatur. Quidam autem inhumanitatis in alios absentes episcopos Joanni communicantes, qui erant ex Theophilo, exercuerint, Palladius subdit his verbis: « In tantum vero acerbitatis insaniam episcopi omnes de communione Theophili per totum Orientem (sicut monachus rediens retulit) devenerunt, ut ex his plerique non modo debitam humanitatem non exhiberent; verum milites, datis numeribus, inducerent, ut eos ocuis civitatibus pellerent. Sunt autem qui ista gessere, Tarsensis, et Antiochenus, et Caesariensis, et ante omnes Ancyranus, et Pelusiensis episcopi, partim donis, partim etiam minis militum animos contra eos ita efferantes, ut ne laicos quidem eos hospitio excipere cupientes permitterent, sicut in Epistolis canonicis Cajo contra episcopum quemdam scribit beatus Joannes: » et post hæc: « Laudabat autem atque mirabatur Secundæ Cappadociae episcopos, ut qui actis in exilium episcopos magnum ostendissent miserationis affectum; et in primis Theodorum Tyaneum mitissimum virum, Bosphoriumque Coloniam, qui quadragesimum in episcopatu agebat annum (ad quem extant Epistola Gregorii Nazianzeni officii plenæ) et Serapionem Ostracinae quadragesimum et quintum annum in pastoralis officio prætergressum ». Sic vides, paucis exceptis, a reliquis improbum esse conflatum schisma, ut ne

ad laicam quidem communionem acciperent eos, quos scirent Joannis Chrysostomi, tanti patris studiosos: hos enim quasi a Catholica Ecclesia alienos, Joannitas inproperii causa dictos, execrabantur; ut per eos non steterit, quominus universa toto orbe diffusa Ecclesia fuerit nefario schismate ubique conscissa.

52. At parum fuit ipsos horum exhorruisse consortium; quin etiam ad mortem usque, cum licuit, iidem eos fuerint insecuti: declarant id quidem Constantinopoli, ubi pro arbitrio magistratum officiis, annuente principe et uxore ejus Eudoxia, uterentur. Quamvis autem adversus eos qui Joannis partis dicerentur, exhibitæ fuerint prætextu incendii quæstiones, jam dicere aggrediamur. Miraberis plane, lector, sub Christiano, eodemque Catholico imperatore, pristina adversus pios esse revocata martyria. Præterisse hæc silentio Socrates¹ voluit, ubi post incendium recensitum, hæc addit: « Quibus autem incommodis Optatus urbis Constantinopolis præfectus, religionis professione Gentilis, et propterea Christianis infestus, Joannis amicos attulerit, et quam gravia supplicia quampluribus illorum irrogarit, silentio prætereundum censeo ». Exhorruit plane homo quantumlibet Novatianæ sectæ errore a nobis divisis, adeo crudelia in Catholicos per magistratus exhibitæ cruciantia recensere. Sozomenus vero unius Eutropii tantum meminit, atque paucis quidem his verbis²:

53. « Eodem tempore et Eutropius quidam lector productus, ut eos indicaret, qui templo ignem injecissent: quamvis illi et loris et fustibus, et unguibus latera genæque disceperentur; quamvis insuper facies ardentes corpore sustineret, et quidem juvenis et tenellæ cutis existens, nihil tamen se scire confessus est. Qui quidem post ea tormenta includitur in carcerem, in quo non multo post moritur ». Ille ipse, nulla de eo præteriens, quæ ex Palladio³ reddenda putamus; ait enim: « Eutropius beatissimus, virgo purus, cantor, cæsus, et latera et frontem usque adeo sectus, ut supercilia quoque vellerentur; lapidibus postremo ad latera, ossibus jam nudatis, utrinque admotis, in ligno moritur. Media quoque nocte, clam ab his qui hoc egerant, sacerdotalis ordinis viris sepelitur, Deo illius morti dignum testimonium perhibente, quod passionem Redemptoris esset imitatus: audita enim psallentium cælitum vox Angelicas patefecit excubias ». Ille Palladius. Hujus dies natalis, reddita Ecclesie pace, non Constantinopolitane tantum Ecclesie, sed toto Christiano orbe anniversaria memoria celebrandus, publicis Ecclesie adnotatus est tabulis⁴, una cum Tigrio presbytero eodem tempore martyrio coronato: de quo ista⁵ Sozomenus: « Eadem occasione etiam Tigrius presbyter vestibus exutus, flagris in tergum cæsus, manibus ac pedibus vincitus, et extensus, membris dissolutus fuit. Erat hic

¹ Pallad. dial.

² Socr. l. vi. c. 16. — ³ Sozom. l. viii. c. 24. — ⁴ Pallad. in dial. — ⁵ Mart. Rom. xii. Januar. — ⁶ Sozom. l. viii. c. 24.

natione barbarus, et eunuchus, sed non a natalitate». Cæterum adeo vehemens ista fuit de incendiarii inquisitio, ut etiam clarissimæ feminae ea de causa adductæ fuerint in quæstionem, ut inter alias nobilissimæ Olympias, et Pentadia diaconissæ, de quibus paulo post dicturi sumus.

54. *Arcadii rescripta ad compescendas quæstiones, et contra communicantes Chrysostomo.* — Ne autem quæstiones ob incendium ulterius grassarentur, Studius præfectus prætorio intercessisse videtur apud imperatorem, ut ab ipso datum ad eum rescriptum significare videtur, quod sic se habet¹:

« Quoniam personæ ad inquisitionem perpetrati incendii (ut tui culminis suggestio patet) nequeunt inveniri: clericos custodia relaxamus; ita ut navibus impositi, ad lares proprios revertantur. Nec proscriptionis periculo domus careant, quas episcopos vel clericos peregrinos post publicationem edictorum et nostræ serenitatis affalus probabitur suscepisse. Pari forma servanda, si quæ domus cives clericos nova, et tumultuosa conventicula extra Ecclesiam celebrantes suscepint. Ad observandos (obserandos) siquidem seditionis aditus, id nostro sedit arbitrio, ut omnes episcopi et clerici peregrini ab hac sacratissima urbe pellantur. Dat. quarto kalend. Septembris, Constantinopoli, Honorio sextum et Aristæneto consulibus ». Paulo post autem, nempe sequenti mense, idem imperator ad eundem præfectum prætorio pro stabilienda quoque pace (ut sibi videbatur) de cohibendis servis a conventiculis ista rescripsit²:

55. « Si quis servus in hac sacratissima urbe possideat, eos a tumultuosis conventiculis faciat temperare: sciens se pro singulis servis, qui interesse conventibus interdictis fuerint comprehensi, trium librarum auri dispendio feriendum, servis videlicet puniendis ». Subdit et de collegiis opificum, quæ corpora nominabant, eadem prohibitio his verbis: « Quam formam in nummulariis, cæterisque hujus ætatis urbis corporibus volumus sub pena graviore servari: ut nunquodque corpus pro his, qui de suo numero conventus celebrare illicitos detegerunt, ad quinquaginta pondo auri solutionem mulctæ nomine adstringatur. Dat. tertio idus Septembris, Constantinopoli, Honorio A. sextum et Aristæneto cons. » Sed mense Novembris hujus quoque anni idem Arcadius ad Eutychianum rescripsit³ de his, quæ foris agenda essent. Quod enim qui prohibiti erant seorsum convenire Constantinopoli, iidem extra urbem in provinciis, eos qui Theophilii communicationis erant et Arsacii avversantes, in unum convenire ceperunt, vitantes omnes Joannis Chrysostomi adversarios: adversus eos hæc idem Arcadius imperator rescripsit:

56. « Rectores provinciarum moneantur, ut

conventus eorum arceantur illiciti, qui orthodoxorum religione suffulti, spreto sacrosanctis Ecclesiis, alio convenire conantur: Illis qui ab Arsacii, Theophilii, Porphyrii reverendissimorum sacræ legis antistitum communione dissentiunt, ab Ecclesia proculdubio repellendis. Dat. XIV kalend. Decembris, Constantinopoli, Honorio A. VI et Aristæneto cons. »

57. *Porphyrii episcopi Antiocheni probrosa vita.* — Quisnam autem fuerit Porphyrius iste, cujus communicatio commendatur, jam dicendum est. Fuit iste Antiochenus episcopus, hoc anno, quo Joannes Chrysostomus in Armeniam deportatur, in locum Flaviani subrogatus. Hoc nempe anno defunctum esse Flavianum, cum sedisset annos viginti tres, auctor est Palladius⁴, dum agit de subrogatione Porphyrii. At qualis hic fuerit, suis idem auctor pingit coloribus, cum hæc ait: « Porphyrius iste in Ecclesia diutius versatus, et diaconi et sacerdotis perfunctus officio est: sed plane nihil habuit in moribus gravitatis, et in nullo unquam Ecclesiæ spiritualiter contulit. Cæterum vicinis, et religiosis episcopis infestus jugiter, quod ex maxima esset civitate, et amicos haberet principes, judicia intrabat, honestisque ordinationibus insidias tendens, morum asini, versutiaque tempestive episcopis subrepebat, invitos quoque (ut ita dixerim) ad leves ordinationes ac novas trahens »: Et paulo post: « Castimonie itaque et adversus carnis voluptates continentie inimicus est, non secus ac vultur unguenti; adeo ut etiam Sodomitico crimini obnoxium fama vulgaverit »: et inferius: « Magorum et aurigarum, et eorum qui veteres fabulas in honesto mola et obverso crure præferrent, principem ac socium esse. Magis namque opem ferre, atque amice congregi, usque adeo non declinavit, ut etiam in commentariis variorum magistratuum hoc illi crimini datum sit »: ac deinde: « Aium illum præter cætera scelera, sacra quoque vasa post ordinationem suam conflasso, principibusque largitum aurum: ut plane perspicuum sit, cum non ratione, sed tyrannide obtinuisse eos, qui infelici sorte sibi sunt subditi.

58. « Nam quo tempore Joannes in Armeniam extorris actus, Flavianus quoque Antiochenus episcopus migravit ad Christum: animadvertit Porphyrius populum omnem in Constantium diaconum conjecisse oculos, virosque et mulieres ex eo pendere, qui a teneris (ut aium) unguiculis servierat Ecclesiæ, vir [juxta historiam judicum] ambidexter; quippe quæ putabatur illius lava, dexteram aliorum facile superabat. Fuerat enim is primum ab Epistolis: quo munere perfunctus absque turpis lucri suspitione ulla, lector deinde, ac postmodum diaconus est ordinatus ». Ac rursus inferius: « Est quippe Constantius ipse supra cæteros mitis actu, ac contemplatione singularis, celeriter conspiciatur omnia, magna cum gravitate exercet, sapiens, strenuus, misericors, cupiditalis inimicus, in judicio

¹ L. XXXVII. de episc. et cler. C. Theod. — ² L. V. de his qui pro relig. contend. C. Theod. — ³ L. VI. de his qui pro relig. contend. C. Theod.

⁴ Pallad. in dial.

justus, ad injurias patiens, in persuadendo potens : qui ut afflictos liberet, jejuniis sapius ad vesperam usque persistit, honestatem ipsa facie prae se ferens, severus aspectu, maturus incessu, virgo purissimus, et qui florem, et gratiam vultus in ipsis quoque infirmitatibus servet. Hunc igitur tanti meriti virum pecuniis hoc modo fugandum curat.

59. « Scripsit ad principes : eumque ut novarum rerum et seditionis auctorem, obtinuit in Casum (Cassium) exilio relegari. Hoc ille ubi didicit, amicorum auxilio Cyprum contendit, ibique servatus est. Ipse vero Porphyrius Cyriacum et Diophanum presbyteros et clericos caeteros vexans, observabat tempus, in quo civitas omnis ad suburbana procederet (erant secum Acacius, Severianus, et Antiochus, et eorum complices, in abdito tamen). Agebatur tunc celebritas Gentilium, insignis certaminibus Herculis, quæ Olympia appellant, in qua mulieres quoque cum turbis populorum Daphnem ad certamina spectanda properabant. In hac solitudine civitatis Ecclesiam Porphyrius una cum memoratis episcopis et clericis paucis irrumpens, ordinatur clam, januis clausis, adeo raptim, ut metu ne deprehenderentur, nec orationem quidem perlicere quiverint. Hujusmodi quippe adulterii natura gignit, et facit. Porro Severianus et socii, accepto pretio, per montes et invia fugere, humanum quidem effugientes metum, sed divinum plane indignationem divini timoris ignari incurrentes.

60. « Ubi vero soluto spectaculo, populisque in urbem regressis, quid factum fuisset, amuntiatum est : summo dolore concitati, ide illa (quod jam in vesperam declinasset) quieverunt. In crastinum vero, accepta tam immani clade, confluxere simul omnes, ignem ac stipulam ferentes, ut Porphyrium una cum domo ejus incenderent. At vero Porphyrius non ignorans quam esset exosus omnibus, relicto Deo, sese ad ducem exercitus contulit : implensque illi manus, contra Salvatoris discipulos in aciem ducit aversum ab Isauricis bellis. Atque Isauri quidem ferocissimi Roëssum Seleuciamque vastabant : Porphyrius vero et Valentinianus comes cum exercitu Ecclesiam Catholicam prædabantur, Crucis signum venerabile, quod illi ferentes in humeris, Litanias in campo agebant, pedibus suis conculeantes. Modicum fluxerat tempus, cum ille ad exercitum sollicite mittit, agitque apud ducem, ut suis quidem senex atrox perversisque moribus nocturnis præficere tur excubiis, ut licentius bonos quosque ac fideles vexans caperet civitatem, alius profecto Nero, cujus et mores imitari studebat. Non enim novit ille persuadere dictione, sed summa vi et iniquitate vexare : qui Deo minime placere intendens, non errantes ad illum animas revocare, sed serpentes implere ventrem supra pectus gradientis curat. Pergunt igitur vel inviti populi, metuque verberum videntur ad Ecclesiam, re autem vera vitam suam execrantes, a Deo patientiæ suæ præmia se percipienturos sperant : Et inferius : « Clerus itaque Antiochenæ Ecclesiæ insignior occulte conveniens, ne

ipsis quidem Ecclesiæ parietibus propinquat : una et illustrium matronarum multitudo clam convenit, etc. » Porro hunc adulterino nec legitime electo episcopo Innocentium Romanum Pontificem nunquam communicare voluisse, Theodorus diaconus apud eundem Palladium fidem facit.

61. Sed (proh pudor !) sic a pravis hominibus et dierni malorum inveteratis episcopis sedneitur Arcadius imperator, ut cui nec sanior pars cleri Antiocheni, nec nobiliores matronæ communicarent, quem nec Romanus Pontifex recepisset, adeo sedatum moribus, corruptum turpitudinibus, omnique ex parte inquinatum senem, hunc ipsum, tanquam Orientalis columnam Ecclesiæ publica edita sanctione, quam nuper retulimus, celebravit. Sed et aliam superaddidit legem, quam Theodorus Romanæ Ecclesiæ diaconus apud Palladium recitat, quæ sic se habet ¹ :

62. « Si quis non communicat Theophilo, Arsacio, et Porphyrio : hic episcopatu quidem areatur : amittat vero, si quam videtur habere substantiam pecuniariam, sive prædiorum ». Ita edictum, cujus exemplar Romam allatum est a Cyriaco episcopo, ut paulo post dicturi sumus. Quorum vigore legum in Orientali Ecclesia ubique gentium episcoporum proscriptio facta est. Testatur et idem Theodorus, edictum insuper promulgatum fuisse adversus eos qui clericum vel episcopum occultassent ; quod suo loco descripsimus.

63. *Inter eos qui passi sunt renuentes communicare Arsacio excellunt Nicerate, virgo sanctissima, Olympias et Pentadia diaconisse, ad quas Joannis Epistole.* — Quot autem quantaque harum vigore legum fuerint immania scelera perpetrata, quis digne oratione assequi se posse confidat ? Præter illa enim quæ superius enarrata sunt, quænam passi sint Constantinopoli, qui cum Arsacio communicare renuerunt, Sozomenus ita docet ² : « Etenim cum vel cum illo, vel cum familiaribus illius communicare ac precari, tutum non esse arbitrantur ; ob id quod his intermixti semper essent Joannis hostes, ac proinde (ut dictum est) seorsum in extremis urbis recessibus congregantur : ad imperatorem rei cognitio refertur. Jussus igitur cohortium dux una cum militibus in congregatos impetum facere, multitudinem ipsam fustibus ac saxis feriens in fugam vertit : at eos qui manifestius ac propensius Joannis partes agebant, in vincula conjicit. Hic autem (ut fieri consuevit, ubi militibus ferocire permittitur) mulierculas ornatu suo per vim spoliavit : et alii monilia, zonas aureas, collaria ac fibulas deprædantur : alii cum ipsis auriculis in aures detrahunt ». Contigerunt hæc post creationem Arsacii, haud plane dissimilia illis, quæ, sedente adhuc Joanne, iidem milites perpetrarunt adversus neophytos in albis adhuc agentes. Sed subdit Sozomenus :

¹ Pallad. dialog. et l. vi. de his qui pro relig. cont. C. Theod. —

² Sozom. l. viii. c. 23.

64. « Et quanquam tumultus ac luctus maximus per urbem accidisset : tamen ne sic quidem de amore erga Joannem concepto remiserunt. Itaque ad Ecclesiam publicam non amplius conveniebant ; ac multi ne in forum quidem, neque in balnea ventitabant. Imo quibusdam ne domi quidem manere, tutum fuit : quare et exilio sibi ipsis inuncto, civitate excesserunt, cum alii multi viri honesti ac mulieres probæ, tum etiam Nicerate (Nicarete) Bithyna apud Nicomedienses inter nobiles genere illustris, ac perenni virginitate præstantiaque vitæ celebris. Modestissimam inter landatas feminas, quas nos meminimus, hanc cognovi, cum et moribus, et verbis, et vitæ genere concinna fuerit, ac res divinas usque ad mortem humanis præposuerit, ac tum fortitudine, tum prudentia adversus impendentes adversarum rerum casus sustinendos sese corroboravit : adeo ut neque amplissimis bonis injuste spoliata stomacharetur : et ex paucis quæ reliqua erant, prudentissima dispensationis ratione, et quidem ad senium provecta, tum ipsa cum familiaribus ea quæ necessaria erant haberet, tum aliis largiter suppeditaret. Quin et pro humanitatis alacritate rerum honestarum studiosa existens, omnis generis remedia præparabat in pauperum ægotantium usum, quibus ex amicis suis sane multis frequenter opem tulit, nihil adjuvantibus eos medicis consuetis : nam divino quodam nutu, quicquid inceptor, ad felicem exitum perducebat. Atque ut summam dicam, inter nostræ memoriæ feminas laude dignas aliam nullam cognovi, quæ ad tantam probitatem ac gravitatem et reliquam virtutem conscenderit. Sed hæc quidem tametsi talis esset, vulgus tamen latuit : siquidem ob modestiam ingenii ac sapientiæ studium perpetuo latere voluit : ita ut neque ipsa stunderet ad ministræ dignitatem ascendere ; neque Joanne sæpius exhortante, unquam virginum Ecclesiasticarum primatum suscepit ». Hactenus Sozomenus. Memuisse ejusdem Nicerates ipse Joannes Chrysostomus¹ visus est in Epistola ad Olympiadem scripta ex Arabisso posterioris exilii loco, cum ait, se misso ab ea pharmaco a morbo stomachi liberatum, his verbis : « Paucis ante diebus cum ob aeris statum proclivis nobis ad vomitus stomachus esset, atque et aliis curacionis generibus, et pharmaco eo, quod a domina mea lectissima, et ornatissima senatrice missum est, nisi essemus, ut nec ultra tres dies illud adhibere nobis necesse fuisset, ipsius imbecillitatem coreximus. Itaque te quoque hortor atque oro ut his utaris, desque operam, ut hujusmodi medicamentum ad nos rursum mittatur ». Hæc Chrysostomus plane consentientia iis quæ ex Sozomeno recitavimus. Porro ob egregium specimen sanctitatis, quod vivens edidisset, factum est, ut post mortem inter sanctas virgines relata habeatur, cuius diei natalis celebratis VI kal. Januarii annis singulis repetitur².

65. Sed prosequamur post Niceraten, quæ alia

clarissimæ feminae et pietate præstantissimæ, hoc eodem tempore, causa Joannis Chrysostomi, cui adiectissimæ erant, passæ sint, incipientes ab illa magna Olympiade, de qua sæpe superius honestissima mentio facta est. Qualis namque quantaque illa fuerit, ex Epistolis ejusdem Chrysostomi ad eam scriptis pensare licet : sed quibus ab hoc turbine fuerit exagitata procellis, Sozomenus ita narrat¹ : « Jam et Olympias illa Ecclesiæ diaconissa harum calamitatum perferendarum fortitudine sese conspicuam reddidit. Nam cum ob eandem hanc causam ad tribunal esset pertracta : quærenti præfecto, ut quid Ecclesiam succendisset? Illa respondit : Non hoc est institutum vitæ meæ : Quin ego facultates meas, quæ ample fuerunt, in reparationem Dei templorum expendi. Illo tum se vitam ejus exploratam habere dicente, subiicit : Itaque tu in accusatorum locum transito, et alius de nobis iudicet. Et cum accusatio testibus careret, præfectus nihil habens quod jure culparet, paulo moderatius ad aliud crimen sese convertit, ac veluti consultando, tum huic ipsi, tum cæteris mulieribus stultitiam exprobrat, quod episcopi communionem (nempe Arsacii) aversarentur, cum respicere atque illis molestiis extricari possent. Ac cæteræ quidem præfecto hæc præcipienti propter metum cedunt, Olympias vero : Non est æquum (inquit) me, quæ in multitudine per calumniam capta sum, et in foro nullius objecti criminis convicta sum, ad defensionem trahi expositionem ejusmodi, quæ in iudicium non veniunt. Concede igitur mihi, ut ad priorem actionem defensores adhibeam. Quamvis enim præter leges illi communicare cogar, cui non oportet : non faciam tamen id quod piis facere nefas est. Ille itaque cum non posset illam inducere ut Arsacio communicaret, in præsentem dimittit, quasi advocatos instructuram. Altero vero die rursum adductam magna vi auri mulctavit : putabat enim se illam ea ratione a sententia sua deducturam. Sed illa pecuniam negligens, nihil cessit : ac relicta Constantinopoli, Cyzici (in Hellesponto civitate) habitavit ». Hactenus de Olympiade Sozomenus.

66. Porro cum S. Joannes Chrysostomus ipsam istæc magna gloria passam accepisset, scripta ad eam Epistola, consolatus est, atque inter alia multa hæc habuit² : « At minime propterea commoveri ac perturbari debetis, verum hoc ipso potissimum nomine lætari et exultare, coronisque capere redimere, ac choros agitare. Nam nisi mortiferas prius diabolo plagas intulissetis, non usque adeo fureret hæc bellua, ut ultra progredi arderet. Quamobrem tum vestre fortitudinis et victoriæ, tum ingentis illius cladis hoc est argumentum, quod ille acrius nunc in vos impetum facit atque insultat, majorisque impudentia documentum edit, ac profusius venenum effundit ». Et post multa : « Tum tibi ipsi, tum iis quæ tecum hoc præclarum certamen obeunt, occinens, da operam ut omnium animos erigas,

¹ Joan. Chrys. ep. iv. — ² Rom. Martyr. die 27. decem.

¹ Sozom. l. viii. c. 24. — ² Chrys. ep. v.

tuaque aciem instruas, quo tibi duplex et triplex, et multo etiam copiosior virtutis corona comparetur, tam per ea quæ ipsa perpeteris, quam quia alios ad eadem subienda impellis, cosque adducis ut leniter ac placide omnia ferant, et umbras contemnant, atque inominiorum imposturam aspernentur, ac lutum proculcent, nullamque fumi rationem habeant, nec araneorum telas molestiæ quicquam nobis afferre existiment, fenumque putredini obnoxium prætereant. » Hæc et alia Chrysostomus ad Olympiadem.

67. Præstitit ipsa quidem quæ præstari ab ea Chrysostomus litteris admonuerat; dum ad tribunal rursus adducta, egregio summæ constantiæ specimine edito, exilio damnata est: cum tanta hæc passa, nihilominus se nullius frugi esse, ad eum scribens significasset: ad quam ipsam idem Joannes eam dedit Epistolam, cujus tantum hic inteximus exordium¹: « Quid ais? Trophæum non existi, nec præclaram victoriam obtinisti, nec perpetuo virentem coronam adeptus es? Annon hoc universus orbis affirmat, qui ubique terrarum tua recte facta decantat? Quanquam enim et palestræ et certamina in uno loco sita sunt, et cursum tuorum spatia, et concertationis tuæ, sudoris loco, sanguine refertæ illic existerunt: at earum tamen rerum gloria et commendatio extremos terræ fines occupavit. Tu vero ea auctiora reddere ac palmas amplificare studens, eas quoque quas animi submissio parit, coronas ipsis adjuvisti, dum te tantum ab hisce trophæis absesse asseris, quantum mortui a vivis remoti sunt. Nam quod hæc verba ab animi submissione profecta sint, ex iis ipsis potius quæ contigerunt, planum facere conabor. Patria pulsa es, domo, amicis, cognatis; in exilium missa es: quovis die mori non desiisti, etc. » totus deinde in eo est, ut doceat, eos lugendos potius esse qui persecutionem inferunt, latendum vero de his qui illatam celso animo perferunt.

68. Sed de pugna Olympiadis transeamus ad certamen Pentadiæ æque diaconissæ, æque nobilis, utpote quæ Timasi consulis uxor fuit, et vidua relicta, sese Ecclesiæ ministerio mancipavit; de qua et superius dictum est. Quæ autem ista passa fuerit, et quanta animi constantia adversus improbos iudices steterit, cum ejusdem incendi causa in questionem esset adducta, etsi ab hujus temporis scriptoribus nequicquam memoriæ commendatum accipere liceat; ex litteris tamen ipsius Joannis Chrysostomi ad eam scriptis, titulos saltem gloriæ ipsius confessionis licet inspicere. In priori enim ad eam data Epistola hæc leguntur²: « Gaudeo et exullo, maximamque etiam in tam deserto loco degens consolationem mihi positam esse duco in ea, quam in omnibus rebus adhibes, fortitudine, constanti sententia, ingenti prudentia, linguæ libertate ac sublimi fiducia, per quam et adversarios ignominia perfudisti, et mortiferam diabolo plagam infixisti; et eos qui

pro veritate decertabant, tanquam unguento delibatos, paratiores ad dimicandum reddidisti; ac fortissimi militis instar, præclarum in bello trophæum erexisti, luculentamque victoriam adeptus es: neque etiam tanta voluptate complexisti, ut ne in aliena quidem et peregrina regione, nec in solitudine, verum istic vobiscum me esse existimen, summanque ex animi tui virtute voluptatem capiam. Quamobrem gaude et letare, quod hujusmodi victoriam assecuta sis, atque hujusmodi delictuarum ora facili negotio compresseris, impudentesque eorum linguas, et rabida ora obstruxeris. Veritas enim, cum qua pugnasti, et pro qua jugulata es, hanc vim habet, ut paucis sæpe verbis de sycophantis triumphet: quemadmodum contra, mendacium etiam si infinitis sermonum artificibus obvolvatur, facile tamen diffluit et collabitur, araneæque telam imbecillitate superat. Gande igitur et letare (neque enim hæc verba subinde repetere desinam) viriliter age et confortare, omnesque ab ipsis tibi comparatas insidias irride: » at quænam istæ? ostendit his verbis inferius:

69. « Et quodnam, inquit, insidiarum genus prætermiserunt? et quod machinarum genus non moverunt, dum solidæ tuæ ac Deo fideli generosæque ac fortissimæ animæ insidias strere conantur? In forum te, quæ præter Ecclesiam et cubiculum nihil noras, pertraxerunt, a foro ad tribunalia, a tribunalibus ad carcerem. Falsorum testium linguas acuerunt, calumnias concinnarunt, cædes perpetrarunt, cruoris torrentes profuderunt, igni ac ferro juvenum corpora consumpserunt, multis ac præclaris viris innumeras plagas et cruciatus intulerunt; nullum denique lapidem non moverunt, quo te metu perterritam hæc adigerent, ut iis quæ videras, contraria diceres. At tu instar aquilæ sublimis volantis, eorum retibus fractas, ad libertatis fastigium virtuti tuæ consentaneum ascendisti, sic videlicet te comparans, ut ab ipsis minime circumscribereris: imo etiam quantum ad hujus incendi crimen attinebat, cujus nomine miseri atque infelices homines præsertim gloriari videbantur, eos calumniæ convinceres, etc. »

70. Rursum vero ipsam cogitantem recedere Constantinopoli, ne id faceret, idem Chrysostomus datus ad eam litteris antevertit, quibus plane qualis quantaque hæc esset femina declaratur. Est enim ejus Epistolæ ejusmodi exordium¹:

« Coronarum nomine, quas tibi conciliasti, beatam te duco: » et paulo post: « Quoniam autem intellexi te de discessu cogitare, atque istinc migrare velle accepi: peto abs te ne quicquam hujusmodi cogites, atque ob animum proponas. Primum ob hoc ipsum, quod civibus tuis subsidium es, amplissimusque portus, et adminiculum ac tutus murus iis, qui laboribus et ærumnis contumuntur. Quare noli committere, ut tantum quæstum de manibus ejicias: noli, inquam, committere, ut tantum lucrum abji-

¹ Chrys. ep. vii. — ² Chrys. ep. xciv.¹ Chrys. ep. civ.

cias, cum tantos quotidie thesauros ex tua praesentia colligas : nam qui tua praeclara facinora cernunt, vel auditione accipiunt, non parum hinc lucri consequuntur. etc.» Porro tum Pentadiae, tum etiam Olympiadis et aliarum clarissimarum feminarum coram praefecto (erat is Optatus Gentilis homo) causae prosecutione relata in Acta publica fuit; quibus declaratur, non ob incendii causam tantum, sed etiam quod Arsacio communicare nollent, tam gravia passas esse. Meminit eorundem Actorum Theodorus Romanus diaconus, dum Romani Pontificis studium ad hos omnes liberandos recenset, ubi ait ¹ :

71. « Post hos omnes venit Romam ad Innocentium papam Domitianus sacerdos, Constantinopolitanæ dispensator Ecclesiae, et Vallagas quidam Nisibius (Nisibenus) presbyter, exponens monasteriorum Mesopotamiae geritum et ejulatum. Simul et commentaria Optati cujusdam praefecti reddiderunt; ubi honeste mulieres ex genere consulari publice ad eum adductae memorantur, Constantinopolitanæ Ecclesiae diaconissae; ita ut cogerentur aut Arsacio communicare, aut fisco ducentas auri libras applicare ». Haec ipse. O si semel illata hujusmodi publica commentaria in archiva Romanae Ecclesiae, haecenus asservata fuissent : quam in his versaus deliciis stylus noster afflueret ! non quidem nobis opus fuisset in summa paupertate hinc inde mendicare fragmenta.

72. *Secunda legatio ad Innocentium, tum a faventibus Joanni, tum ab ejus adversariis.* — Subdit ex eorum testificatione idem Theodorus : « Quid autem de monachis, et virginibus dicere oportet ? ostendebat seclata in ligno latera, terga caede concissa, etc. » Testatur quidem Zozimus ², ingentem monachorum numerum et alios id genus homines captos, et dira eandem ob causam passos esse. Quomodo autem his omnibus acceptis Romæ Innocentius papa, quamprimum valuit, his occurrere conatus est, idem Theodorus enarrat, qui etiam singulas legationes tum ab ipso Joanne, tum a clero Constantinopolitano, et aliis ad ipsum Romam hoc anno post expulsam Joannem missas recenset, nosque eodem quoque ordine referemus. Post primam illam legationem ab ipso Chrysostomo missam hoc anno post Pascha, cum adhuc ipse in sede ageret; postque Epistolam ipsam ad eundem Innocentium papam datam, quam suo loco superius recitavimus : post ipsum exturbatum, qui ex quadraginta illis episcopis circiter viginti quinquae tantum supererant, convenientes in unum, decernunt legationem ad Innocentium Romanum Pontificem, quam et alia postea secute fuerunt : de quibus omnibus ita Theodorus diaconus apud Palladium ³ :

73. « Modicum temporis fluxerat, cum Theobetus Constantinopolitanus presbyter Romanus venit, litteras Concilii Joannis viginti quique episcoporum aut paulo plurimum ferens : quibus dicebant, Joannem militum vi urbe expulsam, et Cucumum

in exilium missum, Ecclesiamque incensam fuisse. Cui et ipsi communionis litteras et ad episcopum Joannem, et ad omnes communicantes sibi episcopos tradens, orabat cum lacrymis, ut patienter tolerarent, cum opem ipse ferre non posset, eo quod nonnulli obsterent potentes adversarii Ecclesiasticae pacis inimici.

74. « Post paululum rursus applicuit homunculus aspectu fœdus, animo perditus, Paternus nomine. Constantinopolitanæ Ecclesiae se presbyterum dicens : qui et ipse totus elatus, et fastu turgidus, et ipso gestu inimicitias praeferebat. plurima contra Joannem episcopum maledicta vomebat. Hic litteras paucorum episcoporum, Acacii, Pauli, Antiochi, Cyrini, Severiani, et aliorum quorundam Innocentio reddidit : quibus Joannem calumniabantur, quasi incendisset Ecclesiam. Mendacium aperte deprehensum est, cum ejus rei, quippe quae non fuisset objecta, mentionem in Synodo nullam fecisset Joannes. Eum Innocentius cum indignatione abiciens, nec rescribere quidem voluit ».

75. Quidam est, rogo, quod Joannis adversarii post ipsum damnatum legationem mittunt ad Romanum Pontificem : nisi ut ab eis in ipsum lata sententia, rata ab Ecclesiae Romanae praesule habeatur, ejus esse arbitrii optine scient, eandem irritam cassamque reddere ? Et quid contraria legatione a parte Joannis missa actitatum est ; nisi ut sententia inique lata, ab eodem Apostolice Sedis antistite revocaretur ? Sed secundae addidere Joannis amici tertiam legationem, de qua mox idem Theodorus dicturus haec praemittit de Cyriaco episcopo fuga lapsos Romam adveniente.

76. *Tertia legatio a parte Joannis.* — « Paucis post diebus adventit episcopus Cyriacus nullas quidem habens litteras, sed is plane, cui fides merito habenda videbatur, eadem prosequens, quae ab episcopis de Synodo Joannis fuerant scripta. Aiebat enim se fugisse propter comminationem regalis edicti (quod haud pridem a nobis est recitatum). Cavebatur enim eo, ut episcopus non communicans cum Arsacio, ab episcopatu arceretur. Post Cyriacum venit Eulisiensis Apameae Bithyniae episcopus, allerens litteras a quindecim episcopis de Joannis Concilio, et a praefato sene Anytio Thessalonicensi episcopo : in quibus illi quidem et praecedentem, et quae tum erat, Constantinopoleos totius depredationem vastitatemque signabant : Anysius vero Romanae Ecclesiae judicium sequi fatebatur. Porro Eulisiensis ipse consona Cyriaco per omnia dixit.

77. « Vix mensis effluxerat, cum Palladius quoque episcopus Helenopoleos absque litteris venit, qui et ipse dicebat se fugisse vesaniam principum, expressius autem ac signantius enarravit omnia, ipsiusque edictum protulit in hanc sententiam : Quicumque occurrisset episcopum ac clericum, sive in sua domo suscipere, qui Joanni communicaret, ejus domum publicandam ». Atquid, rogo, extorres episcopi et fuga lapsi non ad aliam se conferunt Ec-

¹ Apud Pallad. dial. — ² Zozim. l. v. — ³ Apud Pallad. dial.

clesiam, quam ad Romanam sedem? utique (si verum fateri licebat) tanquam ad matrem omnium Ecclesiarum, majorum exemplis admoniti, cum regnante persecutore Constantio (ut antiquiora tempora prætermittamus) Catholici episcopi ab Oriente fugati, omnes ad Iulium Romanum Pontificem (ut vidimus late superius) se contulerunt. Veniens Romanam Palladius una cum pluribus aliis, susceptum se fuisse hospitio a Piniano marito sanctæ Melaniæ junioris, genero autem Melaniæ senioris, testatur ipse scribens ad Lausum de iisdem his verbis: « Nec nobis quidem et certe cum plurimi essemus, qui Romanam propter beatum episcopum Joannem perrexeramus, exigua præstiterunt, sed cum in illis partibus degeremus, officiosissimo nos suscepit hospitio, largissimisque sumptibus, cum exinde proficisceremur, honoraverunt ». Hæc ipse Palladius. Sed quæ post hæc secuta est alia publica legatio, Theodorus narrat his verbis:

78. *Quarta legatio pro Joanne, et qui fuerit Cassianus legatus.* — « Post Palladium Germanus presbyter, Cassianusque diaconus Joannis, viri magnæ religionis, litteras ab omni clero Joannis attulerunt, continentes Ecclesiam suam tyrannidem perpersam fuisse, episcopo per vium militum ejecto, et in exilium misso, agentibus id Acacio Beroensi, Antiocho Ptolemaidis, Severiano Gabalensi, Theophilo Alexandrino. Ostenderunt et Breviculum memorati viri, ubi ornamenta sub iudicibus et testibus tradunt, subscriptum manu Studii præfecti Urbis, Eutychiani prætoris, Joannis comitis Thesaurorum, et Eustachii quæstoris ac tabularii in auro et argento et vasis, ut Joannis episcopi calumniam diluerent ». Sed antequam ad sequentem legationem enarrandam progrediamur, ut de legatorum altero, Cassiano diacono nuncupato, agamus, argumentum exposcit. Est mentio de eodem Cassiano in litteris Innocentii papæ ad clericos Constantinopolitanos¹: quem quidem Cassianum illum putamus, ejus sunt *Collationes Patrum*: nam et Gennadius hunc eundem a Joanne Chrysostomo diaconum ordinatum tradit: adeo ut qui negare velit hunc Cassianum diversum ab illo esse, duos necesse habeat ut affirmet Joannis Chrysostomi ejusmodi nominis et muneris fuisse discipulos, nomine Cassianos, eosdemque diaconos. Porro hic, de quo agitur, usitatum cognomine, quam nomine a maioribus vocitari solitus fuit: nam idem Gennadius², necnon Cassiodorus³ nonnisi Cassianum eum nominant: cum tamen auctore Prospero⁴, sciamus appellatum esse Joannem, cognomento vero Cassianum. Sed hic adverte, errore quidem, mea sententia, lapsos, qui tradunt⁵, hunc ipsum a Joanne Chrysostomo diaconum ordinatum, atque post aliquot annos ab eodem expulsum, Massiliam profectum, illic ordinatum esse presbyterum. Sed dicant, velim, quando hunc

expelli ab eo contigit, qui etiam post ejus exilium in ipsius Joannis obsequio perseverasse cognoscitur, et pro eo functus legatione ad Innocentium? Sed puto occasionem errandi inde manasse, ut qui pro Joanne Chrysostomo, sicut alii ejus Ecclesiæ clerici, esse reperitur expulsus, eundem per Joannem ipsum ejectum existimarent: nam non ab ipso, sed ejus causa tunc contigit cum reliquis extorrem fieri. Cæterum antiquorum nullus hujusmodi notam Cassiano inuisse legitur. Verum ipse Cassianus in libris quos de Christi Incarnatione conscripsit, erga memoriam ejusdem Joannis Chrysostomi satis videtur esse propensus, et gratus, utpote qui sæpe eum laudibus haud vulgaribus celebrat: et quod majus videri debet, quicquid ipse sciret, liberaliter eidem acceptum refert: nam inter alia¹: « Ille, inquit, denique ipse vobis, etiam hæc quæ a me scripta sunt, commendat: quia hæc quæ ego scripsi, ille me docuit; ac per hoc non tam meum hoc quam illius esse credite: quia rivus ex fonte constat; et quicquid putatur esse discipuli, totum ad honorem referri convenit magistri ». Hæc et alia ad Constantinopolitanos de Joanne summa cum laude Cassianus; sicque compellans eos, specimen in omnibus edidit amantissimi Joannis discipuli, de quo et post exilium, imo et post mortem, adeo bene mereri studuerit, ut nec vel tenuis nevus in ipso penitus dignosci possit alienjus similitudinis assertæ. Cæterum post hæc Cassianum profectus in Ægyptum, ibi monasticam vitam excolere cepit, indeque scribendi *Collationes Patrum* hausit argumentum. Extat Isidori Pelusiota² ad Cassianum Epistola, cum aggressus esset vitam monasticam profiteri, qua eum in primis sibi coerendam esse linguam admonuit. Sed jam ad nuntios Romanæ ad Innocentium papam missos, vel sponte se illic conferentes, redeamus.

79. Post legationem Germani, et Cassiani, de adventu Demetrii episcopi Romanæ Theodorus hæc subdit: « Post istos venit secundo Demetrius episcopus Pisinuntis; qui peragrato Oriente, prædicaverat communionem Ecclesiæ Romanæ cum episcopo Joanne, testibus papæ Innocentii litteris, afferens Epistolas ab episcopis Cariae, in quibus Joannis amplectuntur communionem: ab Antiochenæ itidem Ecclesiæ presbyteris, ubi Romanorum sequuntur disciplinam, laudantes integritatem iudicii, et ordinationem apud se factam de Porphyrio ut illicitam ac nefariam execrantes ». Hæc Theodorus. Constat quidem, his acceptis legationibus, Innocentium Romanum Pontificem statuisset una cum episcopis Italiæ, communicandum cum Joanne Chrysostomo, non autem cum Arsacio et Porphyrio intrusis; donec ea de causa, congregatis utriusque partis episcopis, Synodus haberetur, in qua quæ essent alterutrinus potiora jura, iudicium ageretur: interea autem jure cum Joanne communicandum, quod violenter esset ejectus. Hæc quidem omnia ex Epi-

¹ Apud Sozom. l. viii. c. 26. — ² Gen. de vir. illust. c. 61. — ³ Cassiod. de Instit. divin. lect. — ⁴ Prosp. in Chron. — ⁵ Trithem. in Catalog. vir. illust. et alii post eum.

¹ Cassian. de Incarnatione adversus Nestorium, l. vii. in fin. — ² Sozom. l. viii. c. 26.

stola Honorii imperatoris ad Arcadium satis explorata redduntur, qua omnia quae hactenus impie gesta essent, exprobrans, commemorat: est autem hujusmodi ejus inscriptio:

80. *Honorii ad Arcadium Epistola factum exprobrantis.* — « Exemplum ¹ sacrae Honorii Aug. missae ad principem Orientis Arcadium.

« Quamvis super imagine muliebri, novo exemplo per provincias circumlata, et diffusa per universum mundum obtrectantium fama litteris aliis commouuerim; ut talis facti poenitentia, et intermissione propositi rumor emulus consensuat, et quod in moribus temporum carpat, publica lingua non habeat. Quamvis etiam super excidio percutis Illyrici populi apud vos prodiderimus affectu, esse nobis dolori, cur ista vos defrimenta reipublicae nolueritis agnoscere, et aliis potius indicibus, quam pietatis vestrae litteris fuerint nuntiata: tamen ne illud quidem apud serenitatem vestram dissimulare nos fas est, quod in rebus divinis non sine publici discriminis metu nuperrime contigisse, cita semperque malorum annuntiatrix fama non tacuit: et ut natura fert hominum, quae ad obtrectandum novis semper casibus excitatur, oblata occasione carpendi, malitiam suam in tempora studio sexae (sevae, loquacitatis) exercet.

81. « Est enim nuper proditum, apud Constantinopolim, sacratissimo Paschae venerabilis die, cum omnes praene in eundem locum vicinarum urbium populos religio castigatore sub praesentia principum ritu celebranda collegerat, clausas subito Catholicas Ecclesias, trusos in custodiam sacerdotes: scilicet, ut eo potissimum tempore, quo, indulgentia principali, tristia noxiarum claustra reserantur, pia legis et pacis ministros saevus carcer includeret: omniaque bellum in modum turbata mysteria, nonnullos in ipsis Ecclesiae sacrae interemptos, tantumque circa altaria vim saevisse, ut et venerabiles episcopi in exilium truderentur, et sanguis humanus (quod dictu nefas est) caelestia sacramenta perfunderet.

82. « His repente compertis, turbatos esse nos fateor. Quis enim in facinore tam cruento Dei omnipotentis non timeret offensam? aut quo pacto extra summum Romani orbis omniumque mortalium putaret esse discrimen? cum ipse auctor nostri imperii, et reipublicae, quam nobis credidit, gubernator omnipotens Deus finestis admodum execrabilibusque commissis crederetur irasci, domini sancti, frater, neposque Augusti venerabiles: cum et si quid de causa religionis inter antistites ageretur, episcopale oportneret esse iudicium: ad illos enim divinarum rerum interpretatio, ad nos religionis spectat obsequium. Sed esto sibi de mysticis, et Catholicis quæstionibus amplius aliquid principalis cura praesumpserit: itaque usque ad exilia sacerdotum, usque ad hominum caedes debuit indignatio concitata procedere, ut ubi castae preces, ubi

vota sincera, ubi sacrificia illibata solvuntur, illi se gladius haud facile etiam in jugulum noxiarum distringendus exeret? Rebus denique ipsis docetur, quid super his senserit divina majestas. Primum quidem hoc praesentis commotionis iudicium (iudicium) fuit, atque ulinam solum. Facit enim humana trepidatio tanti sibi conscia perpetrati, ut gravius aliquid (quod avertat omnipotens Deus) post terribilis ultionis experimenta meluamus.

83. « Audio Ecclesiam sacrosanctam tot imperatorum opibus expositam, pretiosis cultibus nobilem, tanta supplicum principum oratione augustissimam flagrasse, et illud Constantinopolitanae urbis Ecclesiae unicum lumen in favillis dilapsam, Deo non vetante, fuisse (execrari enim videtur inquinata mysteria, et avertisse oculos ab eo loco, quem jam sanguis infecerat, ne obsecrare quis pietatem caelestem sub cruentis posset altaribus) aedificia quoque divina non minore splendore nobilia ex concitatione saevientis incendii, flamma se latius effundente, consumpta; et quae publicam faciem elaborata a maioribus nostris ornamenta decorabant, velut quodam urbis funere concremata. Haec ergo quamvis crebrius injuriis lacessitis tacere debuerim, nec conjunctissimum fratrem, regumque consortem tam fideliter admonere; tamen necessitudinem sanguinis stimulo taciti doloris antefereus, hortor atque suadeo, ut haec (si fieri potest) emendatis in posterum moribus corrigantur; ac divina iracundia, quantum re proditur, excitata, votorum sedulitate placeat.

84. « Accipite a me summum simplicitatis iudicium. Idecirco hoc clementiae vestrae insinuandum putavi, ne me velut gratulatione occultata faceret apud quemque taciturnitas ipsa suspectum: neve quis crederet, me talibus factis praebere consensum, et qui saepe ne acciderent, commouuerim, posteaquam commissi sunt, non dolerem. Nam quis posset expertis doloris, qui se meminit Christianum, tantam subito perturbationem religionis inductam, ut omnem Catholicae fidei statum necesse sit fluctuare? Eral inter episcopos causa, quae collato contractoque Concilio, deberet absolvi: missis ad sacerdotes Urbis aeternae atque Italiae utraque ex parte legatis, expectabatur ex omnium auctoritate sententia, informatura regulam disciplinae: integrum nempe esse debuerat, neque quicquam novari, dum definitio deliberata procederet: cum interea mirum quoddam praecipitum festinationis exarsit, ut non expectatis litteris sacerdotum, qui fuerant mutua partium legatione consulti, non examinatis rebus, in exilium truderentur antistites, animadversioni prius addicti, quam sententiam iudicii episcopalis experti. Denique quam immatura illa damnatio fuerit, res probavit. Namque ii quorum expectabatur auctoritas, pacifica Joanni episcopo communiōne praemissa, sanciantiam concordiam consueverunt, nec quemquam putarunt ante iudicium consorcio repellendum.

85. « Quid nunc aliud superest, quam ut Ca-

¹ Ex C. Vatic. ep. Rom. Pont. extat cusa tom. 1. ep. Rom. Pont.

tholicam fidem scismata in diversum dissociata dilacerant? quam ut hereses communioni semper inimice ex tanta gestarum rerum varietate nascentur? ut jam populo non debeat imputari, si forte in dissonas partes sectarum diversitate discedat: cum ex auctoritate publica discordiarum materies sit præmissa, et fomes quidam nutriendæ seditionis animatus. Quod ne in magnam aliquam generis humani perniciem recrudescat, vota faciunda sunt, ut ad humanas prolapsiones patiens Deus rem male gestam prosperet ac secundet. Nam quantum in nobis est, possumus timere quod gestum est: quantum ad pietatem semper placabilis Dei, non erit meriti impunitas indulta, sed veniæ ». Hactenus Honorii Epistola ad Arcadium ex bibliotheca Vaticana descripta, atque una cum Romanorum Pontificum litteris jam excusa: quo autem animo hæc Arcadius imperator acceperit, licet nemo prodatur; tamen ex his quæ postea subsequuta sunt, infensum plane hæc legisse, satis intelligi potest. Nam tantum abest ut male facta correxerit, ut etiam his deteriora (si pejora excogitari possunt) addiderit.

86. *Innocentii papæ Epistola ad clerum Constantinopolitanum.* — At quænam ipse Innocentius papa tum ad clerum Constantinopolitanum partis Joannis, tum ad ipsum Joannem hoc tempore scripserit, videamus: in his enim percensendis Epistolis animus plurimum voluptatis capere potest, tum ex historię epistolariæ sincera veritate testata, tum etiam quod ex eisdem animi quoque affectus intrinsecus contemplari posse conceditur. Prior igitur ad clerum data Epistola sic se habet¹:

87. « Innocentius episcopus presbyteris ac diaconis, universoque clero ac populo Ecclesiæ Constantinopolitane, qui subditi sunt episcopo Joanni, dilectis fratribus salutem.

« Ex litteris charitatis vestræ, quas per Germanum presbyterum, et Cassianum diaconum misistis, tragœdiam malorum, quam ob oculos posuistis, anxia sollicitudine cognovi, quantisque miseris ac difficultatibus istie laboreat fides, lectione sæpius repetita, perspexi; quam quidem rem unica patientiæ consolatio sanat. Dabit enim brevi Deus noster tantis tribulationibus finem, et hæc olim meminisse juvabit. At vero vos quidem uti necessariam consolationem istam, quam in exordio Epistolæ vestræ proponitis, approbamus; ita et intelligentiam charitatis vestræ agnovimus, quæ multa patientiæ testimonia complectitur. Etenim nostram consolationem, quam litteris afferre vobis debebamus, scriptis vestris vos ipsi prævenistis. Hanc autem tolerantiam Dominus noster laborantibus præstare solet, ut etiam in ipsis tribulationibus constituti servi Christi seipsos consolentur, reputantes secum, et antea sanctis accidisse eadem, quæ nunc patiuntur ipsi.

88. « Itaque nos jam vel ex litteris vestris depromere consolationem possumus, neque enim tam

alieni sumus a vobis, ut non condoleamus, cum et nos in vobis cruciemur. Etenim quis ferre poterit eorum delicta, quos vel præceptos esse fautores tranquillitatis ac pacis et concordie decebat? Alqui nunc præpostero modo de primati Ecclesiarum suarum deturbantur sacerdotes insontes: quo quidem primus, frater noster, et in Ecclesiastico munere socius, Joannes episcopus vester injuste oppressus est: cui ne id quidem contigit, ut se defensurus audiretur: nullum crimen objicitur, nullum auditur. Quod igitur hoc commentum est vel deploratum, ut ne vel suppetat, vel quaeratur occasio iudicii, in locum sacerdotum viventium alii substituantur? quasi illi qui per hujusmodi perversitatem irrepunt, vel habere ipsi, vel gerere quicquam recti, a quoquam judicare possint. Neque enim nunquam a patribus nostris talia fuisse patrala cognovimus; sed interdictum potius fuisse decreto, quo cavebatur, ne cui fieret copia, quo in viventis locum inductoraretur. Nec enim reproba ordinatio sacerdotis dignitatem auferre potest: quando nec episcopus quidem potest esse ille, qui injuste subrogatur. Nos enim, quantum ad canonum observantiam attinet, illis obsequendum esse scribimus, qui Nicææ determinati sunt, quibus solis obtemperare, et suum suffragium addere Ecclesiæ Catholica debet.

89. « Si qui vero et alii quibusdam proferuntur, qui a canonibus Nicænis discrepant, et ab hæreticis compositi deprehenduntur, hi vero ab episcopis Catholicis rescinduntur: hæreticorum enim commenta Catholicis canonibus assuere non licet: semper enim vel per contraria, vel per illicita labefactare voluntatem student Concilii Nicæni. Non solum igitur his non obtemperandum esse dicimus, sed ipsa potius una cum hæreticis et schismaticis dogmatibus esse condemnanda: quomodo, et antea in Sardicensi Synodo ab episcopis prædecessoribus nostris factum est. Nam sane longe præstulerit, vel ea condemnari (fratres carissimi) quæ recte facta sunt, quam ea robur ullum sortiri, quæ adversus ipsos canones acta sunt. Sed quodnam remedium hisce rebus in præsentem afferemus? Necessaria erit Synodalis cognitio, quam etiam multo jam antea congregandam diximus: ea quippe sola est, quæ hujusmodi procellarum impetus retundere potest. Quam quidem donec consequamur, expedit medellam calamitatis hujus committere voluntati magni Dei, et Christi ejus Domini nostri. Illa universis, quæ nunc per invidiam diaboli ad examen fidelium perturbata sunt, tranquillitatem dabit. Nihil autem desperare debemus, freti nostra in Deum fide. At nos quidem multum deliberamus, quoniam modo Synodus œcumenica congregari possit, per quam divina voluntate turbulentis isti motus conspירi possint. Expectemus itaque tantisper, ac vallo patientiæ communiti, speremus auxilio Dei cuncta nobis esse restitunda. Universa vero, quæ eos ibi sufferre dixistis, jam antea a coepiscopis vestris, qui Romam, licet diversis temporibus, convenerunt, Demetrio videlicet, Cyriaco, Eulysio, et Palladio, qui nobis-

¹ Epist. Rom. Pont. Innoc. xv.

cum sunt, diligenti inquisitione habita, cognovimus». Hactenus Epistola Innocentii papæ ad clementem Constantinopolitanum. Qui autem post Demetrium Constantinopoli Romani venerunt (ut reddamus temporibus tempora) dicemus anno sequenti: cum eloqui et Demetrii adventum sequenti potius anno accidisse, dicendum sit; quippe qui post Paschale tempus, hoc anno, primo cum collegis legatis episcopis Romani advenit, et inde rediens cum illis Innocentii communicatoris ad Joannem, per Orientis Ecclesias prædicaverit Romanum Pontificem Joannis communionem amplecti, et post hæc rursus Romam sese contulerit: adeo ut cum ad Italia lantæ perficienda unius anni terminus videretur angustus, in annum sequentem posterior sit rejiciendus adventus.

90. *Innocentius ad Joannem scribit, agitque cum Honorio de cogenda œcumenica Synodo.* — Quæ autem post primam illam legationem Orientalium Innocentius ad Joannem Chrysostomum scripserit, incertum est, quod litteræ ipse non extant: sed eodem argumento, quo ad Constantinopolitanæ Ecclesiæ clericos scripsit, ad Joannem itidem dedisse litteras, par est existimare, nempe de futura indicenda ob eam causam Synodo œcumenica. Extat autem perbrevis tantum ejusdem Innocentii Epistola ad Chrysostomum, quam recitat Sozomenus, datamque refert post alias litteras Cyriaco diacono ad eundem in Orientem missas: ea vero sic se habet¹:

91. «Quamquam inusulem omnia expectare bona, et a Deo misericordiam petere conveniat: sunt tamen et a nobis, qui patientiam suademus, competentes litteræ per Cyriacum diaconum missæ, ut contumelia plus posse non debeat in bona conscientia proterenda, quam spes in eadem erigenda. Neque enim tu docendus es, tot populorum doctor et pastor, optimos quosque semper, et confine probari, velint ne in vigore tolerantia persistere, ac nulle afflictionis molestia succumbere. Etenim conscientia bona firmum revera munimentum est adversus omnes casus immeritos: quos quidem qui tolerantia non superat, is vere sinistrae suspicionis argumentum de se ipse præbet. Omnia enim sufferre debet, quisquis primum Deo, deinde conscientia sua nititur. Siquidem ad patientiam exerceri potest, ut quam maxime vir bonus et honestus: vinci tamen non potest: quandoquidem conservant ejus animum Scripturæ divinæ, et exemplis eundem communiter lectiones sacræ, quas populo proponimus, quæ quidem universos pene sanctos variis modis et continenter exercitatos, ac veluti in examine quodam exploratos fuisse, atque ita ad patientiæ coronam pervenisse docent. Hæc igitur ipsa conscientia charitatem tuam consoletur, honorandissime frater: quo pacto in tribulationibus ex virtute consolationem habebis. Inspectante enim Domino nostro Jesu Christo, in tranquillitatis por-

lum conscientia mundata sistetur». Hactenus ad Joannem Innocentii Epistola.

92. Porro ipse hoc anno laborasse videtur pro Synodo universali cogenda; quod gravissima causa esset; timendumque admodum, ne si absque omnium consensu episcoporum rescinderetur Theophilii et collegarum Orientalium episcoporum in Joannem prolata sententia, schisma conflaretur; quod perfacile accidere potuisset, cum et adversariis Chrysostomi faverent Arcadius imperator una cum omnibus magistratibus, ac major pars Orientalium episcoporum. Quæ autem hæc secuta sunt, dicemus anno sequenti. Consentiant his quæ narrat Theodorus apud Palladium; dum ait (ut superius diximus) quod cum ad Innocentium papam venisset Romanus Domitianus œconomus Ecclesiæ Constantinopolitane una cum Vallago presbytero Nisibeno, secumque tulisset Acta publica redempta magna vi auri, quibus carnificinæ exhibite superius recensitæ adversus Joannis communicatores continebantur: «His acceptis Innocentius papa, indignatione (inquit) summa permotus, scripsit ad Honorium imperatorem: cum motus ille litteris Innocentii, præcepit Synodum Occidentalium episcoporum cogi». Hæc quidem Theodorus: porro de Synodo agendum suo loco. Inter hæc autem ipse Honorius ad Arcadium fratrem pro Joanne dedit litteras, aliasque postea adjunxit: tertias vero (ut dicemus) adjecit anno sequenti.

93. *Joannis in exilium abeuntis labores, et quæ bonorum acceperit obsequia, quæ ab adversariis pertulerit incommoda.* — Sed jam ad ipsum S. Joannem Chrysostomum revertamur, quem reliquimus a militibus ab Ecclesia divulsus in exilium deportandum. Assectemur igitur ejus iter, et quæ in eo dirissima a militibus passus sit, recenseamus, sociique nos compassione saltem exulanti ipsi jungamur. Sunt quidem hæc ejus generis, quæ vix sicis oculis commemorari vel audiri queant. Cuculum namque oppidum in Armenia fuisse ab Eudoxia præscriptum illi locum exilii, ipse testatur: erat plane omnium asperissimum, nobilitatis tamen ante exilio sanctissimi viri Pauli episcopi Constantinopolitani, et martyris sub Constantio. Cæterum quod omnes ferme in Armenia locum illum constituant; Chrysostomus tamen ipse in Epistola ad Cyriacum² in Cilicia situm ponit, ubi ait: «Abque hæc tibi e Cucuso, quod Ciliciæ oppidum est, scripsi: quo videlicet imperatrix ablegari me iussit. Multa porro mihi in via calamitates contigerunt: verum nihil hujusmodi mihi curæ fuit». Qui vero eum ducendi Cucusum suscepit provinciam, Theodorus fuit præfectus militum, ut ipse Joannes testatur³: a quo quidem benigne habitum, et humaniter se pertractatum, fatetur in Epistola ad Olympiadem; qua etiam, quo mense et die Nicæa Bithyniæ recesserit, docet, dum de his ita scribit³:

¹ Chrys. ep. III. vet. edit. et ep. CXXV. nov. edit. Nivel. — ² Chrys. ep. CXV. — ³ Chrys. ep. X.

¹ Apud Sozom. l. VII. c. 26.

«ti, a quibus in exilium avehimur, curam omnem, et studium etiam supra quam volumus, adhibent, ut nos recreent et reficiant, pæne ut nihil aliud operæ habere videantur. Cum autem Nicea discessurus essem, hanc Epistolam ad te dedi, tertia die Julii». Hæc ad Olympiadem.

94. Profliscenti igitur Joanni in exilium, ex diversis provinciis agmina piorum virorum eidem in occursum properant, lacrymarum imbres præ dolore fundentes : de quibus idem his verbis ad eandem Olympiadem¹ : « Scilicet hoc falo eram, ut ne tum quidem, cum ab urbe secessissem, iis qui animum nostrum frangunt ac debilitant, liberarer. Nam qui mihi in via obviam fiunt, partim ab Oriente, partim ab Armenia, partim ex alia quadam orbis parte, lacrymarum fontes profundunt, cum nos intuentur, et gemitus edunt, ac toto itinere lamentis nos prosequuntur. Hæc autem a me idcirco commemorata sunt, ut intelligatis nos multos habere, qui in eodem quo vos, dolore versentur. Hoc enim ad leniendum dolorem non parum momenti afferit » : Et alia rursus ad eandem Epistola² : « Cum viros ac feminas magno agmine per vias, per vicos, per urbes sese effundentes, atque ad nostri adspectum collacrymantes intueor, quo in statu ipsi sitis, animadverto. Nam cum ii, qui primum nos viderunt, mœrore ita frangantur ac debilitentur, ut ne emergere quidem facile possint; verum cum eos rogamus et obsecramus, et admonemus, calidiores lacrymarum fontes profundunt : dubium profecto non est, quin apud vos gravior tempestas grassetur ». Adde his itidem, quæ in Epistola ad Cyriacum his verbis explicatius habet³ : « Ut autem in Cappadociam, atque etiam in Taurociliciam venimus, magno agmine sancti Patres, et monachi, et virgines obviam nobis prodibant, infinitam lacrymarum vim profundentes. Cumque nos in exilium abeuntes cernerent, in fletus prorumpabant, hisque inter se verbis utebantur : Satis fuisset solem radios suos subtrahere, quam Joannis os conticere. Hæc me perturbabant ac premebant; quoniam omnes mea causa plorantes intuebar. Nam cætera omnia, quæ mihi oborta fuerunt, nulla me cura affecerunt » : at quamam isthæc? dicemus.

95. Cum enim in exilium a militibus deportaretur Joannes, ægra valetudine toto itinere laboravit, continuus febribus, et stomachi solutione : testatur id ipse in primis ad Theodorum scribens, ubi ait⁴ : « Confecti atque consumpti sumus, sexcenta mortis genera appetimus. Idque accuratius ac certius narrare poterunt, qui has litteras tibi reddent, quamvis aliqui perexiguo temporis puncto mecum fuerint : quibuscum etiam ne tantillum quidem colloqui potui, continuus nimirum febribus dejectus, et consternatus : quibus cum tenerer, dies noctesque iter facere cogebar : sic videlicet, ut et æstu opprimerer, et vigilis conficerer, et rerum

necessarium penuria, eorumque qui mei curam agere possent, inopia perditè conflictarer. Siquidem iis qui ad metalla damnati sunt, et in vinculis tenentur, graviora atrocioraque pertulimus, atque etiamnum perferimus. Tandem autem aliquando et ægre Cæsaream perveni, perinde atque a tempestate ad litus appulsus ». Et ad ipsam Olympiadem¹ : « Triginta enim propemodum dies, aut etiam amplius, cum acerbissimis febribus colluctari non destiti, atque ita longum ac molestum iter agebam, aliisque etiam stomachi gravissimis morbis obsessus. Jam quæ sequuntur, considera, nempe cum nec medici præsto essent, nec balnea, nec res necessariae, nec aliæ animi levationes, atque præterea metus Isaurorum nos quodam premeret, aliæque mala quæ ex itinerum difficultate nasci consueverunt. Etc. » Post tot tantasque afflictiones cum Cæsaream pervenit, recreari aliquantulum visus est : nam in eadem Epistola ad Theodorum sic habet : « Cæsaream ingressus, animum aliquantulum resumpsi : quoniam puram aquam bibi, panemque minime fœtidum ac prædurum comedi : quoniam in doliorum fragmentis minime corpus lavi, verum balneum quaecumque tandem nactus sum : quoniam denique potestas mihi lecto inhærendi facta est ». Hæc ibi. Cæterum majores postea molestiæ successerunt.

96. At quamam hæc fuerint, quæ Joanni Chrysostomo Cæsareæ contigerunt, idem ipse pluribus ad Olympiadem Epistola ita narrat² : « Postquam autem tandem aliquando Cæsaream ingressus sum, labore ac uacue confectus, in ipso febris ardore positus languens, atque extremos dolores perpetiens, hospitium in ultimo urbis recessu situm nactus sum. Dabamque operam, ut medicos convenirem, ac fornacem illam exstinguerem : eram enim in ipsa febris tertianæ flamma : quo etiam accedebat itineris ærumna et fatigatio, corporis contritio, eorum a quibus curarer inopia, rerum necessarium penuria; illudque item, quod nullum medicum præsto haberem, quodque et labore et lassitudine et caloris æstu, et vigiliis diu vexarer, ac denique pæne exanimis in urbem ingressus essem. Tum vero mihi clerici omnes, monachi, monachi, medici affuerunt, a quibus perquam officiose atque humaniter acceptus sum, omnibus omnia mihi subministrantibus. Nihilominus tamen ingenti flammæ ardore delagrans, in extremo periculo versabar. Ad extremum autem paulatim remittere ac sedari morbus cepit. At interim nusquam Pharetrius episcopus illius civitatis : verum discessum nostrum expectabat : quod quamobrem ipsi ita visum fuerit, haud scio ». Hic namque ille Pharetrius Cæsareæ episcopus, de quo ex Palladio superius dictum est; qui timore adversariorum ignavus homo percussus, adversus Joannem scriptis calculum dedit. Fefellit plane opinionem populi Cæsariensis et finitimorum hominum ejus iliberalitas; cum omnes animo

¹ Chrys. ep. viii. — ² Chrys. ep. ix. — ³ Chrys. ep. cxxv. — ⁴ Chrys. ep. cxxx.

¹ Chrys. ep. xiv. — ² Ibid.

concepissent, diffamassentque fore ut Pharetrius ipse successor Basilii indignissimus obviam proditurus esset Joanni : sed se continuit, ac ne verbo quidem voluit communicare cum eo, cum ex ea causa clerici Chrysostomo communicantes, ab adversariorum communione discesserunt ; quod idem sanctus Joannes eadem ad eandem ¹ Epistola attestatur, cum ista ait : « Significavit mihi dominus meus, Parianus quoque Pharetrii presbyteros illic adesse, qui affirmarint se nobiscum communicare, nec cum adversariis commune quicquam habere, nec cum illis versari, nec commercium ullum iniisse. Ne igitur eos conturbemus, cave ne quisquam hæc sciat ». Hæc ipse.

97. Sed pergit suum iter relegere idem Chrysostomus² : « Cum igitur morbum sensim remissum et sedatum esse vidissem, jam de discessu mecum ipse agitabam, ut Cucusum pervenirem, atque ab itineris calamitatibus nonnihil conquiescerem. Cum hoc statu res nostræ essent ; subito ad nos affertur, Isauros cum infinita hominum manu Casariensem regionem populari, ac ingens quoddam oppidum incendisse, atque omni belli clade pervastasse. Quare audita, tribunus acceptis his militibus, quos habebat, ex urbe excessit. Timebant enim ne urbem quoque adorirentur : atque omnes in metu et trepidatione erant, de ipso quoque patrio solo perclitantes, adeo ut senes etiam ipsi murorum custodiam susceperent. Cum res eo loco essent ; repente sub aurora monachorum torrens (liceat enim mihi ad eorum furorem exprimendum hoc vocabulo uti) ad hanc domum, in qua eramus, accesserunt ; eam incensuros, nobisque extrema quæque mala illaturos minitantes, nisi abscederemus. At nec Isaurorum metus, nec morbus tam vehementer nos premens, nec aliud quicquam humaniores eos ac moderatiores effecit. Verum instabant, atque urgebant, tantum furorem spirantes, ut etiam ipsi prætores metu afficerentur : nam ipsi plagas denuntiabant, eoque nomine gloriabantur, quod multos prætores fede verberassent. His verbis auditis, prætores ad nos confugerunt, meque rogarunt, atque obsecrarunt, ut etiamsi in Isaurorum manus nobis veniendum esset, tamen eos his bellis liberarem. Quod cum ad urbis præfectum allatum esset, ipse quoque domum, ut nobis opitularetur, accurrit. Verum ne ipsius quidem precibus monachi permoti sunt : verum ipse quoque elanguit.

98. « Cum igitur nullum rei exitum perspiceret, nec nobis ad perspicuam eadem exundi auctor esset ; nec rursus ob tantum illorum furorem, intra urbem ut maneremus, suaderet auctor : ad Pharetrium ejus civilis episcopi misit, precibus ab eo contendens, ut lum ob morbum quo conflictabar, lum ob impendens periculum paucos aliquot dies nobis concederet. Nec tamen hinc quicquam profectum est : imo acriori etiam postea impetu affuerunt, nec presbyterorum ullus opem nobis atque

auxilium ferre audebat ; verum rubore suffusi ac pudore affecti (nam hæc de Pharetrii voluntate ac sententia fieri dicebant) sese abdebant et occultabant ; nec cum a nobis accerserentur, obtemperabant. Quid longa oratione opus est ? Quamvis tot terrores imminerent, morsque pæne certa, et ante oculos posita esset, febrisque me conficeret (necdum enim his malis liberatus sum) hora ipsa meridiana in lecticam me conjiciens, illinc excessi, universa plebs lamentante, ejulante, harum rerum auctorem execrante, ac diris devovente, omnibusque plorantibus ac lugentibus.

99. « Posteaquam autem ex urbe excessi, quidam etiam clerici venientes, lento gradu, ac mæsto et lugenti animo nos prosequébantur. Camque nonnulli dicerent : Quoniam cum ad perspicuam mortem abductus ? Alter ex iis, qui nos plurimum amabant, ad me dicebat : Abi, obsecro : in Isauros etiam incide : modo nobis defungaris. Non quocumque incideris, tuto incides ; dummodo manus nostras effugas. Hæc audiens ac perspicens egregia matrona Seleucia, domini mei Rufini uxor (nam ea perquam studiosè atque officiosè nos coluit) precibus mecum egit, ut in ipsius villam, quæ quinque passuum millibus ab urbe distabat, hospitii causa me conferrem : certosque homines nobiscum misit, cum quibus illuc protecti sumus. At ne illic quidem hæc adversum nos comparatæ insidiæ finem habituræ erant. Ubi enim Pharetrius hæc rescivit, multas ipsi (ut dicebat) minas intentavit. Cum autem me in villam suam excepsisset, nihil quidem ipse harum rerum sciebat : nam ipsa ad nos egressa, de his nos celavit : procuratori autem suo, qui illic erat, ea exposuit, ipsique mandavit, ut nobis omne officii genus impertiret ; ac si qui monachi venirent ut nos contumeliis incescerent, aut vulneribus afficerent, ex aliis villis suis agricolas cogeret, atque ita cum monachis manum consereret. Quin me quoque rogabat, ut in domum suam, quæ arcem habebat, nec ullis viribus expugnari poterat, confugerem, ut ex episcopi et monachorum manibus elaberer. At ut id facerem, adduci non potui : verum in villa eram, horum omnium ignarus, quæ postea in me comparabantur. Ne hoc quidem ipsis ad comprimendum suum adversum nos furorem satis fuit. Postea enim media nocte, me nihil horum sciente (acriter enim instabat Pharetrius, graves in eam, ut ait, minas jactans, eamque cogens atque impellens, ut me etiam e villa ejiceret) hominis importunit, tem non ferens mulier, insciente me, Barbaros adesce significavit ; quod scilicet vim eam, quam pateretur, dicere præ pudore minime sustineret. Atque intempesta nocte ingressus Evethius presbyter, meque somno excitans, magno cum clamore hæc dicebat : Surge, obsecro : adventant Barbari, nec longe absunt. Hæc tecum reptes velim, quoniam animo eram, cum hæc audirem. Cum autem ex ipso, quidnam facto opus esset, quævisissem, neque enim nos in urbem confugere posse, ne graviora illic perpereremur, quam quæ nobis Isauri illaturi essent ;

¹ Chrys. ep. XIV. — ² Ibid.

exire nos coegit. Nox illunis erat, nox media, caliginosa, tetrica : id quod etiam nos in summam consilii inopiam conjiciebat. Nec quisquam nobis præsto erat qui opem ferret : omnes enim nos reliquerant. Metu tamen compulsus, ac jamjam mortem expectans, ærumnis confectus surrexi, ac lucernas accendi jussi. Verum has quoque presbyter exstingui jussit, hac videlicet de causa (ut ipse iniquiebat) ne Barbari lucis splendore exciti, in nos impetum facerent.

100. « Exstinctis itaque lucernis, equus qui lecticam nostram gestabat (aspera enim admodum et ardua ac petrosa via erat) in genu lapsus, me, qui lectica inclusus eram, humi prostravit, parumque abfuit quin interirem. Deinde exsurgens, tractim ambulabam, Evethio presbytero, qui etiam ipse ex equo desilierat, manibus me tenente : atque ita manu ductus, vel (ut rectius loquar) pertractus, reptabam : neque enim in tanta loci difficultate, periculosisque montibus, media nocte, incedere poteram. Cogita, quæso, quid hic mihi animi esset, cum tantis malis constrictus tenerer, ac febris vigeret ; nec eorum, quæ in me structa fuerant, quicquam nossem ; verum Barbaros timerem ac perhorrescerem, nihilque aliud expectarem, quam ut in eorum manus inciderem. Annon existimas, vel has solas calamitates, etsi nihil aliud accidisset, multa nobis peccata oblitteare, atque ingentem mihi gloriæ materiam suppeditare posse ?

101. « Harum autem calamitatum (ni me opinio fallit) hæc causa extulit. Cum primum Cæsaream ingressus sum, omnes qui magistratu fungebantur, legati, præfecti, sophistæ, philosophi, plebei omnes, singulis diebus me visebant, colebant, in oculis ferebant. Hæc credo, Pharetrium pupugerunt : nec invidia ea, quæ nos Constantinopoli pepulit, hic quoque a nobis abscessit, ut quidem opinione assequor : neque enim affirmo et assevero, sed conjicio ». Hæc ibi. Sed et alia Epistola ad eandem scribens, quanta ei præstiterint viri quique præclarissimi, ostendit his verbis ¹ : « Ex ipse Cæsarea hæc ad te scripsi, in qua multis mihi adhibitis remediis, melius habui, celeberrimos præstantissimosque medicos nactus, a quibus non tam artis subsidii, quam commiseratione ac benevolentia curabar : quorum etiam unus nobiscum una simul se profecturum spondidit, atque etiam alii complures ex iis qui dignitatibus præditi sunt ». Hæc plane fuere, quæ adversariorum animos exulcerarunt, ut non potuerint pati cum diutius commorari Cæsareæ. Sed rursus ipse in superiori Epistola ad Olympiadem cætera ita prosequitur :

102. « Et quis tandem alia, quæ nobis in via preferenda fuerunt, oratione complecti queat ? mortes, pericula ? Quæ quidem ipse quoque recordans, animoque circumferens, præ lætitia volito et exulso, velut ingentem thesaurum reconditum habens. Nam hoc animo atque hoc affectu præditus

sum ; ob idque te obsecro, ut hoc nomine ceteris, gaudeas, exultes, Deumque, ejus beneficio hoc consecutus sum, ut tanta perpeteremur, laudes ac celebres. Atque apud te velim hæc contincas, nec cuiquam enunties : etiamsi aliqui prælores potissimum harum rerum fama universam urbem implere possunt, ut qui etiam ipsi in summum vitæ periculum venerint. Cæterum ex te nemo id resciscat : imo etiam eos qui id narrabunt, comprimere, etc. » Hæc ipse : ex quibus magnam intueris ejus animi celsitudinem tum in difficillima quoque alacriter patiendo, tum etiam in contemnendo illam, quam ex rebus præclare gestis solent homines captare gloriolam. Facta sunt hæc isto anno, mense Augusti, ut ex ejus scriptis datur colligere : qui enim tertia Julii Nicræ recessit, et triginta diebus in itinere positus febre laborans, Cæsaream pervenit, ibique morbi curandi causa aliquantisper substitit, utique dicto mense hæc a Pharetrio esse passum oportuit.

103. Accidit autem, ut cum etiam adhuc Cæsareæ Chrysostomus moraretur, a Dioscورو quodam Cucusi agente viro præclaro, et ab aliis legationes acceperit, quibus ipsum quisque rogabat, ut Cucusum cum pervenisset, non apud alium, quam apud se commorari dignaretur. Quænam autem quantaque ipse, cum pervenisset Cucusum, piorum parata officia nactus fuerit, alia Epistola ad Olympiadem tunc scripta declarat his verbis ¹ :

104. *Cucusi, loco exilii, Joannis mora, et quæ ibi ei exhibita officia.* — « Tandem aliquando respiravimus, cum Cucusum venimus, unde etiam has litteras scribimus. Tandem aliquando a fumo, et variis malorum eorum, quæ nos in via invaserunt, nebulis, lucem conspeximus. Nunc enim, posteaquam ea quæ dolorem nobis afferebant, effluerunt, jam tibi ea exponimus ». Et paulo post : « Ut enim Cucusum venimus, tum morbum una cum reliquiis abjecimus, integerrimæque valetudine fruimur : tum Isaurorum metu defuncti sumus ; quippe cum nulli hic milites sint, et quidem paratissimo animo ut cum ipsis colligant. Quin rerum quoque necessariorum copia nobis undique affluit, omnibus nimirum summa cum benevolentia nos excipientibus : etiamsi aliqui desertissimus omnino hic locus sit. At casu quodam dominus meus Dioscorus hic erat, qui etiam famulum dedita opera Cæsaream misit, rogatum quæ obsecratum, ne domui suæ alteram antefereat, atque etiam plures idem fecerunt. Verum hanc aliis præferendam necessario mihi existimavi. Hæc apud cum divertimus, atque ipse nobis quidvis est : ita ut ob ingentem ipsius liberalitatem, et largitatem, qua erga nos uti cupit, perpetuo cum eo expostulemus. Quippe nostra causa etiam ex ædibus suis alio migravit, ut nos omni officii genere complecteretur. Atque insuper domum nobis ad tolerandam hiemem idoneam exstruxit, pro eaque re nihil non agit ac

¹ Ep. XII.¹ Chrys. ep. XIII.

molitur. Denique nullum omnino officii erga nos genus ab eo præmissum est ». Hæc quidem de Dioscoro. De episcopo vero loci illius hæc idem ad Cyriacum episcopum scribit ad finem Epistolæ ad eum scriptæ¹ :

103. « Episcopus autem loci hujusce me quam humaniter excepit, multamque in nos declaravit charitatem; atque adeo, si licuisset, sede sua nobis cessisset, ni nos a Patribus præscriptam legem observassemus ». Hæc ad Cyriacum. Sed et ad Olympiadem eadem quæ supra Epistola de ambobus hæc ait² : « Quanquam enim nec forum nec venale quicquam hæc urbs habeat : nihil tamen istud mea interest : mihi quippe omnia tanquam e fonte affluunt : siquidem, et dominum meum hujus loci episcopum, et dominum meum Dioscorum habeo, qui nihil aliud muneris, et opere videntur habere, quam ut me recreent atque reficiant ». Ex his babes quod corrigas in his qui scripsere Vitam S. Joannis Chrysostomi, dum tradunt, ipsum Cucusi mansisse apud episcopum loci illius, nomine Adelphium, seu Philadelphium : cum se apud Dioscorum mansisse jugiter, ipse testetur. Rursum vero idem Joannes, item ad Olympiadem scribens, superiori³ Epistola de aliorum erga se exhibitis officiis ista habet :

106. « Ad hæc plerique alii procuratores, et rerum administratores, dominis id ipsum illis per litteras imperantibus, subiinde huc accedunt, parati quavis ratione nos reficere et recreare. Hæc autem omnia idecirco commemoravi, atque alia quidem (hoc est, priora) dellevi, alia autem (hoc est, læta, et jucunda) tibi exposui, ut ne quis temere nos hinc amoveat. Nam si ii, qui nos beneficio afficere cupiunt, arbitrii hoc nostri faciant, ut quo loco velimus, nobis esse liceat, nec rursus nobis alterum locum arbitrato libitque suo assignaturi sint; hoc beneficium accipe : sin autem nos hinc amotos in alterum locum ablegaturi sunt, nobisque iterum iter subire ac peregrinari necesse est; mihi sane longe hoc gravius acerbiusque fuerit. Primum enim illud metuendum est, ne nos in longinquorem, aut in asperiorum locum ducant. Deinde itineris molestiam sexcentis exiliis graviorem esse duco. Siquidem peregrinationis hujusce difficultas ad ipsas portas mortis nos delulit : nuncque Cucusi degentes, perpetua sessione ac quiete nosmet recreamus, atque coortæ nobis in tam diuturno tempore ærumnæ, contractisque nostris ossibus et fatigate carni, quietis ope ac subsidio medemur ». Hæc idecirco de Cucusi commoratione adeo Joannes inculcat, quod Olympias plurimum laboraverat apud imperatorem, ut exilium Cucusi in aliam mansionem transferretur, ut ejus Epistolæ exordio ipse testatur. At quid post hæc de clarissima femina Sabiniana his addat, accipe :

107. « Affuit etiam domina mea Sabiniana diamnissa eodem ipso die quo venimus, fracta quidem

ipsa et abjecta, ærumnisque affecta, utpote ea jam ætate in qua moveri quoque difficile est; cæterum juvenili animi promptitudine atque alacritate prædita, nihilque adversarum rerum persentiens. Paratam enim se esse dixit, etiam in Scythiam proficisci : quandoquidem constans hic rumor erat, fore ut illuc deportarer. Certum est autem ei (ut ait) non jam ad suos reverti; verum illic, ubi fuerimus, commorari. Atque hanc etiam perquam humane ac studiose magnaque cum benevolentia Ecclesiæ alumni exceperant ». Mirus plane in femina animi vigor, ut exilium spontaneum, sanctum Joannem exulem sequendo, elegerit, cum jam effectæ etiam senectutis esset, nude et ipsi aucta est confidentia, quod ejus ætatis esset, cujus causa nec adversarii aliqua, vel levis de ea potuisset oboriri suspicio.

108. Cum igitur jam de loco certo, sedequæ firma exilii Joannis innotuisset : confluere ad eum coeperunt, quibus hoc concessum erat, amici : absentes vero eundem legationibus ac litteris frequentare; sed hos omnes prævenerat, imo ipsum Joannis adventum antevererat Constantius presbyter, de quo eadem Epistola hæc ipse Joannes : « Quin dominus quoque meus Constantius religiosissimus presbyter jampridem hic erat. Nam et mecum per litteras egerat, ut ipsi huc veniendi potestatem facerem : neque enim se citra voluntatem meam atque sententiam id facere audere, quamvis alioqui magna hujus rei cupiditate flagrantem. Addebat etiam, se nec illic quidem manere posse : tantis enim malis premi atque urgeri, ut latebras querere ac se occultare cogatur ». Hæc de Constantio, cui et conjunctus est alius presbyter nomine Evethius, ut in Epistola ad Elpidium¹ docet. Sed et Seleucum quoque episcopum itidem Cucusum profectum esse ut inviseret ipsum S. Joannem Chrysostomum, idem ipse ita testatur in Epistola² ad Tranquillinum : (Tracylinum) « Seleucum, ut relicta domo huc se conferret, nostri desiderium ad nos excitavit ». Dominum vero episcopum misisse ad eum invisendum suum presbyterum, idem affirmat in Epistola ad ipsum Dominum conscripta. Accesserunt illuc et alii, alii vero suos ad eum legatos miserunt, de quibus dicemus anno sequenti. Anno enim eum commoratum esse Cucusi, Palladius tradit.

109. *De Isaurorum incursionibus.* — Quod autem ad Isaurorum incursiones spectat, eorumque grassationes in Pamphylia atque Cilicia Zozimus³ meminisse Marcellinus⁴. At quamvis duces cum exercitu ad eos conficiendos missi fuerint; quoniam iidem recessus habebant in locis ferme penitus inaccessis, annis pluribus eadem dira clades in perniciem adjacentium provinciarum perduravit : cujus quidem rei index est rescriptum Theodosii junioris ad Anthemium datum post annos quatuor, ubi ista leguntur⁵ :

¹ Ep. xiv. — ² Ep. xxxvi. — ³ Zozim. l. v. — ⁴ Marc. in Chron. — ⁵ L. ult. de questio. C. Theod.

¹ Chrys. ep. cxiv. — ² Chrys. ep. xiv. — ³ Chrys. ep. xiii.

110. « Provinciarum iudices moneantur, ut in Isaurorum latronum questionibus nullum Quadragesimæ vel venerabilem Pascharum diem existiment excipiendum; ne differatur sceleratorum proditio consiliorum, quæ per latronum tormenta quaerenda est. Cum facillime in hoc summi numinis speratur venia, per quod multorum salus et incolumitas procuratur. Datum quinto kal. Maii, Constantinopoli, Basso et Philippo consulibus ». Est is annus Domini quadringentesimus octavus: de eadem quoque grassatione mentio est apud Theodoretum ¹ ubi agit de S. Jacobo anachoreta, cum Isaurorum mentita specie demones illum perterrefacere conati sunt: rem enim gestam sic narrat:

111. « Dicebat autem, se etiam tempore perniciosorum illorum latronum, quando ex Isauria profecti maximam partem Orientis urentes, praedas egerunt, valde extimuisse, non ne occideretur (neque enim tenebatur tanto amore corporis) sed ne raperetur in servitutem, et captivus fieret, impietatisque et iniquitatis videret spectaculum. Hunc metum cum sensisset diabolus (sæpe enim audierat, cum hoc notis suis aperiret) imitatur noctu ululatum mulierum: Ego autem, inquit, videbar audire quod venirent hostes, quodque vicis ignem inicerent. Statim ergo cum capillos in duas partes discriminassem, et partim quidem a dexteris, partim a sinistris ad pectus transtulissim, parabam collum, ut id ensis amputaret facilius, et brevi plaga accepta, ab illo abominando liberarer spectaculo. Cum sic totam illam noctem transegissem, et assidue incursionem illorum expectarem: cum fuisset dies, et quidam venissent, rogavi quidnam audissent de Isauris. Illi autem dixerunt, se nihil nosse illis diebus. Et sic agnovi, inquit, diabolicam illam fuisse visionem ». Hæc de illo Theodoretus: ut non mireris, si hos ingruentes latrones pertimuerit etiam ipse Joannes Chrysostomus. Atque satis ad insinuandum quam formidolosa esset sanctis quoque viris magnoque animo præditis, horum incurisio. Equidem Cucusus, ubi Joannes agebat, si qui locus alius ejusmodi Isaurorum periculo subiacebat: nam ad Diogenem ipse scribens, ita ait ²: « Desertus quidem locus est Cucusus, atque etiam alioqui ad habitandum periculosus, ut qui perpetuo latronum metu infestus sit ». Sed unde ipsi modo securitas? audi quid scribat ad Olympiadem ³: « De Isauris omni metu te libero. Etenim recesserunt, ortaque hieme, domi se incluserunt, nescio an post Pentecosten egressuri ». Hæc ipse.

112. *Inter plures a Joanne in exilio conscriptas, Epistola affertur illa ad episcopos detentos in carcere.* — Porro ab eo tempore quo abductus a sua Ecclesia Joannes in exilium ducebatur, semper cum facultas daretur, ad suos scribere consuevit Epistolas; suos, inquam, qui ejus causa plurima passi essent. Et ut quam breviter agamus de singulis datis

ab eo litteris: in primis illæ tres primæ scriptæ videntur Epistolæ ad Olympiadem clarissimam feminam, de qua superius: quæ nimio quodam ob expulsionem Chrysostomi absorpta merore erat, quibus ipse eam mirifice consolatus est. In quo genere versatus, cum nihil intactum reliquerit, unde argumentum deduceret ejus animi erigendi, illud non prætermisit ex spe concepta: fore namque ut perbrevis ipsa eum redeuntem visura esset, quod his verbis inculcat ¹: « Quod si doctrinam nostram viva voce etiam audire cupis: fortasse hoc quoque continget: ac nos rursus, permittente Deo, visura es: imo vero non fortasse, sed certo: cave ne dubites ». Hæc quidem ipse, quod ita speraret: nec vero levitatis ob id arguendus, si minime eveniret quod prædixerat: excusandusque, sicut et se Paulus excusat, cum suum Corinthiis spondens adventum, quem non præstitit; ubi ait ²: « Cum hoc voluissem, numquid levitate usus sum? aut quæ cogito, secundum carnem cogito, ut sit apud me, est, et non? » quibus sane et legitime Chrysostomus sit excusandus. Adjecit idem quintam ad eam eodem argumento conscriptam, cum eadem ex causa ipsam ægrotasse percepisset: addidit vero septimam, cum eam exilio pulsam audisset. Nicaea autem prope discessurus, decimam ordine collocatam ad eandem dedit Epistolam; atque in itinere, antequam Cæsaream perveniret, octavam et nonam, præpostero ordine positas: magna sane opus est diligentia, ut quæque suo reddantur, quo scriptæ sunt, temporibus.

113. Cum vero Cæsaream pervenisset, ad eandem Olympiadem undecimam dedit, ac duodecimam: ad Theodorum vero aliam ³. Rursum idem Chrysostomus, Cucusum cum pervenisset, ad eandem Olympiadem duas ⁴ dedisse reperitur Epistolas ante hiemem: quæ quam sint efficacissimæ, ipsæ declarant litteræ, vere Chrysostomo dignæ: habent autem eam ennergiam, ut quisque perlegens, non tantum ingentem vim illam dicendi admiretur, sed obstupescat ad ejus celsitudinem animi; dum, innumeris licet atque adeo immensis vallaretur, imo obrueretur angustiis, ipse tamen omnibus superior, tantum abiit ut aliena indigeret consolatione, ut potius omnes diversis attritis molestiis, et jam pene mersos persecutionis undis, elevet in sublime, et in portu consolationis colloceat, cum hos merore depressos, illos proscriptos, exulantes alios et extorres, ita consoletur, ut majora subeundi tormenta immensum injiceret desiderium: ejusdem plane generis illa, cujus est inscriptio ad Cyriacum episcopum exilem; sed rectius ipsius exulis ad Cyriacum: nam nihil de Cyriaci exilio in ea Epistola, sed tantum de suo Joannes meminit: Cyriaci vero exilium longe post contigit, ut suo loco dicemus. Sed agedum, unam saltem ex his, illam videlicet quam ad episcopos et presbyteros detentos in carcere dedit,

¹ Theod. l. sanct. Patr. c. xxii. — ² Chrys. ep. cxiv. — ³ Chrys. ep. xiv.

⁴ Chrys. ep. ii. — ² 2. Cor. i. — ³ Chrys. ep. cxx. — ⁴ Epist. xiii. xiv.

hic reddamus; unde intelligatur qua fuerint et ipsi animi præstantia præditi in patiendo, et adversariorum in persequendo crudelitas innolescat. Est vero huiusmodi¹:

114. « Beati vos ob carcerem, ob catenas, ob injecta vincula: beati, inquam, et ter beati, imo sapius. Totum orbem vobis conciliastis: etiam longe absentes amicos vobis fecistis: ubique terrarum, et marium canuntur vestra præclara facinora, fortitudo, constans sententia, animusque minime servilis. Nihil quod aliis videtur grave, vos deseruit, non tribunal, non carnifex, non tormentorum conservaciones, non minæ, quæ innumeras mortes nuntiabant; non iudex, qui ignem ab ore flabat; non adversarii, qui fredebant dentibus, et innumeris aliis insultandi modis gestiebant; non tantæ calumniæ, non impudentissimæ accusationes, non mors ante oculos quotidie proposita: sed hæc omnia vobis uberem potius ac sufficientem consolationis materiam præstitere. Et ideo clari quidem vos, et celebrant et prædicant vos omnes, non amici solum, sed et inimici ipsi, qui hæc effecerunt. Eorum si quis introspectat conscientiam, licet non manifeste fateantur, inveniet etiam apud ipsos vestrum miraculum magnificari. Tanta res est virtus, ut etiam illam impugnantes admirentur. Tanta res est malitia, ut etiam ii qui eam operantur, condemnent. Et ita in hac vita res vestræ se habent. Quæ autem in celis sunt, quis sermo digne explicabit? Inscripta sunt nomina vestra in libro vitæ; cum sanctis martyribus connumerati estis. Scio hæc ego certo; non quod in cælum transcederim; sed e divinis oraculis didici.

115. « Nam si Joannes ille infecundæ fructus, et eremi civis, nuptiis, in quas peccabatur, patrociniatus est, et cum prævaricationem corrigere non posset, arguit tamen; et propterea in carcerem conjectus et decollatus, martyr, et martyrum primus est: vos, qui legibus et constitutionibus Patrum, quas transgrediuntur aliqui, et sacerdotio, quod invadunt et contaminant, patrociniamini, et propter veritatem hæc patimini, ut cessent impudentes calumniæ: cogitate qualem accepturi sitis mercedem. Non licet tibi habere uxorem Philippi fratris tui: dixit fortis, et sublimis ille, satisque ei fuit ad recentem arguendi libertatem. Locuti estis et vos: exposita sunt etiam corpora vestra pomis, et supplicis, tormentis: nondum decapitati estis, sed longe acerbiora tulistis. Non enim idem est brevi temporis momento caput amittere, et tanto tempore cum talibus luctari doloribus, terroribus, minis, vinculis, abductionibus ad tribunal, carnificum manibus, sycophantarum impudentissimis linguis, convictis, salibus et decapitationibus. Nam et hoc maximum certaminis genus, poniturque a beato Paulo in magnorum certaminum ordine, cum sic ait²: Recordamini dies pristinos, in quibus illuminati, magnum certamen afflictionum, susti-

nistis. Deinde certamen narrans, ipsum ponit, sic dicendo: Partim opprobriis, et afflictionibus spectaculo estis, partim communicantes his qui sic affliguntur. Si ergo qui communicant, certant: multo magis qui sustinent.

116. « Non enim unam, aut duas, aut tres, sed longe plures sustinistis mortes; et si non experientia, certum tamen, quod animo. Gaudete igitur et plaudite. Dominus cælorum jussit non solum non dolere, vel frangi animo, vel decidere, sed gaudere et exultare, quando nomen vestrum tanquam malum ejicient. Quod si in sycophantiis gaudendum: quando his accedunt calumniæ, verbera, tormenta, gladii acuti, vincula, catenæ, abductiones, tradiciones, inimicorum atroces calervæ; cogitate qualis merces, quam coacervate erunt retributiones. Gaudete igitur et exultate, viriles estote, corroboramini: cogitate quot vestro exemplo ad certamina armatis, quantos fluctuabundos confirmatis, quantos spiritus resuscitatis. Nam afflictionibus vestris multum profuturi estis non solum præsentibus, sed et absentibus, nec his solum qui vident, sed et his qui audiunt. Continue versetur in ore vestro illud Apostolicum dictum³: Non sunt condignæ passionibus hujus temporis ad futuram gloriam, quæ revelabitur in nobis. Expectate: brevi tentationum finis erit, liberatioque perfecta. Et orate etiam jugiter pro nobis. Nam etsi viarum prolixitate longe diversis locis habitamus, multoque tempore a vobis segregati sumus: attamen vos ut præsentem, et conviventes nobis amamus, vestrum amicum caput exoseculamur, coronatos vos expansis manibus excipimus. Expectate etiam vos ex mutua erga nos charitate lucrum vestrum maximum. Nam si magnam mercedem expectare licet his qui vos amant: cogitate, quales vos, qui tantis claris virtutibus, maneant retributiones». Hæc Joannes, et alia plura id genus ad illos: perinde ac si certantibus athletis, in theatri ipse sedilibus securus spectans, acclamationibus faveret, atque in bello pugnantes alios tubæ sonitu scorum positus vehementius excitaret: cum aliqui ipse cæteris laboriosius dimicaret. Sunt et alia plures ad diversos datæ eodem argumento litteræ, quas singulas perlegendo, magnam lector capiet cum lucro animi voluptatem.

117. Scripsit et tunc temporis ad diversos episcopos, commendans Dei Ecclesias adversariorum factione concessam, et inter alios (ut vidimus) ad Romanum Pontificem Innocentium, necnon ad⁴ Joannem Hierosolymorum episcopum, et ad alios plurimos, qui adhuc suis liberi agerent in Ecclesiis: Cum interea et ad episcopos illos, quibus, quod manifeste avversarentur Arsacii communionem, et Chrysostomo firmiter inhaerescerent, carcer æstuabat, scripsit etiam ista Chrysostomus⁵: « Carcerem incolitis, et catena victi estis, et cum squalidis, et sordidis, inclusi. Ecquid tandem hoc nomine beatius vobis fingi queat? Quid enim tale habet aurea

¹ Chrys. ep. IV. ex septem. — ² Hebr. x.

³ Rom. VIII. — ⁴ Chrys. ep. CXVIII. — ⁵ Idem.

corona caput cingens, quale catena manum propter Deum circumdans? Quid tale ingentes et splendide domus, quale carcer caliginis ac sordium atque ingentis fetoris, et calamitatis plenus Dei causa? Quæ cum ita sint, gaudete et exultate, coronis caput cingite, tripudiate, quod molestiæ, in quas incidistis, magnam vobis commodorum materiam comparent. Hoc nimirum semen est, messem omni sermone sublimiorem prænuntians: hoc luctæ, victoriæ et palmas afferentes: hoc navigatio, amplum et uberrimum quæstum concilians. Hæc igitur omnia cum animis vestris repetentes, præstantissimi ac religiosissimi domini mei, gaudete et lætamini, nec tempus ullum intermitte, quin Deum in omnibus rebus collaudetis, ac mortiferas diabolo plagas inferatis, ingentemque vobis ipsis in cælis mercedem recondatis. Non enim sunt condignæ passionis hujus temporis ad futuram gloriam que revelabitur in nobis. Ad nos autem quam sæpissime scribite. A vobis enim, qui Dei causa vineti estis, litteras, quæ afflictiones vestras exponant, magnopere accipere cupimus; hincque ingentem, etiam in extrema terra degentes, consolationem capiemus». Hæc ad episcopos et presbyteros in vincula agentes Chrysostomus, aliæque plura ipso digna, quæ brevitas causa prætermittimus.

118. *Persecutores Joannis Chrysostomi, inter quos Eudoxia, miserrime pereunt.* — At respexit tandem Dominus super castra Philistinorum, et intonuit fragore magno super eos, cum Joannis adversarios, calumniarum ministros, schismaticisque architectos diversis eisdemque prodigiis exagitavit ærumnis: ut palam omnibus fieret, vindicta divina eos esse percussos, qui tot innoxios per sæculi iudices adeo afflixissent, intelligerentque omnes iram Dei, præjudicium futurorum malorum, in ultionem sceleratorum haud sero excitatam fuisse. At quoniam isti fuerint, quæve perperissi, Palladius hisce verbis enarrat¹: « Hinc enim quorundam corpora episcoporum et laicorum morbus assumens, variis cruciatibus agitat, lenta febre intestina depascens, pruritusque intolerabilis totam superficiem unguibus lanians, longi quoque intestini perpetui dolores, et colica passio. Cujusdam pedes, intercutaneis morbi instar, nimia inflatione turgescunt. Alteri nimia humoris redundantia ad manus usque derivans, eos qui male subscribere, digitos mixto frigori incendio cruciat. Alium aqualiculi tumor et putredo ex secretorie parte corporis in longum se extendens, et vermes gignens, acriter vexat. Ad hoc respirandi difficultas, omnium intentio membrorum, imaginesque nocturnæ in canes rabiosos, et districtis gladiis Barbaros, et vocem horrendam transeuntes, insomnem somnum plerisque faciunt. Alius equo lapsus, dextero fracto crure, continuo moritur. Alius amissa voce, octo mensibus jam marcescit in lecto, qui nec manus ad os apponere potest. Alius

uritur, chrysipeli molesta fatigatus. Alius inflata (ut aiunt) lingua cum febre vehementi, nec valeus eam intra præstitutum a natura locum continere, in pugillari scribens, confitebatur scelus suum. Erat itaque videre divinitus illatam iram variis in auctores mali sævire modis. Qui enim animarum medicum irritaverant, ejusque discipulum de salutis officina projecerant, corporum medicis ad incendendum ac eadem tradebantur: qui dolorem quidem solemnibus medicamentis acuebant, salutem vero nullam penitus præstare poterant. Et merito sane. Quis enim eum sanabit, qui a Deo cruciatur? sicut Propheta ait²: Numquid medici resuscitantur, et confitebuntur tibi? In hunc modum omnes Ecclesiasticæ pacis adversarii peribant». Hucusque de his Palladius, a quo et casus Cyrini episcopi Chalcedonensis, inter antesignanos adversariorum Joannis adnumerandi, prætermittitur videtur: de quo ista Socrates³:

119. « Maruthas episcopus Mesopotamiæ invito sane animo, pedem Cyrini, presso forte vestigio, oblesit. Unde Cyrinus acerbe excruciat, cum cæteris episcopis Constantinopoli proficisci non potuit, sed mansit Chalcedoni»: Et post multa⁴: Adeo eo infortunio male affectus afflictusque fuit, ut pes ejus putresceret, et propterea necessitate adductus, eum a corpore abscederet: neque sectionem semel passus est, sæpius: nam mali contagio per universum corpus serpsit: adeo ut alter pes ea infectus similiter amputaretur. Hujus rei propterea feci mentionem, quod erat multis in ore, Cyrinum ista perpassum, quod Joannem conviciis exagitaverat, atque eum contumacem (ut a me dictum est ante) sæpius vocaverat». Hæc Socrates, eadem quoque Sozomenus⁵.

120. Sed majora his accipe prodigia de cælo sursum, et offensi numinis signa in terra deorsum. At quænam ista? Audi Socrates⁶ res ingentes paucis tamen complectentem: « Porro cum grandis magnitudine inusitata in suburbii Constantinopoli forte decideret, (accidit hoc quidem pridie kalendas Octobris, eisdem consulibus paulo ante citatis); nempe Honorio et Aristæneto) « percrebuit sermo, istud, Deo irato, propter Joannem in dicta causa abdicatum commisisse. Hunc sermonem imperatricis mors, quæ illico insecta est, vehementer auxit: nam quadriduo post delapsam grandinem e vita decessit». Hæc Socrates, cui æque assentitur S. Prosper⁷, dum affirmat, hoc eodem anno, sub dictis nimirum consulibus Eudoxiam Augustam extremum clausisse diem, quod tradit etiam Marcellinus⁸; Cedrenus⁹ autem genus mortis ejus ita describit: « Cum, inquit, uterum ferret, jamque partui esset vicina, factus in utero extinctus est: ac cum eum vellet eniti, id frustra fuit: totosque dies quatuor mortuus factus in utero retentus compu-

¹ Psal. LXXXVII. — ² Socr. I. VI. c. 14. — ³ Socr. I. VI. c. 17. —

⁴ Sozom. I. VIII. c. 16. — ⁵ Socr. I. VI. c. 17. — ⁶ Prosp. in Chron.

— ⁷ Marcel. in Chron. Zonar. Annal. III. part. — ⁸ Cedren. in Compend.

¹ Pallad. dial.

fruit, atque utri quoque abscessum effecit. Cumque neque exiret foetus, et dolorum finis non esset: quidam ei litteras magicas superposuit: quare et statim eiecit mortuum foetum, et simul animam miserrime efflavit ». Hæc Cedrenus, qui et enumerat editos ante filios, Pulcheriam, Placillam (Flacillam), Arcadium, Marinam, ac Theodosium ultimo loco natum: ceterum Marcellinum novissime editam tradit Marinam. De Eudoxiæ vero sepulcro hæc Nicephorus¹:

121. « Urnam, cui imposita est, moveri cernere erat, Deo videlicet eum, qui per illam concitatus fuerat, in Ecclesia motum ostendente ». Porro nec Arcadium, quamvis junioris esset ætatis, diu superstes fuit, vixque ad quadriennium vitam propagavit: ut plane ulciscende numine, palam factum sit, quanto periculo principes eos insequantur, de quibus illata terribilis præcessit comminatio Christi²: « Qui tangit vos, tangit pupillam oculi mei: et: Qui scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, et demergatur in profundum maris ». Hæc autem omnia divinitus inmissa in Eudoxiam ob patratorum in S. Joannem Chrysostomum scelerum ultionem, nemo est qui jure dubitare possit.

122. Quod autem in controversiam adduci potest, illud est, num revera hoc anno (ut citati auctores testantur) configerit Eudoxiæ obitus: siquidem supervixisse etiam post biennium, a Græcis omnibus qui vitam conscribere S. Joannis Chrysostomi, ac pariter recentioribus item Græcis historicis affirmatur: ita quidem Leo Augustus, Metaphrastes, Nicephorus, Cedrenus, Zonaras, Glicas, et alii absque dubitatione testantur: et quod majus omnibus his testimonium, imo testimonia videri debent, cum Innocentii papæ litteræ ad Arcadium imp. post obitum Joannis Chrysostomi date, tum Arcadii ad eum redditæ, adhuc eo tempore Eudoxiam superstitem fuisse, significant, quam idem qui supra auctores, ut Zonaras, et alii cum secuti, tres menses ab obitu Joannis supervixisse tradunt. His adde: Si verum est, eam hoc anno adeo prodigioso interitu extremum clausisse diem; quomodo Palladius, unus ex Joannis fautoribus, cum recenset seriatiim omnes qui ob persecutionem illatam Chrysostomo a Deo male mulctati sunt, de malis illatis Eudoxiæ ne verbum quidem, quæ ante omnia fuerant recensenda? plane significans ea nondum hoc tempore facta esse; sed de his modo hæcenus. Quæ autem post hæc acciderunt, sequenti anno dicturi sumus.

123. *Ex Concilio Carthaginiensi legatio ad Honorium imperatorem.* — At res Occidentales jam ad se evocant orationem. Hoc enim anno, iisdem consulibus Honorio sexto et Aristeneto, 11 kalendas Julius, habita est Carthagine Synodus, ex qua³ decreta est legatio ad Honorium imperatorem con-

tra Donatistas, ut imperatoria cogerentur auctoritate pacifice agere, qui fraterna conventionem, qua ad pacem et concordiam fuerant invitati, contempta, in eos convenientes episcopos armata manu (ut pluribus diximus) grassati essent. Porro ejusmodi ab imperatore exigendæ petitionis quæ causa præcesserit, diximus anno superiori. Sic itaque delecti sunt, ad hæc peragenda duo legati episcopi Theasius et Evodius; quibus, quid agendum esset, scriptis data est admonitio, in hæc verba:

124. « Communitorium fratribus Theasio et Evodio legatis ex Carthaginensi Concilio ad gloriosissimos religiosissimosque principes missis.

« Cum Domini auxilio piissimos imperatores adierint; eis insinuent, quemadmodum plena fiducia, secundum superioris anni Concilium, Donatistarum præpositi Actis municipalibus sunt conventi; ut si confiderent de assertionibus suis, electis ex suo numero aliquibus idoneis, nobiscum pacifice conferrent, et mansuetudine Christiana, si quid veritatis tenerent, non ambigerent demonstrare; quo ita sinceritas Catholica, quæ jam pridem superioribus temporibus claruit, nunc quoque per imperitiam, vel pertinaciam resistentibus innotesceret. Sed quia diffidentia premebantur, nihil pæne ausi sunt respondere. Unde quia impletum est erga eos episcopale ac pacificum officium; et illi qui veritatem respondere nequiverunt, ad immanes violentias sunt conversi, ita ut multos episcopos, multosque clericos (ut de laicis taceamus) insidiis opprimerent, Ecclesias etiam aliquas invaserint, aliquas invadere pertentarent: ipsorum jam clementiæ est consulere, ut Ecclesia Catholica, quæ eos religioso utero genuit, et fidei firmitate nutritiv, eorum etiam prospectione muniatur: ne temerarii homines religiosi temporibus infirmos populos terrendo, prævaleant; quoniam secundum leges depravare non possunt. Nota est enim, et sæpe legibus conclamata Circumcellionum, qua furiant, detestabilis manus; quæ etiam ipsorum religiosissimorum supra principum sequentibus sanctionibus condemnata est; adversus quorum furorem possemus non insolita, nec a Scripturis sanctis aliena impetrare subsidia; quando Apostolus Paulus (sicut in Apostolorum Actibus fidelibus notum est) factorum conspirationem militari etiam submovit auxilio. Sed nos illud poscimus ut Catholicis Ecclesiis ordinem per civitates singulas, et vicinorum quorumque possessorum, per diversa loca sine ulla dissimulatione tutio præbeatur.

125. « Simul etiam petendum, ut illam legem, quæ a religiosa memoria, eorum patre Theodosio, de auri libris decem in ordinariorum, vel ordinatos hæreticos, seu etiam in possessores (ubi eorum congregatio deprehenditur) promulgata est: ita deinceps confirmari præcipiant, ut in eos valeat, contra quos propter eorum insidias Catholici provocati contestationem deposuerunt; ut hoc saltem tenore a schismatica vel hæretica pravitate desistant, qui consideratione æterni supplicii emendari corrigique dissimulant.

¹ Niceph. l. XIII. c. 36. — ² Matth. XVIII. Marc. IX. et Luc. XVII. — ³ Apud Concil. Afric. c. 69.

126. « Petendum etiam, ut lex, quæ hæreticis vel ex donationibus, vel ex testamentis aliquid capiendi vel relinquendi denegat facultatem, ab eorum quoque pietate hactenus repetatur, ut eis relinquendi vel sumendi jus adimant, qui pertinaciæ furore cæcati in Donatistarum errore perseverare voluerint: cæterum illis, qui consideratione unitatis et pacis se corrigere voluerint, absque interdicto hujus legis capiendæ hereditatis aditus pateat, si adhuc in errore hæretico constitutis aliquid ante donationis vel hereditatis obvenit: his sane exceptis, qui lite pulsati, putaverint ad Catholicam transeundum: quia de talibus credibile est, non metu cælestis judicii potius, quam terreni commodi aviditate, unitatem Catholicam præpetasse.

« Ad hæc autem officia præsidio opus est potestatum suarum quarumcumque provinciarum. Sane pro utilitatibus Ecclesiæ quicquid intellexerint prodesse, agendi et impetrandi liberam decernimus legationem ». Ilæc sunt quæ per legatos decrevit S. Synodus ab Honorio petenda esse.

127. Interea vero, ut, dum iidem redirent legati, consultum esset Catholicorum securitati, ex eadem Synodo litteræ datæ sunt ad iudices, ut patrociniū suscipere Catholicorum: additeque legatis litteræ commendatitiæ ad Romanum Pontificem, vel alios episcopos in locis illis, ubi imperatorem morari contigisset. Annuit his omnibus imperator Honorius, ut ex ejus rescriptis anno sequenti datis intelligi potest: ad illud enim usque tempus ejusmodi negotium perductum est. Meminit hujus ex Concilio decretæ legationis S. Augustinus in Epistola ad Bonifacium¹, et aliis in locis anno superiori recensitis, ubi occasione Generalis Concilii hujusmodi historiæ tractationem fusius prosecuti sumus: reliqua vero anno sequenti.

128. *Felix Manichæus ab Augustino conversus, inde hæresis ipsa debilitata.* — Quod rursum ad Africanæ Ecclesiæ res gestas pertinet: hoc ipso anno, sub iisdem consulibus (ut Acta publica a notariis excepta docent) S. Augustinus Hippone regio in Ecclesia coram populo cum Felice Manichæo, qui ad hoc ipsum (ut idem Augustinus testatur) illuc venerat, ut errores Manichæorum disseminaret, biduo disputavit: cujus quidem disceptationis Possidius² meminit. Felicissimum sane ejusdem Felicis conversione ad Catholicam veritatem nacta est hæc disputatio finem; cum aliqui hic versutior Fortunato fuisset hæreticus, et plane audacissimus ausus sit in Ecclesia sua sanctum Augustinum agentem appetere. Sed reddamus hic ad finem diei secundæ disputationis positam, a notariis exceptam, ipsius Felicis damnationem hæresis, ac veræ fidei confessionem; sic enim se habet: « Cum eandem chartam Augustinus Felici dedisset, etiam ille manu sua hæc verba scripsit³: « Ego Felix, qui Manichæo credideram, nunc anathematizo eum, et doctrinam

ipsius, et spiritum seductorem, qui in illo fuit: qui dixit, Deum partem suam genti tenebrarum misicuisse, et eam tam turpiter liberare, ut virtutes suas transfiguraret in feminas contra masculinam, et ipsas iterum in masculos contra feminam dæmonia, ita ut postea reliquias ipsius suæ partis configat in æternum globo tenebrarum. Has omnes et cæteras blasphemias Manichæi anathematizo »: et ad postremum apposita est iisdem Actis utriusque subscriptio in hæc verba:

« Augustinus episcopus his in Ecclesia coram populo gestis subscripsi.

« Felix his gestis subscripsi ».

Post hæc Felicis subscriptionem subjicienda sunt ista, quæ inter cætera antiqua monumenta a Nicolao Fabro Parisiis accepta, ex Bibliotheca Coloniæ. Gervasiani descripta, in cujus codice in fine libri S. Augustini de hæresibus ad Quodvultdeum, hæc posita leguntur: « Ego C. unus ex Manichæis scripsi, quia si discessero antequam gesta subscribantur, sic sum habendus, ac si Manichæum non anathematizaverim. Felix conversus ex Manichæis dixi sub testificatione Dei me omnia vera confiteri, de quo scio esse Manichæos vel Manichæas in partes Cæsarienses Mariam et Lampadiam uxorem Mercurii Argentarii: cum quibus etiam apud Electum Eucharistum pariter oravimus, Cæsariam et Lucillam filiam suam, Candidam quæ commoratur Thipsæ, Victoriam Hispanam, Simplicianum Antonini patrem, Paulum et sororem suam, qui sunt Hippone, quas etiam per Mariam et Lampadiam scivi esse Manichæas: hoc tantum scio: quod si aliud inventum fuerit me scire supra quam dixi, me reum ego ipse confiteor »: subjiciebatur his præterea ejusdem S. Augustini admonitio de recipiendis Manichæis, novem complexens anathematismos, quam commonitorium nominat: atque sic se habet:

« Commonitorium S. Augustini episcopi Ecclesiæ Catholicæ quomodo sit agendum cum Manichæis, qui convertuntur, et quos poenitet hujus nefandi erroris.

« Cum anathematizaverint eandem hæresim Manichæorum secundum formam infrascriptam, libellumque dederit unusquisque eorum confessionis et poenitentiae suæ, atque anathematis eorum, petens in Ecclesia vel catechumeni vel poenitentis locum, si libellus ejus episcopo placuerit, eumque susceperit, det ei Epistolam cum die et consule, ut nullam de superiore tempore molestiam, vel de publicis legibus, vel de disciplina Ecclesiastica patiat: et post ipsum diem si aliquibus iudiciis Manichæus apparuerit, sentiat justitiæ severitatem, quæ talibus rebus adhibenda est, id est, ut ab ejus consortio vel amicitia, vel quacumque societate Christiani se abstineant, secundum Apostolicam disciplinam. Commendantur autem qui Epistolas ab episcopo acceperint, religiosis Catholicis vicinis, vel cohabitatoribus suis sive clericis sive laicis, per quorum erga se curam frequentent ad audientiam

¹ Aug. ep. L. — ² Possid. in Vit. Aug. c. 16. — ³ Aug. contr. Felicem Manic. l. II, in fin.

sermonis Dei, et quorum testimonio possint innotescere, ne facile admittantur ad Baptismum si catechumeni sint, nec ad reconciliationem, si poenitentiae locum acceperunt, nisi periculo mortis urgente, vel si eos aliquanto tempore probatos esse cognoverunt episcopi per eorum testimonium, quibus fuerint commendati. Formam ergo secundum quam debent hanc haeresim qui corriguntur anathematizare, ista est.

« Qui credit duas esse naturas diversis principis existentes, unam bonam, quod est Deus, alteram malam, quam non creavit Deus, habentem principes suos, et mala sua, quae non creavit Deus: Anathema sit.

« Qui credit duas naturas bellum inter se gessisse, et partem naturae Dei in eodem bello principibus tenebrarum, et omnibus gentibus ad malam naturam pertinentibus fuisse permixtam, et ab eis teneri colligatam, oppressam, inquinatam, per quod et credi facit Dei naturam esse mutabilem et coinquinabilem: Anathema sit.

« Qui credit partem Dei ligatam et inquinatam teneri in demonibus, et in omnibus animalibus, fruticumque generibus, et per escas Manichaeorum electorum solvi atque purgari, ut credatur pars Dei polluta teneri in cucurbitis et melonibus et radiculis et porris et quibusque vilissimis herbulis, et eis subveniri, cum ab electis Manichaeorum ista comeduntur: Anathema sit.

« Qui credit hominem primum, qui est appellatus Adam, non a Deo factum, sed a principibus tenebrarum genitum, ut pars Dei quae in eorum membris captiva tenebatur, copiosius et abundantius in terra teneretur, et isto modo creatum, cum masculi et feminae principes tenebrarum concubissent, et foetus suos majori principi tenebrarum dedissent, et ille omnes comedisset, et cum sua conjuge concubisset, atque ita ex illa Adam generasset, ligans in illo magnam partem Dei quae ligata fuerat in omnibus foetibus principum tenebrarum, quos ei manducandos dederunt: Anathema sit.

« Qui credit principes tenebrarum ligatos esse in caelo, habentes in se colligatam in angustiis atque angoribus vitalem substantiam, hoc est, partem Dei, et eo modo liberari de membris eorum, cum beatus Pater qui lucidas naves habet, diversoria et habitacula, id est, solem et lunam, virtutes suas transfigurat in feminas pulchras, quas opponit concupiscendas masculis principibus tenebrarum, et in masculos pulchros quos opponit concupiscendos feminis principibus tenebrarum, ut per ipsam concupiscentiam solvatur ex eis vitalis substantia, id est, pars Dei, et ex eorum membris liberata purgetur: Anathema sit.

« Qui credit partem Dei, quae de commixtione gentis tenebrarum non potuerit liberari atque purgari, damnari eam et in aeterno affligi horribili globo, in quo globo includitur gens tenebrarum: Anathema sit.

« Qui credit legem, quae data est per Moysen,

non esse a bono et vero Deo datam, nec Spiritu Dei boni et veri locutos Prophetas qui fuerunt in populo Israel, et in Canone Scripturarum divinarum habentur apud Catholicam Ecclesiam: Anathema sit.

« Qui credit non habuisse veram carnem Filium Dei D. N. Jesum Christum, nec natum esse de Virgine Maria, neque veram carne mortem fuisse perpassum, et a mortuis revixisse, sed tantummodo spiritum fuisse sine carne; sic autem apparere voluisse, ut et caro putaretur, quae non erat, atque hoc modo contradicit Evangelio, ubi legitur Domino ipso dicente: Videte manus meas et pedes meos, palpite, et videte, quia spiritus carnem et ossa non habet, sicut nec videtis habere. Qui ergo sic confitetur Christum Dominum, ut verum et integrum etiam hominem neget: Anathema sit.

« Qui credit Manem sive Manichaeum, qui superscripta omnia quae anathemata et damnatione sunt dicta digna, praedicavit et docuit, Spiritum sanctum habuisse paracletum; cum ea omnia docere non potuit Spiritus veritatis, sed Spiritus falsitatis, Anathema sit: et praecipue ipse Manes sive Manichaeus, quia omnes superscriptas impietates et alias sacrilegas et damnabiles fabulas docuit et conscripsit et credendas miseris persuasit, intendens spiritibus seductoribus et doctrinis demoniorum mendaciloquorum, Anathema sit»: his subjungitur ista:

« Item forma Epistolae quam dat episcopus conversis, ista est:

« Quoniam te Manichaeorum auditorem poenitet fuisse, ut ipse confessus es, anathema dicens blasphemis, et impiissimae atque immundissimae haeresi eorum, ex qua te non nisi fides Catholica salvum fecit. habebis hanc Epistolam adversus eos qui tibi temporis praeteriti errorem, quantum ad istam nefariam pertinet sectam, objiciendum putaverint, quae scripta est die illo et consule illo.

« Electis vero Manichaeorum, qui se converti dicunt ad Catholicam fidem, etiamsi et ipsi secundum superiorem formam eandem haeresim anathematizaverint, non facile dandae sunt litterae, sed cum Dei servus esse debeant, sive clericis sive laicis in monasterio vel xenodochio, donec appareant penitus ipsa superstitione caruisse, et tunc vel baptizentur, si non fuerint baptizati, vel reconciliantur, si poenitentiae locum acceperint; ne acceptis cito litteris, loca in quibus fuerant commendati deserant.

« Communitorium B. Augustini episcopi de haeresi Manichaeorum sub execratione anathematis explicit.

129. Felice igitur ad Catholicam fidem converso, jam haeresis ipsa Manichaeorum, etsi non prorsus extincta, sane quidem enervata atque debilitata penitus fuit; ut nullus posthac inventus sit, qui publice ejus patrocinium suscipere ausus fuerit, jam ante Fausto inde submoto. Nam cum imperatorum legibus Manichaei in Africa exagitati fuerint; ipse erroris convictus in judicio, a praeside fuerat in insu-

lam relegatus, ut idem sanctus Augustinus¹ testatur, qui adversus eum commentarios elaboravit, ubi ait : « Faustus autem convictus, vel confessus quod Manichæus esset, cum aliis nonnullis secum ad iudicium preconulare ductis, eis ipsis Christianis, a quibus perducti sunt, intercedentibus, levissima pœna (si tamen pœna dicenda est) in insulam relegatus est : quod sua sponte quotidie servi Dei faciunt, se a turbulento strepitu populorum removere cupientes, et unde publica terrenorum principum vota per indulgentiam solent relaxare damnatos. Denique non multo post inde omnes eadem solemnî sorte dimissi sunt ». Hæc Augustinus de Fausto Manichæorum episcopo, commendans in his mansuetudinem Catholicorum. Porro adversus ejus scripta idem Augustinus triginta libris quam fortissime disputavit.

130. *Innocentii papæ Epistola decretalis ad Victorium Rothomagensis episcopum circa Ecclesiasticam disciplinam.*— Hoc item anno, iisdem consulibus, Innocentius papa decretalem Epistolam dedit ad S. Victricium Rothomagensis episcopum, quam ipse expetisset, ut in his quæ spectant ad Ecclesiasticam disciplinam, normam ab ipsa Apostolica Sede acciperet. Ille namque ille magnus Victricius ætate longævus, jam olim Juliani Apostatæ temporibus miles, Christi confessor, miraculis egregie nobilitatus : cujus præclarum certamen ex S. Paulino Nolano episcopo, suo loco, quarto tomo a nobis recitatum est. Vides pios, et doctrina spectatos sanctissimos episcopos, quantumlibet satis ipsi sibi ad informandam plebem fidelem Ecclesiasticis institutis esse videri possent, ex fonte tamen solitos originario haurire aquas; quod nimirum majoris seirent roboris esse, et majori suscipi reverentia, quod ab Apostolica Sede constaret esse petitum. Porro quod hoc anno Victricius egit, id ipsum præstitit sequenti anno S. Exuperius episcopus Tolosanus, et alii aliis temporibus semper : ut appareat, sanctos quosque Dei amicitia conjunctos, gratiaque miraculorum pollentes, ad Sedis Apostolicæ doctrinam, tanquam ad divinum semper in Petro loquens oraculum, convenire solitos; illud firmum solidumque existimantes, quod tantæ sedis auctoritate intelligerent comprobatum. Ut plane perspicias, quales habendi sint, qui ejus refugiant disciplinam, ac potestatem divinitus in Petro a Christo impertitam contemnant.

131. Quod vero Novatores dictam Innocentii papæ suggillent Epistolam, dum ipse negat recipiendam esse pœnitentiam sacræ virginis lapsæ, nisi defuncto viro, cui se titulo nuptiarum conjunxerat; objicientes inique actum differendo lapsæ pœnitentiam in obitu adulteri. Sed nihil æquius atque sanctius valuit decreto Romani Pontificis definiri, quam ut rejiciatur prætensa lapsæ virginis pœnitentia, quæ titulo nuptiarum cum adultero tanquam legitimo viro cohabitare delegit. Ita plane a

S. Victricio episcopo Rothomagensi causam esse propositam, quæ idem Innocentius papa præfatur in ea quam ad ipsum reddit Epistola, intelligi potest, dum ait : « Quosdam enim asseris existisse, qui statuta majorum non tenentes, castitatem Ecclesiæ suâ præsumpcione violant, populi favorem sequentes, et Dei iudicium non timentes » : quod dicerent nuptias jure civili tantummodo contrahendas, contractasque ratas esse habendas, nec ulterius solvendas. Præsumptivas has nuptias Gilda hujus temporis scriptor nominat, ubi lugens hæc ait¹ : « Spemunt namque primæ post monachi votum irritum, illicitæ licet, tamen propriæ conjugis præsumptivæ nuptiæ, alia viri viventis non externi, sed fratris filii adamata, etc. » Qui igitur in ejusmodi nuptiis perseverare decernerent, plane inhabiles penitus reddebantur, quibus pœnitentiæ remedium posset Ecclesia subvenire, nisi adultero conjugis loco habito morte sublato. Quam autem pronus ad indulgentiam, facilisque ad veniam impertiendum Innocentius papa esset, quæ idem ipse scribit ad S. Exuperium episcopum Tolosanum declarant. Sunt pleraque alia, quæ in ejusdem Innocentii papæ Epistolis esse nævos iidem Novatores obtrectant : quæ cum ab Apostolicis traditionibus, sanctorumque Patrum doctrina, usu Ecclesiæ sibi vindicent auctoritatem, gemmas potius esse, quam nævos, nisi limis oculis adspexissent, satis intelligere ac perspicere cognoscere potuissent.

132. *Paulæ obitum narrat Hieronymus qui hoc anno varia elucubrat.* — Iisdem hujus anni consulibus, Honorio sextum et Aristeneto, S. Hieronymus obitum S. Paulæ consignat, ubi ait² : « Dormivit sancta et beata Paula septimo kalendas Februarii, tertia sabbati, post solis occubitum : sepulta est quinto kalend. eorumdem, Honorio Augusto sexies et Aristeneto (sic restituendum pro Aristenio) consulibus. Vixit in sancto proposito Romæ annos quinque, Bethlehem annos viginti : omne vitæ tempus implevit annis quinquaginta sex, mensibus octo, diebus viginti et uno ». Hæc ipse ad finem Epistolæ ad Eustochium, quæ ejusdem clarissimæ atque sanctissimæ femine res gestas prosecutus est. Sed cujus nos hic obitum ex ratione temporis ponimus, ejusdem prosequamur et funus : quo veteres pariter mores Ecclesiæ referuntur. Ait enim S. Hieronymus :

133. « Exhibe non ululatus, non planctus, ut inter sæculi homines fieri solet; sed psalmorum linguis diversis examina concerebant. Translatæque episcoporum manibus, et cervicem feretro subjicientibus ». Ita quidem more majorum, quo transferri consuevisse sacras sanctorum reliquias, alibi adnotavimus; sed pergit : « Cum alii pontifices lampades cereosque præferrent, alii choros psallentium ducerent, in media Ecclesia speluncæ Salvatoris est posita. Tota ad funus ejus Palestinarum urbium turba convenit. Quem monachorum laten-

¹ Aug. contra Faust. l. v. c. 8.² Gild. de excid. Britan. — ² Hier. ep. xxvii.

tium in eremo cellula sua tenuit? Quam virginum cubiculorum secreta tlexerunt? Sacrilegum putabant, qui non tali feminæ ultimum reddidisset officium. Viduæ et pauperes, in exemplum Dorcadis ¹, vestes ab ea præbitas ostendebant: omnis inopum multitudo matrem, et nutritionem se perdidisse clamabat. Quodque mirum sit, nihil pallor mutaverat faciem: sed ita dignitas quædam, et gravitas ora compleverat, ut eam putares non mortuam, sed dormientem. Hebræo, Græco, Latino, Syroque sermone psalmi in ordine personabant, non solum tri-duo, donec subter Ecclesiam et juxta specum Domini conderetur, sed per omnem hebdomadam; cunctis qui venerant, suum funus, et proprias credentibus lacrymas». Hæc de funere: pergit jam dicere de Eustochio matri carissimæ extrema persolventi: cui nec nummum quidem tradit a matre esse relic-tum, sed magnum æs alienum, et curam fratrum ac sororum, nempe monachorum, et monacharum, quorum illa construxerat monasteria. Hæc vero una cum Paula nepte, Toxotii fratris filia, ibidem ad obitum usque digno sanctitatis perseveravit exem-ple: sed de ea rursum inferius.

134. Hoc anno idem S. Hieronymus editam a Theophilo novissimam Paschalem Epistolam, sicut de alfis antea fecerat, in latinum transtulit. Testatur id quidem ipse in Epistola hoc ipso anno ad eundem Theophilum scripta, in qua de sanctæ Paulæ obitu meminit, deque afflictione quam ipse ob Ecclesiæ turbines pateretur, significans plane turbas Ecclesiæ Constantinopolitanæ ob expulsum a sede Chrysostomum ejus episcopum, ait enim ²: «Ex eo tempore, quo beatitudinis tuæ accepi Epistolam juncto Paschali libro, usque ad præsentem diem, ita mœrore, luctu, et sollicitudine, ac diversis super statu Ecclesiæ hinc inde rumoribus exagitat sum, ut vix volumen tuum potuerim in latinum sermonem vertere: et ad postremum hæc de S. Paula: «Ita enim sanctæ et venerabilis Paulæ confectus sum dormitione, ut absque translatione hujus libri usque in præsentiarum nihil aliud divini operis scripserim. Perdidimus enim (ut ipse nosti) repente solatium, quod (ut conscientie nostræ

testis est Dominus) non ad proprias ducimus neces-sitates, sed ad sanctorum refrigeria, quibus illa sollicitè serviebat». Sic igitur videas, hoc anno, quo S. Paula obit, S. Hieronymum laborasse in red-denda latinitati ultima Theophili Epistola: quam illam ipsam esse, quæ tertio loco ponitur, ex argu-mento ejus ab eodem Hieronymo eadem Epistola summam complexo, satis intelligi potest, cujus est exordium: «Nunc quoque Dei vivi Sapientia»: in qua ex more, post nonnulla de jejunio et Quadra-gesima, in Origenis errores invehitur.

135. Junctus quippe erat S. Hieronymus Theo-philo in dissipandis Origenistis, destruendisque er-roribus Origenis, non autem in persecutione ab eo adversus Joannem Chrysostomum excitata, quod detestandum videbatur: laude quidem dignum il-lud, Origenistis atque erroribus Origenis resistere: quibus ad perdendam Catholicam veritatem a non-nullis janua jam aperta erat. Cæterum ipsum Hieronymum Chrysostomi causa maximo fuisse dolore affectum, adeo ut etiam in febrim inciderit, ipse suæ Epistolæ exordio tradit, licet eum non nomi-net: nam de aliis Ecclesiarum turbis nihil est quod possit intelligi, cum non essent alibi alia de re tunc concitati tumultus. Si enim in his conspirasset S. Hieronymus cum Theophilo; certe quidem sibi gaudendum, illique gratulandum fuisset, quod sci-licet res ex sententia evenisset. Rursum vero eodem Paulæ obitus tempore, se quoque in latinum ver-tisse regulas monachorum a S. Pachomio, Orisio, et Theodoro scriptas, ipse in præfatione illis affixa testatur: extant ipse in appendice ad Cassianum Romæ cūsum, et doctis notis viri insigniter eruditi Petri Ciacconii Toletani egregie illustratum. Memi-nit scriptorum Pachomii, Orisii, atque Theodori Gennadius ¹ agens de Viris illustribus. Vides quanta reverentia prosecuti sint sanctissimi ac doctissimi Patres instituta monachorum; quæ sanctus Hiero-nymus, hac ex parte etiam commendandus profu-turus (ut ipse testatur) latinis suis, in latinum con-vertit. Sed jam ad res gestas sequentis anni progre-diamur.

¹ Act. ix. — ² Hier. ep. xxxi.

¹ Gen. de vir. illus. c. 7. 8. 9.

Anno periodi Græco-Romanæ 5897. — Jesu Christi 404. — Innocentii papæ 4. — Arcadii 22. et 10. Honorii 12. et 10. Theodosii Jun. 3.

1. *Decennalia Arcadii et Honorii.* — Coss. *Honorius* Aug. VI et *Aristenetus*; hic in Oriente creatus, ut liquet ex Epistola cxxxii Synesii, ille in Occidente; et quidem propter *Decennalia* imperii post Theodosii patris mortem suscepti. Hæc solennia *Honorius* Romæ exhibuit, annoque elapso exeunte Ravenna digressus, itinere ducto per totum littus maris Adriatici, per Fanum Fortunæ, Metauro transito, Petra Pertusa, Jovis delubro, per Apenninum, Clitumnum, et Narniam Romam venit, ibique kalendis Januariis consulatum iniiit, ut docet Claudianus in Panegyrico de *VI consulatu Honorii*, ubi num. 495 ejus iter describit. Incidunt etiam in hunc annum *Decennalia* Arcadii post patris mortem imperantis.

2. *Ludi sæculares ab Honorio non restituti.* — A num. 1 ad 3. Reprehendit *Honorium* Baronius, quod ludos *Sæculares* edi permiserit, ac exhiberi gladiatorum cruenta munera, tot Christianorum imperatorum legibus vetita. Verum Honorius non solum ludos illos non restituit, sed etiam primus ex imperatoribus fuit, qui ludos gladiatorios, et quidem hoc anno, Romæ sustulit, ut ostendi in Dissert. Hypatica part. 3, cap. 10, num. 7 et 8, et in Prolegomenis ejusdem dissert. num. 2 et 12, qui error vulgaris hic iterum convellendus, et ad Baronii argumenta respondendum. Ludos sæculares hoc anno celebratos, deduci existimat Baronius ex his Claudiani laudati versibus num. 390 :

Jam flavescientia centum
Messibus æstivæ delondent Gargara falces,
Spectandosque iterum nulli celebrantia ludos,
Circumflexa rapit centenus secula consul.
His annis, qui lustra mihi bis dena recensent,
Nostra ter Augustos intra pomœria vidi
Temporibus variis.

At Claudianus, seu Roma, quam his loquentem inducit, tantum denotat, jam sæculum præterisse, ex quo imperatores ab urbe abscent, et pro illius decursum rarius illos in ea visos fuisse, ut anno cccxcv jam exposui. Centum autem illos annos duplici periphrasi Claudianus exprimit; quarum alteram a centum messibus, alteram ab evolutu spatio ludorum sæcularium desumit: quæ repetitio, loquendique modus, cum de annis, ac temporum intervallis agitur, apud poetas sæpe occurrit. Dedu-

cit autem *Claudianus* secundam periphrasim a ludis sæcularibus, quia hic annus centesimus est, Honoriusque centenus consul, post annum cciv quo juxta antiquam ordinationem representari debuissent. Hujus vero formulæ, quæ proclamabantur, *Spectandos iterum nulli*, vestigium extat apud Herodianum lib. 3, cap. 8, ubi de ludis sæcularibus sub Severo imp. anno cciv actis sermonem habens, inquit: « Siquidem Urbe tota, atque Italia præcones itabant convocatum omnes ad ludos, quos nec vidissent hactenus, nec visuri postmodum forent », quia scilicet vita humana ultra centesimum annum non propagatur. Argute autem Claudianus dicit: *Spectandos iterum nulli*, quia nec ultimo sæculo anno cciv in quem incidebant, visi fuerant, nec in posterum celebrandi erant. Illeus ex fide unius codicis Ms. Medicei loco, *spectandosque*, quod omnes veteres editiones et alia Mss. habent, reposuit, *spectatosque*. Sed nec ex illa, nec ex vulgari lectione inferri potest, ludos sæculares hoc anno peractos; cum tantum Claudianus, ut jam dixi, insinuet vix imperatores Romæ visos toto intervallo, quod inter duos ludos sæculares a nemine iterum videndos, vel visos intercurrit. Quod si illos *Honorius* restituisset, cum jam ab anno Christi cclxviii, quo uterque Philippus eos representavit, editi non fuissent, Claudianus in illo Panegyrico non ita leviter strictimque eosdem attigisset, neque hujus temporis scriptores omnes rem adeo memorabilem silentio præterissent. Immunis itaque *Honorius* ab illa labe, quam nullus ex Antiquis ei adscripsit.

3. *Honorius ludos gladiatorios abolevit.* — Gothofredus, qui in Commentario Legis Cod. Theod. 17 de *Judeis* hoc anno date, in vulgarem illam sententiam abiit, in commentario tamen legis 1 ejusdem Cod. De gladiatoribus, a Constantino Magno anno cccxv emissæ, docte ostendit, *Constantinum* primum quidem ex imperatoribus fuisse, qui ludum gladiatorium in Oriente prohibuerit, sed illum alibi deinceps post Constantinum fuisse usurpatum usque ad *Honorium* imper. qui omnino illum sustulit. Et quidem Libanius, qui Valente imperante floruit, in libro de vita sua ludorum gladiatoriorum meminit, quibus ipse quindecim annos natus, anno scilicet Christi cccxxviii spectandis Antiochiæ nuntium remiserit cum omnium admiratione; additque hos ludos ab avunculo suo editos. Docet etiam Ambro-

sus lib. 2 Offic., cap. 21, eos in Italia actos; imo et Romæ quoque gladiatorum deinceps munus stetisse, ludique poenam, exerce docent Constantius et Honorius; ille leg. 2 Cod. Theod. *De gladiatoribus*, hic leg. 3. Quod et discimus etiam ex lege 8 et 11 *De poenis* a Valentiniano datis, et in eodem Codice relatis. Denique idem testantur Symmachus non uno loco, inter cætera lib. 2, Epist. XLVIII, Prudentius lib. 2 adversus Symmachum, et Augustinus lib. 2 Confess., cap. 8, ubi « Alpyium gladiatorii spectaculi inhiatu incredibiliter abreptum » scribit.

4. *Eos Romæ tolli Prudentius ab Honorio petiit.* — Roma ut ceteroquin veteris moris retinentior fuit, ita contumaciorem sese hac quoque in parte præbuit: et modum tantum quemdam huic rei adhibere Christiani principes; quibus alioquin gladiatorum nomen detestandum erat: et in his *Constantius et Valentinianus* senior prohibito dumtaxat certo hominum genere in ludum gladiatorum auctoritas damnarive, puta Christianis et Palatinis, ut habetur in legibus mox laudatis. Quapropter *Prudentius* citatus Honorium Romæ hoc anno positum cohortatur ad ludos gladiatorios Romæ penitus tollendos, volumque et preces pro iis tollendis apud principem interponit. Sic enim de virginibus agens scribit:

Quod genus ut sceleris jam nesciat aures Roma
Te precor, Ausonii dux augustissime regni,
Et tam triste sacrum jubeas ut caetera tolli,
Perspice: nonne vacat meriti locus iste paterni?
Quem tibi supplendum Deus, et genitoris amica
Servavit pietas: solusne præmia tantæ
Virtutis caperet, partem tibi nate reservo
Dixit, et integrum decus intactumque reliquit.
Arripe dilatam tua dux in tempora famam:
Quodque patri superest laudis successor habeto.
Iste urbem vetuit taurorum sanguine tingi,
Tu mortes miserorum hominum prohibito litari:
Nullus in urbe cadat cuius sit pœna voluptas, etc.

5. *Qua occasione sublatis.* — Ex quibus, inquit Gothofredus, liquet Baronium anno cccxcv, num. 19 et seq. non bene scripsisse, primo, gladiatores a Constantino Magno sublatis; cum post illum adhuc Romæ viguerint. Secundo, eos Romæ non recruidisse, seu reditum fuisse ad gladiatorum munera post *Constantinum*, qui ea tantum prohibuerat in Oriente, ut ostendi anno cccxxv. Tertio, alique imperatorum post Constantinum ante *Honorium* gladiatorios ludos Romæ legibus vetuisse. Proinde quarto, *Theodosianum Magnum* ludos gladiatorios Romæ sustulisse; ac per consequens (quod quintum) recruidisse Romæ sub Honorio aulea sublatis. Hæc itaque laus Honorio debita, ut Theodoretus lib. 3, cap. 24 litteris mandavit: « Honorius qui Europæ partes regendas suscepit, gladiatorum spectacula olim Romæ fieri solita sustulit ex iniustitiam occasione. Erat quidem Telemachus monasticæ vitæ deditus: hic ab Orientis partibus profectus, ejusque rei causa Roman ingressus; cum detestandum illud spectaculum ederetur, ipso quoque in amphitheatrum venit, et in arenam descen-

dens, gladiatores qui inter se pugnabant, compescere conabatur. Sed cruenta cædis spectatores eam rem ægre ferentes, et dæmonis qui eos sanguine oblectabatur, furorem animis suis concipientes, pacis auctorem lapidibus obruerunt. Quo cognito, admirandus imperator hunc quidem invictissimorum martyrum numero adscripsit: tetrum vero illud spectaculum penitus abolivit ». Hinc que habet Claudianus in Pauegyri de sexto consulatu Honorii num. 620, non de simulacris tantum ludorum gladiatoriorum exhibitis explicanda; sed de ipsis ludis gladiatoris, ut ex laudati Theodreti verbis intelligimus. Ludos enim illos hoc anno ab Honorio abolitos, dubitandum non videtur.

6. *A Theodosio Magno aboliti non fuerant.* — Baronius loco mox laudato, ut probet gladiatores a Theodosio M. sublatis, ex Martyrologio Romano notat de *Almachio* occiso a gladiatoribus, atque adeo martyre sub *Alpyio* præfecto Urbi, eo quod Gentiles moneret, ut cessarent a supersitionibus idolorum, et a sacrificiis pollutis, concluditque Theodoretum perperam scribere hæc Honorii tempore accidisse; cum verius sub Theodosio contigisse videantur; et eundem appellare *Telemachum*, quem Latini *Almachium* vocant; et ubi Theodoretus discrepat a Martyrologio, ubi dicitur *Almachius* a gladiatoribus necatus, hallucinari. Verum vana illa Baronii conjectura; *Almachius* enim diversus a *Telemacho*, ludique gladiatorii a *Theodosio Magno* minime veliti, ut Prudentius versus supra recitati certum et indubitatum reddunt. Duas itaque Honorius in *Gladiatores* constitutiones tulit; alteram, quæ secunda est Cod. Theod. *De gladiatoribus*, datam anno cccxcv qua vetat, ne senatorum servitio sese addicant,isque formidatum populo famulatum præbeant; alteram qua ludos gladiatorios penitus antiquavit, quæ est illa constitutio, cujus meminist Theodoretus laudatus, et ex eo auctor Tripartitæ lib. 10, cap. 2, quæ ad nos non pervenit, quamque Romæ tum agens emisit. Verum quidem est, *Petitum* observat. 3, cap. 7, ludorum gladiatoriorum ab Honorio factam prohibitionem referre ad annum cccxcvii, quod Tripartitæ auctor id factum indicet ante *Nectarii* obitum, qui eo anno configit. Verum, male huic ratio temporum consulare solet, et *Prudentius* laudatus disertè docet, post Pollentinam de Gothis victoriam eos editos fuisse, ac Theodosium locum istum meriti vacuum titio reliquisse. Cum porro Gothofredus in Comment. leg. 3 *De gladiatoribus* scribat constitutionem, qua *Honorius* gladiatores in totum Roma pepulit, cum esse quam memorat Theodoretus, cujus verba retulimus, non debuit in Chronologia Cod. Theodosiani *Clandianum* explicare de simulacris tantum ludorum gladiatoriorum exhibitis; cum versus Claudiani de his ludis obscuro sint, ideoque ex Theodoro citato, qui plane et aperle loquitur, explicandi veniant.

7. *Statua Euloxie Augustæ erecta.* — A num. 3 ad 16. Divus Chrysostomus *Honorio VI* et

Aristaneto coss. ut testatur Socrates lib. 6, cap. 18, currenti scilicet anno, iterum in Synodo Constantinopolitana depositus est. Marcellinus quidem in Chronico ejus depositionem anno superiori recitat, quia nempe uno tenore, quæ in ejus causa acta sunt, refert. Scribit ibidem Marcellinus : « Eudoxie Arcadii uxoris super porphyreticam columnam argentea statua juxta Ecclesiam posita lactenus sistit », et postea narrat ejus exilium, « in Cucusum Armenia oppidum ». Baronius in mendosum Marcellini Codicem incidit; cum num. 3 tradat hæc referre Marcellinum sub hujus anni coss., ea enim Marcellinus gesta dicit *Theodosio Jun. et Rumorido coss.*, ideoque anno superiori, quo quidem illa statua in honorem Eudoxie posita, ut etiam ibidem Prosper narrat. Imo et Socrates lib. 6, cap. 18, relata prima divi Chrysostomi damnatione, ait : « Cum natalis dies Servatoris illuxisset, imperator ad Ecclesiam, sicut consueverat, non processit : sed Joanni mandavit, se non prius communicaturum cum illo, quam illata sibi crimina diluisset », quæ asserit accidisse, postquam argentea statua Eudoxie supra columnam purpuream erecta fuerat, et Joannes celebrem illam in Ecclesia habuisset orationem, cujus initium est : *Rursus Herodias furit*, quæ adhuc inter ejus Opera legitur; Socrates postea scribit, Chrysostomum ante Pascha fuisse depositum. Præterea Sozomenus lib. 6, cap. 20, et Theophanes in Chronico testantur, illam statuum post primam Synodum Constantinopolitanam, et ante secundam erectam fuisse, ideoque Prospero et Socrati favent; præsertim Sozomenus, qui tradit eam statuum ante Natale Christi fuisse dedicatam.

8. *Statue et imagines Augusti erigi solite.* — Porro hoc sæculo statuas imperatoribus, in Oriente maxime, ingenti passim et sumptu et adulatione erigi solitas, ostendit Gothofredus in Comm. leg. 1 Cod. Theod. *De imaginibus imperialibus*. Is statuarum usus immodicus Constantinopoli non constitit; verum et provincias pervagatus est, eoque mensura processit, ut cum adorationis fastigio erigerentur et exciperentur, quod prohibet ea lege Theodosius Junior, de qua anno cxxxv quo data fuit. Theophanes, de statua Eudoxie loquens ait, eam « ad sanctæ Irenes templum, loco qui Piltacia dicitur », imperatrici jussu collocatam fuisse : « Præfectus autem Urbi Manichæorum hæresi vitiat, et adhuc Gentilium ritibus addictus, ex plausibus, choreis, et saltationibus ibidem loci actis tumultum et strepitum ciens immodicum, pontificem angebat, nec pacate et cum animi quiete, cantoribus frequentius interruptis, Divina mysteria eum permittebat celebrare. Quare sacer Joannes verbis in ipsum vehementer invecus est : is autem Eudoxiam in Joannem quasi ejus imaginem communi populi cultu honorari indignaretur, commovit. Inde rursus odia in Joannem, inde rursus iræ. Ipse pariter subinde orationem habuit, cujus principium : *Rursus Herodias furit* ».

9. *Arcadius prohibet conventus Joannitarum.*

— Timens imperator, ne populus, qui favebat *Chrysostomo*, tumultus excitaret, si de sede episcopali deturbaretur, dedit legem 4 Cod. Theod. *De his, qui super religione contendunt*, et quidem IV kalend. Februar. quam direxit Anthemio magistro officiorum, qua tumultuosi conventiculi prohibentur, Joannitarum scilicet, qui tamen in ea lege non nominantur. Et quia *Officia*, quæ sub magistro officiorum CP. erant, Palatina scilicet, id est, scholæ clibaniorum, qui erant cataphracti equites, clibano sen thorace tecti, Gentilium armaturarum et aliorum plurimum fovendis istis conventiculis conferre poterant, utpote quorum est numerus magnus et ad arma tractanda idoneus esset, prohibita ista *Officia* istis sese conventiculis miscere, sub exactionis et bonorum proscriptionis pœna, ut eam legem explicat Gothofredus in illius Commentario, non vero, ut explicat Baronius, ipsi magistratus urbis Constantinopolitane prohibiti, ne cum populo jungerentur; quod inscriptio legis *ad magistrum officiorum* dici non posse ostendit.

10. *Synodus adversus Chrysostomum Constantinopoli cogitur.* — In Synodo adversus Chrysostomum congregata lectus est canon iv Concilii Antiocheni anno cccxli celebrati, quem Theophilus episcopus Alexandrinus præcipuus Chrysostomi adversarius miserat, in quo legebatur : « Si quis episcopus aut presbyter injuste sive juste depositus, ex se ipso absque Synodo in Ecclesiam redierit : hic jam excusationis non habeat locum, sed omnino expellatur », ut refert Palladius in Dialogo; cum tamen canon concilii Antiocheni anno superiori a nobis recitatus adverbium illud *injuste* non contineat, Chrysostomus duplici responso usus est; ac primo quidem conatus est, ostendere sese canoni Antiocheno satisfecisse : deinde cum nec sic quidem adversariorum calumniarum effugeret, respondit, objectum canonem non ad Ecclesiam Catholicorum, sed ad Ecclesiam Arianorum pertinere. Verum, ut observat Schelstratius in dissert. v de isto Concilio cap. 6, ne ex his quicquam existimet, Chrysostomum sibi ipsi contrarium fuisse in admittendo et rejiciendo uno eodemque canone Antiocheno, notandum quomodo cum objectis canonibus egerit Chrysostomus. *Theophilus* ab adversariis Chrysostomi rogatur, ut ad secundam Synodum Constantinopolitanam adveniat, aut certe modum suggerat, quo Chrysostomus throno suo ejici possit. Mittit Theophilus canones quosdam, et inter eos unum de non ascendendo throno sine novæ Synodi judicio. Reposuit primum, teste Georgio Alexandrino in ejus Vita, Chrysostomus : « Se minime judicio contempsisse, non item exaudiisse tabellas adversum se scriptas; non etiam sibi factam potestatem pro se respondendi : ne præsens quidem, inquit, condemnatus sum, sed jussu imperatoris in exilium relegatus sum, rursus ejusdem præcepto sum revocatus, quemadmodum et veritas rerum gestarum luculenter ostendit ». Quare non putavit Chrysostomus sese canoni Antiocheno contravenisse.

11. *Canon iv Concilii Antiocheni Chrysostomo non adversabatur.*—Addidit quidem ulterius Chrysostomus, canonem a Theophilo transmissum non esse Catholicorum; sed hac in re a seipso non dissensit. Nam alius omnino erat canon a Theophilo productus, quam quartus aut duodecimus Antiochenus: canon enim Theophili, *Palladio* et *Georgio Alexandrino* testibus, tantum pessimus et a nequissimis Eusebianis edictus rejectus fuit a sacro Sardicensi Concilio. Canon autem quartus admissus fuit a Chalcedonensi Synodo, tanquam sacra Patrum regula, et canon xii etiam in auctoritatem receptus fuit a Sede Apostolica, et cum cæteris Antiochenis ab universa Ecclesia. Canon Chrysostomo objectus supradictis verbis conceptus erat, ut præter Palladium citatum docent *Georgius Alexandrinus* et *Metaphraste* in Vita Chrysostomi. Cum itaque Canonem a Theophilo transmissum Arianorum fuisse dixit Chrysostomus, non rejecti quod ante in auctoritatem admiserat; cum juxta Canones Antiochenos sese omnia fecisse aut saltem eosdem se non fuisse transgressum, usque ad finem sustinuerit. At ubi adversarii instabant eum canone a Theophilo transmissum, hunc Arianorum commentum fuisse contendit; et recte quidem, cum canon ille non sit ex Antiochenis post Chrysostomum in Ecclesia receptis, sed unus ex illis, qui post Synodum Antiochenam a solis Eusebianis constituti erant in odium divi Athanasii. Hujus rei testes sunt *Palladius* et *Georgius Alexandrinus*, qui fatentur canonem a Theophilo transmissum a quadraginta Arii complicitibus fuisse editum, non ab integro Concilio, cui omnes antiqui xc aut plures episcopos interfuisse scribunt. Jam vero quartum illum canonem post Synodum ab Arianis fuisse conditum ex eo liquet, quod Socrate et Sozomeno testibus *Athanasius* damnatus sit juxta regulam tunc constitutam, quartam scilicet, velantem depositum episcopum aliquid ministerii attingere, et duodecimam, nisi majoris Synodi judicio fuerit restitutus, ex quibus in odium Athanasii conflata fuit unica per Eusebianos regula, « ut sive quis iuste sive injuste a Synodo depositus sit episcopus, si per se absque Synodo redierit, omni restitutionis spe destituatur, et in exilium mittatur, necesse sit ».

12. *Adversarii Chrysostomi canonem Eusebianorum in medium protulere.*—Verum hæc regula nullibi, inter canones Antiochenos reperitur, etsi ex iis ab Eusebianis desumpta fuit, in eo penitus deviat, quod velit etiam injuste a Synodo depositum episcopum illi constitutioni obnoxium esse. Unde *Georgius Patriarcha Alexandrinus* vocat canones a Theophilo transmissos, *abulterinas* et *falsi nominis scripturas*: nullibi namque in canonibus Antiochenis invenies injuste depositum episcopum non posse ad thronum episcopalem redire, quin potius depositum synodico judicio episcopum id per se facere non posse. Synodicum autem judicium intelligitur legitime habitum, non vero quod illegitimum fuit et se ipso invalidum, quale prætendebat

suum fuisse Chrysostomus. Hæc et plura hac de re Schelstratus laudatus.

13. *Dum Chrysostomus in exilium ducitur, ignis in magnam Ecclesiam immittitur.*—Ante ipsa festa Paschalia Chrysostomus sede dejectus, « Feslo Paschæ die appropinquante », inquit Socrates lib. 6, cap. 48, qui addit: « Joannes vero bimestri spatio in publicum non processit, donec imperatoris præcepto jussus est in exilium duci. Et ille quidem ab Ecclesia abstractus, procul abducebatur. Quidam autem ex Joannitis eo ipso die Ecclesiam incendebant. Quæ dum arderet, subsolano vento vehementius flante, curia etiam in qua Senatus haberi solet, conflagravit. Id accidit xii die kalend. Julii, Honorio VI et Aristeneto coss. » Auctor Chronici Alexandrini sub isdem coss. scribit: « His coss. ejectionis est Joannes episcopus Constantinopolitanus et repente conflagravit magna Ecclesia cum loco dicto Senatus, incensa ab iis qui templum tenebant, Xylocercetis dictis, feria ii, hora vi. Creatusque est Ursacius (legendum Arsacius) episcopus in æde Apostolorum mense Desio, VI kalendas Julias, feria secunda ». Chrysostomus itaque festo Paschæ die appropinquante damnatus, post menses duos in exilium missus est, nempe xx mensis Junii, in quam feria secunda incidebat, quæ magna Ecclesia et curia incensæ sunt. *Arsacius* vero ordinatus est die xxvi ejusdem mensis, in quem Dominica incidebat, quo die ordinationes episcoporum Constantinopolitanorum fieri solitæ erant. Quare in Chronico Alexandrino loco *ἡμέρα δευτέρα*, legendum *ἡμέρα πρώτη*, id est, *feria prima*, quæ hoc anno cum die xxvi Junii concurrat.

14. *Ea Ecclesia a Constantino M. fuerat ædificata.*—Porro magna Ecclesia, quæ tunc conflagravit, a *Constantino Magno* fuerat ædificata, et postea a *Constantio* ejus filio ad majorem amplitudinem perducta. Theophaues in Chronico, quemadmodum et Socrates citatus, *Joannitas*, qui ignem in ædem illam immisere, *Xylocercetas* appellat, quod cum primo in Constantini Balneis conventus separatim agere cepissent, postea *Εὐλεπίνας*, seu in in circo ligneo, quem *Constantinus* postquam Byzantium adornasset, asseribus et lignis compactum extra urbem statuerat, ut auctor est Sozomenus lib. 8, cap. 22, collectas egerint. Non desunt tamen, qui a nemine ignem, sed divinitus immisissum tradant, ut exerte *Palladius*, cujus verba recitat *Baronius* num. 43, et Historia conciliabuli excitati contra Chrysostomum testantur. Restaurata postmodum Ecclesia a *Theodosio Juniore* stetit usque ad annum mxxxi, quo in seditione, quam *Victoriorum* vocant, deleta est, ut suo loco videbimus. Secta vero *Xylocercetorum*, seu Joannitarum perstitit usque ad consulatum xvi Theodosii, usque ad annum nempe Christi cxxxviii, ut prodit Socrates lib. 7, cap. 45, quo *Proclus* episcopus CP. eos ad concordiam reduxit, ut legitur in Annalibus.

15. *Post discessum Chrysostomi tumultus augetur.*—Tumultus post discessum sancti Chryso-

stomi ejusque exilium, magis ancti sunt. Idacius enim in Fastis sub hujus anni coss. scribit : « Bel- lum civile fuit ex III kal. Septemb. » Cæpti itaque tumultus illi die trigesima mensis Augusti; pridie cujus diei *Arcadius* emisit legem 27 Cod. Theod. *De episcopis*, quæ dicitur data IV kal. Septemb. Cum enim dire quæstiones ob incendium illud haberentur, *Studius* præfectus Urbi ad quem ea directæ, videtur apud imperatorem intercessisse, ne ex ulterius grassarentur. Baronius num. 54 ubi eam legem recitat, *Studium* præfectum prætorio perpe- ram appellat, cum in fronte ejusdem legis legatur P. U., id est, *præfecto Urbis*, et lex 5 ejusdem Cod. Theod. *De his qui super religione contendunt*, relata a Baronio num. 53, quæ et ipsa ad Joannitas pertinet, inscribitur etiam *Studio P. U.* Meminit et *Studii* præfecti Urbi Theodorus diaconus apud Palladium in Dial. de Joanne Chrysostomo, cujus verba ipse- met Baronius num. 78 refert. Et Gothofredus in comment. præfatæ leg. 27 *De episcopis* ubi hæc observavit, addit ipsum argumentum arguere curam hanc ad præfectum Urbi pertinuisse. *Arcadius* hanc legem 37 *De episcopis* emisit, cum res ad apertam seditionem eruptura videretur, eaque prohibuit, ne quis episcopos vel clericos peregrinos aut cives cle- ricos « nova et tumultuosa conventicula extra Ec- clesiam » celebrantes susceperet : « Ad observandos siquidem », inquit, « seditionis aditus, id nostro se- dit arbitrio, ut omnes episcopi et clerici et peregrini ab hac sacratissima urbe pellantur ». Cujus legis occasione bellum illud civile forsitan ortum.

Chrysostomus de priori judicio adversus se lato Sedem Apostolicam appellavit. — *Chryso- stomum* postquam sede dejectus est, ad Innocentium papam appellasse, constat ex Epistola Honorii imp. ad Arcadium in Oriente imperantem, recitata a Ba- ronio num 80 et seqq., ubi refert, tum Chrysosto- mum, tum Theophilum ipsum legatos ad Innocen- tium misisse, qui ejus super judicio in Chrysosto- mum lato sententiam dicerent : « Missi, inquit, ad sacerdotes Urbis æternæ, atque Italie, utraque ex parte legati. Expectabatur ex omnium auctoritate sententia informata regulam disciplinæ. Integrum nempe esse debuerat, nec quidquam novari, dum definitio deliberata procederet, cum interea mirum quoddam præcipitum festinationis exarsit, ut non expectatis litteris sacerdotum, qui fuerant mutua partium legatione consulti, non examinatis rebus, in exilium traderentur antistites, animadversioni prius addicti, quam sententiam judicii episcopalis experti. Denique quam immatura illa damatio fuerit, res probavit. Namque hi quorum expecta- batur auctoritas (nempe Pontificis Romani et ejus assessorum) pacifica Joanni communione permessa, faciendam concordiam censuerunt, nec quemquam putarunt ante judicium consortio repellendum ». Sententiam vero depositionis a Theophilo Alexan- drino, ejusque consortibus latam rescidisse, et in irritum misisse Innocentium I liquet tum Palladii, tum Innocentii ipsius testimonio. Et Palladius qui-

dem in dialog. de Vita S. Joannis Chrysostomi, scri- bit : « Ad hæc rescriptis beatus Innocentius papa, communioneque utriusque partis admissa, Theophili judicium cassum atque irritum esse decrevit, dicens, oportere conflari aliam irreprehensibilem Synodum Occidentalium et Orientalium sacerdotum, cedenti- bus Concilio amicis primum, deinde inimicis; neu- trarum quippe partium ut plurimum rectum esse judicium ». Innocentius vero Epist. xxxi ad Theo- philum, quam idem Palladius recitat : « Frater Theophile, inquit, nos et te, et fratrem nostrum Joannem, communionis nostræ esse decrevimus, sicuti et in prioribus litteris aperte satis expressi- mus, et nunc in sententia nostra, et voluntate per- durantes, rursus eadem scribimus. Et quotiescum- que scripseris, nisi debitum sequatur, conveniens- que judicium propter ea quæ magno cum dedecore gesta sunt, possibile non est nos a Joannis commu- nione discedere ».

17. *Appellavit et de secundo judicio.* — Nec de judicio tantum Theophili ad Romanum Pontificem appellavit *Chrysostomus*; sed etiam de judicio, quod alii episcopi, incentore *Theophilo*, in illum curren- ti anno tulerunt. Cum enim episcopi Chrysostomi hostes XII canonem Antiocheni Concilii in Chryso- stomi perniciem intorsissent, eumque damnassent iterum, ille Innocentii tribunal iterum appellavit, ut significant illa ejus verba, in Epistola ad Inno- centium, prout refertur a Palladio : Scribite, pre- cor, et auctoritate vestra decernite, hujusmodi ini- que gesta, nobis absentibus, et judicium non de- clinantibus, nullius esse roboris. Porro qui talia gessere, eos Ecclesiæ censuræ subjicite. Nos autem insontes, neque convictos, neque deprehensos, ne- que ullius criminis reos comprobatos, Ecclesiis nostris jubete restitui, ut charitate frui, et pace cum fratribus nostris consueta possimus ». Porro sen- tentiam in hoc secundo judicio adversus Chrysosto- mum latam æque rescidisse Innocentium, his ratio- nibus demonstrat Natalis Alexander in parte 2 sæculi IV, Dissert. xxvii. In dialogo Palladii Theodorus Romanæ diaconus Ecclesiæ refert verba Communi- torii ab Innocentio dati legatis, quos a suo latere misit Constantinopolim, ut adessent Synodo, quam ad istius causæ plenioris disceptationem, et ulti- mam definitionem fieri peroptabat. In hoc enim Communitorio hæc inter alia leguntur : « Non opor- tere Joannem judicium aggredi, nisi illi prius Ec- clesia, communicioque redderetur, ut omnis dila- tionis occasione sublata, sua sponte Concilium in- gredi posset ».

18. *Quod pluribus probatur.* — Præterea Theo- doretus lib. 5, cap. 34. « Episcopi Occidentis, inquit, non prius cum episcopis Ægypti, et Orientis et Bos- phori, atque Thraciæ communicare voluerunt, quam nomen illius sanctissimi viri in tabulas, in quibus nomina episcoporum mortuorum contine- bantur, retulissent; atque Arsacium ejus successo- rem ne salutare quidem dignati sunt ». At decernere non potuit Innocentius, ut nomen Chrysostomi de-

creto Concilii Orientalis ex tabulis Ecclesiae expunctum eisdem restitueretur, nisi rescissa sententia, quae in illum lata fuerat. Hinc *Innocentius* Alexandrum Antiochenum patriarcham, et Acacium Berœensem episcopum, Apostolica communione prius non donavit, quam memoria Chrysostomi fecissent satis, ejusque nomen in Sacra Diptycha retulissent, ut patet ex Epistola Innocentii xvii, non vero xviii ad Alexandrum, recitata a Baronio anno cxxviii, num. 33 et seqq., qui et eodem anno num. 38 refert Epistolam xix, non vero xxii, uti apud Baronium Innocentii ad Acacium Berœensem episcopum idem decernentis. Hinc *Gelasius* papa ad episcopos *Dardaniae* scribens, Epistola xiii, Chrysostomum solius Sedis Apostolicae judicio absolutum testatur, absque ulla Synodo. Denique *Facundus* lib. 6 docet *Chrysostomi* damnationem ab Innocentio fuisse rescissam. Quae probatio ex appellatione *Chrysostomi* de prompta, eo majoris est roboris ad probandum appellationum usum post Concilium Sardicense, quod ejus causa non esset fidei, sed merae disciplinae. Quare non admittenda distinctio, quam aliqui viri eruditi excogitarunt inter causas fidei et Ecclesiasticae disciplinae: dum priores ad Sedem Apostolicam semper deferri potuisse per appellationem episcoporum dejectorum confessi sunt; non autem posteriores. Hunc enim usum invaluisse in Ecclesia tam Orientali, quam Occidentali pluribus post Concilium Sardicense saeculis, demonstrat Natalis Alexander laudatus.

19. *In provincias Orientis propagantur.* — A num. 56 ad 63. Arcadini die *XIV kalend. Decemb.* emisit legem 6 Cod. Theod. *De his, qui super religione contendunt*; Eutychiano praefecto praetorio, Orientis scilicet, inscriptam, qua jubet ab Ecclesia repelli, qui ab Arsacii, Theophili, et Porphyrii communione dissentiunt. *Joannites* enim non tantum intra urbem Constantinopolitanam; verum etiam per provincias Orientis, per Aegyptum ac Syriam nominatim, ubi Antiochia sita, suos extra Ecclesiam conventus habuere, et ab Arsacii Constantinopolitani, Theophili Alexandrini, et Porphyrii Antiocheni episcoporum communione discessere. Quare hac lege ab Ecclesia repelluntur, et Schismatici haberi jubentur, nisi ad communionem praedictorum episcoporum redeant. Hujus constitutionis meminit *Sozomenus* lib. 8, cap. 24, ex eaque intelligimus, *Flavianum* episcopum Antiochenum, hoc anno vita functum esse. Anno cccclxxxi Meletio successerat, et juxta Nicephorum in Chronico et Tabulis Theophanis annos xxii episcopatum gessit. Post cum *Porphyrius* hoc anno episcopatum Antiochenum suscepit; « nam quo tempore Joannes in Armeniam exorris actus, Flavianus quoque Antiochenus episcopus migravit ad Christum », inquit *Palladius* in Dial. ideoque annos fere xxiii Ecclesiam Antiochenam rexerat. Ei successit *Porphyrius*, cujus vitia ibidem *Palladius* recenset. Haec de eo *Sozomenus* lib. 8, cap. 24: « Antiochie mortuus est Flavianus, qui Joannis depositioni haudquaquam consenserat.

Cujus loco *Porphyrius* Antiochensis Ecclesiae sacerdotium suscepit. Qui cum condemnationi Joannis subscripsisset, multi in Syria ab Ecclesiae illius communione sese abruperunt: et seorsum collecta celebrantes, nullas ærumnas ac molestias perpessi sunt ».

20. *Ex Chrysostomi exilio magna in Ecclesia dissensio exorta.* — *Theodoretus* lib. 5, cap. 34, postquam exilium et mortem Chrysostomi narravit, ait: « Porro quot episcopi ejus causa pulsati sint Ecclesiis, et in extremos Romani imperii fines deportati; quot item monachi eandem calamitalem perpessi sint, superfluum arbitror commemorare, et prolixam historiam texere: praesertim cum ea quae tristia sunt, contrahenda esse censeam et eorum qui ejusdem nobiscum sunt fidei, errata obtegenda. Plerique certe eorum qui injurias fecerant, poenas dederunt, et per ea quae passi sunt, emolumentum aliis attulerunt. Cæterum hanc injustitiam praecipue detestati sunt episcopi Europae. A communione enim eorum qui hæc fecerant, seipsos separarunt. Illyriciani quoque omnes, eorum partibus sese adjunxerunt. Orientalium vero urbium quamplurimi, communionem quidem sceleris refulgerunt: corpus tamen Ecclesiae haudquaquam discederunt. Et post mortem magni Doctoris orbis terrarum, Occidentales episcopi, episcoporum Aegypti et Orientis et Bosphori ac Thraciae communionem non prius admiserunt, quam divini illius viri nomen una cum reliquis fatis divinis episcopis consignassent. Et Arsacium quidem, qui post illum ordinatus est, ne salutare quidem dignati sunt. Atticum vero Arsacii successorem, qui multas ad ipsos legationes miserat, et pacem cum ipsis habere postulaverat, tandem suscepit, postquam is nomen illius in Sacras Tabulas retulisset ». Quare communio Orientalis Ecclesiae cum Occidentali suspensa fuit et formatarum litterarum interturbatum commercium, sed ad schisma dissensio non processit, indeque Occidentales toto dissensionis illius tempore cum iis communionem foverunt, qui Orientalibus erant communione conjuncti; atque ita mediate cum istis communicarunt.

21. *Ea usque ad schisma non processit.* — Certe *Innocentius* papa toto istius dissensionis tempore *Theophilum* Alexandrinum *Fratrem* vocavit, seque communionem cum illo non abrupte discrete significavit, cum ad illum his verbis scriperit: « Frater Theophile, nos et le, et fratrem nostrum Joannem, communionis nostrae esse decrevimus: sicuti et in prioribus litteris satis aperte expressimus ». Ad hæc sola missione legatorum et formatarum litterarum reintegrata communio est Orientalibus inter et Occidentales, ut colligitur ex Epistola xix *Innocentii* I ad Acacium Berœensem data: « Unde has ad præstantissimum fratrem et coepiscopum nostrum Alexandrum reddendas tuas transmissimus unanimitati, videlicet ut si omnes inimicitiae, omnis amulatio, tam de nomine S. Joannis mirandi episcopi, quam de omnibus ejusdem com-

munionis participibus, a tua animositate discessit, has nostrae societatis recipias litteras, frater carissime ». Denique Theophili, Arsacii, aliorumque nomina ex sacris Diptychis expungi non iussit Apostolica Sedes. Qui tamen sancti Chrysostomi defensionem susceperant, ipsique ut episcopo communicabant antistites, et plebs Constantinopolitana, *Attici* qui Arsacio successit, communionem ita aversati sunt, ut parum abfuerit, quin dissensio in schisma erumperet: « Substituitur Arsacio Atticus », inquit Palladius in Dialog. « totius contra Joannem machinationis architectus. Qui cum animadverteret, Orientalium sibi episcoporum communicare neminem, neque ipsius civitatis populum, propter ea quae adeo injuste ac nefarie admissa fuerant, agit divinarum Scripturarum imperitus, ut qui non communicarent, rescripti (nempe imperatoris Arcadii) conventi cogerentur. Habebat autem rescriptum adversus episcopos hujuscemodi minas: Si quis episcopo Theophilo, et Porphyrio, et Attico non communicat, Ecclesia pellatur, et a suis facultatibus projiciatur ». Cæterum nullum schisma inter utrosque factum.

22. *Cassianus ex Oriente Romanum mittitur.* — Ad num. 78. Quatuor legationes Romam ad Innocentium papam misit, quibus certior fieret de tyrannide, quam Ecclesia Constantinopolitana perpessa esset. Quartam obire Germanus presbyter et Cassianus diaconus Chrysostomi, *virum magnum religionis*, ut narrat Theodorus Romanus diaconus apud Palladium in Dialog. *Cassianus* iste ille est, cujus sunt *Collationes Patrum*, ut recte Baronius habet. Magna inter eruditos de ejus patria versatur controversia. Lambecius in lib. 4 Biblioth. Cas. pag. 166, refert in ea extare librum hoc titulo prænotatum, « Ἀββᾶς Κασσιανὸς τοῦ Ῥωμαίου πρὸς πᾶσαν Λεόντιον περὶ τῶν κατὰ τὴν Σκητὴν πατέρων, id est, Abbatis Cassiani Romani ad Leontium episcopum libellus asceticus de sanctis Patribus in Scheti ». Est epitome septem priorum Collationum sanctorum Anachoretarum Schetensium. Addit Lambecius in eadem Bibliotheca extare alia *Cassiani* opuscula e graeco in latinum versa, in quorum titulis. uti in laudata epitome, Cassianus semper vocatur *Romanus*; ac Photium in sua Bibliotheca Cod. cxcvneorum meminisse; iis se usum fuisse ostendere. indeque cognomen τοῦ Ῥωμαίου, id est, *Romani* paraphrasticè reddidisse « Ῥωμῆν λήγοντος πατρίδα », hoc est, « Romam sortiti patriam ». Quorum codicum testimonio et Photii auctoritate vir doctissimus existimat, *Cassianum* revera Romæ natum; amore autem vite Asceticae inde a pueritia in Palestina atque Ægyptum sese contulisse, et præcipue apud Schetensis eremi anachoretas in studio perfectionis plurimum profecisse; ideoque corrigendum esse Gennadium Massiliensem, qui cap. 61 de Scrip. Ecclesiast. *Schetem* Ægypti eremum cum Scythia confundens, falso tradit Cassianum fuisse natione *Scytham*: similiter quoque in ipsa Præfatione Cassiani ad Leontium, loco horum verborum: *In eremo Scythiæ, seu in eremo Scythica*, sine ulla

controversia scribendum esse *in eremo Scheti*, seu in eremo Schetica, hoc esse, ut in versione Græca recte legitur, ἐν τῇ ΣΚΗΤΩΙ.

23. *Fuit natio Gallo-Provincialis.* — Hæc ultima Lambecii observatio verissima. At *Cassianum* in Gallo-Provincia natum esse, longe probabilius antea censuerat Holstenius ejusdem Lambecii avunculus, cap. 3 Præfationis ad Regulas veterum monachorum; quod probat non tantum ex stylo Cassiani hujus ætatis scriptoribus familiari; verum etiam ex ejusdem Asceticis Commentariis. Is enim Collat. 24, cap. 1. ait: « Quia ad repetendam provinciam nostram, atque ad revisendos parentes quotidianis aeris aestibus urgebamur ». Quibus verbis provinciam Provinciae palam a Cassiano designatam Holstenius putat. Præterea hoc de sua patria Cassianus subjicit: « Ipsorum locorum situs, in quibus erat a majoribus nostris avita possessio, ipsarumque amantissimæ jucunda regionum ante oculos pingebatur; quam gratæ et congruæ solitudinis spatiis tenderentur, ita ut non solum delectare monachum possent secreta silvarum; sed etiam magna victus præbere compendia ». Quæ Scythicorum desertorum squalori, ac Caucaseis rigoribus minime convivere possunt.

24. *Quod magis probatur.* — Hanc de patria Cassiani sententiam novis argumentis confirmavit Emin. card. Norisius lib. 2 Hist. Pelag., cap. 1. Cum Germanus ac Cassianus Abrahamo Ægyptio monacho desiderium repetendæ patriæ, quo aestuabant, aperuissent, tale responsum tulere: « Vos qui summo animi et corporis nisu in hac regione duntaxat, quasi naturam patriæ vestræ in multis impugnare conamini, diligenter expendite, utrum in illis torpidis, ut fama est, regionibus, et velut frigore nimie infidelitatis obstrictis, hanc, ut ita dixerim, nuditatem sustentare possitis », ut legitur Collat. 24, cap. 8. At idem Cassianus Collat. 2 in Præfatione scribit, Eucherium Lugdunensem postea episcopum in Ægyptum peregre voluisse, ut hanc quasi frigoris Gallicani rigore torpentem provinciam derelinquens, ad illas, quas sol justitiæ proximus respicit terras, maturis virtutum frugibus redundantes velut turtur castissimus transvolaret ». Ita utrobique provincia, in qua ortus Cassianus fuit, « frigore torpida » describitur. Præterea Cassianus ac Germanus anachoreticam vitam instituere se velle dicebant, nullo visitantium subinde monachorum adventu turbatam, cui tranquillitati minus aptas esse credebant. Ægypti eremos, « quod », aiebant, « interdum a fratribus frequentati jugi secreto, ac diuturno silentio secundum desiderium nostrum nequaquam possumus inhærere, etc. Quod sine dubio nullatenus in nostra provincia credimus eventurum, in qua aut nullum, aut certe rarissimum professionis hujus virum invenire possibile est ». Idem vero in Præfatione Collat. 18 Anachoreticam vitam *incognitam fere in hac regione*, nempe Gallicana pronuntiavit, ubi laudans Minervium, Leontium ac Theodorum, quæ Collationes illas nun-

cupat, ait : « Anachoreticam sitre sublimitatem vestris institutionibus provocatis ». Quare cum Cassianus juvenis in Ægypto degebat, incognita fere Galliis erat anachoreseos disciplina.

25. *Cassianus dictus Romanus, quod esset Scriptor latinus.* — Neque huic opinioni laudati Cassiani Librorum tituli, in quibus is dicitur Romanus, officiant. Scriptores enim græci auctores latinos saepe *Romanos* appellant. Eusebius lib. 2 Hist., cap. 25, locum citans Tertulliani, in quo scribit Neronem primum imperatorem Romanorum fuisse, qui hostis Christianæ religionis fuerit, inquit, « τούτο δὲ πάλιν ὁ ῥωμαῖος Τερτυλλιανὸς ἂντις πὸς λέγων μοιμανεύει »; quæ verba recte a Christophorsono sic in latinum versa : « Cujus Tertullianus latinus Scriptor sic fere mentionem fecit »; ubi Eusebius, *Romani* voce *Latinum* intelligit. Valesius in Notis ad Eusebium, licet omisso et *Romani* et *Latini* nomine, sic ea verba reddit : « Cujus rei gratia etiam Tertullianus meminit »; ubiominus in Notis ad lib. 2, cap. 2, explicans sequentem Eusebii locum, « τὰύτα Τερτυλλιανὸς τοῦς Ῥωμαίων νεωστὶς ἡμερικῶν ἀντὶ τὰ τε ἄλλα ἐνδεῖς, καὶ τὴν καλύτερα ἐπὶ Ῥωμαῖς λαμπρῶν », sic illum latine reddit : « Hæc Tertullianus, vir legum Romanarum peritissimus, et inter latinos scriptores celeberrimus », licet utrobique Eusebius voce *Romani* utatur. Recteque addit Valesius, solitum esse Eusebium *Romanorum* vocabulo designare, non ipsos Romanæ Urbis indigenas ac cives, sed Latinos et Occidentales. Neque Græcorum solus est Eusebius, qui eum loquendi modum usurpet. Auctor Chronici Alexandrini ad annum χxi Tiberii imp. Tertullianum his verbis citat, « ὡς ἰστορεῖ Τερτυλλιανὸς ὁ ῥωμαῖος », id est, sicut Radens vertit : « Ut Tertullianus latinus litteris prodidit ». Locus, quem ibidem laudat auctor illius Chronici, alius non est, quam qui citatur ab Eusebio lib. 2, cap. 2, in quo nempe Tertullianus ait, Tiberium, cum vellet Christum in deorum numerum referre, et Senatus respuisset, comminatum fuisse periculum accusatoribus Christianorum. Si itaque Tertullianus, quem Africanum fuisse nullus dubitare potest, cum ipsemet in Apologetico cap. 9, illud indicet, ab Eusebio et auctore Chronici Alexandrini vocetur *Romanus*, quid mirum si Operum Cassiani latini scriptoris interpretes Græci cum *Romanum* appellarint, ut scilicet ostenderent eum non græce, sed latine scripsisse? Quoad *Photium*, is vel ex *Romani* nomine errandi ausum sumpsit, vel potius eo tantum denotare voluit eum in Occidente natum. *Similis* loquendi modus habetur in Act. i Concilii œcumenici Nicæni II, ubi pag. 79 legitur locus Ruffini sub hæc Epigraphe : « Εἰς τὴν ἐκκλησιαστικὴν Ῥωμῆν παρουσίαν Ῥωμαῖος », id est, de « Historia Ecclesiastica Ruffini presbyteri Romæ », id est, Romani; quem tamen presbyterum Aquileiensem et in territorio illius urbis natum, certum est. Quo anno *Cassianus* apud Massilianæ cœnobium construxerit, incompertum; verosimile tamen non multo post hunc annum hujus monasterii, quod adhuc extat, fundamenta jecisse.

26. *Isauri imperium Orientale devastant.* — Ad num. 109 et seq. Isaurorum grassationes, quæ initio imperii Theodosii adhuc durabant, ut liquet ex leg. 7 Cod. Theod. *De questionibus* a Baronio recitata hoc anno ceptæ, ut ex his Zozimi lib. 5, pag. 802, verbis liquet : « Allatus est Palatinis nuntius (postquam scilicet magna Ecclesia CP. conflagravit) magnam Isaurorum multitudinem, quæ supra Pamphyliam, Ciliciamque posita semper in asperrimis et inaccessis Tauri montibus degit, in latronum manipulos divisam regionem subjectam invadere : ac oppida quidem munita tentare non poterant, viros autem mœnibus destitutos, et obvia quævis, irruendo vexabant : quos incursus id ipsis faciliore reddebat, quod isthæc regio paulo ante fuisset ab hostibus capta, Tribigildo cum Barbaris suis rebellionem molito. His nuntiat Isaurorum dux mittitur, qui laborantibus Pamphyliæ rebus succurreret. Is, ubi copias idoneas accepisset, et latrones fuga dilapsos intra montes persecutus fuisset, complures eorum villas cepit, et virorum multitudinem non exignam interfecit : adeoque prorsus eos in potestatem facillime redegit, et incolis oppidorum securitatem solidam parasset : nisi deliciis et fœdis voluptatibus deditus, multum de vigore suo remisisset ; ac pecuniæ manus porrigens, bono publico divitias prætulisset. Quapropter ob hanc prævaricationem ad aulam revocatus, nihil expectabat aliud, quam uti iudicio sisteretur. Sed parte illorum quæ ab Isauris acceperat, Augustæ oblata ; tum examen effugit, tum opes istas in voluptates urbanas impendit. Enimvero molitiones Isaurorum adhuc intra clandestina se latrocinia continebant, necdum illis aperte gentes proximas aggressis ».

27. *Isauri D. Chrysostomo formidabiles.* — De his *Isaurorum* grassationibus legendus etiam Philostorgius lib. 2, cap. 8, et Marcellinus in Chronico ad consulatum anni sequentis. Hæc gens ab antiquo latrociniis semper infamis fuit. Strabone lib. 12, Dione lib. 55, Eutropio lib. 6, Floro lib. 14, Trebellio Pollione in Trebellione tyranno, et Vopisco in Vita Probi imp. testibus. Pollio, qui Diocletiano imp. et Constantio Cesare Romanum imperium regentibus floruit, testatur Isavros ad *æqualitatem perducere quævis principum humanitate* non potuisse, id est, ad vitam civilem et pacatam, ideoque regionem eorum, etsi in medio imperio Romano sitam, novo tamen custodiarum genere, non aliter ac limitem imperio inclusam. Quod et sequentia tempora, quibus imperatores Christiani Romanam Rempublicam administrarunt, etiam contigisse ostendit Goltzius in Commentario laudate legis Cod. Theod. Divus Chrysostomus, cum in exilium iret, Cesareque esset, mox et exilii sui Cuesi tempore, quam formidabiles illi fuerint, et quot mala patrarint, ostendit in Epist. xii et xiv ad Olympiadem, Epist. cxiv ad Diogenem, in Epist. ad Gemellum, Epist. ad Theodoretum ex consularibus, Epist. ad Theodotum lectorem, et Epist. ad Theodotum diaconum, quas fere omnes Baronius hoc

anno recitat. Joannes, inquit Sozomenus lib. 8, cap. 27, « cum pecuniis abundaret, quas cum alii multi afferebant, tum Olympias diaconissa ad eum mittebat, plurimos captivos ab Isaurois redemit, ac suis restituit. Multis etiam egentibus necessaria subministrabat ».

28. *Eudoxiæ Augustæ obitus.* — A num. 120 ad 123. *Eudoxiam* Arcadii imperatoris conjugem, quæ divum Chrysostomum tam dire persecuta est, hoc anno e vivis excessisse, præter auctores a Baronio citatos ac Theophanem in Chronico testatur Eunapius, qui continuationem Annalium Dexippi anno quo Chrysostomus in exilium missus, et Eudoxia demortua, absolvit, apud Photium in Biblioth. Cod. LXXVII, ubi Photius ait: « Historiae suæ terminum ponit, quando Arsacius, Joanne Chrysostomo exterminato, solum episcopi occupavit, Arcadiique imperatoris uxor gravida, et mox abortiens vita decessit ». Auctor Chronici Alexandrini sub hujus anni cons. ejus mortis diem ac mensem his verbis notavit: « Mortua est Eudoxia Augusta mense Hyperberetæo, pridie non. Octob. feria v, et humata est in Ecclesia SS. Apostolorum, Hyperberetæo mense, IV id. Octob. feria iv. Georgius patriarcha Alexandrinus, qui Eudoxiam post Chrysostomum mortuam tradit, et quo innixus Baronius mortem ejus usque ad annum cœvi differt, scriptor est in Historia futilissimus et mendacissimus, quibus illum coloribus Photius in Bibliotheca auctor acerrimi judicii depingit, et aliquot exemplis Petavii lib. 2 de Doct. Temp., cap. 47, compluribus vero Blondellus lib. contra primum Ecclesiæ pag. 1229 et seqq. demonstrant, ostenduntque eum auctores, quos citat, sæpissime corrumpisse, multaque in Historia commentum esse. Ad aliud Baronii fundamentum ex Epistolis Innocentii papæ deductum præfato anno respondebimus. Porro Zonaras, alique quidam ideo *Eudoxiam* tribus a Chrysostomi obitu mensibus elapsis perisse scribunt, quia tribus post exilium Chrysostomi mensibus extincta est. Is error irrepsit in Breviarium Romanum ac lectiones Officii S. Chrysostomi. Eudoxia longe « a viri desidia ac socordia distabat. Inerat enim ei nonnihil Barbaricæ audaciæ », inquit Philostorgius lib. 2, cap. 6, religionem tamen Christianam summo opere coluit, hinc Zozimus pag. 800 et alibi varias calumnias in eam comminiscitur, quod Gentilium templa evertenda curasset.

29. *Ab hoc anno removeri non debet.* — Quia vero Zozinus, ut mox vidimus, scribit, cum de ædificiis Constantinopoleos flammis assumptis instaurandis cogitaretur, *Isaurorum* incursiones in eam nuntiatas, Arbazaciumque ducem, qui laborantibus Pamphylie rebus succurreret missum, Spondanus in Epitome confendit, *Eudoxiæ* mortem hoc anno non contigisse. Verum cum incendium die vicesima Junii contigerit, et *Eudoxiæ* mors die sexta mensis Octobris accidisse dicatur, potuit *Arbazacius* intra intervallum illud et Isauros comprimere, et prædam ad Augustam mittere, imo et delictis indulgere, et res captas eidem offerre, post-

quam revocatus est; Pamphylia enim ab urbe Constantinopolitana parum dissita, et *Arbazacius* bellum illud non confecit, sed alius in ejus locum missus, licet id Zozinus non dicat. Fatetur enim post *Arbazacii* discessum *Isauros* nondum aperte gentes proximas aggressos esse, et Palladius in Vita Chrysostomi docet, Valentinianum comitem contra Isauros missum.

30. *Legatio episcoporum Africanorum ad Honorium imp.* — A num. 123 ad 130. *Honorio Aug. VI cons. kalendas Julias Carthagine* Concilium Carthaginense celebratum refertur a collectoribus Canonum Africanorum, quod legationem adversum Donatistas tractatum respuentes misit ad Honorium imp. cum communitorio, quo rogant episcopi tuitionem pro Catholicis contra Donatistas et Circumcelliones, ac leges renovari de multa pecuniaria, aliisque. *Honorio Aug. sextum consule, VII idus Decemb. et pridie iduum Decembrium*, habita est publice in Hipponensi Ecclesia notariis excipientibus disputatio inter Augustinum et Felicem Manichæum, qui post secundam vel tertiam collationem « ad nostram conversus est fidem atque Ecclesiam », ut inquit Possidius in Augustini Vita cap. 16. Refertur ea disputatio tom. viii Operum divi Augustini juxta recentem editionem a Patribus Benedictinis curatam, liquetque, quod non semel observavimus, annis *Decemalibus* et id genus festis additis publicas de fide *Collationes* de more habitas et legationes ad imperatores missas, ad cœdita adversus hæreticos ab eisdem petenda.

31. *Disputat Augustinus cum Felice Manichæo.* — Hinc Epistola divi Augustini LXXVI, quæ veteri ordine est CLXXI, hoc anno videtur scripta, ut in eadem Operum divi Augustini editione notatum. Ex Augustino enim constat, cum ex decreto generalis totius Africae Concilii anno præcedenti habiti facta fuisset Donatarum episcopos, per quemque Catholicum episcopum in sua diocesi, citatio publicorum Actorum forma, ut ad pacificam collationem venire non cunctarentur, respondisse illos, « verbis dolo, maledictione, amaritudine plenis », ex lib. 3 contra Cresconium cap. 43. Ipse etiam *Procleianus* Donatarum episcopus apud Hipponem ab Augustino interpellatus, primo quidem respondit, suæ partis episcopos Concilium habituros, et illic deliberaturos, quod responsum redderent. Tum denuo pulsatus, collationem aperte recusavit ex Epistola Augustini LXXXVIII, num. 7, quæ in vulgatis editionibus est LXXVII. Quapropter ipsos eorum laicos, Epistola LXXVI, quæ alias erat CLXXI, ad Donatistas inscripta, hujus anni initio interpellandos censuit Augustinus: « Vel vobis laicis », inquit num. 4, « ad ista respondant episcopi vestri, si nobiscum loqui volunt, etc. Si lupi Concilium fecerunt, ut pastoribus non respondeant, quare oves consilium perdiderunt, ut ad luporum speluncas accedant? »

32. *Decreta ab Innocentio PP. ad S. Victricium missa.* — Ad num. 130 et seq. Hoc anno *Innocentius* papa decretalem Epistolam misit ad

sanctum *Vietricium* Rotomagensem episcopum, qua eum monet, ut illam episcopis suffraganeis et vicinis Ecclesiis notam faciat, ut cognoscatur quae sit Ecclesiae Romanae praxis. Innocentius Epistolam illam *Librum Regularem* appellat, qui alius esse non videtur ab iis decretis, quae adeo Epistolae ipsi conjuncta sunt, ut illius partem constitutere videantur. Duo ultima sunt: «Eas, quae Christo spiritualiter nupserunt, et velari a sacerdote meruerunt, si postea vel publice nupserint, vel se clanculo corruperint, non admittendas esse ad agendam poenitentiam, nisi iis, cui se junxerant, de saeculo recesserint, et eas quae vivente adhuc viro alteri nupserint, haberi adulteras, nec eis concedendam esse agendae poenitentiae licentiam, nisi prius ex eis fuerit defunctus». Statuit decretum XII ae postremum: «Poenitentiam aliquanto tempore iis esse agendam, quae nupserint, postquam in proposito virginitatis semper manere promiserant, etiamsi velatae non fuerint». Hi duo articuli citantur ex Epistola Innocentii I ad *Vietricium* Rotomagensem in Concilio Turonensi II, et ibi approbantur. Quare male Heterodoxi utuntur iis articulis, ut eam Innocentii Epistolam suggillant, vel eam penitus rejiciant, quia de verbo ad verbum *Siricii* Epistolam complectitur; cum tamen in melius prestare non potuerit *Innocentius*, quam majorum instituta tradendo. Quamobrem, inquit editor Operum divi Paulini in dissert. IV de sancto *Vietricio*, cap. 4, nemo jure dubitaverit de Epistola *Siricii* a Concilio Teleptensi et a Ferrando laudata, neque de decretali Epistola Innocentii, quam Dionysius Exiguus inseruit integrum in codice Ecclesiae Romanae. Ea Epistola dicitur data XV kalend. Martias, Honorio Aug. VI et *Aristeneto* coss. Sed cum haec subscriptio absit a manuscripto, quo Justellus usus est, et satis cohaerere non possit cum protectione Romana *Vietricii* hoc anno suscepta, non dubito, quin ea addititia sit.

33. *Virtutes sancti Vietricii episcopi Rotomagensis*. — Sancti *Vietricii* mors non multo post accidit; cum nulla amplius de eo in antiquis monumentis mentio occurrat. Colitur die VII mensis Augusti. Militiam primum professus est, sed amore Christi succensus eandem postea respuat. Quo in furias concitato tribuno, in verbera *Vietricius* districtus est, et morti damnatus, a qua nonnisi per miraculum liberatus, ut narrat Paulinus in Epistola XVII, alias XXVIII, ad eum data. Quod Baronius anno cccxii, num. 264 existimat contigisse, dum *Julianus* imperaret. *Vietricius* postea ante annum cccxc octavus Rotomagensis episcopus creatus est, ejusque studiis et cura Rotomagus, in longinquis provinciis innouit: «Nunc Rotomagus et vicinis ante regio-

nibus tenui nomine pervulgatum, in longinquis etiam provinciis nominari venerabiliter audimus, et inter urbes sacratis locis nobiles cum divina laude numerari», inquit Paulinus in laudata Epistola num. 5, qui antea dixerat, *Morinos* et *Nervios* in Belgio *tenui jam spiritu* fidem veritatis affluisse, sed pastorum negligentia et frequenti Barbarorum incursu eam incrementum non fecisse, ideoque *Vietricium* in vas electionis Deum exerpisse, in quo sanctificaret illic nomen suum. Legenda citata Dissertatio, in qua quae ad *Vietricium* pertinent, examinantur, et praeterea quae de eo habet Baronius anno cccxcvi, num. 15.

34. *Moritur S. Paula*. — Ad num. 132 et seqq. Sancta *Paula* vidua Romana, quae institutionem monasticam valde promovit, obiit Bethlehem in Judaea, ut docet sanctus Hieronymus in Epistola XXII ad Eustochium virginem ejus filiam data, quae *Paulae* vitam complectitur. In ejus Epitaphio ibidem recitato dicitur, obiisse septimo kalend. Febr. *tertia Sabbati*, post solis occubum: sepulta V kalend. eorundem, Honorio Aug. series et *Aristeneto* coss., vixisse in sancto proposito *Romae annos v*, *Bethlehem annos xx*, et omne vitae tempus implese annis LXI, mensibus VIII, diebus XXI. Quare nata erat mense Maio anni cccxliii, vixitque Romae vidua ab an. Christi cccclxxix, in Bethlehem vero ab anno cccclxxiv. Ibi exstruxit cellulas ac monasteria, in quorum altero viri habitabant, uti divus Hieronymus, et sanctus Eusebius Cremonensis, in altero autem ipsa degebat, habitu a matronis ceteris separato religiosior, ut in Vita sanctae *Blesillae* dicitur. Sanctam *Paulam*, filiamque *Eustochium* ad studium sanctimoniae induxerat sanctus Hieronymus, ideoque ingens odium sibi consiverat apud Romanos, nec sine suspitione, quod eas turpiter amaret, ut ipsemet Hieronymus Epist. cxcix ad Asellam docet. *Torotio* marito quinque liberos *Paula* peperit, sanctam *Blesillam* nuptam, sed mox viduam, quae die xxii Januarii colitur, sanctam *Eustochium*, cui sacer est dies xxvii Septembris, *Paulinam*, *Ruffinam*, et *Torotium* filium, de quibus Baronius anno cccclxxii, num. 40 et seqq. Colitur sancta *Paula* die xxvi Januarii, et in aliquibus Martyrologiis die xxvii ejusdem mensis, ut videre est apud Bollandum, qui pluribus vitam ejus illustrat.

35. *Tertia Epistola Paschalis Theophili*. — (1) Ad num. 134 et seqq. Edita hoc anno a *Theophilo* patriarcha Alexandrino tertia Epistola Paschalis, qua Pascha die xxi *Pharmuthi*, seu die xvi Aprilis nostri, celebrandum indicit. Hanc eodem etiam anno divus Hieronymus in linguam latinam statim vertit, ut recte Baronius in Annalibus habet. Sed

(1) Illic Baronii conjectura accidit opportuna solers doctissimi Hieronymianorum Operum editoris nuperi conjectura. Observat enim ille Epistolam, quae hucusque unico contextu in praecedentibus editionibus descripta fuerat, ex duobus fragmentis geminam Epistolarum consisti. Prus fragmentum exhibet Epistolam Theophili ad S. Hieronymum, ab eodem S. Doctore latine redditam, ut ipse in secundo fragmento alterius Epistolae perspicue docet. Alterum fragmentum est ex Epistola ejusdem S. Hieronymi ad eum cum Theophilo responsiva. Porro prus fragmentum continet sententiam illam adversus S. Joannem Chrysostomum. Ex quo demum intelligimus optime suspicatum fuisse Baronium, quod S. Hieronymo aggerere accidit expulsio S. Patriarchae a Theophilo procurata; neque enim in suo ad eundem Theophilum fragmento quidquam scribit in laudem ejus rei, quam Theophilus molitus fuit.

quod subdit ex conjectura, concitatas scilicet a Theophilo adversus Chrysostomum turbas agerrime tulisse Hieronymum, stare non potest, cum, ut observat doctissimus præsul Huetius lib. 2 Origenian., cap. 4, sect. 2, num. 21. Hieronymus ejus expulsionem et exilium Theophilo per Epistolam gratulatus sit: « Unde et nos, inquit, Joannem, qui dudum Constantinopolitanam rexit Ecclesiam, Deo placere semper optavimus, et causas perditionis ejus, in quas ferebatur improvidus, nequaquam credere volumus », et cætera anno cdu a nobis relata.

36. *Leges tres de Judæis hoc anno datæ.* — Extant constitutiones tres *de Judæis* in Codice Theodosiano hoc anno datæ, quarum Baronius non meminit. Prima est ordine 13, qua *Arcadius* imp. privilegia patriarcharum Judæorum, eorumque qui ab eis præpositi, confirmavit. Duæ aliæ nempe 16 et 17 ab *Honorio* imp. Romæ datæ, quarum priore *Judeos* et *Samaritanos* omni militia privavit. Sparsi erant *Samaritani* per Occidentem, quo pertinet hæc lex, imo et Romæ fuere deinceps Theodorici Italiæ regis ævo, teste Cassiodoro lib. 3, Epist. xlv. Altera *Honorius* Apostolatus seu auri coronarii ex Occidente in Orientem mittendi facultatem restituit, abrogata lege sua *de Judæis* ante quinquennium, anno sc. cccxcix emissa. Quibus ex legibus liquet,

imperatores in Decennialibus et hujusmodi festis privilegia dare solitos, vel eadem revocare.

37. *S. Delphini episc. Burdegalensis obitus.* — Edidit sanctus *Paulinus* die xiv Januarii Carmen Natalitium xi de *sancto Felice* presbytero Nolano, cujus pauca supersunt fragmenta, in quibus agitur de sanctorum reliquiis, quas Deus per orbem iis veluti expiandum dispersit. In ejus carmine 76 dicitur:

Gallia Martium, Delphinum Aquitania sumpsit.

Quare sanctus *Delphinus* episcopus Burdigalensis, qui adfuit Concilio Cæsaraugustæ celebrato cccclxxi, et cujus crebra in Annalibus mentio, ante præsentem annum obiit. Extant quinque ad eum sancti *Paulini* Epistolæ, et Ecclesiæ fastis insertus est ad diem xxiii mensis Decembris. Eum excepit sanctus *Amandus* presbyter Burdigalensis, vir sacris litteris enutritus, qui a pueritia Christo militavit, et innocentiam baptismalem conservavit, ut inquit sanctus *Paulinus* in Epistola xii, alias xxi ad eum scripta. Dedit etiam ad *Amandum* presbyterum Epistolam ii, alias xxiii, et Epistolam ix, alias xxii, in quibus per *Amandum* se in Christo natum *Paulinus* recognoscit, et se ejus in Christo plantationem dicit.

INNOCENTII ANNUS 4. — CHRISTI 405.

1. *Anthemii consulis pietas egregia et fidelitas.* — Quinto supra quadringentesimum anno, Stilico secundum et Anthemius consules creati sunt, in Occidente ille, iste autem in Oriente. Porro Anthemii insignis pietas a Patribus dignis elogiis prædicatur. Ad eum enim, simul ac auditum est consulem creatum esse, S. Joannes Chrysostomus Cucusi ista scripsit¹:

« Alii tibi consulatus atque imperii nomine gratulantur: ego autem magnificentiae tuæ causa ipsis quoque majestatibus imperiisque gratulor: neque enim te ornavit, verum abs te ornata sunt: quandoquidem etiam ea virtutis natura est, ut honores non aliunde mutuetur, verum ipsa eos in

se se circumferat, nimirum hisce dignitatibus honorem præbens, non autem ipsa ab illis accipiens. Eaque de causa ne amoris quidem erga te nostro quicquam nunc adjunximus: nihil enim tibi amplius accessit: nec nos præfectum atque consulem amamus, sed dominum memini suavissimum Anthemium, cum magna prudentia atque ingenui acumini, tum etiam ingenti philosophia repletum. Ac proinde te quoque beatum prædicamus; non quod ad hunc thronum evectus sis; sed quia uberiori prudentiæ tuæ atque humanitatis demonstrandæ materiam accepisti. Atque iis omnibus, quibus injuria fit, gratulamur: latum scilicet animæ tuæ portum intuentes, eam vim habentem, ut innumera naufragia depellere queas, atque efficere, ut ii qui in atrocissimam tempestatem incide

¹ Chrys. ep. cxlvii.

runt, ex animi sententia navigent. Ac propterea exullamus, et letitia diffundimur; imperium tuum, commune eorum qui injuria afficiuntur, factum esse existimantes: quo etiam nunc ipsi fruimur, ut qui ex virtutum tuarum magnitudinis propriam nobis voluptatem lingamus ». Hactenus ad Anthemium novum hujus anni consulem Chrysostomus. Ad damus et his quæ inter ipsum Anthemium et S. Aphraatem transacta sunt.

2. Coluisse hunc quidem viros pios sanctosque monachos, argumento sunt quæ de eodem Anthemio Theodoretus in Aphraate (de quo nos plura superius) ita scribit¹: « Ainus autem, Anthemium, qui postea fuit et præfectus, et consul, cum electus legatus profectus est ad Persas, ad eum (nempe Aphraatem) attulisse tunicam apud Persas contextam, et dixisse: Cum scirem unicuique suam dulcem esse patriam, et qui illic nascuntur fructus esse jucundissimos; hanc ex patria ad te attuli tunicam, rogoque, ut eam accipias, ego vero sim tuæ benedictionis particeps. Is autem eam quidem primum jussit poni in subsellio. Deinde cum multi fuissent interjecti sermones, dixit se angere animo, utpote quod sit in duas partes divisa cogitatio. Illo autem rogante causam: Semper (inquit) constitui habere unum solum, qui mecum habitaret: mihi quæ ipsi hanc legem præscripsi, ut mihi omnino denegetur duorum simul habitatio. Cum ergo unus mecum jam sexdecim annis habitasset, et esset mihi cordi: accessit quidam meus contribulis, volens mecum habitare, et rogans ut hoc sibi liceat: hoc mihi mentem distrahit: duos enim simul habere non patiar; contribulem enim amplector ut contribulem: priorem autem, ut qui mihi cordi fuerit, expellere et grave et iniquum existimo. Anthemius vero: Merito (inquit), o pater: neque enim fas est, ut eum, qui tibi plurimo tempore inservivit, amandes, tanquam non aptum; cum autem, cujus morum nondum fecisti periculum, propter solam admittas patriam. Ad hæc divinus Aphraates: Non accipiam ergo (inquit), o vir admirande, hanc tunicam; duas enim habere non patiar. Est enim hæc mea quidem sententia jucundior, tua autem melior ea quæ mihi tanto tempore inservivit ». Sic ergo sanctus evitavit, quod instituto suo obstare sciret minus Anthemii.

3. Qui quidem pietatis ac fidelitatis eximium postea specimen edidit, cum defuncto Arcadio imperatore, pro Theodosio puero regimine suscipiens totius imperii, eidem ipsum integrum illibatamque servavit. Sic igitur eximius illustris virtutibus Anthemius, hand majorum suorum voluit offendi tenebris, et perperam gestis infamari; cum illius Philippi nepos fuisse dicitur, qui Ariarum nequissimus S. Paulum episcopum Constantinopolitanum a throno expulit, et strangulandum curavit². At de consule hactenus, nec nos purpura diutius defineat: invisamus potius exulem Joannem Chry-

sostomum Cucusi commorantem. Qui quidem rigore asperimæ hiemis ita morbo confectus est, ut pæne ex hac vita decesserit: testatur id ipse quidem in Epistola ad Olympiadem scripta, cum jam convalesceret, veris tempore: ubi ait³:

4. *Epistolæ a Joanne in exilio conscriptæ, ubi de ejus laboribus in peregrinando; de Pelagio hæretico, de Ecclesia Gothorum ab eo administrata, de ejus lucubrationibus ac pietatis operibus.* — « Ab ipsis mortis januis revocatus, hæc ad te scribo »: Et paulo post: « Hiems enim gravior quam solebat, exorta, graviolem quoque nobis stomachi hiemem invexit: nihiloque melius ac commodius, quam qui mortem obierunt, ino etiam, gravius hos duos menses confeci. Hactenus enim lucis hujus usura fruebar, ut malorum, quibus undique cingebar, sensu afficerer. Omniaque mihi noctis instar erant, hoc est, tam dies, quam diluculum, atque ipsa meridies: totosque dies lecto affixus exiebam. Cumque innumeras rationes comminiscerer, contractum tamen ex acerrimo frigore detrimentum haudquam excutere poteram. Quamvis enim ignem etiam accenderem, et gravissimum fumum perferrem, et cubiculo inclusus tenerer, sexcentisque vestibus memet obvolverem, ac ne linime quidem pedem efferre auderem: nihilominus tamen extremos cruciatus patiebar: quippe cum vomitus subinde orientur, capitis dolores, cibi fastidia, perpetuæque vigilie: siquidem noctis pelagus usque adeo longum insonnis exiebam ». Hæc quidem se perpesum esse ad veris usque tempus ibidem tradit; eademque rursus ad eandem ipse conscripsit⁴: quibus et addit: « Hic enim non modo necessarium medicamentorum penuria est, cæterarumque rerum quibus ægrum ac dolore confectum corpus relevari potest; verum etiam fames, et pestis imminet. Atque hæc omnia mala perpetuus latronum impetus jam paravit, qui quam longissime grassantes, atque omnes undique vias intercludentes, hinc quoque non parvum iis qui iter faciunt periculum creant ». Hæc ipse. Adveniente enim vere, solutaque hieme, Isanri hactenus inclusi domibus, audaciori furore progressi, cuncta depredatione atque strage miscabant; de quibus frequens est ejusdem Chrysostomi querela ad suos diversos amicos scribentibus.

5. Quam autem celso animo ista ipse perferret, et mente superior his omnibus esset, audi ipsum inter alia ad Antiochenos presbyteros ista scribentem⁵: « Hoc habetote, nos stomachi imbecillitate liberalatos esse, commodeque valere, ac nec obsidione, nec latronum incursionibus, nec loci solitudine, nec sexcentorum adversorum casuum turba, nec denique ullo alio hujusmodi incommodo deieci ac conturbari, verum ingenti securitate, otio, et quiete frui, ac singulis diebus de rerum vestrarum statu in cura esse, etc. » Verum cum adeo in dies magis magisque increbescerent Isaurorum incursus: fac-

¹ Theod. hist. sanct. Patr. c. 8. — ² Sozom. l. vii. c. 1.

³ Chrys. ep. vi. — ⁴ Chrys. ep. xv. — ⁵ Chrys. ep. cxxx.

tum est, ut quibus custodia Joannis mandata erat, rati minus tutum locum esse Cucusum; cum ex-gisset (ut ait Palladius ¹) ibi annum, in Arabissum magis munitum Armeniæ oppidum, ipsum non sine magno periculo transferrent: ejus quidem peregrinationis periodum ex verbis ejusdem Chrysostomi hæc ipsa scribentis ad Elpidium ² episcopum hic reddamus:

6. « Neque enim, inquit, certo nullo loco defixi sumus; verum nunc Cucusum, nunc Arabissum, nunc voragines, atque deserta loca circumimus. Usque adeo cuncta tumultibus ac perturbatione plena sunt, flammamque et ferrum tam corpora, quam ædificia omnia conficit. Ac jam etiam urbes una cum viris omnibus funditus excisæ atque eversæ sunt; novisque quotidie rumoribus percussi, sedes mutamus; grave quoddam ac novum exilii genus perpetientes, mortemque in dies expectantes. Nam ne castello quidem perinde atque careere nunc inclusi, fidentis animo esse possumus; propterea quod Isauri hujusmodi arces obsidere non dubitent. Ad quas molestias etiam gravis morbus accessit: cuius nunc ægre acerbitate depulsa, reliquias adhuc circumferimus ». Hæc ad Elpidium. Quibus conjunge quæ ad Theodorum diaconum idem in hæc verba conscripsit ³: « Obsidio nostra in dies ingravescit; atque in hac arce, tanquam in laqueo, decidemus. Quippe jam etiam intempesta nocte, præter spem omnem et expectationem, trecentorum Isaurorum agmen oppidum percursavit, pæneque nos cepit. Verum Dei manus confestim eos, nobis etiam nihil tale sentientibus, hinc avertit: ita ut non modo periculo, sed periculi metu vacui essemus: ortaque die tum denique quod configerat, resciverimus ». Hæc ibi: sed et ad Nicolaum presbyterum, quæ Arabissi pateretur, pluribus narrat ⁴. Scripsit inde et ad alios amicos; prolixiorum vero Epistolam ⁵ ad Olympiadem, ubi et ad finem hæc de Pelagio recens emergente hæresiarcha:

7. « De Pelagio monacho magno dolore affectus sum. Cogita igitur, quot quantisque coronis digni sint qui forti animo in acie steterunt; cum viros tam pie ac sanctæ tantaque cum tolerantia viventes, abripi, atque in fraudem impelli videamus ». Ex his quidem probe intelligere possumus, hoc potissimum anno Pelagium in Oriente diu in vestitu ovine pellis delitescentem, velatumque hypocrisi, jam qualis intus erat, ab aliquibus lupum fuisse detectum: cum tamen ipse versipellis, instar Protei, ne qualis esset, impius deprehendi posset, diversas sæpe ex pietate formas compositas superinduceret. Innotuit autem in primis nonnullis Egypti monachis, penes quos diutius versatus est. Ad hunc Isidorus ⁶ Pelusiota jam factum instabilem, et instar Cain vagum super terram ista conscripsit:

8. « Cani ⁷ effusi sunt in Ephraim, et ipse igno-

ravit: viliosis nimirum afflictionibus juvenescens. Eodem modo tibi quoque ingens annorum turba canitiem inexit; et tamen rigidum atque inflexum animum habes, ex alio monasterio ad aliud subinde migrans, atque omnium mensas perscrutans et explorans. Quamobrem si tibi carni nidor, atque obsoniorum condimentum curæ est: iis qui inagistratus gerunt, potius blandire, atque urbium caninos vestiga. Neque enim homines eremite facultates eas habent, ut te, quemadmodum tibi gratum est, excipere valeant ». Hæc ad Pelagium monachum vagum Isidorus. At vagationis Pelagii haud putamus causam fuisse popinas absumendi, sed pateram venenate hæresis propinandi: sed de eo suo loco pluribus: hæc autem occasione Chrysostomi Epistole hoc anno Arabissi datæ, obiter meminisse satis. Jam vero ad ipsum Joannem ibidem agentem exulem redeamus.

9. Scribens ad Olympiadem, mittere se ait lucubrationem a se elaboratam Chrysostomi; quo ipsius in afflictione positus animus non obruatur molestiis, sed desuper tanquam penius quibusdam extollatur, et optimum inde sibi ipsa remedium parare queat: ait enim ¹: « Mitto ad te, id quod nunc litteris mandavi, nempe: Eum qui seipsum non læserit, a nemine alio lædi posse. Hoc quippe contendit, atque in eo versatur ea oratio, quam nunc ad te mitto²: quare fac eam assidue pervolvias, imo etiam, si per valetudinem licet, recites. Id enim pharæum (si quidem volueris) tibi sufficit ». Hæc ipse. Est autem ea scriptio, tractatus ille Chrysostomi, cujus est titulus ³: « Quod nemo læditur, nisi a se ipso »: cui inconsulte præfigitur inscriptio Homiliæ: cum nequaquam ea tractatio in Ecclesia ad populum habita sit, sed opus in cubiculo elaboratum, ac posteris scriptorum monumentis traditum: et quidem hujusmodi, ut ipsum solum satis esse possit ad absolutissimum philosophum efformandum: novissimum sane tanti patris partus, quem dolore conceptum, morte etiam nobili consecravit: unde eum jure quis appellet « Beconi » ⁴ filium nempe doloris; sed ipse Benjamin magis proprie dicendum putavit, videlicet dexteræ filium; utpote qui efficacissimus sit, quemlibet afflictionum abyso submersum consolatione erigere, atque spirituali lætitia super cælos efferre; ac proinde dignissimus qui semper præ manibus habeatur, utpote dulcissima tanti patris ultima verba.

10. Qui igitur pro ratione scriptorum, quibus alios ad sublimem philosophiæ verticem elevavit, se ipsum ad numeros eosdem composuit, licet innumeris premi videretur angustiis: his omnibus eminentius evolans, aliorum longe licet absentium prospiciebat incommodis. Ilinc enim Arabisso contemplatur eam, quæ in Phœnicia erat Ecclesia, ex Gentilibus ad fidem haud pridem collecta, de qua superius mentio facta est. Ei enim ministris ingenti ac sumptibus, datis ad amicos litteris, consu-

¹ Pallad. dial. de reb. Joan. Chrys. — ² Chrys. ep. cxxxii. — ³ Idem ep. cxxxv. — ⁴ Idem ep. lxi. — ⁵ Idem ep. iv. — ⁶ Isid. l. i. ep. cccxii. — ⁷ Osee vii.

¹ Chrys. ep. iv. — ² Extat tom. v. — ³ Genes. xxxv.

lere in omnibus, quibus opus haberet non prætermisit. Ad hæc namque spectant diversæ ipsius Epistolæ ¹ ad diversos date, quas hic tantum tibi notasse satis : si velis, perlegere ipse poteris : ea quidem curat (ut ipse testatur ²) cum Cucusi moraretur, et cum postea Arabissum translatus est.

11. Sed et Gothorum Ecclesiæ viduante pastore propensiorum tunc curam gerebat : de qua inter alia ad Olympiadem ista habet ³ : « Narraverunt mihi Marsi et Gothi monachi, apud quos Serapion episcopus perpetuo delitescerebat, Moduarium diaconum venisse, illud afferentem, eximium illum virum Uvilam, quem non ita pridem episcopum creavi, atque in Gothiam misi, multis ac magnis rebus gestis, diem suum extremum clausisse ; ac regis Gothorum litteras attulisse, quibus, ut ad eos episcopus mittatur, petit, etc. » rogat ipse ut enret differri negotium, ne per adversarios id fieret, quos sciret illis fore præfecturos immeritum penitus hominem, et multorum criminum reum ; sperans, si liberaretur opportunitati illorum se optime consulturum. Vides plane (non ut plerique tradunt, adversus quos superius disseruimus) nequaquam Gothorum Ecclesiam omnem Arianorum esse labe fœdatam. Constat sane Golthos illos exiisse Catholicos, qui a Joanne Chrysostomo et petenter, et accipere sacros antistites.

12. Sed et prospexisse ipsum indigenarum egestati, quamvis exul esset et peregrinus, auctor est Sozomenus, dum ait ⁴ : « Joannes porro postquam in exilium ejectionis fuit, etiamnum clarior evasit. Nam cum pecuniarum haberet copiam, quas et alii multi afferebant, et Olympias illa ministra mittebat, multos captivos ab Isauris redimebat, ac suis restituebat ; multisque egenis necessaria suppeditabat. Quibus autem pecuniis opus non erat, eos oratione sibi conciliabat : eralque perquam carus Armenis, apud quos agebat, et eorum finitimis : ac multum Antiochia, tum ex reliqua Syria ad ipsum frequentabant ». Hæc Sozomenus.

13. *Romanum Concilium, ex quo legatio in Orientem, cum Epistolis Honorii et episcoporum.* — At quid Romæ hoc anno in causa ipsius Joannis actum sit, hæc tantum habes ex Theodoro Romanæ Ecclesiæ diacono ⁵ : « Congregati Italiæ episcopi imperatorem orant, ut scriberet Arcadio fratri suo, ut juberet Thessalonice Concilium fieri, quo facilius possent una utraq; partes Orientis Occidentisque concurrere : addentes, perfectam Synodum non numeri quantitate, sed qualitate certam et irrefragabilem laturam forte sententiam. His inflammatus imperator episcopo quidem Romano scribit, ut mittat episcopos quinque, presbyteros duos Romanæ Ecclesiæ, diaconum unum, qui ipsius ad fratrem Arcadium Epistolas ferrent. Erat autem hic tenor Epistolæ :

14. « Tertio jam scribo ad mansuetudinem tuam, orans ut quæ contra Joannem episcopum Constantinopolitanum maligne gesta essent, corrigeret. Verum id hactenus (ut video) factum non est. Quocirca rursum per sanctos episcopos, et presbyteros scribo, pacis Ecclesiasticæ avidus, et ingenti cura sollicitus (pacatis enim Ecclesiis, imperio quoque nostro pax provenit) ut episcopos Orientales iubeas Thessalonicæ convenire. Nosti quippe, quod Occidentales episcopi electos viros miserunt severæ constantiæ, et qui neutram in partem inclinentur amore vel odio, episcopos quinque, presbyteros Romanæ Ecclesiæ duos, unumque diaconum. Quos ut cum omni honore suscipias, quaeso. Ut, si quidem illis persuasum fuerit, Joannem juste fuisse expulsum ; doceant me ab ejus communione decedere. Sin autem deprehenderint, sponte malignatos Orientis episcopos ; ab illorum te itidem communione secernant. Quænam vero sit Occidentalium de episcopo Joanne sententia, ex omnibus ferme Epistolis constat, quas ad me frequentes dederunt. Ex his duas, idem continentes quod reliquæ, subditi, scilicet Romani, et Aquileiensis episcopi. Hoc autem ante omnia de tua mansuetudine postulo, ut Theophilum Alexandrinum, invitum etiam adesse præcipias ; per hunc enim mala omnia emersisse memorantur : ut advenientium episcoporum Synodus, in nullo impedita, congruam temporibus nostris afferat pacem ». Hactenus Epistola Honorii ad Arcadium. Subdit his vero Theodorus :

15. « Acceptis igitur sancti viri Æmilii, et Cythegii, et Gaudentii episcopi una cum Valentino Bonifacioque presbyteris, imperatoris Honorii, et papæ Innocentii, et Italiæ episcoporum Chromatii Aquileiensis, et Venerii Mediolanensis ac reliquorum episcoporum Epistolis, una et communitorio Concilii totius Occidentis, conditionibus publicis Constantinopolim concessere. Erat communitorium hujusmodi : Non oportere Joannem judicium aggredi, nisi prius Ecclesia communioque redderetur ; ut omni dilationis occasione sublata, sua sponte Concilium ingredi posset ». Hæc Theodorus. Quid autem acciderit legatis his post hæc in via, vel cum Constantinopolim pervenerunt : quoniam adventus illorum contigit, postquam Arsacio pseudoeπισcopo defuncto, successit est in locum ipsius Atticus ; de eo suo loco dicturi sumus. Quamquam autem civitatum legati missi episcopi fuerint, non exprimitur ; verum apud Metaphrastem Æmilii dicitur Beneventanus antistes. Cæterum etsi hoc anno, ex consilio Patrum, legatio ad Orientem decreta est : haud tamen missa, nisi transacta hieme, cum jam (ut diximus) non amplius Arcadium, sed Atticum ejus successorem invenerunt eidem substitutum.

16. Quod vero Theodorus affirmat, eosdem legatos a Romano Concilio missos, non solum Innocentii papæ et Honorii imperatoris, sed aliarum sedium in Italia episcoporum secum litteras attulisse : constat quidem eosdem omnes non pacificis tantum lit-

¹ Chrys. ep. LI. LII. LIV. LV. LXIX. CXXIII. CXXVI. — ² Chrys. ep. CXXIII. — ³ Chrys. ep. LXIX. — ⁴ Sozom. l. VIII. c. 27. —

⁵ Apud Pallad. dial.

teris, sed etiam communicatoris, vel formati, cum Joanne Chrysostomo communicasse : quæ quidem litteræ minime reperiuntur : sed id intelligitur ex his, quæ ad hos ipsos datæ extant, Epistolis S. Joannis Chrysostomi, ut inter alios ad Chromatium episcopum¹ Aquileiæ, quibus gratias agit pro sedulo ac diuturno in causa sua ipsius impenso officio. Desiderabatur vero inter Chrysostomi Epistolas ea tunc temporis ab ipso ad Venerium Mediolanensem episcopum scripta : quam nos ex codice Vaticano acceptam a pie memoriæ Guilielmo Syrele Cardinali Bibliothecario (quod nondum typis tradita habeatur) hic tibi reddendam curavimus : sic vero se habet ipsius titulus :

17. *Joannis Epistolæ ad episcopos Occidentales, præsertim ad Venerium Mediolanensem et Aurelium Carthaginensem.* — « Sancti patris nostri Joannis archiepiscopi Constantinopolis Chrysostomi Epistola ad Venerium episcopum Mediolanensem.

« Fortem vestrum et virilem animum, itemque et veritatis vindicandæ fiduciam, et prædicandæ libertatem, tametsi vel antea cuncti cognoverant : fecit tamen temporum conditio, ut ipsa quoque appareat summa fraterna benevolentia, et charitas, et pietas, ac frequens commiseratio, et diligens denique procuratio vestra Ecclesiarum. Nimirum uti vel in mari gubernatorem, qui sit optimus, magnæ tempestates, vel in corporibus peritissimum medicum morbi difficillimi ostendunt : ita qui ad studium pietatis vitam omnem comparavit, quique animi magnitudine præcellat, facile rerum declarant asperitates et temporum. Quod sane cum accidit jam vobis, tum vero pro parte vestra probe omnia directæ, nec quicquam prætermisimus. Sed quoniam homines, qui istas et pariunt perturbationes, et pepererunt, eo pervenerunt pravitatis, ut non modo non defungi prioribus, sed certare etiam cum iis conentur : moneo vos atque hortor universos, ut prompte animum valentissimum adhibeatis, neque istud dissolvi tantum studium patiamini. Quin intendite magis, etiam si mille accendant difficultates. Etenim qui sudoribus atque ærumnis pluribus magnum aliquid et homine generoso dignum obierint, majora illi præmia consequuntur, quam qui facile et nullo negotio idem confecerint. Siquidem unusquisque (quod beatus inquit Paulus) tantum mercedis accipiet, quantum laboris exantlarit. Quamobrem minime ista vobis diutina fatigatio causam afferat desperandi ; verum potius ipsum deus excitet. Nam quo gravior ad tentationem sit accessio, eo auctior erit ad coronas adjunctio, affluentque amplius vobis debita certaminum præmia honestorum ». Haecenus Chrysostomi Epistola ad Venerium. Extant et aliæ complures ad Occidentales episcopos datæ a Joanne litteræ, quin etiam et ad Aurelium episcopum Carthaginensem², cui cum

Catholica Ecclesia communicationis fœdere jungebatur : sunt illæ quidem perbreves, et memoria utriusque dignæ quæ hic describantur :

18. « Pape ! quanta res est generosus animus atque charitatis ac pietatis fructibus abundans ! Quippe cum ipse tanto itineris intervallo a nobis dissitus, tanquam præsens ac nobiscum degens, nos ceperis, tibi que devinxis. Siquidem charitatis tuæ ardor, eaque odoris suavitas, quæ ex tua loquendi libertate ac pietate manat, ad nos usque, qui in extremo orbis recessu collocati sumus penetravit. Ac propterea ingentes tibi gratias agimus. Propterea, inquam, te beatum prædicamus, quod cum magnum laborem ac sudorem pro omnibus orbis terræ Ecclesiis susceperis, maximas tibi apud benignum Deum coronas condidisti. Teque hortamur atque obsecramus, ut in hoc præclaro certamine perseveres. Neque enim te fugit, quantum hinc præmia oriantur. Nam si quispiam unum aliquem injuria affectum, ac præter jus læsum sublevans, mercedem sermonem præstantiorem a Deo obtinet : cogites velim, quantum ipse præmium accepturus sis, qui tot Ecclesias perturbatas per egregium hujusmodi studium ac diligentiam tumultibus ac perturbatione liberes, atque in tranquillum pacis portum appellere studeas ». Hucusque Epistola ad Aurelium : omittimus referre alias ejusdem ferme argumenti ad alios Occidentales episcopos ab ipso Joanne conscriptas.

19. *Inimicus periculum universalis schismatis.* — Ex his perspicuum est, una cum Romano Pontifice Occidentalis Ecclesie episcopos omnes, etiam transmarinos, pro restitutione Joannis Chrysostomi laborasse ; Orientales vero, exceptis illis qui erant communicationis Joannis, contrario plane studio obnitos esse : adeo ut in magno periculo Catholica Ecclesia versaretur, ne schismate Oriens dirimeretur ab Occidente. Id quidem est, quod ipse scribit Chrysostomus ad Arabum³ : « Scitis enim (perspicue, inquam, scitis) omnia tumultibus ac perturbatione plena esse, nec pro Constantinopolitana tantum urbe, sed pro universo terrarum orbe preces fundendas esse : quandoquidem malum initio hinc ducto, pestiferi ejusdem profluvii instar effusus, per universum terrarum orbem Ecclesias pervastat ». Haec ipse. Inter Orientales autem qui Joannis causam amplectati essent, Anysius erat Thessalonicensis episcopus, et alii antistites Macedoniæ, qui Occidentalibus ad patrocinium ipsius Chrysostomi se conjunxerunt : ad quos extat ejusdem Joannis Epistola⁴. His quoque pro eodem Joanne junctus erat Alexander Corinthiorum episcopus, ut ad eum ejusdem Chrysostomi datæ litteræ⁵ fidem faciunt.

20. *Arsacii obitus.* — Dum hæc igitur agerentur, contigit intrusum pseudoepiscopum, inveteratum dierum malorum, Arsacium hac vita defungi : mortuum quidem illum hoc anno, tertio idus No-

¹ Chrys. ep. CLV. — ² Chrys. ep. CXLIX.

³ Chrys. ep. CXXI. — ⁴ Chrys. ep. CLXIII. — ⁵ Chrys. ep. CLXIV.

vembris, cum annos vltæ exegisset octoginta et unum, auctor est Socrates¹, cum hæc ait : « Arsacius non diu illum gessit episcopatum : nam sequenti anno ad secundum consulatum Stiliconis et Anthemii (est hic præsens annus) tertio idus Novembris morlem obiit ». Vacavit autem ea sedes usque ad sequentem annum, cum creatus est Atticus, de quo suo loco dicendum.

21. *Querelæ ad imperatorem delatæ de Donatistarum violentiis in Catholicos.* — Jam vero ad res Africanæ Ecclesiæ hoc anno gestas styllum admoveamus. Vidimus ante superiori legationem ad Honorium imperatorem ex Concilio Carthaginensi fuisse decretam, qua rogantur, legibus a Theodosio ante sanctis cobiheri debere perfidos Donatistas, qui publicis conventionibus a Catholicis episcopis invitati ad conferendum de rebus inter se olim antiquis quæstionibus agitis, non tantum resiliunt, sed diversas clades adversus plerosque Catholicos episcopos atque eorum Ecclesias intulissent. Porro in præsentem annum legatorum ad comitatum profectio dilata est : sed antequam iidem imperatorem adierint, private episcoporum querelæ præcurrerant, et inter alias Maximiani Bagaïensis episcopi Catholicæ communicationis. Quenam hæ fuerint, S. Augustinus in Epistola ad Bonifatium declarat his verbis² :

22. « Jam enim nos præveniant ex aliis locis quædam episcoporum querelæ gravissimæ, qui mala fuerant ab ipsis multa perpessi, et a suis sedibus exturbati : præcipue horrenda et incredibilis cædes Maximiani episcopi Catholici Ecclesiæ Vagiensis (Bagaïensis) effecit, ut nostra legatio jam quid ageret, non haberet. Jam enim lex fuerat promulgata, ut tantæ inhumanitatis hæresis Donatistarum, cui crudelius parci videbatur, quam ipsa sævebat, non tantum violenta esse, sed omnino esse non sineretur impune : non tamen supplicio capitali, propter servandam etiam circa indignos mansuetudinem Christianam, sed pecuniariis damnis propositis, et in episcopos, vel ministros eorum exilio constituto. Supradictum quippe episcopum Vagiensem (Bagaïensem), quoniam apud ordinarium iudicem, dicta inter partes sententia, obtinuerat basilicam, quam illi, cum Catholica esset, invaserunt ; stantem ad altare, irruentes horrendo impetu et furore crudeli, fustibus, et hujusmodi telis, lignis denique ejusdem altaris effractis, immaniter ceciderunt ; pugione etiam percuesserunt in inguine : quo vulnere sanguis effluens cum exanimem redderet, nisi ei ad vitam major sævitia eorum profuisset.

23. « Nam cum graviter sauciatus per terram insuper traherent, exundanti venæ pulvis obstruens sanguinem obtinuit, cujus effusioneibat in morlem. Deinde cum ab eis tandem relictum nostri cum psalmis auferre tentarent : illi ira ardentiore succensi, cum de portantium manibus abstulerunt, male mulctatis fugatisque Catholicis, quos ingenti

multitudine superabant, et facile sæviendo terrebant. Inde in quamdam turrem levatum, jam defecisse arbitantes, cum ille adhuc viveret, abjecerunt. Sed quodam molli aggre exceptus esset, a quibusdam nocte transeuntibus per lucernam conspectus, agnitus, atque collectus, et ad religiosam domum apportatus, adhibita magna cura, post multos dies, cum ab illa desperatione recreatus esset, occisum eum tamen fama scelere Donatistarum etiam trans mare nuntiaverat. Quo postquam venit, et vita ejus inopinatissima apparuit, cicatricibus suis tam multis, tamque ingentibus, tam recentibus, non frustra fama mortuum se nuntiasse monstravit. Auxilium ergo petivit ab imperatore Christiano, non tam sui ulciscendi causa, quam tuenda Ecclesiæ sibi creditæ. Quod si prætermisisset, non ejus fuisset laudanda patientia, sed negligentia merito culpanda ». Hactenus de Maximiano Augustinus ad Bonifatium : agit de his etiam alibi sæpius : nam et in Collatione diei tertiæ¹ dixisse tunc Catholicos tradit, in eadem Bagaïensi civitate basilicam a Donatistis incensam fuisse et in ignem injectos esse sacros codices. Eadem quoque de Maximiano refert idem Augustinus, cum contra Cresconium agit, ubi et in memoriam revocat aliud facinus Donatistarum : quibus omnibus Honorium nova edita sanctione ipsos Donatistas exagitasse tradit, dum ait² :

24. « Omitto, ante quanta commiserunt, quibus easdem leges adversus vestrum constitui coegerunt, magis Christiana mansuetudine temperatas, quam in tam magna scelera vi congrui vigoris exertas. Episcopus Catholicus a Thubursicubure, Servus nomine, cum inusum a vestris locum repeteret, et utriusque partis procuratores proconsulare præstolarentur examen : repente sibi in opido memorato, vestris armatis irruentibus, vix vivus aufugit. A quibus pater ejus presbyter atale et moribus gravis, ea cæde, qua vehementer afflictus est, post dies paucos excessit et vita ». Hæc Augustinus. Ista autem omnia perlata sunt ad imperatorem, antequam legati a Concilio missi ad ipsum Honorium pervenirent, ut idem S. Augustinus in dicta Epistola ad Bonifatium tradit, testaturque in litteris ad Januarium his verbis³ : « Ex Concilio autem nostri episcopi legatos ad Comitatum miserunt, qui impetrarent, ut non omnes episcopi et clerici partis vestre eadem condemnatione decem fibrarum auri, quæ in omnes hæreticos constituta est, tenerentur ; sed hi soli, quorum in locis aliquas a vestris violentias Ecclesiæ Catholica pateretur. Sed cum legati Romam venerunt, jam cicatrices episcopi Catholici Vagitani (Bagaïtani) horrendæ ac recentissimæ imperatorem commoverant, ut leges tales mitterentur, quales et misæ sunt ». At quanam istæ ? Illud in primis accipe, secundum diversa libelli accusationis capita diversas ab eodem imperatore editas sanctiones.

¹ Aug. in Brevic. collat. diei III. c. 11. — ² Aug. cont. Crescon. I. III. c. 43. — ³ Aug. ep. VI.

¹ Socr. I. VI. c. 18. — ² Aug. ep. L.

25. *Diversæ Honorii leges contra Donatistas ex quibus maxima facta accessio ad Catholicam unitatem.* — Quoniam vero (uti vidimus ante superiorum annum) datum erit Crispino Donatistarum Calamensi episcopo fuit, quod rebaptizasset, vi adhibita, colonos agri Fiscalis : adversus huiusmodi scelus imperator generalem ejusmodi edidit sanctionem, quam mendosam nonnihil habet Codex Theodosianus, datam hoc anno, die duodecima Februarii, quæ sic se habet ad Hadrianum P. P. ¹ :

« Adversarios Catholicæ fidei extirpare hujus decreti auctoritate exproximus : ideoque interdiciendum specialiter eam sectam, nova constitutione censuimus, quæ cum hæresis vocaretur, appellationes schismatis præferebat. In tantum enim sceleris progressi dicuntur ii, quos Donatistas vocant ; ut baptisma sacrosanctum, mysteriis recalcatis, temeritate noxia iterent ; et homines semel (ut traditum est) munere divinitatis ablutos, contagione profanæ repetitionis infecerint. Ita contigit ut hæresis ex schismate nasceretur. Inde male credulas mentes ad spem secundæ indulgentiæ blandus error invitat. Facile est enim persuadere peccantibus veniam prius præstitam denuo posse præstari : quæ si concedi iterum eodem modo potest, non intelligimus cur tertio denegetur. Hi vero et servos vel homines juri proprio subditos iterati baptismatis polluant sacrilegio. Quare hac lege sancimus, ut quisquis post hæc fuerit rebaptizasse detectus, iudici, qui provincie præsidet, offeratur ; ut facultatum omnium publicatione mulctatus, inopie pœnam, qua in perpetuum afficiatur, expendat. Ita ut filiis eorum, si a paternæ societatis pravitate dissentiant, ea quæ fuerint paterna, non percant ; ut si ipsos forsitan sævitas paternæ pravitas in judicantis ac reverentiæ ad Catholicam religionem maluit, adipiscendorum his honorum copia non negetur.

26. « Ea præterea loca, seu prædia, quæ feralibus sacrilegiis deinceps constiterit præbuisse secretum, fisci viribus applicentur ; si tamen dominus aut domina, aut præsens forte fuisse, aut consensum præstitisse probetur, quos quidem iusta (juxta) etiam præsentiam notavit infamia. Si vero his nesciis, per conductorem procuratoremve eorum in domo agitatum huiusmodi facinus comprobatur ; præiudicio a prædiorum publicatione suspensio, impliciti sceleris auctores coerciti plumbo, exilium, in quo omnis vitæ suæ tempore afficiantur, accipiant. Ac ne forsitan sit liberum, conscientiam picularis perpetrati intra domesticos parietes silentio celare secreto : his qui forsitan ad rebaptizandum cogentur, refugiendi ad Ecclesiam Catholicam sit facultas : ut ejus præsidio adversus hujus criminis et societatis auctores attributa libertatis præsidio defendantur : liceatque his sub hac conditione fidem tueri, quam extorquere ab invitis domini tentaverint : nec assertores dogmatis Catholici, ea qua cæteros qui in potestate sunt positi, oportet ad facinus lege cons-

tringi ; et maxime convenit, omnes homines sine ullo discrimine conditionis aut status infusæ cælitus sanctitatis esse custodes. Sciant ii vero qui a supradictis iterare baptismata non timent, aut qui consentiendo hoc facinus propria hujus societatis perimitione damnaverint, non solum testandi sibi, verum adipiscendi aliquid sub specie donationis, vel agitandorum contractuum in perpetuum copiam denegatam, nisi prave mentis errorem reverendo adversus fidem consilio emendatio correxerit. Illos quoque par nihilominus pœna construet, qui memoratorum interdictis cætibz, seu ministeriis præbuerint conniventiam : ita ut moderatores provinciarum, si in contemptum sanctionis huiusmodi consensum putaverint commodandum, sciant se viginti libris auri mulctandos : officia etiam sua simili condemnatione subjuganda : principales vel defensores civitatum, nisi id quod præcipimus, fuerint executi, vel his præsentibus Ecclesiæ Catholicæ vis fuerit illata, eadem mulcta se noverint attingendos. Dat. prid. idus Feb. Ravennæ, Stilicone II et Anthemio cons. » Hactenus sanctio ad prohibendum scelus a Crispino Calamensi perpetratum (ut vidimus) in colonos.

27. Qua die hæc etiam tam adversus Manichæos, quam Donatistas, ab eodem imp. sancita habentur ¹ : « Nemo Manichæum, nemo Donatistam, qui præcipue (ut compertimus) furere non desistunt, in memoriam revocet. Una sit Catholica veneratio : una salus sit : Trinitatis par sibi congruens sanctitas expetatur. Quod si quis audeat interdictis sese illicitisque miscere ; et prætorum innumerabilium constitutorum, et legis nuper a mansuetudine nostra prolata, laqueos non evadat. Et si turbæ forte convenerint seditionis concitato aculeo acrioris commotionis non dubitet exerendos. Dat. prid. idus Feb. Rav., Stilicone II et Anthemio cons. » Præcessisse hanc putamus illam speciatim de auraria mulcta inferenda, de qua superius S. Augustinus meminit. Existimamus, ante has omnes, de iudicio episcoporum Christiano imperatore dignam eundem Honorium edidisse sanctionem, qua vetuit ne iudicio episcoporum damnati episcopi turbas misceant : hæc namque ipse prid. non. Februarii : mense vero Martii hæc rescripsisse hoc anno ad Diolimum proconsulem Africæ reperitur ² :

« Edictum, quod de unitate per Africanas regiones clementia nostra direxit, per diversa proponi volumus : ut omnibus innotescat, Dei omnipotentis unam et veram fidem Catholicam, quam recta credulitas confitetur, esse retinendam. Dat. III non. Martii, Raven., Stilicone II et Anthemio cons. » Rursum vero ad eundem proconsulem hæc mense Decembris ³ :

28. « Donatistæ superstitionis hæreticos, quocunque loci, vel fatentes, vel convictos, legis tenore servato, pœnam debitam absque dilatione persolvere

¹ L. IV. de sanct. bapt. reit. C. Theod.

² L. XXXVIII. de hæret. C. Theod. — ³ L. XXXIX. de hæret. C. Theod.

decernimus. Dat. VI idus Decemb. Raven., Silicone et Anthemio coss. » Porro illa sanctio de expressa multa auraria decem librarum persolvenda desideratur. Certe quidem his legibus (ut videmus) vetitum fuisse Donatistas testamento vel donatione accipere, contractusque emptionis et venditionis celebrare, atque exilium eisdem fuisse indictum, S. Augustinus in Epistola ad Vincendum Donatistam ostendit, cum ait :

29. « Ita sane huic provisioni contradicere debui, ne res, quas dicitis vestras, perderetis, et securi Christum proscriberitis : ut jure Romano testamenta conderetis ; et jure divino patribus conditum testamentum, ubi scriptum est¹ : In semine tuo benedicuntur omnes Gentes, calumpniis criminatationibus rumperetis : Ut in emptionibus et venditionibus liberos contractus haberetis, et vobis dividere, quod Christus emit venditis, auderetis : Ut quod quisque vestrum cuiquam donasset, et quod donavit Deus deorum a solis ortu usque ad occasum, vocatis filiis non valeret : Ut de terra corporis vestri in exilium non mitteremini, etc. » Hæc de legibus Augustinus, utilitatem earum exprobrans illis.

30. Secuta quidem est ex sententia unitas ; non ita tamen, ut Donatistæ omnes ad Catholicam sint reversi Ecclesiam, remanentibus eorum aliquibus obstinatiores, quos nec ratio, nec metus correxil ; de quibus merito illud dicendum fuit² : Nemo corrigit, quem Deus desperavit ; reliquis tamen ad Catholicam communionem legum timore se conferentibus. Quantum autem emolumentum Catholicæ unitati istarum severitas legum attulerit, ex S. Augustini diversis locis satis compertum redditur, potissimum vero in Epistola ad Vincendum³ ubi pluribus disputat, bene consuli schismaticis et hæreticis, si legum severitate ad Catholicam Ecclesiam redire compellantur : atque in primis hæc ait : « De multorum jam correctione gaudemus, qui tam veraciter unitatem Catholicam tenent atque defendunt, et a pristino errore se liberatos esse lætantur ; ut eos cum magna gratulatione miremur, qui tamen nescio qua vi consuetudinis, nullo modo mutari in melius cogitent ; nisi hoc terrore percussi, sollicitam mentem ad considerationem veritatis intenderent » : et inferius :

31. « O si possem tibi ostendere ex ipsis Circumcellionibus quam multos jam Catholicos manifestos habeamus, damnantes suam pristinam vitam et miserabilem errorem, quo se arbitrabantur pro Ecclesia Dei facere quicquid iniqua temeritate faciebant : qui tamen ad hanc sanitatem non perducerentur, nisi legum istarum, quæ sibi displicent, vinculis tanquam phrenetici ligarentur. Quid illud alterum genus mortis gravissimi eorum, qui turbulentam quidem audaciam non habebant, sed quædam vetusta socordia premebantur, dicentes nobis : Verum quidem dicitis : non est quod respondeatur :

sed durum est nobis, traditionem parentum relinquere. Nonne salubriter regula temporali molestiarum excutiendi erant, ut tanquam de somno lethargico emergent, et in salutem unitatis evigilarent ? Quam multi ex ipsis nunc nobiscum gaudentes, pristinum pondus perniciosi sui operis accusant, et fatentur nos sibi molestos esse debuisse ; ne tanquam mortifero somno, illa morbo veternosæ consuetudinis interirent ». Et post nonnulla⁴ quæ Catholicorum episcoporum fuerit sententia, dum de his in Synodo ageretur, subdit his verbis :

32. « His ego exemplis a collegis meis mihi oppositis cessi. Nam mea quidem primitus sententia erat, neminem ad unitatem Christi esse cogendum ; verbo esse agendum, disputatione pugnandum, ratione vincendum ; ne fictos Catholicos habermus, quos apertos hæreticos noveramus. Sed hæc opinio mea non contradicentium verbis, sed demonstrantium superabat exemplis. Nam primo mihi opposebatur civitas mea, quæ cum tota esset in parte Donati, ad unitatem Catholicam timore legum imperialium conversa est ; quam nunc videmus ita hujus vestræ animositatis perniciem detestari, ut in ea nunquam fuisse credatur : ita aliæ multe, quæ mihi nominalim commemorabantur, ut ipsis rebus agnoscerem etiam in hac causa recte intelligi posse, quod scriptum est² : Da sapienti occasionem, et sapientior erit. Quam multi enim (quod certo scimus) jam volebant esse Catholicæ, manifestissima veritate commoti ; et offensionem suorum reverendo, quotidie differebant. Quam multos non veritas (in qua nunquam præsumpsisti) sed obdurate consuetudinis grave vinculum colligabat ; ut in eis compleretur divina illa sententia³ : Verbis non emendabitur servus durus : si enim et intellexerit, non obediet. Quam multi propterea veram putabant Ecclesiam esse partem Donati, quia eos ad cognoscendam Catholicam veritatem securitas torpidos, fastidiosos, pigrosque faciebat. Quam multis aditum intrandi obserabant rumores maledictorum, qui nescio quid aliud nos in allare Dei ponere iactabant. Quam multi nihil interesse credentes in qua quisque parte Christianus sit, ideo permanebant in parte Donati, quia ibi nati erant, et eos inde discedere, atque ad Catholicam nemo transire colegebat.

33. « His omnibus harum legum terror (quibus promulgandis reges serviunt Domino in timore) ita profuit, ut nunc alii dicant : Jam hoc volebamus : sed Deo gratias, qui nobis occasionem præbuit, jamque faciendi et dilationum morulas amputavit. Alii dicant : Hoc esse verum jam sciebamus, sed nescio qua consuetudine tenebamur : Gratias Domino, qui vincula nostra diripit, et nos ad pacis vincula transtulit. Alii dicant : Nesciebamus hic esse veritatem, nec cam discere volebamus ; sed nos ad eam cognoscendam metus fecit intentos, quo timuimus, ne forte sine illis rerum æternarum

¹ Genes. XXIX. — ² Eccl. VII. — ³ Aug. ep. XLVIII.

⁴ Aug. ib. — ² Prov. IX. — ³ Prov. XIX.

lucris damno rerum temporalium fereremur : Gratias Domino, qui negligentiam nostram stimulo terroris excussit ; ut saltem solliciti quæreremus, quod securi nunquam nosse curavimus. Alii dicant : Nos falsis rumoribus terrebamur intrare, quos falsos esse nesciremus, si non intraremus ; nec intraremus, nisi cogeremur : Gratias Domino, qui trepidationem nostram flagello abstulit, expertos docuit, quam vana et inania de Ecclesia sua mendax fama jactaverit. Hinc jam credimus, et illa falsa esse, quæ auctores hujus hæresis criminati sunt : quando posterì eorum tam falsa et pejora fluxerunt. Alii dicant : Putabamus quidem nihil interesse, ubi sedem Christi teneremus : Sed gratias Domino, qui nos a divisione collegit ; et hoc uni Deo congruere, ut in unitate colatur, ostendit ». Hæc Augustinus.

34. *Ex Concilio Carthaginensi decreta legatio ad Honorium pro gratiarum actione.* — Qualis autem quanlæque facta fuerit ex Donatistis accessio ad Catholicam unitatem, ex ipsis Actis Carthaginensis Synodi hoc anno habite possumus intelligere. Iisdem enim consulibus Stilicone secundum et Anthemio, decimo kal. Septemb. habita est Synodus Carthaginensis, in qua nihil præterea actum reperitur, nisi ut quæ reliqua essent ad perfectam unitatem pertinentia, per legatos quam primum perficerentur ; ageretur publica legatione gratiarum actio de illis, qui relicto schismate ad Catholicam Ecclesiam rediissent ; hæc enim habent ejus Acta reposita in Concilio Africano¹ his verbis :

35. « Ut libera legatio ab omnibus provinciis ad Concilium dirigatur : ad Myzonium legati, et litteræ propter liberam dirigendam legationem, destinari præcepti sunt. Ut quia apud Carthaginem tantum unitas facta est : dentur etiam litteræ ad iudices, ut et in aliis provinciis, et civitatibus operam impendi jubeant unitati : ut gratiarum actiones de Carthaginensi Ecclesia pro universa Africa de exclusionem Donatistarum cum episcoporum litteris ad comitatum mittantur ». Ista quidem cum in Synodo actantur : « Recitate sunt (inquiunt Acta) litteræ papæ Innocentii, ut episcopi ad transmarina pergere facile non debeant : quod hoc ipsum episcoporum sententia confirmatur ». Hæc ibi. Videsne, quantum detulerit Synodus Carthaginensis Romano Pontifici, ut statim revocaret, quod de episcopis ad comitatum legendis statutum erat, generali una admonitione ex Innocentii papæ litteris ? Quamobrem priori revocato decreto, hæc statuunt : « Ut propter gratiarum actionem, et exclusionem Donatistarum, duo clerici Ecclesiæ Carthaginensis ad comitatum mittantur ». Quanta autem Deus contulerit Honorio imperatori, qui tam pia sollicitudine, quæ ad Ecclesiæ unitatem spectabant, curavit, dicemus anno sequenti.

36. Magni quidem momenti unitas ista fuit, cuius causa ad imperatorem pro gratiarum actione in

Synodo decreta legatio est. De qua etiam quæ S. Augustinus scribat ad Bonifacium, audiamus¹ : « Jam vero, inquit, cum ipsæ leges venissent in Africam, præcipue illi qui quærebant occasionem, aut sævitiam furentium metuebant, aut suos verendum ab offensione, ad Ecclesiam continuo transierunt. Multi etiam, qui sola illis a parentibus tradita consuetudine tenebantur ; qualem vero causam ipsa hæresis haberet, nunquam antea cogitaverant, nunquam quærere et considerare voluerant : mox ubi cæperunt advertere, et nihil in ea dignum invenire, propter quod tanta damna palerentur, sine ulla difficultate Catholici facti sunt. Docuit enim eos sollicitudo, quos negligentes securitas fecerat. Istorum autem omnium præcedentium auctoritatem et persuasionem secuti sunt multi, qui nimis idonei erant per seipsos intelligere quid distaret inter Donatistarum errorem, et Catholicam veritatem. Ita enim magna agmina populorum vera mater in sinum gaudens reciperet ; remanserunt turbæ duræ, et in illa peste infelici animositate sistentes. Ex his quoque plurimi simulando communicaverant, alii paucitate latuerunt. Sed illi qui simulabant, paulatim assuescendo, et prædicationem veritatis audiendo, maxime post collationem et disputationem, quæ inter nos et episcopos eorum apud Carthaginem fuit, ex magna parte correcti sunt. In quibusdam vero locis, ubi pertinacior, et impacatior prevaluit multitudo, cui resistere non poterant pauciores, quorum erat melior de communione sententia, aut turbæ auctoritatis paucorum potentiorum subdita in malam partem obtemperavit ; aliquanto diutius laboratum est.

37. « Ex his sunt in quibus adhuc laboratur : in quo labore multi Catholici, et maxime episcopi et clerici, horrenda et dura perpessi sunt, quæ commemorare longum est : quando quorundam et oculi extincti sunt, et ejusdam episcopi manus et lingua præcisa est, nonnulli etiam trucidati sunt. Taceo crudelissimas cædes, et domorum deprædationes per nocturnas aggressiones, et incendia non solum privatorum habitaculorum, verum etiam Ecclesiarum : in quas flammæ non defuerunt qui et codices Dominicos mitterent. Sed nos hujusmodi afflictos malis consequens consolatio est fructus. Nam ubicumque a perditis ista commissa sunt, ibi ferventius atque perfectius unitas Christiana profecit, et uberius laudatur Dominus, qui donare dignatus est, ut servi ejus passionibus suis lucrarentur fratres suos, et oves ejus, mortifero errore dispersas, in pacem salutis æternæ suo sanguine congregarent ». Hæc Augustinus de unitate hoc anno cæpta, et majoribus in dies incrementis propagata. De crudelitate autem illorum Donatistarum, qui respiscere noluerunt, agit idem Augustinus in Epistola ad Jannarium et aliis in locis : nos vero de illis suo loco inferius.

38. *Pammachii studium pro conversione Do-*

¹ Conc. Afr. c. 61.

¹ Aug. ep. L.

natistarum. — Enituit in huiusmodi unitate faciendi etiam studium Pammachii Romani civis ac senatoris amplissimi, qui possidens in Numidia latifundium, in quo cum essent coloni omnes Donatistae, iidemque pertinacissimi; ita operatus est, ut cunctos reddiderit, relicto schismate, Orthodoxos, cuius magni lucri causa S. Augustinus illi gratulans, egregiam scripsit Epistolam, in qua haec inter alia¹: « In cuius charitate (Christi nimirum) nisi radicatus esses, non tibi tam dilecta Catholica unitas foret; nec colonos tuos Afros, eo terrarum, unde Donatarum furor exortus est, hoc est, in media consulari Numidia constitutos, tali admoneres alloquio, tanto fervore spiritus animares, ut devotione promptissima ad sequendum eligerent, quod te talem et tantum virum non nisi agnita veritate sequi cogitarent; et tam longe a te locorum intervallis remoti, irent sub idem caput, atque in ejus membris in aeternum secum depularentur, cuius praecepto tibi temporaliter serviunt. In hoc ergo tuo facto te cognitum amplectens, exultavi, ut gratularetur tibi in Christo Jesu Domino nostro, tibi quae has gratulatorias litteras mitterem ». Et post haec: « O quam multorum tecum pariter senatorum, pariterque sanctae Ecclesiae filiorum tale opus desideramus in Africa, de quali tuo laetamur! Sed illos periculosum est exhortari, tibi securum est gratulari ». Haec et alia Augustinus ad Pammachium in Epistola (ut in fine ait) fratribus Romae legatis data. Porro hunc illum esse Pammachium clarissimum senatorem putamus, cui cum S. Hieronymo a prima aetate magna familiaritas ac necessitudo et amicitiae usus intercessit, de quo plura superius.

39. *Vincentio et Cresconio Donatistis eum provocantibus respondet Augustinus.* — Qui autem ad unitatem vocati resiliunt, eorum alii armis in Catholicos desperatione adacti (ut dictum est) grassari coeperunt; alii vero, qui modestiores esse viderentur, scriptis egere, expostulantes nimirum adversus Catholicos, quod egerint legibus imperatorum, ut nolentes licet, pertraherentur ad unitatem. Inter alios autem qui ista jactarent, fuit Vincentius Donatista, qui eo argumento ad S. Augustinum Epistolam scripsit. Sed fortiore ipse Augustinus reddidit Apologiam², egitque de his ad diversos scribens, et inter alios ad Januarium³, et Bonifacium⁴; ad quem post multa eo argumento disputata, calumniam illam confutat, qua iidem Donatistae more suo proscindebant optimam famam Orthodoxorum, dicentes inihiare ipsos bonis eorum. Sed in illos haec Augustinus argute quidem⁵: « Quod autem nobis objiciunt, quod res eorum concupiscamus et auferamus: Utinam Catholici fiant, et non solum quae dicunt sua, sed etiam nostra in pace nobiscum et charitate possideant! Usque adeo autem calumniandi cupiditate caecantur, ut non attendant quam sint inter se contraria quae lo-

quantur. Ipsi certe dicunt, et invidiosissime sibi conqueri videntur, quod eos in nostram communionem violento legum imperio coarctamus. Hoc utique nullo modo faceremus, si res eorum possidere vellemus. Quis avarus quaerit compossestorem? Quis dominandi cupiditate inflammatus, vel fastu dominationis elatus, desiderat habere consortem? » Haec idcirco, quod ex indulgentia (ut dictum est) Romani Pontificis, Donatarum episcopi, qui redire vellent, sinerentur episcopi perseverare, bonisque suis et Ecclesiae Catholicae perfui.

40. Sed et haud post multum temporis eundem sanctum Augustinum compulsum esse scribere adversus Cresconum grammaticum, Donatarum acerrimum defensorem, indicat illis verbis, quibus de Crispino episcopo Calamensi Donatarum agens addit¹: « Et nunc inter ipsas etiam recentissimas leges proscriptionem vestris episcopis comminantes in re propria securus sedeat, etc. » De Cresconio autem sic ipse²: « Grammaticus, etiam quidam Donatista Cresconius, cum invenisset Epistolam meam, qua primas partes, quae in manus nostras tunc venerant, Epistolae Petiliani redargui: putavit mihi esse respondendum, et hoc ipsum scripsit ad me. Cui operi ejus libris quatuor respondi, ita sane, ut tribus peragerem quod universa responsio flagitabat. Sed cum viderem de sola Maximianensium causa, quod suos schismaticos damnaverunt, et eorum aliquos rursus in suis honoribus receperunt, baptismumque ab eis extra suam communionem datum non repetiverunt; responderi posse ad cuncta quae scripsit: etiam quartum librum addidi, in quo id ipsum (quantum potui) diligenter atque evidenter ostendi. Hos autem quatuor libros quando scripsi, jam contra Donatistas leges dederat Honorius imperator ». Hactenus Augustinus: quibus plane intelligas, id ipsum quarto potissimum libro contra Cresconium S. Augustinum conatum esse, quod sua Honorius sanctione; nimirum omnibus reddere exploratum, ipsos Donatistas suis ipsorum tum factis, tum scriptis prorsus convinci, dum quod in aliis, nempe Catholicis, ipsi redarguissent, idem ipsi vehementiori studio perpetrassent.

41. Quod autem ex Catholicorum profectu Cresconius ipse tabesceret, indigne ferens complures Donatarum tum ex predicatione, tum etiam ex Augustini scriptis in dies respicere; inde ille haec in eum mira temeritate scriptis effudit, quae Augustinus³ refert his verbis: « Dicis, quod intoleranda arrogantia credam, me solum terminare posse, quod aliis velut inexpugnabile visum, atque iudici Deo dimissum est: cum paulo superius dixeris, hoc me velle finire post tot annos, post tot iudices et arbitros, quod apud principes, tot disceptantibus litteratis, ab utriusque partis episcopis finiri non potuit ». Ad haec Augustinus respondet inter alia, jam ante causam definitam fuisse iudicio Ecclesiastico,

¹ Aug. ep. CXXXIV. — ² Aug. ep. XLVIII. — ³ Aug. ep. LXVIII. —

⁴ Aug. ep. L. — ⁵ Ibid.

¹ Aug. cont. Crescon. l. III. c. 47. — ² Aug. retract. l. II. c. 26. —

³ Aug. cont. Crescon. l. I. c. 3.

episcoporum vero Orthodoxorum esse studiose invigilare, quoad rectam viam devii perducantur : quantum autem ipsi predicatione profecerint, declarant his verbis ¹ : « Neque, inquit, hoc fit sine fructu, ut existimas. Nam si posses videre quam longe lateque per Africam error ille pervaserit, et quam pauca ejus remanserint, quæque nondum in pacem Catholicam correcta transierint : nullo modo assertorum Christianæ pacis et unitatis infructuosam et inanem arbitrareris instantiam ». Hæc ipse.

42. Cum igitur hand ignoraret Cresconius Augustini opera, impium schisma grave in dies magis in suis dispendium pati : quod non esset quid in ejusdem Augustini scriptis ea de re pervulgatis jure carpere potuisset : dum idem ipse hand animo indagandæ veritatis, sed adversandi prurigne contrariis scriptis altercari niteretur ; eo se miser convertit (quod risu dignum est) homo grammaticus, ut de grammaticis regulis Augustino faceret quæstionem : sed quanam hæc fuerit, ipsum attende ista dicentem ² : « Audi ergo, Cresconi, dum breviter et hoc demonstro, nihil te dixisse per totam Epistolam tuam, quo refelleres meam : nisi forte quod me nomina derivare vel declinare docuisti ; ut a Donato, Donatiano, potius quam Donatistas dicerem : quam tamen Græcam saltem declinationem esse concedis, videlicet, quod ita Donatistæ a Donato, ut Evangelistæ ab Evangelio, nominentur : quo te delectari dicis ; ut vestris Evangelium prædicantibus, a simili mutata sit vocabuli declinatio ». Hæc inter alia in suum Orbiliu[m] infligentem pueris verbera Augustinus : cum graviora ipsi infligi a Demosthene doceat, dum addit : « Si enim Demosthenes clarissimus oratorum, quibus verborum tanta fuit cura, quanta rerum auctoribus nostris : cum tamen ei nonnullam locutionis insolentiam objecisset Æschines ; negavit ille, in eo positas esse fortunæ Græciæ, illone an illo verbo usus fuerit, et an huc an illuc manus porrexerit : quanto minus nos laborare debemus de regulis derivandorum nominum, quando sive hoc, sive illud dicatur, intelligitur sine ambiguitate quod dicimus, quorum non in expositione sermonis, sed in demonstratione veritatis est major intentio ? » Hæc ipse, interquenda in sciolos nostri temporis, a quibus hæreses manavere, nimirum a collegis Cresconii, verborum vitia suggillantibus, novatoribus hæreticis, sine Scriptura divina Theologis, Apostolis sine miraculis, absque vera fide religiosis, ex grammaticis factis statim Evangelii interpretibus, ministris Ecclesiam destrucentibus, censoribus orbis, orbatis mentis oculis. Sed missis his, ad reliquas hujus anni res gestas revocemus orationem.

43. *Acta Concilii primi Toletani.* — Hoc anno celebrata est prima Synodus Toletana, cui ejusmodi titulus præfixus habetur ³ : « Concilium Toletanum primum novemdecim episcoporum, tempore Honorii et Arcadii, Sillicone consule, Patrono episcopo

præsidente, sub die septimo idus Septembris ». Quod vero ad posteriorem potius consulatum Stilliconis, quam ad priorem, atque sub hoc anno eandem Synodum celebratam esse dicamus ; illud magnopere persuadet, quod si sub priore Stilliconis consulatu hanc habitam esse dixerimus, ad tempora usque Anastasii papæ referenda ipsa esset ; quam tamen constat coactam esse sub Innocentio Romano Pontifice, cujus ad Synodum Toletanam data adhuc extat Epistola ⁴. Nec alia quidem sub ipso Innocentio Acta Toleti Synodus reperitur, ad quam idem Romanus Pontifex eam Epistolam dedisse potuerit. Ita quidem nobis necessario sentiendum fuit, antequam comperita habuerimus quæ ex antiquo scripto codice edidit Acta Synodi Toletanæ Ambrosius Morales, vir cum primis doctus et de Eccllesiasticis antiquitatibus rerum Hispanicarum optime meritus ; quibus plane innotescit, superstite adhuc S. Simpliciano Mediolanensi episcopo, primum Concilium Toletanum esse celebratum æra quadringentesima trigesima octava, ac proinde illud ipsum ad priorem Stilliconis consulatum esse referendum, ut ea de re dubitatio nulla supersit. Verumtamen eidem, vel erudito viro res Hispanicas accuratissime prosequenti Joanni Marianæ in eo minime assentiri valeamus, dum Concilium primum Toletanum, quod sub Anastasio papa habitum confitentur, idem esse cum eo, ad quod extant dictæ litteræ Innocentii, existimant, easdemque ab ipso datas in ipso sui Pontificatus ingressu, cum S. Anastasio papæ successit : decepti ambio aliorum errore, ex falsa chronographia annorum sedis Pontificatus Anastasii, qua tradunt eodem anno primi consulatus Stilliconis dictum Concilium celebratum, Anastasiumque defunctum, atque Innocentium subrogatum : Cum tamen certa testificatione majorum, et ex rerum gestarum necessaria deducta temporis ratione superius sit demonstratum, non eo anno sub priore consulatu Stilliconis, anno Domini quadringentesimo defunctum esse Anastasium, anno sui Pontificatus tertio, sed ad quintum pervenisse, suffectumque in ejus locum Innocentium anno salutaris quadringentesimo secundo. Hæc igitur cum satis comperita et explorata se habeant ; quæ ratio patitur, ut unum idemque dicamus esse Concilium Toletanum quod anno tertio Anastasii est celebratum, cum eo ad quod Innocentius papa decretalem Epistolam dedit : quam etsi dixerimus datam esse anno primo ejus Pontificatus, tamen a primo Concilio Toletano anno tertio Anastasii celebrato duorum ferme annorum spatia intercurrunt, cum et certo sciamus ex præscripto sacrorum canonum, quorum sæpe superius mentio facta est, his in anno ad provinciale Concilium episcopos coire consuevisse ; nec sit exemplum, unum idemque provinciale Concilium in annum sequentem esse propagatum.

44. Neque est etiam quod dici possit Concilium Toletanum sub Innocentio idem esse cum illo sub

¹ Aug. cont. Crescon. l. I, c. 5. — ² Aug. cont. Crescon. l. II, c. 4. — ³ Extat. tom. I. Conc.

⁴ Tom. I. Conc. ep. XXIV.

Anastasio celebrato, ex eo quod in ipso quoque de perperam factis ordinationibus actum sit : nam et longe ante primum Concilium Toletanum de iisdem tractatum est a Siricio papa in litteris ab eo datis ad Himerium Tarraconensem episcopum : diu enim multumque ejusmodi in sacris ordinibus corruptio discipline exagitavit Hispaniarum Ecclesias ; adeo ut in schisma ulcus eruperit tempore primi Concilii Toletani, ut verbis istis Patronus episcopus prefatus est, dicens : « Quoniam singuli cœpimus in Ecclesiis nostris facere diversa, et inde tanta scandala sunt, quæ usque ad schisma perveniunt, etc. » Ex quibus etiam potest intelligi, longe post primum Concilium Toletanum aliud esse celebratum sub Innocentio, cum jam longe lateque tunc obortum schisma diffusum magis magisque Hispaniarum Ecclesias infestaret : nam Innocentius in sua Epistola ad episcopos in Toletana Synodo constitutos ista prefatur : « Sæpe me et nimium cum teneret cura sollicitum super dissensionis schismate Ecclesiarum, quod malum per Hispanias in dies separationis gradu incedere fama ipsa loquitur » : ut plane appareat, non statim ut subrogatus est Innocentius in locum Anastasii, sed cum plures sedisset annos, eas ab ipso litteras esse conscriptas : quod si ipso sedis sue exordio ad primum Concilium Toletanum eam Innocentius dedisset Epistolam, utique de restituenda penitentibus communicatione (quod requirebatur, et expectabatur ab ipsis) ab eo scribendum fuisset.

43. His igitur de duabus Synodis Toletanis inter se invicem distinctis elucidatis, Acta ipsa ad priorem Synodum sub Anastasio celebratam spectantia hic reddenda putamus, quod plura in eis sint quæ ad rerum gestarum cognitionem ac temporum rationem pertineant, continuentque superius a nobis asserta de tempore Concilii Cesaraugustani, multa præterea habeant quæ Hispaniæ episcoporum erga Romanum Pontificem insinuant cultum et observantiam : continent autem in primis penitentiam episcoporum palinodiam de Priscillianæ hæresi aliquando recepta recitantium : sic enim se habent :

INCIPIUNT EXEMPLARIA PROFESSIONUM IN CONCILIO TOLETANO CONTRA SECTAM PRISCILLIANI. ERA DCCCXXVIII. Est hic annus Domini quadringentesimus, quo notatur in consularibus Fastis Stiliconis cum Aureliano consulatus.

Post habitum jam Concilium kalendis Septembribus, tertio nonas Septembres post diversas cognitiones tunc habitas, sub die octavo iduum Septembrium excerptæ sunt de plenariis Gestis protestiones domini Simphosii, et domini Dictinii sanctæ memoriæ episcoporum, et domini sanctæ memoriæ Comasii tunc presbyteri, quas inter reliquos habuerunt in Concilio Toletano de damnatione Priscilliani, vel sectæ ejus, in hunc modum :

46. « Post aliquanta et inter aliquanta eodem tempore Acta, Dictinius episcopus dixit : Audite me, optime sacerdotes : Corrigit omnia, quia vobis correctio data est : scriptum est enim : Vobis data sunt

claves regni cælorum. Sed peto a vobis, ut claves nobis regui, non portæ aperiantur inferni. Hæc, si dignamini, omnia ante oculos pono : Hoc enim in me reprehendo, quod dixerim unam Dei et hominis esse naturam. Item dixit : Ego non solum correctionem vestram rogo, sed et omnem præsumptionem meam de scriptis meis arguo atque condemno. Item dixit : Sic sensi : testis est Deus. Si erravi, corrigite. Item dixit : Et paulo ante dixi, et nunc iterum repeto : In priori comprehensione mea, et in principii conversionis meæ quæcumque conscripsi, omnia me toto corde respuere. Item dixit : Excepto nomine Dei, omnia anathemo. Item dixit : Omnia quæ inveniuntur contra fidem, cum ipso auctore condemno.

47. « Simphosius episcopus dixit : Juxta quod paulo ante lectum est in membrana nescio qua, in qua dicebatur Filius innascibilis : hanc ego doctrinam, quæ aut duo principia dicit, aut Filium innascibilem, cum ipso auctore damno qui scripsit. Item dixit : Ego sectam, quæ recitata est, damno cum auctore. Item dixit : Ego sectam malam, quæ recitata est, damno cum auctore. Item dixit : Dote mihi chartulam, ipsis verbis condemno. Et cum accepisset chartulam, de scripto recitavit omnes libros hæreticos, et maxime Priscilliani doctrinam, juxta quod hodie lectum est : Ubi innascibilem Filium, scripsisse dicitur, cum ipso auctore damno.

48. « Comasius presbyter dixit : Nemo dubitet me cum domino meo episcopo sentire, et omnia damnare, quæ damnavit ; et nihil ejus præferre sapientiæ, nisi solum Deum. Atque ideo nolo me dubitetis, aliud esse facturum, aliter sensurum, quam quod professus est. Ac proinde quomodo dixit episcopus meus quem sequor : quicquid ille damnabit (damnavit), et ego damno.

Æra quæ supra, sub diem septimum iduum Septembrium professiones sanctæ memoriæ episcoporum domini Simphosii et domini Dictinii, et sanctæ memoriæ Comasii tunc presbyteri.

« Comasius presbyter dixit : Non timeo frequenter dicere, quod semel dixissem, ut gaudeam. Sequor auctoritatem episcopi mei Simphosii : sequor sapientiam senis ; sentio quod dixi. Si jubetis, ex chartula relegam. Omnes id sequantur, qui voluerint vestro adhaerere consorcio. Et Comasius presbyter ex chartula legit : Cum Catholicam et Nicænam fidem sequamur omnes ; et scriptura recitata sit, quam Donatus presbyter, ut legitur, ingressus, ubi Priscillianus innascibilem esse Filium dixit : constat hoc contra Nicænam fidem esse dictum. Atque ideo Priscillianum hujus dicti auctorem cum ipsius dicti perversitate, et quos male condidit libros cum ipso auctore condemno.

« Simphosius episcopus dixit : Si quos male condidit libros, cum ipso auctore condemno.

« Dictinius episcopus dixit : Sequor sententiam domini mei, et patris mei et genitoris et doctoris... Quæcumque loentus est, loquor. Nam scriptum legitur : Si quis vobis aliter evangelizaverit, præter-

quam quod evangelizatum est vobis, anathema sit. Et ideo omnia quæ Priscillianus aut male docuit, aut male scripsit, cum ipso auctore condemno». Haec tenus lapsorum professiones. Quid autem de his decreverit sancta Synodus, Acta quæ sequantur, illa declarant :

50. « Die qua supra. Exemplar diffinitivæ sententiæ translatae de Gestis. Episcopi dixerunt : Legatur scriptura sententiæ. Et legit. Etsi diu delibantibus verum post Casaraugustanum Concilium, in quo sententia in celos quosque dicta fuerat; sola tamen una die, præsentem Simphosio, qui postmodum declinando sententiam præsens audire contempserat; arduum nobis esset audire jam dictos : litteris tamen sanctæ memoriæ Ambrosii, quas post illud Concilium ad nos miserat, ut si condemnassent quæ perperam egerant, et implessent conditiones quas præscriptas litteræ continebant, revertentur ad pacem (adde, quæ sanctæ memoriæ Siricius papa suasisset) magnam nos constat præstitisse patientiam : Et si prius indictum in Toletana urbe Concilium declinarant, ad quod illos evocaveramus; et audissemus cur non implessent conditiones, quas sibi ipsi, sancto Ambrosio præsentem et audiente, posuissent : patuit respondisse Simphosium, se a recitatione eorum quæ (qui dicebantur) dicebant martyres recessisse ». Erant hi quos a Maximo necatos diximus imperatore. Priscillianus ipse ac socii, quos Priscillianiste colebant ut martyres. Sed pergunt Acta : « Ac dehinc deceptum, tentumque per plurimos, secus aliqua gessisse reperimus, nullis libris apocryphis, aut novis scientiis, quas Priscillianus composuerat, involutum. Dictinium Epistolis aliquantis pæne lapsum, quas omnes sua professione condemnans, correctionem petens, veniam postularet. Quem constat (ut Simphosius fecit) quæcumque contra fidem Catholicam Priscillianus scripserat, cum ipso auctore damnassee.

51. « Cæterum extortum sibi de multitudine plebis probaret esse Simphosium, ut ordinaret Dictinium episcopum, quem sanctus Ambrosius decrevisset bono pacis locum tenere presbyterii, non accipere honoris augmentum. Confitentur etiam illud, quod alios per diversas Ecclesias ordinassent, quibus deerant sacerdotes; habentes hanc fiduciam, quod cum illis propemodum totius Galliciæ sentiret plebium multitudo : ex quibus ordinatus est Paternus Braccarensis Ecclesiæ episcopus : in hanc vocem confessionis primus erupit : et sectam Priscillianianæ scisse, sed factum episcopum liberatum se ab ea lectione librorum sancti Ambrosii esse, juraret. Item Isonius nuper baptizatum se a Simphosio, et episcopum factum se hoc tenere, quod in præsentem Concilio Simphosius professus est, respondit.

52. « Vegetinus vero olim ante Casaraugustanum Concilium episcopus factus, similiter libros Priscillianianæ cum auctore damnaverat, ut de cæteris Acta testantur : de quibus qui consuluntur episcopi judicabunt. Hierenas clericos suos sequi maluerat, qui sponte, nec interrogati, Priscillianum Catholici-

cum, sanctum martyrem clamassent, atque ipse usque ad finem Catholicum hunc esse dixisset, persecutionem ab episcopis passum. Quo dicto, omnes sanctos, jam plurimos quiescentes, aliquos in hac luce durantes, suo iudicio deduxerit in reatum. Huic cum his omnibus tam suis clericis, quam diversis episcopis, hoc est, Donato, Acurio, Emilio, qui ab eorum professionibus recedentes maluissent sequi consortium perditum, decernimus ab sacerdotio submovendum : quem constaret etiam de reliquis verbis suis convictum per tres episcopos, multos quoque presbyteros, sive diaconos, cum perjurio fuisse mentitum.

« Vegetinum autem, in quem nulla specialiter dicta fuerat ante sententia, data professione, quam Synodus accepit, statuimus communioni nostræ esse reddendum.

« Paternum, licet pro Catholici fidei veritate et publicatæ hæresis errore libenter amplexi, Ecclesiam, in qua fuerat episcopus constitutus, tenere permisimus : recepturi etiam in nostram communionem, cum Sedes Apostolica resciperit ». Vides ex his, neminem ante communicare cum lapsis, nisi prius illi penitentem Sedes Apostolica communicaret. Sed subdunt Acta de aliis.

53. « Reliqui, qui ex provincia Galliciæ ad Concilium convenerant, et in Simphosii semper communionem duraverant, accepta forma a Concilio missa, si subscriperint, etiam ipsi in celestis pacis contemplatione consistant, expectantes pari exemplo, quid papa qui nunc est, quid sanctus Simplicianus Mediolanensis episcopus, reliquique Ecclesiarum rescribant sacerdotes. Si autem subscriptionem formæ, quam misimus, non dederint; Ecclesias quas detinent, non retineant; neque his communicent, qui reversi de Synodo, datis professionibus, ad suas Ecclesias reverterunt.

54. « Sane Vegetinum solum cum Paterno communicare decrevimus. Simphosius autem senex religiosus, qui quæ egerit, supraseribimus, in Ecclesia sua consistat, circumspiciatur circa eos, quos ei reddemus, futurus : inde expectabit communionem, unde prius spem futuræ pacis acceperat : quod observandum etiam Dictinio et Anterio esse decrevimus. Constituimus autem, ut priusquam illis per papam, vel per S. Simplicianum communio reddatur, non episcopos, non presbyteros, non diaconos ab illis ordinandos : ut sciamus si vel nunc sciant, sub hac conditione remissi, tandem Synodiciæ sententiæ præstare reverentiam ». Ille observa veterem nomenclaturam esse, ut per papam antonomastice intelligatur, secundum ea quæ dicta sunt, Romanæ sedis episcopus. Sed pergunt : « Meminerint autem fratres et coepiscopi nostri, enixe excubandum, ne quis communionem depulsus collectiones faciat per mulierum domos, et apocrypha quæ damnata sunt, legant; ne communicantes his, pari societate teneantur : quoniam quicumque has susceperint, certum est, eos etiam graviori sententia retinendos esse. Fratri autem nostro Ortygio Ecclesias, de quibus

pulsus fuerat, pronuntiavimus esse reddendas ». Ilactenus Acta in scripto codice, qui asservatur in regia bibliotheca S. Laurentii, exarata.

55. At quid, inquires, causa Priscillianistarum, Hispaniarum Ecclesias infestantium, ad S. Ambrosium pertinebat, ut ejusdem litterarum præscripto lapsis pax impertiretur ab Hispaniarum episcopis? Et quid insuper est, quod iidem Hispaniarum episcopi profitentur se non communicaturos lapsis pœnitentibus ad Ecclesias suas revocatis, nisi rescriberet id Romanus Pontifex, vel S. Simplicianus et alii Ecclesiarum episcopi? Numquid parem ob id quis arguet potestatem fuisse Mediolanensis episcopi, atque Romani Pontificis? Habes eandem loquendi formam usurpatam in Concilio Taurinensi ¹ in eadem (ut diximus) Priscillianistarum causa, verbis illis: « Juxta litteras venerabilis memorie Ambrosii episcopi, vel Romanæ Ecclesie sacerdotis ». At non sunt hæc tanta, quæ in discrimen possint veritatem adducere. Etenim hæc omnia acta esse per sanctos Mediolanenses episcopos mandato papæ Siricii, ejus in ejusmodi causa iidem legatione fungentur, plura sunt quæ demonstrant: ac primum quod hæc ipsa Acta recitata superius referunt, dum de S. Ambrosii litteris agentes episcopi, ab ipso ea scripta subdunt, « quæ (inquiunt) sanctæ memorie Siricii papa suasisset »: ut plane appareat, illa a S. Ambrosio esse conscripta, quæ a papa Siricio antea accepisset. Hæc quidem necessario ita esse intelligenda, quæ in causa Joviniani hæresiarchæ et ejusdem impietatis collegarum inter S. Ambrosium et Siricium transacta sunt, admo-
nent.

56. Infestabant ejusmodi pestes tunc temporis Mediolanensem Ecclesiam: resisabat illis S. Ambrosius: lamen quod non esset tantæ auctoritatis antistes, ut hæreticos recens emergentes damnare posset: ut primo Romæ a Siricio iidem damnarentur, curatum fuit; inde vero ut id ipsum Mediolani, convocato Concilio gereretur, missis ab Apostolica Sede legatis tribus, per eundem Siricium procuratum est: quorum auctoritate eosdem hæreticos e Mediolanensi pulsos urbe S. Ambrosius et collegæ episcopi, qui Synodo interfuerunt, Synodali Epistola ad Siricium scripta testati sunt, professi iidem secundum judicium papæ Siricii eosdem se hæreticos condemnasse. Habes igitur ex his quæ tunc gesta sunt, quæ in pari causa geri potuerint, imo et gesta esse, vales intelligere: nimirum (quod dicti nuper episcopi Toletani Concilii publice tradiderunt) suadente Siricio papa, ea per sanctum Ambrosium scripta esse: quod etiam de ejus successore Simpliciano dicendum est, in quem concessa sancto Ambrosio auctoritas per eundem Siricium et ejus successorem Anastasium propagata cognoscitur. Jam enim temporibus Damasi papæ in eadem causa (ut dictum est) sanctus Ambrosius se judicium Damasi sequi professus fuit, dum quos inauditos atque re-

jectos a Damaso audivit Ambrosius Priscillianum ac socios, ipse æque eosdem Mediolanum se conferentes audire penitus recusavit; ob idque dignus est habitus, cui in eadem causa tractanda Romani Pontifices suam vicem delegare voluerint; ita tamen, ut quid agendum esset (ut vidimus) præmonerint.

57. Quod vero spectat ad Dictinium, qui in hac Synodo Toletana priore sub Anastasio papa recantavit palinodiam; constat fuisse episcopum Asturicensem, et claruisse « gregia sanctitate, ejus memoria anniversaria natali die in Hispania colitur. Simphosiumque qui dicitur pater ejus, constat tempore Concilii Cæsaraugustani una cum Catholicis episcopis adversus Priscillianistas hæreticos convenisse, ut quæ extant ejus Synodi fragmenta declarant.

58. At de hac Synodo Toletana illud minime prætereundum est, reperiri ei subscriptum cum aliis episcopis Olympium, fama celebrem, et clarum inter scriptores Ecclesiasticos hujus temporis; licet ejus Ecclesie episcopus fuerit, non dicatur, sicut alii ibidem nominati antistes. De Olympio enim episcopo his temporibus in Hispania floreente, hæc Gennadius ¹: « Olympius, natione Hispanus, episcopus, scripsit librum Fidelis adversus eos qui naturam et non arbitrium in culpam vocant, ostendens non creatione, sed inobedientia insertum naturæ malum ». Hæc ipse: illud quidem opus ab eo scriptum patet adversus Manichæos, dicentes carnem a malo esse principem tenebrarum. Citat ejusdem scripta S. Augustinus ², sed vide quanto præconio: « Olympius Hispanus episcopus, vir magnæ in Ecclesia et in Christo gloriæ, in quodam sermone Ecclesiastico: Si fides, inquit, etc. » et inferius: « S. Olympius dicit »: adducit enim in testimonium adversus Pelagianos, originale peccatum negantes, ejus Olympius esset constans assertor. Sed revocari in dubium posset, num idem sit ille, quem Augustinus citat Olympium, cum eo de quo Gennadius, qui et in Concilio Toletano subscriptus habetur: siquidem ipsum qualer citans S. Augustinus simul cum aliis sanctissimis Patribus, semper S. Hilario illum præponit, hoc ordine dicens ³: « Cyprianus, Rheticus, Olympius, Hilarius, Ambrosius, Gregorius, Innocentius, Joannes, Basilus, quibus addo presbyterum (velis, nolis) Hieronymum ». Verum cum de opere ipso constet, atque recenseat eum Gennadius inter hujus temporis scriptores, nequaquam putamus atale Hilarium præcessisse, sicut nec fuisse post Joannem Basilium patet.

59. Quod rursum ad Toletanum Synodum spectat: qui in ejus appendice habetur canon vicesimus primus, haud hujus Synodi est dicendus; quippe pertinere cognoscitur ad tempora S. Leonis: agemus de eo suo tempore. Porro ipsum Toletanum Concilium multa habet ad recte componendam Ec-

¹ Concil. Taurin. c. 5.

² Gennad. de Vir. illust. c. 24. — ³ Aug. contra Jul. l. 1. c. 3. et l. 7. — ⁴ Aug. contra Jul. l. 11. c. 10. (et l. 111. c. 17).

clesiasticam disciplinam accommodata, viginti regulis definita : in quarum decima septima quod ponitur de concubina, intelligit secundum ea quæ S. Augustinus habet libro de bono conjugali, capite quinto.

60. Quod autem pertinet ad Innocentii dictam Epistolam ; ipse irritam reddidit sententiam illam, qua dicebatur, conjugum ante baptismum intum, sic per baptismum, quod ad bigamiam constitutendam obliterari, ut dicens aliam post baptismum, bigamus minime efficeretur. Quod sensit aliquando S. Hieronymus in Epistola ad Oceanum ¹ in causa Carterii episcopi in Hispania, defendens eam opinionem Romæ cum esset, qui postea in dicta Epistola id ipsum præstitit cumulatius : licet in Apologia contra Rufinum, cum ea de re a Chrysogono in crimen vocaretur, se excuset his verbis ² : « Ille dicimus, non quod ipsi propitio Christo hac quaestione teneamur. Sed interrogati a fratribus, quid nobis videretur, respondimus, nulli præjudicantes sequi quod velit, nec alterius decretum nostra sententia subvertentes ». Ille ipse : quibus intelligas Ecclesiæ doctoris modestiam, cum sententiæ, quam defendit atque corroborat, fulcitque irrefragabilibus propemodum rationibus, neminem cogit invitum adstipulari.

61. Porro Carterium illum Hispanum episcopum, cujus meminit S. Hieronymus in dicta Epistola ad Oceanum, eumque ætale et sacerdotio veterem nominat, non alium fuisse puto, quam illum qui cum aliis Orthodoxis episcopis interfuit Concilio Casaraugustano, et « Caterius », pro « Carterius », scriptus mendose legitur : nisi potius qui dicendus sit Caterius, Carterius apud S. Hieronymum depravato textu excusus habetur. Vides igitur laud levioris momenti fuisse ejusmodi controversias de ordinationibus perperam factis, quarum causa Hispaniarum Ecclesiæ schismate scissæ essent, cum ejusmodi bigamis ordinalis reliqui minime communicarent episcopi : quorum quidem immensum fuisse numerum, non unum Carterium, S. Hieronymus indicat illis verbis ³ : « Miror autem te unum », Carterium scilicet, « protraxisse in medium, cum omnis mundus his ordinationibus plenus sit, non dico de presbyteris, non de inferiori gradu : ad episcopos venio, quos si sigillatim vohero nominare, tantus numerus congregabitur, ut Ariminensis Synodi multitudo superetur ». Ille S. Hieronymus : quibus etiam intelligere valeas haud leve periculum impendisse, ne hujusmodi causa obortum in Hispania schisma in universam diffunderetur Ecclesiam, cum præsertim ejusmodi ordinati episcopi habuerint S. Hieronymum defenso-rem.

62. *De Epistola Innocentii ad Exuperium episcopum Tolosanum.* — Scripsit et hoc ipso anno

idem Innocentius Romanus episcopus de nonnullis Ecclesiasticis rebus ad S. Exuperium episcopum Tolosanum, cum ille consulisset de dubiis quibusdam ipsum Romanum Pontificem : hunc autem Exuperium eundem fuisse, quem Ausonium Burdigalensem dicit, et clarum inter ejus temporis oratores adnumerat, in Notis diximus : eundem namque post præfecturam Hispaniarum ad tranquillitatis portum secessisse, idem Ausonius tradit, constatque in Ecclesia Burdigalensi meruisse presbyterum, ut ex Paulino ¹ potest intelligi in Epistola ad Amanitium. At vero factus episcopus, qualis quantusve exlilerit, egregia vitæ sanctitate conspicuus, ex S. Hieronymo ² audi, dum hæc de ipso in primis habet, scribens ad Rusticum : « Sanctus Exuperius Tolosæ episcopus, viduæ ³ Sareptensis imitator, esuriens pascit alios, et ore pallente jejuniis fame torquetur aliena, omnemque substantiam Christi visceribus erogavit. Nihil illo ditius qui corpus Domini canistro vimineo, sanguinem portat in vitro : qui avaritiam ejecit et templo ; qui absque funiculo et increpatione cathedras vendentium columbas, id est, dona sancti Spiritus, mensasque subvertit mammonæ ⁴, et nummulariorum æra dispersit ; ut domus Dei, domus vocetur orationis, et non latronum spelunca. Hujus tu e vicino sectare vestigia ». Ille ipse. Et ad Ageruchiam ⁵ : « Non possum, inquit, absque lacrymis Tolosæ facere mentionem, quæ ut hucusque non rueret, sancti episcopi Exuperii merita præstiterunt ». Et ad Furiam ⁶ : « Habes, inquit, sanctum Exuperium probatæ ætatis et fidei, qui te monitis suis frequenter instituat ». Sed de ipso modo hactenus, dicturi de eo alia occasione anno sequenti. Jam vero ad dictam ab Innocentio papa ad ipsum scriptam Epistolam redeamus.

63. Inter alia autem, quæ S. Exuperius ab Innocentio Romano Pontifice exquisierat, de continentia clericorum, et pœnitentiis quibus delinquentes coercerentur, atque aliis, doceri quoque petiit sacrorum librorum catalogum : quod idem Innocentius præstitit ad finem suæ decretalis Epistolæ, canonicorum librorum seriem texens : quàm et in Romano Concilio (ut dictum est) Damasus promulgavit : præstitit id ipsum Gelasius Pontifex, sed antea S. Augustinus, atque Rufinus, postea vero Alcimius Avitus heroico carumine, Cassiodorus, et Isidorus, ut taceamus de recentioribus : Græcorum autem Concilii Niceni canon qui excidit, et si altius repetendum putes, canon qui dicitur Apostolorum, Concilium Laodicenum, S. Athanasius, Gregorius Nazianzenus, Amphilochius, Cyrillus Hierosolymitanus, postea Joannes Damascenus, et alii recentiores in aliquibus inter se diversi. Subjecit autem Innocentius et quæ Exuperius cavere deberet apocrypha. Sed de his nos superius fusius egimus primo tomo.

¹ Hier. ep. LXXXIII. — ² Hier. Apol. l. I. in fin. — ³ Hier. ep. LXXXIII.

¹ Paulin. ep. XX. — ² Hier. ep. IV. — ³ 3. Reg. XVII. — ⁴ Matth. XXI. — ⁵ Hier. ep. XI. — ⁶ Hier. ep. X.

Anno periodi Græco-Romæ 5898. — Jesu Christi 405. — Innocentii papæ 5. — Arcadii 23. et 11. Honorii 13. et 11. Theodosii Jun. 4.

1. *Consules.* — Coss. *Fl. Stilico II et Anthemius* : ille in Occidente, hic in Oriente, quem post mortem Arcadii Orientalis imperii regimen sub Theodosio principe suscepisse, Baronius num. 3 scribit. Plura num. 1 et 2 de ejus virutibus habentur.

2. *Pelagius hæresiarcha diversus a Pelagio, cujus meminit S. Chrysostomus.* — Ad num. 7 et seqq. Divus *Chrysostomus*, quem custodes ob Isaurorum incursus translulerant in *Arabissum*, Armenie minoris oppidum magis munitum, ut habet Palladius in *Dialog.* ad Olympiadem diaconissam scripsit Epistolam, in qua meminit *Pelagii monachi*, quem Baronius Pelagium hæresiarcham fuisse putat, ex eaque deducit, eum in Oriente diu delituisse. Eodem modo Chrysostomum interpretati sunt Eusebrius lib. de Britanniarum Eccles. primatu cap. 8, et Vossius in *Historia Pelagiana*. Verum Emin. card. Norisius lib. 1 *Hist. Pelag.* cap. 3, et Garnerius in *Appendice posteriori ad partem primam Operum Marii Mercatoris* Dissert. 1, cap. 4, ostendunt eos nominis similitudine deceptos, et *Pelagium* illum, ad quem etiam scripsit Isidorus Pelusiota, alium esse a Pelagio hæresiarcha, quod eo tempore, quo Chrysostomus exulabat, *Pelagius hæresiarcha* Romæ integer famæ, et purus suspitionis degeret, imo *Sanctus* audiret, « et non parvo profectu Christianus », ut inquit Augustinus lib. 3 de Peccat. Merit. cap. 1 et 3, et diligeretur a viris sanctissimis. Hieronymo, Paulino Nolano, aliisque. Certe hæresiarcham hoc anno Romæ moratum esse, constat ex ejus ad Innocentium papam Epistola recitata a Garnerio tom. 1 Oper. Marii Mercatoris pag. 380, scriptaque anno quadringentesimo decimo septimo, in qua ait : « Legant Epistolam, quam ad sanctum virum Paulinum episcopum, ante duodecim fere annos scripsimus, quæ nihil aliud quam Dei gratiam et auxilium confitetur ». Scripta itaque ea ad Paulinum Epistola hoc circiter anno, et quidem ex Urbe, ubi eum diutius moratum esse, ibique in colloquiis ac disputationibus hæretica semper dogmata sparsisse, auctor est Augustinus lib. 2 de Pecc. Orig., cap. 21. « Alia quoque ipsius, inquit, in urbe Roma, ubi diffusimè vixerat, atque in his fuerat prius sermonibus, contentiombusque versatus, etc. » Passim enim peccatum originale elevabat, et altius pro libero arbitrio contra divinam Gratiam loque-

batur. Augustinus in Epist. CLXXXVI, alias CVI, dicit num. primo, se hujusce hæresiarchæ Epistolas ad Paulinum misisse, in quibus se satis Gratiam agnoscere aiebat *Pelagius*, quod a Deo nobis insitam esse voluntatem, liberumque arbitrium fateretur. Eadem est, ut existimat Editor Operum sancti Paulini in ejus Vita cap. 46, Epistola ad Paulinum longa trecentas circiter lineas, ut numerat ipse Augustinus lib. de Gratia cap. 33, quam *Pelagius* afferebat anno cxxvii, ut fidem suam probaret sinceram et orthodoxam. Augustinus non dicit, in ea Epistola aliquid absolute malum fuisse ; al eum de Gratia nonnisi remisso admodum, vixque sustinendo modo in ea scripsisse contendit.

3. *Pelagius hæresiarcha diu Romæ moratus est.* — Jam Romæ Pelagius erat anno cccxcix. Nam Marius Mercator in Præfatione libri Subnotationum loquens de mortalitate Adami, ait : « Hanc ineptam et non minus inimicam rectæ fidei quæstionem, sub sanctæ recordationis Anastasio Romanæ Ecclesiæ summo Pontifice, Ruffinus quidam natione Syrus Romanus primus invexit, et ut erat argutus, se quidem ab ejus invidia muniens, et per se proferre non ausus, Pelagium gente Britannum monachum tunc decepit, eumque ad prædictam aprime imbuat, atque instituit vanitatem ». Loquitur de Ruffino Aquileiensi, quem quia diu in Syria manserat, natione Syrum credidit. Imo *Pelagius* e Britannia Romanam venit sedente Damaso, quod ex eo conficit Garnerius citatus, quod in Urbe usus sit familiariter Hieronymo, qui inde tamen in Orientem secessit statim post *Damasi* obitum, ut cleri Romani invidiam in se concitatum vitaret. Hanc autem Pelagii cum Hieronymo familiaritatem existisse, testatur Hieronymus ipse Præfatione in 4 lib. Comment. in Hieremiam, cum de Pelagio scriberet, tacito nomine in hæc verba : « Hæresis reviviscere cepit, et non solum in Occidentis, sed in Orientis partibus sibilare, etc. » Et postea : « Isti publicum fugiunt, et susurrant in angulis perditorum, etc., cumque generatim adversum vitia quid et hæreticos dixerimus, se peti queruntur, malumque conscientia dissimulata diu indignatione pronuntiant : quod si cavendum nobis est, ne veterem ledere videamur necessitudinem, si superbissimam hæresim spirituali mucrone truncemus : ergo sustinendæ erunt nobis cruces prodiæ fidei, etc. » Ubi enim conjuncta

est Pelagium inter ac Hieronymum vetus necessitudo, nisi quo in loco potuit esse familiaritas; aut quo alio in loco potuit esse familiaritas inter præsentes, quam in Urbe? Cum *Pelagius* nunquam in Oriente versatus sit ante annum cxxii, nec Hieronymus in Occidente post annum cccxiv, et ambo in Urbe commorari potuerint; mutuoque adpectu frui, eo quo diximus tempore; siquidem Romæ Pelagius diutissime vixerit, ut scribit Augustinus citatus.

4. *Pelagius varios libros scripsit.* — Sed quia Baronius de *Pelagio* Britanno ante annum cxx sermonem non resumit, libri ab eo ante editi hic nobis memorandi. Cum adhuc esset integræ famæ, quam aucupabatur, videtur scripsisse tres, quos Gennadius commemorat lib. de Script. Eccles. cap. 4 de *Trinitate* libros, ad ostendendam fidem suam, quantumque abhorreret ab Arianis, quæ fuit illius temporis præcipua nota orthodoxiæ. Ex illis libris nihil superest. Scripsit etiam librum unum vel alterum *ad Viduam* consolatorium atque exhortatorium, cuius fragmentum recitat Garnerius pag. 373. Hujus operis meminit Hieronymus Dialogo tertio, Augustinus lib. de Gestis Palæstini, cap. 6, num. 19, et Mercator in Commonitorio cap. 4, ubi eam viduam *Livianam* vocat. Libellus tamen iste scriptus videtur post annum cxx, cum ibidem Augustinus, qui librum illum de *Gestis Pelagii* anno cxxvi scripsit, asserat factum se a sanctis quibusdam viris certiore, apud se esse libros exhortatorios, vel consolatorios ad quamdam viduam, ejus nomen ibi desiderabatur, conscriptos, quos illi « ante quatuor ferme annos se istos tanquam Pelagii libros habere cœpisse, nec unquam utrum ejus essent ab aliquo se audisse dubitari » affirmabant.

5. *Cælestius Pelagii discipulus.* — Vehementibus suis atque ardentibus exhortationibus, ut ait Augustinus citatus cap. 25, multos quidem, sed *Cælestium* imprimis auditorialem scholasticum e foro ad altiore vitam iraxit, simulque infecit errore, quem a Ruffino acceperat: « Huic Pelagio adhæsit Cælestius », ut ait Mercator loco laudato, « nobilis natu quidem, et illius temporis auditorialis scholasticus, sed naturæ vitio eunuchus matris utero editus », ubi de Cælestio tria tradit, quæ fuerant huc usque incognita, quod nempe nobilis natu fuerit; quod auditorialis scholasticus, id est, advocatus publicarum causarum, Ecclesiarum et civitatum, ac eunuchus naturæ vitio; quod forsitan intellexit Vincentius Lirinensis in Commonitorio, ubi ab eo vocatur *prodigiosus*. Edidit etiam Romæ *Pelagius* brevissimos in Pauli Epistolas Commentarios, quorum meminit Augustinus lib. de Peccatorum meritis et remissione, lib. de Gestis Pelagii cap. 16, et lib. de Pec. origin. cap. 16, de quibus Mercator in libello supplici ad Theodosium imp. ait: « Ut autem et Pelagius cum isto pariter damnaurent, istud in causa est. Ausus est memoratus ante vastationem Urbis Romæ in Apostolum Paulum Commentarios condere, et his edere de quorum amicitia præsu-

mebat ». Quare ante annum cxx quo Roma a Gothis capta, Commentarii illi elucubrati, cum Romæ apud Ruffinum magistrum degeret.

6. *Pelagius auctor Commentariorum in Epistolas D. Pauli.* — Vossius lib. 1 Hist. Pelag., cap. 4, valde eo inclinavit, ut putaret hos *Pelagii* Commentarios eos ipsos esse, qui libris Hieronymi vulgo subjungi solent, quod citra dubium Janse-nius Iprensis episcopus postea asseveravit, et Em-card. Norisius citatus egregie probavit ex Mario Mercatore, qui in præfatio supplici libello hæc scribit de Pelagio: « In Epistola igitur, quæ est ad Romanos, cum ad illa loca venisset, ubi vas electionis ita loquitur: Propterea sicut per unum hominem in hunc mundum peccatum intravit, et per peccatum mors, ita in omnes homines mors pertransiit (Rom. 5), hæcenus credidit exponendum, quem librum ejus habemus et proferimus ad convincendum inimicum ejus errorem. Verba Pelagii: Et in omnes homines mors pertransiit, cum sic, inquit, qui peccant, similiter moriuntur, neque enim aut in Abraham, aut Isaac, aut Jacob mors pertransiit, de quibus Dominus ait, etc. » Quæ quidem verba et sequentia leguntur in Commentariis Hieronymi libris annexis, ut patet ex cap. 5 ad Rom. ad illa: « Et ita in omnes homines mors pertransiit », quæ ita ibidem exponuntur: « Dum ita peccant, et similiter moriuntur. Non enim in Abraham et Isaac et Jacob mors pertransiit, de quibus dicit Dominus, etc. » Præterea Augustinus lib. de Gestis Pelagii cap. 16, inquit: « Sunt quædam Expositiones Epistolæ Pauli, quam scribit ad Romanos, quæ ipsius Pelagii esse dicuntur, ubi hoc quod scriptum est: Non volentis neque currentis, sed miserentis est Dei, non ex persona Pauli asserit dictum, sed eum voce interrogantis et redarguentis usum fuisse, cum hæc diceret, tanquam hoc utique dici non deberet ». At in memoratis Commentariis illi prorsus sinistro interpretamento laudata Apostoli sententia subjicitur; ibi enim post nonnulla Pelagius concludit: « Unde intelligitur, quia hic interrogantis voce utitur et redarguentis potius, quam negantis ». Sed plura hæc de re Em. cardin. Norisius.

7. *Eæ Pelagii expositiones erroribus purgatæ.* — Auctor Prædestinati hæresi lxxxviii, et Cassiodorus de Divin. Lect. cap. 8, Opus illud Pelagio etiam tribuerunt tanquam indubitato parenti, quod nunc extra controversiam versatur, inquit Garnerius, qui in cap. 2 ad Commonitorium Mercatoris ex Cassiodoro deducit: Primum, eas Pelagii expositiones, in multorum manibus fuisse tunc temporis propter brevitem et subtilitatem. Secundum, tributas esse sancto Gelasio papæ. Tertium, ab ipso met Cassiodoro ab erroris Pelagiani veneno purgatas, quæ sunt in Epistola ad Romanos, ut reliquas corrigendi exemplum suis præberet, qui utrum id præstiterint, incertum. Quartum, frustra requiri in editionibus vulgatis, quæ Pelagiani erroris plena referuntur ab Augustino, Mercatore, et Auctore Prædestinati, si quidem credibile est, vulgatas edi-

tiones ab iis exemplaribus acceptas, quæ suis monachis *Cassiodorus*, monachi illi suis posteris tradiderunt. *Primasium* ex hoc Commentario non pauca desumpsisse, fonte unde illa duceret non indicato, a viris eruditissimis etiam observatum. Fusius infra de *Pelagio* agemus.

8. *Mortur Arsacius episc. CP.* — Ad num. 20. Socrates lib. 6, cap. 20, scribit *Arsacium*, qui in locum divi Chrysostomi subrogatus fuerat, obiisse sub hujus anni cons. die tertio idus Novembris, die nempe xi ejusdem mensis. Quare cum anno superiori die xxvi mensis Junii ordinatus fuerit, si Socrates non fallitur, sedit annum unum, menses quatuor, dies septemdecim. Verum Palladius in Dialogo ei attribuit annum unum et menses duos, quod etiam legitur in editione græca, quam Emericus Bigotius publicavit, διακρατίσας δὲ τὸ ἔτη λαυτοῦ διακράτισσας, ἀπὸ νήσιαι, id est, « ille cum ad quatuordecim menses vitam proleundisset, mortuus est »; quod si error in numeros non irrepsit, non dubium, quin Palladio tunc viventi, et de rebus Chrysostomi optime edocto major fides adhibenda sit quam Socrati. Sub sequentis anni cons. Atticus *vir religiosus* in locum Arsacii successit est, ut ibidem Socrates habet. Sozomenus vero lib. 8, cap. 17, ait: « Quarto post illius (sc. Arsacii) mense ordinatus est Atticus ». Baronius anno cdxvi, num. 10, dicit, ejus ordinationem peractam *III idus Mart.* die sc. xiii Martii. Sed præterquam quod Sozomenus loquitur numero rotundo, anno sequenti feria iii incidit in diem xiii Martii; cum tamen diebus Dominicalibus episcoporum ordinationes fieri solitæ essent. Quare *Atticus*, mense Februario aut Martio die incerto, consecratus est.

9. *Honorius insectatur hæreticos Africæ.* — A num. 21 ad 43. Baronius num. 28 refert legem 39 Cod. Theod. De hæreticis, his verbis conceptam: « Donatistæ superstitionis hæreticos, quocumque loci vel latent, vel convictos legis tenore servato, pœnam debitam absque dilatione persolvere decernimus. Dat. VI id. Decemb. Raven., Stilicone et Anthemio cons. » Patres Africani anno superiori in Concilio Carthaginensi decreverant, petendum esse ab Honorio imp. « ut multa auraria » violentis « tantum Donatistis et Circumcellionibus imponeretur ». Verum et *Crispini* provocatio et cicatrices *Mazimiani* episcopi Vagitani, de quibus Baronius num. 22 et seqq. id apud *Honorium* effecere, ut omnibus Donatarum clericis et ministris latentibus aut convictis pœnam aurariam imponeret. Jam hoc ipso anno ante hanc legem, septem mensibus post legationem Patrum Africanorum, Honorius severiorem longe pœnam Donatistis rebaptizantibus imposuerat, sc. bonorum proscriptionem, lege Cod. Theod. Ne sanctum Baptisma, 4 et 5, quarum prior refertur a Baronio num. 25 et seq. Porro multa auraria decem auri librarum clericis, hæreticorum ministris a Theodosio Magno imposita, anno cccxcii lege Cod. Theod. 21 De hæreticis, hac Honorii constitutione ad Donatistas hæreticos porrigitur.

10. *Honorius legem adversus hæreticos latam ad Donatistas extendit.* — Baronius num. 28 sanctionem illam de expressa multa auraria decem librarum datam a Theodosio Magno et ab Honorio renovatam, cujus meminil Augustinus Epist. lxxxviii ad Januariam, quæ alias erat lxxviii, et Epist. clxxxv ad Bonifacium, alias l, desiderari arbitrabatur. Verum, ut observavit Gothofredus in Commentario laudatæ legis xxxix De hæreticis, ea alia non est quam lex Honoriana ab ipsomet recitata, quod indicatur his verbis, legis tenore servato, legis nempe Theodosianæ. Quod et ostendit Possidius in Vita sancti Augustini cap. 12, ubi loquens de Crispino pronuntiatio hæretico ait: « Proque illud apud cognitorem catholicos episcopus intercessit, ne auraria multa exigeretur: ei et beneficium impetratum. Unde cum ingratus ad pissimum imper. provocasset, ab imperatore relationi, debitum est responsum solutum: et consequenter præceptum nullo prorsus loco Donatistas hæreticos esse, et ad jura legum omnium contra hæreticos latarum ubique teneri debere. Ex quo et iudex propter officium, et idem Crispinus quod minime fuerat exceptus, præcepti sunt denas libras auri fisci Juribus inferri ». Qui locus hujus legis sententiam, et verba prope ipsa exprimit. Ait Possidius « Donatistas hæreticos esse »; lex ipsa habet: « Donatiste superstitionis hæreticos ». Ait: « Nullo prorsus loco »; lex vero Honoriana, « Quocumque loci ». Ait Possidius: « Ad jura legum omnium contra hæreticos latarum ubique teneri debere »; lex vero, « Legis tenore servato ». Denique scribit Possidius: « Præcepti quod minime fuerant exacti denas libras auri fisci Juribus inferri »: in ipsa lege dicit Honorius: « Pœnam debitam absque dilatione persolvere decernimus ». Itaque jam dubium nullum, hanc illam esse Honorii legem de multa decem librarum auri Donatistis hæreticis imposita; hæreticis, inquam, Donatistis. Qua unica in voce *Honorius* indicat rationem hujus legis, et eam multam a Theodosio Magno patre in hæreticos generaliter latam, in Donatistas quoque proroget, quod et ipsi hæretici sint. Quod etiam ipsum indicat Augustinus in Epistola citata ad Bonifacium.

11. *Honorius Edictum unitatis emittit.* — Idem Honorius dedit legem Cod. Theod. 28 De hæreticis, prid. idus Februarii, quam recitat Baronius num. 27. Ea Manichæorum et Donatarum spiritus furor et error, cœtusque seditiosi retunduntur, pœnis severissimis propositis, atque ad unitatem omnibus invitatis. De hac lege accipiendum quod hoc anno scribit Idacius in Fastis: « His cons. inter Catholicos et Donatistas unitas facta », id est, unitatis edictum seu Henoticum factum. Hujusmodi enim edicta Græci ἐνωτικὰ vocant: quale etiam Zenonem imper. postea tulisse memorat Victor Tunnensis in Chronico. Hujus unitatis edicti meminil ipse Honorius leg. 2 Cod. Theod. De religione, proximo sequente mense data, et ibidem a Baronio recitata. Meminere et Patres Africani triennio post in Conci-

lio Carthaginensi anno cōvii celebrato, canone xcix Cod. Africani : « Una sit Catholica veneratio : una salus sit Trinitatis par sibi congruens sanctitas expetatur ». Causam huic edicto præbuere tum Patres Africani anno superiori congregati, tum ea quæ exinde a parte Donatistarum secuta sunt. Patres nempe Africani, cum Donatistarum et Circumcellionum, quos ad amicabilem de religione collationem antea invitaverant, forem viderent, legatione ad Honorium missa, et unitatis studium commendaverunt, et penas adversus Donatistas sanciri expectaverunt, ut plenissime canone xciii Codicis Africani continetur. His addente et querelæ etiam privatorum episcoporum, et in *Maximiani* episcopi Bagaiensis, quæ ad Honorium imper. eodem tempore perlata, de quibus Augustinus Epist. clxxxv, alias l. et Epist. xciii ad Vincentium, alias lxviii, et lib. 3 contra Cresconium cap. 43, lib. 3, contra Julianum cap. 1, in Breveculo Collationis diei iii, cap. 2, ut videre est apud Baronium a num. 22 ad 25, et a num. 30 et seq. Illic igitur Honorius, quod ipsemet hoc edicto proficitur : « Qui præcipue, ut comperimus, furere non desistunt », hoc edictum promulgavit : ut finem et errorem Donatistarum cohiberet, ut seditionibus occurreret, quod pluribus ostendit Gothofredus in Comment. legis 38 *De hæreticis*.

12. *Epocha Concilii Toletani primi*. — A num. 43 ad 62. Concilium Toletanum *primum* vulgo appellatum, in variis Mss. Codicibus *Stilicone* consule dicitur celebratum; cumque Stilico anno cō priorum consulatum, et currenti secundum gesserit, inde factum, ut Baronius in priori editione Annalium illud cum posteriori Stiliconis consulatu copularit; quod adhuc exstet Epistola Innocentii papæ ad Toletanum Synodum data, ordine xciii, anno autem cō *Anastasius* papa adhuc in vivis fuerit. Postea, ut videre est num. 43, illam sententiam retractavit, et Concilium istud in consulatum *primum* Stiliconis, annumque Christi cō contulit, Epistolam vero illam Innocentii ad Synodum aliam Toletanam Innocentio sedente habitam pertinere recte vidit. In vulgatis quidem editionibus ea Epistola dicitur data ad *episcopos Synodi Tolosane*; sed Sirmondus ex capite sexto illius Epistolæ demonstravit, eam ad Synodum Toletanam, cuius Acta non extant, missam. Cæterum licet tituli Concilii præfixi plerumque a librariis additi fuerint, ex Idacio tamen, cuius verba mox referam, liquet Toletanum I ab anno cō removendum non esse. In exemplari professionum fidei contra sectam Priscilliani editarum legitur : « Post habitum jam Concilium kalend. Septemb. iii non. Septemb. post diversas cognitiones tunc habitas, post die viii iduum Septembrium excepta sunt de plenariis gestis professiones domini Symphosii, et domini Dictinii sanctæ memoriæ episcoporum, etc. » Sed, ut statim ostendam, istæ fidei professiones pertinent ad aliud Concilium Leone Magno Romanum pontificatum gerente coactum.

13. *Actum in eo de Dictinio et Symphosio hæresis Priscillianæ infectis*. — *Dictinius* episcopus filius fuit

Symphosii episcopi, ut patet ex his verbis ab eo in fidei professione prolatis : « Sequor sententiam domini mei, et patris mei et genitoris et doctoris mei Symphosii » : ab eo Priscillianæ hæresis venenum hauserat, de qua uterque infamatus fuit in Synodo Cæsaraugustana anno cccclxxxi adversus *Priscillianum* coacta; cuius iudicium declinasse dicitur *Symphosius* in sententia Toletanæ I Synodo se subducens. Unde postmodum eum pacem sibi reddi cum aliis postularet, vix obtinuit, ut audiretur, nisi intercessisset litteris suis sanctus *Ambrosius* tam pro *Symphosio* episcopo, et *Dictinio* presbytero, quam pro cæteris de eodem errore accusatis. Sed cum neuter eas pacis condiciones sibi impositas implevisset, et in sententia diu perseverasset, atque *Symphosius* *Dictinium* episcopum consecrasset, uterque ab Hispaniarum episcopis ad Concilium Toletanum evocatus est; sed illius Concilii iudicium subterfugere, nec nisi Concilio Toletano anno cō celebrato se repræsentarunt, in quo Priscillianum ultro damnarunt. Huius Concilii indulgentia in Sede uterque sua consistere permissus est; suspensa tamen communione, prius eis non impertienda, quam in Romani et Mediolanensis autistitum communionem recepti esse per illorum litteras probarentur. Hæc summarie descripta ex exemplari *definitivæ sententiæ*, quæ in hoc Concilio Toletano I recitatur.

14. *Uterque abjurata hæresi in communionem receptus est*. — Loquitur de hoc Concilio Idacius in Chronico anno Abrahami mxcxvi, qui kal. Septemb. anni Christi cccxcix inchoatur, et certos nos facit, *Stilicone* *primum* consule congregatum fuisse. Hæc ejus verba : « In provincia Carthaginensi in civitate Toletæ Synodus episcoporum contrahitur, in qua quod gestis continetur, Symphosius, et Dictinius, et alii cum his Gallicæ provinciæ episcopi, Priscilliani sectatores hæresim ejus blasphemissimam cum assertore eodem professionis suæ subscriptione condemnant. Statuunt quædam etiam servanda de Ecclesiæ disciplina communicante in eodem Concilio Ortigio episcopo, qui Cælenis fuerat ordinatus, sed agentibus Priscillianistis pro fide Catholica pulsus factionibus exulabat ».

15. *Duo Dictinii et duo Symphosii distinguendi*. — Quesnellus in notis ad Epistolam xv sancti Leonis Magni, alias xciv ad Turribium Asturicensem episcopum, ait, quod dicitur de *Dictinio* in Concilio Toletano I, nimirum suam illi sedem servatam fuisse post ejuratam Priscilliani sectam, vix conciliari posse cum his quæ refert Idacius, ex quo hæc verba citat : « Dictinius Asturicensis episcopus, cui ob Priscilliani hæresim, quam profitebatur, ejecto, cum aliis ejusdem sectæ episcopis, successit Turribius ». Verum ea verba in Idacii Chronico edito a Sirmondo non reperiuntur, neque verum est aliquem episcopum cō in Concilio e sede sua pulsum fuisse; imo cuncti sectam *Priscilliani* ejurarunt, ut asserit Idacius, ideoque et cuncti in communionem recepti. Quesnellus ibidem suspicatur *Symphosium* et *Dictinium* Innocentii primi temporibus sedibus

suis fuisse restitutos; sed id gratis asseritur. In Chronico Idacii anno Abrahami MDCXLIX, qui kal. Octobris anni Christi CXXXII inchoatur, dicitur *Symphosius* episcopum legatum missum ab *Hermérico* Suevorum rege ad imperatorem. Verum *Symphosius* ille a patre *Dictinii* diversus fuit; cum vir adeo senex huiusmodi legationi obeundæ vix par fuisset. Anno Abrahami MDCCLXXIX meminisse *Dictinii* in Gallacia proditoris, quem episcopum non appellat; sed is anno Christi CXLIX quo annus ille Abrahami inchoatur, potuit quidem adhuc vivere, at non potest esse *Dictinius* relapsus, cui *Turibius*, ad quem laudatam Epistolam sanctus Leo papa dedit anno CXLVII successit. De illo eo anno agemus.

16. *Regula fidei Concilio Toletano I perperam attributa.* — In isto Concilio Toletano conditi viginti canones pro disciplina Ecclesiastica, ut in eo legere est; sed regula fidei, quæ canonibus subijcitur, pertinet ad aliud Concilium Turibio Ecclesiam Asturicensem regente celebratum anno CXLVII, ut ibidem Baronius num. 16 suspicatus est, et ostendit Quesnellus laudatus disert. XIV de libellis in Codice Ecclesiæ Romanæ contentis num. 8. In editione enim ejus Concilii Toletani I a Garsia Loaysa curata dicitur, post canones Toletanæ I Synodi hæc verba legi: « Explicit constitutio Toletani Concilii », tum refertur hæc Epigraphe seu annotatio libelli fidei: « Incipit regula fidei Catholicæ contra omnes hæreses, et quam maxime contra Priscillianos, quam episcopi Tarraconenses, Carthaginenses, Lusitani et Bæitici fecerunt, et cum præcepto papæ urbis Romæ Leonis ad Balconium episcopum Galliciæ transmissum. Ipsi etiam et supra scripta viginti Canonum capitula statuerunt in Concilio Toletano ». Suffragatur Concilium Bracarense primum anno DLX celebratum, ubi Lucrotius episcopus in hæc verba Synodum alloquitur: « Credo autem vestræ beatitudinis fraternitatem nosse, quia eo tempore, quo in his regionibus nefandissima Priscillianæ sectæ venena serpebant, beatissimus papa urbis Romæ Leo... ad Synodum Galliciæ scripta sua direxit. Cujus etiam præcepto Tarraconenses et Carthaginenses episcopi, Lusitani quoque et Bæitici facto inter se Concilio regulam fidei contra Priscillianam hæresim cum aliquibus capitulis conscribentes ad Balconium tunc hujus Bracarensis Ecclesiæ præsullem direxerunt ». Quare regula seu confessio fidei, quæ legitur post canones XX in Synodo Toletana I statutus, condita est in alia Synodo incerto loco celebrata tempore Leonis Magni, relectaque postea in Synodo Bracarensi prima.

17. *Exemplaria professionum fidei non sunt hujus Concilii.* — Exemplaria is ius regulæ fidei tam in Mss. Codicibus, quam in editis sunt valde diversa; in aliquibus duodecim tantum habentur anathematismi, inter Opera vero sancti Augustini duodecim illis adduntur alii quatuordecim. Quare recte judicavit Quesnellus citatus eam fuisse temporum progressu interpolatam; quod ex eo mani-

feste liquet, quod non solum inter sancti Augustini Opera et inter Acta Concilii Toletani I habeatur auctior; sed ex mentione Processionis Spiritus Sancti ex *Patre Filioque*; quæ verba recentiore manum prodere, non est qui dubitare possit. Quod vero addit Quesnellus, hanc fidei confessionem Hispanos episcopos accepisse a Leone e Codice Romano, aut ad eos a sancto Augustino missam fuisse, id omne frivolum et sine fundamento excogitatum, illudque tantum verum, hanc fidei confessionem pertinere ad divi Leonis papæ tempora. Denique exemplaria professionum fidei, quarum initium supra relatam, post habitum jam Concilium kalend. Septemb. etc., quæ referuntur a Baronio a num. 46 ad 55, non possunt esse hujus Concilii; cum in iis *Symphosius* et *Dictinius* dicantur episcopi sanctæ memorie, et si conflicte non sint, ut suspicatur Quesnellus in Notis ad Epistolam XV sancti Leonis, editæ sunt in alio Concilio sub Leone Magno congregato.

18. *Floret S. Exuperius episcopus Tolosanus.* — Ad num. 62 et seq. Epistola Innocentii papæ ad *Exuperium* episcopum Tolosanum, data X kalend. Martias, Stilicone II et Anthemio VV. CC. cons. responsoria est ad ejus litteras, quibus eum de multis consuluerat. Numeratur *Exuperius* inter illustres præsules, qui hoc tempore in Galliis floruerunt, a Gregorio Turonensi lib. 2, c. 13, ex fragmento Epistolæ S. Paulini Nolani: « Si enim hos videas dignos Domino sacerdotes, vel *Exuperium* Tolosæ, vel *Simplicium* Viennæ, vel *Amandum* Burdegale, vel *Diogenianum* Albige, vel *Dynamium* Engolismæ, vel *Venerandum* Arvernus, vel *Alethium* Cadurcis, vel nunc *Pegasium* Petragoriis, utcumque se habent seculi mala, videbis profecto dignissimos totius fidei religionisque custodes ». Multa de sancto *Exuperio* Baronius hoc et sequenti anno habet ex Hieronymo; sed quod ait, eum presbyterum fuisse in Ecclesia Burdigalensi, intelligi ex Paulino in Epistola ad Amantium, seu verius *Amandum*, quæ novo ordine est XXXVI, id in ea Epistola non legitur, neque in ea ulla, sicuti nec in aliis Paulini Epistolis, præterquam in laudato fragmento. *Exuperii* mentio. Præterea Baronius hunc *Exuperium* eundem cum Burdegalensi ab Ausonio tantopere laudato existimavit. Verum Scaliger in Notis ad lib. I Ausonii, cap. 12, recte duos Tolosæ *Exuperios* celebres fuisse dicit, alterum rhetorem, de quo Ausonius in professoribus Carm. 18, alterum episcopum Tolosanum. Neque enim rhetor idem potuit esse cum episcopo; cum ille ætate Constantini Magni, Dalmatii filios antequam Casares nuncuparentur, instituerit, et *Dalmatius* filius Dalmatii anno CCCXXXV Cæsar, *Flammbalianus* vero hujus frater *Rex Ponti* nuncupati fuerint, ut eo anno ostendi. Colitur sanctus *Exuperius* episcopus Tolosanus in Martyrologiis Usuardi et Romano die XXVII Septemb. Vivebat adhuc anno CXXX, ut liquet ex Epistola Hieronymi ad Ageruchiam data.

19. *Floret Prudentius poeta.* — Florebat hoc tempore *Aurelius Prudentius Clemens*, natione

Hispanus, poeta Christianus, quem ex Operum ejus lectione palatinum militem fuisse agnovit Gennadius cap. 13 sui Catalogi. Scripsit ille inter alia a Labbeo in dissert. de Script. Ecclesiast. enumerata libros duos contra Synmachum Urbi Romane prefectum, *qui pro ara Victoria ac veteri Deorum cultu disse-* *ruebat, et Cathemerinon, sive diurnarum rerum*

opus, in quo canit natum se *Philippo et Salia* *coss.* et in Praefatione testatur se Stilicone et Anthemio *coss.* attigisse annum ætatis *lvi.* Quandiu postea vixerit, incertum.

Rhadagaisus Scythæ hoc anno interiit, ut sequenti videbimus.

INNOCENTII ANNUS 5. — CHRISTI 406.

1. *In Rhadagaisum regem Gothorum Romæ imminentem copias parat Honorius, eumque divinitus vincit.* — A Christo nato jam annus agitur quadringentesimus sextus auspiciis novorum consulum Arcadii Augusti sextum et Anicii Probi : « Quo », inquit Marcellinus, « Theodosius Junior Quinquennalia edidit : et Rhadagaisus Paganus, natione Scythæ, cum ducentis millibus suorum totam Italiam inundavit. Cum Huldin et Saurus (Sarus) Hunnorum Gothorumque reges Rhadagaisum continuo confecerunt, ipsius capite amputato, captivos ejus singulis anreis distrahentes ». Hæc ipse, et quidem paucis et obscure. At res tanta digna quidem est, quæ omni ex parte elucidetur, ac fusius explicetur. Atque in primis quod ad rei gestæ tempus spectat : scimus S. Prosperum in Chronico, hæc accidisse affirmare anno superiori, sub consulatu Stiliconis secundo et Anthemii. Ut autem Marcellino potius assentiamur, Honorii imperatoris rescripta hoc anno ad provinciales data persuadent. Etenim ob ingruens tanti belli periculum jubet etiam armari servos¹. Sed et iterato rursus edicto, ingenuis militantis stipendium auxil, cum ita ad provinciales rescripsit² :

2. « Provinciales pro imminentibus necessitatibus omnes invitamus edicto, quos erigit ad militiam innata libertas. Ingenui igitur, qui militiæ obtentu arma capiunt amore pacis et patriæ, sciant se denos solidos paratis (pacatis) rebus de nostro percipienturos ærario ; quibus tamen ternos ex summa supradicta jam nunc solidos præberi mandavimus. Nam optimos futuros confidimus, quos virtus et utilitas publica necessitatibus obtulit. Dat. XIII kal. Maii, Ravennæ, Arcadio A. VI et Probo *coss.* » Cum

igitur tanta necessitas hoc anno imperatorem coegerit armare servitia, atque triplicare stipendia militantis ; nec alia præter illam Rhadagaisi his temporibus contigisse legatur Barbarorum irruptio, cujus causa tanta oportuerit in expeditione præstari : plane affirmandum esse videtur, hoc ipso anno, quo edicta illa promulgata sunt, formidolosum Rhadagaisi in Italiam adventum accidisse. Hæc in his quæ ad tempus spectant. At rem gestam ab¹ Orosio hujus temporis scriptore petamus, quem tamen hæc summam strictimque scribendo, præterisse multa oportuit. Ait igitur :

3. « Taceo de ipsorum inter se Barbarorum crebris dilacerationibus, cum se invicem Gothorum cunei duo, deinde Alani atque Hunni variis cædibus populabantur. Rhadagaisus omnium antiquorum presentiumque hostium longe immanissimus, repentino impetu totam inundavit Italiam : nam fuisse in populo ejus plus quam ducenta millia Gothorum, ferunt. Hic supra hanc incredibilem multitudinem indomitamque virtutem Paganus et Scythæ erat. Qui (ut mos est Barbaris hujusmodi Gentibus) omnem Romani generis sanguinem diis suis propinare devoverat. Hoc igitur Romanis arcibus imminente, sit omnium Paganorum in Urbe concursus : Hostem esse cum utique virium copia, tum maxime presidio deorum potentem : Urbem autem ideo destitutam, et mature perituram, quia deos et sacra perdiderit. Magnis querelis ubique agitur ; et continuo de repetendis sacris celebrandisque tractatur. Fervent tota Urbe blasphemæ : vulgo nomen Christi tanquam lucis aliqua presentium temporum probis ingraturum ». Cum hæc scribat Orosius, puto quidem tunc usurpasse sibi

¹ L. XVI. de Iyrion. C. Theod. — ² L. XVII. de Iyrion. C. Theod.

¹ Oros. l. VII. c. 37.

Gentiles annonam illam quæ persolvebatur antea deorum templis, ablatam (ut vidimus) ab imperatore Gratiano; quam iterum post sequentem annum ab iis vindicari, et dari militibus, honorius imperator iussit¹, ut suo loco dicemus. Sed pergit rem gestam Orosius:

4. « Itaque inevitabili iudicio Dei factum est, uti quoniam in permixto populo piis gratia, impiis pœna debebatur; oportebatque permitti hostes, qui insuadibilem in plurimis, et contradicentem civitatem severioribus solito flagris coarguerent; non tamen eos, qui indiscrete cunctos intemperata cæde deleterent; duo tunc populi Gothorum cum duobus potentissimis regibus suis per Romanas provincias bacchantur; quorum unus Christianus, propiorque Romano, et (ut res docuit) timore Dei mitis in cæde; alius Paganus, Barbarus, et vere Scythæ: qui non tantum gloriam, aut prædam, quantum inextricabili crudelitate ipsam cædem amaret in cæde. Et hic jam receptus sinu Italiæ, Romam e proximo tremementem terrore quassabat. Itaque si huic ultionis potestas permitteretur, quem Romani ob hoc præcipue tremendum arbitrabantur, quia favorem deorum sacrificiorum obsequiis invitaret; et immoderatio cæde sine fructu emendationis arsisset, et error novissimus pejor priore crevisset. Quandoquidem in Pagani et Idololatræ manus incidisse, non solum Pagani residuis de instaurando cultu idolorum esset indubitata persuasio, sed etiam Christianis periculosa confusio, cum et hi terrentur præiudicio, et illi confirmarentur exemplo. Quamobrem justus dispensator humani generis Deus perire Paganum hostem voluit, et Christianum prævalere permisit; ut Pagani, blasphemantesque Romani et illo confunderentur perditio, et hoc punirentur immisso; maxime cum imperatoris Honorii admiranda in rege continentia, et sanctissima fides non parum divinæ misericordiæ mereretur ». Itæc Orosius, demonstrans, in ignominiam atque detrimentum Gentilium deos colentium factum a Deo esse, ne rex Scythæ Paganus Romam invaderet, eandem vero postea in horum ultionem caperet Christianum. Sed de bello inito subdit:

5. « Conceduntur quidem adversus immanissimum illum hostem Rhadagaisum, aliorum hostium cum copiis suis inclinati ad auxilium animi. Adsunt Hildin et Sarus Hunnorum, et Gothorum duces presidio Romanorum. Sed non sinit Deus rem potentie suæ virtutem hominum et maxime hostium videri. Conterritum divinitus Rhadagaisum in Fesulanos montes cogit: ejusque (secundum eos qui parissime referunt) ducenta millia hominum, inopum consilii et cibi, in arido et aspero montis iugo, urgente undique timore, concludit: agminaque, quibus dudum angusta videbatur Italia, latendi spe in unum ac parvum verticem trudit. Quid nullis morer? Non disposita in bellum acies sunt, non furor timorque incerta pugnae prætulit; non cædes

acla, non sanguis effusus est; non postremo (quod felicitatis loco deputari solet) damna pugnae eventu compensata victoria: edentibus, bibentibus ludentibusque nostris, tanti illi, tamque immanes hostes esurientes et sitientes languentesque confecti sunt. Parum hoc est, nisi captum et catenatum ac subjugatum sciant, quem timere Romani: illumque Idololatram suum, ejus sacrificia se magis pertimescere quam arma fingeant, sine prælio victum ac vinctum sub iugo catenisque despiciant. Igitur rex Rhadagaisus, solus spem fugæ sumens, clam suos deseruit, atque in nostros incidit; a quibus captus, ac paulisper retentus, deinde interfectus est.

6. « Tanta vero multitudo captivorum Gothorum fuisse fertur, ut vilissimarum pecundum modo, singulis aureis passim greges hominum venderentur. Sed nihil superesse Deus de eodem populo sivit. Nam illico cunctis qui emebantur morientibus, quod improbi emptores eorum non impederunt turpiter pretiis, expenderunt misericorditer sepulturis. Igitur ingrata Roma, quæ sicut nunc sentit, non ad remittendam, sed ad reprimendam idololatricæ præsumptionem, iudicis Dei aliquam misericordiam, ita continuo propter vivorum mortuorumque sanctorum piam recordationem, Dei iram passura non plenam, si forte confusa peniteat, ut per experientiam fidem discat, ab incurso Alarici regis et hostis, sed Christiani, aliquantulo ad tempus spatio differtur ». Ilucisque Orosius.

7. At res tanta nihil est ut humanis quiverit perfici viribus: quod cum omnes intellexerint divina id factum esse virtute: haud tamen omnes æque noverunt quis apud Deum rem tantam promeruerit obtinere. Fuit enim ista operans, ille magnus tyrannorum vindex et debellator S. Ambrosius, qui rem tantam haud obscuris signis declaravit suis hospitibus Florentinis: quod Paulinus² his verbis significat: « Tempore quo Rhadagaisus supradictam Florentinam civitatem obsidebat; cum jam de se penitus desperasset viri civitatis, per visum S. Ambrosius euidam apparuit, et promisit alio die salutem illis affuturam. Quo referente, civium animi sunt erecti. Nam altero die, adveniente Silicione tunc comite cum exercitu, facta est de hoste victoria. Itæc Pansophia religiosa femina, matre pueri Pansophii, referente, cognovimus ». Itæc Paulinus. Sanctus vero Paulinus ille Nolanus episcopus tribuit tanta ista Apostolorum principibus Petro et Paulo, Urbisque martyribus, ejus hos versus ex Natali xii sancti Felicis recitat Dungalus scribens contra Claudium Taurinensem cum hoc titulo:

DE EXERCITUS GOTHORUM CUM SCO REGE INTERITU.

Pluribus hac etiam causa est curata patronis,
Ut Romana salus, et publica vita maneret.
Ite Petrus, hic Paulus proceres, hic martyres omnes,
Quos simul innumeros magnæ tenet ambitus Urbis,

¹ L. XIX. de Pagan. C. Theod.

² Paulin. in Vit. S. Amb. in fin.

Quosque per innumeras diffuso limite gentes
 Intra Romuleos veneratur Ecclesia fines,
 Sollicitas simul impenso duxere precatu
 Excubias : Felix meus his, velint unus eorum
 In precibus pars magna fuit, sed summa pctiti
 Muneris ad cunctos, nulli privata refertur.

Hucusque de his Paulinus.

8. Sed de tanta victoria divinitus impartita, S. Augustini audiamus elogia, qui pro concione hæc ad populum obiter ¹ : « Mementote, fratres, mementote : non est longum, pauci anni sunt ; recordamini. Eversis in Urbe Roma omnibus simulacris, Rhadagaisus rex Gothorum cum ingenti exercitu, multo numerosiore quam Alarici fuit, venit. Paganus homo erat Rhadagaisus, Jovi sacrificabat quotidie : nuntiabatur ubique, quod a sacrificiis non desisteret Rhadagaisus. Tunc omnes isti (Pagani scilicet) : Ecce nos non sacrificamus, ille sacrificat : vinci habeamus a sacrificante, quibus non licet sacrificare, Deus ostendens, quia non in istis sacrificiis est ipsa temporalis salus, ipsa regna terrena : victus est Rhadagaisus, adjuvante Domino, miro modo. Postea venerunt Gothi, etc. » et in libris de Civitate Dei ² : « Quod tamen (inquit) nostra memoria, recentissimo tempore, Deus mirabiliter et misericorditer fecit, non cum gratiarum actione commemorant », Gentiles scilicet ; « sed quantum in ipsis est, omnium (si fieri potest) hominum oblivione sepelire conantur : quod a nobis, si facebitur, similiter erimus ingrati. Cum Rhadagaisus rex Gothorum agminis ingenti, et immani, jam in Urbis vicinia constitutus Romanis cervicibus immineret, una die tanta celeritate sic victus est, ut ne uno quidem non dicam extincto, sed nec vulnerato Romanorum, multo amplius quam centum millium prosterneretur ejus exercitus, atque ipse cum filiis mox captus pœna debita necaretur. Nam si ille tam impius, cum tantis, et tam impiis copiis Romam fuisset ingressus ; cui peperisset ? quibus honorem locis martyrum detulisset ? in qua persona Deum timeret ? cujus non sanguinem effusum, cujus pudiciliam vellet intactam ? Quas autem isti pro diis suis voces haberent ? quanta insultatione jactarent, quod ideo ille vicisset, ideo tanta potuisset, quia quotidianis sacrificiis placabat atque invitabat deos ? quod Romanos facere, Christiana religio non sinebat. Nam appropinquante jam illo his locis, ubi nutu summæ majestatis oppressus est ; cum ejus fama ubique crebresceret, nobis apud Carthaginem dicebatur, hoc credere, spargere, jactare Paganos, quod ille diis amicis protegentibus, et opitulantibus, quibus immolare quotidie ferebatur, vinci omnino non posset ab eis, qui talia diis Romanis sacra non facerent, nec fieri a quoquam permitterent. Et non agunt miseri gratias tantæ misericordiæ Dei ; qui cum statuisset irruptione barbarica graviore dignos mores hominum castigare, indignationem suam tamen mansuetudine temperavit,

ut illum primo faceret mirabiliter vinci ; ne ad infirmorum animos evertendos, gloria daretur demonibus, quibus cum supplicare constabat ». Hæc S. Augustinus.

9. Quod vero ad numerum exercitus Rhadagaisi divinitus superati pertinet, modestius agere visus est Augustinus, ne fidem minime posteris facturus loqui videretur hyperboles, dum ait multo amplius quam centum millium fuisse numerum Barbarorum : quos tamen Orosius ad minus ducentos mille fuisse tradit : pariterque Zozimus historicus et quidem Paganus (ne quis invidiose Orosium mentitum putet) quadringenta Barbarorum millia fuisse testatur, qui hoc in bello sub Rhadagaiso militarunt, collecti omnes (ut ait) ex Transistranis, Transrhenanis, Celticis, et Germanicis nationibus. Sed plane, ut paganus, rem tantam perfide obscurare conatus, ait, trans Istrum, antequam cum copiis in regiones Romani imperii subditas Rhadagaisus se inferret, a Stilicone imparatum offensum, ac superatum : cum, testibus Prospero et Cassiodoro, jam ante quinque annos, sub consulatu primo Stiliconis et Aureliani, iidem descenderint in Italiam ; et Paulino, Orosio, Augustino, atque Prospero auctoribus, idem Rhadagaisus fuerit divina virtute in Tuscia superatus, captus, atque necatus. Hæc autem cum omnes una sententia testentur tot tantique gravissimi scriptores, rerum sui temporis singuli assertores : portentosi plane mendacii Zozimus redarguitur.

10. *Atticus episcopus Constantinopolitanus creatur.* — Sed jam ad Constantinopolitanæ Ecclesiæ hujus anni res gestas convertamus orationem. « Hoc namque anno », inquit Socrates ¹, « Arcadio sextum consule et Probo primum, Atticus vir pietate eximius, ex Sebastia Armeniæ oriundus monasticum vitæ genus ab ineunte adolescentia excolens, doctrina sane mediocri, sed prudentia naturaliter insita magis valens, episcopus Constantinopolitanus creatus est » : de quo cum Sozomenus ² dicat quantum post mensem ab obitu Arsacii creatum esse, quem diximus diem obisse tertio idus Novembris ; æque dicendum est, tertio idus Martias esse in locum Arsacii Atticum substitutum. Ait autem de eo Sozomenus : « Quarto post obitum illius mense, ordinatur Atticus Constantinopolitani cleri presbyter, unus ex insidiatoribus Joannis. Hic quidem natione erat ex Sebastia Armeniæ, sed a puero ad religionem institutus per monachos hæresis Macedonianæ sectatores, qui tum temporis Sebastie in hujus sapientiæ studio clarebant ex schola Eustachii progressi » : sed et paulo post : « Hic autem cum ad virilem ætatem pervenisset, ad Catholicam Ecclesiam transiit. Et quoniam natura magis quam doctrina prudens erat, rerum agendarum insidiator fuit, ut qui ad adstruendas insidias, et ad easdem evitandas sufficeret, ingenio pellaci, ita ut multis gratus esset. In concionibus Ecclesiasticis medio-

¹ Aug. ser. XXIX. in Luc. — ² Aug. de Civit. Dei. l. v. c. 23.

¹ Socr. l. vi. c. 18. — ² Sozom. l. viii. c. 27.

cris, ut hæc neque scripto dignæ viderentur auditoribus, neque eruditionis prorsus expertes. Nam cum affectatius esset; si quando occasione nactus erat, præcipuos quoque græcos scriptores lectitabat: et eo ipso quod indoctos haberetur, dum de hisce disserteret, etiam doctos strepennuero latebat. Ferebatur autem erga suæ opinionis homines industris, adversus diversa sentientes formidabilis, et facile his ipsis, quodlibet vellet incutere metum, et mox mutatus apparere mansuetus. Atque hunc quidem talem fuisse aiunt illi qui hominem norant. Hactenus de Attico Sozomenus, modoque satis de ejus electione hæc dicta sunt.

11. *Epistola S. Joannis Chrysostomi ad legatos Roma in Orientem missos.* — Interea autem, cum Roma in Orientem legati missi, Constantinopolim properant: ea de re certior redditus S. Joannes Chrysostomus, his eos putavit præveniendos esse litteris¹:

« Pristinam quidem vestram animi promptitudinem, atque studium, quod pro Ecclesiarum commodis præ vobis tulistis, admirati sumus. Postquam autem tam longam peregrinationem insuper adjecistis, omnique cunctatione abjecta, forti, ut vos decebat, animo tam longum iter suscepistis; non vulgariter hoc quoque nomine vos suscipimus, nec vobis tum nunc per litteras, tum citra litteras gratias agere desinimus. Nec vero nos duntaxat, sed etiam Orientales omnes admiratione afficiuntur, vestraque firmitatis atque constantiæ, ferventisque charitatis, et immote sententiæ præcones se præbent. Ac jam nec itineris longinquitatem, nec peregrinationis ærumam ullo modo gravem et molestam esse ducunt, ut ad eos excurrant, ac tot vestra præclara facta conspiciant. Eoque etiam nomine carissimus et insigni pietate præditus dominus meus presbyter, etiamsi aliqui parum firmo corpore præditus, nihil non sibi perferendum putavit, ut ad vos se conferret, vestroque conspectu atque congressu frueretur. Posteaquam igitur ipsum (ut vestra charitas postulat) exceperitis: illud a vobis pelimus, ut etiam si mala ingravescant, vos tamen iis medicinam afferre ne gravemini, verum parem initis finem imponatis: scitis enim quantum vobis Deus pro sua benignitate mercedem relaturus sit, si pro tot Ecclesiis perturbatis laboretis, nihilque omittatis, quo eos ad tranquillum portum appellatis. Hucusque ad legatos Chrysostomi litteræ: imo et duplices dedit, alias nimirum ad eos eodem argumento conscriptas².

12. *Quot quantaque pertiderint ab adversariis legati.* — Sed quid meditata est scelerata peritidia? Quod enim adversarii Joannis scient, si idem legati Constantinopolim se conferrent, fore, ut populus pro Joanne sollicitus cum eisdem legatis pro ipsius Joannis restitutione conspiratum esset, et turbas quoque, si res ex sententia non eveniret, excitaturus: consilium illud inierunt sedestum admo-

dum, nimirum ne legatos sinerent ingredi Constantinopolim: quomodo autem id moliti sint, jam dicturi sumus.

13. Ac primum omnium, quod ad tempus spectat, decretum in Synodo Romæ habita anno superiori legationem, hoc vero anno missam, non pervenisse Constantinopolim, nisi postquam Atticus suffectus Arsacio, hoc anno (ut dictum est) sedere cepit: ipsæ res gestæ declarant. Contigit itaque legatos talia tantaque pati, quæ neque perpeti contigisset apud feroces Barbaros, et quasvis agrestes ac rationis penitus expertes immanes gentes: siquidem non Christianæ pietatis tantum leges sunt ignominiosissime proclamatae, sed ipsum jus gentium sceleratissime violatum. At quenam fuerint ista, iidem ipsi legati cum re infecta reversi sunt, palam fecere. Accepit ab ipsis rem cunctis notissimam ipse qui refert Theodorus Ecclesiæ Romanæ diaconus, qui apud Palladium singula verbis ipsorum legatorum recenset, atque ait³:

14. « Profecti igitur legati Constantinopolim, post quatuor menses redierunt, narrantes nobis Babylonias res. Cum autem (aiebant ipsi) præternavigaremus Græcias, detenti sumus Athenis ab infesto quodam tribuno militum; qui idem nobis centurionem adjecit unum, qui Thessaloniciæ appropinquare minime permetteret. Illic enim intendebamus primum Anysio episcopo Thessaloniciæ litteras reddere: jungebatur hic una cum aliis Macedoniæ episcopis religionis federe cum Occidentalibus pro Joanne, ut superius dictum est. Vultit ergo tribunus ne ii simul adversus Joannis impugnatores unirentur. Sed pergit Theodorus relationem reddere legatorum: « Injectos igitur nos tribunos in duo navigia misit. Irruente autem Austro vehementi, tribus diebus absque cibo Ægeum pelagus, et Augusta trajecimus. Tertia tandem die, hora duodecima, ante urbem applicuimus prope Victoris suburbana. Quo in loco detenti ab his qui observabant portus, retro repulsi sumus; cujus id jussione patremur, ignorantes. Conclusique intra castellum Thraciæ maritimum, quod Athyrum vocant; illicque cruciati, atque ab invicem divisi. Romani quidem in cellula una, Cyriacus vero, et qui cum illo erant, in pluribus morabantur, ne uno quidem puero nobis in ministerio relicto.

15. « Cumque ut litteras daremus, exigeretur a nobis; non acquievimus, dicentes minime esse conveniens; sed ut qui senes eramus, ipsi imperatori imperatoris iidem litteras episcoporumque redderemus. Cum igitur obstinate recusaremus, neque advenienti ad nos Patricio notario, neque aliis quibuscumque, qui ad hoc venerant, eas dare vellemus: postremo accessit ex Cappadocia quidam tribunus militum, Valerianus nomine; perfractoque episcopi Marianum pollice, per vim abstulit signatam regis epistolam cum litteris reliquis. Postridie vero miserunt ad nos sive regis amici, sive Atticus, nescimus (ipse

¹ Chrys. ep. CLXX. — ² Chrys. ep. CLXXI.

³ Apud Pallad. dial.

enim ferebatur Ecclesie invasisse thronum) qui tria millia numismatum darent, orantes, ut communicarem cum Attico, et de Joannis judicio omnino taceremus; quibus minime obtemperare volumus. Permansimus igitur orantes, ut quandoquidem nihil pacificum peragere possemus, tuto saltem redire ad Ecclesias nostras permitteremur. Movebat enim nos nimia inhumanitas hominum.

16. « Hoc et Salvator noster variis revelationibus nobis ante monstraverat: adeo ut et diacono S. Emmelii Paulo viro mitissimo et pudicissimo in navi apparuerit Apostolus Paulus, dicens illi¹: Videte quomodo caute ambuletis, non quasi insipientes, sed ut sapientes, quoniam dies mali sunt. Significante somnio multiplicem fallaciam, quæ ad eversionem veritatis nobis insidiaretur donis atque blanditiis. Assistens igitur idem ipse tribunus Valerianus injecti nos in navim vetustam et putrem: datoque (ut ferebatur) pretio nauclero, ut perderet navigantes, et simul adjectis militibus viginti ex ordinibus variis, continuo Athyris expulsi. Emensis igitur stadiis plurimis, cum jam perituri videremur, applicuimus Lampsaco. Inde mutata navi, vicesima tandem die ad Calabriæ Hydruntem pervenimus. Neque vobis ultra dicere poterunt de beato Joanne aliquid certius, neque ubi modo sint Demetrius, Cyriacus, Eulisius, et Palladius, qui cum nostris Epistolis legati fuerant missi, et Athyris (ut ante jam diximus) detenti ». Hactenus ex relatione legatorum Theodorus. Quæ eadem omnia, qui res Joannis Chrysostomi persecuti sunt, cum dicant facta esse ante Endoxie Augustæ obitum, diversam secuti sunt sententiam ab iis qui dixerunt eam anno superiori defunctam.

17. Ad ipsos autem legatos hac legatione perfectus S. Joannes Chrysostomus has litteras dedit²:

« Amplissimas vobis ob tantam animi firmitatem, ac studium, et curam, laboresque et sudores, ac denique ob longam hanc peregrinationem, quam utilitatis Ecclesiarum causa suscepistis, gratias agimus. Etenim quanto gravius eos, qui omnia perturbant, judicium manet, tanto quoque majus uberiusque vobis premium expectandum est, qui ad ea quæ ab aliis scelerate ac nefarie admissa sunt, corrigenda, tantum patientiæ studiique adhibuistis. Atque utinam coram quoque vobiscum congredi possemus! Quod quoniam nobis exilii necessitas ademit: tandem aliquando atque ægre ornatissimum ac religiosissimum dominum meum presbyterum ad vos proficiscentem nacti, has litteras misimus, quibus debitum vobis salutationis munus pendimus; ac tum pro presentibus vestris officiis, tum pro eo, quod flagritis, sarcinendorum incommodorum zelo gratias agimus. Nam etsi nihilo meliore statu res est; tamen ipsi, quod muneris vestri erat, præstitistis: eoque nomine plena, numerisque omnibus absoluta merces a benigno Deo vobis consti-

tuta est; ut qui ad medicinam admissis sceleribus afferendam tanto studio, tantaque animi alacritate perpetuo usi sitis ». Hæc ad legatos Chrysostomus.

18. At quid post hæc actum sit de episcopis Orientalibus, quos primum legatos Romam missos diximus, deinde e Concilio Roma in Orientem cum eodem munere redditos, quos et secutos legatos in Athyræ castello seorsum singulos inclusos reliquimus; jam dicendum est. Palladius enim, quid de illis atque aliis factum sit, ita describit¹: « Episcopi (ut initio quidem fama vulgavit) in mare præcipitati; ut autem veritas continet, in exilium ad remotiora, et barbara loca ducti sunt; ibique a satellitibus nunc usque servantur. Reversus enim diaconus quidam, itineris ipsorum comes, retulit, Cyriacum quidem Emisenum episcopum octingentis militibus passuum Palmyram Persarum oppidum adductum esse; Eulisium vero Bostræ Arabum, in castellum quod Nupsas appellatur, Saracenis adjacens, relegatum; Palladium Blemmiorum, sive Æthiopum episcopum servari prope locum, qui Syene vocatur, in Ægypti regione; Demetrium intus in Oasim Mazicis proximam: sunt enim et aliæ Oases ». Ii sunt quatuor illi legati ab Oriente Romam episcopi, reversique cum legatis Roma missis in Orientem, et Athyræ in carcere custoditi.

19. Ad hos autem quatuor episcopos Cyriacum, Demetrium, Palladium, et Eulisium exules extat S. Joannis Chrysostomi Epistola scripta tunc quidem, cum exilio eos esse damnatos accepisset: digna sane quæ istiusmodi Actis interseratur; est vero hujusmodi²:

« Beati vos, ac ter beati, sæpiusque beati ob præclaros hos sudores, et certamina, et ærumnas, ac labores, et pericula, quæ pro omnibus orbis terre Ecclesiis subististis. Illicque tum in terra, tum in mari, tum in cælis gloriam, et splendorem consecuti estis. Siquidem homines omnes, qui quidem mentis compotes sunt, vos prædicant, ac coronis cingunt, animi vestri robur, fortitudinem, tolerantiam, atque constantiam ad stuporem usque mirantes. Benignus autem Deus, qui laboribus longe ampliora præmia semper constituit, tot tantaque bona vobis rependit, quot quantaque iis a Deo rependi par est, qui pro universi orbis pace tam strenue ac fortiter dimicant. Ac propterea nos quoque beatos vos predicare non desinimus, incredibilem quamdam voluptatem ex vestri recordatione perpetuo capientes, vosque etiamsi aliqui longo itineris intervallo a vobis disjuncti simus, animo circumferentes. Ac quidem Cereus carissimus diaconus nunc navigare minime potuit, propterea quod multo labore confectus erat. At vero domini mei, religiosissimus presbyter Joannes, et carissimus diaconus Paulus, cum undique exagitarentur ac vexarentur, nec usquam consistendi ac delitescendi potestas esset, hoc sibi necessario faciendum existimarunt, ut ad charitatem vestram sese conferrent, istique vobiscum

¹ Ephes. v. — ² Chrys. ep. cxlviii.

¹ Pallad. in dial. — ² Chrys. ep. cxlviii.

essent. Quamobrem ipsos cum charitate excipite; eamque quam par est, benevolentiam ipsis exhibete ». Hucusque Epistola. Sed quæ de aliis exulibus et extorribus Palladius subdit, hic reddamus :

20. « Serapionem autem post innumeras absque ulla probatione calumnias, cum atrocitate iudicium violassent, in patriam (ut fama est) propriam relegarunt. Hilarius vir sanctus et senex, post plagas non a iudicibus sibi, sed Acro impositas, in interiorum Pontum missus est : qui decem et octo annis panem non gustavit, solaque olera vel legumina ad cibum habuit. Antonius intra Palaestinæ speluncas se inclusit : Timotheus Maroniæ et Joannes Lydiæ episcopi in Macedonia esse memorantur : Rhodon Asiaticus Mytlenem profectus est : Gregorius Lydius esse in Phrygia dicitur : Brisso Palladii frater, Ecclesia sua sponte derelicta, in agello suo degit, terram propriis manibus fodiens : Lampetius vero (ut aiunt) in agro Lydiæ a quodam fovetur Eleutherio, lectionibus vacans : Eugenius in patria est : Elpidius magnus ille Laodiceæ Syriæ episcopus una cum Pappo, tres anni sunt, ex quo gradus domus nunquam descenderunt, orationibus insistentes : Heraclidas Ephesius quadriennium jam Nicomediæ carceri inclusus est.

21. « Reliqui de communione Joannis partim quidem Attico communicarunt necessitate compulsi, et in alias regiones Thraciæ, translati, partim nescimus ubi sint. Aiunt Anatolium in Gallias concessisse. Presbyteri vero in Arabiam et Palastinam exularunt : Tigrius in Mesopotamiam relegatus est : Philippus fugiens in Ponto diem obiit : Theophilus in Paphlagonia versatur : Joannes Æthrius Cæsariæ construxit monasterium : Stephanum in Arabiam relegatum, a carnificibus Isatri abstractum, in Taurum dimiserunt : Sallustium Crete immorari fama est : Philippum monachum atque presbyterum Scholarum audiui infirmari in Campania : Sophronius diaconus Thebaidæ servatur in custodia : Paulus diaconus dispensatoris adiutor in Africa profectus memoratur : alius Paulus Hierosolymis est : Elladius Palatii presbyter Bithyniæ in agello proprio degit. Plurimi Constantinopoli delitescunt : alii vero in sua quisque discessere. Silvanus autem sanctus episcopus Troade piscatu sibi victum quaerit » : pergit dicere de Stephano monacho, Entropio, et aliis, de quibus superius mentio facta est. Sed quid ipsis episcopis contigerit, enim in exilium deportantur, Palladius ista subdit :

22. « Retulit autem is qui ab episcopis redierat diaconus, eos a ductoribus suis, immissione quorundam, in tantum vexatos, ut tederet etiam vivere, mortemque sibi imprecarentur omnes. Nam pecunias in sumptus necessarias eis auferentes, inter se partiti sunt; nudisque imponentes iumentis, bihi iter una conficiebant die, profunda jam nocte diverterent, et nocturnis item tenebris ad iter exurgentes, ut neque infelices escas continere stomachus posset. Turpibus præterea obscenisque sermonibus impellere illos non desistebant. Palladio autem etiam

servum tulerunt, cogentes ipsum litteras quoque dare quas habebat. Demetrium unus ex militibus adeo afflixit, ut profunda jam vespera illum etiam perculeret vomere : qui continuo corrui exspiravit, multis doloribus maceratus. Prædixerat enim Palladius (ut ex commilitone veniente didicimus) : Aliud iter non conficies, sed miserabiliter morieris. Ecclesiæ namque omnino appropinquare non sinebant, hospitantes aut in stabulis, ubi scortorum erat multitudo, aut in Samaritanorum vel Judæorum synagogis : quibus illi angustiis pressi, nova semper animo versare cogebantur. Dixit autem unus ex episcopis : Quid de diversoriis querimus? Num enim in nobis est, morari uspiam, ut voluntate propria et electione lascivientes penas expendamus? An ignoratis hæc omnia et contigisse prius, et futura etiam postmodum, per quæ omnia glorificatur Deus? Quam multæ istiusmodi meretrices, quæ vel oblivione Dei cœperant, vel illum semper ignoraverant, conspectis nobis, in timorem Dei cognitionemque venerunt, fortassis in melius convertendæ, sive certe ad deteriora non prolapsuræ. Non parum autem est rationali animæ, quæ a perturbatione vexatur, respirare vel modicum, quod est pudoris fomentum : adeo ut dixerit, qui hæc sustinuit magister Gentium Paulus¹ : Christi bonus odor sumus his qui salvantur, et his qui percutiunt : eo quod² spectaculum facti sumus angelis et hominibus.

23. « In tantam vero acerbitalis insaniam episcopi omnes de communicatione Theophili per totum Orientem (sicuti monachus rediens retulit) devenerunt, ut ex his plerique non modo debitam humanitatem non exhiberent; verum milites, datis muneribus, inducerent, ut eos oculis et civitatibus expellerent. Sunt autem qui ista gessere. Tarsensis, et Antiochenus, et Cæsariensis, atque ante omnes Ancyranus, et Pelusiensis episcopi, partim donis, partim etiam minis militum animos contra eos ita efferantes, ut ne laicos quidem eos excipere hospitio cupientes permitterent, sicut in Epistolis canonicis Cajo contra episcopum quemdam scribit beatus Joannes³ : et post aliqua : « Laudabat autem idem monachus, atque admirabatur Secunda Capadociæ episcopos, ut qui actis in exilium episcopis magnum ostendissent miserationis affectum; et in primis Theodorum Tyanæum mitissimum virum, Bosphoriumque Coloniam, qui quadragesimum in episcopatu agebat annum, et Serapionem Ostracinae quadragesimum et quintum annum in episcopali officio supergressum ». Hæc Palladius de exulibus episcopis, et eorum peregrinatione. Quod ad Bosphorium spectat; hic sane ille (ut suo loco dictum est) qui ante annos quadraginta, nempe a Christo nato trecentesimo sexagesimo sexto, S. Gregorio Nazianzeno suavis, ac pane coegit suscipere munus Ecclesiæ Nazianzenæ.

24. *Chrysostomus Arabissi agens ultimum scribit Epistolam ad Innocentium, tum ad Julianam*

¹ 2. Cor. II. — ² 1. Cor. IV. — ³ Joan. III.

et Probam, ærumnisque pœne conficitur. — Sed jam tandem ipsum S. Joannem Chrysostomum in exilio Arabissi agentem invisamus. Hoc quidem ipso anno, absolutis exilii annorum duorum periodis, tertium inchoavit mense Julii; quando mittens Romam Joannem presbyterum et Paulum diaconum, has ad Innocentium Romanum Pontificem litteras dedit, quibus in primis pro sedulo et indefesso in sua causa exhibitio studio ingentes gratias agit: inde vero pro persecutoribus rogat, suadens mitius agere adversus canonum proculcatores, ne eos excommunicet, ob periculum universalis in universo orbe conlandi schismatis; sed ut exspectet, orat, si forte respiciant. Sic enim ipsæ se habent novissimæ ad Innocentium scriptæ ¹ litteræ tanti viri memoria suavissimæ atque dulcissimæ:

25. « Corpus quidem nostrum uno eodemque loco tenetur et stabililum est; animus autem claritatis ala in universo orbe circumvolat. Proinde licet tanta itineris intercapedine separati simus, a pietate tamen vestra non absumus, sed quotidie vobis præsentem sumus. Animi enim oculis videmus vestram illam fortitudinem et sinceram affectionem, constantiamque non mutabilem, et quod vos consolari nos plurimum et perpetuo cupiatis. Quanto enim fluctus extolluntur sublimius, et plures latent scopuli, vehementioresque venti sunt et tempestates: tanto et vigilantia vestra augetur: neque vos tantæ viæ prolixitas, neque tantum temporis intervallum, neque causarum difficultates seniores reddidit; sed perseveranter imitami optimos gubernatores, qui tunc maxime vigilantes sunt, quando elevari fluctus, et mare intumescere, et multas aquas in navim inundare, gravissimamque interdiu noctem ingruere vident. Ea propter et gratias vobis habemus multas, et desideramus quidem ad vos dare crebras litteras; id quod nobis maximo foret solatio. Verum quia solitudo hujus loci in tantum vos a nobis separat, neque facile ad vos pervenire valent hi qui nobiscum agunt, vel etiam qui in vicino habitant, tum quod in extremis finibus locus ille situs est, tum quod latrones vias illas undique obsident: precamur ut diturnum nostrum silentium efficiat, quod magis condoleatis, quam quod nos reos pietatis negligentiae: neque enim contemptus est in causa, quod tacuimus.

26. « Nunc enim multo tempore venerabilem et dilectum Joannem presbyterum et Paulum diaconum in hoc tenuimus, ut scriberemus. Perpetuas enim vobis gratias agimus, quod paternam erga nos benevolentiam declarastis. Nam quantum in vestra pietate situm fuit; jam res omnes sedatæ et emendatæ, atque sublata omnia scandala fuissent, gauderentque Ecclesiæ tranquilla ac sincera pace, et essent plane secunda omnia, neque contempte leges neque violatæ Patrum constitutiones forent. Ad illi in suis impiis operibus pergunt; et quasi antea nihil attentarint, ita priora malefacta recentibus

vincere certant. Nolo autem omnia quæ interim gesta sunt, singulatim recensere; quandoquidem non solum epistolæ, sed et historiæ modum transcenderet narratio.

27. « Cæterum vestram oro vigilantiam, quod licet illi omnia tumultibus repleverint, laboraverintque morbis incurabilibus et penitentiae non capacibus; si tamen curari morbos voluerint, ne affligantur, neque a cœtu abiciantur, considerata tanti operis magnitudine. Certamen enim illud ferme totius orbis est, Ecclesiæ usque ad genua humilitatē sunt, populi dispersi, clerus divexatus, episcopi exules, constitutiones Patrum violatæ. Et ideo iterum atque iterum et sæpius vestram oro diligentiam, ut quanto major est tempestas, tanto majus adhibeatur studium. Exspecto quidem futurum, ut aliquanto amplius corrigantur. Quod si minus fiet: vos vestram coronam paratam apud misericordem Deum habetis; et hi qui injuria afficiuntur; consolationem ex incremento charitatis vestræ non mediocrem accipient. Nam et nos tertium nunc annum in exilio versamur, expositi pesti, fami, bello, continuis obsidionibus, solitudini indicibili, quotidianæ morti, et Isauricis gladiis: et non mediocriter nos consolantur solida vestra fides et charitas, quæ se in me tam tenui ac simplici oblectant. Hic noster murus, hæc securitas, hic portus absque fluctibus, hic multorum bonorum thesaurus, hæc lætitiæ mirificæque voluptatis causa est. Et si in desolationem quam isle est, locum iterum abigemur; non parvam hinc habentes nostrarum afflictionum consolationem, abimus ». Hactenus Joannis Chrysostomi Epistola Romam missa per Joannem et Paulum: quos apud sanctas feminas, easdemque genere clarissimas Romæ voluit hospitari, sicuti alios qui ab Oriente a se missi erant: haud enim hos apud Innocentium, qui interpellabatur Judex, decebat defensores causæ Chrysostomi hospitari; ne idem qui Judex, æque esse patronus censeretur. Extant Joannis ipsius ad eas datæ litteræ. Quales autem quantæque essent iste extorrium ac profugorum legatorumque hospite Proba ac Juliana, memoria repeat quæ de utrisque a nobis dicta sunt supra ad finem quarti Annalium tomi. Quarum commendandi studii causa, hic perbreves binas scriptas ad eas Epistolas ipsius Joannis opportune reddemus. Ad Probam enim data Epistola sic se habet, cum eosdem missos legatos commendat Joannem et Paulum ¹:

28. « Elsi longo itineris spatio abs te disjunctus sum; tamen sinceram ac ferventem tuam charitatem non secus ac si coram essem, tuæque omnia cernerem, certo expertus sum: iis nimirum, qui istinc ad nos veniunt, ea de te asserentibus, quæ audire cupiebam. Eaque de causa multas atque ingentes tibi gratias habeo, atque ob istum tuum animum glorior, meque effero: virosque mihi carissimos, religiosissimumque presbyterum Joan-

¹ Chrys. ep. II. ex septem.

¹ Chrys. ep. CLXVIII.

nem, et ornatissimum diaconum Paulum tibi commendando; atque ad tuas manus, velut ad portum transmittito. Abs te igitur, lectissima ac nobilissima domina mea, peto, ut, quemadmodum humanitas tua poscit, ipsos videas: nec enim te fallit, quantam hujusce comitatus mercedem relatura sis. Ac quam sepiissime licebit, de tua valetudine, de qua ut nobis vehementer cara, aliquid intelligere, vehementer aveo, fac me certiores ». Haecenus ad Proham. Ad Julianam vero sanctissimam aequae viduam ejus filiam ista habet¹:

29. « Quo graviore pena mulctati sumt, qui tot scelera perpetrarunt: eo quoque vobis, qui tot scelera tollere ac delere studuistis, tantumque laboris et ærumnae suscepistis, amplior merces futura est. Neque enim nobis obscura fuit ea beneficentia, idque studium, quod et in negotio de quo agitur, et in excipiendis benigneque complectendis iis quos istuc misimus, præbuitis. Eoque nomine gratias vobis habemus; vosque rogamus et obsecramus, ut in eodem studio et alacritate permaneatis, ac firmitus etiam ac valentius animi robur, ac fortitudinem adhibeatis. Neque enim vos fugit, quanta hujusce præclari facti magnitudo sit, quantamque mercedem percipere sitis; tantos motus, ac tam saevos fluctus, quantum in vobis est, comepescentes; camque quam par est, acceptis incommodis, medicinam afferentes ». Haec ad Julianam, non solum (ut vides) hospitem legatorum, sed et causae Joannis diligentissimam patronam. Extat ejusdem Joannis eodem argumento alia Epistola ad Italicam², aequae clarissimam feminam, ad quam etiam datae S. Augustini duae Epistolae habentur³.

30. Cum autem ad calcem recitate nuper Epistolæ ad Innocentium papam Joannes dicat, in alium se forte locum ablegandum fore; odoratus esse videtur, quod adversarii in ipsum molirentur, conantes sic eum frequentibus alterere peregrinationibus per loca aspera et difficillima, quousque nimia ex itineribus afflictus molestia, cogeretur ad postremum etiam ex hac vita migrare. Quod enim ejus causa totum scirent adversarii esse Occidentem commotum, Romanumque Pontificem etiam et alios ejusdem orbis episcopos exasperatos, quin et ipsum Honorium imperatorem, ab violatum in contumeliis legatorum jus gentium, haud mediocriter perturbatum, concitatumque ad facinoris ultionem: nihil consulti agi sibi visum, quam si ipse Joannes de medio tolleretur; sic rati omnem cum illo finem consecuturum esse quod fervebat Ecclesiasticum bellum. Sed quod perficere istud gladio nimis tyrannicum haberetur, et invidiosum: id quod diximus, excogitarunt, ita nimirum eum ærumnis conficere, ut penitus delicere et exhalare animam cogeretur; quod quidem, et impie perpetratum et expletum est, ut quæ paulo inferius de ejus ad Deum migratione dicturi sumus, facile demonstrabunt.

31. *Atticus persequitur Joannis participes, et quod propterea Innocentius papa et Honorius decreverint.* — At licet (ut vidimus) Joannes Chrysostomus suis litteris rogasset Innocentium Romanum Pontificem, ne a cœtu fidelium excommunicatione eos ejiceret, qui legatos Apostolicos adeo turpiter ejecissent, maleque habuissent: constat tamen tum ipsum Innocentium, tum reliquos Occidentalis Ecclesiae episcopos Atticum pseudoepiscopum, veluti tanti sceleris architectum, a communione fidelium extorrem penitus declarasse: cum ipse Atticus, ne Orientis populi a se dilaberentur, ejusmodi (ut ait Palladius⁴) edictum eliciit ab Arcadio, quo cives, et peregrinos, sive provinciales sibi cogeret communicare: edictum autem sic se habuit:

32. « Si quis episcopo Theophilo, et Porphyrio, et Attico non communicat; Ecclesia pellatur, et a suis facultatibus prorsus projiciatur ». Haec summa edicti, potius quam ipsum integrum. « Hinc jam alii (subdit Palladius) plus æquo gravati pondere, invili quoque communicant. At vero pauperiores quique et in fide sana imbecilliores muneribus quibusdam ad communicandum attrahuntur. Qui vero genus et patriam, et corruptibilem gloriam, corporumque pressuram contempserunt, fuga ingenuitatem animi servaverunt, Evangelicum⁵ illud crebra memoria repetentes: Si vos in una civitate persecuti fuerint, fugite in aliam: et Proverbiorum⁶ illud sibi mel dicentes: Non proderunt substantiae in die iræ. Profecti autem sunt alii quidem Romam, alii ad montes, alii in monasteriis servorum Dei a Judaica iniquitate servabantur. Confinabat autem rescriptum contra laicos, qui in dignitate erant constituti, ut magistratu et dignitate omni privarentur; milites ut baltheum amitterent; populares et artifices reliqui persoluto gravi auri pondere, subjicerentur exilio. Verum dum ista geruntur, preces a fidelioribus quibusque sub die magna cum afflictione sua quotidie fiebant ». Haec Palladius.

33. Quid autem offensus Innocentius Romanus Pontifex, necnon Honorius imperator in Arcadium post hujusmodi scelus plane execrandum adversus legatos perpetratum egerint; ignoratur quidem: tamen ex aliis litteris Honorii superius recitatis, quæ hoc tempore Honorius scripserit, satis conjici potest. Res namque jam eo perducta videri poterat, ut ipsi Honorio nihil reliquum esset, nisi cum Arcadio armis decernere: sed Barbarorum assidui rmmores, et detecta infidelitas Stiliconis (ut dicimus) animum ejus avertit. Innocentius autem haud potuit rem tantam dissimulare, atque adeo execrandum facinus inultum relinquere; licet aliquod severitatis Ecclesiasticae censure remittere, ne major in Ecclesia scissura fieret, ratio temporis persuaserit. Quamobrem ab Ecclesiastica Romanae Ecclesiae communione abstinuit tum Atticum Constantino-politanum intrusum episcopum, tum etiam Theo-

¹ Chrys. ep. CLXIX. — ² Chrys. ep. CLIII. — ³ Aug. ep. VI. et CXXXIII.

⁴ Pallad. in dial. — ⁵ Marc. x. — ⁶ Prov. XI.

philum Alexandrinum, ut ex iis quae dicuntur inferius perspicue apparebit : lucusque in eos progressa est censura Ecclesiastica, conjunctaque cum miseratione severitas disciplinae.

34. Porro autem ipse Joannes Chrysostomus, qui primo anno Cucusi (ut diximus ex Palladio) et sequenti usque in praesens Arabissi Armenie civitatis exulavit, ubi (ut ipse testatur ¹) erat episcopus vir sanctissimus Trejus : in hoc usque tempus haud privatus est commercio litterarum, quas mutuo acciperet atque redderet. Sed quod nulla amplius litterae data legantur, perpetuumque appareat ad obitum usque servatum esse silentium; adversarium invidia interceptus creditur comneatus; ipseque ne quid scriberet, custoditus; obstructumque penitus creditur os illud aureum, gemmensque stylus e manu ejus abstractus, atque perfractus ingenti jactura totius Ecclesiae.

35. *Commentarios scribit Hieronymus in Prophetas quorum alterum dicat Exuperio, itemque Epistolam contra Vigilantium.* — Sed ne penitus consistere videamur absque sanctorum virorum consortio solitarii : age modo conveniamus S. Hieronymum in Ecclesia operosum; qui hoc anno in Zachariam, Oseam, Joëlem, Amos, et Malachiam Prophetas commentarios disertos elaboravit : audi vero ipsum ad Pammachium ista scribentem ² : « Praesenti anno, qui sexti consulatus Arcadii Augusti, et Anicii Probi Fastis nomen imposuit, Exuperio Tolosanae Ecclesiae Pontifici Zachariam, et ejusdem urbis Minerio, et Alexandro monachis, Malachiam Prophetam interpretatus sum; statimque recurrens ad principium voluminis Osee, et Joel, et Amos, tibi negare non potui ». Haec quidem ipse (ut ibi ait) cum de gravissima convalesceret infirmitate, ac tremantibus digitorum articulis, jam scribere non valeret, utpote senex; qui et de commodis et incommodis senectutis ad eundem Pammachium ³ tunc disseruit. Sed unde scribendi commentarios in Zachariam ad S. Exuperium episcopum Tolosanum occasio data est, praestat hic recensere. Hoc enim anno idem vir maxime pius, erga pauperes largitionibus effusissimus, quod tantae ejus liberalitati angustae Galliae viderentur, legavit Sisinnium monachum integerrimis vite moribus praeditum in Orientem cum ingenti pecunia, ut Palaestinae monachis ad vitam subsidia ministraret, inde vero se in Aegyptum conferret, idem muneri Aegyptiis monachis expletrus. Cum autem idem S. Hieronymus ex eodem Sisinnio, qualis quantusque esset vir eximius Exuperius didicisset : eidem, ob ejus egregiam sanctitudinem, libros in Zachariam Prophetam, quos elucubrat, dedicandos existimavit, a quo litteras per eundem monachum accepisset, necnon ad alendos monachos eleemosynam, prout in Praefatione ipse testatur his verbis ⁴ :

36. « Ultimo jam autumnii tempore frater noster,

filius tuus Sisinnius monachus tuae mihi dignationis Epistolam reddidit : qua lecta, gavisus sum, esse te sospitem et memorem mei, omniumque fratrum qui in sanctis locis Domino serviunt, in quorum refrigeriis facis tibi amicos de iniquo mammona : Et paulo inferius de ipso etiam Exuperio : « Audio te in valle lacrynarum, in loco quem Deus posuit ad certamen, ut vincantibus coronam daret, ascensiones in tuo corde disponere, et ire de virtute in virtutem, et imitari Domini pauperitatem, ut cum illo dives fias, et in te reclinet caput, et per singulos dies suscipiatur, visitetur, alatur, vestiatur; et praecipue in sanctarum Scripturarum lectione fervere, etc. »

37. Quod vero festinaret Sisinnius eleemosynas ferre ad Aegyptios monachos, impolita se mittere excusat; nam eum ad Epiphanium usque diem in Palaestina permansurum esse putarat ¹ : qui quominus id praestiterit, sed profectionem accelerarit, ut perferret eleemosynas ad monachos in Aegypto agentes, causa praecessit, quod auditum esset, ejus provinciae monachos ob penuriam anni hujus alimentorum, alimonia admodum laborare. Unde ait ipse Hieronymus : « Cumque eum rogarem, ut differret iter; libere mihi cepit famem obtendere monasteriorum, Aegypti necessitates, Nili non plenas aquas, multorum inedia : ut prope esset in Dominum offensa, illum ultra velle retinere » : ac rursus ² : « Frater Sisinnius in Aegyptum ire festinat, ut odorem bonae fragrantiae, qui ante missus est fratribus, illic quoque perferat; et nequaquam Aethiopiae flumine, sed Galliarum largissimis aquis rigentur arva sitientia » : ac iterum de eodem ³ : « Ipse tua festinat sanctis aera dividere, et nos non patitur nostra tibi aera numerare ? » Equidem puto, divino Spiritu S. Exuperium praenovisse proxime venturum Galliarum excidium, dedendamque tandem Tolosam Barbaris; ob idque magna celeritate festinasse conferre in sanctos, quod auferrent paulo post Barbari, nisi ante caveret. Ultimo siquidem hujus anni die (ut proxime dicturi sumus) Wandali et Alani cum aliis Barbaris, trans Rhenum copias ad Gallias depopulandas perduxere : ac post excidium plurimarum civitatum, et ipsa Tolosa capta est, ut suo loco narabimus.

38. Sed ad eandem legationem Sisinnii redeamus. Non Exuperii unius, sed et Minerii (Minervii) et Alexandri litteras detulit, quibus illi eundem S. Hieronymum variis pulsarunt questionibus; sed et litteras aliorum plurium tum virorum, tum feminarum de diversis Scripturae locis eundem interrogantium dedit : « Multas enim (ait ipse) sanctorum fratrum ac sororum de vestra provincia ad me detulit quaestiones » : quarum fuerint, nihil praeterea compertum habetur, quam quod S. Hieronymus ad redditam per eundem Sisinnium Epistolam ad Minerium ⁴ et Alexandrum rescribens pertractat; ad

¹ Chrys. ep. cxxvi. — ² Hier. praef. in l. iii. in Amos. — ³ Ibid. — ⁴ Hier. praef. in l. i. in Zach.

¹ Hier. ep. c.lii. — ² Hier. praef. comment. in Zach. l. ii. — ³ Idem praef. comment. in Zach. l. iii. — ⁴ Hier. ep. c.lii.

quos etiam destinavit dictum elucubratum a se hoc anno commentarium in Malachiam.

39. Quo item anno, per eundem Sisinnium monachum in Ægyptum properantem, idem S. Hieronymus, quanta valuit celeritate adversus Vigilantium hæresiarcham nuper obortum, commentarium scripsit; eundemque eidem Sisinnio perferendum in Gallias, ubi virus suum serpens evomuerat, paratum antidotum dedit. Testatur id quidem ad finem ejusdem commentarii idem S. Hieronymus hisce verbis ¹: « Hæc (ut dixi) sanctorum presbyterorum rogatu, unius noctis lucubratione dictavi, festinante admodum fratre Sisinnio, et propter sanctorum refrigeria ad Ægyptum ire properante, etc. » Quinam autem fuerint hi presbyteri, idem superius docet, ubi ait ²: « Auctores sunt hujus dictationum sancti presbyteri Riparius et Desiderius, qui parochias suas vicinia istius scribunt esse maculatas; miseruntque libros per fratrem Sisinnium, quos inter crapulam stertens evomuit ». Sed non nunc primum idem Riparius reddidit de his S. Hieronymum certiores, verum ante triennium; nam idem Hieronymus eodem commentario fatetur se ante biennium a Ripario de eodem Vigilantio horrendas blasphemias eruclante accepisse: ad quem ejusdem Hieronymi extant ³ redditæ litteræ: adeo ut dici possit, Vigilantium, qui hactenus inter sanctos perfidus latuisset, jam palam quas diu in pectore occultasset hæreses, eodem tempore, nempe ante annos duos, propalare cœpisse. Sed antequam de ejusdem hæresibus insanis agamus, præstat de homine altius petere narrationem.

40. *Vigilantiæ primordia et singulæ ejus hæreses.* — Fuit ipse natione Hispanus, patria Calaguritanus, ut idem S. Hieronymus tradit: ex quo Gennadius ⁴ redarguitur, qui quod sciret hominem versatum in Gallia, Gallum utique fuisse existimavit; de quo ait: Vigilantius presbyter, natione Gallus, Hispaniæ Barchinonensis parochiæ Ecclesiam tenuit: adversus hunc scripsisse S. Hieronymum tradit: ne putes istum Gennadii Vigilantium alium ab eo esse quem S. Hieronymus scriptis, de quilas agimus, confutat. Usu igitur et consuetudine Barchinonensis Ecclesiæ, idem Vigilantius S. Paulino, qui ibidem ordinatus est presbyter, pernecessarius aliquando fuit; quem ut virum piûm prolumque laudavit, et apud se agrotantem fovit: nam de eo hæc ad Severum ⁵: « Vigilantius quoque noster in Campania, et antequam ad nos veniret, et postquam pervenit, vi febrium laboravit; et aegritudini nostræ, quia et ipse sociatæ membrum erat, solativo [socio] dolore compassus est ». Profectus cum est inde Vigilantius Hierosolymam, eundem datis ad S. Hieronymum litteris Paulinus ipse plurimum commendavit, ut reddita ad eundem Paulinum S. Hieronymi Epistola significare videtur, ubi hæc habet ⁶ ad finem: « S. Vigilantium pres-

byterum (sic scribit, ut a S. Paulino commendatum acceperat) qua aviditate susceperim, melius est ut ipsius verbis, quam meis discas litteris ». Hæc ipse.

41. Et ne putes hunc alium ab illo Vigilantio fuisse, qui postea in hæresiarcham erupit: habes quæ de hoc ipse S. Hieronymus adversus ipsum scribens, exprobrat, quid egerit, cum Hierosolymis esset, et terra ingenti motu quateretur, cum ipse undus perspicuus omnibus in publicum prodiiit: qua impudentia indicium aliquod edidit futuræ scriptis etiam detegendæ omnibus turpitudinis. Quomodo autem res se habuerit, diximus suo loco illius tempore terræmotus. Sed et Epistola in ipsum Vigilantium scripta, hunc eundem esse cum illo Paulini Vigilantio, expresse declarat ¹, de qua modo dicturi sumus. Quod enim addit S. Hieronymus in ea Epistola ad Paulinum: « Cur tam cito a nobis profectus sit, et nos reliquerit, non possum dicere, ne ledere quempiam videar »; suspicionem laud leviem de Vigilantio ingerit. Etenim quidnam hoc, quod S. Hieronymus reticuisse consultus duxit? Certe quidem in causa fuisse Rufinum Hierosolymis tunc agentem, ut Vigilantius redderetur Hieronymi gloriæ annulus, perspicere possumus intelligere ex iis quæ idem S. Hieronymus adversus Rufinum scribit ², nimirum ipsum de Hieronymo aliquid in ejus aures insusurrasse. Sensit S. Hieronymus stropham, observavitque hominem laud recto pede incedere in Evangelio: sed et manifestus defectus est, cum idem Vigilantius ab eo recedens, cœpit in S. Hieronymum plaustra exonerare blasphemiarum, appellans eum hæreticum, quod Origenis opera assidue legens, ejusdem pariter fuerit consecutus errores. Sed audiamus S. Hieronymum in Epistola adversus eum scripta isthæc omnia recensentem ³: « Quid, inquit, tibi faciam? credidi sancti presbyteri Paulini Epistolæ, et illius super nomine tuo non putavi errare judicium. Et licet statim accepta Epistola, ἀνέστημι sermonem tuum intelligerem: tamen rusticitatem, et simplicitatem magis in te arbitrabar, quam vecordiam. Nec reprehendo sanctum virum: maluit enim apud me dissimulare quod moverat, quam portitorem clientulum suis litteris accusare. Sed memetipsum arguo, qui alterius potius acquievi quam meo judicio; et oculis aliud cernentibus, aliud schedula credidi, quam videbam ». Et inferius: « Inter cæteras quippe blasphemias, quas ore sacrilego protulisti, ausus es dicere, montem, de quo abscissus est in Daniele ⁴ lapis sine manibus, esse diabolum, et lapidem Christum, etc. » Hæc sunt enim quæ Gennadius de Vigilantio tantum sibi nota describit, ubi ait ⁵: « Exposuit pravo ingenio secundam visionem Danielis, et alia locutus est frivola, quæ in catalogo hæreticorum necessario ponuntur; huic et beatus Hieronymus presbyter respondit ». Hæc ipse.

42. Recedens vero a Palestina (ut dictum est)

¹ Hier. adv. Vigilant. — ² Hier. ibid. — ³ Hier. ep. LIII. — ⁴ Gennad. de script. eccl. c. 35. — ⁵ Paulin. ep. 1. — ⁶ Hier. ep. XIII.

¹ Hier. ep. LXXV. — ² Hier. Apolog. II. — ³ Hier. ep. LXXV. — ⁴ Dan. II. — ⁵ Gennad. de Vir. illustr. c. 35.

Vigilantius, in Ægyptum descendit, aliasque provincias peragravit, semper quid in S. Hieronymum insurians: nam ipse ¹: « Dimisisti, inquit, Ægyptum, et cunctas provincias reliquisti, in quibus sectam tuam libera plerique fronte defendunt: et elegisti me ad insectandum, qui omnia contra Ecclesiam dogmata reprehendo, et publica voce condemno ». At non hæc illæ erant hæreses Vigilantii, quas postea audacissime prædicavit: nam (ut dictum est) novissimæ istæ Vigilantii hæreses haud ante biennium innotuere. Porro tanta ubique polebat opinione sanctitatis hypocrita, ut idem S. Hieronymus ista diu de ipso taceret, nec propalaverit. Unde adversus Rufinum, illum in se concitantem, ipsemet Hieronymus hæc ait ²: « In Vigilantii nomine quid somnies, nescio. Ubi enim eum scripsi hæretica apud Alexandriam communione maculatum? Da librum, profer Epistolam; nusquam omnino reperies »: et inferius: « Ego in Vigilantio tibi respondi. Eadem enim accusabat, quæ tu postea et amicus laudas, et inimicus accusas »: nimirum quod ille diceret S. Hieronymum Origenis errores sectari; nam subdit: « Scio a quo illius contra me rabies concitata sit; novi cuniculos tuos ». Hæc S. Hieronymus. Agebat enim id astute Rufinus, ut esset qui Origenis hæresis accusaret Hieronymum, qui ipsum Rufinum, et alios omnes Origenistas ejusdem Origenis errorum insimularet; ipsumque talionis penam subire cogeret; ut quem in Origenistas ipse gladium exacerat, in sua præcordia convertisse non ignoraret. Fuerunt hæc Vigilantii hæresiarchæ præludia, Rufino illi ad omnes saltationis motus modos musicos attemperante.

43. Quid tandem? Quas multo tempore congesterat Vigilantius hæresum sordes, et pallio obvolverat sanctitatis, impetu uno profudit, cum reversus ex hypocrisis mundinis, falsis mercibus sanctitatis onustas, in Gallia eas primum venum exposuit; sed non quidem ante biennium: nam S. Hieronymus citata ³ nuper Epistola, nequaquam de his, quos postea ejus palefecit, et confutavit errores, cum Vigilantium hæresis arguit, vel leviter meminit. Sed et quod idem S. Hieronymus in commentariis, quos post triennium in Isaia elaboravit, dicit ⁴ Vigilantii hæresim nuper exortam; ejusdem hæresis tempus consignasse videtur, ubi ait: « Quales (nempe hæretici) nuper sub magistro cerebroso in Gallia pullularunt, qui basilicas martyrum declinantes, nos qui ibi orationes ex more celebramus, quasi immundos fugiunt. Hoc autem non tam illi faciunt, quam habitantes in eis demones, fortitudinem et flagella sancti cineris non ferentes. Quis autem hæreticorum non requiescit in memoriis, non dormit in specubus magistrorum? qualis fuit Marcion, et Valentinus, et nuper Eunomius mentis immunditiam leprosa carne contestans, etc. » quem quidem Eunomium alibi tradit ejusdem hæresis fuisse auc-

tozem ¹. At de tempore Vigilantii hæresis emergentis jam salis.

44. Sed quasnam primum blasphemias impius et impurus effudit? Audi S. Hieronymum ad Riparium ita rescribentem ²: « Acceptis primum litteris tuis non respondeo, superbie est; respondere, temeritatis. De his enim rebus interrogas, quas et proferre, et audire, sacrilegium est. Ais Vigilantium, qui κατ' ἀντίγραφον hoc vocatur nomine (nam Dormitantius rectius diceretur) os foetidum rursus aperire, et putorem spurcissimum contra sanctorum martyrum proferre reliquias; et nos qui eas suscipimus, appellare cinerarios, et idololatrias, qui mortuorum hominum ossa veneramus. O infelicem hominem, et omni lacrymarum fonte plangendum: qui hæc dicens, non se intelligat esse Samaritanum, et Judæum, etc. » Vides quanto horrore bestia cornuta compareat, cujus vel adspectus intolerabilis reputetur; ut qui eam erroris funiculis introducit, appareat extrema dementia laborare: de quo idem S. Hieronymus ³: « Ego vidi hoc aliquando portentum; et testimoniis Scripturarum, quasi vineulis Hippocratis, volui ligare furiosum: sed abiit, excessit, exasit, erupit, et inter Hadriæ fluctus, Cotique regis Alpes in nos declamando clamavit: quicquid enim amens loquitur, vociferatio et clamor est appellandus ». Hæc ipse.

45. Considera, quæso, lector, præsentis sæculi statum Ecclesiæ. Prædicaverit Gregorius Nazianzenus adversus Julianum Apostatam, et aliis mille locis cultum sacrarum reliquiarum sanctorum martyrum; præstitit hoc ipsum pluribus hominibus S. Basilii, ejusque germanus S. Gregorius Nyssenus; Chrysostomus contra Gentiles, et alias sæpe hujus observantiae extitit mirificus prædicator: in Occidente vero S. Ambrosius in his totus fuit, investigare, invenire, atque transferre sanctorum martyrum reliquias: S. Hieronymus id ipsum modo agit, ut quam potentissime contraria asserentem Vigilantium stylo jugulet: S. Augustinus quoque in conscribendis miraculis ex reliquiis protomartyris Stephani, et aliorum quam diligentissimus exfiteri, omnes sciunt: atque demum per quatuor orbis latera Catholicam Ecclesiam ubique diffusam, certum est id ipsum antiqua traditione acceptum, miraculis confirmatum, Patrumque testimoniis roboratum, religione recepisse, usu tenuisse, atque demum jugi observantia coluisse. Id cum ita sit, quis putet, hominem adeo posse reperiri vecordem, fatuum, mente captum, delirumque, vel furiosum, qui eo insanæ atque turoris se præcipitem ferri suat, ut sanctis Patribus omnibus posthabitis atque spretis, in uno putarit Vigilantio inesse veram Ecclesiam, et quam sequatur, Catholicam veritatem? Certe quidem quam paucissimos Vigilantius habuit sectatores, eosdemque absque propagatione posteritatis una cum hæresiarcha simul extinctos; sive potius iidem sic male ducti, jam facti mentis compotes

¹ Hier. ep. LXXV. — ² Hier. Apolog. II. — ³ Hier. ep. LXXV. — ⁴ Hier. in Isa. c. 75.

¹ Hier. adv. Vigilantium. — ² Hier. ep. LIII. — ³ Ibid.

resipuerint. At quid de illis dicendum sit, quis mente concipiat, qui post duodecim ferme decursa secula, morem Ecclesiae, Patrum traditione, et doctrina semper assertum ac propagatum, explodendum esse; damnatam vero ac improbatam, illusam, derisam, atque proscriptam haeresim Vigilantii putaverint esse recipiendam, tuendam, atque in omnibus amplectendam? Tales plane phreneticos atque fanaticos Ecclesia nostri temporis patitur: quos ita cognitos sequi, quid aliud est, quam se a Deo penitus derelictos esse, et in erroris operationem prorsus esse traditos intelligere? Sed ad Vigilantium redeamus.

46. Ingenuit S. Hieronymus hujus temporis infelicem Galliae salum, quo cepit provincia Christianissima portenta conspiceri, quae hactenus ignorasset: cuius sincera fides ab Apostolorum temporibus illibata pureque servata (ut ostendimus superius testificatione S. Hilarii) nunquam vel novum quidem contraxisset haereticae pravitalis; nunc primum stuprator Vigilantio tentaretur. Hinc dolor et gemitus. Etenim cum post recensita diversa, quae diversis temporibus, et regionibus in orbe terrarum visa sunt monstra: «Sola, inquit ipse Hieronymus¹, Gallia monstra non habuit, sed viris semper fortissimis, et eloquentissimis abundavit. Exortus est subito Vigilantius, seu verius Dormitantius, qui immundo spiritu pugnet contra Christi Spiritum, et martyrum neget sepulcra veneranda, etc.» Sed unde exorta bestia, et ex quibus pulcris factis omnium turpitudinum aquis reptile monstrum creatum apparuit? Audi eundem S. Hieronymum: «Quomodo Euphorbus in Pythagora renatus esse perhibetur; sic in isto Joviniani mens prava surrexit: ut in illo et in hoc diaboli respondere cogamur insidiis: cui jure dicitur²: Semen pessimum, para filios tuos occisioni peccatis patris tui. Ille Romanae Ecclesiae auctoritate damnatus, inter phasidas aves, et carnes suillas non tam emisit spiritum, quam cruciavit: iste caupo Calaguritanus, et in perversum propter nomen viculi, mutus Quintilianus, miscet aquam vino, et de artificio pristino sua venena perfidiae Catholicae fidei sociare conatur, impugnare virginitatem, odisse pudicitiam, in convivio secularium contra sanctorum jejunia proclamare»: et paulo post: «Proh nefas! episcopos sui sceleris dicitur habere consortes: si tamen episcopi nominandi sunt, qui non ordinant diaconos, nisi prius uxores duxerint: nulli castibiles credentes pudicitiam; imo ostendentes quam sancte vivant, qui male de omnibus suspiciantur: et nisi praegnautes uxores viderint clericorum, infantesque de utris matrum vagientes, Christi sacramenta non tribuunt. Quid faciunt Orientis Ecclesiae? quid Egypti et Sedis Apostolicae, quae aut virgines clericos accipiunt aut continentes, aut si uxores habuerint, mariti esse desistunt? Haec docuit Dormitantius, etc.»

47. Ad id omnino respicere intelligas, lector,

quae Innocentius papa duobus proxime elapsis annis, quibus (ut dictum est) innouit in Gallia haeresis Vigilantii, primo scripsit ad S. Victricium Rotomagensis episcopum, anno videlicet quadringentesimo quarto, et sequenti ad S. Exuperium Tolosanum episcopum, respondens ad eorum litteras; quibus adversus novam emergentem haeresim primum omnium putarunt Sedem Apostolicam consulendam: ea nimirum ex causa, quod scirent, absque aliqua dubitatione esse in Ecclesia Catholica ubique servandum, quod ab Apostolica Sede nosceretur esse servatum, et custoditum; a cuius desciscere velle decretis, et communione se jungi, idem plane esset quod in castris schismaticorum aut haeticorum profiteri. Sic igitur iidem sanctissimi atque doctissimi Galliarum episcopi, licet optime ipsi nossent (ut Innocentius ipse in redditis ad eos Epistolis testatur) ea quae Romanum Pontificem rogarent: tamen quod certo scirent ipsam Apostolicam Sedem esse turrin David¹, in qua sunt «mille clypei, et omnis armatura fortium²»: ab ipso praecipuo Catholicae Ecclesiae vertice sibi arma comparanda duxerunt, quorum vel uno ictu conficerent reptantem ventre bestiam super terram; quod nefas esse, omnes intelligerent, Apostolicae Sedis decretis obniti: sique eo modo sartam tectam conservarent in Galliis a majoribus acceptam fidem, et Ecclesiasticam disciplinam, quam ex veteribus traditionibus proditam Romani Pontificis recentia decreta munirent. Observa et hic, quaeso, lector, antiquum sanctorum Patrum pugnandi genus; nimirum cum adversus haeticos ineundum sibi scirent esse certamen, primum omnium conciliare sibi consortio fidei Sedis Apostolicae communionem: id quidem mille ferme exemplis superius est demonstratum: quam eandem artem haeticos quoque frustra saepe amulati conatos esse, nempe ut Formularum communicatione cum Romano Pontifice, se esse Catholicos mentiri possent. Ad haec, inquam, spectant, quae Innocentius papa ab iis rogatus rescripsit³ de clericorum calibatu servando, eademque (ut iisdem suis ipse litteris proficitur) haud recens sancta, sed quae eadem Romana Ecclesia accepisset a Petro, et per temporum successiones inviolabili disciplina ad illam usque diem custodita fuissent: quae tu ipse (ne queraris longiori detineri mora) legere poteris.

48. Ex his igitur convenio et te (spopondi enim et tibi omne meum officium) qui hactenus relicta Romana Ecclesia inharendum putasti discipulis Vigilantii; amiceque compello, rogoque: Dic, amabo te, quibus putas divinum Spiritum esse creditum, et revelatum a Deo Catholicam veritatem, Vigilantione, an admirandis illis sanctissimisque viris Victricio Rotomagensi atque Exuperio Tolosano? ut omnitanus modo dicere de aliis nominatis superius Patribus eandem cum ipsis fidem custodientibus,

¹ Hier. adv. Vigilant. in prenc. — ² Isa. xiv.

³ Cantab. iv. — ⁴ Epist. 1. ad Victric. c. 9. et Ep. 11. ad Exup. c. 1. tom. 1. ep. Rom. Pont.

Repete enarrata ante ex fide digno teste Paulino Victicii primordia, uimirum egregiam tempore Iuliani confessionem, et edita instar Apostolorum ab illo miracula; recoleque etiam præconia de sanctitate Exuperii, nuper ex Hieronymo recensita: contra vero tibi teste Vigilantium turpem, inconstantem, animo duplicem, blasphemum, ac demum hæreticum (teste Gemadio, si non credis S. Hieronymo) ab universa Ecclesia declaratum, in Joviniano jam antea præjudicatum, et condemnatum. Tu, inquam, te medium inter hos sponte constituas, parcensque privatis affectibus, libera mente (quod est ingenui animi) examina, disquire, discute, et iudica cuinam utriusque partium inhærendum sit, Vigilantione, an Victicio et Exuperio. Audio, audio, silente te licet, et quamvis nolis, tuæ clamorem conscientie ad optima deprecantis, et quæ velit, abs te etiam cruciamenis assiduis exigentis. Tu igitur domesticum etiam teste convictus, dum es in via, esto consentiens adversario tuo: mihi certe Davidicum¹ illud semper in ore: « Confitebor tibi Domine in toto corde meo, in concilio iustorum, et congregatione ». Sed quæ sunt reliqua Vigilantii sordium (licet non sine nausea) revolvamus.

49. Dannavit præterea infelix, diei tempore cereos ac lampades in Ecclesia incendi solitos: itemque ex quibusdam apocryphis, quos sibi sinxerat, libris, post mortem nullum pro alio deprecandi facultatem habere dixit. In quem S. Hieronymus²: « Tu, inquit, vigilans dormis, et dormiens scribis, et proponis mihi librum apocryphum, qui sub nomine Esdræ a similibus tui legitur, ubi scriptum est, quod post mortem nullus pro aliis audeat deprecari: quem ego librum nunquam legi: quid enim necesse est in manus sumere, quod Ecclesia non recipit? etc. » Addidit rursus Vigilantius improbare vigilas in S. Ecclesia celebrari solitas nocte cujuslibet præcedentis Dominicæ; asserens, præter solemnes sancti Paschatis vigilas (quas tantum retinendas esse dicebat) reliquas omnes obtentu publicæ honestatis, ne tenebrarum occasionem captantibus, ad delinquendum via aperiri videretur, esse abolendas. In quem ita Hieronymus³: « Error autem et culpa juvenum, vilissimarumque mulierum, qui per noctem sæpe deprehenditur, non est religiosi hominibus imputandus: quin et in vigiliis Paschæ tale quid fieri plerumque convincitur, et tamen paucorum culpa non præjudicat religioni, qui et absque vigiliis possunt errare vel in suis, vel in alienis donibus. Apostolorum fidem Judæ proditio non destruxit ». Vides igitur manifeste, non S. Ambrosium (ut in Notis etiam nos demonstrasse meminimus) sed impium Vigilantium potius, honestatis causa prætexta, de abrogandis sacris vigiliis promulgasse sententiam; cum tamen Patres, eas firmius esse retinendas, adversus Vigilantium disputarint. Sed qui nonnisi in Paschate vigilas celebrandas esse dicebat, idem censor Ecclesiæ illud

addebat, nonnisi in Paschate Alleluia canendum.

50. At quod idem nebulo respiciens sanctorum reliquias, addebat illud horrendum dictu; signa apud eas fieri solita, demonum esse prestigias, easque inutiles omnino esse, quod signa non fidelium, sed infidelium causa fieri debeant: hæc scite redarguens S. Hieronymus, vere arreptitium, a dæmoneque possessionum omnino Vigilantium fuisse demonstrat, ubi ait⁴: « Nolo mihi dicas: Signa infidelium sunt. Sed responde, quomodo in vilissimo pulvere, et favilla nescio qua, tanta sit signorum victutumque præsentia? Sentio, sentio, infelicissime mortalium, quid doleas, quid timeas. Spiritus iste immundus, qui hæc cogit scribere, sæpe hoc vilissimo tortus est pulvere: imo hodieque torquetur; et qui in te plagas dissimulat, in cæteris confitetur. Nisi forte in morem Gentilium, impiorumque Porphyrii et Eunomii, has prestigias dæmonum esse confingas, et non vere clamare dæmones, sed sua simulare tormenta. Do consilium; ingredi basili-
cas martyrum, et aliquando purgaberis, etc. » De seipso vero, quanto scilicet honore prosequi, et revereri solet reliquias martyrum (quod non prætereundum putamus) hæc postea subdit: « Ego confiteor timorem meum, ne forte de superstitione descendat (nimia videlicet scrupulositate) quando iratus fuero, et aliquid mali in meo animo cogitavero, et me nocturnum phantasma deluserit; basilicas martyrum intrare non audeo: ita totus et corpore, et animo pertremisco ». Hæc et alia de se ipse.

51. Detrahebat præterea cepto antiquitus usui collectarum in Ecclesia tempore Apostolorum, et Pauli exemplo firmato, qui collectas agebat pro pauperibus Hierosolymis degentibus: cum adhuc consuetudo vigeret, ut ex diversis orbis regionibus ad usum pauperum elemosynæ Hierosolymam mitterentur. At sicut hæc vesanus homo effutiebatur contra doctrinam, et exemplum Apostolorum, ita etiam contra Evangelium ipsum et Domini verba fatuus delirabat: quæ S. Hieronymus ita refert⁵: « Quod autem asseris, eos melius facere, qui utuntur rebus suis, et paulatim fructus possessionum suarum pauperibus dividunt, quam illos, qui possessionibus venundatis, semel omnia largiuntur: non a me eis, sed a Domino respondebitur⁶: Si vis perfectus esse, etc. » Sed ista quidem improbus ille; ut uno ictu universum prosterneret monasticum ordinem, classemque renuntiantium dissiparet; quos et aliis prætextibus avocare conabatur a solitudine: hæc enim omnia, araneorum filorum instar, nullo negotio idem S. Hieronymus disjecit ac rupit; atque adeo ut eos impia loquentis obstruerit, exstinxeritque penitus aut propemodum quam nasceretur infamis hæresis: ita ut nullus labor incubuerit sanctis episcopis Concilia cogendi ad condemnandas hæreses; quæ semel audite, talem horrorem audientibus incusserunt, ut pii omnes ad

¹ Ps. CXI. — ² Hier. adv. Vigilant. — ³ Ibid.

⁴ Hier. adv. Vigilant. — ⁵ Ibid. — ⁶ Matth. XIX.

earum sonitum aures obstruxerint; utpote quod tales essent, quæ omnem penitus dissolverent Ecclesiæ disciplinam, auferentes sacrum cælibatum, succedentes germina virginum, et continentiam monachorum, pariterque destruentes Ecclesiæ traditiones, sacrosque ritus pessimundantes, atque sanctorum cultum penitus prohibentes, eosdemque collatis divinitus gratiis spoliantes: adeo ut non mirandum sit, si non parcens verbis (quod notavit S. Gregorius) vehementiori impetu ipse Hieronymus in *Vigilantium* visus sit insurrexisse. Sensit, et hoc ipse de se; sed excusat his verbis, scribens ad Riparium¹: « Fatebor tibi dolorem meum: sacrilegium tantum patienter audire non possum: legi enim Syromastem² Phinees, austeritatem Eliæ, zelum Simonis Chananæi, Petri severitatem, Ananiam et Saphiram trucidantis, Paulique constantiam, qui Elymam magnum viis Domini resistentem æterna cæcitate damnavit. Non est crudelitas, pro Deo pietas, etc. »

52. *Barbari invadunt Gallias.* — Porro quod posthac siluerit infamis hæresis, nec amplius ad multa sæcula audita fuerit: haud scias brevem illam Hieronymi scriptioem esse veritam, ut caput tollere amplius ausa non fuerit. Non enim ea est natura hæreticorum, ut victi cedere sciant, et dent manus ratione convicti: sed prostrati licet, pertinaciori audacia surgant, restituantque acriora certamina. Sed unde accidit ut sileret? audi: « Terribilis³ Deus in consiliis super filios hominum », vocavit Gentes ab extremis terræ: immisitque in Gallias, in eamque potissimum partem grassari sivit, in qua hæresis nefanda plantata est: adeo ut sub barbarico gladio magis de vita tuenda contendere, quam de dogmatibus licenter disputare. Creduntur autem a Barbaris illi esse sublatis, quorum nulla unquam fuit postea vox audita. Ecce tibi quid soleant velere secum, vel post se ducere hæreses, elades nimirum provinciarum; quod multis exemplis sæpe omnibus sæculis, et hoc ipso infelicitus contigit demonstrari.

53. Hoc ipso namque anno, iisdem consulibus Arcadio sextum ac Probo, Wandalos, et Alanos, transito Rheno, Gallias invasisse, ac depredatos esse, sanctus Prosper horum malorum inspector tradit in Chronico: quod confirmat itidem in Chronico Cassiodorus, atque etiam Zozimus⁴, qui iisdem consulibus horum Barbarorum in nationes Transalpinas incursus consignat; quibus et permixtos fuisse Suevos tradit. Porro omnes has barbaras gentes prodicione Stiliconis ex Wandalis ducentis originem, marito Serenæ Theodosii sororis satagentis Romanum imperium in Eucherium filium transferre, acclis esse, et immisas in Gallias, Orosius⁵ horum temporum scriptor disertis verbis affirmat, nosque dicimus inferius, cum de nece ipsius Stili-

conis agemus. Cæterum non annum tantum, sed et diem notat Prosper horum infelicitis progressionis in Gallias, ubi ait: « Arcadio sextum et Probo cons., Wandali, et Alani Gallias, trajecto Rheno, pridie kalendas Januarii ingressi ». Hæc ipse: quamobrem eadem ipsam, qua Galliæ sunt devastatæ anno sequenti ceptam esse apparet: quare de illa anno sequenti agemus, ut ex instituto, quicquid scripturi sumus, suo proprio gaudeat lector redditum esse temporis.

54. Quam vero soluta esset in Galliis magna ex parte Ecclesiastica disciplina, corruptisque moribus, exundantibus ubique vitiis, eadem provincie meruerint tradi Barbaris devastandæ, Salvianus¹ Massiliensis episcopus pluribus docet: vivebat ipse temporibus his, ob oculos habens, quæ ab oculis excuterent iugiter lacrymas; novus plane sui temporis Hieremias: nam hæc de suis Aquitanis in primis: « In omnibus quippe Galliis (inquit) sicut divitis Aquitani primi fuere, sic vitiis. Nusquam enim improbius voluptas, nusquam inquinatio vita, nusquam corruptior disciplina. Hanc pro meritis sacris dederunt Domino retributionem, ut in quantum eos beneficiis suis ille ad se illexerat ad propitiandum, in tantum illi flagitiis suis laboraverint ad exacerbandum »: Et paulo post: « Exceptis tamen paucis ferme sanctis atque insignibus viris, qui (ut quidam de numero ipsorum ait) sparsis redemerunt crimina nummis ». Et post alia deplorata, subdit: « Apud Aquitanos vero quæ civitas in locupletissima ac nobilissima sui parte non quasi fupantar fuit? Quis potentum ac divitum non in luto libidinis vixit? Quis non se barathro sordidissimæ colluvionis immerisit? etc. » vide in reliqua: nam cuncta prosequi, esset ipsum integrum hic librum reddere. Sed hæc tibi satis ad insinuandum horum temporum statum.

55. *Translatio Samuelis Prophete.* — Hoc ipso anno, quo illa adversus *Vigilantium* S. Hieronymus scripsit, contigit translatas esse ex Palestina Constantinopolim reliquias Samuelis Prophete: ut plane voluerit Deus, tunc majori honore frequentari sanctorum reliquias, quando ab impuro *Vigilantio* eadem essent graviore affectu dedecore. Quod enim ad tempus spectat: id quidem ex eo deducimus argumentum: quod cum factam ejusmodi translationem dicant sub Arcadio imperatore, sedente Attico Constantinopolitano episcopo: sane quidem non ante hunc annum id potuit contigisse, cum non ante præsentem annum Atticum ejus Ecclesiæ fuisse ordinatum episcopum constet: nec etiam post præsentem annum: nam S. Hieronymus, qui hoc anno sub dictis consulibus (ut ipsis justificatione monstravimus) scripsit contra *Vigilantium* librum, jam factum affirmat: adeo ut necesse sit affirmare, id hoc ipso potissimum anno contigisse post inchoatam sedem Attici, ante tamen quam ea S. Hieronymus scripserit in *Vigilantium*. Quod autem eadem

¹ Hier. ep. LII. — ² Num. XXV. 3. Reg. XVII. Matth. x. Act. v. XII. Dent. XIV — ³ Psal. XCV. — ⁴ Zozim. l. VI. — ⁵ Oros. l. VII. c. 38.

¹ Salvian. de recto jud. l. LXVII.

translatio sub Attico facta sit, hæc in primis Theodorus lector habet, cum de Arcadio agit ¹ : « Sub imperio illius, et Patriarcha Attico Constantino-polim allatæ sunt reliquiæ sancti Samuelis, et in Prophetico ipsius loco juxta Hebdomum XII kal. Julii collocatæ ». Hæc Theodorus, eadem etiam Nicephorus affirmat ².

56. Sed de ipsa S. Hieronymus, quam proxime factam translationem præsentī anno conspexit, hæc ait ³ : « Sacrilegus dicendus est et nunc Augustus Arcadius, qui ossa beati Samuelis longo post tempore de Judæa transtulit in Thraciam? Omnes episcopi non solum sacrilegi, sed et fatui judicandi, qui rem vilissimam et cineres dissolutos in serico

et vase aureo portaverunt? Stulti omnium Ecclesiarum populi, qui occurrerunt sanctis reliquiis, et tanta lætitia, quasi præsentem viventemque Prophetam cernerent, susceperunt, ut de Palestina usque Chalcedonem jungerentur populorum examina, et in Christi laudem una voce resonarent? » Hæc ipse. Meminit de templo Samuelis Propheta Constantinopoli erecto non solum Theodorus lector, sed et Procopius ⁴. Ante vero jam pridem, vivente adhuc Theodosio imperatore seniore, reperta fuisse illidem in Palestina veneranda corpora sanctorum Prophetarum Ihabæne, et Michææ, auctor est Sozomenus ⁵; revelataque eadem divinitus Sebeonio episcopo Eleutheropolis tradit.

¹ Theod. Lect. I. II. Collect. — ² Niceph. I. XIV. c. 11. — ³ Hier. adv. Vigilant.

⁴ Procop. de ædific. Justin. Imp. I. II. in fin. — ⁵ Sozom. I. VI. c. ult.

Anno periodi Græco-Romanæ 5399. — Jesu Christi 406. — Innocentii papæ 6. — Arcadii 24. et 12. Honorii 14. et 12. Theodosii Jun. 5.

1. *Quinta Quinquennalia Arcadii.* — Coss. *Arcadius* Aug. VI et *Anicius Probus*, in Occidente creatus; jam enim in priori hujus Criticæ tomō anno cccxcv, num. 2 ostendi Sextum Anicium Petronium Probum anno cclxxi consulē ordinariū patrem extitisse trium consulū ordinariūrum, Anicii scilicet Probini, Anicii Hermogeniani Olybrii, qui anno cccxcv consules processere, et Anicii Probi, qui hoc anno Fastis nomen dedit. Arcadius propter quinta Quinquennalia imperii vivente patre inīti consulatū suscepit.

2. *Rhadagaisi Gothorum regis interitus.* — A num. 1 ad 10. *Rhadagaisus* anno superiori in Italia occisus, non vero currenti, ut habet Baronius ex Marcellino in Chronico, ubi perperam etiam scribit, Theodosium Jun. *Quinquennalia* edidisse. Prosper enim in Chronico Stilicone et Anthemio coss. anno scilicet superiori, scribit : « Rhadagaisus in Tuscia, multis Gothorum millibus cæsis, ducente exercitum Stilicone, superatus et captus est ». Secundo, Isidorus in Chronico Gothorum habet : « Æra cxxlii anno imperii Honorii et Arcadii x, rex Gothorum Rhadagaisus, genere Scythæ, cultui idololatriæ deditus, barbaricæ immanitatis feritate sævissimus cum cæ armatis Sarmatarum millibus Italiæ partes vehementi vastatione aggreditur, spondens in contēptum Christi, Romanorum sanguinem Diis suis libare, si vinceret. Cujus exercitus ab Stilicone duce Romano in montuosis Tusciæ locis circumclusus,

fame potius quam ferro consumptus : ipse postremum rex captus et interfectus est ». Æra enim cxxlii cum præcedenti Christi anno concurrit. Nec curandum de anno x Honorii et Arcadii ab Isidoro memorato, quia is in annis imperatorum cum annis æræ conjungendis plerumque peccat. Tertio, Pseudo-Prosper in Chronico imperiali anno x imperii Honorii imp. ait : « Rhadagaisus rex Gothorum Italiæ linitem vastaturus transgreditur ». Tum anno xi ejusdem imperatoris : « Multis ante vastatis urbibus Rhadagaisus occubuit, etc. » Quare Rhadagaisus, quem hic Auctor *Rhadagajum* corrupte vocat, anno cxxv in Italian ingressus, anno cxxv et profligatus est, ut Baronius ex Orosio lib. 7, cap. 37, pluribus narrat. Denique Paulinus Carmen Natalitium xii de sancto Felice scripsit die decima quarta mensis Januarii anni currentis, cujus titulus apud Dungalum, qui hujus Natalis xii fragmentum nobis conservavit, his verbis conceptus est : *De Gothorum exercitus cum suo rege interitu*. Quare mense Januario hujus anni jam cæsus erat *Rhadagaisus*, ejusque exercitus deletus, cum Paulinus sancto Felici Natalem xii caneret. Sed secundum Baronium, qui fragmentum illud recitat num. 7, Natalis ille ad annum Christi cxxv ineuntem pertinuit : unde consequens esset, victoriam de Gothis reportatam, ad annum cxxv referri debuisse, quod veterum Scriptorum nemo asseruit, ut recte Chiffletius part. 2 Paulini Illustrati cap. 9 observavit.

Paulinus in eo Carmine Petro, Paulo, martyribus omnibus, et Felici in particulari hanc victoriam, quæ Dei in imperium ac religionem Christianam tutelæ indicium semper habita est, attribuit.

3. *Stilico se accingit ad expeditionem Illyricanam.* — Baronius, ut ostendat *Rhadagaisi* in Italiam irruptionem et interitum ad hunc annum pertinere, in medium adducit legem Cod. Theod. 17 *De tyronibus*, qua ingenui ad belli apparatus excitantur ab Honorio imp. præmio decem solidorum. Gothofredus vero idem cum Baronio sentiens affert legem 16 *De tyronibus*, qua servi ad militiam invitantur, idque præmio libertatis eis proposito. Neque tantum Romanorum, sed et *federatorum*, ut et *deditionum*. Erant Dedititii Barbari, qui alias Gentiles vocabantur, quique, ut auctor est Ammianus lib. 20, relictis laribus suis ad Romanos transibant, et voluntarii Barbari militares erant. Quam utramque legem Gothofredus ad bellum Scythicum adversus Rhadagaisum gestum refert. Verum vana hæc explicatio; *Honorius* enim bellum Illyricanum meditabatur, et ob illud *Alaricus* in Epiris hærebat, ubi, ut Zoimus lib. 5, pag. 802, scribit, «rem cum Stilicone compositam expectabat: quæ hujusmodi erat. Cum Stilico videret eos, qui Arcadianum imperium administrabant, animis erga se infestos esse; adjuncto sibi Alarico socio, cunctas in Illyris nationes Honorii regno cogitabat adjicere. Qua de re cum Alarico pactus, occasionem expectabat, uti reapse quam primum hunc conatum exsequeretur. Dum Alaricus in hoc intentus esset, ut imperatis obtemperaret, Rhadagaisus ex Transistrianiis et Translucanis, Celticis, Germanicisque nationibus collectis hominum quadringentis millibus, ad trans-eundum in Italiam se parat. Qua re nuntiata, cunctos mililice prima fama percussit. Cumque desperassent urbes, et ipsa Roma jam in extremo periculo turbata esset; Stilico, sumptis secum universis copiis, Ticino Liguriæ impositis (erant autem numeri militum triginta) cum aliis sociorum auxiliis, quæ ab Alanis et Hunnis impetrare potuerat, hostium adventu non expectato, cum omni exercitu Istrum (legendum, Arnun) ipse transiecit; et Barbaros nec opinantes aggressus, universas hostium copias ad internecionem cecidit: adeo quidem, ut horum prope nullus incolumis evaderet; exceptis paucissimis, quos ipse Romanis auxiliis adscripsit. Ob hanc victoriam Stilico non abs re magnos animos gerens, cum exercitu ab omnibus propemodum coronatus redibat; cum præter omnem spem formidatis periculis Italiam liberasset». Quæ quidem victoria anno superiori, uti jam dixi, ab Stilicone reportata. Verum Stilico magister militum Honorii Illyricum Orientale sub hujus imperatoris ditionem redigere cogitabat, ut universum Illyricum Occidentali imperio subiceretur, quemadmodum olim subditum fuerat. Hoc enim in mente habuisse *Stiliconem*, præter Zoimum laudatum, docet etiam Sozomenus lib. 8, cap. 23, quid mirum igitur, si hoc anno in imperio Occidentali milites coacti fuerint; cum Sti-

lico decrevisset anno sequenti, ut ibidem videbimus, Illyricum Orientale invadere?

4. *Rhadagaisus et Alaricus eadem habuere consilia, sed ab invicem divisi erant.* — Porro Prosper in Chronico ad annum cº magno errore scripsit: «Gothi Italiam Alarico et Rhadagaiso ducibus ingressi». Duo enim isti Gothorum reges «ad tendandas quasque regiones Italiæ» divisi erant, inquit Isidorus in Chron. Gothorum, sed diversis temporibus in Italiam irrupere. *Alaricus* quidem Gothorum rex anno cº Pannoniam reliquit, annoque cmi a Stilicone Honorii imp. duce superatus est: *Rhadagaisus* vero anno tantum cmi Italiam ingressus est, annoque insequenti a Stilicone deletus, eo scilicet tempore quo *Alaricus* procul ab Italia erat. Quare Zoimus loco citato, Marcellinus in Chronico ad hujus anni consules, Jornandes de Reg. Success. cap. 93, et Orosius lib. 7, cap. 26, quando de *Rhadagaisi* in Italiam introitu, ejusque cæde mentionem faciunt, de Alarico tacentes, manifeste ostendunt, ejus irruptionem nihil commune habuisse cum irruptione Alarici.

5. *Vigilantius natione Gallus fuit.* — A num. 39 ad 53. Cum *Vigilantius* in Sanctorum Martyrum reliquias, et sacerdotum castitatem debacchari cœpisset, divus Hieronymus brevem tractatum adversus eum scripsit, qui tomo iº ejus Operum legitur: quem hoc anno Hieronymum edidisse liquet ex iis quæ Baronius refert, et quæ mox de translatione reliquiarum Samuelis Prophætæ in medium adducemus, manifestum facient. Per necessarius aliquando sancto Paulino Nolano fuit *Vigilantius*, ut ostendit Paulini Epistola v, alias i ad Severum, ubi ait: «*Vigilantius* noster in Campania, et antequam ad nos perveniret, et posteaquam pervenit, vi februm laboravit: et agritudinis nostræ, quia et ipse sociale membrum erat, socio labore compassus est»; ut locum Paulini recte restituit recens editor ejus Operum. Gennadius in Catalogo Scrip. Ecclesiast. de *Vigilantio* scribit: «*Vigilantius* presbyter, natione Gallus, in Hispania Barcelonensis parochiæ Ecclesiam tenuit». Baronius tamen acriter in Gennadium invehitur, et *Vigilantium* Calagurritanum in Hispania, teste, uti sibi videtur, Hieronymo, constanter assertit. Verum Marca in Opusculis posthumis in dissert. *De patria Vigilanti*, recte demonstrat, discedendum non esse a Gennadio Massiliensi, adeoque Gallo, non remoto ab illis temporibus scriptore. In ipso enim Operis adversus *Vigilantium* exordio ait Hieronymus, multa in orbe monstra generata fuisse, quorum aliqua enumerat, et mox addit: «Triformem Geryonem Hispaniæ prodiderunt. Sola Gallia monstra non habuit; sed viris semper fortissimis, et eloquentissimis abundavit. Exortus est subito *Vigilantius*, etc.» Imo Hieronymus liquido ait, patriam ejus esse *Convenarum* urbem ad radices Pyrenæi, quæ deductis ex Hispaniarum regionum fortioribus viris, a Pompeio Magno condita est, scilicet ut pacatiorem post discessum suum relinqueret Hispaniam. Alioqui quod magnum operæ pre-

tium fecisset, vilem latronum et grassatorum gregem in Aquitaniae regione includendo. Libuit tamen Hieronymo in *Vigilantium* exadescendi, originis illi contumeliam exprobrare, arrepta ex Tito Livio locutionis occasione, qui aliquoties objurgat Hispanos quod bellantes, latrocinia potius quam militiam exercerent.

6. *Locus Hieronymi explicatur.* — Locus tamen Hieronymi de *Vigilantiis* irrefutatum tenet præselem doctissimum, qui existimabat locum non esse purum; cum tamen alio vitio non laboret, quam quod interpunctio perperam a librariis addita sensum corrumpat. Hæc verba Hieronymi in vulgatis editionibus: « Nimirum respondet generi suo, ut qui de latronum et Convenarum natus est semine: quos Cn. Pompeius, edomita Hispania, et ad triumphum redire festinans, de Pyrenæi jugis deposuit, et in unum oppidum congregavit; unde et Convenarum urbs nomen accepit. Huc usque latrocinetur contra Ecclesiam Dei: et de Vectonibus, Arebais, Celtiberisque descendens, incurset Galliarum Ecclesias, portetque nequaquam vexillum Christi, sed insigne diaboli ». Arbitratur Marca loco, et de *Vectonibus*, etc., legendum esse, *nec de Vectonibus*, etc. et mentem suam his verbis explicat. « Ex Vectonum, Arevatorum, et Celtiberorum populis, qui vicini sunt apud Plinium, et fortitudinis fama apud Veteres inelyti, delecti sunt milites, qui descendentes in Aquitaniam, Convenarum urbem incolebant, atque adeo *Vigilantiis* indidem vetustam originem trahebat. Unde colligit acriter Hieronymus, si ex origine peti possit auctoritas latrocinii exercendi, coerendam esse *Vigilantiis* deprædandi licentiam et latrocinandi contra Ecclesiam Dei extra urbis suæ solum. quæ tam infastis auspiciis dicata est, non autem incursandi cæteras Galliarum Ecclesias vexillo Christi prælato et Christianæ fidei tessera; cum potius penes *Vigilantium* hærescos auctorem et propagatorem sit insigne Diaboli, ementitis ille Christianæ religionis titulus ». Ita Marca. Verum cum varia manuscripta a me visa, dum Parisiis agerem, et de hac difficultate expedienda cogitarem, habeant, et de *Vectonibus*, manifestum est locum Hieronymi ita legendum esse: « Nimirum respondet generi suo, ut qui de latronum et convenarum natus est semine: quos Cn. Pompeius edomita Hispania, et ad triumphum redire festinans, de Pyrenæi jugis deposuit, et in unum oppidum congregavit; unde et Convenarum urbs nomen accepit) huc usque latrocinetur contra Ecclesiam Dei: et de Vectonibus, Arebais, etc. » sic enim sensus planus et perfectus, nec aliter scripsit Hieronymus.

7. *Magis exponitur.* — Hadrianus Valesius in Notitia Galliarum, verbo *Convenæ*, referens citata Hieronymi verba: « Illic usque latrocinetur contra Ecclesiam Dei, et de Vectonibus, Arebais, Celtiberisque descendens, incurset Galliarum Ecclesias », dicit, sanctum Doctorem secum pugnare, quia, inquit, Pompeius de Pyrenæi jugis populos eduxit, quibus terras dedit ad montium radices; Vectones

autem, Arebaci, Celtiberique, e quibus Hieronymus *Vigilantium* Convenensem descendisse asserit, habitabant in Hispania Tarraconensi, et in continiis Lusitanie, ut liquet ex Plinio et Ptolemæo; ideoque in locis a Pyrenæis valde remotis. Hinc concludit Valesius Hieronymum et falli et a se ipso dissentire. Verum Hieronymum male vir doctissimus interpretatur; is enim non asserit, hos tres populos e jugis Pyrenæorum eductos tunc incoluisse terras Celtiberorum, Arebacum, ac Vectonum, sed tantum hos ex illis descendisse, quod verissimum est. Neque enim prædones isti e Pyrenæis oriundi erant; cum Caesar in lib. 3 de bello civili, cujus verba ipsemet Valesius ibidem refert, eos *fugitivos ab saltu Pyrenæo prædonesque* appellet. Quare hi prædones, non ab saltu Pyrenæo oriundi erant, sed illuc aliunde venerant, nempe ex Celtiberorum, Vectonum, et Arebacorum regionibus, quas deserere coacti fuerant, ut ad loca inaccessa, qualia Pyrenæi montes, sese reciperent.

8. *Error librorum corrigitur.* — Ibidem Valesius existimat, loco de *Vectonibus*, legendum esse de *Veronibus*. Verum locum illum depravatam esse assentio, sed legendum, uti quidem arbitror, de *Vasconibus*, cum Isidoro Hispanis; *Vascones* enim Celtiberis confines, et *Calagorris* aut *Calagurris* sita erat in regione antiquorum Vasconum, et valde credibile, hos Hispanos, relicta patria, quibusdam suis pagis eorum nomina e quibus originem duxerant, imposuisse. Denique contra hanc historiam ab Hieronymo narratam objicit Valesius, hos latrones prædonesque Aquitanos fuisse, et Aquitaniam nonnisi ab utroque Cesare, Julio nempe et Augusto, in provinciam redactam esse, ideoque non potuisse Pompeium, quod tamen asserit Hieronymus, Aquitanie partem fugitivis, *quos de Pyrenæi jugis deposuit*, attribueri. At Convenarum comitatus, ut nunc vocamus, inclusus tunc erat veteri Tolosæ territorio, quod Romanæ ditionis erat, et Pompeii ætate regio, ubi nunc *Convenæ*, inculta desertaque erat; cumque quatuor veterum Galliarum limites postea mutati fuerint, ut omnibus notum, *Convenæ* et quæ eis adjacent, cum Aquitania conjunctæ sunt. Hæc ad defensionem loci Hieronymi. Redeo nunc ad *Vigilantiæ* patriam, de qua ad superiora.

9. *Vigilantiis hæresim suam in Galliis sparsit.* — Subjungit Marca aliud testimonium ex Hieronymo petitum, quo et in Gallia ortum *Vigilantium* et in Galliis venenum suum sparsisse probatur: « Galliæ vernaculum hostem sustinent, et hominem moti capitis, atque Hippocratis vinculis alligandum, sedentem cernunt in Ecclesia. Unde quoque conficitur, etsi apud Gennadium, dicatur *Vigilantiis* parochiæ Ecclesiam rexisse in urbe Barcinonis, id referendum ad prius aliquod tempus. Familiaris fuerat vir iste sanctissimo et nobilissimo viro *Paulino* Nolano episcopo, ut patet ex mutuis Paulini et Hieronymi Epistolis; qui domo Aquitanus e Burdegala, *Vigilantium* Aquitanum quoque e Convenis

socium itineris, et fortasse ordinationis habere potuit; eo discrimine ut hic a Paulino commendatus matriculae et canonis Barcinonensi sub presbyteri nomine adscriptus sit, Paulino interim libera, et nulli Ecclesiae adstricta ordinatione collata, etc. Ea tempestate fuerit e clero Barcinonensi, ut testatur Genadius; videtur tamen postea in Galliarum Ecclesiam aliquam transmigrasse, ubi sedens docebat, quod est episcoporum et presbyterorum proprium, etc. Id saltem negari non potest, blasphemias a *Vigilantio* propositas in Galliarum Ecclesiis. Quare dubitandum non est, sanctos presbyteros *Riparium* et *Desiderium* Gallos fuisse, non Hispanos, ut vulgo putant, qui dolebant parochias suas vicinia istius fuisse maculatas, ut ait Hieronymus. Unde quoque colligitur, quod jam dicebam, adscriptum fuisse illa tempestate *Vigilantium* alicui in Galliis Ecclesiae. Quod altero quoque deserto testimonio probatur: « Quia ad radices Pyrenaei habitas, vicinusque es Iberiae, Basilidis antiquissimi heretici, et imperite scientiae incredibilia portenta prosequeris, etc. »

10. *Vigilantius cur Calagurritanus dictus.* — Pergit Marca: « Qui *Calagurritanum*, ac proinde Hispanum fuisse *Vigilantium* existimant, eum proleperunt Hieronymi locum, qui hominem istum cum claro illo oratore Quintiliano committit, et *Calagurritanum* fuisse significat. Porro certum est, Quintiliani patriam fuisse Calagurrim in Hispania: Iste caupo Calagurritanus (inquit) et in perversum propter nomen veculi mutus Quintilianus, miscet aquam vino, et de artificio pristino suae venena perfidiae Catholicae fidei sociare conatur. Si aliquid intelligo in dicendi genere Hieronymiano, cognominem fuisse utriusque patriam Hieronymum significat, sed longissimo inter se differre intervallo; cum patriam Quintiliani sit *Calagurris* in Hispania, coloniae dignitate ornata quondam, *Vigilantii* autem sit vicentis Calagurris, nempe propter urbem Convenarum. Unde aliud quoque prodit discrimen, hunc esse mutum Quintilianum, alterum vero celebrem et insigni eloquentia rhetorem. Caeterum perstringit Hieronymus ardeionem istum, quod cauponariam exercuerit ea fide, qua solent huius negotiationis artifices, nempe miscendo aquam vino; quam fraudem in religionis doctrinam invadere conetur, perfidiam genuinae fidei consociando ». Ita Hieronymum Marca explicat.

11. *Duplex Calagurris, altera in Hispaniis, altera in Galliis.* — Si haec praesulis crudissimi interpretatio juvetur, et magis exponatur, certa comperietur. Immediatè autè dixerat Hieronymus: « In isto Joviniani mens prava surrexit, etc. Ille Romanae Ecclesiae auctoritate damnatus, inter phasides aves et carnes suillas non tam emisit spiritum, quam eructavit: iste caupo Calagurritanus », et caetera mox recitata. Sanctus doctor paulo post de *Vigilantio* ait: « Est quidem imperitus; et verbis, et scientia, et sermone inconditus, ne vera quidem potest defendere ». Genadius in Catalogo de Script. Eccles. Hieronymo in omnibus non videtur consen-

tire; cum de *Vigilantio* scribat, « Homo lingua politus, non sensu Scripturarum exercitatus », et Hieronymus eum mutum Quintilianum et sermone inconditum appellet. Sed cum de fide tenenda agitur, non veretur Hieronymus res verbis augere, et hyperbolis uti. *Vigilantium* igitur *mutum* appellat, quia haeresim Joviniani quasi huius advocatus defendendam susceperat, sed cum sensu *Scripturarum exercitatus* non esset, identidem obmutescere cogebatur, indeque cum Hieronymus per jocum irridet, quod cum Calagurritanus sit, uti Quintilianus rhetor celeberrimus, *mutus* tamen existat, aut in *perversum* loquatur. Quibus ex Hieronymi verbis discimus, *Vigilantium* non *Convenis*, sed in vico *Calagorgis* hand procul inde dissitum natum esse: Calagorgis enim, Calagoris, Calagorea, Calagorina, aut, ut nunc Hispani loquuntur, *Calahorra*, idem sonare manifestum est. In itinerario autem Antonini pag. 29 editionis Bertii: « Item ab Aquis Tarbellicis Tolosam M. P. cxxx. Sic, Beneharnum M. P. xix. Oppidum novum M. P. xviii. Aquas Convenarum M. P. viii. Lugdunum M. P. xvi. Calagorgin M. P. xxvi. Aquas siccas M. P. xvi. Vernosalem M. P. xv. Tolosam M. P. xv ». Ab Aquis itaque Tarbellicis Gallicae *Aqs*, abest Lugdunum Convenarum milia passuum lxi, et *Calagorgis* seu Calagorris locus est xxvi milibus dissitus a Convenis, seu Lugduno Convenarum, quod per Librarium errorem *Lugdunum* in Itinerario Antonii nuncupatur. Superest adhuc Calagorgis in Comitatu Convenarum, Gallicae *Commingois*, vulgoque dicitur *Caseres*, ut observat Hadrianus Valesius citatus, et posita est ad Garumnam fluvium. Ex his evidens est, Hieronymum non male *Vigilantium* Calagurritanum vocasse, hincque nebuloem, non Hispanum sed Gallum fuisse, et Calagurritanum in *perversum*, et *mutum* *Quintilianum*.

12. *Alani et Vandali Gallias ingrediuntur.* — Ad mun. 33 et seq. Prosper sub huius anni coss. ait: « Vandali et Alani Gallias, trajecto Rheno pridie kal. Januarii ingressi ». Idem habet Cassiodorus; Zozimus vero lib. 6, pag. 823, Vandalis et Alanis Suevos adjungit, et scribit: « Arcadio VI et Probo coss., Vandali, Suevi et Alani permixti, superatis Alpibus nationes Transalpinas vastarunt; editaque ingenti caede, Britanniarum etiam exercitibus formidabiles extiterunt. Quos quidem eo perpulerunt, ut veriti ne progredierentur ulterius, ad tyrannos eligendos sese converterent », quod tamen ultimum anno tantum sequenti contigit, ut tunc dicemus. Procopius lib. 4 de bello Vandalico cap. 3, de hac Vandalorum et Alanorum migratione ait: « Vandali Maëtidis paludis accolae, fama pressi, ad Germanos, quos hodie Francos nominant, et fluvium Rhenum se receperunt, tractis in societatem Alanis, natione Gothica. Inde Godigiseli ductu in ea parte Hispaniae, quae oram habet imperii Romani primam ab Oceano, sedes fixerunt, ea conditione de qua tunc inter Honorium et Godigiselum convenit, ut illis partibus nihil nocerent ».

13. *Vandali sese cum Francis non adiungere.*— Sed Procopius tripliciter errat : Primum, perperam *Vandalos* a Maotide deducit ; Jornandes enim lib. de Reb. Get. cap. 22, Dexippum antiquum Historicum secutus docet, Vandalos ab Oceano circa Scanziam insulam fuso profectos, *ad nostrum limitem*, hoc est, ad Danubium, *vix in anni spatio pervenisse* ; in veteri Dacia consedisse ; et progressu temporis in agris Pannoniæ a Constantino M. collocatos esse, indeque a Stilicone invitatos Gallias occupasse. Secundo, videtur insinuare Procopius, Vandalos cum Francis sese conjunxisse ; cum tamen hi Romanis adherentes sese Vandalis opposuerint, teste Orosio hoc tempore vivente : « Excitate, inquit, per Stiliconem gentes Alanorum, Suevorum, Vandalorum, ipsoque simul motu impulsorum Burgundionum, multaque cum his aliæ copis viribusque intolerabiles, quibus nunc Galliarum, Hispaniarumque Provinciæ premuntur ; Francos proterunt, Rhenum transeunt ; Gallias invadunt ». Citat hinc Orosii locum Gregorius Turonensis lib. 2, cap. 9, sed ea qua solet fide auctorum verba transcribere : « Stilico, inquit, congregatis gentibus Francos proterit, Rhenum transit, Gallias pervagatur », quasi Stilico ipse Germanis instructus aperta defectione provincias imperii Romani igne ferroque vastaverit, nec auctorem se solum populationis, sed etiam ducem Barbaris præberit.

14. *Licet a Francis repulsi iter continuarunt.*— Tertio, verum non est quod habet ibidem Procopius, Vandalos nempe *Godigiseli* regis ductu in Hispanias intrasse. *Godigisclus* enim prelio commisso a Francis interfectus est, et Vandali in ejus locum *Gundericum* filium substituere, ut Renatus Profuturus Frigeridus apud Gregorium laudatum his verbis prodit : « Interea Respondial rex Alanorum, Goare ad Romanos transgresso, a Rheno agmen suum convertit, Vandalis Francorum bello laborantibus ; Godigiselo rege assumpto acie, viginti ferme millibus ferro preceptis, cunctis Vandalis ad interuccionem delendis, ni Alanorum vis in tempore subvenisset ». Alani itaque Respondiale et Goare ducibus ad Rhenum pervenire, ibique *Respondial* adventum Vandalorum expectare statuit, sed *Goar* ad Romanos transit. *Vandalis* ad Rhenum prope-rantibus occurrerunt Franci, et cum illis feliciter conflixerit ; ita ut nullus ex tota gente superfuisset, nisi *Respondial* audito Vandalos a Francis itinere prohiberi, opportune adveniens suos periculo liberasset. Ita *Vandalis* cum Alanis conjuncti ceptum iter prosecuti sunt, ut scribit Orosius citatus, *Gunderico* rege in locum *Godigiseli* patris substituto : quoad *Goarem*, remansit is in Galliis, ubi anno cdxii quemadmodum ibidem num. videre est, *Jorinus*, ejus et *Gundicarii* Burgundionum regis opera tyrannus creatus est. *Goari* terras postea Honorius imp. assignavit forte prope Moguntiam, ubi *Jorinum* tyrannum renuntiavit. Post *Goarem Sambida* Alanorum in Galliis commorantium principatum suscepit, huicque Actius deserta

Valentinæ urbis rura concessit, ut ostendam anno cdxl, num. 4^o et seq. Hæc vera regum Alanorum in Galliis successio. Denique ex laudatis Orosii verbis liquet eum, sicuti et Hieronymum in Epist. xi ad Ageruchiam, ejus verba anno sequenti referam, Alanis, Vandalis, et Suevis varias alias gentes adiungere, quod forte hæc paulo post istas tres irrue-rint in Gallias.

15. *Translatio reliquiarum S. Samuelis Prophetae.*— Ad num. 35 et seq. Auctor Chronici Alexandrini sub hujus anni cons. habet : « Delate sunt reliquiae sancti Samuelis Constantinopolim per gradus scalasque Chalcedonenses, mense Armenio, XIV kalend. Junias, pompam ducentibus Arcadio Augusto, et Anthemio præfecto pratorio, et exconsule Emilianio præfecto urbi, et universo Senatu. Repositæ sunt ad tempus in sanctissima Ecclesia Magna ». Dies xix mensis Maii incidit hoc anno in diem sabbati, ideoque nondum usus ferebat, ut Sanctorum translationes diebus Dominicis fierent, sed tantum annis Quinquennialibus et id genus festis addictis, qualis est præsens, quo Arcadius quinta Quinquennialia exhibuit. Theodorus lector lib. 2 ait, reliquias sancti Samuelis depositas esse *ante diem xii kalend. Jul.*, ut videre est apud Baronium, id est, die xx mensis Junii, in quem hoc anno feria quarta cadebat. Quare quoad diem et mensem, error est in alterutro ex his duobus auctoribus.

16. *Reliquiæ SS. Andreae, Lucae, et Timothei translate.*— Divus Hieronymus in Tractatu adversus Vigilantium loquitur de ista translatione, ostenditque se hoc anno Arcadii VI consulatu notato opusculum illud scribere. At enim adversus Vigilantium reliquiarum hostem : « Ergo sacrilegi sumus, quando Apostolorum Basilicas ingredimur ? Sacrilegus fuit Constantinus imperator, qui sanctas reliquias Andreae, Lucae, et Timothei transtulit Constantinopolim, apud quas demones rugiunt, et inhabitatores Vigilantii illorum se sentire præsentiam confitentur ? sacrilegus dicendus est et nunc Augustus Arcadius qui ossa beati Samuelis longo post tempore de Judæa transtulit in Thraciam ? » et cætera a Baronio relata. Verum loco *Constantini* substituendus Constantius, ut recte habet editio Basilicensis. Ipsemet enim Hieronymus in Chronico ad annum xix Constantini. scribit reliquias sancti Timothei Constantinopolim invectas esse, quod idem habet ad annum xx ejusdem imperatoris de reliquiis *Andreae* Apostoli et *Lucae* Evangelistæ, de quibus duabus translationibus locuti sumus anno cccxvi et cccxvii, num. 1. Quibus adde Philostorgium lib. 3, cap. 2, qui refert, *Constantium* Constantinopoli Ecclesiam, que dicitur *Magna*, ædificasse, illucque transtulisse reliquias Andreae Apostoli, Lucae Evangelistæ, et Timothei Apostoli. De Magna Ecclesia Constantiniana legendus Ducangius in Constantinopoli Christiana lib. 3, cap. 2.

17. *Non a Constantino sed a Constantio.*— Sic etiam apud Hieronymum in lib. de Script. Ecclesiast. ubi in Luca habet : « Septuaginta est Constan-

linopoli. ad quam urbem vicesimo Constantini anno ossa ejus cum reliquiis Andreae Apostoli translata sunt de Achaia », loco *vicesimo Constantini anno*, legendum, *vicesimo Constantii anno*. Quare quod anno cccxiv, num. 22 scripsi. auctores Graecos saepe confundere nomina Constantii et Constantini, extendendum est etiam ad auctores Latinos, vel saltem ad librarios et eorum exscriptores, unde varii in Historia errores enati. Sic sanctus Paulinus in poemate xxvii, seu carmine xi de sancti Felicis Natali loquens de Sanctorum reliquiis per Urbem diffusis ait :

Nam Constantinus proprii dum conderet Urbem
Nominis, etc.
Ut sua Apostolicis muniret monia latus
Corporibus : hunc Andream devexit Achivis,
Timotheumque Asia.

Ubi *Constantino* attribuit quod a *Constantio* ejus filio peractum. Quod cum non animadvertisset Rosweidus in notis ad illud poema, haeret et suspicatur, Constantinum animo destinasse facere, quod postea filius ejus Constantius perfecit. Verum Paulinus deceptus est, et loca laudata Hieronymi in voce *Constantini* corrupta.

48. *Circumcelliones in Catholicos saeviunt.* — Scripta hoc anno a sancto Augustino Hipponensium clericorum nomine Epistola lxxxviii, alias lxxviii ad Januarium episcopum Donatistam; qua illi exposu-

lant de Circumcellionum saevitia in Catholicos : « Non tantum, inquit, nos fustibus quassant, ferroque concidunt : verum etiam in oculos extinguendos calcem mixto aceto incredibili excogitatione sceleris mittunt. Domus insuper nostras compilantes, arma sibi ingentia et terribilia fabricarunt, quibus armati per diversa discurrunt, comminantes atque anhelantes caedes, rapinas, incendia, cecitates ». Quod autem num. 10 his verbis obtundunt : « Vestri enim collegae qui navigaverant, apud praefectos dixerunt se audiri venisse »; cum citra omnem dubitationem ad gesta illa pertineant, quae producta leguntur in Carthaginensi Collatione iii, num. 124 : *In judicio habita praefectura, ubi se pars adversa*, id est, Schismaticorum, *audiri tantopere flagitavit* : quaeve in eadem Collatione num. 141, notantur collecta *Ravennae sub die tertia kalendas Februarias, domino nostro Arcadio perpetuo Augusto et Probo quartum consule*, id est, currenti anno; id praefecto demonstrat scriptam Epistolam post exordium hujusce anni, ut inquit novi Editores Operum sancti Augustini, qui tamen non advertunt irrepsisse in hunc ultimum locum notam numeralem iv, cum *Probus* unicum consulatum gesserit, et in eadem Collatione num. 170 Augustinus dicat : *Navigius adjutor numerorum recitavit D. N. Arcadio Augusto et Probo viro clarissimo consulibus*, ubi nulla nota numeralis legitur. Quare librariorum errore adverbium, *quartum*, quod cum Probo Aug. copulari debuit, cum Probo conjunctum legitur.

INNOCENTII ANNUS 6. — CHRISTI 407.

4. *Honorii decretum contra Donatistas.* — Quadragesimo septimo anno a Christo nato, Honorio septimum, et Theodosio secundum Augustis consulibus, mense Februarii, Honorius imp. accepti beneficii de insperata adversus Rhadagaismum oblata victoria memor; quod nihil divitari gratius esse sciret, quam si illius hostes haereticos debellaret, cujus ope Barbaros ipse viciisset; novis rursum edictis haereticos Occidentalem infestantes Ecclesiam urget. Hoc enim anno, mense Februarii, ad senatorem praefectum praetorio ita rescripsit,

dammans eosdem penis illis, quibus coercendos haud pridem, sanxerat Donatistas.

2. « Quid de Donatistis sentiremus, nuper ostendimus : praecipue tamen Manichaeos, vel Phrygas sive Priscillianistas meritisima severitate persequimur. Huic itaque hominum generi nihil ex moribus, nihil ex legibus sit commune cum ceteris. Ac primum quidem volumus esse publicum erimen : quia quod in religione divina committitur, in omnium fertur injuriam. Quos honorum etiam publicatione persequimur : quae tamen cedere jubemus proximis quibusque personis ; ita ut ascendendum, vel descendendum, vel venientium, vel latere

cognatorum usque ad secundum gradum, velut in successionebus, ordo servetur. Quibus ita demum ad capiendas facultates esse jus patimur, si non et ipsi pari conscientia polluantur. Ipsos quoque volumus amoveri ab omni liberalitatis et successionis quolibet titulo venientis. Præterea non donandi, non emendi, non postremo contrahendi cuique convicto relinquimus facultatem.

3. « In mortem quoque inquisitio tendit. Nam si in criminibus majestatis licet memoriam accusare defuncti, non immerito et hic debet subire iudicium. Ergo et suprema illius scriptura irrita sit, sive testamento, sive codicillo, sive epistola, sive quolibet genere reliquerit voluntatis, qui aut Manichæus, aut Phryga, aut Priscillianista fuisse convincitur. Hoc quoque casu eadem illa circa gradus superius comprehensos conditione servata: alioquin nec filios existere, aut adeo permittimus, nisi a paterna pravitate discesserint: delicti enim veniam parentibus damus. Servos etiam extra noxam esse volumus, si dominum sacrilegum revelantis, ad Ecclesiam Catholicam servitio fideliori transierint: perferri hujusmodi hominum cœtus domino, etsi non communione criminis implicato, sciente tamen nec prohibente contraxit, patrimonio nostro societur. Ac si dominus ignorabilis, actor vel procurator possessionis coercitus plumbo, perpetuo metallorum operi deputetur: conductor si idoneus est, deportabitur. Rector provincie si hæc crimina dissimulatione vel gratia delata distulerit, aut convicta neglexerit, sciat se multa viginti librarum auri feriendum. Defensores quoque et principales urbium singularum, necnon et officia provincialia decem librarum auri pœna constringet; nisi in his quæ a iudicibus super hoc præcepta fuerint, exsequendis, et sagacissimam curam et solertissimam operam commodarint. Dat. VIII kal. Martii, Romæ, Honorio septimum et Theodosio secundum AA. cons.» Eandem habet legem ¹ Justinianus Codex, qua et comprehensi sunt Donatistæ.

Ex his vero pii imperatoris obsequiis haud imparia prioribus consecutus est a Deo Honorius beneficia: siquidem domestico appetitus bello diu meditato, nempe insidiis Stiliconis pro filio imperium aucupantis, eripitur. Quomodo autem hæc se habuerint, suo loco dicturi sumus anno sequenti.

4. *Concilium Carthaginense, et legatio inde Romanam missa.* — Hoc item anno celebratum est ab episcopis Africæ Concilium Carthaginense ² id. Junii: ubi inter alia decreta est legatio ad Honorium imp. pro defensione rerum Ecclesiasticarum adversus Donatistas atque Paganos: sancitumque ab eisdem ut ad comitatum euntes, Formatam acciperent ad Romanum Pontificem, a quo aliam quærerent Formatam ad imperatorem: hæc idcirco, ne hæretici Catholico nomine velarentur; nam illi tantum manifesti Catholici haberentur, quos communicare cum Romano Pontifice, Formate ab eo acceptæ lit-

teræ significarent, ut ex Optato et aliis sæpe superius demonstratum est. Illud vero in hac Synodo ipsis Formatam addi præceptum est, ut in eis dies Paschæ illius anni apponeretur: qui si nondum definitus sciretur, quod litteras dari contingeret ante ejus diei promulgationem; tunc decretum est apponi ad Formatam diem anni præteriti, post diem Paschæ scilicet; ut evenire solet, cum in publicis scriptis, post consulatum, factum quid scribitur. Accidere enim consuevit, ut (quod dictum est) Occidentales Ecclesie discerent ab Ecclesia Romana diem celebrandi Pascha cujuslibet anni: ipsum vero Romanum Pontificem ante annum significare illum consuevisse ea adhibita modestia, ut si quis quid contra objicere vellet, audiretur; litteræ Innocentii papæ ad Aurelium ³ Carthaginensem episcopum date significant.

5. Sed et illud magnopere considerandum est, quod eisdem ab hoc Concilio legatis Romanam missis publico decreto in mandatis hoc datum est ⁴: « Item placuit, ut de dissensione Romanæ atque Alexandrinæ Ecclesiæ ad S. papam Innocentium scribatur; quo utraque Ecclesia intra se pacem, quam præcepit Dominus, teneat ». Hæc ibi: quibus plane significatur, ipsum Romanum Pontificem Joannis Chrysostomi causa adversus Theophilum mirum in modum fuisse commotum, et in omnes alios episcopos qui cum illo adversus eum conspirassent; noluisseque missas ab eis recipere litteras: quod quidem Epistola ejusdem Innocentii papæ ad Alexandrum Antiochenum episcopum postea data de Acacio ejus functionis antesignano demonstrat ⁵. Sed et Theodorus diaconus hæc expresse apud Palladium ⁶: « Est autem hæc Romanæ Ecclesiæ sententia, non communicare in finem usque Orientalibus episcopis, maximeque Theophilo, donec Dominus universalis Synodi tribuat locum, ac per eam curet putrida membra eorum qui ista gesserunt ». Hæc Theodorus. Ex his quoque videas, Theophilum annis singulis (ut dictum est) dare solitum Paschales litteras, ex hoc tempore conticuisse; utpote quod nullus Catholicus eas recepturus esset, quas Romana Ecclesia non reciperet. At de Concilio Carthaginensi et legatione ab eo Romam missa hactenus.

6. Invisamus jam S. Joannem Chrysostomum, extremaque ei officia persolvamus: quem hoc anno ærumnis confectum ex hac vita ad cælestem coronam vocatum constat: ait enim Socrates ⁷: « Honorio septimo et Theodosio secundum consulibus, XVIII kal. Decembris, S. Joannes Chrysostomus Comanis apud Pontum Enxinum ex hac vita migravit ». Hæc ipse: sed in mense error evidens: nam decima quarta die Septembris eum diem obiisse, omnes affirmant, et tabulæ Ecclesiasticæ fidem faciunt.

7. *Chrysostomus transfertur Pityuntem, unde novi labores et obitus.* — Quenam autem obitum

¹ Rom. Pont. ep. x. tom. 1. — ² Concil. Afr. c. 68. — ³ Innoc. ep. xviii. — ⁴ Pallad. in dial. — ⁵ Socr. l. vi. c. 19.

¹ L. IV. C. de hæret. — ² in Conc. Afr. c. 62.

ejus præcesserint, hic describamus. Atque in primis in memoriam revocandum, ipsum anno præterito, absoluto jam biennio sui exilii, inchoato anno tertio, ex sententia Palladii, Arabisso Pityuntem esse translatum, eo nimirum consilio, ut ægra valetudine laborantem longissimis difficillimisque peregrinationibus fatigatum exhalare animam cogerent, ante vero litterarum commercio et ipsa scriptioe privatum. Hæc quidem (ut ait Sozomenus) quod ejus adversarii fabescerent invidia, dum viderent universam Occidentalem Ecclesiam pro ipso esse sollicitam. Sed et pertasos æmulos frequentem hinc inde ad Joannem accessum, illud consilium inisse, ut eundem (ut dictum est) Pityuntem transferrent, Palladius tradit, dum ait : « Inspicientes enim Severianus et Porphyrius Antiochenam Ecclesiam in Armeniam commigrasse, et inde rursus Antiochiæ Joannis gratissimam philosophiam prædicari, dirumpebantur, vitæque illos jam tædebat, hujusmodi rumoribus non secus quam flagris cruciatus : est enim ea invidiæ natura, ut eos quos invaserit, semper exagitet. Eo miraculo percussi plerique clerici adversæ factionis, aiebant : Videte mortuum terribilem vivos victoresque perterrefacientem, non secus ac parvulos larvæ deterrent. Papæ, sæculares potestates, Ecclesiasticasque opes amitti cum ipsa potestate sua et principatu ; sacerdotem solum, civitate privatum, infirmum carne, exulem trepidantes, metum pallore testantur.

8. « Non jam igitur ferentes in scena occultare serpentem, ad exercitum mittunt » ; ad ipsum Arcadium imperatorem : « rescriptumque aliud vehementius cum abjectione pœnæ procurantes, transferri scilicet eum intra loci cujusdam angustias, unde non liceret progredi. In Pityuntem locum penitus desertum extorem agunt, ripæ Pontici maris quis imminet. Porro milites præfecti prætorii, qui illum ducebant, maxime eum per viam urgebant : id se habere in mandatis, aperte asserentes, majori se gradu promovendos, si per viam ille moreretur. Atque unus quidem ex ipsis, præsentis militiæ negligens, nonnihil humanitatis clam erga eum ostendebat ; alius adeo infestus erat et atrox, ut blanditias que illi ab occurrentibus (ut sancto par erat) fiebant, injurias existimaret ; id solum curans, ut Joannes moreretur. Donique cum imber esset vehemens, adeo ut dorsum ac pectus inundatio illa percelleret, nihil curans egrediebatur ; ingentem rursus solis æstum pro deliciis habebat, sciens hoc affligi sancti viri caput instar Elisæ calvum. In urbe vero aut castello, ubi lavacri esset ullum refrigerium, ne punctum quidem temporis remorari, infelix ille tolerabat.

9. « Cum inter hæc omnia trimestris temporis spatio difficillimum illud conficiens iter, sanctus velut sidus jubilans prestant, corpusculum habens instar mali summis in rannis, solis fervore rubicundum. Ubi vero Comanæ appropinquarunt : ipsam

veluti pontem transeuntes, in templo quodam quinque aut sex millibus passuum remoto manserunt. Ipsa nocte martyr ipsius loci, Basiliscus nomine, qui Nicomediæ sub Maximiano passus cum Luciano Antiochiæ presbytero fuerat, dum esset Commanensis episcopus, apparuit ei dicens : Confide, frater Joannes : cras enim simul erimus. Aunt presbytero quoque Ecclesiæ prius apparuisse martyrem, atque dixisse : Præpara Joanni fratri locum ; venturus est enim. Ille nihil de eo oraculo dubitans, in crastinum orabat milites, ut illic usque ad quintam horam permanerent : qui minime acquiescentes, perurgebant. Profecti vero quasi stadios triginta, rursum ad memoratum templum, unde exierant, redierunt, ipso jam febribus laborante. Illic ubi rediit, vitæ suæ digna candida vestimenta quæsit : exultusque prioribus, ea se induit, omnibus usque ad calceamenta mutatis, reliqua præsentibus ipse distribuit : sumptisque ecclesiasticis sacramentis coram adstantibus, extremam orationem fudit, dicens more suo : Gloria sit Deo omnium causæ. Consignansque se in fine orationis, extendit speciosos illos pedes, qui concurrerent ad salutem eorum qui elegere pœnitentiam, et in illorum probrum qui peccata abunde messuerunt. Quod si nihil malis probra profuere, hoc non imbecillitas constantissimi viri, sed illorum impudentia fecit, qui ea tolerare noluerunt. Adjectus est ad patres suos excusso pulvere mortalis vitæ, atque migravit ad Christum ». Hactenus de obitu sanctissimi Patris Palladius. Vixisseque eum annos ætatis suæ quinquaginta duos et menses octo. Leo Augustus habet in Encomio : de quinquaginta duobus reliqui omnes, qui de his egerunt, sunt assertores. Ejus vero episcopatus in hanc usque diem decimam quartam Septembris, qua obiit, numerantur anni novem, menses sex, et dies viginti.

10. *Chrysostomi scripta, devotio erga Paulum Apostolum, doctrina, sanctitas.* — De funere autem ista Palladius : « Tanta vero multitudo virginum, tantumque monachorum, et honestioris vitæ testimonio insignium ex Syria et Cilicia et Ponto et Armenia agmen accurrit, ut putarent plurimum ex conducto eos advenisse. Ita sepultus, laudibusque velut athleta victor honoratus est, corpusculum una cum Basilisco in eadem Ecclesia condito ». Hæc Palladius : qui et paulo post de vitæ instituto et moribus ejus, quorum causa quidem offensus erat, hæc addit : « Ipse, inquit, solus edebat, ut ex parte novi, ob istiusmodi causas. Primo quidem ob calorem capitis abstemius erat ; nisi quod in astu eo, quod Diarhodon appellatur, utebatur », vino scilicet. « Secundo, quoniam infirmitatis cujusdam gratia ejus ordinem desiderabat ; adeo ut sæpius quæ fuerant parata, ingrata viderentur ; et quæ non aderant, inquiri oporteret. Deinde plerumque cibi oblitus, ad vesperam usque jejunabat, partim occupatus Ecclesiasticis curis, partim spiritualibus intel-

¹ Pallad. in dial.

² Pallad. in dial.

ligendis abstractus : contendebat enim ut eum nihil sacrarum litterarum præteriret, etc. » Sane quidem in omnibus divinæ Scripturæ libris, eos explicando, apprise esse versatum, testatur Cassiodorus, ubi ait ¹ : « Perunt itaque divinas Scripturas Veteris Novique Testamenti ab ipso principio usque ad finem græco sermone declarasse Clementem Alexandrinum cognomento Stromateum, et Cyrillum ejusdem civitatis episcopum, et Joannem Chrysostomum, Gregorium, et Basilium ». Quod si verum est, vide quam pauca ex ingentibus thesauris nobis sint reliqua : cum alioqui nonnulla spuria ejus nomine edita hactenus habeantur. In Cassiodori quoque sententiam Suidas hæc habet ² : « Universam Judaicam Christianamque Scripturam ille commentariis sic illustravit, ut alius ante ipsum nemo ». Et paulo post : « Cæterum opera ab eo conscripta, non est hominis percensere numerando, sed solius Dei, cui nota sunt omnia ». Hæc Suidas : sed et de ejus scriptis ac moribus ista Sophronius ³ : « Juste et dignissime Joannes pro puritate doctrinæ, et splendore venustissimi eloquii Chrysostomus cognominatus est : qui ex quo salutare baptismum accepisset, nunquam omnino juravit, neque alique jurare compulit, neque mentitus est, neque alieni unquam maledixit, neque scurrilia locutus est, nec jocos admisit ». Ita Sophronius.

11. Sed quod ad ejus post se relicta scriptorum monumenta pertinet : haud æquo animo pati possumus, adscriptas fuisse sanctissimo viro, ejus titulo hactenus consignatas, quinquaginta quatuor homilias, quas opus imperfectum in Matthæum nominant, ut distinguant a consummato in eundem Evangelistam commentario nonaginta et unam homilias complectente. Quis enim non jure commoveatur, cum videt adscribi sanctissimo viro, ab incerto auctore, sed certo hæretico, hæreticorumque deterimmo compositas homilias illas purulentas, hæresum scatentes verminibus, quæ ne pilum quidem Chrysostomi vel in dictione, vel in sententiis, vel in dogmatibus habent, sed sparsas hæreses Manichæorum, Montanistarum, Arianorum, ac Donatistarum continent ; atque plane in omnibus se prodat auctor longe longius ab Ecclesia Catholica alienum, qui Catholicæ Ecclesiæ toto orbe diffusæ sæpe detrahat, et vix in paucis veritatem reperiri contendat ? Porro extitisse auctorem illum alicujus hæresis sectatorem, penes quem præter divinas Scripturas nulla esset ratio Catholicæ communicationis, nec traditionum atque Ecclesiasticarum sanctionum ; haud obscure ipse, inter alia, homilia quadragesima nona significat illis verbis ⁴ : « In tempore hoc, ex quo obtinuit hæresis illas Ecclesias, nulla probatio potest esse veræ Christianitatis, neque refugium potest esse Christianorum aliud volentium cognoscere fidei veritatem, nisi Scripturæ divinæ. Antea enim multis modis ostendebatur quæ esset Ecclesia

Christi, et quæ Gentilitas : nunc autem nullo modo cognosci datur volentibus cognoscere quæ sit vera Ecclesia Christi, nisi tantummodo per Scripturas. Quare ? quia omnia hæc quæ sunt proprie Christi in veritate, habent et hæreses illæ in schismate similiter Ecclesias, etc. » Plura suggerit, atque ingerit divinæ tantum standum esse Scripturæ, nulla habita Catholicæ communicationis ratione, qua in unum corpus universa Catholica Ecclesia toto orbe Christiano coagmentata cognoscitur. Porro argumentum hoc commune est omnium hæreticorum : qui cum convinci sciant se esse ab Ecclesia alienos, vel uno illo saltem argumento, quod secus sentiant, quam universa Ecclesia doceat : ad solam divinam Scripturam confugium sibi parant, sed suo ipsorum pravo sensu intellectam : in quos disputat S. Augustinus, adversus Cresconium agens ¹. Sed in his modo non immorandum, quod alio tendat oratio : neque in disquirendis quæ alia sint ejusdem Joannis scriptis supposita (quod longioris inspectionis sit opus) nunc incumbendum.

12. Illud vero quod ad ejusdem Joannis scripta pertinet, haud ignorandum ; habuisse ipsum in sacerdotis litteris peculiarem doctorem sanctum Paulum Apostolum, cujus immenso tenebatur amore : fidem facit hujus rei S. Proclus, qui postea Constantinopolitanæ Ecclesiæ fuit creatus episcopus, rem gestam sic narrans ² : « Cum divinas Pauli Apostoli Epistolas earum interpres et expositor percurreret : erat (ut est verisimile) dubia et suspensa cogitatio, dicens : Quis scit an Deo grata mea sit interpretatio ? Hæc cogitans, rogabat ut de ea re a Deo fieret certior. Quod etiam cito hoc modo factum est. Quidam ex his qui imperatori erant familiarissimi, offendit imperatorem : qui mortem minatur. Et mittitur qui apud divinum pontificem intercederet, ut noctu ad eum veniret propter metum imperatoris, et sua ei exponeret. Quibus assentiens sanctus, per Proclum jubet ut veniat. Nox erat, et simul etiam aderat his qui erat supplex. Ut enim admoneat, dat operam Proclus. Deinde primum adspicit per quoddam foramen, et videt pontificem, ut consueverat, in sede sedentem, et scribentem (ea autem erat interpretatio divinarum Epistolarum). Tunc autem ille terribili illo dignus habetur spectaculo. Videt enim Proclus divinum Apostolum Paulum inclinatam post sedem ad caput Pontificis, et os admoventem auri ejus dexteræ, et cum eo colloquentem. Proclum incessit stupor et admiratio, quam ingressus esset quem cernebat. Ignorabat enim quis esset : et rogat hominem ut parum expectet. Rursum paulo post adspexit et semel, et bis, et erat idem spectaculum. Reprehenditur Proclus ab illo optimate ; qui dixit : Non oportebat te, cum videres mortem, quæ mihi expectatur, alium ad sanctum adducere. Ille autem ei affirmat, se de eo nihil cogitasse. His adhuc dubitantibus, præco ad matutina cantica excitat ligni

¹ Cassiod. in præfat. lib. Divi. lect. — ² Suid. in Joan. Chrys. — ³ Sophr. Prat. Spirit. c. 494. — ⁴ Chrys. hom. XLIX.

¹ Aug. cont. Crescon. l. 11. c. ult. — ² Leo Aug. in Vit. Chrys. Metaphr. et alii.

pulsibus. Homo ilaque revertitur, in secundam noctem spem rejiciens. Accessit secunda nox et tertia; et erat rursus simile spectaculum. His obstupefactus, vix tandem sensit Proclus, nemine vidente, a Deo missum esse eum qui loquebatur. Dicit itaque illi Optimati: O optime, Deo resistente studiis omnibus, labor est inutilis: roga ergo Deum ut tibi opem ferat. Dies aderat, et cum supplicis recordatus esset pontifex, rogavit an accersisset. De eo ergo significat ei Proclus, qui hæc etiam dixit: Cum tu præteritis noctibus seorsum esses cum alio, statui non temere accedere.

13. « Cum sanctus autem rogasset, quisnam is esset: incipiens Proclus, verbis quidem totum prosequitur miraculum: digito autem per imaginem evidentissime probans eum fuisse Apostolum, totam narrat seriem miraculi. Quibus cum adhibuisset mentem hinc vir divinus, aperte intellexit spectaculum; et factus certior, se suam accepisse petitionem, Deo gratias egit. Inde sic rursus accersit supplicem, et eum convenit, et pro eo intercedit apud imperatorem, et priori restituit magistratui: impletque promptius et alacrior quæ restabant ex divinis Epistolis ». Hactenus de his Leo Augustus, cui consentiunt cæteri, et præcipue ex antiquioribus Actis vite ejus, quæ citantur a Joanne Damasceno. Etenim de S. Pauli effigie, quam apud se habere soleret idem S. Joannes Chrysostomus, hæc ipse Damascenus¹:

14. « Hæbat autem effigiem Apostoli Pauli in imagine, in loco ubi propter corporis imbecillitatem parumper quiescebat: erat enim supra quam naturapatiatur vigilans. In hanc ille effigiem, quando perlegebat illius Epistolas, oculorum aciem intendebat; in eaque non secus ac si Paulus ipse vix esset, obtutu defixus inhærebat, beatum ipsum appellans, totamque animi cogitationem ad illum dirigens, et cum eo versans, et loquens contemplan- do »: et post alia: « Cum autem Proclus, inquit, loquendi finem fecisset: oculis in Pauli effigiem defixis, et figuram ejus, quem viderat, similem conspicatus, Joanni desiderium injiciens, sic eum (digito demonstrans imaginem) allocutus est: Ignoscito mihi, pater: ille, quem vidi loquentem tibi, huic similis est; atque adeo, si recte memoria teneo, ipse est ». Hactenus Joannes Damascenus ex Vita ipsius S. Joannis Chrysostomi, quæ desideratur.

15. Certe quidem, quod pertinet ad ejusdem Joannis Chrysostomi studium et amorem erga Paulum; non est scriptio ejus quæ non id exprimat manifeste; cum alioqui peculiare eos argumentum scripserit homilia. Quod autem ad doctrinam spectat, se quidem tanto uti magistro ingenue proficitur his verbis in præfatione ad Homilias in Epistolas Pauli: « Neque, inquit, nos quæ scimus, si quæ scimus, ab ingenii bonitate atque acumine scimus: sed illi nos vix impense affecti, ab illius lectione nunquam

discedimus ». Contigisse autem visionem illam, cum Epistolam Pauli ad Galatas interpretaretur, in qua seipsum superasse cognoscitur, hand improbanda opinio est. Cæterum fuisse S. Joannem Chrysostomum pium cultorem sanctarum imaginum, non hæc tantum quæ narrata sunt, manifestant, sed et quod de eo Gregorius¹ papa scribit ad Germanum patriarcham Constantinopolitanum, qui verba ipsius recitat, dum ita ait: « Si quis alius, ego certe, inquit, ex cera fusilem picturam pietate plenam amavi ». Rogo te, lector: si optio daretur, in quorum classem post obitum velis adscribi, et quorum sortis particeps fieri, Iconoclastarumne, an S. Joannis Chrysostomi cultoris sacrarum imaginum? Hæc considerans, tu tibi ipsi responde. Nos certo scimus, Dei amicum fuisse Chrysostomum: cumque æternam esse beatitudinem consecutum, et complura miracula testata sunt, et universalis consensus Ecclesie declaravit.

16. Sed quod in his sumus, ut prætermissa ab aliis, qui res gestas tanti Patris persecuti sunt, hic tanquam epitaphia sepulchralia affigamus; audi quid S. Nilus in Epistola ad Anastasium de eodem Chrysostomo omni fide digna scriptis mandavit: « Joannes, inquit, sacerdos admirandus Ecclesie Constantinopolitane, imo vero totius orbis splendor, vir animi perspicacis, omni fere tempore videbat domum Domini refertam angelorum cœtu, et tunc in primis, cum divinum, et incruentum sacrificium offerrebat: quo quidem tempore, stupore et letitia plenus, rem præcipuis amicis spiritualibus privatim enarravit. Cum cœpisset, inquit, sacerdos sanctum sacrificium seu oblationem facere, plurimæ statim ex illis Virtutibus ex celo descendentes stolis indute splendidissimis, nudis pedibus, intentis oculis prone altari magno cum silentio et reverentia, quoad venerandum illud mysterium expletum fuit, circumsteterunt. Deinde huc illic singula per totam domum diffusæ, episcopis, presbyteris, et diaconibus distributionem corporis, et pretiosi sanguinis ministrantibus adhaerunt, satagentes, et sedulo adjuvantes. Hæc autem scribo, ut divini sacrificii dignitatem cognoscentes, caveatis ne illud negligeret, divino timore abjecto, administretis: nec permittatis ut aliqui inter se contendant, et cum tumultu ad ipsum accedant, aut audacter amuant, et e loco suo prosiliant, aut huc et illuc circumspiciant, et ignave et petulanter se gerant ». Hactenus Nilus, quem spectata eruditio atque conspicua sanctitas fecerunt illustrem.

17. Cessit et illud magnæ laudi Chrysostomo, quod cum concionem habens frequenti populo valeret, opus illi fuit suggestum in medio Ecclesie collocare: certe quidem magnus ille Gregorius Nazianzenus, cum esset ejusdem Ecclesie episcopus, intra cancellos concionabatur, ut ex ipsius testificatione² possumus intelligere, cum de multitudine

¹ Damasc. de imagin. oral. 1.

² Estat apud Nic. Concil. II. Act. vi. — ² Greg. Naz. orat. ad cœnulum quinquaginta Episcopos.

auditorum ad cancellos se protrudente, ut orationem audiret, sepe meminit. Romæ vero antiquius ea vigeat consuetudo, ut ab eminenti suggestu ipse Pontifex concionaretur ad populum: nam in Hippolyto Prudentius¹:

Fronte sub adversa gradibus sublime tribunal
Tollitur, antistes prædicat unde Deum.

Omittimus hic innumera sanctorum Patrum de S. Joanne Chrysostomo elogia: satis ad laudem, quod post ejus obitum paucis exceptis, quos livor infecit, tam Oriens, quam Occidens et universus Catholicus orbis ipsum sanctissimum prædicavit; usque adeo, ut et in Ægypto, habito contemptui Theophilo, licet haberetur vita sanctissimus, eundem Chrysostomum prædicarent, Theophilum vero in sectarentur contumeliis, merito neglectum a suis, quem a se Ecclesiæ Romanæ Pontifex abjecisset. Sed audi perbreve Isidori Pelusiote de utroque iudicium, ad Symmachum ita scribentis²:

18. « Petis a me, ut divini viri Joannis tragœdiam tibi exponam. At eam explicare nequeo: mentem enim res ista superat. Verum pauca quedam audi. Vicina Ægyptus hoc semper in more habuit, ut inique ac perditæ se gereret; Moysen videlicet repudiavit, et Pharaonem adsciscens; humiles ac demissos flagris lacerans, laborantes opprimens; urbes extruere jubens, et mercedem negans, atque ad hoc usque tempus in iisdem studiis inhaerens: siquidem insano lapillorum amore flagrantem, atque aurum pro numine habentem Theophilum, quatuor sociis, imo coepostatis, septum ac munitum in medio proferens, pium virum ac divinarum rerum doctrina præditum expugnavit, odium videlicet atque inimicitiam, quam adversus eum qui eodem quo ego nomine appellatur, improbitatis atque importunitatis suæ velut propugnaculum nactus. At Davidis³, tamen domus invalescit; domus autem Saulis (ut cernis) debilitatur: tametsi vir ille, superata vite tempestate, ad cælestem tranquillitatem migraverit ». Hactenus Isidorus, ejusdem Joannis Chrysostomi discipulus. Porro quod pertinet ad quatuor illos quos nominat coepostatos; fuisse quidem illos Acacium Beroëensem, Severianum Gabalensem, Antiochum Ptolemaidis, et Cyrinum Chalcedonis episcopos, quæ superius dicta sunt ex Palladio, fidem faciunt.

19. Quo quidem nomine non prudentiores tantum Ægyptii, sed ipsi heretici (cum aliqui in Joannem in his quæ ad dogmata spectant, infensi essent) omnes erga eum propensiores erant, ut ex Palladio possumus intelligere atque aliis. Est de his patens exemplum de Socrate Novatiano: qui eum in cæteris erga eum se observantissimum præ se ferat; quod tamen Novatiani eum experti essent sibi maxime adversarium, de hoc, ex quo magis

commendandus habetur, ipsum carpit, sic dicens¹: « Equidem demior, quid causæ esset, cur cum tam ardenti studio duceretur temperantiae, in quibusdam concionibus doceret temperantiam quodammodo contemnendam esse. Nam cum a Concilio episcoporum, illis qui semel duntaxat per baptismum lapsi fuerant, locus penitentiae concederetur: ille non dubitavit dicere: Si milles lapsus penitentiam egeris, in Ecclesiam ingredi. Ob quam doctrinam etsi in aliorum multorum, etiam qui ei familiares erant, offensionem incurrit; tamen a Sisinnio in primis Novatianorum episcopo, qui librum contra hoc ejus dictum conscripsit, graviter exagitatus est: cæterum ista jam pridem acciderant ». Ita Novatianos. Sed hoc nomine majorem sibi conciliavit Chrysostomus laudem, dum eo modo Novatianos exagitans, apertam voluit semper penitentibus Ecclesiæ januam, ex Catholicæ Ecclesiæ instituto: sed de his fusius suo loco superius. Post hæc vero Socrates totum se effundit in laudes Sisinnii, quem reprehensum dicit ab Acacio episcopo, quod vestimenta candida indueret, cum nigris vestibus uti solerent episcopi: sic plane illudebat eis diabolus vafro consilio, ut corporis munditiam affectarent, balnea frequentando, et vestibus candidis vestiendo, ut sibi viderentur animæ quoque esse munditiam assecuti, spernentes Ecclesiæ a Christo relictum ad diluenda peccata remedium penitentiae. Sed alia subdit de Sisinnio Socrates; quæ ut inepta, consullo præterimus: qui et sub iisdem consulibus defunctum Sisinnium affirmat², et in locum ejus subrogatum Chrysantum; mortuum quoque esse Dorotheum Arianum antistitem.

20. *Innocentii anathematizantis Arcadium, et hujus se excusantis ultro citroque datæ Epistolæ.* — Quod vero pertinet ad Innocentium Romanum Pontificem: audita ipse morte Chrysostomi, magno est affectus dolore: et qui hactenus ab infligendo in imperatorem Arcadium et Eudoxiam Augustam, quam provocarant summam Ecclesiasticam animadversionem illam, cum quis a communicatione sacramentorum et cœtu fidelium separatur, rogatus ab ipso Joanne Chrysostomo se continuisset; eam in eosdem provocatus, et violentia quadam adactus, infixit: extorsisse enim visi sunt illi e manibus Innocentii iuste judicantis vindictam, quam hactenus apud se longa patientia continuaverat.

21. Porro idem Pontifex ipsi Joanni, defuncto licet, consultum voluit, nimirum ut etsi non ipse, nomen saltem ejus in Constantinopolitanam restitueretur Ecclesiam; perstititque in sententia, ut nunquam, nisi id fieret, communicare vellet cum Orientalibus Joannis adversariis episcopis; quos ob iniquam sententiam in S. Joannem latam judicaverat a communione Catholica alienos: illud ab eis enixe contendens, ut ejusdem Joannis nomen in tabulas referretur Ecclesiasticas, e quibus fuerat sententia adversariorum expunctum: testatur id Theo-

¹ Prud. Peristeph. hym. xi. de S. Hippoly. — ² Isidor. l. i. epist. cclxi. — ³ 2. Reg. iii.

¹ Socr. l. vi. c. 19. — ² Socr. l. vii. c. 6.

doretus, qui ait¹ : « Iste excellenti totius orbis terræ doctore mortuo, episcopi Occidentis non prius cum episcopis Aegypti et Orientis et Bosphori atque Thracæ communicare voluerunt, quam nomen illius sanctissimi viri in tabulas, in quibus nomina episcoporum mortuorum continebantur, retulissent : atque Arsacium ejus successorem ne salutare quidem dignati sunt. Atticum autem, qui succedebat Arsacio, quique sæpe legatos ad Occidentales episcopos miserat, sæpeque pacem postulaverat, postea tandem, cum Joannis nomen in tabulis postepisset, receperunt » : at quando id contigit, inferius dicendum erit.

22. Cæterum ad Arcadium imperatorem idem Innocentius papa, audita Joannis Chrysostomi morte, gravissima acrimonia aspersas, anathemæque terrificas, quibus tum ipsum, tum Augustam, tum denique episcopos sceleris complices excommunicat, litteras dedit : sunt ipsæ quidem Græcis notissimæ, quas Gennadius, Nicephorus, atque Glicas recitant, sed et codex Vaticanus græce continet exaratas, latine his verbis redditas.

23. « Vox sanguinis fratris mei Joannis clamat ad Deum contra te, o imperator, sicuti quondam Abel justi contra parvulum Cain ; et is modis omnibus vindicabitur. Nec id modo admisisti, sed etiam pacis tempore persecutionem magnam adversus Deum et Ecclesiam ejus concitasti. Ejecisti e throno suo, re non judicata, magnum totius orbis doctorem et una cum eo Christum persecutus es. Neque de illo ita queror (sortem enim seu hereditatem cum sanctis Apostolis in Deo et Salvatoris nostri Jesu Christi regno consecutus es) quamvis intolerabilis jactura ea sit : sed affligor, propterea quod primum de animarum vestrarum salute, deinde de eis, qui sapientissima spiritali et divina doctrina et institutione ejus orbat, fame verbi Dei conficiuntur, sum sollicitus. Non enim Ecclesiæ tantum Constantinopolitana mellitæ illius linguæ jacturam fecit, sed orbis sub sole totus ad orbitatem redactus est, viro tam divino amisso, persuasione unius mulieris fabulam hanc et spectaculum exhibentis. Vnum excipiet et præsentem hic pœnam non post multos dies ei advenientem.

24. « Tametsi enim beatus Joannes vitam reliquit, fide servata, et fluctuantibus confirmatis ; in æterna tamen sæcula sempiternam deliciarum, et immortalis vite hereditatem esse consecutus. Nova autem Dalila, Eudoxia, quæ paulatim te erroris seu seductionis novacula tolondit ; execrationem ex multorum ore sibi ipsi introduxit, grave et quod gestari nequeat peccatorum pondus colligans, atque id prioribus peccatis suis superaddens. Itaque ego minimus et peccator, cui thronus magni Apostoli Petri creditus est, segrego et rejicio te et illam a perceptione immaculatum mysteriorum Christi Dei nostri. Episcopum etiam omnem, ad clericum ordinis sanctæ Dei Ecclesiæ, qui administrare aut exhibere

ea vobis ausus fuerit ; ab ea hora qua præsentis vinculi mei legeritis litteras, dignitate sua excidisse decerno. Quod si ut homines potentes quemquam ad id vi aegeritis, et canones nobis a Salvatore per sanctos Apostolos traditos transgressi fueritis : scitote id vobis non parvum peccatum fore in horrenda illa judicii die, cum neminem hujus vitæ honor et dignitas adjuvare poterit, arcana autem et abdita cordium sub oculos omnium effundentur atque exhibebuntur. Arsacium, quem pro magno Joanne in thronum episcopalem produxistis, etiam post obitum exactoramus, una cum omnibus qui consulto cum eo communicarunt episcopi : cujus etiam nomen sacro episcoporum albo non inscribatur. Indignus eo honore est, qui episcopatum quasi adulterio polluerit. Omnis² siquidem planta, quæ a Patre nostro in cælis plantata non est, eradicabitur. Ad Theophili anathematismum addimus abrogationem, et absolutam a Christianismo alienationem ». Hactenus Epistola Innocentii, cui Glicas ejusmodi subjicit Arcadii responsionem³ :

25. « Norunt omnes homines mentis compotes, commissi per ignorancem nec divinitus nec per leges puniri, neque adeo quemquam alterius nomine supplicium lueri. Quod quidem propterea scripsi, ut mansuetudinem tuam certam redderem, nos nihil eorum cognitum habuisse, quæ nostris antistitibus et clericis acciderunt : cujus rei testem benignum illum Deum imploramus. Nimirum purus et innocens sum, quod ad ipsorum condemnationem attinet : quippe cum eorum communione sim usus, causæ nihil erat, quamobrem eos affligeremus. Quod autem attinet ad filiam tuam Eudoxiam : scito me illi parum moderate pro ratione delicti mercedem retulisse : quo sane factum est, ut ex eo merore et angustia, difficili gravissimaque correpta aegritudine decumbat. Igitur quod superest, enixe te obsecro, ut nos a segregatione liberes, nec multipliciter punias : non enim ipse Dominus idem ob delictum bis hominem percutit ». Illicque apud Glicam litteræ Arcadii ad Innocentium : quibus has idem auctor subdit Innocentii ad ipsum redditas :

26. « Studium, diligentiamque vestram Dei præscripto et voluntati consentaneam, quam propter ipsius nomen declarastis, accepimus et probavimus. Quapropter sacris a vinculis soluti, ad signa Dominica confirmatis animis accedite » : hucusque apud eundem auctorem. Præter has autem recitatas a Glica Arcadii ad Innocentium papam litteras, aliæ extant in citato codice Vaticano ab eodem imperatore ad eundem Pontificem datæ, quæ sic se habent :

27. « Omnino, o Pontifex Dei, nequicquam eorum quæ in legatos audacter perpetrata sunt, sciente me factum est : idque ex eo perspicui potest, quod eos a quibus illa orta sunt, severe ultus sum. Neque quod magnus ille Joannes depositus sit, ulla in

¹ Theod. l. v. c. 34.² Math. xv. — ³ Glic. Annal. part. IV.

me culpa ejus rei hæret, sed infelicibus episcopis; quod scilicet cum sacros canones prætenderent, iudicium depositionis illius in sua ipsorum profana capita converterunt: quorum sermone nescio quomodo inductus, etiam ipse eorum sententiæ (quod nunc nunquam fecissem) assensus sum. Quo fit ut ipsi magis in culpa sint, quam nos. Ex quibus et qui adhuc hic extant, Acacium, et Severianum, et eos qui sceleratum Theophilum secuti sunt, ut quanta maxima celeritate, comprehendi jussimus, et eos qui illic sunt, ut penas dent ausibus suis debitas. Nobis autem placet paterna humanitas tua, neque deseras nos expertes mysteriorum incontaminatorum. Tunc etiam filiam tuam Eudoxiam, quæ peccaverit, ultus sum, quæ etiam ex his gravissimo morbo correpta in lectulo decumbit. Ne igitur sæpius pœnas sumas, o reverendissime Pater: neque enim Dominus in eadem his pœnas sumit, ut scriptum est. Ubi autem erit penitentiæ bonum, nisi iis quos pœniteat, venia tribuatur? Igitur si nos quidem ex penitentibus non essemus, merito aditus ad veniam clauderetur: et si accusavimus et condemnavimus nos ipsos ab his quæ male egimus; ne bono quidem penitentiæ, quod quidem venia est, excidamus: hucusque Epistola Arcadii ad Innocentium papam ex codice Vaticano.

28. *Honorius scribit Arcadio in quem et bellum parat.* — Subjiciebatur autem apud codicem dignæ memoriæ Cardinalis Guiglielmi Sireti Bibliothecarii Apostolici, dictis Epistolis eodem argumento scriptis, Epistola Honorii imperatoris ad Arcadium fratrem Augustum, fide quidem explorata, germana, in omnibusque sincera; quæ sic se habet:

« Nescio qualisnam potens et a demone immissa impulsio persuasit tibi, o frater, femine committere te ipsum, et patrare talia, qualia nemo alius pius Christianorum regum palravit. Etenim qui istie sunt sanctissimi episcopi, clamant adversus imperium nostrum, quod magnum Dei antistitem Joannem neque legitime, neque ex præscripto canonum, et ab episcopali sede depulstis, et acerbissimis exiliis et intolerandis injuriis ejicientes, per vim vita spoliastis. Locum tenentes autem Romanæ Ecclesiæ, ob vestrum honorem et legitimi iudicii stabilitum missos, qui attrebant hinc litteras, ut omnia integre definirentur, tenuistis: quibuscum nihil humani egistis; amplius et custodiis diversis conclusistis, ac fame prope necastis; ac simul quas secum ferebant pecunias ad viatici necessitates corporeas, has auferri ab ipsis mandastis: clamantesque contra vos ad Deum et ingemiscetes, nullo sunt habiti loco. Ad hæc Apostolica mandata nihil facta a vobis sunt: episcopos sanctos injuste privastis, ac sexcentis injuriis et exiliis maxime longinquis injuste adjudicastis, aliosque pro his indignos indigne intrusistis. Contende igitur, frater, non verbo, sed re, et Deum et homines de correctione eorum quæ non sunt recte acta, certiores facere: certus et ipsum imperium nostrum et ruere et stare precibus sacerdotum ». Hæcenus

Epistola Honorii ad Arcadium, prioribus scriptis per omnia consentanea; quam ex græco textu latinitati fideliter redditam exhibuimus, eamque cum ea, quam in dicto codice Vaticano latine scriptam reperimus, contulimus, fideliterque reddidimus.

29. Cæterum post obitum Joannis nondum tribus mensibus elapsis, contigisse prodigiosum ac plane miserandum interitum Eudoxiæ Augustæ, eo modo, quo superius dictum est, tum Zonaras, tum alii testantur. Verum quod ad Honorium spectat, haudquaquam his datis litteris conceptum ob indignum facinus immensum dolorem exhaustire penitus valuit. Siquidem et bello decernere adversus eum, qui persecutus esset Ecclesiam, ac jus gentium in legatis violasset, et sancte pieque ulcisci in animum duxit. Cum vero ad hæc peragenda Ravennæ expeditio pararetur, duo intercessere impedimenta, quæ eandem retardarent, sed et subsequens mors Arcadii anno sequenti penitus abolevit. Quænam autem præsentii anno contigerint, quibus a bello in Arcadium inferendo Honorius abstraheretur, Zozimus ita narrat¹: « Apud Ravennam igitur Stiliconi (hic erat præcipuus militiæ dux) jam parato ad Illyricas urbes cum exercitu adeundas, et Alarici auxilio ab Arcadio quidem abstrahendas, Honorii vero regno adiciendas: impedimenta duo contigit accidere, famam scilicet hinc inde de Alarici morte sparsam, et litteras Honorii principis allatas Roma: quibus in litteris præscriptum erat, Constantium jam perductum ex insula Britannia transvectum ad Transalpinas gentes accessisse, principisque munus in oppidis usurpare ».

30. *Constantinus tyrannus in imperium insurgit.* — Hæc quidem de tyrannide Constantini, quem alii Constantium nominant, hoc anno contigisse idem Zozimus non obscure significat, dum ait, exacto hujus anni autumno, designatos fuisse consules Bassum atque Philippum, quorum nomina sequenti anno adjecta fuisse Fastis, omnes affirmant, sub quibus cons. Prosper etiam in Chronico ejusdem Constantini tyrannidem contigisse refert. Sed ante Constantinum qui præcesserunt hoc ipso anno in Britannia tyranni, Zozimus infra narrat his verbis²: « Quo tempore adhuc Arcadius imperabat, Honorio septimum, et Theodosio iterum consulibus, milites Britannici seditione concitata Marcum in regio solio collocabant, eique tanquam rerum in iis locis potenti parebant. Eo deinde necato veluti moribus illorum non respondente, Gratianum in medium producunt, et purpura coronaque cinctum, ceu principem observantes, comitabantur. Verum et huic improbo post menses quatuor imperium abrogant, et vitam eripiunt, Constantino rerum summa tradita ». Hæc Zozimus. Porro Constantinum ait Prosper infimæ militiæ militem fuisse, sed ob solam speciem nominis acclamatum fuisse sub iisdem consulibus imperatorem. Sozomenus³ etiam eadem quæ supra de Marco

¹ Zozim. l. v. — ² Zozim. l. vi. in pri. — ³ Sozom. l. ix. c. 11.

et Gratiano tyrannus tradit; et de Constantino sic subdit:

31. « Rursum Constantinum eligunt, quod putarent eum ex nominis sui præsepio imperium constanter obtenturum ». Hæc ipse. Quod enim Constantinus Magnus Britannus fuisset, et universum Romanum imperium adeo feliciter administrasset; putarunt illi, ad Barbaros innumeros, qui Gallias atque Italiam, necnon Orientis non paucas regiones pervaserant expellendos, strenuo novo duce opus esse et imperatore: sic igitur duobus, quos elegerant, e medio sublatis, ex felici nomine Constantini felicitatem ominati sunt imperii. Sed et ad spem augendam illud accidit, quod æque ac Constantino Magno, huic quoque adscitio novo Constantino filius esset Constans (Constantius) appellatus; quem et (sicuti idem Sozomenus affirmat) Cæsarem nominavit, simul ac ad Alpes Cotias pervenisset, eumque ad Hispanias obtinendas misit. At de Constantino hæcenus.

32. *Arcadius studet expiare delictum.* — Sed ad Arcadium redeamus; cui quidem non sic prospexit Deus ab exercitu fratris Honorii liberans, ut parceret; sed quo ipsa divinitas potius, in quam in primis peccatum esset, sumeret de perpetratis sceleribus penas; quod anno sequenti præstitit, eum eideni una cum imperio vitam ademit; Honorium vero non ad cladem, sed ad salutem inferendam Orientali imperio reservavit: cum interea Arcadius rebus pie gestis impietatem, quam ex persecutione Joannis contraxerat, abstergere conaretur; cuius rei gratia anno superiori ex Palestina transfuisse Constantinopolim vidimus sacras reliquias Samuelis; et hoc anno Martyrium Acacii martyris invisisse, atque ibi Deum orasse, Socrates meminit, ubi ait¹:

33. « Est quidem Constantinopoli domus amplissima, quæ Carya dicitur, in cuius atrio est castanea arbor (sed alii nucem fuisse tradunt) in qua fertur Acacium martyrem suspensum occubuisse; qua de causa parva ecclesia apud illam arborem edificata fuit: quam imperator Arcadius videre cupiens, in eam ingreditur: cumque preces ibi peregisset, discessit. Omnes qui circiter illam ecclesiam habitabant, ad imperatorem conspiciendum conflunt; ac nonnulli extra sedes egressi, transitus platearum ante occupare contenderunt, unde putabant se et imperatoris vultum et totam stipatorum turbam planius videre posse. Alii imperatorem ab ecclesia usque eo prosequabantur, quoad omnes viri cum mulieribus et pueris extra illam domum exivissent. Quo facto, illico domus illa, quæ ecclesiæ adjuncta erat, corruit. Unde fama cum omnium summa admiratione consecuta est, imperatoris precibus tantam hominum multitudinem ab interfectione fuisse liberatam ». Hæcenus Socrates.

34. *De Adelphii visione narratio et confutatio.* — Ad postremum autem, redditis jam de Joanne

Chrysostomo, quæ vera certaque reperimus: his addenda putamus, quæ fide carentia inter rejectitia ducimus seligenda, ac respuenda, ut eadem confutemus.

Habet enim Sophronii, qui inscribitur liber, Pratum¹ Spirituale, Adelphii, qui de gloria Chrysostomi apud Dei thronum evecti visionem accepit. ejusmodi narrationem: « Dicebat frater meus Adelphius: Cum in exilio mortuus esset beatissimus Joannes, dolore perluti incredibilem, quod talis tantusque vir, orbisque magister belificans Ecclesiam Dei, e throno suo exul defunctus est: Deprecabar ergo (inquit) Deum cum nullis lacrymis: ut ostendere mihi dignaretur, in quo statu esset, et an cum Patriarchis adnumeratus esset. Cum ergo diutius orassem, in extasi factus sum, adspexique virum nimis speciosum: qui tenens manum dexteram meam, adduxit me ad locum quemdam illustrem et gloriosissimum, ostendebatque mihi Ecclesiæ doctores. Ego vero circumspiciebam, videre quærens, quem cupiebam, magnam Joannem dilectissimum meum. Cum ergo ostendisset mihi omnes, et uniuscujusque nomen proprium expressisset; rursum tenens me per manum, eduxit me foras. Ego autem sequebar illum tristis, quod non vidissem cum Patribus et Ecclesiæ magistris beatum Joannem. Cum itaque egredere, is qui præerat januæ apprehendens me, dixit mihi: Quid habes, cur tristis es? Nemo unquam huc ingressus, tristis exivit. Tunc dixi illi: Hæc mihi causa mœroris est, quod amantissimum mei Joannem episcopum Constantinopolitanum una cum cæteris doctoribus non vidi. Rursum dixit mihi: Joannem dicis penitentiae ducem? Aio ego: Illum sane. Respondens autem dixit mihi: Ipsum homo in carne vivens videre non potest. Illic enim assistit, ubi thronus est Domini ». Hæcenus auctor, mutuatus hæc (ut ipse testatur) ex relatione a femina ad Athanasium abbatem facta, eademque sorore ipsius Adelphii; quem dicit fuisse tunc temporis episcopum Arabissi.

35. Sunt autem hæc parum fide tuta, utpote quæ in primis ejusdem Joannis Chrysostomi testimonio² mendacii arguantur, dum ab eo ponitur Trejus episcopum Arabissi, et non Adelphius. Sed et cum tradat auctor, in domo Adelphii hospitatum esse Joannem, cum Cucuum in exilium missus esset; plane erroris arguitur: nam licet id ipsum de hospitio Cucusi dicant Leo et Metaphrastes; tamen ipse Chrysostomus disertis verbis narrat³, a Dioscoreo se susceptum hospitio, et non ab aliis, licet id complures expetierint. Cum autem hæc compingat ea narratio mendacia; quæ fides in reliquis? Sane quidem et illa invidiosa nimis assertio est; omnes qui unquam fuerunt in Ecclesia doctores, in inferiori ponere gradu, et super omnes Chrysostomum collocare: cum præsertim ex eis complures martyrio fuerint coronati, ut inter alios Hippolytus et Methodius; ut laceam de reliquis absque san-

¹ Socr. l. vi. c. 21.

² Prat. Spirit. c. 218. — ³ Chrys. ep. cxxvi. — ⁴ Chrys. ep. xiii.

guine vita finctis sanctis, nempe Basilio, duobus Gregoriis, Thaumaturgo atque Theologo, itemque omnibus sine invidia preferendo Magno Athanasio. Sed et quæ illa absque ratione distinctio, ut omnes doctores fuerint oculis ea videntis perspicui, solus autem Ioannes ob excellentem gloriam invisibilis? perinde ac si solus inter doctores ipse Chrysostomus fuerit perfectam gloriam consecutus. Sed facessant jam istæ: non enim indigent sancti nostris illustrari mendaciis, qui propriis virtutibus decorantur. Quod vero ad res gestas post Ioannis migrationem pertinet, hic prosequamur.

36. *Theophilus exules ob initam cum Joanne communionem restituendos curat.* — Post obitum sanctissimi Patris Ioannis Chrysostomi, visum est Theophilo episcopo Alexandrino, iis qui ob initam cum Joanne communicationem diversis sententiis damnati atque proscripti essent, vel voluntario exilio confisisset esse factos extorres, omnibus ad propria redendi licentiam impertiri, cunctasque præteritas obortas dissensiones oblivione deleri, et omnes in unitatem Ecclesiæ, a qua scissi essent, debere recipi: ob idque libellum idem Theophilus scripsit ad Atticum Constantinopolitanum episcopum. Testantur id quidem litteræ Synesii episcopi Ptolemaidis in Ægypto, cum de Alexandro episcopo communionis Ioannis ipsum consultit: quæ sic se habent:

37. « Cum quæstionem quamdam ad te referre decreverim; rem de qua percontabor, antea exponere volo. Alexander patricius Cyrenæus, cum adhuc adolescentulus esset, monastica vita initiatus est. Cum ætate vero simul progrediente monastica in vita intentiore, Ecclesiastico ministerio dignus iudicatus est, et quidem ut presbyter esset. Cum autem ex necessitate quadam in exercitu esset, et Joanni beato conjunctus (colatur autem a nobis memoria defuncti, quia omnis inimicitia simul cum vita deponitur) huic adherens priusquam in seditionem venirent Ecclesiæ, ab illius manibus episcopus Basianopolis Bithynorum factus est. Orta vero dissensione, permansit ei, qui ipsum elegit, amicus; et in numero fuit eorum, qui ab illius parte seditionem agent. Postquam vero Concilii sententia prævaleret, ad tempus quoddam seditio perduravit. Quid vero recensuerim ei qui novit, imo qui ipse ea quæ ad conciliationem facerent, ministravit? nam et libellum quemdam sapientia præditum legi, quem ad beatum (ut mihi videtur) Atticum scripsisti, inducens ipsum ad eos suscipiendos. Et hactenus quidem Alexandro res communes cum conjunctis desertoribus fuerunt: proprium autem cum paucis hoc, quod tertius est annus post inductam oblivionem et reconciliações, ipse vero non adiit recta Bithyniam, neque adeptam sedem occupavit: manet autem apud nos, velut nihil ipsius intersit, si quis etiam velut cum privato agat.

38. « Ego igitur neque eminus in sacris legibus enutritus sum, neque jam mihi convenit multa didicisse, qui superiore anno nondum in numero fui. Cum autem sentiam senes quosdam neque ipsos

sibi sumere certam aliquam cognitionem, sed videri ne ex ignorantia ad aliquam Ecclesiæ regulam offendant, et ob id omnino inhumanus ipsum Alexandrum tractare, et de incerta suspitione manifestam ignominiam hospitii dispergere, ut qui nec sub communi tecto ipsum tolerariut: neque reprehendi, neque imitatus sum ipsos. Nosti igitur quomodo feci, reverende pater. In ecclesiam quidem ipsum non suscepi, neque sacramenti participem feci; domi vero æqualiter cum insontibus honoravi, qui meus etiam in indignis mos est: ubi quis ex his ædes meas accesserit amicus, cuivis in quovis opere et sermone honorem exhibendum existimo: delirare eos ducens, qui ægre ferunt, quod materna civitatis iura dejicio. Quamquam propter hoc omnium curas in humeros meos sublatas fero, et solus pro omnium otio occupatus sum. Verum bene mihi positum erit apud Deum, quod plus laboris, minus honoris habeo.

39. « Sed et Alexandrum hunc, cum quidem ad ecclesiam progredior, vellem me nunquam in foro videre: ubi enim contingit ut videam, alio verto oculos, et statim rubor per genas efflorescit: at ingressum atrium meum, et sub eodem tecto versantem, omnibus, quibus par est, honoro. Quid igitur tantum discors sum a me ipso privatim et publice, in neutro tempore faciens ea quæ mihi videntur? imo in altero concedo legi, in altero gratifico naturæ urgenti ad humanitatem: quamquam fere violare naturam, si quid clare de lege nossem. Hæc sane ipsa est quæstio, ad quam oportet Apostolicæ successionis auctoritatem respondere simpliciter et clare, et hoc ipsum quod in omnibus, Alexandrum convenit censere episcopum, an non? » Hactenus ad Theophilum de Alexandro episcopo Synesius¹ ad cuius eundem Theophilum eadem rogantis iterata petitio extat. Quod vero hanc se dedisse Epistolam tradit ad Theophilum scriptam post triennium a reconciliatione cum episcopis qui erant ex parte Ioannis: plane colligitur, ab eo hanc esse datam Epistolam anno Domini decimo post quadringentesimum. Cumque de se fateatur in iisdem litteris, cum eas scripsit, nondum annum habere in episcopatu: ejus electionem accidisse oportuit post biennium ab hoc tempore: agemus de ea suo loco, deque rebus ab eodem Synesio in episcopatu præclare gestis.

40. Habes et hic, lector, symbola quamdam communicationis illius, quam peregrinam dixere Patres, de qua superius, in recitata Synesii Epistola satis expressa: nimirum quod cum illis, in iis quæ sunt nature, exhiberetur humanitas; in iis autem quæ sunt divinorum sacramentorum, severitas servaretur, communicatis hospitii quæ ad victum sunt necessaria, negatis vero quæ ad usum pertinent sacramentorum. Porro communicatio peregrina inde nomen accepit, quod eam impertiri solet illis peregrinis, qui commendatitias litteras, quas

¹ Synes. ep. LXVII.

antiqui canones ¹ decrevisset, secum minime ferrent: quibus si muniti peregrinarentur, ab omnibus æque in omnibus et sacramentorum participatione recipi consueverunt. At licet ista curarit Theophilus, ut exules libere abire sinerentur; non tamen propterea meruit communionem Romani Pontificis, a qua privatus erat: nam ipse ab eo etiam illud requirebat, ut nomen Joannis in Dypticha restitueret: quod facere nunquam consentit, ut suo loco pluribus dicendum erit.

41. *Leges Honorii contra hæreticos.* — Hoc eodem anno Honorius imperator, qui severis edictis hæreticos in Africa constitutos Manichæos et Donatistas ² exagitarat, novo dato rescripto ad Porphyrium proconsulem Africæ, liberos illos pœnis omnibus esse decernit, qui relicta hæresi ad fidem Catholicam se converterent. Alia insuper ad eundem data lege ³ privilegia concessa Catholicis Ecclesiis stabilivit. Sed et sub eodem suo ipsius consulatu septimo, adversus eos qui abstrahunt fugientes ad Ecclesiam, ut majestatis criminis rei haberentur, ad Jovinum præfectum prætorio rescripsit, ut ex sancti Gregorii papæ Epistola ad Joannem defensori data apparet, ubi eadem sanctio recitatur his verbis: « Fidei ac devota præceptione sancimus, nemini licere ad sacrosanctas Ecclesias confugientes abducere. Sub hac videlicet definitione, ut si quisquam contra hanc legem venire tentaverit, sciat se majestatis crimine esse retinendum. Dat. kalendis Aprilis, Honorio septies, cum Theodosio tertio cons. » Hæc apud Gregorium: ex quibus habes quod emendes in Codice Justiniano, ubi ⁴ eadem sanctio sub duobus Constantiis consulis, seu Constantino et Constantio, data legitur: nisi potius ex Codice Justiniano emendandos esse dicamus errores, qui in Gregorii Epistolam irrepserunt; ut cum male jungitur consulatus septimus Honorii cum tertio Theodosii: nam octavus illius cum tertio non cum secundo consulatu Iulius in Fastis ponitur. Sed et ex ipso legis titulo, qui inscribitur utrobique Honorii et Theodosii, suademur ut inhæreamus lectioni codicis Justiniani: nam sub hoc septimo Honorii consulatu Theodosium nondum imperare cepisse, sed sequenti anno post mortem Arcadii, certum est. Adeo ut vel in Gregorii Epistola corrigendum sit, ut loco septimi ponatur Honorii consulatus octavus cum tertio Theodosii, vel sequenda sit lectio codicis Justiniani, ut sub duobus Constantiis lex illa sancita dicatur.

42. *Irruptio Barbarorum in Gallias, Stilicone adjuvante.* — Hoc eodem anno Vandali et Alani alius conjuncti Barbaris, qui (ut dictum est) anno superiori pridie kalendas Januarii, transitu Rheno, in Gallias irrupere, eandem infeliceiter incursantes depasti sunt. Cujus anni clades a S. Hieronymo in Epistola hoc anno ad Ageruchiam data, ita recense-

tur his verbis: « Præsentium miseriarum pauca percurram. Quod rari hucusque residemus, non nostri meriti, sed Domini misericordie est. Innumera- biles et ferocissimæ nationes universas Gallias occuparunt. Quicquid inter Alpes et Pyrenæum est, quod Oceano et Rheno includitur, Quadus, Wandalus, Sarmata, Alani, Gepedes, Hænni, Saxones, Burgundiones, Alemanni, et (o lugenda Republica!) hostes Pannonii vastarunt. Etenim Assur ⁵ venit cum illis. Maguntiacum nobilis quondam civitas capta atque subversa est, et in Ecclesia multa hominum millia trucidata. Vangiones longa obsidione deleti. Rhemorum urbs præpotens, Ambiani, Atrebatæ, extremæque hominum Morini, Tornacus, Nemete, Argentoratus, translati in Germaniam. Aquitania, novemque populorum Lugdunensis et Narbonensis provinciæ, præter paucas urbes, populata sunt cuncta: quas et ipsas foris gladius, et intus vastat fames. Non possum absque lacrymis Tolosæ facere mentionem; quæ ut hucusque non rueret, sancti episcopi Exuperii merita præstiterunt. Ipse Hispaniæ jam jamque peritura quotidie contremiscunt, recordantes irruptionis Cymbricæ; et quicquid alii semel passi sunt, illæ semper timore patiuntur. Cætera taceo, ne videar de Dei desperare clementia ». Hæc Hieronymus. Quod autem inter alias Galliarum urbium clades Rhemos a Wandalis referat devastatos; in eam sententiam me magis trahit, ut existimem, S. Nicasium ejus civitatis episcopum una cum sorore Entropia, et sociis esse martyrio coronatos, licet aliqui ad Hunnorum id referant tempora: quorum Acta passionis æque sub Wandalis ipsos esse passos habent; sed plane corrigenda in eo, dum Wandalos Paganos fuisse tradunt, quos liquet fuisse Christianos.

43. Quod autem ita afflictas memorat Gallias, et eadem mala extimescentes Hispanias S. Hieronymus tradit: plane hoc ipso anno se eam scripsisse Epistolam, haud obscure demonstrat. Siquidem hic ipse est annus, quo, ex sententia Zozimi et aliorum, quæ dicta sunt, in Galliis acciderunt; quando et Wandali cum Alanis jam cogitabant Hispanias. Quod etiam confirmatur ex iis, quæ idem Hieronymus subdit his verbis: « Olim a mari Ponico usque ad Alpes Julius non erant nostra quæ nostra sunt: et per annos triginta, fracto Danubii limite, in mediis Romani imperii regionibus pugnabatur. Aruerunt præ vetustate lacrymæ: præter paucos senes, omnes in captivitate et obsidione generati, non desiderabant, quam non noverant, libertatem ». Cum igitur ita S. Hieronymus triginta numeret annos ex Barbarorum irruptione facta (ut suo loco ex Ammiano ⁶ superius dictum est) Valente quintum consule cum Valentiniano Juniore, anno Domini trecentesimo septuagesimo sexto, usque ad tempus ejus ab ipso scriptæ Epistolæ; plane hoc anno eam datam fuisse, apparet.

44. Sed et hæc cuncta facta esse Stiliconis pro-

¹ Apost. can. XXXIV. Conc. Anthoeb. c. 7. — ² L. XLI. de hæret. C. Theod. — ³ L. XXXVIII. de Episcop. et Cleric. C. Theod. — ⁴ Greg. I. XI. ep. LIV. — ⁵ L. II. C. de his qui confug. ad Ecclcs.

⁶ Hier. ep. XI. — ⁷ Psal. LXXXII. — ⁸ Ammian. I. XXXI.

ditione, præter illa quæ dicta sunt, hæc ex eodem S. Hieronymo auctore accipe : « Quis, inquit, hoc eredet? quæ digno sermone historiæ comprehendent? Romani in gremio suo, non pro gloria, sed pro salute pugnare? imo ne pugnare quidem, sed auro, et enecta suppellectile vitam redimere? » Al-ludit ista dicens S. Hieronymus ad summam auri a Romanis opera Stiliconis Alarico persolutam : sed pergit : « Quod non vitio principum, qui vel reli-giosissimi sunt, sed seelere semibarbari accidit pro-ditoris (nempe Stiliconis) qui nostros contra nos opi-bus armavit inimicos » : dum scilicet suavit dari Barbaris (ut dicemus anno sequenti) a Romanis sti-pendium. Et inferius idem post deploratum præ-sentem imperii statum, ista ad eundem Stiliconem alludens, subdit : « Et hæc ipsa quæ dixi; pericu-losa sunt tam loquentibus, quam audientibus, ut ne gemitus quidem liber sit : nolentibus, imo nec audientibus nobis flere quæ patimur ». Ilæc ipse, plane significans minime licuisse, timore Stiliconis habenas imperii moderantis, publicas lugere mise-rias. Sed quomodo vindex tandem sequenti anno Olympius vir maxime pius insurrexerit, ipsumque Stiliconem occidendum curarit, dicemus anno se-quenti.

45. Ne putes autem alium aliquem, quam Stili-conem S. Hieronymum illis verbis insinulasse; audi, quid de eodem Rutilius ¹ cecinit :

Quo magis est facinus diri Stiliconis acerbum,
Proditor arcani qui fuit imperii.
Romano generi dum militur esse superstes,
Crudelis summis miscuit ima furor.
Dumque tunc quicquid se fecerat ipse timeri,
Immisit Latæ barbaræ tela necei,
Visceribus nudis armatum condidit hostem,
Illatæ cladis liberiore dolo.

¹ Rutil. Itiner. l. II.

Ipsa satellitibus pellitis Roma patebat :
Et captiva, priusquam caperetur, erat.

Hæc Rutilius, et alia quæ subdit aperte absque ver-borum involuero de Stilicone proditore : de quo adhuc vivente hoc anno, quo S. Hieronymus eam scribebat Epistolam, ne secreto quidem fari absque metu licebat.

46. Sed quod ad Galliarum eladem perlinet, consentit utique S. Hieronymo Salvianus ¹, ubi ait : « Non enim agitur jam in Maguntiacensium civitate, quæ jam excesa et deleta est : non enim Agrippinæ, sed quia hostibus plena : non agitur Trevirorum urbe excellentissima; sed quia quadruplici ever-sione est prostrata, etc. » Quin et ipsam quoque tandem Tolosam captam a Barbaris, deplorat Ruti-lius, ubi agit de suo Victorino Tolosano ² :

Victorinus enim, nostræ pars maxima mentis,
Congressu explevit mutua vota suo.
Errantem Tusci considere compulsi agris,
Excolete externos capta Tolosa lares.

Ilæc Rutilius : qui et ipse iisdem barbaricis bellis coactus e Gallia patrio solo fugere, reversurus tan-dem per mare navigans, itinerarium illud suum metro cecinit. Ejectos autem fuisse Romanos ma-gistratus a Gallis ipsis in Barbaros arma sumenti-bus, testatur Zozimus ³. Sed Salvianus lugeat suos Gallos (quod deterius est) hisce flagellis haud mori-bus emendatos, verum deteriores redditos esse : hæc autem ipsum fusius scribentem tu ipse consule. Nos vero jam ad anni sequentis res gestas enarran-das progrediamur.

¹ Salvi. de vero judicio l. VI. — ² Rutil. Itiner. l. I. — ³ Zozim. l. VI.

1. *Quindecennalia Honorii, et Theodosii Quin-decennalia.* — Coss. *Honorius* Aug. VII, et *Theodo-dosius* Jun. Aug. II, uterque juxta secundam consu-latun Cæsareorum regulam : Honorius enim *Quindecennalia* imperii vivente patre suscepti in Occidente exhibuit, ut ex ejus Vicennialibus anno cxi editis etiam colligitur, et Theodosius *Quin-quennalia* dedit, ut testis est auctor chronici Alexan-drini, qui ait : « His coss., Quinquennalia Theodosii

Jun. Aug. Constantinopoli; mense Audynæo III idus Januariæ celebrata sunt ». Sed videtur error irre-psisse in numeros, legendumque *IV idus Januariæ* : hæc enim solemnia die Natali imperii de more per-acta. Marcellinus quidem in Chronico Quinquenna-lia ista in annum præcedentem confert : sed consu-latus Theodosii ejus errorem detegit.

2. *Honorius insectatur hæreticos.* — A num. 1 ad 4. *Honorius* hoc anno suis Quindecennialibus di-

cato lege XL Cod. Theod. *De hæreticis* data VIII kalend. Mart. et recitata a Baronio, insecutus est Donatistas, Manichæos, Phrygas sive Priscillianistas, qui duo ultimi idem sunt, ut asserit Epiphanius hæresi Phrygum XLVIII. et Priscillianorum XLIX. Vult enim primo, eorum accusationem publicam esse, quia, inquit, « quod in religione divina committitur (seu in religionem divinam) in omnium fertur injuriam », ideoque publicam provocat accusationem. Secundo, bona Manichæorum publicari statuit. Tertio, donationum et successionum jura eis admittit. Quarto, commercium eis interdicat. Quinto, post mortem accusari posse definit. Sexto, ultimas eorum voluntates, quasquumque irritas esse vult. Septimo, decernit, ne filios quidem eorum ad paterna bona admittit. Octavo, servos dominorum delatores et ad Ecclesiam Catholicam transeuntes audiri mandat. Nono, domus seu possessiones, in quibus sciente domino cætus habiti fuerint, publicari jubet. Postremo, rectoribus provinciarum et defensoribus et principalibus urbium et officialibus cura injungitur impediendorum hujusmodi cætuum hæreticorum sub pœna mulctæ aurariæ; quæ pluribus explicat Gothofredus in hujus legis Commentario.

3. *Moritur S. Joannes Chrysostomus.* — A num. 6 ad 20. Theodoretus lib. 5, cap. 34. narrato divi Chrysostomi exilio in oppidum Cucum appellatum, ait: « Mox inde eductum, Pityntem transportarunt. Oppidum est situm in extremis finibus Ponti et imperii Romani, quod accolunt crudelissimi Barbari. Verum clemens Dominus invictum athletam ad hanc insulam non permisit abduci. Nam cum venisset Comana, ad vilam senii ac doloris expertem eum transtulit ». Socrates vero lib. 6, cap. 21, ait: « Joannes in exilium abductus Comanis in Euxino Ponto extremum diem obiit, XVIII kalendas Octobres, Honorio septies et Theodosio iterum consulibus ». In versione quidem Latina Christophorsoni loco XVIII kal. Octobr., legitur manifesto errore, XVIII kal. Decemb. Verum Chrysostomum die xiv mensis Septembris ad Deum migrasse, certissimum. Natus erat Chrysostomus anno circiter trecentesimo quadagesimo septimo in urbe Antiochena, annoque circiter cccxv, in Rhetorica Libanum, in Philosophia Andragathium magistros habuit, ut docet Socrates lib. 6, cap. 3. Tum anno circiter cccxxviii lectioni sacrarum litterarum animum applicuit, Maximum, postea episcopum Seleucie in Isauria, ad pietatem pellexit, et Monasticam vitam sub Diodoro et Carterio didicit, quorum prior ad episcopatum Tarsensem postea promotus fuit. Anno circiter cccxxiv in montes Antiochæ vicinos recessit, ubi, Palladio in Dial. teste, per quadriennium moratus est. Addit Palladius, per biennium in loco secretiori postea vitam duxisse, sed cogentibus ejus infirmitatibus inde recessisse, et a Meletio ad diaconatum promotum esse, ideoque anno circiter cccxxx, cum sanctus Meletius anno insequenti die xii Februarii ad Deum migravit.

4. *Opera S. Chrysostomi.* — Anno cccxxxv presbyter a Flaviano episcopo Antiochæ constitutus scripsit præcipuam partem operum, quæ ad nos pervenere, uti Homilias ad populum Antiochenum, super Matthæum, in primam ad Corinthios, aliasque, ut asserit Palladius. De gestis in suo episcopatu, ejusque persecutionibus sparsim in hoc volumine egimus. Sed de ejus Operibus legendi Labbeus in Dissert. de Script. Ecclesiast., et Natalis Alexander in iv Ecclesiæ sæculo. Constat porro inter eruditos opus imperfectum in Matthæum, varia dogmata hæretica complectens non esse Chrysostomi, Sixtus tamen Senensis, Savilius, alique viri docti autumarunt, ea ab hæreticis interpolatoribus in illud intrusa fuisse: quod manuscripta quædam vetustissima nihil hujusmodi errorum contineant: sed alia manu sententiæ illæ ad marginem descriptæ sint; ac etiam quod iis resecatis et expunctis, nihil in textu mutilum videatur, sed planius fluat oratio, argumento illa assuta fuisse.

5. *Epistolæ tres Innocentii PP. supposititiæ.* — A num. 20 ad 29. Epistola Innocentii papæ xxx ad Arcadium imp. qua excommunicantur persecutores sancti Chrysostomi, supposititiæ; cum in ea sermo sit de Eudoxia vivente, quæ tamen jam ab anno civi supremum diem obierat. Quare ejusdem Epistolæ nec Palladius, nec Socrates, nec Theodoretus, nec Sozomenus, nec Zonaras, nec aliqui ex Latinis mentionem fecere, primusque Georgius Alexandrinus, qui septimo Ecclesiæ sæculo vixit, ex quo Nicephorus et Glycas eam hausere, illius meminit. Idem judicium ferunt viri eruditi de binis ejusdem Arcadii ad Innocentium papam Epistolis, quas e Glyca Ms. Bibliothecæ Vaticanæ deprempsit Baronius, qui et Epistolam ad Arcadium exhibet.

6. *Bellum Illyricianum effectum non habuit.* — Ad num. 29. Eudoxiæ Augustæ mors, quam in hunc annum distulit Baronius, contigit anno civi, ut ibidem demonstravimus. Interim Honorius hoc anno, quemadmodum et superiori, sese ad Illyricianum bellum accingebat, ut fidem facit lex Cod. Theod. 18 De tyronibus. Quare perperam Baronius et Gothofredus legem ejusdem Cod. 17 De tyronibus anno superiori datam ad Rhadagaisanum expeditionem retinere, cum utraque propter idem bellum Illyricianum data sit. Hujus belli meminit Zozimus lib. 5, pag. 803, atque, « Stiliconem » jam paratum « ad Illyricas urbes cum exercitu adendas » impedimentum fuisse falsa fama de Alarici morte sparsa, et litteris Honorii, quibus perscriptum erat, Constantinum, ex insula Britannia transvectum ad Transalpinas gentes accessisse. Quod fere etiam habet Sozomenus lib. 8, cap. 35, ubi cum nec de Alarico, nec de Constantino mentionem faciat, Valentinus in notis ait, ne bellum hoc fieret, duo impedimenta fuisse, et Rhadagaisi irruptionem et rumorem de Alarici obitu; cum tamen Zozimus, quem citat, non de Rhadagaiso, sed de Constantino loquatur.

7. *Tyranni in Britannia exorti.* — Ad num.

30 et seq. Zozimus lib. 6, pag. 824, narrat, *Honorio VII et Theodosio iterum coss.*, milites Britannicos Marcum in regio solio collocasse, eo necato Gratianum, et hoc occiso Constantinum. Qua de re audiendus Beda lib. 1, cap. 9: « Anno ab Incarnat. Domini cxiiv, tenente imperium Honorio Aug. filio Theodosii minore, loco ab Augusto xlv, ante biennium Romanæ irruptionis, quæ per Alaricum regem Gothorum facta est: cum gentes Alanorum, Suevorum, Vandalorum, multaque cum his alie protritit Francis, transito Rheno, totas per Gallias sævirent, apud Britannias Gratianus municeps, tyrannus creatur, et occiditur. Hujus loco Constantinus ex infima militia, propter solam spem nominis et sine merito virtutis eligitur: qui continuo ut invasit imperium, in Gallias transit ». Quid ibi egerit narrat Zozimus citatus, et Sozomenus lib. 9, cap. 2, et infra indicabimus.

8. *Honorius consulit Ecclesiæ Africane.* — Ad num. 44. Honorius XVII kal. Decemb. dedit legem Cod. Theod. 41 de *Hæreticis*, qua penitentibus seu conversis hæreticis per Africam, Donatistis, Manichæis, et similibus ab omni noxa absolvendos esse censet, et datis adversus hæreticos legibus non teneri. Quod ab *Honorio* constitutum occasione Concilii Carthaginensis *id. Junii* hoc anno celebrati, quo legatio ad eum pro defensione Ecclesiæ adversus Donatistas atque Paganos missa, ut videre est apud Baronium num. 4. Ad ejusdem Concilii postulationem data etiam ab eodem imperatore eodem pariter die lex Cod. Theod. 38 de *episcopis*, qua ad privilegia vetera Ecclesiis concessa, novum aliquod privilegium adjicit, *præcipuum ac singulare*, quemadmodum ipse loquitur, sc. ut defensores Ecclesiarum et Ecclesiasticorum privilegiorum ex Advocatorum corpore constitui possint, quos arbitratu suo ipsi delegissent. Hoc illud est quod petierunt Patres Concilii Carthaginensis canone xcvi Cod. Africani, in qua aiunt, placuisse, ut legati ab imperatoribus peterent, « ut dent facultatem defensores constituendi scholasticos [id est, advocatos], qui in actu sunt, vel in munere defensionis causarum ». Fuit autem defensor officii nomen quod gerebant laici, qui Ecclesiæ jura in foro civili propagabant. Petavius in notis ad Epiphanium hæresi LXXII referens illum canonem ait, verisimile esse tunc ante defensores existisse. Verum, ut notat Gothofredus in laudatæ legis commentario, liquet, id postulare ab Honorio nunc primum visum esse, indicare laudatam legem, cum de episcopis ait: « Atque hoc ipsis præcipuum ac singulare deferimus ». Certe annis quinquennialibus et id genus solemnibus addictis, qualis est iste, quo Honorius Quindecennalia celebravit, nova sæpe inducta fuisse, innumeris exemplis constat.

9. *Quatuor defensorum genera distinguenda.* — Cæterum cum his defensoribus commiseri non debet aliud defensorum genus, de quibus est Canon x Concilii Carthaginensis, a Baronio anno cccxcviii, num. 33 recitatus. Hi enim sunt defensores, non

Ecclesiarum, sed *pauperum*, licet utrosque Baronius ibidem confundat. Hinc Gothofredus laudatus recte observat, quatuor defensorum genera hæc ætate fuisse. Primo, defensores *civitatum*, seu plebis, de quibus lib. 1 Codicis Theodosiani. Secundo, defensores *senatus*, de quibus ibidem. Tertio, defensores *pauperum*, de quibus dicto Canone x. Quarto, defensores *Ecclesiarum*, de quibus hæc lege. De his quoque Cassiodorus lib. 2, Var. 30, lib. 3, Epist. xlv, lib. 9, Epist. xv, et Possidius in Vita Augustini cap. 42. De Scholasticis legendus Gothofredus in Commentario leg. 2 Cod. Theod. de *concessionibus advocatorum*, ubi de illis singularia quædam habet.

10. *Alani, Hunni atque Barbari in Gallias irruunt.* — Ad num. 42 et seq. Divus Hieronymus in Epistola xi ad Ageruchiam viduam, quam hoc anno datam ostendit Baronius, scribit: « Innumerales, et ferocissime nationes universas Gallias occupant. Quidquid inter Alpes et Pyrenæum est, quod Oceano et Rheno includitur. Quadus, Vandali, Sarmata, Alani, Gepides, Heruli, Saxones, Burgundiones, Alemanni, et, o lugenda Respublica, hostes Pannonii vastarunt. Etenim Assur venit cum illis. Magantiacum, nobilis quondam civitas, capta, atque subversa est, et in Ecclesia multa hominum millia trucidata. Vangiones longa obsidione deleti; Rhemorum Urbs præpotens, Ambiani, Atrebatenses, extremique hominum Morini, Tornacus, Nemetes, Argentoratos, translati in Germaniam. Aquitanie, Novemque populorum, Lugdunensis et Narbonensis Provinciæ, præter paucas urbes populata sunt cuncta ». Pannonii illi *Hunni* sunt, qui hoc tempore Pannoniam habitabant, et in varios populos divisi variis regibus parebant. Fuere tamen aliqui, qui Pannoniorum nomine Francos intellexerint, quod Turonensis lib. 2, cap. 9 de Francis loquens, dicat: « Tradunt multi eosdem de Pannonia fuisse digressos: et primum quidem littora Rheni annis incoluisse, dein transacto Rheno, Thoringiam transisse ». Verum Hieronymi tempore fabula illa, quæ Francos originem vel a Trojanis, vel a Pannoniis duxisse tradit, nondum fuerat excogitata; imo ipsemet Hieronymus in Vita sancti Hilarii Episcopi deserte prodit, *Francos* diversos non fuisse ab antiquis Germanis. Hæc ejus verba, quando loquitur de quodam Franco a dæmone per Hilariem liberato: « Candidatus Constantii imperatoris, rutilus coma, et candore corporis, indicans provinciam (inter Saxones quippe, et Alemanni gens ejus non tam lata, quam valida, apud Historicos Germania nunc vero Francia vocatur) antiquo, hoc est, ab infantia possessus a dæmone, etc. »

11. *Epistola Hieronymi ad Ageruchiam anno cxi data.* — Porro laudata ad Ageruchiam Epistola non hoc anno, ut putavit Baronius, sed verna tempestate anni quadringentesimi noni data, ut colligo ex ipsismet verbis, quæ ex eadem Baronius num. 44 refert: « Quis », inquit in ea Hieronymus, « hæc credet? quæ digno sermone historiæ comprehen-

dent? Romam in gremio suo, non pro gloria, sed pro salute pugnare? Imo ne pugnare quidem; sed auro et cuncta suppellectile vitam redimere? Quod non vitio principum, qui vel religiosissimi sunt, sed scelere semibarbari accidit proditoris, qui nostris contra nos opibus armavit inimicos. Hæc enim verba in his tenebris clarissimam lucem mentibus nostris præferunt, ostenduntque primo, *Stiliconem* quando Hieronymus eas litteras scripsit, jam interfectum fuisse; alioquin virum, penes quem summa rerum erat; proditorem non appellaret. Præterea Hieronymus ante annum sequentem perfidiam *Stiliconis*, scire non potuit, cum eo tantum anno ea in notitiam *Honorii* imp. venerit, qui statim eum occidi iussit, quod die xxiii mensis Augusti illius anni executioni mandatum. Ostendunt secundo, Romam jam ab *Alarico* Gothorum rege obsessam fuisse; quod nonnisi anno illo cœvum exeunte contigit. Ostendunt denique *Romam* pecunia soluta obsidione jam liberatam fuisse, ideoque et eam Epistolam inchoato jam anno cœv ex Oriente missam esse. Tunc enim, ut ait *Zozimus* lib. 5, pag. 817, « Placuit ab Urbe solvi quinque millia pondo auri, argenti triginta millia, tunicarum sericarum quatuor millia, vellerum coccineorum tria millia, pipæris tria librarum millia ». Serius autem quam verna tempestate Hieronymus eas litteras non dedit; alioquin *Attali* in imperatorem electionem aliaque magis quam quæ refert, memorabilia non tacuisset; præsertim secundam Romæ obsidionem. ejusque postea deprædationem die xxiv mensis Augusti factam.

12. *Evertitur fundamentum opinionum Baronii.*

— Ut illam Epistolam cum præsentis anno Baronius alligaret, his verbis quæ in ea leguntur, motus est: « Olim a mari Pontico usque ad Alpes Julias, non erant nostra, quæ nostra sunt: et per annos triginta, fracto Danubii limite, in mediis Romani imperii regionibus pugnabatur », id est, pugnatum est; autumnavit enim annos illos xxx ab anno cœclxxvi quo Gothi ab Hunnis expulsi Danubium trajecere, et a Romanis suscepti sunt, inchoandos esse. At si Hieronymus ad annum illum respexisset, hanc Epistolam anno saltem superiori, quo anni illi xxx completi fuere, scripsisset. Quare illa annorum summa proficiscitur ab anno cœclxxix quo Gothi *Hunnis* *Alanisque* permixti e sedibus suis egressi sunt, et usque ad Alpes Julias excurrerunt, ut disertè scribit *Ammianus* in fine sui Operis, ubi *Valentis* imp. morte narrata, de istis Barbaris ait: « Exinde digressi sunt illusorie per Arcleas provincias, quas peragrare licenter, ad usque radices Alpium Juliarum ». Barbaros illos eo anno Theodosium M. vicisse ostendi anno cœclxxx. *Bucherius* in Belgio Romano lib. 13, cap. 7, sect. 2, scribit eas litteras datas « paulo ante vel circa autumnum » anni cœv, sed eas verna tempestate exaratas proculdubio intellexisset, nisi secundam Urbis obsidionem, quam ad annum cœv pertinere infra demonstrabo, in annum insequentem male distulisset. Ea

ergo Galliarum devastatio, et tot urbium ab Hieronymo ibidem memoratarum subversio, non intra unicum annum, ut arbitratus est Baronius, sed per triennium continuata. « Ac primum », ut habet *Salvianus* lib. 7 de *Gubernat.*, Gens Vandalarum « a solo patrio effusa est in Germaniam priamam, nomine Barbaram, ditione Romanam ». Secundo, « post cujus primum exitum, arsit regio Belgarum ». Tertio, « deinde opus Aquitanorum luxuriantium ». Quarto, « et post hoc corpus omnium Galliarum; sed paulatim id ipsum tamen; ut dum pars clade alteritur, pars exemplo emendaretur ». Ubi tamen *Salvianus* ea etiam comprehendit quæ usque ad annum cœvi, quo Alani et Vandali mense Septembri in Hispaniis sese recludere a Barbaris in Galliis gesta sunt; adeo ut ea quæ ex eadem Hieronymi Epistola mox retulimus, intra diem ultimum anni cœvi et vernum tempus anni cœv acciderint; quæ *Bucherius* laudatus suis annis assignare conatus est.

13. *Hunni strages in Galliis sexies edidere.* —

Quia vero *Hunni* ab anno cœclxxxiii ad cœli, quo *Attila* Hunnorum rex ab Aetio victus Gallias descendere coactus est, sexies Gallias afflixere, et recentes Historici, quod in una vastatione contigit, alteri sæpe adscribere, opere pretium esse diximus, eas accurate distinguere. Primum *Hunni* in Gallias venerunt anno cœclxxxiii, ut videre est apud Baronium eo anno num. 2, evocati a Gratiano imp. vel post mortem ejus a Balthone comite adversus *Juthungos*, qui Rhætiæ populabantur. Cum enim *Mazimius* tyrannus, qui in Galliis imperabat, quereretur, quod *Baitho comes Barbaros sibi immisisset*, divus *Ambrosius* legatione pro *Valentiniano* Gratiani interempti fratre fungens excusavit, quod non contra ipsum, sed *adversus Juthungos* acciti essent, et fratrem laudavit, quod cum ipse *Maximus Barbarorum stipatus agnibus* Italie se infunderet, *Valentinianus Hunnos atque Alanos appropinquantés Gallie per Alenavivæ terras reflexit*, ut inquit *Ambrosius* lib. 7, Epist. xvi. Hunnos tunc aliquas strages in Galliis aut populationes edidisse, nullus Antiquorum prodidit; infesta tamen gens vix se ab eis cohibere poterat. *Henschenius* ad diem xiii mensis Maii, in Vita sancti *Servatii* Tongrorum episcopi cap. 2, refert Acta hujus sancti ab *Harigero* abbate Lobienensi conscripta; in quibus dicitur, Hunnorum clade imminente, sanctum præsulem, ut *Tungrensem* deprecaretur, Romam profectum esse, consulto in itinere sancto *Auctore* Metensi episcopo, et post *Servatii* mortem Hunnos quam plurimas Gallie civitates præter *Tungrensem* et *Metensem* everlisse, existimante, ea intelligenda esse de hoc primo Hunnorum in Gallias adventu et impetu. Verum hæc contigisse in irruptione *Attiliana*, quæ sexta fuit, *Harigerumque*, qui primum *Servatium* cum secundo confundit, deceptum, cum de illa irruptione loquimur, demonstrabimus.

14. *Secunda Hunnorum in Galliis irruptio.* — *Secunda Hunnorum irruptio* eo Galliis luctuosior

fuit, quo *Vandali*, alique Barbari ab Hieronymo citato memorati eodem tempore urbes cæde et incendiis vastarint. Ea irruptio ad præsentem annum vel saltem ad superioris diem ultimum pertinet. Quia vero Salvianus lib. 6 *De providentia* de urbe Treverensi loquens ait : « Quadruplici eversione est prostrata », Baronius num. 46, Brouverus lib. 5 *Annal. Treverensium*, alique passim prius Trevirorum excidium hoc anno configisse, Hieronymum innuere arbitrantur. Verum Hieronymus, qui cladis Moguntiaci ad Rhenum sili et Argentorati parum ab eo distantis meminit, Treverensem urbem, quæ quando stetit, Galliarum Metropolis fuit, non præterminasset. Secundo, Augusta Trevirorum non ab Hunnis aut Vandalis, sed a Francis prima vice eversa, ut ex his Turonensis lib. 2, cap. 4, verbis colligitur : « Treverorum civitas a Francis direpta, incensaque est, secunda irruptione », anno scilicet cxxi. Quod si prima hujus urbis devastatio a Francis facta non fuisset, de secunda non ita loqueretur Turonensis. Tertio, postquam primum hæc urbs direpta fuit, sedes præfecti prætorii Galliarum Arelatem translata est, et hæc urbs metropolis Galliarum appellata; hæc autem translatio tardius differri non potest quam in annum cxi, ut eo anno osendimus. Quare Trevis anno cccxcviii, aut insequenti, non vero anno cxi, ut Brouverus, aut currenti, ut vult Baronius, incendio deformata. De quatuor aliis Hunnorum irruptionibus, annis quibus accidere, verba faciemus.

15. *S. Nicasius in irruptione Hunnica occisus.* — Sanctum Nicasium episcopum Rhemensem et sanctam *Eutropiam* ejus sororem in hac Vandalarum grassatione, dum in urbem Rhemensem irrumperent, ab iisdem jugulatos fuisse, quod ambo plebem Dei ad coronam Martyrii piis exhortationibus animarent, tradit Baronius num. 42 ex Actis eorum Passionis ad diem xii mensis Decembris apud Surium tom. vii. Verum in Actis illis, quemadmodum et apud Flooardum lib. 1, cap. 6 et seqq., ex quo Acta illa desumpta, *Vandalorum* nomine *Hunni* denotantur, ut tam ex illis quam ex Flooardo manifeste deducitur, ubi Vandali illi *Pagani* appellantur; cum Vandali Christiani, sed secte Ariane ad dicti fuerint. Quare *Nicasius*, ejusque soror Martyrium fecere anno cxi, quo *Attila* Hunnorum rex Gentilis varias Gallie urbes prostravit, Ecclesiasque Gallicanam afflixit. Flooardus ibidem cap. 8, se Vandalos cum Hunnis confundere evidenter ostendit, cum loquens de aliis Sanctis in ea persecutione passis ait : « Sub eadem Vandalorum vel Hunnorum persecutione, quidam Dei servus, etc. » Quid clarius dici potest? Chiffletius in secunda parte Paulini Illustrati cap. 27 observavit, Gethicas ac Scythicas gentes omnes, a mille et centum fere annis uno Vandalorum nomine apud Scriptores vocari, ea forte, inquit, ex causa, quod hi non in Romanum modo imperium; sed etiam in Rempublicam Christianam cæteris truculentius desaverint, et universam Europam terrore sui nominis complerint. Aliam hujus

rei rationem attert Grotius in Prolegom. ad Hist. Gothorum, Vandalorum et Langobardorum pag. 24 et seqq. Existimat is *Vandalorum* voce eos significari, qui non certis sese sedibus tenent, sed nunc huc, nunc illuc ambulantes, idque nosse omnes, qui Germanicum sermonem. Unde, inquit, Vandalorum appellatio tam late patere potuit, quam ipse vagandi, ac aliena occupandi mos, quo factum, ut Visigothi, qui Narbonensem Galliam tandem tenuere, Aimoio sint *Vandali*; idem in Rhaetis Vindeliciis; idem in Gallis, quos *Walones* Germani pronuntiabant, contracto ex Vandalis vocabulo. Nam quod alii *Wandalen*, id alii elisis litteris durioribus, *Walen* dicunt; id autem est vagari. Ita Grotius.

16. *Omnes Barbari a medicæ ætatis scriptoribus Vandali dicti.* — Verum utrumque ratio fugit, cur Barbari omnes *Vandalorum* nomine abusive dicti fuerint. *Vandali* itaque qui anno cxi Hispanie partem occuparunt, postquam postea *Africam* sibi subjecere, cæteris populis, longe notiores fuere quam Gothi, Suevi, alique Barbari. Præterquam quod cum potiore Hispaniarum partem occupassent, universam, uti etiamnum, *Vandalos* nomine et corrupte *Andalos* appellarunt. Neque enim huic tantum Provincie, quam Hispani hodierni *Andalusiam* nuncupant, sed toti continenti illius regionis nomen illud attribuerunt. Occurrunt in Auctoribus, qui viii, ix et x sæculo vixere, innumera loca, quibus docentur eos Hispaniarum *Mavros* Vandalorum nomine insignisse; quod mirum videri non debet; cum ipsi Mauri Hispanias incolentes seipsos *Andalos* dicerent. Illud tamen nomen omnibus Barbaris non datum, nisi diu postquam veri Vandali devastationibus suis notissimi fuere. Sic *Hunni* ab Winemaro cap. 17. Epist. v, anno mcm Moguntiae editæ, et in antiquis Martyrologiis, ac in Actis sanctorum Martyrum, Antidii Bisuntini, Desiderii et Valerii Lingonensium, Florentini et Hilarii Sedunensium in Aduis, aliorumque, qui per quintum a Christo sæculum in Galliis, fecere martyrium, a *Vandalis* passi memorantur, quamvis eos ab *Hunnis* quoque ac Alanis, aliisque Barbaris sublato esse cõstet.

17. *Id magis probatur.* — Observavi etiam *Saracenos*, qui ante octavum sæculum Hispanias Gallicasque ingressi non sunt, Vandalorum nomine vocatos fuisse. Sic in Vita sancti Ebbonis episcopi Senonensis, auctore anonymo, quem sæculo x vixisse conjicit Mabillonius, qui cum recitat parte prima sæculi iii Benedictini, num. 7 legitur : « Eo tempore gens Vandalorum suis confinibus egressa, Galliam profligata prosiliit, quæ per orbem dispersa hostili immanitate strages non modicas dedit », et Senonas obsidione cinxit : qua eam urbem sanctus Ebbo, qui circa annum cccxii e vivis excessit, liberavit. Ubi *Vandalorum* nomine anonymus Saracenos intelligit, ut recte ibidem vidit Mabillonius. Cum hoc anonymo consentit auctor Chronici ex codice Petaviano editi a Duchesno tom. ii, pag. 349, in quo habetur : « Gens inopia Vandalorum Galliam devastare cepit, quo tempore destructæ Ecclesiæ,

subversa monasteria, captae urbes, desolate domus, diruta castra, strages hominum innumerae factae, et nullus ubique humani generis sanguis effusus est. Ea tempestate gravis per totam Galliam detonabat, Vandalis omnia flammis et ferro proterentibus, pervenientesque Senones civitatem, ceperunt eam omni arte, jaculis et machinis infestare; quod cernens praesul ejusdem urbis Elbo nomine, exiens de civitate cum suis, fretus divina virtute exterminavit illos ab urbis obsidione, fugientibusque illis persecutus est eos, usque dum egrederentur de finibus suis». Certe Scriptores mediae aetatis, Barbaros tam parum notos habebant, ut Ulmarus monachus Cornobii Vedastini narrans inventionem corporis sancti *Vedasti* episcopi Atrebatensis, quae anno octingentesimo quinquagesimo secundo configit post Normannorum in Galliam comatam irruptionem, *Normannos* cum Gothis confundat: «Videres, inquit, totam florere provinciam, et quasi post diluvium Getarum tripudiare Franciam. Gaudebant omnes, laetabantur universi, ac si conspicerent ipsum in corpore venisse Vedastum». Sed redeo ad S. Nicasium, de quo Baronius hoc anno.

18. *Nicasius Lupo. Animo et Servatio coactaneus.* — Flodoardus manifestius indicare non potuit, sanctum *Nicasium* anno ccli in persecutione Hunnica sub Attila martyrio coronatum, quam cum cap. 6 scripsit: «Sub hujus tempestatis turbinem, gloriosi renitebant in Gallis inter episcopos viri, sanctissimus Rhemorum praesul Nicasius, et beatissimus Aurelianensis pontifex Anianus: sanctus quoque Lupus Treccassinus, et beatus Servatius Tungrensis antistes, aliique nonnulli virtutibus insignes: qui hanc indignationis Dei sui meritis ac precibus iram Dei differre certaverunt». Anianum civitatem Aurelianensem ab Attilae direptione liberasse, et Lupum Attilae occurrere ac pro patria intercessisse, ostendit Baronius anno ccli, num. 41 et seqq. *Servatium* vero hujus nominis secundum eo Christi anno, dum Attila in Galliis saeviret, ad Deum migrasse, eodem anno visuri sumus, quare cum, Flodoardo teste, sanctus *Nicasius* celeberrimis illis praesulibus coaevus fuerit, non dubium, quin *Attila* Gallias depopulante, cum *Eutropia* sorore, aliisque quibusdam occubuerit, et quin in Chronico Sigeberti ac Chronico brevi Rheimsi a Labbeo tom. I Biblioth. edito, *Nicasii* martyrium, recte referatur ad cladem Attilianam, ubi tamen perperam conjungitur cum anno cclm. Praeterea in eodem Chronico Rheimsi errore librarii Nicasius dicitur decollatus *XVIII kalend. Janu.*, loco *XIX kalend. Janu.*, cum enim die XIV Decembris passum esse habent martyrologia. Dies tamen ejus martyrii neque a Flodoardo neque ab auctore Aetorum citatorum memoratur, nisi quod Flodoardus ait solemnitatem ejus *XIX kal. Januarii* celebrari, et dies festus Sanctorum saepe a die eorum obituali diversus, licet nramque Scriptores male inter se quandoque confundant, uti fit ab isto Chronographo.

19. *Opinio contraria refellitur.* — Porro Flo-

doardus, qui magis in historia Ecclesiae suae Rheimensis, quam in universali versatus erat, cap. 6 scribit: «Meminit hujus barbaricae persecutionis beatus Hieronymus scribens ad quamdam adolescentulam viduam Ageruchiam nobilem», et postea recitat locum Hieronymi citatum de ingressu Vandalorum, et aliorum Barbarorum in Gallias. Ex quo Baronius, Colvenerius in notis ad Flodoardum, San-Marthani in Gallia Christiana, et alii passim fundamentum etiam desumpsere existimandi *Nicasium* hoc anno occisum esse. Cum tamen hic error corrigi deberet, non vero quae Flodoardus recte scripsit, uti falsa rejici. At, inquit Colvenerius, si *Nicasius* paulo ante pugnam Catalaunicam anno ccli habitam ab Hunnis interfectus fuisset, ab eo Christi anno ad clix, quo sanctus *Remigius* ad episcopatum promotus est, intra sexdecim aut septemdecim annos Ecclesia Rhemensis quatuor antistes vidisset. Verum trivola illa ratio, cum ab anno cxxiii usque ad annum cxxvii sex Romani Pontifices exstiterint. At praeterea Colvenerius, parcendum esse Flodoardo, quod *Nicasium* Lupo Treccensi aequalem crediderit, quia id ei Hincmarus episcopus Remensis persuasit. At inde quod scripsit Flodoardus de tempore Martyrii *Nicasii*, non infirmatur, sed magis corroboratur; cum Hincmarus de rebus suae Ecclesiae optime edoctus fuerit, et in Epistola ad diocesem Remensis episcopos et regni primores data cap. 17 disertè testetur, sanctum *Nicasium* Romanorum episcopum tempore *Wandalorum*, et eodem tempore sanctum Anianum suas Ecclesias non deservisse. Ubi etiam Hincmarus Hunnos appellat Vandalos.

20. *Servatius II Nicasio coaevus.* — Longe magis eo Hieronymi loco abusus est Harigerus abbas Lobensis in gestis pontificum Tungrensiis, ubi de sancto *Servatio* Tungrorum episcopo verba faciens, scribit, *Hunni* Gallias vastantibus *Servatium* Trajecti mortuum esse: super hujusmodi vero cladem Hieronymum sumere lamentum in Epistola ad *Ageruchiam*. Ac praeterea *Servatium* Lupo episcopo Treccensi, et Athanarico Gothorum regi aequalem facit, cum tamen *Athanaricus* anno cccclxxiii, ut suo loco ostendi, obierit. *Lupus* anno cxxvii episcopatum Trecessem consecutus sit, et Hieronymus eam ad *Ageruchiam* epistolam anno clix dederit. Quis hujus fabulatosi dicta inter se conciliare poterit? Et tamen is usque ad annum circiter mvi vitam produxit, videratque quae Flodoardus, qui anno cclxvi vivere desit, de sancto *Servatio* scripserat. Flodoardus de *Servatio II* sermonem habet; ille vero hunc cum *Servatio* primo confundit, et quod mirum est, Ecclesiam Tungrensem unicui habuisse *Servatium*, ante Hadrianum Valesium, qui hunc vulgarem errorem refellere cepit, omnibus persuasit. Imo postquam hic errorem illum indicavit, Henschenius, qui in diatriba de *episcopis Tungrensiis*, unicui *Servatium* agnoverat, postea et in Vita sancti *Servatii* ad diem xii mensis Maii, et in Exegesi de episcopis Tungrensiis, praefixa

tomo vii SS. mensis Maii, priorem suam sententiam corroborare, et Valesium confutare conatus est. Communis tamen hic error, quem Valesius ex animis evellere non potuit, in hoc Opere nobis tollendus est, quia, ut infra videbimus, ab eo in non paucis historia labefactatur. *Servatius* itaque hujus nominis primo, quem Concilio Coloniensi anno cccxvi habito interfuisse constat, incerto anno demortuo, ad Tungrensem sedem evectus est *Servatius* hujus nominis II, circa annum cccxcix. Eo enim anno Sigebertus in Chronico scribit: « In Gallia Severinus Agrippinensis agnoscitur, Servatius quoque decimus Tungrensis episcopus ». In Catalogis episcoporum Tungrensiis, in quibus unicuique *Servatius* memoratur, ordine etiam *Decimus* dicitur. Verum catalogi illi non de *Servatio* secundo interpretandi; de eo enim tantum locuti sunt Martyrologi, et de eo etiam Ecclesia Leodiensis, quo sedes episcopalis translata fuit, Officium Ecclesiasticum celebrat, estque immediatus decessor sancti *Agricola*, qui inter episcopos Tungrenses undecimus fuit; licet Leodienses arbitrentur, unum tantum *Servatium*, cui quæ ab utroque gesta attribuant, Ecclesie suæ præfuisse, eumque non hoc, sed superiori sæculo vixisse.

21. *Duo Servatii Tungrenses episcopi distinguendi*. — In rebus Ecclesiam Tungrensem et Leodiensem spectantibus magnam fidem adhibendam esse Sigeberto, fateretur Henschenius in Exegesi citata cap. 5, ubi ex antiquis Gestis abbatum Gemblacensium apud Miræum, in proœmio Chronici ipsius Sigeberti hæc verba refert: « Morum probitate et scientiæ multiplicitate laudabilis, et gratus sui temporis sapientibus, in cœnobio S. Vincentii martyris juxta Metas diu conversatus, sapientiæ fons patens erat, non solum monachis; sed et clericis undique confluentibus. Quem reversum ad proprium cœnobium Gemblacense frequentarunt majores natu, excellentiores gradu, acutiores sensu, qui erant in urbe Leodiensi ». Obiit Sigebertus anno mcmi, qui ideo quæ Flodoardus, Harigerus, Jucundus presbyter, post Vitam sancti Servatii sesqui sæculo et amplius post Harigeri mortem composuit, et novis fabulis auxit, auctor anonymus in Vita sancti Servatii a Vincentio Bellovacensi lib. 20 Speculi Historialis cap. 39, citatus aliique de *Servatio* conscripserant, legerat, et examinarat: et tamen *Servatium* anno cccxcix floruisse, et *Attila* Gallias devastante mortuum esse memoriæ mandavit. Quare intellexit, *Harigerum* recte quidem prodidisse ex poeta anonymo, quem is laudat, æqualem fuisse *Lupo* Trecentensi episcopo, ideoque et *Nicasio* Rhenensi ac *Aniano* Aurelianensi, sed perperam *Servatium* cœnasticum credidisse Athanarico Gothorum regi, ac sæculo superiori vita functum. Hos vero omnes Sigebertum legisse, ex eo patet, quod fabulam de cognatione Servatii cum illis, qui erant de familia Jesu Christi, quam *Harigerus* dubitanter proponit, et quam Jucundus presbyter non solum amplexus

est, sed etiam magis amplificavit, ipsemet Sigebertus ad annum cccxcix etiam secutus est. Hinc itaque liquet, duos *Servatios* distinguendos, quorum prior sæculo superiori, alter hoc sæculo vixit; de priori nec Flodoardus nec Sigebertus locuti sunt, quia hic *Chronicon* suum ab anno ccllxxxii auspiciatus est, ille vero nonnisi obiter *Servatii* secundi meminit, quod primus ad rem suam non faceret.

22. *Prior Servatius nunquam Officio Ecclesiastico cultus*. — Imo de priori *Servatio*, neque in Kalendaris, aut Martyrologiis, aut Chronicis aliqua mentio est, aut quod nulla de eo Acta edita fuerint sicuti de secundo, aut quia similitudo nominis, ac vicinitas temporum, quibus florere, in causa extitit, ut in unum confusi fuerint. Nec mirum accidere debet, quod Ecclesia Tungrensis, ac postea Trajectensis et Leodiensis, in quas sedes episcopalis translata, singulariter eum non celebrant; cum id contigerit multis aliis sanctis episcopis et illustribus martyribus, quorum nomina in nullis Martyrologiis leguntur, et Officio Ecclesiastico nunquam culti sunt; cum etiam contigerit, ut unus Ecclesie martyres aut episcopi in aliena Ecclesia Officio Ecclesiastico cohonestati fuerint, qui tamen nullum in propria cultum unquam habuere. Præterquam quod in veteribus Kalendaris paucorum nomina olim describebantur, ut ostendunt Kalendarium Bucherianum, Kalendarium Carthaginense a Mabillonio publicatum, et Sacramentarium divi Gregorii Magni, in quibus licet habeantur nomina eorum omnium quorum festivitas aut Romæ aut Carthagine celebrabatur, eorum tamen numerus valde exiguus est. Henschenius, qui vulgarem de uno *Servatio* sententiam tuelur, in Commentario prævio ad vitam S. Servatii cap. 3, ejus mortem in annum ccllxxxiv confert, quod Vendelinus cap. 7 Legum Salicarum asserat se legisse « in antiquissimo Trajectensis Ecclesie pittacio », eum vita functum esse die « Maii tertia decima, feria Pentecostes secunda », qui characteres congruunt in eum Christi annum, quo Dominica Pentecostes in xii Maii incidit. Verum vana hæc observatio; ejus enim auctor *Servatium* primum cum secundo confundit, cum dies xii mensis Maii in Martyrologiis notatus pertineat ad *Servatium* secundum, non vero ad primum, ejus nomen, uti jam dixi, nulli adscriptum est Martyrologio. In eo etiam Henschenius, et qui hanc Notulam scripsit, errant, quod diem cultus sancti Servatii pro die mortis ejus, qui a nullo antiquo memoratur, usurparint. Annus itaque emortualis prioris *Servatii* prorsus incompertus, isque non *decimus* Tungrensis episcopus, ut creditit Henschenius, sed septimus aut octavus, cum inter utrumque *Servatium* unus aut alter episcopus sedisse videatur. Certe paucissimæ in Galliis Ecclesie anno cccxvi quo *Servatius I* Ecclesiam Tungrensem regabat, septem vel octo episcopos numerare possunt. Hinc non discedam, quin monuero utriusque *Servatii* in unum confusionem medio sæculo undecimo omnium fere animos occupasse, ideoque mirum non esse, si sequen-

ibus sæculis error ille invaluerit. Chapeavilla enim loquens de Synodo Moguntina a Leone IX papa anno *MXLIX* celebrata tom. II, in Notis cap. I scribit : « Hæc Synodo imperator (Henricus scil. III) proposuit coram sancta Synodo de legenda sancti Servatii Leodiensis (seu Tringrensis) episcopi, de gestis ejus ac supputatione annorum, quæ omnia facta diligenti discussione, ut pie credenda, sunt Synodali decreto confirmata. Joannes presbyter Chronico Gembla-

censi, Bruistem et alii ». Quare tunc sicuti et hodie Leodiensibus persuasum erat unicum tantum fuisse Servatium. Quam opinionem tandem abjectum iri non dubito. Anno *CDL* rursus de Servatio ita agemus. Porro Chapeavilla in Prefatione ad tom. I testatur *Joannem presbyterum*, et *Joannem Bruisthemium* scripsisse de episcopis Leodiensibus, et illum vixisse circa annum *MCCCL*, hunc vero circa annum *MXXL*.

INNOCENTII ANNUS 7. — CHRISTI 408.

1. *Arcadius moritur, cum regi Persarum filium commendasset.* — Anno a Christo nato quadringentesimo octavo, Basso et Philippo cons. kalendis Maii, Arcadius imperator offensi numinis indignationem ob Joannis Chrysostomi persecutionem expertus, ex hac vita morbo subripitur, premature quidem, annum tantum ætatis agens trigesimum primum, cum imperasset una cum patre annos duodecim, post obitum vero patris tredecim, menses tres, et dies quindecim : testantur hæc quidem de tempore obitus Prosper et Marcellinus in Chronicis; nec non Socrates¹. Reliquit autem post se filios Theodosium, Pulcheriam, Arcadium, et Marinam.

2. Quod vero sciret Arcadius, Honorium fratrem sibi esse perinseusum; timens ne insidias post suum obitum Theodosio puerulo moliturus esset, eundem regi Persarum, quocum fœdus iherat commendatum reliquit : de quo apud Joannem diaconomum, qui Paulus falso inscribitur, ex Theophane hæc habentur² : « Arcadius itaque cum se mori cerneret, videns Theodosium filium parvulum esse (erat enim annorum octo) consideransque ne a quoquam insidiis appelleretur (hunc imperatorem appellarat) (appellavit etiam) ei curatorem per testamentum fore statuit Isdegerdem regem Persarum. Isdegerdes autem Arcadii testamento suscepto, pacem sine invidia erga Romanos usus, Theodosio imperium conservavit; et Antiochum quemdam mirabilem ac rationabilem virum ei tutorem et pedagogum mittens, hæc Romano Senatui scribit :

3. « Arcadio dormiente, meque curatorem filii

constituente, qui suppleat locum meum direxi. Ne quis ergo insidias puero conetur; ne prælium intollerabile contra Romanos exsurgat ». Hactenus Epistola : subdit his auctor : « Antiochus vero cum Constantinopolim venisset, ab Honorio (Theodosio) imperatore libenter susceptus est ». Legatus hic ad Honorium Romanam a rege Persarum etiam missus creditur ad eum cum Theodosio conciliandum, quem sciebat iustis de causis fuisse in Arcadium valde commotum. « Postquam vero, inquit Sozomenus³, Arcadius esset mortuus, Honorius commiseratione ductus, qua fratris filium prosequabatur, Constantinopolim reverti properabat, ut fidos præfectos constitueret ipsius tum salutis, tum imperio : nam cum eum filii loco haberet, verebatur ne quid illi accideret, qui propter juventutem insidiis esset expositus. At vero jam tum itineri accinctum Honorium Stiliconem hortatur, ut in Italia maneret; id plane necessarium esse asserens, quandoquidem tum Arelati Constantinus quidam tyrannidem invasisset ». Hæc Sozomenus; qui addit, destinatum fuisse Stiliconem cum exercitu mitti in Orientem; sed detectis ejus insidiis, quibus filio Eucherio parabat imperium, fuisse retentum. Sic igitur factum est, ut cum ope regis Persarum, tum Honorii imperatoris, res Orientalis imperii in tuto fuerint collocatæ. Theodosio puero insuper (ut Socrates⁴ tradit) accessit imperii curator Anthemius præfectus : hujus autem quantæ essent una cum pura religione virtutes; superius dictum est, cum de ipsius egimus consulatione. Accessit postea ad regimen imperii

¹ Socr. I. VI, c. 21. — ² Paul. diac. I. XIII.

³ Sozom. I. IX, c. 4. — ⁴ Socr. I. VII, c. 1.

major nati soror Puleheria, cum grandioris ætatis effecta esset, quam tempore obitus patris Areadi nonnisi annorum fuisse ætatis decem, Marcellino auctore liquet.

4. *Fœdus centum annorum ictum cum Persis; unde fides Catholica inter ipsos aucta.* — Quod vero ad Persarum regem perlinet Isdegerdes: ad centum annorum spatium sancitum fuisse fœdus inter ipsum atque Romanos, Sozomenus¹ tradit. Ex quo quidem non id tantum factum est, ut securitati imperii bene prospectum esset, sed et propaganda in Perside fidei janua aperta fuerit. Nam Socrates²: « Eodem, inquit, tempore Christiana religio forte in Perside vehementer amplificata est tali de causa. Inter Romanos et Persas crebri legati mittuntur, varique incidunt causæ, cur tam frequentes alleri ad alteros obeant legationes. Itaque id temporis necessitas postulabat, ut Maruthas episcopus Mesopotamiæ, de quo paulo ante facta est mentio, ab imperatore Romano ad regem Persarum mitteretur. Rex quoniam cum virum pietate singulari præditum esse animadvertibat, in magno honore habuit, et tanquam homini revera divino animum cœpit attendere ». Hæc Socrates. Sed de Marutha in memoriam revoca, hunc ipsum fuisse Constantinopoli, cum conventus ille ad Quercum contra Chrysostomum habitus est: qui quod novus esset homo, ab adversariis Joannis Chrysostomi in eandem Synodum, quæ specimen habebat pietatis, abductus est, sed damno sane ipsorum: nam Cyrini pedem nesciens calcans, ex eo miser ille (ut dictum est) infelicitèr consumptus obiit. Hunc postea pro S. Joanne Chrysostomo stetit, ejus litteræ ab Olympiadem haud obscure significant: per quem ipsum Chrysostomum, licet exul esset. Persarum conversionem tentasse, certum est: nam in Epistola ad Olympiadem ita de eo³: « Marutham episcopum quantum in te fuerit, curare atque omnibus officiis complecti ne desinas, ut cum e barathro extrahas (passus fortasse carcerem fuit ob communicationem cum ipso Chrysostomo) nam ejus opera ob Persidis negotia magnopere egeo. Atque si a te fieri potest, ex eo intellege, quidnam illic ipsius studio ac opera perfectum sit: et cur istuc profectum sit, fac sciam: et num ei duas Epistolas, quas ad eum misi, reddideris, fac me velim certiore. Quod si scribere gravetur: saltem quid illic profectum sit, tibi exponat; et numquid rursum eodem proficiens, præstiturus sit: nam ego hæc de causa ipsum convenire studebam ». Hæc Chrysostomus de Marutha: quibus intelligas, per eum conversionem Persarum ipsum Chrysostomum jam procurare cepisse: quomodo autem res bene cesserit, Socrates superioribus ista subdit⁴: « Quæ res (nempe studium regis Persarum erga Marutham) animos Magorum, qui apud regem multum valere solent, admodum irritavit. Nam metuerunt nonnihil, ne Maruthæ suasu rex Christi

fidem acciperet. Etenim diuturnum capitis illius dolorem, quem Magi curare non poterant, Maruthas precum subsidio curavit. Proinde Magi fallaciam, qua regem ludificentur, excogitant. Ac quoniam Persæ ignem pro deo colunt, et rex quidem ipse ignem perpetuo ardentem in domo quadam venerari solet; subter terram hominem abduunt; eumque tempore quo rex preces facere consueverat, has voces emittere faciunt: regem e regno exturbandum esse: impie enim propterea agere, quod sacerdotem Christianorum divinum existimabat. Quæ cum Isdegerdes audivisset (hoc enim regi nomen fuit) tametsi Marutham reverebatur, tamen ob eam causam, ab se amandare constituit.

5. « Tum Maruthas, homo vere divinus, in precibus se penitus defixit: unde fallaciam et dolum Magorum planeprehendit. Itaque sic regem alloquitur: Ne illudaris, o rex: sed domum ingredi: ac cum vocem audiveris, terra defossa, dolum facile deprehendes: nam ignis non loquitur, sed hoc fit machina quadam ab hominibus ad eam rem comparata. Maruthæ rex morem gerit: in domum, ubi ignis perpetuo ardebat, denuo ingreditur: simul atque vocem iterum audit, terram jubet defodi. Ita qui vocem illam, quæ a Deo edi putabatur, emisit, deprehensus est. Quocirca rex ira admodum exardescens, decimum quemque ex genere Magorum capite obtruncari mandat. Quo facto, dixit Maruthæ, ut ubi vellet, Ecclesiæ ædificandas curaret. Hæc de causa religio Christiana apud Persas vehementer erevit. Tum Maruthas decedens ex Perside, Constantinopolim venit. Exiguo tempore post in Persidem legationis obeunda causa revertitur. Magi alias de integro fallacias excogitant, quibus regis animum ab eo amplexando averterent. Malum quendam odorem, dedita opera, comparatum, in loco quodam ad quem rex solet accedere, diffundi curant; eumque diffusum esse a Christianis, falso criminantur.

6. « Verum rex, qui Magos jamdudum habuerat suspectos, ubi illius facinoris auctores diligenter pervestigasset, perspicue deprehendit eos ipsos Magos illum malum odorem de industria rursus effecisse: quapropter complures illorum iterum gravi multavit supplicio; Marutham permagna observantia coluit; ac Romanos amare plurimum, eorumque amicitiam magnopere amplecti cœpit: parumque abfuit, quin, cum Maruthas una cum Ablato Persidis episcopo aliud etiam specimen fidei Christianæ palam edidisset (vigiliis enim et precibus ambo sedulo vacantes, demonem, quo regis filius agitabatur, expulerunt) Christianus factus fuisset: verum mors ante eum oppressit, quam plene Christianus evaderet: quo mortuo, filius ejus Bararanes regno potius est, cujus temporibus (sicut a me dicitur paulo inferius) fœdera inter Romanos, et Persas violata fuere ». Hactenus Socrates. Porro Maruthas magnæ sanctitudinis nomen gloriosius ex hac tandem vita ad Deum, de perfunctis honeste laboribus præmia recepturus, abscessit: cujus quidem insigne redditum nomen tam Græcis, quam Latinis

¹ Sozom. l. VI. c. 4. — ² Socr. l. VII. c. 8. — ³ Chrys. ep. XIV. —

⁴ Socr. l. VII. c. 8.

publicis notis ¹ inter sanctos receptum anniversaria memoria in Ecclesia perseverat. Sic se habuere res Orientis.

7. *Stiliconis proditio Alaricum forentis. et interitus.* — Cæterum res Occidentalis imperii Stiliconis insidiis admodum turbate sunt : qui enim pluribus annis occultat in animo proditionem imperii, et aliquibus interdum signis patefecisset; jam aperta luce, totoque (ut dicitur) celo, proditor Honorii imperatoris apparuit, atque meritis penas luit. Hæc autem quomodo se habuerint, antiquorum scriptorum sunt testificatione prodenda. Atque primum illud, prodigiose nimis proditionem Stiliconis bruta quoque elementa testari, imo et clamare visa esse : etenim Marcellinus in Chronico sub hujus anni consulibus hæc ait : « Romæ in Foro Pacis per dies septem terra mugitum dedit ». Sed jam proditionis Stiliconis revolvamus involuera. Inserviebat Alaricus Gothorum rex studiis Stiliconis, quocum pluribus præliis sæpe colluserat : nam cum eum obtinere facillime potuisset, et jam (ut dictum est superius) obtinisset, eundem apud Pollentiam liberum abire sivit; eundemque quasi pro Romano militatum imperio, publicis stipendiis aluit, ea specie, quasi eo usurus jam esset ad invadendam ditionem Areadii imperatoris. At quid tandem accidit? dicemus summam in primis ex Paulo Orosio, qui sui temporis res gestas sincere perstrinxit, cum illam cladem per Stiliconem in Romanum imperium ita brevier narrat ² :

8. « Interea comes Stilico. Vandalorum imbelis, avaræ, perfidæ et dolose gentis genere editus, parvipendens, quod sub imperatore imperabat, Eucherium filium suum, sicut a plerisque traditur, jam inde Christianorum persecutionem a puero privatoque meditantem, in imperio quoquo modo substituere nitabatur. Quamobrem Alaricum, cunctamque Gothorum gentem pro pace optima et quibuscumque sedibus suppliciter ac simpliciter orantem, occulto fœdere fovens, publice autem, et belli, et pacis copia negata, ad terendam terrendamque Rempublicam reservavit. Præterea gentes alias copiis viribusque intolerabiles, quibus nunc Galliarum Hispaniarumque provinciæ premuntur, hoc est, Alanorum, Suevorum, Vandalorum, ipsoque simul motu impulsorum, Burgundionum ultro in arma sollicitans, deferso semel Romani nominis metu, suscitavit eas interim ripas Rheni quætere, et pulsare Gallias voluit; sperans miser sub hac necessitatis circumstantia, qua et extorquere imperium a genero posset in filium, et gentes barbare tam facile comprimî, quam commoveri valeret.

9. « Itaque ubi imperatori Honorio, exercituique Romano hæc tantorum scelorum scena patefacta est, commoto justissime exercitu occisus est Stilico, qui ut unum puerum purpuram indueret, totius generis humani sanguinem dedit. Occisus est et Eucherius, qui ad conciliandum sibi favorem

Paganorum restitutione templorum, et eversione Ecclesiarum imbuturum res regni primordia minabatur : paucique cum iisdem satellitibus tantarum molitionum puniti sunt. Ita minime negotio, paucorum pœna, Ecclesiæ Christi cum imperatore religioso et liberatæ sunt, et vindicatæ ». Hucusque Orosius, rem gestam brevî compendio perstringens potius, quam historico more describens.

10. At nos quæ hinc inde a diversis mutuati sumus antiquis auctoribus, suo ordine recenserebimus : atque illud in primis, quod habet Zozimus, Alaricum legatos misisse ad Stiliconem, quibus stipendia suis militibus petit ob moras in Epiro contractas, cum expectaret militi in Orientem. Cum Stilico consulturus ea de re Honorium imp. Romam concessit. Honorius vero in palatium convocato Senatu, quid agendum, rogat Patrum sententias, nunc pecunia illi danda, vel bello adversus eundem Alaricum decernendum. Egit Stilico in Senatu pro Alarico : ex cuius sententia eidem decreta sunt pro redemptione pacis quatuor millia librarum auri, resistente tamen Lampadio V. C. qui patria libertate illud in faciem Stiliconi objecit, dicens : « Non est ista pax, sed pactio servitutis ». Qui, simul ac Senatus dimissus est, veritus ejus potentiam, in proximam Ecclesiam Christianorum confugit. Cum postea, nonnullis inter hæc agitatîs, Olympius in Stiliconem, eum proditorem imperii, animum Honorii imperatoris commovit : ejusque opera factum est, ut socii in magistratus Stiliconi studiosos commoti, in singulos insurgentes eos occiderent. Sed et Stilico, cuius præcipue vita appetebatur, cum se Ravennam una cum suis barbaris satellitibus contulisset : rebellante Saro Barbarorum duce, occisisque ab eo satellitibus Stiliconis; ipse sibi timens, intempesta nocte ad Ecclesiam confugit. Hic observa quantum delatum fuerit Ecclesiasticæ immunitati; cum licet perduellis imperii et proditor imperatoris ac perditor orbis in Ecclesia sibi confugium paravisset, nullus tamen eum inde vi abstrahere ausus est. At necdum lata esse potuit tunc lex illa Honorii pro Ecclesiastica immunitate de confugientibus ad Ecclesiam, anno superiori a nobis recitata; ubi et correctum est mendum in eam illapsum, demonstratumque non ante sequentem annum potuisse esse sanctam sub tertio Theodosii consuluatu cum Honorii tertio. Sed et accidit quidem congrue (sicut de Entropio dictum est) ut qui violare jus Ecclesiæ tempore S. Ambrosii Stilico non est veritus, idem ipse necessitate compulsus confugerit ad Ecclesiam, et jus pariter Ecclesiæ imploravit. Ita Deus superbos in res sacras cornua erigentes deprinere consuevit.

11. Sed quomodo, qui non vi est ab Ecclesia avulsus, dolo tamen passus est sponte se inde deduci, accipe. « Ubi autem illuxisset dies (subdit his Zozimus ¹) ingressi sunt milites Ecclesiam, et episcopo præsentem, sacramentis ei fide facta, non impe-

¹ Martyr. Rom. die 4. Decemb. — ² Oros. l. VII. c. 33.

¹ Zozim. l. v.

ratum esse sibi a principe ut eum necarent, sed tantum ut custodirent: quamprimum egressus ex Ecclesia sub custodia militum esse cepisset, altere ex Honorio imperatore reddebantur ab eo qui priores attulerat litteræ, quibus in litteris Stiliconis in Rempublicam delictis pœna capitis irrogabatur». Sic itaque ductus Stilico, capite truncatus est ab Heracliano, hoc anno sub consulatu Bassi atque Philippi, decimo kalendas Septembris: cum inter hæc Eucherius Stiliconis filius fuga lapsus, Romanam se contulit; cuius occisio, necnon Serenæ matris et aliorum anno sequenti contigit, quo nos de iisdem acturi sumus. Hæc omnia ex Zozimo¹, quod ex aliis, qui ita prolixè res gestas fuerint prosecuti, accipere minime licuerit: quem scimus privatis studentem affectibus, pro animi sententia res intervertere, dum quem omnes perduellem ac proditorem imperii Stiliconem suggillant ac damnant; ipse laudibus prædicat; contra vero Olympium pietate insignem virum, vindicem diuturnæ conditionis et proditoris, hypoëris infamat, dum de eo sic orsus est dicere: «Olympius oriundus e Ponto Euxino, splendida quadam in prætorio militia donatus; qui sub specie Christianæ religionis magnam intra se malitiam tegeret; atque hominem se frugi simulans, cum principe colloqui frequenter sole-ret, etc.» Sed quid boni de quovis Christiano unquam locutus est Zozimus? Cæterum scimus Olympium hunc a S. Augustino² duabus ad eum datis Epistolis (de quibus proxime dicturi sumus) mirifice prædicari, cum et ipse eundem Augustinum ut parentem coleret, quem longe positum litterarum inter-nuntio salutaret.

12. At de his summam agens Marcellinus comes in Chronico, ejusmodi elogio Stiliconi extrema persolvit: «Stilico comes (cujus dux filie Maria et Thermuntia singulæ uxores Honorii principis fuere, utraque tamen virgo defuncta) spreto Honorii regno, regnum inhians, Alatorum, Suevorum, Wandalarumque gentes donis pecuniisque illectas contra Honorii imperium excitavit: Eucherium filium suum Paganum, et adversus Christianos insidias molientem cupiens Casarem ordinare, cum eodem Eucherio, dolo suo detecto, occinus est»: Hæc ipse: id etiam et post Orosium nuper recensitum reliqui omnes. Optime igitur consultum est Christi Ecclesiæ necesse Stiliconis, cujus proditiōe, in Ethnicum hominem, persecutionem jam adornantem, imperium Romanum deferendum esset: quod ne quando fieret opportune antevertere conatus est dux Christianus Olympius, zelo æstuanus pietatis.

13. *Sanctiones Honorii in causa Stiliconis.* — Sublatis jam de medio Stilicone atque ejus satellitibus magistratibus insignitis, Honorius imperator complures ad hæc spectantes hoc anno contra ipsos proscriptos perduelles imperii edidit sanctiones, quas singulas ad rerum gestarum cognitionem spectantes nos hic servato ordine temporum descri-

bemus: earum prima est illa data vicesima quinta Septembris his verbis¹:

«Si quis ex proscriptorum numero comitatum nostræ serenitatis, sive mœnia æternæ Urbis intra-verit; deportatione plectetur. Dat. X kal. Octobris. Basso et Philippo cons.» Post biduum vero ita de bonis proscriptorum ad Theodorum præfectum prætorio²:

«Proscriptorum, satellitumque fortunas avario nostro jubemus accedere. Ideoque per agros, per cuncta domicilia titulos nostræ serenitatis affigi præcipimus. Quicquid sane ab eorum procuratoribus ex prædiorum fructibus congregatum est, largitionibus nostris protinus copuletur: ne, si jussa nostra aut dissimulatione neglexerint, aut colludio prætermiserint, supplicium exilii pariter et proscriptiōnis sustineant. Dat. VIII kal. Octob. Mediol., Basso et Philippo cons.» Mense autem Octobris ad eundem præfectum prætorio Theodorum hæc de bonis Stiliconis³:

«Qui in facultates Stiliconis et actus videntur esse versati, vel ex iisdem facultatibus aliquid subtraxisse, vel aliquid rapuisse; omnifariam reddant. Dat. VIII kal. Novembris, Basso et Philippo cons.» Mense vero Novembris ita ad eundem de fautoribus Stiliconis⁴:

«Qui suas opes prædoni publico, vel ejus filio, cæterisque satellitibus dederunt, vel jure, vel corpore quibus ille usus est ad omnem ditandam inquietandamque barbariem: his omnem repetendam jubemus esse præclusam. Dat. X kal. Decemb. Raven., Basso et Philippo cons.» Mense vero Decembris ita ad eundem Theodorum præfectum prætorio⁵:

«Hostis publicus Stilico novum atque insolitum repererat, ut littora et portus crebris vallaret excubiis, ne cuiquam ex Oriente ad hanc imperii partem pateret accessus. Hujus iniquitate rei moti, et ne rarior sit diversarum mercium commeatus, præcipimus hac sanctione, ut littorum desistat ac portuum pernicio custodia, et eundi ac redeundi libera sit facultas. Dat. IV idus Decembris, Ravennæ, Basso et Philippo cons.»

15. Fuit quidem illud in his agendis propositum Stiliconis, ut occuparet milites in littorum ac portuum custodia, atque penuria gravi affligeret Romanum Occidentis imperium; ut sic undique languescentibus viribus, sibi cum suis Barbaris fœderatis illud invadendi ac potiundi facilius aditus pateret. Sed et illud quoque ex Senatusconsulto factum in Stiliconem, quod adversus alios tyrannos fieri consuevit; nimirum, ut publica quæque atque privata monumenta, quæ in ejus honorem fuissent erecta, penitus disjicerentur; unde eidem dicatis statuis, exturbatis titulis, appositum ejus nomen abrasum fuit: quod quidem pluribus exemplis anti-

¹ L. xx. de penis C. Theod. — ² L. xx. de bonis proscr. C. Theod.

— ³ L. xxi. de bonis proscr. C. Theod. — ⁴ L. xxi. de bonis proscr. C. Theod. — ⁵ L. i. de lit. et itiner. custodia C. Theod.

¹ Zozim. l. v. — ² Aug. ep. cxxiv. cxxix.

que ejusdem Stiliconis docent inscriptiones, quæ adhuc extant, et expuncto leguntur nomine Stiliconis.

16. Qui hæc omnia in odium Stiliconis et Eucherii filii statuit Honorius imperator, idem eos qui ipsos tyrannos insecuti essent, beneficiis afflicendos curavit. Etenim interfecitorem Stiliconis Ileracianum præfectura Africae provincia donavit; et Olympium, quem diximus totius operis architectum, magistrum officiorum creavit: hæc quidem omnia Zozimus. Porro idem Honorius imp. palatium repurgavit ex iis, quos fidei Catholicæ adversarios in eo Stilico posuerat aulicos; ita ad eundem Olympium ea dignitate præditum, necnon ad Valentinum comitem domesticorum rescribens hoc anno mense Novembris¹:

«Eos qui Catholicæ sectæ sunt inimici, intra palatium militare prohibemus. Nullus nobis sit aliqua ratione conjunctus, qui a nobis fide et religione discordat. Dat. XVIII kal. Decembris, Ravennæ, Basso et Philippo cons. »

17. *Concilium Carthaginense ad reprimebndos tumultuantes hæreticos.* — Adgavissus est S. Augustinus de nova dignitate collata Olympio, duabus ad eum hoc anno datis Epistolis², cum de ejus magistratu nuntium perlatum esset in Numidiam: quibus eidem Bonifacii episcopi Cataquensis causam commendat. At ad posteriores scribendas litteras longe gravior impulit eum causa: illa nimium, quod post obitum Stiliconis in Africa Gentiles, et Donatistæ falso rumore jactarent, latas contra se leges nequaquam ex voluntate extitisse Honorii imperatoris, sed opera Stiliconis: et quasi earundem auctoritas una cum ipso Stilicone esset extincta, in Catholicos insurrexerint, atque nonnullos etiam episcopos necaverint. Cujus enormis sceleris causa convenientes episcopi Carthagine mense Octobris legationem adversus Paganos atque hæreticos ad Honorium imperatorem decrevere: ejus quidem Concilii, atque decreti ejusmodi tantummodo extat monumentum intextum Concilio Africano his verbis³:

18. «Basso et Philippo viris clarissimis cons., tertio idus Octobris, Carthagine. In hoc Concilio suscepit legationem Restitutus et Florentius episcopi contra Paganos, et hæreticos, eo tempore quo Severus et Macarius occisi sunt, et propter eorum causam Evodius, et Theasius, et Victor episcopi cæsi sunt». Hæc ibi, cum alias antea ibidem mense Junii sub iisdem consulibus item Carthagine congregati episcopi eadem ex causa contra eosdem tumultuantes ad imperatorem legatum misissent Fortunatianum episcopum.

19. *Augustini Epistola ad Olympium.* — At reddende hic sunt litteræ Augustini ad eundem Olympium, quæ de turbis iis concitatis hoc anno in Africa, et legatis missis ad imperatorem, narratio-

nem habent intextam, et alia quæ Annalibus plurimum conferunt: sunt hujusmodi⁴:

«Domino eximio et merito præstantissimo, multumque in Christi charitate honorando filio Olympio Augustinus in Domino S.

«Quamvis mox ut audivimus te merito sublimatum, cum ipsa fama nondum nobis certissima esset, nihil aliud de animo tuo credidimus erga Ecclesiam Dei, cujus te veraciter filium esse gaudemus, quam quod tuis litteris mox aperuisti: tamen illis lectis, quibus ultro dignatus es, etiamsi pigri et cunctantes essemus, exhortationem benevolentissimam mittere, ut instruente humilitate nostra, per religiosas obedientiam tuam Dominus, cujus munere talis es, Ecclesiæ suæ jam jamque subveniat; majore fiducia tibi scribimus, domine eximie, et merito præstantissime, multumque in Christi charitate honorande fili.

20. «El fratres quidem multi sancti collegæ mei, graviter Ecclesia perturbata, præfecti sunt pæne fugientes ad gloriosissimum comitatum: quos sive jam videris, sive litteras eorum ab urbe Romana opportunitalis ejusdum occasione acceperis: ego tamen licet nullum consilium cum eis communicare potuerim; non potui prætermittere per hunc fratrem et compresbyterum meum, qui urgente necessitate pro salute civis sui, etiam media hieme, quomodocumque ad illas partes venire compulsus est; et salutare, et admonere charitatem tuam, quam habes in Christo Iesu Domino nostro, ut opus tuum bonum diligentissima acceleretur instantia: quo noverint inimici Ecclesiæ, leges illas, quæ de idolis confringendis, et hæreticis corrigendis, vivo Stilicone, in Africam missæ sunt, ex voluntate imperatoris piissimi, et fidelissimi constitutas: quo nesciente vel nolente factum, sive dolose jactant, sive libenter putant; atque hinc animos imperitorum turbulentissimos reddunt, nobisque periculose ac vehementer infestos.

21. «Hoc autem quod petendo, vel suggerendo admono præstantiam tuam, non dubito omnium per Africam collegarum meorum fieri voluntate: arbitrorque quacumque primitus exorta occasione, facillime posse ac debere maturari: ut noverint (sicut dixi) homines vaui, quorum et adversantium salutem requirimus, leges quæ pro Christi Ecclesia missæ sunt, magis Theodosii filium, quam Stiliconem curasse mittendas. Propterea quippe memoratus presbyter harum perlator, cum de regione sit Milevitana, ab episcopo suo, venerabili fratre meo Severo, qui tuam mecum sincerissimam dilectionem multum salutat, per Hipponeum regium, ubi ego sum, transire jussus est: quia cum forte simul essemus in magnis Ecclesiæ tribulationibus et perturbationibus, quærebamus occasionem scribendi ad eximietatem tuam, et non inveniebamus.

22. «Jam quidem unam Epistolam miseram in negotio sancti fratris, et collegæ mei Bonifacii epi-

¹ L. XLII. de hæret. C. Theod. — ² Aug. ep. CXXIV. CXXIX. — ³ Concil. Afric. sub c. 73.

⁴ Aug. ep. CXXIX.

scopi Cataquensis : sed nondum ad vos pervenerant graviora, quæ nos vehementius agitent : quibus comprimendis, vel corrigendis, quemadmodum meliore secundum Christi viam consilio succurratur, commodius episcopi, qui propterea navigaverunt, cum tanta benignitate tui cordis acturi sunt ; qui potuerunt communi consilio diligenter deliberatum aliquid ferre, quantum temporis permittebat angustia. Illud tamen, quo animum clementissimi et religiosissimi principis erga Ecclesiam provincia noverit, nullo modo esse differendum ; sed etiam antequam episcopos, qui profecti sunt, videas, quam primum tua præstantissima pro Christi membris in tribulatione maxima constitutis vigilantia potuerit, accelerandum suggero, pelo, obsecro, flagito. Neque enim parvum in his malis solatium Dominus obtulit, quod te voluit multo amplius posse, quam poteras ; quando jam de tuis multis et magnis operibus bonis gaudeamus.

23. « Multum sane de quorundam neque paucorum fide firma et stabili gratulamur, qui ex occasione legum ipsarum ad Christianam religionem, vel Catholicam pacem conversi sunt ; pro quorum salute sempiterna nos in hac temporali vita etiam periclitari delectat. Propterea enim maxime ab hominibus nimium dureque perversis nunc inimicitarum graviore impetus sustinemus, quos nonnulli eorum nobiscum patientissime sustinent : sed plurimum infirmitati metuimus, donec discant et valeant, adjuvante misericordiosissima gratia Domini, seculum præsens, et hominum diem robore cordis valentiore contemnere. Communitorium, quod nisi fratribus episcopis, si (ut puto) nondum ibi sunt, ab eximietate tua illis tradatur, cum venerint. Tantam quippe tui sincerissimi pectoris habemus fiduciam, ut adjuvante Domino Deo nostro, non solum impertitorem auxilium te velimus, verum etiam consilium participem ». Hactenus Augustini Epistola ad Olympium magistrum officiorum, qua miserimus Africanæ Ecclesiæ status anni hujus exprimitur.

24. *Honorii rescripta et edicta adversus hæreticos.* — Navavit quidem quam diligenter operam Olympius, ut adversus Donatistas in Africanam Honorius imperator rescriberet ; quo significaret, quæcumque adversus Donatistas et alios hæreticos, necnon Gentiles statuta essent, id ex sua sententia factum, firmum ratumque in omnibus esse velle : sunt enim hæc rescripti verba ¹ ad Curtium præfectum prætorio :

« Omnia quæ in Donatistas (qui et Montenses vocantur) Manichæos, sive Priscillianistas, vel in Gentiles a nobis generalium legum auctoritate decreta sunt, non solum manere decernimus, verum in executionem plenissimam effectumque deduci. Ita ut ædificia quoque vel horum, vel Cælicolarum etiam, quæ nescio cujus dogmatis novi conventus habent, Ecclesiis vindicentur. Pœna vero, lege proposita, veluti convictos tenere debet eos, qui Donatistas

se confessi fuerint, vel Catholicorum communionem relugerint scævæ religionis obtentu, quamvis Christianos esse se simulent, etc. Dat. XVII kalend. Decemb. Romæ, Basso et Philippo coss. » Qua etiam die speciatim adversus Gentiles eadem ex causa ita rescripsit idem Honorius imperator ad eundem Curtium præfectum prætorio, prohibens etiam quæ Stilico et ejus filius Eucherius homo Paganus cultoribus idolorum indulserant : sic enim sanctio ipsa se habet ¹ :

25. « Templorum detrahantur annonæ, et rem annonariam jubente, expensis devotissimorum militum profuturæ. Simulacra, si qua etiam nunc in templis fanisque consistunt, et quæ alicubi ritu vel acceperint vel accipiunt Paganorum, suis sedibus evellantur : cum hoc repetita sciamus sæpius sanctione decretum. Edificia ipsa templorum, quæ in civitatibus vel in oppidis, vel extra oppida sunt, ad usum publicum vindicentur. Are locis omnibus destruantur : omniaque templa in possessionibus nostris ad usum accomodos transferantur ; domini destruere cogantur. Non liceat omnino in honorem sacrilegi ritus funestioribus locis exercere convivia, vel quicquam solemnitate agitare. Episcopis quoque locorum hæc ipsa prohibendi Ecclesiastica manus tribuimus facultatem. Judices autem viginti librarum auri pœna constringimus, et pari forma Officia eorum, si hæc eorum fuerint dissimulatione neglecta. Dat. XVII kal. Decemb. Romæ, Basso et Philippo coss. » Quo etiam anno idem imperator de judicio episcoporum rescriptum ² dedit ; ut ratum firmumque haberetur, quod ex consensu partium episcopi judicasset ; a quorum sententia appellare minime liceret.

26. Sed non prætereat, quod superiori lege vidimus, Honorium cum Donatistis voluisse exagitari suo rescripto « Cælicos » : quinam autem hi fuerint, est exquirendum. Mentio de Cælicolis est apud S. Augustinum in Epistola ad Eleusium et alios, ubi hæc ad finem habet ³ : « Jam enim miseramus ad Majorem Cælicolarum, quem audieramus novi apud eos baptismi institutorem fuisse, et multos illo sacrilegio seduxisse ; ut cum illo, quantum ipsius temporis patiebantur angustię, aliquid loqueremur ». Ille ipse ibi : an autem alibi de iisdem Cælicolis agat, non memini. Existimavi aliquando hos fuisse Gentiles in Africa, sic dietos a cultu Cælestis idoli Carthagine positi, de quo pluribus superius actum est. Sed quod (ex sententia Augustini) iidem etiam baptizarentur, Christianitatem præ se tulisse visi sunt. Verum et quod vult alia ejusdem imperatoris sanctio ⁴, hos cogendos ad Christianitatem servandam ; argumento plane est, fuisse Christianos, apostatarum tamen nomine censendos potius, quam hæreticorum. Quod item tam in Codice Theodosiano, quam Justiniano, non sub titulo de Hæreticis, sed de Judæis ponantur Cælicolæ ; constat eos minime

¹ L. XLIII. de hæret. C. Theod.

² L. XIX. de Pagan. C. Theod. — ³ L. IX. de Episc. audient. — ⁴ Aug. ep. CLXIII. — ⁵ L. XII. C. de Jud. et Cælic.

fuisse ex Christianis hæreticos, sed apostatas. Igñtur quantum colligere fas est ex dicta¹ Honorii sanctione ad Jovinum præfectum prætorio data, illos apparet appellatos esse Cælicolas, qui ex Christiana fide transirent ad Judaismum; ita tamen, quod cum scirent Judaismum nomen abominabile cunctis esse, non Judæi, sed Cælicolæ dici potius voluerint, nec sub Judæorum deceret Patriarchis, sed aliis sibi propositis magistratibus, quos Majores nominabant, ut ex S. Augustino apparet, necnon rescripto Constantini ad Evagrium ubi ait²: « Hæc verba Judæis, et Cælicolis, et Majoribus eorum, et Patriarchis volumus intimari, etc. » Patriarchæ enim ibi ad Judæos, ad Cælicolas vero Majores spectant, prout idem etiam a S. Augustino³ nominantur. Insuper quod idem S. Augustinus in commentario ad Quodvultdeum de hæresibus, relegens omnes quæ ab exordio Christi Ecclesiæ hæreses exstiter, usque ad hæresim Pelagianorum, quæ post hoc tempus innotuit, nec ibi de hæreticis Cælicolis aliquam mentionem habeat: intelligi ex eo potest, hos apostatas fuisse potius quam hæreticos, eosdemque in Judæorum selectam classem esse rejectos. Qui præterea aliis de Cælicolis sermonem habeat, ex veteribus invenimus neminem. Sed ad eos spectat, quod post dies novem a rescripto dato adversus hæreticos atque Cælicolas, idem Honorius imperator adversus eosdem ejusmodi promulgavit edictum, quo Donatistas pariter, et Judæos nova tentantes, nempe Cælicolarum sectam introductentes, exagitavit his verbis⁴:

27. « Donatistarum hæreticorum, Judæorum nova atque inusitata detexit audacia, quod Catholice fidei velint sacramenta turbare: quæ pestis atque contagiosis ne latius emanet ac proluat, cavendum. In eos igitur, qui aliquid quod sit Catholice sectæ contrarium adversumque tentaverint, supplicium justæ animadversionis expromi precipimus. Dat. VIII kal. Decemb., Basso et Philippo coss. »

Porro cum hoc ipsum rescriptum ad Donatum datum legatur: illum hunc esse scias Donatum, qui hoc anno reperitur gessisse proconsulatum in Africa: etenim sub hujus iidem anni consulibus aliud quod datum reperitur ad Donatum rescriptum, titulum habet appositum proconsulatus Africæ⁵. Hæc idcirco volumus adnotasse, ut intelligas hunc ipsum esse Donatum proconsulem Africæ, ad quem duæ extant S. Augustini⁶ Epistolæ, cum rogat eum sic coercere debere Donatistas, ut tamen a gladio abstineat: huncque illum esse proconsulem, ejus meminit in Epistola ad Marcellinum. Dumque hunc ipsum rogat idem Augustinus, ut observantia legum adversus Donatistas latarum invigilet, quas illi dicerent jam antiquatas esse; certum est respicuum habuisse ad obitum Stiliconis, cum quo simul imperatoris esse extinctas leges Donatistæ jactabant,

quod scilicet eas non voluntate Honorii, sed conatu Stiliconis latas esse ferrent. Hujus Donati pietas plurimum ab Augustino laudatur⁷.

28. Quod rursum ad latas ab Honorio hoc anno leges pertinet: post triduum a superiori edita lege, adversus eosdem aliud rescriptum dedit⁸, quo prohibet eos de religione disserere, proscriptione et exilii pena condemnans qui secus fecerint. Tot autem simul paucorum dierum interstitio data rescripta adversus Gentiles, Donatistas, atque Cælicolas, commendant officium egregie præstitum ab Olympio, curante summa celeritate perfici ea, quæ a S. Augustino litteris commendata acceperat, atque communitario certior factus fuerat.

29. In Judæos decernit Theodosius. — At non in Occidente solum, ubi regnabat Honorius, sed et in Oriente Theodosius imperator Judæos pariter ritus Christianorum adulterantes ejusmodi data lege compescuit⁹:

« Judæos quodam festivitatis suæ solemnī Aman ad pænæ quondam recollectionem incendere, et sanctæ Crucis assumulatam speciem in contemptum Christianæ fidei sacrilega mente exurere, provinciarum rectores prohibeant, ne locis suis fidei nostræ signum immisceant, sed ritus suos infra contemptum Christianæ legis retineant: amissuri sine dubio permissa hactenus, nisi ab illicitis temperaverint. Dat. IV kal. Jun. (Jan.), Basso et Philippo coss. » Intelligere puto te, lector, quid præsumperint fœces hominum, Judæi scelestissimi, nimirum crucifixum una cum cruce incendere: et ne sacrilegi convinci possent, illud prætexere consuevisse, se non Christum crucifixum, sed Aman¹⁰ Judæorum hostem tali supplicio affectum, ob Dei gloriam representare. Sed quod hujusmodi facinus Christianæ religionis verteretur ignominia; ne id ulterius fieret, imperator prohibuit. At quid admirandum Deus ostenderit his temporibus Constantinopoli de Judæo paralytico per sanctum baptismum sanitati restituto, Socrates narrat his verbis¹¹:

30. « Judæus, qui a multis jam annis paralysi conflictatus, in lecto decubuerat, cum omnia curationum et medendi genera, omnesque Judaicas preces ac vota expertus, nihil plane inveniret remedium, tandem ad baptismum Christianorum confugit, pro certo persuasus hujus tanquam veri medici adjumento se ad integram valetudinem restitutum fore: quæ res erat quamprimum Aflico episcopo Constantinopolitano significata. Ille igitur Judæum articulis fidei instituens, et spem in Christum ei annuntians, jubet ad baptisterium in lecto apportari. Judæus paralysi oppressus, simul ac baptismum sincera fide receperat, et ex lavacro baptismatis est elatus, confestim morbo liberatus est, et ad sanitatem restitutus. Hæc curatio divina Christi virtute nostris temporibus hominibus declarata fuit: qua quidem re ex Gentibus quamplures ad credendum inducti

¹ L. XVIII. de Jud. et Gal. C. Theod. — ² L. III. C. de Jud. et Gal. — ³ Aug. ep. CCLXXXIV. — ⁴ L. XLV. de hæret. C. Theod. — ⁵ L. IX. de pœnis C. Theod. — ⁶ Aug. ep. CXXVII. CXXVIII.

⁷ Aug. ep. CLIX. — ⁸ L. XLV. de hæret. C. Theod. — ⁹ L. XVIII. de Judæis C. Theod. — ¹⁰ Esther. vii. — ¹¹ Socr. l. vii. c. 4.

baptismum receperunt: Judæi autem quamvis signa et miracula quærerent, signis tamen ad credendum induci non poterant ». Illeusque Socrates; qui his de Sabbatio ex Judæis oriundo, facto Novatiano, sed schismate ob episcopatum non adeptum resiliente, subiecit narrationem, et de nece Novatianorum sese ex visione Sisinnii invicem protrudentium. Porro ex Sabbatio Sabbatianos nominatos Novatianos ab aliis schismate divisos, rescripta principum ¹ docent. Toleratos autem diximus Novatianos, tanquam qui in reliquis de fide eadem cum Orthodoxis sentirent: sed Romæ ab Innocentio papa primum expulsos esse, idem auctor affirmat ².

31. Contigit inter hæc mori Porphyrium illum scelestissimum, qui post Flavianum (ut dictum est) sedem invasit Antiochenam; cui, ut nefario intruso, nunquam Romanus episcopus communicare voluit. Quo defuncto, affulsit primus pacis radius post tot procellas Ecclesiæ Antiochenæ. Etenim communi omnium consensu eligitur Alexander, qui uno vinculo communicationis in unum conjuncti qui erant ex parte Paulini jam a tempore (ut diximus) Concilii Alexandrini sub Juliano Apostata (cum contra Meletium ipse Paulinus est creatus episcopus) una cum aliis qui erant ex parte Meletii, separatos ab invicem quadraginta quinque jam annis: tot enim numerant ab eo Concilio usque in præsentem annum. Si quis autem numeret a tempore respicientiæ Meletii, quando ex Ariano Catholicum se publice professus est, quocum (utpote ab Ariano ordinato) communicare noluerunt Catholici, qui ab illo Magno Eustathio denominati erant Eustathiani (quod contigisse diximus anno a Christo nato trecentesimo sexagesimo) plane ad hunc usque annum numerabit schismatis temporis annos quadraginta et octo. Quamobrem manifestum redditur, illapsam esse errorem apud Theodoretum, dum anni numerant ejusdem dissidii octoginta quinque; quod quidem annorum spatium longe transgreditur tempora ejusdem Alexandri episcopi Antiocheni, et Innocentii Romani Pontificis, quorum sedium tempore ea contigisse omnes affirmant. Sed reddamus hic verba Theodreti ³: « Dura vit discordia octoginta quinque annos, ad Præsulum videlicet Alexandri, omnibus laudis insignibus merito exornandi; qui Ecclesiæ Antiochenæ clavum obtinens, omnes indagare vias, et omne studium alacritatemque animi conferre non destitit, quo concordiam constitueret, et membrum segregatum cum reliquo Ecclesiæ corpore conglutinet. Et alibi de ejusdem vitæ disciplina hæc habet ⁴:

32. « Ecclesiam Antiochenam administravit Alexander, ejus vitæ ratio pulchre cum episcopatu consentiebat. Nam toto vitæ tempore ante susceptum episcopatum in palestra monastica contritus, cum plurimum se exercuisset, generosum athletam se plane declaravit: quippe tum oratione docuit alios, tum vitæ consuetudine orationem con-

firmaxit ». Hæc de ejus vitæ instituto ante episcopatum Theodoretus; qui quod subdit in laudem Porphyrii ejus prædecessoris, a veritatis scopo longius aberrasse, sententia omnium ejus temporis in Oriente scriptorum, maxime redarguitur. Subdit insuper hæc de eodem Alexandro: « Divinus autem Alexander severe vitæ disciplina, studio sapientiæ, egestate voluntaria, eloquentia, aliisque denique Spiritus sancti donis admodum excelluit. Idemque factionem Magni Eustathii causa inchoatam (quæ quominus jampridem esset cum reliqua Ecclesia denuo sociata, Paulinus impedimento fuit, et post eum Evagrius) sua persuasione, et consilio cætero Ecclesiæ corpori adjunxit: et talem diem festum, qualem nemo aliquando viderat, ex insperato celebrandum evasit. Nam omnibus eadem fide consentientibus, in unum collectis, tam sacris initiatis quam laicis, ad illorum conventum accedit. Atque assumptis sibi qui cantare noverant, unoque hymnorum concentu contexto, a porta quadam parvula ad Occidentem spectante, usque ad maximum templum totam plateam complexit hominibus: et fluxum rationis participem, similitudinem fluvii præterlabentis mire adumbrantem, effecit. Quæ cum Judæi, Ariani, et Gentilium reliquiæ, quæ perpaucæ erant, viderent; gemere et lamentari coeperunt, quod alios jam fluxios in ipsam Ecclesiam quasi mare illabi cernebant. Iste præterea primum magni Joannis nomen in tabulis Ecclesiæ inscribendum curavit ». Hæc ipse: probe quidem. Sed quod ad Porphyrium, quam adeo laudat; rogo eum, quisnam e sacris tabulis nomen S. Joannis Chrysostomi obliteraverit? ut plane sua ipsius assertionem convincatur, ipsum quidem Porphyrium ut Joannis persecutorem, non laudibus, sed ignominia fuisse dignum.

33. *De pace Ecclesiæ Antiochenæ Epistola Innocentii ad Alexandrum, Bonifacium et Acacium.* — Quod autem Alexander Antiochenus episcopus primus fuerit, qui in Ecclesiæ tabulis nomen Joannis Chrysostomi restituerit, quodque in unum conjunxerit fideles omnes qui ex parte Paulini erant: fuit illi auctor Innocentius Romanus Pontifex. Etenim creatus Alexander episcopus Antiochenæ Ecclesiæ, cum legationem ex more una cum litteris mitteret ad Apostolicam Sedem, quibus de sua ipsius electione Innocentium admoneret, peteretque Catholicam communionem: ita postulatis ipsius annuit ipse Innocentius papa, si tamen hæc quæ ab eo requirebat perfici, ipse Alexander imple-ret: ac primo quidem, ut qui a successore Paulini Evagrio ordinati erant, ipse reciperet cum ordinibus, et honoribus: inde vero etiam nomen Joannis episcopi Constantinopolitani e tabulis sacris expunctum, cum honore (ut par erat) restitueret. Quæ omnia statim ex sententia Romani Pontificis quam studiose Alexander implevit, quo mereretur Apostolicæ Sedis ac cum ea totius Catholiæ Ecclesiæ communicationem accipere. Declarat hæc quidem ejusdem Innocentii papæ Epistola ad Bonifacium scripta,

¹ L. I. de hæret. C. Theod. — ² Socr. I. VII. c. 9. — ³ Theod. I. v. c. 5. — ⁴ Theod. I. v. c. 35.

quæ hæc primum habet de Ecclesia Antiochena, et ejus episcopo ¹:

34. « Innocentius Bonifacio presbytero.

« Ecclesia Antiochena, quam, priusquam ad urbem perveniret Romanam, beatus Apostolus Petrus sua præsentia illustravit, velut germana Ecclesiæ Romanæ diu se ab eadem alienam esse non passa est. Nam missis legatis, ita pacem postulavit et meruit, ut et Evagrius suis ordinibus ac locis intemerata ordinatione, quam acceperant a memorato, susciperet, et Joannis sanctæ memoriæ vel clericos, vel laicos in unum colligeret atque congregaret. Promittens ipsius civitatis episcopus frater meus Alexander, etiam si quis forte vel a nobis vel aliunde posterioris ordinationis ad eos venerit, se sine controversia recepturum, ac nomen episcopi memorati inter quiescentes episcopos recitaturum. Cui rei nos noveris tradidisse manus, frater carissime, et eos in nostra viscera recepisse; ne diu membra, quæ requisierant sanitatem, ab unitate corporis haberentur aliena. Omnia vero quæ per ordinem gesta sunt, filius meus diaconus Paulus, harum scilicet portitor litterarum, dilectioni tuæ poterit enarrare; ut et gaudium commune nobiscum habeas, et eos informes, qui pro Altici partibus intervenire consueverunt ». Hæc Innocentius ad Bonifacium legatione fungentem apud Theodosium Constantinopoli: quem illum putamus Romanæ Ecclesiæ presbyterum, qui post Innocentium secundus creatus est Romanæ Ecclesiæ Pontifex.

35. Ad ipsum vero Alexandrum Antiochenum episcopum, qui scriperat de pace consecuta Ecclesiæ Antiochenæ, deque episcopis exilibus ad propria restitutis, et aliis ad perfectam in omnibus pacem conducentibus stabilitis, Innocentius ipse congratulatus ista rescripsit ²:

« Apostolici favoris gratia magno pacis usque ad nos decore resplenduit, tantumque lucis gaudiorumque infudit fidelibus, ut dicentes Deo maximas laudes, majores debere nos fateamur. Plusque a Deo jucundati sumus, quod discussis omnibus lateribus actionum tuarum fraternitatis, ita totum pietate, et patientia, gestum cognovimus, ut in omnibus Dominum laudaremus: successumque ipsum ideo præstitum tuis laboribus videamus, quod tota virtute pacis amator existens, eam requisitam invenieris, et repertam summa charitate teneris, tum erga omnes, tum præcipue circa illos qui quondam Paulini atque Evagrii episcoporum censi fuerant nomine. Habeo summam volorum meorum, quod antequam nævi purgatio tuis temporibus, tuisque meritis prorogatur: quorum etiam illos ejusdem nominis, qui in Italia meritum clericatus acceperunt, censi bono quietis gratiam retinere suscepim. Et quia noster compresbyter Cassianus gratum dixit tunc fore dignationi, si meo consilio in civitate vestra clericatus ordinem ducere censerentur: statui propter benevolentiam tuam promissaque memo-

rati, ut inter cæteros sacerdotes, ministrosque qui in civitate sunt, annumerentur, frater carissime.

36. « Libenter præterea de episcopis Heliadio atque Pappo cognovi, quod sine questione suas Ecclesias recuperaverint. Et multum in Gestis (ut subscripta testantur) sollicitus inquisivi, utrum omnibus esset conditionibus satisfactum in causa beati et vere Deo digni sacerdotis Joannis. Et cum per singula assertio legatorum ex voto completa esse faleretur: gratias agens Domino, communionem Ecclesiæ vestræ ita recepi, ut præ me feram, Apostolica Sedes condiscipulos primos dedisse cæteris viam pacis, in qua firmatos vos nosque Domini Christi ita benignitas amplexabitur atque communiât, ut nullo de cætero titillamento, vel levi ejusquam contentione pudore pulsetur.

37. « Scripta autem Acacii episcopi, quoniam cum vestris sunt porrecta, suscepimus: ne per vestram injuriam ille, qui olim a nobis suspensus fuerat, repudiaretur. Et tamen satis abunde, quæ in Actis statuimus, sicut dignanter relegere procurabis, quid in ejus persona debeat custodiri: ut si per omnia vestris consiliis actibusque tam sanctis se rogaverit esse communem, præstetur seni favore vestro, vestroque judicio communionis atque litterarum a nobis gratia prorogata. Subscripserunt episcopi viginti quatuor ». Hactenus ibi. Acacius iste, ille est Berceensis episcopus, haud pridem de S. Joanne Chrysostomo (ut supra vidimus) pessime meritis: ut qui quod postularet Catholicam ab Innocentio papa communicationem jam diu ob causam Chrysostomi interceptam; sic eam spopondit ipse Pontifex, ut quæ servanda imposuisset, imple-ret: ad quem hæc Innocentius ¹ ipse lene scripsit:

38. « Adgaudere litteris fraternitatem tuam de receptis Paulini et Evagrii episcoporum clericis populisque et de restitutis Heliadio atque Pappo coepiscopis percensuimus; et vel sero receptæ pacis gratiam te fovere, postposita omni contentione, pervidimus. Unde has ad præstantissimum fratrem et coepiscopum nostrum Alexandrum reddendas tuæ transmisimus unanimiter: videlicet ut si omnis inimicitia, omnis æmulatio tam de nomine S. Joannis mirandi episcopi, quam de omnibus ejusdem communionis participibus a tua animositate discescit; has nostræ societatis recipias litteras, frater carissime, modo ut omnia quæ hic Actis firmata sunt, apud mediatorem nostrum amabilem Alexandrum, ore proprio (ut communicantem convenit) fatearis. Ut enim nobis hæc unanimis charitatisque causa venerabilis est, sic inhæret sollicita, ne quid obliquum, aut successivum in quoquam residere cognoscat ». Hæc ad Acacium. Vides, lector, apud unum Innocentium agi, ut reconciliarentur per penitentiam qui in Joannem deliquissent Orientales episcopi; ejus et auctoritate jubentur relaxari, qui exilio mulcati erant Joannis defensores antistites: ipsoque decernente, omnia ab adversariis

¹ Innoc. ep. XXII. lom. I. ep. Rom. Pont. — ² Innoc. ep. XVIII.

¹ Innoc. ep. XXII.

irrita habentur adversus Joannem Chrysostomum acta, quibus damnatus et abrasus ex ordine fuerat ejus Ecclesiae episcoporum.

39. Quod rursum ad Acacium spectat, constat in omnibus ipsum Innocentio paruisse, ac proinde Catholicam Romanæ Ecclesiae communionem meruisse: quem apud Atticum Constantinopolitanum episcopum laborasse liquet, ut ab eo redderetur Joannis nomen in Diplycha, ut suo loco dicturi sumus: sed infelix, oborta postea Nestorii hæresi, adversus Cyrillum et alios Orthodoxos fortiter dimicans, labem abolitam, quam ex persecutione in Joannem agitata fede contraxerat, duplo auxit.

40. *In Attici causa Innocentii Epistola ad Maximianum episcopum.* — At quid Atticus Constantinopolitanus, quidve Theophilus episcopus Alexandrinus? parum sibi visi Joannem viventem ad obitum usque hostiliter persecuti; etiam post ejus obitum, in nomen ejus jurato bello, obstinato animo confligere; adeo ut acciderit infelicitur Theophilum segregatum ab Ecclesiae Romanæ communicatione nonnisi ultima hora resipuisse, Atticum vero vix tandem post Theophili obitum consensisse ab Acacio stimulum Joannis nomen referre in catalogum ejus Ecclesiae episcoporum, idque post quadriennium, ut suo loco dicturi sumus. Inter hæc autem contigit, ut Maximianus episcopus, pacis studiosus, apud Innocentium papam litteris egerit, ut communicatorias litteras ad Atticum Constantinopolitanum episcopum daret. At renuit id Innocentius facere, donec Atticus conditiones missas ad Alexandrum episcopum Antiochenum impleret; atque ad eundem Maximianum episcopum litteras reddidit¹. Porro hunc existimamus esse Maximianum episcopum in Macedonia, ad quem una cum aliis extat S. Joannis Chrysostomi², cum exlasset, Epistola: est ejus quoque mentio in Epistolis Innocentii ad episcopos iidem Macedoniae sub consulatione Constantii, atque alia item data in causa Bubalii, et Tauriani, cum ipse Maximianus Romæ fungeretur legatione. At Innocentii ad eum hoc tempore in causa Attici datæ litteræ sic se habent³:

41. « Miramur prudentiam tuam, scripta ad Atticum episcopum Constantinopolitanæ urbis a nobis et prosecutione propria, et dato libello, qui subter annexus est, postulare: a quo nec missas ulla saltem Epistolas ad nos, vel ad vestram Synodum utique pertulisti. Idque non petenti tribuendum existimes, quod vides deprecantibus, discussa ratione, concessum. Communio enim suspensa restituitur demonstranti causas, quibus id acciderat, jam esse detersas, et profitenti conditiones pacis impletas. Quod neque apud vos, neque apud nos (ut prædixi) Atticus missis aliquibus suorum, vel dicere voluit, vel demonstrare completum, quemadmodum Antiochenæ Ecclesiae frater, et coepiscopus noster Alexander digna legatione et prosecutus

est, et probavit. Quibus omnibus utique interesse dignatus, cognovisti quemadmodum singulalim omnia scriptorum nostrorum antehac de causa beatissimi Joannis quondam episcopi nostri discusserim, ut quæ illi in omnibus satis evidenter ostenderint, universa quæ apud Antiochiam fieri debuerint, fuisset completa. Quorum amplexatam pacem, utique fidem facimus, et magno tramite omnem eadem postulaturis ostendimus; si modo quæ discussa sunt atque completa, etiam ipsi se pro suo loco fecisse vel complere, aliquando monstraverint; communionemque ut isti, legatione solemniter destinata, sibi rogaverint adhiberi. Expectamus ergo, et professionem memorati de completis omnibus conditionibus, quas diversis temporibus prædiximus, et petitionem communionis: ut recte et petenti, et probanti se eadem mereri, reddamus, frater carissime. Nam de omnibus plenissimas ad sanctam nostrorum fratrum Synodum dudum litteras percepisti ». Hactenus Innocentii litteræ de Attico: ex quibus intelligis, communione suspensus, ac proinde multo magis excommunicatus, haud solere Romanum Pontificem reddere communicationem, nisi propositis aut impletis conditionibus, et emendatis erroribus illis, quorum causa communicatione interdici meruerant.

42. Cæterum non destitit post hæc Atticus crebras mittere legationes pro communionem Romani Pontificis promerenda; quam tamen nunquam assequi meruit; quousque nomen Joannis in sacrum indicem non restituit: quod tamen vivente Theophilo ipse præstare destitit, postea autem (ut dicemus) confestim implevit. De qua quidem necessario præstanda conditione hæc habet Theodoretus⁴: « Quin etiam isto excellenti totius orbis terræ doctore mortuo, episcopi Occidentis non prius cum episcopis Aegypti, et Orientis, et Bosphori, et Thraciæ communicare voluerunt, quam nomen illius sanctissimi viri in tabulis quibus nomina episcoporum mortuorum continebantur, retulissent. Atque Arsacium ejus successorem ne salutare quidem dignati sunt. Atticum autem, qui succedebat Arsacio, quique sæpe legatos ad eos miserat, sæpeque pacem postulaverat, postea tandem, cum Joannis nomen in tabulis scripsisset, receperunt ». Hæc ipse. Atque de his modo hactenus.

43. *Melania recedit ab Urbe.* — Hoc item anno, qui Urbis obsidionem præcessit, Melania Romana vidua, de qua sæpe superius mentio facta est, antiqui vaticinii ante annos quadringentos (ut ait Palladius) editi memor, distractis prædiis, una cum Melania nepte, Pinianoque ejusdem Melania viro, et Albina nuru, evasura cum illis imminentem Urbis cladem, Roma recedens, Hierosolymam se iterum contulit, ubi post dies quadraginta ex hac vita migravit: hæc ex Palladio⁵, qui et tradit, ejusmodi prophetico oraculo ab ea Romæ evulgato, atque sæpius inculcato, complures Romanorum

¹ Innoc. ep. XXIII. — ² Chrys. ep. CLXIII. — ³ Innoc. ep. XXVII. et sup. ep. VI.

⁴ Theod. I. v. c. 34. — ⁵ Pallad. in Lausiaca, c. 33.

civium Christianorum ad rerum temporalium contemptum inductos esse : consultius existimantes, amore Christi, spe supernæ retributionis prodigere in pauperes suas divitias, quam eas ad Barbarorum prædam relinquere : quo nomine, cum rei eventus verum probasset oraculum, immensas Deo gratias egere. Major quoque vis inerat ad hæc suadenda Melaniæ orationi, quod dictitaret (ut existimabat) una cum Urbe orbem pariter ruiturum.

44. Quod autem idem Palladius ait, una cum Melania recessisse Roma Melaniam juniorem ipsius neptem, et virum ejus Pinianum, necnon nurum Melaniæ Albinam : cognationem Melaniæ sic accipias. Filius ejus unicus illi relictus duxit uxorem Albinam, ex qua Palladius ¹ ait genitam esse Melaniam juniorem, senioris Melaniæ neptem, quæ in matrimonium collocata est Piniano, cujus socrus Albina fuit : quod vero ei inhaereret loco matris, S. Augustinus ² ad ipsam scribens, Pinianum ejus filium nominat, et frequenter his uti nominibus

consuevit. Hic rursum attende, diversam prorsus hanc Albinam nurum Melaniæ ab illa fuisse Albina matre S. Marcellæ, de qua sæpe sanctus Hieronymus ; quam ante plures annos ex hac vita migrasse, ejusdem S. Hieronymi testificatione didicimus. Quæ autem acciderint, cum hi, quos hoc anno ab Urbe diximus recessisse, in Africam traiecerunt, sequenti anno pro ratione temporis dicturi sumus. Sed hic Palladium corrige, dum ait Melaniæ filium valde juvenem comitatum esse proficiscentem Melaniam in Siciliam usque : nam quomodo valde juvenis, cum constet ante annos circiter quadraginta Melaniam seniore viduam esse relictam ? vel quomodo in Siciliam usque eam tantum comitatus, qui cum illis navigavit in Africam, ubi et defunctus est ? id constat ex litteris Augustini, atque Paulini, de quibus anno sequenti dicturi sumus : ex quibus longe verior de rebus gestis Melaniæ ac Piniani, et socio-rum historia accipitur, quam ex Palladio, qui nullam penitus de Africa habuit mentionem, quo hos omnes anno sequenti esse profectos liquet, atque ibi diutius commoratos.

¹ Pallad. in Lausiac. c. 33. — ² Aug. ep. CCXXVII.

Anno periodi Græco-Romane 5901. — Jesu Christi 408. — Innocentii papæ 8. — Honorii 16. et 14. Theodosii Jun. 7. et 1.

1. *Consules.* — Coss. *Anicius Bassus* et *Fl. Philippus* ex Epitaphio recitato a Reinesio in Syntagm. Inscript. pag. 943, prior Occidentalis, ut nomen ejus familiæ ostendit ; secundus Orientalis, idemque, ut videtur, cum *Philippo* prefecto prætorio Illyrici anno cdxxi ad quem Theodosius Jun. inscripsit legem 45 Cod. Theod. *De episcopis*.

2. *Moritur Arcadius imp.* — Ad num. 4. *Arcadium* imp. hoc anno vitam cum morte commutasse, inter omnes convenit ; sed de die ac mense mortis ejus controversia versatur : Zozimus enim lib. 5, pag. 811, ait mortem ejus accidisse *ante diem x kalend. Septembr.* Theophanes *XI kalend. Septemb.*, verum standum omnino Socrati tam in fine lib. 6 quam initio lib. 7. Theodoro lectori in fine lib. 2, et auctori Miscellæ, qui eum *kalendis Maii* vitam finitum tradiderit. Quod et ex Theoplane deducitur, qui ait *Arcadium* post patris Theodosii obitum *annis xiv, tribus mensibus et diebus xiv tenuisse imperium, postquam cum patre jam annis duodecim, potestatem exercuisset.* Ubi si loco *annis xiv*, legas *annis tredecim*, ut non dubito Theophanem scripsisse, habebis eum prima die Maii currentis anni supremum diem obtinisse ; cum die xvii mensis Ja-

nuarii anni cccxcv Theodosio Magno patri successerit. et Theophanes diem ejus emortualem, ut sæpe fit, excluserit. Quare hæc nota temporaria *XI kalend. Septemb.* in Theophanem intrusa, et Zozimus, quæ ad Stiliconem, *X kal. Septemb.* mortuum attinent, Arcadio perperam tribuit. Socrates, qui lib. 6, cap. 23, refert Arcadium post patris obitum annis xiv imperasse, ultimum annum incompletum pro completo numerat. « Theodosium filium octennem reliquit ad imperii consortium ante sex annos adseutum, Theodosio in imperatorem accepto soror ejus Pulcheria quindecim annorum virgo, Dei consiliis ac ductu, publicas res egregie administrabat », inquit Theophanes, sed quod ait de Pulcheria ad sequentes annos referendum, ut infra videbimus.

3. *Isidgerdes tutor Theodosii Jun.* — A num. 2 ad 7. Procopius lib. 1 de Bell. Pers., cap. 2, narrata Arcadii morte, ait : « Conscripto testamento, hæredem imperii filium, hujus tutorem instituit Isidgerdem regem Persarum. Supremis tabulis obsecrationum inseruit, eum enixe rogans, ut ad imperium Theodosio asserendum potentiam suam omnem providentiamque conferret, etc. Rex autem Persarum Isidgerdes magnitudine animi jam ante clarissimus,

cum oblatas sibi tabulas legisset, virtutis exemplum edidit mirum valde ac memorandum. Mandata enim Arcadii minime aspernatus, Romanos quandiu vixit, pace beavit altissima et imperium Theodosio conservavit ». Idem habent Agathias lib. 4, et Theophanes, qui addit Isdegerdem mox submisisse *Autiochum* virum moribus egregium et eximie eruditionis in pueri procuratorem et pedagogum, pacemque diu inter Romanos et Persas traductam, « Antiocho maxime plura pro Christianis scribente : atque ita Christiana lex per totam Persidem dilatata fuit », inquit Theophanes.

4. *Isdegerdes Christianos sui regni persequitur.*

— Is tamen persecutionem adversus Christianos in Perside degentes suscitatum fuisse scribit, non quidem hoc anno, ut habet Baronius, sed anno Incarnationis secundum Alex. cxi, qui kalend. Septemb. anni Dionysiani cxxii inchoatur : « Hoc eodem anno, inquit, Isdegerdes Persarum rex Marutæ primo Mesopotamiæ et Abdaæ regiæ in Perside civitatis episcoporum suasu ductus, in pietatem totus propendat : adeo ut visis Marutæ mirandis operibus baptismum jamjam suscepturus videretur : unde et Magos, ceu seductores, variis exagitabat suppliciis. Anno vero vicesimo (scilicet imperii sui) diem obiit extremum. Persecutioni porro ab eo suscitata causam dedit Abdaas regiæ Persidos urbis episcopus divino quidem zelo motus, at non eo ex rationis norma usus, ignis templum succendit. Eo cognito rex erectas per totam Persidos regionem Ecclesias everti jussit : Abdaam autem diversis afflixit tormentis. Persecutione ad quintum usque annum prorogata, plures, imo martyres innumeri declarati sunt. Latentes enim Christianos per urbes et vicos Magi venatorum more insequabantur. Christiani seipsos viris consularibus predebant, ne vel silentio Christum abnegasse viderentur. Quibus denum ad mortem hoc pacto quesitis, plurimi tormentorum vi neci traditi sunt : multi etiam ad Romanos transfugerunt.

5. *Isdegerdem Christianos persecutum esse et a quibusdam perperam negatur.* — Idem narrat Theodoretus lib. 5, cap. 39, de Abdaa, Marutæ tamen nulla mentione facta, atque hanc Isdegerdis persecutionem per plures annos propagatam esse : « Ac triginta jam annis elapsis permansit nihilominus, a Magis tanquam quibusdam ventis ac turbinebus suscitata ». Qua in re confirmat quod scribit Theophanes hanc scilicet persecutionem sub Isdegerde annos quinque durasse, ab anno nempe Christi quadringentesimo decimo quarto, usque ad mortem ejus, quæ anno cxxv contigit. Socrates quidem lib. 7, cap. 17, *Isdegerdem* Christianos in Perside degentes nullatenus fuisse persecutum litteris mandavit ; sed non dubito, quin hallucinatus fuerit ; cum Cyrillus monachus in Vita sancti Euthymii abbatibus a Patribus Benedictinis in Analectis Græcis nuper græce et latine publicata, disertis verbis asserat, Isdegerdem Christianos persecutum esse : « Initio, inquit, mota tunc persecutionis in Perside circa

finem regni Isdegerdis Persarum regis, cum Magi omnes Christianos capere vellent, subditorum Sarcenorum prefectos ubique viarum constituerunt, ne quis Christianorum in Perside degentium ad Romanos confugeret, etc. » Porro Cyrillo scriptori accuratissimo omnis fides hac in re habenda, ideoque dubium non est, quin Socrates deceptus fuerit, licet Baronius anno cxxv, num. 16, hoc in suspensio relinquat. Non dubium etiam, quin hæc persecutio sub finem regni *Isdegerdis*, seu anno Christi cxxiv caperit ; cum Theophanes et Cyrillus uno consensu id scribant. Sed quod de *Marutha* episcopo ex Socrate citato narrat Baronius, in dubium revocari non potest ; cum Theophanes et Nicephorus lib. 14, cap. 18, id etiam in litteras miserint. Verum quod Baronius num. 4 ex Sozomeno lib. 9, cap. 4, habet, nempe Persas *centum annorum inducias cum Romanis* pepigisse, contigit sub Vararane, annoque Christi cxxii, ut ibidem videbimus. Certum enim et indubitatum, *Isdegerde* regnante, pacem Romanos inter et Persas semper durasse, licet is sub finem vite Christianos in Perside persecutus fuerit. Quæ diligenter explicare placuit, quia video recentes Historicos hæc non satis distinxisse. Colitur *Marutha* in Martyrologio Romano die iv Decembris ; *Abdaas* vero episcopus fuit *Susa*, urbis etiamnum amplæ Persidis, quæ Susianæ regionis caput et regia erat, ut anno cxxvii videbimus. Factum *Abdaæ*, a quo persecutio exorta, narrat Baronius ex Theodoretis anno cxxv, num. 18, quod tamen ad annum cxxiv pertinet, ut ex dictis liquet. Theodoretus enim quod a nemine hactenus observatum anno primo Vararanis Isdegerdis filii, uno tenore persecutionem narrat, quæ tamen jam cepta fuerat ab Isdegerde patre anno cxxiv.

6. *Stilico Honorii jussu interficitur.* — A num. 7 ad 18. Zozimus lib. 5, pag. 806 et seq. pluribus narrat mortem *Stiliconis* Honorii imper. jussu interfecti, atque eam accidisse *ante diem x kalend. Septemb., Bassi Philippique consulatu*. Refert autem Stiliconem, postquam Arcadium demortuum intellexisset, cupisse in Orientem proficisci, resque Theodosii constitutere ; sed cum Honorius idem iter suscipere cogitaret, hunc ab hoc consilio Stiliconem deterruisse, in medium producta sumptuum in itinere faciendorum mole. « Præterea ne quidem ei licere per Constantinum rebellionem ait, ut ab Italiæ, atque ipsius Romæ cura longius abscederet : quando jam perduellis ille Constantinus universam Galliam percurrisset et Archetæ degeret. Ad ista, quæ tamen adquirendam præsentiam providentiamque principis omnino sufficerent, Alarici quoque, tantis cum Barbarorum copiis, adventum accedere, barbari sane hominis et infidi ; qui si reperiat Italiam ope destitutam, prorsus eam invasurus sit ». Addit Zozimus, qui cum paucissimis aliis Stiliconi favet, Honorium consilium Stiliconis judicasse optimum, ut in perduellem *Alaricus* expeditionem susciperet, et ipse *Stilico* Orientem adiret. Verum cum Honorius tandem accepisset, Stiliconem Barbaros in Roma-

num imperium immisise, et de *Eucherio* filio imperatore renuntiando cogitare, eum occidendum mandavit: « Omne insidiarum genus adversus imperatorem struxisse », ait Photius in Excerptis Philostorgii lib. 42, cap. 2, « Stiliconem; nec ob id saltem reveritum esse, quod generum illum haberet, data illi in matrimonium filia; sed potionem ei præbuisse, qua sobolis facultas adimeretur. neque illud animadvertit, sed dum Eucherium filium imperatorem contra jus fasque renuntiare studeret, nepotem cui successionis jure imperium debebatur, ante adultum florem succidere ac perdere. Porro Stiliconem adeo manifeste ac sine ullo metu tyrannidem exercuisse scribit (nempe Philostorgius) ut etiam nummos perculeret, in quibus præter ipsius effigiem nihil decrat. Interfecto Stilicone, Barbari qui una cum illo erant, assumpto ejus filio statim abscesserunt. Cumque Romam appropinquassent, huic quidem permiserunt, ut in templum quoddam, quod jure asyli fruebatur, confugeret. Ipsi vero cuncta, quæ circa Urbem erant, vastarunt », eamque cum Alarico obsidione cinxerunt, et quidem hoc anno, non vero insequent, ad quem eam obsidionem Baronius, aliique passim cum eo differunt, ut ibidem demonstro.

7. *Varie leges post mortem Stiliconis datæ.* — Post *Stiliconis* interitum varie leges ab Honorio imp. hoc anno datæ, in Codice Theodosiano recitate. *Idibus Septemb. Mediolani* emisit legem 4 *De indulgentiis debitorum*, qua Italiam ab annonariæ functionis munere, et a glebali pensione absolvit. Erat autem glebali pensio, ea quam senatores glebæ seu possessionum snarum nomine præstabant, quia nempe Rhadagaïso et Alarico ab Italiæ ingressu propulsandis, ingentibus ibidem exercitiis positis, Italia maxime afflicta, attritaque fuerat. Præterea *quarto id. Decembris* dedit legem 4 *De littorum et itinerum custodia*, quia nempe cum *Stilio* littora et portus crebris valasset excubiis, ne cuiquam ex Oriente ad Occidentem pateret accessus, effecerat, ut rarior esset diversarum mercium commectus: quare Honorius perniciosam illam custodiam sustulit. *VIII kalend. Octob.* dedit legem 20 *De bonis proscriptorum*. VIII kal. Novemb. legem 21 ejusdem tituli, et *X kalend. Decemb.* legem 22 ejusdem etiam tituli, quibus non modo *Stiliconis*, filique *Eucherii*, sed et Satellitum aliorumque, qui *Stiliconi* adhæserant, bona proscribuntur, ejus rei peragenda negotium *Heliocæti* datum memorat Zozimus citatus, qui addit, eum huic inquisitioni remissus incubuisse, et multis etiam clam auctorem fuisse, ut *quæcumque possent, occultarent*: eaque de causa vitæ periculum incurrisse: verum asylo Ecclesiæ sibi consuluisse. *X kal. Oct.* emisit legem 20 Cod. Theod. *De pænis*, qua satellites, socii, et conscii, ceterique, quibus *Stilio* usus erat, quive cum jurerent, Urbis Romæ ingressu, tum etiam ejus urbis, in qua imperator hæreret, puta Ravennæ aut Mediolani, interdicti fuere; ne forte calentibus adhuc partium animis, novas factioni faces subderent. Imo

beneficarii *Stiliconis*, id est, qui testimoniales emeritæ militiæ suffragio *Stiliconis*, vel ejus satellitum meruerant, ejusdem urbis ingressu et comitatu principis interdiciuntur lege ult. Cod. Theod. *De testimoniali*.

8. *Olympius necis Stiliconis auctor.* — Ad hæc *XVIII kalend. Decemb.* Honorius dedit legem Cod. Theod. 42 *De hæreticis*, ad *Olympium* magistrum officiorum et Valentem comitem domesticorum inscriptam, qua militia palatina, intra scilicet palatium ipsum principis constituta, Catholicæ sectæ inimici, id est, tum hæretici tum Pagani prohibentur. Cum enim *Stilio* Paganorum opera, ac maxime intra palatium constitutorum, filium *Eucherium* Paganum et Christianorum persecutionem meditantem in imperium evehere, resque novas moliri in animum induxisset, caso *Stilicone*, visum Honorio Paganos a militia palatina et palatio submovere, tum securitatis inposterum, tum etiam pietatis studio. Mox tamen hanc legem abrogatam fuisse testatur Zozimus lib. 5, pag. 821, ubi et ejus rei occasionem memorat. Porro *Olympium* e Ponto Euxino oriundum, ut Zozimus et *Olympiodorus* scriptores Gentiles conviciis prosciunt; ita beatus Augustinus ob Christianæ et Catholicæ fidei zelum, quo præditus erat, multis laudibus exornat. Hic est cujus opera *Stilio* proditiōnis reus apud Honorium factus et cæsus est, uti iidem Zozimus et *Olympiodorus* testantur. Qui magister officiorum eo interfecto factus, ejus arbitrari universæ res palatinæ administratæ sunt, teste eodem Zozimo. Quæ causæ Augustino ad eum scribendi Epistolam xcvi, alias cxxiv, et Epistolam xcvi, alias cxxix, Alaricianæ in Italiam et Romanæ incursionis causam ei Zozimus pag. 812 et 818 ascribit, et pag. 820 ait eum in occursum *Ataulfo* missum Gothos ac interfecisse, xvii duntaxat amissis, tandemque ab eumultis palatinis accusatum apud Honorium, quasi auctorem eorum casuum, qui Reipublicæ adversi acciderant, magistratu dejectum esse. Addit *Olympiodorus*, eum postea iterum magistratu potitum, rursum privatum fuisse; et tandem fustibus a *Constantio* Placidie marito tractatum occubuisse.

9. *Honorius post Stiliconis mortem insectatur hæreticos.* — Ad num. 24 et seq. Honorius *XVIII kalend. Decemb.* dedit legem Cod. Theod. 43 *De hæreticis, et die viii kalend. Decemb.* legem 44, quibus confirmat superiores a se latas constitutiones, in Donatistas, Manichæos, Priscillianistas, Gentiles, et Calicolas, et quidem per præfecturam prætorianam Italiæ, ac nominatim Romæ, quod *Montensianum* nomen in lege 43 memoratum ostendit: ii enim nonnisi Romæ fuere. Donatistæ autem *Montenses* Romæ dicti, quod Romæ primum Ecclesiam suam in monte habuerint. Dicitur prior lex *data Romæ*, id est, reddita, cum Honorius hoc tempore Ravennæ consideret. Præterea emissa nominatim pro Africa lex 44, cum inscribatur *Donato*, qui hoc tempore proconsul Africæ erat, ut liquet ex lege 19 Cod. Theod. *De pænis*. Harum legum ferendarum

hæc occasio fuit. *Stilicone* cæso, illico hæretici et pagani jactare ceperunt leges adversus se latas de idolis confringendis et hæreticis corrigendis, vivo *Stilicone* missas, ac nominatim in Africam non ex voluntate *Honorii* constitutas, verum eo nesciente vel nolente, quod disertis verbis scribit Augustinus Epist. xcvii quæ alias erat cxxix, recitata a Baronio num. 19 et seqq., unde eas irritas esse putabant, et intendebant cum cæteris *Stiliconis* actibus pariter rescindendas. Quin et hac occasione in Catholicos insurrexere, vimque eis intentavere. Ideo et privatim et publice eas leges confirmari Catholici illi petiere. Nempe Patres Africani hoc anno *III idus Octob.* legationem ad Honorium destinavere contra Paganos et hæreticos. Episcopi privatim ad comitatum profecti, et Augustinus quoque privatum eo fine ad *Olympium* citatam Epistolam dedit, ex qua liquet de illis Gentilibus et Hæreticorum post casum *Stiliconem* molitionibus, de privatorum querelis, et ad comitatum profectio, de legatis ex Africa militandis ad Honorium, et de celeritate adhibenda. Qua de re plura Gothofredus in illius legis commentario.

10. *Insectatur Gentiles in Italia et Africa.* — Dedit etiam Honorius *XVII kalend. Decemb.* legem 19 Cod. Theod. de *Paganis*, qua quinque ad eradicandam superstitionem Gentilitiam constituit per præfecturam prætorianam Italiæ, ac nominatim per Africam. Primo, *amonas templorum* ad annonam militarem transfert. Erant templorum vecligalia, quæ epulis et sumptibus conviviorum, ac ludorum Gentiliorum, hoc ævo adhuc depntabantur. Secundo, *simulacra*, quibus cultus adhuc impendebatur, evelli jubet, non tantum in templis; verum ubique ea essent, veluti in lucis vel in arboribus, quod Patres Africani decreverant Canone LXXXIV Cod. Afric. Tertio, *aras* ubique destrui. Quarto, *templa publica* usibus publicis vindicari. Quinto, *convivia et ludi* Gentilitii prohibentur; in his enim quinque et per hæc stabat hoc adhuc ævo Pagana superstitio; quæ omnia ideo adimi, defrabi, et inhiberi voluit Honorius. Et quod notandum, hos Gentilitios ritus prohibendi curam maxime Ecclesiasticis injungit, eisque ad id assequendum facultatem tribuit. Haud absimiliter Concilio Suessionensi sub Pippino Francorum rege: « Unusquisque episcopus in sua parochia sollicitudinem habeat, ut populus Christianus paganismum non faciat ». Inscripta est autem hæc lex *Curtio præfecto prætorio*, nempe Italiæ, quam Gothofredus summa eruditione commentatus est.

11. *Qua omni tempestate lex 19 de Paganis data.* Porro legem hanc 19 de *Paganis*, quæ dicitur *data XVII kalend. Decemb. Romæ, Basso et Philippo coss.*, Romæ non emissam, sed propositam fuisse, ex eo manifestum est, quod *Honorius* hoc tempore Ravennæ ageret ut anno cccxcix, num. 43 et seqq. jam diximus, cum locuti sumus de facinore a Paganis Calamensibus perpetrato, ubi ea lex in Numidia, in qua *Calama* sit¹, publicata est. Mensis quidem quo

ea data obscurus; sed cum *Possidius* Calamensis episcopus post illud facinus a Paganis commissum profectus sit ad Honorium imp. et Augustinus in Epistola civ, alias ccxiv, ad Nectarium (qui ab eo petierat, ut venia civibus suis tribueretur, iterumque eadem de re ad Augustinum rescripserat) dicat num. 1: « Ego rescripseram, eum adhuc nobiscum esset, neque navigasset sanctus frater, et coepiscopus meus Possidius. Has autem, quas mei causa illi dignatus es reddere (priorem sc. Epistolam Nectarii, quæ inter Augustinianas ordine est xc, alias cc) accepi VI kal. April. post menses ferme octo, quam scripseram », apparet primo, *Possidium* mense Julio currentis anni adhuc in Africa cum sancto Augustino fuisse, indeque in comitatum profectum esse, ideoque et laudatam legem ante eum annum latam; cum ejus publicationis occasione Pagani Calamenses in Catholicos sævierint, et quidem initio mensis Junii, ut diserte docet Augustinus in Epistola xci (quæ alias erat ccv), num. 8. Apparet secundo, *Augustinum* in Epist. civ laudata loqui de die sexto kal. April., seu de die xxvii Martii anni quadragesimi noni, eoque anno eam Epistolam civ certo datam esse. Neque enim Augustinus loqui potest de die xxvii Martii anni cxi, cum in Concilio Carthaginensi eo anno *XVIII kal. Julias* celebrato *Possidius* cum tribus aliis episcopis legationem ad imperatorem suscepit contra Donatistas, ut videre est apud Baronium anno cxi, num. 47. Quare sub finem mensis Martii anni cxi *Possidius* adhuc in Africa erat. Apparet tertio, *Possidium* mense Martio anni cxi nondum ex Italia in Africam reditum fuisse; cum Augustinus in citata Epistola civ, num. 1 innuat, eum tunc adhuc in comitatu fuisse, sequè ignorare, an aliquid adversus *Calamenses* ab imperatore impetrasset. Apparet denique, duas *Possidii* legationes omnino distinguendas esse, quarum prior occasione flagitii Calamensis hoc anno suscepta; posterior vero anno cxi, quo a Concilio Carthaginensi eum ad imperatorem missum fuisse diximus. Quæ præmittenda fuere, ut Epistole inter Augustinianas xciv et xcvi, quarum epœchæ valde controversæ, anno sequenti certius suo tempori reddi possint.

12. *Ac Calicolas in Africa.* — Epistola Augustini *Eleusio, Glorio*, et aliis scripta, quæ alias erat clxiii, nunc vero xliii, in qua *Calicolarum* meminit, quemadmodum et Epist. xliii, quæ alias erat clxi, pertinent ad annum Christi cccxcvii aut insequentem: quod novi Editores Operum sancti Augustini ex eo conjectant, quod in Epist. xliii Optati Thamugadensis tyrannidem summa dicendi libertate commemorat, iisque verbis quæ illam nondum desiisse innuant. Desiit autem anno cccxcvii, postquam annos decem durasset. Lex vero Cod. Theod. 10 *De Judeis*, quæ Honorius *Calicolis* anni spatium indulget ad Catholicam fidem amplectendam, alioquin eadem pena puniendis cum hæreticis, data est anno sequenti *Honorio VIII et Theod. III coss.* Altera ejusdem legis pars, quam Baronius de Cal-

colis interpretatur, se junctum caput a priore constituit, neque in ea de Cælicolis agitur: præcorum enim principum leges Allegat Honorius; quæ in Cælicolas non conveniunt; cum novam superstitionem induxissent. Præterea Baronius perperam scribit, *Cælicolas* magistratus sibi constituisse, quos *Majores* nominabant; quod deducit ex rescripto Constantini Magni, seu ex lege 3 Cod. Justin. *de Judæis*, ubi dicitur: « Hæc verba Judæis, et Cælicolis, et majoribus eorum, et patriarchis volumus infirmari, etc. » ubi patriarchas ad Judæos. ad Cælicolas vero majores spectare credit Baronius. Non enim tantum Cælicola, sed etiam Judæi *Majores* habuerunt, ut liquet ex Lege 1 Cod. Theod. *de Judæis* anno cccxv data, quæ his verbis incipit: « Judæis, et majoribus eorum, et patriarchis volumus infirmari, etc. » Erant majores Judæorum discipline et modestiæ eorum inspectores, et quotidianis eorum actibus præerant. Quare erant pars Synedrîi Judæici, et iidem cum iis, qui *Proceres Judæorum* vocantur in lege 10 Cod. Theod. *de Judæis*. Quæ omnia Golthofredo citato observata, qui monet, quod Cælicolarum mentio sit in lege 3 Cod. Justin. *de Judæis*, quæ alioquin Constantinum Magnum auctorem habet, et desumpta est ex lege 1 Cod. Theod. *de Judæis*, id a mala Tribonianî vel librarii manu esse, ut docet lex 1 Cod. Theod. *de Judæis*, unde illa desumpta est.

13. *Qui fuerint Cælicolæ*. — Quinam fuerint *Cælicolæ*; anxie hæcenus inquirunt. Baronius *Cælicolas* fuisse credidit, eos qui ex Christiana fide ad Judaismum transibant, siquæ eos inter apostatas numerat. Verum Golthofredo in Comment. citata legis 19 *de Judæis* hanc sectam, cujus rara apud Antiquos mentio, melius agnovisse videtur. Ait itaque, eos sub Honorio imp. primum exortos, idque docere tres ejus leges contra *Cælicolas* emissas, puta leges Cod. Theod. 19, 43 et 44 *De hæreticis*, in quibus Honorius ait, Cælicolarum nomen *inauditum* quodammodo *novum crimen superstitionis* vindicare, et eorum dogma *novum* illorumque audaciam *novam* atque *inusitatam* appellat. Cælicolas vero in Africa fuisse, expresse asserit lex Cod. Theod. 44 *De hæreticis*, quæ Donato proconsuli Africa inscribitur: quod et docet Augustinus sub finem Epistolæ cxxiii, quæ novo ordine est xlv. *Cælicolas* Judæorum appellatione latius accepta designat Honorius dicta leg. 44 *de hæreticis*: qua nempe ex Judæis orti, et quadamtenus apostatæ, novi atque inusitati dogmatis Catholicæ fidei sacramenta turbarent. Secundo eos hæretici affines fuisse docent duæ de his leges Cod. Theod. *de hæreticis* 43 et 44, et in lege citata 19 *de Judæis* quoad pœnas cum hæreticis copulantur. Tertio, *Cælicolæ* cum Donatistis nominatim inter alios hæreticos conjunguntur dictis LL. 43 et 46 *de hæreticis*. Quarto, Christianos sese esse simulasse docere videtur dicta L. 43 *de hæreticis*: *quævis*, inquit, *Christianos se esse simulent*. Quinto, Catholicorum communionem refugisse dicta L. 43 testatur. Catholicæ sectæ contrarium aliquid

adversumque tentasse dicta L. 44 a fide Christianorum discrepasse, lege 19 citata generalius quoque ostenditur. Item peculiare a Catholicis conventus habuisse dicta L. 43. Denique circa Catholicæ fidei sacramenta hanc superstitionem versatam, docet pariter ut Donatistarum hæreticorum dicta L. 44, quod, inquit, *Catholicæ fidei velint sacramenta turbare*, et Augustinus Epistola laudata nominatim circa *baptismum* superstitionem eorum versatam scribit.

14. *Cælicolæ medii inter Judæos et Christianos*. — Ex quibus tandem conficit Golthofredo, Judaica et Christiana religione commixta fuisse hanc superstitionem, ac quamdam miscellam: et ipsos procul dubio *Judæos*, Sacramentis Ecclesiæ catholicæ perturbatis, sic tamen ut se Christianos simulant. Quare perperam existimavit Baronius, *Cælicolas* eos fuisse, qui ex Christiana fide ad Judaismum transirent; alioquin eorum dogma *novum* non diceretur, aut eorum crimen *novum crimen superstitionis*, cum Judaismus non esset dogma novum, aut novum crimen superstitionis. Denique in titulo viii lib. 16 Cod. Theod. Cælicolæ a Judæis aperte separantur: Titulis enim his verbis conceptus est: *de Judæis, Cælicolis, et Samaritanis*. Neque quidquam facit quod Baronius addit, ideo Cælicolas potius dici se voluisse, quam Judæos, ut Judaicum tantum nomen, cunctis abominabile evitare. Id enim est quod negatur. Quantum igitur conjicere licet, *Cælicolæ* fuere quasi medii inter Judæos et Christianos: Deum cæli et utriusque Legis sacramenta adsciscabant, Circumcisionem et Baptismum, unde et *novus baptismus* eis tribuitur ab Augustino in Epistola citata. Sic *Nazæeorum* hæresis miscella quedam fuit: volebant enim esse Judæi et Christiani; cum et Dei filium confiterentur esse Christum, et omnia veteris Legis observarent, et circumcisionem Judæorum haberent, simul et baptismum Christianum, ut tradunt Augustinus et Hieronymus.

15. *Solemnitas Judæorum in contemptum religionis Christianæ*. — Ad num. 29 et seq. Theodosius Jun. lege Cod. Theod. 18 *de Judæis a contemptu Christianæ religionis festivitates et solemnitas seu solemnitates et celebritates Judæorum vindicat*. Hæcenus ritus suos retinere Judæis permissum, dummodo infra contemptum legis Christianæ consistere. Quod tamen facere solitos fuisse, notum est ex libro Estheris Amanis supplicium, in eo ipso patibulo, quod *Mardocheo* paraverat: post quod supplicium deinceps *Judæorum* salus in tuto locata. Quare in hujusce rei memoriam instituta festivitas xiv et xv mensis duodecimi Adar, qui Februarius et Martio respondet; quam *Purim*, id est, sortium dixere. Festum illud cum gaudio, jocis et convivii celebratum, sicut bacchanatia Judæorum essent ut et hodie sunt. Inter cætera solemnia jocosque laudata lex docet *Judæos* solitos ad pœnæ recordationem Ananem incendere, et adsimulatam sanctæ Crucis speciem, seu patibulum quoddam exurere; præ se quidem ferentes Judæi, id fieri ad recorda-

tionem pœnæ *Amanis*, publici quondam hostis sui, interim vero et *sacrilega mente*, ut ait imperator, et in contemptum *Christianæ fidei* et per hoc Christo velut alteri hosti gentis suæ, illudentes, utpole Cruce exusta, in qua Salvator noster pendit. Quod si Judæi ab hujusmodi non temperaverint, eos hæcenus permissa amissuros *Theodosius* demittit.

16. *Moritur Porphyrius episcopus Antiochenus.* — Ad num. 30 et seq. *Porphyrius* episcopus Antiochenus anno quadringentesimo decimo tertio e vivis excessit. Theodoretus enim lib. 3. cap. 5, de Alexandro, ejus successore, et de Antiochenæ Ecclesiæ dissidio scribit: « Quinque et octoginta annos permansit (nempe dissidium) usque ad episcopatum Alexandri, qui distracta Ecclesiæ membra reliquo corpori adunavit ». Illius autem dissensionis initium desumi debet ab *Eustathii* Antiocheni episcopi depositione, quæ facta est regnante Constantino Magno anno trecentesimo vicesimo octavo aut circiter; ab eo enim tempore *Eustathiani* separatos conventus habuere. Si itaque anno cccxviii annos octoginta quinque addideris, pervenies ad annum Christi quadringentesimum decimum tertium, quo *Alexander* Ecclesiam Antiochenam regendam suscepit. Nicephorus quidem in Chronico tribuit annos xxx *Porphyrio*, sed manifesto librorum errore scriptum, $\xi\tau\alpha \lambda'$, loco $\xi\tau\alpha \iota$, id est, *annis* xxx, loco *annis* x. Quare cum *Porphyrius* anno civ pontificatum Antiochenum inierit, illum tenuit usque ad annum cxxiii, aut forte insequentem. Sed quia Baronius præfatam dissensionem ab anno cclxii, quo *Paulini* ordinatio contigit, exordiam arbitratu est, perperam arguit *Theodoretum* scribentem hoc dissidium durasse annos lxxv, mortem *Porphyrii* hoc anno consignavit, et Antiochenorum pacem, ac litteras Innocentii papæ, hujus pacis auctoris hoc anno, loco non suo recitavit.

17. *Innocentius PP. Atticum ad communionem non recipit.* — A num. 40 ad 43. Cum sanctus *Atticus* episcopus Constantinopolitanus Chrysostomi nomen falsa persuasione adductus, diptychis sacris non inscriberet, frustra *Maximianus* unus ex episcopis Macedoniæ apud Innocentium papam instituit, ut ad Atticum litteras communicatorias daret. *Maximiani* litteras recitat Baronius. Verum eæ post annum cxxiv datæ, ut ibidem demonstrabimus.

18. *Melania in Siciliam secedit.* — Ad num. 43 et seq. Agemus anno sequenti de protectione *Melaniæ* senioris, ejusque familie in Siciliam, indeque in Africam, ut quæ ad eandem spectant, uno tenore explicemus.

19. *Augustinus censet leges principum adversus hæreticos statui posse.* — Hoc circiter anno Augustinus refellens Epistolam *Vincetii* et schismate Rogatiano episcopi Cartennensis, dicit visum sibi fuisse aliquando, non vi cum hæreticis, sed verbo Dei et ratione agendum; verum sententiis aliorum exemplisque superatum mutasse sententiam, et arbitrari leges principum recte implorari adversus

hostes fidei, modo id fiat animo corrigendi, non studio vindicandi. Quam in rem multas egregias rationes in medium profert: « O si possem, inquit, tibi ostendere, et ipsis Circumcellionibus quam nullos jam Catholicos manifestos habeamus, damnautes suam pristinam vitam, et miserabilium errorem, quo se arbitrabantur pro Ecclesia Dei facere quidquid inquieta temeritate faciebant: qui tamen ad hanc sanitatem non perducerentur, nisi legum istarum, quæ tibi displicent, vinculis tanquam phrenetici ligarentur. Quid illud alterum genus morbi gravissimi eorum, qui turbulentam quidem audaciam non habebant, sed quidam vetusta scordia premebantur, dicentes nobis, verum quidem dicitis, non est quod respondeatur; sed durum est nobis traditionem parentum relinquere: nonne salubriter regula temporarium molestiarum excutiendi erant, ut tanquam de somno lethargico emergerent, et in salutem unitatis exvigilarent? Quam multi ex ipsis nunc nobiscum gaudentes pristinum pondus perniciosi sui operis accusant, et fatentur nos sibi molestos esse debuissse, ne tanquam mortifero somno, ita morbo veteris consuetudinis interirent ». Hanc autem Epistolam ordine xxi, alias xlviii, hoc anno datam, inde colligunt Patres Benedictini, quod in Collatione Carthaginiensi anno cxxi habita, altum ubique sit de ea silentium, et Augustinus nullum verbum faciat, nec de Honorii rescripto sub finem sequentis Christi anni dato, neque de iis, quæ a Silicionis necesse statim accidere.

20. *Galli et Britanni a Romanis deficiunt.* — *Constantinus*, qui anno superiori tyrannidem in Britannia arripuit, et ex ea in Galliam trajecit, universumque militem Gallum et Aquitanum ad suas partes pertraxit, rebus in universa Gallia constitutis, *Constantem* filiorum nato maximum, Cæsarem declaratum, in Hispaniam ablegavit. Ibi *Verenianum* et *Didymum*, qui ei fortiter restiterant, cepit, et ad Constantinum patrem perduxit, ejus jussu intercepti sunt. Inde rursus in Hispaniam *Constantis* a patre mittitur. Verum cum Barbari agente *Gerontio* duce adversus Constantinum rebellassent, ii « tum incolas insule Britannicæ, tum quasdam Celticæ nationes redegerunt, ut ab imperio Romano deficerent, et Romanorum legibus non amplius obediētes. arbitrato suo viverent. Itaque Britanni, sumptis armis et quovis adito pro salute sua discrimine, civitates suas a Barbaris imminentibus liberarunt. Idem totus ille tractus Armoricus, cæteraque Gallorum provincie Britannos imitæ, consimili se modo liberarunt, ejectionis magistratibus Romanis et sua quadam Republica pro arbitrio constituta », inquit Zozimus lib. 6, pag. 824 et seqq. Porro *Didymus* et *Verenianus* fratres patriam adversus tyrannum et Barbaros tueri moliti sunt, inquit Orosius lib. 7, cap. 28, sed iis anno sequenti, ut tunc videbimus, interceptis, *Hispania* in prædam cessit et Barbaris et militibus Romanis. Urbes vero Galliarum, quæ hoc tempore jugum Romanorum excus-

sere, postea a Clodoveo Francorum rege sensim occupatæ sunt.

Alia hoc anno gesta. — Roma hoc anno ab Alarico Gothorum rege obsessa. ut sequentis initio

videre est. Hieronymus scribit Commentarios in Isaiam, ut anno sequenti num. 3 dicitur. Melania senior cum sua familia in Siciliam fugit. Ibidem.

INNOCENTII ANNUS 8. — CHRISTI 409.

1. *Eucherius et Serena occiduntur.* — Quadringentesimus nonus Domini annus consulatu Honorii octavo, et Theodosii tertio inchoatur, quo ab Alarico Gothorum rege Roma obsidetur¹: qui enim Stiliconi addictissimus erat, cujus et occultis, et interdum etiam manifestis studiis fovebatur, ob necem ejus, et ipsi faventium magistratuum nonnihil commotus in imperatorem, exercitum in Urbem movit, quam diu ante sitiverat. Cum interea Eucherius filius Stiliconis detentus captivus ab Arsacio atque Terentio eunuchis, mandato Honorii interfecit: itemque Thermaxia ejusdem Stiliconis filia, uxor Honorii post Mariam, restituitur Serenæ matri Romæ agentis. Horum vero Eucherii interfectionum priori tradidit cubiculi præfecturam, posteriori vero proximum locum idem imperator tribuit. Quam justo Dei judicio, vindicæ imperatoris gladio, Eucherius occisus sit, præter ea quæ superius dicta sunt, accipe ex his quæ Orosius ait²: « Occisus est et Eucherius, qui ad conciliandum sibi favorem Paganorum, restitutione templorum, et eversione Ecclesiarum inbuturum se regni primordia minabatur ». Hæc Orosius. Sed et illud accessit ad absolutam interfectionem Stiliconis propinquorum, quod Serena ejus conjux, Theodosii quondam soror, ex senatusconsulto, jubetur interfici, admittente Placidia Honorii Augusti germana, eo nimium prætextu, quod in suspicionem adducta esset, ejus nutu Barbaros ad Urbis obsidionem se contulisse: ratis mirum senatoribus, postquam Serena foret e medio sublata, illos pariter soluturos obsidionem, ablata spe de proditione Urbis ab ipsa parata. Sic igitur, laqueo fracta cervice, Serena percussa est; sed Alaricus tamen minime ab Urbis obsidione discessit. Deditse autem meritis Serenam penas, quod eodem quo Stilico insano ardens amore creandi filii imperatoris, eadem cum illo strueret imperio

fratris insidias, omnes affirmant, licet Zozimus Ethnicus ad justam numinis vindictam Serenæ necem accommet, id scilicet passam esse, quod aliquando e Rhæti simulacri collo mundum pretiosum abstraxisset, suæque cervici colligasset; de quibus nos superius suo loco.

2. *Urbis obsidionem auro solvunt Romani.* — Cum autem obsidio arctior perduraret, fame pestique populo Romano vexato, interclusis omnibus comitatibus, vi adacti sunt Romani intus obsessi, ut auro pacem redimere quærirarent: factumque tandem, ut persolutis quinquies mille libris auri, et tricies mille libris argenti, quater mille tunicis sericis, ter mille pellibus coccineis, piperis pondere, quod ter mille libras æquaret, Alaricus his acceptis, abscesserit. Porro quod ærarium esset exhaustum, et privatorum opes haud in promptu essent ad dictam summam præscriptam auri, et argenti perticiendum; decretum est spoliari deorum simulacra auro et gemmis, quibus recens fuerant exornata. Deplorat hæc scribens Zozimus, ubi ait³: « Quod deerat ad conticiendum præfinitum auri librarum numerum, mundo supplere statuebant, quo erant exornata deorum simulacra: quod sane nihil aliud significabat, quam simulacra sacris ritibus atque caerimoniis dedicata, mundoque decenti exornata, propterea quod Urbis felicitatem perpetuam conservassent, his ipsis caerimoniis nonnihil abolitis, esse inania prorsus, et inefficacia. Quod denique cuncta quæ tenderent ad Urbis interitum, oporteret undique concurrere: non ornamenta dumtaxat sua simulacris ademerunt, verum etiam nonnulla auro, et argento facta conlarunt: quorum erat in numero Fortitudinis quoque simulacrum, quam Romani virtutem vocant: quo sane corrupto, quicquid fortitudinis atque virtutis apud Romanos superabat, extinctum fuit: id quod ex eo tempore futurum

¹ Zozim. l. v. — ² Oros. l. vii. c. 8.

³ Zozim. l. v.

homines rebus divinis, et ritibus patriis exerciti prædixerunt ». Hæc Zozimus in Christianorum invidiam exaggerans, quæ in idololatrarum obstinatissimam pertinaciam fuerant convertenda.

3. Tu vero, lector, quam justo et aqua lance librato divino iudicio id acciderit, in mentem revoca. Quid enim profuit Christianorum inimp. sanctionibus, et sæpe promulgatis edictis, iteratisque crebro rescriptis, claudi templa, aras disjici, atque simulacra confringi jussa fuisse : cum tamen omnibus his contemptis, ac pro nihilo habitis, tantum abfuit ut a simulacrorum cultu se abstinerint, quod perfractis idolis, alia pretiosiora suffecerint, atque omni genere ornamentorum nobilitarint, insuper et ipsa deorum simulacra haberent auro, et argento conflata ? quorum obduratæ ad impietatem mentis non est opus e longe petita exempla accersere. Nam ante ferme quam editum, antiquatum fuit ejusdem imperatoris edictum, et inefficax prorsus redditum, quod anno superiori (ut vidimus) ad Theodorum ¹ præfectum prætorio datum est XVII kal. Decembris; quo jubebantur annonæ et templis deorum auferri, simulacra convelli, destrui aræ, fiscoque ipsa adscribi templa : quæ omnia, favente Gentilibus Eucherio, derisa atque delusa, cassaque penitus reddita sunt.

4. At non est humanarum virium, divinum consilium irritum reddere, et imperium evitare; vel Deum falli, et divina decreta cludi posse, putare. Ut cum ad hoc Christus Dominus noster venisset in mundum, ut dissolveret opera diaboli ², et, quod a sacris valibus crebrius fuerat decantatum, idololatriam penitus aboleret; hi crediderint Dei consilium posse dissolvi : Quid rogo, cum Romanis idolorum cultoribus faciendum fuit, ut inviti licet divinæ obtemperarent voluntati, qui jam imperatorum edicta contempserant ? nisi eo necessitatis illos adigere, ut a Barbaris coactati, ipsi præstarent, quod rogati vel jussi a Christianis principibus ac divinæ legis antistilibus facere contempsissent ? Quam par fuit, ut qui Christianis imperatoribus parere renuissent, cogerentur a regibus Barbarisque jussa capessere, et implere ? Ut plane quisque recto mentis obtutu ista considerans, perspicue illud intelligat, ad hoc Barbaros immissos in Urbem vindices, ut altis fixam radicibus idololatriam funditus extirparent : indeque factum (quod dictum est superius) ut non siverit Deus alios Barbaros, quam Christianos ista perficere, obtrito penitus divino miraculo Rhadagaiso deorum cultore; qui si in Urbem aditus sibi patuisset, abolito Christiano nomine, deorum tantummodo cultum in eam penitus restituere, jam in animum induxisset.

5. Sed et illud expende, quanta Dei providentia factum sit, ne in odium et invidiam Catholicæ fidei verteretur clades Urbis; cum non per Catholicos piosque fideles id patrari voluerit, sed per Barbaros et impios Christianos, eosdemque rejectitios, et a

communicatione fidelium discretos perfidos Arianos, qui a Deo ad hoc delecti sunt, ut quæ suæ voluntatis essent, ceu fictores parentes principes, exsequerentur. Quibus sane aptari jure possit, quod olim Dominus adversus idololatrias exprobrans per Hieremiam ¹ ita fuerat conminatus : « Misit Dominus ad vos omnes servos suos Prophetas, consurgens diluculo, mittensque : et non audistis, nec inclinastis aures vestras, ut audiretis, cum diceret : Revertimini unusquisque a via sua mala : et nolite ire post deos alienos, ut serviatis eis, et adoretis eos. Propterea hæc dicit Dominus exercituum : Pro eo quod non audistis verba mea : ecce ego mittam et assumam universas cognationes Aquilonis (ait Dominus) et Nabuchodonosor regem Babylonis servum meum, et adducam eos super terram istam, etc. » Quanta enim divini nominis ignominia, in Urbe illa, ubi Princeps Apostolorum una eum Evangelio sanguinem effudisset, et destruendæ idololatriæ causa innumera myriades martyrum vitam pariter profudissent, ubi et tot tantaque miracula edita essent, tot sanctissimi Urbis episcopi docuissent, et innumera sanctorum agmina tot sæculis coaluissent : ibi adhuc sub Christianis regibus abominationem illam idolorum cultus vigere, et amplissimis honoribus frequentari ? Frustra igitur suggillat Zozimus, sive alii Ethnicis, ob cladem Urbis, Honorii imper. ignaviam : cum Deus diu toleratam Romanorum idololatrarum impietatem ulturus, juxta Isaïæ ² vaticinium, immittat soporem in principes. Annon hic ille Honorius, qui eundem Alaricum gloriosa victoria apud Pollentiam vicit; qui nec incolumis aufugisset, nisi (quod fuit in ore multorum) Stilicio viam ad fugam aperuisset ? Annon idem hic est Honorius ille, qui antea Gildonem tremendum in Africa tyrannum longe inferioribus copiis expugnavit ? Et quis alius ab Honorio, qui haud pridem inundantem innumeris Barbarorum copiis Rhadagaisum in montibus Fesulanis absque cæde suorum obtinuit ? prætermittimus alia ab eo prælia per duces suos, uti solebat, feliciter gesta : ut plane manu tangere liceat, ad Gentilium delendam penitus idololatriam omnia ista Deum esse summo consilio operatum.

6. Sed illatam a Zozimo illam etiam calamitatem in Romanum Pontificem Innocentium refellamus, quam his voluit pinxisse coloribus, cum agit de tempore Urbis obsidionis ³ : « Dum, inquit, hæc ipsi secum expendunt, Pompeianus præfectus Urbis forte in quosdam incidit, qui Romæ e Tuscia venerant; et oppidum quoddam aiebant, cui nomen Nevia, periculis argentibus, sese liberasse; perque preces ad munera factas, et cultum patrio more præstitum, exortis ingentibus tonitruis atque fulgetris, hostes sibi jam imminentes abegisse. Cum his colloctus, quæcumque de disciplina sacrorum essent exquirenda, percunctatus est. Et quoniam ad animum accidebat ei quæ tunc invaluerat opinio : quo tutius id perageret, quod in votis habebat, omnia

¹ L. XLIX. de Pagan. C. Theod. — ² 4. Joan. III.

³ Hier. XXXV. — ² Isaï. XXIX. — ³ Zozim. l. v.

cum Urbis episcopo communicat : is erat Innocentius, qui quidem opinioni suae salutem Urbis anteponebat, clam permittebat eis ut facerent quaecumque scirent. Cum illi non aliter haec Urbis conductura dicerent, nisi publice consueta sacrificia fierent : Senatu in Capitolium ascendente, atque tum ibi, tum in foris Urbanis sacra peragente, nemo particeps esse institui patrio more ritus ausus fuit : sed hominibus illis e Tuscia valere iussis, ad demulcendum omni studio Barbarum sese convertebant ». Haec Zozimus : qui cum factum esse affirmet, ut Senatus tum in Capitolio, tum etiam in foris Urbis sacrificia peragens, nihil ex sententia, eorum quae sperabat, fuerit consecutus : erubescens ipse Zozimus infirmitatem deorum fateri, excusat illos ex eo quod nemo ausus fuerat participare de sacrificiis, ac propterea re irrita reddita, aruspices iussi essent in Tusciam redire; suggillans inter haec Innocentium Romanum Pontificem nota impietatis, quod secreta sacra permississet.

7. Porro eandem historiam describens Sozomenus, aequae ac Zozimus Graecus scriptor, et ipse sui temporis res persecutus, licet secta Novatianus esset, et adversus Innocentium, quod primus omnium (ut tradit Socrates ¹) Novatianos eiecisset ab Urbe, nonnihil commotus; tamen dum exacte eandem obsidionem enarrat, et de Innocentio mentionem habet, ne quicquam huiusmodi, quod Zozimus objicit, accidisse refert. Sed ipsum audiamus, rem aliter atque Zozimum, fideliter enarrantem ²: « Cum autem, inquit, diuturna esset obsidio, et pestis simul ac fames Urbem affligerent; atque interim servi multi, ac maxime quotquot natione Barbari erant, ad Alaricum transfugerent : necessarium videbatur iis qui in Senatu adhuc Pagani erant, ut et in Capitolio et in reliquis templis sacrificaretur. Nam Tusci quidam ad hoc acciti ab Urbis praefecto, promiserant se fulminibus ac tonitribus abactuuros esse Barbaros : gloriabantur enim ab se huiusmodi quippiam esse factum in conservationem Larinae civitatis Tusciae, quam Alaricus, dum Romam contenderet, praetergredeus non cepisset. Ceterum istorum nullum fuisse profuturum usum, eventus ipse declaravit ». Haec de his Sozomenus : quae autem de Innocentio habet, paulo post dicturi sumus. Verum tantum abfuit ut Innocentius annuendo Gentilibus ejusmodi scelus admiserit; quod cum innocentissimus esset, ne periret cum noxiis, tanquam Lothi a Sodomis substractus fuerit : quando vero id acciderit, et qua occasione, suo loco dicemus.

8. *Honorius exagitat Mathematicos.* — Sed quid in huiusmodi genus hominum Romae agentium, anni huius principis, nempe mense Februarii, Honorius imperator statuerit, hic reddamus : ad Caecilianum enim praefectum praetorio ita rescripsit ³ : « Mathematicos, nisi parati sint, codicibus erroris proprii sub oculis episcoporum incendio con-

crematis, Catholicae religionis cultui fidem tradere, nunquam ad errorem praeteritum redituri : non solum Urbe Roma, sed etiam omnibus civitatibus pelli decernimus. Quod si hoc non fecerint, et contra clementiae nostrae salubre constitutum in civitatibus fuerint deprehensi, vel secreta erroris sui et professionis insinuaverint, deportationis poenam accipiant. Dat. VIII id. Febr. Raven., Honorio octavum et Theodosio tertium AA. cons. » At tantum abfuit, ut qui Romae erant malis artibus navantes operam expellerentur, ut etiam ex Tuscia vocarentur malefici, qui elementa turbare posse crederentur. Ex quibus intelligere valeas, obstinatos plane fuisse Gentilium animos, qui cum tot legibus superius recitatis ab ejusmodi exantationibus magicis revocarentur, et quamplurimi nobilium sub Valentiniano seniore ejusmodi facinus capite luerint, nihilominus iisdem magis magisque fuisse reperuntur addicti; quibus sane iustam in se Dei vindictam concitarunt, quam et experiri, vel inviti coacti sunt.

9. *De pace agitur inter Alaricum et Honorium, qui licet in nonnullis improbandus, optimas tamen dat leges.* — Sed ipse Alaricus de his etiam, cum Urbem obsideret, fidem fecit, nimirum se numine impellente, nolentem licet, et invitum, ad interitum Urbis ferri. Audi ergo Sozomenum ista accurate scribentem ⁴ : « Fertur itaque, inquit, probus aliquis monachus ex his qui in Italiam erant, Romam cum festinatione profectus Alarico consuluisse, ut Urbi parceret, nec se tantorum malorum auctorem constitueret. Cui et Alaricus respondisse dicitur, se non volentem hoc tentare; sed esse quemdam, qui se obtundendo urgeat, ac praecipiat, ut Romam evertat ». Haec Sozomenus, eademque Socrates ⁵. At nec id quidem recens, sed multos ante annos id ipsum agitasse animo, et conatibus omnibus perficere studuisse, quae sunt ex Claudiano superius recitata demonstrant. Sed quid post haec acciderit, videamus.

10. Licet autem obsidionem redemptam auro solvisset Alaricus; haud tamen pax cum Honorio stabilita est : impedimento namque fuere, primum (ut Zozimus ⁶ ait) quod imperator nec obsides dedisset, nec postulatis omnibus satisfecisset. Sed et alias postea adiecit Alaricus conditiones, quas paulo post recensebimus. « Cum inter haec a Senatu pro pace inter Alaricum, et Honorium sancienda legati missi sint Caecilianus, Attalus, et Maximianus. Sed re infecta, rursus alii legati mittuntur, cum quibus (inquit Zozimus) et Romanus antistes proficiscebatur ». Divino quidem consilio factum tradit Orosius, ut sic Innocentius subduceretur a venturo Urbis exidio : ait enim ⁷ : « Accidit quoque quo magis illa Urbis irruptio indignatione Dei acta, quam hostis fortitudine probaretur; ut beatus Innocentius Romanae Ecclesiae episcopus, tanquam justus Lothi substractus et Sodomis, occulta providentia Dei apud

¹ Socr. I. VII. c. 9. — ² Sozom. I. IX. c. 7. — ³ L. XII. de Malef. C. Theod. et Justin. I. X. de Episc. aud.

⁴ Sozom. I. IX. c. 6. — ⁵ Socr. I. V. c. 10. — ⁶ Zozim. I. V. — ⁷ Oros. I. VII. c. 39.

Ravennam tunc positus, peccatoris populi non videret excidium ». Hæc Orosius. Meminit et huiusce legationis Innocentii papæ quoque Sozomenus ¹.

11. Inter hæc autem accitus est Alaricus litteris Honorii imperatoris Ariminum pro fœdere sciendū, locum accommodatū. Propositæ sunt ab Alarico pacis conditiones huiusmodi a Zozimo recitatæ : Ut in annos singulos auri certa summa daretur, et annonæ mensura quadam suppeditaretur : Utque ipse cum suis omnibus utramque Venetiam, et Noricos, et Dalmatiam incoheret. Additumque litteris Jovii hæc tractantis, ut Alaricus utrinque militiæ copiis Honorii imperatoris dux præficeretur. Respondente autem Honorio per litteras ad Jovium, nunquam acquieturum, ut Romani exercitus Alaricus sumeret præfecturam : cum imprudentia Jovii id rescisset Alaricus, ira percitus, barbaricoque furore æstuans, ad Urbis obsidionem suos iterum festinare jussit. « Verum », inquit Zozimus ², « Alaricus, quod susceptæ adversus Romam expeditionis eum pœnituisse, episcopos urbium ablegabat, qui simul et legatione fungerentur, et auctores Honorio essent, ne culpa sua sineret eam Urbem, quæ jam a pluribus quam mille annis magnæ parti orbis imperasset, Barbaris vastandam dedi, nec tantas ædificiorum moles hostili flamma deleri, sed potius moderatis admodum conditionibus pacem componeret ». Cæterum quod magistratus iurassent, nunquam se de ineunda cum Alarico pace acturos, ad quod ipsum iusjurandum imperatorem quoque adegissent, dum paulo ante Alaricus resiliisset : re infecta episcopi redire : cum Alaricus ceptum iter Romam versus prosecutus, Urbem secunda cinxit obsidione : ista namque pluribus Zozimus ³ atque Sozomenus ⁴. Hæc est illa obsidio de qua S. Hieronymus ad Principiam scribit his verbis ⁵ : « Terribilis de Occidente rumor affertur, obsideri Romam, et auro salutem civium redimi, spoliatosque rursus circumdari, ut post substantiam vitam quoque perderent ». Hæc ipse. Quæ autem post hæc secula sunt, anno sequenti dicemus.

12. Factum quidem esse videtur, ut Honorius ab aulicis pravo consilio deceptus, nonnulla peperam egerit : nam qui ad magistratum illum primum evexerat Olympium adeo pium virum, de quo plura superius diximus ex Augustino, eundem in ordinem ab ejus adversariis persuasus redegit ; qui se contulit in Dalmatiam. Insuper illud adiecit, ut Italiam legem, ne qui Gentiles essent, militiæ cingulo honestarentur : quo Generidum quendam ducem Barbarum, qui ea causa militare desiderat, ad militiam revocaret, legem illam abrogavit ; omnibusque simul Ethnicis ad militiam, antiquata jam lege, viam aperuit, invitus licet, ut Zozimus ⁶ ipse testatur. Sed et id quidem Dei voluntate peractum est ; ne duci Christiano invidiæ verteretur, si sub ipso Urbem capi contigisset, neve proditiōis, et conni-

ventiæ cum Barbaris itidem Christianis inite dux Christianus argui a Gentilibus posset. Cæterum in reliquis Honorius imperator inter tot tantasque perturbaciones constitutus, Catholica Ecclesiæ necessitatibus consulere minime prætermisit. Nam adversus Donatistas, Paganos, Judæos, et Cæclicos, consentientes iis quæ superiori anno promulgasse vidimus, edidit sanctiones ¹ : sed et de expediendis quam citissime Ecclesiæ causis rescripsit ad Jovium ². Itemque pro carceratis maxime pium promulgavit edictum ³ : nempe, ut omnibus Dominicis diebus iudices sub fida custodia de carceribus reos educerent ; utque eis a Christianis laicis, vel sacerdotibus substantia præberetur, et ad balneum prædictis diebus sub fida custodia, religionis contemplatione, ducerentur : qui vero iudices hæc implere neglexissent, penam persolverent auri triginta librarum : hæc quidem imperator hoc anno sancivit, Ravennæ cum esset, VIII kalend. Februarii. Sed in fine anni hujus de captivis ita ad Theodorum PP. rescripsit ⁴ :

13. « Christianos proximorum locorum volumus sollicitudinem gerere, ut Romanos captivos, qui reversi fuerint, nemo teneat, nemo injuriis aut damnis afficiat. Dat. III id. Decembris, Hon. VIII et Theodosio III AA. cons. » Adeo namque viluisse videbatur nomen Romanum, et nomen Barbaricum invaluisse, ut pro illorum libertate vindicanda oportuerit constituere vindices Christianos. At de sanctis hoc anno ab Honorio legibus hactenus. Sane quidem admiratione dignum est, ut Honorius in tot tantisque perturbacionibus constitutus, ad hæc decernenda animum applicuerit : unde plane appareat ex S. Hieronymi sententia, non ejus peccatis exigentibus, sed Gentilium obstinata perfidia deditam Urbem Barbaris.

14. *Hieronymus Isaiam interpretatur.* — Porro cum obsidionis Urbis fama pervasisset Orientem, audivit ista S. Hieronymus ⁵, dum haberet præ manibus Isaiam commentariis illustrandum. Hæc in decimi tertii libri Præfatione ad Eustochium hæc habet : « Hoc mihi in Isaiæ pelago naviganti accidere video : dum enim inoffenso cursu vela tenduntur, et securis nautarum manibus sulcans æquoris campos carina delabitur ; subito clangoris turbo consurgens, tantis undarum motibus, et collisorum inter se fluctuum fragore resonante, pavida amicorum corda perterritui, ut dicere cogereuntur ⁶ : Magister, salvos nos fac, perimus. Quamobrem, Eustochium, in toto orbe terrarum unicui nobilitatis, et virginitalis exemplum, non sileat pupilla oculi tui ; clamaque in corde ⁷ : Abba Pater : et cum Psalmista loquere ⁸ : Exurge, quousque dormis, Domine? etc. » Hæc plane ipsum signasse tempora, tempora ab ipso numerata consentiunt, dum in eodem in Isaiam commenta-

¹ L. XLVI. de hæret. C. Theod. et l. XIX. de Jud. et Cælicol. C. Theod. — ² L. VII. de denuntiati. C. Theod. — ³ L. VII. de custodi. reor. C. Theod. — ⁴ L. XI. de Episc. audien. C. Justin. — ⁵ Hier. præf. in l. XIII. in Ezech. — ⁶ Math. VIII. — ⁷ Rom. II. — ⁸ Psal. XLIII.

¹ Sozom. l. IX. c. 7. — ² Zozim. l. V. in fin. — ³ Zozim. l. V. — ⁴ Sozom. l. IX. c. 7. 8. — ⁵ Hier. ep. XVI. — ⁶ Zozim. l. V.

rio, agens de admirabili illa Isaïæ ostensa visione. hæc ait ¹: « De hac visione, ante annos circiter triginta, cum essem Constantinopoli, et apud virum eloquentissimum Gregorium Nazianzenum, tunc ejusdem urbis episcopum, sanctorum Scripturarum studiis crudirer, scio me brevem dictasse subitumque tractatum, etc. »

15. Sed illud de eodem Hieronymo observatione dignum, quod cum ante Isaïam (ut tradit ²) jam Danielem prophetam esset interpretatus, in explicatione magnæ illius statuae, quam per visum Nabuchodonosor rex viderat, cum illud de pedibus ferro, testaque ex luto compositis mysterium exponens, ostendit Romanum in eo esse significatum imperium, ista addit ³: « Sicut enim in principio nihil Romano imperio forlius, et durius fuit, ita in fine rerum nihil imbecillius: quando et in bellis civilibus, et adversum diversas nationes, aliarum gentium Barbararum indigemus auxilio »: hoc, inquam, cum ita divino spiritu, quo et allata fuerat prophetia, esset illud Scripturæ arcanum, S. Hieronymus interpretatus ante præsentem animum: ab æmulis carpere quaritantibus ejus scripta pressuram passus est, ex eo videlicet, quod Romanum imperium præsentis temporis testæ ex luto assimilasset. Quod ipse accipiens, in iisdem quos hoc anno elucubrasset diximus commentarios in Isaïam, sic excusat ⁴: « Quod, inquit, in expositione statuæ pedumque ejus, et digitorum discrepantia, ferrum et testam super Romano regno interpretatus sum: quod primum forte, dein imbecillum Scriptura portendit: non mihi imputent, sed Prophetæ. Neque enim sic adulandum est principibus, ut sacrarum Scripturarum veritas negligatur. Nec generalis disputatio nobis personæ injuria est: quæ cum benigno meorum studio caveretur, Dei judicio repente sublata est », calumniam scilicet, « ut et amicorum in me studia, et æmulorum insidiæ monstrarentur »: cum scilicet perspicuo esset declaratum exemplo, quam imbecille redditum esset Romanum imperium, cum Urbs a Barbaris obsideretur, quæ paulo ante libertatem redimere coacta esset. Qui autem hoc anno (ut diximus) Isaïam Hieronymus est interpretatus, sequenti Ezechielem elucidandum suscepit: ejus luctationis exordio, captam a Barbaris Romam aggressus est lamentari, ut suo loco dicemus: ante enim Ezechielis, exposuisse Isaïæ vaticinia, ipse testatur, idque (ut ait) exigente ab eo Pammachio ⁵.

16. *Pinianus Romanus cum suis in Africam veniens quid Hippone passus fuerit a populo cupiente ut presbyter ordinaretur.* — Hoc ipso anno Pinianus V. C. una cum Melania seniore, et Melania juniore conjuge, atque socru Albina junioris matre Melaniæ, cum anno superiori distractis bonis, quæ Romæ, et in Italia habebat, adnavigasset Carthaginem ⁶, ibi ex congestis pecuniis locupletans

ejus Ecclesiæ pauperes: inde ad S. Alipium Tagastam profectus est. Ad quos omnes S. Augustinus, cum primum eorum adventum audisset, litteras dedit, quibus se excusat, quod propter ingruentem duram hiemem et statum Hipponensis Ecclesiæ turbulentem, ad eos inviscendos minime accurrere valuisset: extat ipsa Epistola, cujus est titulus ¹ ad Albinum, Pinianum, et Melaniam: sed pro Albino, Albinam, restituendum puto; quod ejus nominis femina ejusdem Piniani socrus una cum ipsis profecta est in Africam, ut tum ex Palladio, tum ex ejusdem Augustini testificatione satis apparet. Tagastæ autem cum esset Pinianus, effusa munificentia adeo Ecclesiam illam locupletavit, ut nonnullorum in ejus episcopum Alypium invidiam moverit, prout S. Augustinus in Epistola ² ad eum scripta testatur, et ipsa Acla S. Melaniæ his verbis fidem faciunt ³: « Civitas autem, in qua versabantur, appellabatur Tagasta; in qua erat sacrum templum, et sacerdos dicendi peritus, et qui oratione multos poterat inducere ad salutem, nomen Alypius: cum quo versantes, sacra meditabantur eloquia. Templum vero, in quo agebat Alypius, admodum munifice, et aureis ornamentis, et lucidis gemmis et plurimis ditantur agrorum proventus. Ab eis quoque sunt ædificata duo monasteria, quibus satis dedit opum atque proventus; quorum alterum quidem habebat chorum virorum numero octoginta, alterum autem habebat virgines quæ erant numero centum et triginta ». Hæc de collatis Ecclesiæ Tagastensi a Piniano muneribus.

17. Placuit autem Piniano una cum Melania Hipponem proficisci ad inviscendum S. Augustinum ibi agentem episcopum. Comitatus est eos Alypius: qui et timentem Pinianum ne cogeretur ab Augustino presbyter ordinari; nunquam id eventurum fore, securum reddidit: nam de ea re fidem Augustini id promittentis acceperat. Accidere namque consuevit (quod et superius, de Paulino cum egimus, dixisse meminimus) ut cum aliquis religione insignis ceteris emineret Christianis, is licet conjugatus esset, soleret interitum in Ecclesia a fidelibus rapi, et tradi episcopo ordinandus, conjuge quoque pari cum viro volo continentiam proficiente: ut inter alia, quod de Paulino atque Therasia præcessit, enarratum exemplum ostendit. Pinianus itaque id fortasse subodoratus, retardabat accessum; sed Alypii promissione securus Hipponem ad eundem S. Augustinum se contulit. Ubi cum esset, atque id minus expectaretur, factum est, ut dum Synaxis in Ecclesia haberetur, antequam catechumeni ex more dimitterentur, fidelis populus, facto impetu, Pinianum ne effugeret obsiderent, postulantes eum ordinari debere presbyterum. Quæ res Alypio fidejussori admodum displicuit; ipseque Pinianus, et Albina socrus id perindigno tulerunt animo, id totum ex sententia Augustini factum existimantes: quamobrem nonnihil in eum iidem commoti sunt,

¹ Hier. in Isai. c. 3. — ² Hier. præfat. in Isai. — ³ Hier. in Daniel. l. 1. c. 2. — ⁴ Hier. in Isai. l. xi. præfat. — ⁵ Ibid. l. x. præfat. — ⁶ Pallad. in Lausiac. c. 9.

¹ Aug. ep. CCXXVII. — ² Ep. CCXXIV. — ³ Meta, die 31. Jan.

atque in primis Alypius. Quomodo autem res se habuerit, S. Augustinus datis ad eos litteris, cum statim recessissent Hippone, Tagastamque reversi essent, significavit, cum se excusavit, atque nihil se conscio factum pluribus declaravit.

18. Scribens enim ad Albinam Piniani socrum, quam tamen appellare consuevit ejus matrem, ad sui defensionem, prolixam satis dedit Epistolam¹, ejus querelis, et suspitionibus male conceptis in omnibus satisfaciens, cum in hæc verba exorditur :

« Dolorem animi tui, quem te scribis explicare non posse, consolari æquum est, non augere : ut, si fieri potest, sanemus suspiciones tuas, non ut eis pro nostra causa succensendo, venerandum cor tuum, et Deo dicatum amplius perturbemus. Sancto fratri nostro, filio tuo Piniano nullus ab Hippo- nensibus mortis meus ingestus est, etiamsi forte ipse tale aliquid timuit. Nam et nos metuebamus, ne ab aliquibus perditis, qui saepe multitudini occulta conspiratione miscetur, in violentam prorumperetur audaciam, occasione seditionis inventa, quam velut justa indignatione concitaret. Sed sicut postea audire potuimus, nihil tale a quoquam dictum est, vel motum : sed vere in fratrem meum Alypium multa contumeliosa et indigna clamabant : a quo tam ingenti reatu utinam per illius orationes mereantur absolvi. Ego autem post primos eorum clamores, cum eis dixissem de illo invito non ordinando, qua jam promissione delinere; atque adjecissem, quod si mea fide violata, illum haberent presbyterum, me episcopum non haberent : ad nostra subsellia, relicta turba, redieram. Tum illi aliquantulum inopinata mea responsione cunctati atque turbati, velut flamma vento paululum pressa, deinde coeperunt nullo ardentius excitari, existimantes fieri posse, ut vel mihi extorqueretur illud non servare promissum, vel me tenente promissi fidem, ab alio episcopo ordinaretur. Dicebam ego quibus poteram, qui ad nos in apsidem honoratioris et graviore ascenderant : Nec a promissi fide me posse dimoveri, nec ab alio episcopo in Ecclesia mihi tradita, nisi me interrogato ac permittente, posse ordinari. Quod si permetterem, a fide nihilominus deviare. Addebam etiam, nihil eos velle, si ordinaretur invitus, nisi ut ordinatus abscederet. Illi hoc posse fieri non credebant.

19. « Multitudo vero pro gradibus constituta, horrendo et perseverantissimo clamorum fremitu, in eadem voluntate persistens, incertos animi consilii faciebat. Tunc illa in fratrem meum (Alypium scilicet) indigna clamabantur : tunc a nobis graviora timebantur. Sed quanvis tanto motu populi, et tanta perturbatione Ecclesie permoverer, nec aliud constipationi illi dixissem, nisi cum me invitum ordinare non posse : nec sic tamen adductus sum, quia et hoc promiseram non me fuisse facturum, et aliquid ei de suscipiendo presbyterio suaderem. Quod si persuadere potuissem, non jam

ordinaretur invitus. Servavi utriusque promissionis fidem, non solum illius quam jam populo patefeceram, verum etiam illius in qua uno teste, quantum ad homines attinet, definebar. Servavi, inquam, fidem promissionis, non jurationis in tanto periculo : quod licet falso, sicut postea comperimus, metuebatur; omnibus tamen, si quid esset, communiter impendebat, et erat melius ipse communis; ac per Ecclesiam in qua eram, maxime metuens abscedere cogitabam. Sed metuendum fuit, ne magis, me absente, tale aliquid facerent et reverentia minor, et dolor ardentior. Deinde si cum fratre Alypio discederem per populum constipatum; cavendum fuit, ne quisquam in eum manum mittere auderet. Si autem sine illo; quæ frons esset existimationis, si quid ei fortassis accideret, et viderer eum propterea deseruisse, ut furenti populo traderetur?

20. « Inter hos æstus meos, gravemque mœrorem, et nullius consilii respirationem : ecce repente atque inopinate sanctus filius noster Pinianus mittit ad me servum Dei, qui mihi diceret, cum se velle populo jurare, quod si esset ordinatus invitus, ex Africa discederet : omnino credo existimans eos, quandoquidem pejerare non posset, non jam ullius infructuosa perseverantia clamaturus, ad expellendum hinc hominem, quem saltem habere deberemus vicinum. Mihi autem, quia videbatur vehementiorem eorum dolorem post hanc jurationem fuisse metuendum, apud me tacitus habui : et quia simul petierat ut ad eum venirem, non distuli. Cum mihi dixisset hoc ipsum; continuo et illud adjunxit eidem jurationi, quod mihi, dum ad eum pergo, per alium Dei servum mandaverat, de præsencia scilicet sua, si ei clericatus sarcinam volenti nullus imponeret », nimirum non discessurum Hippone, si sic liber absque nexu clericatus esse sineretur.

21. « Hic ego in tantis angustiis, quasi aura respirante, recreatus, nihil ei respondi; sed ad fratrem Alypium gradu concitatore perrexi; eique quod dixerit, dixi. At ille (ut existimo) devitans, ne quid se auctore fieret, unde vos putabat offendi : Hinc me (inquit) nemo consulat. Quo audito, ad populum tumultuantem perrexi : factoque silentio, quid promissum esset, cum promissione etiam jurationis aperui. Illi vero qui solum ejus presbyterium cogitabant atque cupiebant, non ita, ut putabam, quod oblatum fuerat, acceperunt : sed inter se aliquantulum mussitantes, petiverunt ut adderetur eidem promissioni atque jurationi, ut si quando illi ad suscipiendum clericatum consentire placuisset, nonnisi in ipsa Hippo- nensi Ecclesia consentiret. Retuli ad eum : sine dubitatione annui. Renuntiavi illis : latati sunt, et mox juracionem pollicitam poposcerunt. Reverti ad filium nostrum Pinianum, eumque inveni fluctuantem, quibusnam verbis comprehendi posset illa cum juratione promissio, propter necessitates irruentes, quæ possent eum, ut abscederet, cogere. Simul etiam quid timeret, ostendit : ne quis irruisset hostilis incursus, qui esset

¹ Aug. ep. CCXXX.

discensione vitandus. Volebat addi sancta Melania et aëris morbi causationem; sed illius responsione reprehensa est. Ego autem dixi, gravem ab illa et non contemnendam causam necessitatis ingestam, quæ cives etiam emigrare compelleret: sed si hæc populo dicerentur, timendum esse, ne male nos ominari videremur: si autem sub necessitatis nomine fieret excusatio, non nisi fraudulentam necessitatem putari.

22. « Placuit tamen, ut de hac re populi animum experiremur: et nihil aliud, quam quod putaveramus, invenimus. Nam cum ejus verba a diacono recitarentur, et omnia placuissent: ubi nomen interpositæ necessitatis insonnit, continuo reclamatum est, promissioque displicuit, tumultu recrudescente, et nihil aliud quam fraude secum agi, populo existimante. Quod cum sanctus filius noster Pinianus vidisset, jussit inde auferri nomen necessitatis; rursumque ad lætitiâ populus remeavit. Et cum lassitudinem excusarem: sine me ad plebem accedere noluit: simul accessimus. Dixit ei, quæ a diacono audita erant, se mandasse, se jurasse, eaque se esse facturum; continuoque omnia eo tenore quo dictaverat, prosecutus est. Responsum est: Deo gratias. Et petitum, ut totum scriptum subscriberetur. Dimisimus catechumenos; continuoque scriptum subscripsit. Deinde peti cœpimus nos episcopi non vocibus populi, sed tamen a populo per honestos fideles, ut nos quoque subscriberemus. At ubi cœpi subscribere, sancta Melania contradixit. Miratus sum quare tam sero; quasi promissionem illam et jurationem nos non subscribendo, facere possemus infectam. Sed tamen obtinueravi: ac sic remansit mea non plena subscriptio: nec ultra nobis quisquam, ut subscriberemus, putavit instandum ». Hæc sanctus Augustinus.

23. Pinianus autem, quod quæ per vim, et metum pollicitus esset, se obligatum minime teneri probe sciret, sequenti die clam una cum suis Tagastan reversus est. Quid autem tum populus Hipponensis, cum rescisset? Augustinus refert¹ in eadem Epistola ad Albinam alio scripto se significasse: nam ait: « Qui autem alio die, postquam ipsum discessisse didicerunt, fuerint motus, vel lingue hominum: quantum satis arbitratus sum, sanctitati vestre per commonitorium intimare curavi. Quisquis itaque vobis contraria his quæ narravi, forte narravit; aut mentitur, aut fallitur ». Hæc ipse.

24. Quod autem Albina litteris conquesta esset, primum adversus Augustinum, quod ad jurandum Pinianum induxisset; quodque etiam illa suggillaret populum Hipponensem amore illectum pecuniæ virum prædivitæ sibi vindicare satagisse: cum ex iis ex obliquo Augustini fama impeteretur; idem Augustinus cum pro se, tum pro populo eadem Epistola excusationem attulit: et inter alia illud inculcat, se olim civem Tagastensem eandem vim

ab Hipponensi populo passum esse, non alia quidem ex causa illis ad id agendum impulsis, quam pietatis: ut quem virum frugi putarent, eundem presbyterum sibi præficerent. Sed jam ipsum audiamus: « Quomodo ergo, inquit, dicis hoc eos fecisse turpissimo appetitu pecuniæ? Primo quia ad plebem, quæ clamabat, omnino non pertinet. Sicut enim plebs Tagastensis, de his quæ consulistis Ecclesiæ Tagastensi, non habet nisi gaudium boni operis vestri: sic et Hipponensis, et ejuslibet alterius loci, ubi de mamonâ iniquitatis Domini præcepta fecistis, vel estis ubicunque facturi. Non ergo populus, ut de tanto viro Ecclesiæ consuleret suæ, ardentissime flagitans, suum pecuniarium quæsivit commodum a vobis, sed vestrum pecuniæ contemptum dilexit in vobis. Nam si in me dilexerunt, quod audierant, paucis agellulis paternis contemptis, ad Dei liberam servitutem me fuisse conversum: neque in hoc inviderunt Ecclesiæ Tagastensi, quæ carnalis patria mea est: sed cum illa clericatum mihi non imposuisset, quando potuerunt, habendum invaserunt: quanto flagrantius in nostro Piniano amare potuerant, tantam mundi hujus cupiditatem, tantas opes, tantam spem, tanta conversione superatam atque calcatam?

25. « Ego quippe secundum multorum sensum comparantium semetipsos sibi metipsis, non divitias dimisisse, sed ad divitias videor venisse. Vix enim vicesima particula res mea paterna existimari potest in comparatione prædiorum Ecclesiæ, quæ nunc ut dominus existimor possidere: cum e contra qui in Ecclesiâ Africana ad præbyteratum adsciti essent, fuerint prædixites: unde subdit: « In qualibet autem maxime Africanarum Ecclesiarum hic noster, non dico presbyter, sed episcopus sit, comparatis pristinis opibus suis, etiam animo dominantis egerit, pauperrimus erit. Multo ergo liquidius, et securius in hoc amatur Christiana pauperlas, in quo nulla rerum ampliorum potest putari cupiditas. Hoc accendit animus populi, hoc in illam violentiam perseverantissimi clamoris crexit. Non eos turpis cupiditatis insuper accusamus: sed magis bonum, quod ipsi non habent, saltem in aliis diligere sine crimine permittamus ». Hæc et alia plura ad excusationem ingerit Augustinus.

26. Sed et quod Alypius, sicut Albina, idem sentiret de Hipponensibus, eosdem nimirum amore pecuniæ vim inferre conatos esse Piniano; quodque ambo ejusdem sententiæ essent, nullius esse vigoris præstitum juramentum vi atque metu extortum: idem S. Augustinus sicut ad ipsam, ita etiam ad Alypium¹ adversus hæc ipsa litteras dedit, quibus sane apparet hæc inter eos non sine mutua offensione fuisse transacta: sed cito claritas omnem absternit obductam ex ejusmodi altercatione rubiginem.

27. *Melanix senioris filii obitus in Africa, et*

¹ Aug. ed. ep. CCXXV.

¹ Aug. ep. CCXLV.

cæterorum hujus familie laudes. — Accidit autem, dum iidem in Africa morarentur, filium senioris Melaniæ vita fungi : quod unicum amissum pignus ita mater modeste flevit, ut magno exemplo fuerit Christianæ constantiæ. De qua summa cum laude rei spectator S. Augustinus ad Paulinum Nolanum episcopum scripsit. Non exlat quidem Epistola ipsa; sed ex redditis ad eum ejusdem Paulini litteris, hæc omnia, ab aliis silentio obruta, perspicua satis fiunt. Ait enim Paulinus ¹ : « Quia docuisti me in spiritu veritatis salvare (servare) docerandi in occiduis mortalibus animi temperamentum; quo et illam beatam matrem et aviam Melaniam flevisse carnalem obitum unici filii, taciturno quidem luctu, non tamen siccio a maternis lacrynis dolore vidisti » : appellat Melaniam matrem et aviam, matrem quidem respectu defuncti filii, aviam respectu Melaniæ neptis : sed pergit Paulinus : « Cujus quidem modestas, et graves lacrymas sicut propior et æqualior animæ ejus spiritus altius intellexisti, et perfectæ in Christo feminae, salva virilis animæ fortitudine, cor matrum de cordis tui similitudine melius ex æquo statu contemplatus es, ut eam primum pro naturali affectione permotam, deinde causa potiore compunctam flevisse perspiceres, non tam illud humanum, quod unicum filium conditione mortali defunctum in præsentī sæculo amississet, quam quod propemodum in seculari vanitate præventum, quia necdum illum deseruerat Senatoriæ dignitatis ambitio, non juxta sanctam votorum suorum avaritiam cogitaret assumptum, ut de conversionis gloria transisset ad gloriam resurrectionis, commune cum matre requiem coronamque capturus, si in hujus sæculi vita matris exemplo sacco togæ, et monasterium Senatui prætulisset. Verumtamen idem vir (ut et antea retuli) ex voto sanctitatis (uæ his operibus læmpletatus abscessit, ut maternæ humilitatis nobilitatem si veste non gesserit, tamen mente prætulit.

28. « Ita enim, secundum verbum Domini ², mitis moribus fuit et humilis corde, ut non immerito credatur introisse in requiem Domini : Quoniam sunt reliquiæ homini pacifico, et mansueti possidebunt terram, placentes Deo in regione vivorum. Nam certe et illud Apostoli ³ non solum tacito mentis affectu, sed et conspicuis religiosis implevit officiis : et cum esset altorum hujus sæculi in ordine et honore collega, non tamen ut gloriosus terræ alta saperet; sed et Christi perfectus imitator humilibus consentiret, et tota etiam die misereri ⁴, et commodare persisteret. Unde et semen ejus potens in terra factum est inter eos qui terræ ⁵ fortes nimium elevati sunt : ut etiam de beatissima familie ac domus ejus visitatione sanctum hominis meritum reveleetur. Generatio (inquit ⁶) rectorum benedictur : gloria non caduca, et divitiæ non labentes in domo ejus : domus quæ ædi-

ficatur in cælis non labore manuum, sed operum sanctitate. Sed cesso plura de memoria tam dilecti mihi, quam devoti Christo hominis enarrare; cum et præstitis litteris non pauca super eo narrasse me repetam; et nihil possim de beata hujus filii matre, et sanctorum patre radice ramorum Melanio melius ant sanctius predicare, quam sanctitas tua in eam profari, et disputare digna est : ut quia ego peccator immunda labia habens, nihil dignum loqui potueram, ut longinquus a meritis fidei ejus, animæque virtutibus; tu ille vir Christi doctor in Ecclesia veritatis, procurante in melius Dei gratia, parareris dignior tam virilis in Christo animæ predicator, qui et mentem ejus divina virtute firmatam (ut dixi) spiritu propiore conspiceres, et mixtam cum virtute pietalem eloquio digniore laudares ». Haecenus Paulinus de Melania orbatâ filio.

29. Quod vero ad senioris Melaniæ filios reliquos spectat : jam diximus duos ex eis uno ferme tempore cum patre esse sepultos, unicum autem masculinum tantum ei relictum fuisse, quem Hierosolymam petitura Romæ reliquisset, S. Hieronymus ¹ auctor est, huncque ipsum esse quem in Africa vita functum diximus. Cæterum et filias illi fuisse superstites cum Hierosolymam Romam rediit, S. Paulinus ² testatur, dum de iisdem magna pompa matri occurrentibus sermonem habet. Porro Melaniæ huic filio, de quo agimus, uxorem fuisse Albinam nomine, Palladius ³ tradit : quod et nos superius diximus. Sed in eo omnino Palladium jure correximus ex Paulino, et Augustino, dum ait filium hunc senioris Melaniæ valde juvenem secutum matrem fuisse in Siciliam usque, cum regressa illa est Hierosolymam : nam ex his quæ dicta sunt, satis liquet ipsum matrem secutum in Africam, ibique diem clausisse extremum. Sed et illud (quod majoris momenti est) cujus causa hæc notissima ex Paulino de obitu filii Melaniæ recensuisse volumus; quod cum ipsa hoc tempore S. Augustini atque Paulini præconio extollatur, argumento esse, ipsam maculas illas, quæ ei ex patrocinio Origenis errorum iuhæserant, penitus diluisse, postquam jam illos Romæ ab Anastasio papa, et Italiæ episcoporum Concilio damnari compertiit. Cæterum cum (ut dictum est) ipsa Melania senior quam citius orbatâ filio navigaverit Hierosolymam; qui remanserunt Pinianus et socii, esse morati in Africa, in Actis Melaniæ junioris traduntur. Inde vero eosdem profectos esse Alexandriam, ac postea Hierosolymam concessisse, liquet. Melania autem senior (inquit Palladius) cum Hierosolymam pervenisset, intra quadraginta dies ex hac vita migravit, et (ut par est credere) jam ante reconciliata S. Hieronymo : qui ibi et peregrinationis ejus sociis et consanguineis familiarissime usus esse videtur, ut ex ejus ad Augustinum Epistola ⁴ intelligi potest.

30. *Romani fideles excidium Urbis anteverunt.*

¹ Apud Aug. ep. CCXLIX. — ² Matth. XI. — ³ Rom. XII. — ⁴ Psal. XXXVI. — ⁵ Psal. XLVI. — ⁶ Psal. CXI.

¹ Hier. ep. XXV. — ² Paulin. ad Sever. ep. X. — ³ Pallad. in Lausiaca. — ⁴ Hier. ep. LXXIX.

— Ex his omnibus, quæ de horum ab Urbe discessione, bonorumque ipsorum quæ in Italia erant distractione, et in pauperes erogatione dicta sunt; quæve de Paulino, Pammachio, Paula, Fabiola, et aliis, quos constat locupletissima erogasse in pauperes patrimonia, superius sunt enarrata: plane divino impellente Spiritu id fecisse, accidisseque videre est, non secus ac Hierosolymis primis illis Christi fidem sectantibus contigit, qui anteverentes jacturam illam bonorum inevitabilem venturi excidii civitatis, vendentes omnia sua bona, illorum pretium ad pedes Apostolorum magna alacritate spontanei afferebant: ut plane illud Davidicum de justis occinere digne licuerit: « Dediti ¹ metuentibus te significationem, ut fugiant a facie arcus, ut liberentur dilecti tui ». Nam ad fugam prematuram cum bonis divinus Spiritus compulsi: cum tamen quos cinxit obsidio, licet Dei prolegente manu, expugnata Urbe, barbaricus furor illasos abire siverit, omnium bonorum sint passi jacturam.

31. *Augustini de contemptu pecuniæ et profusa liberalitate plura exempla.* — Sed jam ad Augustinum recurram oratio, quem pecuniæ cupiditatis una cum suis a sanctis etiam in suspicionem adductum, merentem reliquimus. Præter illa enim, quæ ipse tum ad Albinam, tum etiam ad Alpium in sui suorumque excusationem pluribus scripsit: quam procul abhorruerit, ut locupletare Ecclesiam suam vel levi scandalo exoptarit: accipe quæ idem ipse alia occasione eidem Alpyio litteris ² significavit, dum pluribus agit de non accipiendis bonis illorum, qui ex sæculo ad religionem vitamque monasticam convertuntur; ne obtreclandi daretur occasio, nihil præter lucrum in receptione conversorum viros Ecclesiasticos aucupari: qua quidem ex parte antecelluisse Augustinum Alpyio apparet, quod dimidium bonorum iste suaderet accipiendum. Sed videamus quæ de eodem sancto Augustino ad hæc spectantia Possidius habeat ³: « Pauperum, inquit, semper memor erat, eisque inde erogabat, unde et sibi suisque omnibus secum habitantibus erogabatur, hoc est, vel ex redditibus possessionum Ecclesiæ, vel etiam ex oblationibus fidelium. Et dum forte (ut assolet) de possessionibus ipsis invidia clericis fieret, alloquebatur plebem Dei, malle se ex collationibus plebis Dei vivere, quam illarum possessionum curam, vel gubernationem pati, et paratum se illis cedere; ut eo modo omnes Dei servi et ministri viverent, quo in Veteri Testamento legantur, altari deservientes, de eodem ⁴ participari. Sed nunquam id hæci suscipere voluerunt.

32. « Domus Ecclesiæ curam omnemque substantiam ad vices valentioribus clericis delegabat et credebat: nunquam clavem, nunquam anulum in manu habens: sed ab eisdem domus præpositis cuncta, et accepta, et erogata notabantur: quæ anno completo eidem recitabantur, quo sciretur quantum

acceptum, quantumque dispensatum fuisset, vel quicquid indispensatum, vel dispensandum remansisset: et in multis titulis magis illius præpositi domus fidem sequens, quam probatum manifestatumque cognoscens. Domum vero vel agrum seu villam nunquam emere voluit. Verum si forte Ecclesiæ a quoquam sponte tale aliquid, vel donaretur, vel titulo legali dimitteretur, non respuebat, sed suscipi jubebat. Nam et aliquas eum hereditates recusasse novimus, non quia pauperibus inutiles esse possent; sed quoniam justum et æquum esse videbat, ut a mortuorum vel filiis, vel parentibus, vel affinibus magis possiderentur, quibus ab eis deficientes dimittere noluerunt. Quidam etiam ex honoratis Hipponensium, apud Carthaginem vivens, Ecclesiæ Hipponensi possessionem donare voluit; et confectas tabulas, sibi usufructu retento, ultro eidem sanctæ memoriæ Augustino misit: cujus ille oblationem libenter accepit, congratulans ei, quod æternæ suæ memor esset salutis. Verum post aliquot annos, nobis forte cum eodem cominus constitutis, ecce ille donator litteras per filium suum mittens, rogavit ut ille donationum tabulæ suo filio redderentur, pauperibus vero erogandos direxit solidos centum. Quo ille sanctus cognito, ingemuit hominem vel finxisse donationem, vel eum de bono opere pœnituisse; et quanta potuit, Deo suggerente cordi ejus, condolenti animo ex eadem refragatione dixit, in illius scilicet increpationem et correctionem. Et tabulas quas ille sponte miserat, nec desideratas, nec exactas, confestim reddidit: pecuniamque illam respuit; alque rescriptis eundem, sicut oportuit, et arguit, et corripuit, admonens ut de sua simulatione, vel iniquitate cum pœnitentiæ humilitate Deo satisfaceret, ne cum tam gravi delicto de sæculo exiret ». Hæc Possidius.

33. Cæterum tantum abfuit, ut in hanc ipsam diem Augustinus suspicionem saltem in crimen adductus esset amoris pecuniæ nomine: ut contra potius adversus eum fuerit declamatum, quod defunctorum hereditates minime susciperet; quod dicerent inde evenire, ut fideles retraherentur, quominus Ecclesiam heredem instituerent; idque in detrimentum pauperum verti: cujus rei causa opus eidem fuit suam pro concione palam parare defensionem, cum hæc inter alia locutus est ¹: « Quicumque vult, exheredato filio, heredem facere Ecclesiam; quarat alterum qui suspiciat, non Augustinum: imo Deo propitio, neminem inveniat »: cum et ad sui etiam excusationem exemplum adducit, id se agere Aurelii Carthaginensis episcopi imitatione, quod et a cæteris episcopis ageretur. Subdit enim:

34. « Quam laudabile factum sancti, et venerandi episcopi Aurelii Carthaginensis: quomodo implevit eos omnes qui sciunt, laudibus Dei? Quidam enim cum filiis non haberet, neque speraret, res suas omnes, retento sibi usufructu, donavit Ecclesiæ: nati sunt ei filii: et reddidit episcopus nec

¹ Psal. LIX. — ² Aug. ep. CCXXXIX. — ³ Possid. in Vit. Aug. c. 23. 24. — ⁴ 2. Cor. IX.

¹ Aug. ser. XLIX. de diver.

opinanti, quæ ille donaverat. In potestate habebat episcopus non reddere : sed jure fori, non jure poli. Sane etiam hoc noverit charitas vestra, dixisse me fratribus meis qui mecum manent, ut quicumque habet aliquid, aut vendat, et erogat, aut donet, et commune illud faciat, etc. ». Hæc ipse de his qui a se recepti essent in consortium fratrum : quo quidem sermone, et sequenti ¹ eodem argumento conscripto, quam remotissimus esset S. Augustinus a philargia, perspicuis certisque demonstrat exemplis : ut appareat, quam injuste ob Pinianum retentum invidiam atque calumniam passus fuerit. Ista quidem in his quæ spectant ad bonorum acquisitionem. Quod vero ad erogationem pertinet, ita munificens atque profusus fuit, ut cum deessent erogande pecuniæ, Ecclesiæ vasa frangi atque conflare juberet, pretiumque eorum in usum distraheret indigentium : quod Possidius ² certa fide confirmat, qui et quomodo erga suos sanguine conjunctos se gesserit, ita narrat ³ : « Nec suos consanguineos, vel in proposito, vel extra constitutos, in sua vita, et morte vulgi more tractavit. Quibus, dum adhuc superesset, id si opus fuit, quod et ceteris erogavit ; non ut divitiis haberent, sed ut aut non, aut minus egerent ». Cæterum audi auream de auro, tanto magistro dignam sententiam ⁴ : « Non est, inquit, episcopi servare aurum, et revocare a se mendicantis manum » : huicque par illa S. Ambrosii ⁵, qua dicit : « Aurum Ecclesia habet, non ut servet, sed ut erogat ».

35. Ad postremum autem, ut ad totam hanc pro excusatione, et laudatione Augustini narrationem, corollarium apponamus, accipe ejusdem de auri continentia dignum exemplum ⁶. Leporius quidam fuit nobilitate sæculari conspicuus, et prædices, comparandus in pluribus Piniano. Ille sua omnia dimittere cupiens, et pauper cum Christi pauperibus Augustini fratribus Deo servire ; non ante eum recepti Augustinus, quam erogatis omnibus bonis, egenum prorsus redditum viderit : cui et suaserat, ut de divitiis erigeret monasterium, necnon xenodochium, et basilicam martyrum. Sed audi ipsum : « Ego, inquit, illi injunxi, ego jussi », nempe ut monasterium erigeret, et xenodochium : « obtemperavit mihi libentissime, et sicut videtis, operatus est : quomodo etiam meo jussu basilicam ad Octo Martyres fabricavit » : sunt hi illi martyres passi Tarsi, quorum corpora a mercatoribus redempta atque Hipponem translata fuerant, quorum memoria in tabulis Ecclesiæ Catholice viget. Sed quod ad hunc opulentum, et nobilem Leporium spectat cooptatum inter clericos Augustini ; hunc illum putamus, qui ob claritudinem nominis cum sanctitate conjunctam post Aurelinum assumptus est ad præfecturam Ecclesiæ Carthaginensis : de quo suo loco dicturi sumus. Sed ad corollarium appen-

dicem adjungamus, quæ et tempori huic, quo interitus Romani timebatur imperii, valde congruit.

36. Etenim absens Augustinus, cum audisset suos Hipponenses ob ingruentium malorum metum in erogatione elemosynarum refriguisse, scripta Epistola eos ita redarguit ¹ : « Nuntiatum est mihi, quod morem vestrum de vestiendis pauperibus fueritis oblii : ad quam misericordiam, cum præsens essem, vos exhortatus sum, et nunc exhortor, ne vos vincat, et pigros faciat contritio hujus mundi, cui talia videtis accidere, qualia Dominus, et Redemptor noster, qui mentiri non potest, ventura prædixit. Non solum ergo non debetis minus facere opera misericordie, sed etiam debetis amplius quam soletis. Sicut enim ad loca munitiora festinantius migrant, qui ruinam domus vident contritis parietibus imminere : sic corda Christiana quanto magis sentiant mundi hujus ruinam crebrescentibus tribulationibus propinquare, tanto magis debent bona, quæ in terra recondere disponebant, in thesaurum celestem impigra celeritate transferre : ut si aliquis humanus casus acciderit, gaudeat qui de loco ruinoso emigravit : si autem nihil tale fuerit subsequutum, non constrietur, qui quandoque moriturus, immortalī Domino ad quem venturus est, bona propria commendavit ». Hæc Augustinus, his quidem temporibus, quibus Urbis, et orbis excidium timebatur, accommodata scribebat ad suos.

37. *Hispaniæ a Vandalis devastatæ.* — Hoc eodem anno, iisdem consulibus, tradit Cassiodorus ², Wandalos Hispanias occupasse : quod et S. Prosper ³ æque confirmat. Hos enim introductos esse in Hispanias a Constantino tyranno per Constantem filium adversus Didymum, et Verinianum fratres, cognatos Honorii imperatoris, qui Hispanias tutabantur, Orosius tradit ⁴. Quibus occisis, in præmiū datæ sunt Barbaris Hispaniæ deprædande. Per quos Barbaros patefacta fuisse claustra Pyrenæi reliquis Barbaris qui in Galliis erant, idem Orosius testatur, homo Hispanus, res patrias non ignorans. Præter Wandalos, Alanos quoque necnon Suevos in Hispanias ingressos esse, Isidorus affirmat. Hi vero sic inter se Hispanias partiti sunt : Alani Lusitaniam, et Carthaginensem provincias : Wandalī autem, cognominati Silingi, Beticam sortiuntur. Hispani vero per civitates, et castella residua Barbaris dominantibus se subjungunt. In Hispania Gundericus primus rex Wandalorum successit, regnans in Galliciæ partibus annis sexdecim. Quomodo vero idem ob violatas Ecclesias miserabili obitu diem clausit extremum, suo loco dicemus.

38. Quam autem grave dispendium passæ sint Hispaniarum Ecclesiæ ex hujusmodi incursionibus, accipe ex verbis illis S. Augustini ⁵ ad Honoratum consulentem, num episcopo harum persecutionum tempore fugiendum esset ; ubi post alia : « Non

¹ Aug. ser. L. de div. — ² Possid. in Vita Aug. c. 24. — ³ Possid. ib. c. ult. — ⁴ Aug. ser. XLIX. c. 4. de divers. — ⁵ Amb. de offic. l. II. c. 28. — ⁶ Aug. ser. L. de div.

¹ Aug. ep. CXXVIII. — ² Cassiod. in Chron. — ³ Prosp. in Chron. ⁴ Oros. l. VII. c. 40. — ⁵ Aug. ep. CLXXX.

enim quisquam est, qui dicat, ministros manere oportere, ubi jam non fuerint quibus necesse sit ministrare. Ita quidam sancti episcopi de Hispania profugerunt, prius plebibus partim fuga lapsis, partim peremptis, partim obsidione consumptis, partim captivitate dispersis. Sed multo plures, illic manentibus propter quos manerent, sub eorumdem periculorum densitate manserunt. Et si aliqui deseruerunt plebes suas : hoc est quod dicimus fieri non debere : neque enim tales docti auctoritate divina, sed humano vel errore decepti, vel timore sunt victi ». Hæc Augustinus.

39. Sed unde de calice iræ Dei Hispani infelicissime potari meruerunt? audi Salvianum Massiliensem, ejusdem ætatis, hæcque præ oculis habentem, episcopum. Ipse enim pluribus prosecutus Gallorum scelera, quibus divinam in se concitarunt indignationem, mox hæc de Hispanis ¹ : « Quid Hispanias? nonne vel eadem, vel majora forsitan vitia perdidit? quas quidem cælestis ira etiam si aliis quibushbet Barbaris tradidisset, digna tamen flagitiorum tormenta toleraverunt puritatis inimici. Sed accessit hoc ad manifestandum illis impudentiæ damnationem, ut Wandalis potissimum, id est, pudicis Barbaricis, traderentur. Dupliciter in illa Hispanorum captivitate Deus ostendere voluit, quantum et odisset carnis libidinem, et diligeret castitatem, cum et Wandalos ob solam maxime pudicitiam illis superponeret, et Hispanos ob solam, vel maxime impudicitiam subjugaret. Quid enim? Numquid

non erant in omni orbe terrarum Barbari fortiores, quibus Hispaniæ traderentur? multi absque dubio, imo (mi fallor) omnes : sed ideo infimissimis hostibus cuncta tradidit; ut ostenderet scilicet, non vires valere, sed causam, neque nos tunc ignavissimorum quorundam hostium fortitudine obrui, sed sola vitiorum nostrorum impuritate superari : ut vere in nos venerit dictum illud, quo ait : Secundum immunditias suas, et secundum iniquitates suas feci illis, et averti faciem meam ab eis, etc. » inferius vero : « Quid, inquit, prodesse nobis prærogativa illa religiosi nominis potest, quod nos Catholicos esse dicimus, quod fideles esse jactamus, quod Gothos ac Wandalos hæretici nominis comprobatione despiciamus, cum ipsi heretica pravitate vivamus? Itaque rectissime nobis dicitur illud, quod Jndreis in lege fidentibus dixit sermo divinus ¹ : Quomodo dicitis : Sapientes sumus, et lex Domini nobiscum est? Nolite (inquit) confidere in verbis mendacii, dicentes : Templum Domini, templum Domini, templum Domini. Quoniam si benefeceritis vias vestras, et studia vestra, et advenæ et pupillo et viduæ non feceritis calumniam, neque sanguinem innocentem effuderitis, in loco hoc habitabo vobiscum, in loco isto a sæculo usque in sæculum. Quo utique ostenditur, quod si ista non facimus, superflua nobis Catholici nominis præsumptione plaudamus ». Hæc Salvianus, qui prosequitur ista pluribus.

¹ Hier. VII, VIII.

¹ Salvia. de provid. Dei, l. VII.

Anno Periodi Græco-Romanæ 5902. — Jesu Christi 409. — Innocentii pape 9. — Honorii 17. et 15. Theodosii Jun. 8. et 2.

4. *Quindeccennialia Honorii*. — Coss. *Honorius* Aug. VIII et *Theodosius* Jun. Aug. III. Ille propter imperium post patris mortem susceptum; ille propter *Quindeccennialia* imperii post patris mortem initi; quod et ex Vicennialibus ejus etiam colligitur. In Galliis vero, ubi *Constantinus* imperabat, is seipsum consulem et Honorii collegam designavit. Zozimus enim lib. 3, pag. 818, narrata Urbis obsidione ab *Alarico* facta refert, *Constantinum* Eunuchos ad Honorium veniam poscentem, quod imperium delatum accepisset, misisse, et Honorium, qui de bellis aliis cogitare non poterat, postulata concessisse : « Non postulato duntaxat assensus est, sed et imperatoriam vestem ei misit ». Idem habet

Olympiodorus apud Photium : Scaliger lib. 5 de Emendat. Temp. pag. 516, refert inscriptionem Græcam, quæ Treviris extat, in qua legitur, *ΜΑΤΙΑ ΟΝΑΡΙΟΥ. ΤΟ. ΙΙ. ΚΑΙ ΚΩΝΣΤΑΝΤΙΝΟΥ. ΤΟ. Α.* id est, *consulatus Honorii VIII et Constantini I*. Tyrannos autem, licet pacem cum imperatoribus pepigissent, horum consules non agnovisse, sed proprios designasse, alibi monstravimus.

2. *Roma anno superiori obsessa ab Alarico*. — A num. 1 ad 12. Annus quo primum *Roma* ab *Alarico* Gothorum rege obsessa, annusque quo postea devastata, et in prædam data, hactenus in magna controversia fuisse, præsertimque posterior; sed ex iis, quæ mox dicam, jam anno præcedenti

eam obsessam, currentique direptam, certo constabit, et plurimi, qui inolevere errores, tandem eveniuntur. Baronius Urbis obsidionem anno superiori, et currenti *Eucherii* Stiliconis filii interitum refert. Verum Eucherius paulo post patrem occisus, et *Serena* lunus mater, et Stiliconis conjux interfecta, ut asserit Olympiodorus, et liquet ex iis, quæ habet Philostorgius, quem Baronius non viderat, lib. 12, num. 3. Ibi enim non tantum tempus obsidionis indicat; sed etiam cædis Eucherii : « Interfecto Stilicone (anno nempe cxxviii, die xxiii Augusti) Barbari, qui una cum illo erant, assumpto ejus filio statim abscesserunt, cumque Romam appropinquassent, huic quidem permiserunt, ut in templum quoddam, quod jure asyli fruebatur, confugeret. Ipsi vero cuncta, quæ circa Urbem erant, vastarunt, tum ut Stiliconem ulciscerentur, tum quod fame pressi erant. Ubi vero litteræ ab Honorio missæ jure asyli potentiores, Eucherium morte mulctarunt. Post hæc Barbari Alarico juncti cum ad expugnandam urbem Romam incitarunt », quod superiori anno post mensem Augustum contigit.

3. *Pax ante illius anni finem facta, sed non confirmata.* — Ad hæc Zozimus lib. 3, pag. 811, Bassi Philippique consulatu, præcedenti anno gesto, ac morte Stiliconis ejusque filii narratis, Urbis obsidionem referre incipit, aitque, *Alaricum*, Romam versus promotis castris obvia castella cuncta cum oppidis diripuisse; tum eam obsidione cinxisse, ac occupato Tiberi flumine subministrationem comineatus et portu impediisse. Deinde exponit quibus conditionibus pax sancita fuerit, Barbaris pecunia numerata, ac obsidio soluta. Quibus narratis pag. 818, ait : « Mediocre jam laxamentum hoc malorum esse videbatur, quo tempore Honorius imper. Ravennæ consulatum inibat, octies honorem hunc consecutus, in Oriente Theodosius Aug. jam tertium consul ». Quare cum kalendis Januarii hujus anni Honorius et Theodosius consulatum illum inierint, anno elapso sub finem vergente jam urbs ab Alarico obsessa fuerat, et ea quæ ex Zozimo recitavimus, acciderant. Addit Zozimus, pace cum Alarico nondum confirmata, quod imperator nec obsides dedisset, nec postulatis omnibus satisfecisset, a Senatu Ravennam legatos missos « *Cæcilianum*, *Attalum*, et *Maximianum*, qui deploratis rebus adversis, quæ Urbi accidissent, et eorum multitudine, qui perissent, tragicum in morem amplificata, nihil his rebus perfecerunt ». Honorius dimissis ite legatis « Theodoro præfectura Urbana dejecto, *Cæciliano* eam tradidit; et *Attalum* fisco præesse jussit », inquit Zozimus : Sed loco *præfectura Urbana*, vertendum, *præfectura prætorii*, ut textus græcus habet. Ille prima senatus legatio etiam evincit, obsidionem Urbis anno superiori peractam. Eo enim anno *Theodorus* præfectus prætorio Italiæ fuit, ut liquet ex legibus Cod. Theod., et lex 48 ejusdem Cod. *De hæreticis*, data sub præsentis anni cons. *Ravennæ XVIII kalend. Februarii*, inscripta est quidem Theodoro præfecto præto-

rio, sed lex ult. ejusdem Cod. *De fide testium*, lex ult. *De exhibendis reis*, et lex ult. *Ut intra annum*, aliarque Cod. Theod. hoc anno *XII kalend. Februarii Ravennæ* datæ, *Cæciliano* præfecto prætorio directæ sunt. Quibus inscriptionibus fidem Zozimo adstruentibus, non tantum manifestum sit, Urbem anno præcedenti ab Alarico obsidione cinctam esse; sed etiam eam exente anno factam, et ante illius finem pacem quidem cum Alarico compositam, sed nondum confirmatam, quod Honorius postulatis omnibus non satisfecisset. Liquet etiam *Cæcilianum* post diem xv Januarii, quo *Theodorus* adhuc præfecturam gerebat, et ante diem xxi ejusdem mensis, quo tres citatæ leges ei inscriptæ, præfectum prætorio constitutum esse; cumque is unus e tribus legatis in prima legatione ad *Honorium* missus fuerit, antequam ad præfecturam illam eveheretur, manifestum est, priorem Urbis obsidionem, quæ eam legationem præcessit, cum anno superiori copulandam esse.

4. *In exilium missi Mathematici, qui urbium fata se nosse prædicabant.* — Meminit Baronius num. 8 legis 12 Cod. Theod. *De maleficiis*, data *VIII kalend. Februar.* et *Cæciliano* præfecto prætorio Italiæ inscripta, quæ *Honorius* non tantum Urbe Roma, sed etiam civitatibus aliis omnibus Mathematicos expelli jubet. At hæc, non ad priorem legationem a Senatu Romano, qui hoc tempore Paganus ferme erat, et cujus pars erat *Cæcilianus*, nondum tunc præfectus prætorio, sed ad posteriorem pertinet. Hujus secundæ legationis pars fuit ipse *Innocentius* Pontifex Romanus, cujus meminit Zozimus lib. 3, pag. 819, eique adeo promulgandæ occasionem præbuit, (quod Baronius subodoratus est, et recte explicat Gothofredus in Comment. illius legis) quod Zozimus narrat, et exprobrat Christianis ibid. pag. 816 et seq., et ex illo Baronius num. 6. Eamdem historiam describit Sozomenus, lib. 9, cap. 6, citatus a Baronio num. 7, sed nihil tale de *Innocentio* habet, quale Zozimus Christianorum hostis infensissimus, nempe *Innocentium* clam permisisse Paganis seu vatibus eorum, ut per nuncupata Diis suis vota barbarum hostem abigerent. Non dubium autem posteriori legatione adversus Mathematicos ab Honorio Ravennæ constituto, hanc ad *Cæcilianum* jam præfectum prætorio constitutionem impetratam, ut proinde ex ea colligendum sit mense Januario currentis anni secundam legationem peractam, ac *Innocentio* hanc maculam a Zozimo falso et per calumniam impositam. Quin imo non dubitat Gothofredus, ipsammet *Innocentium* hujus legis auctorem Honorio tum Ravennæ fuisse; cum refert Orosius lib. 7, cap. 39, tempore posterioris irruptionis Gothicæ in Urbem Romam, tanquam justum Loth subtractum a Sodomis, apud Ravennam positum fuisse. Quod si secunda Senatus legatio, cujus potior pars *Innocentius* fuit, proxime post priorem obita, ut Zozimus et Sozomenus innuunt, cum de utraque uno tenore agant, et res ipsa doceat, statim post priorem, quæ irrita fuit,

designatam esse, quomodo prima Urbis irruptio post diem xxiii mensis Augusti currentis anni facta dici potest : præsertim si *Innocentius* legem laudatam de *Maleficiis* tunc imperatori suaserit? Porro ex hac secunda legatione liquet, *Innocentium* in prima irruptione Romæ versatum fuisse; cum inde Ravennam ad imperatorem ad pacem sancendam missus fuerit.

5. *Dicitur Hieronymus Commentarios in Isaiam anno superiori scripsit.* — Ad num. 14 et seq. *Dicitur Hieronymus* anno superiori *Commentarios in Isaiam* scripsit, ut liquet ex iis, quæ ex eo narrat Baronius, anno nempe quo Urbs obsessa fuit, Hieronymum fama accepisse eam obsidionem. Quare cum ea non currenti anno, ut putavit Baronius, sed præcedenti peracta sit, opus illud tunc scriptum. Cumque Hieronymus in cap. 3 Isaiæ scribat: « De hac visione, ante annos circiter triginta, cum essem Constantinopoli, et apud virum eloquentissimum Gregorium Nazianzenum, tunc ejusdem urbis episcopum, sanctorum Scripturarum studiis erudirer, scio me brevem dictitasse subitumque tractatum, etc. » apparet, eum anno ccc.lxxix Constantinopolim protectum esse, ut recte eo anno num. 17 et seq. ostendit Baronius, qui eos annos complexos numeravit.

6. *Post adventum Melaniæ senioris ex Oriente Publicola ejus filius demortuus.* — A num. 16 ad 30. Agit de *Melaniam* seniore ejusque familia Baronius, qui jam anno superiore n. 43 et seq. de eadem locutus fuerat. Hic tamen uno tenore quæ de ea observavimus, referemus. *Melania* marito orbata, filio *Publicola* Romæ relicto, et Rufino presbytero Aquilensi in comitem assumpto, in Orientem perrexit anno trecentesimo septuagesimo primo, indeque rediit eodem *Ruffino* comite anno trecentesimo nonagesimo septimo, postquam Roma annos viginti quinque abfuisset, ut superius visum est. Palladius in *Historia Lausiaca* cap. 118, hanc ejus reditus causam fuisse dicit, quod « de neptis slatu andisset, eam et nupsisse, et velle sæculo renuntiare ». Loquitur Palladius de *Melania juniore* filia *Publicolæ* et *Albinæ*, quæ *Piniano* in matrimonium collocata fuerat, idque anno ætatis suæ decimo quarto, ut habet Metaphraste in *Vita Melaniæ junioris* ad diem xxxi mensis Januarii apud Strium, qui addit, eam annis viginti natam, postquam duos liberos, patremque *Publicolam* amisisset, sæculo renuntiasse; quod et Palladius cap. 119 etiam testatur, qui ait septem annos cum viro vixisse, et xx suæ ætatis anno mundo renuntiasse, quæ *Publicolæ* senioris mors paulo post annum Christi 409 tempore incerto contigit.

7. *Anno superiori Meliana senior suos in Siciliam duxit.* — « *Melania* senior cum suam quoque neptem confirmasset *Melania* una cum ejus marito *Piniano*, et catechesi instituisset *Albinam* nurum suam, uxorem autem sui filii, et persuasisset his omnibus vendere quæ habebant, Roma eos eduxit; et ad honestum ac tranquillum vite por-

tum deduxit, etc.; cumque omnes his verbis liberasset (verbis scilicet Joannis cap. 1, v. 2), ad monasticam vitam traduxit, et filium juniorem *Publicolam* cum instruxisset, duxit in Siciliam, etc.; postquam autem hi omnes Roma abcessissent, qui catechesi instituti fuerant a beata *Melania*, *Barbarica* quædam procella, quæ etiam in prophetis jam olim posita fuerat, in Romam irrumpit, et nec aeneas quidem statuas reliquit in foro », inquit Palladius citatus cap. 118, qui loquitur de clade urbis Romæ, quam hoc anno accidisse diximus. Valesius in *Notis* ad Eusebium lib. 6, cap. 38, publicavit *Epistolam* Rufini ad Ursacium, quam interpretationi *Commentariorum* Origenis in librum *Numerorum* præfixit, ex qua *Melaniæ* senioris cum familia in Siciliam protectio a Palladio memorata confirmatur: « Sed reddendæ », inquit Rufinus, « sollicitationi non tempestivum, ut ille ait, sed tempestuosum nobis tempus ac turbidum fuit. Quis enim ibi stylo locus est, ubi hostilia tela metuuntur? ubi in oculis est urbium agrorumque vastatio, ubi fugitur per marina discrimina, et ne ipsa quidem absque metu habentur exilia? in conspectu clementi, ut videbas etiam ipse, nostro, *Barbarus* qui *Reginum* oppidum miscbat incendio, angustissimo a nobis freto, ubi Italiæ solum Siculo dirimitur, arcebatur. In his ergo posito, quæ esse ad scribendum securitas potuit? etc. » Rufinum enim *Pinianum* ac *Melaniam* conjugem secutum esse in Siciliam, testatur ipsemet Rufinus in fine ejusdem *Epistolæ*, ubi ait: « Jam enim ex omnibus, quæ in lege scripta reperi, sole, ut puto, in *Deuteronomio* desunt orationculæ, quas si Dominus juberet, et sanitatem dederit oculis, cupimus reliquo corpori sociare: quamvis amantissimus filius noster *Pinianus*, ejus religiosum cætum præ amore pudicitie profugum comitatur, injungat et alia ». *Melania* senior pudicitie servandæ causa suos ex urbe Roma eduxit anno superiori, quando metus erat, ne *Alaricus*, quod postea præstitit, Urbem obsidione cingeret. Porro *Alaricum* hoc anno post direptam Urbem, Latium, Campaniam, Bruttios, ac Calabrianam devastasse et incendisse, anno sequenti videmus.

8. *Publicola junior Albinæ filius in Africa moritur.* — Baronius anno superiori num. 44 ait: « Hic Palladium corrige, dum ait *Melaniæ* filium valde juvenem comitatum esse proficiscentem *Melaniam* in Siciliam usque: nam quomodo valde juvenis, cum constet, ante annos circiter quadraginta *Melaniam* seniore[m] viduam esse relictam? vel quomodo in Siciliam usque eam tantum comitatus, qui cum illis navigavit in Africam, ubi et defunctus est? » Verum Palladius non dicit, filium *Melaniæ* eam tantum in Siciliam comitatum esse, sed solum de ejus in Africam, ubi mortuus est, protectione tacet. Quoad alium, quem Baronius Palladio adscribit errorem, Palladius ait, *Publicolam* fuisse *juvencum*, id est, juvenem, ut aliqui veriant, vel *junior-em* ut alii malunt, quod parum refert; cum comparativum illud pro positivo sæpe apud Græcos

sumatur, et Publicola, ut liquet ex Epistola S. Paulini xlv, alias xlv ad Augustinum, in qua num. 2 prosequitur Melaniæ senioris, et unici ejus filii nuper defuncti laudes, mortuus sit antequam « matris exemplo saccum togæ et monasterium Senatui prætulisset, in seculari vanitate præventus », ideoque non multum ætate proventus. *Publicola* enim, de quo loquitur Palladius, non est, ut putavit Baronius, alique multi cum eo, *Publicola* filius Melaniæ senioris et maritus Albinae, sed *Publicola* filius Publicolæ et Albinae, quem Palladius et Paulinus citatus filium Melaniæ senioris appellant, quia scilicet illum ea unice diligebat, et loco filii habebat. Sic Valerianus imper. loquens de Gallieno juniore Cæsare Gallieni Augusti filii ejus filio, illum non nepotem, sed filium vocat apud Vopiscum in Vita Aureliani cap. 8, in Epistola quam ad Antoninum Gallum consulem scribit : « Culpas me familiaribus litteris, quod Posthumio filium meum Gallienum, magis quam Aureliano commiserim » : et paulo post : « Testor omnes Deos me etiam timuisse, ne quid etiam erga filium meum severius, si quid ille fecisset, etc. »

9. *Publicolæ senioris mors post Urbis excidium differri non potest.* — *Publicolum* seniozem in Africa vita functum non fuisse, manifeste indicat sanctus Paulinus in Epistola laudata. Scripsit ad eum Augustinus vel sub hujus anni finem vel sequentis initio de constantia *Melaniæ* senioris in morte unici filii : ad eam Epistolam, quæ ad nos non pervenit, rescripsit Paulinus Epistolam laudatam *idibus Maiis*, ut diserte ipsemet habet num. 8, ideoque die xv mensis Maii sequentis Christi anni, et num. 2 ait Paulinus : « Docuisti me in spiritu veritatis salubre moderandi in occiduis mortalibus animi temperamentum, quo et illam beatam matrem et aviam flevisse carnalem obitum unici filii, taciturno quidem fletu, non tamen siccò a maternis lacrymis dolore vidisti ». Quid clarius dici potuit ; cum *Melania* senior utrinque quidem *Publicolæ* mater, sed nonnisi junioris *avia*, dici possit ? Quis enim Scriptor filii alienjus *matrem*, *aviam* ejus vocavit, cum e contra *avia* non raro mater appelletur : Baronius quidem num. 27 dicit, *Paulinum* vocare *Melanium* seniozem *matrem* respectu defuncti filii, et *aviam* respectu Melaniæ neptis. Sed perperam ; cum in tota illa Epistola de Melania juniore nequidem verbum habeat Paulinus. Augustinus his Paulini litteris acceptis Epistolam xcv, alias ccl, ad eum scripsit, et quidem hyeme ineunte, sequentis scilicet anni. Paulinus enim in Epistola cxxi, alias lviii, proponens Augustino quæstiones aliquot, quemadmodum in superiori Epistola etiam præstiterat, num. 14 ait : « De Resurrectionis forma non grandem, sed plenam fidei instructione Epistolam, qua secundæ consultationi meæ, dum Carthagini hyemares, rescripseras » : Augustinus in ea Epistola num. 1 ait : « Proinde ad istam lætitiā, qua vobiscum est frater Possidius, cum ex ipso audieritis quam tristis eum causa compulerit, hoc me verissime dicere cognoscetis ». Possidius Calamensis episcopus anno

sequentis in Italia fuit, legatus scilicet ad Honorium imp. cum tribus aliis episcopis Africanis contra Donatistas a Concilio Carthaginensi die xiv mensis Junii illius anni habito. Quare nullum mihi dubium est, quin hyeme insequenti ea Augustini Epistola xcv scripta fuerit.

10. *Refellitur contraria sententia.* — Patres tamen Benedictini in ordine Chronologico Epistolarum divi Augustini, arbitrati sunt, Epistolam laudatam Paulini xcv ad Augustinum, datam esse die xv mensis Maii anni cdm. Epistolam vero Augustini ad Paulinum xcv, qua Paulini Epistolæ respondet, scriptam esse hyeme exeuntis anni cdm, aut ineuntis cmx, quia citata verba Augustini, quibus se ad Possidium remittit, interpretantur de facinore a Paganis in urbe Calamensi perpetrato anno cdm, de quo suo loco actum : ac præterea *Melanium seniozem* anno cccxcvii ex Oriente cum Rufino Romam reversam non esse, sed tantum anno cdm, et denique *Publicolam* qui mortuus est in Africa, esse *Publicolum* seniozem *Albinæ* maritum et Melaniæ senioris filium anno cdm ex ipsorum calculo demortuum, et juxta illam epocham Epistolam Paulini xcv et Augustini xcv annis illis constituunt, adeo ut tempus adventus *Melaniæ* ex Oriente ex duabus illis Epistolis deducant, non vero, uti nos, epocham illarum Epistolarum a tempore adventus *Melaniæ*. At hæc sententia nullo pacto stare potest, cum certum indubitatumque esse debeat, die xv mensis Maii anni cdm, quo *Melanium* seniozem cum suis jam in Africa fuisse, et filium unicum amisisse volunt, vel adhuc fuerit in Italia, aut saltem in Sicilia, ibique adhuc versata sit anno cmx post Urbis excidium, nec in Africam navigarit ante illius anni finem vel initium anni cmx, ut ex citato Rufini testis oculati in Epistola ad Ursacium loco manifestissimum redditur. Præterquam quod *Melanium* cum Rufino anno cccxcvii ex Oriente rediisse, invictis argumentis me demonstrasse existimem. Quare duæ laudatæ Epistolæ Paulini et Augustini post annum cmx procul dubio datæ. Quoad tristem causam, quæ *Possidium* in Italiam abire coegit, ea alia est a facinore Calamensi, ut anno sequenti ostendimus. Nullo hic opinionem Chiffletii in part. 2 Paulini Illustrati cap. 34, ubi utramque Epistolam *ad annum fere cxxvi* pertinere censet, quia ea ex his, quæ in medium adduxi, stare non posse liquet. Corrigen-da itaque quæ Baronius hoc anno a num. 27 ad 30 habet.

11. *Augustinus Paulino mittit volumen a se editum.* — Paulinus, ut id obiter observem, in Epistola citata xcv ad Augustinum num. 1 refert, se dum eo anno, sc. cmx, Romæ esset, a Quintino diacono ejus litteras accepisse, de quibus postea ait : « Fateor tamen venerandæ unanimitali tuæ non potuisse me volumen ipsum, statim ut acceperam, Romæ legere ». Quod opus postea *Epistolæ* nomine appellat. Ubi, quantum conjectura assequi possum, loquitur Paulinus de Epistola cm, alias cxxix Augustini ad Deogratias, quam ille lib. 2 Retract., cap.

31, librum appellat, et eni hunc titulum fecit : *Sex quaestiones contra Paganos expositae*; quem quoniam ab eo recensetur inter libros post annum cœvi, et ante annum cœxi editos, Patres Benedictini intra illud tempus compositum esse jure existimant. In eo Augustinus solvit quaestiones sex *Deo gratias* ab amico, quem cupiebat fieri Christianum, propositas. Nec video Paulinum de alio Augustini libro intelligi posse.

12. *Melania annos septem cum sua familia Tagaste mansit.* — Cum Augustinus hoc anno finiente vel sequentis initio accepisset Albinam, Pinianum, ac Melaniam Tagastem adventasse, statim ad eosdem misit Epistolam cxxiv. alias cxxvii, qua significavit, se nunquam majores ætus, quam ista hyeme tam horrenda perpeti potuisse, sed eandem hyemalem asperitatem causam non esse, cur ad illos non venerit, sed quia populus Hipponensis magna ex parte infirmus esset. Addit Augustinus, se quanto-que, ubicumque in Africa fuerint, venturum. Tagastis Hipponæ regio M. P. lxx tantum distabat. Ea Albinæ, Piniano, et Melaniæ, seu Melanio inscripta. Mirum tamen eandem Melaniæ seniori datam non esse. Juxta Doctores Lovanienses Epistola scripta est *Albino, Piniano, et Melanio*, loco Albinæ et Melaniæ, sed Patres Benedictini auctoritate veteris codicis restituere *Albinæ et Melaniæ*, et quia sic etiam inscribitur in Indiculo Possidii cap. 7. Observat tamen Em. card. Norisius lib. 1 Hist. Pelag., cap. 15, ea ætate feminas masculina nominis inflexione a viris doctis nominatas; ita *Paulæ* filia, non *Eustochia*, sed *Eustochium* dicebatur, et sanctus Paulinus Epist. xciv. alias cclxix, Melaniam nuncupavit *Melanium*, Hieronymus vero Epist. lxxix ad Alypium et Augustinum, ait : « Sancti filii communes, Albinus, Apinianus (legendum Pinianus) et Melania plurimum vos salutant ». Denique divus Augustinus librum primum *de Gratia Christi* his verbis exorditur : « Quantum de vestra corporali et maxime spiritali salute gaudeamus, sincerissimi fratres, dilecti a Deo, Albina, Piniano, et Melania, quia effari non possumus, vobis cogitandum credendumque committimus ». Quare Albina aliquando Albinus, et Melania aliquando Melanium nuncupatur, Baronius num. 16 in laudata Augustini Epistola pro Albino *Albinam* substituendam arbitrat, et anno cœxix, num. 103 idem iterat, additque : « Nisi præter Albinam matrem fuerit illic Albinus filius ». Verum, ut inquit Card. Norisius laudatus, Albinum filium Melaniæ fratrem sine teste Baronius supponit. Quia vero scriptor Vitæ sanctæ Melaniæ Piniani uxoris apud Surium ad diem xxxi Januarii scribit, eodem septem annos Tagaste degisse, antequam in Palestinam transmitterent, et ex laudatis verbis ex libro *de Gratia Christi* deductis, patet, eos anno cœxviii jam in Palestina fuisse, Card. Norisius

loco laudato cap. 3. deducit, eos incunte anno cœxi Tagastem ad Alypium, relicta Sicilia, sese recepisse. Verum tunc deducendum, *Melaniam* cum suis anno cœxviii in Palestinam pervenisse; cum eam sub finem anni eurentis, vel sequentis initio in Africam adventasse, excidium Urbis suo anno redditum evidenter demonstret. Neque enim Augustinus de Albina, Piniano, et Melania, quasi recens in Palestinam venissent, loco citato loquitur. Iuno auctor Vitæ sanctæ Melaniæ junioris citatus prodit eam cum *Piniano* marito et *Albina* matre in Palestinam aliquo tempore commorata esse, antequam in Ægyptum proficisceretur, ideoque ab anno cœxviii ad cœxviii exeuntem aut insequentis initium.

13. *Pinianus Hipponæ ad presbyterium invitatus postulat.* — Paucis apud Tagastem transactis diebus *Pinianus* cum suis Hipponem Augustini visendi causa sese contulere, ubi cum *Pinianus* rei sacræ interesset, subito populi tumultu ad presbyterium postulatus fuit, nec exadere potuit, donec juravit sese Hipponem non discessurum, etsi sibi ad suscipiendum clericatum consentire placeret, non nisi in ipsa Hipponensi Ecclesia hoc munus susceperum. Conquesti sunt Albina filique ipsius, *Pinianus* (1), sc. et *Melania*; (Augustinus enim Pinianum filium Albinae vocat Hipponenses pecunie cupiditate virum prædilectum vindicare sibi voluisse, nulliusque vigoris esse juramentum vi metuque extortum. Quam ob rem Augustinus ad Alypium scripsit Epistolam cxxv. alias cxxiv, de qua pluribus Baronius num. 18 et seqq. quomodo suspicionibus et querelis istis sit occurrendum, quæve religione sit exsolvendum juramentum a *Piniano* datum. Quæ Epistola ab Augustino paulo post Epistolam cxxiv anno sequenti scripta. Tum dedit Augustinus Epistolam cxxvi, alias cxxv ad Albinam, exposuitque quomodo res apud Hipponem circa *Pinianum* gesta fuerit, et expostulationibus ejus, ac male conceptis suspicionibus satisfecit. Qua de re ibidem Baronius.

14. *Melania senior nullas filias habuit.* — Observandum præterea Baronium num. 29, dum ait, filias illi superstitales fuisse, cum Hierosolymis Romam rediit, accepisse illud ex Epistola Paulini ad Severum cxxix, alias x, ubi num. 12 ait, se vidisse gloriam Domini « in illo matris et filiarum itinere », quando scilicet ea summa humilitate Romæ ex Oriente advenit. Verum loco *filiarum*, legendum, *filiorum*, ut docet Codex Ms. Viennensis apud Chiffletium in secunda parte Paulini Illustrati, et correxit novus editor Operum Paulini tam ex antecedentibus et consequentibus, quam ex Palladio in Lausiaca cap. 117. Præterquam quod eam duos filios, eodem fere die quo maritum amisisset, et bonis suis filio, qui superstes erat concessis, Hierosolymam perrexisset, docent Paulinus in Epistola laudata, et Hieronymus in Epistola xxv ad Pau-

(1) Cum ait Pagius Pinianum filium Albinae fuisse, profecto errat; nam Pinianus Melaniæ junioris filius Albinae vir erat, ut omnes norunt, et docet præter alios Auctor vitæ S. Melaniæ junioris apud Surium die xxxi Januarii. Sponsi autem (Albinæ) nomen erat *Apinianus* (Pinianus) etc. Cum igitur Pinianum filium Albinae appellat S. Augustinus, filii nomen latius pro genero sumendum est.

lam, in qua Melaniam seniore[m] multis laudibus effert. Quare cum ea quando ex Oriente rediit, unicum tantum filium haberet, *Publicolam* scilicet seniore[m] Albinae maritum, hoc in loco Paulinus *filiorum* nomine nepotes intelligit, confirmatque quod superius diximus, eam nempe in Africa, non *Publicolam seniore[m]* filium, sed *Publicolam* juniorem nepotem amisisse. Nec est quod quis dicat, ibidem Paulinum affirmare eam Neapoli *filiorum nepotumque occursu* exceptam esse, ideoque filios a nepotibus distinguere. Nam cum in ea Epistola num. 19 diserte asserat, Melaniam seniore[m] meruisse revivere *unicum suum*, quem Roma discedens in sinum Christi iactaverat, ut eum ipse Dominus emittret, manifestum est, in praefato loco particulam *que*, pro id est, explicandam esse hoc modo, *filiorum, id est, nepotum occursu*. Sic Plautus inquit, « Rudis est, nescitque quid expediat », ut observat Robertus Stephanus in Thesaur[o] linguæ Latinæ, qui addit, hanc particulam inferre etiam quamdam præcedentium explanationem, ut quando Virgilius l. Æneid. 7 ait,

Mauret alta mente repositum
Judicium Paridis, spretæque injuria formæ.

Quasi, nempe injuria spretæ formæ: vel id est, injuria spretæ formæ. Quæ enucleanda fuere, ut magis exploratum sit, Paulinum in sna ad Augustinum Epistola ordine xciv inter Augustinianas, de morte *Publicolæ* junioris Melaniæ senioris nepotis interpretandum esse. De *Melanie* senioris morte et reliquis ad eam spectantibus, anno cdxix, num. 34 agemus.

13. *Barbari in Hispanias ingressi.* — Ad num. 37 et seq. Idacius in Fastis sub hujus anni coss. habet: *His coss. Barbari Hispanias ingressi.* Cassiodorus vero: *Vandali Hispanias occuparunt*, quod totidem verbis Prosper in Chronico scribit. Sed signantius tempus exprimit alter Idacius anno Abrahami m̄ccxxv, qui kalend. Octob. superioris Christi anni inchoatur: « Alani, et Vandali, et Suevi Hispanias ingressi æra quadringentesima quadragesima septima, alii quarto kalendas, alii tertio idus Octob. memorant die, tertia feria, Honorio VIII et Theodosio Arcadii filio III coss. » Quare cum æra cdxlvii in hunc Christi annum competat, et Idacius anno Abrahami a kalendis Octob. cum Eusebio et Hieronymo, quorum Chronica continuat, exordiantur, ac præsentī anno feria tertia incidat in IV kal. Octob. seu diem xxviii Septemb. Barbaros hoc anno in Hispaniam ingressos, certum indubitatumque; ideoque erravit Gregorius Turonensis lib. 2, cap. 2, qui Vandalorum in Hispanias introitum asserit con-

tigisse post mortem sancti *Bricii* episcopi Turonensis, quæ secundum ejus calculum cum anno Christi cdxliv, aut insequenti alligari debet. Sed sanctus præsul in Historia tam externa quam mixta cum Gallica sæpissime peccat. Porro hæc verba, *alii tertio idus*, in Chronico Idacii ab aliquo sciolo addita: neque enim æra cdxlvii, dies xiii mensis Octob. concurrunt cum feria tertia, sed cum feria quarta. Denique Petavius lib. 42 de Doct. Temp., cap. 47, qui suspicatur Idacium anni initium a Paschale ducere, ex hoc, aliisque pluribus ejus Chronici locis refellitur.

16. *Annus direptionis ex ingressu Vandalorum in Hispaniam probatur.* — Ex hoc etiam Idacii loco liquet, currenti anno Urbem ab *Alarico* direptam, non vero primum obsessam; cum Zozimus lib. 6, pag. 827, de Hispaniarum deprædatione agat proxime antequam *Attalum* imperatorem nuncupatum scribat, quod certum est accidisse post Urbis obsidionem, et paulo ante ejus devastationem. Procopius vero lib. 4 Hist. Vandal., cap. 2, non tantum *Attalum* paulo ante Urbis cladem imperatorem nuncupatum testatur; sed etiam *Constantinum* tyrannum dum Roma iterum obsideretur, Hispaniæ Galliæque subigende arma intulisse, quæ post ingressum Barbarorum in Hispanias evenisse, Zozimus citatus prodit. Denique Isidorus in Historia Vandalorum æra cdxliv, anno nempe Christi cdxvi, tradit: « Ante biennium irruptionis Romanæ Urbis excitatæ per Stiliconem gentes Alanorum, Suevorum et Vandalorum, transjecto Rheno, Gallias irruunt (die nempe ultima mensis Decembris anni cdxvi), Francos proterunt, directoque impetu ad Pyrenæum usque perveniunt (anno scilicet cdxvii) cujus obice per Didymum ac Velinianum Romanos nobilissimos ac potentissimos fratres ab Spania tribus annis repulsi per circumjacentes Galliæ provincias vagabantur. Sed postquam iidem fratres, qui privato præsidio Pyrenæi claustra tuebantur, ob suspicionem tyrannidis insontes et nulla culpa obnoxii a Constantio Cæsare interfecti sunt (hoc scilicet anno) memoratæ gentes Spaniarum Provincias irrumpunt (hoc etiam anno, mense Septembri, æra cdxlvii) ». Quare juxta Isidorum irruptio Gothorum in Romanam Urbem in hunc Christi annum differri non potest.

Alia hoc anno gesta. — Hoc anno *Honorius* legem emisit adversus *Cælicolas*, ut anno superiori num. 9 vidimus. *Augustinus* scripsit Epistolam civ ad *Nectarium*, ubi mentio facinoris Calamensis, ut anno præcedenti num. 11 diximus. Hieronymus scripsit hoc anno Epistolam ordine xi ad *Ageruchiam* viduam, ut probavimus anno cdxvii, num. 11 et seq. SS. Marcella et Pammachius moriuntur, ut anno sequenti num. 13 et seqq.

INNOCENTII ANNUS 9. — CHRISTI 410.

1. *Consules anni hujus aboliti.* — Christi annus quadringentesimus decimus, funestissimus Urbi, unius tantum Varanes (Varari, Varani, Varronis) legitimo consulatu in Oriente creati, Fastis adscriptus habetur. Romæ enim obsidio repetita, imminensque eidem excidium, ab alterius consulis creatione Honorium imperatorem dimoverunt, licet tyrannus Tertullum spurium creaverit consulem. Juste quidem Deus hac quoque ex parte superstitionem exsuscitatam in Romanum populum vindicavit, qui in auspiciando novis consulibus anno revocassent superstitionem majorum : nam de his Salvianus ¹ : « Quid enim ? Numquid non consulibus, et pulli adhuc Gentilium sacrilegiorum more pascuntur, et volantis pennæ anguria quaruntur : ac pene omnia fiunt, quæ etiam quondam Pagani veteres frivola atque irridenda duxerunt ? » ut inter alios Tullius de Divinatione. « Et cum hæc omnia ipsi agant ; qui annis nomina tribuunt, et a quibus et anni ipsi exordium sumunt : credimus nobis bene annos posse procedere, qui a rebus talibus ordinantur ? Atque utinam sicut hæc propter consules tantum fiunt, ita illos tantum incesserent, propter quos fiunt. Illud est feralissimum, et gravissimum, quod dum consensu publico aguntur, honor paucissimorum fit crimen omnium ; ac si ex singulis hinc inaugurarentur, prope est ut in omni mundo nullus evadat ». Hæc Salvianus. Quibus plane profanis ritibus hand caruit præsens annus, cum Attalus arripens sibi nomen Augusti, mox consulem creavit Tertullum Gentilem hominem, ejus meminit Zozimus ². Porro Tertulli consulis nomen est a Fastis abjectum, quod a tyranno esset consulatus spurie illi collatus. Qualis autem hic novus consul, quantoque timore processerit, Orosium audi ³ : « Umbratilis, inquit, consul Tertullus ausus est in Curia dicere : Loquar vobis, Patres conscripti, consul et pontifex, quorum alterum taceo, alterum spero. Sperans ab eo qui non habebat spem ; et maledictus utique, quia spem suam posuerat in homine ». Id enim ipsi male pasti pulli, vel alites sunt augurate

volantes. Vides ergo vel ex his hujus temporis statum Urbis.

2. *Attalus ab Alarico creatus imperator, unde multa Romanis adversa.* — Sed magno plane Dei consilio permissum est, ut summa rerum proditorie ad Gentiles iterum deferretur, quibus et jam victor Barbarus ipse faveret, necnon in omnibus patrocinaretur Alaricus : ut ex hoc magis vanæ superstitionis imbecillitas, inanisque ac falsus prorsus deorum cultus argueretur. Nam cum advenisse videretur tempus, quo idololatria in integrum restituenda foret, et ipsa Christiana religio obruenda, conspirantibus Barbaris atque Gentilibus, ipsorumque diis ceptis faventibus, atque responsis maxima pollicentibus : resistente unico Deo, ut fumus a vento, omne ipsorum consilium dissipatum est, vires irritæ, cassaque penitus vana deorum promissa reddita sunt : quin et Barbaros ipsos, quos sibi Gentilitas conciliarat, sui mox ultiores sceleris sensit.

3. At rei gestæ seriem ex hujus temporis scriptoribus jam reddamus. Ait enim in primis Sozomenus ¹ : « Cum igitur Alaricus rex Gothorum, legatione per episcopos quosdam, facta hujus rei petitione (de qua anno superiori dictum) frustratus esset : Romam reversus, civitatem oppugnat ; et Portu ex altera parte occupato, cogit Romanos, ut Priscum Attalum Urbis tunc temporis præfectum, secta Arianum, crearent imperatorem ». Gentilium factio id perfecit idolorum cultorum : in quorum manu enim præfectura Urbana esset, haud tantum fuit virium ipsis Christianis qui Romæ erant, ut intus tyrannum e medio tollerent, et obsidentem Urbem Gothorum exercitum superarent. Sed quid post hæc subdit Sozomenus, referamus :

4. « Romanis igitur ad aliud imperium translati, constituitur utriusque exercitus dux Alaricus, et sororis ejus maritus Athaulphus præfectus equitum, quos domesticos appellant ». De aliis vero magistratibus ita dispositum est : nam præter consulum (ut diximus) Tertullo collatum, Valenti (inquit Zozimus ²) « qui præfuerat Dalmaticis legionibus,

¹ Salvi. de recto judicio l. vi. — ² Zozim. l. vi. — ³ Oros. l. vii. c. 42.

¹ Sozom. l. ix. c. 8. — ² Zozim. l. v.

tradita est etiam militum post Alaricum praefectura : Lampadius autem creatus praefectus praetorio, superstitioni, si quis alius, addictissimus, ad quem extat de Fato atque fortuna S. Augustini ¹ Epistola, qua eum a mathematicorum ineptiis studuit dimovere. His vero delectis primoribus magistratibus, subdit Sozomenus : « Attalus porro Senatu convocato, orationem habuit prolixam et splendide elaboratam, qua Senatui promittebat, se patria omnia illi conservaturum, et Aegyptum insuper et universum Orientis imperium Italii subiecturum ». Addit his vero Zozimus ², et ipse Gentilis : « Cives Romani magna letitia fruebantur, qui et alios magistratus Reipublicae recte gerendae peritos nacti fuissent, et insignem ex Tertullii consulis honore voluptatem caperent. Solam illorum familiam, qui Anicii dicebantur, mordebant ea quae publice universis conducere videbantur : quod soli omnium, prope dixerim, divitias possidentes, felicitatem publicam perimolestae ferrent ». Ita quidem Zozimus Ethnicus de Christianis omnium nobilissimis, erga Deum atque imperium fidelissimis, de quibus saepe superius mentio facta est. Aversatos quidem hos fuisse praesumptum seculum, maximae ipsorum laudi cedit, quod crimini eisdem Zozimus deorum cultor conatur adscribere. Quae vero haec fuerint consecuta, sic idem Zozimus narrat ³ :

5. « Cum autem Alaricus Attalo recte consulisset, ut mediocres copias in Africam et Carthaginiem mitteret, earumque opera Heracliano abrogaret imperium, ne per illum quoque partes Honorii sectantem aliquod impedimentum rebus institutis accideret : Attalus ejusmodi admonitiones nihil facere, sed eas spes amplecti, quas ei vates facerent. Itaque persuasus citra pugnam se Carthagine totaque potiturum Africa, non Drumam mittit, qui cum Barbarorum copiis, quas ducebat, facillime potuisset Heraclianum imperio dejicere ; sed Alarici consilio posthabito, Constantino in Africanos milites imperium tradit, nullis idoneis cum eo copiis ablegatis ». Qui ab exercitu Heracliani mox cum suis interfectus est : quod etiam idem auctor inferius subdit, stultitiae Attalum incusans, quod monitis Alarici minime parvisset. At quid peccavit Attalus (appello te ipsum) si responsis deorum standum potius quam Barbari consilii, existimavit ? quis, eorum quae dantur hominibus, non ducat humanis omnibus, praeferenda esse divina ? Sed plane ; invitum licet, cogeris. Zozime, succumbere veritatis imperio, atque fateri, nonnisi fallacias, atque ad decipiendum miseros mortales deorum fuisse responsa. Porro eadem quae Zozimus, habet quoque Sozomenus de Attalo deluso responsionibus vatium : sed quem Zozimus Constantium missum in Africam, Constantem ipse nominat, de quo ista subdit ⁴ : « Cum itaque Constans ex vatium sententia Carthaginem adnavigasset : Attalus usque adeo mente captus fuit, ut ne dubitare qui-

dem dignaretur ; sed plane sibi persuaderet, se Afros jam secundum praedictiones vatium habere subditos. Itaque Ravennam versus (ubi erat Honorius) expeditionem movet.

6. « Simul atque igitur Ariminum una cum Romanorum ac Barbarorum exercitu pervenisse nuntiaretur, scribit ad illum ceu ad imperatorem Honorius, et legatis missis, iis qui sub ipso maximis dignitatibus fungebantur, declarat se illum libenter in regni consortium esse recepturum. Attalus vero se imperii consortem admissurum esse negat ; sed indicat Honorio, ut vel insulam, vel locum eligat quem vellet, in quo privatus degat omni imperii cultu deposito. In eo cardine cum res versarentur, ut et naves jam haberet paratas, si forte necessitas eum adnavigare cogeret ad fratris filium : ex improvviso sub sex signis circiter quattuor milia militum ex Oriente noctu Ravennam appulerunt, quibus ille mœnium excubias commisit, quod indigenarum militum proclivitatem ad prodicionem metueret ». Haec ipse : eadem quoque omnia Zozimus aequè refert ; nisi quod in numero missorum ex Oriente militum a Sozomeno multum discrepat, dum ait sex militum legiones ad Honorium missas, militesque in eis numero quadraginta milia. Cujus rei causa Honorius Ravennae consistere decrevit, quousque rerum Africanarum status nuntiaretur ; de quibus idem Sozomenus ¹ :

7. *Lætæ egregia facta in famis tempore.* — « Interea temporis Heraclianus, interfecto Constante, vigiles constituit in portibus et littoribus Africae, et mercatorum naves Romam proficisci vetuit. Ex quo cum famas Romanos invaderet, illi hac de re legatos mittunt ad Attalum. Ille vero cum huic rei nullum videret remedium, Romam reversus est, quasi cum Senatu de hac re consulturus : fame interim in tantum invalescente, ut castaneis pro frumento uterentur, et nonnullos etiam carnes humanas gussasse suspicarentur ». Haec de dira fame Sozomenus. Addit ad haec Zozimus ², tunc temporis Romae in circensibus exhibitis ex more spectaculis, populo fame tabescente, illud conclamatum fuisse ad novum imperatorem : « Praefium pone carni humanae » : et quidem his consentientia scribit sanctus Hieronymus ad Principium de Roma, ubi ait ³ : « Fame perit, antequam gladio : et vix pauci, qui caperentur, inventi sunt : ad nefandos cibos erupit esurientium rabies, et sua invicem membra laniarunt : dum mater non parit lactenti infanti, et suo recipit utero, quem paulo ante effuderat ». Haec Hieronymus.

8. Huius quidem famis tempore egregiam enituisse virtutem Lætæ clarissimae feminae, quae cum praedives esset, de bonis suis alebat pauperes, ait Zozimus, cujus haec sunt verba ⁴ : « Compluribus autem cibum suppeditabat Læta, Gratiani quondam principis conjux, ejusque mater Pissamena : quippe

¹ Aug. ep. CCXLIII. — ² Zozim. l. vi. — ³ Ibid. — ⁴ Sozom. l. ix.

c. 8.

¹ Sozom. l. ix. c. 8. — ² Zozim. l. v. — ³ Hier. ep. xvi. — ⁴ Zozim. l. v.

quod fiscus eis apparatus regiae mensae praeberet, a Theodosio munus hoc consecutis, non pauci, quae earum mulierum erat humanitas, ex earum domo famem solabantur». Haec Zozimus. Sed nonnihil revocari potest in dubium, quod de nomine habet feminae alentis pauperes. Etenim si, quae tanta esurientibus praestitit, vere fuit Gratiani olim uxor: cum nonnisi semel eum conjugio obligatum constet; nomen quidem uxoris ejusdemque Augustae, non fuit Laeta, sed (ut habet Ammianus¹) Flavia Constantia dicta filia posthuma Constantii imperatoris. Quod si Laeta nomine Romana femina tanta praestitit: vixit quidem his temporibus Romae generis claritudine nulli secunda, et opum abundantia, sed magis religione Christiana conspicua Laeta filia Albini clarissimi viri, de qua superius dictum est nurum fuisse sanctae Paulae, uxorem ejus filii Toxotii. ad quam extat S. Hieronymi Epistola² de institutione filiae, nempe Paulae Junioris ex repromissione martyris nate, et Deo dicata; quam, fortasse praescia sancta mater venturi Urbis excidii, ad annitam S. Eustochium virginem in Palaestinam ante transmisit. Cui, in luto filia collocata, quid reliquum fuit, nisi ut paternis divitiis a majoribus longa serie successioneis auctas atque reconditas, ne fierent praeda Barbaris, per pauperes in caelum transferret? Post famem vero pestem seculam esse, Zozimus³ tradit his verbis: «Et quoniam nullum aderat mali sanandi remedium, jamque cuncta ventris inedia succurrentia defeceant: famem (ceu consentaneum erat) pestis comitabatur; omniaque plena cadaveribus erant. Cumque non possent extra Urbem sepeliri cadavera, quod omnem exitum hostes observarent, Urbs ipsa mortuorum sepulcrum erat: adeo quidem, ut alioqui etiam solitudo in Urbe foret, si quae nulla fuisset alimentorum penuria, vel exhalans e cadaveribus odor ad inficienda corrupendaque corpora suffecisset». Haec Zozimus.

9. *Attalus precatur imperio et illius finis.* — At quis, rogo, in has redegit angustias Urbem, nisi Gentilium factio scelerata? ut plane desipuisse arguantur qui cladem Urbis adscriberent Christianis: cum ex deorum falsis responsis haec omnia factitata, ipse (ut vidimus) deorum cultor Zozimus compulsus fuerit confiteri. Subdit vero post ista Sozomenus: «Alaricus quidem suadebat, ut quingentos (quinque mille) Barbaros adversus Heraclianum mitterent: sed Senatui et Attalo videbatur non oportere concedi Barbaris Africam». Alaricus igitur, qui haecenus cum exercitu laborasset, ut civitates Italiae subditas Attalo redderet; ob contrarium rerum eventum, Deo sic disponente, in Attalum commotus, eum ab imperio abdicandum curat: rem gestam ita Zozimus narrat⁴: «Itaque Alaricus reapse consilium suum exsequens, extra urbem Ariminum, in qua tunc morabatur, productum

Attalum diademate spoliatur, et exiit purpura; atque his ad Honorium principem missis, Attalum in omnium oculis ad privatam vitae conditionem redigit, apud se tamen una cum Ampelio filio retentum, donec pace cum Honorio constituta, vitae securitatem eis impetrasset. Placidia quoque soror imperatoris apud Alaricum manebat, vicem illa quidem obsidis modo quodam implens, ita tamen, ut omni honore cultuque regali frueretur». Haec eadem de abrogatione imperii Attali Sozomenus habet.

10. At quid post haec Attalo exauctorato acciderit, Orosius docet, ubi primum ista in eum⁵: «Quid de infelicissimo Attalo loquar, cui occidi inter tyrannos honor, et mori lucrum fuit? In hoc Alaricus imperatore facto, infecto, relecto ac defecto, citius his omnibus actis pene quam dictis, nimium risit, et ludum spectavit imperii»: Et paulo post: «Attalus itaque tanquam inane imperii simulacrum, cum Gotthis usque in Hispanias portatus est: unde descendens navi, incerta moliens, in mari captus, et ad Constantium comitem ductus, deinde imperatori Honorio exhibitus, truncata manu, vitae relictus est». Haec Orosius: sed ista post annos plures accessisse, suo loco dicemus. Subdendae his modo sunt sanctiones, hoc anno, de illis qui relicto tyranno redissent ad castra, ab Honorio Augusto promulgatae, atque in primis quam Februarii mense sancivit his verbis⁶:

11. *Honorius de perduellibus statuit, relaxat Africanis tributa.* — «De his qui tyrannicae praesumptionis sacramenta sectati, ad nostrum imperium redierunt, hanc volumus esse sententiam: Ut quos inter incendia tyrannidis assumptae fidelis penitendo revocavit, ordinem et fructum militiae non amittant. Eos vero quibus letum regressum necessitas desperationis indixit, soluto cingulo, matricula convenit aboleri: ita ut illud quoque par reverentiae forma custodiat, ne redire ei ad pristinam militiam liceat, qui aliud militandi genus elegerit. Dat. prid. id. Febr. Raven., Varane cons.» Mense vero Augusti sic de iisdem:

«Liberata Republica tyrannidis injuria, omnium criminum reos relaxari praecipimus. Dat. VIII id. Aug. Raven., Varane V. C. cons.» Ex his et rerum gestarum tempus perspicue intueri datur, quonam scilicet tempore Attalus in ordinem redactus fuerit.

12. Quod autem idem Honorius imperator expertus esset populos Africanos de Republica optime meritos in repellendo et insectando eos qui ab Attalo missi fuerant; de iisdem bene mereri, dignum existimavit: quoniam ad Macrobinum in Africa proconsulem pro eisdem ita rescripsit⁷:

«Considerantes Africae devotionem, usque in initium fusionis quintae universa reliqua quae tam ad Arcam sublimium potestatum, quam ad largitiones pertinent, relaxari praecipimus. Privatae quo-

¹ Ammian. l. xxi. prope fin. — ² Hier. ep. vii. — ³ Zozim. l. v. — ⁴ Zozim. l. vi. prope fin.

⁵ Oros. l. vii. c. 42. — ⁶ L. xi. de indulg. crim. C. Theod. — ⁷ L. vi. de indulg. debil. C. Theod.

que rei debita similiter relaxamus, chartis abolitis, quibus debita publica continentur. Dat. VII kal. Jul. Ravennæ, Varane cons. »

13. *Theodosius Orientis oras observari jubet.* — Inter hæc autem, cum tot tantisque turbis ageretur Occidentale imperium, Theodosius imperator, ne in Orientem furor barbaricus infunderetur, iussit portus et littora omni vigilantia custodiri. Extulit ea de re ejus rescriptum ad Anthemium præfectum prætorio, curatorem imperii, cujus arbitrio cuncta disponebantur, his verbis editum ¹ :

« Omnes stationes navium, portus, littora, omnes abscessus provinciarum, abdita quin etiam loca, et insulæ, tue magnificentie dispositione, solerti custodiantur indagine : ut nullus vel vi, vel clam, vel aperto, vel etiam occulto nostri possit imperii regiones irrepere, qui non aut interdictis prohibeatur obicibus : aut cum accesserit, illico teneatur, nisi sacros apices a domino patre meo Honorio ad me perferre, apertissima ratione monstraverit : cum eadem diligentia observando, ut si ad alium quemquam a memorato principe dixerit habere affatus, petitor (portitor) delento, sacra littera cum omnibus chartis signatæ ad meam clementiam transmittantur. Ille enim et tyrannici furoris, et barbaricæ feritatis occasio persuadet, et inter me dominumque et patrum meum Honorium vicissim recurrente admonitione convenit. Dat. VIII kal. Maii, Constantinopoli, Varane V. C. cons. » Hæc Theodosius. Sed jam quæ reliqua sunt, prosequamur.

14. *Quando et quomodo Urbs capta fuit ab Alarico, et quid de Honorio sentiendum.* — Constantini plane sunt animo deorum cultores Romæ, cum res Attali imperatoris sui collapsas penitus intuerentur, qui falsis oraculis adeo magna de eo conceperant. Par quidem fuisset, qui se a diis intelligere esse deceptos, eisdem omnino remittere nuntium, atque ab impietate ad veræ religionis se cultum transferre. Sed licet sic humiliati, non sunt compuncti : factumque ut qui admissi sceleris nulla affecti sunt pœnitudine ; eundem Alaricum, quem in patrocinium advocarant, perpetrati quoque facinoris sævum experirentur ultorem : sed quomodo id acciderit, Sozomenus narrat his verbis ² : « Hæc res hujusmodi eventum fuisse sortitas, haud mediocriter doluerunt tum pagani, tum illi Christiani qui Arianam sectabantur hæresim. Illi enim, ducta conjectura ex Attali tum proposito et priori educatione, prorsus existimabant, illum palam paganismum amplexurum, et ipsis templa patria restitutura, et ferias, et victimas. Illi vero se primum in Ecclesiis, sicuti tempore Constantii ac Valentis, rursus consecuturos arbitrabantur : si quidem inde firmatum contineret imperium : propterea quod a Sigasario Gothorum episcopo baptizatus, et ob id cum ipsis universis, tum maxime Alarico carissimus esset. Non multo post autem

Alaricus cum venisset ad Alpes (locus hic est plus minus sexaginta stadiis Ravenna distans) cum imperatore de pace communicat.

15. « Sarus autem quidam, natione barbarus, sed in rebus bellicis egregie exercitatus, qui circiter trecentos solos, omnes tamen strenuos ac fideles, secum habebat : cum Alarico ob priorem simultatem suspectus esset ; considerabat, sibi nequaquam utilia fore inter Gothos ac Romanos percussa fœdera : ideoque repente cum suis irruens nonnullos ex Barbaris interfecit. Illic igitur et metu simul, et ira percitus Alaricus, eadem via revertitur » ; et obsidionem videlicet Urbis : eadem quoque de Særo Zozimus, cujus historia fine carens hic desinit. Subdit vero Sozomenus : « Reversus Alaricus, Romam obsidione cinctam per proditorem capit ».

16. At quenam hæc, et a quibus ista proditio ? Egnatius ex Procopio rei gestæ seriem acceptam se referre testatur, cum ait ³ : « Astu autem barbarico capta Urbs traditur in hunc ferme modum, quem Procopius solus ex omnibus, quos legi, tradat : ut mirer ab interprete vel rem totam dissimulatam, vel cum in mutilum Græcum codicem incidisset, non animadvertens. Ille igitur in hanc sententiam : Obsederat Romam Alaricus jam biennium ; nec Honorius, qui Ravennæ desidebat, aut ferre suppetias poterat, aut audebat. Nam cum nihil minus quam de Urbis salute sollicitus esset, Silicone interfecto ; ducem exercitui minime præfecerat, qui rem adversus Gothos ministraret. Unde Gothi obsidendæ Urbis cogitatio, Romano milite aut dilapso, aut segnitè rem agente, Verum eam frustra obsessam cum vi expugnare non possent, ad dolum hostis barbarus vertitur. Protectionem in patriam simulat, trecentos juvenes corporis et animi vi præstantes deligit, quos Romanis principibus dono det, instructos prius, ut omni obsequio dominos suos promereri studeant, et ad certam diem circa meridiem, cum Romani principes somno vel otio vacarent, ad Asiariam portam advolent, interfectisque improvise insultu custodibus, portam sibi præsto futuro aperiant. Interea Gothi cum reditu, alia atque alia deesse sibi simulantes, differrent : trecenti illi juvenes occasione egregie usi portam stato die suis aperiunt ; et intromissus Gothus majore ignominia quam danno Urbem omnem populat » . Hæc ex prætermisso fragmento Procopii Egnatius sibi vindicat, qui indigno ferens animo rem tantam relictam a majoribus silentio obvolutam (ut proficitur) illustrandam suscepit : utinam non majoribus tenebris offudisset, cum falsa narrans, quæ ad elucidationem historię pertinent, incuria prætermisit ; remque tantam vix quadraginta versuum dictione, quamvis curiose studioseque se elaborasse demonstrat, absolvit.

17. Sed excipiat ictus Procopii nomen, quod ipse clypeum obijcit, liberans fidem suam ; nec obijciamus de veritate codicis sibi tantummodo noti,

¹ L. II. de lit. et lit. custod. C. Theod. — ² Sozom. l. IX. c. 9.

³ Baptist. Egnat. Roman. Princ. l. I.

qui præterit Procopii accuratum interpretem. Est quod mireris, lector, tam brevi narratione, tanta esse coagmentata mendacia. Ubi primum, rogo, auctori innotuit, biennio perdurasse Urbis obsidionem antequam caperetur? Nonne libera fuit toto tempore quo Attalus imperavit, quem Alaricus in imperii fastigium extulit? Nonne et prior est soluta obsidio teste Zozimo et aliis omnibus hujus ætatis scriptoribus, simul ac fuit a Romanis pax auro redempta? Et quomodo illud subdit, post necem Stiliconis, usque ad Urbis expugnationem per biennium illud sine duce Romanum exercitum perseverasse; cum ex Zozimo ¹ constet electos plures, atque sæpe mutatos, nempe Turpilionem, Varanem, Vigilantium, inde Geveridum, postea vero Constantium, ut prætermittamus dicere de his qui extra Italiam exercitibus duces præerant, ut de Heracliano in Africa, Sario qui Hunnos ducebat, et aliis adversus Constantium tyrannum et Barbaros in Galliis et in Hispaniis militantibus. Et quid, quæso, opus fuit trecentos donare Romanis Gothos, quorum ope porta illis pateret Urbis: cum negatum nunquam fuerit iisdem qui vellent Gotthi in Urbe degere, semperque moris fuerit, frequentes illic esse Gothos inquilinos? ob id namque est illud Rutilii ² de Urbe a Gotthis habitari solita:

Et captiva, priusquam caperetur, erat.

Rursus vero unde illud auctori, meridiæ, cum Romani somno torpescerent, ingressos per portam Asinariam Gothos, cum S. Hieronymus ³ noctu captam esse significet? Sive igitur Procopius qui post centum annos hæc scripsit, sive auctor qui eum citat, hæc penitus ipse confinxit; nulla (quod non asserimus) hæc fide subsistunt, sicut nec quæ dicturi sumus.

18. Scimus enim alios jactasse, Urbem Alarico traditam proditione Probæ Faltoniae uxoris Adelphii Senatoris, commiseratæ Romanos longa obsidione vallatos fame et peste perire. Sed nulla quidem alia hujus nominis femina hoc tempore Romæ vixisse reperitur, nisi illa de qua sæpe superius, Proba Faltonia Probi præfecti prætorio conjux, mater Julianæ, aviaque S. Demetriadis, de quibus sanctissimis feminis multa superius, pluraque proxime dicturi sumus. At quomodo id fieri contigisse potuit longioris obsidionis obtentu, cum (ut apparet) novissima obsidio ista perpaucis tantum diebus perduravit? Et quod ipsi ex proditione compendium, cum honorum jacturam sit passa, vivique temulentorum Barbarorum manus evaserit? Explosis igitur ligamentis his pro arbitrio absque antiquorum festificatione vulgatis, cuncta serius et accuratius expendamus, ac primum quæ spectant ad diem ab Alarico capte Urbis, ut ex temporum elucidatione reliqua apertam vindicentur in lucem.

19. Ingressum quidem fuisse hoc anno in

Urbem Alaricum nono kalendas Septembris, qui Paulus diaconus falso dicitur, auctor Miscellæ, scriptis prodidit: quem sequi potius quam recentiores quosdam asserentes, Urbem a Gotthis captam kalendis Aprilis, juste decernimus: siquidem id recitata nuper Honorii imperatoris rescripta suadent, et in primis illud hoc anno datum octavo idus Augusti ¹, quo ob extinctam tyrannidem, liberatamque penitus Rempublicam, omnes criminum reos a meritis pœnis absolvit, eos videlicet qui tyrannum Attalum secuti essent: nam cum ipse imperator dicat, liberatam Rempublicam a tyrannica injuria; plane significare voluit ipsam liberatam ab Attalo, vere tyranno; cum alioqui Alaricus non tyrannus, qui sibi assumpserit nomen imperatoris, sed hostis potius dictus ab omnibus reperiatur. De Attalo quidem accipienda esse verba rescripti, nulla est penitus dubitatio. Siquidem cum plures Romanorum inventi sint esse secuti Attalum, et in ejus castris militasse; nullus legitur transisse ad castra Gothorum, quorum causa ejusmodi fuerit lex sancienda. Porro cum consentiant omnes, captam Urbem post pulsum Attalum: non potuit kalendis Aprilis id evenisse.

20. Rursus vero et illo etiam adducimur argumento, quod constat testificatione S. Hieronymi ², per fugos ab Urbe ex Occidente in Orientem ex hac Barbarorum invasione pervenisse Hierosolymam hieme propinquantem: quod si talem fugam capessissent mense Aprilis, cujus kalendis Urbem captam volunt, certe quidem æstivo saltem tempore eorum adventus Hierosolymam contigisset. Sed bene congruit, ut qui expugnata Urbe mense Augusti, fuga sibi consulentes, Hierosolymam peterint, pervenerint illuc appropinquantem jam hieme. Sed hæc de tempore manifestiora redduntur ex his quæ hoc eodem anno inferiori dicturi sumus, cum agemus de Concilio Carthaginiensi, quod hoc anno ante Urbis excidium celebratum est. Sic igitur quod ad tempus pertinet, cum antiquioribus affirmamus, hoc anno Domini quadringentesimo decimo, sub consulatu Varanes, Alaricum Urbem cepisse, a tempore postquam ipsa fuit condita, secundum Varronianam supputationem, anno millesimo centesimo sexagesimo secundo.

21. His igitur de tempore capte ab Alarico Urbis elucidatis, jam ad reliqua, quæ obscura videri poterant, facilius erit ingressus; ut quod ait Sozomenus, Alaricum ob injuriam acceptam a Sario ad expugnandam Urbem quantocius esse reversum, et cinctam obsidione Romam proditione cepisse: ex quibus appareat hæc omnia confecta esse mense Augusti, post datum illud rescriptum Honorii octavo idus ejusdem mensis Augusti. Quin etiam si insumpti in itinere temporis ratio habeatur, dicendum sit, eandem Urbem ut accessit, Alaricum ex improvviso cepisse: sed quorumnam proditione, nisi amicorum,

¹ Zozim. l. v. — ² Rutil. Itiner. l. ii. — ³ Hier. ep. xvi.

¹ L. xii. de indul. cri. C. Theod. — ² Hier. præf. in l. vii. in Ezech.

nimirum eorum qui cum Attalo conspirant? Hinc videas S. Prosperum in Chronico dicere, Attalum privatum regno, illud cessisse Gothi. Hinc et illud intelligas, quod ob inopinatum ex improvviso Alarici in Urbem reditum et in eam ingressum contigisse dicitur de Honorio, quod cum accepisset repentinum nuntio Romam perditum; nihil ejusmodi vel cogitantem, putasse hoc ipsum de gallo gallinaceo, Roma nominato, esse renuntiatum. Sane quidem si quis ea in mentem revocet, quæ ex Claudiano superius dicta sunt de immensa Alarici ante concepta fame potiundæ Urbis, et nihil aliud animo die noctue versantis, præterquam Romam capere: in eam plane sententiam veniet, cuncta quæ antehac ab eo acta sunt de Attalo ignavo homine in imperium provehendo, eodemque privando, et cum Honorio pacem sanciendo, ea omnia ab ipso proditiōe molita esse, ut volū diu concepti compos fieret; atque pacis involuero, Honorio securo jam reddito, et incauto, ita proditiōnem perfidus occultaret: cum captata quavis levi occasione ad excusationis prætextum, ad Urbem invadendam quam festine redierit, ipso Honorio nihil ejusmodi, vel leviter suspicante.

22. Cæterum quod sui imperii tempore post tot Urbis regnantis sæcula contigerit illam a Barbaris turpiter capi, Honorius gravissimam invidiam passus est, a Gentilibus præsertim, qui eo magis ipsum Honorium impium esse dicerent, quo in Christiano cultu religiosior appareret. Verum rem accuratius ex eventis considerantes, nonnisi in Gentilium jacturam idololatricę dispendium Urbis cessisse cladem, omnes intelligunt: ipsi vero Honorio, illis abolitis, pietatem qua sibi Deum conciliaverat, magnopere profuisse, rerum eventa perspicue demonstrarunt; cum ipse summus qui cuncta moderatur omnipotens Deus, et Alaricum e medio sustulit, et tyrannos in ipsum imperium insurgentes delevit, pacemque quam ne sperare quidem fas erat, ex inopinato restituit. Ut plane miraculo adscribendum sit, ipsum Honorium imperatorem in Hispania, Britannia, Gallia, Italia, ac denique Africa a Barbaris atque tyrannis impetitum, et obrutum, emersisse tandem, atque superiorem his omnibus extitisse. At ne hæc nova assertione ostentata putes; quæ dicturi sumus, te reddent in omnibus facile certiores.

23. *In direptione Urbis Christiana religio triumphat.* — Jam vero de his quæ contigerunt cum Alaricus in Urbem ingressus est, aggrediamur historiam: ac primum tradita ab Orosio¹ hic redamus, qui his verbis rem gestam prosequitur: «Adest Alaricus, trepidam Romam obsidet, turbat, irrumpit; dato tamen præcepto prius: Ut si qui in sancta loca, præcipueque ad sanctorum Apostolorum Petri et Pauli basilicas confugissent, tum in primis violatos securosque esse sinnerent: Hos deinde in quantum possent, prædæ inhiantes, a sanguine temperarent. Accidit quoque quo magis illa Urbis

irruptio indignatione Dei acta, quam hostis fortitudine probaretur: ut beatus Innocentius Romanæ Ecclesiæ episcopus, tanquam justus Lothi substractus fuerit a Sodomis, occulta providentia Dei, apud Ravennam tunc positus, peccatoris populi non videret excidium. Discurrentibus per Urbem Barbaris, forte unus Gothorum, idemque potens et Christianus, sacram Deo virginem jam a late provecam in quadam Ecclesiastica domo reperit. Cumque ab ea aurum argentumque honeste exposceret: illa fidei constantia esse apud se plurimum, et mox proferendum spondit ac protulit (erant hæc vasa sacra in custodiam accepta, quæ haud absque instinctu Spiritus sancti Barbaro revelanda putavit). Dumque expositis opibus, attonitum Barbarum magnitudine, et pondere ac pulchritudine, ignota etiam vasorum qualitate, intelligeret: virgo Christi ad Barbarum ait: Hæc Petri Apostoli sacra ministeria sunt, præsume, si audes: de facto tu videris. Ego quia defendere non valeo, neque tenere audeo.

24. Barbarus ad reverentiam religionis timore Dei, et fide virginis motus ad Alaricum hæc per nuntium retulit. Qui continuo reportari ad Apostoli basilicam universa, ut erant, vasa imperavit: virginem etiam, simulque omnes qui se adjungerent Christianos, eodem cum defensione deduci. Ea domus a sanctis sedibus longo (ut ferunt) et medio interjectu Urbis aberat. Itaque magno spectaculo omnium, disposita per singulos singula, et super capita elata palam aurea atque argentea vasa portantur: exerts undique ad defensionem gladiis pia pompa munitur: hymnis Deo Romanis Barbarisque concinentibus, publice canitur: personal late in excidio Urbis salutis tuba, omnesque etiam in abditis latentes invitat ac pulsant: concurrunt undique ad vasa Petri vasa Christi. Plurimi etiam Pagani Christianis professione, si non fide, admiscuntur: et per hoc tamen ad tempus, quo magis confundantur, evadunt, Christiani videlicet. «Quanto copiosius aggregantur Romani confugientes, tanto avidius circumfunduntur Barbari defensores.

25. «O sacra et ineffabilis iudicii divini discretio! O sanctum istud, et salutare flumen, quod parva exortum domo, dum beato alveo in sanctorum sedes tendit, oberrantes periclitantesque animas in salutis sinum pia rapacitate pervexit! O præclara illa Christianæ militiæ tuba, quæ generaliter cunctos dulcissimo ad vitam modulamine invitans, quos ad salutem inobedientes non suscitavit, inexcusabiles reliquit ad mortem! Mysterium hoc, quod in transferendis vasis, dicendis hymnis, ducendis populis fuit, tanquam magnum erubrum fuisse arbitror, per quod ex congregatione populi Romani, tanquam ex magna massa frumenti, per omnia ex universa ambitu civitatis latebrarum foramina effluxere grana viva sive occasione, sive veritate commota; omnia tamen de præsentī salute credentia, ex horreo Domini præparationis recepta sunt. Reliqua vero sicut stercora et velut palæ, ipsa vel incredulitate, vel inobedientia præjudicata, ad exterminium atque

¹ Oros. l. vii. c. 39.

incendium remanserunt. Quis hæc perpendere plenius miraculis, quis prædicare dignis locis quæat? Tertia die Barbari, quam ingressi Urbem fuerant, sponte discedunt, facto quidem aliquantulum adium incendio, sed ne tanto quidem, quant' septingentesimo conditionis ejus anno casus effecerat. Nam si exhibitam Neronis imperatoris sui spectaculis inflammationem recebssem; proculdubio nulla comparatione æquiparabitur, secundum illud quod excitaverat lascivia principis, hoc quod nunc intulit ira victoris. Neque vero Gallorum meminisse in hujusmodi collatione debeo: qui continuo pene anni spatio incensæ eversæque Urbis atritos cineres possederunt. Et ne quisquam forte dubitaret ad correctionem superbæ lascivie, et blasphemæ civitatis hostibus fuisse permissum: eodem tempore clarissima Urbis loca fulminibus diruta sunt, quæ inflammari ab hostibus nequiverant. Hæc modo Orosius: eadem quoque, deque vasis ad basilicam sancti Petri deferri jussis Cassiodorus¹ narrat.

26. Quis, rogo, ista alta mente considerans, non intelligat haud aliam ob causam a Deo ingredi permissum in Urbem Alaricum, quam ut in ignominiam idololatrarum pararet nobilem religionis Christianæ de Gentilitate victa atque prostrata triumphum? Sic Deus voce sua intercedens, secundum illud Davidicum², flammam ignis; et quod in ea lucis est atque splendoris, ab incendio illatæ cladis segregans, Christianis illust: incendium autem in impiis sivil impetu barbarici furoris longe lateque grassari: ut non secus ac olim, percutiente Deo³ Ægyptios, planetus eorum in aures omnium increbresceret, contra vero in terra Gessen pii immunes essent, cantantes in viis Domini, adeo ut vox exultationis, et salutis in justorum tabernaculis audiretur, in ipsis, inquam, Christianorum Ecclesiis, in quas edicto regis tutum pateret effugium: ut nunquam plane nobiliorem viderit Roma triumphum, ubi uno momento ad libertatem atque salutem tot asyla libertatis ac securitatis sedes fuerint reserata, quot erant in Urbe Christianorum Ecclesie. Non defuit tanto triumpho pompa longo itineris ductu procedentibus, ac præcedentibus Deo laudes innumeris Christianis, ex victis uno momento magno miraculo victoribus redditis; et qui cum aliis nuper Barbarorum videbantur esse captivi, ipsos Barbaros præda onustos ducentibus in triumphum: ut plane Propheticum⁴ illud impletum fuerit: « Et erunt capientes eos qui se ceperant, et subicient evatores suos ». Qui enim ceperant illos Gothi, quique aurum barbarico exigebant imperio, idem ipsi reverentia subacti numinis, sacris vasis humilem exhibent famulatum, asservant, portant, atque ad basilicam Apostolorum Principis fida custodia exsertis gladiis comitantur armati: ut plane apparuerit, divina potentia, impellente minime, vincentes Barbaros cum captivos consecutos esse victores, quos ceperant Christianos.

27. Quanta hæc admiratione atque stupore digna, in ipso grassationis impetu furentes Barbaros, miles esse redditos, et obsequentes? Sed (quod omnem excedit humanum captum) iidem ipsi Gothi Ariana imbuti perfidia, Orthodoxorum implacabiles hostes, et (quod præterea tempora docuerunt) hæreticorum omnium crudelissimi; cum jam liberum nacti essent imperium in sedem illam, a qua scirent saepe se fuisse damnatos, atque hactenus condemnari, omnem exercendi sævitiam: tanto honore ex insperato ejus Ecclesiæ cumularunt, ut non ipsas tantum illicatas esse voluerint, sed omnes ad eas confugientes esse securas; quin etiam et vasa sacra inventa, quantumlibet rabida fame inhiarent auro, illicata tamen illa reliquerint, et custodita religioseque servata voluerint, exhibentes illis quod religioni deberetur obsequium, veritati servitium, numini cultum, et principatui famulatum, dum quæ clandestine fuerant e basilica Vaticana sublata, et cum timore translata, summa curarum gloria vehi, publicoque apparatu reduci, atque secure deduci. Quam superarunt tam egregio facto Philisteos Gothi? Sublatam illi Arcam⁵ Domini, diuque retentam, nonnisi plagis affecti, malis compulsi, coacti flagellis, ejus restituendæ tandem consilium inierunt, atque demum ignobili impositam plausu, bestiarum indomitum eam trahentium arbitrio reliquerunt. Inventa vero isti, non vi sublata vasa, nec lignea, sed aurea, dona munifica, et mirifica religiosissimi Constantini, non auferre tantum, sed nec tangere ea ausi, haud passi sunt, ubi erant, inhonorata relinqui; sed omni curarum celebritatis pompa transferri, facti iidem ipsi animati currus, atque simul ipsorum aurigæ. Addidisset, et sua Alaricus, puto, munera; sed sciebat a Catholicis respuî Arianorum oblationes.

28. Videntne unquam Roma talem triumphum? Spectavit illa stupens victores duces suos trahere victos hostes, et superatos Barbaros victos duci a militibus captivos: nunquam tamen intulit est victos Romanos ad Jovem Capitolinum vincentes Barbaros redditos obsequentes cum pompa perducere. Sed vidit hoc tempore in triumpho Christi tantum Roma miraculum, victores Gothos, Arianos hæreticos, hostes Ecclesie, imperii perduelles, truces Barbaros, spontaneo obsequio longissimo itineris tractu sequi victos, non in Capitolium, ubi idololatricæ sedes erat, sed in Vaticanum; ubi veræ religionis super firmam petram, titulo Petri, solida jacta fuerant fundamenta. Vidit (quod majoris gloriæ erat) Romanos illos idololatrias hostes licet implacabiles Christi, volentes sed invitos, refractarios sed sponte currentes, salutis cupidos concito gradu ferri ad eum qui Salvator est omnium nominatus: ut jam certo experirentur exemplo, de Christo intelligendum esse decantatum olim oraculum Sibyllinum⁶ de Rege venturo, ad quem confugerent, qui salvi esse cuperent: cum unam hanc tantum scirent victis

¹ Cassiod. Var. l. XII. ep. XX. — ² Psal. XXVIII. — ³ Exod. VIII. IX. — ⁴ Isai. XIV.

⁵ 1. Reg. VI. — ⁶ Cicero de Div. l. II.

patere ad vitam viam, in reliquo autem non ignerent quod

Uoa salus victis nullam sperare salutem.

Sicque pertinaces atque rebelles facio profiteri coacti sunt, quod verbis obstinate negarent. Vides igitur imperium Christi vincentibus Barbaris imperare, et Romanos deorum cultores invitos licet ad spontaneum obsequium cogi. Addit ad pompam triumphi hæc Isidorus ¹: « Qui extra loca martyrum erant, et nomen Christi, vel sanctorum nominabant, et ipsis simili misericordia hostilis furor pepercit: sic evaserunt multa millia Romanorum, quibus Gothi propter Christum misericorditer pepercerunt ». Hæc ipse. At de Christianæ religionis triumpho in captivitate satis.

29. *De capta Urbe Hieronymus.* — Cæterum antequam qui vere Christiani essent, a Gothis explorati penitus haberentur: contigit ex iis aliquos veluti Gentiles religionem simulantes, male haberi; ut accidit sanctæ Marcellæ, insigni illi atque clarissimæ femine, de qua plura superius, quæ una cum Principia filia, incognitæ quænam essent, a Barbaris tentæ fure, cognitæ vero dimissæ, ut S. Hieronymus narrat ²: qui ita exorsus de Urbe capta ab Isaiæ ³ vaticinio: « Moab nocte capta est, nocte cecidit murus ejus »: et usurpans illud Psalmistæ ⁴: « Deus, venerunt Gentes in hæreditatem tuam, etc. » atque illos poetæ versus ⁵:

Quis cladem illius noctis, quis funera fando
Expleret, aut possit lacrymis exuare dolorem?
Urbs antiqua reit, multos dominata per a nos:
Plurima perque viis s' arguuntur inertia passim
Corpora, perque domos, et plurima mortis imago.

30. *Marcellæ et Principiæ aliarumque feminarum laudes.* — « Cum interim, inquit, in tanta confusione rerum Marcellæ quoque domum (quæ erat in Aventino ⁶) eruentus victor aggreditur. Sit mihi fas audita loqui, imo a sanctis viris visa narrare, qui interfuerunt præsentibus; qui te dicunt in periculo quoque ei fuisse sociatam. Intrepido vultu excepisse dicitur ingressos: cumque posceretur aurum, et defossas opes villæ excusaret tunica, non tamen fecit fidem voluntariæ paupertatis. Casam sustibus flagellisque aiunt non sensisse tormenta: sed hoc lacrymis, hoc pedibus eorum prostratam egisse, ne te (Principiam filiam scilicet, ad quam scribit) a suo con-ortio separarent: ne sustineret adolescentia, quod senilis ætas timere non poterat. Christus dura corda mollivit et inter eruentos gladios invenit locum pietas. Cumque et illam et te ad beati Apostoli Pauli basilicam Barbari deduxissent, ut vel salutem vobis ostenderent, vel sepulcrum: in tantam lætitiâ dicitur eripuisse, ut gratias ageret Deo, quod te integram sibi reservasset; quod pau-

perem illam non fecisset captivitas, sed invenisset; quod egeret quotidiano cibo; quod saluta Christo non sentiret esuriam; quod et voce et opere loqueretur ¹: Nuda exivi de utero matris meæ, nuda et redeam ». Qui ergo inventa sacra vasa Barbari, ut illæsa servarent, attulerunt ea in basilicam S. Petri: iidem Gothi inventas sanctissimas feminas atque cognitās, viva pretiosiora Christi vasa, ad Apostoli Pauli basilicam via Ostiensi positam perduxerunt, quo (ut eventus docuit) custodirentur intactæ.

31. Cæterum paucos post dies eandem S. Marcellam ex hac vita migrasse, idem S. Hieronymus docet, cum subdit ²: « Post aliquos dies, sano, integro, vegetoque corpuseculo, obdormivit in Domino, et te pauperlatule suæ, imo per te pauperes reliquit hæredes, claudens oculos in manibus tuis, reddens spiritum in tuis osculis, dum inter lacrymas tuas illa rideret conscientia vitæ bona, et præmiis futurorum ». Hæc S. Hieronymus: qui hoc tempore cum elucubraret commentarios super Ezechielem, uno eodemque nuntio obsidionem Urbis, eandemque captam audivit, simulque S. Marcellæ atque cari Pammachii ad Deum transitum: nam ibi ista ipse præfatur ³:

32. « Transire, inquit, cupiebam », post interpretationem scilicet elaboratam in Isaiam, « et extremam (ut dicitur) manum operi imponere prophetali. Et ecce subito mors mihi Pammachii atque Marcellæ, Romane urbis obsidio, multorumque fratrum, et sororum dormitio nuntiata est. Atque ita consternatus obstupui, ut nihil aliud diebus ac noctibus, nisi de salute omnium cogitarem, meque in captivitate sanctorum putarem, esse captivum; nec possem prius ora reserare, nisi aliquid certius discerem, dum inter spem et desperationem sollicitus pendeo, aliorumque malis me crucio. Postquam vero clarissimum terrarum omnium lumen extinctum est, imo Romani imperii truncatum caput, et (ut verius dicam) in una Urbe totus orbis interiit; obmutui ⁴ et humilitatus sum, et silui de bonis, etc. » Hæc Hieronymus: quibus significat, paulo post expugnatam Urbem S. Marcellam diem clausisse extremum, cujus memoriam reddunt Ecclesiasticæ tabulæ anniversaria die, sed non qua ipsa obiit, verum qua decentiori sepultura donata, translata est, pridie kalend. Februarii; cum Pammachii, qui eodem tempore obiit, dies natalis agatur tertio kalend. Septembris. Qui igitur sanguine conjuncti erant, et vite sanctæ instituto collegæ (ambo enim monasticam excoluerant disciplinam) iidem obierunt hoc eodem anno. De his post tot tantaque superius dicta, illud satis ad utriusque laudem, quod S. Hieronymus in Præfatione ad eundem in Danielem: « Obsecro, inquit, vos Pammachii *παρακλητα*, et Marcella unicum Romane sanctitatis exemplar, junctis fide et sanguine, ut conatus meos vestris orationibus adjuvæis, etc. »

¹ Isid. lib. de Mundo. — ² Hier. ep. xvi. — ³ Isai. xv. — ⁴ Psal. lxxviii. — ⁵ Virgil. Æneid. ii. — ⁶ Hier. ep. clxv.

¹ Job. i. — ² Hier. ep. xvi. — ³ Hier. præf. in l. i. Comment. in Ezech. — ⁴ Psal. xxxviii.

Hæc quidem ad eos scripsit anno superiori Hieronymus, antequam in Ezechielem commentaria elaboraret.

33. Porro quæ diximus ipsos Barbaros exhibuisse S. Marcellæ atque Principiæ filiae pietatis, et humanitatis officia, cum, ne quid pati ab aliis Barbaris cogerentur, eas securitatis causa perduxerunt in dictam basilicam S. Pauli: accipe quid in hanc sententiam S. Augustinus¹ affirmet in ipsos ingratos atque obstinatos Gentiles, scribens ad Marcellinum: « Annon etiam illi Romani Christi nomini infesti sunt, quibus propter Christum Barbari pepercunt? Testantur hoc martyrum loca et basilicæ Apostolorum, quæ in illa vastatione Urbis ad se confugientes suos alienosque receperunt. Hucusque cruentus sæviebat inimicus, ibi accipiebat militem trucidatoris furor: illo deducebantur a miserantibus hostibus, quibus etiam extra ipsa loca pepercant; ne in eos incurrerent, qui similem misericordiam non habebant. Qui tamen etiam ipsi alibi truces atque hostili more sævientes, posteaquam ad loca illa veniebant, ubi fuerat interdictum, quod alibi jure belli licuisset, tota ferendi refrénabatur inhumanitas, et captivandi cupiditas frangebatur. Sic evaserunt multi (Gentiles scilicet) qui nunc Christianis temporibus detrahunt; et mala quæ illa Civitas pertulit, Christo imputant, etc. » Eadem quoque adversus eodem inenleat inferius.

34. Est et aliud exemplum perductæ ad S. Petri basilicam Christianæ mulieris, ut viro suo conservaretur intacta; quod Sozomenus² describit his verbis: « Ego, inquit, quod mihi tum Ecclesiastica dignum historia configisse visum est, litteris commendabo: declarat enim viri barbari factum pium, et fortitudinem mulieris Romanæ in conservanda castitate, utriusque autem Christiani, sed non ejusdem sectæ: quandoquidem ille Arianam, hæc Nicænam doctrinam sectabatur. Hanc igitur perquam fornosam conspiciatus juvenis quidam Alarici miles, pulebritudine captus, ad concubitum traherebat: reluctantem vero, ac vi adversantem ne quid obsceni pateretur, ille stricto gladio se interfectorum minabatur, et interim summam illi cutem in collo, quasi qui ob amorem parceret, perstringebat. Tum illa multo perfusa sanguine, collum gladio subiecit: optabilis sibi rata mori cum castitate, quam vivere expertam virum alium, quam illum cui legitimo matrimonio juncta erat. Barbarus igitur cum etiamnum majore cum terrore illam adortus, nihil adhuc perficeret; adiutus eam ob castitatem, duxit in Ecclesiam Apostoli Petri; et traditam custodibus, et expensis in ejus sustentationem sex aureis, jussit, ut custodirent marito suo ». Hæc Sozomenus.

35. *Capta Urbe, plurimi petunt Hierosolyman, ubi de Proba cum suis fugiente in Africam et de Demetriade capta a Gothis.* — Insuper et illud tunc quidem accidit, ut cum Barbari Urbem in-

gressi essent, quotquot fugam arripere valuerunt, eam protinus capesserent. Est de his locuples testis S. Hieronymus, cum ab urbe profugos Hierosolyman navigantes, Bethlehém exceperit hospitium. Audi ipsum, cum Expositionis in Ezechielem jam tertium librum inchoaturus, dolens ac lugens ista præfatur, stupens ad novum casum³: « Vera sententia est: Omnia orta occidunt, et aucta senescunt: et alibi: Nihil est enim opere et manu factum, quod non conficiat, et consumat vetustas. Quis crederet, ut totius orbis extracta victoriis Roma corrueret, ut ipsa suis populis, et mater fieret, et sepulcrum? ut tota Orientis, Ægypti, Africæ littora olim dominatricis Urbis servarum, et ancillarum numero complerentur? ut quotidie sancta Bethlehém nobiles quondam utriusque sexus atque omnibus divitiis affluentes, susciperet mendicantes? Quibus quoniam opem ferre non possumus, condolemus, et lacrymas lacrymis jungimus: occupatque sancti operis sarcina, dum sine gemitu confluentes videre non patimur, explanationes in Ezechielem, et pæne omne studium omnisum, Scripturarumque cupimus verba in opera vertere, et non dicere sancta, sed facere ». Ac rorsum inferius: « Nec, inquit⁴, jactamus, ut quidam forsitan suspicantur, fratrum susceptionem: sed morarum causas simpliciter confitemur: præsertim cum Occidentalium fuga, et sanctorum locorum constipatio, nuditate atque vulneribus indigentium, rabiem præferat Barbarorum: quos absque lacrymis et gemitu videre non possumus. Illam quondam potentiam et ignoratorem divitiarum ad tantam inopiam pervenisse, ut teeto et cibo, et vestimento indigeat: et tamen nequaquam duri quorundam atque crudeles animi emolliuntur, dum pannos eorum ac sarcinulas discentiunt, aurum in captivitate quærentes ». Hæc ipse de profugis: sed subdit hæc de sua ipsius ætate: « Accedit, inquit, ad hanc dictandi difficultatem, quod caligantibus oculis senectute, et aliquid sustentibus beati Isaac⁵, ad nocturnum lumen nequaquam valeamus Hebræorum volumina relegere: qui etiam ad solis dieique fulgorem litterarum nobis parvitate cæcantur. Sed et Græcorum commentarios fratrum tantum voce cognoscimus ». Hæc ibi de se ipse. Qui quidem tante Urbis casu orbem pariter ruiturum existimavit: unde in sequentis commentarii Præfatione hæc ingerit⁶: « Pæscitur his animus, et obliviscitur sæculi calamitatum, quod in extremo fine jam positum congemiscit ac parturit; donec qui timet⁷, de medio fiat; et pedes statuæ⁸ quondam ferrei fragilitate digitorum fictilium contendantur. Cadit mundus et cervix nostra non flectitur, etc. »

36. At quod ad profugos spectat ab Urbe recedentes: Romani diversa loca adiere. In Orientem enim alii (ut vidimus) abeuntes, Hierosolyman pe-

¹ Hier. præf. in Ezech. l. III. — ² Hier. præf. in l. VII. in Ezech. —

³ Genes. XXVII. — ⁴ Hier. præf. in l. VIII. comment. in Ezech. —

⁵ 2. Thess. II. — ⁶ Dan. II.

¹ Aug. de Civit. Dei, l. XI. c. 1. et 7. — ² Sozom. l. IX. c. 10.

tiere : alii vero ad proxima loca, nempe in insulas Tyrrheni pelagi confugere. Nam Rutilius hæc de Igilii insula ¹.

Emittis Igilii silvosa cacumina miror,
Quam frandare nefas laudis honore suæ.
Hæc proprios nuper tutata est insula saltus
Sive loci ingenio, seu domini genio :
Gurgile cum modico victribus obstilil armis,
Tanquam longinquo dissociata mari.
Hæc multos lacerâ suscepit ab ubi fugatos :
Ilic fessis posito certa timore salus.
Plurima terreno populaverat aquora bello
Contra naturam classe timendus eques.
Unum, mira fides, vario discrimine portum
Tam prope Romanis, tam procul esse Getis.

Hæc ipse. Porro sicut complures Romanorum in Igilium insulam adiere, ita etiam alios ipsorum in alias ejusdem Ponti insulas tunc navigio transmissas, quis dubitat?

37. Sed et alii trans mare etiam in Africam confugerunt : inter quos fuere clarissimæ feminae, de quibus superius sæpe mentio facta est, nempe Proba, et ipsius filia Juliana, ambe viduæ, atque neptis Demetrias, ejusdem filia Julianæ; quibus haud feliciter ad fugam Africa patuit : ibi enim Heraclianum comitem invenerunt, qui sub specie tutandi Honorii imperium adversus Barbaros ingruentes, tyrannide sibi Africam vindicarat. Ut plane his acciderit quod est apud Prophetam ² : « Quomodo si fugiat vir a facie leonis, et occurrat ei ursus, et ingrediatur domum et innitatur manu sua super parietem, et mordeat eum coluber ».

38. Sed videamus primum, quæ de eadem Proba S. Hieronymus aggreditur enarrare ³ : « Quis, inquit, hoc credat? Proba illa omnium dignitatum et cunctæ nobilitatis in orbe Romano nomen illustris; cujus sanctitas et in universos effusa bonitas etiam apud Barbaros venerabilis fuit; quam trium liberorum, Probi, Olybrii, et Probi non fatigaverunt ordinarii consulatus : et cum incensis direptisque domibus in Urbe captivitas sit, nunc habitas venundare dicitur possessiones, et facere sibi amicos de iniquo mammona ⁴, qui se recipiant in æterna tabernacula : ut erubescant omnes Ecclesiastici ministerii gradus et cassa nomina monachorum. emere prædia, tanta nobilitate vendente. Vix Barbarorum effugerat manus, et avulsas de complexu suo virgines flevrat : cum subito intolerabili (quod nunquam timerat) amantissimi filii orbitate percussus; et quasi futura virginis Christi avia, spe futurorum mortiferum vulnus exceperit; probans in se verum esse, quod in lyrico carmine super justî præconio dicitur ⁵ :

Si fractus illabatur orbis,
Impavidum ferient ruinæ :

et post multa de justorum fiducia ex divinis oraculis petita, hæc subdit :

39. « Cur ista replicaverim, sequens sermo monstrabit. Quæ de medio mare fumantem viderat patriam, et fragili cymbæ salutem suam suorumque commiserat, crudeliora invenit in Africa littora. Excipitur enim ab eo, quem nescias utrum avarior, an crudelior fuerit : cui nihil dulce præter vinum et pretium (erat hic Heraclianus ab Honorio illuc post necem Stiliconis missus, quem adversus Alatham invadentem Africam strenue se gessisse vidimus) et qui sub occasione partium clementissimi principis, sævissimus omnium extitit tyrannorum : et ut aliquid loquar de fabulis poetarum, quasi Orcus in tartaro non tricipitem, sed multorum caput habuit Cerberum, qui cuncta traheret ac laceraret. Ille matrum gremiis abducere pactas; negotiatoribus et avidissimis mortalium Syris nobilium puellarum nuptias vendere; non pupillorum, non viduarum, non virginum Christi inopiæ parcere; magisque manus rogantium spectare quam vultus. Hanc feram Charybdim, Scyllamque succinctam multis canibus, fugiens Barbaros, matrona sustinuit, qui nec naufragiis parcerent, nec captivitatibus flecterentur. Imitare, crudelis, saltem hostem Romani imperii. Brennus nostri temporis (nempe Alaricus) tantum quod invenerat tulit : tu quæris quod non invenis. Et mirantur æmuli (virtus enim semper invidia patet) cur tantarum secum pudicitiam tacita proscriptione mercata sit : cum et ille partem dignatus sit accipere, qui totum poluit auferre; et hæc quasi comiti negare non ausa sit, quæ se intelligebat sub nomine private dignitatis tyranno servientem? » Hæc S. Hieronymus de Heracliano : cujus vigente tyrannide, nonnisi redempta magno pretio pace, licuit Probæ cum suis in Africa habitare.

40. Qui autem hic dicitur a S. Hieronymo defunctus Probæ filius cum Barbarorum manus effugisset, unde id accidisse patet capta Urbe : superius vero cum idem dicat, ante ejus filium decessisse, quam Urbs caperetur : ne putes luc ipsum hallucinatum esse S. Hieronymum, sed memoria repete, quod superius diximus, fuisse sanctissimæ feminae, ut nuper dictum est, tres filios; quorum Olybrius ante Urbis excidium, ex hac vita subductus est, de quo hæc ipse superius ¹ : « Pius filius, vir amabilis, clemens dominus, civis affabilis, consul quidem in pueritia, sed morum bonitate Senator illustrior : felix morte sua, qui non vidit patriam corruentem, imo felicior sobole, qui Demetriadis proaviæ nobilitatem insigniorem reddidit Demetriadis filiae perpetua castitate » : hæc ipse. Ex hoc loco S. Hieronymi et duobus aliis S. Augustini, emendamus quod auctoritate antiquarum inscriptionum, quæ a nobis posite sunt in fine tomî superioris, et auctoritate Augustini alicubi dicentis Julianam filiam Probæ, posuimus, cum tamen revera Probam non matrem Julianæ sed socrum, Julianamque non filiam, sed nurum ejus fuisse, idem S. Augustinus

¹ Rutil. Itiner. l. I. — ² Amos. VI. — ³ Hier. ep. VIII. — ⁴ Luc. XVI. — ⁵ Horat. l. III. ode III.

¹ Hier. ead. ep. VIII.

pluries docet; ut in Epistola ad Probam de orando Deum, et in libro ad Julianam ipsam de bono viduitatis, in quibus ejus scriptis illa socrus, ista nurus nominata reperitur: quibus consentiunt quæ audisti hic ex Hieronymo recitata, dum Demetriadem filiam filii Probæ fuisse habet, ut de his nulla penitus dubitatio esse possit. Sed quærendum adhuc remanet, quæ fuerit illa Juliana quæ in recitatis inscriptionibus dicitur filia Probæ, ab hac Juliana matre Demetriadis plane diversa. Quomodo autem Probæ neptis Demetrias post annum contemptis nuptiis, se Deo dicavit, suo loco dicturi sumus.

41. Hic vero tantum de ea referam, quæ Romæ hoc anno passa est, dum Aniciorum insigniores illas ædes Gothus invasit, ex ipsius verbis, quibus se ipsam compellat dicens ¹: « Dudum inter barbaras tremuisti manus: aviæ et matris sinu et palliis tegebaris. Vidisti te captivam, et pudicitiam tuam non tuæ potestatis: horruisti truces hostium vultus; raptas virgines Dei gemitu tacito conspexisti ». Hæc ipsa apud S. Hieronymum. Accidit namque, quod cum Alaricus Gothorum rex publica testatione parcendum tantum Christianis edixerit, et qui in Ecclesiis Urbis invenirentur: qui tunc extra illas reperi essent, loco hostium habili, nec cogniti Christiani, a Barbaris male mulctati fuerint; quos compertos postea esse Fideles, barbaricus furor venia dignos existimavit. Sic namque contigit, Marcellam cum Principia filia, et Probam cum Juliana nuru et Demetriade neptē a Barbaris esse tentas, postea vero esse dimissas. Cæterum quod non omnium Gothorum eadem esset humanitas atque religio, vel

melius Alarici, ut ejus edicto parerent; non omnibus in tot miseriis ea felicitas obtigit, ut apprehensæ feminae dimitterentur a Barbaris: nam complures extra ecclesias reptas sacris virginis idem secum duxerunt, quas a Proba ac Demetriade deploratas S. Hieronymus tradit. Ex his et Gentilibus detrahendi Christianis, comparatum est inter alia argumentum: de quibus S. Augustinus ¹: « Magnum, inquit, sane crimen se putant objicere Christianis, cum eorum exaggerantes captivitatem, addunt etiam stupra commissa, non solum in aliena matrimonia, virginesque complures, sed etiam in quasdam sanctimoniales, etc. » Sed haud quidem per vim illatam dispendium pati posse virginitatem, ipse pluribus docet. Qui igitur in Christianos erant infensi Romani Gentiles, in ipsorum invidiam mala omnia, quæ in hac Urbis clade acciderant, mirum in modum exaggerabant: cum tamen S. Augustinus pluribus doceat, longe graviora Romanorum populum a suis ipsius civibus accepi-se detrimenta, quam modo Gothus intulerit: adeo ut post multa illud tidenter iunctare non dubitet ², una postrema Syllana tabula plures esse jugulatos Senatores, quam Gothi expoliare potuerint. Improperabant multos Christianorum amissas substantias, fame necatos, mortalitate extinctos, caruisse etiam sepulcro. Illud non prætermittam, quod vetus scriptio in lucem protulit, tunc etiam accidisse, ut Dionysius diaconus, idemque professione medicus, insignis pietatis clericus abduceretur captivus a Gothis, qui tamen eum ut Dominum coluere: accipe de his egregium epitaphium ³:

HIC LEVITA JACET DIONYSIUS ARTIS HONESTÆ
 FUNCTUS ET OFFICIO QUOD MEDICINA DEDIT
 HUIUS DOGMA MANUS FAME DULCEDINE CAPTA
 (DESPEXIT) DISPEXIT PRETHI SORDIDA LUCRA SEQUI
 SÆPE SALUTIS OPUS PIETATIS MUNERE JUVIT
 DUM REPOVET TENUES DEXTERA LARGA VIROS
 OBTULIT ÆGROTIS VENIENTIBUS OMNIA GRATIS
 IMPLEVIT (FACTIS) FACTUS QUOD DOCVIT MONITIS
 LAUDIBUS ÆTHERIS FAMULATUS MENTE FIDELI
 DESTITIT ILLICITIS ACTIBUS ESSE REUS
 AMISSIS OPIBUS ROBUR NON PERDIDIT ULTIM
 QUO PATIENS PRÆDE TEMPORE DIVIS ERAT
 ARS VENERANDA FIDEM FIDEI DECUS EXTULIT ARTEM
 HÆC STUDII TITULOS ALTERA MENTIS HABET
 CIVIBUS AC SOCIIS QUALIS FUIT INDE PROBATUR
 QUEM POTUIT VICTOR HOSTIS AMARE SCUS
 POSTQUAM ROMANA CAPTUS DISCESSIT AB URBE
 MOX SIBI JAM DOMINUS SUBDIDIT ARTE GETAS
 (HOSQUE SCIS MANIBUS VITAM) OS CERVIS MANIBUS VITAM COMMITTERE FECIT
 QUORUM MORTIIFEROS PERTULIT ANTE MEIUS.

Sed omnia electis bene cedere, et ex malis omnibus lucrum contrahere, idem pluribus monstrat ²:

cum alioqui calumniose ea omnia Gentiles amplificarent.

¹ Hier. ead. epist. viii. — ² Aug. de Civit. Dei, lib. i. c. 10. 11. 12.

³ Aug. de Civit. Dei, l. i. c. 16. — ⁴ Aug. de Civit. Dei, l. iii. c. 29. — ⁵ Antiq. inscr. in Appen. pag. 1173. n. 3.

42. Etenim non omnes eadem subisse mala, sed plurimos evasisse, idem Augustinus de his agens perspicue satis ostendit, atque ait ¹: « Ab urbe autem Roma quam multi exierunt, et redituri sunt? quam multi manserunt, et evaserunt? quam multi in locis sanctis nec tangi poterunt? » idemque alibi sic rem totam paucis absolvit ²: « Quicquid igitur vastationis, trucidationis, depredationis, concremationis, afflictionis in ista recentissima Romana clade commissum est; fecit hoc consuetudo bellorum. Quod autem more novo factum est, quod inusitata rerum facie immanitas barbara tam misis apparuit, ut amplissimæ basilicæ implendæ populo, cui parceretur, eligerentur, et decernerentur, ubi nemo feriretur, unde nemo raperetur, quo liberandi multi a miserantibus hostibus dicerentur, unde captivandi nulli, nec a crudelibus hostibus abducerentur: hoc Christi nomini, hoc Christiano temporis tribuendum quisquis non videt, cæcus: quisquis videt, nec laudat, ingratus: quisquis laudanti reluctatur, insanus est. Absit ut prudens quisquam hoc feritati imputet Barbarorum. Truculentissimas et scvissimas mentes ille (Christus videlicet) terruit, ille refrenavit, ille mirabiliter temperavit, etc. » Sed quid amplius? Idem Augustinus ³ satis evidenti demonstratione palam facit, impietate Gentilium talia pati commoverisse Urbem, cultu vero Christianæ religionis factum ne penitus interiret. Idque pro concione populum contestatus, publice professus est, illa refricans quæ dicta sunt de Rhadagaisio: nimirum non datum illi Urbem capere, qui majori venerat apparatu, quod Gentilis esset, deorum cultor: sed concessum id Alarico Christiano, deorum hosti, in ipsorum desolationem: quæ etiam alibi, ut patetia omnibus, ob oculos ponit ⁴: sed nos qui hæc superius pertractavimus, hic omittimus recensere.

43. *Augustinus cur de Civitate Dei libros scripsit.* — Quod igitur de capta Urbe (ut dictum est) invidia summa adversus Christianos a Gentilibus ubique locorum ac jngi querela ipsorum omnium conflaretur: necessitas compulsa adversus hæc Christianos episcopos pro concione disserere, atque calumniose objecta refellere; inter quos S. Augustinus in his multus fuit, qui eo argumento peculiariter tractatum habuit ⁵. Sed quam locupletissime de his egit, libris viginti duobus de Civitate Dei contra Paganos, scribens ad Marcellinum. Hoc quidem opus plurimorum annorum spatio ab eo elaboratum, ex eodem apparet: siquidem de eo ipse: « Quod opus, inquit ⁶, per aliquot annos me tenuit: eo quod alia multa intercurrebant, quæ differre non oporteret, et me prius ad solvendum occupabant, etc. » Inchoatum igitur opus anno sequenti esse ab Urbis excidio, idem affirmat; ut ex his quæ ad Evodium scripsit ⁷, potest intelligi: tresque pri-

mum scripsisse libros, deinde vero edidisse duos alios; reliquos vero usque ad decimum octavum, longo elapso temporis intervallo, perfecit: Sed quoto Domini anno? quadragesimo undetrigesimo: quod ex ipsius verbis facile colligi potest, dum in ipso libro decimo octavo numerat ¹ a consulatione Theodori annos ferme triginta: cumque conslet ipsam Theodorum consulens fuisse creatum anno a Christo nato trecentesimo nonagesimo nono; dicere opus est circiter annum Domini quadragesimum vicesimum nonum dictum librum decimum nonum Augustinum habuisse præ manibus. Marcellinus autem, ad quem opus inscripsit, ille est, quem postea in Africam misit Honorius ad componendam illam Ecclesiam, et Donatistas schismaticos Catholicæ unitati compaginandos, cujus Orosius ² meminit, atque sæpissime ipse Augustinus, nosque frequenter de eo inferius.

44. *Triduum Urbis eludis.* — Quantum vero temporis ipsam Urbem excidium perduravit: si audis, lector, erit quod ex hoc magnopere admireris. Etenim cum in perquirendis, exhauriendisque amplissimis omnium divitiis, nec triennii spatium satis esse sufficiens videretur: triduum illi depredatione contenti, protinus discessere. Fidem quidem non inveniret veritas, nisi illius temporis scriptor Orosius ³ affirmaret, confirmaretque Paulus diaconus ⁴. Unus est tantum qui discrepat Marcellinus ⁵, dum ait, sexto die ex qua Urbem Alaricus est ingressus, protinus discessisse. Dici quidem potuit hæc comminatio potius, quam illatum flagellum, qua Romani sint confertiti, non prostrati. Etenim id professus est post discessionem Alarici populus: « Qui », inquit Orosius ⁶, « adeo parvo quodam, et levi motu læsitasse erga se parumper consuetudinem voluptatum indubitissime contestatus est, ut libere conclamaret, si reciperet circum, nihil esse sibi factum: hoc est, nihil egisse Romæ Gothorum enises, si concedatur Romanis spectare circenses »: adeo ut illud propheticum de his fuerit occinendum: « Percussi eos, et non doluerunt ». Nam et in hanc sententiam hæc S. Hieronymus in Epistola ad S. Augustinum, agens de excidio Urbis sub nomine Hierusalem ⁷: « Capta Hierusalem tenetur a Nabuchodonosor: nec Hieremias ⁸ vult audire consilia: qui potius Ægyptum desiderat, ut moriatur in Taphnes, et ibi servitute pereat sempiterna ». Hæc ipse, alludens ad Gentiles Romanos non audientes Innocentium papam veram illis religionem annuntiantem, sed obstinato corde in Ægyptiaca superstitione senescere et mori statuentes. Sed vestigia Alarici regis egredientis ab Urbe prosequamur.

45. *Alaricus recedit ab Urbe.* — Quam opportunitum esse, videri poterat, qui totus Romani imperii capite, ipsa Urbe politus esset; ad totum ipsum vindicandum sibi imperium, victorem barbarum

¹ Aug. tract. de excid. Urbis, c. 2. — ² Aug. de Civit. Dei, l. I, c. 7. — ³ Aug. de Civit. Dei, l. I, c. 31. 32. 33. 34. — ⁴ Aug. de Civit. Dei, l. I, c. 23. — ⁵ Aug. de excidio Urb. tract. XI. — ⁶ Aug. Retract. l. II, c. 43. — ⁷ Aug. ep. CII.

¹ Aug. de Civit. Dei, l. XVIII, c. VI. — ² Oros. l. VII, c. 42. — ³ Oros. l. VII, c. 39. — ⁴ Paul. diac. histor. Miscel. l. XIII. — ⁵ Marcell. in Chron. hoc hujus an. Consul. — ⁶ Oros. l. I, c. 6. — ⁷ Hierem. v. — ⁸ Apud Aug. hier. ep. XXVI. — ⁹ Hierem. XLIII.

exercitum, victrices copias præmovere, ipsumque Honorium imperatorem imperatum appetere, eoque e medio sublato, summa rerum potiri. Sed qui facit ¹ pondus ventis (ut ² eposite ex divinis oraculis id nuperrimè) alio veritè Barbari regis impetum, ad ipsius interitum: quo perspicue demonstraret (quod sæpe superius inculcatum est: non delictis Christianorum principum, sed provocante impietate Gentilium, ejusmodi a Deo attemperatum esse flagellum. Barbarus Gothus igitur quadam veluti percussus amentia, nec Urbem quam ceperat tenuit, vel recedens custoditam sibi, presidio in ea relicto, curavit, neque in Honorium exercitum movit: sed ab Urbe, numine cogente, exire compulsus potius quam sponte progressus, palabundo milite magis quam ordine compositis turmis Campaniam, Lucaniam, Brutiosque pervasit ³. Quid autem cum Nolam in Campania civitatem iidem Barbari invasissent, S. Paulinus in ea degens episcopus captus a Gothis dixerit, a S. Augustino ⁴ relatum audi: « Paulinus noster Nolensis episcopus, ex opulentissimo divite, voluntate pauperrimus, et copiosissime sanctus; quando et ipsam Nolam Barbari vastaverunt, cum ab eis teneretur, sic in corde suo (ut ab eo postea cognovimus) precabatur: Domine, non exerceat propter aurum, et argentum: ubi enim sint omnia mea, tu scis. Ibi enim habebat omnia sua, ubi cum condere, et thesaurizare ille monuerat, qui hæc mala mundo ventura prædixit ». Hæc Augustinus.

46. Qui autem putant hoc ipsum tempus fuisse cum idem S. Paulinus a Barbaris captivus est ductus in Africam pro viduæ filii redemptione captivi, errore labuntur: siquidem nulli hoc tempore in Africa Barbari; sed longe post Vandali ea sunt potiti provincia, quorum regi Paulinus spontanea servitute suscepta (ut suo loco dicemus) servivit. At tantum affuit ut hac barbarica incursione Paulinus abductus fuerit; ut, prolegente enim S. Felice patrono suo, nec ipse, nec populus Nolanus quicquam mali passus fuerit: ut ex his quæ idem S. Augustinus conscripsit, possumus intelligere, ubi ait ⁵: « Non enim solis beneficiorum effectibus, verum etiam ipsis hominum adspectibus confessorum apparuisse Felicem civis vel inquilinis pie a se dilectis, cum a Barbaris Nola oppugnaretur, audivimus non incertis rumoribus, sed testibus certis ». Hæc Augustinus, qui utinam omnia illa litteris commendata posteris tradidisset. Porro ad eundem Paulinum adhuc Nole agentem post Gothorum invasionem S. Augustinus commentarium illum (ubi de his agit) de Cura agenda pro mortuis scripsit: cum jam (ut ipse Augustinus ⁶ tradidit) primum librum de Civitate Dei scripsisset, quem citat, atque nuper contigisse Urbis cladem affirmat. Quomodo autem Alaricus sequenti anno, in Siciliam exercitum transmissurus, ex hac vita sublatus est, suo loco

dicemus: jam vero quæ sunt reliqua anni hujus rerum gestarum ordine prosequamur.

47. *Concilium Carthagini. inde legatio ad imperatorem.* — Cum Italia in hunc modum Gothorum esset tumultibus agitata, Africana vero Ecclesia pace frueretur: hoc anno congregatum est Concilium Carthaginense mense Junii, ex quo decreta est legatio episcoporum ad Honorium imperatorem: quid autem hi acturi cum eo forent, ejusdem Synodi præfatio declarat, nempe eosdem legatos episcopos missos esse contra Donatistas: hæc enim habet ¹: « Post consulatum gloriosissimorum imp. Honorii octavum et Theodosii tertium Augustorum, decimo octavo kal. Julias, Carthagine in basilica Regionis secundæ. In hoc Concilio legationem susceperunt contra Donatistas Florentius, Possidius, Præsidius, et Benenatus episcopi, eo tempore, quo lex data est, ut libera voluntate quis cultum Christianitatis acciperet ». Hæc ibi, ac nihil præterea aliud hujus Synodi reperitur: sed et hæc obscura valde, nisi alii hujus temporis rebus gestis elucidentur: constat enim in primis, horum legatorum apud Honorium res agentium S. Augustinum mentionem facere in Epistola ² ad Italicam, ubi queritur, quod cum litteris ejus acceperit, omnia in Italia Barbarorum invasione susdeque misceri, atque ingenti motu turbari, ipsi legati nihil his de rebus scripserint in Africam: quibus plane insinnare S. Augustinus videtur, illas litteras esse scriptas hoc anno, sed antequam Urbs a Barbaris caperetur, re tamen in ultimum collocata discrimine. Sed de occasione hujus mittendæ legationis jam aggredimur enarrare.

48. Accidisse vidimus anni hujus exordio, cum Attila tyrannum invasisset imperium, et jam Africam esset tentaturus, ut Heracliani in Africa comitis, vel Macrobi in ea proconsulis consilio leges adversus Donatistas datæ sicerent: etenim in discrimine posita videbatur universa Africana provincia, si tot legibus exagitati, et exasperati Donatistæ pro partibus Attili dimicarent. Quamobrem elicitum fuit ab Honorio imperatore rescriptum, quo idem sicerentur eam quam vellent religionem amplecti: sique transacta res est. Cum autem periculum illud cessasset, Attila exauctorato; episcopi Africani, quod viderent Honorii rescriptum in magnum Christiane religionis dispendium vertere, collecto Carthagine episcoporum conventu, una omnium sententia decrevere, mittendam esse ad imperatorem Honorium legationem, quam orant quatuor episcopi ad hoc munus electi: qui rogarent imperatorem, ut pro Donatistis datum revocaret edictum. Et hæc est, quod in hujus Synodi Præfatione sic habetur: « Lex data est, ut libero cultu quis Christianitatem acciperet ». At unde, dices, ista adeo continde disposita tibi vindicas? ex divinatione, an conjectura? imo ex certa testificatione deducimus, nimirum ex rescripto Honorii impera-

¹ Job. xxviii. — ² Pallad. dialog. l. xiii. — ³ Aug. de Civit. Dei, l. i. c. 10. — ⁴ Aug. de cura agenda pro mor. c. 16. — ⁵ Aug. eod. l. c. 2.

⁶ Concil. Afric. c. 73. — ⁷ Aug. ep. cxxxiii.

toris, quo ipse annuisse comperitur petitioni eorumdem legatorum episcoporum. Etenim hoc anno de his ita rescriptis apparet ad Heraclianum in Africa comitem ¹:

49. *Honorius contra Donatistas dat legem; pro eorum collatione cum Catholicis laborat.* — « Oraculo penitus remoto, quo ad ritus suos hæreticæ superstitiones averterent: sciant omnes sanctæ legis inimici, plectendos se poena et proscriptionis et sanguinis, si ultra convenire per publicum execranda sceleris sui feritatem tentaverint. Dat. VIII kal. Sept., Varane V. C. cons. » En vides hæc lege irritari præcedens edictum, quo ad ritus suos redierant palam compressæ ante legibus hæreses. Sed et illud velim observare, lector, postridie ejus diei, quo Urbs capta est, ejusmodi datum esse ad Heraclianum, juxta petitionem episcoporum, rescriptum; quo imminentem Urbi extremam cladem Deus propitiatus averteret. Præsentissimum fuit sane remedium: quo factum est, ut Alaricus Urbem captam post triduum quasi fugatus reliquerit, et in sui interitum concitus festinavit.

50. Sed parum visum est Honorio legem lege convellere: verum et adjecit animum, ut Donatistas omnimode ad Catholicam concordiam restitueret; id fieri posse ratus, si ad publicam eos Collationem cogeret. Ad ejusmodi autem provinciam obeundam (ut Possidius ² tradit) misit Marcellinum tribunum et notarium, ad quem ejusmodi hoc anno datum reperitur esse rescriptum ³:

« Ea quæ circa Catholicam fidem vel olim ordinavit antiquitas, vel parentum nostrorum auctoritas religiosa constituit, vel nostra serenitas roboravit, novella superstitione sumpta, integra et inviolata custodire præcipimus. Dat. IV id. Octob. Ravennæ, Varane V. C. cons. » Sunt hæc quidem, quibus Honorii pietas mirifice commendatur, cum proligando hæreticos, Barbaros a Deo propulsari speraret: quod quidem magno miraculo ipse sine armis Deus implevit. Quod vero ad Marcellinum spectat, quem hoc anno ab Honorio imp. in Africam missum diximus: consentiunt huic nostræ assertioni, quæ Balduinus ⁴ summa fide testatur, se in Actis antiquitus scriptis legisse, Collationem ab Honorio indicatam, celebratam esse anno sequenti a consulatu Varanes; itemque hoc anno datum prid. id. Octobr. rescriptum ejusdem Honorii imperatoris, quo in sequentem annum Collationem indixit, habendum Carthagine inter Catholicos et Donatistas: ad quod opus curandum idem (ut dixi) missus est Marcellinus. At quanta hæc admiratione digna, tot distentum occupationibus, et angustiis obrutum Honorium imp. tanta solertia, tanquam in summo officio constitutum, ista curasse?

51. Expetisse autem istud ipsum Catholicos in Africa episcopos per eodem legatos hoc anno mis-

sos ad Honorium Aug. ut ad publicam Collationem Donatistæ compellerentur: haud obscure S. Augustinus significat, ubi ait ¹: « Donatistas ad Collationem nobiscum venire per imperialia jussa compulimus ». Porro id per Augustinum ipsum fuisse procuratum, perspicue Possidius ² tradit. Cur autem hanc curam Augustinus subierit, ubi supra mox subdit. « Illorum enim furor occupaverat Africam totam, nec prædicari a Catholicis veritatem contra suum patiebantur errorem, violentis aggressionibus, latrocinationibus, itinerum obsidionibus, rapinis, ignibus, caedibus multa vastantes, cuncta terrentes. Cum quibus apud episcopos, quos communes non habebamus, nihil agere poteramus: quod vero ante centum ferme annos majores nostri cum iis egerant, jam populorum memoria non tenebat. Hæc igitur necessitas compulit, ut saltem Gestis nostra Collatione confectis, eorum confunderemus inverecundiam, et reprimeremus audaciam ». Hæc de causa procurandæ ab imperatore Collationis Augustinus.

52. At sicut summa curatum fuit industria, ut iidem Donatistæ, licet renuentes, ad mutuum cum Catholicis Collationem compellerentur: ita eandem Collationem expelentes Maximianistæ, ramus præcisus a reliquis Donatistis, sua paucitate contemnendi, ab episcopis Catholicis repulsi sunt: cur ita? ab eodem accipe Augustino, cum ista subdit compellens Pelagianos: « Similes, inquit, estis Maximianistis, qui cupientes exiguitatem suam nomine saltem certaminis consolari, et ideo videri aliquid apud eos, quibus contemplabiles erant, quia inire nobiscum sinerentur examen: interpellantes eos, et libellum dantes, provocantesque contempsimus. Magis enim de certamine nominari desiderabant, quam formidabant in certamine superari: nec sperabant victoriæ gloriam, sed famam requirebant Collationis, quia multitudinis non habebant ». Hæc Augustinus.

53. *Donatistarum servitia in Catholicos et seclera.* — Sed missis his: quænam essent Donatistarum, quorum idem meministi, ingentia mala illa, ad quæ evertenda et comprimenda quatuor illorum episcoporum oportuerit mitti legationem, atque decerni Collationem, legarique ab Honorio certum hominem Marcellinum ad ista tractanda: nota fiunt ex Epistola ejusdem S. Augustini ad Victorianum ³ hoc ipso tempore (ut indicabimus) scripta, ubi ait: « Ecce in regione nostra Hipponensi, quoniam eam Barbari non attigerunt, clericorum Donatistarum et Circumcellionum latrocinia sic vastant Ecclesias, ut Barbarorum fortasse facta mitiora sint. Quis enim Barbarus exagitasse potuit quod isti, ut in oculos clericorum nostrorum calcem et acetum mitterent, quorum membra etiam cætera plagis horrendis, vulneribusque sanciant? deprædantur etiam domos aliquas et incendunt, fructus aridos diripiunt.

¹ L. Li. de hæret. C. Theod. — ² Possid. in Vit. S. Aug. c. 13. —

³ L. III. de Relig. C. Theod. — ⁴ Balduin. Not. ad Oplat. de Donat. pag. 125. 126.

¹ Aug. contr. Jul. Pelag. l. III. c. 1. — ² Possid. in Vit. S. Aug. c. 13. — ³ Aug. ep. CXXII.

humidos fundunt, et talia cæteris comminando, nullos etiam rebaptizari compellunt. Prædixi quam ista ad te dictarem, ex uno loco per huiusmodi terrores quadraginta octo anime mihi rebaptizate noniatae sunt. Plangenda sunt hæc, etc. » Ista sanctus Augustinus ad Victorianum scribit, et quidem hoc anno, ut ostendimus. Modo vero de suis clericis Hipponensibus calce et aceto a Donatistis excecatis, ex eodem ipso Augustino rem alibi fusius prosecuto, historiam inteximus : ut enim scribens ad Iannarium ¹ :

54. « Venite, inquit, aut mittite nobiscum in regionem Hipponensem, qui videant armatum exercitum vestrum : quamvis nullus miles numero armorum suorum calcem, et acetum adhibuit ad oculos Barbarorum. Si neque hoc vultis, scilicet scribite ad illos, ut jam ista non faciant, ut jam se a credibus nostris, a rapinis, ab execratione compescant ». Hæc ad Iannarium. Quid autem sceleris ab eisdem perpetratum sit adversus Restitutum in eadem diocesi Hipponensi ita alibi idem Augustinus ² : « Restitutus quidam in regione Hipponensi vester presbyter fuit : qui cum ad Catholicam pacem, antequam istis imperialibus legibus juberetur, veritatis ratione permolus, manifesta voluntate transisset : de domo sua raptus est a clericis et Circumcellionibus vestris, luce palam in castellum proximum ductus, et multitudine spectante, nihilque resistere audente, ad furemque arbitrium fustibus cresus, in lacuna lutulenta volutatus, amictu iunceo dehonestatus. Posteaquam satis exercuciavit oculos doctum, ridentiumque satiavit, inde ductus est ad locum, quo nemo nostrum aulebat accedere ; duodecimo die vix dimissus est ». Hæc ipse : qui de eodem Restituto atque aliis meminit in Epistola ad Donatistas ³. Sed occisum postea Restitutum presbyterum a Donatistis, et Innocentio ab eisdem oculum effossum et digitum præcisum fuisse, litteræ ejusdem Augustini ⁴ ad ipsum Marcellinum, ejusmodi seclera legum gladio vindicare paratum, significant.

55. In Barbarorum ubique incursione mira Christianorum virtutum specimina. Sed jam ad ejusmodi Augustini ad Victorianum datas hoc tempore litteras redeamus, in quibus totius ferme orbis clades a Barbaris illatas ita recenset ⁵ : « Tota quippe mundus tantis affligitur cladibus, ut paene pars nulla terrarum sit, ubi non talia, quæ scripsisti, committantur atque plangantur. Nam ante parvum tempus etiam in illis solitudinibus Ægypti, ubi monasteria separata ab omni strepitu, quasi secunda degebant ; a Barbaris interfecti sunt fratres. Jam vero quæ modo in regionibus Italiae, quæ in Galliis nefaria perpetrata sunt, etiam vos latere non arbitror : de Hispaniis quoque tot provincias, quæ ab his malis diu videbantur intactæ, cœperunt jam talia nuntiari ». Sub his de Donatistis quæ diximus. Sed et ad finem Epistolæ, ne-

que Mauritaniam Sitifensem expertem fuisse Barbarorum incursionem, exemplo recitato neptis Severi episcopi, demonstrat ¹ : cujus rei gesta perbreve habet : ejus verbis reddemus historiam, quæ sic se habet :

56. « Sitifensis ante paucos annos Severi episcopi neptis sanctimonialis a Barbaris ducta est : et per mirabilem Dei misericordiam cum honore magno suis parentibus restituta est. Porro enim illa Barbarorum, ubi captiva ingressa est, subita cepit dominorum infirmitate lactari : ita ut omnes ipsi Barbari tres, nisi fallor, vel amplius fratres periculosissima infirmitate laborarent : quorum mater animadvertit puellam Deo deditam, et credidit quod ejus orationibus sui filii possent ab imminenti jam mortis periculo liberari. Pelavit ut oraret pro eis, pollicens, quod si salvi essent, eam suis parentibus redderent. Jejunavit illa, et oravit : et evadit continuo est. Ad hoc enim hoc factum erat, quantum exitus docuit. Illa illi tam repentino Dei beneficio salute percepta, mirantes eam, et honorantes, quod eorum mater promiserat, impleverunt ». Hæc S. Augustinus ; quibus et aliis pluribus docet, Dei servos, ubicumque sint, sub Dei manu existere, cunctaque ejus providentia recte disponi.

57. At quod de Sitifensi episcopo et Dei providentia mentio facta est : quid mirandum de juvene, qui raptam feminam timore correptus ad eum duxerit, idem S. Augustinus ad Dulcitium ² breviter scribat, his jungamus : « Dicam, inquit, quod factum est in Mauritania Sitifensi : neque enim Deus sanctorum non ipse est etiam et nunc Deus. Viduam in proposito continentiæ constitutam Celtichius quidam catechumenus juvenis rapuit, ut haberet uxorem. Antequam concumberet, pressus somno et territis somno, Sitifensi episcopo eandem vehementissime requiriti revocavit intactam. Vivunt adhuc de quibus loquor. Ille baptizatus, et ipso in se facto miraculo conversus ad Dominum, ad episcopatum mirabili probitate pervenit. Illa in sancta viduitate persistit ». Hæc ipse ad Dulcitium. Sed de ejusdem citata nuper Epistola ad Victorianum inchoata semel prosequamur orationem : nam quæ ex ea de hujus temporis rebus gestis produntur, S. Hieronymi quoque testificatione firmantur, nimirum de his quæ Ægypti monachi a Barbaris passi sunt.

58. Quod enim S. Augustinus in ipsa ad Victorianum data Epistola tradit, nuper accedis-e ut Barbari irruerint in Ægypti monasteria ; idem hoc tempore confugisse, S. Hieronymus in Epistola ad Marcellinum docet his verbis ³ : « Hoc autem anno, cum tres explicassem libros », Ezechielis videlicet, « subitus impetus Barbarorum, de quibus tuus dicit Virgilius » : Lateque vagantes Barchæi. « Et sancta Scriptura de Ismael ⁴ » : Contra faciem omnium fratrum suorum habitat ; « Sic Ægypti limitem, Palestine, Phœnicis, Syriae percurrit, et instar torrentis enuclea secum trahens, ut vix manus eorum

¹ Aug. ep. LXXIII. — ² Aug. contr. Crescon. I. III. c. 18. — ³ Aug. ep. CLXVI. — ⁴ Aug. ep. CLIX. — ⁵ Aug. ep. CXXII.

¹ Idem ibid. — ² Aug. ad Dulcit. de oct. q. c. 7. — ³ Hier. ep. LXXXII. — ⁴ Genes. XVI.

misericordia Christi potuerimus evadere ». Hæc Hieronymus; qui cum tres se tunc in Ezechielem libros absolvisse tradat, plane hunc annum, vel sequentis exordium signal: nam (ut nuper vidimus) dum præ manibus illos haberet, de capta Urbe a Gollis certior factus fuit, ut in eorundem librorum Prefationibus ipsum testatum esse appareat. Quo item anno (ut proficetur) eum constat scripsisse Epistolam ad Marcellinum et Anapsychiam: quem quidem Marcellinum nunc eundemque esse cum eo Marcellino, de quo dictum est, hoc anno ab Honorio imperatore legatum fuisse in Africam, ex eo deducimus conjecturam, quod hic ipse vir apprimè disertus illis ipsis eundem Hieronymum de statu animæ pulsaverit questionibus, quibus et Augustinum interpellavit: imo et ex eo id certum affirmari posse videtur, dum ut consulat de illis Augustinum, his verbis admonet: « Certe habes ibi virum sanctum et eruditum Augustinum episcopum, qui viva (ut aiunt) voce docere te poterit, et suam, imo per se nostram explicare sententiam ». Hæc ipse: quibus patet, sequenti potius anno quam præsentem eam a S. Hieronymo esse scriptam Epistolam; cum jam certior redditus esset, eundem Marcellinum in Africam pervenisse, quo hoc anno ab Honorio missum fuisse vidimus.

59. At quod spectat ad Barbarorum incursionem: non in Ægyptum tantum (quod deplorat Augustinus) sed et in Palestinam et alias vicinas provincias grassatam esse, atque occisos esse quamplures sanctos monachos, cum (ut ipse testatur) vix S. Hieronymus evasis. Cassianus narrat his verbis: « In Palestina partibus, juxta Thecæ vicum, qui Amos ¹ Prophetam meruit procreare, solitudo vastissima est, usque Arabiam et Mare mortuum (quo ingressa delinquit fluenta Jordanis, et cineres Sodomorum) amplissima extensione porrecta. In hac summæ vitæ ac sanctitatis monachi diutissime commorantes repente sunt a discurrentibus Saracenis latrunculis interempti. Quorum corpora licet sciremus tam a Pontificibus regionis illius, quam ab universa plebe Arabum tanta veneratione percepta, et inter reliquias martyrum condita, ut innumeri populi et duobus oppidis concurrentes gravissimum sibi certamen indixerint, et usque ad gladiorum conflictum pro sancta rapina sit eorum progressa contentio, dum pia inter se devotione decertant, quam justius eorum sepulcra ac reliquias possiderent: aliis scilicet de vicinia commorationis ipsorum, aliis de originis propinquitate gloriantibus: nos tamen vel nostra, vel quorundam non mediocriter ex hac parte scandalizantium fratrum offensione permoti, inquirentesque cur tanti meriti et tantarum virtutum vici ita sint a latrunculis interfecti, tantumque Dominus passus fuerit erga suos famulos facinus perpetrari, ut suos cunctis mirabiles in manus traderet impiorum; mæsti ad S. Theodorum singularem in conversatione actuali

perreximus virum, etc. » Hæc Cassianus, qui integra Collatione sexta in eo argumento versatur, ut doceat, cur Deus sanctos viros ab impiis necari permittat. Erat plane quaestio ista versata ore omnium his temporibus ob ingruentia ubique mala et Barbaros longe lateque grassantes. De ea enim non Cassianus tantum egit, sed eadem occasione etiam S. Augustinus in dicta Epistola ad Victorianum, quod ille inter alia interpellasset: Quare et servi Dei Barbarorum ferro perempti sunt, et ancilla Dei captiva ductæ? » Quæ itidem pluribus tractat ad Marcellinum in commentariis de Civitate Dei: illa consulat, qui ea cupit: nobis satis historiam pertigisse.

60. *Ruffinus moritur in Sicilia, ex quo oritur hæresis Pelagiana.*—Hoc eodem anno, quo vidimus S. Hieronymum aggressum esse interpretationem Ezechielis prophetæ, Ruffinus Aquileiensis presbyter in Sicilia agens ex hac vita decessit: profugus extra patriam ob cladem Aquileiensibus illatam profectus est in Siciliam Melaniæ (ut opinor) navigationem consecuturus. Pervenisse quidem ad Alarici tempora Ruffinum, ejus Prefatio ad Chromatium Aquileiensem episcopum, quam præfixit suæ translationi historiæ Eusebii Cæsariensis, plane demonstrat: cum ille mæorem ob ejusmodi in suos Gothorum per Alaricum grassationem conceptum aliqua lectione levare studens id ipsum exquisierat a Ruffino. Agit itaque de ipsius Ruffini obitu S. Hieronymus in Prefatione libri primi commentariorum in Ezechielem: sed quod in illa perfidia, ob quam ab Anastasio papa meruerat condemnari, ipse Ruffinus adhuc perseverasset, Scorpii nomine eum notat, quo quidem vocabulo suggillare S. Hieronymus Ruffinum consuevit, ut in Epistola ad Avitum ¹ in fine: eo nomine etiam ante vocarat ipsum in Epistola ad Principium ², ubi agit de Periarcho Origenis, « manu (ait) Scorpii », nempe Ruffini, emendato. De obitu vero ejus ita S. Hieronymus in dicta Prefatione hoc anno (ut vidimus) scripta ³: « Scorpius inter Enceladum et Porphyrium Trinacriæ humo premitur: et hydra multorum capitum contra nos aliquando sibilare cessavit: datumque tempus, quo non hæreticorum respondere insidiis, sed Scripturarum expositioni incumbere debeamus ». Hæc ipse. Cæterum dies isti Alcyonii, feriati a bello hæreticorum perpanci fuere: nam item ipse in ejusdem commentarii libri sexti Prefatione hæc de ipsius Ruffini in impietate successoribus: « Putabam, inquit ⁴, quod medio serpente confosso, non revivisceret hydræ novella plantaria, et juxta fabulas poetarum, Scylla mortua, nequaquam in me Scyllæ sævirent canes, qui latrare non cessant: » at quidam isti? dicemus.

61. Atque illud in primis significandum est, S. Hieronymum hisce conflictis nominibus, Ruffini posteros nominare, quod idem forinsecus profite-

¹ Amos. i.

¹ Hier. ep. lxx. — ² Hier. ep. xvi. — ³ Hier. in Ezech. l. i. præf. — ⁴ Hier. in Ezech. l. vi. præf.

rentur se esse fidei Catholicae professores : quamobrem nonnisi cum ad Ecclesiasticum iudicium ipso-
rum causa delata esset, de eis palam locutus est. Ipse autem S. Hieronymus, jam absolutis commen-
tariis in Ezechielem, cum mox (ut ipse testatur)¹ ad
explicationem Prophetae Hieremiae se contulit, in
ejus primi libri Praefatione eadem quae supra ver-
sans, de iisdem innovatoribus haec habet² : « Nuper
indoctus calumniator erupit, qui commentarios
meos in Epistolam Pauli ad Ephesios reprehenden-
dos putat » : et ne existimes ipsum voluisse demon-
strare Ruffinum, de illo sub consueto Grunni no-
mine ista subdit : « Quod non videns praecursor
ejus Grunnius olim visus est capere : cui duobus
respondi libris » : et paulo post de eodem novo cen-
sore haec addit : « Nec recordatur stolidissimus Sco-
torum pulvis praegravatus, etc. » quibus plane
signis videas descriptum esse Pelagium, natione
Britannum, voluptuosum tunc monachum, ut ex
Isidoro Pelusiola superius demonstratum est ; cujus
plane praecursorem S. Hieronymus dicit fuisse Ruf-
finum. Et ne haerens ab eodem S. Hieronymo
describi Pelagium : accipe quae idem in ejusdem
commentarii prosecutione subdit³ : « Hic tacet,
alibi criminatur ; mittit in universum orbem Epi-
stolas biblinas, prius auríferas, nunc maledicas ; et
patientiam nostram de Christi humilitate venientem
male conscientiae signum interpretatur : ipseque
mutus latrat per Alpium canem grandem et cor-
pulentum, et qui calcibus magis possit saevire, quam
dentibus. Habet enim progeniem Scotiae gentis de
Britannorum vicinia : qui juxta fabulas poetarum,
inslar Cerberi, spirituali percutiendus est clava, ut
aeterno cum suo magistro Plutone silentio contice-
scat ». Haec ipse : quibus enigmatis formulis
describi Pelagium atque Caecetium, quae inferius
dicuntur, ostendunt.

62. Sed ante de Ruffino agendum ; quem hoc
anno defunctum, subobscure S. Hieronymus jure
praecursorem Pelagii nominat : et ne quis existimet,
ex nostra S. Hieronymi verborum interpretatione
perperam facta, ipsum pati calumniam : accipe in
primis quae Pelagii collega Caecetius publice, cum
in Concilio Carthaginiensi haeresis argueretur, libera
voce his verbis professus est⁴ : « Sanctus presbyter
Ruffinus Romae, qui mansit cum S. Pammachio, id
dixit : Ego enim audivi illum dicentem, quod tra-
dux peccati non sit ». Haec ipse de Ruffino negante
originale peccatum. Sed et de libero arbitrio male
sensisse, ex hoc quae a S. Hieronymo jure reprehen-
sum, Gelasius⁵ papa haud obscure demonstrat. In
his igitur cum Ruffinus erraverit : annon jure ab
eodem Hieronymo praecursor fuit Pelagii nomi-
natus ?

63. Idem S. Hieronymus scripturus adversus
Pelagium, in ejus operis Praefatione, una cum aliis

haeresum earumdem auctoribus Ruffinum ponit, ut
qui ex Origenis caenoso fonte in Ecclesiam ejusmodi
derivavit errores : recensentur ibi ab eodem auctore
reliqui Pelagianae haeresis Patriarchae, nempe ante
Ruffinum Evagrius Ponticus atque Jovinianus :
quos omnes in commentario in Hieremiam eodem
exornat titulo, sed ponit primo loco Ruffinum sub
consueto nomine Grunni, ubi ait⁶ : « Commenta-
rios in Hieremiam per intervalla dictabam, ut quod
deerat otio, superesset industriae : cum subito hae-
resis Pythagorae et Zenonis ἀναβίαις καὶ ἀναμαρτυρίας,
id est, impossibilitatis et impeccantiae, quae in Ori-
gene olim, et dudum in discipulo ejus Grunio,
Evagrius Pontico, et Joviniano jugulata est, coepit
reviviscere, et non solum in Occidentis, sed et Orien-
tis partibus sibilare, et in quibusdam insulis, praeci-
pueque Siciliae, et Rhodi maculare plerosque, et
crescere per dies singulos, dum secreto docent, et
publice negant ». Sed quoniam Ruffinus contulit ad
roborandam impietatem ? Praeter Origenis Periar-
chon ab ipso male translatum, et Evagrii Pontici
libros virulentos Latinitate donatos : illam adject
exécrabilem imposturam, dum Xisti seu Sexti Py-
thagorici commentarium a se translatum sub titulo
Xisti martyris Ecclesiae Romanae Pontificis edidit, ut
sub nomine martyris blasphemias Fideles polarent
aureo calice Babylonis : haec enim ipsa omnia in
eum objicit S. Hieronymus ad Ctesiphontem.

64. Invenimus rejici a Gelasio papa suppositum
librum ab haereticis nomine Xisti martyris : sed
quod ab haereticis in praesumptum dicat, et non a
Gentili ; id accidit ex eo quod Ruffinus transferens,
pluraque addens more suo ex divinis Scripturis,
videri fecit librum potius hominis Christiani, quam
Ethnici. Sed de eodem rursus S. Hieronymus⁷ :
« Miserabilis Grunnius, qui ad calumniandos sanctos
viros apernit os suum, linguamque suam docuit
mendacium, Xisti (Sexti) Pythagorici hominis Gen-
tilissimi unum librum interpretatus est in latinum,
divisitque eum in duo volumina, et sub nomine
sancti martyris Xisti urbis Romanae episcopi ausus
est edere » : et post aliqua subdit : « Lectorem ob-
secro, ut nefarium librum abiciat, legatque si vo-
luerit, ut ceteros philosophorum libros, non ut
volumen Ecclesiasticum ». Haec ipse. Usus est nam-
que eo libro Pelagius, ex eoque praepotentes elicit
sententias ; quibus, quasi Romani Pontificis atque
martyris essent, reluctari nefarium duceretur. Edite
adhuc habentur ex eodem libro excerptae sententiae
sub nomine Xysti papae, et martyris ; ex quibus ali-
qua citata a Pelagio, S. Augustinus⁸ tunc ignorans
Ruffini stropham, tituli auctoritate perculsus, non
audens obniti tanta Sedis antistiti, in rectum sensum
interpretando inflectere conatus est. Sed rem demum
edoctus, monitus (puto) scriptis S. Hieronymi ; ape-
riens imposturam, quod ante dixerat, retractavit⁹ ;
quam quidem Augustini retractationem non legisse

¹ Hier. in praef. l. ult. in Ezech. et in praef. l. i. in Hierem. — ² Hier. praef. in l. i. in Hierem. — ³ Hier. praef. in l. iii. in Hierem. — ⁴ Apud Aug. cont. Pelag. l. ii. c. 2. — ⁵ Gelas. Pap. in decret. l. in Conc. Rom.

⁶ Hier. in Hierem. l. iv. praef. — ⁷ Hier. comment. in Hierem. l. iv. c. 22. — ⁸ Aug. de Natur. et grat. c. 64. — ⁹ Aug. Retract. l. ii. c. 40.

certum est auctorem illum de Viris illustribus, Isidori nomine editum, dum ait, Xystum illum fuisse Romanum Pontificem, eundemque martyrem, id auctoritate sibi vindicans Augustini; quem tamen librum ab hæreticis depravatum affirmat. Hæc quidem de Xysto auctor in scripto codice Vaticano; in impressis autem desiderantur Xystus, et alii labe hæresis infamati.

65. Quod vero timeret Pelagius hæresis condemnari, atque cum ob rem clanculo cum suis ageret: idcirco hæc ubi supra Hieronymus¹: « Cui respondere diu tacens, et dolorem silentio devorans, crebra fratrum expostulatione compulsus sum: nec tamen lucusque prorupi, ut auctorum nomina ponerem, malens eos corrigi, quam infamari: non enim hominum, sed erroris inimicus sum »: et paulo post: « Quibus loquar compendio. Aut bona sunt quæ doctis, aut mala. Si bona; defendite libere. Si mala; quid occulte miseros jugulatis errore, rectaque fide ad decipiendos simplices quosque jactatis expositione? quæ si vera est, cur absconditur? si falsa, cur scribitur? etc. » et alibi²: « Sola hæc hæresis est, quæ publice erubescit loqui, quod secreto docere non metuit ». Hæc ipse.

66. Talis hoc tempore status erat hæresis Pelagianæ, ut cum propalarentur errores, auctores tamen latere cuperent; hæcque de causa insulas ad docendum elegerint, duasque simul pestilentiae cathedras erexerint, alteram (ut habet idem S. Hieronymus) in Sicilia ad decipiendos Occidentales, in Rhodo insula alteram ad corruptionem Orientalium populorum. De Sicilia cathedra, præter recitatas superius S. Hieronymi obscure nominibus aliis involutas sententias: accedunt his, quibus hæc toto cælo perspicias, ea quæ habet Hilarii Epistola³ his temporibus scripta ad Augustinum, qua eum de omnibus reddidit certior, tacitis tamen auctorum nominibus, quod adhuc res eo modo clam tractaretur. In Sicilia enim docuisse Cælestium, quæ scripsit S. Augustinus ad Eutropium, et Paulum episcopos Galliarum, satis aperte demonstrant. Sed quid anno sequenti cum S. Hieronymus, tum Augustinus requisiti exactique fecerint, ut adversus vagantes errores scriberent, nos suo loco de his agemus inferius: hæc autem modo occasione Ruffini obitus dixisse volumus, sepelisseque eum iis, quos sibi vivens composuit, titulis sepulcralibus. Porro hæc omnia de Ruffini obitu, et ortu hæresis Pelagianæ, emergentibusque hæreticis, ex Origenistarum progenie manantibus huic eidem anno, quo Urbs capta est, congruere; quæ in Epistola ad S. Augustinum habet S. Hieronymus, satis perspicue declarant his ipsis verbis⁴: « Multi utroque claudicant pede, et ne fractis quidem cervicibus inclinantur, habentes affectam erroris pristini, cum prædicandi eandem non habeant libertatem »: nam paulo post de Urbe capta hæc subdit: « Capta Hie-

rusalem tenetur a Nabuchodonosor, etc. » At de his satis.

67. *Theodosius episcopus quid in Macedonia nos.* — Quod autem ad res Orientales pertinet: hoc anno Theodosius imperator; duobus datis¹ ad Anthemium præfectum prætorio rescriptis, hæreticos Montanistas, Priscillianistas, atque Eunomianos diversis penis exagitavit. Quam vero Macedoniani vexati fuerint hoc tempore, Socrates ita describit²: « Theodosius quidam Synadorum urbis Phrygiæ Patatianæ episcopus hæreticos (in ea namque urbe complures erant ex secta Macedonianorum) graviter persecutus est: eosque non modo ex civitate, sed etiam ex agris relegavit: atque istud aggressus est non de more Orthodoxæ Ecclesiæ, quæ homines persequi non solet ». Orthodoxos hic auctor nominat suos Novatianos: sed subdit: « Neque studio rectæ sinceræque fidei incitatus, sed turpis questus cupiditati inserviens, ut ex hæreticis pecuniam cogeret. Itaque nihil reliquum fecit, quod ad Macedonianos vexandos pertineret: manusque clericorum, qui de ejus erant Ecclesia, contra eos armare, ac infinitis fere machinis, quibus illos conturbaret, uti cepit: in judicio vinculos sistere non desuit, maxime omnium Agapetum illorum episcopum variis incommodis, et molestiis affecit. Ac cum primarii provincie viri non satis habere virium, et auctoritatis ei viderentur ad supplicium de Macedonianis sumendum; Constantinopolim celeriter contendit, mandatumque Præfecti provincie postulat.

68. « Dum Theodosius episcopus his de rebus Constantinopolim moram facit; Agapetus, quem sectæ Macedonianæ præesse docui, ad rectam sanamque de fide opinionem rediit. Nam consilio cum universo clero inito, et populo Ecclesiæ suæ convocato, persuadet ut fidem Consubstantialis accipiant. Quo facto, cum ingenti multitudine, imo vero cum populo universo ad Ecclesiam ire maturat: ac precibus peractis, sedem in qua Theodosius considere consueverat capessit. Simul atque populum concordiae vinculis in unum colligaverat, de reliquo fidem Consubstantialis docuit: unde Ecclesiarum administratione ad urbem Synada spectantium positus est. His rebus ita constitutis, paulo post Theodosius Synada revertitur, præfecti mandato fretus, quod secum attulerat: atque ignarus rerum, quæ ipso absente acciderant, extemplo ad Ecclesiam pergit. Inde ab omnibus qui aderant, expulsus, Constantinopolim denuo proficiscitur: qui simul atque eo adventabat, graviter suum statum coram Attico episcopo deplorare, se inique episcopatu ejectum docere cepit. Atticus autem, ut intellexerat rem feliciter ad Ecclesiæ commodum cecidisse, verbis Theodosium lenire, suadere, uti genus vitæ quietum, et vacuum a molestiis consecraretur, communemque omnium utilitatem suis privatis commodis anteferebat: scribit prætereā Agapeto, ut episcopatum teneat, nihilque molestiæ sibi ex offenso Theo-

¹ Hier. in Hierem. I. IV. præf. — ² Hier. ad Ctesiphon. — ³ Apud Aug. ep. LXXXIX. — ⁴ Apud Aug. ep. XXVI.

¹ L. XLVIII. XLIX. et L. de hæret. C. Theod. — ² Socr. I. VII. c. 3.

dosii animo suspicetur eventurum ». Haec enim Socrates : sed illud parum consulle (ut dictum est) ait, non de more Catholicae Ecclesiae illum insectatum personas haereticorum ; cum a temporibus Christiani imperatoris Constantini sexcenta ferme edicta adversus personas haereticorum promulgata legantur, idque innumera exempla superius relata declarent.

69. *Synesius ex philosopho creatus episcopus Ptolemaidis, quomodo in Episcopatu se gesserit.* — Quod vero sordesceret, non animarum lucri causa, sed cupiditate rerum temporalium, episcopos exagitare illos, qui extra Ecclesiam prava docerent (ut exemplo Theodosii episcopi declaratum est) hoc prudentior quidem factus est Synesius, qui sic suos jubet hoc tempore magno animi zelo eodem Eunomianos insectari, ut tamen a rapina ipsorum bonorum abstineant. Quae igitur adversus eosdem Eunomianos in Aegypto agentes Synesius ex philosopho episcopus Ptolemaidis scripserit, temporibus quidem, et argumento, de quo agitur, congrua hic reddamus. Qui enim (ut ostendimus) ad sedem illam administrandam invitatus nolensque assumptus est : ea potius (ut deceit) summo studio ac vigilantia administravit, ut ejus litterae in episcopatu conscriptae docent, inter quas haec sunt adversus Eunomianos datae ad suos presbyteros, his scilicet verbis ¹ :

70. « Ex impii Eunomii secta, audio Quintianum, per eos qui celeberrimae ipsius potestatis in exercitu praefecti sunt, adulterare rursum Ecclesiam, et falsos quosdam doctores constituere, laqueum animis simpliciorum, per eos qui nuper a Quintiano missi sunt ad hoc ipsum, injici. Hi igitur spurii presbyteri, et recentes advenae, et Apostoli diaboli, et Quintiani, ne lateant vos, quod insultum in gregem, quem vos pascitis, fecerunt : nec lateant vos, quod zizania inter trititum conseminant. Nota sunt omnibus horum refugia : scitis qui agri eos suscipiunt : scitis quae domus praedonibus apertae sint. Invadite fures, naribus investigantes : sitis aemulatores benedictionis Mosaeicae, qua benedixit viris, qui contra impios in castris, et mentem, et manus moverunt. Illud autem ad vos, fratres, dictum dignum est : Bona bene fiant : his pro lucro tollatur : omnia propter Deum tractentur. Non eandem oportet esse virtutis, et improbitatis causam. Pro pietate cursus est : pro animabus decertandum est, ne aliquos ab Ecclesia depraventur, quod jam consueti more faciunt.

71. « Qui vero Ecclesiae praefectus auxerit erumenam, et per hoc quod utile esse videtur, id temporibus exigentibus, asperitatem, et potentiam sibi conficit : hic est quem nos ex conventu Christianorum rejicimus. Non fecit Deus virtutem imperfectam : non opus habet auxiaria improbitate : nec deficient militis Deum decentes Ecclesiae : reperiet auxiliares hic quidem sine mercede, in caelo vero

perfectam mercedem habituros. Vos hi fiat. Bonum est enim etiam recta facientibus comprecari ; bonum etiam transgredientes execrari. Quisquis igitur pigrescit, et destituerit : et quisquis aggreditur quidem, verum rapuerit quid de alienis, non iussum fuerit apud Deum. Unum hoc solum in medium trahite ; et monetarios istos praves, qui divinam doctrinam velut numisma adulterant, circumferte : qui sint, omnibus manifestum facite : deinde hoc modo cum ignominia e Ptolemaidis finibus expellantur ; quicquid enim ipsis venit, et omnem rem ad sacrificium inutilem auferentes. Qui vero praeter haec facite, maledictus Deo. Quisquis impium conventum conspiciat, neglexit ; aut ubi audivit, contempsit ; aut luto ab ipsis inquinatus est : hos nos Anaechitas esse statuimus, a quibus spoliis auferre non licet. De eo vero qui acceperit, dicit Deus : Pœniteat ² me, quod Saulem regem feci. At vestri nullam ob rem ipsum pœniteat. Sed vestri quidem cura sit Deo ; Dei vero cura sit vobis ». Hactenus ad suos Synesius. Qui quidem his, et aliis recte sanctis suae sedis episcopatus primordia consecravit : hoc enim anno ipsum creatum esse episcopum Ptolemaidis, nempe anno tertio a revocatis exulibus episcopis Joannis fautoribus superius dictum est : hoc namque anno Epistolam dedisse diximus ad Theophilum Alexandrinum episcopum pro Alexandro episcopo Bisanopolis in Bithynia, quam alia occasione superius recensimus.

72. At dignum quidem putamus, omnium celeberrimi hujus temporis philosophi Synesii, hoc anno episcopatu initiati, primordia hic repetere. Fuit ille patria Cyrenensis, Alexandriaeque versatus, ubi uxorem duxit et filios genuit : ex quo autem genere ortus sit, et institutum vitae ejus probe compositum, ipse ³ haec omnia pluribus : laud enim in his licet alio propterant moras necere. Reddamus hic modo quae de eo Evagrius ⁴ litteris commendavit : ait enim : « Iste Synesius fuit cum in aliis rebus disertus, tum in philosophia egregie excolenda adeo praeter ceteris eximius, ut etiam a Christianis, qui neque amore, neque odio adducti, de eo judicium fecerunt, in magna haberetur admiratione. Itaque illi persuadent, ut licet nondum doctrinam de resurrectione carnis admisisset, neque ita censere vellet, salutari regenerationis lavacro tingere, et jugum susceperet sacerdoti : recte admodum de eo augurantes, quod res alias ejus virtutes sequerentur, divinae gratia nihil pateretur in eo desiderari. Quae spes illos minime frustrata est. Nam qualis et quam eximius vir evaserit, argumento sunt tum Epistolae ab eo post sacerdotii susceptionem eleganter et ornate compositae, tum liber ille, quem dedicavit Theodosio, tum aliae praeterea illius quae extant lucubrationes ». Haec Evagrius. Habetur excussa ipsius Synesii Epistola, unde ipse Evagrius ea omnia hausisse visus est de contestationibus ab eo factis, antequam ireret Christia-

¹ Synes. ep. L.

² 1. Reg. xv. — ³ Synes. ep. xviii. — ⁴ Evagr. l. i. c. 15.

nus, atque ordinaretur episcopus: cum a clero electus, et populo postulatus episcopus, ille publica contestatione innotescendum curavit: nimirum se haud cœlibatum, ut alii sacerdotes, servaturum; sed cum conjuge permansurum, susceplurumque ex ea liberos; nec adduci posse ut contra philosophiæ præscriptum, ex fide Christiana ipse crediturus sit, fore aliquando mundi occasum, corporumque resurrectionem, vel ante corpora formari, quam animas: hæc quidem ab ipso jactata, certum est.

73. Sed errore maxime labuntur, qui putant hæc serio fuisse a Synesio inculcata. Etenim quomodo Theophilus adduci aliquando valuisset, ut credere obstatina contradictione nolentem, atque adeo refragantem baptizandum fore consenserit, nedum summo sacerdotio imbucendum, contra Evangelicam Apostolicamque doctrinam, ipsis Ecclesiæ legibus reclamantibus, quarum Theophilus minime ignarus, sed consultissimus erat? At quomodo hæc gesta sint, paulo post dicturi sumus: modo autem ipsius Synesii de his datam ad Evangelium fratrem Epistolam hic recitemus, quam exscripsit Nicephorus¹ ex quo eam hic nos reddemus; sic enim se habet:

74. « Inconsideratus sane essem, nisi nullam haberem Ptolemaidis civibus gratiam, qui me honore eo, quo me ipsum indignum puto, honestum esse volunt. Verum non an illi magna tribuant, sed potius an ea a me recipienda sint, deliberare convenit. Quod si enim homo divino prope fructu honore, si quidem justus sit, dulcissimum percipiat fructum: sin dignitate ea longe sit indignior, acerbam futurae pœnæ sustineat expectationem. Porro non novus hic, sed vetustus admodum est metus, ne quid in Deum committam, honorem ab hominibus ferens. Ego sane, qui me ipsum novi, ineptiorem omnino comperio, quam ut sacerdotali dignitati gerendæ idoneus sim. Proinde apud te de animi mei motibus et cogitationibus agam: non enim alium habeo, apud quem id rectius faciam, quam te percarum mihi, mecumque educatum caput. Te namque æquum est participem esse curarum mearum, ac noctu vigilantem deliberare, et interdum cogitantem considerare, ut et boni mihi aliquid contingat, et mali quicquam effugiam. Accipe igitur, quo loco res meæ sint, quæ tibi etiam majore ex parte cognitæ sunt.

75. « Fæsce exiguo sublato, pulchre mihi videor hucusque philosophiam ipsam pertulisse: quam vero ab hominibus non prorsus perperam in ea versatus esse censear, laudatum a quibusdam, ampliore nunc honore me ornatum esse volunt, qui de idoneis animi mei viribus judicare non possunt. Vereor autem, ne si per ineptam ambitionem dignitatem oblatam recipiam, neutrum consequar, vide licet neque tandem ex honore contempto, neque gloriam ex dignitate minus recte gesta. Rem ipsam

sic mecum considera: rebus duabus semper tempus omne tribuo, studiis, et ludo: litteris vacans, et præcipue divinis solus sum: ludo operam dans, quamplurimos admitto. Nosti enim, cum a libris exsurgō, totum me in ludis esse, a civilibus autem curis, et natura, et animi destinatione abhorrere. Sacerdotem autem oportet esse virum divinum, et ad ludum omnem perinde atque Deum difficilem ac durum; qui ut propositum insitutumque suum teneat, innumeros plurimorum conversos in se habet oculos. Ad quos nulla, aut certe parva pervenit utilitas, nisi aliquis probe instructus et cordatus sit, et a suavitate animi omni alienus. Rem divinam faciens, non privatim solus esse potest, sed in communi conventu inter plurimos versatur; cum legis doctor sit, et nihil aliud quam, quod legitimum sit, sonct. Negotia enim gerere oportet, quæ simul omnes tangunt. Quæ enim communia omnium sunt, unum ipsum curare opus est, nisi criminibus omnium obnoxius esse velit. Quomodo igitur non maximi, fortissimique animi sit, tantam curarum molem ita ferre, ut mens non obruatur, et extincta in anima particula divina non negligatur; si quis tot studiis, et variis actionibus distineatur?

76. « Neque ignoro esse quosdam qui hoc præstare possint: et felicem eorum naturam atque beatam, ipsosque vere divinos vires esse censeo, qui cum in multis humanis versentur negotiis, non tamen divini numinis cura excident. Ego vero me ipsum, qui in urbem descendere, et per urbem deambulare solem, rebus involutum quæ ad terrenas curas trahunt, atque iniquationibus repletum esse, quarum non facile quisquam magnitudinem dixerit, scio. Nam quæ ad nativæ et propriæ aliunde adventum picula, in accessionis rationem conferuntur. Corporis robur mihi non est: interiora animi bona non recte se habent: ab externis etiam aliqua ex parte destitutor: tum autem conscientie mororem ferre nequeo, et quotiescumque me quispiam rogat, disertis verbis statim dico, sacerdotem in rebus omnibus maxime a probris debere esse alienum; quippe qui aliorum quasque sordes expiet.

77. « Verum enimvero illud quoque litteris ad fratrem datis inserere convenit: permulti enim hanc Epistolam legent; et ea gratia illam petisimum dictavi, ut cum res ipsa nota omnibus fiat, tum utcumque ea procedat, et apud Deum et apud homines, nec minus apud ipsum patrem Theophilum culpa caream. Si quidem cum res meas in medium protulerim, et potestati ejus quicquid velit, de me statuendi permiserim; quomodo erimini alicui obnoxius sim? Mihi et Deus ipse, et leges, ipsaque sacra Theophili manus uxorem de lit. Quapropter omnibus prædico, testatumque esse volo, me illam prorsus deserturum non esse; neque cum illa, veluti mæchum, clandestinam consuetudinem habiturum: alterum enim minime pium, alterum minime legitimum est: quin potius et volo et opto, plures mihi et probos nasci liberos: hoc ipsum

¹ Niceph. l. xiv. c. 15. Synesius ep. cv.

electionis auctorem. et principem ignorare non oportet. Sciant id amici nostri Paulus et Dionysius, quos legatos hanc ob causam a populo lectos esse audio. Illam vero rem Theophilo non significari, sed in memoriam tantum revocare opus est: de ea autem pluribus dicam, cum qua quidem una quisquam alia omnia collata parva esse iudicet. Difficile est, atque adeo fieri omnino non potest, ut animus dogmata, quæ per eruditionem et scientiam in certam necessariamque persuasionem evaserint, fluctuare, et in dubium vocari sinat. Nosti porro, philosophiam admodum divulgatis istis Christianorum adversari opinionibus. Itaque haud unquam adducar, ut posterius animam quam corpus gigni credam. Neque mundum ipsum et partes ejus aliquando interituras esse dicam. Resurrectionem deprædicatam sacrum quiddam et minime vulgandum esse duco. Neque conceptis vulgi opinionibus assentiri possum. Mens philosophia exculta verum perspicit. Ea interdum necessitate adducta, mendacium permittit. Et habet rationem, seu proportionem suam lumen ad veritatem, et oculus ad mentem. Quatenus ergo oculus lumine copiosiore in deterius abutatur, aut lippis tenebræ commodiores sint. hactenus mendacium quoque populo utile esse, et veritatem noxiam eis puto, qui aciem mentis in evidentem rerum claritatem intendere nequeunt.

78. « Quod si sacerdotes nostri hæc mihi permittunt; potero sane ego quoque sacerdotis munere fungi, qui domi quidem philosophiæ incumbo, in publicum autem progressus, sermonibus et colloquiis hominum delector, neque docens, neque dedocens, sed in anticipata opinione quemque persistere permittens. Sin illi sacerdotem ita animatum et opinionibus manifestum esse oportere dicant; omnibus me pclam ostendere intermiserim. Quid enim rei est populo cum philosophia? Rerum quippe divinarum veritatem minime vulgari oportet: populus autem more et assuetudine alia indiget. Rursus igitur et sapius repetens dicam, nulla cogente necessitate, neque arguere, neque argui sapientis esse. In sacerdotum autem ordinem cooptatus, non committam ut dogmata præter animi sententiam assimulem. De his Deum, de his homines testes invoco. Veritas Dei propria est, apud quem in rebus omnibus inculpatus esse volo. Hoc unum tantum non dissimulo: quandoquidem joci et ludorum studiosus sum; ita ut jam inde a puero crimen istud sustinuerim, plus quam deceret, armis me et equis delectatum esse; quibus si caruero, tristis quidem ero. Quid enim cum carissimos canes feras nullas prosequi, et sagittas a teredinibus exesas esse videro, faciam aliud? Sed tamen constantiam, si Deus voluerit, oblinebo: atque quamvis a curis; lienus, macerabor; causarumque et negotiorum quantumvis grave ministerium hoc, Deo confusus, sustinebo. Dogmata autem per dissimulationem non tegam: neque mihi mens a lingua dissensit. Hoc si cum et sentiam, et dicam, Deo placere puto: neque sermonis illius de me occasione re-

linquere volo, me, quod qui fuerim, ignoratus sim, electionis suffragia rapuisse.

79. « Cæterum Dei amantissimus pater Theophilus, cum me norit, postquam mihi id se scire significaverit, sic tandem de me consilium, quid statuatur, capiat. Tum enim aut in instituto meo vivere me, et philosophari patietur; aut postea ut me in iudicium vocet, vel sacerdotum ordine moveat, sibi ipsi potestatem non relinquet. Aliæ insuper opiniones, et sententiæ omnes nugæ fuerint: veritatem enim satis scio Deo esse gratissimam. Sed enim sacrum caput tuum, atque in primis veritatis tutorem, et inspectorem Deum testor, ægre mihi esse. Quomodo enim non sit, cum quodammodo ex vita solita in vitam aliam transeundum mihi sit? Quod si rebus his in publicum prolatis (latere enim eas, et premi nolo, is enim potestatem hanc concessit Deus, in ordinem sacerdotum me elegerit: subito eam necessitatem, et veluti divinum decretum suscipiam. Sic enim existimo, si vel imperatore, vel infelici, Deoque inviso Augustali quopiam jubente, imperata non facerem, inobedientiæ pœnas me daturum esse: Deo autem ipsi volentes nos parere convenit. Sin me ad sacrum obeundum ministerium non admittit Deus, ab ipso statim initio in me rem diviniissimam, veritatem ipsam compecti, neque per id quod illi maxime repugnat, mendacium scilicet, sanctionem ipsius suscipere decet. Fac igitur ut scholastici hæc sciant, et ad illum referant ». Hactenus Epistola Synesii ex Nicephoro accepta.

80. Porro si quis contestationes ita ut se habent intelligat, prout a nonnullis intellectæ noscuntur; habet profecto unde miretur, imo et indignetur, hominem Italia protestantem, talesque conditiones proponentem, sic esse ordinatum a Theophilo episcopum Ptolemaidis: verum mentem Synesii hos minime asecutos esse, palam faciemus. Unde, rogo, Synesii mentem melius quam ex his quæ postea idem ipse scripsit, quo sensu, quoque animo ista jactarit, possumus intelligere? Simul ac enim diu reluctatus, creatus fuit episcopus, scribens ad suæ Ecclesiæ presbyteros, plane de se testatur, omnem ornatum, insuper et omnem adhibuisse artem, ut episcopatus onus effugeret. Et quam artem? nisi ut simulate agens, et illa inculeans adeo Christianæ fidei, et disciplinæ adversantia, rejiceretur omnino a munere episcopatus? Et ut sentio, haud aliud præstitit Synesius verbis, quam quod S. Ambrosius factis exhibuit, dum ne Episcopus ordinaretur, se adulterum, et sanguinarium publica professione ab omnibus credi voluit. Sed audiamus ejus brevem de his Epistolam ad suos presbyteros scriptam:

81. « Neque ego primis vobis superior eram, cum omni robore, et arte sacerdotum effugerim; neque nunc vos me superatis: sed divinum profecto erat, et quod tunc nondum, et quod nunc jam. Ego enim sapius mori pro hæc rerum sacrarum administratione maluissem, ne scilicet susci-

perem illam. Non enim mearum virium esse iudicabam huius rei gubernationem. Cum autem Deus induxerit, non quod ego petebam, sed quod ipse volebat : precor eum qui vitæ largitor est, ut etiam quam tribuit, perfecturus sit. Qui enim juventutem in otio philosophico consumpsi, et in speculatione a rerum actione aliena, et tantum in curis versatus sum, quantum defunctorie per actum reprehendi non potest in hac cum corpore vita, et in hoc quod civis civitatum fuerim : quomodo sufficiam curis nullam habentibus intermissionem? Aut quomodo ubi me ipsum turbæ negotiorum tradidero, adhuc ad mentis pulchritudines accedam, quibus solum beatum otium frui potest? sine quo mihi et meis similibus omnis vita, nulla vita est. Ego quidem non novi : Deo vero (aiunt) omnia possibilia sunt, etiam quæ impossibilia sunt. Et vos ipsi igitur pro me supplices manus ad Deum elevate, et tum populo in urbe, tum his qui in agris aut villaticis Ecclesiis commorantur, preces pro nobis, et in communi, et singulatim omnibus committite. Si enim non deserui a Deo relictus fuero : tunc cognoscam sacerdotium non discessum esse a philosophia, sed ampliorem accessum¹. Ista ad suos cum creatus est episcopus Synesius¹.

82. Scribens postea contra Andronicum : quam expetierit mori potius quam episcopus fieri, aperta testificatione declarat, ubi primum de suo ante episcopatum vitæ instituto ista præmittit : « Vivebam cum bona spe in mundo, velut in sacro septo animal liberum ac solutum, prece et libro et venatione vitam dividens : ut enim sana sit anima et corpus; hoc quidem laborare oportet, illam autem rogare Deum. Cum huiusmodi facilitate traxi annos illos usque ad electionem episcopatus : ad quem ego, si quis unquam, timidissimus fui. Testor omnibus Deum, cujus per vos ego arcana mysteria gestavi, absque humanis circuitibus ac studiis, ipsum Deum solitarie in multis temporibus et locis accessi, et pronus, et in genua inclinat, supplex mortem pro episcopatu eligebam ». Hæc et alia de relictatione sua, ne susciperet episcopatum Synesius, cujus quidem argumenti multa præterimus brevitas causa : cum ut fugeret, ea usus est arte, ut portentosis contestationibus illis Theophilum posset eludere. At insaniam simulantem Ulyssem prudentis consilium Palamedis rritum reddidit; et impietatem affectans Synesius Theophilum latere non potuit.

83. Cum vero e quetis tranquillo portu in turbatum vastumque pelagus invitus nolensque solvisset : multiplicitum mole negotiorum oppressus, jam cum vix septem menses episcopatu perfunctus esset, de abdicatione agere cepit : sed frustra quidem : agit enim de his ipse in Epistola ad Olympium². Delegabat illi Theophilus provincie illius negotia, et lites verentes inter episcopos, et causarum cognitiones : cui quidem cum parere, se necessitate adstringi cognosceret, et reluctari penitus

nefas : ad ipsum hoc primo anno scribens, hæc ait : « Ego et volo, et necessitas mihi divina est, ut legem putem quicquid thronus ille valdeinabitur » : et inferius : « Quicquid statuerit, hoc multitudini justum sit : obedientia enim vita est, et mors inobedientia ». Tanti quidem aestimatus est recens episcopus, ut iudex fieret seniorum episcoporum.

84. Verbatè enim tunc inter vicinos episcopos Paulum, atque Dioscorum ejusmodi controversia. Irruentibus Barbaris in Cyrenem cum suis, Paulus collem occupat natura munitum; illicque ubi agerel, domunculam ibi sitam in Ecclesiam consecrat, inferens illuc altare, et in eo celebrans sacrificium : quo actu locum illum sibi vindicare putavit, contradicente Dioscoro, sub cujus diocesi locus positus erat. Sed Synesius in Paulum sententiam tulit, non existimans eam ob causam locum Deo esse dicatum, ut ad profanum usum redire non posset. « Nam hoc, inquit, locum non sanctificat : alioqui omnes montes, et omnes valles Ecclesie essent, et nullum monumentum effugeret ut non publicum esset, in quibus omnibus, cum hostes prædantur, preces et mysteria fiunt. Quot vero domus per impia Ariatorum tempora preces et mysteria susceperunt, et nihilominus sunt privata? etc. » Hæc et alia plura Synesius in Paulum pro Dioscoro.

85. In causa vero Lamponiani, qui ob illatas in Jasonem injurias excommunicatus fuit; cum idem iudicat, illud insinuat Ecclesie antiqui moris, quosdam atrociores casus episcopos minores non absolvere, sed reservare illos primæ sedis antistiti : nam audi de ipso Lamponiano : « Quanquam, inquit, et lacrymas ex poenitentia effuderit, et populus supplex illum excusavit : at ego in his, quæ visa essent perseveravi : solvendi vero potestatem ad sacram sedem remis. Tantum igitur mihi ipsi permisi, si appropinquaret Lamponiano debitum fatale, ipse vitæ exitus, uti tunc sane dies constituta adesse videretur : omnibus permisi tum affuturis presbyteris, ut cum ipso communionem participarent. Nemo enim ligatus mihi moriatur. Verum sanitati restitutus, rursus ob eadem reus sit, et a divina ac benigna anima tua venie assensum expectet ». Hæc Synesius ad Theophilum Alexandrinum episcopum, a nobis hic posita ad antiquos ritus in judiciis Ecclesiasticis reserandos. Ipse vero Synesius de se ad ipsum Theophilum hæc in fine : « Postremum ora pro me; orabis enim pro derelicto, et omnibus deserto, et egente ejusmodi cooperatione : ita ipse vereor pro me ipso loqui ad Deum. Omnia enim mihi in contrarium cedunt propter temerariam, et periculis objicientem se audaciam, quod homo in peccatis, seorsum ab Ecclesia peregrinus educatus, alieno vitæ ductu institutus altaria Dei contigi ». Hæc Synesius : quibus videas quanta animi demissione polleret.

86. Obibat autem ipse naviter Ecclesiastica negotia : in quibus curis feliciter sibi actum existimabat, si non et secularibus negotiis obrueretur. Hinc illæ auræ ipsius in querelis sententiæ : « Civilem

¹ Synes. ep. LVII. — ² Synes. ep. XCVI.

virtutem cum sacerdotio conjungere, est versare ea quæ simul versari non possunt. Priscum sæculum tulit eodem sacerdos, et iudices. Nam et Aegyptii, et Hebræorum gens multo tempore sacerdotes reges habuerunt. Deinde (ut mihi videtur) cum divinum opus humano more pergeretur, sejunxit Deus vitæ conditiones, et alius sacerdos, et alius dux electus est. Alios enim ad materiam ei exit, alios sibi ipsi collocavit. Ordinatum autem est, ut illi quidem in rerum negotiis, nos autem in precibus versaremur. Quod vero bonum est, ab ambobus exigit Deus. Quid igitur reduces? Quid separata a Deo, conjungere conaris; qui neque ut gubernemus, sed ut falso gubernemus expis? Qua re quid fieri miserius possit? Opus est tibi prefecto? ito ad procuratorem legum Reipublicæ. Opus habes aliqua in

re Deo? ito ad sacerdotem civitatis: Et paulo post: « Non condemno episcopos, qui in rerum negotiis versantur: sed ignarus me ipsum vix in theatrum pervenire, admiror eos qui utrumque possunt. Mea facultas non est duobus dominis servire. Si vero sunt aliqui, qui neque a conscientia laedantur; poterunt sane et sacerdotio fungi et civitatum præfecti esse. Radius solis etiam si cum stercore conversabitur, purus manet, et non inquinatur; ego vero si idem hoc fecero, fontibus et mari opus habeo ». Hæc et alia plura ad sui excusationem in Synodo Synesius, cum ab episcopatu missionem peteret, quam in annum sequentem rejicimus: hæc vero satis hic de Synesii ordinatione, et administratione prægustasse.

Anno periodi Græco-Romanæ 5903. — Jesu Christi 410. — Innocentii papæ 10. — Honorii 18. et 16. Theodosii Jun. 9. et 3.

4. *Consules.* — Coss. Fl. *Varanes* et *Tertullus*, primus in Oriente creatus, cujus mentio in Chronico Alex. sub coss. anni cxxvii. ubi eum magistrum militum, in Oriente sc. appellat; alter vero in Occidente, cujus tamen nulla mentio in subscriptionibus legum tum ab Honorio quam a Theodosio daturum, sed solius, *Varanis*, quem Prosper in Chronico *Flavianum* et *consulem Orientalem* appellat. Sed de *Tertullo* vide infra num. 8. In aliquibus Fastis *Varanus Varanes* appellatur, sed manifesto errore, cum Zozimus lib. 5, pag. 812, loquens de gestis ab Alarico anno cxxvii. dicat, *Honorium* imp. copis pedestribus *Varanem* præcesse, ideoque cum auctore Chronici Alexandrini convenit.

2. *Roma anno superiori ab Alarico deprædata.* — A num. 1 ad 29. Baronius pluribus refert iterationem Urbis obsidionem, ejusque devastationem per *Alaricum* Gothorum regem. Verum quemadmodum prima Romæ obsidio in annum cxxvii. ita et secunda in annum cxxix incidit, ut certis argumentis demonstrabo. Sed antea præmittenda est hic brevis Urbis expugnationis narratio ex Philostorgio lib. 12, cap. 3, qui relata Eucherii Stiliconis filii morte, quam iterata Urbis obsidio statim secuta est, ait: « Post hæc Barbari Alarico juncti, cum ad expugnandam urbem Romam incitarent. Ille vero confestim Portum occupavit. Et autem est maximum navale in urbis Romæ, tribus portibus constans, et in parvæ urbis magnitudinem extensum. Illic etiam annona publica juxta veterem consuetudinem erat

recondita. Cum igitur Alaricus Portum levi negotio occupasset, urbem Romam tum annonæ penuria, tum reliquis machinamentis expugnavit. Et Romanis decernentibus, id enim illis Alaricus permiserat: Attalum imperatorem renuntiavit. Ortus hic erat ex minore Asia; religione quidem paganus, dignitate vero præfectus urbis Romæ. Post nunciationem imperatoris Attali, Alaricus permisit deinceps reliquis populi Romani, his scilicet quos famæ et humanorum corporum commestio reliquos fecerat, ut annonam sibi ex portu conveherent. Assumpto deinde Attalo, magistri militum munere eidem fungens, Ravennam adversus Honorium cum exercitu proficiscitur. Inter hæc Attalus mandavit Honorio, ut privatam potius vitam eligeret, et extremorum membrorum abscissione totius corporis salutem redimeret. Sane vero, cui post Stiliconis necem Honorius magisterium rei militaris contulerat, inito adversus Alaricum prælio, eum superavit, et ab urbe Ravenna longius fugavit. Tum vero Alaricus occupato Portu, Attalum imperio exit: sive quod accusatus fuerat quasi malevolo animo esset erga Alaricum; sive, ut alii dicunt, eo quod Alaricus in mente habebat, fœdus cum Honorio inito, ac prius e medio tollendum esse ducebat eum qui impedimento esse videbatur. Post hæc Alaricus Ravennam reversus, cum fœdus obtulisset Honorio, a supra memorato Særo repulsus est, cum qui audacia sua penas dare debnisset, indignum esse affirmante qui inter amicos numeraretur. Iratus ob

hæc Alaricus, anno post primam irruptionem in Portum urbis Romæ, tanquam hostis infestis signis Romam versus contendit. Exinde vero tantæ gloriæ magnitudinem ac potentiæ tamam externus ignis, et hostis gladius, et Barbarica captivitas, quasi sortito inter se dividerunt ».

3. *Dux Senatus Romani ad Honorium imp. Legationes.* — His ad le quæ Baronius ex Sozomeno lib. 9, c. p. 8 et seq., et quæ Zozimus lib. 5, pag. 849 et seqq. de eadem re habent. Præterea observandum ex eodem Zozimo, pace cum *Alarico* nondum confirmata, *duplicem legationem* Ravennam ad Honorium imp. a Senatu Romano missam esse : priorem qua nihil *Legati* ab eo obtinere, eaque peracta est exeunte anno cxxviii, aut ineunte anno cxxix, ut anno superiori vidimus. Posterior ad annum cxxix pertinet, eamque inter alios obiit *Innocentius papa*, quam Baronius anno precedenti, quo ea contigit, num. 10 et seq. recitat. Sed cum Urbis expugnationem in hunc annum differat, secundam legationem itidem in eum differre debuit; cum ea, non anno quo Urbis primum, sed quo iterum obsessa, facta fuerit. Vide quæ de hac *secunda legatione* dixi anno superiori num. 4.

4. *Alaricus Portum Ravennæ anno superiori, Romanum anno cxxviii occupavit.* — Hæc porro Philostorgii verba : « Tum vero Alaricus occupato Portu Attalum imperio exiit », non de Portu Urbis Romæ, sed de portu Ravennæ intelligenda esse accurate observavit Gothofredus in Notis ad Philostorgium. Portus Ravennæ, inquit, olim ab Augusto constructus fuit, tertio ab ipsa Urbe milliario Ariminum versus, qui *Portus novus* dictus et *Classis*, ejusque mentio apud Sidorium Apollinarem lib. 1, Epist. v, et Jordanem in Gethicis. « Et vero hoc est ipsum, quod Sozomenus scribit lib. 9, cap. 9, loco aliquo corruptisimo : *Non multo post Alaricus cum Alpes occupasset, locus est sexaginta circiter stadiis distans Ravenna, cum imperatore sermones habuit de pace*, ubi loco τὰς ἡμέρας, Cluverius feliciter reposuit, τὰς ἡμέρας. *Classis* idem cum Portu; *Classis* enim oppidum in Portu illo. Videndus Procopius in Gothicis cap. 3, Agathias lib. 1, Jordanes in Gethicis et Paulus diaconus. Quare conjectura Cluverii hoc novo jam Philostorgii argumento confirmatur ». Ita recte Gothofredus. Valesius tamen in Notis ad Philostorgium contendit, laudata verba de *Portu Romæ* intelligenda esse. « Nam cum, inquit, Philostorgius portum simpliciter dixerit, *portum* Urbis Romæ intelligamus, necesse est; sic enim paulo ante portum Urbis Romæ absolute vocavit. Quod si portum urbis *Ravennæ* nunc intelligeret, procul dubio nomen urbis Ravennæ adiecisset. Sed et ipsa rerum gestarum series, quæ hic a Philostorgio narratur, satis ostendit, portum Urbis Romæ hic intelligi, non autem portum Ravennæ. Alaricus enim post *Attalum* imperio exutum, Ravennam venisse dicitur : quod quidem confirmat etiam Sozomenus ac Zozimus. Cerle Sozomenus disertè scribit, *Alaricum* portum Ravennæ qui *Classis*

dicitur, occupasse, post exauclorationem Attali ».

5. *Refutatur sententia Valesii.* — Verum nullus dubito, quin Valesius hallucinetur; cum Philostorgius, ut indicet se de portu Ravennensi loqui, paulo post asserat, Alaricum in *portum Urbis Romæ* contendisse. Quare de duobus portubus manifestissime loquitur; quod et ostendit ipsa rerum series. Nam Sozomenus laudatus cap. 8 jam scripserat : « Alaricus de abolendo ejus imperio paciscitur cum Honorio, fide ab illo prius accepta. Proinde cum universi extra urbem convenissent, Attalus imperii insignia deposuit ». Sed ubi de pace cum Honorio sermo habitus est, nisi Ravennæ aut in locis hinc urbi vicinis? Urbis itaque illa, cujus nomen reicit Sozomenus, alia non est, quam *Ariminum* aliquot milliariis Ravenna distitum, quod Valesius in Notis ad Sozomenum etiam fatetur, quia id extra Ariminum factum dicit Zozimus lib. 6. Adde, jam de Arimino Sozomenum ibidem meminisse. Sozomenus, Zozimus, et Philostorgius inter se contrarii non sunt. Ait Zozimus : « Extra urbem Ariminum, in qua tunc commemorabatur (scilicet Alaricus) productum Attalum diademate spoliat, et exiit purpura. Atque his ad Honorium principem missis, Attalum in omnium oculis ad privatam vitæ conditionem redegit. Apud se tamen cum Ampelio filio retentum, donec pace cum Honorio constituta, vitæ incolumitatem eis impetrasset ». Philostorgius vero scribit : « Tum vero Alaricus occupato Portu Attalum imperio exiit ». Attalus ergo ab Alarico, postquam is jam portum Ravennæ cepisset, imperio privatus, et quidem extra urbem Ariminensem, et antequam in urbem Romanam irrueretur. Proxime enim Zozimus de obsidione Ravennatensi locutus fuerat, et post illi in depositionem narratam subjunxerat : « Interim Alarico cum copias Ravennam profecto, veluti qui firmam certamque cum Honorio pacem facturis esset, aliud quoddam fortune reperit impedimentum ». Deinde loquitur de pugna inter Alaricum et Sarum ducem habita, quo prælio ex parte narrato opus ejus absolvitur, reliquis injuria temporum deperditis. His consentientia Sozomenus citatus cap. 9 tradit, nisi quod Attali depositionem ante expugnationem portus Ravennatis factam esse perperam asserit : « Non multo post Alaricus cum Alpes occupasset (legendum *Classes*, ut supra diximus), locus est sexaginta circiter stadiis distans Ravenna, cum imperatore sermones de pace habuit. Sarus vero, etc. fædus inter Romanos et Gothos handquaquam e re sua fore consideravit. Itaque cum suis repente irruens, quosdam ex Barbaris interfecit. Quam ob causam ira simul et metu percitus Alaricus, eadem qua venerat via revertitur. Et Romam iterum obsessam prodicione cepit ».

6. *Iterum refellitur.* — Ad hæc Philostorgius laudatis verbis *portum Romanam* intelligere non potuit, cum paulo ante dixisset, Alaricum permisisse Romanis, ut *annonam sibi ex portu conveherent*. Quare jam a prima irruptione portum Roma-

num obtinebat *Alaricus*. Deinde, si Sozomenus quando ait, *Alaricum* Alpes occupasse, intelligendus sit de portu Ravennensi, qui *Classis* dicitur; de quo eum loqui non video dubitandum esse; cur in Notis ad Sozomenum, hunc vel Sozomeni vel libriorum errorem non observavit Valesius, et locum illum inemendatum reliquit? Denique Zozimus de portus Ravennensis occupatione non meminit, nec ipse, nec Sozomenus, *Alaricum* postquam prima vel secunda vice Ravennam venit, scribunt eum Romam rediisse, unde portus ab eo per hæc tempora occupatus, nullo modo Romanus esse potest, qui, ut diximus, in ejus potestate erat, quando Ravennam venit.

7. *Romam anno supericri captam variis rationibus demonstratur.*— Nunc Urbem, non hoc anno, sed superiori devastatam, aliquot argumentis ostendendum; cum ab hac epocha lucusque incerta multa magni momenti pendeant. Primum desumitur ex *Jovii* prefectura. Is prefectus prætorio Italiæ de fœdere cum Alarico pangendo tractavit, et *Alarici* postulata imperatori significavit, ut Zozimus lib. 5, pag. 822, Sozomenus cap. 9, et Olympiodorus produunt. Quæ tamen tractatio irrita fuit, quod *Honorius* utriusque militiæ magisterium ab Alarico petitiu nunquam concedere voluit. Porro *Jovius* anno superiori prefectus prætorio Italiæ fuit, ut patet ex legibus Cod. Theod. 19 de *Judicis*, ult. de *Demuntiatione*, et 47 de *Hæreticis*, quarum prior data kal. April. *Ravennæ*, duæ posteriores 17 kal. Jul. *Jovius* autem hoc anno prefectus prætorio non fuit. Quare Zozimus, Sozomenus, et Olympiodorus de tractatione pacis hoc anno facta nullo pacto explicari possunt. Vim hujus argumenti sensit Gothofredus in Chronologia Cod. Theod. qui cum aliis multis magnis viris opinionem Baronii tueretur, et, ut illud elideret, eam pacis tractationem ad primam Urbis obsidionem trahit. Sed frustra; cum auctores laudati diserte asserant, eam habitam esse post primam Alarici irruptionem, proximeque ante posteriorem.

8. *Secunda ratio.*— Secundo, Zozimus pag. 827 docet, cum nulla Urbi e portu suppedilaretur annona, Romanos *Alarici* jussu *Attalum* prefectum Urbis imperatorem creasse, et *Attalum* postridie in Senatum ingressum, *Tertullum* consulem designasse, quod anno cdx, sine dubio factum; cum, ut eo anno ostendimus, initio anni cdx *Attalus* fisco præpositus fuerit; ac non multo post prefecturæ Urbane. Præterea Prosper in Chronico expresse testatur, *Attalum* anno cdx imperatorem dictum, et Cassiodorus in Chronico presentis anno *Varanem* et *Tertullum*, quemadmodum et Idacius in Fastis, consules exhibet. Quare cum consules anno antequam magistratum inirent, designari soliti fuerint, nec tardius *Tertullus* ab Attalo quam anno cdx designari potuerit (uno enim eodemque anno imperii *Attalo* datum et abrogatum, ut inter omnes convenit, liquet, anno præcedenti cum consulem in præsentem annum designatum. Urbemque tunc ab

Alarico direptam. Cum enim ea direptio mense *Augusto*, ut mox videbitur, contigerit, et *Tertullus*, cum oppugnaretur Urbs, consul dictus fuerit, si mense Augusto præsentis anni Roma devastata fuisset, *Tertulli* consulatus in annum cdx i caderet, quod nullus dixerit. Unde inconsulte Cassiodorus in Chronico, currenti anno Urbis direptionem sub *Varanis* et *Tertulli* consulatu narrat, quasi consulatus ille, et secunda Urbis obsidio ad unum eundemque annum pertinerent; mirorque recentes Chronologos non advertisse hæc duo simul stare non posse, ut *Tertullus* hoc anno consul fuerit, eodemque *Roma* in prædam Alarico cesserit. Agnovit difficultatem Onuphrius in Fastis, *Tertullum*que circa kalendas Julias præsentis anni consulem creatum scripsit; sed sine teste, et eo tantum fine, ut vim illius rationis declinaret.

9. *Tertia ratio.*— Tertium argumentum deducitur a legibus hoc anno datis, et in Codice Theodosiano recitatis. In lege 20 de *Tyronibus*, VI id. Feb. data mentio sit Italiæ et urbis Romæ a Barbaris vastatæ; de qua devastatione loquuntur etiam Zozimus, Sozomenus, Philostorgius et alii. Quare ea anno præcedenti contigerat, cum Roma mense *Augusto* capta fuerit. Insuper *Honorius VII kal. Jul. et VII kal. Decemb.* considerans Africam in suo obsequio adversus *Attalum* stetisse, omnium reliquorum indulgentiam eidem concedit leg. 6 et 5 de *indulgentiis debitorum*. Præterea duas alias leges emisit, scilicet 11 et 12 de *indulgentiis criminum*, primam *idibus Febr.*, alteram *VIII idus Augusti*, quibus legibus tyrannide Attali penitus profligata, omnium criminum reis per tyrannidibus occasionem admissorum indulgentiam tribuit imperiali; quibus rerum in Italia anno cdx gestarum seriem intueri datur; et quoniam tempore *Attalus* in ordinem prorsus redactus fuerit, ac proinde quando Roma ab *Alarico* capta sit; quod omnes post *Attalum* imperio dejectum factum tradunt. Nam cum die vicesima quarta mensis Augusti Urbs ab *Alarico* expugnata sit, auctore Miscellæ et Theophane testibus, triduoque direpta, ut testatur Orosius, et insinuat Cedrenus et Zonaras dum excidium ejus accidisse tradunt die xxvi mensis Augusti, quæ illius tridui ultima est, quomodo presentis anno devastari potuit; cum aliquin indulgentia crimen præcessisset, et mense *Augusto* præsentis anni die sexta *Respublica liberata tyrannidis injuria* ab Honorio imp. in præfata leg. 6 de *indulgentiis criminum*, diceretur; licet tum cum maxime ea invaluisse, et Urbs die xxiv ejusdem mensis in prædam data fuisset? Quare perperam ex iisdem legibus a Gothofredo in eorum commentariis, et ab aliis deductum, Urbis excidium eo anno contigisse, quo illæ emisse; imo posteriorem eodem mense datum; cum ex iis contrarium prorsus evincatur, paleatque anno cdx Urbe capta, *Honorium* anno currenti has duas leges tulisse; quarum priori militibus pristinam dignitatem servavit, qui inter initia tyrannidis assumptæ ad obsequium rediissent; posteriori vero post tres menses data, omnium

criminum reis per tyrannidis occasionem admissorum indulgentiam tribuit. Profligatis enim anno superiori hostibus, Reipublice consulere debuit imperator; quod his Italian vastantibus facere non potuit. Aliquot ex his legibus recitat Baronius num. 10 et seqq.

10. *Refellitur Gothofredus.* — Non intellexit Gothofredus laudatus Orosium, qui ait Attalum « intra brevissimum temporis spatium, imperatorem factum, infectum, relictum, ac defectum », quod et Olympiodorus habet. Existimavit enim priorem legem citatam *De indulgentiis criminum idibus Februariis* presentis anni datam ad priorem Attali exaugurationem; alteram vero *VIII idibus Augusti* latam ad posteriorem spectare. Nam hoc prorsus a veritate alienum, quia *Attalus* aliquot ante menses quam Urbs expugnaretur, sed post mensem Februarium, nuncupatus est imperator; qui cum malevolis animo erga *Alaricum* esset, aut hic in mente haberet, fœdus cum Honorio inire, ut supra ex Philostorgio narravimus, paulo antequam Urbs caperetur ab *Alarico*, purpura exutus est. Tum, ut docet Prosper in Chronico ad annum cxxiv, idem *Attalus* Gothorum consilio tyrannidem in Galliis resumpsit, annoque insequenti, ut infra ostendemus, captus est, et postea in triumphum ductus. Quare præfatas duas leges hoc anno datas ad binas Attali exauktionationes male refert vir doctissimus; cum secunda septennio post priorem contigerit; ideoque non intra brevissimum temporis spatium, ut ille Orosium perperam interpretatur. Integrum Orosii locum hic exhibere præstat. « Quid de infelicissimo Attalo loquar, cui occidi inter tyrannos honor et mori lucrum fuit? In hoc Alaricus imperatore facto, infecto, relecto, ac defecto; citiusque his omnibus actis pæne quam dictis mimum risit; et ludum spectavit imperii ». Adverbium illud, *citius*, Gothofredo fucum fecit; non enim consideravit vocabula tempus exprimentia magna latitudinem habere. Hinc Cicero lib. 2 de Natura Deorum, versu 126: « Quid ea quæ nuper, id est, paucis ante sæculis medicorum ingeniis reperta sunt? » Et tamen adverbium illud, *nuper*, plerumque significat quod paucos ante dies, menses, vel annos factum est.

11. *Iterum refellitur.* — Nec magis apposite Gothofredus quæ Sozomenus lib. 9, cap. 8 peracta scribit, ad priorem legem citatam *De indulgentiis criminum* pertinere credit. Hæc Sozomeni verba: « Attalus imperii insignia deposuit; simul etiam deposuerunt cum eo cingula sua ejus duces: et Honorius indulgentiam eorum, quæ acciderant, tribuit, et ut eum quisque honorem, etiam gradum teneret, quem antea sortitus fuisset ». Hæc enim a Sozomeno dicta de prima ante deprædatam Urbem Attali depositione, anno cxi facta, quæ ideo cum præfata lege conjungi non possunt; cum hæc lex anno illam depositionem consequenti, currenti nempe, data fuerit, non quidem in *Attali* favorem, cujus nulla in ea lege mentio, sed in eorum gratiam, ut supra dixi, qui inter tyrannidis initia ad

obsequium rediissent. Indulgentia itaque a Sozomeno hic memorata non extat, longeque alia erat ab ea quæ in Codice Theodosiano legitur, quæque hoc anno concessa est, quod Valesio in Notis ad Sozomenum non observatum. Desunt et duæ aliæ leges hoc anno datæ, quarum mentionem facit Zozinus pag. 820 et seqq., quarum prior vetuit Honorius in aula cingulo eos uti, qui Christiani non essent, quam paulo post revocavit in gratiam *Generidi* ducis Pagani, sed præclaris virtutibus præditi, et cuius concessit, « ut opinionem suam retinens, et magistratu fungeretur, et militaret ».

12. *Quarta ratio quæ probatur Romanam superiori captam esse.* — Orosius, qui hoc tempore vivebat, lib. 7, cap. 28, secunda Urbis obsidione narrata, ait: « Interea ante biennium Romanæ irruptionis, excitata per Stiliconem gentes Alanorum, ut dixi, Suevorum, Vandalorum, multæque cum his aliæ Francos proterunt, etc. » Hæc gentes pridie kal. Januarii anni cxi Gallias ingressæ sunt, ut ibidem ostendimus. Quare manifestum est, loqui Orosium de prima Urbis obsidione: ab ingressu enim Barbarorum in Gallias ad eam obsidionem, si anno cxi contigerit, anni duo, exceptis aliquot mensibus, fluxere; et si *Orosius* biennium illud reputat ab anno Christi cxi illud incompletum numerat: in sententia vero adversariorum anni tres præter aliquot menses numerantur. Quod si vult adversarii Orosium de secunda *Alarici* irruptione intelligendum esse, in eorum sententia triennium et ultra transactum fuerit ab ingressu Barbarorum in Gallias, in nostra vero biennium et aliquot menses ab Orosio neglecti. Scaliger quidem lib. 5 de Emendat. Temp., pag. 317, et Petavius lib. 11 de Doct. Temp., cap. 47, qui hanc controversiam fusc examinarunt. Romanque secunda vice currenti anno obsessam perperam concluderunt, observant, Orosium loco laudato tradere Urbem direptam esse anno ejus conditus *millesimo centesimo sexagesimo quarto*, qui secundum putationem Varronianam congruit in annum Christi cxi, indeque Scaliger infert, Orosium eam expugnationem illo anno male consignasse; Petavius vero asserit, nihil certi inde deduci posse; cum *Orosius* in annis Urbis numerandis varias putationes sequatur, raroque sibi constet. Verum cum *Orosius* eam, quæ Varroniana biennio prior est, plerumque usurpet, non dubium, quin eandem loco laudato adhibuerit, et quod jam de anno prioris irruptionis scripserat, confirmaret; cum alioquin sibi in eodem capite contradiceret. Orosio Isidorus et Idacius in Chronicis suffragantur: prior enim Urbem direptam scribit, « anno imperii Honorii quinto decimo, æra quadringentesima quadragesima septima », anno nempe Christi cxi. Posterior, qui hoc sæculo floruit, anno Abrahami bis millesimo quadringentesimo vicesimo quinto, qui kalend. Octobris anni Christi cxi inchoatur, hanc secundam obsidionem collocat. Sæctatores contrariæ sententiæ citant Prosperum, Cassiodorum, et Marcellinum in Chronicis, tanquam illius

patronos; sed illos, præsertim duos postremos in notatione temporum falli, eorumque auctoritatem adversus argumenta ex publicis monumentis deducta nullam esse, omnes norunt; præterquam quod Cassiodorus in Chronico Prosperum exercitare solitus est.

13. *Quinta ratio.* — Sed non tantum leges Cod. Theod. hoc anno ab Honorio imp. emissæ demonstrant, *Roman* anno superiori prædæ datam; sed etiam illæ quæ eo anno ab eo datæ sunt. Cum enim *Attalus* Romæ ageret, exercitum in Africam misit, ut eam invaderet, duce *Constantino* quodam qui ibidem interfectus est, *Heracliano* pro Honorio Africam fortiter tenente, nec cum copiis satis armis Constantino veniente, ut produnt *Zozimus* pag. 828 et seq. ac *Sozomenus* lib. 9, cap. 8, ubi hic scribit, factum id fuisse tanto terrore *Honorio imp.* injecto, ut navibus jam paratis in animum induceret imperio decedere, alque in Orientem confugere, si *Attalo* expeditio feliciter cederet. Verum profligato mox *Attali* exercitu, acrior ab *Heracliano* comite Africæ portum et littorum Africæ custodia habita est. At ea anno Christi cōix peracta ostendit lex Cod. Theod. *De terris limitaneis*, inscripta *Gaudenzio vicario Africæ*, datæque *III kalend. Maii, Ravennæ, Honorio VIII et Theodosio III cōss.* In ejus enim fine mentio fit de timore ob exercitum *Attali* adventum injecto; cum in ea jubeat Honorius, ut quibus terræ limitaneæ concessæ fuerant, easdem munirent ac defenderent: « Ut hæc, inquit, provisione servata, fossati limitibus nulla in parte timoris possit esse suspicio ». Cum hæc itaque in Africa gesta sint in secunda Urbis obsidione, testibus *Zozimo* et *Sozomeno*, ea nonnisi anno præcedenti contigit. Currenti quidem *Heraclianus* adhuc Africæ comes erat, ut discimus ex lege 51 Cod. Theod. *De hæreticis*, sed eum anno superiori in Africam missum, præter *Zozimum* et *Sozomenum* asserit *Orosius* lib. 7, cap. 29. « *Heraclianus*, inquit, Africæ comes missus cum *Attalus* umbram gestaret imperii ». Unde eum anno cōix *Attalus* imperator dictus sit, et quidem ante *III kalend. Maii*, quo laudata lex *De terris limitaneis* emissæ, non dubium, quin eodem anno ad Africam adversus *Attalum* tuendum *Heraclianus* destinatus fuerit. Denique *Sozomenus* citatus refert, Gentiles et *Arianos* permolestè tulisse *Attalum* imperio dejectum fuisse; quod Gentiles sperarent eum superstitionem suam palam amplexurum esse; *Ariani* vero *Eclesiarum* potestatem iterum se adepturos putarent. Quæ res *Honorium* movit, ut legem 47 Cod. Theod. *De hæreticis* VI kalend. Jul. anno cōix emiseret, qua statuta adversus hæreticos non obstante adnotatione principis executioni tradidit jussit. Hæc constitutio hæreticorum et *Paganorum* spes *Honorius* reprimere voluit, ut recte vidit *Gothofredus* in ejus Comment. Mitto leges alias tam hoc, quam superiori anno datas, ex quibus clare deducitur, *Roman* anno cōxvii primum ab *Alarico*, annoque cōix iterum ab eodem obsidione cinctam fuisse, quia id ex dictis luce clarius constat, et ex

dicendis passim confirmabitur, ut communis opinio ex omnium animis tandem evellatur.

44. *Proba et Læta pauperes per Urbis obsidionem altere.* — *Procopius* lib. I Hist. Vandal. cap. 2, scribit *Proban* matronam fama ac divitiis insignem, miserat in Romanos, fame aliisque malis plurimis affecti, *familia suæ præcepisse, ut noctu post se panderent*. Id refert *Baronius* num. 48 ac refellit, et hanc *Aniciam Faltoniam Proban* cum *Faltonia Proba* Poetria confundit. Verum, ut anno cccxcv, num. 2 et seq. ostendimus, *Faltonia Proba* mater trium consulum ordinariorum, diversa est a *Proba* avia *Demetriadis*, et matre *Anicii Probi* anno cōvi consulis ordinarii. Præterea *Baronius Indulgam* *Demetriadis* matrem filiam *Probæ* facit; sed ibidem ostendimus *Aniciam Indulgam* *Olybrii* filiam fuisse ac matrem *Demetriadis* virginis, *Probæ* neptem non e filia, ut putavit *Baronius*, sed ex filio natu maximo *Anicio Hermogeniano Olybrio*. De hæc familia *Aniciana* vide quæ ibidem diximus. Ad hæc *Baronius* num. 8 in dubium revocat quod *Zozimus* lib. 5, pag. 813 scribit, *Lætiam* scilicet *Gratian* quondam Principis conjugem, in obsidione Urbis de bonis suis pauperes aluisse, quod existimet, *Gratianum* aliam conjugem non habuisse quam *Flavianum Constantium* *Constantii* imperatoris filiam. Sed *Fl. Maxima Constantia* *Constantii* imper. ex *Faustina* filia posthuma uxor quidem fuit *Gratiani*, ut testatur *Ammianus* lib. 21, cap. 15, et ea demortua in secundam uxorem *Latam* *Pissamenæ* filiam sibi adsevit, et ex neutra conjugum suscepit. *Latam* vero anno quo primum obsessa est Urbs, adhuc in vivis fuisse nos dubitare non patitur *Zozimus* laudatus, cujus narrationem *Baronius* iteratæ Urbis obsidioni perperam attribuit, qui de hoc secundo *Gratiani* matrimonio a *Zozimo* auctore coevo tantum memorato dubitare non debuit.

45. *Moritur S. Marcella.* — A num. 29 ad 34. *Divus Hieronymus* in Epist. xvi ad Principiam virginem, quæ *Marcellæ* viduæ *Romanæ* Epitaphium continet, ad *Marcellam*, captā ab *Alarico* Urbe, fustibus et flagellis causam esse, et post aliquot dies in Domino obdormivisse. Quare eum *Roma* anno superiori in potestatem *Barbarorum* venit, sancta *Marcella*, quam *Hieronymus* proœnio in Epistolam ad *Ephesios* *micam viduatissimam et Romanæ sanctitatis exemplar* appellat, eodem anno obiit.

46. *Principia Marcellæ filia perperam creditur.* — *Baronius* *Principiam* arbitratu filiam *Marcellæ*; quod in Epistola ad eam data *Hieronymus* scribat: « Hæc tibi *Marcella* venerabilis, et tibi *Principia* filia, una et brevi incubatione dictavi ». Verum si *Principia* filia fuisset *Marcellæ*, inquit *B. Bandus* in Commentario prævio ad *Vitam sanctæ Marcellæ*, ad diem xxi Januarii, non debuisset num. 33 finire sancta *Marcella* in furore Gothico ejus adolescentiæ, quæ jam septuaginta annos, juxta ipsius *Baronii* calculum nata fuisset; cum vellet anno cccxl, num. 7 et seq. *Marcellam* a sancto *Athanasio* insti-

tutionem Monasticam edoctam, eam corpisse jam viduam profiteri. Cerle *sancto Antonio adhuc tam vivente*, ut in eadem ad Principiam Epistola num. 5 dicitur, ejus vivendi rationem a sancto Athanasio hausit, imitataque est Marcella. Dicitur autem *Principia* ab Hieronymo filia, quia ab ejus Roma discessu anno cccxxxvi ad obitum usque adhesit sanctæ Marcellæ; et quod eam affectu sibi matrem experiretur, eidem se filiam spiritu exhibuit. Ita Bollandus. Sed cum divus Hieronymus Epistolam cxi, quam ad Principiam scribit, his verbis incipiat: « Scio me, Principia in Christo filia »; ita et hic in Epistola citata xvi ad eandem, sicut Marcellam venerabilem; ita Principiam suam, non vero Marcellæ, in Christo filiam appellat. Præcipuum Marcellæ facinus memoratur, quod Origenistarum errores ex Urbe expulerit, et Hierosolymam pietatis ac religionis causa accesserit. Bollandus ibidem Epitaphium Marcellæ pluribus illustrat, sed mortem ejus perperam hoc anno consignat.

17. *Moritur S. Pammachius, et D. Hieronymus scribit Commentarios in Ezechielem.* — Sanctus Hieronymus Præfatione in librum I Comment. in Ezechielem ait: « Ecce subito mors mihi Pammachii, atque Marcellæ. Romanæ Urbis obsidio, multorumque fratrum et sororum dormitio nuntiata est ». Quare sanctus *Pammachius*, qui colitur III kalend. Septemb. anno superiori e vivis etiam excessit, eodemque anno Hieronymus Præfationem ad Commentaria in Ezechielem scripsit. Emin. tamen card. Norisius lib. I Hist. Pelag., cap. 3, quia in ea Hieronymus post laudata verba dicit, « postquam clarissimum terrarum omnium lumen extinctum est, imo Romani imperii truncatum caput, obmutui, et humilitatis sum, et silui de bonis, etc. » infert ex illis verbis Hieronymum diutius capte Urbis dolore confectum manum e tabula amovisse; cum ipse testetur, se stylium resumpsisse, postquam jam vulnere cicatrix paulatim obducta est; et suspicatur post annum cpxi Hieronymum Commentaria in Ezechielem exorsum esse, id rogante Eustochio virgine ac Ruffini paulo ante morte intellecta, de qua ibidem Hieronymus loquitur. Controversiam istam dirimunt verba ejusdem Hieronymi in Epistola lxxxii ad Marcellinum, ubi ait: « Ezechielis volumen olim aggredi volui », ideoque ante Urbis expugnationem, « et sponsonem creberrimam studiosis lectoribus reddere: sed in ipso dictandi exordio ita animus meus Occidentalium provinciarum, et maxime Urbis Romanæ vastatione confusus est, ut iuxta vulgare proverbium, proprium quoque ignorarem vocabulum: diuque tacui, sciens tempus esse lacrymarum. Hoc autem anno cum tres explicassem libros, subitus impetus Barbarorum, etc. sic Ægypti limitem, Palæstinæ, Phœnicæ, Syriæ perecurrit, et instar torrentis cuncta secum trahens, ut vix manus eorum, misericordia Christi potuerimus evadere ». Cum itaque ea Epistola prioribus sequentis anni mensibus ad Marcellinum, quem Honorius imper. cognitorem in Africam miserat, ut interesset Colla-

tioni Catholicos inter et Donatistas habendæ, scripta sit, Hieronymus trium priorum librorum illius Operis explanationem hoc anno exorsus est, et anno cpxi non valde protracto absolvit, antequam Barbari in Palæstinam et vicinas regiones irrupissent. Quando Hieronymus illud absolverit, infra innuemus.

18. *Epocha Epistolæ lxxxii Hieronymi ad Marcellinum.* — Baronius num. 58 autumavit, hanc Epistolam currenti anno datam; sed cum Hieronymus in ejus principio dicat: « Tandem ex Africa vestræ litteras unanimitatis accepi: et non me penitet impudentiæ, qua tacentibus vobis, Epistolæ meas frequenter ingressi », et Marcellinus in Africam venerit, aut sub finem hujus anni, aut potius verna tempestate consequente (Edictum enim Honorii, quo Marcellinus jubetur præfatæ Collationis interesse, datum est IV idus Octob. hoc anno, ut infra videbimus) evidens est, Cardinalem doctissimum hallucinatum esse, eamque Epistolam anno sequenti scriptam, et verosimiliter, ut conjicit Garnierius in Dissert. 6 tom. I Operum Marii Mercatoris, antequam vel Collatio haberetur, vel habitæ fama pervenisset in Palæstinam; cum alioquin de ea non siluisset Hieronymus, qui tam honorifice de Augustino totius Collationis quasi mente, in ea Epistola loquitur, ut ad eum remittat Marcellinum, qui explicationem ejusdem questionis ab Hieronymo petierat: « Habes ibi, inquit, virum sanctum et eruditum Augustinum episcopum, qui viva, ut aiunt, voce, docere te poterit, et suam, imo per se nostram explicare sententiam ». Collatio autem illa *kalendis Junii* inchoata, ut in ea legitur. Nec dici potest, Epistolam illam longe post Collationem missam; cum *Marcellinus*, in Africa usque ad idus Septembris anni cpxi, quo die occisus est, manserit, ideoque Collationem memorare non debuerit. Cum enim Hieronymus dicat, se ejus litteras *ex Africa* accepisse, apparet, illas primas esse quas Marcellinus ad eum scripsit postquam in Africam pervenit; alioquin ad se ex Africa transmissas non scriberet, sed regionis nomen taceret, si jam inde alias ad se dedisset Marcellinus, cui commercium litterarum tam cum Hieronymo, quam cum Augustino erat.

19. *Tres Barbarorum irruptiones inter se non confundende.* — Perperam etiam Baronius num. 59 refert ad hanc Barbarorum irruptionem quod narrat Cassianus in sexta Collatione paulo ante annum cxxvi. quo septima lucem vidit, elucubrata, de Monachis *repente* occisis in Palæstinæ partibus « a discurrentibus Saracenorum latrunculis ». Hæc enim est paucorum tantum latrunculorum in solam Palæstinam; illa vero, de qua Hieronymus verba facit, irruptio est universalis in Palæstinam, Ægyptum, Phœnicem, et Syriam. Idem dicendum de ea, quam tangit Augustinus in Epist. cxi, alias cxxii ad Victorianum num. 1, ubi ait: « Aute parvum tempus, etiam in illis solitudinibus Ægypti, ubi monasteria separata ab omni strepitu,

quasi secunda delegerant, a Barbaris interfecti sunt fratres »; cum ibidem paulo post scribat : « De Hispanis quoque tot provinciis quæ ab his malis diu videbantur intactæ, ceperunt jam talia nuntiari »; alioquin dicendum esset, cum Augustini Epistolam, sicuti et laudatam Hieronymi, pertinere ad annum sequentem, quod verum esse non potest, quia Barbari die xxviii mensis Septemb. superioris Christi anni in *Hispaniam* ingressi sunt, et Augustinus de eo ingressu loquitur tanquam de re, quæ non multo ante acciderit, et ibidem refert Donatistas et Circumcelliones deprædari domos et incendere, et sic vastare Ecclesias, « ut Barbarorum fortasse facta mitiora sint » : quod tamen anno sequenti contingere non potuit; cum Marcellinus cognitor ab Honorio imper. delegatus in Africa fuerit, ejusque præsentia hæreticos in officio retinuerit. *Augustinum* vero eas litteras ad Victorianum hoc anno dedisse, mox ostendamus.

20. *Augustinus scribit libros de Civit. Dei.* — Ad num. 43. Cum *Gentiles* excidium Urbis Christianis adscriberent, *Augustinus* adversus illos scripsit libros xxi de Civitate Dei; sed opus illud anno tantum cxxii exorsum est, ut anno cxxii, num. 4 ostendamus. Quo vero anno illos absolvit, demonstrabimus anno cxxvii, num. 7 et seq.

21. *Nola ab Alarico vastata.* — Ad num. 46. Baronius refert ad devastationem Campaniæ factam ab *Alarico* post Urbem deprædatam, quod narrat Augustinus lib. de Cura pro mortuis cap. 46, *Nolan* scilicet obsessam a Barbaris, quo tempore hujusce urbis civibus visus est sanctus *Felix* presbyter Nolanus, quibus jam tot pietatis suæ argumenta crebris miraculis præbuerat. Hincque colligit Baronius hæc occasione cives Nolanos exasisse incolumes. At hoc secundum non asserit Augustinus, imo hanc Urbem captam fuisse, et a Barbaris direptam scribit lib. 4 de Civitate Dei cap. 10, quod ad hæc tempora cum sancti Felicis apparitionibus refert etiam Baronius. Loquitur certe Augustinus de una eademque clade civitatis Nolanæ, in qua sanctus *Felix* apparuit, et a beneficiorum effectibus, et ipsis hominum aspectibus », ut habet in libro de Cura pro mortuis. In libro vero 4 de Civitate refert, Barbaros *Nolan* vastasse; at cum ibidem probet, viris sanctis et bonis Christianis in amissione rerum temporalium nihil perisse, imo et ipsis etiam iniquis hanc rerum vastitatem ad profectum valuisse, beneficia Nolanis a sancto Felice impetrata, fuere spiritualia, non vero temporalia, ut ex præcedentibus capitulis ejusdem libri de Civitate Dei, ubi loquitur de clade per *Alaricum* Italia illata, colligit. Perperam itaque Chiffletius in secunda parte Paulini illustrati cap. 28 explicat Augustinum de clade Rhodagaisana.

22. *Concilium Carthaginense adversus Donatistas.* — A num. 47 ad 60. In Collectione Dionysiana legitur : « Post consulatum gloriosissimorum imp. Honorii VIII et Theodosii III Augg. XVIII kalend. Jul. Carthagine in Basilica regionis secundæ : in hoc Concilio legationem susceperunt contra Do-

natistas, Florentius, Possidius, Præsidius et Benenatus episcopi, eo tempore, quo lex data est, ut libera voluntate quis cultum Christianitatis exciperet ». Hæc tantum supersunt de eo Concilio contra Donatistas habito. Ad ejus petitionem Honorius VIII kalend. Septemb. legem 51 Cod. Theod. *De hæreticis* dedit Heracliano comiti Africæ inscriptam, qua hæreticis rituum suorum exercendorum, conveniendique publice potestatem fecerat, infirmavit. *Honorius* enim anno superiori ob rationem temporum in hæreticos remissior fuerat, imo et in Paganos; cum, ut jam diximus, legem qua intra Palatium militare prohibiti fuerant, abrogavit. Lex enim illa lata est *adversus omnes Sanctæ legis inimicos*, ut in eadem legitur, quibus verbis tam Pagani, quam hæretici comprehenduntur. Porro ex hoc Concilio et constitutione liquet, secundam *Romæ* obsidionem hoc anno factam non esse. Quomodo enim episcopi hoc anno apud Carthaginem convenire potuissent; si tunc Africa bello arsisset, quod tamen anno quo Urbs obsessa, contigit? Præterea quomodo episcopi delegati inter tot pericula itineri sese committere ausi essent, imo et Honorius ad eorum postulationem præfatam legem emittere, idque die xxv Augusti, postridie scilicet ejus diei quo clades *Romæ* illata; præsertim cum ob bellum Italicum in hæreticos ac nominatim Donatistas anno præcedenti remissior fuerit? nec satisfaciunt, quæ Baronius et Gothofredus in illius legis Commentario respondent ad vim hujus argumenti declinandam, in quibus ideo refellendis non immorabor.

23. *Grassationes Donatarum in Africa.* — Est autem hæc secunda *Possidii* Calamensis episcopi ad imperatorem legatio; prima enim ob facinus Calamense a Paganis admissum, ista vero ob Paganorum et hæreticorum audaciam necessitate temporum non compressam suscepta. In hac ultima legatione præter legem laudatam *Possidius* et tres alii legati Ecclesiæ Africanæ nomine postularunt, ut ad publicam collationem *Donatistæ* compellerentur, et exposcere ingentia mala, latrocinia, et Ecclesiarum vastationes ab iisdem hæreticis factas, quibus ut occurreretur ea legatio deervenda fuerit, uti recte observavit Baronius, num. 51 et seq. Quod præsertim colligit ex Epistola divi Augustini ad Victorianum cxi, alias cxxii. Patres quidem Benedictini suspicantur, eam datam anno superiori mense Novembri, quia in principio ejus exprimitur tristissima illa facies universi orbis tantis cladibus afflicti, ut pene pars nulla terrarum esset, ubi non talia, qualia Victorianus scripserat, committerentur atque plangerentur, et quia addit Augustinus, « de Hispanis quoque tot Provinciis, quæ his malis diu videbantur intactæ, ceperunt jam talia nuntiari », quod scilicet eo anno die xxviii Septemb. Vandali Hispanias occupassent. Verum cum *Victorianus* presbyter clades, quibus tunc mundus affligebatur, Augustino non renuntiaverit, nisi aliquanto tempore postquam ea contigere, certum existimo eam Epistolam hoc anno datam esse. Quod si ea anno

superiori exeunte scripta esset, iis Patres Africani Carthagine mense Junio congregati per legationem illam occurrere voleissent; cum propter bellum Italicum eam antea destinare non potuissent. Refert etiam Baronius ad Donatistarum immania scelera nuper ab eis patrata quæ scribit Augustinus communi clericorum Hipponensium domine ad *Januarium* episcopum Donatistam exostulans de Circumcellionum savitia in Catholicos, quæ Epistola alias LXVIII, novo ordine est LXXXVIII, sed Patres Benedictini ostendunt, eam post initium anni quadringentesimi sexti exaratam esse.

24. *Alia Donatistarum flagitia.* — Ad hæc Baronius num. 47 trahit ad istam legationem Epistolam XCIX, alias CXXXIII ad Italicam piissimam feminam, qua significat susceptum animo dolore commiserationemque ex Romanorum calamitate. Sed cum in ea Augustinus num. 1 de procuratore Italicæ scribat, «cujus litteris graviter contristati sumus, quod ea quæ illic in Urbe vel circa Urbem geruntur, non nobis insinuare curavit», incertum, an Augustinus loquatur de iis, quæ in Italia gesta sunt ante primam vel ante secundam Urbis obsidionem, ideoque hæ litteræ cum ista legatione connexionem non habent. Verum *Donatistarum* hoc tempore sævitiam egregie probat quod refert Baronius num. 51 ex Possidio in Vita Augustini cap. 13, ubi tradit, collationem anno sequenti contra Donatistas habitam, procuratam fuisse a sancto Augustino, quia, inquit Possidius, «illorum furor occupaverat Africam totam, nec prædicari a Catholicis veritatem contra suum patiebantur errorem», et cætera a Baronio relata. Referendum denique ad istam legationem quod ait Augustinus in Epist. xcv, alias ccl ad sanctum Paulinum, ubi num. 1 inquit: «proinde ad istam latitiam, quæ voliscum est frater Possidius, cum ex ipso audieritis; quam tristis eum causa compulerit, hoc me verissime dicere cognoscetis». Cum enim ea sub hujus anni finem data sit, ut anno superiori num. 9 ostendimus, Augustinus loqui non potest quam de tristi aliqua causa ex sceleribus Donatistarum orta, quam Possidius e quatuor Legatis unus Paulino significaturus erat. Patres quidem Benedictini contendunt eam Epistolam anno cœviii exeunte, aut cœix ineunte, scriptam esse, et Augustinum intelligendum de clade Calamensi anno cœviii perpetrata, ideoque eam ad alterutrum annum referendam. At eam hoc anno datam esse, mentio quæ ibidem habetur de Melania ab eo in Africa visa, rem extra omne dubium ponere debet, ut anno superiori ostendi.

25. *Honorius decernit Collationem inter Catholicos et Donatistas in Africa fieri.* — Cæterum cum. *Honorius IV id. Octob.* legem 3 Cod. Theod. *De religione* emisericit, quæ pars est Mandatorum, quæ integra habentur in Collatione Carthaginensi cognitione 1 et 3 quibus Honorius præscribit Marcellino cognitori, quæ agenda essent in illa Collatione, confirmatur quod superius diximus, *Roman* mense Augusto anni superioris expugnatam fuisse. Quo-

modo enim Honorius Marcellinum in Africam mississet, ut Donatistas ad illam Collationem cogeret, cum Gothi Roma capta ad Bruttios accesserint, «ubi diu residentes ad Siciliam, exinde ad Africam transire» deliberarunt, teste Jornande lib. de Reb. Get. cap. 30. Si enim hoc anno *Alaricus* cum viatore exercitu in Campania et Brutiis fuisset, Honorius episcopis non mandasset, ut ad disputandum convenirent, eo se. tempore quo Alaricus de invadenda Africa cogitabat.

26. *Moritur Ruffinus Aquileiensis.* — A num. 60 ad 67. *Ruffinum* Aquileiensem ante Urbis excidium in Siciliam cum *Melania*, ejusque familia venisse, ibique fuisse quando *Alaricus* Campaniam, vicinasque provincias vastabat, anno superiori ostendimus. Quo tempore mors ejus contigerit, discimus ex Hieronymo in Præfatione ad librum Ezechielis, ubi Eustochium virginem alloquens, de morte Ruffini scribit: «Verum quia tu indesinenter hoc flagitas, et magno vulnere cicatrix paulatim obducitur, scorpisque (id est, Ruffinus) inter Enceladum et Porphyrium Trinacriæ humo premitur, et hydra multorum caputum contra nos aliquando sibilare cessavit». Quare anno superiori vel currentis initio mortuus est *Ruffinus* in Sicilia, quæ a Veteribus *Trinacria* appellata fuit. Eam enim Præfationem eo tempore ab Hieronymo elucubratam fuisse, supra ostendimus. In partem controversiæ Hieronymi cum Ruffino non venere nec Paulinus nec Augustinus, constatque *Paulinum* perpetuo dilexisse Ruffinum, et Augustinum lib. de hæresibus cap. 83 asserere se insignem Eusebii Historiam Ruffini studio in latinum versam evolvisse, quam non improbavit. Sanctum *Chromatium* anno cœ Ruffino injunxisse, ut illi versioni incurreret, superius dictum est. *Ruffinus* tamen nimio erga *Origenem* ejusque scripta amore Romanæ Ecclesiæ censuras meruit, Pelagianæ sectæ fundamenta jecit, et gravissimorum dissidiorum causa fuit. Cæterum, inquit Em. card. Norisius lib. 1 Hist. Pelag. cap. 3, *Ruffinus* non fuit hæreticus, licet Hieronymus eundem hæreticis annumeret; neque enim sanctus *Paulinus* tam religiosam cum eodem amicitiam coluisset, neque Pinianus et utraque *Melania* illum una secum in Siciliam adduxissent, et in suburbano *Pineti* monasterio juxta Urbem degere non potuisset, si palam hæresi infectus fuisset. Unde errorum suspicionem, quæ apud *Anastassium* laboravit, Romam rediens postquam damnatus fuit, coram *Innocentio* Pontifice a se procul excussisse videtur. Damnatus est quidem post mortem a *Gelasio*, quod de libertate arbitrii contraria Hieronymo sensisset, sed illius decretum non pertinet ad personam, sed ad libros, quæ ratione damnati sunt sæpe, nullo sanctitatis præjudicio viri moribus probatissimi.

27. *Palinodia eidem perperam attributa.* — Profert. card. Norisius citatus libellum, quo errores partim ab se assertos, partim sibi, ut questus est, imputatos *Ruffinus* condemnavit, quem Baronius non viderat, extatque hodie in antiquo codice Vati-

canæ Bibliothecæ, in ejus voluminis initio ponitur Epistola sancti Anastasii papæ ad Joannem Hierosolymitanum contra Ruffinum, ab eoque translata Periarchon volumina; pagina vero secunda Ruffini palinodia legitur continens 12 anathematismos, quibus majori ex parte reprobantur Origenis errores, inquit Card. Norisius. Verum Garnerius in Appendice I ad priorem partem Operum Marii Mercatoris recitat eandem palinodiam ex eodem manuscripto descriptam, sed exemplar ad utrumque transmissum, in prioribus verbis diversum est. Apud Card. Norisium his verbis incipitur: « Propter venerationem Sanctorum locorum Hierosolymarum et Bethlehem venimus, et intelleximus plurimos fratres in nobis scandalizari, eo quod audierint nos multa hæretica, et quæ contra fidem Ecclesiæ veniunt, profiteri ». Apud Garnerium vero pag. 114 hoc ejus initium: « Propter venerationem Sanctorum locorum Hierosolymarum et Bethlehem venimus, etc. » Quæ ultima lectio, ut videtur, sanior, ostenditque illum fidei libellum Hierosolymis aut Bethlehem editum esse, ideoque auctorem ejus non esse *Ruffinum Aquileiensem*, sed quempiam alium Ruffinum, alioquin in manus Hieronymi pervenisset. Sed cum per hæc tempora plures *Ruffini* nomen tulerint, sciri non potest, quis Ruffinus citatæ palinodie auctor fuerit. Sirmondus publicavit libellum fidei cujusdam *Ruffini* presbyteri Palæstinæ provinciæ, estque mentio apud Hieronymum Ruffini presbyteri a se e locis Sanctis Mediolanum anno cccxcix missi. Et inter episcopos, qui adfuere Actioni sextæ Concilii Ephesini a Baluzio publicatæ, legitur *Ruffinus* episcopus Gabalorum: imo in Indice novæ Collectionis Conciliorum ab eodem Baluzio editæ memorantur *Ruffini* quatuordecim, ex quibus alii episcopi, alii presbyteri fuere.

28. *Nulla luxus apud Mercatorem mentio.* — Garnerius qui existimat auctorem hujus Palinodiæ esse *Ruffinum* illum, quem presbyterum Hieronymus Mediolanum, Romanque misit ad Venerium et Anastasium adversus Origenistas sollicitandum, has pro Ruffino Aquileiensi rationes proferri posse dicit. Pro Ruffino Aquileiensi facti, imprimis auctoritas Mercatoris, aut potius utriusque codicis, in quo sunt Opera Mercatoris: in ambobus enim anathematismi inter Epistolam Anastasii et Subnotationes in verba Juliani, ita interponuntur, ut cum manifesta fiat mentio, in priore loco, Aquileiensis Ruffini, in posteriori, *Ruffini* illius, qui docuit *Cælestium*, quique vulgo creditur, etiam ab eruditissimis quibuscunque esse Aquileiensem, non alius anathematismi titulus datus sit, quam iste: *Incipit fides ejusdem Ruffini* cujus nempe sit mentio in utroque opere, etc. quam postea rationem his verbis diluit Garnerius: « Argumentum porro quod ab auctoritate Mercatoris sumebatur, cum nitatur partim hac voce, *ejusdem*, partim collocaione libelli post litteras Anastasii, nihil admodum efficit. Quis enim Epistolam Anastasii ibi collocatam a Mercatore probet, ubi est in codice manuscripto? Quis non videat

id factum ab imperito librario, qui cum unum Origenistam Ruffinum nosset, huic omni Ruffinorum propter communitatem nominis, tribuerit? » Verum licet hæc Garnerii responsio ad rationem illam apposita sit, meliorem tamen deduco ex Præfatione ad Opera Marii Mercatoris, quæ nuper Baluzius meliori editione donavit, quæ ideo in hoc Opere utemur. Cum enim ad manus ejus venisset manuscriptum Bellovacense, in quo Opera Marii Mercatoris continentur, et ex hujus Ms. collatione cum editione Garnerii agnovisset ordinem ab eo mutatum fuisse, petiit ab Eminentissimo cardinali Hieronymo Casanata, ut juberet exscribi codicem Vaticanum, in quo Marii Mercatoris Opera extant, eoque duplici Ms. instructis novam M. Mercatoris editionem publici juris fecit, ea fide ac diligentia, ut errores etiam retinuerit veterum librorum. In qua cum nullam nec Epistolæ *Anastasii* papæ ad *Joannem* Hierosolymorum episcopum, neque libelli fidei *Ruffini* mentionem faciat, dubium non est, quin tam illa *Epistola* quam *fides Ruffini* nihil commune habeat cum operibus Marii Mercatoris. Certe hujus fidei Ruffini titulus his verbis concipitur apud E. card. Norisium, qui exemplari Vaticano solum usus est: *Inc. propter fidem*, et post Anathematismos: *fnit de fide de nomine Ruffini*, quæ ultima verba leguntur etiam in exemplari, quod Garnerius præ manibus habuit, qui huic palinodie hunc titulum præfixit: *Incipit fides Ruffini*, expuncta scilicet voce *ejusdem* quæ tamen ibidem habetur.

29. *Alteri cuiquam Ruffino adscribenda.* — Hæc itaque palinodia *Ruffino Aquileiensi* attribui non debet, sed alteri ejusdem nominis, quisquis tandem ille fuerit. Garnerius laudatus non improbabiler credidit, editum esse libellum circa annum cccxxxviii, quando in Oriente turbatum est, dissidentibus multo duobus magnis viris sancto *Epiphanio* et *Joanne Hierosolymitano*, illo oppugnanter, isto defendente Origenem. Ad tantos enim episcopos accedere, cum plurima turba, tum eximii duo presbyteri, *Hieronymus*, qui *Epiphanium*, et *Ruffinus*, qui *Joannem* sequeretur, Hieronymo Monachorum chori ita adhererant, ut non communicarent Joanni; presbyteris autem in partes divis, schisma miserabiliter Ecclesiam Hierosolymitanam lacerabat. *Origenem* vero Pelagiani erroris principem, Pelagietique doctrinam *Origenis ramusculum* fuisse, docet Hieronymus in Epistola ad Ctesiphontem; indeque in anathematismo secundo parce de gratiæ divinæ adjutorio dicitur: « Qui dicunt quemvis sanctum virum, et Prophetam et Apostolicum sine Dei auxilio posse esse perfectum, anathema sint ». Denique ultimus anathematismus perstringit eos, qui dicunt animas prius existisse, quam venerint in corpora, et non secundum primi hominis exemplum, eas a Deo quotidie fieri; cum tamen *Ruffinus* jam senex in Apologia ad Anastasium papam fateatur, adhuc se ignorare, Deoque relinquere scire: quid sit in vero super tribus, quæ tunc invaluerant de origine ani-

marum opinionibus, quarum una erat, quod formatus in utero corporibus, Deus quotidie faciat animas, et infundat.

30. *Ruffinus Aquileiensis Pelagium decepit.* — *Ruffinus* Aquileiensis post suum ex Oriente Romam, ubi *Pelagius* agebat, adventum, hunc decepit, ut scribit Marius Mercator in Comenitorio adversus hæresim Pelagii et Cælestii: « Hanc, inquit, inepiam, et non minus inimicam rectæ fidei quæstionem sub sanctæ recordationis Anastasio Romanæ Ecclesiæ Summo Pontifice *Ruffinus* quondam natione Syrus Romam primus invexit, et, ut erat argutus, se quidem ab ejus invidia muniens, per se proferre non ausus, Pelagium gente Britannum monachum tunc decepit, eumque ad prædictam aprime imbuat, atque instituit impiam vanitatem ». Garnerius quidem in dissert. 4 de primis auctoribus et defensoribus hæresis Pelagianæ cap. 3, et Patres Benedictini Præfatione in tomum decimum divi Augustini existimant, *Ruffinum* illum de quo Mercator loquitur, diversum esse a *Ruffino* Aquileiensi, quod ille natione *Syrus* fuerit; sedente Anastasio errores suos disseminavit, et apud Pammachium Romæ manserit, quæ tria de Aquileiensi dici non posse arbitrantur. Verum mihi pæne certa stat sententia Mercatorem loqui de *Ruffino* Aquileiensi hæresis Pelagianæ præcuratore; qui cum per annos viginti septem in Syria commoratus fuerit, potuit a Mario natione *Syrus* putari, eoque plane modo decipi in ejus patria, ac *Possessor* episcopus Africanus ex urbe Constantinopolitana ad Hormisdam papam scribens, in qua de libris Fausti episcopi Reicens in Galliis mentionem faciens, eum natione Gallum, *Reginæ civitatis* episcopum vocat, quem tamen constat Britannum fuisse. Sed quia *Faustus* in Galliis ubi episcopus erat, morabatur, *Possessor* in ejus natione exprimenda facile lapsus est. Præterea Mercator non aliter loquitur de hæresi Romam invecta, quam divus Hieronymus in Epistola viii ad Demetriadem, ubi ait: « Dum esses parvula, et sanctæ ac beatæ memoriæ Anastasius episcopus Romanam regebat Ecclesiam, de Orientis partibus hæreticorum sæva tempestas simplicitatem fidei, quæ Apostolica voce laudata est, labefactare et polluere conata est », et tamen *Ruffinus* Aquileiensis, in quem intendebat his verbis Hieronymus, sedente Anastasio Romæ non fuit, sed sub ejus decessore Siricio. At quia sub Anastasio hæresis a *Ruffino* Romæ disseminata invaluit, inde etiam Hieronymus ejus initium repetit. Hoc certe proprium cuique hæresi, ut eidem diversa assignentur initia, sicuti diximus de hæresi Manichæorum et Arianorum, et infra ostendemus de hæresi Eutychnistarum.

31. *Non vero aliquis alius ejusdem nominis.* — Nec denique urget tertia conjectura, ex eo deducta, quod cum *Pammachius* addictissimus esset Hieronymo, apud se *Ruffinum* Aquileiensem Romæ esse non permisisset, nec eo familiariter usus esset. Anno enim cccxcviii aut insequenti, quibus a Pam-

machio hospitio excipi potuit *Ruffinus*, inter eum et Hieronymum amicitia intercedebat, quæ ante annum cccxcix dissoluta non fuit. Præterea Hieronymus insignem pietatem, doctrinamque *Paulini*, summis prosequatur laudibus, et summa cum eo necessitudine conjunctus erat, ambo vero arctissimis amicitia vinculis cum Pammachio constricti. Quare cum *Ruffinum* semper plurimum *Paulinus* dilexerit, non dubium, quin quod asserit Cælestius apud Augustinum: « Sanctus presbyter *Ruffinus* Romæ, qui mansit cum sancto Pammachio: ego audiui illum dicentem, quia tradux peccati non sit », contigerit, primum quidem anno cccxcviii aut insequenti; secundum vero anno et loco incertis, et quin *Pammachius* Hieronymi vel *Paulini*, vel utriusque gratia *Ruffinum* per aliquod tempus Romæ apud se retinuerit. *Cælestius* enim non dicit, ut eum perperam explicat Garnerius, *Ruffinum* Romæ fuisse, cum docuit, quia *tradux peccati non erat*, quia errorem illum de peccato originali nondum propalaverat, sed tantum dicit, se ab eo audivisse; quod contingere potuit in Sicilia vel Romæ vel alibi. Denique *Ruffinus* monachus ac presbyter celeberrimus erat peregrinatione Syriacæ, cujus occasione cum insignioribus Orientis viris et Pammachii amicis egerat, amicitia *Melanii* sancti *Macarii* ex præfecti Urbis, et aliorum clarorum Romæ virorum, et eruditionis fama. Quid mirum igitur si *Pammachius*, cujus domus hospitium monachorum dicebatur, quique ab Hieronymo in Epistola xxvi ad eundem scripta, appellatur *primus in primis ἀρχισταγερτης monachorum*, monachum tot nominibus inclutum, ac e tam longinqua regione adventantem domo sua per aliquod saltem tempus excipiendum esse duxerit? Quod si *Ruffinus* Syrus alius esset a *Ruffino* Aquileiensi, ut inter omnes convenit Evagrio Pontico, et Joviniano jugulata est, silentio non præterisset *Ruffinum* Syrum, qui illam inimicam rectæ fidei quæstionem de peccato originali primus Romam invexisset. Legi etiam possunt quæ adversus istam opinionem scribit Natalis Alexander in prima parte quarti sæculi cap. 4, artic. 33.

32. *Pelagius Britannus fuit, sed non Cælestius.* — Sed venio ad Pelagium, quem Baronius num. 64 ait a sancto Hieronymo Præfat. lib. 3 in Jeremiam his verbis describi: « Ille tacet, alibi criminatur, mittit in universum orbem Epistolas Biblias, prius auríferas, nunc maledicas: ipseque mutus latrat per Alpinum canem, grandem et corpulentum, et qui calibus magis possit sævire, quam dentibus. Habet enim progeniem Scoticæ gentis de Britannorum vicinia; qui juxta fabulas Poetarum, instar Cerberi, spiritali percutiendus est clava, ut æterno cum suo magistro Plutone silentio conticescat ». His formulis ænigmaticis Pelagium atque

Cælestium designari credit Baronius, cui Emin. card. Norisius lib. 1 Hist. Pelag., cap. 3 adhærens, addit, *Cælestium* Scolum fuisse, non obscure innuere Hieronymum. Sed Garnerius in Notis ad librum Subnotationum Marii Mercatoris valde verosimiliter existimat, vulgarem lectionem corrigendam esse, legendumque, *Albinum canem*, non vero *Alpinum canem*, cui conjectura favet lectio veteris codicis M. S. Sigrimundensis citati a Patribus Benedictinis in ii parte Appendicis ad tomum x divi Augustini pag. 78, quæ habet *Albinum*. Britannia enim dicta est olim et *Scotia* et *Albium*, ex albis sc. rupibus, eaque semper aluit molossos toto orbe notissimos. Quare *Albini canis* nomine non significatur ab Hieronymo *Cælestius* Pelagii discipulus, ut Baronius interpretatur, sed *Pelagius* Albinus, seu Britannus, per quem Rufinus latrabat. Hoc enim sequentia verba ostendunt: « Instar Cerberi, spirituali percutiendus est clava, etc. » Quis autem ignorat, Grunni, Calphurnii, Scorpii, Plutonisque nomine Rufinum identidem ab Hieronymo appellatum? *Rufinum* vero Pelagii magistrum fuisse, ex laudatis Hieronymi verbis liquet.

33. *Pelagius monachus fuit.* — Ex iisdem etiam habemus, *Pelagium* grandiori corpore fuisse; unde in primo Dialogo hunc in modum Hieronymus eum compellat: « Tu ipse qui Catoniana nobis inflaris superbia, et Milonis humeris intumescis, etc. » At alio in loco non grandis solum; sed etiam adiposi corporis facit: « Nuper indoctus calumniator erupit, qui Commentarios meos in Epistolam Pauli ad Ephesios, reprehendendos putavit; nec intelligit nimia stertens vecordia leges Commentariorum, etc. Nec recordatur stolidissimus et Scotorum pultibus prægravatus, etc. » Ubi ei attribuit quod in homines nati ejus solo finitimos quadrabat, indicans illum gente Scotum seu Hibernum videri, cum innata essent illi Scoticæ regionis vitia, et ortum e finitima Britannia duceret. Eum autem monachum exstitisse tam Marius Mercator laudatus, quam Augustinus, aliique Veteres docent. Nullis tamen sacris Ecclesiæ dignitatibus insignitus unquam fuit, quidquid aliqui e recentioribus fabulati sint. Nam Zozimus papa in Epist. ad Aurelium et Afros episcopos vocat Pelagium, « Laicem virum ad bonam frugem longa erga Deum servitute nitentem ». Eo vero tempore monachi ad sacros ordines non promoti inter laicos recensebantur, et quando in clerum adoptabantur, exinde jam non monachi, sed sui gradus nomine appellabantur. Quare quisquis vel monachi vel laici perpetuo retinuit appellationem, eo arguitur remansisse in laicorum ordine; cumque *Pelagius* dictus sit laicus a Zozimo laudato et aliis antiquis, ad altiorem gradum non ascendit.

34. *Magistri Pelagii.* — Plures ille habuit Magistros *Theodorum* Mopsuestenum episcopum, *Rufinum* Aquileiensem, *Evegrum* Ponticum, *Sextum* Philosophum, *Jovinianum*, *Priscillianum*, Manichæum, *Palladium* Galatam, Gnosticos, *Enchitas*, atque *Origenem*, quem Pelagii ἀρχαίον et amasium

Hieronymus in Dialogo iii adversus Pelag. vocat. Sed præter duos primos alii non tam doctores quam præcursores dici debent juxta Hieronymum; imo præverunt ea sola parte, quæ impeccantiam vel impassibilitatem defenderunt, ut argumenta in eos directa merito potuerint in Pelagianorum ἀναμαρτυρίαν retorqueri. Hunc errorem prius docuisse *Theodorum* Mopsuestiæ episcopum, dein *Rufinum*, ac postremo *Pelagium*, sociosque, testatur Marius Mercator, qui Pelagio convixit, ipso Commonitorii sui adversus hæresim Pelagii initio: « Questio contra Catholicam fidem apud nonnullos Syrorum, et præcipue in Cilicia a Theodoro quondam episcopo oppidi Mamsisteni (legendum Mopsuesteni) jam dudum mota nunc usque penes paucos eorum admodum roditur, nec ea palam proferitur; sed ab ipsis, qui de ea cornicantur, velut Catholicis, intra Ecclesias interim retinetur; etc. » quam questionem subdit postea a Rufino Romam primum invecam esse, ab eoque Pelagium ad eam impiam vanitatem institutum. Hæresis itaque Pelagiana nata est in Syria, et præsertim in Cilicia secunda, parente Theodoro Mopsuesteno advecta in Occidentem a Rufino, eodemque ferme tempore scriptis consignata a *Cælestio* primum in libris, qui interierunt, deinde a Pelagio in Commentariis ad Epistolas Divi Pauli, de quibus anno cdxv, num. 6 locuti sumus, imo et privatis sermonibus sparsa toto illo diuturno tempore, quo Pelagius et Cælestius morati sunt Romæ.

35. *Hæresis Pelagiana in Sicilia disseminatur.*

— Ea postea disseminata in Sicilia anno cdxviii aut cdxix, quo *Pelagius* Roma cum Cælestio in eam Provinciam se recepit, dum Gothi depopularentur, Romanque semel et iterum obsidione cingerent. Tradit enim Mercator in suo Commonitorio super nomine Cælestii, ipso ejus initio: « Cælestius quidam eunuchus matris utero editus ante viginti plus minus annos discipulus et auditor Pelagii, egressus ex urbe Romana Carthaginem Africæ totius Metropolitani venit, etc. » Quare cum Mercator Commonitorium illud Theodosio Augusto obtulerit in conspectu Florentii et Dionysii VV. CC. ut in ejus titulo dicitur, anno nempe Christi cxxxix. Cælestius una cum suo magistro Pelagio Roma egressus est anno cdxviii aut insequenti. Biennium Syracusis in Sicilia, aut etiam ferme triennium posuit, sparsitque erroris semina, quæ coegerint *Hilarium* monachum consulere *Augustinum*, qua ratione posset extirpari malum tam pertinaciter, lateque invalescens; ut legere est in ejusdem Hilarii epistola clxvi, alias lxxxviii, et in Epistola Augustini ad Hilarium clxvi, alias lxxxix, et lib. de Perfect. justitiæ. Utramque autem Epistolam anno cdxiii exente aut cdxiv datam, anno sequenti, quo eas scriptas putabat Baronius, ostendimus, et quæ pertinent ad *Cælestium* explicabimus.

36. *Pelagius in Africam trajicit.* — Adventus *Pelagii* in Africam contigisse videtur anno sequenti eo tempore, quo Augustinus Hippone absens erat,

indeque scribendi occasionem sumpsit Pelagius, ut quem verbis non potuerat presentem, litteris absentem salutaret. Augustinus enim lib. de Gestis Pelagii cap. 22. scribit: « Postea vero quam in Africam venit, me absente, nostro, id est, Hipponensi littore exceptus est, ubi omnino, sicut comperi a nostris, nihil ab illo huiusmodi auditum est, quia et citius quam putabatur, inde profectus est ». Tum cap. 27 recitat litteras ad se a Pelagio datas. Sequenti vero anno Pelagium Hipponem venisse, demonstrat Epistola Augustini cxxii, alias cxxxviii ad Clerum et populum Hipponensem scripta in qua num. 1 sanctus Doctor absentiam suam excusat. Verum de Pelagii Carthaginem protectione anno sequenti rursus sermo erit.

37. *Synesius Semipaganus fit episcopus Ptolemaidis.* — Ad num. 69 et seqq. Hoc anno *Synesius* patria Cyrenensis philosophus insignis ordinatus est episcopus Ptolemaidis a Theophilo Alexandrino patriarcha, ut ostendit ejus Epistola lxi, quæ tertio anno data est, postquam pax inter Theophilum et sancti Joannis Chrysostomum fautores composita fuerat. *Synesius* ubi primum se a Ptolemaidensibus ad episcopale munus electum intellexit, rei novitate percussus, prolixè *Evoptio* fratri suo scripsit, causasque apernit ob quas oblatum episcopale munus nequaquam sibi recipiendum judicaret; quæ Epistola est cv inter Synesianas. Primam causam deducit ab uxore, quam nec deserere publice, nec clanculum cum ea consuescere vellet. Altera, quod ipse Platonicæ philosophiæ præceptis imbutus a præcipuis aliquot fidei Christianæ capitibus dissentiret; easque opiniones ita fixas esse animo ait, ut licet dissimulare pacis et concordiae causa, dimittere tamen aut mutare easdem nolit. Dogmata autem tria præcipue proponit. Primum animam præexistere, neque corpori jam formato immitti. Alterum de mundi æternitate, quem ut interitum aliquando crederet, nequitiam adduci poterat. Tertium de mortuorum resurrectione, quam mysticum et arcanum aliquem sensum recondere, nec cum vulgo accipiendum esse asserit. Hæc rationum summa, in qua nihil se simulare, nihil fingere, Deum hominesque testatur. Hæc fratri, hæc amicis, hæc *Theophilo* Alexandria patriarchæ, qui electionem ratam habuerat, nota esse affirmat. Hinc Ecclesiasticæ Historiæ scriptores, Evagrius, et Nicephorus, cæterique Antiquorum, qui de *Synesio* mentionem fecere, hujus Epistolæ verbis persuasi, *Synesium* semipaganum ad episcopale munus accessisse asserunt. Cumque cæteræ virtutes, quæ hominem omnibus numeris absolutum reddere possent, in eo elucescerent, *κατ' ἐξουσίαν* ab Ecclesia ordinatum fuisse scribunt; ea spe fore, ut ad tantum virtutum cumulum, veræ quoque religionis vertex et colophon accederet: neque spem eos fefelisse.

38. *Antiquorum de episcopatu Synesii opinio defenditur.* — Baronius tamen ab ea opinione sibi discedendum putavit, maximoque errore eos labi pronuntiavit, qui serio ista a *Synesio* inculcata fuisse

arbitrantur; ait ergo arte hæc ad declinandum episcopi munus ab eo in medium adducta, ut portentosis contestationibus *Theophilum* eluderet. Primo, quod non solum absurdum; sed etiam ab omni Ecclesiastica disciplina et pietate sit alienum, *Theophilum* non solum per baptismi lavaerum ad fidelium numerum, sed etiam per manus impositionem ad Ecclesiæ regimen admittere voluisse hominem Christianæ religionis dogmatis non acquiescentem. Alterum deinde telum ab ipso *Synesio* petit, qui in Epist. ii ad Ecclesiæ suæ presbyteros disertis verbis testatur, se episcopi onus *totis viribus et omnibus machinis* declinasse, quibus verbis hæc artes et contestationum machinas Baronius ait intelligi. Verum Holstenius in dissert. de *Synesio et de fuga episcopatus*, quam Valesius ad calcem Notarum suarum ad Evagrium integram subjecit, scribit ipsa Synesii verba adeo perspicua esse, adeo certa et manifesta, ut qua ratione in dubium vocari possint, non videat. Contestationes vero adeo sanctis ac religiosis verbis conceptæ sunt, ut qui iis ludere aut alios eludere voluerit, eum et conscientiam fidemque prodigasse, et veritatem Denique veritatis præsidem ludibrio habuisse jure merito credas. Scribit fratri, atque in ejus sinum internos animi motus sensusque effundit. Publicam hanc contestationem esse cupit, ut apud Deum hominesque culpa careat, si res male evenisset: « Nolo », inquit Synesius, « cementiri dogmata: hæc Deum, hæc homines testor. Veritas Deo affinis est, apud quem criminis expers omnis esse cupio ». Et quis non serio et ex animo eum loqui existimet?

39. *Primitiva Ecclesia sæpe dispensatione usa.* — Holstenius ex aliis etiam Synesii locis ostendit, eum jam non solum Christianum; sed etiam episcopum Platonicam illam de animæ origine et præexistentia sententiam retinuisse, et ad secundam Baronii rationem respondet, multa quotidie in primæ Ecclesiæ contra Apostolicam instituta evenisse, docere Nicæni Canonis verba hæc: « Quoniam plura aut per necessitatem, aut alias cogentibus hominibus adversus Ecclesiasticam facta sunt regulam, ut homines ex gentili vita nuper accedentes ad fidem, et instructos brevi tempore, mox ad lavaerum spirituale perducerent, simulque ut baptizati sunt, etiam ad episcopatum vel presbyterium promoverent: optime placuit, nihil tale de reliquo fieri. Nam et tempore opus est ei, qui catechisatur, et post baptismam probatione quam plurima ». Cujus rei tria nobis luculenta exempla suppeditat, una *Nicolai* primi ad Photium Epistola, *Nectarii* scilicet, et *Tarasii* in Constantinopolitana, sancti *Ambrosii* in Mediolanensi Ecclesia, quorum electiones Ecclesiæ necessitate adacta fecit, aut factas probavit; « sed ut iterum fierent, non confirmavit, nec instituit », inquit Nicephorus. Atque omnes hæc causas in *Synesii* electione concurrisse facile perspicit, qui ea, quæ diversis in locis ipse de se prodidit, considerabit. Nam vi atque ingratis se ad hoc munus fuisse pertractum, nihilque tale cogitantem quin etiam reni-

tentem et deprecantem, passim testatur : qui mortem et gravissima quæque præ episcopatu lubens elegisset.

40. *Temporis calamitas ut cum Synesio dispensaretur exegit.* — Sed qui calamitosa illa ruentis imperii tempora, qui corruptissimos ejus sæculi mores, qui afflictissimum Africanarum provinciarum statum æqua animi lance expendet, maximam præsentissimamque ejus eligendi necessitatem fuisse comperiet. Ista quidem omnia nemo luculentius, nemo accuratius ipso *Synesio* depinxit. Videmus isthic imperatores pueros, omnium regnandi artium expertes, domi inter eunuchorum, morionum, et adulatorum greges in otio et deliciis delitescere, subditis et præsertim militibus nonnisi per picturam notos, qui extremas illas imperii lacinias passim magistratuum avaritiæ et inextinguibili cupiditati, passim Barbarorum invasionibus diripiendas et excindendas relinquebant; de quibus nec conqueri impune licebat : aut si extrema necessitas subditos ad principis aures compelleret, longis et sumptuosis ac plerumque irritis legationibus exhaurebantur. Unum miseris affulgebat auxilium, ut virum aliquem eloquentiæ aut civilis prudentiæ facultate, aut magnorum virorum gratia et amicitiiis pollentem, sibi patronum et quasi tutelare nomen legerent, sub ejus umbra delitescerent, qui imminentes calamitates averteret, provincias et civitates persundatas erigeret et confirmaret : quod elegantissimæ aliquot ipsius *Synesii* ad Pylæmen Epistolæ abunde docent. Præsentissimum autem ab episcopis affulgebat subsidium, qui ipsa muneris auctoritate instructi atque armati videbantur adversus provincialium magistratuum oppressiones. Hæc necessitas, hæc spes Ptolemaidenses impulit, ut *Synesium* sibi episcopum poscerent, ejus opem universa illa provincia illustri legatione apud *Arcadium*, non vero, ut perperam habet Evagrius lib. 1, cap. 43, apud Theodosium ejus filium, fuerat experta, ut superius diximus. Videbant præterea hominem insigni nobilitate et magna sapientiæ laude conspicuum, ac principum virorum amicitia et favore subnixum : quæ quidem omnia magno sibi præsidio futura, haud vane conjiciebant. Sed profecto major quædam vis, hoc est, Dei gratia, *Synesium* ex privato otio ad Ecclesiæ suæ ornamentum pariter et præsidium protulit. Hunc ille consilii istius auctorem Epistola xi et xcv agnoscit; huic ille vocanti manus dedit, collumque submisit. Neque aliam electionis causam Evagrius, Nicephorus, et Photius in Biblioth. Cod. xii retulerunt. Perspectum scilicet habebat *Theophilus* animum ad Christianam religionem propensorem; experimento didicerat, quam facile veritati cederet; et quam nullo negotio homo Platonicis dogmatibus imbutus ad exactam Christianæ veritatis cognitionem traduceretur.

44. *Origenismus et Philosophia Platonica in Oriente vigeant.* — Ut autem videamus quinam homo tot erroribus inquinatus, ad baptismi lava-

rum fuerit admissus, observandum cum Holstenio, cujus hic dissertationem in epitomen redigimus, eadem hæc dogmata, quæ *Synesio* pertinacius insidebant, jam pridem ad *Origene* in Alexandrinam Ecclesiam fuisse inducta, ubi ille permultos habuit sectatores; eos præcipue qui ex Gentilium philosophorum schola ad Ecclesiam Christi transibant. Quin imo Christiani, ut prolato Ecclesiæ pomærio, quam plurimos ad suas partes adducerent, eos præsertim, qui sæcularis sapientiæ et eruditionis gloria excellenter, multa, ut Nicephori verbis utar, *per dispensationis rationem* ad tempus tolerasse, quæ vel usu ipso, vel longiori magisque acerrata institutione emendari posse existimabant. Quod sane nuspiani majori cum fructu fieri potuit, quam Alexandriæ, ubi non solum ob veteris Musæi gloriam; sed etiam ob recentem Platoniorum Academicam ex Atticis Athenis eo traductam, ingens doctorum hominum multitudo versabatur. Quam etiam ob causam Christianæ religionis antistites illi, qui scholam catechisticam, a sancto *Marco* institutam ordine rexerunt, *Pantænus* scilicet, *Clemens*, *Origenes*, *Dionysius*, *Ammonius*, aliique magnam externæ quoque sapientiæ et potissimum philosophiæ operam impenderunt, ut humanam sapientiam suis artibus irrelitam stultitiæ Crucis Christi submitterent. *Origenis* autem dogmata, multos eosque celeberrimos habuere defensores; et hoc ipso tempore, post damnationem ab Anastasio papa factam, in *Ægypto abscondite apud plerosque* versabantur, ut anno cmi, num. 45 ex divo Hieronymo ostendimus, nec ante extrema Justiniani tempora, hoc est, ante annum dclm Generali Synodo damnata fuere. Neque id silentio prætereundum, quod *Theophilus* ipse Origenem, quem publice suggillabat, et quem mortuum primis Ecclesiastica communione privatum diris devovit, privatim diligentissime legere non verebatur, ut Socrates lib. 6, cap. 13 prodidit. Quæ res *Synesium*, Platonis etiam Origenis studiosissimum, ob intimam cum *Theophilo* familiaritatem latere non potuit. Quocirca non adeo mirum videri debet, in tanto Origenistarum et Platoniorum numero *Synesium* quoque ad Baptismum fuisse admissum; cum omnia Alexandriæ et *Ægypti* monasteria iisdem opinionibus essent infecta. Quod ex iis *Theophili* et successoris ejus *Cyrilli* litterarum Fragmentis apparet, quæ in quinta Synodo referuntur; quæ ad horum temporum Historiam cognoscendam imprimis faciunt. Non itaque hæc in re a recepta Antiquorum sententia discedendum.

42. *Britannia sese in libertatem asserit.* — Anno quo *Roma* ab *Alarico* expugnata, ideoque superiori, cum *Britanni* cernerent vicinas provincias paulatim a Romanis deficere, earum exemplo sese in libertatem asserere; quod factum facile fuit, quia *Constantinus* tyrannus multo milite educto, vacua fere præsidia reliquerat. Hinc *Zozimus* lib. 6, pag. 830 scribit, Honorium, « litteris ad civitates Britannicas scriptis », eos hortatum esse, « ut rebus

suis consulerent». Beda vero lib. 1, cap. 11, ait: «Fracta est autem Roma a Gothis anno millesimo centesimo sexagesimo quarto suae conditionis. Ex quo tempore Romani in Britannia regnare cessarunt post annos ferme quadringentos septuaginta, ex quo Caius Julius Caesar eandem insulam adiit». Julius Caesar secundum opinionem Bedae in Britanniam primum trajecit anno Urbis dxcv, qui juxta putationem Varronis erat annus Urbis dxcii, ideoque secundum Bedam capta est Roma anno Christi cix, anno Urbis mclxiv, sed juxta epocham Varronianam anno Urbis mclxii, Christi vero cix. Errat quidem Beda in memorando anno, quo *Julius Caesar* primum Britanniam iniit; cum Dio lib. 39, alique Romani Historici testentur id contigisse anno Urbis Varroiano dxcix. Indicat tamen Beda capite superior ex Orosio, cujus verba exscribit, Vandalos ante

biennium Romanae irruptionis per Gallias sariisse, anno scilicet Christi cxi, ideoque occupationem Urbis per Alaricum cum anno Christi cix recte copulat. Nec ullum dubium esse potest, quin haec Bedae sententia fuerit; cum in epitome diserte scribat: «Anno cix Roma a Gothis fracta est; ex quo tempore Romani in Britannia regnare cessarunt». Cumque in verbis laudatis suae Historiae asserat, id contigisse anno Urbis mclxiv et biennio ante eam irruptionem Vandalos aliosque Barbaros trajecto Rheno in Gallias intrasse, manifeste apparet, Bedam omnes has notas temporarias desumpsisse ex Orosio, qui cum hoc tempore vixerit, haec de epocha Urbis captae controversia, post ea quae in medium addaxi, plane, ut mihi videtur, dirempta.

Interitus *Alarici* Gothorum regis, de quo anno sequenti num. 2.

INNOCENTII ANNUS 10. — CHRISTI 411.

1. *Alarico mortuo succedit Athaulphus rex Gothorum, ejusque consilium de restituendo imperio.* — Sequitur ordine temporis annus Domini undecimus post quadringentesimum, nullo Occidentalis imperii signatus consule, quod afflictata novis esset Gothorum cladibus, et aliorum in diversas provincias grassationibus Barbarorum Romana Respublica: in Oriente vero, ubi tranquillior esset rerum status, ipse Theodosius imp. quartum adiit consulatum: Quo Alaricus Gothorum rex jam trajicere in Siciliam exercitum frustra tentans, repentina morte occupatur apud Cosentiam; de cujus obitu, et sepultura haec apud Joannem diaconum, ab aliis non suo nomine Paulum nuncupatum¹: «Inter haec Alaricus, dum deliberaret quid ageret apud Cosentiam, subita morte defunctus est. Gothi Basentium amnem de alveo suo captivorum labore derivantes, Alaricum in medio alveo cum multis opibus sepehant; amnemque meatui proprio redditentes, ne quis locum scire posset, captivos qui interfuerant extinguunt». Haec ipse. Sozomenus² autem de Alarico ait, eum ante obitum inita cum Honorio pace, ab eo declaratum fuisse totius ducem exercitus;

subditque: «Cum pro consuetudine principum ex processu quoque tum reverteretur imperator, audita morte Alarici, statimque descendens; publice gratias Deo nuncupatis precibus egit, quod esset insidiatore manifesto liberatus». Addit haec his idem auctor Miscellae¹:

2. «Regem deinceps Athaulphum Alarici affinem Gothi constituentes, Romam redeunt: si quid residuum fuit, more locustarum eradunt, auferentes exinde Gallam Placidiam Theodosii principis filiam, sororem Honorii, quam sibi Athaulphus apud Forum Corneli conjugio sociavit: quae multa post Reipublicae commodo fuit: nam ad hoc mariti animum acerrimo ingenio, subtilibus blandimentis inflexit, ut ultro a Romanis pacem expeteret». Haec ipse: at de posteriori hac Urbis invasione apud nullum alium me legisse memini. Orosius autem tradit², in ipsa Urbis invasione sub Alarico Gallam Placidiam ab Athaulpho captam: Zozimus et alii ipsam ante sub Alarico custoditam ferunt. Caeterum divina id factum dispensatione, quo extremam imperii cladem averteret, idem auctor affirmat. Nulla igitur, defuncto Alarico, clades ab Athaulpho Alarici

¹ Paulus Diac. l. xiii. hist. Miscell. — ² Sozom. l. ix. c. 12.

¹ Paul. Diac. l. xiii. — ² Oros. l. vii. c. 40.

successore Urbi illata penitus reperitur : imo ei in oplatis fuisse Gothorum exercitum Romanum imperium in splendorem pristinum restituere , idem Orosius testatur his verbis ¹ : « Is ut saepe auditum, atque ultimo exitu ejus probatum est) satis studiose sectator pacis, militare fideliter Honorio imperatori, ac pro defendenda Romana Republica impendere vires Gothorum praeposuit. Nam ego quoque ipse virum quemdam Narbonensem, illustris sub Theodosio militis, etiam religiosum prudentemque ac gravem apud Bethlehem oppidum Palaestinae, beatissimo Hieronymo presbytero referente, audivi, se familiarissimum Athaulphi apud Narbonam fuisse ; ac de eo saepe sub testificatione didicisse, quod ille cum esset animo, viribus, ingenioque nimis, referre solitus esset se in primis ardentem inhiasse, ut oblitterato Romano nomine, Romanum omne solum, Gothorum imperium et faceret et vocaret ; essetque (ut vulgariter loquar) Gothia, quod Romania fuisset ; fieretque nunc Athaulphus, quod quondam Caesar Augustus. At ubi multa experientia probavisset, neque Gothos ullo modo parere legibus posse propter effrenatam barbariam, neque Reipublice interdici leges oportere, sine quibus Respublica non est Respublica : elegisse se saltem, ut gloriam sibi de restituendo in integrum, augendoque Romano nomine, Gothorum viribus quaereret ; habereturque apud posteros Romanae restitutionis auctor, postquam esse non poterat immutator. Ob hoc abstinere a bello, ob hoc inhiare paci nitebatur, praecipue Placidiae uxoris suae feminae sane ingenio acerrimae, religionis satis probatae, ad omnia bonarum ordinationum opera persuasus et consilio temperatus ». Quomodo autem dolo snorum, idem Athaulphus haec meditatus, interfectus fuerit, suo loco dicemus.

3. *Solennis Carthagine Collationes Donatarum cum Catholicis, cognovit Marcellino, et singula eorumdem Acta.* — Hoc eodem anno Carthagine in Africa celebrata est famosissima illa Collatio inter Catholicos et Donatistas diu expectata, saepe tentata, nunquam autem, resilientibus illis, effectui consummata, nisi hoc anno postquam ad hoc ipsum perficiendum ab Honorio imperatore missus est in Africam anno (ut dictum est) superiori Marcellinus. Post consulatum quidem Varanes, nempe hoc anno, ex scripto antiquo Codice Baluini tradit habitam fuisse huiusmodi Collationem. Quod autem conventus iste appellatus invenitur Collatio, non Concilium ; inde accidit, quod in unico consensu non vocati sunt heretici vel schismatici tanquam rei ab Ecclesia judicandi, sed ut fratres ad unitatem Ecclesiae, cognitis causae meritis, atrahendi. At quomodo ista se habuerint, et quo temporum ordine cuncta sint facta, jam aggrediamur. Quem diximus missum esse anno superiori ab imperatore insignem virum Marcellinum in Africam ad conciliandos cum Catholicis Donatistas : idem ipse imperatoris ² rescriptum, quo juberentur Donatistae cum Catholicis ad confe-

rendum de controversiis inter eos diu versatis in locum unum convenire debere, promulgavit. Sed et dato post quatuor menses edicto decimo quarto kal. Martias, ut Collatio haberetur decimo quarto kalendas Junias definivit ³ ; idque ex imperatoris rescripto, quo jubebatur eo temporis spatio eos ad causam agendam impelli. licet aliis edictis, ne subterfugium aliquod ex temporis angustia obtendi posset, alios duos menses ipse superaddidit. Caeterum ut ad kalend. Junias conveniretur, pars utraque consensit : haec ex Actis ipsius Collationis sunt accepta.

4. Constat insuper Marcellinum, quo demulceret refractarios Donatistas, suo edicto, quo eos vocavit, sine jussione imperatoris reddidisse basilicas Donatistas, qui se pollicerentur esse venturos. Insuper et illud indulgendum putavit, ut eodem edicto illis concederet, ut quem vellet eligerent sibi iudicem, qui cum ipso praeficeretur ad iudicandum : sed et juramento pollicitus est, se iudicaturum quod veritas suasisset ; aliaque complura adiecit, quibus eodem edicto eos est exhortatus ad mutuum cum Catholicis conferendum : haec ex Actis. Praestitum quoque ab eo et illud fuit humanitatis officium, ut per Tractorias eosdem convocaverit litteras, quibus (ut alibi fusius explicavimus) sic vocatis publicae concederentur veclurae, atque omnia necessaria ad comitatum abunde satis impenderentur. Per Tractorias namque ad eorum Primates missas, a quibus singuli acciperent, eos fuisse vocatos, S. Augustinus testatur ⁴ :

5. « Sic igitur convocati (inquit ipse ⁵) congregantur ex universa Africa tot episcopi Donatistae, ingreditunturque Carthaginem cum tanta speciosi agminis pompa, ut tam magnae civitatis oculos in se, intentionemque convertant ». Ex parte vero Catholicorum omnes numero ducenti et octoginta sex, cum ferme centum ⁶ in suis Ecclesiis senectute et morbis praepediti remansissent, imo centum viginti, ut habent ⁷ Acta Collationis : Donatarum autem numerus minor fuit : nomina enim eorum in subscriptionibus litterarum numerata sunt ducenta septuaginta novem ; sed falsitas deprehensa est, cum pro absentibus aliqui subscripsissent. At ne hac etiam ex parte Catholicis censerentur inferiores, se plures quam quadringentos esse numero, falso iactabant, detentos vero illos domi diversis corporis infirmitatibus : sed inanem prorsus hanc fuisse illorum gloriationem, S. Augustinus ostendit.

6. Cum autem superiores Catholici numero essent ; ad evitandam tamen ostentationem, non una simul, ut Donatistae, sed seorsum singuli Carthaginem ingressi sunt, ut idem S. Augustinus affirmat ⁸. Quod vero non ea pompa qua ipsi fuissent ingressi, pauciores numero eos esse, Donatistae putarunt : porro illi inventi sunt adiecisse subscriptioni litle-

¹ Oros. l. vii. c. 43. — ² Aug. in Brevic. Collat. die 1. c. 5.

³ Aug. in Brevic. die 1. c. 8. — ⁴ Aug. ad Donatistas post Collat. c. 24. — ⁵ Aug. eod. lib. c. 25. — ⁶ Aug. eod. lib. c. 21. — ⁷ Aug. in Brevic. Collat. die 1. c. 11. — ⁸ Aug. in Brev. c. 11.

rarum numerum itidem centum viginti episcoporum, quos oppressos morbis domi relictos causati sunt. Sic igitur qui subscriptione ostentabant numerum ducentorum septuaginta novem episcoporum, nonnisi centum quinquaginta novem sunt numerati: id quidem aperte demonstrat S. Augustinus¹, qui de suis Catholicis affirmat, præter numeratos superius per octoginta sex, qui se Carthaginem contulerunt, recensitos esse, qui diversis necessitatibus detenti domi remanserant centum viginti; quodque adhuc eo Collationis tempore sexaginta sedes episcopales in Africa orbate erant pastoribus; adeo ut numeratæ fuerint sedes episcopales in Africa Catholicorum quadringente et sexaginta sex. Donatistas vero numero sedium valde imminutos ex eo intelliges, dum qui anno Christi trecentesimo nonagesimo quarto Bagai in Numidia adversus Maximianistas convenerunt, numerati sunt quadringenti sex minus episcopi, exceptis Maximianistis, qui et ipsi Donatistæ erant, sed ab illis schismate separati: in hac vero Collatione, quamvis suorum multitudinem affectaverint, nonnisi centum quinquaginta novem colligi valuerunt: nam falso jactasse centum viginti ægrotos remansisse domi, convicti sunt ex suis ipsorum verbis². Ex quibus intelligas quantum profecerint in Donatistarum conversione episcopi Orthodoxi, atque præcipue Augustinus.

7. Cum igitur utraque pars Carthaginem convenisset; antequam uno consensu colligerentur, Marcellinus aliud ipsis præsentibus promulgavit edictum³, quo inter alia qui locus habendo conventui deligendus esset, pars utraque decerneret, eos admonuit. De loco itum est in eam sententiam, ut in thermis Gargilianis comitia haberentur⁴. Sed cur non in basilica Fausti, vel basilica Restitutæ, in quibus complures Synodi Carthaginenses habitæ esse leguntur, conventum est? nulla alia quidem ex causa, nisi quod horrerent Donatistæ Catholicorum ecclesias, quas dicerent esse Satanæ synagogas; unde etiam accidere consuevit, ut, cum ipsis polituri eas invaderent, nonnisi eisdem lotis, purgatisque ac demolitis altaribus, et aliis more suo adhibitis lustrationibus illas vindicaret, ut ex Optato superius recensimus. Sic igitur communi consensu electæ sunt thermæ Gargilianæ, locus amplus, lucidus, ac refrigerans calores æstivos, ut a sancto Augustino⁵ describitur: erat autem in ipsis Carthaginensis urbis medietullo constitutus. Eodem quoque⁶ edicto cavet Marcellinus, ut ad tumultum ex numerositate oboriri solitum antevertendum, ex unaquaque parte decem et octo deligerentur, omnes numero triginta sex, qui sessionis locum ingrederentur: quorum officia ita inter se partita essent, ut ex illo cujusque partis numero decem et octo episcoporum, septem deputarentur ad disputandum; totidem, cum opus esset, ad consulendum; quatuor reliqui, qui Actis con-

scribendis atque custodiendis præessent. Renuerunt autem primo loco id se facturos Donatistæ, petentes suis omnibus locum Synodi patere debere. Catholici vero, se in omnibus Marcellino parituros, litteris professi sunt.

8. Cum enim eodem edicto Marcellinus eos omnes admonuisset, ut pars utraque scriptis proderet, utrum placerent quæ dicto continebantur: Catholici non solum edicto parituros se esse rescripserunt, sed et iisdem suis ipsorum litteris ad omnem præstandam gratiam Donatistis se ipsos obligavere. Nam Augustinus¹: « In iisdem, inquit, litteris etiam se obstrinxerunt, et polliciti sunt, quod si in parte Donati veritas eis demonstraretur Ecclesiæ, non se illic episcopalem honorem quasituros, sed consilium eorum secuturos pro salute Christiana. Si autem in sua communionem potius veritas ostenderetur Ecclesiæ, honores episcopales eis non se negaturos: et hoc a se fieri bono pacis; ut intelligerent ii, quibus hoc præstaretur, quod in eis Catholici non Christianam consecrationem, sed humanum detestarentur errorem. Quod si plebs duos in una Ecclesia episcopos ferre non posset; utrisque de medio recedentibus, singuli constituerentur episcopi, ab eis episcopis ordinandi, qui in suis plebibus singuli invenirentur ». Ilac quidem magna prudentia Orthodoxi, quo ipso ingressu iis delinirent efferatos illorum animos, atque sic ad pie sancteque causam tractandam inducerent.

9. Porro separatas alias ab his dederunt ad Marcellinum² Catholici litteras, quibus significaverunt, se acquiescere in hoc etiam Donatistis, ut ipsi omnes in locum conventui præstitutum ingrederentur; cum se tamen mandatis ejus parere paratos dicerent, ut non amplius quam decem et octo in locum sint ingressuri. Rursus etiam iisdem litteris causam ipsius insinuarunt, nempe (ne forte ex persona principis Collationem indicentis et cogentis episcopos suboriri posset invidia) ostendentes ex divinæ Scripturæ præscripto id sancte pieque usurpari. Extant adhuc priores litteræ ad Marcellinum datæ, ab ipso S. Augustino in Gestis cum Emerito recitate, hic autem repetendæ ad declarandam Catholicorum in omnibus exhibitam ad dispersos colligendos clementiam, contra vero fuisse hæreticorum atque schismaticorum corda ferrea et obstinatum in omnibus pervicaciam. Sed priusquam hic eas³ reddamus litteras; quæ fuerit ibi omnium Catholicorum episcoporum pro concilianda pace sententia, hic enarrandum est.

10. Antequam enim mutæ Collationis comitia inirentur, cum Marcellinus (ut dictum est) edicto utrique parti significasset, ut quæ ad futuram Collationem pacifice agendam conducere, scriptis proderent: qui ex parte Catholicorum erant antistites, in unum convenientes, quid facto opus esset, inter se privata collatione decernunt. Quid autem inter eos

¹ Aug. in Brev. c. 14. — ² Aug. in Brev. Coll. die 1. c. 14. —

³ Aug. in Brev. die 1. c. 3. — ⁴ Aug. ed. l. c. 14. — ⁵ Aug. lib. post Collat. c. ult. in fin. — ⁶ Aug. in Brev. c. 3. et 4.

¹ Aug. in Brev. c. 4. — ² Aug. Brev. die 1. c. 7. — ³ Apud Aug. de Gestis cum Emerito.

transactum sit. S. Augustinus ita describit ¹: « Dicam charitati vestræ et communiorem rem dulcissimam, quam Domino adjuvante sumus experti. Cum ante ipsam Collationem inter vos aliqui fratres de hac re colloqueremur: Quia pro pace Christi episcopi debent esse, aut debent non esse. quod vobis facendum est: circumspicientes omnes fratres et cathepiscopos nostros, non facile nobis occurrebant, qui vos vellent suscipere, et de hac humilitate Deo sacrificare. Dicebamus, ut fieri solet: Ille potest, ille non potest: ille consentit, hoc ille non tolerat: loquentes magis pro suspicionibus nostris, qui corda illorum videre minime poteramus. Quando autem ventum est, ut hoc palam fieret in Concilio universorum tam frequenter pæne trecentorum episcoporum; sic placuit omnibus, sic exarserunt omnes, ut parati essent episcopatum pro Christi unitate deponere, et non perdere, sed Deo tutius commendare. Duo ibi vix inventi sunt, quibus displiceret: unus annosus senex, qui hoc etiam dicere liberius ausus est: alter voluntatem suam tacito vultu significavit. Sed posteaquam illum senem liberius hoc dicentem obruit omnium fraterna correctio; illo mutante sententiam, vultum etiam ille mutavit ». Hæc Augustinus: sed litteræ tunc ex eo conventu redditæ ad Marcellinum sic se habent ²:

11. « Honorabili ac dilectissimo filio, viro clarissimo ac spectabili tribuno et notario Marcellino Anrelii, Silvanus, et universi episcopi Catholici. Edicto spectabilitatis tue, quo nostræ Collationis tranquillitati, quietique servandæ, et veritati manifestandæ ac muniendæ consilium est, in omnibus nos consentire, sicut admonere dignatus es, per has intimamus. Illo etiam, veritate confisi, nos vinculo conditionis obstringimus; ut si nobis hoc, cum quibus agimus, demonstrare potuerint, cum secundum Dei promissa populi Christiani usquequaque crescendo, jam magnam partem orbis implevissent, et in cæteram dilatarentur implendam, subito Ecclesiam Christi, nescio quorum, quos isti accusant, peccatorum perisse contagione, et in sola remansisse parte Donati. Si hoc (ut dictum est) demonstrare potuerint, nullos apud eos honores episcopatus requiremus, sed eorum sequentur pro sola salute consilium, quibus tanti gratiam beneficii, pro cognita veritate debebimus. Si autem nos potius valuerimus ostendere, Ecclesiam Christi, omnium non solum Africanarum, verum etiam transmarinarum provinciarum, multarum gentium spatia feracissima populorum copia jam tenentem, et (sicut scriptum est ³) toto mundo fructificantem, atque crescentem nullorum hominum sibi commixtorum peccatis perire potuisse. Si denique ipsorum, qui tunc accusare voluerunt, potius quam convincere valuerunt, questionem definitam, quamvis non in eis Ecclesia consistat, et Cæcilianum (si innocentem, illos autem violentos et calumniosos esse iudicatos ab eo imperatore, ad cuius examen cri-

minationes suas ultro acensando miserunt. Postremo si quid de peccatis quorumlibet hominum dixerint, vel humanis documentis, vel divinis probaverimus, aut eorum innocentiam falsis criminibus appetitam, aut Christi Ecclesiam, cuius communioni coheremus, nullis eorum delictis esse destructam: sic ejus nobiscum teneant unitatem, ut non solum viam salutis inveniant, sed nec honorem episcopatus amittant. Neque enim in eis divina sacramenta veritatis, sed commenta humani defestantur erroris. Quibus sublati, fraternum pectus complectemur Christiana nobis charitate conjunctum, quod nunc dolemus discissione diabolica separatum.

12. « Poterit quippe unusquisque nostrum, honoris sibi socio copulato, vicissim sedere eminentius: sicut peregrino episcopo, juxta consistentem collegam, hoc cum æternis basilicis utrumque conceditur, utroque alterum cum honore mutuo proveniente: quia ubi præceptio charitatis dilataverit corda, possessio pacis non fit angusta: ut uno eorum defuncto, deinceps jam singuli singulis pristino more succedant. Nec novum aliquid fiet: nam hoc ex ipsius separationis exordio, in eis qui damnato nefariæ discissionis errore, unitatis dulcedinem vel sero sapuerunt, Catholica dilectio custodivit. Aut si forte populi Christiani singulis delectantur episcopis, et duorum consortium inusitata rerum facie tolerare non possant; utrique de medio discedamus; et Ecclesiis singulis, damnata schismatis causa, in unitate pacifica constitutis, ab his singulis in Ecclesiis singulis annuentibus unitati facte per loca necessaria singuli constituantur episcopi.

13. « Quid enim dubitemus Redemptori nostro sacrificium istius humilitatis offerre? An vero ille de cælis in humana membra descendit, ut membra ejus essemus: et nos, ne ipsa ejus membra crudeli divisione lanientur, de cathedris descendere formidamus? Propter nos nihil sufficientius, quam Christiani fideles et obediens simus. Hoc ergo semper sumus, episcopi autem propter Christianos populos ordinamur. Quod ergo Christianis populis ad Christianam pacem prodest, hoc de nostro episcopatu faciamus. Si servi utiles sumus ⁴, cur Domini æternis lucris pro nostris temporalibus sublimitatibus invidemus? episcopalis dignitas fructuosior nobis erit, si gregem Christi deposita magis collegerit, quam retenta disperserit. Nam qua fronte in futuro sæculo promissum a Christo sperabimus honorem, si Christianam in hoc sæculo noster honor impedit unitatem?

14. « Hæc propterea præstantiæ tuæ scribenda curavimus, et ut per te immolescant omnibus, postulamus; ut in adiutorio Domini Dei nostri, quo admonente ista promittimus, et quo adjuvante implere posse confidimus, etiam ante Collationem (si fieri potest) corda hominum vel interna vel dura pia charitas aut sanet aut edomet: ac sic jam paci-

¹ Aug. ibid. — ² Aug. de Gestis cum Emerito. — ³ Coloss. 1.

⁴ Luc. XVII.

ficis mentibus non resistamus manifestissimæ veritati, et disputationem nostram vel precedamus concordia, vel sequamur. Neque enim desperare debemus, si recolunt esse pacificos beatos, quoniam ipsi filii Dei vocabuntur, multo dignius et facilius eos velle ut pars Donati universo orbi Christiano reconcilietur, quam universus orbi Christianus a parte Donati reprobetur: cum præsertim de Maximiani sacrilego et damnato schismate venientes, quos etiam terrenarum polestatum jussionibus insectando emendare curarunt, tanta diligentia quæsierunt, ut nec baptismum ab eis datum rescindere auderent; et quosdam eorum damnatos, sine ulla honoris diminutione susciperent; quosdam vero in illius discessionis societate impollutos esse censerent. Quorum inter se concordia non invidemus: sed eos oportet advertere, quam pie raram a se fractum tanto studio radix Catholica inquit, si ramus ipse similiter a se parvum fragmen incisum sic colligere laboravit. Et alia manu: « Optamus te, fili, in Domino bene valere ». Hæc quidem Catholici ex privata ipsorum inter se Collatione Carthagine habita, quam nominaverunt Concilium; ex quo etiam mandatum scriptum est, quod servarent septem illi, qui causam publicam acturi essent¹.

Post hæc vero² acceptis a Catholicis hisce et aliis fidei Marcellinus, necnon quæ responderant Donatistæ; novo rursus promulgato edicto, ea omnia quæ pars utraque rescripserat, populo significanda curavit; eo nimirum consilio, quo sequens populus Donatistas probe sciret, quas honestas et minime recusandas Catholici conditiones pacis obtulissent: ne, si illi dura obstinatione resisterent, ipsi in transversum cum eis penitus agerentur: hæc tamen quæ Collationem præcesserunt.

15. Die autem ad Collationem habendam constituta adveniente, omnes in locum conventus, in ipsas Therinas Gargilianas ingressi sunt episcopi Donatistæ, inter quos primum locum tenuit Primianus episcopus Carthaginensis partis Donatarum. At qualis hic, quamque ad ineundam concordiam male paratus accesserit, ex illis accipe, quod cum conventus primum a Catholicis fuit de Collatione facienda, ista protulit ore rotundo verba turgida³: « Indignum est, ut in unum convenient filii martyrum, et progenies traditorum ». Hæc tunc ipse: primum namque hic locum inter septem illos ad disputandum defectos tenuit prærogativa sedis: inter quos etiam nominatus habetur Emeritus⁴ episcopus Cæsareæ Mauritanie ejusdem partis Donatarum: tertius fuit Gaudentius episcopus Tamugadensis, ut S. Augustinus⁵ in scriptis quibus eum exagitavit, affirmat: duas iste adversus Catholicos postea dedit Epistolas, de quibus suo loco dicendum. Quartus adnumeratus Petilianus, Donatarum disertissimus: quem supervixisse Collationi,

quæ adversus Gaudentium Augustinus¹ scripsit, fidem faciunt: sed et Acta Collationis, quæ manu scripta Balduinus citat, plures continent a Petiliano in Collatione dictas sententias. Quinam autem fuerint tres reliqui Donatistæ ad implendum numerum septenarium ad disputandum electi, illi hæc tamen incertum; sicut et incogniti sunt septem episcopi ad disceptandam causam a Catholicis designati præter Aurelium Carthaginensem episcopum, Alypium Tagastensem, et Augustinum Hipponensem. Sed ex Actis ejusdem Collationis, quæ antiquitus scripta recenset Balduinus, illud proditur, huic Collationi inter episcopos Donatistas sedisse Felicem quemdam Romanum dictum episcopum. Et quomodo hoc? Ex Optato namque superius tertio tomo dictum est, consuevisse Donatistas qui erant in Africa, ad suos itidem Donatistas qui in Urbe agerent, mittere ordinatum episcopum, qui illorum curam gereret, quem Romanum episcopum appellabant, sicque captiose gloriarentur Romanum episcopum suæ ipsorum esse communionis ac sectæ. Sed reliqua quæ spectant ad Collationem prosequamur.

16. Locum ingressi, sic ad confessum dispositi sunt, secundum ea quæ a S. Augustino narrantur his verbis²: « Electi sunt ex nobis et ex ipsis, septem hinc et septem inde, qui pro causa omnium loquerentur. Electi sunt alii septem hinc et septem inde, cum quibus, ubi opus erat, consilium pertractarent. Electi sunt quatuor hinc et quatuor inde, qui Gestis conscribendis custodes essent, ne infalsatum aliquid ab aliquo diceretur. Dati sunt etiam a nobis et ab ipsis notarii quatuor hinc, et quatuor inde, ut bini cum exceptoribus iudicis alternarent; ne aliquis nostrum se dixisse aliquid causaretur, quod non fuisset exceptum. Huic tantæ diligentiae et illud additum est, ut nos et ipsi, quemadmodum et ipse iudex, verbis nostris subscriberemus; ne quisquam diceret, in illis Gestis aliquid vel postea fuisse corruptum ». Hæc S. Augustinus, qui habet eadem in Epistola³ ex Concilio Cirtensi ad Donatistas. Sed et additum tunc etiam est, ut Collationis signati Actorum codices custodirentur; ne quid addi ab aliquo posset: id quidem ipsa Collationis Acta⁴ testantur.

17. Ingressus itaque est Marcellinus tribunus et notarius in locum ad Collationem paratum. Hunc quidem anno superiori in Africam ab Honorio missum diximus: erat autem magistratu tribunus; militarem namque hanc fuisse dignitatem, etiam S. Augustinus tradit, dum de Dulcitio agit æque tribuno atque notario nominato. Quod insuper item Marcellinus non tribunus tantum. sed notarius diceretur: erant quidem notarii, principi a secretis, ut declarat in formulis Cassiodorus⁵: inerat eidem muneri Senatoria dignitas, necnon spectabilifatis

¹ Aug. Brev. Collat. die 1. c. 9. 10. 11. — ² Aug. Brev. Collat. die 1. c. 6. — ³ Aug. in Brev. Collat. die III. c. 4. — ⁴ Aug. Retract. l. II. c. 31. — ⁵ Aug. Retract. l. II. c. 59. et l. contra duas Gaudentii ep.

¹ Aug. contra duas epist. Gaudentii l. I. c. 37. — ² Aug. epist. ad Donatist. post Collat. in princ. — ³ Aug. ep. CLII. — ⁴ Aug. in Brev. Coll. die II. c. 3. — ⁵ Cassiod. Vari. l. VI. form. 16.

honor : tali enim titulo suis litteris eum Catholici episcopi venerati sunt : quis autem idem esset honor et titulus spectabilitatis, Cassiodorus ¹ etiam apposita formula declaravit. Sed et illud adverte eundem Marcellinum in Collatione illa non simpliciter iudicis, sed cognitoris nomen præ se tulisse : laicis enim haud concessum fuit, in causis Ecclesiasticis iudicem agere. Quanam vero hæc esset functio cognitoris, nos alibi diximus, et ipsa Acta Collationis declarant : nempe agere, quæ ad pacem ac quietum congressum pertinent, curaque ne quid tumultuarie vel inordinate inter conferentes mutuo episcopos ageretur, neve quid per vim dolive malum ab altera partium moliretur, utque in omnibus pacta conventa sarta tecta conservarentur : in quibus rite disponendis eidem interloquendi facultas esset, nec quidem pro animi arbitrio, sed quod ipsa iustitia postulasset : alque demum cujus alterutrius partis potiora jura essent, pronuntiare.

19. Sed quid Collationis diebus singulis actum sit, ex rebus gestis a notariis exceptis S. Augustinus summa brevitate compendium scripsit, quod Breviculum nominavit : nos vero breviorẽ ex Breviculo summam collectam hic describemus, ac primum illud ex eodem Augustino, quo animo fidem congressuri fuerint Donatistæ : ait enim ² : « Qui causam bonam non se habere sciebant, id egerunt primum quantum potuerunt, ut ne ipsa Collatio fieret, et ut prorsus causa ipsa non ageretur. Sed quia hoc obtinere minime potuerunt ; id effecerunt multiplicitate Gestorum, ut quod actum est, non facile legeretur ». Ingressis igitur locum Collationis kal. Junii, primo loco recitatum est Honorii imperatoris rescriptum ; quo fieri Collatio juberetur : deinde suo ordine alia edicta ea de causa lata a Marcellino cognitore jussa sunt recitari : quorum omnium nuper mentio facta est ; lætæque simul sunt litteræ Catholicorum ad Marcellinum redditæ, necnon quas Donatistæ eidem dedissent.

20. Post hæc autem quæsitum est a cognitore de electis septem illis ad disputandum. Cæterum ne ad disceptandum de causa veniretur, Donatistæ subterfugia ponere, dicentes, agendum primo de tempore, de mandato, de persona, de causa, ac tunc demum ad cause merita perscrutanda patere accessum. Objeceerunt enim primo de tempore, quod jam præterisset illud ; nam vocati erant ad conferendum quarto decimo kalendas Junii : quod igitur tempus illud ab imperatore præscriptum jam elapsum esset ; se amplius non teneri, impudenti audacia contulerunt. Sed elusa est inanis tergiversatio, cum a Marcellino ostensum est, ex partibus utriusque consensu ad kalendas Junias rem dilatari. Vides ex his nocturnas bestias latibula captantes, in lucem prodire timere.

21. Inde ³ vero quod Donatistæ in cognitorem objicerent, causam illam non agendam ex præ-

scripto forensis judicii, sed divinæ Scripturæ : non aliud quidem optare Catholicos, ostensum mandatum Concilii ad eos qui causam acturi essent, olim datum, facile declaravit. Quo quidem mandato, invitis licet et contradicentibus Donatistis, recitato ; interlocutus Marcellinus, illud consentiens esse divinæ Scripturæ potius quam forensibus judiciis, declaravit. Recitato igitur Concilii mandato, et subscriptionibus omnium qui tunc aderant episcoporum numero ducentorum octoginta sex ; calumniati sunt Donatistæ, Catholicos adjecisse suppositos homines, qui cum non essent, apponerentur tamen ad numerum augendum episcoporum ; petentes admitti et cognosci qui subscripsissent episcopi : factum est, omnesque ingressi, de suo quique nomine et episcopatu docuit. Post hæc ⁴ Marcellinus omnibus qui illic causa conventus collecti erant, obtulit ut sederent ; sicque causam agerent potius, quam stantes : quod facere renuerunt penitus Donatistæ : versabant enim ore submurmurantes illud Psalmista ⁵ : « Odivi ecclesiam malignantium, et cum impiis non sedeo » : et illud ⁶ : « Concilium malignantium obsedit me ». Cæterum ipsum Marcellinum nec sedere voluisse, donec episcopi ipsi Catholici consedissent, ex Actis citatis idem qui supra auctor affirmat ⁷.

22. Inde vero a cognitore jussum est recitari Donatarum mandatum, quo juberentur a suis causam agere : erat illud quidem refertum contumeliis, dum in eo ab illis Catholici episcopi traditores et persecutores nominarentur. Jussaque sunt apposita illi recitari nomina episcoporum Donatarum, in quibus complures pro absentibus invenirentur esse subscripti : et cum ex eis unius recitato nomine non inveniretur, causali sunt, esse defunctum in itinere : sed cum iidem ipsi Donatistæ antea professi essent, mandatum illud, et scriptum, et subscriptum fuisse Carthagine ; manifeste falsitatis et imposturæ convicti sunt. Verum et ex eo quoque mendacii redarguti, quod cum antea professi essent coram Marcellino, suos omnes episcopos venisse Carthaginem ; postea vero cum a Catholicis diceretur, quamplurimos ex suis domi remansisse diversis detentis impedimentis ; obliiti eorum quæ dixerant, illi iactarunt, ex suis multo plures non venisse, morbo impediante, Carthaginem. In his igitur consumpto die, duplici notati sunt Donatistæ falsitate : ejus vero diei Collatione absoluta, secunda in diem perendinum indicta fuit.

23. Sed quid amplius ? Cum Catholici episcopi disserentes cum iisdem Donatistis, ex Christianæ charitatis præscripto, adversantes ipsos Donatistas fratres appellarent, eo quod non spernerent ut hostes, sed honorarent alque amarent ut fratres : illi indignantes, nomen fraternitatis penitus respuerunt. Testatur id quidem S. Augustinus agens adversus Gaudentium ⁸ Donatistam, et in libro post

¹ Cassiod. l. vii. form. 37. — ² Aug. Brev. die i. c. i. — ³ Aug. Brev. die i. c. 9. 10. 11.

⁴ Aug. ib. c. 13. — ⁵ Psal. xxv. — ⁶ Psal. xxi. — ⁷ Aug. ib. c. 14. — ⁸ Aug. cont. Gaudent. l. ii. c. 11.

Collationem edito, ubi hæc verba ¹ : « Illi enim cum hoc nomen a nobis audirent; injuriam sibi fieri, apud Acta dixerunt : nec mandato nostro admoniti, ubi hoc ex Propheta ² testimonium positum est, recolare potuerunt, Deum præcepisse : Dicite, fratres nostri estis, his qui vos oderunt, et qui vos detestantur : ut nomen Domini honorificetur, et appareat illis in jucunditate, ipsi autem erubescant ». Hæc ibi : quibus videas hominum arrogantiam atque duritiam inflexibilem.

24. Intermisso autem diei unius spatio, rursum ibidem iidem convenere, oblatoque a cognitore Marcellino Donatistis consensu, imo rogante ut sederent : illi pertinacius renuerunt; quod non liceret, divina prohibente Scriptura ³, sedere cum impiis. Cum autem Catholici episcopi consedisent, petierunt scriptum dari sibi Catholicorum mandatum, ut ad constitutum diem parati, ad causæ defensionem occurrerent; quod exhiberi jussum est. Cum autem de subscribendis Actis cognitor rogationem proponeret, et tergiversarentur illi, dilationem petentes : quam frustratariam minime concedi debere diceret Marcellinus : diu multumque altercati sunt, rursum de elapso et præscripto Collationis tempore exceptionem præteritam refricantes : agentibus vero Catholicis, sex dierum eisdem dilatio data est.

25. Quibus ⁴ elapsis, sexto id. Junias iterum convenere. Cognitis autem cautionibus de Actis ab utraque parte acceptis, cum Marcellinus instaret, ut causa principalis tractaretur : subterfugia lucifuge illi Donatistæ captantes, de personis primum questionem habendam esse dixerunt, quinam petissent ab imperatore Collationem haberi; de hisque diutius magna pertinacia sunt altercati : sed lecto imperatoris rescripto, constitit, Catholicos fuisse episcopos qui petissent ab Honorio Collationem. At rursus ad nectendas moras, legatorum scire velle personas, et petitionis libellum ab eisdem oblatum imperatori exhibendum expetere : verum rejecti quidem sunt, quod nihil id ad causam spectaret. In eo vero quod dictum esset, a Catholicis fuisse oblatum libellum : contenderunt e contra illi, dicentes se esse Catholicos : tunc dixit interloquendo Marcellinus, ea significatione nomen illud tunc esse, ut sonaret, accipiendum, qua ab imperatore in rescripto inveniretur expressum, quo et significarentur Catholici esse nominati adversarii Donatistis.

26. Illi vero hac exclusi, alia nisi sunt tergiversatione : nempe cum de Catholica Ecclesia questio verteretur; non esse audiendus dicebant episcopos Catholicos Africanos, qui totius orbis communione Catholica gloriarentur, sine transmarinorum episcoporum assensu, cum communis causa ageretur; ne videlicet illi passos se esse præjudicium quærentur, et irrita facerent judicata. His alias addiderunt tergiversationes, priores ingestas iterum atque

iterum refricantes. Tandem eo ventum est, ut cognitor recitari juberet, quæ sub Anulino proconsule gesta erant ipso exordio schismatis ¹. Tunc exclamarunt illi dolentes : « Sensim inducimur in causam » : quippe qui animo statuissent fatigare tergiversationibus judicem cognitorem, et novis semper objectionibus et assertionibus terere tempus : unde et querentes illa Marcellino dixerunt : « Potestas tua sensim nos in causæ interna deducit ».

27. Lecta vero, ex mandato Marcellini ², relatione Anulini proconsulis ad Constantinum; unde ea esset accepta, rogarunt : rursumque et aliæ levissimæ objectiones ab eis factæ sunt, et extra omne propositum de Augustini ordinatoribus questionem immiscuerunt. Sed cum a Megalio primatæ Numidiæ se esse ordinatum respondisset; illi non habentes quid objicerent, ad alia divertere; jusseruntque legi litteras, quas adversus mandatum editum a Catholicis conscripserant, quibus probare nisi sunt, penes se esse Catholicam; utpote quod eorum assertionem negaretur Catholica esse Ecclesia, quæ ex malorum hominum admixtione constaret : sed ista petulantè affirmantes, confutati sunt tum divinæ Scripturæ oraculis, tum sententia Cypriani, necnon etiam suo ipsorum exemplo, cum Maximianistas ante damnatos in communionem recepissent. Porro suis litteris Donatistæ complura a Catholicis in mandato proposita intacta reliquere.

28. Ex his quidem Actis mutuati sunt Patres fragmentum illud in Quinta Synodo recitatum his verbis : « Ex gestis quæ apud Marcellinum V. C. tribunal et notarium acta sunt, capite cxxxvii Augustinus episcopus Ecclesiæ Catholice dixit : Neque si mali sint, judicanda est Dei Ecclesia perisse. Sed tamen ipsorum causam anquam fratrum nostrorum suscipimus : et si nobis ostendi poterint criminosi, hodie illos anathematizamus : non tamen propter illos Ecclesiam a Deo promissam et exhibitam deserimus et relinquimus ». Hæc ibi, eademque pluribus ³ contra Petilianum agens Augustinus sæpe refricat : quod totius questionis cardo in eo verteretur, num ex peccatis hominum Ecclesia Catholica illud detrimentum patiat. ut ipsa sancta atque Catholica esse desinat. Peculiare quidem illis fuit, ut confutati ad crimina quæ sita calumniis se converterent disserentes, et sic ab eis Catholicum auferre nomen ex pravis vitæ meritis conarentur : sicuti et Petilianus ⁴, et alii in Augustinum fecisse videntur. Sed et id cum reliquis hæreticis commune his fuit, ut ex criminatione episcoporum studeant demonstrare, apud eos Ecclesiæ periisse : de quibus exempla plurima suppetunt : ut cum S. Hieronymus id sæpe redarguit in Rufino, qui ex criminibus in eum objectis se defendere conabatur non esse Origenistam. Ad quod quidem penitus explodendum, præter sententiam illam Cy-

¹ Aug. post Collat. c. 35. — ² Isai. LXVI. — ³ Psal. xxv. — ⁴ Aug. Collat. die iiii. c. 1. 2. 3. 4. 5. 6.

¹ Aug. post Collat. c. 24. in fin. — ² Aug. Brev. die iiii. c. 17. — ³ Aug. contra litt. Petil. l. iiii. c. 28. — ⁴ Aug. contra litt. Petil. l. iiii. c. 1.

priani in hac a Patribus Collatione citatam, hic illa repetenda est aurea Tertulliani sententia ¹: « Soli enim, inquit, Dei Filio servabatur sine delicto permanere. Quid ergo si episcopus, si diaconus, si vidua, si virgo, si doctor, si etiam martyr lapsus a regula fuerit: ideo hæreses veritatem videbuntur obtinere? Ex personis probamus fidem, an ex fide personas? » Illic Tertullianus: sed de his superius pluribus actum est.

29. Quod vero ad Collationis Acta perlinet: confiteri tunc tandem coactos esse Donatistas, unam esse Ecclesiam toto orbe diffusam, a qua sui interitus jactura quisque separaretur, Augustinus in Epistola ad ipsos postea scripta testatur ²: eamque laud intici posse hominum vita noxia, aliis in locis idem docet pluribus Augustinus ³, et contra Gaudentium ⁴ unum ex septem illis ad disserendum electis; ubi ad finem: « Valde, inquit, stultum est, ut Ecclesiæ causam, divinis testimoniis fultam atque munitam, in hominum causis ratione exorbitante ponamus, etc. » De quo etiam Gaudentio illud proditur, quod cum hac ipsa Collatione vinceretur ab Augustino, eo indignans blasphemie adactus est, ut exclamarit, Catholicam Ecclesiam humanum esse figmentum. Sed et una probata Catholica in orbe Ecclesia, cum eam in unum convenire caput necesse esse ostenderetur, atque ipsum primum Ecclesiæ caput ex successione Romanorum Pontificum in Petri cathedra demonstraretur: his illi convicti, more suo, ad ipsos Romanos episcopos infamandos conversi sunt, prout citata superius Acta declarant, et ex his quæ in superioribus tomis ex Augustino recitata sunt, demonstratur.

30. Cum igitur de his esset omnis in Collatione disceptatio, et post lectas a Donatistis editas litteras, cognitoris mandato jussa essent legi scripta a Catholicis prodita: intercesserunt Donatistæ, petentes ab eisdem lectis nuper litteris responderi. Sed cum illorum se responsione intelligenter perurgeti, crebrius obstrependo, responsum illorum interrupperunt ⁵: vixque crebrius cognitore interloquente, ipsisque Catholicis rogantibus, obtentum est ut silerent: licet ad responsiones Catholicorum aliquid semper objicerent, quod ab illis fortius refelleretur. Cum vero a causæ defensione penitus defecissent, Marcellinus ⁶ cognitor ad causam schismatis jussit converti debere sermonem. Sed negantes illi, objecerunt rursus Catholicis, quod sæculi hominem judicem expetissent: verum id ab illis alias sæpius factitatum, Catholicis probaverunt. At illud plane ridiculum, quod cum Catholicis incusarent Donatistarum sævitiæ ex eo quod nuperrime calce et aceto fidelium oculos excæcassent, in quo et superassent crudelitatem diabolum, qui cum a Deo in Job potestatem accepisset, nunquam quid hujusmodi pertentasset: illi mox objecere Catholicis, quod diabolum

defendissent, quia dixissent cum sancti Job oculis peperisse: sed et alia in eos inculcantes, persecutionis arguerunt.

31. Acta post hæc proconsularia, olim in causa Cæciliani collecta, sunt recitari cæpta ¹, quibus ejus absolutio probaretur; seriem ordinis interpolantibus Donatistis, ne Cæciliani absolutio penitus appareret: obtinuerunt tamen ut antequam Acta illa absolventur, scripta ab ipsis prolata recitarentur, quibus continebantur Acta Mensurii episcopi Carthaginiensis Cæciliani prædecessoris, quem traditionis accusabant: addideruntque Acta Concilii Carthaginiensis contra Cæcilianum a schismaticis celebrati; quæ omnia nos superius suo loco posuimus. Post hæc vero a Catholicis edita sunt Acta Cirtensia, quibus auctores schismatis traditionis arguebantur. His lectis, ad intermissa Acta in causa Cæciliani lectio, cognitoris jussu, recurrit: sed ipsi Donatistæ suis ipsorum verbis et Actis contra Maximianistas ab ipsis divisos convicti sunt. Cum inter hæc illi ad frivolas se convertentes objectiones, falsitatis arguerent conati sunt Cirtensia illa Acta, quod diem haberent ac consules; cum ex his potius illa esse certa veraque convincerentur. Incubuit autem Catholicis demonstrare, consuetum in Ecclesia, sicut et in sanctis Scripturis, certis temporis notis eas relinquere consignatas: opusque fuit Catholicis, ex Actis sanctorum martyrum probare, etiam persecutionis tempore consuevisse fideles in domibus privatorum conventus colligere; quod negarent illi colligi potuisse Cirtensem illum conventum, ubi episcopi auctores schismatis se tradidisse libros comburendos confessi erant.

32. Cum vero ex recitatis ² Actis in causa Cæciliani demonstratum esset, judicatam jam ejus causam in Concilio Romæ habito sub Melchiade, absolutumque Cæcilianum, damnatum vero fuisse Donatum: id ut effligerent Donatistæ, adversus Melchiadem traditionis crimen (quod non probarent) objicere conati sunt: sed et ipsi falsitatis convicti, et ostensa fuit rursus innocentia Cæciliani ex Concilio Arelatensi ac litteris Constantini. Post hæc illi ex Optato Milevitano labantem causam reparare conati sunt, quasi Optato teste damnato probaretur Cæciliani. Sed cum ex eodem Optato Cæciliani absolutio disertis verbis conscripta legeretur, risum moverunt immensum Catholicis audientibus. Inde vero legendas protulerunt iidem Donatistæ quasdam Constantini Epistolas ad magistratus in ea causa conscriptas: sed nihil penitus quod contra Cæcilianum esset, ex eis deduci poterat, imo plura quæ illius favent innocentie. Cumque adhuc pro Cæciliani absolute Acta sub proconsole Eliano ad postremum Catholici eederent, nec quid responderent adversarii haberent, nisi eadem quæ superius repetere et iterare: tandem ³ placuit cognitori, quæ ea Collatione facta essent, scriptis mandata, rectaque

¹ Tertul. de Præscript. adv. hæret. c. 2. — ² Aug. ep. CLII. — ³ Aug. de Agene Christi. et de Unit. Eccl. — ⁴ Aug. contr. Gaudent. l. II. in fin. — ⁵ Aug. Brev. die III. c. 9. — ⁶ Aug. ibid. c. 11.

¹ Aug. Brev. die III. c. 12, 13, 14. — ² Aug. Brev. die III. c. 17, 18, 19, 20. — ³ Aug. Brev. die III. c. ult.

testificatione probata relinquere, pronuntians omnium documentorum manifestatione a Catholicis Donatistas confutatos.

33. Sic igitur absoluta Collatione, Donatistae a Marcellino iudice cognitore, ut Actis ejus diei subscriberent, jussi sunt. Recusaverunt illi, ut haberent unde calumniam struerent, negarentque se dixisse quae dixerant, et corrupta illa Acta a cognitore fuisse, causari aliquando possent: sed rubore suffusi, quod ita ab initio conventum esset, ut ab utraque parte Acta subscriberentur, subscriperunt tandem, ut S. Augustinus¹ affirmat, ubi ad eos: « Illec, inquit, verba negarent se forte dixisse, nisi sua possent subscriptione convinci. Ecce quam diligenter actum est pro salute vestra, ut verbis nostris subscriberemus: quod fieri omnino nolebant; et ut facerent, tandem aliquando pudore compulsi sunt. Nam extant verba eorum, ubi hoc facere recusarunt; et rursus alia verba ubi hoc facere consenserunt, quod primo negaverant. Omnia scripta sunt: omnibus subscriptum est. Ideo enim videbantur nolle subscribere, ut negare se possent dixisse quod dixerant, et de Gestis corruptis iudici calumniari ». Illec ipse. In hunc itaque modum confecta atque perfecta Acta Collationis, omni fide munita in publicis jussa sunt conservari archivis ad perpetuum rerum memoriam, fidem factura posteris, quid inter utramque partem fuisset ejusmodi congressu transactum.

34. Sed qui sic omni probatione et ratione destituti, convicti, ac condemnati fuere, haud acquiescere iudicio Marcellini, sed ab ejus sententia appellare, calumniantes ipsum a Catholicis fuisse corruptum²; nullamque ejus sententiam esse dicentes, quam ipse noctu pronuntiasset: consumperant enim in dicendo diem, et usque ad noctem Collatio illa producta fuit, cum Marcellinus in eos pronuntiaret. In quos Augustinus plura, et inter alia de more iudicium, ut ad noctem iudicium saepe protrahant; haec subdit: « Quis enim ferat victos homines conqueri, quod nocte contra eos est prolata sententia; quasi non saepe iudices audiendi necessitas teneat, et usque ad multam partem noctis sedere cogantur? » Ostenditque pluribus, diei tempore Acta confecta esse, sed per eos inanibus tergiversationibus, ut diem in dicendo consumerent, factum esse ut nox extremam partem causae tandem exceperit. Unde post multa³: « O ferream frontem! o furoris tenebras nocturnam sententiam iudicii objicientes, et in sui cordis nocte palpantes, offendentes, cadentes, contra nos rabide litigantes, et pro nobis tanta dicentes! » Atque demum⁴: « Nocte causa finita est; sed ut nox finiretur erroris. Nocte dicta est sententia, sed fulgens lumine veritatis ». Sed quod iidem vini sibi causarentur illatam, ex eo quod uno conclavi inviti conclusi essent: mox ad eos redarguendos sic subdit: « Inclu-

sos et tanquam in carcere se fuisse, conquesti sunt. Ibi et nos eramus. Aut utrisque facta est injuria, aut utrisque adhibita diligentia. Sed quomodo dicemus injuriam, quando in tam spatio et lucido et refrigeranti loco nos fuisse recolimus? Aut quomodo erat carcer, ubi erat et iudex? Postremo clausos fuisse nos nesciebamus, qui simul intus eramus. Unde ipsi sciunt, nisi quia fugere fortasse voluerunt? Sed quis non videat, quod ista inania et ridenda potius quam refellenda de tali cognitore non dicerent, si pro sua causa possent validum aliquid invenire quod dicerent? » Illec Augustinus. Insuper et in eo ipsos calumniatos esse iudicem, Possidius¹ tradit; quod scilicet ab eo non fuissent permisi dicere omnia quae volebant. Quomodo autem haec contrariis scriptis confutare Augustino opus fuit, dicemus anno sequenti.

Quod autem ad eadem trium dierum Acta pertinet, non praeterat illa non solum a S. Augustino in Breviculo in compendium redacta, sed etiam per tentibus Severiano et Juliano, a Marcello Memoriali fuisse brevitate adhibita recensita. Quod praclarum opus in lucem haud pridem proditum Papirius Massonus edendum curavit, jam a P. Pithæo collatum et emendatum.

35. Ceterum etsi perditissimis istis nebulonibus Collatio nihil attulit emolumenti, imo dispendium, cum ex ea iidem redditus sint duriore: certe ex plebe, et ex eis qui Circumcelliones dicebantur, quamplurimos ad meliorem frugem redditos esse, idem S. Augustinus contra Gaudentium post Collationem scribens testatur his verbis²: « Quantum existimas nos habere consolationis, quod a tanta dementia partis Donati (ubi non solum nefariae divisionis error, verum etiam furoris lex facta est) longe atque incomparabiliter plura millia liberantur? Neque enim isti qui pereunt, illorum saluti numero aequantur, qui ex ipso genere nunc jam tenentur ordine disciplinae; colendisque agris amisso Circumcellionum et opere, et nomine, inserviunt, servant castitatem, tenent unitatem: quanto minus corequantur isti perditum numero utriusque sexus non solum puerorum et puellarum, juvenum et virginum, verum etiam conjugatorum et senum, quorum innumerabiles ex Donatistarum nefaria dissensione in pacem Christi veram et Catholicam transeunt ». Illec Augustinus: qui et agens de Donatistis qui erant Caesariae in Mauritania, ista de illis habet³: « Quos Donatistas in nomine Christi in gremium Catholicum jam magna ex parte suscepimus: ita ut paene omnes communioni Catholicae socios esse gaudeamus, etc. » Illec ipse in Gestis cum Emerito post Collationem.

36. *Honorius defensor Catholicæ fidei prosperatur in perduellium et tyrannorum insurgentium interecione.* — Illis igitur Carthagine per Marcellinum toto labore atque studio ad finem tandem per-

¹ Aug. post. Collat. c. 11. — ² Aug. post. Collat. c. 11. — ³ Aug. post. Collat. c. 19. — ⁴ Aug. post. Collat. c. ult.

¹ Possid. io Vit. Aug. c. 14. — ² Aug. cont. Gaudentium l. 1. c. 29. — ³ Aug. in Gestis cum Emerito.

ductis : ipse cognitor, cui tantum opus ab imperatore fuerat delegatum, de omnibus rebus gestis eundem reddidit certiorum : quæ vero ipse Honorius Augustus rescripserit, quivæ fuerint ejusdem Marcellini conatus, quæve S. Augustini solertia, ut ex Collatione fructum colligerent tamen sperarant, anno sequenti pro temporis ratione dicturi sumus. Sed et in his illud maxime observandum, quod Orosius considerat : Honorium imperatorem ob eximium religionis exemplum, quod hoc anno exhibuit, dum vallatus licet atque undique obrutus bellis, et a tyrannis oppressus, nihil tamen antiquius habuit, quam Ecclesiam Catholicam consilire opportunitatibus ; mirifica ob id esse beneficia consecutum, cum ipse Deus Optimus Maximus eodem ferme tempore crudelissimos tyrannos imperii invasores Alaricum, Constantium, Constantem, Maximum, Jovinum, Sebastianum, Sarum, et alios cum eis simul exstinxit : « Merito sane tanta largitus est Deus », ait Orosius ¹, « quia in his diebus, præcipiente Honorio, et adjuvante Constantio, pax et unitas per universam Africanam Ecclesie Catholice reddita est : et corpus Christi, quod nos sumus, rediversa discissione, sanatum est, imposita executione sancti præcepti Marcellino tribuno, viro in primis prudenti et industrio, omniumque studiorum bonorum appetentissimo ». Hæc Orosius.

37. Apparet sane quam verissimum atque certissimum sit, tunc Deum curare atque tueri principum regna, cum ipsi principes pro religione laborant : contra vero cum id negligitur, vel humana prudentia (quæ, ex Apostoli sententia, Deo inimica est) in religionem peccatur, ipsa imperia in deterius prolabi, penitusque consumi, quæ omnia (et vidimus) in eodem Honorio brevi temporis spatio apparere perspicua. Etenim cum primum pressus angustiis indulsit hæreticis atque Gentilibus Dei hostibus, ut secure absque timore legum, quam quisque vellet religionem et in fidem sectaretur opinionem : maxima hanc legem secuta sunt mala, nempe clades Urbis et alia funesta, ut vidimus anno superiori. Rursus vero cum idem imperator facti penitus eam revocat legem, laborat pro fide et unitate Catholica; quam subito mutata rerum simul est facies, et quanta hæc subsequuta sunt bona? Absque armis perit invasor Urbis Alaricus; et qui post eum Gothorum capessit regnum, pro Romano imperio pugnaturus in hostes convertit hostiles acies : hæcque omnia hoc ipso anno, dum pro religione tanta curat Honorius : « Quo eodem anno », ait S. Prosper in Chronico, « Constantinus per Honorii duces Constantium et Ulphilam apud Arelatense oppidum victus et captus est : ejus filium Constantem in Hispania regnare orsum, Gerontius comes, in Maximum quemdam tyrannidem transferens, interemerat ». Hæc Prosper hoc anno, Marcellinus vero anno superiori : sed præstat audire Prosperi, res sui temporis, et locorum ubi versalus

est, nempe in Galliis, scriptorem, quem veritatis assertorem ratio certa comprobat : etenim cum constet superatum ac victum Constantium cum filio post Alarici obitum, quem hoc anno ex hac sublatum vita narravimus, nequaquam anno superiori illud potuit contingisse.

38. At quam opportune collabenti penitus atque ruenti supposuit Deus manum imperio? Fretus enim auxilio Alarici Constantius tyrannus (ut tradit Sozomenus ¹) ad invadendam Italiam se jam accinxerat : sed audita morte Alarici consternatus, Arelatum se recepit. At quomodo dominans Gallis, Britannis, et Hispaniis, pollensque auxilio Barbarorum Constantius tyrannus cum imperio vitam amisit? Accidit plane secundum sacrum illud vaticinium Isaie ² : « Concurrere faciam Aegyptios adversus Aegyptios ». Cum tyranni armarentur contra tyrannos, quos mutuo inter se confectos Honorii dux Constantius adorsus prorsus exstinxit. Sed cunctas tunc res gestas ipse Sozomenus diligenti narratione prosecutus est : præstat igitur ipsum audire, neque tot tamque divinitus hoc anno impertita Honorio beneficia silentio obvoluta relinquere. Ait enim hæc ipse ³ :

39. « Interca temporis Gerontius, inter duces Constantium præcipuus, hostis illi factus est; et Maximum familiarem suum, quem ad tyrannidem accommodatum judicabat, imperii ornatu induit, ac Tarracone morari permisit : ipse vero adversus Constantium exercitum duxit eo proposito, ut in transitu ejus filium Viennæ commemorantem conficeret. Constantinus igitur cum intellexisset id quod de Maximo actum erat, Ebodielum ducem suum (quem fuisse regem Francorum tradunt) ad ultiores Rheni partes misit, ut Francos et Alemannos in nostrum auxilium vocaret : Constanti autem filio suo Viennæ ac caeterarum ibi civitatum custodiam commisit. Ac Gerontius quidem cum Arelatum castra movisset, civitatem oppugnavit. Non multo autem post, exercitu Honorii adversus tyrannum adventante, cui præerat Constantius imperatoris Valentiniani tertii hujus nominis pater, statim fugit cum paucis quibusdam militibus : nam eorum plurimi se Constantio conjungere.

40. « Milites igitur in Hispania Gerontium ob fugam factam contemptu dignum rati, interficere statuerunt ; et concursu facto, domum ejus circumvallant. Ille vero cum Alano, uno necessario suo, paucisque servis, ejaculatis desuper sagittis, ultra trecentos milites interfecit. Sagittis tandem deficientibus, servi fugiunt, et clam sese de domo illa demittentes evadunt. At Gerontius quidem quamvis et ipse eodem modo salvari potuerit ; tamen Nomiche uxoris amore delentus, noluit. Itaque cum milites ignem domo mane immisissent, nullam habens deinceps spem salutis, Alano familiari suo volenti caput amputat, et deinde propriæ uxori quoque lamentanti, et se ipsam cum lacrymis

¹ Oros. I. VII. c. 23.

² Sozom. I. IX. c. 12. — ³ Isaï. XIX. — ⁴ Sozom. ib. c. 12.

in gladium ingerenti, ne potius quam in allerius potestatem perveniat, una cum marito perire cupienti, et munus hoc ultimum ab eo impetrare flagitanti. Atque hæc quidem mulier satis viciliter et ut illius religione dignum fuit (erat enim Christiana) mortua est, sui memoriam stabiliorum posteritati relinquens, quam quæ oblivione obscurari posset. Gerontius porro cum se tertio percussisset, nec tamen vulnus lethale accepisse sensisset, evaginato gladio quem femori obligatum habebat, sibi ipsi cor transiit.

41. « Constantius autem, circumsidente adhuc Honorii exercitu, obsidionem tamen sustinebat, quod illi nuntiatum esset Ebodichum cum maximis suppeliis adventurum : quæ quidem res et Honorii quoque duces non modice terrebat, ita ut in Italiam reverti, et illic bellum experiri vellent. Atque ubi hoc statuissent, quia appropinquare jam nuntiabatur Ebodichus, Rhodanum fluvium trajiciunt, et Constantius secum pedites retinens adventantem expectat hostem : sed Ulphilas Constantii prefectus hand procul istinc in insidiis cum equitibus latitat. Postquam igitur hostes cum exercitu Ulphilam prætergressi, pedem jam collaturi essent cum militibus Constantii : dato signo, repente prorumpens Ulphilas hostem a tergo invadit. Et facta statim ordinum perturbatione, alii diffugiunt, alii occiduntur, plurimi autem positis armis, veniam precantur et misericordiam consequuntur. Ebodichus autem, equo consensu, fugit in agrum quemdam ad Ecdicium, qui plurimum fuerat ab ipso consecutus olim, quemque Ebodichus sibi ob accepta beneficia amicum arbitrabatur. Atque is caput ejus amputatum ducibus Honorii attulit, spe magnorum munerum ac dignitatum. Constantius autem caput quidem accipi jussit, et gratias Ecdicio agi Reipublice nomine, qui Ulphilæ officio functus esset. Sed cum in exercitu remanere vellet, eum excedere jussit, nequaquam vel sibi vel exercitui faustum fore ratus hospitibus tam ingrati presentiam. Atque is quidem hominis amici ac hospitis in calamitatem delapsi impiissimum eadem ausus, in vanum (ut dici solet) hians recessit.

42. « Post victoriam rursus trajiciente Honorii exercitu ad civitatem : certior factus Constantius Ebodichum esse sublatum, ipse sibi purpuram et imperii insignia detrahit, et ad Ecclesiam confugiens ordinatur presbyter. Tum accepto prius iurejurando, qui intra mœnia erant, portas aperit, ac veniam consequuntur omnes. Itaque ex eo tempore provincia ista rursus ad Honorii imperium reversa est, ac ducibus ab illo constitutis parvit. Constantinus autem una cum Juliano filio in Italiam transmissus, antequam eo perveniret, in itinere occiditur. Nec multo post, præter expectationem interimuntur Jovinus, et Maximus tyranni prædicti, tum etiam Sarus, et alii plurimi cum his qui imperio Honorii fuerant insidiatii ». Hactenus Sozomenus. Erat autem ex his quos non nominat imperii perduelles tyrannos, Sebastianus Jo-

vini tyranni frater : « Qui (inquit Orosius ¹) hoc solum, ut tyrannus moretur, elegit ». Sed et in his expende quam terribilis Deus in consiliis super filios hominum. Constantius enim, qui Constantem filium jam professione monachum (ut ait Orosius ²) ut crearet Caesarem, eduxit e monasterio : ipse, ne occideretur, compellitur fugere ad Ecclesiam, et initiari presbyteratu : sed male uterque periit, qui Deum posthabuerunt imperio.

43. *Hieronymus ad Ctesiphontem scribit detegitque latentem Pelagianam hæresim.* — At migremus jam in Orientem, et S. Hieronymus pro Catholica Ecclesia adversus Pelagianos hæreticos laborantem invisamus. Hoc namque anno, cum nondum auctoris nomine Pelagiana hæresis vulgaretur, sed ejus prava dogmata questionum velamentis spargerentur, ipse S. Hieronymus rogatus est per Epistolam a Ctesiphonte, ut questionem responderet, quam hujus promulgatores hæresis de animi impassibilitate proponere consueverant, posse in homine affirmantes non ipsa tantum vitia, sed affectus vitiorum, omnemque radicem peccati convelli, ut ne minimum quidem fomitis in eo reliquum esset. Quod autem hoc anno ad eum S. Hieronymus Epistolam illam contra Pelagianos rescripserit, argumentum illud evidens est, dum ita Pelagium ac Pelagianos est insectatus hæreticos, ut tamen nullius ipsorum nomen expresserit; quod scilicet nondum ejus se hæresis defensores palam proflerent, quod sequenti anno (ut suo loco dicemus) ceptum est agi. Sed et neque ante presentem annum eandem ad Ctesiphontem a sancto Hieronymo fuisse editam scriptionem, quæ superiori anno eodem argumento sunt recensita, demonstrant, dum egimus de Rufini obitu et eadem hæresi promulgari facilibus auctoribus cepta; cum scilicet S. Hieronymus præ manibus habens lucubrationes in Ezechielem, in Præfationibus ad Eustochium de his agens, nihil hactenus adversus eos se scripsisse demonstrat : meminisset utique more suo, si adeo nobilem adversus eos tractationem epistolarem scripsisset.

44. Cum hoc igitur anno interpellatus esset a Ctesiphonte ea de impassibilitate questione Hieronymus; etsi nomina taceat Pelagii atque Caestii; auctores tamen, unde ipsa hæresis dimanaret, in medium profert, dum hæc de schola Stoicorum deducta fuisse demonstrat, atque primum introducta per Origenem, Evagrium Ponticum, Ruffinum, et alios Origenistas monachos judicio Theophili (ut suo loco diximus) condemnatos : in quos hæc ibi Hieronymus ³ : « Pudeat ergo eos principum, et sociorum suorum, qui aiunt, posse hominem sine peccato esse, si velit : quod Græci dicunt ἀναμάρτητον. Et quia hoc Ecclesiarius pro Orientem aures ferre non possunt : simulant se, sine peccato quidem dicere, sed ἀναμάρτητον dicere non audere; quasi aliud sit, sine peccato, aliud ἀναμάρτητον, etc. » Sed

¹ Oros. l. VII. c. 42. — ² Oros. l. VII. c. 40. — ³ Hier. ad Ctesiphontem.

et hæc ipsa a Manichæis etiam esse accepta, et a Priscillianistis, quibuscum communicationis hæresis fœdere et amicitia jungerentur, itemque cum Joviniano hæresiarcha commune aliquid intercessisse, aperte demonstrat: nam ait ¹: « Joviniani secunda quæstio, tui ingenii disciplina est ». Et quanam ista? audi eundem adversus ipsum Jovinianum disputantem: « Nititur secundo loco approbare, eos qui plena fide in baptismo renati sunt, a diabolo non posse subverti ». Ostensis autem hæresis hujus antesignanis auctoribus, quos commilitones iidem hos sectantes nacti fuerint, docet, nempe miseras oneratas peccatis, levissimi cordis feminas, quibus stipata, ex more omnium hæreticorum, eadem hæresis gloriose procedat; quarum princeps Pelagius, et Cælestius cognoscantur: quos licet non nominet, patriæ tamen nomine, quos intelligat, exprimit, dum Britannia tyrannorum fertilis, et Scotiæ gentis meminit. Quorum una recitata sententia, in quæ hæresis barathra conijciat sectatores, declarat his verbis ²:

43. « Istiusmodi homines tollunt orationem: et per liberum arbitrium, non homines propriæ voluntatis, sed Dei potentiæ factos se esse jactant, qui nullius ope indigent. Tollantur, et jejunia, omnisque continentia. Quid enim mihi prodest laborare, ut accipiam per industriam, quod semel meæ factum est potestatis? (Hoc quod dico, non meum est argumentum). Unus discipulorum ejus (nempe Cælestius) imo jam magister, et totius ductor exercitus, et contra Apostolum ³ vas perditionis, per solœismorum, et non ut sui jactant, syllogismorum spineta decurrens, sic philosophatur, et disputat: Si nihil ago absque Dei auxilio, et per singula opera ejus est quod gessero: ergo non ego qui laboro, sed Dei in me coronabitur auxilium; frustra que dedit arbitrii potestatem, quam implere non possum, nisi me semper adjuverit: destruit enim voluntas, quæ alterius ope indiget. Sed liberum dedit arbitrium Deus; quod aliter liberum non erit, nisi fecero, quod voluero. Ac per hoc ait: aut utor semel potestate, quæ mihi data est, ut liberum servetur arbitrium: aut si alterius ope indigeo, libertas arbitrii in me destruitur. Qui hæc dicit, quam non excedit blasphemiam? quæ hæreticorum venena non superat? etc. » confutatur ab eo ac solvitur dilemma.

46. Quod vero hæc Pelagius per Cælestium, et ille per quæstiones, quid alii de his sentient rogans, eo modo per cuniculos in Ecclesiam hæresim intromitterent: hinc in auctorem S. Hieronymum ⁴: « Loquere, quod credis: publice prædica. Quid secreto discipulis loqueris? Quid dicis te habere arbitrii libertatem; quare non libere quod sentis loqueris? » et paulo post: « Necdum scripsi, et comminari mihi scriptorum tuorum fulmina; ut scilicet hoc timore perterritus, non audeam ora reserare:

et non animadvertis, idcirco nos scribere, ut vos respondere cogamini, et aperte aliquando dicere, quod pro tempore, personis et locis, vel loquimini, vel tacetis? nolo vobis liberum esse negare quod semel scripseritis ». Hæc ipse; qui et quod tentavit, est assensus: siquidem Pelagius atque Cælestius jam palam hæresim promulgaverunt, factique sunt ejus aperti propugnatores, ut ex his quæ sequenti anno dicemus, manifestius apparebit.

47. Consulto quidem prudenterque S. Hieronymus studuit, ut viscera Ecclesiæ depascens morbus, foris, quo curari posset, appareret in cute: sed et consultius scripta hæc ad Ctesiphontem præmittens, sic paravit antidotum. Pestem enim monstrare, hoc ipsum est curare, ne alii eadem lue, et morbi contagione lædantur. Unde subdit: « Ecclesiæ victoria est, vos aperte dicere quod sentitis. Aut enim idem responsuri estis quod ei nos loquimur; et nequaquam eritis adversarii, sed amici. Aut si contraria nostro dogmati dixeritis; in eo vincemus, quod omnes cognoscent Ecclesiæ quid sentiat. Sententias vestras prodidisse superas est. Patet prima fronte blasphemia: non necesse habet convinci, quod sua statim professione blasphemum est ». Hæc et alia S. Hieronymus, in publicum deducens latentem et sibilantem in angulo bicipitem anguem, Pelagii scilicet et Cælestii faucibus in Ecclesiam hæresim inhiantem: ut de eodem S. Hieronymo illud merito occini possit ¹: « Obstetricante manu ejus eductus est de caverna coluber tortuosus »: quem semel progressum in medium, horrendum visu sui deformitate serpentem, mox Apostolici viri Apostolicæ doctrinæ jaculis penitus confecere: sed de his anno sequenti.

48. *Millenarii plures hoc tempore.* — At non una hæc tantum pestis lento inficiebat tabo fideles in Occidente, sed et Chiliarum vetus error commuturum mentes invaserat. Etenim S. Hieronymus, quem diximus ante annum superiorem interpretatum esse Isaiam Prophetam, in Præfatione ad librum decimum octavum hæc de his habet, cum adversus eos stylum exaruit: « Dionysio Alexandrino adversus Millenarios scriptori duobus voluminibus respondet Apollinaris, quem non solum suæ sectæ homines, sed et nostrorum in hac parte duntaxat plurima sequitur multitudo: in præsaga mente jam cernam, quantum in me rabies concitanda sit. Quibus non invideo, si tantum amant terram, ut in regno Christi terram desiderent, et post ciborum abundantiam, gulæque ac ventris ingluviem, ea quæ sub ventre sunt, quarant, etc. » At quoniam ex recentioribus Millenariorum sententiæ assertores fuerint, unum ex eis in explanatione super Ezechielem ² delegit Severum, qui eam scriptis prodiderit (ut ait) in dialogo cui Gallo nomen imposuit: ut plane admiratione dignum sit, hominem S. Martini discipulum, sanctique Paulini amicum intimum, in deliramentis his insanisse; cum præsertim haud ea

¹ Hier. ib. — ² Hier. ad Ctesiphontem, adv. Pelag. — ³ Rom. ix. —

⁴ Hier. ib.

¹ Job. xxvi. — ² Hier. in Ezech. c. 36.

sententia toleranda amplius videretur, quam doctissimi viri respuerent, ut sanctus Hieronymus, et illi consentiens Damasus, Gregorius Nazianzenus, atque Basilus, dum eam Apollinaris sententiam ut ridiculam et sacro Evangelio adversantem rejecit in Epistola ad Occidentales ¹. Quod autem repugnaret ad dexteram, neque ad sinistram; ne cum adstrueret in resurrectione omnia in corpore fore membra, etiam usum illorum, more Millenariorum, videretur asserere: et dum negaret assertum a Millenariis membrorum usum, videretur cum Origenistis iniisse concordiam: id ipse in Præfatione ad Eustochium ² profitetur.

49. *Ab Hilario excitatus Augustinus scribere instituit contra Pelagium, qui, cur antea Augustino carus fuerit.* — Porro ejusmodi Millenariorum insanie, cum ubique jam rejicerentur, et sibilis atque cachinnus a disertis deriderentur, ac pariter damnarentur, exaruerunt penitus; quod nonnisi insanus atque delirus prorsus haberetur, qui hujusmodi fabulis traduceretur. At non sic quidem Pelagii hæresis, quæ fecundo ubique cespite coalescere atque multiplicari cepit: etenim dum in ejus sectatores agit S. Hieronymus in Oriente, S. Augustinus in Occidente in istud ipsum opus incumbit. Nam sicut Ctesiphon Epistola ad ea scribenda ipsum Hieronymum excitavit; ita et ejusdem argumenti datis ad Augustinum litteris, Hilarius ab ipso adversus eosdem errores, Syracusis in Sicilia divulgatos, responderi petiit: nam de illis ³: «Rogo, inquit, ut mei memor in sanctis orationibus tuis esse digneris, atque imperitiam nostram informare de eo quod quidam Christiani apud Syracusas exponunt, dicentes posse esse hominem sine peccato, et mandata Dei facile custodire, si velit (absque scilicet auxilio divinæ gratiæ) infantem non baptizatum, morte præventum non posse perire merito, quoniam sine peccato nascitur: Divitem manentem in divitiis suis, regnum Dei non posse ingredi, nisi omnia sua vendiderit; nec prodesset eidem posse, si forte ex ipsis divitiis fecerit Dei mandata: Non debere jurare ⁴ omnino: et de Ecclesia: Quæ sit, de qua scriptum est ⁵ non habere rugam neque maculam, etc.» His pulsavit Augustinum Hilarius e Sicilia questionibus ex Pelagii deductis erroribus. Præstitit id quidem impigre Augustinus ⁶ ac copiose questionibus omnibus accurateque respondens, nullam tamen de Pelagio habuit mentionem, utpote sub involucro Catholici nominis haecenus latitante: unde et nos argumentum jure deducimus, hoc anno ab ipso eam ad Hilarium esse conscriptam Epistolam.

50. Quo etiam tempore adversus eosdem erro-

res, antequam tamen eam ad Hilarium Epistolam dedisset, eodem argumento tres libros scripsit, quorum est titulus, De Peccatorum meritis, et remissione, deque Baptismo parvulorum: ipse enim in Retractationibus ¹ eam se primam scriptionem ad versus Pelagianos edidisse testatur, cum antehac sermonibus (ut ait) et colloctionibus res acta esset. Sed et quod ipsi auctores blasphemiarum adhuc latere cuperent; noluisse eos propalasse, testatur, imo, et non sine honore Pelagii meminisse: nam ait: «In his autem libris tacenda adhuc arbitratus sum nomina eorum, sic eos facilius posse corrigi sperans: imo etiam in tertio libro, quæ est Epistola, sed in libris habita, propter duos, quibus eam connectendam putavi, Pelagii ipsius nomen non sine laude aliqua posui, quia vita ejus a multis prædicabatur: et ejus illa redargui, quæ in suis scriptis non ex persona sua posuit, sed quid ab aliis diceretur exposuit; quæ tamen postea jam hæreticus pertinacissima animositate defendit». Hæc Augustinus: quibus intelligis, et illam Pelagii in disseminando hæresim artem, dum ita hæreses per questiones poneret, quasi ab aliquo illæ essent propositæ. Porro tertium librum, qui est Epistola ad Marcellinum, ad illum ipsum inscriptum esse, qui Collationi hoc anno cognitor præfuit, non dubium est: disertus plane vir, et discendi adhuc cupidissimus, qui non S. Augustinum tantum, sed et S. Hieronymum (ut superiore anno dictum est) iisdem Pelagianis erroribus pulsaverit questionibus.

51. Sed unde Augustino, ut aliquando tanquam virum probum Pelagium laudaverit? equidem id ipse ex sanctissimi viri Paulini Nolani episcopi testificatione: latens enim sub monastico habitu lupus rapax, novus Proteus pro loco, et tempore atque personis sermonem mutans, cum sanctis sanctus æque apparere conatus est. Et sicut de Vigilante eidem Paulino accidisse diximus, ut eum, dum adhuc tegeret pietate blasphemias, litteris ad Hieronymum datis, laudibus celebrarit: ita plane de Pelagio ad S. Augustinum scribens, eum extulit præconiis sanctitatis. Quamobrem idem S. Augustinus, cum jam Pelagius qualis esset, perspicue ob oculos omnium fuerit demonstratus; quid jam de ipso Paulinus sentiat, litteris interpellat his verbis ²: «Pelagium, quem credimus (ut ab illo distingueretur qui Pelagius Tarenti dicitur) Britonem fuisse cognominatum, quod ut servum Dei dilexeris, novimus: nunc autem quemadmodum diligas ignoramus. Nam et nos non solum dileximus, verum etiam diligimus eum: sed aliter nunc diligimus, aliter aliquando dileximus. Tunc enim, quia nobis rectæ fidei videbatur: nunc autem, ut ab iis quæ inimica et adversa gratiæ Dei sentire dicitur, illius misericordia liberetur». Hæc Augustinus.

52. Quod vero ad loca spectat, ubi Pelagius docuit: dictum est superius, ipsum in Ægypto versatum inter monachos, quem ante omnes deploratum

¹ Basil. ep. LXXIV. — ² Hier. pref. in l. XVIII. in Ezech. —

³ Apud Aug. ep. XCVIII. — ⁴ Matth. v. — ⁵ Ephes. v. — ⁶ Aug. ep. XCIX.

¹ Aug. Retract. l. II. c. 33. — ² Aug. ep. cv.

a Chrysostomo et Isidoro vidimus. In Occidentem vero se conferentem, in Urbe primum quarundam quæstionum prætextu hæresum venena sparsisse, S. Augustinus affirmat¹, ubi ait, cum diutissime Romæ vixisse, ibique in disputationibus contentionebus versatum, captantem undique occasionem hæresis propagandæ, et propugnandæ. Nam idem de eo S. Augustinus²: « In eis », nempe libris Confessionis, « certe dixi Deo nostro (et sæpe dixi): Da quod iubes, et iube quod vis. Quæ mea verba Pelagius Romæ, cum a quodam fratre coepiscopo meo fuissent eo præsentem commemorata, terre non potuit; et contradicens aliquanto commotus, pene cum eo qui illa commemoraverat, litigavit ». Hæc Augustinus de Pelagio; qui Roma pulsus, in Siciliam profectus est: unde Hilarinus de ejus erroribus hoc anno (ut diximus) S. Augustinum reddidit certiores. At de Pelagio hælenus; cætera ejus acta annis singulis pro temporis ratione disposita inferius referemus.

53. *Synodus Ptolemensis in Lybia adversus Andronicum Provincia præfectum qui damnatus respiscit, et ab officio depouitur.* — Hoc item anno, cum Synesius episcopus Ptolemaidis nondum in episcopatu annum exegisset (ut ex ipsius scriptis constat) celebrata est Synodus ibidem Ptolemaide in Pentapoli Ægypti. Cujus quidem cogendi episcoporum conventus, causa illa potissimum intercessit, quod Andronicus provincie præfectus multa crudelia in subditos, atque irreligiosa, et impia adversus Ecclesiam perpetrasset: quibus in Synodo propositis atque probatis, communi omnium sententia, dira excommunicationis pœna mulcetur. Exstat ipsa a Patribus in eum prolata sententia, qua et ejus crimina enarrantur. Apparuit ex hoc quidem iudicio, episcoporum juris fuisse, præsidere præsidibus, et perperam ab eis facta corripere Ecclesiastica auctoritate, ex impertita sibi a Deo omnium Domino potestate. Sed reddamus hic (ut apud ipsum Synesium legitur) ipsam in Synodo ab episcopis in Andronicum sententiam dictam:

54. « Concilium ad episcopos³. Andronicum Berenicensem mala Pentapolis sorte et natum, et educatum, et auctum, et qui principatum ejus quæ ipsum protulit, emit, neque pulet quis, neque vocet Christianum: sed velut quem execratur Deus, ab omni Ecclesia, ab omnibus locis et laribus expellatur. Non quod fuerit Pentapolis extrema plaga, post terræmotum, post locustam, post pestem, post ignem, post bellum; reliquias illorum diligenter persecutus, absurdus generibus et figuris instrumentorum per ipsum primum in regionem illas, imo (ut rectius dicam) per ipsum solum usurpatis, nimirum digitali et pedali tormento, prædo, nasi torpente, auribus apprehendendis, et labiis obtorquendis parato instrumento (quorum quod majores nostri et experientiam et conspectum bello amiserunt, a male

servatis beati prædicati sunt). Non ob hoc (inquam) expellatur: sed quod primus apud nos, et solus, et re ipsa, et verbis in Christum convicia jactavit. Re ipsa quidem, et facto, quod foribus ecclesiæ suæ edicta affixit; his quidem qui ab ipso injuria affecti sunt, ad tutam mensam excludens supplicationem; sacerdotibus autem Dei ea minatus, quæ etiam Phalaris Agrigentinus, et Caphron Ægyptius, et Sennacherib Babylonius veritus fuisset, qui misit Hierusalem impropere Ezechiae et Deo.

55. « Illam ego diem secundam Dei crucem tulisse sentio. Nam in opprobrium Christi libellus ille conviciis plenus de sacris foribus pependit: et hæc inexpectat sol, et legerunt homines, non Tiberio Claudio Republicanum administrante, a quo Pilatus ad Judæorum principatum missus est, sed pia Theodosii sobole Romanorum sceptrum tenente, a qua sibi ipsi principatum comparasse Andronicum ex Pilati astutia animadversum est. Risum movebant prætereuntibus, qui ex alia secta essent, illæ litteræ, quemadmodum Judæis ea quæ cruci Christi adscripta fuerant: quanquam crucis inscriptio non ex pia voluntate profecta, angusta esset indictione, per quam Christus Rex denuntiabatur. At hic lingua sententiæ consentiebat.

56. « Verum quæ post hæc designavit, graviora sunt his quæ publice affixis litteris notavit. Cum enim quandam contra inimicum occasionem reperisset (inimicitia enim erat ipsis, quod ille quidem nuptias parabat, hic autem prohibebat) tam horrendis ipsum tormentorum instrumentis torquebat, ut optarem ea ad posteritatem non tradi, sed cum ipso senti ceperunt, desinere: quo hæc principatus Andronici commenta narratione solum ad posteriores perferantur. Postquam igitur vir generosus, non injurius, sed infelix per illa torqueretur, et hæc in clarissima meridie fierent, ut solis flctoribus testibus periret: et nosset, fore ut Ecclesia condoleret: ob nullam sane aliam causam, sed quod re cognita, statim ita ut parati essemus, excurrebamus, quo assisteremus, et calamitatem simul perferremus: rabie corripitur in hanc famam, si quis episcopus misereri auderet hominis ipsi infesti: et multis ac iniquis tenere jactatis andacissimis ex ministris Tonante (Thoante) ipsum instigante, quo utitur ad publicas calamitates instrumento, finem insaniam posuit, maxime impiam vocem prolocutus: Quod frustra in Ecclesia sperasset, et nullus Andronici manus effingere posset, etiamsi ipsius Christi pedem teneret. Hanc vocem ter inerudita mente pronuntiavit.

57. « Postquam non amplius admonendus est homo, sed velut insanabile membrum, a nobis rescandus; ut ne societate, etiam id quod sanum est, simul corruptum (nam inquinamentum facile distribuitur; et qui tangit scelestum, particeps fit reatus ipsius: oportet autem et mente et corpore puro Deo esse). Propter hæc Ptolemaidis Ecclesia ad omnes ubique terrarum sorores suas hæc demandat. Andronico et suis, Tonanti et suis nullum templum Dei aperitur: omnis sacer cœtus, omne sacrum templum

¹ Aug. de pecc. orig. c. 21. — ² Aug. de dono perseverant. l. II. c. 20. — ³ Apud Synes. ep. LVIII.

conclusum sit. Non est diabolo portio in paradiso. Qui etiam si clandestine ingressus fuerit; expellatur. Admoneo igitur et privatum quemque et principem, ut neque sub eodem tecto cum ipso habitet, neque eadem mensa participet. Sacerdotes autem precipue », admoneo scilicet, « qui neque viventes ipsos alloquantur, neque mortuos simul deducant. Si vero quis velut parve civitatis Ecclesiam reprobarit, et excommunicatos ab ipsa susceperit, veluti necesse non sit pauperi obedire : is sciat, se scindere Ecclesiam, quam unam Christus esse vult. Talis autem sive levita est, sive presbyter, sive episcopus, a nobis in Andronici sorte locabitur, et neque porrigemus ipsi dexteram, neque unquam de eadem mensa cum ipso cibum capiemus. Multum autem abest, ut in arcano mysterio communionem habituri simus cum his, qui cum Andronico et Tonnante sortem habere voluerint ». Hactenus verba sententiæ excommunicationis ab episcopis in eos prolata; inter quos Synesius principem locum tenebat, ipsi Ecclesiæ metropolitanæ præfectus antistes, totius hujus operis sapientissimus architectus : qui simul atque episcopus factus est; super philosophicam constantiam sacerdotalem induens vigorem ac robur, se ad iura danda principibus, et ad subiiciendos Ecclesiasticæ eos censuræ, a Deo electum esse cognovit, instar Hieremiæ, ad quem Dominus¹: « Constitui te super reges et principes : bellabunt adversum te, et non prævalebunt ». Est Epistola ejusdem Synesii episcopi ad Anastasium² de ejusdem Andronici sceleribus, quam brevitatis causa his atfluxere prætermittimus.

58. At quid post hæc Andronicus, homo arrogans, crudelis in homines, in Ecclesiam contumeliosus, et in ipsum quoque Deum blasphemus? Quid, inquam, post acceptam excommunicationis sententiam; qua a personis, locis, et rebus sacris esset exclusus, et infamis effectus? Contempsitne, risitve isthæc mens tumens, arrogans animus, durum ingenium, a recto semper reflexa, et ad bonum nunquam flexa voluntas? Num et crudelius sævit, ac ferocius (ut appetitus jaculis teo) insiliit, et crudelius debachatus est in damnaantes eum episcopos, et fores effregit Ecclesiæ? minime gentium : sed (o mirandum!) simul ac sensit se Apostolica censura in interitum carnis datum Satanae : unde lethale vulnus accepit, inde quoque expetiit medicinam : redditor fera bestia cieuris, lambit vestigia domini sui, tamque festine, ut datas præveniens litteras, conveniret episcopos, qui pro se peterent veniam a Synesio. Qui cum nosset hominem, timeretque ne hæc foris tantum specie tenus Andronicus præ se ferret; inflictam non autem relaxavit pœnam, quam ipse plene satisfacturum fore polliceretur. Vides hujusmodi exemplo, lector, quo statu habendi, et loco collocandi sint, et quam longe post Andronicum statuendi; qui anathematis sententia ob patrata scelera ab episcopis ad salutem percussi, ne-

gligunt illam atque contemnunt. Sed reddamus hic ejusdem Synesii ad episcopos litteras, quibus et Andronici pœnitentia tunc saltem foris exhibita demonstratur : sic enim se habent :

59. « Synesius episcopis¹. Andronicus Ecclesiam mentitus, ipsam vera loquentem experiat. Nuper, nondum valde nuper peccavit in Deum, violavit homines : quapropter conclusa ipsi apud nos ecclesiæ, litteras ad fraternitatem vestram dictavimus, sententiam de ipso significantes. At ille Epistolam prævenit supplicatione simulata, et pœnitentia promissa, quam omnes me suscipere petebant, præter me. Ego enim videbam mihi clare cognovisse hominem ad omnia dicenda et facienda facilem. Et expectabam et prædicabam, quod ex vulgari causa ad naturam reversurus esset : quem sane par erat timidiorem fore, ubi coram Ecclesiis inclinatus fuisset, multo magis quam si nihil suspectum ipsi relinquere. Propter hæc equidem in sententia perseverare proposueram, velut qui simul et erga Deum magis pius, et erga cives magis utile consilium inivissem. At enim impudens est resistere unum multis senioribus juniorem, his qui in sacerdotio vitam consumperunt, eum qui superiore anno nondum rem attingit. Cessi rogantibus, ut nondum litteras circummitterem, sed certis conditionibus susciperem, ut non amplius insaniret contra æquales, ut mentem ac intelligentiam præ affectione vitæ perficeret. Siquidem (inquam) intra terminos manebis, quos posuisti : et nunc pro peccato tuo precabimur, et de cætero comprecabimur. Si vero pactas condiciones recusaveris; pœna te manet, et ad omnes publicabitur, in tantum tempus producta, quantum ad inemendabiles mores tuos redarguendos sufficiat.

60. « Hæc ita placuerunt : et ipse experimentum se daturum dixit, et nos idem sumptuosus esse. Dedit, et sumpsimus : largius insuper explevit excommunicationis causas : nondum tunc ausus erat bonorum proscriptionem, nondum adhuc eadem aggressus erat. Quot per hæc oberant? Quot ex his qui nuper opulenti erant, per hæc inopes degunt? Sed pauci hæc ad bene ac illustri loco natum, sed male perditum Magnum. Jacet filius viri illustrissimi, qui omnibus suis bonis inservivit civitati. Verum juventute illius, matris senecta miserabilior est : eo quod ex duobus filiis alter fuga lapsus est propter Andronicum, et neque novit ubi terrarum sit : alterum ubi in terram condidit, novit. Heu leges quæ simul injuria afficiuntur, propter quas imperium obtinent suæ ipsorum civitatis, præter quas ob principatum pecunias ad usuram accipiunt! Horum igitur alios curatores Deus esse vult : nobis autem satis est, puros esse inter puros, si modo possimus intra cancellos sacros manere, et ab impuris purissima oculudere ». Hactenus ad episcopos Synesius.

61. At quamnam Andronico injunxit Synesius pœnitentiam, et ab homine ob delicta perpetrata

¹ Hierem. I. — ² Synes. ep. LXXIX.

¹ Synes. ep. LXXII.

satisfactionem exegit? inter alia illud quidem, quod maximum omnium aestimari debet, dum cum a tribunali deposuit, in quo in Deum et homines multa deliquerat. Quanta hæc auctoritas episcoporum, ut male iudicantes præsidēs cessare imperet? Id enim affirmat ipse Synesius in brevi Epistola de eo data ad Theophilum episcopum Alexandrinum, hoc ipso anno; nam sequenti contigit ipsum Theophilum non amplius in humanis esse. Epistola autem sic se habet, cum Andronicum eidem ipse commendat.

62. « Periit iustitia ex hominibus. Andronicus et prius injuria affectus; et nunc injuria afficitur. Ecclesie vero mos est exaltare quidem humilem, humiliare vero sublimem. Hunc itaque Andronicum odisti quidem ob ea quæ fecit; quare etiam progressus est, ut ad hæc deveniret. Miserere autem nunc ob id, quod cum his qui in execratione sunt, conversatus est: nam et eos qui nunc in potestate sunt, propter ipsum offendimus. At horrendum est, si nunquam in felicibus consistemus, sed cum flentibus semper lacrymabimur. Nos igitur hic ipsum tribunali exemimus, et de cætero multo pauciores calamitates ipsi fecimus. Et si pietas tua ipsum cura dignum ducet; hoc ego maximum signum suscipiam, quod non penitus homo ille reprobatus sit a Deo ». Hucusque ad Theophilum Synesius, cujus episcopalis functio antiquorum sententiis commendatur: inter alios enim Evagrius ¹ hæc de eo: « Qualis autem et quam eximius vir exacerit, argumento sunt tum Epistolæ ab eo post sacerdotiū susceptionem eleganter et ornatè composite, tum liber ille quem dedicavit Theodosio, tum aliæ præclaræ illius quæ extant lucubrationes ». Ille Evagrius. Apparet enim ex his, Synesium philosophum ad Ecclesiam venientem, non tantum (quod aiunt) barbam et pallium intulisse, sed sacerdotali constantia et vigilantia ita sibi creditam Ecclesiam gubernasse, ut neophitus licet, tamen seniores exemplo docuerit.

63. *De Philosophis Christianam religionem amplexis, Evagrio, Gemadio, et Synesio, deque philosophiæ utilitate ad religionem.* — Quæ vero de eo Sophronius ² Hierosolymitanus episcopus scribat, dignam memoria historiam hic reddamus, quam ipse omni fide bene signatam posteris tradidit, his scilicet verbis: « Cum Alexandriæ essemus, Leon-tius Apamiensis, vir religiosus et fidelissimus, venit ex Pentapoli; multis enim jam annis Cyrene moratus fuerat. Venit autem diebus Eulogii sancti Alexandrini patriarchæ, ejusdem Cyrenensis urbis futurus episcopus. Cumque familiari colloquio essemus usi, narravit nobis, dicens: Fuit temporibus Theophili beatissimi patriarchæ Alexandrini Cyrene episcopus Synesius philosophus: qui cum venisset Cyrenem, reperit illic philosophum quendam, Evagrium nomine, qui sodalis sum in studiis liberalibus fuerat, amicum sibi carissimum, sed religione Gentilem, et culturæ idolorum maxime deditum. Eum episcopus

Synesius ab idololatria transferre ad culturam Christi satagebat, curamque ingentem ejus rei sibi assumpserat pro charitate, quam erga ipsum a principio habuerat. Ille vero minime id patiebatur, neque illius doctrinam admittere volebat. Episcopus tamen præ nimio ad illum amore, nec sic quidem tædio victus desistebat diebus illum singulis hortari, et instruere, ac inducere, ut Christo crederet; ipsiusque sacramenta susciperet. Cumque ille quotidie ista monita dare persisteret, dixit ad eum semel philosophus: Vere, mi domine episcope, cum cæteris quæ mihi displicent in Christianis, hoc est, quod consummationem hujus sæculi futuram dicunt; et post consummationem, omnes qui ab initio sæculi fuerunt homines, in isto corpore resurrecturos, carnemque hanc incorruptibilem recepturos et immortalem, atque ita in perpetuum victuros; sicque eorum quæ in corpore gesserunt, præmia percepturos: cum etiam qui miseretur pauperi, fœnerari Deo; et qui dispersit in pauperes, et inopes, in cælo sibi thesauros reponere, et centuplicata, quæ erogaverit, in regeneratione cum æterna vita a Christo esse reddenda. Quæ omnia cum dicuntur, deceptio et irrisio, et fabula mihi videntur.

64. « Episcopus autem Synesius asseverabat omnia Christianorum vera esse, nihilque omnino habere falsum, vel veritati contrarium; idque multis documentis asserabat, et persuadere illi nitebatur. Post multum vero temporis, cum illum induxisset Christianum fieri, baptizavit ipsum et filios ejus, cunctosque domesticos illius. Cæterum non multo postea quam baptizatus fuerat, dedit episcopo auri tria centenaria in usum pauperum, dicens: Accipe aurum istud, et distribue illud pauperibus, et fac mihi cautionem manu tua, quod Christus mihi ipsum reddet in futuro sæculo. Qui suscepto auro, promptè illi, ut petebat, cautionem fecit. Vixit itaque post baptismum annos aliquot philosophus; ac tandem infirmatus est ad mortem. Cum vero morti proximus esset, dixit filiis suis: Quando curabitis funus meum, chartam istam in manibus meis ponite, et me cum illa sepelite. Mortuo autem illo, fecerunt filii, sicut eis ipse præceperat, sepelieruntque eum cum chirographo.

65. « Tertia autem post sepulturam die apparuit episcopo Synesio nocte quiescenti, dicens: Veni ad sepulcrum, ubi jaceo, et accipe chirographum tuum. Accepi enim debitum, et satisfactum mihi est. Atque ut certior ejus rei fias, propria mea subscripsi manu. Ignorabat enim episcopus quod chirographum illud conspexissent ei. Mane autem facto, accessit filiis ejus, dixit: Num aliquid cum patre vestro in monumento posuistis? Illi putantes quod eos de pecuniis interrogaret, dixerunt ei: Nihil, domine, præter pannos consuetos. Quid igitur? numquid, vel chartam aliquam conspexistis ei? Tunc recordati filii ignorabant enim quod de chirographo diceret dixerunt ei: Ita sane, domine; chartam enim quandam moriens dedit nobis, et ait: Quando sepelietis me, chartam istam mihi in mani-

¹ Evagr. l. I. c. 15. — ² Sophro. Præf. Spir. c. 195.

bus date, nullo penitus sciente. Tunc dixit illis episcopus somnium, quod nocte illa viderat. Summensque illos cum clericis ac primariis civitatis, accessit ad philosophi tumultum. Quo aperto, invenerunt jacentem philosophum, chirographumque

manu episcopi conscriptum suis manibus tenentem. Accipientes autem chirographum ex ejus manibus aperuerunt, inveneruntque in eo noviter manu philosophi subscriptum ita :

EGO EVAGRIUS PHILOSOPHUS TIBI SANCTISSIMO DOMINO SYNESIO
EPISCOPO SALUTEM. ACCEPI DERITUM IN HIS LITTERIS MANU TUA
CONSCRIPTUM. SATISFACTUMQUE MIHI EST. ET NULLUM CONTRA TE
HABEO JUS PROPTER AURUM QUOD DEDI TIBI ET PER TE CHRISTO
DEO ET SALVATORI NOSTRO.

66. « Qui vero convenerant, hoc videntes, obstupuerunt, et per multas horas clamaverunt, Kyrie eleison, glorificantes Deum qui facit mirabilia, et talem tantamque promissionum suarum evidentiam dat servis suis. Asserebat et hoc idem dominus Leontius, cautionem illam manu philosophi subscriptam servari usque hodie, atque in sacrario sanctæ Cyrenensis Ecclesiæ custodiri : et quicumque sacrarii custos ingrederetur, hanc illi cum cæteris vasis sacris assignari custodiendam cum omni diligentia, atque eum deinceps successori suo integram illam inviolatamque reconstituere » : hactenus Sophronius ex Leontio de Synesio, et Evagrio.

67. Hic autem memoria repetenda sunt, quæ secundo Annalium tomo ex Clemente Alexandrino, S. Augustino, et aliis dicta sunt : philosophiam, licet in multis adversari videatur Christianæ religioni, conducere tamen plurimum ad eandem capessendam : quod quamplurimis exemplis quæque tempora demonstrarunt, quibus singulis celeberrimi philosophorum Christo nomen dedere : ex eis vero illos tantum resiliisse constat, quos magia, vel vitæ turpitudine, ingens mentis tumor, vel alii perdit mores labefactassent. Quos enim veri amantes philosophia sursum e vulgo abreptos altius sublevasset, vitæque sapientiæ consona comprobasset, non desepxit Deus, sed cælesti desuper lumine, quæ fidei sacramenta perciperent, illustravit, ut modo de Synesio, et Evagrio vidimus : quibus accedant, quæ et hoc eodem tempore de Gennadio rerum naturalium scientia apprime imbuto, de immortalitate tamen animæ dabitante, S. Augustinus ¹ accidisse testatur his verbis ad Evodium scribens.

68. « Frater noster Gennadius, notissimus fere omnibus, nobisque carissimus medicus, qui nunc apud Carthaginem degit, et Romæ suæ artis exercitatione præpolluit ; ut hominem religiosum nosti, atque erga pauperum curam impigra misericordia, facillimoque animo benignissimum ; dubitabat tamen aliquando (ut modo nobis retulit) cum adhuc esset adolescens et in his eleemosynis ferventissimus, utrum esset ulla vita post mortem. Hujus igitur mentem, et opera misericordiæ quoniam Deus nullo modo desereret ; apparuit illi in somnis con-

spicius juvenis et dignus intendi ; eique dixit : Sequere me. Quem dum sequeretur, venit ad quamdam civitatem, ubi audire cœpit a dextera parte sonos suavissimæ cantilenæ ultra solitam notamque suavitatem. Tunc indento quidnam esset, ait, hymnos esse beatorum atque sanctorum. Sinistra autem parte quid se vidisse retulit, non satis memini. Evigilavit, et somnium fugit ; tantumque de illo, quantum de somnio cogitavit. Alia vero nocte ecce idem ipse juvenis eidem rursus apparuit ; atque ab illo utrum cognosceretur, interrogavit. Respondit iste, quod eum bene planeque cognosceret. Tunc ille quæsit, ubi se nosset. Nec memoria defuit quid iste identidem responderet ; totumque visum illud, hymnosque sanctorum, ad quos audiendos eo duce venerat, qua recentissimis recordabatur, facilitate, narravit. Hic ille percontatus est : Utrumnam id quod narraverat, in somnis vidisset, an vigilans ? Respondit : In somnis. At ille : Bene (inquit) recolis : Verum est in somnis illa vidisti : sed nunc etiam in somnis te videre scias. Ilæ cum audisset iste, ita esse credidit, atque id responsione firmavit. Tunc qui hominem docebat, adjecit, et ait : Ubi est modo corpus tuum ? Ille respondit : In cubiculo meo. Scisne (inquit ille) in eodem corpusculo nunc illigatos esse et clausos et otiosos oculos tuos, nihilque illis oculis te videre ? Respondit : Scio. Tunc ille : Qui sunt ergo (inquit) isti oculi, quibus me vides ? Ad hoc iste non inveniens quid responderet, obtinuit. Cui hæsitanti, ille quod his interrogationibus docere moliebatur, aperuit : et continuo : Sicut (inquit) illi oculi carnis tuæ utique in dormiente atque in lectulo jacente nunc vacant, nec aliquid operantur ; et tamen sunt isti, quibus me intueris, et ista uteris visione : ita cum defunctus fueris, nihil agentibus oculis carnis tuæ, vita tibi inerit qua vivas, sensusque quo sentias. Cave deinceps ne dubites vitam manere post mortem. Ita sibi homo fidelis ablata dicit hujus rei dubitationem : quo docente, nisi providentia et misericordia Dei ? » utpote qui sic naturali exemplo instructus est, ut mente cælestis fulgore gratiæ illuminatus, a claritate in claritatem transformatus sit (ut ait Apostolus ¹) « tanquam a Spiritu Domini ».

69. Sed quod in his versetur oratio, patere,

¹ Aug. ep. C.

¹ 2. Cor. III.

quæso, lector, ut exemplo Evangelici ¹ patris familias qui profert de thesauro suo nova et vetera, veteribus recentia jungamus: erit enim ut ex his quæ breviter dicturi sumus, magnam capias animi voluptatem. Haud namque inexplorata referam, sed quæ complurium eruditiorum virorum scimus assertione firmata, imo et a religiosis viris ad populum pro concione saepe narrata. Ego vero a quo accepi, auctorem proferam, nempe integerrimæ fidei virum Michaelē Mercatū Miniatensem S. R. E. protonotarium, probitate morum atque doctrina spectatum: ipse enim narravit de avo suo, eodem, quo ipse nuncupalo, Michaelē Mercato seniore, cui cum Marsilio Ficino nobilissimi ingenii viro summa intercedebat amicitia consuetudo, parta et aucta philosophicis facultatibus, in quibus Platonem ambo asscetabantur auctorem. Accidit autem aliquando, ut ex more, quidnam post obitum supersit homini, ex ejusdem Platonis sententia, sed non sine tamen trepidatione deducerent, quæ labantia Christianæ fidei sacramentis suffulcienda essent: eo enim argumento extat ejusdem Marsilii ad ipsum Michaelē Mercatū erudita quidem Epistola de animi et Dei immortalitate. Cum vero inter disserendum eorum progressa longius fuisset disputatio; eam ad calcem perductam illo clausurunt corollario, ut juncta simul dextera pacti fuerint, uter eorum ex hac vita prior decederet (si liceret) alterum de alterius vitæ statu redderet certiorē. Quibus inter se conventis, ambo jurati ab invicem discessere. Interlapso autem haud brevi temporis spatio, evenit, ut cum summo mane idem Michael senior in philosophicis speculationibus vigilaret; ex inopinato strepitum velociter currentis equi, ejusdemque ad ostium domus cursum sistentis audiret, vocemque simul Marsilii clamantis: O Michael, o Michael, vera, vera sunt illa. Ad vocem amici Michael admiratus, assurgens, fenestramque aperiens, quem audierat, vidit post terga, ad cursum iterum acto equo candido, candidatum: prosectus est eum voce, Marsilium, Marsilium invocans; prosectus et oculis: sed ab eis evanuit. Sic ipse novi casus stupore affectus, quid de Marsilio Ficino esset sollicitus perquirendum curavit (degebat ille Florentiæ, ubi diem clausit extremum) invenitque eundem illa ipsa hora defunctum, qua eo modo auditus et visus est sibi. Quid tum ipse? licet enim antiquæ probitatis vir esset, innoxiamque et proficuum omnibus vitam hactenus excoluisset (prout decebat vere philosophum) ex eo tamen tem-

pore, vale dicens philosophicis disciplinis, solius Christianæ philosophiæ cæteris eminentioris propensior cultor effectus, quod reliquum fuit temporis, mundo defunctus, soli vitæ futuræ vixit, specimen edens absolutissimi omnibus muneris Christiani, qui inter philosophos sui temporis magna cum laude claruerat nulli secundus. Ad hæc autem, Synesii, Evagrii, et Gennadii occasione digressi sumus, ad declarandum non a Deo despectos vere philosophos.

70. Numerat Suidas ¹ Synesii lucubrationes, sed quas ante episcopatum elaboravit, ad grammaticam et philosophiam spectantes, necnon Panegyricas orationes, inter quas in laudem Theodosii dictam Evagrius recenset orationem, de Regno ad Arcadium, de Studiis suorum ratione, de Providentia, de Insomniis, de Calvitie, et alia plura quæ non extant. Scripsisse præterea libros venatorios, ipse de se testatur ², necnon commentarium de instrumento Astronomiæ, ut ad Otum ipse scribens affirmat ³. Quandiu autem sederit, ignoratur. Porro post ejus obitum in Ecclesiam Ptolemaidis Pentapolis reperitur subrogatus ejus germanus Evoplius, ad quem ejusdem Synesii extant litteræ, quarum ante suo loco meminimus. Ad quem quidem Evoplium, virum pereruditum, extat scriptio illa S. Cyrilli contra reprehensiones Theodreti. At de Synesio hactenus. Jam vero quæ sunt anni hujus reliqua prosequamur.

71. *Theodotus episcopus Antiochenus.* — Hoc item anno defuncto Alexandro episcopo Antiocheno, cum sedisset annos ferme quatuor, in locum ejus subrogatus est Theodotus. Id ut affirmemus, in primis admonent litteræ Attici Constantinopolitani episcopi datæ anno sequenti ad Cyrillum episcopum Alexandrinum, cum successit in locum Theophili anno sequenti vita functi: in quibus de ipso Theodoto jam episcopo Antiocheno mentio habetur. Unde intelligas eos errare, qui ad Bonifacii papæ tempora Alexandri vitam perducunt. Porro de Theodoto hæc Theodoretus ⁴: « S. Alexandro vita defuncto, Theodotus continentie velut margarita, Ecclesiæ præsulatum obtinuit, vir mansuetudine insignis, et accurata vitæ institutione egregie exornatus: qui sectam Apollinarianam, oratam ut se cum reliquo Christi grege jungeret, cæteris Ecclesiis omnibus aggregavit ». Hæc de Theodoto Theodoretus, satisque ad ejus laudem.

¹ Suid. in Synes. — ² Synes. ep. CLIV. — ³ Synes. ep. CLVII. —

⁴ Theod. l. I. c. 37.

Anno Periodi Graeco-Romanæ 5904. — Jesu Christi 411. — Innocentii papæ 11. — Honorii 19. et 17. Theodosii Jun. 10. et 4.

1. *Honorii vicennalia et Theodosii decennalia.* — Coss. *Theodosius* Aug. IV absque collega in Oriente consulatum gessit, nullo in Occidente consule anno superiori designato, ut testatur Prosper in Chronico. Causam consulatus a Theodosio initi docet nos Marcellinus in Chronico, ubi hoc anno habet : « Theodosius jan. decennalia, Honorius Romæ vicennalia dedit », uterque imperii vivente patre suscepti. *Honorius* tamen consulatum in annum sequentem distulit. Ex his decennialibus et vicennialibus sollemnia id genus, quæ ista præcesse vel secuta sunt, suis annis reddenda; cum utraque certa sint.

2. *Interitus Alarici Gothorum regis.* — Ad num. 1 et seq. Cum Roma ab Alarico Gothorum rege anno cdx expugnata fuisset, interitus ejus ad superiorem annum retrahendus. Jornandes enim de Rebus Gel. cap. 30, narrato Urbis excidio, ait : « Exinde egressi, per Campaniam et Lucaniam simili clade peracta, Bruttios accesserunt : ubi diu residentes, ad Siciliam, et exinde ad Africæ terras ire deliberant, etc. cujus, quia non est liberum quodcumque homo sine Dei nutu disposuerit, fretum illud horribile aliquantas naves submersit, plurimas conturbavit : qua adversitate repulsus Alaricus, dum secum quid ageret, deliberaret, subito immatura morte præventus, rebus excessit humanis, quem nimia sui dilectione Ingentes, etc. regnum Atavulfo ejus consanguineo, et forma et mente conspicuo tradunt, etc. qui suscepto regno revertens item ad Romam, si quid primum remanserat, more locustarum erasit : nec tantum privatis divitiis Italiam spoliavit : imo et publicis, imperatore Honorio nihil resistere prævalente; cujus et germanam Placidiam, Theodosii imp. ex altera uxore filiam, ab Urbe captivam abduxit ». Erat Adauphus vel Ataulfus frater uxoris Alarici, ut docent Socrates lib. 9, cap. 8, Philostorgius lib. 12, cap. 4, Zozimus lib. 5, pag. 813, et Olympiodorus, recteque ab Isidoro in Chronico traditum, mortuum esse Alaricum « vicesimo octavo anno regni, æra quadragesima quadraginta octava, anno imperii Honorii et Arcadii sexto decimo », ubi Arcadii jam ab aliquot annis vita functi nomen perperam habetur. Alaricus enim anno Christi cclxxxii regnum Gothorum regendum suscepit.

3. *Collatio inter episcopos Catholicos et Donatistas habita.* — A num. 3 ad 37. Gesta celeberrimæ *Collationis* Carthaginæ habitæ inter episcopos Catholicos et Donatistas, quæ Papyrius Massonus sæculo superiori primus in lucem emisit, et post eum Petrus Pithoeus, nuper cum veteri Ms. quod unicum superest, contulit Baluzius, et notis illustravit in nova Collectione Conciliorum. Licet autem ex dictis anno præcedenti, et ex vicennialibus Honorii, quibus sollemnibus Collationes de fide, de more habitæ, constet eam ad præsentem annum pertinere, eandem tamen Sirmundus in annum sequentem rejecit, eo imprimis argumento, quod ex variis ejusdem Collationis locis pateat, illam *kalendis Junii* inchoatam; ex sermone autem, quem sanctus Augustinus ea instante habuit, colligitur paulo ante Collationem peractum fuisse jejunium Pentecostes, quod illo anno desiit IV kalend. Junias : « Deprecamini nobiscum », inquit Augustinus, « Dominum sollemnibus jejuniiis, quæ jam reddimus Deo, reddamus et pro causa. Jam enim jejunamus post Pentecosten sollemniter; et utique jejunaremus, etiamsi ista causa non esset ». Sane verum est, Dominicum diem Pentecostes anno sequenti in Diem IV kalend. Junias incidisse; sed eo die finitum esse jejunium Pentecostes, quod nulum unquam fuit ante festum illud, dici vere non potest. Verus ergo ac genuinus verborum Augustini sensus hic est, ut recte explicat Baluzius : Agebantur jejunia, quæ quatuor temporum Pentecostes vocamus, quæque post Pentecosten sollemniter celebrari velusta lex Ecclesiæ jubet; et tum Augustinus eum sermonem habuit instante Collatione. Hincque manifeste colligitur, necesse fuisse, ut eo anno, quo episcopi Carthaginem convenire ad faciendam Collationem, jejunium quatuor temporum Pentecostes adveniret ante kalendas Junias; cum eo die coepa sit Collatio. Quare cum hoc anno Pascha fuerit die xxvi Martii, Pentecostes pridie idus Maias, et jejunium quatuor temporum Pentecostes incepit die xvi Maii. desierit vero die xx ejusdem mensis, id est, ante dies decem quam episcopi disputationem aggredirentur, non dubium, quin Baronius hanc Collationem anno suo reddiderit, et quin ea Honorii *Vicennialiorum* occasione indicta fuerit.

4. *Acta ejus in compendium a S. Augustino*

redacta. — Porro habita Carthagine *Collatio*, primo, tertio, et octavo die Junii, praesidente *Marcellino* tribuno. Cujus *Collationis* Acta, quae prolixissima sunt, in compendium redegit Augustinus, et quidem sub hujus anni finem, et *Breviculum Collationis* ipsemet nuncupavit, opusculo in tres *Collationes* distributo. Verum quia Donatistae ejusdem *Collationis* Acta variis mendaciis, depravare conati sunt, Augustinus librum alium scripsit ad ipsos Donatistas laicos ne ii a suis episcopis seducerentur ulterius. Liber ille, cujus titulus est, *Post Collationem* ad Donatistas, anni sequentis initio scriptus videtur. Denique hac *Collatione*, qua insignem de Donatistis victoriam Catholici reportarunt, illorum secta valde afflicta, et ferme eversa, quia, ut ait Orosius lib. 7, cap. 24, « Pax et unitas per universam Africam Ecclesiae Catholicae reddita est », Baronius anno cxxii, num. 8, utrumque Opus eo anno ab Augustino editum putat. Quae opinio non improbabilis.

5. *Constantinus tyrannus occiditur et Geron-tius sibi mortem consciscit.* — A num. 37 ad 43. *Constantinus* tyrannus, postquam Italiam occupare aggressus est, inde fugere coactus Arelatem se recepit, eodemque tempore filius ejus *Constans*, quem *Augustum* nuncupaverat, ex Hispania fugiens, illuc venit. Inter haec *Geron-tius* omnium Constantini ducum fortissimus, hostis illi factus, *Maximum* familiarem suum imperiali veste induit, et *Tarracone* morare jussit. Is expeditione adversus Constantinum suscepta, filium ejus *Constantem* Viennae interfici curavit, et *Geron-tius Arelatem* profectus, eam obsidere cepit; sed cum Hispanienses milites consilium de eo interficiendo cepissent, ipsemet sibi mortem conscivit. Interim *Honorius* exercitum miserat contra *Geron-tium*, et circumsidende Arelatum *Honorii* exercitu, *Constantinus* obsidionem sustinebat, ut pluribus narrat *Sozomenus* lib. 9, cap. 13 et seqq. *Constantini* vero mortem his verbis narrat *Renatus Profuturus* *Frigeridus* apud *Turonensem* lib. 2, cap. 9 : « Vixit quartus obsidionis *Constantini* mensis agebatur, cum repente ex ulteriori Gallia nuntii venissent, *Jovinum* assumpsisse ornatus regios, et cum *Burgundionibus*, *Alamanis*, *Francis*, *Alanis*, omni-que exercitu imminente obsidentibus, ita acceleratis moris reserata urbe *Constantinus* dedidit. Confestimque ad Italiam directus missis a principe obviam percussoribus, supra *Mincium* flumen capite truncatus est ». *Idacius* in *Fastis* rei gestae tempus hoc anno verbis istis exprimit : « His coss. *Constantini* tyranni caput in conto allatum est XIV kal. Octob. » Gallia itaque et Hispania suis tyrannis liberatae, sed ab aliis utraque postea afflictae.

6. *Gallia aliis tyrannis afflicta.* — *Olympiodorus* enim qui hoc tempore vivebat, morte *Constantini* narrata, scribit : « *Jovinus* (qui praefectus erat praetorio Attali tyranni) apud *Mundiacum* (intellige *Moguntiacum*) Germaniae alterius urbem, studio *Go-aris Alani*, et *Gutharii Burgundionum* praefecti

tyrannus creatus est. Cui, ut sese adjungeret *Adaulpho*, auctor fuit *Attalus*. Et vero hic cum copiis ad illum se confert. *Jovinus* tamen *Adaulphi* adventu offensus, obscure et veluti per enigmata *Attalum* accusat, quod adventum suavisset. *Sarus* item ad *Jovinum* venturus erat, sed *Adaulphus*, cognita re, collectis decem milibus militum, occurrit *Saro*, viros octodecim aut viginti apud se habenti, quem gesta heroica et stupore digna edentem, scutis adhibitis, vivum aere capere potuerunt, tandemque occidunt, etc. *Jovinus* fratrem suum *Sebastianum* invito *Adaulpho* imperatorem creans, in ejus odium incurrit. *Adaulphus* itaque per internuntios capita tyrannorum missurum, pacemque inlurum *Honorio* pollicetur. Ii domum ubi redierunt, et jusjurandum praestitum est, *Sebastiani* mox caput imperatori mittitur. *Jovinus* etiam ipse ab *Adaulpho* obsessus se dedit, missusque ad imperatorem est : quem *Dardanus* praefectus sua manu percutiens interfecit ». *Ilorum* tyrannorum mortem uno tenore ordinem *Baronii* sequens, hic recitabo. *Idacius*, sub *Lucii* consulatu anno cxxiii gesto scribit : « His coss. occisi sunt *Jovinus*, *Sebastianus*, *Salustius*, et *Heraclianus* abolitus est ». Idem habet *Prosper* in *Chronico*. Alter vero *Idacius* in *Chronico* anno *Abrahami* mxcxxxix, kalendis Octobris, sequentis Christi anni inchoato, ait : « *Jovinus* et *Sebastianus* fratres intra Galliam, et in Africa *Heraclianus* pari tyrannidis inflantur insania ». Denique *Theophanes* anno *Incarnat.* secundum *Alex.* cdiv kalend. Septemb., currentis Christi anni inchoato, tradit : « Hoc anno *Jovianus* et *Sebastianus* viri clarissimi in Gallis necati sunt, et eorum capita *Romam* delata : et post dies quinque *Salustius* et *Heraclianus* pariter interfecti ». Supersunt numismata in quibus, *Jovinus*, *Heraclianus*, et *Sebastianus* Augusti appellantur. Annum mortis horum tyrannorum distinctius consignabimus anno cxxiii, num. 2 et seqq. interimque observandum *Adaulphum* jam sequenti anno in Gallias fuisse : cum *Jovinus* et *Sebastianus* fratres hoc ipso anno ibidem tyrannidem arripuerint, et *Adaulphi* adventu *Jovinus* offensus fuerit, anno scilicet sequenti, quo *Adaulphum* in Gallias venisse ostendimus.

7. *Secunda Treverorum eversio.* — Contigit hoc vel saltem sequenti anno quod *Turonensis* lib. 2, cap. 9, ex *Frigerido* narrat, postquam *Constantini* tyranni mortem recitavit : « Iisdem diebus praefectus tyrannorum *Decimius Rusticus Agroetius* ex principicio notariorum *Jovini*, multique nobiles apud *Arvernos* capti a ducibus *Honorianis*, et crudeliter interempti sunt. *Treverorum* civitas a *Francis* direpta incensa-que est secunda irruptione ». De priori *Trevirorum* clade exitiali jam supra locuti sumus; anni tertia et quartae prorsus incerti. Idem ac *Frigeridus* de secunda *Treverorum* eversione refert, eamque magis explicat auctor de Gestis *Francorum* cap. 6 et seqq. ubi ait : « Multi nobilitum jussi *Joviani* (legendum, *Jovini*) apud *Arvernis* capti, et a ducibus *Honorii* crudeliter interempti sunt.

Treverorum civitas factione unius e Senatoribus, nomine Lucii (qui postea anno cxxxiii consul ordinarius fuit) a Francis capta et incensa est. Cum Avitus (legendum, *Jovinus*; Avitus enim diu post hæc tempora imperavit) imperator esset luxuriæ deditus, et isle Lucius haberet mulierem pulcherrimam cunctorum, fingens se Avitus (legendum *Jovinus*) ob infirmitatem corporis lecto deprimere, jussit ad omnes Senatrices, ut eum requirerent. Cumque uxor venisset Lucii, vi ab Avito (lege, *Jovino*) oppressa fuit. In crastino surgens de strato Avitus (lege, *Jovinus*) dixit ad Lucium: Pulchras thermas habes: nam frigide lavas. Illec indignante Lucio, sua factione direpta est civitas et incensa a Francis». Idem ex isto Anonymo narrat Aimoinus lib. 1, cap. 3. Porro loco *Aviti*, legendum esse, *Jovinum*, ut etiam notavit Bucherius lib. 14 Belgii Romani, cap. 1, certum est; cum Salvianus librum suum de Providentia, in quo urbem Trevirensis quater eversum tradit, scripserit circa annum cdxl, plures sc. annos antequam *Avitus* in Galliis imperator levaretur. Librarios in nominibus propriis exarandis sepe errasse, unumque pro alio quandoque supposuisse, certis passim exemplis demonstravi.

8. *Barbari varia regna in Hispaniis instituant.* — Verum si hoc tempore tyrannorum fecundæ fuere Galliæ, et resectis aliorum atque aliorum capitibus, illico alii renati sunt, *Hispaniæ* in meliori statu non fuere; postquam enim per triennium bello a Gothis pressi sunt Barbari, et fames ac pestilentia sæviere, contigit quod refert Idacius in Chronico anno Abrahami mcccxxvii kalendis Octobris, superioris Christi anni inchoato, « subversis memorata plagarum grassatione Hispaniæ provinciis, Barbari ad pacem ineundam, Domino miserante conversi, sorte ad habitandum sibi provinciarum dividunt regiones. Gallaciæ Vandali occupant et Suevi, sitam in extremitate Oceani maris occidua. Alani Lusitaniam, et Carthaginensem provincias: et Vandalii cognomine Silingi Bæticam sortiuntur. Hispani per civitates et castella residui a plagis, Barbarorum per provincias dominantium se subjiciunt servituti ». Imperabat tunc Vandalis *Gundericus*, Suevis *HermERICUS*, Alanis *RESPENDIALIS*. Duorum priorum mentionem faciunt Idacius et Isidorus in Chronicis; *Respondialis* vero Frigeridus apud Turonensem, lib. 2, cap. 9. *Respondialis* mortem Vasæus in Chronico cum anno Christi cdxv conjungit, cui successit *Atax*, ultimus Alanorum rex. *Gallaciæ* latioribus quam nunc finibus continebatur; totam enim Castellam veterem ambitu suo comprehendebat. Porro hanc partitionem inter Barbaros hoc anno factam, docet Isidorus in Chronico de Historia Vandalorum, ubi ait *Gundericum* primum regem Vandalorum in Hispania, regnasse in *Gallaciæ partibus annis xviii*, ut habent editiones tam Grotii, quam Labbei, non vero *annis xvi*, ut in quibusdam editionibus depravatis legitur. Quare cum *Gundericus* anno cxxxviii perierit, ut eo anno num. 2 ostendam, anni illi xviii ab anno cxi, quo Barbari in Hispanias

primum ingressi sunt, proficisci non possunt. Præterea Orosius lib. 7, cap. 41, scribit: « Hispaniam cades vastationesque tunc passam per biennium a Barbaris, quod per ducentos quondam annos passa fuerat a Romanis »; ubi per *biennium*, triennium incompletum intelligit; cum anno cxi in Hispanias intraverint, in quibus hoc anno sese reclusere. « Residuosque Romanos (seu qui hactenus Romanis paruerant) ut socios modo et amicos fovent: ut inveniantur jam inter eos quidam Romani, qui malint inter Barbaros pauperem libertatem, quam inter Romanos tributariam sollicitudinem sustinere », inquit ibidem Orosius, qui anno cxxvii Historiam suam absolvit, et quæ narrat, videre potuit. Porro plures civitates in Hispaniis sub Romanorum imperio usque ad Heraclium imp. remansisse ex dicendis patet.

9. *Pelagius relicto Carthagine Cælestio Palæstinam petit.* — A num. 43 ad 53. Hippone Carthaginem *Pelagius* cum Cælestio profectus, cepit hæresim disseminare consuetis artibus, fallacibus scilicet et captiosis interrogationibus, vel circumscribendo simpliciores, vel callidiores ementito dicendi genere fallendo. Post brevem moram Carthagine solvit in Palæstinam, relicto in Africa *Cælestio*. Unde Augustinus lib. de Gest. Palæst. cap. 22: « Ut de me ipso potissimum dicam, prius absentis et Romæ constituti Pelagii nomen cum magna ejus laude cognovi. Postea cepit ad nos fama perferre, quod adversus Dei gratiam disputaret: quod licet dolerem, et ab eis mihi diceretur, quibus crederem, ab ipso tamen tale aliquid, vel in ejus aliquo libro, nosse cupiebam, ut si inciperem redarguere, negare non posset. Postea vero quam in Africam venit, me absente, nostro, id est, Hipponense littore exceptus est, ubi omnino, sicut nostis, nihil ab illo hujusmodi auditum est, quia et citius quam putabatur, inde profectus est. Postmodum ejus faciem Carthagine, quantum recolo, semel vel iterum vidi, quando cura Collationis, quam cum hæreticis Donatistis habituri eramus, occupatissimus fui, ille vero etiam ad transmarina properavit: interea per ora eorum, qui ejus discipuli ferebantur, dogmata ista fervebant ». Quare cum kalendis Junii hujus anni Collatio illa inchoata fuerit, *Pelagius* mense circiter Maio Carthaginem appulit, cum eo ex universa Africa episcopi confluerent.

10. *Cælestii patria et Monachus.* — Jam ostendimus *Cælestium* qui ita longe lateque hæresim Pelagianam disseminavit, ut hujus sectæ homines Cælestiani dicti sint, non fuisse Scotum Pelagiique gentilem, ut Baronius num. 44 credidit. Ejus tamen patria parum nota. Garnerius tom. 1 Operum Marii Mercatoris dissert. 1. de primis auctoribus hæresis Pelagianæ cap. 5 suspicatur, eum aut Romanum fuisse, aut saltem Campanum, certe oriundum ex Provincia Latini nominis; cum auditorialis scholasticus, et apud Romanos nobilis et egregie disertus fuerit, et ad parentes scripserit asceticos libellos, qui vulgo legerentur a Latinis; eoque per-

tinere credit versus Prosperi, in obrectatorem Augustini.

Aut hunc fruge sua ægnores pavere Britanni,
Aut huic Campano gramine corda tument.

Falluntur enim qui secundum versum de *Juliano* intelligunt, qui Apolus fuit, quique annumerari Pelagio non solet, ut revera solet Cælestius. Sed quidquid de ejus patria sit, Marius Mercator in *Commonitorio* adversus hæresim Pelagii de Cælestio hæc habet: « Huic Pelagio adhaerit Cælestius, nobilis natu quidem, illius temporis auditorialis scholasticus », id est, forensis, ut indicat Augustinus lib. 2 contra Julianum, cap. 10, « sed naturæ vitio eunuchus matris utero editus. Ille a Pelagio prædicto institutus, sensum istum impiissimum meracius imbibit, ac multos incredibili loquacitate amentiae hujus suæ participes et complices fecit; aususque palam publiceque his verborum sententiis ejusdem sensum passim disseminare per populos, id est, Adam mortalem factum, qui sive peccaret, sine non peccaret, fuisset moriturus, etc. Eum meruisse in monasterio ex his Gennadii verbis deducitur. Cælestius antequam ad Pelagium concurreret, imo adhuc adolescens scripsit ad parentes suos de monasterio Epistolam in modum libellorum tres, omni Deum desideranti necessarias ». Quæ ex ejus scriptis restant, cum subtili fuisse ingenio, et in philosophicis cavillis exercitato ostendunt. Unde Augustinus lib. 2 contra duas Epistolas Pelagianorum cap. 3, vocat illum « hominem acerrimi ingenii, qui profecto si corrigeretur plurimis profuisset ».

11. *Hieronymus scribit ad Ctesiphontem adversus hæresim Pelagianam.* — Sed venio ad Pelagium, cui Hieronymus in Epistola ad Ctesiphontem, renovatas opiniones superiorum hæreticorum, ac philosophorum, quoad impassibilitatem et impecantiam, exprobrat, ejusque has potissimum sententias impugnat, quibus ille promuntiabat, *posse hominem sine peccato esse, si velit*: quamvis ad decipiendos homines huic sententiæ adderet, *non absque Dei gratia*: cum ita Dei gratiam exponeret, ut eam ad liberum arbitrium et ad præcepta legis referret. Tum, *eos qui absque legis scientia sint, peccata vitare non posse*, asserbat. Præterea liberum arbitrium destrui, si alterius ope indiget, ac semper ei auxilium Dei esse necessarium, et similia Pelagianæ doctrinæ capita. Baronius num. 43 eam Epistolam hoc anno datam esse putavit; Emin. vero card. Norisius lib. 1 Hist. Pelag., cap. 4, anno sequenti. Sed exente anno quadringentesimo decimo tertio, aut consequentis initio eam scriptam esse, his rationibus ostendit Garnerius laudatus pag. 337. Orosius in Apologia cap. 3, cum fecisset in Conventu presbyterorum Hierosolymitano, cum istius Epistolæ, tum alterius ab Augustino ad Hilarium Syracusanum date memoriam, utramque dixit, nuper scriptam. Cum igitur Orosius ex Africa tar-

dus non solverit in Palæstinam, quam verna tempestate anni cōxy, cumque secum Epistolam Augustini ad Hilarium detulerit, atque in Conventu eo anno Hierosolymis celebrato legerit, apparet eam ab Augustino datam esse anno cōxiv, aut sub finem anni cōxiii, ideoque et Epistolam Hieronymi ad Ctesiphontem, quippe ambæ eodem tempore exaratae sunt. Neque dici potest scripta ante tempus illud; cum *Ctesiphon* Hieronymo litteras dederit post adventum Pelagii in Orientem, ejusque non parvam in Palæstina moram, qua nimirum opus fuit ad disseminandum errorem, qui timide primum tradebatur apud paucos fideles, nec prodibat in publicum, nisi cum *silentia magistrorum rabies discipulorum proderet*. Cum ergo Pelagius in Orientem non venerit ante finem præsentis anni, ut jam diximus, nec Hieronymus Ctesiphonti rescripserit, nisi postquam *plerosque in Oriente, ante ipsas quoque litteras Ctesiphontis, questio decessisset, et per simulatam humilitatem plurimi superbiam didicissent*; fatendum est, inter adventum Pelagii et Epistolam Hieronymi, duos fere annos intercurrisse; siquidem breviore tempore, quæ dicta sunt, vix contingere potuere. Argumentum, quo utitur Baronius, refutat suo facto Augustinus, imo et Hieronymus. Scriptam enim ait Baronius, antequam propalarentur hæresis auctorum nomina; et tamen propalata, saltem Cælestii, post judicium Carthaginense anno sequenti habitum, et Dialogos Hieronymus, Augustinus vero librum de Natura et Gratia anno cōxy scripsit: nec tamen uterque appellandum putavit de nomine hominem, contra quem scriberet, quod consilio se fecisse uterque declaravit.

12. *Augustinus scribit ad Hilarium Syracusanum adversus Cælestium.* — Cælestius cum Carthagine esset, irrepsit in amicitiam clericorum, quorum gratia, pietatisque specie fretus, ausus est presbyterium in Ecclesia totius Africæ principe sperare, sed frustra, obsistentibus fidelibus clericis, unoque omnium nomine, *Paulino* Ecclesie Mediolanensis olim diacono libellum offerente *Aurelio* Carthaginensi episcopo, quo Cælestium accusaret, ut suo loco explicabitur. Legenda Augustini Epistola clxvi ad *Hilarium*, alias lxxxix, ubi subdola Cælestii subreptio ad presbyterii honorem reprehenditur. Ea vero Epistola non currenti anno, id est, ante judicium de Cælestio Carthaginense habitum, et scriptas ab Augustino ad Marcellinum libros, ut autumat Baronius num. 49, sed anno cōxy data; quod hæc ratione conficit Garnerius laudatus in dissert. vi de scriptis adversus hæresim Pelagianam. Ab *Orosio*, ut ipsemet testatur in Apologia cap. 3, in Palæstinam delata est, lectaque in Conventu presbyterorum die xxx Julii anni cōxy, et ab Hieronymo memoratur in tertio Dialogo, qui absolutus est ante Synodum Diospolitanam, ut suo loco ostendetur; ac in eadem Synodo inde Pelagio quadam objecta sunt. Cum ergo *Orosius* in Palæstinam venerit verna tempestate anni cōxy, cumque ipse de hac Epistola Augus-

tini, et de alia Hieronymi ad Ctesiphontem loquens, utramque nuper scriptam dixerit, certe cum Epistola Hieronymi, vel sub finem anni cdxiii, vel initio insequentis data sit; fatendum quoque, Augustini Epistolam vel exeunte anno cdxiii, vel potius ineunte cdxiv scriptam fuisse, quo etiam anno Patres Benedictini datam credere.

13. *Augustinus scribit ad Marcellinum et ad Honoratum adversus Pelagianos.* — Anno sequenti Concilio Carthagine contra *Cælestium* coacto, de quo eo anno agemus, *Augustinus* non interfuit; sed cum deinde Carthaginem venisset, ejusdem gesta recensuit. Postea vero quam Pelagianum hæresim aliquandiu viva voce impugnasset, scriptis eam impugnandam censuit, urgente *Marcellino* de Catholicis in Collatione Carthaginensi adeo bene merito. Degebat Carthagine *Honoratus* vir doctus, et ab ineunte ætate *Augustino* carissimus, quem nondum Christianum ad Manichæos audiendos, *Augustinus* eo morbo infectus hortatus fuerat, cui postea egregium volumen de *Utilitate credendi*, in quo Manichæorum vanitatem confutat, nuncupavit. Hic quinque quæstionum solutionem sanctum doctorem rogaverat, cui *Augustinus respondens*, sextam contra Pelagianorum errores Carthagine jam serpentes addidit: « Ego autem », inquit lib. 2 *Retract.*, cap. 36, « intuens supradictam hæresim novam, inimicam gratiæ Dei, sextam mihi proposui quæstionem de gratia Novi Testamenti ». Ille Opus habetur inter Epistolas divi Augustini, estque Epist. cxi., alias cxx ad *Honoratum*. *Augustinus* enim *Marcellino* post missos, atque etiam nonnulla facta recognitione remissos, tres libros de peccatorum meritis: « Nunc », inquit *Augustinus* Epist. cxxix, alias clviii ad *Marcellinum*, « in manibus habeo librum ad *Honoratum* nostrum de quæstionibus quibusdam quinque, quas mihi proposuit et per litteras intimavit ». Quare recte tam libros illos tres ad *Marcellinum* *De peccatorum meritis et remissione*, quam Epistolam ad *Honoratum* et Epistolam ad *Marcellinum* citatas anno cdxii scriptas asseruere *Em. card. Norisius* lib. 1 *Hist. Pelag.*, c. 4, *Garnerius* loco laudato, et Patres Benedictini in Præfatione ad tomum x Operum divi Augustini. Perperam vero *Baronius* num. 50 hoc anno illos libros editos credit, qui et legendas anno cdxiii, num. 20.

14. *Augustinus scribit libros de peccat. meritis et remiss.* — *Augustinus* enim, qui lib. de Gestis Palæstinorum cap. 11 vocat eos « de Baptismo parvulorum et perfectione hominis », post judicium Carthaginense anno sequenti habitum, a se compositos testatur; sed ante mortem *Marcellini*, quæ idibus Septemb. anni cdxiii contigit. Ait *Augustinus* lib. 2 *Retract.* cap. 33: « *Cælestius*, discipulus ejus, jam propter tales actiones apud Carthaginem in episcopali judicio, ubi ego non interfui, excommunicationem meruerat ». Tum cap. 37: « Ad quem scripseram tres libros, quorum titulus est, *De peccatorum meritis et remissione*, ubi diligenter disputatur, etiam de Baptismo parvulorum, rescriptis

mihi se fuisse permotum, quod dixerim, etc. » Libro primo probat mortem hominis, non necessitate naturæ consecutam esse, sed merito peccati: tum etiam peccato Adæ totam ejus stirpem obligatam; atque ob id baptizari parvulos, ut originalis peccati remissionem accipiant. In secundo docet primum, hominem in hac vita sine peccato esse posse per Dei gratiam, et liberum ipsius hominis arbitrium. Postea ostendit, non esse tamen quemquam in hac vita sine ullo prorsus peccato. Tertio, ideo non esse, quia nemo est qui tantum velit, quantum res exigit, dum vel latet, quod justum est, vel non delectat facere. Denique nullum prorsus, excepto uno mediatore Christo, esse, vel fuisse, vel futurum esse hominem ab omni peccato immunem. *Baronius* num. 52, quia ejus tempore Opera *Marii Mercatoris* lucem non viderant, perperam scribit, *Pelagium* Roma pulsum fuisse.

15. *Synesius cogit Synodum adversus Andronicum.* — A num. 53 ad 71. *Baronius* num. 54 recitat Epistolam *Synesii* lvm, in qua is Concilio apud civitatem Libyæ *Ptolemaidem* coacto *Andronicum* Pentapolitanæ provinciæ præfectum a communione sese segregasse asserit. Hanc Synodum fuisse provincialem putavit *Baronius*; verum *Baluzius* in nova Collectione Concil. recte ostendit, eam fuisse particularem tantum ac *Dioæsanam*, uniusque episcopi cum suo presbyterio, id est, *Synesii*, qui tum Ecclesiam constitutam apud *Ptolemaidem* regebat. Id certo colligi videtur ex Epistola *Synesii* lxxii ad episcopos data, et a *Baronio* num. 59 et seq. relata, in qua legitur: « *Andronicus*, qui Ecclesiam fefellit, veram illam experiatur. Haud nuper admodum in Deum deliquit, contumeliosus in homines fuit. Quas ob res nostram illi Ecclesiam intercludentes, litteras ad fraternitatem vestram dictavimus, quibus nostram de illo sententiam significabamus. Harum missionem anteverit, supplicem se esse fingens, etc. » quare *Baronius* titulum Epistolæ *Synesii* lvm male pervertit, et ubi *Synesius* habet, *πρὸς τοὺς ἐπισκοπικούς*, id est, ad episcopos, ipse sic vertit, *Concilium ad episcopos*. Ex ea autem Epistola deducit etiam *Baluzius*, particularem tantum Conventum adversus *Andronicum* et socios habitum; ait enim *Synesius*: « Ac cum privatos omnes ac magistratus hortor, ut nec ejusdem cum illo tecti, neque mensæ participes esse velint, etc. » ubi non nomine episcoporum seu Concilii, sed proprio nomine hortatur. *Andronicum* penitentem postea veniam meruisse docet eadem Epistola *Synesii* lxxii.

16. *Mortis Synesii annus incertus.* — Quo anno postea obierit *Synesius*, incertum; nisi quod ex Actione vi Concilii Ephesini anno cdxxi celebrati constat tunc *Evoptium* ejus fratrem *Ptolemaidis* episcopum fuisse, ideoque et ante annum illum *Synesium* e vivis abiisse. *Cyrene*, quæ Pentapoleos in Libyæ urbs celeberrima, illi patria fuit, et philosophiæ operam dedit *Alexandriæ* magistra imprimis usus *Hypatia*, Theonis præstantissimi mathematici filia. Nominatissimus inter ætatis suæ sophistas,

uxorem duxit, quatuorque ex ea filios suscepit, de quo legendus Petavius, qui Opera ejus publicavit, et de Vita illiusque scriptis disseruit. In Hollandia Neocorus vir cl. novam ejusdem Operum editionem adornat.

17. *Moritur Porphyrius episcopus Antiochiæ.* — Ad num. 71. *Porphyrius* vixit in episcopatu Antiocheno usque ad annum cdxii, quo vita functum quoque *Alexandrum* successorem habuisse. anno cdxiii, num. 16 ostendimus. Quare deceptus est Annalista doctissimus, qui scribit, *Theodotum* Alexandri successorem hoc anno episcopatum iniisse; qui error illi natus, quod Epistolam *Attici* Constantinopolitani episcopi ad Cyrillum Alexandrinum, in qua *Theodoti* episcopi Antiocheni mentio, crediderit, anno sequenti datam esse, eodemque divum *Chrysostomum* in dypticha relatum ab *Attico*. Hæc enim Epistola ad annum cxxi pertinet, et *Theodotus* ad episcopatum Antiochenum ante annum cxxix non evelus, ut infra demonstrabo.


18. *Concilium Bracarense.* — Labbeus tomo II Concil. pag. 1508, representat *Bracarense* Concilium præside *Pancratio* sive Pancratiano primæ sedis Bracarensis episcopo habitum, et a Bernardo Brilo in parte II Monarchiæ Lusitanæ ex Mss. codicibus, studio F. Augustini de Castro archiepiscopi Bracarensis, primum editum, quod Garsias Loaysa, alique præterierant. In hujus Concilii Actis continetur professio fidei quæ ab omnibus facienda erat, Alanis, Suevis, Vandalisque, quorum nonnulli erant Idololatræ, alii vero hæresim Arianam profitebantur, Hispanias devastantibus. Eidem Synodo subjicitur Epistola *Arisberti* episcopi Portuensis ad *Samerium* archidiaconum Bracarensem, in qua exponuntur vexationes, quas Gallæci a Suevis patiebantur.

19. *Suspectæ fidei videtur.* — Hoc Concilium Labbeus cum præsentis anno copulat, atque *Primum Bracarense* merito dicendum esse. At cum Innocentius III, quando longam litem, quæ inter Compostellanum et Bracarensem episcopos versabatur, diremit, *primum* et *secundum* Concilium Bracarense appellet, quæ *Theodemiro*, et ejus filio dominantibus habita sunt, ut anno dlxxii, num. 4 ostendi, imo *Nitigius* Lucensis sedis episcopus Concilium Bracarense anno dlxxii indictum, *secundum* nuncupet, ut videre est etiam anno dlxxii, num. 4. Concilium Bracarense hoc anno a Labbeo consignatum, nec primum, nec forte geminum dici potest. Illic enim articulus fidei, qui in eo legitur: « Credo in Spiritum Sanctum procedentem a Patre et Ver-

bo », suppositionem satis prodit; cum hoc circiter tempore sancto Cyrillo crimini datum sit, quod similem propositionem probasset, adeo ut sese de ea purgare coactus fuerit. Scriptum itaque illud in episcopi Bracarensis gratiam editum; cum in eo dicatur illum præsedisse non solum episcopis Gallæciæ, in quos sæculo quinto legitimam jurisdictionem exercebat; sed etiam episcopis Lusitanæ, tanquam metropolitani episcopi Emeritensis, qui tamen episcopo Bracarensi per hæc tempora nunquam cedere voluit, et episcopis Conimbriciæ, Lamacensi, et Egilano in Lusitania, imo et Numantino in Arevacis; quamvis *Numantia* jamdiu solo æquata, nunquam postea reedificata fuisset. Nec *Conimbricia Colimbria*, uti in eo Concilio, appellata ante sæculum XI vel XII, quo episcopus Bracarensis de totius Hispaniæ primatu contendere cepit. Denique qui hoc Concilium supponit, anno cxxv aut circiter illud affigere intendit; cum *Arisbertus* in Epistola laudata scribat: « Doleo super te, super caput nostrum Pancratianum (Bracarensem episcopum). Colimbria capta est, Olyssippo libertatem suam auro redemit, etc. Quomodo actum est in Gallæcia a Suevis, inde collige qualiter Alani agent in Lusitania ». Quare Alanis tunc parebat Lusitania, e qua tamen anno cxxvii aut insequenti, ut infra videbimus, expulsi sunt; et qui remanserant, cum Vandalis, qui in Gallæcia erant, sese adjungere. Alanis vero extinctis, non multo post *Vandali* in Africam trajecere, ut suo loco ostendimus; sicque utriusque nationis nomen in Hispania solum remansit. Labbeus, qui Concilium istud legerat tantum in secunda parte Monarchiæ Lusitanæ, omisit alteram Epistolam ab *Arisberto* ad *Samerium* archidiaconum datam, quam refert Rodericus de Cuna episcopus Portuensis in Catalogo episcoporum Portuensium lingua Lusitana scripto, in qua Concilium istud tanquam legitimum tuetur. In hac Epistola dicit *Arisbertus*: « Transientes Colimbriam novam, vidimus ibi multos Dei ministros, laborantes jussu Atacis in constructione murorum nove arcis, etc. » Quare qui istud Concilium supposuit, illud ante annum cxxviii congregatum esse voluit. Sed quo magis Acta et has duas Epistolas discuto, eo minus mihi probantur. Quod si quis argumenta in medium afferat, quæ istud Concilium genuinum et germanum esse ostendant, eo libentius peritorum judicio stabo, quo in unam veritatem et tenebris eruendam omnia mea consilia dirigo.

D. Hieronymus exorsus est Explicationem Ezechielis, ut anno superiori num. 17 vidimus.





BP
145
B37
1864
T.6
C.1
ROBA

